

HENRICI MORI  
CANTABRIGIENSIS  
SCRIPTORUM  
PHILOSOPHICORUM  
Tomus alter,

QUI SUAM  
Variorum Scriptorum Philosophicorum  
COLLECTIONEM primitus dictam  
complectitur :

Viz. { *Antidotum adversus Atheismum.*  
*Appendicem ad dictum Antidotum.*  
*Enthusiasmum Triumphatum.*  
*Epistolas ad Cartesium.*  
*Immortalitatem Animæ.*  
*Conjecturam Cabbalisticam.*



Quibus accessere Divinorum Dialogorum duo posteriores, qui de Regno  
Dei tractant, & de Speciali illius Providentia per Christum super  
Ecclesiam à principio usque ad finem sæculorum.

Aristot. Ethic. lib. 10.

Εἰ δὲ θεὸν ὁ νῦν περὶ τὸ ἀνθρώπου, καὶ ὁ κατὰ τὸν βίον. θεὸν περὶ τὸ ἀνθρώπινον βίον.  
Χρὴ δὲ κατὰ τὸς παρενόντας ἀνθρώπων φερρεῖν ἀνθρώπου ὄντας, ἀλλ' ἐφ' ὅσον ἐνδέχεται  
ἀπαθανατίζειν, καὶ ἅπαντα ποιεῖν περὶ τὸ ζῆν κατὰ τὸ κράτιστον τῶν ἐν ἡμῖν.

L O N D I N I,

Typis R. Norton, impensis J. Martyn & Gualt. Kettilby sub Insignibus Cam-  
panæ, & Capitis Episcopi in Cœmeterio D. Pauli, 1679.

*Liber Collegii Omn. Animarum fidelium defunctorum  
de Oxon*




HERBERT MORI

LIBRARY

OXFORD

UNIVERSITY

OF OXFORD



# Præfatio Generalis.



**U** Scripta hæc, amice Lector, quæ in unum volumen compacta cernis, aliquâ communi ratione contineri ac coherere videantur, non abs re fore putavi nonnulla te, per modum Generalis Præfationis, de universis præmonere. Ac proinde si tua te stimularerit curiositas ad sciscitandum quid in novis hisce librorum meorum editionibus præstiterim, hoc libens tibi impertio, me eandem utique in hoc meo horto Intellectuali sive Theoretico, quem propriâ manu plantavi, libertatem sumpsisse, quam plerique omnes sumere solent in hortis suis naturalibus. Libertatem nempe, serendi, evellendi, transplantandi & inoculandi ubi & quicquid ipsis placuerit. Atque ea propter, si ipse quaedam delevi, (quæ tamen perquam pauca sunt) aliâque transposui, & interserui denique alia; nemini, spero, injurius videbor, in ordinando culturamque adhibendo huic Philosophicæ meæ Plantationi, pro arbitrio libitumque meo.

2. Verùm hæc perpusilli momenti sunt, vixque ulla quidem pars eorum, quæ dicturus eram. Magnum illud coagulum quod diversos hos Tractatus in unum continet, est unus insignis scopus, ad quem cuncti collineant, quique, credo, in confesso apud omnes fore quod generosus sit & summi quidem momenti. Est autem Dei cognitio & veræ cum ea Beatitudinis: quantum humana Ratio viam sibi secare potest per caligines istas ac difficultates, quibus oneratur in hac vita. Quæ quanquam multæ sunt magnæque, mentirer tamen contra opinionem sensumque proprii mei successus si pronunciarem insuperabiles, quemadmodum insuper, si istoc sensu privarer, plurimarum voluptatum & oblectamentorum animi, quorum jam mihi conscius sum, jacturam facerem. Inter quæ, nulla profectò tanti momenti sunt, quanti est ista, quàm solidi fructus laborum horum meorum Religionis redundaturi sint tacita apud meipsum ac per jucunda Recordatio. Ecqua enim major animi satisfactio rationali Genio obvenire potest, quàm deprehendere, quàm tuto possit ad severissimas Rationis ac Philosophiæ Regulas provocare, si doctrinæ istæ de Dei existentia & Animæ Immortalitate non sunt veræ? Et quodnam obsecro majus esse potest Religionis stabilitum, quàm hæc detectio, quod duæ istæ grandes illius columna tam firmæ sint atque stabiles, etiam ex eis ipsis rationibus quibus facultates naturaliter assentiuntur tanquam veris? Quod certè non potest quin multum honorem ac reverentiam Sacerdotio conciliet, quæque obturet Ingeniis superficialibus ac profanis, qui ad eò proclives sunt ad æstimandum quemlibet Sacerdotem, tanquam aut Fatuum aut Impostorem.

3. Neque tamen sic accipi volo, ac si Religionis nostræ Rationabilitatem ad hos duos præcipuos Articulos solos restringerem, reliquique tales non essent: Christianam enim Religionem per omnia rationabilem esse existimo, idemque spero me probasse, in Magno meo Mysterio Pietatis. Quem Scopus fateor si non solum, præcipuum tamen fuisse diuturnæ meæ anxietate inquisitionis in Rationem ac Philosophiam, & absque quo fuisset, admodum remissus profectò & oscitabundus rerum naturæ scrutator venatorve evasissem. Multifariæ enim lectionis, Notionumque atque Experimentorum, sine ullo istiusmodi nobili atque utili Proposito, magnam copiam coaceravisse, pro eo quidem mihi videbatur, atque si mentem memoriâque meam, mercium minutariarum officinam constituissem. Postquam verò tam præstabilem scopum in conspectu habuissem, generosumque istud Marci Ciceronis Institutum amplexus essem, Rationem quò ea me cunque ducet, sequar, tum demum me incepisse Spartam, quam nactus eram, ornare putabam, interque alios sacerdotales habitus, το λόγιον sive Rationale, Sacerdotalem utique Thoracem induisse, qui regionem istam quæ cordis sedes est, optimo jure sibi vendicat, quippe quod simplicitas illius partis ac sinceritas purissimæ ac solidissimæ Rationis fons sit atque radix. Atque equidem nullam tam probabilem causam moralem, cur Aaronis vestimenta, tam expressa essent Universi Representatio (ἀπεικονισµα τῆς µικρῆς καὶ τῆς μεγάλης, quemadmodum \* Philo appellat) facile comminisci possum, quàm quod unusquisque Sacerdos pro captu & opportunitate operam dare debeat, quantum potest, ut evadat homo Rationis ac Philosophiæ com-

I.  
Authoris Apologia pro Alterationibus quas fecerit in hac editione librorum suorum.

II.  
Generalis scopus totius hujus voluminis.

III.  
Præstantia Rationis ac necessitas ad tuendam Christianæ Religionis veritatem.

\* Philo de Monarch.



\* In libro de  
Sonnis.

\* Stromat. lib.  
5.

pos. (Quam ipsam ob causam, Academiæ proculdubio primum erectæ sunt, & ad hunc usque diem continuatæ) Philoque ipse aliquid subinnuit, quod huc spectat. Βάλεται γὰρ ἡ Ἀρχιερεὶα εἰκόνα τῷ παντὶ: ἔχειν ἐμπερὴν, ἵνα ἐκ τῆς συνεχὲς θείας ἀξίον παρέχη τῷ ἰδίῳ βίον τῶν ὅλων φύσεως. Ut Pontifex Maximus perpetuò habitum suum intuens qui Universum repræsentabat, moneri inde posset nec facere nec dicere quicquam quod illius legibus contrarietur, regulisve æternæ Rationis repugnet, qui perpetuus ille Pontifex Maximus est, quemadmodum Philo \* alio in loco indigitat. Δύο γὰρ ὡς εἰσὶν, ἰερά θεῶ· ἐν μὴ ὁδῷ ὁ κόσμος. ὃν ᾧ καὶ ἀρχιερεὺς ὁ πρῶτος γόνος αὐτοῦ, ὁ θεῶς λόγος. ἑτέρον δὲ ἡ λογικὴ ψυχὴ, ἣς ἱερεὺς ὁ πρὸς ἀλήθειαν ἄνθρωπος. Quod duo Dei templa sunt, unum, Universum ipsum, in quo primogenitus Dei, Divinus LOGOS æternæ Sapientia est Pontifex Maximus; alterum Anima rationalis cujus Sacerdos est sive Pontifex homo verus, id est, Intellectus (quemadmodum alicubi loquitur Plotinus) qui etiam Imago est τῷ θεῷ λόγῳ, sicut \* Clemens expressè nos docet. Εἰκὼν μὲν γὰρ θεῷ λόγῳ θεῶς καὶ βασιλικός, ἄνθρωπος ἀπαθής, εἰκὼν δ' εἰκὼν ἀνθρώπου νῦν. Imago Dei est Regius ille ac Divinus logos, Homo impassibilis; Imago verò hujus Imaginis est humanus Intellectus.

Quamobrem, tametsi Divina Ratio sive Logos, æternus ille sit Pontifex Maximus qui suo tempore incarnandus erat, cujusque Aaron in Sacerdotalibus suis vestimentis, Typus duntaxat erat & Figura, Homo tamen cum illius Imago sit, & unusquisque Sacerdos modo magis speciali, operam certè dare debet exornando suo animo istiusmodi dotibus, quæ per splendida ac sumptuosa Aaronis vestimenta significantur; inter quæ Rationale præcipuum obtinet locum. Etenim quanquam ad Logon æternum solum pertineat, ut sit Mundi Creator, omnesque illius partes suâ præsentia impleat, illoque quasi vitali quodam modo amicitur; Divino tamen beneficio cuilibet Sacerdoti Christiano obtingere potest ut vestiat quodammodo, & ornetur notitiâ legum modalorumque Creationis, rationesque Naturæ ediscat, cujus Æternus logos Creator est ac Governator. Quod quidem pulchrè convenit cum illo quod Philo scribit de Rationali, sive de Thorace Sacerdotali, quem ait quadratum fuisse, ὅτι χρὴ καὶ τῆς φύσεως λόγον καὶ τῆς αἰσθητικῆς βεβαιῆσαι πάντη κατὰ μὲν ὅτι ἐν κεσδαίνεσθαι. Quod Rationem Universalis Naturæ atque Hominis ex omni parte firmam esse oportet, & nusquam vacillare. Quæ quidem res ut figurata sunt in Aaron & modo quodam immenso in Christo impleta, ita certè pro modulo suo in Sacerdotio Christiano sunt implenda. Nam si sub lege eacum aut claudum licitum non erat offerre Deo, neutrum profectò, Sacerdotem esse oportet sub Evangelio, nec ipsum quidem populum, (quoad ejus fieri potest) quem is Deo præsentat.

Rationem igitur sub quocunque Prætextu Fanatico tollere, est Sacerdotem devestire, ipsamque Thorace suo spoliare, & quod pessimè omnium cedit, specialem illam Prærogativam quam præ reliquis omnibus in orbe Religionibus habet Christianitas, ipsi eripere, nempe, quod audet ad Rationem provocare. Cui, quotquot, quid maxime è re nostra Religionis sit, rectè callent, non poterunt quin mordicus adhæreant, quippe cum qui contrà faciunt, eam injusta suspicioni falsitatis produunt, ipsamque æquant cuilibet vanissima impostura. Tolle enim Rationem, omnesque Religiones perinde veræ sunt, ut amoto lumine, omnia statim fiunt ejusdem coloris. Quinimo, quod omnium pessimum est, illa Religio quæ verissima est, in hisce superinductis tenebris falsissima apparebit, quippe quæ tam stricte firmiterque declarat se solam esse veram. Quod nullo modo admittetur, ullòve pacto evinci poterit, sub hoc meridie noctis, spississimaque caliginis Regione, quæ facit ut omnia eandem præ se speciem ferant.

IV.  
Apologia quod  
Platonismum  
& Cartesianismum  
Scriptis  
suis tam frequenter  
inter-

4. Quæ seriæ quidem ac ponderosa considerationes cum mihi ante oculos obversarentur, stimulant me ad res omni curâ ac diligentia ad fundum usque rimandas perscrutandasque, nè cor mihi concideret animòve deficerem in die tentationis. Cujus Investigationis fructus maxima ex parte in hoc præsentis volumine comprehenditur. In quo quemadmodum mihi ipsi non mediocrem animi satisfactionem, quantum ad ista problemata, quibus solvendis insudavi, lucratus sum; ita perinde sum sollicitus ut nihil illis occurrat, quod ullam in aliis offensionem pariat. Et impossibile fore credo ut tale quicquam occurrat, si institutum meum dignati fuerint ritè apud se pensare. Quod quidem non est Theologum agere in Philosophia, sed Exotericum quoddam munimentum, vallumve exterius circa Theologiam circumducere: ut extrema hac defendendo opera contra omnes præfidentis Athei impetus Gigantesque illius aggeres Machinasque adversus fidem de existentia Dei, Præmissis in vita futura erectas, eum edocere possem, quanta vanitatis homo sit ac temeritatis dum ex suis perperam subductis rationibus, rem factu tam facilem sibi fingit Civitatem sacram ac Sanctuarium devincere & expilare, cum adèò nullo negotio ab exterioribus ejus vallibus propulsetur. Atque hic quidem verus est & genuinus scopus frequentis illius intertextura Platonismi & Cartesianismi in hisce scriptis meis, quippe qui istis utor Hypothesibus tan-

quam

quam invictis propugnaculis contra versutissimas malignissimæque Impressiones Atheismi. Certus enim sum, si suppositiones istas quas è duabus istis Philosophiis selegi, sumamus pro veris ( & falsitatis eas adversarii convincant si possint ) nullam esse Objectionem quam Atheismus contra suprâ dicta dogmata formare potest, quin plenam & irrefutabilem Responsionem ei reddere possim.

Unde equidem sperandum est, quòd quemadmodum multos in fugam vertere possimus, ita reliqui ultro se in manus nostras dedituri sint, vi rationis in veram rerum persuasionem quantum ad summam captivati; cùmque omnis spes futura Impunitatis ex tam clara Animæ Immortalitatis demonstratione intercepta sit, inventuri se obstrictos, ad Christianitatem in magis conspicuis illius articulis sincerè amplectendam, & ad manendum lubenter in exteriori Atrio, quanquam propter præsentem Oculorum debilitatem non sunt adeò idonei, qui ad sacratorem Templi sumum propius accedant. Quamobrem cùm tam fideliter, & quantum ego quidem existimo, tam utiliter in extimis hisce, si fas sit ita loqui, operibus tuendis occuper, non imputabo certè, ne nitiùm præcipiti quidem Zelo, sed malo meo duntaxat infortunio, si aliquibus Obloquii glandibus à tergo impetar, ab ignoto aliquo servo Sanctuarii; præsumoque si quid ladar, eorum dolorem maximum fore qui me laferint, postquam animadverterint se verum fidelemque amicum vulnerasse, etiam tum cùm tantâ curâ & vigilantia occuparetur intrepidè aspectando communem hostem, ejusque motus observando.

5. Siquis expectet cupiatve generalem aliquam præceptionem aut præparationem ad utiliore lectionem horum meorum Scriptorum, ingenue fateor me nullam dare posse quæ ipsis sit peculiaris, sed talem duntaxat quæ libris omnibus cum judicii libertate ac ratione Scriptis conveniat. Atque hanc unam Regulam Regiam pro omnibus commendatam volo, De veritate ullius propositionis sententiam non priùs ferre, quàm fixum determinatumque terminorum illius sensum satis simus affecuti. Quæ lex tamen si tam necessaria sit & indispensabilis, nulla tamen frequentius violatur quàm ista. Cujus rei effectum est quòd tam multi voluminosorum Scriptorum acervi ineptarumque Oppositionum ac Controversiarum Orbem impleant. Quod impossibile est ut fieret, nisi habitum homines nacti essent verba vaga ac incerta committendi inter se, sine ullius determinati sensus notitia, atque ita concertarent, tot quasi clavis Herculeis armati, ex charta crassiuscula concinnatis, qui ingentem quidem sonitum edant suis ictibus, sed nihil interim conficiunt, quo finiantur disputationes. Quemadmodum enim nemo tam mentis exors est, ut Triangulum affirmet Quadrangulum esse, aut Quadratum, Circulum, dam distinctas istarum figurarum Ideas in animo possidet; ita perinde impossibile esset ut de ulla re alia falsò ac absurde pronunciaret, si perfectam haberet fixamque notionem earum rerum de quibus gessit pronunciare. Dum verò primum hoc ac præcipuum Sapientie Principium negligitur, minimè mirandum est, quòd homines aequè ridiculè & sine omni ratione inter se digladiantur, atque duo illi Rustici quibus parum aberat, quin à verbis ad manus verberaque devenissent, quòd alter Lutherani se profiteretur, alter Martinistam.

Sed & alterum monitum hic addere possem, quòd ad majus Controversiarum compendium multum contribuet, quòdque alias ni fallor per occasionem indigitavi. Nempe, Quod quilibet probare potest, id reverà nihil probare. Quæ quidem Regula si penitus consideraretur, observareturque, non solum satis præmunitum hominem redderet ad amolendam apparentem innumerabilium absonarum aggressurarum vim, sed & ipsum retineret, si qua ei insit ingenuitas, ab adoriendo, vel potius interturbando, interrumpendove, tranquillitatem ac silentium Animi alterius, inani strepitu tam infirmorum absurdorumque Argumentorum. Talia intelligo, quæ inferre aut tueri falsitatem perinde possint atque veritatem. Omnia enim istiusmodi argumenta explodenda sunt, præsertim in Philosophia. Credòque equidem si omnia hujus generis tela omnino exolevissent, omnem contentionem brevè extinctum iri, talemque fore victoriam, de qua universi merito triumphent.

6. Cæterum tertio atque ultimo ( & quod hic quidem sum dicturus, quanquam ubique locum aliquem habere potest atque vim, magis tamen speciatim requiritur in istiusmodi Scriptis perlegendis, quæ argumenta nostris consimilia tractent ) eis inquam, qui feliciter Philosophari cupiunt, certi cujusdam Principii fidem studiumque commendatum volo, nobilioris quidem magisque interni, quàm sit Ratio, & sine quo ipsa Ratio vicillabit, aut saltem non nisi ad res magis abjectas frivolasque pertinget. Auditu vereor ut hoc perinde intelligi possit atque ego ipse cogitans sentio; vix enim suppetit rei tam abstrusa intusque abdita nomen, nisi quis fortè ausit appellare Divinam Sagacitatem, quæ auspiciatioris Rationis origo prima est atque fons, in rebus præsertim summa comprehensionis ac momenti; & sine qua se tanquam in sylva aliqua invia esse quispiam experiri potest, inanique spe allectum infinities ferè tentare, nunquam verò exitum invenire, in apertam Planitiem, ( τὸ πεδίον & ἀλνθείας, ubi libere quaquaversum circumspicere potest ) sine tuto ductu atque auspiciis hujus boni Genii.

V.

Monita quædam ad utiliore lectionem horum Scriptorum.

VI.

Divina Sagacitas Principium auspiciatæ Rationis Antecedaneum in rerum præstantissimarum contemplationibus.

Omnes



Omnes quidem qui inter Philosophos nomen suum profitentur, satis prompto animo Rationem ad Ætherem usque laudibus efferent, lumenque cæli lubenter agnoscent, verumque Dei oraculum. Sed interim non considerant Oraculum Dei nusquam audiri nisi in sacro suo Templo, hoc est in probis sanctisque hominibus, penitusque purificatis Spiritu, Animâ ac corpore. Est enim quadam vel ipsius etiam corporis Sanctitas, ac Temperamenti, qualem homines voluptatibus corporeis dediti nè somniant quidem. Aaronis Rationale, Λόγιον ejus sive Rationis Oraculum, annon includebat in se Urim & Thummim, Puritatem & Integritatem Voluntatis & Affectuum perinde atque lumen Intellectus? Annon iste Thorax quadratus erat, non solum ut imago sit firmitudinis Ratiocinationis, quemadmodum Philo innuit, sed etiam ut Equabilitatem & Rectitudinem illius Spiritus denotet qui in se suscepit grandes enunciare veritates, quod esse utique debeat, quemadmodum alicubi loquitur Aristoteles, ἀνὴρ ἀγαθὸς καὶ τετράγωνος ἀνευ λόγου idque non solum secundum mensuram Civitatis sed & Sanctuarii, non modò in gradu virtutis Politico, sed Cathartico, vel in eo virtutis gradu quem \* Plotinus collocat ἐν τῷ κεκαθάρθαι Animamque supponit jam purgatam?

Adornet se quispiam quantum potest, universa Natura Historiâ, per talarem vestem Sacerdotalem representatâ, si hic Thorax tamen cum Urim & Thummim ei desit, qui huc usque tantummodo Sacerdotem agere gestiat, equidem necesse est ut eatenus omni spe excidat solidum se præstandi Philosophum, cum ipse saltem incapax sit ulla edendi Oracula, nec nisi tenuem capacitatem habeat ea recipiendi quæ edantur ab altero. Nam si Divina hæc Sagacitas ei desit propter impuritatem Animi, nec ipse in probum rerum odoratum sensumve sponte incidere potest, nec facili eum accipere risêve prosequi, quando in illum ab altero conjicitur deduciturve. Quæ opinio mea avia atque insolens, quamvis efficere possit, ut ii quidem qui contemptum Moralitatis unam suæ Philosophiæ partem constituerunt, frendeant fremantque, nimisque inciviliter secum agi existiment, dum earum rerum Judices incompetentes pronunciantur, quas intra ingenii sui ictum positas semper præsumpserunt, celare tamen nequaquam potui tanti momenti veritatem, præsertim cum ipsa sit à Philosophia neutiquam aliena.

7. Annon enim Dictum est illius, cui tam universim undique applauditur, Aristotelis, Κινεῖ γὰρ πᾶσι πάντα τὸ ἐν ἡμῖν θεῖον, λόγῳ δ' ἀρχὴ καὶ λόγῳ ἀλλὰ τι κρεῖττον; Quis Plato, imò quis Chrysostomus, quis Augustinus linguam solvere potuit in voces magis cælestes? Scaliger hujus Textus conspectu abreptus, in Encomiasticam hanc Interrogationem erumpit. \* Quid ais, Divine vir? Estne in nobis aliquid Divinum quod sit præstantius ipsâ ratione? An tibi quoque noti fuerunt ipsi radii Spiritus Sancti? &c. Et nè partem ullam nostri ipsorum hoc τὸ ἐν ἡμῖν θεῖον arbitremur, apparet quidem ex eis quæ proximè antecedunt & subsequuntur, quod ipsum Divinum Numen sit: Nam propositâ prius hac quaestione, Τίς ἡ καὶ κινήσεως ἀρχὴ ἐν τῇ ψυχῇ; Quid sit motus principium in Anima? Hæc plena sequitur Responsio, Διὸλον δ', ὥσπερ ἐν τῷ ὄλῳ, θεός, καὶ πᾶν ἐκείνων. Κινεῖ γὰρ πᾶσι πάντα τὸ ἐν ἡμῖν θεῖον λόγῳ δ' ἀρχὴ καὶ λόγῳ ἀλλὰ τι κρεῖττον. Τί ἔν ἂν εἴη κρεῖττον καὶ θεῖον ἡμῶν πλὴν θεός; Manifestum est, inquit, quod sit, quemadmodum in Universo, ipse Deus, omneque in eo. Nam & illud ipsum Numen quod in nobis est, aliquo saltem modo omnia movet: Principiumque Rationis Ratio non est sed quiddam præstantius. Quid autem Scientiâ præstantius esse potest, nisi Deus? Argumentum Capitis, quaestio est περὶ εὐτυχίας, de felici rerum successu, Utrum sit φύσει, νόῳ, ἢ διὰ θεωρίαν τινι; hoc est, utrum sit Naturâ, Ratione, an procuratione Boni alicujus Genii, δαίμων ἀγαθὸς κυβερνήτης ab ipso appellatur Aristotele. Quæ verba eò lubentius cito, quia unicus locus est, quantum ego quidem scio, ubi tam expressa mentio fit Daemonum, sive Geniorum. Quam opinionem nec hic certè affirmat, sed ex occasione hujus argumenti, mens ejus altius extumescens eò usque tandem assurrexit, ut Aphorismum istum à Julio Scaligero tantâ admiratione exceptum effunderet, nempe, Quod aliquid sit ipsâ ratione præstantius & antiquius, unde ipsa Ratio primos motus impetûve accipiat.

Quod tamen Aristoteles rebus externis præcipuè appropriat, ipse tamen debeo (possimque pari jure) ad mentis negotia, puraque Speculationis successus transferre. Ubi ἡ θεῖα εὐτυχία, quemadmodum ille appellat, longè verisimilius est, ut continuetur, constansque reperiatur, (propter naturalem veritatis cohesionem cum Anima impolluta) quam in externis rerum transfigendarum rationibus. Intellectualis igitur hic successus, Divinæ Præsentiae est acceptus referendus, qui κινεῖ πᾶσι πάντα, movere quidem omnia aliquo modo intelligitur, sed in Animo impolluto residens eum movere modo excellentissimo, Divinæque illa Sagacitate de qua dixi eum imbueri, quæ magis intima, compendiosa ac comprehensiva Veritatis est Præfensatio, illi Rationi, quæ in Theoriis maximi momenti post accuratissimam examinationem, solidissima, omnique ex parte perfectissima mox deprehenditur, semper

\* Ennead. 1.  
lib. 2.

VII.  
Suprà dictum  
Principium  
ulterius illu-  
stratum & con-  
firmatum ex  
Aristotele.  
\* De subtil.  
Exercit. 307.  
sect. 25.

Aristot. Mo-  
ral. Eudem.  
lib. 7. cap. 14.

per antecedanea, quæque reverà illa Sapientia est quæ peculiariter appellatur Donum Dei, & in hominem neminem cadere potest qui purâ mente non sit & incontaminatâ. Tanti profectò momenti est, ut quis omnes nervos intendat, quòd sanctus evadat atque bonus.

8. Hac ferè sunt, quæ generali modo præfari opera pretium esse censi. In singulas jam præsentis voluminis partes breviter & quasi in transcurso oculo conjiciam, si quid fortè occurrat quod mihi incumbat aut excusare, aut complere, aut luce denique aliquâ ulteriori donare. Ut esse quidem possunt, qui Omissionem in Antidoto opinentur, quòd lubrica mendosæque concludentia argumenta, quibus aliqui usi sunt ad probandam Dei existentiam, non introduxerim & confutaverim. Verùm enimverò eum minimè dedecere existimo, qui causæ illi fideliter adheret, si nimiam diligentiam non adhibeat ad detegendam enervitatem talium argumentorum, quæ ab aliis destinata sint ad fidem hominum mentibus ingenerandam illius veritatis, de qua, tanta necessitas tamque immensi momenti sit, ut humanum genus persuadeatur. Nam per charitatem facile præsumo, qui istorum argumentorum primi Inventores erant, ea rectè concludere putavisse, alioqui ipsa non adhibuissent. Unde sequitur, quòd etiamnum suam vim obtinere possint apud eos, qui pari tantum polleant ingenio cum eis qui primum illa proposuerunt. Et qui rectè conjectat pergitque in itinere, ad locum destinatum aqùe certò perveniet atque is qui perfectè noverit viam. Fateor equidem me in secundi tertisque argumenti Cartesii censura liberius egisse, sed minus damni periculive inde metuendum est, quòd ista argumenta non sint adèò popularia. Et præterea par erat ut in istis, quàm omni partium studio liber sim, ostenderem, quippe qui tanta cum confidentia primi soliditatem deprædico. Quod quo magis considerabam, eo ipsum inveniebam firmitus, nec ad hunc usque diem in ullum aut hominem incidi aut librum qui quicquam ullius momenti producere potuit ad illius confutationem.

9. Quem defectum quispiam observaturus sit in Tractatu meo de Enthusiasmo facile præfagire non possum, nec securitatem mihi polliceri quin ei, qui majori cum animi affectu, illius Tractatus utilitatem consideraverit, videri possim in hoc defuisse, quòd alterum non addiderim de Superstitione. Sed naturæ quasi ductu instinctive caso, prudenti illi Poëtæ monito obsecutus sum,

## VIII.

Authoris Apologia, quòd in Antidoto confutationem omiserit argumentorum invalidorum quibus aliqui uti sunt ad probandum Deum existere.

## IX.

Illius Apologia, quòd de Superstitione Tractatum isti de Enthusiasmo Tractatui non addiderit.

Et quæ

Desperas tractata nitescere posse relinque.

Etenim profiteor me istam materiam considerare tanquam meâ manu nequaquam perpolibilem, cum argumentum sit quod Rhetoricæ magis conveniat quàm Philosophiæ. Ut taceam me animum meum nunquam satis depressum abjectumve reperisse quo in ullum sensum perceptionemque illius Dispensationis subsidere possem, & per experientiam quid in illius fundo jaceat investigare. Equidem ingenuè fatendum est nonnihil naturalis tincturæ Enthusiasmi meo temperamento inesse, sed talis, Deo est gratia, qui non admodum effrenis esset, quèmq; tandem expertus sim, perfectè posse subjugari. Virtute cujus victoria, Enthusiastis quid insit, rectius quàm ipsimet, calleo. Unde factum, ut satis habilis essem ad scribendum quæ scripsi cum quodam animi vigore ac judicio, & contributurus sum hoc pacto haud paucillum, ut spero, ad hujus Regni pacem & tranquillitatem.

Ceterum cum talem Dei notionem ab ineunte usque ætate haberem, quæ eum tanquam Ens nobilissimum excellentissimumque quod existere potest, repræsentaret, nunquam animum inducere potui ut crederem aut omittendo aut præstando ulla Trivialia ad nihilque utilia Obsequia, eum aut irritari posse aut propitiari, talia nimirum quæ nec humanam naturam perfectura sint, nec fructus sint genuini illius perfectionis. Ac proinde satis maturè persuasus sum, quòd is Deum optime colat, qui minimè invidus sit, quique Mundo Carnisque voluptatibus minimè sit deditus, qui communi bono totius Universi maximè oblectetur, quique firmissimam fiduciam habeat in Divina Benignitate ac Misericordia, cujus, filius ejus Jesus Christus certissimum est pignus, quod mortalibus potuit exhibere. Quæ constans Animi temperies efficit, ut nè minima quidem prægnastiuncula Superstitionis essem capax. Est enim rerum meliorum ignoratio, quæ perplexitates istas animique consternationes parit circa res minoris momenti.

Religionis Scopus Humana est felicitas ac perfectio, quique ita Deum colit ut suis ullatenus eum indigere existimet, pro honore profectò, eum afficit contumeliâ. Superstitionem igitur semper comitatur Ignorantia aut Hypocrisis. Ignorantia quidem quando homines nescientes quid reverà bonum sit Deoque acceptum, quod est similem ipsi evadere (Τιμὸς τοῦ Θεοῦ ἀγνοία, ἐὰν τὸν Θεὸν ὁ δειδωμένος οὐκ οἶσιν, ut docuit Pythagoras) zelum suum ac devotionem istiusmodi rebus exprimunt quæ nec sibi ipsis nec aliis quibuscunque sint utiles. Hypocrisis verò, quando eadem assanæ Deo offeruntur, non tam ex rerum meliorum ignoratione quàm ex tacita quadam fraude, vafraq; quasi Dei circumventionem, in paciscendo cum



cum illo, vel illius potius ingratis, de tam iniqua permutatione. Per quas delusiones quanquam ad tempus quidem falsa sua corda ac conscientias aliquo modo pacificare possint, interea tamen revera Dei iram in se acuunt his sacrificiis stultorum.

Hæc ferè summa est eorum, quæ ipse deprehendere valebam, de altero illo morbo Superstitionis, quæ solis Rationis consequentiis erui, quippe nullâ harum rerum imbutus experientiâ quæ stylum acuat, cogitationesve expatiari faciat in hac materia. Credo verò me tunc hic, ut aliàs, affirmare posse, Superstitionem esse, (si non inanis gloria, Mundani commodi studium, aut aliquid deterius) ubi homines nimium magnum Zelum pro vel contra istiusmodi in Religione res exercent, quarum usum aut omissionem Deus vel parvi vel nihili potius aestimat. Quod quidem si homines seriò apud conscientiam suam vellent perpendere, magnam profectò vim haberet ac momentum, ad sedandas prævertendâsve usitates Orbis Christiani tempestates ac tumultus. Atque integri quidem scribendi voluminis fructus isto melior esse non potest. Sed enim verò fatendum est, successum Incrementumque Ecclesiæ Arcanum esse, quod profundius in Providentia abditum jacet, quippe Mysterium Vitæ potius quàm Externæ Rationis. Paulus plantare potest & Apollos irrigare, Deus verò dat proventum.

X.  
Certæ Considerationes quæ simul collatae omnes omnino Objectiones contra Spiritus Extensionem sint præventivæ.

10. Quantum ad Tractatum de Animæ Immortalitate, hæc duas tantum notabo difficultates, quas, quoniam quibusdam immanes videntur, quanquam mihi nunquam tales visæ sunt, nunc in medium proferam. Quarum prima hæc est, Quod scilicet extensionem aliquam in Natura Spiritus admiserim; Altera, Quod in Spiritu Natura nullam admiserim perceptionem. Quod ad priorem verò attinet, justam hanc pro me asserere possum Apologiam, Necessitatem scilicet non habere legem: & si harum duarum Conclusionum evidentiam demonstrabilem consideraverint, 1. Quod Immaterialis sit substantia à corpore realiter & specificè distincta; 2. Et quod nulla realis Entitas sit quæ aliquo sensu non extendatur; impossibile erit quin ipsi perinde atque nos conclusari sint, Spiritum etiam aliquo modo esse extensum. Quamobrem admodum inscitè instituta est quærela, quæ illationem cavillatur ante examinationem roboris præmissarum. Quamobrem quemlibet hic æquum lectorem appello si prioris veritatem, tum in Antidoto, tum in Tractatu de Animæ Immortalitate, non Mathematicè demonstravi.

Et nunc quidem ut plenius illi satisfaciam, alteram accuratè demonstrabo. Nempe quod nec Anima nec quicquam aliud, potest esse totum in toto & totum in qualibet parte, sed quod ista Assertio (quemadmodum olim Amico ingenioso per occasionem scripsi) nihil aliud sit, quàm pulchrè tinniens Contradictio. Quod sic probavi: nempe, Quod totum, omne quicquid sit, cuius rei, sensu positivo, & consequenter sensu negativo comprehendit: hoc est, si omne A sit in B, nihil reliquum est quod sit in C distanti à B. Perinde enim est ac si quis diceret, Nihil est tñ A nisi quod concluditur intra B, & tamen in eodem momento non solum aliquid tñ A sed omne vel totum A est etiam in C: Quod impossibile est in ulla singulari aut individua Essentia. Et quantum ad Universalia, ea quidem Res non sunt, sed Notiones.

Quibus porro addere possumus, quod hæc Hypothesis illud efficit, de quo affirmatur, æquè tenue ac minutum quàm quicquam quod in cogitationem nostram cadere potest. Nam si totum sit in singulis punctis, manifestum est amplitudinem hujus Totius majorem non esse puncto in quo est. Quod intolerandum est, si Divino Numini applicetur, & in re quilibet alia ridiculum.

Quamobrem cum certitudine adeò Mathematicè demonstrabile sit, quod existat illud quod propriè Spiritus dicitur, quodque nullum omnino Ens in distantibus punctis partibusve Materie totaliter simul præsens esse potest, sequitur quidem necessitate ineluctabili, Spiritum aliquo modo esse extensum.

Ceterum ulterius Objicietis; Si Spiritus extensus sit perinde atque corpus, quomodo intelligemus Perceptionem Spiritui magis competere, quàm Corpori? Ad quod breviter respondeo, Perceptionem corpori non competere me jam demonstrasse, Quod idem ad efficiendum in Spiritu, quodlibet vel acerrimum Ingenium provoco: Porroque ab eis quæro, qui Spiritum in qualibet parte Materie totaliter præsentem imaginantur, an istoc pacto facultatis percipiendi, rationem immediatam melius intelligant; Eòsque rogo qui nec ut Punctum Mathematicum, nec totaliter præsentem, nec Extensum fingunt, utrum eum quicquam inde, Vitalis illius Sympathiæ & Co-activitatis, quæ objecta in debitis suis circumstantiis ad commune Percipiens transmittit, capaciores evasisse deprehendant. Equidem ausim dicere, modo eloqui velint quod experiuntur, fieri non posse quin respondeant: quod nè hilum quidem quantum ad immediatam rationem simplicis Perceptionis, vel supradictæ Vitalis Sympathiæ melius intelligendam, per ullas hujusmodi suppositiones profecerint.

At proinde; tertio in loco, mihi assumam confidentiam eos monendi, quod veritas noni mei Axiomatis, quo quædam facultates ac proprietates, immediatè Subjectio inesse declarantur, pensum meum jam plenè absolverat. Cum enim aliæ corpori proprietates inessent quæ percipiendi facultatem ei interceperant, necessariò hoc restabat, ut incorporea aliqua substantia immediatè sit vis perceptivæ subjectum. Oportet enim immediatam esse facultatem alicujus subjecti quantum nos quidem intelligimus. Neque adequatam illius causam ullam invenire possumus præter ipsum subjectum, secundum quam præcisè aliquid sit Perceptivum. Hoc quidem constat, nos nobismet ipsis conscios esse, quod illud quod Perceptivum est, debet etiam esse valde Unitivum, ipsaque Ratio nos docet, quod Unum esse excellentiori modo quàm materia sit Una ( quæ una tantum est per Juxtapositionem partium ) necessariò requiritur in eo, quod capax est muneris Communis Percipientis, ac propterea prius est ordine naturæ. Illud verò, quod unum est, quàm maximè citra repugnantiam fieri potest, hoc est, eò usque unum, ut immediatè ex sua natura habeat vitalem Sympathiam, partiumque, si fas sit ità loqui, Co-activitatem, perfectamque Indiscerpibilitatem, non continuò tamen implicat vim perceptivam in se residentem. Omnem enim Spiritum tam Unitivum esse facile existimo, sed minimè certus sum omnem Spiritum habere perceptionem, sed potius è contrà eam non omnem habere. Quamobrem tametsi quicquid perceptivum est, oportet esse Spiritum; omnem tamen Spiritum, nihil necesse est, esse perceptivum. Unde Perceptio immediata debet esse facultas in eo ordine Spirituum qui sunt Perceptivi. At proinde argumentum esse oportet haud exigua ἀπαιδείας sive Imperitia postulare aut expectare rationem, cur ità sit.

Estque perinde impossibile rationem reddere vitalis illius Unitatis in omni Spiritu, in Sympathia partiumque Co-activitate consistentis, nisi allegare vellemus, cum Natura Spiritus Materia natura opposita sit, valde consentaneum esse, ut primæ & maximè immediatæ naturarum suarum consequentiæ inter se etiam opponantur; utque propterea, cum Materia hic agnoscatur stupida esse, vitalique Sympathiæ & Co-activitate destituta, Spiritus vitalis esse debeat, & istiusmodi præditus proprietatibus: vel ut, quemadmodum Materia quæ non habet illam essentialem Unitatem ex partium Indiscerpibilitate consistentem, Vitali hæc Unitate pariter destituitur; ità Spiritus, qui hanc Essentialem Unitatem habet, ex consequenti fruatur etiam Vitali. Ceterum hæc dicta sunt haud usquequaque secundum severum istum ratiocinandi modum quem nos affectamus, quanquam argumentum interim nequaquam sit contemnendum, si immediatam consideremus duarum specierum Oppositionem, quodque non nisi gradus primus maximèque immediata Vitæ Emergentia sit pro qua in hac comparatione contendimus.

Verum opera pretium minimè duxi istiusmodi ratiociniis multum immorari, cum satis certus essem me rem jam confecisse demonstrando solummodo, ea quæ assero Spiritui competere, in materiam sive corpus cadere non posse; ac proinde agnoscendum esse Spiritum tum existere, tum Subjectum esse istiusmodi facultatum ac proprietatum, nempe Vitalis Sympathiæ & Co-activitatis partium, & quod omnium caput est atque flos, facultatis percipiendi. Et quis in quæstionem vocare potest, quin debito assignentur Subjecto?

Neminem enim esse credo quin agnitus sit generaliter in omnibus hominibus confusum quoddam inesse præsagium aut magis determinatam notionem, quod id quod hanc Sympathiæ vim habet ac Perceptionis, res omnium subtilissima sit maximèque unitiva. Nunc verò quemlibet appello si quicquam concipere potest magis subtile magisve unitivum quàm sit Essentialis Notio Spiritus, quatenus immediatè à Materia distinguitur. Potestne enim quicquam esse magis unum quàm quod in partes prorsus sit indiscerpibile? magisve subtile quàm quod non solum Materiam sed & seipsum, aliæve res sui generis possit penetrare? Spiritus enim Spiritum penetrare potest, quanquam Materia non potest Materiam. Quamobrem cum nulla ἀντιρρηξία sit in Spiritu, neque quoad res sui generis, nec quoad alias quasunque; manifestum est rem omnium quæ extant esse subtilissimam. At proinde communicationem Vitalium Impressionum ( omnesque Impressiones hic Vitales sunt, quanquam non omnes Perceptiones, nec ulli quidem motus ) succussatione partiumque contrusione non fieri, sed per Spiritualem Sympathiam, quæ ab istis restrictionibus quæ in Materia legibus Mechanicis reperiuntur, magis relaxata est atque libera.

Cujus naturale Consecrarium est, Quod Phenomenon resolvere in Sympathiam, non est semper, ( quod vulgò dicitur ) ad Asylum confugere Fatuorum. Est enim subtilis admodum ac operosa demonstrationis fructus, certa rerum Spiritualium Existentiæ Notitia. Quo semel concesso, natura quidem earum talis est, ut impossibile sit quin quivis eas



confiteatur propria subjecta esse Sympathia & Perceptionis. Ac proinde id concludere per Sympathiam fieri quod demonstrare possumus non fieri per potentias mere Mechanicas, non est ad commune Ignorantia Perfugium se recipere, sed proximam immediatamque Phænomeni causam enarrare. Quæ maximè eximia est Philosophandi ratio.

Ut breviter igitur concludamus: Cum Evidentiâ planè Mathematicâ demonstraverimus Substantias esse incorporeas, omnemque substantiam aliquo modo esse extensam, quippe quum nulla sit substantia quæ non sit, \* aut saltem non esse possit, essentialiter præsens Materia; necessariò hinc sequetur, quod substantia incorporea sit aliquo modo extensa, & consequenter quod in Animam sive Spiritum nulla alia Unitas cadere possit, quàm quæ in Indiscerpibilitate consistat & in Vitali Co-activitate & Sympathia partium. Ac propterea denique, quod Phænomenon quæ in nobismetipsis experiamur, aut in rebus aliis observemus, quæ meras Materiae leges Mechanicas excedunt, in hanc Vitalem Unionem (quæ in Co-activitate partiumque Sympathia consistit) Resolutio, nulla sit inanis Tautologia, merave rem sit esse quia sic est, affirmatio, sed propria & immediata illius causæ distincta Indicatio. Quæ omnia si ritè conferantur, serioque considerentur, omnes objectiones quas quispiam aliàs comminisci possit contra Extensionem Spiritus, facili sunt præventura.

# XI.

Proprietates  
& Officia Spi-  
ritus Naturæ  
ulterius illu-  
strata & con-  
firmata.

11. Altera Difficultas est circa Spiritum Naturæ, quod vim Perceptionis ipsi non assignaverim. Quod sit quidem Spiritus Naturæ, hoc est, Substantia incorporea quæ se generalioribus quibusdam Mundi Phænomenis producendis intermiscet, credo me tam evidenter demonstrasse, ut nihil in universa Philosophia evidentiùs possit demonstrari. Nec dubitare quisquam potest quin Principium sit Universale, si naturam Dei consideret Divinamque fecunditatem, huiusque Spiritus usum, ubicunque sit Materia, quæ in finem aliquem utilem, bonumque publicum Creationis formari possit & regi. Ut taceam Testimonia illius Omnipresentiæ, si fas sit ita loqui, quippe quod idem facit ad immensa quidem Intervals. Exempli causâ, Lapidem versus Terræ Centrum remittit, quando Tellus est in Ariete perinde atque in Libra, Aquas coercet ab effluendo à Luna, Materiam Solis cohibet in figuram rotundam, quæ aliàs futura fuisset oblonga, crustatas Stellæ partes retinet ne frustatim diffiliant in circumambientem Ætherem, amplas Regiones solatarum particularum tertii Elementi unâ cum Cometis deducit in longis suis Peregrinationibus à Vortice ad Vorticem, Atomosque magneticas ubique in rectum suum tramitem dirigit, præter omnes usus Plasticos quibus inservit tam in Plantis tum etiam Animalibus generandis.

Hic igitur, cum mutum sit æterni Verbi (hoc est Divinæ Sapientiæ quæ tota est ubique) Apographon, naturaliter in singulis partibus ita comparatus est, ut in optimos quorum capax sit usus materiam formet secundum has vel illas Modificationes, & secundum illud Exemplar, cuius ipse Transcriptum tantum sit, secundum comprehensionem puta ac propositum earum rerum Idearum quæ sunt in Æterno Dei Intellectu. Unde manifestum est, nihil necesse esse ut ulli alii λόγοι υπαρκατικοί sint, sive Formæ seminales, præter hanc unam, quæ virtualiter omnes ubique continet, ac proinde merito nuncupatur, Universalis Spiritus Naturæ: quemadmodum etiam nihil opus esse, ut hic Spiritus ipse sit perceptivus, cum naturale Transcriptum sit illius, quod scientiâ pollet ac perceptione. Estque infima substantialis Εὐρυτεία Ἀκτῶν ab omnisciente Deo, certos quosdam generales modos legesve Naturæ in se complectens in bonum Universi. Oculus vero Providentiæ particularis hic non invenitur. Alioqui cur factum ut tegula in caput hominis per Plateas incedentis perinde cadat, sive ad Concionem audiendam ambulet, sive ad Comædiam? Undeque rudes istæ ac imperitæ formationes in monstrosis fetibus; Ineptaque illa ac sibi repugnantia conamina Spiritus huius in Experimentis quibusdam circa Existentiâ Vacui? quemadmodum particulatim notavi in \* Antidoto. Quamobrem nec Omnipotentia, nec Omniscientia operatur in istiusmodi casibus, sed hic imperceptivus Spiritus Naturæ. Cujus Imperceptivitas nihilo magis Obstaculo est naturalibus suis Plasticisque operationibus, quàm Animæ nostræ impedimento sit, quo minùs occasionales perceptiones in se excitet, quod nullam earum antè haberet. Ideam actualem, quemadmodum jam monui in \* Præfatione Tractatus de Animæ Immortalitate.

\* Lib. 2. cap. 2.  
sect. 8.

\* Vid. sect. 11.

Confectarium  
circa condu-  
ctum Animo-  
rum per Spi-  
ritum Naturæ.

Quibus rebus ritè consideratis atque concessis, speciale illud Officium Spiritus Naturæ in deducendis Animabus in suo statu Silentii ad præparatam materiam actuantdam, atque istoc pacto ad excitanda Animalia in Vitam, facile intelligetur munus esse quodcumque, æquè ac reliqua, condeceat, & quod nihilo ceteris sit difficilius. Utrum enim intellectu difficilius est, an ut Spiritus Naturæ silentem Animam, an ut inanimem lapidem ad debita sua ac naturalia loca deferat? Nam Spiritus vitæ cassus inanimisque lapis æquè facile prehendi possunt, cum Spiritus Naturæ utrosque perinde penetret, corpusque sursum

& deorsum adeò de præfacili in hoc Spiritu Mundi perlabatur, ut nè cogitari quidem possit quòd ulla vis Mechanica, sed illa sola quæ rectè dicitur Sympathetica, vinculum esse debeat, ubi ulla sit pressio & captura. Quod quidem vinculum illigat & relaxat ad directionem & transmissionem rerum ad sedes suas proprias in variis Mundi partibus in bonum Universi secundum Essentialem illam legem quæ ipsa Forma Vitæque est Spiritus Naturæ, ultimusque Idealis sive omniformis Effluxus à Deo. Neque quicquam, quod jam dixi, magis mirandum est, quòd vitæ experta Anima per hunc imperceptivum Spiritum Naturæ deferretur deducereturque ad ritè preparatam Materiam, quam quòd lapis inanimis, insensatave particula Magnetica eodem gubernentur. Illud enim quo Anima tam mordicus detinetur à particulari suo corpore, non est pars illius perceptiva, sed Plastica sive Naturalis; aliter aborti aliquà offensionculâ, facile se è corpore subducere posset, tametsi se quispiam nec suspendat, aut in aquam submergat, conficiatve sese pugio. Cur non igitur potest ille Spiritus qui subtiliores digitos habet quàm vel tenuissima Materia, Spiritum intelligi Naturæ, imperceptivam illam animæ partem pressare, animamve ipsam in statu silentii sive Imperceptionis, & per Sympathiam & Co-activitatem propriae suæ Essentiæ eam auferre ad tales usus ad quos aut ipsa auferri meruerit, aut necessitates requirant Universi? Quæ omnia tametsi nolo tanquam vera asserere, ea tamen ausim æquè intelligibilia pronuntiare, atque est unio Animæ cum corpore, quam experientia facit ut intelligamus etiam inviti.

12. Quantum ad Conjecturam Cabbalisticam, nihil illic novi habeo quod notem, nisi id quod illic addidi de novo, quæ Appendix est ad Defensionem Cabbalæ Philosophicæ. In qua, Cabbalam, uti spero, ab omnibus Annino ullius momenti Objectionibus liberavi: interque alia manifestò probavi, non solum Platonismum, sed &, qui nunc non immerito ita appellatur, propterea quòd Cartesius tam feliciter eum in hominum conspectum rursus reduxerit, Cartesianismum antiquæ Cabbalæ Judaicæ partem fuisse, quippe quæ pars est Philosophiæ Pythagoricæ, quam is (quemadmodum antiqui Scriptores abundè testantur) nactus est à Judæis. Omisi Scholæ Pythagoricæ successionis descriptionem, quæ tamen à scopo nostro minimè fuisset aliena. Ac proinde hic supplementum ex Diogene Laertio substitui, qui istorum Philosophorum seriem sic recenset; sunt nempe, Pherecydes, Pythagoras, Telauges, Xenophanes, Parmenides, Zeno Eleates, Leucippus & Democritus, & tum multi alii, inter quos sunt Nauphanes & Naucydes. Omniumque ultimus Epicurus.

Hæc Scholæ appellabatur Scholæ Italica. Cujus Successionis primus Pherecydes arcana quedam Scripta nactus dicitur à Phœnicibus sive Hebræis, quemadmodum jam observavi ex \* Hesychio: Nec opus habeo hic repetere ampla illa Testimonia, quæ Pythagoram (immediatum Pherecydis Successorem) probant Philosophiam suam accepisse à Judæis; Cabbalamque apud ipsum integram conservatam fuisse & apud nonnullos suorum Successorum, hoc est, Phycam sive Mechanicam partem à Theologica sive Metaphysica, corpus ab Anima, nondum divulsam fuisse, quod tamen contigisse videtur apud Leucippum & Democritum, & denique cadaverosam & malè olentem evasisse apud Epicurum & quotquot illius vestigiis insisterunt ad hunc usque diem.

13. Ceterum interea loci non possum non notare quòd hæc illius Scholæ successio, & Philosophiam Pythagoricam antiquam Judæorum Sapientiam fuisse, & speciatim Atomicam sive Mechanicam Philosophiam (talem ferè tantumque quantum nos Textui Mosaisco applicavimus) hujus sapientiæ fuisse partem non mediocriter confirmet. Supervacaneum hæc esset repetere quæ jam attuli, ad evincendum, qualem cognationem Pythagorismus habuerit cum Textu Mosaisco. Verum præter illa quæ observavi ex mentione Ophionei apud Pherecydem, tanquam Spirituum Apostatarum persuasoris ac Ducis, Initium certe libri illius, quem Laertius memorat, è meo quidem iudicio, ab Initio Geneseos non multum profecto abludit. Ζεύς μὲν καὶ Χεὶρ Θεοῦ αἱ αἰεὶ καὶ Χεὶρ Ἰν: Χεὶρ δὲ ὁμοῦ ἐκ τῆς οὐρανοῦ καὶ ἐκ τῆς γῆς Ζεὺς γὰρ διδοί. Cujus quidem sensus natus est, Deus & Tempus (duratio utique ut opinor) & solum æternò erant. Solum verò postquam Deus ipsum ornaverat, dicta est Terra. Cujus sententia partem posteriorem ad tertii diei opus respexisse verisimillimum est. \* Pars verò prior quæ Solum æternum affirmat, primi diei opus respicit. Etenim hæc Χεὶρ, quam solum interpretatus sum, Hyle est, quam Plotinus ὑποβάθρην vocat & ἀρχαίαν φύσιν, solum vel fundamentum, & antiquam Naturam: cum Hyle sive externæ Creationis Possibilitas æterna sit, quæ tamen non nisi genus quoddam Non-Entitatis, & tamen Actualis Essentiæ Basis infima. Juxta quem sensum Parmenides etiam intelligendus est, (quintus in successionem Italica) ubi duo prima Principia facit Ignem & Terram, quemadmodum apparet ex Aristotele. \* Δύο τὰ ἀρχαῖα τινόντι, θερμὸν καὶ ψυχρὸν, οἷον πῦρ καὶ γῆν λέγων. Τῶν δὲ τὸ μὴ κατὰ τὸ ὄν τὸ θερμὸν τὰ τέλεια, παρὰ τὸ κατὰ τὸ μὴ ὄν. Ubi eruditus Stagiritæ toto cælo errat in suo glossmate, tanquam

## XII.

Antiquam Cabbalam Judaicam ex Platonismo & Cartesianismo nunc sic dicto consistere, è successionem Scholæ Pythagoricæ porro confirmatum.

\* Append. ad Defens. Cab. Philos. cap. 7. sect. 9.

## XIII.

Rationes particulares ex Pherecyde, Parmenide & Aristotele quæ cuiusvis persuadere possint, totam Philosophiam Pythagoricam tam Phycam quam Metaphysicam antiquam fuisse Sapientiam Judæorum.

\* Aristot. Metaphys. lib. 1. c. 5.



si Parmenides per Ignem suum & Terram nihil aliud quam Calidum & Frigidum intelligeret, itaque duo Accidentia, prima rerum Principia constitueret. Caterum interim ex hac occasione perquam utilem nobis accommodavit lucem, ex eo quod de Parmenide testatus sit, eum Terram Non-Entium ordini accensuisse. Hinc enim manifestum est eum Symbolicè locutum esse, per eamque idem intellexisse quod Pherecydes per suam  $\chi\theta\upsilon\nu\alpha$ , antiquam scilicet Hylen. Quis enim unquam diceret Terram hanc Physicam, quæ maximè crassa est & palpabilis Entitas in rerum Universitate, Non-Entium ordini magis accensendam esse quam Ignem aut Aerem & similia? Verùm Aristoteles, (quanquam præclara interdum effundit Oracula) sæpenumero tamen in antiquorum Philosophorum opiniones insultat triumphatque ante ullam victoriam, propter suam scilicet illius rei ignorantiam, de qua tam

\* Clem. Stromat. lib. 1.

\* Diog. Laert. in vita Parmenidis:

¶ Vide Append. Defens. Cab. Philosoph. cap. 7. sect. 5.

\* Vide Append. Defens. Cab. Philosoph. cap. 1. sect. 8.

\* Vide Append. Defens. Cab. 1. hilof. cap. 7. sect. 5.

expressè nos monet \* Clemens Alexandrinus,  $\text{Ὅτι ὁ τερπικλὴς παρ' αὐτοῖς ἡ φιλοσοφία ἐφαίκετο τῇ αἰνιγματώδεις}$ . Quod modus Philosophandi apud ipsos MOSAICUS esset & Symbolicus. Cumque tam manifestum sit Terram apud Parmenidem significare Symbolicè, minimè dubium esse potest quin Ignis etiam ita significet, nihilque aliud sit quam  $\gamma\eta$  sive  $\nu\epsilon\alpha\rho\nu\varsigma$  Ether; Lucique sive Cælo in primi Diei Creatione memorato, significatu respondeat. Quod Plasticum sive \* Demiurgicum Parmenidis Principium est (quale Ignis esse non potest) quemadmodum & Terra Materiale. Huiusmodi quidem Indicationes ¶ attuli quibus probarem nexum aliquem esse ac cognationem Textum Mosaicum inter & Philosophiam Pythagoricam.

Quod verò Philosophia quam Pythagoras accepit à Judæis, merè Metaphysica non esset, sed etiam Physica sive \* Mechanica, consimilisque aliquo modo Cartesiana, non solum Motus Telluris, quæ famigerata est Pythagoræ Opinio, quæque vorticem circa Solem implicat, sed etiam confessa Leucippi, Democriti & Epicuri, qui è linea Italica fuerunt, Atomica Philosophia plenius evincit: Quanquam ea quæ de vorticibus tradunt, aut corruptæ sunt notiones illius Scholæ tum senescentis, tum obscurè tantum & confusè ab Historicis descriptæ. Et tamen è vita Parmenidis selegi, quod aded ad amissam Philosophiam Cartesianam congruit, ut nihil possit supra, quodque reverà est illius ipsum quasi cor ac medulla, totamque quodammodo attingit & comprehendit. Quod apud Laertii Interpretem sic quidem effertur: \* Solem ipsum frigidum esse & calidum. Quod monstruosum profectò Parmenidis est & enorme dictum, nisi hic tantum sensus sit, Solem esse vel candentem vel extinctum: alludendo scilicet ad  $\text{שֶׁמֶשׁ}$  &  $\text{כּוֹכָב}$ . Nec verum esse potest illud quod proxime præcedit, Homines nempe generatos esse ex Sole, nisi quatenus sit extinctus, Tellusque sive Planeta factus. Atque hæcenus quidem definit Philosophia Cartesiana, quod Terra hæc, ex qua primum factus est homo, istiusmodi natura sit, ac si olim Sol fuisset, nec ipse ausim quicquam ulterius definire.

#### XIV.

Infelix Physicæ partis Cabbalæ à Metaphysica divortium in Leucippo, Democrito & Epicuro; cum serio Auctoris studio eas rursus reuniendi.

14. Est igitur mihi valde manifestum quod antiqua Cabbala Pythagorica sive Judæica ex istis duobus constabat, quos Platonismum nunc & Cartesianismum appellamus, quorum posterior quasi Corpus, prior verò Anima erat illius Philosophia. Quorum infelix divulsio magnum utrisque damnum intulit. Quippe quod Metaphysici, operam luserunt nugæque planè egerint, Subtilitatum fila deducendo supervacuarum & inutilium, ridiculæque contexendo falsitates de rebus Immaterialibus, propter defectum alterius alicujus Objecti facilioris, in quo rationem suam potuissent exercere; Philosophi verò Atomici circa potentias Materia nimis creduli evaserint, immo verò ausim dicere, nimis quam impii & impudentes in explodendo rerum incorporearum fidem, & in contemnendo Regulas ac Principia Virtutum atque Morum; & inverecundè denique hominibus obtrudendo præfervidas suas Mechanicas Conjecturas, pro necessariis Demonstrationibus, cum, quæ sit proponebant, falsa erant & impossibilia. Ac proinde haud parum quidem mihi ipsi applaudo, quod gradum aliquem fecerim ad resurrectionem antiquæ illius ac venerabilis Sapientia rursus in Vitam, & ad Renovationem quasi Corporis Animæque Mosis, quodque tam aptè ac decorè eum induerim sive convestiverim perquam sacro sui Textus Integumento.

Quod quidem tamen mihi videbatur facinus paulò audacius, nec multum ab excitatione è mortuis membratim dilaniari Hippolyti abludere; tristis tamen Fati Esculapii recordatio, me à tam præclaro Incepto non potuit abstertere: quin & libera mea professio Tentamen potius fuisse quam opus consummatum non exiguam mihi spem iniecit, quod satis tuis, à malignè contorto Zeli exardescensive Invidia fulmine essem præmunitus.

#### XV.

Quæ Textui Mosæico applicat in Cabbala sua Philosophica rationi putat consentanea, certò que novit, ea Textui accuratè congruere; de veritate autem eorum porro apud se deliberat.

15. Verùm enim verò nè dissimulem quod celari non potest, illud è Platonismo & Cartesianismo quod Textui Mosæico applicavi, in seipso, quantum ego quidem judico, rationi admodum consentaneum est. Porroque id addendum censeo, quod celare non audeo aut dissimulare, cum è re & incolumitate Religionis sit, apertè serioque illud profiteri, nempe, ea quæ applicavi, exquisitè citràque omnem exceptionem aptè accommodata esse Textui à capite ad calcem, quemadmodum planè evici in Defensione illius Cabbalæ, ejusque Appendice. Quæ nulla profectò est à me sponte prorumpens gloriatio, sed seria professio veritatis, mihi

extorta



extorta quidem ex debito sensu illius usus quem dignitati authoritatique Ecclesie possit præstare. Etenim cum proprio iudicio satis persuasus essem, ea quæ applicavi, humanæ mentis facultatibus admodum esse consentanea, reputansque porro apud meipsum, quos profectus illa Philosophia jam fecisset in Orbe Christiano, & quam facile ista victoriæ obtineantur, quæ in voluptatem cedunt & oblectamentum eis qui vincuntur (& talis equidem Veritas est animabus humanis) ut & quam immenso incommodo Religioni ac Theologia foret, tanto intervallo videri à tergo relinqui, illuc Philosophia adeo apparere infestas, quæ, prævidi probabile fore, ut sit communis Philosophia Literatorum; idcirco ut omnem contemptum ac cavillationem adversus Sacrosanctitatem Christianitatis prævenirem, ac si illa quicquam contra solida ac approbata Rationis ac Philosophia principia teneret, partem duxi fidelitatis illius quam Ecclesia Christiana debeo necessariam ac inviolabilem, publicè declarare, Si quis sit qui præsumat se post accuratam examinationem talia Cartesianismi vel Platonismi Theoremata qualia ego literæ Mosaica applicavi, vera omnino invenisse, quod confidenter ipsi affirmare ausim, si ita sint, veritates istas in Textu Mosaico semper latitasse, nullumque Philosophum vel minimum pretextum habere magnificandi se adversus Religionem & Ecclesiam Dei, in qua tam opulenti Scientiæ thesauri semper reconditi sunt, quanquam homines per multa jam sæcula otium non habuerunt aut opportunitatem eos reserandi ad hunc usque diem. Quæ quidem consideratio, magni, meo quidem iudicio, momenti est ad obstruendum Ingeniis Atheisticis, & ad ineffabilem honorem conciliandam ac Reverentiam Religioni, & Ecclesie, apud eos qui scientiâ pollent & ingenuitate.

Hoc igitur affirmatissime contendo, ea quæ Textui Mosaico applicavi, exquisitè apta esse atque congrua, speroque me citra omnem violationem legum modestiâ addere posse, quod sint Rationi consentanea. Verum diuturnior apud meipsum deliberationis exitus esse debet, si affirmem esse vera. Ingenuè enim fateor, quanquam clavem me in manu tenere deprehendo, cuius forma ac structura singulis seræ Theauri huius Mosaici tritaturis accuratè sit adaptata, quæque serando reserandoque facili negotio hæc illac contorqueatur, & inestimabiles, meâ quidem opinione, scientiæ divitias intus conspicio; non audeo tamen fidem habere propriis oculis, statuerè apud meipsum realisne Visio sit, an Insomnium. Nescius an citra omne dubium hæc illa antiqua sit Cabbala clavis aurea, an altera aliqua ex magis degenerate Metallo conflata. Atque equidem suspicio hæc cupiam majorem in modum augeri potest, ex eo quod immediatè prospectum aperiat in duo ista mentis oculos perstringentia Paradoxa, de Motu Telluris & præ-existentia Animarum, quod satis est ad efficiendum ut vel audacissimus spectator retrò resiliat & in subitum conjiciatur stuporem, quo me fateor teneri ad hunc usque diem. Quam meam Timiditatem nemo merito mirari potest, qui perpenderit quam averso animo essent antiqui Patres à Globositate Terra, & ab opinione Inhabitationis Antipodum: Quæ quidem olim Pythagoræ opinio erat, sed novissimorum horum seculorum certa scientia.

16. Præterea, libere profutendum est, me nec plura scire nec meliora quæ pro motu Telluris aliisque principalibus Cartesianismi Theorematis afferri possint, quam quæ in Epistola mea ad V. G. comprehenduntur; nec quicquam quod Anima Præ-existentiam firmiter concludat, quam quod in Tractatu de illius Immortalitate produxi. Quæ quidem in medium protuli, (ut & quæcumque alia quæ quissimè in Scriptis meis putare possit à communi gramite aliquo modo deviare) ad amplificandum Objectum accuratioris iudicii hominibus. Quod magnam profectò vim habet ad decidendum quid sit verum. Nec quicquam animo occurrebat quod dignum videbatur ut posteriori adderetur Argumento Præ-existentiæ, nisi fortè (præterquam quod indicaverim opinionem fuisse omnium Philosophorum qui animam tenuerunt Immortalem, & magis particulatim Platonis, Aristotelis & Ciceronis, Authorum qui per ipsa Universitatis statuta nobis legendi propenuntur, quod satis est ad existimationem isti dogmati conciliandam) notassem insuper, quam innocens illa Opinio, quamque omnis offensionis expers esset, in purioribus magisque intemeratis Ecclesie sæculis.

Clementem enim Alexandrinum, eam in multis locis describentem reperio sine vel minima improbationis significatione. Ut in primo suorum Stromaton, ubi de Barbaris scribens (quorum sapientiam videtur, in gratiam fortean Hebræorum, sapientiæ Græcorum præferre) sic loquitur: Ἀλλοὶ δὲ εἰσι οἱ βαρβάρων διαφερόντως τιμῶντες τὸς αὐτῶν νομοδύτας τε καὶ διδασκάλους, διὸ προσεπώνησαν. Ψυχὰς δὲ ἀγαθὰς, κατὰ Πλάτωνα, καταλιπύσας ἡ ὑπερυψίον τόπον ὑπομέναι ἰδύσιν αἱ τόδῃ καὶ Τάρταρον, καὶ σῶμα ἀναλαβούσας τῶν ἐν γένεσι κακῶν ἀπάντων μεταχθὲν ὑπολαμβάνουσι, καθεμόνας τὸ τῶν ἀνθρώπων γένος, αἱ νόμους τε θεσπίζαν, καὶ φιλοσοφίας ἐκινύσαν, id est, Manifestum est Barbaros speciali modo Legislatores suos ac Institutores honorasse, Deos eosdem appellantes. Supponunt enim cum Platone, Bonas aliquas animas loca sua cœlestia relinquentes in hunc Tartarum delabi sustinuisse, & corpora resumentes omnium malorum quæ Generationem comitantur fieri participes, utpote quibus commissa esset humani generis cura,

## XVI.

Testimonia diversorum factorum viro- rum, qui An- ime Præ-exi- stentiam aut aperte asserue- runt, aut sal- tem eandem non improba- runt.

Clement A- lexandrinus,

cura, cui propterea Legillatores facti sunt, ac Philosophiæ Præcones. Quam opinio- nem tantum abest ut explodat, ut in genere, antequam ad hanc Dissertationem de Philoso- phia Gentium descendat, mirabilem hanc præmiserit similitudinem. Quod quemadmodum partes Universi, licet inter se discrepent, peculiarem tamen habent consonantiam & consen- sum cum toto Mundo, ἢ τὸς ἢ τε βάρβαροις ἢ τε Ἑλληνικῇ φιλοσοφίᾳ ἢ αἰδίων ἀλήθειαν πα- ραγμὸν τινα ἢ τῷ λόγῳ τῷ ὄντι. αἱ δὲ θεολογίας πεποιοῦνται. Ὁ δὲ τὰ διηρημένα συνθεῖς αὐτῆς καὶ ἐνοποιήσας τέλειον ἢ λόγον, ἀκινδύνως, ἢ ἰδὲ, ὅτι κατόψεται τὴν ἀλήθειαν. Ità, inquit ille, Barbara Græcæque Philosophia æternam fecerunt veritatem discriptionem quan- dam Theologiæ de Logo in æternum permanente, in partes dispersas. Qui verò conjunxerit ista quæ divisa sunt ac dispersa, ac sub unam perfectam rationem reduxe- rit, pro certo scias hunc hominem, ad fundum usque veritatis inspecturum esse. Quod quidem eo lubentius recensui, cum aliquid hujus generis ipse mihi videar tentasse, cum disceptæ antiquorum sapientiæ in unam Mosaicam Cabbalam compingenda operam dabam.

Rursus in libro tertio, ubi contra Marcionitas disputat, multa ex Platone loca citat, quæ aut directò Animæ Præ-existentiam affirmant, aut eò aliquâ ratione referuntur. Ut illud ex Phædone illius, Quod sit ὁ ἐν ἀπορρήτοις λεγόμενος λόγος, ὡς ἐν τινι σφύρᾳ ἔσθιν οἱ ἄνθρωποι. Quod sit arcanum quoddam traditum, Nos homines in hac vita custo- diâ quali quâdam teneri. Et Heraclito, Pythagoræ, Socrati & Platoni simul sapi- ens hoc dictum ascribit, Θάνατος ἔστιν ὁμοῖα ἐνερθέιντες ὁρίσθης, ὁμοῖα δὲ ἔσθιντες ὑπνῶ. Id verò plenissimè rem attingit, quod ex Philolao Pythagoreo affert. Μαρτυροῦνται δὲ καὶ οἱ παλαιοὶ θεολόγοι τε καὶ μάγιστοι ὡς διὰ τινος τιμωρίας ἀψυχὰ τῷ σώματι συνίκευκται καὶ καθάπερ ἐν τῷ σώματι τέτω τέθαπται. Antiqui Theologi ac Vates (Judæos opinor præcipuè intelligit) testantur Animam cum hoc terreno corpore per modum supplicii conjungi, & quatenus quidem in hoc corpore est, eatenus sepeliri. Contra quas Pla- tonicæ opiniones Clemens nè minimum ostendit fastidium, sed Marcionem ob id tantum reprehendit, quod istis abusus esset ad absurdam suam doctrinam, quasi Matrimonium esset illicitum; conqueriturque quod ingratis imperitisque à Platone occasionem sumpsisset depromendi absonas suas ac perversas opiniones.

Et postea in eodem libro, quanquam non sine zelo aliquo Julio Cassiano se opponit, quod abdita illa membra quæ tam in Mære quam femina Deus Formavit, tam contumeliosè re- prehenderet; tamen in mentione opinionis illius de Animæ Præ-existentia, Ἡγείται, inquit, ὁ γενναῖος ἔτι Πλατωνικώτερον, θεῶν ὅσων ἢ ψυχῇ ἀνῶθεν ἐκθροῦντα ἐκλυθεῖσαν δεῦ- ρθεν εἰς γένεσιν καὶ φθορᾷ. \* Nobilis hic Genius, (inquit ille, Cassianum intelligens) more magis Platonicè Philosophatur, cum dicit Animam, Divinam defuper Essenti- am, cupiditate effœminatam huc descendere in generationem & corruptionem. Et rursus in eadem pagina, ubi Cassiani opinionem producit, de Tunicis pelliceis quibus pri- mos Parentes post lapsum vestivit Deus, (ἡρώτας δὲ διαμαρτυρῶντες ἡγείται Κασσιανὸς τὰ σώματα) eam certè præteritis, addito tantum promisso dicam an comminatione dilatoriâ, quod ostensus sit Cassianum deceptum esse, postquam Tractatum suum de Hominis Gene- ratione præparaverit ac perfecit, sed in præsens errorem pronunciare omnino detrectat. Et si quando istiusmodi Tractatum scripsit, manifestum est eum has Tunicas pelliceas non tam asperiter tractasse, quin integræ transmissæ essent ad illum excellentissimum ejus disci- pulum Origenem Adamantium, istud Christiani Orbis Miraculum, si descriptio vitæ illius ac virtutum vera sit, quam reperimus apud Eusebium. Etenim profectò (ut stu- pendas animi dotes ac facultates taceamus, quas maximi illius adversarii nequeunt inficia- ri) vixit difficile erit par exemplum proferre, tam sincera fervideque adhesionis causa Christi, etiam ad contemptum mortis, & Martyriique desiderium. Quæ inconsiderata ju- venilis ardoris excursio in eo non erat, sed fidelitatis animique fortitudo permanens, cum sancto illi viro familiarissimum erat omnibus Martyribus assistere eosque animare ignotos perinde atque sibi notissimos, comitari eos in conspectu populis ad supplicium, eosque amice amplexari, summumque quod posuit solatium ipsis administrare, cum frequenti periculo lapidationis ab incensa multitudine.

Minoris momenti videbitur notare assiduam illius lectionem Sacre Scripturæ ac Medita- tionem dies noctesque, integrum Mundi neglectum ob voluptatem Divinæ contemplationis ac ministerium Ecclesiæ Christi, effusam charitatem & liberalitatem in egenos, jejunia frequentia & in humo discubationes, frigoris & nuditatis tolerantiam, nudatisque pedibus per duros silices incessus, a vincta abstinentiam & singularem in omnibus Naturæ voluptati- bus temperantiam. Cujus egregium in vita ascetica exemplum, multos lucrabatur disci- pulos Ecclesiæ, multosque enutriebat instruebaturque intrepidos Christianæ fidei Athletas qui vitam lubenter deposuerunt, propter amorem Domini Jesu. Tales ex schola Origenis fue- runt Plutarchus, duo Sereni, Heraclides, Heron, Rhais & Basilides, qui per inter- cessionem



cessionem illustris illius Virginis Martyris Potamianæ Martyrii coronam recepit. Quas verò diras calamitates ipse Origenes in Deciana Persecutione sustinuerit, quæ vincula, quæ corporis tormenta, quas conjectiones in carceres & gurgustia, quas membrorum distensionem ac fidiculas, quos terrores Ignis ac Vivicomburii, cuius licet perlegere in Historiæ Ecclesiasticæ monumentis.

Hæc, aliæque hisce consimilia Specimina, cumulatè planam facient hujus venerandi Patris Integritatem ac Sanctitatem. Caterùm ingenne fateor agrè me adduci posse ut obsidem me darem Veritatis omnium illarum Opinionum quæ illi imputantur. Ut, exempli gratiâ, ubi Solem, Lunam & Stellâs Animalia facit vitâ, ac intelligentiâ prædita; quod indicio est meliorem eum fuisse Theologum, quàm Natura scrutatorem: Ubi affirmat potentiam Dei esse finitam, eumque tot solummodo res creâsse quot minimè repugnet à Providentia sua ritè posse gubernari. Qui quidem Error (si Origenis erat) pro Apologia proculdubio destinabatur, quòd Deus Mundam non creâset infinitum; ostenditque, majorem solitudinem pro suprema Dei Bonitate quàm pro illius Potentia, Patrem reverendum incesse- visse. Ubi Damonum supplicium Animarumque damnatarum statuit non esse æternum. A quo tamen Jacobus Merlinus eum absolvit, per decem ad minimum diversarum Citationum testimonium ex suis ipsius Scriptis. Ubi asserit corpora hominum in Resurrectione resuscitatum iri in figura Orbiculari, quod eis planè repugnat, quæ \* Methodius narrat de Origene, nempe, opinionem illius fuisse, quòd unusquisque omnino appariturus sit in sua particulari forma ac figura: quemadmodum rectè observatum est, in Epistola resolutionis vulgo appellata, quicumque illius Author fuerit, profiteor enim me quis sit nescire, tantum abest ut ipse sim Author, contrà ac nonnulli, sed sine ratione conjectarunt. Ubi Servatoris \* Animam affirmat eandem fuisse quæ erat in Adamo, Quod tamen impossibile est eum unquam asseruisse, cum tam expresse declararet Messia Animam nunquam peccavisse. Et denique, ut alia multa missa faciam, ubi Animas humanas transmittit in corpora brutorum: quod nullus dubito quin facile probare possim Pythagoræ perinde atque Origene falsò imputari. Verùm leviculi quidam homunciones utriusque quidem Sectatores, sed Imaginatio- nis ludibriis nimium quantum dediti, inhonestas has affixerunt & ridiculas appendices; reputantes inane quodlibet additamentum, consummatorem reddere illam Doctrinam quæ humano generi antiquitus est tradita. Atque hujusmodi profectò fuit Præ-existentiæ dogma in Ecclesia Judeorum, ubi nulla cum eo commixta erant deliria ac nugamenta. Et si sic permanisset apud Origenistas, proculdubio nunquam in publicam censuram incurrisset. Quamquam culpam omnem in istos haud ansim transferre, cum malevoli ipsorum Adversarii libertatem sibi assumpserint Origenem onerandi istiusmodi rebus, quarum fama nullum solidum suberat argumentum. Hujus generis erat illa bellè formata Historiola de thuris in- jectione in altare Idoli, cùm hac optio ipsi dabatur, aut illud facere, aut corporis usuram Æthiopi permittere. Quæ mera \* Fabula est Romantica, magnitudini Nominis virtu- tumque Origenis superstructa. Cujus existimatio quamquam per publicam istam Censuram in quinto Generali Concilio non parum læsa videatur, ille tamen qui condemnationis capi- tula, per eandem Potestatem quæ occasionem ei dedisset, ex Actis Concilii consideraverit penitus fuisse erasa, facile inveniet quod famam Origenis magna ex parte resarcire possit, sine ullo detrimento Authoritati allato, grandis illius Conventionis. In eorum enim injuri- am factum est, non cum ipsorum culpa, quòd causa ad eos perperam malignèque delata esset.

S. Basilii etiam & Gregorius Nazianzenus quòd animo minimè infenso erant adver- sus opinionem de Animæ Præ-existentia, sed illius potius fautores, ex eo apparet, quòd tanto in pretio apud eos esset Origenes, & particulatim ex munusculo illo quod Nazianzenus Theodoro Tyaneo obtulit, librum scilicet Excerptorum è Scriptis Origenis, à seipso & S. Basilio compositum, qui appellatur *Ἐκτράκτῳ Φιλοκαλία*. In quo multa loca sunt quæ Præ-existentiam Animæ planè implicant, eandemve directò affirmant.

Proximus Præ-existentiæ Animæ Assertor strenuus ac apertus est Synesius, Cyrenes Episcopus, qui in Epistola ad fratrem suum seriò profitetur se honorificum illud officium sibi oblatum acceptare non posse nisi permittatur ei libertas fruendi, immò verò profiteri cer- tas quasdam opiniones quæ ex ritè pensatis rationibus altas jam diu in ipso radices egerant, in quarum fronte hanc de Animæ Præ-existentia collocat. \* *Ἀνὴρ ἔστι ψυχὴν ἐκ ἀζιῶσσω ποτὲ σώματι ὡς ἐργεῖται νομίζειν*. Nunquam profectò, inquit ille, abducar ut credam Animam existentiam posteriorem esse quàm corpus sive materiam; agitque adeò apertè hac in re ut fratri det in mandatis, Epistolam Scholasticis, quemadmodum appellat, di- vulgare, ut impertiri posset Reverendo Patri qui hoc officium ei obtulerat. Quæ libertas nihilominus in profitendo opinionem nullum ponebat obicem Ecclesiasticæ suæ Promotioni.

Hisce addere potes duorum Patrum Latinorum Authoritatem, Arnobii & Prudentii. Quorum prior expressim hac de re sic scribit. Nonne Deo omnes debemus hoc ipsum primum,

\* Vide Phot. Bibliothec. Excerpt. 234.

\* Phot. Bibli- othec. Excerpt. 117.

\* Vid. Epitom. Spondan. Ann. 253. sect. 19.

S. Basilii & Gregorius Na- zianzenus.

Synesius Cyre- nes Episcopus.

\* Epist. 105.

Arnobius.

primum, quòd fumus, quòd esse homines dicimur, quòd ab eo vel missi vel lapsicæ-  
citæ, hujus in corporis vinculis continemur? *Posterior sic, in Hymno suo in Exequiis*  
*Defunctorum.*

Patet, ecce, Fidelibus ampli  
Via lucida jam Paradisi:  
Licet & nemo illud adire  
Homini quod ademerat anguis.  
Illic, precor, optime Ductor,  
Famulam tibi præcipe mentem  
Genitali in sede sacrari,  
Quam liquerat Exul & errans.

*Qui versiculus ultimus, verbis istis Synesii in Hymnis suis accuratè respondet, ubi Animam  
suam ψυχή αἰώνιον appellat, propterea quòd cælum relinquens in Orbem hunc inferiorem  
deerraverit.*

S. Augustinus.  
\* Lib. 1.

\* Lib. 3.

Sanctus etiam Augustinus de hac Opinione benignè loquitur, in Tractatu de \* Libero  
Arbitrio. Ubi sic scribit: Utrùm ante consortium hujus corporis aliâ quâdam vitâ  
vixerit animus, magna quæstio est, magnum secretum. Et dein in \* altero loco  
ejusdem Tractatus, rursus de Anima præ-existentia agens, liberè nobis narrat & ingennè:  
Si de Deo aliud senserimus quàm est, intentio nostra non in beatitatem sed in vanita-  
tem compellet. De Creatura verò siquid aliter quàm sese habet senserimus, dum-  
modò non id pro cognito perceptoque teneamus, nullum periculum. Et in loco ter-  
tio, in discutienda hac quadruplici quæstione, utrùm nempe Anima propagata sint, creata  
à Deo, ex abdito aliquo Repositorio ubi præ-existerent, missa, an huc sponte suâ delapsæ,  
Aut nondum ista quæstio, inquit ille, à Divinorum librorum Catholicis tractatori-  
bus pro merito suæ obscuritatis & perplexitatis evoluta atque illustrata est; aut, si  
jam factum est, nondum in manus nostras ejusmodi literæ pervenerunt. Unde, meo  
quidem judicio, valdè manifestum est primæ Ecclesiæ sæcula, de dogmate Præ-existen-  
tiæ Animarum, nullam fovisse sinistram opinionem.

Author libri  
Sapientiæ.  
Lib. Sapient.  
c. 8. v. 19.

Lib. Sapient.  
c. 18. v. 24.

\* Cap. 5. sect. 3.

Quod ulterius è libro Sapientiæ evinci potest, ubi Anima Præ-existentia æquè conspi-  
cua est, atque Sol in medio firmamento; in hisce utique verbis: Eram enim puer inge-  
niosus bonæq; indolis, immò verò potius cùm bonus essem in corpus incontaminatum  
veni. Estque ulterius certitudinis hujus Interpretationis pignus, maximè consentanea  
illa conjectura eorum qui Philonem Judæum hujus libri Authorem concludunt, apud quem  
nulla opinio frequentius occurrit quàm hac de Præ-existentia, ut præteream alia qua ipse  
impreserit huic libro vestigia, & istud præ reliquis de Stola Aaronis, ubi dicit Universum  
Mundum in ea veste talari fuisse, Deique Majestatem in Diademate capitis illius.  
Quæ ad amissim eis respondent, quæ ex ipso attulimus ad versus Sibyllinos explicandos,  
quos in \* Appendice Defensionis Cabbalæ Philosophicæ citavi. Quamobrem cùm  
Ecclesiæ in istis primitivis temporibus hunc librum Sapientiæ tantopere approbaret, argu-  
mento quidem est illam opinionem qua tam clarè in eo elucet, inoffensam fuisse istis secu-  
lis.

Beatus Serva-  
tor.  
Johan. 9.

Et postremò, ab ista quæstione ipsi Servatori à discipulis proposita, ( Domine quis pec-  
cavit, homo hic an parentes ejus, ut natus sit cæcus? ) & ab ejus reprehensionis eorum  
omissione, ulliusve vel minimæ præ se gestæ speciei fastidii hujus suppositionis Præ-existen-  
tiæ, Judæis vulgò tunc notæ, & in quæstione planè implicatæ, demonstrationem inquam hinc  
quis arcessere potest quòd nulla noxa opinioni insit, nullum venenum aut periculum, aliqui  
Servator tam commodam opportunitatem nactus, illius detectionem nunquam fuisset omis-  
surus.

XVII.  
Quòd nè mini-  
ma quidem sit  
digladiatio in-  
ter Præ-ex-  
istentiam & de-  
rivationem O-  
riginalis pecca-  
ti ab Adamo.

17. Quòdque nè minima quidem noxa sit levissimæve collisio aut digladiatio inter hanc  
Hypothesin ac ordinarium & literalem sensum Scripturæ & ab universis approbatum Fidei  
canonem, tam certus sum quàm quòd pellucidus aer Solis lumen non excludat, sed utraque  
in eodem spacio comprehendantur. Id quidem cui maximè repugnare videtur, est Origina-  
lis peccati derivatio ab Adamo. Qui vero Anima Præ-existentiam asserunt, istud My-  
sterium non rectè callent nisi supponunt omnes Animas quæ in hac terrestria Domicilia se-  
cundum ordinem naturalem veniunt, fuisse prius in statu Silentii. Quòd quidem eas istoc  
in loco constituit ac si nunquam antè fuissent, totaque rerum scena omnino ab Adamo exor-  
dium sumpsisset. Cujus animam cùm Deus in istiusmodi corpus Paradisiacum incorporasset,  
quòd mentem ejus naturaliter, benigno quodam quasi incantamento in plenam non peccandi  
possibilitatem attemperaturum fuisset, ( qui status est in quo Theologia vulgaris orthodoxa  
Adamum fuisse supponit ) idemque privilegium, si steteret, in posteritatem illius derivan-  
dum,



dum, destinasset: Equidem hinc admodum manifestum est, lapsum ejus causam fuisse illius, quod nos nunc dierum appellamus peccatum Originale, hoc est, illius præponderantis proutatis & ferè irresistibilis Proclivitatis ad illud quod malum est. Tantum abest hæc Præ-existentiæ Hypothesis à digladiando tam derivatione peccati Originalis ab Adamo.

Immo verò insuper addo, illud quod in Scriptura dicitur de primo & secundo Adamo, non tam commode alias intelligi posse, quam ex hac Hypothesi Præ-existentiæ, atque antecedenti lapsu animarum in aliæ statu. Perverlem enim quemlibet seposito omni præiudicio apud se ipsum perpendere, quis tam consentaneus sensus esse possit istorum verborum S. Pauli ubi ait Adamum \* figuram fuisse illius qui venturus erat, hoc est, Christi, quam quod officium Adami præiudicium quoddam erat atque Typus officii Christi. Quæ quidem admodum obscura ac diluta foret similitudo, si in hoc solo consisteret, quod Persona publica perinde erat atque ille, sed talis, cui nullâ ratione redemptionis filiorum hominum cura incumbere. Quamobrem Adami officium erat, salubrem illam ac Paradisiacam corporis temperiem semini suo transmittere, (eo planè modo quo vulgaris Theologia super hac re statuit) atque istoc pacto Servatorem quasi esse ac Redemptorem suæ Posteritatis, à malignis effectibus prioris lapsus in quem inciderant: Unde quidem accurata Figura erat illius qui erat venturus. Cum verò terrestris hic Adamus in hoc suo officio defecisset, Cælestis in illius locum surrogatus est, qui \* summo perfectissimoque modo potens est servare. Quæ Hypothesis meo quidem iudicio, S. Paulum partemque hæc Mysteriorum nostræ Religionis mirantem in modum, facilem reddit & intelligibilem.

Rom. 5. 14.

Hebr. 7. v. 25.

Hæc, aliæque his cognata offerri possunt in gratiam antiquæ illius doctrinæ Platonici Præ-existentiæ Animarum.

18. Quantum verò ad me, tamen si æquè certus essem de veritate Platonismi & Cartesianismi in omnibus partibus eorum quas in Cabbala Philosophica Textui Mosaicæ applicavi, quam de ulla Mathematica Demonstratione, \* me tamen nullatenus per conscientiam obligatum sentio, ad meam de istis opinionem profutendam, ultra quam consistat cura bona gratia & permissione Superiorum. Quamquam enim ista Theoremata apud me tam certa essent, æquè tamen certus sum ipsam Mathematicam certitudinem non esse absolutam, Deumque solum esse infallibilem.

XVIII.

Quod Certitudo vel Mathematica in speculationibus merè Philosophicis nullius obligat conscientiam ad eandem professionem contra voluntatem Superiorum.

Ceterum ne mihi ipsi injurius videatur, nec offensionem aliquam in aliis excitent, per hanc liberam meam professionem, addere insuper egor, Quod conscientia cuiusque sancti & sinceri Christiani æquè stricte religata est in rebus Religionis planè expressius per infallibilia Dei oracula determinatis, quam est in Speculationibus Philosophicis libera. Quodque, tamen si ex amore privatis atque, vel ex honore ac reverentia erga Ecclesiæ Auctoritatem, (cujus proculdubio ingenuus quisque Animus curam habet atque rationem,) magno teneri possit desiderio loquendi, profutendi, agendique prout ipsi voluerint, in hæc tamen rebus ubi imponitur aliquid contra planum expressumque Divinorum istorum Scriptorum sensum, non potest quin hæc restrictum se sentiat, certoque coactus erit tædæ deo respectu paucis edat in tæ tæw ἀνθρώπων, (quemadmodum Lacedæmonii fecisse dicuntur quamquam in errore religioso) vel potius brevem illam sed solidam Apostoli Apologiam adhibebit, Πειθαρχεῖν δὲ τῷ θεῷ μᾶλλον ἢ ἀνθρώποις, Obedire oportet Deo magis quam hominibus.

Herod. lib. 3. n. 63.

Act. 5. 29.

Hæc sunt Leges Adamantina nexuque Religionis contra quos nemo fremere potest, quin eo ipso contra existentiam Dei fremit, contraque indispensabile illius jus, quo ipsi primo in loco serviatur, quoque conscientia nostra obligentur ad credendum linguæque ad profutendum quascunque veritates is modo quodam miraculoso hominibus eâ lege communicaverit. Qui negaverit me coram hominibus, negabo eum & ego coram patre meo qui est in coelis. In Philosophicis verò speculationibus, quales sunt Præ-existentia Animæ, Motusque Telluris, & id genus aliæ, ubi Deus non requirit professionem nostram, nec æterna nostra Salus periclitatur, nec illud quod dictat est infallibile, quamvis censeremus nos apud nosmetipsos, ad Mathematicam Conclusionum certitudinem pervenisse; ingenuè tamen fateor, quemadmodum supra monui, nondum mihi constare, quod quisquam per conscientiam obligetur ad eas asseverandas contra auctoritatem Ecclesiæ sub qua degit, si quando illa easdem improbaverit, sed quod religione quidem incolumi, Superioribus tanquam Compromissariis suis morem gerere possit, eorumque loquendi formulis phrasibusve in hujusmodi rebus uti. Etenim si in sancto illo ac venerabili Legislatore Mose virtutis pars erat quod tantâ prudentiâ paternæque suavitate ad vulgi captum se demitteret, ut mundi Creationem juxta apparentias rerum ipsis familiares describeret; nobis certè vitio verti non potest, si ex humili quadam submissione ac reverentia erga Ecclesiæ Gubernatores (qualiscunque interim fuerit privata nostra sententia) definitos eorum modos formulasque loquendi in istiusmodi rebus in quibus Deus nos ad partem contrariam non restrinxerit, recipiamus atque usurpemus.

Matt. 16. 13.

XIX.  
Si Philosophia  
quam Textui  
Mosaico ap-  
plicavit vera  
sit, quod realis  
sit Restauratio  
Cabbalæ Mo-  
saica.

19. \* Sed enim verò si Tempus quod magna omnia gradatim tardaque Pompâ provehit, Philosophiam tandem quam ausus sum Textui Mosaico applicare, solidam esse tam universim sit detecturum, ut aequè frequenter ac inoffensè per os omnium percursura sit atque nunc die- rum celebratur dogma Antipodum, quod olim tam monstrosum Orbi Christiano videbatur atque enorme: Equidem agrè se intra modum continebit Approbatio, sed cum Theoremata pro veris accepta fuerint, necessariò etiam agnoscentur illustra & gloriosa; nec defuturi tunc erunt, uti spero, qui in nostram gratiam ipsos Judæos appellaturi sint, si hæc nostra Expositio non est realis Mosaicæ Cabbalæ Restauratio, sique tam religiosè Logon incarna- tum frustra colimus, cum solida Rationis Benedictio sagacisque Spiritûs, tam conspicuè apud Christianos reperiatur, devotos adoratores Domini JESU.

## SCHOLIA

### In Præfat. General.

Seç. 4. **S**Copus frequentis illius Intertextura Platonismi & Cartesianismi in hisce, &c. Quantum ad Cartesianismum, intelligendum est, non quidem Univer- saliter (ut nec de Platonismo) sed de selectioribus aliquibus Theorematis. Ea enim pars quæ insinuat Mundum meris rationibus Mechanicis aut conditum aut consisten- tem, apud me non solum non admittitur, sed exploditur, ut videre est in Enchiridio Metaphysico, & in Epistola ad V. C.

Seç. 8. Nec ad hunc usque diem in ullum aut hominem incidi aut librum, qui quicquam, &c. Cujus rei veritas satis tibi innotescere potest ex eis quæ occurrunt in Scholiis Antid. contra Atheism. lib. 1. cap. 8. & in Appendice, cap. 4, 5, 6, 7.

Seç. 10. Aut saltem non esse possit essentialiter præsens Materia, &c. Nam quod ad Nullibistarum opinionem attinet, quantum sit delirium abundè demonstravi in En- chiridio Metaphysico, cap. 27.

Seç. 13. Pars verò prior qua Solum æternum affirmat, &c. Si per Solum hoc intel- ligatur Potentialitas externæ Creationis futuræ, rectè dici potest æternum: Si verò per ipsum intelligatur Monadum Abyssus ab æterno fuisse, nequaquam est proba- bile.

Seç. 16. Nobilis hic Genius, inquit ille, &c. Et certè minimè mirandum est Cle- mentem tam benignè de Cassiano loqui, cum ipse videatur eandem opinionem asse- rere in Protreptico suo, ubi de Christo loquens eum ait, αὐτῷ εἰς ἡγᾶνς ἀνακαλεῖται τοὺς εἰς γῆν ἐρριμμένους, rursus in cælos revocare qui in terram projecti essent.

Seç. 18. Me tamen nullatenus per conscientiam obligatum sentio, &c. Quod in hac Sección de Cabbala Philosophica vel potius Physica sive de Interpretatione Bereshith dicitur, idem intelligi volo de Mercava, sive de Interpretatione Visionis Ezechielis, quæ in hoc volumine occurrit. Est enim par utrobique Ratio.

Seç. 19. Sed enim verò si tempus, quod magna omnia gradatim, &c. Idemque hoc ad Expositionem meam Mercavæam perinde atque ad Bereshith extendi volo.



ANTIDOTUS  
Adversus  
ATHEISMUM:  
SIVE  
Ad NATURELES Mentis Humanæ  
FACULTATES  
PROVOCATIO  
Annon sit DEUS.

Per HENRICUM MORUM  
Cantabrigiensem.

Trismegist.

Ἡ μεγάλη νόσος τῆς ψυχῆς ἡ ἀθεότης.

Aristot.

Οἱ ἄνθρωποι πρὸς τὸ ἀληθὲς πεφύκασιν ἰκανῶς, καὶ τὰ πλεῖα τυγχάνουσι  
τῆς ἀληθείας.

L O N D I N I,  
Typis R. Norton, impensis J. Martyn & Gualt. Kettilby,  
M DC LXXIX.

AND OF

THE

OF

OF

OF

OF

OF

OF

OF

OF

OF

OF





HONORATISSIMÆ DOMINÆ,  
DOMINÆ ANNÆ

Vicecomitissæ de Conway & Kilulta.



*M*agna illa opinio, *Honoratissima Domina, vel potius certa notitia, quam de singulari tuo Ingenio ac Virtutibus habeo, animavit me, vel ut rectius dicam, imperavit, ut neminem alium, præter teipsam, præsentis hujus Tractatus Patronum eligerem.*

*Nam præterquam quod tibi debitum, perinde ac præsentī huic Sæculo, & succedenti Posteritati officium præsto, dum tam eminentium Perfectionum, transcendentisq; Præcellentiae Orbi Testis sum; non parum mihi ipsi præterea placeo, dum apud me tacite persuasissimus cogito, Mysticam illam ac profundam Morali-tatis Imaginem à Cebete scriptam & in Saturni Templo suspensam, (quod in Divinum honorem factum est sapientiæ illius Numinis) nec tutius nec congruentius collocatam fuisse, quam accuratam hanc Naturalis Theologiæ sive Metaphysicæ Descriptionem quam ego tam Nobili, tam Sapienti tamq; piæ Personæ dedicavi. Et quantum ad me, videtur profecto mihi æquè vera cultus Religiosi pars Homines virtute præstantes honorare, atque sublevare egestate oppressos, quod Christianitas Sacrificium appellare non dubitat. Nec quicquam sanè hîc extat quod Hyperbolen sapiat sermonemve altum & exaggeratum, cum apud omnes in confesso sit, apud Prophetas, Apostolos, antiquosq; Philosophos, Homines sanctos ac bonos Templâ esse viventis Dei. Atq; equidem Divinitatis Residentia in illa Heroica nobilis tuæ Personæ Pulchritudine tam conspicua est, ut Plato, si in vivis esset,*

esset, timidam suam Suppositionem in Actum, quod aiunt, reductam reperire posset, attonitaq; illius Anima, summa cum voluptate, Virtutem visibilem factam, etiam externis suis oculis contemplari.

Ac sanè lubens fateor, Honoratissima Domina, tam Divinam Constitutionem, quam hæc tua est, nullo indigere Antidoto, quippe omnis Infectionis & vacuum & incapacem. Et si reliqui Mortales, vel ad minimum hujus sanæ Complexionis, generosiq; Mentis temperamenti gradum pervenissent, quinimò si vel ad æquilibrem quandam Indifferentiam, ita ut neutro propenderent, reducti essent, hoc est, si quotquot nullum Dei amorem habere supponuntur, ullamve Divinæ vitæ notitiam aut experientiam, ex cæco quodam serviliq; Timore eum non oderint, hoc meum, inquam, fateor Antidotum, aut superfluum repertum iri ac supervacaneum, aut si qua occasio illud requireret, Remedium præsentissimum. Etenim cum hæc veritas de existentia Dei æquè clarè demonstrabilis sit atq; ullum Theorema Mathematicum, fieri non posset quin æquè firmum & universalem extorqueret assensum, nisi funestarum sequelarum formido intellectus hominum corrumpere, ac Præjudicium Suiq; prætimescentia Incertitudinem & Obscuritatem rei tam manifestæ prætexeret. Cæterum ut sunt tempora, non possum quin pronunciem, majori Antidotum meum usui esse quam optarem. Et certè si minori esset, vel ferè nulli, voluptas tamen, quæ in legendo hoc Tractatu percipitur (etiam ab eis qui per sanctam quandam Fidem Divinumq; sensum, Conclusioni ad quam collimo firmiter adherent) operam quam ei scribendo impendi, abundè esset compensatura. Quemadmodum enim oculi vegetissimi, & qui ad clarissimam lucem minimè connivent, haud illubenter dorsum obvertunt Soli, quò pulchritudinem illius refractam in amœnissimis Iridis coloribus contemplantur; ita perfectissimæ Mentes & quæ Divinæ Imaginis modo vivacissimo factæ sint compotes, non possunt quin miro quodam gaudio ac voluptate perfundantur, dum gloriosam Dei Sapientiam ac Bonitatem tam pulchrè in externis Naturæ Objectis depictam observant & tam peritè variegatam.

Quæ quidem voluptas quanquam omnibus redundat, nullis tamen perinde atq; eis, qui Temperamenti sint magis Philosophici & Contemplativi. Ac proinde tibi præ cæteris omnibus, Honoratissima Domina, cujus Genium novi adeò Speculativum esse, ingeniiq; acumen in rerum Naturalium pariter ac Divinarum Scienti-



am adeò penetrans, ut non solum tui Sexûs, sed alterius etiam ea in re superaveris universos, nisi quorum ætas ætatem tuam nimium quantum superaverit. Et certè nunquam satis laudari potest sapientia tua ac iudicium, quæ amplitudinem Fortunarum earum quibus Divina Providentia te locupletavit, ad usus optimos applicas. Optimus enim Divitiarum fructus est, quantum utique ad nos ipsos, quod, cum pulchrè jam nobis prospectum esse deprehenderimus, plenam habeamus facultatem temporis impendendi ut volumus. Optima verò Temporis usura est, contemplatio Dei & Naturæ. Qua in re si præsentis hæc lucubrationes meæ tam grata tibi reperiantur atque utiles quàm ipse ausus sim præsagire, equidem post lucrifactionem Animarum ab Atheismo ad Deum dulcissimus erit fructus, quem illæ unquam possint reddere

Humillimo tuo servo

atque addictissimo,

HEN. MORO.

Museo, Cantabrigiæ,  
3. Kalend. April.  
A. D. 1650.

PRÆFATIO.

*[The page contains faint, illegible handwriting, likely bleed-through from the reverse side.]*

over 1000 million

omif. 11ba enj re

NO. 2000

A. D. 1870.  
J. H. A. J. J. J.  
J. H. A. J. J. J.

OTAS 11



# P R Æ F A T I O.

1. Authoris Apologia quòd hunc Tractatum scripserit, cùm tam multi jam extant de eodem Argumento.
2. Quæ scripsit, propriæ suæ mentis esse Emanationes, peculiarémque suum Usus habere posse, apud Homines ejusdem Genii.
3. Se nec Rhetoricam affectare nec Philologiam, nec numerosam Popularem Argumentorum Pompam, sed Rationem solidam & inexpugnabilem cum Methodo perspicua.
4. Se certò ac indubiè Divinam Existentiã demonstrasse hoc uno Postulato concessò, *Quòd Facultates nostræ veræ sint.*
5. Modus ejus peculiaris primum adhibendi argumentum *Cartesianum*;
6. Causæque cur reliqua rejecerit.
7. Cautio & selectus in adhibendis ejusmodi argumentis, quæ à generalioribus Naturæ Phænomenis petantur:
8. Quemadmodum & in eis quæ ab Animalibus.
9. Cura ac selectus in istiusmodi Historiis quæ ad *Spirituum* existentiam probandam faciant.
10. Certitudo id genus Argumenti.
11. Ratio cur Historiarum miraculosarum è Sacris Scripturis recitationem omiserit.
12. Quanto studio ad caput sensumque Athei se demiserit stylumque attemperaverit, quo eum ab Atheismo suo liberaret.

1.



*U*bis argumentis, amice Lector, ad publicandum hunc præsentem Tractatum inductus essem, quanquam tanta copia id genus Scriptorum jam extet, tuæ malletm perspicacitati explorandum relinquere, quàm meipsum ad eam immodestiam compelli, ut quicquam eloquar, quod nullam ei præcellentiam tribuere videatur, præ eis qui jam venales prostant super eadem Materia. Hoc tantum dicam, me datâ operâ ab omnibus hujus generis Tractatibus legendis abstinuisse, ut eo magis sincerè & inturbatè faciles propria mentis emanationes describere possem, nec ab eo abduci, quod sponte ex me ipso enasciturum esset, cogitationes præoccupando Inventis aliorum.

2. Scripsi igitur secundum nullum Exemplare præter æternos humanæ mentis Characteres, notæque Naturæ Phænomena. Cùmque omnes homines hæc consulant, qui congruenter scribere conantur, quanquam haud pari ubique successu; equidem aliter evenire non potuit, quin eadem rerum Capita attingerem, quæ illi qui ante me scripserunt. Quia tamen si haud mediocrem commendationem ob elucubrata sua opera mereri possint, meos tamen conatus tales fuisse spero, ut licet Rivales esse non affectent in eorum laudibus aut participes, non diffidam nihilominus, pro sua parte bonum illud publicum promoturos, ad quod hujusmodi scripta vulgò collineare prætendunt.

Id enim quod me ad præsentem hunc Tractatum publicandum animavit, non erat, ut supra monui, quòd propria mihi adblandiretur opinio, quasi aliquantò ornatioꝝ aut plausibilior esset quàm qui jam in manibus hominum versentur, sed quòd sit diversi generis, suæque peculiare utilitates habeat atque commoda, seorsim, ab aliisque distincta. Quorum proprias præcellencias de longè admirari quidem potest, minimè verò ausit se ad eos æquiparare. Aded ut nihil Tautologiæ commissum sit ex eo quòd quæ scripsi Lectioni publicæ commendaverim; nec quicquam aliorum laboribus derogatum, quòd hosce obtulerim fructus meorum. Etenim cùm tam diversa existant hominum Ingenia ac Temperamenta, non omnino diffido, quin, quemadmodum quæ alii scripserunt, multis fuerunt accepta & utilia, ita hoc meum nonnullis haud ingratum futurum sit, nec frustrâ propterea scriptum.

3. Quanquam enim Lectori polliceri non possum, me tam flexanima cum Eloquentia amænâque Philologia cum excepturum esse, quàm ipsi fortean alibi obtingat; spero tamen eum agniturum, modò mens ejus nullo labore præjudicio, luculentam Rationem ac solidam, Methodumque facilem ac perspicuam, se obviam ipsi dedisse.

Atque equidem, tametsi copiosâ illâ argumentorum varietate, quod alii solent, eum instruere haud valeam; frugalitatem tamen curæ, tutâque selectus diligentia quem feci, eorum paucitatem meritò videri potest compensare.

Quemlibet enim Hominem appello, an talium argumentorum, quæ effugium facile admissura sint, propositio (quamvis hoc peculiare privilegium habere possint, ut ad majorem

D

pompa

pompam faciant, & primo quidem aspectu formidabilia videantur propter multitudinem) animos Atheo non addat, faciatque opinari, cum horum aciem tam facile obtundere queat, reliqua haud majorem prioribus habere soliditatem, quin & ea similiter si luberet & liceret per otium, se facile enervare posse Univerſa.

4. Quamobrem eis ſolis inſiſtendis operam dedi, quæ non ſolum in ſe vera ſunt, ſed Adverſario inevitabilia, niſi clypeum abjicere velit, liberumque naturalium Animi facultatum uſum abnegare, ac ſeipſum ſtupidum omnino Scepticum profiteri. Caterum modo nobiſcum admittere velit unum hoc Poſtulatam ſive Hypotheſin, Quod Facultates noſtræ veræ ſunt, quamvis paulo modeſtius in ipſo Tractatu locutus ſim, hic tamen credo me poſſe, citra omnem vanitatem aut jactantiam, liberè profiteri, me omnino demonſtrâſſe, Deum exiſtere; quantoque quis magis ſerio operam navaverit robori obſiſtendo meorum argumentorum, eum tanto fortiora ea eſſe inventurum, (quemadmodum ubi quis digitis debilibus contra parietem marmoreum obniſitur) nullique ea levia apparitura eſſe niſi ei qui negligenter leviterque ea conſideraverit. Etenim de libris illa non ſum mutuatus, ſed ex ipſa rerum natura arceſſivi, & indelebilibus Humana Animæ Ideis.

5. Et certè hoc expertus ſum, cum intra tam anguſtum ambitum me continerem, ut nulla Ratiocinia affectarem, niſi quæ admodum conſpicuam haberent refinatam, & perquam arctam connexionem cum Argumento præ manibus, me naturaliter incidiffe in quicquid magnoperè fecerit ad propoſitum: Atque ſic meis contentus nihil è copia recepi atque opulencia aliorum. Et ſi quid fortè ex aliis animo occurrebat, illud admittere non potui, ubi, proprio judicio, effugiis obnoxium cenſuiſſem. Neque enim mihi in animo erat imponere Atheo, ſed eum convincere. Ac proinde Cartesium, cujus Mechanicum Ingenium nunquam ſatis admirari potui, tanquam Metaphyſicorum Magiſtrum heic ſequi nolui. Unde factum eſt, ut primo tantum ejus argumento uſus ſim, niſi Scholarum potius cenſendum ſit, aut meum iplius quàm ejus argumentum. Credo enim me tali modo ipſum adhibuiſſe, & omni ex parte tam firmiter ſuffulſiſſe & corroborâſſe, ut pari jure ipſum mihi vendicem atque quicquam alius.

6. Quantum verò ad reliqua Argumenta, \* quæ Objectivam Realitatem Ideæ Dei, efficientiam humana Mentis excedere ſupponunt, mentemque humanam omnem illam perfectionem cujus Ideam habet, niſi ab alio exiſtiſſet, ſibi collaturam fuiſſe; & poſtremo, cum nullam facultatem habeat conſervandi ſeipſam, cumque præſens ac futurum tempus nullam alterum ab altero habeant dependentiam, eam perpetuò reproduci, hoc eſt, ab altiori aliqua Cauſa conſervari, quam necesse ſit eſſe Deum: Hæ rationes, inquam, cum tam facile ab Atheo eludi poſſint, non auſim eis conſidere, niſi Authoris ingenium haberem quo defenderem, qui, quæ erat ejus dexteritas, quilibet propugnare valuit. Mihi verò talibus ſuffugiis obnoxia videntur, quibus nequaquam via poſſit intercludi.

Nam Mens humana, quemadmodum promptè reſponſurus eſt Atheus, ex ſe ipſa talem efformare poteſt Ideam Dei qua de illis diſputatur. Quæ Ideæ nihil aliud erit quàm præſens Mentis modificatio, quales ſunt reliquæ Notiones, Effectumque eſſentia ejus ac potentia; illaque potentia eſſentia eſt proprietas radicalis. Ità ut nullus exceſſus ſit Effecti ſupra efficientiam Cauſæ, quanquam ultra Mentem ipſam cogitationes non extendamus. Hanc enim Notionem Dei aquè naturaliter format aquèque ſine ope ullius altioris Cauſæ, atque quicquam aliud agit cujuſmodicunque.

Et quantum ad contributionem ſibi ipſi iſtarum perfectionum, quarum Ideam in ſe habet Mens, ſi à ſeipſa exiſtiſſet, contradictionem implicat, inquiet Atheus, ſupponitque rem antequàm exiſtat, conſilium inire poſſe de rationibus maxime commodis ſuæ exiſtentia. Verum enimverò ſi Mens ſit à ſeipſa, talis eſt qualem ſeipſam deprehendit, nec eſſe aliter ullo pacto poteſt.

Ac proinde poſtremo, ſi mens deprehendit ſe exiſtere, perimere ſeipſam pro libitu non magis proſectò poteſt, quàm ſeipſam producere, nec quoquam indiget ad perpetuandam ſuam Exiſtentiam, modo nihil in Natura ſit quod in eam agere poſſit, ità ut eam è rerum natura exterminet. Nam quicquid eſt, ſic eſſe continuat donec aliqua Cauſa ipſum mutaverit.

7. Similiter in eis Argumentis quæ ab externa Natura petri, perinde atque in illis quæ petuntur ab innatis humana mentis proprietatibus, cura mea ac ſolicitudo in eorum ſelectu, admodum amplas fecit deſalcationes. Quippe cui viſum eſt eis poſtius rebus inſiſtere quæ aliter ſe habere poſſent, & tamen longè melius ſe habent ut ſunt, quàm eis quæ neceſſaria eſſent, nec aliter poſſent ſe habere. Ut exempli gratiâ, quando diſtantiam Solis conſiderabam, equidem id Providentiam magnoperè arguere non putavi, quod in tam hamili loco non collocatus eſſet quàm Luna, nec in tam ſublîmi quàm Stellæ fixæ, quoniam reſponderi poſſet, neceſſarium fuiſſe, ut inter duo iſta ſpacia ſitus eſſet, quippe quàm Terra aliter non futura fuiſſet habitabilis, atque ſic humani Generis exiſtentia differenda fuiſſet donec

Materia



*Materia Agitatio res in magis tolerabilem aptitudinem ac posituram reduxisset, ipsorumque productioni magis convenientem.*

*Nec sanè Annuus Solis Motus, vel potius Telluris, simpliciter consideratus ullum insigne est Divinæ Providentiæ argumentum, quippe qui æquè necessarius est atque ligni in fluvio delatio, graminumve circumlatio aquæ vortici injectorum. Leges verò ejus motus tales sunt, quæ Providentiæ perquam manifestò arguant. Unde necesse habui prius argumentum missum facere, & copiosius insistere posteriori.*

*Nec è re fore putabam Rhetorem agere proponendo ante oculos magnam rerum varietatem, aliarumque præ aliis præcellentiam, sed finem diligenter premere ac subordinationem unius rei ad alteram, ostenderèque, cum millies probabilius sit, rudes Materie motus eam secus disposituros fuisse, productiones tamen rerum tales esse quales nostrà Ratio non potest non approbare tanquam optimas, qualèsvæ nos ipsi, si in nostrà fuisset potestate, eas constituturos fuissetmus.*

8. *Atque sic in contemplatione Animalium, argumenta urgeo non tam ab eorum diversitate & subsistentia (quanquam Materie formatio in nudam Animalis subsistentiam ignobilioris Causæ effectum esse non potest, quam quæ aliquà peritiâ polleat ac consilio) sed exquisita partium eorum confirmatio est quam tantopere inculco, quòdque Structura ipsorum multo perfectior est, quàm quæ tantummodo nudæ ipsorum Existentiæ perpetuationique in rerum natura possit inservire. Quæ indubia quidem Demonstratio est, ea Sapientiæ effectus esse, non Fortunæ fructus aut Materię fermentatæ.*

9. *Postremò, quando ad Historiam rerum miraculosarum descendo & supra ordinarium Naturæ cursum positarum, ad probandam Spirituum Existentiæ, ut eo facilius Atheus induci possit ad credendam Existentiæ Divinam; tam cautè hic ac circumspèctè me adhibeo, ut nullas Narrationes in medium proferam, quas aut Sacerdotis avaritia, aut Credulitas impotènsque Imaginatio hominum Melancholicorum reddiderit suspectas.*

10. *Nec potui certè ab hoc argumento me abstinere, cum tam congruum esset tamque cum presenti meo Proposito conjunctum: quanquam interim minimè me latet, quàm ridiculum eis quibuscum mihi res est, videatur. Verùm præfidentissima ipsorum Ignorantiâ nunquam effectura est ut me pudeat certa mea firmitèrque fundata Scientiæ. Neque enim indiligens harum rerum explorator fui, & à pueritia ad hunc usque diem, in plures causas incidi cur Existentiæ Dei credam Divinamque Providentiæ, quàm par sit ut heic particulatim profiterer.*

11. *In hac rerum miraculosarum sive supernaturalium Historia, recitare quidem potui Prædicia illa notabilia, quæ post Nativitatem, in Vita, & in Morte denique Christi contigerunt, ut Stellam, quæ Magos duxit ad recens natum Infantem; Voces cælitus auditas, testificantes Christum filium esse Dei; & postremò, miraculosam Solis Eclipsin, factam quidem non per Interpositionem Lunæ (quippe quæ tunc erat in Oppositione) sed propter Interpositionem, totalemve Involutionem si malles, spumosarum istarum Macularum quæ subinde, plus minus, super faciem ejus extenduntur, nunc verò ad eam spissitudinem adeoque universim eum inundaverant, ut Dies repente interceptus esset ab attonitis oculis Incolarum Terræ. Quibus diris Symptomatis, quamvis Sol aliquammultis temporibus obnoxius fuerit, ut latitantes tamen hæc causa tam subito in Passione Messie exilirent solèmq; opprimerent, idque tam enormiter, is ejus mens caligine prodigiosiori quàm Sol tunc Eclipsi non laborat, haud potèst quin primo intuitu agnoscat, speciale Divini Consilii Providentiæ Effectum.*

*Verùm nulli sacræ Historiæ insistendum putavi, partim, quòd tam plene vulgòque jam nota sit, ut planè futurum fuisset supervacaneum, sed præcipue, quia probe novi, quòd Atheus magis resulturus sit ad quicquid à stabilita Religione allatum fuerit, ab eoque fugiturus, indomiti mannuli instar in pascuis ad aspectum freni aut capistrì, aerem per nares attrahens, dolùmque de longè odorans, quemadmodum ille imperitè imaginatur.*

12. *Caterum ut à me minus sibi metueret, ad illius formam Geniùmque meipsum composui quantum potui sine ejusdem vesaniæ aut Impietatis contagio: comparuique sub aperta specie puri puti Naturalistæ, quò possem eum quoquomodo ab impuro suo crassòque Atheismo liberare.*

*Is enim qui manum porrigit alteri in foveam lapsò opitulaturus, oportet ipsam, quam non labi quidem, tamen incurvare se corpùsque inclinare. Et qui cum Barbaro sermocinatur, eum suâ linguâ oportet alloqui; similiter qui lucrifacere studet magis infirmas corporique immersas mentes nimium quantum sensibus mancipatorum Mortalium, ad eorum captum se demittere debet, qui Vespertilionum instar & Nocturnum, nusquam clariùs vident, quàm in subobscura malignæ Luce proprii sui Crepusculi.*

## SCHOLIA

In Præfat. Sect. 6.

**Q**uæ Objectivam Realitatem Ideæ Dei, &c. Per Realitatem Objectivam Ideæ intelligo entitatem rei repræsentatæ per Ideam quatenus est in Idea. Nam quæcunque percipimus tanquam in Idearum Objectis, ea sunt in ipsis Ideis Objectivæ. *Cartes. Respons. ad Object. 2. Metaphys. Defin. 3.*

ANTIDOTUS



# ANTIDOTUS

Adversus

# ATHEISMUM.

## LIBRI PRIMI

### CAP. I.

1. *Proclivitatem hominum in hisce Mundi Seculis ad liberandum seipsos à metu atque onere Superstitionis studium reddere tempestivum, cursum ipsis detorquendi ab Atheismo.* 2. *Qui Religioni adhærent ex sola Superstitiosa Consuetudine, illo vinculo semel disrupto, facile Atheos evadere.* 3. *Utilitas hujus præsentis Tractatus etiam eis qui seriam Religioni dant operam.*

1.



**M**AGNA illa Veritas cui demonstrandæ operam heic insumere statuimus, est *Existentia Dei*. Atque hoc quidem argumentum præ reliquis elegimus, tanquam temporibus & in quibus versamur, & quæ mox successura sint, apprimè consentaneum. In quibus cum Divina Providentia mentes hominum à metu ac tyrannide merarum Superstitiosarum Consuetudinum magis universim relaxaverit, rerumque Religionis recognitionem liberiores permiserit quàm in præteritis seculis, occasionem arrepturus est *Tentator*, ubi poterit, homines captivos abducendi ex uno tenebroso carcere in alterum, ex *Superstitione* utique in ipsum *Atheismum*.

2. Id quod ipsi facile factu erit in istiusmodi Hominibus, qui modo quodam tantum *exteriori*, Religioni adhæserint, nempe ut morem tantum gerant *consuetudini*, aut ex *cata obedientia* auctoritati alicujus *Ecclesiæ*. Nam simulatque externa hæc Cultus fabrica cum fragore ac strepitu corruerit, cum reverà interim vero Dei timore & amore intus vacui sint, & propter corruptam suam naturam vitiisque deditam usu facultatum suarum magis libero omnibusque præjudiciis exuto destituti, facile profectò allicientur ad assensum ei præbendum, quod è re sua in præsens tantoperè fore videatur; atque sic ex labefactione lapsusque illius quod illi præcipuam olim *Religionis* structuram reputaverant, animati obfirmatique, perlubenter tacitis suis cogitationibus etiam ipsum *Objectum* Religiosi illius Cultus postea humi prosternent, concludentque *nullum Deum* esse perinde atque nullam *Religionem*, hoc est, Nullum esse vehementer discupient, ut ab omnibus animi moribus & contractiunculis immunes esse possint, molestiæque corrigendi mores suos, ac timore rationem reddendi vitæ heic transactæ pro magno illo Tribunali.

3. Quamobrem ad istos ad bonam frugem reducendos, si possibile esset, aut saltem ad succurrendum, extricandumque hos quorum cordibus Dei amor uberiores in modum inhabitat, (qui obfuscente aliquâ Melancholiæ nubeculâ, aut majori solito *Tentatoris* importunitate inquietari fortè animo possint, & cogitationibus suis circa hoc tanti ponderis argumentum irretiri) operæ pretium duxi studium nostrum ac conatus huic tam utili ac tempestivo Instituto impendere, quo demonstramus, *Deum* *existere*.

CAP.

## CAP. II.

1. Nihil sic demonstrari posse, ut mens humana cum ratione concludere possit, quòd impossibile sit rem aliter se habere. 2. Animam humanam plenum Assensum ei præbere posse, quod tamen aliter se potest habere, multis probatum exemplis. 3. Consimile Dissensus exemplum. 4. Cause cur huic rei probanda tam sedulam navaverit operam. 5. Atheum nihil sibi lucrari ex libera Authoris Confessione, quòd argumenta sua non sint adeò demonstrativa quin locum relinquunt possibilitati, ut res aliter se habeat.

1. CÆterum quando loquor de *demonstranda Dei Existentia*, nolo me suspectum tantæ vanitatis & ostentationis, ac si insinuare velim me nulla allaturum esse argumenta, nisi quæ ita demonstrativa sint, ut Intellectus humanus cogatur confiteri impossibile esse rem aliter se habere atque concluderim. Etenim, quantum ad me, equidem proclivis sum ad credendum, nihil omninò sic demonstrari posse. Nam possibile est ipsam *Evidentiam Mathematicam*, constantem esse & indetectam delusionem, cui natura nostra necessariò ac perpetuò obnoxia sit, fuisseque semper ab omnibus retrò seculis sive fataliter sive fortuitò istiusmodi Animal, quem *Hominem* appellamus, cujus essentialis Proprietas sit, tum falli maximè cum rem omnium evidentissimè se percipere cogitat. Et cur obsecro, hoc non esse potest, perinde atque aliud quicquam, si omnia velis aut *fato* aut *casu* evenire sine Deo? Nullum enim frænum injici potest huic tam vesanæ Imaginationi, nisi supponamus nosmetippos ab altiori Principio Originem duxisse, quod absolutè *bonum* sit atque *sapiens*, quod idem est atque agnoscere, *Quòd sit Deus*.

2. Quamobrem quando profiteor me demonstraturum quòd *Deus existit*, non polliceor me semper istiusmodi allaturum esse argumenta, quæ Lector agniturus sit tam firma ut cogatur confiteri prorsus impossibile esse rem aliter se habere. Sed talia futura sunt quæ plenum mereantur Assensum, plenumque extortura sint Assensum ab Homi- nibus nullo præjudicio laborantibus.

Nam in ea equidem sum sententia, quòd plenum illi assensum præbere possumus, quod tamen nihilominus aliter se habere potest. Quod & multis exemplis illustrabo. Supponamus duos homines ad summitatem *Atho* montis ascendisse, illicque lapidem in forma *Altaris* cum cineribus ipsi impositis, vestigiisque hominum cineribus impressis, verbisve aliquibus, si malles, ut *Optimo Maximo*, vel τῷ ἀγνῶστῳ θεῷ aut similibus, inscriptis exaratisve super cineres, dum attentius contemplantur, alterum statim exclamare, Certo certius homines hîc fuerunt, qui hæc effecerint; alterum verò scrupulosiorem quidem quàm sapientiore continuò respondere, Immo verò *Possibile* est rem longè aliter se habere, lapis enim naturaliter in hanc ipsam formam crescere potuit, & qui videntur cineres esse non esse cineres, hoc est, non esse reliquæ ullorum lignorum illic combustorum, sed inexplicabiles aliqui & imperceptibiles Aeris motus, aliarumve particularum hujus fluidæ Materiæ, quæ ubique admodum ætuosa est, partes Materiæ in naturam speciemque cinerum formare potuerunt, talisque lusus gyròsque absolvere, ut tandem in eisdem intelligibiles istos characteres figuraverint. Sed enim, quisquàmne hominum est, qui non animi debilitatem ipsâ dementiâ haud inferiorem in illo altero æstimaturus esset, si vel tantillum de priori sententia recederet, nec æquè plenè ac priùs primo suo effato assentiret & adhæresceret, nihil obstante nudâ istâ *Possibilitate* quòd res aliter se habere queat?

Similiter de *Anchoris* quæ è terra effossæ sint, sive in camporum planitie sive in locis montanis, uti etiam de *Romanorum Urnis*, cum cineribus & Inscriptionibus ut *Severianus*, *Ful. Linus* & similibus, vel de *Numismatis Romanis*, cum *Effigiebus* *Numinibusque Caesarum*, vel quod frequentius occurrit, de *Craniis humanis* in quolibet cœmeterio, ritè quidem figuratis, & cum omnibus istis necessariis perforationibus ad vasa transmittenda, præter conspicuas illas Cavitates oculis destinatas, dentiùmque series, *Os Styloides* & *Ethmoides* & quid non? Siquis de istis dixerit, quòd motus particularum Materiæ, vel abdita aliqua vis *Spermatica* has & *Anchoras* & *Urnas* & *Numismata* & *Crania* generaverit, non aliud pronunciat, quàm quod Humana Ratio admittere debet tanquam possibile. Nec potest quisquam *Numismata* ista, *Anchoras* & *Urnas* hominum olim fuisse artificia, aut hoc vel illud *Cranium* partem vivi hominis, ita unquam demonstrare, ut coactus sit quenquam agnoscere impossibile esse ut aliter fiat. Et tamen minimè credo, quenquam fore, nisi manifestam suis facultatibus



facultatibus vim intulerit, qui assensum suum suspensus sit, quò minùs hoc vel illud *Cranium* olim partem vivi alicujus hominis fuisse, hâsque *Anchoras*, *Urnas*, & *Numismata* pro certo humanâ arte facta esse liberè plenèque sit agnitus, non obstante *possibilitate* quòd res aliter se queat habere.

3. Et quod dixi de *Assensu*, de *Dissensu* perinde verum est. Nam mens humana, rationis adhuc compos nec magnis laborans præjudiciis, per naturalem suam sagacitatem pleno æternòque diffidio à quibusdam rebus dissentiet, quas tamen quanquam tam obfirmato minimèque fluctuanti animo rejicit, nullius vel subtilissimi hominis acumen demonstrare potest impossibile esse ut sint veræ. Ut si hujusmodi figmentum comminisceremur, *Archimede* scilicet eo ipso corpore, quod habebat cùm à milite occisus est, sub terra jam incolumem, figuris suis Geometricis prope centrum terræ esse intentum, procul à tumultu strepitùque hujus Mundi qui meditationes ejus interpellare possint, animùmve à curiosis delineationibus quas virga in pulvere describit, avocare: Equidem nemo mortalium demonstrare potest hoc planè esse impossibile; Et tamen, qui non æquè inconciliabili dissensu à tali fabula abhorret, atque ab ulla falsitate quæ fingi potest, is homo profectò proximè abest à dementia & deliratione, aut enormem vim infert libero usui suarum facultatum.

Quamobrem manifestum est firmum esse posse indubiùmque *Assensum* vel *Dissensum*, cùm tamen id cui sic assentimus aliter se habere possit, aut id à quo tantoperè dissentimus, demonstrari non possit impossibile esse ut sit verum.

4. Qua in re tam diu varièque lusimus, ut firmior scèlicetque Lectori illius fiat impressio, cùm haud exigui usûs sit aut momenti, tum ad eum monendum, quòd argumenta quæ allaturus sum, tametsi ostentatorio illo *Demonstrationis* Titulo ea non exornem, æquè tamen efficacia esse possint ad extorquendum *firmum minimèque fluctuantem assensum*, atque si iste Titulus strictissimè sumptus ad ea pertineret; tum etiam ad revocandum ei in memoriam, quòd, si tam firma sint tamque commodè adaptata, mentisquæ humanæ facultatibus adedò consentanea, ut nihil habeat quod respondeat, nisi quòd nihilominus possibile adhuc sit rem aliter se habere, *liberum plenumque* debeat *assensum* præbere conclusioni, & si non fecerit, quòd seipsum potiùs suspectum habere debeat alicujus intemperiei, præjudicii, aut imbecillitatis, quàm argumenta, defectûs roboris.

5. Quòd si *Atheus* è contrâ, hoc candore meo ac fidelitate abusus sit, ad imaginandum se magnum quid lucratum esse ex hac libera mea Confessione, quòd argumenta, quibus usus sum, non adedò demonstrativa sint, quin locum aliquem relinquant *Possibilitati* quòd res aliter se habere queat; addat modò in hisce lucris suis fictitiis computandis *Limitationem* hujus *Possibilitatis*, (nempe quòd non magis possibile sit quàm quòd apertissima *Evidentia Mathematica* sit falsa (quòd impossibile est, si facultates nostræ sint veræ) vel in secundo loco, quàm quòd *Romanorum Urna* & *Numismata* suprâ memorata *Naturæ* opificia reperiri possint non *Artificia Hominis*, quòd facultates nostræ tam parum probabilitatis habere admittunt, ut impossibile sit quin plenum *Assensum* præbeant parti contrariæ) & calculis demum rectè subductis, evidentissimum profectò erit, nihil præter crassam ignorantiam in hoc genere Arithmeticæ fore quòd ipsum animaturum sit ad se *Lucratorem* ponendum non autem meipsum.

### C A P. III.

1. Quòd determinatam notionem habere debemus Quid Deus sit, antequàm demonstrationem aggrediamur, Quòd sit. 2. Definitio Dei. 3. Quòd sit Idea Entis absolute perfecti in Mente humana, sive Atheus Ideam Dei agnitus sit, sive secus. 4. Nulum damnum inferri Naturalitati hujus Ideæ, quòd formari possit ab aliquibus occasionibus ab extrâ.

1. **A**Tque hisce quidem sic præmissis, propiùs jam ad præsens Institutum accedam. In quo prosequendo, è re fore puto, definire antè, *Quid Deus sit*, quàm ad demonstrandum progrediar, *Quòd sit*. Est enim humanæ Rationi obvium argumenta eruere, pro *Impossibilitate*, *Possibilitate*, *Probabilitate* vel *Necessitate Existentiæ* alicujus rei, ab explicatione illius *Essentiæ*.

Atque

Atque nunc quidem, postquam huc perventum sit, à quovis *Atheo* quæro, qui negat Deum esse, vel ab alio quolibet qui dubitat an sit necne, quam *Ideam Notionemve* formant illius rei quam aut negant, aut de qua dubitant? Si hîc tergiversari volunt & delicias agere, profitendo se nullam istiusmodi rerum *notionem* formare posse, perlubenter eos rogare vellem, cur igitur negent aut dubitent, de eo quod planè nesciunt? Etenim necessarium est ut is qui de re quapiam cum ratione dubitare eamve negare velit, determinatam notionem habeat illius rei de qua dubitat, aut quam negat. Quòd si profiteantur hanc ipsissimam esse causam cur negent, dubitentve *an sit Deus*, quòd nullam de ipso *Notionem* possint formare; hoc obstaculum è medio statim tollam, talem ipsis obferendo *Notionem*, quæ æquè propria *Deo* sit, atque quævis *Notio* ulli alii rei propria est per totam rerum Universitatem.

2. Sic igitur *Deum* definio: *Essentiam*, sive *Ens summè & absolutè perfectum*. Dico, *Summè & absolutè perfectum*, ut à tali Perfectione distinguatur quæ non sit *summa & absoluta*, sed perfectio hujus vel illius speciei rerum *finitarum*, putà Leonis, Equi vel Arboris. Verùm *summè & absolutè perfectum* esse est saltem tam perfectum esse quàm *Mens humana* quicquam concipere potest sine contradictione. Quod verò conceptui nostro planè repugnat, nihil attinet ad nos, quippe quos hîc nè latam quidem atomum recedere oportet à propriis facultatibus. Id verò quod ego proposui tantum abest, ut facultates nostras excedat, ut quemlibet *Atheum* appellare ausim, qui aliquem ad gradum sensûs rationisque adhuc compos sit, si non intellectu admodum facile est vel primo aspectu; & dato quòd sit *Deus*, si non talis à nobis existimandus est, qualem hæc *Idea Notiove* eum repræsentat.

3. Quòd si obstinatè negare vult hanc propriam *Notionem* esse *Dei*, suæ, per me licet, indulgeat morositati. Manet tamen interim indubium, quòd sit in homine *Idea Entis absolutè summèque perfecti*, quam formamus attribuendo illi omnem perfectionem quæ concipi potest sine ullius Imperfectionis aut contradictionis implicatione. Estque hæc *Notio naturalis & essentialis Animæ humanæ*, & quæ indè nec elui potest, nec ullâ vi technâve ingenii humani qualicunque quòquam ablegari, quamdiu *Mens sui compos* sit, nec ordinario suarum facultatum usu exciderit.

4. Neque quicquam huc facere reperietur, si quis objecerit. *Notionem* hanc non ità *connatam* & *essentialem Animæ* esse, propterea quòd eam formamus ab aliquibus Occasionibus ab extrâ. Etenim omnes eæ indubiæ Conclusiones in *Geometria*, quibus externum aliquod adminiculo esse potuit atque occasione, tam naturales nihilominus sunt & *essentiales Animæ*, ut animam æquè facilè à seipsa disjungere possis, quàm à perpetuo assensu istis Mathematicis veritatibus distingere, supposito quòd nulla intemperies eam inceserit, nec vis ulla illata sit facultatibus. Exempli gratiâ, non potest non agnoscere apud semetipsam, distinctas illas *Ideas* quinque *Regularium Corporum*, & impossibile porrò esse, ut plura sint quàm quinque. Et verò hæc *Idea Entis absolutè perfecti* æquè distincta & indelebilis *Idea* est in *Anima*, atque *Idea* quinque *Regularium Corporum* ullâve alia *Idea* cujusmodicunque.

Manet igitur firmum atque indubium, quòd inseparabilis sit *Idea Entis absolutè perfecti* semper residens, quanquam non semper in actum se exerens, in *Anima humana*.

## C A P. IV.

1. *Quæ Notiones magis particulatim comprehendantur in Idea Entis absolutè perfecti.*
2. *Difficultatem formandi conceptum alicujus rei, nullum argumentum esse contra illius Existentiam, cum natura Materia corporea adeò perplexa sit & intricata, quam tamen omnes agnoscunt existere.*
3. *Ideam Spiritûs æquè facilem esse Notionem atque ullius alterius substantiæ cujusmodicunque. Quæ facultates aut proprietates contineantur in Notione Spiritûs.*
4. *Æternitatem & Infinitatem, in aliud aliquod conjectum iri si Deus non existeret, adeò ut Atheismus mentem ab istiusmodi intricamentis liberare nequeat.*
5. *Bonitatem, Scientiam & Potentiam notiones esse summæ perfectionis, ac proinde in Idea Entis absolutè perfecti necessariò includi:*
6. *Quemadmodum & Necessitatem, quippe quæ majorem Perfectionem sonat, quàm Contingentia.*

1. **J**AM verò ut magis particulatim Perfectiones in hac *Notione Entis summè & absolutè perfecti* comprehensas explicemus atque evolvamus, equidem puto me hæc tutò recensere posse: *A se Subsistentiam, Immaterialitatem, Infinitatem tam*

*Durationis*



*Durationis* quàm *Essentia*, *Immensitatem* *Eonitatis*, *Omniscientiam*, *Omnipotentiam*, & *Necessitatem* *Existentia*. Esto igitur hæc Descriptio *Entis absolute perfecti*; Quod sit *Spiritus Aternus*, *Infinitus* *Essentiâ ac Bonitate*, *Omniscius*, *Omnipotens*, & a se ipso necessario existens. Quæ omnia *Attributa* cum *Attributa* sint *summæ Perfectionis* quam *Intellectus humanus* concipere potest, cumque nullam sibi intertextam Imperfectionem habeant, quæ quidem detegi potest; necessario ad illud pertinere censenda sunt, quod nos *absolute summæque perfectum* definimus. Quod si quis hîc obiecturus sit, hoc nihil aliud planè esse quàm *Notionem* è propria *Imaginatione* concinnare, quam postea callidè insinuare vellem *Notionem* esse *Dei*: Respondeo, Neminem hominem differere posse aut ratiocinari ulla de re, nisi ad aliquas determinatas *Notiones* recurrat in propria mente delineatas; Hujusmodique *Objectiones* implicare repugnantissimas absurditates quæ fingi possunt; quasi utique ratiocinari deberemus ex istiusmodi rebus, quæ in mentem nostram nunquam venissent, aut facultatum nostrarum captum prorsus excederent. Sed enimverò istiusmodi leves futilisque cavillationes nihil aliud produnt, quàm animum aversum à deprehendendo seipsum capaces ullum formandi conceptum de Deo, torpidamque propensionem ad subsidendum in æternam illius oblivionem, quo æquè stupidi & insensati evadant in rebus Divinis atque ipsa pecora campi.

2. Alii verò, fortean, *Notionem* hanc neutiquam contemptui habituri sunt, propter facilem suam *Compositionem* ex familiaribus mentis humanæ conceptibus in quos adeò frequenter se figurat, sed rejeçturi potiùs propter terminos aliquot duriusculos minùsque intelligibiles, cujusmodi sunt *Spiritus*, *Aternitas*, & *Infinitas*. Apertè enim profitentur se nullam de *Spiritu* *Notionem* formare posse, & ut quicquam *Aeternum* sit aut *Infinitem*, nescire se ità animum suum instituere ut ullo modo percipiant. Ac proinde quidam *Spiritum* omnem, tanquam *Chimeram*, è rerum *Universitate* nimis quàm præfidenter explodunt.

Cæterùm si difficultas formandi conceptum alicujus rei, ipsius rei *Existentiam* tollere debet, equidem nè *Corpus* quidem ullum relinquetur in *Universo*. Et tunc aut *Spiritus* omnia erunt, aut nihil. Quis enim tam tutam sibi formare potest corporis notionem, ut ab intricamentis se liberet & perplexitatibus, quas illius extensio secum adducit? *Extensa* enim hæc *Materia* aut consistit ex punctis indivisibilibus, aut ex particulis divisibilibus in infinitum. Quorum duorum utrumcunque elegeris, (nec licet invenire tertium) in quàm maximè enormes absurditates illaqueaberis. Nam si dixeris ex punctis consistere, Ex hac positione, necessario demonstrabimus, quamlibet lanceam Pyramidemve, \* aut quodcunque aliud oblongum corpus æquè crassum esse atque longum; \* maximè proceram Cedrum, non altiore esse quàm humillimum Boletum, \* Lunamque ac Terram tam propè ad se invicem accedere, ut nè manum quidem interponere possis. \* Rotunda & Quadrata ejusdem esse figuræ, \* Numerosque pares atque impares inter se æquari; & \* Diem denique lucidissimum æquè tenebrosum esse atque nigerrimam Noctem. Et si alterum *Disjunctionis* membrum elegeris, nihilo molliùs aut quietiùs se habitura est tua *Imaginatio*. Nihil enim divisibile est in partes quas non habet. Ac proinde si corpus divisibile sit in partes infinitas, partes infinitas habet extensas; & si infinitum habet partium extensarum Numerum, non potest quin admodum difficile videatur humanæ rationi mysterium, ut infinitæ numero partes extensæ in unam integram infinitam extensionem non evadant. Atque sic granum sinapis infinitè extensum æquè foret, atque tota *Materia* *Universi*, & millesima grani pars æquè ac ipsum granum. Quæ quidem res captum nostrum magis excedunt, quàm quicquam quod occurrit in *Notione* *Spiritus*. Quamobrem, nullam *Notionem* propter difficultates & intricamenta in ipsa concipienda, quibus obnubilari possit & obfufcari, rejicere debemus cum contemptu & fastidio, cum & illud de quo maximè certi videmur, intricatissimum conceptu sit & perplexissimum omnium quæ humano *Intellectui* proponi possunt.

Verùm hîc respondebis, sensus utique nostros tam manifestis *Impressionibus* à *Materia* feriri, ut quanquam illius *natura* difficilis sit conceptu, *Existentia* tamen nobis sit palpabilis, propter ea quibus nos afficit. At enimverò, cum ità sit, hoc unicum peto, cum te monuero de aliquibus *Actionibus* & *Operationibus* ad Sensus *Intellectusque* nostri notitiam pervenientibus, quas, nisi vim facultatibus inferamus, *Materia* sive *corpori* nunquam attribuere possumus, ut tunc tam delicatulo & averfo animo nolles esse ab admittendo talem substantiam quem *Spiritum* appellemus, quamvis aliquid difficultatis in ipso concipiendo, tibi occurrerit.

3. Quantum verò ad me, equidem existimo naturam *Spiritus* conceptu definituræ æquè facilem esse atque ullius rei alterius cujusmodicunque. Etenim quod ad

ipsam essentiam nudamve substantiam cujusvis rei attinet, admodum profecto imperitum esse oportet in rebus speculandis, qui eam non agnoverit prorsus incognoscibilem. Quantum verò ad *Essentiales* & *Inseparabiles Proprietates*, æquè intelligibiles sunt & explicabiles in *Spiritu* atque in ullo alio Subiecto quocunque. Ut exempli gratiâ, *Integram Ideam Spiritus* in genere aut saltem omnium finitorum, creatorum, subordinatorumque *Spirituum*, ex his distinctis facultatibus sive proprietatibus consistere autumo; nempe, *Sui-penetratione*, *Sui-motu*, *Sui-contractione* & *Dilatatione* & *Indivisibilitate*. Atque hæc quidem sunt, quas magis absolutas censeo. Addam etiam quæ ad aliud referuntur, suntque facultates *Penetrandi*, *Movendi* & *Alterandi* Materiam. Hæc proprietates ac virtutes simul sumptæ *Notionem* & *Ideam Spiritus* constituunt, quâ planè distinguitur à *Corpore*, cujus partes aliæ alias non possunt penetrare, non movet seipsum, nec seipsum potest contrahere & dilatare, partes verò habet alias ab aliis divisibiles & separabiles. Partes autem *Spiritus*, quanquam dilatari quidem possunt, separari tamen non magis possunt quam radii Solis fornice è crystallo pellucida confectâ abscindi. Atque hoc quidem sufficere potest ad definiendam *Notionem Spiritus*. Ad hunc locum non spectat *existentiæ* illius probatio. Ex hac descriptione interim manifestum est, *Spiritu* *Notionem* esse majoris perfectionis quàm *Corpus*, ac proinde magis idoneum quàm corpus ad constituendum *Attributum Entis absolute perfecti*.

4. Jam verò quantum ad duas illas alteras voces difficiles, *Æternitatem*, & *Infinitatem*, si quis se excusatum velit ab assentiendo *Notioni Dei* propter *Incomprehensibilitatem* istorum *Attributorum*, consideret apud seipsum quòd vel invitùs cogetur aliquid agnoscere *Æternum*, aut *Deum* aut *Mundum*, & quòd par utrobique sit intricatura. Et quanquam se expedire satagat à molestia concipiendi *Infinitam Deitatem*, quòd nunquam tamen se extricabit ab illaqueationibus *infiniti Spatii*. Quæ notio æquè arctè *Animæ suæ* adhærebit, atque ipsa facultas imaginationis.


5. Quòd verò *Bonitas*, *Scientia* & *Potentia*, quæ sunt tria subsequenti *Attributa*, *Attributa* sint *Perfectionis*, si quis proprias facultates consulat, concludetur indubitato verum. Nec quicquam certè aliud hîc scio quod consulat. Hoc *Responsum* saltem accipiet tanquam certissimum, Quòd *Ens absolute perfectum* aut hæc omnia habet, aut quòd ea modo quodam supereminenti continet. Et quòd aut *Scientia*, aut aliquid consimile in *Deo* sit, ex eo manifestum est, quòd sine *Animadversione*, aliquo in sensu, impossibile sit ut sit *beatum*. Ut verò *Ens absolute perfectum* sit nec tamen *Beatum*, pariter est impossibile. *Scientia* autem sine *Bonitate* non est nisi arida quædam subtilitas aut pestifera Astutia. Et *Bonitas* & *Scientia* *Potentia* destitutæ, mutilæ sunt & inefficaces. Quapropter quicquid *absolute perfectum* est, est *infinite Bonum*, *Sapiens*, ac *Potens*.

6. Et postremò, majoris *Perfectionis* est, ut totum hoc stabile sit, *Immutabile* ac *Necessarium*, quàm *Contingens* aut tantum *Possibile*. Quamobrem *Idea Entis absolute perfecti* mentibus nostris repræsentat, illud cujus est *Idea*, tanquam *necessariò existens*. Id verò quod ex sua natura *necessariò existit*, nunquam potest non existere. Utrum verò *Atheus* *Ens hoc absolute perfectum Deum* appellaturus sit an secùs, perinde est: Litem movere de verbis mihi minimè lubet. Alius verò quilibet, opinor, vel primo aspectu agnosceret, nos veram investigasse *Ideam Dei*.

## SCHOLIA

## In CAP. IV. SECT. 2.

**A**UT quodcunque aliud oblongum corpus æquè crassum esse atque longum. Hoc ex eo demonstrari potest quod probavimus in *Notis ad Psychathanasian*, Lib. I. Cap. 2. Posito nempe quòd *Linea ex punctis consistit*, *Scalenum* idem esse atque *Isoceles*.



*Area enim Scaleni ABC Lineis rectæ AC parallelis oppletâ, cum nulla Linea plures duabus habeat extremitates, manifestum est crus BC tot habere puncta quot habet crus AB, ac proinde crura esse inter*




inter se equalia; totamque figuram oblongam ABCD, æquè latam esse atque longam, & si corpus esset, esse æquè crassum.

Maximè proceram Cedrum non altiorem esse, &c. Eadem est demonstrandi ratio, si lineam sumas in basi Cedri altitudine Boletii non majorem. Sed non est opera pretium in re tam obvia immorari.

Lunamque ac Terram tam propè ad se invicem accedere, &c. Planè sic erit ex eisdem Principiis. Nam si in Diametro Terræ lineam sumas crassitiem manus vix æquantem, ab ejusque extremitatibus duas singas parallelas ad diametrum Lunæ ductas, quæ sint AB, & DC. AD linea sumpta puta in diametro Terræ, æqualis erit lineæ AB distantia Lunæ à terra, ut supra.

Rotunda & Quadrata ejusdem esse figuræ, &c. Nam in Quadrato ABCD, omnes lineæ à centro E ductæ sunt æquales, ut apparet in Scaleno DEF; ubi DE & FE æquantur, ut quæ ex æquali punctorum Numero consistunt. Eademque ratio est de reliquis Scalenis quæ totum Quadratum constituent, & de infinitis aliis minoribus Scalenis, ex quibus Quadratum compositum supponi potest, ut FEG, GEH, HEI, IEC. Singula crura EG, EH, EI, EC, facile demonstrantur æqualia cruri EF, adeò ut omnes lineæ à centro E in perimetrum ductæ Quadrati ABCD demonstrari possint esse æquales, ipsamque adeò Quadratum Circulus esse.



Numerosque pares & impares inter se æquari, &c. Ut in Triangulo rectangulo Isosceli, cujus Hypotenusa consistat ex punctis imparibus; manifestum est Quadratum punctorum Hypotenuse Numerum fore imparem: Quadrata vero crurum rectum includentium conjuncta numerum fore parem. Quibus tamen Quadratis simul sumptis æquatur Quadratum Hypotenuse, impar utique Numerus pari.

Et diem denique lucidissimum, &c. Etenim cum Spheroides luminosum majus ampliorè propinquo partem opaci irradiet quàm è remoto, nec motus ullus fiat, qui non unam saltem spaciæ atomum pertranseat, Sol autem in Apogeo 52 diametris terræ à terra distansior sit quàm in Perigeo, manifestum est, si linea constet ex punctis Diem in Solis Apogeo suspensum iri in Æthere, aliquot millenis milliaribus à terra distantem. Vide dictas Notas in Pſychathanasian, lib. 1. Cant. 2. Enneastich. 57, 58.

## C A P. V.

1. Quid in causa fuerit cur multi Animam autumaverint Abrafam esse Tabulam.
2. Mentem humanam Abrafam Tabulam non esse, sed actualem habere scientiam de suo, & quo sensu eam habeat.
3. Hujus Veritatis ulterior Illustratio.

1. **E**T nunc quidem postquam hanc Ideam Entis absolute perfecti invenimus, ut usus cui eam destinavimus, feliciorem sortiatur effectum, non abs re erit ad præparandum Lectoris Animum, insigne illud Problema Philosophicum, utrum Anima humana Abrafa sit Tabula sive Pugillares in quibus nihil scriptum sit, an verò aliquas innatas Notiones in se habeat atque Ideas, breviter attingere. Ità enim se res habet; Cum primam cogitandi occasionem ab externis Objectis sumplerit, id quidem quorundam hominum judiciis ità imposuit, ut existimaverint Animam nullam scientiam notionemve habere, nisi quæ ipsi passivo quodam modo impressa sit & ab Objectis sensus in eam exarata; quippe qui non satis cautè inter Occasiones extrinsecas & adequatas principalēve rerum causas distinxerunt.

2. Mens verò humana à præjudiciis magis liberà & in pressa anquisitæque Naturæ operationumque suarum observatione magis exercitata, non potest quin deprehendat activam quandam actualemque Cognitionem in Homine esse, quam externa hæc Objecta excitant potius & in memoriam revocant, quàm eam ingenerant primūve inferunt. Quando verò Actualem appello Cognitionem, nolo sic intellectum, ac si certus numerus esset Idearum in Animadversiva facultate refulgentium ac rutilantium, instar tot tædarum, stellarumve in Firmamento, aspectui externo, ullæve Figuræ essent distincta sua loca occupantes, legibiliterque descriptæ ut literæ rubricatæ, characterēve Astronomici in Calendario: Verum sic intelligi volo, Quod sit activa in Animo Sagacitas, celerisve quasi Recollectio, quæ tenui aliquo intimamine dato,

statim in clariorem ampliorēque, addo & accuratiorem, conceptum excurrit.

3. Rem felicità aptiusve describere non possum, quam ad hunc modum: Supponamus peritum Musicum super gramina in agris altè dormientem, nec eum toto hoc tempore, quicquam, quod ad Musicam suam facultatem pertineat, vel omninò somnare, adeò ut in quodam quidem sensu, nulla actualis scientia Notione nec ulla cuiusvis rei Musicæ vel levissima Repræsentatio in ipso sit. Verùm Amicus ejus illi assidens, cantandi ipse prorsus ignarus, cubitum ei concutit, & expergeficit, rogatque ut hanc vel illam cantilenam sibi canat, duo triæve prima Cantilenæ verba ipsi recitans, quæ continuò postmodum, is ab ore illius sumens, totam ex tam levi brevique Intimatiuncula, canit Cantilenam. Ità Mens humana ab externorum Objectorum impulsibus percussa & expergeficta, in clariorem pleniorēque conceptum earum rerum suscitatur, quæ ipsi ab externis occasionibus non nisi imperfectè subindicabantur. \* Atque hanc quidem facultatem non dubito *Actualem* appellare *Cognitionem* tali sensu, quo dormientis Musici peritia, actualis peritia appellari posset, etiam tum cum ipse de ea nihil cogitaret nec somniaret quidem.

### SCHOLIA

#### IN CAP. V. SECT. 3.

**A**Tque hanc quidem facultatem non dubito *Actualem* appellare *Cognitionem*, &c. *Similitudo hac Sectione comprehensa, & supra dictis in proximè antecedente Sectione, addita, tam plenè distinctèque controversiam de innatis Ideis describit, ut meritò omnem litem in posterum super hac re prævertere debeat. Addo tamen ad ulteriorem illustrationem quod locum habere potest apud eos qui Spiritum Naturæ agnoscunt: Animam nempe humanam non magis esse abrasam Tabulam, quam sit Spiritus Naturæ, cujus vitales Ideas (quarum simulachra videmus in Materia ad similitudinem istarum Idearum efformata) Materia Spiritui isti non indit nec imprimit, sed ipse in Materiam aliquo modo præparatam agunt occasionaliter excitata, eamque in hoc vel illud Plasma effigiant. Atque sic se res habet in Notionibus Animæ actualibusve Ideis. Non sunt à rebus externis tanquam à mensura modulove qui eas limites & quasi figuret determinetve; sed à radicalibus Animæ Ideis (quæ Ideis Vitalibus in Spiritu Naturæ respondent) excitantur in certum aliquod Phantasma secundum istam radicalem Ideam, eamque Intellectualem, ut Vitales Ideæ in certum aliquod Plasma à propria Ideâ sic limitatum & articulatam.*

### CAP. VI.

1. *Exempla varia actualem Cognitionem in Anima arguentia: Cujusmodi sunt, Quòd accuratiorem Circuli & Trianguli Ideam habeat, quam Materia ipsi exhibere possit.*
2. *Quòd ex unius Trianguli contemplatione, certa sit de universali Affectione omnium id genus Triangulorum.*
3. *Idem probatum à natura Mathematicarum & Logicarum Notionum quæ per sensus non introeunt, cum nulla Physicæ sint affectiones Materiæ;*
4. *Quippe sine ullo motu Physico in materiam producta:*
5. *Contrariæque earum genera in una eadēque parte Materia simul in solidum esse possunt.*
6. *Esse indubias quasdam Notiones Mentis complexas, quæ ab ipsa sensui non sint acceptæ referendæ.*

1. **Q**uòdque hæc Conditio sit Animæ, ex plurimis observationibus patescere potest. Ut exempli causâ, Exhibeto Animæ per externos sensus figuram Circuli, agnoscit continuò hoc unum genus esse Figuræ, addereque porrò potest, si perfectum sit, lineas omnes ab uno aliquo puncto in perimetrum ductas, accuratè æquales necessariò esse debere. Similiter, ostende ipsi *Triangulum*, statim pronuntiabit, si reverà ista sit Figura, ad cujus speciem videtur accedere, *Angulos* in puncta *indivisibilia* definere oportere. Hæc verò ratio accurata sive in *Circulo* sive in *Triangulo*, in nullo subjecto Materiali potest exhiberi. Constat igitur, quòd Anima pleniorē exquisitioremque rerum cognitionem in se habeat, quam materia ipsi ante oculos potest exponere.

2. Etiam



2. Etiam tertiam Instantiam in medium proferamus: Demonstrat quispiam hunc *Triangulum* hoc in *Materia* descriptum suos tres Angulos habere duobus rectis æquales. Exclamabit statim Anima hoc certò verum esse, idque non solum in hoc particulari *Triangulo*, sed in omnibus, universim, *Triangulis* planis quæ in *Materia* possunt describi. Atque sic vides Animam ex prima intimatiuncula totam quasi decantare *Cantilenam*, quippe quæ eam noverit prius.

3. Præterea, Multæ sunt *Relativæ* Notiones sive *Ideæ* in Mente humana, tam *Mathematicæ* quàm *Logicæ*, quas si probaverimus *Impressiones* esse non posse *Objecti* ullius *Materialis* ab extrâ, necessariò sequetur, ab ipsa Anima intus profectas esse, & naturalem esse humani *Intellectûs* suppellectilem. Cujusmodi sunt, *Causa*, *Effectum*, *Totum* & *Pars*, *Simile* & *Dissimile* & id genus reliqua. Item, *Æqualitas* & *Inæqualitas*, *Λόγος* & *Ἀναλογία*, sive *Ratio* & *Proportio*, *Symmetria* & *Asymmetria*, & similia; Quas omnes *Ideas Relativas* faciliè probaturus sum nullas esse *Impressiones materiales* in Anima ab extrâ, sed proprios suos *Conceptus activos* à se ipsa exertos dum externa *Objecta* contemplatur. Etenim quòd hæ *Ideæ* nullas *Impressiones* in externos sensus facere possint ex eo manifestum est, quòd nullæ sint *sensibiles Physicæ* affectiones *Materiæ*. Et quomodo obsecro fieri potest, ut id quod nulla *Physica* *Materiæ* est *Affectio*, corporea nostra sensus organa afficiat?

4. Jam verò quòd *Relativæ* hæ *Ideæ*, sive *Logicæ* sive *Mathematicæ*, nullæ *Physicæ* affectiones *Materiæ* sint, ex hisce duobus argumentis constare potest. Primum est, Quòd produci possunt ubi nullus motus alteratione *Physica* *Subjecto* ad quod pertineant, contigerit, immò verò ubi nihil omninò factum sit *Subjecto* cui attribuuntur. Ut exempli gratiâ: Pone unum Cubiculi parietem dealbatum, intacto altero nihilque alterato; hic alter tamen hoc pacto *dissimilis* factus est, Notionemque *Dissimili* necessariò sibi asciscit, etiamsi nihil omnino in ipso factum sit aut immutatum. Similiter, duo pone plumbi pondo (quæ igitur duæ æquales sunt istius metalli massulæ) alterique abscinde dimidium, equidem pondo alterum, quamvis nihil omnino in ipso factum sit, notionem *Æqualis* perdidit, novamque *Dupli* ad alterum acquisivit. Neque huc facit quicquam si respondeas, Quòd tamen si nihil factum sit in hoc plumbi pondo, factum tamen est in altero. Hoc enim argumentationem minimè enervat, sed ostendit potius Notionem *Subdupli*, quam plumbum, cui dimidium abscissum est, sibi asciverat, modum tantum esse quo in rebus concipiendis utimur perinde atque alteram, nullam verò *Physicam* affectionem quæ corporea sensus organa feriat, quemadmodum faciunt *Calidum* & *Frigidum*, *Durum* & *Molle*, *Album* & *Nigrum* & similia. Quamobrem *Ideæ* *Æqualis* & *Inæqualis*, *Dupli* & *subdupli*, *Similis* & *Dissimilis*, & id genus reliqua, nullæ externæ *Impressiones* sunt in sensus, sed *activus* Animæ *modus* proprius eas res concipiendi contemplandive quæ per externos sensus ipsi innotescunt.

5. Alterum argumentum est, Quòd una eadèmq; *Materiæ* pars eodè planè tempore, duarum contrariarum hujus generis *Idearum*, in solidum integrumque sit capax. Ut exempli causâ, Quævis pars *Materiæ*, quæ *Mediam proportionale* sit, inter duas alias partes, *Dupla* est, putâ, & *Subdupla*, vel *Tripla* & *Subtripla* simul. Quod manifesto indicio est, has *Ideas* non esse *affectiones Materiæ*, ac proinde nec sensus nostros afficere, alioquin affecturæ essent sensus brutorum, ipsæque itidem in peritos Geometras Arithmeticosque possent evadere. Cum verò sensus nostros non afficiant, manifestum est, nos aliquas habere *Ideas*, quæ sensibus nostris non sunt acceptæ referendæ, (sed meræ sunt ipsius mentis *Exertiones* occasionaliter expergefactæ per appulsus *Objectorum* externorum;) Quas externi sensus non magis nos docent, quàm is qui è somno Musicum ad cantandum suscitavit, cantandi artem eum edocuit.

## C A P. VII.

1. *Mens humana cum innata veritate satis sit instructa, nos cum confidentia debere naturalibus illius liberisque Dictatis & Monitis attendere.*
2. *Animam quibusdam Notionibus ac Veritatibus naturaliter & inevitabiliter assentiri, siue actualem ex se cognitionem habeat, siue non.*
3. *Hujusmodi esse Definitionem Entis absolute perfecti.*
4. *Ens hoc absolute perfectum Deum esse Creatorem rerum omnium atque Opificem.*
5. *Certa ac determinata hujus Ideæ ratio.*

1. **A** Tque nunc quidem postquam Animam ad veritatem nobis dictandam tam bellè instructam perspeximus, quemlibet hominem rogo, cur sub prætextu quòd nihil de suo habeat, sed in assensum possit cuilibet rei flecti, aut pro arbitrio fortuitòque varias Impressiones quas ab extrà receperit componere, adhuc tam delicatus ac timidus esse velit, ut propriis suis facultatibus assentiri reformidet, naturalève suæ Mentis Emanationes admittere, tanquam fideles viæ duces.

2. Cæterum, si hoc videatur, quamvis non sit, nimis subtile pro quo contendo, Animam nempe *Actualem* in se habere cognitionem, eo sensu quo explicavi; hoc tamen saltem apud omnes in confesso erit, Quòd talis sit Animæ natura, ut certò plenèque assensura sit quibusdam Conclusionibus, quâcunque ratione ad earum notitiam pervenerit, nisi manifestam vim inferat propriis facultatibus. Quæ proinde veritates concludi debent non fortuitæ aut arbitrariæ, sed ipsi Animæ naturales. Cujusmodi sunt quas jam nominavi. Ut, *Quemlibet Numerum finitum aut parem esse aut imparem, Si equalia equalibus addas, tota esse equalia.* Item illæ quæ haud ita simplices sunt, & tamen æquè acutè Animæ, semel intellectæ, adhærescunt. Quales sunt, *Tres Angulos in Triangulo, æquales esse duobus rectis, Quinque omnino esse corpora Regularia, non plura nec pauciora,* & id genus reliqua, quæ ex lumine Naturæ necessariò vera esse pronuntiabimus.

3. Quamobrem ut jam resumamus quod ad tempus missum fecimus, Ideam utique *Entis absolute perfecti* suprâpropositam, equidem cum tali modo exhibita sit ut nemo mentem suam ab ea liberare possit, quin vel invitus cogatur agnoscere reverà ejusmodi Entis esse *Ideam*, planè hinc sequetur, nullum *arbitrarium* aut *fortuitum* conceptum esse sed *necessarium*, ac proinde animæ esse *naturalem* saltem, si non semper illic *actualis* sit.

Quapropter manifestum est, si proprium *Lumen naturale* de Notione *Entis absolute perfecti* consulamus, istud Oraculum hoc nobis Responsum dare, Quòd sit *Substantia Spiritualis, Aeterna, Infinita Essentiâ & Bonitate, Omnipotens, Omniscia, & à se necessariò existens.*

Hoc enim Responsum tale est, ut si ejus sensum intelligamus, nequeamus profectò illud negare, ac proinde verum est secundum *Lumen Naturæ.*

4. Cæterum manifestum est, illud, quod *A-se-subsistens, infinitè Bonum, Omniscium & Omnipotens* est, *Radicem & Originem* esse rerum omnium. *Omnipotentia* enim *Virtutem* significat facultatèmvē quodlibet efficiendi, quod nullam Repugnantiam implicat quo minùs efficiatur; Et verò *Creatio* nullam Repugnantiam implicat, ac proinde *Ens hoc perfectum* creare potest omnia. Quòd si *Materiam* reperiret aliàsve *Substantias* à se ipsis antè-existentes, hæc *Omnipotentia* facultasque creandi frustrà esset, immò verò *plena Omnipotentia* in hoc *absolute* Omnipotenti non foret; quòd liberæ nullòque laborantes præjudicio humanæ mentis facultates nolunt admittere, sed apertam censent Repugnantiam. Quamobrem naturalis Notio *Entis absolute perfecti* idem Ens planè arguit *Dominum* esse & *Creatorem Omnium.* Et ex ipso Lumine Naturæ id quod tale est adorandum est & colendum ab omnibus cum omni humilitate & gratiarum actione, quibuscunque illius cognitio enotuerit. Et quid, obsecro, hoc est, quàm *Deum* ab omnibus agnoscere?

5. Quamobrem abundè, ni fallor, demonstravi, Notionem *Ideæmvē Dei*, æquè *naturalem* esse, *necessariam & essentialē* Animæ humanæ, atque ullam aliam Notionem *Ideæmvē* qualemcunque; nec magis arbitrariam aut fictitiam esse, quàm Notionem *Cubi* aut *Tetraedri* ulliùsve aliùs Regularis corporis *Geometrici.* Quæ non effinguntur ad libitum nostrum; talia enim figmenta ac Chimææ infinitæ sunt; hæc verò demonstrari potest, impossibile esse ut plura sint quinque: Quod planè ostendit Notionem ipsorum esse *necessariam*, non arbitrariam structuram, ex rebus quibuscumque ad voluntatem nostram concinnatis.

Atque



Atque nunc quidem cum tam plenè demonstraverim Notionem Dei, *Quid sit*; ad alteram partem jam pergam, demonstrationem utique, *Quod sit*.

## C A P. VIII.

1. Ipsam Ideam Dei necessariam illius implicare Existentiam. 2. Existentiam illius non Hypotheticè necessariam esse, sed absolutè; Cum Occasione notata lubrica illius Evasionis. 3. Agnoscere Deum Ens necessariò existens secundum veram illius Notionem, & tamen affirmare eum posse non existere, apertam esse Contradictionem. 4. Necessitatem esse terminum Logicum, nexumque indissolubilem implicare inter Subjectum & Prædicatum: Unde rursus Axioma hoc, [Deus existit] necessariò aternòque esse verum. 5. Illius Existentiæ, ex eo quòd nec Contingentia nec Impossibilitas ejus Naturæ Ideæve competat, ulterior demonstratio. 6. Necessariam A-se-existentiam, aut ad Deum pertinere aut ad Materiam, aut ad utrumque. 7. Magna Incommoda quæ A-se-existentis Materiæ admissionem consequuntur. 8. Responsum ad Evasionem. 9. Multitudinem à-se-existentium Deitatum, veri Dei existentiam planè tollere. 10. Unica indubia Unitatis Divini Numinis demonstratio. 11. Absurditas in admittendo actualem A-se-existentiam in Materia, eandemque negando in Deo. 12. Absurditatem hanc minimè excusari posse ex eo quòd Materia sensibilis sit, cum & ipse Atheus quædam cogatur admittere, quæ non cadunt sub sensum. 13. Quòd aequè ineptum sit Existentiam Dei rejicere, quòd immediatè non cadat sub sensum, atque foret Materiæ Existentiam rejicere, quòd Imaginationi adeò sit incomprehensibilis. 14. Factiosa Athei morositas, quippe aliarum Anima facultatum parti addicti, alias verò rejicientis quanquam Judices perinde competentes.

1. **A**tque nunc profectò, dum in veram Ideam Dei, quam investigavimus, oculos conjicio, videor mihi majores hac in re fecisse profectus quàm putabam. Nam si Idea hæc Notiove Dei vera sit, quemadmodum certissimè probavi, equidem æquè certò verum est, *Quòd Deus existit*. Etenim cum hæc Idea Dei nullum arbitrarium Figmentum sit, ad libitum nostrum excogitatum, sed necessaria & naturalis humanæ Mentis Emanatio, si nobis significet Notionem Naturamque Dei necessariam in se involvere Existentiam, quemadmodum ostendimus, nisi oculos claudere velimus contra proprium Lumen naturale, sine omni mora scrupulove statim agnosce-re debemus, *Quòd Deus existit*.

2. Nec satis causæ subest, cur Argumenti hujus robori diffidamus ex eo quòd Imago nostra nobis fortean frænum hoc possit injicere, insinuando scilicet, *Ideam* hanc quidem Dei, supposito quòd existit, indigitare nobis existentiam illius esse necessariam, nequaquam verò nobis indigitare eum necessariò existere. Etenim qui sic respondet, non animadvertit ex quo præjudicio tam bellè instructus sit ad tale formandum Responsum, quod hoc ipsum est; nempe cum aliarum rerum omnium naturis Notionibusve sine existentia concipiendis assuetus sit, atque ita semper in ipsis existentiam separet ab Essentia, eandem hinc libertatem imprudens sumit, Existenti- amque dividit etiam ab illa Essentia, cui ipsa Existentia est Essentialis. Atque hæc est illa arguta fallacia quâ seipsum inscientem illaqueavit.

3. Porro, \* Quando contendimus veram Dei Ideam eum representare tanquam Ens necessariò existens, eumque propterea existere, tu verò ut argumenti hujus vim aciemque eludas, respondes, Si quidem omninò existeret; hoc certè responso, in manifestam contradictionem te involvis. Nam primò, nobiscum affirmas Talem esse Dei naturam, ut in ipsa Notione necessariam Existentiam implicet, & dein continuo negas, innuendo, quòd tamen hæc Idea sive Notio vera sit, Deus nihilominus possit non existere, & nulla existentia nedum necessaria ad eum pertinere. Atque sic agnoscis quòd absolutè necessariū est secundum liberas facultatum nostrarum emanationes, aliter tamen fieri posse. Quæ aperta est Contradictio, quantum ad facultates nostras spectat, & nos certè nihil habemus magis intimum atque immediatum quàm hæc sint, quibus cursum dirigamus.

4. Et ut hoc planius saltem si non firmiter reddere possimus; Quando dicimus Existentiam Dei esse necessariam, notare debemus Necessitatem Terminum esse Logi- cum, tam firmumque significare Nexum inter Subjectum & Prædicatum, quemadmo- dum appellitant, ut impossibile sit ut separentur, aut non jungantur arctissimeque cohæreant;

cohæreant; ac proinde si alterum de altero affirmetur, *Axioma* efficere *necessarium* æternòque verum. Quamobrem cum *nexus* sit *necessarius* Deum inter atque Existenti-  
tiam, hoc Axioma, *Deus existit*, Axioma necessarium est æternòque verum. Quod  
adhuc clariùs intelligemus si *Necessitatem* & *Contingentiam* inter se comparemus.  
Nam quemadmodum *Contingentia* non solum Existentiæ modum in eo quod *Contin-*  
*gens* est secundum suam Ideam, significat, sed innuit porro *Possibilitatem Actualis Ex-*  
*istentiæ*; ita, ( ut veram expleamus facilèque Analogiam ) *Necessitas* non modum  
duntaxat Existentiæ significat in eo quod *Necessarium* est, sed etiam quod actu insuper  
existit, nec aliter unquam fieri potuit. Nam ἀναγκαιὸν εἶναι, & ἀδύνατον μὴ εἶναι, *Ne-*  
*cessitas* existendi, & *Impossibilitas* non existendi idem valent apud *Aristotelem* reliquos-  
que *Logicos*. Cæterum *Atheus* & *Enthusiastes* tam professi sunt, ut plurimum, *Logica*  
Inimici, alter quidem quòd externo sensui adeò deliranter sit addictus, alter quòd  
effræni suæ indomitæque Imaginationi nimium quantum indulgeat, Officinæ utique  
isti Mysteriorum bellarumque Opinatum.

5. Tertio, Huc adjicere possumus, Cum necesse sit, ut Ideæ Dei, aut *Contingen-*  
*tiam*, aut *Impossibilitatem*, aut *Necessitatem* actualis *Existentiæ* attribuamus, ( quippe  
quòd una aliqua ex istis ad quamlibet rei cujusmodicunque Ideam reverà pertineat )  
cumque *Contingentia* Ideæ *Entis absolute perfecti* nequaquam competat, multòque mi-  
nùs *Impossibilitas*, propterea quòd Ideæ Dei ex nullis composita sit Notionibus nisi quæ  
juxta Lumen Naturæ, ad quod provocamus, sint possibiles; Reliquum planè esse,  
ut *Necessitas actualis Existentiæ* inevitabiliter Ideæ Dei assignetur, *Deusque* proinde  
actu existat.

6. Verum quartò & ultimò, Si hoc subtilius videatur, quanquam ob id ipsum,  
nequaquam censendum est minùs verum, proponam jam quod adeò palpabile est,  
ut nemo profectò qui mentis compos sit, illud possit negare. Dico igitur, quòd aut  
Deus aut corporeus hic sensibilisque Mundus à seipso necessariò existit. Vel sic,  
Aut Deus, aut Materia, aut utrumque à seipsis necessariò existunt. Si utrumque,  
habemus quod volumus, *Existentiæ* scilicet *Dei*.

7. Verum enimvero, necessariam *A-se-existentiam* in Materia agnoscere, non usque  
adeò congruum est luminique Naturæ consentaneum. Nam si quicquam à Deo in-  
dependenter existere potest, omnia possunt: Adeò ut non solum Dei Omnipotentia  
frustranea esset, sed porta præterea aperiretur omnimodæ confusio & inordinationi,  
immò immani alicui Dæmoni pari Potestate & æquè amplo Imperio atque ipse Deus,  
vel si malles, sexies millenis Myriadibus istiusmodi monstrorum *Spirituum Gigan-*  
*teorum*, variis pestiferisque passionibus refertorum perinde atque immensâ armatarum  
potentiâ, qui aut præ ira aut petulantia aliqua, ingentibus apparentes formis ac sta-  
turis Planetas in vastos suos pugnos arripere possint, eisque alter alterum, ut pueri  
solent globis nivalibus, impetere. Quòd autem hoc nondum contigerit, in nullam  
aliam causam resolvi poterit, nisi quòd ipsis adhuc non libitum sit; veruntamen  
Mundi fabrica Naturæque rerum, hujusmodi ruinæ ac inordinationi semper futura  
esset obnoxia. Tanti periculi est, naturales *Dependentias*, & *Correspondentias* inna-  
tarum nostrarum *Idearum*, & *Conceptuum*, vilipendere.

8. Neque ad hoc perfugium quispiam hîc se recipere potest, respondendo, Plenam  
perfectamque Divinæ Potentiæ Infinitudinem hæc sexies millenas monstrorum My-  
riadas facilè superaturam esse manusque ipsis cohibituram. Dico enim sex aut pau-  
ciores infinitam Dei potentiam posse æquare. Nam si quicquam possit à seipso exi-  
stere præter Deum, cur non potest Spiritus à se existere, qui potentiam habeat, vi-  
resve omninò sextuplo minores Deo? \* Atque tunc sex istiusmodi eum æquabunt,  
septimùsque additus ipsi prævaliturus est.

9. Cæterum hujusmodi turba à se existentium & à se invicem divisarum Deitatum,  
non solum Universi compagem in discrimen vocat frustatim divellendam, sed &  
veri Dei Existentiæ planè tollit. Nam si ulla sit Potestas aut Perfectio cujusmodi-  
cunque, quæ originem duxerit à quoquam alio præterquam ipso Deo; hoc mani-  
festò demonstrat Deum non esse Deum, hoc est, non esse *Ens summè & absolute per-*  
*fectum*, quia aliquam videmus in Mundo Virtutem ac Potestatem, quæ ab ipso non  
sit profecta. Sed quod ab ipso plenè integrèque profectum est, admodum verè pro-  
prièque illius dici potest, quemadmodum Mentis meæ cogitatio mentis potius est,  
quàm \* ipsius cogitationis.

10. Atque hæc quidem unica Methodus est, quantum ego intelligo, quâ demon-  
streretur impossibile esse, ut plures uno Deo sint in rerum Natura. Nam si alterum  
præter eum admiserimus, alterum hunc etiam à seipso existere oportet, \* atque sic  
neuter quidem Deus foret. Nam Ideæ Dei in seipsam absorbēt omnem omninò  
perfectionem



perfectiōnem quæ cogitari potest, ac proinde necessariò supponit, quicquid ullam habeat existentiam ei acceptam referre.

11. Quòd si affirmaveris *Materiam* solam existere, non autem *Deum*, tum *Materia* hæc necessariò à se existit, itaque illud Attributum *Materiae* tribuimus, quod à Lumine Naturali edocti sumus in nullo essentiali conceptu ullius alterius rei contineri præterquam solius *Dei*. Quàmobrem negare illud de Deo quod tam necessariò in vera illius Idea comprehenditur, idemque agnoscere in eo in cuius Idea non omninò continetur, (Nam *necessaria Existentia* in nullius rei Idea continetur nisi *Entis absolute perfecti*) equidem est pronuntiare contra lumen Naturæ, manifestamque vim inferre facultatibus.

12. Neque excusari hoc potest dicendo, quòd *Corporea Materia* nobis palpabilis sit ac sensibilis, *Deus* verò non item; ac proinde quòd confidenter pronunciamus eam existere, quanquam *Deus* non existit; eamque porrò necessariò à se existere; quandoquidem illud, quod sine alterius ope existit, necessariò æternòque existere oportet.

Etenim, quoniam profitemini vos nulli rei fidem habere præterquam Sensui, quæro iccirco à vobis, quomodo Sensus veritatem istam ultimam quam agnovistis suppeditaverit; Illud utique quod sine ope alterius existit, necessarium esse & æternum. *Necessitas* enim & *Æternitas*, nullæ sensibiles sunt qualitates, ac proinde nec ullius Sensus Objecta. Et verò suprà, satis copiosè probavi, aliam esse Cognitionem Perceptionemque in Anima à Sensus perceptione distinctam. Quàmobrem valde absurdum est cum alias habemus facultates cognitivas præter sensus, ut sensus solos consulamus circa res cognoscendas, easque facultates excludamus, quæ ultra sensus penetrant ac pertingunt. Id quod ipsi *Athei* professi non faciunt, quando ipsis in animo est philosophari. Nam ipsorum Atomæ res sunt quæ non cadunt sub sensus, quemadmodum & *Lucretius* satis fuse profitetur.

13. Jam verò cum manifestum sit Animam humanam alias habere facultates cognitivas præter sensus (quod suprà luculentè demonstravi) æquè absurdum est negare Deum esse, quoniam *Deus* Objectum non est ad quod percipiendum Sensus apti nati sint, atque esset negare Materiam Corpûsve existere, quia Corpus vel *Materia*, quoad Notionem suam imaginativam, tam inadæquatè perplexæque se habet in phantasia nostra atque Ratione.

In qua contemplanda Intellectus noster adeò incoherentes Repugnantias detegit, ut absque eo esset, quòd Notio prædictis Sensus dictatis suffulciretur, Ratio ad crassiores istas Imaginationis Repræsentationes provocans, argutis suis Dilemmatis è rerum Universalitate tollendam planè argueret, tanquam Phantasma impossibile ac Chimæram. Ratio verò cum satis noverit Materiam corpoream proprium esse facultatum sensivarum Objectum, Notitiæ sensuum intra proprium Orbem, plenam fidem adhibet, intricatas Objectiones perplexæ Imaginationis nè flocci quidem faciens, lubenterque admittit Existentiam *Materiae*, nihil obstantibus Phantasiæ illaqueamentis, quemadmodum & Existentiam *Dei*, ex contemplatione *Ideæ* illius in Anima, Sensus ea in re nihil obstante silentio.

14. Etenim nunquam excusanda esset stultitia ac dementia in quovis homine, cum cognitivas facultates habeat quæ ad notitiam *Dei* pertingunt, certamque & inalterabilem *Dei* Ideam in anima sua, quam nullo pacto delere potest, perinde atque sensum notitiam, quæ ad *Materiae* detectionem extenditur, si necessariam *A-se-existentiam* *Materiae* tribueret, nullà omninò facultate eum sic docente, & necessariam Existentiam *Deo* eriperet, quanquam innata *Dei* notio in Anima, eum doceat contrariè; idque ex hoc solo prætextu, quòd *Deus* non immediatè cadat sub notitiæ sensuum. Atque ita factiosè uni tantum parti facultatum Animæ se addiceret, cæterasque omnes proscriberet. Quod æquè morosè stolidèque fit, ac si quis inter ipsos sensus factionem instituere velit, nolitque ulli rei fidem habere, quam oculis suis usurpare nequeat, indèque confidenter pronunciet, nec elementum *Aëris* esse in rerum Natura; nec Ventos, nec sonos Musicos, nec Tonitruum. Eâ solâ, si placet, additâ ratione, quia nihil horum oculis suis videre potest; Eum verò unicum sensum esse, cui fidem habere ipse decrevit.

## SCHOLIA

## In CAP. VIII. SECT. 3.

**P**ORRò, quando contendimus veram Dei Ideam eum repræsentare tanquam Ens necessariò existens, eumque propterea existere, &c. Nota in istis verbis, [tanquam Ens necessariò existens] vocem Existens aliter significare atque ubi subjungimus, [Eumque propterea existere] alioquin idem per idem meritò videri possim probare. Sed per Ens necessariò existens intelligendum est tale Ens ad cuius naturam sive essentiam pertineat necessaria Existentia: vel cuius  $\chi\acute{o}\iota\varsigma$  ad Existentiam sit  $\chi\acute{o}\iota\varsigma$  Necessitatis, ut in aliis rebus ipsarum Essentia vel Natura innuit  $\chi\acute{o}\iota\varsigma$  aut Contingentiæ aut Impossibilitatis. Hunc nostræ Ratiocinationis sensum esse multis è locis probari potest. Quod si ultrò animadvertisset vir aliàs ingeniosus S. P. omnem occasionem sibi præripuisset tam belle cavillandi adversus hoc argumentum, Tentam. Physico-Theolog. lib. 1. cap. 5.

Quinimò eo in loco duplici ratione peccat. Primò, quòd me eorum hominum numero accenseat qui duo illa argumenta Cartesii, alterum in Meditatione tertia de prima Philosophia, in quinta alterum, maximitanquam Archimedeas demonstrationes æstiment, cum ipse sanè semper parvi feci illud argumentum quod tertiâ Meditatione occurrit, secundòque loco ponitur in Princip. Philos. part. 1. artic. 17. quemadmodum videre est Præfat. Antidot. adversus Atheismum, sect. 6. Alterum verò quod primò in Principiis occurrit, semper (eo præsertim modo adhibitum quo ipse adhibere soleo) firmum solidumque iudicavi.

Deinde in eo peccat, quòd argumentum illud, quod ego semper amplexus sum tanquam verum, modo ad eò manco depravatòque proponat. Quod certè si sic se haberet, sophisma esset, quemadmodum ille appellat, non legitimum argumentum. Sic enim proponit, hisce ipsis in verbis. Haud aliter Essentiam summè Perfecti, (ad quam attinere omnes perfectiones per se notum est) Existentia, utpote quæ perfectio est, constituit, ac Rationalitas Essentiam hominis. Sicut igitur impossibile agnoscatur hominem non esse rationalem, ità & rem summè perfectam non existere. Quoniam ut homo nisi rationalis, minimè talis esset (nempe homo) ità perfectum ni existeret, summè perfectum censerì non posset, quippe perfectius esset si existeret. Et paulò post, Summè perfectum nullâ perfectione caret, quicquid autem non existit, aliquâ perfectione destituitur; qui igitur negat summè perfectò Existentiam, negat simul summè perfectum esse summè perfectum, quæ secum pugnant; quâ viâ ex natura summè perfecti colligitur illius existentia. Vix me abstinere, hic possum quin eisdem ad virum acutissimum verbis utar quibus ille ad Cartesium, Facetè, lepidè, lautè, nihil suprà! Meumne obsecro te, hoc argumentum est, autnum? Tuum credo, sat scio non esse meum. Neque enim ego ab Existentia Naturæ Entis summè perfecti, illius Existentiam arguo; sed simpliciter ex Essentia sive natura Entis summè perfecti, illius Existentiam eruo. Cum enim ità comparata sit natura Entis summè perfecti ut, cum alieres in Ideis Naturisve suis à mente nostra perceptis ad existentiam  $\chi\acute{o}\iota\varsigma$  habeant aut Contingentiæ aut Impossibilitatis, illa verò sola habeat  $\chi\acute{o}\iota\varsigma$  Necessitatis; rectè perfectò firmitèrque concludimus (si facultates mentis nostræ veræ sint) ex hac  $\chi\acute{o}\iota\varsigma$  necessaria ad existentiam, Ens summè absolutèque perfectum reipsâ existere. Quod non est probare Existentiam ex supposita Existentia, sed ex supposita Idea veræve Entis summè perfecti natura animo nostro concepta, illius Existentiam patefacere.

Audeòque heic, vel ipsissimam viri acutissimi conscientiam ac iudicium appellare, dato quòd Ens summè perfectum existit (ut Mathematici Problematiss solutionem, supponendo solutum, aliquando inveniunt) annon ipse ultrò agniturus esset non contingenter nec fortuitò, sed ex privilegio sive prerogativa perfectissimæ suæ naturæ necessariò existere, utpote cuius perfectissima natura ratio sufficiens immò necessaria sit cur existat. Jam verò pari ego ratione atque ille cur existat jam existens declarat, demonstro planè quòd existit. Nam ut ille ex perfectissimæ suæ naturæ privilegio rationem reddit cur, dato eum existere, existat; ità ego ab eodem fonte, nempe ex natura sive essentia suæ perfectione demonstro quòd existit. Est enim perfectio illius Essentia equè sufficiens ratio quòd existit, atque est cur existat. Estque ratio utrobique ab Existentia perinde distincta.

Adde quòd nihil contingenter existere potest nisi detur Agens liberum; & quod perperam alibi adhibet Hobbius, hic opportunè rectèque potest adhiberi. Nempe, cum in essentia Entis absolutè perfecti ratio sufficiens sit cur existat, quòd eadem necessaria insuper sit ratio illius Existentiæ, adeò ut non possit non existere, ejusve existentia omninò necessaria



cessaria non esse. Asserere verò omnia quæ existunt contingenter existere, perinde est ac si asseras eadem sine ratione causæve sufficiente existere. Nam si sufficiens esset, necessario existerent; si insufficiens, non existerent omnino. Nihil igitur à se existere potest, nisi quod sufficientem in se rationem habet suæ Existentiæ. Quod, nisi omnes humane mentis facultates exuere velimus, nulli rei præterquam Enti summè perfectò competere potest, nec illi sanè non competere. Hæc est vis sensusque nostræ argumentationis, non quem fingit vir facetus & argutus, quo umbratilem pugnam ineat, victoriâque partam simulet, sine hoste aut adversario.

Sed præter generalem hanc nostræ demonstrationis Defensionem, particulares quasdam argutias acutissimi Scriptoris notabo, quo clariùs pateat eas nostram argumentationem nequaquam attingere. Male fundatam structuram quam ipse erexit, duplici sophismate fatiscere conqueritur. Primum est, quod supponit, esse (i. e. existere) Ens summè perfectum. Etenim cum dico Ens summè perfectum, ait ille, Enti connectitur summè perfectum tanquam Attributum, perinde ac si diceremus, Ens quod est summè perfectum (hoc est, quod existit summè perfectum) sic enim ille intelligit. Cum proculdubio Ens quod est summè perfectum, nihil ampliùs hoc in loco significet, quam Ens summè perfectum, non existentiam notans sed naturam rei. Qui vulgatissimus est illius vocula usus. Ubi verò tam confidenter addit pro rata certaque Regula firmandum esse, Complexum subiectum cuiusvis Propositionis, semper esse Assertionem Hypotheticam, exemplumque subiungit, ut, Ens necessarium existit, i. e. inquit, Si sit Ens necessarium, existit; hæc iterum nisi vocula [sit] Naturam notat non Existentiam, Propositio erit ludicra & nugatoria. Sensus enim planè erit, Si existit Ens necessarium, existit. Quis verò à Dialecticis nè dicam Plebeis, talem illius effati sensum unquam cogitavit? Et quàm à Logicis auribus abhorret ut Ens necessarium, appelletur Subiectum complexum sive Terminus complexus, cum sit ἀπὸ συνπλοκῆς, ut loquitur Aristoteles?

Sed apertius indicabit sic esse ex illo sophismate quemadmodum ille autumat, viz. Quicquid existit est reale, sed Hippogryps existens existit. Unde absurdum, quam reticet, statim clamat conclusionem! Quæ tamen proculdubio aut hæc est aut nulla: Ergo, Hippogryps existens est Ens reale. Quod verum est Axioma: Quippe quòd nec Existentiam nec Realitatem affirmat de Hippogryphe, sed tantum affirmat Hippogryphem qui existit esse Ens reale. Ut & Assumptio, Hippogryphem qui existit existere. Hippogryps verò qui existit, cum nihil affirmet aut neget, manifestum est non esse Terminum complexum, sed incomplexum. Et quamvis concedenda sit conclusio, concedenti tamen integrum est negare quòd sit Hippogryps qui existit, neque enim illud affirmat conclusio.

Hoc verò Sophisma quod autumat, nisi planè ἀπερὸ διόνοτος sit, sic ad rem præsentem debet applicari. Quicquid existit est Ens reale, Sed Ens summè perfectum existens existit, Ergo. Qui tam frivolus est argumentandi modus ut nè Cartesianis quidem impingi possit, nedum mihi ipsi, qui in principio tam perspicuè ostendi argumentum meum non existentiam per existentiam, sed existentiam per essentiam verè rectèque animo perceptam, demonstrare. Tam parùm faciunt tortuosa hæc ac sophisticæ argutiæ ad vim enervandam nostræ demonstrationis. Addoque ad præsentem Captionem, Ens absolutè necessarium, eo ipso quòd est suâ naturâ Ens absolutè necessarium, nempe rectè sic perceptum à facultatibus nostris, certissimè existere; nos scilicet habere certissimam illius Existentiæ Notitiam, supposito quòd facultates nostræ veræ sint. Ens verò summè perfectum tale esse, pari claritate nostris facultatibus patescit. Materia verò οὐκ ἔστιν hanc existendi necessariam affingere, desipere est, cum Essentia illius tam vilis sit & contemptibilis. Quæ igitur porro addit in hoc primo Sophismate explicando de necessaria existentia Materiæ adjungenda, quo necessario existat, tam delumbia sunt omnia malèque, ceu scopæ dissolutæ, coherentiæ, ut operæ pretium minimè duxerim eis diutius immorari.

Alterum Sophisma, in hoc argumento ab Idea Entis summè perfecti deducto, ex ignorantia usus aut significationis, Nominum, ortum autumat, quippe quæ suapte naturâ nihil præter nudam rei notionem denotant, nullâ verò existendi προσημασία in super gaudent, ut nè ipsa quidem actualis Existentiæ, quæ in formali ratione Entis summè perfecti includitur, illud reverà existere indicet. Itaque ex prædicta, inquit, argumentatione tantum sequitur, rei undequaque perfectæ notionem cogitari non posse nisi simul existentia notio convolvatur: utrum verò Notiones istæ re an solâ cogitatione existant, adhuc superest probandum. At verò videat hæc vir acutus nè Cartesianos nimium stultos obtusosve sibi fingat adversarios, quasi ex eo solo, quòd res ex omni parte perfecta cogitari non possit nisi reliquis Attributis superaddatur etiam existentia, vel quòd ex adjecta in Idea ad reliquum perfectionum cumulum hac existentia, Ens summè perfectum inde necessario existere concluderent. Equidem sic non argumentantur aut saltem ego non sic argumentor, quemadmodum supra ostendi. Nam quòd & supra conquestus

sum, modo manco & depravato Cartesianorum argumentum vir callidus proponit, quasi ex eo quod actualis Existencia necessaria sit ad Ens summè perfectum consummandum (cùm ad follem aut forcipem consummandum æquè eo sensu sit necessaria) illud reipsa concluderent existere. Argumentum verò ab Idea Entis summè perfecti ritè dispositum longè aliter se habet. Quippe quod nihil jam præsumens quis de actuali existentiâ quâ completum fiat Ens summè perfectum, veram duntaxat & genuinam Entis summè perfecti Ideam contemplan- do (dubitans adhuc an actu existat, assensumve saltem suspendens) necessariam- que in ea observando quòvis ad existentiâ, (in reliquis verò Ideis contingentem tantum aut impossibilem) ex hac quòvis postmodum necessitatè ad Existentiâ, reverà illud ex- istere concludit. Quid enim obsecro existat, si non illud quod ex sua natura sive Idea quòvis Necessitatè habet ad Existentiâ, non Contingentiâ aut Impossibilitatè?

Hic verò subinsinuas ne fallacia lateat aut sophisma in argumentando ab Existentiâ ad Existere, res pusilla profectò est & ridicula. Etenim ad quod jure (sive Metaphysicò sive Logico) eoque inviolabili & ineluctabili pertinet Existentiâ, ad idem proculdubio pertinet Existere, nec, si ad proprias animi nostri facultates provocamus, eo potest excede- re. Nimisque id insensitò à viro aliàs satis acuto factum est, quod in his suis argutationibus Existentiâ & Essentiâ confundat, quâ modo distinctò concipi debent; non temerè, ne in Ente quidem summè perfectò commisceri. Ipsa, inquam, Existentiâ, in illius Essen- tia propriè sic dicta, non continetur, sed quòvis tantum necessaria ad Existentiâ. Quam quidem cùm ipsa præcisa Essentiâ Entis summè perfecti manifestò complectitur, inde cer- tissimâ illatione concludimus ipsum existere. Quod nec de folle nec forcipe nec de ullare aliâ qualicunque concludi potest.

Denique, ut nihil, quod nullius momenti videri possit, prætermittam, quantum ad argu- mentum illud Anselmi contra Insipientem qui dixit in corde suo non est Deus, nimirum, Deus est id, quo majus cogitari non potest, quod qui bene intelligit utique intelligit id ipsam sic esse ut nec cogitatione queat non esse. Qui ergo intelligit sic esse Deum, nequit eum non esse cogitare. Equidem fateor si candidè quis Anselmum interpretari velit, illius animum tale quid parturisse quale nos magis operosè ac distinctè descripsimus, & à præcisa Entis summè perfecti essentiâ menti nostra repræsentata, illius existentiâ concludere voluisse. Sed statim atque prodit illud Anselmi Argumentum, ait ille, à viro quodam docto & acuto confutatum est, ut refert Carthusianus, & falsè ab ipso irri- sum, addente inter alia, Nescio an insipientior sit qui putat hoc sequi, an Insipiens qui dixit in corde suo non est Deus. Vocem audio, Acumen non video. Sed effutit sane, meo iudicio, vir ille acutus, quâ virum doctum & acutum minimè decent. Equi- dem leviculum aliquem ac profanum Nebulonem fuisse oportet & ad Atheismum nimis pro- pendentem qui sanctum illum Divini pectoris Anselmi sensum tam agresti barbaroque scom- mate incesse- rit. Quanto verò acumine polleat iste homuncio, testes sint Scotistæ qui Scholasticorum habiti sunt omnium acutissimi, quique tamen Anselmi argumentum contra hebetiores Thomistas invictò animo semper defendebant.

Immo verò testis sit hic ipse S. P. cujus in Tractatu cùm multa passim acutè & eruditè dicta occurrant, nusquam tamen acutiora, & veriora, quàm quæ habentur lib. 2. cap. 4. de Substantia & Essentiâ Divina, pag. 306, 307. & seqq. Unde nonnulla huc transcri- bam mox notaturus quantopere à profano prædicti nebuloni genio spurioque acumine abhor- reant. Præterquam igitur quod pag. 308. Necessitatè existendi perfectionem om- nium principem statuit atque supremam, additque præterea, eadem paginâ, Reliqua omnia præter Deum ipsum sive Divinam Essentiâ, utpote quæ ab intrinseca Natu- ræ necessitate non subsistunt, talia esse ut causâ aliquâ indigeant cujus potentiâ & be- neficio subsistant; idemque repetit sequenti paginâ, nimirum quæ vi & perfectione Es- sentiæ propriæ non existunt, indigere reali aliunde influxu ut existant, &c. Præter hæc inquam, apertius & copiosius super hac re Philosophatur pag. 306. ubi asserit tantam esse Divinæ Essentiæ Actualitatem, ut contradictio & impossibilitas sit omnium maxi- ma eam non esse; unde manifestum fieri, Infinitudinem nudæ & solius Essentiæ Divi- næ, relictis omnibus Attributis, in absolutissima essendi necessitate, qua utique in- finitis intervallis à non esse removeretur, positam esse. Id quod volunt Scholastici cùm Deum Actum purum esse docent, &c. Et pag. 307. At verò Essentiâ Divina tam innumerabilibus intervallis à non esse recedit & ita excludit omnimodam Poten- tialitatem, ut directè cum illa pugnet, &c.

Rursus, pag. 308. Etiam si Deum esse à se negativè duntaxat dicimus, tamen illius Fundamentum positivum assignari necesse est; scilicet Immenstatem perfectionis Divinæ, Radicem, Causam, seu Fundamentum esse dicimus quod Causam non ha- beat: Ità licet non se ipse producat, tamen à sola Perfectionis exuperantia est quod non producat. Adde quoque, quanquam Deus propriè à se non sit, tamen sibi debere, quod



quod ab alio non sit, nec sit opis alienæ indigus, quatenus ab immensa suæ perfectionis exuperantia sit ut causam non postulet qua produceretur. *Et pag. 309.* Quod enim tam immensæ perfectionis est ut sibi tam immensam Essentiam dederit, (sic loqui fas sit) quanto magis omnes alias quascunque perfectiones daret, quum nulla Attributa amplioris possunt esse perfectionis quàm sit immensa & inexhausta Dei Essentia, &c. *Additque pag. 310.* Quæ ratio licet solito subtilior videatur, neque idcirco vocibus plenè exprimi possit, eam tamen nullus dubito attentius perpendenti solidam visum iri. *Et eadem denique paginâ,* Quandoquidem igitur quicquid ad naturam Dei attinet, sive per modum Essentiæ sive per modum Attributi, à nulla causa dependeat, non video quo pacto sibi ipsi certum Perfectionis modulum potuit præscribere nisi etiam à seipso produceretur, &c.

*Quæ quidem loca singula si attentius consideremus, diligentiusque inter se comparemus, summa huc redit:* Quod Essentia Divina cùm omnibus numeris perfectissima sit, vel illimitatæ sive infinitæ perfectionis, quippe quæ à nulla re alia nec à seipsa quidem produci potest, immediatâ nudæ suæ ac solius Essentiæ vi ac perfectione, sine ulla causa productrice, necessariò existit. *Hoc nempe est quod tot verbis, quod tot sententiis, tam operosè tamque copiosè in hoc capite inculcare velle videtur; contra ac fecit lib. I. cap. 5. ubi ipsissimum illud argumentum convellere tantoperè conatus est.*

----- Quantum mutatus ab illo  
Hectore qui redit exuvias indutus Achillis!

Quàm dissimilis illi S. P. qui in priori libro quasi debellatis prostratisque non solum Græcis, Platonicis præsertim, sed & Cartesianis omnibus ipsoque ædum, Cartesianis antiquiori, sanctissimo Anselmo, magnificentia plusquam Hectoreâ insultavit, ac nimis quàm splendide in eos ac gloriose triumphavit; hic verò mutatâ in melius sententiâ, quod ipsi animatus congratulor, ultrò tanquam ipsâ tandem rei evidentia victus manus submittit, & nobili quodam & inopinato Enthusiasmo, lucidoque animi aestu ad eam veritatem rapitur, quam non modò refugisse antea sed subtilissimis quibusque Sophistica telis, longèque petitis argutiis conficere prorsus voluisse visus est & confodere. Ità scilicet solent magna Ingenia, malunt à seipsis quàm ab aliis doceri.

Interea loci mihi perjucundum est Spectaculam, post tam acrem pugnam, infestâque acutissimi Ingenii spicula adversus Platonicos, Cartesianos, eruditissimam Stillingfleetum multiplici coronâ longè dignissimum, ac Reverendissimum Patrem Anselmum Mitrâ Episcopali Cantuariensi olim decoratum tam viriliter contorta, egregium hunc videre bellatorem arma tandem in se convertentem, & non solum impugnantem seipsum strenuè sed & feliciter expugnantem,

(Ajacem quis enim potuit superare nisi Ajax?)

& nobiscum omnibus planè consentientem ex infinita Divinæ Essentiæ perfectione illius existentiam posse demonstrari. Adde ut tandem solus vapulet cum suis Thomistis acutus ille nebulo qui falso isto dictorio solidum illud venerandi Anselmi argumentum tam inurbanè barbarèque irrigit, ipse in posterum ab omnibus verè acutis sagacibusque Ingeniis irridendus & exhibendus. Hic est hujus Tragicocomædiæ exitus exoptatissimus minimèque Tragicus. Veritati jam in vado res est, Plaudite.

Sect. 8. Atque tunc sex istiusmodi eum æquabunt, &c. Hæc Assertio huic innitur Hypothesi, nempe, Cùm qualibet pars denominata sive aliquota Infiniti sit infinita, dari posse infinito infinitius, nè quis putet Spiritum sextuplo minoris virtutis quàm sit Deus, virtutem non habere infinitam. Est egregia hæc in re subtilitas, quam ante multos annos ventilavi in Poemate cujus Inscriptio est, Democritus Platonissans sive Mundorum Infinitudo. Quod Lectorem remitto si Anglicè calleat.

Sect. 9. Mentis potius est quàm ipsius Cogitationis: hoc est, Cogitatio mentis, mentis potius est quàm sua.

Sect. 10. Atque sic neuter quidem Deus foret, &c. Quippe quod Deus Ens est summe & absolute perfectum, quale nullum Ens esse potest quod non omnia in se partim formaliter partim effectivè complectitur, ità ut quicquid sit perfectionis in Universo (quod τὸ πᾶν à Græcis appellatur) hoc est in toto Entium omnium realium complexu, & quoad Genera & quoad singula Individua, aut ipsum hoc Ens absolute perfectum sit, aut saltem ab ipso profectum. Adde ut æquè absonum esset fingere absolutissimum τὸ πᾶν quod res omnes & singulas singulæ Individua complectatur, & tamen interim agnosceze aliquid præter ipsum extrane ipsum esse, quàm Ens supponere absolute perfectum, & tamen aliquid esse

esse præter ipsum, nec dependens ab ipso. Aliud est esse Equum summè perfectum, vel Hominem omnibus numeris absolutum, aliud Ens summè absolutèque perfectum. Nam istæ perfectiones sunt finitæ & limitatæ, ac proinde plures istiusmodi Equi Hominesve concipi possunt. Nec argutum istud responsum Æsopi, quæ postquam mancipium proximum, venale astans, interroganti cuidam quid facere posset, audivisset jactitare, se posse omnia, ipse statim eidem, interroganti quid is posset, respondebat se posse nihil, nihil enim reliquum esse quod ipse faceret, argutus, inquam, hic locus locum heic habiturus non esset, quoniam tamen si specificæ perfectiones rerum finitarum repeti possunt, pluribusque subjectis communicari, in Ente tamen summè & absolutè perfectò, nullaque restricto limitatione, Argutia perfectò non esset sed solida argumentatio, si quis statim concluderet nihil reliquum esse quod ullum Ens aliud aut sit aut possit independentè ab hoc Ente summè & absolutè perfectò, quod quicquid est specierum Individuorumve vel concipi potest, aut formaliter aut effectivè in se continet. Unde agnoscere quicquam independentè ab ipso, apertissima est contradictio. Tam certò concluditur Unitas Divini Numinis ex illius Natura seu Idea.

## CAP. IX.

1. Existentiæ Dei probata à Causa finali Idea Dei in animam humanam insitæ. 2. Istius argumenti evasio, supponendo omnia, talia fortuito fieri qualia sunt. 3. Evasionem aut impossibilem esse aut nudè possibilem, ac nullius proinde momenti. 4. Nobis ei attendendum non esse quod nudè possibile est, sed quod naturales facultates determinent. 5. Rursus igitur urget causam finalem indelebilem Idea sive Imaginis Dei in Anima, à Similitudine vim illius illustrans. 6. Supposito quod Deus existit, eum non aliter acturum fuisse nobiscum ad seipsum nobis patefaciendum quàm ac factò nobiscum actum sit, quod igitur rursus probat eum existere.

1. **A**Tque hætenus quidem argumenta deduxi à naturali Notione sive Idea Dei, quatenus illud respicit cujus est Idea sive Notio. Periculum jam faciam, quam vim habere possit, quatenus Animas nostras respicit, subjectum utique illius in quo residet. Quæro igitur, Quis indelebilem hunc Dei characterem Animabus nostris indidit? Cur & in quem finem illuc est?

2. Noli que putare quæstionem sic eludi posse, dicendo, Contentos nos esse debere eo rerum statu in quo eas reperimus, nec in ullius rei causam finalem inquirere. Ex seipsis enim necessario esse omnia qualia sunt, quorum Regimen & Constructio à nullo Sapientiæ Consilii Principio profecta est, sed unaquæque Substantia nunc est fuitque semper istius naturæ & capacitatis quam habere deprehenditur, utpote quæ Originem suam non aliunde duxerit quàm à seipsa. Omnèsque illæ Mutationes ac varietates quam in Mundo conspiciamus, non sunt nisi fructus æterni Conflictus coordinatarum Causarum, entientium quantum possunt, ad continuandas seipsas in præfenti statu quo sint constitutæ; cùmque sic mutuò aliæ in alias agant vicissimque patiantur, hinc rerum istæ varietates in Universo apparent, sed unaquæque particularis substantia cum suis Essentialibus proprietatibus à se originem duxit, & est independentens ab ulla alia.

3. Ad hoc enim respondeo, Quod summa totius hujus Hypotheseos, nihil ampliùs sit quàm mera nudæ Possibilitas, immò verò \* si proprias facultates consulamus innatamque Dei Ideam, aperta Impossibilitas. Sed pone rem possibilem esse. Equidem nuda hæc Possibilitas, tam laxa est, tam invalida indeterminatæque consideratio, ut nullam vim habere debeat ad mentem huc vel illuc impellendam, quæ vel mediocrem rationis suæ usum adhuc retineat, non magis sanè quàm languida Ipiracula soluti Aëris ad concutiendum Montem Turrémve aheneam. Nam si nuda Possibilitas Assensum Dissensumve nostrum in rebus irretire debet, nè absurdissimæ quidem fabulæ apud Æsopum aut Ovidium fidem possumus abrogare, maximè ridiculis Figmentis quæ excogitari possunt. Cujusmodi sunt, Quod Arista segetum, ventorum sibilos Avisumque minuritiones audiunt. Quod lapides in plateis dolore conteruntur dum onusta plaustri transcurrentia eos premunt. Quod Heliotropium oculum in Solem intendit cùmque revera videt, perinde atque cum eo circumvertitur. Quod Jnglandis nucleus, utpote qui cerebri signaturam habet, Imaginatione pollet atque Ratione. Nemo, inquam, plenè hisce Ineptiis fidem abrogare potest, si nuda Possibilitas vel minimum momentum habeat, ad lances huc vel illuc impellendas. Nihil enim horum aliorumque consimilium



miliū millenorum, perfectam & palpabilem contradictionem implicat, ac proinde jus sibi vendicabunt, affirmandi *possibilia*.

4. Ceterum, Nobis ei attendendum non est quod simpliciter sit possibile, sed ad quod naturales nostræ facultates nos dirigant ac determinent. Exempli causa, Pone quaestionem esse, Utrum lapides in plateis sensum habeant necne. Non debemus rem in medio relinquere tanquam dubiam, aut de qua utrolibet modo statui possit, ex eo quod possibile sit, nec palpabilem implicet contradictionem, ut sensum habeant eumque dolorificum; sed naturales debemus consulere facultates, dispiceretque quod illæ propendeant. Illæ verò planè controversiam determinant, monendo nos, quod illud quod sensum habet, dolorisque capax est, motum habere debet progressivum quo se subducatur ab eo quod noxium est & dolorificum; id quod fieri videmus in rebus omnibus, quæ vel mediocre sensus portionem naturæ sunt. Ipsæque *Aristoteles*, qui tamen Divinum Numen haud usque adeò deperire visus est, frequenter hoc principium assumit, *Ἡ φύσις οὐδὲν ποιεῖν μάταιον, Natura nihil facit frustra*. Quæ Existentiæ Dei aut agnitio est, aut ad rationales nostras facultates provocatio. Et mihi quidem perinde est utra sit; habeo enim quod volo, utroque modo sit; Nam si ad naturales propriarum facultatum suggestiones provocemus, renuntiabunt nobis proculdubio, quod *Deus existit*.

5. Rursus igitur quæro, voloque responsum mihi dari semoto omni præjudicio, nullaque vi naturalibus nostris facultatibus illata, Quem in finem est indelebilis hæc *Imago Idææ Dei* in nobis, si nullus omnino Deus sit in Universo? aut quis tam profundam illius characteris impressionem mentibus nostris obsignando indidit?

Si in vasto aliquo deserto iter facientes, ubi nullus Homo aut Domus nobis occurrisset, in pecorum armenta oviumve greges fortè fortunà incideremus, quorum corporibus certæ quædam Notæ Literæve inultæ essent; sine mora proculdubio concluderemus, hæc omnia aliquando venisse sub manus hominis alicujus qui suum Nomen ipsis impresserit. Atque equidem, quando Animabus nostris Notis adeò legibilibus Nomen vel potius naturam Idæamve Dei inscriptam videmus, annon puderet nos tam tardo aversoque animo esse, ab ejusmodi adeò consentaneam inferendo conclusionem? Certo certius, is, cujus character animabus nostris impressus est, hic adfuit, atque ad hunc modum nos signavit, ut & nosmetipsi aliisque omnes dignoscant, ad quem pertineamus, Quod *Is sit à quo facti sumus non à nobis ipsis, quod ejus populus sumus, ejusque pascui oves*. Atque omnino manifestum est ab *Idea Dei*, quæ *Omnipotentiam* in se includit, quod à nullo alio præterquam ipso formari possumus, quem admodum \* *suprà demonstravi*. Ac proinde nulla præstabiliior via erat, quam nostri signatio hæc suâ *Imaginem*, quâ efficeret, ut nos ipsos agnoscamus illius esse, eumque cultum & adorationem ei præstemus, quæ potenti nostro *Genitori ac Creatori* debentur, hoc est, *beneficio nostro Deo*.

\* Cap. 8. Sect. 7, 8, 9.

Quamobrem cum omnia tam naturaliter facileque unâ concurrant eodemque conspirent, secundum liberas naturalium nostrarum facultatum suggestiones, æquè perversa profectò & coacta res est Assensum hæc suspendere, ac si quis dubitet utrum *Romana* istæ *Urne ac Numismata* (quorum *suprà* facta est mentio) è terra effossa, *Natura* opera sint an *Artificia Hominum*.

6. Ceterum si adhuc hæreamus nec liberum dare possumus assensum huic dogmati, Quod *Deus existit*, patiamur saltem paulisper tanquam verum supponi. Rogo igitur, supposito quod Deus existit, ecquam mens humana excogitare possit rationem meliorem aut efficaciorē, quam Deus hic adhibeat, quâ se tali Creaturæ, qualis homo est, talibusque facultatibus præditæ, notum se faceret, quam sit ea ipsa quam jam adhibuit? Cum enim Deus *Spiritus* sit & infinitus, non potest seipsum unquam necessariò & adæquatè notum facere per ullam externis nostris sensibus comparentiam. Nam si manifestaret seipsum sub ullis externis figuris formisve, benevolentiam iramve portendentibus, terrorēve aut protectionem, facultates nostræ nos certos facere non possent, quod hic Deus esset, & non particularis aliquis *Genius*, sive bonus sive malus: Et præterea tam præstinguentes terrificæque externæ molitiones nec Divinam Naturam decent nec humanæ Animæ conditioni conveniunt, cujus melioribus facultatibus magisque liberis Deus se immiscet, non vim nobis infert attonitōsve reddit magis crasso ac violento in infirmos nostros stupidōsque sensus Incursum. Quid igitur reliquum est quam ut seipsum *Homini* nostro interno manifestet? Et quænam, quæso, via excogitari potest aprior, quam indelebilis hæc Impressio Idææ sui ipsius quæ est (non quidem *Divina vita* ac *sensus*, illud enim longè sublimius est præmium, eis paratum qui capere possunt, sed) naturalis Representatio Divini Numinis, Notioque illius *Essentiæ*, quâ Anima humana non aliter eum concipit, quam quod sit

*Æternus*

*Æternus Spiritus, Infinitus Bonitate, Omnipotens, Omniscius & necessariò à seipso existens?* Hoc verò in nobis jam factum esse, quemadmodum plenè demonstravi, deprehendimus. Quamobrem cum omni ex parte ità nobiscum actum sit, ac si Deus existeret, nec ulla facultas quicquam afferre possit in contrarium, quid obsecro obstat, quin continuò concludamus, Deum reverà existere?

## SCHOLIA

## In CAP. IX. SECT. 3.

**S**I proprias facultates consulamus, innatamque Dei Ideam, aperta Impossibilitas, &c. Idea enim Dei sive Entis summè & absolutè perfecti planè arguit illius Existentiam. Ejusque existentia tollit prorsus aut prævertit existentiam ullius rei que ab ipso tanquam rerum omnium origine non dependeat.

## CAP. X.

1. Affectiones alia varia sive Proprietates in Anima humana quæ Dei Existentiam arguunt; 2. Ut naturalis Conscientia, 3. Pia Spes seu Fiducia de rerum successu, ex justis transactionibus cum Hominibus. 4. Responsum ad Objectionem, Quòd quidam hisce Divinis sensibus sint penitus destituti. 5. Universalitatem cultus religiosi probare, quòd Notitia existentia Dei sit à Lumine Natura. 6. Responsum ad Objectionem, Quòd nempe generalis hæc agnitio Existentiæ Dei, esse possit universalis tantum Traditio. 7. Alteri respondetur Objectioni, viz. Quòd ab omnibus Nationibus receptum est posse nihilominus esse falsum. 8. Objectio sumpta à generali falsitate ac perversitate Religionum apud Gentes. Primum Responsum per modum Apologiæ. 9. Secundum Responsum, quòd supponit Religionem Gentium, quantum voles, depravatam. 10. Ulterior Objectio à longa duratione harum falsarum Religionum & desperatione unquam ex eis emergendi, cum brevi Responso.

1. **H**Actenus argumentati sumus pro Existentiâ Divini Numinis à naturali Idea Dei, inseparabiliter & immutabiliter residentis in Anima Humana. Sunt etiam alia Argumenta, quæ ab istiusmodi affectionibus deduci possunt, quæ Naturæ humanæ quàm arctissimè adhærent; Talisque est naturalis Conscientiæ morsus, Timorque & inquietudo animi etiam ob istiusmodi Admissa quæ ab humanis legibus non puniantur: ut & Spes naturalis de prospero successu in eis rebus peragendis quas probas esse judicaverimus atque justas; & postremò Religiosa Veneratio Divinæque cultus: Qui omnes fructus sunt qui facillè suæque quasi sponte ex humana Natura germinant. Et si rectè eos interpretari nòrimus, omnes nobis subindicant, Deum existere.

2. Et primùm, de Naturali Conscientia manifestum est, quòd timor sit & consternatio animi ex præflagitione alicujus mali orta quod Homini præter ordinarium Naturæ cursum usitatæve rerum casus evenire possit, quòd in hac vel illa re perperam se gesserit. Non quòd quicquam quod supernaturale est aut absolutè extraordinarium, necessariò ipsi sit eventurum; sed quòd ordinariæ saltem Calamitates ac Infortunia, quæ hominibus accidunt, dirigenda sint in ipsum aliquo tempore & contorquenda, quòd hoc vel illud facinus commiserit contra suam conscientiam. Et sanè homines naturaliter in gravi aliquo Infortunio, ingenti Tempestate in Mari, horrendove in Terra Tonitruo, (quanquam hæc à naturalibus planè causis sint) in seipsos descendunt, & se suasque excutiunt actiones, & terrore corripuntur, manentve imperterriti, prout seipsos aut damnant aut absolvunt in propriis suis conscientiis. Atque hinc est illud magnificum justii hominis Elogium apud Poëtam,

*Nec fulminantis magna Jovis manus.*

Quòd non terretur ad jaculatum Tonitruum & fulminis à cœlo intonantis. Metus verò hic quòd unus præ reliquis percutiendus sit, aut hoc tempore potius quàm alio, ob id



id ipsum, quod aliquod facinus perpetraverit, naturalis agnitio est, has res à sapiente aliquo Principio gubernari ac dirigi, Quod idem est atque agnoscere, *esse Deum*. Nec quicquam momenti habet quod quidam hinc obijciunt; Nautas scilicet Dhris & Dejectionibus tum maximè perstrepere, cum Tempestas maximè ingruit; Ex eo enim fit quod assuefactio istiusmodi periculis periculi sensum eis ademit, non autem sensum Dei.

3. Illud etiam humanæ naturæ valdè consentaneum est, ut is qui Dictata suæ Conscientiæ sincerè sequitur, *bonâ spe* abundet multâque tranquillitate & securitate quod omnia domi forisq; ipsi prosperè sint successura, quanquam illius actiones sincerive animi motus in Naturam nihil agant Mundivæ cursum atque ordinem quo ullo modo immutentur: Quamobrem supponit Principium aliquod superintendens Naturæ ac materiali Mundi Fabricæ quod rebus sic prospicit, ut nihil eventurum sit quod non consistat cum prosperitate ac felicitate eorum hominum qui honestatem colunt bonamque conscientiam. Et si res ipsis secundum suam expectationem non succedunt in hac vita, id naturaliter aditum aperit ad fidem *vite futurae*.

4. Neque certè illud vim hujus argumenti quicquam enervat; quod aliqui homines sensum discriminis bonum inter atque malum perdiderint; si qui sunt, qui adeò usque degeneraverint. Sed supponamus, Hic quidem homo monstrum est, & ut suspicor, suapte operâ sic factus. Hoc verò nihilo magis obest causæ quam ego defendo, qui à *naturali* constitutione Hominis, Dei existentiam arguo, quam si, quod *Democritus* oculos sibi eruerit, alii nati sint cæci, alii oculorum usum ex nimis computationibus amiserint, nec videre possint, idcirco concluderes, nec lumen esse nec colores in rerum natura, quippe, si essent, tum unusquisque eos visurus esset; sed *Democritus* cum nonnullis aliis eos non vident. Verum in promptu ratio est, vis illata est *naturalibus* eorum *facultatibus*, visumque sibi ipsis ademerunt.

Quamobrem ex *naturali Conscientia* in homine, quæ in *Spem Metumque* eum conjicit *Boni & Mali*, à rebus quas fecerit aut omiserit, quanquam istæ actiones & omissiones nihil contribunt ad mutandum Naturæ cursum statumve rerum Mundanarum, concludo, *Intelligens* aliquod esse *Principium* super universam Naturam, quod Actiones humanas observat, hoc est, *Deum esse*; alioquin hæc naturalis facultas, falsa foret ac frustranea.

5. Jam verò quod ad *Adorationem* attinet *cultumque Religiosum*, æquè universalis est atque Genus humanum, cum nulla sub cælo Gens sit quæ non alicui rei Divinum cultum præstat, & per eam Deo, ut illi quidem arbitrantur. Quamobrem secundum ordinarium Naturæ lumen quod omnibus hominibus inest, *Deus existit*.

6. Nec eludi potest hujus argumenti vis, dicendo, quod *universalis* tantum *Traditio* est, quæ ex omni ætatum memoria per Gentes Orbis terrarum sit disseminata: Nam si ita esset (quod tamen nequaquam probari potest) ex eo quod universaliter recepta sit, manifestum est, ex lumine Naturæ esse, quod quis agnoscit esse Deum. Etenim quod omnes tanquam verum admittunt, quamvis ab alio aliquo proponatur, existimandum est proculdubio verum, etiam secundum lumen Naturæ. Quemadmodum aliquot centenæ Demonstrationes Geometricæ quæ primùm Inventa unius alicujus hominis fuerint aut saltem paucissimorum, habitæ sunt per omnia sæcula ac loca pro indubiè veris secundum lumen Naturæ, etiam apud eos qui ipsas tantum edocui essent, neutiquam verò suoapte Marte invenissent. Et sufficit sanè ad rem constituendam veram secundum lumen Naturæ, quod nemo, postquam quod propositum sit ejusque rationes (si primo intuitu manifestum non sit sed rationibus indigeat) perceperit, unquam dubitaturus sit pro vero illud agnoscere. Ac proinde, si ullæ Nationes essent, quæ notitiâ Dei destituerentur, quemadmodum fortean Rudimentis Geometriæ destitui possunt, modò admissuræ sint cognitionem hujus perinde atque alterius, post debitam commodamque explicationem, Agnitio quidem Dei secundum *lumen Naturæ* perinde dicenda est, atque scientia Geometrica, quam sic recipiunt.

7. Quod si hinc obijciatur, Rem universaliter recipi posse ab omnibus Nationibus, & tamen tantum abesse ut vera sit secundum lumen Naturæ, ut nullatenus quidem sit vera; ut exempli causâ, Quod Sol moveatur circa Terram, Terræque quiescat, tanquam fixum Centrum Universi, quod Astronomorum præstantissimi, ac profundissimi Philosophorum falsum esse pronunciant: Respondeo, Quod Terra aliquo sensu quiescit, nempe si per motum intelligas corporis translationem è vicinitate aliorum corporum. Sed ponamus non quiescere, Hoc causam nostram minimè attingit. Hoc enim non est nisi iusta Rationis victoria contra generalia sensus præjudicia. Et nemo est qui non agnoscat Rationem Sensus Impressiones jure posse corrigere. Quod

¶ Vide Lucret.  
de Natura re-  
rum, lib. 5. &  
Diog. Laert.  
Vitam Epicuri.

ni esset, cum || *Epicuro & Lucretio* admittere deberemus Solem Lunamque cribro haud esse latiores, Stellarumque corpora majora non esse ordinariâ candelæ flammulâ. Hic igitur vides digladiationem esse facultatum inter se, fortiorémque palmam reportare. Nulla verò facultas est quam prætendas digladiari cum *judicio Rationis* ac naturali *Sagacitate*, quæ tam facile concludunt aut prælagiunt *Deum esse*. Quamobrem illud meritò pro vero haberi debet, secundum Lumen Naturæ, quod universaliter ab Homini- bus receptum est, quâcunque Facultate receperint, dum nulla interim Facultas comparet, quæ pro testimonio quicquam dictura sit in contrarium. Atque hujusmodi quidem est universalis agnitio quòd *Deus existit*.

8. Nec certè multò plus ad rem faceret, si regereres, Quòd tamen si cultus Religiosus exercetur quidem apud omnes Gentes, per totum terrarum orbem, \* colunt tamen quamplurimæ tantum Truncos Lapidisque, aut specialem aliquam Naturæ partem, Solem putà, Lunam, aut Stellâs. Respondeo enim, Primò, Admodum difficile esse probatu eos ullam colere Imaginem Statuamve sine respectu ad *Spiritum* saltem aliquem si non ad *omnipotentem Deum*. Unde hoc saltem hinc lucraturi sumus, Esse utique in Universo magis subtiles aliquas & immateriales substantias quæ rebus humanis aliquo modo se immiscant. Atque hoc quidem tardo *Atheo* perinde durum est & absonum, atque credere esse *Deum*.

Et quantum ad *Adorationem* illam quam nonnulli eorum Soli Lunæque exhibent, equidem mihi persuadere non possum, eam ipsis exhibitam fuisse tanquam corporibus merè inanimatis; sed existimata fuisse *Essentiarum* quarundam *Intellectualium* habitacula; quemadmodum versus ille nobis planè innuit:

Ἡλίου δ' ὅς πάντ' ἐφάρει καὶ πάντ' ἐπαυεί,

*Sol qui audit & videt omnia.* Atque hoc quidem quàm proximè accedit ad veram Dei Notionem.

9. Caterùm qualiscunque fuerit universalis hic cultus religiosus, quàm voles absurdus & ridiculus, tamen non potest quin magnam profectò vim ac momentum habeat ad demonstrandam *Dei existentiam*. Nullæ enim in rebus facultates sunt quæ non Objectum suum habeant in rerum natura. Ut sunt putà, Cibus perinde atque Os & Ventriculus, Soni perinde atque Auditus, Colores perinde atque Visus, & Pericula perinde atque Metus, & similia. Atque sic profectò pari ratione *Deus* esse debet perinde atque naturalis propensio in hominibus ad *cultum Religiosum*, cum Deus solus proprium sit illius Objectum.

Nec argumenti hujus vim quicquam minuit, quòd hæc, quæ tam altas radices in homine agit, Religionis proprietas, ut perdi nequaquam possit aut aboleri, modis tam ineptis absurdisque in humano genere se prodât.

Nam ut pedum Canis in somno alterna moritatio, ac si præda aliqua ipsi ante oculos versaretur, & Agnelli incurratio antequam aut cornua habeat aut hostes quos impetat, in rerum natura non essent, nisi Lepus esset quem Canis aliquando prosequi posset, cornutusque hostis, quem demum Agnus in Arietem adultus cornubus impeteret: ità nec tam universalis cultus Religiosi usus in orbe esset, quantumlibet ineptè stolidèque præstetur, nisi reverà *debitum* hujus *Cultus Objectum* esset capacitâsque in homine ritè illum præstandi, quod fieri non posset nisi esset *Deus*.

Sed ut fateamur quod res est, Anima humana in temulenta hac & somnuculosa conditione in qua constituta est, in corpore dormit, & somniantis instar Lecti-postes alloquitur, Cervical amplectitur loco Amasii, aut Statuas procidit, cum æternum invisibilemque Deum adorare debeat, præcesque fundit Truncis ac Lapidibus, cum eum alloqui teneatur, qui verbo suo creavit universa.

10. At verò urgebis, Agnellum tandem habiturum esse & arma & hostem quicum congregiatur, Canemque somniantem & habuisse olim, & rursus habiturum esse realem in conspectu prædam; & similiter eum qui in somno sermocinatur, vigilantem aliquando cum hominibus sermonem contrahisse, idemque iterum facturum esse: sed integras Gentes per multas seculorum successiones \* valdè stupidos fuisse Idololâtras & ad hunc usque diem tales manere. Caterùm respondeo, quòd hoc de altero magno Mysterio potius nos monet quàm præsens Argumentum quoquam modo enervat, grandemve obscurat veritatem pro qua contendimus. Hoc enim planè insinuat humanum genus in statu esse lapso haud absimilè illi qui correptus sit Epilepsiâ, cujus membra vi convulsionis admodum incompressè distortèque moventur; novimus tamen quòd is, qui in præsens membra corporis tam inconditè & fortuitò agitatur, musculorum usum antea temperabat ad decorum exercitium progressivæ suæ facultatis, quòdque Paroxysmo soluto ac dissipato, idem sit factururus.

Hoc



Hoc igitur potius supponit misellas has Animas barbaras, olim veram Dei ejusque Cultus notitiam habuisse, & arcanâ aliquâ Providentiâ ad eam rursus restitui posse, quàm propensionem hanc ad *Cultum Religiosum*, quæ tam conspicuè in eis apparet, omnino esse frustraneam: Qualis tamen foret tum in ipsis tum in reliquis omnibus, si nullus esset *Deus*.

## SCHOLIA

## In CAP. X. SECT. 8.

**C**olunt tamen quàmplurimæ tantum truncos lapidæque, &c. Id tertè haud usque adeò verum est, plerasque gentes notitiâ unius summi Dei cæli terræque Creatoris caruisse. Quinimò, plerasque omnes, si non universas, unum Deum Patrem omnium agnovisse duo eruditissimi viri, Radulphus Cudworthius & Edvardus Stillingfleetus, in nuperis suis Tractatibus solidè & copiosè demonstraverunt.

SECT. 10. Valdè stupidos fuisse Idololatrias, &c. Equidem id negari non potest. Nihil tamen obstat quo minùs unius summi Dei à quo omnia sint, notitiam retinuerint, quem admodum duo suprâ dicti viri celeberrimi cumulatè ostenderunt in dictis Tractatibus.

## CAP. XI.

1. Utilissima inquisitio in naturam Animæ humanæ. 2. Animam non esse meram Corporis modificationem, cum corpus incapax sit talium operationem quæ vulgò Anima attribuntur; ut sunt Motus Spontaneus, Animadversio, Memoria, Ratio. 3. Spiritus incapaces esse Memoriam & consequenter Rationis, Animadversionis & Movendi corpus. 4. Cerebrum Principium motus spontanei esse non posse, cum nec musculos habeat nec sensum. 5. Phantasiam, Rationem & Animadversionem nec in poro ullo nec in ulla speciali Cerebri parte residere, nec integrum Cerebrum in hunc vel illum conceptum figurari, nec singulas illius particulas. 6. Figurationem unius partis Cerebri in reliquas non reflecti, demonstratum à situ rerum. 7. Cerebrum non habere sensum demonstratum porro ab Experimentis Anatomicis. 8. Quàm ridiculum sit Operationes Anima attribueret Conario. 9. Conclusio, Quod impetus spontanei motus nec ab Animalibus Spiritibus sit, nec à Cerebro. 10. Animam non esse Substantiam corpoream ab Animalibus Spiritibus & Corpore distinctam; 11. Ac proinde Substantiam esse incorpoream. 12. Essentia Animæ detectio quanto usui sit ad faciliorem conceptionem Naturæ Dei. 13. Quodque Aeterna Mens esse possit, quæ & intellectum habeat & vim movendi Materiam Universi.

1. **O**mnes istas magis obvias humanæ Animæ facultates quæ naturaliter ad detectendam Divini Numinis Existentiâ tendunt, jam expeditimus. Breviter nunc, antequàm à nobis ipsis solvimus & in vastum Externorum Phænomenon Naturæ Oceanum deducimur, consideremus paulisper Essentiâ ipsius Animæ, qualis sit, merâne corporis Modificatio, an substantia ab eo distincta; & tum demum Corporeane an Incorporeæ. Etenim hac re ritè explicatâ, convincemur fortean, de Spirituali Substantia realiter distincta à Materia. Quod qui semel agnoverit, facilius animum inducturus est ut credat esse Deum.

2. Primum igitur, si dicamus Animam meram esse corporis Modificationem, Anima tunc nihil aliud erit quàm una universalis corporis facultas, aut multæ facultates simul conjunctæ, illæque operationes quæ vulgò attribuuntur Animæ, necessariò attribuendæ sunt Corpori. Quæro igitur quid sit in Corpore cui Motum spontaneum attribueret velis? intelligo, Facultatem in nobis movendi sistendive plerasque corporis partes, ut manum putâ, minimùmve digitum. Si dixeris nihil esse aliud quàm immisionem Spirituum in certos quosdam musculos, perlubenter rescire velim quid hos Spiritus immittat adeoque accuratè eos dirigat? Ipsine, an Cerebrum, an specialis illa Cerebri pars quàm Conarion appellant Glandulamve Pinealem? Quicquid sit quod ad hunc modum eos immittit & dirigit, Animadversionem habere oportet, & quod Animadversionem habet, idem etiâ habere oportet Memoriam ac Rationem.

Jam pervellem rescire an ipsi Spiritus capaces sint *Animadversionis*, *Memoriae* ac *Rationis*; videtur enim omnino impossibile. Nam Spiritus hi *Animales* nihil aliud sunt quam materia admodum tenuis & liquida, cujus natura in hoc consistit, quod omnes particulae in motu sint, solutaeque aliae ab aliis ultrò citròque discurrant ludantque ad mensuram modumque agitationis quae sit in ipsis.

3. Quæro igitur nunc, quamnam ex multis istis particulis solutè aliis inter alias motis *Animadversionem* in se habet? Si dixeris omnes simul sumptas habere, Eum ipsum appello qui sic responderit, quam veridissimile sit ut illud *Animadversionem* habeat quod adeò *Memoriae* prorsus incapax est, & consequenter *Rationis*. Est enim conceptu æquè impossibile ut *Memoria* tali subiecto competat, atque ut quis Characteres permanentes aquae rapidæ ventòve inscribat.

4. Si *Cerebrum* dixeris hosce Spiritus immittere & dirigere, Quomodo, quæso, id aut seipsum aut aliud movere potest, quod nullos habet musculos? Præterea *Anatomici* narrant, tametsi *Cerebrum* instrumentum sit sensus, ipsum tamen ex se nullo gaudere sensu. Quomodo igitur id quod nullum habet sensum, tam spontaneè & arbitrariè potest *animales Spiritus* in quamlibet corporis partem dirigere? quippe quæ actio est, quæ determinatum sensum & perceptionem requirit. Cæterum *Anatomici* concludant ut volent, spero me tantum non demonstraturum *Cerebrum* non habere sensum. Eadem enim Res in nobis quæ sensum habet, habet etiam *Animadversionem*, & quod *Animadversionem* habet in nobis, habet etiam facultatem liberæ atque arbitrariæ *Imaginationis* & *Rationis*.

5. Consideremus jam naturam *Cerebri* & dispiciamus an fieri possit, ut illæ operationes & facultates tali subiecto competant. Equidem si rectè examinemus laxum hoc *alburnum* vel *medullam* potius in capite humano, nec sensus quidem nec intellectus quicquam in hac substantia deprehendere potest, quod tam nobiles operationes quam sit *Imaginatio* libera, sagaxque *Rationis* collectio, magis sibi vendicet, quam quod cernere possumus in libo sebaceo, cyathòve lactis coagulati. Nam tenera hæc pulpa quæ intra *Cranium* sic convoluta est, corpus omnino est spongiosum & porosum, nec *animalibus Spiritibus* tantum pervium sed & crassiori succo ac liquori, alioqui commodè nutriri non posset, saltem non adeò molle ac madidum, ut intellectum ineptum ad suas operationes stupidumque reddat, ex luxu & ebrietate evadere.

Jam igitur quæro, In molli hac substantia quam *Cerebrum* appellamus, (cujus mollicies ipsum aliquo modo liquidum esse planè indicat, ut & liquiditas distinctos solutarum partium motus) qua in parte illius, *Imaginatio*, *Ratio*, & *Animadversio* resideant? In laxa hac consistentia quæ ad modum Retis in aqua, in cumulum jacet, quo in nodo, qua in macula aut intervallo illius, facultas hæc liberæ *Imaginationis* erectæque *Rationis* habitat? Credo equidem pudere, ullam unam assignare partem.

Quod si dixeris, in universis simul, necesse erit porro affirmare integrum *Cerebrum* in hanc vel illam *Repræsentationem* configurari. Quod *Memoriam* cancellaturum esset, effecturumque ut nullum spacium relinqueretur ullis *Notis* distinctis locisque, quibus variæ rerum *Species* illuc repræsententur.

Verum si dicturus sis, facultatem hanc *Animadversionis* & *Imaginationis* singulis *Cerebri* partibus inesse, meminisse oportet *Cerebrum* esse aliquo modo corpus liquidum, debemusque inquirere quomodo solutæ hæc partes, distinctas *Animadversiones* & *Notiones* intelligere possint alia aliarum: Quod quidem si possent, (quod tamen conceptu valde est difficile) possentque inde aliquid ad immitrendos dirigendosque *Animales Spiritus* in certas corporis partes, notandum est, ita fieri oportere (ex mutua voluntatum notitia) ac si conjuncto roboris nixu eodem contenderent. Quemadmodum fit quando multi homines simul, signo dato, corpus aliquod grande ac ponderosum quod vis singulorum separatim movere nequeat, conjunctis viribus levant trahuntve. Hoc verò esset singulas *Cerebri* Particulas tot *Personas* individuas fingere. Id quod risum potius meretur, quam vel minimam apud quosvis mentis satis compotes, fidem.

6. Præterea, Qui sit ut multæ hæc *Animadversiones*, nobis una tantum videatur, cum *Mens* nostra hæc ipsæ sint, quemadmodum supponitur? Vel potius, si *Figuratio* unius partis *Cerebri* reliquis communicetur, cur non idem *Objectum* videtur situm & ante nos & pone nos, supra & infra, ad dextram & sinistram, & ad omnem partem prout *Objecti* impressio in omnes *Cerebri* partes reflectitur? Nobis verò cum unica appareat *Animadversio* nec nisi unus rerum situm, argumento est satis valido unicam esse; aut si plures sint, partes alias aliis, eas mutuo non communicare, ac proinde nullum istiusmodi nixum conjunctum esse posse ad eundem scopum. Unde manifestum



stum est, *Cerebrum Animales Spiritus* immittere & dirigere non posse in quas corporis partes ipsi libuerit.

7. Porro, *Cerebrum* non habere sensum, atque ideo nec ullum *motum spontaneum Spiritibus animalibus* imprimere posse, non leve certè argumentum est, quòd quidam dissecti reperti sunt sine *Cerebro*. Et *Fantani* de puero narrat *Amsterdamensi*, quòd loco *Cerebri*, nihil in capite præter Aquam limpidam habebat: *Cerebrumque* communiter in aqueam consistentiam dissolvitur. Quod optimè cum eo quod suprà tradidimus, convenit. Jam æquum quemlibet Judicem appello, quàm verisimile sit, ut liquida hæc particula illius naturæ & facultatis reperiantur, ut erigendo & compingendo se simul, ad temporis momentum ità enitantur, ut conjuncta virium contentione *Spiritus* in hanc vel illam determinatam corporis partem ablegare valeant. Hujusce verò rei absurditatem satis suprà insinuavimus.

Postremò, *Nervi*, Medullam ipsorum intelligo, quæ ejusdem substantiæ est cum *Cerebro*, nullum habent sensum, quemadmodum demonstrari potest à *Catalepsi* vel *Catocho*. Sed nolo argumenta accumulare in re tam perspicua.

8. Quantum ad pusillam istam attinet & erectam, ac si Obeliscum deglutiisset, *Cerebri* portiunculam, quam *Conarion* vocant, ut hæc ea ipsa substantia esset, cujus naturalis facultas sit seipsam movere suisque motibus ac nutibus *Spiritus* cursum in hanc vel illam corporis partem determinare, mihi profectò non minùs fatuum ac fabulosum videtur quàm historiola de isto qui ex inclinato in hanc vel illam capitis partem pileo, ventum mutare novisse dicitur.

Equidem si audiretis magnificas illas fabulas quæ de parvo hoc latitante narrantur Boleto; ut non solum audit videtque, sed imaginatur, ratiocinatur, totique corporis fabricæ magis dextrè quàm puer Indus Elephanti, imperat regitque, quàm acutus Dialecticus, subtilis Geometra, prudens Politicus, peritus Medicus, profundusque Philosophus sit; & tum postea dissecando, hunc Miraculorum Operatorem nihil ampliùs esse quàm misellum quendam ac contemptibilem Nodum sive Tuberculum deprehenderitis, ex tenui membrana paxillòque materiæ pulposæ consistens, ejusdem ferè naturæ cum reliquo cerebro;

*Spēctatum admissū risum teneatis amici?*

Annon citiùs commentum irrisuri essetis, quàm idem confutaturi! Et certè mihi meliori jure irridere licet, quippe qui jam ipsum, in eis quæ suprà differui de reliquo cerebro, confutavi.

9. Concludere igitur minimè dubitabo, impressionem *Spontanei motus* nec ab *Animalibus Spiritibus* esse nec à *Cerebro*, ac proinde illas operationes quæ vulgò attribuntur Animæ, reverà nulli corporis parti competere posse; & ex consequenti Animam non esse meram *Corporis Modificationem*, sed *Substantiam* ab eo distinctam.

10. Jam verò restat inquirendum, an Substantia hæc, ab eo quod communiter corpus vocamus, distincta, ipsa etiam sit substantia *Corporea*, an verò *Incorporea*. Si dixeris *Corpoream* esse *Substantiam*, nihil aliud intelligere potes quàm Materiam magis subtilem atque tenuem, quàm sint ipsi *Spiritus Animales* & cum eisdem mixtam, & per vasa poròsque corporis disseminatam. Neque enim esse potest *Dimensionum Penetratio*. Sed nullis novis opus est argumentis ad ineptum hoc Commentum confutandum. Nam quæ de Spiritibus Animalibus suprà diximus, admodum facilè aptèque præsentī causæ applicari possunt. Et sufficiat quidem me istud monuisse, ut ab eisdem rebus rursus repetendis sic possim liberari.

11. Restat igitur ut concludamus, illud quod *motum Spontaneum* corpori imprimi, aut magis immediatè *Spiritibus Animalibus*, illud quod imaginatur, recordatur, & ratiocinatur, *Immateriale* esse *Substantiam* à corpore distinctam, quæ *Spiritibus animalibus Cerebròque* tanquam Instrumentis ad suas operationes utitur. Atque sic Notione propriâ & significatione *Spiritus* invenimus, qui manifestò has facultates in se habet; potest & intelligere, & *Corpoream Materiam* movere.

12. Atque nunc quidem hæc quam reportavimus palma, ad Institutum nostrum magni reperietur momenti. Observatu enim hic obvium est, Animam humanam esse quasi *ἄγαλμα θεῶν*, Statuam Divini Numinis compendiarium, & *Substantiam* illius, quasi solidam *Effigiem Dei*. Ac proinde quemadmodum substantiam motumque immensorum Cælorum facilè in Sphæra parva Globòve consideramus; ità pari quidem facilitate naturam *Omnipotentis* in parva hac Dei Imaguncula, Anima humana, contemplamur, in infinitum illud extendentes quod in nobis ipsis observamus, quando referimus ad Deum; sicut istos Circulos quos in Globo intuemur, infinito ferè majores fingimus dum in ipsis Cælis eos descriptos imaginamur.

13. Quam-

13. Quamobrem cum certò persuasi simus, *Spiritualem* in nobis ipsis esse *Substantiam* in qua hæ ambæ *Proprietates* resident, *Intelligendi* scilicet & *Movendi Materiam* corpoream, mentes modò nostras ità laxare velimus ut concipiamus quàm distinctè possumus, *Substantiam Spiritualem* quæ movere valet & actuare omnem omninò materiam per quantacunque spacia extensam, idque quacunque ratione modòve quo ipsi placuerit, quæque notitiam habet non solum hujus vel illius rei particularis, sed distinctam plenamque cognitionem rerum omnium, & habebimus profectò competentem *Notionem naturæ Æterni* atque *Invisibilis Dei*, qui animæ humanæ instar sub sensus quidem non cadit, sed ubique sic operatur ut Præsentia ejus facilè colligi possit, ex eis rebus quæ externis nostris sensibus patefunt.

## ANTIDOTUS



# ANTIDOTUS

## Adversus

# ATHEISMUM.

### LIBRI SECUNDI

#### CAP. I.

1. *Phænomena externa Naturæ magis generalia Existentiæ Dei arguere. 2. Materiam, si à se moveatur, vel in hæc Phænomena se formare non posse: 3. Multoque minus si ex se quiescat. 4. Materiam tametsi partim se moveret, partim ex se quiesceret, producere non posse aut Solem aut Stellæ, eâ figurâ quâ reperiuntur. 5. Leges Motus Telluris non contingentes esse sive fortuitos. 6. Divinam esse Providentiâ quæ saltem approbat, si non dirigit, omnes Materie motus. Cum adjecta Ratione, cur permittat Motus Materie merè Mechanici effecta valere ubique quousque possint.*

1. **P**ostrema rerum earum quibus immoratus sum, Naturâ erat humanæ Animæ specifica, ut sit substantia immaterialis duabus illis eximiis facultatibus *Intelligendi, materiâque corpoream movendi* prædita. Quam veritatem tam sedulo in eum finem enucleavi, ut postquam tales motus rerumque formationes in Materiam Universi longè latèque extensa detexerimus, quæ *Sapientiâ ac Providentiâ* implicent, facilius animunt inducere possimus ad agnoscendum æternam illam *Spiritualem*

*Essentiâ*, quæ cælum terramque fabricavit, Authôrque est atque opifex rerum omnium tam Visibilium quàm Invisibilium.

Quamobrem cum tam pulchrè ad iter sumus instructi, pervellem equidem *Atheum* mecum in navem conscendere, & solventem à *Particulari* hac internâ nostræ Naturæ speculatione, in vastum quod dixi externorum *Phænomenon Universalis Naturæ* Oceanum cursum tendere, aut deambulare mecum paulisper in hoc lato externi Mundi Theatro, diligentèrque animum intendere multis istis maximèque manifestis signis & indiciis in *externa* hac rerum fabrica, quæ ipsi ostensurus sim, quæ naturaliter nobis significant, quòd sit *Deus*.

Et jam, primò, ut ab eo quod generalissimum est exordium sumamus, dico *Phænomena Diei & Noctis, Hyemis & Æstatis, Veris atque Messis, Rationem Ortus & Occasus Solis, Lunæ atque Syderum*, omnia hæc nobis signa esse atque indicamenta, quòd sit *Deus*: hoc est, res ità esse comparatas, ut naturaliter innuant principium *Sapientiæ & Consilii* in earum Authore. Et certè si talis sit *externæ Naturæ Authôr*, est proculdubio *Deus*.

2. Verùm hîc respondebis, merum *universalis Materie motum* tandem ipsam in istas magis rudes ac generales Naturæ delineationes quæ in circuitibus *Solis, Lunæ ac Stellarum*, eorûmque generalibus fructibus & effectis observantur, esse attriturum: Quòd si mens cujuscumque eò audaciæ proruperit, ut tale quicquam apud seipsum statuât, facultates suas examinet, quid ipsæ naturaliter de motu materiæ concipiant. At-

¶ Vide Cartes.  
Princip. Phil.  
lof. Part. 2.  
Artic. 22, 23.

tit

tit ullam specificam in *Universali* hac *Materia* Differentiam, ex qua externa hujus Mundi Fabrica originem duxerit. Nec alius quisquam, opinor, facile imaginaturus est, quin omnis *Materia* Mundi *naturalis*, unius generis sit, quantum ad ipsam substantiam ejus sive Essentiam.

Jam igitur quæro, de hac *universali Materia uniformi*, *Motus*ne an *Quies* ad eam naturaliter pertineat? Si *Motus*, cum uniformis supponatur, eodem modo moveri debet in unaquaque parte, minimave ejus particula quæ fingi potest. Etenim, cum morus hic naturalis & essentialis sit *Materiae*, idem consimilisve in ea est ubique, ac proinde unamquamque illius Atomum, ad tenuitatem quantam potest maximam dissolvit, adeo ut singulae Particulæ consimiles sint consimiliterque motæ: Et propterea cum nulla omnino sit prævalentia in ulla una Atomo præ reliquis in magnitudine aut motu, manifestum est universalem hanc Materiam, cui motus adeo essentialis est atque intrinsecus, inefficacem fore ad ullam producendam *varietatem Apparentiarum* in Natura, atque sic nec *Soles*, nec *Stellas*, nec *Terras*, nec *Vortices* ex hac infinite tenui sterilique *Materia* nasci unquam posse, quam sic æternum manere oporteret à sensibus nostris imperceptam, licet sensus nostri decies millies millenis mille vicibus subtiliores essent, quam reverà sunt. Quinimò nè extiturus quidem omnino esset aut Homo aut Sensus in rerum Universitate. At verò Materiam sub variis apparentiis ad magnam quidem copiam nobis seipsam exhibentem cernimus, ac proinde aliud esse oportet principium præter Materiam, quod illius motum ita temperet, ut has rerum *varietates* faciat apparere. Et quis obsecro hic futurus est nisi *Dens*?

3. Quod si dixeris Materiam ex propria natura non moveri (ut certè est intellectu difficile sic fieri si *Materia* supponatur homogenea) sed ex se inertem esse atque stupidam, tum ab alio aliquo moveri debet, atque sic necessariò in Deum incidemus, aut saltem in *Spiritualem substantiam* Materiam actuantem, à qua Athei æquè miserè sibi metuunt atque pueri à Spectris & Lemuribus, aut ipso quidem à Deo.

4. Homines verò qui multum à sui ordinis dignitate degeneraverint, naturales propriæ mentis Emanationes nesciunt, sed omnia modo quodam confuso concipiunt, ac proinde non dubitabunt fortean affirmare quod partes *Materiae* aut *specificè differunt*, aut, si id non fiat, quod aliæ tamen ex se *moventur*, aliæ ex sua natura *quiescunt*, quodque sic semper fuit; Sic enim contigisse, quanquam nulla ratio, cur ita esset, in re ipsa apparet. Quod quidem facultatibus nostris tam hiulcum vulnus infligit, ut posthac quodlibet intromissuræ sint, vel potius omnem prætextum Scientiæ ejusdemque principiorum sibi sint abdicaturæ.

Sed ut pugnam paululum cum eis tumultuariam ineamus, & cum ipsis in tenebris suis Cavernis digladiemur. Esto quidem *Materia Chaos* confusum & heterogeneum, variisque modis motum prout contigerit, dico non esse verisimile ut velanus hic motus ad tam peritam rerum ordinationem assurgat; quam quæ vel in *generalibus Naturæ* delineationibus cernitur. Quinimò, nè ad naturalem quidem Apparentiam illius quod conspiciamus quotidie, quodque omnium facillimè hoc modo eveniturum sit, *Rotundum* intelligo *Solem*, *Lunam* ac *Terram*. Magnoperè enim suspicandum est, si nullum *superintendens* principium, motibus *Æthereorum* istorum Vorticum, quos *Philosophia Gallicana* supponit, præesset, quod forma Solis reliquarumque Stellarum oblonga foret non rotunda, quoniam *Materia* à toto axe Vorticis perinde atque ab illius centro recedit, & propterea spacium quod tenuissimo & subtilissimo omnium elemento relinquitur, ex quo Sol *Stellæ*que consistunt, naturaliter oblongum erit non rotundum. Quamobrem rotunda hæc figura, sub qua eos conspiciamus, à sublimiori Principio proficisci debet, quam sit mera *Materiae* Agitatio. \* Utrum verò simpliciter *Spermatico* an *Sensitivo* etiam atque *Intellectuali*, eis disquirendum relinquo, quibus per otium vacat istiusmodi curiositatibus indulgere.

5. Id quod mihi probandum incumbit, hoc est: Admisso eo, quod præclari hi Physiologi sibi concedi expectant, *Tellurem nempe circa Solem moveri*, dico leges illius motus tales esse ut, si humanâ ratione & consilio ipsi impositæ fuissent, non aliæ fuissent futuræ, quam quæ jam sunt. Ità ut ad proprias provocando facultates, debeamus confiteri motum Solis & Stellarum, vel Telluris, ut volunt Physiologi nostri, à *sapiente Principio* esse profectum, aut saltem talis Principii examinationem subiisse, ab eoque approbatum esse.

Nam quemadmodum *Ars* quod *Natura* ad ejus scopum suppeditat, lubens accipit, reliquumque ipsa adjicit, opusque consummat; ità *Æterna Mens* (quæ universam Materiam in motum ciet, quemadmodum maximè probabile autumo, vel si *Materia* confuso quodam modo à seipsa moveatur, ut obstinatè contendit *Atheus*) hæc æterna, inquam, *Mens* faciles ac naturales fructus hujus Impressionis motus, ubi ad scopum faciunt, sumit, ubi verò secus sit, eos corrigit & perficit.

6. Atque



6. Atque equidem, impendio magis rationi est consentaneum, cum Deus Materiam talem fecerit quæ mero motu aliquid producere possit, ut pergat sanè quousque simplex illud privilegium eam naturaliter ferre valeat, ut Homini indè Ingenium; quem Deus fecit ad contemplanda Naturæ Phænomena, aptius Objectum habere possit in quo se exerceat. Est enim humano Intellectui res gratissima, quoties Opera Dei ipsorumque productionis ratio, per naturalem rerum aliarum ab aliis deductionem ipsi explicantur, quod fieri non potuisset, si Deus datâ operâ declinavisset quicquid Materia motu suo naturaliter obferat, \* legesque illius ubique cancellâset. Præterea alterâsse quicquàmve porro addidisse, ubi nihil opus esset, *Entia*, quod dicitur, fuisset *multiplicare sine necessitate*.

Sic igitur se res habet, quantum ad Divinam Providentiam, Quicquid simplex illa motus Impressio in Universi materiam obferat, quod utile sit atque bonum, approbat & assumit; in quo verò labi potuisset vel ad quod non valuisset pertingere, id quidem dirigit, illiusve defectum supplet. \* Ut in minutioribus arboris fragminibus, instar cubiti humani naturaliter incurvatis, Sculptor quidem curvaturam non tollit, sed in alterutra extremitate manum humanam exsculpsit, atque ita lignum in perfectam humani brachii figuram efformat.

Quod igitur contendo hoc est, Quod, quomocunque moveatur Materia, Apparentiæ rerum tales sunt, ut manifestò indicent, se aut constitutas esse omnes aut saltem approbatas ab *Universali Principio*, cui *Sapientia & Consilium* insit.

## SCHOLIA

## IN CAP. I. SECT. 4.

**U**trum verò simpliciter Spermatice an Sensitivo etiam atque Intellectuali. &c. Spiritum Naturæ sive Spiritum Mundi Spermaticum sensu omni carere difficilius est probare. Quod verò Intellectu careat liberòque arbitrio, in Enchiridio Metaphysico abunde demonstravimus.

SECT. 6. Legesque illius ubique cancellâset. *Has verò Materia leges pauciores reperi postea, quam cum hac scriberem. Neque enim Unionem partium Materia, ad illius quietem referri debere censeo, sed ad Spiritus Naturæ constrictionem vitalem. Duo verò reliqui sunt fontes Legum Materiae Mechanicarum, quos è re fore puto hic notare, Impenetrabilitas scilicet, ejusque ab externo corporum impulsu Mobilitas, ut nemo miretur Terram in Vortice positam circa Solem ferri.*

Ut in minutioribus arboris fragminibus naturaliter incurvatis, &c. *Quando hæc scripsi, ut paulò antè monui, Philosophiæ Cartesianæ præjudicia animo meo nimis arctè adharebant. Hisce verò excussis tenebris statim perspexi Motum Mundanum nequaquam esse Mechanicum, nedum partium Materiae unionem, sed vitales utrosque. Nec per unam aliquam universalem motus Impressionem simul factam, Mundi Phænomena producta esse, sed per vitalem quandam *ἐρίπνεα*, Spiritus Naturæ ab Ideis vitalibus à Deo ipsi insitis, ad hunc usque diem perpetuatam. Vide Præfat. Enchirid. Ethic. Sect. 14, 15, 16. & seqq.*

## CAP. II.

1. Perpetuum Axis terræ Parallelismum manifestum esse argumentum Divina Providentia.
2. Magna Incommoda quæ secutura fuissent, si parallelus hic Axis perpendicularis fuisset ad Planum Eclipticæ.
3. Aut coincideret cum dicto Plano.
4. Insignia privilegia Posituræ, quam habet, inclinata, & quam manifesta sit Divina Providentia demonstratio.
5. Idem Argumentum ex Hypothesi Ptolemaica urgetur.
6. Axis Terræ ulterior consideratio, Lunaque lineam secantis Equinoctialem.
7. Demonstratio à Phenomeno Gravitatis, quod Principium sit à Materia distinctum.
8. Nec Aerem nec ullam subtiliorem Materiam in Aere scientiâ ullâ liberæ arbitrio præditam esse.
9. Demonstratio eximia ab embolo Antliæ Pneumaticæ tam grande pondus sursum attrahente, quod substantia sit in Mundo à Materia distincta.
10. Phenomenon hoc in vim Aeris Elasticam resolvi non posse ex ipso Phenomeno demonstratur.
11. Responsio ad Evasionem.
12. Altera anticipatur Evasio.
13. Pervicacem hanc Naturæ vim adversus primas Motus Mechanici leges manifesto esse argumento, ubi res commodè contingunt, eundem illic adesse Gubernatorem immaterialem, licet via in Materiam derivata haud ita sit conspicua.
14. Ridiculum Athei sophisma, qui ex pusillis aliquibus meri Motus Materie effectibus, nullam altius esse Principium vult inferre, planè detectum, meritoque derisum.
15. Providentia concluditur à Legibus Diei & Noctis, Æstatis & Hyemis, &c.

1. **N**unc igitur ut admittamus Telluris Motum & apud audentiores hosce Naturæ scrutatores propriâ ipsorum dialecto utamur, quæro, annon præstat, ut Axis Terræ stabilis sit sibi quæque perpetuò parallelus, quàm ut negligenter oscillet nutetque huc illuc, prout contigerit, aut saltem variè admodum & intricatè? Nec potestis quin respondeatis, præstare ut sit stabilis sibi quæque parallelus. Nam hic positum est necessarium illud fundamentum Artis navigandi & describendi Scioterica. Quippe stabilis ille particularum fluxus qui Axem terræ sibi parallelum servare supponitur, Nautæ Cynosuram & Pyxidem suam suppeditat; & tum Magnes tum Stella Magnetica hinc dependent, & Gnomonice quidem sine hoc omnino consistere non posset. Sed utraq; hæc Artes perquam jucundæ sunt, unaque ex ipsis præsertim quàm maximi momenti humano generi. Nam ordinata hinc temporis mensura est rebus domesticis, opportunitasque Mercaturam exercendi foris, cum remotissimis Terræ Gentibus: atque ita fit variarum Mercium omnibus Regionibus mutua suppeditatio. Ut diffusam taceam scientiam quæ menti accedit, quam ex ampla hausura sit tum Hominum tum rerum experientia. Quamobrem si Ratio nostra consulenda esset, utrùm Axis Terræ stabilis teneri debeat sibi quæque parallelus, an casui fortunæve relinqui, conclusuri essemus proculdubio, Quod stabilis esse debeat, atque sic reipsa esse reperimus, quamvis Terra moveatur fluitans quasi in liquido Æthere. Adeò ut ad proprias facultates provocando, affirmare planè debeamus, constantem Axis Terræ directionem à principio Sapientiæ Consilii quæ compote \* stabilitam fuisse aut saltem approbatam.

2. Rursus, Cùm diversæ posituræ sint stabilis hujus Directionis Axis Terræ, nempe aut Perpendicularis ad Planum quod per centrum Solis transit, aut Co-incidens, aut Inclinata; quæro quam ex istis omnibus electura sit Ratio solida ac Scientia? Non quidem posituram Perpendicularem: Nam & jucunda varietas magnæque utilitas vicissitudinis Æstatis atque Hyemis, Veris atque Autumnii, sic tollerentur, & accessione Solis sublatâ istæ Terræ partes quæ nunc fructus ferunt, & habitabiles fiunt, fructus ferendi prorsus redderentur incapaces, & ex consequenti nullos Incolas possent enutrire; & illæ quidem partes quas plenus Solis calor attingere posset, cùm easdem radiis quasi perpetuò verberaturus esset, sine ulla annua recessione aut intermissione, exhaustæ tandem fatiscerent. Et præterea, proprias consulendo facultates observamus ordinatam rerum vicissitudinem nobis magis jucundam esse, magisque gratificari contemplativæ facultati in homine.

3. Et nunc in secundo loco; \* Nec Co-incidentem Axis Terræ posituram electura quidem esset nostra Ratio. Nam si Axis in Plano sic jaceret, quod transit per Solis centrum, Ecliptica ad instar Coluri, aut alicujus Meridiani, per Polos Terræ pertransiret. Quod Orbis terrarum Incolas in misera conditione constituturum esset. Quippe quod ii in Zona temperata quibuscum clementissimè actum fuerit, admodum longa-

rum



rum Noctium tædio onerandi essent, quadraginta dierum spacium excedentium. Illique quibus Noctes nunc viginti quatuor horas nunquam excedunt, ut in *Frislandia*, *Islandia*, & in remotioribus partibus *Russiae* & *Norvegiae*, sole deprivandi essent per centum triginta dies continuos. Nôsq; ipsi in *Anglia*, reliquique in eodem Climate, tenebris claudendi essemus, non minùs centum vel octoginta continuos Dies, atque sic de reliquis pro rata sua parte tum intra tum extra Zonas temperatas. Et quantum ad *Aestatem* & *Hyemem*, quanquam ista quidem vicissitudines futurae essent, tamen fieri non posset, quin causae futurae sint savientissimorum Morborum, ex eo quòd Sol tamdiu immoraturus sit parvulis suis circulis describendis circa Polos, tantumque æstus superinducturus Incolis, qui in tam diuturno excessu Tedebrarum ac Frigoris antea essent versati.

4. Restat igitur ut positura Axis Terræ *Inclinata* sit, non *Co-incidens* aut *Perpendicularis* ad dictum Planum. Et certè non solum *inclinata* est sed tam debitâ proportionē, ut nulla aptior excogitari possit ad terram efficiendam amœnam pariter atque habitabilem. Nam tametsi Solis cursus intra Tropicorum ambitum cohibeatur, itaque partes istas admodum calidas faciat; constantes tamen ventorum auræ quæ ab Oriente spirant, (ut naturam taceam longitudinemque commodam Noctium) Zonam torridam non habitabilem solum reddunt, sed & delectabilem.

Jam verò optimam hanc Posituram quam Ratio nostra electura fuisset, à Natura videmus reverà stabilitam, ac proinde nisi nimis quàm protervi esse velimus atque obstinati, inferre debemus stabilitam fuisse à Principio *consilio scientiæque* prædito, non à cæca fortuitâque collisione partium Materiae in se invicem, præsertim cum in nobis ipsis *spiritualem substantiam* cognitivis facultatibus præditam deprehenderimus, quæ etiam capax est movendi alterandique Materiam. Quamobrem dico, quòd impendio magis proclive sit concludere tale aliquod *Principium universale sapientissimum* esse quod vim habeat movendi & dirigendi *Materiam Universi*, quàm imaginari, quòd confusanea partium ejus tumultuatio & agitatio ipsas in tali conditione constituissent ac si consilio ac ratione pollerent, sèque ipsas possent dirigere. Cæterum hoc *dirigens Principium* quid aliud esse potest nisi Deus?

5. Verum ut eandem rem aliquanto brevius urgeamus, & tamen paulò intelligibilius, eis utique qui Hypothesin *Ptolemaicam* tantum noverint; dico, cum contingere potuisset ut Annuus Solis cursus per Mundi polos peragendus esset, cælorumque Axis admodum turbatè inordinatèque movendus, unde omnia illa incommoda orirentur quæ suprâ memoravi, & tamen res sic se non habeant, sed eo modo ordinatae sint, quem Ratio nostra non potest non optimum judicare; equidem admodum consentaneum est ut Mens humana concludat reverà ordinatas fuisse à Principio *Rationis* compote ac *Consilii*, hoc est, ab *Omniscio* ac *Omnipotente Deo*.

6. Unum aut alterum duntaxat addam de *Axe Telluris* cursuque *Lunæ* notandum, & pergam postmodum ad reliqua.

Non potest quispiam quin agnoscat si Axis Terræ perpendicularis esset ad Planum *Eclipticæ* Solis, motum illius futurum esse magis facilem ac naturalem; & tamen propter commoda suprâ memorata, videmus eum situ *inclinato* positum: Similiter omninò probabile est facilius fore magisque naturale isti Telluris ancillæ, *Lunæ*, si cursus suos menstruos in circulo *Æquinoctiali* perageret; videmus autem eam, ad exemplum *Solis*, ipsum secare, & expatiari aliquot gradus ultra quàm ipse Sol, ut lumen ejus exaltatum majori solatio esse possit *Borealioribus* Terræ Incolis intra circulum *Arcticum* præsertim habitantibus, dum longæ istæ eis producantur Noctes.

Quamobrem concludo, tametsi possibile esset ut confusa partium Materiae Agitatio Massam aliquam duram & rotundam Terræ consimilem, posset efficere, corporaque magis tenuia & liquida quæ Ætherem Solémque referant, Terræque natæ posset in liquido hoc Æthere ut Pomum tostatum in ingenti vini cyatho, circumferrique straminum instar aut graminum in vorticem conjectorum; ut tamen motus ejus & positura eodem planè modo dirigeretur & attemperaretur, quo nos ipsi qui rationis participes sumus ex deliberatione ac consilio fieri vellemus, nec hoc ab eo quòd Scientiæ Rationisque aliquo modo compos sit, profectum esset, nostris quidem facultatibus, si quid omninò judicant, æquè absonum est & absurdum atque quicquam quod excogitari potest. Nam cum facilius factu fuisset aliter habere, cûr obsecro sic esset, nisi aliqua Causa superintendens adesset, motusque Materiae dirigeret, nihil illi approbans, nisi quod Ratio nostra confessura sit è re fore Universi?

7. Quòdque præcedentia Phænomena casu fortunave non fiunt, sed modò dictæ Superintendentiae directione & efficaciâ, adhuc manifestius confirmabitur, si duorum aliorum Naturæ Phænomenon considerationem adjiciamus, quæ admodum perspicua

sunt & simplicia, sed merè Mechanicis Materiæ potentiis immane quantum contraria. Horum alterum, Phænomenon est *Gravitatis* Descensûve corporum gravium Terram versûs. Alterum verò, quod vulgò vocant *Fugam vacui*. Qua in re talem Instantiam produçurus sum ex Experimentis quæ habet Vir nobilissimus & ingeniosissimus in libro de *Antlia Pneumatica*, quæ planè demonstratura sit necesse esse, ut sit Essentia aliqua Immaterialis quæ *directoriâ* suam virtutem in Mundi Materiam exerceat. Cæterùm recurram priùs, naturâque *Gravitatis* breviter attingam.

Quòd Terra, supposito quòd circuitum absolvat viginti quatuor horarum spacio, rejectura sit violentè omnia quæ in ea jaceant ( nisi sit alia aliqua substantia à Materia distincta quæ Mechanicis illius potentiis resistat ) perspicuè & copiosè demonstravi, in || Tractatu de *Animæ Immortalitate*. Et si magis particulatim consideremus, quanto impetu magnus Globus, plumbeus putà aut æneus, necessariò avellatur ( secundùm principem illam legem Mechanicam Motûs in linea recta persistentis ) quo à Terræ superficie recedat, cùm Globus tantam in Motûs celeritatem cieatur, quæ quindecim milliaria uno horæ minuto expediat, non potest non esse manifestum mirificam quandam vim requiri ad eum cohibendum, regendum, remittendûmve ipsum ad terram, illicque detinendum, contra fortem illam primæ Mechanicæ legis Materię reluctantiam quæ ipsum urgeat ad recedendum. Ex quo patet non solum mirabilis illa vis *Unitatis & Indiscerpibilitatis* in *Spiritu Naturæ*, sed quòd pervicax etiam sit potensque Omniscii cujusdam Eternique Consilii Executio ad ordinandum regendûmque Materiæ motum in Universo ad finem quemque optimum, Atque hoc *Phænomenon Gravitatis* in tam bonum usum ordinatur atque necessarium, ut nec Terra nec Orbis Terrarum Incolæ, ut nunc res sunt, sine eo subsistere possent.

Quantùm verò ad *Aerem*, sive quis adeò delirus esse velit ut eum imaginetur perceptione volendique libertate ad resistendum prout libuerit, præditum esse universum, sive interspersum subtiliori aliquâ Materiâ istis dotibus ditatâ, quam oporteret, sed perquam ridiculè quidem, aut *disjunctam* aut *spongiosam perforatâ*ve facere *Deitatem*, omnis quidem Obsistentia, quam laxum hoc ac dissolutum Elementum, *Naturale* dixeris sive *Divinum*, ( nulla enim verborum vis est ) facere posset, non magis certè valeret ad detinendum suprà dictum Globum nè à Terra recedat, quàm exercitus exiguarum muscarum ad sistendum globum plumbeum è Tormento bellico explosum & in Aère volantem ; vi quàm volent maximâ obnitantur, neutra certè nè hilum quidem proficient. Tam perspicua demonstratio est hoc *Phænomenon Gravitatis*, quòd sit *Spiritus Naturæ*, quæ Vicaria vis Dei sit in motum Materiæ Universi.

8. Quòd verò nec Aer ipse ullam istiusmodi in se habeat vim, scientiam, volendive libertatem, nec ullæ tales Divinæ particulæ quæ eis dotibus gaudeant, in Aère interspersæ sint, meâ quidem sententiâ admodum manifestum est ex secundo & tricesimo secundo Experimento suprà memorati || Tractatûs viri nobilissimi & eruditissimi. Etenim cùm in primo istorum Experimentorum Clavis ænea sive obturaculum Operculi Recipientis, postquam Recipiens Aère probè sit evacuatum, non nisi valdè difficulter attollatur ; & in altero si valvam æneam turbinatam inferiori ramo Epistomii Recipientis probè, ut priùs, aère evacuati applicaveris & verticillum Epistomii verteris, externus Aer violenti fluminis instar ut intret, in valvam irruentis, subito valvam claudat, clausâque ità firmiter detineat, ut decem librarum pondus sibi annexum sit sustentatura ( Quæ argumenta sunt evidentia intentissimi conatûs in Natura ad Recipientem rursus Aère replendum, quanquam hic motus quo tam fortiter molitur ingressum, accuratius eum excludat ) hinc planè, inquam, constat nec Aërem ipsum, nec ullam magis subtilem Divinâque Materiam ( quæ confertius congregata sit in Recipiente post evacuatum Aërem ) ullam volendi libertatem habere ullâve perceptionem aut peritiam circa res agendas, quippe qui adeò confunduntur, tamque stolidè ac præposterè se gerunt in suis conatibus ad Recipientem rursus Aère replendum.

Nam si externus Aer illâque Materia subtilior in Recipiente scientes liberique Agentes fuissent, istiusmodi mutua inter ipsos futura fuisset conspiratio consiliorumque quasi communicatio, ut exterior Aer suspensus fuisset aut subducturus suam pressuram ad extrâ, subtilisque ac Divina Materia intus motum suum directura in valvæ Obturaculum ad intromittendum Aërem, secundùm Intentionem Naturæ. Vel si nihil præter corpus illud subtile liberum sit & scientiâ præditum, vel illud solum per mutuam conspirationem ( dum pars foris in Aère pressuram externi aëris in Recipiens interciperet, pars verò intus contra obturaculum valvæ obniteretur ) intromissurum fuisset Aërem, juxta serium servidûmque Naturæ propositum. Cæterùm cùm

actiones

|| In tractatu  
qui inscribitur,  
Nova experi-  
menta Physi-  
co-Mechanica  
circa Aërem.



actiones ipsorum scopo destinato tam apertè contrariantur conatúsque tam sint inepti, (cùm tamen res factu facilis foret si vel Aer vel ulla alia subtilior Materia scientiâ gauderet liberóque arbitrio) equidem demonstratio est, Impetum motús in omni materia cæcum esse ac necessarium, nullámque omninò materiam esse scientem & liberam, sed moveri ageréque ex seipsa (nisi aliquod aliud Principium immateriale ipsam dirigat) secundùm leges motús merè Mechanicas.

9. Secundùm quas notabile illud Phænomenon, quod nunc tandem aggrediar, produci non potest: nempe, ut Embolus *Antlia Pneumatica*, post Cylindrum aëre probè evacuatum, centum librarum pondus appensum & ampliùs, sursum traheret, sponte quasi ascendens. Nam quemadmodum ingeniosus Experimentator in tertio experimento observavit, violentus hic conatus subingressione Aëris non est à pressura ambientis Aëris tanquam exhausti Aëris accessione corroborati, quia tunc is qui Antliam exercet, majorem Aëris resistentiam, prout Embolus inferiùs deprimitur, esset reperturus. Quod tamen non observatur. Cui opportunè addere potes, cùm Aer nihil aliud sit quàm corpus tenue sive particularum exiguarum perpetuò motuum congeries, quod exhauritur, naturaliter se diffusurum esse ad talem distantiam, quâ liberiùs se posset movere, hoc est, ad talia Intervalla, in quibus Aer sit tenuior, ità ut uno quasi momento universus Aer ejusdem evadat consistentiæ. Ac proinde nulla nova pressura (propter majorem Aëris Antliæ proximi conspissationem) ad hujusce casus computum adjici potest.

10. Probabilissima igitur hujus Phænomeni solutio Mechanica quæ dari potest, est Hypothesis ista quâ & ipse præstantissimus Author usus est, & quæ universim Aëri, quanquam in naturali sua temperie constituto, convenit; nempe, Quòd vis quædam *Elastica* insit Aëri, sive eam ad modum *Cartesi* explicaveris, per lusus scilicet ac gyrationes singularum illius particularum, quæ conantur latius sibi spaciùm occupare, sive istiusmodi particularum compressio sit, quæ in Lanæ pilis reperiatur, quæ seipsam expansura est, recedente eò quòd illam paulo fortiùs constrinxisset.

Cæterùm, de vi hac *Elastica* statuatur ut volent, solutio interim quanquam primo quidem aspectu satis adblandiatur, nec parum spei præ se ferat, ingenuè tamen fateor (nisi penetrantiora Judicia secùs statuerint) Effectum quod Hypothesi in hoc Experimento tribuitur, mihi Demonstrationem videri contra ipsam Hypothesin. Etenim vis hac *Elastica* secundùm hoc Experimentum, non minorem habet pressuram, quàm quæ centum librarum pondus aut ampliùs sit exæquatura: Quæ pressura (ut sit in omnibus corporibus flexilibus vi aliquâ *Elasticâ* præditis) perpetua est & ubique in Aëre, si quidem illic omninò sit. Ac proinde quivis Aëris cylindrus ejusdem altitudinis à terra, ejusdemque diametri cum Embolo Antliæ, pari vi pressurus est atque centum librarum pondus.

Jam supponamus Butyri massam bilancii ligneæ impositam, ejusdem diametri cum Embolo Antliæ: Manifestum est, Butyrum pressuræ ducentarum librarum ponderis vi pressum iri, cùm cylindrus Aëris ab infrà, altèrque desuper, vi centum librarum ponderis, singuli premant. Hoc necessariò secuturum esset, si vis hac *Elastica* inesset Aëri. At verò Butyrum non omninò premitur, quemadmodum ex eo apparet, quòd nullus humor serosus eliditur, nec dilatatur expanditurve ullâ istiusmodi compressione, quanquam ducentarum librarum ponderis vis illud comprimat, juxta hanc quidem vis *Elastica* Aeris Hypothesin.

11. Nec ullum possumus excogitare subterfugium contra hanc Demonstrationem, nisi fortè sit, quòd, cùm *Elater* Aeris contra latera Butyri perinde atque contra fundum & summitatem obnitatur, id scilicet impedit quo minùs dilatetur. Sed in promptu Responsum est; nempe, Non impedire tamen quo minùs undique allidat, & allidendo lacteum serosumque humorem è Butyro exprimat, si ulla talis esset pressura, qualis supponitur. Quibus porrò addere potes, si Butyri massa ad figuram Disci putà lignei reducat, cujus margo duorum laterum areis centies ducentièsvè sit minor, colloceturque inter duos tenues levésque discos ad eam latitudinem aptatos, filiisque suspendatur in aere libero tanquam in lance, ità ut vis pressuræ ab infrà ac desuper eam quæ contra rotundum Butyri marginem sit, centies ducentièsvè sit excessura; Butyrum tamen nihilofecius *Elatere* Aeris nullatenus arctiùs comprimetur, neque aliter affectum erit atque erat priùs, quamvis adeò molle sit tactuque cedens, ut vel minima vis manùs ipsum inter duos discos sit compressura.

12. Quod tamen ex eo non fit, quòd vis impressionis nostræ, vi *Elateris* Aeris superadditur. Excessus enim vis *Elateris* Aeris in latera discorum supra eam quæ fit in rotundum marginem Butyri, multo major est quàm vis pressuræ manùs vi *Elateris* Aeris contra latera discorum, adjecta, nec tamen novum ullum apparebat effectum.

Et

Et præterea ubi hic Aeris *Elater* non pertingit, nempe, intra latera Mulctralis aquâ repleti in quod Butyri massulam possis imponere, Butyrum illic æquè faciliè manûs pressuræ cedit, atque in ipso Aere. Adeò ut manifestissimum sit, nullum esse talem Aeris *Elaterem*, qualem viri nonnulli eruditi supponunt, multoque minùs tam fortem, ut centum librarum pondus superet, quemadmodum fingitur in notabili hoc *Antlie Pneumaticæ* experimento.

13. Caterùm, quemadmodum *Phænomenon Gravitatis*, ipsis primis Mechanicis Motûs legibus omninò contrariatur ac repugnat; quæ tamen Lex Universalis est corporum terrestrium, ab illo quod non solum non *Terrestre* est sed & *Immateriale*, ipsis imposita: ità Ascensus hic Emboli *Antlie Pneumaticæ* cum appenso plus centum librarum pondere \* æquè perversa est & enormis universalis Legis *Gravitatis* violatio, eaque tam pervicax; ut liquidò constet Principium esse naturam atque vim Materix longè superans, ad cujus arbitrium omnia regantur, cujusque ad nutum singulæ materiæ partes prorsum, retrorsum, omnibûsque modis, etiam contrariis, moveantur, ad scopos istiusmodi generales qui maximè cedant in bonum Universi. Nec minus quidem Bonum quàm sit vita & respiratio Animalium, in partibus Aeris tam obstinato studio ac industriâ inter se continendis intenditur, quemadmodum rectè observavit virtute judicioque prælustis Author in Experimento quadagesimo primo.

Quamobrem cùm tam planè constet quòd Principium sit in rerum Natura, \* quod tam strenuè obstinatèque contra leges Materiæ Mechanicas luctatur, quòdque tam fortiter obstitit, silentiùmve imperat uni communi legi Naturæ ad tempestivorem executionem alterius; hoc, inquam, certissimo pignori est atque indicio, res, ubi congruenter fiunt, tametsi haud cum ista visibili pervicacitate & violentia, effecta tamen esse ejusdem Principii *Immaterialis*, (*Spiritus Natura* vocaveris sive quicquid aliud voles) quæ vis vicaria Dei sit in ingens hoc *Automaton*, Universum.

14. Sed enim ex eo quòd tot globuli in pileo simul agitati in talem determinatam figuram se constituturi sint, vel quòd pruina ventûsque in Januis Fenestrisque bella quadam & inopinata lineamenta aliquando describunt plumas referentia, aliàsve nugæ quæ nulli humanæ vitæ usui inserviunt; hinc concludere, omnes formationes in Natura, etiam corporum, tum Hominum tum Brutorum, fabricas, à nullo alio Principio quàm tumultuario Materiæ motu profectas esse, ac propterea quod hîc aliquid naturaliter efficit, causam esse rerum omnium, equidem mihi ratiocinatio videtur in eodem Modo ac Figura, quibus erat Nundinatoris istius sapientis, qui per montem descendens cascadeque sub axillis gestans, uno ex eis fortè fortunâ elapso, celeritèrque se per declive montis rotante, reliquos post ipsum dimisit, imperans universis, \* ut se *Gothamie* apud domum suam conveniant, nihil dubitans quin cùm tam auspiciatò inceperint, pari foelicitate torum iter essent expedituri. Vel haud absimiliter alteri ejusdem villæ Incolæ, qui cùm observâisset Tripodem ferreum quem emerat, tres habere pedes & stare posse, expectabat etiam ut ambularet, seque portandi onere levaret. Ità sanè profundi nostri *Athei* & *Epicurei* ad eundem Sapientiæ gradum & exemplum, ex eo quòd confusus hic partium Materiæ motus ad rudem delineationem \* *Duri* & *Mollis*, *Rigidi* & *Fluidi* & consimilium possit assurgere, non dubitant indè statim concludere, eum porrò pergere posse, seque extendere ad dispositionem Materiæ in talem ordinem, qui naturaliter Principium supponat, quod aliquo modo in se complectatur accuratam *Sapientiam* & *Consilium*. Opinio profectò, quæ \* supra memoratos Sapientes magis condecere, quàm quemvis, qui mentis omnino Rationisque sit compos.

15. Quamobrem cùm abunde detexerimus ridiculam præsentis Sophismatis stoliditatem, naturalibus emanationibus Rationis liberæ diligenter attendentes, concludamus, *Ortum* & *Occasum* luminarium cœlestium, *Diei* & *Noctis* vicissitudines, *Hymem* & *Æstatem*, cùm ità ordinata attemperatæque sint, ac si per exquisitissimam consultationem perfectissimamque sapientiam essent constituta, ea omnia proinde à sciente Principio fuisse profecta, talique quod movere, alterare, regereque Materiam valeat, ad suam voluntatem atque libitum, hoc est, uno verbo, *Esse Deum*.

Et profectò nullus dubito, quin evidenter detecturus sim visibilia hujus *Divini Consilii* ac *Providentiæ* vestigia, etiam in rebus omnibus quæ in Universo conspiciuntur. Quas tamen omnes percurram quàm leviter breviterque potero.




## SCHOLIA

IN CAP. II. SECT. I.

**S**tabilimentum fuisse aut saltem approbatum. Hoc à me additum est quòd tunc suspicaretur multa meris Mechanicis rationibus in Natura fieri posse ex generali ista motus impressione. Nunc verò omnia quæ in Natura non impediuntur, non solum approbati à Divina Sapientia censeo, sed eorum leges Spiritui Naturæ datæ operâ à Deo fuisse insitas.

SECT. 3. Nec co-incidentem Axis terræ posituram, &c. *Situm intellige co-incidentem, sibi perpetuò parallelum. Parallelismus enim in singulis trium Positionum intelligitur. Utque incommoda hujus secundæ fîrûs faciliùs intelligantur, Schemâ in quò Tellus circa Solem movetur in hoc situ subjungendum curavi.*



Ubi AB est Axis Terra perpetuo sibi parallelus, jacensque in Plano Eclipticæ CDEF. B est Polus Borealis, A Australis. In C verò & E Aequinoctium est per universam Terram. Ut verò pergit Terra à C versus D, Umbra Hemisphaericum AKLMB circa Polum Australem A recedit paulatim ab A ad K, & circa Borealem accedit tantundem à B ad G, & dein à K ad L & à G ad H; & denique ab L ad M & ab H ad I: ubi umbra Hemisphaericum lineâ Aequinoctiali ferè terminatur. Unde planè apparet, quod diximus, qui Circulo Arctico degunt Noctem habere dies amplius 130 longam. Sunt enim gradus 67 inter G & I, per quos Umbra Hemisphaericum transit dum pergit à G ad I; quos gradus remetitur dum recedit ab M ad H & ab H ad G, & tandem ad B. Quemadmodum sit in E ubi Terra est in altero puncto Aequinoctiali. Eademque ratio est de reliquis Terra incolis inter G & H, immò inter H & I, nisi quod Noctem habent pro minori ab Aequatore distantia, pauciores dies continentem. Cetera quæ innuimus aut de co-incidenti hac Positura aut de Perpendiculari, ex intuitu Schematis facile intelliguntur ità ut nihil opus sit eis immorari.

SECT. 13. *Æquè perversa est & enormis universalis Legis Gravitatis violatio, &c. Gravitatis enim est corpus deferre deorsum. Quando autem fingitur, in corporibus liquidis hac deorsum pressurâ attollere partes liquidi subjectas, putâ orificio Ampullæ inverso, obturata & in mare immissa. Quod exemplum non multum ab hoc Experimento Emboli Antliæ Pneumaticæ abludivit, quippe Antlia cum Embolo Ampullæ cum Obturaculo, externus Aer Aquæ marinæ, Aerque Ampullæ inclusus subtili Materia in Antlia respondet. Impossibile tamen est ut hoc fiat sine partium in partes gravitatione, si vel sic fieri posset. Cum verò actualis hac partium in partes Gravitatio non solum Rationi sed & communi sensui & experientiæ repugnet, manifestum est hoc Phenomenon Mechanicè non fieri, hoc est, partium in partes protrusione, sed vitali Spiritûs Naturæ ductu sive dispositu.* Quod

Quod tam strenuè obstinatèque contra leges *Materiae Mechanicae* luctatur, &c. Ita certè non abs re erat loqui, ad distinctiorem rerum perceptionem & intelligentiam. Verùm si magis seriò & accuratè philosophari velimus, meminisse debemus Spiritum Naturæ non tam colluctari cum legibus *Materiae Mechanicis* quam eas antevertere, motumque *Materiae Mundanae* nisi ex accidenti, nusquam Mechanicum esse sed Vitalem.

Seç. 14. Ut se *Gothamiae* apud domum suam conveniant, &c. *Gothamia* oppidum est in *Anglia* ob fabulas de egregiis *Incolarum hallucinationibus* & deliriis celeberrimum. Inter quas recensentur hæc duæ de *Casseis* & *Tripode ferreo*.

*Duri* & *Mollis*, *Rigidi* & *Fluidi*, &c. Quod nec ipsum tamen simplex motus Mechanicus & *Materia* præstare possunt, quod sæpius inculcavi in hisce Scholiis. Quoniam partes *Materiae*, quod tamen necessarium est ad sensibilem Fluiditatem, sine Spiritu Naturæ non possunt coherere.

Suprà memoratos Sapientes, &c. Sic enim vulgò appellantur suprà dicti *Fatui*, Sapientes scilicet *Gothamienfes*.

### C A P. III.

1. Nihil in Natura esse quod scientis Principii Approbationem non subierit.
2. Magna Collum Montiumque Utilitas.
3. Hominis conditio in ordine respectuque ad Creationem reliquam.
4. Designata utilitas Lapidum-Fodinarum, Lignorum, Metallorum & Mineralium.
5. Ut ex his dependeat gloria & magnificentia tum Belli tum Pacis;
6. Et Hominum itidem Defensio adversus Bestias.

1. **V**alles igitur Montesque celeriter transcurramus, exploremus *Maris* profunditatem, *Sylvas* saltusque vagando pervadamus, & in *Terra viscera* fodiamus, dicatque mihi *Athenis*, quisnam ex locis istis omnibus fileat, nullamque mentionem faciat de Deo. Equidem qui maximè muti sunt, compromissum saltem cum reliquis facient, omnia ductu fieri & determinatione (*Materia* moveatur ut volet) aut saltem consensu & approbatione scientis cujuspiam Principii. Ut *Cementarius* qui murum condit, incidit aliquando in lapidem qui nullâ indigeat recisione, atque sic eum approbans tantum, nihil autem immutans, in murum collocat: Et contingere quidem potest ut lignum eo ipso in loco fatiscat ubi *Carpentarius* fissurus fuisset, nec opus sit ut ipsum consolidet primùm & compingat, ut idem postea diffindat. Quamobrem si merus motus *Materiae* rude quicquam ac generale ullius momenti efficere potest, maneat tanquam approbandum: sed enimvero ea etiam inventuri sumus quæ tam manifestò prospectiōnem consiliūque innuunt, ut non possimus quidem naturaliter assensum cohibere quin apertè agnoscamus, Deum existere.

2. Nunc igitur conferamus nos ad scrutinium, & videamus annon omnia talia sunt, qualia Ratio nostra ea esse exoptet. Et ut à summo primùm incipiamus, etiam istos neglectim disseminatos Montes, qui non nisi tot quasi *Strumæ* videntur & præternaturalia Tubercula in facie *Terræ*, si consideraveris quanti momenti sint, hoc pacto quidem in gratiam cum eis rediens, ornamento profectò ea esse reputabis perinde atque utilia.

Hæc enim sunt Naturæ *Distillatoria*, in quorum Cavernis ascendentes vapores in Universalem istam congelantur *Aquam-vitæ*, in salubres istos latices vitæque liquores qui omnes per orbem *Terrarum Animantes* sustinent, flexuosis Rivulorum Fluviorumque canalibus per omnes *Telluris* partes deducti. Geographia hoc prolixâ Inductione demonstratura esset. Nos tribus quatuorve exemplis erimus contenti. *Ana* & *Tagus* ab *Orospeða* decurrunt in *Hispania*, *Rhenus*, *Pædus* & *Rhodanus* ab *Alpibus*, *Tanais* à *Riphaeis*, *Garumna* à *Pyrenæis* montibus, *Achelous* à *Pindo*, *Tigris* à *Niphate*, *Orontes* à *Libano*, & *Euphrates* à montibus *Armenia*, & sic de reliquis. Sed hisce non immorabor. Ad ea jam me conferam quæ luculentiùs Providentiæ oculum ostendant, dirigentis & determinantis perinde atque approbantis effectus Agitationis, quæ supponitur, partium *Materiae*.

3. Et ut vim argumentorum meorum plenius sentire possis, breviter primùm consideremus *Homini* naturam, quas habeat facultates & quem ordinem teneat & respectum ad reliquas Creaturas. Et sanè, tametsi corpus ejus infirmum sit atque inerme, internæ tamen *Animi* dotes, Ratio putà, resque varias inveniendi artèque concinnandi dexteritas, admirabiles sunt. Speculationibus multum addictus est, contem-



contemplandoque Mundi hujus Theatro, Quæstibus etiam faciendis, miscendisque Commerciis cum Gentibus extraneis, Ædibus porro ædificandis atque Navigiis, concinnisque conficiendis Instrumentis ex Argentò, Ære & Chalybe, & similibus: In summo, Flos est atque Caput omnium operum Naturæ super hunc Orbem Terræ. Jam igitur si ostendero talia consilia etiam de infimis vilissimisque Naturæ effectis inita esse quæ Hominem omnium Principem respiciant, inficias profectò ire non potes quin sit *oculus Providentiæ*, qui rebus omnibus intentus sit, celeriterque à summo ad imum decurrens sapienter disponit Univerſa.

4. Quamobrem nunc quæro, cum Homo talis naturæ sit, annon nobiles hæ facultates illius incassum forent & frustraneæ, si subjectum deesset in quod eas exerceret. Et in secundo quidem loco rescire vellem, an rudis & confusa particularum Materiæ agitatio certò productura sit ullum tale Subjectum quod idoneum sit in quod Homo suam posset exercere peritiam, neche: hoc est, Ecquæ esset necessitas quæ infallibiliter *Lapidum Fodinas* in Terra produceret, cum tamen ii præcipua Materia sint ex qua omnes magnificæ Ædificiorum structurae fiunt per orbem Terrarum. Idemque dicendum est de *Ferro & Chalybe*, sine quibus horum etiam lapidum nulla futura fuisset utilitas: Et tum dein de *Carbonibus fissilibus* aliisque necessariis Ignis fomitibus, qui utiles sint ad colliquanda temperandaque Metalla: Item de *Lignis* ad ædificandum. Fieri enim potuisset ut Terra nihil præter frutices & quasi sarmenta emitteret, & tunc certè nulla futura fuissent commoda Navigia, quicquid factum fuisset de reliquis Ædificiis. Similiter de *Magnete*, egregio illo ad Navigandum admiraculo, annon tam profundè in terram abditus jacere potuisset ut humana Industria eum nunquam fuisset eruitura? Idemque dici potest de aliis *Lapidibus & Metallis*, cum gravissima sint, ea locos infimos maximè naturaliter fuisse occupatura. Proculdubio, Materia agitata, nisi specialis aliquis præpotensque Gubernator præfuiſſet, res hæc omnes necessarias atque utiles æquè facillè prætermittere potuisset atque in eas incidere. Quod si nulla talis Creatura fuisset qualis est Homo, hæ ipsæ res inutiles fuissent. Nulla enim brutorum Animalium hujusmodi rebus utuntur. Quamobrem nisi immanem vim facultatibus tuis inferre velis, concludere debes Præordinationem esse *Providentiæ & Consilii* in hisce rebus omnibus quod à principio ad finem extenditur disponitque omnia suaviter; Providentiæque cum prævidisset qualem Creaturam Hominem constituturam esset, Materias ipsi præparasse ex quibus posset & præsens suum ornare, Historiæque monumenta suppeditare egregiorum facinorum tum *Artis* tum *Virtutis Martiæ*.

5. Absque verò prædictarum Materialium preparatione esset, Gloria Pompæque tum *Belli* tum *Pacis* perdita fuisset. Etenim Homines loco magnificorum illorum Ædificiorum quæ in Orbe conspiciuntur, haud meliora domiciliorum genera habituri fuissent quàm majuscula quasi quædam Alvearia Nidòve Avium, ex vilissimis sarmentis, straminibus limosisque cæmento confectos. Et verò vice usitatoris pompæ splendorisque *Belli*, ubi audiri solet augustus raucarum Tubarum sonitus, animosus Tympanorum pulsus, Hinnitus, superbisque Equorum pedes glomerantium incessus, Armorum strepitus, & horrenda Tormentorum bellicorum Tonitrua, ut taceam Gladiorum Hastarumque coruscationes, fluctuationes vibrationesque explicatorum Signorum, alacres Equitum ex bene curatis morigerisque equis in hostium equitarum fulminationes & similia; absque prædicto, inquam, paratu esset, Ferri, Chalybis & Æris aliarumque id genus necessariarum Materialium, loco hujus omnis splendoris ac celebritatis, nihil præter ululatus & clamores misellorum hominum nudorum, aliorum alios nodosis stipitibus certatim fustigantium, pugnisve interitis se mutuo impetentium futurum fuisset, quo Mundi scena seculorumque decursus exornarentur.

6. Præterea, cum Bestiæ naturaliter armatæ sint, Homines verò nullâ re muniri præterquam Ratione suâ, cumque Ratio inefficax sit, materiâ, in quam opeteretur, destituta; manifestum est, illud quod *Homines, Bestias & Metalla fecit*, probè novisse quid egerit, nec per oblivionem commisisse ut hominem naturali armaturâ destitutum relinqueret, cum Materiam parasset, ingeniumque indidisset & peritiam quâ seipsum indè armaret, itaque posset seipsum defendere, contra ferocissimas fortissimisque omnium Animantium cujusmodicunque. Immò verò datâ operâ inermum eum reliquit, ut seipsum armare posset, atque sic exercere naturate suum ingenium & industriam.

## CAP. IV.

1. *Distinctionem Terræ & Maris sine Providentia non factam esse:* 2. *Ut nec Consistentiam Aquæ Maris quæ Navigia queat sustinere.* 3. *Utilitas magna ac voluptas Navigationis:* 4. *Miranda catena aptissimarum provisionum ad humano Ingenio gratificandum in re tanti momenti.*

1. **P**ostquam Montes pertransivimus & per Sylvas cavæque Telluræ viscera, contemplemur jam latum Mare, videamusque annon & illud etiam de Divina existentia nos moneat, hoc est, annon omnia illic ita constituta sint, ac si Principium aliquod Rationis particeps, ea aut ordinaverit aut approbaverit, cum tamen nihilominus aliter se habere potuissent. Atque nunc quidem dum versantur nobis ante oculos Campi illi natantes, quemadmodum appellat *Lucretius*, vasta illa Aquæ Planities, Oceanus, quæro primum annon vastior latiorve esse potuisset, eo usque ut universam Terræ faciem inundasset, itaque habitationem Hominum, Bestiarumque prævertisset. Particulæ enim liquidæ facili cum aridis misceri potuissent, atque sic torum in unam ingentem Paludem limosam, tremulam ac malefidam abiisse.

2. Porro, Distinctione Terræ Marisque jam factâ, quæro, annon elementum hoc aqueum tam tenuis consistentiæ esse potuisset, ut ad Navigia sustinenda idoneum esset. Hoc enim tantum abest ut sit impossibile, ut tales in rerum Natura reipsa sint Aquæ, ut Fluvius *Silas*, exempli causâ, in *India*. Atque aquæ *Borysthenis* tam tennes sunt & leves, ut fluitare dicantur in summitate fluenti *Hypanis* Fluvii. Et notissimum est aliqua ligni genera tam gravia esse, ut in aqua qualibet vulgari subsidant.

Ad cuiusvis igitur Rationem provoco, annon multò præster ut sit Terræ Marisque distinctio, quàm ut totum Limus sit aut Aqua: magisque commodum sit ut Sylvæ Materiam suppeditent tam levem ut super Aquam fluitare posset, Aquæve tam gravis sit ut Lignum possit sustentare, quàm vice versâ. Quod igitur aliter fieri potuit, & tamen planè ad votum sententiæque nostræ est constitutum, qui Rationis scientiæque participes sumus, à nobis profectò æstimari debet tanquam à Ratione Consilioque sancitum.

3. Et quanto quidem penitiùs hanc rem inspicimus, tanto in eâ evidentius Providentia vestigia deprehendemus. Etenim cum duæ præcipuæ Hominis proprietates sint, *Contemplatio* & *Sociabilitas*, Amœvæ Commerci, nihil est quod tantoperè illius naturæ gratificaturum esset quàm potestas Navigandi, quæ marinorum fluctuum dorso inequitans *Mirabilia* conspiciit *Profundi*, & propter illius elementi glabritiem & lubricitatem tempore, pro itinere quidem, mediocri veritatem sagacium istarum suggestionum propriæ mentis potest explorare, an Terra nempe undiquaque rotunda sit, & an sint *Antipodes*, & similia; lineamque secans *Aequinoctialem*, illam Contraversam de *Zone Torrida* habitabilitate simul decidere, vel potiùs maculam istam, quasi tanta Orbis Terrarum portio propter habitationem incommodam, frustra facta esset, Divinæ Providentiæ injectam abstergere.

Præterea, Ad peregrinas oras appulsus, Hominumque detectio tantâ morum à nobis ipsis diversitate, non potest quin res sit immensæ cuiusdam voluptatis & utilitatis, ad laxandas ampliandâsque cogitationes nostras, ex eis quæ observemus in eorum Conversatione, Artibus ingenuis, & re Politica. Hisce adde varias Naturæ Raritates, Mercêsque diversis Regionibus proprias, quibus qui domi manent per eorum itinationes frui possunt qui peregrè proficiscuntur, ipsique qui peregrinantur ex propriis expeditionibus ditescere.

4. Nunc igitur cum Navigatio tantum momentum faciat ad voluptatem humanæ vitæ atque utilitatem, cumque sit in Homine ingenii & audaciæ ad *Maria* periclitanda modò Materiâ aliisque rebus requisitis satis esset instructus; equidem cum videamus tam commodè in hunc finem ipsi prospectum esse, in *Lignis* amplis ad ædificandas *Naves*, in *Aqua* marina tam crassâ ut ad *Naves* sustinendas etiam onustas idonea sit, in *Magnete* ad suam *Pyxidem Nauticam*, & in stabili ac parallela *Axis Telluris directione*, ad *Cynosuram*; & tum dein observemus naturale illius Ingenium animumque intrepidum ad hisce utendum, utque ingenitum scientiæ & commercii desiderium, augendique proprias *Animi* perinde atque *Fortunæ* dotes eum ad nobile hoc Inceptum sit instigaturum; non possumus profectò quin concludamus à tali Causarum serie tam aptè & congruenter conspirantium, quod reverà Consilium esset *Universalis*



versalis cujuspiam ac *Æternæ Mentis*, quæ toti Naturæ fabricæ prospicit ac gubernat, quæ has causas tam providè sapienterque connexit, hoc est, non possumus quin concludamus *Quod sit Deus*.

Et sanè si ad tantam hujus veritatis certitudinem jam pervenimus ex consideratione istiusmodi Phænomenon in Universo quæ rudiora videantur & generaliora; quid magis specialium magisque politarum elaboratarumque Naturæ partium, in *Vegetabilibus*, *Animalibus* & in *Humano corpore*, effectura est contemplatio?

## CAP. V.

1. Formam & Pulchritudinem, Semen & Signaturam Plantarum Argumenta esse Providentiæ. 2. Quamvis merus Materie Motus Meteora quadam producere possit, ut Grandinem, Nivem, Glaciem, &c. non sequi tamen eundem adequatam esse causam Animalium & Plantarum. 3. Haud magnum quidem Assumentum fore aut Hiatus, si rudiora Phænomena, Motus merè Mechanici Materie fructus agnoscerentur. 4. Formam & pulchritudinem Florum & Plantarum ab altiori Principio proficisci. 5. Pulchritudinem reale quid esse, & Intellectualium nostrarum facultatum Objectum. 6. Indè sequi, quod Formæ pulchræ ac Figuræ Plantarum & Animalium effecta sint Principii Intellectualis.

1. **H**Actenus rudiora tantum & negligentiora, si fas sit ita loqui, Divinæ Providentiæ Lineamenta in Orbe consideravimus, in amplioribus illis descripta Phænomenis *Diei & Noctis*, *Æstatis & Hyemis*, *Terræ & Maris*, *Fluviorum*, *Montium*, *Metallorum* & similium; ad pressiore jam accedimus conspectum Dei & Naturæ in *Vegetabilibus*, *Animalibus* & *Homine*.

Et primum de *Vegetabilibus*, ubi quatuor hæc tantum capita attingemus, *Formam* nempe eorum & *pulchritudinem*, *Semen*, *Signaturas*, magnamque eorum *Utilitatem* ad *Medicinam* perinde atque *Cibos*. Et ut melius intelligamus hujus pressioris operum Naturæ Contemplationis præcellentiam ac privilegium, notare primum debemus conditionem illius substantiæ, quam *Materiam* appellamus, quàm fluida sit & lubrica & ex se indeterminata, vel si dura, quàm inepta ut in aliud quicquam mutetur, ac proinde omnia in madorem quendam antè putrescunt quàm quicquam ex eis generari possit, ut solemus ceram prius emollire quàm sigillum imponamus.

2. Nunc igitur, nisi adeò stolidi esse velimus, ut, quia uniformis Aëris Motus, subtiliorisve alicujus Elementi corporei, \* tam æqualiter comprimere possit, obnitve contra partes paucilli Humoris vaporosi, ut ipsum formet in guttas rotundas (quemadmodum quidam statuunt de rore aliisque experimentis) indèque, quia rudior hic & generalior Motus aliquid præstare potest, concludere non dubitemus eum posse omnia; omnino consentaneum est, ut confiteamur *Æternam esse Mentem*, cujus ope *Materia* tam commodè utiliterque formetur atque immutetur.

Verùm ut merus Motus, rudis omnisque expers regiminis, quia naturaliter aliquos effectus habiturus est, idcirco ad tales extendi possit qui sapientem quandam præordinationem & consilium planè implicant, Sophisma adeò ridiculum est, quemadmodum supra notavi, ut magis dignum sit quod inconsideratis animis Fatuorum & Infantum imponat quàm hominum maturæ Rationis, benèque in rebus Philosophicis versatorum. Pone *Pluviam* & *Nivem* & *Ventos* & *Grandinem* & *Glaciem*, aliæque id genus Meteora effectus esse posse *Caloris* & *Frigoris*, *Motusve* & *Quietis* certarum quarundam tenuium particularum Materie; ut tamen utiles pulchræque formationes ramorum, florum, fructuumque Plantarum tales etiam sint, (ut taceam interim de corporibus *Avium*, *Piscium*, *Bestiarum* & *Hominum*) æquè ridicula est & oscitabunda Illatio, ac si quis inferret, quia merus *Calor* & *Frigus* emollit & indurat Ceram & in aliquam saltem figuram eam transmutat, quod proinde merus hic *Calor* & *Frigus*, *Motusve* ac *Quies* sine ulla Arte aut directione, argenteum etiam Sigillum formaverit, scutumque ipsi artificiosè insculperit, vel formam alicujus Avis vel Bestiæ, ut Aquilæ, Leonis & similium. Immo verò hæc Illatio multò tolerabilior est quàm altera, cum hæc *Artis Effecta* longè faciliora sint, minùsque nobilia, quàm altera illa *Naturæ*.

3. \* Nec Assumentum quidem ullum est aut Hiatus in operibus Naturæ, ut quædam particularia Phænomena non sint nisi faciles & spontanei quasi fructus generalis

illius Motûs qui à Deo communicatus est Materiæ, alia verò effectus magis curiosæ concinnaturæ, *Divinæve Artis seu Rationis* (\* tales enim sunt λόγοι σπερματικοί, i. e. *Rationes Seminales*) in Materiam incorporatæ, præsertim cum ipsa Materia aliquo modo sit *vitalis*, alioqui motum non continuatura esset in quem per occasionem hæc vel illâ excitata sit: Et præterea, cum *Natura Divina* perfectissima sit vitæ plenitudo quæ concipi potest, valdè consentaneum est ut ultima hæc & remotissima ipsius Umbra sit aliquo modo, licet non nisi subobscurè, *Vitalis*. Quamobrem cum res à summa perfectione quasi gradatim deficient, minimè profectò impar malève proportionatus gradus erit, si descendendo à culmine hujus externæ Creationis, *Homine*, in quo principium est magis subtilis & in se reflexæ *Rationis*, quæ adhærescit, quanquam non eodem modo, perfectioribus brutorum generibus, quemadmodum & sensus, intra nimis angustum ambitum nolens coerceri, aliquibus *Plantarum* generibus sese ingerit, cujusmodi sunt variae *Zoophytorum* species, in cæteris verò nulla Animadversivæ facultatis in ipsis residentis reliqua reperiuntur vestigia, quanquam effecta eis insunt Formæ animadversione carentis, (λόγος ὁρῶν) materiatae sive incorporate *Artis Rationisve seminalis*: non erit, inquam, ullus impar delapsus si descendas à magis sublevis obscurisque vitæ *Spermatice* exemplis ad notabilia effecta generalis Motûs in *Mineralibus*, *Metallis* varisque *Meteoris*, cujus faciles rudisque formationes nullo fortean indigeant vitæ Principio, Formæve *Spermatice* à *Quiete Motûque* particularum Materiæ distinctâ.

4. Est verò ea formæ ac pulchritudinis curiositas in nobilioribus plantarum generibus, talem habens congruentiam cum defæcatori sensu & sagacitate humanæ Animæ atque Harmoniam, ut non possit (quippe quum Tactus ejus *Intellectualis* tam suaviter eo oblectetur quod in istiusmodi objectis deprehendit) quin agnoscat abditam aliquam Causam propriæ Naturæ admodum congenerem, hoc est, *Intellectualem* concinnatricem fuisse & perfectricem horum jucundorum Spectaculorum in Universo.

5. Nec quicquam valiturum est si quis hîc objecerit, quantum ad pulchritudinem attinet proportionisque venustatem, rem eam totam in imaginatione sitam esse, quippe cum sint qui nihil tale agnoscunt, sibi que omnia perinde pulchra videri profitentur, qui tamen oculorum suorum usu gaudent æquè atque cæteri mortales. Respondeo enim, quod hoc magis id confirmat quod volumus, *Pulchritudinem* nempe transmitti quidem per externos sensus in Animam, magis *Intellectualem* tamen facultatem esse quæ ipsam sapiat: quemadmodum Schema *Geometricum* intrat quidem per oculos, Demonstratio verò à sola *Ratione* percipitur. Ac proinde magis consentaneum est affirmare *Intellectuale* aliquod Principium hujus *Pulchritudinis* rerum Authorem fuisse, quam ut sic formatae sint sine ope ejusmodi Principii.

Et verò, asserere, nullam omnino esse *Pulchritudinem*, quia quorundam Hominum Animæ tam tardæ sunt atque stupidæ, ut quantum ad eam quidem rationem, omnia ipsis perinde sint; æquè absurdum est & à ratione alienum, ac si concludas nullam omnino in rebus *Rationem* esse aut *Demonstrationem*, quia bardus homo atque fatuus eò pertingere non potest. Quod verò pulchritudo sit, quodque ab omnibus gentibus agnoscatur *Arboribus* inesse, & *Floribus* atque *Fructibus*, ædificiorum ornatus per omnia secula amplum est & irrefragabile Testimonium. Quid enim apud ipsos magis in more est, quam florum fructuumque sculpturas picturæve adhibere in exornandis suis operibus? Præterea, Hominem quemlibet appello, qui in tam miserum degenerationis gradum non sit delapsus, ut æquè stupidus ad hujusmodi res evaserit quam sint vilissimæ Bestiæ, an exempli causâ, ritè exsculptum *Tetraedrum*, *Cubus* vel *Icosædron* majorem non habeant pulchritudinem quam rude quodlibet lapidis fragmentum in agris viisve publicis jacens; vel ut alias figuras solidas nominemus, (quæ licet *Regulares* non sint, propriè sic dictæ, determinatam tamen habent Ideam ac Naturam) ut *Conum*, *Sphæram* & *Cylindrum*, an horum aspectus humanæ menti non magis gratificetur, majoremque formæ elegantiam præ se gerat, quam rudia illa Secamenta vel Assulæ lapidum, quæ à manibus Lapidarii defiliunt, nec ulli rei inserviunt nisi ad medium Muri explendum, ut sic ab oculis hominum abscondantur propter suam deformitatem.

Estque observatu dignum, si Natura quicquam efformet, quod ad accuratam hanc rationem Geometricam propius accedat, quod ipsum contemplamur cum multa quidem animi oblectatione ac voluptate: ut si vel Rotundum exactè sit, (cujusmodi lapidum magna reperitur copia inter duos montes in *Cuba*, Insula *Americana*) vel ordinatim *Quinquangulare*, aut latera *Parallela* habeat, licet anguli sint inæquales, quemadmodum in exiguis quibusdam lapidibus videre est, & in quodam Alabastri genere,



genere, repertis hic in *Anglia*; hi lapides, inquam, aspectui nostro gratificantur, ut qui majorem habent cum humana Anima cognitionem, quæ *Rationalis* est & *Intellectualis*, ac proinde gaudet statim atque in ullum externum Objectum incidit, quod cum congenitis illis Ideis, quibus propria ipsius natura instructa est, quadret & conveniat. Nam *Symmetria*, *Æqualitas*, partiumque *Respondentia*, ut & *Asymmetria* & *Inæqualitas*, *Rationis* discernicula sunt, non autem *Objecta Sensûs*, quemadmodum alibi probavimus.

6. Jam igitur cum manifestum sit quod sit, quam *Pulchritudinem* appellamus, *Symmetriam*, proportionisque venustatem, (ut jucundam *Colorum mixturam* taceam) quodque hoc proprium Objectum sit *Intellectûs* ac *Rationis* (hæc enim minimè cordi sunt *Bestiis*) equidem existimo tutò me concludere posse, Id quod prima & principalis causa est mutandi fluidam & indeterminatam *Materiam* in *Formas* tam pulchras præbeque proportionatas, quam quas videmus in *Floribus* & *Arboribus*, intelligens esse *Principium*, noscereque tum *Hominis* naturam tum naturam eorum *Objectorum* quæ conspectui illius offert in *Mundo* hoc externo ac visibili. Hæc enim casu fieri non possunt multifariisve partium *Materiæ* molitionibus inter seipsas, tunc enim verisimile esset species rerum, licet nonnullæ rectè se habere possent, plerasque tamen mancas fore & ridiculas. Nunc verò nulla ineptitudo ulla in re extat, quod indicio est, fluiditatem *Materiæ* gubernari & determinari à præpotente consilio *Æternæ Mentis*, sive *Dei*.

Nisi supervacaneum esset, in medium hic proferre possem pro exemplis, varia genera *Florum*, *Herbarum* atque *Arborum*. Hæc verò *Objecta* cum tam obvia sint, cumque cujusque phantasia recordatione variegetur, *Rosarum*, *Caltharum*, *Liliorum*, *Pæonarum*, *Tuliparum*, *Violarum tricolorum*, *Caryophyllorum*, *foliorum Vitis* ac *racemorum*, aliorumque id genus millenorum, de quibus omnibus nemo est quin fateatur, ipsis inesse *Pulchritudinem*, & *Symmetriam* gratamque proportionem, superfluum existimo prolixiori *Inductione* memoriam *Lectoris* onerare, transiture aunc ad reliquas tres considerationes de *Semine*, *Signaturis*, & *Utilitate*, & quidem perquam breviter per eas pertransiturus, cum quæ observanda sint admodum sint vulgaria faciliæque intellectu.

## SCHOLIA

## In CAP. V. SECT. 2.

**T**AM æqualiter comprimere possit obnitive, &c. Quam parum verò valeat hæc conjectura etiam in his simplicibus *Phænomenis* videre potes, *Enchirid. Metaphys. Cap. 20.*

Sect. 3. Nec Assumentum quidem ullum est, aut Hiatus, &c. Quod ita hic philosopharer nimia fecit *Cartesianæ Philosophiæ* apud me *Existimatio*. Quas verò ob causas sententiam mutaverim, vide *Præfat. Enchirid. Ethic. Sect. 16. & Enchirid. Metaphys. Cap. 9. Sect. 6. & 12.*

Tales enim sunt λόγοι σπερματικοί, i. e. *Rationes Seminales*, &c. De his *Rationibus Seminalibus*, an distinctæ sint substantiæ particulares, an unus communis sit *Spiritus Naturæ*, vide *Tractatum de Anima Immortalitate*, lib. 3. cap. 12. & 13.

## C A P. VI.

1. *Providentia à Seminibus Plantarum arguitur.* 2. *Responsum ad Objectionem de Herbis noxiis ac fatidis, Plantisque venenosis.* 3. *Plantarum Signatura argumentum Providentiae.* 4. *Exempla quaedam Signaturarum.* 5. *Responsio ad Objectionem de istiusmodi Signaturis in Plantis quae non referantur ad Medicinam.*

**D**ico igitur, quòd *Plantae* singulae *Semen* suum habeant, evidens esse indicium Divinae Providentiae. Etenim cum nullus necessarius effectus sit *Motus* Materiae, quemadmodum nec integra *Plantae* *Formatio* illius est fructus, cumque tanti momenti sit ut *semen* habeant ad continuandas propagandasque proprias suas species, & ad gratificandum etiam *Humanae* *Arti*, *Industriae*, ac necessitatibus vitae (multum enim *Agricultura* & *rei Hortensis* hisce innititur) fieri non potest quin ex *Consilio* factum sit quòd varia *Plantarum* genera propriis *seminibus* sint locupletata; praesertim cum *Terra* istiusmodi naturae sit ut, licet primum omnia *Plantarum* genera aliquandiu pareret, (quemadmodum eam nonnulli volunt omnia *Animalium* genera peperisse) tandem tamen languida futura esset & effata, adeò ut sine adminiculo exiguum istorum ac compendiariorum *Principiorum* *Generationis*, *seminum granula* intelligo, nullos istiusmodi editura esset partus, non certè magis quam *Antlia* jam arida, aquam ullam redditura est, nisi prius aquae paucillum ipsi infuderis, & tunc pro uno pollubro multa aquae dolia inde haurire poteris.

2. Nec multum refert, si quis hec objecerit, Etiam *Herbas fatidas* & noxias *Plantasque* venenosas *semen* habere perinde atque maximè amœnas, maximèque utiles. Nam & istae ipsae noxae quas vocant, foetidaeque *Herbae* suam etiam habent utilitatem. Etenim primò, *Humana* *industria* in eis, ubi damno sint, eruncandis exercetur. Quae *Ratio* si leviuscula videtur, consideremus tantummodo, si *humana* *Industria* nihil haberet cum quo confligat & colluctetur, quòd ille *Spiritus* *humani* *Igniculus* serè extinctus foret in carne, & tunc agnoscemus causam à me indicatam nec invalidam esse nec vilipendendam.

Deinde, Quis certò novit, quin ita se res habere possit in venenosis hisce *Plantis*, quemadmodum vulgò fingitur de *Bufonibus* aliisque venenosis *Serpentibus*, quòd venenum è terra elingunt? Similiter *Plantae* venenosae meritò existimari possunt omnem malignum succum ac nutrimentum sibi ipsis attrahere ut reliquae eo puriores fiant magisque defaecatae: ut *Receptacula* sunt in *humano* corpore, & *Emunctoria*, ad superfluum *Choleram* derivandam, *Melancholiam*, & similia.

Postremò, notissimum est omnibus qui *Naturae* reique *Medicae* non sint prorsus ignari, quòd istae *Herbae* quas rudis & imperitus vulgus *Herbas erraticas* noxiae appellare solent, elementa sunt efficacissimarum *Medicinarum*. Quòd *Aconitum Hyemale*, quòd alias venenum praesentaneum est, dicitur multum valere contra *Viperarum* morsus & *Scorpionum*, cui assentitur etiam *Crollius*. Quòdque illa *Planta*, quae mortem in ipso nomine gerit, *Solanum* nempe *lethiferum*, somnum conciliando mortem praeventit, si ritè adhibeatur in *Febri*. Nec certè ea res inutiles habendae sunt quarum usus nondum nobis enotuerit. Omnia enim haud noscenda sunt simul, ut succedentia secula semper aliquid habere possint cujus inventionem sibi gratificentur.

3. Venimus jam ad *Plantarum Signaturas*, quae non minus videntur *Argumentum* quòd *suprema* operum *Naturae* *Origo*, *Intelligens* aliquod sit *Principium*, quam fuerit ista tum provida *seminum* ipsarum prospectio. Immo verò hoc magis propriè & adequatè nos respicit, quam illud alterum; & certa quaedam *Clavis* est ad intromittendum hominem ad primam *Theaurorum Naturae* notitiam atque usum. Quaro igitur, annon admodum facilis sit & genuinus ratiocinandi modus, ex observatione quòd variae *Herbae* signo aliquo aut caractere norantur, qui virtutem ipsarum indicet ad quid valeant, quòdque talis *Creatura* in *Orbe* est, qualis est *Homo* qui hac signa & caracteres legere potest & intelligere, hinc continuo concludere, *Authorem* tum *Homini* tum dictarum *Plantarum signatarum*, naturam utrorumque praecognovisse. Neque enim absimile est *Inscriptionibus* *Pyxidum Pharmacopolarum*, quas *Officinae* magister inscribit ut à *Tyrone* servulo legantur. Immo verò hic melius se res habet; quippe non mera *Nomina*, sed ipsa *Natura* usque in has signatas *Herbas* inscribuntur. Neque ulla est necessitas ut omnia ad hunc modum signentur, quamvis



quamvis quadam sic sint. Nam ipsa rei raritas est, quæ cedit in oblectamentum: ali-  
oqui satietatem pareret & fastidium, eandem quasi semper sic ferire chordam. Ac  
præterea, Divinæ Providentiæ consilium erat prima tantum intra ac rudimenta utilis  
Thesaurorum suorum Notitiæ humano generi subindicare, reliquum industriæ no-  
stræ exercendæ permittens, ut otio ac delictis ætatem nequaquam conteramus. Mun-  
di enim hujus Theatrum humani Ingenii exercitium est, non ignava *Polyantha* liber-  
ve *loderum communium*. Ac proinde omnia ad aliquem certe modum obscura sunt &  
intricata, ut sedulitas Divinæ illius Scintillæ, Anima utique humana, habeat quod  
vincat & de quo triumphet, postquam præclare se gesserit, suo adjuvante cœptisque  
aspirante Deo.

4. Cæterum quod aliqua sunt Plantæ, quæ admodum evidentem Naturæ usumque  
sui signaturam præ se gerunt, hisce subsequentibus exemplis satis plenè indicabo.

*Capillus Veneris*, *Trichomanes* sive *Polytrichon*; *Lixivium* in quo coquitur, vel in-  
funditur, capiti lavando utile est, & capillis augendis restituendisve eis in locis un-  
de defluerint.

Et *Decoctum Cydoniorum*, qui fructus sunt lanuginosi ac pilosi, valere censetur plu-  
rimùm ad capillos recuperandos ob luem veneream deciduos.

Folium *Melissophylli* & *Alkelajæ* sive *Trifolii Acetosi*, ut & Radices *Anthoræ* Cor figurâ  
representant, suntque similiter Cardiacæ.

*Juglandes* integram habent Capitis signaturam, Cortex exterior herbaceus *Pericra-  
nio* respondet, & Sal quidem ex eo confectus virtutem eximiam habet ad vulnera ea in  
parte sananda. Ut & nucleus cerebro quod refert, conducere dicitur.

*Umbilicus Veneris* ad libidinem excitandam valet, ut *Dioscorides* affirmat; quem-  
admodum & varia genera *Satyrionum*, quæ manifestam partium genitalium Imagi-  
nem præ se gerunt. ¶ *Aron* verò præ cæteris, omnesque *Orchides* quæ ab aliquibus  
Bestiis nomen sortitæ sint, ut *Cynosorchis*, *Tragorchis* & similia. Quorum ultimus ob  
odorem etiam Hircinum notabilis, spirillisque capillam barbam mentiens, ut Hir-  
cus omnium Animalium luxuriosissimus est, ita ad inflammandum ad Venerem om-  
nium bulborum est valentissimus.

Folium *Hyperici* confertim parvulis dispungitur perforaturve foraminulis, unde &  
*perforata* ista Herba dicitur, & singularis *Vulneraria* est, & ad deobstruendos corpo-  
ris poros apprimè utilis.

*Scorpioides* sive *Echium*, caudam incurvatam *Scorpionis* refert, & *Ophioglosson* ma-  
nifestam perfectamque similitudinem linguæ serpentis gerit, ut & *Ophioscorodon* inte-  
gri capitis superiorumque partium corporis; atque hæc omnia utilia habentur ad ex-  
pellendum venenum, & ad Serpentum morsus valere. Et universim omnes istius-  
modi Plantæ quæ maculis, cutis viperarum instar, aliorumque venenosorum Anima-  
lium intersperguntur, contra ipsorum ictus morsusve valere observantur, & efficacia  
esse adversus venenum Remedia.

Ita quidem Divina Providentia per naturalia hæc *Hieroglyphica* breves Lectiones  
Medicæ rudi Homini Ingenio prælegit, ut postquam paululum initiatus esset, eo-  
que illigatus, proprio reliquum studio & industria investigare posset atque eruere:  
quippe quum valde consentaneum esset, alias etiam Herbas, quæ nullas tales habe-  
rent signaturas, usibus Medicis optimè inservire posse, perinde atque eas quæ ha-  
bent.

5. Siquis verò hic objecturus sit, quasdam Herbas talium rerum similitudinem  
gerere, quas minimè verisimile sit ad rem Medicam referri posse, cujusmodi sunt  
*Geranium*, *Crucata*, *Bursa Pastoris*, *Orchis*, *Myodes*, *Orchis Arachnitis* & similia;  
equidem ipsa Objectio proposita Responsionem in se involutam Objectori subindicat.  
Hoc enim indicio est quod in ludicra tantum Naturæ ornamenta destinata essent,  
emblematum instar circa literam majusculam descriptorum, quæ nihil significant,  
sed ad oblectandos oculos tantum adjiciuntur. Hoc autem tantum abest ut in ullum  
incommodum cederet primis nostris Progenitoribus, sicubi hæc signaturarum subin-  
dicatio eos fefellerit, ut majorem in modum eos animaturum esset ad earum etiam  
Herbarum virtutem explorandam, quæ nullas prorsus istiusmodi haberent Signatu-  
ras; cum eis obvium esset ita secum ratiocinari, Cur non istæ Herbæ, quæ Signaturis  
carent, vim Medicinalem in se continere possint, perinde atque illæ, quæ Signaturas  
habent, nullam habent virtutem signaturis quas gerunt, respondentem? Quæ prio-  
ris Conclusionis ipsis ulterior erat confirmatio; & major adhuc ipsorum industriæ  
provocatio, si in signaturas contrarii Effectus aliquando inciderent.

Et satis profectò erat, quod istæ, quæ tam præsentis usui eique tanti momenti inser-  
virent ut Antidota sint adversus venenum (quod tam velociter exterminaturum fu-  
isset

¶ Sunt qui pu-  
tant verum Pa-  
racelsi Satyrion  
esse Aron.  
Croll. de Sig-  
naturis rerum  
internis.



isset rudem nudamque Antiquitatem) aut adminicula sint ad augenda prima, ista humani generis primordia excitando instigandoque phlegmaticas ipsorum naturas ad frequentiore[m] efficacior[em]que Veneris usum; (eorum enim longævitas temperiem indicat minimè fuisse igneam) satis, inquam, erat, quòd hoc genus Herbarum & tam obvia essent & tam legibilibus characteribus signata, qui utilitates ac virtutes ipsarum tam manifestò indigarent; ut in *Satyris* apparet, *Ophiogloss* & similibus. Sed nimis quam diu huic argumento immoratus sum. Ad quæ sequuntur jam festinabo, quæ majorem magisque ineluctabilem vim habitura sunt ad pervicaces convincendos.

## CAP. VII.

1. Utilitatem Plantarum Providentia indicium esse, earum præsertim quæ Materiam suppeditant: 2. Quemadmodum & istiusmodi Herbarum Plantarumque quæ in Medicinam Hominibus atque Bestiis inserviant. 3. De Plantis ad cibum idoneis. 4. De colore Graminis & Herbarum, & de fructibus Arborum. 5. De notabili Natura propectione in Rustica & Agricultura; Cum universali utilitate Cannabis atque Lini. 6. Miranda utilitas Nucis Indicæ.

1. **P**ervenimus tandem ad quartam ultimamque considerationem circa Plantas, earum intelligo Utilitatem. Nihil hæc dicturi sumus de majoribus illis Arboribus, quæ necessariam Materiam suppeditant ad Naves Domosque magnificas ædificandas, quibus Terra adornetur, vitæque Humana magis splendida & delectabilis evadat, quemadmodum & ad erigendas sacras illas Structuras Divino cultui consecratas. Inter quas minimè oblivisci debemus celeberrimum illud Ædificium, splendidissimum illud Templum Hierosolomiticum, magno Cæli Terræque Deo consecratum. Atque equidem omnino par erat ut is ejus ductus ac Providentia virtutem Telluris, in fabulo exiguisque lapidulis gignendis vice Lapidinarum, & in rubis ac fructibus emittendis Pinorum loco Cedrorumque ac Quercuum, totam insumi non permisit; ut Is, inquam, habiturus esset aliquando maximè splendida ac magnifica Tempia sibi erecta, quæ Humanum Ingenium atque Industria optimæque ex hoc genere Materialium possint constituere, quippe qui congruentissimus foret gratitudinem suam significandi modus qui possit excogitari. Estque ipsissima illa ratio quæ pium Regem Davidem movit ad designandam Templi ædificationem *Deo Israelis*: Videſne, inquit ille, quòd ego habitem in domo cedrina, & Arca Dei posita sit in medio pelium? Cæterum, quod dixi, nihil hæc hisce de rebus superaddam, eis contentus quæ supra cursim attigimus.

2. Nunc igitur Plantarum utilitatem quantum ad Medicinam ac Cibus, postquam breviter notaverimus, ad considerationem Animalium pertransibimus. Ad Medicinales verò usus quod attinet, ampla illa Scripta Botanica sive Phytologica, quæ passim extant, tam luculentum huic rei testimonium perhibent, ut satis sit eorum mentionem hic iniecisse, Lectorique revocasse in memoriam. Quod hic notatu maximè dignum, hoc est, Bruta nempe Animantia earum virtutibus aliqua ex parte adjuvari perinde atque Homines. *Bufo* enim *Araneæ* veneno malè affectus, in pugna, ut vulgò creditur, ad *Plantaginis* folium recurrit. *Mustela* cum ipsi dimicandum est cum *Serpente*, *Rutæ* se præmunit. *Canis*, quoties conturbatur ventriculus, Medicinam novit, ad *gramen* suum properat, comedit, evomit, & continuo convalescit. *Hirundo Chelidonio*, *Carduelis Euphrasiæ* ad oculos reficiendos utitur: Atque *Asinus* quando *Melancholiæ* gravatur, herbam *Asplenium* comedit, atque ita seipsum tumefacti Splenis dolore levat. Narratque *Virgilius* de *Dictamno Cretensi*, *Capras* sylvestres, quando jaculis sagittisve ictæ sunt, ipsum comedere; quippe quòd Herba ista virtutem habet sagittas è corpore exigendi paulatim, sanandique vulnus.

----- Non illa feris incognita Capris  
Gramina, cum tergo volucres hæſere sagittæ.

Quas quidem res haud obscura Providentia indicia judico: Nam cum id faciunt bruta ista Animantia Naturæ ductu atque instinctu quod Homines qui liberâ Ratione præditi sunt, non possunt quin agnoscant valde congruum esse & consentaneum, immò,



mò, quod Medicorum peritissimi approbaturi essent eidemque assensuri, cum tamen hæc Animantia rationem huiusmodi nullam habeant aut peritiam, quâ ipsa Medici evadant; necessariò concludendum est, quòd ad hæc agenda apta nata sunt beneficio illius Principii, quod ipsa formavit, eamque ipsis indolem indidit quam habent, atque proinde illud ipsum *Principium* necessariò habere debere peritiam atque scientiam, hoc est, oportere esse *Deum*.

3. Pervenimus jam ad *Plantarum* considerationem quatenus *cibum* tum *Hominibus* tum *Bestiis* suppeditant. Atque hîc observare possumus, quòd quemadmodum generalis Aquæ provisio facta est delinendo Montes atque colles, unde per scaturigines continuatòsque Rivulos simul collectos, (qui in ingentes tandem Fluvios per longos flexuosòsque ramos retrò-extensos, cœunt) omnes Terræ Animantes sitim extinguunt; ita Divina Providentia Mensam suam ubique instravit, non quidem Tapetò viridi exsucco, sed succulentis olusculis nutritiòque Gramine, quo pleraque Campi pecora pascuntur; & quæ eo non pascuntur, eis vescuntur quæ pascuntur illo, atque sic omnium Generationes perpetuantur.

4. Hoc verò cum necessarium potiùs videatur quàm ex delectu, ipsi diutiùs non immorabor. Fateor enim *Consilium* maximè propriè illie implicari ubi mediorum varietatem cernimus remque aliis atque aliis modis effici posse; id verò quod optimum est præ cæteris eligi. Hoc igitur tantum monebo, Quòd tametsi necessarium erat, ut gramen aliquòdve graminei consimile aut analogon procrearetur, si quidem talia Animalia in orbem essent emittenda; nihilominus tamen necessarium omninò non erat, ut Gramen Herbarumque eum colorem habituræ essent quem nunc habent, potuerunt enim esse aut rubra aut alba candidave, aut consimili aliquo colore vegetò & rutilante, qui visui futurus fuisset noxius admodum ac molestus. Sed nolo hîc insistere.

Consideremus jam *Fructus Arborum*; ubi manifestò appariturum credo, quòd unus idemque Creator atque opifex ipsorum pariter atque Hominum fuerit, quòdque probè proculdubio noverit, quando eos fecit, quid machinaturus esset. Etenim potueruntne *Poma* & *Aurantia*, & *Uvæ*, & *Mala Armeniaca*, aliique id genus fructus Bestiis destinari, quæ pronæ terram spectant, vixque ea suspicere possunt, multòque minùs sciunt quâ possint ea decerpere? Quando Cibaria Canibus afferimus, Patinam quadràmve humi ponimus, non autem super Mensam. Verùm respondebis fructus hosce tandem sponte in terram casuros esse, & opiparum tunc Epulum Bestiis suppeditaturos. At verò meminisse oportet, paucas esse quæ ista capiant, atque sic futurum esse ut aut dum humi jacent, antè putrescant quàm absumantur, aut uno quasi temporis momento omnia simul abliguriantur, quemadmodum facilè accidere potest in Plantarum omnium pretiosissima, *Vite*. Cæterum Homo, qui Uvam rectè æstimare novit, eam novit pariter in tempus longinquum conservare (nam & editur & bibitur annis aliquot post vindemiam) ut & reliquos Terræ fructus colligere ac recondere & in suum & in pecorum suorum usum. Quamobrem omnino manifestum est, quòd *Homo* in hunc Mundum venerit nec *Casu* factum esse nec *Necessitate*, sed ex *Consilio*, ut quando idonei *Convivæ* introducuntur ad Mensam opimis dapibus instructam.

5. Et quod tanquam eximium quiddam de *Vite* monui, pari vel potiori jure observari debet in communibus Frumentorum generibus, ut in *Tritico*, in *Hordeo*, & similibus, quæ etiam similiter atque Vinum, in Esculenta aut Poculenta abeunt prout Humana Ars instituerit atque Industria. Cæterum nec istud est quod hîc præcipuè observari volo. Id quòd potissimum nunc collineo, hoc est; Quòd *Frumentum*, quod Agriculturæ beneficio tam amplos proventus reddit, vix sine ipsa omnino subsisteret. Nam quod sponte nascitur inter alia gramina, nihil valet. Sed enim, cum tam salubris Cibus sit atque corroborans, & tam uberem proventum reddat, sed non sine humana Arte & Industria, planè hoc nobis innuit, *Divinam* esse *Providentiam* quæ humanum decreverit Ingenium Agriculturâ exercere. Qua de re firmiorem adhuc fidem nobis facturum est, si huc addamus providam Instrumentorum prospectionem tam accuratè huic vitæ Instituto adaptatorum, laboriosum scilicet *Bovem*, strènuum sed non difficulter domabilem *Equum*, *Ferrum* pro Ligone *Funè*que pro Helcio, quibus Equi vehicula trahant. Atque admodum profectò opportunum est postremum hoc notare, cum ad hanc considerationem de *Utilitate* Plantarum pertineat.

Atque equidem hominem quemlibet appello, modò paulisper secum perpendere voluerit quanti in rebus humanis momenti sit *res Funaria*, annon conspicuum esset Providentiæ opus tales è Terra Plantas emittere quæ *funibus* materiam suppeditarent.

Neque enim ullam in Natura necessitatem detegere possumus, ut planè nequeat quinquales Plantas procreet, quales *Linum* sunt atque *Cannabis*. Quamobrem si facilem volumus liberæ Rationis ductum sequi ac suggestionem, ad *Providentiam* referre debemus, quæ tale humano Generi adminiculum prospexit, à quo res hæud minores dependeant, quàm omnia *Navigiorum* Armamenta, *Vela* ac *Rudentes*, & quid non? Et ex consequenti tota Mercatura extranea, ut & Lignorum Lapidumque transportatio aliorumque Materialium necessariorum ad ædificia, aut vectitatio per terram in plaustris ac vehiculis: ut taceam vulgarem usum *Trochlearum* aliarumque Machinarum, ad tanta pondera elevanda, quæ vires humanæ sine his auxiliis non facilè superaturæ essent. Atque ea denique quæ suprâ monui de rei *Funaria* utilitate in *Agricultura*, in arando domumque convehendo fruges Terræ. Equidem usus prædictarum *Plantarum* tam universalis est, adeoque in omnibus rebus humanis locum habet, ut si joctis liceret paululum, in argumento tam serio, indulgere, non ineptè hîc usurpari posset ille versus Poetæ, de hoc tam generali vitæ humanæ Instrumento,

*Omnia sunt homini tenui pendentia filo;*

Quòd omnia ferè humana Negotia magna ex parte dependent è longis istis exiguisque Filamentis *Cannabis* atque *Lini*. Vel si contenderis aliquam, quanquam magis difficilem ac ineptam, rationem ad eosdem usus excogitari posse, ut in longis Catenis ferreis, in Velis laneis & similibus; tamen cum infinito meliùs nobis prospectum esse videamus, equidem meritò judicare debemus, hoc à nulla alia causa profectum esse quàm *Divina Providentia*.

6. Possim ad *Plantas exoticas* jam expatiari. Cujusmodi sunt *Cinamomum* & *Balsamum* arbores, Arboreque quæ *Nucem* gerit *Myristicam* & *Macere* involutam, & celeberrimâ *Nux Indica* quæ una omnia ferè vitæ necessaria simul suppeditat. Nam si ramusculos vesperi scindas, copiosus jucundusque succus exit, quem utribus excipiunt, & loco vini ipsum bibunt, & ex quo talem *Aquam Vitæ* extrahunt, quæ ad omnimodos morbos maximè valeat. Ex Ramis atque frondibus ædificia sibi condunt; Truncumque arboris, cum intus admodum spongiosa sit, quanquam extrinsecus satîs dura, facilè formant in fabricam usumque navigiorum suorum quæ *Canoes* appellant. Nucleus nucis ipsis in Panem inservit atque opsonium, Corticesque in calices ad bibendum; quinimò nec vacui profectò calices sunt, nam lac in eis reperitur refrigerans ac delectabile. Præterea *Cannabis* quoddam genus est quod Nucem involutam includit ex quo funiculos ac Rudentes conficiunt, & subtilissima pars ipsius velis inservit ad Navigia. Folia etiam tam dura sunt firmiterque aculeata, ut acus ex eis atque subulas facilè fabricent ad vela consuenda & ad alios usus necessarios. Atque equidem ut *Providentia* se benignam perinde præbere possit atque sapientem, hæc tam notabilis Planta ad unam orbis Regionem non restringitur, ut ad *Indiam* putâ *Orientelem*, sed reperitur etiam in aliquibus partibus *Africa*, & in omnibus *Insulis India Orientalis*, ut in *Hispaniola*, *Cuba*, uti etiam in Continente *Carthagena*, in *Panama*, *Norembega*, & in multis aliis partibus Orbis recens cogniti.

Cæterum hisce rebus insistere par esse non censui, sed meipsum intra talium Objectionum ambitum continere quæ magis familiaria sint frequentiusque nobis ante oculos versentur, ut occasionem inde opportuniùs arriperemus Illi gratias agendi, qui Author est beneficis omnium adminiculorum vitæ.

## CAP. VIII.

1. Animalium utilitas Homini destinata, ut Canum speciatim atque Ovium; 2. Quemadmodum & Boum aliorumque Animalium. 3. Ut Homo Animantes reliquas sibi subjugaverit. 4. De Animantibus nondum subdomitis. 5. Equi utilitas præstabilis. 6. Utilitas quorundam Animalium quæ infestæ habent Inimicitias cum istiusmodi Animalibus quæ exosa noxiæque sint Homini.

1. **V**Enimus jam ad considerationem contemplationemque naturæ *Animalium*: In quibus quidem contemplandis eadem ferè Methodo usuri sumus, quam adhibuimus in *Plantis*. Nam in his etiam considerabimus *Pulchritudinem* ipsorum, *Generationem*, *Corporis fabricam*, & *Utilitatem* quam Homini afferant. Et ut postremum



num hoc primò expediāmus: Admodum profectò facile est conceptu atque obvium, quòd, quemadmodum omnia ferè aliquo modo ad humanos usus formata sunt, ità quædam præ cæteris ità insigniter & evidenter, ut nisi vim facultatibus inferre velimus, neutiquam possimus inficiari. In eis rebus exemplum proferemus quæ maxime obviæ sunt. Quando in Agrorum solitudine *Pastorem* conspiciamus & *Gregem* illius, atque *Canem*, observamulque quàm bellè associentur mutuòque coaptentur: Quando ostium pulsamus Colono, primusque qui responsum reddiderit, sit pervigil *Molossus*, qui ob usum & officium suum frequentissimè appellatur *Phylax* sive *Custos*, (& memini quidem *Theophrastum* in *Charactere* περι ἀγεσικίας, narrare, ut Dominus ejus, postquam advenam intromiserit, ἐπιδασκόμενός τε ῥύχης, *Canem* rostro tenens longas soleat necere fabulas de utilitate ejus atque opera quam præstat Domui ac Domesticis omnibus, οὐτὲν φυλάσσει τὸ χωρεῖον καὶ τὴν οἰκίαν καὶ τοὺς ἐνδοῦν, Hic est ille qui custodit agellum, & Domum & qui intus sunt) postremo, quando in aperto campo duos veloces intuemur *Leporarios*, leporem strenuum spiritumque liberè trahentem persequentes, odoramve Canum venaticorum bellè contemperatis latratibus concinentium in agros effusorum vim, & Venatores equis insidentes atque cum volupate & alacritate prædam insequentes, audimusve prope sylvam cornua inflantes, adeò ut tota sylva à Musici concentus Echo reboet, hilarisque gannitus acrium Canum; ut taceam de *Anatis* venatura, *Vulpis* atque *Lutra*, & de centenis aliis istiusmodi ludis & oblectamentis, quæ peraguntur uno hoc genere Animalis; Dum consideramus, inquam, hanc tam multifariam congruitatem rerumque aptitudinem ratione ad nos ipsos habitâ, quomodo nos abstinere possumus quin concludamus, illud quod *Canes*, & *Anates*, & *Lepores*, & *Oves* fecit, nostri causâ fecisse, probèque cognovisse quid acturus esset, quando eos fecit?

Et certè, licet possibile sit ut res aliter se habeat, est tamen vadè improbabile quin *Caro ovina* hominibus destinata sit in cibum, *Canesque* qui Animantes sunt Homini adeò familiares atque domesticæ, inter alia bella officiola quæ ipsi præstant sint præstituti ad vices etiam explendas famuli Mensarii, qui ossa auferat & fragmenta, ut in nulla re fiat dispendium. Atque equidem nisi expectare volumus, ut Natura efficeret ut femoralia & colobia ex terra crescerent, quid melius præstare potuit quàm quod jam fecit prospiciendo nobis tam idoneam materiam ad *pannos* conficiendos quàm sit *lana ovina*, quippe quum homini Ingenium insit atque Ars ad eandem utendum? Ut de *Bombyce* taceam, quæ in nullum alium finem nata videtur, quàm ut Hominem vestitu sumptuosiori locupletare posset, propriæque viscera nendo consumere, ut ipsum extrinsecus decoraret.

2. Rursus, Quando amplâ Boum corpora contemplamur, cui rei ea aptius assimilare possumus quàm tot doliis salitoriis, vivis atque ambulantiis, quippe qui Animam habent pro Sale, (quemadmodum *Philo* de piscibus loquitur) quò à fatore & putredine conserventur, donec eis usus nobis fuerit in cibum? Præterea, Tergora eorum, corium suppeditant in Calceos & Ocreas, ut pelles etiam aliarum Bestiarum aliis usibus inserviunt. Et videtur profectò Homo in Orbem introductus, eo consilio, ut reliquæ Creationis utilitates atque commoda ad summum perducere possint, omnibusque ex partibus innotescere. Etenim annon multo melius est ut Bestiarum pelles atque caro tam honestis usibus inservirent quàm cibandis vestiendisque hominibus, quàm ut putrescant super terram, tetrum odorem exhalantes, nobilisque illo privilegio excidant, quò humano ingenio exercendo Materia fiant, necessariæque vitæ commoda ei suppeditent? Nam si homo has Animantes in hos usus non adhiberet, aut ipsâ senectâ confectæ emorerentur, aut à crudelioribus Dominis dilaniarentur. Quamobrem clarè videmus *Rationis* opus fuisse atque *Consilii*, Hominem fecisse, ut reliquæ Creationis esse posset Dominus, qui ex æquo bonoque cæteris moderaretur.

3. Cùmque idonea Materia ipsi parata esset ad arma sibi fabricanda, perinde atque ingenta solertia animique magnitudo, vel ferocissima Animalium ad pugnam provocabat, & aut fugavit in solitudines & Deserta, aut suo Dominio subjugavit, legesque ipsis imposuit, sub quibus vitam agunt magis pacificè, meliusque se habent atque lautius (aut saltem sic se habere possent, modò Homines boni essent) quàm se habitura fuissent, *Leonis*, *Ursi* & *Tigridis* clementiæ relicta. Et quid si quædam ex ipsis ex occasione, & ordinate sibi in cibum occidat? Mors ipsis velocissima est, atque ita minus dolorifica quàm unguis *Ursi* aut dens *Leonis*, aut fastidiosa *Melancholia* ac Tristitia *Senectutis*, quæ ea primùm excruciatum esset, & tum demum occisura, cadaveræque relictura super Terram sœtida & inutilia.

Præterea, Omne Acumen & Philosophia quæ usquam Gentium existit, nunquam demonstrare potest, occisionem mactationemve Bestiæ multò aliter se habere, quàm si Rubum bacillo ferires ubi Nidus Avis conditus sit, \* ex quo *Avem* fugas, *vacuumque* postmodum *Nidum* invadis. Adeò ut, si ad ultimam rerum Catastrophen penetrare possemus, res tora fortean apparitura omninò esset *Tragico-Comædia*.

4. Quantum verò ad perduelles istos qui in montes ac Deserta fugâ se recepissent, equidem perjucundum nobis sunt Naturalis Historiæ argumentum. Præterea, ipsos ad usus nostros quantum quidem opus fuerit, nostrumque institutum requisiverit, subinde attrahimus, nec ornamento solum orbi sunt, sed perpetuum humanæ solertiæ atque fortitudinis exercitium, quoties libuerit cum eis congregi. Expectare verò aut discupere ut nullum Animantium genus in rerum Natura existeret, nisi quod tam cicur esset atque torpidum, ut nec ungue nec ore quenquam impeteret, æquè absonum esset atque puerile, quàm exoptare, ut nulla Cholera esset in Humano corpore, Ignisve in rerum Universitate.

5. Belli totius hujus eventui narrando insistere non possum, nec prætermittere quidem, ut generosum illud Animal, *Equus*, tandem eò usque sibi saperet, ut captivum se dederet in suum magnum commodum perinde atque nostrum. Atque equidem ad usus nostros ità aptus natus est, ut eum jure merito nobis præ cæteris animantibus, in peculium nostrum vendicare possemus. Quando patientiam illius atque operam observamus in Aratro, in Plaustro, aut sub Clitella, velocitatem per vias publicas in rebus majoris momenti, docilitatem ejus, gloriæque ac laudis cupidinem, & ex consequenti præclara in bello facinora, ubi hastas dentibus diffringit & sessoris sui hostem evellit ex ephippio, & tum postea ut hæc omnia præstare possit majori cum facilitate, quòd ungulæ ejus ità idoneæ sint quibus *Ars Ferrarii* opitulari possit, rotundamque illam ferri armaturam eis affigere; admodum profectò difficile est non agnoscere, quòd hæc tam congrua rerum prospectio reverà fuerit à Principio *Sapientia & Consilii*.

6. Est verò & alia Animalium consideratio eorumque *Utilitatis*, in eis malis amolendis quibus propter aliorum noxiorum Animalium copiam, infestemur; cujusmodi sunt *Mures & Sorices & similia*. Atque huic quidem usui commodè inservit *Felis*. Estque in *India Occidentali* Bestia formâ ursinâ, quem *Ursum Formicarium* *Cardanus* appellat, cujus planè officium est Formicas devorare, quibus quædam partes istius Regionis Orbis mirum in modum abundant.

Addere hîc etiam possumus varia exempla Animantium quæ non solum singularem benevolentiam habent erga genus humanum, sed & infitas gerunt inimicitias & internecinas cum eis Animalibus quæ Homini noxia sunt ac crudelia. Talisque est *Lacerta* Serpenti inimica, *Delphinus* Crocodilo, *Equus* Urso, & *Elephas* Draconi, &c. Sed hisce rebus immorari minimè lubet. Ad reliqua festinamus.

## SCHOLIA

### IN CAP. VIII. SECT. 3.

**E**X quo *Avem* fugas, *vacuumque* postmodum *Nidum* invadis, &c. *Quæ quidem sic intelligi volo, ut Homines ferociores nequaquam animent ad liberiores Animalium brutorum occisionem, sed ut magis ingenuos ac benignos animos consolentur, doloremque ex istiusmodi nimis frequentibus spectaculis conceptum leniant, Divinaque Providentia Sacrosanctitatem à temerariorum hominum iniquis suspicionibus & contumeliis sartam tectam conservent.*



## CAP. IX.

1. Pulchritudo variorum brutorum Animalium. 2. Magnifica Equi & decora superbia. 3. Animalium Pulchritudinem, ea ab Intelligenti Principio creata fuisse; indicare. 4. A discrimine Sexuum Providentiam demonstrari. 5. Discrimen hoc casu non factum esse. 6. Responsum Objectioni de Anguillis. 7. Responsum alteri Objectioni, ab eadem provida discriminis Sexuum profectione in vilioribus Animalculis desumptæ. 8. De Piscium atque Avium partu Oviparo. 9. De Nidificatione Avium, earumque Ovis incubatione. 10. Objectioni Responsum de Struthiocamelo. 11. Homogeneitatem crystallini illius liquoris quæ proxima Materia est generationis Animalium, substantiam implicare Immaterialem sive incorpoream in Animalibus sic generatis. 12. Responsum ad elusionem antecedentis Argumenti.

1. **R** Edeo jam ad illud quod primo in loco proposui, Pulchritudinem scilicet Animantium. Quam tamen crassus Athei Genius non dignaturus sit respicere, quippe qui nihil sapit præter illa quæ Tyrannidi aut libidini suæ inserviant; ego tamen certissimum esse existimo, quod venusta sit Symmetria ac Pulchritudo in multis Animantibus, tolerabilis ac utilis partium proportio in universis. Neque enim omnes viri atque mulieres accuratâ præditi sunt pulchritudine, quinimò admodum pauci, ut illi qui sic sunt, majorem in hominum animis admirationem excitare possint, ingenique robur acuere ad præclara Incepta suscipienda sive ad Martem sive ad Musas spectantia. Quantum verò ad bruta Animalia, quanquam quædam invisio quidem sint aspectu, ut Bufus, Sus & Sorex, non absimiliter tamen se habent atque Discordantiæ in Musica, quæ succedentibus chordis majorem dulcedinem conciliant; quemadmodum profectò pleraque humanæ vitæ incommoda quæ occurrunt, videntur quasi condimenta quædam quæ appetitum acuant vimque addant futuris voluptatibus.

2. Sed enim, minimè difficile est quamplurimas Animantes invenire, quæ sint aut καλὴ χρῆματα aut ἀρετὰ, quemadmodum Philosophus distinguit, quæ formæ sint spectabiles atque pulchræ, aut saltem bellæ & eleganti. Quales pleræque Aves sunt. Quod verò ad Superbiam ac Majestatem pertinet, ecquid cum Equo occurrit conferendum? sive eum solum intuearis, cum juba caudæque in vento fluctuantibus, observésque cursitantem & hinnientem in pascuis, sive eum conspicias cum fortissimo aliquo Heroe dorso insidente, & cum gratia & venustate gestus utiles posituræque repente, & exercente aut imitante munia gestæque belli; quis se abstinere potest quin statim concludat Divinam quandam Providentiam fuisse quæ hos duos convenire fecerit, qui tam commodè alter alteri adaptati sunt, ut videantur unum completum Naturæ spectaculum? Quod imposuit olim rudi populo prope Thessaliam, occasionemque dedit fabulæ Centaurorum, ac si unum Animal fuissent ex Equo & Homine compositum.

3. Id quò collineo hoc est, Cùm ea formæ Spectabilitas sit in corporibus Animantium, ut in Bove, Leporario & Cervo, vel Majestas ac Superbia, ut in Leone, Equo, Aquila & Gallo, magnificæ aspectus Gravitas, ut in nobiliori genere Molossorum, aut Elegantiæ & Bellitudo, ut in minoribus Caniculis & in plerisque Avium generibus (qui omnes diversimodi sunt Pulchritudinis) cùmque ipsa pulchritudo Objectum Intellectuale sit, qualis est symmetria partiumve proportio (quemadmodum abundè probavi ex eis quæ de Plantarum pulchritudine attuli) id quod naturaliter ex hisce omnibus deducitur hoc esse, Quod Author & Origo harum Creaturarum quæ pulchræ habentur ipse debet esse Intelligens, quippe quòd tam grata Objecta prospexerit humanæ Menti sive Intellectui.

4. Post Pulchritudinem, Generationem ipsorum propagandique modum paucis attingamus. Atque hinc quemlibet appello, si Mars ac Femina in Animantibus formatio, non est genuinus Sapientiæ & Consilii effectus. Est enim admodum obvium atque conspicuum quòd hi alter alterius causâ creati sunt ambòque perpetuandæ speciei gratiâ. Quanquam enim admitteremus cum Cardano aliisque Naturæ Mysis Terram primùm omne genus produxisse Animantium perinde atque Plantarum, easque per umbilicum Telluri communi omnium matri ut nunc foeminæ in utero, affigi potuisse; videmus tamen eam nunc sterilem evasisse atque effatam, partusque illius animales nullius ferè jam momenti pretiæ esse. Unde igitur nisi ex Providentia fieri

fieri potuit, ut dum pariebat, *mares* ac *feminas* pepererit, ut postquam propria sua virtus prolifica exolevisset, posset tamen nihilominus vicem præstare siccae *nutricis*, officiosæve *Aviæ* millenis Generationibus? Et *Providentia*, inquam, est, non *Casus*, nec *Necessitas*. Quid enim obsecro in partibus *Materiæ* fingi potest, quo *necessario* in fabricam cujusvis Animalis coeant? quantum igitur abest, ut ad perpetuandam eorum propagationem in tam providam *sexuum* etiam *discriminationis* prospectionem conspirent?

5. Neque profectò crebrò repetita motæ *materiæ* conamina erant, quæ primùm in Animalium formationes inciderent, quæ perpetuò ob defectum discriminis *sexuum* citò extinguerentur, sed eadem postea *casu* *sexus* discriminarent, unde ipsorum genera ad hunc usque diem conservata sunt. Nam quod *perpetuum* est, non fit *casu*. Partusque jam qui ex putrefactione fiunt, perpetuum esse demonstrant. Terra enim etiamnum constanter *Marem* ac *Feminam* parit.

6. Nec quicquam contra scopum nostrum facit Responsum istud (si cui adeò volupe est à terra desilire in aquam ad Objectiones expiscandas) quòd *Anguilla*, secundum *Plinium* & *Aristotelem*, quamvis sit ζῷον ἑναιμὸν, Animal perfectum sanguinèque præditum, nullam tamen habet *Sexuum differentiam*: Etenim si non habet, optima tamen ratio subest, cùm istud Animal ex tali materia generetur, quæ generationem nunquam sit defectura. Talis enim futurus est limus qui huic instituto inferviat, quamdiu futuri sint Fluvii, & diutius sanè, & Fluvii nunquam defuturi sunt donec definat esse Oceanus. Quamobrem hoc potiùs facit pro *discriminante Providentia*, quæ antè noverit naturam rerum atque ordinem, ipsisque perinde prospexit, nihil incassum faciens aut supervacaneum.

7. In aliis vèrò Generationibus, de quibus aliquantulum periculi esse possit nè deficerent, quanquam interdum ex putrefactione fiunt, *mares* tamen fecit & *feminas*; quemadmodum videre est in *Ranis* atque *Muribus*. Nec certè nos offendi oportet quòd tam sollicitè prospectum sit istiusmodi contemptibilibus Animalculis quemadmodum ea nos existimamus. Hoc enim tantum fit præ superbia & ignorantia, turgidæque præsumptione, quia invitamur ad credendum omnia hominis gratiâ aliquo modo creata esse, quòd idcirco non omnino creata sunt suâ. Is verò qui sic statuit, & *Naturæ Dei* & rerum notitiâ planè destitutus est. Nam si vir bonus etiam erga jumentum suum benignus est, tunc proculdubio bonus benignusque Deus magnopere se oblectat, quòd Creaturæ suæ, quæ vitâ sensûque prædita sunt, bene se habeant voluptatumque vitæ sint capaces. Adeò ut agminibus exiguorum Animalculorum, ut *muscarum* & innumerabilium id genus Animantium minutarum, ortum ipsis in dias luminis oras congratulari potiùs debeamus, quàm vultuosè fastuosèque contra ipsorum existentiam murmurare. Alimentum enim in Orbe inveniunt, quod frustra foret, si ipsa non existerent, eaque rursus commodum aliis alimentum suppeditant, quibus quotidianæ sint prædæ.

Et præterea, Cùm vita in tam infinitas multitudines *individuata* sit, quæ distinctos sensus habent & voluptates, abundèque voluptatibus sibi aptis propriisque fruuntur, equidem hæ minutæ Animulæ par ferè momentum faciunt ad hauriendam secumque auferendam inundantem primæ rerum omnium Originis benignitatem ac munificentiam, atque *Bos*, *Elephas*, aut *Cetus*. *Sensus* enim non *Moles* est, qui res efficit voluptatum percipiendarum capaces.

Quamobrem valdè consentaneum erat ut tam sollicitè prospectum sit propagationi & perpetuationi omnium generum Animantium, non solum earum quæ bonæ sunt, sed illarum etiam quas nos temerè & inconsideratè *malas* appellamus. Nam ad hoc saltem bonæ sunt, ad lautè scilicet seipsas curandas, & ad participandam munificentiam sui Creatoris. Quodsi noxiæ nobis ac molestæ evadant, equidem facultatem habemus atque jus eas coercendi. Neque enim dubitari potest, quin nos istis digniores simus, plurisque eis æstimandi, ullisve ex brutis Animantibus.

8. Cæterum, ut ad rem quæ præ manibus est, redeamus. Sunt & alia manifesta *Providentiæ* vestigia quæ *Animantium Generatio* nobis detectura sit: ut exempli causâ, Procreationis modus *Piscium* atque *Avium*. Cùm enim notabile illud inter Animalia discrimen sit, ut alia *Ovipara* sint, alia *Vivipara*; ut τὰ ὄντα (quemadmodum *Philo* generali illâ voce ea complectitur) *Pisces* *Avēsque* *Ovipari* essent, manifestum indicium est *Consilii* ac *Providentiæ*. Quanquam enim concedi potest, species ipsorum perpetuari potuisse & subsistere tametsi *Vivipara* fuissent, *Individa* tamen ad exiguos admodum numeros fuisset reduciturum.

Quantum enim ad *Pisces*, cùm Gramina atque Herbæ, nulli fructus sint maris, necessitas erat, ut alii aliis vescerentur, ac proinde ut in valdè magnam copiam multiplicarentur,

Vide Plin. Natural. Histor. lib. 10. cap. 68. & Aristot. Histor. Animal. lib. 6. cap. 14. & 16. Item lib. 4. cap. 11. & lib. 9. cap. 30.



tiplicarentur; quod nunquam ad eam omninò plenitudinem fieri potuisset ad quam nunc sit, si fuissent *Vivipari*, sicut sunt Quadrupedes. Jam verò cùm *Ovipari* sint, ipsæque minutiorum Species tam numerosæ essent in principio, cùmque adeò infinitas *Ovorum* multitudines emittant, Generationes ipsorum nec extinguuntur nec diminuantur quidem, sed æquè magna eorum copia est atque terrestrium Animantium.

Et causa cur Volucres sint *Ovipara*, ovæve ponant, non *vivos* pariant *fetus*, eadem est, ut major utique etiam ipsarum copia esse possit, & ut nec *Aves* rapaces, nec *Serpens* aut *Auceps*, earum Generationes nimium diminuere valeant. Nam si *vivipara* fuissent, uterionus, si vel mediocrem pullorum numerum unâ vice parerent, tam grande futurum fuisset atque grave, ut alæ ipsis sustentandis in volatu non sufficissent, atque sic in cujuslibet potestate futurum fuisset, *vetulam*, quod dicitur, *capere Aviculam*. Vel si unum tantummodo binosve unâ vice parerent, totus ipsis annus infumendus esset curæ atque tædio aut alendi pullos suos aut in utero eos gestandi. Ut taceam necessitatem nimium frequentis Veneris, quæ magnum quidem damnum siccis ipsarum corporibus fuisset allatura. Admodum igitur consentaneum erat, ut Volucres *ova* ponendo species suas propagarent.

9. Sed nec hic totus fructus est quem ex hac consideratione licet decerpere. Quæro porrò, Quid est quod volucrem faciat tanto cum Artificio sibi *Nidum* præparare, *Ovis incubare* postquam posuerit, ipsæque ab inutilibus suis excrementis distinguere? Num mater hac in re ipsi exemplo prævit, eamque imitatur, & non potius nescit quid agat, dum tamen id agit, quod ex decreto *Sapientie exquisitissima* fieri oportet? Aliud igitur pro ipsa scientiam habet, qui Creator Formatorque est rerum omnium, *omniscius* & omnipotens *Deus*.

Et quamvis regerere possis, *hanc Ovis incubationem* necessariam esse, cùm alioqui Generationes ipsarum cessarent; respondeo tamen, omnes circumstantias & curiositates Incubationis minimè esse necessarias: Contentæ enim esse potuissent humilî Gramine in terra, nec sibi concinnasse tam tutos affabréque factos nidos in Rubis & Arboribus. Præterea si omnia *Casui Fortuneque* relinquerentur, conceptu longè facilius est, nullas omninò volucres futuras fuisse quàm ut cæca Materia in tam foelices instinctus unquam incideret, quàm vel isti sint, qui videntur omninò necessarii.

10. Sed objicies, *Struthiocamelum* ova ponere nec eis tamen incubare, adeò ut hæc omnia ad *Casum* potius referenda sint quàm ad *Providentiam*. At enim hoc magis exquisitam magisque *discriminantem Providentiam* potius arguit, quàm ullam argumenti vim habet adversus Providentiam. Calor enim soli, (ut furni isti *Aegyptiaci* quos memorat *Diodorus*) in quo ova ponit, efficax reperitur ad excludendos pullos. Atque hinc est quòd Natura *Fœminam* huic curæ atque tædio non alligat ubi nihil necesse est nec ulus requirit. Quam legem etiam observat in *Piscibus*, qui postquam ova pepererint, ab omni ulteriori molestia liberantur. Quæ manifesta detectio est, admodum intenti vigilisque *Oculi Providentia*, quæ nihil ineptè frustra fieri permittit.

11. Unicum jam ultra ex hac partûs Animalium speculatione argumentum eruam, & ad reliqua tunc pergam. Observatum est ab eis qui accuratius diligentiusque Naturæ operibus invigilant, quòd Fœtus ab *Homogeneo* quodam liquore sive Humore efformatur, cui nulla inest partium *Materiae* varietas quæ in ossa carnemque concinnari possent: Sed, quemadmodum in ovo, verbi gratiâ, circa diem tertium quàm Gallina ei incubuerit, illa in parte ubi Natura suum efformationis opus aggreditur, omnis in proximo materia in substantiam liquidam Crystallinam convertitur, uti & varia Insecta ex guttulis roris exiguis nascuntur; ita in omnibus præterea Generationibus ii supponunt, \* Naturam pugillares prius diligenter quasi abstergere & emundare, & tum demum quicquid ipsi visum fuerit stylo exarare. Atque sanè si hic illius mos sit subjectam materiam in quam perfectissimam potest formæ privationem corrumpere, efficereque, ut maximè potest, homogeneam, sed liquidam suæque Arti ac Scientiæ obsequentem & flexilem; equidem mihi valdè probabile videtur si non necessarium ut aliquid existat præter hanc fluidam materiam, quod ipsam mutet, alteret dirigatque in peritam istam partium conformationem in qua postea eam constitutam reperimus. Quî enim fieri potest ut partes hujus liquidæ *Materiae* ex seipsis in tam exquisitam Fabricam coeant? Atque hoc quidem quemlibet Atheum convincere potest, quòd sit *substantia* præter *Materiam corpoream*; quod is æquè tamen gravatim admissurus est, quàm quòd sit *Deus*.

Etenim, cùm quicquid in rerum Natura est, aut *substantia* sit aut *modus*, cùmque hæc facultas liquidam mutandi materiam in eum ordinem formamque in qua eam conspiciamus, \* ipsi *Materiae* liquidæ non competat; *Modum* perfectò esse oportet alterius

rius alicujus substantiæ in Materia fluida latitantis, & realiter ab ipsa distinctæ, quæ aut ipsa *Anima* est, aut *Seminalis* aliqua *Forma* sive *Archeus*, ut *Chymici* appellant. Uter verò sit, mihi hæc perinde est, quippe qui nunc substantiæ præter materiam in lucem eruendæ tantum operam do, ut *Atheus* indè animum facilius inducere posset ad credendum quòd sit Deus.

12. Neque potest argumenti hujus vis eludi, dicendo Materiam tactam fuisse & quasi infectam vitæ Fœminæ dum *Ovum* gestabat, Phantasiâve in uterum descendisse.

Quamnam enim *Vitam* habet aut *Phantasiâ* Tellus, quæ, ut illi prædicant, omnia Animalia in principio generavit ut nonnulla etiamnum generat? Et quænam similitudo est *Apem* inter atque *Bovem*, aut inter *Vespam* & *Equum*, quo ista *Insecta* ex corporibus putrefactis horum Animantium nascentur? Non est nisi rudis aliqua ac generalis *vitalis* præparationis congruitas quæ facit ut hic *Archeus* operetur potius quàm alter. Ut mera Cholera Imaginationem Insomniis de Bombardis displodendis & Pyrobolis, exercituûmque conflictibus illigat. Sanguis phantasiâ figurat in representationem bellularum Fœminarum, pulchrorumque Infantum. Pituita eam in Aquam transformat atque Pisces. Obscuratâque Melancholia, in colluctationes cum Sagis vetulis & Lemuribus conjicit, ipsamque terrefacit cadaverosis defunctorum hominum vultibus, in tenebris. Cæterum huic argumento diutius immoratus sum quàm institui.

## SCHOLIA

## In CAP. IX. SECT. 10.

UT Furni isti *Ægyptiaci*, quos memorat *Diodorus*, *Bibliothec. Histor. lib. 1. pag. 47.* ubi industriam artemque laudans *Ὀρνιθοτροφῶν καὶ χηνοβοσκῶν Ἀγύπτῳ, καὶ δὲ ποναζουσιν, αἰτ, διὰ τῶν ὀρνίθων, ἀλλ' αὐτοὶ παραδόξως χειρουργῶντες τῇ συνίσει καὶ φιλοτέχνῳ τ' φυσικῇ ἐνεργείᾳ ἐκ ἀπολείπονται.* Equidem hæc nulla furnorum mentio, sed credo me intellexisse *Diodorum*, ex eis quæ occurrunt apud *Julium Scaligerum* de *Subtil. Exercit. 23.* In *Ægypto* namque ad *Cairum* furnos construunt, alii alio multiplici fornice imposito, in quorum tholi supremi medio foramen est; per quod caloris vis, quæ immodica posset officere, subit atque exhalat; In imo ignem accendunt temperatum. Ovorum multas centurias in fornicum superiore planitie disponunt. Statis diebus erumpit turba; quos illi non numero sed mensurâ venales habent. Modiolum statuunt sine fundo, quem ut complerunt, tollunt. Neque hæc fabula est, sed fabule illi ipsi qui negant. *Diodorum* igitur ex *Scaligero* interpretandum esse cursim me hæc innuisse existimo. Vide & *Cardanum*, de *Subtil. lib. 12.*

Sect. 11. Naturam pugillares prius diligenter quasi abstergere, &c. Nihil inculcatius apud eximium istum venatorem *Naturæ Physicum G. Harvæum*, quàm hæc Observatio. In *Tractatu de Generatione Animalium, Exercit. 15.* partem illam Ovi quam Oculum appellat & Colliquamentum candidum ex quo Pullus formatur, & in quo Punctum saliens primò conspicitur, describit ceu liquorem clarissimè refulgentem & quovis crystallino humore puriorem. Hoc autem contingit non solum in *Oviparis Animalibus* sed & *Viviparis*. Nam *Exercitationem* illam claudis bellâ hâc *Historiolâ*. Fœtum jampridem, inquit, magnitudine phaseoli, ex utero *Cervæ* exemplum omnibusque suis membris perfectum *Regi nostro serenissimo Reginaque* intuendum exhibui. Gratum profectò *Naturæ* spectaculum. Natabat politus & consummatus fœtus in ejusmodi candido, lucido, & crystallino liquore (tanquam in vase purissimo) qui ovum columbinum magnitudine æquabat, & propriâ tunicâ pellucidâ investiebatur. Quem liquorem nutrimentum fatûs esse asserit. Nam quod fœtum inchoat ex massa pura & homogenea, opus ex consimili materia perficit & absolvit. Hoc humidum primogenium statuit, (*Exercitat. 71.*) nempe Colliquamentum Crystallinum ex quo ut lætus fit, ita eo nutritur ad extremam usque senectam, i. e. rore hoc (quemadmodum Arabes apud *Harvæum* appellant) quo omnes corporis partes madescunt & irrorantur, nec alimentum quod sumitur nutrit antequam in homogeneum hunc liquorem convertitur. Ad eò necessaria est semper *Materiæ* homogeneitas ac Fluor, ut vis *Animæ Plastica*, quæ in conservando vivo corpore æquè cernitur atque in eo fabricando, partes suas dextrè & sincerè peragat.

Quod



Quod haud obscuro argumento est conceptum non fieri in Animalium Generatione à semine ex particulis ab omnibus partibus Animalis profluentibus conflato; tum quod incredibile sit, quin humor fuscus foret potius ac turbidus quam clarus ac pellucidus, tum etiam quod defutura essent particula, quæ partes materiæ proprias constituerent, quippe quod juxta Harveyæ maris coitus cum semina nihil materiale conferat ad conceptum fœtumve, sed vivificum solummodo quoddam contagium. Pro certo enim statuit semen galli quod effundit nunquam intrare in uterum gallinæ, nec cervorum in cervarum uteris manere, sed totum evanescere ante conceptum.

Ipsi materiæ liquidæ non competat, &c. Contra ac sentit eruditus Glissonius, cujus opinio à me examinatur in Scholiis Enchirid. Metaphys. Cap. 25. Sect. 8.

## C A P. X.

1. Quod fabrica corporis Animalium, Dei arguit existentiam: Ut numerus putà, situsque Oculorum atque Aurium; 2. Quemadmodum & Crurum. 3. Armatura Bestiarum, ipsarumque eâ utendi ratio. 4. De generali structura Volucrum atque Piscium. 5. Mirabilis Talpæ fabrica. 6. Cardani raptus ex illius consideratione. 7. De Lepore ac Leporario. 8. De structura corporis Cameli.

1. **V**ENIO nunc ad postremam Animalium considerationem, externam scilicet corporis figuram atque fabricam. Quæ postquam ostendero aliter fabricari potuisse, & tamen facta esse ad exquisitissimum gradum modumve Rationis, qui ab humano ingenio excogitari potest, naturaliter hinc sequetur, quod revera opera sint Sapientiæ ac Providentiæ, ac proinde quod sit Deus. Atque equidem primum in genere quæro, de omnibus illis Animalibus quæ Oculos habent atque Aures, annon fieri potuisset, ut unicum Oculum, unicamque Aurē singula haberent, & ut Hypothesis tolerabilior fiat, Oculum in dextra putà capitis parte, Aurē in sinistra, aurēve in vertice capitis, oculum in fronte? Vivere enim sic potuerunt atque subsistere, licet meliori ratione ipsis prospectum non fuisset quàm ista. Veruntamen manifestum est, binos habere oculos binasque aures sic collocatos ut sunt, & tutius esse & venustius & utilius. Quamobrem cum tam constanti delectu illud semper adhibeatur, quod nostra Ratio optimum esse judicat, debemus profecto inferre delectum hunc à Ratione & Consilio profectum esse.

2. Porro, perlubentur scire vellem, cur nulla existant Animalia Tripedia, (quando sic loquor monstra non intelligo, sed constans aliquod genus Animalium) nam istiusmodi Animal modum aliquem, licet magis mancum claudumque, quo vivat seseque sustineat, inventurum esset, perinde atque Quadrupedia: Vel cur aliqua Bestiæ plures quaternis non habeant pedes, senos putà, binosque medios reliquis breviores & ad morem crurum Equitis ab utroque equi latere pendentes? Neque enim difficilius est Naturæ tales corporum fabricas facere, quàm alias quæ elegantiores sint & utiliores. Sed enimverò, cum Naturæ opera nec inutilia sint nec inepta, equidem aut ipsam sapientem esse oportet, aut ab aliquo altiori Principio intelligente, quod sapiens sit, regi. Ut ille Homo qui per totam vitam nihil stolidè aut inconsideratè facit, aut ipse sapit, aut cum eis qui sapiunt sua participat consilia.

3. Præterea, quantum ad Bestiarum Armaturam, quis eas edocuit armorum suorum usum? Leo calcitrando neminem ferit, caudâ verò tam sortem ictum infligit, ut dorsum ei fracturus sit, qui ausit cum eo congredi. Equus caudâ suâ non utitur nisi ad importunas abigendas muscas, pedibus verò adversarium tam strenuè impetit, ut humi statim prosternat. Taurus & Aries usum norunt cornuum suorum, perinde atque Equus ungularum. Ità Apis ac Serpens vim aculeorum, & Ursus usum suorum unguum. Quæ tamen omnia ex solo instinctu naturali noscunt, ut Mas usum Fæminæ. Neque enim peritiam hanc ex observatione & experientia acquirunt, sed ita eorum natura comparata est, ut eò serè inscientes ferantur. Ut planè liquet in Agnellis, qui antè arietant quàm gerant cornuâ. Quamobrem altior aliqua Providentiæ est, quæ tales eos formavit, quales reperimus. Atque hoc similiter liquet in Volucris, quæ alas quasi vibrare tentant, cum non nisi exigua lanugo eas investit, ipsæque adhuc prorsus inidoneæ sunt ad volatum.

4. Et verò nunc, quandoquidem in mentionem incidi hujus generis Animantium, operæ pretium hîc censeo monere, quid ad causam nostram, ex generali corporum

ipsarum structura possit observari. Figura *capitis* ipsarum paulo angustior est & acutior. ut facilius Aërem scindere possint in veloci suo volatu. Caudarumque expansio *Horizonti* parallela est, ut corpora commodius sustineantur; potuerunt enim perpendiculariter expandi, instar caudarum *Piscium* in Aqua. Nec quicquam causæ nostræ officit, quod *Noctua* tam lato vultu sit, quippe cujus volatus non tam velox est aut tam frequens.

Et quantum quidem ad *Pisces*, ut taceam quam aptè branchiæ eorum Pulmonum locum suppleant, parique venarum & arteriarum copiâ repletæ sint, ut sanguis aquâ refrigeretur, quemadmodum per pulmones in aliis Animantibus refrigeratur Aëre, magis obvias ac vulgares considerationes hîc notabimus. Vesicam aëre refertam, quæ in ipsorum corporibus reperitur, quis ausit asseverare *casu* illuc delatam esse, & non potius *consilio* formatam, ad faciliorem natationem? Estque par ratio de *pinnis*, quæ ex multitudine cartilagineorum officulorum consistunt, oblongorum & gracilium, acuum instar & spinularum, & cute membranâve interjectâ, quo earum ratio exactior sit, & ad tenuem latamque remorum formam propius accedat. Quod artificium accuratiusque formationis modus omitti potuisset, nec tamen natandi, seseque, licet minus graviter, ultro citroque in aqua movendi facultas ipsis auferri.

Cæterum, in argumentum incidi infinitum & inexhaustum, ac proinde nè nimius sim, paucis aliquibus observationibus de Bestiis Avibusque ordinariis sermonem circumscribam (quippe quod id quod notissimum est maximèque obvium, ad nostrum scopum pariter est accommodatissimum) & tum demum ad Hominis Contemplationem progrediar.

5. Atque equidem, quidnam magis obvium est & ordinarium, quam *Talpa*? Et tamen quid magis conspicuum *Providentiæ* Argumentum quam iste? Membra corporis adeo examulsum suæ naturæ adaptata sunt vivendique modo. Nam cum habitatio illius sub terra sit, ubi nihil cerni potest, Natura adeo obscure oculos ei accommodavit, ut vixdum consensum sit apud Physiologos ullumne visum habeat necne. Sed ut refarciatur hoc damnum, ea quidem, quorum capax sit, ad se tuendum, notitiamque hauriendum de instanti periculo, modo admodum eximio in ipsum sunt collata. Est enim *auditu* solertissimo. Et tum dein; Cauda brevis, breviâque crura, sed pedes lati acutisque armati unguibus, ex eventu in quem finem facti sint planè deprehendimus, cum tam celeri operâ se sub humum induat, sibi que viam in terram tam velociter secet, ut qui spectantes adstant, motum ejus non possint non admirari. Crura igitur illius brevissima sunt, ut ipsi nihil opus sit plus terræ diffodere, quam ferè pro spacio quod ejus corpus occupet; pedesque anteriores lati, ut multum terræ singulis vicibus rutello quasi dimoveat. Parum verò aut nihil caudæ habet, quoniam super solum non currit, sicut forex atque mus, ex quorum genere esse videtur, sed sub terra degit, cogiturque illuc sibi excavare habitaculum: cumque viam sibi aperiat per tam crassum elementum, quod non facile cessurum est, sicut Aer atque Aqua, plena periculi res futura fuisset tam prolixum à tergo syrma traxisse; quippe quum hostis eum à tergo aggredi possit & in apicem è latibulo retrahere, antequam consummaverit plenève possederit sua Opera.

6. *Cardanus* hac contemplatione tam mirificè capitur, ut, tametsi eum sæpenumerò fluctuantem video, hîc tamen admodum plenè firmiterque proficitur formationem rerum omnium à *Sapientia Consilioque* esse profectam. Verba ejus tam generosa sunt sensuque plena, ut digna censeam quæ transcribantur. *Palam est igitur*, ait ille, *Naturam in cunctis sollicitam mirum in modum fuisse, nec obiter sed ex sententia omnia prævidisse; hominesque, quibus hoc beneficium Deus largitus est, ut causam rerum primam inveniant, participes esse illius primæ Naturæ; neque alterius esse generis Naturam quæ hæc constituit, ab illorum mente qui causam eorum cur ita facta sint, plenè assequi potuerunt.* Tanto scilicet impetu debita Naturæ contemplatio *Cardanum* extra Naturam ac seipsum abstulit, effecitque ut scriberet hominis instar in Divinam Ecstasin rapti.

7. Cæterum æquè manifesta sunt Divinæ Providentiæ vestigia in aliis Animantibus atque in *Talpa*: ut verbi gratiâ, in *Lepore*, cujus indoles corporisque fabrica ex *consilio* planè adaptantur suæ conditioni.

Cur enim tam multo timore imbutus est & vigilantia, in pedes subinde se erigens & aures arrigens auscultansque dum inter segetes pascitur? Cuique pede tam celeri est & oculis adeo prominentibus, itaque collocatis, ut à tergo melius cernat quam antrosum? nisi quod incolumitas ejus in sola fuga sita sit, necessariumque ei esset insequentem à tergo inimicum perperuo respectare, quem se sistens pugnâ nunquam audet excipere, quippe nullâ re armatus quâ se defendat, nisi longis suis ac mollibus victis-



viētisque auriculis. Quamobrem qui *Leporem* fecit, idem pariter fecit *Canem*, illūque ab hoc acerrimo suo hoste hiſce proprietatibus præmunivit, nè nimium facilis ipſi præda foret, atque ſic nunquam illius fauces poſſet effugere, ludūve ullum notabilem ſpectatori exhibere. Et nè *Lepus* ſemper è faucibus *Leporarii* ſe eriperet, vide quā exquisitè illius forma adaptata ſit curſitationibus: Partes enim oblongæ ſiunt gracilēſque ad velocitatem; & proluxa illa, quæ ſuperflua videatur corporis appendix, *Cauda*, in *Gubernaculum* facta eſt quò agilius curſum inflectat.

8. Sunt etiam & aliæ Animantes quarum ſpecialis corporis fabrica Providentiæ conſiliique effectum manifeſtò apparet, quanquā Phyſiologi non inter ſe conſeſerint, an ipſius *Beſtiæ* gratiā ſic facta ſit, an verò *Hominis*. Atque tale proſectò iſtud eſt Animal, licet exoticum, quod vulgò notum eſt ſub nomine *Cameli*. Cur enim *Gibbæ* iſtæ ſunt in tergo niſi ut *Clitellarum* vices ſuppleant, quibus onera excipiantur? Et cur quatuor *Genua* habet, & poſteriora *Crura* antrorſum inflexa, ut & *Tuber* ſub pectore cui incumbat, niſi ut, cum procerum ſit Animal, facile procumbere poſſit in *genua* magiſque commodè ſic onus excipere?

*Cardanus* verò hoc nequaquam Naturæ conſilium heic eſſe contendit, ſed quòd hæc corporis *Cameli* fabrica ſic facta ſit proprii commodi cauſa. Quippe cum Animal ſit quod vitam ducit paſtūque quærit in vaſtis aridiſque *Deſertis*, *Gibbas* iſtas redundantis *Humoris* receptacula eſſe ſtatuit, ex quibus in reliquum corpus derivandus ſit temporibus durioris ſitis & inedia. Cumque *Crura* tam valde longa ſint, in poſterioribus eum *Genua* habere debere *Tuberculum* ſub pectore, in quæ recumbens, membra laſſus, in deſerto quieſcat, ſedendo ſcilicet procumbendove in iſtā quā ſolet poſiturā. Neque enim ſe humi proſternere commodè poteſt, ut *Equi* & *Aſini* aliæque Animalia. Quantum verò ad me, ego certè neutri cauſarum ſoli aſcriptum volo, ſed utraſque ſimul ſumi, ut uberius ampliūſque *Providentiæ* conſilium indè innotefcat, quæ hac fabricā atque artificio tam bellè proſpexit commodis *Cameli* pariter atque *Domini ſui*.

## C A P. XI.

1. *Generalia quadam observanda de Avibus.* 2. *De Gallo.* 3. *De Gallo-pavone ſive Gallo Indico.* 4. *De Cygno, & Ardea, aliſque id genus Aquatilibus.* 5. *De γαμψύροισι & πάλαιοςφός, & de peculiari Viſus formatione in Avibus rapacibus.* 6. *Descriptio Avis Paradisi, ſecundum Cardanum.* 7. *Suffragia Scaligeri Hernandis, & Nierembergii.* 8. *Aldrovandi Objectio de paſtu illius ex ſolo rore, & quid ab altera parte probabiliter reſponderi poſſit.* 9. *Objectiones ejus contra modum Incubationis, cum conſimili Reſponſo.* 10. *Proprietates de quibus hi quinque omninò conſentiunt.* 11. *Qua in re Pighafetta & Cluſius ab iis omnibus diſſentiant, cum Authoris conditionali Inclinatione ad ipſorum ſententiam.* 12. *Præcipua Notanda in Hiſtoria Avis Paradisi.* 13. *Supplementum ex ordinariis notiſque exemplis, quod æquè ſi non magis evidentè Providentiā accuratam evincit.*

1. **P**ergimus jam ad conſiderationem *Avium* ſive *Volucrum*. Ubi prætermiſſis iſtis generalioribus proprietatibus, nempe quòd duos habent *Ventriculos*, ſublatòſque roſtro *Lapillos* in ſecundum *Ventriculum* transmittunt ( quæ proſpectio & inſtinctus *Dentium* vices ipſis præſtat ) quòdque nullas habent *papillas*, quippe quarum foetus tam diu intra teſtam aluntur, ut ſtatim idonei ſint qui ore cibentur parentum, & inidonei ſanè ad ſugendum propter roſtrorum figuram ac duritiem, ( quæ obſervationes planè indicant Naturam nihil ineptè ſtolidèque facere, ac proinde eſſe *Providentiā*; ) hiſce inquam prætermiſſis, externam tantum fabricam paucorum aliquot ex hoc genere Animantium, quæ quotidie viſui noſtro occurrunt, contentus ero notare. Cujusmodi ſunt, *Gallus*, *Anas*, *Cygnus*, & ſimilia.

2. Quæro igitur de *Gallo*, cur omnino habeat *calcaria*, vel cum habeat, quid factum ſit ut in loco tam comodo collocentur? Potuit enim nulla habere, vel tam perperam ſita; ut nulli prorſus uſui futura fuiſſent; atque ſic Animofitas illius pugnadique pruritus planè forent fruſtrā: Cum nec *criſta* nec *πάλαιος* ſive *palearra* fruſtra temerève capiti ſint addita, quippe quæ ornamenta ſunt quæ *Martium* ſuum Ingenium magnopere condeceant: quinimò & *Armatura*; nam horum vellicatio utiliores capitis partes à noxa ſæpenumerò eximit. Tam aptè proſectò gratificatur

Natura omnibus Animantibus, per rerum accommodationes ipsorum Ingeniis accommodatarum, adeo ut nihil omnino factum sit frustra.

3. Nec certe cavillari debemus adversus rubrum illud ac rugosum *Galloparonis*, sive *Galli Indici* Capitium, & longam istam *excrecentiam* quæ quoties præ ira intumescit aut superbia, super rostrum satis prolixè propendet: Potest enim calefacti sanguinis esse Receptaculum, qui tam liberum habeat ad caput recursum. Vel seipsum fortean hoc nugamento oblectare potest, ut rudes *Indi* suis monilibus à naso deorsum pendentibus. Et certe si Avi placeat, ut nobis displiceat minimè fas est; semperque memores esse debemus, Animantia ad propriis voluptatibus indulgendum perinde atque usus nostris interveniendum esse nata. Estque aperta *Rusticitatis* atque *Ignorantia* aliter sentire.

4. Jam verò quantum ad *Cygnos* atque *Anates*, & istiusmodi Aves *Aquatiles*, notatu obviū est, quā aptè instructæ sint ad hoc vitæ genus. Pedes enim illatum quæ natant, ad Retinorū formam constructi sunt, unguibus satis latā membranā interjectā connexis. Colla autem sunt longa, ut caput satis profundè in aquam immittere valeant: Quemadmodum & collum *Ardeæ*, atque aliarp̃ id genus Volucrum quæ piscibus vescuntur, atque illud proinde elementū coguntur frequentare, quæ altis etiam grallis subnixæ incedunt, ad instar populi qui loca paludosa incolunt. Ungues verò, tales non habent membranas, impedimento enim huic volucrum generi futura fuissent, quæ vadant tantum in aqua, nesciunt autem *natare*.

Haud infacere profecto *Aristoteles* longa harum Volucrum aquatiliū colla \* *Arundini piscatorie*, longaque rostra *Lineæ* & *Humi* comparat. Alteramque addit Observationem de Cruribus, quod Caudæ scilicet eò sunt breviores. Quanquam huiusce rei rationem quam affert, non magnopere admiror. Alit enim sic factas esse ob *Materiae* defectum, quæ in crura esset absumpta. Vera autem causa est, quia Aves sunt minus volaces. Et præterea, longorum crurum positura retrò ipsorum extensorūve dum volant, vicem præstat amplioris orrhopygii. Atque sic crura adminiculo sunt ad volandum, cum aliàs oneri forent & impedimento. Quamobrem, quod dixi, caudæ tam breves sunt, non ex eo quod materia in crura absumpta esset, sed quia crura caudæ vicem supplent, juxta præstantissimum istum *Aristotelis* Aphorismum, ἢ τε περιέρχον ἢ ἐν ἢ τε κατὰ τὴν φύσιν ποιεῖ, *Natura nihil facit quod frustra est aut supervacaneum*.

Quæ quidem causa est, cur *Pisces* cruribus careant, quippe quæ *pinnas* habent; cūque *Torpedo* nec *pinnas* habeat, ad latera rotundi sui corporis, sed tantum ad latera caudæ; quippe cuius corporis amplitudo & planities ipsi inservit, loco anteriorum *pinnarum* ad natandum. Cæterum speculatio hæc circa *Aves Aquatiles*, diutius me inter pisces detinuit, quā destinaveram.

5. Redibo jam ad *Aves*, cum eis paululum moraturus, Martias istas intelligo *Avēs* vè rapaces sive prædatrices. In quibus Philosophus cervicem brevem robori accommodam esse maximè, observat, nullaque *γὰρ φωνύχα*, i. e. Aves aduncis unguibus præditas, longas habere cervices, rostrave plana & recta sed adunca; omnesque Aves *Carnivoras* quæ prædam venari coguntur, tales esse. *Γὰρ φόν ὃ τὸ ἀποφύγον χροῖον ὁδὸς τὸ κεαῖν τὸ τοῦτο. Τὸ δὲ τροφὴν ἀναγκάζον ἀπὸ τοῦ ποδὸς ἐκείνου.* Ac proinde ungues adunci idonei sunt adprehendendam firmiterque retinendam Prædam vivam, quæ alioqui torquendo se ac motitando possit elabi, rostraque adunca ad renacem carnem (acutis quasi hamis) discerpendam; quæ rostro plano tam facile in frustra dilaniari non posset. Rostra verò *Inserum* & *Anatum* aliā prorsus formā sunt, sed satis idoneā quidem ad humum limūque evertendum, scindendumque herbas atque gramina, & ad omnem id genus facilem pastum.

Id etiam ingeniosè ab *Aristotele* observatum est de Avibus *γὰρ φωνύχοις*, Corpora quidem pro Alis parva esse, quippe quibus in alis suis maximum inest robur ac præsidium, si quando incessuntur. Avibus verò grandioribus majorive pro alis magnitudinis aliter ad suam defensionem prospectum esse, nempe aut per *calcaria* cruribus adnascencia, aut per singularis alicujus unguis in pede robur atque aciem. Quemadmodum notavi in Ave *Emen*. Cæterum pro Aphorismo tradit, Easdem Aves nunquam *γὰρ φωνύχοις* esse & *ἀνελκυστοίς*, nunquam aduncos habere ungues & *calcaria* simū. Armatura enim *calcaria* istiusmodi tantum Avibus idonea est, quæ in terra pugnent. Aves verò unguibus aduncis præditæ, pedes vix satis commodos habent ad ei insistendum; ac proinde nullæ ex Avibus *ponderosiora corpora habentibus* ungues habent aduncos.

Cæterum id quod maximè omnium in Natura notatu dignum est, de hisce Avibus rapacibus, mirabilis est ipsorum visus ratio. Nam ex peculiari oculorum suorum fabrica,

Aristot. de  
Part. Animal.  
lib. 4. cap. 13.

Aristot. de  
Part. Animal.  
lib. 4. cap. 12.



fabrica, capaces sunt de sublimi in Aëre suam prospiciendi prædæ, optimèque cernunt ad istam distantiam, cominus verò admodum difficulter quicquam vident. Adeò ut & sagittarius & sagitta pariter sint, è longinquo ad scopum collineantes, & tum postmodum ad optatam metam seipsas quasi sagittantes, prædæ occupant quam percusserint. Providentiæ opera infinita sunt. Concludam cum descriptione mirabilis illius *Avis Paradisi*: Ipsa enim rei mirabilitas notissimam fecit universis.

6. *Avis* est quæ ex Aëre mortua decidit (& invenitur aliquando in *Maluchis Insulis*) pedibus prorsus destituta. Magnitudo Corporis ac Rostris quemadmodum & forma ipsorum ad *Hirundinis* formam magnitudinemque quàm proximè accedit. Alarum verò expansio Caudæque, Aquilinarum expansioni quoad ambitum, nihil cedit. In Aëre alitur fecundatque, neque ad terram venit nisi in sepulturam. Nam amplitudo levitasque Alarum atque Caudæ eam sustentant sine lassitudine. Fœminæque ova ponit, eisque incubat in dorso Maris, quod cavum est, ut & pectus Fœminæ ad facilitatem Incubationem. Porro duo fila ex posterioribus Masculi partibus exeunt, eis non absimilia, quibus cerdones crepidas consunt. Hæc existimatur firmius fœminæ alligari dum ovis ea incubat in cavitate illius dorsi. Ros cœli eis in cibum assignatur, cum Regio ipsarum nimis remota sit ab accessu Muscarum, aliisque id genus Insectorum, quibus vescantur.

Hæc integra Historiola est de hac Ave mirabili apud *Cardanum*, ejusque super ea Philosophatio, qui se eam haud minùs ter vidisse profiteretur, eamque proinde descripsisse. Cujus quidem partium corporis conformationes rerumque aptitudines, si de veritate narrationis constaret, æquè evidentia Divinæ Providentiæ argumenta essent \* atque Annulus ille cupreus, cum Græca Inscriptione, indubium fuit monumentum Artificii humani.

*Cardan. de subtil. lib. 10.*

7. Cæterum nè credulitatis nimis opprobrium solius *Cardani* humeris incumbat; *Scaliger*, perpetuò ei insidiatis observansque siqua in re vel syllabam peccasset, ei exprobraturus, cum nulla tamen re in universa narratione cavillatur, præter alarum amplitudinem, coporisque parvitatem, quos errores corrigere in se suscipit, ex *Avicula* quam dono ei miserat è *Java Orvesanus*. Immo verò confirmat quæ ab *Adversario* scripta sunt, partim ex Historia, partim Ratione. Affirmat enim se in horto suo duas reperisse *Aviculas* cum alis membranaceis, pedibusque prorsus destitutas, quarum forma ad *vespertilionis* proximè accedebat. Nec à fide eum deterret perpetua *Mannucidiæ* volatio, cum tamen pennarum pinnulæ diffusæ sint nec cohererant, aëremque proinde facile transmittant, quo corpus tam commodè nequeant sustinere; sed rem probabilem reddere conatur ex eis quæ observavit de milvis in aëre pendentibus, ad horam integram, ut refert, alis non jactatis. Notavitque quomodo somnum capere possit in Aëre ad exemplum Piscium, quos vidit in aqua dormientes neque pondere tamen in profundum ferri, nec mutare locum, sed immobiles quasi instar trunci, pinnulis tantum nescio quid moriunculæ meditari, pari incuriæ & inadvertentiæ, atque Equi dum dormiunt aures motitant ad abigendas insidentes muscas. Quamobrem *Scaliger* cum perpetuum volatum alivè Innixum in *Mannucidiæ* admittat, necessariò etiam istam Incubationis rationem, quam descripsit *Cardanus*, simul admittere debet, alioqui generationes ipsarum nequaquam possent perpetuari.

*Ful. Scalig. de subtil. exercit. 228. sect. 2. § 229. sect. 2.*

*Franciscus Hernandez* expressim ex omni parte idem affirmat cum *Cardano*: quemadmodum & *Ensebius Nierembergius*, qui hujus *Avis* historiæ ita capitur, ut abstinere se non posset à celebrando mirandas illius proprietates, brevi quidem sed elegantè carmine, idemque postea quanquam summa cum confidentia oppugnatus, quantum ad summam rei, in soluta oratione affirmat.

8. Hujusmodi sunt *Cardani*, *Scaligeri*, *Hernandi*, & *Nierembergii* suffragia. *Al-drovandus* verò fabulam de pastu ejus ex rore, Incubationeque Fœminæ in dorso maris, multo cum supercilio & indignatione rejicit. Et quantum quidem ad prius, Rationes quas affert nequaquam sunt contemnendæ; quippe qui objicit Rorem prope terram esse, nec per omnes Anni tempestates, nec nisi diebus serenis, idque tantum manè, additque perpetuum *Avis* volatum necessariò spiritus ejus exhausturum esse; postremò Rorem corpus esse haud satis perfectè mixtum, sativè Heterogeneum, ad alimentum, nec durum *Avis* rostrum factum esse ad tam faciles usus, quàm sit istiusmodi mollis humoris pitissatio.

Ad quæ profectò nescio quid *Cardanus* reliquitque responsuri sint nisi hujusmodi quid; se scilicet per Rorem intelligere magis unguinosum Aëris humorem, qui, ut ubique pari forsan copiâ non sit, ita Aves has naturali sagacitate præditas esse posse investigandi ubi sit. Rorem hoc sensu noctu pariter atque interdiu esse, perinde atque manè, & per omnes Anni tempestates, ac proinde constans humoris ac spiritu-

turi

um supplementum perpetuo ipsarum volatui administrari, quos eò copiosius imbibant propter hoc alarum exercitium : Crassiores hujus humoris partes coherentes in carnem mutari, plumarumque levitatem tantam esse, ut sustinendo seipsas haud valdè laborent. Quod aspectui nostro simplex est & homogeneous, satis idoneum esse ad rudimenta Generationis (cùm omnia Animalia generentur ex liquore quodam puro & crystallino) ac proinde sic esse posse ad Nutritionem. *Crassulam & Semper-vivum Marinum* nutriri crescerique in aëre suspensum; *Lentemque palustrem* radices non aliùs immittere quàm paulò infra Aquæ superficiem. Et postremo, Rostra harum Avium commodiori inservire volatui, aërem scindendo, ornatuque insuper meliori : etiam restitutioni plumarum turbatarum in debitos, sicut rectumque ordinem dum in Aëre natant, pari facilitate atque Cycni suas rostro plumas disponunt dum natant in Fluviiis.

9. Ad magnam illius inclementiam adversus opinionem de *Incubationis* modo, hoc fortean responsuri essent ; Rationem non usque adeò ridiculam esse, sed fortassis necessariam potius, ex eo quòd *Aldrovandus* ipse non solum admittit, sed veram esse contendit, *Manucodiatas* nempe nullos prorsus habere pedes. Hinc enim manifestum est eas ad terram descendere eique insistere non posse, nec usquam alibi ventribus incumbere & in volatum se rursus erigere, quippe quæ nequeunt ex rupium foraminibus erepere, (ut faciunt *Cypseli nigri*, aliique id genus *Apodes* ob crurum brevitate sic dicti) cùm nullos hæc omnino habeant pedes quibus repant. Præterea, quemadmodum rectè argumentatur *Aristoteles* de longis cruribus Avium quarundam Aquatiliū, quòd adeò longa facta sint, quia ad *vadandum* in aqua ad pilces capiendos destinatae essent, addens præstantissimum istum Aphorismum, Τα ὄρνιθα πρὸς τὸ ἔργον ἢ φύσιν ποιεῖ, ἀλλ' ἢ τὸ ἔργον πρὸς τὰ ὄρνιθα ita nos similiter, inquit illi, cùm ratione concludere possumus, ut longa crura harum volucrum aquaticarum eas destinatas innuunt ad Aquam frequentandam, ita crurum carentiam in hisce *Manucodiatis* planè indicare eis nunquam descendendum esse in terram, quippe quæ illuc nec stare possunt, nec ambulare, nec ab ea rursus avolando recedere. Et certè si nunquam ad Terram descendant, ullumve locum alium ubi quiescant, ubi, obsecro, poni possunt ova, eorumve fieri Incubatio, nisi in dorso Maris?

Ut præteream quantopere *Cardanus* hæc, in Natura rerum, ἀπορώσκει se oblet : quòd utique, quemadmodum *Struthiocamelus* Avis est, quæ tamen nunquam in Aëre volat, ita hæc *Avis Paradisi* semper degat in Aëre nec unquam super Terram quiescat. Et quantum ad *Aldrovandis* præsumptionem à quinque diversis *Manucodiatis* quas vidisset exortam, in quibus nullam ejusmodi partium figurationem observare potuit quæ aptitudinem innueret ad talem Incubationis modum, *Cardanus* responsurus est, Meipsum scilicet tres unamque insuper *Scaligerum* vidisse, nosque ambos contra unum *Aldrovandum* consentire.

10. Ut ut est, vides interim & *Cardanum* & *Aldrovandum* reliquosque omnes uno consensu statuere, *Manucodiatas* nullos omnino habere pedes, duo verò fila à cauda utrinque pendentia pari sententiarum conspiratione eam habere concludunt. Quòd *Aldrovandus* in foemina perinde atque Mare observari contendit, tamen si *Cardani* experientia eò nondum pertigisset.

11. Cæterum *Pighafetta* & *Clusius* grandi huic controversiæ *Cardanum* inter atque *Aldrovandum* finem faciliè imposituri sunt si verum sit quòd illi referunt, & de eodem genere Avium Paradisi loquantur. Uterque enim pedes habere palmum longos affirmant, idque cum confidentia, quantà potest maximà. Sed *Nierembergius* è contrà asserit, testem quendam oculatum qui unam harum avium de terra recens mortuam sustulisset, ei narrasse nullos habere pedes. *Johnstonus* etiam *Nierembergio* hac in re accedit, quanquam Incubationis modum explodit cum *Aldrovando*.

Sed enim, nisi Aves hæc se erigere possint de terra, rigiditate aliquarum pennarum in Alis, vel potius duorum istorum nervosorum filorum beneficio, quæ, dum vivæ sunt, spirituum influxu roborare possint, efficereque ut inserviant crurum loco, ad erigendum se de terra, perinde atque ad pendendum ab arboribus (cùm minimum quodvis momentum ad elevandum sustinendumque ipsarum leve ac plumosum corpus in aëre valeat, ut exiguum quodlibet viminulum ad nos sustinendos in Aqua) ipse profectò ad testimonium *Pighafette* atque *Clusii* inclinarem potius, quàm ad sententiam reliquorum. Nautique istis haberem fidem, qui ei narrarant, crura per eos avulsa fuisse qui cepissent, & exenterare soleant & in Sole exficcare vel ad proprios usus, vel ut ipsas reddant venales.

Quæ sola conclusio honorem *Aristotelis* sartum tectum conservare potest qui tam confidenter jam olim pronunciavit, Ὅτι πτηνὸν μόνον ὑδὲν ὄρνις, ὥσπερ νεύσικον μόνον ὄρνις

De Part. Ani-  
mal. lib. 4. cap.  
12.

Elisfor. Ani-  
mal. lib. 1. cap.  
1.



ἔστιν ἰχθύς, \* Nullam esse Avem quæ volet solum, ut Piscis solum natat.

12. Atqui sic hæc Avis Paradisi è visu prorsus avolavit evanuitque in Figmentum merum atque Fabulam. Quòd si quis fortè jacturam doleat tam demonstrativi Argumenti pro Providentia quæ res alias aliis adapter & ad scopum conspicuum conectat, non me abstinebo hîc quin liberè eum moneam, nisi majori admiratione Novitatis capiat, quàm indissolubilium rerum concatenationum diligentiori indagine, quòd ea ex hoc genere meditationibus ipsius suggesturus sim quæ æquè firmiter concludant, additurus insuper in proprium dedecus ipsi cessurum esse, si æquè perspicuam Illationem à vulgari veritate elicere nequeat, atque ab historia aut incerta aut conficta. Atque ob hanc quidem causam meritò quis me haud temerè fecisse existimaverit, quòd dubiam hanc Narrationem in medium protulerim, cùm tam seriàm pariter ac jocundam monitionem castigationemque secum ferat.

*Manucodiata* passus ex rore, nulla pars est argumenti pro Providentia in hac Historia: sed cùm tam eximiis Alis plumisque instructa sit, tantà levitatis supellectile exornata, (ut loquitur *Nierembergius*) ut difficilior ei videri possit deorsum subsidere, ut ille autumat, quàm in aëre sustineri; ut Avis isti Regioni ita adaptata, nulla haberet crura quibus in terram insistat, hæc profectò notabilis esset discriminantis Providentiæ indicatio, quæ datâ operâ omnia quæ inutilia sunt & superflua evitet rejiciatve.

Alterum notandum, quod certè admodum est notòrium, Cavitas est in dorso Maris & sub pectore Fœminæ ad *Incubationem*.

Et tertium ac ultimum, usus istorum Filorum, ut *Cardanus* quidem existimat, ad Aves commodiùs continendas in hac Incubatione.

Si hæc considerationes in miranda hac Historia tantopere te movent ad credendum *Divinam Providentiam*, morositati tuæ imputa non judicio, si eæ, quas in istarum locum substituturus sum, nec sunt nisi obviæ ac vulgares, eandem apud te vim non habuerint.

13. Etenim quòd *Pisces pedibus careant* (quemadmodum suprâ notavimus) cùm abunde ipsis sufficiant Pinnæ in tam crasso Elemento quàm sit Aqua, annon æquè luculentum hinc duci potest pro *Providentia* Argumentum, atque ex eo quòd Avis tam levis *pedibus careat* in tenuiori illo elemento Aëris, quippe cujus summa supellectilis levitas tenuitati illius elementi sit appropriata? Et annon eadem Providentia cernitur idque æquè conspicuè, in assignando adeò *brevia crura* istis avibus quæ tum apud *Plinium* tum apud *Aristotelem* Apodes appellantur, (quippe quibus tam amplas fortèque alas donavit, facultatemque tam diu volandi ac velociter) atque in *nulla omnino* donando crura *Manucodiata*, quæ adhuc majorem ad volandum vim habet, majoremque corporis levitatem?

Et quantum ad *Cavitates in dorso Maris & sub pectore Fœminæ*, estne istud Naturæ propositum quicquam certius evidentiùsve quàm illud in Genitalibus partibus Maris atque Fœminæ in omnibus generibus Animantium? Quodnam majus argumentum Consilii propositique rem aliam alii adaptandi istoc usquam esse potest? Et si interior velimus instituere indagationem de istarum partium Conformatione in qualibet Gallina, & considerare quonam modo aut quâ vi Ovum quòd ad tantam molem accreverit ab Ovario per Infundibulum in processu uteri transmitti possit (cùm membrana adeò tenuis sint meatûsque adeò supra modum angustus & exiguus) *Principium* profectò illius motûs non potest quin æstimetur planè *Divinum*. Et postquam protuberantes *mammæ* papillæque in fœminis Animantium cum *cavitate* sub pectore fœminæ *Manucodiata* comparaveris, dic, quæso, utrum ex istis Providentiæ intelligentis omniæque consilio ordinantis luculentius pignus putes?

Et postremò, Quantum ad fila, quæ existimantur Marem fœminamque in sua Incubatione continere, quantum profectò Nugamentum est si cùm invisibilibus istis funiculis nodisque qui vulgares Aves ovorum suorum Incubationi illigant, confectatur; quippe quæ nullas visibiles illecebras habent, quæ ipsas in tam fastidioso detineant ministerio?

## SCHOLIA

## IN CAP. XI. SECT. 4.

**A** Rundini piscatoriæ, longaque rostra lineæ & hamo, &c. Verba Aristotelis sunt, *Καὶ γίνεταί τοις τοιούτοις ὁ μὲν ἀνχὴν καθάπερ ἀλιευτικός κάλαμος, τὸ δὲ ῥύγχος οἷον ὀρμιάζῃ τὸ ἀγκυρίζον.* Itaque fit, ut collo quasi arundine piscatoriâ, rostro verò veluti lineâ & hamo utantur, quemadmodum reddit Theodorus Gaza, Aristot. de Part. Animal. lib. 4. cap. 12.

Seçt. 6. Atque annulus ille cupreus cum Græca Inscriptione. Rem totam ex Gesnero sic habe. Lucius piscis anno Salutis M CCCC XCVII. captus est in stagno circa Haylprun, Imperialem Sueviæ urbem: & repertus in eo annulus ex are Cyprio in branchiis sub cute, modicâ parte splendere visus. Cujus Inscriptio sic erat, Εἰμι ἐκεῖνος ἰχθύς ταύτη ἀμνη πάντοτε. Ἐπὶ τοῖς δια τῷ κοσμητῇ Φεδερίκῳ β. τὰς χεῖρας ἐν τῇ ε. ἡμέρᾳ τῷ Ὀκτωβρίῳ, α. σ. λ. Latine sonant (sicuti Johannes Dalburgus, Vuormaciensis Episcopus interpretatus est) Ego sum ille piscis huic stagno omnium primus impositus per Mundi rectoris Federici secundi manus, die quinto Octobris (Anno Domini) M CC XXX. Gefner. Nomenclat. Aquatil. Animal. Part. 4. Huc allusum est; de Historia penes Authorem sit fides.

Seçt. 11. Nullam esse Avem quæ velit solum ut Piscis solum natat. Nec dubito sanè quin rectè hac in re conjectaverit Aristoteles. Nihil enim conjectura illius obest celebratissima Manucodiatarum fabula, quam sic esse, aliquot post annos quam posteriorem hanc Antidoti editionem publicavissem, planè deprehendi. Nam Amicus quidam meus, J. Mallettus vir sanè ingeniosus ac perhumanus, qui non paucas in Indiam Orientalem navigationes fecerat, Avem Paradisi mihi dono dedit inter reliquas quas vocant Raritates exoticas, idemque ferè mihi narravit quod Nauta dicuntur narrasse Clusio ac Pighafetta, crura nempe ut plurimum ab eis qui capiunt, solere avelli. Mihi verò Avem integram cum cruribus exhibuit donavitque, per omnia illi quam describit Cardanus, similem. Excepto quòd nullam Cavitatem habeat, qualem fingit Cardanus (quam abesse nec ipse miraturus esset si pedes conspiceret unum palmum longos, quales profecto habet hec mea Avu) nec unicum sed duo fila, eaque non è cauda, quod ille ait, sed è tergo enascentia, sed eadem ferè quâ ille describit longitudine. Ille igitur vir probus atque ingenuus u fuit qui me plenè à vulgari isto errore de Manucodiatarum aërodiâ primus liberavit. Cujus ideo nomen gratitudinis ergò hic memorandum censui.

## CAP. XII.

1. Non esse locupletius Providentiæ testimonium quam humani corporis structuram.
2. Quam munita sit oculi fabrica.
3. Exquisitissima ipsius ad usum suum adaptatio.
4. Musculorum utilitas Oculo superaddita.
5. Mirabilis musculorum formatio per totum corpus.
6. Cordis venarumque fabrica.
7. De Dentibus & de Articulis brachiorum & crurum.
8. De posterioribus corporis partibus & de Capite, Vertebriis, Unguibus, Ossibus, &c.
9. Quòd eadem ex Anatomia omnium corporum, pro ipsorum conditione, evidentia est Providentiæ atque ex corporis humani.
10. Eorum stupiditas, qui ex his considerationibus non convincuntur.
11. De Passionibus in Homine, & particulatim de Religione sive Devotione.
12. De Passionibus Animalium & quam ipsis sint utiles;
13. Ut & Homini etiam. De ridicula Antipathia inter Simium & Testudinem.
14. Quam inepta & frustranea Passio foret in Homine Religio, si nullus esset Deus aut Spiritus in Universo.
15. Enormis Natura error quo Religionis sensum Humanis animis iniecerit, si non sit Deus.
16. Necessaria causa inordinationis in Natura humana.
17. Exquisitissima Congruitas, ut talis in terris Creatura sit, qualis est Homo.
18. Totam Creationem singulasque illius partes irrefragabilem esse Demonstrationem Divinæ Existentiæ.

1. **C**æterum nihil necesse erat tam longè in Naturæ operibus expatiari, & peregrè quasi evagari ad quærendum argumenta pro Divina existentia, cum tam copiosè nobis domi suppetat, quod investigatum ivimus foras. Neque enim locupletius



tius esse potest testimonium pro Deo ac Providentia, quàm sit proprii corporis structura atque fabrica. Mirando cujus artificio *Galenus*, quanquam naturali solo lumine imbutus, adeò captus est, ut non posset \* quin Hymni honorem sapientissimo illius Creatori adjudicaret. Formatio totius singularumque partium tam evidens est exquisitissimæ Opificis peritiæ argumentum, ut si omnia vellem prosequi quæ huc factura essent, equidem in integrum volumen excrescerent. Pauca igitur tantum subindicabo, cætera relinquens ab Anatomicis supplenda. Atque equidem neminem esse puto qui istius Artis peritus sit, quin lubens professurus sit, quanto diligentius & accuratius corporis nostri fabrica examinetur, tanto eam exquisitiùs inventum iri Rationi nostræ, iudicio, votòque consonam ac conformem: Ità ut, suppositâ eadem Materiâ ex qua corpora nostra facta sunt, si in nostra potestate fuisset nos ipsos fecisse, nos non alios quàm quales nunc sumus, formaturi fuissetus.

2. Qua de re ut exempla pauca particularia proferamus. Ut de *Oculis* putâ. Eorum *Numerus*, *Situs*, & *Fabrica* talis est, ut nihil excogitare possimus addendum aut alterandum, quo aut pulchriores aut munitiores aut magis utiles evadant. Quantum verò ad ipsorum pulchritudinem, relinquere eam malo delicatis Ingeniis calamisque Poetarum hominumque amoribus deditorum, quàm argumentum tam molle atque tenerum violare stylo meo severiori. Notabo tantummodò quàm tutò communiti sint, aptèque formati ad eos usus quibus destinantur. Frons & Nasus eos à gravioribus ictibus defendit. Cæterum, cum Oculus pars sit adeò delicata, talisque proinde necessariò cui res minutiores noxam afferre possint, sudor frontis duobus istis pilorum *arcuatis setulis*, quæ *supercilia* vocamus, repellitur. *Palpebræque* præmuniuntur parvis quibusdam rigidisque setulis, tanquam præacutis sudibus (in munimentis vallorum) contra culicum muscarumque impetus aliorumque id genus Animalculorum. Præterea, *Superior Palpebra* subito decidit, quippe æquè commodum munimentum atque Pons demissorius sive Cataracta adversus Hostis importunitatem. Quod singulis etiam sit noctibus, sive ad portas adsit instetque Hostis sive secus. Tanquam si Natura in hac humani corporis Acropoli, Capite scilicet, Præsidium collocasset, expectaretque ut tales leges à Militibus Prædiciariis constanter observarentur, quæ ad publicam Incolumitatem, totius nempe Hominis salutem, maximè facerent.

3. Nunc verò, quantum ad *usum Oculi*, qui Visus est, \* manifestum est hoc Organon tam exquisitè in hunc finem formatum esse, ut nè rem minimam addere noverit cujusvis curiositas. Nam, primùm, *Humores & Tunica* sunt puri ac pellucidi, ad lumen intromittendum & colores impollutos minimèque adulterandos ullâ internâ in oculo tincturâ. Deinde, *partes Oculi convexæ* fiunt, ut multi illi radii ab uno Objecti puncto venientes in unum similiter punctum in Oculi fundo dirigantur ibidemque coeant. In quem usum *Humor crystallinus* magni momenti est, & absque quo esset visio admodum foret obscura atque debilis. Tertiò, *Tunica Uvea* muscularem habet facultatem, potestque dilatare & contrahere rotundum illud foramen in eo situm quam *Pupillam* Oculi vocamus, ad commodiorem moderationem transmissionemque luminis. Quartò, interna *Uvea* superficies denigrata est instar parietum Sphæisterii, nè Radii in *Retinam* incidentes, indè in *Uveam* reverberatæ, ab *Uvea* rursus in *Retinam* reflecterentur; quia tales Repercussiones visum magis confusum essent reddituræ. Quintò, *Tunica Arachnoidea* quæ *Humorem Crystallinum* involvit, *Processuum* suorum *Ciliarium* beneficio, protrudere potest vel retrahere pretiosam illam maximèque utilem Oculi partem, prout propinquitas distantiave Objecti requisiverit. Sextò & ultimò, *Tunica Retina* alba est, ad commodiorem sinceriorémque specierum quas vocant *Intentionalium* receptionem, ut charta alba maximè idonea est ad istiusmodi Imagines per foramen recipiendas in Cubiculo obtenebrato. Si Ingenio humano facultas data fuisset hoc organon pro seipso formandi fabricandive, quid est quod excogitare potuisset magis accuratum? Quamobrem merum motum Materiæ, aliâve ullam Causam cæcam supponere in tam accuratas rerum fabricas incidere potuisse, (Animantes enim subsistere potuissent licet tam exquisitis rationibus prospectum ipsis non fuisset) equidem aut insanire est aut stipitis instar stupere.

4. Atque *Oculus* profectò adeò jam perfectus est, ut credam Humanam Rationem facilè hîc substitutam fuisse, propriumque Artificium admiraturam: cum enim facultatem haberet totum suum caput movendi sursum deorsum & in dextram sinistramque, potuit certè per imprudentiam putare abundè sibi jam prospectum esse. Natura verò, quippe Humanâ Ratione longè sagacior, *musculos* etiam *Oculis* addidit, ut nulla deesse posset perfectio. Frequens enim occurrit occasio movendi oculos. Capite interim immoto, ut in legendo, accuratiusve contemplando Objectum quodlibet anto

oculos positum. Atque ut hoc facilius magisque exquisitè fiat, hoc Organum non paucioribus quàm sex distinctis musculis instruxit.

5. Estque profectò hæc *Musculorum*, non in Oculis solùm sed in toto corpore, formatio. res mirabilis. Etenim annon res mira est, ut caro nostra ferè universa tam affabrè in partes distinctas formaretur, quarum Origines ac Insertiones tam commodè dispositæ sint, ut alicui corporis parti cum facilitate movendæ inserviant; utque partes corporis non solùm tam convenienter moverentur quàm ad deambulandum sufficiat vitæque sustentandam, sed seipsas movere possint omnibus omninò rationibus quas comminisci quis potest utilitatibus nostris inservituras? Possumus enim crura brachiæque jactare sursum & deorsum, antrorsum, retrorsum & in circuitum, ut illi qui ad Rotulam nere cernuntur Talparumve grumos pedibus dispergere. Ut taceam de Respiratione, de constrictione Diaphragmatis ad deprimentenda Intestina, ampliandùmque istoc pacto Thoracem ut Pulmones satè spaciè habeant ad movendum, & de adminiculo internorum Musculorum Intercoastalium in profundis suspirationibus, quando largiores Aëris haustus captamus ad refrigerandum Cor aut Amoris aut Doloris onere nimis gravatum; & de artificiosa Laryngis fabrica, musculis tam bellè instructa ad vocis modulationem, ad sermonem flexibilem auribusque attemperatum, & ad mollissimas suavissimæque cantillationes. Et postremò de Natura adeò datâ operâ \* Tendines secundorum Articulorum digitorum tum manuum tum pedum perforante, tantæque cum cura atque studio, tertiorum Articulorum tendines per dicta foramina transmittente.

6. \* Hisce addere potes notabilem cordis formationem, duos illius ventriculos variâque valvulas, ita factas sitasque, quemadmodum maximè conducant ad receptionem Sanguinis ejusque transmissionem, qui per cor circuit, indeque calens transmittitur ad vivificandum fovendùmque reliquum corpus. In quem finem venarum etiam valvulæ factæ sunt, ut sanguis eò facilius sursum ascendat.

7. Sed enim, eis potiùs rebus insistam, quæ magis faciles sunt & vel ipsis Idiotis intelligibiles, qui, modò manuum articulos numerare possint, usumve noverint suorum dentium, faciliè deprehendere possunt consilium fuisse non casum qui ipsos creavit. Cur enim tres Articulos in *Cruribus Brachiisque* habemus, nisi quòd multo magis è re nostra foret sic esse, quàm ut duos tantùm haberemus, aut quatuor? Et cur *dentes anteriores* instar scalpri ad incidendum acuti sunt, sed interiores lati ad conterendum, nisi quòd multò præstet quàm ut omnes habeamus aut acutos aut latos, vel anteriores latos, interiores verò acutos? Et tamen vitam in deteriori ista conditione, quanquam duriusculè, ducere potuissemus. Porro, Cur dentes tam convenienter collocati sunt, vel potiùs cur non sunt dentes in aliis ossibus perinde atque in maxillis? Potuissent enim & alia ossa dentium fieri capacia. Sed in promptu causa est: Nihil ineptè fit & frustrâ, hoc est, Divina Providentia est quæ omnia rectè disponit. Præterea, ut internum prætermittam *Auris* artificium, cur extet illa externa illius fabrica, nisi quòd certò cognitum sit ipsæque nos doceat experientia, eam ad commodiorem conducere Auditum?

8. His adjicere possim, Naturam *posticam* corporis nostri *partes* quibus insidemus, maximè carnosas fecisse, ut allevamento nostro sic prospiceret, naturalèque quasi pulvinar nobis substerneret, perinde atque Instrumenta pararet *Crurum* motibus atque *Tibiarum*. In *Capite*, *Occipitium* firmiter crassiusque fecit, quippe quod aliis destitutum est præditiis contra Casuras aliæque Infortunia. *Spinam Dorsi* ex variis *vertebris* composuit, quòd aptior fiat ad insectendum, magisque tenax sit, & fracturis minùs obnoxia, quàm si ex uno osse continuo facta fuisset, sine his cartilagineis juncturis. *Digitos* manuum pedumque *unguibus* præmunivit, cum tamen istam substantiam in extremitatibus primorum secundorumque Articulorum emittere potuisset; quod futurum fuisset nec tam venustum, nec tam utile, quinimò molestum potiùs atque noxium. Et postremò, ossa omnia sensu privavit, quippe quæ & sui ipsorum & totius corporis onus sustinere deberent. Ac proinde si sensum habuissent, vita certè nostra ærumnosa futura fuisset ac dolorifica.

9. Et quod nostrâ causâ fecit, idem in formatione omnium aliorum Animantium pro ipsorum conditione eam similiter fecisse notissimum est. Adeò ut manifestum sit *Divinam Providentiam* per omnium rerum ordines percurrere & quoquoersum penetrare.

10. Ac proinde, cum Res tam exquisito artificio ac curiositate formata sint, ac si Sapiencia vigilantissima quæ concipi potest, eis animum intenderet, eas sic factas affirmare sine ope ullius hujusmodi *Principii intelligentis*, suamve existentiam Casui aliive alicui cæcæ Origini acceptam referre, est certè rem protervè ac morosè asserere, quia



quia volumus asserere, & sub prætextu evitandi *superstitionem*, in illud incidere quæ sola res est quæ *superstitionem* ipsam invisam reddit aut ridiculam, obstinata nempe *pervicaxque* adhæsiō opinionī, sine omni Rationis adminiculo.

11. Et nunc quidem, postquam aptitudinem *partium* humani corporis ad bonum *totius* consideravi, liceat tantum paulisper aptitudinem *Passionum* illius Animi sive propriarum sive ipsi cum reliquis Animantibus communium considerare, ut & *totius Hominis* aptitudinem quatenus est *pars Universi*, & tunc concludam.

Et certè manifestum est quod *Ira* ita spiritus acuit animumque accendit & *Homini- bus* & *Bestiis*, ut majori eos cum facilitate per istas difficultates quæ occurrunt, faciat perumpere. *Timor* etiam periculis destinatur evitandis, *Spesque* jucunda quædam præmeditatio est futuræ fruitionis & quasi prælibatio, ut cum Canis expectat donec Dominus cessaverit ab opilando deglubendove ulterius Officulum. Sed nulla est *Spes*, nec *Timor*, nec *Odium*, nec ulla peculiaris Passio sive *Instinctus* in Brutis, qui sit frustra. Cur igitur existimemus Naturam in nobis à scopo magis errasse, quam in ullis aliis Animantibus, aut tam solertem fuisse in fabricando Corpore nostro, & tam omisso tamen animo aut successu infelici in formandis *Anima facultatibus*, ut ille *Timor* qui Naturæ nostræ proprius est & peculiaris, *Divini* nempe *Numinis Metus*, frustra esset; & jucunda illa *Spes* & *caelestia* Animi gaudia quorum Homo naturaliter capax est, cum seria mentis suæ *suspensione ad Deum*, nullum reale haberet Objectum in Universo; atque sic Religiosus Affectus, quem Natura tam apertè Humanæ animæ insevit, nulli usui inserviret, nisi ad ridiculum eum reddendum aut miserum?

12. Neque enim de nihilo est, quod *Lepus* adeò sibi metuat à *Cane*, *Ovisque* à *Lupo*. Et si sit ullus aut *Timor*, aut *Inimicitia* in aliquibus Animantibus, quarum nos ipsorum respectu rationem ullam haud facile deprehendere possumus, meritò tamen eas nostri fortean respectu tanquam rationi consentaneas approbare teneamur, & tanquam bonis usibus inservientes. Cæterum manifestum interim existimo, *Sympathiam* & *Antipathiam*, *Amorem* & *Inimicitias*, *Aversionem*, *Timorem* & similia, Cotes quasi esse & Stimulos *Spiritus vite* in omnibus Animantibus, & ex eo quidem quod periculis & congressibus obnoxia sint, *vires vitales* firmitus indè pressusque constringi, fierique ut lautiori sensu præsentem sapiant Incolumitatem, majorique perfundantur voluptate, quod tandem effugerint, quam si nunquam incidissent in periculum. Quæ quidem res mihi præordinatæ videntur, etiam horum ipsorum Animantium causâ, ut calor illorum vitalis atque humor, non semper uno continuo inerti tenore subsibilans leniter bulliat, sed exæstuet aliquando majori cum murmure & inundet, *Igni vitali* præter solitum inflammato ex aliqua occasione quæ emerferit.

13. Cæterum extra controversiam est, ex istis peculiaribus Animalium *Passionibus* multas Homini utiles esse, ( ut *Lacertarum inimicitia* cum *Serpentibus* ) universas verò contemplativæ illius facultati magnopere gratificari, aliquas datâ operâ Animalibus insitas videri ad risum movendum suæ *Amplitudini*. Quid enim aliud *Natura* intendere potuit \* in ista inter *Simium* & *Testudinem* Antipathia; ut istud nempe Animal quod tam audacter videtur propter externam speciei similitudinem jus cognationis cum Homine sibi vendicare, tam parum Ingenio animoque valeret, ut præformidine se à *Testudine* fugâ proriperet, & vultu ærumnoso admodum atque timido subinde respectaret, metuens nè insequeretur, quemadmodum *Exasmus* magis fusè faceteque totam denarrat Historiam.

14. Ut verò *Natura Homini* tam vehementem infereret propensionem ad *Religionem*, quæ est *Divini Numinis Reverentia*, nullo aut *Deo*, aut *Angelo* aut *Spiritu* in Universo existente, tam foeda in ipsa foret Macula Admissumve tam absonum, ut nulla pro eo suppeteret Apologia. Nam si superior aliqua rerum species esset, quibus, ut nobis Simia, ita nos ipsis risum moveamus, aliquanto tolerabilius videri posset. Nunc verò nullus finis esse potest nec ludicrus nec serius hujus *Religiosi affectus* in Homine, nisi aliquid ipso *Divinius* in rerum Natura existat. Quamobrem cum *Religio* nulli alii rerum speciei præter hominem quicquam commodi afferat, certè ipsi saltem aliquo modo conducere debet: Et tamen nisi *Deus* existat, nihil homini magis noxium esse posset, quam ipsa sit Religio.

15. Etenim sive *externa* illius *Effecta* respicimus, cujusmodi sunt cruentæ Interne- ciones, Perturbationes, subversionesque Rerumpublicarum, Regnorum & Imperio- rum, sævissimæ hominum particularium Excruciationes ac Torturæ, Gentium inte- grarum extirpationes, exturbationesve è justis suis possessionibus, quemadmodum in *America* contigit ubi truculenti *Hispani*, prætextu melioris Religionis in qua edu- cati essent, præstantiorisque *Americanæ*, misellos Incolas tam vili pendebant, ut pro nihilo haberent cerebrum eis elidere fustibus, in eum solummodo finem, ut canes

suos carnibus ipsorum pascere, cum multis aliis inauditis id genus Immanitatibus: sive magnam illam afflictionem consideramus, quam severa ista vita humana Gubernatrix illis Animabus affert quas occupaverit, territando utique eas Conscientiæ horribilibus, intrinsecando infatuandoque quantum ad liberum Rationis suæ usum, & obicem ponendo amplioribus inquisitionibus in jucunda Naturæ Arcana, anxias eis sollicitudines immittendo, & inquietantes Timores circa statum suum in vita futura, coercendo à fruendis naturalibus congruisque præsentis vitæ oblectamentis, & fel immiscendo omnibus mundanis gaudiis ac voluptatibus per aliquos Conscientiæ scrupulos ac suspiciones, quod aliquid nunc perpetrent cujus eis æternum postea sit pœnitendum: ut præteream ineffabiles illos animi angores & conflictus quos ii subeunt, qui ad generosiores Religionis modum aspirant, & ad Divina nature participationem anhelant, contenti quidem, quanquam cum infando profectò dolore, à seipsis quasi divelli, ut uni fiant cum Universalis illo Spiritu, cujus jus est omnia regere & gubernare; & præ insatiabili desiderio perveniendi ad justum illum decorumque Animi affectum (quo omnis Arrogantia in nobis penitus cessat, omnēque quod Deo debetur, hoc est, omne quod nos aut habemus aut possumus, modo quodam vivo ac sensibili Deo attribuimus, nosque plenè cordisque nos ipsos nihil prorsus esse agnoscimus, hoc est, aequè parum elati sumus, propriamve gloriam hominumque encomia non magis sapimus, quàm si nihil omnino fecissemus, usquamve existeremus in verum Natura) seipsos in tam torpidas Animi consoptiones, vitæque quasi extinctiones induunt, ut vel vivos sepeliri longè minor cruciatus foret quàm istiusmodi tenebrosis omnium gaudiorum vitæ privationibus, quàm istiusmodi animum gravantibus, corque in nescio quam caliginosam Abyssum deprimentibus mortificationibus onerari: sive consideramus, inquam, hos internos Anima angores, sive Atrocitates externas Religionis ergò perpetratas (Et certè Religiosus Prætextus homines ad istiusmodi Immanitates animaturus est, quas nuda Ratio, simplicesque Animi Passiones, quibus Superstitionis furor non sit succenturiatus, nunquam ausuræ sint aggredi) manifestum est, si nullus esset Deus, nec Spiritus nec Vita futura, longè conducibilius fore, ut nullæ tales propensiones Religiosæ Humano generi inessent, quales ubique terrarum esse cernimus.

Nam Civilis Magistratus formido, mutua opera & auxilii utilitas, naturalisque morborum pœna ac supplicium homines istiusmodi Justitiæ, Humanitatis & Temperantiæ limitibus contenturæ essent, ut magis sinceram & imperturbatam fœlicitatem eis conciliaturæ sint quàm cujus nunc sint capaces, ab ullo Religionis commodo, quod aut Reipublicæ aut privato cuilibet homini indè accedat, supposito quod non sit Deus.

Quamobrem Religiosus hic Affectus quem Natura nobis insevit, quique æquè altas radices in Homine agit quàm Mortis timor amorve mulierum, maximè enormis lapsus foret fœditissimæ atroxivæ quam illa posset committere; adeò ut tam turpiter in ultimo, quod aiunt, actu deficeret in hac humanæ naturæ formatione, ut plausus loco, digna esset quæ exhiberetur è Scena & ab omnibus explodatur, nisi sit Deus.

16. Cum verò cætera omnia tam sapienter administraverit, propriam nostram Ignorantiam potius suspectemus, quàm immeritis istam afficiamus contumeliis, illudque expectemus, quod receptum est in satis probatis comœdiis, θεὸν utique ἀπὸ μηχανῆς. Nihil enim hunc nodum solvere potest præter Divinum aliquod Numen. Et tum demum agnoscetes Hominem habitare quasi in Confiniis Mundi Spiritualis & Materialis, (est enim utriusque Mundi Nexus, sicut rectè eum appellat Scaliger) tales esse vellicationes talisque huc illuc, sursum deorsumque distractiones confusasque rerum inordinationes minimè mirabimur, quippe qui in Confiniis duorum Regnorum degunt inquietationibus atque turbis maximè sunt obnoxii. Atque hæc hæcenus de Passionibus Animi humani, de eis perinde quæ eum corpori devinciunt deorsumque deprimunt, atque de eis quæ ipsum elevant attolluntque versùs Deum. Nunc breviter de toto Homine agam quatenus est pars Universi.

17. Equidem verum esse fateor, si nunquam in Orbe extitissemus, quod nec unquam nos ipsos fuissetis desideraturi. Nunc verò cum inveniamus nos ipsos in Rerum Natura, causasque ac rationes rerum examinandi capaces, non possumus quin concludamus Creationem nostram opus fuisse exquisitissimæ Rationis atque Consilii. Etenim cum tot notabilia Objecta sint in Mundo, quæ facultates istas Rationis & solertis cujusdam atque indagativæ Admirationis possint exercere, tale profectò esse debet membrum hujus visibilis Creationis qualis est Homo, nè res istæ factæ videri possint frustrâ. Et certè si Homo abesset, quis tunc superesset, qui Cælorum faciem contempleretur, qui miretur transcursus Cometarum, qui Tabulas conficiat motuum Planetarum Stellarumque fixarum, altitudinisque earum ac distantias capiat Instrumentis Mathematicis,



*maticis*, qui commodos excogitet *Cyclos* ad computationem Temporum, variâsque *Annorum* formas consideret, qui *Directiones*, *Stationes*, *Repedationes*que Erraticorum *Lumiuarium* observet, atque indè luculentissimè seipsum edoceat de amœnissimo illo ac verissimo Paradoxo, *Motu Telluris Annuo*, qui *asperitates Lune* per *Tubum Dioptricum* intueatur, & ex umbrarum projectione *Montium* illius magnitudinem conjectet, qui pulchritudinem *Iridis* suspiciat, *Halonem*, *Parelios* aliâque *Meteora*? Qui causas investiget *Fluxûs & Refluxûs* Maris virtutumque abditarum *Magnetis*, qui inquirat in *Plantarum* usum, notetque varietatem *Sapientiae* Primæ Causæ, in formando corpora, diversosque indendo *Instinctus Piscibus*, *Volucris* & *Bestiis*? Et postremò, cum particulares *Sacerdotes* sint inter *Homines*, ità, quandoquidem universum *Genus Humanum* ratione præditum est facultatèque investigandi Deum, unus adhuc restat idemque eximius *Creationis* illius finis nobis detegendus, ut nempe sit *Sacerdos* in hoc augusto *Mundi* Templo, *Precès*que ac *Laudes* magno rerum *Creatori* pro seipso reliquisque *Creaturis* effundat. Atque sic omnia complera esse cernimus, aptâque ac ordinatim, sine defectu ullo hiatûve, aut inutili superfluitate, connexa.

18. Quamobrem cum tota *Creatio* in genere, singulaque illius partes ità comparatæ sint, ac si exquisitissima *Ratio* ac *Scientia* eas formaverit, equidem æquè proclive est & consentaneum concludere totum hoc *sapientissimi Dei* opus esse, quàm primo aspectu agnoscere, inscriptas istas *Urnas* ac *Numismata* ex terra effossas, non quidem *inscientis Naturæ* effecta fuisse, sed *Artificii humani*.

## SCHOLIA

## IN CAP. XII. SECT. I.

**Q**Ulin Hymni honorem illius sapientissimo Creatori adjudicaret. Non quòd *Carmen* aliquod aut *Hymnum Poeticum* Galenus composuisset, sed quòd *Dissertationem* suam de *Uso* partium *Hymno* compareret ad *Ayam* cantato. Verba Galeni hæc ferè sunt; *Ὡς περ παρὰ τοῖς μελικοῖς ποινταῖς εἰσὶν οἱ ἀντίθετοι, ἕτοιχ' ἡ τέχνη. ἐπὶ δὲ οὐκ ἴσμεν, πρὸς τῶν βωμῶν ἡδὲν, οἱ φασιν, ἐμὴν δὲ εἶναι. Ἐκείνῳ τοῖνυν εἰκάσαι τὸν λόγον τοῖςδε, ἡ προσηγορίαν αὐτῶν μελινεγχα.* Epodo hic planè ad *Deorum* *ayas* cantato sermonem suum de *Uso* partium in *humano corpore* assimilat.


SECT. 3. Manifestum est, hoc *Organon* tam exquisitè in hunc finem formatum esse, &c. Vide figuram *Oculi* illiusque illustrationem, *Enchirid.* *Metaphys.* Cap. 24. SECT. 9.

SECT. 5. Tendines secundorum *Articulorum digitorum* tum *manuum* tum *pedum* perforante, &c. Vide rursus *Enchirid.* *Metaphys.* Cap. 24. SECT. 10.

SECT. 6. Hisce addere potes notabilem *cordis* formationem, &c. Fabricam *Cordis* etiam in *Enchiridio* *Metaphysico* *Valvularum*que ejus pariter atque *Venatum* breviter memoravimus, sed nullis adhibitis figuris, quas igitur hic substituemus. Esto igitur *Cor* transversim incisum *AA.* in quo appareat *dexter ventriculus BB.* sinister *CC.* Septum *Cordis DD.* *Vena Cava* cum sua *Auricula EF.* *Vena arteriosa G.* *Arteria Venosa* cum sua *Auricula H.* *Aorta I.* Sit porro *Vena Cava* cum *ventriculo dextro* dissecta *K.* ubi *valvula Tricuspides L.* *Vena* verò *Arteriosa* sit dissecta cum dicto *ventriculo M.* & *valvula Sigmoides N.* *Arteria magna* sive *Aorta* cum *sinistro cordis ventriculo* dissecta *O.* *valvula Semilunares P.* denique *Arteria venosa* cum dicto *ventriculo* dissecta *Q.* *valvule* due *Mitrales R.* Quibus omnibus adde *Vena* figuram *S.* cum suis *valvulis* tum *unius* ut in *T.* tum *geminis* ut in *U.* Quæ ità fabricantur ut *sanguinem* è corpore versùs *Cor* ascendentem transmittere possint, impedire verò nè relabatur. Omnis igitur *sanguis* è corporis partibus tandem per ostium *venæ Cavae* in *dextrum Cordis ventriculum B.* immittitur, nec relabatur propter *Valvulas Tricuspides LLL.* quæ in *cordis ventriculum* spectantes *sanguinem* faciliè intromittunt, sed eidem prohibent regressum: egreditur igitur per osti-

Tom. 2.

p. 92.



um Vena arteriosa in Pulmones, nec in eundem ventriculum regurgitat, propter valvulas Sigmoides NNN foras spectantes, qua illius impediunt regressum. Pergit igitur per pulmones in ventriculum Cordis sinistrum quem Valva Mitralis RR eo facile transmittunt, nec sinunt eum relabi, quippe qua foris intro vergunt. Igitur ex sinistro Cordis ventriculo per ostium Aorta in corpus tandem refunditur, nec regurgitat quidem ob semilunarium valvularum fabricam PPP. qua è sinistro ventriculo foras spectant. Hoc scilicet Natura Artificio Circulatio Sanguinis perficitur.

Sect. 13. In ista inter Simium & Testudinem Antipathia, &c. Rem totam; quam hic moneo, copiosâ festivitate narrat Erasmus. Et Johnstonus quidem eandem Historiam sed breviter & quasi obiter narrat, addens, Si Limacum Corona Simio circumponatur, quod eos nec comprimere nec attingere audeat. Unde videri potest Testudinem capiti pueri impositam, quod narrat etiam Erasmus, de Cochlea intellexisse; sed probabilius est Erasmus Testudinem intellexisse propriè sic dictam, quippe quam catenâ alligatam Simium dicit aversum posterioribus pedibus tentasse depellere. Nec obstat, quod Testudinem ait puero in verticem impositam pileo tectam fuisse, sunt enim Testudines tam parva ut facillè pileo possint tegi. Et Antipathia sanè satis ridicula est licet de Testudine narratio accipiat non autem de Cochlea; mihi verò perinde est utro modo res intelligatur. Vide Erasmi Amicitiam, & Johnstonum *Histor. Natur. de Quadruped. lib. 3. Titul. 2. cap. 2.*



# ANTIDOTUS


Adversus

# ATHEISMUM.

## LIBRI TERTII

### CAP. I.

1. Quando cum viris bonis non optimè agitur in hac vita, insigniora Divinae Vindictae Exempla in impios homines ac blasphemos parùm valere ad convincendum Atheum obstinatum. 2. Irreligiosa Scommata & Sacrilegia Dionysii Syracusani. 3. Incredulitatis Atheorum circa res Supernaturales & Miraculosas occasio. 4. Vera Miracula in Orbe fuisse perinde atque falsa: 5. Quaeque ratio optima sit & certissima distinguendi altera ab alteris.

1.  Atenus istiusmodi argumentis institimus ad probandam Divinam Existentiam, quae ab ordinariis notisque Naturae Phaenomenis desumpta sint. Talis enim est Historia Plantarum, Animalium, & Hominis. Ad istiusmodi Effecta jam venio in Orbe reperta, quae Naturalia non habentur sed extraordinaria & miraculosa. Inopinatas non intelligo Homicidiorum detectiones, vindictamve conspicuam in homines superbos ac blasphemos, quales erant Nicanor, Antiochus, Herodes, & similes, cujusmodi exemplis omnes Historiae tam sacrae quam profanae refertae sunt, tenduntque omnia ad firmitus humanis animis imprimendum Divinum illud Poetae praeceptum,

*Discite justitiam moniti & non temnere Divos:*

Quatquam enim haec exempla non possunt non eos movere qui nullo laborant praedicio, ad agnoscendam Divinam Providentiam, Potestatemque Materiam superiorem ab eaque distinctam; mihi tamen cum nunc res sit cum contumaci obstinatoque Atheo, qui contemptor licet Divini Numinis obduratus, seipsum incolumem esse felicique frui otio observat, is certe facile haec omnia amolietur atque eludet, talem afferendo quaestionem qualem olim iste cui cum Neptuni Sacerdos multa illa donaria à votorum damnatis naufragioque ereptis in Templo suo suspensa ostendisset, multumque proinde de illius Dei potestate ac tutela gloriatus esset, *Ubi verò sunt isti, ait ille, qui tametsi Neptuno vota perinde fecissent, nihilominus tamen perierunt?* Ità, inquam, Atheus ad evadendam hujus argumenti vim apud seipsum submissitabit, At verò quàm multi superbi blasphemique Athei mihi ipsi similes, tulerunt impune, quàmque multi qui boni viri sunt habiti, violenta morte perempti sunt?

Quales erant Aesopus & Socrates, Prophetae, Apostoli, & Martyres, cum multis aliis sapientibus bonisque viris per omnia secula ac loca, qui cum haud satis ingenium callerent malignum atque contumax hujus impii Mundi, cujus meritò se professi sunt non cives sed hospites atque advenas, maxima quidem mala passi sunt quae in humanam cadunt naturam ex innocentibus suis consiliis & interpositionibus in aliena Re-

publica.

*publica.* Quippe quum ità, ut plurimum, factum sit, ut longè esset tutius cautè astutèque honorem Dei subruere, quàm apertè sincerèque ea moliri quæ in bonum publicum hominùmque salutem cedant.

2. Quinimò, atroces contumeliæ in Religionem datâ operâ editæ, urgebit porrò *Atheus*, non tantùm plausu apud homines exceptæ sunt, sed & per Divinæ Justitiæ conniventiam manserunt impunitæ: Quemadmodum notissimum est de sacrilego illo Ingenio, *Dionysio Syracusano*, qui *Jovi Olympio* pretiosum pallium auro rigidum admodum & ponderosum detraxit, scomma hoc apologeticum suo addens sacrilegio, Aureum istud vestimentum nimis grave esse æstate, hyeme verò nimis frigidum, laneum verò ad utramque anni tempestatem esse accommodatius.

Ità *Epidauri* auream barbam *Æsculapio* abscindi jussit & auferri, affirmans, nequaquam par esse ut filius barbam habeat, cùm illius Pater *Apollo* haberet nullam.

Atque equidem nec istud ulli reliquorum suorum scommatum sacrilegorum festivitæ cedit, ubi *victorias aureas* & pateras & coronas simulachrorum Deorum manibus porrectas auferens, dixit, ad facti excusationem, se non nisi ea recipere, quæ ipsi ultrò sibi offerebant; addens porrò, summæ fore stultitiæ, quando omnia bona à Diis immortalibus petimus, nolle accipere cùm propriis manibus sponte nobis ea porrigunt.

Hæc atque hisce similia facinora irreligiosa perpetravit iste *Dionysius*, cui tamen nihil secùs contigit atque maximè modestis & innocentibus, quippe qui nullam aliam mortem appetiit, quàm quæ frequenter accidit cæteris mortalibus; tanquam si istis in seculis magna fuisset *ingenii*, ut olim heic in *Anglia*, *Latinitatis* penuria, atque sic severiorem effugisset sententiam beneficio *Clericatus*. Alii verò existimant eum \* satis severè atque acerbiter punitum fuisse in filio qui successit. Cæterùm, id, responsurus est *Atheus*, non ab simile est atque flagellare absentem, quod *Aristoteles* argutè, apud quendam qui ipsi narrabat quempiam de eo absentem pessimè loqui, usurpavit.

Quamobrem consultius duxi talia argumenta prætermittere, quæ nos adeò infinitis altercationibus illigare possint; eaque solum afferre, quæ in nullas causas naturales solvi queant, aut existimari casu contingere, sed adeò miraculosa sint ut præsentiam impliceant alicujus liberæ, subtilis intelligentisque substantiæ à bruta Materia ordinariæque Naturæ potentia distinctæ.

3. Atque hæc *miraculosa* certè *Effecta* quod attinet, quemadmodum nihil est quod magis cogat, si fidem apud homines obtinere possent, ità nihil est istis apud *Atheum* creditu difficilius. Etenim cùm *Religionista* in pios usus, ut ipsi quidem prætendunt, miracula falsa tam multa finxerint ad decipiendum spoliandùmque credulum populum, eo ipso profectò apud *Atheum* omnem fidem etiam eis quæ vera sunt abrogarunt. Et puerilis ac superstitiosus *Demonum* metus in hominibus *Melancholicis* qui mira monstra & terribiles Apparitiones sibi ipsis in tenebris creant, ulterius etiam perfugium eis subministravit quo omnia istiusmodi spectra Apparitionesque insolitas *mere Melancholia* turbatæque *Imaginationi* imputent.

4. Sed enim verò, ut tam universalis fama sit ac formido illius quod nunquam fuit, nec est, nec futurum est unquam in rerum natura, equidem mihi miraculum omnium maximum est.

Etenim nisi aliquando *vera* fuissent *miracula* (quemadmodum certè fieri oportet, nisi humani Animi facultates, qui aurem istiusmodi rebus pronam præbet approbatione, sint frustrà) valde improbabile est sacerdotes callidosque populi deceptores, tam facilè ipsis imponere potuisse per *falsa*. Ut *Alchymista Metalla* nunquam adulteraturus esset, ac pro vero postmodum puròque auro & argento venditurus, nisi notissimum esset & apud omnes in confesso, quòd sit *verum* Aurum & Argentum in rerum Natura. Pari igitur ratione ut est studium conatusque deludendi populum per *falsa* miracula, ità certè indicium est fuisse aliquando & esse posse *vera*.

5. Cæterùm regeres, *Lydiū* quidem esse *lapidem*, quo metallorum puritatem exploremus, nihil verò suppetere quo veritatem dignoscamus miraculorum passim apud Historicos memoratorum. Sed respondeo, suppetere, atque hoc ipsum esse.

Primò, Si quod memoriæ proditum est, à talibus hominibus attestatum erat, quorum nihil intererat \* quive nullam sibi utilitatem quærebant in istiusmodi rebus attestandis.

Secundò, Si multi ejusdem rei testes oculati fuerunt.

Tertiò & ultimò, Si res istæ quæ adeò insolitæ sunt atque miraculosæ, \* sensibilia aliqua effecta post se relinquunt.



Quamquam omnes istas Narrationes quæ hisce conditionibus careant, falsas esse nolo agnoscere, hoc tamen audacter affirmo, meram esse morositatem animique obstinationem si quis earum veritatem negaverit, quædictas condiciones habeant. Idem enim est atque si nulli rei fidem adhibere vellet, nisi quam propriis oculis ipse vidisset. Unde sequetur eum nullas Historias legere debere, neque enim ulli voluptati usuique sibi eas fore, si nullam mereantur fidem.

## SCHOLIA

## IN CAP. I. SECT. 2.

**S**atis severè & acerbiter punitum fuisse in filio, &c. Sic enim Valerius Maximus; *Qui tamen si, inquit, debita supplicia non exolvit, dedecore tamen filii mortuus penas rependit, quas vivus effugerat. Filius enim post saginam corporis ex nimia luxuria, oculorumque valetudinem, adeò ut non solem, non pulverem, non denique splendorem ipsius lucis ferre posset, Syracusis pulsus regnoque exutus sordidissimum vitæ genus degit, puerosque doctus Ludimagistrum se professus quo suam incensam levaret. Qua de re Ovidius;*

Ille Syracusia modò formidatus in Urbe  
Vix humili diram repulit arte famem.

Cujus abjectissima conditio si patrem mortuum non latebat, quod quidem fieri potest, non multum abnuente ipso Aristotele, ni male memini, in Ethicis ad Nicomachum, anima Dionysii calamitatibus filii torqueri potuit. Sed cum hoc animorum immortalitatem supponat, argumentum fateor huic loco hand ita esse proprium.

Sect. 4. Quive nullam sibi utilitatem quærebant, &c. Adde, nec subornati sunt ab eis qui talem aliquem finem sibi proposuerint.

Sensibilia aliqua effecta post se relinquunt. Adde, Et certum sit hæc effecta à Narratore non ficta esse, aut ab ipso aliòve quapiam facta & Dæmoni Spirituive imputata. Quod in hujusmodi putà exemplo fieri non potest. Puer effasciatus faminam sagam subito clamat se videre ad parietem, digitum in ipsum locum intendens, è presentibus quispiam cultro istum locum percutit, Puer statim exclamat manum faminae sauciata esse viderique cruentam; qui presentes erant, domum adeunt dictæ faminae, eamque deprehendunt ea ipsa in parte recens vulneratam. Hoc effectum nec fictum esse nec ab ipsa saga factum manifestum est.

## CAP. II.

1. *Motus cribri per carmen Magicum, Coscinomantia.* 2. *Equi curatio Magica.* 3. *Incantatio Serpentum.* 4. *Mirum exemplum cujuspiam Morte-icti sive siderati, dum in Plateis ambulabat.* 5. *Historiola de vento repentino, quo propè absuit ut Patibulum corrueret, in suspensione duarum Sagarum.*

1. **A**tque his quidem præmissis, pauca aliquot ex multis illis miraculosis eventis, quæ apud Scriptores occurrunt, breviter nunc recitabimus, incipiendo primùm à nudis simplicibusque Spirituum (quemadmodum ea in antecessum appellare non dubitabo) effectis, & tum postea ad ipsorum Spirituum Apparitiones pergemus.

Et ex nudis istis effectis ea primùm non abstinebimus nominare quæ levissima videntur. Bodinus refert se in domo clarissima vidisse adolescentem, qui intactum cribrum sine alio naturali & latente modo, presentibus multis honestis viris agitavit, enunciatis solummodò & reiteratis sæpius oculis aliquot Gallicis, quas reticendas Bodinus putavit. Et quantum ad vulgarem istam Divinandi rationem quam Coscinomantiam (sive artem cognoscendi quis hanc vel illam rem clam surripuerit, aut violaverit, per cribrum & forficem) appellant, Pictorius Vigillanus ter eam se usum esse proficitur & cum successu.

*Mag. Democriti  
roman. lib. 2.  
cap. 1.*

*De Speciebus  
Magia Cere-  
monialis. c. 21.*

2. Amicus quidam meus hanc Historiolam de Incantamentis mihi narravit. Se equum scilicet habuisse, qui si prorsus sanus fuisset, magno futurus fuisset pretio. Famulos hunc ad multos Hippocomos adduxisse, neminem verò eâ fuisse peritiâ ut ipsum sanaret. Tandem, Domino insciente, ad Hippiatrum deduxerunt, qui ut videtur technas aliquot haud ita vulgares callebat, quippe qui in *Carminibus Magicis* aliisque id genus Ceremoniis versatus est, quarum virtute equo sanitatem restituit. Dominus ejus postquam observaverat quàm bellè equus se haberet, rogavit servos quonam modo curatus sit. A quibus cum rem totam accepisset, observâissetque insuper, literam S. cluni ipsius inustam, ( quam ille *Satanam* significare arbitratus est ) servos satis severè objurgabat, quippe qui fecissent quod illicitum esset atque impium. Post apertam hanc ac professam facti improbationem, equus continuò in pristinum morbum relabitur, adeò ut cum nulli usui esset, coactus sit Dominus in libera pascua relegare. Cæterùm cum paulo post Affinis quidam illius eum domi inviseret, equumque fortè fortuna in pascuis conspexisset, pactus de pretio equum sibi cepit, magnopere gaudens, se tam pulchrum Animantem tam vili pretio emisse. Equus statim atque Dominum mutaverat, mutavit simul corporis habitum, & æquè sanus sponte factus est, atque unquam antehac fuerat.

De Praestig.  
Demon. lib. 2.  
c. 4.

3. *Serpentum* etiam *Incantatio* supra vires Naturæ est. Et *Wierus* historiam narrat de Incantatore *Salzburgi*, postquam in conspectu populi omnes Serpentes in vicinia ad milliariis distantiam in foveam *carmine* perduxisset, ibique occidisset, quòd immanis tandem serpens longè major reliquis in eum insiliret, & cinguli instar circa corpus ejus seipsum torquens, in foveam traheret eumque sic ibidem postremò enecaret.

4. Illud etiam non dubitabo ad *Demonum* sive *Spiritus* Effecta referre, quod haud ita pridem à muliere quadam *Westmonasteriensis* \* cui nomen erat *Darkia*, de proprio suo Marito accepi, qui in flore ætatis, corpore sano & integro, animoque hilari, cum ex ædibus manè exisset, cum proposito domum redeundi ad prandium, dum in plateis ambulabat, sensibilibus percussus est in crure à manu invisibili, ( neminem enim prope se vidit qui eum percuteret. ) Domum quidem rediit, ut decreverat, circa tempus prandii, sed nihil comedere potuit, tantum conquestus est de gravi Infortunio quod ipsi acciderat, incepitque continuò tam lethaliter ægrotare, ut intra triduum moreretur. Postquam defunctus esset, reperta est in loco ubi percussus est, perfecta manûs humanæ figura, cum quatuor digitis, palma ac pollice, atra & in carnem profundè impressa, ac si quis manum expansam in massam farinariam imprimeret.

Atque hætenus quidem nihil narratum est quod non accuratissimam examinationem ferre possit, & ab omni suspitione aut *fraudu* aut *melancholia* absolvi. Sed res mirabiliores jam propositurus sum, & tamen tales quæ ab ista suspitione æquè immunes sint atque priores.

De gentibus  
Septentrional.  
lib. 3. sub Tit.  
De Magis &  
maleficiis Fin-  
eorum.

5. Et ut Ventos taceam Mercatoribus à Sagis *Laplandiæ* venditos, & periculum solvendi nodum tertium ( qui mos admodum frequenserat, ut refert *Olaus* antequam istæ Orbis partes ad Christianitatem essent conversæ ) hæc verà in præsens contentus ero Historiolâ de hisce Ventis præternaturalibus, quam à teste oculato accepi. *Cantabrigiæ*, anno nescio quo *Elizabethæ*, duæ sagæ Mater & Filia, extremo supplicio plectendæ erant. Mater quando eam hortabantur ut pœnitentiam ageret & desereret Diabolum, respondit, Id minimè æquum esse, cum enim ille per sexaginta annos continuos ipsi fidelem se præstiterit, affirmabat se talem illi præstare velle quamdiu vixerit; atque in hac perversa animi obstinatione moriebatur. Illâ verò de patibulo sic suspensâ, filia cum aliter affecta esset, diabolo renunciavit, sedulamque dabat operam pœnitentiæ ac precibus. Quod quidem populus, ex effectu, Diabolum arbitratus est admodum inclementer tulisse, quippe tam repentinus venti imperus ingruit, ( cum cælum omnino tranquillum erat antea ) ut matris corpus in scalam tam violenter impulerit, ut parum abesset quin eam subverteret, patibulumque tantâ vi quassaverit, ut populus cogeretur currere ad postes patibuli tenendos præ metu nè omnia humi corruerent.

## SCHOLIA

In CAP. II. SECT. 4.

CUI nomen *Darkia*, de proprio suo marito accepi, &c. *Nec ipsa sola mihi narrabat hanc Historiolam, sed duæ aliæ præterea Testes oculatæ ( filia n. fallor & ancilla ) idem affirmabant.*

CAP.



## CAP. III.

1. Ventos & Tempestates ex solis Ceremoniis verborumve formulis cieri. 2. Quam parum rationi consentanea sit Wieri de Dæmonum potestate in Meteoris Aeris, dubitatio.
3. Potestatis illorum exempla in Pluvia & Tonitruo. 4. Margaretta Warina in quercum cum fulminis fragore dissplosa. 5. Amantius & Rotarius à nube in adium culmina præcipientes dejecti. 6. Venefica Constantiæ in Aere equitare à pastoribus visa.
7. Multa alia exempla se addere posse mirandorum Effectuum Dæmonum invisibilium.
8. Quorum loco compendiaria factorum notabiliorum Dæmonis Matisconenfis substituitur Recitatio. 9. Rationes cur sibi hujus Recitationis negotium facefferit.

1. **W**ierus, industrius ille Lamiarum advocatus, multas enumerat Ceremonias quibus utuntur ad ciendas tempestates, agnoscitque Tempestates post peractas istiusmodi Ceremonias solere sequi; sed futuras nihilominus fuisse contendit, quamvis istæ Ceremoniæ non fuissent adhibitæ. Diabolum verò futuras prævidentem, delusas instigare vetulas ad istis Magicis ritibus utendum, ut majorem de illius potestate opinionem inde possint concipere. Sed enim an ulla sit causalis connexio inter Ceremonias & insequentes Tempestates nolo nimis curiosè decidere. Connexionem verò earum esse supernaturalem manifestum est vel primo intuitu. Quid enim valet silicum post tergum, Occidentem versùs, projectio, Arenæve aquæ torrentis in Aërem disseminatio? Quid scopæ in Aquam intinctio cælumque versùs aspersio? Quid lotii aquæve in fossulam factam infusæ digito commotio, setarumve denique porcinarum coctio in olla? Quid, inquam, ista nugamenta valent ad cogendas nubes & ad cooperiendum Cælum caligine, quo Terra postmodum fumeret à casu impetuoso Pluviæ atque Grandinis, Aërque terribilis reddatur præ crebris Fulgurationibus & Tonitruis? Nihil certè omnino. Ac proinde insequentes Tempestates, post tales Ceremonias peractas, ipsarum utique Insecutionem, aut ex prævisione Diaboli, (quemadmodum vult *Wierus*) fieri oportet, qui Sagas huic operi illigaverit, aut etiam ab ipsa Diaboli potestate qui Regnum suum habet in Aëre.

*Wier. de Bra-  
stig. Dæmon.  
lib. 3. cap. 16.*

2. Admodumque equidem demiror, quòd *Wierus* de hac potestate dubitet, cum majorem illi tribuit. Quid enim est vaporum transvectio in unumve locum coactio, sicum deportatione hominum pecorumque in Aëre conferatur; (quod tamen ille fieri præfidenter asserit) nisi fortè aut majores Dæmones aut major Dæmonum numerus ad hoc opus requiratur? Et quòd sufficientes numeri Spirituum sint, cuiusvis æquè credibile videbitur, quàm quòd sint ulli omnino. Jam verò quantum ad huius rei veritatem, quòd certæ quædam voculæ aut Ceremoniæ videntur saltem alterationem in Aëre efficere & cieri Tempestates, *Remigius* scribit sibi attestatum fuisse liberis confessionibus hominum ferè ducentorum, quos examinavit. Ubi Historiolam unam & alteram addit, quas, cum nullius aut fraudis aut Melancholiæ meritò suspectæ esse possint, dignas censui quæ hinc memorentur.

*De Prestigi-  
Dæmon. lib. 3.  
c. 12. l. 4. c. 19.  
Vide & Bodinus  
Mag. Dæmon.  
lib. 2. c. 4.*

3. Una est de Venefica, quæ ad satisfaciendum curiositati eorum, penès quos erat eam punire, è vinculis liberata est ut specimen ederet illius potestatis quam profitebatur, in excitandis tempestatibus. Manumissa igitur statim in locum arboribus confertum se recipit, ubi propriis digitis scrobem sibi effodit, implètque lotio, quod digito in orbem movere non cessavit, donec crassam ac caliginosam Nubem produxisset, fulgure & fulmine oneratam, maximo cum aspectantium terrore ac formidine. Jussit verò illa, bono animo esse, Faciam enim, inquit, ut nubes, in quem ipsi voletis locum, se exoneret, quod & præstitit in conspectu omnium qui adfuerunt.

*Remig. Dæmo-  
nolatr. l. 1.  
c. 29.*

Altera Historia est de puella annos octo nata, quæ ut patri gratificaretur de anni siccitate conquerenti, ductu & auxilio pessimi sui *Magistelli* cui mater eam devoverat consecraveratque, tantam nubem excitavit, quantà paterno agro irrigando sufficeret, eamque in ipsum effundendam curavit, reliquis interim quaquaversum perinde atque antea sitientibus.

4. Hisce addamus illam de *Cunino*, & *Margaretta Warina*. *Cuninus* hic dum in agris sceno vertendo intentus erat, repentinum obortum est Fulmen ac Tonitruum, quod fecit ut relicto opere domum festinarèt. Viderat enim sex quercus proximè se ictu fulminis radicitus everfas, septimamque totam ceu unguibus laceratam ac disceptam; pileum præ festinatione, furcæque & rastrum è manibus elapsa amisit.

*Vide Remig.  
Dæmonolatr.  
lib. 1. cap. 29.*

Nec tamen cursum ita acceleravit, quin alter de integro fulminis fragor ipsius auribus circumstreperet, cum quo fragore *Margaretam Warinam*, suspectam Veneficam, in summitate Quercus hærentem statim aspexit, quam incepit objurgare verbisque acerbioribus increpare. Illa verò eum vehementer obtestata est ut rem celatam haberet, promittens, si fecerit, nullum damnum injuriæve ipsi à se unquam illatum iri.

Ac nè quis de istis addubitet, inquit *Remigius*, sciat non modò esse comprobata *Cunini* illius testatione, quam jurejurando apud Quæstorem sanctissimè firmavit, sed etiam ipsius *Warinæ* agnitione, & extra tormenta, sæpiùs repetitâ & in ipso vitæ ultimæ momento multis audientibus confirmatâ. *Remigius* eam in summitatem Quercus\* cum ultimo fulminis fragore dispiosam putat, ibique inter ramos hæsisse, ad sic credendum aliis duabus Historiis inductus, quas postea narrat.

5. Prior sic est: Coortâ cum magno fragore tonitribusque tempestate qui armenta reliquosque pecorum greges in collis *Alemanni* jugo custodiebant, se ut in operto essent, in proximas sylvas abdiderant: Ecce verò illis ex improvísò visi sunt Rustici duo summis arborum, quæ proximè stabant, ramis hærentes, ac velut implicati, adeoque animis consternati ut facillè indicarent illuc non consilio sed casu atque inauspicato aliquo impetu pervenisse. Tum autem vestitus sceditas ac depravatio quasi per lutum sentesque omnes fuissent raptati, suspicionem adaugebat eò loci à *Magistello* suo ejectos detrusosque fuisse, postquam is illos hæc atque illâc more suo traxisset. Confirmabatur & id eò magis, quòd cum illuc tanto temporis spacio consedisent, quantum satis esset ad probandam asserendamque oculorum fidem, momento tamen advertentèque nemine dilapsi apparere desisissent. Famam hujus rei Armentarii disseminarant. Illius verò certitudo non multò post plenè cognita est. Nam liberæ horum duorum hominum, quos tunc viderunt, confessiones cum tam accuratè cum eis quæ Armentarii narraverant, consentirent, rem totam manifestam id reddidit & indubiam.

Posterior igitur Historia est de eisdem personis, quarum & ipsa nomina ex narratione apud *Remigium* mox innotescunt. Quæ sic est: Est villa, inquit, quæ se *Belle-monte Vitellium* contenditibus sinistrorsum ostendit: In ejus summum tectum cum fortè & iidem è procellosa nube præcipientes decidissent, magnâque difficultate *Rotarius* (id erat eorum alteri nomen) afficeretur, quemadmodum ex ita arduo loco se incolumes possent in terram demittere; nam & earum rerum adhuc erat rudis & insolens; *Amantius* qui à prima pubertate in Dæmonis servitutem à parentibus abductus maturè se eis assuefecerat, ridens ibi inquit, *Bono animo es, stulte: Nam qui nos habet suâ potestate ad difficiliora habilis atque idoneus magister, hoc etiam negotium facillè ac sine periculo expediet.* Nec dictum res diutius morata est; nam subito turbine unâ correpti sine ulla noxa in terram sunt depositi, ipsâ totâ sic contremiscente domo ut à fundamentis revelli videretur. Hocque ipsi, diversi, totidem tamen verbis recensuerunt. Imò & cum villaticis commissi, de die deque tumultu ac trepidatione domi inter eos liberè & constanter convenit. Hæc est narratio *Remigii* verbatim ex eo desumpta.

*Bodin. Mag.  
Demonoman.  
lib. 2. cap. 8.*

6. Unicam tantum insuper hoc genus narrationem addam ex *Bodino*, de Saga agri *Constantiensis*, quæ cum videret omnes sui pagi incolas in nuptiis convivari & saltare, ægrè ferens quòd non fuisset eò vocata, se per diabolum clarâ luce spectantibusque pastoribus curavit in collem exportari propinquum pago; & quia aquam non habebat quam in scrobem à se effossam injiceret, ut cieret tempestatem (nam hunc ritum falsa est observari) emisit lotium, & illud in scrobe movens sermones quosdam pronuntiavit: mox cælo, quod sudum serenumque fuerat, obscurato, grando vehementissima solummodo in pagum & in saltantes irruit, Saga verò in pagum reversa est; eâ itaque visâ, tempestatem ab ipsâ accitam fuisse crediderunt omnes, eaque captâ Pastores pro testimonio dixerunt se vidisse cum in aere transveheretur: quod illa accusata evictaque agnovit, & viva igni fuit tradita.

7. Equidem abundare possem hoc genus exemplis, (supernaturalia intelligo effecta *Apparitionibus* miraculosis incomitata) si omnia in medium proferre vellem quæ mihi narrata sunt, aut ab ipsis testibus ocularis, aut ab eis qui narrationes immediatè ab ipsis acceperant. Ut verbi gratiâ, De lateribus circa conclave circumgestis, sine ulla manu visibili. De multitudine lapidum statis diei horis à tecto in pavementum dejectorum per aliquot menses continuos, omni illius loci populo spectante & admirante. De ollis à foco sublatis, rursusque igni impositis, nemine interim manum admovente. De celeri ac violenta operculi Arce reciprocatione, nemine ipsum tangente. De sublatione linteorum, dum insolabantur, tam altè in Aërem, ut mappæ &



& lodices sudariorum instar viderentur, idque tunc cum nullus erat ventus, sed cœlum tranquillum & serenum. De fenestris tantâ vi noctu percussis, ac si omnes in frustula diffilirent, fragmentorum vitreorum tinnitu per totam cubiculi aream discurrente, idque ad quadrantem horæ continuum, cum tamen fenestræ solidæ repertæ sint mané. \* De cistis diligenter obseratis, seipsasque sponte referantibus, linumque ex se emittentibus. De pane ultrò se à sedili deturbante. De Calopodiis muliebribus de pavimento sponte insurgentibus, & in adstantem populum involantibus. De pectine in fenestra in duas partes ultrò diffiliente, fragmentis in facies hominum involantibus. De cultri etiam insurrectione ab eodem loco, cum manubrio antrorsum projecto. De lapidibus etiam in domo ultrò citròque projectis, sed neminem quem tetigerint lædentibus. cum multis aliis rebus quas nimis prolixum esset, cum debitis suis circumstantiis repetere, minúsque necessarium, cum jam publicè extant tales Narrationes quæ abundè hujusmodi exemplorum nobis sint suppeditaturæ.

8. Inter quas Historia illa *Francisci Perreandi* de impuro Spiritu, qui ædes suas *Matiscona* in *Burgundia* infestavit, tum propter rerum varietatem, tum propter certitudinem Narrationis, \* ad nostrum quidem scopum apprimè utilis est. Etenim, tametsi *Demon* sub visibili forma adstantium aspectui nunquam apparebat, præsentia tamen ejus rationibus admodum palpabilibus deprehendi potuit, propter varias petulantias lusúsque quos exhibuit. Ut in diducendis retrahendísve noctu lecti cortinis, & avellendis peristromatis. In januis obtrudendis detinendísve contra alterum egressum molientem, & in volvendis crassioribus lignis. In pulsationibus rerumque projectionibus in *Parietis* laquear. In modulationibus cantillationibusque avium imitandis, & in cantilenis canendis obscœnis ac profanis. In repetenda, altâ voce, oratione Dominica & symbolo Apostolico. In simulandis vocibus ac dialectis variarum Personarum, ut & clamoribus Venatorum, Ranarum coaxationibus, sermonibusque Præstigiatorum & Agyrtarum. In scommatis & irrisionibus saliumque asperisionibus, cujusmodi est iste de *Vallesia*, ubi dixit, perpulchra fieri *supercarbonamenta* ex veneficarum carnibus, ad quod statim admodum altos sustulit cachinnos. In salutationibus impertiendis nomine Amicorum longinquè habitantium, & in Historiis narrandis de præliis atque cædibus. In rebus apud ipsos detegendis qui occultò eas perpetraverant. In exprobranda venerabili Theologo, turpi cantilenâ, quam cantaverat in *Oenopolio*.

In jactando versandóve panni quinquaginta ulnarum volumento. In turbandis florum laneorum alabradorum foraginibus, vellendísque hominibus operæ intentis per tunicas retrorsum. In projiciendo cuiquam in faciem pileo suo dum domi sedebat dormiens, & in eripiendo candelabro è manu ancillæ. In rebus intricandis talibusque nodis connectendis quos impossibile esset cuiquam solvere, cum tamen ipse quasi momento eos solvit. In exturbanda culcitra, statim atque lectus constructus esset, in mediam cubiculi Aream, & in tollendo libros de cuneis in Museo. In strepitu excitando instar multorum sclopetariorum simul explodentium, & in sonitu imitando Comptorum Cannabis quaternorum simul pulsantium. In componendis sonis Musicis per duas Campanulas quas inter rubiginosa ferri fragmenta in ædibus repererat, quibus non solum illic usus est, sed in multis aliis locis, quarumque sonitus quasi in Aëre prætereuntium à multis auditus est quanquam nihil interim videbant. In occultandis Gemmis Instrumentis & Aurifabri ad tempus, & demittendis postmodum ex Aëre in mensam. In lapidibus projiciendis ultrò citròque in domo, \* sed sine ullius noxa, ut in priori Narratione. In verberanda in lecto Ancilla recéns conductâ, & aqua ipsi in caput effundenda donec ex domo eam abegisset. Et postremò, in trahendo Leguleio quodam per brachium in medium Conclavis, illicque celeriter circumtorquendo in summum pedis digitum, & dejiciendo postmodum violentè in terram.

Hæc est brevis Epitome notabiliorum facinusculorum invisibilis istius *Demonis Matisconensis*. Nam, quantum memini, nè semel quidem visus est sub ulla forma toto hoc tempore, nisi is fuerit in quem *Lullierus* & *Kepayus* in Plateæ angulo inciderunt, habitu scœmæ Rusticæ, fusumque ad lumen Lunæ torquentem, quæ statim atque illi appropinquaverant, ex ipsorum conspectu evanuit.

9. Negotium hoc mihi faceffi hæce res transcribendi, partim quia ad detegendam hoc genus spirituum naturam tantopere conducunt (quippe quum hæc effecta suspicionem subministrant, quasi is haud multum à scopo aberraverit, qui eos *Homines Aereos* ausus sit appellare) & partim propter tum copiam tum congruentiam Historiæ cum præsentī argumento; sed præcipuè denique propter veritatem ac certitudinem Narrationis omni exceptione immunem. Quippe quum factorum horum insolito-

rum

rum observatio \* ab una persona solitaria facta non sit sed à multis simul, nec à persona suspectæ integritatis, sed singularis gravitatis, innocentiaque vitæ, idque non remisso animo atque credulo, sed cautè & diligenter, explorando utique singulos adium angulos, omnibusque ostiis ac fenestris obices pessulósque apponendo, ipsaque felium foramina obturando, ut nullus relinquatur locus suspitioni Imposturæ. Adde, candelam noctibus singulis per totam noctem arsisse, locaque interdiu, unde vox venerit, explorata fuisse omniæque inibi jacentia idque à diversis personis. Ex quibus locis cum *Simcon* quidam *Meissonier* inter alia utrem secum abstulisset, *Dæmon* statim altâ voce hominem risit, quod se adeò *solidum* putaret, ut se in utrem indueret, quippe qui sic illius pollice facilè posset illuc incarcerationi. Et postremò, harum rerum experientiam habitam fuisse non semel atque iterum, sed ferè quotidie per tres minimùm menses continuos.

Veritati mirabilis hujus Narrationis *Canis* etiam *silentium*, ulterius perhibet testimonium, quippe qui, cum aliàs admodum vigil esset, promptusque ad latrandum ad levissimum quemlibet strepitum, ad canoras tamen loquelas vocis ac strepitus immanes *Dæmonis* nunquam latravit. Quod & ipse profanus *Lem* notavit, perquam petulanter affirmans, sic factum esse, quod *signo crucis* caput ejus signaverit, nam totus tunc in hilaritatem effusus erat jocisque ac scommatis multum scatebat.

Quibus omnibus porrò addere potes, *Reverendi* ac eruditi viri *P. Du-Moulin*, Patris Doctoris *Du-Moulin*, acutâque ac solidam filii sui exultissimi ratiocinationem, in sua Præfatione ad *Francisci Perreandi* Narrationem, nempe, *Quod familiaris hac Dæmonis conversatio in Angulo non erat aut in Deserto (ubi Veneficarum Melancholia supponitur efficere ut imaginentur se cum ipso conversari) sed in medio magna Civitatis, & in domo in qua magnus quotidie hominum concursus erat quo eum audiant loquentem, & in qua homines contrariarum Religionum convenerunt, quorum pronitas mutuo inurendi aliquam dedecoris notam parti dissidententi, occasionem dedit rem exquisitiùs examinandi pleniusque confirmandi illius veritatem, tum per Magistratum tum per illius loci Diacetam.*

Et postremò, Ut nihil desit quo Increduli convincantur, Testimonium adjungemus eruditissimi illius nobilissimique viri *R. Boylii*, qui cum ipso *Perreando* *Geneve* conversatus est, ubi ab ipso libri sui nondum impressi exemplar accepit, ubique opportunitatem habuit accuratiùs inquirendi tum in Scriptorem ipsum tum in multa libri ejus loca. Atque equidem adeò abundè sibi satisfactum est, ut profiteatur omnem illam obstinam, ad fidem adhibendam rebus mirabilibus ac insolitis tarditatem, speciali hac demonstratione fuisse superatam.

## SCHOLIA

### IN CAP. III. SECT. 4.

CUM ultimo fulminis fragore displosam putat, &c. *Verba Remigii sunt*: Ecce de integro, audito fulminis fragore, illi visa est in summa quercu, quæ in propinquo erat, hære mulier, quâ (ut credibile est) nubes se eo impetu exoneraverat. Quod tamen non sic accipiendum est ac si nubes eam violenter eiecisset terram versus, sed quod *Dæmon* aliquis eam ad fragorem fulminis eò detulisset. Nam in ipsius Capituli titulo est, Sortilegos à *Dæmonibus* per *Ærem* deferri, demumque in terram innoxio casu, ac qualis solet *Avium*, lapsione placidâ quietâve deponi.

SECT. 7. De cistis diligenter obseratis seipsasque sponte referantibus, &c. Hoc & subsequenti Eventa cum aliis nonnullis, diligentissimè examinata per virum eruditum & prudentem hujusmodique rerum valde incredulum, cum adeò persuasum reddiderunt de *Dæmonum* existentia ac *Sagarum*, ut abstinere se non potuerit quin idem agnosceret per literas apud Amicum propriâ scriptas manu.

SECT. 8. Ad nostrum quidem scopum apprimè utilis est. Nec certè minùs utilis est, huic quippe valde affinis, de *Dæmone* *Tedworthienfi* Narratio, quam vir ingeniosus pariter atque doctus harumque rerum haud indiligens explorator *Jos. Glanvillus*, ipse aliquot petulantiarum quas iste *Dæmon* commisit testis oculatus, haud ità pridem literis mandavit publicavitque. Vix enim unquam apparuit sub visibili forma iste *Dæmon*, quanquam multa eaque evidentissima sue præsentia dedit indicia ut *Dæmon* *Matisconensis*. Sed non erat adeò loquax. At verò *Tympani* strepitu (unde & *Tympanista* *Tedworthienfis* vulgò dictus est) totas ades frequentissimè opplebat. Ut ostiorum & parietum præteream pulsationes,



tiones, sonosque carvos ac turbinosos supra aedes in Aere, Tinnitus nummorum passim in adibus, Felium purritus, Togarum sericarum, incedentis quasi Matrona alicujus, crepitatiunculas, Ambulantium in arcis conclavium strepitus, ut & per scalarum gradus ascendentium, Canis etiam admodum fortiter crebriterque anhelantis, & Ferrarii soleas equi pedibus affigentis, & nasum cuidam in Lecto cubanti forcipe subinde prensitare tentantem imitantis. Adde denique culcitrarum tanquam ferreis unguibus scalptarum sonitus, modulatosque pulsus Tympani in aerem paulatim sublari. Hi soni strepitusque facti sunt nemine apparente qui faceret.

Quin & motus visibiles miri erant & insoliti. Fulcrorum spondarumque Lectorum ac Fenestrarum Cubiculorum conquassationes, Ostiorum apertiones subitaneae, & cubantium in lecto, simul cum culcitris, elevationes, Tabularum etiam Reciprocationes spontaneae & deambulationes Cathedrarum, calceorumque puellarum supra capita jactationes, & capillorum vellicationes, omniumque mobilium in adibus ultro citroque trajectiones. Hisce adijce de gladio colluctationem, in diversumque tractionem, Bacillum lecticarium cuidam è manu extortum, & in terram violenter projectum, Candelas abreptas & etiamnum ardentes per caminum in aerem sublatas, Flammulas, lampadum instar, per cubicula disurrentes, effusasque in lectos matulas cineresque aspersos, & ferri fragmenta acuta, cultrosque ibidem injectos. Hac fuere indicia praesentiae Daemonis Tedworthiensis, quanquam ipse sub nulla forma visibili apparuit in adibus praeterquam semel, idque subobscurè quantum ad corporis figuram, mole autem immani erat, & duobus oculis amplis & rubris igneisque terribilis.

Atque hac pauca quidem abstinere me non potui quin cursim breviterque exciperem è dicta Narratione, quippe quàm nihil magis certum magisque attestatum exploratumque in rebus humanis reperiri posse censeo, adeo ut dum haec turba fiebant, (& durabant certè ad biennium & amplius) robusta, uti appellari amant, Ingenia meminerim coactos fateri, esse quidem quosdam quasi Homines Aereos, sed nullam substantiam immaterialem ipsorum corporibus subesse. Paucos verò post annos quàm hi tumultus Daemoniaci defuissent, illi male sibi metuentes ab Homnibus hisce Aereis nè Spirituum propriè dictorum notitiam necessariò secum inferrent, consultius putarunt rem totam praesidenter negare, addideruntque ipsum J. Mompeffonium (is est in cujus adibus turba haec Magica contigerunt) Imposturam fuisse fassum esse, Josephumque Glanvillum in eadem jam omninò esse sententia. Quatamen utraque falsissima sunt; quemadmodum satis constat ex literis Mompeffonis ad Glanvillum missis. Tantumque abest ut Glanvillus de hisce Turbis sententiam mutaverit, ut publicè nuper professus sit novam se moliri Narrationis suae editionem. Ut taceam res ipsas tales esse ut earum veritatem suppressere non possent, si vellent, aut in dubium jam vocare. Ut satis cuiusvis constare potest, qui Narrationem Glanvilli attentius legerit, suamque ad me Epistolam eidem subnexam. Ubi omnes Objectiones quas aut alii aut ipse excogitaveram, ingeniosè solidèque diluit. Quas nimis prolixum esset hinc in medium proferre, cum & longius jam excurrerim quam putaràm.

Sed sine ullius noxa ut in priori Narratione, &c. Quod idem factum est etiam à Dæmone Tedworthiensi: Nam baculum Lecticarium in Ministrum sic projecit, ut insuram incidentis ictum non magis senserit quàm si floccus lanae in eam delapsus fuisset. Nec lapsus quoquoersum se revolvit, sed continuò substitit. Quod indicio est, eò potiùs perlatum à Dæmone quàm projectum fuisse.

Seç. 9. Ab una persona solitaria facta non sit, &c. Nec ab uno quidem calamo scripta; Nam Marcellinus Concionator Matisconæ eandem Historiam literis mandavit. Tornusque Testis oculatus, spectatorque assiduus ludorum hujus Daemonis, Narrationem scripsit proprià manu signatam, quam Perreandus penès se custodiebat.

Canis etiam silentium ulterius perhibet testimonium, &c. Idem etiam observatum est in turbis Tedworthianis, cum strepitus maximè sonorus erat, ingruerátque cum maximè subitanea ac inopinata violentia, nullus tamen Canis linguam movit:

## C A P. IV.

1. Supernaturalia effecta observata in liberis effascinati Domine Throgmorton, & Domine Muschamp. 2. Quæpotissimum in utrisque communiter notatu sint digna. 3. De Dæmoniis Monialibus Uuerteti, Hessimonte, &c. 4. Famose illius Abbatisse Magdalene Crucie Historia; Inutilia ejus ac ludicra miracula. 5. Veneficam eam fuisse, & per triginta annos Diabolo nuptam. 6. Historiam illius nec Sacerdotum figmentum fuisse nec Melancholiz delusionem.

1. **T**Ransibimus jam ad ista Effecta supernaturalia quæ observantur in personis effascinati vel obsessis. Atque hujusmodi sunt Rerum futurarum prædictiones: Enarrationes, quid hi vel illi agant ac loquantur, æquæ perfectæ, ac si persona obsessa juxta ipsos esset, cum tamen in una oppidi extremitate sit, domi residens, isti verò qui sic agunt & colloquuntur, in altera. Capacem esse videndi quosdam, alios verò non. Chartis ludere cum una certa persona, neminemque interim assidentium apud mensam præter eam cernere valere. Agere ac sermocinari, & ultrò citròque deambulare, narrareque de rebus quid futurum sit, quidque in eis ipsis obsessionis paroxysmis contingat; & tum postmodum, statim atque obsessus sive effascinat ex eis emerit, non recordari quicquam omnino, sed de eorum salute, tanquam absentium, interrogare, quorum facies jam modò videbatur intueri, cum paroxysmo detinebatur. Quæ quidem omnia nullius rei præterea symptomata esse possunt aut signa, quàm quòd Dæmon in corpus hominis ingressus sit, omnesque Animæ ejus operationes suspendat, ut sic ipse agat, loquatur, ludatque pro libitu in misello domicilio in quod se intrusit, corporis organis utens pro suo arbitratu ad istiusmodi facinuscule ludosque exhibendos qui caprum, robur & agilitatem hominis effascinati obsessive longè excedant.

Hæc quidem omnia ad plenum confirmantur prolixis ac fastidiosis Observationibus in Detectione Veneficarum *Warboisensium*, in agro *Huntingtoniensi*, recitatis, Anno 1594. Quarum rerum memoria etiamnum recens conservatur Concione Anniversaria *Huntingtonia* quorannis habitâ per unum aliquem è Sociis Collegii *Reginalis* in *Cantabrigia*.

Nuperrimè etiam in lucem prodiit Narratio, quomodo Domina *Muschampie* liberi exercitati sint, ac vexati veneficiis, in *Cumberlandia*, quæ huic de liberis Dominae *Throgmorton Warboisensis* valde similis est.

2. Quod communiter in utrisque notatu maximè dignum videtur, hoc est, Quòd nempe in *Paroxysmis* ita affecti sunt tanquam si nullam in corporibus Animam haberent, quicquid verò operationis, Sensûs, Rationis Motûsve in ipsis inesse videatur, ad illos omnino non pertinet, \* sed Inquilini illius est totum, qui in istos se induit. Nam statim atque Paroxysmus præterivit, ita fit ac si tam altum dormivissent, ut de nulla omnino re somniarent, ac proinde nihil eorum recordantur quæ dixerint aut fecerint, aut ubi fuerint; quemadmodum manifestum est ex infinito exemplorum numero in prædictis Narrationibus.

Vide Wier. de  
Præstig. Dæ-  
mon. lib. 4. cap.  
10.

3. De veritate quarum rerum heic domi, cum tam liquidò nobis constet, majori cum securitate eis rebus fidem adhibere possumus quæ gestæ sunt foris. Exempli gratiâ, Obsessionem *Dæmoniacarum* Virginum *Uuerteti* occlusarum, earumque in *Hessimonte*, & aliarum porrò non procul à *Xanctis*, & in aliis adhuc locis. Ubi abundè Testium oculatorum erat qui observarent, quàm miris modis essent exercitata, quippe quæ supra hominis caput de terra evehebantur, & in humum vicissim delabebantur sine noxa; In arbores conscendebant pari agilitate atque feles, in earumque ramis hærebant; Carnes sibi avulsas habebant sine ulla manu instrumentove visibili: cum multis aliis vesanis ludis, quos haud ita fas est nominare; cui verò libuerit, eos satis fusè memoratos legere poterit apud *Johannem Wierum*.

De Præstig.  
Dæmon. lib. 6.  
c. 6.

4. Ad alia Veneficii Effecta transire vellem, cujusmodi sunt Cultrorum, Sphæularum, Capillorum, & Clavorum in fascinatorum corpora immisiones, nisi harum *Monialium* mentio mihi in memoriam revocasset celebratissimam istam Historiam apud *Wierum* de *Magdalena Crucia*, primùm *Moniali*, deinde *Abbatissa* Monasterii *Cordubæ* in *Hispania*. Res potissimum in ea mirandæ hæ ferè sunt: Quòd ad quamlibet ferè distantiam, quomodo se in Orbe res haberent, resciscere ac narrare potuit. Quæ consultationes rerumve transactiones essent apud omnes Gentes Christianas; unde



unde existimationem sibi nacla est sceminae admodum *sanctae* praeclaraeque *Prophetissae*. Ceterum & res aliae ab ipsa aut ipsius gratia factae sunt non minus insolentes ac miraculosae, veluti, quod in celebranda sancta Eucharistia Sacerdos semper unum ex consecratis panis orbiculis desiderabat, qui secretò ad *Magdalenam* Angelorum ministerio, ut creditum est, perlatus erat, quem illa in os recipiens comedeat in conspectu populi, ad magnam ipsorum consternationem, summamque *Sanctae* reverentiam. In Hostiae missalis elevatione, *Magdalena* cum in propinquo esset, sed interposito tamen pariete, paries dehiscere visus est, *Magdalenamque* exhibere eorum conspectui qui erant in sacello, pane consecrato hoc pacto se cibantem. Cum Abbatissa haec in Sacellum festo aliquo die ipsa veniebat, diei solennitatem notabili aliquo ac conspicuo miraculo celebrare solita est. Nam aliquando de terra attollebatur in altum ad tres quatuorve cubitos, aliquando verò Christi simulachrum in ulnis gestans uberrimque flens, capillitium ad eam longitudinem amplitudinemque augebat ut ad imos talos extenderetur, & seipsam totam Christi simulachrum in ulnis cooperiebat, quod tamen mox ad justam suam solitamque mensuram sponte se contrahebat, cum multis aliis id genus ludicris & inutilibus miraculis.

5. Ceterum respondebis Narrationem harum rerum non esse veram, sed in rem *Romanae Religionis* fictam, & ex usu Ecclesiae fuisse, haec commenta literis mandare credulaeque transmittere posteritati. Equidem qui ægrè supernaturale quicquam admissurus est, facile generalibus huiusmodi evasionibus ac subterfugiis acquiescet. Postquam verò pervenerimus ad Catastrophen Historiae, rem longè aliter se habere reperturus est. Haec enim *Sancta* incepit tandem suspecta esse *Sortilegii*, uti creditum est; ipsaque cum sibi criminis esset conscia, ut vitam servaret, Visitationibus Ordinis qui appellantur, sponte facta est scelus: Se per triginta scilicet annos nuptam fuisse Dæmoni, in forma *Aethiopis*, alterumque Dæmonem huius famulum, cum Dominus ejus in cellula cum ipsa voluptuariis ludibriis indulgebat, vices ejus gessisse inter Moniales in choro, in Templo aliisque locis publicis: se virtute contractus cum hoc *Demone* omnia fecisse quae fecit miracula. Post hanc confessionem iussa est in carcerem includi; dum verò erat in custodia, apparuit tamen flexis genibus in Sacello ut antea statis precum temporibus. Quod cum Visitationibus per Moniales nunciatum esset, magis arctâ tenebatur custodia nè exiret. Nihilominus tamen in Sacello apparuit ut antea, quanquam rêvera erat in carcere.

6. \* Quid nunc existimationis commodive ex hac Historia *Romanae Religionis* accedere possit, quivis judicet. Quamobrem nec *Sacerdotum* figmentum, nec ullarum *Personarum Religiosarum*, aut *Melancholiae* effectum, nec id genus aliud quicquam, (quomodo enim tam multi spectatores *Melancholiâ* simul deludi poterant?) sed vera omnino Historia censi debet. Cumque haec *Magdalena Crucia* in duobus diversis locis simul apparuit, manifestum est *Spirituum* sive *Demonum* apparitiones esse. Verum mihi in praesens abstinendum est ab attingendo istoc argumento, cum nondum quod proposui, de evomitionibus clavorum, de immisionibus cultrorum fragminumque lignorum in hominum corpora, & id genus reliqua expediverim. Quae quidem res tam palpabiles sunt omnisque delusionis immunes, ut operæ pretium duxerim eis parumper insistere.

## SCHOLIA

### IN CAP. IV. SECT. 2.

SED inquilini illius est totum, qui in eos se induit, &c. Ex supra memoratis exemplis in priori Sectione facile intelligere est, quomodo quis pro re nata linguis possit loqui exoticis quanquam eas ipse non calleat, nec meminerit postea peractò colloquio. Eademque ratio est in scriptis exoticis legendis & interpretandis. Haec utique sunt opè aliquorum Geniorum, nec ulli facultati Animi ipsius Hominis sunt imputanda.

Sect. 6. Quid nunc existimationis commodive, &c. Equidem tantum abest ut ullum honorem gratiamve *Romanae Religionis* conciliet, ut eam suspectam potius reddat de reliquis quae jactitant miraculis, nè, siquid veri subsit Historia, opera sint delusoria *Dia-boli*, quibus crassam superstitionem Romanam animis populi firmitus infingat.

## CAP. V.

1. Cultri, Ligna, Ferri fragmina, Capillorum glomus in corpore Ulrici Neusseffer.  
 2. Evomitio panni aciculis confiti, Clavorum, & Acuum, item Ferri, Vitri & Capillorum per Wieri Ægros, & amicum quendam Cardani. 3. Wieri Narratio de triginta pueris obsessis Amstelodami. 4. Harum Narrationum convincens evidentia. 5. Ad Objectiones contra convincentem earum evidentiam, Responsio. 6. De puella Demoniacâ Gracè loquente. Et de miraculosa manuum alterius colligatione per Potestatem invisibilem.

1. Incipiam à memorabili illa verâque Historia quam *Langius* de *Ulrico Neusseffero* narrat, qui cum graviter dolore in Hypochondrio excrucietur, subito sub illâ cute clavum ferreum manu deprehendit, quemadmodum ille putabat, quod & verum repertum est postquam *Chirurgus* ipsum excidisset. At verò nihilominus ingentia illius tormenta adhuc perdurabant, quæ indies incrudescencia ad tantam eum adegerunt impatientiam, ut cultro sibi guttur discinderet. Die tertio, cum mortuus efferebatur ad sepulturam, *Encharius Rosenbader* & *Johannes ab Estenstet*, magnâ hominum circumstante turbâ, corpus defuncti dissecuerunt, ventriculûmque incidentes reperiiebant Lignum teres & oblongum, quatuorque Cultros chalybeos, alios læves & acutos, alios ferræ instar dentatos, cum duobus Ferramentis asperis, quorum singula spithamæ longitudinem adæquabant saltem si non superabant. Erat etiam Capillorum, quasi glomi, involucrum. Hoc accidit in *Eugenstallia*, Anno 1539.

De Præstig.  
 Damon lib. 4.  
 c. 2, 3.

2. Narrat etiam *Wierus* de obsesso quodam, cujus & ipse Testis erat oculatus, qui panni lacinias cui Aciculæ infixæ erant, Clavos, Acus, & id genus alia, evomuit. Quæ ille contendit è ventriculo non venire, sed ratione aliquâ præstigiôsâ à Dæmone in os injici tantum.

De varietate  
 rerum, lib. 15.  
 cap. 80.

*Cardanus*que confirmile quid de Rustico quodam viro probo subque amico refert, quod nempe morbo quodam laboraverat evomendi Vitrum, Ferrum, Clavos & Capillos, quodque eo ipso tempore, cum hoc narravit *Cardano*, à morbo non tam plenè liberatus esset, quin aliquid in ventre interdum persentisceret talem sonum edere, ac si quis confracti vitri saccum concuteret.

Opportunè hîc addere possem, quod tanta cum fide refertur de filio Dominae *Muschamp*, eum scilicet visum esse ligni fragmina evomuisse, quibus aciculæ erant infixæ.

Wier. de Præ-  
 stig. Damon.  
 lib. 4. cap. 8.

3. Veruntamen concludam cum Historia de triginta pueris qui tam miros in modos exercitati sunt & exagitati *Amstelodami*, Anno 1566. De cujus rei veritate *Wierus* se profitetur oppidò quàm certum. Etenim veluti manîâ aut furore subito correpti torquebantur, & ad horam ferè aut dimidiam in terram prostrati jacebant. Unde mox surgentes, nullius prorsus meminere tormenti aut rerum tum actarum, verum se solummodò dormiisse putabant. Ad medendum huic malo accersiti sunt *Medici*, *Magi* & *Exorcistæ*, sed sine successu. Tantum hoc observatum est, dum lectiones adhiberentur, pueros Acus plurimas Aciculâsque, Digitalia etiam, panni lacinias, Ollarum frusta, Vitra, Crines, & id genus alia vomitu rejecisse.

4. Jam verò harum Narrationum usus præcipuus præsentique scopo maximè accommodus hic est, Quod extraordinaria hæc & supernaturalia Effecta, cum tam palpabilia sint ac permanentia, non tam obnoxia sunt eis subterfugiis ad quæ *Athei* ut plurimum se recipere solent, cujusmodi est *Melancholiæ* & *Imaginationis* conturbatio in eis qui istiusmodi res miras se vidisse profitentur, aut *Fraus* denique & *Impositura* in eis qui agunt.

5. Quicquid cum ulla rationis specie contrâ afferri potest, omninò hoc est: Quod huiusmodi personæ dum istis animi alienationibus detinentur, eas res deglutire possunt, quas postea evomunt, aut saltem ori suo indere. Cæterum qui adstant id faciliè deprehendere possent, quippe quod qui mente alienati sunt omnia apertè faciunt & incustoditè. Atque hæc quidem eis, qui sic exercitantur, invitis ipsis contingunt. Et quemadmodum huiusmodi res ipsi non observantur facere, ita neque se fecisse confitentur, postquam ad se redierint. Et ut plurimum reperitur aliqua mulier, quæ beneficio artève aliquâ Magicâ facti author fuerit.

Præterea, manifestum est nullum subesse posse errorem in aliquibus horum Accidentium. Quomodo enim *Clavus ferreus* se ingerere potest cutem inter atque carnem,

cute



cute omninò intactâ atque illæsâ? Quomodòque fieri potest ut quis cultros deglutiât, & ferramenta spithamam, ad minimum, longa? Quod præter Historiam de *Ulrico Neusseffero*, confirmatur porrò per alteram de Puella, quæ postquam cultro calceos emundaverat, cultrùmque reposuerat in sinu, mox eum studiosè quærens nusquam potuit invenire, donec tandem seipsum prodere cœperit per tumorem in latere puellæ sinistro, \* exsectûsque est postea per Chirurgum. Totam Narrationem perlegere potes apud *Wierum*. Factum est in pago *Levenssteet* sub Duce *Brunvicensi*, Anno 1562. Verula quædam manè ad domum venerat; & Canis quidam peregrinus niger horribili specie ventri incubans sub mensa repertus est.

De Præstig.  
Dæmon. lib. 4.  
cap. 13.

6. Sunt etiam & alia miraculosa & supernaturalia effecta. Ut in puella ista è *Saxonia*, \* quæ Græcè loquebatur; & in altera quam se vidisse profitetur *Cælius Rhodiginus*, audivissèque Responso dantem è pudendis. Tertia erat *Lutetia Parisiorum*, quam Doctor *Picardus* aliique Theologi à Dæmonis obsessione liberare conati sunt, ridente *Hollerio* Medico, tanquam nihil isti rei subesset, præter scæminæ Melancholiæ, istorumque ignorantiam Theologorum: Verùm mutavit sententiam, statim atque puellam observavit inter duas trësve mulieres stantem exclamare, & illicò sic vinciri ambabus manibus ut solvi non posset vinculum ac opus esset secari. Malignum spiritum continuò confessus est. Nemini apparebat quicquam, sola puella albam videbat nubem, cum *Spiritus* vinciturus accederet. Hæc *Bodinus*.

Vide Bodin.  
Mag. Dæ-  
monoman. lib.  
2. cap. 3.

## SCHOLIA

## IN CAP. V. SECT. 5.

**E**Xsectûsque est postea per Chirurgum. Formam cultri & longitudinem videre est apud *Wierum* depicti. Unde constat septem uncias fuisse longum. Impossibile igitur est ut puella naturaliter eum deglutiret, minûsque adhuc possibile ut faceret inscienter, cum difficultas & dolor effecturi fuissent, ut animadverteret quid ageret.

Sect. 6. Quæ Græcè loquebatur. Quî id fieri possit supra subindicavimus, Schol. in cap. 4. sect. 2. Plura verò exempla occurrunt apud *Fernelium*, *Psellum*, aliosque.

## CAP. VI.

1. Apparitio *Eckerken*. 2. *Tibicinis* omnicoloris Historia. 3. *Triton*, sive *Deus marinus* in *Rubiconis* ripa visus. 4. De *Sagarum* Dæmunculis sive Magistellis, & an vetula ista tam deliræ sint quàm *Athei* eas arbitrantur. 5. Talia eas inter & Magistellos suos transigi quæ *Melancholiæ* nullo pacto imputari queant. 6. Examinatio *Johannis Winnick* *Molefworthiensis*. 7. Ratio obfignationis pactorum cum *Dæbolo*.

1. **S**ED enim jamdudum tempus est ut obscuriorem hanc magisque nebulosam *Spirituum* detectionem, in magis distinctas articulatasque Apparitiones prout initio proposuimus, elucidemus. Atque has quidem in duo genera dividemus: Sunt enim vel tales quæ prope nos in terra spectentur, vel quæ eminus in sublimi Aere appareant. Atque hîc rursus à rebus minoribus exordium capiemus. Prope *Elten* pagum milliare medium ab *Embrica*, in Ducatu *Clivensi*, dissitum circa viam Regiam loco *Ericæo* *Dæmonium* viatores miris variisque exercebat modis, cædens, ab equis dejiciens, vehicula subvertens. Nec aliud unquam videbatur, quàm manûs effigies. *Eckerken* huic nomen indebatur. Hæc Imaginatio esse non potuit, cum tam realia subsecuta sint effecta.

Wier. de Præ-  
stig. Dæmon.  
lib. 6. cap. 15.

2. Historia *Tibicinis multicoloris*, qui primùm Tibiâ omnes mures foricæque convocavit & in fluvium demersit, & postea præmio fraudatus quod cives ipsi promiserant datum iri simul atque ipsos à peste istorum Animalculorum liberasset, occasionem cepit pueros oppidi per eandem Tibiam post se trahendi in collem qui os aperuit & omnes vivos consepelivit, \* tam manifestam habet demonstrationem in oppido *Hammela* ut fides ipsi nullo modo abrogari debeat. Facti enim memoria religiosè in Archivis *Hammela* custoditur, pictumque in Templi vitris conspicitur; estque

De Præstig.  
Dæmon. lib. 1.  
cap. 16.

Epoche cum Anno Domini conjuncta in publicis Codicillis, Anno Christi, &c. & Exitus puerorum Anno, &c.

3. Id etiam mihi videtur citra omnem exceptionem & evasionem, quod *Suetonius* refert de Spectro quod apparuit in ripis *Rubiconis* fluvii. Quod sic erat: *Julius Caesar* postquam cum exercitu perrexisset ad hunc fluvium, qui *Galliam citeriorem* ab *Italia* dividit, illucque paulum substitisset, valde dubitabundus in *Italiam* transiret necne, quidam eximia magnitudine & formâ in ripa fluminis apparuit, arundine canens. Mirabilis personæ illius aspectus, perinde atque cantus amenitas multos Pastores ad se attraxerat & milites etiam è stationibus quamplurimos, interque eos & *Æneatores*; quod hic *Triton* (quemadmodum *Melanchthon* eum appellat) sive Deus marinus postquam observasset, raptâ subito tubâ ab uno adstantium profiliuit ad flumen, & ingenti spiritu classicum exorsus pertendit ad alteram ripam. Quo facto, *Cesar* omen accipit, desinitque ulterius secum deliberare, exercitum transfert, *Italiam* intrat, securus de successu à tam manifestis indiciis gratiæ ac patrocinii Deorum.

4. Ad confirmandum hoc dogma de Apparitionibus si liberas Sagarum confessiones admittere velimus de *Magistellis* sive *Damunculis* suis (quos *Familiares* vulgò vocant,) quos quidem non solum vident frequenter, sed cum eis sermocinantur, suis nominibus compellant, cultumque eis exhibent, hæc res extra omnem controversiam omnino posita foret, testimoniisque earum tam multa futura essent, ut nullum unum volumen eis continendis sufficeret. At verò profectò omnes hæc vetulæ *Melancholicæ* censendæ sunt, quæ delirant & in vitæ discrimen se adducunt propriis suis Commentis & Imaginationibus. Sed enim verò eas non dilirare multò sum certior quàm quod ii non delirant, qui eas delirare dicunt. Nam ut propriæ curiositati satisfacerem multas ex ipsis examinavi, easque expertus sum æquè cautè callidèque sermocinantes, atque quasvis alias mulieres sui ordinis & educationis. Verùm ex eis quæ legi & observavi, deprehendi planè eas perfido servire Magistro, qui technas sæpenumerò comminiscitur quibus ipsas prodat. Sed hoc tantum obiter dictum esto.

5. Quæro jam de his Sagis qui contractum suum confitentur frequentemque conversationem cum Diabolo, quædam cum eo sub una forma, aliæ sub alia, an mera *Melancholia* & Imaginationio, *Pulveres*, *Virgæ*, *Unguenta* & similia ipsis in manus tradere possint usumque eorum illis porro narrare, Notasque corporibus imprimere tam profundè ut omnis sensatio istoc in loco tollatur, immò *Argentum Aurumque* manibus indere, quæ postea ut plurimum calculi tantum, aut folia, aut conchulæ aut res aliæ id genus inutiles reperta sunt. Effecta hæc realia ex mera *Melancholia* non possunt proficisci. Nam si quis in manum quicquam recipit, cuiusmodi sit, aliquis erat qui dedit. Ac proinde cum Saga aliquid reverà ab hoc vel illo Spectro quod ipsi apparebat, acceperit, equidem indicio est manifesto, rem fuisse aliquam externam quam vidit, non meram figurationem propriæ Imaginationis melancholicæ. Exempla hujus generis sunt innumera. Cum verò res adeò obvia sit & vulgaris, non opus est ut multa particularia exempla in medium proferamus. Unico hoc contentus ero, in quo apparitio est trium Spirituum sive *Damonum*.

6. *Johannes Winnick*, *Molesworthia* incola, in Agro *Huntingtoniensi*, examinatus April. 11. 1646. confessus est quæ sequuntur. Cum crumenam scilicet cum septem solidis perdidisset, quæ de re unum è familia ubi vivebat suspectum habuit, die quodam Veneris, dum foeni fasciculis constringendis operam in Fœnili dabat, & dejectionibus Dirisque atque rabidæ iræ indulgebat, exoptans ut *Magus* saltem aliquis crumenam cum pecunia sibi restituendam curaret, ipsi apparuisse Spiritum sive *Damonem* sub forma *Ursi*, sed qui vix æquabat magnitudinem *Cuniculi*, qui pollicitus est, eâ lege ut in genua procideret eumque coleret, se crumenam ipsi restituendam curaturum esse. Assensit *Johannes*, *Damon*que ei dixit, Die crastino circa hanc horam, eum in area ubi fasciculos colligabat, crumenam suam inventurum, seque ipsum eo tempore adventurum. Quod perinde factum est. Cumque sic tempore præstituto crumenam recuperaverat, in genua procidit coram *Damone*, dixitque, *Damine Deus mi, gratias tibi ago*. Hic *Damon* adduxerat tunc secum duos alios *Damonas*, unum *Felis* formâ, *Cuniculi* alterum, quibus ad jussu *Urso-Damonis*, cultum similiter exhibuit. *Urso-Damon* ei dixit; Animam ejus postquam ex hac vita excefferit, se habere oportere, ipsiusque corpus interim fugere, atque jam sanguinem ex eo elicere ad pactum obsignandum. Quibus omnibus assensit. Atque sic *Urso-Damon* in humerum exiliens, capitis cutem incidit, sanguinemque inde accepit. Postea evanuerunt omnes tres: sed semper ex eo tempore singulis diebus ad eum venerunt, corpusque suxerunt eò loci ubi notæ signæve reperiuntur. Hoc autem fecisse ait, quotidie



quotidie per annos viginti novem continuos. Hæc est *Johannis Winwickii* confessio: Quod verò hæc omnia merum Insomnium essent, commentum est levius atque futillius, quàm quodvis vel vanissimum Insomnium. Crumenæ enim Recuperatio, pignus est satis palpabile atque sensibile veritatis reliquorum gestorum. Atque omninò incredibile est ut talis circumstantiarum series, viginti novem annorum experientiarum visitationis tum suæ quæ quotidianæ (aliquando interdum sed ut plurimum nocte) ab hisce tribus Dæmunculus, corroborata nihil aliud esset nisi tot melancholicorum commentorum phantasmatumve fortuita concatenatio.

7. Neque certè paſtorum obſignatio, per ſanguinemque ſcriptio, hujusmodi Hiſtorias reddere debet magis ſuſpectas. Neque enim omninò abſolum eſt ut tales Ceremoniæ peragantur inter *Dæmonem* atque *Hominem*, cum conſimiles Ritus palpabiles ad homines firmiùs divinciendos Deo. Quicquid enim craſſum eſt & externum fortiorem in Imaginatione relinquit Impreſſuram, ejusque Recordatio mentem ferit majori cum efficacia. Adeò ut proculdubio *Dæmon* firmiori nexu Animam Sagar Magiæ, qui perſuaſi ſint contractum modis iſtiusmodi craſſis ac ſenſibilibus perficere, ſibi alligaverit, arctiusque devinxerit nè à ſe deficiat, quàm ſi verbis ſolis pacti fuiſſent.

## SCHOLIA

## IN CAP. VI. SECT. 2.

**T**AM manifestam habet demonstrationem in oppido Hammelæ, &c. Ad majorem rei fidem faciendam: Wierus certè non solum Annum, millesimum scilicet ducentessimum octuagesimum quartum, sed & diem, vicesimum sextum Julii memorat, immò verò & horam, septimam nempe circiter matutinam; nec oppidum solum, Hammelam Brunswicorum, sed & plateam per quam egressi sunt pueri. In qua, ad perpetuam rei gesta memoriam, Tympani sonitum nunquam admitti ait, si forte istinc aliqua educitur sponsa, donec ex illa exierit, nec Choreas in eadem duci. Plateamque hinc nomen consecutam esse Burgelosestrafs. Nec mirum eum tam accuratè narrasse omnia, quippe qui Hammelæ hospitans paulo anquisitiùs Oppidanos super hac re sciscitatus sit. Sic enim scribit: Hæc ita in Annalibus conscripta, Hammelæ in Archivis religiosè custodiuntur: leguntur & in libris Templi sacris, atque in ejusdem vitris picta conspiciuntur: Cujus rei oculatus equidem testis sum. Immo verò sibi ostensam ait exiguam colliculi foveam in qua omnes pueri evanuerunt, addens hoc Epiphonema, En diabolum Tibicinem sanguinarium! Hæc ille. Quæ ipse huc transcripsi nè quis me temere tam miram Historiam attulisse censeat.

## CAP. VII.

1. *Historia Annæ Bodenham Veneficæ extremo affecta supplicio Salisburix, Anno 1653. Quam accuratè super ea re Author certior factus sit.*
2. *Modus ac circumstantiæ primæ suæ Evocationis Dæmonum.*
3. *Responsio ad Objectionem contra hujus veritatem.*
4. *Plenior ad Objectionem Responsio ex secunda Evocatione.*
5. *Responsio ad Objectionem contra secundam hanc Evocationem, porro illustrata ex circumstantiis tertiæ.*
6. *Quarta & ultima Evocatio à Veneficæ facta, in qua Anna Stylefia contractum fecit cum Diabolo.*
7. *Has Transactiones nulla insomnia esse potuisse aut Imaginationes Annæ Stylefiæ, nec ipsam scienter perjuratam, in eis jure jurando affirmandis.*
8. *Quod porro confirmatur ex illius Confessione omni omnino partium studio immuni.*
- 9, 10. *Ex ejus contractu cum diabolo, ab effectibus realibus manifestato.*
11. *Ex gestu ejus ac moribus in Comitiiis, quando suum dedit testimonium.*
12. *Responsio ad quasdam Objectiones.*
13. *Multa Indicationes quod Anna Bodenham Saga erat sive Veneficæ.*
14. *Conclusio summaria, suprà dictas scilicet Evocationes Magicas, nullas fuisse Annæ Stylefiæ fictiones, sed reales per Annam Bodenham Transactiones.*

1. **H**Uic de Johanne Winnickio Historiæ non abs re erit recentiore notabilioremque Narrationem addere de Anna Bodenham Veneficæ quæ vixit in Fishberton-Anger Pago ad novam Sarum Civitatem adjacente, in Agro Wiltoniensi, quæ pro Tribunali adducta est, damnata extremoque affecta supplicio Salisburix, Anno 1653. Si cui libuerit Historiam plenius fusiùsque scriptam perlegere, Edmondum Bowerum adeat, qui & oculatus auritusque Testis erat multarum ex eis rebus quas memoraturus sum. Ego verò solummodò eà hîc scribam quæ ad scopum nostrum maximè pertineant, idque partim ex eo, partim verò ex alio quodam qui & juridicis Comitiiis interfuit, & privata Colloquia habuit cum Saga, & cum ancilla etiam, quæ adversus eam testimonium dedit, collocutus est.

Hæc Anna Bodenham, ut videtur, suam peritiam non celebrat in rebus futuris prædicendis, Bonis que suffuratis domino recuperandis, aliis que id genus facinulosis, quorum notabilius Magorum Sagarumque genus se compotes profiteri dicuntur seseque adeuntibus solere præstare.

2. Inter alios qui eam adierunt, Anna quædam Stylefia fuit Richardi Goddardi Armigeri è Claustro Novæ Sarum, Ancilla, à D. Masono hujus Goddardi privigno (quippe qui in animo habuit Actionem instituere adversus suum vitricum) ad Sagam sciscitandam missa, qui futurus sit istius litis eventus. Quæ interrogata ab Ancilla, (quæ tres solidos ei pro opera solvendos in parato habuit) baculum cepit, illicque per domi aream traxit ad describendum quasi circulum, librumque postea sumpsit, manumque trans circulum gestavit, vitrumque viride accipiens super librum posuit, & in medio circuli patellam carbonum vivorum fictilem collocavit, in quam aliquod iniecit, quod accensum, fetorem teterrimum reddidit, monuitque ancillam ne sibi metueret à spectaculo quod continuo visura esset. nunc enim veniunt (ipsa verba sunt quibus usa est Saga) atque sic eâ invocante, Belzebub, Tormentor, Satan atque Lucifer apparetote, subito ingens ventus ingruit, quæ ipsam domum contremiscere fecit, statimque vi repentinâ ac quasi spontaneâ posticis se pandentibus foribus, quinque intraverunt Spiritus, ut Ancilla quidem putabat, in similitudine puerorum pannis obfitorum, alii aliis majores, discurrebantque in domo intra locum quem Saga baculo descriperat, Sagæque micæ panis ipsis in terram projecit, quas Spiritus colligentes in os indiderunt, subindeque supra carbonum patellam transfilerunt, quam in medio circuli collocaverat, Canis ac Felis Veneficæ cum ipsis saltaverunt: Et post pauxillam moram Saga iterum in librum inspexit, & semina quædam magna albæque in terram projecit, quæ dicti Spiritus similiter collegerunt. Atque sic brevi tempore ventus cessavit, Sagæque per posticas fores egressi Spiritus disparuerunt. Quibus peractis Saga ancillæ dixit, oportere D. Masonum mille quingentas libras à D. Goddardo postulare, & centenas quinquagenas per Annum, quam conditionem si recusaverit, actionem adversus ipsum instituere eum debere, à vitrico suo decedere, atque tunc litem eum ablaturum esse. Cum quo nuncio Ancilla rediit & cum D. Masono communicavit.

3. At verò hîc forsitan objicietur, fuisse hos pauperculos aliquos pueros pannosos qui ex pacto Anna Bodenham adesse solebant, quando ex prætextu Dæmonas evocandi prædi-



prædicendique eventus futuros, populo operam dabat suis emungendo pecuniis, cum reverà nihil aliud erat quàm Impositura, quæ vulgaris cujusvis Ingenii improbi ac versuti facultates minimè excederet. Sed enim venti strepitus tempestuosus, violentaque ædium concussio verba Ritùsque Magicos statim consecuta, facilè respondere, vel potius diffilare pœnitùs hujusmodi frivola perfugia potest.

4. Quòd si fortè in opinione sua perstiturus sit Objector, circumstantias secundæ evocationis per Sagam factæ velim perlegat. Eadem enim Ancillâ ad eam ab eodem viro missâ ad sciscitandum in qua parte ædium venenum esset quod Dominæ suæ erat paratum, Saga *Baculum* cepit, ut antea, *Circulùmque* eâ describente, subito obortus est ventus: Tunc scopas sumens everrit circulum, fecitque alterum, & in librum vitrumque (ut suprà) inspiciens, verbâque aliqua secum submurmurans, in circulo stetit, dixitque, *Belzebub, Tormentator, Lucifer atque Satan apparetote*. Apparuit primùm *Spiritus* in forma pueri pusilli, ut illa opinabatur, qui tunc deinde in aliam speciem mutatus est; angui non absimilem, & postremò in formam villosi, cum grandibus oculis, canis, qui intra circulum circumambulabat: Et in circulo patellam carbonum fictilem posuit, in quam aliquid injecit quod arsit tetrùmque simul dedit foetorem, quo factò *Spiritus* disparuit. Postea verò Venefica librum rursus vitrumque sumpsit ostenditque Ancillæ in vitro, D. *Sara Goddarda* cubiculum, colorumque cortinarum, lectum inversum, & sub ista parte lecti ubi cervical jacebat, ostendit *venenum* chartâ albâ inclusum. Ancilla posthæc domum rediit, & D. *Roswella*, quod Saga ipsi in vitro ostenderat, impertiit, venenum nempe sub D. *Sara* lecto jacere, rogavitque ut unâ secum iret ad illud auferendum.

Transformatio pueri in Anguem, illiusque Anguis in villosum cum oculis extantibus Canem, facinusculum est supra omnem humanam artem ingeniumve positum.

5. Nec certè concipi potest, quòd *Melancholia* mentem Ancillæ ità conturbaverat, ut sua Insomnia & Imaginationes, pro externis Transactionibus sensibilibus enarraret. Etenim illius opera ab aliis accita est in reali negotiatione ipsos inter atque Sagam, & responsa semper retulit ad eos, etiam res quasdam, ope lacerosorum istorum puerorum Sagâ evocatorum ab ea recepit, quemadmodum constat ex *evocatione* tertia, quando Ancilla iterum missa erat, ad dirum aliquod supplicium procurandum duabus D. *Goddarda* filiis, quæ tamen immeritò, ut videtur, mortem Novercæ suæ per venenum moliendi suspicione aspersæ sunt. Saga postquam ab ancilla nuncium accepisset, circulum fecit, ut suprà, intrâque eum carbonum patellam collocavit, aliquòdque adolevit quod pessimum emisit odorem, sumpsitque *librum* atque *vitrum*, sicut suprà narratum est, dixitque, *Belzebub, Tormentator, Lucifer atque Satan apparetote*. Et apparuerunt quinque *Spiritus*, uti illa opinabatur, sub formis pusillorum puerorum pannis obsitorum, quos Saga jussit apparere & cum ancilla ad prætum quoddam prope *Wiltoniam* proficisci, quod Saga ostendit in vitro, ad *verbenam* colligendam atque *anethum*. Puerique continuò lacerosi currebant ante ancillam ipsâque eos secuta est ad dictum prætum: Et postquam illuc venissent, pueri lacerosi, ultrò citròque discurrentes, Herbas exquirebant, nivemque in duobus tribùsve locis antè amoverunt quàm ullas possent invenire, tandem verò aliquas invenerunt, secumque attulerunt, & tunc Ancilla atque pueri ad Sagam redierunt inveneruntque in Circulo ungues sibi præsecantem. Accepit igitur dictas herbas easdemque exsiccat, & pulverem ex eis confecit, aliarumque arefecit folia, panemque projecit pueris, qui comederunt, saltaruntque ut prius. Quibus peractis, Sagâ in libro legente, disparuerunt. Sagâque ancillæ tradidit, in una charta pulverem, folia in altera, & in tertia unguium suorum præsegmina, quæ omnia Ancilla Dominæ suæ jussa est tradere: *Pulverem*, qui indendus sit nobilium adolescentularum, D. *Sara* & D. *Anne Goddarda* potui atque juscule, quò Intestina putrescant in ventribus suis; *Folia*, quæ poculorum marginibus adfricentur, quò dentes mandibulis excidant; & *unguium* denique *præsegmina* ad eas intoxicandas usque ad insaniam. Postquam verò Ancilla domum rediisset Dominæque omnia tradidisset, eamque pulveris ac reliquorum edocuiisset effecta, risit Domina dixitque, Rem esse admodum bellam. Noluit tamen, quæ erat ejus prudentia, eisdem uti.

6. Hic *pulvis* ostensus est in *Comitiis provincialibus* (itâ ut mera Imaginatio esse non posset aut Insomnium) unâ cum *nummo* quem à *spiritibus* acceperat, quem unus eorum primùm admordit Sagæque tradidit, Saga verò tradidit ancillæ. *Foramen* etiam in *digito* tunc ostensum est, ex quo sanguis compressus est ad subscribendum pacto cum diabolo, ut videre est in quarta atque ultima *evocatione* per Sagam facta coram Ancilla. Nam cum monita esset à D. *Goddardi* familia ut *Londinum* proficisceretur, Sagam

Sagam prius adiit quam istas partes relinqueret. Quæ igitur cum eam iter facturam cognovisset, rogavit *suprà* an *infra* Londinum ire vellet. Ad quod respondit, Quorsum ista dicis? non intelligo quid velis. Ad quæ Venefica, Si *suprà* velis ire, transveheris inquit Londinum in aëre, & duarum horarum spacio istuc pervenies. Quod si *infra* ire lubeat, in ipso introitu Oppidi *Suttonia* capieris, & antè, nisi aliquod superadvenierit auxilium. Cæterum antequam decessisset, Saga vehementer ab ipsa efflagitavit ut secum viveret; dixitque, id si vellet, se talia eam edocuram facere, qualia ipsa facit, eamque nunquam captum iri. Rogavitque eam Ancilla, quid ipsa posset facere. Respondit Saga, Statim id cognosces. Apparuitque continuo in forma *Felis* magnæ nigræ: jacebatque ante focum prostrata. Ad quod cum ancilla valdè terrefacta esset, ad propriam formam rediit, dixitque ei, Expavere te video, animumque habere abeundi; narravitque, si sic esset, eam apertè debere profiteri, nec propriæ contradicere conscientiæ. Responditque Ancilla, se lubenter abituram esse, nec cum ea velle habitare. Dixitque Venefica, eam corpore sanguinèque suo sibi obsignare debere se eam non esse detecturam. Quod cum se facturam promississet, statim circulum, sicut *suprà* fecerit, descripsit, & in librum inspiciens, invocavit; *Belzebub, Tormentator, Lucifer atque Satan apparetote*. Tum apparuerunt duo Spiritus in similitudine duorum magnorum puerorum, cum capillitiis prolixis ac villosis: ipsique adstiterunt supra humeros ejus spectantes: accepitque Venefica ancillæ digitum dextræ manûs indicem, in suam manum, punxitque aciculâ, sanguinemque per foramen expressit, eumque calamo indidit, calamumque deinde manui ancillæ, manumque ejus dirigens tenuit quo in magnum librum scriberet, unusque Spirituum suam manum sive unguem veneficæ manui imposuit dum ancilla scribebat; & postquam scriptionem finivisset, manibus adhuc conjunctis, Venefica dixit *Amen*, fecitque ut Ancilla diceret *Amen*, & Spiritus dixerunt *Amen, Amen*. Manumque Spiritus frigidam sensit Ancilla, cum illius manum tangebatur, dum manus veneficæ cum eorum manibus erat conjuncta. Tunc Spiritus nummum argenteum (quem admordit prius) Veneficæ dedit, quæ eundem dedit Ancillæ. Duas aciculas ille porro linteo ancillæ capiti infixit, jussitque eas custodire, atque sic abire: dixitque insuper *nobiles adolescentulas pulchrè exercebo*, quemadmodum egi cum homine in Vivario *Claringtoniensi*, quem deambulare feci in stagno cum paxillorum fasciculo humeris imposito per totam noctem, nec deponere eos potuit donec manè proximum illuxisset.

7. Hæc omnia Ancilla jurejurando sanctè confirmavit, & certè nunc citra omnem controversiam manifestum esse existimo, quod, nisi scienter pejeraverit, universa indubitatè sint vera. Neque enim imputari possunt ulli somnitationi, Imaginationi aut Melancholiæ. Jam verò quod Ancilla scienter non pejeraverit, Narrationesve hæc, quas juramento confirmavit, ex proprio finxerit cerebro, multa occurrunt argumenta ad nos convincendos.

Ut primò, Quod veri omninò dissimile sit, puellam pauperulam, quæ literas nesciebat, nec legere scriberève potuit, excogitare potuisse istiusmodi verborum formulas Ceremoniasque Magicas, cum omnibus effectuum earum circumstantiis, easque tam accuratè enarrare, nisi reverà factas ante oculos suos conspexisset.

Deinde, si comminiscendorum mendaciorum tam perita fuisset, non potuisset quin tantum haberet ingenii ut in rem suam & eorum etiam qui operâ illius usi sunt, ea melius effingeret, tantumve solummodo veritatis evulgaret quantum nulli noxæ aut sibi ipsi futurum esset aut ulli alii, quod sit divulgatum.

8. Nam breviter, sic se res habuit: Domina illius concepit aut saltem se concepisse simulavit suspicionem, quod duæ suæ privignæ *D. Sara* & *D. Anna Goddarda* conspirarent ad interimendam se veneno. Hinc ancilla hæc *Anna Stylezia* missa est ad Sagam sub prætextu sciscitandi quando hoc venenum ministrandum sit, & quâ ratione præverti posset; & secundo tempore quo Ancilla eam consuluit, Saga eam ad Pharmacopolas misit ad albi *Arsenici* aliquantum emendum & ad se afferendum, quod cum Saga accepisset, dixit se illud combusturam esse, quò veneni malum à Domina sua averruncet prævertatve. Hujus *Arsenici* emptio maxima occasio fuit quod Ancilla in fugam se daret. Etenim cum duæ sorores rescivissent se mortem novercæ suæ per venenum moliendi suspectas esse, in vulgusque spargi se in hunc finem à Pharmacopolis nuper *Arsenici* emisit unciam ac semissem, illæ ad liberandas seipsas ab hac suspitione, diligentissimam fecerunt inquisitionem per omnia *Salisburie* Pharmacopolia, tandemque invenerunt ubi venenum erat emptum. Hinc Ancilla à Domina sua persuasa est ut discederet, sibi que prospiceret, ad molestiam illam ac ignominiam evitandam, quæ aliàs ipsis accidere possint si maneret & examinationem subiret. co-

ram



ram aliquo Justitiario. Dum erat in Itinere D. *Chandlerus* D. *Goddardi* gener, cum audivisset focum suam propter veneni in eam molitionem de vita periclitari, quodque quædam illius ancilla, quæ venenum emerat, se in fugam dederit; ipse statim cum homine altero, eam insecuti sunt, & prope *Suttoniam* assecuti, duxerunt in Diversorium: ubi confessa est quod supra est narratum. Quæ confessio, inquam, figmentum nullum esse potest, fabulæ excogitata, sed certa indubiæque veritas, cum in rem ancillæ nihil faciat, eorumve qui illius operâ usi sunt, sed potius contra eos, maximèque contra seipsam: cum è contrâ si emptionem *Arsenici* tantum confessa fuisset cum proposito veneni malum à Domina sua amoliendi ope ac peritiâ *Sagæ*, *fæminæve*, quam vocant, *sagacis*, censeretur potuisset tolerabile stultitiæ specimen, non autem tam criminale atque execrandum, quam alia illa facinora, existimari. Nihil igitur præter mentem facti consciam, veritatîsque vim, sincerissimam hanc confessionem ipsi extorsit, quæ undequaque ex æquo amicos suos, seipsam atque *Sagam* attingit.

9. Tertiò, Pactum illius cum diabolo, fabulam non fuisse sed certam veritatem (& si illud verum sit, nulla de reliquis dubitandi superest ratio) abundè demonstratum est à realibus illius effectis. Postquam enim nummum supra memoratum duasque aciculas D. *Chandlero* tradidisset, dixit se molestatum iri quod has res silentio non celaret. Diabolum enim ipsi dixisse, quamdiu has res secum clam habuerit, nunquam eam molestatum iri; nunc verò cum ipsas revelaverim, ait illa, vereor ne à Dæmone sim molestanda. Quodque ista gravissimæ molestationes atque agonix in quibus postea deprehensa est, nulla erant propriæ suæ Imaginationis conturbatæ ludibria, sed Tyrannicæ *Satanæ* exagitationes, ex multis constabit circumstantiis.

Nam in sua emersione ex primo Paroxysmo in quem inciderat, (quod *Stockbrigie* accidit) & D. *Chandlerus* & *Gulielmus Atwoodus* alter ille qui eum comitatus est, umbram atram ex ea exeuntem conspexerunt, quo facto statim ad se rediit.

Porro, In paroxysmis tam robusta erat, ut sex plurèsvē homines eam detinere non valerent. Et quodam tempore dum eam tenebant, ad eam altitudinem sublata est, ut pedes pectora ipsorum tangerent, quod in carcere accidit *Salisburie*. Alteroque tempore circa mediam Noctem, cum miserè excruciatæ esset, exclamarètque, *Diabolus me abrepturus est*, ab eis qui eam tenebant avulsa est, & à lecto inferiori, ubi jacebat, in summitatem lecti superioris jacta, cum vestitu ab humeris dilacerato, cutisque parte dilaniata; candela etiam super mensam posita in cubiculo, dejecta est & extincta; quo tempore cum puer adesset parvulus, somno aliquantulum gravatus, strepitu ita perterritus est, ut facultas ei deesset exeundi cum reliquis è cubiculo, sed ibi mansit, viditque *Spiritum* sub specie hominis nigri ac proceri, sed sine capite, cum Ancilla colluctantem, qui eam cepit & in cathedram posuit, dixitque, ipsi secum abeundum esse, se enim advenisse ut animam ejus secum auferret, quam illa ipsi dederat. Respondit verò Ancilla, Animam non suam esse quam ipsi daret, Sanguinemque jam eum sibi eliciuisse, quantum verò ad Animam, ut eam haberet se nunquam esse permissuram. Postquam verò aliquandiu revolutasset jactassetque Ancillam, disparuit.

Id verò quod puer audiit viditque, non fuisse proprii cerebri phantasma sed reale sensuum Objectum, Veneficæ conditio eodem tempore in altero cubiculo, haud obscure arguit. In vinculis enim vestibus exuta insano modo discurrere visa est. Rogatæque cur in cubiculo ita discurreret, respondit, in lecto seipsam se continere non posse, quippe violentâ manu illinc avulsam. Rogatæque rursus quid id factum sit, Obsecro vos, inquit, quid turbarum in vestro cubiculo agitur? Nihil, responderunt illi, nisi quod puer malè se habeat. Ad quod illa, Nolite mihi mentiri, ait, Ego enim quid istuc rei sit æquè certò scio atque vos.

10. Sed ut ad ancillam redeamus, à qua alia porro argumenta deducere possumus, quæ Veneficam etiam respiciant. Cujusmodi est, quod, cum ancilla multos dies noctesque insomnes transegisset, essetque tunc sub gravissimis vexationibus corporisque torturis, Veneficâ in cubiculum introductâ ubi jacebat (tum proposito, tum etiam tempore Introitus clam ancillam habito) statim atque unum pedem venefica in cubiculum intulit, admodum horribilem oculorum jactum fecit, eosque continuo occlusit, momento quasi in somnum lapsa, dormivitque tres horas tam firmiter, ut, cum eam è somno excitare voluerunt, id nullâ arte aut violentiâ efficere possent, ut respirationem putâ ipsi intercipiendo, resque ingerendo naribus, erectam eam tenendo, illamque percutiendo, & similibus. Venefica etiam declaravit quàm ingrata sibi futura esset illius expergefatio: exclamans, *Ancillam nequaquam expergefacite, obsecro; nam si illa expergisceretur, ego membratim dilanianda essem, Diabolusque me*

in corpore hinc vivam abriperet. Et ulteriori argumento est somnum ancillæ à Venefica aliquo modo pependisse, quòd simul atque venefica è cubiculo ubi illa erat exiisset, Ancilla ultrò evigilavit, & statim atque Ancilla evigilaverat, eratque libera à molestationibus, (Diabolo, ut illa dixit, ex ventriculo illius egresso, nullamque illi inferente violentiam, nisi quòd corpus fecerit aliquantum contremiscere) Venefica incepit rugire & exclamare, *Diabolus me membratim discerpet*. Hæc legere potes magis plenè ac particulatim in Narratione *Edmundi Boweri*, qui eorum testis erat oculatus. Quæ verò illinc transcripsi, ad quemlibet hominem qui nullo laborat præjudicio convincendum sufficere censeo, illud quod ancillæ post arcanorum sibi concreditorum revelationem accidit fictitium non fuisse sed reale, quinimo tutò addere possum, *supernaturale*.

11. Quartò & ultimò, mores ejus gestusque in *Comitiis provincialibus*, sive *Confessibus Juridicis*, tam fervidi erant ac serii, eo cum animi robore, liberisque ac confidentibus subinde provocationibus ad veneficam factis, ut quemadmodum ab eis edoctus sum qui hujus Transactionis spectatores fuerunt, hoc ipsum satis argumenti futurum fuisset apud hominem quemlibet præjudiciis immunem, eam nihil jurasse nisi quod certissimè esset verum. Flumina illa porrò lacrymarum acerbisque fletus post latam adversus Veneficam sententiam, lamentationesque super propriam suam Impietatem ac vesaniam, professionesque quàm gratum sibi futurum esset, si citra peccatum fieri posset, ut Venefica damnata ampliaretur, ipsique deferretur supplicium, ulterius adhuc momentum addit ad omnem diluendam suspicionem fraudis aut malitiæ.

12. Nec potest *Venefica* inficiatio (usque ad extremum vitæ diem) de eis quæ juraverat Ancilla, illius enervare testimonium. Ancilla enim rem totam narrat sicuti erat, ita ut propriam suam vitam in discrimen vocaret: Quam Narrationem Venefica quidem negat, sed ut vitam conservet suam. Neque profectò omnino mirum est, eam quæ Carnifici, quum ab ipsa petijt ut se condonaret, luem, in ipso ferè mortis articulo, ipsi precata est, audacter mentitam esse, impudentèrque quodlibet negare voluisse quo propriam conservaret vitam.

Cæterum objicies, Quòd Venefica hæc sic reputata, satis improba quidem esse potest, satisque ad quodlibet facinus proclivis; sed cum Improbioris illius vis ac facultas ad talia facta non pertingat qualia Ancilla adversus eam attestata est, illi meritò potiùs quàm Ancillæ fidem habere debemus. Sensus cujus Objectionis, si quid ego intelligo, alius esse non potest quàm hic: Quòd aut *Anna Bodenham* Venefica non erat, aut quòd facta adversus eam attestata, erant prorsus impossibilia. Cujus partis posterioris sensus proculdubio est, quòd impossibile est ut quisquam Magus sit aut Veneficus, quippe quòd Spiritus nulli sunt sive Dæmones qui ab ipso evocentur. Quod quidem *Premissus* est nimis imperitè aut nimis callidè missas facere quippe nimium firmas, & cavillari cum *Conclusione*.

13. Quòd si sensus sit (concesso quòd sint veneficæ) eam tamen veneficam non fuisse, equidem sentio evidenter evinci posse eam fuisse, ex eis quæ certò constat eam egisse & dixisse: Ut exempli causâ ex eo, quòd multarum personarum absentium effigies Ancillæ ostenderit in *Vitro*, actionesque earum ac gestus in diversis cubiculis adium domini sui; ad quas postquam rediisset à Venefica, narravit eis accuratè quid egerint in absentia sua, quod fecit ut *Elizabetha Roswell* una è familia profiteretur se D. *Bodenham* sentire aut *Veneficam* esse aut *viram Dei*. Præterea, Quæ illi contigerunt cum relatione ad Ancillæ paroxysmos, quibus jam satis immorati sumus, non levem creant suspicionem, eam fuisse *Veneficam*. Quemadmodum & illud de quo apud D. *Tuckeri* amanuensem gloriata est, de marsupio nempe funiculo viridi à cervice sua suspensò, quo multa ludicra se exhibere posse jactabat, dixitque, si sex pocula *Cervisiæ* ipsi vellet dare, se effecturam ut bufo ex eo exiliret. Adde confessionem illius apud D. *Langleium Salisburgensem*, quòd in domo vixerat Doctoris *Lamb*, edoctaque est artem ab ipso ciendi Spiritus sive Dæmonas evocandi: quod etiam confessa est apud *Edmundum Bower*, apud quem porrò agnovit se peritiam habere curandi morbos per carmina vocève *Magicas*. Bonaque furto ablata detegendi ubi essent, ostendendique furem cuilibet in vitro. Rogatque ab ipso de *libro rubro*, cujus dimidium sanguine scriptum erat, quippe Catalogum eorum qui obsignaverant Diabolo continenti; notitiam quidem illius libri minimè celavit, dixit verò penès quempiam esse in agro *Hamptoniensi*. Professsa est etiam se multas adhibere solere bonas preculas, symbolumque Apostolicum prorsum retrorsumque repetere, *Jovè*que *Planetam* invocare, morborum sanandorum causâ.

Aguovit



Agnovit porrò librum se habere, quo *Spiritus* evocabat, librum cum appellans, *librum Carminum Magicorum*, dixitque plus millenis aliis libris valere, esseque in eo Carmen particulare, ad Thesaurum investigandum à seniore Comite *Pembrokensi* absconditum in parte septentrionali horti *Wiltoniensis*.

Alteri cuidam, ab eo interrogata, ulline essent *Spiritus*, respondit se certam esse quòd sint, confirmavitque apud ipsum ex multis nuperis eventis, & particulatim ex eo, \* quòd quidam coactus erat per totam noctem deambulare in stagno, cum paxillorum fasciculo dorso imposito. Cujus mentio facta est in fine quartæ Evocationis suprâ recitatæ. Summis etiam apud ipsum laudibus suam artem extulit, à terminis vocibusve Astrologicis minimè abstinens, populique ignorantiam magnopere contempsit culpavitque, affirmans apud ipsum, cum omni animi contentione ac confidentia, nullam esse noxam ab his *Spiritibus*, verum omnia bona officia ipsi præstituros esse, eumque comituros, & ab omni malo custodituros per omnes dies vitæ suæ.

Sed enimverò, *lacerosi* illius *Pueri*, tales non erant. Quippe qui Ancillam à custodiendis Dei præceptis liberare voluerunt, dicentes ei, se meliorem viam ipsi ostenduros esse, quemadmodum & ipsa apud eundem hominem confessa est.

Hiscæ omnibus adde, *Annam* hanc *Bodenham*, Veneficæ explorationem subiisse, inventamque esse in humero illius certam quandam Notam, sive *Uberculum*, accedens ferè ad longitudinem & amplitudinem papillæ in mamma muliebri, cavumque ac molle ut papilla, cum foramine in illius summitate.

14. Quamobrem ut concludamus, Cùm in ea inventa sint, cùm ab ea facta dictaque sint talia, quæ evidenter eam Veneficam fuisse indigent, facultatemque habuisse evocandi *Spiritus* sive *Dæmonas*, cùmque à tali, evocationis dæmonum accusata sit, quam minimè verisimile est ullas istiusmodi Formas *Magicas*, Effecta, aut circumstantias quæ suprâ memoratæ sint, excogitare potuisse, quæque rem gestam, adèd sine omni partium studio recitat ut seipsam ferè ex æquo cum Venefica attingat, quæ pactum agnovit cum diabolo de rebus gestis silentio celandis, quæque post detectionem sceleris ita tractata est ut manifestum esset, supra omnis morbi leges modòve fuisse, qui fingi potest, ut sic afficeretur; Hæc, inquam, non possunt, quin apud quemlibet hominem, quem præjudicium animusque obstinatus non penitus occænaverint, plenum obtineant assensum, ea utique quæ Ancilla confessa est de seipsa ac Venefica, \* verissima fuisse atque certissima.

## SCHOLIA

## In CAP. VII. SECT. 13.

Quòd quidam coactus erat per totam noctem deambulare in stagno cum paxillorum, &c. Atque equidem ad istum Magum qui hoc effecit, ut sciscitanti de *Spiritibus* satisfaceret *Saga*, eum ultro invitavit ut proficisceretur, suoque nomine rogaret ut *Spiritum* ipsi ostenderet, quod pro certo affirmavit eum effecturum esse suâ gratiâ, nomenque *Magi* dixit, & locum ubi habitabat. Sed sciscitator non minus pius quam curiosus, istiusmodi oblata officia repudiavit. Hic Magus aliquot post annos cumulatis convictus testimoniis, eisque evidentissimis, ipse etiam extremo affectus est supplicio. Tam firmiter coherent omnia ad fidem faciendam narrationi *Annæ Stylesiæ* de *Anna Bodenham*.

Sect. 14. Verissima fuisse atque certissima. Et tamen paucos post annos quàm suspensa esset *A. B. Medicus* nescio quis è Comitatu *Salisburiensi*, (quæ erat ejus impudentia) totam ferè narrationem tanquam falsam traduxit; cùm tamen vix ulla major evidentiareperiri possit aut optari in rebus humanis. Quòd quidem efficere debet ut viri prudentes, narrationibus tam authenticis tamque maturè publicatis, propter leviculorum hominum vellicationes, insubidasque irrisiones, postquam omnis examinandi opportunitas præterierit, caveant ut statim imminuant fidem. Sed solent profectò istiusmodi homunciones, qui aut *Athei* sunt, aut sic videri volunt, ut eò *Naturæ* peritiores existimari possint, sine ullo aut vera scientiæ aut conscientiæ momento quidlibet effutire, quòd in rem suam cessurum sperent. Quin & ii qui reverà *Athei* sunt, aut immane quantum eò propensi, mundanisque interim voluptatibus toti dediti, hujusmodi narrationes falsas esse efflictim cupiunt. Unde tantum istud rerum gestarum non modò *Annæ Bodenham*, sed & *Dæmonis Tedworthiensis* memoriam extinguendi apud disinctos *Nepotes* studium; quasi extincta *Dæmonis*

memoriâ Damon ipse extinctus esset aut defunctus, tutoque sic in Oenopoliis cantilenam illam debacchatoriam alacri boatu cantare possent.

Eho Damon mortuus est, mi parve Johannelle,  
Dabitulum alterum, da alterum poculum, & tunc erit  
admodum bellé.

Quemadmodum habet Rythmus ille vulgaris Anglicanus quem ut potui Latine sum imitatus. Interea loci dum isti tam solliciti sunt, ut id genus omnia sint falsa, ne fidem rerum majoris momenti ipsis ingenerent aut resuscitent; viri omnes prudentes ac sobrii, usum hujusmodi certissimarum narrationum facile hinc intelligent, observabuntque quam miram habeant vim, ipsis etiam Athei judicibus, ad fidem confirmandam Immortalitatis Animæ ac vitæ futuræ, veritatisque adeo Christianæ Religionis universæ.

## CAP. VIII.

1. *Due memorabiles Historiæ cum earum Credibilitate.* 2. *Prima de Sutore Vratislaviensi qui jugulum sibi concidit.* 3. *Illius apparitio post mortem in suo solito habitu, molesteque totius oppidi per eum Infectiones.* 4. *Effosso corpore, postquam octo menses sepultum jacuisset, carnem illius integram fuisse atque floridam articulosque laxos ac flexibiles.* 5. *Eodem combusto Apparitionem cessavisse.* 6. *Quod etiam accidit in quadam illius ancilla postquam populum vexasset molestassetque per mensem integrum.* 7. *Historiæ Narratorem in oppido vixisse eodem tempore quo hæc acciderunt.*

1. **A**ntecedenti Narrationi tam diu immorati sumus, partim quia adeo recens erat, ita ut quivis certam notitiam de illius veritate sibi exquirere posset, qui de hujusmodi rebus dubitaverit; & partim quoniam ita notoria est, ut vix quicquam earum omnium quæ apud Scriptores occurrunt, pensitatis omnibus circumstantiis, ad eam possit equiparari. Et tamen si æquè recentes essent, nescio profecto an istæ Narrationes Martini Weinrichii Medici ac Philosophi Silesii, (quæ per modum Præfationis, *Pici Mirandulani Strigi* (sive *De Ludificatione Damonum*) præfiguntur) videri non possint ad homines convincendos perinde idoneæ.

Historiæ duæ sunt, admodumque memorabiles, atque eò magis credibiles quòd res in Narratoris ætate contigerunt, paucis aliquot annis quàm eas scripserit, & in propria denique patria, affirmatque cum confidentia quanta potest maxima, eas certissimè esse veras. Harum prior hæc est.

Sutor quidam in uno ex præcipuis Oppidis *Silesiæ*, Anno 1591. Septembr. 20. Die Veneris summo manè in remotioribus ædium suarum partibus, quibus adiacebat Hortulus, cultello sutorio suum sibi jugulum succidit. Familia, ad celandam facti turpitudinem, & ut nulla ignominia in ejus viduam derivaretur, in vulgus sparserunt eum ex Apoplexia mortuum esse, declinârunt omnes amicorum vicinorumque visitationes, lavandum interim curârunt, lintheaque ipsi tam commodè circumjecerunt ut etiam ii qui eum postea viderunt, ut Pastor Paræciæ & alii nonnulli, ne minimam conciperent suspicionem quin ex isto morbo mortuus esset. Atque sic honestam obtinuit sepulturam cum concione funebri aliisque circumstantiis quæ hominem illius ordinis atque existimationis condecere. Sex septimanæ non præterierant, cum rumor vehemens prorupit, eum nullo ex morbo mortuum esse, sed vim sibi ipsi intulisse, adeo ut Magistratus oppidi non potuerint quin omnes eos qui corpus defuncti viderant sub strictam examinationem convocarent. Rem verò illi declinârunt primum quàm dextrè poterant, bellas adhibentes Apologias quamplurimas pro defuncto ad amoliendam omnem suspicionem tam nefarii facinoris. At verò tandem postquam ipsorum conscientias urgentius implorassent Magistratus, apertè eum confessi sunt violentâ morte interemptum, sed obnixè eos orârunt ut favorem ac clementiam exhiberent erga viduam atque liberos, quippe qui omni culpâ immunes erant, addentes porro, incertum esse, quin externo aliquo casu occidi posset, & quidem si à seipso, ex ineluctabili tamen aliqua mentis emotione ac vesania id fieri potuisset.

His dictis, Senatus deliberavit, quidnam esset agendum. Quod cum vidua audivisset, merueretque nè quid statuerent quod durum foret, & quod in suam maritiquetenderet ignominiam, ingentem (eò ardelionibus quibusdam stimolata) querelam detulit



detulit adversus eos qui istam famam de marito suo excitârant, decrevitque litem eis intendere, vehementer interim contendens ab omni ratione alienum esse ut ex meris rumoribus levibusque defamationibus malevoli populi corpus mariti effoderetur, ita-  
ve tractaretur ac si Magus fuisset aut *Suicida*. Quæ confidentia scemina atque pervi-  
cacitas, quanquam post facti confessionem, aliquem tamen, apud Senatum, sortita  
est effectum, aliquamque moram suis consiliis injecit.

3. Cæterum dum hæ res agitantur, ad stupefactionem totius oppidi, apparuit  
*Spectrum* sub perfecta specie habitûque defuncti, idque non solum noctu sed & meri-  
die. Qui dormiebant horribilibus visionibus terrefecit; qui vigilabant, eos percu-  
tere solitus est, vellicare, aut opprimere, cum pondere eis incumbendo, ad instar  
*Ephialtis*; adeo ut perpetuæ essent querelæ unoquoque manè, de proximæ noctis In-  
quiete per totum oppidum. Sed quanto plures ludos hoc spectrum fecisset, tanto di-  
ligentiores fuerunt amici defuncti in suppressendis eorum rumoribus, aut saltem in  
impediendis eorundem rumorum effectis. Ac proinde ad Præsidem se contulerunt,  
conquerentes quàm injustum esset, ut tantum tribueretur famæ levi, cæcæque suspi-  
cioni; ac propterea eum orârunt ut Senatum inhiheret ab effodiendo corpore defuncti,  
& ab omne tractatione ignominiosa; addentes porro, sibi in animo esse ad Curiam  
*Cæsaream* provocare, ut ipsorum potius sapientia controversiam dirimere posset, quàm  
ut causa hic determinaretur, ex levibus conjecturis malignorum hominum.

Sed enim, dum hac ratione res adhuc procrastinabatur, tales turbæ erant actu-  
multus per totum oppidum, ut vix enarrari possint aut describi. Etenim statim at-  
que Sol caput suum absconderat, hoc Spectrum non desinit certò efferre suum, adeo ut  
unusquisque coactus esset circumspicere suæque custodiæ prospicere salutem. Quod  
magnæ profectò eis molestiæ erat, quos labores sui diurni, nocturnæ Inquietis impa-  
tientiores reddidissent. Nam terribilis hæc apparitio ad spondas lectorum stabat, ali-  
quando in medios lectos se conjiciebat, pressè adjacebat, miseræque homines suffoca-  
bat. Itaque eos percutiebat ac digitis comprimebat, ut non solum maculæ lividæ,  
sed manifestæ digitorum impressuræ in multis corporum partibus manè conspiceren-  
tur. Quinimo, tanta erat violentia atque impetuositas hujus *Lemuris* ut, cum lectos  
homines dereliquissent & intra coenacula se continerent (accensis luminaribus) idque  
multi simul, quò melius se securos redderent à timore atque turbis, ipsis nihilominus  
sic congregatis apparuerit, nonnullos ex ipsis infestans, quanquam tam pulchrè visi  
sunt sibi prospexisse. In summa, tam molestus erat atque turbulentus, ut populus  
ædes suas deserturus esset, aliâque domicilia quæsiturus; Magistratûsque ita experge-  
facti ex perpetuis populi querelis, ut statuerent tandem, Præsidente consentiente, cor-  
pus esse effodiendum.

4. Jacuerat in sepulchro, octo ferè menses, nempe à Sept. 22. Anni 1591. ad April.  
18. Anni 1592. Postquam effusus esset, quod factum est Magistratibus Oppidi præ-  
sentibus, corpus ejus repertum est integrum, & nullatenus putrefactum, nullaque  
erat circa eum malevolentia, præterquam muciditatis lintheaminum sepulchralium.  
Articuli laxi erant & flexibiles, ut in hominibus vivis, Cutis tantum flaccida erat,  
sub qua tamen, illius loco, altera magis vivida ac florida enata est. Vulsus guttu-  
ris hiulcum, sed nulla sanies aut pus in eo inventum. Observata est etiam Nota  
Magica in dextri pedis pollice, Excrescentia scilicet Rosæ formam referens. Corpus  
extra terram ab April. 18. ad 24. servatum est. Quo tempore multi, tum ex eodem  
oppido tum aliunde ad ipsum visendum quotidie confluerunt. Turbæ tamen hæ  
interim atque inquietationes minimè cessarunt, quas postea sedare tentabant corpus  
sepeliendo sub patibulo; sed frustra. Equè enim ingruebant atque unquam, si non  
magis, cum nē propriæ quidem familiæ tunc parceret; adeo ut ipsius vidua tandem  
Magistratus adiret, dixeritque eis se diutius quidem non gravaturam esse, si ipsis vi-  
sum fuerit aliquid severius statuere de marito suo.

5. Quamobrem Maii septimo iterum effusus est, observatumque quòd manifestò  
carnosior factus sit ex ultima sua sepultura. Ac nē multa, caput absiderunt, &  
brachia crurâque cadaveris, & dorsum aperientes cor exemerunt, quod vividum  
erat atque integrum, veluti vituli recens mactati. Hæc simul cum corpore in unam  
lignorum struem imposuerunt, concremâruntque in cineres, quos diligenter conver-  
rentes & in saccum (nē quispiam eorum quicquam in malos usus auferret) immit-  
tentes, in fluvium effuderunt, quo facto Spectrum nunquam postea visum est.

6. Quemadmodum & contigit in ancilla ejus, quæ post eum mortem obiit, \* quæ  
que intra octiduum post mortem suam conservæ suæ apparuit, ei que tam gravi ponde-  
re incubuit, ut grandem oculorum intumesceniam ipsi conciliaret. Tam misère In-  
fantem in Cunis tractavit ut nisi nutrix venisset in subsidium, infans ferè enectus  
fuisset;

fuiſſet; illâ verò ſignante ſe ſigno crucis & nomen Jeſu invocante, ſpectrum evanuit. Nocte proximâ apparuit ſub ſpecie Gallinæ, quam cum una ex ancillis domeſticalem reverâ autumaret, eamque inſequeretur, Gallina in immanem magnitudinem excrevit, ſtatimque jugulum Ancillæ impetivit, fecitque intumeſcere, adeo ut ad aliquantum poſt temporis commodè nequiret aut edere aut bibere.

Ad menſem integrum has turbas perpetuabat, alapas aliis tam ſtrenuè impingens, ut iſtus audiri eſſent ab adſtantibus, lectum verò ſubtrahens aliis, & nunc ſub una forma apparens nunc ſub alia, ut fœminæ, canis, felis & capræ. Tandem verò corpore effoſſo & combuſto, apparitio nunquam poſtea eſt viſa.

7. Hæc facta ſunt *Vraſlavia* (*Breſlaw* vulgò dictæ) in *Sileſia*, ubi hic *Weinrichius* tunc vixit: quod eo majus Narrationi momentum addit. Quod perſonarum nomina celaverit, id Civilitatis ergo factum credo, adverſus defunctum ſuum Co-oppidanum Co-oppidanamque viduam atque ipſorum Familiam.

## SCHOLIA

### In CAP. VIII. SECT. 6.

**Q**uæque intra octiduum poſt mortem ſuam conſervæ ſuæ apparuit, &c. *Anima* igitur (ſi hæc anima famule fuit) non tamdiu inheret corpori poſt mortem quam quidam autumant. Immo ſi vera ſunt quæ audiui, *Anima* aliquando aut inter efflandum *Spiritum*, aut ſtatim poſt efflatum, viſa eſt ſub eadem ſpecie, quâ homo erat vivus, vel aliquando ut tenuis albâque umbra. Quibus de rebus nihil opus eſt hîc expatiari.

## CAP. IX.

1. *Alterâ Hiſtoria de Cuntio quodam, cujus primus Scriptor non ſolùm in oppido vixit, ſed res dîras in iſta Tragedia paſſus eſt.* 2. *Qualitas Cuntii, iſtûſque fatalis ab equo ſuo, deſperatâque Animi afflictio.* 3. *Prodigia mortem ejus comitantia.* 4. *Spiritus Incubus ſub illius Specie, cum aliis turbis.* 5. *Turba immaniores, ut & illius apparitio compatri filii ſui in ipſius gratiam.* 6. *Varia effecta miſera ex Apparitione illius in perſonis variis.* 7. *Quâm malè ab eo tractatus ſit Paſtor Paracia cum ſua Familia, qui Hiſtoriam ipſe ſcripſit.* 8. *Multorum aliorum veſanorum ludorum hujus Spectri brevîſ recitatio.* 9. *Accidens memorabile in Lapide Sepulchrali.* 10. *Cuntii habitus corporis floridus, poſtquam anni dimidium ſepultus jacuiſſet; utque baculum manu prehenderit, deque motu oculorum atque ſanguinis.* 11. *Prodigioſum corporis pondus;* 12. *Illiusque Incombuiſtibilitas.* 13. *Quâm difficile futurum ſit Atheo perſugium invenire contra hanc Hiſtoriam.*

1. **A**lterius Hiſtoriæ, quam deſcripſit, ipſe quidem non primus eſt ſcriptor (quanquam ſuis temporibus res geſtæ erant & ut opinor, aliquanto poſt eas quæ ſuprà memoratæ ſunt, quemadmodum locus quidam in Narratione videtur inſinuare) ex quodam verò tranſcripſit qui non ſolùm vixit in oppido, ſed ſæpe infeſtatus eſt à noxiis occuſionibus turbulenti illius *Lemuris* qui tam multa mala oppido in quo habitabat, intulit. Narratio aliquanto prolixior eſt. Ego verò in ambitum quam potero breviffimum compingam.

2. \* *Johannes Cuntius* Civis oppidi *Pentſch*, in *Sileſia*, ſexaginta ferè annos natus, unûſque ex Senatoribus Civitatis, moribus certè probis, ad hominum quidem opinionem, inculpatisque per totum vitæ curriculum, cum accerſitus eſſet ad domum *Pratoris*, (quippe vir admodum prudens rerûmque agundarum gnarus) ad dirimendas aliquas controverſias, Aurigas inter & Mercatorem *Pannonia*, iſtis rebus peractis, à *Pratore* invitatur ad cœnam: Impetratâ autem veniâ, domum priùs redit ad res aliquas illîc expediendas, hanc poſt ſe relinquens ſententiam, *Conſultiſſimum eſt hilarem eſſe dum licet, ſatis ciq̃ enim ingruunt mala quotidie.*

Hic *Cuntius* Equos quinque generoſos in Equili ſuo habuit, quorum unum juiſſit educi, cumque ſolea illi laxa eſſet, alligandum curavit palo proximo. Dominus ejus cum ſervo cruri attollendo operam dederunt, quo ungulam ejus inſpicerent. Equus verò,



verò, quippe ferox & stomachosus, utrosque humi prostravit, *Cuntius* autem ictus partem maximam excepit. Quidam qui adstabat, utrosque rursus in pedes erexit. *Cuntius* statim atque surrexerat seque ipsum recollegerat, *Hei mihi*, inquit vociferans, *quàm ardeo, quàm totus flammis incendor.* Quod idem is sæpe repetiit. Partes verò, de quibus maximè conquestus est, mulieribus è conclavi emissis, postquam exploratæ essent, nulla ictus ullius noxæve in eis inventa sunt vestigia. Ac nè multa, *Ager* omninò decumbit, mentèque miserè afflicta, altâ voce conqueritur sua peccata talia esse, ut nullam prorsus admitterent condonationem, minimamque eorum partem majorem esse peccatis omnibus totius Universi. Sed nullum passus est Theologum ad se venire, nec particulatim ea cuiquam est confessus. Multi quidem spargebantur rumores ac si unum ex filiis vendidisset, sed quando & cui incertum erat, pactumque fecisset cum diabolo, & similia. Caterùm observatum erat certòque cognitum, eum præter omnem expectationem opulentum evasisse, & quadriduo quàm hoc malum accidisset, cum compater cuidam Infanti esset, dixisse hunc ultimum esse pro quo ipse sit responsurus.

3. Nocte, qua è vita discessit, filiorum natu maximus cum illo vigilabat. Circa tertiam noctis horam Spiritum efflavit, quo tempore felis nigra fenestram aperiens unguibus (clausa enim erat) ad lectum ejus cucurrit, facièmque ac cervical tam violentè scalpsit, ac si conaretur è loco quo jacebat eum amovere. Subitò verò postea felis abiit, statimque ut illa abiit, *Cuntius* extremum emisit halitum. Pulchra quæ Pastori Paræciæ narraretur concinnata est fabula, oppidique Magistratibus annuentibus, sepultus est ad dextrum latus Altaris, amicis ejus ea de re haud exiguam summam solventibus. *Cuntius* verò vixdum vitam exhalaverat, cum ingens coorta est tempestas, quæ in ipso funere maximè sæviebat, ubi tam violenti erant turbines venti atque nivis, ut corpora hominum facerent contremiscere, dentesque præ algore crepitare in capitibus. Caterùm simul atque sepultus est, summa subitò subsecuta est aeris tranquillitas.

4. \* Vix diem unum & alterum defunctus erat, cum varii rumores per oppidum spargebantur de *Spiritu Incubo*, sive *Ephialte*, in specie *Cuntii*, qui sceminam violare tentaverat. Hoc antè accidit, quàm sepultus esset. Post sepulturam idem *Spectrum* è somno quempiam excitavit in cœnaculo suo dormientem, dicens, *Vix me abstinco quin ad mortem usque te verberem.* Vox, *Cuntii* voci omnino similis erat. Vigiles etiam oppidi affirmârunt se singulis noctibus magnas audivisse turbas in ædibus *Cuntii*, casus projectusque rerum ultro citroque, forèsq; ejus quotidie summo manè se vidisse patentes, quantocunque studio atque curâ sub noctem fuissent clausæ. Equos etiam valde inquietos fuisse in Equili, tanquam si calcitrarent morderentque se invicem; necnon inusitados larratus per totum oppidum ululatusque canum. Caterùm hæc tantùm suspicionum præludia erant, quæ evidentioribus indiciis præirent, quæ quàm breviter potero, nunc percurram.

5. Famula cujusdam ex Civibus oppidi *Pentsch* (dum hæc Tragœdiæ turbæque tam frequenter excitabantur in oppido) audivit cum aliis quibusdam, in lectis suis jacentibus, strepitus gressusque cujuspiam circa ædes equitantis, qui tandem contra parietes eâ violentiâ irruit, ut tota domus ita concuteretur ac si sublapsura esset, fenestraq; omnes luminis coruscationibus erant oppleta. Pater-familias cum ea de re monitus esset foràs prodiit manè ad visendum quid factum esset, viditque in nive impressuras pedum prorsus insolitorum, quales nec equorum pedes sunt, nec vaccarum, nec porcorum, nec ullorum aliorum Animalium quæ ipse noverit.

Alio tempore circa horam, noctis, septimam, *Cuntius* cuidam ex amicis, qui pro uno è liberis suis sponsor fuerat, apparuit, ipsumque alloquens, \* bono animo esse jussit, se enim illuc venisse dixit in eum tantum finem, ut rem magni momenti ei impertiret. Reliqui, inquit, filium meum natu minimum *Jacobum*, cujus tu compater es; nunc verò apud filium meum natu maximum *Stephanum* Civem *Jegerdorfsensem*, est certa quædam arcula cui quadringentos quindecim Florenos imposui. Hoc tibi enarro, nè filius tuus lustricus eorum aliquibus defraudaretur, tuumque officium est illud curare; quod si neglexeris, *va cuticula tua.* Postquam hoc dixisset, *Spectrum* discessit, abiitque in superiora domi Conclavia, \* ubi tam strenuè firmiterque ambulavit, ut omnia inde resonarent, ipsumque tectum vacillaret à ponderosis pedum impressibus. Hoc Amicus *Cuntii* Paræciæ Pastori pro certo affirmavit postridie triduove quàm factum esset.

6. Caterùm sunt & alia multa hujus *Cuntii* facta notoria. Qualia sunt frequentia ad ancillam, cum Domina sua *Cuntii* vidua in eodem lecto concumbentem, alloquia, jubentis ipsi locum cedere, suum enim jus esse, quod ni fecerit, se cervicem ei retrorsum contorturum.

Celeres

Celeres ejus ultrò citròque in propriæ domûs atrio equitationes; Quemadmodum & sæpenumerò visus est equitare non solum in plateis, sed & in camporum vallibus, montiumque jugis, idque gressu tam forti succussatorio, ut ignis sub eo è solo exiliret.

Contusio corporis Infantis fabri cujusdam, quo ossa ejus adeò mollia reddidit, ut in cumulum corpus facilè quis convolvere posset, ad morem Chirothecæ.

Infesta ejus per totam noctem colluctatio cum *Judeo*, qui in oppidi hospitabatur diversorio, quem ultrò citròque jactavit in cubiculo ubi pernoctabatur.

Horrendus illius congressus cum Auriga, amico suo veteri, dum suis rebus intentus erat in Equili, contra quem ignem evomuit ad terrorem ei incuriendum, pedemque illius tam immaniter momordit, ut claudum indè redderet.

7. Quæ sequuntur, prout suprâ monui, ad ipsum Narratorem spectant; qui Pastor erat Parœciæ, quem hic *Lemur* adeò collisit pressitque dum dormiebat, ut ex-pergefactus repererit se totum languidum lassumque, virèsq̃ penitus exhaustas, cujus tamen causam neutiquam potuit comminisci. Dum verò jacebat, secum reputans quid hoc rei esset, *Spectrum* ad eum redit, totumque tam firmiter detinens, ut nè digitum quidem movere posset, volvit revolvitque in lecto, multis continuis vicibus. Quod idem uxori etiam suæ contigit alio tempore; quam *Cuntius*, per fenestram ingressus pusilli homunculi formâ, currens ad lectum ejus ita constrinxit vellitque ac si jugulum ipsi elisurus fuisset, nisi duæ illius filiæ ei venissent in subsidium. Labia etiam unius ex filiis hujus Theologi ita compressit, ut ægrè possent rursus disjungi.

Domus ejus tam frequenter ab inquieto hoc Dæmone infestata est, ut famuli coacti essent singulis noctibus in uno cubiculo simul manere, aggressusque, in stramine jacentes, expectare hujus turbulenti *Lemuris*. Cæterum famula quædam cæteris animosior, quadam nocte lectum petere cum omnino decrevisset, sociosque suos deferere, *Cuntius* eam solam reperiens, statim adoritur, lectum ipsi subtrahit, ipsamque secum auferre annisus est; illa verò è manibus ejus ægrè elapsa ad reliquos è Familia confugit, ubi eum prope candelam adstantem vidit, & paulò post disparentem.

Alio tempore, in Domini ejus cubiculum intravit, strepitum imitans Porci fabarum siliquas avidè comedentis maxillisque increpantis, ac grunientis perquam sonore. Alloquendo eum fugare non potuerunt, sed simulatque candela accensa esset, disparuit.

Atque alio tempore sub vesperam, quando Theologus hic cum uxore liberisque sedebat, Musicam, ut illius mos erat, exercens, gravissimus subito subortus est foetor, qui paulatim in omnes angulos conclavis se diffudit. Hinc seipsum suamque familiam Deo precibus commendat. Foetor nihilominus tamen accrevit, evasitque supra modum pestiferè noxius, adeò ut coactus esset in cubiculum ascendere. Ipse cum uxore horæ quadrantem vix jacuerant, cum eundem foetorem in cubiculo offendunt, de quo dum alter apud alterum conqueruntur, *Spectrum* à pariete tacitè prodit, propensque ad lecti spondam, halitum in Theologum spirat admodum frigidum, sed tam intolerandi malignique foetoris, ut omnem Imaginationem sermonisque explicationem excedat. Unde Theologus, bonus vir, pessimè se habuit, coactusque est decumbere, facie ejus, ventre & intestinis intumescens ac si venenum hausisset. Hinc etiam factum, ut Dyspnœa laboraret, putridaque oculorum inflammatione, adeò ut usum eorum ad bene longum tempus perdiderit.

8. Sed bonam Theologo valetudinem precati, si redire velimus eaque quæ omisimus recitare, equidem eorum numerum excessura essent quæ jam recitavimus. Qualia sunt, exempli causâ, Tremor Sudorque Equi *Cuntii*, à quo immunis erat neque noctu nec interdiu. Flammæ candelarum luridæ factæ appropinquante Umbrâ *Cuntii*. Lac ab ipso è vasis absorptum, stercusque in ea injectum, lac etiam aliquando in sanguinem conversum. Palorum per ipsum evulsio, licet profundè in terram infixorum, tamque gravium ut duo bajuli eis portandis vix sufficerent. Colloquia illius cum multis hominibus de rebus Aurigarum. Suffocatio Senum, Cunarum Infantum detentio, eorumque ex cunis ereptio. Frequentes illius conatus constuprandi sceminas. Aquæ coinquinatio in Baptisterio, linteique in Altari (ea in parte quæ prope illius sepulchrum propendebat) maculis lutulentis & sanguineis conspurcatio. Canum abreptio in plateis, cerebrique in terram allisio. Vaccarum exsuctio, caudarumque ad modum caudæ equinæ plexus & ligatio. Gallinarum devoratio, caprearumque constrictarum in præsepia injectio. Equi ad dolium vacuum avenarium alligatio in Equili ad strepitum ultro citròque faciendum, pedisque alterius equi ad caput per proprium capistrum adstrictio. E fenestra humilis Turris prospectio, subita-

que



que tunc sui ipsius in oblongi baculi formam commutatio. Increpatio Matronæ quod passa sit famulas patinas lavare die Jovis, quo tempore manum ipsi imposuit, dixitque frigidorem ipsi visam esse omni glacie. Impetitio unius è sceminis qui cadaver ejus lavârunt tam violenta cum glebis, ut glebarum impressuræ in eam jactarum videri possent in pariete. Adniscus ejus constuprandi alteram, quæ cum se excusaret, dicens, *Mi Cunti, ipse vides quàm annosa, rugosa & deformis sim, & quàm omni ex parte ad istiusmodi ludos inidonea*, altum is continuò cachinnum sustulit & disparuit.

9. Cæterùm hisce in rebus nobis non est immorandum, addemus tantummodo unicum insuper factum, quod quidem notatu haud indignum est. Lapis ejus sepulchralis paululùm eversus est in latus alterum decliviter, multaque conspecta sunt in terra foramina, ad magnitudinem eorum quæ mures habitant, quæ ad ipsius capulum pertigerunt, quæ quantocunque studio sub noctem terrâ oppleta essent & complanata, manè proximo aperta rursus certò erant conspicienda.

Nimio tadio esset omnia ad plenum enarrare, Historiàmque prosequi in singulis suis circumstantiis. Ut concludamus igitur; Calamitas eorum à frequentibus hujus inquietæ Furis occursionibus tanta erat, ut nulli essent quin eos aut commiserarentur aut haberent despiciatui, nulli in eorum oppido pernoctari voluerunt, Mercatura obsoleverat, Civesque perpetuis turbis ac tumultibus hujus infesti *Lemuris* ad extremam paupertatem redacti sunt.

10. Et certè, quamvis *Atheus* forsan eos derisurus sit, tanquam homines propriâ suâ Melancholiâ vanisque imaginationibus, aut malorum aliquorum vicinorum technis ludicris ac petulantia, pessundatos; tamen si seriò apud se quæ jam narrata sunt perpendere velit, multa equidem effecta observabit, quæ in istiusmodi causas resolvi non possunt; quæ verò jam narraturus sum, veri omninò dissimile reddent, eorum ulla esse resolvenda.

Breviter igitur; Cum nullam requiem à malis præsentibus invenire possent, nec melius excogitare remedium, corpus *Cuntii* effodiunt, cum multorum aliorum, tum ante tum post eum sepulcorum. Ii verò tum ante tum post eum sepulti, aded putrefacti corruptique erant, craniis fractis, suturisque hiantibus, ut à forma speciève omnino non essent dignoscendi, quippe in rudem terræ massam lutumque quodammodo conversi. Res verò longè aliter se habuit in *Cuntio*: Cutis ejus tenera erat & florida, Articuli minimè rigidi, sed laxi & mobiles, \* baculòque in manum ejus imposito, admodum firmiter eum digitis comprehensabat. Oculi etiam sponte se nunc aperiebant, nunc claudabant. Inciderunt venam in crure, sanguisque exiliit aequè floridus atque in hominibus vivis. Nasus integer erat & quasi rotundus, non acutus, quemadmodum fit in eis qui aut lethaliter ægrotant, aut planè mortui sunt: Et tamen corpus *Cuntii* in sepulchro jacuerat à Febr. 8. ad Jul. 20. quod Anni ferè dimidium est.

11. Facile jam dignosci potuit ubi horum malorum esset origo. Utcunque nihil temerè statutum est, sed Judicibus constitutis, sententiam in *Cuntii* cadaver tulerunt, quod, eò animati à successu in casu consimili ante paucos annos in hac ipsa *Silesiæ* provincia, (*Vratislaviam* indigitari existimo, ubi Sutoris cadaver combustum est) igni adjudicârunt.

Quamobrem Cæmentarii accersiti sunt, qui in pariete præpe Altare foramen perfoderent, per quod corpus illius posset trahi. Quod cum fune traheretur, aded supra modum grave repertum est, ut funis dirumperetur, cadaverque vel tantillum dimovere vix valerent. Postquam verò ipsum pertraxissent, carròque foris imposuissent, quod equo *Cuntii*, qui eum percusserat (qui robustus animosusque erat *Cabalus*) trahendum erat, equidem vires illius ita tamen exercebantur, ut subinde ferè sublapsurus esset præ labore, totusque factus anhelus enitendo tam intolerandum onus secum auferre. Qui tamen statim postea duos homines eidem carro impositos nullo negotio, cursu celerrimo avexit, quippe quorum pondus nullius ferè erat momenti cum illius robore comparatum.

12. Corpus ejus postquam ad ignem allatum esset, eique impositum, combustionem repertum est aequè gravatim ferre atque pertractionem, aded ut carnifex uncis ipsum ex igne extrahere coactus esset & in frustra discindere, quò comburi posset. Quod dum faciebat, sanguis tam purus repertus est & spirituosus ut in illius faciem dum dissecabat, exiliret: tandem verò, nec sine ducentorum sexdecim magnorum lignorum impensa, totum conversum est in cineres. Quos diligenter converrèntes, (ut in antecedente Historia) postquam in fluvium conjecissent, Spectrum nunquam deinceps apparuit.

13. \* Equidem fateor me tam tardo esse ingenio, ut comminisci planè nequeam, quid hîc Atheus excogitaturus sit in subterfugium sibi ac latibulum, contra tam manifestas evidentisque demonstrationes.

Hactenus de Veneficiis aliisque devotis *Satanae* vasallis *sigillatim*; Ipsorum *Cætus* jam ac *Conventicula* considerabimus, ulteriora argumenta pro *Spiritibus & Apparitionibus* indè deducturi.

## SCHOLIA

## In CAP. IX. SECT. 2.

**J**ohannes Cuntius Civis Oppidi Pentſch, &c. In *Tabulis Ortelianis Bentsch* dicitur. Sunt verò P. & B. *litera & sono & figurâ* satis cognatae. Bentsch verò sive Pentſch oppidum est Silesiæ quatuor fere milliaribus distans à Jegerſdorf, cujus mentio fit Sect. 5.

Sect. 4. Vix diem unum & alterum defunctus erat, &c. Hoc porro confirmat quod in precedenti capite notavimus, Non diu esse quam *Anima* laxetur solvatûrve à corpore post mortem, præsertim si pura sit & purgata, corpusve morbo tabefactum & confectum, quippe quum tam fæda anima ex tam robusto corpore ac vegeto tam citò exierit.

Sect. 5. Bono animo esse iussit, &c. *Dæmonis* alicujus hæc vox sit an *Anima* Cuntii alii judicent. *Personam* ipsius Cuntii hic usurpari manifestissimum est.

Ubi tam strenuè firmiterque ambulavit, &c. Hæc certè ità sonant ac si corpus rursus assumpsisset. Sed vis *anima* Statica sive Systaltica in vehiculo Aereo, omnem impetum, pondus, terrenamque soliditatem imitari potest & planè exæquare. Quid venti queant in ædibus concutiendis nulla vi Staticâ compacti sed soluti magis ac diffuentes, notum est quàm ut opus sit monere.

Sect. 10. Baculòque in manum ejus imposito admodum firmiter eum digitis comprehabat. Sive hæc anima Cuntii sit sive *Dæmon*, exemplo tamen esse potest, quomodo *Dæmon* (cùm *Anima* separata *Dæmon* quodammodo sit) corpus humanum vivum occupare, & ad tempus actuare possit.

Sect. 13. Equidem fateor me tam tardo esse ingenio ut comminisci planè nequeam, quid hîc Atheus excogitaturus sit, &c. Est verò scriptor quidam novus qui ex Veneficarum suscepto Patrocinio famam sibi aucupari velle videtur non Atheus existimari, qui cùm nodum hunc solvere nequeat gladio suo plumbeo, per vim quasi conatur dissecare, negando scilicet hæc historias de Sutore Vratislaviensi & Johanne Cuntio esse possibiles: credo eo nomine præcipuè quòd & Sutor & Cuntius supponantur pactum fecisse cum Diabolo; cùm novus hic noster scriptor & juratus Veneficarum Patronus Magis & Veneficiis, nihilo plus negotiû esse cum Diabolo, quàm aliis hominibus peccatoribus contendit, sed quicquid rerum mirandarum ab iis sit, per causas naturales effici. Quo consilio sic philosophetur, ipse viderit; an ad movendum populo suspicionem se Magum quidem esse sed non Cacomagum, & nihil rei habere cum Diabolo cùm nè ipsæ Veneficæ habeant; an verò quòd apud suos Boreales magna illa Naturæ virtus existimari velit, ut Simon Magus olim apud Samaritanos magna illa Dei virtus habebatur; an denique quemadmodum Montanus impiè, verus Paracletus existimari voluit, ità hic titulum affectet Sagarum Lamiarumve Paracleti: quodnam ex istis in causa sit, ego quidem nescio; aut quem in finem, in me meaque tam cæco stolidoque impetu irruat, nusquam quod sciam à me lacessitus nisi fortè hînc fiat, quòd sordidus sit (ut Lamiarum Spiritus Familiæ) aliena Invidia minister.

Quòd autem demirari se ait quòd ego homo grandævus, qui tot annos in Academia florentissima transegerim, historiis hîsce de Sutore & Cuntio fidem haberem, sciat hic sciolus me non frustra in tam florenti Academia atatem contrivisse, sed orium hoc quod per Divinam Providentiam nactus sum, rationi excolendæ firmissimisque argumentis earum veritatum, quas nostrâ maximi interest cognoscere, indagandis operam fideliter impendisse; & post liberam pariter atque anxiam rerum examinationem talia principia tamque certò explorata & digitis quasi, non corporis quidem aut imaginationis, sed mentis sive intellectûs contrectata, Deo captis aspirante, invenisse, ut nullus Philosophus quantumvis exercitatus, nedum petulans quisquam & audaculus Theologo-medicafter unquam sit labefaturus. Certòque novi ex istis principiis nihil in illis duabus Narrationibus sana rationi veræque Philosophiæ repugnare, si rectè singula accipiantur. Neque enim existimandum est corpus Cuntii majoris ponderis fuisse quàm quod strenuus ille Cuntii equus trahere poterit, Sect. 11. Nec Lac conversum fuisse in verum sanguinem, Sect. 8. aut Cuntium se vertisse in longum baculum, & siqua sunt id genus alia; sed *Dæmonum* fuisse sive Lemum



rum ludibria ac praeſtigias. Qui dum currum in quo corpus Cuntii erat vi tantâ detinebant, ut vires equi superaret, ponderi id imputabatur corporis Cuntii. Et similiter aut Lactis loco sanguis substituebatur, aut tingebatur fortè colore rubro aliquâ arte Lac, atque ideo ob colorem sanguis vocabatur. Et cum Cuntii loco, baculi species exhiberetur, hinc dixerunt Cuntium in baculum se vertisse. Si hac cautio adhibeatur in interpretandis hisce historiis, certo certius est, nihil illic occurrere quod sanè Philosophiæ repugnat. Ipsæque, ut ingenuè fatear quod res est, non tam demiror quàm derideo superciliosam hujus Theologo-medicaſtri ignorantiam ac stupiditatem quòd historias hasce putat impossibiles.

Et ni per totum librum, dum evolvebam, nullâ eum observaverim polle're ratione aut judicio, non demirarer solùm sed superem cum aliorum credulitati adeò insultat, quòd opiniones tam incredibiles, imò planè impossibiles aliquando, amplectatur. Cujusmodi est absurdissimum illud figmentum de Spiritu Astrali corporeo mortali sensu & memoriâ prædito, (de quo alibi.) Et ridicula ista Fabula de Spectris simulachrisque humanis ex humano sanguine distillato apparentibus & nonnunquam vociferantibus. Opinio de Diabolo, quasi nihil agere possit vi propriâ suâ personali in ullam materiam, nisi per materiam aliunde ascitam. Et quòd anima humana longè latèque extra suum corpus extenditur. Quibus adde Demonas, etsi Gaderenorum porcos in Mare præcipites egerunt, Serpentes tamen in unum cogere non posse. Carmina quæ vocantur Magica suâ vi naturali operari, præsertim si sub idoneis Stellarum configurationibus, verborum fiat compositio. Idem de Imaginibus & Characteribus statuit. Tandemque eò vesania prorumpit ut cum Paracelso ejusdemque verbis concludat, Syderibus nota esse omnia quæ in Natura existunt, unde sapientem dominaturum esse Astris, eum scilicet sapientem qui virtutes illas ad sui obedientiam cogere potest. Cujusmodi affirmat sapientes fuisse Magos Aegyptios qui Mosis resistenter, & nullâ Arte diabolicâ sed Magiâ naturali, Laminis scilicet splendidis, sic enim exponit כְּהוֹטֵי הַכּוֹכָבִים sub certis quibusdam Constellationibus factis, certisque figuris insculptis, mirabilia patrâsse, fecisseque ut Formæ sive simulachra rerum ante oculos apparerent. Postremò, infinitum enim esset omnia corrâdere, hisce addas, Nolam sive campanulam ex Electro Paracelsi ritè confectam, quæ inscriptis internæ superficiei quibusdam verbis & characteribus postea pulsata varias Spirituum Visiones sive Apparitiones naturaliter exhiberet, vel prout voluerit Magus, Spectra & Spiritus, quinimo Homines & Bestias suo pulsatu procul abigeret. Atque hæc omnia naturali tantum Magiâ, nullâ Demonum ope. Quid hisce, obsecro, apud homines prudentes rerumque gnaros incredibilius existimari potest? Sed qui vera, solida ac utilia repudiant, justissimâ Nemesei occantur quò fabulis plusquam Anilibus Figmentisque omnium absurdissimis adjungant fidem. Res gestæ & à totis oppidis perceptæ & à viro gravi eoque Medico naturæ satis consulto literis mandata, ut impossibiles rejiciuntur, dum ineptissima interim hæc commenta & ab omni ratione alienissima tanquam oracula admittuntur.

Nihil autem ullius momenti contra hæc historias profert, præterquam quòd Martini Weinrichii vita non scripta sit à Melchiore Adamo, qui Germanorum Medicorum quæ à seculo superiori & quòd excurrit claruerunt, Vitas scripsit ad annum usque 1620. deductas. Quasi verò nemini Medico nisi qui libris scriptis aut munere Professoris publico inclaruerit, etiam eis in rebus quas pro compertissimis asseveraverit, adhibenda sit fides. Et præterea (quòd planè ostendit quàm supino ac omisso animo scriptor sit hic Sagarum Patronus) cum vitæ Medicorum Germanorum ad annum tantum 1620. deductæ sint, nec cujusquam vita ante suam mortem ab Adamo scripta, verisimillimum est Weinrichii vitam omisam fuisse, quòd tunc adhuc esset in vivis. Sutoris enim Vratislaviensis Tragedia acta non erat ante Annum 1591. inter quem annum & annum 1620. vix triginta anni intercedunt. Et juvenis esse potuit Weinrichius quando turba illa Demoniacæ fiebant Vratislaviæ, vitamque ab eo tempore ad quadraginta annos & ultra producere. Adeò ut argumentum à Lamiarum Paracletò hinc deductum, nullum omninò sit. Ut sunt certè ubique in hac causa argumenta illius omnia admodum delumbia atque frivola, omnique omninò robore & aculeo (nisi malevolentia) destituta. Quicquid autem iste de Martino Weinrichio sentiat, equidem eum credo non solùm Medicinæ sed Philosophiæ naturalis fuisse peritissimum, ex illiusque consilio factum esse quòd Sutoris Vratislaviensis corpus crematum esset, quippe qui illius oppidi Medicus erat & incola. Quòd exemplum Pentſchienſes postea secuti sunt in cremando corpore Cuntii.

Ceterum cum ad Melchioris Adams Tribunal de Medicorum præcellentiâ provocat importunus hic Lamiarum Paracletus, cumque superstitiones Magicas, ut Laminas sub certis cæli configurationibus factas & characteribus insculptas aliâsque id genus Magorum quifquilias autoritate potissimum Paracelsi tanquam vi naturali agentes commendatas tam avidè amplectitur, vitam Paracelsi à Melchiore Adamo scriptam eum perlegere volo, dicatque mihi quid sibi velit ista quæ tam crebrò apud Paracelsum occurrit sententia; Christiano

homini scilicet citra pietatis injuriam Dæmonis tanquam latronis ( id est Lateronis sive δαιμονος . ωάπιδου ) ope, operâ, consilio uti divinitus permixtum esse. Hoc cum in scriptis suis passim asserere affirmat Melchior Adamus. Quemadmodum & cum Basileæ doceret, de Incantationibus quoque & Exorcismis morborum Magicis egisse, eamque rem agrè ferentibus viris doctis atque piis, hæc in verba prorupisse: Si Deus opitulari nolit, opituletur Diabolus. Atque huius consentanea sunt quæ Oporinus ejus Amanuensis ibidem narrat, sæpe scilicet eum vino madidum noctu stricto gladio per dimidium horæ ferè cum larvis depugnare, non absque metu & periculo ipsius qui accubabat Amanuensis, solitum; inde hunc ad dictata accipienda excitasse, quæ tam expeditè recitaret, ut Dæmonum instinctu ea suggeri dubium non fuisset. Hæc Oporinus. Et cerè mihi semper visus est Paracelsus sic Philosophari ac si aut Dæmoniacus esset aut Maniacus. Quod ad medicinas verò attinet, agnosco, & Vetulas, & Dæmonas posse habere bonas. Quid autem hoc ad Philosophiam? Quæ quàm delira esse possit apud eos qui bonorum tamen medicamentorum sint Domini, ex unius Paracelsi exemplo copiosè demonstrat in Enthusiasmo Triumphato, Sect. 45. Interea loci manifestum est Paracelsum ab impurorum Dæmonum commercio non abhorruisse; ac proinde siquid se per Laminas suas Magicas profiteatur revera effecisse, quis nisi mente captus Astrorum virtutibus imputet, & non ministerio potius Dæmoniorum quorum laqueus fuisset implicatus? Quàm autem iniquè à Lamiarum Paracletio factum sit, ut viro gravi ac sobrio, qualem verisimilimum est fuisse hunc Martinum Weinrichium, ac Medicinæ veræque Philosophiæ perito, de rebus certis ac perceptis & apud omnes gentes ac per omnia sæcula repertis fidem derogat, & homini interim ebrioso, Maniacò, aut Dæmoniacò de rebus phantasticis & commentitiis, nullaque certâ experientiâ compertis, nè dicam impiis insuper & religioni noxiis, supinâ quadam aut superstitiosâ oscitantia tam plenam fidem adhibeat, cuiuslibet æstimandum relinquo. Sed quod supra dixi, Qui rebus utilibus, solidis ac compertis non credunt, digni sunt qui credant maximè ridiculis figmentis ac mendaciis.

Ceterum non Weinrichium solum, quod nihil ab ipso præter duas istas narrationes de Sutore & Cuntio scriptum sit, vili pendit, sed & duos eruditissimos viros scriptisque omnium literarum genere refertis celebres, Johannem Bodinum & Nicolaum Remigium pari petulantia ac impudentia proculcat, longèque infra alios qui de ejusmodi rebus scripserint, detrudit. Quod ex crassissima ignorantia factum oportet, aut ex odio aliquo concepto: Adversus Bodinum fortassis quod in Præfatione ad Dæmonomaniam narret Petrum de Apono Medicum persuadere solitum esse, nullos esse Spiritus, cum tamen postea comprobatum fuerit, eum fuisse Magorum omnium quos habebat Italia facillè principem. Et Theologum quendam Guilielmum Linensem Magum, ex pacto suo cum Diabolo obligatum fuisse, ut ipse fassus est, publicè concionari ( quod hic nostras Theologo-medicafter scripto publico fecit ) quicquid de Magis Sagisve prædicetur, fabulam esse, non posse fieri, &c. Cum cerè non sit cur hic noster tam inclementer hæc ferat, quandoquidem nemo, quod sciam, pro Conjuratore, ut verbum habet Anglicanum, eum unquam hæcenus habuerit; quanquam Magi Paracelsiani nomen ex hoc ipso scripto, licet perquam ridiculis rationibus affectare posse, quemadmodum supra innui, videatur, ut labescentem suam existimationem hisce phantasticis machinis aliquatenus suffulciat aut attollat. Adversus Remigium verò, quod adamatarum suarum Vetularum Veneficii accusatarum per integrum quindecennium in Lotharingia causarum Cognitor sederit aut Judex. Demiror equidem quempiam nisi admodum perfrixtæ frontis hosce duos viros tum eruditione tum experientiâ rerum instructissimos, tanquam non idoneos hac in causa Authores, posse repudiare.

Quantum enim ad Bodinum, ut ipsum librum omittam, Præfatio sola & Wieri Confutatio eum demonstrant, ut eruditionem taceam, fuisse, quemadmodum lepido ac liberali ingenio, ita & singulari acumine & acerrimo judicio virum, nec temerè & ex auditione tantum sed ex rebus compertis ac confessis, uti constat ex judicio contra Johannam Havilleriam, Magam, ad quod se vocatum fuisse ait pridie Calendas Maias, 1578. suas de rebus opiniones concepisse. Et cerè si hic Lamiarum Paracletus legisset Wieri Confutationem Bodini Dæmonomania annexam, puduisset profectò suscepti Sagarum Patrocinii, cum nullas argutias in earum gratiam attulerit, quas non prius adhibuerit Wierus, quasque eâ Confutatione Bodinus non penitus profligaverit ac difflexerit; ita ut homo mihi videatur hic Lamiarum Paracletus, aut nullo omnino judicio, aut nullâ conscientia præditus, & cecâ quadam ac temerariâ levitate, de eis rebus & personis quas planè ignoraverit, impudenti ore pronunciare. Circa nullam rem credulitatis crimen Bodino juxta impingi posse videtur, nisi circa Transformationem hominum in lupos aliæque animalia. Sed enim non ignaviter nec imperitè etiam hac in causa se defendit. Quid autem ego hac de re existitem, in Scholiis Cap. 11. Lib. 3. ante editum Lamiarum Paracleti librum, declaraveram.



At verò Remigius iudicio ita praevisis cauto & suppresso est, ut non solum hominum Transformationi, sed & Animarum humanarum à corporibus per ecstasim Emigrationi, omnem derogat fidem. Et tamen homo tam cautus consideratúsque ab inurbano hoc agrestique vetularum Veneficarum patrono omnino vili penditur, nihilque plus negotii cum Diabolo Sagis esse quam aliis peccatoribus ac peccatricibus obfirmato animo contendit. Cum tamen Remigius per quindecim annorum spatium hisce in rebus versatus non dubitet in sua Praefatione palam sic profiteri: *παράδοξολόγος*, inquit, & *ματαιολόγος* dicent me nonnulli, qui Sagas loquor Nimbos molientes, Aëra perumpentes, angustos aditus permeantes, cum Dæmonibus comessantes, saltantes, concumbentes, ac prodigiola portentosaque id genus pleraque edentes: Sed sciant velim, me primum hinc non rumore dispersa sed multorum separatis consentientibusque testimoniis comperta narrare. Et in calce Praefationis, Mihi bene conscius sum, inquit, nihil certandi scripsisse studio, nihil quo ex argumenti novitate admirationem moverem, gratiam captarem, sed tantum in eum veritatis scopum, quod multi alii, quorum tamen minus instructa esset jaculis pharetra quam nostra nunc est, collimasse atque oculorum aciem direxisse. Addam etiam quod occurrit Libr. 1. Cap. 14. de historia quam ipse per compendium transcripsi, de Nicolea Langbernhard: Ecce rem gestam, inquit, non somnio visam, oculis ipsis perceptam non auditu intellectam, diversorum consentientibus verbis affirmatam, non unius excogitatâ fictaque oratione evulgatam. Cui si quis parvam fidem habeat, nihil equidem moror, quod minus in contraria opinione hæreat, modò sciat me nihil hinc fingere ac comminisci, sed potius huius argumenti exempla plurima omittere quæ neglecta cum à me legerentur in Veneficorum quaestionibus capitulis, interceptit oblitio.

Quis igitur, obsecro, potest hisce in rebus magis idoneus esse Author ad quem provocemus quam hic Remigius, homo vegeto arrectoque animo, summæque fide ac integritate, & ejusmodi causarum innumerarum per integrum quindecennium in Lotharingia Cognitor publicus? Cui experientiarum toties repetita certitudo ita de veritate harum rerum iudicium confirmavit, ut tametsi aversissimus esset ab opinione Transformationis hominum in lupos aliasque bestias, aperte tamen affirmat Lib. 2. Cap. 4. Catharinam Metensem, Hennezelium adolescentem, Jacobum Weher, Gaspar Hassner, Margaretam Feninam, Margaretam Luodman, Sennel Armentariam, ac ferè omnes ejus criminis reos in Germania quæ est ditionis Lotharingica, deprehenso concorditer asseverare eam sibi à Dæmonibus (modò iis per aliquot annos fuerint operati) penetrandarum ædium facultatem esse tributam, ut scilicet per quasvis angustias nullo negotio viam sibi faciant, in mures, feles, locustas & alia hujusmodi pusilla animantia, prout usus postulat, contracti, intromissosque, denuò priori formæ, si velint, restitui, &c. Et quanquam contendit nullam realem fieri posse (in capite nempe proximo) hominis in bestias Transmutationem, solido tamen cum iudicio affirmat, reale hic adesse prestigiosorum Dæmonum ministerium; quandoquidem qui sic transmutari videntur (de Lupis & Felibus loquitur) illa in currendo velocitas, in superando robur ac firmitas, in dilaniando feritas, in vorando aviditas, in penetrando facilitas, & id genus alia, quæ vulgò præter hominum consuetas vires sint, eis insunt. Quæ, non est, inquit, quod quis meras putet captiones esse ac præstigias, cum eorum omnium post ipsam actionem restent vestigia, atque documenta, videlicet ipsa grassantium in facto deprehensio, fuga, assectio, vulneratio, damnorumque quæ dederunt manifesta injuria, iisque omnibus consentanea ac sæpe voluntaria Facti confessio, ut verius sit dicere hæc quidem ita uti apparent reipsa evenisse, sed administro Dæmone, &c. Vide quò certitudo rerum compertarum eum vel invitum & ferè contra suam opinionem tandem propulerit!

Quod quidem evidentiam repetita experientia magnopere confirmat, planèque evincit, & apparere istiusmodi transformationes, & Dæmonem illic cum Saga Magiæ reverè adesse. Fieri quæ id posse in Terrestrium eorum corpore in campis locisque apertis, Dæmone & corpus reverè actuante & prestigiosam speciem ipsi circumfundente aut aliquo modo adnæcente, quæ spectatorum oculi, ac si lupo esset aut felis, illaderentur. In Vehiculis verò animarum Saga Magiæ à corporibus terrestribus egressarum, vera potest corporis aerii (ut in ipsorum Dæmonum vehiculis) momentanea fieri transfiguratio, vi Dæmonis ipsum actuantis, & conspirante interim voluntate & imaginatione egressæ animæ Saga Magiæ; alioquin enim dimensionum penetratio fieret, nisi per angusta adium foramina sagarum animæ vehiculis aereis non terrenis corporibus, penetrarent. Quam animæ emigrationem temporaneam, cum ipse Remigius neget, nihil nisi evidentia testimoniorum rerumque compertarum eum cogere potuit ut hujusmodi factis adhiberet fidem. Unde omni ex parte videmus, ut supra omnes, quos sciam, idoneus Author sit hic Remigius in eis rebus, quæ ad Sagarum facinora pertinent, Lamiarumque Paracletum adversus personam illius eo tantum nomine

nomine cavillari, quod res quas ille compertissimas habet ipse non arriident palato, sive id fiat ingenii illius Stupiditate, sive ex eo quod gratiam inire studet apud robusta presentis ætatis, quæ vocantur, Ingenia, & si lubet per me licet, chalybea, quæ vix Deum esse credunt, nedum Angelos Spiritusve aut Sagas, quorum exempla imitando in postrema hac parte, sperare forsân potest Lamiarum Paracletus, se, si non chalybeum quidem, firmum saltem habitum iri Ingenium, & ex querno quasi stipite, ligneum. Quem honorem ei minimè invidéo, quippe tam sordido huius seculi Somatistici Parasito.

Postremo, & quod in huius Remigii gratiam notabo; Ex hisce quæ dicta sunt observare poterit Lector, quàm multis splendidisque Mendaciis aut Equivocationibus exornatum sit Libri huius Sagarum Patroni Frontispicium, dum in ipso Titulo proficitur, 1. Præter Melancholiam & Imaginationem & astutias quasdam Nebulonum Collusiones, in tota re Sagarum Magorumque nihil prorsus reperiri. 2. Nullum Pactum iniri inter Diabolum atque Sagam. 3. Nullos fieri Concubitus. 4. Nullas in Sagarum corporibus Suctiones. 5. Nullam in Feles Canesve Transformationem. 6. Nullam excitationem Tempestatum. 7. Inesse verò magicis Carminibus vim naturalem, darique Spiritus Astrales.

Primum autem ab omni ratione & experientia adeò alienum est, ut illius Lamiarum Compatronum Wierum omninò pueret id asserere, imò expressè passim affirmat, Demonem speciali modo Sagarum rebus se immiscere. 2. Præter innumera exempla quæ Remigius noverit contractuum, idem ille Lamiarum Patronus Wierus contractum agnoscit Magdalenam Cruciam inter atque Demonem Æthiopem, Historiamque illam memorabilem quam vocat, ab Hispanis non mala fidei & insigniter doctis porro sibi confirmatam, nulla omninò ex parte vellicat aut in dubium vocat. 3. Concubitus etiam, quod Remigii auctoritas hac in re confirmetur, res adeò nota est, ut Wierus eundem voluptuaria ludibria modestè vocans, in Magdalena Crucia cum suo Æthiope agnoscat. Multaque alia horum obscenorum ludibriorum Demonum cum mulieribus apud istum Authorem occurrunt exempla: nempe sic se gerere Demonem ad motu sui corporis sive vehiculi, quod vi suâ Syftalticâ tangibile & palpabile efficere potest, ut obscenam mulierculis voluptatem irritare valeat, & aliquando fortean dolorem. Quod autem hic concubitus dici non possit, quia nec carnem habet Demon nec semen, misera est equivocatio & tergiversatio. 4. Nullasque suctiones esse quia labia carnea non habent Demones, equivocatio potest esse altera. At verò cum se in Formas Animales vertere possint vehiculūque efficere vi suâ Staticâ sive Syftalticâ palpabile & prensativum, ore illo temporaneo cuti vetulæ admoto, haurire suctu aut infundere, quod ipsis visum sit, quæunt: ipsæque harum rerum ante multos annos haud incuriosas, firmiter memini me audivisse ab ancilla Sagæ Cantabrigiensis, quæ hic summo supplicio affecta est, se nempe vidisse Spiritum Familiarem, heræ suæ nudum sugentem crus; crebroque sic fieri veneficas ipsas fateri, ipse non ausus est negare Lamiarum Paracletus. Ut omittam omnes Spiritus non solum Plasticam habere, sed Plasticam illam, figuram etiam in Spiritibus Rationalibus naturaliter habere humanam, opinionem esse admodum probabilem, & in minorem molem ac minorem contrahi posse, & in quamlibet ferè figuram animale pro libitu Spiritus ad tempus transformari. In nulla verò deerit os quo fiat suctio in corporibus Sagarum. 5. Quantum ad Transformationem in Feles, Canes & Lupos, hac quidem in re Remigius cum Lamiarum Paracleta consentit, quod transformatio scilicet non sit realis; sed à Damone interim cum Saga Magæve tunc presente, speciem exhiberi prestigiosam oculis spectantium, constantissimè affirmat; quod Lamiarum Paracletus tamen negat, quippe qui sanctis suis Vetulis nihil peculiaris omninò commercii esse cum Diabolo, aut insciter aut impudenter contendit. Addam verò ego ex rebus compertissimis apud Remigium, Transformationem aliquando realem fieri posse (imò agnosci debere) temporaneam, in Animarum Magorum Sagarumque è terrenis corporibus egressarum, vehiculis aereis. 6. Et Tempestatas à Sagis non cieri, etiam hic equivocatio latere potest, nempe, ceremoniarum suarum vi non fieri, quod verissimum est, ad ceremonias autem fieri aut præcognitione aut operatione Diaboli nè ipse quidem Wierus suus Lamiarum fidelissimus Compatronus negat, quemadmodum & Sagas in aerem corporaliter à Damone posse exportari. Hic verò Sagarum Patronus est omnium in quos unquam incidi importunissimus & impudentissimus. 7. Et denique quanquam hic Carminibus Magicis naturalem vim inesse contendit, nè sanctissimarum suarum vetularum rebus Diabolus putetur se unquam ingerere, Wierus tamen harum, siquis alius, rerum peritissimus nihil suâ vi efficere posse aperte proficitur. In commento illo de Spiritu Astrali, quantus sit error & inscitia, alibi moneo. Breviter tantum ac summatim concludam, In omnibus istis Titulis quibus libri sui Frontispicium miniatum quasi ac exornatum voluit, in eis, inquam, defendendis aut probandis, expertus loquor, meras omninò argutias adhibuit Johannes Websterus ac puerilia planè sophismata, ita ut professione licet Medico-theologus, reverà nullum alium se præstiterit



terit in hoc suo Sagarum Patrocinio quàm perpetuum Telarum araneorum, ex nominis auspicio, Textorem.

Quantùm ad me, ut in aliis rebus omnibus, ità in hac, summam profectò adhibui diligentiam, ut nihil nisi quod certum sit & exploratum scriberem, nec nisi post diligentem multarum Sagarum examinationem scripsi, quæ ultrò fassæ sunt non solum se Spiritus habere Familiæ, sed occasionem asciscendi, formas porro eorum ac nomina, intervallaque quibus se invisibant, aliàsque circumstantias tam firmiter distinctèque mihi narrabant, idque sine vel minima umbra speciève delirii, juvencula pariter atque vetula, ut certè nequeam quin eos omnes qui nihil prater Melancholicam Imaginationem, nebulorùmve Collusiones in rebus Sagarum esse contendunt, homines aut crasso pinguique ingenio, aut iudicio superficiali ac leviculo, aut Petros denique De Apõno, Guilielmòsque Linenses existimem. Websterùmque hunc amicè moneo, qui vetularum suarum halitu quasi certus in viros pietate pariter ac eruditione celebratissimos inurbanas suas contumelias tam rabido ore expumavit, ut honestioribus rationibus existimationem suam resarcire studeat, animùmque ad Christianam humilitatem componat, nè in laqueos incidat Diaboli, & in eandem execrabilem quam verè doctèque Bodinus ac Remigius descripserunt, cum suis vetulis abripiatur Δαιμονομανία.

## C A P. X.

1. Nocturna Sagarum Conventicula: Duo hujus rei exempla apud Paulum Grillandum. 2. De Saga Lochiensis, cum nota de vi irrefragabili istiusmodi Instantiarum ad probandam Spirituum existentiam. 3. Fistulatio Johannis ab Hembach in Conventiculo Sagarum. 4. Saltatio virorum, faminarum & bisulcorum Satyrorum sub Meridie. 5. Johannis Michaelis Musica muta super pedum suum à ramo quercus in Saltatione illa Mimica sive gesticulatoria. 6. Impressura Circuli cum Ungulis bifidis in terra ubi saltarunt.

1. **P**aulus Grillandus quendam narrat, qui non procul à Roma habitabat, uxoris suafu postquam se unxisset, quemadmodum ipsa ante eum fecerat, exportatum fuisse in Aëre ad ingentem Cœtum Magorum atque Sagarum, ubi sub Nuce epulabantur. Verùm hospes hic cùm cibum sine sale non satîs saperet, sale tandem allato, eoque illa de re gratias agente Deo, ad nomen illud totus cœtus subito disparuit, atque is, misellus homo, solus relictus est in loco centum milliaria distito à propria domo. Ad quam cùm rediisset, uxorem accusavit; ipsa factum confessa est, socias etiam suas indicans, quæ simul cum ea adjudicata sunt vivicomburio.

Idem Author etiam consimile quid de puella scribit annos tredecim nata, in Ducatu Spalatensi, quæ in istiusmodi Conventum introducta, reique novitatem demirans, exclamansque *Deus bone*, quid rerum hic agitur! effecit, ut totus Cœtus dispareret, ipsaque in agro sola relictâ, ut ultrò citròque decerrans à Rustico quodam inventa est, cui rem totam narravit.

2. Ità Maritus Sagæ Lochiensis, quem illa in talem Cœtum introduxerat, dicendo, *Deus mi ubi jam sumus*, fecit ut omnes disparerent, & seipsum solum reperit nudùmque in agro qui quindecim dierum itineris spatio à domo sua distabat.

Bodin. Mag.  
Dæmonoman.  
lib. 2. cap. 4.

Multæ aliæ Narrationes, quæ huc spectant, apud Bodinum memorantur, quas sensibilia hæc effecta, ubi quis se tam procul à domo sua reperit, nudùmque in agris, planè ostendunt nullos esse Melancholiæ ludos sed certam veritatem. Diabolum verò in hisce epulis apparere suis hospitibus in forma Satyri, Hirci nigri, vel aliquando sub specie viri alicujus atri ac deformis, communis est Sagarum confessio, hisce de rebus indicatarum & convictarum.

3. Addam tantummodo unam & alteram Historiam ex Remigio de hoc genere Conventiculorum, & tunc ad alia argumenta progrediat.

Johannes ab Hembach à Matre sua, quippe quæ Saga erat, ad hujusmodi deductus est Conventiculum, cùmque tibiis sciret, ab ea jussus est artem suam exercere, & in arborem ascendere, quò commodiùs eum Tibiâ canentem audirent. Quod cùm fecisset, & saltantium choreas interim adspectaret, quàm monstrofi & ridiculi motus eorum essent atque gestus, admiratione ad rei novitatem perculsus, in has voces subito prorupit, *Deus bone, quàm dementem hic habemus turbam!* Vixque hæc dixerat Johannes, cùm in terram prolapsus cum tibia, opemque adstantium inclamans, ob-

Fide Remig.  
Dæmonolat.  
lib. 1. cap. 14.

læsum

laxum ex casu humerum, solum se invenit, reliquosque omnes disparuisse. *Johannes* ab *Hembach* divulgavit quod contigerat; *Populus* verò quid ea de re sentirent nesciverunt, donec quædam ex amenti ista turba quæ ad illius Tibiam saltarent, ob alias fortilegii suspiciones comprehensæ essent, ut *Catharina Prævotia*, *Kelvers Otilla*, aliæque, quæ quicquid *Johannes* narraverat, ad amussim confirmaverunt, (quamvis ipsæ nihil eorum ab eo narratorum rescivissent) addentes etiam magis particulatim, loco, ubi tibiâ ipsis canebar, nomen fuisse *Maybuch*.

*Demonolatr.*  
lib. I. cap. 14.

4. Altera Historia memorabilis quam ex *Remigio* recitaturus sum, hæc est, *Nicola* quædam *Langbernharda*, dum *Assenuncuriam* versùs secundum sepem sylvestrem proficiscebatur, advertit, idque sub meridiem, in proximo arvo chorum virorum ac sceminarum in orbem saltantium; cumque corporum gestus admodum præposterii essent & insoliti, effecit ut attentius oculos suos in eos defigeret, quo deprehendit aliquos ex ipsis ungulas habere bifidas boum instar & caprarum, (lascivorum Satyrorum formâ Dæmonas fuisse credibile est.) Attonita igitur & præ metu penè emortua, exclamavit statim, *Bone Jesu, fer opem, & fac ut domum redeam salva & incolumis.* Quod vix dixerat, quum omnes præter unum *Petrum Großetter*, disparuerunt, quem paulò post in aërem raptum vidit, & penicillum (lignum scilicet, quo furni area antequam panes in eum condantur, extergi solet) sublatis manibus excidere; ipsa etiam eodem vento tam violentè correpta fuit, ut anhelitum ducere vix posset. Domum reversa triduum integrum decubuit.

Hoc *Petrus*, (quanquam primùm, litem *Nicolæ* intendere voluit ob calumniationem, tamen) postea sponte confessus est, aliòsque facti socios indicavit, ut *Barbeliam Johannis Latomi* uxorem, & *Mayettam* uxorem *Laurentii Supermajoris*, quæ falsa est se cum bisulcis istis Animantibus, quo tempore *Petrus* etiam interfuit, saltasse. Et ad majorem rei fidem faciendam, *Johannes Michael* Armentarius confessus est, se, dum isti saltabant, pedum ori admotum numerosis alternatorum digitorum motibus pulsasse, (ac si Tibicinis officio fungeretur) sedentem in alto quercus ramo, & simul atque *Nicola* nomen *Jesu* invocasset, præcipitem in terram esse prolapsum, sed statim turbine in aërem sublatum, in pratum nomine *Weiler* deportatum fuisse, ubi paulò antè armenta reliquerat.

6. Hisce omnibus adde, repertum fuisse in loco, ubi saltaverant, *Circum* impressum, (qualem habent *Hippodromi*, ubi in gyrum aguntur equi) postridie quàm *Nicola* rem narraverat; qui interstinctus ungularum caprinarum bubularumque recentibus vestigiis fuit. Quæ conspicienda manserunt, donec sequente brumâ aratrum ea delevisset excidissetve. Hæc contigerunt A. D. 1590.

## C A P. XI.

1. De Fairiorum Elvarumve Circulis. 2. *Quæstiones propositæ de Sagis an corpora sua relinquunt, & in Bestiarum formas aliquando transformantur.* 3. *Argumenta Wieri & Remigii contra realem Transformationem, omnino esse invalida.* 4. *Argumenta probabilia pro reali Transformatione.* 5. *Argumentatio, cur censeripossint corpora relinquere in suis Ecstasibus.* 6. *Quando Anima sic relinquit corpus, non esse mortem, nec ejus ad corpus reditum, propriè dictum miraculum.* 7. *In aliquibus casibus maximè proclive esse ac naturale eas agnoscere corpora sua relinquere; cum exemplo apud Wierum, quod huc facit.* 8. *Authoris Scepticismus hac in re, cum candida interpretatione exorbitantiarum temperamentis propriarum Bodini & Cartesii.*

1. **A**Dmodum hîc opportunum foret ex antecedente Historia in naturam inquire-re amplorum istorum *Annulorum* subnigrorum in gramine quos *Fairio-Circulos* vulgò appellitant, an *Sagarum* sint *Diribitoria*, an verò *Saltatoria* pusillorum istorum *Damunculorum* quos *Fairios Elvasque* vocitant. Verùm hæc curiositates argutioribus ingeniis lubens relinquo, quippe nunc instituto soli intentus probandi *Spirituum existentiam*. Qua in re haud mediocres profectus me jam fecisse autumo, talesque Narrationes in medium protulisse, quæ non possint quin fidem obtineant apud eos, qui perversâ obfirmatâque incredulitate non laborent.

2. Solet certè alia magis utilis quæstio hîc moveri, si rectè decidi posset, de nocturnis *Sagarum choreis*, annon aliquando illi sint corporibus domi relictis. Ut sunt



sunt sanè multæ Narrationes quæ isti opinioni favere videntur. || *Bodinus* rem affirmat, è contrà verò negat \* *Remigius*.

*Bodin. Dæmonomolib. 2. cap. 4.*

Eadèmq; serè quæstio est, Quando *Saga Magi*ve se profitentur narraturos quid agatur intra tot milliarium ambitum, & postmodum ut artis specimen edant, corpora sua primùm ungunt, & mox tanquam mortui in terram lapsi, ad aliquod tempus sine sensu prostrati jacent, an Animæ, inquam, è corporibus egrediantur, an verò soli imaginationi ipsorum repræsententur omnia.

\* *Remig. Dæmonolatr. lib. 1. cap. 14.*

Etiam tertiam addere possumus, quæ reliquis duabus decidendis aliquid fortean conferre potest. Atque hæc quidem est circa *Λυκαυθρώπους* (quos *Germani Were-wolff*, *Galli Loups garous* appellant) *Homines in Lupos conversos*: Estque par serè ratio in aliis Transformationibus. \* Nullum lectori creabo fastidium Historias recitando, quamvis multas quidem proferre possem. Sed enim illi perinde qui delusionem putant diaboli, merasque in somno Tragædias, atque hi qui reales transactiones esse asserunt, agnoscunt utrique, eos homines, qui facti sint seipsos sic fuisse transformatos, fessos se reperire currendo, pedibusque & toto serè corpore contusos, interdum etiam vulneratos, & similia. *Bodinus* hic etiam deferitur à *Remigio*, qui eadè sententiâ est cum *Wiero* vafro illo blandoque Medico, ac fideli *Sagarum* patrono, qui non dubitabit diabolum onerare quantum potest, (quippe cujus humeri valentiores sunt ad sustinendam sarcinam) quò veneficas onere levaret.

*Bodin. Magot. Dæmon. lib. 2. cap. 6.*

3. Quantum verò ad me, quanquam nolo tantum mihi assumere, ut controversiam decidam, non abs re tamen fore puto declarare, quòd *Bodinus* haud incommode possit, quicquid isti in contrarium dixerint, causam suam tueri. Illa enim quæ *Wierus* & *Remigius* tantopere urgere videntur, majorem scilicet esse facultatem quàm quæ Diabolo, majorèmq; indignitatem quàm quæ Homini competeret, ut Diabolus eum sic valeret transformare, sunt meo quidem judicio, leves tantummodo Rhetoricationes, non solida argumenta.

*De Praestigi. Dæmon. lib. 3. c. 10. l. 1. c. 24. l. 2. c. 8. l. 4. c. 26. Remig. Dæmonolatr. lib. 2. c. 5.*

Quid enim est externa illa corporis transformatio ad internam animæ deformitatem comparata, quam tamen ille insigniter promovet? Cùmque isti adeò totos se ei dederint, cur non sic eos tractare possit in hac vita, quos pejùs tractaturus est in futura? Et quod ad species rerum mutandas attinet, si ista facultas major sit quàm quæ Diabolo concedi debeat, hic tamen non magis fit quando *Hominem in lupum* transformat, quàm quando *seipsum* transformat in *speciem Homini*. Hic enim *Lupus* adhuc *Homo* est, & iste *Homo* adhuc *Dæmon*. Ità enim res habet, quemadmodum Poeta factum ait in Sociis *Ulyssis*, quos *Circe* in *Porcos* converterat, caput, vocem, corpus setasque porcorum habuerunt,

Αὐτὰρ ὁ νῦν ἦν ἡμπεδὸς ὡς τὸ πάροισιν.

*Intellectus* verò firmus mansit & immutatus, mentem & memoriam habuerunt *Homini* ut priùs. Quemadmodum *Petrus Bourgotus* professus est, postquam illius socius *Michael Verdung* corpus ei unxisset & in lupum transformasset, se, dum pedes suos hirsutos conspiciebat, à seipso sibi metuisse.

4. Nunc igitur cùm manifestum sit, nihil ullius momenti in contrarium afferri, hominèsque confessos esse se in *lupos* fuisse conversos, agnovissèque savas crudelitates quas in pueros, scæminas ovèsque commiserant, \* reperisse se admodum lassos & aliquando vulneratos, \* equidem eos reverà sic transformatos fuisse magis proclive est concludere magisque consentaneum, quàm meram fuisse Imaginationis delusionem.

Diabolus enim in ipsorum corpus subingredi, & subtili suâ substantiâ, penetrabili magis atque energeticâ quàm sit quivis ignis aut putrefaciens liquor, compagem corporis flexibilem \* ad talem consistentiam solvere ac laxare conjicio, tantàmque illius partem, quæ illius scopo conveniat, morigeramque reddat suæ Imaginationi. Atque tum quidem, ipsi æquè facile est eam in quam voluerit, speciem effingere, atque Aërem ipsum, quem communiter in tales formas figurasque concinnare creditur. \* Nec certè illi difficilius opus est *emollire* quod *durum* est, quàm *indurare* quod tam *molle* est & fluidum quàm Aër.

5. Et qui hanc profectò facultatem habet, \* illam ei negare non possumus quæ multò sit minor; Edocendi nempe homines, qui possint *ad tempus* corpora sua relinquere, & in ea *denuo redire*. Potèstne enim difficile esse illi qui sic laxare potest, minutimque particulas corporis dissolvere, exercere perinde peritiam ac facultatem laxandi *solvendæ Animæ à corpore*, quippe substantiam pariter ab ipso realiter distinctam ac separabilem; quod tandem fit ex facili Naturæ cursu, in finali illa Animæ

corporisque dissolutione, quam *mortem* appellamus? Nullus verò Naturæ cursus corpus hominis in Lupi speciem unquam transformat. Adeò ut hoc difficilius sit, & ab ordine Naturæ magis elongatum quàm alterum.

6. Cæterum objicies, immensitatem & incredibilitatem miraculi hanc esse, ut sit actualis *separatio Animæ* atque corporis, nec tamen ulla *mors*. Sed enim hoc minimè mirum est, si consideremus, quòd mors propriè sic dicta, sit Animæ corporisque, ex eo quòd corpus ad animam hospitio excipiendam, *diutius non sit idoneum*, dissolutio. Quæ quidem corporis ineptitudo aut ex vehementia morborum, aut externa aliqua violentia, aut ex ætatis ingravescencia oriri potest. Et certè si diabolus istiusmodi corpora in vitam restituere posset, reverà miraculum esset. Hoc verò tale miraculum non est, nec est corpus propriè *mortuum*, licet anima ex eo *exiverit*. Vita enim corporis nihil aliud est, quàm aptitudo quòd ab anima actuetur. Cujus aptitudinis conservatio promovetur, opinor, per corporis unctionem ante Ecstasin. Quod unguentum poros opplens frigus excludit, caloremque ac spiritus evoluturos coercet, ut tenor temperamentumque corporis idoneum permaneat ad excipiendam rursus animam in suo reditu. Atque sic vitalibus cadaveris halitibus nondum exhaustis, pristina vitæ operationes subitò rursus accenduntur. Quemadmodum candela recens extincta & adhuc vaporans ignem continuò concipit à flamma alterius, etiam ad distantiam aliquam, luce secundum fumum celeriter delabente.

7. Quamobrem cum nihil sit in ipsa rei natura quod nos reddat incredulos, cumque veneficæ hæ certis temporibus se extra sua corpora fuisse tam confidenter affirmant, & vidisse egisseque certas res, alias cum aliis congressas esse, nuncia reportasse, secreta detexisse & similia; equidem proclive magis est naturæque consentaneum, concludere eas extra sua corpora quàm intra tunc fuisse. Quod faciliùs credituri essemus, si fidem habere possemus Narrationi quam *Wierus* de milite narrat; cujus ex ore dum dormiebat visa est bestiola quædam Mustelæ similis exire, quæ ultrò citròque festinans in gramine tandemque ad Rivuli ripam perveniens, cum admodum sollicitè tentaret pertransire nec tamen valeret, quidam ex adstantibus qui hoc observaverat, pontem ipsi ex evaginato gladio struxit, per quem statim transivit, quo etiam in reditu suo rursus est usa, & tum demum in os patulum dormientis militis denudè ingressa, multis adspectantibus. Postquam expergefactus erat miles narravit se per somnum transivisse per pontem ferreum, & id genus alia, quæ adstantes Mustellam fecisse antè observaverant. *Wierus* Narrationis veritatem agnoscit, sed diabolum fuisse non animam hominis summopere contendit. Quod in Sagarum gratiam tam studiosè facit, nè ex hujusmodi re gesta magis obnoxia fiant suspitioni, earum Ecstases non mera esse Insomnia ac ludibria diaboli, sed realibus effectis solere comitari.

8. Nolo in me tam ancipitis controversiæ decisionem suscipere, huc usque tantum me immiscere ausim, quòd pronunciem *Bodini* opinionem viro intelligenti ac sagace minimè esse indignam: & tametsi ex eo quòd hujusmodi speculationibus nimis quàm addictus esset, quædam effecta naturalia *Spiritus* ministerio attribuere posset, ubi nihil esset opus; judicium tamen ejus in aliis id genus rebus non magis ob id vilipendendum esse, quàm *Cartesii*, stupendi illius Ingenii Mechanici, rejiciendum \* in præstantissimis istis Inventionibus causarum Phænomenon Naturæ generaliorum, quia propter successum in his animatus est ad Principia sua longiùs extendenda quàm par erat, & ad asserendum ipsa *Animalia* bruta, *meras esse Machinas*: Ad morem *Aristoxeni* Musici, qui Animam nihil ampliùs quàm *Harmoniam* esse voluit, de quo festivè notavit *Cicero*, *Quòd non recessit ab arte sua*.

Unusquisque *Genius* sive *Temperamentum*, ut varia Animantium genera, proprium suum habet *excrementum*; & sapientis quidem est, id ipsum notare, & eligere quod utile sit, perinde atque illud quod sit inutile & excrementitium, procul ablegare.

## SCHOLIA

### IN CAP. XI. SECT. 2.

**N**Ullum Lectori creabo fastidium Historias recitando, &c. Vide verò Historiam Olai Magni de Gentibus Septentrionalibus, lib. 18. cap. 45 & 46. Bodin. Demonoman. lib. 2. cap. 6. Wierum de Præstig. Dæm. lib. 6. cap. 13. Henning. Grof. Mag. de Spectris, lib. 1. sect. 220. 295, 296, 297, 298, 299.

Scd.



Sect. 5. Reperisse se admodum lassos & aliquando vulneratos, &c. Hic verò porro disquiri potest, an hoc non possit contingere corporibus domi manentibus, & Animabus sive Spiritibus solis foras evagantibus. Neque enim credibile est ipsam Janam Brooks veneficam ad parietem in corpore adfuisse, quam puer fasciatus illic se videre dixit, cum alii adstantes eam non viderent; & tamen loco, ubi visa est puero stare ad parietem, à Giffonno cultro percusso, manùque Spectri vulneratâ & cruentatâ, quemadmodum puer factum esse continuò post ictum, exclamavit, pro certo compertum est ipsam mulierem eodem tempore in eadem corporis parte fuisse vulneratam, prout rem abunde attestatam narrat vir doctus & intelligens Josephus Glanvillus in suo, Dæmone Tedworthiensis. Per multa alia sunt hujus generis exempla, quæ missa facio, solo hoc, quippe recentissimo, contentus. Vide tamen Grosium, de Spectris, lib. 1. sect. 298, 299. In quas verò causas hoc Phænomenon resolvi debeat, vide Tractatum de Animæ Immortalitate, lib. 3. cap. 12. sect. 4.

Equidem eos reverà sic transformatos fuisse, &c. Scilicet aut in ipsis corporibus terrestribus, aut in vehiculis aereis, corporibus domi semianimis jacentibus, sed propter Spiritum Naturæ vitam Plasticam retinentibus, & cum vehiculo aereo, quicquid ipsi acciderit, compatiuntibus.

Ad talem consistentiam solvere ac laxare, &c. Hoc certè fieri posse in istiusmodi transformationibus, ubi Animal in quod Saga transformatur, non multo minus est ipsâ Sagâ, majusve, haud ità usquequaque est absonum. Ut verò vetula corpus in corpus felis convertatur, quod factum narratur in Anna Bodenham coram Anna Stylefia, hujusmodi quidem narrationibus nihil in universa Sagarum Historia videtur magis incredibile. Non quòd dubitem quin ità factum appareret Annæ Stylefiæ, sed quòd per prastigias tantum factum autumem, visusque deceptionem. Neque enim videtur probabile ut tota illa vetula etiam cum vestibus in formam molèmque justam, majuscula licet felis constringi posset; vel ut pars tantum sumpta esset, reliquo corpore cum vestibus in Aerem invisibilem mutatis. Multòque minùs credibile est ut hoc fiat in vetulis in lepores conversis, itaque se venatui Canum equitumque per satès ampla camporum spacia, exponentibus. Durum enim videtur ac ridiculum ut partem corporis Vetulæ in leporem conversam pars altera in aerem invisibilem mutata, perpetua itineris fiat comes. In istiusmodi igitur venationibus leporem esse Animam Sagæ cum vehiculo aereo in istam formam mutatæ multò est credibilius, nisi accidat ut ipsa vetula, circumvallata tandem à Canibus, lassâ & anhelâ reperiatur in Dumetis: quod factum fateor me aliquando accepisse. Etenim tunc indicio est Sagam ipsam ejusque corpus hoc celeri cursu à Dæmone vectum fuisse, sed per prastigias à Venatorum visu celatum, ejusque loco speciem leporis exhibitam, aut ex aereo Dæmonis vehiculo effigiatam & constipatam, aut internæ imaginationi Canum ac Venatorum, ope Dæmonum, impressam.

Nec certè illi difficilior est opus emollire quod durum est, &c. In eo certè minor est difficultas. Sed postquam maxima pars corporis Sagæ in laxum aerem conversa sit, ut in firmam denudò humani corporis permanentemque compagem possit restitui, magis incredibile videtur. Ut taceam de vestibus, ubi major adhuc profectò apparet difficultas, quippe quum sint res artificiales. Nam pars ista corporis ad firmitudinem compagis pristinam restituta (præsertim si concedatur specifica aliqua etiam in ipso corpore ad tempus permanens vitalitas) ut partim ab Anima plastica, partim à Spiritu Naturæ eo in statu retineri possit, aliquam præ se fert verisimilitudinem.

Sect. 5. Illam ei negare non possumus quæ multo sit minor, &c. Hoc igitur eis dictum volo, qui transformationem agnoscunt realem, & tamen istam realem negant Animæ separationem à corpore; quæ tamen aliquibus Transformationibus, quæ narrantur, longè quidem facilior est censenda.

Sect. 8. In præstantissimis istis inventionibus causarum Phænomenon Naturæ generaliorum, &c. Causas intellige materiales immediatas, figuras scilicet particularum commodas. Figuras verò istas dum motu merè Mechanico factas fuisse contendit, motuque etiamnum istiusmodi, non vitali moveri, equidem ea in re cum magnopere hallucinatum esse existimo.

## CAP. XII.

1. *Frigiditas corporum in quibus Spiritus apparent experientiâ Cardani & Bourgoti confirmata.* 2. *Hujus Frigiditatis causa naturalis.* 3. *Dæmonas reverà cum Veneficis concumbere.* 4. *Ipsam Spirituum substantiam non esse ignem.* 5. *Spectrum Ephesium.* 6. *Spiritus in terra præliantes.* 7, 8. *Prælia Campestria & Navalia in Aere visa.*

1. **C**Æterùm, ut redeamus in viam; Alias Historias hîc adjicere possem, de *Dæmonibus Metallicis*, de *Geniis Tutelaribus*, qualis ille erat *Socratis*, alterque iste de quo *Bodinus* tam amplam pertexit narrationem, quam ipse ab eo accepit qui ope & societate talis *Angeli* sive *Genii* fruebatur. Cui quidem narrationi ego æquè firmam habeo fidem atque ullis rebus gestis apud *Livium* vel *Plutarchum* memoratis. De *Laribus* denique *familiaribus*, uti & de eis etiam qui Familias vexant infestantque, qui multis apparuerunt, effectaque admodum sensibilia reliquerunt suæ apparitionis. Sed nolo tantum creare tedium aut mihi ipsi aut Lectori. Nominabo potiùs unam & alteram Historiam quàm recitabo. Ut illam scilicet de *Facio Cardano* qui narrat, (ut videre est apud *Cardanum* filium) *Spiritum* quendam, qui familiariter in ædibus versabatur amici sui quem invisit, nocte quadam manum suæ fronti imposuisse, seque eam sensisse intoleranter frigidam. Atque sic *Petrus Bourgotus* confessus est cum *Diabolus* manum ipsi porrexisset osculandam, se eam frigidam sensisse. Aliaque quamplurima exempla sunt quæ huc spectant.

Vide Cardan.  
de rerum varie-  
tate, lib. 16.  
cap. 93.

Wier. de Præ-  
stig. Dæm. lib.  
6. c. 13.

2. Atque certè rationi valdè consentaneum est, ut corpora *Dæmonum*, cum nihil sint aliud quàm *Aer coagulatus*, frigida sint, perinde atque *Aqua coagulata*, quæ nix est aut glacies; & ut *coagulatus* hic *Aer* frigore valeat magis mordaci & penetrabili, quippe ex subtilioribus consistens particulis quàm *Aqua*, ac proinde ad insinuandum magis idoneis, magisque accuratè & pungenter afficiendum tangendumque *Nervos*.

3. Quamobrem cum *Veneficæ* tam frequenter confiteantur, *Diabolum* cum eis concumbere, conqueranturque simul de ingrata ejus ac molesta frigiditate; haud obscurum profectò indicium est, eum reverà cum eis concumbere, nec merum esse *Insomnium*, quemadmodum *Wierus* ipsarum patronus contendit.

4. Hinc etiam vanitatem illius opinionis detegere possumus, quæ ipsam *Essentiam Spirituum Ignem* esse asserit. Quàm ineptus enim ille foret ad coagulandum *Aërem* manifestum est vel primo intuitu. Colliquefacturus potiùs esset & dissoluturus istiusmodi consistentias, quàm easdem constricturus, quodamve modo congelaturus. Hinc verò potiùs manifestum est *essentiam Spirituum substantiam* esse ab omni cujusmodicunque materia corporea distinctam. Cæterùm non est præsentis nostri instituti de *natura Spirituum* Philosophari, sed eorum tantùm demonstrare *existentiam*.

5. Cujus quidem, *Spectrum Ephesium* ulterius esse potest argumentum. Nam senex ille quem *Apollonius Ephesus* dixit ambulantiem esse Civitatis pestem, postquam eum lapidassent, lapidumque cumulum mox disjecissent, sub specie apparuit ingentis canis nigri, qui vel maximum Leonem magnitudine æquaret. Hæc *Melancholia* Impostura esse non potuit nec ullius *Sacerdotis* fraus. Eruditusque *Grotius*, homo ab omni levitate vanaque credulitate perquam longè remotus, adèd persuasus est de miraculis *Apollonii Tyanei*, ut impudentem eum nominare non dubitaverit, qui ea ausus sit negare.

Vide Myster.  
Pietat. lib. 6.  
cap. 2. sect. 5.

6. Chronica nostra *Anglicana* Apparitiones etiam memorant, Homines armatos præliantes in terra, tum in *Septentrionalibus* partibus *Angliæ*, tum etiam in *Hibernia*, per multas continuas vespervas ab aliquot centenis hominibus simul conspectos, ipsùmque gramen conculcatum detritumque esse in locis ubi visi sunt prælia miscere. Quod optimè convenit cum narratione *Nicolæ Langbernharde* de saltatoribus bisulcis, qui ungularum suarum vestigia *Circo conculcato* impressa ad bene longum tempus reliquere.

7. Cæterùm hæc in terris prælia, de ultima argumenti parte me monent, jubentque sursum aspicere in Aërem. Ubi prætermisiss omnibus aliis prodigiis, ea tantùm notabo quæ maximè notoria sunt, & de quibus nulla alia omnino ratio reddi potest, quàm quòd sint effecta *spirituum*. Atque hæc quidem est armatorum hominum apparitio præliantium & aliorum in alios incurfantium in aëre. Horum Prodigiolorum  
tam



tam multa apud Historicos exempla sunt, ut supervacaneum videri possit in medium ulla proferre. Istud ante ingentem cædem hominum non minùs octogies mille per *Antiochum* factam in secundo *Machabæorum* libro memoratum capite quinto, celebratissimum est. Historiographus illuc sic scribit; *Contigit autem per universam Hierosolymorum Civitatem videri diebus quadraginta per aerem equites discurrentes, auratas stolas habentes, & hastis, quasi cohortes, armatos, & cursus equorum per ordines digestos, & congressiones fieri cominus, & scutorum motus & galeatorum multitudinem gladiis distributis, & telorum jactus & aureorum armorum splendorem omnisque generis loricarum. Josephus* consimilia describit prodigia, quæ ante excidium Urbis per *Titum* contigerunt, præfatus primùm incredibilia esse, nisi quòd ab eis narrata essent qui eorum oculatè testes fuere.

8. Tales etiam Apparitiones visæ sunt ante bella civilia *Marii* atque *Syllæ*. Affirmatque *Melauchthon* abundè istiusmodi prodigiorum visum fuisse per totam Germaniam ab anno 1524. ad annum 1548. *Snellius*, inter alia loca, *Amortsfortium* recenset, ubi hæc prælia visæ sunt non multò supra ædium culmina; quemadmodum & *Amsterdamum*, ubi prælium navale in Aëre apparuit per duas ferè horas continuas, multis millibus hominum conspicientibus. Et ut taceam quæ haud ità pridem in *Anglia* visæ sunt, accurata nuper allata est Narratio de pugna Navali à quibusdam *Hollandis* conspecta. Verùm Leo cum solus in fine apparitionis conspectus sit, quanquam narratio vera, quoad sciam, nihilominus esse possit, obnoxiam tamen eam reddit suspicionibus ac subterfugiis, ideòque nostro scopo inidoneam. Hujus verò generis *Phænomena*, quorum narratio nulli fini politico inservire meritò existimari possit, par profectò est & consentaneum ut pro veris habeantur, quando multi sunt qui profitentur se oculatos eorum testes esse. Cùmque in nullas causas naturales resolvi possint, manifestum est *supernaturales* nos agnoscere debere, cujusmodi sunt *Spiritus, Intelligentiæ*, sive *Angeli*, aut quocunque alio nomine eos libuerit appellare.

### C A P. XIII.

1. *Causa præcipua cur Spiritus boni rarò se consocient cum hominibus.* 2. *Qualis Magia fuerit quâ Bodini amicus usus est, ad asciscendam sibi magis sensibilem Assistentiam boni Genii.* 3. *Sensibilis Conversationis hujus Genii modus.* 4. *Pietas personæ ingenique illius Character.* 5. *Periculorum evitatio ex boni sui Genii monitis.* 6. *Quantopere à Vocali cum ipso Conversatione Genius abhorruerit.* 7. *Utilis ejus per alia signa Opitulatio.* 8. *Modus quo ipsi apparuit vigilanti, & semel dormitanti.*

1. **F**ini vissem jam omnes meas Historiolas, nisi hîc ad propositam methodum transiliendam pellectus sim, memorabili illâ Historiâ apud *Bodinum*. Nomina-  
bam tantùm obiter in antecedente Capite, paulo fusiùs hîc eandem enarrabo. Quod  
eò lubentiùs facturum sum, quòd istiusmodi exempla consociationis *Spiritus bono-  
rum* cum *Homini*bus admodum rarò apud scriptores occurrunt. Cujus causam præ-  
cipuam esse opinor, quòd tam pauci admodum homines sincerè animatùsque boni  
sunt. Narratio eò majoris est momenti, quòd is qui scripsit ab eo acceperat, cui res  
ipsæ contigerant & ad quem pertinebant. Est autem hujusmodi.

2. Hæc quidem persona, vir sanctus atque pius, ut videtur, & unus ex *Bodini*  
amicis familiaribus, apertè illi dixit, se *Spiritum* quendam habere, qui eum perpetuò  
comitaretur, quod tunc primùm deprehendit, cùm annos ferè triginta septem natus  
esset: se verò censere eundem *Spiritum* secum præsentem fuisse per totum vitæ curri-  
culum, quemadmodum ex monitoriis quibusdam *Insomniis* ac *Visionibus*, quibus præ-  
monitus fuit de variis periculis perinde atque vitiis, collegerat. *Spiritum* verò hunc  
ipsi se notum fecisse, postquam per annum integrum Deum servidè orâisset ut bonum  
Angelum ipsi mitteret, qui Dux esset ac Gubernator vitæ suæ atque actionum; addi-  
ditque porrò, se & ante & post preces, binas ternasve horas in meditandò & legendò  
sacras Scripturas solitum esse insumere, diligentèrque apud seipsum inquirere, quæ  
inter multas illas in orbe controversas Religiones sit optima, Deumque orare ut  
dignaretur ipsum eò dirigere; neque enim se eorum viam approbare posse, qui De-  
um utcunque orant ut eos in illa opinione confirmet quam jam præconceperint sive  
bona sit sive scelus. Dum verò de rebus Religionis tam sollicitus esset, se incidisse in  
locum *Philonis Judæi*, in libro *De Sacrificiis*, ubi ait, *Bonum sanctumque virum, ma-  
jus*

*jus gratiſſque Deo ſacrificium quàm ſui ipſius offerre non poſſe*, ac proinde *Philonis* conſilio oblectum, ſe *animam ſuam obtuliſſe Deo*. Atque poſthæc inter alias multas Divinas Viſiones atque Inſomnia, ſe viſum eſſe ſemel in ſomno vocem Dei audire dicentis, *Servabo animam tuam, Ego ſum qui antè apparui tibi*. Poſteaſque *Spiritum* quotidie circa horam tertiam quartamve matutinam oſtium pulſaſſe, quamvis ſurgens oſtiumque aperiens neminem adſtanteſ inveniſſet. *Spiritum* verò ab hac conſuetudine non deſtititſſe, & niſi ultro ſurrexiſſet, hoc eum modo è lecto excitatſſe.

3. Hæc turba ac violentia effecit, ut ſuſpicari inciperet, malignum aliquem eſſe *Spiritum* qui ſic eum infeſtaret. Ac propterea quotidie Deum obnixè oravit, ut dignaretur *bonum* illi mittere *Angelum*; ſæpeque *Psalmos* cecinit, quippe qui quamplurimos memoriter tenebat.

Quamobrem *Spiritus* deinceps magis leniter oſtium pulſabat, & quodam die vigilantia ſe illi patefecit, ubi primùm ſenſu eum eſſe certò percepit. Nam ſæpe tetigit movitque vitreum *Baucalium*, quod ſuper menſam ſtabat in Cubiculo; ad quod haud parùm attonitus fuit.

Biduo poſt, cùm coenà exciperet amicum quendam ſuum, Regis Secretarium, erubuiſſe illum ut audivit *Spiritum* ſcamnum ferientem quod adſtabat, merùque fuiſſe percuffum. Juſſit verò bono animo eſſe, nihil enim noxæ hinc ipſi fore. Et quò meliùs eum confirmaret, totius rei veritatem ipſi explicavit.

Ab eo igitur tempore, inquit *Bodinus*, affirmabat hunc *Spiritum* ſe perpetuò comitatum eſſe, & ſigno aliquo ſenſibili eum de rebus commonefecitſſe, ut *dextram* feriendo aures, ſi quid malè faceret, *ſiniſtram* verò ſi ſecus. Siquis eum ad circumveniendum accederet, *dextram aures* percuti ſolere; *ſiniſtram* verò ſi vir bonus bonoque cum propoſito eum conveniret. Si bibiturus eſſet aliquid aut comesurus quod noxam afferret, vel inſtitueret quicquam agere quod malè ſucceſſurum eſſet, ſigno ſe inhibituſ fuiſſe; & ſi cunctaretur ea aggredi quæ agenda erant, ſe incitatuſ fuiſſe ſigno aliquo dato.

Cùm incipiebat *Psalmis* Deum laudare, ejùſque facta mirabilia declarare, ſe vi quadam *ſpiritu*ali ac *ſupernaturali* auctum corroboratuſque ſenſiſſe.

4. Se quotidie Deum oraſſe, ut doceret ipſum voluptatem ſuam, legem ſuam ac veritatem, diemque unum ſingulis ſeptimanis ſeligere ſe ſolere, ac deſtinare ſcripturarum lectioni ac meditationi, Deique laudationi cum *Psalmis*; nec foras ſe prodire ſolere per totum illum Diem. In reliquis verò vitæ actionibus ſatis lato hilarique animo eſſe. Atque huc dictum illud retulit, *Vidi facies ſanctorum lætas*. Quòd ſi in colloquiis ſuis cum aliis, temerè quicquam aut imprudenter effutiſſet, ſtatimve Deum precandi horas intermiſſiſſet, ſtatim ea de re commonefactuſ fuiſſe per inſomnium. Monituſ etiam fuiſſe ut ſummo manè ſurgeret, vocemque dormienti ſæpenumero, circa horam quartam, in aures inſonuiſſe, dicentem, *Quis primus ſurget oraturus?*

5. Narrabat, porro, *Bodino*, ſæpe ſe commonefactuſ fuiſſe de eroganda eleemoſyna, & quò plus erogaret, eò ſecundiores ſuarum rerum ſucceſſus percepiſſe. Cùm inimici appetentes vitam ipſius aqua vectum iri cognoviſſent, Patrem ſibi per ſomnium fuiſſe viſum, adducentem equos duos, *ruffum* & *album*, ideòque curaviſſe, ut duo equi conducerentur, & quamvis de colore nihil indixiſſet, famuluſ duos illos *ruffum* & *album* adduxiſſe.

In omnibus difficultatibus, itineribus, inſtitutis, quæ aggreſſurus erat, ſe conſilium à Deo petiſſe, & quadam nocte cùm benedictionem à Deo ſibi donari poſtulâſſet, viſionem dormienti fuiſſe oblatam, in qua ipſi benedicebat Pater.

Alio tempore, cùm in gravi verſaretur periculo, ſtatim atque cubituſ iviſſet, à *Spiritu* impedituſ eſſe, qui non ceſſaret, donec è lecto ſurrexiſſet, inſomnem itaque totam noctem in precibus conſumpſiſſe: poſtridie ſe mirabili ratione & incredibili carnificuſ manus effugiſſe; hoc facto, ſe dormientem audiviſſe cùm inſclamarer vox, Jam dicendum eſt, *Qui ſedet in latibulo Altiffimi*.

6. Multas alias res geſtas narrabat hic homo *Bodino*, tam multas ſanè, ut infinitum fore putaret recitare univerſas. Quæ verò ſuperſunt ex eis quas recitavit, eiſdem huc tranſcribendis non gravabor operam impendere.

Roganti *Bodino*, Quid non apertè *Spiritum* compellaret? Hoc quidem à ſe reſpondit ſemel poſtularuſ eſſe, repente verò *Spiritum* tanquam malleo vehementer fores pepuliſſe, ut iſtud ſibi ingratuſ eſſe oſtenderet.

7. Cæterum tametiſi *Spiritus* cum eo colloqui nollet, uti tamen illius iudicio potuit in libris legendis fuiſſeque ſtudiis moderandis. Si librum malum in manus ſumpſiſſet eum lecturus, librum à *Spiritu* percuffuſ fuiſſe ut eum deponeret; & ſæpenumero quæleſcunque



lescunque libri fuerint à nimium legendo scribendoque se impediri solere, ut quiescat animus & meditetur solus. Addidit insuper, persape ad ipsius vigilantis aures subtilissimam quandam vocem & ἀναρθεον pervenisse.

8. Quærenti denique *Bodino*, An formam *Spiritus* vidisset unquam; respondit se dum vigilarer, nihil vidisse unquam, præter lumen quoddam valdè clarum, in orbem ductum. Semel autem cum in extremo agens vitæ discrimine, Deum orasset ex animo, placeret ipsius saluti consulere, & sub diluculum dormitaret: super lecto cui incumbibat, animadvertisse puerum veste albâ in purpureum inclinante, vultu formæque admirabili: hoc ille plurimum *Bodino* confirmabat. Ex quo hæc omnia suis ut plurimum verbis huc transcripsi.

## CAP. XIV.

1. *Disquisitiones quædam ex antecedente Narratione; ut, Qui sint hi Genii Tutelares;*
2. *Unusne an plures singulis hominibus assignati sint, an verò aliquibus nulli.*
3. *Quid in causa sit cur Spiritus tam rarò appareant;*
4. *Et an formam ullam habeant determinatam necne.*
5. *Quonam hominibus modo assistant aut precantibus aut vaticinantibus.*
6. *An cujusque temperamentum capax sit societatis Boni Genii.*
7. *Et denique an licitum sit homini Deum precari ut talem Genium Angelumve sibi mitteret.*
8. *Quanam efficacissima sit maximeque Divina Magia.*

1. **E**Quidem præter præsentem scopum est, quemadmodum jam professus sum, in illas magis minutas curiosasque disquisitiones de natura *Spiritus* me inducere; quippe cujus institutum nunc est demonstrare tantum eorum *existentiam* ex istis mirabilibus effectis quæ passim apud Historicos memorantur. Hæc postrema verò Narratio adeò præ reliquis egregia ac notabilis est, ut minoris eam quam par sit, æstimare meritò videremur, si eam dimitteremus sine omni inquisitione, in talia saltem problemata, quæ naturaliter nostræ considerationi occurrant; quanquam interim fateor supra humani Ingenii facultates, legesque modestiæ jure videri posse, quicquam hac in re determinare.

Primum igitur, *Animus humanus* non potest quin valdè laboret in comminiscendo qui demum hi *Spiritus* officiosi sint qui se in consociationem cum homine adeò sponte ac lubenter se offerunt. Utrùm *Angeli* esse possint, incorporationis in humana corpora incapaces, quæ vulgaris est opinio; An *Animæ defunctorum*, quippe quæ majorem cum mortalitate humanæque fragilitate cognationem habent quam reliqui, atque sic facilius necessitatum ac infirmitatum nostrarum sensu tanguntur, ut qui easdem ipsi aliquando percepissent; id quod pro causa Incarnationis Christi per Authorem ad *Hebræos* assertur. Quæ opinio non minoris nominis fautores habet, quam *Plutarchum*, *Maximum Tyrium*, aliòsque *Platonicos*: An verò denique sint ex utroque genere. Etenim *Animæ separatae* cum sint ἰσαγγελοι, conditionis Angelorum haud absimilis, facile intelligi potest, quàm commodè eisdem cum ipsis possint officiis fungi.

2. Secundò, Invitamur ad inquirendum, An unusquisque homo suum habeat *Tutelarem Genium* necne. Veneficas plures habere, licet miscellòs sanè, ex ipsarum confessionibus constat. *Pythagoreorum* opinio erat, binos unumquemque habere *Genios*, alterum *Bonum*, *Malum* alterum. Quod & *Mahometes* in suam Religionem assumpsit, addens insuper, eos humeris hominum insidere cum codicillis in manibus, alterumque omnia bona opera quæ homo fecerit scriptis mandare, alterum omnia mala. Verùm istis vocibus symbolicum subesse sensum potius existimo quàm naturalem. Magisque rationi consentaneum censeo, homine temperiem Animi mutante *Genium* simul mutari; vel potius nisi quis admodum sincerus sit simplèxque corde, eum communi Providentiæ relinqui; perinde atque, nisi quis immaniter improbus sit perditæve miser, agrè ullum particularem *Spiritum malignum* interponere offerre, ve seipsum perpetuum in rebus fortunisque suis promovendis adiutorem.

Summa verò paupertas, Senectus onerosa, Amicorum penuria, Contemptus, Injuria & malorum Vicinorum plusquam lapidea Inhumanitas in animam operantes alitè corpori immersam Divinæque vitæ prorsus destitutam, accendunt aliquando tam mordacem, tam acrem, ac penetrantem ultionis ac vindictæ cupidinem ut exclamationes hominum dum à latronibus in propriis ædibus interficiuntur, nocturnus lupi

in agris ululatus, ejulatusve ac rugitus bestiarum excarnificatarum, non sibi certiùs accersunt qui sui sint generis, singuli, quàm potens hæc *Magia* Animæ admodum mœstæ atque querulæ in amaritudine afflictionis suæ opem auxiliùmque horum nimis quàm officiosorum *Spirituum* ad se attrahit. Adeò ut probabilissimum sit eos qui maximè prompti sunt ad *veneficas* extremo supplicio afficiendas, primos fuisse qui eas creaverint, quique haud plus bonitatis veræque pietatis habent quàm ipsæ quas tam lubenter capite plecti volunt, sed perinde sunt improbi atque istæ, quanquam meliori cum successu, ac majori cum prudentia sive calliditate, quippe qui nolunt ultrà peccare quàm lex ipsis permisit, ac proinde hominem pauperculum & amicorum inopem fame enecant impunè, magno interim cum justitiæ strepitu porci sui vaccæve mortem ulturi.

3. Tertio, Disquisitu dignum est, cur Spiritus tam rarò nunc dierum appareant, ii præsertim qui sunt *boni*; An sit præsentis seculi improbitas, quemadmodum jam innui; an generale hominum præjudicium de *Spiritibus* qui apparent, quasi omnes malos *Dæmonas* continuò esse oporteat; an verò humanæ naturæ fragilitas, quæ utpurimùm apparitionem *Spiritus* ægrè sustinet, quemadmodum etiam fit in aliis *Animantibus*. Nam in quantas animi consternationes Equi Canesque ad eorum appropinquationem conjiciantur, in omnium ferè ore versatur, estque circumstantia comoda ad distinguendam realem *Apparitionem* à propriis nostris *Imaginationibus*. An denique ipsorum Spirituum conditio in causa sit, quos credibile est sine aliqua vi suæ naturæ illata non posse fieri visibiles; quippe quum ipsis fortean æquè molestum sit se in una firma stabilique *consistentia* tenere in Aëre, atque Urinatoribus spiritum continere in aqua.

4. Quarto, Nec intempestiva profectò hîc moveri potest quæstio, ullamne determinatam habeant formam speciémve. *Angeli* ad puerorum similitudinem cum bene rotundis roseisque genis ut plurimùm pinguntur. Quod minùs mirandum est, cum Deum omnipotentem in forma *senis grandævi* depingere non dubitaverit Artificum audacia. Utrobique res fit, ad *libitum*, quod dicitur, *Pictoris*. Hæc verò Historia eorum opinioni magis favere videtur qui *Angelos* asserunt *Animasque separatas* nullam habere formam determinatam nisi in quam ipsi ex data occasione, per propriæ imaginationis vim se induerint. *Ficinus*, si rectè memini, *Stellas Aereas* eos alicubi appellat. Atque equidem *boni Genii* mihi instar benignorum oculorum Dei videntur ultrò citròque per orbem discurrentium, & cum amore & miserescentia sincerorum simpliciùmque hominum studia conatusque intuentium, ad benefaciendum ipsis atque opitulandum semper paratorum.

Quod ipse de separatis Animabus *Spiritibusque* concipio, meliùs enarrare non possum, quàm jam feci in Poemate de *Præexistentia Anima*. Quod proinde haud abs re fore puto in hoc loco repetere, donatum *Latinitate*.

Ut ferruginea laternæ cortice clausa  
Lux, timidus regimus noctis, quâ, tempore gressus;  
Canales ut vitemus pluviâsque lacunas,  
Pauzillos mittit radios de culmine nigro;  
Per latus at plures fundit reſerata Fenestra  
Cornea: verum ubi jam post caca pericla viai  
Et perducta domum nigricanti exutaque Thecâ,  
Nuda, ô quàm claro Lampas tunc lumine fulget  
Æstivos referens splendoribus æmula Soles!

Terrestri sic mens conclusa in corpore, dum istis  
Angustis claudisque astringitur Instrumentis,  
Segniùs heu! proprios profert ac partiùs actus;  
Hic parit auditum, visum parit ille meatus,  
Gustum alii olfactumque: Exuta at corpore toto;  
Ut Lampas quàm nulla tegit nigra stannea Turris,  
Integra sit sensus ac vitæ lucida sphaera,  
Conspicit atque semel quicquid tenet ejus Horizon;  
Aerea est jam tota Auris, jam totus Ocellus.

Et quæ hîc dixi de conditione Animæ extra corpus, \* facilè, opinor, applicari possunt ad alios *Genios* sive *Spiritus*.



5. Quinta inquisitio esse potest, Quomodo *boni* hi *Genii* hominibus possint assistere, in accendendo eorum Devotiones, aut ad vaticinationes incitando. An ullâ aliâ ratione fieri possit quàm descendendo in eorum corpora, & cor atque cerebrum possidendo. Etenim *Euchistæ* qui donum Prophetiæ per familiaritatem malignorum *Spirituum* affectabant, τὰ πάλαι σύμβολα, Bonitatis honestatisque Principia in animabus suis obliterarunt (ut videre est apud *Pfellum* in libro περὶ ὀνειργίας δαιμόνων) ut *maligni Spiritus* in eorum corpora introire possent, quos illæ virtutis scintillæ, ut illi dixerunt, essent abacturæ. Hisce verò extinctis, eos in se ingredi posse & ad vaticinandum reddere idoneos. Quòdque *Veneficarum Spiritus familiares* aliquando in ipsarum corpora descendunt, perinde atque in eorum ad quos eos ipsæ miserint, ex historia *Veneficarum Warboisensium* est manifestum. Estque porro sententia *Trismegisti*, Spiritus hosce in venas arteriasque se insinuare tum *Hominum* tum *Brutorum*.

Quamobrem, quòd ad *Insomnia* ac *Visiones* viri hujus sancti attinet, qui tam liberè quæ sibi acciderant, *Eodino* impertivit, consentaneum profectò videri potest, *Bonum* illum *Genium* se in ipsius corpus insinuasse, perinde atque malos insinuare se in corpora impiorum: cùmque in cerebro ejus resideret, illudque, cogitando de hoc vel illo objecto, figuraret, sicut & nos de re aliqua cogitantes ipsum figuramus, figurationes istas, externis sensibus prorsus consopitis, communi sensui facilè representatas fuisse; cùmque in earum memoriam rediret expergefactus, fieri non potuisse quin aliis *Insomniis* consimilia ipsi viderentur, excepto quòd præstabiliora essent, aliquidque haud parvi momenti ipsi significarent.

Raptus verò isti *Devotionales* interdum à *Spiritu* fieri poterant, accendendo puriorem quandam Amoris flammam perinde atque corroborando & excitando Imaginationem. Et quàm longè ultra se per duplicatam hanc in se animam quis auferri posset, nemo, opinor, rectè potest concipere, nisi qui rem ipsam aliquando expertus sit.

6. Et certè si hic sit modus communionis, meritò inquirere possumus in sexto loco, An omnes homines capaces sint consociationis cum hisce *bonis Geniis*. *Gardanus* alicubi innotuit, accessus eorum deprehendi posse nonnunquam per suaveolentes quosdam odores ab ipsis diffusos. Unde probabile videri potest, ista corpora quæ bene ipsa olent, modò mens minimè sceteat præ superbiam atque hypocrisim, naturalem aliquam habere præcellentiam præ cæteris, atque aptitudinem ad asciscendam sibi *bonorum Geniorum* societatem. Quòd si ulla peculiaris corporis temperies naturalisve cõditio requiratur, minus spei supererit, ut quilibet in eorum se insinuet familiaritatem. Veruntamen Regeneratio postquam ad debitum gradum pervenisset, (quantum id sine multo labore animique angore fieri nequeat) omnem Naturæ impuritatem facilè potest corrigere. Adeò ut nequaquam par sit ullum eximiè bonum sincerumque hominem de ipsorum familiaritate desperare. \* Etenim qui tam magna in gratia est apud Principem, minimè mirum est eundem ab *Aulicis* ejus paulò crebrius ac benignius saluari.

7. Ultima verò maximique momenti quæstio est, Utrùm licitum sit Deum orare ut talem *bonum Genium Angelumve* nobis mittat. Nam exemplum in antecedente Historia videtur id nobis abundè confirmare. Sed enimverò, siquid ego judico, Fidem & Desiderium plenis velis ferri oportet, ut fausta fiat atque prospera talis exeditio, & scopum porro nostrum ac propositum purum esse & sincerum. Quòd si superbia, sui-existimatio, peculiarisque alicujus privilegii præ reliquis mortalibus affectatio, hominem ad istiusmodi Inceptum stimula-verit, preces illius haud plus valituræ sunt aut apud Deum aut apud *bonos Genios*, quàm queribunda vox mendici similitudinis ad miserationem commovendam apud eos qui prudentiæ perinde atque charitatis nomine celebrantur. Quinimò magna hæc præsumptio aliquos reales *cacodæmonas* invitare potest ad pejorem ludum in eum comminiscendum quàm in lacerosum istum Nebulonem *Guzmannum* per *Mimodæmonas* quosdam inventus est, ob impudentem suam cognitionis jactationem, audacemque sui ipsius intrusionem in notitiam & familiaritatem cum Nobilibus *Genuensibus*.

8. Tutissima verò *Magia* est sincera animæ Deo consecratio, ad nihilumque anhelatio præterquam ad tam profundum Humilitatis gradum ut nobis ipsis conscii simus nos laudibus hominum atque encomiis nullatenus tangi, & ad tam liberum ac universalem charitatis sensum, ut alterius foelicitate perinde gaudeamus atque propriâ. Qui in hæc sola oculos intentos habent, sibi obvenire experientur, quicquid cor ipsorum exoptaverit. Qui verò manum porrigunt ad res sublimes, ut illi opinantur, captandas, dum interim hæc negligunt, evadunt tandem sibi ipsis mala erux; & universo Mundo ludibrium.

Hæ sunt variæ Meditationes quas antecedens Narratio naturaliter generatura est in animis curiosorum. Verùm mihi audire videor *Atheum* ad hæc omnia respondentem, me longas pertexuisse speculatiunculas super fundamentis incertis, & roganter non sine aliqua sanè despicientia & indignatione, an huic tam multifariæ fabulæ, quam ex *Bodino* recitavi, & super qua tam multum argutatus sum, ipse ullam habeam fidem! Ad quod regeo, Me nolle sanctè jurare, facta vel verisimillima quæ apud *Plutarchum* in *Viris*, aut in *Livii Historia* occurrunt, certò esse vera. Veruntamen intèrè me minimè pudere profiteri, meo proprio quidem iudicio, æquè firmiter persuasum esse de *existentia Spirituum*, quàm quòd homines convenerim in *Anla Westmonasteriensis*, pectorave viderim in *foro Londinensi* boario.

## SCHOLIA

## In CAP. XIV. SECT. 4.

**F**Acilè, opinor, applicari possunt ad alios *Genios* sive *Spiritus*. Animam terrestri corpore exutam ipsosque *Genios* sive *Angelos* magnam inter se habere similitudinem in confesso est apud omnes fere Philosophos qui *Anima* immortalitatem tenuerunt. De utrisque verò an formâ humanâ sint naturaliter, an verò nullâ certâ sed prohibitu, hîc in diversis partes abierunt. Sed enim verò cum ex Philosophia constet, partem *Anima* esse Plasticam, eamque ab illa inseparabilem, atque *Animas* beatas ex fide Christiana celestia corpora humanâ formâ prædita tandem habituras, & ipsum denique Servatorem affirmasse homines in Resurrectione fore *ἰσαγγέλοι*; etiam *Angelis* & Plasticam & Formam humanam naturaliter inesse credibilis existimo. Quam & veteris *Cabbalæ* doctrinam fuisse ex visione *Ezechielis* conjicio.

SECT. 6. Etenim qui tam magna in gratia est apud Principem, &c. Id quod ipse Servator innuere videtur in Epistola ad Ecclesiam Sardiarnam, *Apoc. cap. 3. vers. 5.* Καὶ ὁμολογῶ τὸ ὄνομα αὐτῷ ὡς ὄντων τῶν παλῶν, καὶ ὡς ὄντων τῶν ἀγγέλων αὐτοῦ.

## CAP. XV.

1. Argumenta à Structura corporis humani & ab Apparitionibus maximam vim habere ad convincendum *Atheum*. 2. Quomodo prioris vim evadat pretendendo nunquam fuisse quin viri feminaque essent aliaque species in Orbe. 3. Authoris Responsum ad hoc effugium. Primò, Unumquemque hominem fuisse mortalem ac proinde aut creatum, aut mediatè vel immediatè à Terra ortum. 4. Secundò, Etiam in infinita successione aliquid ordine Naturæ Primum esse, illudque Primum aut creatum fuisse, aut à Terra ortum. 5. Tertiò, Si semper homines in Orbe fuerint, & unusquisque homo à femina natus, aliquem & Patrem & Filium, Virum & Infantem simul fuisse. 6. Cæcis meræ *Materiæ* legibus contrariari ut homo ex ea cum adultis suis perfectionibus simulexistat. 7. Secundum *Athei* effugium, species scilicet rerum à multifariis motibus *Materiæ* tentaminibus originem duxisse, cum triplici Responso. 8. Responsi ultimi Evasio, de accuratis fabricis corporum omnium Animantium constanter perpetuatis, cum triplici Responso ad dictam evasionem. 9. Hujus Responsi utilitas ulterior ad primam *Athei* evasionem funditus tollendam.

1. **A**Tque sic permulta illa ac multifaria Effecta sensibus nostris in amplo hoc Mundi Theatro representata percurramus: Quorum sublesta maximè atque obscura, satis plena sunt argumenta ad probandam existentiam Dei. Cæterum cum alia aliis sint magis palpabilia, magisque accommodata ad stimulandam excitandamque stupidam tardamque *Athei* hîdem in agnitionem existentie Divinae, equidem operæ pretium fore puto, notare quæ effugia hîc quærat, quò seipsum ex eis extricet quibus se potissimum irretiri sibi sit conscius, quæque apud se persentiat, fortissimè sibi intercludere fugam. Atque hujusmodi sunt ista duo præsertim ultima, quibus immoratus sum, nempe, *Accurata humani corporis fabrica*, & *Apparitiones*.

2. Atque vim quidem prioris argumenti nonnulli sic evadere conantur: Semper scilicet viros atque fœminas, aliâque species in Orbe fuisse, atque sic minimè mirandum



randum esse, quòd similia à similibus propagarentur, ac proinde nihil opus esse ullà alià *invisibili*, aut *materiali* causà præter *species rerum ipsas*; ac propterea has admirabiles partium conformationes nullam *Divinam Sapientiam* & Consilium, aut quicquam id genus aliud implicare.

3. Sed enim hîc quæro, An ullus unquam homo fuerit qui non esset mortalis, ullusque *Mortalis* qui non haberet *principium*. Et certè si habuit, habuisse oportet aut per *Generationem*, aut per *Creationem*. Si per *Creationem*, est certè Deus: Si per æquivocam *Generationem*, ut oriendo scilicet è terra, Argumentum nostrum etiamnum valiturum est contra hoc perfugium. Quòd si dixeris, neminem unquam hominem extitisse qui è scœmina non sit natus, summa hujus dicti omninò huc redit; fuisse utique infinitas numero successiones *Generationum*. Si quicquam amplius intelligatur, *nullus probus suberit sensus*.

4. Quanquam enim Imaginatio nostra per infinitas effectorum series percurrere non potest, Ratio tamen nostra certò nobis persuadet, nullum Effectum esse posse sine Causa; & sit certè progressus causarum & effectorum quantumlibet infinitus; tamen naturaliter tandem eum in aliquod *Primum* resolvimus. Et qui hoc quidem negat, videtur obfirmato animo oculos contra Naturæ lumen claudere, & vim inferre propriæ mentis facultatibus. Ac proinde necesse est unum saltem virum unamque scœminam primam esse, \* qui primi sint *ordine Naturæ*, quanquam temporis Infinitas à præsentis numerationem ordinentibus, confusionem nobis & obscuritatem in mente gignit. Atque sic hi qui *ordine Naturæ* sive *causalitate* primi sunt, debent itidem necessariò priùs existere quàm ulli alii viri scœminæve fuerint in rerum Natura. Ac proinde de his primis, cùm manifestum sit è nullis prognatos esse parentibus, sequitur eos aut *creatos* fuisse aut è *terra oriundos*. Atque sic frustra erit effugium.

5. Præterea, si affirmaveris nullum unquam hominem extitisse qui non natus sit è muliere, atque sic gradatim ad staturam virilem pervenerit; alicui profectò obtinget esse & *Infantem* & *Virum* simul, aut tum *Patrem* tum *Filium* esse sui ipsius. Nam statim atque Genus humanum erat (sit licèt ab omni æternitate, & ultra illam æternitatem nihil est) qui tunc extiterunt ab aliquo parente geniti sunt; nihil autem ante eos extitit, quod ipsos gigneret; quocirca seiplos genuerunt.

6. Cæterum, ut simulatque extiterint homines adulti essent, cùm tamen ipsorum corpora ex materia consisterent alterabili & passibili, quæ diversimodè subigitur & gradatim in eam formam quam habet, ex perpetuo Naturæ Testimonio, æquè temerè dictum est, acsi nobis narrarent, \* *Ocreas* & *Calceos* & *Tibialia*, & *Artocreatæ* & *Palas* & *Furnos* simul extitisse ab omni æternitate. Cùm è contrà manifestum sit oportere Intervallum temporis ordinatum priùs esse, quàm hæc possent fieri, in quo scilicet præcedere debet *Boum* mactatio, eorumque excoxiatio quemadmodum & *Ovium*; *Coriorum* etiam *lixivio* elaboratio, *Nendi* etiam opera & secandi, & multæ id genus actiones. Adeò ut valdè ridiculum sit affirmare Genus humanum in his ipsis circumstantiis, adultum scilicet simul atque extiterit, ab omni æternitate esse potuisse, nisi Divina aliqua Omnipotentia, quæ potest quicquid nos concipere possumus & supra, suo irresistibili *Fiat*, tale quid efficeret eodem momento quo ipse fuerit, hoc est ab æterno, \* nec unquam illi defuit aut *potentia* aut *peritia* efficiendi.

Ut verò fluida cæcæque Materia ab omni retro æternitate in tam perfectas rerum species excitata fuisset, admodum temerarium est dictu & ab omni ratione alienum. Ut tale quicquam, inquam, in rerum natura unquam extiterit, ut est homo à seipso in hac forma corporea quam videmus, simul existens, qui nihilominus postea, ut reliqui mortales, diem obierit, Fabula est supra omnia Figmenta Poetica qualiacunque fabulosa, magisque incredibilis quàm insulsissimum commentum *Legendarium* quod ulla unquam Religio *Atheis* credendum proposuerit.

7. Alii igitur hanc evadendi rationem relinquentes, ad aliam se conferunt, quæ, tametsi primo quidem aspectu paulo plausibilior videatur, est tamen revera perinde futilis atque frivola. Aiunt enim, Omnes rerum species, ipso *Homine* non excepto, ex terra per omnifaria particularum materiæ aliarum in alias tentamina, prognatas fuisse, quippe quæ tandem in scœlicem eam corporum Animantium constructionem atque fabricam, quam videmus, incidissent; cùmque infinitam temporis seriem habuerint ad omnia pertentanda, eas necessariò ad has compages quas cernimus ad postremum fuisse perventuras.

Verùm respondeo, has particulas, infinitas in ictibus motibusque suis committere potuisse tautologias, ac proinde nullam talem omninò fuisse necessitatem ut in has formas specièsque rerum quæ in Mundo apparent unquam coalescerent.

Præterea, est quidem tam præstabilis, in corpore, putà humano, partium conformatio, quemadmodum suprà monuimus, ut non possit quin sit effectum admodum accuratæ Peritiæ atque Consilii.

Et postremò, Hic Atomorum concursus, cùm omni Duce destitutæ sint, miraculum est supra omnem humani ingenii captum, ut nullas ineptas rerum species produceret, tales quæ ex sua natura tres tantùm pedes haberent, & unum oculum, unamque duntaxat aurem, series dentium secundùm spinæ dorsi longitudinem confitorum & similia, quemadmodum suprà notavi; Quandoquidem multò facilius est in hujusmodi ineptitudines, quàm in tam accuratas atque irreprehensibiles *Animantium* fabricas incidere.

8. Sed ad eludendam vim hujus argumenti contra fortuitum Atomorum concursum, vesanum hoc excogitabunt subterfugium. Naturam primùm quidem istiusmodi deformia perperamque constructa Monstra peperisse, perinde atque ea Animalia quæ exquisitiori sint fabricâ; perfectiora verò altera illa adorta esse eaque occidisse ac devorasse, cùm ipsis nec quoad artus nec quoad sensus tam commodè prospectum esset, atque sic nunquam satis celeriter ab eis saltitare potuissent, aut satis maturè pericula quæ ipsis subinde imminerent, prævidere. Cæterùm injusta hæc audaxque calumnia in *Deum Naturamque* conjecta, facilè profectò manifesta fiet falsimonia, modò consideremus;

Primùm, Quòd *Arbores, Herbe* atque *Flores*, qui à locis suis non recedunt, nec alii in alios ullam istiusmodi immanem crudelitatem exercent, sint omnes, in suo quisque genere, pulchri & elegantes, nec ullam in se habent ineptitudinem aut defectum.

Secundò, Quòd omnia Animantia ex putrefactione nata, ut *Mures* atque *Rana* & similia, uti & multa illa centena *Insectorum* genera, cujusmodi sunt *Cicada, Musca, Aranea*, & id genus alia, quòd, inquam, hæc etiam accuratissimam partium conformationem habent, quòdque nihil temerè in ipsorum fabrica ineptè factum est.

Postremò, in perfectioribus Animantibus, \* ut in *Scoticis Barnaculis*, quas Historici memorant, de quibus si ulla subesset dubitatio, *Gerardus* tamen ex propria experientia (quod æquè mirabile est, parisque ad scopum nostrum momenti) genus quoddam volucrum esse narrat in agro *Lancastriensi* qui *Anseres Xylogoni*, i. e. è *lignis geniti*, appellantur. Gignuntur autem ex fragmentis naufragorum Navigiorum putrefactis, arborumve truncis in parvam Insulam in *Lancastria* comitatu, conjectis, quæ *Anglicè* appellatur *Pile of Foulders*. Idem Author asserit se hoc genus reperisse in aliis etiam hujus Regni partibus. Istæ volucres, omni ex parte, quanquam ex putrefactione sic natæ (quòdque sic nascuntur indubiè verum est, quemadmodum quisvis cui libuerit, facilè se certior facere potest, consulendo *Gerardum*, in *Historia Plantarum* ipsa pagina ultima) æquè exactâ corporis fabricâ sunt atque æquè aptè ad vitales functiones talis generis Animantis conformatâ, atque ex quæ per propagationem producantur. Quinimò, etiam hoc genus volucres ipsæ speciem coitu propagant: quod levitati nonnullorum imposuit ut negarent alterum illum generationis modum; cùm una generandi ratio alteram non excludat, \* quemadmodum observare licet in *Ranis* atque *Muribus*.

Quamobrem cùm hæc Genimina ex terra & putrefactione tam ex omni parte perfecta sint & accurata perinde atque altera, manifesto est indicio, Naturam nullas unquam rerum species ineptè imperitève efformasse, ac proinde eam consilio ac providentiâ semper ductam fuisse; hoc est, Naturam ipsam effectum esse *omniscientis Dei*.

9. Atque hæc certè consideratio, non solum præsens effugium tollit, sed & modo quodam magis palpabili ac intelligibili prius etiam enervat. Quid enim eis prodest ad infinitam *Individuorum* in eadem æterna specie, (quemadmodum illi fingunt) propagationem confugere, ut causam semper possint effecto assignare parem, cùm hujusmodi sint effecta Geniminæque *Putrefactionis* in quibus *Sapientia* & *Consilium* æquè reverà conspicua sint, atque in illis alteris? Namque sic nihilominus necessariò illo etiamnum illaqueantur incommodo, è quo expedire se posse sperabant tam argutâ subtilitate.



## SCHOLIA

## IN CAP. XV. SECT. 4.

**Q**UI primi sint ordine naturæ, quanquam temporis Infinitas, &c. Habet certè hoc argumentum vim inexpugnabilem apud viros omnes cordatos. Sed & ipsum tempus infinitum esse non posse abunde demonstravi in Enchiridio Metaphysico, Cap. 10.

Sect. 6. Ocreas & Calceos & Tibialia, &c. Et certè eos rogare vellem qui speciem humanam ab eterno fuisse volunt, an existiment Ocreas, calceos & tibialia fuisse ab eterno? Quod si non fuerint, dicant quantum temporis elapsum sit ante eorum inventionem, quotve milleni anni effluxerint ante artes istas inventas; multos certè non interfuisse ante ista aliæque id genus Inventa manifestissimum est, ac proinde manifestum, aliquando fuisse cum mundus speciemque humana non multos millenos annos durasset. Vide Enchir. Metaphys. Cap. 10. Sect. 4.

Nec unquam illi defuit aut potentia aut peritia efficiendi, &c. Atque sic fateor nihil defuisse ex parte Dei quò minus mundus potuisset esse ab eterno; sed ipsa mundi natura ita comparata est secundum veram illius Ideam, ut tantæ perfectionis capax esse omnino nequeat. Vide Enchirid. Metaphys. Cap. 10. Sect. 5.

Sect. 8. Ut in Scoticis Barnaculis, &c. Maluimus enim Barnaculas ex Anglicana origine, quàm Chelonolopices aliæque id genus nominum monstra, appellare.

Quemadmodum observare licet in Ranis atque Muribus. Quinimò his exemplis potius liquet, quàm constans ipsa sibi sit Natura. Quæ ut in principio, ita semper quoties à terra parit Animalia, mares & foeminas parit. Quoniam sic melius consulitur perpetuæ specierum propagationi.

## CAP. XVI.

1. Atheorum contra Apparitiones perfugia: ut primum, quod meræ sint Imaginationes.
2. Deinde, quod tametsi Entia realia sint externa, vi tamen Imaginationis produci possint; cum confutatione harum opinionum.
3. Insulsum ipsorum commentum, quod prælia in Aere ab exuvialibus rerum effluviis fiant, cum ejus confutatione.
4. Copiosa confutatio ultimi subterfugii, (quod hæc scilicet Dimicationes Reflexiones sint Præliorum in Terra) à Distantia, & debilitate Reflexionis;
5. Arudi Nubium Politura;
6. Ab earum incapacitate ad reflectendam vel Stellæ Imaginem, quod multò facilius esset. Primum, propter imminutam ipsius magnitudinem;
7. Deinde, propter Lucis puritatem;
8. Tertio, propter posituram oculi in umbra Terræ;
9. Postremo, propter earum Dispersionem, quò ab omnibus Cæli partibus reflecti possint, si Nubes ullam talem reflectendi vim in se haberent.
10. Si ullam vim habeant prælia representandi tanto intervallo distantia, supernaturali aliquo artificio id fieri;
11. Artificium tamen hoc legibus limitari.
12. Unde quasdam saltem harum Aerearum dimicationum à Terra Reflexiones esse, videri impossibile.
13. Machiavelli opinio de his Dimicationibus in Aere.
14. Nihil in Philosophia demonstrabilius esse, quàm quòd sit Deus.
15. Pædanea istius affectationis Atheismi quanam sit probabilis Origo.
16. Veræ causa cur quis reverà ad Atheismum sit proclivus.
17. Neminem oportere meros Temperamenti sui sensus contra Principia Rationis Testimoniæque Naturæ atque Historiæ opponere.
18. Apologia Authoris, quòd tam copiosus fuerit in Spirituum Historiis recitandis.

1. **J**AM verò quantum ad Atheorum suffugia, quibus vim argumenti à Spiritibus & Apparitionibus deducti eludere volunt, tam infirma sunt & inepta, ut nemo ferè dubitare possit, quin certò persuasi essent apud conscientias suas de istiusmodi Historiarum veritate, cum alioqui multo consultius fuisset apertè negasse, quàm tam vanas earum & insulas rationes excogitasse.

Primum enim, aiunt, nihil esse præterquam Imaginationes, nec reale quicquam extra nos istiusmodi Apparitionibus subesse.

2. Verùm dein, à levi hoc subterfugio depulsi, quippe quòd multos eandem rem simul contueri notissimum sit, ad tam mirificam Imaginationis vim continuò se recipiunt, ac si aerem in realem aliquam speciem formamve mutare valerent, ita ut alii eam conspicerent

conspicere possint, perinde atque is qui *Imaginationis suæ vi* ipsam formaverit.

Nunc verò appello quemlibet, annon magis arduum Mysterium hoc sit magisque supra captum mentis humanæ positum, quàm omnes *Magica Metamorphoses Daemonum* ac *Sagarum*. Intellectu enim longè facilius est, ut res aliqua cognitione prædita in Aere, Aerem in hanc vel illam formam transmutet; in ea ipsa Aeris parte existens quam sic transformat, quàm ut *Imaginatio* hominis, quæ *propria mentis* tantum est *modificatio*, eum transmutare in tales *Apparitiones* ad tantam distantiam valeret. Cæterum concessio quòd possit, potestne *Aerem animare* quem sic transmutaverit, efficiereque ut *loquatur* & quæstionibus respondeat, resque hominum manibus imponat & similia? O deliram *Atheismi* credulitatem! Quàm inebriati & intoxicati sunt in cogitationibus suis! quippe qui corporis voluptatibus penitus dediti sunt, liberumque naturalium Animi facultatum usum perdiderunt!

Nunquid verò hæc *Imaginationis vi* ad ipsas Cœli nubes etiam pertinet? efficietque ut Homines prælia misceant in Aère, incursantes impetumque facientes alii in alios?

Dialog. 51. de  
Apparitioni-  
bus.

3. Hic idem præfidens *Ingenii* professor atque *Philosophia* *Cæsar Vaninus* (qui ex qualibet occasione callidè ac præstigiosè *Atheismi* venenum Lectoris animo infundere satagit) ad veteres istos pannos eiecitios Scholæ *Epicuri*, *exuvialia* rerum *Effluvia* recurrit, rationemque huiusmodi Phænomenon sic reddere conatur: Quòd vapores corporum humanorum, & equorum etiam, ut videtur, attolluntur in Aerem, & in certam quandam proportionatam partium posituram cadunt, atque sic figuras hominum equorumque in sublimi imitantur inter nubes.

Cæterum hic quæro, quomodo *Equorum* vapores, vapores *Sessorum* offendunt? & quando & quandiu est, quòd unà conveniunt? Et annon antè apparent, quàm ulli sint in campis exercitus qui tales vapores sursum mittant? etiam an Arma Telæque vapores similiter emittant, ut *Gladii*, *Lanceæ*, & *Clypei*? Et quid sit ut tam commodè in manus horum *Aereorum Militum* illabantur, præsertim cum vapores *Metallorum*, si quos habent, verisimillimum sit graviore fore fumis *Equorum* atque *Hominum*? Et postremò, Quid sit ut incurserint alii in alios atque pugnent, cum vitâ animæque prorsus destituantur? Quinimò, an soni etiam suas habent exuvias quæ ad huiusmodi pompas bellicosas referrentur? Nam ad *Alborough* in *Suffolcia* Anno 1642. auditi sunt immanes *Tympanorum* pulsatus, dislosiones *Sclopetorum*, & *Machinarum* bellicarum; quemadmodum & in aliis id genus Prodigis auditi sunt *Tubarum* sonitus, ut *Snellius* refert. Et *Plinius* similiter *Tubæ* sonitus & armorum crepitus tum in bellis *Cimbricis* tum priùs & postea è cœlis perstreptentes memorat. Hic verò ad *Alborough* omnino conclusum est cum canora *Muscorum Instrumentorum* Melodia.

Histor. Natu-  
ræl. lib. 2. c. 57.

*Fidicule*, ut videtur, suas etiam habent *exuvias* quæ sursum in Aërem volent. An verò Accentus isti Musici ad tempus illuc congelati erant, & ad æstus & effulminationes *Bombardarum* Aëre laxato & degelato, evaserunt tam Harmonicè vocales? Quàm vanis insulsisque cogitationibus intoxicantur homines, qui datâ operâ contra lumen Naturæ connivent, & à vera cognitione alienati sunt piæque agnitione Dei!

4. Cæterum, est & aliud effugium, quo idem sedulus *Atheismi* Insinuator uti velit, si hoc repertum fuerit minùs firmum, quod quidem magis sobrium videtur, licet non minùs falsum. Est autem huiusmodi: Quòd hæc prælia scilicet ac dimicationes in Aere, sint tantum *Reflexiones* alicujus pugnæ in Terra. Hoc verò in Natura planè impossibile est. Etenim cum hi Exercitus sic pugnares necessariò ad eam à spectatōribus distantiam siti sint, ut nè fama quidem pugnæ ad aures ipsorum unquam perveniat, oculi sanè eam nunquam intueri possunt per ullam à nubibus *Reflexionem*. Nam præterquam quòd *Reflexio*, rerum imagines magis obscuras reddit quàm *Visio directâ*; talis profectò distantia ab exercitu ad nubes, & dein à nubibus ad oculum, species ita supra modum minuet, ut nequaquam futura sint visibiles.

5. Vel si fingere velis eam aliquando esse posse figuræ nubium aptitudinem, quæ huic specierum contractioni aliquo modo mederi queat, superficies tamen earum politurâ tam valdè rudi lavigantur, ut *reflexio* (quæ, quod dixi, semper ex seipsa satis obscura est) hic ita supra modum imperfecta sit, ut nunquam per Naturæ vires Terrestrium Objectorum species ad visum nostrum reflectere potuerint; quippe quum adeò manifestum sit eas illud quod multò facilius foret efficere non posse. Nunquam enim eas reperimus Imaginem Stellæ reflectentes, cum tamen non solum vitrum, sed & quodlibet stagnum turbidum cœnosave lacuna in viis publicis id frequentissimè faciat.

6. Quòd verò longè facilius sit ut Stella, quàm ut ulla horum Objectorum in Terra ad oculos nostros per rudia illa *specula naturalia* inter Nubes sita, reflectantur, multa quidem Argumenta abunde nobis confirmabunt.

Nam



Nam primum, Solitam suam magnitudinem, sub qua usualiter nobis apparent *Stellæ*, per hanc *reflexionem* nequaquam minuunt, differentiâ multarum centenarum *Leucarum* nullam magnitudinis differentiam in eis gignente, quippe quum nè distantia quidem *Orbitæ Telluris* ullam gignit, quemadmodum ii omnes agnoscere debent qui annum ejus motum admittunt. Sed milliaria admodum pauca usualem specierum *Hominis Equivæ* magnitudinem contrahunt ad eam usque parvitutinem ut invisibiles evadant. Quid igitur fiet de *gladio, clypeo vel lança*? Et in hisce casibus de quibus nunc loquimur, quàm magna specierum *Itineratio* sit à terra ad nubem quæ eas *reflectat*, supra jam monui.

7. Secundò, Manifestum est *Stellam*, hoc præ terrestribus Objectis privilegium habere, quòd sit *Lux* æquè pura atque Sol, licet non æquè magna; ista verò *opaca tantum corpora* colorata; ac proinde quòd illorum imagines cum speciei *Stellæ* vigore atque robore nequaquam sint conferendæ.

8. Terriò, Cùm oculus noctu situs sit in *umbra terræ*, istæ *Stellæ Reflexiones* adhuc facilius erunt visibiles; cùm è contra ingens Solis lumen *interdiu* has reflexas Objectorum *Terrestrium* Imagines multum necessariò sit debilitaturum, illius Radii oculos nostros tam forti vibratione ferientibus.

9. Quartò & ultimò, Cùm *Stellæ* ita per totum firmamentum dispersæ sint, ut videmus, videretur profectò centies facilius, ut Naturales Causæ in *Parasterem* vel *Parastron* (permittat enim mihi Analogia, hæc rarò aut nunquam visa Phenomèna sic appellare, Imaginem nempe aut *Stellæ singularis* aut totius *Constellationis* à nubibus reflexam) incidant, quàm in *Parelion* aut *Paraselenem*. Jam verò horum Historia plus centies frequentior est, quàm illa *Parasteris*. Tam rarò enim observatur ut dubium sit an in rerum natura existat, vel agnoscatur planè non existere. Cujus rei nulla causa esse potest, nisi quòd nubes tam perperam sint politæ, ut nè tantum quiddam lumen quantum est *Stellæ* reflectere valeant. Unde tutò sanè credo nos colligere posse, quòd impossibile propterea sit, ut tam debiles species, quàm sint colores figuræque *Bestiarum* atque hominum, reflectant, \* idque tam accuratè, ut videre possimus *gladios* ipsorum, *galeas, clypeos, hastas* & similia.

10. Quamobrem manifestum est has *Apparitiones* in sublimi Aëre, non esse *Reflexiones* objectorum in Terra. Vel si sic esse concipi possint, causam aliquam *supernaturalem*, conglaciandis polienisque nubium superficiebus modo tam accurato atque extraordinario & quoad figuram & quoad *lævitatem*, quàm quæ ad adeò prodigiosas *Reflexiones* sufficiant, suam operam adhibere oportere.

Quòd verò hi *Spiritus* qui in Aëre degunt in materias illuc occurrentes agant, perinde ac *Homines* hic in terra in illius partes operantur, quemadmodum & in vicinâ Elementa, quousque ipsorum vires pertingunt, formantes, perficientes, ac dirigentes omnia pro suo instituto atque libitu, nullam profectò rationem in Natura ac Philosophia invenio, cur quisquam inficietur. Nam aliquorum officiosorum Geniorum operam hujusmodi prodigiis exhibendis impendi, *tempestivitas* exhibitionis haud contemnendum videtur argumentum; quippe quæ, juxta Historiographorum observationem, motuum ac mutationum in omnibus Regnis & Rebus publicis præcursores sunt atque prænuncii. Id quod ipse *Vaninus* in *Dialogis* suis agnoscit.

Dialog. ji.

11. Veruntamen nihilominus quàm botos eos Artifices supposuerim, cùm in Naturam operentur, Naturæ legibus eos oportet circumscripti; & *Reflexio* suos habitura est limites perinde atque *Refractio*, sive ad species proferendas sive ad accendendum calorem. Cujus leges atque limites cùm acutum illud Ingenium *Cartesius* rectè caleret, generosè sanè ac peritè pronunciavit; *Speculum comburens, cujus foci distantia à speculo non minorem habeat rationem ad illius diametrum quàm distantia Terræ à Sole ad diametrum Solis, vehementius non usturum esse quàm directi Solis radii sine eo essent facturi, quanquam aliàs speculum hoc tam exactè figuratum esset ac curiosè politum quàm à manu angeli possit expectari.*

12. Quamobrem supposito, nubium superficies quantumlibet affabrè politas esse, adaptatæque ad *Reflexionem*, etiamnum manifestum est aliquas harum Apparitionum tales esse non posse quæ meræ exercituum in terra præliantium sint *Reflexiones*. Illæ enim quæ observantur \* determinatè supra hanc vel illam Civitatem dimicare, si meræ sint tantum præliorum *Reflexiones*, necesse est ut ab aliquibus exercitibus non procul diffitis fiant; quòd si sit, non possent quin celeri saltem famâ, civibus innotescerent. Unde planè constat istiusmodi prælia in nubibus reales esse congressus, non autem Imagines *Reflexionis*ve præliorum in Terra. Et certè si meminerimus fuisse hujusmodi realia præliorum in terra Prodigia, Aëreis hisce equitibus etiam illuc concurrentibus & dimicantibus, quemadmodum supra notavi; rationi profectò consens-

Cap. 12. scilicet.

taneum

taneum est, concludere pleraque reliquorum horum prodigiosorum præliorum, quamvis determinatè super hanc vel illam civitatem non conspiciantur, reverà in Aëre sive nubibus esse, non autem umbras *Reflexionés*ve esse Armatorum inter se concurrentium in terra.

Cæterùm hujusmodi Armatorum congressus super certas Civitates conspectos fuisse facile esset ex Historia abundè confirmare. Narrationem illam *Snellianam* taptum in medium proferam, de oppido *Amortsfort* ubi istiusmodi prælia visa esse affirmat, in Aëre, idque prope ipsa *Ædium* testà. Cui affine est quod *Machiavellus* refert de *Aretio*, agnoscens istiusmodi prodigia crebrò occurrere in Historia, certòque esse prænuncios motuum ac conturbationum illius Reipublicæ ac Regionis ubi apparent.

*Disput. de Republica, lib. 1. cap. 56.*

13. Verba ejus tam libera sunt & ingenua, judiciùmque tam egregium, (quamvis Philosophum se nolit profiteri) de causis horum adeò mirabilium spectaculorum, ut operæ pretium duxerim huc transcribere. *Hujusmodi*, ait, *rerum causas ab iis explicari posse credo qui rerum naturalium ac supernaturalium cognitione insignes sunt, à qua me alienum esse fateor: nisi fortè cum Philosophis quibusdam pronunciandum censeamus, aerem plenum Spiritibus & Intelligentiis esse, quæ res futuras prævidentes, & casibus humanis condolentes, eas hominibus per hujusmodi signa prænunciant, ut se adversus eas tempestivius præparare & communire queant. Utinam se res habeat, experientiâ certè comprobatur habemus talia signa sequi solere magnos aliquos motus.*

14. Præsentem hunc *Tractatum* adversus *Atheismum* quoad omnes suas partes jam consummavi. In quem dum oculos conjicio, clarâque & irrefutabilem causâ quam suscepi evidentiam confidero, & quàm fideliter congruentèque *externæ* rerum in *Orbe apparentiâ* indubitatis *innatorum Principiorum* Animæ dictatis respondeant, porròque confirment, non possum profectò quin confidenter affirmem, nullum unum præceptum in universa Philosophia magis certum esse magisque demonstrabile, quàm quòd sit *Deus*.

Atque equidem credo me omnes angulos cujusque Philosophiæ, quæ ullum habere momentum in hac controversia putanda sit, tantâ diligentia excussisse, ut tutò possim pronunciare, brutalem quandam omninò *Ignorantiam* esse aut *Impudentiam*, nullam verò *Naturæ peritiam* rerumve cognitionem, quæ animare quenquam queat ad *Atheismum* profitendum, aut ad eundem amplectendum ab alio quocunque, qui ipsum profiteatur, propositum.

15. Sic autem evenisse autumo; Cùm initio quidam homines ob rerum scientiam celebres, nec zelo tam præpostero ac superstitioso quàm reliqui mortales, ab *Idiotis Athei* reputati essent, eoque nomine per ora hominum traducti; factum est postea, ut semper subinde extiterit aliquis stultulus inanium gloriolarum captator, qui affectaret, quantum cum sua incolumitate confisteret, *Atheus* videri, ut istoc pacto, si placet, tanto doctior haberetur, *Naturæque Mystra* profundior.

16. Cæterùm cuivis ausim affirmare, si in fundum hujus enormis morbi Animæ, uti *Trismegistus* eum rectè appellat, inquirere velit, nullam aliam ejus causam inventum iri, præter levitatem quandam Animi ac vanitatem, indomitumque desiderium suam explendi voluntatem in omnibus, Conscientiam obnoxiam, abjectumque Divinæ vindictæ timorem, Ignorantiam defectûs & Insufficienciæ causarum secundarum, spirituum tumultum turbidum ac sæculentum propter perpetuam Intemperantiam ac Luxuriam, aut stupidam fuscâque melancholiam quæ vim Animæ perceptricem, in rebus præsertim Divinis, adeò quasi enecat extinguitque, ut hominem ad illiusmodi Contemplationes æquè ineptum reddat, quàm si cranium luto frigido refertum esset pulverève sepulchrali.

17. Atque hujusmodi quidem tardis Ingeniis, non mirabor profectò si, quemadmodum prima pars Dissertationis meæ necessariò videbitur mirificè subtilis, ità & ultima ab eisdem perquam ridiculè incredibilis existimabitur. Verùm eos meminisse oportet me ad nullas quidem *Idiosyncrasias* peculiarésve hominum sensus qui ex temperamento corporis oriantur, sed ad notas & immutabiles mentis humanæ Ideas, ad Naturæ Phænomena Historiæque monumenta hîc provocare.

18. Quorum ultimò \* si aliquanto copiosius instituisse videar, nulli meæ credulitati profectò imputandum est, aut quòd in portentosis Historiis enarrandis singularem aliquam voluptatem caperem, sed quòd par esse putârim, ut corroborarem, quantum possem, & confirmarem aliorum fidem; quippe certò persuasus, superciliosam circa tales Narrationes de *Spiritibus* Incredulitatem, periculosum præludium esse ad *Atheismum* ipsum, aut magis occultam callidâque ejusdem professionem atque Insi-  
*nuationem.* Procul enim dubio, Dictum illud in *Politicis* non magis verum est,

*Nullus*



*Nullus Episcopus, nullus Rex, quàm hoc in Metaphysicis, Nullus Spiritus, nullus Deus.*

## SCHOLIA

## In CAP. XVI. SECT. 9.

**I**Dque tam accuratè ut videre possimus gladios, &c. *Visa hæc tam distincta esse & ex omni parte articulata, ab oculatis testibus, fidèque, ut mihi videbatur, satis dignis accepi, eisque pluribus. Sed nihil necesse est hic plura exempla proferre.*

SECT. 12. Determinatè supra hanc vel illam Civitatem dimicare, &c. *Vide Enchirid. Metaphys. Cap. 26. sect. 6.*

SECT. 18. Si aliquanto copiosius instituisse videat, &c. *Quod quidem cum fecissem, plurium Historiarum narrationes in Scholiis consultò omisi, cum & ratio futura fuisset eorum quorum Genius ab hujusmodi rebus abhorret, nec multum utiles aliis, cum tot jam in ipsâ Tractatu allatæ essent, ut apud æquos rerum æstimatores certò sint causam obtenturæ.*

T

ANTECE-

Handwritten text line

SCHOLIA

In C. XVI. 2. 2. 2.

Handwritten text block, likely a commentary or scholium



ANTECEDENTIS  
ANTIDOTI  
Adversus  
ATHEISMUM  
APPENDIX.  
In qua continetur  
AD OBJECTIONES QUASDAM  
Contra aliquot ejusdem loca factas  
RESPONSIO.

Per *HENRICUM MORUM*  
Cantabrigiensem.

Aristot.

Περὶ τῆ ἐξω λόγον αἰεὶ ἔστιν εὐρῆσαι, πρὸς δὲ τὴν ἰσω λόγον ἔκ αἰ.

*L O N D I N I,*  
Typis R. Norton, impensis J. Martyn & Gualt. Kettilby,  
M DC LXXIX.

THE  
APPENDIX

OF THE

RECORDS

17



# Antecedentis

## ANTIDOTI

Adversus

# ATHEISMUM

## APPENDIX.

### CAP. I.

1. *Ratio cur Author hanc Appendicem suo Antidoto addiderit.* 2. *Præcipuarum Objectionum contra librum primum factarum enumeratio.*

1.



**SUSPECTA** *Innocentia* & in dubium vocata *Veritas* majorem sibi existimationem asciscere non possunt, quam ex severissima examinatione. Hoc pacto enim homines plenius persuadentur de *Inculpabilitate* unius, & de alterius *Soliditate*, quam unquam fieri possit sine publica hujusmodi Exploratione. Quamobrem nè tantum deesset Accessorium grandi illi causæ quæ præ manibus est, equidem contentus non eram, talia tantum argumenta proponere, quæ proprio

judicio firma putaverim & irrefutabilia; sed ut ipsorum firmitas magis conspicuè omnibus hominibus appareret, præcipuas in medium protuli maximique momenti Objectiones quas corradere undecunque valui, sive ab eis excogitatae sint qui suâ sponte argumentum ullum quo sim usus conati sunt vellicare, sive ab his qui invitati sunt ad perscrutandum indicandumque ubi possent, quascunque enervitates inconsequentiasve in ullis Argumentationibus quas per totum istum *Tractatum* invenerint. Potissimæque Objectiones contra librum primum hujusmodi ferè sunt.

2. Primò, Fundamentum nostræ demonstrationis *Existentie Dei* ab ipsius *Idea*, Quòd inuatæ scilicet sint *Ideæ* in mente humana, falsum esse.

Secundò, Nullam esse omninò istiusmodi Dei *Ideam*, quam ego descripserim, nec innatam nec acquisitivam sive transcriptivam, quia in se involvit notionem *Spiritus*; quæ rursus ex istiusmodi particularibus notionibus consistit, quæ nullo modo concipi possint.

Tertiò, *Existentiam* non esse vocem sive terminum *Perfectionis*, ac proinde in Notione *Entis absolute perfecti*, sive *Dei* non adeò inseparabiliter involvi.

Quartò, Quamquam *Existentia necessaria* in *Idea Dei* includitur, indè tamen inferre, quòd Existit, sophisma esse; quippe quòd *Ens absolute malum*, perinde atque *Ens absolute perfectum*, necessariam *Existentiam* in sua *Idea* includit.

Quintò, Si sit *Ens ullum necessario Existens*, manifestum esse quòd sit *Materia*, quam nos temerè & inconsultò *Spacium* appellamus, quod imaginari non possumus, quin necessariò semper extiterit, semperque necessariò sit exiturum.

Sextò, Deum ipsum hanc sui *Ideam* menti humanæ non indidisse, sed astutiores quosdam *Políticos*, qui Religione tanquam mero Reipublicæ administrandæ Instrumeto semper usi sunt.

Septimò, *Timorem* atque *spem naturalis Conscientiæ* reverà nihil esse aliud, quàm has ipsas Passiones, Divini numinis excitatas opinione quam homines Educatione aut Traditione imbibierint.

Postremò, Ea argumenta quibus humanæ animæ *Incorporeitatem* probamus, concludere perinde *Incorporeitatem* animæ bruti, ac proinde esse sophistica.

Hiscè omnibus ordine respondebo, quàm minimâ possum verborum pompâ & luxuriantia, & cum claritate perspicuitatēque quantâ potest maximâ in argumento tam subtili atque difficili.

## C A P. II.

1. *Vim sui Argumenti pro Existentiâ Dei ab illius Idea deducti, in hoc non verti, quòd innatæ sint Idæ in mente humana.* 2. *Vim argumentandi ab Idea alicujus rei, sive innata sit sive non innata, eandem esse, multis probatur exemplis.* 3. *Ratio cur pro innatis Ideis tantopere contendat.* 4. *Accuratam Trianguli apparentiam ad sensum externum minimè probare, quin exacta illius Idea ab ipsa Anima sit profecta.* 5. *Si sint innatæ Idæ, nequaquam indè sequi quòd cæcus quis natus, de coloribus possit differere.* 6. *Bruta Logicarum aut Mathematicarum Notionum nullam habere notitiam.* 7. *Cur Zenonis asinus ad fæni fasciculum lineâ rectâ incedat.* 8. *Actiões istas ac motus in rebus, qui secundum Rationem aut Principia Mathematica sunt, non necessariò probare Logicas ullas aut Mathematicas Notiones rebus inesse, quæ sic agunt aut moventur.*

1. **Q**Uòd nonnulli cum nostra Demonstratione *Existentiæ Dei* ab illius *Idea* petita, eò cavillati sint, quòd huic Principio innixam putarent, Quòd nempe *innatæ Idæ* sunt in Anima humana, non tam ignorantia eorum quàm incogitantia imputandum censeo. Nullius enim Animi facultates tam abjectæ esse possunt atque debiles, quin si ad ea quæ scripsi attenderit, necessariò planè deprehensus sit vim argumenti nostri in eo non versari, quòd *innatæ sint Idæ*, sed in ista confessa apud omnes veritate, Quòd quædam tam manifesta sunt, ut quocunque modo anima ad eorum notitiam pervenerit, non possit quin ipsis assensum præbeat, agnoscâtque indubiè esse vera.

2. Nunc verò *Idea Entis absolute perfecti* cum talis sit, ut necessariò agnoscenda sit secundum *lumen Naturæ* vera omninò istiusmodi Entis *Idea*, Innatam appellaveris sive secus, perinde est, Demonstratio æquè inevitabiliter concludet, atque si agnosceretur *innata Idea*: quemadmodum manifestius deprehendemus, si aliarum *Idearum* exempla proferamus; ut, v. g. *Idæ Trianguli, Corporis Geometrici regularis, & Solidi denique rotundi.* Nam natura harum *Idearum* talis est ut mens humana negare nequeat, quin tales sint determinatæ distinctæque *Idæ*, talisque determinatæ affectiones ad eas pertineant. Ut exempli causâ, Quòd omne Triangulum aut *Isopleuron* sit, aut *Isoceles*, aut *Scalenum*: Ità ut tria omnino eorum genera sint, quantum ad latera, non plura, nec pauciora. Quòd quinque omninò sunt corpora *Regularia Geometrica*, viz. *Cubus, Tetraedrum, Octaedrum, Dodecaedrum, & Icosaedrum.* Quòd unicum solummodò genus sit *Solidi rotundi*, nempe *Sphæra* sive *Globus*. Atque similiter contemplando *Ideam Entis absolute perfecti* (innata sit sive non innata perinde est) non possumus non concludere, quòd non nisi unum numero tale esse possit, quòdque unum illud non possit quin existat, quemadmodum fusè demonstravimus.

3. Sed enim verò tametsi nullo tali principio, quale istud est innatarum *Idearum*, ad statuminandam hanc nostram Demonstrationem indigeamus; tamen cum verum esse censerem, nec exigui momenti ad animandum Lectorem ad notiones propriæ suæ mentis attendendas, ad recteque æstimandam præcellentiam illius Judicis ad quem oportet provocare, huic aliquantulum insistere haud alienum putavi. Atque equidem paratus sum porro confirmare, verum esse solidumque Principium, nihil obstante quicquid contra ipsum allatum hæcenus invenerim.

4. Id enim pro quo in sexto capite primi hujus libri contendo, quòd *exactæ Idæ Circuli vel Trianguli* leviter potiùs imperfecteque nobis per eas in materia descriptas subindi-



subindicantur, quàm ad amussim docentur plenève ostenduntur, adhuc verum est; nihil obstante istà Objectione, quòd nempe apparent exactæ externis nostris sensibus negligenter eas usurpantibus, quàmvis reverà ità non sint. Etenim postea planè nosmetipsos corrigimus, non solum per occasionem figuræ, quam semper observare possumus esse imperfectam, sed per innatam nostram rerum notitiam quæ nos monet, quòd externi sensus exactum *Triangulum* percipere non possunt, quippe quòd indivisibile punctum, in quod Anguli terminantur, externo sensui omninò sit invisibile.

Præterea considerandum est, quòd, tametsi admitteremus *Triangulum* sic describi posse, ut ad sensum externum, quàm pressissimè volumus & attentissimè, etiam per Microscopia, ipsum intueri, exactum sit appariturum; Illi tamen qui nullam istiusmodi accuratam delineationem viderunt aut observârunt, ipsi suâ sponte ex levî rudioris cujuslibet descriptionis intimatiuncula exactam sibi formant *Trianguli* Ideam, quam cum à nullo externo objecto didicerint, necesse est ut interna sit propriæ ipsorum mentis Representatio.

5. Quantum verò ad reliquas Objectiones, Quòd homo cæcus disputare posset de coloribus, si innata in Anima essent *Idea*, Respondeo non omninò sequi, quippe quòd *Ideæ*, quas in Anima esse contendo, sensibiles non sunt, sed Intellectuales, cujusmodi innumeræ illæ sunt *Logica*, *Metaphysica*, *Mathematica* & nonnullæ *Morales* Notiones. Quibus omnibus, tanquam propriis nostris modis considerandi Objecta sensibilia, utimur. Neutiquam verò sunt Objecta sensibilia ipsa, quorum nullam habemus Ideam, sed capacitatem duntaxat, propter argana corporis, ut per ea afficiamur. Ratio igitur cur Homo cæcus de coloribus differere non possit, hinc tantummodò est, quòd nullum Substratum, sive Phantasma habeat subjecti de quò sit differendum, circa quòd aliàs usus esset hisce innatis modis formæve Notionum, quæ menti ipsius naturaliter insunt, quibûsque in speculatione multorum aliorum sensibilibus Objectorum uti potest.

6. Et quando ulteriùs objicitur, quòd Notiones istæ *Logica* & *Mathematica* per sensus in Animum intrant, quippe quòd bruta earundem notitiam habeant, quibus tamen assignare nolumus tam opulentam supellectilem internam, quàm sint innatæ *Ideæ*; respondeo, Bruta non habere notitiam ullarum istiusmodi Notionum, sed quòd agunt, à mera sensibilibus Phantasmatum concatenatione res gratas vel ingratas sensui representantium proficisci; Ut ex eis ipsis quæ objiciuntur exemplis constare potest; ut ubi Canis ad unum strepitum latrat, putà ad pulsationem ostii, non autem ad alterum, ad casum putà Cathedræ, Patinave è suspensa mensula; ubi unum odorem, leporis putà, insequitur, alterum negligit & similia; hæc quidem omnia fiunt, non quòd ullam notionem habet *Effectus* & *Causa*, sed per meram phantasmatum concatenationem, restanquam gratas vel ingratas, vel neque gratas nec ingratas ejus sensui representantium, quo in casu non movetur omninò. Et si Canis buccam majorem faucibus impetit, ex eo non fit, quòd notionem *Inæqualitatis* consideraverit, sed quòd majus illud sensibile Objectum, appetitum fortius excitet. Ità si pergat per unicum latus *Trianguli* ut ad eum angulum perveniat, ubi panis frustum sit collocatum, non fit ex eo, quòd apud se consideraverit, *lineam rectam brevissimam esse intra suos terminos*, sed sensu quodam palpabili percipit quòd directò in illud tendendo, citiùs ad ipsum perventurus sit, quàm si per illos ambitus aut anfractus iter faceret; quemadmodum *Zeno* haud incommode exemplum *Afini* inducit in uno agri angulo, & fœni in altero, quòd directò perrecturus sit ad eum angulum ubi est fœnum; qui admodum falsus, uti is putabat, jocus erat in *Euclidis* demonstrationem, *Quòd quælibet duo latera Trianguli majora sint tertio*, quippe quæ veritas tam conspicua est, ut nè *Afinum* quidem latere possit.

7. Caterùm cum bona Philosophi tam Critici venia, meritò suspicari possumus, quòd nec Canis nec *Afinus* qui ad ullum tendit Objectum, directò ad ipsum in linea recta pergit, quòd apud se consideraverit curvam per longiores ambages eum esse ducturam, sed quia linea visualis recta eum ducit ad Objectum quod aspicit, in quæ æquè naturaliter pergit, sine ulla Notionum Mathematicarum consideratione, atque lapis è funda ejectus cursum ultrò continuare conatur motu rectilineari: quem, cum nè sensum quidem habeat, nullo modo suspicari possumus capacem esse vel rudissimæ notionis in Geometria.

8. Quamobrem purum putum sophisma est, si quis inferre velit Bruta, quia talia agunt quæ Rationi artique Mathematicæ consentanea sint, ideò ex Notionibus *Logicis* artique *Mathematica* eadem agere; cum in Creaturis inanimatis omniq; cogitatione destitutis (in motibus, inquam, ipsarum ac figurationibus) *Rationis* & *Geometria* vestigia possumus observare. Ut in guttis pluviis quæ directò formâ grandinum

num in terram decidunt, & in pulchritudine ac symmetria foliorum ac florum Herbarum ac Plantarum. Quæ objecta dum contemplamur, innatos modos propriæ mentis eis applicamus, quibus illa utitur in speculatione earum etiam rerum quæ ipsæ omni vitâ cassæ sint & cogitatione.

## CAP. III.

1. Cum Anima humana in Materiam lapsa sit, minimè mirandum esse si in speculatione rerum immaterialium aqua ipsi hæreat. 2. Omnem Extensionem, Divisibilitatem Physicam partiumve separabilitatem nequaquam implicare. 3. Emanationem substantiæ secundariæ à Centrali in Spiritu, non esse propriè Creationem. 4. Quis fiat ut Anima à dolore seipsam subducere nequeat per facultatem sui-contractivam. 5. Extensionem Anima tot Voluntates ac Intellectiones, quot sint partes imaginariæ, neutiquam implicare, propter specialem Unitatem & Indivisibilitatem suæ substantiæ. 6. Exempla varia Imaginationis, in certis Sensûs ac Rationis Conclusionibus intricatæ. 7. Modus firmæ Unionis quarundam partium Materiæ inter se, quàm sit incomprehensibilis. 8. Quid per Hylopathiam intelligatur, quomodoque Spiritus, quanquam non sit impenetrabilis, Materiam possit impellere. 9. Difficultatem explicandi quomodo Spiritus moveat Materiam, non valentiori esse argumento contra rem ipsam, quàm difficultas concipiendi quomodo Globi motus in Plano lineam producat, sit contra ipsius mobilitatem. 10. Quod robor ultimi hujus Responsi in certitudine consistat Existentiæ talium Phenomenon in Universo, quæ potentias meræ Materiæ prorsus excedant, quorum exempla varia ex antecedenti Tractatu subindicantur.

1. Quod humanæ Animæ, cum Intellectualium Ordinum infima quasi fax sint, in rerum Spiritualium & Intellectualium speculatione magis pressa & accurata confundantur & in luto quasi hæreant, rationi omnino est consentaneum; præsertim si consideremus vel Materiam ipsam, in qua se versant & volutant, quam manibus palpant, omnibusque suis sensibus usurpant, si eam semel modo intellectuali ac rationali contemplari aggrediantur, (quippe quarum Imaginationes per tenebrosum hunc in hæc terrestria corpora incarcerationis statum obnubilatæ sint) incomprehensibilem ipsi esse variisque repugnantibus scatere videri, || quemadmodum satis copiosè jam ostendimus.

Antidot.  
cap. 4. sect. 2.

Quod verò notio Spiritûs, quæ perspicuitatem *Ideæ Dei* adeò obscurare videtur, non sit tam inconsistens & incomprehensibilis Notio, quàm quidam sibi fingere volunt, spero me satis clarè evicturum postquam perversissimis, ut puto, Objectionibus quæ contra eam formari possint, respondero.

2. \* Quamobrem cum Spiritum definiverim ( Spiritum intelligo præcipuè creatum ) ab absolutis illis perinde potentiis se contrahendi & dilatandi, atque ab istis relativis facultatibus penetrandi, movendi & alterandi Materiam, Objectiones jam proponemus contra utraq;.

Et contra primas quidem objicitur, Quod impossibile sit ut mens humana ullam imaginetur substantiam facultate se dilatandi & contrahendi præditam, esse inextensam, aut extensionem concipiat sine diversitate partium, aut diversitatem partium, sine possibilitate Divisionis sive separationis à se invicem. Quippe quod partium diversitas in qualibet substantia, diversitatem substantiarum supponit, substantiarumque diversitas mutuam supponit independentiam. Unde continuò sequitur, Quod Indivisibilitas Spiritui neutiquam competat, quam nihilominus in illius definitione addidimus.

Equidem fateor objectionem satis ingeniosam esse scopumque premere, verùm difficultatem nihilominus facile dilui posse censeo, si tale quid naturæ Spiritûs inesse agnoscamus, quale in natura specierum Intentionalium milleni quidem Philosophi agnoverunt. Spiritûs igitur proprietatem hoc symbolo sive Hieroglyphico representabimus.

\* Supponamus igitur Punctum lucidum è quo Orbis luminosus, secundum nota Optices principia, eradiet. Orbis hic lucidus ad naturam atque imaginem Spiritûs, qui diffusus & extensus, tamen indivisibilis est, perquam propè quidem accedit. Nam supponemus in hoc spiritu Centrum vitæ indivisibile esse, & tamen diffundere seipsum circumscriptâ quâdam quasi Omnipræsentia, quemadmodum punctum lucis in

in



in unoquoque sphaerae luminosae puncto cerni intelligitur. Et tamen supposito, punctum illud lucidum *Centrale* indivisibile esse, nihil divisibile est in universa illa sphaera lucis. Est enim cogitatu planè ridiculum, quòd ullà machinà artève qualicunque Radii luminosi à *Centro lucido* separari possint & separati seorsim conservari, quemadmodum quivis agnitus est, qui naturam rei qua de loquimur, attentè apud seipsum consideraverit.

Jam verò nulla difficultas est, quin hujusmodi Orbem, *substantiam* perinde concipere possimus, atque *qualitatem*. Et certè hæc ipsa sphaera lucis, cùm nulli subjecto inhæreat, in spacio quod occupat, ad *substantiæ* similitudinem propius accedit quàm *accidentis*. Et quod inconsultò temerèque concipimus luci ac coloribus accidere, quòd quodlibet ipsorum punctum modo hoc orbiculari eradiet, majori cum ratione in substantiis spiritualibus est admittendum, quarum *Essentia centralis* in substantiam secundariam extenditur, quemadmodum Radii luminosi concipiuntur è puncto lucido emitti. Unde abundè instructi sumus ad reddendum Responsum Difficultati maximæ in antecedenti Objectione, nempe quòd partes quæ in Spiritu concipiuntur, inseparabilem dependentiam habent à *Centrali* sua *Essentia*, à qua fluunt & in qua radicaliter continentur. Ac proinde tametsi extensio sit integræ potentiae substantialis, una tamen pars ab altera discerpi non potest, sed tota substantia, tam *secundaria* quàm *primaria* sive *Centralis*, est indivisibilis.

3. Cæterùm oculos rursus in punctum hoc lucidum, Orbemque radiosum quem illustrationis gratià adhibuimus, conjiciamus. Manifestum est nihil necesse esse ut Radii isti, qui impediuntur quòd minùs eò usque quòd emanaturi essent, pertingant, vim suam essentiamve perdant, sed ut reflectantur tantùm versùs *Centrum lucidum*, remotòque obstaculo, ad justam rursus longitudinem possent excurrere. Adeò ut nulla novorum radorum sit generatio, sed emissio tantùm eorum qui antè existerant. Unde bene muniti sumus ad alteram objectionem retundendam, quæ insinuare vult, hanc emanationem sive effluxum *secundariæ* substantiæ è *Centrali*, *Creationem* esse propriè sic dictam, quæ nulli Creaturæ competere vulgò judicatur.

Verùm respondemus, tum *Centralem* tum *Secundariam* substantiam Spiritus simul creatas fuisse à Deo, Spiritusque hos libertate volendi agendique præditos, facultatem tantùm in se habere contrahendi ac dilatandi *vitales* suos radios, non autem annihilandi eos aut creandi. Etenim addidimus insuper in Definitione Spiritus, *sui-penetrationem*, vel *partium*, si partes appellare fas sit, *aliarum in alias ingressionem*. Atque hoc quidem Responsum tam solidum esse existimo, ut supervacaneum omnino sentiam *Durandi* opinionem hinc allegare qui contendit Creationem Creaturæ posse competere, modò fieri agnoscatur virtute donationis à primo Creatore, & cùm inevitabili observantia legum Illius. Addubitare etiam porrò possumus \* an ulla Emanatio propriè dici possit Creatio. Sed satis jam dictum est ad diluendam hanc objectionem.

4. Cæterùm ulterius adhuc urgemur de hac *Sui-contractione & Dilatatione*; Quæritur enim, cur Anima hominis, quàm agnoscimus spiritum esse, non contrahat sive subducatur seipsam ab istis partibus quibus dolet, cūrve seipsam non dilatet ultra limites corporis? Ad quod respondetur, *Plantalem* sive *Vegetativam* Animæ facultatem, quæ unitur huic terrestri corpori, non esse *Arbitrariam*, sed *Fatalem* sive *Naturalem*. Quæ unio dissolvi non potest nisi soluto vitæ vinculo, & nisi vitalis illa congruitas (quæ in corpore est, animamque illuc necessariò detinet) \* aut impediatur ad tempus, aut penitus aboleatur.

5. Ultima Objectio contra *Sui-extensionem* in Spiritu est, Quòd tot futuræ essent Voluntates & Intellectiones, quot sint partes. Verùm, in ista symbolica Repræsentatione quam adhibui, ità repræsentavi Spiritus *Extensionem*, ut simul agnoscendus sit *indivisibilis*. Unde Objectio non citius proponitur quàm diluitur. Cùm in parato sit illa machina ad omnes istiusmodi impetus excipiendos.

6. Jam verò quantum ad Objectiones contra *Relativas* facultates Spiritus, potentias scilicet *penetrandi*, *movendi* & *alterandi* materiam, hæc unica præcipue est, Quòd nempe Materia *alterari* non potest nisi per *Motum*, nec motus communicari nisi per *Impulsum*, nec impulsus sine *Impenetrabilitate* in Impulsore, quòdque propterea, quomodo Spiritus Materiam quam penetrat, movere possit, nequeat intelligi.

Verùm respondeo, Primò, Illud in quo assequendo Imaginatio nostra frustrà est & fatiscit, aut externi sensus aut interna Ratio sæpenumerò probat esse verum. Ut exempli gratià, Ratio nostra dum ad naturam attendit Globi accurati atque Plani, indubitanter pronunciabit, mutuo se tactura esse in puncto, unumque super alterum posse moveri: Imaginatio verò, nostra non potest quin hanc Objectionem suggerat, Quòd

lib. 1. cap. 4.  
§ 2. 2.

Quod Globus super Planum sic tractus lineam descripturus sit quæ necessariò consistit ex punctis, quippe puncto punctum immediatè perpetuò sequente, in tota descriptione; quod admissu quàm monstrosus sit, jam in antecedente || Tractatu satis insinuavi.

Similiter Angulum contactus inter Peripheriam inclusum & Perpendicularem, in extremum diametri Circuli cadentem, Geometra ratione minorem quovis acuto Angulo demonstrant, adeò ut nè linea quidem inter Peripheriam & Perpendicularem cadere possit; unde Imaginatio non potest quin concipiat Angulum esse indivisibilem; quæ perfecta repugnantia est, contraque definitionem Anguli, qui non est Coincidentia sed Inclinatio duarum linearum. Præterea in minori Circulo majori inscripto adeò ut tangant in uno puncto, per quod ducatur communis utriusque diameter, demittatur dein perpendicularis in extremum diametri ubi circuli tangunt; manifestum erit quòd alter angulus contactus major sit altero, cum tamen utrique sint indivisibiles, prout Imaginatio nostra antea agnoverat. Adeò ut unus idemque Angulus & divisibilis sit & indivisibilis, quæ manifesta rursus est contradictio.

Et quemadmodum Imaginationi hæret aqua in rebus de quibus Rationis beneficio certi sumus, ita etiam in rebus de quibus certi sumus beneficio sensus. Quis enim causam satis solidam comminisci potest, \* cur imaginem nostram ponè speculum videamus? Imaginatu enim facilius est facies nostras vel in ipsa speculi superficie, vel saltem in loco ipso ubi sunt deprehensum iri. Nam si radii reflexi Imagini representandæ sufficerent, distantiam Imaginis inveniremus speculi distantiam nihilo majorem; quòd si directis etiam radiis afficimur, verisimilius videtur, nos ad primum locum unde venerint ipsorum ope deductum iri, facièsque nostras deprehensuros in eo ipso situ in quo sunt.

7. Sed ut istiusmodi exempla proferamus, quæ rem, quæ præ manibus est, propius attingant. In quibusdam Materia generibus, invictam serè videmus partium unionem, ut in Chalybe, Adamante & similibus; Quid igitur est illud quod eas tam firmiter continet & constringit? Si respondes, Forma aliqua substantialis interna; habemus quod volumus, substantiam scilicet à materia distinctam. Si respondes, Duritiei qualitatem esse in materia, quæ eam tam duram reddit; pro eo quidem habendum est ac si diceres, Rem sic esse quia sic est. Si respondes quietem esse partium juxta se positarum majorem quàm sit in alia Materia; equidem si id verum sit, est tamen conceptu omnium difficillimum. Exempli gratiâ \* ut in Materia aliqua exactè plana, magis plana ac solida quàm Mensa marmorea, si quis parvum Cubum imposuerit confimiliter planum atque solidum, ut Cubus hic tactu solo Mensæ immediato æquè firmam cum ipsa haberet unionem atque partes Cubi cum se invicem, istiusmodi est quod Imaginatio humana admittere nesciat. Supponamus enim primum, cubum super mensam trahi, quod facillimo fieret negotio, cum utriusque superficies adeò sint læves, & dein à trahendo cessari; ut hæc duo lævia corpora statim tam firmiter cohærescant ut scalpro & malleo vix separanda sint, res profectò est, quæ omnem prorsus excedit Imaginationem.

Quamobrem cum partium materiæ unio tam firma sit, & tamen supra omnem Imaginationis vim concipere qui id fiat; cur non admitteremus æquè firmam si non firmiorem unionem inter corpus & spiritum, quamvis phantasia suggerat, eum esse perlapsurum, perinde ac necessariò fore ut duo corpora lævia, soluta alterum super alterum jaceant, nisi aliquod coagulum intercedat quo conglutinentur? Atque equidem hæc unione semel admissâ, cum adeò in proclivi sit, ut Motus, Activitas, & Agitatio, Spiritus proprietas agnoscatur, æquè facile ac naturaliter sequetur, eum Materiam moturum sive agiturum, cum qua sic unitus sit.

8. Sed rursus, ut magis pressè respondeam, dico præsentem hanc Objectionem nihil aliud esse quàm sophisma Imaginationis, quæ Spiritum concipit ut corpus per foramen aliquod pervium meatumve transiens justo laxiorem patentiorémve, in quo proinde hære non potest, firmiterve infigi. Cui phantasmati opponimus, Quòd tametsi Spiritus corpora penetrant, eos tamen reculas non esse adeò tenues ac vietas ut necessariò perlapsuri sint, nec capaces sint ipsa prensandi, aut uniendi cum ipsis, sed potius quòd corporis capacitatem implere possint à spiritibus penetrabilis. Quæ corporis sive Materiæ penetrabilitas, postquam satiata sit, ille Spiritus qui eam ad hunc modum implet, fortiùs depactus est unitusve cum corpore sive materia, quàm una materiæ pars uniri potest cum altera.

Ac proinde aliis unam hanc specialem Spiritus facultatem accensebimus, quam post penetrationem aut naturaliter aut pro arbitrio exerat, \* quæque Receptivitatem sive Capacitatem corporis seu Materiæ eatenus impleat, quatenus Anima seu Spiritus receptiva sit sive capax.

Atque



Atque hanc affectionem Spiritus, majoris compendii gratiâ, uno Græco vocabulo appellabimus, *ὑποπαθειαν*. Quam, nè suspicio subit ullius fraudis aut nugacitatis in verbis, quàm perspicuè possumus, definiemus ad hunc modum: *Facultas Spiritus, quâ tam prope se exerat in Emanationem corpoream à centro vitæ, \* ut adeò perfectè impleturus sit Receptivitatem materiæ in quam penetraverit, ut admodum difficile foret aut impossibile, ut alius ullus spiritus eandem possideat; quâque proinde tam firmiter arctèque cum corpore uniatur, ut & ipsum actuet & quodammodo ab ipso actuetur, ut afficiat ipsum & ab ipso afficiatur vicissim.*

Et nunc quidem vel Imaginationem ipsam appellamus, si Materia non æquè arctè si non arctius Spiritui adhærescit, quàm ulla una pars materiæ adhærescit alteri. Hic enim unio per omnia pervadit, illuc verò conjunctio est in una communi tantum superficie, quemadmodum vulgò fingitur & agnoscitur. Atque hanc *Hylopathiam* quam sic supponimus in Spiritu finito sive Anima, addo porrò optimâ Analogiâ respondere posse illi potestati creandi Materiam, quæ necessariò includitur in *Idea Dei*.

9. Cæterum postremò, Si modus quo Spiritus agat in corpus, aut afficiatur à corpore, ita intricatus videatur ut relinquendus sit pro inexplicabili: tamen quemadmodum Mobilitas exacti Globi super Planum tanquam evidens & indubitata illius proprietas ab Intellectu admittitur, quanquam imaginari non possumus, quomodo semper tangens in puncto possit suo motu lineam continuam describere (idèmq; dici potest de reliquis subsequētib; Intricationis & Perplexitatis exemplis; ) ita supponendo istiusmodi manifestas in Natura operationes quas Ratio demonstrare possit à materia non proficisci, necessariò agnoscere debemus aliam aliquam substantiam existere præter materiam, quæ in ipsam agat, quæque spiritualis sit, quamvis nesciamus quomodo motus materiæ communicari possit à Spiritu.

10. Atque tertii quidem hujus ultimique nostri Responsi robur in hoc consistit, quòd reverà sint multæ istiusmodi operationes quæ apertè materiæ potentiam transcendunt. Quarum capita hîc tantum breviter repetemus, quippe de quibus in antecedenti Tractatu plenius differuimus.

Et primam quidem Instantiam dabimus in eo quod generalius est, quòdque ab ipso *Cartesio* agnoscitur, qui tamen Materiæ legibus summa effecta quæ quivis mentis compos attribuire possit, attribuit. Est autem hoc, Quòd Materia, ex qua omnia fiunt, ex seipsa uniformis est & unius omninò generis. Unde concludo, quòd ex seipsa, omnis aut quiescit aut movetur. Si omnis quiescit, Aliquid esse oportet præter materiam quod ipsam moveat, quod necessariò Spiritus est. Si omnis movetur, impossibile est, ut ullarum rerum fieret coalitio, sed unaquæque minima quæ fingi potest particula, actu separata solutave esset ab altera. Quamobrem substantia requiritur præter Materiam, quæ ea colliget quæ fixa reperimus & colligata.

Altera Instantia est, in admirabili illa sapientia quæ in omnibus Naturæ operibus detegitur, de quibus copiosè in libro secundo differuimus, quæque manifestò evincunt omnia facta esse à sapienti Principio. \* Quis verò nisi ipse insipiens sit Materiam sapere dixerit? Et tamen ex putridis ipsius terræ partibus, ut & ex guttis roris; frustisque ligni putrefactis Animalium corpora oriuntur tam artificiosè exquisitèque formata, ut Humana Ratio contemplari ea non possit sine summa voluptate & admiratione.

Tertiò, Multæ illæ ac indubitatæ Apparitionum Historiæ clarè evincunt, quòd Intellectus aliquis insit in variis corporibus aereis, cum prorsus impossibile sit ut Aer adeò arbitrariò in figuras mutetur, & tamen tanquam unum actuaturn vitæ vehiculum interim contineatur, nisi aliquid inesset præter ipsum Aërem, quod ad hunc modum eum possideat, eum moderetur, dilatet, contrahat, & pro suo libitu regat: alioqui nihilo elegantius figuraretur nec contineretur firmitus quàm ex haustu Peti redulta nubecula fumusve caminorum.

Quartò & ultimò, Manifestum est illud quod in nobis intelligit, recordatur, & percipit, movere etiam corpora nostra, istalque facultates cognitivas, nullas nudæ Materiæ modificationes esse posse. Unde planè constat, Intellectualem in corporibus nostris Spiritum esse, qui ipsa pro arbitrio moveat, quemadmodum abunde probavi in ultimo capite primi libri Antidoti, & adhuc ulterius confirmabo, postquam ad alias Objectiones pervenero.

## SCHOLIA

## IN CAP. III. SECT. 2.

**Q**uamobrem cum Spiritum definiverim, ( Spiritum intelligo præcipuè creatum, ) &c. Hæc non tam Spiritus in genere quam Spiritus creati notionem defendimus, tum quod incredulitas circa existentiam Spirituum creatorum potissimum in causa sit quod nullum omnino Spiritum quidam esse credant; tum etiam quod nulla sit in notione Spiritus in genere difficultas, quæ in defensione notionis Spiritus creati non occurrat, quippe quæ nodos, qui ad Spiritum in genere propriè spectant, perinde atque qui ad speciem, solvit atque diluit, quemadmodum apparebit cuilibet, qui omnes solutiones percurrerit.

Supponamus igitur punctum lucidum è quo Orbis luminosus, &c. Hoc non ita à me dictum existimari volo, ac si putarem ipsam Essentiam Animæ illiusque Indivisibilitatem hisce rationibus constare; sed ut viam aperirem facilius concipiendi in genere quod extensio consistere possit cum Indivisibilitate, Quæ de re fusius differemus in Scholiis in Tractatum de Animæ Immortalitate.

Sect. 3. An ulla Emanatio propriè dici possit Creatio, &c. Videtur enim nulla propriè dici posse Creatio nisi ubi Creans & Creatum realiter inter se differunt, ita ut prius esse possit sine posteriori. Unde planè constat nec Filium nec Spiritum sanctum esse Creaturas.

Sect. 4. Aut impediatur ad tempus, &c. Quemadmodum sit in realibus, si quando sunt, à præsepiciis Sagarum ac Magorum. Quæ de re plura in Tractatu de Animæ Immortalitate.

Sect. 5. Quod tot futuræ essent Voluntates & Intellectiones quot sint partes, &c. Vide Tractatum de Immortalitate Animæ, lib. 2. cap. 11. sect. 10. & lib. 3. cap. 2. sect. 3, 4. & hanc ipsam Appendicem, cap. 10. sect. 9, 10.

Sect. 6. Cur Imaginem nostram ponè speculum videamus, &c. Certè hoc mihi semper visum est difficile problema, cum nec ipse Cartesius mihi hac in re satisfecerit. Sed cum tam multa super hac difficultate in Enchiridio Metaphysico ejusque Scholiis disserterim, heic quicquam ampliùs addere planè esset supervacaneum.

Sect. 7. Ut in Materia aliqua exactè plana, &c. Vide Enchirid. Metaphys. cap. 28. sect. 18. & Tract. de Animæ Immortalitate, lib. 1. cap. 7. sect. 5.

Sect. 8. Quæque Receptivitatem sive Capacitatem Corporis seu Materiæ eatenus impleat, &c. Hæc verò Impletio capacitatù gradualis esse potest. Nec unus aliquis Spiritus corpus ullum ita implet ut omnes alios Spiritus excludat. Deus enim & Spiritus Naturæ universam permeat mundi Materiam præter Animas singulorum corporum animatorum, quæ propria sua corpora pervadunt. Ut verò corpus præter propriam alias nullas particulares Animas Inquilinas admittat, nisi in Hominibus Magis ac Daemoniacis, mihi haud ita videtur verisimile.

Ut adeò perfectè impleturus sit Receptivitatem Materiæ, &c. Vitalem nempe Receptivitatem, quatenus coalescit cum una aliqua Anima tam arctâ conjunctione, ut nulla alia Anima ita cum illa conjungi possit ut unum constituent compositum sive suppositum. Vel in voluntaria exertione hujus ὑποπαθείας, supponere possumus eam aliquando ad eum gradum fieri ut admodum difficile sit ulli alii Spiritui in eandem Materiam se ingerere quam alius tam plenâ ὑποπαθεία possederit. Quod verò ὑποπαθεία hanc tanquam emanationem è centro vitæ definitio, sit cum respectu ad descriptionem Spiritus, ( Sectione secundâ ) per Punctum lucidum radios in orbem emittentis. Quæ de re plura in Tractatu de Animæ Immortalitate edisseram. Interea loci obiter monendum censeo, non contemnendum esse usum hujus facultatis in Spiritibus, ut congeries Animarum in generatione in unum corpus non influant, nec spiritus separati mutua vehicula penetrent & possideant. An verò in ipsis nudis spiritibus arbitraria quædam impenetrabilitas hujus facultatis Hylopatheticæ pars esse non possit, aliis discutiendum relinquo.

Sect. 10. Quis verò, nisi ipse insipiens sit, Materiam sapere dixerit, &c. Et tamen omnes sic dicunt qui omnem negant substantiam spiritualem. Nam infinita sunt in Mundo Phenomena quæ manifesta videntur Consilii Sapientiæque Effecta. Omnisque Philosophia Materia solius fructus est si nullus est spiritus. Quantilla autem suppetat ratio cur perceptionem sapientiæque Materiæ tribuamus, in Scholiis Enchiridii Metaphysici, ubi Glissoniana examinatur Hypothesis, satis indicavimus.



## CAP. IV.

1. *Existentialiam Perfectionem esse, vulgaribus exemplis probatum; 2. Idem porro confirmatum ex Principiis Metaphysicis. 3. Provocatio ad communem Rationem. 4. Quod saltem Necessaria Existentialia Perfectio sit, si nuda Existentialia non sit. 5. Ultime Conclusionis Illustratio.*

1. **A**D evitandam necessitatem & evidentiam nostræ demonstrationis *Existentialia* Dei, ab inseparabili notionis illius connexionem cum ejus Idea, petita, (quippe qui urgemus fieri non posse quin *Existentialia necessaria* in Idea includatur *Entis absolute perfecti*) nonnulli sunt qui non dubitant affirmare *Existentialiam* nullam esse vocem terminumve perfectionis in ulla omnino re. Pone enim, inquiunt illi, duas auri massulas, pondere, puritate omnibusque aliis rationibus præter solam durationem existentialiæ necessitatem, æquales; jure non possumus, nisi imaginationi argutandique libidini indulgere velimus, præminentiam alteri præ altera tribuere. Ad quod respondeo, Quod quemadmodum duæ auri massulæ meliores sunt alterutrâ solâ, ita una auri massula, quæ bis tanto diutius duratura sit quàm altera, eadem alterâ bis tanto (aut saltem multo) est melior. Quod adeò evidens esse existimo ut ulteriori confirmatione non indigeat.

Cæterum, porro, ne diluendis Objectionibus solummodo operam demus, sed præsentem veritatem, *Existentialiam* scilicet esse *Perfectionem*, omnino confirmemus: Primò, Hoc admodum quidem manifestum est ex notissimo illo Salomonis Aphorismo, *Melior est vivus Canis Leone mortuo.*

2. Sed & rursus, ut generaliori modo argumentemur, *Metaphysici*, quemadmodum satis notum est, *Existentialiam* considerant tanquam *formalem & actuale* Entis partem; *Forma* verò sive *Actus* nobilior *perfectiusque* Principium agnoscitur in qualibet *Essentia*. Ac proinde si distinguere possunt in Deo, illuc etiam sic est. Si non possunt, eo ipso in confesso est, nos Ideam Dei concipere non posse, quin inde continuo moneamur eum existere. Atque equidem Criticorum *Hebræorum* indagini commendo, an *הויה* unde est *יהוה*, *Existentialiam* non significet potius quàm *Essentialiam*.

3. Tertiò, *Metaphysici* concludant ut volent, manifestum interim est communi Rationi, si unus conceptus altero præstantior sit, nec ullam in se Imperfectionem implicet, in illud conjici debeat, quod est maximè perfectum: Sed *Existentialia* præstantior est quàm *Non-existentialia*, nec ullam in se implicat Imperfectionem: Ac proinde in Ideam *Entis absolute perfecti* est conferenda.

4. Verum, quartò & ultimò, Quamvis possibile esset, ut quis cavillas excogitet contra simplicem *Existentialia* notionem, quasi nec *Perfectionem* nec *Imperfectionem* argueret, nec pertineret ad utramlibet; ne vel minima tamen Objectionis species contra summum perfectissimumque existentialiæ modum afferri potest, quo minùs is naturaliter & indubitè includatur in Idea *Entis absolute perfecti*, optimoque omnino jure nos contendamus *necessariam Existentialiam* inseparabiliter contineri in Notione Dei.

5. Etenim exempli causâ, Quemadmodum, dum in confesso est Materiam finitam esse, nec aliter quidem esse posse, quod corpus figuratum sit, nec *perfectionem* implicat nec *imperfectionem*, sed naturalis est ac necessaria illius affectio; quod tamen ordinatè sit figuratum, indubitata est corporis *perfectio*: ita eodem planè modo, quam in confesso esset meram *Existentialiam* nec *perfectionem* esse nec *imperfectionem*, tam nobilis tamen illius modus, ut quid *necessariò* existat, agnosci debet sine omni tergiversatione notio *Perfectionis*, ac proinde Ideæ *Entis absolute perfecti* quàm arctissime adhærescere.

## CAP. V.

1. Immane quantum interesse, à distortis Imaginationis figmentis, an à naturalibus Mentis nostræ Ideis fiat argumentatio.
2. Quòd Idea Entis absolute Mali necessariam Existentiam non implicat, sive Ens absolute Imperfectum significet,
3. Sive absolute Improbum,
4. Sive absolute Miserum,
5. Seu denique absolute Pestiferum.
6. Si per Ens absolute Pestiferum intelligatur tantummodo Infinita potentia nocendi, Deum hunc esse, cujus absoluta Benignitas illius executionem prævertit.
7. Quòd recta Methodus nostrâ utendi ratione sit, à manifestis minimèque suspectis ad magis suspecta & obscura procedere.
8. Quòd secundum hanc methodum, cum de Entis absolute perfecti existentia certi simus ab illius Idea, satis inde simul instructi sumus ad responsionem reddendam, quòd Impossibilitas Existentiæ ad Ens pertineat, sive absolute Miserum sive absolute Pestiferum.
9. Quòd Natura Phenomena ulterius probant Impossibilitatem Existentiæ Entis absolute Pestiferi.
10. Quòdque consilia operaque Dei per vanas hominum Opiniones non sunt mensuranda.

1. **Q**uàntum ad eos qui admittunt in *Entis absolute perfecti Idea* necessariam Existentiam includi, sed ostendere satagunt nostram illinc Illationem, nempe quòd Ens hoc perfectum existit, falsam esse & sophisticam, quia necessaria Existentia in *Idea Entis absolute mali* continetur, quod nihilominus nullo pacto existere, concedere volumus, (illud enim, inquiunt illi, quod *absolute malum est*, immutabiliter & inevitabiliter semper est tale, nec aliter esse potest, ac proinde fieri non potest quin existat, semperque extiterit : ) Hisce quidem respondemus, Nos immane discrimen inter arbitraria distortæ *Imaginationis figmenta*, cujusmodi hoc est, & *naturales* probèque consistentes *Mentis nostræ Ideas*, facile detecturos esse, postquam magis anquisitè sollicitèque in hanc quam ausi sunt Objectionem proponere, inspexerimus, & quid ipsi intelligant, aut necessariò intelligendum sit per hanc Ideam *Entis absolute mali*, quam adeò perversè finxerunt, disquisiverimus.

2. Per Ideam *Entis absolute mali*, necessariò intelligenda est, aut Idea *Entis absolute Imperfecti*, aut *absolute Improbi*, aut *absolute Miseri*, aut *Entis denique absolute Pestiferi*.

Jam verò Idea illius quod *absolute Imperfectum est*, ab ipso removet quicquid sonat Perfectionem. Ut, si omnis perfectio containeretur Numero millenario, hæc Idea removeret ab hoc Ente *absolute imperfecto* unamquamque unitatem hujus millenarii, nè unicam quidem unitatem unitatisve fractionem, immo nec earum quidem possibilitatem, huic Enti, si fas sit ita loqui, adeò *absolute imperfecto*, permittens. Ità ut, quod *absolute imperfectum est*, impossibile sit ut existat. *Existentiam* verò *necessariam*, vocem sive terminum esse *perfectiōis*, suprâ clarè demonstratum est.

3. Idea *Entis absolute Improbi*, ab ipso removet omnimodam Bonitatem, Æquitatem, Decorum atque Justitiam, firmamque ac immutabilem voluntatis aversationem ab omnibus istis in se implicat, & fixum atque constans propositum agendi omnia improbè ; sed nihil interim insinuat, aut de *necessitate* aut *contingentia existentie* substantiæ hujus Entis, cum ista nihil omnino pertineant ad *Moralem* illius deformitatem, quemadmodum vel primo intuitu manifestum est.

4. Idea *Entis absolute Miseri*, Idea est Entis quod cruciatus sustinet plenissimos & consummatissimos qui concipi possunt. Atque hoc quidem in subiecto cognitivo, passivo, & animadversivo fieri debet. Nunc igitur dico, cum cruciatus hic oriatur, partim à sensu præsentis doloris, & partim ex animadversione sive recordatione quid jam passum sit, plenæque persuasionem quòd ita passurum sit in æternum, Miserum hoc Ens quanquam mera Creatura, æquè perfectè cruciatur, ac cruciari posset si à se necessariò existeret. Nam si semper existeret, quanquam contingenter tantum ac dependenter ab alio, cruciatus tamen æqualis foret : Ac proinde *necessaria* Existentia in illius Idea non includitur.

Rursus, Qui sic objicit, probare debet, Ens omninò Immateriale ullos pati posse cruciatus ; quod donec effecerit, cum rationi magis consentaneum videatur non posse, ipsum posse apertè nego : ac proinde assero, *Ens cruciabile* Spiritum esse incorporatum ; affirmoque porro, quòd longè probabilissimum sit, Spiritum hunc, si ingenti dolore premeretur, tali utique ut omninò non existere quàm in eo persistere latius esset, præ angoris continuatione & incremento ( dolore infinitè vitali vigori præva-



prævalente, fruitionibusque præponderante vitæ atque sensûs) moriturum esse corpori in quo ad hunc modum cruciatur. Quod si in tam misera conditione non sit collocatus, ut statum conjunctionis exuat, sed cruciatus reperiatur tolerabilis, tum *necessaria existentia* nulla pars esset illius miseriæ, sed pars quædam potius felicitatis ejus; ita ut nullum omnino istiusmodi Ens esse possit in rerum natura quod *absolutè sit Misericordiam*. \* Nam Misericordia ad summum usque gradum intensa effectura est ut res desinat esse: Ut nec possumus dicere Triangulum absolutè magnum; nam Circulus illo semper futurus est major. Vel potius nulla Figura absolutè magna esse potest, quippe cujus Natura est ut sit limitata.

Tertiò, Idea *Entis absolutè perfecti* ex notionibus componitur ejusdem Denominationis, universis ex se perfectionem absolutam innuentibus: Idea verò *Entis absolutè Misericordiam* non concinnatur ex Notionibus quæ ex se absolutam miseriam sonant. Quæ enim Misericordia, & non Bonum potius, *Existentiæ necessariæ* inest? Quamobrem si contendere velimus argumentationem ab Idea alicujus rei ad illius necessariam Existentiæ illuc tantum valere ubi Idea consistit ex notionibus unius Denominationis, Adversarius debet hanc tollere distinctionem.

Vel, ut apertius dicamus, *Absolutè necessaria Existentiæ & A-se-existentiæ*, una eademque Notio est: Verum *A-se-existentiæ* summus est & perfectissimus existendi modus qui potest concipi, ac proinde illi *Enti*, quod *absolutè perfectum* est, proprius. Quamobrem *A-se-existentiæ* ad tam misellam Ideam, quam sit Idea *Entis absolutè Misericordiam*, transferre, æquè absonum est atque monstruosum, ac si caput Leoninum Limacis corpori agglutinare velimus. Immo verò multo videtur repugnantius, cum illa corporis tantum ac figuræ mala sit collocatio, hæc verò internæ proprietatis in subjectum indebitum, immò proprietatum infinitis modis contrariarum, in idem subjectum insitio.

5. Quartò & ultimò, Quantum ad *Ens absolutè pestiferum*, videtur sanè necessariam & inevitabilem Existentiæ perinde atque Omnipotentiam atque Omniscientiam in se includere; alioqui Natura hæc suprema pestifera non tam plena esset ac absoluta, quam mente nostrâ concipi potest. Hæc addita obfirmato ac immutabili desiderio ac voluntati mala omnimoda, ipsius mali gratiâ, perpetrandi, notionem hujus *Entis absolutè pestiferi*, omnibus numeris reddunt perfectam.

Sed quàm spuria & impropria hæc Idea sit, ex eo manifestum est, quod notionem naturæ prorsus contrariæ, modo quodam coactò ac præternaturali rursus colliget, maximam *Perfectionem* cum summis *Imperfectionibus*; jungens quidem incommunicabilia Dei attributa, cum eo, quod magis fortean nefarium est, quam quis quicquam demonstrare possit ipsi inesse Diabolo; immò quod repugnans videtur, ut sit in ullo cuicunque subjecto.

Quamobrem, quemadmodum supra monui, si quis argumentum nostrum prætendat sophistica esse, ipsumque imitando ejus fallaciam velit in alia aliqua materia detegere, illius leges exactè observare debet in sua Imitatione, Ideamque ex Notionibus constituere quæ uni eidemque Titulo convenient, quemadmodum examuffim sit in Idea *Entis absolutè perfecti*. Nulla enim illuc notio est, quæ non summam sonet perfectionem.

Verum in hac Idea *Entis absolutè pestiferi*, nihil est quod ex sua natura pestem perniciemve significet; præter improbum illud ac malignum desiderium, malum patrandi, ipsius mali gratiâ. Qui gradus est Imperfectionis vel infra Inconsistentiæ sive Repugnantia confinia depressus. Et tamen ut quid valeat omne cujuscunque Bonum accuratè abolere ac disperdere, Omnipotentiam rursus supponit, & Omniscientiam. Quod verò omnipotenter & absolutè pestiferum est, seipsum etiam oportet ut destruat ac disperdat; quemadmodum Triangulum infinitè magnum, omnino Triangulum non esse planè implicat. Adeò ut hujus Ideæ conceptus, à multifariorum Repugnantiarum illaqueationibus minimè sit liber.

6. Cæterum si per *Ens absolutè pestiferum* intelligatur Ens quod potentiam habet ac peritiam perpetrandi omne malum quod excogitari potest, immò & longè supra omnem Imaginationem cogitationemve humanam, idque tam efficaciter & universim, ut nihil ullo modo ipsum posset prævertere; equidem hic reverà æternus est Deus, qui necessario à seipso existit, omnesque res prævenit, & à nullo in actionibus suis præterquam seipso potest limitari. Cum verò is absolutum illud & immutabile Bonum sit, & plena ac pura Perfectio, non potest quin in Idea sua pretiosum illud Benignitatis Attributum includat; ac proinde, cum secundum integram suam Naturam agat, non solum ipse *Veneficus* est, sed ex prærogativa propriæ suæ Essentiæ, istiusmodi *pestiferos Principatus*, quorum causa hic verlatâ sit, prohibet, ne ullam unquam existentiam obtineant in rerum Universitate.

7. Quam-

7. Quamobrem ut res tandem redigatur in summam, Dico quòd naturali illà methòdo in hac speculatione uti debemus, quam homines qui facultatum suarum usum nòrint, in aliis observant; illi scilicet primùm assentiri debemus, quòd maximè simplex est, facile ac manifestum, & de quo nullum dubium esse possit quin Notio congrua sit probèque sibi consistens. Atque ejusmodi equidem est Idea *Entis absolute perfecti*, non arbitrarium figmentum aut fortuitum, coactave Notionum compactio, quæ inter se digladiantur, meritòve suspectæ haberi si non demonstrari possunt, malè cohærere intèrque se pugnare, cujusmodi putà foret *Arbor ambulans*, aut *Lapis intelligens*, & similia; sed tale in quo Notiones naturaliter & necessariò unà conveniant, ad consummandum conceptum unius alicujus simplicis Tituli, tanquam ipsi essentialès & Homogeneæ.

8. Atque tunc quidem id pro quo tantopere contendo, hoc est, quòd attendendo ad naturalem hanc Dei Ideam, sive *Entis absolute perfecti*, necessitatem actualis existentia tanquam ab eo inseparabilis vel inviti detegimus, cum necessariò in hac Idea absolutæ Perfectionis includatur. Quod ratione adhuc evidentiori premitur in ultima Argumenti mei positura; ubi urgeo, quòd aut *Impossibilitas*, aut *Contingentia*, aut *Necessitas* actualis existentia necessariò ad *Ens absolute perfectum* pertinet: Sed nec *Impossibilitas*, nec *Contingentia*: Ergo, *Necessitas* actualis Existentiæ ad ipsum pertinet.

Ac proinde cùm de hac veritate adeò certi simus, ab Adversario postulo ut suum Argumentum ad postremam hanc maximèque perspicuam formam reducat, utque ipse etiam urgeat, quòd aut *Impossibilitas*, aut *Contingentia*, aut *Necessitas* actualis Existentiæ ad *Ens absolute Miserum*, vel ad *Ens absolute Pestiferum* pertinet. Et voce fidenti respondebo, *Impossibilitatem Existentiæ* ad ea pertinere; addámque porrò hanc rationem, præter eam quàm priùs de Incongruitate Notionum inter se subinui, quòd & Existentiæ Dei repugnat, quem, absque omni hæsitatione aut scrupulo, attendendo ad naturales & incoactas propriarum nostrarum facultatum suggestiones, demonstravimus jam existere.

9. Et ut adhuc firmiorem reddamus hanc nostram Responsionem de Ente *absolute Pestifero*, Evidentissimum est ipsum non existere; ac proinde cùm à seipso esse oporteat, si omninò sit, impossibile est ipsum esse. Ipsum verò non esse, manifestum est ex eo, quòd si esset omnia tum infinito pejus se haberent quàm nunc se habent, vel non existerent omninò; cùm equidem ausim dicere, ea æquè bene se nunc habere, quàm par sit aut possibile, si nos eà sapientià præditi essemus ut integrum possemus concipere vel comprehendere Divinæ Providentiæ consilium atque propositum, clarèque cognosceremus & particulatim, quid præteritum sit & quid futurum.

10. Sed si ex propria cæcitate aut temeritate istiusmodi Principia de Dei Providentia nobis ponamus, quæ cum illius Idea malè conveniant, (cujusmodi est Cælorum Systema *Ptolemaicum*, quod, (ut quidam aiunt) *Alphonsus* æstimavit (quantum alii de Montibus quibuldā in Terra malè collocatis historiam narrant) *ατρυχία* adeò rudem ac perplexam, ut zelo quodam contra tam ineptam Hypothesin abreptus, nimis quàm præfidenter & scommaticè professus sit, si ipse Deo præsens, quando Mundum condebat, adfuisset, meliorem illius fabricam se comminisci potuisse) occasio quidem nobis dabitur cavillandi, sed nec cum Consiliis Dei nec illius Operibus, sed potiùs cum Opinionibus imperitorum miserèque hallucinantium Hominum.

## SCHOLIA

### In CAP. V. SECT. 4.

**N**AM Miseria ad summum usque gradum intensa, &c. Præterea cùm hac Miseria ac intolerabilis dolor, nulli (quod & jam innui) subjecto inesse possit, nisi ex Spiritu corporeque composito (juxta Galenicum illud, si rectè memini, apud Macrobiū, *Εἰ ἐν τῷ ἀνθρώπῳ οὐκ ἔστι πᾶσι, ἀλλ' οὐδ' ἓν ἂν ἔσται ἐν ὅσῳ*) cùmque non aliter dolor oriatur, quàm ex incommoda adversaque particularum motione, aut saltem non sine ista, nec ea quidem motio, quippe successiva, possit esse æterna; hinc etiam constat nihil esse posse summè absoluteque miserum, id est, infinitè, cùm infinita duratio à parte antè ipsi non competat; nec proinde existentia necessaria, sed è contrà, sic existere, planè repugnet.



## CAP. VI.

1. *Sensum sui Argumenti ab Idea Dei petiti, in prima sua positura, non esse simpliciter, Quod Idea sit vera, quodque, si Deus esset, Existentia illius foret necessaria; sed quod hæc Idea, cum vera sit, necessariam Existentiam, tanquam ad Eum absolute pertinentem, menti nostræ exhibeat.*
2. *Quod Idea Dei Manicheorum, existentiam necessariam in se non includit.*
3. *Quod asserere, Existentiam necessariam in Idea Entis absolute perfecti inclusam esse duntaxat conditionalem, aperta sit Repugnantia.*
4. *Secunda Argumenti positura confirmata, quodque illius forma Existentiam Dei Manicheorum nequaquam concludit.*
5. *Invieta evidentia tertiæ posituræ sui Argumenti, etiam è iudicio sui Adversarii.*
6. *Vim sui Argumenti in quarta ultimæque positura, non esse, Quod Ideam Materiam sine necessaria Existentia concipimus, sed quod, inspicimus quam attentissime volumus, nullam necessariam Existentiam in ea inclusam invenimus, contra ac fit in Idea Dei.*
7. *Facultates Animi ad quas perpetuo provocat, supponendas non probandas esse veras.*

1. **A**Tque nunc quidem cum tam cumulatè satisfactum sit Objectioni ab Idea *Entis absolute mali* petita, facile erit aciem retundere cujuslibet id genus argumenti quantacunque cum peritia ac calliditate contra nos sit contortum. Quale est illud quod à viro quodam ingenioso mihi propositum est; quod cum mihi ipsiatis argutum videatur perinde atque *Objicienti* invincibile, propriis illius verbis hinc proponam, quorum quidem tenor sic est:

*Si veram Ideam sive Notionem habere possumus illius quod non est, immò verò illius quod non est & tamen si esset necessariò foret, tunc Argumentum tuum pro Dei Existentia, à necessaria Existentia in illius Idea sive Notione comprehensa deductum, mendosè concludit. Quomodo hoc argumentum, ait ille, negare possis, nullo modo intelligere possum, quippe quod medulla primi tui argumenti, in prima sua positura, ab Idea Dei deducti, in eo continetur.*

*Sed veram Notionem habere possumus illius quod non est, immò verò illius quod non est & tamen si esset necessariò foret, ut exempli gratia mali Dei Manicheorum.*

Sed breviter respondeo ad Propositionem sic; Quod causam præsentem non attingit: Quoniam Deum existere arguimus, non quidem ex eo quod illius Idea vera est, & si existeret, necessariò existeret; nam necessaria Existentia *conditionalis*, quippe quæ minùs perfecta est quàm Existentia *absolute necessaria*, ad *Ens absolute perfectum* pertinere non potest: sed quod hæc vera Idea sine ulla omnino conditione naturalibus animi facultatibus suggerit, (cum necessaria Existentia involvatur in sua solius Idea, nec idem contingat in ulla Idea præterea) Quod sine omni mora, ex seipso continuò absolute & realiter existit.

Ad Assumptionem respondeo, Quod Deus *Manicheorum* si omnino posset existere, existeret necessariò; cujus hæc est ratio, Quod Deus tam sædum monstrum nunquam esset creaturus.

2. Quod si ulteriùs urgeas quod Idea hujus mali Dei *Manicheorum* necessariam Existentiam in se includit, utpote quæ Notio sit Dei, & tamen non existit; quodque propterea verus Deus ex eo, existere demonstrari non potest, quod necessaria Existentia in illius Idea involvitur: Respondeo porrò, Quod Notio Dei *Manicheorum* necessariam Existentiam in se naturaliter non includit, quippe quæ non est Notio *Entis absolute perfecti*; quodque Notio mali Dei, coactum omninò est aut fortuitum figmentum, sensusque nihilo congruentior quàm sit Deus ligneus, cujus Idea non quidem *necessariam Existentiam*, sed illius *Impossibilitatem* implicat.

3. Sed pergit Adversarius, nòsque illius motus observare oportet; tantum, antequam ad secundam Argumenti nostri posituram accedit, illud obiter notat, quod eos omnes accusè quasi sibi ipsis contradicerent, qui agnoscunt necessariam Existentiam in Idea Dei sive *Entis absolute perfecti* contineri, per eamque significari quod necessaria Existentia ad eum pertinet, & tamen idem rursus inficiantur, addendo, si omninò existeret. Sed respondeo Accusationem veram esse; Etenim asserere, necessariam Existentiam ad Ens aliquod pertinere, quod tamen profiteamur nihilominus posse non existere, est planè contradictionem admittere. Nam hoc pacto una eademque res à facultatibus nostris agnoscetur & necessaria & contingens simul, hoc est, quod non possit non existere, & tamen quod possit non existere. Quæ sanè hinc

*Antidot. lib. i.  
cap. 8. sect. 1. 2.*

*Antidot. lib. i.  
cap. 8. sect. 3.*

si non sit contradictio, nescio quæ sit: Nihil enim infra Existentiam *absolutè necessariam* in Idea Entis *absolutè perfecti* debet comprehendi.

Antidot. lib. 1.  
cap. 8. sect. 4.

4. Cæterum argumentum adhuc evidentius apparebit in *secunda sua positura*. Etenim si qua fraus subsit aut fallacia, in isto termino, *Necessaria*, delitescit, quem verè explicavi, nec negari potest, quicquam aliud significare quàm nexum inseparabilem inter *Subjectum & Prædicatum*. Quamobrem cum Existentia inseparabilem habeat connexionem cum Deo, necessario statim sequitur, hoc Axioma, *Deus existit*, esse æternò ac immutabiliter verum. Hic verò regerere, si existeret, equidem est insinuare quòd hoc non obstante posset non existere; quod perinde est ac si dixeris, illud quod immutabiliter verum est, non est immutabiliter verum. Quæ evidentissima est contradictio.

Verum hinc se Adversarius recipit ad Asylum Dei *Manicheorum*, rogatque, ut *Manicheorum* Deum in locum illius Dei ponere vellem, cuius Existentiam demonstrare tantopere satago, ut sic proprium meum Sophisma possem deprehendere. Age igitur, collocemus, si nulla subsit Idololatria, in illius locum. Atat quam contracta recula sit, ad eumque locum implendum inidonea, intelligi potest ex eis quæ suprà diximus: Quòd Deus *Manicheorum* in sua Notione necessariam Existentiam non magis implicat, quàm Deus ligneus, immò verò implicat potius *Impossibilitatem* Existentiæ. Quippe quòd Notio Dei eadem est, hoc est, *Entis absolutè perfecti*, quæ necessario in se involvit *Bonitatem absolutissimam*. In conspectum jam producaturs Deus *Manicheorum*, illiusque intueamur Inscriptionem. Est certè, *Malum perquam absolutè bonum*. Quod, quemadmodum suprà dixi, sensus est longè, meo quidem iudicio, incongruentior quàm *Deus ligneus*: Ac proinde *Impossibilitas*, non autem *necessitas* Existentiæ in illius Idea continetur.

Antidot. lib. 1.  
cap. 8. sect. 5.

5. *Tertia Argumenti positura* formidabilis est ipsi etiam Adversario: Nam, ubi urgeo, Quòd aut *Impossibilitas*, aut *Contingentia*, aut *Necessitas* actualis Existentiæ ad *Ens absolutè perfectum* pertinet; heic quidem confitetur, *Manicheorum* Deum sibi diutius succurrere non posse, sed ut homo ad incitas redactus, durum esse admodum conqueritur & iniquum, ut aut compellatur ad probandum Existentiam Dei *impossibilem* esse, aut cogatur aliter admittere, quòd *existit*. Mox verò, postquam rem paulò accuratius apud seipsum pensitaverat, animadvertit impossibile esse, si Deus non sit, eum unquam fore. Ac propterea, inquam ego, omnino æquum est, ut ab eo expectemus, qui negat eum esse, ut Existentiam illius probet esse *impossibilem*, præsertim cum *vis argumenti nostri* eum tam necessario eò impellat. Verum meo quidem iudicio consultius ei foret, huius operæ compendium sibi facere, quàm tam frustraneum aggredi Inceptum. Recordari enim potest, quòd Idea huius *Entis absolutè perfecti* ita formata sit, ut è iudicio cuiusvis hominis, qui facultatum suarum usum adhuc retinet, nulla *Inconsistens* sive *Incompossibilitas* ei insit, nec vel minima umbra suspicioni relicta aut meticolositati. Et præterea, cum *Impossibilitas* existendi, maximè imperfecta *æstus* sit quàm Ens ullum gerere potest ad Existentiam, immanem profectò oportet esse Incongruitatem, eam *Enti absolutè perfectò* attribuere, cum adeò naturaliter & indubitanter ad *Ens absolutè imperfectum* pertineat, quemadmodum || suprà notavimus.

Cap. 5. sect. 2.

Quamobrem si veldubius vel obduratus Atheus dixerit Existentiam Dei esse *impossibilem*, illud nullam enervitatem vanitatemve in meo argumento arguer, sed præidentem temeritatem cæcàmque Impudentiam in eo, qui tam absolum Responsum reddiderit.

Antidot. lib. 1.  
cap. 8. sect. 6, 7,  
8, 9, 10, 11.

6. Cæterum Objector jam ad *quartam & ultimam* Argumenti nostri *Posituram* pervenit, cuius hanc omninò summam esse autumat. Quòd scilicet aut Deus est, aut Materia existit à seipsa; sed Materia non existit à seipsa, quia necessaria Existentia non includitur in illius Idea. Contra quod hoc assert, quòd, quemadmodum sunt, qui Ideam habent Trianguli, nec tamen notitiam ullam habent illius proprietatis quæ in eo demonstratur, quòd tres ejus Anguli æquales sint duobus rectis; ita Ideam Materiæ quispiam habere potest, nec rescire tamen quicquam de necessitate illius Existentiæ, quamvis eam in se proprietatem habeat.

Sed respondeo, Hoc ad Argumenti nostri vim non attingit. Inspice enim in Ideam Materiæ, quàm gnaviter ac curiosè voles, in ea tamen nunquam deteges ullam istiusmodi proprietatem, cuiusmodi est *Necessitas Existentiæ*. Et tum postea, pondus meæ argumentationis huc potissimum incumbit, quum Necessitas A-se-Existentiæ tam manifestò & inevitabiliter detegatur in Idea *Entis absolutè perfecti*, sed in Idea Materiæ non deprehendatur omninò, quòd apertam vim inferimus facultatibus dum *A-se-existentiam* in materia agnoscimus, nullâ facultate nobis id innuente, & eandem



eandem in Deo negamus, Ideâ Dei tam conspicuè nobis demonstrante, quòd necessaria *A-se-existentia* ad ipsum pertinet. Adeò ut rei summa, pro qua tantopere contendendo, hæc sit, Quòd is scilicet qui negat Deum esse, contraire planè videtur luminis naturalium suarum facultatum, ad quas ego perpetuò provoco.

7. Quòd si adhuc dixeris, Facultates nostras fortean falsas esse posse, equidem libenter annuo, sic fieri posse, si nullus esset Deus per quem simus creati. Tunc enim tales omnino sumus quales nosmetipsos reperimus, nec possumus ulterius inquirere, nec certò scire quin ejusmodi naturæ esse possimus, ut tunc fallamur maximè, cum nos certissimos esse existimemus, idque postquam cautione & circumspectione, quantâ potest maximâ, usi simus ad evitandum errorem. Sed nobis quidem sufficit, nos haud plus postulare, quàm quod eis conceditur qui maximè indubias demonstrandi methodos profitentur, \* quòdque ipsa *Geometria* probare non potest, sed supponit, nimirum, *Facultates nostras veras esse*.

## SCHOLIA

## In CAP. VI. SECT. 7.

Quòdque ipsa *Geometria* probare non potest sed supponit, nempe Facultates nostras veras esse, &c. Siquis verò hæc se persentiscere apud seipsum putet Notiones Mathematicas aliásque id genus nonnullas certas esse nec aliter fieri posse, sic faciat per me quidem licet, modò meminerit ipsam hanc internam Persentiscentiam unam esse è nostris Facultatibus. Et si porro persentiscat eam Persentiscentiam veram esse ac certam & ineluctabilem etiam hanc secundam Persentiscentiam talem esse; quam propterea veram certamque oporteat supponere, & sic in infinitum; nullam autem Mentem præter ipsam Divinam, qua prima est sive Prototypa veritas eaque essentialis & increata, absolute & simpliciter certam esse; verum internam hanc humanam mentis Persentiscentiam, Divinam illam ac increatam certitudinem aliquo modo, licet intervallo longè disito, imitari: sed ita tamen ut nisi vim inferamus Facultatibus, delirare planè putandi sint Cartesiani, & inter reliquos Spinozium & Poirettus, qui omnes veritates, etiam Notiones communes apud Mathematicos, ut Totum majus est sua parte, &c. non à mente Divina sed à voluntate pendere, adeò ut si Deus voluisset, istud æquè verum esse potuisset, Partem majorem esse Toto, &c. Istiusmodi sanè Figmenta, si propriarum facultatum dictaminè stare velimus, ridicula sunt & impossibilia.

## CAP. VII.

1. Necessitatem Existentiæ, quæ videtur in Idea Spatii includi, eandem omnino esse quæ menti nostræ se offert in illa pleniori ac perfectiori Idea Dei; 2. Parèmq; esse rationem de æterna Duratione, cujus immediatum subjectum Deus est, non Materia. 3. Spacium esse duntaxat Possibilitatem Materiæ eo modo tantum Mensurabilem, quo tot diversæ possibiles rerum species sunt Numerabiles. 4. Distantiam non esse Physicam ullius rei Affectionem, sed tantum Notionalem. 5. Distantiam corporum, privationem duntaxat esse tactualis Unionis per partes mensurabilem, ut alia privationes qualitatum per gradus. 6. Si Distantia Spatii, remotâ Materiâ, quicquam reale sit, Ens illud necessarium oportet esse, per Ideam Dei representatum. 7. A-se-Existentiæ & Contingentiæ terminos esse inter se pugnantes.

1. Alii sunt qui videntur scopum propiùs attingere, dum contra quartam argumenti nostri posituram objiciunt, Quòd necessaria Existentiæ planè involvitur in Idea Materiæ. Non potest enim quisquam, aiunt illi, quin imaginetur spacium in infinitum quaquaversum excurrere, sive Deus existat sive non. Cumque hoc spacium ad hunc modum extensum sit, & mensurabile per ulnas, perticas & similia, necesse est ut aliquid reale sit, ex eo quod ad hunc modum extensum sit & mensurabile. Non-Ens enim nullam habere potest proprietatem aut affectionem. Quòd si Ens sit, quid aliud esse potest quàm Materia corporea?

Antidoti lib. 1.  
cap. 8. sect. 11.

Sed respondeo, Si nulla existeret Materia, sed sola Immensitas Divinæ Essentiæ, suâ ubiquitate omnia occupans, quod *Reduplicatio*, si ita fas sit loqui, ejus indivisibilis substantiæ, qua se integrè præsentem præbet ubique, subjectum foret illius *Diffusionis & Mensurabilitatis*. Addoque porro, Quod perpetua hæc infinita hujus Amplitudinis & Mensurabilitatis Obversatio, quam imaginatione nostrâ non possumus concipere quin necessariò fuerit, magis rudis ac obscura Notio esse potest menti nostræ oblata, necessariæ illius & à se existentis Essentiæ, quam Idea Dei plenius ac distinctius nobis repræsentat. Manifestum enim est, nè Imaginationem quidem nostram illigari ad appropriandam hanc Ideam *spatii*, Materiæ corporeæ, quippe quod nullam naturaliter in illius Notione concipit *Impenetrabilitatem* aut *Tangibilitatem*. Ac proinde ad Spiritum aliquem æquè commodè referri potest atque ad corpus. Unde, quemadmodum supra monui, cum Idea Dei talis sit qualem deprehendimus, rudior hanc *spatii* notionem meritò ac necessariò, \* in infinitum illum & æternum, qui Deus est, Spiritum conjiciet.

2. Atque eadem profectò ratio est de *Tempore* (per Tempus intelligo *Durationem*) quæ est de *Spacio*. Non possumus enim concipere quin istiusmodi Duratio fuerit quæ nullum possit aut principium habere aut interruptionem. Et quivis sanè agniturus est, planè repugnare ut sit hujusmodi Duratio necessaria, cum interim nulla realis Essentia existat, quam ita à se semper existere oporteat, & ita in æternum durare. Quid aut quis igitur est, ad quem æterna hæc & nunquam interpellanda nunquamque deficiens Duratio necessariò pertineat? Nullus equidem Philosophus magis appositè hîc respondere potest, quàm sanctus *Psalmista*, *Ab æterno in æternum tu es Deus*. Quamobrem dico inevitabiles istas Imaginationes necessitatis *Infiniti*, quod vocant, *Spatii*, & *Æternæ Durationis* nulla esse argumenta à se existentis Materiæ, sed potius obscuras subindicationes *necessariæ Existentiæ Dei*.

3. Cæterùm est & alter modus respondendi huic Objectioni, qui hic est: Hanc imaginationem scilicet *Spatii* nullius Entis realis Imaginationem esse \* sed amplè tantum ac immensæ extensionis *Potentialitatis Materiæ*, à qua Mentes nostras liberare non possumus, quin necessariò agnoscamus reverà esse istiusmodi *Materiæ Possibilitatem* mensurandam sursum, deorsum & quaquaversum in infinitum, sive hæc corporea Materia existeret sive secus. Atque etiam si hæc *Materiæ Potentialitas* sive *Spacium*, mensurabile sit per stadia, milliaria & similia, eam nullam tamen essentiam realem magis implicare, quàm, quando quis tot ordines sive genera rerum *possibilium* recenset, earum computus sive numerus realitatem existentiae earum infert.

4. Quod si in nos ulterius urgeant, Realem fore Distantiam etiam in spatio omni materiâ destituto; ut exempli causâ, si tres sphaerulæ æneæ vel chalybeæ conjungerentur in hoc spacio vacuo, nullo pacto concipi potest quin futura sit distantia triangularis in medio earum; responderi potest, \* Quod distantia, nulla *realis* sit sive *Physica* ullius rei proprietas, sed tantum *Notionalis*, quippe quod major minorque illius mensura alicui rei contingere potest, cum tamen nihil omnino in eam rem actum sit cui contingit. Ut putà, si altera sphaerularum modò dictarum, primum quidem unicâ unciâ distaret ab altera, hæc distantia inter eas in multa milliaria diduci potest, alterâ tamen nè tactâ quidem nedum è loco motâ, quanquam æquè distans sit atque altera.

5. Cæterùm si ulterius adhuc in nos urgeant contendântque, Distantiam hanc necessariò fore aliquid reale, quippe quæ istas sphaerulas ita alias ab aliis distinet, ut, si duæ earum in spacio *vacuo* duobus milliariibus à se invicem distarent, tertiâque in medio jaceret intervallo, istâque duobus milliariibus distans æquè citò ad alteram pervenire deberet atque illa quæ unico tantum milliari distat, duplam habere debeat motûs celeritatem, ad absolvendum suum pari tempore curriculum; breviter respondeo, \* Quod distantia nihil aliud sit quàm *tactualis unionis privatio*, quantòque major distantia, eo major privatio, quantòque privatio major est, tanto est difficilius in priorem conditionem *positivam* restitui; quòdque hæc tactualis unionis privatio mensuratur per *partes*, ut aliæ qualitaturn privationes per *gradus*; Notionesque istiusmodi, quod ipsæ non sunt *Entia realia* ullibi, sed modi juxta quos ea concipimus, quòsque propterea attribuire possumus *Non-Entibus* perinde atque *Entibus*, quemadmodum alibi fusè declaravimus.

6. Quod si hoc non satisfecerit, nostræ quidem causæ nullum detrimentum affert. Nam si remotâ ex universo Materiâ corporeâ, remanebit adhuc Spacium & Distantia, in qua etiam hæc ipsa materia, dum illic erat, jacere concipiebatur, nec fieri potest quin distans hoc Spacium aliquid sit reale, nec tamen corporeum, cum nec *impenetrabile* sit nec *tangibile*; necesse planè est, ut substantia sit *Incorporea*, necessariò



fariò & æternò à se ipsa existens: Quam magis clara Idea Entis absolute perfecti plenius nos distinctiusque edocebit, ipsum esse à-se-subsistentem Deum.

7. Cæterum ut nihil prætermittamus quod dignum videatur responſu. Sunt qui conantur argumenti nostri in *tertia quartaque illius positura* ictum declinare, dicendo \* *Contingentiam* nec Deo incompetibilem esse nec ulli alii rei cujuscumque. Omnia enim quæ in rerum universitate existunt, contigisse ut sic existant, quanquam ipsis aliter evenire potuisset. Sed nemo profectò mortalium sic responderet, qui aut ad id quod reponit attenderet, aut ad propriæ Rationis lumen, quæ rectius eum doctura esset. Nam si Materia, putà, à se existeret, manifestum est eam necessariò existere, nec unquam fieri potuisse quin existeret. Etenim *A-se-existentia*, omnia cuiusmodi prævenit impedimenta, quibus res qualibet periclitari posse videatur de sua assequenda actuali Existentia.

Et quantum ad Deum, evidentissimum est, quòd aut *Impossibile* sit eum esse, aut quòd sit à seipſo; & si sit à seipſo, existentia illius necessaria est & quæ non potest præverti; quemadmodum cuilibet necessariò agnoscendum est qui terminos intelligit quos ausus sit effari.

## SCHOLIA

## In CAP. VII. SECT. I.

**I**N infinitum illum & æternum, qui Deus est, Spiritum conjiciet, &c. *Quàm autem hoc consentaneum sit, fusè in Enchiridio Metaphysico demonstravi, quò remittò Lectorem, Cap. 6, 7 & 8.*

Seçt. 3. Sed amplæ tantum ac immensæ Extensionis Potentialitatis Materiæ, &c. *Quòd hoc Responſum non usque adeò solidum sit, in modò dicto Tractatu satis ostendi, quem consule, cap. 7. sect. 12, 13, 14.*

Seçt. 4. Quòd distantia nulla realis sit sive Physica ullius rei proprietas, sed tantum Notionalis, &c. *Verum hic rectè opponi potest quòd in Enchiridio Metaphysico attuli, Quanquam distantia Notionalis tantum proprietas sit, quatenus rerum distantiarum mutua sit relatio; Fundamentum tamen Ens reale est, Extensum utique interjacens, quòd facit ut distent. Vide Enchirid. Metaphys. cap. 8. sect. 5.*

Seçt. 5. Quòd distantia nihil aliud sit quam tactualis unionis privatio, &c. *Ipsa quidem Distantia sic esse potest quatenus est mutua rerum distantiarum relatio, hoc est, mutua unionis cum se invicem carentia sive privatio, quæ major minorque esse potest, pro spacio majori minori quo sint distitæ. Hoc verò minime probat Spacium ipsum non esse reale quid, vel posse esse non reale, non magis quam perticam esse posse non realem, ad cujus mensuram, duorum marorum sit distantia.*

Seçt. 7. Contingentiam nec Deo incompetibilem esse nec ulli alii rei cujuscumque, &c. *Nempe ut à seipsis existant contingenter, vel sic à seipsis existant, ut potuissent non existere. Quòd quàm absurdum sit supra indicavi. Quippe quòd, quicquid à se existere dicitur, aut habet in se sive in sua natura rationem sufficientem cur existat, aut non habet sufficientem in se rationem cur existat. Si non habet, impossibile est ut unquam existat, si proprias animæ facultates consulere velimus seposito omni præjudicio; si habet, nunquam non potest existere, ac proinde necessariò existit, non contingenter. Rationem verò sufficientem in se ut sic existat, nihil habet præter unum Deum.*

## CAP. VIII.

1. Ideam Dei, notionem esse in humana Anima naturalem & indelebilem. 2. Quamvis exigua aliqua esset obscuritas in hac Notione, id nihil tamen impedire quò minus naturalis esse possit. 3. Abusum Notionis Dei & Religionis apud Politicos, non magis arguere eam ipsorum esse commentum, quam sit naturalis Affectio, & Honoris & Libertatis Amor, quibus ad eundem modum abutuntur. 4. Duplex Responsum ad Objectionem, contra assertionem, Quòd Deus sui Ideam ex certo instituto ac consilio nostris animis insererit.

1. Ideam Entis absolute perfecti Notionem esse Animæ naturalem, talémque quam negare nequeat quin Ens istiusmodi accuratè repræsentet sine ulla partium discrepantia inter se live repugnantia, cum omnia illius Attributa generali Perfectionis Titulo ad quem pertinent homogenea sint atque consentanea, res equidem est tam manifesta ut hominem quemlibet appellare auserim, qui facultatum suarum usu pollet, si non est indubiè & immutabiliter verum.

Neque ceriè id quod objicitur, facere potest, ut suspectum sit falsitatis: Etenim quando supponitur, Atheum oppositurum esse, nè millesimam quidem hominum partem, ullam unquam habuisse istiusmodi Ideam, eosque qui habuerint eam ex animis suis oblitterasse, & qui profundissimè insculptam habent de ea haud æquè certò persuasos esse, quàm quòd bis duo faciunt quatuor; breviter respondeo, Quòd omnes homines semper habuerunt & etiamnum habent hanc Ideam in suis animabus, nec in eorum est potestate eam oblitterare, non magis certè, quàm communem Solem follis efflatu extinguere. Mundana utilitas, Mentis in res alias derivatio, Intemperies corporis ex carnalibus voluptatibus aut ex melancholia profecta, impedire quidem contemplationem detectionemve hujus Ideæ in animo, actualement possunt, nequaquam tamen possunt radicitus eam evellere.

2. Quantum verò ad Objectionis partem ultimam, Non æquè scilicet perspicuam esse, quàm quòd bis duo faciunt quatuor; pone id verum esse, hoc tamen nequaquam Assertionem nostram enervat, veritatem nempe hanc pro qua contendimus, naturalem esse atque indubiam. Multæ enim veritates infra istam facilitatem saltem si non claritatem, fieri non potest quin agnoscantur naturaliter & indubitato veræ.

3. Jam verò ut propius ad rem ipsam accedamus grandemque illam Atheorum suspicionem, Quòd hæc Dei notio nihil aliud sit quàm Figmentum callidum Politicorum, quo populum possint in obedientia continere, quòdque ii ipsi sunt, qui suâ astutiâ ac potestate hunc characterem humanis mentibus impresserunt; Respondeo, Quod naturaliter homini jam inest, eos non posse ipsi inferere. Possunt quidem ad usus politicos trahere, fateor, ut certè non tam verum est quàm & tremendum ac detestandum, quòd viris merè Politicis, res vel maximè sacras vilibus suis abjectissimèque propositis prostituere, nulla sit religio. Hinc verò concludere velle, nullam esse omninò Religionem aut Deum, quia isti Notitiâ illâ apud homines in confesso habitâ, ad fines Politicos tam horridè abutantur, perinde absolum est, ac si vellent contendere nullum esse naturaliter Sui-amorem, Amoremve Uxoris ac Liberorum, aut Libertatis, Divitiarum Honorisque cupidinem, nisi quam homines Politici & Reipublicæ administrandæ gnari animabus humanis indiderint; quippe qui peritè se adhibendo circa istos affectus, populum pro libitu circumducunt & contorquent, & acri ac vehementi incitatione animos eorum per plausibiles suas orationes inflammando, præcipitant illos sæpenumero in periculum perdendi ipsam capacitatem eis rebus fruendi, quarum spem tam plenè atque fulgidè ante ipsorum oculos expanderant.

4. Objectio validissima, quam ego fieri posse auguror contra secundum nostrum Argumentum ab Idea Dei, quatenus in Anima nostra subjectatur, hæc est: Quòd hæc Idea adeò plana & conspicua veritas est, ut non possit quin Intellectuali inest subjecto, ac proinde quòd non possumus rectè argumentari eo modo quo argumentamur in libri primi capite nono, Quòd hæc Idea animabus nostris indita sit ut ad Creatoris notitiam perveniamus. Est enim illuc necessariò, & quod necessarium est non fit ex certo aliquo instituto aut consilio.

Verum ad hoc respondeo, Primùm, Quòd corpora nostra ità comparata esse potuerint, ut mentes istoc pacto semper impeditæ fuissent ac averse ab attendendo ad hanc Ideam, quamvis non posset illuc non esse.

Et



Et tum dein, Quòd nihil nobis incommodi sit si agnoscamus Ideam Dei talem esse, ut nulla Intellectualis Natura sine ea concipi possit. hoc est, fingi possit esse Intellectualis, nec tamen, re modo debito propositâ, necessario agnoscere, quòd hæc Idea indubiè sit vera. Hoc enim pacto evidentius est, quàm absurdo & enormi ingenio illi sint, qui dum Rationis & Intellectus alumnos se profitentur, gratiam tamen sibi fieri petunt agnoscendi tam perspicuam veritatem.

## C A P. IX.

1. *Conscientia naturam atque ingenium tale esse ut timores istiusmodi atque spes suggerat, qua planè implicent Deum esse.* 2. *Multarum Religionum formam ridiculam, nullâ esse argumento, quòd sensus Religionis non sit innata animæ humana facultas.*

1. **V**IS Argumenti à naturali Conscientia petiti hæc est: Quòd homines naturaliter Infortunia metuant, prosperosque sperant successus, prout sese gesserint. Verùm ingenuè fateor hoc argumentum maximè lubricum esse atque indefensum eorum omnium quibus sim usus, cum adeò obnoxium sit isti cavillæ five subterfugio, Quòd timores atque spes conscientia, à naturali Dei notitia non proficiuntur, sed à vi Educationis, quæ est altera Natura.

Jam verò cum nulla ferè Natio sit, quæ per aliqua saltem Religionis rudimenta, Numinis formidinem liberis suis non incusserit, non possumus quidem sincerum proferre exemplum, quod argumenti nostri validitatem satis aptè illustret: nec certè scimus quomodo nosmetipsos hinc possumus expedire, nisi sumptâ quadam suppositione.

Supponemus igitur hominem indolis ordinariæ (etenim profiteor aliquos homines adeò enormi deformitate natos quantum ad ingenium internamve naturam, ut quæ sit Intellectualis Moralisve hominis proprietas ex eis quis non magis judicare possit, quàm quæ sit genuina corporis illius figura ex Mola Monstræve) cui nulla inculcata sint Principia Religionis, ullâve explicita five Catechistica doctrina de Deo; sed qui ita tantummodo comparatus sit, (five per naturam five per educationem perinde est) ut quasdam res æquas justasque factu censeat, alias iniquas & injustas. Nam quid justum sit & injustum, bonum & malum, pulchrum & turpe, magis manifestum est & perspicuum, juxta quorundam quidem sententiam, quàm ipsa Dei Existentia. Supponamus, inquam, hujusmodi hominem, quædam admisisse, quæ ipse censuerit nefaria & execranda crimina, ut paternum maternumve Parricidium, Incestum cum sorore, amicorum fidelissimorum prodicionem & similia, eundemque postea manu Magistratus non punitum iri, (quippe qui hæc omnia tam callidè occultèque perpetraverit, ut notitiam illius omnino fugeret) sed statim post perpetrata hæc facinora, infortunatum perpetuò evasurum esse, horrea frugumque strues fulmine accensum iri cœlitus immisso, pecora in agris rapidâ morte moritura, ipsumque postmodum foedissimis gravissimisque morbis excruciatum iri, quæ tamen multis ex ordinario Naturæ cursu contingunt; quemlibet appello si omninò probabile existimare potest, quin futurum sit, ut hic homo naturaliter & inevitabiliter tali conscientia morsu tangatur, ut suspicaturus sit, hæc Infortunia, ab aliqua potestate invisibili manûve Divina, quæ justè omnia administrat, tanquam supplicium meritum sibi accidisse.

2. Quod assertur contra Argumentum nostrum pro *Universitate Venerationis Religiosæ*, Multifariæ utique Religiones ridiculæ in orbe terrarum, unde conclusum volunt, mentem humanam nullum innatum Religionis Principium in se habere, quum in quemlibet fingi possit modum formamve Religiosi cultus, quem visum fuerit supremæ Potestati in quacunque Regione statuere; Ad hoc respondeo;

Primò, Si unusquisque Religionista Religiones extraneas eadem veneratione ac candore, & reverentiali sobrietate contemplari vellet quâ solet suam, eas certè inveniret dignas potius quas propter errorem ac falsitatem miseraretur, quàm propter speciem suam ridiculam derideret aut contemneret. Sed omnes Religiones falsas esse ex eo quòd multæ ita sunt, non magis sequitur, quàm nullas opiniones Philosophicas veras esse, ex eo quòd tam multæ sunt falsæ.

Et deinde, Multitudo variarum & si velis ineptarum Religionum per Orbem terrarum, in quam Gentes formentur, quo magis ridicula est, eo sanè ad scopum nostrum nihilo indè est ineptior, qui Religionem contendimus naturalem esse hominis proprietatē.

proprietas. Adhærentiæ enim illius cum natura nostra necessitas manifestius inde demonstratur, qui sine Religione magis esse non possumus quam materia sine figura, quanquam pauca quidem partes illius tam foelici sorte sint, ut in regularem formentur sive ordinatam, ullamve habeant pulchritudinem aut proportionem in suafiguratione. Et tamen \* materiam frange ut voles, in aliqua necessariò reperietur figura.

## SCHOLIA

## In CAP. IX. SECT. 2.

**M**ateriam frange, ut voles, in aliqua necessariò reperietur figura, &c. Et certè qualibuscunque Idololatriis & superstitionibus inquinata sit Religio Gentium per totum Terrarum orbem fadèque oblarvata, nusquam tamen unius veri Dei notitia ita obscurata est aut extincta, quin aliqua vestigia illius in animis hominum in unaquaque gente remanserint, quemadmodum videre est ex duobus istis elucubratissimis Tractatibus duorum illorum doctissimorum virorum D.R. Cudworthi, & D.E. Stillingfleeti, quos adire velim lectorem siquid super hac re dubitet.

## CAP. X.

1. Conarion, quanquam sedes Sensûs communis esse potest, non posse tamen esse commune Percipiens; 2. Quippe incapax Sensationis, 3. Memoria, 4. Imaginationis, 5. Rationis, 6. & Motûs spontanei. 7. Argumenta hæc non aequè probare substantiam incorpoream in Brutis, nec si ita facerent, eorum animas inde continuò fore immortales. 8. Perceptionem in Materia perinde ac Divisibilitatem, ex prætextu quòd non major in una perplexitas sit quàm in altera, admitti non posse, quippe quòd & Sensus & Ratio alterum confirmant, nulla verò facultas testimonium perhibet alteri. 9. Quo sensu Anima sit & divisibilis & extensa. 10. Representatio Symbolica, quomodo illa multitudines distinctarumfigurationum in unum indivisibile Perceptionis Principium possit recipere. 11. Ex eo quòd Materia tam manifestò incapax sit functionum Animæ, nos certos esse posse illius Existentiæ, quantumlibet perplexa sit ejus Essentiæ speculatio.

1. **I**N primi libri capite ultimo, satis copiosè atque evidenter demonstravimus, nec Spiritus Animales nec ipsum Cerebrum primum in nobis esse Motûs spontanei Principium. Conarion etiam in transcurso breviter attigimus; Sed enim cum Adversarii nostri tam levi negotio non sint convincendi, hic plenè magis ac particulatim ostendemus, quàm impossibile sit ut illa pars reperiatur ullum hujusmodi motûs Principium, quanquam non diffiteor, quin sedem esse posse Communis sensûs Organicam, speciem præ se gerat satis probabilem, quippe quod prope centrum Cerebri tam commodè sit collocatum; Et si motuum transmissio qui in Organa agunt unam aliquam ejusmodi partem non haberet in quam terminetur, imaginantur quidem nonnulli, (\* sed magis ingeniosè opinor quàm solidè) cum externa hæc sensuum Organa bina sint, Objecta etiam bina apparitura; quod tamen experientiæ repugnat.

Cæterum, tametsi Conarion, multarum diversarumque perceptionum ab Objectis corporeis Organum esse potest, & quasi Tentorium sive Tabernaculum in quo Anima principaliter residet, omninò tamen negamus sine Immateriali Incola, motum hunc arbitrarium, cujus nobismetipsis consci sumus, in nobis aut per nos posse produci. Nam si ad naturæ propriæ conditionem attendimus, non possumus non agnoscere, illud, quod corpus nostrum adeò pro arbitrio movet, non solum Objecta sensibilia percipere sed recordari etiam, facultatèque habere Imaginationis liberæ ac Rationis.

2. Et ut à primo ordiamur; Mera, inquam, Objectorum sensibilibus Perceptio Conarion equidem planè incompetibilis videtur. Nam cum ejusdem naturæ sit cum reliquo Cerebro, non tantùm divisibile est, sed & partes habet actu quodammodo alias



ab aliis divisas, alioqui non ita molle esset, quanquam fateor, aliquanto durius esse reliquo cerebro. Jam verò dico, Objectorum sensibilibus Imagines, cum in spacium aliquod se extendant in *Conarii* superficie in quam impingunt, una pars *Conarii* habitura est perceptionem putà capitis Hominis, altera cruris, tertia brachii, & quarta denique pectoris; ac proinde tametsi concederemus unamquamque particulam talis spacii *Conarii* percipere posse talem hominis partem, nihil tamen est quod integrum Hominem percipiat, nisi omnes asserueris perceptiones suas inter se communicare. Sed enim communicatio hæc videtur impossibilis. Nam si perceptio fiat per Impressionem ab externo objecto, nulla in *Conario* particula ullam objecti partem perceptura est, nisi à qua impressionem receperit. Verum si adhuc urgeas, omnes partes objecti in singulas *Conarii* particulas suas facere impressiones, ubi Imago est, omnino impossibile erit, quin tota Imago confusa sit, Colorumque distinctio penitus perdata.

3. Jam verò quantum ad facultatem *recordandi*, in *Conario* eam esse non posse sic probamus: Etenim, quod *Memoria*, quæ est sigillum stabile, permanensve Objectorum externorum Impressio, hic non sit, manifestum est, quippe si adesset, rerum præsentium representationem labefactaret, vel potius Objecta posteriora Impressiones omnes priores qualescunque necessario deleverent semper & obliterarent. Quod si dixeris, *Memoriam* esse in Cerebro, *Reminiscentiam* verò in *Conario*; Respondeo has Impressiones sive signaturas ab externis Objectis in Cerebro factas, superadventibus impressionibus, necessario itidem obliteratum iri. Nam hæ Imagines vel Impressiones sive in certa quadam positura, sive in motu plicatiliū fibrarum vel filamentorum subtilium ex quibus Cerebrum componitur, consistant, manifestum est fieri non posse, quin cancellentur & obliterentur per occasionem millenorum objectorum quæ quodidie sensus nostros invadunt, quæ necesse est ut ipsas loco dimoveant, novosque motus imprimant, à prioribus planè diversos.

Cæterum supponamus *Memoriam* ad hunc modum, sigillo quasi Cerebro impressam, suamque transmittere Imaginem ad *Conarion* per *Animales Spiritus* in ventriculis ut externum Objectum Species suas per Aërem ad oculum transmittit; cum *Perceptio* per *Impressionem* fiat, *Impressio*que perdata sit in *Conario*, licet in Cerebro retenta; quomodo poterit unquam *Conarium* affirmare, quod ullam istiusmodi impressionem habuerit prius? Nam Impressionem semel deletam eodem modo se habet, atque si nunquam ullam habuisset, ac proinde nec recordari potest se unquam habuisse. Præterea hujus Imaginis in Cerebro perceptio, æquè incompetibilis est *Conario*, atque est perceptio ullius externi Objecti, qua in re jam satis institimus.

4. Tertiò, Quantum ad *liberæ Imaginationis* facultatem, quæ *Conarion* supponitur excogitare varias formas figurarum rerum, quas nunquam viderat; quæro an tenuis membrana sit, an verò interna & aliquantulum mollis ac spongiola pulpa quam continet, quæ arbitraria hæc Figmenta ac Chimæras excitet sibi que repræsentet; & tum dein, quæ pars vel particula utriuslibet earum, hos tam bellos exhibeat lusus, & (quod caput rei est) cum istæ Repræsentationes sint corporeæ, annon sit necesse, ut *Conarium* eodem modo afficiatur & Impressuris signetur, atque in Objectis externis corporeis: Atque tunc porro quæro, quomodo passiva hæc mollisque substantia seipsam possit impressuris signare, unave pars hujus corporis in alteram agere, in hunc finem; cumque *memoria* sit etiam harum Impressionum fictitiarum, quomodo imprimi possint in Cerebrum, *Memoriæ* sedem. Concesso enim, quod *Conarion* in concinnandis fictitiis suis Imaginibus, externorum Objectorum Impressionem imitetur, quando has Imagines in Cerebrum imprimit, non absimile erit atque si sigilli impressurâ in Materiam aliquam duriusculam factâ uteremur ad signandam materiam aliquam molliorem. Quo in casu duæ Impressiones insigniter quidem different, quippe quum istæ partes quæ in una protuberant vel extant, in altera cavæ forent & concidæ.

5. Quartò, quod ad *Rationem* attinet, præterquam quod manifestum est quando eâ utimur, quod Imagines sive phantasmata rerum non solum differentium sed contrariarum in eadem parte sive particula *Conarii* comprehendimus (nam si in partibus differentibus sint, quid de eis judicabit?) veluti cum, exempli gratiâ, *calidum* concludimus non esse *frigidum*, vel lineam *obliquam* non esse *rectam*, quæ sine utriusque confusione concipi non possunt; est præterea & altera consideratio Notionum prorsus Immaterialium, quæ se in *Conarion* non imprimunt nec in ullam *Cerebri* partem nec in externa Organa ab Objectis sensibilibus veniant, sed innati nostri sunt in rerum speculatione conceptus: Atque hujusmodi sunt variæ *Logicæ*, *Metaphysicæ* & *Mathematicæ* Notiones, quemadmodum alibi probavi. Quamobrem videtur prorsus in-

credibile

credibile ut *Conarion*, cum corpus adeo crassum sit & palpabile, ulla hujusmodi habeat Notiones sive conceptus qui non sint corporei nec ab Objectis Materialibus ab extra ad ipsum derivati.

6. Quinto & ultimo, Admodum difficile est intellectu, quomodo *Conarion*, etiam si sensus ac perceptionis capax esset, cum merus sit pulposus ac protuberans Nodus, Animales Spiritus nutibus suis ac motuunculis tam accuratè dirigeret, ut non aberrarent à clavicula quæ ad motum vel minimi corporis articuli ducit, impelleretve adeo rapidè fortiterque ut valeamus tam strenuos infligere ictus, quam vulgo fieri videmus, præsertim cum Spiritus Animales tam tenues sint ac fluidi, ipsumque *Conarion* tam latum atque obtusum. Quorum unum mentibus nostris suggerit, quod Spiritus, cum tam languidè, quam probabile est, à *Conario* feriantur, certumque est aliquando sic feriri, lentè in circulum per Cerebri ventriculos rotabuntur, nec ad ullam determinabuntur Claviculam quæ ad hujus vel illius particularis articuli corporis musculum deducit; Alterum verò, si hic *Conarii* impulsus satis fortiter spiritus in ventriculis Cerebri propulsurus sit, quod iste ventus aperturus sit plura ostia quam unum, cum tamen percipiamus nos satis magnà vi manûs pedisve digitum movere posse, immoto reliquo corpore. Addere porro possumus, difficile esse conceptu quomodo hæc *Glandula pinealis* seipsam adeo spontaneè movere possit sine musculis & spiritibus, aut consimili aliquâ ratione Mechanicâ; quod si facit, quorsum tendit ista tanta Naturæ cura ac sollicitudo, ut Animalium compages musculis & spiritibus ubique instruantur? Si non facit, querimus porro de Origine hujus motûs, rogamusque quid sit quod *Animales Spiritus* movet, qui supponuntur movere *Conarion*? De motu enim corporeo notissimum est Axioma, *Quicquid movetur movetur ab altero*. Adeo undequaque demonstrabile est, quod primum spontanei motûs Principium in nulla corporis nostri parte esse potest, sed in substantia realiter ab ipso distincta, quæ vulgò *Anima* appellatur.

7. Nec istud quidem à quibusdam allatum, quod Argumenta nostra Sophistica sunt, quippe quæ substantiam incorpoream *Bestiis* perinde inesse atque *Hominibus* concludunt, demonstrationis nostræ vim quicquam enervat.

Respondeo enim, Primò, Quod de hominibus absolutè concludunt, Incorpoream Animam ipsis inesse, quia certi sumus istiusmodi eis inesse operationes quæ talem naturam evidentè arguant; de *Bestiis* verò non sumus adeo certi. Hominesque rerum philosophicarum satis gnari, sed ingenio magis Mechanico, dubitarunt saltem, an *Bestiæ* ullam habeant cogitationem, quanquam interea loci se certos professi sunt, si habent, fieri non posse quin Animas itidem habeant immateriales, à corporibus suis realiter distinctas.

Secundò, Concesso quidem quod Argumenta nostra Animas probant etiam in Brutis, à corporibus suis realiter distinctas, ecquid aliud est quam quod omnes Philosophi ac Scholastici, qui *Formas substantiales* tenuerint, aut expressim aut implicite verum esse agnoverunt? Verum si incorporeæ sunt, inquit illi, erunt etiam immortales, quod esset ridiculum. Si per *Immortale* intelligunt, quod penitus non perit, quemadmodum contingit in Materia, cur non sic essent perinde atque Materia, cum hæc activa Animæ substantia, licet bruti duntaxat, Essentia nobilior sit, & de Creatoris perfectionibus plus participet, quam stupida ac dissipabilis Materia? Quod si per *Immortalitatem* intelligant, *Vitæ æternæ ac felicitatis capacitem* post corporum dissolutionem, illa profecto ridicula sequela est de suo excogitata, ejus Authoribus libere eam permittimus deridere quantum volent. Ad nos præsensque nostrum Argumentum nihil omnino pertinet. Nos enim sentimus Animam bruti \* talem esse posse, quæ solo terrestri corpore vitaliter afficiatur, extra verò illud, nullius rei habeat sensum aut perceptionem, ita ut quantum ad seipsam penitus pereat.

8. Illa quidem majoris momenti videtur Obiectio, Cum proprietates sint, quæ non possunt non agnosci inesse corpori sive Materia, quæque tamen tales sunt quæ miras repugnantias suo conceptui implicent, (ut purè perplexa illa *Divisibilitatis* proprietas, quæ aut in puncta sit aut in infinitum, quorum utrumlibet imaginationem nostram confundit quoties de eis cogitat) cur non agnoscamus, corpus etiam sensum habere posse atque Intellectum, quantumlibet repugnans videatur dum pressius attentiusque animum in eam rem defigimus? Sed respondeo, Hanc Argumentationem esse valdè Sophisticam, quippe quod pari ratione admittere deberemus caput Cephæ intelligere ac percipere perinde atque *Conarion* in Homine. Majus enim Argumentum contra istud afferri non potest, quam quod contradictionem implicet, repugnetque sic esse. Verum respondebis, Quod clarè percipimus aliquam partem corporis humani sensum in se habere debere & intellectum, nil tale verò in *Cepa* deprehendimus. At enim

rogo,



rogo, Quâ facultate hoc deprehendimus? Si respondes, Sensus noster certos nos facit: Dico, Sensum nostrum, si illum non corrigimus, confidenter nobis suggesturum esse, Quòd digitus sentit, Oculûsque ipse videt, quum tamen manifestum sit, hoc non fieri, propterea quòd eadem res quæ sentit videtve corpus etiam movet, sed nec oculus nec digitus corpus nostrum movent, ac proinde nec sentiunt nec vident.

Et tamen sine oculo videre non possumus in hoc statu conjunctionis, quemadmodum sine debita modificatione ac temperie Cerebri nec possumus intelligere: Sed non magis inde sequitur quòd *Cerebrum* intelligit & non aliquid ab eo distinctum, quàm quòd *Oculus* videt. Quamobrem planè constat nullam in nobis esse facultatem quæ clarè nos edoceat ullam corporis partem sensu & intelligentiâ præditam esse.

Unde videre licet ingentem disparitatem inter admissionem *Divisibilitatis* in Materia, ( quantumlibet perplexa notio sit ) & *Sensus* atque *Intelligentiæ* in corpore, ( quæ maiorem quidem perplexitatem secum adducit quàm altera, si in eam admodum accuratè introspeciamus ; ) quippe quòd in plenum per *Sensum* & fortean per *Rationem* etiam certiores facti sumus quòd Materia sit divisibilis, nulla verò facultas nos certiores facere potest quòd *Corpus* aut *Sensus* aut *Rationis* sit capax.

9. Cæterum videtur adhuc insuperabilior Obiectio restare, quæ huiusmodi est; Quòd tamen si evidenter probavimus, impossibile esse ut sit aut Sensus aut Intelligentia, Motûsve spontaneus in Materia sive corpore, nos oleum tamen ac operam perdidisse, quippe quòd consimiles difficultates urgeri possunt contra Sensem & Intelligentiam in *Spiritu*, quum fieri non possit quin Spiritus extensus sit, nec possit esse extensus quin sit divisibilis, nec divisibilis quin incapax Sensus & Intelligentiæ, quemadmodum supra argumentati sumus contra Materiam.

Sed ad hoc respondeo; Si per *Extensionem* intelligatur partium *Juxta-positio*, quemadmodum fit in Materia, nego omninò *Spiritum* hoc sensu ullatenus esse extensum. Quòd si intelligas tantum certam quandam præsentia amplitudinem, quòd singulis utique partibustantæ molis Materiæ simul adesse possit, agnosco esse *extensum*, sed hoc genus *Extensionis* nullam implicare *Divisibilitatem* in substantia sic *extensa*. Partium enim *Juxta-positionem*, *Impenetrabilitatem*, & *Divisibilitatem* necessariâ quadam & adæquatâ sequelâ coherere, ac proinde ubi duæ priores desunt, *Extensionem* non implicare tertiam.

Cæterum, quando loquor de *Indivisibilitate*, nè Imaginatio novas sibi creet molestias, non talem intelligo *Indivisibilitatem* qualis in puncto Mathematico fingitur, sed qualem concipimus in sphaera lucis ab uno puncto lucido Centri radiantis facta. \* Illa enim sphaera sive Orbis lucis quamvis sensu quodam *extensus* sit, est tamen reverà *indivisibilis*, supposito quòd centrum tale sit. Nulla enim machina excogitari potest, quâ ullus unus radius huius orbis discerpi possit aut separari, itaque separatus à Centro, seorsim conservari.

10. \* Jam verò ut proprietatem huius Orbis luminosi paululùm invertamus, dum *Anima* cum applicamus sive *Spiritui*; quemadmodum nulla potest esse alteratio in *Centro radio* quin simul necessariò sit in singulis Orbis partibus, ut putà si magis rubrum esset, omnia magis rubra forent, si magis fuscum, omnia magis fusca, & similia; ità etiam est ea *Indivisibilitas* atque *Unitas* exteriorum partium, si ità fas sit loqui, *Spiritus* sive *Anima* cum intimo suo Centro, ut si qua earum afficiatur, *Centrum vite* inde similiter affici necesse sit: Cùmque exteriores illæ Animæ partes afficiantur à partibus Objecti eis circumstantiis in quibus sunt, *Centrum internum* omnia recipit ità circumstantiata, ut necessariò integras habeat & inconfusas rerum externarum Imagines, quamvis in tam exiguum deriventur spaciū, ipsique Centro huius substantiæ spiritualis insint.

Hanc *Symbolicam Representationem* supra adhibuimus, nec quicquam possum excogitare quod naturam *Spiritus* meliùs illustret. In quo implicatur facultas recipiendi multitudines particularium Figurationum in unum *indivisibile Sensus principium*, ubi omnia exactè uniuntur in unum subjectum, & tamen distinctè repræsentantur. Quod profectò ab ipso *Conario* nequaquam præstari potest, quemadmodum demonstravimus, ac proinde reliquum est ut ad *Animam* referatur, cuius sedes principalis illic fortean esse potest, quantum ad actum *Perceptionis*.

11. Quòd si quis hoc nostro studio abusus sit propensâque voluntate opitulandi illius Imaginationi, eive saltè gratificandi, per hanc *Symbolicam Representationem* quam adhibuimus, hoc Animæ centrum perperam æstimando tanquam aliquod divisibile duntaxat stupidumque Materiæ punctum, nec maioris efficaciam; deque *vitali* vel *arbitraria* illius *extensione* ità crasse cogitando ac si necessariò argueret æquè realem *Divisibilitatem* & separabilitatem partium quàm sit in corpore; ut omnem istiusmodi

usmodi cavillis occasionem præcindamus, istas spinositates de *Extensione* & *Indivisibilitate Animæ* sive *Spiritus* missas faciemus, breviterque concludemus sic:

Quòd multifariæ Incompetentiæ & Repugnantia quas in natura Materiæ invenimus quò minùs idonea sit ad cogitandum ad spontè se movendum, nos certos omninò faciunt, istas operationes ad eam non pertinere sed ad aliam aliquam substantiam: Quamobrem cum istas operationes in nobis deprehendamus, manifestum est nos immaterialem essentiam in nobis habere à corpore realiter distinctam; quam vulgò Animam appellamus. Cujus nudæ Essentiæ speculatio, quamvis faciliè nos irretere possit atque intricare, istæ tamen proprietates quas corpori incompetibiles esse deprehendimus, abunde nobis demonstrant differentem illius Naturam. Manifestum enim est eam esse substantiam facultate cogitandi præditam, (i. e. percipiendi & meditandi de Objectis) uti etiam penetrandi spontaneèque movendi corpus: quæ proprietates æquè immediatæ ipsi sunt, atque Impenetrabilitas & Separabilitas partium *Materiæ*, nec causas quidem unius magis quærere debemus quàm alterius.

## SCHOLIA

### IN CAP. X. SECT. I.

**S**ED magis ingeniosè opinor quàm solidè, &c. *Quamquam enim Oculi duo sunt, modò duæ istæ Objecti Representationes ipsum in eodem loco representent, objectum necessariò unum apparebit, quippe quum in eisdem circumstantiis quibus representatur in oculis, vitali vi Animæ, non autem ratione Mechanicâ, ad ipsius perceptivam deferatur.*

Sect. 7. Talem esse posse quæ solo Terrestri corpore vitaliter afficiatur, &c. *Sic quidem esse potest. Et in istoc statu Animarum brutorum, nihil magis absurdi accideret, quàm ut forent tanquam tot chordæ in Lyra ad præsens silentes dum alia percutiuntur ac sonant, mox tamen suis vicibus percutiendæ, sonumque edituræ. An verò omnes Regiones Aereæ reliquis omnibus Animalibus præter rationalia, destituantur, otio abundantibus discutiendum relinquo.*

Sect. 9. Illa enim Sphæra sive Orbis lucis, &c. *Hoc symbolo rei illustrandæ causâ usus sum, possibilitati nempe extensionis indivisibilis: sed severius accuratiusque in Enchiridio Metaphysico Philosophamur, ubi propriis terminis ac Philosophicis Spiritum describimus, docemusque Ens esse unum per se & non per aliud, & id genus alia, quæ nihil necesse est hæc repetere. Vide Enchirid. Metaphys. cap. 2. sect. 11. & cap. 28. sect. 3.*

Sect. 10. Jam verò ut proprietatem hujus Orbis luminosi paululùm invertamus, &c. *Neque enim corporeum quicquam plenè & perfectè Animæ naturam potest representare, quæ tota vita est & secundum vitales quasdam leges agit non Mechanicas, quemadmodum fit in diffusione Luminis. Ex perfectâ igitur Animæ unitate ac consensu vita fit, ut quod patitur exteriores partes Animæ in Organis corporis ad illius Perceptivam, in eisdem circumstantiis, penetret. Et si quis hisce symbolicis nostris Representationibus vult abuti, sciat velim, nos sine parabolis philosophatos esse in Enchiridio Metaphysico de natura Spiritus, quò igitur eum rursus relego.*



## CAP. XI.

1. Quod subtilitas minimè inconstitens sit cum firmissima veritate. 2. Subordinatam rerum Utilitatem in Mundo rebus ipsis inesse, non solummodo nostræ Imaginationi. 3. Difficultatem obtinendi istiusmodi res utiles argumentum potius esse pro Providentia quàm contra ipsam. 4. Pulchritudinem non esse effectum Motus merè Mechanici Materiae. 5. Quod sit Objectum Intellectuale nec à brutis observatum. 6. Quod Animalia alià aliis sint prædè optimè consistere cum Bonitate primæ Cause: 7. Ut & noxiorum Animalium Creatio, cum Repagula sint & Impedimenta eorum Incremento. 8. Immediatam Fætus materiam esse Homogeneam. 9. Notionem Archeorum sive Formarum Seminalium haud ità intricatam esse speculationem.

1. **P**ercurramus jam omnes Objectiones contra primum librum *Antidoti* factas, contra quem, si pinguiori ingenio homines ut etiamnum aliquid habere viderantur quod porro objiciant, per derisionem cavillaturi sint, acsi in argumentis nostris astruendis nimiam usi simus subtilitate, hoc tantum eos monendos censeo, Quod subtilitas æquè consistens sit cum veritate, atque crassissimæ quævis Theoriæ: quemadmodum manifestum est in multifariis speculationibus Mathematicis, quibus tamen nihil magis certum est, magisve indubitatum Rationi humanæ. Ut verò Notionum coheræntia quæ in seipsis subtiles sunt, æquè facili negotio plana fiat & conspicua, atque crassa sensuum Objecta, imaginatio admodum incongrua est, nec ullorum expectatio esse potest, nisi eorum qui in hujusmodi contemplationibus hospites planè sunt & peregrini.

Defensio autem secundi libri non solum brevior erit sed minùs obscura, cum Argumenta ibi adhibita maxima ex parte ejusmodi sint, de quibus homines etiam illiterati possint judicare, nec nisi pauca quin tam evidentia, ut nequeat quicquam ullius momenti contra ipsa afferri. Verùm Objectiones cuicunque sunt, breviter jam proponam eisque respondebo.

2. Prima verò fit contra Argumentationes nostras pro *Providentia* à præstabili utilitate *Lapidum, Lignorum, Metallorum, Magnetis, &c.* petitas. Nam proluxa istæ & subordinatæ concatenationes adeò idoneæ *Instrumentalitatibus* talium rerum, aiunt illi, nostra sola Imaginatio est, nullum Primæ ullius Cause propositum. Et quam facile est, addunt illi, humano ingenio, quæ differentis in se naturæ sunt, longèque diffusæ in unum trahere, multasque imaginari Mediorum Finiùmque series in rebus quæ nullam habent aliæ ab aliis dependentiam, nisi quam ipse finxerit? Verùm respondeo, quod varias variarum id genus materiarum perquam utiles dependentias reperimus tantum, non facimus nec fingimus. Quippe quod, sive nos de eo cogitemus sive non, manifestum est, exempli gratiâ, quod Arborum rami truncique utiles sunt ad continuandum ignem, Ignis ad colliquanda metalla, Metalla ad Instrumenta conficienda quibus Naves Adesque condantur, & sic in cæteris. Quamobrem cum verum sit talem esse subordinatam utilitatem in rebus ipsis quæ præstò sunt præ manibus sine ulla nostra opera factæ, omnino rationi consentaneum est, ut tali Cause imputemus quæ usus ac commoditates suorum operum præviderit.

3. Nec cavillari debemus, quod res hujusmodi utiles, quales sunt Lapides, Metalla, Carbones, & similia, tanto cum labore sint acquirendæ, quasi multo satius esset si homines liberarentur ab omni hoc genus servitute, ut plus temporis Mundo contemplando, inquirendo Deo, nobilioribusque humanæ Naturæ facultatibus exercendis possent impendere: videmus enim planè lapsam Hominis conditionem talem esse ut otium nullum calcare sit Virtuti aut Pietati, sed nutrix potius omnimodæ bestialitatis ac libidinis. Præterea, paucorum quidem Mentes ingenio sunt adeò speculativo, ut cum aliqua magna voluptate istiusmodi meditationibus attendere possint, quæ dignæ reperiantur quarum gratiâ relinquenda sit vita magis practica ac laboriosa, quæ nihil prohibet quò minùs homines pii sint atque honesti, ut certè nulla omnino vocatio id facit. Quamobrem quod hominibus plerisque omnibus res utiles difficiles sint acquisitu, argumentum potius est pro *Providentia*, quippe quod planè indicat, Causam illam quæ Terrarum orbem formavit, probè præcivisse, qualis futura esset terrestris hominis temperies atque ingenium.

4. Secunda Objectio fit contra Argumentum pro *Pulchritudine Plantarum*, quam Originem suam ab Intellectuali causa trahere contendo, cum ipsa Pulchritudo Objectum

jectum sit adeò Intellectuale. Contra hoc verò duo objiciuntur : Primum, Quòd Pulchritudo effectus sit Motùs merè Mechanici Materiæ. Deinde quòd nullum sit Objectum Intellectuale, quia fœminæ ac pueri eâ magis oblectari videntur quàm viri, brutâque Animalia perinde atque utrilibet.

Prius sic probare conantur : Quòd *color*, quæ una pars pulchritudinis est, meræ Materiæ effectus sit, manifestum est, aiunt illi, ex *Iride*, quæ proculdubio merus est istiusmodi naturalis effectus. Et quod ad *Symmetriam* attinet, quæ pulchritudinis pars altera est, & in *Plantis* in eo consistit, quòd folia ramique modo parallelo sibi invicem respondeant, ut & variæ ejusdem folii partes, naturalis, inquiunt illi, necessitas est, ut hujusmodi uniformis sit in his ramis foliisque correspondentia, quia nutrimentum necessariò sequitur vasorum tractum in semine, quæ cùm regularia sint in prima conformatione, rami foliâque, quæ germinant, necesse erit ut sint regularia. Jam verò regularis hæc seminis conformatio, ab uniformi particularum motu in Planta primordiali profecta est, & postremò Planta primordialis cujuscunque generis, à regulari motu Materiæ.

Sed respondeo, Quòd, tametsi positura perinde atque ipsi \* colores *Iridis*, necessarij Effectus sint meræ Materiæ, nec quicquam sint aliud nisi reflexio & refraçtio luminis Solis in guttis Nubis roridæ rotundis, quemadmodum *Cartesius* clarè demonstravit, quòdque nihil ulterius huc requiratur præter situm oculi in linea à Sole ducta & ad nubem roridam continuata, ità quidem extensam ut circulus coloratus pro radio suo habere possit gradus aut quadraginta ferè duos, aut quinquaginta unum, tunc enim Effectum hoc necessariò est secuturum ; Et si nubes hæc rorida ità se quaquaversum extendat, ut futura sit ad quinquaginta unum gradus perinde atque ad quadraginta duos, rorida hæc Aëris temperies, duæ Irides simul necessariò apparebunt, quemadmodum frequenter factum est ; atque similiter fateor, quibusdam rebus positis colores florum necessarius futuri sunt effectus Materiæ in tali motu ac positura : Nihilominus tamen, varietas collocationis horum colorum in Floribus, non potest quin ostendat rem esse aut fortuitam aut arbitrariam ; cùm verò semper spectatoris oculos aliquo modo oblectent, indicio est *Fortuitum* non esse, ac proinde necesse esse ut sit *Arbitrarium*, & ab aliquo consilio quo sic statutum fuerit, profectum.

Id verò in quo maximè insisto contendòque ab Intellectuali principio proficisci, ipsarum est *symmetria*, contra quam Objectio videretur admodum invalida, quippe cujus ratio hujusmodi est, quemadmodum planè videre licet, Quòd regularis motus Materiæ primam cujuscunque generis plantam formaverit. Querimus enim porrò, quid Materiæ motum ità regulaverit ut eam duceret ad formandam seipsam in talem speciem, ut tandem admodum jucundum spectaculum Intellectuale appareat, valdeque difficile ( si non impossibile ) formatu, sine aliquo Directore à cæca Materia distincto. Quemadmodum facilè quis crediturus est, \* si non tam truncos ramosque arborum ( quarum quidem pullulationes ex terra, ramorumque rursus ex trunco, ipsorumque denuò in multos ramusculos luxuriantes divaricationes, res est haud ità difficilis conceptu ) si non tam truncos, inquam, quàm flores, fructus ac folia contempletur. Ut *Quercûs* folium atque *Agrifolii*, multaque alia folia *Herbarum*, earumque flores, \* qualis est *Cucullus Monachi*, \* flos caput draconis maxillis increpantis referens, variæque genera \* *Florum musciformium*, ut *Flos musciformis* propriè sic dictus, utrumque *Satyrion* \* alterum *Papilionis*, alterum *Culicis* formam præ se gerens. Quibus adde *Orchidem Vespiformem*, & *Orchidem* quæ *Apis* speciem præ se fert, \* aliæque id genus multa. Materia in tam difficiles & regulares tamen Figuras nunquam incidisset, si ab alio aliquo præter seipsam ipsa regulata non fuisset. Concinnitas quarum figurarum cùm nobis qui ratione præditi sumus gratificetur, omninò par est ut concludamus à *Principio Intellectuali* esse profectam.

5. Caterum objiciebatur secundo in loco, *Pulchritudinem* nullum esse Objectum Intellectuale, quia fœminæ atque pueri majorem in modum eâ capiuntur, quàm viri, Bestiæ verò perinde atque utrivis. Ad quod respondeo, Pueros non tam *symmetriâ* capi quàm nitore colorum, in rebus quæ vulgo pulchræ habentur, ut *Alaudæ* magnopere oblectantur splendore Vitri, quod *Alaudiceps* aspectui ipsarum exponit. Quòd si possent etiam *symmetriæ* partiumque competentia defectum detegere, putà in *Flore*, qui aliquot folia sibi habeat abscerpta, cùm *Spiritus*, qui in ipsis est, sit Intellectualis, si in hujusmodi facilibus Objectis maturè se exercent, à præsentis sua conditione minimè est dissentaneum. Sed quòd ipsi, fœminæque externâ pulchritudine magis capiuntur quàm viri, hinc fit, quòd viri intellectuales suas vires pensis difficilioribus ut plurimum impendant, itaque rebus hisce magis pusillis, animum nequeant attendere. Alioqui non est dubium, si ab aliis curis ac cogitationibus vacare



care possent, æquè devoti pulchritudinis admiratores forent atque ipsæ Fœminæ, ipsarumque pulchritudine siquam fortè habeant, æquè caperentur, atque cā ipsas videmus capi.

Quantum verò ad Bruta, nego ea ullum habere sensum tam nobilis Objecti, illudve quod in pulchritudine maximè requiritur, ullo modo animadvertere, *Symmetriam* scilicet, partiumque concinnitatem, ullumve colorum ordinem, sed ipsos tantummodo colores. Et certè minimè mirum est, quemadmodum rubrorum tibialium aspectus Galli Africani animum irā inflammat, aspectusque sanguinis Ulvarum aut Mororum Elephantem ad pugnam provocat, ut alii similiter colores vividi variorum generum, multorum Animalium spiritus mulcere aut exhilarare possint, quod lux in plerisque omnibus facit. Atque eapropter, si Equum splendidis ac rutilantibus Ephippiis ornatum elatè se gerere videmus,

*Insultare solo & gressus glomerare superbos,*

à nulla alia causa fit, nisi ea quam declaravimus. Et si canis Mendicum magis allatrat pannis annisque oblitum, quàm Nobilem quempiam honestè vestitum, inquirendum porrò est, an Mendici canicula Nobilem quemlibet magis non sit allatratura quàm Mendicum, pulchritudinis sensu nec demulcente nec irritante hoc Animal, sed Objecto insuetò bilem illi movente. Et si Aves plumas componunt, id ex eo non fit quòd ulla venustatis aut condecientiæ studio ducuntur, sed ut ab isto magis duro insuetòque sensu quem ex mala plumarum turbatarum dispositura in cuticulis percipiant, seipsas liberent. Et similiter quantum ad Conjugum electionem, sive in Avibus sive in Bestiis ad coitum, difficile est probare, quòd tam visu ducuntur quàm odoratu; & certè si visu, *colorem* non esse potius, quàm accuratam partium *Symmetriam*, quæ ipsas moveat.

Et postremò, Si admitteremus Bruta aliquando magis oblectari Objecto pulchro, (intelligendo pulchritudinem juxta integram suam notionem) quàm minùs pulchro Objecto, confusanea tantum voluptas est, nec eam plus quidem, tanquam Intellectualem, sapiunt, quàm pueri qui ut plurimum Instrumentorum Geometricorum ex ære aut ebore aut consimili materia confectorum conspectu oblectantur, accuratas incisuras sapiunt atque insculpturas characterum & linearum eis inscriptarum, quatenus rationibus Mathematicis inserviunt. Ac proinde meritò concludere possumus, pulchritudinem corporum naturaliter Brutis non magis designatum esse, quàm istiusmodi Instrumenta Mathematica pueris sive Infantibus, sed omnia id genus Objecta Creaturis Intellectualibus destinata esse ab Æterno illo Intellectuali Principio quod ipsa creavit.

6. Tertia Objectio fit contra prædaturam Animalium aliorum in alia, Hominiisque in omnia. Hoc enim, inquiunt illi, minimè consistit cum *æterna* illa *Bonitate* quam profiteamur res omnes creasse atque ordinasse. Ad quod respondeo, Hæc neutiquam inter se pugnare: Natura enim illius *absolutè Universalis* ac *Æternæ Bonitatis*, non est ita comparata ut *unum aliquod particulare* depereat, (quemadmodum apud nos fit, quorum temperies fortean ad majorem solito commiserationem nos movere possit (quanquam plerique homines, fateor, minùs quàm par est naturalis hujus benignitatis retinent) visusque contractior in rei cujusque præsentis sensum nimum demergere) sed plenum liberumque in capacitates felicitatis hujusmodi Animantium, prospectum habens, talem earum conditionem constituit, quæ ad bonum communitatis maximè conducere, quamvis necessitas rerum atque *Incompossibilitas* non posset quin aliquas particulares Animantes majoribus oneraret incommodis quàm reliquas.

Ac proinde, ut varia Terrestrium Animalium genera modo perfectiori beata essent quantum ad naturam suam Animalem, *Suprema hæc Bonitas* sic fieri permisit ut aliquid, quod animali sensui Tragicum necessario appariturum sit ac calamitosum, paucis aliquibus subinde contingeret; Speciebus rerum interim ad satismagnam copiam conservatis, & secundum distinctas suas successiones in angusto hoc Mundi Theatro, tutâ pompâ incedentibus.

Jam verò manifestum est præcipuas *animalis Vitæ* facultates, esse naturalem *astutiam*, corporisque *agilitatem* atque *robur*, Acquisitumque quodlibet harum ope, multo jucundius fore Animanti, quàm quod facile sine ipsarum ope eis obtingit. Quamobrem quid gravior esse potest terrestri Animanti quàm prædam venari eamque arte quadam corporisque agilitate atque robore eam obtinere? Omnia verò Animantium genera specialis hujus felicitatis non sunt capacia. Quædam igitur apta nata sunt ad vescendum fructibus terræ, ut hoc pacto non solum suis indulgeant voluptatibus, sed

sed etiam per occasionem ludum pariter atque alimentum aliis Animalibus ministrent. Qua tamen in re *Sapientia* Dei perinde atque illius *Bonitas* elucescit, propterea quòd dum hunc in modum alia aliis ludo sunt atque prædæ, abunde tamen conservantur in distinctis suis Generationibus. Cæterum de omnibus hujusmodi scrupulis adversus *Providentiam* \* in nostra *Inquisitione in Causas & Occasiones Atheismi* tam plenè ac methodicè tractavimus, ut brevi hac Responsi subindicariunculâ hoc in loco contenti fuerimus.

Addemus tantum, si Brutorum animæ sint immortales (à qua opinione Philosophorum præstantissimi nequaquam fuerunt averfi) Tragedia adhuc minùs horrenda est futura. Quod tamen nos animare minimè debet ad eas temerè & petulanter ex hospitibus suis expellendas, quippe qui nescimus quàm diu futurum sit, donec opportunitatem nacta fuerint ad alia sibi concinnanda corpora, istaque temporis intercapendo ipsis quidem perfectæ instar est mortis, in qua nullius rei sensum habent aut fruitionem. Et quantum ad me, equidem existimo, qui vitam & incolumitatem Bruti Animalis pro nihilo ducit, eum naturaliter ità injustum esse, ut nisi Leges externæ prohibuerint, æquè crudelis futurus esset in Homines.

7. Quarta Objectionis fit contra Argumentum nostrum pro Divina *Providentia* à consideratione deductum opportune illius *mitigationis molestationis atque noxæ quorundam Animalium per alia quæ ipsis sint inimica*, quæque eis tanquam prædâ vescuntur, ut felis, exempli gratiâ, muribus. Hæc, inquiunt illi, magis accuratum Providentiæ indicium foret si nulla omninò essent istiusmodi Animalia noxia in Universo, quæ nos molestant, quàm ut hæc molestatio prius fiat creando hujusmodi Animalia, & dein tollatur aut minuat alia creando quæ noxam sequuturam corrigant.

Verum enimverò, nemo profectò sic argumentaretur, nisi nimis temerè ac oscitanter falsum illud imbibisset Principium, Mundum scilicet solius hominis gratiâ conditum esse, cum proculdubio Beatus Benignusque rerum omnium Creator apud se constituerit ut aliæ etiam Animantes perinde atque Homines, vitæ muneribus fruantur, quod tamen, nisi existerent, fieri non posset. Quamobrem *Providentia* eò accuratior est, quòd benignitatem suam ulterius extendere possit, etiam eò usque ut inferiores Animantium ordines suis fruantur voluptatibus, sine ullo magno incommodo nobilioribus ac superioribus.

Præterea, omnia hæc Animalcula quæ prædæ fiunt aliis, in ludum ipsis cedunt atque alimentum, atque ità aliis morte suâ gratificantur, perinde atque ipsa dum in vivis sunt, & ab inimicis suis libera, propriis indulgent voluptatibus. Ut taceam utraque aliquo modo homini ipsi esse utilia, ac proinde aliquando desideratum iri si abessent.

8. Quinta & ultima Objectionis fit contra Conclusionem nostram, ex *Homogeneitate* immediatæ illius *Materiæ Crystallinæ* ex quo *fatus formatur*, putà in Ovo, quemadmodum & in aliis observatur generationibus, deductam, Quòd utique *substantia sit à corpore realiter distincta*. Ad vim cujus Argumenti eludendam, negant ullam istiusmodi esse partium *Homogeneitatem*, sed multas particulas *Heterogeneas*, licet nobis invisibiles, esse contendunt, quibus in motum, calore Gallinæ aut alio aliquo consimili excitatis, particulas homogeneas ad particulas sui generis compelli, atque istoc modo pullum efformari. Ullum verò alium *Archeum* agnoscere, inextricabiles secum adducere difficultates. Ubi enim erant, inquiunt illi, omnes isti *Archei* qui ex Equi cadavere Vespas efformârunt? Sûntne partes Animæ Equinæ, an novi hospites, qui in veteris ejecti locum se ingesserint? Si prius, tum Anima Equi est divisibilis, & ex consequenti Materialis &, si malles, pura puta Materia: si posterius, ubi erant pusilli isti Caducarii antehac? An verò tot germina sunt vel ramusculi communis Animæ Mundi? Quod si fiat, cur non unum habent doloris ac voluptatis sensum communem inter se? Sed ad hæc omnia ordine respondeo.

Et ad primam partem hujus Objectionis, Dico non posse quin firma sit præsumptio, Naturam, accuratam intendere *Materiæ Homogeneitatem* antequam opus ordiatur efformationis; quippe quæ eam adedò constanter ad tam perfectam *Homogeneitatem* perducit, quàm quæ externis sensibus percipi potest. Cumque in partium *Heterogeneitate* nullum omninò commodum excogitari possit, conclusionem equidem minimè temerariam esse existimo, si asseveremus, immediatam materiam *Efformationis Fatus* aut accuratè *Homogeneam* esse, aut si qua fortè insit partium *Heterogeneitas*, esse tantum per accidens, nec plus conducere ad primum opus Efformationis, sive Organizationis *Materiæ*, quàm Atomis istæ sive pulvisculi qui Pictoris coloribus inciderint, ad meliorem faciunt Picturæ delineationem. Etenim affirmare, quòd diversa ista particularum genera externo calore in motum excitata virtute mutux inter se similitudinis,



tudinis, in unum congregentur, rem equidem est asseverare sine omni Ratione, contra solidissima Rationis Principia.

In quo enim potest similitudo hæc partium consistere, nisi quod aut figuræ similes sint, aut æquales agitatione vel magnitudine? Nunc verò corpora consimilis figuræ in motum excitata cursum suum versùs se invicem nihilo magis dirigent propter hanc mutuam similitudinem. Corpora quidem consimilis figuræ, & æqualis agitationis & magnitudinis in motu consulo admodum probabile est unà aliquod latum iri, quod factum videmus (ubi tamen certi esse non possumus tam accuratam figurarum particulis inesse similitudinem) in tenuioribus liquorum distillatorum Spiritibus qui omnes sursum ascendunt, in Vini partibus Tartareis, quæ extrorsum versùs vasorum latera aguntur, \* in sacibus Urinæ, quæ ad fundum Vitri subsidunt, & in subsidentiæ sæculentæ hujus partis Universi, nempe Telluris, si modò tam propriè subsidere dici potest ad fundum, quàm in puriorum subtiliorumque elementorum medio collocari. Atque similiter, illa Materiæ Fermentatio quæ Animalis efformationem præcedit, talem aliquem rudem effectum fortean edere potest, qualis in suprà dictis exemplis cernitur, nunquam tamen eò pervenire, ut istiusmodi artificialem Organorum formationem conficiat, qualis in Animalibus universis reperitur.

Quòd si per partium similitudinem intelligant tantummodò partium aptitudinem quoad figuram & motum, quippe quæ ità formatæ ac moderatæ sint, ut ex calore aliquo externo, ipsarum agitatio necessariò effectura sit ut inuncatæ sint inter se, & in admirabilem hanc utilemque corporis Animalis fabricam mutuò connexæ; Hoc quidem Artificium adeò exquisitè minutimque scitum ac curiosum esset ut prorsus sit impossibile, quin aut *Assistentiam*, aut primam saltem *Inventionem* & *Consilium* implicet Intellectualis alicujus Principii, quod Materiam in stupendum hunc ordinem redegerit, quo possit per istiusmodi præcisas Figuræ Motusque lèges tam nobilia Objecta Intellectui pariter atque Sensui nostro exhibere. \* Atque sic quidem Adversarii nostri parum lucraturi sunt ex hac Hypothesi.

Sed enim, quanquam hoc videri potest simpliciter possibile, admodum tamen improbabile existimo, ut tam infinitus particularum numerus, quæ ad sætum concinandum debent concurrere, tam particularem haberent figurationem motusque legem unicuique earum impressam, quo possit debitam suam stationem posituramve in Animalis structura occupare. Hoc enim, si quid ego rectè judico, ambagibus esset & circuitione nimia uti, cum via magis compendiosa foret Immaterialem aliquam creare substantiam quales esse supponuntur *Formæ Seminales* Plantarum atque Animalium, sive *Archei*, quemadmodum alii appellant. Nam hæc *Forma* sive *Archeus* res magis simplex est & perspicua, quæque magis simplicem ac perspicuam qualificationem subjecti requirit in quod operetur, nempe quòd *Homogeneum* sit atque ductile, facileque teneris cedat impressionibus substantialis istius vis *Vitæ* quæ in ipso residet.

9. Neque profectò opinio hæc de *Archeis Formisve Seminalibus* ullis istiusmodi intricatur difficultatibus, ex quibus non possit facile expediri.

Nam quantum ad istas quæ prætenduntur difficultates in Instantia Efformationis *Vesparum* è cadavere equino, dico, quòd *Archei*, qui ipsas formaverunt, partes nullæ sunt Animæ Equi defuncti, \* sed diversi distinctivè *Archei*, qui cum matéria corporis ad hunc modum putrescendo præparati se æquè naturaliter conjungunt, atque Corvi festinant ad devorandam illius carnem.

Sed quæres porrò, ubi hi *Archei* antea fuerint? Ad quod respondeo, Potestne deesse spacium tam minutis *Spiritualitatis* portiunculis in tam vasto Universitatis complexu atque ambitu? Ac proinde ipse potiùs rogo; Ubi non fuerunt? Cum *Mundus Vita* ex nullo excludatur loco, variæque Animarum genera illuc æquè numerosa sint & obvia atque particula ista Magnetica in Mundo hoc corporeo; & certè vix ullo loco Magnetem atque Ferrum collocare potes, quin ipsarum præsentiam ex effectis sensibilibus continuo lis deprehensus. Vel si crassiorē malles similitudinem, æquè copiosi sunt atque obvi, quàm pulvisculi per aërem volitantes in Æstate sicca ac ventosa.

Ad ultimam difficultatem propositam, \* Utrùm hi *Archei* tot sint germina communis *Animæ Mundi*, an substantiæ *particulares* per se subsistentes, haud ità magnum incommodum est utroque modo res definiatur. Neque enim sequitur si tot sint ramusculi distinctivè Radii magnæ Animæ Universi, quòd itcirco ea ipsa Anima sint; & quidem si non sint, voluptates suas ac dolores habere possunt alii ab aliis distinctos. Et quòd ipsis dolor esset aut voluptas, Origini suæ neutrum fortean esse potest, quippe quæ eam non magis moveant, quam Tettigonæ minuritus eos qui pleno Tubarum

concentui animum attenderint, morsusve pulicis hominem fidiculis distentum in Equuleo.

Pone verò nos respondere, Quòd tot sint substantiæ æquè independentes ab *Anima Mundi* atque ipsa *Materia* (quanquam omnes dependent à Deo) neque in illa quidem Assertionem quicquam est difficultatis aut incommodi, nec quicquam opus est ut solliciti simus ubi sint, aut quid de ipsis fiat, sive ante actuationem hujus vel illius partis *Materiæ*, sive postquam eam actuare desiverint, non magis certè quàm de ipsis partibus *Materiæ* quas actuaverint. Nam quemadmodum unaquæque *Materiæ* particula servatur incolumis intra *Mundi corporei* ambitum, sive ab *Anima Archeo*ve ullo actuetur sive non; ita unusquisque *Archeus* seu *Anima*, perinde incolumis est in *Mundo Vite*, atque æquè securus ab omni exterminatione ex universitate rerum *Immaterialium*, sive agat in ullam *Mundi Materialis* partem sive non. Nam substantia, qualiscunque sit illius natura, sine miraculo penitus interire non potest. Et cùr Deus illud annihilaret, \* quod succedente tempore rursus opportunitatem nancisci possit suas agendi partes, *Mundi*que utilitatibus inserviendi, nemo, opinor, ullam rationem potest excogitare.

### SCHOLIA

#### IN CAP. XI. SECT. 4.

**C**olores Iridis necessarii effectus sint meræ *Materiæ*, &c. Quàm cum grano salis ista accipienda sint, in *Enchiridio Metaphysico* abundè indicavi. Vide Cap. 21.

Si non tam truncos ramosque arborum, &c. Immo verò quanto cum artificio ipsi *Arborum Plantarum*ve Trunci ramique formati sint, hujus seculi Philosophi laudabili sanè industriâ ostenderunt. *Theophrastus* quidem olim aliique partes *Plantarum* enumerarunt, *ρίζαν, καυλόν, ἀκρόμωνα, κλάδον*, quas omnes ex his tribus consistere docuerunt, ἐκ φλοιῷ, μύτης (quæ & καρδία & μυελός appellatur) & ξύλῳ atque hasce rursus ἐξ ὑγρῷ, ἰσῷ, φλεβῶς, σαρκῶς. Quin & τῶν φυτῶν ὑγρότητα & θερμότητα, tanquam innato Humido Calidæque *Animalium*, analogarum meminerunt, sed antam certâ distinctâque cognitione quàm moderni Philosophi, haud ausim asseverare, qui non solum succifera sed & Aerifera vasa in *Plantis* notarunt, hisce & θερμότητα, illis & ὑγρότητα *plantarum* assignantes; ut alias formationes organicas cum earum usibus taceam. An verò φλέβες & ἴνες *Theophrasti*, altera humoris, caloris altera vehicula esse possint, statuant alii, mihi non satis constat. Vide *Theophrastum* de *Plantis*, Cap. 1. & ingeniosum illum *Phytologum*, N. Grew, in sua *Truncorum Anatomia* comparativa.

Qualis est cucullus Monachi, &c. Sic nos è voce *Anglicana* Monkshead, Latine vertimus. Est autem *Aconiti* quoddam genus quod cucullum Monachi galeamve Militis refert.

Flos caput Draconis maxillis increpantis, &c. Hæc rursus Descriptio est è vocabulo *Anglicano*, Snapdragon, Antirrhinon apud *Herbarios* dicitur.

Alterum Papilionis, alterum Culicis, &c. Quæ σατύριον ψυχῶδες & nî fallor σατύριον κωνοπῶδες apud *Græcos* *Herbarios* appellantur. Nostrium verò erat non Græcè sed Latine nostra vertere: alioqui *Orchis Vespiformis*, & *Orchis* quæ apes speciem præ se fert, *Orchis Sphegodes*, & *Orchis Melittias* dici potuerunt, quemadmodum fit apud *Herbarios*.

Aliæque id genus multa, &c. Ut *Orchis Arachnitis*, *Batrachitis*, *Ornithophora*, præter varia prædictarum genera.

SECT. 6. In nostra Inquisitione in Causas & Occasiones Atheismi, &c. Fateor equidem me istiusmodi Tractatus prima saltem Lineamenta duxisse, partem verò in Mysteriorum Pietatis, partem in Dialogos Divinos excrevisse, quod reliquum verò erat, flammis me tandem commisisse.

SECT. 8. In facibus Urinæ quæ ad fundum Vitri subsidunt, &c. Ceterum quòd nec hæc quidem sunt sine ope Spiritus Naturæ, abundè in *Enchiridio Metaphysico* & Adnotamentis, ut alia loca præteream, demonstravi.

Atque sic quidem Adversarii nostri parùm lucraturi sunt ex hac Hypothesi. Ità certè est, si vel sic esset. Nunc verò cùm tam clarè constet vel simplicissima *Natura Phænomena* rationibus Mechanicis non produci, sed vi Spiritus Naturæ, quemadmodum in suprâdictis Tractatibus satis fusè demonstravi, planè incredibile est dispositionem partium *Materiæ* in Formatione Factus motu Mechanico fieri, & non vi Plasticâ potius particularis



laris alicujus Archei, aut Archei Universi, aut denique utriusque: Cum omnia in istiusmodi Animalium Rudimentis tam mollia sint ac laxa, ut immateriali aliquo Rectore & Coniutore merito indigere videantur. Vide Tract. de Animæ Immortalitate, lib. 3. cap. 12 & 13.

Sect. 9. Sed diversi distinctivè Archei, &c. hoc est, Distinctæ Animæ vi Plasticâ prædita. Nullos enim Archeos ab Universi Archeo distinctos esse credo, præter Animas particulares. Quæ Anima magis propriè quàm Archei appellanda sunt, quippe quæ, præter Plasticam facultate etiam Perceptivâ gaudent.

Utrum hi Archei tot sint germina communis Animæ Mundi, &c. Equidem id mihi nequaquam verisimile videtur, viderint alii ut possint defendere, seque extricare ex eis difficultatibus quas lib. 3. cap. 16. de Animæ Immortalitate, propono.

Quod succedente tempore rursus opportunitatem nancisci possit suas agendi partes, &c. Perinde enim est ac si Fidicen aliquis omnes eas chordas, quarum in præsentî cantilena nihil usus sit, sed intactæ sileant, lyræ suæ abscindi postulet, novâsque pro singulis novis cantilenis adnecti. Vide quæ diximus in cap. 10. sect. 7.

## C A P. XII.

1. Objectiones contra Historias de Incantatore Saltzburgenfi; 2. Et de pueris fascinatiis Amstelodamiensibus; 3. Ut & contra Narrationem de Johanne ab Hembach, & Johanne Michael, qui Tibicines egerunt inter ridiculas Choreas gesticulatorias Dæmonum; 4. Item contra Sagarum Conventiculi disparentiam ad nomen Dei prolatum; 5. Et contra loca quedam Historiæ illius quam Bodinus de Genio tutelari narrat.

1. **L**oca quæ in tertio libro vellicantur, aut Historica sunt aut Philosophica. Historica præcipuè hæc sunt. Primò contra Narrationem de Incantatore Saltzburgenfi obijcitur, Fieri posse, ut ultimus maximusque Serpens Diabolus non esset sed merus serpens. Ad quod respondeo, Admodum probabile esse, quòd iste Serpens (cùm se in locum postremum reservasset, & tam dirum fatum Incantatori attulerit, tanquam si mortis tot sui generis animantium vindictam vellet imitari, malignove consilio gloriam ac victoriam sui penè jam triumphantis Inimici, commaculare) plus in se conditum habuit, quàm vulgarem naturalemve Serpentem; hoc est, aut Diabolus erat sic transformatus, aut serpens aliquis actuatus ab ipso & gubernatus. Quod eo facilius credemus, si consideremus, totum mysterium incantandi nullam in se habere posse vim naturalem, sed efficaciam potiùs supernaturalem, si ullum omninò effectum sortiatur.

2. Secunda Objectio fit contra istas narrationes de multis malo aliquo dæmone obsessis, qui res miras visi sunt è ventriculis suis evomere; quasi scilicet hoc fieri posset astu aliquo ac artificio, ad populum emungendum argento. Ad quod ut libere respondeam, equidem ingenuè fateor, quòd ita usu venire solet, ut nulla ferè sint realia Effecta sive Eventa mirabilia, quin aliqui sint, si sit possibile, qui aut ex spe lucri, aut per ludum jocumque eorundem imitationem aggrediantur. Sed hæc fraus faciliè per prudentes spectatores detegi posset. Quales suppono fuisse duos illos Medicos præclaros, Cardanum & Wierum, qui, si nihil hisce rebus subfuisset præter agilis præstigiatoris dolos, istiusmodi levibus Imposituris nunquam fuissent decepti.

Et quantum ad pueros Amstelodamienses attinet, spectaculum adeò miserandum erat, & cruciatus, ut fertur, tam grandis, personæque obsessæ tam multæ, omniâque Conamina sive Artis sive Religionis tam frustranea, ut prorsus incredibile videatur ullam fuisse in hac re aut fraudem aut nugalitatem. Et quantum ad puellam è Saxonia, quæ Græcè locuta est, perridiculum profectò esset, istud tanquam aliquid supernaturale æstimare, nisi notum fuisset eam à nemine linguam istam didicisse. Ac proinde in hujusmodi rebus iudicium & sagacitas primi Narratoris est supponenda; ut in ista Historiola quam de Dæmoniaco quodam qui Græcè locutus est suis temporibus, ipse Fernelius narrat, immò verò Medicorum secreta detexit, ipsorumque derisit ignorantiam, eò quòd Medicinas suas adhibendo hominem ferè enecassent, falsò opinantes morbum esse naturalem.

3. Tertia Objectio fit contra Jocunditatem quarundam Historiolarum quæ commemoratæ sunt; cujusmodi sunt illæ de Johanne ab Hembach, & Johanne Michael Tibicinibus. Verùm enim verò, hæ Narratiunculæ non minùs credibiles videri debent

Vide Ferneli. de  
Abditis rerum  
causis, lib. 2.  
cap. 16.

bent propter casus istos, qui occurrunt, ridiculos, si consideremus Spiritus istos Apostatas qui inferiorem hanc Aëris Terræque Regionem frequentant, variis modis in enormem sensum amorisque *vita Animalis* lapsos esse, penitusque in se extinxisse Divinam; talesque in ipsis passiones esse atque affectus quales in hominibus improbis reperiuntur atque Bestiis, aliquosque præsertim ex ipsis eandem rationem habere ad Angelos non-lapsos quam habent Simii & Cercopithecii, ad hominem probum atque sobrium; atque etiam eos qui magis tetrici sunt ac feroces si quando se in ludos jocosque relaxant, admodum stolidè distortos lusus edere ac deformes, quemadmodum manifestum est ex Historiolis nocturnarum suarum Chorearum & debacchationum. Occultum enim infestumque odium habent contra quicquid venustum est aut decorum, & in perpetuum illius contemptum \* omnes suas actiones in oppositum modum distorquent, in libertate sola illimitata sibi applaudentes, & faciendi quicquid aut fatua aut sceda ipsorum Imaginatio sibi sit suggestura, nihil affectantes præter propriarum voluntatum libidinem, & facultatem incutiendi hominibus admirationem & terrorem.

4. Quarta Objectio fit contra nocturnorum Conventiculorum Sagarum disparentiam ad nomen Dei, Jesuæ, prolatum. Nam Diaboli, inquiunt illi, hisce Nominibus non omnino teritantur, sed & ipsi per modum contemptus & contumeliæ ea pronunciare possunt, propriisque suis personis applicare. Verum difficultati facile satisficit, si modò distinguamus inter intentiones voces hasce pronunciantium. Dico igitur nequaquam sequi, ex eo quòd horum verborum pronunciationem inter se sustinere possunt, quòd idem possunt quando cum puro corde debitæque religione pronunciantur ab aliis.

Præterea, minimè à ratione alienum est existimare (quamvis horum nominum vi resistere possent, eorumque Religioni qui eis utantur) quòd Ceremonia apud ipsos esse possit indispensabilis, conventicula sua non continuare, siquis in proximo sit præsensve, qui apertam seriàmque Timoris Dei professionem fecerit. Atque equidem manifestum est, præsentia viri verè religiosi quàm onerosa sit hominibus improbis, præsertim eo tempore quo liberius suæ improbitati indulgere statuerint.

5. Quinta & ultima Objectio fit contra Visionem sive Insomnium, in quo is qui per tot annos *Genii Tutelaris* sive *Boni Angeli* societate usus erat, visus est hæc audire verba, *Servabo animam tuam, ego is sum qui prius apparebam tibi*: tanquam si hic *Genius* sive *Angelus* ipse æternus fuisset Deus. Cæterum nihil opus est ut hoc cuiquam scrupulo sit. Nam, primò, cum forma nullius personæ in hac Visione ipsi repræsentata esset, pro Divino oraculo, seu voce Spiritus Dei merito haberi potest, certior eum facientis de amore suo ac providentia super ipsum, quemadmodum antehac fecerat in consimilibus Visionibus sive Insomniis.

Et tum dein, si admitteremus Angelum cum eo allocutum esse, Angelus in hisce circumstantiis non propriè dicitur loqui ut persona, sed ut Instrumentum, quemadmodum Lingua hominis loquitur, cum tamen Anima hominis ipsève Homo magis propriè loquitur quàm Lingua. Quamobrem si Deus omnes potentias ac facultates Angeli tam plenè possideat atque occupet, ut ad tempus propriæ suæ Personalitatis sensum perdat Instrumentumque merè passivum Divini Numinis evadat, tanquam os, oculusve Dei factus, quicquid in his circumstantiis loquitur, de Deo intelligendum est non de ipso.

Atque sic, ut spero, satisfeci difficultatibus circa *Historica* hujus tertii libri loca, quæ etiamnum in eo remanent. Fateor enim me nonnulla expunxisse, quæ post pressiore inspectionem, cum regulis istis quas mihi proposueram, haud adeò accuratè videbantur convenire. Non quòd ipse quicquam resciverim, quo illa falsa esse detegere possem, sed quia, cum istà conformitate destituta essent, apud me agnosci debebant haud ità demonstrativè vera.

## SCHOLIA

### IN CAP. XII. SECT. 3.

**O**Mnes suas actiones in oppositum modum distorquent, &c. Atque sic hi quidem *Dæmones* statim lapsi Jetzirathici egregia sunt exempla. Cujus quidem ordinis multe sunt etiam *Animæ incarnatæ*, distortis ingeniis & derisoriiis, quæ solidissimas rationes perversis longèque accersitis cavillationibus & sophismatis malant eludere, argutumque ven-



*venditare Scepticismum, quàm cum mente sobria in salutarem Veritatis Lucem emergere. Vide Explicationem Mercavæam.*

## C A P. XIII.

1. Transformationem humani corporis in aliam formam fieri posse sine dolore. 2. Actuale posse fieri separationem Animæ atque Corporis, sine Morte propriè sic dicta. 3. Spirituum corpora calida esse posse, vel frigida, vel denique tepida, & quomodo id possit fieri. 4. Quo sensu agnoscere possimus Primum, in infinita successione generationum. 5. Narrationem de Anseribus arboreis apud Gerardum certò esse veram. 6. Necesse esse ut Deus Spiritus sit propriè dictus. 7. Spiritus vulgò sic dictos nec Ignem esse nec Aërem, sed Essentias propriè Spirituales, demonstratum à soluta Arenositate (si fas sit ita loqui) Aëris atque Ignis. 8. Quòd Solutilitas hac efficit ut hæ compages Aëreæ incapaces sint Personalitatis, Motûs spontanei, & sensationis; 9. Quemadmodum & transformandi vehicula sua in perfectas illas formas Animalium in quibus apparent; 10. Eadèmq; continendi in ventis & tempestatibus; 11. Et postremò, transportandi homines atque pecora per Aërem. 12. Si Spiritus sive Dæmones nihil aliud sint nisi mera Aërearum vel Ignearum Atomorum congeries, singulos Diabolos multas Myriadas esse Diabolorum. 13. Præstantia argumentorum ab Historia Spirituum deductorum, præ istis quæ ab operationibus Animæ in corpore petuntur, ad probandam substantiam Immaterialem.

1. **P**rima Objectio Philosophica fit contra Transformationem humani corporis in formam putà Lupi, aut alterius alicujus id genus Animalis. Opinantur enim id fieri non posse sine magno transformati cruciatu ac dolore. Ad quod respondeo, Quòd tamen hæc Transformatio brevi tempore fit, peragi tamen potest sine omni omnino cruciatu. Illam enim partem capitis, quæ sedes est *Sensus communis*, admodum exiguum esse existimo (pone *Conarion* esse, & non est valde magna:) Quamobrem Diabolus, postquam se in corpus hominis insinuaverit, eamque partem cum reliquis possederit, intercipere potest vel prohibere omnes motûs transmissiones ab aliis corporis partibus, adedò ut, quomodocunque eas tractaverit, homo nullum omnino sensurus sit dolorem. Unde emollire potest reliquas omnes corporis partes in quam ipse voluerit *consistentiam*, & subigere in quamlibet earum formarum in quas potest aëreum suum vehiculum, nec homo tamen per totum hoc tempus perferens quid agat. Estque par ratio reducendi rursus corpus in propriam suam formam, quod sine omni dolore hominis fit, qui istud patitur. Neque ullum certè imminet periculum, quasi corpus semel sic solutum semper postea permanens sit in hac soluta & liquescenti conditione. Conceditur enim etiam apud eos qui se *Bodino* opponunt, cujus causam defendo, \* Spiritum posse corpus sistere ac fixare perinde atque illud movere. Quapropter dico, postquam Diabolus corpus rursus fixaverit in formam pristinam, \* quòd secundum indubias Naturæ leges in eo statu permanens sit, in quo ipsum reliquerit, donec potentius aliquid à statu isto illud dimoverit, ac permutaverit: Quòdque corpus unumquodque tandem debelletur, omnesque semel oporteat manus dare morti.

2. Secunda Objectio fit contra opinionem nostram, Quòd actualis fieri possit *Animæ corporisque separatio* sine morte, cum tamen Mors propriè sit, quemadmodum definimus, disjunctio corporis atque animæ, propterea quòd corpus ineptum sit ad animam diutius retinendam. Quod contingere potest, vel ex *morborum* ferocitate, vel *externâ violentiâ*, vel *extremâ* denique *senectute*. Hic igitur, rogant illi, Quid violentia esse possit, si hoc non sit, ut Diabolus animam è corpore suo eripiat? Sed Respondum in præfacili est. Quamlibet scilicet *separationem per vim* non esse mortem, sed cum talis sit violentia in separatione quæ corpus ineptum reddat ad Animam retinendam, vel rursus excipiendam. Quemadmodum fit in nimis larga sanguinis emissionem per vulnus corpori inflatum, vel in præpedito Spirituum cursu per suffocationem sive aquâ sive funiculo factam, & in similibus. Nam tale corpus in vitam revocare verum profectò futurum esset miraculum, quippe quòd in hujusmodi circumstantiis, mors proprio ac genuino sensu corpus sic affectum occupat. Neque quicquam præter solum Deum ita occidere potest, occisusque in vitam revocare.

3. Tertia Objectionis fit contra præsignem illam in corporibus Dæmonum *frigiditatem*. Nam in celebri illa Sagarum Examinatione in Comitibus Provincialibus in S. Edmundi Fano habitis Menſe Auguſto, Ann. 1645. quædam ex eis publicè ante Tribunal conſitentes audivi, ait Objector, Diabolum, quando cum iſtis concumbebat, moderatè fuiſſe calidum. Ad quod reſpondere poſſem, ſi in animo eſſet prævaricari potiùs quàm Objectionibus quæ contra ea quæ ſcripſimus factæ ſunt, præciſè ſatisfacere, fieri poſſe ut calidus aliquis Juvenis in frigidi Dæmonis locum ſe ingeſſiſſet. Quis enim ſatis novit, qui in huiusmodi rebus ludi fuerint ac præſtigia?

Cæterùm ut propiùs preſſiùſque rem propoſitam attingamus. Fateor corpora Dæmonum eſſe poſſe non *tepida* ſolùm vel moderatè *calida*, ſed uſtulanter *ſervida*, quemadmodum in eo Dæmone factum eſt, qui cognatam *Melanchthonis* manu prehendit, itaque eam uſtulavit, ut characterem inuſtum gereret uſque ad diem mortis. Exemplum verò frigidorum Dæmonum magis obvia ſunt, ut in iſta famoſa Hiſtoria de *Cuntio*, qui cum brachium cuiuſdam ſceminæ in Civitate *Pentſch*, dum in lecto jacebat, tetigiffet, viſus eſt æquè *frigidus* atque iſta glacies. Quod ſimiliter contigit *Anna Styleſia*, ungue Dæmonis illius manui impoſito. Multæque aliæ ſunt id genus Narratiunculæ. Nolo autem negare quin corpora iſtorum etiam *calida* eſſe poſſint, alioqui nequeat intelligi, quomodo duo iſti execrandi Magi tam ineffabilem voluptatem, quàm ſe percepiffet profitentur, alter à ſua *Armellina*, alter à *Florina* ſua, ceperint, quemadmodum narrat in Dialogo quodam *Franciſcus Picus*, *Strix* appellato, ſive *De Ludificatione Dæmonum*. Pro certoque affirmat in Epiſtola præfixa veram eſſe Hiſtoriam, nullaque alia ſe enarrâſſe quàm quæ aut propriis oculis viderit, aut ab iſtarum Sagarum confeſſione acceperit.

Vis igitur Objectionis contra id contorquetur, quod nos nequaquam aſſerimus, corpora nempe Dæmonum *frigida* ſolùm reperiri. Cæterùm id quod nos inſinuare volumus, hoc tantummodo eſt, nempe cum iſtorum corpora nihil aliud ſit quàm coagulatus ſive conſtrictus Aer, quoties vehicula ſua ſic modificant ut ea tota longè majorem in modum conſtringant, quàm ſingulas iſtorum agitant particulas, tunc ea viſum iri non tantùm inſtar aquæ congelatæ frigida, ſed magis penetranti ac pungenti frigiditate acui propter partium ſubrilitatem.

Verùm quando non tantùm totum vehiculum fortiter conſtringunt, ſed & ſingulas iſtius particulas vehementer agitant, corpus quidem eorum evadet *uſtulanter calidum*, aliquòque modo æs aut ferrum candefactum imitabitur, in quibus particulae perquam arctè conjunguntur, & tamen ſingulae in ſeipſis motu acerrimo vibrantur. Quemadmodum manifeſtum eſt, ſi ſputum injiciamus in ea metalla iſtoc modo calefacta, faciet enim ſalivam injectam ſibilare & bullire, particulis metallorum motum ſuum ſalivæ communicantibus, mutabuntque omnem liquorem in vapores, quemadmodum uſu venire videmus in Aceto adolendo Aquæque Roſacea in Conclavi, ad locum ſuffumigandum. Quid enim eſt hæc ſuffumigatio, niſi *ſeparabilium* partium aquearum Liquoris tam fortis in motum excitatio, ut in aërem eleventur & per vehementem agitationem partium *inſeparabilium* calefactæ Focariæ in vagum diſſipentur fumum?

Et poſtremò, ſi Spiritus *agitativâ* ſua facultate utatur quidem moderatè, *conſtrictivâ* verò ſatis fortiter ad efficiendum ut ſolidus ſentiat & palpabilis illi viro ſceminæve quibuſcum rem habet; poteſt certè non ſolùm calidus videri, ſed magis jucundè gratèque calidus, quàm ullum corpus terreſtre carneumve quod exiſtit. Nam Materiæ ſubtilitas magis accuratè attinget potentiùſque ſenſûs organa feriet, magiſque exquisitè & exultabundè movebit nervos quàm ullum corpus terrenum poteſt. Sed enim interea loci Spiritus ipſe neque ſervidus eſt, nec calidus nec frigidus, nec quicquam eorum quæ ad corpus pertinent, ſed ſubſtantia ab omni cuiuſmodi Materia corporea ſpecificè diſtincta, ſicut jam monui || eo ipſo in loco quem hæc deſendo.

4. Quarta Objectionis fit contra iſtam noſtram ſententiam quâ declaramus incongruam eſſe ſibi que repugnantem Aſſertionem, affirmare, || nunquam fuiſſe hominem quenquam qui eſt ſcæmina non ſit natus, quamvis admitteremus Humani generis ſucceſſiones fuiſſe infinitas. Nam Repugnantia, inquiunt illi, tantùm eſt, ſi *primum* invenire poſſis. Sed in infinita ſucceſſione non poteſt eſſe *Primum*, ullo quidem in ſenſu. Nam ſi *Primum*, tunc *Secundum* & ſic deinceps ad noſtra uſque tempora. Atque ſic ſeries numerabilis foret, & ex conſequenti finita; quæ Repugnantia eſt, quia ſic ſucceſſio eſſet & infinita & finita ſimul.

Verùm reſpondeo, Primò, quòd demonſtrare poſſum, eſſe *Primum* in infinita ſucceſſione, ex iſtiusmodi quidem Principiis quæ ipſe Atheus aut concedat aut debeat ſaltem

|| Antidot. lib. 3.  
cap. 9. ſect. 8.

|| Antidot. lib. 3.  
cap. 7. ſect. 6.

|| Antidot. lib. 3.  
cap. 12. ſect. 2,  
3, 4.

|| Vide Antidot.  
lib. 3. cap. 15.  
ſect. 5.



saltem necessariò concedere. Cujusmodi est, Materiam esse ab Æterno, aliquàmque saltem illius partem motam fuisse ab æterno. Jam verò manifestum est hanc Materiam motam ab Æterno aut à seipsa motam fuisse aut ab alio. Si posterius, tunc habemus *Primum* in infinita motuum successione. Nam id quod Materiam hanc movit ab æterno motam, *Primum* est in ordine *Causalitatis*. Quod indubitatò verum cui-libet apparebit, qui mentem nostram intellexerit.

Sed affirmabis hanc Materiam ab Æterno motam à seipsa motam fuisse. Esto; Nulla tamen illius pars se movere potest in pleno hoc Materiæ Oceano, qui ex nullo excluditur spacio, quin in aliam aliquam Materiæ partem impingat simulatque se moveat, eaque in aliam, & sic deinceps. Atque sic esse posset motuum successio ab æterno sive infinita, & tamen *Primum* in ordine *Causalitatis*. \* Nam ille *Primordialis* Materiæ *Motus* manifestò primus est & *Causa* reliquorum. Nec acquiescere potest mens nostra donec penetraverit ad tale aliquod *Primum* in ordine *Causarum*.

Et tum deinde, Ad subtilem istam Argumentationem, quæ probare vult hanc infinitam successionem & finitam & infinitam fore, respondeo, Merum esse Sophisma ab ambigua voce, *Primum*, quæ significat aut *Prioritatem Successionis*, aut *Prioritatem Causalitatis*. Si primo in sensu admittamus *Primum*, successio finita erit si proprias appellemus facultates, non possumus enim quin ultrà excurramus, quandoquidem successionem in *Primo* illo limitatam deprehendimus. \* Sed in altero sensu *Primum* nullos ponit limites successioni, sed liberam illam relinquit & infinitam.

Vel sic respondere possumus, Quòd incipientes ab hoc momento & pergentes ad *Primum* Motum *Primordiale*, appellantesque præsens hoc momentum *Primum*, proximèque præcedens *Secundum*, ascensuri simus ad Numerum revera Infinitum, nisi quòd Intellectus noster exitum nunquam sit inventurus: Veruntamen quòd Intellectus Divinus exitum hæc invenerit, nequaquam ex eo sequi Numerum fore finitum, quoniam Mens infinita, infinitum Numerum posse comprehendere rectè censeferi potest. Quantum verò ad nos qui captu tantum finito gaudemus, siquis ausit *Primum* in Infinita successione nominare, appellare quidem debet τὸ πρῶτον ἀπειρον, *Primum infinite finum*, ingenuèque fateri se ad exitum nunquam pervenire posse, quippe cujus Intellectus est finitus.

5. Quinta & ultima Objeccio fit contra Narrationem illam de *Anseribus arboreis* in Insula, *Pile of Foulders* Anglicè dicta, ex *Gerardo* allatam. Objicitur enim à quodam qui loci illius accolæ ea de re sciscitatus est, eam narrationem ab eis sibi non fuisse confirmatam, sed eos dixisse tantum, locum anni tempestate ob Avium Nidos valde esse notabilem, & vix deambulare posse quempiam in Insula quin quocunque pedem inferret statim ovorum nidum sit conculcaturus. Verum ad hoc responderi potest, aut quos consuluit, homines fuisse quibus parum cordi essent hujusmodi curiositates, aut putrida Navigiorum fragmenta truncosve arborum, quæ maris alluvie huc adacti essent, jamdudum ejusdem astu fuisse ablatis, atque sic cum exempla rerum hujus raritudinis recenter non essent renovata, earum memoriam facile extinguì posse apud quamplurimos Finitimorum. Nam sexaginta ferè anni elapsi sunt ex quo *Gerardus* scripsit; & dum in vivis erat, ultrò in se suscepit narrationis confirmationem per testes idoneos, profitereturque se nihil declarare, quàm quod oculis viderat, propriisque contrectaverat manibus.

Additque insuper Historiam de altero gerere Anserum arboreorum, quos conchis suis inclusos ex vetusta arbore putrefacta collegit in littore Anglicano, *Dubrim* inter & *Rumneiam*. Horum multos secum adduxit *Londinum*, conchasque aperiendo, quæ à Mytilorum Imagine non multum abludebant, Aves hæc reperit in variis Maturationis gradibus, in quibusdam conchis, informes tantum massulas, in aliis Aves formatas quidem sed nudas, in aliis easdem formas ac species, & lanugine etiam obductas, conchæque hiantes, elapsuris similes.

Possum & tertium genus adjicere, à Nobili quodam ex *Hibernia*, mihi descriptum, quos sæpenuerò in istis littoribus observaverat, sed non multum refert istorum descriptioni hæc insistere. Summa quò collineo hæc est: Quòd fama de avibus ex putrefactione genitis admodum est certa. Qua de re ipse equidem, per Nobilis illius literas perinde atque per *Gerardi* narrationes tam firmiter sum persuasus, ut fatear ingenuè me nullo modo de ea posse dubitare. Et meritò quidem meam credulitatem excusare posset, si justè hæc illius culpæ possem esse suspectus, quòd ipsi, qui hæc objecit, post diligentioris inquisitionem, plenè tandem de eadem veritate satisfactum sit.

6. Respondimus jam omnibus Objectionibus tam *Philosophicis* quàm *Historicis* contra loca illa particularia libri tertii factis. Restat tantum una, eaque naturæ ma-

gis universalis, tantique sanè momenti, ut nisi illi satisfecero, Institutum præcipuum universi Libri tertii contra *Atheismum* ( in quo id maximè satago, ut per Historiam de *Spiritibus* ad Existentiæ *Dei* fidem homines perducam ) penitus sit subversura. Concesso enim omnes istas Historiolas veras esse, minimè tamen indè sequi aiunt, quòd *Spiritus* sint, eo sensu quo ego *Spiritus* definio, talive significatione quæ in nostra explicatione Ideæ *Dei* intelligenda occurrit, nempe, quòd sit substantia immaterialis sive incorporea quæ Materiam penetret atque ætuet. Ipsi enim nihil aliud sunt quàm tenuius quoddam corporis genus, cuiusmodi est *Aer* vel *Ignis*, aut tale quodvis subtile Elementum, non autem purus *Spiritus*, juxta nostram *Spiritus* definitionem.

Si hoc verum esset, fateor equidem ultimum nostrum Librum adversus *Atheismum* vis nullius fore, nec vel minimum momentum facere ad eum scopum cui est destinatus. Nam si *Deus* sit, necesse est ut *Spiritus* sit propriè sic dictus, alioqui Infinitus esse nequeat. Nec potest esse universa hæc Mundi Materia licet infinita supponeretur, quia tunc nihilominus non posset esse *Perfectus*. Sed essentia esse debet à qua hæc Materia dependet, & in qua est, penetrans possidensque omnia. Quod quilibet facilè crediturus est, qui certò sit persuasus particulares esse *Spiritus* qui actuant penetrantque hanc vel illam partem Materiæ, quod contendo eas narrationes quas attuli evidenter evincere.

7. Appello enim quemlibet qui noverit quid sit *Ignis* atque *Aer*, annon mera solutarum particularum Materiæ congeries æquè reverà sint, atque quivis cumulus *arenularum*. Hoc solummodo interest, quòd particula tam tenues sunt, ut sint invisibiles nec distinctè à sensu percipi possint; sed æquè verè sunt disjunctæ Atomis, ( si sic appellare fas sit, quod adhuc est divisibile ) quàm *arena granula* suprà dicta.

8. Jam verò hoc supposito, quod nemo nisi rerum Philosophicarum ignarus potest negare, planè inveniemus res istiusmodi à *Spiritibus* præstari quemadmodum vulgò appellitantur, quæ nullo modo compagi cuiquam horum tenuium granulorum, Atomorumve Materiæ ex quibus *Aer* & *Ignis* consistunt, competere possunt. Primò enim, Aut omnia hæc Granula Atomive Materiæ Sensum in se habent, Imaginationem & Intellectum, aut pauca tantum, aut unum denique solummodo. Si omnia vel pauca aliqua, manifestum est tot esse Res distinctas intelligentes. Res verò distincta intelligens *Persona* est, ità ut una hæc *Persona* multæ *Personæ* sint. Quod admodum repugnans est, aut saltem immane quantum ridiculum. Quod si Sensus, Imaginationis & Intellectus sedes sit in uno tantum, què fieri potest, ut unum istud granulum atomusve reliquas omnes motu spontaneo valeat promovere? Et par profectò ratio foret si sensum & rationem in paucis aliquibus Atomis internis collocaremus. Quomodo enim eas quæ ponè sunt sitæ, secum ducere possunt, secumve trahere quæ sunt ad latera, aut ante se propellere, ità ut non separentur ab internis istis Atomis nec à tergo relinquantur? Et tamen admodum probabile est, quòd sedes sensus ac perceptionis, per exiguo aliquo spacio in vehiculo *Spiritus*, circumscribitur, quippe quum ità fiat in corpore humano. Nam \* ni hoc ità esset, sed unaquæque pars vehiculi sensum in se haberet, Objectum externum in nescio quot locis eodem tempore appareret, rerumque imagines aut omninò confunderentur; aut Atomis, postquam agmine composito incedere inceperint, à scopo aberrarent, propriumque directò sensum singulæ sequentes necessariò à se invicem separarentur, compagemque integram dissiparent.

9. Deinde, Manifestum est, illud, quod in Spiritibus facultatem habet *sentiendi*, *reminiscendi* etiam facultatem habere, alioquin Objecta sensus in memoriam revocare minimè valerent, si unum idemque in ipsis non esset, quod & *sensu* pollet & *memoriâ*. Illud verò quod *reminiscitur*, etiam *imaginatur*, & quod *imaginatur*, per suæ Imaginationis vim, vehiculum transformat in varias formas ac figuras, illucque continet in tali forma, quamdiu sibi visum fuerit.

Jam igitur quæro, què hoc fieri potest per unicam vel paucas particulas Atomusve in ulla vehiculi parte residentes? Quomodo reliquas aut continere possunt, autprehendere, quò eas restringant constringantve in hanc vel illam formam, putà *Canis*, *Pullus equini*, aut *Hominis*? Dicere verò Imaginationem esse in unaquaque parte vehiculi, itaque admittere istas particulas imaginari quæ nè sensum quidem habent ( ut certè maxima earum pars non habere videtur, ex eis quæ modò dicta sunt ) ab omni ratione est alienissimum.

10. Tertiò, Illud quod à *Lucretio* assertur adversus Animæ Immortalitatem, supposito quòd talis congeries parvarum Atomorum sit, quales Spiritus hæc supponuntur, æquè validum argumentum est adversus Existentiā id genus Spirituum. Nam ventorum flatu ut lucerna extinguerentur, aut discerperentur tempestatibus, & in vagos dissiparentur fumos ac nubeculas.



11. Quartò & ultimò, *Transportatio pecorum per Aerem*, ipsarumque Sagarum ad Nocturna sua conventicula, si *Spiritus* sive *Dæmones* nihil aliud sint quàm subtilium Atomorum *Aereorum* vel *Igneorum* congeries, sine ullo interno Principio immateriali quod facultatem habeat particulas firmiter in unum continendi, res factu planè esset impossibilis. Manifestum enim est Hominem Bestiàmve pondere suo degravatam per aërem esse perlapsuros, nec cessaturos unquam donec terram attigerint; atque ità profectò perlapsuri essent per *vehiculum Spiritus*, quod æquè subtile est, fluidum atque mobile quàm ipse Aër, ni aliqua inesset Essentia interna ac Principium quod constringere valeat & in unum continere fluidum hoc corpus sive vehiculum Spiritus, atque sic efficere ut pondus sustineat. Nam omnia corpora sive dura sive fluida, perinde impenetrabilia sunt; ac propterea si vis aliqua ità Aërem in unum contineret ut in eundem ferè ambitum sive spacium restringeret, nec mutaret tamen naturalem ejus consistentiam, Aëri in vesicam incluso haud absimilis esset, possètque quispiam æquè tutò ei incumbere, atque molli lecto, nec periculum erit nè perlabatur.

Cæterum in hac *solutili* Atomorum congerie, præter quas nihil omninò aliud Spiritui inesse contendunt, (quamvis admitteremus quidem ridiculam illam suppositionem, quòd unaquæque Atomus imaginari potest seseque adjungere ad commune Institutum arctè omnia continendi in unum) difficile tamen est intelligere, quin actualis hæc Divisio totius in tot tenues, subtiles invisibilisque particulas ità debilitatura sit nixus spontaneos ad onus sustinendum ac deportandum, ut earum studia semper reperirentur frustranea.

12. Sed nihil opus est in eo insistere \* quod fortean videri potest aliquanto magis lubricum, cùm illud quod magis conspicuè incongruum est nostro conspectui se offert. Etenim cùm hæc aërearum vel ignearum particularum strues sola sit substantia quæ in Spiritu esse agnoscitur, cùmque unaquæque atomus imaginatione & ratione prædita sit, quo unum aliquod opus conjunctim promovere possint, equidem necesse est, quemadmodum suprà monui, ut æquè propriè dicendæ sint tot distinctæ *personæ*, atque Arenæ granula tot distincta *Individua* Materiæ, ac proinde unusquisque Dæmon est reverà 5000 Myriades Dæmonum & ampliùs, id quod longè abest ut quisquam somniet unquam vel admittat quicquam esse nisi insomnium, si de eo vigilans fortè cogitaverit. Quòd si res hujusmodi non agnoscentur absurda, sed perfrictà fronte admittentur, & sine masticatione deglutientur tanquam primo aspectu veræ, equidem fateor nullam valere demonstrationem contra impudentiam ac pertinacitatem, nec apud istiusmodi homines me posse probare, aut Bruta Animalia vitam habere, aut pulvisculos qui in radiis solaribus per foramen ingressis ludent, sensu ac ratione destitui.

13. Horum Argumentorum materiam, quemadmodum meminisse potest Lector, aliàs adhibui, quò probarem incorporeum aliquod Principium in humano corpore residere atque agere; verùm eorum forma atque applicatio in hoc loco non parum differt, ipsorumque vis longè magis conspicua est ac manifesta, quippe quòd fixa consistentia Mechanicæque fabrica humani corporis multa præstare valeat quæ fluidum & inorganizatum Ignis Aërisque vehiculum nullo pacto possit, nisi admittamus Essentiam Immaterialem ipsi inesse, totumque penitus ità possidere, ut potestatem habeat constringendi ipsum atque transformandi in varias istas formas in quibus apparet. Ac propterea quanquam Argumentationes nostræ pro immateriali Anima in corpore Humano, solidæ sint ac irrefutabiles; tamen cùm veritas modo magis palpabili atque indubio demonstrabilis sit in Igneis Aëreisque Spirituum quos vulgò vocant vehiculis, equidem *Tertium* Librum nostrum *adversus Atheismum* admodum utilem esse existimo, si non necessarium, nequaquam autem superfluum aut supervacaneum.

## SCHOLIA

## In CAP. XIII. SECT. I.

**S**piritum posse corpus sistere ac fixare perinde atque illud movere, &c. Sed dispi-  
ciendum porrò est, an ista fixatio mansura sit postquam Spiritus se subduxerit. Et si  
maneat, an id non potius virtute Plasticæ fiat Anima Sage Magiæ, aut vi Spiritus Naturæ  
aut utriusque, (idque tunc solùm quando Transformatio debitam Temperiem particularum  
corporis non corruperit) quàm solâ Dæmonis fixatione, qui potius temporaneâ constrictione

partes in unum continere videri potest, quàm per permanentem aliquam σύμφυτον, (quæ aut Archei proprii, aut Universi opus est peculiare,) eas conglutinare.

Quod secundùm indubias Naturæ leges in eo statu permanfurum sit, &c. Equidem sic foret si verâ Symphysi-Damon partes cœnire posset; sed si tantùm constringit, fieri potest ut istâ constrictione cessante, partes corporis non magis cohereant quàm manipuli Arenæ granula pugno constricta, quæ expansâ manu diffluunt ac solvuntur. Sic credo fore, nisi Archeus proprius Spiritusque Naturæ suas etiam partes hic agant, nec naturalis partium temperies sit corrupta. Unde credibile est veram ipsius corporis transformationem vix fieri posse (nam de vehiculis aereis alia est ratio,) nisi non magna sit inter naturalem, & ascititiam speciem formæve, staturæ inæqualitas.

Sect. 4. Nam ille primordialis Materiæ motus manifestò primus est, &c. Equidem hoc manifestum videtur si esset huiusmodi infinita motuum successio, Materiæque innatâ vi atque insitâ se movisset. Fuiſſet enim proculdubiò motus ordine Causalitatis omnium primus. Sed ut sit æterna successio, impossibile esse abundè demonstravi in Enchiridio Metaphysico. Adèd ut nullus locus omnino reliquus sit Adversariorum subterfugiis, sed omni ex parte Objectiones eorum vacillent.

Sed in altero sensu Primum nullos ponit limites successioni, &c. Nempe quando Primum significat prioritatem tantùm Causalitatis. Nam nisi hoc esset, impossibile foret ut Mundus sit ab æterno, sive à Deo sive à seipso extiterit. Sed hac de re minùs nunc sollicitos nos esse oportet, cùm in Enchiridio Metaphysico tam clarè demonstraverim nullam Durationem successivam esse posse ab æterno. Quas demonstrationes si negaverit Atheus, tamen hæc ipsa quæ hîc sunt præ manibus, talia sunt ex quibus se nunquam sit extricaturus. Ut nihil dicam de Generationibus spontaneis, sive ex putrefactione, & de Cometis in Planetas conversis, quos ab aliquibus Animalibus habitari, opinio est à quâ moderni Philosophi haud itâ abhorrent.

Sect. 12. Quod fortean videri potest aliquanto magis lubricum, &c. Ex eo utique quòd venti aliquando conspiciuntur satis magna onera attollere. Ap verò tunc ipsi non moveantur & corroborentur à Spiritu Naturæ controversia est Ingenio Philosophico non indigna.

Sect. 13. Equidem tertium librum nostrum adversùs Atheismum admodum utilem esse, &c. Atque hinc constare potest quàm præstabilis usus foret Historiæ Pneumatologiæ, si cautè sanctèque hoc opus perficeretur, nullaque congererentur exempla nisi quæ meritò fidè digna videantur. Sed pauca hæc interim, quæ ipse congeſſi, præſenti Instituto abundè spero satisfactura.



ENTHUSIASMUS TRIUMPHATUS:

Sive De

NATURA, CAUSIS, GENERIBUS

&

CURATIONE

ENTHUSIASMI

Brevis Dissertatio.

Per HENRICUM MORUM

Cantabrigiensem.

Πολλοὶ μὲν γαρηνοφόροι, παῦροι δέ τε Βάκχοι.



L O N D I N I,

Typis R. Norton, impensis J. Martyn & Gualt. Kettilby,  
M DC LXXIX.

AS HOSI DNE EXAMINATOS

DI

NATURA CAUSIS GRIN

CUR STONE


ENTHUSIASM

Brows Diffatio

RE HAVRIOM

Chapman

Howe the last



LODGE

THE NEW YORK PUBLIC LIBRARY  
ASTOR LENOX TILDEN FOUNDATION  
125 WEST 4TH STREET  
NEW YORK



DE  
NATURA, CAUSIS, GENERIBUS  
&  
CURATIONE  
ENTHUSIASMI  
Brevis Dissertatio.

S E C T I O I.

*Quàm magna Affinitas sit & Confœderatio Enthusiasmum inter & Atheismum.*



*A*theismus & Enthusiasmus etiam si adeò ex diametro alter alteri oppositi videantur, in multis tamen rebus quàm arctissimè consentiunt. Nam ut præteream unanimem ipsorum conspirationem contra veram Dei Notitiam ac Religionem, hospitantur ut plurimum, quanquam per vices, in eodem corporis Temperamento. Illa enim Temperies quæ hominem inclinat ad auscultandum Magisterialibus præpotentis *Imaginationis* dictatis magis quàm tranquillis cautisque liberæ *Rationis* Insinuationibus, Diversorium est ad quod hi nefarii Hospites alternis vicibus facilè se recipiunt.

Nam ut *Insomnia* *Imaginationes* sunt *dormientium*, ità *Imaginationes* nihil aliud sunt nisi *Insomnia Vigilantium*. Atque hæ *Imaginationes* quidem interdum, ut ista *Insomnia* noctu, variabunt cum cœlo, præsentique corporis temperamento mutato commutabuntur: Adeò ut, qui ad igneam tantum atque *Enthusiasticam* Dei agnitionem pervenerunt, victis alteratio, faculenta senectus, præsenive fuliginosæ *Melancholiæ* suffocatio, pari cum confidentia *Imaginationi* ipsorum representatura sit, Deum non esse, quàm unquam ipsis representatum sit, esse Deum. Atque tunc quidem, postquam nobiliorum, *Rationis Intellectusque*, facultatum usum perdiderint, ex necessario Naturalium Causarum nexu ac sequela, æquè audaces *Athei* jam erunt, atque antea fuerant præfidentes *Enthusiastæ*.

Neque certè hi duo turbulenti hospites unam eandemque Personam sibi suisque usibus alternatim tantum possident, sed mutuas alter alteri suppetias ferunt, etiam dum in diversis personis hospitantur. Nam *Atheus* dum acumen rationemque naturalem tantopere crepat, (quanquam profectò animi illius immunditia efficit, ut ineptè admodum & allucinanter istis doribus utatur) facit omninò ut *Enthusiastes* pro persuasissimo habeat, *Rationem* haud idoneam esse Ducem ad Deum: Et *Enthusiastes* vicissim dum vaga tumultuaria suæ *Imaginationis* deliria pro indubitatis Divinæ Sapientiæ Principiis dictat, *Atheo* quidem confirmat, totam rem Religionis Notionisque Dei nihil aliud esse quàm molestum nimis sollicitæ *Melancholiæ* Paroxysmum.

Quamobrem cum huiusmodi arcta sit affinitas, mutuæque inter has duas enormes Animi Intemperies, *Atheismum* & *Enthusiasmum*, societas & confœderatio, valdè consentaneum existimo, postquam de priori satis copiosè egerim, brevem hanc de *Natura, Causis, Generibus atque Curatione* posterioris hujus morbi, *Dissertationem* hinc addere.

S E C T.

## S E C T. II.

*Quid sit Inspiratio & quid Enthusiasmus.*

**E**tymologiam & varietatem significationum hujus vocis, *Enthusiasmus*, Criticis relinquo atque Grammaticis. Quid verò nos per eam hæc intelligamus plenius percipies, postquam quid *Inspiratio* sit, definiverimus. Nam *Enthusiasmus* nihil aliud est quàm falsa cujusvis de se opinio, quòd sit *Inspiratus*. Jam verò *Inspirari*, est modo quodam extraordinario moveri per vim Divinam Deive Spiritum, ad agendum, loquendum, cogitandumve quod sanctum est, justum atque verum. Atque hinc facillè intelligitur quid sit *Enthusiasmus*, nimirum Plena sed falsa persuasio in homine quopiam, quòd sit *Inspiratus*.

## S E C T. III.

*Investigatio Causarum Enthusiasmi in facultatibus Animæ.*

**I**nquiremus jam in *Causas* hujus Intemperiei, quæ fiat ut quis in rebus suis pensandis tam planè fatuus atque demens evadat. Atque equidem nisi magis jejunam rei explicandæ rationem adhibere velimus, quàm cujus ipsa capax sit, non solum hîc nobis tractandum est de *Melancholia*, sed de facultatibus Animæ humanæ, quòd melius intelligi possit unde fiat obnoxia istiusmodi *Melancholia* perturbationibus, in quibus judicium suum ac libertatem prorsus perdiderit, quippe quæ nec proprias suas *Imaginationes* à solidis *Veritatibus* distinguere possit, nec easdem à seipsa abarcere.

## S E C T. IV.

*Distincti gradus naturæque suarum facultatum.*

**D**iversos igitur facultatum Animæ notare debemus gradus, ac naturas, quarum infimas quidem exercet sine omni perceptione vel animadversione suarum actionum. Atque hæ Operationes *fatales* ac *naturales* ei sunt quamdiu manet in corpore. Et quantum quidem ad has, *homo* perpauxillum differt à *Planta*; quas proinde *Vegetativas* sive *Plantales* Animæ facultates meritò poteris appellare.

Infimæ istarum facultatum quarum præsentis Operationis ullam habemus perceptionem, sunt *sensus externi*, qui postquam Objecta ad Organon sensitivum pertigerint, non possunt non operari, hoc est, Anima non potest quin ipsis afficiatur, nec in illius potestate est, aut saltem admodum ægrè, suam perceptionem suspendere.

Unde manifestum est, Animam humanam ità comparatam esse ut necessariò ac fataliter expergeri queat in *Phantasmata* ac *Perceptiones* sine omni consensu suæ voluntatis.

Quod verum etiam reperitur in *Imaginatione*, quamvis ista facultas liberior sit priori. *Insomnia* enim quid aliud sunt quàm *Imaginationes* & *Perceptiones* dormientis? Quæ tamen Animam dormientis obrepunt aut ex illa oriuntur sine ullo jussu aut consensu suo. Quemadmodum maximè omnium manifestum est in istiusmodi insomniis quæ dolorem inferunt, vehementique cruciatu nos exercent donec ex eis experrecti simus.

Et consimiles quidem obreptiones atque importunæ & inevitabiles cogitationum suggestiones quæ se animo obferunt & obtrudunt, observari etiam possunt interdum secundum naturam sive vim temperamenti corporum nostrorum; quanquam quomodo corpus cogitationibus vel Imaginationibus mentem illiget maximè manifestum sit in *semno*. Etenim prout *Cholera*, *Sanguis*, *Pituita*, aut *Melancholia* prædominatur, ità erit *Insomniorum* nostrorum scena, idque sine ullo addubitationis fræno aut repagulo, de veritate aut existentia earum rerum quæ tunc apparent.

Cujus quidem rei nullam aliam rationem comminisci possumus, præter hanc ipsam, nimirum, Quòd intima sensus sedes admodum plenè ac vividè afficitur, eo fere modo quo ab Objectis interdum. De quorum reali Existentia certitudo ordinaria est, quòd tam fortiter feriunt afficiuntque facultatem sensitivam; quæ in externis Organis



nis non refidet : non magis fanè quàm peritia artificis in Instrumentis fuis, fed in interioribus aliquibus recessibus Cerebri. Ac proinde cùm vera ac realis Sensûs fedes afficiatur in *somno* perinde atque dum vigilamus, minùs profectò mirandum est, si Anima *insomnia* sua, dum adhuc somniat, insomnia non esse, sed veras rerum transactiones autumat.

## S E C T. V.

*Cur Insomnia, donec evigilaverimus, vera rerum videantur transactiones.*

JAM verò quòd sensus internus in hisce *Insomniis* tam vividè afficitur, hinc proficisci existimo, Quoniam Cerebrum, Spiritus Animales, vel quicquid sit in quod Anima, inter Operationes suas *Imaginativas*, agit, non magnoperè quidem moventur, alterantur aut agitantur ab ullo motu externo, sed figurationem istam si-ve modificationem in quam Anima necessariò ac naturaliter in *somno* ipsa formaverit, plenè integrèque conservant : Adeò ut opinio veritatis illius quod nobis repræsentatur in *Insomniis* nostris hinc oriatur, quòd Imaginatio tunc temporis ( hoc est, interna Cerebri si-ve Spirituum in hanc vel illam Repræsentationem figuratio ) multo fortior sit quàm ullus motus si-ve agitatio *ab extrà*, quæ vigilantibus internam Imaginationem obfuscatur atque obscuratur, ut lumen Solis Lucernæ lumen in Conclavi. Et tamen etiam in hisce circumstantiis, Imaginatio secundùm *Aristotelem* est *αιδνωσις τῆς αἰσθησις*, Sensationis quoddam genus, licet debilius atque infirmius.

Sed enimverò si tam fortis esset, ut contra omnes *externorum* Objectorum occursum atque impulsus ita obniti posset, ut minimè frangatur aut debilitetur, sed integram se conservet, & in pari splendore ac vigore cum eis quæ repræsentantur *ab extrà*, idque non *arbitrariò* sed *necessariò* & *inevitabiliter*, quemadmodum jam monuimus ; is qui sic afficitur, non posset quin propriam suam Imaginationem pro *reali Sensûs objecto* accipiat : Quemadmodum cuidam contigit, cujus mentionem *Cartesius* facit ( suntque alia multa id genus exempla ) cujus brachium cùm amputatum esset, ipsèque adhuc maneret capite obnuptus, de dolore in hoc & illo digito conquestus est, cùm totum tamen brachium amisisset.

Atque alia huc adjici possunt exempla in hominibus *Maniacis* si-ve *Melancholicis*, qui confidenter affirmarunt se *Damoni* occurrisse, aut cum *Angelis* collocutos esse, cùm tamen nihil aliud fuerit quàm cum propria Imaginatione congressus & colloquium.

## S E C T. VI.

*Enormem vim Imaginationis causam esse Enthufiasmi.*

Quamobrem enormis vis est *Imaginationis* ( quæ tamen Animæ debilitas est atque impotentia quâ in phantasmata eousque subsidit depressa ut ad liberiorum suarum facultatum *Rationis* putà atque *Intellectûs* usum se recipere nequeat ) quæ tam pertinaciter hominem illigat ad fidem adhibendam *Mendacio*.

Atque equidem si tam fortis sit ut persuasissimos nos reddat de alicujus *Objecti externi* præsentia, quod tamen non adest, cur non æquè efficax esse potest ad fidem ingenerandam interiorum aliquarum cogitationum quales referuntur de Hominibus *Maniacis* atque *Fanaticis*, qui tam firmiter atque constanter crediderunt seipso, *Deum Patrem, Messiam, Spiritum Sanctum, Angelum Gabrielem, Postremum atque summum Prophetam* quem Deus missurus esset in hunc Mundum, & similia ?

Conceptus enim eorum non tam puri sunt si-ve immateriales, nec tam solidi *Rationis* ve consentanei, quin fortè aliquod *Phantasma*, exuberansve *Imaginatio* ista verba apud ipsos semper concomitetur ; Cujus exuberantia atque claritas, ut in exemplis modò allatis, fidem naturaliter Animæ obtrudit veritatis atque existentiae illius rei quam tam vividè percipit ; cùmque tam plenè integrèque immersa sit in hoc commentum falsamve perceptionem, & tam vehementer eadem affecta, aut patientiam non habebit perpendendi quicquam quod contra ipsam allatum fuerit, aut si perpendat reperiatur se irretiri atque implicari, tanquam humanum aliquod sopsima considerabit, propriamque Infallibilitatem vel Infallibilitatem Spiritûs, omnibus cujusmodicunque *carnalibus Ratiociniis* præponet ; ut illi quorum imaginationes, longo usu & educatione, in aliquo falsæ Religionis articulo absurdo corroboratæ sunt & confirmatæ,

firmatæ, quanquam in aliis fortasse rebus satis sapiunt, firmiter Conclusioni adhærebunt, Demonstrationes quantumvis clariffimæ adducantur in contrarium.

Jam verò, quod Conluetudo & Educatio gradatim faciunt, idem efficere potest breviori tempore malefana *Imaginatio*. Res verò sic se habet utrobique quemadmodum in *Insomniis*, ubi illud quod repræsentatur necessariò accipitur pro vero, quia nihil fortius adest, quod enervet perceptionem. Nam quemadmodum *externorum* Organorum sensus ligatio, istiusmodi fluctuationes undulationesque motus externi prohibet, quæ has in somno occurrentes Repræsentationes frangant obfcurèntve; ita præjudicium obfirmatæque in opinione confidentia, etiam tum cum vigilat quispiam, fatuam illius *Imaginationem* ab omnibus Rationis aggressuris, quæ ullam dubitationem incutere possint, vegetam sartamque tectam conseruant.

Nec magis mirandum est quòd mens in reliquis sana sit, quanquam in una aliqua re adeò deliret, quàm quòd is qui in Nemore Dæmonem se videre putat, non omnino aberret in loci circumstantia, sed eandem ipsam semitam conspiciat, flores atque gramina, quæ alter mentis compos ibi conspiciat perinde atque ipse.

In summa igitur, Origo istiusmodi pertinacium delusionum quibus gens humana obnoxia est, *Imaginationis* vis est enormis atque vigor. Quæ quidem facultas quamvis aliquatenus in nostra potestate sit, uti & *Respiratio*, operatur tamen etiam injussu inconsultæque nostro. Atque hinc homines vel inviti *Maniaci* fiunt & *Fanatici*.

## S E C T. VII.

*Causæ variæ naturales ac corporeæ quæ necessariò in Imaginationem agunt.*

JAM verò quid illud in nobis sit quòd *Imaginationem* nostram adeò teneat captivam, tamque longè extra ictum auditumve liberioris illius ac superioris facultatis *Rationis* abducat, difficile est speciètim definire. Multas verò res esse *Materiales* quæ certissimè mentem *Imaginationem*ve mutant, ipsa experientia abundè testatur.

*Imaginatio* enim alteratur ad sanguinis alterationem atque spirituum, (quemadmodum suprà monuimus, eoque *Insomniorum* exemplum adduximus) & certè res admodum exiguæ eos alterabunt etiam tum cum vigilamus, ipsa Cœli mutatio, variæque Aëris temperies, Fumi paululum, sive suffumigationis; quemadmodum factum est in istis Seminibus, quorum mentionem facit || *Pomponius Mela*, quæ *Thracæ* quibus Vini usus nondum innotuerat, in Festis solebant Foco injicere, quibus inebriabantur ad æquè altum hilaritatis gradum atque isti qui liberius uvarum sanguinem bibunt. Cujus tamen vis tanta est, ut, quemadmodum loquitur || *Josephus*, novam videatur in bibente animam creare. *Μεταποιεῖ δὲ καὶ μεταγεννᾷ τὰς ψυχὰς ἐν αὐταῖς γενόμεναι.* *Transformat ac regenerat animam in novam naturam postquam introiverit.*

At enim pro certo novam cogitationum scenam ut plurimum in mentes eorum introducit, quibus liberius ipsum bibendi data sit occasio. Quod in causa erat cur *Perse* nullum grande negotium aggredi nec ullam magni alicujus momenti pactionem conficere voluerint, nisi rem prius perpendifsent, tum *bene madidi*, quod dicitur, tum *sobrii*. Nam si per omnes istas repræsentationes specièsve quas duæ illæ contrariæ Temperies mentibus ipsorum exhibuissent, rem approbabant, certos se existimârunt quòd tutò progredi possent & cum successu.

Et tamen *Vinum* non semper tam mutat cogitationes temperièmq; alterat, quàm ad gradum altiorelem elevat, adeò ut effectum aliquando contrarium reperiatur, propter solam ingenii hominum diversitatem; quippe quum inebriati, alii plorant, alii rident, alii in majorem emollescunt benignitatem, alii ad iram fiunt propensiores. Non absimiliter atque contingit eis qui à *Tarantula* icti sunt; Alii perpetuò rident, alii canunt, alii plorant, &c. quemadmodum || *Sennertus* notat ex *Matthiolo*. Quod verò utrique maximè admirari videntur, hoc est, nempe quòd *Tarantulorum* phantasia Musicâ tantopere capiatur; Neque enim dolorem tantummodò obliviscuntur, sed incessanter etiam saltant. Qua de re *Epiphanius Ferdinandus* de sene quodam nonagesimum & quartum ætatis annum agente memorabilem Historiolam narrat, quippe qui cum scipioni innixus vix prorepere posset, ictus tamen à *Tarantula* ad auditos Musicos concentus statim profiliebat subsultabátque ad instar Hædiculi.

Huic affine est illud *Insaniæ* genus quod *S. Viti* tripudium appellant, quem morbum *Sennertus* rectè affirmat à maligno quodam humore in corpore genito & Veneno *Tarantulae* admodum consimili proficisci. Quod adminiculo nobis erit ad explicandas causas mirabiliorum operationum in phantasiâ, quàm hætenus commemora-

vimus.

|| *De situ Orbis*,  
lib. 2. cap. 2.

|| *Antiquitat.*  
*Judaic. lib. 11.*  
cap. 4.

|| *Medicin.*  
*Prætic. lib. 1.*  
part. 2. cap. 17.



vimus. Cujusmodi, exempli causâ, sunt *λυκανθρωπία, γαλεανθρωπία, & κυνανθρωπία*, quæ mentis intemperies sunt quibus homines se imaginantur *Lupos, Feles* vel *Ganes*.

## S E C T. VIII.

*Ciborum vis & efficacia ad mutandam Imaginationem.*

**M**ultæ sunt Narrationes in suprâ dicto || Authore de viribus quas alimentum habet ad operandum in *Imaginationem*, & ad mutandum hominis Ingenium in naturam illius Animalis cujus sanguine lactève nutriatur. ¶ Institut. Medic. lib. 2. part. 3. sect. 2. cap. 4.

Puella *Breslavenfis* cum Epilepsiâ affecta esset, à conspectu Capitis Malefactoris per carnificem amputati, postquam multa alia Remedia nihil profecissent, id tandem ei persuasum est à quibusdam ut Felis sanguinem biberet; quo facto, non multò post puella in naturam proprietatēque illius Animalis degenerat, felis vocem saltūque imitatur, mures venatur pari silentio ac vigilantia quā illæ solent, eos persequens quā proximè posset, ad parva usque eorum latibula. Hæc Narratio transcribitur ex *Weinrichio*.

Brevitèrque alteram apud eundem Scriptorem narrationem attingit, de quodam, qui postquam sanguine suillo diu enutritus esset, in præcipuis oblectamentis habebat se in cæno versare ac volutare; quemadmodum & de puella altera, quæ cum diu in cibum lacte caprino usa esset, capræ instar saltare visa est, frondēsque arborum, ut capræ solent, depasci.

Possumus & quartam addere Narratiunculam de quodam qui comedendo *Ursi* cerebrum ad ursini accessit ingenii similitudinem. Sed minoribus hisce effectuum exemplis diutiùs non immorabimur.

## S E C T. IX.

*Baptistæ Portæ potio quæ in Imaginationem operatur.*

**B**aptista Porta rem longè insignioribus exemplis illustrat, quippe qui profitetur sibi familiaritatem fuisse cum quodam, qui quoties volebat, hominis imaginationem ita alterare potuit, ut eum faceret seipsum imaginari hanc vel illam Avem, Bestiam, aut Piscem, hominēque in hoc delirio sic delusum movere velle corpus suum, ad eum quā proximè posset modum, quo id genus Animalia solent, & si vocalia erant, voces etiam ipsorum imitari. ¶ Magia Natural. lib. 7. cap. 2.

Potio hæc intoxicatoria ex certarum quarundam Herbarum Extractis componitur, ut *Solani Manici, Mandragora* aliarūque, unā cum corde, cerebro aliisque partibus hujus vel illius Animalis cujus imagine hominis phantasiā inficere volunt. Affirmatque de propria Experientia, postquam hujus rei periculum fecisset in aliquibus suorum familiarium, cum juvenis esset, unum ex istis, qui multum bovillæ voraverat, post sumptam potionem, fortiter imaginatum fuisse se Tauris esse circumdatum, qui eum cornibus suis subinde impeterent.

## S E C T. X.

*Morborum vis in Imaginationem.*

**Q**uod hæc in hisce rebus evenit, quarum causas perveſtigare possumus, idem nonnunquam illuc contingit ubi rationem tam plenè directēque eruere minimè valemus. Medici enim istiusmodi Insaniæ genera commemorant quæ efficiant ut homines confidenter seipsos imaginentur *Ganes, Lupos*, ac *Feles*, cum tamen nec carnem ederint, nec biberint sanguinem ullius Felis, Canis, aut Lupi, nec ullam istiusmodi hauserint potionem artificialem quam modò narraverimus, quò in tales morbos præcipitentur.

De causis hujusce mali nemo foeliciùs divinare potest, quàm fecit ipse *Sennertus* circa *S. Viti* tripudium. Etenim quemadmodum illuc corpus intelligitur ab aliquo maligno humore infestari, veneno *Tarantule* admodum congenere; ita in his morbis

merito concludere possumus tales fumos vaporéve ex aliqua corporis immunditie in cerebrum ascendere ( quanquam causas particulares non satis intelligimus ) qui maximam habeant affinitatem cum noxiis humoribus sive exhalationibus qui huc & illuc feruntur & imaginationem impetunt eorum, qui Felis sanguinem biberint, aut nutriti fuerint lacte suprâ dictorum Animalium, aut Potionem intoxicatoriam hauserint à *Baptista Porta* descriptam.

## S E C T. XI.

*De vi Melancholiae, & quomodo sepe numero unam aliquam absurdam cogitationem menti imprimat cum homo in reliquis rebus satis sanus sit.*

**M**ulta attulimus exempla magnæ illius vis quæ in causis naturalibus cernitur ad mutandum inevitabiliter *Imaginationem*, in eamque efficaciter operandum. Aliquid generalius nunc memorabimus, cujus tamen natura tam varia est & *Vertumno* similis, ut omnium ferè particularium vicem sit suppleturum. Est autem *Melancholia*. De qua testatur *Aristoteles*, quod secundum varios illius gradus ac temperies mirum in modum variantur hominum Ingenia. Quippe quæ quosdam tardos ac stupidos facit, alios efferatos, ingeniosos, amoris deditos, ad iram ac libidinem proclives, alios facit eloquentes, sermonisque nimios, alios denique ad *Vesaniam* usque & *Enthufiasmum* elevat. Exemplumque profert in *Maraco* quodam Poëta *Syracusano*, qui nunquam foeliciùs versificavit, quàm cum mente planè emotus esset, ipsisque furoris teneretur paroxysmis.

*Aristot. Problem. sect. 30.*

Sed quod maximè observatu dignum est in *Melancholia* postquam ad morbi naturam accesserit, hoc est, Quod unam aliquam absurdam *Imaginationem* menti tam firmiter inurit, ut nulla *Rationis* evidentia in contrarium, eam delere possit aut evelle-  
re. Quanquam homines qui sic afficiuntur, in aliis rebus perinde sapiunt mentisque compotes sunt atque ceteri mortales. Atque hoc quidem tam celebre est atque frequens, ut *Aretæus*, *Sennertus* aliique Medici ab hoc ipso effectu *Melancholiam* defini-  
verint.

*Sennert. Medicin. Practic. lib. 1. part. 2. cap. 8.*

## S E C T. XII.

*Antecedentis Observationis Exempla varia.*

**A***ristoteles* nulla hoc genus exempla nobis suppeditat, quæ aliunde igitur sunt petenda. *Democritus junior*, quemadmodum ipse se appellari vult, multas recenset Historiolas ad hunc scopum pertinentes. Ut ex *Laurentio* unam de quodam Poëta *Gallico*, qui cum unguento populeo in febris, ad tempora inungenda, quod somnum conciliaret, usus esset, unguenti illius odorem adeo averfabatur, ut post multos annos imaginatus esset unumquemque qui ad ipsum accesserit dictum unguentum olere, ac propterea neminem nisi à longinquo permisit secum colloqui, nec novis se induere vestibus voluit, quoniam idem eas unguentum olere putabat. Sed in aliis rebus omnibus satis sanus erat atque prudens, sermonisque æquè compositi & coherentis atque reliqui homines.

Habet etiam & alteram, de Generoso quodam *Limofinensi* ( ex *Antonio Verdeur* ) qui credebatur se unum tantum habere crûs, in istam opinionem terrefactus, ex ictu *Apri sylvestris* in eam partem, cum homo alioquin esset mentis satis compos.

Etiam tertiam adhibet ex *Platero*, de quodam suo conterraneo, qui fortè fortunâ cum in puteum incidisset, ubi ranæ ranarumque ova erant, paululumque aquæ deglutivisset, tam plenè postea persuasus erat se ranunculos in ventre suo habere, ut per multos annos hunc errorem corrigere nequiret. Medicinæ studio per integrum septennium operam dedit, quod remedium morbo investigaret. Profectusque est in *Italiam*, *Galliam* & *Germaniam*, ut Medicos ea de re conveniret, & postquam in *Platerum* incidisset, ipsum inter reliquos consuluit. Imaginabatur crocicum *Intestini* norum, Ranarum esse coaxationem; cumque *Platerus* eum decipere voluisset vivas imponendo excrementis Ranas, ut sic eas se egeffisse existimare posset effectusque sanatum, ejus in Medicina peritia fecit ut ista techna nullum sortiretur effectum. Exceptâ enim unicâ hâc ineptâ imaginatione, homo erat, ut ille refert, prudens perinde atque doctus.

Quar-



Quartam tantummodo addemus ex *Laurentio*, de Nobili quodam suis temporibus, homine quidem in rebus reliquis omnibus prudenti mentisque compote, tantum se ipsum imaginabatur ex vitro conflatum; cumque ipsi pergratum esset ab amicis suis visitari, in hoc tamen maximam adhibuit curam & cautionem, ut nimis propè ad se non accederent, nè fortè ab ipsis confringeretur.

Huic non multum absimilis est illa narratio de Pistore *Ferrariensi*, qui putabat se ex butyro compositum, & propterea in Sole sedere noluit, nec ad Focum appropinquare præ formidine colliquationis.

Immensum esset hic omnia pro rerum ubertate atque copia describere. *Sennertus* aliquas nobis dedit varietatis hujus morbi subindicationes, ad *Schenckium* nos remittens, *Marcell. Donatum*, *Forestum* aliosque, unde pleniores hauriamus Narrationes. Quidam, inquit ille, vexantur torquenturque timore mortis, crimen se putantes aliquod fecisse, quod tamen nunquam fecerunt. Alii imaginantur se æternum damnatos, immò conqueruntur se jam Infernali igne torreri. Alii se tanquam moribundos spectant, alii putant se penitus emortuos, ac proinde nolunt cibum sumere. Alii cælos in se ruituros metuunt. Alii manus contrahere non audent, nè Mundum pugnis collidant. Quidam gallos se imaginantur, alii Luscinias, quidam unum Animal, alii alterum. Nonnulli verò cum Deo ejusve Angelis colloquuntur, alii fasci-natos se arbitrantur, nigrumque aliquem Hominem aut Dæmonem perpetuò se comitari. Quidam de paupertate sua queritantur, alii se honorificas personas credunt, Duces, Principes, Reges, Pontifices & quid non: Multa ad hunc sensum invenies apud *Sennertum*, sed plura apud *Democritum juniorem*.

### SECT. XIII.

*Antecedentium Exemplorum ad enervandam præfidentium Enthufiatarum authoritatem opportuna Applicatio.*

CÆterum quod observatu maximè dignum est & materiæ quæ præ manibus est ac commodatissimum, hoc ipsum est, Quod utique tamen adèd enormis in una aliqua re *Imaginationis* judicii sit lapsus, in reliquis tamen omnibus homo sanè sit mente, pro captu quidem suo, naturaliumque mensura facultatum. Quod omnes Medici verum esse agnoscunt, paratque sunt exemplis innumeris confirmare. Quod magni profectò momenti esse censeo, ut penitiùs consideretur.

Non quidem quomodo fieri possit, (illud enim jam declaravimus) sed quàm præstabili possit esse usui, ad prævertendum facile illud ac vulgare sophisma quod quamplurimis solet imponere, Qui, si *Enthufiastes* facundè ornatèque loquitur, & consentaneè fortean atque piè (pro certo habeas, fervidè satis atque vehementer, & cum confidentia quanta potest maxima) tam creduli sunt, ut propter visibilem hanc ac laudabilem exteriorum facultatum ornatum, fidem ei habituri sint etiam in eis rebus quæ non solum minimè probabiles sunt, sed vanæ atque ineptæ, immò interdum admodum noxiæ creditu atque impiæ: ut, Quod homo hic immediatè & extraordinariè à Deo inspiratus sit; quod sit specialis ab ipso Nuncius, Ultimus optimusque Propheta, Spiritus Sanctus incarnatus, eum aliis id genus deliriis. Qualia propagandi singulis serè seculis apud aliquos *Enthufiastas* studium subinde emicuit.

Inter quos non inficias eo, quin nonnulli sint, qui quantum ad præcipuam Christianitatis practicæ Lucem judicio æquè consistenti polleant atque suprà dicti *Melancholici* circa res Mundanas quæ ordinariâ administrantur prudentiâ. Quantum verò ad hoc unum, quod *supranaturaliter* inspiratus sit, quod *ultimus sit Propheta*, *Tubâ ultima*, *Angelus in medio Cælo* cum æterno Evangelio in manu sua, *Spiritus sanctus incorporatus*, *Deus veniens ad Judicium*, & similia, hoc certè in tali homine, æquè verum sed longè deterius delirium est, quàm si quis seipsum Gallum *Taurumve* imaginaretur, cum tamen omnium mortalium sensibus manifestum sit, eum esse *Hominem*.

## S E C T. XIV.

*Causalitatem Melancholiæ in hoc Enthusiasmi morbo facilius quàm in aliis Deliriis indagari atque detegi.*

S E D enimverò, cùm tanti momenti sit, generaliori hâc explicandi causas *Enthusiasmi* ratione contentus non ero, quòd nempe commodè in eam *Melancholiæ* proprietatem resolvi posset, quâ homines deliri evadunt in una aliqua re, iudicio in reliquis intacto & intemerato. Nam de præfacili demonstrabo porrò ipsam naturam *Melancholiæ* talem esse ut multò blandiùs & plausibiliùs hominem illicere posset in persuasionem de *Inspiratione* ac *supernaturali* lumine à Deo, quàm ullo pacto queat in illas longè absurdiores *Imaginationes*, quibus quis se *Vitrum*, *Butyrum*, *Avem*, *Bestiam* ullamve aliam rem ejusmodi factum esse credit.

## S E C T. XV.

*Melancholiam Religiosum esse Temperamentum atque pertinax.*

N A M præter hoc, quod omnium generalissimum est, *Melancholiam* scilicet hominem inclinare ad fidem admodum fortiter ac pertinaciter rei alicui adhibendam aut adimendam (quemadmodum manifestum est in ista passione *Suspicionis* & *Zelotypiæ*, quæ ex nulla aut levissima occasione tam plenum ab animo extorquet assensum, ut hominem ad æquè gnaviter agendum impellat, atque si certus esset ea quæ suspicatur, esse vera) notissimum est præterea, hoc Temperamentum omnium esse *Religiosissimum*, atque æquè naturaliter se rebus Divinis immiscere (quanquam sub nulla auspicatori Luce quàm sua propria) atque Simii & Cercopitheci mores actionesque hominum imitantur.

Neque certè ulla est vera gratia Spiritualis à Deo, quin hæc merè naturalis constitutio, secundum varias illius temperies ac operationes, eam non solum referre sed & interdum, propter furorem illius & vehementiam, excedere videatur, idque non solum in *Actionibus*, sed sæpenumero in *Sermonibus* illecebris viribusque eloquentiæ, tanquam si heic omninò cernendus esset vividus ille rerum Divinarum sensus atque intelligentia, aut saltem nullus alius status isti esset æquiparandus.

Cujus rei necessarius hic erit eventus, nisi ingens veræ gratiæ Divinæ mensura interveniat, ut hujusmodi *Melancholicus* admodum inflatus elatusque evadat, seque crediturus sit non solum *Inspiratum* à Deo, sed tam singulare Lucis ac Sanctitatis exemplum Divinitus ad homines missum, ut in se suscepturus sit *Reformationem* vel potius *abrogationem Legis* ac *Religionis* sub qua natus sit, seque ipsum æstimaturus nihilo inferiorem aut *Mose* aut *Christo*, quanquam nec *Rationem* solidam nec ullum visibile *Miraculum* habeat quibus extorqueat hominibus fidem.

## S E C T. XVI.

*Homines proclives esse ad suspicandum singularem aliquam Dei Potestatisve alicujus supernaturalis præsentiam inesse rei cuilibet grandi aut vehementi.*

C Æterum hoc adhuc nimis generale est; Hujus Imposturæ causas etiam magis particulatim indigitabimus. Quæ grandia sunt aut *vehementia*, Populus valdè proclivis est ad suspicandum à supernaturali causa proficisci. Adeò ut Ventus paulo solito violentior esse non possit, quin vulgus proclivis sit ad imaginandum, eum à *Damone* fuisse excitatum; nec Pestis aliqua gravior morbusve, quin *Deum* modo quodam extraordinario illius *Authorem* esse autument.

Ità rudis Antiquitas in re fermè qualibet, quæ præter modum magna esset, *Divinitatem* quandam inesse existimabat. Unde quidam Arbores admodum proceras coluerunt, alii amplos Fluvios, nonnulli Saxa ingentia sive Rupes, alii Montes vastos atque excelsos; unde Græci, *magnum* & *sacrum* uno illo vocabulo *ἱερός* significant, & Hebræi per *Cedros Dei*, per *Montes Dei*, per *Spiritum Dei*, *Cedros altas*, Montes *permagnos*, & Spiritum sive Ventum *vehementem* intelligunt. Huc etiam adjicere possumus quod valdè vulgare est, Aniculas scilicet & Nutrices puellulis, quando de

Luna



Luna rogitant intentis in eam digitis, respondere solere, quòd fit *Dei candela*, quoniam tam *ingens* est noctu lumen sive fax. Quæ omnia argumenta sunt nec obscuræ subindicationes humanam Naturam valdè pronam esse ad suspicandum *specialem* aliquam *Dei Præsentiam* rei cuilibet *grandi* aut *vehementi* inesse.

Unde importuna profectò tentatio est apud *Melancholicum*, quando Tempestatem sentit Devotionis atque Zeli, venti vehementis instar in se ingruentem, Cor suum affectu plenum, Caputque claris & sensibilibus Repræsentationibus refertum, Os aptissimis quibusque ac potentissimis sermonis eloquiis exundans, talibus quidem, quæ vulgares Auditores attonitos redderent, importuna, inquam, apud eum foret Tentatio ad opinandum, ipsum Dei Spiritum esse, qui tunc in eo supernaturaliter operetur; cum tamen omnis hic zeli affectusque excessus verborumque ubertas atque copia \* resolvi planè possit in vim *Melancholice* quæ naturale quoddam genus est Inebriationis.

Quòdque nihil majus Diviniúsve Naturæ hîc subsit manifestum est, tum à bonorum prudentumque hominum experientia, qui zelum suum, devotionem, atque eloquentiam mirificè variari observaverint, prout *Melancholia* magis minúsve in ipsis prædominata sit; tum etiam ab eo quod omnes observare possunt in istiusmodi hominibus, qui cum improbi essent, maniacy, ac blasphemæ, reliquos tamen mortales miro quodam (sed adulterino) orandi dono longè superaverint. Quod notissimum est in *Hacketto*, qui ità infatuatus est opinione zeli sui atque eloquentiæ, ut imaginatus sit seipsum *Spiritum Sanctum*.

## S E C T. XVII.

*Error circa fervescētam Melancholiam, quasi sanctus zelus esset, ipseque Dei Spiritus.*

**E**T certè quando in ore hominum Spiritus mentio tam frequens est, si pressius observent quid per eum ut plurimum intelligant, nihil aliud est quàm motus quidam fortis atque impetus quo cum zelo ac fervore feruntur in rebus Religionis, adeò ut Fervor, Zelus & Spiritus idem reverà sint. Jam verò nullum Temperamentum tam calidum est quàm *Melancholia*, postquam fervescēta sit, quippe quæ ad effervescentis aquæ imaginem accedit, quemadmodum notat *Aristoteles* (*Ἐὰν ἰκανῶς θερμανθῇ, ὅσον τὸ ζῆλον, &c.*) adeò ut ignis flammam excedat; nec multum à lapide ferroque candefacto abludit, tunc enim longè calidiora sunt quovis vivo carbone. Omittemus hîc Grammaticum agere & notare quàm bellè τὸ ζῆλον *Aristotelis*, cum ipsa voce *Zelus* de quo loquimur, conveniat. Sed in res ipsas oculos diligentius conjiciemus, & illud quem *Spiritum* illi appellitant, cum eis quæ idem Philosophus in *Melancholia* contineri affirmat, comparabimus. *Ὅτε χυμὸς καὶ ἡ κρασίς ἢ τὸ μελαίνης χολῆς πνευματικά ἐστ.*

*Aristot. Problem. sect. 30.*

*Spiritus* igitur qui tam mirum in modum alas addit *Enthusiastæ*, nihil aliud est quàm *Flatuositas* ista quæ reperitur in Temperamento *Melancholico*, quæque ex humoribus *Hypochondriacis* ex aliqua occasione calefactis oritur ut Ventus ex *Æolipyla* igni applicata. Qui halitus in caput ascendens, postquam primùm actuatus animatusque & aliquantulum calore cordis purificatus sit, variis Imaginationibus mentem implet, itaque inventionem acuit & amplificat, ut *Enthusiasten* ad admirationem usque facundum reddat & eloquentem. Quippe qui quasi inebriatus sit Vino novo, è proprio Cellario sive Hypogeo, quod in infima corporis regione jacet, deprompto, quanquam id ipse minimè animadvertat, sed purum putum Nectar reputet vitæque aquas perennes Divinitus scaturientes. *Aristoteles* prolixum inter naturam effectusque *Vini* & *Melancholice* parallelismum deducit, ad quem tum *Fernelius* tum *Sennertus* suos Lectores remittunt.

## S E C T. XVIII.

*Fluxus ac Refluxus Melancholice ulterior Enthufiasmi causa.*

**C**Æterum hoc totam vim non exhaurit quam contribuit *Melancholia* ad *Enthufiasmum*, nempe quòd adeò derepente & ex inopinato tam vehementibus Zeli paroxysmis, istiusmodi fluminibus Eloquentiæ ac torrentibus sive in exhortando alios ad pietatem, sive in preoibus effundendis ad Deum mentem *Enthusiastæ* occupet; sed majus

majus adhuc fidei momentum addit, quod fupernaturale aliquid fubfit hac in re, ex eo quod idem Temperamentum ipsis, qui ei fubjecti fint, feipfum in effectibus adeo contrariis prodat.

Nam quemadmodum adeo vehementer calidum eft, ita viciffim æquè ftupidè eft frigidum. Unde *Melancholicus* omni fide omnique fpe exutus, & excors planè mentisque inops quafi evadit. Qui quidem Temperamenti fui *Refluxus* five *Salacia* non poteft quin efficiat ut *Affluxus* ipsi videatur magis miraculofus ac fupernaturalis. Frigidi verò illi torpidique morbi accessus, qui animo adeo abjecto eum faciunt, faciunt eum pariter Oratorem blandum fimul ac penetrantem, & qui auditorum animos mirificè moveat, quoties de ftatu Animæ fuæ defolatorio, de Humilitate, Mortificatione, & fimilibus apud populum perorat, acfi verè ac voluntariò res iftiusmodi fubiffet, cum fatalis tantum Temperamenti fui neceffitas nolentem volentem eum per meras iftiusmodi rerum imagines atque umbras violenter pertraxerit.

Postea verò, cum fe repererit præter fperam omnem præfentationemve ac præfagium ullius in fe virtutis in fublime rurfus tolli, minimè dubitat concludere nullam inferiorem caufam effe poffe hujus tam inopinati gaudii ac Triumphi quàm immediatum Dei brachium de cælo, qui eum ad hunc modum exaltaverit, cum tamen interim nihil fit aliud quàm *Melancholia* Paroxyfmus qui non abfimilis eft eruptioni flammæ post longam fumationem ac vaporationem farmentorum recentium in focum conjectorum. Sed quoniam hujusmodi accessus ftatis non funt temporibus, nec ægrotare hominem faciunt fed exhilarant potiùs, aliquid *Divini* fubeffe putat, nec à caufis naturalibus proficifci.

## S E C T. XIX.

*Notabilis Melancholiæ illufio quantum ad Divinum Amorem.*

**E**ST & altera notabilis Illufio in hoc Temperamento, *Naturâ* præfidenter pro Deo fe gerente, quem Apostolus *Amorem* appellat, tanquam fi ipfa effet illius Effentia. Cum tamen heic nihil aliud fit quàm *Melancholia*, quæ fibi induerit veltimenta Angeli lucis.

Equidem nihil verius eft quàm quod *Amor* fit legis Impletio, summæque *Perfectio* quæ in animam humanam cadere poteft; quodque perinde planum fit atque irrefragabile, quod quis gradu haud mediocri Maniacus effe poffit, & firmum tamen huic veritati præbere affenfum. Quinimò, aufim dicere, ipfam *Melancholiam* ei monitricem fore & in memoriam revocaturam, fi fieri poffet ut ei unquam obreperet tam manifeftæ ac palpabilis veritatis oblivio.

Aristot. Problem. scilicet. 30.

*Amoris* enim fensus in genere perquam eminenter in ipfa *Melancholici* temperie comprehenditur, cum inter *Vini* naturam ac *Melancholiam* tanta affinitas intercedat. Ποσειδὸν φιλητικὸς ὁ οἶνος. *Vinum* verò efficit ut amori dediti fint homines. Quod ex eo demonftrat Philofophus, quod inter pocula quifpiam *Vino* animatus tales personas osculaturus fit, quales vix quifquam fobrius, vel è longinquo, forcipe tacturus effet propter fenectam ac deformitatem. Et proculdubio fumi erant *Melancholia*, qui haud ita pridem novo cuidam novitio *Religionifte* imaginationem infatuaverant, cum tam amicè ac familiaritèr fub fepe cum Erroniffa *Ægyptiaca*, ut vulgò vocantur, fedebat, manumque finui ejus inferebat, non fine affectu aliquo Religiofo, gloriaturusque eft poftea tanquam de facinore admodum pio ac meritorio.

## S E C T. XX.

*Melancholiam ad naturam Vini quàm proximè accedere, & à quo Temperamento Poëtæ fiant & Enthufiæ, & quodnam fit inter ipfos difcrimen.*

Problem. scilicet. 30.

**I**AM verò quod *Melancholia* ad *Vini* naturam quàm proximè accedat ex eo ille evincit, quod fit adeo *spirituofus*; adeo *spirituofum* verò effe, ex eo quod ita *spirituofus* fit. Quod autem *Melancholia flatulenta* fit ac *spirituofa*, heic ipfos Medicos appellat, οἱ τὰ πνευματώδη παῖθι καὶ ὑποχόνδρια μελαγχολικά φασιν εἶναι.

Quamobrem Philofophus alterum comitem *Veneri* assignat, præter succulentum illum juvenem *Bacchum* quem Poëtæ ei adjunxerunt, quæ quanquam externâ fpecie vulgusque ad triftitiam ac feveritatem magis composito videatur, æquè fidelis tamen reperi-



reperietur affecla atque ille alter. Est autem *Melancholia*. Καὶ οἱ μελαγχολικοὶ οἱ πλεῖστοι λαγνοὶ εἰσὶν ὅ, τε γὰρ ἀφροδισιασμὸς πνευματώδης.

Jam verò præter *flatuositatem* hanc quæ ad libidinem sollicitat, potest esse insuper tam rectè attemperata sanguinis huic *Melancholice* affusio, ut temperies fiat quæ stupendas exhibeat oblectationes. Nam iners ille & quasi torpidus sanguinis dulcor aliquando ita acuetur, animabiturque humoris *Melancholici* puncturâ & acrimoniâ (utî nimis satura illa sacchari dulcedo, aciditate limonum) ut longè sensibiliores allaturus sit voluptates, omnesque Amoris Imaginationes cujuscunque generis multò futuræ sint vividiores & vegetiores, multò penetrantiores, magisque in rapturam auferentes, quàm in ipso sanguine solo unquam possit evenire.

Ex hoc Temperamento *Poeta* oriuntur, & qui maximè sublimia prætendunt, *Enthusiastæ*. Inter quos hoc insigne est discrimen, Quòd *Poeta* sit *Enthusiastes* *jocarius*, *Enthusiastes* verò *Poeta* *serius*. Quippe apud quem *Melancholia* tantopere invaluerit, ut suos Poeticis nihilo meliores animi ætus & Imaginationes pro *Divina Inspiratione* accipiat solidâque veritate.

## S E C T. XXI.

*Certam quandam Sanguinis portionem cum Melancholia mixtam Spiritum esse quo ut plurimum inspirentur Enthusiastæ, satis largâ Exemplorum Inductione probatum.*

Nihil verò aliud esse præter merè naturalem Temperiem, *flatulentam* & *spirituosam* cum portione sanguinis ipsorum *Melancholice* addita, non purum *Dei spiritum* qui eos sic actuet, non solum ex eorum loquela, quæ dulcis admodum est & liquata, ac si *pruna saccharitica* linguis ipsorum subjacerent, detegi potest, sed ex notoriis *vita* eorum circumstantiis. Et meo quidem judicio sufficiens futurum est hujus veritatis pignus, si eos qui de *Spiritus instinctu* afflarique maximè gloriati sint, maximamque vim ac facultatem nacti sint seducendi populum, ante oculos nostros ponamus.

Etenim quòd factus ille, animique tumor quo instigantur ad adeò confidenter profitendam perinde atque concipiendam tam magnificam de seipsis opinionem, ut non minori Titulo se dignentur, quàm cujusmodi sint *Deus*, *Spiritus sanctus*, sive *Paracletus*, *Messias*, *ultimus ac præcipuus Propheta*, *Judex vivorum & mortuorum*, & similia; totum hoc à *Melancholia* profectum esse, ex *inferiori* quodam operationis genere in hoc Temperamento, manifestissimum est.

Nam ut à primo horum Impostorum ordiamur; *Simon Magus* qui se *Deum Patrem* esse pervulgavit, detectus est homo esse *Veneri* & *libidini* deditus, ex illa sua socia inseparabili *Helena*, quam is *Selenen* appellabat, affirmabatque unam esse è *Divinis Virtutibus*, quum nullo tamen meliori loco esset quàm improba ac impudica *Meretrix*.

Erat etiam quidam *Menander Samaritanus*, qui se Mundi Servatorem venditabat, author ac patronus earundem licentiosarum & impurarum opinionum, quarum ipse *Simon*.

*Montanus* professus est se *Spiritum Dei* esse: *Spiritum* verò *Melancholice* fuisse qui eum infatuaverat, duo ista scorta sua, *Prisca* & *Maximilla* satis evidenter declarant, quæ proprios maritos reliquisse dicuntur ut eum sequerentur. Tertiam huc adjicere possumus nempe *Quintillam*, nihilo melioris famæ sceminam, summâ familiaritate & necessitudine alteris duabus conjunctissimam. Unde & *Montanista Quintilliani* etiam vocabantur.

*Manes* etiam se verum *Paracletum* jactitabat; sed sectam post se reliquit omnibus licentiosis spurcisque Principiis imbutam.

*Mahometes*, cui omnium scelicissimus datus est successus, ultimus summusque Prophetarum qui venerunt in Mundum, (si ipsi fidem habeas) quòd *Melancholicus* esset, accessus *Epileptici*, unum argumentum est; concessâque pluralitas uxorum & concubinarum, lascivæque Cœli sive Paradisi voluptatum descriptiones, alterum.

Verum ingenuè fateor me multum dubitare utrùm ipse se Prophetam existimaverit necne. Videtur enim mihi potius homo facetus ac nasutus, rerumque politicarum gnarus quàm merus *Enthusiastes*, & tam prudens, ut nec fidem suam nec successum in discrimen dare vellet ullis meris commentis quæ ipse excogitaverit, innixus, sed solidissimis diligentissimèque exploratis Religionis *Judaorum* pariter ac *Christianorum* Principiis. Cujusmodi sunt, *Deum Creatorem* esse & *Gubernatorem* Mundi, *Angelos*

gelos esse atque Spiritus, Animam humanam esse immortalem, Futurum esse Judicium, æternumque præmium post obitum. Adeò ut *Mahometismus* reverà nihil aliud videatur, quàm certorum quorundam Principiorum è Doctrina *Mosis* atque *Christi*, ad institutum Politicum abusus, ac proinde in seipso vanis ac futilibus *Davidis Georgii* Enthusiasmis longè præferendus, qui tamen de suis illuminationibus tam magnificè elatèque sentiebat, ut haud mediocrem spem concepisset frustrà habendi *Mahometem*; seipsum divulgans *ultimum summumque Prophetam*, cùm tamen propriæ suæ *Melancholia sanguinisque* intoxicationibus relictus nec *Cælum* nec *Infernum*, nec *Præmium* nec *Supplicium* post hanc Vitam, nec *Dæmonem* nec *Angelum*, nec *Animæ Immortalitatem* credebat, sed quanquam natus Christianus in hoc tamen *Mahometem* imitatus est, quòd & pluralitati uxorum indulgebat.

Equidem videtur, quòd adeò tenebrofi dulcorosique *sanguinis* portio mixta erat cum illius *Melancholia*, ut tametsi altera effecit ut se *Prophetam* jactitaret, altera tamen eum non permisit vel minimum admittere *præsagium ullius rei* post hanc mortalem vitam *futuræ*.

Vide *Myster.*  
*Pietat. lib. 5.*  
*cap. 8. & lib. 6.*  
*cap. 17.*

Ille etiam qui ejus vestigiis insistere dicitur, & adeò magnificè de se loquitur, ac si ipse is esset qui venisset ad judicandos vivos atque mortuos, Interpretationes comminiscendo distortas ac coactas & ab omni ratione ac judicio alienas, istiusmodi perspicuorum solidorumque locorum Scripturæ, quæ certos nos faciant de *Angelorum Spirituumque* Existentiæ & de *Vita futura*, suam ipse præ se gerit condemnationem, Mündòque universo renunciat se *Veneris* potiùs *Sacerdotem* esse merùmve ex dulcedine & præpollentia naturalis sui Temperamenti *Praconem Sydereum* quàm *verum Dei Prophetam*, amicùmve *Myistici* illius sponsi *Jesu Christi*. Cujus ipsius Personæ tanquam Domino suo atque Principi, ejus sponsa *Ecclesia* omnem debet Reverentiam, Amorem atque Honorem.

Sed hujusmodi inflati elatèque *Enthusiasta*, qui propriæ suæ perfectionis internæ opinione ità turgent & intumescunt, parum quidem ipsis circa hoc officium inest aut sensus aut fidei, sed seipsos aut æquales Christo imaginantur aut superiores: Quem tamen Deus declaravit supremum *Hominum Angelorumque Principem*. Et tamen isti eum è Throno deturbare satagunt, & seipsos in eundem subvehere, quanquam nullum Titulum producere possunt, præter insalubre quoddam popularis Eloquentiæ genus, leviculorum molliumque verborum Rhapsodiam, volubiles fluentisque Tautologias, quibus si quando ullus verus insit sensus, non alius est quàm quem vulgaris quivis Christianus antea cognoverit. Quod verò obiter sæpenumero insinuant, miserè falsum est, æquè certò sanè atque ipsa Christianitas est vera.

Et tamen hujusmodi inanità atque affanià res perquam pulchræ videntur hominibus pusillanimis & inconsideratis. At enimvero, pro certo Christus *Spiritum* adeò perspicacem sagacemque in Ecclesia sua excitaturus est, ut *Rationis* vi ac evidentiâ, non externæ violentiâ potestatis, hujusmodi Mimo-prophetæ falsique Messiæ malam apud omnes inhuri sint gratiam, quippe qui è scenâ exhibilabuntur, nec quisquam erit qui se Christianum agnoverit, qui eos sit excepturus.

## SECT. XXII.

### *Exempla plura eòdem spectantia.*

Sufficienti spero nos Inductione conditionem & causas mysticæ hujus delusionis *Enthusiastici* Amoris in maximè sublimibus illius operationibus detexisse, ostendisseque, quòd reverà nihil aliud sit quàm Temperamentum Naturale, qualis sæpenumero *Zelus* religiosus in genere esse reperitur. Quod & observari potest in *Anabaptistis* tumultuantibus in *Germania*. Nam inter cætera pro quibus tantopere contendebant, hoc non minimum erat, *Libertas utique plures ducendi uxores*. Adeò ut videri possit, quòd, ut plurimum, fervor hic *Religiosus* in Hominibus, quatenus à sola *Natura* oritur, ad Auri fulminantis instar sit, quod tametsi aliquatenus sursum tendit, maximà tamen illius vis reperitur ferri deorsum.

Atque hinc quidem factum est, ut religiosa illa Secta *Beguardorum* crimen reputarent osculari fœminam, minimè verò turpe esse cum illa concumbere. Idem effecit, ut duo isti suis temporibus importuni Sectarii, *Carpocrates* & *Apelles*, alter *Marcellinam* suam, *Philumenam* alter, quibuscum libidinem suam explerent, sibi asciscerent.



## SECT. XXIII.

## De Gaudio Enthufiaftico.

**S**ED de his hæcenus: *Enthufiaftica* huic paſſioni *Amoris* finitimum eſt *Gaudium* illud Animique *Oratio*, quibus ſæpenumero *Enthufiaſta* ad ingentem ſui admirationem, agitantur & abripiuntur. Sed quàm arcta intercedat Affinitas *Melancholia* inter atque *Vinum*, quod *cor Dei* atque *hominis exhilarat*, quemadmodum dicitur in Parabola, fatiſ ſuprà inſinuavimus. Et certè *Melancholia*, quæ primùm in corde ſanguinéque jaceret fumans vaporânſque, poſtquam acrior quidam calor eam ſuperaverit (quippe quæ ex tam ſolidis conſiſtit particulis, quæ tum in motum & agitationem excitantur) fortior eſt & vegetior quàm aliud quicquam quod in ſanguine movetur & ſpiritibus, proximèque accedit ad naturam ſummarum *Cardiacorum* quæ ſumuntur. Quod & *Ariſtoteles* teſtatur, ubi aſſerit *Melancholiam*, dum frigida eſt, Triftitiam parere animique deſpondentiam, ſed ſemel ſervefactam, *ἐκταſεις ἡ τὰς μετ' αὐτὴν ἐκθουρίας*, *Ectafes raptûſve Animi*, cum exultanti gaudio & cantatione.

## SECT. XXIV.

## De Myſticis Enthufiaſtarum Allegoriis.

**T**Res adhuc ſuperſunt *Deluſiones*, de quibus, cùm mihi in memoriam recurrant, non omittam hîc agere, viz. De *Myſticis Interpretationibus*, de *Trepidationibus* ſive *Contremiſcentiis*, & de *Vitionibus*. Quæ omnia facilè reſolvuntur in effecta *Melancholia*. Quântum enim ad primam, jam oſtendimus, quòd *Melancholia* perinde atque *Vinum* hominem reddat ad Rhetoricam & Poefin proclivem; quântumque iſte Genius *Imaginationibus* indulgeat, quàmque plenus ſit Alluſionibus & Metaphoribus bellîſque repræſentationibus, nemo eſt qui ignorat. Et quid magni intereſt utrùm *moralem* ac *ſpiritualem* ſenſum applices *Bibliorum Hiſtoria*, an *Hiſtoria Naturæ*? Nullus autem Rhetor aut Poeta eſt, qui hoc non facit perpetuò. Utrùmve facilius eſt *Hiſtoriam* fingere ad ſenſum illuſtrandum *moralem*, an ſenſum applicare *moralem* iſtiusmodi *Hiſtoriis* quæ jam apud homines extent? Et quântum ad prius, *Æſopus* eâ facultate omnes mortales antecelluit, abſque ulla ſuſpicionem *Inſpirationis*: & quântum quidem ad poſterius, *Verulamius* noſtras illius artis mirabilia edidit ſpecimina in ſapientia Veterum, ſine ullo ſpeciali vel extraordinario *Divini Spiritûs* illapſu; id quod auſim dicere, eum nè ſomniâſſe quidem, neminèmq; eſſe credo, qui deguſtâſſet hominem, quin perlubenter ſe præbiturus ſit hac in re illius Compurgatorem.

## SECT. XXV.

## De Contremiſcentia &amp; Contremiſcentibus.

**E**T quântum ad *Contremiſcentiam*, ſive *Trepidationem*, quod deluſæ Animæ adeò infallibile ſignum autumant *Divini Spiritûs* ipſas actuantis, quòd effectum eſſe poſſit duntaxat *Melancholia*, maniſeſtum eſt. Nullorum enim Paſſiones tam vehementes ſunt quàm *Melancholicorum*. Quòdque *Timor*, *Amor*, vel *Veneratio* ſummo in gradu, *Tremorem* producere ſoleat, nemo poteſt inficiari. Atque hiſce quidem Paſſionibus nulli ullo modo tam obnoxii ſunt quàm qui ſint ingenio *Melancholico*, quippe qui omnia adeò profundè perſentiſcunt & ad vivum percipiunt.

Quòd *Timor* tremorem pariat, nihil proſectò ea re magis obvium eſt. Atque æquè verum eſt de *Amore*. Quod & ipſe *Comædus* cum iudicio obſervâſſe videtur in illo loco, ubi *Phædria* ad aſpectum *Thaidis*, *Parmenonem* alloquens, *Totus tremo*, inquit ille, *horreoque poſtquam aſpexi hanc*.

Et quod ad *Venerationem* attinet, quæ ex hiſce ferè duobus ſimul mixtis conſiſtere videtur, Paſſio eſt in quam homines *Melancholici* mirum in modum nolentes volentes immerguntur; quoties perſonam aliquam honore ac dignitate præſtantem accedere debent, aut ſoleni aliquo majoriſque ſolito momenti officio publicè fungi, contremiſcent trepidabûntque folii populei inſtar. Quidam conſternati obmutuerunt, alii delapſi ſunt in humum.

Quòdque *Imaginatio* in aliis etiam circumftantijs operari poffit in fpiritus, ac tumultuolas inordinatásque in ipsis commotiones producere, itáve cor fuffocare ut motus prorfus ferè extinctus fit, homóque exanimis in terram decidat, res funt tam vulgò notæ, ut fatís fit eas tantùm nomináffe.

Quamobrem minimè mirum eft, cùm *Enthufiaftes* naturales hos Paroxyfmos quibus occupari folet, extraordinarias imaginetur *Divini Numinis* vifitationes, *sanctique Spiritus* in animam fuam illapfus, quos igitur tunc nequit quin summá, quæ fingi poteft, veneratione recipiat; minimè, inquam, mirum eft, fi *Timor*, *Gaudium*, & *Amor* talem in fpiritus fuis confufionem excitet, ut in Paroxyfimum eum conjiciat tremoris & trepidationis. Quo quidem in cafu fpiritus fervor calorque *Imaginationis* ad eum gradum intendi poffunt, ut in perfectam *Epilepfiam* evadat. Quemadmodum aliquando accidit in illa Secta, quos *Trementes* five *Quakeros* vulgò vocant, qui proculdubio Secta funt maximè *Melancholica*, quæ adhuc unquam extitit in rerum natura.

## S E C T. XXVI.

*Melancholiam homines ad Apoplexias & Epilepfias inclinare.*

Quòdque ipfa *Melancholia* hominem ad *Apoplexias* & *Epilepfias* inclinât, & à Philosophis & à Medicis agnofcitur. Quicquid enim *Narcoticum* eft motumque fpiritus fufflaminat, fi majori gradu tale fit, reperitur etiam *Apoplecticum*. Præterea, vapores craffi *Arterias Carotidas* plexumque *Choroidem* obftruentes, atque ita fpiritus recursum & affluxum impediētes, idem efficere poffunt. Nonnulli rem à fumis carbonis lignarii five per uftulationem parati, illuftrant, qui fape homines ita fuffocârunt ut in terram pro mortuis deciderent. Cæterum five horum unum aliquod, five cuncta fimul fumpferis, *Melancholia* æquè idonea eft ad hujusmodi noxios vapores fuppeditandos atque ullum aliud Temperamentum cujufmodicunque. Quòdque *Epilepfia* à confimilibus caufis oriri poffit, cùm inter hos duos morbos tanta intercedat affinitas, quemadmodum notat *Galenus*, rationi valdè eft confentaneum; quòdque *Materia morbifica* fit, *πνευμαλική τις υσία ἀπὸρ αἵμα*, ut *Pelops* ipfe magifter loquitur, hinc manifefturn eft, quòd Paroxyfmus tam derepente tam facile difcuritur.

Sennert. Inflituz. Medic. lib. 2. part. 3. fecl. 2. cap. 6.

## S E C T. XXVII.

*De natura Enthufiafticarum Revelationum & Vifionum.*

Cæterum cùm in utroque horum morborum ligatio fit externorum fenfuum, quicquid tunc menti repræfentatur naturam induit *Infomnii*. Cùm verò hi Paroxyfmi non funt tam ordinarii quàm fomnus naturalis, temerarii homines & imperiti proclives funt ad cenfendum *Infomnia* ifta *Repræfentationes* effe extraordinarias ac *supernaturales*, quas *Revelationes* ac *Vifiones* appellant. De quibus nulla omnino effe poteft certitudo, non magis quidem quàm de *Infomniis*.

## S E C T. XXVIII.

*De Ecftafi illiusque natura atque caufis.*

*Infomniorum* mentio mihi in memoriam revocat aliud *Melancholia* fymptoma, quam *Ecftafin* Medici vocant. Quæ nihil aliud eft quàm *fomnus præter naturam profundus*. Cujus quidem caufæ nullæ aliæ funt quàm quæ *fomni naturalis*, fed tantùm magis intensæ ac immoderata. Effectus verò eft deliratio hominis poftquam evigilaverit, quippe qui *Infomnia* fua pro rerum verè geftarum *Historiis* accipit.

Cujus rei caufam effe exiftimo, extraordinariam *Repræfentationum* in *fomno* claritatem ac plenitudinem, à perfectiori omnis communicationis cum Mundo hoc *externo* privatione profectam. Ac proinde cùm nullæ funt motuum à corpore tam profundo fomno obruto & confopito cancellationes aut intertrigines, quod *Imaginatio* fpon te tunc exferit æquè clarum eft atque innubis Dies; Animæque perceptio ad minimum æquè



æquè fortis est atque vègeta, quàm sit unquam in rebus externis contemplandis dum vigilat, & memoria propterea æquè penitus eo sigillata & inusta quàm à sensu ullius objecti externi.

Harum *Visionum* vigor atque claritas ab eis quæ in *somno* ordinario accidunt tantum differt, quantum vivida Imaginum vis in cameram accuratè clausam & obtenebratam, artificialiter immissarum, ab eis differt, quæ in cubiculum immittuntur negligentius clausum & obscuratum, rimis quibusdam vel foraminulis lumen, ubi incommodum est, intromittentibus.

Sed *Perceptionis* vigor nullum solidum est *veritatis fundamentum*. Atque huiusmodi quidem *Visiones*, quantumlibet claræ sint, nondum tamen exuerunt naturam *Insomniorum*. Et qui *insomnia* observat similis est illi qui *umbram* captat *prosequiturque ventum*, uti monet *Siracides*.

## S E C T. XXIX.

Utrum in Homini potestate sit seipsum in Apoplexiam, Epilepsiam, aut Ecstasin Enthusiasticam conjicere.

Utrum in hominis potestate sit in huiusmodi *Epilepsias*, *Apoplexias* aut *Ecstases* pro libitu suo collabi, quæstio est nec inutilis nec in desperato habenda. Probabilem enim solutionem invenire possumus ex eis quæ jam dicta sunt.

*Enthusiastes* enim in aliquo *Melancholico* Paroxysmo, (quem solemnī silentio intensaque ac seriā meditatione accelerare potest) dum se supra seipsum tanto intervallo sublatum sentit, sensibilem Dei præsentiam & supernaturalem Divinæ Majestatis manifestationem faciliè imaginabitur, quod non potest quin passionem illam excitet *Venerationis* ac vehementissimæ *Devotionis*, quæ ex *Amore*, *Timore* & *Gaudio* consistit. Quæ passiones singulæ vim habuerunt enecandi homines aut conjiciendi eos in Animi deliquium. Quomodo igitur fieri potest quin conjunctæ (si per *Imaginationem* probè fomententur desideriumque in *Enthusiaste*, arctioris unionis cum hoc interno lumine) eum conjecturæ sint in *Trepidationes*, *Convulsiones*, *Apoplexias*, *Ecstases* & quid non? cum *Melancholia* adeò ex præfacili mutabilis sit in hæc symptomata? Atque equidem valdè probabile est hanc esse conditionem quorundam eorum qui appellantur *Quakeri* sive *Tremantes*.

Quantum verò ad *S. Augustini* Presbyterum *Africanum* (cui nomen erat *Restitutus*) qui voce lamentabili lugubrique tono in talem *Ecstasin* conjici solebat; Is quidem ac in re exemplum repertus est solitarium, atque agrè imitabile, quippe quod ortum sit ex aliqua propria ac peculiari corporis sui indolisve constitutione.

Quod *Hieronymus Cardanus*, Faciliusque Pater illius se quoties volebant, in *Ecstasin* conjicere potuerunt, æquè faciliè credere possum atque *Livonas* idem potuisse. Et ex propria quidem sententia utrumque ad unam eandemque causam refero. Quam *Sennertus Cardanum* alicubi de Patre suo innuere, notat, quòd utique *δαίμονα* *ἐν* *τῇ* *ψυχῇ* habebat. Quam certè conditionem esse suspicor deterioris generis *Tremantium*. Sed non tam ad hanc *Enthusiasmi* speciem quàm ad eam quæ *Naturalis* est, nostra collineat Dissertatio.

|| Institut. Medic. lib. 2. part. 2. sect. 2. cap. 4. Vide & Bodin. Magor. Demon. lib. 2. cap.

Quod ad visiones istas attinet, quas *Enthusiaste* vigilantes vident, causas illarum ad vim istam *Imaginationis* quæ in Ingenio *Melancholico* viget, jam retulimus.

## S E C T. XXX.

## De Prophetia Enthusiastica.

ET quòd ad fervorem illum Animi æstumque attinet, quo feruntur tanta cū confidentia ad prædicenda futura, quòd nihil supernaturale ei rei subfit, hinc evinci potest, quòd aut rationes aliquæ probabiles, quas prudentia ordinaria detexerit, movere eos possint ad hoc vel illud augurandum, (vehementiā *Melancholice*, confidentiam illam præsigitioni superaddente, ac si ipse Deus eorum animo eam indidisset) aut ex eo, quòd præagia ipsorum tam frequenter sint falsa. Ac proinde quando vera prædicunt, Fortunæ meritò imputatur. Ut in homine, qui singulis ferè noctibus somniat, equidem durum est, si per tot annorum decursum nunquam incidat in ulla *ὀνειροεργασία*, quemadmodum appellantur, in *Insomnia* quæ planè directèque

Quòdque *Imaginatio* in aliis etiam circumstantiis operari possit in spiritus, ac tumultuolas inordinatasque in ipsis commotiones producere, itàve cor suffocare ut motus prorsus ferè extinctus sit, homòque exanimis in terram decadat, res sunt tam vulgò notæ, ut satis sit eas tantùm nominasse.

Quamobrem minimè mirum est, cùm *Enthusiastes* naturales hos Paroxysmos quibus occupari solet, extraordinarias imaginetur *Divini Numinis* visitationes, sanctisque *Spiritus* in animam suam illapsus, quos igitur tunc nequit quin summâ, quæ fingi potest, veneratione recipiat; minimè, inquam, mirum est, si *Timor*, *Gaudium*, & *Amor* talem in spiritibus suis confusionem excitet, ut in Paroxysmum eum conjiciat tremoris & trepidationis. Quo quidem in casu spirituum fervor calorque *Imaginationis* ad eum gradum intendi possunt, ut in perfectam *Epilepsiam* evadat. Quemadmodum aliquando accidit in illa Secta, quos *Tremantes* sive *Quakeros* vulgò vocant, qui proculdubio Secta sunt maximè *Melancholica*, quæ adhuc unquam extitit in rerum natura.

## S E C T. XXVI.

*Melancholiam homines ad Apoplexias & Epilepsias inclinare.*

Quòdque ipsa *Melancholia* hominem ad *Apoplexias* & *Epilepsias* inclinat, & à Philosophis & à Medicis agnoscitur. Quicquid enim *Narcoticum* est motumque spirituum sufflaminat, si majori gradu tale sit, reperitur etiam *Apoplecticum*. Præterea, vapores crassi *Arterias Carotidas* plexumque *Choroidem* obstruentes, atque ità spirituum recursum & affluxum impediētes, idem efficere possunt. Nonnulli rem à fumis carbonis lignarii sive per ustulationem parati, illustrant, qui sæpe homines ità suffocârunt ut in terram pro mortuis deciderent. Cæterum sive horum unum aliquod, sive cuncta simul sumpseris, *Melancholia* æquè idonea est ad hujusmodi noxios vapores suppeditandos atque ullum aliud Temperamentum cujusmodicunque. Quòdque *Epilepsia* à consimilibus causis oriri possit, cùm inter hos duos morbos tanta intercedat affinitas, quemadmodum notat *Galenus*, rationi valdè est consentaneum; quòdque *Materia morifica* sit, *πρεσβυλική τις νόσος ἀπὸ περ ἀβρα*, ut *Relapsus* ipsius magister loquitur, hinc manifestum est, quòd Paroxysmus tam derepente tamque facillè discutitur.

Sennert. Instit.  
ut. Medic. lib.  
2. part. 3. sect. 2.  
cap. 6.

## S E C T. XXVII.

*De natura Enthusiasticarum Revelationum & Visionum.*

Cæterum cùm in utroque horum morborum ligatio sit externorum sensuum, quicquid tunc menti repræsentatur naturam induit *Insomniis*. Cùm verò hi Paroxysmi non sint tam ordinarii quàm somnus naturalis, temerarii homines & imperiti proclives sunt ad censendum *Insomnia* ista *Repræsentationes* esse extraordinarias ac supernaturales, quas *Revelationes* ac *Visiones* appellant. De quibus nulla omnino esse potest certitudo, non magis quidem quàm de *Insomniis*.

## S E C T. XXVIII.

*De Ecstasi illiusque natura atque causis.*

*Insomniorum* mentio mihi in memoriam revocat aliud *Melancholia* symptoma, quam *Ecstasi* Medici vocant. Quæ nihil aliud est quàm somnus præter naturam profundus. Cujus quidem causæ nullæ aliæ sunt quàm quæ somni naturalis, sed tantùm magis intensæ ac immoderatæ. Effectus verò est deliratio hominis postquam evigilaverit, quippe qui *Insomnia* sua pro rerum verè gestarum *Historiis* accipit.

Cujus rei causam esse existimo, extraordinariam *Repræsentationum* in somno claritatem ac plenitudinem, à perfectiori omnis communicationis cum Mundo hoc externo privatione profectam. Ac proinde cùm nullæ sint motuum à corpore tam profundo somno obruto & consopito cancellationes aut intertrigines, quod *Imaginatio* sponte tunc exferit æquè clarum est atque innubis Dies; Animæque perceptio ad minimum æquè



æquè fortis eft atque vègeta, quàm fit unquam in rebus externis contemplandis dum vigilat, & memoria propterea æquè pènitus eò figillatà & inufta quàm à fenfu ullius objecti externi.

Harum *Vifionum* vigor atque claritas ab eis quæ in *ſomno* ordinario accidunt tantum differt, quantum vivida Imaginum vis in cameram accuratè claufam & obtenebratam, artificialiter immiffarum, ab eis differt, quæ in cubiculum immittuntur negligentius claufum & obſcuratum, rimis quibuſdam vel foraminulis lumen, ubi incommodum eſt, intromittentibus.

Sed *Perceptionis* vigor nullum ſolidum eſt *veritatis fundamentum*. Atque huiusmodi quidem *Vifiones*, quantumlibet claræ ſint, nondum tamen exuerunt naturam *Inſomniorum*. Et qui *inſomnia* obſervat ſimilis eſt illi qui *umbram* captat proſequiturque *ventum*, uti monet *Siracides*.

## S E C T. XXIX.

*Utrum in Hominis poteſtate ſit ſeipſum in Apoplexiam, Epilepſiam, aut Ecſtaſin Enthufiaſticam conjicere.*

**U**trum in hominis poteſtate ſit in huiusmodi *Epilepſias*, *Apoplexias* aut *Ecſtaſes* pro libitu ſuo collabi, quæſtio eſt nec inutilis nec in desperato habenda. Probabilem enim ſolutionem invenire poſſumus ex eis quæ jam dicta ſunt.

*Enthufiaſtes* enim in aliquo *Melancholico* Paroxyſmo, (quem ſolemni ſilentio interſiſque ac ſeriâ meditatione accelerare poteſt) dum ſe ſupra ſeipſum tanto intervallo ſublatus ſentit, ſenſibilem Dei præſentiam & ſupernaturalem Divinæ Majeſtatis manifeſtationem facile imaginabitur, quod non poteſt quin paſſionem illam excitet *Venerationis* ac vehementiſſimæ *Devotionis*, quæ ex *Amore*, *Timore* & *Gaudio* conſiſtit. Quæ paſſiones ſingulæ vim habuerunt enecandi homines aut conjiciendi eos in Animi deliquium. Quomodo igitur fieri poteſt quin conjunctæ (ſi per *Imaginationem* probè fomententur deſideriûmque in *Enthufiaſte*, arctioris unionis cum hoc interno lumine) eum conjecturæ ſint in *Trepidationes*, *Convulſiones*, *Apoplexias*, *Ecſtaſes* & quid non? cùm *Melancholia* adeò ex præfacili mutabilis ſit in hæc ſymptomata? Atque equidem valdè probabile eſt hanc eſſe conditionem quorundam eorum qui appellantur *Quakeri* ſive *Tremantes*.

Quantum verò ad *S. Auguſtini* Presbyterum *Africanum* (cui nomen erat *Reſtitutus*) qui voce lamentabili lugubrique tono in talem *Ecſtaſin* conjici ſolebat; Is quidem hac in re exemplum repertus eſt ſolitarium, atque ægrè imitabile, quippe quod ortum ſit ex aliqua propria ac peculiari corporis ſui indoliſve conſtitutione.

Quod *Hieronymus Cardanus*, *Faciuſque* Pater illius ſe quories volebant, in *Ecſtaſin* conjicere potuerunt, æquè facile credere poſſum atque *Livonas* idem potuiſſe. Et ex propria quidem ſententia utrumque ad unam eandemque cauſam refero. Quam *Sennertus Cardanum* alicubi de Patre ſuo innuere, notat, quòd utique *δαιμόνια* *πρά-  
πεδον* habebat. Quam certè conditionem eſſe ſuſpicio deterioris generis *Trementium*. Sed non tam ad hanc *Enthufiaſmi* ſpeciem quàm ad eam quæ *Naturalis* eſt, noſtra col-  
lineat Differtatio.

*Inſtitut. Me-  
dic. lib. 2. part.  
2. ſect. 2. cap. 4.  
Vide & Bodin.  
Magor. De-  
mon. lib. 2. cap.  
5.*

Quod ad viſiones iſtas attinet, quas *Enthufiaſte* vigilantes vident, cauſas illarum ad vim iſtam *Imaginationis* quæ in Ingenio *Melancholico* viget, jam retulimus.

## S E C T. XXX.

## De Prophetia Enthufiaſtica.

**E**T quòd ad fervorem illum Animi æſtûmque attinet, quo feruntur tanta cûm confidentia ad prædicenda futura, quòd nihil ſupernaturale ei rei ſubſit, hinè evinci poteſt, quòd aut rationes aliquæ probabiles, quas prudentia ordinaria detexerit, movere eos poſſint ad hoc vel illud augurandum, (vehementiâ *Melancholia*, confidentiam illam præſagitioni ſuperaddente, acſi ipſe Deus eorum animo eam indiſſet) aut ex eo, quòd præſagia ipſorum tam frequenter ſint falſa. Ac proinde quando vera prædicunt, Fortunæ meritò imputatur. Ut in homine, qui ſingulis ferè noctibus ſomniat, equidem durum eſt, ſi per tot annorum decurſum nunquam incidat in ullas *convulſiones*, quemadmodum appellantur, in *Inſomnia* quæ planè di-  
rectèque

Quòdque *Imaginatio* in aliis etiam circumstantiis operari possit in spiritus, ac tumultuosas inordinatasque in ipsis commotiones producere, itàve cor suffocare ut motus prorsus ferè extinctus sit, homòque exanimis in terram decadat, res sunt tam vulgò notæ, ut satis sit eas tantùm nominasse.

Quamobrem minimè mirum est, cum *Enthusiastes* naturales hos Paroxysmos quibus occupari solet, extraordinarias imaginetur *Divini Numinis* visitationes, sanctique *Spiritus* in animam suam illapsus, quos igitur tunc nequit quin summâ, quæ fingi potest, veneratione recipiat; minimè, inquam, mirum est, si *Timor*, *Gaudium*, & *Amor* talem in spiritibus suis confusionem exciter, ut in Paroxysmum eum conjiciat tremoris & trepidationis. Quo quidem in casu spirituum fervor calorque *Imaginationis* ad eum gradum intendi possunt, ut in perfectam *Epilepsiam* evadat. Quem admodum aliquando accidit in illa Secta, quos *Tremantes* sive *Quakeros* vulgò vocant, qui proculdubio Secta sunt maximè *Melancholica*, quæ adhuc unquam extirrit in rerum natura.

## S E C T. XXVI.

Melancholiam homines ad Apoplexias & Epilepsias inclinare.

Quòdque ipsa Melancholia hominem ad *Apoplexias* & *Epilepsias* inclinat, & à Philosophis & à Medicis agnoscitur. Quicquid enim *Narcoticum* est motumque spirituum sufflammat, si majori gradu tale sit, reperitur etiam *Apoplecticum*. Præterea, vapores crassi *Arterias Carotidas* plexumque *Choroideum* obstruentes, atque ità spirituum recursum & affluxum impediētes, idem efficere possunt. Nonnulli rem à fumis carbonis lignarii sive per ustulationem parati, illustrent, qui sæpe homines ità suffocârunt ut in terram pro mortuis deciderent. Cæterum siue horum unum aliquod, siue cuncta simul sumpseris, Melancholia æquè idonea est ad hujusmodi noxios vapores suppeditandos atque ullum aliud Temperamentum cujusmodicunque. Quòdque *Epilepsia* à consimilibus causis oriri possit, cum inter hos duos morbos tanta intercedat affinitas, quemadmodum notat *Galenus*, rationi valdè est consentaneum; quòdque *Materia morifica* sit, *μεταβαλὴν τὴν νόσον ἀπὸ τῆς ἀλβίας, ut Pelops* ipsius magister loquitur, hinc manifestum est, quòd Paroxysmus tam derepente tamque faciliè discutitur.

Sennert. Instit. Medic. lib. 2. part. 3. sect. 2. cap. 6.

## S E C T. XXVII.

De natura Enthusiasticarum Revelationum & Visionum.

Cæterum cum in utroque horum morborum ligatio sit externorum sensuum, quicquid tunc menti repræsentatur naturam induit *Insomniis*. Cum verò hi Paroxysmi non sint tam ordinarii quàm somnus naturalis, temerarii homines & imperiti proclives sunt ad censendum *Insomnia* ista *Repræsentationes* esse extraordinarias ac *supernaturales*, quas *Revelationes* ac *Visiones* appellant. De quibus nulla omnino esse potest certitudo, non magis quidem quàm de *Insomniis*.

## S E C T. XXVIII.

De Ecstasi illiusque natura atque causis.

*Insomniorum* mentio mihi in memoriam revocat aliud *Melancholie* symptoma, quam *Ecstasi* Medici vocant. Quæ nihil aliud est quàm *somnus præter naturam profundus*. Cujus quidem causæ nullæ aliæ sunt quàm quæ *somni naturalis*, sed tantùm magis intensæ ac immoderata. Effectus verò est deliratio hominis postquam evigilaverit, quippe qui *Insomnia* sua pro rerum verè gestarum *Historiis* accipit.

Cujus rei causam esse existimo, extraordinariam *Repræsentationum* in somno claritatem ac plenitudinem, à perfectiori omnis communicationis cum Mundo hoc externo privatione profectam. Ac proinde cum nullæ sint motuum à corpore tam profundo somno obruto & consopito cancellationes aut intertrigines, quod *Imaginatio* sponte tunc exferit æquè clarum est atque innubis Dies; Animæque perceptio ad minimum æquè



æquè fortis est atque vegeta, quàm sit unquam in rebus externis contemplandis dum vigilat, & memoria propterea æquè penitus eo sigillata & iniusta quàm à sensu ullius objecti externi.

Harum *Visionum* vigor atque claritas ab eis quæ in *sono* ordinario accidunt tantum differt, quantum vivida Imaginum vis in cameram accuratè clausam & obtenebratam, artificialiter immissarum, ab eis differt, quæ in cubiculum immittuntur negligentius clausum & obscuratum, rimis quibusdam vel foraminulis lumen, ubi incommodum est, intrōmittentibus.

Sed *Perceptionis* vigor nullum solidum est *veritatis fundamentum*. Atque huiusmodi quidem *Visiones*, quantumlibet claræ sint, nondum tamen exuerunt naturam *Insomniorum*. Et qui *insomnia* observat similis est illi qui *umbram* captat *prosequiturque ventum*, uti monet *Siracides*.

## S E C T. XXIX.

Utrum in Hominis potestate sit seipsum in Apoplexiam, Epilepsiam, aut Ecstasim Enthusiasticam conjicere.

Utrum in hominis potestate sit in huiusmodi *Epilepsias*, *Apoplexias* aut *Ecstases* pro libitu suo collabi, quæstio est nec inutilis nec in desperato habenda. Probabilem enim solutionem invenire possumus ex eis quæ jam dicta sunt.

*Enthusiastes* enim in aliquo *Melancholico* Paroxysmo, (quem solemnī silentio intersæque ac seriâ meditatione accelerare potest) dum se supra seipsum tanto intervallo sublatum sentit, sensibilem Dei præsentiam & supernaturalem Divinæ Majestatis manifestationem faciliè imaginabitur, quod non potest quin passionem illam excitet *Venerationis* ac vehementissimæ *Devotionis*, quæ ex *Amore*, *Timore* & *Gaudio* consistit. Quæ passiones singulæ vim habuerunt enecandi homines aut conjiciendi eos in Animi deliquium. Quomodo igitur fieri potest quin conjunctæ (si per *Imaginationem* probè fomententur desideriumque in *Enthusiaste*, arctioris unionis cum hoc interno lumine) eum conjecturæ sint in *Trepidationes*, *Convulsiones*, *Apoplexias*, *Ecstases* & quid non? cùm *Melancholia* aded ex præfacili mutabilis sit in hæc symptomata? Atque equidem valdè probabile est hanc esse conditionem quorundam eorum qui appellantur *Quakeri* sive *Tremes*.

Quantum verò ad S. *Augustini* Presbyterum *Africanum* (cui nomen erat *Restitutus*) qui voce lamentabili lugubrique tono in talem *Ecstasim* conjici solebat; Is quidem hac in re exemplum repertus est solitarium, atque ægrè imitabile, quippe quod ortum sit ex aliqua propria ac peculiari corporis sui indolisve constitutione.

Quod *Hieronymus Cardanus*, *Faciusque* Pater illius se quoties volebant, in *Ecstasim* conjicere potuerunt, æquè faciliè credere possum atque *Livonas* idem potuisse. Et ex propria quidem sententia utrumque ad unam eandemque causam refero. Quam *Sennertus Cardanum* alicubi de Patre suo innuere, notat, quòd utique *δαίμονα* *ἐν* *τῷ* *πνεύματι* *ἔχει* habebat. Quam certè conditionem esse suspicor deterioris generis *Trementium*. Sed non tam ad hanc *Enthusiasmi* speciem quàm ad eam quæ *Naturalis* est, nostra colineat Dissertatio.

|| Institut. Medic. lib. 2. part. 2. sect. 2. cap. 4. Vide & Bodin. Magor. Demon. lib. 2. cap.

Quod ad visiones istas attinet, quas *Enthusiaste* vigilantes vident, causas illarum ad vim istam *Imaginationis* quæ in Ingenio *Melancholico* viget, jam retulimus.

## S E C T. XXX.

## De Prophetia Enthusiastica.

ET quòd ad fervorem illum Animi æstumque attinet, quo feruntur tanta cùm confidentia ad prædicenda futura, quòd nihil supernaturale ei rei sublit, hinc evinci potest, quòd aut rationes aliquæ probabiles, quas prudentia ordinaria detexerit, movere eos possint ad hoc vel illud augurandum, (vehementiâ *Melancholice*, confidentiam illam præfigitioni superaddente, ac si ipse Deus eorum animo eam indidisset) aut ex eo, quòd præfigia ipsorum tam frequenter sint falsa. Ac proinde quando vera prædicunt, Fortunæ meritò imputatur. Ut in homine, qui singulis ferè noctibus somniat, equidem durum est, si per tot annorum decursum nunquam incidat in ullas *ὀνειροεργασίας*, quemadmodum appellantur, in *Insomnia* quæ planè di-

recteque sunt vera; καθάπερ οἱ πολλὰ βάλλοις ἐπιτυχάνουσι πολλαῖς, ut qui multa emittunt jacula, scopum aliquando attingunt ( ut *Plutarchus* loquitur ) sed ex casu fit potius quàm ulla certa peritia.

## S E C T. XXXI.

*De præfagio proprii cordis hominis ab impulsu supernaturali, ipsi quidem perceptibili, aliis verò inexplicabili, ubi locum habere possit, quòdque non sit Enthusiasmus propriè dictus.*

*Vide Epist. Caries. ad Princip. Eli- gab. où il est parlé du Génie de Socrate. \* Pro. 16. 10. & 21. 1.*

**E**T tamen bona cum venia sic censeo, speroque me id facere posse sine omni suspitione vel minimæ tincturæ *Fanaticismi*, quòd esse possit in animo hominis qui in rebus summi momenti || quoad seipsum, & multò magis si quoad \* publicum, versatur, tale præfagium, qui dux certus ac fidelis ei sit futurus, præsertim si constanter sincerus maneat justusque ac pius. Neque enim omninò improbable est quin tales qui in rebus momenti admodum publici versentur, quibus Dei Providentia speciali modo se immiscet, cum illius rem agant, ejusque consilium institutumque promoveant, specialiora ab ipso subsidia & animationes recipere possint. Cujus rei cum alii nullum sensum habeant, ità nec modum ejus apud seipsum animo possunt figurare. Atque hic casus iste est, opinor, in quo verum reperitur illud *Siracide*, *Quòd cor hominis plus ei revelaturum sit, quàm septem vigiles in turre excelsa collocati.* Verùm hic *Enthusiasmus* est in meliori sensu, ac proinde à nostra *Dissertatione* paulò alienior, quippe qui non de eo *Enthusiasmo* hìc agimus qui verus est, sed de eo in quo erratur. Cujus *Causas* cum tam plenè exposuerimus, *Genera* illius jam tractabimus, sed breviter, & eatenus tantum, quatenus cum præsentì nostro scopo Institutòque conveniat.

Quamobrem ut rationes accuratiores missas faciamus, contenti erimus, à conditione Personarum in quibus residet, *Enthiasmum* distribuere in *Politicum* & *Philosophicum*. Nam *Enthusiasmus* ut plurimum operatur secundum Genium Naturamque Hominis quem invaserit.

## S E C T. XXXII.

Enthiasmi Politici *Exempla varia.*

**I**lli igitur, quorum Ingenium ad res Politicas maximè inclinat, qui Honorem & Imperium affectant, fortique sensu Jurum Civilium tanguntur, proprià Melancholià incalcescentes, & inflammati, magnos se Principes esse imaginantur (saltem Divino decreto) & liberatores populi à Deo missos. Cujusmodi verisimillimum est fuisse falsos *Messias*, qui populum *Judeorum* deceperunt, ut *Theudas*, & *Aegyptius* ille Impostor, etiam *Barchocab*, *Jonathas*, *Dositheus*, multique alii, qui, ut videtur, cum pervagata fama esset apud Judæos, *Messiam* liberatorem circa ea tempora adventurum esse, præ fervore ac præcipitantia suæ *Melancholiæ*, se eum esse singuli sunt opinati. Quod eò facilius est creditu, cum multa sint apud Historicos exempla eorum, qui imaginati sunt seipsum *Monarchas*, *Papas* ac *Imperatores*, cum tamen reverà essent *Pedissequi*, *Agasones*, ac *Ministri* mensarii.

Annon tantundem *Improbis* atque *Melancholiæ* in quibusdam illorum falsorum *Messiarum* inesse potuisset, si quispiam dubitat, difficile esse fateor tollere suspitionem. Sed *Germanus* erat, quem pro exemplo tutius proferre possumus, haud multos ante annos hìc in Anglià; qui seipsum *Bellatorem Dei*, *Davidem* secundum nominabat, intimæque commiseratione affectus ob Patriæ suæ calamitates ac misérias, paucas hìc copias comparare voluit quas trajicere posset, quibus se confusus est *Hosti* silentium imperare posse, totique *Germania* pacem restituere.

Equidem homo videbatur admodum pius, & acerrimus exosor Tyrannidis & oppressionis, mentisque probè compos quantum ad reliqua omnia; hoc tantum morbo laborabat, quòd eum *Davidem* se imaginabatur quem Propheta prædixerunt pacificum illum fore Principem insignemque *Judeorum* liberatorem. Scriptum breve publicavit, cujus legendi mihi data est opportunitas, quòdque zelo plenum inveni & eloquentià Scripturali. Vidi illius personam *Londini*, si is qui mihi illum ostendebat, minimè sit allucinatus. Homo erat procerâ staturâ, benèque ætate provectus, sed vultu admodum pallido, tabido & melancholico. In



In alterum etiam aliquanto recentius fortè fortunâ incidi, cujus fermo quidem non solum gravis erat ac coharens sed & pius, videbaturque satis undequaque mentis compos, nec vel minimum indicium observare potui in contrarium, in hoc unico delirabat, quod putabat se *quintum* illum *Monarcham* de quo tantus hac ætate rumor inceserat, à Deo constitutum. Quæ Imaginatio eum adeò totum possederat, ut famulum juberet aliquando mensam patinis quadrisque argenteis instruere, sibi que genu innixum poculum ministrare, quemadmodum amicus quidam meus vir doctus atque pius mihi postea narrabat.

## S E C T. XXXIII.

Davidis Georgii *Vaticinium de sua Resurrectione è mortuis, & quàm absòno modo sit impletum.*

Quamobrem hunc hominem non tam sobrium esse existimo quàm priorem, neutrumque cum illo  *Davide*  conferendum qui natus  *Delphiae* , in inferiori  *Germania*  primùm vixit cum suis Gregalibus, postea verò  *Basiliam*  profectus est Anno 1544, atque illuc diem obiit Anno 1556, & effossus est denuo è sepulchro Anno 1559. Quæ in re suum de seipso  *Vaticinium*  modo quodam infami atque absòno impletum est, qui, ad retinendos fluctuantes Gregalium suorum animos quibus persuadere voluit se esse immortalem, prædixit eis sub obitum se anno tertio rursus esse resurrecturum, de seipso illud præfagiens, quod negabat in ullo alio unquam eventurum.

## S E C T. XXXIV.

*Descriptio Personæ, Morum, ac Doctrinæ Davidis Georgii.*

HIC  *David Georgius*  homo ex admodum obscura Familia natus, erat tamen, etiam inimicis ipsius judicibus, vir eximiis Ingenii dotibus, vultu pervenusto, & aspectu venerabili ac decoro. Fuit porro corpore quadrato benèque compacto ac robusto, barbâ rufâ, oculis cæsiis, splendidis & micantibus, sermone gravi ac sedato; & ut summatim dicam, omnes illius motus, gestus atque mores adeò urbani erant & ingenui, ac si totus esset ad Honestatem ac Pietatem compositus ac comparatus. Vixit quidem splendide & magnifice in suis ædibus, sed sine omni turba atque strepitu. Templum religiosè frequentavit, liberalis fuit pauperum sublevator, consolabundus visitor ægrotorum, Magistratui morigerus, perbenignus comisque versus omnes homines, in rebus omnibus quidem prudens, & in aliquibus admodum astutus, ut in eo quod adeò clam habuerit diligentèrque celaverit doctrinam suam à  *Basileensibus*  ubi vixit, quibus nè unam syllabam apicè mve communicavit, & tamen sedulo interim in remotioribus  *Germaniæ*  partibus eam disseminavit, tum per libros tum per literas suas. Cujus præcipua Capita hæc sunt quæ sequuntur.

1. Quod Doctrina hæcenus per  *Mosén, Prophetas, ipsùmque Christum*  ejusque  *Apostolos*  tradita, manca est & imperfecta, divulgata tantum ad populos in puerili quadam obedientia ad tempus retinendos donec plenitudo ac perfectio Doctrinæ  *Davidis Georgii*  communicanda esset hominibus, quæ sola Doctrina est quæ humanum genus beatum efficere potest veræque Dei notitiâ eos replere.

2. Quod  *David Georgius*  verus est ille  *Christus*  ac  *Messias* , unigenitus Dei filius, non quidem ex carne natus sed ex Spiritu sancto, Christi que Spiritu, quem Deus in loco secreto reservaverat, corpore illius ad nihilum reducto, totumque in Animam  *Davidis Georgii*  infudit.

3. Quod hujus  *Davidis Messie*  est, instaurare domum  *Israelis* , & Dei Tabernaculum rursus erigere, non quidem per Crucem, afflictiones & mortem, quemadmodum factum est in altero  *Messia* , sed per dulcedinem illam, Amorem atque Grati-  
am, quæ ipsi data sit à suo Patre.

4. Quod potestas Remissionis peccatorum data est huic  *Davidi Georgio* , quodque is est, qui jam advenit ad mundum judicandum ultimo judicio.

5. Quod Scripturæ sacræ, Dicta, ac Testimonia Prophetarum, Christi ejusque Apostolorum, si rectè intelligantur & secundum verum ipsorum Mysterium, in gloriosum  *Davidis Georgii*  adventum digitum intendunt universa, qui ipso Christo major est, ut qui ex spiritu natus sit non autem ex carne.

6. Quod

6. Quòd omne Peccatum & Blasphemia adversùs *Patrem Filiumve* remitti possunt aut condonari; Peccatum verò adversùs *Spiritum sanctum*, hoc est, adversùs *Davidem Georgium*, nunquam est remittendum.

7. Quòd Resurrectio Christi è Sepulchro & Resurrectio mortuorum merum est Mysterium sive Allegoria.

8. Quòd Angeli & Diaboli sunt tantùm Homines boni & mali, vel eorum Virtutes & Vitia.

9. Quòd Matrimonium liberum est, omnis expers obligationis, quòdque nemo ad unam aliquam mulierem restringitur, sed liberorum procreatio promiscua erit sive in communi, omnibus eis qui Renati fuerint, sive *Davidis Georgii* Spiritu Regenerati.

Hæc omnia traduntur in libro de *Vita ac Doctrina Davidis Georgii* per Rectorem & Universitatem *Basileensem* publicato Anno 1559.

#### SECT. XXXV.

*Sermonis vis ac facultas in Davide Georgio ex quibus causis sit orta.*

Quantùm ad propria illius scripta, quæ magno in pretio ac admiratione habentur apud nonnullos, flexanimam illius Eloquentiam, & acerrimas animationes ad magna Pietatis officia, equidem istiusmodi Principia naturalia jam tradidimus in quæ facillè possint resolvi, adeò ut nihil opus sit ad Spiritum ullum supernaturalem recurrere. Homo enim illiteratus, qualis is erat, sed eximiis ingenii dotibus, ex constanti Bibliorum lectione, vim sermonis plausibiliorem prævalentiorémque naturaliter contracturus est, quàm ii qui literis plenius sint imbuti; quippe quòd linguarum locutionumque Artificialium mixtura facit ut stylus eorum in deterius degeneret, morèque magis humano sonet, quanquam ut plurimum plus Dei in eo subesse possit, quàm in stylo *Enthusiatarum*.

#### SECT. XXXVI.

*Apparentium quorundam Charismatum ratio in Davide Georgio.*

Pone eum cum zelo quodam animique commotione Lectori suo commendare posse *Patientiam, Pacis studium, Mansuetudinem, Amorem fraternum, Aequitatem, Prudentiam, Sui-abnegationem, Mortificationem*, & similia, in hisce omnibus nihil subest, quod illa sua à sanguine denominata temperies sine ulla *Divinitus Inspiratione* non possit suggerere.

Etenim nulla est *Christiana Virtus* quæ ad mores spectet, nominanda, quin *Temperies naturalis* spuriam aliquam illius imitationem suppeditet, ac proinde cùm altera alteri tam propinquâ similitudine respondeat, facillè profectò erit ista *Mimo-charismata* locutionibus Scripturalibus deaurare: Adeò ut is qui hisce *Complexionalibus*, si fas sit ita loqui, Virtutibus stylum Scripturalem addiderit, apud minùs peritos se pro Apostolo vel Propheta gerere posset; apud rudem verò multitudinem, quem libuerit se venditare, sine omni suspitione aut oppugnantia.

Omnium harum imitationum difficillima videtur *Sui-abnegatio*, quippe quam verisimillimum est à sanguinea Temperie magnopere abhorrere. Verùm *Enthusiasmus* suâ non caret mixturâ *Melancholice*, nòsque hîc de *Enthusiastico sanguine* loquimur, in quo ferociore etiam Passiones hospitantur. Ac propterea hæc *Sui-abnegatio* & *Mortificatio* potest nihil aliud esse quàm sanguinis conflictus & victoria de asperiori & ferociori *Melancholia*.

Et quòd sanguinis Regnum sit, non Regimen Spiritus, innotescere potest tum ex Temperamento Capitis hujus Sectæ, tum etiam ex generali Indole suorum Gregalium & ex obsequio & indulgentia charissimarum suarum cuticularum, qui nolunt (ausim dicere) vel minimum sibi digitum dolere per modum externi Martyrii, ullius Religionis gratiâ. Ac proinde prudentia ipsorum ingenique dexteritas in eo maximè consistit, quòd verborum utantur præstigiis, æquivocationibus, leviculisque tergiversationibus, & pacificâ cum rebus quibuscumque consensione, potiùs quàm ut quicquam patiantur in corpore suo aut fortunis ac possessionibus. Quod naturale dictamen est sanguinis triumphantis.

Quod



Quod tamen *Dominium* multò præftabilius videtur *Cholera* Tyrannide & *Melan-  
cholia*, cujus ferocitas aétuofa & nimis follicita acerbitas, nec bona fibi effe poteft nec  
aliis iufta, quippe quæ tam proclivis fit ad imponendum & æquè præceps ad vindi-  
candam rejectionem cujuſlibet frivoli inutilifque Nugamenti, horridæ falſitatis,  
per inhumanas crudelèſque perfecutiones.

## S E C T. XXXVII.

Quòd David Georgius homo fuerit temperie ſanguineâ.

JAM verò quòd *David Georgius* temperie fuerit ſanguineâ, ſuprà dicta Perſonæ  
illius Descriptio probabiliter cuius Phyſiognomoni indicabit. Difficile enim  
eſt invenire corpus robuſtum atque ſanum, idémque pulchrum ac venuſtum, quin  
idem reperiatur *Veneri* ac *libidini* immane quantum deditum. Multa in medium  
proferre poſſemus exempla virorum pariter atque ſœminarum, ut *Helena*, *Laidis*,  
*Fauſtina*, *Alcibiadis*, *Iſmaelis Sophi Perſia*, & *Demetrii*, qui formâ fuiſſe dicitur mi-  
rabili, aſpectûque Majeſtate pleno atque dignitate, cum gravitate quadam & benigni-  
tate attemperata; quin & ſummâ etiam clementiâ, iuſtitiâ, pietate & liberalitate;  
ſed libidini ac voluptati adeò deditus, ut nullus unquam Rex fuerit, qui cum eo ſit  
conferendus.

Vide Jo. Bap-  
tiſt. Port. de  
Human. Phyſi-  
ogn. lib. 2. cap.  
13.

## S E C T. XXXVIII.

Plura certioraque Argumenta quibus David Georgius probetur ſanguineâ fuiſſe  
temperie.

CÆterùm duo certiora ſigna ſuperſunt naturalis conſtitutionis huius Prophetæ,  
quorum alterum eſt, Quòd *Vitam futuram Angelorûmque* ac *Spirituum* existen-  
tiam negaverit; alterum, Quòd *pluralitatem* approbaverit, ſive *communitatem Uxo-  
rum*.

Quorum prius ingenuè fateor me nulli rei perinde imputare poſſe atque cuidam  
magis dulcorofæ ſaturæque *ſanguinis* mixturæ in Temperamento ſuo *Enthuſiaſtico*,  
Nihil enim deſiderium in homine æquè conſopit, fidémve extinguit illius magis Spi-  
ritualis & Immaterialis ſtātus & conditionis, quàm *dulcorofa hæc ſanguinis ſaturitas*,  
quæ ſpiritus adeò increaſſat obnubilatque, ut Mens imaginari nequeat aut præſagire  
quicquam ultra præſens emolumentum huius mortalis corporis.

Et de poſteriori, credo apud omnes concedi, quòd nulla tam genuina cauſa affig-  
nari poteſt quàm hæc ipſa *Temperies ſanguinea*, quæ homines ad amorem mulierum  
adeò fortiter inclinet.

## S E C T. XXXIX.

Fuſcum ſaturûmque Sanguinem fuiſſe, quæ magnorum promiſſorum Evangelii veritatem  
ab oculis ejus abſconderit.

Quamobrem *Enthuſiaſtes* hic, cum propriæ ſuæ conſtitutionis vi in Incredulita-  
tem circa magna illa æternæ vitæ promiſſa in Scripturis indicata depreſſus  
eſſet, ſacroſanctos illarum Scriptores aut errâſſe arbitratus eſt aut in Allegorias tan-  
tùm ea quæ ſcripſerunt deſtinâſſe. Et Fervore illo, quem in ſe expertus eſt ad *Amo-  
rem*, *Pacem* & *Æquitatem*, & ſimilia, eò uſque exæſtuante, ut ad perſuaſionem  
eum impelleret, quòd *Divinitus* eſſet *inſpiratus*, Incredulitatem ſuam circa pretioſa  
illa promiſſa *Immortalitatis* ac *Gloriæ* in cœlis, ſpecialeſ quondam *Illuminationem*  
etiam imaginatus eſt; & mortuorum *Reſurrectionem* nihil eſſe aliud, quàm ad con-  
ſimilem exuſcitari ardorem erga eaſdem res cum ſeipſo, & ad parem cum illo *Incre-  
dulitatem* circa cœleſtem illam Coronam quam Apoſtolus omnibus Fidelibus propo-  
nit. Atque eapropter, cum mentem ſuam per fidem ad cœlum elevare non poſſet,  
is Cœlum ad Terram deduxit, per vanam ſuam Imaginationem. Quod minoris  
proſectò laboris erat, quàm cepit *Mahometes*, qui ad montem ambulare coactus eſt,  
poſtquam vidiffet montem ad ſe nolle accedere.

S E C T.

## S E C T. XL.

*Accurata fimilitudo Davidem Georgium inter & patrem modernorum Nicolaitarum, cum Authoris cenfura de utrifque.*

**D**E Davide Georgio hæc brevis eft Narratio. Cujus errorem modernorum Nicolaitarum Pater tam diligenter imbibit, quàm fi ægrè laturus fuiffet, fi vel una guttula præterlapfa effet. Nufquam illius quod apud Salomonem occurrit, exemplum illuftrius extitit quàm in his duobus, *Ut facies refpondet faciei, fic cor homini homini.*

Quamobrem de utrifque audacter pronuncio, quòd, tametfi Chrifto feipfos æquiparabant, fimulabantque fe *Judices vivorum ac mortuorum*, omni tamen vero judicio circa res Religionis magis erant deftituti quàm vel minimus fincerorum Chriftianorum. Et quanquam adeò à capite ad calcem fpeciofis illis *Deificationis Divinitatis*ve titulis feipfos deaurarunt, fictitiisque ac adulterinis coloribus & tumidorum vanorumque verborum pigmentis incruftarunt fe quafi atque oblarvârunt ad attonitum populum decipiendum, fuerunt tamen reverà *meri Homunciones*, fuperciliario ingenio, corporeque intercutibus vitiis madente variisque libidinibus colliquefcente, qui præfentis vitæ dulcedinem adeò fapiebant, ut omnis fpes ac defiderium melioris illius vitæ quæ nos manet in cœlis, in ipsis penitus effent extincta. Ac propterea obfirmata ipforum & radicata Ignorantia effecit, ut confidentiâ adeò Enthufiafticâ propriis erroribus adhærent.

## S E C T. XLI.

*Opportuna monitio in eorum gratiam qui hujusmodi Scripturibus capiuntur infcientes, ut & confirmatio ulterior quòd Infania Enthufiaftica cum fana mente in aliis rebus poffit confiftere.*

**C**Æterùm ut zelus meus pro veritate in nullius hominis injuriam cedat, hoc monitum omittere non poffum; Quòd venenum hoc de quo loquimur tam fubtiliter infinuatur, fienterque fupponitur in hisce fcriptis legendis, ut bonus profectò verusque Chriftianus facile in eorum approbationem abripi poffit, fine ulla ab ipsis *Infektionem*, (quippe qui non animadverferit, quid impliceant aut fubinfuient) aut *defektionem* à præcipuis Rudimentis Chriftianitatis. Atque equidem quanto ardor major videtur erga fummam fanctitatis perfectionem, eo lector fecurior redditur de fcriptoris integritate quantum ad Effentialia Religionis Chriftianæ Principia, quamvis res longè aliter fe habeat, fi descenderis ad Imum.

*Infania* enim & *Melancholia*, fuma omnia petunt, multisque probavimus exemplis hominem ridiculè absurdèque in una aliqua re delirare poffe, & mente tamen fanâ effe ac compofitâ in reliquis. Quemadmodum *Gazaus* rem fectivâ & eleganti illuftrat hiftoriolâ de fene quodam, qui fe imaginatus eff *Deum Patrem*. Et *Acofta* quidem verum exemplum producit, cujus & ipfe certiffimam notitiam habuit, de docto quodam ac venerabili Theologiæ Professore in Regno *Peruviano*, quem affirmat æquè mentis compotem fuiffe, quantum ad ullum Cerebri fymptoma, quàm ipfe erat quando fcripfit Narrationem. Quæ cum aliquantulum proluxa fit, tantum folummodo tranfcribam, quantum præcisè ad præfentem fcopum facturum fit.

Hic Doctör *Peruvianus* fanctè ferioque affirmare folebat, aliquando fore ut ipfe *Rex* fit, quinimo & *Papa* etiam, fede Apoftolicâ in iftas partes tranflatâ. Porro fanctitatem ipsis concessam effe fupra omnes Angelos cœleftesque cohortes, & fupra omnes Apoftolos; immò unionem *Hypoftaticam* Deum ipsis donare voluiffe, fe verò eam noluiiffe acceptare. Denique, quòd ille Mundi Redemptor conftitutus effet quoad *Efficaciam*, cum Chriflus, quod ille dixit, conftitutus tantum fuiffet quoad *Sufficienciam*. Quòd totus ftatus Ecclefiafticus abrogandus effet, ipseque leges novas effet conditurus perfpicuas atque faciles, quibus Clericorum à Matrimonio prohibitio tolleretur, & pluralitas permetteretur Uxorum, omnisque Confessionis neceffitas aboleretur. Quas quidem res, tanta cum animi contentione & confidentia, tam multis tamque proluxis citationibus è Prophetis, Pfalmis, Apocalypfi aliisque libris, adeoque inopinatis Applicationibus Allegoricisque eorum interpretationibus coram Inquifitionis Judicibus defendebat, ut Auditorium nesciret Imaginationem illius riderent



derent magis, an admirarentur memoriam. Ipse verò de summa rei tam certò persuasus erat, ut nihil præter mortem eum liberare posset à delirio. Martyrium enim passus est ob hoc vesaniæ suæ specimen, ad æternam Judicium ejus Infamiam, qui aut adeò rerum imperiti erant ut nescirent *Melancholiam* efficere posse ut quis in una aliqua re deliret, dum mente satis sanâ sit in reliquis, aut tam crudeles ac barbari ut nihil pensi haberent hominem misellum mentisque malè compotem occidere. Historiam fusiùs deductam legere licet in Tractatu de *Enthufiasmo* recèns edito, & à *Merito*. *Gasubono* eruditè scripto, cap. 3.

Atque hæc quidem huc transcripsi, ut evidentia illius veritatis apud Medicos, qui affirmant *Melancholiam* mentem hominis in una aliqua re infatuare posse & satis sanam relinquere in reliquis, magis innotescat; utque porro confirmem, quod supra notavi, *Enthufistas* nempe ut plurimum vaporibus ab inferiore corporis regione intoxicari, ut *Pythia* olim inspiratæ fuisse creduntur certarum quarundam exhalationum vi è Cavernis in quibus suum habuerunt recessum. Unde enim audax istud propositum novam ferendi legem apud Christianos pro pluralitate Uxorum, nisi ex eo quòd judicium illius obnubilatum esset Venereis aliquibus fumis ac vaporibus?

## SECT. XLII.

## De Enthufiasmo Philosophico.

**A**lterum *Enthufiasmi* genus quod proposui, *Philosophicum* erat, quippe quod in istiusmodi hominibus reperitur qui magis *speculativo* ingenio sint ac *Philosophico*. Cùmque *Melancholia* hæc ad Religionem ac Devotionem perinde atque ad curiosam rerum contemplationem homines pronos faciat, hi motus naturales affectusque versùs Deum eos in persuasionem rapere possunt, quòd is ipsos vicissim majori solito affectu amplectatur, quòdque tam specialem Assistentiam conductumque ab eo nacti sint, immò tam mysticam sed itidem intimam ac realem cum ipso unionem, ut quamlibet bellam cogitationem sive Imaginationem quæ in mentes ipsorum obrepserit, tanquam eximium Divini favoris pignus, singularemque à Deo ipso Illuminationem, se existiment æstimare oportere.

Qua quidem in re *Elionora Meliorina*, Generosæ *Mantuanæ* vesaniam imitari mihi videntur, quæ cùm plenè persuasâ esset se Regi cuidam nupsisse, solebat in genua se provolvere & cum eo colloqui, ac si præsens esset cum suo comitatu; & si fortè fortunâ aliquod vitri fragmen in sterquilinio invenisset, incidisset in concham ostreaceam, stanni frustulum, aliudve quodlibet, quod in Sole splendeat atque rutilet, dicere solebat Gemmam esse à Domino maritoque suo ad se missam, atque hæc ratione capsulam suam variis hujusmodi quiscuilibet replebat.

Haud absimili modo inspirati hi *Melancholici*, vagulis quibuscumque ac flammitantibus Imaginatiunculis quas ipsis *Melancholia* suggererit, capita scriptaque sua referciunt, tanquam si magni pretii veritates essent, ab ipso Spiritu sancto eis communicatæ; & inopinatos morbi sui naturalis Paroxysmos pari excipiunt devotione & reverentiâ, ac si ipsius Dei vis & præsentia animas ipsorum occupasset.

## SECT. XLIII.

## Multi Chymici ac Theosophi huic morbo obnoxii.

**H**uic morbo multi *Chymicorum* & *Theosophorum*, si quid ego rectè judico, admodum videntur obnoxii, qui sua commenta & Imaginationes ita magisterialiter atque imperiosè dicunt, ac si Nuncii Authentici essent à Deo omnipotente missi. Quòd verò *Mimothosophi* sunt, hoc est *Enthufistas*, non autem Homines infallibiliter illuminati, crassæ Ineptiæ quas ipsis excidisse in scriptis eorum observavimus, eis omnibus abunde demonstrant qui non aliquo modo eodem quo ipsi vesaniæ morbo laborant. Pauca hæc producemus exempla, quanquam Authorum nomina reticemus, quippe quæ apud quosdam tanto in pretio sunt atque existimatione.

## SECT. XLIV.

*Absonorum Commentorum Collectio promiscua è variis Theosophis & Chymicis.*

**A**rrigite igitur aures & adeste cum silentio, nam stupenda planè Mysteria vobis jam enarrabo. Virtutes Planetarum non ascendunt sed descendunt. Nimirum, ex *Venere* sive *Cupro* non fit *Mars* seu *Ferrum*, sed ex *Marte* fit *Venus*, quippe cuius inferior est sphaera. Ità *Jupiter* sive *Stannum* facilè mutatur in *Mercurium* sive *Argentum vivum*, quia *Jupiter* secundus est à Firmamento, & *Mercurius* secundus à Terra. *Saturnus* primus à Cælo & *Luna* prima à Terra. *Sol* cum omnibus se miscet, sed nunquam melioratur ab inferioribus. Nunc verò scias magnum esse consensum *Saturnum* seu *Plumbum* inter & *Lunam* sive *Argentum*, *Jovem* inter & *Mercurium*, & inter *Martem* & *Venerem*, quoniam *Sol* in horum medio est situs.

Quid obsecro esse potest nisi altè surgens Hypochondriorum intumescencia quod mentem ad tam sublimes comparationes ab Hypothesi tam falsa ac fatua petitas attollat? Sed de *Chymicis* & *Theosophis* generatim observavi, ut de aliis quoque hominibus pinguiori adhuc insaniâ correptis, quòd ipsorum cogitationes validè ad *Astrologiam* rapiuntur, utpòte quæ ars sit perquam leviculis innixa fundamentis; nec dubitò quidem quin Reliquiæ sint antiquæ rudiorum Ethnicorum superstitionis & Idololatriz, quæ aut propria Melancholia aut aliquid deterius ipsos imbuisset.

Sunt & aliæ bellæ imaginationes apud hos Scriptores de cælestibus illis corporibus; ut, *Stellas* ac *Planetas*, *Lunâ* ipsâ non exceptâ, esse ejusdem naturæ quâ lapides pretiosi qui adeò fulgent hec in Terra; & quanquam nihil agunt, ità tamen eas esse comparatas ut vagabundi *Spiritus* aëris in ipsis tanquam in speculo res cernant futuras, atque hinc eis inesse facultatem vaticinandi.

*Stellas* factas esse ex *Sole*, & tamen *Solem* eas illuminare.

Oculos nostros suam traxisse originem à *Stellis*, atque id ipsa in causa esse cur *Stellas* videre valeamus.

Oculos nostros agere in omnia quæ vident, perinde atque quæ vident in eos agunt sive operantur. Illud etiam egregium Mysterium est dignumque ore viri divinitus inspirati, Quòd *Aurora* & *Vespera* tantum sint sub *Sole*.

*Stellas* calorem ubique in hoc Mundo accendere ad Generationem, Differentiamque *Stellarum*, Creaturarum differentiam producere.

Si calor *Soli* adimeretur, eum unam cum Deo lucem fore.

\* Omnia esse ipsum Deum.

\* Hominem quemlibet Deum ipsum fore modò sanctè vivat.

Deum nihil aliud esse præter Dilectionem sinceram, benignum Aspectum amicumve Intuitum, suavem Odorem, jucundum Saporem, gratam Contrectationem, & Osculationem amorabundam, &c. Nec ille *Spiritus*, inquam ego, qui hoc mysterium inspirat, quicquam aliud præter *Melancholiam* atque *Sanguinem*.

Deum Patrem in seipso esse *Vallem tenebrarum*, sed illuminari omnino à Filio suo.

Deum Rebellionem *Luciferi* comprimere non valuisse, quia bellum erat, non quidem inter Deum & Bestiam, vel Deum & Hominem, sed inter Deum & Deum, quippe quum *Lucifer* tanta suæ essentiz esset portio.

*Naturam* esse corpus *Dei*, immò *Deum Patrem*, qui etiam *Mundus* est & quicquid ullo modo est sensibile aut perceptibile.

*Stellares potestates* esse *Naturam*, *Orbitamque Stellarem* matrem rerum omnium, à qua omnia sunt, subsistunt & moventur.

*Aquas* hujus Mundi insanire, atque hinc fieri, ut tantopere obsæviant & ultro citroque cursitent in Canalibus terræ.

*Orbem ceruleum* *Aquas* esse supra firmamentum.

Duo esse ignium genera, alterum *frigidum*, alterum *calidum*, mortemque esse ignem *frigidum*.

*Adamum* fuisse Hermaphroditum.

Quòd *Ignis* non ureret nec ullæ futuræ fuissent *Tenebræ* nisi propter lapsum *Adami*.

Rem valdè probabilem esse, quòd *Saturnus* ante lapsum erat ubi jam *Mercurius*, & *Mercurius* ubi *Saturnus*.

\* Tres *Animas* esse in Homine, *Animalem*, *Angelicam* & *Divinam*, Animamque *animalem* post mortem in sepulchro jacere, *Angelicam* in sinu *Abrahami* esse, *Divinam* verò in Paradiso.

Deum oculos habere, aures, nasum, aliæque corporis membra.

Unam-



Unamquamque rem sensum habere, imaginationem & fiducialem Dei cognitionem, Metallis, Meteoris Plantisque non exceptis.

In centro Terræ Ignem esse *Infernalem* qui producit accenditurque à *primo mobili* Influentiisque Stellarum.

Polum *Arcticum* Aquas haurire per Axem, quæ postquam ingressæ sint, erumpere rursus per Axem *Antarctici*.

*Lunam* perinde atque *Stellas* fieri ex minùs puro genere Ignis cum Aëre mixti.

Purum in Homine *sanguinem* respondere elemento Ignis in Mundo magno, Cor ejus Terræ, Os Polo *Arctico*, orificiùmque oppositum Polo *Antarctico*.

Propriam *Mentis* sive Intellectus *sedem* esse aut in ore *Ventriculi* aut circa *Lienem*.

Terræ motus ac Tonitrua non fieri à *Causis* naturalibus sed ab Angelis *Dæmoni-*busve.

Ante Diluvium *Noachi* nullam fuisse Iridem.

*Lunam* esse substantiam congelatam, lumen frigidum de suo habentem, quo lumen Solis quod recipit & in nos conjicit, adeò frigidum evadit.

## S E C T. XLV.

## Particularis ex Paracelso Collectio.

**H**Atenus Collectiones nostræ promiscuæ fuerunt. Quod sequitur ex Paracelso solo excerptur. Ut exempli gratiâ :

Diversitates Altitudinis Solis non efficere *Æstatem* atque *Hycmem*, quoniam Sol eundem calorem habet, sive altior sit sive humilior; sed esse *Æstivas* quasdam & *Hymales* *Stellas*, quæ præcipuæ causæ sint istarum Tempestatum. Paracels. de Meteor. cap. 3.

Absentiam Solis non esse causam Noctis, quippe cujus lux tam magna est, ut totam Terram pari, aperto diei, splendore simul illuminet; sed Noctem *tenebrosarum Stellarum* influentiâ introduci, quæ tenebras eradiant & caliginem Terræ offundunt, ut Sol lumen.

*Gnomos*, *Nymphas*, *Lemures* & *Penates*, Spiritus Intellectu perinde atque homines præditos, in totum tamen mortales esse, & nè Animam quidem in se immortalem continere. Paracels. de Meteor. cap. 4.

*Stellas* esse quasi phialas sive cucurbitas, in quibus *Sal Meteoricum*, *Sulphurque* ac *Mercurius* continentur; Ventosque, qui ex his fiunt, per *Æthereos Vulcanos* ex his Emunctoriis efflari, ut quando quis ore suo halitus reddit respiratve. De Meteoris cap. 5.

*Stellas* esse quasi ollas sive urceos in quibus *Archæus* sive *caelestis Vulcanus* materiam pluviæ præparat, quæ indè exhalata primùm in forma nubium apparet, deinde condensatur in pluviæ. De Meteoris cap. 6.

Grandinem Nivemque esse etiam fructus Stellarum, quæ ab ipsis ut flores germinaque ab Herbis Arboribusque, proveniunt. De Meteoris cap. 7.

Tonitruum à *Penatibus* fieri, qui postquam *Æthereum Sulphur*, *Sal-nitrum*, & *Mercurium* sumpserint, & in suum *Aludel*, hoc est, in *Stellam* suam imposuerint, post sufficientem illuc præparationem, Stella tandem in Aërem ipsa effundit, atque sic *Tonitru* materia evadunt, cujus sonus tam vastus est & terribilis quippe qui à Cæli Testudine repercutitur, ut quando Bombarda sub fornice aliqua concava exploditur. De Meteoris cap. 8.

Fulgura sine Tonitruo, esse quasi deciduos *Stellarum* *Æstivarum* flores. De Meteoris cap. 9.

*Stellas* & comedere & nutrir, ac proinde alvum nonnunquam exonerare; istasque *Stellas* cadentes, ut quidam appellitant, quæ super terram, in tremulæ *Gelatine* forma reperiuntur, earum esse excrementum. De Meteoris cap. 10.

Meteora ista, quæ *Dracones volantes* nominantur, stupidiorem quendam Intellectum in se habere atque sensum.

*Parelios* & *Paraselenas* per *Penates* fieri tanquam per Artifices, qui formam figuræve Poculorum argenteorum in Metallo adulterato imitantur.

Humanam omnem ac naturalem Intelligentiam *Stellis* inesse indèque in hominem derivari, & ab eis illam exugere ipsum oportere ad animam suam nutriendam, ut cibum sumit ad alendum corpus. Vide Paracelsi Scientiam Astronomicam.

*Divinationis* rationem in hoc consistere, Quod Homo præter terrestre, sydereum etiam corpus habeat cum *Astris* conjunctum; atque hinc fieri, dum corpus hoc sydereum ab Elementis (quod fit in somno) magis liberum evadit, quò cum Astris possit confabulari, ut Mens indè moneatur de rebus futuris.

*Stellas* appropinquantis cujuslibet hominis mortis terrore horroreque percuti, ideoque neminem ferè mori sine signo aliquo ab ipsis dato, ut mortuorum hominum choreis, strepitùve aliquo in ædibus, & similibus.

Quemadmodum per *Divinam Fidem*, mortui exuscitantur, montesque conjiciuntur in medium mare; ita per *fidem Naturæ*, Influentiam *Stellarum*, quæ omnia Naturæ secreta cognoscunt, ad nutum obtineri posse, quo naturaliter quispiam præscire potest quid sit futurum.

*Gigantes, Nymphas, Gnomos & Pygmaeos* conceptus fuisse foetusque *Imaginativæ* Potentiæ & Influentiæ *Stellarum* in materiam ab ipsis præparatam, nullasque habuisse Animas; quemadmodum & verisimillimum esse, quod remotiorum partium Orbis terrarum Incolæ nullas habeant, ut qui non sint progenies *Adami*.

Aucipem, beneficio sui *Astri*, nihil opus habere ut Volucres prosequatur, cum ad ipsum ultro sint volaturæ, Piscisque itidem ad Piscatorem adnataturi, Feræque Venatorem secuturæ propter eandem *Astrorum* rationem.

Separationem Orbis terrarum in tres partes, *Europam, Asiam, Africam*, Imaginem quandam esse sive Representationem trium Principiorum Chymicorum *Salis, Sulphuris, & Mercurii*, ex quibus tribus universus Mundus est constitutus.

Artificialem quandam rationem esse producendi *Homunculum*; *Elvasque* Sylvarum, *Nymphas*, ipsosque adeo *Gigantes*, hujusmodi aliquam habuisse Originem; hosque *Homunculos* sic factos, nosciturus esse omnimoda secreta, artiumque mysteria, quippe qui ipsi vitam, corpus, carnem, os, & sanguinem ab artificiali Principio recepere.

Paracels. de  
Naturæ rerum,  
lib. 1.

#### SECT. XLVI.

Paracelsum occasionem dedisse maximè *vesanis* Enthusiasmi Philosophicis qui  
unquam existere.

**H**Æ sunt immanes deliræque Imagines istius ampullosissimi totius Europæ Ostentatoris, *Aureoli Paracelsi*, cujus effrænis phantasia, & audacissima præfidentissimæque absonorum suorum supinorumque Inventorum hominibus credulis obtrusio, *Enthusiasmi Philosophicis* occasionem dedit maximè *vesanis*, ausum dicere, & absurdis quos nullus unquam aut *Christianus* aut *Ethnicus* humano generi propinavit. Ultimum illud ipsius Commentum quidam conati sunt in Allegoriam convertere, ut *Perse Alcoranum*, cum eos crassi illius sensus adeo pudeat; sed meo quidem judicio, ita frigide & incongruè, ut confirmationem quemlibet redderet, literalem sensum tantummodo intendi; & si cum eis quæ de *Nymphis* scribit, *Gigantibus* atque *Elvis*, in sua *Scientia Astronomica*, comparaverit, nullus ei relinquetur ulterius dubitandi locus.

#### SECT. XLVII.

Philosophiam Paracelsi quamvis ipse minimè intenderit, unum è tutissimis *Asylis* esse  
*Atheo*, ipsumque fulcrum antiqui *Paganismi*.

**E**ST fanè, fateor, aliqua Religionis affectatio in scriptis illius, multoque major in illius Sæcutoribus, qui se à Deo edoctos arbitrantur, cum clarè interim videam, cerebrum eorum omnino calefactum infectumque insalubri aurâ, vehementique spiritu phantastico, qui in *Paracelsi* libris spirat.

Equidem benè novi minimam esse prudentiæ partem, illos vili pendere, quos alii tantopere admirantur. *Astutia* verò est non *Prudentia* quæ infidum silentium imperat. Neque scio profecto quî probus quisquam conscientiam suam exonerare possit, callidè connivendo ad tales falsitates quibus hominum mentes illaqueari viderit, easque non solum ineptis ridiculisque figmentis deturpari, sed insinuari etiam istiusmodi periculosas noxiâsque opiniones, quæ ipsa Religionis Christianæ Fundamenta supplantaturæ sint atque subversuræ.

Ad quemlibet enim Judicem provoço, An quicquam ad antiquum *Paganismum* propius accedat, quàm quæ audaculus hic scriptor de *Stellis* pronunciavit? Ullumque *Asylum* tam opportunum tutumque sit *Atheis* qui omnem Religionem derident atque eludunt, quàm sit miraculosa illa Cælorum Influencia, quam *Paracelsus* in *Sci-*  
entia



entia sua *Astronomica* describit? Quamobrem attonitus planè starem ad vesaniam & Inconstantiam tum ipsius tum Sectatorum ejus, qui Philosophiam *Paganicam* satís acriter subinde perstringunt, cum ipsi tamen in sua scripta ipsas fæces illius admittant, crassa utique Principia antiquæ *Paganicæ* Superstitionis & Idololatriæ, nisi quòd meminero, eos *Enthusiastas* esse, nec *Rationis* ductum, sed vim *Imaginationis* sequi.

*Jupiter est quodcunque vides, &c.*

Hoc sensu pinguiori sumptum, nullus dubito, quàm Principium primarium fuerit, unde tot varietates impuritatésque *Paganicæ* superstitionis effluxerè, cum in quolibet sensuum suorum Objecto, Deum sibi obviàm factum putarent. Et certè hi enormes *Enthusiastæ* profitentur, \* *Rem quamlibet Deum esse aut in Amore, aut in Ira.* Quod quidem, siquid ego intelligo, nihil differt ab *Atheismo*. Planè enim implicat Deum nihil aliud esse præter universam Mundi materiam, in varias formas figuràsve concinnatam, variisq; qualitatibus sive proprietatibus imbutam, grâti aliis, aliis ingratis, quibusdam sanctis, aliis profanis, nonnullis intelligentibus, aliis insensatis, his fortibus ac vegetis, illis rursus infirmis ac repentibus, & sic in cæteris. Sed Deum in tot partes discindere, idem est atque eum vulnerare, imò verò trucidare nullumque omninò Deum constituere.

### SECT. XLVIII.

*Philosophiam Paracelsicam Astrorum cultui apud Ethnicos patrocinari, Authoritatis Miraculorum Servatoris derogare, & inefficax reddere Evangelium ad fidem unius Dei stabilendam particularisq; Providentiæ, profectoque isti Atheo Vanino gratificari, etiam in eo de quo maximè triumphat, utpote quod ipsi commodissimè inserviat ad omnem omnino Religionem eludendam.*

**R**ursus, ut patrocinatur *Paracelsus* Stellarum cultui apud Ethnicos, dum eas tam scientes, tam potentes ac commiserantes rerum humanarum facit spectatrices? Et cur obsecro ipsis preces fundere ad eas non liceret, quemadmodum *Anna Bodenhæm* Venefica ad Planetam *Jovem*, si tantam potentiam habeant & scientiam, ut homines in hac inferiori Regione generare valeant, donâque ipsis conferre? Neque enim multum absimile est atque si quispiam à Patre compatrève benedictionem peteret. Nam si concedatur vel unam Gentem ab *Astris* procreatam fuisse, *Atheus* pro certo assumet, omnes sic fuisse genitas.

Porro, quomodo damnum refarciemus, noxamque Miraculorum semper Beati Servatoris authoritati factam? Quibus non sola Christianitas sed prima omnis veræ Religionis fundamenta eminenti modo stabiliuntur, specialis scilicet ac particularis Dei Providentiæ, & Spes vite future. Nam si *Astra* istiusmodi Animantes, quæ sensu intellectuque polleant, ex materia præparata producere possunt, quæque tamen immortalem Animam nequaquam habeant, sed in stupidam iterum materiam penitus convertantur; quî fit ut res ita se non habeat apud homines perinde atque apud ipsas? Et si contribuere possunt vim ac peritiam istiusmodi miracula edendi quæ *Moses* fecerit & *Christus*, aut quæ ab ipsis haud multum abluferint; quæ restant argumenti vestigia, quo probemus Deum existere ullòve Spiritus? Omnia enim sic resolvi possint in vim *Astrorum*. Id quod præservidus ille atque industrius *Atheus* *Cesar Vaninus* summopere triumphat, in suo *Amphitheatro aterna Providentiæ*, ubi multa dicta Astrologica affert ex *Cardano*, sub specie refellendi, quibus Originem trium illorum eximiorum Legislatorum *Mosis*, *Christi* & *Mahometis*, ab *Astrorum* Influentiâ arcessit.

Lex *Mosis* à *Saturno* est, inquit *Cardanus*, *Christi* à *Jove* & *Mercurio*, *Mahometis* à *Sole* & *Marte*. Lex verò Idololatrarum à *Luna* & *Marte*.

Et in alio loco *Cardanus* dulcedinem illam, & mansuetudinem & Sapientiam atque Eloquentiam quæ repertæ sunt in Servatore, unde capax erat disputandi in Templo annos tantum duodecim jam natus, *Jovis* influentiæ imputat.

*Pomponatius* etiam Sapientiam & Miracula *Christi* agnoscit, sed ad Stellæ omnia refert, quippe æquè longè in *Atheismum* prolapsus, ut opinor, atque ipse *Vaninus*. Adeò ut hæc vesanæ *Enthusiastarum* *Imaginationes* reverà præcipua sint fulcra ac perfugia *Athæorum*, quibus seipfos sustentare solent ac defendere. || Sed quàm phantastica conturbataque *Astrologia* sit ratio, cuilibet qui vel mediocri patientiâ, ingenio, animique sobrietate præditus sit, judicandum relinquo.

|| Vide *Myster. Pietat. lib. 7. cap. 15, 16, 17.*

## SECT. XLIX.

*Nec Paracelsum nec Sectatores illius Atheisticos fuisse aut Diabolicos, & unde fiat ut Chymicus ut plurimum tam misellus sit Philosophus.*

**C**eterum hæc non ita loquor ac si putarem aut *Paracelsum* ipsum aut illius Sectatores adeo Atheisticos, sed ut ostendam phantasticam ipsorum & Enthusiasticam scribendi rationem, qui cum tam præservido studio ad res Religionis & Christianitatis ferri videantur, admodum crasso tamen inscitæque modo eas tractant, quamlibet magnificam ineptiam quæ ipsis in mentem venerit, effutientes, quantumvis analogiæ Fidei omnino contrarietur, nec ulli solido Rationis fundamento innitatur; quasi id solum agerent ut homines reddant attonitos, omniumque oculos & admirationem in se attrahant.

Rei verò eventum sic est; Ut quidam eos admirantur, ita profecto alii è contrà illos execrantur, tanquam homines \* qui impio agantur Spiritu planèque diabolico. Quam fateor, meo quidem iudicio, nimis duram esse censuram, quippe quum homines animis bene sinceris, obnoxii esse possint *Melancholia* & *Phrenesi* perinde atque *Febribus* & *Causis*. Veruntamen tantum abesse oportet, ut quis veritatem aliquam à Spiritu Enthusiastico detectam in majori pretio habeat, ut ob eam ipsam causam magis suspecta esse debeat, quoniam istud Temperamentum quod homines ad Enthusiasticum inclinât, Rationi maximè est inimicum, ut quod magis crassum sit & faculentum, ac proinde semel calefactum, *Vini musti* instar inebriet, magisque idoneum sit ad cerebrum absonis aliquibus *imaginationibus* quàm ullis *veris Philosophiæ notionibus* opplendum.

Homines verò sanguine puriori tenuioribusque spiritibus, huic morbo non sunt adeo obnoxii. Hæc enim maximè nativa est Rationis sublimioris sedes; cum è contrà *Genius* ille magis *Mechanicus*, qui in materia versari amat variisque in eam ludos edere (quæ *Experimenta* appellant) postquam scientiæ desiderium eoque eum inflammaverit, ut pro *Genio Architectonico* se gerere velit, supràque propriam suam spheram evolare, vesantissimas profecto allucinationes admittit quæ ullo modo fingi possunt, *materialis hæc & corporeâ Phantasiâ* circa speculationes magis subriles ac spirituales egregiè delirante.

Atque hoc quidem est quod *Chymicum*, ut plurimum, tam misellum facit Philosophum, qui ab angusta Inspectione paucorum Nugamentorum in sua Arte, seipsum putat satis instructum ad rationem reddendam rerum omnium tum *Divinarum* tum *Naturalium*. Id quod æquè ridiculum Institutum est, è meo quidem iudicio, atque istud cujusdam hominis, qui cum in littore *Remi* aliquod fragmentum invenisset, omnes ingenii nervos huc intendit ut integrum ex eo conficeret Navem.

## SECT. L.

*Hujus Dissertationis Scriptorem nec Theosopho nec Chymico inimicum esse, tantum id petere, ut gratia sibi fiat nimis credulitatis circa partem utramlibet.*

**Q**uicquid hætenus differui sic intellectum volo, tanquam ab eo profectum, qui nec animum minimè malum sincerumve *Theosophi* contemnat, nec *Chymici* improbet Industriam. Veruntamen hanc veniam semper mihi datum iri spero, ut neutri plus fidei adhibeam, quàm quod aut illustre aliquod *Miraculum*, aut præcellentissimum aliquod *Medicamentum*, aut *Demonstratio* denique solidæ Ratio mihi extorserit.

## SECT. LI.

*De Curatione Enthusiasmi per Temperantiam, Humilitatem & Rationem.*

**D**E *Generibus Enthusiasmi* jam egimus, quatenus præsentī nostro Instituto convenire censuimus. *Curationem* hujus morbi breviter nunc attingemus. Ubi omnem scientiæ *Medicæ*, notitiæque *Pharmacopoliæ* affectionem missam facientes, ea tantum notabimus quæ sub rationem *Moralem* cadunt aut *Theologicam*, talia solummodo



modò præcepta tradentes quæ ad humanæ vitæ regimen pertineant, quantum ad grandem hunc errorem *Enthufiasmi*: de quo quidem, vir sobrius haud facilè apud se statuerit, magisne ridiculus habendus fit, an deplorandus atque noxius.

Jam verò *Medicamentum* maximè *præfentaneum* quod ego quidem noverim, adversus hunc morbum, est hoc *Diatrion*, five *Compositio* ex tribus præstantiffimis *Ingredientibus*, nempe, *Temperantia*, *Humilitate* & *Ratione*. Quod ut non despero, quin eos etiam fanaturum fit; qui aliquanto longius in morbum *Enthufiafticum* sint prolapsi; ità sanè omninò confido, fieri non posse quin eum prævertat in aliis, qui non niſi paululùm admodum eo adhuc ſint infecti.

## S E C T. LII.

*Quid intelligendum per Temperantiam.*

**P**ER *Temperantiam* intelligo moderatam *Abſtinentiam* ab omnibus calidis & inflammantibus *Eſculentis* & *Poculentis*, ut etiam ab omnibus venereis voluptatibus, tactualibusque corporis oblectamentis, ab omni mollitie ac muliebritatè; conſtantem pertinacemque *adheſionem* perfectiffimo gradui *Caſtitaſis* in Cœlibatu, & *Conſinentia* in Matrimonio, ad quem quis pervenire poteſt. Nam manifeſtum eſt ex variis *Enthufiaſmi* exemplis ſuprà allatis, magis abditos ac latitantes libidinis vapores atque fumos imaginationem ipſorum infeciſſe, qui tamen de *Prophetia* ac *Inſpiratione* tantopere gloriabantur.

Addemus inſuper hiſce, moderatum corporis exercitium, tempeſtivos auræ refrigerantis hauſtus, debitum peritumque Devotionis uſum, quo ſanguis ventiletur, & à tenebriſ purgetur gravantibusque vaporibus. Quem *cibus temperatus*, ſi non *jejunium*, debet concomitari, alioqui quanto ſervidiores vehementiorèſve accèſſus apud Deum fuerint, eò veriſimilius erit, grande aliquod malum in capita noſtra indè ruiturum, quippe qui *Intemperantia* noſtræ faciem in nobiliores corporis partes, in cerebrum ſcilicet *ſpiritusque animales* excitaturi ſint, atque ità mentem intoxicaturi furore ac veſaniâ.

## S E C T. LIII.

*Quid intelligendum per Humilitatem, quantumque conferat ad ſapientiam veramque rerum cognitionem.*

**P**ER *Humilitatem* intelligo integram propriæ voluntatis ſubmiſſionem voluntati Divinæ in rebus omnibus, *Inſenſibilitatem* quantum ad omnem *Sui-excellentiam*, præminentiamve præter cæteros, perfectam *Privationem* omnis deſiderii ſingularitatis, attrahendive oculos hominum in perſonam propriam; laudem hominum Mundive gloriam non magis ſapere, quàm ſi nondum in eum natus eſſet, ſed hæc unicâ re contentum eſſe, quòd id agit, ut ſua voluntas Divinæ voluntati plenè ſubjiciatur, quòdque cum gratiarum actione debitæque Reverentia recipit quicquid Divina Providentia in ipſum conjecerit; dulce ſit an acerbum, ſecundum an adverſum, ipſi perinde eſt. Nam quod evitare non poteſt, donum tamen à Deo eſſe meminit in bonum Univerſi datum.

Cæterùm heic fateor, qui ſic affectus eſt, ut nullam ſcientiam, quâ ſibi placeat, quærit; ità fieri non poteſt, quin idem evadat omnium mortalium ſcientiffimus. Quippe qui luce Divinæ ſapientia, ut in imum depreſſa Tellus, Stellarum radiis circumdatur. Illiusque altè demiffa profundè humiliata Anima, céntrum quaſi eſt omnium cœleſtium Illuminationum, ut parvus hic Terræ globus ætherearum iſtarum Influentiarum. Equidem planè obſtupeſco dùm ineffabile mentis, Divinæ voluntati penitus ſubmiſſæ, privilegium contemplor, quàm tranquilla, quàm omnium perceptionum compos, quàm acuta ac ſenſibilis, quàm libera, quàm ſagax, quàm tenero tactu exquisitòque judicio ſit in rebus univerſis. Cùm *ſubergia* eſt contrà effrænèque deſiderium mentem adèò in fluctuum aſperitudines æſtûſque tumultuarios corruget, ut *æterna Rationis lux*, five circa *Vitam* five circa *Naturam*, perfectam diſtinctamque ſuam Imaginem five characterem illi nequeat imprimere; Neque poſſunt tam ſubtiles ac delicati motus ac figurationes, ſenſibiles fieri *Intellectui*, tam violentâ tempeſtate conturbato & agitato.

Ille

Ille igitur qui submissam hanc humilémque Animi Temperiem affecutus est, quæ tam magni momenti est ad omnimodam sapientiam acquirendam, *Naturalem* perinde atque *Divinam*, non potest adeò fatuus esse ut in eo ipso peccet, qui genuinus fructus est Temperamenti contrarii. Et hujusmodi est *Enthusiasmus*, qui homines inflat eosque in opinionem attollit, quasi extraordinariam quandam Influentiam à Deo hauserint, qui in ipsorum animos agat, specialique decreto eos destinasset in *novos Prophetas, novos Legiflatores, novos Davides, novos Messias, & quid non?* cum nihil aliud sit quàm *veteris hominis effectus*, Fanatico quodam modo in ipsis operantis.

## S E C T. LIV.

*Quid intelligendum per Rationem, quantumque periculi sit in deferendo istam ducem: Error porro eorum notatur qui expectant ut Spiritus suggerat quæ Rationi minimè sint consentanea.*

**P**ER *Rationem* intelligo tam sedatam cautamque Animi temperiem ut suspectam habitura sit omnem altivolam præservidamque *Imaginationem* quæ mentem in assensum conetur abripere ante deliberatam examinationem; quippe quæ minimè patitur *vigore ac splendore* Repræsentationis se decipi, nec illius onere aut pondere obrui, sed patienter ac mansuetè eam explorabit per notissimas Animæ facultates; cujusmodi sunt *Communes Notiones*, in quibus omnes omnino homines mentis quidem compotes consentiunt, aut per externorum *sensuum evidentiam*, aut per *claram distinctamque* ab istis *deductionem*.

Quicquid horum trium cuilibet repugnaverit, *Imaginatio* est, quæ testificari quicquam nequit de ullius rei veritate sive existentia, ac proinde non debet nec potest quidem assensum elicere, nisi apud homines *maniacos* aut *fatuos*.

Atque illi quidem qui tam canorè vociferantur de sublimiori quodam Principio, quem *Spiritum* appellant, cum horum interim exclusionem, propriam *Ignorantiam* produunt. Et dum vesanâ suâ eloquentiâ homines ab usu rationalium facultatum dissuadere satagunt sub prætextu magis eminentis magisque gloriosi luminis, æquè vecorditer agunt, meo quidem iudicio, acsi, multitudine hominum cum lychnis, tædis & laternis noctu itinerante, furiosus aliquis inter ipsos Orator mirifico quodam facundiæ genere ita eos infatuet in præsentis conditionis fastidium ac contemptum, comparando eam cum grato hilarique Auroræ ac Diei splendore, ut eos impellat per impatientiam ac indignationem, ad lychnos statim tædâsque extinguendas, & ad confringendas laternas, allidendo eas in humum, ut sic eligant potiùs per tenebras iter facere cum periculo Nasos impingendi trunco arboris cujusque proximæ, aut in proximam decidendi foveam, quàm ut usum continuent utilissimorum Luminarium, quæ dum mentis compotes erant, optimo consilio ad Itineris incolumitatem paraverant.

*Enthusiastarum* verò error non solum in eo consistit quòd præsentem ducem deferant antequam meliorem nacti sint, sed in hoc etiam, quòd falsam de eo notionem, quem expectant, conceperint. Nam proculdubio *Spiritus* ille *Illuminationis* qui in animabus Fidelium residet, Principium est *defecatissima Rationis* quæ humanæ Naturæ communicari potest. Et quicquid hic *Spiritus* habet, habet sanè à Christo (ut Christus ipse testificatur) qui æternus est λόγος, illa omnia complectens Sapientia ac *Ratio Dei*, in qua naturas Ideasque rerum omnium, cum omnibus earum relationibus *Dependentia & Independentia, Congruentia & Incongruentia*, aut cujusunque Habitudo quam altera ad alteram habeant, uno continuo oculi ictu simul perlustrat atque pervidet.

Quicquid *Intellectualis* luminis nobis communicatur, derivatur ab hoc fonte. Et in nobis est *Ratio particularis*, sive *Ratio in successione*, seu per partes. Neque quicquam est quod *spiritus sanctus* cuiquam homini unquam suggessit, quin ei consenserit saltem, si non & demonstrari posset ab eo quod nos *Rationem* appellamus. Atque sic quidem persuaderi, quàm potens Repagulum sit exorbitantibus Impressionibus moribusque *Enthusiasmi & Melancholia*, penès quemlibet esto Iudicium.



## S E C T. LV.

*Plura subsidia adversus Enthufiasmum.*

**T**Ribus hisce insignioribus generalioribusque subsidiis particulares aliquot rationes insuper addere possumus, quibus *Enthufasticam* hanc pertinacitatem à nobis amoliri valeamus, aut eam in aliis, si quando eos invaserit, detegere. Ut exempli causâ; si quis prætenderit se aliquam veritatem per Inspirationem assecutum esse, quæ tamen nulli usui aut emolumento futura sit Ecclesiæ Dei, equidem apud me parum abest à Demonstratione, quin hic homo *Fanaticus* sit mentè captus. Et si falsitates accumulât perinde atque veritates, & in omnibus pariter se inspiratum esse asseveraverit, manifesto profectò mihi indicio est, eum in nullis istorum mysteriorum quæ hominibus obtrudere satagit, esse inspiratum.

## S E C T. LVI.

*De sermone alto & exaggerato Enthufiasticum, & de eis quæ modo extraordinario ore ipsorum exciderint.*

**S**unt etiam certa quædam privilegia, quibus gaudent *Enthufiastæ*, quæ hic notanda sunt, quorum beneficio, multis quidem imposuerunt. Nimirum, Quod in sermones sublimes Divinosque aliquando proruperint; Quod certissimum est non paucis hominibus paulò antè contigisse, quàm in absolutissimam mentis alienationem inciderent atque insaniam. Et siquid ipsis haud vulgare nec è medio petitum occurrere posset, id non satis firmum pignus est veritatis reliquorum.

Nam inquietus hic & tumultuosus *Melancholiæ* Spiritus, cùm totam corporis fabricam concutiat, terræ-motus instar est, homini contingentis in carcerem caliginosum incluso, qui ad paululum temporis ipsos carceris muros facit hiare ac dehiscere, atque sic lumen ad breve tempus per fissuras istas intromittit, sed derepente omnia rursus perquam arctè clauduntur, spontèque quasi compinguntur, captivusque continuò in pristinis Tenebris detinetur. Hic igitur in *Natura* casus erat, non autem benigna ac salutaris *Divini Spiritus* visitatio.

## S E C T. LVII.

*De Prophetia Enthufastica quæ ut plurimum hominibus fatuis ac maniacis contingit, ratioque cur id fiat, curque Ecstatici futura prævideant, & de incertitudine ejusmodi Prædictionum.*

**H**UC adjicere potes, *Vaticinandi fortunium*, sive per somnum sive per vigiliam; hujusmodi enim res contigerunt hominibus *maniacis* atque *fatuis*. Et *Aristoteles* quidem bellam molitur rationem quæ ad utrosque perinde pertingat. Ἡ δὲ διάφορα τῶν τοιούτων ἐστὶν ἡ φύσις, ἀλλ' ὥσπερ ἔρημος, ἢ κενὸν πᾶντων, ἢ κινηθεῖσα κατὰ τὸ κινεῖν ἀγεται. Quibus etiam addit, cur *Homines Ecstatici* res futuras prævideant. Ὅτι αἱ οἰκείαι κινήσεις ἐκ ὀροχλῦσιν, ἀλλ' ἀπορραπίζονται, τῶν ξενικῶν ὅν μάλιστα αἰδάνονται. Quæ omnia huc redeunt. Quod *mentis alienatio*, quiesque sive cessatio à propriis motibus idoneos nos reddit ad *Impressiones* recipiendas aliunde profectas; atque sic *celeri vividoque sensu* atque *tactu* moneri possumus per motus communicationem à *Spiritu Universi*, quid ad *Intervalla* satis dissita fiat, quæve causa conspirent ad hoc vel illud efficiendum, quæ tamen se aliò divertentes, faciunt ut *Prædictio* sit falsa. Omnia enim quæ in *Existentiam* proditura sunt, non semper in *actualementiam* prodeunt. Quamobrem hujusmodi *Præfagia* omnia non sunt *θεόπεμπτα*, sed esse possunt tantummodò *δαιμόνια*. Ἡ δὲ φύσις δαιμόνια ἢ θεία. Verba sunt *Aristotelis*, \* sed talia quæ peritus aliquis *Platonius* omnium facillimè sit explanaturus.

Summa, quò collineo, hæc est: *Prophetiam* de citra puram ac infallibilem Deitatem oriri posse, nostrumque esse errorem qui existimamus *Prædictiones* quæ veræ reperiuntur, à *Prædicente* certò præcognosci. Etenim præsens Causarum conspiratio quæ in mentem vacantem emicant, corrumpi potest & alterari, diffarique adinstar nubium, quæ primùm quidem firmiter polliceri videbantur *Agricolæ* subsecuturam Pluviam.

## SECT. LVIII.

Quamquam Enthusiaſtes morbum aliquem curaret tactu contrectatūve Aegroti, poſſe tamen non verum eſſe Miraculum.

Ceterum fortior adhuc ſuper eſt illecebra quàm ſit *Prophetia*, quæ homines in fraudem illiciat, fidemque conciliet *Enthusiaſta*. Eſtque quædam edendi miraculi ſpecies atque aſſimulatio. Ut in curando morbo aliquo deſperato, quemadmodum haud ita pridem accidit in hac Natione. Ab authoribus enim fide dignis mihi narratum eſt, ( nec poteſt, opinor, à quoquam negari ) quòd quidam contrectando manūve demulcendo hominis brachium cujus, quippe aridi atque inanimi, uſus ipſi perierat, in vitam priſtinumque vigorem reſtituit. Quod quidem poſtquam acceperam, paucàsque ſcripti cujuſdam huius mirifici Medici paginas perlegeram, curationem Naturalem ſtatim eſſe judicavi, ſed Medici ſanguinem ſpiritusque ad eum gradum incaluiſſe, ut periclitaretur ei cerebrum. Quod verum repertum eſt. Nam haud multò poſt, in ſummam incidit Inſaniam.

\* Poteſt quidem *Sanativum* ac *Medicinale Contagium* eſſe, perinde ac *morbidum & venepoſum*: *Spiritusque* hominum *Melancholicorum* quippe qui tam ſolidi ſunt ac ponderoſi, poſtquam adeò ad ſummum purificati, & pluſquam ordinario calore vigoreque corporis actuati ſint, in fortiffimum *Elixir* abire; *Natura* hac in re *Chymicorum artificia* immane quantum excedente.

## SECT. LIX.

De Enthusiaſtarum ad patiendum prolubio, ac Tolerantia.

Prolubium etiam ad patiendum & in ſuſtinendis rebus aſperis invicta *Tolerantia* extraordinarium videri poteſt perhibere Teſtimonium quibuſdam *Enthusiaſtis*, acſi *Divinum* aliquid & ſupernaturale eis ineſſet. Verum ſi conſideremus, quantà cum animi averſatione quidam à voluptatis ſenſu, tanquam à ſummo malo, ſic quidem apud eos habito, abhorreant, noſtra minuetur admiratio. Ob quod Paradoxon *Antiſthenes* notatur apud *Aulum Gellium*, quemadmodum etiam ob dictum illud huic ſuæ ſententiæ conſentaneum, *Μακρὴν μάλλον ἢ ἡδύειν*, acſi ſumma Inſania tolerabilior eſſet voluptate corporeâ. Alii etiam ſunt qui ex ipſo corporis temperamento, cum moleſtiis ac periculis conſictari amant. Cuiusmodi ſunt ii, qui militiam colunt, marinæque expediunt itinera cum naturali quadam animi oblectatione. Alii ſummam dant operam (& in eo quidem magnopere gloriantur) quò dolorum inſenſiles evadant, itàve ferant acſi eis non omninò eſſent affecti; adeò ut hæc conditio in vocabulum Artis, apud *Stoicos* abierit, qui hanc facultatem *Ἀπάθειαν* & *Ἀναλγησίαν* appellant.

Eſt autem hoc nihil aliud niſi *Spartana* quædam animi obſervatio, pudoris ſenſu, gloriæ cupiditate, conſcientiæve propriæ ſuæ Fortitudinis ac Tolerantiæ voluptate corroborata. Cuius quidem rei exemplum eximium eſt puer ille *Lacedæmonius*, qui cum ſub tunica vulpem celaret, vulpēſque, ipſa viſcera ei corroderet, noluit tamen exclamare.

*Anaxarchi* dolor quamvis minùs acutus videatur, fortitudo tamen ejus æquè illuſtris apparet, ex eo quòd, dum per crudelitatem *Archelai* tundebarur in Mortario, tam liberè potuit Philoſophari, quippe qui inter medios ipſorum pulſus atque ictus exclamavit, *Πρίος, ὡρίος Ἀναρχὸς Δύλακον, ὃ δὲ ὡρίος ἔστω Ἀναρχὸν* ſuperaddens Philoſophiæ ſuæ ſermonis feſtivitatem, corpusque comparans ſacculo, Animamque ſupponens tanquam abſentem, ſacculumque eſſe vacuum, ex ſua profeſſa ictuum inſenſilitate, minimæque ſolicitudo quid de ſuo corpore fiat. Quod tamen, exceptà illius naturali ac pervicaci, de Immortalitate Animæ ſuſpicionem, nihil aliud erat, præter obſtinatum inconfideratumque *Stoiciſmum*. Corpus enim tunc potiori jure ictus ipſorum vilipendere potuit quàm anima, quippe quæ ſola capax erat ſenſus ac doloris. Adeò ut præcipuum animi illius fulcrum nihil eſſet præter inveteratum *Imaginationis* errorem.

\* Quantum etiam *Ira* & *Indignatio* animum ſuffulciat contra metum ac dolorem, videre eſt in brevi illo *Theani* exemplo, quæ cum violentè urgeretur ad ſecreta ſuæ patriæ conſilia prodenda, dentibus linguam abſcidit eamque expuit in faciem Tyranni.

¶ Noſt. Antic.  
lib. 9. cap. 5.

¶ Vide Nonnum  
in Synagog. Hi-  
ſtor. in Greg.  
Nazianzen. In-  
veſt. contra Ju-  
lianum Apo-  
ſtalam.



ni. Satis ampla hæc sunt exempla virtutis illius *Indolentiæ*, quam non solum affectarunt ipsi *Ethnici*, sed interdum haud mediocrem quidem ad gradum obtinuerunt.

Quid verò illud nominem, quod de Gladiatore quodam *Cæsar* narrat *Gellius*, Not. Attic. lib. 12. cap. 4. quem ridere solere ait, quando ejus vulnera exiccabantur & emundabantur, equidem nescio. Videtur enim plus quam simplex *Ἀναλγησία* sive *Indolentia*. Cæterum ex hisce exemplis ac rationibus abunde patet, nullam tantam subesse *Divinitatem* sanctitatemve supernaturalem, in strenuè pertinaciterque ferendo dolorem, nec ullam hac in re *Divinæ Assistentiæ* necessitatem. Aut simplex animi obstinatio, aut celatæ alicujus passionis vis ex Dogmate aliquo imbibito, hominem rebus omnibus efficere potest subnixu forti sustinendis parem.

Et tamen hæc levioris momenti sunt, si cum eis, quibus *Enthusiastes* propter peculiarem suam conditionem munitus sit, conferantur. Nam præterquam quod ipsum Ingenium corporisque Temperamentum efficit, ut rigidus sit, inflexibilis & nusquam ferè cedens, (nulla enim extat Temperies tam præfracta atque pervicax, quam sit *Melancholia*, etiam in rebus dispensabilibus quibuscque nulla sublit Religionis ratio) vis altera præterea huc adjecta est, ex vehementi opinione quod divinitus sit inspiratus, & ex consequenti quod causa illius citra omne dubium justa sit ac solida. Hoc enim naturaliter tendit ad eum invictum reddendum, in eis quæ patiatur, cum ipse sibi conscius sit tum firmitudinis probitatisque Causæ, ut ille opinatur, tum etiam officii quo indispensabili modo se teneri putat, ad dictæ causæ adhærendum. Quibus addere potes certam futuræ gloriæ & felicitatis ex hoc suo Martyrio expectationem. Adeò undique manifestum est nihil necesse esse ut quicquam hac in re supernaturale aut miraculosum subesse agnoscat.

## S E C T. LX.

*Rerum asperarum obstinatas perpeffiones ob errores in Religione, nullum argumentum esse contra veritatem omnis Religionis.*

**E**quidem fateor levem vulgarémve animadversionem in obstinatas hæc, usque ad extrema quæque, perpeffiones, in hominibus qui in eis ipsis rebus pro quibus patiuntur, errant, non posse quin istiusmodi qui ad Atheismum propensi sint, inclinent ad cogitandum, nullam omnino in Religione inesse Veritatem aut Certitudinem. Cum & in illo, de quo homines sibi tam certi videntur, ut super eo vitam suam deponere audeant, immò verò reverà deponant, tam crassè turpiterque hallucinentur. Sic autem esse manifestum est, ex eo quod homines contrariarum persuasionum extrema quæque pari cum confidentia patiuntur, eligentes magis vitam deferere quam partem suam atque opiniones. Quod in *Judeis*, *Mahometanis*, *Papistis* verum perinde reperitur atque in *Protestantibus*.

Hoc quidem primo aspectu non exiguam rationis speciem præ se fert, sed si penitus introspectiatur, deprehendetur infirmum misellumque sophisma. Nam si hæc Ratiocinatio solida esset, sequeretur nihil verum fore nè in universa quidem Philosophia. Nam proculdubio homines contrariarum circa res easdem sententiarum æquè firmiter illuc persuasi sunt, atque in rebus Religionis, nec tamen partes unâ plures possunt esse veræ. Quod verò de rebus adeò persuasi non sint, ut vitam pro eis sint deposituri, indè non fit, quod philosophicas suas opiniones æquè firmiter non credant, sed quod nulla Conscientiæ obligatio æternæve felicitatis spes in eis fundata sit, contra ac fit in Religione. Alioqui si ad conscientiam & Religionem pertingeret, *Copernicanum* esse, *Tychonicam* aut *Aristotelicum*, quantum ad Mundani systematis rationem, equidem nullus dubito quin Martyres pro singulis istis Hypothesibus in scenam prodituri essent, aut saltem pro duabus, quippe quarum altera *Rationi* tam exquisitè consentanea sit, altera *externo Sensui* tam crassè accommodata.

Præterea, præterire non possum quin notem, quam abjectum sit & Philosopho indignum, in hisce, quæ se venditant, Ingeniis Atheisticis, circa hæc nobilissima Theoremata de *Existentia Dei*, & *Religionis veritate* ad tam pusillum incertumque Tribunal quam sit merum Testimonium Humanum, provocare. Nam tale profectò in argumentationibus suis faciunt Martyrum oppositarum Religionum perpeffiones; propriique sanguinis vitæque profusionem tantum ut quandam majori deposito pignore certationem considerant. Quod quidem Topicum nonnulli, satis profectò sarcasticè, *Argumentum* appellaverunt *Fatuorum*.

Quicquid verò momenti *Humanum Testimonium* in hujusmodi causis habere possit, tantum abest ut Athei scopo inserviat, ut planè contra ipsum faciat. Pone enim hos *Anti-Martyres*, (ut sic loquar) alterum contra alterum sigillatim testimonium perhibere, uterque tamen conjunctim suum contra Atheum perhibent Testimonium, sanguine suo ipsum obsignantes confirmantésque, *Deum* utique *esse Vitamque futuram*. Quod quidem ego non solum educationis effectum esse autumo, sed naturalis sagacitatis in scelerioris ingenii hominibus insitæque proclivitatis ad sic sentiendum: Quæ Religionis institutis porro corroborata, præsertim tam perspicuæ atque demonstrativæ quàm sit Christianitas, facillè conscientiam hominis illigare potest ad vitam deponendam etiam pro istiusmodi rebus quas mera *Educatio* menti ipsius imprefferit, aut *Melancholica* aliqua Imaginatio. Fundus verò firmus & fulcrum omnium, illudque absque quo esset, pro nulla omnino opinione pati vellent, sincera est atque inconcussa fides *Deum esse felicemque statum expectandum post hanc vitam*. Ex quibus fit, cum conscientia scrupulis pungatur, nec agere audeat nec assentire istiusmodi rebus, quas forsan suspicetur tantùm vehementius, malas esse aut falsas, ut tutiorem viam eligat, quò summa rerum suarum facta tecta conservetur, malitque pati quàm peccare.

Adeò ut non tam sit firma earum rerum pro quibus patiuntur fides, (putà in *Papista* aut *Protestante*) quàm cura ac sollicitudo nihil agendi quod suspectum sit aut peccaminosum, quæ eos adigit ad subeundum Martyrium.

Unde ipsum Fundamentum hujus Paralogismi Atheistici invalidum deprehenditur. Neque enim constat ex perpeffionibus, quòd adeò firmam determinatamque fidem falsis illis opinionibus adhibeant pro quibus videntur pati. Pone verò *Enthusiasten* tam firmam eis adhibere fidem; *Fanaticismus* morbus quidem est Religionis, nec magis implicat nullam esse Religionem, quàm *Dementia* Rationem esse nullam, morbuve corporis, nullam esse sanitatem, corpúve humanum, in rerum Universalitate.

## S E C T. LXI.

*De longè petitis Notionibus, stylo mystico, flexanimæque Eloquentia Enthusiastarum.*

Quicquid fidei *Enthusiastes* sibi conciliare potest ex *flexanima* sua eloquentia, *stylo mystico*, & *inopinatis longèque accersitis Notionibus*, facillè resolvuntur ea omnia in istud *Melancholia* Principium suprà memoratum. Cujus quidem *Temperamenti* sensa tam profunda sunt ac vegeta, ut fieri non possit quin linguam abunde instructam reddant ad fermocinandum mirificâ quadam cum suavitate, animique contentione & affectu. *Imaginatio* verò adeò exorbitans est atque vagula ut multò facilius ipsi sit peregrè palari, & distortum aliquod absonumque commentum è longinquo obscuroque angulo arcessere, quàm incidere in illud quod in proximo est, & ad commune judicium popularémque intelligentiam magis accommodatum.

Ceterùm hæc omnia tam plenè planèque in *Causis* istis generalibus *Enthusiasmi*, quas jam declaravimus, comprehenduntur, præter illa, quæ magis particulatim suprà attigimus, ut operæ pretium nequaquam futurum existimem istis hîc diutius immorari. Postquam scrupulo uni & alteri, circa ea quæ de *Melancholia* & *Enthusiasmo* tradidi, satisfecero, spero me nihil omisurum fuisse quod ad præsentem speculationem magnopere pertineat.

## S E C T. LXII.

*Quomodo distinguendum sit inter puram Religionem & Temperamentum.*

Primusque scrupulus hic est, quomodo distinguere possimus *Religionem* inter & *Melancholiam*, quippe quum isti tam notabilia effecta attribuerimus. Alter, Annon convitiati simus vilique pependerimus omnem *Enthusiasmum* cujusmodicunque, hominésque invitaverimus ad frigidam quandam jejunamque stupiditatem Pharaïsaicam, & ad res peragendas juxta externam tantummodo literam, absque omni *interno vitæ Testimonio*.

Sensus primi scrupuli restringendus est ad istiusmodi res, quæ in externis suis rationibus laudabiles sint & approbandæ. An tales scilicet à *Divino* an à *Naturali* Principio



cipio profectæ sint, à Deo, an à Temperamento. Nam quantum ad ea quæ vel primo aspectu culpabilia deprehenduntur, manifestum est illa à Deo non proficisci.

Respondeo igitur, Tria præcipua discrimina esse inter *Spiritum & Temperamentum* speciosissimum. Primum est, quod illa Pietas Bonitæque, quæ à Divino Spiritu proficiscitur, est *Universalis*, \* omne extirpans vitium, & nihil non in se complectens quod reverà sit virtus Divina.

Alterum est, Firma istorum sanctorum Oraculorum in Vetere Novoque Testamento comprehensorum, rectèque interpretatorum fides, & illius præsertim Articuli, *Quod Jesus Christus, \* etiam ille qui passus est in Cruce Hierosolymis inter duos latrones, est Dei Filius Princepsque Hominum & Angelorum, quodque is in propria persona rursus adventurus est ad judicandos vivos atque mortuos.*

Tertium & ultimum, *Prudentia* est *universalis*, quâ quis nec admittit nec agit quicquam, nisi quod solidæ rationi, si penitiùs exploretur, sit consentaneum, cuiusque causas satis laudabiles & honestas asferre possit, qualiscunque fuerit successus. Qui sic se affectum deprehendit, certò concludere potest *Dei Spiritum* esse, non *Temperamenti vim aut Naturam*, sub cuius sit Regimine. Hic verò Homo apud alios, si increduli sunt, & adeò rudes & imparati ut veram Rationem admittere nesciant, nihil valere potest, nisi & Miraculum edere valeat. Quàm inanis igitur Nugator est *Enthusiastes*, qui ambobus hisce destituitur? Verùm antiqua illa Miraculorum in Christianitatis gratiam factorum monumenta, nostræ Religionis veritati sufficiens Testimonium perhibent apud eos, quorum corda ritè disposita sunt ad eam recipiendam.

## S E C T. LXIII.

*Pium Enthusiasum sanctarum sincerarumque Animarum, per totam hanc Dissertationem nè minima quidem ex parte fuisse perstrictum.*

**A**D secundum scrupulum respondeo, \* nè unum quidem verbulum per totum hoc tempus contra verum illum probatumque piarum sanctarumque Animarum *Enthusiasum*, quæ adeò mirificè, vehementi illo Amore quem erga Deum conceperunt, & ineffabili illo Gaudio atque Pace quam in eo inveniunt, abripiuntur, esse prolatum. Nam satis modesti sobriique sunt in hisce omnibus, neque quicquam coram hominibus testificantur quàm quod ipsi in se experiri possunt, quodque in sacris Scripturis manifestò est revelatum, *Regnum utique Dei \* Iustitiam esse & Pacem & Gaudium in Spiritu sancto.*

Sed in nihilo horum omnium prætendunt se Christo æquiparandos, quem Deus exaltavit supra Homines & Angelos, sed vim illius Spiritus & efficaciam in seipsis profitentur, ad laudem & gloriam Dei, & ad animationem & solatium prætimidi languidique sui proximi. Quod verò hoc excedit, nisi evidens adsit *Ratio* aut *Miraculum*, à nulla supernaturali Assistentia, sed ab Hypochondriaca aliqua Intemperie meritò provenire judicatur.

Atque equidem, quod in Christianorum gratiam dixi, Divinioribus illis Philosophis, cujusmodi *Plato* erat & *Plotinus*, aliquo etiam modo competit, quos observare poteris, ex sensibilibus solito Divini Amoris ac Pulchritudinis in exultantes prægestientesque ipsorum animas illabentis visitationibus haud minorem in modum se moveri profiteri, quàm cui subsequenti locutionum sensus conveniat, putà *ἀνακινῆν, ἐκκαυχῆσθαι, ἐνθουσιᾶν* vel *ἐνθουσιάζειν*. Hujusmodi quidem *Enthusiasmo*, (qui nihil aliud est, quàm humanæ Animæ, Divinæ Vitæ sensu ac deliciis, (quæ omnis sanctæ sapientiæ ac virtutis Radix & Origo est) quasi inebriatæ exultatio & triumphus) nequeo profectò quin meipsum æquè *Amicum* denunciem, quàm isti vulgari ac *Fanatico Enthusiasmo* professum *Inimicum*. Et Æternum dedecus atque ignominia os illi obturet, qui ausit inficiari, Dei pulchritudinisque virtutis Amorem fervidum, plus gaudii & triumphi humano animo allaturum esse, quàm unquam gustatum sit in ullis corporeis voluptatibus & libidinibus, quas impurorum Ingeniorum calamus tam magnificis encomiis tum Metricâ tum Prosaicâ oratione celebravit.

## S E C T. LXIV.

*Fomitem Devotionis etiam in probato sinceroque Enthusiasmo utplurimum esse Melancholiam.*

P Orrò, quantum ad *Ecstaticos* istos & *Enthusiasticos* affectus, etiam in eis qui verè boni sunt atque pii, negari non potest quin fomes ipsorum utplurimum sit aut naturalis aut contracta *Melancholia*; quod quivis qui seriò religiosus est, percipere potest, nisi Anima cum corpore commixta sit, omniumque simul fiat confusio. Quemadmodum contingit in allucinantibus *Enthusiasticis*, qui illud *Deo* imputant quod *Natura* est proprium.

Jacob. cap. 5.  
ver. 13.

\* Verùm *Melancholia* utplurimum disponit, mens verò perficit actionem per vim *Spiritus*. Et vir sapiens atque sanctus, foro uti probè novit, nec istiusmodi opportunitates finit præterlabi, quippe moniti istius Apostoli memor, *Tristatur aliquis vestrum? oret: Animo est hilari? psallat.*

## S E C T. LXV.

*Peculiarem vim esse in Melancholia ad Divinas Speculationes, cum anticipatione Objectionis Atheorum inde petita.*

C Æterùm peculiaris quædam vis est ac momentum in *Melancholia* ad *Divinas* etiam *speculationes*: Et tamen *Mysteria* quæ indè profisciscuntur non magis suspecta haberi debent quasi meræ reperiendæ sint *Imaginationes*, propterea quòd à tali *Constitutione* per occasionem oriri possint, quàm *Veritates* debeant *Mathematica*, quæ suam originem ducant à *Temperamento Mathematico*, quod æquè verè *Temperamentum* est atque *Temperamentum Religiosum*. Et tamen nemo qui mentis compos sit, veritatem ejus *Theorematum* negaverit. Et quemadmodum res fatua foret & absurda affirmare tale *Temperamentum* nos artes *Mathematicas* docere; ità profectò perinde absonum esset asserere *Melancholiam* solam, esse *Religionis* matrem.

## S E C T. LXVI.

*Quòd factum sit ut homines tam dexteri sint atque habiles ad quasdam res inveniendas, & tam hebetes tardique ad alias; quòdque Athei stupiditas & hebetudo in rebus Divinis percipiendis, nullum argumentum sit contra veritatem Religionis.*

C Æterùm certissimum est, ipsaque observatio illius veritatem confirmabit. Animas humanas dum in his mortalibus corporibus detinentur, esse quasi tot captivos in diversos *Carceres* inclusos, cum angustis suis *fenestellis* singularibus singulos & in diversas *Mundi* plagas spectantibus, ac proinde ultrà pronunciare non posse, quàm proprius eorum *prospectus* ipsis permiserit. Similiter varia humanorum corporum *Temperamenta* inclinant eos invitante ad facilem scèlicemque rerum quarundam detectionem, cum tamen nihilominus, de aliis rebus, si fortè cum ipsis sermonem habeas, quæ intra *prospectum* suum naturalisque sui *Genii* limites non jacent, cogentur profectò aut *Ignorantiam* suam fateri, aut si judicium suum interponere volunt, ( quod frequentius usu venire solet ) abundè tibi detegent errorem suum & *allucinationem*.

Quæ aliquando tam crassa videtur & invincibilis, ut meritò quis suspicari possit, eis deesse non solum *patientiam*, sed ipsam quorundam *Objeætorum* contemplandi *capacitatem*, quippe qui nè conceptum quidem ullum formare possunt illius rei de qua, requiritur, ut cogitent: Atque hujusmodi sunt illi ingenio magis stupido *Athei* qui notionem *Spiritus*, & ex consequenti ipsius *Dei*, rerum inconsistentium, & sub caput humanum minimè cadentium ordini accensent. Qua in re quanquam id maxime agunt, ut *Religionem* contumeliâ afficiant, reverà tamen mihi videntur seipsos interim summo incessere opprobrio, cum ipsorum *Atheismus* adeò de præfacili hac quidem ratione ipsi *Enthusiasmo* æquiparandus sit. Nam quemadmodum aliqui *Enthusiastæ*, cum in una aliqua re planè deliri reperti essent, in reliquis tamen mentis satis compotes se præstiterunt; ità hi *Athei* tametsi tolerabile ingenium & acumen

in



in aliis rebus ostendunt, seipso nihilominus præbent abundè tardos hebetèscque in hac, \* & confidentiâ quasi quâdam Fanaticâ obfirmatos.

## SECT. LXVII.

Enthusiasten, *quamvis necessario à proprio Temperamento impetatur, non tamen irresistibiliter impeti, reatûmque propterea suarum exorbitantiarum ad proprias fores debere devolvi.*

**A**Tque jam quidem quantâ potuimus brevitate, per *Naturam, Causas, Genera, & Curationem Enthusiasmi* pertransivimus, & retrospectantes tandem, dum totum decursum stadium attentius consideramus, singulos profectò gressus censemus perfectos, nisi in illa parte quæ ad *Causas* hujus Morbi spectat, quarum enumeratio manca ex eo videri potest, quòd *Diaboli* hac in re actuositatem *voluntariâque mentis Humana improbitatem* omiserimus, omniâque in *nativam* resolverimus *Indolem præsentemve Temperiem*, vel potius *Intemperiem corporis Enthusiasta*, à naturalibus causis necessario in ipsum agentibus profectam. Unde quis judicare possit hanc meam *Dissertationem Apologiam* pro hoc *Enthusiasmi* morbo, perinde atque illius *Detectionem*.

Sed respondeo, *Quamquam hæc cause necessario agant in corpus, corpusque necessario in mentem, non agant tamen irresistibiliter, nisi quis suâ culpâ in talem impotentiam se conjecerit*; ut is qui propter *intemperantiam* suam febri sit correptus, qui tunc quidem fataliter illius legibus subjicitur. Et quamvis *Diabolus* per se multum possit, plus tamen non potest quàm ipsi *Deus* permiserit, qui non sinet hominem tentari suprà quàm ferre valeat, modò sincerus sit ac fidelis, nec se motibus *Fanaticis* dedat aut per superbiam, aut in mundanum aliquod commodum quod hæc technâ sibi aucupetur. Nam hujusmodi hominibus *Enthusiasmus* reperiri potest *balneum Diaboli*, quemadmodum vulgò dicitur de *Melancholia*, cum è contra *Lavacrum Regenerationis* eis fieri possit qui *Deum* sincere amant timèntque, sedulâque dant operam ut simplici rectoque corde se præsent in rebus omnibus. Adeò omni excusatione carent ii qui præ morbo hoc *Fanatico* in re qualibet insigniter peccaverint.

Porro, quantum ad defectum in numeratione *Causarum* Enthusiasmi, quòd *Diaboli* actuositatem hæc in rebus omiserim, respondeo ejus *Causalitatem* magis vagam esse magisque laxam & generalem quàm ut hæc inferi debeat, ubi scopus erat magis proprias tantum constantèscque istius morbi causas indigitare: Addere insuper possum, minùs *Philosophicam* quàm pro præsentî hac indagine, quæ in naturalia sola Principia hujus morbi erat instituenda. Et quod ad *vitiositatem humanæ voluntatis* attinet, in || præscripta *Enthusiasmi Curatione* manifestò supponitur. Cujus neglectus cuilibet homini meritò vitio vertitur. Nam illius culpâ fit, quòd non sit *Temperatus, Humilis, & ad Rationem attentus*. Ad quas virtutes necessarias & indispensabile nisi recurrat, || ab immunditia & impuritate *Astralis Spiritus* (qui intimum Hospitium est seu Latibulum omnium fallacium *Phantasmatum & Enthusiasticorum* Infomniorum) nunquam liberabitur, nec ad illum securum animæ statum unquam perveniet, ubi importunæ sollicitationes dolosarum *Imaginationum* semper declinantur & eludantur tuto ductu & regimine *Intellectualium Potestatum*.

|| Sect. §1, §2, §3, §4.

|| Vide Myst. Pietat. lib. 6. esp. 13. sect. 7.

## S C H O L I A

## In Enthusiasmum Triumphatum.

## S E C T. 16.

**R**esolvi planè possit in vim Melancholiæ, &c. *Hæc & cætera in hac Sectione à me edicta sunt ut nemo temerè se credat inspiratum, propter ullos hujusmodi effectus, cum naturales esse possint, & proculdubio sunt, nisi vera illos comitetur Humilitas, Charitas atque Puritas. Vide Myster. Pietat. lib. 2. cap. 11.*

Seç. 44. Omnia esse ipsum Deum, Hominem quemlibet Deum ipsum fore modò sanctè vivat. *Hæc sunt dogmata egregii illius Enthusiasta J. B. Qui quidem, quamquam aliàs vir pius videatur, occasionem tamen dedit nostræ Gentis Enthusiastis in nupera Anarchia, in fædissimos prolabendi errores actionesque absurdissimas. Ex hoc enim fonte & Familistarum venditione, quòd sui Seniores illuminati, homines Deificati essent, hoc est, Dei facti cum Deo, & Christi cum Christo, duæ enormes extiterunt Seçtæ, altera Ecbaccheisticorum, vulgò Ranters dictorum, altera Tremantium sive Quakerorum (è quibus nonnullos tamen ad sanio rem mentem rediisse spero) quorum utrosque non dubito primitus ex Behemenismo & Familismo suam traxisse originem. Utrique verò cum Divinitatem quandam affectarent, intellexerintque omnia & singula ipsum Deum esse aut in Amore aut in Ira constitutum, Ecbaccheistici quidem licentiosam quandam & effrenem sectati sunt Divinitatem, omnimodis enormitatibus securè indulgentes, quippe qui nôrint quâcumque formâ se induerint, se etiamnum Deum esse sive Deos, Divinitatisque suæ jure ac privilegio sibi uti licere, nec apud ipsos peccatum esse ullum, cum persuasi essent se suo tantum jure uti, apud alios verò esse peccatum, propter ipsorum ignorantiam. Meliores verò è Tremantibus sanctam quandam affectarunt Divinitatem, juxta illud J. B. Quòd quisque qui sanctè vivit, Deus ipse est, multòque magis ipse Christus. Hæc igitur opinione turgidi personam Christi contempserunt omniâque illius officia, nec Animam Christi cum æterno Logo conjunctam Pontificem nostrum ac Mediatorem in Cælis apud Patrem agnoverunt, aut ullum alium Christum, quàm qui in ipsis sit, quòque ipsi Christi Deique evadant, & Divinorum honorum aequè capaces esse possint ac Christus ille in Judæa crucifixus, voluerunt admittere. Quicquid sit præter ipsum qui inest omnibus hominibus, merum Typum esse atque umbram, uti & quæ ad externum istum Christum pertineant, universa. Superbiam igitur suo Pietatis studio conjunxerunt planè Luciferianam, quæ eò usque prorupit in Jacobo Naylor, suo tempore Tremantium facile Principe, ut Divinos honores acceptaret, tanquam si (quod Familistæ de summo Seniore suæ Familiæ jactitant) Christus esset jam de Cælo profectus ad judicandos vivos atque mortuos. Nam dum Bristoliam intrabat, Faminae duæ equum fræno duxerunt modo Triumphali, laboriosè per lutum ambulantes, Fanaticis suis comitibus interim repetitò acclamantibus, Sancte, Sancte, Sancte, & Hosanna. Sternebant etiam aliquibus in locis, viam vestimentis. En fructus Enthusiastica doctrina ac furoris, quo docetur, Quisque qui sanctè vivit, ipse Christus est ipseque adeò Deus. Unde cuilibet constare potest, me bonas horas non malè collocasse in detegendis hujusmodi vesaniis ac Imposturis Enthusiasti in hoc Tractatu.*

Tres Animas esse in Homine, &c. *Credo Enthusiasten hæc in Libros aliquos Cabbalisticos incidisse. Tres enim pluresve Animas in humano corpore esse, dogma est Judæicum. Apud MOSEN CORDUERUM de Anima, cap. 2. Congressi sunt OPHAN, (ASIAH ob SENDALPHON qui dicitur OPHAN) & ANGELUS, (METATRON seu Mundus JETZIRAH) & THRONUS (seu Mundus BRIAH) atque dixerunt Faciamus hominem. Nam & in Compositione nostra NESCHAMAH ex THRONO, & RUACH ex ANGELO, & NEPHESH ex OPHAN, &c. Et in Emek Hammelek sive Valle Regia, quinque memorantur Persona Animæ. In TETRAGRAMMATO quinque partes esse, quatuor Literas & Apicem Jod, ex quibus venire Nepheš, Ruach, Neschamah, Chajah & Jachidah quinque personas Animæ: deque his dici, Istæ generationes sunt Cæli & Terræ, & Prov. 20. 27. Lucerna יתורה anima hominis; & hanc esse Lucernam quæ ardet super capite Infantis in visceribus matris suæ. Quam si unam statuisent, mox post πνευματικὰς Spiritus Naturæ ingressuram,*



gressuram, majori cum probabilitate philosophati fuissent. Interim Animarum pluralitatem in uno homine dogma esse Judaicum satis constat.

Seçt. 47. Rem quamlibet Deum esse aut in Amore aut in Ira. Ex hac Opinione, (quæ in sanctitatem Divinæ Essentiæ tam atrociter peccat) quàm insulsi, quàm inflati & elati evadant homines, supra adnotavi; quàm falsa autem sit, omnia ea argumenta demonstrant quæ Dei demonstrant Animarumque nostrarum Immaterialitatem. Cujusmodi multa in scriptis meis passim occurrunt.

Seçt. 49. Qui impio agantur Spiritu & planè Diabolico, &c. Certè quòd ad ipsum Paracelsum attinet, suspicionem merito augere possunt, quæ reperiuntur in illius Vita à Melchiore Adamo scripta, tam lubrica nempe cum ac vesana principia (quæ in Scholiis in Antidotum adversus Atheismum obiter memoro) amplexum esse, ut facile se inde, insciens licet, reddere potuerit obnoxium illusionibus Diaboli.

Seçt. 57. Sed talia quæ peritus aliquis Platonicus omnium facillimè sit explanaturus. Fateor verò meam peritiam eò vix pertingere ut certum sensum illius loci apud Aristotelem eruere valeam. Conjecturas interim depromam. Ἡ δὲ φύσις δαιμονία ἢ δαίμων. Ipsam materiam Cælorum Aristoteles in libris de Cælo, τὸ δαιμόνιον ὁνομαζόμενα appellat, nec dubito quin omnes illius Incolas Deos propriè appellandos statuerit. Per quòd igitur δαιμονία quidni totam Regionem sublunarem intelligat, eamve partem Spiritus Naturæ, quæ Sandalphon apud Cabbalistas, ni fallor, nuncupatur, spiritus etiam ætherei inibi vagantes comprehendentem, quos Græci δαίμονας vocant? Dæmonas verò hos, quanquam Dii infallibiles sint, falli aliquando posse ac decipi atque sic alios decipere, videtur innuere Aristoteles. Disquiri etiam porro potest an per φύσιν, non ipsum Spiritum Naturæ per sublunarem Regionem extensum intellexerit Philosophus, qui per vitalem consensum visa quedam vacantibus animis & ad propria nihil attendentibus aliquando immittat. Mira enim fiunt in Natura per hujus Spiritus συνεπηρεσίαν & συμπράξιν. Δαιμονία verò hæc dicitur hæc φύσις sive Spiritus, non quòd propriè sit ὑπὲρ αἰσῶν δαίμων, sed, (cùm vitâ gaudeat & aliquali forsan sensu, omni tamen intellectu ac consilio careat, nec proinde δαίμων vocari possit) quòd proximo utendum censuerit vocabulo laxè & impropriè sumpto, atque sic δαιμονία appellaverit, cùm non posset appellare δαίμων. Et certè licet merè Plasticus esset hic Spiritus, minimè mirandum foret, si vivis tamen simulachris Imaginationem nostram impleret, cùm proculdubio propria Anima Plastica ipsius Perceptivæ istiusmodi simulachra & in somnis & in vigilia transmittat. Signa autem ista quando fallibilia esse possint, in ipsa Sectione subinnuimus.

Seçt. 58. Poteest quidem Sanativum ac Medicinale Contagium esse perinde ac Morbidum, &c. Hunc ipsum locum præstantissimo viro, D. R. Boylio, Londini, cùm in officina Bibliopole unâ cum ipso essem, rogatus ab ipso quid sentirem de sanationibus Valentini Gretrakes, quarum famâ omnia tunc perstrebebant, ostendi, dicens meam sententiam de illius curationibus aliquot antè Annis extitisse quàm eæ factæ sint. Quippe quòd Cokerus, (id enim nomen erat ei cujus memorabilis Curationis hic mentionem facio) levî manûs frictione decem antè, si rectè memini, annis, morbos curavit, quàm Gretrakesius, sed non tam multos variòsque. Curabat enim hic Cancros, Scrofulam, Surditatem, Strumas, Epilepsiam, Febres, etiam Quartanas, Lepram, Paralyzin, Tympaniten, Cephalalgiam, Claudicatem, membrorumque Stuporem, Calculum, Contusiones, Phthisin, Ischiadem, Ulcera, dolorisque corporis, immo Cæcos denique & Mutos aliqua ex parte, & nescio an & Arthriticos. De quibus Curationibus cùm ipse Gretrakesius librum scripserit cum Testimoniis facti fide dignis, brevitatís gratiâ eò lectorem relego. In genere autem observandum est, quanquam omnes istos morbos curaverit, non tamen in omnibus quos aggressus sit, nec Curationes semper perdurasse. Porro non Manum solum hanc sanativam vim habuisse sed & Sputum illius & Urinam, quòd facilius ad corporis temperamentum curationes referendas esse possis deprehendere. Quin & corpus ipsius perinde ac manum & Urinam aliquando herbaceum quiddam & Aromaticum olevisse compertum est, quanquam id sanativæ virtutis haud ita certum sit indicium. Nam & mihi ipsi, præsertim cùm admodum juvenis essem, pectus ferè quotidie, cùm diploidem aperiebam cubitum iturus, herbaceos quosdam & aromaticos odores emittebat, singulisque ferè annis postea sub finem Hyemæ, sive appetente vere, suaves quosdam & herbaceos odores in naribus subinde percipere solebam, nullo objecto externo occurrente unde profluerent. Quin & urina mihi violaceum quiddam olebat, quòd fecit ut mirarer lapsum istum præclari illius Medici ac Philosophi Henrici Regii, cùm apud eum legissem, Nemini urinam suave olere nisi ex aliquo sumpto Medica-

mento, cum contrà aliquando contingere ipse certò cognoscerem. Nemini etiam ante quadraginta amplius annos, cum hyeme ante focum soccos pedibus meis exutos igni exponerem, contubernalem meum fortè fortunà tunc in cameram intrantem statim exclamasse, quàm vastus hic odor est Moschi aut Zibethi! Ad quod ego subridens, postquam rogassem ut propius accederet narèsque admooveret soccis, suavitatem odoris, præ vehementia, mutatam persensit in speciem ingrati. Sed nescio quomodo in hanc *περὶ αὐτολογίαν* insciens prolapsus sim. Ad Gretrakesium redeamus illiusque curationes, quas intra limites Naturæ contineri, (quanquam Religionis beneficio non mediocriter forteam depurata ac defecata) ex eo liquet, quòd Naturam oppressam tantum sublevare potuit, deficientem verò nequaquam restituere. Id verò præ ceteris mirabile videtur, quòd materia morbifica subtilis, quam manus admota volatilem fecerit, & à sede exturbaverit, è loco nempe ubi dolor erat, in varias corporis partes à manu sua fulguris instar profugit, donec in extremam aliquam partem, digitos putà manus, & præsertim pedis, nasumve aut linguam propulisset, in quas partes cum adaecta esset, easdem frigidæ & insensiles effecit, ita ut nè profundam quidem acicula puncturam Egroti senserint; statim verò atque manus ejus illas partes contrectaverat, levitèrve compresserat, totus morbus exiit vitæque & sensus subito in eas etiam partes rediit. Tam subtilis res est & tamen tam stupida ac feralis, & tanquam quadam mortis primitiæ, plerorumque omnium morborum materia.

Quantum verò ad indolem hujus mirifici Medici, cum Cokerus ille ingenio esset admodum Melancholico, quemadmodum ab eis accepi qui cum eo versati sunt, hic Gretrakesius è contrà Temperamento erat magis sanguineo, & ingenio sanè perhumano & benigno ac revera pio sine omni acerbitate aut superstitione. (Nam & ipse cum eo, cum Ragleia esset, apud illustrissimum Dominum D. Vicecomitem Conway sæpe versatus sum) Unde ex accensione sanguinis & spirituum minùs cerebro periculi impendisse augurabar, nec mea me fefellit Divinatio.

Hæc autem quæ à me de hujusmodi curationibus dictæ sunt, non sic intelligi volo, ac si ea planè vilipenderem. Possunt enim esse speciale donum Dei in Natura, præsertim renovata. Cujusmodi credibile est fuisse hæc Gretrakesii: quemadmodum quis meritò colligere potest ex ratione vitæ suæ antea, quippe qui serio Pietatis studio operam dederat, sinceræque mortificationi, omnimodæque Christianæ indolis specimina edidit, per totum huc usque vitæ curriculum. Quinimo præter privatæ vitæ innocentiam, effusissimamque charitatem & humanitatem, in publicis etiam muniis obeundis, sive militaribus sive civilibus (erat enim homo non solum honestè piæque & liberaliter educatus, sed nec despicabili fortunâ & ingenio ad res gerendas habili) nihil agebat quod non spiraret Justitiam, Æquitatem, communemque erga omnes benevolentiam, addò ut cum ipse Religionem Reformatam arctissimè & ex animo amplecteretur, nullam tamen sectam, nè Pontificiam quidem, idque in Hibernia, ubi per crudelitatem & perfidiam tam horrendas Protestantium strages fecerant, Religionis ergò persequeretur. Hæc certè aliæque hujusmodi faciunt, ut illius donum curandi morbos non simplici sed renovatæ potius Naturæ imputem, cum tam multa ac manifesta Hominis Regeneriti in ipso invenerim vestigia, nec fastuosum quicquam aut immorigerum sive erga secularem sive spiritualem Magistratum in eo repererim. Videturque mihi tale exemplum candidæ sinceræque Christianitatis, sine omni fastu, fraude, acerbitate aut superstitione, addò & mirabilium saltem si non propriè dictorum miraculorum Patratoris, quale nullum pro sua Religione per ulla secula producere potest Ecclesia Pontificia. Quæ enim fecit Gretrakesius, in luce hominum facta sunt, & ab oculatissimis Medicis, Philosophis ac Theologis iisque judicii acerrimi ac liberrimi observata & attestata. Quales verò præstigia superstitionis ac ludibria, Romana Ecclesia miracula sint, notius est quàm ut frandibus eorum detegendis ullam hic operam impendam.

Seç. 59. Quantum etiam Ira & Indignatio animum suffulciat, &c. Idemque facile præstat inveteratum odium, obfirmatúsque contemptus Ministrorum ac Magistratum apud quosdam Fanaticos, qui dum fingunt se Orbis Terrarum Judices, tribunal interim conscientiarum ipsorum appello annon hoc ipsum sit quod patientia ipsorum fulcrum sit præcipuum, non autem Christiana illa humilitas ac mansuetudo spiritúsque sinceritas quæ Temporibus Apostolicis vixit.

Seç. 62. Omne extirpans vitium & nihil non in se complectens, &c. Regeneratio enim non Monstrum gignit,

Semibovémque virum, semivirumque bovem, sed Animal unum sive Uniforme, omnibus ex partibus Divinum, vide Seç. 37. Si membrum aliquod alterius speciei maneat, pro certo scias, virtutes quæ videantur, non esse Regenerationis fructus sed Temperamenti corporis. Tam difficile est per angustam portam intrare,



trare, totumque veterem hominem pressurâ istâ à tergo relinquere, penitus avulsam.

Etiâ ille qui passus est in Cruce Hierosolymis inter duos latrones, &c. Equidem qui ab hac fide exciderunt, crepent quàm volent suas illuminationes & inspirationes, misera sanè Animalcula sunt & omni Talpâ ceciores, perfrictâque fronte dum spiritum venditant, Oraculis à Spiritu sancto reverà dictatis apertissimè contradicunt. Videant igitur hic quàm bellè se expedire possint nonnulli ex Quakeris & Familistis. Frustrâ enim præ se ferunt ac si mortem Christi pro sacrificio propitiatorio agnoscant, dum æternam Christi, hoc est, Animæ Messie cum Logo conjunctæ Pontificatum & Intercessionem apud Patrem illiusque Principatum in Homines Angelosque, sub prætextu interni Christi, negant & explodunt; Enthusiasticâ quâdam, hac in re, Infidelitate elati & turgidi, tanquam hoc ipso nomine reliquis mortalibus longè essent sapientiores, quos tanquam umbrarum Typorumque Sectatores, O impudentem Cecitatem & execrabilem! contemnunt, dirisque devorant.

Seç. 63. Nè unum quidem verbulum --- contra verum illum Enthusiasmum, &c. Plerique in extrema excurrunt, nos mediâ incedimus viâ. Atque equidem de Religione Christiana pessimè merentur qui jejuna cnidam aridaque Rationi itâ indulgent, ut omnem omnino excludant Enthusiasmum. Sed enim indicio est eos in Mysteriis Regenerationis peregrinos planè esse atque hospites. Nova enim illa vita per Christi spiritum in nobis genita, sua gaudia, suos triumphos, suas delicias ac amantitates habet, perinde atque vita Naturalis. Quæ uno tenore non semper labitur, sed aliquando exturgescit & exarsuat. Nemo tam stipes est quin hoc persenserit in vita Naturali. Et stipitem profectò esse oportet non Hominem regnitum verumque Dei filium, qui non expertus sit in vita supernaturali ac Divina. Qui verum hunc Enthusiasmum negant, Homines Fanaticos ac deliros in falso suo Enthusiasmo confirmant, suamque Religionis professionem derisioni & contemptui exponunt.

Justitiam esse & pacem & gaudium in Spiritu sancto. Hic est verus ille & innocuus Enthusiasmus, cui Homo Christianus tutò indulgere potest. Hoc est æternam illud & inconcussam Justitiæ Regnum, in quod qui intraverit, omne verum servitutis iugum conscientie suæ cervicibus excussit, Debque promptè morem gerit, publicoque, in rebus adiaphoribus, Magistratui, nec ineptis scrupulis & superstitionibus irretitur, nè offendant in iis officiis præstandis, quæ & Natura lumen & sacra Oracula ab eo postulant, quasi cujusvis conscientia ab eis abhorreere posset, ductu afflatuque Spiritus Divini, qui expressè jubet, ut omnes honoremus, multoque magis Magistratui debitam exhibeamus reverentiam, & præ reliquis omnibus summo illi hominum Angelorumque Principi Jesu Christo. Ac proinde confidenter enuncio, istum spiritum qui hisce rebus adversatur spiritum esse antiqui Serpentis, ipsiusque adeò Luciferi, qui usque à Principio Animæ Messie Principatum invidit, ejusque subruere conatus est Imperium; nec ullum afflatum Divinum in eis esse, qui sic affecti sunt, qualescunque virtutum species præ se ferant, sed planè Dæmoniacum, & per Diaboli invidiam, eos in transversum agi. Quisquis se Jesu Christo in Cruce Hierosolymis crucifixo aquaverit, execratissimus est Impostor, & quicumque ipsi fidem habuerint Infernalis caliginis Mancipia.

Seç. 64. Verùm Melancholia ut plurimum disponit, mens verò perficit, &c. Admodum igitur inconsultò ab eis fieri solet, qui omnibus artificiis, ludis, computationibus, & id genus reliquis, Melancholiam tanquam insensissimum hostem procul à se propellere conantur. Quanquam enim multa ac magnifica de libero Anima humana arbitrio passim depredicantur, parum tamen apud plerosque valiturum existimo, nisi severâ disciplinâ & afflictionibus, aut aliquâ saltem vi ac pressurâ ab ipsa anima distincta voluntas ejus ad æquilibrium quasi reducatur. Unde calamitates ipsæ & Infortunia apud homines prudentes & gnaros pro magnis Dei donis summaque illius fidelitatis ac benevolentie symbolis acceptanda sunt. Est tamen quod illa faciunt, minori cum rerum jactura ac dispendio facit Melancholia. Animam enim à somno ac veterno exuscitat, docetque statum suum suspectum habere, mores vitamque accuratius explorare, ab omni specie peccati sibi cavere, nec in inanem letitiam facile diffuere, sed circumspectè ac custoditè se habere in actionibus universis. Tam utiles fructus sunt Melancholiæ si mens attendere velit illius suggestionibus & accusationibus, interimque anhelare ad Deum. Quanquam enim omnis Tristitia salutaris non est supernaturalis, vi tamen vel Luminis conscientie naturalis, nisi nobismetipsis deesse velimus, rectâ nos ducet ad Deum, cum lumen naturalis conscientie Dei ipsius sit Lex, etiam ante Regenerationem, adeò ut hæc Melancholia & Lex Naturalis præ viis quasi vices supplere possint Spiritus Divinique corporis in Regenitis. Ut nemo tam subitò se propriè inspiratum somniet, antequam in hac exteriori disciplina probè versatus sit & exploratus. Fidelibus verò ac morigeris Alumnis introitus hic est ad veram Regenerationem & Inspira-

tionem, hoc est, ad reales Influxus & operationes Spiritus sancti quò Divinam naturam novamve Nativitatem assequamur. Omnem autem Animi acrimoniam, astum, Zelum, conscientiaque scrupulum Divino Regenerationis semini sanctiorve Spiritui attribuire valde intutum est, & intoleranda atroxque in Ecclesia apud homines Fanaticos infelix origo atque fomes. Ceterum interea loci non dissimulandum est, quin naturalis conscientia lumen (quæ Dei etiam lex est inviolabilis) ex Melancholia acrimonia magis vividum vegetumque factum, crassiorumque peccatorum in lumen natura magis impatiens, quemadmodum in eo qui sic afficitur, nequaquam insuper habendum est, ita ab aliis in quos ob vitæ scandala depravatosque mores exaestuet acerbisque Incepcionibus inundet, nullo modo est contemnendum, quippe qui se contra lumen naturale peccantes, huiusmodi reprehensoribus obnoxios reddiderunt; qui tametsi jus nullum habeant Propheticum sic involandi in homines eosque increpandi, ex Lege tamen illa humana communi quâ quisque, certò impendens periculum à proximi capite, quantum potest, amoliri tenetur, de certis & conspicuis vitæ erroribus, licet revera inspirati non sint, devios monere, jus fasque ipsis esse omnino videatur. Nihil enim adversus eos urgent præter confessas Dei Leges ac Decreta. Quod quoties fit, quinimò quantumvis aliquid animi haud satis sani aut emoti admixtum videatur, ubicunque tamen Lex Dei in auribus nostris sonat, nostrum est Deo gloriam dare, ei que obtemperare, infirmorumque Instrumentorum miseresce potius quam contemnere eisve succensere. Ne quis verò hic temerè exclamet, O felicem Melancholiam! O sanctam Intemperiem! quæ circa indispensabiles vitæ morumque leges majorem videtur gerere curam ac sollicitudinem quam universa humana prudentia & literatura, meminisse oportet illam in omnibus eum non sortiri effectum, quin & Cynicum quendam fastum morumque insolentiam progignere in universis. Solus Spiritus à communi humani generis Mediatora Christo verè credentibus promissus, Mannaque cæleste, Materia illa Divina, verum novæ Nativitatis semen, non Melancholia lumenque naturale hominem in integrum restituere potest; Reliqua, tantum ut externa aliqua adminicula, Divina Regenerationi inserviant. Hoc est purum illud sanctumque semen, totum sanctum totumque purum, ex quo nisi quis renatus sit, nunquam ad perfectam absolutamque vitæ morumque integritatem est perventurus, nec visurus regnum Cælorum.

Sect. 66. Et Confidentia quasi quâdam Fanaticâ obfirmatos. Quæ quidem Confidentia, cum omni Ratione destituta sit, & tamen in quibusdam præsertim tam pertinax & fervida, meritò Fanaticismus quidam sordidus ac vesanus habendus est, & ab impura Complexionis habitu seu corporis si non maligni alicujus Demonis afflatu oriundus. Eademque ferè Ratio est de turgidulorum quorundam Ingeniorum cæca præfidentique Incredulitate circa veritatem Christianam. Quæ quidem Incredulitas cum omni solidâ ratione careat & tamen adeò sit obfirmata, æquè ridicula est sed impendio detestabilior omni vulgari Enthusiasmo, quem inflata hac & excelsa, ut sibi videntur, Ingenia, tam falsè solent irridere.



HENRICI MORI  
Cantabrigienſis  
EPISTOLÆ  
QUATUOR

AD  
RENATUM DESCARTES:  
CUM

Reſponſis Clariffimi Philoſophi ad duas Priores, cūmq̃  
aliis aliquot Epiſtolis, quarum Occaſiones, Argu-  
menta, Ordinem verſa Pagina tibi commonſtrabit.

Ariſtot.


Τοῖς εὐπορεῖναι βυλομύθοις πρῶργε ἐστὶ τὸ διαπορεῖναι καλῶς.



L O N D I N I,  
Typis R. Norton, impensis J. Martyn & Gualt. Kettilby,  
M DC LXXIX.

THE  
HISTORICAL  
AND  
STATISTICAL  
ACCOUNT  
OF  
THE  
CITY OF  
GLoucester

By  
J. G. Nichols  
Esq.  
of  
Gloucester  
in a Series of  
Discourses  
delivered  
at the  
Church of St. Peter  
in 1817



LONDON:  
Printed by  
J. G. Nichols  
at the  
Church of St. Peter  
in 1817



## CONTINENTUR

in hac parte

1. **E**pistola Claudii Clerfelier ad H. Morum, quâ veniam ab eo petit publicandi Literas ejus ad Cartesium.
2. Responsum H. Mori.
3. Epistola prima H. Mori ad R. Des-Cartes, ubi præcipuè agitur de *Natura Corporis & Vacui*, de *Mundi extensione*, deque sensu Brutorum.
4. Responsum R. Cartesii.
5. Epistola secunda H. Mori ad R. Cartesium, ubi Responfa ad priores Objectiones novis, utplurimum, Instantiis diluit, variâsque proponit Quæstiones de *Mundi extensione*, de *natura Motûs*, de *particulis striatis*, de *Animæ unione cum Corpore*, ipsiusque in corpus Imperio, de *Conversione globulorum Æthereorum in Elementum primum*, de *Flexibilitate particularum Aquearum*, & de *Materiæ denique αὐτοκίνησις*.
6. Responsum Cartesii ad dictas Instantias & Quæstiones.
7. H. Mori Epistola tertia ad R. Cartesium quâ quæ hætenus disputata sunt breviter recognoscit, dein varia è Principiis Philosophiæ nunc probanda, nunc explicanda proponit.
8. H. Mori Epistola quarta ad Cartesium, quæ varia itidem tum è Dioptrice tum è Meteoris proponit aut probanda aut dilucidanda.
9. Fragmentum Responfi R. Des-Cartes ad Epistolam tertiam H. Mori, ubi agitur de *Sensu Angelorum Mentisque separatæ*, de *Contractione & Dilatatione Spiritûs*, de *Dei Amplitudine*, de *Quiete Motûque Materiæ*, &c.
10. Responsum H. Mori ad dictum Fragmentum.

Handwritten text (likely bleed-through from the reverse side):  
 ... zu sein ...  
 ... zu sein ...

Republique H. Mor.

Agustin de Yturbide, Comandante en Jefe de las Armas de Mexico, al Excmo. Sr. Don Carlos de Borja, Comandante en Jefe de las Armas de San Juan de los Rios.

James R. Smith

1. *Phragmites australis* (Cav.) Trin. ex Steud.

... ..

...the proposed ... of the ...

ipsumque in corpore laetario, de conspectibus oculorum et

11. *Alouatta palliata* (Howler monkey)



Clarissimo Viro

HENRICO MORO.



EG I, vir eximie, & perlegi summa cum voluptate tuas ad *D. Cartesii* difficultates, quas ei tertio Idus Decembris 1648. tertio nonas Martii, 10. Calendas Augusti, & duodecimo Calendas Novembris 1649. proposuisti; miratusque sum ingenium tuum, & summam humanitatem, quā frater ausus sum hęc ad te confidenter rescribere, ut de iis quę facere instituo te certiores faciam, & à te impetrem ea quę mihi necessaria sunt, ut opus quod suscepi ad finem perducam. Scies igitur me habere præ manibus præcipua Autographa quę incomparabilis Philosophus *D. Cartesius*, *D. Chanut*, olim apud Serenissimam *Sueciæ* Reginam, nunc verò apud *Basavos* legato meritisimo, affini meo, apud quem *Sueciæ* viri functus est, reliquit: Inter quę sunt & illa literarum quas pluribus ex amicis suis rescripsit, ex quibus præcipuas colligo, quę vel Philosophiam suam tangunt, vel ea quę perficienda susceperat respiciunt, vel difficultates à plerisque summis viris, inter quos nōh minimum tenes locum, ipsi propositas solvunt, ut eas omnes publici juris faciam, quod spero me brevi peracturum. Sed quia literę illę quę difficultatibus respondent vix possunt intelligi, nisi etiam eę quę occasionem ipsi dederunt tale quid respondendi simul in lucem edantur, nec tamen mihi honestum visum fuerit hoc exequi absque venia & licentia eorum qui ipsi rescripserunt, à quibusdam petii, & impetravi, ut illud mihi concederent, quod etiam spero à te, pro summa tua humanitate & incredibili erga *Cartesium* studio, mihi concessum iri. Sed præterea cuperem ut mihi exemplaria mitteres earum omnium quę à *D. Cartesio* accepisti epistolarum; duas enim tantum præ manibus habeo, quarum prior respondet tuis tertio Idus Decembris datis; altera, iis quę tertio nonas Martii scriptę sunt. Superest igitur tertia, quę mihi deest, quęque tuis 10. Calendas Augusti & 12. Calendas Novembris datis satisfacere debet: quę profectò non potest non esse pulcherrima, & continere plura scitu dignissima, cum tot tuis tantisque difficultatibus & quæstionibus, cum ex principiis Philosophiæ tum ex *Dioptrice* excerptis, respondere debeat, cujus tamen duas duntaxat paginas inveni; quę tantum instantiis tuis satisfacere tentant, nec ullum verbum ad quæsitā tuā super *Principiis* & *Dioptrice* continent. Quare summo opere exopto & enixè precor, ut & mihi licentiam concedas literas tuas simul cum responsis imprimendi, & ut simul ad me mittas quę habes à *D. Cartesio*, ut & posteritatis utilitati, & Amici nostri famę ac memorię consulamus. Præter hęc autem literarum Autographa; plura adhuc habeo celeberrimi Viri præclara monumenta, quę singula suo tempore lucem videbunt, & quę non parùm jucunditatis puto tibi fore allatura, utpote qui in evolvendis *Cartesianis* scriptis tam impiger videris. Si mihi vernaculā linguā uti licuisset, aptius atque ornatius sententiam meam explicuissem: sed nē in varios errores inciderem, stylum contraxi, & ut potui, non ut volui, mentem meam tibi aperui; quod rogo ut mihi condones, & scias me tuę semper humanitatis & sapientię laudatorem & cultorem fore.

Parisii 12. Dec.

1654.

CLAUDIUS CLERSELIER.

## Responsio

## HENRICI MORI.

**L**iteræ tuæ, Vir Clarissime, datæ *Lutetia Parisiorum* pridie Idus Decembris, anno 1654. non pervenerunt ad manus meas ante decimum septimum Calendarum Maii. Miror tantum temporis interfluxisse. *Granthamie* tunc agebam in agro *Lincolniensi*. Rus enim concesseram cum aliis de causis tum ad confirmandam valetudinem. Vehementer equidem gaudebam postquam intellexi præclarum tuum institutum edendi omnia *Cartesii* scripta quæ apud te sunt, quo non solum nobilissimi Philosophi famæ ac memoriæ, verum etiam communi omnium literatorum utilitati optimè consulēs. In neminem enim aptius quadrat, quàm in divinum illum virum, *Horatianum* illud,

----- *Qui nil molitur ineptè.*

Quam ob causam si ego tibi à consiliis essem, nihil quicquam eorum supprimeretur quæ vel ille tentavit ullo modo in rebus Philosophicis, vel feliciter ad exitum perduxit; sed lucem viderent omnia, in majus Reipub. Literariæ commodum. Ac proinde, ut nullum impedimentum esset tam utili ac generoso proposito, vel ultrò tibi concederem copiam edendi primas meas secundasque literas ad *Cartesium* conscriptas; quippe quòd absque eis, ut rectè mones, responsa ejus tam commodè intelligi non possint: nec multum abs re fore diffiteor, si tertias meas simul edideris, cum per eas responsum sit alteris illis *Cartesianis*. Sed cum quartæ meæ nullis illius literis respondeant, nec illis ab ipso responsum sit quicquam, utpote inopinatâ morte prærepto, de iis aliquantum hæsitò an publici juris facerem. Cæterum omnem scrupulum eximeret, si quis ex amicis ipsius aut familiaribus, qui frequentius eum inviserunt, & colloqui sunt, vel cum eo vixerunt conjunctius, respondendi vices suppleret; tunc enim parùm dubito quia operæ esset pretium illas etiam in lucem dare. Quòd si hoc in præsens impetrari non possit, modò probabile esset quòd literæ illæ meæ, tertiarum quartarumque, editæ allicerent aliquem ex peritioribus Philosophiæ *Cartesiane* sectatoribus ad respondendum omnibus difficultatibus inibi *Cartesio* ipsi propositis, ex illa saltem spe facilius animum inducerem ut jus tibi concedam eas in publicum proferendi. Quid autem futurum sit in hac re ipse forsitan opportuniùs quàm ego conjecturam capies. Nè multis igitur te morer, totum hoc negotium judicio tuo ac candori permitto, ut, quod factò opus sit, facias. Incredibile est quanto mœrore sum affectus, audito præmaturo *Cartesii* fato, quippe qui ingenium virtutisque incomparabilis viri impensè amavi & miratus sum. Præterea, accessit ingens desiderium perlegendi responsa ejus, quæ expectavi, ad tertias quartasque meas literas, quæ universam illius Philosophiam percurrunt. Inchoasse integrum responsum ad meas datas 10. Cal. Aug. ex te intelligo. Quòd fragmentum scripsisse eum conjicio cum *Egmunda* esset in *Hollandia*. Destitit autem, ut per amicos suos certior me fecit, ab incepto, quòd animus occupatissimus paratu ad iter *Suecicum* non potuit vacare tam subtilibus tantique, uti ipse dixit, momenti difficultatibus & disquisitionibus; sed constanter pollicitus est suis, se proximo vere reversurum, & tunc mihi copiosè & perspicuè omnia explicaturum. Sed cum invida mors cætera nobis præripuerit, nollem vel illud Fragmentum duarum paginarum, quarum mentionem facis, interire. Quòd ad solidiora illa *Cartesii* monumenta attinet, quæ profiteris te habere, quæque, uti promittis, lucem visura sunt suo tempore, gestit profectò animus ad tam lætum gratumque nuncium; avidèque interim cupio, si tibi non sit molestum, ut argumenta titulosve singulorum librorum recenseas in proximis tuis literis. Revixit enim in me, ex quo nuperas tuas accepi, pristinus ille ardor erga Philosophiam *Cartesianam*, qui aliquantulum ab obitu desideratissimi nostri Amici deferbuerat, cum nova legendi materies non suppeteret. Sed, ut ingenuè fatear quòd res est, illud solum in causa non fuit, sed peculiaria quædam studia quæ aliò animum avocârunt. Est enim illud rerum pondus, veritatis pulchritudo, amplitudo ingenii & acumen, Theorematum denique omnium admirabilis ille ordo & consensus in scriptis *Cartesianis*, ut vel millies lecta non fordescant: non magis quàm lux Solis, cujus ortum singulis diebus aves, pecudes, ipsique adeò homines gratulabundi contemplantur.

Nec



Nec certè solum lectu jucunda est hæc *Cartesiana* Philosophia, sed apprimè utilis; quicquid aut mufsitent aut deblaterent alii, ad summum illum omnis Philosophiæ finem, putà Religionem. Cum enim *Peripatetici* formas quasdam contendunt esse substantiales, quæ è potentia materiæ oriuntur, quæque cum materia ita coalescunt, ut absque illa subsistere non possint, ac proinde necessariò demum redeunt in potentiam materiæ (cui ordini accensent viventium ferè omnium animas, etiā eas quibus sensum cogitationemque tribuunt; ) *Epicurei* autem, explosis illis substantialibus formis, ipsi materiæ vim sentiendi cogitandique inesse statuunt; solus, quod scio, inter Physiologos extitit *Cartesius*, qui substantiales illas formas, animasve materiā exortas, è Philosophia sustulit, materiāque ipsam omni sentiendi cogitandique facultate planè spoliavit. Unde, si principiis staretur *Cartesiani*, certissima esset ratio ac Methodus demonstrandi, & quòd Deus sit, & quòd anima humanā mortalis esse non possit. Quæ sunt illa duo solidissima fundamenta ac fulcra omnis veræ Religionis. Hæc breviter noto, cum possim & alia bene multa huc adjicere, quæ eodem spectant. Sed summatim dicam, nullam extare Philosophiam, nisi *Platoniam* fortè exceperis, quæ tam firmiter Atheis viam præcludit ad perversas istas cavillas & subterfugia quò se solent recipere, quàm hæc *Cartesiana*, si penitiùs intelligatur. Unde spero, quòd omnes boni clementiùs ferent amplissimas illas laudes quibus incomparabilem Virum cumulo, in iis quas ad eum scripsi literis; credòque, quicquid hæc præsens ætas senserit de *Cartesio* (nam ut nunquam vivis, ita rarò recentium defunctorum memoriæ parcat invidia) quòd posteritas eum omni cum laude & veneratione sit exceptura, optimūque illius Philosophiæ usum sit agnitura. Quod lubentiùs prædico, ut majorem in modum tibi animos accendam ad pergendum in nobili illo instituto, edendi omnia quæ habes *Cartesii* scripta Philosophica; quo pacto cum aliis multis, tum me præter ceteros, devincies, qui in illis evolvendis tantam percipere soleo voluptatem.

Si tibi visum fuerit meas ad *Cartesium* literas publicare, vehementer hoc abs te efflagito, ut nè fiat juxta illa exemplaria quæ jam habes, quia multò correctiora tibi paro. Deprehendi enim, postquam attentius legeram, non pauca corrigenda, quæ imprudenti mihi exciderunt præ nimio animi fervore ac festinatione cum ad *Cartesium* scriberem. Expunxi etiam quædam ex *Quæstis* intertiis quartisque meis literis; sed primæ secundæque integræ sunt.

Quòd mensis ferè jam elapsus est ex quo tuas accepi literas, nec tamen ad te rescripti, id profectò factum est per nullam negligentiam aut incuriam. Non possum enim non magni te æstimare, tum propter eximium tuum ingenium, ad omnem, quod satis ex literis tuis perspexi, æquitatem & humanitatem compositum ac conformatum, tum propter honorificam Clarissimi fratris tui *Chanut*, olim apud *Suevos*, nunc verò, uti narras, apud *Batavos* Legati meritissimi, in *Cartesium* defunctum pietatem. Sed totum id temporis quod effluxit partim negotiis, quibus eram ruri districtus, partim meis ad *Cartesium* literis castigandis transcribendisque, postquam ad Academiam rediissem, impensum est; nec putabam fore operæ pretium ad te rescribere, priùs quàm ista perfecissem. Jam verò in parato sunt omnia, tam mearum quàm *Cartesianarum* literarum exemplaria: neutra tamen ad te mitto hâc vice, quippe quòd experiundum putavi priùs, quàm tutò hæ, quas jam scripsi, literæ ad manus tuas pervenerint: postquam id intellexerim, mittam ad te continuò. Perlubenter interim ex te audire vellem, quò usque deveneris in nobili illo negotio quod scribis te suscepisse. Rem sanè mihi pergratam præstabis, si per proximas tuas literas es de re certior me feceris. Vale, Vir Clarissime, & generosum illud opus quod moliris feliciter exequere. Sic optat

Cantabrigiæ, è Collegio Christi,  
pridie Idus Maii, 1655.

Tibi Cartesianisque  
omnibus addictissimus  
HENRICUS MORUS.

Clarissimo Viro

RENATO DES-CARTES

HENRICUS MORUS ANGLUS.

Quantâ voluptate perfusus est animus meus, Vir Clarissime, in scriptis tuis legendis, nemo quisquam præter te unum potest conjectare.

Equidem ausim asseverare me haud minùs exultâsse in recognoscendis intelligendisque præclaris tuis Theorematis, quàm ipse in inveniendis, æquæque charos habere atque deâmâre pulcherrimos illos ingenii tui foetus, acsi proprius eos enixus esset animus. Quod & certè fecisse aliquo modo mihi videtur, exerendo sese atque expediendo in eisdem sensus ac cogitationes, quos generosa tua mens præconcepit & præmonstravit. Qui sanè quemadmodum istiusmodi sunt, ut, cum intellectui judicioque meo adeò sint congeneres, ut non sperem fore ut incidam in quicquam conjunctum magis ac consanguineum, ità sanè à nullius ingenio alieni esse possint, cujus itidem ingenium non sit à recta ratione alienum.

Liberè dicam quod sentio: Omnes quotquot exstiterunt, aut etiamnum existunt, Arcanorum Naturæ Antistites, si ad Magnificam tuam indolem comparentur, Pumilos planè videri ac Pygmæos: meque, cum vel unicâ vice evolvissem Lucubrationes tuas Philosophicas, suspicatum esse, illustrissimam tuam discipulam, Serenissimam Principem *Elizabetham*, universis *Europæis*, non sœminis solum, sed viris, etiam Philosophis, longè evasisse sapientiorum. Quod mox evidentius deprehendi, cum inceperim scripta tua paulò pehitiùs rimari & intelligere.

Tandem enim clarè mihi affulsit *Cartesiana* Lux, (i.e.) libera, distincta, sibi que constans Ratio, quæ Naturam pariter ac paginas tuas mirificè collustravit; ità ut aut nullæ aut paucissimæ supersint latebræ, & loci quos non patefecit nobilis illa fax, aut saltem vel levissimo negotio, mihi cum libitum fuerit, mox non sit patefactura. Omnia profectò tam concinna in tuis Philosophiæ Principiis, *Dioptrici* & *Meteoris*, tamque pulchrè sibi ipsis Naturæque consona sunt, ut mens Ratioque humana jucundius vix opraret latiusve spectaculum.

In Methodo tua, lusorio quodam, sed eleganti sanè, modestiæ genere, talem te exhibes virum ut nihil indole genioque tuo suavius & amabilius, nihil excelsius & generosius vel fingi possit, vel expeti.

Quorsum autem hæc? Non quòd putarem, Vir Clarissime, aut tuâ interesse aut Reipublicæ Literariæ ut hæc conscriberem; sed quòd mirabilis illius voluptatis ac fructus quem ex scriptis tuis percepi conscientia extorqueret hoc quaecunque est animi in te grati testimonium. Præterea, ut certum te facerem, etiam apud Anglos esse qui te tuæque magni æstiment, divinâsque animi tui dotes vehementer suspiciunt & admirantur: Neminem autem hominem meipso impensius te amare posse, eximiamque tuam Philosophiam arctius amplexari.

Sed revera, illustrissime *Cartesi*, ut nihil dissimulem; quamvis pulcherrimum illud Philosophiæ tuæ corpus ac essentiam valde depeream, fateor tamen paucula excidisse in secunda Principiorum parte, quæ certè animus meus aut paulò hebetior est quàm ut capiat, aut ut admittat, averfator.

Sed præclaræ tuæ Philosophiæ Summa nihil indè periclitatur, cum hujusmodi ista sint, ut quemadmodum aut falsa meritò aut incerta judicari possint, ità nihil ad essentiam Philosophiæ tuæ ac fundamenta pertinere, illaque sine istis optimè posse constare. Quæ verò ea sint, si tibi non sit tadio, breviter nunc exponam.

Primò, dehinitionem Materiæ seu Corporis instituis multò quàm par est latiore. Res enim extensa Deus videtur esse, atque Angelus, imò verò res quælibet per se subsistens; ità ut eisdem finibus claudi videatur extensio atque essentia rerum absoluta, quæ tamen variari potest pro essentiarum ipsarum varietate. Atque equidem quòd Deus extenditur suo modo, hinc arbitror patere, nempe quòd sit omnipræsens, & universam mundi machinam singulâsque ejus particulas intimè occupet. Quomodo enim motum imprimeret materiæ, quod fecisse aliquando, & etiamnum facere, ipse fateris, nisi proximè quasi attingeret materiam universi, aut saltem aliquando attrigisset? Quod certè nunquam fecisset nisi adfuisset ubique, singulâsque plagas occupa-



occupavisset. Deus igitur suo modo extenditur atque expanditur, ac proinde est res extensa.

Neque tamen ille corpus istud est, sive materia, quam ingeniosa illa Artifex, Mens scilicet tua, in globulos striatasque particulas tam affabrè tornavit. Quamobrem res extensa latior corpore est.

Animumque mihi ulterius addit ut à te hac in re dissentiam, quod ad confirmationem hujusce tuæ definitionis *tam scævum adhibes argumentum, & ferme Sophisticum*. Quod utique corpus possit esse corpus sine mollitie, vel duritie, vel pondere, vel levitate, &c. illis enim aliisque omnibus qualitatibus quæ in materia corporea sentiuntur ex ea sublatis, ipsam integram remanere. Quod perinde est ac si dixeris, libram Cera, cum possit esse libra cera, quamvis spoliatur figurâ sphericâ, vel cubicâ, vel pyramidalî, &c. sub nulla figura posse remanere integram cera libram. Quod tamen impossibile est. Quamvis enim hæc vel illa figura non tam arctè cohæreat cum cera quin illam exuere possit, ut tamen cera semper sit figurata necessitas summa est & arctissima. Ità quamvis materia non sit necessariò mollis, nec dura, nec calida, nec frigida, ut tamen sit *sensibilis* est summè necessarium; vel, si malle, *tangibilis*; prout optimè definit Lucretius,

*Tangere enim, & tangi, nisi corpus nulla potest res.*

Quæ certè notio minùs debet à tua mente abhorrere, cum Philosophia tua omnem sensum, cum antiquis illis apud Theophrastum *περὶ αἰσθητικῶν*, tactum planissimè constituat. Quod vero verius esse ipse facillimè admittam. Sed si minùs placet corpus definire ab habitudine ad sensus nostros, Tangibilitas hæc latior sit ac diffusior, & significet mutuum illum contactum tangendique potentiam inter corpora quælibet, sive animata sive inanimata fuerint; estque superficierum duorum pluriùmvè corporum immediata juxtapositio. Quod & aliam innuit materiæ sive corporis conditionem, quam appellare poteris *impenetrabilitatem*; nempe quod nec penetrare alia corpora, nec ab illis penetrari possit. Unde manifestissimum est discrimen inter Naturam divinam ac corpoream, cum illa hanc penetrare, hæc verò seipsam penetrare non possit. Unde sanè feliciùs mihi videtur cum Platoniciis suis Virgilius philosophari, quàm Cartesius ipse, cum ex illorum sententia sic cecinerit,

----- Totamque infusa per artus  
Mens agit molem, & magno se corpore miscet.

Mitto alias insigniores Divinæ extensionis conditiones, cum non opus sit hoc loco explicare. Vel hæc pauca suffecerint ad demonstrandum multò tutius fuisse materiam definivisse substantiam *tangibilem*, vel modo suprà explicato *impenetrabilem*, quàm Rem extensam. Dicta enim vel *Tangibilitas*, vel *Impenetrabilitas*, competit corpori adæquatè; tua autem definitio peccat in legem *καθολὸν πρῶτον*, neque enim est reciproca cum definito.

Secundò, Quando innuis *nè virtute quidem divinâ fieri posse ut propriè dictum existat vacuum*, &, si omne corpus ex vase tolleretur, quod latera necessariò coirent; ista profectò mihi videntur non solum falsa, sed minùs consona antecedentibus. Si enim Deus motum materiæ imprimit, quod suprà docuisti, annon ille potest contrà obniti, & inhibere nè coeant vasis latera? Sed contradictio est distare vasis latera, & tamen nihil interjacere. Idem non sensit literata Antiquitas, Epicurus, Democritus, Lucretius, aliisque. Sed ut leviusculum illud argumenti genus missum faciam; divinam contendo interjacere extensionem, tuumque hîc suppositum esse infirmum, materiam solummodo extendi: Latera tamen ut antea coitura non necessitate Logicâ sed naturali; Deumque solum hanc coitionem inhibere posse. Cum enim particula, primi præsertim secundique Elementi, tam furibundo motu agitentur, necesse est quâ ceditur, eò ruant præcipientes, aliâsque sibi contiguas secum abripiant.

Infeliciter igitur successit, quod tam bellum Theorema de modo Rarefactionis & Condensationis, quod certè ego aliis de causis verissimum esse censeo, tam lubrico suffulcias fundamento.

Tertiò, Singularem illam subtilitatem non capio, quâ atomos, id est particulas suâ naturâ indivisibiles, non dari evincas. Ut enim, inquis, effecerit Deus eas particulas à nullis creaturis dividi posse, non certè sibi ipsi easdem dividendi facultatem potuit adimere, quia fieri non potest ut propriam suam potentiam imminuat. Eodem argumento probaveris, Deum nunquam fecisse ut hesternus oriretur Sol, quoni-

am

am potentia ejus jam efficere non potest ut Sol hesternus non esset ortus; nec vilissimam posse muscam occidere,

*Si modo, qui perit, non perisse potest,*

quod scitè de seipso *Ovidius*; aut materiam non creasse, cum sit divisibilis in semper divisibilia, ac proinde Deus nunquam posset absolvere ac perficere hanc divisionem. Pars enim restat indivisa, quamvis divisibilis, atque ita perpetuò eluditur potentia divina, nec plenè se exerere potest, finemque sortiri.

*Difficultas  
Quarta.*

Quartò, Indefinitam tuam mundi extensionem non intelligo. Extensio enim illa indefinita vel simpliciter infinita est, vel tantum quoad nos. Si intelligis extensionem infinitam simpliciter, cur mentem tuam obscuras vocabulis nimium suppressis ac modestis? Si tantum quoad nos infinitam, revera erit finita extensio; neque enim mens nostra aut rerum aut veritatis mensura est. Ac proinde, cum alia sit simplicitet infinita expansio, divinæ utique essentia, materia tuorum vorticum à centris suis recedet, totaque mundi machina in dissipatas atomos vagosque abibit pulvisculos.

Atque sanè eò magis hinc admiror modestiam tuam atque metum, quod aded tibi caves à materia infinitudine, cum particulas actu & infinitas & divisas ipse agnoveris Art. 34. & 35. Quod certè si non fecisses, extorqueri tamen posse videtur hoc modo. \* Nam cum quantum sit in infinitum divisibile, partes actu infinitas habere oportet. Ut enim cultello aliòve quovis instrumento corpus in partes palpabiles, quæ non actu sunt tales, mechanicè dissecare prorsus est ἀμύχαρον, sive impossibile; ita vel mente quantitatem dividere in partes toti realiter actuque non inexistentes, planè ἀλογον est ac rationi absolum.

Quibus insuper adjungi potest, hypothesein hanc, \* quod mundus simpliciter ac revera sit infinitus, æqualem vim habere ad explicandam juxta ac confirmandam rationem rarefactionis & condensationis, quam supra proposuisti Art. 6, 7. atque istud principium, *solum corporis esse extensionem, &c., nihilum non posse extendi.* Quod enim ibi præstat Logica seu contradictoria necessitas, idem hinc necessitas Physica vel mechanica certissimè præstabit.

Cum enim omnia in infinitum usque materiâ seu corporibus sint plena ac repleta, penetrationis lex impediet nè fiat ulla distantia in rarefactione corporibus nuda, aut accessio partium ad se invicem in condensatione, sine interjacentium partium expulsionem.

Atque hæcenus quæ à me dicta sunt rationi mentique meæ maximè videntur perspicua, tuisque placitis longè longèque certiora.

*Difficultas  
Quinta & Ultima.*

Cæterum à nulla tuarum opinionum animus meus, pro ea quæ est mollitie ac ténitudine, æquè abhorret, ac ab internecina illa & jugulatrice sententia, quam in Methodo tulisti, brutis omnibus vitam sensumque eripiens, dicam, an potius præripiens? neque enim vixisse unquam pateris. Hinc non tam suspicio rutilantem tui ingenii aciem, quam reformido, utpote de animantium fato sollicitus, acumenque tuum non subtile solum agnosco, sed chalybis instar rigidum ac crudele, quod uno quasi ictu universum ferme animantium genus vitâ ausit sensuque spoliare, in marmora & machinas vertendo.

Sed videamus obsecro quid in causa est quòd in brutas animantes quicquam tam severiter statuas. Loqui utique non possunt, causamque suam apud judicem dicere, &c., quod crimen aggravat, cum ad loquelam organis satis sint instructæ, uti patet in Picis & Psittacis. Hinc vitâ sensuque mulcandæ sunt.

Verum enimvero quomodo fieri possit ut aut Psittaci aut Picæ voces nostras imitentur, nisi audirent, sensuque perciperent quid loquimur? Sed non intelligunt, inquis, quid sibi volunt istæ voces quas effutiunt imitando. Quidni tamen ipsi quid volunt satis intelligant, cibum scilicet quem à Dominis hoc artificio acquirunt? putant igitur se cibum mendicare, quòd istâ loquacitate toties voti compotes fiunt. Et quorsum, quæso, illa attentio est & auscultatio in avibus cantatoriis, quam præ se ferunt, si nullus sit in ipsis sensus nec animadversio? Unde illa vulpium canumque astutia & sagacitas? Quæ fit ut minæ & verba ferocientes cohibeant belluas? Canis famelicus cum furtim quid abstulit, cur quasi facti conscius clam se surripit, & meticolosè ac diffidenter incedens nemini occurrenti gratulatur, sed averso pronoque rostro suam ad distans pergit viam, suspiciosè cautus nè ob patratum scelus pœnas luat? Quomodo ista fieri possunt sine interna facti conscientia? Copiosa ista historiarum congeries, quibus nonnulli conantur demonstrare rationem inesse animalibus brutis, hoc saltem evincer, sensum ipsis memoriâque inesse. Sed infinitum esset tales



tales narratiunculas hîc attexere. E quibus scio bene multas istius modi esse, ut earum vim vel subtilissimum acumen haud possit eludere.

Sed video planè quid te huc adegît, ut bruta pro machinis habeas; Immortalitatis utique animarum nostrarum demonstrandæ ratio, quæ cùm supponat corpus nullo modo cogitare posse, concludit, ubicumque est cogitatio, substantiam à corpore realiter distinctam adesse oportere, adeoque immortalem. Unde sequitur, bruta si cogitent, substantias immortales sibi annexas habere.

Atqui obsecro te, Vir perspicacissime, cùm ex ista demonstrandi ratione necesse esset bruta animantia aut sensu spoliare, aut donare immortalitate, cû ipsa malles inanimes machinas statuere quàm corpora animabus immortalibus actuata? præsertim cùm illud ut naturæ phænomenis minimè consonum, ita planè sit inauditum hætenus; hoc verò apud sapientissimos veterum ratum sit ac comprobatum, *Pythagoram* putà, *Platonem*, aliòque. Et cerre animos hoc adderet *Platonici* omnibus persistendi in sua de brutorum immortalitate sententia; cùm tam insigne ingenium eò angustiarum redactum sit, ut si animas brutorum immortales esse non concedatur, universa bruta insensatas machinas necessario statuatur.

Hæc sunt paucula illa (magne *Cartesi*) in quibus mihi fas esse putabam à te dissentire. Cætera mihi adeò arrident atque adblandiuntur, ut nihil illis habeam magis in deliciis; adeoque intimis animi mei sensibus consona sunt atque cognata, ut non solum tardioribus commodè explicare, sed etiam contra pugnacissimos quosque feliciter, si opus esset, defendere me posse confidam.

Quod reliquum est, exorandus es, Vir illustrissime, ut hæc nostra boni consulas, nec me ullius levitatis vanæque ambitionis suspectum habeas, quasi affectarem Clarissimorum virorum familiaritates ac amicitias, cùm & ipse si possem, haud cupe-rem, inclarescere, rem turbulentam famam judicans, privatoque otio valde inimicam.

Neque profectò quamvis animo sim in te admodum probo ac proclivi, id unquam tibi significâssem, nisi ab aliis instigatus; sed te tuæque amore latenti tacitæque veneratione prosequi contentus fuissim.

Nec obnixè à te efflagito ut rescribas, utpote quem contemplationibus summè arduis, vel experimentis faciundis maximè utilibus pariter ac difficilibus, occupatissimum autumo.

Permitto igitur hîc tibi tuo jure uti, nè sim in publicum injurius. Quòd si tamen hæc nostra, qualia qualia fuerint, responsione quâlibet cunque cohonestare dignatus fueris, rem sanè non ingratam præstabis.

Cantabrigia, è Collegio Christi,  
Idus Decembris, anno 1648.

Singularis tue sapientia  
cultori devotissimo,  
HENRICO MORO.

## SCHOLIA

In Epist. I. H. Mori.

**D**ifficult. 4. Nam cùm quantum sit in infinitum divisibile, &c. Satis argutus equidem hic griphus est, sed minùs solidus. Facile enim extricare te poteris si negaveris quantum Physicè esse divisibile in infinitum, partèsve infinitas Physicas toti realiter actuque inexistere, sed Materiam contenderis interim ex Monadibus, quas vocant, Physicis constare, in easque Divinâ Virtute posse dissolvi; nec mente in has partes jure dividi, nisi Divinâ saltem virtute sic possent dispeSCI. Mathematicam verò Divisibilitatem, quæ ad has Monadas etiam pertinere possit, ad hunc locum non spectare.

Doctissimo

Doctissimo & Humanissimo Viro

HENRICO MORO

RENATUS DES-CARTES.

**L**Audes quas in me congeris, Vir humanissime, non tam ullius mei meriti, utpote quod eas aquare nullum potest, quam tuæ erga me benevolentiae testes sunt. Benevolentia autem ex sola scriptorum meorum lectione contracta candorem & generositatem animi tui tam aperte ostendit, ut totum me tibi, quamvis antea non noto, devinciat. Ideoque perlibenter iis quæ ex me quæris respondebo.

Difficultas  
Prima.

I. Primum est, cur ad corpus definiendum dicam illud esse substantiam extensam potius quam sensibilem, tangibilem, vel impenetrabilem. At res te monet, si dicatur substantia sensibilis, tunc *definiri ab habitudine ad sensus nostros*, quâ ratione quædam ejus proprietates duntaxat explicatur, non integra natura, quæ cum possit existere, *quamvis nulli homines existant*, certè à sensibus nostris non pendet. Nec proinde video cur dicas, esse summe necessarium ut omnis materia sit sensibilis. Nam contrà, nulla est quæ non sit planè insensibilis, si tantum in partes *nervorum nostrorum particulis multò minores*, & singulas seorsim satis celeriter agitata, sit divisa.

Meumque illud argumentum quod scævum & ferme Sophisticum appellas, adhibui tantum ad eorum opinionem refutandam, qui tecum existimant omne corpus esse sensibile, quam, meo judicio, aperte & demonstrativè refutat. Potest enim corpus retinere omnem suam corporis naturam, *quamvis non sit ad sensum molle*, nec durum, nec frigidum, nec calidum, nec denique habeat ullam sensibilem qualitatem.

Ut verò inciderem in eum errorem quem videris mihi velle tribuere, per comparisonem ceræ, quæ quamvis possit non esse quadrata, nec rotunda, non potest tamen non habere aliquam figuram, debuissim, ex eo quod juxta mea principia omnes sensibiles qualitates in eo solo consistant quod particula corporis certis modis moveantur, vel quiescant, debuissim, inquam, concludere, corpus posse existere, quamvis nullæ ejus particula moveantur, nec quiescant; quod mihi nunquam in mentem venit. Corpus itaque non rectè definitur substantia sensibilis.

Videamus nunc an fortè aptius dici possit substantia impenetrabilis, vel tangibilis, eo sensu quem explicuisti.

Sed rursus ista tangibilitas & impenetrabilitas in corpore, est tantum *ut in homine risibilitas, proprium quarto modo*, juxta vulgares Logicæ leges, non vera & essentialis differentia, quam in extensione consistere contendo; atque idcirco, ut homo non definitur animal risibile, sed rationale, ita corpus non definiri per impenetrabilitatem, sed per extensionem. Quod confirmatur ex eo, quod tangibilitas & impenetrabilitas habeant relationem ad partes, & præsupponant conceptum divisionis vel terminationis. Possimus autem concipere corpus continuum indeterminatæ magnitudinis, sive indefinitum, in quo nihil præter extensionem consideretur.

Sed, inquis, Deus etiam & Angelus, resque alia qualibet per se subsistens est extensa, ideoque latius patet definitio tua quam definitum. Ego verò non soleo quidem de nominibus disputare, atque ideo \* si ex eo quod Deus sit ubique, dicat aliquis eum esse quodammodo extensum, per me licet. *Atqui nego veram extensionem*, qualis ab omnibus vulgò concipitur, vel in Deo, vel in Angelis, vel in mente nostra, vel denique in ulla substantia quæ non sit corpus, reperiri. Quippe per ens extensum, communiter omnes intelligunt aliquid imaginabile, (sive sit ens rationis, sive reale, hoc enim jam in medium relinquo;) atqui in hoc ente varias partes determinatæ magnitudinis & figuræ, quarum una nullo modo alia sit, possunt imaginatione distinguere, unâque in locum aliarum possunt etiam imaginatione transferre, sed non duas simul in uno & eodem loco imaginari: Atqui de Deo, ac etiam de mente nostra, nihil tale dicere licet; neque enim est imaginabilis, sed intelligibilis duntaxat, nec etiam in partes distinguibilis, præsertim in partes quæ habeant determinatas magnitudines & figuras. Denique, facile intelligimus & mentem humanam, & Deum, & simul plures Angelos in uno & eodem loco esse posse. Unde manifestè concluditur, \* nullas substantias incorporeas propriè esse extensas: sed eas intelligo tanquam virtutes aut vires quasdam, quæ quamvis se applicent rebus extensis, non

idcirco



idcirco sunt extensæ; ut quamvis in ferro candenti sit ignis, non ideo ignis ille est ferrum. Quod verò nonnulli substantiæ notionem cum rei extensæ notionem confundant, hoc ut ex falso præiudicio, quia nihil putant existere, vel esse intelligibile, nisi sit etiam imaginabile, ac revera nihil sub imaginationem cadit, quod non sit aliquo modo extensum. Jam verò quemadmodum dicere licet sanitatem soli homini competere, quamvis per analogiam & Medicina, & aer temperatus, & alia multa dicantur etiam sana; ita illud solum quod est imaginabile, ut habens partes extra partes, quæ sint determinatæ magnitudinis & figuræ, dico esse extensum, quamvis alia per analogiam etiam extensa dicantur.

2. Ut autem transeamus ad secundam tuam difficultatem; si examinemus quodnam sit ens extensum à me descriptum, inveniemus planè idem esse cum spatio, quod vulgus aliquando plenum, aliquando vacuum, aliquando reale, aliquando imaginarium esse putat. In spatio enim, quantumvis imaginario & vacuo, facile omnes imaginantur varias partes determinatæ magnitudinis & figuræ, possuntque *unus in locum aliarum imaginatione transferre*; sed nullo modo duas simul se mutuo penetrantes in uno & eodem loco concipere, quoniam implicat contradictionem ut hoc fiat, & spatii pars nulla tollatur. Cum autem ego considerarem tam reales proprietates non nisi in reali corpore esse posse, ausus sum affirmare, nullum dari spatium prorsus vacuum, atque omne ens extensum esse verum corpus: nec dubitavi à magnis viris, Epicuro, Democrito, Lucretio hac in re dissentire; vidi enim illos non firmam aliquam rationem esse secutos, sed falsum præiudicium, quo omnes ab ineunte ætate fuimus imbuti. Quippe quamvis sensus nostri non semper nobis exhibeant corpora externa qualia sunt omni ex parte, sed tantum quatenus ad nos referuntur, & prodesse possunt aut nocere, ut in Art. 3. partis 2. præmonui; iudicavimus tamen omnes, cum essemus adhuc pueri, nihil aliud in mundo esse quam quod à sensibus exhibebatur, ac proinde nullum esse corpus nisi sensibile, locaque omnia in quibus nihil sentiebamus vacua esse. Quod præiudicium cum ab Epicuro, Democrito, Lucretio non fuerit unquam rejectum, illorum auctoritatem sequi non debeo.

Miror autem virum cætera perspicacissimum, cum videat se negare non posse *quin aliqua in omni spatio substantia sit*, quoniam in eo omnes proprietates extensionis revera reperiuntur, \* malle tamen dicere divinam extensionem implere spatium in quo nullum est corpus, quam fateri nullum omnino spatium sine corpore esse posse. Etenim, ut jam dixi, prætensa illa Dei extensio nullo modo subjectum esse potest verarum proprietatum, quas in omni spatio distinctissime percipimus. Neque enim Deus est imaginabilis, nec in partes distinguibilis quæ sint mensurabiles & figuratæ.

Sed facile admittis nullum vacuum naturaliter dari. Sollicitus es de potentia divina, quam putas tollere posse id omne quod est in aliquo vase, simulque impedire nè coeant vasis latera. Ego verò cum sciam meum Intellectum esse finitum, & Dei potentiam infinitam, nihil unquam de hac determino; sed considero duntaxat quid possit à me percipi vel non percipi, & caveo diligenter nè iudicium ullum meum à perceptione dissentiat. Quapropter audacter affirmo, Deum posse id omne quod possibile esse percipio; non autem è contrà audacter nego, illum posse id quod conceptui meo repugnat, sed dico tantum implicare contradictionem. Sic quia video conceptui meo repugnare ut omne corpus ex aliquo vase tollatur, \* & in ipso remaneat extensio, non aliter à me concepta quam prius concipiebatur corpus in eo contentum; dico implicare contradictionem, ut talis extensio ibi remaneat post sublatum corpus, ideoque debere vasis latera coire: Quod omnino consonum est meis cæteris opinionibus. Dico enim alibi *nullum motum dari nisi quodammodo circularem*; unde sequitur non intelligi distinctè, Deum aliquod corpus ex vase tollere, quin simul intelligatur, in ejus locum aliud corpus, vel ipsa vasis latera motu circulari succedere.

3. Eodem modo etiam dico implicare contradictionem, ut aliquæ dentur atomi, *que concipiantur extensæ ac simul indivisibiles*; quia quamvis Deus eas tales efficere poterit ut à nulla creatura dividantur, certè non possumus intelligere ipsum se facultate eas dividendi privare potuisse. Nec valet tua comparatio de iis quæ facta sunt, quod nequeant infecta esse. Neque enim pro nota impotentia sumimus, quod quis non possit facere id quod non intelligimus esse possibile; sed tantum quod non possit aliquid facere ex iis quæ tanquam possibilia distinctè percipimus. At sanè percipimus esse possibile ut atomus dividatur, quandoquidem eam extensam esse supponimus; atque ideo si iudicemus eam à Deo dividi non posse, iudicabimus Deum aliquid non posse facere, quod tamen possibile esse percipimus. Non autem eodem modo percipimus fieri posse, ut quod factum est sit infectum, sed è contrà, percipimus hoc fieri planè non posse; ac proinde non esse ullum potentia defectum in Deo, quod

istud non faciat. Quantum autem ad divisibilitatem materiæ, non eadem ratio est: etsi enim non possim numerare omnes partes in quas est divisibilis, earumque idcirco numerum dicam esse indefinitum; non tamen possum affirmare illarum divisionem à Deo nunquam absolvi, quia scio Deum plura posse facere quàm ego cogitatione meâ complecti; atque istam indefinitam quarundam partium materiæ divisionem revera fieri solere in Artic. 34. concessi.

Difficultas  
Quarta.

4. Neque verò affectatæ modestiæ est, sed cautelæ, meo iudicio, necessariæ, quod quædam dicam esse indefinita potius quàm infinita; \* solus enim Deus est quem positivè intelligo esse infinitum: de reliquis, ut de mundi extensione, de numero partium in quas materia est divisibilis, & similibus, *an sint simpliciter infinita necne, profiteor me nescire*; scio tantum me in illis nullum finem agnoscere, atque idcirco respectu mei dico esse indefinita.

Et quamvis mens nostra non sit rerum vel veritatis mensura, certè debet esse mensura eorum quæ affirmamus aut negamus. Quid enim est absurdius, quid inconsideratius, quàm velle iudicium ferre de iis ad quorum perceptionem mentem nostram attingere non posse confitemur?

Miror autem te non modò id velle facere videri, cum ais, *si tantum quoad nos sit infinita, revera erit finita* extensio, &c; sed præterea etiam divinam quandam extensionem imaginari, quæ latius pateat quàm corporum extensio, atque ita supponere Deum partes habere extra partes, & esse divisibilem, omnemque prorsus rei corporeæ essentiam illi tribuere.

Nè verò quis scrupulus hîc superfit; Cum dico extensionem materiæ esse indefinitam, sufficere hoc puto ad impediendum nè quis extra illam locus fingi queat, in quem meorum vorticum particulæ abire possint. *Ubi cumque enim locus ille concipiatur, ibi, jam juxta meam opinionem, aliqua materia est*; quia dicendo eam esse indefinitè extensam, \* dico ipsam latius extendi quàm omne id quod ab homine concipi potest.

Sed nihilominus existimo maximam esse differentiam inter amplitudinem istius corporeæ extensionis, & amplitudinem divinæ, non dicam extensionis, utpote quæ propriè loquendo nulla est, sed substantiæ vel essentiæ; ideòque hanc simpliciter infinitam, illam autem indefinitam appello.

Cæterum non admitto quod pro singulari tua humanitate concedis, nempe reliquas meas opiniones posse constare, quamvis id quod de materiæ extensione scripsi refutetur: *unum enim est ex præcipuis, meoque iudicio certissimè, Physica mea fundamentis*, profiteorque mihi nullas rationes satisfacere in ipsa Physica, nisi quæ necessitatem illam, quam vocas Logicam sive contradictoriam, involvant; modò tantum ea excipias quæ per solam experientiam cognosci possunt, ut quod circa hanc terram unicus sit Sol vel unica Luna, & similia. Cumque in reliquis à meo sensu non abhorreas, spero etiam his te facile assensurum, si modò consideres præiudicium esse quod multi existiment ens extensum, in quo nihil est quod moveat sensus, non esse veram substantiam corpoream, sed spatium vacuum duntaxat; quòdque nullum sit corpus nisi sensibile, atque nulla substantia nisi quæ sub imaginationem cadat, ac proinde sit extensa.

Difficultas  
Quinta & Ultima.

5. Sed nulli præiudicio magis omnes assuevimus quàm ei, quod nobis ab ineunte ætate persuasit bruta animantia cogitare. Quippe nulla ratio nos movit ad hoc credendum, nisi quod videntes pleraque brutorum membra in figura externa & motibus à nostris non multum differre, unicumque in nobis esse credentes istorum motuum principium, animam scilicet, quæ eadem moveret corpus & cogitaret, non dubitavimus quin aliqua talis anima in illis reperiretur.

Postquam autem ego advertissem distinguenda esse duo diversa motuum nostrorum principia, unum scilicet planè mechanicum & corporeum, quod à sola spirituum vi & membrorum conformatione dependet, potestque anima corporea appellari; aliud incorporeum, mentem scilicet, sive animam illam quam definit substantiam cogitantem; quæ sivi diligentius an ab his duobus principiis orientur animalium motus, an ab uno duntaxat. Cumque clarè perspexerim posse omnes oriri ab eo solo quod corporeum est & mechanicum, pro certo ac demonstrato habui, nullo pacto à nobis probari posse, aliquam esse in brutis animam cogitantem. Nec moror astutias & sagacitates canum & vulpium, nec quæcunque alia quæ propter cibum, venerem, vel metum à brutis sunt. *Prosteor enim me posse perfacile illa omnia ut à sola membrorum conformatione perfecta explicare.*

Quamvis autem pro demonstrato habeam, probari non posse aliquam esse in brutis cogitationem; non ideo puto posse demonstrari nullam esse, quia mens humana illorum

rum



rum corda non pervadit. Sed examinando quidnam sit hac de re maximè probabile, nullam video rationem pro brutorum cogitatione militare *præter hanc unam*, quod cum habeant oculos, aures, linguam, & reliqua sensuum organa sicut nos, verisimile sit illa sentire sicut nos; & quia in nostro sentiendi modo cogitatio includitur, similem etiam illis cogitationem esse tribuendam. Quæ ratio cum sit maximè obvia, mentes omnium hominum à prima ætate occupavit. Sunt autem aliæ rationes multò plures & fortiores, sed non omnibus ita obviæ, quæ contrarium planè persuadent. Inter quas suum quidem locum obtinet, *quod non sit tam probabile omnes vermes, culices, cruceæ, & reliqua animalia immortalis animæ prædita esse, quàm machinarum instar se movere.*

Primò, quia certum est in corporibus animalium, ut etiam in nostris, esse ossa, nervos, musculós, sanguinem, spiritus animales, & reliqua organa ita disposita, ut se solis absque ulla cogitatione omnes motus quos in brutis observamus ciere possint. Quod patet in convulsionibus, cum mente invitâ machinamentum corporis vehementius sæpe ac magis diversis modis solum se movet, quàm opè voluntatis soleat moveri.

Deinde, quia rationi consentaneum videtur, cum ars sit naturæ imitatrix, possintque homines varia fabricare automata in quibus sine ulla cogitatione est motus, ut Natura etiam sua automata, sed arte factis longè præstantiora, nempe bruta omnia, producat, præsertim cum nullam agnoscamus rationem propter quam, ubi est talis membrorum conformatio qualem in animalibus videmus, cogitatio etiam debeat adesse; atque ideo majori admiratione dignum sit, quod mens aliqua reperiatur in unoquoque humano corpore, quàm quod nulla sit in ullis brutis.

Sed rationum omnium quæ bestias cogitatione destitutas esse persuadent meo iudicio præcipua est, quod quamvis inter illas unæ aliis ejusdem speciei sint perfectiores, non secus quàm inter homines, ut videre licet in equis & canibus, quorum aliqui cæteris multò feliciter quæ docentur addiscunt; & quamvis omnes perfacile nobis impetus suos naturales, ut iras, metus, famem, & similia, voce vel aliis corporis motibus significant; numquam tamen hæcenus fuerit observatum, ullum brutum animal eò perfectionis devenisse ut verâ loquelâ uteretur, hoc est, ut aliquid vel voce vel nutibus indicaret, quod ad solam cogitationem, non autem ad impetum naturalem, posset referri. Hæc enim loquela unicum est cogitationis in corpore latentis signum certum, atque ipsâ utuntur omnes homines, etiam *quàm maximè stupidi & mente capti*, & linguâ vocisque organis destituti, non autem ullum brutum; eamque idcirco pro vera inter homines & bruta differentia sumere licet.

Reliquas rationes cogitationem brutis adimèntes brevitatè causâ hîc omitto. Velim tamen notari me loqui de cogitatione, non de vita vel sensu: vitam enim nulli animali denego, utpote quam in solo cordis calore consistere statuo; nec denego etiam sensum quatenus ab organo corporeo dependet. Sicque hæc mea opinio non tam crudelis est erga belluas, quàm pia erga homines, Pythagoreorum superstitioni non addictos, quos nempe à criminis suspitione absolvit quoties animalia comedunt vel occidunt.

Hæc autem omnia fortasse prolixius scripsi quàm acumen ingenii tui requirebat; volui enim hoc pacto testari paucissimorum objectiones mihi hæcenus æquè gratas fuisse ac tuas, humanitatèque & candorem tuum maximè tibi devinxisse.

Edmonda prope Alchmariam,  
Nonis Februarii 1649.

Omnium veræ sapientiæ studiosorum  
cultorem observantissimum,  
RENATUM DES-CARTES.

## SCHOLIA

In Respons. ad Epist. I.

**D**ifficult. 1. Si ex eo quod Deus sit ubique, dicat aliquis eum esse quodammodo extensum, per me licet. Atqui nego veram extensionem qualis ab omnibus vulgò concipitur, &c. Hoc in loco manifestum est Cartesium talem solummodo extensionem de Deo negare qualem omnes concipiunt in corpore, hoc est, corpoream. Metaphysicam verò Extensionem, qualem in nostro Enchiridio descripsimus, nequaquam repudiare.

H h 2

Unde

Unde observare licet quantum Cartesiani Nullibistæ ab Authore suo Cartesio degeneraverint, qui Deum & ubique agnoscit, & aliquo modo extensum, dum illi è contrà nec extensum nec ullibi esse contendunt.

Nullas substantias incorporeas propriè esse extensas, sed eas intelligo tanquam virtutes aut vires quasdam quæ quamvis se applicent rebus extensis, non ideo sunt extensæ; ut quamvis in ferro candenti sit ignis, non ideo ignis ille est ferrum. At verò per ferrum ignis extensus est tamen. Quod mihi satis est. Sed ingenuè fateor locum hunc esse paulo obscuriorem, nec sat scio quid hic subinsinuare velit Philosophus ubi ait, sed eas intelligo tanquam virtutes ac vires quasdam, cum Ignis non solum per ferrum extensus sit, sed illius etiam sit Modificatio. Nolle enim id subindicari quod tam apertè profiteatur in Posthumis suis Operibus, ille Cartesii discipulus Spinozius, Deum nempe, Angelos, Mentis humanas omnesque, quæ vulgò putantur, substantias incorporeas nihil aliud esse nisi virtutes viresque Materie Mundanæ, quippe unica illius in universo substantia.

*Difficult. 2.* Malle tamen dicere Divinam Extensionem implere spacium in quo nullum est corpus, &c. Equidem illud opimo jure dico, ubicunque scilicet imaginarium spacium esse fingitur, illic reverà esse Divinam Amplitudinem, nosque in Enchiridio Metaphysico, evidentiâ, si fieri potest, plusquam Mathematicâ, Immobile quoddam Extensum à mobili Materia distinctum demonstravimus.

Et in ipso remaneat Extensio non aliter à me concepta quàm prius concipiebatur corpus in eo contentum, &c. At enim falsam hanc esse conceptionem ex eis quæ in dicto Enchiridio occurrunt clarè constat, ubi demonstratur Extensum quoddam Immobile à mobili Materia distinctum & cuius Attributa competunt Materie Attributis contraria. Vide Enchirid. Metaphys. cap. 6, 7, 8.

*Difficult. 4.* Solus enim Deus est, quem positivè intelligo esse infinitum, &c. Hac de re, modo serio hic agit Cartesius, opimè inter nos convenit. Et certè mihi videor in dicto Enchiridio Mundum, quantumlibet indefinitus sit, satis solidè demonstrasse non posse esse infinitum, adeo ut nulla Divinitas extra Mundi limites (ut corpus Aaronis extra Stolam sacerdotalem, quantum ad caput, manus pedesque) extendatur. Vide Enchirid. Metaphys. cap. 10. sect. 8, 9, &c.

Dico ipsam latius extendi quàm omne id quod ab homine concipi potest, &c. Et paulo post, Amplitudinem Divinæ Essentia simpliciter infinitam, corpoream autem extensionem indefinitam appellat. Quæ quidem indefinita Mundi corporeæ Extensio si sit intelligatur ac si Imaginatio humana eam exhaustire vel comprehendere non possit, rationi satis consentanea est. Ratio verò recta necessaria nobis dictabit Divinam Amplitudinem infinito eam excedere & circumcingere quasi vel coronare; unde & Kether apud Cabbalistas dicitur.

Clarissimo Viro, Nobilissimoq; Philosopho,

RENATO DESCARTES,

HENRICUS MORUS ANGLUS.

**O**pinionis quam de te concepi, nuperisque meis literis apud te testatus sum, quanta quanta sit (Vir illustrissime) me non pœnitet, nec unquam, sat scio, poterit pœnitere. Quin & adauget plurimum tui apud me existimationem, quod ad stupendam illam mentis tuæ amplitudinem divinumque acumen, suavitas tanta morum accesserit & humanitas. Quam certè ut nunquam suspectam habui, ita nunc fanè eruditissimas tuas literas habeo pro certissimo illius argumento. Cæterum nè tanti favoris te pœniteat, quasi in servum caput collati, nève vilescat meum erga te studium, atque amor, tanquam ab abjecto jacentique animo profectus, quo tandem modo responsa tua mihi satisfecerint, palàm, uti hominem liberum decet, apertèque profitebor. Quod tamen nè nimium tibi vel mihi ipsi negotium facebat, fusiores orationis texturas missas faciens, rem totam in Instantias quasdam breves, aut saltem notatiunculas super singulis responforum tuorum particulis, compingam.

Ad



## Ad Responsum circa primam Difficultatem

## Instantia I.

*Definiri ab habitudine ad sensus nostros, &c.*

Hic regeri potest; Cum radix rerum omnium ac essentia in æternas defossa lateat tenebras, rem quamlibet necessario definiri ab habitudine aliqua. Quæ habitudo proprietatis dici potest in substantiis, cum non sit substantia; quamvis agnoscam libenter *proprietates alias aliis esse priores*; hoc autem tantum me voluisse, Satiis nimirum esse per adequatam quamlibet proprietatem, quam per formam, quam vocant, definito latiore, rem definivisse. Porro, cum ipse corpus definis rem extensam, ipsam illam extensionem insuper adnoto consistere in habitudine quadam partium ad se invicem, quatenus aliæ extra alias productæ sunt. Quam habitudinem non esse rem absolutam manifestum est.

## II.

*Quamvis nulli homines existant.*

Si omnes mortales conviverem, Sol tamen non exueret suam videndi aptitudinem, quamprimum oculos aperuerint dentis; ut neque securis, secandi, quamprimum ligna aut lapides oblatis fuerint.

## III.

*Nervorum nostrorum particulis multo minoribus.*

Deum tamen artificem adaptare posse credo nervos satis exiguos exiguis istis materiæ particulis, ac proinde sensibilitatem materiæ hoc modo comminutæ integram manere. Porro, hæ particule à motu cessare possunt, atque coalescere, nostrisque hoc modo nervis sensibiles denuò evadere; quod de substantiis incorporeis nullo modo verum est.

## IV.

*Quamvis non sit ad sensum molle, &c.*

Certum est aut ad nervos nostros sensorios durum fore vel molle, &c. aut saltem ad istiusmodi nervos, quales, si vellent, Deus fabricare poterit, ut modo monuimus; atque hoc satis est, quamvis Deus nunquam fabricaturus sit istiusmodi nervos. Ut revera partes terræ versus centrum sunt ex se insensibiles, quamvis nunquam extrahendæ sint in Solis conspectum, nec eò descendurus sit quisquam cum lychno vel lampade.

## V.

*Est tantum, ut in homine Sensibilitas, proprium quarto modo.*

Quod si ratio etiam aliis competeret animalibus, rectius definiretur homo animal rationale, quam rationale. *Nondum autem à quopiam demonstratum est tangibilitatem aut impenetrabilitatem proprias esse substantiæ extensæ affectiones*, quamvis corporis esse merito quis agnoverit. \* Equidem possum clare concipere substantiam extensam quæ nullam ullo modo habeat tangibilitatem vel impenetrabilitatem. Igitur tangibilitas vel impenetrabilitas non immediate substantiam extensam consequitur, quatenus extensa est.

## VI.

*Atqui nego veram extensionem, &c.*

Per veram extensionem intelligis quam tangibilitas & impenetrabilitas comitatur. Hanc ipse etiam nego in Deo, nudisve vel mente vel Angelo reperiri. Interea tamen assero aliam esse extensionem aequè veram, quamvis non aequè vulgarem Scholisque tritam, quæ in Angelis mentisque humana ut terminos, irâ & figuram habet, sed pro imperio Angeli mentisque variabilem; Mentisque sive animas nostras atque Angelos, eadem prorsus manente substantiâ, contrahere se posse, & certos denuò ad limites se expandere.

## VII.

*Nihil esse intelligibile nisi sit etiam imaginabile, &c.*

Equidem aliquantò sum promior in illam Aristotelis sententiam, *ὅτι ἀπὸ τῶν φαντασμάτων ἐκ ἐστὶ νοῦσαι*. Sed hic quisque mentis suæ vires experiatur.

## Ad Respondum circa secundam Difficultatem

## Instantia I.

*Unas in locum aliarum imaginatione transferre.*

Mea quidem imaginatio non potest, nec concipere si transferantur, quin *unae vacui spatii partes absorbeant alteras*, penitusque coincidant & penetrent se invicem.

## II.

*Nec dubitari à magnis viris, Epicuro, Democrito, &c.*

Nullus dubito quin optimo jure dissentias, cum non solum istis, sed universis Naturae interpretibus longè major sis ( mea sententiâ ) longèque augustior.

## III.

*Quin aliqua in omni spatio substantia sit, &c.*

Id sanè concessi pacis ergò. Sed clarè mihi non constat. Nam si Deus hanc mundi universitatem annihilaret, & multò post aliam crearet de nihilo, \* *Intermundium illud*, seu absentia mundi, suam haberet durationem quam tot dies, anni, vel secula mensurassent. Non-existentis igitur est duratio, quæ extensio quædam est. Ac proinde Amplitudo Nihili, putà Vacui, per ulnas vel orgyas mensurari potest, ut Non-existentis in sua non existentia duratio per horas, dies mensèsq; mensuratur. \* Sed concedo, quamvis nondum vi coactus, in omni spatio aliquam substantiam inesse; neque tamen sequi eam esse corpoream, cum extensio sive præsentia divina possit esse subjectum mensurabilitatis, v.g. Præsentiam sive extensionem divinam occupare assero unam alteramque orgyam in hoc vel illo vacuo; nec tamen omnino sequi Deum esse corporeum, ut patet ex suprà dictis, Instantiâ s. Sed super hac re est agendum alibi.

## IV.

*Dico implicare contradictionem, ut talis extensio, &c.*

Sed hinc libenter quærerem, numquid necesse sit ut aut talis extensio sit qualem in corpore concipis, aut nulla. Deinde, cum & alias res præter corpora extendi suo modo concesseris, an non analogica illa extensio, quam vocas, vices obeat extensionis corporeæ, atque ita illam vim contradictoriam retundat. Præsertim cum analogica hæc extensio ad propriè dictam tam propè accedat, ut sit mensurabilis, certòsq; pedum ulnarumve numeros occupet.

## V.

*Nullum motum dari, nisi quodammodo circularem.*

Hoc necessario consequi concedo, necessitate putà Physicâ, supponendo duntaxat omnia corporibus plena, nullamque extensionem aliam integram mundi extensionem excedere: \* qua in parte ego satis sum securus; sed inexpugnabilem hanc contradictionis vim fateor me nondum satis deprehendisse.

## Ad Respondum circa tertiam Difficultatem

*Quæ concipiantur extensa ac simul indivisibiles.*

Cum mentem tuam sic explicueris, nulla inter nos est controversia.

## Ad Respondum circa quartam Difficultatem

## Instantia I.

*An sint simpliciter infinita necne, profiteor me nescire.*

Haud tamen latere te potest, quin sint vel simpliciter infinita, vel revera finita, quamvis utrum horum sint tam facile statuere non possis. Quòd autem vortices tui non disrumpantur & fatiscant, \* non obscurum videatur indicium mundum revera esse infinitum. Ipse tamen interea liberè profiteor, quamvis audacter possim assentire huic axiomati, *Mundus finitus est, aut non finitus*, vel, quod idem hic est, *infinitus*, me tamen non posse plenè animo complecti rei cujusvis infinitudinem; sed illud imaginationi meæ hic accidere, quod *Julius Scaliger* alicubi scribit de dilatazione & contractione



contractione Angelorum, non posse scilicet se in infinitum extendere, nec in puncti *ιδεότητα* coangustare. Qui autem Deum positivè infinitum agnoscit (i. e. ubique existentem) quod tu meritò facis, non video, si liberæ rationi permittatur, quòd hæsi- ter, quin continuò etiam admittat nullibi otiosum, sed eodem jure, eadèmq; facili- tate quàm hanc nostram, ubi nos degimus, vel quousque oculi, animusque noster pervadit, \* materiam ubique produxisse. Sed fusiùs acturus eram quàm institui; hunc imperum supprimo, nè tibi sim molestior.

## II.

*Cum ais, si tantum quoad nos sit infinita, revera erit finita.*

Aio, addòque insuper consequentiam esse manifestissimam, quoniam particula ( *tantum* ) planè excludit omnem infinitatem à re quæ tantum quoad nos dicitur infi- nita, ac proinde revera erit finita extensio; Mentem autem meam hîc attingere ea de quibus pronuncio, cum planissimè mihi constet, mundum aut finitum esse aut infi- nitum, ut paulò antè insinuavi.

## III.

*Atque ita supponere Deum habere partes extra partes, & esse divisibilem, omnemque prorsus rei corporea essentiam illi tribuere.*

Nullam tribuo. Nego enim extensionem corpori competere quatenus corpus est, sed quatenus ens, aut saltem substantia est. \* Præterea cum Deus, quantum mens humana Deum capit, sit totus ubique, integræque sua essentia omnibus locis sive spa- tiis spatiorumque punctis adsit, non sequitur quòd partes haberet extra partes, aut, quod consequens est, quòd sit divisibilis, quamvis arctè confertimque loca omnia oc- cupet, nullis relictis intervallis. Unde præsentiam, seu amplitudinem, ut ipse vo- cas, divinam, mensurabilem agnoscam, Deum autem ipsum divisibilem nullo modo.

Quòd autem Deus singula mundi puncta occupet, fatentur ad unum omnes tam Idiotæ quàm Philosophi, ipsèque clarè & distinctè animo percipio & complector. Jam verò eodem modo se habet essentia divina intra atque extra mundum, ità ut si fingamus mundum claudi cœlo stellato visibili, centrum divinæ essentia, totalisque ejus præsentia, eodem modo repeteretur extra cœlum stellatum, quo intra clarè concipimus repeti atque reiterari. Hanc autem repetitionem centri divini, quæ mun- dum occupat, ulteriùs productam, infinita pars est extra cœlum visibile spatia secum expandere; quam nisi comiteretur materia tua indefinita, actum erit de tuis vortici- bus. Atque ut hæc molliora videantur, experiamur assensus nostros in successivâ Dei duratione.

Deus est æternus, h. e. vita divina omnes seculorum evolutiones rerumque ratio- nes, præteritarum, futurarum & præsentium, simul comprehendit. Hæc tamen vita æterna singulis etiam temporis insidet quasi atque inequitat momentis; ità ut rectè verèque dicamus Deum per tot dies, menses, horæve suâ æternitate fretum. Exempli causâ, si supponamus mundum ante centum annos conditum, annon inte- gra illa omniâque complectens Dei æternitas per horas, dies, menses & annos (putâ centum) succedentes ad hunc usque diem duravit? At verò nihilo aliter est Deus à mundo condito ac fuit ante mundum conditum.

Manifestum igitur est, \* præter æternitatem infinitam, in Deum etiam cadere du- rationis successionem. Quod si admittimus, cur non extensionem etiam infinita spa- tia adimplentem pariter ac infinitam durationis successionem illi tribuamus?

Imò verò quoties aliùs & anquisitiùs istis de rebus mecum cogito, ea sum in sen- tentia, quòd utraque extensio, tam spatii quàm temporis, Non-entibus juxtà atque Entibus competere possit; suspicorque æquè ex præjudicio fieri posse, cum omnia ea quæ sensu manibusque usurpamus, utpote crassa & corporea, semper sint extensa, quòd è contrà omnia extensa protinus concludimus corporea, quàm quòd ullum sen- sùs præjudiciū facit ut putemus aliqua quæ non sunt corporea extendi.

Quòd autem extensio cadat in non-ens, ex eo conjecturam capimus, quòd *extendi* nihil aliud innuit nisi *partes extare extra partes*. Pars autem & totum, *subjectum* & *ad- junctum*, *causa* & *effectum*, *adversa* & *relata*, *contradictoria* & *privantia*, & id genus universa, \* notiones Logicæ sunt, easque tam non-entibus quàm entibus applica- mus: Unde non sequitur, quòd quicquid concipimus partes habere extra partes, ens sit reale concipiendum.

Sed quoties hîc colluctantur mentes humanæ cum propriis umbris, aut, lascivien- tium catulorum instar, propriis ludunt cum caudis? Nam istiusmodi profectò pugnae atque lusus sibi instituuntur à mente nostra, dum rationes modòsque Logicos, juxta quos

quos res externas considerat, non advertit suos duntaxat esse cogitandi modos, sed putans eos esse aliquid in rebus ipsis à se distinctum, suam captando quasi caudam, ad lassitudinem usque luditur miserèque illaqueatur. Sed plura quàm vellem imprudens hîc effutii : Ad reliqua propero.

## IV.

*Ubi cumque enim locus ille contipiat, ibi aliqua materia est.*

Næ tu hîc cautus homo es, & eleganter modestus ; admittis tamen tandem mundum esse infinitum, si Aristoteles infinitum rectè definivit, Phys. I. 3. *τὸ αἰνιτῶδες ὅτι, cujus aliquid semper est extra.* Nihil nunc est ulterius quòd diffideamus.

## V.

*Sed nihilominus existimo maximam esse differentiam inter amplitudinem istius corporea extensionis, &c.*

Et ipse pariter existimo \* immane quantum differre divinam amplitudinem & corpoream. Primò, quòd illa sub sensum cadere non possit, hæc possit sub sensum cadere. Deinde, quòd illa sit increata & independens, hæc dependens & creata. Illa porro penetrabilis, per omnia pervadens, hæc crassa & impenetrabilis. Denique, quòd illa ex totalis & integræ essentia repetitione ubiquitaria, hæc ab externa, sed immediata, partium applicatione & juxtapositione orta sit ; ita ut nemo, nisi plumbus planè sit atque insigniter hebes, suspicari possit,

*Impia nos rationis inire elementa, viamque  
Indogredi sceleris, ( ut & ille loquitur. )*

Præsertim cùm ex Theologis sint, iisque aliàs fortasse sat scrupulosi, qui tamen agnoscunt Deum, si voluisset, potuisse mundum ab æterno creare. Et tamen æquè absurdum videtur infinitam durationem, ac magnitudinem infinitam mundo tribuere.

## VI.

*Unum enim est ex præcipuis, meoque iudicio certissimis, Physicæ meæ fundamentis.*

Quòd sit materia indefinite saltem extensa, nullumque vacuum, fundamentum esse Physicæ tuæ apprimè necessarium sat intelligo, \* & certè nullus dubito quin verum sit ; sed an veram demonstrandi rationem insequutus sis, id equidem ambigo : Cùm principium illius demonstrationis sit, *omne extensum esse reale ac corporeum* ; quod mihi fateor nondum constare, ob rationes à me suprâ datas. Imò verò, ut ingenuè fatear quod mihi jam in mentem venit, si neque nudum spatium, prout postulat tua demonstratio, nec Deus omnino extenditur, nè indefinitâ quidem materiâ opus est tuæ Philosophiæ, *certus finitusque stadiorum numerus suffecerit.* Mundi enim hujus finiti latera non habebunt quòd recedant, nec dehiscere poterunt medii vortices, nè intermedium spatium extendatur, novâsque non-ens induat dimensiones. Sed tamen naturalis impetus aliò me præcipitat, in hanc utique fidem, fecunditatem nempe divinam, cùm nullibi sit otiosa, ubique locorum materiam produxisse, nullis vel angustissimis prætermisissis intervallis.

Quæ tam faciliè cùm admitto, Philosophia tua apud me non corruet ob defectum dicti fundamenti. Planèque video Physices tuæ veritatem non tam apertè & ostensivè se exerere in hoc vel illo articulo, quàm ex universo omnium filo & textura elucescere, ut ipse rectissimè mones Part. 4. Artic. 225. Quòd si quis integram tuæ Philosophiæ faciem simul contuetur, tam concinna est, sibi que juxta ac rerum phænomenis consona, ut meritò imaginetur, se Naturam ipsam opificem vidisse ab hoc polito speculo enitentem.

## Ad Responsum circa Difficultatem ultimam

## Instantia I.

*Sed nulli præjudicio magis omnes assuevimus, &c.*

Quod mihi de me ipso constat plus quàm satis, ab hujusce enim præjudicii laqueis sentio me expediri non posse ullo modo.

*Profitetur*



## II.

*Profiteor enim me posse per facile illa omnia ut à sola membrorum conformatione profecta explicare.*

Læta sanè & jucunda Provincia! *Hoc si præstiteris*, (& credo quantum ingenium humanum poterit te hac in re præstiturum in quinta sextâve parte Physices tuæ; quas, ut audio ferè à te perfectas jam esse & absolutas, ità avidè expecto efflictimque rogo, ut quamprimùm possit fieri lucem videant, vel potiùs ut nos in ipsis ulterio-rem naturæ lucem videamus: sed ad rem redeo) Hoc, inquam, si præstiteris, agnosco te demonstrâsse in brutis animantibus inesse animam, neminem demonstrare posse: Sed interea loci, quod & ipse submones, quòd non sit anima in brutis, te necdum demonstrâsse, nec demonstrare posse ullo modo.

## III.

*Præter hanc unam, quòd cum habeant oculos, aures, &c.*

Maximum, meo judicio, argumentum est, quòd tam subtiliter sibi præcaveant & prospiciant; ut narratiunculis veris pariter ac mirandis, si otium esset, demonstrare possem. Sed credo te in consimiles historias incidisse, meæ autem in nullis extant libris.

## IV.

*Quòd non sit tam probabile omnes vermes, culices, erucas, &c.*

Nisi fortè imaginemur istiusmodi animas, *Mundi Vita*, quem appellat *Ficinus*, arenam quasi esse ac pulverem, & infinita ferè ex isto penario animarum agmina fatalli quodam impetu in præparatam materiam semper prolabi. Sed concedo hæc citiùs dici posse quàm demonstrari.

## V.

*Ut aliquid voce vel nutibus indicaret, &c.*

Annon canes annunt caudis, ut nos capitibus? annon brevibus latratibus cibum sapius ad mensam mendicant? Imò verò aliquando Domini cubitum pede, qua posunt cum reverentia, tangentes, quasi sui oblitum, blando hoc eum signo commonefaciunt.

## VI.

*Quàm maximè stupidi ac mente capti, &c. non autem ullum brutum, &c.*

Nec infantes ulli per aliquàm-multa saltem mensium spatia, quamvis plorent, rideant, irascantur, &c. Nec diffidis tamen, opinor, quin infantes sint animati, animamque habeant cogitantem.

Responsa hæc sunt (Vir Illustrissime) quæ tuis præclaris Responsis mihi visum est reponere. Quæ an æquè grata futura sint ac nuperæ meæ objectiones, sanè præagire non possum.

Humanitas tua quam versùs istas perspexi, & diuturnior cum scriptis tuis consuetudo, audentior me fecerunt; vereor nè fuerim prolixus nimium ac molestus.

Equidem ferme oblitus eram potissimi mei instituti, quod non fuit æternas tecum altercationes recipere; sed cum hanc opportunitatem sim nactus, tanti viri de rebus quæ se obtulerint Philosophicis judicium placidè experiri, & præcipuè si qua difficultas emerferit inter legendos tuos libros, te ipsum audire interpretantem. Quam profectò gratiam si lubens facilisque concesseris, summopere me tibi devincies.

Et sanè quàm lubenter eximæ tuæ artis ac peritiæ mihi copiam feceris, certum est jam nunc in paucis quibusdam periculum facere.

Primò igitur quæro, An à Deo ità statui, aut alio quovis modo fieri potuisset, ut mundus esset finitus, id est certo aliquo milliariū numero circumscriptus. Non leve enim argumentum videtur mundum posse esse finitum, quòd plerique omnes impossibile putent esse infinitum.

Secundò, Siquis mundi hujus finibus propè affideret, quæro an possit gladium per mundi latera ad capulum usque transmittere, ità ut totus ferè gladius extra mundi mœnia emereret. Quòd enim nihil extra mundum sit quod resistat, videtur factum facile; quòd autem nihil extensum sit extra mundum quod recipiat, videtur ex ea parte impossibile.

Tertiò (ad Artic. 29. Part. 2.) Si A B corpus transferatur à corpore C D, quæro quī constat translationem esse reciprocā. Putemus enim C D turrim esse, & A B ventum occidentalem per latera turris transeuntem. Turris C D aut quiescit, aut saltem non recedit à vento A B. Si recedit, vel, quod ais, motu transfertur, utique versùs occidentem movetur. Sed non fertur versùs occidentem, cum & terra

& ventus ferantur versus orientem. Videtur igitur respectu venti quiescere, cum nullum motum ab ipso suscipiat. Dicis tamen translationem (quæ quidem translatio motus est) ipsius turris & venti esse reciprocam. Turris igitur respectu ejusdem venti & moveretur & quiesceret, quod proximè abest à contradictione. Signum autem est, cum ille qui à me sedente recessit ambulando, putà mille passus, rubuerit vel lassus fuerit, ego verò sedens nec ruborem contraxerim nec lassitudinem, illum solum motum fuisse, me verò per id temporis quievisse. Notionalem igitur duntaxat variatæ distantiae respectum illius motu suscipio, nullum motum realem & Physicum.

Quartò, Artic. 149. Part. 3. *Sicque etiam efficiet ut terra circa suum axem gyret, &c.* Quomodo efficiet Luna ut terra uno die gyros suos absolvat, cum ipsa 30 fere dies in suas absumat periodos? Quæ verò scribuntur Artic. 151. hanc quæstionem, opinor, non attingunt.

Quintò, de particulis istis contortis, quas striatas vocas, Quomodo ità contorqueri potuerunt, & eo ipso in infinita fragmina & atomos non disjungi? Quem lentorem, quam tenacitatem in prima illa materia, sibi ubique simili & homogenea, imaginari possumus? Unde mollescebant istæ particulæ primum, indeque obdureverunt?

Sextò, Artic. 189. Part. 4. *animam sive mentem intimè cerebro conjunctam.* Perlubenter equidem hîc audirem sententiam tuam de conjunctione animæ cum corpore: An cum toto corpore jungatur, an cum cerebro solo, an verò in solum conarium, tanquam in parvulum aliquod ergastulum, compingatur. Id enim sedem sensûs communem, animæque ἀκρόπολιν à te monitus agnosco. Dubito tamen annon per unum universum corpus anima pervadat. Deinde quæro ex te, cum anima nullas habeat nec ramosas nec hamatas particulas, quomodo tam arctè unitur cum corpore. Sciscitorque subindè annon aliquid exierit se in natura, cujus nulla ratio Mechanica reddi potest. Illud αὐτεξέσιον, cujus in nobis conscii sumus, quo oritur modo? Quæque ratio sit imperii animæ nostræ in spiritus animales, quâ potest eos amandare in quamlibet corporis partem? Quomodo sagarum spiritus, quos vocant familiares, materiam tam aptè sibi adaptant atque constringunt, ut visibiles & palpabiles se exhibeant execrandis vetulis? Hoc autem fieri non solum vetulæ, sed juvenes sagæ, nullâ vi coactæ, sponte mihi factæ sunt non paucæ. Porro, annon & ipsi hoc ipsum aliquo modo in animabus nostris experimur, dum pro arbitrio nostro spiritus nostros animales ciere & sistere, exerere & revocare possumus? Quæro igitur, numquid dedeceret hominem Philosophum in rerum universitate substantiam aliquam agnoscere incorpoream, quæ tamen possit aut omnes, aut saltem plurimas, affectiones corporeas, non secus ac ipsa corpora in se mutuò, in corpus aliquod imprimere, quales sunt motus, figura, situs partium? &c. Imò verò, cum ferme constet de motu; sine mora superaddere etiam quæ motûs consequentia sunt, ut dividere, conjungere, dissipare, vincere, figurare particulas, figuratas disponere, dispositas rotare, vel quovis modo movere, rotatas continere, & id genus alia; unde lumen, colores, & reliqua sensûs objecta prodire necesse est, juxta eximiam tuam Philosophiam.

Præterea, cum nihil nec corporeum neque incorporeum potest agere in aliud nisi per applicationem suæ essentiæ, necesse insuper ducere, ut, sive Angelus sit, sive Dæmon, sive anima, sive Deus, qui agat prædictis modis in materiam, essentia cujuslibet inequiter quasi illis materiæ partibus in quas agit, aut aliquibus aliis quæ in has ipsas agant per motûs transmissionem, imò ut integræ aliquando adsit materiæ quam gubernat & modificat; ut constat in Geniis, sive bonis sive malignis, qui se humanis oculis patefecerunt: Aliter enim quî poterant constringere materiam, & in hac vel illa figura continere?

Postremò, Cum tam stupendam virtutem habeat substantia incorporea, ut per nudam sui applicationem, sine funiculis aut uncis, sine fundis aut cuneis, materiam constringat, explicet, dividat, projiciat, & simul retineat, annon verisimile videatur ut in seipsam se possit colligere, cum nulla obstat impenetrabilitas, & diffundere se denuò, & similia?

Hæc abs te peto, Vir doctissime, quantum per otium licebit, ut digneris exponere, utpote quem scio tam intima quàm extima Naturæ mysteria rimatum esse, commodèque interpretari posse.

Septimò, de globulis æthereis quæro, Si Deus mundum ab æterno condidisset, annon multis abhinc annis comminuti & confracti fuissent isti globuli in partes indefinitè subtiles, mutuis collisionibus vel attritionibus, primique Elementi faciem jam olim induissent, ità ut universus mundus in unam immensam flammam multa antè secula abiisset?

Octavò,



Octavò, de particulis tuis aqueis, longis, teretibus, & flexibilibus, Numquid habent poros? Id sanè mihi non videtur probabile, cùm sint simplicia corpora, particulaeque primæ ex nullis aliis particulis complicatae, sed fragmina ex integra primâque materia elisa, ac proinde planè homogœna. Hinc dubito, quâ poterunt flecti sine penetratione dimensionum. Putemus enim aliquando ad annuli instar incurvari; Superficies concava minor erit convexâ, &c. Rem probè tenes. Non est quòd hîc immerer.

Nec tamen si poros habere contenderes, quod nunquam opinor facies, difficultatem tollet. Quippe quòd quæstio tunc instituetur de pororum labris vel lateribus: Necessariò enim aliquid flectetur quod non habet poros.

Atque hæc difficultas pertinet non solum ad oblongas tuas particulas, sed etiam ad ramosas illas, aliasque ferme omnes, quas flecti necesse est, & tamen non dirumpi.

Nonò, & ultimò, Utrum materia, sive æternam fingamus sive hesternò die creatam, sibi liberè permessa, nullumque aliunde impulsu suscipiens, moveretur, an quiesceret. Deinde, an quies sit modus corporis privativus, an verò positivus. Et sive positivum malles sive privativum, unde constet utrumlibet. An denique ulla res affectionem ullam habere possit naturaliter & à se, quâ penitus potest destitui, vel quam aliunde potest adsciscere.

Hactenus ferè circa generalia præclaræ tuæ Physices fundamenta lusi, dicam, an potiùs laboravi? progressurus posthac ad specialiora, si facilitas tua atque comitas eò me invitaverit, aut saltem permiserit. Et æquiori sanè animo feres, cùm hîc de primis agatur principiis, si superstitiosè omnia examinavi, viamque quasi palpando, singulâque curiosius contrectando, lentè me promovi & testudineo gradu. Video enim ingenium humanum ità comparatum esse, ut faciliùs longè quid consequens sit dispiciat, quàm quid in natura primò verum; nostramque omnium conditionem non multum ab illa Archimedis, *δὸς πρὶν ὥ, καὶ κινήσω τὴν γῆν*. Ubi primùm figamus pedem invenire multò magis satagimus, quàm ubi invenimus ulteriùs progredi.

Quod ad mirificas illas structuras attinet quas ex illis principiis generalibus erexit, quamvis primâ fronte adeò sublimes & ab aspectu nostro remotæ viderentur, ut omnia apparerent nubibus tenebrisque obvoluta, dies tamen difficultates comminuit, paulatimque evanuerunt istæ obscuritates, adeò ut perpauca, præ quod tunc factum est, in conspectum jam veniant.

Hoc autem necesse duxi ut profiterer, nè æternum à me expectes tibi creatum iri negotium, sed lubentiùs mihi rescribas, parique humanitate hæc sciscitationes meas accipias quâ primas quas misi objectiones. Quod si feceris (clarissime Cartesi) supra quàm dici potest tibi obstrictum dabis

Cantabrigiæ, à Christi Collegio;  
3. Nonarum Martii, 1649.

Humanitatis tuæ ac Sapientiæ  
admiratorem religiosissimum,

HEN. MORUM.

## SCHOLIA

In Epist. 2. H. Mori.

**D**ifficult. 1. Instant. 5. Equidem possum clarè concipere substantiam extensam, &c. Immo verò necessariò & inevitabiliter talem concipio dum mentis aciem conjicio in Immobile illud extensum à mobili materia distinctum, quod simul concipio nullam habere tangibilitatem aut Impenetrabilitatem.

Difficult. 2. Instant. 3. Intermundium illud sive Absentia Mundi suam haberet durationem, &c. Multò rectius concluditur Durationem illam quam non possumus non concipere existere, ut & Amplitudinem immensam æternamque ac necessariam, ad Divinam Essentiam esse referendam, (quemadmodum in Scholiis in Enchiridium Metaphysicum monuimus) Illiusque Axiomatis Authoritatem ubique sartam rectam esse conservandam, Nihili nullam esse affectionem.

Sed concedo, quamvis nondum vi coactus, in omni spacio aliquam substantiam inesse, &c. Immo ipsum illud quod vulgus Philosophorum, spacium imaginarium esse fin-

gunt, in Enchiridio Metaphysico substantiam incorpoream esse demonstro, cap. 6, 7, 8.

Instant. 5. Qua in parte ego satis sum securus, &c. Equidem tunc fui hac in parte nimis quam securus. Quae autem rationes hanc mihi securitatem excusserint, Vide Enchirid. Metaphys. cap. 10. sect. 6, 7, &c.

Difficult. 4. Instant. 1. Non obscurum videatur indicium Mundum reverà esse infinitum, &c. Sic certè videretur si motus Materiae Mundanae esset Mechanicus, nunc verò cum Vitalis sit & à Spiritu Naturae profectus, Mundus licet finitus sit, Vortices non disrumpentur nec fatiscunt.

Materiam ubique produxisse. Id quod valde rationi consentaneum est dum Divinam Omnipotentiam & Fecunditatem respicimus; naturam verò Creaturae dum consideramus, & huius Infinitudinis quam incapax sit, admodum absonum videtur & ab omni ratione alienum: quemadmodum videre est in dicto Enchiridio, cap. 10.

Instant. 3. Præterea cum Deus, quantum mens humana Deum capit, sit totus ubique, &c. Sic certè solet Philosophorum vulgus loqui. Quantum verò ad me, cum Deus partes Physicas & propriè dictas non habeat, equidem valde improprie existimo Deum dici posse totum esse ubique: sed praesentiam illius agnosco ubique aequè efficacem esse ac si totus intelligatur ubique adesse. Et quæ mox occurrit Centri Divini Repetitio symbolicè tantum intelligenda est & negativè, quatenus Essentiam Divinam innuit ubique homogeneam esse & ætropicam, nec aliunde derivatam, sed unam quasi infinitam esse Lucem sive Solem.

Præter Aeternitatem infinitam in Deum etiam cadere Durationis successionem, &c. Non quòd successiva Duratio formaliter Deo competat, sed quòd eminenter in illius stabili Duratione contineatur; qua de re vide Dialogos Divinos, Dialog. 1. Sect. 15, 16, 17. Ut verò Aeternitas Divina singulis cujuscvis Durationis successivae momenti praesens est, ita & infinita Divinae Essentiae plenitudo & Exuberantia singulis cujuscvis corporeae Extensionis punctis adesse intelligitur.

Quòd utraque Extensio tam Spacii quam Temporis Non-Entibus juxta atque Entibus competere possit, &c. Multo verò nunc consultius existimo, quod & supra innui, Spacium illud immensum & Tempus infinitum, quæ mentibus nostris tam importunè obversantur, ad Divinam Essentiam & Aeternitatem, tanquam umbras quasdam earum obscuriusculas, referre. Vide Scholia in Enchiridium Metaphysicum.

Notiones Logicæ sunt, easque tam Non-Entibus quam Entibus applicamus, &c. Esto, sed applicando eas Non-Entibus, eadem Entia non efficimus. Adèò ut, quando Non-Enti alicui partes attribuimus, cum partes istæ etiamnum Non-Entia sunt, aut Non-Entibus tribui possunt, Non-Ens cui istæ attribuuntur, adhuc reverà nullas partes habeat, ac proinde reverà sit Non-Extensum; nec hinc constare possit, Extensionem cadere in Non-Ens.

Instant. 5. Immane quantum differre Divinam Amplitudinem & corpoream. Hic tantum obiter, contra Cartesianos Nullibistas Divinae Essentiae Amplitudinem à suo Cartesio admitti, quamvis Extensio repudietur, ut videre est hoc in loco illius Epistola.

Instant. 6. Et certè nullus dubito quin verum sit, &c. Vide quæ diximus in Instantiæ primæ.

Fecunditatem nempe Divinam, cum nullibi otiosa sit, ubique locorum Materiam produxisse, &c. Vide quæ notavimus in Instantiæ primæ eodem in loco.

Clarissimo Doctissimoq; Viro,

HENRICO MORO,

RENATUS DES-CARTES.

**V**IR clarissime, gratissimas tuas literas 3. Non. Mart. datas eo tempore accipio quo tam multis aliis occupationibus distrahor, ut cogar vel hanc ipsam horam festinantissimè rescribere, vel responsum in multas hebdomadas differre. Sed vincet ea pars quæ festinationem persuadet; malo enim minùs peritus quam minùs officiosus videri.

Ad



### Ad Instantias primas.

*Proprietates alias aliis esse priores, &c.* Sensibilitas nihil mihi videtur esse in re sensibili, nisi denominatio extrinseca. Nec etiam rei est adequata: nam si referatur ad sensus nostros, non convenit tenuissimis materiæ particulis: si ad alios imaginarios, quales vis à Dei posse fabricari, forsitan etiam Angelis & Animabus conveniet; non enim facilius intelligo nervos sensorios adeò subtile, ut à quàm minutissimis materiæ particulis moveri possint, quàm aliquam facultatem cujus ope mens nostra possit alias mentes immediatè sentire sive percipere. Quamvis autem in extensione habitudinem partium ad invicem faciliè comprehendamus, videor tamen extensionem optimè percipere, quamvis de habitudine partium ad invicem planè non cogitem: Quod debes etiam potiori jure quàm ego admittere, quia extensionem ità concipis ut Deo conveniat, & tamen in eo nullas partes admittis.

*Nondum demonstratum Tangibilitatem aut Impenetrabilitatem propriam esse substantiæ extensæ affectiones.* Si concipis extensionem per habitudinem partium ad invicem, non videris negare posse quin unaquæque ejus pars alias vicinas tangat, hæcque tangibilitas est vera proprietas, & rei intrinseca, non autem ea quæ à sensu tactus denominatur.

Non potest etiam intelligi unam partem rei extensæ aliam sibi æqualem penetrare, quin hoc ipso intelligatur mediam partem ejus extensionis tolli vel annihilari; quod autem annihilatur aliud non penetrat: \* sicque meo judicio demonstratur impenetrabilitatem ad essentiam extensionis, non autem ullius alterius rei, pertinere.

*Affero aliam esse extensionem æquè veram.* Tandem igitur de re convenimus, superest quæstio de nomine, an hæc posterior extensio æquè vera sit dicenda. Quantum autem ad me, nullam intelligo nec in Deo nec in Angelis vel mente nostra extensionem substantiæ, sed potentiæ duntaxat; ità scilicet ut possit Angelus potentiam suam exerere nunc in majorem, nunc in minorem substantiæ corporeæ partem: nam si nullum esset corpus, nullum etiam spatium intelligerem cui Angelus vel Deus esset coextensus. \* Quòd autem quis extensionem, quæ solius potentiæ est, tribuat substantiæ, ejus præjudicii esse puto, quo omnem substantiam, & ipsum Deum, supponit imaginabilem.

### Ad secundas Instantias.

*Una vacui spatii partes absorbeant alteras, &c.* Hic repeto, si absorbeantur, ergò media pars spatii tollitur & esse desinit; quòd autem esse desinit aliud non penetrat; ergò impenetrabilitas in omni spatio est admittenda.

*Intermundium illud suam haberet durationem, &c.* Puto implicare contradictionem, ut concipiamus aliquam durationem intercedere inter destructionem prioris mundi & novi creationem. Nam si durationem istam ad successionem cogitationum divinarum vel quid simile referamus, erit error intellectus, non vera ullius rei perceptio. Ad sequentia jam respondi, notando \* extensionem quæ rebus incorporeis tribuitur esse potentiæ duntaxat, non substantiæ; quæ potentia cum sit tantum modus in re ad quam applicatur, sublato extenso cui coexistat, non potest intelligi esse extensa.

### Ad penultimas Instantias.

*Deum positivè infinitum, id est, ubique existentem, &c.* \* Hoc ubique non admitto. Videris enim hinc infinitatem Dei in eo ponere, quòd ubique existat: cui opinioni non assentior; sed puto Deum ratione suæ potentiæ ubique esse, ratione autem suæ essentiæ nullam planè habere relationem ad locum. Cum autem in Deo potentia & essentia non distinguantur, satius esse puto in talibus de mente nostra vel Angelis, tanquam perceptioni nostræ magis adequatis, quàm de Deo, ratiocinari. Sequentes difficultates ex eo præjudicio mihi videntur omnes ortæ, quòd nimis assueverimus quolibet substantias, etiam eas quas corpora esse negamus, tanquam extensas imaginari, & de entibus rationis intemperanter Philosophari, *entis* sive rei proprietates non *enti* tribuendo. Sed rectè meminisse oportet, non entis nulla esse posse vera attributa, nec de eo posse ullo modo intelligi *partem* & *totum*, *subjectum*, *adjunctum*, &c.

&c. Ideoque optimè concludis cum propriis umbris mentem ludere, cum entia Logica considerat.

*Certus finitusque stadiorum numerus suffecerit, &c.* Sed repugnat meo conceptui ut mundo aliquem terminum tribuam, nec aliam habeo mensuram eorum quæ affirmare debeo vel negare quàm propriam perceptionem. Dico idcirco mundum esse indeterminatum vel indefinitum, quia nullos in eo terminos agnosco; sed non ausim vocare infinitum, quia percipio Deum esse mundo majorem, non ratione extensionis, quam, ut sæpe dixi, nullam propriam in Deo intelligo, sed ratione perfectionis.

### Ad ultimas Instantias.

*Hoc si præstiteris, &c.* Non certus sum meæ Philosophiæ continuationem unquam in lucem prodituram, quia pendet à multis experimentis, quorum faciendorum nescio an copiam sim unquam habiturus; sed spero me hâc ætate brevem tractatum de Affectibus ediditum, ex quo apparebit quo pacto in nobis ipsis omnes motus membrorum, qui affectus nostros comitantur, non ab anima, sed à sola corporis machinatione peragi existimem. Quod autem *Canes annuant caudis, &c.* Sunt tantum motus qui comitantur affectus, eosque accuratè distinguendos puto à loquela, quæ sola cogitationem in corpore latentem demonstrat. *Nec infantes ulli, &c.* Dispar est ratio infantum & brutorum: Nec judicarem infantes esse mente præditos, nisi viderem eos esse ejusdem naturæ cum adultis: bruta autem eousque nunquam adulescunt, ut aliqua in iis cogitationis nota certa deprehendatur.

### Ad Quæstiones.

*Ad primam.* Repugnat conceptui meo, sive, quod idem est, puto implicare contradictionem, ut mundus sit finitus vel terminatus, \* quia non possum non concipere spatium ultra quolibet præsuppositos mundi fines; tale autem spatium apud me est verum corpus: nec moror quod ab aliis imaginarium vocetur, & ideo mundus finitus existimetur; novi enim ex quibus præjudiciis error iste profectus sit.

*Ad secundam.* Imaginando gladium trajici ultra mundi fines, ostendis te etiam non concipere mundum finitum, omnem enim locum ad quem gladius pertingit revera concipis ut mundi partem, quamvis illud quod concipis vacuum voces.

*Ad tertiam.* Non melius possum explicare vim reciprocæ in mutua duorum corporum ab invicem separatione, quàm si tibi ponam ob oculos navigium aliquod hærens in luto juxta fluminis ripam, & duos homines, quorum unus stans in ripa navigium manibus pellat, ut illud à terra removeat, eodémque prorsus modo alius stans in navigio ripam manibus pellat, ut illud idem à terra removeat. Si enim horum hominum vires sint æquales, conatus ejus qui terræ insistit, terræque idcirco conjunctus est, non minùs confert ad motum navigii quàm conatus alterius qui cum navigio transfertur. Unde patet actionem quæ navigium à terra recedit non minorem esse in ipsa terra quàm in navigio. Nec est difficultas de eo qui à te sedente recessit; cum enim de translatione hîc loquor, intelligo tantum eam quæ fit per separationem duorum corporum se immediatè tangentium.

*Ad quartam.* Motus Lunæ determinat materiam cœlestem, & ex consequenti etiam terram in ea contentam, ut versùs unam partem potius quàm versùs aliam, nempe in figura ibi posita, ut ab A versùs B, potius quàm versùs D, flectatur; non autem dat ei celeritatem motûs: & quia hæc celeritas pendet à materia cœlesti, quæ præter propter eadem est juxta Terram ac juxta Lunam, deberet Terra duplo celerius convolvi quàm convolvitur, ut circiter sexagies circulum suum absolveret eo tempore quo Luna semel percurrit suum sexagies majorem, nisi obstaret magnitudo, ut in Artic. 151. p. 3. dictum est.

*Ad quintam.* Nullum suppono esse lentorem nullamque tenacitatem in minimis materiæ particulis, nisi quemadmodum in sensibilibus & magnis, quæ nempe ex motu & quiete partium dependet. Sed notandum est, ipsas particulas striatas formari ex materia subtilissima, & divisâ in minutias innumerabiles vel numero indefinitas, quæ ad ipsas componendas simul junguntur, adeò ut plures diversas minutias in unaquaque particula striata concipiam quàm vulgus hominum in aliis corporibus valde magnis.



*Ad sextam.* Conatus sum explicare maximam partem eorum quæ hîc petis in tractatu de affectibus. Addo tantum, nihil mihi hætenus occurrisse circa naturam rerum materialium cujus rationem mechanicam non facillimè possim excogitare. Atque ut non dedecet hominem Philosophum putare Deum posse corpus movere, quamvis non putet Deum esse corporeum; ita etiam eum non dedecet aliquid simile de aliis substantiis incorporeis judicare. Et quamvis existimem nullum agendi modum Deo & creaturis univocè convenire; fateor tamen me nullam in mente mea ideam reperire quæ repræsentet modum quo Deus vel Angelus materiam potest movere, diversam ab ea quæ mihi exhibet modum quo ego per meam cogitationem corpus meum movere me posse mihi conscius sum.

Nec verò mens mea potest se modò extendere, modò colligere, in ordine ad locum, ratione substantiæ suæ, sed tantum ratione potentiae quam potest ad majora vel minora corpora applicare.

*Ad septimam.* Si mundus ab æterno fuisset, proculdubio hæc Terra non mansisset ab æterno, sed aliæ alibi productæ fuissent, nec omnis materia abiisset in primum Elementum: ut enim quædam ejus partes uno in loco comminuantur, ita aliæ in alio loco simul coalescunt; nec plus est motus sive agitationis in tota rerum universitate uno tempore quàm alio.

*Ad octavam.* Particulas aquæ, aliàsque omnes quæ sunt in terra, poros habere sequitur evidenter ex modo quo terræ productionem descripsi, nempe à particulis materiæ primi elementi simul coalescentibus: cum enim hoc primum Elementum nullis constet particulis nisi indefinitè divisis, hinc sequitur concipiendos esse poros usque ad ultimam possibilem divisionem in omnibus corporibus ex eo conflatis.

*Ad nonam.* Ex iis quæ paulò antè dixi de duobus hominibus, quorum unus movetur unà cum navigio, alius in ripa stat immotus, satis ostendi me putare nihil esse in unius motu magis positivum quàm in alterius quiete.

Quid sibi velint hæc tua ultima verba, *An ullæ res affectionem habere possint naturaliter & à se, quæ penitus potest destitui, vel quam aliunde potest adsciscere*, non satis percipio.

Ceterum velim ut pro certo existimes mihi semper fore gratissimum ea accipere quæ de scriptis meis vel quæres vel objicies, & pro viribus responsurum esse

Egmondæ, 17. Kalendis  
Maii, 1649.

Tibi addictissimum

RENATUM DES-CARTES.

## SCHOLIA

### In Respons. ad Epist. 2.

**I**stant. 1. Sicque meo judicio demonstratur Impenetrabilitatem ad Essentiam Extensionis, &c. *Quia scilicet illa pars Extensionis quæ penetrat, tolleretur vel annihilaretur. At nulla pars substantiæ extensæ hac penetratione perit. Alioquin omnes Spiritus, qui Spiritum Universi putant, penetrant, eo ipso perirent. Ipsæque Materia extensa in Extensio immobilis aut periret, aut Extensi immobilis partes eis in locis ubi est, annihilaret. Si verò sit Essentia in Essentia, manifestum est esse Extensionem in Extensione, cum omnis Essentia sit aliquo modo extensa. Vide Enchirid. Metaphys. cap. 28. sect. 6, 7.*

Quod autem quis extensionem quæ solius potentiae est, &c. *Quod solas potentias substantiarum Incorporearum extensas asserit Cartesius, hinc Nullibistis rursus favere non immeritò censeri potest eorumque esse Coryphaeus.*

**I**stant. 2. Extensionem quæ rebus incorporeis tribuitur, esse Potentiæ duntaxat non Substantiæ; Quæ Potentia cum sit tantum Modus in re ad quam applicatur, sublato extenso cui coexistit, non potest intelligi esse coextensa. *Quod modò fecit, expressius profectò hîc facit, apertius scilicet Nullibismo favet; quinimò & nullitati forte rerum incorporearum, dum potentiam quam nos supponimus in Spiritibus, Materiæ extensæ modum esse subinsinuat, quemadmodum facit Spinozius. Vide quæ adnotavimus in Scholiis in Respons. ad Epist. 1. Difficult. 1.*

**I**stant. 4. Hoc ubique non admitto. Videris enim hîc Infinitatem Dei in eo ponere quod ubique existit, cui opinioni non assentior; sed puto Deum ratione suæ potentiae

tentiæ ubique esse, ratione autem suæ essentiæ nullam planè habere relationem ad locum. *Expressissimus hic Nullibismus est; unde me non immeritò Cartesium Nullibistarum Principem agnovisse, Enchirid. Metaphys. cap. 27. satis manifestum est. Sed male interim sibi constare videtur, si hæc cum eis comparaveris quæ occurrunt in Responso ad Epistolam meam primam Difficult. 1. Vide Scholia, eum in locum.*

*Quæst. 1. Quia non possem non concipere spacium ultra quolibet præsuppositos Mundi fines. Tale autem spacium apud me est verum corpus, &c. Id verò quod non possumus non concipere quin existat, necessariò, si proprias consulamus facultates, existit. Cum autem necessariò & à se sic concipitur existere, (neque enim illius Idea cum cujusquam alius rei Idea in hac conceptione conjungitur) hæc conceptio si in corpus desinit, Existentiæ Entis absolute perfecti planè subvertit. Qua de re conquestus sum in Præfatione ad Enchiridium Metaphysicum, Sect. 4.*

*Illustrissimo viro, Principique Philosopho,*

RENATO DESCARTES,

HENRICUS MORUS.

**V**IX me abstinebam (Vir Clarissime) quin ab acceptis tuis literis continuò ad te rescriberem: quamvis profectò id à me factum fuisset incivilius; quippe quòd satis ex iisdem intelligerem te per septimanas bene multas negotiis fore districatissimum. Quin & mihi ipsi tunc temporis à patris obitu acciderunt multa quæ me aliò avocârunt, impediveruntque adeò ut quod voluissem maximè præstare, haud commodè potuissem. Jam verò ad te tuæque reversus, satisque nactus otii, rescribo, gratiasque ago maximas, quòd quærendi de tuis scriptis quod lubet objiciendique plenum mihi jus tam liberè benignèque concesseris.

Cæterùm, nè abuti videar hanc summâ humanitate tuâ ad prolixiores altercationes (nam hætenus eo in loco Philosophiæ versati sumus qui λογομαχίας lubricis subtilitatibus opportunior extitit, in confiniis utique Physices, Metaphysicæ & Logicæ) ad ea propero quæ certum magis firmumque judicium capiunt.

Obiter tantum notabo, atque primò ad Responsum ad Instantias primas; Quantum ad Angelos animasque separatas, si immediatè suas invicem deprehendant essentias, id non dici posse sensum propriè, si ipsos fingas penitus incorporeos. Me verò lubentem cum Platonis, antiquis Patribus, Magisque ferme omnibus, & animas & genios omnes, tam bonos quàm malos, planè corporeos agnoscere, ac proinde sensum habere propriè dictum (i. e.) mediante corpore, quo induuntur, exortum. Et profectò cum nihil non magnum de tuo ingenio mihi pollicear, perquam gratissimum esset si conjecturas tuas, quas credo pro ea qua polles sagacitate ac acumine fore ingeniosissimas, mecum breviter communices super hac re. Nam quòd quidam magnificè se efferunt in non admittendo substantias ullas quas vocant separatas, ut dæmonas, Angelos, animasque post mortem superstites, & maximopere hinc sibi applaudunt, quasi re bene gestâ, & tanquam eo ipso longè sapientiores evasisent cæteris mortalibus, id ego non hujus æstimo. Nam quod sapius observavi, hi sunt, ut plurimum, aut Taurini sanguinis homines, perditæque melancholici, aut immane quantum sensibus & voluptatibus dediti, Athei denique, saltem si permitteret religio, quâ solâ supersticiosè freti Deum esse agnoscunt. Me verò non pudet palàm profiteri, me vel semoto omni Religionis imperio, meâ sponte agnoscere genios esse atque Deum; nec ullum alium tamen me posse admittere, nisi qualem optimus quisque ac sapientissimus exoptaret, si deesset, existere. Unde semper suspicatus sum, profligatissimæ improbitatis summæque stupiditatis triumphum esse Atheismum; Atheorumque gloriationem perinde esse ac si stultissimus populus de sapientissimi benignissimique Principis cæde ovarent inter se & gratularentur. Sed nescio quo impetu huc excursum est. Redeo.

Secundò, Quod ad demonstrationem illam tuam attinet, quâ concludis omnem substantiam extensam esse tangibilem & impenetrabilem; videor mihi hæc posse regerere: in aliqua scilicet substantia extensa partes extra partes esse posse, sine ulla ἀντιστήκη, seu mutua resistentia; atque hinc perit propriè dicta Tangibilitas. Deinde,



inde, extensionem simul cum substantia in reliquam replicari extensionem & substantiam, nec deperdi magis quam illam substantiæ partem quæ retrahitur in alteram; atque hinc cadit illa Impenetrabilitas: quæ profiteor me clarè & distinctè animo concipere. Quod autem *aliquod reale claudi possit* (sine ulla sui diminutione) *minoribus majoribusque terminis, constat in motu*, ex tuis ipsius principiis. Nam idem numero motus nunc majus nunc minus subjectum occupat, juxta tuam etiam sententiam. Ego verò pari facilitate & perspicuitate concipio dari posse substantiam quæ sine ulla sui imminutione dilatarì & contrahi possit, sive per se id fiat, sive aliunde.

Postremò igitur; Et demiror equidem quòd nè in intellectum tuum cadere possit, quòd aut mens humana aut Angelus hoc ferme modo sint extensi, quasi implicaret contradictionem. Cum ego potius putarem implicare contradictionem quòd potentia mentis sit extensa, cum mens ipsa non sit extensa ullo modo. Cum enim potentia mentis sit modus mentis intrinsecus, non est extra mentem ipsam, ut patet. Et consimilis ratio est de Deo: unde me consimilis ferit admiratio, quòd in Responsione ad penultimas Instantias concedis *cum ubique esse ratione potentia, non ratione essentia*; quasi potentia Divina, quæ Dei modus est, extra Deum esset sita, cum modus realis quilibet intimè semper insit rei cujus est modus: Unde necesse est Deum esse ubique; si potentia ejus ubique sit.

Neque suspicari possum per potentiam Dei intelligi te velle effectum in materiam transmissum. Quòd si hoc intelligas, non video tamen quin eòdem res recidat. Nam hic effectus non transmittitur nisi per potentiam Divinam, quæ attingit materiam suscipientem, hoc est, modo aliquo reali unitur cum ea, ac proinde extenditur; nec tamen interea separatur ab ipsa Divina Essentia. Videtur enim, ut dixi, conspicua contradictio. Sed hisce statui non immorandum.

Ad Quæstiones transvolo, postquam monuerim, quàm contristat animum continuationis tuæ Philosophiæ desperatio: Sed æquè refocillat tamen certa spes Tractatûs illius desideratissimi quem hæc ætas parturit; citò & feliciter in lucem prodeat exopto.

### Ad Respons. ad Quæstiones.

Ad primam & secundam respondes sanè constanter & convenienter tuis principiis, quod à quolibet, nisi sententia vicerit melior, & expecto, & laudo.

Ad tertiam; Ex navigiolo illo tuo has mihi comparavi merces. 1. *In motu esse mutuum eorum quæ moveri dicuntur renixum.* 2. *Quietem esse actionem, nempe renixum quandam, sive resistantiam.* 3. *Moveri duo corpora, esse immediate separari.* 4. *Immediatam illam separationem esse motum illum, sive translationem, præcise sumptum.*

Cum verò duo corpora se expediunt à se invicem, nisi vim in utroque expeditricem & avulsoriam adjeceris notioni translationis, seu motûs, *motus hic erit extrinsecus tantum respectus, aut aliquid fortasse levius.* Separari enim vel significat, superficies corporum quæ se modò mutuò tangebant distare à se invicem, (distantia autem corporum extrinsecus tantum est respectus;) vel significat non tangere quæ modò tangebant, quæ privatio duntaxat est, vel negatio. Certè de sententia tua hac in re non satis clarè mihi constat.

Ego verò, si mihi ipsi permitterer, judicarem motum esse vim illam vel actionem quâ se à se invicem mutuò expediunt corpora quæ dicis moveri; immediatam autem illam separationem eorundem esse effectum dictorum motuum, quamvis sit vel nudus duntaxat respectus, vel privatio. Sed aliter tibi visum est Philosophari in explicatione definitionis Motûs, Artic. 25. Part. 2. ubi equidem mentem tuam non plenè capio.

Ad reliquas Quæstiones omnes quas proposui respondisti perspicuè & appositè. Sed ad pleniorè intelligentiam eorum quæ ad sextam accumulavi, expecto dum prodeat exoptatissimus tuus libellus de Affectibus.

Cæterum, quantum ad verba illa mea ultima, *An ullares*, &c. parturibat profectò mihi mens evanidam aliquam subtilitatem, quæ jam effugit, nec meâ interest revocare.

Hoc tantum quæram denuò, *Utrum materia sibi liberè permessa, i. e. nullum aliunde impulsus suscipiens, moveretur, an quiesceret.* Si moveretur à se naturaliter, cum materia sit homogœnea, & ea propter motus ubique esset æqualis, sequitur quòd tota materia simulac fuerit, disjiceretur in partès tam infinitè exiles, ut nihil ullo modo ulterius abradi posset ab ulla particula. Quicquid enim abradendum imaginariis, jam disjectum est ac dissolutum, ob intimam vim motûs per universam materiam pervadentis;

dentis, vel, si malles, insiti. Nec partium aliæ aliis magis mutuò adhærescent, aliòve cursum flectent quàm aliæ, cùm sint omnes prorsus confimiles juxta quamlibet rationem imaginabilem. Nulla enim figuræ asperitas vel angulositas fingi potest, quæ non jam contusa sit ad ultimum quod motus poterit præstare; nec ulla motûs inæqualitas in ullis particulis ponenda est, cùm materia supponatur perfectè homogœnea. Si naturaliter igitur moveretur materia, nec Sol, nec Cælum, nec Terra esset, nec vortices ulli, nec heterogeneous quicquam, sive sensibile sive imaginabile, in rerum natura. Ideòque periret tuum condendi cœlos terræque, cæteraque sensibilia, mirificum artificium.

Quòd si materiam quiescere dicis ex se nisi aliunde movetur, quòdque hæc quies sit positivum quid, vim indè materia æternum pateretur, & affectio naturalis destrueretur in perpetuum, ut contraria dominaretur: quòd videtur duriusculum. Nec tamen tutius forsan esset quietem statuere motûs privationem, sive negationem; caderet enim omnis resistendi actio in materia quiescente, quam tamen agnoscis: Quamvis & id ipsum intellectui meo nonnihil negotii facessat. Dum enim quietem actionem statuis materiæ, motum etiam eandem esse statuas necesse est; siquidem materia non agit nisi movendo, aut saltem conando motum. Malè profectò me habent isti scrupuli, quos quàm primùm eximere mihi poteris, obsecro ut eximas.

Quinetiam adeò superstitiosè hæc prima principia pensito, ut nova jam mihi ingeratur difficultas de natura motûs. Cum scilicet motûs corporis modus sit, ut figura, situs partium, &c. quæ fieri possent, ut transeat ab uno corpore in aliud, magis quàm alii modi corporei? Et universim imaginatio mea non capit, quæ possit fieri ut quicquam quod extra subiectum esse non potest (cujusmodi sunt modi omnes) in aliud migret subiectum. Deinde quæram, cùm unum corpus in aliud minus, sed quiescens, impingit, secumque defert, annon quies quiescentis corporis similiter transmigrat in deferens, æquè ac motus moventis in quiescens? Videtur enim quies res adeò otiosa ac pigra, ut eam tæderet itineris. Cùm tamen æquè realis sit ac motus, ratio coget eam transire. Postremò, obstupesco planè, dum considero quòd tam levicula ac vilis res ac motus, solubilis etiam à subiecto & transmigrabilis, adeòque debilis ac evanida natura ut periret pròtinus nisi sustentaretur à subiecto, tam potenter tamen contorqueret subiectum, & hæc vel illac tam fortiter impelleret. Equidem pronior sum in hanc sententiam, quòd nullus prorsus sit motuum transitus, sed quòd ex impulsu unius corporis aliud corpus in motum quasi expergiscatur, ut anima in cogitationem ex hac vel illa occasione; quòdque corpus non tam suscipiat motum, quàm se in motum exerat à corpore alio commonefactum; & quod paulò antè dixi, eodem modo se habere motum ad corpus ac cogitatio se habet ad mentem, nimirum neutrum recipi, sed oriri utroque ex subiecto in quo inveniuntur; atque omne hoc quod corpus dicitur, *stupidè & remulente esse vivum, utpote quod ultimam infimamque Divinæ essentia*, quam perfectissimam vitam autumo, *umbram esse statuo ac idolum, veruntamen sensu ac animadversione destitutam.*

Cæterum transitus ille tuus motuum à subiecto in subiectum, idque à majori in minus, & vicissim, ut suprà monui, optimè repræsentat naturam meorum Spirituum extensorum, qui contrahere se possunt, & rursus expandere; penetrare facillimè materiam, & non implere; agitare quovis modo ac movere, & tamen sine machinis ullis & uncorum nexu. Verùm diutius in hoc loco hæsi quàm putàram: sed ad institutum propero, hoc est, ad novas Quæstiones proponendas, super singulis illis Articulis Principiorum tuæ Philosophiæ, quorum vim nondum satis intelligo.

### Ad Partis primæ Artic. 8.

*Perspicuè videmus, &c.* Nec perspicuè videmus extensionem, figuram, & motum localem, ad naturam nostram pertinere, nec videmus perspicuè non pertinere. Utinam hîc breviter demonstrares, nullum corpus posse cogitare.

### Ad Artic. 37.

Annon major perfectio est id solum velle posse hominem quod sibi optimum esset, quàm posse etiam contrarium; cùm melius sit semper felicem esse quàm vel summis aliquando efferri laudibus, vel etiam semper?



## Ad Artic. 54.

Hic rursus repeto, quod oportebat demonstrare, nihil extensum cogitare, aut, quod videbitur facilius, nullum corpus posse cogitare. Est enim dignum ingenio tuo argumentum.

## Ad Artic. 60.

Quamvis mens possit contemplari seipsam ut rem cogitantem, exclusâ omni corporeâ extensione in hoc conceptu, non tamen evincit quicquam aliud nisi quod mens possit esse corporea vel incorporea, non quod sit de facto incorporea. Iterum igitur rogandus es ut demonstras, ex aliquibus operationibus mentis humanæ quæ corporeæ naturæ competere non possunt, hanc mentem nostram esse incorpoream.

## Ad Partis secundæ Artic. 25.

*Non vim vel actionem quæ transfert, ut ostendam illum semper esse in mobili, &c.* Annon igitur vis ipsa atque actio motus est in re mota?

## Ad Artic. 26.

Estne igitur in quiescentibus perpetua quædam vis stativa, vel actio sistendi se, & corroborandi contra impetus omnes, quibus partes eorum divelli possint & disjici, vel totum corpus aliò abripi & transferri? Adeò ut Quies rectè definiri possit, Vis quædam vel actio interna corporis, quæ corporis partes arctè constringuntur ad se invicem & comprimuntur, adeoque à divisione vel dimotione per impulsu alieni corporis defenduntur? Hinc enim illud consurgeret, quod à meo intellectu minimè alienum est, Materiam utique vitam esse quandam obscuram ( utpote quam ultimam Dei umbram existimo ) nec in sola extensione partium consistere, sed in aliqua semper actione, hoc est, vel in quiete vel in motu, quorum utrumque revera actionem esse ipse concedis.

## Ad Artic. 30.

Hic articulus videtur continere demonstrationem evidentissimam, quod translatio five motus localis ( nisi extrinsecus sit corporum respectus duntaxat ) non sit reciprocus ullo modo.

## Ad Artic. 38.

Quæro, annon mens humana dum spiritus accendit attentius diutiusque cogitando corpūque insuper ipsum calefacit, motum auget universi?

## Ad Artic. 55.

Numquid igitur cubus perfectè durus perfectèque planus motus super mensa, putà perfectè dura perfectèque plana, eo ipso instanti quo à motu sistitur æquè firmiter coalescit cum mensa ac cubi vel mensæ partes cum seipsis; an manet divilus à mensa semper, aut ad tempus saltem, post quietem? Nulla enim est compressura cubi in mensam, cum hunc motum tanquam in vacuo factum imaginemur super mensam extra mundi parietes, si fieri posset, sitam, ( ac proinde ubi nullus locus est gravitati vel levitati ) motumque sisti ex ea parte ad quam tendit cubus. Videntur igitur ex lege naturæ, cum jam divisa sint cubus & mensa, & nulla actio realis detur quæ conjungantur, mansura semper actu divisa.

## Ad Artic. 56, &amp; 57.

Non video quid sit opus ut tam amplos particularum gyros ac lusus circa corpus B describas. Videtur enim satis, si putemus singulas aquæ particulas simili impetu mo-

veri à materia subtili, & æquales esse particularum magnitudines. Hinc enim, cum B à quolibet latere brevissimis gyris vel semigyris (vel aliâ quacumque ratione) motûs proximè adjacentium particularum contunditur, necessario quiescet, nec in unam partem magis quàm in aliam promovebitur.

### Ad Artic. 57. lineâ 19.

*Nec incedent per lineas tam rectas, &c.* Quid? quòd jam ad circularem magis accedunt, cum antea ovalem magis referebant figuram? Non plenè capio.

### Ad Artic. 60.

*Sed ipsas quatenus celerius aguntur in quilibet alias partes ferri.* Possuntne igitur celeritas motûs & ejusdem determinatio divortium pati? Perinde enim videtur ac si fingamus viatorem currentem, cursum quidem dirigere *Londinum* versùs, sed celeritatem cursûs nihilominus ferri *Gantabrigiam* versùs, vel *Oxonium*. Subtilitas quam neutra Universitas capiet, nisi fortè intelligas per *ferri*, motum moliri, vel niti ut aliquorsum fiat motus.

### Ad Partis tertiæ Articulum 16.

Annon juxta *Ptolemaicam* hypothefin Veneris lumen, ad modum Lunæ, nunc decreveret, nunc creveret, quamvis non eisdem mensuris & legibus?

### Ad Artic. 35.

Qui fit ut Planetæ omnes in eodem non circumscribantur Plano, videlicet in Plano *Eclipticæ*, maculæque adeò Solares; aut saltem in planis *Eclipticæ* parallelis, ipsæque Luna; aut in *Æquatore*, aut in Plano *Æquatori* parallelo, cum à nulla interna vi dirigantur, sed externo tantum ferantur impetu?

### Ad Artic. 36, 37.

Vellem etiam mihi subindices rationem *Apheliorum* & *Periheliorum* Planetarum, & quam ob causam locum subindè mutant singula: tum maximè, cum in eodem sint vortice omnia, cur non iisdem in locis inveniuntur Planetarum omnium *Primariorum* *Aphelia* & *Perihelia*? *Præcessio* etiam *Æquinoctiorum* quomodo ex tuis oriatur principiis? Hic enim tu veras & naturales horum *Phænomenorum* causas explicare poteris, cum alii fictitias tantum exponant *Hypotheses*.

### Ad Artic. 55.

*Quæ in orbem aguntur.* Sed quomodo primùm incepterunt tam immensa materiæ spatia in gyros convolvi, vorticesque fieri?

### Ad Artic. 57.

*Ejus partem qua à funda impeditur, &c.* Videtur perceptu difficilius, quòd lapis A impediatur à motu in D, cum nec de facto illuc unquam feratur, nec si impedimentum tolleretur illuc naturaliter pergeret; pergeret enim omnino versùs C.

### Ad Artic. 59.

Novam vim motûs acquiri, & tamen conatum renovari hic dicis: Nescio quàm bene coherere. Nam si nova vis acquiritur & superadditur, non est renovatio motûs, sed augmentatio. Quòd si globulus A movendo motum auget in eodem puncto baculi existens, (nam vorticis globulos hoc exemplum respicit) cur non semper motus seipsum movendo accendit & auget? Hoc autem modo jam pridem omnia in flammam abiissent.

Ad



## Ad Artic. 62.

Hic quæro, cum conatus globulorum, in quo lux & lumen consistit, fiat per integram vorticis amplitudinem, ita ut basis trianguli BFD multò major esse possit quàm DB, & ab utrisque productæ diametri DB, decies putà vel centies majoris factæ, extremitatibus globuli obliquo conatu in cuspidem aliquam ad F, oculum cuiuslibet intuentis, reprimantur, cur lux, putà Solis, non major videtur quàm quæ sit intra circulum DCB?

## Ad Artic. 72.

Non penitus hoc artificium contorquendi materiam primi elementi in spirales sive cochleares formas intelligo; præsertim in locis ab axe paulò remotioribus. Nisi hoc fiat, non tam quòd globuli torqueantur circa particulas primi elementi, quàm quòd ipsum primum elementum, ab ipsis fortasse globulis leviter in gyrationem determinatum, seipsum inter triangularia illa spatia contorqueat, lineasque spirales in se describat. Oro te, ut hic mentem plenius explices. Sed & alia subindè hic oritur dubitatio. Cum particula hæ contortæ constent ex minutissimis particulis & rapidissimè agitatis, quomodo illæ minutissimæ particulae in ullam formam vel magnitudinem majorem coalescant, præsertim cum in formandis hæc particulis striatis distortio illa sit motusque obliquitas.

## Ad Artic. 82.

*Tam supremi quàm infimi, &c.* Prodigii instar mihi videtur rapidus hic globulorum supremorum cursus, ( præsertim si cum mediorum comparetur ) & qui causas quas in subsequenti Articulo proferes longè excedat. Si quid ulterius adinvenire possis, quo mollius hoc dogma reddatur, gratum profectò esset audire.

## Ad Artic. 84.

*Cur cometarum caudæ, &c.* Primam quamque impatienter tibi obtrudo occasionem explicandi quodlibet: Rogo ut hanc rem etiam hoc in loco breviter expedias.

## Ad Artic. 108.

*Per partes vicinas Eclipticæ QH in calam abire coguntur.* Quis fit ut non omnes ferè illuc abeant, potius quàm à polo ad polum migrando vorticem, quem vocas, componant?

## Ad Artic. 121. lineâ ultimâ.

*A variis causis assidue potest mutari, &c.* A quibus?

## Ad Artic. 129. lin. 15.

*Non prius apparere quàm, &c.* Cur circumfluxus illius materiæ, cum sit adeò transparens, impedit Cometam nè videatur? Circumfluens enim materia Jovem Planetam non abdit ab oculis nostris. Et cur necesse est ut non nisi obvolutus materiâ relictæ vorticis Cometa indè egrediatur?

## Ad Artic. 130. lineâ 21.

*Minuitur quidem, &c.* Cur non deletur penitus, si vortex AEIO fortius, vel æquè fortiter, urget vicinos vortices, quàm ille ab ipsis urgetur?

## Ad Artic. 149.

*Brevi accedet ad A, &c.* Cur non ad F usque pergit, impingitque in ipsam terram?

Quia

*Quia sic à recta linea minus deflectet.* Non solum constat lineam NA continuatam cum AB, lineam magis rectam constituere quam eandem NA cum AD continuatam; sed cum Luna à centro S recedat ad modum globulorum celestium, magis naturaliter videtur consurgere versus B, quam versus D descendere.

### Ad Partis quartæ Artic. 22.

*Nec Terra proprio motu cieatur, &c.* Non video quid refert unde sit motus ille circularis, modo sit in Terra; nec deprehendo quin illi celerrimi gyri Telluris imposita omnia rejicerent versus celos, quamvis motus non esset proprius, sed ab interna materia celesti profectus, nisi agitatio circumjacentis ætheris, quam supponis multo celeriore, fatum illud præverteret. Nec videtur Terra habere rationem corporis quiescentis, quoad conatum partium recedendi à centro; (Videtur enim illud necessarium in omni corpore circulariter moto;) sed quod simul circumvolvitur cum ambiente æthere, nec separantur superficies, hæc forsan ratione dicatur Terra quiescere. Hæc autem dico ut ex te intelligam, annon ratio quod partes Terræ non diffilient ad solam celeritatem motus particularum Ætheris referenda sit.

### Ad Artic. 25.

*Propter suarum particularum motum inest levitas.* Quid igitur existimas de frigido & candenti ferro? Utrum præponderat? Præterea, quomodo moles aquæ levior sit ob motum partium, cum motus harum partium tandem à globulis determinatur deorsum. Hinc enim videtur magis accelerari descensus corporis, unde major æstimabitur gravitas. Atque hoc modo aqua auro præponderabit.

### Ad Artic. 27.

*Nisi forte aliqua exterior causa, &c.* Quænam sint illæ causæ, paucis obsecro ut innuas.

### Ad Artic. 133. lin. 12.

*Axi parallelos.* Parallelismi mentio hîc me monet de difficultatibus quibusdam ferè inextricabilibus. Primò, Cur tui vortices non fiant in modum columnæ, seu cylindri, potius quam ellipsis, cum quodlibet punctum axis sit quasi centrum à quo materia celestis recedat, &, quantum video, æquali prorsus impetu. Deinde, Primum elementum (cum ubique ab axe oporteat globulos æquali vi recedere) cur non æqualiter per axem totum in cylindri formam productum jacet, sed in sphericam figuram congestum ad medium ferè axis relegatur? Nam occurfus hujus elementi primi ab utroque polo vorticis nihil impedit quo minus totus axis producta flammâ luceret. Cum enim ubique cujuslibet axis æquali vi recedant globuli, facilius præterlabentur se invicem, rectaque pergunt ad oppositos polos Materiæ subtilissimæ irruentia fluentæ, quam excavabunt vel distudent sibi in aliqua axis parte spatium majus quam præsens & æquabilis vorticis circumvolutio lubens admitteret, vel sponte suâ offerret. Tertiò denique, Cum globuli celestes circa axem vorticis ferantur *παράλληλως* & axi & sibi invicem, nec parallelismum perdant dum locum aliquatenus inter seipos mutant, impossibile videtur ut ulla omnino fiat particularum striatarum intortio, nisi ipsæ particulæ striatæ in triangularibus illis spatiis circa proprios axes circumrotentur; quod quam commodè fieri possit non video, quemadmodum suprâ monui.

### Ad Artic. 187.

*Nulla sympathia vel antipathia miracula, &c.* Utinam igitur hîc explices, si breviter fieri possit, quâ ratione mechanicâ evenit ut in duabus chordis, etiam diversorum instrumentorum, vel unisonis, vel ad illud intervallum Musicum quod *διαπασσών* dicitur attemperatis, si una percutiatur, altera in altero instrumento subsiliat, cum quæ propiores & laxiores etiam sint, imò & in eodem instrumento in quo chorda percussa tensæ, non omnino moveantur. Experimentum vulgare est & notissimum. Nulla verò sympathia mihi videtur magis rationes mechanicas fugere quam hic chordarum consensus.

Ad



## Ad Artic. 188.

*Ac sextam de homine essem, &c.* Perge, Divine Vir, in isthoc opere excolendo & perficiendo. Pro certissimo enim habeo, nihil unquam Reipub. literariæ aut gratius aut utilius in lucem proditurum. Nec est quod experimentorum defectum hic causeris. Nam quantum ad corpus nostrum, accepi à dignis fide authoribus, te, quæ ad humani corporis Anatomem spectant, accuratissimè universa explorasse. Quod autem ad animam, cum talem ipse nactus sis, quæ in maximè sublimes amplissimæque operationes evigilavit, spiritusque habeas agillimos & subtilissimos, generosa tua mens, innatâ suâ vi cœlestique vigore, tanquam igni Chymicorum aliquo, freta, ita excutiet se, variâque in formas transmutabit, ut ipsa sibi facile esse possit inceptorum experimentorum officina.

## Ad Artic. 195.

*Et Meteoris explicui, &c.* Pulcherrimam sanè colorum rationem in Meteoris explicuisti. Est tamen ea de re improba quadam difficultas, quæ magnum imaginationi meæ negotium facefit. Quippe quod cum colorum varietatem statuas ex proportionem quam habet globulorum motus circularis ad rectilinearem oriri, eveniet necessariò ut aliquando etiam in iisdem globulis & motus circularis rectilinearem, & rectilinearis circularem eodem tempore superet. Verbi gratiâ, In duobus parietibus oppositis, quorum unus rubro, alter cæruleo colore obductus est, interjacentes globuli ob rubrum parietem celerius movebuntur in circulum quam in lineam rectam, ob parietem tamen cæruleum celerius in lineam rectam movebuntur quam in circulum, & eodem proflus tempore; quæ sunt planè *ἀντίετα*. Vel sic, In eodem pariete cujus pars, putâ dextra, rubet, media nigra est, sinistra cærulea, cum ad oculum semper fiat decussatio, omnes globuli ob radiorum concursum singulorum globulorum motus proportionem, circularis nimirum ad rectum, suscipient; adeò ut necesse sit colores omnes in imo oculi permisceri & confundi. Neque ullam rationem solvendi hunc nodum excogitare possum, nisi fortè supponendum sit, motum hunc circularem esse duntaxat breves quosdam & celeres conatus ad circulationem, non plenum motum, ut revera fit in motu recto dictorum globulorum. Et ad pleraque omnes alias difficultates quas tibi jam proposui, aliquales saltem solutiones vel proprio Marte eruere forsân potuero. Sed cum humanitas tua hanc veniam mihi concesserit, cumque singularis tua dexteritas in solvendis hujusmodi nodis, quam in nuperis tuis literis perspexi, me insuper invitaverit, (quamvis enim breviter, pro angustiiis temporis in quas conjectus tuñceras, egisse te video; tam plenè tamen mihi satisfacias, tamque fortiter animi sensus mihi moves, acsi præsens digitum digito premeres;) cum denique majorem præ se laturæ sint auctoritatem elucidationes tuæ, tum apud me ipsum, tum apud alios, si usus fuerit; è re nostra putavi fore, hasce omnes difficultates tibi ipsi proponere, quas cum solveris, nisi magnopere fallor, penitissimè tuæ Philosophiæ Principia intelligam universa. Quod equidem quantifacio vix credibile est. Hosce autem præsentis gryphos mihi cum expediveris (quod quanto citius fit, propter impotentem illum amorem quo in tua rapior, eò gratius futurum est) quæstiones alias è *Dioptrice* tua petitas mox accipies à

*Philosophiæ tuæ studiosissimo*

HEN. MORO.

*Clarissima*

Clarissimo Viro, summoque Philosopho,


RENATO DESCARTES,

HENRICUS MORUS.

**E**quidem impensè doleo, Vir Clarissime, quòd tam subitò à vicinia nostra abreptus sis, & in tam longinquas abductus oras. Habéo tamen, ut nihil diffimulem, quo hanc animi ægritudinem ac molestiam mitigare possim, meque ipsum consolari. Et certè non minimum est, quòd is honor tibi optimè merenti habitus sit, etiam apud gentes remotissimas, nominisque tui claritudo ad Septentrionales usque spissitudines crassasque nebulas tam potenter penetraverit; neque (id quod caput rei est) frustrà: cum tantus literarum & literatorum amor generosum pectus Illustrissimæ Heroinæ, Serenissimæ Reginae Suecorum, incesse, ut famâ librisque tuis non contenta, à scribendo ad te, ut eam inviseres, nunquam destiterit, donec voti facta sit compos. Quod cessurum credo in magnum illius regni commodum & ornamentum. Quas ob causas fateor me minùs inclementer tulisse tuum ab hisce regionibus nostris abscissum, jacturamque itidem exoptatissimæ illius Epistolæ quam, prout promisisti, ante abitum tuum à te expectabam: cujus jam recuperandæ spem omnem tantum abest ut abjiciam, ut è contrà fortiter confidam te non solum illis quas antè scripsi, sed & præsentibus literis, cum ad manus tuas pervenerint, brevè responsurum. Quà fretus confidentiâ ad *Dioptricen* tuam pergo; mox ad *Meteora*, si quid fortè ibi occurrerit difficultatis, profecturus; ut tandem animam meam iis omnibus exonerare possim quæ in rem nostram putabam fore tibi plenius proponere. Spero enim hoc modo me, cum omnia ex mea parte perfecta sint quæ præstare oportebat, molliorem animæ meæ conciliaturum quietem, minùsque in posterum me anxie habiturum.

Ad Dioptrices Cap. 2. Artic. 4. lin. 21.

*Nulla modo illi oppositum.* Linteum CE videtur opponi B pilæ, aliquo saltem modo, etiam quatenus pila dextrorsum fertur. Quod sic patebit.



Nam GH plenè opponitur pilæ B, perfectèque impedit cursum ejus, tam versùs HE, quàm versùs CE, seu deorsum. Cum igitur tam propè accedat CE ad posituram GH, ut desit tantum angulus HBE, sive GBC, ad perfectam oppositionem tendentiæ versùs HE, CE etiam suam servans posituram, aliquatenus opponetur pilæ B, etiam quatenus cursum tendit versùs HE. Quod

insuper manifestius apparebit, si fingamus CE udæ argillæ planitiem, & pilam, putà æneam, ab A ferri ad B, ubi aliquò usque penetrabit, sed statim suffocabitur vis cursùs tam versùs HE quàm versùs CE; quod tamen non fieret, si pila ferretur secundum lineam CBE, sed sine impedimento pergeret versùs HE, præsertim si nulla inesset pilæ gravitas: unde patet planitiem CE opponi pilæ B descendenti ab A, etiam quatenus fertur versùs HE, quod oportebat demonstrare.

*Dimidiam suæ velocitatis partem amittat*, lin. 27. Partem hinc aliquam velocitatis amissam esse lubens concedam; sed quòd & in hoc Articulo & in proximè sequenti supponis hanc partem velocitatis deperdi tantum versùs CE, non versùs FE, nullus capio. Cum enim unicus realis motus sit pilæ, (quamvis varias imaginari possimus pro libitu tendentias hujus motùs, sive metas;) si minuitur hic motus, quacunque pergere fingis pilam, tardius incedet quàm ante motum minutum. Causa igitur tendentiæ pilæ ad I potiùs quàm ad D, non petenda est à tarditate vel celeritate motùs, sed à resistentia magni illius anguli CBD, & à debilitate minoris illius anguli



anguli E B D, cujus acies ob exilitatem suam & materiæ fluiditatem facilius cedit pilæ projectæ quàm obtusus angulus C B D. Alioqui si causa referenda esset ad celeritatem vel tarditatem, pila descendens ab H in B cursum etiam deflecteret. Hic schema tuum consule, si opus est, pag. 84.

## Ad Artic. 6. lin. 7.

*Tam obliquè incumbat, ut linea FE ducta, &c.* Perpetua hæc tua demonstrandi ratio, quò pila profectura sit, lepidam profectò in se habet subtilitatem, sed quæ causam rei non videtur attingere. Vera enim & realis causa intelligenda est ex amplitudine anguli C B D. & exilitate E B D anguli, & ex magnitudine etiam pilæ, quæ quò major est, eò minorem depressionem lineæ AB versùs CE requirit, ad resiliendum versùs aërem L. Major enim pila non tam commodè levat atque aperit cuspidem acutioris anguli, quo intret in ipsam putà aquam, sed contundendo potius transvolat reflexa.

*Quod vim ejus motus augeat, lin. 22.* Augmentum motus nihil efficiet ad detorquendum cursum pilæ inceptum, nisi sit positura alicujus corporis quod dictum cursum pilæ versùs partem aliam determinet. Quod ego hoc modo fieri auguror in mediis illis quæ tu fingis radium facilius admittere, qualia sunt crySTALLUS, vitrum, &c. Nempe cum acies anguli E B D in istiusmodi substantiis adeò dura sit & pervicax, ut nihil cedat, radius impingens in constipam & inclinantem anguli aciem nonnihil avertitur ab incepto cursu, & introrsum perpendiculum versùs abigitur. Utraque igitur refractione reflexio quædam mihi videtur, vel saltem reflexionis quædam inchoatio. Atque quemadmodum in plena & libera reflexione determinatio tollebatur sine ulla retardatione cursus pilæ, ita hîc ad minuendam vel mutandam determinationem nova tarditas vel celeritas non videtur necessaria. Sola igitur determinatio minuta vel aucta sufficit ad utramvis refractionem. Neque enim A cum ad CE superficiem pervenerit, quatenus celerior vel tardior cursum flectit, sed quatenus impingit in corpus determinationem mutans. Alioqui, si nuda duntaxat accesserit celeritas vel tarditas, A semper pergeret à B in D.

In priori igitur refractione, videlicet à perpendiculo, determinatio deorsum minuitur necessariò, pila autem retardatur per accidens, ob mollitiem cursum immutantis. In posteriori determinatio deorsum augetur; pila autem si acceleratur, acceleratur per accidens, ob novi medii faciliorem transitum. Determinationis igitur mutatio ejusque causa ad refractiones juxtà ac reflectionem sunt planè necessaria; velocitas & tarditas ipsius motus sunt duntaxat accessoria, vel potius planè supervacaneæ. Imò verò, novam quod pilæ seu globuli accelerationem attinet in medio faciliore, videtur quidem illa perceptu perquam difficilis; propterea quòd novum illud medium non suppeditat novos gradus motus, sed tantum permittit pilæ quos etiamnum habet superstitis sine ulteriori ulla diminutione integros possidere, cum nullos ad se arripiat, vel imbibat. Aequèque absurdum videtur, novos, vel, si malles, pristinos motus gradus restitui pilæ medium facilius intranti, ac concedere in puncto reflectionis pilam aliquo momento hære priusquam resiliat, quod meritò explodis Art. 2. hujus cap.

## Caput 6. Ad Artic. 9.

*Sed ex solo situ exiguarum partium cerebri, &c.* Sîntne igitur istiusmodi in cerebri dissectione particulæ visibiles, an ratione duntaxat colligis istiusmodi esse oportere in hunc usum destinatas? Mihi verò nihil opus harum esse videtur, sed eadem organa quæ motum transmittunt, animam etiam commonefacere necessariò, unde illa fiat motus transmissio, si nullum interjacet impedimentum.


## Ad Artic. 13.

*Similem illi, quâ Geometra per duas stationes, &c.* Duriuscula hæc videtur obscuriorque comparatio, in nihilòque consentiens, nisi quòd utrobique binæ sumuntur stationes. Geometra enim, vel, si malles, Geodætæ, stationes sumunt, in linea ab arbore putà vel turri rectà producta; Oculus locum mutans in linea transversa, & ferme objecto parallela, si rectè rem capio.

## Ad Artic. 16.

*Ex cognitione seu opinione quam de distantia habemus, &c.* Adæquatas fortasse causas apparentis corporum magnitudinis explicare perquam difficile esset. Sed in uno hoc maximè consistere opinor, nimirum in magnitudine & parvitate decussationis anguli. Ille enim quò major est, major apparebit ejusdem corporis magnitudo; quò minor, minor. Deinde, quod observatu dignissimum est, cum objectum aliquod, pollicem putà tuum, intra grani unius distantiam oculo admoveris, hic decussationis angulus quater aut quinquies major erit quàm ille qui fit ad oculum à pollice distantem decem ferme grana; & si adhuc amovebitur pollex ab oculo per aliquot dena grana, semper angustior reddetur angulus decussationis, sed minori semper proportionem, per dena quæque grana, & minori; semper tamen aliquantò angustior evadit quàm antea, donec tandem fiat tam angustus, ut rationem unius lineæ rectæ habere intelligatur. Hinc nemo mirabitur, si multò majorem pollicem deprehendat unico grano ab oculo distantem, quàm cum decem abest ab oculo, & postea per multa dena grana remotum, ad singula grana dena, non multum magnitudinis deperdere; tam longinquè tamen removeri posse, ut prorsus desinat ulterius apparere. Distantia enim crurum interni discussationis anguli minor esse poterit quàm unius capillamenti nervi optici diameter. Quid autem hîc facit opinio de distantia cum imaginis magnitudine comparata, parum intelligo. Neque certò scio quomodo aut oculus aut anima istam comparisonem secum instituat. Deprehensionem autem magnitudinis ex dicto angulo quo modo oriri concipio, sic videor mihi posse explicare.

Fig. 56.



HI & KL sint fundi duorum oculorum, majoris scilicet & minoris. CD sit objectum majus & remotius, EF objectum minus, sed propinquius, EGF vel KGL Angulus decussationis.

Primum, hîc statuo esse nisum quendam, seu transmissionem motûs ab E in L & à D in K. Et animadversionem meam rectà excurrentem per lineam KGF D offendere unam extremitatem objecti CD, videlicet D, eo revera quo inest loco, & per lineam LGE C offendere alteram extremitatem objecti CD, videlicet C, in suo itidem loco; & sic de cæteris partibus tam extimis quàm intermediis objecti CD. Recto igitur excursu hoc animadversionis meæ, obversam objecti magnitudinem deprehendo, cujus diametri apparentis mensura est angulus EGF. Servatis igitur eisdem rectis lineis per quas excurrat mea animadversio, & eadem anguli magnitudine in oculo HI, quæ modò in KL, dico objectum DC æquè magnum apparere ac in oculo KL. Unde postea colligo, magnitudinem objecti apparentem ad anguli decussationis magnitudinem, non ad magnitudinem imaginis, referri. Postremò, ut magnitudo apparens objecti non sit ex magnitudine imaginis in oculi fundo (utî porrò patet ex eo, quòd eadem sit imaginis magnitudo objecti minoris EF quæ majoris CD, tam in HI oculo quàm in KL) ità neque simpliciter ex magnitudine anguli decussationis: alioquin objectum EF æquè magnum appareret ac objectum CD, cum idem sit decussationis angulus. Sed amoto EF minore objecto, objectum CD revera multò majus apparebit quàm apparebat modò objectum EF, cum tamen utraque cernerentur sub eodem decussationis angulo. Unde meritò concludi potest, apparentem cujusque objecti magnitudinem partim ex anguli decussationis, partimque ex reali corporis magnitudine oriri. Neque mirum est animadversionem meam per lineas rectas nisûs illius sive motûs transmissi pergentem eò usque penetrare, ibique se sistere ubi motus hîc primùm incipit, videlicet ad C & D; ut neque eas (cum revera magis distant quàm EF, nec sub minori angulo videntur) apparere



rere etiam magis distantes quàm E & F, totumque adeò objectum C D majus simpliciter apparere quàm objectum totum E F.

### Ad Artic. 19.

*Quoniam sumus assueti judicare, &c.* Quid igitur censes de cæco illo à nativitate sua quem sanavit Christus, si speculum planum ipsi objectum fuisset antequam consuetudo judicium depravasset? Numquid ille vultum suum citra speculum, non ultra, vel pone speculum, deprehendisset? Mirificè torfit & fatigavit imaginationem meam hic imaginis pone speculum lusus, cujus causas nondum me satis percepisse fateor. Neque enim mihi ullo modo satisfacit hæc depravata judicandi consuetudo. Si rationes reales magis magisque mechanicas excogitare poteris, & nobiscum communicare, rem sanè gratissimam præstabis.

### Ad Artic. 20. lin. ultimâ.

*Indè sequitur diametrum illorum, &c.* Cur non diameter Solis vel Lunæ videatur pedalis vel bipedalis, ob angulum decussatorium ad eam rationem diminutum, quæ apta sit corpora ejusdem realis magnitudinis, cujus sunt Sol & Luna, sub hanc pedalem vel bipedalem magnitudinem apparentem, ad istas distantias, repræsentare?

### Ad Artic. 21.

*Quia tam versus Horizontem quàm versus verticem, &c.* Igitur majores Sol & Luna ad Horizontem apparent quàm pro distantia oportet apparere. Et ea potius est dicenda vera magnitudo apparens, sive non fallax, quæ certæ legi subjicitur, quàm quæ externis aliquibus adjunctis alteratur.

### Ad Caput 7. Artic. 22.

*Quâ arte ob alias causas, &c.* Quam invertendi artem hîc intelligis? Et quas ob causas ab ipsa abstinēs?

### Ad Caput 8. Artic. 20.

*Aut diversis partibus parallelas.* Quid sibi hinc velint radii diversis partibus paralleli, nullo modo intelligo. Nihil enim hujusmodi quicquam exhibetur in schemate hoc, pag. 172. depicto. Ut mentem hîc apertius explices oro. Obscurissimum etiam illud est, nisi ego sim tardissimus, quod habetur ad calcem hujus Articuli, de decussatione radiorum duo vitra convexa, DBQ & dbq, permeantium. Sed ad marginem hujus loci in editione tua Gallica relegas nos ad paginam 108. id est, ad figuram illam quæ in Latina editione habetur paginâ 164. Ego verò ibi in vitris illis nullam omnino video radiorum decussationem, sed tantum inter vitra, ad communem focum I. Nulli enim ibi radii apparent nisi paralleli, qui parallelismum servant donec ad convexitates vitrorum BD, & bd, pervenerint, ubi demum ita incipiunt inflecti, ut omnium tandem fiat decussatio in foco I, non alibi. Hîc autem dicis radios etiam in illis vitris DBQ, & dbq, primò decussari in superficie prioris, putà DBQ, deinde in altera posterioris, putà dbq. Quam autem intelligis superficiem? Planam, an convexam, & an eandem in utraque? Pergis porrò, *li saltem qui ex diversis partibus allabuntur.* Quid est *ex diversis partibus allabi*? Numquid intelligis ex adversis sive oppositis? Nam paralleli etiam qui ab eodem objecto emanant rectè dici possunt allabi ex diversis partibus. Hîc prorsus in luto hæreo.

### Ad Caput 9. Artic. 5. pag. 185. lin. 10.

*Quò magis hæc perspicilla objectorum imagines augent, eò pauciora simul repræsentant.* Cum perfectiora hæc perspicilla aperturam vitri exterioris majorem habent, eaque plures proinde parallelas radios ab objecto suscipit quàm imperfectiorum minor apertura, omnesque illi radii ad fundum oculi à convexa dicti vitri superficie contorquentur,

tur, cur non plura etiam objecta, æquæ ac majores imagines, in oculo poterunt depingere?

Ad Caput 10. Artic. 4. lin. 17.

*Hyperbole omnino similis & æqualis priori deprehendetur.* Supponis igitur Hyperbolas omnes, quarum foci æquidistant à verticibus, quamvis hæ per conum, illæ per funem & regulam describantur, per *ἰσαποκύρην* coincidere: quod ut falsum non video, ita puto tamen veritatem illius, cum fundamentum sit totius quam mox expositurus es machinæ, fuisse operæ pretium demonstrasse, aut saltem rationem levi aliquo indicio innuisse.

Ad Artic. 6. pag. 202. lin. 27.

*Habebit enim & aciem & cuspidem.* Aciem habeat, sed quam cuspidem habere poterit non video, præsertim cum acies hujus instrumenti fabricanda sit recta, non concava, sic enim esset spherica; quæ si contingat extremos circulos latitudinis Rotæ, ad interiores tamen non adaptabitur; major enim erit quam ut cum illis conveniat. Unde nec tanget instrumenti hujus cuspis circumductam Rotam in mediis latitudinis spatiis.

Ad Artic. 7. lineâ 17.

*Tantam esse debere ut ejus semidiameter, distantia quæ erit inter lineas 12 & 55, &c.* Hujusce rei rationem autumo, quod tunc concava vitri superficies spherica fieret, non Hyperbolica.

Ad Artic. 10.

*Ut nonnullos ex maximè industriis & curiosis, &c.* Lubenter ex te audirem numquis ex peritioribus illis artificibus periculum fecerit adhuc in ingeniosissimo hoc tuo invento, & quo successu. Nam quod quidam hîc mussitant, aliquos tentasse, operamque luisse, id aut falsum arbitror, aut opifices illos qui tentarunt ex peritioribus non fuisse.

Quod ad Meteora attinet, difficultates quæ ibi occurrunt pauciores sunt, & levioris, opinor, momenti. Quales autem sint mox audies.

Meteororum Cap. 1. Artic. 4. pag. 210. lin. 7.

*Et denique prope terram quam prope nubes.* Hoc asseris de radiis tam rectis quam reflexis. Qui autem fieri possit ut recti, nisi quatenus reflectuntur & replicantur iterum in se prope Terram, vim caloris augeant, non video. Tum verò non sunt simpliciter recti, sed recti cum reflexis conjuncti. Imò verò potius minui videtur vis caloris in aëre terræ vicino, cum nonnihil sui motus ætherei globuli communicent cum particulis terrestribus, unde prope terram tardior erit motus eorum & languentior quam in superioribus aëris regionibus. Non igitur abs re esset si hîc explices, cur caleſcat aër prope Terram magis quam prope nubes. Et annon fieri possit, ut quamvis motus minor sit prope Terram quam in supernis aëris partibus, major tamen calor sentiatur, ob inæqualitatem hujusce motus.

Caput 7. Artic. 6. pag. 283. lin. 4.

*Sed etiam inferiores adeò raras atque extensas, &c.* At cum tam raræ sint, qui possunt alias in se cadentes nubes excipere, ibique sistere? Videntur potius præ sua tenuitate ad Terram transmissuræ, si eò, aliàs, profecturæ essent.

Ad Artic. 7. lin. 2.

*Ob aeris circumquaque positi resonantiam, &c.* Ità sanè fingit *Paracelsus* tonitruum tam immaniter boare & mugire, ob arcuata cœli templa, non absimili ratione atque si quis æneam machinam nitrato pulvere onustam disploderet sub Tecto testudineato. Tu verò, sat scio, nullis laquearibus ætherem claudi sustines, ac proinde videatur verisimilius,



verisimilius, quòd quò magis ictus distat à Terra, eò debilius futurus sit sonitus; cum nec tam commodè fiat resonantia, quòd quò reverberetur sonus, tam longè absit ab allisis corporibus.

## Caput 9. Artic. 2. lin. 19.

*Pauci quippe tantummodo radii, &c.* Numquid igitur radiorum paucitas cæruleum colorem generat? Videtur hoc haud ita consonum præcedentibus. Quippe quòd cum suprà statueris, colores oriri ex varia proportionem rotationis sphaularum ad motum earundem rectum, & particulatim cæruleum ex rotatione minore quàm progressu proficisci, quasi in eo ipso constaret ipsa cærulei coloris ratio; nunc tamen causam refert non tam ad rotationis defectum, quàm paucitatem radiorum resilientium à superficie maris. Hic igitur quæro utrùm sentias nullam aliam esse colorum rationem præter eam quam ipse tam subtiliter & ingeniosè exposuisti; an & aliis modis colores oriri possint, nullà habitâ ratione rotationis globulorum motusque rectilinei: præsertim cum & ipse innuis aquam marinam cæruleam videri ob paucitatem duntaxat radiorum. Et certè explicatu haud facile est, cum globuli in æquoris superficiem impingunt, cur non aut albescat mare aut rubescat, cum fortius impingunt, aut illis resistitur fortius in superficie maris, quàm in cælo præ vaporibus albescente.

Proposui jam omnia quæ in scriptis tuis Physicis mihi visâ sunt aut intellectu difficilia, aut intellectu difficulter vera. In quibus legendis mirari non immeritò tibi subeat ingenii mei conditionem & fatum; qui cum profiteri ausim me cætera omnia in tuis scriptis satis intimè intelligere, (ubi plurima tamen reperiuntur, quæ multò difficiliora videri possint quàm de quibus sapius hæsito) ista tamen quæ tibi proposui explicanda aut munienda, non æquè ac illa cætera intelligerem. Ego verò hanc naturam meam atque indolem, quam à puero usque in me ipso observavi, (quâ nempe maxima sæpenumero feliciter vinco, victus interim à minimis) ad hunc usque diem emendare non potui. Humanitatis tuæ erit ignoscere quod nefas est corrigere, nullòque pacto aut affectatæ ignorantia aut disputandi prurigini imputare, quòd tam multa congefferim. Feci enim non ex effræni aliquo disputandi desiderio, sed potiùs ex religioso quodam erga tua studio,

*Non tam certandi cupidus, quàm propter amorem,  
Quòd te imitari audeo:*

Quod scitè quidem ille; Ego verò hac in causa verissimè. Quod reliquum est, Clarissime Cartesi, exorandus es, ut ista omnia quæ scripsi æqui bonique consulas, & cum primo tuo otio rescribas. Quod si dignatus fueris, peritissimum illum tandem efficies, qui semper fuit hætenus

*Cantabrigæ, è Collegio Christi,  
12. Kalend. Novemb. 1649.*

*Philosophia tua studiosissimus,*

HEN. MORUS.

*Ce qui suit a esté trouvé parmy les Papiers de Monsieur Des-Cartes, comme un projet ou commencement de la réponse qu'il préparoit aux deux précédentes Lettres de Monsieur More.*

CUM tuam Epistolam decimo Calendas Augusti datam accepi, parabam me ad navigandum Sueciam versùs, &c.

1. *An sensus Angelorum sit propriè dictus, & an sint corporei, necne.*

Resp. Mentes humanas à corpore separatas sensum propriè dictum non habere; de Angelis autem non constare ex sola ratione naturali an creati sint instar mentium à corpore distinctarum, an verò instar earundem corpori unitarum; nec me unquam de his de quibus nullam habeo certam rationem quicquam determinare, & conjecturis locum dare. Quòd Deum dicas non esse considerandum nisi qualem omnes boni esse cuperent, si deesset, probò.

2. Inge-

2. Ingeniosa instantia est de acceleratione motûs, ad probandam eandem substantiam nunc majorem nunc minorem locum posse occupare; sed tamen est magna disparitas, in eo quod motus non sit substantia, sed modus, & quidem talis modus, ut intimè concipiamus quo pacto minui vel augeri possit in eodem loco. Singulorum autem entium quædam sunt propriæ notiones, de quibus ex iis ipsis tantum, non autem ex comparatione aliorum, est judicandum: Ità figuræ non competit quod motui, nec utrique quod rei extensæ. \* Qui autem semel bene perspexit nihili nullas esse proprietates, atque ideo illud quod vulgò vocatur spatium vacuum non esse nihil, sed verum corpus, omnibus suis accidentibus (sive iis quæ possunt adesse & abesse sine subiecti corruptione) exutum, notaveritque quomodo unaquæque pars istius sive spatii sive corporis sit ab omnibus aliis diversa & impenetrabilis, facillè percipiet nulli alteri rei eandem divisibilitatem, & tangibilitatem, & impenetrabilitatem, posse competere.

3. Dixi Deum extensum ratione Potentiæ, quod scilicet illa Potentia se exserat, vel exserere possit, in re extensa. \* Certumque est Dei essentiam debere ubique esse præsentem, ut ejus potentia ibi possit se exserere; sed nego illam ibi esse per modum rei extensæ, hoc est, eo modo quo paulò antè rem extensam descripsi.

4. Inter merces quas ais te ex navigiolo meo tibi comparasse, duæ mihi videntur adulteratæ. Una est, quod quies sit actio sive renixus quidam; etsi enim res quiescens, ex hoc ipso quod quiescat, habeat illum renixum, non ideo ille renixus est quies. Altera est, quod moveri duo corpora sit immediatè separari; sæpe enim ex iis quæ ità separantur unum dicitur moveri, & aliud quiescere, ut in Art. 25, & 30. partis 2. explicui.

5. Translatio illa, quam motum voco, non est res minoris entitatis quàm sit figura, nempe est modus in corpore. Vis autem movens potest esse ipsius Dei conservantis tantumdem translationis in materia, quantum à primo creationis momento in ea posuit; vel etiam substantiæ creatæ, ut mentis nostræ; vel cujusvis alterius rei, cui vim dederit corpus movendi. Et quidem illa vis in substantia creatæ est ejus modus, non autem in Deo; quod quia non ità facillè ab omnibus potest intelligi, nolui de ista re in scriptis meis agere, \* nè viderer favere eorum sententiæ qui Deum tanquam animam mundi materiæ unitam considerant.

6. Considero materiam sibi liberè permissam, & nullum aliunde impulsu suscipientem, ut planè quiescentem; illa autem impellitur à Deo, tantumdem motûs sive translationis in ea conservante quantum ab initio posuit; neque ista translatio magis violenta est materiæ quàm quies: Quippe nomen violenti non refertur nisi ad nostram voluntatem, quæ vim pati dicitur, cum aliquid sit quod ei repugnat. In natura autem nihil est violentum, sed æquè naturale est corporibus quod se mutuò impellant, vel elidant, quando ità contingit, quàm quod quiescant. Tibi autem puto ea in re parare difficultatem, quod concipias vim quandam in corpore quiescente per quam motui resistit, tanquam si vis illa esset positivum quid, nempe actio quædam, ab ipsa quiete distinctum; cum tamen nihil planè sit à modali entitate diversum.

7. Rectè advertis motum, quatenus est modus corporis, non posse transire ex uno in aliud: sed neque etiam hoc scripsi; quinimo puto motum, quatenus est talis modus, assiduè mutari. Alius est enim modus in primo puncto corporis A, quod à primo puncto corporis B separetur, & alius quod separetur à secundo puncto, & alius quod à tertio, &c. Cum autem dixi tantumdem motûs in materia semper manere, hoc intellexi de vi ejus partes impellente, quæ vis nunc ad unas partes materiæ, nunc ad alias se applicat, juxta leges in Artic. 45. & sequentibus partis secundæ propositas. Non itaque opus est ut sis sollicitus de transmigratione quietis ex uno subiecto in aliud; cum nè quidem motus, quatenus est modus quieti oppositus, ità transmigret.

8. Quæ addis, nempe tibi videri corpus stupidè & temulentè esse vivum, &c. tanquam suavia considero: & pro libertate quam mihi concedis, hîc semel dicam, nihil magis nos à veritate inveniendâ revocare, quàm si quædam vera esse statuamus, quæ nulla positiva ratio, sed sola voluntas nostra, nobis persuadet, quando scilicet aliquid commentati sive imaginati sumus, & postea nobis Commentum placet; ut tibi, de Angelis corporeis, de umbra Divinæ essentiæ, & similibus; quale nihil quisquam debet amplecti, quia hoc ipso viam ad veritatem sibi præcludat.



SCHOLIA

In Fragment. Respons. R. C.

SECT. 2. Qui autem semel verè perspexit Nihili nullas esse proprietates, atque ideo illud quod vulgò vocatur Spacium vacuum non esse nihil, &c. Certè si hisce Principiis stetur apud Cartesianos, ut apud ipsum Spinozium inculcatissimum est, Nihili utique nullam esse proprietatem sive affectionem, substantiam esse Incorpoream à Materia distinctam eamque aliquo modo extensam manifesto potest demonstrari: Quemadmodum abunde probavi in Enchiridio Metaphysico, Cap. 6, 7, 8.

SECT. 3. Certumque est Dei Essentiam debere ubique esse præsentem ut ejus potentia ibi possit se exercere, &c. Et tamen in suo Responsò ad Epistolam meam secundam apertè ait (Instant. 1.) Hoc ubique non admitto, &c. Sed si sententiam, uti spero, mutaverit, gaudeo. Cartesiani interim priori illius sententiæ adherent, quò cum Nullibif-  
mi sui constituent Authorem, ac Nullibistarum Principem,

SECT. 5. Nè viderer favere eorum sententiæ qui Deum tanquam Animam Mundi Materiæ unitam considerant. Si substantiam aliquam creatam, cujus vi Materia Mundana moveretur, agnosceret, nihil inde periculi impendere video, nè videatur Deum tanquam Animam Mundi Materiæ unitam considerare, sed potius illud Incommodum à se amoveretur, si substantiam creatam Mundanae Materiæ motricem, qualem Spiritum Naturæ suppono, vellet admittere. Equidem admodum obscurus est hic locus, nec quid sibi velit hæc Cartesius, satis video.

Responsio ad Fragmentum Cartesii, ex Epistola Henrici Mori ad Claudium Clerfelier.

Quòd tantopere tibi placuerunt nuperæ meæ literæ (Vir Clarissime) id profectò nulli earum lepori aut acumini, sed singulari tuæ humanitati imputandum est. Cujus & locupletius adhuc argumentum dedisti, quòd ad me nec rogantem nec expectantem gratissimum illud misisti Epistolæ Cartesianæ Fragmentum; ultròque nonnullis earum difficultatum quas Cartesio proposui, ipse tam benignè tentasti satisfacere. Quod quidem officium aut hâc aut nullâ possum ratione compensare, nempe si eis omnibus quæ uterque vestrum scripsistis breviter respondeam.

1. Primò igitur, quantum ad Cartesianam illa attinet; De animarum separatarum angelorumque sensu, dum omni penitus corpore destituuntur, inter nos convenit, neutros nempe habere sensum propriè dictum. Quòd verò Angeli subtilissimis semper corporibus induti fuerint, indicio est, quòd nonnulli ex ipsis propriâ voluntate mali evaserunt. Spiritus autem purè ac perfectè immaterialis nulli labi aut lapsui obnoxius esse videtur; non est enim, cum adedò simplex sit, unde possit tentari stationemque suam deferere.

2. Nullo modo eludi potest instantia mea de eodem numero motu qui nunc majus nunc minus subjectum occupat, ni malè mentem explicaverit suam, aut sententiam à me monitus retrectaverit. Nam motum à corpore in corpus transferri ipse docet disertis verbis, discipulusque ejus ac interpres || Henricus Regius eodem modo transire affirmat ac hæreditas à Sticho pervenit ad Seium. Nec disparitas illa quicquam huc facit, quòd motus sit tantum modus, spiritus autem substantia, cum utrumque quid reale sit; imò verò causæ nostræ magis favet, cum impossibile sit ut idem numero modus nunc hoc, nunc illud subjectum, subjective partem occupet, idem autem numero spiritus sat commodè possit. Miror igitur infelicitatem Regiani ingenii, qui cum eundem numero motum tam liberè à corpore ad corpus vagari passus sit, animam tamen humanam foetulento cadaveri tam inhumaniter incarceraverit, nec ex-  
sis sive absumptis Naturæ vinculis foràs evolare permiserit. Quod ad ideam spatii attinet, illumque toties inculcatum Aphorismum, Nihili nullam esse affectionem, tam fusè & copiosè ad ista respondi in superioribus meis literis ad Cartesium, ut planè supervacaneum ducam quicquam hîc adjicere.

|| Philos. natu-  
ral. lib. 1. cap. 5.

3. De Dei etiam, quam vocant, Omnipræsentia nullum superest inter nos diffiduum, cum ubique eum esse agnoscat, vimque suam in subjectam materiam exerere; extensionem porro aliqualem ei competere, sed longè diversam ab ea quæ divisibili ac impenetrabili corpori competit.

4. Nullas ego merces in *Cartesiano* navigio adulteravi; nam quòd conqueritur me ità permiscere ac confundere illum corporis quiescentis renixum cum quiete, ut nullam inter ipsa distinctionem admittam, id contendo optimo jure esse factum. Quid enim est, si non sit quies, quo se corpus quiescens ab abreptione seu translatione, quam ille motum vocat, defendit? Est igitur renixus ille nihil aliud nisi ipsissima quies, rem quiescentem conservans in statu quietis; hoc est, res perseverat in eo statu quo est juxta leges Naturæ, donec fortior aliqua causa eum mutaverit. Quòd si renixus hic, sive constantia, quietis actio aliqua esset, cum omnis actio corporea sit motus, quietis etiam motus aliquis esset; quod videtur valde rationi absolum. Ego igitur potius suspicor incomparabilem Philosophum aliorum culpâ, qui satis pro imperio omnia agunt, rationem motûs adulterasse, nè videretur, quod supersticiosa Peripateticorum schola pro piaculo ferè habet, telluris motum asserere, dum eam in communi omnium Planetarum vortice agnoscit circa Solem circumferri.

Pari etiam facilitate adulteratio illa altera diluitur. Nam cum ipse *Cartesius* motum seu translationem reciprocam esse statuatur, nec tamen eam vim ullam esse vel actionem in corporibus divulsis ac translatis, quid, quæso, potest esse nisi immediata corporum separatio? Quòd si motus sit immediata corporum separatio, continuò sequitur, quòd moveri duo corpora sit immediatè separari. Quòd autem unum ex istis sæpius dicatur quiescere, id profectò gratis dictum est, cum sit impossibile. At verò nisi quiescat terra EFGH, dum corpus AB transfertur ab E versùs F, ac CD ab H versùs G, terra uno eodémque tempore in contrarias partes movebitur. Unde iterum constat ipsum *Cartesium* genuinam motûs notionem adulterasse. Vide Part. 2. Art. 30.

5. Videtur Translatio minus habere entitatis quàm Figura, quoniam hæc est magis absoluta affectio corporis in quo est, illa ad aliud duntaxat relatio. Quod ad vim motricem spectat, sive in Deo sive in Mente Divina sive in Anima Mundi cum *Platoniciis* statuatur; præclarè tamen factum est quòd tam egregius Philosophus hanc virtutem materiæ ipsi non tribuerit, sed alii alicui subjecto, quod proinde non potest non esse immateriale seu incorporeum. Videbat enim proculdubio Vir perspicacissimus, nisi quis licentiam sibi arriperet quidlibet temerè & precariò affirmandi vel negandi, quòd necesse esset agnoscere universam materiam suâ naturâ esse homogeneam, juxta ideam ejus animo nostro obversantem, præsertim cum nulla causa fingi possit ullius in ea diversitatis. Hinc sequitur mundanam materiam totam suâ naturâ aut moveri aut quiescere. Quòd si tota per se moveatur, nullius rei esset, nè ad momentum quidem, permanens compages, diffluentibus statim suâ sponte à se invicem particulis, vel potius nunquam in unum coalescentibus; quod abunde satis probavi in Literis meis ad *Cartesium*.

6. Apertè igitur profitetur *Cartesius* se, cum *Ficino* reliquisque *Platoniciis*, materiam sibi liberè permissam, nullumque aliunde impulsus susipientem, considerare ut planè quiescentem. Quòd verò impulsus hic ipsi non sit violentus, juxta cum illo sentio: non solum quòd nomen violenti propriè non referatur nisi ad nostram voluntatem, quæ vim pati dicitur cum aliquid sit quod ei repugnat; sed quòd materia quodammodo motu hoc vel impulsu perficiatur. Nec quicquam obstat renixus ille qui fingitur in materia quiescente, cum non propriè actio sit, sed tantum rei quiescentis in sua quiete persistentia, ut ipse innuit hoc in loco *Cartesius*.

7. Rectè me hîc dicit advertere motum, quatenus est modus corporis, non posse transire ex uno in aliud, neque se ullubi hoc scripsisse. *Regius* verò datâ operâ rem sic explicat ac si error esset aliter sentire, prout suprà monui. Quin & ipsius *Cartesii* verba hunc sensum præ se planissimè ferre videntur, Part. 2. Art. 40. ubi asserit corpus majorem vim habens ad pergendum alterum corpus secum movere, ac quantum ei dat de suo motu tantundem perdere. Imò verò & vis illa qua de hîc agit idem mihi videtur atque motus iste. Sed cuilibet Authori sua scripta interpretandi jus esto.

8. Mea illa *suavia* quæ vocat si miscerentur cum ejus severis, optimum crederem indè factum iri temperamentum. Ego tamen interim venustum *Cartesiani* ingenii rigorem non retrectanter suavior ac deosculor, quamvis hoc sæpius notaverim, nempe eos qui Mathematicam certitudinem in rebus omnibus tam pertinaciter affectant, infelicissimè omnium in quibusdam vacillasse. Ea enim argumentandi ratio quæ demonstrationis speciem præ se fert, simul atque deprehensa sit non esse legitima demonstratio, nullius loci argumentum meritò judicatur.

Præterea,



Præterea, in adhibendo allusiones quasdam & similitudines nulla fraus subesse potest, modò meminerimus res propriis nominibus non appellari, sed tralatitiis; nec materiam sive universum mundi corpus ideo esse umbram, quòd quasi umbram esse divinæ essentiae indigitaverim. Hæc enim allusio non docet corpus revera esse umbram, sed à Deo pendere ut umbra à corpore. Deinde, ut umbra aliqualem corporis imaginem refert, sed obscurissimam maximèque degenerem; sic in corpore sive materia cæca quædam ac evanida esse Divinæ essentiae vestigia, quæ cum, uti dixi, vita sit perfectissima, ipsa analogia postulat, ut omni prorsus vitæ imagide materia non destituatur. Aliqualem autem vitæ speciem mentitur in eo, quòd dum duo corpora occurrunt, ità motus eorum attemperari possit, ut mutuò quasi monita, alterum de acceleratione motûs, de retardatione alterum, utraque tandem in eundem motûs tenorem conspirent. Eadèmq; est ratio in reliquis translationis legibus. Nam motum illum qui in uno corpore est transire in aliud, ipse vix audet affirmare *Cartesius*.

Quòd verò addit externam aliquam esse vim, sive à Deo sit, sive à substantia aliqua incorporea à Deo creata, quâ materia in motum excitatur, id etiam laudo, cum proculdubio in genere sit verissimum. Quòd si ità rem intellexerit ac si Divina illa vis singula corpora immediatè impelleret quæ moventur, magna erit difficultas; frustra enim essent mutui corporum impulsus. Experienciâ autem constat unum corpus alterum impellere, ut videre est in projectis manu lapidibus, globisque ferreis è machina bellica explosis. Quòd si quasdam materiæ partes exuscitet illa vis, alias verò immediatè non exuscitet, partes illæ divinitus excitatæ alias impulsu suo in motum excitabunt. Cum verò nullus motus transeat ab uno corpore in aliud, manifestum est, unum alterum quasi è somno expergefacerè, atque hoc pacto expergefacta corpora de loco in locum se suâ vi transferre; quam corporis proprietatem ego tanquam umbram vitæ aliquam ac imaginem considero. Quamobrem tandem liquet cassas nos non captare umbras, sed quæ usum suum habent, optimèque veritatem illustrent severiori argumentandi genere demonstrabilem.

Alterum illud *suave* quod spectat, Angelos scilicet corporeos; eorum sanè existentiam testantur sexcentæ ampliùs non fabulæ, sed verissimæ de Dæmonibus historiæ. Vanos autem illos vagulósque genios corporeos esse oportere, hoc est, vehiculis indui corporeis, ipse mihi videor satis suprâ demonstrâsse.

M m

IMMOR-

...the ...  
...the ...  
...the ...

ROMKI



# IMMORTALITAS ANIMÆ,

Quatenus ex Cognitione  
NATURÆ RATIONISQUE  
Lumine est Demonstrabilis.

Per *HENRICUM MORUM*  
Cantabrigiensem.

Pythag.

Πάντα τ' αἶρα ἔμπλεον εἰς ψυχῶν, καὶ τότ' αἰμονάς τε καὶ ἥρωας νομίζεσθαι.

Cardanus.

*Quid jucundius quàm scire quid simus, quid fuerimus, quid erimus; atque cum  
his etiam Divina atque suprema illa post obitum Mundique vicissitudines?*



*L O N D I N I,*  
Typis R. Norton, impensis J. Martyn & Gualt. Kettilby,  
M DC LXXIX.

INSTITUTIONS

AMERICAN

OF THE

NATIONAL

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE



Honoratissimo Domino, Domino

EDVARDO

Vicecomiti de

CONWAY & KILULTA,

Baroni RAGLEIÆ, &c.

Honoratissime Domine,



Vanquam me minimè latet, quanta tua sit ab omnibus hoc genus Interpellationibus averfatio (sive inde factum sit quòd Amplitudo tua assuetam studii eorum qui libros dedicant vanitatem in Patronos suos nimium prolixis Encomiis exornando & demerendo notaverit, talibusq; quæ illius merita quem laudaverint, immane quantum excedant, sive ex naturali quadam sit modestia, quæ nè justam quidem virtutum laudumq; tuarum commemorationem ferre potest, seu deniq; ex verissima sanè observatione, quòd admodum pauci scribantur Tractatus, qui quicquam amplius sunt quàm meræ Transcriptiones vel Collectiones ex aliis Authoribus, quorum Scripta Nomini ac Memoriae aliorum præclarorum Virorum jam diu defunctorum fuerint consecrata, adeò ut quodammodo mortuos expilent quòd spolia donave parent offerenda viventibus) nihil obstante tamen hac tuâ averfatione, aut quibuscunq; illius quas conjectare licuerit, rationibus, non potui me abstinere à præfenti hac Dedicatione.

Non tam profectò ut tuæ Amplitudini gratificer (quanquam id fateor, paulo inurbanius à me dictum) quàm ut animo obsequar meo. Quippe qui nullam majorem ulla in re voluptatem capio quàm in sensu & conscientia congruitatis & condecientiæ propriarum mearum Actionum; inter quas nullam reperio magis examussin justam ac decoram quàm hanc ipsam, quandoquidem tam multæ occurrunt Rationes quæ jus tibi peculiare atque titulum ad præfentis hujus Tractatûs Patrocinium dant. Nam ut taceam tuam in Philosophia peritiam sincerumq; Religionis sensum, quæ duæ tales sunt Animi dotes quæ rarò simul inveniuntur (præsertim in summi loci hominibus) & tamen sine quibus

res

res hujusmodi nec legi possint ulla cum voluptate, nec facile intelligi, sunt alia præterea magis peculiaria & quæ naturaliter me ad hunc quem feci delectum dirigunt & determinant.

Etenim sive multiplices Benevolentiae tuæ & conjunctissimorum tuorum, (Conjugis præsertim tuæ illustrissimæ omniq. virtute ornatissimæ, de qua nunquam sine admiratione cogito, nec mentionem facio sine summo honore) fructus quos percepi considero: sive primam occasionem mecum recolo cogitationes exercendi in hoc Argumento, quod tunc primum contigit, cum is honos mihi datus est ac voluptas ut Cartesii Tractatum de Passionibus in Horto Luxemburgensi ad fallendum tempus tecum legerem. (In quo Libro quanquam nihil occurrit quod non scitum sit & ingeniosum, universa tamen haud ita omni ex parte certa mihi videbantur ac solida, quin in rebus aliquibus præcipuis cogerer certitudinem istam quam illic expectabam proprio Marte, quoad potui, apud meipsum eruere) sive deniq. in memoriam revoco, amœnissimum illum Recessum quo Ragleiæ fruebar dum apud te manebam, perbenignam exceptionem à perfecto illo ac consummato verè nobilis ac Christianæ Heroinæ Exemplare, honoratissima Domina Matre tua, gratam silentis undiq. loci solemnitatem, umbrosa illa Ambulacra, illos Montes densaq. Nemora, in quibus postquam, quod sæpe solitus sum, reliqui Mundi aspectum perdidissem, Mundusq. Mei, in illa quidem recondita solitudine præcipua sequentis Tractatus Theoremata inveni; sive, inquam, universas hasce circumstantias simul considerabam, sive aliquas solas, non potui non censere eas plus satis momenti habere ad delectum meum determinandum ad tam dignum idoneumq. Patronum.

Nec potuerunt suprâ memoratæ considerationes me ab Instituto meo revellere, ut quæ ad præsentem causam non pertingerent. Etenim quantum ad me, tanto veritatis amore ducor tamq. exigua teneor admiratione vulgaris Eloquentiæ, ut nec ullius Mundani commodi præsagium efficere unquam potuerit ut me eò usq. demitterem ut meipsum Adulatoris agendi inustæ infamiæ aut suspicioni obnoxium redderem, aut plausus inanisq. gloriæ sensus & titillatio ut ventosum nomen Titulumve affectarem Oratoris. Adeò ut securâ esse potuerit Amplitudo tua quantum ad primum hoc periculum.

Et verò quantum ad secundum, quanquam fateor me animo minimè averso esse à veram delineando justamq. virtutum perfectionumq. tuarum adumbrationem, earum tamen dum magnitudinem

mecum



*mecum considerabam, meamq̃ ipsius in re Oratoria tenuitatem, nè in potestate profectò mea positum reperi, si voluissem, modestiam tuam hac in parte violare. Ac proinde id negotii calamo peritiori relinquere cogor, qui vel tuis ingratis justum hoc & tibi & toti Orbi præstet officium.*

*Deniq̃ quod ad scrupulum illum attinet, de furto sive sacri-legio quasi quodam pusillo aliquorum Plagiatorum, qui mortuorum videntur monumenta spoliare quò exornant viventes, id unicum est, quod sine omni vanitate profiteri possum, Illud quod tibi offero, meum omnino esse, hoc est, Inventionem, Applicationem, & Dispositionem Rationum Argumentorumq̃ in hoc Libro contentorum genuinos esse anxie meæ mentis ac cogitanda fructus, nulla scruta attrita, suffurata aut mutuata ab aliis Scriptoribus. Quæ autem sit veritas ac soliditas in meis Principiis & Ratiociniis, nimie profectò foret Arrogantiæ, si ipse prædefinirem. Istud relinquendum est judiciis talium liberorum perspicaciumq̃ Ingeniorum qualis es ipse tu. Apud quos si quod scripsi acceptum fuerit, censuramq̃ favorabilem obtinuerit, eò majori obligationi erit & animationi,*

*Dat. è Museo Cantabrigiæ,  
4. Kalend. April.  
Anno 1659.*

Honoratissime Domine,

Servo tuo humillimo

& addictissimo,

HENRICO MORO.





# P R Æ F A T I O A D L E C T O R E M.

I.



**U**rsus hic Tractatus magis liberè acceptèque per manus hominum transeat, sine omni offensione aut scrupulo bonis piisque, nullæve reali exceptione plausibilive Cavillo apud eos qui plus sibi tribuunt in Ratione ac Philosophia quàm Religione; operam dabo in hac Præfatione quò eos prævertam; in medium proferendo pleniusque explicando & dilucidando quicquid obnoxium existimaverim perversis eorum Interpretationibus & Obloquiis.

Titulus Dissertationis, quomodo intelligendus.

Et sanè haud satis securus sum quin ipse Dissertationis Titulus vel utrorumque reprehensionibus expositus pateat. Alterorum quidem, ut qui tam confidenter contraria conclusioni adherent, ac proinde securi sunt, quòd illud verum esse demonstrari nequeat quòd ipsi jamdudum judicaverant haud dignum quòd in rerum probabilitium numero recenseatur, immò verò fortean, nec possibile quidem: Alterorum verò, ut qui jam persuasi sunt de veritate nostræ Conclusionis ex aliis, iisque melioribus Principiis; quæ meliora non forent si naturale Rationis Lumen demonstrationem in hoc Argumento posset suppeditare. Ac propterea forsitan objecturi sunt, quòd tam ambitiosus Titulus cum summa illa Christianitatis Prærogativa, quæ vitam in lucem produxit & immortalitatem, videatur digladiari.

Sed à prioribus quæro, per quam facultatem tam firmiter persuasi sint, se totos esse mortales? Etenim nisi ridiculè se inspiratos volunt fingere, (cùm interim æquè parum ferè credant aut Deum esse aut Spiritum, atque se Animam habere Immortalem) aut ad Sensus experientiam provocandum est, aut ad Rationis perspicuitatem. Quorum prius impossibile est; quoniam audaculi hi Immortalitatis Animæ abnegatores nondum experti sunt ipsine post mortem subsistant necne. Quòd si nos credere volunt se ex principiis rationalibus hoc conclusisse, ipsos ausim appellare si fortiora ulla argumenta pro sua causa producere possunt quàm ego pro eis descripsi, & si non plenè ac fundamentaliter eis respondi. Si dixerint confidentiam suam ex infirmis ratiocinationibus adversæ partis proficisci; respondeo, iniquè temerèque ab eù factum esse (cùm ipsorum argumenta æquè imbecillia sint, quàm Adversariorum fingere possint) tam securos esse, veritatem è sua parte stare, potiùs quàm eorum. Hoc verò ad istiusmodi tantum hujus Causæ tractationes pertinere potest, quas ipsi jam viderint, & de eù sententiam tulerint. Id autem ad me nihil attinet qui nunquam putare potui me tutò firmitèque, nisi pedibus propriis, insistere. Hoc igitur tantum ab eù peto ut antè legant quòd scripsi, quàm sententiam velint de eo ferre. Et postquam perlegerint, si declarare volunt me causam quam suscepi non demonstrasse, par esse æquumque censeo, ut præcisè ostendant in qua parte, articuloque Demonstrationis tam infirmam deprehendant coherentiam, ut animentur ad dissentendum à Conclusionem.

Lib. 3. cap. 14.

Ad alteros verò majori cum modestia & submissione respondeo, Quòd Libri Titulus nullum necessariò tam plenè perfectèque Demonstrationis præmissum implicat, ut nihil addi possit ad confirmationem certitudinem veritatis; sed tantum quòd expectanda sit tam clara confirmatio, quàm Naturalis Ratio nobis suppeditet. Unde inferre potiùs deberent, me ulteriorem agnoscere magisque palpabilem evidentiam in Christiana Religione comprehendi, & magis intelligibilem & convincentem apud vulgus hominum, qui nec otium habent, nec ullam propensionem ad immiscendum se spinosisque & anxietatibus humana Rationis ac Philosophia. Eo autem argumento utendi occasionem sciens prudensque hoc tempore omisi, partim quòd destinasset uberiùs de eodifferere in Tractatu Mysteriorum Christianæ Religionis; & partim quòd præsentem Titulo planè esset incongruum, qui Materiam tractare profectur, intra limites tantummodo Luminis Naturalis nullà miraculosà Revelatione adjuti ac gubernati.

Lib. cap. 1. 2 & 3. lib. 6. cap. 11. sect. 13. & lib. 8. cap. 17.

Submissio toti-  
us Dissertatio-  
nis infallibili  
Regulæ sacræ  
Scripturæ.

2. Quod jucundum eis futurum est spectaculum qui Genium hujusmodi Contemplationibus aptum habent, & sine omni omnino periculo. Quippe quum semper memores sint vocem esse Rationis ac Naturæ (quæ cum corruptioni nimis obnoxia sint, merito in rebus aliquibus defectuose aut erroneæ censei possunt) ac proinde earum Dictatis & suggestionibus fidem nunquam habentes ubi cum Divinis Oraculis discrepant, necessario tulerunt ab omni seductione. Quanquam fateor, nihil est quod sciam, in hoc Tractatu à me affirmatum, quod eis ullo modo repugnet. Quod si meipso oculatior quispiam quicquam detexerit quod cum illa Regula minus consentiat, occasio profecto esse potest demissa gratitudinis erga Deum pro magno illo Privilegio, quod nobis nasci contigerit sub altiori exactiorique Luce: cujus beneficio, illi qui in eâ perfectius exercitati sunt, facultatem adipiscuntur rectificandi perinde quod perversum est, atque supplendi, in lumine Naturæ quod sit defectuosum. Quod utrumque à me liberè eis facere permittitur per totam subsequentem Dissertationem. Atque hoc sufficiat pro Defensione in genere. Verum nè quid heic desit, descendam porro ad Particularia quædam confirmanda, quotquot scilicet cujusquam momenti fuerint, ulterius dilucidare & confirmare.

Perspicua &  
compendiosa  
demonstratio,  
quod Materia  
constet ex par-  
tibus indiscer-  
pibilibus.

3. In Libro primo hæc duo tantum occurrunt, quantum ego quidem memini. Alterum de Centro Spiritus particularis, cujus Ideam descripsi & demonstravi esse possibilem. Alterum verò de Demonstratione, Quod impossibile sit ut Sol quicquam cernat super Terram, si omnino sit corporeus. In probando priore, non dubitabam asserere quod Materia constet ex partibus indiscerpibilibus, intelligendo per partes indiscerpibiles, particulas, quæ realem quidem habeant Extensionem, sed tam exiguam, ut minorem habere nequeant, & aliquid adhuc omnino esse, ac proinde nec actu dividi possint. Quam minutam extensionem, si lubet, Essentialem appellare potes (ut quæ talis sit ut sine ista ejus portione, ipsa essentia Materia nequeat conservari) quemadmodum & extensionem nullius Materie ex his composita, potes, si lubet, nuncupare Integrale, cum partes hujus Materie composita, actu ac reverà aliæ ab aliis possint separari. Asserit, fateor, non potest quin primâ specie videatur paradoxum, etiam ingratissimumque judicio prædictum. Veruntamen quod sunt istiusmodi indiscerpibiles particule in quas Materia sit divisibilis, tales utique quæ Essentialem habeant extensionem & partes tamen habeant prorsus inseparabiles, luculentè compendiosèque (præter illa quæ in ipso Tractatu attuli) per brevem hunc Syllogismum heic demonstrabo.

Illud quod actu divisibile est quousque actualis Divisio fieri potest, divisibile est in partes indiscerpibiles.

Sed Materia (Materiam Integrale intelligo sive Compositam) actu divisibilis est quousque actualis Divisio fieri potest.

Stultitiæ profecto heic esset, probationem aggredi aut Propositionis aut Assumptionis, cum utraq; tam manifeste sint, ut nulla communis notio apud Euclidem, in quam Demonstrationes Mathematicæ resolvuntur, sit manifestior.

Non potest igitur quin in confesso sit, Quod Materia ex particulis indiscerpibilibus consistit, quodque Physicè ac reverà non sit divisibilis in infinitum, quanquam partes quæ Indiscerpibilem particulam constituunt, reales sunt, sed divisibiles tantum intellectualiter, quippe quum de ipsa essentia cujusque sit quod existit, partes habere sive extensionem ad aliquam saltem mensuram. Omnem enim tollere extensionem est rem reducere ad punctum tantum Mathematicum, quod nihil amplius est quam pura Negatio sive Non-Entitas: cumque nullum medium sit inter Extensum & Non-Extensum, non magis quidem quam inter Entitatem & Non-Entitatem, manifestum est si res omnino sit, necesse esse ut sit extensa. Ac propterea Essentialis extensio est quæ ad hæc indiscerpibiles Materie particulas pertinet; quæ altera Proprietas est quam oportebat demonstrare.

Sat scio, effrenem Imaginationem miras heic Tragædias ac clamores contra conclusionem, excitaturam esse, tanquam impossibilem. Nam finita Extensio, inquiet illa, necessario habitura est figuram, & Figura extuberantiam partium ad ealem distantiam ut non possimus quin concipiamus adhuc actu divisibilem. Sed respondeo, Materia, postquam semel divisa sit quousque actu dividi possit, apertam esse contradictionem ut ulterius dividatur; quemadmodum etiam est, ut actu dividi nequeat, quousque actu queat dividi. Et nulla fortior Demonstratio quam hæc contra ipsos, contra nos afferri potest aut ab Imaginatione aut Ratione. Ac proinde supponendo nos in argumentationibus nostris esse omnino pares, satis hoc est quo palmam reportem, qui pro rei possibilitate tantum contendo. Nam si equè firmam Demonstrationem assero quod res sit, quam alter quilibet, quod non sit, nemo potest quin ex nostra parte pronunciet, rem esse possibilem.

Ceterum ut respondeamus suprâ allato argumento, quanquam illi nunquam poterunt respondere nostro; \* Dico indiscerpibiles istas Materie particulas, nullam omnino habere Figuram. Quemadmodum Magnitudo infinita nullam habet Figuram, ita etiam nec Infinita Parvitas.



Parvitas. Et Cubus infinitè parvus sensu maximè præciso, æquè aperta Contradictio est, atque Cubus infinitè magnus, in eodè sensu Infinitatis. Anguli enim æquales forent magnitudine Hedris ipsius. Præterea, viri quidem sapientes, de multis rebus certò persuasi sunt, in quibus tamen imaginatio eorum non potest quin ludos ipsis faciat; ut in Infinitate Durationis & \* Materie aut saltem Spatii. De cujus veritate quantumlibet certi sint, tamen si infinitam hanc Materiam, Spacium aut Durationem, ut divisam in tres putà æquales partes considerant ( quarum singulas infinitas esse oportet, cum totum alias non foret infinitum ) media cujusque pars, & infinita videbitur & finita, quippe ex utraque parte terminata. Ceterum unaquaque res duas ansas habet, ut notat Epictetus, & Fatuus planè est qui digitos urit admovendo anse ignita, cum alteram prensare possit quæ magis frigida est & tractabilis.

4. Quantum ad Demonstrationem meam, Quod impossibile sit ut Sol ceu Spectator, rebus particularibus in Terra gestis superintendat, unica hac adversus eam sit Obiectio. Quod tamen si Sol quidem propter magnam illius distantiam nullas res particulares in Terra cernere valeret si semper in illa ordinaria figura contineretur, in qua si sensu destitutus esset, semper eum supponeremus contineri; cum tamen vitam habeat ac perceptionem, potest aliquam sui corporis partem ( ut nos oculum contrahendo ac dilatando pupillam ejus ) in tam commodam figuram mutare, ut effecturus sit, ut tanta sibi Terra, quantam ipse volet, appareat.

Responsio ad Objectionem contra suam Demonstrationem, Quod Sol rebus terrestribus non superintendat.

Quamquam aliqui procliviores hęc essent ad ridendum, quàm ad respondendum commentato tam inopinato atque absono, quod Solem supponit nictantem & tam curiosè subinde tanquam per Telescopium in res nostras inspectantem; cum tamen per modum argumentationis affertur, negotium mihi facessam ei serium reddendi Responsum.

Primum, Quod Obiectio hac nullam omnino vim habere potest, nisi corpus Solis, nostri instar, esset organicum, cum nihil aliud revera sit quàm fluida Lux. Adèd ut nisi substantiam spirituales in se habeat, cujus lux hæc tantummodo vehiculum esset, arbitraria hæc fluide hujus Materie figuratio effici non possit. Concedere autem ullam talem esse in Sole substantiam incorpoream, est planè ultrò mihi id largiri, pro quo tantopere contendo, Esse scilicet substantias immateriales in Universo.

Quod autem nullum tale Divinum ei insit Principium quo aut nos cernere queat, aut productionem moliri ullius Apparitionis in Terra per operationem illius Spiritus in eo, nostri cujusquam gratiâ, manifestum est ex spuma maculisque quæ in eo jacent. Quod æquè validum argumentum est quod nulla talis ei insit Divinitas qualem quidam illi attribuunt, (ut Pomponatius, Cardanus, Vaninus, & alii) atque sterus Noctuarum atque Passerum, quod reperitur super facies humerosque Idolorum in Templis, manifestum indicium est eas Imagines inanimas esse, non veras Deitates.

Denique, quamquam Solem supponeremus particularem in se habere sentientem intelligentemque Spiritum, Telluris tamen vastæ ab ipso distantia, spissitudinisque Atmosphæra, cum aliis quæ in ipso Tractatu jam memoravi incommodis, consideratio, incredibile planè facit ut corpus suum in ullam Figuram tam exquisitam formare queat, ut has insuperabiles difficultates compenses.

5. In secundo Libro, prima obiectio est contra Axioma vicesimum, quod aiunt me non demonstrasse, sed Hobbii duntaxat testimonium attulisse quo confirmetur, quod igitur idoneum me tantum reddit ad disputandum cum eo ex suis ipsius Principiis, quæ alii ad se nihil attingere existimabunt. Verum respondeo primò, Ad omnes suos sectatores attingere perinde atque ad ipsum; adèd ut minimè contemnenda victoria sit, contra omnes illos adèd confidentes substantiarum Immaterialium exploratores demonstrasse, quod vel propria ipsorum principia quæ agnoscunt, necessariò earum existentiam inserunt in Universo. Verum in secundo loco, Non difficile eris irrefragabilia producere argumenta ad evincendam veritatem suprâ dicti Axiomatis, Quod Sensus nempe & perceptio in Materia, supposito nihil præter Materiæ in Mundo existere, idem est realiter quod corporeus Motus & Reactio.

Hobbiana opinionis confirmatio, Quod perceptio realiter idem est quod Corporeus Motus & Reactio, si nihil præter Materiam in Mundo existit.

Manifestum enim est in Sensatione, cum semper externus motus sit ab Objectis quando sensus nostri afficiuntur. Quodque interna Cogitatio sic perficitur, ex calore patet quem qui attentius cogitant, in seipsis excitant. Quamobrem omnem cogitationem universim, aliquis motus corporeus comitatur. Et si nihil præter corpus materiæve sit in Universo, ipsa cogitatio realiter idem est quod motus corporeus.

Præterea, quemadmodum in sensatione, Motus corporeus prior est, & perceptio sequitur; ita necessarium est, ut universim in omnibus internis etiam Cogitationibus certi quidam motus corporei immediatè precedant istas perceptiones, quamquam admitteremus Materiam à seipsa moveri. Nullus enim sensus indè oriretur, sine resistantia alterius alicujus in quod alterum quasi impingat. Adèd ut vel subtilissima Materia, nisi in ea resistantia sit in eamque impressio, non magis capax esset cogitationis, quàm Rhombus plumbeus Lingulæve aurea. Ac proinde modò fateri velimus ( quod nemo nisi mente captus unquam est negaturus )

rus) quòd Rhombus plumbeus Lingulæve aurea nullam omnino habet cogitationem aut perceptionem sine aliquo ictu aut allisione pro illorum magnitudine & soliditate, subtilissima Materia similiter necessario nullam habet, sine aliqua proportionali impressione aut resistantia. Unde manifestum est, quòd corporea Re-actio sive Collisio præcedit Perceptionem, quòdque omnis Perceptio, quasi tactus quidam est seu palpatio, quæ tamdiu durat quamdiu durat Resistentia hæc motusve Impressio; illa verò cessante extinguitur, Materiâ evadente aquæ stupida atque Rhombus plumbeus. Quòdque proinde quemadmodum in genere semper motus corporeus est, ubi est cogitatio, ita diversificatio motus hujus & collisionis cogitationum diversificationem parit, atque sic quasi junctis manibus unâ perpetuò incedunt, altero nunquam introducto sine ductu alterius, nec duranti diutius quàm alterum durat. Verùm prout calor deperditur (qui haud mediocrem supponit alicujus admodum subtilis Materiae motum sive agitationem) ita Intellectus noster & Imaginatio languescunt, ipsique Sensus deficiunt, ut qui moveri nequeant ab impressione externorum Objectorum, aut in debito liquiditatis & agilitatis gradu non constituentur, ac proinde corpora in morte aquæ insensilia evadunt, atque massa lutea.

Omnis igitur Sensatio & Perceptio revera idem est quod Motus & Re-actio Materiae, si nihil sit præter Materiam in Universo.

Et quòd unaquæque pars Materiae percipere debet prout ipsa omnino movetur, sive à se ipsa (si id possibile sit) sive per corpoream impressionem ab aliis partibus, ex eo manifestum est, quòd Materia nullos subtiles habet radios ullamve vim sive effluxum extra se emanantem, instar specierum, quas Schola vocant, Intentionalium, nec ullam magis Mysticam unionem, quàm simplicem partium Juxta-positionem.

Hinc enim manifestum est nullam esse posse communicationem ullius Impressionis quam una pars Materiae receperit quæve affecta sit ab altera, ad distantiam, quin fieri oporteat per pulsam obtusionemve partium interjacentium. Adèò ut undiquæque Motus corporeus & Re-actio cum sufficienti tenuitate partium debitæque duratione, agnoscenda sit causa adæquata omnis perceptionis, si nihil sit præter Materiam in Universo. Hoc sufficere censeo ad persuadendum quemlibet a quo judicio hominem de veritate hujus partis Assertionis Hobbiana, si ipse alteram partem possit evincere, Quòd nihil in rerum Natura existit quod non sit purè corporeum. Cæterum ex priori parte quod confessum illius Principium est, irrefragabiliter demonstravi, Quòd aliquod sit.

Apologia pro  
Vehiculis Dæ-  
monum & Ani-  
marum separa-  
tarum.

6. Altera Objectio est contra opinionem quam amplecti videor de Vehiculis Dæmonum & Animarum separatarum, ac si heic contra Scholarum Authoritatem peccaverim. Atque hoc profectò totum est prorsus, quantum ego augurari possum, quod objicere queunt adversus hanc meam Assertionem. Meminisse verò possunt, si volunt, Scholas adversus antiquiorem seipsis peccasse Authoritatem; hoc est, adversus Pythagoreos, Platonicos, Judæorum Doctores, antiquosque Ecclesiæ Patres, qui omnes tenent vel purissimos Angelos Vehicula habere corporea. Difficile autem erit Scholis, ullam antiquam Authoritatem pro sua opinione proferre. \* Aristoteles enim magnum eorum oraculum in hac materia prorsus silet, ut qui nè credit quidem existentiam Dæmonum in Mundo (quemadmodum Pomponatius & Vaninus jurati illius Discipuli cum egregia animi satisfactione notarunt: ) Ac propterea jejuni suis aridisque subtilitatibus relictis, omnes Essentias Intellectuales, quæ non sint crasse terrestres, ut Homo, fecerunt purè Imateriales. Quo pacto admodum horrendum Chasma Hiatusve faciunt in rerum Ordine, qualem nullum moderatum Judicium unquam approbaturum est, & Atheisticorum Ingeniorum telis se obnoxios reddiderunt, qui satis periti ac parati sunt ad absurdas deducendum consequentias quæ in falsis suppositionibus latent, quod & Vaninus facit in hac. Colligit enim, nec id stolidè quidem, ex supposita pura Dæmonum Immaterialitate, quòd nullam notitiam habent ullarum particularium rerum in Terris; \* cum Essentia tam purè Incorporea, Impressionis ab objectis corporeis omnino sint incapaces, ac proinde nec speciem ullius rei corporeæ particularis in sua mente habeant. Unde concludit omnes Apparitiones, Vaticinia, Prodigia, & quicquid miraculosum in antiqua Historia memoratur, hisce attribuendum non esse sed Influentiis Stellarum, adeoque nec ullos quidem Dæmonas Angelosve in rerum Natura existere.

Quo ratiocinandi modo facile est etiam Psychopannychitis suam opinionem de Anima somno defendere. Anima enim cum ab omni prorsus rescindatur quod est corporeum, nullamque omnino cum eo habeat unionem vitalem, proclives erunt ad inferendum, impossibile esse ut quicquam cognoscat ad extrà, quinimò fortean ut vel dormiat. Fieri enim posse ut nè illa quidem facultas ei competat in tali statu quippe quum adèò essentiali habeat aptitudinem ad vitalem unionem cum Materia. Tanti momenti est aliquando Scholarum opinionem deferere, quando aliquid nobis se offert magis tutum, magis utile, magisque rationi consentaneum.



7. Ha sunt præcipue Objectiones quibus primus secundusque Liber videntur expositi. Ultimum non possum quin suspicer magis esse obnoxium. Maxime communem verò Objectionem prævideo fore, Quod tantum mihi assumpsi ut statum Mundi alterius tam accuratè ac particulariter describerem, ac si nuper ipse revera illic fuisset. Nimis exquisita enim rei tractanda ratio, artem videri potest olere atque fraudem. Atque equidem ut diffidentia sæpenumero in nobis oboritur quando audimus aliquid quod efflictim cupimus sic contigisse, quippe quòd tum maxime proclives sumus ad cogitandum latius esse Nuncium quam ut sit verum; ità etiam in Notionibus, quæ nimis accuratè videntur facultatibus nostris Intellectualibus adaptari, maximeque naturaliter cum eis consentiunt, sæpe \* proxi sumus ad suspicandum eas faciliores esse quam ut sint veræ, præsertim in rebus quæ primò nobis videbantur admodum obscuræ & intricatæ. Quam ob causam valdè verisimile est, quòd Notio Spiritus particularis, quam adèò accuratè descripsi in || Libro primo, minùs probabilis quibusdam videatur, \* quoniam tam clarè jam fit intelligibilis, quippe qui omnino incredibile putant eas res quæ semper habitæ sunt adèò perplexæ & inextricabiles, tam derepente manifestæ fiant ac familiares cuilibet, qui vel mediocrem patientiam habet, & intelligentiam ad examinandum Theorema.

Uti & quòd tam accuratè statum alterius Vitæ descripsit rit tamq; curiosè definiverit particularis Spiritus naturam.

Cap. 5. 67.

Quod ad me verò attinet, non tantum mihi assumam ut absolutè affirmem Indiscerpibilitatem Spiritus eà ratione oriri, quam ipse descripsi, hoc est, Deum Spiritum particularem omnino sic fecisse quemadmodum ego delineavi. Illius enim sapientia infinita est. Ac proinde impia profectò audaciæ foret cum ad unam certam rationem formandæ naturæ rei restringere, hoc est, talia ei inserendæ Attributa quæ ipsi sint essentialia, uti Indiscerpibilitas est Animæ humanæ. Veruntamen dixisse tantum in genere, possibile esse ut particularis sit Essentia ex immediata sua natura penetrabilis & indiscerpibilis, modum autem particulatim non descripsisse quo sic fiat, leve aliquibus videri poterat nec satùs solidum, Dolo latente in universalibus, ut habet Proverbium. Ac proinde ad plenioris partis adversæ convictionem opera pretium censui accuratam aggredi descriptionem unius alicujus modi quo Anima Hominis aut Daemonis concipi possit necessariò indiscerpibilis licet dilatabilis, non admodum interim sollicitus eo omnino modo fiat necne, & tamen satùs certò persuasus aut eo modo fieri aut alio aliquo meliori. Verùm unus hic rem ostendit possibilem in genere (ut vile illud Indorum Navigium Canoa dictum possibilitatem probare potuit Navigationis.) Atque id omnino erat quòd me collineare oportebat illo in loco; nisi quòd & studio quodam tenebar honoris tuendæ Platoniorum, quorum imaginativa Præagia sæpe expertus sum fidelem habere congruentiam cum severissima Ratione. Speròque me hic demonstrasse Imaginationem eorum à Ratione minimè alienam esse, ubi tam frequenter Formam sive Spiritum cum radiantem Luce comparant.

Sic in describendo statum Mundi alterius, equidem haud ità sollicitus sum eòne planè modos sint quo ipse descripsi; sed quia aliqui homines, quia nullam particularem conceptum formare possunt de socialitatibus & solennitatibus Aereorum istorum Incolarum, quales sint, quomodo ve tempus transigant, cum multis aliis difficultatibus, quibus hæc Speculatio involvitur, omnem omnino rei adimunt fidem, magnum profectò putavi habiturum momentum ad amoliendam hanc Objectionem adversus Vitam futuram (Neminem scilicet concipere posse qualis sit, ac propterea omnino non esse, quæ vulgaris etiam contra existentiam omnium Substantiarum Incorporarum est Objectio) si accuratam rationalemque Descriptionem hujus futuri statùs conficerem. Quam orbi literato tanquam intelligibilem Hypothesin exhibeo, talèque quæ probabiliter existere possit, etiam secundum propriarum nostrarum facultatum dictamina, certò interim persuasus, quòd res aut sic sunt, aut meliori & accuratiori ordine. Sed, quod dixi, viam aliquam particularem probabilem proponere haud mediocrem vim habiturum esse existimaui apud eos, qui hisce rebus omnibus omnem omnino fidem abrogant, ob eam potissimum rationem quòd tales sunt, de quibus nulla humano Intellectui fieri possit rationalis Representatio.

8. Cæterum sunt & Objectiones particulares. Quarum prima fit adversus Elysia nostra Aerea & Ætherea, quæ profectò, quò contumeliam reddant argutiorè, cum Mahometana Paradiso comparant. Verùm, præterquam quòd in ipso loco ubi hisce de rebus tracto, post eorum descriptionem, proprium suspendo assensum; nihil in illorum descriptione obfertur, quòd, si assensus ei præberetur, vel purissimum defæcatissimūque Animum non deceret. Nihil enim magis certum est, quam quòd Amor Dei & Proximi summa Fælicitas sit quòd pervenire possumus, aut in hac Vita aut in futura. Et quæcunque illic describuntur, aut causæ sunt aut effecta aut concomitantia nobilis illius ac Divinæ Passionis. Nec Externa illorum incitamenta quæ illic commemoro, jure censeri possunt Sensualia, sed Intellectualia. Nam & talis est etiam sensibilis Pulchritudo, sive ostendat se in vultus corporisque lineamentis, sive in concentu Musico aut quibuscunque gratis gestibus, venustisque ac decoris actionibus, quemadmodum rectè definivit Plotinus. Atque ea quidem res

Elysia quæ describit non omnino sensualia esse sed Divina.

quæ

que propriè Intellectuales non sunt, putà Odores & Sapores, talis tamen illinc transfundi potest Spiritus in horum Aereorum Incolarum Vehicula, qui modo extraordinario Intellectuales facultates in actum possit excitare. Quod si qui observaverit, ut cogitationes nostræ & Inclinationes, immediatè à certa quadam subtili materia in corporibus dependant, non dubitabit statim agnoscere esse verum. Ac propterea cuicunque Elysia nostra temerariis videantur & iudicio destitutis, nihil aliud reverà sunt, quàm puræ Paradisi Voluptatis Intellectualis, quum Divinus Amor & Immaculata Amicitia istorum locorum solæ deliciae sint.

Quod statum  
Impiorum  
nimis tolerabi-  
lem eis non fe-  
cit, in Mundo  
altero.

9. Proxima objectio est de Statu impiorum, ac sic eorum conditionem nimis tolerabilem eis fecissem, in Mundo altero. Sed ab hoc errore quilibet arceri posset, si considerare vellet, me Conscientiæ Equuleum fecisse, morte perpetuo-repetitâ deteriorem. Quod nimis quàm credibile est illic eventurum, quum experimur quantum dolorem Passiones excitent etiam in hac Vita: Tyranni Siculi magis exquisitum Tormentum non invenere. Et quantum ad istas Animas quæ omnem Conscientiæ sensum perdididerint, si quæ sint tales, alia supplicia illis assignavi, quæ omnino sunt corporea, pauloque quidem mistiora igne magni illius Inferni, quod Propheta comminatur tanquam portionem Diabolorum Hominumque damnatorum in Die novissimo. Quotamen neque tunc nec antè excruciarì possent (si ad Humanam Rationem provocamus, quam solam in hoc Tractatu appellamus Iudicem) nisi cum Vehiculis corporeis vitaliter unirentur.

Unam univer-  
salem Animam  
non esse quæ  
audit, videt &  
ratiocinatur in  
singulis Homi-  
nibus ex opera-  
tionibus Memo-  
riæ, de-  
monstratum.  
Lib. 3. cap.  
16.  
Cap. 16. sect.  
4.

10. Duæ postremae Objectiones sunt, altera de Anima Mundi, altera de Spiritu Natura. Prima fit contra nostram nimis favorabilem Opinionis eorum Representationem quæ unam tantum Animam faciunt in toto Universo, eandemque Sensu, Ratione & Intellectu imbuunt. Quam Animam in omnibus operari volunt Animantibus, Daemonibus ipsis non exceptis. In quibus omnibus, aiunt illi, una est eademque universalis Anima, quæ audit, videt, ratiocinatur, intelligit, &c. Hanc Opinionem credo me in Libro hoc tertio sive ultimo æquè solide || confutasse, atque ullus unus error confutari potest in universa Naturali Philosophia. Atque ea quidem || favorabilis Representatio quam de ea feci, id in se habet, quo, nisi quis nimis omisso sit animo & oscitanti, facile demonstrare possit suppositionis falsitatem. Quanquam enim satis facile imaginari possumus, si corpus non mutetur, Animæque Universi eadem prorsus sit ubique, licet quis locum mutet & in alteram Animam Mundi partem recedat, eum easdem Opiniones, Imaginationes & Ratiocinationes retinere posse, quatenus quidem à Memoria non dependant (cùm universalis hac Anima in eadem cogitationes ex occasionibus eisdem seipsam excitet) Memoria tamen sive Reminiscencia illi parti competere non potest quæ Perceptionem antea non habuerit illius rei quæ revocatur in Memoriam. Necessario enim in Memoria comprehenditur sensus sive perceptio quod percepti, onem habuimus sive sensum antecedentem illius rei, quam nos reminisci sentimus.

Lib. 3. cap. 16.  
sect. 2.

Ut breviter igitur agam atque hanc opinionem uno quasi ictu conficiam; Qui dicunt unam tantum Animam esse in Universo, cujus perceptiva facultas est ubique, necessario debent asserere, aut, quicquid una illius pars percipit, reliquas omnes percipere, aut Perceptiones in Daemonibus, Hominibus ac Brutiis ad illam partem huius Anima quæ in ipsis est, dum hoc vel illud percipiunt, restringi. Si prius, sensus ipse & experientia eos confutat. Quanquam enim omnia Animalia macerata quasi jacent in subtili illa Materia, quæ pervadit omnia, quæque immediatum Instrumentum est sensus & perceptionis; nos tamen cogitationum mutuo alii aliorum non sumus conscii, nec dolores invicem aliorum alii persentiscimus, nec dolores ac voluptates brutorum, quando vel summo gradu eis afficiuntur. Nec Dæmones quidem mutuos persentiscunt affectus, mutuove alter alterius necessario assentiuntur opinionibus, quamvis Vehicula eorum admodum pervia sint; alioquin omnes forent Avenroistæ, perinde atque illi qui Facio Cardano apparuerunt, supposito quod aliqui essent. Quamobrem universim concludere possumus, si esset istiusmodi universalis Anima, quod particulares tamen illius Perceptiones, ad hanc vel illam partem in qua fiunt, restringerentur: Quod tamen unitati Anima adversatur, quemadmodum jam monui suo in loco.

Sed rem admittamus (nam & demonstravimus sic esse, si talis utique universalis sit Anima, & nulla alia præterea) tunc insignis illa Absurditas si ingeret, de qua antè monui, Quod scilicet illa pars Anima Mundi quæ rem nunquam perceperat, eam nihilominus reminiscetur, hoc est, percipiet se id percepisse, quod tamen nunquam perceperat. Et certum tamen est, quempiam in Aurea putà Cherfoneo Conterraneum illuc appellentem quem ante viginti annos non viderat, statim reminisci posse. Quinimò, quod magis ad rem facit, Telluris motu supposito, quod jam scribo, Terrâ versante in principio Arietis, reminiscar me scripsisse cum fuerit in principio Libræ, quanquam illa pars Anima Mundi quod corpus meum tunc possessura est, duplo distantior erit ab illa parte quæ manum meam nunc regit scribentem, quàm Terra à Sole.

Nec



Nec potest hujus Demonstrationis perspicuitas ullâ qualicunque evasione eludi. Nam primum si admitteremus certas quasdam Notas in Cerebro signatas esse, dum videmus vel consideramus aliquod Objectum, quibus Anima memoriam illius sibi profundius imprimeret; reminiscendi inde vis in hoc omnino consisteret, quod Cogitationem sive Representationem cum tali Impressura sive Nota semel junxisset, alioqui nihil valeret. Quamobrem Anima Mundi in B putà cum talem Representationem cum tali Nota in Cerebro non junxerit quemadmodum fecit in A, nihil hinc potest reminisci. Neque enim omnino concipi potest quâ Figuratio ulla motusve qualiscunque in Cerebro representare possit Animæ perceptionem tanquam antehac perceptam, si ipsa Anima nunquam antehac ullam talem perceptionem habuerit. Etenim nulla Basis esse potest actui huic reflexivo & comparativo præterquam antecedens perceptio illius cujus adhuc Anima sit conscia, cujus conscia esse non potest, si nunquam illud perceperit. Unde manifestum est, has, quæ supponuntur, Notas nullam in se vim habere ad imponendum Animæ Mundi in B ita ut credat se perceptionem rei habuisse, cum revera eam nunquam percepisset.

Præterea, Admodum evidens est, reminiscendi vim in istiusmodi Notis vel Figuris in Cerebro, ullâve vibratione aut motu illic permanente, nequaquam consistere, quemadmodum abunde probavi in sequenti || Tractatu. Quod ulteriorem fidem facit, Memoriam in ipsa Anima esse totam, eamque solum esse Repositorium omnium Perceptionum quas habuerit, ac proinde Animam Mundi non posse percipere se rem percepisse, quam nunquam tamen percepit.

|| Lib. 2. cap. 5.  
sect. 7. & cap.  
11. sect. 4, 5, 6.

Est tertio ac ultimò, Hinc etiam manifestum est, (à Memoria nempe in ipsa tantum Anima residente, quippe quæ in hac ut in reliquis suis functionibus, virtute debiti tenoris Spirituum, idoneique Cerebri temperamenti operatur) corpore locum mutante ab A ad B, quod illa Animæ Mundi pars in eo ad B memoriam habebit rerum quæ nunquam percepta sint in A, & obliviscetur, vel potius nullam habebit notitiam earum rerum quas Anima illic percepit; quodque propterea mutando locum fortè fieri potest ut momento quissiam præstantissimus evadat Medicus, Mathematicus, &c. aut derepente stupidus fiat laïota, suamque omnem perdat eruditionem; quod è duobus verisimilius est. Fructus enim illius Meditationis atque studii statim percunt, postquam corpus illam Animæ Mundi partem quæ bonis artibus ac meditationi sedulam dedit operam, semel reliquerit. Adèd impossibile est, quin unusquisque particularem animam habeat de suo.

Nec potest Erroris hujus in Anima Mundi, quo percipit se percepisse quod nunquam percepit, possibilitas argui, ex adhaerentia perpetui illius, ut censetur, erroris in externis nostris sensibus, Quod scilicet dolorem sentimus in digito putà, aut albedinem in Pariete, cum nec albedo in uno sit nec in altero dolor, sed tantum in Communi nostro Percipiente, quod intra Cerebrum clauditur. Manifestum enim est, si hic error sit, illius conspicuum esse ac necessarium Fundamentum.

Etenim, quemadmodum quando baculum in humum protrudimus, differentes necessariò sensationes percipimus, aliam quando in sabulum, aliam quando in lapidem, & aliam denique quando in Lutum limumve, easdemque ad Baculi distantiam persentimus: Ità etiam fit in coloribus, cum Medium, Objectum inter & Oculum, instar baculi sit, varietasque ad extremitatem Baculi instar varietatis colorum; cujus in varietate superficierum Objectorum necessaria est Causalitas, quam Commune Percipiens necessariò percipit, & ad talem distantiam ad quam Medium determinet, quemadmodum antè factum est in longitudine Baculi. Adèd ut tales percipere differentias ad eam distantiam quâ sunt, quâque causaliter existunt, non tam error est quàm veritas. Eademque ratio est in titillationibus & puncturis, in quavis corporis parte. Verum enim est quod illa differentia causaliter illic existunt, ac proinde quod Perceptio nostra illuc merito deferatur. Illic enim est illa asperitas & incongruitas Naturæ quam Anima sine aspera ac dolorosa perceptione sentire non potest, non solum propter suum incommodum, vitalèque cum corpore unionem, sed etiam propter specialem naturam ipsius Perceptionis.

Adèd ut paulo durior mihi videatur Censura, in hisce Perceptionibus Animam dicere errare: Et sanè si aliquo modo erret, causam tamen necessariam & determinatam, eamque valde palpabilem valdeque intelligibilem hic possumus investigare. Quantum verò ad hunc Erroris Animæ Mundi, quæ percipit putà in B se percepisse id quod tamen nunquam percepit, res omnino alia est, integerque Error ac apertus, cujus nulla fingi causa potest quæ ipsam in eum inducat. Unde planè sequitur ipsam in eum nunquam induci. Ac proinde reflexivus Actus Memoria, qui nos tam firmiter persuasos reddit de antecedente Perceptione (nullâ aliâ facultate ullam habente vim aut pretextum demonstrandi quicquam in contrarium) necessariò arguit unumquemque hominem Particularem Animam habere de suo, talemque universalem Animam qualem fingunt Avenroistæ, omnia Phenomena non posse solvere.

Et

Et tamen non dubito affirmare, vesanam hanc opinionem facilius defendi posse quam eorum, qui nihil præter Materiam in Universo esse statuunt. Verum operæ pretium esse duxi, omni studio & diligentia utrasque confutare, cum tolerabilior earum non sit nisi argutius quoddam Atheismi genus, quod ad subversionem tendit omnium Fundamentorum Religionis ac Pietatis apud Homines.

De Spiritu  
Naturæ, quod  
nec obscurum  
Principium sit  
nec intempesti-  
vè introdu-  
ctum.

II. Quod ad Spiritum Naturæ attinet, potissima Objectiones sunt, quod obscurum introduxerim Principium, quod Ignorantia & Pigrities se recipiant tanquam ad Asylum, atque sic enervaverim laxaverimve niles curiosorum Ingeniorum conatus & expectatum impedi verim progressum qui fieri possit in Mechanica Philosophia; idque, ad maiorem criminis exaggerationem, antequam sufficiens factum sit scrutinium, quid Mechanica potentia Materie efficere possint. Etenim quæ solutiones Mechanica præsentem fugerint antecedentēve ætates, quidni succedentes in eas incidant? ac proinde intempestivum adhuc esse ullum tale introducere Principium in Naturalem Philosophiam.

Lib. 3. cap.  
12.

Ad quæ respondeo, Principium de quo loquimur nec obscurum esse nec intempestivum, nec tam à me introductum, quam mihi ipsi obtrusum inevitabili evidentiâ Rationis. Quod obscurum Principium non sit, clara illa ejus descriptio quam in hoc Tractatu dedi, satis probabit. Contra quam nulla, quod sciam, fingi potest Exceptio, nisi fortè cuipiam durum videri possit, ut Substantia omni sensu ac perceptione destituta, ac proinde omnis præmeditati artificii incapax, idonea supponeretur ad formandam Materiam in tam exquisitas Organizationes. Hæc verò nemini ulla difficultas videri potest qui satis consideraverit, quod Phantasma est Animæ nostræ, id Plasma esse sive Fabricam in Spiritu Naturæ: Et quemadmodum nostrorum || Spirituum tenor (qui nihil sunt quam Materia quadam subtilis) efficit ut Anima immediatè se exerat in hanc vel illam Imaginationem nullâ cognitione aut præmeditatione intercedente; ita certam aliquam præparationem sive prædispositionem Materia Mundana, efficere posse ut Spiritus Naturæ hoc vel illud fabricationis sive organizationis genus moliat, nullâ perceptione aut consultatione interpositâ.

|| Vide Anti-  
dot. lib. 2. cap.  
10. sect. 12.

Qui prætendunt introductionem hujus Principii esse intempestivam, quæro ex eis quandonam ipsi sensuri sint tempestivam fore? Simplex enim Præsumptio, quod, licet omnes Mechanica solutiones quorundam Phenomenon, quæ hætenus oblata sint Orbi literato, demonstrari possint falsæ esse, futura tamen Ætates in eas incidere possunt quæ sint vera, apud homines cordatos nihil aliud censeretur potest quam pudendum timidarum Animarum subterfugium quæ admodum agrè pati possunt, ut ulla tam terrificæ Notio quam Immaterialis sive Spiritualis Substantia introducatur in rerum Naturam, verentes scilicet nè proximus gradus qui faciendus est, aperta sit agnitio Dei, à quo se abscondere tantopere satagunt, misero hoc obtentu & precario. Dico autem, si Introductio hujus Principii nunc tempestiva non sit, eam nunquam tempestivam fore. Mirabilem enim illum Magistrum Mechanicum Cartesium, ausim affirmare, viam hanc ad summum perduxisse quod humanum Ingenium pertingere potest, in eis quidem Phenomenis quorum causas conatus est explicare. Ut verò multis in locis scopo suo exciderit, tum in supra dicto Capite tum in sequenti, ut & alibi, expressè notavi. Instantiam hæc dabo tantum in Phænomeno Gravitatis, in quo credo me perfectè demonstrasse & ipsum & Hobbium toto cælo errare, causasque quas assignant esse planè falsas. Quod autem aliorum opiniones qui hanc viam sectantur, non commemoraverim, id solummodo in causa erat, quod eas minoris momenti putarem.

Illius Existenti-  
æ se absolu-  
tè demonstrasse.

12. Verum dices, quamvis hi omnes erraverint, non sequi tamen, quin tam felicia Ingenia in posterum suppullulascere possint, ut veram hujus Problematis solutionem Mechanicam sint reddituri. Sed respondeo, Me non tantum eorum rationes confutasse, sed etiam à Principiis Mechanicis in confesso apud omnes & per experientiam confirmatis demonstrasse, descensum, putà Lapidis aut globi plumbei, alijsve cujusvis corporis gravis, legibus Mechanicis enormiter contrariari, eaque secundum illas, necessario, si soluta jaceant, à Terra recessura esse, & ex conspectu nostro ablatum iri in extremas Aeris partes, nisi vis aliqua Mechanicæ major motum inhiberet, & deorsum terram versùs retraheret. Aded ut manifestum sit, nos haud arbitrariò Principium introduxisse, sed obtrusum nobis potius esse per irrefragabilem Demonstrationis Evidentiam. Cui assensum suspendere donec Ætates ventura Mechanicam Philosophiam ad altiorum gradum provexerint, æquè ridiculum est ac de veritate unius alicujus perspicuæ facilisque Demonstrationis in primo libri Euclidis dubitare, donec immensum studiorum Mathematicorum campum totum peragraverimus.

Nihil opus esse  
ut hujus Prin-  
cipii admissio  
Philosophiæ  
Mechanicæ  
progressum  
impediat.

13. Nec denique quicquam opus est, ut hujus Principii admissio, conatus nostros in scrutandis Mechanicis Phenomenon Naturæ causis, uspiam sufflaminet, sed circumspectos nos potius reddat in distinguendo \* quid merarum Potentiarum Mechanicarum Materia atque Motus effectum sit, & quid altioris alicujus Principii. Etenim, proculdubio secunda hæc Præsumptio in aliquibus, Quod nihil in verum Naturæ existit præter Materiam, ipsos animavit ad amplectendas venditandasque solutiones Mechanicas ubi nullum habebant locum, quippe



quippe tam firmiter persuasos nullas solutiones nisi ex hoc genere, obtineri eruiſſe poſſe.

14. Ut omittam Rationi ac Religioni deditos duplicem comitari voluptatem, quæ eos in hac Philoſophandi methodo proleſcet atque provehat: Alteram, ex obſervatione quonſque in re quaque Mechanicarum Cauſarum Concatenatio pertingat, quod mirificè gratificaturum eſt Rationi eorum; Alteram, à diſtincta deprehensione, ubi neceſſe ſit abrumpi, ut quæ ſolæ non valeant totum exhaurire effectum: Quod neceſſariò eos ducet ad magis confirmatam detectionem illius Principii pro quo nos contendimus, Spiritus ſcilicet Naturæ, qui Dei Potentiâ Vitariâ eſt in Materiam, \* primuſque gradus ad maximè abſtruſa Myſteriâ in Naturali Theologia; quod neceſſariò ſummopere eis gratificaturum eſt in rebus Religionis.

Magna voluptas iſtius ſtudiî piis ac rationi deditis.

15. Atque ob hanc proſectò cauſam, maximè ſobrium exiſtimo ac fideliffimum conſilium quod cum Chriſtiano orbe communicari poteſt, \* ut Cartefii Lectionem in omnibus Scholis publicis ſive Academiis commendarent; Ut Studentes in Philoſophia penitiſſimè gnari ſint juſtorum limitum Mechanicarum Potentiarum Materie, quonſque pertingant, & ubi deficiant. Quod optimum ſanè ſubſidium futurum eſt, quod Religioni afferre poteſt Ratio Noſtriſque Naturæ. Hoc enim pacto qui Eccleſiæ Miniſterio deſtinati ſunt, maturè muniuntur ſufficienti robore ad colluctandum cum maximè ſuperbis eorum deriſoribus & oppugnatoribus. Cum huius rei defectu, videmus eos quàm obnoxii ſint contemptui, ac procuſcationi cuiuſlibet audaculi, quàmvis imperiti, Philoſophiæ Mechanicæ jaſtatoris.

Quanti momenti foret ſi Cartefius prælegeretur in omnibus Chriſtiani orbis Academiis.

16. Hac ſunt loca præcipua quæ quoquàm modo putabam obnoxia fore exceptionibus in ſequenti Tractatu: Quæ tamen in ſe tam innocua ſunt atque firma, & cum aded commodis circumſtantiis, ubi reperiuntur, tradita, ut verear nè lector iudiciuſ meum ſuſpectum habiturus ſit ac prudentiam, quod mihi ipſi negotium faceſſerim ſcribendi, & illi legendi tam prolixam ac ſuperfluum Præfationem. Qui quidem Error quanquàm ullius magni Ingenii argumentum eſſe non poſſit, multâ tamen indicium eſſe poteſt Humanitatis, fervidique ſtudiî ſerviendi Publico, ſine cuiuſquàm hominis offensione qui vel mediocrem Rationem retinuerit & Ingenuitatem. Quantum verò ad eos qui utriſque valedixerint omnemque veritatem ſuâ moroſâ Imaginatione metiuntur, pro deridiculo habentes quicquid cum ſuis inſcitis conceptionibus non conſentiat, neminem credo hominem ſerium obligatum ſe tenere, ut perversas eorum Interpretationes pravâſque rerum Repraſentationes vel leviter attendat, curetve, non magis quidem quàm religioſus Eremita, Devotûſve Peregrinator ſædôs rictas diſtortâque ora Simiorum & Certopithecorum, in quos fortè fortunâ incidere poſſit in laborioſa ſua itineratione per Deſertum.

Apologia pro Præfationis prolixitate ex fervido ſuo ſtudio gratificandi Publico ſine ullius ingenui Animi Offensione.

## SCHOLIA

### IN PRÆFAT. SECT. 3.

**D**ico indiſcernibiles iſtas Materia particulas nullam omnino habere figuram. Quemadmodum magnitudo Inſinita nullam habet Figuram, ita etiam, &c. In hunc locum quatuor obijciuntur. Primò, Etiam inſinitam Parvitudinem, cum ſit extenſa, nec tamen in inſinitum, extensionis ſuæ terminationem habere, terminationem verò extensionis neceſſariò eſſe figuram. Secundò, Particulas has indiſcernibiles, niſi puncta Mathematice ſint, non poſſe eſſe inſinitè parvas, quoniam minores ipſis adhuc concipimus, cum & ipſas intellectualliter diviſibiles etiamnum agnoſcimus. Tertio, Si inſinitè parvæ ſint, inſinito earum numero opus foret ad conſtituendum corpus huius vel illius magnitudinis. Unde corpora & ex atomis ſive indiviſibilibus conflarent, & ſimul diviſibilia eſſent in inſinitum. Quæ mira foret duarum iſtarum oppoſitarum opinionum conciliatio. Quarto denique, Cum hæ particule indiſcernibiles dicuntur eſſentialem duntaxat habere extensionem non integram, extensionem nempe non maiorem quàm quæ neceſſaria ſit ad conſervandam ſuam eſſentiam, nè deſinant eſſe Materia, aut omnino exiſtere, omnis verò extenſio concipiatur diviſibilis, Deûſque poſſe, quicquid nos concipimus, quaeritur hîc, ſi Deus unam harum particularum divideret, an Annihilatio particulæ indè fieret necne. Abſurdum enim videri ut mera Diviſio materiam annihilaret; & niſi annihilaretur, manifeſtum eſſe dictam extensionem non fuiſſe eſſentialem cum ſubſiſtere poſſit ſub minori. Et certè non inelegans harum eſt Objectionum ſubtilitas, ſed haud ſatis ſolidas eſſe, ex Reſponſo ſpero palàm fore.

Ad primam igitur respondeo: Negandum esse, omnem Extensionem Materialem terminatam esse figuratam, sed tantum integram. Id verò quod *essentialiter* tantum extensum est, palam est non posse esse *figuratum*, cum nec gibbum esse possit nec planum, nec globus nec cubus, sed perinde omnia, ac proinde nullum omnino ex omnibus figuratis corporibus cuiusmodicunque, quemadmodum nec infinita magnitudo, ad ullum genus corporum figuratorum referri posset.

Ad secundam: Perinde esse ac si objiceret, rem nisi ad nihilum redigatur non esse posse infinite parvam. Nam quantum ad puncta Mathematica, ea omnino tanquam *Non-Entia*, sive *Terminos negativos* considero. Intellectualis verò illa Divisibilitas in his particulis indiscerpibilibus non omnino arguit revera adhuc fieri posse minores. Neque enim hæc Divisibilitas Intellectualis, quanquam extensionem supponit, Divisibilitatem semper supponit realem.

Ad tertiam: Non omnino sequi ex eo quod infinite parvæ sunt, infinito earum numero opus esse ad constituendum corpus quodlibet: Nam in hoc solo consistit infinita Parvitas realis, ut tam parva sit ut minor esse non possit, omnemque prorsus figuram determinatam propter exilitatem suam exuerit, ut corpus infinite magnum propter suam immensitatem. Ut autem qualibet Materiæ portio ad hunc statum reducaturo nego infinitis divisionibus opus esse, sed finitis à Deo rem posse perfici contendendo.

Ad ultimam denique breviter respondeo. Postquam Deus materiam ita dissolverit, ut in has particulas *indiscerpibiles* divisa sit, harum ullam à quoquam ulterius dividi posse plane repugnare. Deus quidem eas annihilare potest, dividere verò omnino non potest, cum jam diviserit quousque possunt dividi realiter. *Intellectualem* verò Divisibilitatem non semper supponere *realem* supra monuimus.

*Materiæ aut saltem Spatii, &c.* Rectè ista adjicitur Correctio. Neque enim adeò verisimile est, Materiam esse infinitam, quemadmodum in *Enchiridio Metaphysico* satis luculentè probavimus, Cap. 10.

Sect. 6. *Aristoteles enim magnum eorum Oraculum in hac Materia, &c.* Equidem rarè admodum valdeque obscurè existentiam Dæmonum sive Geniorum subinnuit. Duo loca potissima sunt quorum nos mentionem fecimus. Prioris quidem, *Præfat. Collect. Philos.* Sect. 7. Posterioris, in *Enthusiasmo Triumphato*, Sect. 57. De quibus ipse Lector judicet, quantillum faciant ad evincendam doctrinam Geniorum apud *Aristotelem*, nisi eum admodum candidè interpretemur. Feci verò quod potui in secundo illo loco. Nec tamen magnopere mihi illuc satisfacio.

*Cum Essentia tam purè incorporea, impressionis ab Objectis corporeis omnino sint incapaces, &c.* Ac proinde cum nec virtute præcellentia suæ essentia Ideas ipsorum scènasque omnium variationum complectantur, nec tam arcta sit, quemadmodum cum Creatore omnium Deo, inter se connexio, necesse est ut ista omnia earum notitiam fugiant.

Sect. 7. *Proni sumus ad suspicandum eas faciliores esse quàm ut sint vera, &c.* Quod quidem in causa est cur apud aliquos Demonstratio illa Existentiæ Dei ab Idea illius petita suspecta sit falsitatis, (cum nihil tamen illà sit solidius) nempe quod tam facili negotio rem conficiat, & tam subito ac quasi ex improvviso animum occupare & in assensum rapere velle videatur.

*Quoniam tam clarè jam sit intelligibilis, &c.* Idea nempe *possibilis* substantiæ incorporeæ sive Spiritus particularis. Quam tamen tanquam *possibilem* tantum affirmo, quemadmodum fusiùs in hac ipsa sectione declaro. Quæ verò sit in genere vera Spiritus sive Essentiæ incorporeæ Idea, in *Enchiridio Metaphysico* satis distinctè edocui, quæque sit animæ nostræ, in Scholiis in hunc Tractatum mox accuratiùs edocebo.

Sect. 13. *Quid merarum Potentiarum Mechanicarum Materiæ atque Motus effectum sit, &c.* Non quod ullum integrum Phænomenon sit quod ex meris rationibus Mechanicis consistat, sed quod in singulis ferè sit, quod, quantum ad suam naturam, merè sit Mechanicum. Ut figura particularum salinarum quæ pungunt, &c.

Sect. 14. *Primusque gradus ad maximè abstrusa Mysteria in Naturali Theologia, &c.* Nam hinc Deum non solum esse sed immaterialem esse certò cognoscimus, & per hanc *Externi Sermonis* Immaterialis Creationem (*Spiritum* intelligo *Natura*) *Interni Sermonis*, qui *Logos* dicitur, æternam generationem faciliùs intelligimus, perque operationem hujus *Spiritus Naturæ* in Mundanam Materiam naturalem, *Spiritus Sancti* operationem in Mundum Divinum, *Divinumque Elementum* in vehiculis Animarum sanctarum & Angelorum.



Sect. 15. *Ut Cartesii Lectionem in omnibus Scholis publicis sive Academiis commenda-*  
*rent, &c.* Modò nempe eâ fiat fide ac diligentia ut Philosophia illius Mechanicâ  
distinctissimè penitissimèque intelligatur. Qui enim sic intelligunt, deprehendent  
proculdubio illius insignem defectum, aliudque principium præter Materiam Mo-  
tûmque Mechanicum ad explicanda Naturæ Phænomena necessariò esse asciscendum.  
Quòd si verò, per desidem quandam & ignavam egregii Philosophi admirationem  
Scripta illius commendentur tantùm Juvenibus Academicis aut perfunctoriè præle-  
gantur, ad Atheismum plus conferet Religionisque contemptum quàm ad ullam so-  
lidam Dei Naturæ cognitionem. Vide *Præfat. Enchirid. Ethic. Sect. 17, 18, 19*  
&c. usque ad finem Præfationis.

---

---

IMMOR-

002

2




# IMMORTALITAS ANIMÆ.

## LIBRI PRIMI

### CAP. I.

1. *Præsentis Speculationis utilitas ad Providentiam rectius intelligendam, vitamque instituendam ad summam nostram felicitatem. 2. Ad moderatè ferendum mortem & infortunia amicorum. 3. Ad ingenerandum nobis veram magnanimitatem, 4. Pacem item & Tranquillitatem animi. 5. Speculationem tanti momenti non perfunctoriè tractandam esse.*



Peculationum omnium quibus Anima humana oblectare se potest, nulla gravior est propiusve ad ipsam pertinet, quam hæc ipsa de sua ipsius *Immortalitate*, à *terrestrique* hoc corpore *Independentia*. Eâ enim non solum ardua & perplexa *Providentiæ* faciliora animæ ac planiora fiunt; ipsaque valet, glomum hunc evolvendo prorsus, ire & redire liberè per Labyrinthum istum, ubi multi, & anxii & negligentes homines in inexplicabilem sese errorem induere: verum etiam (id quod ipsius propriè interest) in scientiam persuasio-

nemque certam Conclusionis tam gravis, tanquam in speculam, sublata, prospectare potest inde certissimam brevissimamque viam ad suam ipsius felicitatem; quæ scilicet hæc est, modicè diligere quicquid se tentat, quamdiu hîc perigrinetur, & summo se studio in futuram conditionem suam adornare, præclaris factis, egregiisque eis animi dotibus, quæ acceptissimam se patriæ suæ sint reddituræ.

2. Quæ persuasio ejus ac propositum efficiet ut omnino nè possit quidem vitæ vel fortunæ acerbissimorum inimicorum invidere, nec morti aut infortuniis charissimorum amicorum immodicè indolere; quippe quæ nullos amicos habet qui iidem non sunt amici Dei & virtutis, quorumque mala multum ipsis profutura sunt ad posteram suam felicitatem, & excessus è vita ad præsentem possessionem ejus aditus futurus est.

3. Anima igitur in hac tam magna tamque ad se prorsus pertinente persuasione firmiter stabilita, ab humilibus abjectisque cunctis cogitationibus & consiliis liberatur; nec hilo plus admiratur eum, qui sive industriâ, sive fortunâ, sive animi denique versutiâ, terrenarum opum plurimum corraserit, quam vir prudens & gravis suspicit lucella puerorum; quippe cuiâ perparum refert, quis nucibus vicerit, quisve domum retulerit sacculum quadrantibus onustiorum.

4. Nullâ ergo tangitur æmulatione, præterquam benefaciendi, superandique, si fieri potest, exempla hujus & præteriti temporis nobilissima; nec ullam contentionem suscipit, nisi secum, quod ad id quod tendit majorem non fecerit progressum: nec quicquam spectans quod homines largiri possunt, summam rem fortiter aggreditur; atque indies sibi lucique auxiliatrici fidelior evadens, primitias demum futura messis suæ prælibat, & plusquam prælagit magnam felicitatem illam sibi tandem obventu-

obventuram. Atque ità moleſtiis ſolicitisq̃ue curis præſentis mundi libera, commo-  
ratur in eo æquo animo & tranquillo, & relinquit tandem cum gaudio.

5. Quapropter cùm cognitio fidẽſq̃ue Immortalitatis Animæ tanti momenti ſit, noſtrum eſt doctrinam tam gravem diligentius tractare atque accuratiùs: quod non verbis temerè profuſis, ſed parcè & frugaliter diſpenſatis efficiendũ erit; ut nè quid calamo noſtro excidere patiamur, niſi quod ad rem propiùs faciat, nec quicquam omittamus quod pondus habeat ad veritatem ejus evincendam.

## C A P. II.

1. *Immortalitatem Animæ, methodo Authoris, demonſtrabilem eſſe omnibus niſi merè Scepticis.* 2. *Illustratio Axiomatis primi.* 3. *Confirmatio & exemplum ſecundi.* 4. *Explicatio tertii.* 5. *Explicatio & probatio quarti.* 6. *Probatio quinti.* 7. *Probatio ſexti.* 8. *Exemplum ſeptimi.* 9. *Confirmatio veritatis octavi.* 10. *Demonſtratio & exemplum noni.* 11. *Penetrabilitas immediata proprietas ſubſtantiæ Incorporæ;* 12. *Ut & Indiſcerpibilitas.* 13. *Probatio & Illustratio Axiomatis decimi.*

1. **E**T ut omnia præcludam, nè quã homines ingenii confuſi & captioſi effugiant aut elabantur, pauca quædam Axiomata præmittam, ità plana & perſpicua, ut ſanum quemque pudeat ea negare, ſi quid omnino concedat eſſe verum. Perfe-  
ctus autem *Scepticiſmus* inſanabilis eſt morbus, res miſeranda aut ridenda potiùs, quàm ſeriò oppugnanda. Nam cùm quis adeò incertus ſit & deſultorius, ut ſuarum ipſius facultatum ſententiæ ſtare nolit, ei non magis affigere quicquam potes, quàm in aqua ſcribere, aut ventum in nodos nectere. Qui verò non uſque adeò deſpondent animum, quin ſe jam ſcire aliquid, & plura poſſe diſcere, exiſtiment; haud dubito quin ii, ad paucas has regulas aliàsque ſuo loco tradendas, cùm opus eſt, recurrentes, ſi non coacti, perſuaſi certè erunt *Immortalitatem Animæ* in illis Veritatibus numera-  
re, quæ certiffimæ videri debent omnibus, quibus ingenium & otium ſuppetit, ad accuratè examinandum penitùſque intelligendum ea, quæ ego hîc ſcripſi ad eam demonſtrandam.

### AXIOMA I.

*Qualeſcunque res in ſe ipſa ſint, id noſtrâ non refert ampliùs, quàm e.e animi noſtri facultatibus innotescant.*

2. **H**OC Axioma eſt per ſe ſtatim manifeſtum. Quemadmodum enim res nulla v. c. ad *viſivam* potentiam pertinet, niſi quatenus eadem eſt *viſibilis*; ità in univerſum potentias *cognitivas* nihil afficit ullatenus, nedum determinat, niſi quate-  
nus idem eſt *cognoscibile*.

### AXIOMA II.

*Quod planè eſt incognitum, vel ut poſſibile tantum cognitum, id nos quòquam determinare non debet, nec ſuſpenſos reddere; præſenti verò mentis lumini planæque facultatum ſen-  
tentie inherendum eſt.*

V. Antidot. lib.  
1. cap. 2. & 9.

3. **H**OC manifeſtum eſt conſectarium ſuperioris Axiomatis. Cujus enim exiſtentia eſt merè poſſibilis, id actu exiſtere prorsus neſcimus; nec quicquam proinde ponderis ad concluſionem ullam infirmandam habere debet, niſi ad æter-  
num noſmet *Scepticiſmum* damnare velimus. Ex c. Cùm quis ab arte ſumma & conſilio in fabrica corporis terreſtrium omnium animantium conſpicio, Deum eſſe & Providentiam evicerit; ſi opponeret aliquis, Ut ut hîc ſit, poſſe nihilominus in Saturno, Jove, aliòve ex Planetis, animantes eſſe ineptiffimè fabricatas; Equos, putà, tres tantum habentes pedes, aurem atque oculum unicum, ambòſque ad idem capitis latus, oculum quoque ubi aurem eſſe oportuit; Tauros & Arietes cum cor-  
nubus de tergo enatis, & ſimilia: Hujusmodi quæ ſunt exceptiones, ſecundum hoc Axioma, nequaquam valere debent ad Concluſionem infirmandam.

### AXIOMA



## AXIOMA III.

*Non omnes Facultates nostræ suffragandi jus habent ad veritatem determinandam, sed Notiones Communes duntaxat, Externus Sensus, & Deductiones Rationis irrefragabiles.*

4. **P**ER *Notiones communes* intelligo quicquid est *Noematicè* verum, i. e. quod sensu terminorum clarè percepto, omnibus non prorsus amentibus, absque omni ratiocinio verum esse constat. \* In *sensu externo Memoriam* etiam comprehendo, quatenus sensata fideliter conservat. Per *irrefragabilem deductionem rationis*, intelligo talem collectionem veritatum alius ex alia, in qua nil deprehendi queat quod malè cohæreat.

## AXIOMA IV.

*Quod nec his omnibus, nec alicui saltem earum est consonum, mera est Imaginatio, & nihil seu vigore seu perplexabilitate suâ valet ad veritatem aut falsitatem evincendam.*

5. **M**ERAM *Imaginationem* dico, ut eam à representationibus illis distinguam, quæ, quamvis objecti cuiuspiam realis impressiones puræ non sint, ex his tamen, vel ex Notionibus communibus, vel ex utrisque, per *Deductionem rationalem* oriuntur. Quæ non his rationibus formantur phantasmata, meras *Imaginationes* appello; quas nihil valere dico in veritate judicanda. Nam si *Imaginationis* vigor ad probandam veritatem sufficeret, amentium insomnia pro oraculis habenda sunt: aut si propter *perplexabilitatem* ejus retineamus assensum, demonstrationibus Mathematicis ipsis non habenda est fides; & 16. Proposit. 3. Lib. *Euclidis* contradictionem in se continere audacter affirmabitur.

*V. Aristot. lib. 1. cap. 4. sect. 2.*

## AXIOMA V.

*Quod alicui harum Facultatum clarè patet, reliqui nihil habentibus quod contrà opponant, ei sine ulla dubitatione assentiendum est.*

6. **A**LIOQUIN nemo de Objecto ullo sensibili quid certum haberet, nec posset assensum præbere firmum his aliisve hujusmodi effatis, *Impossibile est idem simul esse & non esse; Quicquid sit, aut finitum est aut infinitum.*

## AXIOMA VI.

*Quod una Facultas respuit, nec cæterarum ulla testimonio suo favet, id falsum est habendum.*

7. **A**LITER pro veris admittentur, saltem annon vera sint dubitabitur, hæc atque hujusmodi *Impossibilia*; *Pars est major toto; Est aliquid, quod neque finitum est, neque infinitum; Socrates est invisibilis.*

## AXIOMA VII.

*Quod clarè & manifestò concluditur, irrefragabile haberi debet, si ea duntaxat contrà afferantur difficultates, quibus & alia Conclusiones laborare agnoscuntur, quæ ab omnibus nihilominus verissima existimantur.*

8. **S**I cui, ex. c. qui gravissimis argumentis, *Materiam infinitam esse posse*, vel *Spatium reverà infinitum esse*, probaverat, hoc tantum obijciatur, decimam tunc partem istius materiæ infinitam fore; cum certissimum sit \* alicujus rei in natura rerum existentis durationem infinitam esse, partemque decimam item durationis istius infinitam; superior conclusio nihilominus firma manet: utpote quæ non graviore oneratur incommodo, quàm quod cum veritate irrefragabili consistere agnoscitur.

AXIOMA

## AXIOMA VIII.

*Subiectum, seu nuda Essentia substantiæ rei, à nulla nostrarum facultatum concipi potest.*

9. **A**D hujus veritatem evincendam, non aliâ re opus est, nisi ut mentem quisque suam tacitus interroget, annon ita se res habeat; an item conceptus suus de subiecto, aptitudinibus, operationibus, proprietatibus; modificationibusque omnibus orbat, \* quicquam aliud sit nisi Idea substantiæ meræ omnique omnino diversitate carentis; ita ut una substantia ab alia distingui tunc non possit, nisi per *Accidentia & Modos*, quæ propriè subsistentiam non habent.

## AXIOMA IX.

*Proprietates, Potentia, & Operationes quædam sunt, quæ immediatè ad Rem pertinent; quæ cur ita faciant, ut ratio asferri non potest, ita nec quæri debet; nec via & ratio, quæ attributa illa & subiecta cohæreant inter se, intelligi ullo modo potest.*

10. **V**ERITAS hujus Axiomatis patet à superiori. Nam si *nuda substantia* rei tam prorsus incomprehensibilis sit, nihil in ea reperiri potest quod illam primasque proprietates ejus connectat. Hujus generis sunt *actualis divisibilitas & impenetrabilitas* materiæ. Per *actualement divisibilitatem* intelligo *discerpibilitatem*, rudem illam crassamque dilacerationem discissionemve partium. Hæ sunt immediatæ proprietates *materiæ*; quæ cur in ea potius sint quàm in alio subiecto, tam insolenter faciet, qui rationem pollicetur ipse, quàm incienter, qui eam petit, abs alio. *Attributa* enim *immediata* sunt indemonstrabilia; aliter non essent *immediata*.

11. Sic *Spiritus* seu *substantia immaterialis* proprietates immediatæ sunt *Penetrabilitas & Indiscerpibilitas*. Quarum cum subiecto suo cohæsiō necessaria, non magis, quàm superior illa, demonstrari potest. Posito enim, quod & manifestò verum affirmare auserim, nullam non substantiam aliquo modo esse trinâ dimensione præditam; substantia ea, quam *materiam* dicimus, tam potuit *penetrabilis* esse quàm *impenetrabilis*, nec interim substantia esse defuisse: quod verò partes suas tam firmè ac invictè prohibeat nè alias aliæ penetrent, rem ita quidem esse videmus, quamobrem verò prorsus ignoramus. Nulla enim connexio necessaria cernitur inter substantiam trinæ dimensionis & *Impenetrabilitatem*. Quod quidam dicunt contrà, repugnare prorsus ut substantiæ extensæ pars una in alteram penetret, quod ita pars extensionis proindeque substantiæ ipsius, periret: hoc, infirmum esse dico, si propius inspicatur. Nam non magis hic perit substantia, quàm de filo aliquid perditur in se sæpius replicato, vel de cera si ex longa feceris rotundam: dimensio quidem longitudinis quodammodo perit, salvâ tamen atque integrâ totâ ceræ substantia. Eodem modo cum substantiæ extensæ pars alia in aliam penetrat, aliquid quidem & longitudinis, & latitudinis, & profunditatis pereat, & tamen salva adhuc maneat tota substantia; similiter ut in cera longitudo quidem perit absque ullo substantiæ detrimento.

Et quemadmodum quod de *longitudine* ceræ diminutum erat, id compensabat *altèrâ latitudo vel profunditas*; ita quicquid hic omnibus aut duabus quibuscvis dimensionibus perit, id totum salvum manet in *Essentiali spissitudine*: ita appellare libet modum seu proprietatem substantiæ illius, cujus una pars aliam in se potest recipere. Qui quidem modus quartus tam facilis est tamque familiaris meo intellectui, quàm notissimus ille trinarum dimensionum, sensui seu imaginationi. Nam per *spissitudinem* nil aliud intelligo, præterquam replicationem contractionemve substantiæ, minus in spatium quàm quod aliàs occupat. Cui affinis est, duarum substantiarum, diverſi generis, in eodem loco coexistentia.

Modis his utrisque competunt *Reduplicatio & Saturatio*: \* illa, cum substantia semel tantum in se aut in aliam replicatur; hæc, cum toties, ut, nisi difficillimè, amplius non capiat. Plures autem extensiones eidem loco, eodem tempore, commensurabiles esse, perspicuum est; quod motus, qui certè non est nihil, subiecto suo, & utrumque spatio, coextenditur. Duæ res igitur eidem sunt spatio simul commensurabiles.

12. Cum ergo substantia extensa (& omnes substantiæ sunt extensæ) per se sit indifferens ad *penetrabilitatem & impenetrabilitatem*; & cum genus unum substantiæ tam impenetrabile cernamus, ut una pars ejus in aliam nequaquam penetrare queat, quas



quas partes tamen pari ratione expectâsemus futuras fuisse tam invicem inter se unitas; ut nulla vis eas separare valeret ( nam *Indiscerpibilitas* tam bene cum substantia connectitur, quam cum eadem *Impenetrabilitas* connexa est; neutram earum, quod attributa immediata suorum subjectorum sunt, sub iudicium rationis vel demonstrationis cadente. Ex eo enim quod substantia sit extensa, nemo rectè inferre potest eam etiam esse *discerpibilem* potius quam penetrabilem; cum extensio peræquè sit ad utrumque apta & propensa ) hinc, inquam, tam facilè admitti debere existimo, posse substantiam aliquam per se esse *indiscerpibilem*, quam aliam quandam *impenetrabilem*; atque ut genus unum substantiæ existit, naturâ suâ *impenetrabile* & *discerpibile*; ita & alterum quoque existere posse, *indiscerpibile* & *penetrabile*. Quorum neutrius ulla reddi potest ratio, præter unam hanc, quod utrumque proprietates immediatas habet talis subjecti.

## AXIOMA X.

*Potentia, Proprietas, aut Operatio quædam reperta; tertio alicui subjecto non competens; certissimum est argumentum Existentiæ alterius, cui competere debebit.*

13. **U**T cum *Nessus* fluvius *Pythagoram* trajicientem nominatim compellabat; & Arbor, *Thepesionis* *Gymnosophistarum* principis jussu, *Apollonium* voce distinctâ, articulatâ, & muliebri salutabat: manifestum est subfuisse aliquid præter Fluvium & Arborem ( neutro eorum aut ratione aut sermone prædito ) cui salutatio-  
*Iamblich. de vit. Pythag. cap. 18. Philostrat. de vita Apollonii, lib. 6.*

## SCHOLIA

## IN CAP. II. SECT. 4.

**I**N Sensu externo Memoriam etiam comprehendo, &c. Nec non Historiam quidem; quatenus Rationi constare possit eam esse veram.

SECT. 8. Alicujus rei ----- existentis Durationem Infinitam, &c. Cum hæc scriberem suspicor me istam in integrum non exuisse opinionem, Quod omnis duratio sit successiva; quam nunc credo falsam, satisque demonstravi in *Enchiridio Metaphysico*. Exemplum igitur commodius esset, ipsum Spacium, quicquid sit, si quis nullam contra infinitam Materiam Objectionem afferre posset, quin eadem fiat contra Spacium, &c. Materiam autem reverà finitam esse, in dicto *Enchiridio*, quibus potui argumentis, demonstravi.

SECT. 9. Quicquam aliud sit nisi Idea substantiæ meræ omnique omnino diversitate carentis, &c. Qui hinc colligere volunt substantiam corporis ac Spiritus eandem esse, sepositis eorum proprietatibus, Discerpibilitatis putâ & Indiscerpibilitatis, Impenetrabilitatis & Penetrabilitatis, admodum imperitè profectò insulsèque id faciunt. Genuinus enim hujus loci sensus est, Nullius substantiæ specificæ plenam distinctamque; ipsius nempe substantiæ, nos habere posse Ideam, seclusis proprietatibus, quanquam certâ ratione colligimus, ubi ista diversitas vel potius contrarietas proprietatum reperitur, eaque permanens & essentialis, tametsi nos illius subjecti distinctam Ideam formare non possumus, distinctam tamen subesse istis proprietatibus substantiam. Itâ ut nemo nisi impense stupidus, si existat substantia aliqua ex se penetrabilis & indiscerpibilis, dubitabit unquam, quin ipsa substantia ejus, à qua proprietates profluunt, à substantia corporea sit specificè distincta; & si existat substantia specificè à corpore distincta, ( quod multis & inexpugnabilibus argumentis in scriptis meis demonstravi, ) quin substantia hæc sit penetrabilis & indiscerpibilis, quippe Corpori immediatè & specificè opposita. Quod dictum volo ad vellicationes miseri illius Philosophastri J. W. in suo *Lamiarum Patrocino*, cap. 10. quibus profectò nunquam in quicquam inscitius incidi aut insulsus.

SECT. 11. Illa, cum Substantia semel tantum in se aut in aliam, &c. Hæc non sic intelligi volo ac si per Reduplicationem significem tantum Duplicationem, vel Substantiam in Substantiam semel tantummodo ductam; sed & duplicationem sæpius repetitam, modò eousque non fiat, ut substantia substantiam ulterius non admittat: tunc enim Saturatio est nuncupanda; Reduplicatio verò vel à prima Duplicatione ad hanc usque Saturationem. Hinc est quod dico, quando vel semel substantia in se aliâve duplicatur, appellandam esse Reduplicationem.

## CAP. III.

1. *Notiones Corporis & Spiritus generales.* 2. *Notionem Spiritus per æquè intelligibilem esse ac Corporis.* 3. *An sit aliqua substantia, mediæ inter Corpus & Spiritum natura.*

1. **O**Mnium verò maximè obstat, quo minùs Anima credatur immortalis, confidentissima nonnullorum opinio, notionem *Spiritus* absurdissimam affirmantium, rationi incongruam & planè repugnantem. Quapropter ut ad summam rem nostram gradatim perveniamus, atque ut operis fundamenta alta & firma jacentur; primò ante oculos ponemus genuinam notionem *Spiritus* generatim sumpti; deinde singularum specierum: ut sic constet omnibus, quàm iniqua sit ista in substantias incorporeas calumnia, quasi, scilicet, essent meræ absurditates & repugnantia. *Spiritus* itaque in genere definio, \* *Substantiam penetrabilem & indiscerpibilem*. Quæ definitio quàm apta sit & congrua meliùs intelligetur, si substantiam in genere dividamus in primas suas species, *Corpus* & *Spiritus*, & tunc *corpus* definiamus *Substantiam impenetrabilem & discernibilem*; Unde species huic contraria aptissimè definiri videbitur, *Substantia penetrabilis & discernibilis*.

2. Ad quemvis hominem nunc provoco, qui, præjudiciis depositis, liberum facultatum suarum usum habet, annon termini quique in definitione *Spiritus* æquè sint intelligibiles & rationi congruentes, ac ii qui sunt in definitione *corporis*. Nam præcisa notio substantiæ eadem est in utroque; in qua comprehendi puto *Extensionem* & *Activitatem*, seu *connatam* eam, seu *communicatam*. Materia enim mota ipsa, aliam materiam movere potest. Et quid *penetrabile* significet tam facile est intellectu, quàm quid *impenetrabile*; quid *indiscerpibile* sit, quàm *discerpibile*: & cum *penetrabilitas* & *indiscerpibilitas* tam immediate *Spiritui* cohæreant, quàm *impenetrabilitas* & *discerpibilitas* corpori, par erit ratio attributorum utriusque, Axiom. 9. Porro, cum substantia, in præcisa ipsius Notione, *Impenetrabilitatem* non complectatur magis, quàm *Indiscerpibilitatem*; ex æquo mirandum erit, quid fiat, ut una substantia tam firmiter invictæque alteram arceat & excludat (id quod materiæ partibus accidit inter ipsas) ac cur partes alterius substantiæ tam arctè sibi mutuò adhæreant, ut nullâ vi discerni queant; ut supra inquitur. Itaque, quandoquidem illius prohibitio & exclusio tam difficilis est intellectu, quàm hujus unio & adhesio; notioni *Spiritus* hoc fraudi esse non debet. Firmissima enim esse potest unio, cujus causam tamen imaginari non possumus; ut cernitur in corporibus valde duris; quorum partes quid adeò firmiter connectat, nemo quisquam animo concipere potest. Et cum hic gravior difficultas non sit, quàm quòd imaginari non possumus, quid *Spiritus* partes connectat; sequitur, Axiom. 7. notionem *Spiritus* respuendam non esse tanquam incongruam, verùm admittendam ut notionem rei quæ revera existere potest.

3. Dubitare licet, possintne & aliæ Essentiæ existere, mediæ inter *corporeas* & *incorporeas*, quas descripsimus, conditionis & naturæ; eæque duorum generum: alteræ, *impenetrabiles* & *indiscerpibiles*; alteræ, *penetrabiles* & *discerpibiles*. Primum genus quod attinet, si *impenetrabilitas* ista \* respectum habeat ad materiam, manifestum est, istiusmodi Essentiam existere non posse; sin ad partes suas, etiam si tum videatur Idea rei possibilis, nulla tamen existentia ejus vestigia extant in natura: hominum dæmonumque animabus contractionem & dilatationem notione suâ completentibus.

Posteriorius autem genus, primùm, nihilo plus valebit quàm materia ipsa, aut modus aliquis materiæ. Nam cum talis substantia *discerpibilis* sit, manifestum est unionem ejus fieri per juxtapositionem partium; & quo *penetrabilior* est, eo minùs sensum motumque ad aliquod intervallum transmittere posse. Deinde, hypothesis hujus sequela planè ridicula est; sic enim innumerabilibus animarum spirituumque \* segmentis compleretur mundus ac laciniis in nullum usum aut ordinem unquam redigendis. Postremò, cum propria notio substantiæ *incorporeæ*, quæ maximè corporeæ opposita est, tam validam atque indissolubilem unionem partium in se necessariò includat, ut prorsus sit indiscerpibilis; nullo interim in generali hac notione incluso sensu aut cogitatione: maximè consentaneum est ut existimemus, substantiam illam in qua insunt, strictissimâ quidem acceptione vocis *incorpoream* esse debere. Cogitatio enim sensûsque communicatio, perfectiorem unionis gradum arguit, quàm quæ in merâ *Indiscerpibilitate* partium reperiatur.

Verùm



Verum ego incassum tam scrupulosè ago. Pro certo enim existimo, neminem fore ità perversè tergiversationi deditum, quin, ubicunque substantiam esse probavero à materia distinctam, eam incorpoream esse sensu plenissimo maximèque proprio concessurus sit.

## SCHOLIA

## IN CAP. III. SECT. I.

**S**ubstantiam penetrabilem & indiscerpibilem, &c. Nemo eorum qui partium impenetrabilitatem materiæ tribuunt, modo mentis compos sit, hanc nostram Spiritus definitionem negare potest. Qui autem species Intentionales & Imagines in speculis corpora esse putant indiscerpibilia, non tam Responso indigent, quàm Helleboro, ut qui delirant planè miserèque hallucinantur. Cum igitur omnis substantia corporea impenetrabilis sit & indiscerpibilis, necessario sequitur ut substantia quæ penetrabilis sit & indiscerpibilis, sit substantia incorporea, hoc est, Spiritus. Quis nisi plumbeo planè cerebro hæc non videt, aut nisi fronte metallinâ ausit inficiari?

Illud paulò peritiùs urgetur ab iis qui partium penetrabilitatem materiæ assignant. Nam si illud verum esset, definitio hæc nostra Spiritus, fateor, vacillaret. Sed paucissimi nunc dierum ex melioris notæ philosophis existunt qui rationem condensationis & rarefactionis Aristotelicam non explodunt. Cartesianam omnes ferè uno ore profitentur. Et certè doctissimus ille Medicus Johannes Baptista Van-helmont ingenuè fatetur nullà vi artève humanà penetrationem corporum effici posse, in Dissertatione de Injectis Materialibus. Quod autem aut Naturæ ipsius vi in operationibus Seminalibus & in Injectis transmittendis, aut Magicâ sive Diabolicâ effici posse contendit, nulla quæ profert exempla, licet vera sint quæ narrat, mihi id satîs probare videntur.

Quantum enim ad ea quæ majora sunt quàm pro meatu Faucium & Ani, cujusmodi fuit Equuleus ille & frustum Bombardæ æneæ, non dubito, cum Wyero in casibus consimilibus, affirmare ea non exiisse per fauces aut per anum, sed ludibria Dæmonum esse, & per eorum prestigias videri sic fieri. Quod idem de corio bubulo volam manûs aquante per cutem integram à Saga (Brugis postea cremata) ut ipsa fassa est, injecto, sentio. Per Dæmonem scilicet prestigiosè inter aperiendum Apostema fuisse injectum, non per cutem sanam atque integram ante Apostema aut factum aut apertum. Aut concrementum aliquod fuisse in Apostemate corio bubulo haud absimile illic genitum ab Archeo Universi hominisve proprio aut utrisque simul, Universi Archeo sive Spiritu Naturæ vi prius imaginationis all-cujus Magicâ in eam vitalem seminalémve Ideam excitato. Ut sit in signaturâ gravidarum. Est enim illic imaginationis gravis ea vi Magica ut Spiritum Naturæ in consensum rapiat. Vetulam autem aliquam improbam cujus anima in terrenum hoc corpus adeò immersa est, eâ imaginationis vi pollere, ut hujusmodi ideas vitales in Spiritu Naturæ ad distans pro libitu excitet, mihi nequaquam verisimile videtur. Verisimilius est fieri ope Diaboli qui præsens sit & imaginatione & operâ, Materiâque aliquam subtilem Seminalem quam præparare noverit, per poros cutis insensibiliter transmittat, unde istiusmodi portenta generentur. Adeò nihil opus est ut corium istud bubulum per illam cutem unquam penetraverit.

Quantum verò ad Injectorum solidorum quæ casu tantummodo, nullâ malâ arte, in corpus per os injecta sint, quod, inquam, ad eorum per Stomachum, Intestina, Uterum, Omentum, Abdomen, Pleuram, Vesicam, per membranas nempe hæc (illæ omnino membranis vel integrè interim & continuis manentibus) penetrationem attinet, id quidem fieri omnino nego, sed per foramina non vi mechanicâ, sed ministerio proprii corporis Plasticæ ac Spiritus Naturæ facta, tali ferè modo, quo ovum ab ovario per Infundibulum in processu uteri transmittitur, præterquam quòd hic admodum exiguum foraminulum sit, illic verò nullum nisi quod pro re nata à Spiritu Naturæ fiat. In quo faciendo cum suis planè passibus procedat, vi suâ Plasticâ ac sanativâ tempestivè conglutinat quod diruperat, ut in exemplo testarum conchyliorum ad fætum per uterum transmissarum. Quod longè longèque credibilius est quàm fieri per penetrationem dimensionum. Et quod desiderium aut gaudium facit in gravis, idem præstare potest dolor & anxietas in reliquis plerisque instantiis quas profert Helmontius. Caput autem, manus ac brachium tribus Fætibus vi imaginationis matrum subito terrore consternatarum, ablata & nusquam in partu apparentia, penetrationem dimensionum non probant; sed dictarum partium vi Spiritus Naturæ, ab imaginatione matrum excitati, in subtilissimam materiam invisibilem, commixtionem vel dissolutionem.

Denique nec illa suppositio Helmontii vera est, Quod in rerum seminibus sit istiusmodi corporum mutuo penetrandi energia. Quod sic probare tamen adnititur. Nam multa, inquit, sunt corpora pluries ponderosa quam materia unde conflantur. Et necesse esse asserit concidere partes plus quindecim aquæ in unum, ut unica pars auri indè fiat. Etenim pondus non fit ex nihilo. Ergo Aqua naturaliter toties penetrat suum corpus quoties aurum aquæ præponderat. Hoc equidem argumentum, si Gravititas innata materia esset sive intrinseca proprietas, eique competeret quatenus tali, vim suam habiturum esset; nunc verò cum ab altera moveatur substantia à se distincta, partisque ejus ab eo Principio secundum suam majorem minoremque soliditatem, sensu Cartesiano, disponantur, argumentum parum valet. Cartesiani autem illud corpus minus solidum statuunt, cujus particule sunt tenuiores, porosiores, & superficiosiores, ipsarumque particularum uniolaxior; ex quo Soliditatis ratio facile intelligitur. Spiritus autem Naturæ pro gradibus soliditatis Materiam eam fortius deorsum urget: unde constare potest pondus non esse ex nihilo vel potius à nihilo sed à soliditate Materie & Spiritus Naturæ impulsu. Quod autem Aqua quindecies hoc sensu non sit auro minus solida, nulli quod sciam argumentis quicquam potest demonstrare. Ex quibus omnibus efficitur, nihil solidi asserri contra Spiritus definitionem, quem ex Penetrabilitate partium perinde atque ex earundem Indiscerpibilitate definivimus. Adcò nihil hic egit Websterus contra hanc nostram definitionem frivolis suis Gavillationibus.

SECT. 3. Respectum habeat ad Materiam, manifestum est istiusmodi Essentiam existere non posse, &c. Nimirum, Essentia indiscerpibilis perinde ac impenetrabilis. Omnia enim corpora quæ in rerum Natura occurrunt, satis constat dividi posse & in partes discerpi. De Atomis vero figuratis Epicureorum quarum partes indiscerpibiles esse volunt, nihil sum sollicitus, cum huc non pertineant, & de iis alibi dictum sit satis.

Segmentis completeretur Mundus ac Laciniis, &c. Nam sic quidem habenda sunt, nempe congeries Spirituum, si Vitales sunt & tamen discerpi possunt, ac proinde non mediæ naturæ, sed naturæ verè Spirituali. Si verò vitales non sunt, sed solâ penetrabilitate à Materia naturali differunt, adcò ad rem omnem inutiles sunt, ut incredibile sit in rerum Natura existere. Ex hac spuria igitur specie Divinam Materiam effingere valde temerarium esset, ut & alteram corpus, non Spiritum appellare satis absorbum.

## C A P. IV.

1. Notiones singularum specierum Entium Immaterialium nullam habere repugnantiam nec incongruitatem. 2. Naturam Dei aquè intelligibilem esse ac naturam Entis cujuscunque. 3. Vera notio Ubiquitatis ejus, & quàm intelligibilis sit. 4. De Unione Essentia Divina. 5. De Potentia ejus Creatrice.

1. **N**Otionem Spiritus in genere nè omnino incongruam nec impossibilem esse ostendimus. Neque secus est in singulis speciebus; Deo, Angelis, Animabus hominum & Brutorum, λόγους denique σπερματικούς seu seminalibus rerum formis.

2. Notionis Dei cognitio quamvis per confusionem stupiditatemque animi & superstitionis & impiorum hominum plurimum incommodetur, qui utrique mirè sibi placent fusiùs rhetoricando, quàm prorsus Deus \* omnem intellectum & comprehensionem fugiat; illi, pio quidem animi motu, ad excellentiam naturæ ejus super omnia efferendam; hi autem, ad persuasionem existentia ejus ridiculam faciendam, tum ad vafre perversæque innuendum omnino Deum non esse, cujus conceptus ipse non aliud esse apparet, quàm farrago rerum secum pugnantium & impossibilium: Ego tamen affirmare non dubito, \* Ideam Notionemve ejus æquè facilem esse ac quamvis aliam, de illoque tantum, quantum de ulla re alia, sciri posse. Etenim nullius rei Essentia ipsa nudave substantia sciri potest, Axiom. 8. Attributa verò ejus tam sunt manifesta & explorata, quàm cujuscunque alterius subjecti aut substantia. Quare sic illum definire licet; Deus est Spiritus, æternus, essentia & bonitate infinitus, omniscius, omnipotens, & per se necessario existens. Quod Spiritum attinet, is supra definitur & explicatur. Per æternum, nihil hîc intelligo nisi Durationem sine fine & principio: per infinitatem essentia, essentiam seu substantiam ejus terminos non habere magis, quàm durationem ipsius: per infinitum bonitate, benignam Dei voluntatem intelligo, quæ in immensa & innumerabilia fertur beneficia: per omniscientiam &



& omnipotentiam, facultatem sciendi & agendi quicquid sine manifesta contradictione concipi potest: per existentiam per se, eum à nulla re alia existentiam suam habere: denique per existentiam necessariam, eum non posse non esse. Quinam cujusvis definitionis termini sint magis perspicui? quòve subjectum definiri queat accuratius? Nudum enim subjectum seu substantia rei cujusvis, nisi hoc modo, sciri nequit. Et qui cognitioni Dei speculativæ inhiant aliunde, quàm ex attributis ejus & operationibus; ut fortè capita atque ora sua possint ferventioribus phantasmatibus verbisque replere, tempestatèque imaginationis suæ ad insaniam ferè adigi; tamen, quod sit sobriè verum, nunquam assequuntur.

3. Itaque perquam explicitam atque intelligibilem notionem tradidi naturæ Dei; quam brevius quoque definire possem, *Essentiam absolute perfectam*; ubi omnes superioris definitionis termini comprehenduntur, etiam plures quàm in illa nominabam; aut nominari opus erat; nempe, *potentia creandi*, & *omnipresentia* vel *ubiquitas*; quæ in Idea perfectionis absolutæ necessariò continentur. Quarum posteriorem cum veteres quidam Philosophi exprimere vellent, Deum definiebant, *Circulum, cujus centrum ubique est, circumferentia nusquam*. Quæ certè descriptio nihil aliud vult, nisi, Essentiam divinam ubique præsentem esse, unà cum omnibus adorandis attributis ejus, infinità absolutèque perfectà bonitate, scientiâ, & potentiâ, in illo sensu intellectis juxta quem ea singula modò explicavi. Hæc autem *ubiquitas* vel *omnipresentia* Dei tam est intelligibilis, \* quàm ipsius materiæ per omnia loca diffusio.

4. Sed si quis hîc quærit, quomodo partes, ut ità dicam, amplitudinis divinæ cohæreant, cum materia tam discerpibilis sit; eum satis esset monere eorum quæ dicta sunt suprâ de notionem *Spiritus* generali. Verùm adhæc, peculiaris hujus rei ratio reddi potest, quòd repugnat planè ut Essentia absolute perfectæ, \* aut in præsentia sua limitetur, aut locum, sive universa sive per partes, mutet. Hæc enim manifesta sunt effecta vel indicia imperfectionis, quæ cum natura Dei nullatenus constare potest. Atque profectò nullius rei melior aut firmior afferri potest ratio, quàm quòd repugnat ut sit aliter.

5. Arcissimâ quoque connexionione junguntur inter se, *Potentia res ex nihilo creandi*, & Idea Dei vel Entis absolute perfecti. Nam Ens illud, virtute creativâ carens, non id esset quod concipitur esse; idèoque hoc attributum cum subjecto suo non minùs cohæret, quàm quòd contradictionem planè implicet ut in eo non sit; quod antè de *Indiscerpibilitate* notavimus. Dicere autem, imaginatione fingi non posse quemadmodum Deus aliquid ex nihilo crearet, nec quomodo Essentia divina arcè adeò atque invictè cohæreat, hominis est in 3, 4, 5 Axiomata peccantis, & facultatem appellantis quæ in hac causâ discernendi jus non habet.

## SCHOLIA

## IN CAP. IV. SECT. 2.

**O**Mnem Intellectum & comprehensionem fugiat, &c. *Aliorsum hæc accipiuntur à quibusdam atque ego dixi: per comprehendere enim hic ego nihil amplius intelligo, quàm deprehendere, percipere, vel concipere. Nec usus vocabuli eum sensum refugit. Qui verò me ex hoc loco Incomprehensibilitatem Deitatis Scholastico sive Theologico sensu intellectam negare volunt, pinguius sanè & insubidiùs se gerunt, quàm aut mores candidos aut judicium limatum deceat.*

Ideam Notionemve ejus æquè facilem esse ac quamvis aliam, &c. *Quantum scilicet ad apprehensionem, quamvis non quantum ad comprehensionem, propriè sic dictam, vel quantum ad speciem, licet non quantum ad gradus, hoc est, Perfectiones ac Proprietates Divinæ Naturæ facile percipi possunt & intelligi, quanquam pro immensa illarum dignitate ac infinitudine, nequaquam comprehendì.*

Sect. 3. Quàm ipsius Materiæ per omnia loca diffusio, &c. ----- Atque certè opportunè hic occurrit hoc exemplum. Quod apprimè valere debet apud eos qui Materiam profitentur infinitam, quippe qui inficiari non possunt quin naturam Materie satis percipiant intelligantve, quamvis interea non satis comprehendant illius Infinitatem. Sed exemplum magis firmum appositumque erit apud alios si pro materia posueris Spacium. Cujus Infinitatem nos apprehendere planissimè nec tamen comprehendere, uno quasi halitu cogimur profiteri.

Sect.

Seçt. 4. Aut in præsentia sua limitetur, aut locum five universa five per partes, &c. Atque hujusmodi necessario deprehenditur Immobile istud Extensum à mobili Materia distinctum in Enchiridio Metaphysico. Quà quidem ratione, inter alias multas, Immobile istud Extensum cum Idea Entis summè absolutèque perfecti convenit. Vide Cap. 8. Seçt. 12.

## CAP. V.

1. Definitio finitorum & creatorum Spirituum omnium communis. 2. De Indiscerpibilitate, & representatione ejusdem symbolica. 3. Respondetur ad objectionem contrarepresentationem istam factam.

Vide lib. 3.  
cap. 12 & 13.

Lib. 1. cap. 4.  
seçt. 3.

1. **I**nfiniti atque Increati Spiritus illius, quem Deum dicimus, notione explicatâ, ad creatos & finitos nunc descendimus; cujus generis sunt Angelorum, Hominum, & Brutorum Spiritus: quibus adjicere lubet (etsi fortè Mundus iis non egeat) Formas Seminales, vel Archeos, ut Chymici appellare malunt. Proprietates Spiritus, in notione horum omnium communi, recensui olim in Antidoto, Motum per se, sui-penetrationem, sui-contractionem & dilatationem, ac indivisibilitatem, i. e. indiscerpibilitatem: quibus addebam vim penetrandi, movendi, alterandique materiam. Hoc igitur Spiritus genus de quo nunc loquimur sic definire liceat, Substantiam indiscerpibilem, quæ movere, penetrare, contrahere, & dilatare se potest, materiam item penetrare, movere, & alterare. Singulos nunc terminos hujus definitionis examinabimus; atque inde apparebit, eam tam esse congruam ac intelligibilem, quàm aliarum rerum definitiones, quarum existentiam omnes lubenter agnoscunt.

2. Indiscerpibilitatem Spiritus quod attinet, jam supra allatis rationibus probavimus eam impossibilem non esse; quippe quæ immediatum ejus est attributum, sicuti impenetrabilitas, Corporis: & æquè bene mens nostra percipit aut imaginatur, substantiam aliquam suâ naturâ partes suas invicem continere posse, ut disjungi aut separari nequeant; ac aliam tam fortiter prohibere posse substantiam alteram, nè in idem secum spatium ingrediatur. Etenim hæc ἀντιτυπία vel impenetrabilitas, ut jam docui, in præciso substantiæ conceptu omnino non continetur.

Præterquam verò quod rem ita esse posse Intellectus haud difficulter apprehendat, imaginationi, ipsique forsan rationi, aliquantulum gratificabor, modum ipsum ostendendo quo ita sit, in hoc genere spirituum de quo nunc verba facimus. Antiqua illa notio lucis specierumque intentionalium, adeo non est manifesta impossibilitas, ut antehac ferè omnibus, atque etiamnum multis, videatur vera; scilicet, Lucem & Colorem ita radiare ut in Philosophia Peripatetica docetur. Jam verò in Luce observare licet, eam prope fontem suum vigere maximè, exinde verò sensim languescere. In unum autem punctum lucidum contractam supponemus; punctum illud, secundum confessa Optica principia, radiis suis luminosis aliquam spatii latitudinem replebit: qui quidem radii, corpore opaco interposito, versus centrum suum reverberari possunt, & sic orbis iste luminosus contrahi; semper verò, per hypothesein Aristotelicam, impossibile existimabatur ut de puncto lucido abscinderentur, & separatim servarentur. Quibus severior ratio non satisfacit, phantasiâ suam possint, si ita videatur, hac imagine oblectare; quæ fortè mentis anxietatē importunitatem levabit aliquantulum, cum ea acrius modum comprehendere vellet, quo Spiritus hic, de quo loquimur, indiscerpibilis esse dicatur. Quilibet enim orbis hujus luminosi radius ostendit satis imaginationi, quomodo extensio & indiscerpibilitas simul consistere possint.

Vide Antidot. lib. 1. cap. 4.  
seçt. 3.  
Append. cap. 3  
& 10.

Append. cap.  
13 seçt. 2.

3. Si quis autem objiciat, Orbis hujus centrum lucidum, seu, ut alibi appello, substantiam primariam, vel divisibilem esse vel prorsus indivisibilem; si divisibilis sit, tum similitudinem illam nostram, quoad penitissimum illud Spiritus, nihil valere ad naturam ejus explicandam, quod non ostendit quo modo partes ejus adeo indiscerpibiliter cohæreant; si verò prorsus indivisibilis, planè nihil id esse videri: Ad hoc respondeo, id quod Scaliger alicubi notavit, Quod infinitè vel magnum vel parvum est, in eo percipiendo imaginationem humanam magnopere laborare. Quæ certè ratio est, cur tam perplexum sit problema illud de materia, consistne ex punctis, an ex particulis in infinitum divisibilibus.



Sed ut rem propiùs attingam, dico porro, tametsi *intimum vitæ centrum*, vel primum ipsum punctum, ut ita loquar, substantiæ *primariæ* (nam *primaria* substantia quodammodo gradualis est) indivisibile prorsus agnosceremus, non tamen indè sequi, nè ipsâ quidem imaginatione iudice, id planè nihil esse. Fingamus enim planum perfectissimum, & super illud æquè perfectum globum; concipere non possumus quin globus iste planum tangat, idque in eo, quod punctum dicere solemus; alioquin ille non esset globus, aut non hoc planum. Fieri autem non potest, ut corpora se mutuò tangerent, in nihilo verò tangerent. Itaque *centrum* hoc vitæ *intimum* est aliquid, & aliquid ita vigoris virtutisque essentialis plenum, ut quamvis gradatim minuitur, certam tamen spatii sphaeram præsentia & activitate suâ complere possit; sicuti scintilla lucis obscurum aërem illustrat.

Cum ergo major non sit vel perplexabilitas vel subtilitas in hoc *centro vitæ*, seu *Penitissimo Spiritûs*, contemplando, quàm quæ in Atomis materiæ reperitur; rectè licet concludere, Axiom. 7. nihil inesse notioni *Indiscerpibilitatis*, quod existentiam subiecti ejus ad quod attinet impossibilem faciat.

## C A P. VI.

1. *Axiomata per quæ demonstratur Centrum seu Punctum primum primariæ Spiritûs substantiæ indiscerpibile esse posse.* 2. *Axiomata alia quæ demonstrant substantiam Spiritûs secundariam indiscerpibilem esse posse.* 3. *Principiorum illorum applicatio.* 4. *De unione substantiæ secundariæ transversim spectata.* 5. *Notionem Spiritûs minus difficultatis habere, quàm Notionem Materiæ.* 6. *Responsum ad Objectionem à Ratione factam.* 7. *Responsa ad Objectiones à Phantasia suggestas.* 8. *Ratio magis compendiosa de notione Spiritûs.*

1. **D**E *Extensione & Indiscerpibilitate* Spiritûs, curiosorum hominum *Imaginationi* percommode gratificati sumus. Nunc aliùs gradiemur; & notionis hujus possibilitatem, ex his quæ sequuntur Principiis, *Rationi* ipsi demonstrabimus.

## AXIOMA XI.

*Globus tangit Planum in aliquo; licet in minimo quod concipiatur esse reale.*

## AXIOMA XII.

*Minimum quod concipi potest, ita exiguum est, ut concipi nequeat in minora discernibile.*

## AXIOMA XIII.

*Quantulumcunque id sit, idem repetitum bene magnas quantitates conficiet.*

**E**X. c. Globus ille super planum ductus generat lineam; Cylindrus super Planum motus, vel eadem ipsa linea à Globo descripta si in se ducatur, superficiem constituit, &c. Nemo hoc negare potest; quin, quo magis id cogitat, eo verius inveniet.

## AXIOMA XIV.

*Magnitudo è meris non magnitudinibus oriri non potest.*

**N**AM Nihil millies millièsque multiplicatum efficit nihil. Præterea, si id in quo Globus Planum tangit, plus quàm indiscerpibile esset, i. e. purè indivisibile; manifestum est, lineam ex punctis Mathematicè sic dictis, id est, purè indivisibilibus compositum iri; quo nihil in Philosophia absurdius esse potest, nec repugnantius cogitari.

## AXIOMA

## AXIOMA XV.

*Una eademque res propter summam suam exiguitatem indiscerpibilis prorsus esse potest, & intellectualiter tamen divisibilis.*

**M**anifestò hoc oritur è principiis superioribus : nam omnis quantitas est *intellectualiter* divisibilis ; suprà autem demonstratur, aliquod *Indiscerpibile* quantitatem esse, proindèque divisibile ; alioquin magnitudo ex punctis mathematicis constaret. Notionem ergo possibilem inveni *Centri Spiritus* ; quod non est punctum mathematicum, sed substantia, magnitudine quidem tam exigua, ut *indiscerpibilis* sit ; virtute verò tam excellens, ut per amplam sphaeram substantiæ *secundariæ*, ( ità eam dicam ) emittere de se possit, quæ magnam materiæ vim actuare valeat ; totà hâc interim *vite activitatisque sphaerâ* omnino indiscerpibili existente.

2. Hoc quidem dixi, nunc autem probaturus sum ; paucis priùs adjectis principiis, iisque tam certis & perspicuis, ut ea vel rigidissima ratio negare non potuerit.

## AXIOMA XVI.

*Causa emanativa est notio rei possibilis.*

**P**ER causam *emanativam* intelligitur causa illa, quæ eo solummodo quòd sit, nullâ aliâ vi aut causalitate mediante, producit effectum. Possibilem hanc esse clarè constat, quòd demonstrari possit huiusmodi causam de factò existere. Aliquid enim seipsum movere oportet ; si Spiritus autem non existit, materia se ipsa moveat necesse est : ubi alia activitas aut causalitas fingi non potest, præter nudam materiæ essentiam, unde motus iste proveniat. Nam si prior motus aliquis hujusmodi ponatur, pari ratione & alius illo antiquior illius causa ponendus est, & sic in infinitum.

*Vide Append.  
Anim. cap. 13.  
scilicet 4.*

## AXIOMA XVII.

*Effectus emanativus substantiæ ipsi causæ suæ coexistit.*

**H**OC verum esse oportet ; quoniam illa ipsa substantia, quæ causa dicitur, æquata & immediata causa est, nec ullâ re indiget præter nudam suam ipsam essentiam ad effectum producendum : \* quâ ergo ratione effectus unquam est, eadem semper sit oportet, vel quoad substantia illa existit.

## AXIOMA XVIII.

\* *Nullus effectus emanativus, vires causæ non excedens, Impossibilis dici potest qui ab ea producat.*

**H**OC ità manifestum est, ut nihil addi debeat, quo aut explicetur aut probetur.

## AXIOMA XIX.

\* *Substantia esse potest tantâ virtute & excellentiâ prædita, quæ causalitate emanativâ substantiam alteram producere valeat, modo substantia producta justis gradibus inferior sit producente.*

**P**atet hoc ex principio præcedenti. Neutiquam enim repugnat aut impossibile est, ut causa producat effectum se minorem ; sic enim certiores sumus eam vires suas non excedere : neque incongruum est ut aliqua substantia quidpiam aliud producat, quod substantiam quodammodo dicamus, at *secundariam* tantum vel *emanatoriam* ; *primariam* quidem substantiam adæquatiùs esse divinæ creationis objectum agnoscens, *secundariam* autem ad *primariam* etiam esse relatione causali referendam. Fac enim Deum creâsse materiam immediatâ potentiâ se movendi præditam, Deus utique causa prima est tam motus quàm materiæ, materia tamen verè dicitur movere se. Denique, substantia illa *secundaria* vel *emanatoria* rectè dicitur substantia, quia subjectum est certis viribus potentiisque præditum, neque alteri substantiæ aut materiæ

riæ



riæ accidentis more inhæret, quin ( si *primaria* substantia ejus salva maneat ) locum suum tueri posset, quamvis omnis omnino materia & alia quæcunque substantia ex spatio per quod extenditur amoveretur.

3. Per quatuor hæc Principia jam addita, rationalem perceptionem habere licet istius partis Spiritûs, quam substantiam ejus *secundariam* appellamus. Cujus extensio cum gradatim emanet de essentia prima & principali, *centro Spiritûs* dicta, ( quæ possibilis est hypothesis Axiom. 16, 18 & 19. ) non possumus non agnoscere perfectam *indiscerpibilitatem* partium, licet non intellectualem *indivisibilitatem*, Axiom. 17. Nam planè repugnat ut effectus *emanativus* à causa sua & origine disjungatur.

4. Itaque ostendi quemadmodum Spiritus, quod ad lineamenta ejus ( ut ita dicam ) à centro ad circumferentiam spectat, omnino *indiscerpibilis* sit. Si quis autem adeò curiosus sit, ut quærat adhuc quomodo illæ ejus partes cohæreant, quæ istas à centro ductas decussant, ( nam imaginatio fortasse suspicabitur eas solutas jacere ; ) Respondeo, conjecturam hanc Imaginationis partim veram esse, partim falsam ; vel veram aut falsam, prout eam interpreteris. Nam si per solutas velit re ipsa disjungas, hoc falsum est & ridiculum : si ita tantum discernibiles, ut una pars possit ab alia disjungi, id non modò verum esse potest, \* sed si fortè radii essentiales non satis reduplicentur intus, planè necessarium : alioqui Spiritus nequiret unam sui partem contrahere, alteram extendere ; quæ tamen hypothesis est necessariò admittenda. Quamobrem hæc Objeccio adeò non labefactat Notionis hujus possibilitatem, ut causam afferat concinnitatem ejus accuratam plenius exponendi.

Breviter igitur, Spiritus à centro ad circumferentiam omnino est indiscerpibilis, in lineis autem transversis arctè quidem cohæret sed non indiscerpibiliter necessariò ; quæ cohæsiō consistere potest \* in immediata harum partium unione, in transversaque penetratione & transcurfione substantiæ secundariæ per universam hanc vitæ sphaeram, quam Spiritum dicimus.

Nec mirari debemus quòd tam plenus orbis ex tam subtili & exiguo puncto, quale *Spiritus Centrum* supponitur, excreseat. Εἰ γὰρ τὸ ὄγκω μικρὸν ἔστι, δυνάμει δὲ τιμιότητι πολὺ μᾶλλον ὑπερέχει πάντων, ut loquitur *Aristoteles* de mente humana. Quid ? quòd id ipsum oculus videt quodammodo in luce accidere, cujus scintilla exigua per amplam sphaeram aëris illuminabit.

*Et hic. ad Nicom. lib. 10. cap. 7.*

5. \* Pura hæc est & simplex Idea creati Spiritûs in genere ; de quo si qua adhuc restat cavillatio, ea certè alia non erit quàm quæ materiæ cum ipso communis sit ; quòd, scilicet, puncta minimasque particulas imaginari non possumus, nec quomodo, quòd discernibile aut divisibile est, cohærere possit : sed cum hoc non impediat quò minus materia actu existat, ad impossibilitatem existentiae Spiritûs inferendam valere omnino non debet.

Immo verò hypothesis omnium quibus hîc utimur incertissima, non tam prorsus implicata est, quàm sunt difficultates illæ, quæ materiam involvunt. Hoc enim concessio, in quo nihil absurdi video, materiæ particulam adeò exiguam esse posse, ut minor fieri omnino nequeat ; perspicuum erit unam eandemque rem, *intellectualiter* quidem *divisibilem*, *realiter* autem *indiscerpibilem* fore. Quod non tantum possibile est, verum etiam videtur necessariò verum : nam licet materiam statueremus esse divisibilem in infinitum, si tamen ponamus causam perceptione infinire distinctâ & infinitâ potentiâ præditam, ( qualis certè Deus est ) poterit profectò causa hujusmodi infinitam materiæ discernibilitatem in actum reducere, hoc est, simul & semel eam in tot particulas re ipsâ discernere, in quot discerni potest. Unde sequetur, unamquamlibet ex particulis istis in extremam parvitutinem sic redactis, *indiscerpibilem* esse prorsus, *intellectualiter* tamen *divisibilem* ; alioqui magnitudo constaret ex punctis meris, quod contradictionem implicat.

Ratione ergo dilucidè demonstravimus materiam constare ex partibus indiscerpibilibus ; cumque nulla alia facultas in contrariam partem sententiam ferat, ( neque enim sensus nec ulla communis notio facere hoc potest ) relinquatur, Axiom. 5. ut conclusio sit vera.

6. Quòd nonnulli tanquam ex Ratione obijciunt, perfectas has *parvitutines*, cum intellectualiter divisibiles agnoscantur, partes adhuc habere oportere in quas divisibiles sint, itaque adhuc discernibiles esse ; Respondeo, *divisionem* in partes nullam inferre *discerpibilitatem* ; quia partes unitis ex his *minimis Corporalibus* ( ut ita dicam ) *essentiales* aut *formales* potius sunt, quàm *integrales*, nihilòque magis actu separari queunt, quàm Sensus & Ratio ab anima humana. Etenim de ipsa Essentia est Materiæ, *divisibilem* esse ; nequaquam verò in Essentia ejus includitur *discerpibilem* esse : itaque *discerpibilitate* deficiente, ut *divisibilitas* etiam deficiat non necesse est. Vide Præfat. Sect. 3.

Q q

7. Quod

## AXIOMA XV.

*Una eademque res propter summam suam exiguitatem indiscerpibilis prorsus esse potest, & intellectualiter tamen divisibilis.*

**M**anifestò hoc oritur è principiis superioribus: nam omnis quantitas est *intellectualiter* divisibilis; suprà autem demonstratur, aliquod *Indiscerpibile* quantitatem esse, proindèque divisibile; alioquin magnitudo ex punctis mathematicis constaret. Notionem ergo possibilem inveni *Centri Spiritus*; quod non est punctum mathematicum, sed substantia, magnitudine quidem tam exigua, ut *indiscerpibilis* sit; virtute verò tam excellens, ut per amplam sphaeram substantiæ *secundariæ*, ( ità eam dicam ) emittere de se possit, quæ magnam materiæ vim actuare valeat; totà hâc interim *vita activitatisque sphaerâ* omnino indiscerpibili existente.

2. Hoc quidem dixi, nunc autem probaturus sum; paucis priùs adjectis principiis, iisque tam certis & perspicuis, ut ea vel rigidissima ratio negare non potuerit.

## AXIOMA XVI.

*Causa emanativa est notio rei possibilis.*

**P**ER causam *emanativam* intelligitur causa illa, quæ eo solummodo quòd sit, nullâ aliâ vi aut causalitate mediante, producit effectum. Possibilem hanc esse clarè constat, quòd demonstrari possit hujusmodi causam de facto existere. Aliquid enim seipsum movere oportet; si Spiritus autem non existit, materia se ipsa moveat necesse est: ubi alia activitas aut causalitas fingi non potest, præter nudam materiæ essentiam, unde motus iste proveniat. Nam si prior motus aliquis hujus causa ponatur, pari ratione & alius illo antiquior illius causa ponendus est, & sic in infinitum.

*Vide Append.  
Anim. cap. 13.  
scilicet 4.*

## AXIOMA XVII.

*Effectus emanativus substantiæ ipsi causæ suæ coexistit.*

**H**OC verum esse oportet; quoniam illa ipsa substantia, quæ causa dicitur, adæquata & immediata causa est, nec ullâ re indiget præter nudam suam ipsius essentiam ad effectum producendum: \* quâ ergo ratione effectus unquam est, eadem semper sit oportet, vel quoad substantia illa existit.

## AXIOMA XVIII.

\* *Nullus effectus emanativus, vires causæ non excedens, Impossibilis dici potest qui ab ea producatur.*

**H**OC ità manifestum est, ut nihil addi debeat, quo aut explicetur aut probetur.

## AXIOMA XIX.

\* *Substantia esse potest tantâ virtute & excellentiâ prædita, quæ causalitate emanativâ substantiam alteram producere valeat, modo substantia producta justis gradibus inferior sit producente.*

**P**atet hoc ex principio præcedenti. Neutiquam enim repugnat aut impossibile est, ut causa producat effectum se minorem; sic enim certiores sumus eam vires suas non excedere: neque incongruum est ut aliqua substantia quidpiam aliud producat, quod substantiam quodammodo dicamus, at *secundariam* tantum vel *emanatoriam*; *primariam* quidem substantiam adæquatiùs esse divinæ creationis objectum agnoscens, *secundariam* autem ad *primariam* etiam esse relatione causali referendam. Fac enim Deum creâsse materiam immediatâ potentiâ se movendi præditam, Deus utique causa prima est tam motus quàm materiæ, materia tamen verè dicitur movere se. Denique, substantia illa *secundaria* vel *emanatoria* rectè dicitur substantia, quia subiectum est certis viribus potentiisque præditum, neque alteri substantiæ aut materiæ

riæ



riæ accidentis more inhæret, quin ( si *primaria* substantia ejus salva maneat ) locum suum tueri posset, quamvis omnis omnino materia & alia quæcunque substantia ex spatio per quod extenditur amoveretur.

3. Per quatuor hæc Principia jam addita, rationalem perceptionem habere licet istius partis Spiritûs, quam substantiam ejus *secundariam* appellamus. Cujus extensio cum gradatim emanet de essentia prima & principali, *centro Spiritûs* dicta, ( quæ possibilis est hypothesis Axiom. 16, 18 & 19. ) non possumus non agnoscere perfectam *indiscerpibilitatem* partium, licet non intellectualem *indivisibilitatem*, Axiom. 17. Nam planè repugnat ut effectus *emanativus* à causa sua & origine disjungatur.

4. Itaque ostendi quemadmodum Spiritus, quod ad lineamenta ejus ( ut ita dicam ) à centro ad circumferentiam spectat, omnino *indiscerpibilis* sit. Si quis autem adeò curiosus sit, ut quærat adhuc quomodo illæ ejus partes cohæreant, quæ istas à centro ductas decussant, ( nam imaginatio fortasse suspicabitur eas solutas jacere ; ) Respondeo, conjecturam hanc Imaginationis partim veram esse, partim falsam ; vel veram aut falsam, prout eam interpreteris. Nam si per solutas velit re ipsa disjungere, hoc falsum est & ridiculum : finitæ tantum discernibiles, ut una pars possit ab alia disjungi, id non modò verum esse potest, \* sed si fortè radii essentiales non satis reduplicentur intus, planè necessarium : alioqui Spiritus nequiret unam sui partem contrahere, alteram extendere ; quæ tamen hypothesis est necessario admittenda. Quamobrem hæc Objeccio adeò non labefactat Notionis hujus possibilitatem, ut causam afferat concinnitatem ejus accuratam plenius exponendi.

Breviter igitur, Spiritus à centro ad circumferentiam omnino est indiscerpibilis, in lineis autem transversis arcuè quidem cohæret sed non indiscerpibiliter necessario ; quæ cohærio consistere potest \* in immediata harum partium unione, in transversaque penetratione & transcurfione substantiæ secundariæ per universam hanc vitæ sphaeram, quam Spiritum dicimus.

Nec mirari debemus quòd tam plenus orbis ex tam subtili & exiguo puncto, quale *Spiritûs Centrum* supponitur, excreseat. Εἰ γὰρ τὸ ὄγκω μικρόν ἐστι, δυνάμει καὶ τιμῇ τῇτι πολὺ μᾶλλον ὑπερέχει πάντων, ut loquitur *Aristoteles* de mente humana. Quid ? quòd id ipsum oculus videt quodammodo in luce accidere, cujus scintilla exigua per amplam sphaeram aëris illuminabit.

*Et hic. ad Nicom. lib. 10. cap. 7.*

5. \* Pura hæc est & simplex Idea creati Spiritûs in genere ; de quo si qua adhuc restat cavillatio, ea certè alia non erit quàm quæ materiæ cum ipso communis sit ; quòd, scilicet, puncta minimasque particulas imaginari non possumus, nec quomodo, quòd discernibile aut divisibile est, cohærere possit : sed cum hoc non impediat quominus materia actu existat, ad impossibilitatem existentiae Spiritûs inferendam valere omnino non debet.

Immo verò hypothesis omnium quibus hîc utimur incertissima, non tam prorsus implicata est, quàm sunt difficultates illæ, quæ materiam involvunt. Hoc enim concessio, in quo nihil absurdi video, materiæ particulam adeò exiguam esse posse, ut minor fieri omnino nequeat ; perspicuum erit unam eandemque rem, *intellectualiter* quidem *divisibilem*, *realiter* autem *indiscerpibilem* fore. Quod non tantum possibile est, verum etiam videtur necessario verum : nam licet materiam statueremus esse divisibilem in infinitum, si tamen ponamus causam perceptione infinire distinctâ & infinitâ potentiâ præditam, ( qualis certè Deus est ) poterit profectò causa hujusmodi infinitam materiæ discernibilitatem in actum reducere, hoc est, simul & semel eam in tot particulas re ipsâ discernere, in quot discerni potest. Unde sequetur, unamquamlibet ex particulis istis in extremam parvitutinem sic reductis, *indiscerpibilem* esse prorsus, *intellectualiter* tamen *divisibilem* ; alioqui magnitudo constaret ex punctis meris, quod contradictionem implicat.

Ratione ergo dilucidè demonstravimus materiam constare ex partibus indiscerpibilibus ; cumque nulla alia facultas in contrariam partem sententiam ferat, ( neque enim sensus nec ulla communis notio facere hoc potest ) relinquatur, Axiom. 5. ut conclusio sit vera.

6. Quòd nonnulli tanquam ex Ratione objiciunt, perfectas has *parvitudines*, cum intellectualiter divisibiles agnoscantur, partes adhuc habere oportere in quas divisibiles sint, itaque adhuc discernibiles esse ; Respondeo, *divisionem* in partes nullam inferre *discerpibilitatem* ; quia partes unius ex his *minimis Corporalibus* ( ut ita dicam ) *essentiales* aut *formales* potius sunt, quàm *integrales*, nihilòque magis actu separari queunt, quàm Sensus & Ratio ab anima humana. Etenim de ipsa Essentia est Materiæ, *divisibilem* esse ; nequaquam verò in Essentia ejus includitur *discerpibilem* esse : itaque *discerpibilitate* deficiente, ut *divisibilitas* etiam deficiat non necesse est. Vide Præfat. Sect. 3.

Q q

7. Quod

7. Quod spurias imagines illas attinet quas Phantasia sibi fingit, quasi nempe perfectæ hæc *Parvitudines* essent corpora rotunda, proindeque inter illas triangularia intervalla omni materiâ vacua interessent; nihil istæ in hac causa valent, quod Phantasia pro indiscerpibili magnitudinē discernibilem sibi semper contemplandam exhibet. Quamobrem cum testimonium ab illa dictum falsum sit, non est admittendum; immo si causam multo involutiorem reddere potuerit, audienda tamen non esset, Axiom. 4.

Quandoquidem igitur Phantasia objectum quod consideramus, pro dignitate ejus, exhibere non valet; haud scimus annon tam confectæ jaceant perfectæ hæc *parvitudines*, ut nulla planè sint inter eas interstitia: immo verò, ita rem esse videtur necessarium. Nam si forent ejusmodi interstitia, capacia essent particularum minimis his minorum; quod planè repugnat, & prorsus est impossibile.

Atque si Phantasiæ inservientes intervalla ista concedamus, quid inde sequeretur absurdi? id scilicet, insensibile tum vacuum admittendum esse; id quod profectò nulla unquam facultas refutare poterit. \* Veruntamen rationi congruentius est nullum admittere, idemque magis consonum sententiæ nostræ de minimis his *Corporalibus*, uti ea appellabam, quorum modus, est minimus tactus realis Globi & Plani, vel Coni & Plani, vel Globi & Globi: & si quem minorem his tactum realem cogitare possis, ea mensura sit *minutarum* harum *realitatum* materiæ. Hinc sequitur integrum eas latus simul tacturas, ideòque nulla intervalla vacua relicturas.

Nec angulositates eminentiæve rotundas ullas in quantitate infinitè parva cogitare plus possumus, quàm in infinitè magna; uti jam docui in Præfatione. Equidem fatendum est Rationem nostram in hac speculatione longè se supra imaginationem efferre; verùm hoc conclusioni præsentī fraudi esse non debet, Axiom. 4 & 7, cum theoremata sint, eaque ab omnibus verissima habita, hoc multò intricatiora.

8. \* Plenam nunc & distinctam notionem Spiritûs explicavimus, itaque dilucidè & accuratè, ut eam posthac Ratio nec impossibilem dixerit nec incomprehensibilem. Si verò hominibus parum patienti ingenio hæc speculatio videatur operosior & radii plena, descriptioque ejus, quia graphicè facta, eo magis dubiâ fide existimetur; tanquam si mentis nostræ facultates superaret tam præcisam conclusionem in materia adeò obscura facere: possint isti intellectum suum levare, si contenti esse velint iis, quæ suprà diximus Cap. 2. Sect. 11, 12. Meminerint etiam velim, sapientem potentemque Deum, qui fecit omnia, posse quam vult ipse naturam rebus donare; nec majori operâ facere, ut una creatura naturâ suâ penetrabilis & indiscerpibilis, aliisque quibuscumque sit ornata dotibus, si ita ipsi visum fuerit; quàm ut altera sit impenetrabilis & discernibilis: \* quæ dotes cum immediatè cum subjecto cui insunt uniantur, Ratio ultrà quærere non debet, quomodo illis insint, Axiom. 9.

## SCHOLIA

### In CAP. VI. SECT. 2.

**Q**uâ ergo ratione effectus unquam est, eadem semper sit oportet, &c. Hoc quidem verissimum est in Causis emanativis Creatis & cum tempore incipientibus. Deus verò si Creationis causa Emanativa esset propriè dicta, hoc Axioma illis locum non haberet, quoniam ipsi naturæ Mundi repugnat ut fiat ab æterno, sive per Emanationem sive quocumque alio modo, prout fusè demonstravi in Enchiridio Metaphysico, Cap. 10.

Axioma 18 & 19. Contra hæc duo Axiomata objicitur, Quod videntur probare æquè possibile esse ut Parentis Anima filii Animam sine omni suæ divisione producat, atque ut primaria Anima substantia producat secundariam. Primò enim quæ hic dicuntur de causis & effectis Emanativis, vera esse de omnibus causis & effectis in genere. Deinde si substantia esse possit quæ alteram producat substantiam debito gradu productrice inferiorem, non esse impossibile ut producat sibi æqualem; atque sic Anima Parentis filii animam producere posset, hoc est creare, cum tamen Creatio creaturæ nequaquam competat.


Ad primam verò partem respondeo, Me non asserere substantiam ullam creatam tantæ esse posse virtutis & excellentiæ ut alteram substantiam producat, nisi causalitate Emanativâ; ipsumque Objectorem tantum affirmare non probare verum esse in aliis causis & effectis non Emanativis.

Ad alteram respondeo, Si substantia creata alteram substantiam debito gradu inferiorem producere posset, nequaquam sequi, posse æqualem. A minori enim ad majus valdè infirmam esse



esse consequentiam. Quibus omnibus adde, Immane discrimen esse inter Emanationem & Creationem. In Emanatione enim, Emanatum, si fas sit ita loqui, idem esse realiter cum causa emanativa; in Creatione verò Creans & creatum realiter distingui, quippe quum prius esse possit sine posteriori. Effectum igitur emanativum est realiter ipsa causa emanans, fusiùs sibi à seipsa explicata, nec nisi una eadēque substantia est, quemadmodum fit in Divina Trinitate, nec repetita sed una permanens: cum è contrà si parentis anima filii animam produceret, eam & realiter à se distinctam produceret & sæpius repetitam. Potest enim quis habere plures liberos, decem putà, quindecim immò viginti, qui cum singuli animas habituri sint, Parentis anima æquales, omnes simul sumptæ paternā animā vigecuplo majores essent vel præstantiores. Repugnat verò ut vel ipse Deus, qui perfectissimam creandi facultatem habet, unam plurēve substantias realiter à se distinctas seipso majores vel præstantiores creare possit, nedum ut possit Creatura. Unde immane quantum, quod dixi, interesse inter Emanationem & Creationem manifestissimum est, Objectionemque hanc contra hæc Axiomata nostra, planè vacillare.

Seçt. 4. Sed si fortè radii Essentiales non satis reduplicentur intus, &c. Locus hic paulo difficilior est explicatu. Faciam verò quod potero, ut plenè intelligatur. Radii essentiales sunt ipsa Essentia secundaria quæ radiosa fingitur, quia ex uno quasi centro emanare supponitur. Hic verò hæc radiosa quæ dicitur Essentia, non ex innumeris radiis constare intelligitur, quasi tot filis solutilibus tramā trajectā mox connectendis, sed immediatè quaquaversum jam esse connexa vel potiùs simpliciter una, sed multo plus substantia sive Essentia continere quàm pro spatio quod occupat, quàm essentialē spissitudinem alibi appello, & per satis plenam Reduplicationem hic subindico. Nam quemadmodum in Circulo papyraceo aut panneo simplici, simbria sive circumferentia à certa parte versus centrum retrahi non potest, quin reliquæ vicinæ partes simul retrahantur; putà in Circulo BCD, pars C retrahi non potest versus centrum A, quin partes inter CB & CD simul subducantur, si circulus BCD ex simplici panno papyrove constet. Verum si cum satis multis amplisque rugis sive plicaturis formetur, facile intelligitur partem C subduci posse versus Centrum A, & tamen omnes partes inter CB & DC non simul subduci retrahive, sed propendere adhuc angulūque relinquere similem Angulo e Af. Quod autem faciunt hæc Plicatura in Circulo, idem præstat Spissitudo hæc Essentialis satisve plena Reduplicatio in Orbe sive Sphæra Vitæ & Essentia in Spiritu.



Hujus enim beneficio potest se ad quālibet formam accommodare, ut nemo miretur hiatus corporis Animæque inter crura, inter latera & brachia, & inter digitos manuum. Ex satis plena, inquam, hac Essentia radiosa Reduplicatione, hoc facile fieri potest. Sublatā verò hanc reduplicatā Essentiæ Plenitudine, nisi Animam humanā formā esse volumus (qua de re mox plura) necesse est ut supponamus eam transversim esse discerpibilem. Qui genuinus apertusque sensus est hujus loci.

In immediata harum partium unione, &c. Non quòd immediatè & ex se una sunt, tunc enim dividi non possent, sed sine ullo tertio coagulo sive vinculo. Est tamen earum inter se tam arcta intimæque cohesio, (quanquam interim vi naturæ pro re nata facile solvi possint) ut infinitis fere modis quàm ullarum materiæ partium inter se, perfectior sit unio. Quod eò dico, nè cui ob partium solutilitatem despicatur sit hæc nostra Spiritus Idea.

Seçt. 5. Pura hæc est & simplex Idea creati Spiritus in genere, &c. Est equidem possibilis Idea Spiritus creati particularis in genere. Spiritus verò Naturæ Ideam minimè commodam esse censeo.

Seçt. 7. Veruntamen Rationi congruentius est nullum, &c. Nullum nempe admittere tanquam Effectum figurationis minimorum Corporalium. Veruntamen nullā omnino ratione vacuum vel minimum admitti posse, mihi haud ita videtur consentaneum.

Seçt. 8. Plenam nunc & distinctam Notionem Spiritus explicavimus, &c. Spiritus scilicet creati particularis Ideam, quod modò monui, adde, & possibilem. Sapius enim jam professus sum me possibilis tantum Ideæ Spiritus delineationem moliri vel meditari, eorum tantum gratiā qui omnem Spiritus notionem impossibilem toties clamitant. Quòd verò hanc præ reliquis omnibus Ideam elegerim, hinc factum est, quòd nondum præjudicia omnia Cartesiana nedum Platonica exuissem. Platonici enim cum substantias Spirituales Luci tam frequenter comparent, ob eam etiam causam Ideam hanc speciosiore ac probabiliorem apparituram esse sperabam, quippe punctum lucidum tam bellè imitantem. Cartesius verò cum suis, cum unum quid affectent in quolibet subjecto ad quod reliqua omnia per modum necessariae cujusdam sequela referant, ut in Materia ad Extensionem, ex

qua necessario & adequatè sequi autumant, Divisionem, Mobilitatem, Figuram & Im-  
penetrabilitatem, ego ad istud exemplum, Ideam Spiritus concinnavi, ubi puncto sub-  
stantiati emanativo posito, reliqua planè ad votum sponte consequuntur.

Verum enimvero, quid de hac Philosophandi ratione sentiam tam appositè expliciteque  
in Præfatione Enchiridii Ethici declaravi, Attributa scilicet cujusque subjecti essenti-  
alia non unius alicujus Attributi vi in eodem subjecto tam arctè cohærere sed immedi-  
atâ virtute ipsius Essentiæ juxta Ideam in mente Divina conceptam creatâ, &c. ut su-  
pervacaneum prorsus sit hic quicquam superaddere. Ad Præfationem igitur istam remitto  
Lectorem, Sect. 13. Qui interim si scire gestiât qualem reverâ ipse sentiam esse veram  
particularis Spiritus, Anima putâ humanæ, Ideam, equidem, sepositis omnibus istius Centri  
Radiorumque similitudinibus & ambagibus, rotundè respondeo, Substantiam esse unam  
per se & non per aliud, ac proinde partes omnes immediatissimâ ratione unas vel  
unum quid potius dici posse quàm uniri. Quemadmodum partes in Deo quæ fin-  
guntur unæ sunt. Animas verò humanas ad sui similitudinem creavit, potest enim quic-  
quid nullam implicat contradictionem. Est igitur Anima humana substantia una per se  
virtute tum Plastica, tum Perceptivâ sensum Rationemque complectente, prædita.

Cum verò omnis omnino res aliquo modo extensa sit speciatimque Anima ipsa, (quemad-  
modum in Enchiridio Metaphysico copiosè demonstravi) nec tamen in infinitum extendat-  
ur, necessario sequitur aliquam habere figuram, cum figura nihil aliud sit quàm finita ex-  
tensionis certa quadam terminatio, sive regulari sive irregulari perinde est. Jam verò  
cum necesse sit ut Anima aliquam habeat figuram, aptaque nata sit ad informandum actuan-  
dumve corpus humanum, perridiculum mihi videtur valdeque absonum, ut, si figuram ali-  
quam naturalem habeat, non haberet humanam. Nam hanc præ reliquis omnibus utilem  
esse omnibus omnino Philosophis testatur præsens Anima status temporaneus, Christianis ve-  
rò etiam status Resurrectionis æternus, ubi ἰσάγγελος erimus, quod & animas nostras hu-  
manâ figurâ esse certissimè arguit, & fortean Angelicas. Quæ enim certa ac naturalis  
Anima figura esse potest, si non illa, in qua mansura sit in æternam cum corpore glorificato?  
Atque hanc esse illam ipsam Imaginem suspicor, quam Cabbalistæ Zel, vel Zelem appel-  
lant, quam & parari aiunt homini antequam exeat in Mundum, cùmque prodit, in  
illa Imagine adolescere & in illa ambulare. Antequam verò Imago hæc accedit, quam  
demisit Dominus super caput ejus, non procreari hominem. Quam mira vox est, nisi  
quandam περὶ τοῦ σώματος humani corporis à Spiritu Naturæ fieri supponamus. Alioqui quo-  
modo haberet homo caput, cui Zelem, sive Plastica propria immineret? Denique Zelem  
hanc, ut antecedit conformationem partium perfectam, sic quoque abscedere ante con-  
summata mortem. Quæ nisi candidè interpretemur valde sunt ridicula. Animam verò  
cum sua Forma sive Plastica, exire posse in ipsa lucta Mortis non est fortean adèd impossibi-  
le, corpore adhuc aliquam speciem vitæ exhibente vi Spiritus Naturæ. Esse verò ullam  
Formam Imaginemve Animæ ab ipsa Anima illiusve Plastica distinctam, insomnium mihi  
videtur recentiorum Cabbalistarum.

Non temerè igitur sancti illi Patres, Irenæus & Origenes aliique Animam ipsam hu-  
manâ figurâ statuerunt. Sic enim verba ista sonant, ομοιοῦν τὸ πνεῦμα τῷ σώματι,  
Animam ejusdem formæ esse cum corpore, apud Photium in Excerptis à libro S. Me-  
thodii. Eoque saniora & solidiora hæc videri debent, cùm tam clarè constet, maximam  
Anima partem esse Plasticam, quæ extendendo se paulatim materiam in corporis humani  
membra organaque format & extendit. Tam consentanea undique est hæc de figura Animæ  
opinio. Quam quidem Plasticam apud Photium istis verbis indigitari existimo. Τοῦ  
ἐν τῷ σώματι καὶ τῷ πνεύματι, species carnem etiam nunc effigians: & rursus,  
Τὸ ἐν τῷ πνεύματι καὶ τῷ σώματι, species formam effi-  
gians à qua & Figura continetur. Quæ quidem valde graphica est Plastica descriptio.  
Est enim vis Anima Plastica quæ corpus in Figura humana continet, nè diffusetur quemadmo-  
dum fit post mortem. Denique huc etiam spectant ista verba, Τοῦ ἐν τῷ σώματι καὶ τῷ πνεύματι  
μελὸν ἐν τῷ πνεύματι καὶ τῷ σώματι, species Identitatem membrorum in  
formæ cujusque effigie exhibens. Hoc utique est officium Plastica, in Personalibus  
characteribus visibilibus Angelorum pariter atque hominum tuendis conservandisque consti-  
tutum. Atque hæc de vera Idea particularium istorum Spirituum quæ Animæ humane ap-  
pellantur, de quibus nos maximè sollicitos esse debere ipse Titulus Tractatus indicat.

Sect. 12. Quæ dores cùm immediatè cum subjecto cui insunt uniantur, Ratio ul-  
trâ quærere non debet, &c. Hæc eis quæ supra diximus valde sunt consentanea. Vide  
Præfationem Enchiridii Ethici, Sect. 13.



## CAP. VII.

1. De Spiritûs motu per se. 2. De penetratione sui. 3. De contractione & dilatatione sui. 4. Potentia penetrandi materiam. 5. Potentia movendi, 6. Et alterandi Materiam.

1. **I**ndiscerpibilitatem Spiritûs tam in Centro quàm circumferentia, tam in primaria quàm secundaria substantia, notionem esse probavimus bene consistentem & congruentem. Proxima huic proprietas est motio per se, quæ necessariò est alicujus rei attributum; nam per Motionem sui nihil intelligo nisi Activitatem per se, quæ ad subjectum per se activum pertinere debet. \* Jam quicquid simpliciter & per se activum est, non magis activum esse desinet, quàm esse; quod indicat materiam activam per se non esse, \* quoniam ad quietem redigi potest: atque hoc argumento est, non modò Activitatem per se pertinere ad spiritum, verùm etiam spiritum in natura rerum existere, unde activitas materiæ impertiatur. Enimvero si materia per se ipsa motum haberet, nihil cohereret; sed filices, adamas, æs, ferrum, immo & terra universa in substantiam Aëre ipsò tenuiorem statim liqueceret, vel potiùs in eam quam nunc habet consistentiam nunquam concrevisset. Atenim hoc præoccupare est futurum institutum meum, probandi scilicet Spirituum existentiam: hoc loco satis fuerat affirmasse, Motum vel Activitatem per se tam rectè concipi ad Spiritum quàm ad Corpus attinere; quod primo aspectu manifestum est homini facultates suas consulenti. Nec difficilis quis esse debet ad concedendum, aliquid se movere; quodd adversariis nostris, rem omnem præter materiam è mundo tollentibus, necessariò fatendum est (quamvis perquam incongruum sit ità facere) materiam hanc suam movere se.


2. Congruitas possibilitasque penetrationis sui in Spiritu creato intelligi potest, partim ex subjecti ipsius limitatione, partim ex attributis suprà expositis, Indiscerpibilitate & Motu per se. Etenim penetratio sui ad Deum pertinere non potest; quod impossibile est ut quicquam ad eum pertineat quod imperfectionem significat, penetratio autem sui fieri nequit, nisi presentia rei quæ ità se penetrat diminuatur, & partes ejus non satis rectè se habeant; quod planè repugnat Essentiæ rei absolute perfectæ. Ex attributis Indiscerpibilitatis & Motionis sui (quibus etiam penetrabilitatem adjicias è communi spiritûs notione desumptam) manifestum est, spiritum illum quem hîc definimus, cum in universam Essentiam suam movendi vim potestatemque habeat, posse motum hunc pro naturæ suæ proprietate determinare: itaque si partium exteriorum motum determinet introrsum, redibunt illæ introrsum ad centrum versùs potentia essentialis; quod quidem facillè poterunt absque ulla resistantia, cum subjectum totum penetrabile sit, & sine ullo suo damno, cum sit item indiscerpibile.

3. A penetratione sui, non facillè modò, verùm necessariò, Contractionem Dilatationemque sui oriri intelligimus. Quippe hæc se-movens substantia, quem spiritum dicimus, penetrare se non potest quin eo ipso contrahat sese; nec se rursus in statum suum pristinum restituere, quin se eo dilatat: quare his terminis immorari non est opus.

4. Materiam penetrandi vim facillè comprehendemus, si spiritum consideremus tantùm ut substantiam, cujus immediata proprietas est Activitas. Tum enim nihilo difficilior erit imaginatione assequi, quemadmodum hæc substantia partem aliquam materiæ pervadat, quàm concipere motum per eandem materiam pervadentem.

5. Maximè omnium verò imaginatio hîc hæret, quomodo spiritus, qui incorporeus est, quamvis in materia insit, eam tamen movere possit. Ità subtilis enim res videtur, ut materiam transiture sit nullis sui magis in ea relictis vestigiis, quàm à fulmine solet in vagina, licet hoc fortasse gladium liquet propter resistantiam. Spiritui autem nullibi resistitur, propterea quòd vel densissima materia facillè penetrabilis est & pervia substantiæ Incorporeæ. Difficultatis hujus fundamentum in hoc positum est, quòd concipi nequit, ut ulla fiat unio inter materiam & substantiam eam quæ tam facillè materiam pertransire potest. Nam si semel imaginari poterimus Unionem inter Materiam & Spiritum, non ultrà dubitandum esset quin Spiritûs Activitas aliquid in Materiam valeret, vel ad generandum, vel ad augendum, vel denique ad determinandum motum ejus.

Veruntamen *Penetrabilitate transiionēque* istā facillimā spiritus per materiam non obstante, firmissima inter eos Unio esse potest, eaque æquē intelligibilis, ac quæ inter partes ipsas materiæ reperitur. Ecquod enim gluten aut cæmentum vincit partes materiæ lapideæ aut metallicæ, vel si mavis, absolutē duræ, quæ poris & particulis caret, quæque unum continuum perfectēque homogeneous est Corpus, non ad sensum duntaxat, sed etiam ad accuratissimam Ideam rationis? quo cæmento, inquam, colligantur talis corporis partes? Non alio profectō nisi immediatā unione & quiete. Unionem quod attinet, ea quæ est materiæ cum materia, conferenda non est cum unione Spiritus cum Materia. Illa enim superficiaria duntaxat, in hac autem interiores partes ipsæ punctum puncto penitus uniuntur. Nec quodd facultatem



pertransendi Spiritus habet, idcirco metuendum est ne non apprehendat. Nam in hoc corpore absolutē duro, v. c. A, in quo porrō supponamus interiorem aliquam superficiem, putā EAC, hæc superficies tam lævis est ut nihil lævius cogitari queat: qui fit igitur ut pars superior EDC, minimo motu adhibito, non labatur super inferiorem EFC; præcipuē si EFC manu retineri supponatur, alterā pulsā? Ergo cum facilis hic lapsus corporum unius super alterum, sine ulla adhæsiōne, imaginationi nostræ tam necessarius videatur, quàm Spiritus transitio per omnia corpora sine ulla eorum apprehensione; patet Axiom. 7. perfirmam unionem Spiritus & Materiæ possibilem esse, etiam si modum ejus concipere nequimus.

Dein verò quietem quod spectat, ea conjunctioni Materiæ cum Spiritu peræquē convenit, ac materiæ cum materia. Suppone totum corpus A in omni sui parte æquali celeritate moveri; partes A, \* in illo sensu Quietis quo adhæsiōnem partium materiæ inter se explicant, verē quiescunt. Ego itidem dico, in unione materiæ & spiritus, partibus materiæ à spiritu recipientibus eandem planē motus velocitatem quam Spiritus exierit, nec quicquam ampliùs, utrumque firmā inter se unione quiescere. Quod sanè accidit, ubi multo minùs immediata est unio, quàm hæc de qua loquimur. Libro enim manui imposito, si nec manus celeriori motu feratur quàm ipsa libro impertit, nec vicissim liber velociùs manu propellatur; liber & manus proculdubio, unione servatā, pari passu procedent. Tam facillè intelligitur ut Spiritus Corpus movere possit; idque non majore aut contradiciōne aut difficultate, quàm in unione motuque ipsius Materiæ partium reperitur. Vide *Appendicem Antidoti*.

Cap. 3. Sect. 7, 8.

6. Terminus ultimus definitionis Spiritus est *potentia materiam alterandi*; quæ ex potentia movendi eam, vel motum ejus dirigendi, sequetur necessariō. Etenim alteratio nihil aliud est quàm variatio, vel figurarum, vel situum, vel graduum motus particularum; quæ omnia non sunt aliud quàm Effecta motus localis. Itaque jamclare ostendimus, quàm intelligibiles, quàmque possibiles sint termini omnes definitionis seu notionis *creati Spiritus in genere*; saltem spirituum eorum, qui ullo- rum in mundo Phænomenon visibilium cum ratione causæ existimentur. Ad species eorum præcipuas definiendas nunc descendimus.

## SCHOLIA

### IN CAP. VII. SECT. I.

JAM quicquid simpliciter & per se, &c. Id simpliciter ex se activum esse intelligo, quod nullā aliā re indiget, quæ occasionem det agendi exerendive suam activitatem. Quando autem omnes Spiritus ex se activos esse assero, non sic intelligi volo, ac si omnes simpliciter ex se activos esse contenderem. Sic enim ne Anima quidem brutorum unquam forent in statu silentii. Hic igitur obiter diverto à generali notione ad specialem, qua Spirituum existentiam demonstrarem. Quod aliquantulum præposterè à me factum fateor.

Quoniam ad quietem redigi potest, &c. Hinc planè liquet simpliciter ex se activam non esse, cum tamen aliquid in rerum natura sic esse necesse sit, ac proinde aliquam substantiam esse à Materia distinctam. Ad hunc sensum reliqua in hoc Paragrapho prosequere.

Sect. 5. In illo sensu quietis quo adhæsiōnem partium Materiæ inter se explicant, &c. Hoc certè satis validum argumentum esse debet apud Cartesianos. Quod ad me verò attinet, hanc rem verius perinde atque operosius me explicasse arbitror in Antidoti Appendice, Cap. 3. Sect. 8.

CAP.



## CAP. VIII.

1. Quatuor species præcipuæ Spirituum. 2. Quomodo definienda sint. 3. Definitio Formæ seminalis; 4. Anima Bruti; 5. Anima Humana. 6. Differentia inter Animam Angelicam & Humanam. 7. Definitio Anima Angelicæ. 8. Nôes & Eîades Platoniorum. 9. Cartesianam demonstrationem existentia Anima humana possibilitatem saltem Spiritus concludere.

1. **Q**uatuor Spirituum genera enumeravimus, λόγους σπερματικούς, id est, *Formas seminales*, Animas Brutorum, Animam Humanam, & Animam illam seu Spiritum, qui Angelorum vehicula aëtuat aut informat: mihi enim Angeli tam verè & propriè sunt Entia composita, ex anima & corpore conflata, quàm homines ipsi aut Bruta. Ad existentiam eorum nunc probandam non aggrediemur, quippe quod alterius est loci. Hic mihi propositum est exponere duntaxat aut definire harum rerum notiones, quantum opus videbitur ad evincendum Ideas vel Notiones rerum esse, quæ nullam contradictionem aut impossibilitatem in conceptu suo implicant; quod quidem facile factu erit: Præcipua enim difficultas in generaliore notione Spiritus consistit, quam plenè in superioribus capitibus explicavimus.

2. Jam verò generalis hæc notio per alias differentias in species contrahi non potest, quàm per eas, quæ peculiare potentia proprietatève dicantur, ad unum Spiritum pertinentes, exclusæ ab alio, Axiom. 8. Hinc sequitur, si species singulas Spirituum immediatis intrinsecisque proprietatibus describamus, nos tam veras tàmque legitimas definitiones earum tradituros, quàm quis potest alterius rei cuiuslibet.

3. Incipiemus ab eo quod simplicius est, *Seminalibus Formis* rerum, quas in præsentia, nihil de existentia earum statuentes, ità secundum Ideam suam possibilem definimus, *Forma seminalis est Spiritus creatus, materiam ritè præparatam organizans in vitam vegetationemque certi generis plantarum propriam.* Planè non video quid in hac definitione reprehendi possit, cum nihil contineat quod non bene cohæret & intelligi potest. Nam quòd *Spiritus* est, materiam intrinsecè movere, saltem motum ejus dirigere potest: quòd autem Spiritus omnipotens non est, sed finitus & creatus, potentia ejus, & illa quæ unionem vitalem, & illa quæ motum respicit, rectè ad materiam ritè præparatam restringitur: Spirituum horum particularium conditore facultatem vitalis unionis eorum pro diversitate præparationis materiæ variante, itaque genus eorum universum limitante, ut nullus ex iis cum materia qualibet cunque uniri possit: atque idem ille Author primæque omnium rerum causa, qui dat iis facultatem cum materia ritè præparata uniendi movendique illam, leges etiam eas motui isti ferre potest, ut quando in idoneam incidit materiam, certam plantam producturus sit; id est, materiam in talem figuram, colorem, aliasque proprietates efficturus, quales in Plantis sensus nostri deprehendunt.

4. Particularis vitæ gradus primus hic est; || siqua fortè sit ulla particularis hujus duntaxat gradus. Jam Essentiæ rerum, ut *Aristoteles* alicubi notavit, sunt sicut numeri, quorum species mutantur additâ vel detractâ unitate: si ergo *vegetationi* adjicias potentiam alteram intrinsecam, nempe *sensationem*, habes *Animam Bruti*. Enimvero nuda ipsa substantia in cognitione explicita non est computanda, ut quæ nequaquam concipi potest; idcirco potentiarum duntaxat rationem habebimus. Itaque subjectum unde *vegetatio* & *sensatio* dimanant, \*generalis est Notio *Animæ Bruti*. Hoc in quamplurimas dispertitur species, effectumque cujusque potentia intrinsecæ cernitur in constanti forma certisque proprietatibus specierum singularum.

5. Ad *vegetationem* & *sensationem* si *Rationem* addis propriè sic dictam, existet \*certa determinatæque notio *Animæ humanæ*; quam perfectiùs sic definire licet: *Spiritus creatus, sensu & ratione præditus, potentiâ item formandi terrestrem materiam, per vitalem cum ea unionem, in speciem humanam.*

6. Et hoc unum, ut ego reor, inter Spiritum Animamve Angelicam (liceat mihi animam appellare, quicquid facultatem habet vitaliter aëtuandi materiam) & humanam interest; Angelica vitaliter aëtuare potest corpus aëreum vel æthereum, \*sed non in hunc mundum nasci terrestri induta.

7. Ut ergo definitiones nostras tandem concludam: *Anima angelica* sic commodè describitur; Spiritus creatus, ratione, sensu, facultate vitaliter uniendi cum aëreo æthereove corpore duntaxat, aëtuandique illud, præditus. Quæ potestas in aëreum vel

vel æthereum corpus, ex generali notione Spiritûs superioribus capitibus exposita, facillè intelligi potest. Ibi enim probavimus, uniri cum materia non esse Spiritu alienum, nec consequenter movere eam, nec denique id genus motûs in Spiritu, quod contractionem & dilatationem diximus; quæ potentia, diligentius animadversæ, necessario efficient ut possibile videatur, ut Animæ Angelicæ corpus æereum vel æthereum actuent & cum eo uniantur.

8. Ordines alii Spirituum vel substantiarum immaterialium memorantur à *Platonis*, \* uti *Nôes* & *Erâdes*. Verùm cum hujusmodi speculationum subtilitas major sit, quàm vel utilitas vel certitudo, illas in præsentia omittam; cum jam supra omnem refutationem, opinor, demonstrârim, nullam nec incongruitatem nec incompossibilitatem in notione *Spiritûs* seu *incorporeæ substantiæ* comprehendendi.

9. Superest & alia ratio idem inferendi; scilicet argumentum illud quo *Cartesius* concludere voluit, esse de facto in nobis substantiam à materia distinctam, nempe Mentem nostram. Nam cum omnis realis affectio aut proprietas modus sit alicujus substantiæ, cùmque reales modi concipi nequeant sine subjecto suo; hinc infert, quandoquidem dubitare possumus sîne corpus in natura rerum, (quâ dubitatione cogitationem à corpore secludimus) substantiam aliam distinctam à corpore esse oportere, ad quam Cogitatio pertineat.

Verùm fatendum est, *Cartesium*, hoc suo argumento, non id esse affectum quod voluit. Nam cum modi esse possint plurium subjectorum communes, in quo numero cogitationem esse, \* eamque tam corporeæ quàm incorporeæ substantiæ competere, aliquis fortasse dixerit; sine utralibet concipi quidem potest, sine utraque verò nequaquam. Atque igitur argumentum ejus non probat, illud nostrî quod cogitat aut percipit, substantiam esse à corpore distinctam; sed hoc tantum, substantiam esse posse, cogitandi percipiendive facultate præditam, quæ non sit corpus. Nam cum fieri nequeat ut sit modus ullus realis qui in nullo subjecto insit, cùmque clarè concipiamus \* cogitationem independentem, quoad existentiam ejus, à substantia corporea; necessarium est ut alia substantia esse possit, à qua dependeat; quæ necessario erit substantia incorporea.

## SCHOLIA

### IN CAP. VIII. SECT. 4.

**G**ENERALIS est Notio Animæ Bruti, &c. Si igitur sensus aliquis perinde atque Vita plastica in Spiritu Naturæ agnoscendus sit, scrupulus esse potest an Spiritus hic Anima Bruti sit appellandus, ipseque adeò Mundus Brutum. Equidem sive ad Animalia particularia eam vocem restringi volunt, sive ad ipsum extendi, mihi perinde est, jure hîc utantur suo. Nec si Brutum appelletur, multum abhorreo, cum facere possit, ut eos pudeat, qui Spiritu Mundano nimis captivantur, dum observent, eo etiam nomine se non immerito, mera quasi aestimandos esse bruta sive pecora.

SECT. 5. Certa determinatæque Notio Animæ humanæ, &c. Nisi significatio vocis Homo latius extendatur ita ut Angelos includat (quemadmodum Naturæ similitudo eò se quodammodo extendit) hac non est adequata hominis Notio, quippe quum ad Angelicos usque ordines utcumque pertingat, qui proculdubio ratione imbuuntur. Humanæ verò Animæ propriè sic dictæ definitio in verbis proximis sequitur.

SECT. 6. Sed non in hunc Mundum nasci terrestri induta, &c. Sunt è Cabbalisticis qui aliter sentiunt. Ego verò nullam rationem video cur hac in re mutem sententiam. Vide *Mysterium Pietatis*, lib. 5. cap. 6. sect. 4.

SECT. 8. Utî *Nôes* & *Erâdes*, &c. Vide *Procli Institutiones Theologicas*; Locus ille est insignis, cap. 21. Μετὰ τὸ ἐν ἅπα τοῦ πρώτου, ἐν ἁδὲς, καὶ μετὰ τὸ ἕν τὸ πρῶτον νόος, καὶ μετὰ τὴν ψυχὴν τὴν πρώτην ψυχὰς, καὶ μετὰ τὴν ὅλην φύσιν φύσεις. Post igitur illud primum Unum sunt Unitates, & post illam primam Mentem, Mentis, & post illam primam Animam, Animæ, & post illam Universalem Naturam, Naturæ. Ubi per illam Universalem Naturam, Spiritus Naturæ rectè intelligi potest: per φύσεις, Rationes Seminales particulares si quæ essent; ipse enim nullas esse censeo præter Plasticas Animarum particularium. Quantum verò ad ἐν ἁδὲς καὶ νόας passim apud Proclum occurrunt in istoc Tractatu, vocanturque πλῆθος ἐν ἁδὼν καὶ πλῆθος νόων, Multitudo Unitatum & Multitudo mentium. Esse verò has Unitates perinde atque Mentis, Essentias quasdam, non operationes aut affectiones, planè patet, ex cap. 62. ubi ait, ὅτι πλείους μὴ αἱ σωματικαὶ φύσεις



φύσεις τῶν ψυχῶν, πλείους ἢ αὐταὶ τῶν νοερῶν, οἱ δὲ νόες τῶν θεῶν ἐνάδες οὖν. *Ubi ex comparatione Animarum, Mentium & Unitatum inter se, universas Essentias esse Spirituales manifestum est. Cujus quidem generis Unitates αὐτοτελεῖς ἐνάδες, Μέντεςque νοαὶ ἐσι-ώδεις cap. 64. appellat. Et cap. 14. Πᾶς θεὸς ἐνάς ἔστιν αὐτοτελής, καὶ πᾶσα αὐτοτελής. Ἐπὶ αὐτοῦ θεός. Vide etiam cap. 111. Cui consimile est quod occurrit, cap. 133. Πᾶς μὲν θεὸς ἐνάς ἔστιν ἀγαθουργὸς ἢ ἀγαθότης ἐνοποιός, &c. quasi perinde esset sive ἐνάδας sive ἀγαθότητας has simplicissimas Essentias quæ τῷ πρώτῳ ἐνὶ, sive τῷ ἀγαθῷ respondent, appellaveris.*

SECT. 9. Eamque tam corporeæ quam incorporeæ substantiæ competere, &c. *Atque æquè pulchro profectò sophismate ille multi ac celebrati nominis homo Cartesius cogitationem corporeæ substantiæ competere probare potuit atque eam probavit competere incorporeæ. Adeò ut vix satis demirari possim illius in rebus Religionis speculationibusque Metaphysicis aut oscitantiam aut malam fidem. Quis enim tam omisso animo & conniventi esse potest, ut non videat argumenti parem vim esse ad concludendum nec Spiritui eandem competere; quippe quòd plures de existentia Spiritus sive Substantiæ Incorporeæ dubitare reperiuntur, quàm de existentia Materiæ, unde Materiæ cogitationem competere consequens esset. Sed hæc sunt Cartesiana Philosophia in hisce maximi momenti rebus, nuga ac ludibria. Quemadmodum nulli non apparere potest, qui seriò judicatque de hujusmodi controversiis pronuntiare voluerit.*

Cogitationem independentem, quoad existentiam ejus à substantia corporea, &c. *Nempe sic ut Animalis Natura independens est à Natura Bruti, quippe quæ conservari posset in Natura humana, quamvis nulla Bruta existerent.*

## CAP. IX.

1. *Haud parum refert probasse Possibilitatem existentia Spiritus. 2. Necessitas examinandi rationes Hobbii in contrarium. 3. Excerptio prima ex Hobbio. 4. Excerptio secunda, 5. Tertia, 6. Quarta, 7. Quinta, 8. Sexta, 9. Septima. 10. Excerptio octava & ultima.*

1. **F**U I, credo, ad admirationem usque curiosus & anxius in astruenda possibili existentia Spiritus seu substantiæ incorporeæ. Verùm non est cūr quis miretur quòd tantum operæ consumpserim in tantillo profectu faciendo; qualis fortasse videatur, rem ad nudam tantum possibilitatem deduxisse: nam quamvis non multum mihi met ipsi peperisse videar, adversariis tamen insignem cladem attuli; quorum munitissimum præsidium videtur inconcussa hæc persuasio, Notionem ipsam Spiritus seu incorporeæ substantiæ absurdam planè esse, & meram repugnantiam. Unde innuuntur, en! quales consequentiæ! Impossibile est ut sit Deus, aut Anima, aut Angelus sive bonus sive malus, aut Immortalitas vel futura vita. Religio nulla est, nulla pietas nec impietas, nulla virtus nec vitium, justitia nulla neque injustitia præter eam, quam vis & potentia constituit. Denique nulla voluntatis libertas, proindeque rationalis morsus conscientia nullus; sed quicquid sit, mera est materia motusque corporeus; ideòque vitæ humanæ ductus omnis perinde necessarius est, ac tractus fulguris fulminisque jactus: cæco impetu materiæ eadem certâ ac determinatâ necessitate ubique aut perrumpente, aut impedito, quâ torrentis cursus post ingentes pluvias & tempestates.

2. Atque profectò dum cogito quàm immensi interfit, tristem illam stupidamque opinionem eradicare, quam nonnulli temerè amplexi sunt de substantia incorporeæ, quasi contradictio scilicet in ipsis terminis ejus involveretur; tam gravi me causâ defuturum existimo, si recensione simplici rationum contentus quibus ego possibilem eam probo, non proferam & argumenta istorum, qui ad contrariam sententiam defendendam videntur maximè idonei. Nec adhuc sanè in quenquam incidisse me memini, quem quis facillè putaret ad hanc provinciam tuendam idoneum magis, quàm nostratem *Hobbium*; invicta cujus fiducia veritatis conclusionis meritò quenquam certum faciet, qui excellens ingenium ejus, animique dotes rectè æstimat, eum optimis & evidentissimis argumentis quæ humana inventio excogitare potest, ad causam suam evincendam usum esse.

3. Et nè in suspensionem incurram vel sententiam ejus non rectè capiendi, vel vim rationum ejus malâ fide exponendi, illas eisdem ipsis verbis, quibus Author ipse in scriptis suis, describam; ut omnes judicent an ego ullam illi injuriam faciam. Quod

Cap. 34.

primum animadvertam extat in *Leviathane*. Corpus in generalissima acceptione id significat, quod spatium certum seu locum designatum implet aut occupat; nec dependet ab imaginatione nostra, sed realis pars est ejus quod vocamus Universum. Nam cum Universum corporum omnium Aggregatum sit, nulla pars est ejus realis, quæ non item corpus est; nec quicquam propriè corpus, quod non etiam pars est Universi, corporum omnium Aggregati. Idem etiam, quod corpora mutationi obnoxia sunt, hoc est, varietati apparendi sensibus animantium, dicitur substantia, id est, subiectum variis accidentibus; uti aliquando moveri, aliquando quiescere, & sensibus nostris videri modò calidum, modò frigidum, nunc hujus coloris, odoris, saporis, aut soni, aliàs alterius. Atque hanc apparendi diversitatem (à diversitate operationis corporum in organa sensuum ortam) corporum operationum alterationibus attribuimus, eorumque Accidentia vocamus. Secundum hanc acceptionem vocis, substantia & corpus idem significant; proindeque substantia Incorporæ voces sunt quæ simul junctæ se mutuo destruunt, quasi quis diceret Corpus Incorporum.

Part. 4. cap. 25.  
Art. 9.

4. Secundum extat in *Physicis*. Observandum autem est somnia quedam, præsertim ex iis quæ semisopitis accidunt, & ea quæ contingunt hominibus naturæ somniorum imperitiis, iisdemque superstitiosis, non fuisse olim, nec esse nunc pro somniis habita. Putabantur enim spectra vocisque in somnis audiri visæ, non phantasmata, sed ipsa per se fuisse in rebus extra somniantes subsistentia objecta. Nam in aliquibus metus ipse, non modò dormientibus, sed etiam vigilantibus, præsertim verò sceleris consciis, & noctu, & in locis consecratis, & adjutus aliquantum talium apparitionum historiis, phantasmata horribilia in animo excitavit; quæ spectrorum & substantiarum incorporearum nomina, pro veris rebus, imposuere & imponunt.

Part. 1. Cap. 5.  
Art. 4.

5. Tertium addemus ex eodem libro. Cum enim spectra, species visibiles, soni, umbra, lux, color, spatium, &c. somniantibus non minus adsint quàm vigilantibus, non sunt eæ res externæ, sed animi imaginantis phantasmata.

Cap. 11. Art. 4.

6. Quartum ex *Humana Natura*. Spiritus supernaturales significant vulgò substantiam aliquam dimensionis expertem; quæ duo planè sibi mutuo contradicunt. Et Artic. 5. Nec puto vocem hanc, Incorporum, ullibi in Bibliis reperiri; de Spiritu autem dicitur, eum in hominibus manere, in iis habitare, in eos venire, descendere, ire, redireque; & Spiritus Angelos esse, hoc est, nuntios: quæ dicta omnia localitatem significant, localitas autem dimensio est, quicquid verò dimensionem habet est corpus, quantumvis subtile fuerit.

Cap. 12.

7. Excerptum quintum rursus è *Leviathane*. Quod ad materiam vel substantiam agentium illorum invisibilium attinet, haud aliam eam esse naturali quidem cogitatione concipere potuere, ac substantiam animæ humanæ, animamque humanam ejusdem esse substantiæ ac id, quicquid sit, quod in somnio apparet dormienti, aut in speculo vigili: quæ homines, non intelligentes ejusmodi apparitiones nihil aliud esse quàm phantasmata, substantias reales externasque esse putant, & Spectra vocant, quemadmodum Latini, Imagines & Umbras appellabant; Spiritus etiam esse existimabant, id est, tenuia & aerea corpora; quibus similia credebant agentia illa invisibilia, quæ metuebant, nisi quòd hæc apparent & evanescent pro libitu suo. Ceterum persuasio ista, Spiritus hujusmodi incorporeos vel immateriales esse, nullius hominis mentem naturaliter ingredi potuit; nam licet homines conjungere possint voces contradictoriæ significationis, veluti Spiritum & Incorporum, imaginationem tamen alicujus rei vocibus istis respondentis habere nunquam possunt.

Cap. 11. Art. 5.

Quibus addemus quæ in eandem sententiam habet in *Nat. Hum.* Scire, hoc est, naturalem evidentiam habere, Spiritum esse, est impossibile. Omnis enim evidentia conceptus est, omnis conceptus imaginatio, & à sensu oritur: Spiritus verò supponimus talès substantias esse quæ non agunt in sensum, nec propterea concipi possunt.

Cap. 45.

8. Excerptio sexta ex eodem *Leviath.* ubi hæc habet. Quæ visionis natura cum ab iis nunquam reperta fuerit, qui olim Naturalis scientiæ mystæ haberi vellent, nedum ab iis qui non considerant res ita remotas (ut est ista scientia) à præsentī usu suo & commodo; agrè homines de imaginibus illis in phantasia & sensu aliter conceperunt, atque de rebus realiter extra nos existentibus. Quas quidam (quod evanescent nesciunt quò nec quomodo) omnino Incorporæ esse volunt, id est, Imateriales, vel Formas sine materia, Colorem & Figuram sine ullo colorato aut figurato corpore, & corpora aerea (tanquam vestimenta) induere posse, quo corporeis oculis nostris visibiles se reddant; Alii eas Corpora & Animantia esse dicunt, sed ex aere vel subtiliori aliquâ materiâ facta, quæ, cum videri se volunt, condensatur. Utrique verò communi nomine eas vocant, Dæmonas. Quasi scilicet Defuncti quos somniant, non sui ipsorum cerebri, sed aeris, vel calī, aut inferni incolæ essent, non phantasmata, sed Spiritus; non minus ineptè quàm si quis diceret se Spiritum



ritum suum in speculo, vel syderum Spiritus in aqua vidisse, aut usitatam solis phasim, pedali circiter magnitudine, appellaret Dæmonem vel Spiritum magni illius Solis universum mundum visibilem illuminantis.

9. Excerptum septimum ex proximè sequenti capite ejusdem libri. Ubi ineptilo- Leviath. cap. 46.  
quium illud, uti vocat, abstractarum Essentiarum Formarumque substantialium iterum exagitans, sic scribit: *Mundus (non terram solam dico sed Universum, i. e. universam molem rerum quotquot sint omnium) corporeus est, hoc est, corpus, & dimensiones magnitudinis habet, longitudinem, latitudinem, & profunditatem; & omnis pars corporis, corpus item est, easdemque dimensiones habet; proinde omnis pars Universi corpus est; quod autem corpus non est, non est pars Universi; & quoniam Universum est totum quod sit, quod pars ejus non est nihil est, & propterea nusquam.*

10. Octavum & ultimum ex eodem capite habemus paulo infrà, in hæc verba. In errorem hunc de Essentiis separatis lapsi, multis aliis absurditatibus eum consequentibus necessario implicantur. Quandoquidem enim Formas hæc reales esse volunt, locum iis aliquem tenentur assignare: at quia Incorporeas statuunt, omni quantitatis dimensione carentes, & omnes norint locum dimensionem esse, nec nisi à corporeo implendum, existimationem suam distinctione tueri coguntur, scilicet, ullibi quidem circumscriptivè non esse, esse verò definitivè. Qui termini, cum mera verba sint, & in hac re nihil significant, Latine tantum efferuntur, quò vanitas eorum melius lateat. Etenim circumscriptio rei nihil aliud est præterquam determinatio vel definitio loci ejus, itaque ambo distinctionis termini sunt idem. Speciatim autem de Essentia hominis, quam Animam ejus esse aiunt, affirmant eam totam esse in minimo digito, totamque etiam in alia quaque (quantulacunque sit) parte corporis ejus, non plus animæ tamen in toto corpore quam in qualibet harum partium. Quisquàmne putet Deum coli absurditatibus hujusmodi? Attamen totum hoc illis necessario credendum est, qui animæ incorporeæ à corpore separatæ existentiam credere volunt.

## C A P. X.

1. Responsio ad Excerptum primum, 2. Ad secundum, 3. Ad tertium, 4. Ad quartum, 5. Ad quintum, 6. Ad sextum, 7. Ad septimum, 8. Ad octavum & ultimum. 9. Antedictorum omnium brevii Recapitulatio.

1. **Q**UÆ præcipua loca sint super hac re in scriptis *Hobbii*, confidentissimi illius substantiarum immaterialium è mundi finibus explosoris, protulimus. Restat nunc ut ea examinando videamus, an argumentorum robur firmitudini persuasivonis ejus respondeat. Atque primâ Excerptione longis suis verborum ambagibus nudatâ, & in simpliciorē breviorēque ratiocinandi formam redactâ, argumentum ita se habet. Cum res omnis in Universo corpus sit (Universum enim nihil est nisi corporum Aggregatum) Corpus & substantia nomina sunt unius ejusdemque rei; quæ corpus dicitur quatenus locum replet, substantia quatenus subiectum est variarum alterationum & accidentium. Quamobrem cum Corpus & Substantia idem sint, Substantia incorporea non minus absurde dicitur quam Incorporeum corpus; quod contradictio est in ipsis terminis. Verum enimvero manifestum est omnibus, hoc non esse probare, sed sumere quod probandum erat, Universum nihil esse præterquam corporum Aggregatum. Hoc probato, sequelam concedemus; interea temporis nihil probavit, ideoque hæc prima argumentatio planè otiosa est.

2. Secundæ vim itaque excutiamus; quæ, siqua ulla, hæc erit certissimè: Quod originem suam debet Insomniis, Timoribus, superstitiosisque imaginationibus, id realem in Natura existentiam non habet; Substantiæ autem Incorporeæ originem aliunde non habent. Propositio quidem indubitata est veritatis, Assumptio verò tam infirma quam firma est propositio; sive de reali origine substantiarum ipsarum, sive de principiis cognoscendi nostris quòd sint, eam intellexeris. Quæquæ autem sit earum origo, ea nostrâ sanè ulterius non refert, quam quatenus nobis est cognoscibilis, Axiom. 1. Ubi ergo ait eas haud aliunde quam ex Imaginatione nostra habere originem, intelligendus est affirmare nullum aliud principium esse earum existentiam cognoscendi, quam quòd temere imaginamur illas esse; quod manifestò falsum est.

Non enim ex somniis & terroribus melancholicorum & superstitiosorum hominum existentiam Spirituum substantiarumque immaterialium probarunt Philosophi &

¶ *V. Antidor.*  
*lib. 2. totum.*

Christiani; sed ex || externis sensus objectis, hoc est, ordinariis naturæ phænomenis, in quibus tanta sapientia & consilium cernitur, ut non potuerint non inde concludere ordinem rerum in Natura à nobiliori fuisse Principio, quàm cæcis motibus & concursionibus materiæ rerumque merè corporearum.

¶ *V. Antidor.*  
*lib. 3. totum.*

Accedunt & quas vulgò || *Apparitiones* vocant, quæ adeò non sunt somnia & Imaginationes superstitiosorum, ut ab illis ipsis agnoscantur qui apud omnes ferè nimium Athei audiunt, *Pomponatium* dico & *Cardanum*, immo & à *Vanino* ipso, qui tamen ità Atheismo addictus & devotus erat, ut furibundo planè zelo in causam istam despicatissimam mortem oppetere non recusàrit. Mitto operationes || Animæ, quæ seculorum omnium sapientissimis tam excelsâ conditione semper visæ sunt, ut à Principio tam humili, quàm merum corpus est aut materia, oriri illas potuisse nunquam judicaverint. Quare his omnibus dissimulatis, sola Infomnia & Imaginationes proferre tanquam causas ob quas universa ferè gens humana substantias Incorporeas existere crediderit, quid aliud est quàm Lectorem suum fatuum fingere, & palàm profiteri se ei imponere velle?

¶ *Antidor. lib.*  
*1. cap. 11.*

3. Tertia argumentatio ità se habet: *Quod nobis tam dormientibus quàm vigilantibus apparet, id extra nos nihil est: sed Spectra, id est, substantiæ immateriales tam dormientibus nobis quàm vigilantibus apparent.* Hoc argumentum longè imbecillius est superioribus: falsæ enim sunt & propositio & assumptio. Nam si propositio vera esset, Sol, Luna, Sydera, nubes, flumina, prata, viri, scæminæ, cæteraque animantia nihil extra nos essent; hæc enim omnia nobis tam dormientibus quàm vigilantibus apparent. Substantiæ autem immateriales non ità nobis apparent tam dormientibus quàm vigilantibus. Adeò enim pura & subtilis est notio substantiæ Incorporeæ, ut repræsentatio ejus, quæ minimam aut nullam in Phantasia impressionem relinquit, liberâ ratione duntaxat sustentetur, quæ rarò per somnum se exercet præterquam in phantasmata facilè imaginabilia.

¶ *Lib. 1. cap. 2*  
*§ 3.*

4. Vis quarti Argumenti compendio hæc est. *Omnis substantia dimensiones habet; Spiritus autem dimensiones nullas habet.* Assumptionem fidenter nego. Corporis enim nota characteristica non est dimensiones habere, sed impenetrabile esse. Omnis equidem substantia dimensiones habet, id est, longitudinem, latitudinem, & profunditatem: non omnis verò impenetrabilitatem. Vide Literas meas ad *Cartesium*; quæque præterea in hoc || ipso Tractatu scripsi.

5. In Excerptionibus quintis hæc Argumenta continentur. 1. *Non aliud cognoscendi principium habere nos Entis Immaterialis, quàm quod Infomnium aut Speculum nobis suppeditet.* 2. *Vocem Spiritus seu Incorporei contradictionem implicare, neque concipi posse intellectu naturali.* 3. *Nihil intellectu concipi nisi quod per sensus ingrediatur; Spiritus ergo, quod non agunt in sensus, incognitos & inconceptos relinqui oportere.*

Ad primum horum jam respondimus in responso nostro ad excerptionem secundam.

Ad secundum ità respondeo. Spiritum seu Incorporeum nullam implicare contradictionem, cum per illud nihil intelligatur nisi substantia *extensa* unâ cum *activitate* & *indiscerpibilitate*, omittâ *impenetrabilitate*: quam suprà demonstravi notionem esse rei possibili, nec repetere hîc opus est quæ jam dixerim.

Ad tertium respondeo, Spiritus reverà agere in sensus, agendo in materiam quæ sensus afficit; & cum aliquæ ex his operationibus tales sint, quæ materiæ soli tribui non debeant, Ratio ex renunciatione sensuum concludit aliud esse Principium nobilius à materia distinctum. Quod partem illam argumenti spectat quæ asserit nihil in intellectu esse quod non per sensus ingrediatur, & demonstravi || pridem, atque iterum \* suo loco falsissimam esse demonstrabo.

¶ *Antidor. lib.*  
*1. cap. 6. Append. cap. 2. sect.*  
*4, 5, 6, &c.*  
\* *Lib. 2. cap. 2.*  
*sect. 9, 10, 11.*

Interea tamen temporis concludo, cum cujusque rei substantia intellectum prorsus agat, Axiom. 8. cum per immediatas proprietates duntaxat res omnis concipiatur, cumque *Penetrabilitas* & *Indiscerpibilitas* proprietates sint tam conceptu faciles quàm *discerpibilitas* & *impenetrabilitas*, vis item & potestas communicandi motum materiæ æquè facilis atque receptio ejusdem à Materia, denique & Unio Materiæ cum Spiritu ac Materiæ cum Materia; hinc, inquam, concludo Notionem *Spiritus* tam naturaliter concipi posse quàm Notionem *corporis*.

6. In Excerptione sexta multus quidem est in subsannando ridiculâque faciendo sententiam de *Spectris* & *Dæmonibus*; vis autem argumenti ejus, si quam habet, hæc tantum est: *Si sint Spectra aut Dæmones, tum (adeorum mentem qui hanc opinionem tuentur) vel Imagines sunt ab aqua aut speculis reflexæ, aereis se vestibus induentes atque ità huc illuc passim vagantes; vel animantes, ex dere solo aut subtiliori aliqua & Ætherea materia factæ.* Quem non stupor incefferet videntem tam levem futilêque argumentationem in Philosopho tam gravi, nisi priùs nôrit singularem excellentiam ejus, quod



quod ipse alicubi proficitur, in *Politicis* sitam esse, cui rerum generi præstigia & jactationes Eloquentiæ, præsertim apud rudes & simplices, perquam efficax & utilissimum sunt instrumentum? Et profectò istiusmodi rhetoricationes eorum tantum gratiâ instituuntur, qui tardissimo sunt ingenio.

Commenta illa duo ineptissima, quæ sobriis Spirituum Damonumque assertoribus obtrudere velit, illorum non sunt, sed cerebri sui germana proles. Et sanè prius eorum ipsi ut primo Authori rectissimè adjudicatur; quippe cum tam novum rarumque sit, ut nec ego, nec (ausim dicere) quisquam alius, nisi in *Hobbii* scriptis, id usquam viderit. Posterius autem non modò non conatur hic refutare, verùm in speciem approbat *Leviath.* Cap. 34. nè S. Scripturæ fidem derogare videretur. At qui Spirituum existentiam asserunt, non *Hobbii* auctoritati permittent quemadmodum definiendi sint, sed suam ipsorum rationem & iudicium adhibebunt ad Notionem tanti momenti stabiliendam.

7. In Excerpto septimò idem ac in primo reperitur argumentum; veruntamen, ut ex æquo & candido agam, meliùs hic confirmatum. Illic enim non probat sed supponit præcipuum Argumenti fundamentum; hic verò probationem offert, his verbis, ut opinor, comprehensam [*& dimensiones magnitudinis habet, longitudinem, latitudinem, & profunditatem*] hinc enim inferret, totum Universum corporeum esse, id est, unamqu. mque rem in Universo; quia nihil est quin longitudinem, latitudinem, & profunditatem habeat. Hoc ergo ultimum est in quod argumentum ejus solvi potest. Quàm infirmum verò sit antè significavi; quippe non trina dimensio, sed Impenetrabilitas Corpus constituit.

8. Excerptio ultima majoris videtur momenti quàm quavis è prioribus, immò quàm omnes simul junctæ: argumentorum verò in ea comprehensorum pondere diligenter perpenso, tam parùm hæc quàm cætera ad conclusionem probandam valere invenientur. Argumentum primum sic est; *Quicquid est reale, locum aliquem habere debet: Spiritus autem locum habere nequeunt.* Verùm ad hoc facillimè respondetur. Nam si per locum nihil intelligitur præter spatium imaginarium, Spiritus & Corpora in eodem spatio imaginario esse possunt; & sic falsa est Assumptio. Sin per locum intelligatur concava superficies Corporis corpus alterum immediatè ambientis, sic ut de formali ratione loci putetur, immediatè ambire corpoream superficiem substantiæ illius quæ locata dicitur; impossibile tunc erit ut Spiritus propriè dicatur esse in loco, atque ità Propositio falsa erit. Quapropter cum loci acceptio duplex sit, distinctio illa locationis *circumscriptivæ & definitivæ* legitima est distinctio, neque necesse est ut termini ejus unum idemque significant. Si verò cum *Hobbio* notionem loci ad spacium imaginarium restringimus (nec video quid indè incommodi secuturum sit) distinctio hæc Scholarum otiosa hinc erit, & simpliciter asserere licebit, *Spiritus* tam verè in loco esse quàm corpora ipsa.

Argumentum ejus secundum ducitur à Scholastico illo *Ænigmatæ*, quod ad profundam scilicet repugnantiam accedere videri libens agnosco, viz. Animam humanam totam esse in toto, totam item in qualibet parte corporis. Tinnulum hoc effatum *Hobbium*, ut videtur, ità aliquando terruit, ut ex illo tempore nunquam sustinuerit ad notionem Spiritus accedere, nè quidem adè ut consideraret Mòrmone mera esset, an res vera & realis. At si præstantiores facultates ejus passio non occupasset, intellexisse potuit effatum illud verum certumque habuisse sensum, seclulis tamen vesanis difficultatibus illis quibus id Scholæ incautæ videntur implicuisse: immediatæ enim proprietates Spiritus sat commodè intelligi possunt sine ulla istiusmodi pompa ænigmatica, viz. Spiritum substantiam esse *penetrabilem & indiscerpibilem*, ut jam fusè ostendi.

Neque griphus ille Scholasticus iis omnibus necessariò credendus, qui animæ incorporeæ existentiam credunt; nec *Hobbianam* interpretationem ejus adè necessariam esse puto. Et certè æquum erat, ut antè certus fuisset ipse Scholas tam manifestam contradictionem asseruisse, quàm fidem ejus pronunciasset necessariam iis, qui animam humanam existimant substantiam immaterialem esse, à corpore separabilem. Non aliud illæ fortassis intelligunt ac *Plato* per suum *μεγίστην καὶ ἀνέκδοτον ὅσιν*, ex quibus animam constare facit; nec *Plato* aliud per *divisibilem & indivisibilem* substantiam, quàm Essentiam *intellectualiter divisibilem*, *realiter* autem *indiscerpibilem*.

9. Notionem Spiritus nullam contradictionem aut *impossibilitatem* includere, quinimo notionem seu Ideam esse rei possibili, satis nunc firmiter probavimus. Quod adè accuratè distinctèque feci, ut singulas etiam species *Incorporeæ substantiæ* de objecta seu obscuritate seu inconsistentia purgârim. Et nè causam earum vafre nimis dicere viderer, adversâ parte non comparente in iudicio, ultro accersivi & adesse

esse volui Patronum strenuissimum confidentissimumque quem adhuc unquam mihi videre contigit ; & quemvis nunc æquum judicem appellare ausim, annon Allegationes ejus omnes infirmas & inanes esse demonstraverim. Quapropter Spiritus existentia possibili clarè evicta, nunc ultra progrediemur ; & non possibilem tantum, sed & reipsa atque actu in Natura existentem rem esse probabimus.

## CAP. XI.

1. *Demonstratio existentia substantia Immaterialis tribus fundamentis innititur ; quorum primum est, ipsa Natura Dei. 2. Secundum, phenomenon Motus in Universo. 3. Materiam non esse mobilem per se. 4. Objicitur Materiam partim movere se posse, partim non. 5. Responsio prima ad objectionem istam. 6. Responsio secunda. 7. Alia effugia diluuntur. 8. Postremum effugium tollitur. 9. Concluditur, materiam nullam moveri per se, sed certam quantitatem motus à prima creatione ejus à Deo impressam fuisse.*

Lib. I. cap. 7.  
8.

1. **R**ationes præcipuæ tres sunt ob quas certi esse possumus de *Spiritualis* aut immaterialis substantia existentia. Quarum prima est consideratio summæ excellentiæ Naturæ Dei ; qui cum secundum veram ipsius Ideam Essentia absolutè perfecta sit, non potest esse *Corpus*, ac proinde quid *Incorporeum* esse debet : cumque porro nulla sit contradictio in Notione *Spiritus* in genere, nec cujusvis ex speciebus illis quas supra definivimus, ( in quibus etiam Dei notio explicabatur ) cum denique in ipsa Notione ejus suæ ipsius existentia ratio contineatur, ut videre licet amplius in || Antidoto ; profectò si quid omnino inveniamus esse, illum multo magis existere concludendum erit. Etenim præter Deum nihil est, cujus existentia ratio reddi potest, nisi is Author ejus supponatur. Quapropter quamvis Deus nec visibilis nec tangibilis sit, cum tamen ipsa ejus Idea rationem existentia ipsius necessariam repræsentet facultatibus nostris intellectualibus, debemus Axiom. 5. ( omni licet argumento à sensibus petito destituti ) certò concludere Deum esse.

2. Altera ratio sunt ordinaria Naturæ phenomena, quorum communissimum est *Motus*. Hinc, ut mihi quidem videtur, demonstrari potest, Ens aliquod in Natura rerum existere à materia distinctum. \* Nam cum Materia simplici & homogenea naturâ sit, nec per differentias specificas ( ut loquuntur Scholæ ) distinguì possit, essentialis proprietates easdem ubique habere illam oportet ; proindeque eam universam per se futuram aut motus expertem aut se-moventem, idque certo tenore modòve motus ; quippe cum ratio nulla fingi possit, quare pars una materiae minùs quàm altera per se moveatur ; quòd si ita sit, ab externo impedimento duntaxat diversitas ista oriri debet.

3. Aio igitur, si materia per se prorsus expers sit motus, manifestum est eam motum suum abs alia substantia habere, quæ necessariò substantia erit quæ materia non est, hoc est, substantia *incorporea*. Sin per se moveatur, certòque modo aut gradu, cum effectus hic sit emanativus, non potest non esse ubicunque Materia fuerit, Axiom. 17. præsertim si impedimentum extrinsecum non ponatur : & nihil quidem impedit quo minùs partes terrestres activitatem recuperent propè æqualem æthereis, vel verius eam nunquam perdidissent. Nam si Planetæ ex æquo participes fierent totius summæ motus, qui inter ipsos, Solem, Stellas, æthereamque materiam dispertitur ( materiâ Planetarum præ Solis, Stellarum, ætherisque materia, perquam exigua existente ) quæ illis motus quantitas jure obtingeret, longè superaret eam quam nunc habent. Perinde enim res esset, ut si in opulenta frequentique civitate bonorum aquisitionem constitutura, quatuor aut quinque pauperuli, pro re sua tenuissima in publicum data, reliquorum civium parem sortirentur. Omnis itaque Planeta non potuit non liquare se in substantiam purissimo æthere paulo inferiorem. Quod cum factum non sit, indicio est illos non à se motum suum aut agitationem habere, illòque proinde contentos esse qui sibi extrinsecus accessit, plus minùsve fuerit.

4. At pugnaces homines, quò dilemmatis nostri declinent ictum, nihil non tentabunt ; & quamvis suis ipsorum facultatibus repugnent, affirmabunt tamen, immo necesse est ut affirment, partem materiae se-moventem esse, partem alteram verò per se expertem motus.



5. Ad hoc autem respondeo, primò, Effugium illud non adeò consentire experi-entia; quin, quousque sensus aut ratio nostra pertingat, eandem ubique materiam esse. Cogites enim materiae partes subtilissimas quæ hîc infra deprehendi possint, propter subtilitatem suam invisibiles, propter activitatem admirabiles, illas dico particulas, quæ vehementem agitationem illam efficiunt quæ sentitur in ventis: hæ non ità multo post motum amittunt, consistentiâ vaporosâ & visibili fiunt, vertuntur in nubes, dein in nivem aut pluviam, postea fortassis in glaciem ipsam; contrà verò progressu temporis, in aquam primum liquecentes, tum postea in vapores conversæ, tandem vehementius agitatae, denuo ventus fiunt. Et nè putemus reciprocationes hæc motûs & quietis in terrestribus tantum particulis habere locum, Cometæ nostrum in vorticem ejecti, & maculæ spumæque in faciem Solis perpetuò extrusæ manifestum faciunt, ipsos etiam cælos ex eadem planè materia constare.

6. Secundò verò, ut quod acrius urgeat, respondeam. Materia hæc à se mota, alii materiae imprimendo motum, aut aliquid sui motûs perdit, aut eum totum ac integrum servat. Si prius, motu suo omni privari potest: itaque res illa, cujus immediata natura est moveri, quiescet; salvâ interim manente integrâ motûs sui causâ, nempe seipsâ: quod manifestò repugnat Axiom. 17. Si posterius, en! quale sequeretur incommodum; Mundum universum scilicet in purum ætherem, si minùs flammam meram, jam versum fuisse, vel olim saltem versum iri, in extremam omnium concretionum corporearum ruinam & perniciem. Nam res ipsa indicat particulas illas se-moventes bene magno esse numero; utpote quæ jamdiu mundum ferè universum in Soles, Sydera, & Ætherem liquefecerint, nec quicquam præter Planetas Cometâsque dissolvendum maneat: qui cuncti simul sumpti vix tantam proportionem habent ad reliquam Universi materiam, quantam arenâ granulum ad totum Telluris globum. Quamobrem tam potenti motûs causâ novum subinde motum materiae addente, motûque semel communicato nunquam pereunte (nam juxta leges motûs nullum corpus plus motûs amittit ipsum, quàm communicat alteri) planè sequitur aut mundum antehac concrematum fuisse, aut saltem fore spatio temporis infinitò brevioris eo quod jam duravit, immo, planè dixero, tempore brevissimo, nunquam iterum in ullam rerum fabricam coiturum: quod quamvis fieri possit, nemo nisi insanus sit affirmabit, Axiom. 2. Et quòd nondum ab ultima rerum memoria mundus combûstus fuerit, demonstrare videtur secundam hanc hypothesin esse falsam.

7. Effugia unum atque alterum supersunt, quibus demptis nulla vel minima dubitatio in hoc argumento erit reliqua. Primum eorum hoc est, universam materiam homogeneam esse, ejusdemque ubique naturæ, communem ei omni esse proprietatem, indifferentem per se esse ad motum & quietem; atque ideo non mirandum, si aliqua pars ejus moveatur, alia verò pars quiescat aut minùs moveatur. Ad hoc respondeo, *indifferentiam* hanc materiae ad motum vel quietem dupliciter intelligi posse; vel *privativè*, i. e. Materiam, realem seu activam propensionem ad quietem plus quàm ad motum non habere, & vice versâ, sed merè passivam susceptivamque esse *motûs* vel *fixationis*, quam aliud aliquod Agens in eam conferat, & modificationem illam præcisè ac perpetuò servare donec eam alterum Agens immutaverit (& in hoc sensu Assertionem veram agnosco; ità verò non contra nos, sed pro nobis facit, quippe quæ manifestò significat existentiam substantiæ incorporeæ à materia distinctæ, unde materia moveri debeat: ) vel intelligenda est hæc *Indifferentia positivè*, i. e. Materiam, realem activamque propensionem habere & ad *motum* & ad *quietem*, sic ut immediatâ suâ Naturâ moveat sistatque seipsam. Duo hinc sequuntur absurdissima, Unum, proprietates duas adversissimas in uno simplici subjecto immediatè residere; quo nihil facultatibus nostris *Logicis* durius & inconcinnius videri potest, nisi fortè alterum, nimirum, cum *motus* & *quies* emanativi supponantur effectus unius simplicis subjecti, Materiam & moveri & quiescere simul; vel, si per quietem non intelligunt fixationem, sed meram motûs absentiam, & moveri & non moveri simul. Quicquid enim cuiquam subjecto immediatum est, non desinet esse, subjecto salvo, Axiom. 17.

Neque adeò multum promovebunt fingendo, Materiam immediatas potentias seu proprietates illas Motûs & Quietis utrasque simul exerentem necessariò, ad certum se determinatûmque modum gradûmve moturam. Hæc enim positio eadem est cum posteriori membro dilemmatis Sect. 3. hujus capitis; idem proinde argumentum valebit utrobique.

Effugium alterum fit supponendo partem materiae se moventem, partem verò se-sistentem aut se-fixantem: hoc in ea speciatim intenditur quæ disputavimus Sect. 6.

Sic

Sic enim declinare velint celerem illam communemque conflagrationem quam in eo loco inferebam. Falsam autem & hanc suppositionem esse, manifestum facit experientia. Si enim ullibi sint istiusmodi se-figentes Materiæ partes, in auro certè & plumbo & huiusmodi Metallis sunt; at constat hic non esse. Quod enim se-fixans est, simul ac externa vis amovetur, continuò reducetur ad quietem, Axiom. 17. Unde sequetur, Materiæ partes istas se-figentes, quamvis abs alia ferantur materia quoad illi connexæ sint, liberas tamen factas continuò quieturas; utpote quæ immediatam fixationis causam in se ipsæ habent. Nec dubitare quis potest quin ità subita futura sit hæc mutatio, qui reputat quàm subito externa vis in motum cieat materiam. Aurea autem plumbeæve pila sic in motum excitata, seu celerem eum seu tardum, non statim se refert in quietem. Hinc perspicuum est alterum hoc effugium experientiæ adversari, proindeque in superiora argumenta nostra non valere.

8. Effugium ultimum quod mens hominis omnino excogitare potest, est figmentum illud Materiæ cuiusdam Divinæ per Mundum universum dispersæ, quam Numen ejus unicum esse nonnulli opinantur, cuiusque motus non necessarios sed voluntarios faciunt; quo declinarent \* immane illud incommodum in sexta hujus Capituli Sectione memoratum. Hæc autem sententia dura mihi admodum & prodigiosa videtur ob rationes sequentes.

Primò, absurdissimum videtur Hanc mundi Numen seu Deum ipsum existimare, cum Personalitati Numinique unitati prorsus repugnet ex infinito Atomorum numero per materiam mundi interspersarum constare: Hoc enim unus Deus nequaquam esse potest; nec singularis atomus Divina, Numen integrum. Ex quo sequeretur nullum omnino esse Deum.

Tum secundò, homines isti Materiam *Divinam*, materiam tamen esse agnoscunt, agnoscunt simul impenetrabilitatem & juxta-positionem partium, item figuræ diversitatem, &, ubi nulli omnino pori sunt, soliditatem duritiemque perfectam. Hinc patet, quæcunque ratiocinationes contra *communem* materiam, à Natura & Idea ejus ductæ, valent quo minùs ea perceptionis liberæque actionis capax habeatur, illas æquè valere contra hanc ipsam, quam titulo *Divina* cohonestarunt.

Tertiò denique, nullam istiusmodi Materiam *Divinam*, quæ liberè & scienter agere potest, per Materiam subtilem Universi interspersam esse, luculentè declarant effecta & experimenta, ut abundè notavi in || Antidoto contra Atheismum.

9. Quapropter rationi magis consentaneum est ut concludamus, Materiam nullam quamcunque Naturâ suâ principium activum ullum Motûs habere, sit licet ejus aliunde recipiendi capax, \* Deum autem, cum creabat eam, certam definitamque quantitatem motûs indidisse, cujus tantundem ferè in ea tota manet adhuc, tametsi singulæ partes ejus ob varias inter se occurfiones eandem semper quantitatem non habeant. Nec magis necessarium est ut Deus hanc suam impressionem motûs in materiam creatam iteret, quàm ut ipsam Materiam perpetuò creet. Neque ejusdem quantitatis motûs conservatio repetitionem aut augmentationem ejus magis significat, quàm materiæ conservatio novæ materiæ additionem. Profectò haud alio opus est quàm ut materiam conservet, & materia sic conservata fideliter retinebit, in cunctis sui simul partibus, universam summam Motûs, quæ sibi ab initio communicata est, parvis quibusdam momentis exceptis quæ hic non sunt memoratu digna.

## SCHOLIA

### IN CAP. XI. SECT. 2.

NAM cum Materia simplici & homogeneâ Naturâ sit, &c. Ità profectò uno ore profitentur Cartesiani omnes, quanquam non memini ex eis quenquam rem demonstrasse, eive demonstrandæ operam dedisse. Ego verò de universa Materia Mundana naturali verum esse facile agnoscam. Quæ tamen de re haud adeò opus est ut admodum solliciti simus, cum ea quæ in hoc capite attulimus, cuilibet Hypothesi quantumlibet tergiversatoriæ satis commodè obviare possint.

Sect. 8. Immane illud incommodum in sexta hujus Capituli Sectione memoratum, &c. Ingens illud Incommodum, Planetarum est Tellurumve in tenuem Ætherem comminutio. Voluntarii igitur motus hujus Divinæ Materiæ ità ab ipsa attemperari possunt, prout illi supponunt, ut hoc malum prævertatur. Talem verò Materiam *Divinam* nullam esse in rerum Natura satis clarè in hac Sectione demonstro. Quod verò ad alius generis materiam



materiam Divinam attinet quæ Aristotelis τὸ πᾶν πᾶσι τοῖς στοιχείοις, vel τῇ πᾶν πᾶσι ὁμοίᾳ aliquo modo respondere possit, cum in se nec motum localem habeat, nec fixationem, sed transmissorium tantum supponatur operationum τῆς Δείας ψυχῆς, & quasi speculum irradiationum illius, rationes nostras de motu Materiæ Mundanæ naturalis nè minima quidem ex parte turbat confunditve.

Seçt. 9. Deum autem cum creabat eam, certam definitamque quantitatem motus indidisse, &c. Hoc, more Cartesiano, dictum est. Quasi quodam modo, à Mechanico impulsu non multum abluente, motum Materia Deus olim impresserit, idque immediate esset factum; cum multò verisimilius sit, Deum, motum, eumque non Mechanicum sed Vitalem, Spiritui Naturæ immediate impertivisse, vitamque hanc cum Spiritu Naturæ à Deo creatam & inditam, Materiam Mundanam tam pulchris ordinatisque modis ab initio movisse, ac quasi vivificasse.

## C A P. XII.

1. *Ordinem & Naturam rerum Universi arguere Essentiam Spiritualem sive Incorpoream.* 2. *Effugium hujus argumenti.* 3. *Apparatus ex Hobbio quo ad effugium illud respondeatur.* 4. *Responsio prima.* 5. *Responsio secunda.* 6. *Hallucinatio Hobbi, ignorantiam causarum secundarum unicum Religionis semen facientis.*

1. **E** Simplicissimo Motus phænomeno, necessitatem existentia alicujus substantia Incorporea à Materia distincta ostendimus. Cujus rei veritas plus adhuc confirmatur à perspecto ordine effectūque verè admirabili, quem motus hic in mundo genuit. Materia se movet; esto: potuitne propterea mera materia cum sui-motione, sapientissimam illam dare rebus fabricam, quam in iis cum admiratione conspiciamus? cæcus impetus, potest is tales effectus producere, tam accuratè tamque constanter, ut quo quis solertior, hoc certior sit sapientiam nullam addere, demere, nec alterare quicquam posse in operibus Naturæ, unde emendari queant? qui igitur potest id, quod nè sensum quidem habet, ad effectus eos assurgere, qui rationem atque intelligentiam summam sapiunt? Sed de hac re tam copiosè tantaque cum evidentiā disseruimus Lib. 2. *Antid.* ut supervacanea iteratio foret super eadem materia hinc ultra pergere.

2. Quod unum Effugium, quantum ego video, adversarii nostri usurpare hinc possunt, hoc est: Materiam esse sensus capacem, purissimam & tenuissimam subtilissimi sensus, & consequenter imaginationis etiam, immo forsitan ipsius rationis & intelligentia. Nam cum sensus, ut quidam opinantur, non aliud sit nisi motus, vel potius reactio corporis abs altero corpore preffi, sequetur omnem omnino materiam in mundo universo habere quodammodo sentiendi vim.

3. Age videamus quorsum hæc Assertio evadat. Qui sic motum & sensationem realiter idem faciunt, agnoscant necessariò oportet, sublato motu tolli etiam sensationem, (quod *Hobbius* in || Elementis suis Philosophia ingenuè confessus est) & motum seu reactionem quamque novam fore sensationem, pariter ac quamque cessationem reactionis, cessationem sensationis. || Cap. 15.

4. Largiamur ergo inquietis materiae particulis, quæ quaquaversus feruntur ludibundæ, auxilium atque opportunitatem sensus, & videamus an possint vel consociatis consiliis Anatomicam fabricam cujuslibet animantis excogitare. Profectò supputatis omnibus quæ etiam fingi possint, non constabit tamen ratio quam consuetam velint. Rogo enim, particula ista quæ ad animalis corpus fabricandum aliquid conferre debent, singulane habeant totam instituti operis formam per phantasma sibi impressum, an singula singulas partes ejus, sicuti singula habent ministeria? Si prius, cum certissimum sit, etiam ad eorum sententiam quos hinc oppugnamus, nullam omnino cognitionem seu perceptionem in materia esse posse, quæ non oriatur è reactione unius partis ejus in alteram, qui concipi potest ut una aliqua particula vel plures simul (nullo adhuc animali in Natura rerum existente) Ideam animalis fabricandi impressam habeat? Sin una aut aliquot particulae unius partis animalis sensum habent (quod facilius videtur, quia partes longè simpliciores sunt quàm tota compages atque fabrica) alia aliarum; quâ obsecro voce, quo sermone possint inter se conferre, & consilia sua mutuò communicare? Ut illæ ergo in tali incepto sibi mutuò inserviant, impossibilius est, quàm ut homines aliquot abs primo suo ortu cæci mutique operas

& ingenia conferrent ad condendam arcem aut sculpendam statuam animantis, de quo nihil amplius nōrint singuli quā minimam ejus particulam, quam rationem verò illa ad totum habeat penitus ignorarent.

5. Præterea, quando sensus re ipsâ idem est ac corporeus motus, mutetur is oportet mutatâ impressione motûs; quare particula aliqua, sensu duce, in certa linea mota, si fortè per viam contrarium idum excipiat, impressionem sensûmque planè diversum acquireret, & quod antè cogitabat oblivisceretur, aliòque divertetur. Immo tametsi in itinere suo non impeditur, cùm sensus sit reactio, amoto eo in quod renititur, sensus continuò desinet, succedet oblivio. Non possunt enim hæ particulae, sicuti portatilis horologii elater aut intenta balista, eandem reactionem proindèque eundem sensum diutiùs retinere. Et si possent, nihil tamen ad rem faciet. Qualis enim cunque sit earum sensus, motus certè necessarius est, utpote merè corporeus, ideòque effectus earum motûs non potest ab ulla omnino cognitione oriri. Præit enim corporeus motus, qui sentitur tantùm, non sensu dirigitur. Quare seu sensum habeat, seu non habeat Materia, quod ex illa existit, haud aliud erit ac quod è cæcis confusionibus & collisionibus partium ejus inter ipsas sine ullo proposito, consilio, aut directione oriatur. At cùm ordinaria Naturæ phænomena ad exquisitissimam sapientiam dirigantur, perspicuum est ea non meri motûs materiæ, sed Principii Immaterialis effectus esse, Axiom. 10.

6. Quapropter causarum secundarum ignoratio non tam verè dicitur Religionis semen, (quod vult *Hobbius*) quā Impietatis atque Atheismi. Nam si in earum Naturas accuratiùs subtiliùsque anquireremus, quā sint impares effectibus iis quos in mundo cernimus clarè perspiceremus. At cùm Naturas rerum corporearum quā possumus diligentissimè attentissimèque perlustravimus, nec vim ullam tamen earum invenimus tantam, quæ effectis illis satis respondeat & par sit; nosmet adhuc potius ignorantia, quā materiam motûmque corporeum impotentia arguere, est animi tantùm causâ tueri dogma, & in Axiom. 1 & 2. peccare.

### C A P. XIII.

1. *Postremum argumentum substantiarum Incorporearum, ab Apparitionibus desumptum.* 2. *Ratio prior declinandi vim argumentorum hujus generis.* 3. *Responsio ad rationem istam.* 4. *Altera effugiendi ratio.* 5. *Rationis hujus secunda genus prius.* 6. *Descriptio ex Virgilio ingenii ejus quod placita suggerit Philosophia Epicuræ.* 7. *Plenior & subtilior sensus istius Philosophia hodie.* 8. *Magna vis Syderum (quæ ex motu solo & materia constare supponunt) ad producendum omne rerum genus in Universo.*

1. **T**ertia atque ultima ratio unde substantiarum *Incorporearum* existentia evinci possit, sunt effectus extraordinarii ii, quorum causas naturales esse suspicari merito non possumus, sed certè liberas aut spontaneas, cùm tamen nec homines nec bestias esse certissimum sit. Hujus generis sunt\* locutiones, pulsationes, apertiones forûm firmiter oclularum, splendores sublimè undantes mediis in conclavibus repente visi, tum postea transeuntes & evanescentes; item hominum, variorumque generum brutorum animantium formæ, quæ à sermone & colloquio habito subito disparuerunt. Hi multique alii hujuscemodi effectus extraordinarii (quos uno communi nomine appelles, si lubet, *Apparitiones*) irrefragabile mihi videntur argumentum *Spirituum* seu substantiarum *Incorporearum* existentia; & sequelam demonstravi necessariam in ultimo capite *Appendicis Tractatus mei de Atheismo*; & in tertio ejusdem *Tractatus* libro tot narrationes *Apparitionum* produxi quarum fides nullo modo convelli potest, ut supervacaneum ducam quicquam istius generis hîc addere, ut qui majorem capio voluptatem in exercenda ratione quā in historiis conscribendis. Quid? quod tam consultum tamque anxium tum feci delectum, ut desperem planè alias reperire posse, quæ magis appositæ futuræ sint, aut convincant magis; quippe quod descripsi nullas, quas non priùs ad severas illas leges exegissem, quas primo dicti libri capite mihimet ipse statui, quò tergiversationibus effugis & contradicentium omnibus anteverterem.

2. Satis verò certus sum, cùm per ea quæ ipse observavi, tum quæ abs aliis fando accepi, duabus omnino rationibus homines istos fidissimarum narrationum illiusmodi vim



vim declinatum ire. Altera, est pertinax persuasio, Notionem ipsam Spiritus seu substantiæ immaterialis impossibilem esse, & in ipsis terminis repugnantem. Quamobrem historiis hujusmodi id significantibus, quod isti impossibile præjudicârunt; narratio simul ac audita est falsa existimetur necesse est; ideoque magis consensaneum putant, omnes illos qui hujusmodi res miras & prodigiosas vidisse se profitentur, insanos habere vel impostores, quàm ut ei rei adjungant fidem quæ mera est repugnantia.

3. Verùm hoc effugium prorsus jam sustuli, clarè demonstrando notionem Spiritus nihilo magis contradictionem implicare, quàm notionem Materie; attributâque ejus æquè intelligibilia esse, atque attributa Materie: quare nemo, uti spero, hâc unquam in posterum subterfugere valebit.

4. Altera evadendi ratio non tam veritatis narrationum de Apparitionibus effugium est, quàm illationis nostræ indè facta. Libenter enim agnoscunt Apparitiones & Prodigia historiis prodita, negant autem argumenta esse substantiæ verè spiritualis & incorporeæ distinctæ à materia in formam illam mutata, quæ ambulare, loqui, &c. potest; & singulares effectus tantum esse volunt influxus ejus, quem cœlestia corpora nostræ huic generationis corruptionisque regioni impertiunt.

5. Qui sic respondent duorum generum sunt. Alteri ad Aristotelem Averroemque proximè accedunt, qui non ut substantias merè corporeas spectant cœlestia corpora, sed ut informata Intelligentiis, quæ Essentia sunt separata atque immateriales. Hæc autem hypothesis instituto nostro præsentî nihil nocet; id ipsum enim concedit quod contendo, nempe Substantiam Incorpoream; & in hunc tantum finem excogitata erat, ut per eam declinentur utcumque argumenta omnia ab Apparitionibus sumpta ad probandum animas humanas morti superfuturas, vel existere Demones Geniosve Naturâ permanenti & immortalî. Verùm hanc hypothesein facilè refelli posse puto, si operæ pretium esset eam oppugnare.

Illâ Sadducæorum multò firmiter est, qui ἀπορροιας suas faciunt efficacissimam præsentiam Dei, materiam in Apparitionem aliquam alterantis; tanquam si una duntaxat esset omnium rerum anima, quæ Deus sit variè operans in materia. Cæterùm hoc dudum refutavi in Poemat. meis Philosophicis, atque iterum in hoc ipso || Tractatu || Lib. 3. cap. 16. refutabo.

6. Alteri Influentiarii eandem planè virtutem, quam isti, cœlistribuunt; & quamvis non adeò nobile Principium in illis esse supponunt, putant tamen & suum phænomenis omnibus sublunaribus, tum ordinariis tum extraordinariis, salvandis sufficere. Verendum scilicet Arcanum! nec nisi abs aliquo sene Sileno in obscuro antro suo jacente evulgandum; neque id quidem, nisi cum omnia commodè se habeant, ipsæque commodior sit, inflatis vino venis, fertorque per oscitantem somnolentiam capiti delapso: si tunc Chromis & Mnasyllus, pulchrâ præsertim & audaculâ Ægle se sociam adjungente, quæ digitos suos mororum sanguine tinctos per vetuli satyri frontem & tempora lasciviâ amatoriâ leviter ducat, ipso interim simulante somnum, nè si videre videatur tactus sui deliciis privetur; tunc, inquam, si lepidi hi pueri satis acriter instant, clariùs & alacriùs cantabit vetus illud de Philosophia Epicurea canticum; quod profectò, nisi ut refellam, vel recitare abhorrerem, adeò monstruosum est & impium. At quoniam celatum vulnus sanari nequit, etiam hæc hypothesis in medium est proferenda, quam hoc compendio complexus est Poëta.

Namque canebat, uti magnum per inane coacta  
Semina terrarumque animæque marisque fuissent;  
Et liquidi simul ignis; ut his exordia primis  
Omnia, & ipse tener mundi concreverit orbis.

Virgil. Eglôg.  
6.

7. Quæ his diebus plenior & subtilior hunc habent intellectum; Materiam & Motum omnium omnino rerum esse principia; per motumque atomos seu particulas alias aliis subtiliores esse, & majori agilitate & activitate. Motum unius corporis in alterum sensum ubique necessariò producere, ut qui non aliud est ac reactio partium materiæ. Quo subtilior materia, eo sensum etiam esse subtiliorem. Materiam quæ Solem & Stellas constituit omnium esse subtilissimam, illas proinde sensum habere purissimum subtilissimumque. Quod perfectissimum habet sensum, habere etiam imaginationem memoriâque perfectissimam, propterea quod imaginatio & memoria idem re ipsâ sunt atque sensus, cujus sunt modi. Quod perfectissimam habet imaginationem, habere summam rationem & providentiam; quippe quæ nihil aliud sunt quàm phantasmatum, sensationum, & imaginationum series ordinatio. Solem igitur

igitur & *Stellas* esse entium quotquot in mundo sunt omnium intelligentissima, & in illis esse scientiam, consilium, & sapientiam eam, quâ res omnes sublunares & fiunt & gubernantur.

8. Variis hæc suis impressionibus & imprægnationibus universam implevere terram vitali motu, unde florum, herbarum, arborumque genera innumera prognata sunt. Hæc etiam singula animantium genera procreârunt; hæc maria piscibus, agros bestiiis, ærem volucris complevere: terrestris enim materia, impressione solaris sydereæque imaginationis potentissimâ, tam facillè fingitur in viventes animalium formas, quàm facillè in utero signatur embryo validâ gestantis matris phantasiâ. Cum itaque cœlestes illæ Potestates imaginationis suæ vi valeant animatas figuras ex terrestri materia fabricare, quanto facilius vaporosum ærem in similes figurationes fingent?

Ut veræ igitur habeantur narrationes omnes *Apparitionum* quæ usquam scriptis mandata sunt, hoc tamen argumento non erit, Principium ullum *Incorporeum* in mundo existere. Acutissima enim illustrium horum corporum, *Solis & Stellarum*, providentia potest quascunque libet *Apparitiones & Prodigia* excitare, ad ortus & interitus clarissimorum virorum prænunciandos; quarum rerum exempla multa verissima & in Græcis & in Latinis monumentis extare, concedit ipse *Pomponatius*. Profundissimum Arcanum hoc est quod potuit unquam senex *Silennus* canere, ad aures atque animos facilis simplicisque juventutis illaqueandum. Et verè quidem est *φαιδὸν μυστήριον*, in partem sanè pessimam, horrendum mysterium & periculi plenum; nisi quòd non levis spes est ut nè sit verum. Id ergo jam examinemus.

De Immort.  
Anima, cap.  
14.

## C A P. XIV.

1. Splendorem corporum cœlestium non probare ea Providentiam ullam aut Imperium in nos habere. 2. *Stellas* nullam nostrî notitiam habere posse, mathematicè demonstratur. 3. Eadem ipsa conclusio demonstrata simpliciori modo. 4. *Stellas* cogitata communicare non posse, nec cum Sole nec inter se. 5. Solem nullam nostrarum rerum notitiam habere. 6. Principia posita ad conclusionem illam inferendam. 7. Demonstratur illum nos cernere non posse. 8. Illum nullum aliud genus notitiæ nostrî, neque fabricæ cujusquam in terris Animantis habere posse. 9. Etiam si Sol notitiam haberet perfectâ Animalis fabricæ, non potuisse tamen eam transmittere in materiam terrestrem. 10. Respondetur ad exemplum illud Signaturæ in factu. 11, 12. Ad idem porro respondetur. 13. Brevis reprehensio confidentissimorum istorum hominum, qui substantiam Incorpoream è natura rerum explodunt.

1. **L**ucem rem esse gloriosam, fulgorem Syderum visu amœnum, corpus item Solare tanto splendore majestatéque coruscare, ut sine adulatione profiteri liceat coactos nos esse obliquare oculos tanto fulgori sustinendo impares; verum & certum est ut quod maximè: atenim quasi tot oculos esse cœli, terræ invigilantes, tot benevolos diligentisque spectatores & curatores rerum humanarum, ut *¶ Paracelsus* vanissimus ille Chymicus opinatur, qui non modò Principes & Magnates, & excellentes viros, verum etiam quemque ferè hominem, sub exitum suum, signum aliquod instantis sui fati prænuncium, (ut sonitus in ædibus factos, defunctorum choreas, & hujusmodi) à provisoriis his miserantissimis missum, habere prædicat; nã ego non tam paganicè superstitiosus sum, ut vel minimo harum rerum apiculo fidem habeam: immo rem totam merum figmentum esse, demonstrari posse puto; stante maximè quam nunc examinamus hypothesi, videlicet, Principium nullum immateriale in Sole Stellisque residere, sed meram materiam esse, & ex particulis ejus subtilissimis maximèque agitatissimis constare. Sic enim certi sumus, nil quidquam in illis esse divinius, quàm quod in aliis rebus quæ luceant in tenebris, ligno putrido, candelâ, lucernæ junceæ flammâ deprehenditur.

2. Saltem hoc demonstrabimus, quancunque rerum aliarum cognitionem habeant Sol & Sydera, nostrî nostrarumque rerum nullam omnino habitura; quod prorsus tollet hoc ultimum effugium. Et de *Stellis* primò manifestum est, illas nostrî cognitionem nullam habere posse: nam cum magnus Orbis terræ punctum duntaxat sit ad distantiam eam, quæ inter illum & Stellam fixam interjacet, hoc est, cum angulus qui à Stella ductus, & ab Orbis magni diametro subtensus concipitur, sensui non

Vid. Embusiasm. Triumph.  
Sect. 45.



non sit angulus, sed mera quasi lineâ; quantilla erit tellus ipsa? quàmque prorsus Stellæ invisibilis, cum diameter ejus, orbis sui magni diametro undecies centenis vicibus minor sit? Ex quo constat impossibile planè esse, ut *Stellæ*, quamvis visu præditæ, videant vel terram ipsam, nedum incolas ejus, quo spectatrices aut curatrices rerum sint eorum seu bono seu malo; & cum Principium nullum superius existat, quod his harum rerum cognitionem inspiret, *Stellas earum* prorsus incicias esse manifestum est.

3. At si hæc demonstratio, quanquam in se verissima, non adeò tamen patet omnibus, addi potest id, quod facilius est & magis obvium, viz. cum *Stellæ lucida corpora* sint, & quæ primæ sunt magnitudinis centies ferè excedant terram, tantillæ tamen nobis appareant; facile quivis hinc colligat, opacam terram vel prorsus invisibilem futuram, vel saltem tam exiguam apparituram *Stellis*, ut fieri non possit ut *Regiones ejus* discernant, nedum *Urbes, ædes, incolas*.

4. Frequentissimum hunc ergo cœlestium Senatorum cœtum omni planè potestate exuimus de rebus hominum deliberandi aut quovis modo procurandi eas; nictent igitur quàm volent cogitabundis similes, exploratissimum habemus, quando nullam nostrî habent notitiam, nullum illos de nostro vel bono vel malo consilium secum agitare. Nec si agitent, poterant id cum *Sole* communicare, summo illo, ut creditur, mundi Principe, cui tam sunt semper invisibiles ipsi, quàm nobis interdum. Una enim lux ejus est, quæ abs adeò imbecillis objectis cernendis nos prohibet; quæ prohibitio in hoc uno sita est, quòd motus is qui radiis ejus efficitur in organo, ita acer & vehemens est, ut placida vibratio luminis *Stellarum* nequeat illum subigere; immo verò nec ullam ferè proportionem ad illum habet: quid ergo faciet ad *Solis corpus ipsum*, cujus materia rapidissimè omnium rerum agitur?

5. Nihil itaque nunc restat præter *Solem*, quod cognitionem ullam aut moderamen habere rerum terrestrium existimari possit. Quàm impar verò & ipse sit huic muneri, haud difficile demonstratu puto. Unde manifestò patebit, *Apparitiones* sive in *Ære* sive in *Terram* visas (quæ rectè habentur argumentum *Providentiæ* atque existentiae alicujus Entis *Incorporei*) non potentiae aut provisioni *Solis*, si purè corporeus sit, tribui debere.

6. Hoc enim inter omnes convenit, *meram Materiam connatas Ideas* non habere rerum earum quas in mundo cernimus; sed tantum, ex reactione unius partis ejus ab alia parte motæ, oriri sensum quendam seu perceptionem. Quæ quidem sententia, ut in se rationi maximè consentanea, (si sensum ullum habet Materia) ita & experientiae optimè consona; nam planè videmus sensum semper fieri per corporeum motum extrinsecus illapsum in organa, quæ iidem sunt corporea. Lucem enim à corporeo motu existere, ex radiorum ejus reflexione constat; nec auditur sonus ullus, nisi per motum æris vel alterius cujuspiam corporis intermedii; nulla vox editur, linguâ prius non motâ; musica modulatio nulla, nisi vel ventus inspiretur, vel fides pulsatur, aut aliquid his analogum: idem fit in cæteris sensibus.

Quamobrem si nihil in *Natura rerum* sit præter Corpus, perspicuum est oriri sensum à solo motu unius partis *Materiæ* in aliam, & motum præire semper, perceptionem sequi, & perceptionem proinde legibus motus astringi; postremò nullum *Perceptiens* quidquam amplius concipere posse, quàm quod per motum corporeum transmittatur. Ex his autem principiis facile probari potest, etiamsi percipiendi facultatem largiamur *Soli*, tantam tamen non fore, ut per eam fiat aut *Spectator* aut *Gubernator* rerum hîc in terris nostrarum.

7. *Sol* juxta supputationes Astronomorum, etiam eorum qui parcius loquuntur, centum & quinquaginta vicibus excedit terram. Quàm exiguus verò nobis appareat, oculi omnium æstimare possunt. Illi ergo terra quantilla apparere debet? Si omnino videat eam, tantum tamen aberit ut singulares homines aut familias animadvertat, ut nec vicos, nec urbes, immo non agros, non regiones distinctè cernere valeat; sed plagæ integræ, quamvis latissimæ, ita hîc erunt inconspicuæ, ut latifundium *Alcibiadis* in charta terrarum orbis evanuit, quam *Socrates* beatulo juveni ad superbiam ejus reprimendam ostendebat. Terram *Soli* multò minorem apparere oportet, quàm nobis *Lunam*, quia *Sol* videtur nobis minor *Lunâ*. Facile demonstrari posset, discum ejus *Soli* appariturum triginta ferè vicibus minorem, quàm *Luna* apparet nobis, immo verò sexaginta, juxta supputationem *Lansbergii*.

Cogita jam quantum id sit, quod nos in latiore objecto illo, *Lunâ*, cum proxima est, cernimus, etiamsi in obscuro, sub umbra terræ collocati, quâ re visus plus patitur, plûsque cedit impressionibus. Igneus igitur oculus *Cyclopi* illius, *Solis*, qui totus est lux & flamma, quantillum discernet is in minori hoc objecto, *Terrâ*, cum

vigor

vigor motusque ipsius tam sit invictus & cedere nescius? Quid *Soli* hac in re even-  
turum sit, de nobis ipsi possumus utcumque conjecturam capere. Quamvis enim or-  
ganum nostrum radiis ejus reflexis duntaxat moveatur aut agitur, agrè tamen *Lu-*  
*nam* supra Horizontem existentem cernimus interdiu: quid ergo impressionis *Terra*,  
quæ illi minus est objectum quàm *Luna* nobis, in *Solem* efficere poterit, cujus corpus  
itâ furit æstu, ut ipse sit quasi ignis ebulliens, si itâ loqui liceat, & maculæ ipsius tan-  
quam vaporantis illius lebetis spuma?

Præterea, Atmosphæra tanto scilicet intervallo tam crassum nobis tegumentum  
est, ut nullius planè rei conspectus futurus sit, præterquam albicantis nebulæ circum-  
regentis omnia, & ad instar nubis lucidæ candentis. Quapropter *Solem* nos videre  
non posse, tam est rationi perspicuum; quàm sensui manifestum, nos videre *Solem*:  
proindeque non posse nostrarum actionum vel *Inspectorem* vel *Curatorem* esse.

8. Atenim forsitan subjicies, quamvis *Sol* terram non videat, sensum tamen &  
perceptionem eam in se habere potest (scilicet bellè micans res est, & magnum ali-  
quid de illo quoquo pacto credi debet) quæ in oppidò quàm amplam *intelligentiæ*,  
*præscientiæ*, *potentiæque* sphaeram evadat. Verùm vanissima suspicatio est, quæque  
nullâ facultatum nostrarum confirmari potest: quinimò ex principiis illis de quibus  
jam convenit, contrarium potest demonstrari. Nullæ enim *Idea connata* sunt in Ma-  
teria; ideòque ex collisione ac agitatione particularum solarium, nil aliud quid-  
quam in *Sole* effectum iri cum ratione expectandum sit, quàm quod nos in nostris ip-  
sorum oculis percussis experimur, unde plerumque sequitur confusi luminis aut flam-  
mæ sensus. Itaque si *Sol* sensum ullum per se habet, lucis vehementioris aut ignis  
perceptionem esse oportebit; quæ cum una eadèmq; perpetuò sit repræsentatio, in-  
certum est an is eam sentiat magis, quàm nos ossa nostra sentimus, quæ, propter sue-  
tum & continuum sensum nostrum eorum, non percipimus; ut *Hobbius* in mate-  
ria simili ingeniosè conjicit.

Si perceptionem autem esse dixeris concussus aut collisus, aut si quis alius tactus  
vel affricus sit particularum *Solarium* inter ipsas, cum corpus *Solis* liquidissimum sit,  
& particulæ ejus proinde nunquam quiescant, sed hæc illæc temerè motæ aliæ in alias  
impingant fortuito; quæ hinc oriuntur perceptiones tam erunt variæ & fortuitæ, tam  
celeræ brevèsque, tam parum constantes & permanentes, ut si quis mortalis itâ affe-  
ctus esset, ut *Sol*, juxta hanc hypothesin, necessariò afficitur, & esset & videretur  
omnibus mente captus; adeò levis, incertus, & desultorius esset, tamque impo-  
tenti temeritate ageret, diceret, cogitaret omnia.

Breviter, ut *Sol*, atomorum suarum ignearum agitatione tumultuosâ, incideret in  
rationabilem solertemque fabricationem, veràmve Ideam cujusvis animalium eo-  
rum, quæ in terris videmus, pariter est intellectu difficile, atque ut particulæ terre-  
stres ipsæ in easdem fabricas formæque rerum concurrerent; quod satis || jam re-  
felli.

|| Cap. 12. sect.  
45.

9. Et si incideret veram in fabricam formamque animalis, vel in initia debita aut  
delineationem ejusdem, qui tamen eam poterit in terram hanc, generationis regio-  
nem, transmittere; partim quòd terra tam longè distat, eique planè invisibilis est;  
partim quòd cum altissimum Principium hîc sit tantummodo merus motus, auspiciis  
præstantioris carens, Imaginatio ista solaris in terram agens simpliciter-rectilinearis  
impressio tantum futura est, quæ internam solidamque organizationem partium Ani-  
mantium nunquam efficiet; nec Spectra aut *Apparitiones aerias* certiori diuturniorive  
formâ continebit, quàm quâ fumarii pæive fumus continetur.

10. Exemplum illud potentiæ quam imaginatio materna in fœtum utero inclusum  
habet, mera est pompa; tanta enim est rerum disparitas, ut argumentum indè peti-  
tum nihil omnino probet. Nam mater explicitam habet Ideam fœtus & singularum  
ejus partium; *Sol* autem & *Stella* omnino non habent distinctam Ideam partium  
terræ; quinimò ausim dicere, quæ suprâ attigimus, demonstrare, sydera, etiam si  
sensum haberent, nè scire quidem si ne terra hæc, in qua degimus, in Natura re-  
rum.

11. Præterea, Notæ fœtui impressæ conceptum clarum vividumque mater ha-  
bet; fabricam verò bellam & solertem eam, quæ in Idea animantium comprehendi-  
tur, concursibus ignearum particularum seu *Solis* seu *Stellarum* fortuitis neuti-  
quam competere posse demonstravi.

12. Postremò, impressio quæ in Fœtu fit valde simplex est & levis, & rarò tam  
affabrè facta, atque impressiones annulorum in ceram; quæ superficièi duntaxat sunt  
modificationes: supposita autem hæc impressio imaginationis Solaris vel Syderæ est  
plus quàm solida statua, plus quàm accuratissimum automaton quod unquam homi-  
nis



nis solertia excogitaverit; nec potuit proinde abs impressione rectilineari Solaris imaginationis, primum in ætherem factâ, deinceps in terram propagatâ, exoriri; nè quidem si *Sol* animâ intelligenti æquari fingeretur, modò terra totumque spatium inter eam Solémque medium inanima essent. Nec directionem signaturæ certam in fœtus partem (quod tamen infinitò levius est) matris imaginatione perfici potuisse puto, quanquam multum ad hoc confert organizatio corporis, nisi & ipsa & fœtus ejus animati essent.

13. Ex Universi ergo phænomenis, ultra omne effugium, demonstravimus, substantiam *Incorpoream* necessariò in mundo esse oportere; inclament & derideant eam pusilli Philosophastri, quantum *Fatuitatibus* suis videbitur.

IMMOR-






# IMMORTALITAS ANIMÆ.

## LIBRI SECUNDI

### CAP. I.

1. Axiomata alia adjiciuntur ad demonstrandum *Esse in homine Spiritum seu Substantiam Immateriale*. 2. *Primi eorum veritas confirmatur testimonio Hobbii; item demonstratur in Præfatione.* 3, 4. *Illa demonstratio clarior adhuc & firmior redditur respondendo ad effugium quoddam.* 5. *Probatio Axiomatis secundi.* 6. *Probatio tertii.* 7. *Confirmatur quartum tum testimonio Hobbii, tum Ratione.* 8. *Explicatio & probatio quinti.* 9. *Veritas ejus probatur porro.* 10. *Responsio ad effugium.* 11. *Responsio ad effugium alterum.* 12. *Prima illa responsio ultra tractatur.* 13. *Responsio secunda.* 14. *Responsio tertia, quâ continetur maximè confirmatio Responsionis primæ ad effugium secundum.* 15. *Evidentia Axiomatis sexti.* 16. *Probatio septimi.*

1.  Ullam esse repugnantiam in notione *Spiritus*, quo minùs in *Natura* existat, quinimò & de facto *Substantias Incorporeas* in *Mundo* existere, demonstravimus. Huc usque igitur munitâ viâ, ad summam rem nostram jam propiùs accedemus; & in *Homine* inesse *Substantiam* ejusmodi *Immateriale*, insuper demonstrabimus; quæ, propter potentiam eam quâ corpus actuare & regere existimatur, *Anima* vulgò dicitur. Hoc verum esse primum generalius, non eo tamen invalidius, astruemus, evincendo *Facultates* atque *Operationes* illas, quarum in nobismet ipsi sumus nobis conscii, *Materia* latè sumptæ sine omni singulari *Organizatione* nequitiam competere posse. Deinde *Corpus humanum*, & unamquamque in ejus fabrica opportunitatem ad operationes illas peragendas, quas in nobismet sentimus, diligentius perscrutabimur. Quò verò clariùs hoc fiat atque firmiùs, adjiciemus superioribus hæc quæ sequuntur Axiomata.

### AXIOMA XX.

*Motus vel Reactio partium Materiæ aliarum in alias, juxta saltem ejus moras, una eademque planè res est ac Sensus & Perceptio, si quis Sensus aut Perceptio sit in Materia.*

2. **H**OC Axioma ut per se satis est manifestum, (supposito præter corpus nihil quicquam in *Mundo* existere) ità & *Hobbii*, confidentissimi potentissimique adversarii nostri, testimonio juvatur in *Element. Philosoph.* Cujus ego judicium in causis hujusmodi magni sanè facio, tam ratione quàm charitate persuasus, hominem tam parùm videntem in *Natura Spirituum*, defectum illum suum compensasse singulari perspicaciâ optimas maximèque probabiles rationes discernendi, per quas omnia *Phænomena* ex notis & probatis proprietatibus *Materia* salvari possint. Haud alienum igitur duco in hujusmodi rebus testimonium ejus in medium proferre; utpote quòd demonstrationes meæ eo commendatiores fiunt hominibus idem cum illo sentientibus.

tientibus. Verùm cum propositum mihi non sit de certo hominum genere victoriam quarere, sed veritatem simpliciter stabilire; nulla fundamenta ponam quæ sint ad hominem tantum argumenta, sed qualia persuasus sum (ex hac scilicet hypothefi, *Nihil esse in Universo præter Corpus*) evidentissima cuivis fore, qui de illis mediocriter judicare valet. Et hujus ipsius Axiomatis demonstratio extat in Præfat. Sect. 5.

3. Contra quam nullum omnino effugium excogitare queo, nisi quis forte putaret agitationem materiæ communem sufficere ad exciendum particulas ejus ad cogitandum, & illas sic excitas in alias deinceps cogitationes & phantasmata excurrere posse præterquam quæ ab impresso motu præcisè oriuntur.

Sed ad hoc breviter respondere licet, primò, cum ex agitatione collisûque particularum istarum Sensus existat necesse sit, (nam quia ejusdem ferè sunt magnitudinis, agent in se invicem efficaciter) Animadversionem particularum adeò occupatum & defixum iri in perceptionibus suis sensibilibus, ut quamvis alioquin facultatem habeant liberè cogitandi, semper tamen in sensibilibus his phantasmatibus necessariò detineantur.

Secundò, quicquid percipitur, in commune percipi ab eo quod naturâ suâ aptum est ut sit Percipiens. At nihil, non reipsâ idem atque motus corporeus, vel effectus ejus proximus & adequatus, particulis alicujus materiæ communibus communicari potest. Hinc ergo constat nullam Materiæ congeriem in liberas cogitationes, seu phantasmata crassiora seu Notiones secundas, excurrere, propterea quòd particulae nequeunt cogitationes illas inter se mutuò communicare; id quod || suo in loco distinctius demonstravi.

Tertiò denique, sensu & experienciâ satis constat *Materiam* esse Principium omnino passivum, neque aliter moveri nec modificari ac quidpiam aliud eam moveat & modifiet, seipsam verò neutiquam movere posse. Quod iis maximè demonstrabile est, qui *Materiam* sentire & percipere volunt ac contendunt. Nam si ullam hujusmodi *Perceptionem* habeat, motus sui spontanei vi subduceret se malleorum ictibus ignisve furori, & sponte suâ ad ea accederet quæ grata sibi sunt maximè & jucunda; idque sine musculorum ope, utpote quæ per se & immediatè prædita est se-movendi facultate. Cum ergo *Materia* adeò sit stupida ut illâ facultate careat, quî potest haberi subjectum idoneum cui Potentia & activitas infinitò diviniore inhæreat, hoc est, libera in Cogitationes varias evagatio, Inventionis, Judicii, Memorizæ usus & exercitium, idque in Objectis iis quæ supponuntur non esse impressiones ipsæ motus particularum aliarum in alias?

Nec est cur quis me versutum & fallacem idcirco putet quòd *Materiam crassam* & ponderosam nominans, qualis contundi malleo aut securi cædi solet, exinde concludo nullam omnino materiam, nè subtilissimam quidem, movere se: enimvero sui-motio non minùs competit ponderoso *Materiæ* frusto quàm particulæ ejus minutissimæ; sicut enim magnitudo ad magnitudinem, ita ad vim vis erit; & proinde ut portio quæque *Materiæ* maximam habet molem, ita validissimè ac invictissimè movebit se. Hinc patet minutissimam corporis ingentis particulam abs eo separatam nè hilo quidem indè aptiorem evadere ad movendam se, sed minùs invictam duntaxat in ista sui-motione futuram.

4. Nec proficies quicquam relabendo ad figmentum illud *Materiæ* specificè ab ea distinctæ quæ vulgò sic dicitur & intelligitur (quam titulo *Divina* || nonnulli insigniunt, tanquam si ea esset summi Numinis substantia:) Nam si contemplemur paullisper bene magnam *Divinæ* hujusce materiæ quantitatem, globum, putà, aliquot unciarum in diametro & perfectè solidum, i. e. cujus partes immediatè sine poris seu intervallis uniuntur; & deinde consideremus globum istum necessariò futurum esse duriorem massâ illâ Plumbi aut Auri, cujus mentionem facio in Axiomate hoc demonstrando, nec minùs opacum quàm quod opacissimum: constabit hinc liquidò *Materiæ* huic *Divinæ* tam minimè competere motum spontaneum, cogitationes liberas, & perceptiones non à motu corporeo impressas, quàm plumbeæ & aureæ Massis illis memoratis; & propterea figmentum illud ludibrium merum esse verborum, tam perperam junctorum ut si *Divinam* massam plumbi vel auri dixeris.

Et quod dixi de globo universo, valebit pariter in qualibet particula ejusdem naturæ cum toto; quæ nihilo magis erit libera cogitationis capax, quàm particulæ materiæ ejus ex qua aurum aut plumbum conflatur. Si enim ulla perceptio est, ex reactione corporeâ oriri eam in utrisque dicendum est, si ad mentis nostræ sententiam æquo animo attendamus. Et utcumque id sit, certè liberarum perceptionum communicatio in neutris possibilis erit; Divinissimâ quæ cogitari potest *Materiâ* nullam aliam unionem habente nisi juxta positionem partium, ut adversarii nostri ipsi libenter agnoscunt.

Veracibus

1 Cap. 6. sect. 4.  
5. 6.

17. Lib. 1. cap.  
11. sect. 8.



Veracibus his nostræ ipsorum mentis prælagiis, certisque rationis conclusionibus, addas licet postremo ipsius Naturæ suffragium Experimentis editum; quæ certissimam fidem faciunt, nullam istiusmodi Materiam *Divinam*, liberè cogitandi liberèque agendi facultate præditam, intermisceri vel interspergi communi Materiæ Universi: \* quod in *Antidoto* clarissimè demonstravi. Itaque concludam nullam qualemunque materiam perceptionem ullam habere, si quam habet omnino, aliter aut ad alias leges ac *Hobbius* definivit, ipsèque in hoc ipso axioma exposui. || Lib. 2. cap. 2. sect. 8.

## AXIOMA XXI.

*Quousque continuata hæc reactio pertineat, Sensus eousque aut Perceptio pertinet, nec quicquam ultra.*

5. **H**OC Axioma tam de *duratione* temporis quàm de *extensione* subiecti intelligendum est, viz. *Sensum & Perceptionem* non ampliùs diffundi per Materiam quàm diffunditur *reactio*; nec diutiùs durare quàm eadem *reactio* durat. Hujus veritas abundè patet ex axioma præcedente.

## AXIOMA XXII.

*Quicquid diversitatis sit Sensus aut Perceptionis, id oritur necessariò ex diversitate magnitudinis, figuræ, situs, vigoris directionisque motus in partibus Materia.*

6. **H**UJUS etiam veritas ex Axiom. XX. manifesta est. Nam cùm *perceptio* unum idemque re sit ac *reactio* partium Materiæ inter se, cùmque sit *perceptionis diversitas*, diversam simul modificationem *reactionis* ea inferat necesse est; & cùm *reactio* nihil aliud sit nisi motus in materia, non nisi per eas variationes variari potest quæ materiæ convenient; quales sunt magnitudo, figura, situs, motus localis, in quo continetur omnis ad eum *conatus*, uti etiam *directio* istius sive liberi motus sive conatus cohibiti, ejusdemque vigor; quem si ad gradus infimos deducis, ad quietem tandem deveniendum erit, quæ eapropter ad illum aliquatenus referri potest, quemadmodum ad *magnitudinem parvitatis* est referenda. Hæc ea sunt quæ primò concipiuntur in materia; ab his igitur *perceptionis diversitas* necessariò oriri debet.

## AXIOMA XXIII.

*Materia, in innumeris illis variisque quas sentit Perceptionibus, nullas habet quæ non à corporeis motibus ipsi imprimuntur, i. e. quæ non Perceptiones sunt actionum aut modificationum impressionum partium Materiæ aliarum aliis obnitentium.*

7. **H**UJUS Axiomatis veritatem *Hobbius* libentissimo vel verius cupidissimo animo comprobatur & confirmatur; idem faciunt & discipuli ejus; quippe qui omnes acriter contendunt, nullius nos rei *perceptionem* habere nisi *phantasmatum* objectorum materialium, & *verborum* notarumve sensibilibium, per quas hæc vel illa objecta significari volumus. Quod sanè verissimum esset, si præter materiam nihil in mundo existeret; quare convenientissimè principiis suis loquuntur: non autem in ista Schola tantum verissimum dico, verum etiam per se rationi consentaneum, si nihil præter materiam esset in Natura, atque una eademque res essent *Perceptio & Reactio*. Nam cùm *reactio* illa in brutis pariter sit atque in hominibus, non per *perceptionem* alterius planè generis, sed per extrinsecam rationem *perceptiones* communicandi, discrimen omne constitui oportet. *Distinctio* proinde inter *homines & bestias* in hoc uno sita esse debet, quòd illi de *communi* quadam *nota*, sive *vocum* ea sit sive *characterum*, convenire possunt ad *perceptiones* suas exprimendas, hæ non possunt; *perceptiones* autem ipsæ unius generis esse debent in utrisque: neutris aliud quicquam percipientibus præter *impressiones corporeas*, quas per adversos obnixus partium materiæ inter se sentiunt.

## AXIOMA XXIV.

*Distincta impressio Materiæ variegatæ & mediocriter lata recipi non potest à mero Materia puncto.*

Lib. I. cap. 6.

8. **P**ER merum punctum Materiæ non intelligo punctum purè mathematicum, sed perfectam parvitutinem, vel minimum reale Materiæ; de quo jam dixi. Cum minima hæc sit quantitas ex qua materia discerpibilis constare potest, nulla materiæ particula minor ipsâ potest eam contingere. Hæc itaque parvitas quæ tam exigua est ut partes integrales, realiter distinguendas, propriè non habeat, quæ potest esse subiectum distinctè receptivum aspectûs, putà, dimidiati *horizontis* simul? quæ visio efficitur reali distinctòque motu à realibus distinctisque partibus objecti visi prodeunte. Cum autem hoc perfecte-parvum minutissima sit quantitas in quam Materia divisibilis sit, una duntaxat realis linea motûs in illud dirigi potest, reliquæ præterferrentur. Præterea, si hæc tam perfecta parvitas distinctè percipere potest objecta variegata, mira omnia sunt ni itidem Aëris & Atmosphæræ particulas, luminis globulos, & subtilissimam quamque texturam partium corporum opacorum percipere possit.

Cap. 8. Art. 4, 5, 6, 7, 8.

9. Ad hæc, objectum illud de quo loquimur iis coloribus variari potest, ut repugnet planè ut una eadèmq; particula (perexigua, putà, rotunda, quæ pyramidis seu coni visualis cuspis sit) illos omnes simul recipiat; quoniam species eorum oppositæ non aliter communicari possunt rotundæ isti particule quàm per contrarios motus, vel (quæ æquè sunt contraria) per quietem & motum; \* quod ex insigni illo theoremate de coloribus in *Meteor. Cartesii* perspicuum est. Quod si id falsum esse potest, hoc tamen verissimum, cum motus visionis causa sit, contrarietatem colorum quæ in objectis cernitur è contrariis modificationibus motûs in rotunda hæc particula oriri debere, quæ objectum immediatè communicat Sentienti: motus autem contrarii eodem tempore & intra eandem superficiem adæquati loci sui, corpori nequaquam competere possunt.

10. Nec quidquam valet effugium illud, Nullam contrarietatem realis motûs, sed conatum tantum ad motum hîc reperiri: enimvero conatum tam realem esse quàm motum ipsum, tamque contrarium, manifestum est, quod is visum realiter afficit, & ad modum contrarium. Quinetiam conatus ad motum est motus ipse, quanquam minimi progressûs: quàm voles verò parvus sit, non minùs repugnat ut



Globus A circa idem centrum & eandem intra superficiem (quæ locus ejus est adæquatus juxta notionis illius intellectum apud Scholam *Aristotelis*) paucillulùm volvatur simul à C versùs B & à B ad C, quàm ut ad eundem istum modum, integrum orbem perficiat. Accedit ad hæc, Colores quosdam hinc motum, illinc quietem, significare; si globus autem in ulla sui parte quiescit, quiescit in omnibus. Hinc sequitur, fieri non posse ut rubrum & nigrum simul videamus.

11. Hoc itaque effugio sublato, alterum substituunt, viz. Distinctas objecti partes non simul agere in rotundam hanc particulam, visualis pyramidis cuspidem, sed successivè, ità verò celeriter, ut objectum simul & semel præsentetur; ut cum ligniculum alterâ extremitate ignitum celerrimè circumrotatur, unus continuus circulus igneus videtur. At hanc instantiam parùm ad rem facere inveniemus, si modò consideremus, ligniculum illud circumrotatum circulum eum, quem in oculi fundo describit, non in uno ejus puncto describere, sed in mediocri spatii latitudine; & nervum opticum, vel spiritus in eo, tangi successivè, & à tactione prima quasi tremere aut vibrare, (ut fit in testudine pulsata) donec motus, circulo suo peracto, ad eundem locum rediens eum denuo tangat, idque tantâ celeritate, ut nervum adhuc vegetè motum inveniat: verùm cum hîc unica sit particula tangenda, eadem ferè recurrent incommoda quæ suprà notavi.

12. Quemadmodum enim antè demonstravi, colores quosdam uni eidèmq; rotundæ particule materiæ communicari simul non posse; ità ex eo hîc sequetur, talibus coloribus sibi invicem succedentibus, alterum alterius impressionem continuo deleturum; unde colores illos varios, qui in bene magno cernuntur objecto, videre simul non poterimus. Nam nisi impressio aliquantisper in eo moretur à quo recipitur, nulla fit sensatio; sic digitum ità celeriter agitare possumus, ut vix cerni queat:


&



& si justam moram facit v. c. objectum magnum diversissimis coloribus varium, fieri tam non posset ut tessellatum illud opus tam amplè, ut facimus, simul & semel videamus, sed per partes duntaxat, quæ abirent redirentque celeritate quidem haud exiguâ, facile tamen discernendâ.

13. Deinde, si ullo modo imaginari possemus vicissitudines impressionum à distinctis partibus basis visualis coni ad cuspidem ejus, quam supponemus globulum esse perexiguum, quales quantique sunt illi ex quibus Elementum secundum *Cartesianum* constat; globulo hoc sic per vices pressio, ita planè res erit ut in adjuncto Schemate descripsi; ubi CA est objectum, GH materia sentiens, I globulus, qui ab E ad F versùs rectà premetur, ubi in minima realitate materiæ sentientis certus color recipietur; ab A verò feretur versùs B, & breviusculâ rotatione alteram realitatem tanget longius fortasse distantem ab F, & quem colorem ab A acceperat τὸ B aut distantiori realitati imprimet; idem fit à C in D: hinc etiam perspicuum est, nullam unam perfectam parvitutinem totum objectum CEA recipere.

14. Postremò, celeris hæc vicissitudo impulsûs aut impressionis colores omnes contaminaret, totumque objectum redderet uno quasi indistincto colore, ut in *rota picta* videre licet. Quid enim, nisi celeris impressio unius coloris in eandem partem nervi optici in quam jam facta erat impressio alterius, facit ut rota tota uno confuso colore videatur? Verùm nè cuiquam fraudem faciam, exemplum rotæ singulari suâ opportunitate gaudet, suprâ quàm præfens hypothesis habet, ita confundendi omnia, quod colores rotæ non solum in unam eandemque partem nervi, sed etiam in una eademque linea veniunt ab objecto, ita ut hoc nomine instantia minùs sit accommodata. Attamen nimis est probabile, fluidam materiam *perceptivam*, propter instabilitatem istius particulæ in quam abs cunctis objecti partibus successivè fit impetus, colores hîc etiam per objectum universum, propinquum præsertim & perexiguum, alios ab aliis aliquo modo infectos reperturam. Exemplum hoc rotæ saltem erit certissima confirmatio primæ demonstrationis nostræ, in qua ex necessitate justæ moræ in materiam percipientem faciendæ, & ex eo quòd sensatio fieri non potest nisi motus sensiferus aliquantisper inhæserit antequam deleatur, effugii secundi invaliditatem fecimus perspicuam. His addi potuit, objectum ipsum, quod premit organum, moram debitam facere oportere, etiamsi nulla nova impressio priorem statim excipiat & expungat; quod in orbem celeriter agendo glandem pictam filo appensam experiri licet; quòdque plenius id confirmabit quod volumus. Satis verò superque jam dictum est ad astruendam veritatem Axiom. 24; quod tam per se manifestum est, ut paucissimos fore putem, quibus non primo intuitu certissimum apparebit.



### AXIOMA XXV.

*Quæcunque impressio aut cujuscunque impressionis partes abs hac perfecta parvitudine sensu reali materiæ puncto non recipiantur, omnino non abs ea percipiuntur.*

15. **H**OC per se planius est quàm ut vel explicatione vel probatione indigeat.

### AXIOMA XXVI.

*Quicquid Sensûs aut Motûs in Materia nunc insit, est necessaria impressio ab alia parte Materiæ facta, & necessario illuc manet donec Materiæ pars aliqua illud inde extruserit.*

16. **Q**UI motus cunque sit in ulla parte Materiæ, in ea necessario & esse & manere donec pars altera Materiæ eum vel mutet vel diminuat, ex legibus motûs, à *Cartesio* in *Princip. Philosoph.* expositis, perspicuum est. Eandemque rationem esse *Sensûs* seu *Perceptionis*, (si nihil præter Materiam in Natura rerum existit) 37: ex Axiom. 20, quod *Motum* & *Sensum* seu *Perceptionem* idem re facit, pariter est perspicuum.

### SCHOLIA

## SCHOLIA

## IN CAP. I. SECT. 4.

**Q**uod in Antidoto clarissimè demonstravi, &c. *Et in Enchiridio Metaphysico, pluribus in locis, Cap. 9. Sect. 14, 15. Cap. 11. Sect. 15. Cap. 12. Sect. 16, 17. & alibi.*

Sect. 9. Quod ex insigni illo Theoremate de Coloribus in Meteor. Cartesii perspicuum est, &c. *Equidem Theorema ingeniosum est miramque verisimilitudinem primo aspectu præ se fert. Est certè valdè credibile est particulas Luminis eâ figurâ esse quâ eas supponit Cartesius. Motus verò earum esse merè Mechanicos, quàm ob omni ratione alienum sit asseverare, cumulatè planum feci, in Enchiridio Metaphysico, Cap. 19. Sect. 8.*

## CAP. II.

1. Si Sensatio cadit in Materiam, cadere item in res Inanimas: Hobbium hic vacillare.
2. Enumeratio plurium in nobis Facultatum quæ nentiquam prorsus cadunt in Materiam.
3. Materiam quomodocunque temperatam sentire non posse.
4. Nullum unum Materiæ punctum Sensorium commune esse posse.
5. Nec multitudinem istiusmodi punctorum quorum singula quæque recipiunt totam objecti imaginem.
6. Neque quæ singula partes singulas, tota verò congeries totam imaginem.
7. Memoriam non competere Materiæ.
8. Materiam capere non posse notas quarundam Objecti circumstantiarum quarum recordamur.
9. Materiam non posse sedem esse Notionum secundarum.
10. Effugium Hobbianum demonstrationis superioris clarè refutatum.
11. Libertas voluntatis evincit inesse nobis substantiam à Materia distinctam.
12. Idcirco Hobbium profiteri actiones nostras omnes esse necessarias.

1. **E**A jam Axiomata adjecimus, quæ ad præsens institutum nostrum sunt maximè accommodata. Age ergo, videamus, juxta ordinem propositum, antequam corporis fabricam consideramus atque organizationem, an tales operationes quales in nobismet experimur, materiæ generalius spectatæ convenire possint. Materiam naturâ suâ sensûs esse incapacem, ex Axiom. 20 & 21. planè constat. *Motus enim & Sensus cum sint idem realiter, sequetur necessariò, ubicunque motus sit, præsertim aliquammagna duratio ejus, ibi quoque sensum & perceptionem esse oportere: cujus tamen contrarium videmus in Catocho, & in cadaveribus quotidie experimur; quorum in utroque, etiamsi reactio sit, sensus tamen non est.*

Dicam verbo, Si ulla materia sensum habet, omnis pariter ex reactione habebit, & campana inter pulsandum, arcus dum tensus est, & neurospasmus illud puerorum (Anglicè *Jack-in-a-box*) dum operculo premente ab exiliendo prohibetur, erunt animalia aut res sentientes. Quod tam fatuum est & frivolum, ut nominasse tantùm, satis sit prudentioribus refellere.

V. Element.  
Philosoph. cap.  
25. Art. 5.

II Cap. 25. Art.  
7. 8.

Equidem ipsum Hobbium, etiamsi sensum in meram reactionem materiæ resolvat, harum tamen absurdarum consequentiarum pudet, & ægerrimè se inter illos philosophos (quanquam, ut ait, viros doctos) recenserì velit, qui omnia corpora sensu prædita esse sustinuerunt; ipse tamen vix sibi temperare potest quo minùs idem affirmet. Delicias quidem facit memoriam iis largiri; hanc autem habebunt velit nolit ipse, si modò sensum largiatur. In campana ex. c. pulsanda, ab omni ictu durat in illa aliquamdiu tremor quidam, qui languescens erit (secundùm II ejus Philosophiam) *imaginatio*, & respectu habito ad priorem ictum *Memoria*; & si ictus novus ante memoriam hanc desitam superveniat, quid impedit quo minùs discriminatio & judicium sequatur? Sanè conclusio satis convenit absurdissimo huic principio, Nihil esse in Universo præter materiam, eamque perceptionis capacem esse.

2. Unam hanc autem foedissimam audacis assertionis absurditatem patefecisse non contenti, ultrà conabimur demonstrare falsam esse hypothesin, materiàmque ineptam prorsus esse ad operationes eas, quas ipsi in nobismet sentimus, proindeque immateriale seu incorporeum aliquid in nobis inesse. Nam planè conscii sumus unam eandemque rem & audire, & videre, & gustare, & ut uno verbo dicam, objecta omnia



nia percipere, quæcunque nobis Natura exhibeat. Ea itaque materiæ pars, cui *communis sensorii* munus assignandum est, cum sensus aliud non sit nisi impressio motûs corporei ab externis objectis prodeuntis, omnem illam diversitatem impulsione ab objectis necessariò recipere debet; debet etiam *imaginari, meminisse, ratiocinari*, fons esse *motûs spontanei*, sedes item illius quod Græci vocant *αὐτεγούριον*, i. e. *liberum arbitrium*: verum hanc hypothesein difficultatibus illis involvi inveniæmus, unde nemo se expedire poterit.

3. Nam primò, nullam Materiæ portionem concipere possumus, quin vel *dura* ea sit, vel *mollis*, necesse sit. *Duram* omnes rejiciunt, utpote quam cognitivis illis facultatibus ornari, quarum nobis conscii sumus, omnino est veri dissimillimum. Quæ *mollis*, aut opaca, aut pellucida, aut denique lucida erit. Si *opaca*, videre non potest; exteriore superficie lumen à partibus interioribus arcente. Si *pellucida*, ut aer & aqua, in se quidem penitus admittet eas particulas eumque motum qui *colorum* sensum distinctionemque invehit. *sonus* etiam penetrabit; sed quoniam hujusmodi materia est heterogenea, id est, ex partibus constans quæ diversa sunt naturâ & officio, *Aere* v. c. sonis proprio, *rotundis* particulis, quas *Cartesius* describit, colori & lumini; perceptio horum objectorum non in uno sed pluribus subjectis residebit: at in nobis *unum quiddam* inest quod percipit utrumque. Denique si *lucida*, idem ferè hic foret incommodum, quod erat in *opaca*; quippe cum item *igneâ* sit, mitiorem externarum impressionum appulsus à se prohiberet: aut si adeò *placida* sit ac tenuis, ut sit quodammodo *diaphana*, eadem recurrent incommoda quæ in *pellucida* deprehendebantur.

Breviter, omnis materia *liquida* ita multa particularum genera in se continet, ut si ea universa (ut oportet, cum sit *commune sensorium*) impressione ullâ extrinsecus afficiatur, partes ejus variæ variè afficientur, & objectum nullum videbitur homogeneum, uti constat ex Axiom. 22. Quod plenius illustrabo, non adeò quidem eleganti, attamen aptâ fati similitudine. Fac igitur plumas, glandes sclopetarias, stimulosque calcarium unâ in pyxidem includi, ita ut alia aliis intermixta, at conferta, jaceant: concussâ pyxide evidentissimum est (si quibus facta est sensum habent) ea singula modis singulis & diversis affectum iri; si ergo *sensorium commune* esset tale, nullum planè objectum videretur homogeneum. Vel saltem singulæ hæ particulæ singulos recipient motus extrinsecus qui unius generis sunt, *Aer* nimirum *sonos*, *Globuli Cartesiani lucem & colores*. Quod autem omnes motus illos recipiat, atque ita de iis omnibus judicare possit, id hic, ut prius, desideramus: nisi id esse fingamus *purissimam* quandam *subtilissimamque materiam*, adeò *levem* ac *tenuem* ut se ipsa non sentiat, tam cessilem verò & passivam ut aliorum corporum impetus & impressiones in se sentiat facillimè; quod tamen significat *hanc duntaxat materiam* esse sentientem, ceteras non item; atque ita concessum erit, non omnem materiam, nè quidem in corporibus fluidis, habere sensum.

*Materia* istiusmodi temperie perquam similis est *spiritibus animalibus* in homine, qui, si materia potuit esse anima, essent sine dubio anima humani corporis, & *commune Percipiens* omnium undecunde motuum; tum quia tam tenues sunt & patibiles, tum quia tam propè homogenei & (fortassis) imperceptivi mutationis aut alterationis cujusvis à tenuibus levibusque particulis suis molliter inter se lutantibus; & proinde omnibus omnino impressionibus aliarum rerum recipiendis maximè idonei. Unde certò liceat inferre, materiam aliquam subtilem ejusmodi vel *Animam* ipsam esse, vel *immediatum animæ instrumentum* in omnibus ejus perceptionibus. Posterius verum esse suo loco probabo. Prius esse falsum jam nunc demonstraturus sum, pressius probando nullam omnino materiam, cujuscunque demum generis, sensus ac perceptionis ejus capacem esse, cujus ipsi sumus nobis conscii.

4. Nam de parte illa *Materiæ quæ Commune est Sensorium*, quæro, an *unum* aliquod *punctum* ejus *totam* objecti imaginem recipiat, an *singula totam*, an denique *totum sensorium* imaginem totam per partes expallas, hæc nempe parte *sensorii* hanc partem imaginis, illâ illam recipiente. Si primum, cum quod in nobis percipit objectum externum, idem etiam corpus moveat, sequetur, *unum punctulum Materiæ* motum ei rei impertiturum, quæ innumeris planè vicibus major est ipso; cujus exemplum nullum in Natura inveniri neque animo fingi potest.


5. Si secundum, hæc difficultas statim se offert, quæ in priorem etiam sententiam respicit, quæ punctulum illud de quo loquimur, objectorum ingentium aut variorum imagines sine obliteratione aut confusione simul & semel reciperet; rem profectò impossibilem! ut patet ex Axiom. 24. Si illas autem non recipit, percipere non potest per Axiom. 25. Quod si *punctum* seu particula quæque hujus materiæ *totam* imaginem

nem recipiat, dic quænam ex innumeris particulis imaginem integram recipientibus existimanda sit *Ipse ego* qui imaginem percipio? At si ego omnia illa puncta sim, fiet, præcipuè in objecto parvo & propinquo, ut linea impulsus in diversa & distantia puncta definens, è diversis locis prodire videatur, atque ita objectum unum necessario videbitur quasi racemus objectorum. Et si *ipse* unum duntaxat ex illis punctis sim, de cæteris quid fiet? aut *quinam* illa sunt?

6. Tertium jam solum reliquum est, viz. Partes imaginis objecti à partibus hujus Materiæ, quæ *commune sensorium* habetur, recipi. Verum hoc planè cum experientia pugnat; clarè enim ipsi sentimus totum nos objectum percipere; at in isto casu nihil objectum totum perciperet, parte singulâ singulam duntaxat sibi partem percipiente; idcirco nihil quidquam esset quod de toto judicare possit: non equidem magis, quàm si tres homines canticum trium vocum concinerent, cujus nullus unus plus quàm partem suam audit, unus quivis eorum posset de totius concentu judicare.

7. Sedem *imaginationis & memoria*, præcipuè *memoria*, quod spectat, quod tandem genus *materia* reperiri potest par huic muneri futurum? Si *fluidum*, imagines objectorum ad evanescendum brevi tempore atque etiam ad invertendum proclives erunt. C, v. c. particula fluidæ materiæ, impressionem à B recipiens, sentire eam debet ut venientem à B; leviter autem ultro citroque voluta, ut solent particule materiæ fluidæ, obvertit fortè latus EF, quod impressionem à B receperat, ad L, quare sentiet acsi impressio fuisset abs L; nam sentiat eam oportet tanquam à loco sibi è regione opposito (si eam sentire potest omnino, postquam præsens objectum, in quod reactio fit,

amoveatur: ) atque eadem planè ratio erit in reliquis materiæ hujus fluidæ particulis; quod multum præposteræ confusionis, & phantasie & memoriæ obtrudat necesse est. Si *durum*, ad quietem statim redigetur, ut fit in *campana*, cujus tremor brevè cessat; nos autem quamplurimarum rerum recordamur multis annis continuis, etiamsi res illæ intercurrente tempore cogitationi nostræ nunquam subiissent. Si *viscidum*, idem erit incommodum, quinimo *hujus generis materia* est omnium maximè inidonea vel recipiendo vel conservando motui, quæ proinde ut sit vel *Phantasie* vel *Memoriæ* sedes, veri est dissimillimum. Nam si motus seu *reactio & sensus*, sive internus sive externus, idem sunt, cessante motu cessabit simul memoria, Axiom. 21. Nec si eodem quo antè modo moveatur iterum, eo quicquam magis meminerit, quàm lapis aut plumbum in aërem projecta eam ob rem hunc leviora aut ad ascendendum procliviora, ubi semel à motu cessaverint; ita planè utraque nunc sunt, acsi nunquam fuissent mota.



8. Postremò, quarundam rerum meminimus, quarum nullæ in Materia signaturæ esse possunt quæ illas repræsentent; \* ex. c. *latitudinis & distantie*. Etenim, ut utrumque simul complectar, nulla nota in materia E effici potest per lineas ductas ab objectis his binis AB & CD, quâ differentia distantie AE supra CE, aut latitudinis AB supra CD disceratur; utrumque enim objectum in materia E facit unam eandemque signaturam.

9. Quæ vulgò vocantur *Notiones Secundæ*, quæ neque sunt objecta ipsa sensibilia, nec objectorum sensibilibus phantasmata, sed nostri modi tantum ea considerandi, aut de iis ratiocinandi, in quibus *Logici & Mathematici* termini omnes comprehenduntur; hæc, inquam, nunquam per sensus intrarunt; utpote quæ non sunt impressiones motus corporei, quæ in nobis, similiter atque in canibus & aliis brutis, sonorum, colorum, calidi, frigidi, hisque similium tantum sensum excitant. Quandoquidem ergo materia *perceptione* nullâ afficitur nisi impressionis corporeæ, per *venisum* unius corporis in alterum; perspicuum est ex Axiom. 23. *Secundæ* has *Notiones*, conceptus *Logicos & Mathematicos*, non posse sedem suam habere in materia, in alia ergo substantia à materia distincta eam habituras, Axiom. 10.

10. *Hobbius*, quò demonstrationis hujus vim declinaret, lepidissimum scilicet commentum excogitavit, & delusis suis sectatoribus persuadere vult, omnino nullas esse *motiones secundas* à nominibus illis vocibusque distinctas quibus significari dicuntur, nul-

lámque



lámque in nobis esse *perceptionem* præterquam istiusmodi phantasmatum quæ ab externis objectis imprimuntur, quæ bestiis nobiscum sunt communia: *nominum* autem quæ his damus, aut *phantasmatum* eorum, eandem esse rationem ac aliarum notarum, literarum, aut characterum; quæ omnia cum per sensus intrent, confidenter sumit ipse & suis vult obtrudere, ceu rem certam & manifestam, nullius nos rei perceptionem habere quæ non ab externis objectis imprimatur. Quàm ridiculum autem sit hoc effugium, facile patebit, si consideremus, Notiones *Logicæ & Mathematicæ*, de quibus loquimur, si nihil aliud sunt nisi *Nomina*, veritates *Logicas & Mathematicas* non apud omnes gentes futuras easdem, quia non eadem habent *nomina*. Ex. gr. similitudo & *ὁμοιότης, ἀναλογία* & proportio, *λόγος* & ratio, plurimum inter se differunt *Græca* hæc *Latinæque* nomina; attamen nec *Græci*, nec *Latini*, nec alia gens ulla in animi sui conceptibus differunt, qui nominibus his diversis subiecti sunt: manifestum itaque est, certam esse notionem atque invariabilem, tam abs his *verbis & nominibus*, quàm à *phantasmatibus* istis corporeis, distinctam; quod erat demonstrandum.

11. Denique conscii nobis sumus *facultatis ejus* quàm *Græci* vocant *αὐτεξέσιον*, seu *potestatis insitæ*, vel virtuti honestatique adhærendi, vel voluptatibus aliisque indignissimis commoditatibus cedendi, contra impressiones externas omnes & tentationes importunissimas. Nos hanc *libertatem* habere, bonumque respuere & eligere malum, cum aliter fecisse potuimus, naturalis sensus *morsus conscientiæ* evidenter testatur ac certissimò. Ubi enim quis malè fecerit, quem in se dolorem, ægritudinem, aut indignationem ipse excitat, vel aliunde invecum sentit, longè is est diversi generis ab illo, quem calamitates & contumeliæ non vitandæ pariunt. Et quod nos adeò torquet & affligit hoc est, quod conscii nobis sumus tantum nos malum nobismet ipsis importasse, cum penès nos erat effugisse. Si autem nullus in nobis sensus inest, nulla perceptio, quæ non ex *reactione* partium materiæ inter se oriatur; in quamcunque representationem rerum, in quamcunque deliberationem aut determinationem incidimus, erit omnino necessaria: nam ex hac hypothefi, in deliberando aut sententiâ ferendo libertas major non est, quàm in *libra* reperitur, quæ eadem tandem necessitate quiescit, quâ antè motabatur. Quamobrem manifestum est, hanc facultatem, quod liberum arbitrium dicimus, non in *materia*, sed in *alia* substantia reperiendam esse, Axiom. 10.

12. Idcirco *Hobbius*, ut homini suum reddam, principiis suis satis convenienter, actiones nostras omnes necessarias esse firmissimè asseverat. At enim contrario à me probato, per facultatem illam quam *Internum sensum* vel *Notitiam communem* appellare liceat, in omnibus omnino hominibus repertam qui non vim naturæ suæ intulerint; illa nostra conclusio certissima haberi debet, nisi ipse, per aliam aliquam facultatem probatam, contrarium ostendere possit, Axiom. 5. Præ se fert itaque, demonstrationem *Rationis*, *Sensus* hujus *interni* dictato opponendam; quam quidem examinare haud erit alienum, quò sophisticas hominis argutias detegamus.

## SCHOLIA

## In CAP. II. SECT. 3.

ET fortassis imperceptivi mutationis aut alterationis cujusvis à tenuibus, &c. At enimvero qui hoc fieri non possit, haud obscura argumenta indicavimus in Capite antecedente Sectione tertiâ.

Sect. 8. Exempli causâ, latitudinis & distantiae, &c. De perceptione Amplitudinis & Distantiæ satis accuratè egimus in Enchiridio Metaphysico; In Scholiis præsertim, ubi observandum est utut sit aliqua non contemnenda rationis species à curvaturis commissuræ binorum conorum à singulis Objecti punctis, traiectione per pupillam factorum accersita, cur, dum Objectum præsens est, ad talem distantiam talique amplitudine appareat; postquam tamen evanuerint ista curvatura, Objecto remoto, ubi ulla certa distantiae amplitudinisque maneat signa aut vestigia, in ulla Cerebri parte, difficile profectò videtur comminisci.

## C A P. III.

1. Argumenta Hobbii quibus actiones nostras omnes necessarias probare vult. Primum ejus argumentum. 2. Argumentum secundum. 3. Argumentum tertium. 4. Argumentum quartum. 5. Qua mens sit horum verborum, Nihil à se sumit initium, in primo Hobbii Argumento. 6. Plenior & distinctior explicatio verborum superiorum, quorum hunc esse sensum clarè evincitur, Essentiam nullam per se posse modificationem suam variare. 7. Hoc dictum tantum non probatum à Hobbio; cum plena refutatione assertionis ejus. 8. Hobbii suo ipse sophismate captus. 9. Unam partem primi hujus argumenti precariam esse, alteram sophisticam. 10. Argumentum simpliciter proponitur, unde infirmitas ejus & captio plenius apparet. 11. Responsio ad Argumentum secundum. 12. Responsio ad tertium. 13. Responsio ad difficultatem de Veritate & Falsitate propositionum enunciantium de Futuro. 14. Responsio ad Argumentum quartum Hobbii, quod, quanquam ab ipso nullo loco habitum, est tamen omnium validissimum. 15. Difficultas conciliandi liberum Arbitrium cum Præscientia divina & Prophetiis. 16. Liberi arbitrii facultatem rarè exerceri. 17. Usus ejus cerni propriè in lucta Morali. 18. Neque in ea quidem Animam esse invictam. 19. Decreta divina aut invenire aut facere Instrumenta idonea. 20. Quò perfectiorem facimus Præscientiam divinam, ad comprehensionem usque rei cujuscumque qua per se non repugnat ut comprehendatur, eò manifestius est voluntatem humanam aliquando liberam esse posse. 13. Quod satis est ad tuendam vim argumenti mei ultimi, contra Hobbium.

1. **P**rimum argumentum ejus sic est, ( in ipsis ejus verbis hoc & cætera argumenta repetam, planè ut extant in Tractatu de Libertate & Necessitate ) Censeo, inquit, rem nullam à se sumere initium, sed ex actione alterius Agentis proximi extra ipsam positi; ideoque cum primum quis appetitum aut voluntatem habet ad aliquid, ad quod proxime antè appetitum aut voluntatem non habuit, causam voluntatis ejus non esse voluntatem ipsam, sed aliud aliquid quod penès volentem non est: quandoquidem igitur extra controversiam est, voluntatem esse causam necessariam actionum voluntariarum, & ex jam dictis voluntas causatur abs aliis rebus quæ in potestate ejus non sunt, sequitur, actiones voluntarias universas habere causas necessarias, ac proinde necessari.

2. Secundum ita se habet; Sufficientem causam eam esse censeo, cui nihil deest ad effectum producendum necessarium; eadem ipsa est etiam causa necessaria. Nam si fieri potest ut causa sufficiens effectum non producat, deest aliquid ad eum producendum necessarium, & sic causa non erat sufficiens; sin fieri non potest ut causa sufficiens non producat effectum, causa sufficiens est causa necessaria; illud enim effectum necessario producere dicitur, quod non potest non producere. Perspicuum hinc est, quicquid producit, produci necessario. Quicquid enim productum est sufficientem causam habuit ad ipsum producendum, aliter non fuisset productum. Quæ deinceps habet, aut eadem sunt aut tam propè his connexa, ut ea addere opus non sit.

3. Tertium ergo Argumentum ejus id erit quod à Futuris disjunctis urget. Exemplum, si vultis, ponatur in tempestate cæli, Necessè est ut cras pluat aut non pluat; Si ergo ( inquit ) necessarium non est ut pluat, necessarium est ut non pluat; alioquin necesse non est ut hac propositio, Aut pluet aut non pluet, sit vera.

4. Quartum hoc est, Negationem necessitatis, tollere & decreta & præscientiam Dei omnipotentis. Quicquid enim Deus per hominem, ut instrumentum, efficere decrevit, aut futurum prævidet, id homo, si libertatem habet à necessitatione, frustrari potuit, & efficere nè fiat; & sic Deus illud aut non præsciret & non decerneret, aut futura præsciret quæ futura non sunt, & decerneret quod nunquam fiet.

5. In primum argumentum ejus ingressus subobscurus est & anceps, Res nulla à se sumit initium: Ego verò quàm possum maximè candidus & fidus interpretes ero. Si per initium vult initium existendi, verissimum est, nullam substantiam, nullamque modificationem substantiæ, à se sumere initium; at hoc conclusionem quam cogitat non inferet. Sin, rem nullam à se sumere initium, intelligat de τῷ affici aut modificari aliter atque antè affecta aut modificata erat; per rem nullam intelligat oportet vel nullam essentiam, nec Spiritum nec Corpus, vel nullam Essentiæ modificationem. Spiritum intelligere non potest, utpote quem ex complexu rerum universo exegerit. Si Corpus, non id indè inferetur quod vult, nisi nihil quidquam sit in Universo præter corpus; quod quidem ipsius est Principium, at omnino precarium, quod ut admit-

tant



tant credulos is sectatores suos suppliciter ubique orat, sed probat nullibi, ut suprà notavi. Si per *modificationem* intelligit *modificationem* materiæ seu corporis, in idem recidit Principium, Nihil esse in mundo nisi corpus, proindeque nihil probat nisi ex hypothefi emendicata eaque falsissima, ut alibi demonstravi. Æquissima ergo, quam possim ego facere, interpretatio hæc est, illum per *rem nullam* intelligere *nullam essentiam* nec *essentia modificationem*; hypothefin suam charissimam, *Nihil esse in Universo præter Corpus*, sub tam generalibus incertisque terminis occultare cupientem.

6. Cùm ergo voces illæ in superioribus acceptionibus nè vel speciem habeant quidquam concludendi, age, videamus quantum in hac postrema valeant, *rem nullam* interpretando *nullam essentiam*, vel *nullam modificationem essentia*, vel, quod rem præsentem propiùs attingit, *nullam essentia facultatem*. Et ex hoc duplici verborum intellectu, duas propositiones indè oriundas examinemus, viz. *Nullam essentia cujusquam facultatem præsentem suam operationem variare posse, nisi ex actione alterius Agentis immediati extra se positi*; vel, *Nullam Essentiam per se posse modificationem operationemve suam variare, nisi per actionem alterius Agentis immediati extra ipsam*. Posterior harum propositionum aptiùs & luculentius describitur. Nam duriusculè, &, si res pressius inspiceretur, falsissimò dicitur Modus aut Facultas cujusquam Essentiæ mutare se; Ipsa enim Essentia est quæ in varios modos se exerit, nisi si Agens externum sit harum mutationum causa. Et *Hobbius*, Agens externum opponens huic Rei quam dicit se non mutare, planè significat, non Facultates sed Substantias esse utraque illa de quibus loquitur.

7. Posterior itaque propositio duntaxat expendenda restat, *Nullam Essentiam per se posse modificationem suam variare*. Essentiam aliquam vim motricem habuisse ex eo manifestum est, quòd est motus in mundo, quem certè substantiæ alicujus effectum esse oportet. Motum autem, laxiùs sumptum pro mutatione & alteratione, ab illa ipsa Essentia in qua reperitur promanare posse, nostra ipsorum experientia confirmat: est enim in nobis Essentia quædam, quocunque demum nomine eam appellemus, proprietate illâ prædita; ut hinc constat, quòd ea varias perceptiones habet, Mathematicas, Logicas, addam etiam Morales, quæ impressiones non sunt neque vestigia motus corporei, ut suprà demonstravi: potest etiam in seipso quisque observare, & in legendis aliorum scriptis clarè cernere, ut mens ex alia in aliam harum perceptionum transierit per longissimè deductam demonstrationem; quæ item tranquillitas motus corporei requiratur ad tales rationum series excogitandas, ubi non alio situ nec in alium motum spiritus disponere se debent, nisi in quem mens ipsa, in qua immateriales illæ ac intellectuales notiones dominantur, eos dirigat. Præterea, crassiorum etiam phantasmatum, quæ in cerebro impressa supponuntur, compositio, disclusio, variæque dispositio, manifestò est actus arbitrarius, & essentiam significat quæ potest pro libitu suo varia illa phantasmata in se excitare, quæ ab objectis externis antè accepisset, eaque mutare & transponere prout ipsi visum erit. At quid ego tam diligenter enitor fundamentum hoc *Hobbii* convellere? Satis est significare, affirmare eum tantum nullam essentiam per se posse modificationes suas mutare, nequaquam verò probare; idcirco quicquid hinc inferre velit, emendicato prorsus principio niti.

8. Et tamen à precario isto principio infert, quodocunque nos voluntatem ad aliquid habeamus, voluntatem ipsam non esse hujus volitionis causam, sed aliud quidpiam quod in nostra potestate non est; cujus dicti intellectus hic est, quodocunque volumus, impressionem aliquam corpoream, quam vitare non possumus, ad id nos adigere. Atenim illatio tam est infirma, quàm est audax & temeraria; quippe nullo fundamento nixa, ut jam ostendi. Hoc unum animadvertam, *Hobbium*, quamquam Scholarum autoritate se liberârit, ipsèque ludum aperire avert, nondum se tamen illarum ineptiis expediisse, qui sic verba facit de *Facultatibus & Operationibus* (eadem planè est absurditas in utrisque) tanquam separatis & distinctis ab Essentia ad quam pertinent; quæ res profectò magnam incertitudinem atque obscuritatem rebus contemplandis infert. Hoc à me jam dictum ad illa ejus verba spectat, *Voluntas est causa volendi*; *Est causa necessaria actionum voluntariarum*, *Res quæ in ipsis potestate non sunt*. Ubi si quis propriè loqui vellet, & intelligi se cuperet, diceret, *Subjectum in quo inest hæc Facultas actusve volendi* (sive id hominem sive animam hominis appellare malis) *causam esse hujus illiusve actionis voluntariæ*. Verùm apertus hic ac simplex loquendi modus detexisset planè Sophisma ejus, quo fortassis ipse se cepit atque irretivit, viz. *Quidpiam quod penès voluntatem non est necessariò causat voluntatem*; *Voluntas causata est necessaria causa actionum voluntariarum*; omnes ergo actiones voluntariæ necessitantur.

9. Præterquam quòd prima pars hujus argumentationis nullo nititur fundamento, ut jam innui, secunda est sophistica, quæ affirmat *Voluntatem causam esse necessariam actionum voluntariarum*: nam per *necessariam* intelligi potest vel *necessitata*, adacta ad agendum, nolens volens; vel significare potest, voluntatem, *requisitam* causam esse actionum voluntariarum, sic ut absque illa actiones voluntariæ existere nequeant. Hoc utcunque verum esse potest, illud omnino falsum est. Conclusionem itaque ab ejusmodi assertionibus illatâ, quarum altera caret omni fundamento, altera est sophistica, illatio non potest non esse ridiculè quidem infirma atque despicabilis. Quòd si non in *abstracto*, quod facit, sed in *concreto* locutus esset, sophisma multò crassius fuisset multòque manifestius; vel potius ipsa ratiocinationis series, languida & contemnenda. Omittamus ergo de voluntate dicere separatim, quæ per se tantum est potentia aut operatio cæca, & de Essentia loquamur illa, quæ Voluntate, Sensu, Ratione, aliisque facultatibus prædita est, & quam tum faciem hæc ejus argumentatio habitura sit videamus.

10. *Externum aliquod Agens atque irresistibile semper necessariò facit, ut Essentia illa (animam an aliud quidlibet dixeris non refert) voluntate & intellectu prædita velit: Essentia illa, facultate prædita exerendi sese in volendi actum, necessaria causa est actionum voluntariarum: Ergo omnes actiones voluntariæ necessitantur.* Prima assertio jam statim cernitur crassissima falsitas; quippe quòd anima tam intellectu prædita est quàm voluntate, neque proinde necessariò ad volendum determinatur impressionibus externis, sed notionibus ac perceptionibus quibusdam explicandis quas in se excitat, quæ omnino sunt intellectuales. Secunda autem, Sophisma frigidum & jejenum. Assertionem utramque rationes meæ suprà allatæ tam facilè tamque manifestò attingunt, ut opus non sit ut plura addam, sed ad secundum argumentum ejus ut me continuo recipiam; quod in breviorē formam redactum sic se habet.

11. *Omnis causa est causa sufficiens, alioquin effectum suum producere nequireret; Omnis causa sufficiens est causa necessaria, hoc est, effectum certissimò producet, aliter aliquid ei defuit, & sufficiens causa non fuit: Ergo omnis causa est necessaria causa, atque omnis proinde effectus & actio, & jam illa ipsa quæ vocantur voluntaria, necessitantur.* Equidem hæc argumentatio primâ facie videtur acris & arguta; propius verò accedentes miserum sophisma inveniēmus, quod distinguendo solummodo ambiguitatem istius propositionis, *Omnis causa sufficiens est causa necessaria*, facilè detegitur. Vis enim non tam in eo ponitur quòd *sufficiens*, quàm quòd *causa* dicitur; quæ si sit, necesse est ut habeat effectum, sive sufficiens sit sive insufficiens; quod prodit sophisma. Hi enim termini relativi, Causa & Effectus, se mutuò necessariò significant. Veruntamen *Ens omne* quod sufficiens est ad hoc vel illud agendum si velit, atque ita ut fiat causa ejus, non statim tamen agit, nec ab agendo abstinere, necessariò. \* Itaque si agit, ad sufficientiam potentiæ voluntatem adjungit; quòd si non agit, non idcirco hoc fit quòd non sufficientem potentiam habet, sed quòd eâ uti non vult. Clarè igitur videmus, non omnem causam *sufficientem*, rectè intellectam & sine captionē, causam esse *necessariam*, nec effectum certissimò producturam; & quamvis adsit *sufficientia potentiæ*, quidpiam tamen adhuc deesse posse, exertionem nimirum *voluntatis*; quo fiat, ut quod potuit egisse si voluisset, non ageret: si autem ageret, voluntate additâ sufficienti potentiæ, non alio sensu necessarium dici posse, ac noto illo Axiomatis Metaphysici, *Quicquid est, quamdiu est, necesse est esse*: cujus ratio est, quòd fieri non potest ut quid sit & non sit simul. Antè verò quàm agebat, in potestate ipsius erat ageret an non ageret; se verum ipsum determinavit. Et in hoc sensu dicendum est Agens liberum, non autem necessarium. Quare perspicuum est, etiam si perversa quædam ingeniositas in formando hoc argumento appareat, re tamen vera id in imo haud firmum esse.

12. Id quod de tertio argumento ejus non minùs verum. At in hoc, fateor, non tam artis technarumque sophisticarum, quàm ignorationis canonum Logicorum arguendus est; apertè enim affirmat, necessitatem veritatis propositionis illi memoratæ necessitate niti veritatis partium ejus; quo non crassior error in arte ratiocinandi admitti potest. Perinde enim dicere potuit, necessitatem veritatis axiomatis connexi necessitate veritatis partium niti. Connexum autem axioma necessariò verum est, ubi partes ambæ non modò falsæ sunt sed & impossibiles. Ex. c. Si *Bucephalus* est homo, humanâ ratione præditus est. Hoc axioma est *necessariò verum*, partes tamen sunt *impossibiles*. Namque *Alexandri* equus nec homo esse potest, nec humanâ ratione præditus, vel radicaliter vel actualiter. Necessitas itaque connexioni duntaxat partium, non ipsis partibus insidet. Sic cum dico, Aut pluet cras, aut non pluet, disjuncta hæc propositio est itidem necessaria, necessitas autem in *disjunctione partium*,



rium, non in partibus ipsis sita est: nam cum immediatè disjungantur, planè necessarium est ut altera earum, nequaquam verò ut hæc potius quàm illa determinetur. Sicuti cum quis in custodiam datus duarum tantum conclavium usuram habet, quanquam necesse est ut in earum altera inveniatur, nequaquam tamen in alterutram concluditur. Ut brevis autem sim, & frivolis istis tum responsionibus tum replicationibus antevertam quæ apud *Hobbiū* sequuntur in hoc argumento prosequendo, aio, Quemadmodum necessitas hujus axiomatis disjuncti nititur disjunctione ipsâ, ita & veritatem, cujus hæc necessitas modus est, ibidem niti oportere; quippe non partes ipsæ sed partium disjunctio affirmatur, quod quisque vel mediocriter sanus fateri debet.

13. Est & altera ratio veritati, ut videtur, gravior, quam *Hobbius* majore quidem existimatione suâ, haud tamen meliore successu, iniisse potuit, viz. Consideratio axiomatis simplicis quod de futuro contingenti pronunciat, quale hoc est, *Cras Socrates disputabit*. Nam cum omne axioma verè pronunciet aut falsò, ut inter omnes convenit, si hoc axioma hodie verum est, fieri non potest ut *Socrates* cras non disputet; quod si nunc falsum, ut disputet est impossibile: & sic actio disputandi ejus vel omissio ejusdem erit necessaria; nam propositio vera & falsa simul esse non potest. Sunt qui plurimum laborant hoc ex nodo expedire se; at si in sensum propositionis accuratius inquiramus, difficultas faceffet. Qui *Socratem* affirmat cras disputaturum ( ut utar futurorum distinctione quam *Aristoteles* alicubi suggerit ) vel ut τὸ μέλλον affirmat vel τὸ εὐόμῳ, hoc est, quod aut verisimile est ut sit, potest tamen non esse, vel quod certò fiet. Si posterius, falsum est axioma; sin prius, verum: itaque libertas actionis *Socratis*, & effectuum omnium hujusmodi contingentium, è grypho hoc sophistico eximur. Nam de axioma Futuro non magis judicium fieri potest, sensu ejus per alterum prædictorum modorum non prius determinato, quàm de axioma indefinito, antequam notæ vel universalitatis vel particularitatis cogitatione mentis apponantur; nec potest alterutrum verum aut falsum dici, donec sensus ejus perficiatur & determinetur.

14. Quartum argumentum suum diffidenter & gravatè proponit, quasi parum Logicè factum existimârit ( ita ipse loquitur ) eo uti, & cæteris addere. Ego equidem non possum hoc in homine non probare, quod judicium ejus sibi constet, & cum reliqua Philosophia ejus bene convenit; nam si nihil præter corpus aut materiam in universitate rerum sit, tale Numen invenire quod rei alicujus notitiam aut præscientiam habeat, opus erit difficillimum: propterea suspicor extremum hoc adjectum esse tanquam argumentum ad hominem, quo scrupulum iis injiceret, qui nondum tam profundè se immerferint in scientiam naturalem, ut nullum in Universo Deum esse jam se reperisse opinentur.

15. Quàm volet verò vilipendat, hoc unum profectò argumentum abs eo allatum est, quod quidquam sensus tolerabilis aut soliditatis habet; atque omnes omnium ætatum viros doctos exercuit, humanæ voluntatis libertatem cum decretis & præscientia Dei conciliare. Animi verò mei libertas & moderatio materiam hanc mihi, uti spero, faciliorem reddet, quàm plerumque fit illis qui eam tractant. Sic itaque breviter respondeo;

16. Primò, Quanquam in humana anima sit facultas ista liberi arbitrii, animam tamen non semper in illo statu esse, ubi convenienter huic facultati agere possit. Aut enim eousque degenerare potest, ut tam certò sciri queat quid illa datâ occasione factura sit, quàm quid facturus est canis famelicus objectâ offâ; quæ communis est omnium ferè hominum conditio in plurimis vitæ suæ negotiis: Aut tam eximiè bona esse potest, quanquam hoc paucissimis accidit, ut quid his illisve rebus propositis aut accidentibus actura passurâque sit, tam certò ac prius compertum sit atque exploratum: & in his casibus cessat liberi arbitrii usus.

17. Secundò, Ibi propriè cerni liberi arbitrii usum, ubi ita nosmet propè æquis utrinque ponderibus libratos sentimus, hinc virtutis sensu, hinc commoditate aut voluptate actionis malæ affecti, ut nobis conscii simus debere nos, & si vellemus modò, posse hanc abs nobis rejicere, illam verò amplecti eique adherere.

18. Tertiò, Animæ in hoc suo certamine non adeò integrum esse ad alterutram se actionem determinare, quin tentatio vel divinum auxilium eam certissimò possit hac vel illac impellere; ita ut uti non valeat illâ libertate suâ utralibet eundi indifferenter.

19. Quartò, Decreta divina homines aut invenire aut facere idoneos ad exequendum quicquid absolute de illis statuitur vel prædicitur.

20. Quintò,

20. Quintò, Præscientiam Dei tantam esse, tamque mentis nostræ comprehensionem longissimè superare, ut de ea hoc tantum tutò dici possit, nimirum, Scientiam esse perfectissimam atque exquisitissimam, naturas, facultates, & proprietates rerum quas præscit, accuratissimè exprimentem. Unde sequetur, siqua sit creatura libera ac indeterminata, & quæ certis in circumstantiis certòque tempore certo modo agere aut non agere possit, perfectam hanc præscientiam ab omni æternitate cernere debere, creaturam istam in istis circumstantiis certo illo modo agere vel non agere posse. Et ad præscientiæ & omniscientiæ divinæ perfectionem magis adhuc declarandam, dico porrò, quemadmodum Dei omnipotentia eò se extendere debet, ut facere valeat quicquid fieri non repugnet; ità præscientiam ejus & omniscientiam eò se extendere oportere, ut plenè & determinatè sciat quicquid non repugnet sciri.

Quamobrem ut concludam breviter; præsciri liberos seu contingentes effectus, vel implicat contradictionem, vel non implicat. Si implicat, objectum non sunt omniscientiæ Dei; neque proinde ulla dicendi causa est præscientiam ejus illos determinare, nec ulla vicissim arguendi illos ab eadem determinari. Si non implicat, quid hoc aliud est nisi concedere, illos & præscientiam divinam bene constare posse? Utrunque igitur actiones hominum erunt liberæ, non obstante divinâ omniscientiâ.

21. Dictorum summa huc redit; Actiones humanas aliquando liberæ esse, aliquando non esse; quòd autem unquam liberæ sunt, demonstrare eam nobis inesse facultatem, quæ meræ materiæ competere non potest: quod satis est instituto nostro.

### SCHOLIA

#### IN CAP. III. SECT. 2.

**I**Taque si agit ad sufficientiam potentiæ voluntatem adjungit, &c. *Hæc argumentatio igitur Hobbi in Agentibus non liberis acumine non caret & soliditate. Quia in eis non requiritur voluntatis accessio. Sed præstò est quicquid aptum natum est effectum producere, idque modo sufficienti. Unde rectè concludit effectum esse necessarium. Et vicissim omne Effectum ab Agente non libero, aut saltem non quatenus libero profectum, eam sufficientem Causam arguit, à qua existit, alioqui non extitisset propter causa insufficientiam. Quæ quidem speculatio viam aperit ad veritatem haud levis momenti facilius intelligendam. Nihil nempe à se existere nisi sufficientem rationem suæ existentia in sua natura contineat, cum si insufficientem haberet non existeret. Nunc verò si sufficientem habet, existit necessario. Unde quicquam à se contingenter existere rationi repugnare rectè colligitur: quemadmodum alibi notavimus contra eos, qui dicunt, si Deus sit, contingere nihilominus eum esse, quod certè sic esset, nisi sufficientem, ac proinde necessariam suæ existentia rationem in natura sua contineret.*

### CAP. IV.

1. Enumeratio plurium sententiarum de sede Sensûs communis. 2. Hoc supposito nos nihil esse præter meram materiam, Totum corpus non posse Sensorium esse Commune; 3. Nec orificium Ventriculi; 4. Nec Cor; 5. Nec Cerebrum; 6. Nec Membranas; 7. Nec Septum lucidum; 8. Nec exiguum & solidissimam particulam Regii. 9. Quàm verisimile sit Conarion esse communem sedem Sensûs.

1. **N**EC Facultates puriores magisque intellectuales, Voluntatem & Rationem, nec minùs puras minùsque nobiles, Memoriam & Imaginationem, corporibus meris convenire, evidentissimè probavi. Quod ideo certius & exploratius habere debemus, quoniam tam firmè demonstrârim, nè vel || externum Sensum iisdem convenire: quæ omnia à nobis de materia generatim spectata conclusa sunt.

Quoniam autem nonnullis, de virtutibus corporis nimium credulis, insidere possit suspicio, organizationem præclara nescio quæ facturam facinora, (quæ tamen eorum suspicio perinde est inepta, ac si existimarent, quanquam nec Argentum, nec Chalybs, nec Ferrum, nec Fidis, Sensum habeant singula, cuncta tamen simul rite inter se apta & composita ad horologium portatile conficiendum, sensum habere posse,

¶ Vide Cap. 1.  
Sect. 8, 9, 10,  
11, 12, 13, 14.  
& Cap. 2. Sect.  
3, 4, 5, 6.



se, hoc est, horologium posse esse *animans*, licet partes singulæ nec vitam habeant nec sensum) horum hominum gratiâ particulariùs agam, & sententias omnes de sede *communis sensus*, quas ego cunque vel fando vel legendo acceperim, recensebo; tum postea periculum faciam equaniam ex illis hypothefibus vera haberi debeat, hoc supposito ex alia re nulla constare nos homines nisi ex modificata & organizata materia.

Primum sententias ipsas recensebo, expendam deinceps quid quæque valeat; sententiæ sunt hæc. 1. Universum corpus sedes est sensus communis. 2. Os ventriculi. 3. Cor. 4. Cerebrum. 5. Membrana. 6. Septum lucidum. 7. Exigua quædam & perfecte solida particula in corpore. 8. Conarion. 9. Concursus nervorum circa quartum cerebri ventriculum. 10. Spiritus in ventriculo quarto.

2. Primam falsam esse hinc constat, quod, supposito nos nihil esse nisi meram materiam, si *totum corpus* concedimus unum esse *commune sensorium*, omnium objectorum percipiens, fiet, ut qui motus oculo vel auri imprimitur, is in omnes partes corporis transmitti debeat. Sensus enim idem re est ac communicatio motus, Axiom. 20. Et cum varietas sentiendi ex modificatione motus oriatur, quem variè modificari variâ partium corporis temperie necesse est, Axiom. 22. manifestò sequitur, oculum motu lucis aliter affectum iri ac partes reliquas, ad quas idem motus transmittatur. Quamobrem si corpus universum percipit, percipiet objectum in quaque ejus parte diversimodè simul modificatum; quod omni experientiæ adversatur. Verisimile etiam est, objectum diversis locis simul appariturum, propter multos anfractus & diverticula quæ motus transmissus subire debet, quæ quasi tot refractiones aut reflectiones futura sunt.

3. Os ventriculi non posse sedem esse communis sensus ex eo constat, quod *Sentens commune* non modò percipit objecta omnia, verum etiam vi corporis movendi pollet. Præterquam autem quod nulla in ore ventriculi organizatio cernitur, quæ argumentorum nostrorum superioribus capitibus expositorum vim eludat, quæ omnem in universum facultatem percipiendi materiæ jure adimunt; nulla omnino ratio mechanica in corpore reperiri potest, propter quam videatur possibile ut *os ventriculi*, ut fuerit *commune* omnium objectorum *Percipiens*, reliqua membra corporis tamen movere possit; quod aliquid in nobis facere sensus docet. Verum hoc ita manifestum est, ut plura in id verba impendere opus non sit.

4. Idem etiam de Corde dici potest. Equis enim imaginari potest, si Cor fuerit *Commune Percipiens*, eam connexionem mechanicam inter illud ceterasque corporis partes intercedere, ut Cor, certâ perceptione, motum pedi aut digirulo imperare possit? Præterea, in systole diastolæque sue peragenda penitus occupatum videtur; quæ tantam sitûs diversitatem cordi alternis inferunt, ut si sedes esset in quam omnium objectorum sensus coeat, rem nullam fixò obrutu contemplari possemus, nec visum nostrum in eodem loco defigere.

5. Quàm inidoneum *cerebrum*, ut tam vegetum sit motus principium, quale in nobismet lentimus, visciditas ejus certissimò indicat. Quinetiam medicî experientiâ invenere, *cerebrum* adeò non esse *communem* omnium *sensuum sedem*, ut nullum omnino ipsum habeat. Et *Arabes*, qui habere dicunt, in tot diversa munia disperierunt illud, *imaginationem, memoriam, sensum communem*, &c. ut unam aliquam materiæ partem desideremus adhuc, quæ horum omnium *Percipiens commune* futura sit. Verum in *Antid. adversus Atheismum* tam perspicuè demonstravi fieri non posse ut ea Pide Lib. 1.  
Cap. 11. Sect. 5.  
6.7. munia cerebrum obire valeat, quæ ad illud verè attinent quod vulgò *Animam* dicimus, ut satis sit lectorem ed remittere.

6. *Membranas*, siue universas, siue certam aliquam, ejusve partem, *Sensus communis sedem* opinemur, eadem hîc difficultates occurrent, quæ jam memoratæ sunt. Si *universas*, earum diversitas sitûsque faciem situmque objecti variabit, sic ut eadem res nobis apparitura sint sub diversis speciebus & in diversis locis simul; quod facile ostendi potest ex Axiom. 22. Si *certam* quampiam *membranam* aut *partem* ejus, nulla ratio mechanica excogitari poterit, quâ singularis illa membrana aut quævis pars ejus ita tum validè tum determinatè singulas partes corporis pro re nata movere possit.

7. Atque illa ipsa de causa *Septum lucidum* non potest esse *commune Percipiens*; omnem enim animi cogitationem fugit, quâ id vim haberet tam fortiter & distinctè externa nostra membra ac artus movendi.

8. Quod novum & mirificum *Henrici Regii* commentum attinet, Materiæ *particulam absolute-solidam* perquamque exiguam *perceptionis communis sedem* esse posse; Philosoph. Natur. Lib. 5. Cap. 1. præterquam quod non minùs temerè asseritur duram istiusmodi particulam habere sensum, quàm ferri & chalybis limaturam habere, nequit esse origo motus: quâ enim parvula hæc atomus corpus totum moveat, nisi movendo seipsam? Cum autem

tem

tem extremâ aciculâ subtilior sit, in motum se exerens, præsertim in contentas impulsiones illas quibus interdum utimur, corpus ea pertranseat & deserat necesse est.

9. Inventorum omnium mechanicorum pulcherrimum est illud de *Conarii usu* à *Cartesio* propositum; quod unâ cum quibusdam aliis organizationibus corporis spectatum & conjunctum, proximè omnium quæ ego unquam viderim, vel fortè visurus sim, accedit ad passionès proprietatésque animantium in merum motum corporeum resolvendas. Quapropter expedit ut eidem explicando paulisper insistam, quò possim accuratiùs illos refellere qui inventis ejus mechanicis ad omne principium incorporeum tum ex homine tum bestia excludendum abuti vellent.

*Dioptr. Cap. 5. Art. 13. & de Passion. Part. 1. Art. 11, 12, 13, 14, 15, 16.*

## CAP. V.

1. Quemadmodum objectorum externorum Perceptio, Motus spontaneus, Memoria, & Imaginatio, fieri dicantur per Conarion, Spiritus, & Musculos, sine Anima. 2. Conarion, expers animæ, non esse Percipiens commune, ex ipso *Cartesio* demonstratur. 3. Conarion, cum Spiritibus & Organizatione partium Corporis, non esse sufficiens Principium Motûs spontanei, sine Anima. 4. Descriptio usûs valvularum in nervis musculorum ad Motum spontaneum. 5. Hac fabricatio ad rem illam efficiendam non valet. 6. Idem porro demonstratur; unde clarè evincitur Bruta habere Animas. 7. Memoriam salvari non posse ratione suprâ descriptâ; 8. Neque Imaginationem. 9. Distributio functionum nostrarum ex *Cartesio*, aliarum Corporis, aliarum Animæ, propriarum. 10. Authoris observationes super ea.

1. SUMMA hujus abusûs breviter hæc est; Glandulam pinealem commune Sentiens seu Percipiens esse objectorum omnium, & sine Anima posse, spirituum operâ & organizationis corporis, ea omnia efficere, quæ animæ & corpori conjunctis tribuere solemus. Nam glandulâ hac singulari, cum reliqua sensûs organa bina sunt, itaque commodè collocatâ, ut cum spiritibus tum anteriorum tum posteriorum cerebri cavitationum communicet, eorum operâ motus omnes Nervorum (cum eorum qui externorum objectorum, tum qui internorum corporis affectuum, famis, sitis, & similium, sensum transmittunt) ad illam facillimè perferuntur; quæ variè mota variè spirituum cursum in Musculos hos illos dirigit, atque eo ipso corpus movet.

Præterea, motum ab objecto per Nervos transmissum in interiora cerebri concava, & sic ad Conarion, certos poros cerebri certo ordine atque modo aperire, qui tanquam tractus & vestigia præsentia illorum objectorum manent, postquam abierint ipsa. Hos tractus vel signaturas in hoc præcipuè consistere, quòd Spiritus per illos poros faciliùs quàm per alias cerebri partes transitori sint. Hinc Memoriam oriri, quando Spiritus, ex inclinatione *Conarii*, ad illam partem cerebri determinantur ubi tractus isti reperiuntur; eodem enim tum modo, quanquam imbecilliùs, movent Conarion, quo, præsentè objecto, movebatur.

A spiritibus in tractus eos incidentibus Imaginationis naturam duci & explicari; quam inter & Memoriam minimum interest, nisi quòd reflexio in tempus ut præteritum, quando hoc vel illud objectum vidimus aut percepimus, in Imaginatione prorsus omittitur. Verùm non omnes hæ sunt operationes quarum nobismet ipsi sumus conscii; plures hæ tamen quàm quæ ex hac hypothesi satis explicari possint, viz. Perceptionem objectorum, motum spontaneum, memoriam, & imaginationem, operâ hujus glandulæ, spirituum animalium, & meræ organizationis corporis, omnes perfici posse; id quod apertè constabit, etiamsi rem non adeò severè expendamus.

2. Ex ipsâ enim descriptione quam *Cartesius* facit transmissionis imaginis per oculum, putâ, ad cerebrum, indè ad Conarion, demonstrari potest, Conarion expers animæ nullam ullius objecti perceptionem habere. Nam ex iis quæ habet in *Tractatu suo de Passionibus Animæ*, planè constat, imaginem ab objecto ad Conarion propagatam per aliquam spatii latitudinem in illud imprimi. Unde manifestò patet, Conarion objectum integrum nec percipere nec percipere posse, etsi partes ejus singulas singularum partium perceptionem habere concesseris. At aliquid nostrî totum percipit, quod idcirco non potest esse Conarion.

*Part. 1. Art. 35. Vid. Lib. 2. Cap. 2. Sect. 6.*

Et quòd externum objectum non percipimus duplex, non adeò est quoniam imago in Sensûs communis organo unitur, quàm quòd ita lineæ ab objecto veniunt ad oculos ambos, ut uno in loco sentiat; alioqui si objectum propinquum sit, oculorum verò



verò directio non ad propinquitatem illam aptetur, illud nihilominus duplex videbitur. Quod etiam demonstrat ambobus nos oculis simul cernere posse. Ego profectò certus sum, quæ procul sunt, me melius videre cum ambobus quam cum uno duntaxat, utor.

3. Quod *motum spontaneum* attinet, *Conarion* unà cum spiritibus atque organizatione aliarum partium corporis principium ejus sufficiens esse non posse, quanquam commodam id esse sensus communis sedem largiremur, facile patebit, si modò consideremus, rem tam imbecillam tamque exiguum ut glandulam istam, omnino non videri Spiritus vi illâ ac impetu determinare posse, quâ eos in currendo, feriendo, impellendo, & similibus, determinari videmus; fore item nonnunquam, ut vix millesima *Conarii* pars tanti impetus directrix sit; nempe cum objectum visus, putâ, tam est exiguum quam extrema acicula, aut cum quis acu pungitur, impressiones hæc æquæ minutæ in glandula atque in externo sensu esse debent.

Vid. Append.  
Anatom. Cap.  
10. Sect. 6.


Fac autem *Conarion* totum semper agere in motu spirituum determinando in aliquem musculum; fieri tamen non potest ut ita fluida materia quales sunt spiritus, qui proclinante conario facile retrocedant, cursum suum unquam determinarent vî illâ ac impetu quo solent.

Atenim fortasse respondebitur, *Spirituum* cursum, corporum subtilium & fluidorum & ad motum quoquoersum semper paratorum, minimum quidque determinaturum; & musculos ipsos spiritibus repletos, & valvulis instructos, quæ spiritus de cerebro facile intromittunt, quæque iis patent ex uno musculo in oppositum fluentibus, minimâ factâ in alterutro redundantia, & sic eos concludunt, mechanico hoc artificio; inquit, vim eam quæ in motu spontaneo cernitur, commodè salvâri posse.

4. Quò liqueat responsionis hujus invaliditas, accuratius contemplemur artificium in sequenti Schemate; quod certè haud dissimile ejus esse debet, quod *Regius* in sua Philosophia tentavit, quodque faciet ad faciliorem intellectum eorum quæ in Libro de *Passionibus* scripsit *Cartesius*. B, C, sunt duo muscoli oppositi, indubitata instrumenta motus spontanei; K pars corporis movenda; D E & F G nervi per quos spiritus à cerebro in dictos musculos transmittuntur; D & F duæ valvulæ quæ spiritibus liberum transitum præbent è cerebro in musculos, reditum verò ex illis in cerebrum præcludunt; G valvula per quam Spiritus è musculo C transeunt in B; E altera valvula per quam vicissim è B in C. Mechanici hujus artificii summa hæc est, Spiritibus à Conario determinatis vel minimo copiosius in B quam in C, qui in C sunt per valvulam G transitorios in B, eamque ob rem B intumescens, & proinde brevior factum, membrum K necessariò adducturum.

Philos. Nat.  
tur. lib. 4. cap.  
16.  
Part. 1. Art.  
11.

Tom. 2.



5. Non hîc contrâ dicemus hanc rem totam commentitiâ esse posse, cum à nullo dum Anatomico compertum sit valvulas istas nervorum partem esse organizationis corporis animalis cujuscunque; sed potius ostendemus, si admitterentur, non tamen effecturas quod cogitatur. Nam primùm, non liquet Spiritus plus festinaturus è C in B, quam pressura in B facta per determinationem spirituum à Conario, cogit. Cum enim loca omnia perinde iis sint ad motuum suorum lusus agitandos, non ultrâ progredientur quam aguntur aut premuntur; quemadmodum aër in vesica. Quomodo autem *Conarion* ageret aut premeret Spiritus in B, ita ut faciat B premere eos qui sunt in C, atque adeò exprimere tam celeri & acri impetu qualis in quibusdam actionibus cernitur, nequaquam intelligi potest.

6. Verùm esto, *Conarion* Spiritus in B vi tantâ determinare possit, ut illi ita impulsus alios Spiritus qui in C sunt per valvulam G ad se venire faciant, cum tamen adsit valvula E per quam rursus in C remittantur, impossibile est quin decima pars vis ejus, quam adhibere solemus ad explicandam hominis repugnantis manum, eam facile, velit nolit, explicaret. Vis enim non magna movens K à B versùs C ita premeret Spiritus qui in B, ut certissimò per E in C transirent; si corpus nostrum nihil est nisi materia mechanicè organizata. Ergo merum est animæ imperium, quod spiritus in hunc potius musculum quam in illum determinat, inibi que detinet, vis externæ ingratiis. Unde liquidum est bruta etiam animantia animas habere oportere.

X x

7. Quod

De Passion.  
Part. 1. Art. 42.

7. Quod ad *Memoriam & Imaginationem* attinet, *Cartesii* rationes *Mechanicas* ad has *Facultates* explicandas non pertingere clarè intelligemus, si consideramus apertionem facilem pororum cerebri eorum, qui præsentè objecto aperiebantur, non sufficere ad objectum idem repræsentandum, postquam *Conarion* se eò inclinando spirituum cursum eisdem in poros determinârit. Hoc enim *figuram* duntaxat non *colores* etiam exhiberet. Præterea, si centum objecta ante oculos ad idem intervallum omnia exponantur, oculis interim eundem situm accuratè servantibus, ità ut necessarium sit ut hæ imagines eundem planè locum cerebri occupent, distincta tamen erit omnium recordatio; quod impossibile est, nisi nobis inesset anima à materia distincta. Idem dici potest de *Nominibus* vel *Vocibus* collinearibus, si vis, per tubum in aurem, nè minimùm quidem situm suum intereà temporis mutantem, sic ut sonus easdem partes organi feriat perpetuò, si quingentæ essent numero voces, distincta tamen singularum *memoria* esse potest; quæ vis certè meræ materiæ fines longè transcendit, alioquin omnium confusio necessariò inferretur.

Vide Cartes. de  
Passion. Part.  
1. Art. 43.

8. Postremò, quod ad illas *imaginationes* seu repræsentationes spectat, quæ nullius objecti singularis sunt quod unquam vidimus, sed ex pluribus objectis contextuntur quæ loca sua singula per cerebrum infederant, hæc antè, illa retro, qui potest *Conarion* ea conjungere quocunque libet conjunctionis modo? Vel potius in uno eodémque objecto, hoc homine, putà, aut domo illà, quod recto ac debito situ videmus, quodque etiam eam signaturam aut figuram in cerebro reliquerat quæ in eodem isto situ id repræsentet, qui potest *Conarion* imaginis situm invertere, facerèque ut repræsentet hominem aut ædes situ planè contrario? Accedit difficultas repræsentandæ distantiae aut latitudinis objecti, de quo || jam diximus. Fieri non potest ut *Conarion*, si mera materia sit, operationes ullas hujusmodi perageret. Oporteret enim motus in se excitare, qui non ullà alterius corporis impressione necessariò advehuntur, quod apertè adversatur *Axiom. 26.*

|| Cap. 1. Sec. 2. 8.

Cartes. de Passi-  
on. Part. 1. Art.  
17, 18.

9. \* Quamobrem *Cartesius*, author gravissimus summòque judicio pollens, potentiam organizationis mechanicæ eousque extendere non ausus est, sed apertè confitetur, quemadmodum quædam functiones sint quæ ad corpus solum pertineant, ità & alias esse ad animam pertinentes, quas *Cogitationes* vocat, quæque secundum illum duùm sunt generum, alteræ *Actiones*, *Passiones* alteræ. *Actiones* sunt omnes operationes *Voluntatis*, uti & quodammodo *Perceptiones* omnes *Actiones* dici possunt. Et hæ *Actiones voluntatis* sunt vel meræ *Intellectuales* operationes & in Anima ipsa terminantur, quales sunt sui ipsius excitationes ad amandum Deum aut ad contemplandum objectum aliquod immateriale; vel quæ in corpus vim habent, ut cum jubente voluntate ad eundem aliquò nosmet incitamus.

Cartes. de Passi-  
on. Part. 1. Art.  
19, 20.

De Passion.  
Part. 1. Art. 21.

*Perceptiones* item nostras in duas species distinguit, quarum alteræ animam pro causa habent, alteræ corpus. Quæ corpus, ex maxima ex parte sunt quæ à nervis dependent. Præter has autem referri etiam huc debet genus unum imaginationum, quæque pro causa sua propriè corpus habent, illæ nimirum || imaginationes quæ ex eo tantum oriuntur quòd spiritus animales in imaginum vestigia impingunt quas externa objecta in cerebro reliquissent, itaque illas *Conario* repræsentant; id quod tam potest interdum accidere cum imaginatio vagatur negligenter, nec animum datâ operâ rei cuiuspiam advertimus, quàm noctu per somnum solet. Quæ perceptiones nervorum operâ perveniunt ad animam, hoc differunt inter se, quòd aliæ ad objecta externa quæ sensus feriunt, aliæ ad corpus, ut fames, sitis, dolor, &c. aliæ denique, ut tristitia, gaudium, timor, &c. ad ipsam animam referuntur.

Art. 22, 23, 24,  
25.

Art. 19, 20, 42.

*Perceptiones* quæ Animam pro causa habent, sunt vel suarum ipsius volitionum, vel speculationum rerum purè intelligibilium, vel imaginationum ad arbitrium fictarum, vel denique *reminiscentiæ* perceptiones, cum quid anima indagat quod è memoria sibi excidisset.

Disser. de  
Mech. Art. 5. &  
de Passion. Part.  
1. Art. 16.

10. In hac distributione hoc præcipuè observandum est, omnes illas cogitationes quas vocat *actiones*, illas item perceptiones quas ad Animam tanquam ad causam refert, per se (ipso etiam fatente) tales esse, quas nullum animal per meram corporis sui organizationem imitari queat. Cæteras autem exprimi posse putat, imò persuasum nobis vult reipsa exprimi in corporibus brutorum, quæ, ut ait, meræ sunt machinæ, hoc est, per meram corporis illorum fabricam mechanicam, externa sensus objecta ità poros cerebri aperire posse, ut eo ipso determinent spiritus animales in certos musculos ad motum spontaneum faciendum: cursum etiam spirituum in nervos intestinorum, ventriculi, lienis, cordis, hepatis, aliarumque partium derivatum, eisdem ipsos effectus passionis, v. c. amoris, odii, lætitiæ, tristitiæ, in brutis illis machinis producturum, quos ipsi in corporibus nostris sentimus; quamvis illæ insensiles



senfiles non perſentifcant eos : & porro, vellicationem certarum tunicarum fibrarumque ventriculi & faucium corpora brutorum ſimiliter afficere poſſe, ac noſtrum in ſenſu famis ſitifque affectum eſt : denique, Spiritus in tractus cerebri incidentes quos externa objecta impreſſerant, ita in eorum corpora agere poſſe, quemadmodum in noſtrum agunt in imaginatione & memoria.

Ad hanc jam machinam *Carteſii* ſi præterea addas ſentiendi percipiendique vim in Materia, (cujus tamen incapacem eam eſſe demonſtravi) nihil eo amplius *Hobbius* ipſe expectarit à mero corpore oriturum ; nam cum motus ejus omnes ſint purè mechanici, perceptiones & propenſiones erunt fatales, neceſſariæ, & inevitabiles, quod is vult cupidiffimè.

At cum nullæ cogitationes quas *Carteſius* actiones vocat, nullæ item perceptiones quarum animam cauſam eſſe agnoſcit, in artificium mechanicum ullum reſolvi queant, \* has animadvertere licet tanquam peculiare argumentorum genus, idque ejuſmodi, ut quanquam largiremur brutorum animas nihil aliud eſſe niſi materiam ſentientem, ſequeretur tamen, ſubſtantiam excellentioris naturæ verèque immaterialem, operationum illarum præſtantiorum, quas in nobiſmet reperimus, Principium eſſe oportere ; ut conſtat ex Axiom. 20 & 26.

## SCHOLIA

## IN CAP. V. SECT. 9.

**Q**uamobrem *Carteſius* Author graviffimus ſummoque judicio pollens potentiam organizationis Mechanicæ eoſque extendere, &c. Equidem nuſquam *Carteſius* hiſce in rebus propius ad imaginem ſimilitudinève rectè ſapientium accedit quàm hoc in loco, ubi proſectò ſi animitus Philoſophatur, majorem in modum demirari meritò poſſumus quò factum ſit, ut omiſſis hiſce ſolidioribus argumentis diſtinctionis Anima à corpore, totum rei momentum in leviculo iſto ſuprà memorato Sophiſmate poſuerit, nullibique diſtinctè enucleatèque Materia incapacitatem ad iſtiusmodi actiones & perceptiones quas ſoli Anima hic attribuit, demonſtrare conatus ſit, ſed totum ſtudium operamque viribus Organizationis Mechanicis ad omnes vitæ functiones, quæ in brutis Animalibus cernuntur, obeundas, illuſtrandis probandiſque impenderit. Certè ut per Animam, nullius partis corporis organiſati vim cunctarumve competentiam ſe intellexiſſe liquere potuiſſet, Materiam quomodocunque modificatam iſtiusmodi actionum perceptionumque, quas ſoli Anima competere ait, incapacem eſſe datâ operâ demonſtrare debuit, non ſimplici affirmatione argutove ſophiſmate rem tanti momenti videri velle ſuffulcire.

Sect. 10. Has animadvertere licet tanquam peculiare argumentorum genus, &c. Huiusmodi ſunt actiones Voluntatis, earumque Perceptiones, Speculationes rerum purè Intelligibilium, Imaginationes pro libitu factæ, & Reminiſcentia denique. Qui brutorum Animas Materiam tantum ſentientem percipientemve exiſtimant, humanam Animam interim immaterialem eſſe ex prædictis Actionibus ac Perceptionibus, quarum conſcii ſumus, convincendi ſunt. Quæ provincia digna fuiſſet ingenio *Carteſii*, atque ſic aliorum argumentorum, quæ Mechanicis ſuis commentis enervâſſe penitusve abſtuliſſe videri poteſt, jacturam aliquo modo compenſâſſet.

## CAP. VI.

1. *Partem nullam medullæ spinalis commune Sensorium esse posse citra animam in corpore existentem.* 2. *Verisimilius videtur Spiritus animales esse Percipiens illud commune.* 3. *Demonstrabile tamen est eos non esse;* 4. *Utpote qui nè sentire quidem possunt;* 5. *Nec motum in Musculos dirigere;* 6. *Nedum imaginari & Inventa rationis excogitare;* 7. *Nec recordari.* 8. *Responsio ad effugium.* 9. *Authoris ratio, cur tam speciatim refutârit hypotheses omnes de Sede Sensûs communis, cum pauca ex iis asserta fuerint exclusâ animâ.*

1. **D**UÆ omnino sententiæ adhuc expendendæ restant; altera, locus iste *spinalis medullæ*, ubi omnes corporis nervos proximè concurrere putant Anatomici; altera, *Spiritus animales* in quarto ventriculo cerebri. De priore, viz. ista *spinalis medullæ* parte in qua nervorum concursus esse putatur, quod in re simili jam respondi, idem hîc denuo repeto; præterquam quòd demonstrârim materiam esse sensûs incapacem, & quòd nulla ejus modificatio in medulla spinali cernitur, propter quam verisimilius sit hanc facultate illâ esse præditam, quàm medullam sambuci aut coagulum lactis; animadvertendum est præterea, eam ad motum prorsus inhabilem esse, neque intelligi posse quomodo ista pars ejus, vel quævis alia, quæ cogitationum nostrarum omnium, omniumque objectorum *Percipiens commune* constituitur, (quod item vim membra nostra movendi habere debet) cum tam parum agitationis habeat ipsa, nil nisi mollicula pulpa, tam validè tamen atque agiler noster corporis partes movere possit.

2. Atque eo nomine *Spiritus animales* ad id muneris obeundum aptiores videntur; & quos crassæ suæ ipsorum mentis importunitas cogit animam statuere corpoream, ii tamen ferè subtilem aliquam tenuemque materiam requirunt ad naturam & essentiam ejus constituendam: quam propterea vel aërem, vel ignem, vel lucem, vel ali-quod consimile corpus esse putant; quibuscum *Spiritus animales* haud parvam habent necessitudinem.

|| Cap. 2. Sect. 3.  
4, 5, 6, 7, &c.

3. Hæc autem sententia, etsi primâ quidem fronte videatur plausibilis, difficultatibus illis tamen implicatur quæ superari nequeunt. Perspicuum enim est argumenta omnia || suprà allata hîc etiam integris viribus valitura. Nulla enim materia tam prorsus liquida quàm *Spiritus animales*, quin constet ex particulis inter se tantum contiguis, & actu moventibus atque inter se collusitantibus, atomorum more per radios solares ultro citroque comitantium. Videamus ergo, an thesaurus ille *Spiritus* purissimorum, quarto in ventriculo cerebri conditus, sustinendo par sit tam præstanti muneri ac est illud *communis* in humano corpore *Percipientis*; cujus functio, ut sæpius dixi, adeò multiplex est, ut non modò externorum objectorum perceptionem, sed etiam motum, imaginationem, rationem, & memoriam complectatur.

4. Jam primo in limine, objecti imago in turbam istam particularum transmissa non potest non diversimodè in eas incidere, nec propterea omnes unam eandemque perceptionem habituræ erunt, sed pars fortè partem tantum objecti, pars totum, pars plus quàm totum percipient; item aliæ in alio loco positum. At cum *Percipiens* quod in nobis inest nullam istiusmodi confusionem turbatamque ordinem nobis in objectis contemplandis exhibeat, manifestò constat *Spiritus animales* ipsum non esse.

5. Deinde, quod tam perturbatum est *Percipiens*, quî potest id esse idoneum principium motûs in musculos dirigendi? Nam præter confusionem eam quæ ex diversissima objectorum præsentium repræsentatione functioni huic accidere potest, cum in iisdem spiritibus animalibus inest etiam cogitandi, excogitandi, deliberandique facultas (nec tamen, nisi suâ inter ipsos arietatione, quoquam modo quidquam inter se communicare possint; quod perinde est ac si homines capita colliderent, quò se mutuo cogitatis suis impertiant) planè sequitur, eos perceptiones, inventiones, deliberationesque suas, separatim habituros; quas cum executioni mandant, mirum quas turbas corpori daturi sint, aliis aliò partes ejus agentibus: quòd si factiones eorum in multas partes atque studia dividantur subdividenturque, tam erunt imbecillæ singulæ, ut nulla earum corpus aliquò imperare valuerit. Nos autem nullam in nobis istiusmodi iustumve contrarium sentimus, quod corpus nostrum aliò ferret quàm quòd velimus ipsi; ut si cum quis scripturus erat



*Mnivi ædæ & dæa -----*

aliud quid in eo valentius, cujus cogitationum conscius non est, manum ejus usurparet, & pro illo scriberet

*Arma virumque cano -----*

Quod idem etiam de omni alio motu spontaneo dici potest; qui cum penes animi nostri consilium & jussu perpetuo sit, clarè evincit non *Spiritus animales*, rem lubricam, incertam, & disjunctissimam, sed aliquid magis & perfectius unum ac indivisibile, causam ejus esse.

6. Non opus est ut quid amplius dicamus de *Inveniendi* ac *Ratiocinandi* facultate, ut particula quæque spirituum animalium copiam habet sola & per se cogitandi, secumque sola consultant, pariter ac se movendi ab aliis sejuncta, utque nullo modo potest altera alteram cogitationis suæ participem facere, nisi, ut dixi, collisione mutuâ: atqui hoc pacto motum duntaxat, non ipsam cogitationem suam communicabunt; ni fortè in earum rerum formas de quibus cogitant, figurare se fingerentur hæ particulae; quod fieri non potest per Axiom. 26. Fac autem fieri posse, ut una particula se figuret, v. c. in *Georgium Equitem hastatum*, altera in *Arcem magicam*; *Georgius* Eques incurrat in arcem oportet, ad similitudinem formamque sui arcis imprimendam. Quid tum postea? infelicissimus profectò erit congressus; nam *D. Georgius* facilè quidem hastam suam frangat, fieri autem nequit, ut is, in particulam, *Arcem*, ruendo, integram sui equique formam eo pacto transferret, qualem planè conscii sumus imaginatione nos fingere posse de homine infidente equo. Quod quidem est non minùs demonstrabile, quàm Theorema quodvis Mathematicum; per se autem adeò manifestum, ut non opus habeam, ad id magis confirmandum, longiusculæ demonstrationis pompam ducere.

Nec cum ullo plausibili colore nova effugiendi tentatur via, quasi scilicet hæ particulâ in *arcem* se transformante, illâ in *Equitem*, ceteræ omnes utramque, & utraque alteram intueretur. Nam quâ luce cernerentur, & quantillæ apparerent, & quàm diversis in locis, pro diverso situ particularum spirituum, & quàm diversâ facie, aliis aliam partem videntibus?

Neque hæc sola difficultas, est etiam altera; quòd licet representationes istiusmodi sensibiles, abs alia in aliam particulam incurfionibus collisionibusque corporeis, vel ratione illâ proximè allatâ, transferri possint; certè Notiones *Logica* & *Mathematicæ* non possunt. Quamobrem quidam *Spiritus animales* unam demonstrationem Mathematicam, unamve partem ejus, meditari possunt, alii aliam: ita ut dum *Mathematicum* de sententia horum spirituum aliquid scripturus sit, illi manum ejus sibi rapere, & ad aliud scribendum abuti possint, quorum is cogitationum & consilii non erat conscius; nec quidquam rei omnino scire valet, donec id illi descripserint. Quæ quidem absurditates tam sunt mentis omnis modique vacuæ, ut nemo vel stylum suum eas memorando commacularet, nisi ut hominibus istis, qui tam magnificè sentiunt de potentia materiæ, ut putent eam per se omnibus Universi Phænomenis sufficere, meritum pudorem fatui Principii sui incuteret atque averfationem.

7. Postremo jam loco facultatem *Memoria* considerabo, quæ unâ cum ceteris in communi *Percipiente* necessariò conjungitur; cujus muneris, non modò partium suarum fluiditas, sed etiam dissipabilitas, facit spiritus animales penitus incapaces. Etenim profectò spiritus, propter subtilitatem & activitatem suam, sunt valdè dissipabiles, nec, ut verisimillimum est, iidem manent diebus septem continuis; res illæ tamen, de quibus, multis antè annis, nihil cogitavimus, tam animum recentes subibunt, acsi heri primùm exitissent.

8. Quod unum effugium excogitare hîc possunt, hoc est; quemadmodum perpetua suppeditatio est spirituum sensim facta, sic eos in ipso ingressu imbui, fermentari, tingi, notionibus, perceptionibus, ac propensionibus iisdem, quas habent spiritus illi quos istic offendunt. Bella quidem verba! at quæ nihil significant nisi hoc, Spiritus eos, qui jam aliquamdiu in cerebro sunt, quas notiones & perceptiones habeant ipsi, eas novitiis istis communicare; quod id ipsum est, quod, in superioribus sectionibus, impossibile probaverim. Atque proinde est impossibile, ut Spiritus animales commune illud *Percipiens* sit, quod audit, videt, movet, recordatur, intelligit, ceterasque vitæ functiones obit, quas in nobis aut à nobis præstitas sentimus.

9. Nec corpus universum, nec ex partibus assignatis ullam, animâ seu substantiâ immateriali exclusâ, communis sensus sedem esse posse, singulatim evicimus. Quod factum

factum meum non ità intelligi vellem, tanquam si eo significaretur, istarum partium nullam esse, quam non aliquis affirmaverit *commune sensorium* esse potuisse, etiam si nullam nos animam haberemus: sed quoniam non defuere, qui partes istas singulas, positâ animâ, *communis sensus sedem* esse contenderunt; idcirco nequa omnino dubitatio scrupulusque cuiusquam in animo relinqueretur, dedi operam ut accuratè & sigillatim probarem, nullam earum absque anima *sensus communis sedem* esse posse.

Atque eâdem operâ, quod mihi consilium primum ac præcipuum erat, id planè perfeci; viz. Animam seu immaterialem substantiam à corpore distinctam in nobis inesse demonstravi. At non hîc me curâque meam stitero; sed quò plenius naturam ejus atque facultates aperiâ, progrediar ultrâ & exquiram, primò, *quæ sit sedes ejus in corpore præcipua*, ubi & unde functiones suas exercet præstantissimas; dein, *istâne in partem unam conclusa, an per membra omnia diffusa sit*, inquiram; postremò, dispiciam *quemadmodum videat, audiat, imaginetur, recordetur, ratiocinetur, & moveat corpus*. Præterquam enim quòd hæc omnia quæ sita & inventa ad ulterioris consilii utilitatem transferam, per se ipsum jucundissimum est, rationabilem ac coherentem explicationem, certam etiam atque definitam hujuscemodi rerum notionem, in promptu habere semper ac paratam.

## C A P. VII.

1. *Instituitur inquisitio de sede Sensûs communis ex Hypothesi Animæ in corpore existentis.* 2. *Singularem aliquam partem corporis sedem esse Sensûs communis.* 3. *Generalis divisio sententiarum de loco communis Sensûs.* 4. *Qui cum extra Caput collocantur duorum sunt generum.* 5. *Invaliditas rationum quibus Helmontius probaret Orificium ventriculi sedem esse Anima principalem.* 6. *Responsio ad ea quæ Helmontius in eam rem narrat.* 7. *Helmontii sententia ulterius refutatur ex ipsius concessis.* 8. *Confutatur sententia Hobbii, quæ Cor facit communis Sensûs sedem.* 9. *Ea porro refellitur ex experientia.* 10. *Sensum communem alicubi in Capite collocari.* 11. *Monitio de delectu ipsius loci singularis.* 12. *Totum cerebrum locum non esse;* 13. *Nec particulam solidam Regii;* 14. *Nec Membranam externam quamlibet, nec Septum lucidum.* 15. *Tria loca speciosissima.* 16. *Objectiones contra sententiam Cartesii de Conario solutæ.* 17. *Conarion sedem non esse Sensûs communis;* 18. *Nec partem illam Medullæ spinalis, ubi Nervi convenire putantur, sed Spiritus in quarto ventriculo Cerebri.*

1. **E**Rit igitur necessarium ut sententias suprâ memoratas in manus iterum sumamus, hypothesi mutatâ; & quænam ex iis rationi congruentior sit, immateriali substantiâ sive animâ in homine positâ, examinemus.

2. *Singularem aliquam & definitam esse sensûs communis sedem*, inter omnes ferè Philosophos ac Medicos convenit. Apud quos hæc frequentissimè occurrit similitudo, Sensus externos & *communem sensum* simul spectatos instar esse circuli è cujus centro radii quinque ducuntur ad circumferentiam. Quocirca ut obvium iis erat singularia sensuum externorum organa invenire, sicutiam distinctam aliquam partem corporis, quæ *sensus communis* foret organum, assignare conati sunt; hoc est, ut invenerunt visum sedem suam habere in oculo, auditum in aure, odoratum in naribus, &c. ità partem aliquam corporis fuisse, in qua visus, auditus, cæteræque perceptiones omnes coeant, uti in centro radii circuli, inibique *animam* etiam judicare, & discernere objectorum sensuum externorum differentias, existimârunt. Externis itaque omnibus corporis partibus facultatem omnem, vel minimam quidem, abrogârunt tam commune officium subeundi, utpote quæ in penso magis singulari accurando occupantur omnes, in hoc scilicet, ut sint organa alicujus de quinque sensibus externis, nec ut aliâ re ullâ afficiantur nisi quæ ipsis imprimatur, idque præcipuè ab propriis suis objectis: quorum quinque sensuum, tactus, propriè sic dictus, amplissimas partes obtinet; ut qui tam latè se extendit, quàm quæ circumtegit nos cutis, tam altèque penetrat, quàm membrana quævis & nervus in artubus truncoque corporis, præter exteriores omnes partes capitis. Quæ omnia nihilo plùs videre, quàm oculus audire, aut auris olfacere potest.

3. Ad hæc, argumenta ea omnia, quæ clarè evincunt communis sensûs sedem esse alicubi in capite, planum faciunt, corpus universum eam esse non posse; quæ autem sint



sint hæc argumenta, mox docebo. Nam cum omnes sententiæ, quæ singularem partem aliquam faciunt *sensus communis* sedem, in duo genera dividendæ sint, unum earum, quæ sedem illam in corpore, alterum, quæ in capite assignant, idcirco hunc ordinem dicendi persequemur: primum illos, qui partem ullam in *communis sensus* sedem desumpserint extra caput, refellemus; deinde commune sensorium in aliqua parte capitis esse debere, generatim ostendemus; postremo, multas inter sententiæ de parte capitis constituenda quæ *commune sensorium* esse debeat, rejectis iis omnibus quæ minus consentaneæ videntur, illam tandem designabimus, quam minimè redargui posse existimemus.

4. Qui sensorium commune extra caput desumpserint, ii vel in superiore ventriculi orificio, vel in corde id posuere; illa *Helmontii* sententia est, hæc *Hobbi*. *Helmont. de sede Animæ.*

5. Ad *Helmontium* quod attinet, nihil ille profectò pro sententiæ suæ affert, quod non facile dilui potest. Quod illum maximè in errorem impulit, erat magna ejus partis *sensibilitas*, quæ ita à Natura comparata est, nè quid in ventriculum intromittat, tanquam fidus & sagax janitor, quod corpori perniciosum aut molestum futurum esset. Propter tenerrimam hanc *sensibilitatem*, non mirum est si offensiones graviores ei illatæ, deliquia, apoplexias, sensusque cessationem pariant. Sed timor etiam, & gaudium, & tristitia, quosdam è vestigio sustulit, cum tamen per aurem vel oculum, ex acerbissimo nuntio audito vel horridissimo spectaculo viso, lethalis ictus primum introierit. Et durior ulceris efferati contrectatio, aut clavi in pedis digito gravior compressio, facile nonnullos in lipothymiam conjicit; nemo tamen sanus propterea putaverit sedem *communis sensus* in pede esse positam. Ad summam, non est quàm obrem *commune sensorium* in superiori ventriculi ore poni magis existimeremus, propter commotiones sensibiliores ibi perceptas, quàm cur idem in Stellis positum censeamus, propterea quòd earum lucem clarè percipimus, ut bene *Cartesius* in re simili respondit. Neque phrenitis & mania, etsi ortum indè suum nonnunquam ducere deprehendantur, quicquam magis tamen probant eam sedem esse *communis sensus*, quàm furor uterinus, apoplexiæ, epilepsiæ, & syncopæ abs utero ortæ, *sensorium commune* mulierum istac in parte collocari arguunt. *De Passione. Part. 1. Art. 33.*

6. Et si magnam sympathiam orificium inter ventriculi & Cor consideremus, quorum pathemata adeò similia & connexa sunt, ut nomen idem veteres utrique parti imposuerint, utramque communiter *καρδιαν*, & ventriculi dolores *καρδιαλγίας* & *καρδιωγμύς* appellantes; si porro meminerimus Cor partem illam esse unde vitæ supplementa suppeditentur, cujus ideo pulsu cessante vita haud diu superstes sit futura, propter caloris spirituumque inopiam; liquidam hinc rationem habebimus, quid fiat, ut vulnus ori ventriculi inflictum celerius hominem perimat, quàm quod capiti infligitur, utroque lethifero posito, etiam si *sedes animæ sentientis præcipua* in dicto orificio non sit. Partim enim naturalis sympathia inter os ventriculi & Cor, partim horror & dolor abs anima in communi sensorio, quod in capite esse supponemus, perceptus, cor adeò labefactat, ut, quemadmodum in improvisis passionibus supra memoratis, ordinarias functiones vitæ exequi desinat, proindeque de pulsu sensuque, & si quid aliud est, brevè conclamatum sit. Capite autem lethaliter vulnerato, perceptio eo ipso ita minuitur, ut cor passionis istius lethiferæ vim minùs sentiat, & pulsum propterea, quanquam sensus periit, diutius continuare possit: quod plenum ac perfectum est responsum ad narrationes omnes ab *Helmontio* in *sede Animæ*, recitatas.

7. Adde quòd ipse in extremo Tractatu concedit, vim motricem, voluntatem, memoriam, & imaginationem, in cerebro esse; nisi ergo temerè ait negatque quidlibet, communem item sensum illuc esse dicere oportebit.

8. *Hobbi* *sententia* majorem fidem atque auctoritatem habere videtur; quippe quæ olim à Philosophis magni nominis, *Epicuro*, *Aristotele*, totaque Stoicorum Scholâ asserta fuerit: at si eam propiùs intueamur, nihilo alterâ veriore inveniemus; præsertim ad mentem ejus, qui, præter materiam organizatam, nullam in homine inesse animam affirmat. Exponat enim ipse, si potest, rationem ullam mechanicam, quâ cor digitum movere poterit. Verum ex hac hypothesi hanc sententiam jam refutavi. Faciliùs equidem astruitur, animâ concessâ, Cor sedem ejus esse præcipuam, *sensusque communis* locum, ut *Aristoteles* & alii volunt, item fontem motus spontanei. Veruntamen improbabile est, ut pars ea, quæ naturali motu contrahendi dilatandique sui perpetuò occupatur, sedes sit Principii ejus, cujus jussu liberi ac spontanei sunt progressus: quin etiam eadem compressa laxatæque alternis perceptiones miserè disturbarèt. Neque in eodem loco apparerent objecta, saltem in eandem objecti partem visus noster non defigeretur, corde adducto & remisso, ut supra innui: tum ingens ejus calor prohiberet nè placidis objectorum sensibilibus motibus

bus afficeretur; quippe quod in eo sanguis est ferventissimus. Et ad hunc sensum intelligendus est aphorismus *Aristotelis*, τὸ μέσον χειρτικόν, quod impressiones externas multas & varias recipere debet, immodicè affectum aut agitatum ipsum esse non debet.

De Placit. Hip-  
pocr. & Plat.  
lib. 2.

9. Quapropter temerarium est Cor sedem communis sensus affirmare, nisi manifesto experimento aliquo ita rem esse convinceretur; at reverà haud pauca contrà memorantur. Ut in nervo ligato, sensus atque motus manebit inter ligaturam & cerebrum, non autem inter Cor & ligaturam. Crocodilus, corde exsecto, aliquamdiu tamen vivet, atque adeò pugnabit, seque defendet. Idem observatur de testudine marina, & de rupicapra, ut *Calcidius* refert. His addi potest quod *Galenus* memorat de bestiis mactatis, nimirum illas, cordibus exemptis aræque impositis, non spirasse tantùm clarèque boasse visas, sed etiam aufugisse, donec præ exhausto sanguine ceciderint. Quæ mihi narrationes eò magis credibiles sunt, quod ipse his oculis vidi ranam penitus exenteratam, corde, ventriculo, ac intestinis evulsis, abs amico quodam meo ingenioso simul & peritissimo Anatomico, quæ nihilominus cernebat, & abs objectis rebus avertebat se, saltabatque huc illuc, idque diu, non minùs agilis ac alacris, quàm cùm erat integra. Leve autem vulnusculum capiti inflictum vitam omnem & motum è vestigio sustulit. Ex quo manifestum est, sensum motumque spontaneum non è corde derivari. Nam si motus inter cerebrum & Cor intercipiatur, ipso *Hobbio* fatente, nulla erit objecti perceptio. Atque eadem planè est ratio de ore ventriculi; hoc unum igitur experimentum evincit clarè sententiam utramque erroneam esse.

Element. Phi-  
los. Part. 4. cap.  
25. Art. 4.

Histor. Ana-  
tom. lib. 4.  
quest. 7.

10. Et nè quis posthac aliam partem quamlibet in trunco corporis inauspicatò eligat, nos jam rationes eas proponemus, quæ, spero, manifestò probaturæ sint, commune sensorium in capite esse oportere; vel potius repetemus: quædam enim ex iis, quibus Cor non esse sedem communis sensus probavimus, clarè convincent Caput esse. Ut illud è *Laurentio*, nervo ligato, sensum & motum supra ligaturam caput versùs manere salvum, infra eam autem perire. Experimentum etiam ranæ, cujus cerebrum si stylo penetres, ea omni statim sensu motuque destituitur, quanquam intestinis exsectis, ultrò citròque saltitabit, sensusque ut antè exercebit. Quod aperto indicio est motum sensumque à capite esse derivatos; & nullo jam prætextu motus ullus ad ulteriorem fontem persequendus est, cùm cordi (unde nervos ortos *Aristoteles* existimavit, unde verò venæ & arteriæ procul omni dubio, quemadmodum ex Anatomia apparet, oriuntur) munus illud meritissimò abrogetur.

Quibus dein addi possint morbi, qui functiones animales simul omnes invadunt, quales sunt Lethargia, Apoplexia, Epilepsia, & ejusmodi, quorum causas Medici deprehendunt in capite, eique propterea applicant remedia. Quod apertum facit, sedem Animæ, quod ad animales facultates attinet, esse præcipuè in capite. Idem dicendum est de phrenitide, & melancholia, cæterisque hujus generis symptomatibus, quæ imaginationem & judicium depravant; in his semper aliquid malè affectum intra cranium decernunt medici.

Denique si nihil aliud esset præter hoc, quod sensus externi commodè & opportunè præstò sunt & circumstant animam, in capite collocati, hoc unum, ni grave aliquod argumentum suadeat contrarium, sufficeret ad cuivis homini non præoccupato persuadendum, sensus communis, intelligentiæ, imperandique motus sedem, ibi quoque collocari.

11. Jam autem præcipua difficultas erit, qua in parte capitis collocanda sit, definire. Ubi certè, nisi nimium temerè ac negligenter rem aggrediamur, habenda est ratio congruitatis mechanici; nec sumendum quidlibet, quod, per hanc hypothesin, *Esse animam in homine*, possibile videatur; verùm id præ aliis eligi debet, quod maximè concinnum sit ac aptum.

12. Cerebrum universum non esse communis sensus sedem, è vulneribus & plagis ei, salvâ illâ facultate, inflictis, est perspicuum; sensum enim & motum non tollent, *Galeno* Authore, nisi altius penetrent adusque cerebri ventriculos.

13. Neque in exigua solidaque particula *Regii* sedes illa quærenda est. Nè dicam enim non esse verosimile, ut perceptionis centrum adeò minutum sit, nimium præterea absurdum est id ponere in corpore omnino solido, marmore ferròque ipso durior. Verùm cùm hoc novum, atque antè inauditum planè commentum lusùsque sit petulantissimi ingenii hominis, turbellas & confusionem speculationibus *Cartesii* Metaphysicis inferre ambitiosulè aventis (quamobrem lepidum hoc figmentum excogitavit, quo ostenderet, etiamsi anima nihil aliud esset nisi materia, incorruptibilem tamen & immortalem esse potuisse) idcirco operæ pretium non erat nominare illud in

hac



hac hypothefi, quam demonſtravimus veriffimam, viz. Effe animam in corpore naturâ fuâ immaterialem five incorpoream.

14. Et nihilo quidem magis *commune ſenſorium* ſunt membranæ capitis; neve quæ cerebrum ambiunt, ( nam lucem videre poterant per foramen à terebello five trepano factum, etſi is, cujus caput terebratur, conniveret; nè quid dicam de nervorum ductu, organorum externi ſenſûs, qui ultra membranas exteriores penetrant, proindeque locum aliquem interiore indigant, qui impreſſiones ſuas omnes recipere debeat ) neve membrana quævis interna, non *Septum lucidum*, quæ omnium aptiſſima videtur, utpote in medio ſuperioris ventriculi conſtituta. Nam ſi motuum omnium per externos ſenſus collineatio accuratiùs exploretur, alii infrà, alii in parallela diſtanti, dirigi invenientur; ità ut membrana iſta non cunctis noſtrorum ſenſuum objectis percuſſa erit. Adde quòd ineptum ac ridiculum videtur, ut perceptionis centrum ità vel in laminas procuderetur, vel in cavo-convexa panderetur, id quod fieri debet, ſi aut externas aut internas cerebri membranas communis ſenſûs ſedem faciamus.

15. Locus omnium commodiſſimus videtur aliquis eorum, quos tres ultimæ ſententiæ designant, viz. vel *Conarion*, vel *concurſus nervorum in quarto ventriculo*, vel *Spiritus animales in eodem*.

16. Prima eſt *Carteſii* ſententia, nec temerè repudianda; ego ſanè nondum ulla viderim argumenta, quæ eam labefactare valent. Quæ è *Bartholino* recitata, à doctiſſimo || *Authore Adenographiæ* probantur, meo quidem iudicio eam non convellunt. Ea primùm recenſebimus, tum poſtea excutiemus.

|| *Wharton. Adenograph. cap. 23.*

Primum ſic eſt, Glandulam hanc exilius corpus eſſe, quàm ut *Species rerum* omnium repræſentet, quæ Animæ exhibeantur.

Secundum, Externos nervos non ad Glandulam pertingere, *Species* propterea Objectorum ſenſilium illam recipere non poſſe.

Tertium, Poſitam eſſe in excrementorum loco; unde rerum ſpecies inquinarentur.

Quartum, *Species rerum* ibi ſentiri, quò à Nervis deferantur. Nervi autem concurrunt ad principium ſeu caput *Medullæ ſpinalis*, locum nobiliorem multo atque ampliorem *Glandulæ pineali*.

Reſpondeo ad primum, amplitudinem loci ejus in *Medulla ſpinali*, ubi nervi concurrunt, non ſatis amplam eſſe ipſam, diſtinctis impreſſionibus objectorum omnium capiendis, quorum mens memoriam ſervat. ( Nè dicam quòd reliquæ partes cerebri tam poſſunt ei rei inſervire, quàm ulla poteſt. ) Ipſa anima ſola ſit oportet, quæ adeò diſtinctas atque perfectas rerum repræſentationes retinere debet, etiamſi concederetur, eam obiter uti notis quibuſdam occultis, quas cerebro impreſſiſſet; quæ tamen fortè nequaquam referunt, nec ullatenus ad modum & magnitudinem accedunt earum rerum, quas memoriâ cuſtoditas vellet; non magis quàm vocabula *Alex* & *Atomus* rebus per illa ſignificatis, vel ſimilitudine vel magnitudine, reſpondent.

Ad ſecundum, quanquam nulla ſit nervorum continuatio aduſque *Conarion*, eſt tamen *Spiritus*; qui impreſſiones motûs ab externo objecto ad *Conarion* perinde transmittere valent, ac aer & æther impreſſionem ſyderum ad oculum.

Ad tertium, *Glandula* ſatis commodè collocatur, quoad ſanum ſit corpus; nam tum nulli humores excrementitii eam inundabunt aut oblinent. Cùm faciunt autem, *Apoplexiæ*, *Catalepiæ*, & ejuſmodi generantur morbi, quos incidere videmus, ubicunque ſit ſedes communis ſenſûs.

Ad ultimum reſpondeo, nervos altiùs ingreſſos in cerebrum carere tunicis, adeoque molles & ſpongioſos eſſe, ut per eos *Spiritus* eant facilè redeantque, proindeque per latera eorum radiantes motum ſuum aduſque *Conarion* continuare poſſint, quòcunque extremitates eorum ſpectare videantur.

17. Quanquam autem hæc argumenta non ſatis reſellant *Carteſii* ſententiam, ego tamen ei non adeò addictus ſum, quin putem aliud quid reperiri poſſe, quod minus reprehendi queat; præſertim, cùm valdè ſuſpicandum ſit, non omnia animalia hoc *Conarion* habere; tum dein quòd *Carteſio* in hoc ſuo invento adeò placuit, erat, quòd id lepidiſſimum instrumentum ad *Spiritus animales* in certos poros cerebri pellendos fore exiſtimabat; cui rei ego, propter rationes ſuprà allatas, nequaquam affentiri queo. Præterea, lapilli nonnunquam in hac *Glandula* inventi ſunt, & manifeſtum eſt eam venarum atque arteriarum reti circundari; quæ res planè indicant partem eſſe viliori muneri deſtinatam. Inauditam tamen damnare haud æquum fuerat.

18. Quapropter ſententia Authoris modò laudati, qui ſedem communis *Senſûs* in ea parte *medullæ ſpinalis* ponit, ubi nervi convenire exiſtimantur, uti ſimplicior eſt

*Adenograph. cap. 23.*

ac facilius, ita minus refutari poterit, si quidem centrum perceptionis animæ (quo non modò cuncta sensuum externorum objecta apprehendit, verùm etiam imaginatur, ratiocinatur, & spiritus in quam partem cunque vult corporis liberè imperat ac determinat) in tam lenta tamque inerti materia medullosa commodè collocari posset; quam rem sanè ad meum gustum non esse, non possum non profiteri: hanc ideo sententiam missam etiam faciens, non verebor pronunciare, sedem animæ præcipuam, ubi omnia objecta percipit, imaginatur, ratiocinatur, excogitat, & unde cunctas partes corporis imperio moderatur, esse purissimos illos *Spiritus animales in quarto cerebri ventriculo*.

## C A P. VIII.

1. *Sententie Authoris ratio prima, Situs aptus horum Spirituum.* 2. *Ratio secunda, quòd Spiritus immediatus sunt instrumentum animæ in operationibus ejus omnibus.* 3. *Rationis secunda probatio ab authoritate Philosophorum communi, & Hippocratis speciatim;* 4. *A consensione nostra cum mutationibus aeris;* 5. *A celeritate motus & cogitationis;* 6. *Ex eo quod in universum observatur in generatione rerum;* 7. *Ex Regii experimento de limatè in phiala vitrea;* 8. *Acircumgyratione imaginum in vertigine;* 9. *A natura Oculi, & motu Spirituum in eo;* 10. *A dependentia operationum animæ à corpore, cum in contemplando, tum in motu corporeo;* 11. *A recuperatione motus & sensus in membro stupefacto;* 12. *Postremò, ex iis quæ in animi deliquiis observantur, pallore faciei, acri vultu, &c.* 13. *Ex his omnibus efficitur, Spiritus in ventriculo quarto sedem esse Sensus communis, & præcipuum usum Cerebri & Nervorum esse ad Spiritus conservandos.*

1. **C**UR ego hanc præcipuè sententiam sequar, causæ hæ sunt; Primò, situs hic *sensorii communis*, inter caput truncumque corporis medius, aptissimus omnium est ad impressiones objectorum ab utroque recipiendas, item ad motum musculi tum capitis tum reliqui corporis impertiendum. Qua in re, sententiam ultimò memoratam æquare, cæteras verò longè superare, mihi videtur. Nam in hanc nihil potest objici, ad quod non antè responsum fuit, in objectione ultima, in *Cartesium* facta, diluenda.

2. Secundò, (& in hac re nunc dicenda, hæc mea sanè sententia insigniter excellit quas ego cunque novi universas) maximè consentaneum est, ut quæ *materia proximum instrumentum* est animalium omnium animæ functionum, ea etiam *præcipua sedes* sit, unde, & ubi, functiones illas exercent; & si quis locus est ubi id genus materiæ copiosius, ut in illo *anima* præcipuè resideat. Proximum autem functionum animæ instrumentum est *tenuior illa materia*, quæ vulgò dicitur *Spiritus animales*, qui tum purissimi tum copiosissimi inveniuntur in *quarto Cerebri ventriculo*. Unde sequitur, pretiosissimam lectissimamque animæ partem, quod *perceptionis centrum* appellavimus, illo in ventriculo collocandam esse; non dico in medulla, loco isti contigua, sed in iis ipsis spiritibus mediis. Hic situs enim commodissimus est, cum ad eos in partes capitis atque trunci imperandos, tum domi & apud se, in omni genere cogitationum atque inventionum persequendo, subtiliùs usurpandos.

3. *Tenuem hanc spirituosamque materiam proximum organum esse animæ in cunctis ejus operationibus, communis ferè omnium est Philosophorum sententia.* Etiam illi, qui *commune sensorium* in Corde posuerunt, hanc suam opinionem idcirco pro explorata habuere, quòd minimè dubitabant, quin sinister ventriculus ejus fons esset purissimorum spirituum; & multum sibi in hoc placent, quòd Oraculum Medicorum, gravissimum sapientissimamque *Hippocratem*, sententiam suam plenè & luculenter his verbis confirmasse putant. Γνώμη γὰρ ἡ τῷ ἀνθρώπῳ πέφυκεν ἐν τῇ λαίῃ κοιλίῃ τρέφεται ὅτε σιτίοισιν ὅτε ποτοῖσιν ἀπὸ τῆς νηδύος, ἀλλὰ καθαρὴ καὶ φωτεινὴ περιστα γέγονυι ἐκ τῆς διακρίσεως τοῦ αἵματος. i. e. *Mens hominis in sinistro versatur Cordis ventriculo, non nutritur autem vel esculentis vel potulentis quæ à ventre sunt, sed purâ lucidâque substantiâ, quæ è separatione sanguinis nata est*: id quod in cerebro accidit planissimè. Nam qui spiritus ibi sunt, nihil aliud nisi puriores & subtiliores sunt partes sanguinis, quarum tenuitas ac agitatio facit, ut à reliqua massa ejus se separent, atque ita cerebri ventriculos repleant.

Hippocr. in libro de Corde.



4. Quod præterea, cum affectionibus cæli, ipsi quoque ita manifestò afficimur, teste *Hippocrate*, ut aëre puro, cogitationes nostræ simul puræ, nubilo, nubilæ sint, haud levi indicio est, quod sensum, cogitationes, & affectus, ad animam immediatè perfert, tenuissimum ac purissimum esse, & aëri, quicum tam faciliè mutatur, congener.

5. Insignis etiam motuum & cogitationum agilitas, quam in nobismet ipsi experimur, homines tardissimo ingenio, tamque supra modum pingues ut animam corpoream censuerint, coegit tamen istos materiam eligere, unde illa conflaretur, solutissimam, subtilissimam, & actuosissimam, quam poterant ipsi animo excogitare. *Lucretius* ergo, *Epicureorum* confidentissimus, rem acu tetigisse sibi videtur, ubi ait,

*De Nat. Rerum. lib. 3.*

*Nunc igitur quoniam est animi natura reperta  
Mobilis egregiè, perquam constare necesse est  
Corporibus parvis & levibus atque rotundis :*

Cujus ego testimonium hac in causa eò melius duco, quò crassius Philosophari solet; hinc enim dilucidè constat quàm necesse sit, ut illæ particulæ, quæ corpus humanum pervadere debent, sint tenuissimæ, cum nè istos quidem hoc fugerit, quorum oculi caligant maximè.

6. Verùm altiùs ascendemus ad argumenta validiora; in quibus hoc, puto, locum aliquem habere possit, Nullam nos nullius animæ operationem immediatam usquamprehendere, quam non ea primùm in materiam exerit majorem in modum puritatis partiumque tenuitatis participem, quæ sequax sit & ductilis; quod in omnibus omnino generationibus observari potest; \* ubi corpus semper è tenui fluidoque liquore organizatur, qui *Plastica* virtuti animæ cedit facillimè. Nec dubito quin ea imprimis moveat, quippe ad movendum opportunissimas, partes subtilissimas, quales sunt illæ primi secundique elementi *Cartesiani*, quæ ex istiusmodi substantia humida ac tenui nunquam excluduntur: quæ ejus elementa, sunt illa verè cœlestis seu ætheria materia, quæ ubique est, ut *Ficinus* alicubi affirmat de cœlo, & ignis ille, quem *Trismegistus* ait intimum esse mentis vehiculum, ac instrumentum quo Deus usus est in mundo fabricando, \* quòque Animam mundi, ubicunque quid agat, etiamnum uti certissimum est.

*Parmand. cap. 10. five Clavis.*

7. Et ut adhuc gradum ultrà promoveamus, Ocularis ista demonstratio, quam affert *Henricus Regius*, mihi quidem ingeniosa simul & solida videtur: illam dico de limace phialâ vitreâ inclusa; quamprimùm ea prorèpere incipit, bullas quasdam videre licet à cauda ad caput propulsas; simul atque verò quiescat limax, bullæ è vestigio conquiescunt & abeunt. Hinc ille colligit, quendam quasi ventulum spirituum, à capite per tergum ad caudam, atque inde per ventrem ad caput circulantium, causam esse progressionis limacis.

*Philos. Natur. lib. 4. cap. 16.*

8. Liquidos hos Spiritus proxima esse sensus instrumenta, constat etiam à vertigine. Etenim cerebrum ipsum non ita fluida est substantia, ut in orbem circumageretur, faceretque ut externa objecta similiter circumacta videantur. Hoc itaque indicio est, Spiritus in Cerebro immediata esse instrumenta corporea imaginum rerum perferendarum.

9. Eisdem hos Spiritus præcipuum esse visionis instrumentum, exteriores oculi partes planum faciunt: nam faciliè cerni potest, quàm plenæ sint *καθαρὰς* istius *ἡ ζωὸς ὁρᾶς*, de qua loquitur *Hippocrates*, quanquam eam, ubi non oportuit, collocaverit; utque Spiritus, pro animi affectibus, fluant refluantque in oculo, aliterque mirum quàm significanter modificentur; adeò ut per eos anima quasi loqui videatur, tacitam illam angelorum loquelam, quam signis duntaxat fieri opinantur nonnulli, ego verò nequaquam assentior. Præterea manifestum est, oculorum caliginem ab inopia spirituum provenire, partibus oculi aliàs rectè & integrè se habentibus. Ductior etiam apertio pupillæ oculi unius, ex altero clauso facta, clarè indicat majorem fluxum & copiam spirituum, ut *Galenus* ingeniosè quidem colligit.

*Vide Antidot. lib. 3. cap. 3. sect. 3.*

10. Adde quòd in præstantioribus mentis operationibus, cum varia theoremata meditatur & excogitat, vel ea tunc aliquâ parte corporis utitur ut instrumento, vel liberè agit & à corpore independenter. Posterius falsum esse hinc patet, quòd tum cœli mutatio, aut adversa valetudo, ei non obesset in operationibus ipsius inventivis purèque intellectualibus; obesse verò constat, uti etiam mentem nostram aliàs plùs aliàs minùs esse nubilam, & aliter alia in regione affectam, unde proverbiale dictum illud,

*Βατόν crasso jurares acre natum.*

Si quâ autem parte corporis utitur, vel spiritus animales, vel cerebrum sit oportet. Cerebrum non esse, ipsa consistentia ejus viscosa & iners evidentissimè demonstrat.

Quod magis adhuc valebit, si porro cogitemus, quod equidem est verissimum, animam, vel omnino nullam, vel quàm minimam habere vim movendi materiam; \*peculiarem verò virtutem ejus in materiam aliunde motam determinando esse positam; quæ, quò subtilior est magisque agitata, eò facilius propter mobilitatem ejus abs anima determinatur. Etenim si immediata esset animæ facultas motum materiæ cuilibet impertiendi, quæque propterea non magis deficere vel diminui posset, quàm potest anima ipsa, non video qui nos unquam movendo defatigaremur. Quin & agiles illæ *Menades* seu sacerdotes *Bacchi*, aliæque loci virgines, quas *Dionysius* inducit per florea *Meandri Caystrique* prata choreas agitantes, ad hodiernum usque diem, si vita & membra suppeterent, lætæ & lascivæ ut hinnuli (\*sic enim agilitatem earum describit) illic tripudiâsse potuerint, idque sine ulla omnino lassitudine. Illa enim animæ immediata facultas motrix motum de integro semper corpori universo impertire valeret, & calefaciendo atque agitando, id citius in aërem aut cineres redigeret, quàm aut ipsa se lassam, aut ut corpus videatur lassum, efficeret.

Liquidò ergo constat, quicquid motus vel caloris anima in corpus sponte suâ conferat, eam id omne spirituum operâ conferre, quos illa, ut inter se huc illuc leviter motitantur, in exteriora membra abs se amandat, & sic eadem agitat movetque: quoniam autem subtiles sunt & dissipabiles, eos anima, dum utitur, absorbit; multum verò absorptis, ægrè anima corpus diutius movere valet, cujus rei sensum lassitudinem vocamus. Hæc sunt τὰ ὀρεώσα vel ὀρεώσα illa *Hippocratis*, animæque proxima motus machina per omnes partes corporis.

*Epidem. lib. 6.*

11. Quod itidem sunt sensus, in remotioribus corporis partibus, pariter ac in capite, ut pulchrè innuit *Spigelius* ex notissimo illo exemplo cruris compressione stupefacti, vel alio quovis impedimento, per quod Spiritus in partem eam propagari nequeant. Nam ut sensus & motus restituitur, sentias aliquid in crus irrepere, quod formicarum more, ut is ait, mordet & urit; quod aliud esse non potest, nisi Spiritus vi sibi viam in partem istam facientes. Et quod ipsi patiuntur, id anima sentit, cui proximum sunt vitæ sensusque vehiculum.

*De Hum. Corp. fabrie lib. 7. cap. 1.*

12. Denique in deliquiis animi, motu ac sensu deficientibus, partes extimæ pallent & concidunt, facies macrior & acrior visu; cujus mutationis hæc unica causa, quòd benignior aura vitalis aëris, qui partes antea inflaverat, abs iis corripuit se & planè abiit; i. e. fluidi spiritus, sine quibus nullus sensus, nullus motus, existere potest, se receperunt: ex quo perspicuum est, illos immediatum instrumentum esse utriusque.

13. *Spiritus animales* immediatum esse animæ organum in sensu motuque, demonstravi. Si quis ergo locus, ubi hi spiritus & copiosissimi & purissimi sunt, tum situ opportunissimo ad functiones animales peragendas, is profectò summa sedes atque *Astropolis* animæ statui debet. Jam verò spiritus in medio cerebri ventriculo, neque tam sunt indifferenter ad utrumque tum caput tum truncum collocati, neque tam puri, quàm qui versantur in quarto. Superioribus ventriculis binis id muneris malè convenit, quod adeò unum est & singulare. Præterea infra illos cadent impressiones motus sensiferæ quæ per oculos mittuntur; nè dicam Spiritus hîc etiam minùs esse defæcatos quàm in ventriculo quarto.

Quapropter cum sit & copia sufficiens, & puritas maxima, & commodissimus situs, spirituum in hoc quarto ventriculo, sequitur, in iis perceptionis centrum collocari, eosque esse commune animæ sensorium: & ut Cor perpetuò se sanguinem ejiciens universo corpori nutrimentum suppeditat, quò ædificii hujus molem, in commodam habitationem animæ, fartam tectam tueatur, quò item, de subtilissimis agillimisque partibus ejus, cerebrum ac nervos spiritibus repleat, (proximo instrumento animæ ad sensum motuque;) sic etiam manifestum est, præcipuum cerebri & nervorum usum in prohibendis subtilibus spiritibus illis, nè ocyùs quàm par sit dissipentur, consistere; & cerebrum, cum suis cavitatibus, non nisi unum ingentem esse nervum rotundum, quemadmodum & nervos, cum poris suis inconspicuis, nihil aliud ac tot minores produções aut exiliores prolongationes cerebri; & sic cuncta simul nihil esse præterquam unum continuum receptaculum aut integumentum immediati instrumenti motuum sensiferorum, animalium nempe spirituum, ubi condi etiam occultum vitæ vehiculum animæ in hoc mortali corpore.

SCHOLIA



## SCHOLIA

## IN CAP. VIII. SECT. 6.

**U**B I corpus semper è tenui fluidoque liquore organizatur, &c. *Quem similem & homogeneum esse rectè judicat Harvæus de Generatione Animalium, Exercit. 71.* Primum corporis rudimentum est simile duntaxat & molle gluten Spermatico concremento non ab simile, ex quo (procedente Generationis lege) mutato, simulque secto, & in plura diviso, ceu *Effato Divino*, ut diximus (fiat hîc os, illîc musculus aut nervus, hîc viscera, illîc excrementorum receptacula, &c.) ex inorganico fit organicum, ex simili diffimilare, ex uno ejusdemque naturæ, plura eaque diversa & contraria, &c. *Vid. Scholia Antidoti adversus Atheismum, Lib. 2. Cap. 9. Sect. 11.* Caterum quod omnis Generatio ex tenui sit colliquamento, passim in dicta Dissertatione attestatur Natura consultissimus, Guilielmus Harvæus, calculumque adjicit ipse Aristoteles, qui Conceptum definit, Humorem in Membrana tenui contentum, in Viviparis scilicet, perinde ac si Ovi testam detraxeris. Unde rectè enunciat Harvæus, Ovum esse conceptum foris expositum, unde Pullus procreatur; Conceptum, ovum intus manens, donec factus debitam in eo perfectionem acquisiverit. De pelluciditate verò, ac liquiditate Materie quam in Ovo Harvæus Colliquamentum Oculumve Ovi appellat, eadem utrobique est ratio. Nam in uteris Damarum istam materiam colliquatam, transparentem & crystallinam tenuitunicâ & orbiculari contentam se observasse ait. *Vide Exercit. 62 & 68.*

Quoque Animam Mundi ubicunque quid agat etiamnum uti, &c. *Per Animam Mundi intellige Spiritum Naturæ, non talem Animam Mundi qualem us plurimum fingunt Platonici.*

Sect. 10. Peculiarem verò virtutem ejus in Materiam aliunde motam determinando, &c. *Motus quem habet universa Mundi materia vitalis est à Spiritu Naturæ profectus & ab eo gubernatus, nisi quantum particularibus animabus permittitur, quæ hunc materie motum in suos scopos dirigere possint, sed non quantum volunt, in ea excitare, quemadmodum patet ab exemplo in hac Sectione allato.*

Sic enim agilitatem earum describit, &c. *Descriptio apud Dionysium, harum faminarum saltantium prope Mæandrum & Caystrum in Asia minori, sic est.*

Οὐ μὰν ὑδὲ γυναικας ὀνόσται αἱ περὶ κῆνο  
Θέον ἰδού, χρυσοῖο κατ' ἰζύου ἄμμα βαλῦσαι  
Ὀρχεῦνταί, δηλὸν ἐλυσόμηναι περὶ κύκλον,  
Εὐτε Διωνύσοιο χορτασίας τέλοισιν,  
Σὺν καὶ παρθενικαῖ, νεοθηλές οἶά τε νεβροῖ  
Σκαίρυσιν· τῇσιν ὅ περ σμαραγεῦντες αἵται  
Ἰμερτὺς δονέουσιν ὅττι γήθεον χιτῶνας.

*Hoc est,*

Nè mulieres quidem vituperabis quæ in illo  
Divino solo, aureo per lumbos ilia vinculo cinctæ  
Tripudiant, mirificum se flectentes circum Orbem,  
Quando Bacchi choreas celebrant,  
Simul quoque virgines, recens ab lactati velut Hinnuli  
Saltant, quibus circumstrepentes venti  
Elegantes agitant in pectoribus vestes.

## CAP. IX.

1. *Objectiones aliquot contra Spiritus animales.* 2. *Responsio ad objectionem primam de porositate nervorum.* 3. *Ad secundam & tertiam, ab extravasatione Spirituum & ab excrementis pituitosis in cerebro repertis.* 4. *Ad quartam, ab incredibili celeritate motus Spirituum petitam.* 5. *Ad ultimam, à ligatione.* 6. *Irrefragabiliter demonstratur esse Spiritus animales in ventriculis cerebri.*

V. Cap. 6. sect. 9.

1. **A**D reliquas duas Inquisitiones suprâ propositas antequam aggrediamur, subsistendum est paulisper, aurisque accommodandæ objectionibus nonnullis Authorum quorundam nuperorum, quos, contra omnium omnino Philosophorum, Medicorum, Anatomicorum consensum, affirmare non pudet, nullos esse Spiritus in corpore, saltem nullos in *cerebri ventriculis*. Nam nervi, inquiunt, *poros* aut *cavitates non habent*, quibus eos recipiant; præterea, quicquid fluidi in nervis insit, *succus lacteus* est duntaxat, uti constat ex nervo puncto. Quod ad cerebri ventriculos attinet, nimis amplæ sunt cavitates istæ; in quas si Spiritus exeant, quasi *sanguis extravasatus* erunt, unde corrumpantur necesse est. Per easdem quoque vias *evaporabunt*, per quas mucosa & pituitosa excrementa de cerebro exeunt. Quæ quod illuc reperiuntur, magno est, inquiunt, argumento, ventriculos illos in *receptacula* & *canales* tantum fuisse factos *humorum* istiusmodi *excrementitiorum*, quibus se cerebrum exonerat. Postremò, si motus spontaneus spirituum operâ fieret, tam supra modum *subitus*, ut est, esse nequit; nam dicto citius digitum vibrare possumus, motus autem corporeus tam velox esse non potest. Et si Spiritus à capite ad digitum v. c. continuentur, *ligato* nervo, sensus esset à ligatura ad extremum digitum, quod experientia repugnare aiunt. Hæ præcipuæ sunt objectiones quas in *Hofmanno* ac aliis lego; quas verò facillimè dilui posse puto: quinimo quodammodo inter se pugnant, seque mutuò tollunt.

2. Quis enim per nervos succus derivari potest, si poros non habeant, nec vel tenuissimis his spiritibus, de quibus loquimur, pervii sint? Aut unde rectius succus iste nasci putetur, quàm ex ipsis his spiritibus agitationem ponentibus, & in crassioribus habitum obtorpescentibus?

3. Neque Spiritus in *cerebri ventriculis* magis extravasati habendi sunt, quàm sanguis in *auricula ventriculi* & *cordis*. Nec metuendum est nè per infundibulum delabantur, cum excrementa pituitosa ipsa viam illuc non habeant, nisi quam sibi suo pondere faciunt, sicut etiam insinuante humiditate, quæ partes illæ semper oblitæ, levissimis spiritibus fiunt impervia, quorum agilitas etiam, & cum externo aëre æquilibritas, facit nè unquam sponte suâ cavitates eas ubi sunt possint relinquere.

Ex pituitoso excremento in ventriculis deprehenso probare velle, eos in receptaculum duntaxat inutilis istius purgamenti fuisse factos, perinde ineptum est, ut si quis ex eo, quod in intestino recto reperitur, inferret, ventriculum ceteraque intestina omnia idcirco fuisse facta, ut essent cloaca excrementi stercorei. Spiritus in ventriculis cerebri circumvolitantes, in cavitatibusque suarum latera impingentes, agitationem suam paulatim ponent, imprimis partes crassiores; quo ipso necessario fient impuriore consistentiâ, & in udum ejusmodi sedimentum, quale in ventriculorum fundo cernitur, subsident; quod naturâ, per idoneas vias, amandante, Spiritus evadunt puriores. Propterea verò, quod hæ sæces necessariae in cavitatibus istis reperiuntur, eum unicum esse earum usum concludere, tam est ridiculè factum, ac si quis, quia per os expuo & nares emungo, præcipuum hunc esse finem atque usum duarum harum corporis partium, vel oculos meos, non ad cernendum, sed ad lachrymandum factos, colligeret.

4. Celeritas motus in Spiritibus ejusdem ferè est naturæ & conditionis cum luce, quæ itidem corpus est. Non autem lucida materia Solis, supra horizontem emergentis, nescio quot millia milliariûm, puncto temporis, antè transmittit, quàm nostris attingat oculos; sed motus à Sole ad oculum, per materiam ætheriam intermediam, tantum non simul & semel propagatur. Vel finge, si vis, per tubum quantumvis longum mitti Spiritum; quo temporis puncto in unam extremitatem ejus spiraretur, eodem in altera sentietur motus, idque tam deorsum quàm sursum, eodemque opere; quo frivola objectioni alii *Hofmanni* occurratur, quasi scilicet oppidò quàm ardua res esset, ut Spiritus in nervos deorsum mitterentur. Verum enimvero

qui



qui antiquam hanc simul & solidam opinionem oppugnant, mirè sunt inepti atque oscitantes.

5. Illud de *ligatura* nihil probat. Quamvis enim nervus inter ligaturam & digitum Spiritibus satè abundet, quia tamen perceptionis centrum illuc non est, & Spirituum à ligatura ad *commune sensorium* continuatorum, abs Spiritibus cis ligaturam, separatio fit & interruptio; non magis mirandum est nos nihil cis ligaturam sentire, quàm nihil in vicini nostri hortis videre, macerâ interjectâ, etiamsi Sol hinc atque hinc clarè luceat.

6. Argumenta hominum istorum, in receptissimam hanc omnium serè tum Medicorum tum Philosophorum sententiam, quàm sint invalida, satè jam videmus: non opus est ut ego vicissim ulla proferam ad eam confirmandam, cum quæ jam produxi ad probandum Spiritus esse proximum animæ instrumentum, ea pæne omnia æquè valeant ad evincendam eorundem in corpore existentiam.

Attamen breve monitum de pulmonum usu, tanquam mantissam, injicere non gravabor, quem Medici Anatomicique præstantissimi, in præparato aëre ad Cor transmittendo, imprimis consistere censuere; uti etiam de reti mirabili & plexu choroïdi, quorum usum situs ipse indicat, nempe ad copiosius mittendum in ventriculos cerebri sanguinis partes puriores atque agiliores.

Præterea, cerebri *diastole*, eundem cum pulsante corde rythmum observans, ostendit manifestò, quanto cum vapore *Spiritus*, per rectam brevemque viam arteriarum *Carotidum*, eò perferantur. Quæ enim cunque pars sanguinis magis ignea & subtilior est reliquis, ea certissimò attinget caput. Unde, cum propter spongiositatem laxitatemque cerebri, tum tenuitatem tunicarum arteriolarum, quæ ibi sparsæ sunt, necessitate planè mechanicâ sequetur, ventriculos ejus illâ καθαρά & φωτεινὴν περιεσπία ἐκ διαχείσεως τῆς αἵματός, quam *Hippocrates* aptissimè quidem describit, at non ita rectè collocat, repletum iri.

Cum autem purissimi horum Spirituum in quarto ventriculo insint, ut *Bartholinus* aliique summo cum judicio statuerunt, ex suprâ dictis & probatis clarè sequitur, in mediis his Spiritibus *quarti ventriculi* cerebri purissimis *commune sensorium* collocandum esse. *Anst. Anatom. lib. 3. cap. 4.*

## C A P. X.

1. Animam non concludi in Sensorio communi.
2. Argumentum primum à Plastica animæ potentia.
3. Quod confirmatur à dignitate graduâ facultatum animæ, quarum infima est Plastica;
4. Proximè superior, Sensus externus;
5. Tum Imaginatio, & Ratio suprema.
6. Argumentum secundum à passionibus & sympathiis animalium.
7. Illustratur ratio Magiæ naturalis.
8. Argumentum tertium à perceptione doloris in partibus corporis exterioribus.
9. Quartum & ultimum à natura visionis.

1. **N**Obis jam tandem vacat quæstiones duas reliquas in manus sumere; quarum prior est, itane anima sit in quarto ventriculo, ut alibi essentialiter omnino nè sit, an per cuncta se membra corporis diffundat. Eam *Regius* in Conarion contruderet, quod *commune sensorium* esse putat; in quartum proinde ventriculum concludi, nec eo latius explicare se deberet, si ea sedes sit *communis* sensus. *Regiane* opinionis ratio hæc est, quod, quicquid in reliquo corpore fiat, potentiis merè mechanicis fieri potest, qua in re superstitionis quidem *Cartesii*, magistri sui, vestigiis insistit. Ego verò, qui in neutro eorum sufficiens ullum fundamentum videam novitii dogmatis, quin potius rationes manifestas quæ contrarium suadeant, nequeo quin dissentiam. *Philos. Natur. lib. 5. c. 2.*

2. Et primam quidem peto de *Fabrica corporis*, cujus ut anima ipsa singulari modo opifex sit, (neque enim in universum rejicio sententiam *Plotini*) utque vis *Plastica* tum in illa tum in brutorum animantium anima resideat, ut doctissimi gravissimique authores statuere, rationi magis consentaneum arbitror. *Corporis fabricam* ex atomorum concursu esse natam, gratis dicitur, sine ullo aut fundamento aut ratione. Neque enim sensus id patefacit, quia prima initia vitæ ex liquida sunt materia & homogenea; & rationi repugnat, ut atomorum seu particularum corporearum motus temerarius exquisitissimas animalium fabricas produceret, in quibus acutissimum ingenium nihil quicquam ineptiprehendere potest, sed è contrario omnia accuratissimè facta, ubicunque non fordes & impuritas materiæ in culpa fuisset. *Vide Antidor. lib. 2. cap. 12. sect. 2, 3, 4, &c.*

Deum

Deum autem hæc corpora immediatè non condere, ipsorum vitia & aberrationes demonstrant. Nulla enim materia adeò perversa & perversa est, quam non Dei omnipotentia domare posset; quare nulli defectus essent, nullæ omnino monstrositates, in generatione animalium.

Neque adeò congruum videtur, ut facultas plastica *Anima mundi* sola & per se architectetur singulorum animantium domicilia, (non negaverim tamen quin illa \* primas quasi lineas ducat, futuræ efformationi prævias) sed rectius dicendum est, omnis *Mundi particularis*, præcipuè qualis homo sit, suam ipsius animam peculiarem opificem esse, opusque maximè perficere, quemadmodum & *Universi*, animam suam. Etenim fabricatio vitalis non similis conditionis est ac architectura artificialis, ubi externus homo in materiam agit; verum propiorem magisque particularem unionem significat cum materia illa, quæ per eam intrinsecus efformanda est atque organizanda. Ecquid autem magis singularem arctioremque unionem cum corpore nostro habere debeat, quam ipsa anima nostra?

Ego itaque sic cenleo, Animam, quæ Spiritus est proindeque contractilis & dilatibilis, angustioribus initio finibus organizationem præparatæ materiæ auspicari, & eundem operandi tenorem perpetuò servare, donec corpus in justam molem suam excreverit; animamque se unà dilatare cum dilatato corpore, adeoque id universum & singula ejus membra comprehendere & possidere.

*Enthus. Triumph. sect. 3, 4, 5.*

3. Quàm congrua item sit hujus rei veritas patebit manifestius, si facultatum animæ naturam consideremus, (qua de re plura videre licet in *Enthusiasmo Triumphato*) quàm naturali gradatione exurgant, donec ad liberrimam omnium perventum sit. Infima est vis *Plastica*, de qua jam diximus, virtute cujus *systole diastoleque* cordis perpetua continuatur, (ut ego potius crediderim, quàm motum hunc merè mechanicum esse) illa item respiratio, quæ voluntatis nostræ injussu peragitur: nam libratio vel reciprocatio Spirituum in tensilibus musculis non ita, ut est, esset perpetua, sed brevi tempore periret, nisi principium aliquod, omni merè mechanico *μυσικώτερον*, adferret opem; ut quisque faciliè intelliget, qui modò animadvertit quàm sint ineptæ ac impares machinæ istæ, quas *Henricus Regius* pro causis istiusmodi motionum corporis adæquatis proposuit. Has primas esse animæ facultates autumo, quæ communi hæc nota signari & finiri possunt, nempe, *Actionem* earum, nè vel *perceptionem* nostram omnino significare, vel implicare.

*Philos. Natur. lib. 4. cap. 16.*

4. Proxima his *Sensatio* objecti cujusvis externi; v. c. auditus, visus, tactus, &c. Qui omnes *perceptionem* includunt, eamque irresistibiliter necessariam, si modò objectum coram adsit, nec obex externus ullus interponatur.

5. *Imaginatio* liberior est, cujus representationes nos ipsi, sine cujusvis externi ope, magna ex parte evitare possumus; ea tamen aliquantùm citra *voluntatem & rationem* subsistit, quibus phantasmata non probata corrigimus atque adeò supprimimus. Itaque perspicimus quomodo facultates animæ gradatim ascendant; quo facilius adhuc & credibilis efficitur, tam omnium infimam, quàm summam & præstantissimam, ei competere posse.

*Vide Cartes. de Passion. Part. 1. Art. 36.*

6. Ad hæc, *passiones & sympathia* facilius, meo judicio, in hanc hypothesin Animæ corpus universum pervadentis resolvi possunt, quàm in aliam ullam, quæ præsentiam ejus essentialem in certam partem aliquam concludit. ¶ Credere enim, in objecto aliquo horrendo, putà, urso aut tigride, motum abs eo per oculos animalis transmissum ad Conarion, ita indè reflexum iri, ut Spiritus in nervos illos determinet, qui cordis orificium angustabunt, pulsum minuent, cæteraque omnia metus symptomata inducent; parum abest, ut mihi videtur, à *credulitate mechanica*. Nam motus illi, qui rerum species repræsentant, vertuntur huc illuc sine ullo istiusmodi impetu materiæ, qui præclara illa facta edere posset, quorum meminit *Cartesius* in libro de Passionibus. Et quod ille tanquam pignus offert veritatis rei, tam falsum est ipsum, ut eò fidentiùs in animum inducam theorema esse falsissimum. ¶ Jactatio enim manûs ob oculos amici, non satis probat objecta externa, necessariò & mechanicè, Spiritus in musculos determinatura, nullâ animæ facultate se operamque suam interponente. Nam si quis animum obfirmet, vel potius si ab omni metu mali, à manu ante oculos jactatâ inferendi, eximere se potest, à claudendis iis faciliè abstinebit: sin metus eum occupet, actio ista animæ, non soli mechanismo corporis, tribuenda est. Quapropter hoc non probat, phænomena passionum quæque eas consequuntur, in brutis animantibus, rationibus merè mechanicis salvari posse; neque ergo in homine.

*Passion. Part. 2. Art. 13.*

Constat autem illas in nobis excitas esse nolentibus & averfantibus. Ecquis enim ferret timorum suspicionumque tormenta, si penès ipsum esset non ferre? Non ergo anima



anima Spiritus sic suo malo & cruce mittit aut determinat, quâ in capite versatur. Ex quo perspicuum est, id ejus effectum esse, quatenus in Corde & ventriculo; quæ, propter summam secum animæ unitatem, & continuitatem Spirituum in corpore, necessarii instrumenti functionum animæ omnium, horrendâ repræsentatione, quæ in *sensorio communi* est, simul ipsa afficiuntur. Et magnopere æquum est, ut Cor & ventriculus aded afficiantur, quippe quæ summæ sunt sedes facultatum earum, quæ vitam corporis sustentant; cujus discrimen, objectum præcipuum metus est in omni animanti.

7. Ex eodem hoc Principio, non tantum sympathiam partium unius singularis subjecti, sed etiam diversorum & distantium, intelligi posse puto: qualis est consensus iste inter hominem vulneratum & cultellum seu gladium, quo vulnerabatur, unguento armario illitum, si, nè immodicè vel calidus, vel frigidus sit, caveatur: quæ certè consensus purè *mechanica* non est, sed *Magica*, sensu vocis verò bono & licito; hoc volo, non in meram materiam, cujuscunque demum tenuitatis & subtilitatis, sed in unitatem *Animæ Universi*, \* quæ Plasticis potentiis omnibus est ¶ conjunctissima, & in continuitatem materiæ subtilis, quæ Spiritibus nostris animalibus respondet, resolvi & potest & debet. Et in hunc sensum *Plotinus* ait Mundum esse *ἡμῶν γόντα*, magnum illum Magum aut Incantatorem. Quo uno, Spiritu familiari nullo in societatem assumpto, mira multa minimèque vulgaria facinora, tam noxia quàm benefica, fieri posse nullus dubito. Nam Spiritus hic *Universi* facultates habet, quæ non liberè suoque arbitrato operantur, sed *fati* sive *naturæ* lege, ut quamplurima *Gamaieu* quæ vocant, subobscurè indicare videntur. De hoc autem Principio plenius ¶ suo loco differemus.


¶ Vide lib. 3.  
cap. 6. sect. 7, 8, 9.

¶ Lib. 3. cap. 12  
¶ 13.

8. Animam autem nostram in partem aliquam capitis conclusam non esse, sed per universum corpus versari idemque occupare, clariùs adhuc indicat dolor in ejus partibus perceptus: nam planè fieri nequit, ut dolor iste acerbissimus, qualis vel acicula punctiunculâ sentiatur, ratione ullâ merè mechanicâ perceptionis centro communicetur. Sive enim medulla nervorum, quod *Cartesius* vult, sive Spiritus, quod verissimum est, proximum sit sensûs instrumentum; utrobique sanè ridiculum est existimare, violentâ separatione eorum quæ conjuncta quiescebant (eâdem ipsâ divulgatione, neque spiritibus, neque medulla nervorum, à puncturæ loco ad ipsam communis sensûs sedem, communicatâ) animam hîc collocatam tam acrem dolorem sensuram fuisse, nisi ipsa ejus essentia ad partem usque, ubi dolor sentiri videtur, protenderetur. Tunc enim, quæ causa sit hujus effectûs, palàm erit; unitas nimirum animæ per totum corpus diffusæ, unâ cum spirituum continuitate.

Nec mirum esse debet, cum Spiritus continuati, modòque naturæ congruo compositi, quies sit animæ & tranquillitas, eisdem vi disjunctos, & contusos, & quasi abs anima avulsos, sensum ingratissimum cruciatûsque plenum in perceptionis centro efficere. Hoc argumentum vim summam atque evidentiam præ se ferre videbitur, si modò consideremus spongiositatem medullæ nervorum, & fluiditatem spirituum, quàm parùmque acicula tantilla mollem liquidamve materiam contrudet aut angustabit. Cujus rei consideratio scrupulositatem eorum funditus eximere debet, qui nimis anxie mirantur, quî noxæ corporis fiant dolores animæ, corpore interea doloris nihil sentiente. Hoc enim longè faciliùs intelligi potest, quàm ut pars aliqua materiæ in capite dolorem sentiret ex punctione digito inflicta, quâ tamen punctione neutiquam incommodatur certè, si vel levissimè moveatur; & tamen perceptionem in capite duntaxat fieri, abunde satis demonstratum fuit.

9. Postremò, nisi ipsa animæ essentia à *communi sensorio* ad oculos pertingat, difficillimum erit intellectu quî distincta repræsentatio fieret objecti cujuscvis visibilis. Nam quî non confundentur colores? magnitudo objecti non diminuetur? & imago quidem ipsa non penitus antè disperdetur, quàm pervenerit ad animam, si ea in communi sensorio duntaxat insit? Manifestum enim est, idemque experientia demonstrabit, perfectissimam esse objecti imaginem in oculi fundo, decussatione linearum motûs ab objecto factam; hoc modo: Linea AB ab objecto AC premit punctum B in fundo oculi, & linea CD punctum D; quo ipso C & A in locis suis sentiuntur, tantùmque distantia quantum in objecto CA distant: quod idem verum est de reliquis lineis omnibus ab objecto CA in fundum oculi de-



venientibus. Unde tantâ longitudine & latitudine sentitur objectum, quantum senti-  
turi potest in tanto ab oculo intervallo. Et quemadmodum motus ab A. ad B. & a C.  
ad D. per larvas sentitur illic; ita & modificatio ejus, quæ objectum in partibus illis  
videatur rubrum, flavum, viride, vel alio quovis colore tinctum, illic etiam senti-  
tur. Unde constat, exquisitissimam impressionem, ad objecti circumstantias omnes,  
futuram in oculi fundo: quare si eam anima ibi recipiat, exindeque ad suum percep-  
tionis centrum transferat, circumstantiis prorsus invariantis, representatio perfecta  
erit & absoluta.

Sic ibi anima non sit, sed transmissis legibus materia duntaxat permittatur, imago  
multum perversetur, aut peribit, priusquam ad commune sensorium perungere pos-  
sit. Etenim motus hic propagari debet a B. & D., donec ad foramen E. veniat, & per  
illud nervum opticum ingrediatur, ad cerebrum perferendus, deinceps ad sedem sen-  
sus communis: sed enim inter B. & E. vel D. & E. multi ac varii sorte depinguntur co-  
lores, unde E. colore D. & G. coloribus D. & F. infici necesse erit: & sic de reliquis  
lineis ab objectis ad oculum ductis: ita ut omnes earum colores mirum quantum com-  
miscerentur, antequam ad E. pervenirent. Jam vero ad duriusculam, flexuram illam  
in R., ubi linea visualis tam est curva, quam B. E. R., latitudo & longitudo objecti,  
juxta experimenta reflexionis & refractionis, perirent prorsus. Quod enim in re-  
flexionibus refractionibusque fit, ubi objectum illa in linea apparet, quæ sensum ejus  
immediate perfert, idem hic fieri expandendum erit: puncta propterea C. & A. appa-  
rebunt ad Q. & objectum in tantum non nihilum contrahetur.

Quod si forte nihilominus aliquantulum latitudine apparere posset, cum tamen cere-  
brum opaca sit substantia, motus simul ac eo pervenerit, ita vel mutaretur, vel dis-  
siparetur, ut imago, nè vel modico quovis splendore & integritate servata, opaca-  
torem ejus pertransire valeret. Quamobrem non dubito quin imago, quam anima  
percipit, illa ipsa sit quæ est in oculo, non ulla alia ab oculo ad interiora cerebri ra-  
tione corporeâ producta & propagata, (ubi color & figura, nisi obliterarentur peni-  
tus, vehementer certè depravarentur;) hoc volo, in lucidorum spirituum, in fun-  
do oculi, concursu, cum externo lumine per humores ejus transmissio (quæ commo-  
dissima interpretatio est *συμνοχίας Platonice*, de qua *Plutarchus*) magnum illud visi-  
onis mysterium consistit.

## SCHOLIA

## In CAP. X. SECT. 2.

**P**rimas quasi lineas ducat futuræ efformationi prævias, &c. Plotinus hæc *prima  
delineamenta, rudimenta que vitæ, προπαρασκευασις καὶ προετοιμία ἐλάμψαι εἰς ὕλην*,  
primæ manûs quasi delineationem, præviâmye adumbrationem irradiationesque pro-  
dromas in Materiam, appellat. *Ennead. 6. lib. 7. cap. 7.* Fieri verò ab Anima Mun-  
di sive Spiritu Naturæ prima illa lineamenta argumento haud obscuro est, quod in Ovis,  
ubi Anima matris non adest, hæc prima lineamenta fiunt, ante adventum Animæ pulli, qui-  
pe nondum organizati. Anima verò particulares sunt actus corpori organici, juxta Ari-  
stotelem. Punctum verò saliens sensum non proprium in retrahendo se ad tactum aliquem  
incommodum prodit sed vitam duntaxat, ut neque Zoophyta, quæ propriâ animâ vivere  
haud sentio, sed Spiritu Naturæ, qui aut nullum sensum habet aut valde obscurum.

Sect. 7. Quæ Plasticis potentiis omnibus est conjunctissima, &c. Universalis enim  
Materia preparatio est à Spiritu Naturæ, eodémque modo quo primis vitæ exordiis in Ge-  
neratione Animalium assistit, ipsis etiam augendû, perficiendis conservandisque suam opem  
fert, etiam ad satis diffita intervalla.

Mundum esse τὴν μέγαν γόντα, &c. Sic enim Plotinus, *Ennead. 4. lib. 4. cap. 40.*  
Ἡ ἀληθινὴ Μαγεία ἡ ἐν τῷ παντὶ φιλία καὶ τὸ νεῖκε αὐτῷ, καὶ ὁ γόνος ὁ πρῶτος, καὶ ὁ φαρμα-  
κεύς, ἐστὶν ἔστιν. Vera Magia est illa in Mundo sive Universo Concordia seu consensus,  
ac Discordia, atque primus ille Magus ac Incantator hic est.



## CAP. XI.

1. *Nec Animam sine Spiritibus, nec Spiritus sine presenti Anima in organo, sufficientem esse causam Sensationis.* 2. *Brevis declaratio quomodo sensatio fiat;* 3. *Quomodo Imaginatio.* 4. *De Ratione & Memoria, & an sint Notæ aliquæ in cerebro.* 5. *Spiritus immediatum animæ instrumentum esse etiam in Memoria;* & quomodo Memoria existat; 6. *Et quomodo Oblivio.* 7. *Quemadmodum Motus spontaneus fiat.* 8. *Quemadmodum ambulemus, voce aut fidibus canamus, aliud tamen interea cogitantes.* 9. *Quamquam Spiritus ubique non sint aequali tenuitate, impressionem tamen sensiferam ad Sensorium Commune perventuram esse.* 10. *Heterogeneitatem esse in anima ipsa;* & quid in illa id sit, quod Radicem, centrum, & Oculum vocamus; quid id, quod Radios & Ramos. 11. *Sobria & probabilis distributio animæ in partes, est in Perceptivam & Plasticam.*

1. **H**OC jam à nobis probato, animam non in *sensorium commune* concludi, sed ad cuncta corporis organa essentialiter pertingere; quæ sit natura *sensationis* aliarumque operationum, quas memoravimus, decernere, longè erit facilius; quod est tertium eorum, quæ suprà proposuimus. Jam enim hæc duo præcipua demonstravimus, viz. *Neque Spiritus per se functionibus hisce esse pares; Neque per se Animam, sine Spirituum ope:* uti manifestum est in interceptione vel disjunctione Spirituum per *ligaturam* aut obstructionem; & hinc est ut cæcitas nonnunquam ideo duntaxat accidat, quod *nervus opticus* obstruatur. Vide Cap. 6. sect. 9.

2. Ut itaque || tertiam Quæstionem nostram paucis expediam, generatim dico, || *Sensationem* fieri per motus ab objecto ad organum pertinentiam; ubi talis omnino recipitur, qualem esse percipimus, indeque transfertur per animam ibi præsentem spiritibusque, proximo ipsius instrumento, adjutam, quorum continuitate cum spiritibus aliis in *sensorio communi*, imago vel impressio objecti cujusque eò fideliter transmittitur. || Cap. 6. sect. 9.

3. Ad *Imaginationem* quod attinet, ea functio haud dubiè in principali animæ sede, purioribus spiritibus in quarto cerebri ventriculo, præcipuè peragitur. De illa maxime *Imaginatione* loquor quæ liberrima est, quali utimur in commentationibus Heroicis, vel qualis severioribus meditationibus & disquisitionibus Philosophicis, aliisve quibuscumque intellectus oblectamentis, semper solet adesse. Nam jejunium, purior aër, & vinum modicè sumptum, tum quicquid confert ad idoneam suppeditationem vel depurationem spirituum, id omnè cogitationes nostras liberiores, subtiliores, & clariores facit.

4. Ratio ita cum *Imaginatione* conjuncta est & connexa, ut de illa quidquam separatim dicere opus non sit. *Memoria* quidem facultas est peculiari consideratione digna; & si ullius potentiae animi operationibus contribuit quicquam medulla cerebri, (plùs quàm conservando *Spiritus animales*) hujus certè facit. Verùm ut cerebrum distinctis & expressis rerum imaginibus refertum sit (sive eæ in suppositarum fibrillarum flexuris, sive in ordinata pororum punctura, seu denique in continuato motu partium ejus, aliarum aliter modificato, consistunt) id quidem nè omnino fieri posse, jam suprà || probavi. || Vide Cap. 5. sect. 7. & cap. 2. sect. 7, 8.

Si quæ sunt in eo Notæ, quasi brachygraphia quædam esse debet, apiculi quidam sparsim positi ad seriem rerum in memoriam revocandam, quæ fortè, in longum descriptæ, sexcentas paginas implerent. Planè ut si quis amici sui digito filum ligaret, quod eum mandati cujuspiam commonefaciat, cui plenè docendo diei colloquium vix sufficiebat. Unde perspicuum est, *Memoriam* in anima esse, non in cerebro. Et si quas illa notas istiusmodi facit, cum perceptionem earum non habeat ab istarum rerum notitia distinctam, quarum se debent commonefacere, non ullâ potentia cognitivâ faciat illas oportet, sed aliquâ facultati suæ *Plasticæ* analogâ, quâ clam se corpus organizat.

5. An verò anima ita in cerebrum agat an non agat, res est incertissimi judicii, nec ullo experimento, quod scio, demonstrabilis. Quapropter si spirituum intra vires consistimus, quos proximum instrumentum animæ in omnibus ejus operationibus esse toties affirmavi, minùs hæc assertio reprehendi poterit. Et ego sanè non intelligo, quin ii unà cum anima *memoriæ* functiones omnes, quarum conscii sumus, præstare valeant.

Itaque in hoc *Memoriam* consistere statuo; Animam majorem sibi promptitudinem comparasse ad cogitandum de certo aliquo phantasmate, (unâ cum circumstantiis ejus,) quod ex occasione aliqua in ipsa exciebat. Quæ promptitudo acquiritur, vel crebriori phantasmati ejusdem repræsentatione, vel vividior ejus impressione propter novitatem, aut excellentiam, aut perniciositatem, aut aliquam hujusmodi conditionem, quæ semel, sensu vehementissimo, animam afficiet; vel denique voluntariâ attentione, quando anima, summo studio atque operâ datâ, Ideam in sensum suum internum quàm potest altissimè imprimit. Hæc promptitudo ad cogitandum de certa aliqua Idea tempore vanescet, tandèmq; itâ prorsus absumetur, ut anima, illâ ipsâ Ideâ denuo exhibitâ, unquamne eam antè viderit, ignoret.

Antè verò quàm absumpta planè sit hæc pronitas in conceptum eundem cum circumstantiis ejus redeundi, relativus sensus cum antea habuisse, (quam *Memoriam* vocamus) ad novam quamque objecti repræsentationem, necessariò emergit.

6. *Oblivio* autem nascitur, vel ex mera defuerudine cogitandi de tali objecto, aut aliis ei connexis, eâ serie ac ordine qui velut præteritum id repræsentaret, adeoque proprium objectum *Memoriæ* faceret; vel quòd Spiritus, quibus anima in omnibus suis operationibus utitur, in debita temperie non sint; quod ex nimia frigiditate aut aquositate capitis, cui uni *oblivionem* imputat *Sennertus*, oriri potest.

*Institut. Medi-  
cin. lib. 2. part.  
3. sect. 2. cap. 4.*

7. *Motus spontaneus* postremò considerandus venit; quem per Spiritus à sede communis Sensus ad musculos, crassam illam motus machinam, continuatos peragi, extra dubium est. Rationem quâ peragitur sentimus utcunque acintuemur; hoc est, in nobismet ipsi facultatem sentimus membrum quodvis sponte nostrâ movendi vi summâ ac impetu, & musculum, qui membrum mover, intumescere videmus; quod palàm indicat influxum spirituum, aut eò directorum, aut ibi gubernatorum, solo arbitrio nostro: res verè admirabilis, & attentissimâ meditatione digna.

Directionem hanc impressionis motus, merâ volitione & imaginatione eam facienti, esse factam, tam intimè persentiscimus, ut nullius planè rei certiores esse possimus. Fluidam aliquam subtilémque materiam, quam vulgò Spiritus appellamus, dirigi in musculum qui membrum mover, intumescencia ejus ipsis oculis facit testatissimum; tum etiam quòd experimur, moderatum vini usum, quod abunde Spiritus suppeditat, motum hunc facere validiorem.

An verò sint an nè sint *valvule* in nervo, oppositorum musculorum communi, in iis etiam qui singulorum proprii sunt, parum refert. Insigne hoc animæ privilegium itâ motum materiæ dirigendi, in utraque hypothesi, oppidò mirum est. Ego verò fibrosas partes musculi præcipuam motus machinam esse arbitror; quas anima, subtilissimo liquore spirituum animalium humectans, inflat & contrahit, fidium more in cælo pluvio: & in hoc imprimis consistit magnum illud artuum nostrorum robur & vis in motu spontaneo. *Valvule* verò istæ suppositæ, quas nec dum experientia detexit, nec sufficiens ratio confirmat, expectent usque licet admissionem, dum liquida & legitima existentia suæ argumenta attulerint. Etenim animalium Spirituum in fibrosa carne præsentia, cum anima motum imperante, phænomenis id genus omnibus salvandis sufficiunt. Ex *volitione* enim in *communi sensorio* concepta, ea pars animæ quæ in musculis residet, virtute affini illi quâ corpus organæque ejus fabricavit, Spiritus in eos poros partésque dirigit, prout usui excellentissimæ hujus fabricæ ostendendo maximè expediat.

8. Et per aliquam hujusmodi potentiam fit, ut tam facilè inscientes ambulemus; ut spiremus, cantemus, & instrumentum musicum pulsemus, mente nostrâ interea rebus aliis occupatâ. Nam consuetudo est altera natura: & licet Spiritus animales, \* utpote merè corporei, habituum capaces esse non possint, \* potest tamen anima, etiam in ea parte ipsius quæ cognitiva non est; proindèque corpus movere potest, tametsi cogitatio cessarit, modò membra spiritibus satîs sint repleta; quorum vim ac opem in naturalibus motionibus animalium tantam esse apparet, ut capitibus resectis, reliquum tamen corpus, ut antè solebat, diu sese moveat: ut refert *Chalcidius* de vespis & crabronibus, qui decollati magnam nihilominus horæ partem ultro citroque volitabant: quod animæ adhuc in iis versanti, \* ac spiritibus animalibus idcirco integris, quòd per eorum corpora crustacea agrè exhalantur, tribuendum est.

Rudis enim & vulgaris est opinio, animam, capite rescisso, tanquam avem è corbula sublato operculo, evolare continuò oportere. Mundus enim universus tam est ubique corporibus confertus, quàm ubi ipsa est; & vinculum spirituum nondum dissolutum potentiùs eam allicit ut illuc maneat, quàm ut aliò quovis emigret. Idcirco motum hunc vespæ, tam perfectum, tamque diuturnum, *vitalem* esse censeo; ille verò membrorum animantium truncatorum, quæ minùs perfecta sunt, *mechanicus* plerumque esse potest & solet.

9. Natu-



9. Naturam & functiones animæ, quantum institutum nostrum postulat, consideravimus, ipsamque clarè demonstravimus substantiam esse à corpore distinctam, ejusque essentiam ipsam per cuncta corporis organa permeare: tum etiam *Spiritus subtiles* operationum ejus omnium instrumentum esse commune; qui quanquam eadem & copiâ & puritate ubique non sint. corpus universum tamen tam pervium faciunt objectorum in externa organa impressionibus, ut hæc fulguris instar penetrent ad *commune sensorium*. Namque ut medium aquè purum sit & tenue ac materia in qua primum incipit motus subtilissimus, non est necesse. Hinc lux tum aërem tum aquam pertransit, tametsi aër solus motui lucis non sufficiat, aqua autem tantum non impar prorsus quæ sedes sit fontis ejus. Quod faciet ad illustrandum sensus transitum à membranis (quæve aliâ cunque in sede Spiritus sunt subtilissimi lucidissimi que) per crassiora loca corporis ad ipsum perceptionis centrum.

10. Postremo, *Heterogenitatem* quandam in anima invenimus, nec illam æquè pollere ubique. Nam *perceptionis centrum* in quartum cerebri ventriculum concluditur, quò si motus *sensiferi* fideliter non perferantur, nullam prorsus objecti notitiam habemus. Ea pars animæ propterea pretiosissima est habenda; cumque dissoluta moles, ut materia, non sit, \* sed alia pars ejus ex alia profluat, quæ omnium præstantissima, cæterarum causa meritò censenda est. Quamobrem, ut Deum, à quo pendent omnia, *πῦρ πῖζαν* vocat *Synefius*, sic ego partem hanc *radicem* animæ appellandam judico.

Quæ nostra sententia minùs insolens videbitur, si modò cogitemus, à *suprema vita*, viz. divino Numine, id quod nullam omnino vitam nec sensum habeat, inertem stupidamque Materiam, emanare. Quapropter analogiâ minimè repugnante admitti potest, pretiosissimam illam animæ partem, cui *perceptio, sensus, & intelligentia* inest, talem emanationem essentialem emittere de se posse, quæ omnis omnino *sensus & perceptionis* expers sit; quam, si vultis, *exteriores animæ ramos* appellare liceat; vel, si nobiliorem illam divinioremque particulam, *centrum* dicere mavultis, *radius* animæ; quod etiam *oculus* animæ meritò nuncupetur, \* quandoquidem reliquæ partes omnes abique illo, sunt meræ tenebræ. Qua in re, velut alter *Cyclops*, mundum hunc, in quo vivimus, bene referet, cujus oculus unicus omnibus est conspicuus, qui lucem intuentur.

11. Missis autem luforiis his considerationibus, quæ imaginationem potius delectant, quam severioribus animi facultatibus satisfaciunt, à duabus potentiis illis notissimis & planè diversissimis, quas Philosophi in Anima agnoscunt, *Perceptione* nimirum & *Organizatione*, \* partem illam unam nobiliorem, quæ *communi sensorio* inest, *Perceptivam*, cæteras omnes *Plasticam* partem animæ, nobis deinceps vocitare sufficiet.

## SCHOLIA

## IN CAP. XI. SECT. 8.

UTpote merè corporei habituum capaces esse non possint, &c. Per habitum hæc intelligo facilitatem ac promptitudinem per crebros actus acquisitam agendi denuò aliquid ex datis occasionibus, postquam ab agendo ad tempus aliquod, cessatum sit. In lapide igitur projecto, quanquam movetur, motus tamen iste non dicitur habitus (eademque ratio est in omni re corporea) quoniam perpetuò agit non denuò, nec si centies sic projiceretur, postquam cessaverit moveri, faciliùs promptiusve moveretur.

Potest tamen Anima etiam in ea parte ipsius quæ cognitiva non est, &c. Hæc sunt qui objiciunt, ipsam Materiam corpûsve aquè capax esse habituum atque substantiam quamlibet incorpoream perceptione & cognitione destitutam. Ex eo enim solo fieri quòd Materia habituum incapax sit quòd agere denuò nequeat sine novo impulsu externo; eandem verò esse rationem in substantia incorporea omnis perceptionis experte, quippe quæ agere nequit nisi impulsu externo denuò impresso, si quando ab agendo cessaverit. Adeò ut aut novo opus sit impulsu ab extrâ, aut necesse ut actionem nunquam intermittat. Quod Incommodum etiam in Spiritu Naturæ fingunt, quem nisi sciat quid agit, pro re nata agere posse audacter negant; hoc est, Nullam vitam esse posse statuunt præter cognitivam.

Quòd falsissimum esse abundè patere potest ex eis quæ occurrunt in hoc ipso Tractatu, ubi demonstro Animam per totum corpus vitamque cum ipsa extendi, Perceptivam tamen esse in capite solo; Reliquamque ideo partem Anima, si fas sit ità loqui, esse non quidem Perceptivam

ceptivam sed Plasticam, vitæ Plasticâ solâ præditam, qualis totus esse potest Spiritus Naturæ. Cum verò, ut Plastica Animæ, ita Spiritus Naturæ sit substantia vitalis, cui Vita intimè & essentialiter inest, & talis tamen quæ aliter atque aliter à Materia variè disposita afficiatur, statim pro natura Materie alias atque alias operationes exerit secundum certas quasdam leges sibi insitas. Nunquam verò otiiatur ille Spiritus sed in omnem Materiam certo, quamquam cæco, instinctu, vitalique non intellectuâli agit, idque semper in genere quod optimum sit. Non agit indifferenter & promiscuè, quemadmodum hi volunt, sed pro dispositione Materie, nec varia tentat sed idem semper eisdem datis circumstantiis, nec frustra, cum secundum rerum naturam agat, nec consilio eget aut ratione, cum ex propria sua vita tantum agat Divini consilii ac sapientiæ Ectypo.

Quod minus mirari debemus cum & nos non per præviâ perceptionem Phantasmata excitamus, sed per vitam quandam Animæ nostræ intimam, huiusmodique operationibus præviâ, excitata percipimus: Ut in Insomniis præsertim patet, ubi ipsa Animæ substantia vitalis aut cholera, aut sanguine aut melancholico humore affecta, non consilio sed vitaliter ac necessariò sine omni præviâ perceptione, congeneres rerum scenas excitat, & sic excitatas percipit. Cur igitur Mundi Spiritus Vitalis non aequè commodè concipi potest sine ulla præviâ perceptione Plasmata erigere, aut secundum certas leges Materiam movere ac disponere, atque Animæ nostræ sine ulla præviâ perceptione excitare Phantasmata: equidem nisi quis nimium peregrinus sit in recognoscendis animi proprii facultatibus, non potest quin hæc ipsi valde sint manifesta.

Sed ut ad Plasticam propriam redeamus, cum sit vita quamvis non perceptiva, minime profectò ab ea alienum videtur ut usu & consuetudine ad res alias præ aliis excitatior & evigilator, itaque habituum capax evadat, perinde atque pars Animæ perceptiva. Quæ in habitibus quidem Intellectuâlibus utendis vi potius Vitali intellectuâli notiones rerum atque intelligentias promptè producit quàm perceptione. Neque enim antè percipit quàm produxerit, nec præviâ perceptione tunc producit sed immediatâ Animæ vi Vitali intellectuâli: alioqui processus fieret in infinitum. In Essentia vitali igitur radicatur habitus sive Intellectuâli sive Plasticâ, cum Materia interim, quippe ex se omnis vitæ experta, habituum nequaquam sit capax.

Ac Spiritibus animalibus idcirco integris, &c. Adde & Assuetudinem movendi in parte Animæ Plasticâ, quamquam abscisso capite Animæaversio cesset.

Seçt. 10. Sed alia pars ejus ex alia profluat, &c. Hoc ipsum & quæ hic sequuntur, dicta sunt cum respectu ad descriptionem illam Spiritus sive Animæ possibilem, lib. 1. cap. 6. Quæ autem verissima particularis Spiritus sive Animæ mihi videtur notio sive Idea, in Scholæ illis satis apertè declaravi, ut nihil opus sit hic repetere.

Quandoquidem reliquæ partes omnes absque illo meræ sunt tenebræ, &c. Equidem Animæ parte Perceptivâ, quem Oculum appello, destituta, esset instar hominis cæci in luce solis, Plasticâ verò destituta, instar hominis visu quidem præditi, sed Meridianis positi in Tenebris. Virtute enim Plasticæ Mundum quemcunque exteriorem percipimus, immo omnem cuiusvismodi vitam per eam haurimus, sive Divinam sive Naturalem. Tanti momenti est ut Plastica rectè se habeat, & per sinceram Devotionem & Temperantiam ad Regenerationem præparetur. Quicquid enim in Perceptiva tantum peragitur, ex arida & jejuna Ratione & Imaginatione quantumvis ordinata, umbræ sunt & imagines, non vera vita ac substantia.

Seçt. 11. Partem illam unam nobiliorem quæ communi sensorio inest, Perceptivam, cæteras omnes Plasticam partem Animæ, &c. Hoc quidem omnium consultissimum est, & operosam illam Animæ Ideam possibilem, lib. 1. cap. 6. descriptam, missam facere, Essentiâque Animæ tanquam Ens unum per se considerare, cujus partes, si fas est ita loqui, non tam subordinentur quàm coordinentur, juxta Ideam Intellectu Divino conceptam, nec unicum esse centrum ut in Circulo, sed duos quasi focos coordinatos, Plasticum alterum, alterum Perceptivum.



## CAP. XII.

1. *Responsio ad objectionem, Argumenta nostra tam animarum brutorum quam hominum immortalitatem probatura.* 2. *Obiectio altera, Præexistentiam animarum brutorum, & consequenter nostrarum, inferens.* 3. *Responsio prima ad objectionem.* 4. *Responsio secunda, quatuor ex partibus constans.* 5. *Prima, Hypothesin præexistentiæ rationi magis esse consentaneam, quam aliam quamlibet hypothesin;* 6. *Quinimo in se valde solidam.* 7. *Sapientiam bonitatemque Dei veritatem ejus arguere;* 8. *Uti etiam faciem Providentiæ in rebus conspicuam.* 9. *Pars secunda responsionis secunde, Philosophos omnes omnium seculorum, qui animam incorpoream statuere, Præexistentiæ ejus suffragatos esse.* 10. *Gymnosophistas Egypti, Brachmanes Indiæ, Magos Perliæ, & doctos omnes à Judæis, hujus sententiæ fuisse.* 11. *Catalogus clarorum virorum qui eandem tenuerunt.* 12. *Ita quoque sensisse Aristotelem.* 13. *Locus alter luculentior ex Aristotele eodem faciens, una cum interpretatione Sennerti.* 14. *Responsio ad effugium interpretationis ejus.* 15. *Locus ultimus & luculentissimus è scriptis Aristotelis.*

1. **N**aturam animæ, eamque substantiam esse à corpore distinctam, cum jam satis ostenderimus; continuo post hæc de separatione ejus à corpore differerem, nisi quod objectionem invidiosam è via prius amoliri debere me putem; quæ quidam nobis persuadere vellent, argumenta nostra, revera demonstrationes, esse tamen mera sophismata, quod quædam eorum, eaque non infirmissima, id probent quod absurdum est & falsum; viz. *Animas brutorum etiam substantias esse incorporeas, à corpore distinctas;* unde sequeretur illas item immortales esse. Ad hoc autem jam respondimus in Appendice ad Antidotum, ubi breviter conclusimus, eas proprie nihilo magis immortales esse quam stupidam Materiam, quæ incorruptibilis est, nec fortè extra terrestre corpus, sentire magis, quam corpus ipsum. Hæc enim omnia, uti primo eorum conditori placuit, ita se habent. Cap. 10. sect. 7.

2. Hic autem perversè ac importunè subjiciunt; Si brutorum animæ super sint morti, brutæ verò & inertes, necessariò sequeretur eas iterum in corpus venturas. Et enim perridiculum est existimare, animas hæc, in rerum natura etiamnum existentes, & nullius rei ad iterum vivendum indigentes nisi materiæ rite preparatæ, semper tamen neglectas fore, nec unquam in scenam reduci, sed novas quotidie in earum locum successuras creari: innumerabiles enim myriades animarum inutiles prorsus jacerent in Universo, numero earum crescente perpetuò in infinitum. Si iterum in corpus veniant, præexistere manifestum est: & si brutorum, tum certè hominum animæ etiam præexistunt. Quæ tam vecors est opinio & prodigiosa, ut diductum os, altiusque cachinnus, (fatuum argumenta) refellere eam & explodere valeant. Nemo certè cordatus homo sententiam illam amplecteretur unquam, quam stultissimus quisque, memoriam suam consulendo tantum, refutare potest. Nam certissimus est, si præexistisset, se aliquid de vita sua antea meminiisse posse. Quid? quod animarum harum præexistentium Accessus, & in materiam ab iis actuandam Ingressus, intelligi nequeat.

3. Ad hæc duo responderi possunt. Primum, etsi quidem negari haud potest, quin animarum brutorum præexistentia concessa pulchrè viam sternat ad humanarum etiam animarum præexistentiam inferendam, \* sequelam tamen non esse necessariam, sed alteram sine altera constare posse.

4. Secundum sic est, etiamsi sequela concederetur, nihil indè tamen absurdi, quoad rationem, posse detegi, si institutionis præjudicia, alienarumque facultatum, quæ suffragandi jus hîc non habent, suggestiones cæcæ deponantur. Sed ut explicatius dicam, aio, Consequens ipsum, animarum humanarum præexistentiam, rationi congruentius esse aliâ quavis hypothesi; tum receptum fuisse à doctissimis omnium ætatum Philosophis, quorum vix unus animam humanam immortalem censuit naturæ rationisque lumine, qui non itidem præexistentiam ejus asseruit; dein Memoriam non esse judicem idoneum cui causa hæc permittatur; denique Traductionem & Creationem æquè involutas esse & incomprehensibiles atque hanc opinionem oppugnatam.

5. Quatuor has mei responsi partes suo quamque ordine confirmabo. Primæ veritas constabit, si cum sententiis competitoribus eam conferamus; duæ omnino sunt memoratu dignæ. Altera eorum, qui animam ex traduce nasci affirmant; altera, qui

qui pro re nata *creari*. Prior sententia notioni animæ manifestò repugnat, quæ *Spiritus* est, ideòque indivisibili, i. e. *indiscerpibili* essentiâ. Secunda tum contumeliâ supremi numinis majestati infert ( nam per eam Deus principalis fit adjutor & actor, idque summo, liberrimo, maximèque particulari agendi modo, quo is agere concipiatur, in execrandis flagitiis stupri, adulterii, incesti, immo & turpissimæ cum bestiis consuetudinis, nefandis his omnibus conjunctionibus animas suppeditando, tum primùm, & hanc ipsam ob rem, creatas ) tum etiam infert ipsis animabus injuriam ; quòd illæ sic subinde, ut fert occasio, creatæ proindeque puræ, omni noxâ & labe vacuæ, in impura tamen, morbida, atque effrænata corpora compinguntur, ubi plures earum ità fataliter superatæ & in servitutem redactæ videntur, itaque prorsus incapaces quod bonum & honestum sit amplectendi, ut diro illi infortunio necessariò addicendæ sint, quod omnes Dei obliviscentes manet. Quapropter cum duæ hæ sententiæ adeò sint incongruæ, ecqua alia reliqua est, quæ probabilis videatur, præterquam animæ *præexistentia*?

6. Quàm rationi verò consentanea sit hæc opinio, non ex collatione duntaxat, eam inter atque alias instituta, demonstrare contendam, sed etiam ex sua ipsius concinnitate. Quemadmodum enim nihilo magis mirandum est, singularem omnium hominum in terris degentium animas à mundo condito fuisse, quàm particularem materiam illam ex qua corpora eorundem constant ( quæ fortè multas myriadas alterationum & modificationum subiit, antequam in talem coierit contextum unde corpus integrum fieret hominis cujusquam singularis, versata etiam fuit in locis immenso intervallo diffitis, percolata fortasse per tot vorticum interstitia triangularia, quot in innubi gelidæque nocte videmus stellas, fulsîtque olim instar solis, quod de tellure universa vult hypothesis *Cartesiana*, ità ut edamus, bibamus, nòsquemet ipsi eo vestiamus, quod quondam lux pura & flamma fuerat ) ità de facto fuisse mundo condito coævas, inevitabilis certitudo *præexistentia animarum brutorum* ( adversariis ipsis factentibus ) pulchrè quidem innuit.

7. Adhæc autem, cum attributa Dei, tum quæ in Universo sunt rerum facies, unde Providentia ejus excludi non debet, idem rationi non præoccupatæ firmè & luculenter demonstrat. Nam primò, si bonum sit animabus humanis esse omnino, quo maturius sunt, eo ipsis erit melius. Certissimi autem sumus, sapientiam bonitatemque *Divinam* id facturam quod sit optimum ; idcirco si se frui possint antequam in hæc veniant corpora terrestria, ( cum illis melius sit se frui quàm secùs ) eas priùs esse oportet, quàm in hæc corpora veniant ; hoc est, extra ista vitâ frui potuisse per longas temporis periodos oportet, antequam in certa aliqua ætate mundi hîc compa-ruerint. Nihil enim prohibet quin tam vivant antequam in corpus veniunt, quàm postquam indè emigrârint : posterius autem hoc ab ipsis agnoscitur qui *præexistentiam* negant.

\* *Præexistentia animarum* igitur necessariò consequitur ex sapientia & bonitate Dei, qui non magis potest quod optimum sit non facere, quàm potest idem non intelligere : alioquin sapientia benignitatem ejus superaret ; immo nec tanta bonitatis Dei fiducia habenda esset, quanta beneficentiæ viri boni & benigni, quem certi simus nullam sibi datam benefaciendi facultatem omisurum, præsertim si nihil indè sibi vel damni vel molestiæ accedat ; quæ utraque obstacula à summo Numine sunt prorsus aliena.

8. Deinde, ea hîc cernitur Providentiæ facies, quæ in hanc sententiâ optimè quadrare videtur ; nulla enim tam naturalistàmque facilis reddi potest ratio eorum, quæ in rebus humanis videntur durissima, quàm quæ ex hac sumitur hypothesi, *Animas humanas in alio statu vixisse olim, ubi multis modis variisque gradibus de Creatoris sui gratia, suâ culpâ, exciderint. Propterea illas ex Nemese justissima, quam ille & constitutioni Universi & ipsarum naturæ intertexuit, varias calamitates acerbitatesque fortuna, gravesque fati servitutes subire, vel ut pœnam infligam, vel ut morbum contractum ex variis defectionis suæ obliquitatibus.* Quæ quidem clavis non illud modò reconditum mysterium referre potest, quî nempe fiat ut certi quidam homines ab omni religione & virtute pæne fataliter averfi sint, quî à pueris sint ad illas res stupidi, insensati, atque invincibiliter tardi, quî tantâ in omnia vitiorum genera proclivitate, quæ nullâ arte aut institutione corrigi unquam potuit ; verùm etiam & alterum illud arcanum aperit, squalidæ nimirum miseriæ, brutæ agrestisque barbariæ, quæ gentes integræ multis sæculis continuis laborârunt, multæque ad hodiernum usque diem laborant. Quæ tristis rerum facies Divinæ Providentiæ rationes vehementer equidem obscurabit, faciétque omnino nè intelligi possint, nisi ex hac, de qua loquimur, hypothesi, lucis aliquid immittatur.

Est



Est itaque perspicuum, rationes gravissimas adinveniri posse unde *Præexistentiæ animarum* concludatur; ideoque cum hæc opinio abs ea Facultate adeò demonstrabilis sit, nec ulla alia contradicat, (nam sententiam memoriæ nihil in hac causa valere mox probabo) lumine naturæ certò concludendum est, *Animas humanas præexistere*; Axiom. 5.

9. Utque hæc hypothesis in se est rationi consentanea, ita & Philosophorum omnium ætatum, alicujus nominis, suffragia meruit, qui modò animam humanam incorpoream & immortalem affirmarunt. Ego idcirco parùm curo quid vel *Epicurei* vel *Stoici* super hac re opinati fuerint; quandoquidem hæc lis inter eos duntaxat disceptatur, inter quos convenit *Animam esse substantiam immaterialem*. Qui autem Philosophorum talem sustinuerunt, ii uno animo ac ore *præexistere illam* asserunt. Quod adeò manifestum est, ut palàm id dixisse sufficiat; quisque inquirendo de dicti veritate facillè sibi satisfaciet. Addam tantùm, in majorem rei gratiam & honestationem, exempla aliquot, velut arrham veritatis ejus quod in universum pronunciavi. Quocunque gentium igitur oculos convertas, ubi modò sapientia bonæque literæ floruerit, sapientissimos illis habitos statim reperies hujus dogmatis assertores.

10. Apud sapientes *Ægypti*, prisca nutritis scientiarum omnium reconditarum, id obtinuisse, fragmenta *Trismegisti* testatissimum faciunt. Quanquam enim multa in illo libro, ad Christianam religionem spectantia, fraudis & interpolationis suspecta esse possint; hoc tamen dogma *Præexistentiæ animæ*, quod non adeò suâ interesse putabat *Christianismus*, propter testimonium quod ei perhibent hæc scripta, pars sapientiæ gentis illius meritò censendum est. Neque *Gymnosophistæ* tantùm aliq̃ sapientes *Ægypti* ita sentiebant, sed *Brachmanes* etiam *Indiæ*, *Magique Babylonis & Persiæ*; ut in Oraculis illis videre est, quæ *Magica & Chaldaica* appellantur, in quæ *Psellus & Pletho* commentarios scripsere. Quibus addi potest occulta Philosophia *Judeorum*, quam *Cabbalam* vocant, cujus non minima pars est *præexistentia animæ*, uti docti omnes è *Judeis* fatentur. Quàm aptè autem & luculenter hæc speculatio primis tribus mysticis illis *Geneseos* capitibus accommodetur, ego, in *Conjectura mea Cabbalistica*, spero, non contemnendo successu ostendere conatus sum.

11. Et si nominatim recenserem eos qui in hac sententia fuere, profectò tales sunt, tamque celebres profundæ intelligentiæ reconditissimæque scientiæ famâ, ut testimonium eorum solum sufficeret quemvis hominem non nimis contumacem cogere ut assensum suum præbeat ipsorum doctrinæ. Et ea *Mosi* imprimis tribuenda est, si *Cabbala Judeorum* sit fide digna, maximo certè Philosopho qui unquam extitit; huic addas licet *Zoroastrum*, *Pythagoram*, *Epicharmum*, *Empedoclem*, *Cebetem*, *Euripidem*, *Platonem*, *Euclidem*, *Philonem*, *Virgilium*, *Ciceronem*, *Plotinum*, *Iamblychum*, *Proclum*, *Boethium*, *Pselum*, aliòsque quamplurimos quos longum esset enumerare. \* Et si ad Philosophos, *Patres* adnumerare expediret, in eandem nomenclaturam referre possemus *Synesium & Origenem*: quorum hic sanè maximum erat primævi Christianismi lumen & propugnaculum; quique procul ab ea levitate & vanitate abfuit, ut opinionem amplecteretur, quam ceteri homines parvipenderunt vulgò & neglexerunt, nisi magni aliquid in ea perspexisset: idem de reliquis dicendum est qui Christiani erant, *Boethio*, *Psello*, &, qui non ita pridem vixit, *Marsilio Ficino* doctissimo. Nondum autem finitus est Catalogus: *Johannes Fernelius*, eximius Medicus, in eadem quoque sententia est; neque contentus ipse in ea esse solus, *Hippocratem & Galenum*, magnum illud par Magistrorum medicinæ, juxta secum sensisse ostendit; ut videre est in || De abditis rerum causis. \* *Cardanus* etiam, celeberrimus sui temporis Philosophus, disertè concludit Animam rationalem & distinctum Ens esse ab Anima mundi, & corpori quo se hîc induit præextitisse: Denique *Pomponatius*, Immortalitati Animæ iniquior, nequit tamen quin fateatur, optimam tutissimamque rationem tuendi opinionem illam esse *Præexistentiam Animæ* simul agnoscere.

12. Et nè quid desit ad ostendendum quàm frivola sit hæc pars Objectionis, evincemus porrò *Aristotelem* ipsum, cui datum est ut plùs credatur quàm scriptor ferè quilibet, idem sensisse in *Tractatu* || de Anima. Ubi de necessitate dispositionis in corpore abs anima actuando loquens, & reprehendens eos qui considerationem illam omitunt, ait, illos ita rem illam negligere, ac si fieri potuerit, ut, juxta fabulas *Pythagoricas*, quævis anima in quodvis ingrederetur corpus; cum tamen omne animal, ut propriam suam speciem habet, ita & formam peculiarem habere debet. Qui secùs autem statuunt, *παρὰ πλῆσιον λέγειν*, ait, ὥσπερ εἴτι φαίη ἢ τεχνικὴν εἰς αὐλὺς ἐνδύεσθαι· δὲ τὴν τέχνην χρῆσθαι τοῖς ὀργάνοις, ἢ ἢ ψυχὴν τῷ σώματι, i.e. Perinde dicere, ac si quis artem fabrilem fistulas ingredi affirmaret; \* etenim artem omnem instrumentis suis, & animam omnem suo corpore uti oportet. Ubi *Aristoteles* (quod *Cardanus* etiam obser-

|| Lib. 2. cap. 4.  
\* De Animor.  
Immort. sub ti-  
tulo, Aristote-  
lis de animarum  
immortalitate  
opinio, pag. 235,  
236, 237. &c.  
usq; ad 239.

|| Lib. 1. cap. 3.

De Animor.  
Immortal. pag.  
237.

vavit) non reprehendit opinionem de Animæ ex alio in aliud corpus transitu, (quod præexistentiam ejus simul significat;) sed ut anima bruti corpus humanum, & hominis anima corpus bruti subiret, hoc est absurdum illud quod *Aristoteles*, & merito quidem, coarguit; alteram illam opinionem tacite approbare videtur.

Lib. 3. cap. 11.

13. Apertiùs autem loquitur in de *Generat. Animal.* Generantur, inquit, in terra humoræque ejus animalia & plantæ; quoniam in terra humor, in humore spiritus, & in Universo toto calor animalis inest; ὥς τε τῶν ποντικῶν πάντα ψυχῆς εἶναι πλήρη, adeò ut modo quodam omnia sint Animarum plena, ut *Sennertus* hunc locum interpretatur: *Aristotele* per ψυχῆν idem hîc intelligente quod infra per ψυχικὴν ἀρχὴν, Principium illud quod Animam dicimus, pro cujus excellentia animalia plùs minùsque nobilia asserit, quæ proinde assertio tam ad humanas animas quàm brutorum pertinet.

14. Et si quis adeò iniquus foret *Aristoteli*, ut, propterea quòd ψυχῆς non ψυχῶν dicit, eum idcirco unicam in Universo Animam asserere velit, non tamen hic textus eludi sic potest; quandoquidem enim *Sennerti* expositionem pariter ac hanc alteram capit, utra magis rationi congruat, ea Philosopho attribuenda est. Jam si sensus ejus esset, unam duntaxat animam in mundo esse, omnia permeantem, Universùmque constituentem unum ingens animal, quorsum dicit omnia quodam modo plena esse hujus animæ, & non potiùs omnino plena? quemadmodum corpus nostrum totum abs anima sua actuatur. Hunc itaque sensum esse oportet, loca quidem omnia esse quodammodo animarum plena: non quòd opportunitatem habeant actuandi materiam, præsentiamque suam operationibus vitalibus ostendendi; sed illîc tantisper dormiant, quoad omnem actionem visibilem, donec eas præparata materia in actiones conspicuas proliciat.

De Generat.  
Animal. lib. 2.  
cap. 3.

15. Tertium locum eumque clariorem addemus ex eodem Tractatu, ubi hanc ipsam quæstionem *Præexistentiæ* Animarum movet, præsertim animæ sentientis & rationalis; περὶ αἰσθητικῆς ψυχῆς καὶ περὶ νοητικῆς, an utrumque genus προϋπάρχει, hoc est præexistit, an rationale duntaxat; atque ita concludit, Λέγεται ὅτι τὸ νῦν μόνον εὐεχθὲν ἐπιστῆναι, καὶ θεῶν δὲ μόνον ὑδὲν γὰρ αὐτῇ τῇ ἐνεργείᾳ κοινωνεῖ σωματικὴ ἐνέργεια, i. e. Relinquitur igitur ut rationalis seu intellectualis anima sola extrinsecus accedat, utpote quæ sola divina est, cujus cum actionibus crassi hujus corporis actiones nihil habent commercii. Qua in re concludit quidem, ut se discipulum decet, ad mentem planè & disciplinam *Platonis*, excellentissimi sui præceptoris; cujus vestigiis quo propiùs insistit, eo semper minùs à veritate aberrat. Hîc enim luculenter affirmat, quod multi illum tam apertè fecisse nolunt, \* animam humanam immortalem esse, & functiones suas proprias sine terrestri corporis ministerio peragere posse.

Et sic partes duas priores, opinor, responsionis meæ ad objectionem propositam confirmavi, clarèque demonstravi *Præexistentiam animæ* opinionem esse quæ cæteris super hac materia rationi congruentior est, tum suffragia meruit clarissimorum omnis memoriæ Philosophorum; proindeque hanc sequelam ex argumentis nostris pro Immortalitate Animæ ductam, nullius ea arguere fallaciæ.

## SCHOLIA

### IN CAP. XII. SECT. 3.

**S**equelam tamen non esse necessariam, &c. Quippe quum Anima humana intelliguntur ita comparata ut vita muneribus fungi possint etiam exuto hoc terreno vehiculo, quod contra fieri in animabus brutorum plerique omnes consentiunt.

Sect. 7. Præexistentia Animarum igitur necessariò consequitur ex Sapientia & Bonitate Dei, &c. Hîc igitur quidam ut hujus argumenti vim eludant, negant Bonitatem Dei actionum illius esse mensuram, dum interim ultro fatentur eum nihil contra Justitiam suam facere posse, quicquàmve quod minùs justum sit committere. Quasi verò Bonitas Divina non aequè saltem sacrosanctum Dei Attributum & inviolabile esset atque illius Justitia. Sed videant illi qui sic Philosophantur an non in Anthropomorphitismum quendam subtiliorem se passi sint incidere, non quidem externam Dei personam ad figuram propriam fingentes, hoc est, humanam, sed ingenium, si fas sit ita loqui, Naturamque Divinam formantes ad imaginem animi sui. Qui pro privilegio reputantes quòd quædam facere possint animi causâ ac pro libitu lascivienti ac fortuito, quorum nulla solida ratio dari possit, suas vacillationes, levitates & imperfectiones perfectissima Divinitati affingunt quæ secundum certam & immutabilem perfectissimam suam naturam rectitudinem omnia constituit.

Sect.



Seçt. 11. Et si ad Philosophos Patres adnumerare expediret, &c. Vide Præfat. General. Seçt. 18. Loca sacra Scriptura huc etiam adjici possunt: Sed malo hic obiter notare quàm nullam vim habeat ille locus S. Pauli, contra hoc dogma de præexistentia. Ad Rom. cap. 9. Nondum enim natis pueris, cùm nihil fecissent boni vel mali, ut propositi-um Dei quod est secundum electionem, non ex operibus sed ex vocante maneret, &c. Hinc enim concludere volunt, cùm nihil unquam fecissent pueri ante Nativitatem in hunc Mundum, eorum Animas non præexistisse. Quod non absimile est atque si quis ex istoc loco Salomonis, Ecclesiast. cap. 9. [ Quodcunque facere potest manus tua, instan-ter operare, quia nec opus nec operatio, nec sapientia, nec scientia, erunt apud Inferos, quò tu properas ] concludere vellet animam non subsistere post mortem. Qui locus profectò aequè valide probat Animam non subsistere post mortem, atque prior, ante Na-tivitatem non præexistere. Sed utrobique oportet Titulum respicere, sensumque restringe-re ad actiones hujus vite terrestris. Juxta quem sensum multa alia loca sacra Scripturæ exponenda sunt, ni velimus Animam esse mortalem.

Seçt. 12. Etenim Artem omnem instrumentis suis & animam omnem suo corpore uti, &c. Multo cautius & castigatius hic loquitur Aristoteles quàm nonnulli Platonico-rum, qui humanas Animas etiam in brutorum corpora transire concedunt, immò in stupidas plantas migrare, quasi humanæ Animæ Plastica, ut meliori jure Homo Microcosmus appel-letur, omnes formas in se contineret quæ cernuntur in Universo. Sed enim quis vir pru-dens ac sobrius sentiet potius cum Timæo Locro, antiquo Pythagorico, qui hujusmodi ficti-ones seu fabulas Poeticas considerat, in Terrorem vulgi excogitatas, qui mendaciis ut pluri-mum facilius à malis moribus arcentur, quàm veritate. Ὡς δὲ τὰ σώματα νοσῶδες πόκα ὑγιαίνει· εἴκα μὴ εἴκη τοῖς ὑγιεινότετοις, ὅτω τὰς ψυχὰς ἀπεργόμεν· ψευδέσι λόγοις, εἴκα μὴ ἀγνῶται ἀληθείαι. Quemadmodum enim corpora morbidis aliquando sanamus, si non cedant saluberrimis, ità & animas falsis sermonibus prohibemus, si eas ducere non liceat veris. Inde agnoscit necessario introduci τιμωρίας ξένας, supplicia peregrina, vel potius ab omni Philosophia solidaque ratione aliena. Quæ sunt præpostera ista atque absurda μετεμψυώσεις. Quæ tamen speciem aliquam probabilitatis præ se ferunt ad vul-gus; nimirum ut Timidorum Animæ in Muliebria corpora, Libidinosorum in Suum vel Aprorum, Homicidarum in Ferarum, Leviculorum in Avium corpora abeant, &c. Quæ quidem mihi minimè verisimilia videntur, sed longè infra naturalem Animorum humanorum dignitatem posita. Præterea durum planè est commentum nullas admittere bru-torum animas præter humanas quæ ipsorum corpora actuent & informant; satisque absur-dum, partem animabus humanis, partem brutorum propriis informari, cùm nullum omnino appareat discrimen in effectû. Denique cùm plurima saltem ex brutis Spiritus animales habeant aequè tenues & claros ( quemadmodum ex oculis deprehendere licet ) atque plerique homines, mirum profectò est ea liberioris cujusdam rationis manifesta non edere specimina; & cùm loqui possint, quòd factum videmus in Psittacis & Picis aliisque id genus alitibus, pro re nata tamen aptè & appositè vocibus non posse uti. Equidem si humana Anima essent, hoc est, ex intima essentia rationales, cùm tam puros agilesque Spiritus habeant, incredi-bile est quin suæ Rationis fructus satè conspicuos interdum, quinimò frequenter, ederent.

Plastica igitur Anima humana non est omniformis, ut Spiritus Naturæ, sed Homini-formis tantum. Quemadmodum verò Spiritus Naturæ omnes formas Mundanas singu-larumque partes singulas in singulis sui punctis vitaliter complectitur ( Spiritus enim Na-turæ vita omniformis, Divino Intellectui, quantum ad Mundum, omniformi respondet ) ità sanè Anima humana Plastica & totam humanam formam ad justam amplitudinem expli-catam, omnesque illius gradus partesque ac particulas, in singulis quasi sui punctis vitaliter continet: Ut desinat quis mirari aut Spiritum Naturæ aut Humanæ Animæ Plasticam per totam sætis formationem omnesque Incrementi gradus munere suo Plastico posse fungi. Hominiformis enim illa vita secundum omnes illius partes ac gradus, ubique Anima Plasti-cæ inexistens pro re nata exeritur, contractaque partes in se eodem omnes conspirant, ean-demque, per totum processum, formam Materiæ imprimunt, sed majorem in singulis par-tibus pro corporis incremento ac majorem, donec ad justam staturam perventum sit. Qui Spiritus Naturæ operationem rectè intellexerit, in Anima Plastica nullam inventurus est difficultatem.

Seçt. 15. Animam humanam immortalem esse, &c. Non solum illius Intellectum quem Aristoteles, τὸ νῦν appellat, Animam nempe quatenus Intellectualis est, sed totam Animam. Ipsam enim facultatem intelligere ridiculum esset, cùm modus tantum sit, nec posset separari à subiecto & seorsim esse immortalis, nec Intellectualis pars Animæ sine Pla-stica existere, cùm Anima sit indiscerpibilis. Tota igitur Anima Immortalis est agereque potest exuto Terrestris vehiculo.

## C A P. XIII.

1. *Pars tertia Responsionis secundæ, Status pristini oblivionem haud firmum esse argumentum contra Animæ Præexistentiam.* 2. *Quæ sint Oblivionis causæ præcipuæ.* 3. *Eas omnes conspirare, idque gradu summo, ad memoriæ alterius Status abolendam.* 4. *Casus & morbos ademisse prorsus memoriæ rerum in hac vita.* 5. *Extra miraculum fieri non posse ut Anima superioris suæ conditionis recordetur.* 6. *Pars quarta Responsionis secundæ, Anima præexistentis introitum in corpus a què commodè intelligi posse ac vel Creationem vel Traductionem.*

1. **Q**UOD ad reliquas difficultates duas attinet, *Animæ recordationem prioris sui Status, & corpus subingrediendi rationem*, his etiam, priore maximè, nullo negotio, spero, memet expediam. Nam si consideremus quæ res illæ sint, quæ memoriæ nostram in hac vita vel prorsus tollunt, vel vehementer debilitant, inveniemus earundem rerum omnium conspirationem, eamque gradu majori, & à fortioribus causis, contineri in descensione nostra in terrestre corpus, quàm quæ hîc uspiam existant; cùm nulla earum tam violenter agat, ut nos è corpore exturbet.

2. Quæ memoriæ nostram hîc tollunt, præcipuè hæc sunt; primò, quòd nulla nobis oblata est occasio per quam rei alicujus commoneamur; id quod multis usu venit, qui surgentes bene certi se nocte superiore sine ullis insomniis quievissè, priùs tamen quàm ad lectum se rursus recipiant, longam atque integram seriem sibi superiori quiete visorum, per quidpiam de die accidens recuperârunt; absque quo esset insomnium suum nunquam in mentem revocassent. Secundò, desuetudo de re aliqua cogitandi; quâ re fit, ut, quod pueri in ludo versantes diligentissimè meditati sumus, elaboravimus, nostrisque ipsorum manibus descripsimus, id adultiores jam facti pro nostro agnoscere non possemus, nisi quòd nomen nostrum commentationi subscriptum videamus. Postremò, magna aliqua mutatio in conformatione & temperamento corporis, sive externo casu, sive graviore morbo, sive senectute, quæ ipsa satis gravis est morbus, ea inferatur: hæc memoriæ sapenumero vehementer debilitant, si non prorsus tollunt, tametsi anima in eodem adhuc corpore permaneat.

3. Hæ verò cunctæ oblivionis causæ, Commonefacientis carentia. Desuetudo cogitandi, & Gravior corporis mutatio, in descensu animæ in terrestres hos carceres eminentiùs cernuntur, quàm, dum in illis versetur, accidere aut aliquamdiu durare queant. Est enim admodum verisimile, inter illam rerum scenam, quas anima extra corpus & quas in corpore videt, plus interesse, quàm inter ea quæ dormiens videt, & quæ vigilans: & ingens illa rerum negotiorumque præsentis vitæ turba, quæ menti perpetuò occurrunt & occupant, desuetudinem de priore cogitandi longissimam faciunt. Nè memorem quàm probabile sit Animas vix unquam huc descendere nisi è Statu silentii & Inactivitatis, in quo myriades earum, ut hujus dogmatis assertores obtendent, propter innumeras periodorum vitæ Aëriæ expirationes, propterque angustiores leges terrestrem materiam preparandi, multis fortè sæculis detineri possunt. Denique, \* descensus Animæ in terrestre corpus major est mutatio & perniciosior ad recordationem earum rerum penitus delendam, quarum antè notitiam habuisset, quàm casus ullus aut morbus esse potest ad istarum rerum oblivionem inducendam, quas in hac vita cognôset.

4. Morbos tamen variosque casus memoriæ omnem funditus sustulisse, historiæ monumentis abunde proditur. *Messalla Corvinus* sui ipsius nominis oblitus est; quidam ictu lapidis, quicquid habuit literarum; alter, excussus equo, matris & cognatorum nomina. Studiosus quidam *Monspessulanus*, vulnere accepto, eoque memoriæ deperdidit, ut prima elementa de novo discere coactus esset. Idem accidit *Franciscano* à febre. Refert etiam *Thucydides* quosdam à dira illa peste *Atheniensium* convalescentes, non tantum nominis vultusque amicorum oblitos esse, verum & sui ipsorum, ipsi qui essent, quove nomine appellati, planè ignorantes:

*Atque etiam quosdam cepisse obliviam rerum  
Cunctarum, neque se possent cognoscere ut ipsi;*

*De Nat. Rer.  
lib. 6.*

ut *Lucretius*, in luc ista exitiabili è laudato Historico describenda, dolenter memorat.

5. Qua-



5. Quapropter sine miraculo fieri non potest, ut anima singularem circumstantiam ullam prioris conditionis suæ recorderetur, etiamsi revera *præextiterit*, atque agere potuerit, antequam corpus hocce ingrederetur, (potuisse autem aperte agnoscit *Aristoteles*) quoniam descendendo in corpus longè majorem mutationem subiit, quàm quanta ei unquam in illo versanti accidere potest. Quod fortè nobis adhuc exploratius erit, cùm de ratione descensionis ejus differuerimus, in quo ultima difficultas objecta continetur.

6. Hanc ego controversiam facilè declinare possem, dicendo, *Præexistentis* animæ ingressum in corpus æquè intelligibilem esse ac *Creatæ* aut *Traductæ*. Nemo enim mortalis scit quomodo noviter-creata anima infundatur à Deo; neque, si à parentibus traducitur, quomodo ambæ animæ ad novam conflagrandam conferant. Etenim si de maris anima pars aliqua deciditur, cùm in matricem sceminæ semen suum injicit, pars item de anima sceminæ, quæ cum maris parte jungatur; præterquam quòd hæc de animabus partium decisio animam facit essentiam *discerpibilem*, intelligi non potest quomodo hæc duæ partes unam animam conficiant infanti: res sanè vel primo aspectu ridicula. Sin nulla sit partium animæ decisio, & tamen anima parentis sit animæ infantis causa, est omnino *creatio*; quod sani omnes negant creaturæ ulli particulari competere posse. Constat ergo intelligi non posse, quo modo ulla anima à parentibus transeat in semineum rudimentum fœtus, ad illud actuandum & informandum: quod Opponentis ori opprimendo sufficiat, qui *præexistentium* animarum in sua corpora ingressum nescio quantis tenebris involvi clamat.

## SCHOLIA

## IN CAP. XIII. SECT. 3.

**D**escensus Animæ in terrestre corpus major est mutatio & perniciosior ad recollectionem earum rerum penitus delendam, &c. *Objicitur hic à viro quodam ingenioso hanc rationem ab eis quæ occurrunt cap. 15. sect. 7 & 8. haud parùm enervari. Nam si animæ eorum qui in Ecstasi sunt vel in perfectâ potius ἀψαιpeσία, è corpore per Aerem evagantur, facta hominum in locis longè diffitis contemplantur, & memoriâ fideliter retinent, narrântque quæ conspexerint, postquam in corpora denuò sint ingressæ; quemadmodum Cornelii sacerdotis Anima fertur, corpore Patavii in Italia jacente, pugnam inter Cæsarem & Pompeium in Campis Pharsalicis conspexisse, omnesque illius circumstantias, Cæsarisque victoriam prænarasse, nec prælii tantum exitum, sed omnes quoque pugnandi reciprocas vices accuratè descripsisse, postquam in corpus rediisset; nec memoria utique Animarum humanarum, si præexistent, vitamque antè egerint in vehiculis aereis, rectè censerî potest ingressu in terrestria corpora extinguî, quo minùs antea ætæ vitæ rerumque in ea gestarum queant recordari. Nolo hic urgere rem apud A. Gellium sic narrari ac si simplex ecstasis esset, non perfectâ ἀψαιpeσία. Nam & ipse suspicor A. Gellium rem aliter accepisse atque facta sit, Marfilioque Ficino potius accedo qui perfectis ἀψαιpeσίας, si rectè memini, accenset. Respondeo verò virum ingeniosum observare potuisse rationem inter hujusmodi ἀψαιpeσίας, & descensus animarum in terrestria corpora, longè esse disparem. Neque enim ἀψαιpeσία à simplici Ecstasi profundiorive somno, quantum ad ullam corporis mutationem, multùm differt, sed temperies, Spiritûs Naturæ ministerio, quasi integra conservatur, Animæque post regressum omnino ita se habet ac si egressa non fuisset, nisi quòd memoriæ illius impressa sit rerum in locis longinquis visarum scena, quas, ingressus in corpus, cùm sit assuetâ temperie, non magis extinguit, quàm si visæ fuissent in corpore. Impressiones enim specierum in ipsam Animam fiunt, nec subitò delentur non mutatâ in pejus corporis temperie. Quod hic non accidit. Longè verò secùs se res habet in descensu Animæ è vehiculo Aereo in corpus terrenum, ubi inter madores uteri plantæ potius vitam agit, quàm Animalis; ut omittam statum silentii. Cùm in ἀψαιpeσία nulla sit cogitationum intermissio, sed functiones vitæ etiam Intellectualis adhuc vegetæ conservantur. Tam parùm valet hæc objectio contra Præexistentiam Animarum.*

## CAP. XIV.

1. *Differentiæ Vehiculorum, & unionis animæ cum eis cognitio, necessaria est ad intelligendum quemadmodum illa Corpus hoc terrestre subeat.* 2. *Quoniam nomen Vehiculi in Aristotele non fit, est tamen res ipsa.* 3. *Aristotelis Notio Vehiculi illustratur ex Philosophia Cartesiana.* 4. *Plena interpretatio textus ejus.* 5. *Aristotelem duo duntaxat vehicula statuere, Terreſtre & Ætherium; quod plus satis est ad probandam animæ oblivionem ſtātus ſui priſtini.* 6. *Vehiculum animæ poſt mortem uſitatè Aërium eſſe.* 7. *Duratio animæ in ſingulis ſuis Vehiculis.* 8. *Unionem animæ cum Vehiculo ſuo non conſiſtere in congruitate mechanicâ ſed vitali.* 9. *In quo ſita ſit vitalis congruitas materia.* 10. *In quo vitalis congruitas Anima; & quomodo, eâ mutatâ, anima libera eſſe poſſit à Vehiculo ſuo Aërio, ſine violenta præcipitatione ſui ex illo.* 11. *De modo deſcenſus Animarum in Corpora terreſtria.* 12. *Tam parum abſurditatis eſſe in Animarum præexiſtentia, ut conſeſſio ejus paulum admodum detrimenti allatura ſit demonſtrationibus noſtris Immortalitatis earum.*

1. **U**Tilius autem me tempus ac operam poſiturum arbitror in ſententia, quam hîc defendo, illuſtranda, quàm in intricanda altera, quæ per ſe adeò abſurda eſt, ut nemo eam vel poſſibilem ſit conceſſurus, qui naturam animæ penitus perſpexerit: quò melius itaque concipiatur, quomodo præexiſtens anima terreſtre corpus ſubeat, in res duas inquirendum eſt; *Differentiam Vehiculorum animarum, & Cauſam unionis animarum cum vehiculis.* \* Tria vehiculorum genera præcipuè memorant *Platonici, Ætherium, Aërium, & Terreſtre;* in quibus ſingulis multi puritatis & impuritatis gradus eſſe poſſunt, ſpecie non mutatâ.

Lib. 2. cap. 3.

2. *Vehiculorum notio & doctrina, quoniam ſapiùs in Platonis Schola memoretur, non proſus tamen ab Ariſtotele prætermittitur, uti videre licet in de Generat. Animal. ubi, nomine quidem non uſus, rem ipſam tamen clarè agnoſcit: affirmat enim manifeſtò, Animam unamquamque participare corpus à terreſtri corpore organizato diſtinctum, & diviniuſ iis quæ elementa vulgò vocantur; & quo quæque anima nobilior, nobiliuſ divini hujus corporis genus ſortiri; quod tamen illi non aliud eſt quàm calor in ſemine, τὸ ἐν τῷ σπέρματι καλεῖσθαι θερμὸν, qui non ignis eſt, ſed ſpiritus ſpumoso in ſemine contentus, & in hoc ſpiritu Natura elemento Stellarum analoga.*

Lib. 2. cap. 8.

3. Cujus quidem rei nec ipſe *Ariſtoteles* habuit, nec quiſquam aliuſ adeò explici- tam notionem habere poteſt, ac ii qui primum ſecundùmque elementum *Carteſii* intelligunt, quæ ſubtiliſſima atque actuoliſſima ſunt omnium corporum, & ejuſdem planè naturæ cujuſ ſunt *Cælum & Stella*, i. e. ſunt ipſum corpus lucis, (quod de primo elemento præcipuè intelligi debet) ità verò cum alia materia hîc commiſtum ut non luceat, baſis tamen eſt nativi caloris omniſ qui in cunctis generationibus cernitur, & proximum inſtrumentum animæ materiam quamlibet organizantiſ in formam animaleſ; id quod || alibi innui, cùm *Spirituſ immediatuſ animæ inſtrumentuſ in omnibus vitalibus animalibuſque functionibuſ eſſe probârim.* Quibus in ſpiritibus neceſſariò continetur cœleſtiſ hæc ſubſtantia, quæ nè concreſcant prohibet; quod item facit in cunctis aliis corporibuſ liquidis, quorum in poris non poteſt non ineſſe, cùm nullum vacuum ſit in natura univerſa.

4. Plenum ergo atque expreſſum textuſ *Ariſtoteliſ* ſenſum hunc eſſe oportet; in ſpumeo ac aqueo aut terreno ſeminis humore contineri corpus ſpirituoliſiori ſeu aëriâ conſiſtentiâ, & in hoc φύσιν ἀνάλογον ἔσαν τῷ τῶν ἀέρων στοιχείῳ, \* naturam Stellarum elemento ſimilem, per ſe ſcilicet atheriam & lucidam.

5. Et in hoc vehiculo *Ariſtoteles* animam ſeparatam agere videtur aſſerere; tanquam ſi illa ſemper eſſet aut in terreſtri aut in atherio corpore: quod ſi verum ſit, ingens hæc mutatio recordationem ſuperioriſ ſuæ conditioniſ omnem obliteret neceſſe eſt, ubi ſemel in terreſtrem hunc carcerem detrufa ſit. Mihi verò non adeò veriſimile videtur, ut Natura tantum admitteret hiatus; nec opus eſt, ad hanc rem explicandam, ut eum ſupponeremus: deſcenſio enim animæ ex aërio vehiculo in terreſtre corpus udâque rudimenta vitæ, quibuſ fœdè oblitur, pluſ ſatiſ eam conſopiet in ſempiternam rerum omnium oblivionem, quæ ipſi in altera conditione ſua acciderint; nè quid dicam de longo illo *Silentii & Inactivitatiſ* ſtatu quem antè paſſura eſt, quàm viciſ ſuæ redeant in terreſtri corpore reviviſcendi.

6. Quam-



6. Quamobrem *Platoniorum* opinioni antè memoratæ, quæ ordinis naturæ observantior est, ego adhuc inhærens non verebor asserere, animam in *aerio* corpore pariter ac in *atherio* posse vivere & agere; & paucissimos homines adeò beari, ut à *terrestri* dimisso *caeleste vehiculum* continuò sortiantur; \* curru illo cœlesti nos necessariò ad fœlicitatem vehente summam quam capere potest humana anima: quæ tam malis quàm bonis promiscuè accideret, si *terrestri* corpori exuto *caeleste* statim succederet. Animæ itaque humanæ, non summâ atque heroicâ virtute præditæ, in finibus æris caliginosi *Nemese* justissimâ concludentur; quod & ipsa monet ratio, & *Platonici* unanimiter statuere.

7. Trium horum generum *vehiculorum* differentiam quoad puritatem & consistentiam mediocriter descripsimus. Addunt *Platonici* & durationis discrimen, per quod fit ut alia aliis diutius recipiendis animabus suâ naturâ apta sint. Brevissima omnium duratio est *vehiculi terrestri*. In *aerio* multis sæculis, ut illi definiunt, habitare potest anima, in *atherio* in perpetuum.

8 Atqui parum hoc facit ad illustrandam rationem descensûs animarum εἰς γένεσιν, quæ certè aliunde melius intelligi non potest, quàm considerando *unionem* earum cum corpore generato, imò cum corpore quocunque ubi anima vinculis tenetur, & unde imaginationis suæ voluntatisque sponte eximere se nequit. Quæ enim esse potest cohesionis hujus causa, cum ipsa essentia animæ materiam tam facillè penetrare valeat, omnisque omnino materiæ dimensiones ubique sint peræquè penetrabiles? Nam cum nihilo plus sit corporis seu materiæ in vase quod plumbo, quàm in eodem quod aquâ plenum est, nec plus cum aquâ, quàm cum aëre aliòve quocunque subtiliore corpore impletur; perspicuum est crassitiem materiæ ubique parem esse, & animæ pariter perviam & penetrabilem. Atque ideo concipi non potest quo modo anima ita cum ulla ejus parte uniatur, ut penès ipsam non sit, quandocunque visum erit, huc illuc per eam universam perlabi.

Constat igitur *unionem animæ cum materia* non crassam & *mechanicam* illam esse quæ in duobus corporibus cernitur, propter lentam viscositatem arctamve partium commissuram, sibi mutuò inhærentibus; sed ex congruitate quadam diversi planè generis oriri, quam ego, quia nihil aptius occurrit, vitalem dicerem: *congruitas hæc vitalis* potissimum est in *anima* ipsa, Principio vitæ præstantissimo; est item in *materia*, ubi nihil aliud est quàm talis ejus modificatio, quæ *Plastica* parti animæ congruat, & in actum eam provocet.

9. Non quòd ulla *vita* sit in *Materia* quicum vita in anima sympathiâ quadam uniatur; sed *vitalis* propterea dicitur, quòd materia per eam subjectum fit idoneum, in quo anima residere vitæque functiones exercere queat. Quod enim vitam non habet ipsum, illud quod habet alligare sibi potest. Quemadmodum dentibus aut auribus teneri dicuntur, qui voluptate detinentur eâ, quam ex suavitatibus aut musicis aut cupidinariis percipiunt. Quod tamen edunt vitæ expers est, uti & illud quod harmoniam facit, sive instrumentum, sive aër qui sonum perfert. Nihil enim in his versatur præter meram materiam & corporeum motum, vitales tamen functiones nostræ ab iis afficiuntur. Jam ut perceptivam partem animæ \* *vitaliter* affici videmus eo, quod vitæ expers est, ita consentaneum est *Plasticam* partem ejus similiter affici posse, & harmoniam quandam esse posse inter materiam certo modo modificatam, & facultatem illam quam *Plasticam* vocamus, quæ omni perceptione caret. Et in hoc uno consistit id quod diximus *vitalem* congruitatem materiæ præparatæ, sive formandæ, sive jam formatæ, in perfectam animalis formam.

10. *Vitalis congruitas* ea quæ est in anima, *Plasticam* partem animæ intelligo, analogâ est voluptati illi quæ à sensu percipitur, vel potiùs facultati voluptatem illam capiendi, cum sensus motibus jucundis aut extrinsecus allatis aut in ipso corpore excitis vehementer delinitur, animi ingratiis. Motus enim nonnulli sunt perceptu jucundi, velit nolit judicium nostrum. Quod hæc congruitas materiæ est *perceptiva* parti animæ, idem altera *plastica*. Irresistibilis igitur ac imperceptibilis est voluptas, si ita eam appellare liceat, ex congruitate materiæ ad *plasticam* animæ facultatem orta, quæ animam certamque materiam simul connectit: quâ mutuâ congruitate utrinque manente, unio, ut minimum dicam, perinde necessaria erit ac comestionis potationisque continuatio, ubi fames sitisque adhuc durent, & cibus potusque grati sint & salubres. Quòd si aut satietas ventriculum capiat, aut sapor ingratus corrumpat cibum, congruitas ex utraque parte peribit, & tum actio intercidet cum voluptate ejus. Atque hanc ipsam ob causam anima *vehiculum* suum *aerium*, intra certam sæculorum periodum, dimittere intelligatur, id quod *Platonici* affirmant, sine ulla sui ex eo præcipitatione.

11. Qui *funes* aut *vincula* animam ad Corpus aut aliud quodcunque *vehiculum* deligent, quàm potui luculenter explicavi. Unde descensus ejus ratio facilè intelligitur. Nam certè qui *funes* illam ibi deligant, iidem & illuc adducere possunt: *ubique enim cadaver sit, illuc congregabuntur aquile.* Non quòd opus sit ut facultate suâ *perceptivâ* in descensu utatur, quemadmodum accipitres & milvi, visu aut odoratu duce, ad prædam rectâ contendunt: sed cùm intra generationis atmosphæram (ut ità loquar) sit posita, & facultas ejus *plastica* vapore invisibili afficiatur, (ut aves carnivoræ quæ cibum suum eminus subodorantur) fataliter rapi potest, perceptionibus omnibus consopitis, ad materiâ illam, quæ tam est idonea sedes & subiectum, in quod vim suam efformatricem exerceat. Etenim virtus Sphæræ hujus *Magice*, ut ità dicam, quæ animas in terrestria corpora deducendi vim habet, quo centro propior eo fortior est; anima idcirco non antè subsistet, quàm in ipsam materiam illam delapsa sit, quæ radios aut fumos illos illices subtilissimos exhalabat.

Ex quo facilè intelligitur, animas brutorum etiam, quanquam extra *terrestre* corpus *perceptivam* facultatem suam exercere non valeant, in lucem tamen iterum certissimò redire posse, quotiescunque materia rite ad generationem præparata sit. Hæc una hypothesis est, eaque illis maximè intelligibilis, quibus tantopere placet opinio permagnarum sphærarum, quas cogitant, atomorum emissariarum.

Est etiam altera, Vis nimirum & Activitas *Spiritus Naturæ* vel inferioris Animæ Mundi, quæ certè non minùs idonea est nec minùs valet ad animas singulares transvehendas, quàm ad partes materiæ movendas. Sed de hoc ¶ infra.

12. Quæ jam dicta sint sufficiunt in præsentia ad illustrandam obscuritatem & incomprehensibilitatem huic mysterio non rectè imputatam. Plenè itaque jam confirmavi quatuor partes responsi ad Objectionem illam, quæ argumentorum meorum firmissimorum pro immortalitate animæ vim labefactatum ibat, clarèque probavi, tametsi hæc sequela, *Animas & hominum & brutorum præexistere*, ex iis necessariò proflueret, nihil tamen in hoc dogmate vel absurdi vel incommodi inesse, ratione æquâ & liberâ rem judicante. Quare hunc obicem amolitus, ad *actualement separationem Animæ à Corpore* demonstrandam alacriùs progrediar.

¶ Lib. 3. cap. 13.  
sect. 9.

## SCHOLIA

### IN CAP. XIV. SECT. I.

**T**Ria Vehiculorum genera præcipuè memorant Platonici, &c. De his tribus *vehiculis* plura occurrunt in capite proximè sequenti ubi agitur de triplici congruitate vitali.

SECT. 4. Naturam Stellarum elemento similem, &c. Hic locus sæpiùs occurrit apud Harvæum in *Traçtatu de Generatione Animalium*, Exercit. 29. Semen autem, Conceptus atque Ovum ejusdem generis sunt, & quod fecundum facit in eis omnibus idem aut consimilis *Natura*, idque Divinum, analogon Cælo, Arti, Intellectui ac Providentiæ. Ad eundem ferè sensum loquitur Exercit. 46. Ubi Principium illud quod sætum efformat, tanquam incorporeum quid & extrinsecus adveniens considerat, quod (ut Ars vel Mens) cum intellectu & providentiæ sætum effigiet, omniâque illic in finem & ad melius esse instituat atque ordinet, quod Principium eodem Aristotelis loco subindicari innuit. Quòd autem hæc Harvæus Divinum quid subesse autumat in istis vocibus [ *Natura analogæ elemento astrorum* ] indè fieri censeo, quòd Aristoteles, intelligens Principium verèque Divinum in solis Cælis constituerit; atque proinde efficaciam hujusmodi Principii huc etiam pertingere indigitat. Nos autem Spiritum Naturæ omniformem, non Cælo aut Astris sed Divino Intellectui respondentem, in istiusmodi Animalium efformationibus agere contendimus. Estque hoc illud Divinæ Sapientiæ Eclyptum, quod rerum naturalium solertissimus Harvæus palpano quasi assequi conatus est, & à cujus tamen distinctiori quidem Notitia excidit.

SECT. 6. Curru illo cœlesti nos necessariò ad felicitatem, &c. Nam currus hic cœlestis nunquam Divino elemento destituitur in Animabus humanis Regenitis.

SECT. 9. Vitaliter affici videmus eo quòd vitæ expers est, &c. Ità certè nobis videtur. An verò sic afficeretur sine Spiritu Naturæ, nova est controversia. Attamen licet non sine concursu Spiritus Naturæ, modò cum ejusdem Spiritus concursu à Materia, cum qua unitur, afficiatur, par utrobique est ratio.



## CAP. XV.

1. Quid per Animæ separationem intelligendum sit; cum refutatione Regii, qui in Corpore mortuo eam detinere vellet. 2. Respondetur illis, qui nescire se prorsus profitentur, quomodo anima à corpore expedire se queat. 3. Triplicem Congruitatem vitalem reperiri posse in subiectis tribus diversis. 4. Triplicem hanc Congruitatem etiam uni subiecto competere, viz. Animæ humanæ. 5. Quæ ex hypothefi optimè intelligi potest, quemadmodum Anima Corpus relinquat. 6. Unionem animæ cum vehiculo Aëreo admodum subito & quasi momento perfici posse. 7. Actū separari à corpore Animam, aut Historiā aut Ratione probari oportere. Exempla prioris generis è Plinio, Herodoto, Ficino. 8. Utrum Sagarum ecstasis probet actualem animæ separationem à corpore. 9. Realem hanc animæ separationem in ecstasi admodum possibilem esse. 10. Quomodo anima soluta sit & exeat de corpore, & tamen illuc iterum redeat. 11. Quanquam Ratio & Voluntas in hac vita Animam corpore relaxare nequeant, posse tamen Passionem; atque ita tamen ut ea revertatur denuo. 12. Singularis vis Desiderii in hanc rem. 13. De ecstasibus Cardani, & veneficarum unguento, & quid de earum confessionibus sentiendum sit.

1. **A**ctualem sive localem separationem animæ à corpore quum dico, manifestò constat eam de *terrestri* hoc corpore intelligi debere. Nam in statu separato esse istiusmodi, ubi corpus nullum sit, materia nulla, nã hoc est extra mundum esse: tota enim rerum universitas ita materiā seu corporibus obsidetur, ut nulla planè in ea vacuitas reperiri possit. Mens igitur quæstionis hæc est, an anima à morte obita è cadavere se aliò recipere possit. *Henricus Regius* eam illuc detinere velle videtur communi illā lege naturæ, lege *immutabilitatis* dictā; quā quidque in eo statu manet in quo sit, donec inde ab alio deturbetur. Verum hac in causa iniquissima est legis applicatio. Nam, ut suprà innui, unio animæ cum corpore sub certis est conditionibus; nec quæque materiæ pars idonea quacum anima quæque uniatur, ut olim solidè quidem statuit *Aristoteles*. Quamobrem certā illā conditione materiæ non servatā, anima non diutius astringitur corpori. Quod hîc habet ad sententiam suam confirmandam, tam est arbitrarium, puerile, & ridiculum, ut sine responso, quo dignum non est, præterire libeat.

*Philosoph. Natur. lib. 5. cap. 1. pag. 351, 352.*

2. Sunt alii quorum imaginatio hîc hæret, quî queat scilicet anima è corpore exire, in quo tanquam arcta in custodia tenetur & obleratur. Verum hî tum naturæ ipsius animæ, tum tenuitatis vehiculi ejus, tum etiam corporis anatomix, immemores esse videntur. Nam cum anima suā naturā materiā penetrare possit, cumque materia peræquè sit penetrabilis ubique, illa solidum ferrum & marmor, perinde ac mollem aërem aut æthera pertransire valebit; quare corporis sui densitas neutiquam impedimento futura est animæ exeunti. Præterea, eā tenuitate est vehiculum ejus *Astrale*, ut hoc ipsum æquè valeat minimos corporis poros pervadere, ac lux vitrum, aut fulmen ensis vaginam sine omni aut discissione aut ustulatione. Denique sive principem sedem virtutis *plastica*, Cor, sive *perceptiva*, Cerebrum spectemus, anima hominis morientis sequæ spirituumque quod reliquum est (qui ei fortè in novo vehiculo inchoando inserviant) vel in Cor colligere potest, unde facilis est transitus in pulmones, atque inde per os in liberum aërem exitus; vel in Caput, unde plures patent fores quàm mihi nunc numerare vacat. Hæc oppidò quidem facilia sunt intellectu, tamen æquè invisibilia ac aër ipse, in cujus ditione fiunt.

3. Quò tamen plenius adhuc intelligantur, Facultatem illam in *Plastica* parte animæ, quam *congruitatem vitalem* dicimus, denuo considerabo. \* Quam, pro numero vehiculorum, triplicem statuemus, *terrestrem*, *aeream*, & *etheream* sive *caelestem*. Congruitates has vitales omnes, aliam aliis, spiritibus inesse, liquidissimò constat. *Terrestrem* enim & in brutorum & in nostris animabus inesse, est extra controversiam positum; uti etiam *aeream* in illis esse, quos *Δαιμόνας* vocitârunt veteres; *caelestem* denique seu *etheream* in spiritibus iis, quos propriè *Θεοὶ* appellârunt, utpote cœli incolæ. Esse autem istiusmodi entia *aerea* & *etherea*, quæ terrestribus animalibus analogæ sint, luculentissimè demonstrabitur, si naturam Dei cum mundi phænomenis conferamus.

Nam tellus hæc animantibus referta, immo adde si vis Planetas omnes quotquot sint in mundo, hósque etiam habitatos finge, non tamen omnes conjuncti tantam ha-

bent proportionem ad reliquam materiam liquidam Univerſi, (quæ hoc nomine aptior eſt ut fiat vitæ vehiculum) quantam ſingulare ſemen cumini ad telluris globum. Quàm ridiculum verò foret, reliquâ terrâ omni neglectâ, unicam partem ejus coli & habitari, nihilo cæteris meliorem, nec majorem ſemine minutiſſimo? Quod idem de aëris ambitu dici poteſt; quomobrem neceſſe eſt ut fines rerum ultrâ proferamus, & tam ætherea quàm terreſtria æreâque animalia exiſtere fidenter affirmemus.

4. Liquet ergo tres illas congruitates ſingulas in ſingulis ſubjectis reperiri poſſe; at enim in uno eas omnes ſimul reperire, idque in anima humana, hoc eſt quod ad rem noſtram inprimis facit. Et commodam quidem ac facilem deprehendendæ rei anſam dabit, conſiderare quàm immanè inter eas facultates interſit, quas *perceptiva* parti animæ ineſſe certò comperimus, utque pro re nata emergant, ex aliarumque conſpitione aliæ expergeſcant. Neque enim majus ſummam inter ac infimam *Congruitatum vitalium* in *Plastica* diſcrimen eſſe poteſt, quàm inter ſummam atque infimam facultatum cernitur de *Perceptiva* emanantium. Etenim perceptiones quædam eadem ipſæ ſunt quas & *Beſtia* habent; aliæ verò haud multò inferiores perceptionibus *Angelorum*, quos dicimus; aliæ planè *brutales*, aliæ *divinæ* prorfus: quidni ergo doneatur *Plastica* pars animæ tantâ facultatum latitudine, ut tres illas congruitates vitales omnes in ſe unâ complectatur, quâ re fiet ut tam cum *caeleſti* & *æreo* quàm cum *terreſtri* iſto corpore *vitaliter* uniri queat? Immo verò tam libera eſt tamque multifaria natura humana, ut convitium Providentiæ facere videretur, qui in ſingulis hiſce vehiculis vivendi facultatem negaverit; quia abſque hoc manca foret divina illa *Nemesis* quæ mundum gubernare creditur.

Procul omni verò dubio quod optimum eſt, id ab æterna ſapientia & juſtitia proviſum eſt atque conſtitutum: & niſi nihil planè dicere velimus, dicendum eſt profeſſò nobis, qui nil præter facultates noſtras animi habemus quo quid judicemus, proviſionem talem eſſe, qualem nos ipſi ex diligentiffima indagatione optimam exiſtimeamus. Nam cum invidia nulla ſit in Deo, ut *Plato* alicubi dixit, putandum non eſt quin iſtâ noſtras facultates compararit, ut, cum rite noſmet ad earum uſum paravimus, illæ examiſſim rebus congruerint, quæ ipſis contemplandæ exhibeantur.

Et profeſſò ſi hoc loco rem diſpicere vacaret, non dubito quin oſtendi poſſet ſummè conſentaneum, ut *amphibion* ejusmodi, qualis eſt anima humana, exiſtere debeat, elementi ſui mutandi facultate donatum, (ut ſunt animantes modò in aquis modò in terram degentes) & poſt moram aliquam in *terreſtri* vehiculo inter homines beſtiâſque conſumptam, ad cœtus *Geniorum* *Æreorum* in vehiculo æreo aſcendendi.

5. *Triplici* ergo congruitate *vitali* in anima humana ſuppoſitâ, facilè intelligetur quomodo ex hoc corpore emigrare poſſit. Debitâ enim corporis temperie ad retinendam animam per mortem deperditâ, congruitas *vitalis* infima objectum ſuum perdidit, & propterea ab operatione ceſſat. Idcirco ut in *perceptiva* parte animæ unus cogitationis dimiſſio alteram continuò ſubinfert, ſic & unius congruitatis *vitalis* ceſſatio alterius eſt expergeſcacio, ſi modò objectum aut ſubjectum adſit, quod eam ſtatim excipiat & occupet; ut adest certiffimò tum in corpore, tum extra corpus poſſiſſimùm. Eſt enim *vitalis aura*, univerſum hunc mundum inferiorem pervadens, quæ cum vita rerum omnium conjuncta eſt & continuata, præcipuùmque ejusdem Principium & ſuſtentaculum. Hinc *Theon* in Scholiis ſuis in *Aratum* hemiſtichium illud

-----Τὸ γὰρ ὃ γένεσθαι ἐσμεν,

interpretatur, ſenſu verò ſecundario, de ære, quem vocat Ἄδρα ſeu Ζῆτρα ἢ φυσικόν, *Jovem phyſicum*, in quo dicamur utcunque vivere, moveri, & eſſe: nam ſine ære nec piſces, nec aves, nec beſtiæ ſuſtentare ſe queunt, ut qui illis omnibus proximam vitæ materiam ſuppeditat, ſpiritus animales alendo fovendóque.

Quapropter ad ceſſationem congruitatis *vitalis* infimæ, æreâ in actum expergeſcât, & undique reperiente materiam idoneam in qua occupari poſſit, anima non poteſt non corpus derelinquere, vel ſuæ imaginationis voluntatiſque arbitrio, vel ſaltem (ut incommodiſſimum acciderit) *naturali* quadam attractione tranſvectione, ſi fortè attonita & percuſa, ut inter moriendum fieri ſolet, nullius planè rei tum temporis ſenſum habeat.

Quandoquidem enim Aër qui foris, ſalubrior & vitalior eſt eo qui in putidis corporis demortui cavernis ſtagnat, & tamen hic illi continuatus, tam facilè intelligi poteſt quomodo anima (*Plastica* ſuæ facultate uniendi cum ære excitatâ) ſponte naturæ è corpore in liberum ærem elabatur, quàm ut ignis aſcendat ſurſum, vel lapis deorſum cadat: neuter enim horum motuum merè mechanicus eſt, ſed *vitalis* ſeu *magicus*, in meram materiam non reſolvendus, ut in libro tertio demonſtrabo.

6. In



6. In immensum autem illum vitæ oceanum, *Spiritus Universi* sensibilem, vivifico balsamo refertum, provecta anima, quid mirum si *Perceptivæ* suæ facultatis usum subito recuperet, cum per tam auspiciatum concursum ritè præparatæ materiæ, quicum sua *Plastica* vitaliter uniatur, in naturalem vitæ motusque facultatem quasi in momento regeneretur? Generationes enim hæc multò crassiores tantillo ferè tempore perficiuntur, si vera sunt, quæ de oleribus extemporaneis referuntur, non multis antè horis satis & decerptis quàm in mensa apponantur; si vera item, quæ de repentina generatione ranuncolorum, statim ab imbre, narrantur; quorum magna aliquando examina, tunc primùm existentium, & formam & vivacitatem integram & perfectam nacta sint, dimidiatâ post horâ quàm guttæ aliquæ unctuosiores in arida humum decidissent; quod non modò è *Fallopio*, & *Scaligero*, aliisque relatum invenio, verùm ipse fando accepi à viris fide dignis, oculatis facti testibus; quod item *Vaninus* accepisse se profitetur ab amico suo *Johanne Ginocchio*, certissimò confirmante se suis oculis vidisse, mense Julio, imbris guttam in ranam subito conversam. Exemplis hujusmodi manifestum fit, lentitudinem tantùm materiæ, inquam vis *Plastica* operatur, in causa esse, quòd in *terrestribus* generationibus tam tardè procedat opus perficiendæ vitæ. Anima idcirco, ubi primùm cum aëre unita est, ictu ferè oculi certissimò valebit *perceptivas* functiones omnes exercere denuo, si fortè illas, mortis horroribus attonita, intermisisset.

*De Subtil.  
Exercit. 323.*

7. Ex jam dictis facilè intelligitur quemadmodum anima separata à corpore vivere & agere possit. De facto autem vivere illam & agere, duobus omnino modis probari potest, *Historiâ & Ratione*. Quod ad historiam attinet, ea vel hominum est planè *demortuorum*, vel *ecstasi* obnoxiorum, seu potiùs illi affectus ejus gradui qui propriè dicitur *ἀπαρσεία*, cum anima re verâ à corpore abscedit, ad illud tamen postea se recipit. Posterioris hujus generis exemplum est, quod *Plinius* refert de *Hermotimo Clazomenio*, cujus anima sæpiùs relicto corpore passim vagabatur, multasque & veras historias rerum à se disjunctionis suæ spatio visarum, reversa memorabat. Idem de *Aristeo Proconnesio* prodidit *Maximus Tyrius* & *Herodotus*. Tanquam affinem his addit *Marfilinus Ficinus* narrationem illam ex *Aulo Gellio*, de *Cornelio* quodam sacerdote, qui *ecstasi* correptus, corpore tum temporis *Patavis* agente, vidit tamen prælium *Cæsarem* inter & *Pompeium* in *Theffalia* depugnatum, & postquam ad se rediisset, diem, ordinem, exitumque pugnæ accuratissimè retulit. Luculentius est exemplum illud in *Wiero* de mustela ex ore militis dormientis prorepente: quod si verum esset, faceret nè *Columba Aristæi* tam fabulosa videatur, quàm *Plinius* vult. Plurima his similia inter homines vulgò memorantur, quæ, qui animam à corpore inseparabilem putant, altè & fortiter derident; immo & iis etiam perridicula videri solent, qui separabilem quidem existimant, credunt autem firmissimè, nisi in morte, nec separari unquam nec separari posse.

*Histor. Natur.  
lib. 7. cap. 52.*

*Histor. lib. 4.*

*Theol. Platon.  
lib. 13. cap. 2.*

*Noct. Attic. lib.  
15. cap. 18.*

*V. Anidor. lib.  
3. cap. 11. sect. 7.  
Histor. Natur. lib. 7. cap.  
52.*

8. Quantum verò cunque aliis hoc incredibile videatur, *Bodinus* sanè magnopere verum esse cupit, quia perspicuè evicturum animarum immortalitatem. Et ille quidem veritatem rei ex innumeris exemplis *Ecstaseon Sagarum* patere existimat: quas cum illo libentissimè agnoscimus non esse naturales; perfectas verò esse *ἀπαρσείας* seu abreptiones animæ à corpore, vividus sensus conveniendi, saltandi, diabolum adorandi, convenientiùmque mutua inter ipsas recordatio & recognitio, non demonstrabunt necessariò; nec sagas ipsas revera interfuisse, dum corpora domi in lectulo jacerent. Confessionum de uno eodèmq; conventiculo consensus non nisi valde probabile argumentum est, si modò hæc corporum suorum derelictio ratione aliquâ possibilis ostendi posset.

*Vide Enthuf.  
Triumph. sect. 5.  
ad 28.*

Corporibus enim exutæ, sic ferè sunt ut alii *Spiritus*, & quæcunque libet formam imitari possunt; ita ut plurimæ ex transformationibus istis in lupos & feles, &c. tam verisimiliter ipsius animæ, corpore exutæ, esse possint, quàm fieri à diabolo, corpus occupante idque ipso per se transfigurante. Et quicquid feles aut lupo isti aërei patiuntur, sive artuum truncationem, sive dorsifragium, vel aliud quodvis malum hujusmodi, ut id ipsum saga domi lecto cubans patiat, hoc commodè provenire potest ex *Magica sympathia*, quæ in unitate *Spiritus Mundani*, subtilisque materiæ per omnia sparsæ continuitate fundatur: Universum enim quodammodo est, ut *Stoici Platonici*que definiunt, \* unum ingens integrum Animal.

9. Jam veram hanc & realem separationem animæ in quibusdam *ecstasibus* accidere posse haud agrè concedetur, si animadvertamus, animam suâ naturâ separabilem esse à corpore, utpote substantiam realiter ab eo distinctam; tum omnia corpora per æquè illi esse penetrabilia & pervia, quippe quæ prorsus expers est proprietatis istius corporalis quam *ἀντικρίαν* vocitant, ac proinde per omne genus materiæ liberè per-

labi potest, nec impingens nec impedita; denique animam non tam propriè calorem motumque corpori impertire, quam organizationem: quamobrem si corpus rite organizetur, & sanguis debitam suam habeat temperiem, Cor & arteriæ quadantenus pulsabunt, cerebrum, & per cerebrum corpus universum spiritibus replebitur, etiamsi anima emigrasset. Corpus sic constitutum esset planè (nisi quòd *spiritus Naturæ* indè excludi non possit) machina *Cartesiana* omnis sensus expers, quanquam in speciem perinde vivens ac quodvis animans alto sepultum somno. Unde liquet, si omnino anima corpus relinquere posset, id illam ad quoddam tempus facturam fuisse sine ullo ejus detrimento, quamdiu scilicet sine pastu commodè vivi posset. Quare plenè hominum istorum timori occurritur, qui, simul atque anima è corpore exierit, perfectam mortem necessariò consecuturam, & omnem omnino reditum præclusum iri opinantur.

10. Præcipua verò difficultas in hoc vertitur, quo pacto anima solvi possit à corpore, apto adhuc manente ad eam retinendam. Profectò hoc oppidò quàm difficile, & omni potentiæ, nisi supernaturali, ferè impossibile. Non adeò tamen intellectu arduum, vitalem corporis aptitudinem vel morbo naturali, vel arte, mutari posse. Quidni enim certa aliqua in corpore fermentatio ità sanguinem & spiritus alterare queat, ut facultates *plasticæ* partis animæ idcirco operari desinant, quemadmodum *perceptivæ* facultates solent in *Catalepsi*, *Apoplexia*, & similibus symptomatibus? Quapropter hæc animæ è corpore migratio, inter dormiendum aut in ecstasi, nonnunquam morbus quidam esse potest, sicuti affectus *νυκτολατῶν* seu *noctambulorum*.

Jam si fortè intemperies hujusmodi corpori accideret, quæ *vitalem* ejus *congruitatem* ad tempus aliquod insigniter pervertat, sique homini isthoc in paroxysmo constituto alter ille morbus *noctambulorum* superveniret; mirumne animam, in tam laxata conditione positam, à suæque imaginatione ad aliquò ambulandum incitatam, corpus relinquere posse, & per aërem ferri planè ut ceteros istius elementi incolas, & separatorum spirituum partes agere, eaque *Perceptivæ* facultatis exercere opera, quæ solent illi qui à terrestri materia penitus liberantur? Hoc tantum interest, quòd tetro illo afflatu in corpore, qui unionem animæ relaxabat, consumpto, anima, naturali magià illà, quam aliquoties attigi, certissimò redibit ad corpus, & cum eo arctissimè ut antea reunietur. Nemo autem, cum vult ipse, sic è corpore exire potest solo voluntatis jussu, non certè magis quàm pro arbitrio noctambulare: altiùs enim hæc facultas in infimam vitam animæ depressa jacet; quò nec liberum arbitrium, nec imaginatio libera potest pertingere.

11. Affectum hac in re valiturum potius quàm alterutram jam memoratarum facultatum verisimile est; quoniam passionem primam suam sedem habent in Corde, arce & propugnaculo præcipuo infimarum facultatum, proindeque ob propinquitatem in prima *vitalis unionis* Principia faciliùs agere possunt. Quarum vis tanta extitit, ut animam prorsus è corpore exegerint, ut multæ nos docent historiæ. Nam *Sophocles* & *Dionysius Sicilia* tyrannus accepto Tragicæ victoriæ nuntio subitò interière; *Polycrita* nobilis scæmina de *Naxo* insula, *Philippides* poëta, & *Diagoras Rhodius*, vehementiori similiter gaudio perierunt. Exempla subiti *metûs* & *doloris* attexere liceret si opus esset.

Verùm confessa res est & manifestè, *Passionem* in vitalem corporis temperiem valere tantum, ut incommodum id animæ domicilium reddat; quo factò disjunctio necessariò consequetur. Si passio ergo tam insigniter pervertere potest sanguinis spirituumque *eucrasian*, ut animam à corpore perfectâ morte liberet; quidni vis ejus aliquando citrà consistat, & talem duntaxat intemperiem inducat ex qua corpus convalescat, & animam consequenter ad se reconciliet, mundanæ illius sympathiæ vi quam toties memoravi?

12. Jam omnium omnino *Passionum*, vehemens Desiderium aptissimum videtur ad innocuam hanc momentaneamque ablegationem animæ à corpore efficiendam; quoniam vehementia ejus adeò corroboratur cogitatione eundi eò ubi esse desideratur, ut in disjunctione non planè mortifera, vis phantasiæ animam rapere possit ad locum exoptatum; quæ voti compos facta & reversa vitam in corpore resuscitare potest, qualem planè & quantam antè habuit, quàm ab hoc importuno desiderio infestabatur. Hæc re profectò, si quâ aliâ, factum est, ut nonnulli jam animam agentes amicos suos longè disjunctos inviserint, corporibus suis interim lecto affixis; & ut alii bene valentes idem officium præstiterint amicis decumbentibus, quorum salutem sollicito nimis animo discupiebant. Est enim hæc *ecstasis* revera ipsius animæ, non sanguinis aut spirituum, quorum neutrum sensum ullum omnino aut perceptionem habet. In hoc itaque principium referri debet quod *Martinus Delrio* narrat de puero quodam, qui



qui attentissimâ cogitatione & desiderio patris sui videndi, incidit in ecstasim; & posteaquam ad se rediisset, asseverabat se eum vidisse, & certissima conventi patris indicia afferebat.

13. A gravissimis cordatissimisque scriptoribus proditur & creditur, *Cardanum* & alios, cum ipsis visum erat, ecstasi corripitur potuisse, vi suæ imaginationis flagrantique desiderio in affectum hunc incidendi: ad perfectam autem usque ἀπαίρεσιν seu localem separationem animæ à corpore, id eos facere quivisse, nemo, quod sciam, affirmare auit; istiusmodi enim eventus ex natura & temperamento potius incidunt, velut in noctambulis, quam voluntatis proposito efficiuntur. Non certò tamen statuere possumus, quin ars potestati nostræ & arbitrio id ipsum subicere possit, quod nobis nonnunquam nolentibus obtrudunt causæ naturales. An verò famosa unguenta *Veneficarum* id valeant, Spiritusve isti impuri, quibuscum commercium habent, immediatâ præsentia suâ in earum corporibus, ita ad tempus supprimant vel alterent vitalem corporis aptitudinem, eo certo modo qui laxandæ animæ sufficiat, hoc ego aliis relinquo rem curiosius exploraturis. Mihi satis est rationem demonstrasse, eamque intellectu facilem, quâ fiat actualis separatio citra mortem propriè sic dictam.

Quâ re efficitur, ut obstinatæ confessiones Sagarum, consentiensque narratio singularum, tam earum quæ corporaliter, quam quæ sine corpore aderant, præsertim cum quid domum referant, indicium permanens futurum, se dicto loco interfuisse, habendæ sint (tamen fieri potest ut hæc omnia sint dæmonum suorum familiarium præstigiæ) pro argumento haud contemnendæ verisimilitudinis, illas revera interfuisse, ubi interfuisse se prædicant. Certiora enim indicia non capiunt res humanæ: & nihil adeò homines deterruit nè rem ipsam veram esse crederent, ac quia impossibilis præjudicabatur.

## SCHOLIA

## IN CAP. XV. SECT. 3.

Quam pro numero Vehiculorum triplicem statuemus, Terrestrem, Aëream, Ætheream, &c. *Adaquata hæc videtur Vitalis Congruitatis distributio, si loca Univerſeſpiciamus. Nullus enim locus videtur esse in Universo qui non sit aut Terreſtris (si Terra debita latitudine ſumatur) aut Aëreus aut Cœleſtis. Sunt verò præterea due Congruitates quæ non tam locorum distinctionem innuunt, quam conditionis & dignitatis, quippe quæ cum qualibet trium istarum congruitatum conjungi possunt, quanquam perfectò difficile sit statuere, quibus nominibus sint appellandæ. Prior verò congruitas est quâ Plastica Anima ita præparatur ut cum Divino semine in unum queat coalescere, ut Novus Homo procreari possit, veròque Manna cœlesti, quod idem est, pasci, itaque nutriri, ut in hominem perfectum adolescat. In hoc consistit Mysterium Regenerationis. De qua alibi plura, neque enim est hujus loci. Altera congruitas est, quâ humana Anima corpusque simul, in unum cum Divino Logo, ut corpus cum Anima, coalescant. Atque hæc quidem Monadica quedam est & solitaria Congruitas quæ soli Anima Messicæ, nullis autem animabus illius Regimini subditis, competat. Prior quidem propter Divinum semen, Divina aliquo modo appellari potest, hæc verò nescio quo demum nomine sit appellanda. Et certè Religio est ullum nomen illi imponere velle, cum facinus perinde audax videatur atque temeraria illa & infauſta Bethſhemitarum in Arcam inspectio. Expressimque de mirabili atque adorabili hoc Complexo in Apocalypsi dicitur, quod nomen habet scriptum quod nemo novit nisi ipse. Consultissimum igitur est nullo hanc Congruitatem insignire nomine, cum nullum nobis cognitum sit, nisi fortè tutò apud Homines nuncupari possit, Congruitas Anonyma, sive ineffabilis.*

Obiter verò, operæ pretium duxi, hæc notare, cum nomen Christi in dicto loco Apocalypſeos tale sit, ut nemo (quanquam tota cohors Animarum regeneritarum byſſo albâ & purâ vestitarum eum sequebatur) noverit præter ipsum, indicio hoc esse manifesto, istam *κοινωνίαν* & *δέλτας φύρεως*, quæ aliis etiam sanctis animabus competit, non esse ejusdem generis cum ista quâ Christus dicitur Deus, hoc est cum illa unione quâ anima Christi unitur cum Divinitate, alioquin istud nomen non soli Christo, sed aliis etiam cognitum esset. Quod observatum volo contra tumidos istos Enthusiastas, qui se etiam eodem genere licet non gradu unionis cum Divinitate unitos, quo Christus ipse, gloriantur.

Ceterum ut ad rem redeam. Ex harum quinque Vitalium Congruitatum doctrina apud Judæos, ut opinor, antiquissima, immane illud quinque Animarum realiter distin-

ctarum

Etarum in homine apud recentiores Cabbalistas commentum suum duxit originem. Nam tribus primis Animabus Nephesh, Ruach, Neschamah, tres istas primas conditiones Anima, quatenus est in Vehiculo aut Terrestri, aut Aëreo, aut Cœlesti seu Æthereo, occasionem dedisse non temerè quis ariolari potest, cum revera eadem Anima dicta sit Nephesh quatenus est in vehiculo Terrestri, Ruach quatenus est in Aëreo, & Neschamah quatenus est in Cœlesti. Dua verò postrema hinc orta videntur, nempe Chajah & Jachidah, ob duas alias conditiones superadditas, quarum una est Anima cum Divino Semine coalitio Vitalis, unde Divinos sensus vitamque Divinam assequitur, in quout alibi moneo, latet *Mysterium* veræ Regenerationis. Jachidah verò, cum nusquam occurrat ista appellatio, nisi Psalm. 22. 21. ubi indigitatur apertissime ipsa Anima Messie, manifestum est, eam, ad Congruitatem illam Monadicam & solitariam, modò memoratam pertinere; cum tamen Cabbalists, quæ est illorum ignorantia, eam conditionem tanquam multis communem describunt. Ex quo quidem Psalmi loco an ista congruitas Anonyma, etiam Jachidæ appellari possit, Criticu Theologisq; per otium discutiendum relinquo.

Interea loci dum obscurius aut timidius Cabbalists duas has postremas, distinctas esse Animas asserunt, eo confidentius tres primas, conditionem tantum triplicem unius ejusdemque Anima, pro triplici vehiculi statu merito quis concludere potest; Quanquam Cabbalists interim eas, Animas adeò distinctas fingunt ut una in Sepulchro, altera in Sinu Abrahæ, tertia in Paradiso, eodem in tempore esse possint; quin & concurrere aliquando in unum locum & de rebus suis in commune consilia capere ac si planè personæ essent tres distinctæ, perquam ridiculè fabulantur. Hæc autem omnia deliria, ex doctrina antiqua de triplici Animarum Vitali Congruitate perperam intellectâ, aut ferè jam situ oblitteratâ, profecta esse existimo. Viderint qui magis versati sunt in Libris Cabbalistarum.

Interim præterire non possum R. Simeonem Ben-Jochai, apud R. Mosen Corduerum; de Anima, sic tradere. Sublato homine, habitaculum rû Nephesh esse in Sepulchro, rû Ruach in Paradiso inferiori, & Neschamah in Paradiso superiori. Pardef. Sect. 31. Prefat. Et Cap. 2. Quando Mundus opus habet misericordiâ, viventes abire idque notum facere Nepheshin Justorum, flerèque super sepulchris eorum; tunc excitari Nepheshin justorum, sumptisque alis volitare ad dormientes in Chebron, illisque Mundi afflictionem aperire; omnes dein rûs Ruchim notificare, in Horto Edenis, & Ruchim Neschamis, & Neschamas S. J. B. proponere. Et tamen Cap. 1. statuerat formam Hominis in tres partes dividi, Nephesh, Ruach, & Neschamah. Et Cap. 4. addit, Imaginem rem aliquam quartam esse qua nec est Nephesh, nec Ruach, nec Neschamah, dici autem Zelem, de qua plura dixi suprâ: Cum tamen proculdubio non sit nisi una Anima Nephesh, cujus pars Plastica ab ipsa inseparabilis, est Zelem. Ruach verò & Neschamah duo tantum status illius, Jetzirathicus putâ & Briathicus, ut & Chajah, Azeluthicus. Una autem eademque Anima, in statu Asiathico, Nephesh dicitur, in statu Jetzirathico Ruach, in Briathico Neschamah, & in Azeluthico, Chajah. De quibus quatuor statibus nostram Visionis Ezechielis sive Mercavæ consule expositionem.

Sect. 8. Unum ingens integrum Animal, &c. Est certè aut unum ingens Animal, aut una immanis Planta, si omni nempe sensu careat. Quo quidem carere cum nulla certa suppetant indicia, siquis Animal appellare ausit, per me quidem licet.

## C A P. XVI.

1. Animas separatas impertire somnia. 2. Exempla Apparitionis animarum separatarum. 3. De Apparitionibus in locis ubi infesta acies concurrere; item de Apparitionibus in cimiteriis, aliisque in locis vaporosis. 4. Spissitudinem aeris rectè conducere posse ad Apparitionem Spirituum Spectrorumque faciliorem. 5. Quod porro probatur ex aliquot exemplis. 6. De Apparitione Marsilii Ficini post mortem. 7. Apud quod hominum genus exempla hujusmodi parum valeant. 8. Rationes ad persuadendum iis qui à præjudiciis liberi sunt, Apparitiones formam & personam defunctorum gerentes, ferè esse eorundem Animas revera.

- I. **A**lterius generis exempla, viz. Spirituum defunctorum post mortem apparentium, tam numerosa sunt tamque in sermone omnium versantur, ut eorum aliqua referre supervacaneum videatur. Hæc Apparitio vel per somnium fit, vel per claram Visionem. Per somnium, ut illa quæ Avenzoari Albumaroni oblata est, medico Arabi, cui per quietem amicus recens defunctus ægrorum oculorum remedium suggerbat



rebat efficacissimum. Cui simile est quod habet || *Diodorus de Iside Egypti regina*, quam refert *Aegyptiis* in somnis impertisse remedia jam defunctam, ut antè solebat cum in vivis esset. Hujus etiam generis est memorabilis illa historia || *Posidonii Stoici* de duobus *Arcadibus*, qui iter unà facientes *Megarum* venerunt; ubi altero eorum ad hospitem se conferente, altero in tabernam meritoriam divertente, qui apud hospitem erat somniavit comitem suum orare se, ut sibi cauponis insidiis circumvento subveniret, & imminenti mortis periculo se subtraheret. Quo viso excitatur quidem, at inane somnium reputans somnum repetiit. Tunc verò secundum ei se offert amicus jam saucius, obsecrans, ut qui auxilium vitæ suæ ferre neglexisset, neci saltem ultionem non negaret; indicans etiam, corpus suum plaustro stercoreario impositum, ex urbis porta efferendum, quò si summo mane pergens expectaret, eum hoc indicio cædem patefacturum. Fecit quod monitus erat, & sic cauponem ad capitale supplicium perduxit. Neque primum insomnium facit nè secundum ad rem nostram pertineat: nam ut illud esse potuit ab intentiori imaginatione auxiliique efflagitatione in *Arcade* oppresso, *Spiritui mundano* impressâ indèque amico dormienti transmissâ, (quæ certè conditio opportunissima est ad communicationes hujusmodi;) ità manifestum est hoc post mortem omnino fieri nequuisse, \* si anima interfecti vel esse vel agere desisset. Clarè itaque liquet, eam tum fuisse tum operatam esse, insomniūque hoc ad cædem vindicandam suggestisse. Cujus quidem generis, cædium dico per somnia indicatarum, exempla extant innumera; animâ hominis occisi alicui in quiete offerre se visâ, & de vi illata conqueri.

Ego verò, superiori exemplo vindictæ, exemplum gratitudinis addere contentus ero. *Simonidi* corpus inhumatum in littore offendenti, & humanitatis sensu ac officio sepulturæ mandanti, relata est gratia per insomnium, quo vita ejus servabatur. Admonitus enim ab anima defuncti nè navigaret, ut constituerat, quòd iter adeò periculosum futurum fuerit, ut in vitæ discrimen vectores adduceret, paruit viso & servatus est; cæteri solventes naufragium fecerunt.

2. Unum aut alterum addemus exemplum alterius generis visorum, quæ vocantur vulgò *apparitiones* mortuorum. Quale illud est quod fusè perscribit *Plinius* in Epistola ad *Suram*; ædes *Athenis*, spectro infestatas, liberatas fuisse ab *Athenodoro* Philosopho, spectri corpore effosso & ritè condito. Verisimile est ædes hujusmodi infames maximam partem infestari ab animabus defunctorum, qui violentâ cæde perempti, aut injuriam aliquam passi essent, aut defossam pecuniam indicare vellent, &c. Nec ædes duntaxat, sed etiam homines ipsi ob similes causas infestantur, quemadmodum *Neroni* accidit cum matrem suam interfecisset; *Otho* similiter de lecto trahebatur abs anima *Galbae*. Hujuscemodi exempla infinita sunt; uti etiam sunt illa, ubi animæ amicorum, putà, Patris, Matris, Mariti, se suis obtulerunt, ut consilium darent, & docerent quis exitus futurus esset maximarum vitæ rationum. Amantium item animæ, cum in vivis esse desissent, amasiis tamen suis adhærescere dicuntur; omnem captantes occasionem ut obvias se dent illis solitariis, sive interdiu sive noctu.

3. Sunt & alii Spirituum vitâ functorum occurfus magis fortuiti; cujus rei ratio dari non potest, nisi facilius iis sit tum temporis præbere se conspiciendos: ut in iis locis fortassis esse possit, ubi recens concurrerint infestæ acies magnâ editâ strage; in publicis item cæmeteriis. Quanquam non desunt qui ridiculè nimis *Apparitiones* illas eludere vellent, quasi nihil essent nisi fumus aut vapor cadaverum, quem in eandem formam staturamque corporis dispositurum se opinantur, quâ fuisset is unde exhalatur: qua in re ineptit *Cardanus* etiam, pariter ac *Vaninus* & alii; quod item facit in reddenda causa spectrorum quæ in *Islandia* apparent frequentissimè; ubi incolæ amicis suis defunctis sæpe obviâ facti sunt, tam planè eadem quâ fuissent formâ, ut salutent eos & amplectantur quasi iidem ipsi essent; nec mortuos esse quicquam suspicantur, nisi subito coram evanescant, aut ipsi post resciscant eos tunc mortem obiiisse. Hoc ille partim æris spissitudini tribuit, partim impuris cibus crassisque spiritibus *Islandorum*: Cum tamen innuit eos imaginatione adeò pollere, ut crassum vaporosumque ærem in imaginem familiarium suorum absentium & mortuorum perfectissimam convertere valeant, & sic sibi persuadeant se illos videre & unâ colloqui; cum revera nil aliud coram adfit præter æereum simulacrum, quod phantasiæ vis ex rudimentis informibus passim volitantium vaporum confarcinavit; planè ut in nubibus in lacinias temerè abruptis species rerum fingere solemus; Næ longè præstiterat rem ipsam, tanquam falsam, simpliciter rejecisse, quàm tam futilem tamque improbabilem causam ejus afferre. Neque enim vaporosæ concretiones hujusmodi visibiles, & ad humani corporis molem accedentes, moventur juxta terram; nec, si tam propè moventur, poterant homines tam propinquum objectum hallucinari.

4. Spissi-

*Biblioth. Histor. lib. 1. pag. 15.*  
|| *Marsil. Ficini. Theol. Platon. c. lib. 16. cap. 5.*

*Marsil. Ficini. Theol. Platon. lib. 16. cap. 5.*

|| *Gassius. Induct. Curios. Part. 2. cap. 5.*  
*Antidor. lib. 3. cap. 16. sect. 2. 3.*  
|| *V. Card. de Subtilis. lib. 18.*

*Vid. Magica  
de Spectris edit.  
ab Henningo  
Grosio, lib. 1.  
sect. 140.*

4. Spissitudinem aëris in isthac regione aliquid huc facere ut spectra illa frequentius visantur, satis consentaneum est. Nam quò crassior est, eò facilius in consistentiam visibilem reducitur: formari autem debet, non à phantasia spectantis, ( tanta enim vis, prodigii similis esset ) sed ab *imaginatione Spiritus* vehiculum suum ex crasso illo aëre actuantis. Atque eam ob rem fortassis aliis in locis hæc spectra sæpius apparent de nocte quàm de die; aëre lentiore crassiorèque facto post Solem aliquamdiu occasum, quàm ante. Cui consentire videtur mos quidam *Lapporum, Scandiae* populi, quos, ut *Caspar Peucerus* refert, defunctorum amicorum spectra plurimum infestant. A quo malo sibi cavent hoc unico remedio, illos subter focum sepeliendo. Hic ritus certè nihil in lemures istos vi naturali valebit, nisi per eum coacti sint in calidiorè proindèque & rariore versari aëre, quàm si alibi sepelirentur. Vel potiùs hoc ideo faciunt, quòd corpora eorum focò calido citiùs putrescent, alioquin propter rigorem cœli diutiùs permanfura integra, \* & propterea idonea, ad quæ defunctorum animæ se recipiant, vehiculùmque suum tali inde cambio aut humore glutinoso repleant, qui faciet ut faciliùs id jussu animæ mutetur in visibilem consistentiam.

*Lib. 3 cap. 8 &  
9.  
De Occult.  
Philosoph. lib. 3.  
cap. 41.*

5. Ob hoc ipsum illas faciliùs se dare nobis in conspectum, ex eo manifestum est, quòd *spiritus infesti* subinde se soleant ad sua corpora mortua recipere: ut liquidò patet ex historia *Cuntii*, quam fusè descripsi in *Antidoto*, *sutoris* etiam *Silesiani*, & *famulae ejus*. Quibus addere licet quæ refert *Agrippa* annalibus *Creticis*, viz. *Catechanes*, i. e. defunctorum virorum animas, magnopere vexasse uxores suas, & ad concubitum sollicitasse, quamdiu illis ad sua corpora patebat aditus. Quod malum lege cavebatur, ut si qua fœmina sic infestaretur, reliquo corpore viri combusto, cor ejus palo transfadigeretur. Quod ipsum statim finem imposuit turbis illis & tragœdiis, quas *Cuntii* aliorumque animæ *Pentschii* & *Uratissavia* in *Silesia* excitârunt.

*Vide Magie.  
de Spectris Henning.  
Grosio, lib. 1.  
sect. 184.*

Similes inquietationes *Trautenavia*, urbis *Bohemia*, accidisse dicuntur anno 1567. per quendam *Stephanum Hubener*, qui mirum in modum divitiis auctus, sicuti *Cuntius Pentschianus*, & pariter ac ille suis civibus post obitum perniciosus erat. Nam sæpiùs apparere solebat eadem indutus formâ, quâ fuisset cum inter homines viveret, & obvium quemque tam strictis brachiis salutabat, ut multi in morbum inciderint, nonnulli planè interierint, infestis ejus amplexationibus. Urbs autem, corpore cremato, à periculosis infensissimæ larvæ occurribus liberata est.

Quæ exempla omnia non modò probant animas apparere posteaquam ex hac vita emigrassent, verùm etiam materiam aliquam increassantem, qualis vel è corporibus vivis, vel nuperrimè mortuis, seu quæ æquè integra sunt ac recens mortua, ( sicuti corpus *Hubeneri* fuit, tametsi quinque jam menses in sepulchro jacuisset ) vel qualis denique à crasso & vaporoso aëre sumi possit, apparitionem earum faciliorem reddere, & sic eas ad ludos suos ludendos invitare, cum tam nullo negotio id facere possunt; quanquam nihil indè fortasse quærant, nisi ut ingenio suo, seu petulanti, seu feroci, gratificentur.

6. Privatorum verò hominum omnium qui post mortem apparuere certo animi consilio, nemo sanè quisquam nobiliori id fecit, quàm *Marsilius Ficinus*, egregius ille *Platonicus*; qui, post subservidam disputationem de immortalitate Animæ, pactus ( ut refert *Baronius* ) cum *Michaeli Mercato* condiscipulo, fide utrinque solenniter datâ, ut uter prior diem suum obiisset alteri appareret, certoque eum doceret de veritate rei disceptatæ; & prior fato functus ipse, neque adeò multum post quàm sic conventum fuisset, memor erat fidei datæ jam corpore exutus. Namque *Mercatus* bene manè studiis intentus, audivit equum quasi celerrimè prætervecturum, substituisse tamen subito ad fenestram suam; simulque vocem agnovit amici sui *Ficini* clamantis, O *Michael*, *Michael*, vera, vera sunt illa. Ille fenestram illico apparuit, & *Marsilium* videns equo candido insidentem, inclamavit eum; verùm is se spectante evanuit. Extemplo igitur *Florentiam* misit sciscitatum quid ageret *Marsilius*, & intellexit eum illâ circiter horâ obiisse, quâ se ad fenestram compellâset, ut suam cæterorumque hominum immortalitatem confirmaret.

*De Subtil. lib.  
18.*

7. Separabilitate animarum à corpore, & ipsarum facultate vitaliter uniendi cum vehiculo aereo, clarè à me demonstratis suprà; quæ hîc protuli exempla apparitionis earum à morte obita, nequeunt quin vim suam argumentativam apud illos habeant, qui præoccupati non sunt. Quorum mens autem caliginosâ Atheismi nebulâ obducta est, apud illos plus valebit ignava illa ac melancholica sententia, quæ oscitanti calamo *Cardani*, inconstantissimi scriptoris, exciderit, *Orbis magnus est, & ævum longum, & error actimor multum in hominibus possunt*, quàm Apparitionum historiarum omnes abs illo ipso *Cardano* relatæ, aut quæcunque ab alio quovis his addi possint. Et qui rebus hujus generis fidem adhibent, præjudicia ab institutione hausta, nempe,

Animam



Animam hac vitâ defunctam vel statim abripi in cœlum empyreum, vel ad centrum terræ præcipitari, faciunt ut *Apparitiones* animarum humanarum, etiam his, incredibiles prorsus videantur; qui proinde in earum locum Angelum aliquem aut Dæmonem semper substituunt, qui personam earum sustineat, ipsis non vacantibus suas per se partes agere.

8. At quamvis *Falsa opinio* & *Præjudicium* impedire possint, nè argumentum vim suam habeat apud eos qui ita impliciti sint, *Ratio* certè non potest non obtinere apud liberos. Ad hos ergo provocare ausim, annon (cùm *vehicula aerea* animabus cum aliis Geniis communia sint, ita ut illæ per se efficere possint, quicquid hi earum vice facere dicuntur; & cùm plùs conveniat, ut quorum maximè inter sit, ii, quando penès ipsos sit, res suas agerent, v. c. interfectorem indicarent, opes suas disponderent, testamenti executores iniquos increparent, uxoribus liberisque consilium darent, à certisque vitæ rationibus cavere præmonerent, &c. \* porro, cùm Spiritus sic apparens profiteatur se animam esse certi cuiuspiam hominis, dictumque hominem vultu referat; cùmque res ipsæ, tanto molimine agitatæ, justissimæ sint & gravissimæ; quas à dæmonio tantâ sollicitudine & benevolentia promoveri nequaquam convenit, neque sanè à bono Genio, eò quòd præstanti adeò Naturâ indignum prorsus sit mentiri, præsertim ubi sine mendacio negotium perinde potest confici) ad quenquam, inquam, hominem provocare ausim, annon, his omnibus in unum collectis ritèque expensis, præjudicio libram neutrò deprimente, victura sit causa hîc orata; annon etiam æquus iudex omnis, si quæ de animabus hominum apparentibus ubique & per omnia sæcula memorantur vera sunt, hoc quoque verum esse statuere debeat, eorum animas ipsas esse revera, proindeque Animas humanas & superesse & agere postquam terrestria hæc corpora deseruissent.

## S C H O L I A

## IN CAP. XVI. SECT. I.

**S**I Anima interfecti vel esse vel agere desiisset, &c. Spiritus enim Naturæ ut tam distincta & ex omni parte veridica insomnia immittat, non est probabile.

Sect. 4. Ac propterea idonea ad quæ defunctorum animæ se recipiant, &c. Cùm verò perpauillum sit, quod hi Lemures à cadavere abradunt aut delibant, crassificum quoddam contagium merito videri potest potius quàm justa crassiuscula materiæ copia, ex qua vésibilia corpora Lemures isti sibi componant, & istiusmodi quidem contagium quod propriam vim habere possit in Plasticam Animæ defuncti.

Sect. 8. Porro cùm Spiritus sic apparens profiteatur se animam esse certi cuiuspiam hominis, dictumque hominem, &c. Ultimum hunc paragraphum de Animabus post mortem apparentibus jugillat vellicatque, ut nonnulla alia Scriptorum meorum loca quanquam admodum profecto imperitè & insulse, nuperus quidam Sagarum Patronus & Hyperaspistes. Verùm quæ is importunâ futilitate per ignorantiam aut malevolentiam in mea deblateravit, Responsoque omnino indigna, facile prætereo, & vel ob unam illam historiolum quam profert condono; quæ apud me pluris æstimatur quàm totus ejus Tractatus reliquus. Quippe qui mera videtur (deficiunt me Latina quibus compendiosè vanitatem illius & inutilitatem depingam) Θεολογοφιλοσοφικοφλυαρία. Historiolam autem illam cùm huic loco tam opportuna sit & appositæ, dignam sentio quæ formâ quàm potest contractissimâ huc transcribatur. Est autem breviter sic. Anno circiter 1631. Fæmina adolescentula Walkeri cuiusdam Vidui coloni satis opulenti cognata, cum eo prope Condercum vixit (oppidum Dunelmum inter & Neocastrum situm) resque ejus domesticas curavit. Ab eo verò compressa gravidæque facta, quòd res celari possit, cum Marco quodam Sharpio carbonum effossore die vesperscente clam dimissa est. Cùm verò diu jam desiderata esset, Jacobo cuidam Grahamo molitori sub mediam noctem in molendino suo ab ædibus Walkeri duobus ferè milliaribus distito, capillis passis & cruentatis cum quinque vulneribus in capite conspicuis apparuit. Attonitus Spectro molitor rogavit quis esset. Ad quod respondet Spectrum, Ego sum Spiritus Fæminæ illius quæ cum Walkero vixit. Qui postquam me gravidam fecisset, optimè me tractatum iri pollicitus donec è puerperio convalescerem, meque tunc rursus ad res suas domesticas administrandas se admissurum, clam dimisit vespere cum Marco Sharpio Carbonario ad locum privatum ubi dies puerperii conficerem. Is verò in via, in Ericeto (loco molitori satis cognito) marrâ suâ (quæ carbonem effodere solebat) me occidit, & hæc quinque vulnera capiti inflixit, & Corpus in Carboni-fodinam proximam iniecit, marramque cum calceis

suis & tibialibus, quippe quibus sanguinem eluere nequiret, in aggerem simul abscondit. Imperavitque Spectrum Molitori rem cum Magistratu communicare, quod ni fecerit se eum perpetuo esse infestaturam. Aliquandiu abstinuit molitor, sed crebris illius apparitionibus lassus ac perterritus tandem rem cum Magistratu communicavit. Omniaque sic facta comperiebantur post diligentem inquisitionem quemadmodum Spectrum narraverat. Corpus Fæminæ occisæ cum quinque vulneribus in capite repertum est in Carboni-fodina, & marra simul cum calceis & tibialibus cruentatis in Aggere. Et nè plura, Walkerus & Sharpius apprehensi sunt, in carcerem coniecti, & proximis Comitibus Provincialibus morti adjudicati.

Hoc pro compertissimo narratur à supradicto Scriptore, cui & ipse quamquam aliàs circa ejusmodi narrationes satis incredulus plenam adhibet fidem. Quisigitur cum tam expressè negat Diabolum unquam se immiscere rebus justis ac honestis, quemlibet æquum appello Judicem quisnam alius hic Spiritus esse potuerit præterquam anima Fæminæ occisæ. Neque enim boni Angeli nedum Deus ipse nostri cujusquam causâ mentietur dicendo, Ego sum Spiritus hujus vel illius fæminæ, cum aut Deus ipse sit aut bonus aliquis Angelus.

Spiritum verò Astralem fæminæ agnoscere, corporeum & mortalem, sensu tantum & memoriâ præditum, non autem animam ipsam fuisse rationalem, nihil profectò esse potest istoc commento inscitius aut à vera Philosophia ac ratione alienius. Qui sic statuit, rerum materialium naturam facultatùmque sentiendi & reminiscendi, quarum materia incapax est, planè ignorat. Stupidoque prorsus animo esse oportet aut valde omisso & desultorio qui idem in se esse quod sentit, reminiscitur & ratiocinatur, intimè non persenserit. Adeò ut nihil magis monstruosum esse possit quàm duas animas in homine, alteram sensitivam alteram rationalem fingere à se invicem realiter distinctas, priorique nomen Spiritus Astralis tribuere, cum nullus Spiritus Astralis sit homini præter ipsam animæ Plasticam à Rationali inseparabilem. Quæ nec ullam aliam ob causam Astralis dici potest nisi quatenus temperamento illi corporeo quod ab Astris vel potius à causis Naturalibus in genere proficiscitur sit obnoxia, quippe Divino cum corpore virtutum divinarum vehiculo nondum satis unita.

Eandem autem animam esse quæ sentit & intelligit vel ille textus Mosæicus nobis porro confirmat, ubi anima illa quæ Adamo inspirata est à Deo, quæque rationem proculdubio in se complectitur וְנִשְׁמָה חַיָּה dicitur, ut quæ vitam sensitivam perinde in se continet ac rationalem. Sensitivam autem in se continere ex eo porro manifestum est quod Adamus tanquam Statua lutea exhibetur ante infusionem hujus וְנִשְׁמָה. Post infusam verò sensum habuisse nemo qui mentis compos sit negaverit, præsertim cum ipse textus asserat ex hac inspiratione Adamum factum fuisse לְנֶפֶשׁ חַיָּה, quod nomen etiam Brutis animantibus apud Genes. cap. 1. Moſen tribuitur. Sed hisce hic immorari minùs opus est cum de eia alibi differuerimus. Manifestum est igitur partim ex ipsis adversarii concessis, partim ex Philosophia & Scripturis Spiritum qui molitori apparuit, animam ipsam rationalem simul & sensitivam (quæ una eadèmq; realiter anima est) occisæ fæminæ fuisse, non autem Spiritum ejus Astralem. Quod merum hominum phantasticorum læsæque rationis figmentum est, nullum verum in mundo phænomenon.

Atque hæc quidem in Philosophationem super Historia supra memorata, dicta sunt. Verum non abs re erit ad majorem Historiæ confirmationem addere porro, me per amicum quendam meum virum prudentem ac doctum harumque rerum haud indiligentem, ex Authoribus fide dignissimis & qui supra dictis Comitibus interfuerit, D. Guilielmo scilicet Lumleio, Walkeri Vicino proximo, & D. Jacobo Smart Dunelmensi, rem certissimam esse, intellexisse, nè res tanti momenti, unius Websteri, qui Comitibus non interfuit, innitatur fide; nam etiam datâ operâ alios prætereo quamplurimos, qui rem famâ tantum audiverint. Additur autem à D. Lumleio, fæminæ occisæ nomen Anna Walkera, Spectrumque Molitorem adeò infestasse ut stragula singulis ferè noctibus ei detraheret, donec rem patefecisset. A. D. Smartio verò, Fairhairium quendam in publicis Comitibus juramento confirmasse quod videret similitudinem pueruli, humeris Walkeri insidentem dum Causa illa disceptabatur: quo tempore valde consternatum fuisse Judicem observavit idem Smartius, & eâ ipsâ nocte, qua agitabatur causa, sententiam tulisse; id quod Dunelmi, nunquam antea factum fuisse ait, nec postea quidem. Credo pueruli illius apparitionem in humeris Walkeri occasionem dedisse famæ, quod Fæminæ ipsius Spectrum in publicis istis Comitibus apparuit: cujus etiam mentionem facit Websterus, sed tanquam de re de qua minùs certus esset, de cæteris interim certissimus. An illa Pueruli Similitudo, Infantis in utero simul cum matre occisi umbra esset, aliis disquirendum relinquo.

De adultorum verò defunctorum umbris tot recentissimæ memoriæ suppetunt exempla partim hic in Anglia, partim in Hibernia, ut nimis fastidiosus essem si singula referrem. Primum est D. Bretonnæ, quæ post obitum, famulæ suæ apparuit, eique in mandatis dedit ut fratrem suum de restituendo pauperibus agro moneret. Quod fecit cum signo tam certo

sui



sui cum Domina sua defuncta colloqui, ut Ager statim restitutus esset, quo & pauperes ad hunc diem fruuntur. Ante viginti enim ferè annos hoc contigit. Alterum est, occisi cujusdam qui eo quo erat vulneratus modo, apparuit (quemadmodum molitori fecit Anna Walkera) & Uxori suæ & Filio diversis in locis, sed eadem ferè diei horâ, uxoriq; indicavit & Homicidam, & locum ubi corpus suum posuerat. Tertium, de Filia Patri continuo post obitum apparente, quippe quæ cum Patre pacta erat uter eorum prius mortuus esset, ut alteri si posset, appareret. Ex hac autem apparitione Filia, eam quanquam in loco multis milliariis distito mortuam novit, biduoque antè Famulæ indicavit, quàm venit nuncius. Quartum, de Anima ex corpore recens egressa & in duos brachiis junctos proximèque murum ambulantes irruente & prosterneute utrosque in terram. Ex eorum altero rem accepi, qui hunc casum experti sunt. Quintum, de fratre defuncto, fratrem dum cubitum ibat, monente de solvenda quam amico promiserat pecunia. Sextum de quodam qui septennio postquam mortuus esset, & re & consilio opem cuidam obtulit qui lemuribus malè agitatus erat. Larvatum autem illum super humeros hominum in Aerem vectum vidit is ipse, homo quidem fide dignus, qui mihi cum aliis apud mensam, rem totam narravit. Septimum denique de Haddoco quodam qui alteri equitanti primum apparuit sub Equitis forma, eumque rogavit nunquid eum nosceret, se enim cum eo tali in loco compotasse. Mox ille alter Haddocum esse agnovit, sed simul addidit eundem esse mortuum. Mortuus autem ille res quasdam cum eo communicavit, quas nisi impertiret uxori suæ aliisque quorum interesset cognoscere, eum se semper molestaturum; quod certè sub variis formis fecit, donec alter mandata executus esset. De hisce ferè omnibus plenas narrationes penes me habeo, sed huc transcribere nimio profectò foret, & mihi ipsi & lectori forsitan tædio ac fastidio. Tales autem sunt quæ apertè doceant, Animas defunctorum aliquando apparere post mortem, Animas, inquam, ipsas, non Spiritus Astrales; figmentum, quod nullos nisi Ceritos animos aut Sideratos deceat.

## CAP. XVII.

I. Argumentorum à Ratione ductorum excellentia super Historica. 2. Gradus primus ad demonstrandum ratione Animam extra corpus agere, Quod substantia immaterialis sit à corpore suo separabilis. 3. Secundus, Spiritus quosdam subtiles & tenues immediata instrumenta esse sensus, motus, & organizationis corporis. 4. Anima in corpore & Genii Aërii inter se conferuntur. 5. De natura Demonum ex Marco Eremita; animamque statim à relicto corpore talem evadere. 6. Objeçtio de Brutorum animabus: ad quam respondetur, primum, per modum Concessionis; 7. Tum per refutationem argumentorum pro concessione ista. 8. Dubitationem Rationis nullam esse de Animæ humanæ activitate post mortem. 9. Activitas ejus extra corpus arguitur porro ex colluccionibus ipsius cum corpore dum in eo versetur. 10. Ex communi item spe & fide omnium gentium hominum, se morti superstites fore.

I. **A**D ea verò nunc progredimur, quæ non adeò effugiis perversisq; interpretationibus hominum, vel profanorum vel superstitiosorum, obnoxia sunt. Nulli enim, qui non mera se bruta profiteri volent, decreta & conclusiones Philosophiæ ac Rationis rejicere possunt; quanquam in his rebus, ingenti sibi plausu atque famâ, repudiare se posse putant sensuum testimonia, non aliorum hominum duntaxat, sed & suorum etiam: quippe quibus apparitiones omnes nihil aliud sunt, nisi Melancholiæ & Imaginationis oppressio fortior. At nequeunt tam facilè tamve plausibiliter silentium indicere deductionibus Rationis, fallaciam clamando, nisi, ubi ea lateat, ostendere valeant; quod certè non possunt, ubi nulla sit.

2. Ut ergo præsens argumentum ratione prosequamur, & gradatim; considerandum est primò, Esse in nobis substantiam, (ut clarè || suprà demonstratum est) animam vulgò dictam, realiter distinctam à corpore, (qui enim aliter substantia esse possit?) itaque realiter & localiter à corpore separabilem. Primus hic gradus esto; neque sanè exiguus ad id quò contendimus.

3. Proximo loco animadvertendum est, tenues atque aëreas particulas illas, quæ || Spiritus vocantur, immediatum esse animæ instrumentum; per eos illam audire, videre, imaginari, recordari, ratiocinari, & vel movendos eos, vel saltem motum eorum dirigendo, corpus movere; eisdemque, aut similem materiam subtilem, usurpando, si minùs perficit, conferre certè aliquid ad corporis organizationem. Ani-

nam enim ipsam *vitam* domicilii sui *opificem* esse debere, non leviter arguit arcta illa connexio quam cum eo habitura sit, certaque & stabilis ejus possessio sibi propria, & abs alterius cujusvis animæ particularis invasione tuta. Veruntamen non idcirco à ratione alienum videtur, animam, cum facultatem illam suam exercet, unionem aut implicationem plus quam vulgarem cum *Spiritu Naturæ* seu *Animâ mundi*, quâ *plastica* est, habere posse: quod ipsum, ut à *Plotino* asseritur, ita & verum esse meritò quis suspiceretur, qui ad immanes illos effectus & prodigii similes animum attendit, qui abs imaginatione matris in foetum dimanant; quos nonnunquam tantos esse cernimus, ut ni illa *Spiritus Naturæ* in consensum exciraret, cujusvis causæ vires superare meritò viderentur. Exempla differam in locum suum; interea tamen excusabor, uti spero, omni de temeritate in hîc assignando causam multarum variarumque in Natura signaturarum, quæ apertè satis significant Principii illius existentiam, quod

|| Cap. 10. sect. || supra innui.

7.

4. Sed ad præsens argumentum ut revertamur; à duabus istis conclusionibus præcedentibus constat inter Animam, quâ proximè induta est tenuiori hâc materiâ quâ de loquimur, quæ internum est ipsius vehiculum, & Genios aëreos paulo plus interesse, quàm inter hominem incarcerationum & liberum interest. Ille nisi per clathros carceris prospicere, aut aërem ducere non potest, gravesque odores tetròsque halitus squalidi istius loci fert vel ingratis; hic autem spatatur purasque trahit auras, ubicunque jucundiores & salubriores spirant.

Hoc *Genii* & *Animæ* incorporata differunt. Quemadmodum homo in profundum puteum delapsus non meliori aquâ aut aëre, nec diuturniore præsentia Solis, lucis, calorisve ejus frui potest, quàm modus & conditio putei patitur; sic anima corpore circumdata non melioribus spiritibus, (quibus omnis vita ejus solatiûmque continetur) quàm constitutio corporis post certos coctionis circuitus suppeditare potest. At *Genii* aëris, qui non ita durâ conditione vehicula sua possident, nisi si ipsi in culpa sint, vi mentis suæ comparare sibi possunt puriorem & defæciorem materiam, quæque nobilissimis divinissimisque animi sui functionibus aptius & pronius inservibit.

Verbo dicam; si res rectè æstimemus, non possumus non vehementer suspicari, nihilo plus distare Animam ab aereo Genio, quàm gladium vaginâ tectum à nudo & districto; Animamque Genium esse in corpore, Genium animam extra corpus; id quod etiam veteres statuerint, idem tam nomen quàm naturam utrique communiter tribuentes, utrosque *Δαιμόνας* appellantes, ut alibi notavi.

|| Vide Psel. ad Gregor. de Geniis.

5. Hoc valde consonum est iis, quæ || *Michael Psellus* accepta prodidit à *Marco Eremita*, homine hujuscemodi rerum peritissimo; is ita *Δαιμόνων* naturam describit, quasi per se totos sint Spiritus & Aër; unde audiunt, vident, sentiunt in omni sui corporis parte. Quod etiam hâc ratione confirmat, miratus hominum inscitiam qui non eam animadvertunt, viz. τὸ μὴ ἐπὶ τινος ὁ εἶναι ἢ νεῦρον εἶναι τὸ αἰσθανόμενον, ἀλλὰ τὸ ἐν τέτοις ἐνυπάρχον πνεύμα· nec ossa, nec nervos, nec crassam aliquam seu visibilem partem corporis organicæ ejus cujuslibet esse, per quod anima immediatè sensus obit munia; Spiritus verò in his operationibus proximum & intimum instrumentum ejus esse: quibus corpus destitutum, omni planè sensu simul destitui, tametsi crassa ejus organa membræque solitam suam retineant consistentiam, ut in Syncopis & Apoplexia videmus. Quod manifestò ostendit, Spiritus immediatum esse vitæ vehiculum, animæque cum corpore conjunctionem per eos fieri; quemadmodum Medici doctissimi uno animo cénsumere. Unde sequetur, animam, rupto hoc vinculo, liberam à corpore futuram esse, & tam sponte naturæ è putrescente cadavere, nullum nunc amplius secum consensum habente, in elementum sibi magis congener, vitalem aërem, exituram, quàm ignis ascendit sursum, ut || jam dixi. Unde principiis vitæ plenè in hoc tenuiori vehiculo accensis, tam apta & instructa ad sensationem & actionem evadet anima, quàm quivis alii aërearum regionum incolæ.

|| Cap. 15. sect. 5.

6. In hoc tam aptè tamque luculentè conclusum, hæc una pugnat obiectio perversa; Fore, nimirum, ex ista argumentatione, ut animæ brutorum etiam, eorum præsertim quæ perfectiora sint, non modò subsistant, (nam hæc difficultas probè jam concocta est) sed etiam vivant, scque post mortem fruuntur. Ad hoc intrepidè respondere ausim, millies esse rationi congruentius brutorum animas post interitum vivere, quàm hominum non vivere. Veruntamen illas vivere, aut non vivere, nolo confidenter asserere; sed leviter expendam utramque hypothésin. Et primò, concessione fictâ, vivere affirmabimus, & rationes proferemus eas ob quas ita quis in animum inducat suum. Quarum duæ præcipuæ in obiectione ipsa continentur; Brutorum animas post mortem subsistere, & In brutis pariter ac in homine Spiritus immediatum instrumentum esse functionum vitalium. His addi potest, Bruta hominifque



que in præsentia idem elementum, terram, unâ incolere, eisdemque calamitatibus ignis, deluviorum, terræ motuum, pariter esse obnoxios. Improbabile esse ut immensum æris ætherisque spatium, animantibus habitandum, unius tantum generis haberet, nempe Angelos seu Genios, bonos malosque. Non minor enim hæc foret solitudo, quàm si Homines soli incolerent terram, aut Sirenes mare. Congruitatis vitalis periodos ab æterna sapientia, rerum omnium creatrice, in animabus brutorum conglomeratas, longiores vel breviores esse posse, prout essentia proprietates & respectus ad Univerſum postulat; unde & descensus earum reditusque juxta vel celeriores vel tardiores fore. Bonitati divinæ convenientius esse ut res ita sit quàm secus, si natura brutorum patitur; frustra illa exitura si vitalibus operationibus priventur, dum eas commodè habere & exercere queant. Nihil magis capacia fore *Salutis* in altero statu, quàm *Conversionis* in hoc. Cum intellectuales æris incolæ externum corporeumque sensum habeant, objectorum varietatem non minùs illis gratam futuram fuisse, quàm hîc apud nos terrestres. \* Historias etiam innuere videri, esse revera apud illos animalia ærea, Canes, videlicet, Equos, & similia. Ergo ut concludam; Rationem nullam esse præter *immortalitatem*, ignorantia matrem, (hoc est, angustum animum è nimio amore sui & rerum aliarum despicientia natum) quæ faciat ut tam confidenter & pertinaciter censeamus, Brutorum animas vivere desinere simul ac abs hoc corpore separentur.

7. Plausibilem equidem speciem præ se fert hæc sententia, adeò ut si quem objectionis vis cogeret veram illam habere, parum aut nihil esse videretur cur illum ejus pudeat. At non adeò facilè dirimitur hæc controversia. Quanquam enim manifestum sit, animas brutorum substantias esse realiter à corporibus suis separabiles, si tamen unicam duntaxat congruitatem vitalem, nempe terrestrem, habeant, vitam in aëre recuperare nequeunt. Unam autem an plures habeant *congruitates vitales*, abs ejus unius sapientia & consilio pendet, qui fecit omnia. Præterea, animæ brutorum naturâ magis passivâ esse videntur, quàm ut hâc mortis evasione uti fruique valeant: quippe quod *imaginatio* libera illa ac dominatrix, sicut etiam *reminiscentia*, nostrî sunt duntaxat; bruta autem non nisi *passivam* imaginationem habent, simplicemque memoriam; quâ ea, ut verosimile est, destituente in corporis naufragio, etiamsi in aëre vivere potuerint, vitam tamen planè de integro auspicarentur, quod parum abest ab interitu: ita ut hoc nomine rectè habeantur mortalia. Quod idem elementum, terram, unâ incolamus, nihil probat: nam isthâc ratione efficeretur ut vermiculi & pulices extra sua corpora vivere debeant, pisces nequaquam, qui tamen, figurâ forsan suâ paululùm mutatâ, (neque enim necesse est ut animantes in vehiculis suis æreis eandem planè formam habeant, quam in terrestribus habuissent) agere & degere possint in humidioribus æris plagis.

Solitudinem quod attinet illam quæ in aëre futura supponitur, id hanc rem non attingit. Nam inferioribus ejus regionibus sufficient varia terræ marisque objecta. Plurium circuituum *congruitatis vitalis* in animabus brutorum conglomeratio, ingeniosum equidem commentum videtur, resque ipsa possibilis; verum, ut Scholæ rectè, *Ap posse ad esse non valet consequentia*. Ad argumentum à Divina Bonitate sumptum dicendum est, cum Bonitas illa non excludat Sapientiam, quæ naturæ rerum accommodare se solet, cumque naturam animarum brutorum non tam perspectam, quàm nostram ipsorum habeamus, non indè nos satis certos fieri posse, quid de brutis censendum sit. Non omnes nervos simul pulsat musicus; nec expectari debet ut quidque quoque tempore agat: vice autem suâ si pulsetur, sonum suum edet, interea temporis silet. Atque ita fortassis cum brutorum animabus ad quoddam tempus agitur, tum maximè cum vitalis temperies terræ, æris, marisque interciderit; immo & aliàs quoque, si *Spiritus* nulli præter *intellectuales* ad ærea vehicula regenda idonei sint & habiles.

Fateor equidem ad brutorum animas *Salutem* nihilo plùs pertinere posse, quàm *Conversionem*; id autem non minùs verum est de animabus plantarum, (siquam habent aliam à communi *Spiritu Naturæ*) & tamen non probat vegetabilium animas victuras acturâque in æreis vehiculis, cum hîc herba aut arbor mortua est & putruit. Ad illud de commoditate, quam objectorum varietas esset allatura æreis incolis, jam respondi. Apparitiones equorum, canum, & hujusmodi, sunt forsan ipsi Genii Ærei in formas istas se transmutantes: quod quanquam indicio quidem sit, illos ab hujusmodi animantium ærearum usu & societate abhorreere noluisse, si haberent; æquius tamen iis carere possunt, cum per se ipsi earum vicem præstare valeant.

Breviter itaque concludam, mero lumine rationis certò demonstrari non posse, animas brutorum non post interitum vivere, vel incongruum esse principiis naturæ vivere illas affirmare. Quod satis est Ojectioni præsentî enervandæ. 8. Ut-

8. Utcunque verò de *brutis* sit; *humanarum animarum* vita & activitas extra hoc corpus procedit quasi secundo flumine, nullâ remorâ, nullo impedimento objecto. Quandoquidem enim compertum est, *Genios aereos* facultatum cognitione proximè nos homines contingere, ut qui utrique pariter sumus animantes intellectuales, utrique eodem utimur *immediato instrumento sensus & perceptionis, spiritibus aereis*, adeò ut vix quidquam aliud discriminis nostrî inter nos reperire detur, quàm quod hominem nudum inter & amictum pingui vestimento interest; quid aprius, quid luculentius inferri hinc potest, quàm nos separatos à corpore & solo aëre indutos, illis similimos futuros, & eandem quam habent illi vitam & activitatem habituros? Nam quamvis brutum animans amplam sortem illam non assequatur, spem nostram id labefactare non debet; quoniam facultates intellectuales majorem cognitionem habent cum *aereo* aut *athereo vehiculo*, quàm hæc eadem vehicula cum potentiis illis inferioribus sensualibusque, quæ nobis cum bestiis communes sunt. Experimur etiam, in aëre puro spatiantes, quo Spiritus nostri tenuiores & puriores sint, hoc cogitationes nostras nobiliores & diviniore fieri, simpliciùsque intellectuales.

Neque enormior est gradus sursum quàm deorsum: nam cum quod in nobis tam *divinum* sit & *angelicum*, uniri tamen possit cum corpore bruti, (nam ità planè est *terrestre* hoc indumentum) quidni anima, non obstante *terrestri* ejus *congruitate vite*, (quæ, novis occasionibus oblatis, ferriari facilè intelligitur) cum *Vehiculo Angeli* uniat? Quamobrem de *Anima humana* planum est & expeditum, illam confestim à morte in societatem aereorum incolarum, *Geniorum* aut *Angelorum*, se conferre posse.

9. Cujus rei certiores adhuc esse possumus, considerando, iis nos facultatibus esse præditos, quas anima impeditas & vincas, obnubilatas & obscuratas sentit, fatali suâ in hoc carcere corporis commoratione; adeò ut succenseat ei, quoad fas est, propter gravia illa incommoda, quæ firmissima valetudo brutalis importare sibi solet: Si consideremus præterea, ut voluntas ipsius impuritati spirituum obluetur quæ bestiales excitat affectus, (summum illum florem & delicias aliorum animantium) utque universa vita ejus in terra sæpe nihil aliud sit quàm perpetuum bellum in motus illos, qui ex unione ejus cum terrena hac mole oriuntur, quæ usque adeò similis est aliis terrestribus animalibus. Quibus ex rebus manifestum est, animam aliâ quàm oportuit conditione se nunc esse deprehendere, & ad meliorem purioremque sortem atque statum creatam fuisse; quem tamen statum assequi non potest, nisi extra corpus vivat: id quod facit aliquatenus in ecstasibus divinitus missis & insomniis; ubi non corporis organis, sed purioribus spiritibus quarti ventriculi cerebri utens, agit quasi sola & perse, præexercitamenta quædam edit iis affinia, quæ in aereo suo vehiculo peractura est.

10. Adde quòd animæ immortalitas communis est, ideòque naturalis spes & expectatio omnium gentium; paucissimis, siqua ulla, tam barbaris, quin eam veram agnoscant: quanquam fortè, ut in aliis rebus cernitur, nonnihil ridiculè rem ipsam explicant; ut, post mortem homines secessuros in lucum aliquem aut sylvam, trans montem certum, aut in certam insulam, qualis erat *Δεῦρο Ἀχιλλέως*, ubi *Achillis* Umbra errare putabatur, & *Insula fortunata*, celebre illud *Elysium* veterum. Et tamen si his verba faceremus de cælo *empyreo*, & quàm altum id sit putaremus, quantumque à terra distitum, quòtque orbes solidos perrumpi priùs oporteat, quàm eò perveniat anima; simplices isti Barbari Scholasticorum sententiam fortè non minùs ineptam judicaturi essent, quàm nos suam judicamus: & quispiam fortasse sapientior & nasutior utrosque pariter ridebit.

Satis esse debet gentes omnes de summa re ferè convenisse, Immortalitatem nimirum expectandam esse, perinde ac Numen aliquod colendum; tamen circumstantiarum ignoratio facit, ut religiones immanè inter se differant, diversis mundi plagis. At cum religio, & religionis præmium, beata post mortem conditio, ab omnibus ubique terrarum orbis incolis agnoscat, hoc manifesto est argumento, rem veram esse naturæ lumine. Et non tantum quia ità credunt, sed quoniam eam vel tam seriò exoptant, vel tanto mentis horrore deprecantur, si contra conscientiam suam graviter deliquerint: quæ proprietates non adeò universè hominibus inessent, si objecta in rerum natura non essent, quæ facultatibus istis respondeant; ut ipse alibi in simili materia argumentatus sum.



## SCHOLIA

## IN CAP. XVII. SECT. 6.

**H**istorias etiam innuere videri esse revera apud illos Animalia Aerea, Canes videlicet, &c. De curribus Aereis, & Equitibus præsertim tot Historiarum scriptis tum famâ sunt prodita, ut infinitum esset recensere. Canum verò ingentem vim per aerem ferri compertum fuisse ante Byzantii excidium per Turcas, apud Comum citerioris Galliæ urbem vergente ad occasum die, ex Alexandro refert Henningus Grosius de Spectris, Lib. I. Sect. 18. Nigrum verò Venatorem in Saltu de Fountainbleau, staturâ magnâ ac procerâ cum Canibus suis Venaticis, (cujus etiam meminit qui vitam Henrici quarti scripsit, Regis Galliæ, Magni cognominati) tanquam rem frequentissimam & compertissimam istis temporibus, illius loci attestati sunt Rustici & Saltuarii. Nihil verò mihi mirabilius videtur, quàm quod mihi narravit vir quidam integra fidei, mihi satîs notus, aliisque multis ob probitatem celebratissimus. Quippe qui summo mane, Londini per plateas incedens & in crumenam auro refertam incidens, ab ebrio aliquo & oblivioso servulo super mensam officinæ exteriori ubi dormiverat, relictam, non sibi in pradam servavit, quanquam id tutò & impunè potuit, sed per publici Praconis vocem rem notam fecit, ut ad proprium Dominum aurum rediret. Hic, inquam, vir integerrimus & judicio perinde illibato atque fide pro certo mihi aliisque multis narravit, Equum quem domi reliquerat, cum abfuisset dies aliquot, redeunti, in Agro à domo sua miliaribus aliquot diffito, ei obviam venisse, ut putabat, seque suum agnovisse, nisi quòd, cum propius accessisset, flammeo igneque quasi fulgore aspersus videretur aut saltem interspersus. Quod cum miraretur, postquam domum venisset, equum eâ ipsâ horâ animam efflâsse intellexit quâ Equus ille subigneus illius formâ apparuerat. An is qui tam solidâ erat probitate ut aurum repertum ad dominum remittendum tam sedulo curaret, tantâ esse posset vanitate ut gratis mendacium fingeret, quilibet judicet. Quod si figmentum non sit, quid significet judicent Philosophi.

## CAP. XVIII.

1. Animas humanas tum quoad Facultates, tum quoad immediatum instrumentum suum, Spiritus, tam propinquâ similitudine Demonas attingere, ut consentaneum videatur, nisi Deus de industria impediatur, illas certissimò extra terrestre corpus acturas fuisse.
2. Sin minus, Potentiam Sapientiâque Divinam duplicem triplicemve Congruitatem Vitalem earum essentiaè facillè inferere potuisse.
3. Præsens veritas porro demonstratur à Dei Veracitate.
4. Respondetur ad Objectionem in superius argumentum.
5. Alia demonstratio à Justitia divina.
6. Respondetur ad objectionem.
7. Ad objectionem alteram respondetur.
8. Argumentum alterum à Justitia Dei.
9. Responsio ad objectionem.
10. Demonstratio Immortalitatis Animæ invicta à Bonitate Divina.
11. Distinctius urgetur idem argumentum; & quinam sint apud quos vim minimam habiturum est.
12. Animum generosissimum virtutisque maximè præditum de Animæ Immortalitate esse certissimum.

1. **P**ostremum verò, quò rem certam firmamque faciamus, contemplemur naturam Dei, rerum omnium Authoris & Conditoris, cujus bonitate, sapientiâ, & potentiâ, cuncta creata sunt & perpetuò gubernantur; diligenter etiam animadvertamus, quot gradus ad hanc immortalitatem, qua de nunc agitur, in ipsam naturam animæ impressi jam sint; tum seriâ mente cogitemus, fierine queat ut supremum numen ibi se sisteret, nec ultra pergeret, cum tam graves rationes suadeant, si quid nos intelligimus, ut expectata nostra perficiat. Nam clarè jam demonstravimus, Animam humanam substantiam esse actu || separabilem à corpore, & operationes functionesque ejus omnes, non iis partibus corporis peragi quæ terrestri crassaque sint consistentiâ, sed materiâ magis aereâ vel athereâ, vitalibus || animalibusque spiritibus, vehiculis Angelorum seu Geniorum admodum cognatis: adeò ut si divina potentia permitteret Naturæ, ut ipsa per se ageret quantum potest, mira oppidò res foret, nisi ex divinis & intellectualibus facultatibus iis, quæ nobis insunt, quæque tam propè accedunt ad essentias aut animas Angelorum, quàm propè spiritus animales nostri

stri ad eorum vehicula, mirum, inquam, si ex isthac naturæ nostræ prærogativa non oriretur necessariò fructus hic & sequela, ut animæ nostræ separatæ à corpore extemplò agerent, aëremque ubi sint aduarent, eadem quâ alii Genii facilitate, cum tantillum inter naturam utrorumque interfit.

2. Aut si simplex vis *Plastica* subiecti aëreo populo adeò cognati non sufficere utrique statui, minimo profectò additamento opus erit ad supplendum quod deest: æternæ autem Sapientiæ quàm facile est, duplicem triplicemve *congruitatem vitalem, ætheream* scilicet & *ætheream* pariter ac *terrestrem*, essentiæ illi inferere, quæ facultatibus & proprietatibus suis puriores incolas ætheris aërisque tam manifestò refert?

3. At non hîc concludimus; alia supersunt quæ in hac causa dicamus. Enimvero si quid habet summum Numen præ cæteris pretiosum, dabitur id nobis in certum & infallibile pignus hujus Veritatis, viz. *Animas nostras certissimò futuras immortales*. Quod ad me attinet, nihil ego profectò in Deo agnosco, Veracitate, Justitiâ, & Bonitate ejus pretiosius; hæc tria autem certos nos facient & securos, nihil nos damni aut detrimenti capturos, neve in *vita*, neve in *essentia*, ex corporum terrestrium derelictione. Summum enim esset convitium Attributo Dei illi, quam *Veracitatem* dicimus, si nulla revera beatitudo sit post hanc vitam expectanda; cum is eam cunctis orbis terrarum gentibus, ubicunque ulla religio cernitur, apertissimè & universè polliceatur. Non enim errorem, si error est, dissimulat tantum, publicè contra eum non protestando, (quod æquus quisque faceret, si quis, illo præsentè & audiente, diceret aliis, illum iis dona aliqua aut redditus largiri voluisse, cum nihil horum cogitaret:) verum etiam, quasi datâ operâ, quosdam homines egregiis animi dotibus & virtutibus instruxit, ad opinionem hanc per terrarum orbem propagandam. Namque *Prophetae & Miraculorum Effectores* omnes qui usquam extiterunt, momentosâ Veritatis hujus fidem modo aliquo humano generi fecerunt; quique per omnia sæcula excellentis animi virtutisque laude claruerunt maximè, ad credendam eam proclivissimi fuere: idque non tam ex intuitu commodi inde sibi redituri, quàm quòd purus ille lucidusque mentis habitus, qui amoris & admirationi Dei & Virtutis, cunctisque divinis dotibus illis, quas ii etiam qui nunquam eas assecuti sunt, magnopere probârunt tamen, est conjunctissimus, quòd, inquam, defæcatus hic mentis habitus per se ipse parit, si minùs necessitatem, mirificam certè pronitatem credendi veram hanc esse, quam suademus, opinionem; ut quisque fatebitur, qui hujusmodi rerum unquam experienciâ beatus fuerit. Quapropter si vera non sit, dolosas plagas Deus in Natura disposuit, ut optimi pientissimique viri omnium certissimò incidant in fraudem & errorem: quod cum *Veracitate* ejus pugnat è diametro.

4. Nec eludi potest vis argumenti, dicendo, ut parentes liberos suos, ita Deum homines ipsorum bono fallere posse; proindeque sapientiam ejus errorem hujusmodi naturalem inducere posse, qui hominum societatibus & politiis utilis sit ad populum terrendum, eoque ipso fideliorum eum tractabilioremque efficiendum. Fateor equidem ex divino hoc verissimòque dogmate utilitatem eam oriri obiter, ad respublicas melius continendas: existimare autem eum esse præcipuum dogmatis usum, nec ad amplius aliquid spectare illud, tam vulgaris est & puerilis animi, ac si quis ex eo, quòd sydera exigua quædam nobis noctu præstant beneficia, colligeret, ad id unum ea fuisse facta.

Præterea, pater nullus mendacium filio suo diceret, si quod vult vero æquè efficere potuerit; & si quid dixerit, quod verè bonum juxta ac expetendum filio futurum esset, quo illum ad obsequium flecteret, promissum suum, si penès se esset, certissimò præstaret. At penès Deum est, quicquid in præmium promisit, præstare; nec opus est ut hac in re mendacio abutatur. Quapropter si faciat, minùs ille verax esset, quàm quivis homo mediocriter bonus & æquus; quod & blasphemum est, & naturæ Dei repugnantissimum.

5. Quinetiam Deus *Justitiæ* nomine tenebatur naturam ordinemque rerum ita constituere, ut animæ humanæ post mortem supersint, & ut cum iis ita agatur, prout hîc in terris se gessissent. Deus enim, ut ait Philosophus, *Νόμος* est *ισοκλιής*, & justitiam tum præmiorum tum pœnarum immutabiliter & inevitabiliter mundo distribuit. Quàm arduum autem sit bonum esse & secundum virtutem vivere, communis vita & querelæ hominum nimis testatum faciunt; atque difficillimum est cuiquam persuadere vim eam naturæ suæ inferre, ut ad justum gradum rectumque sensum virtutis enitatur; (nam fraus & callida prudentia, ut & alia, quæ contrariis virtutibus opposita virtutes esse videntur at non sunt, facilia satis:) quæ autem verè sunt persuadere, difficillimum, inquam, si non impossibile, ni spes ea maxima inculcetur, nempe status animæ post mortem, & præmium quod vitam ex virtute actam illuc



illuc manet. Quâ spe si excidimus, mortalitate animæ, ipsi præmio nostro, & Deus justitiæ suæ laude & gloriâ fraudabitur.

6. Nec poterit vim hujus argumenti enervare, neque grandiloquum illud *Stoicis*mi, Virtutem ipsam per se sibi sufficiens esse præmium; neque lenius illud aliorum, Spem ipsam immortalitatis, quam tantum gaudium, tranquillitas, & jucunditas animi comitatur, dolorem omnem & molestias, vel in acquirendo virtutem, vel acquisitâ inhærendo, exantlatas compensaturam. Quod ad primum attinet, aliud est magna loqui, aliud facere. Et meâ quidem sententiâ, *Epicurus*, qui summum bonum in voluptate posuit, solidius, quod ad summam rei, Philosophatus est, quàm paradoxo *Stoici*. Nam proculdubio Voluptas ea res est ad quam omnes ferri debent, si notionem ejus veram haberent, & in quo collocanda sit scirent, & ad purissimam probatissimamque fruitionem ejus pervenire possent. Voluptas autem nulla esse potest (sine miraculo) ubi Animi nostri perturbantur & depravantur sordidâ vilique egestate, incarcerationibus, morbis, cruciatibus, pravo victu, aliisque innumeris calamitatibus, quibus illi præcipuè per omnia sæcula obnoxii fuere, qui virtutem egregiam coluerunt maximè. Accedunt ad hæc, cura & sollicitudo perpetuò pro salute sua excubandi, acres aculei calumniæ & obrectationis, continuus angor animi videntium illiberalia ac flagitiosa hominum ingenia, & pravas obliquasque administrationes rerum. Quæ mentis inquietudines haud alio vitari possunt remedio, ac quod morbum ipsum aut æquat aut eo deterius est, utpote magnanimitate verè heroicâ alienissimum, *apathiam* dico *Stoicam*; de qua non amplius habes dicere, quàm constantem quandam tutamque contumaciam esse, eadem nos conditione collocantem quâ illi sunt, qui æquâ manu à lusu discedunt, indolentes, illatantes: adeò exiguum sibi præmium est afflicta virtus, demptâ futuræ scælicitatis spe.

7. Spem autem ejus solam sine fruitione qui dicit sufficientem esse compensationem, ludificationem imitatur illam quâ *Dionysius*, ut refert *Plutarchus*, usus est erga Fidicinem; quem sibi canere jussum mercede promissâ, & locatæ operæ mercedem petentem repulit, vel potius repræsentasse se respondit, miserum hoc joco eludens, *Ὅσον χρόνον εὐφραίνεις ἄδων, τόσῳ χρόνῳ χαίρεις ἰλατίζων*, i. e. quamdiu me oblectasti canendo, tamdiu tute ipse gavissus es mercedem sperando; mercedem ergo jam accepisti. Quæ iniqua festivitas ferri quidem potest in re ludicra, & à tyranno, quem loci & fortunæ dignitas superbum, sui obliviscentem, aliorumque præ se contemnentem facere solet: at in re gravissima, quæ non hanc tantum vitam perituram spectat, sed durationem animæ sempiternam, omnis iniquitas foret suprâ quàm dici potest atrox & acerbâ; atque eo durior & indecentior, quod non à misello aliquo è terræ Magnatibus committitur, (quem honoris eminentia humiliorum tum rerum tum hominum negligentem reddat) sed à summo Deo cælorum Domino, qui quantillâ operâ & negotio unum quodpiam, omnia curare & administrare potest, quique summè & immutabiliter justus, nihil quidquam vel facit vel omittit animi causâ. ut in vanis hominibus usu venit, sed pro summa suæ naturæ excellentia & sanctitate cuncta semper agit.

8. Nec ad remunerandum modò tenetur *Justitia Divina*, sed etiam ad puniendum; quod tamen fieri nequit, nisi Animæ Humanæ post mortem subsistant. Sunt enim sine dubio multa hominum millia, quæ atrocissima scelera perpetrârunt, afflictarunt bonos, fortunis everterunt, libertate vitæque ipsâ spoliârunt, idque aliquando cum diris cruciatibus & contumeliis; & immanibus his factis omnibus, suæ vel avaritiæ, vel ambitioni, vel vindictæ libidini, imò fortè & bestiali animorum suorum ferocitati, magnopere gratificati sunt; quibus vehementer adlubuit verè piis & sanctis infamiam conflare; quique honestas actiones omnes riserunt, velut inscitæ & stultitiæ fructus: & tamen hi scelera hominum placidè tandem animas in lectulo exhilarunt, postquam eorum vita tam affluxisset cunctis sensibus bonis & commodis, honoribus, divitiis, & voluptatibus, quàm flagrat memoria fraudibus, rapinis, cædibus, sacrilegiis, & quæ alia cunque sint flagitia, quæ impia scelerosorum hominum audacia designare amat.

9. Atque his similia in singulis hominum ordinibus evenire solent, alia alio modo & proportionem. Neque satis est ad hæc contrâ dicere, Suas ipsorum conscientias, quasi tot Furias, flagellare & urere illos in hac vita: nam de inveterata & fortunata impietate loquimur, ubi conscientia consopitur; aut si quando expergisci & clamare cœpit, rerum mundanarum strepitus, negotiorum tumultus, officia continua amicorum & adulatorum invisentium, doctrinæ falsæ avarorum Sacerdotum & Philosophorum mercenariorum (qui naturæ lumen religionisque sensum lucris causâ impu-

dentissimè corrumpent & pervertent) clamosus, inquam, harum rerum strepitus foeliciter-improborum aures ità obsidebit, nè conscientia vox in hoc perpetuo tumultu audiri plùs queat, quàm vagitus *Jovis* infantis inter inconditos motus saltationesque *Corybantum*, inter tinnitus crepitantesque scutorum æneorum collisiones. Si ergo non sit futura vita, maxima foelicitatis portio obvenit nequissimis; quippe quibus obtrigit affectibus suis & cupiditatibus animi perpetuò gratificari, atque adeò explere rebus iis, quæ, ut gratissimæ, ità, in debitis circumstantiis, permissæ sunt naturæ humanæ: cujus generis sunt, suavis recordatio exoptati successus ex solerti nostra rerum humanarum administratione, honor & observantia ab omnibus delata ob summam prudentiam nostram & solertiam, & quæ earum sunt amplissimum testimonium, potentia & opes acquisitæ, tum magna illa voluptas inimicos nostros vincendi & vi evertendi, amicos contrà utiles futuros promerendi & nobis confirmandi, denique multiplex illa amœnitas & oblectatio, quam Musica, Vinum, Mulieres, mortalibus afferre possunt.

10. Tertiò & ultimò, Mortalitas animæ non modò cum *Veracitate* & *Justitia* Dei constare non potest, sed nec cum ejus *Bonitate*, summo & sanctissimo Numinis attributo; quæ per se satis est ad demonstrandum, Animam humanam non posse morte interire. Fac enim Deum nullum nobis promissum, neque per Prophetam extraordinarium, neque naturalium nostrarum facultatum suggestionem, immortalitatis nostræ fecisse; fac item nullum in hac vita locum esse vel merito vel demerito; adeò ut omnis argumentatio à divina *veracitate* & *justitia* sumenda sic penitus tollatur: una *Bonitas* ejus (præsertim si consideremus quàm capax sit anima subsistendi deinceps) certissimam fidem facit, nos fato hîc nostro supervituros. Non potuit enim aliter constitui à suprema illa *Bonitate*, cui semper adest omnipotens Scientia; eò quòd infinitò congruentius est immensæ liberalitati ejus sic constituere, quàm secus: hoc dicere volo, mundum, cum primùm eum creavit, ità integrum perfectumque efficere, ut in existentia lucem simul & semel proferret, non modò universam substantiam corpoream, (quod fecisse eum confitentur omnes) verùm etiam substantias omnes immateriales seu incorporeas; tum quotquot earum vitam participare, seque atque Universo frui poterant, eas ad opus faciundum vitamque exercendam cunctis in locis ac elementis admove, in quibus operari aptæ natæ sint; proindèque inter alia Ordinis Intellectualis entia, decernere, ut humanæ quoque animæ, quocunque in loco sint, aut futuræ essent, nisi per ipsas steterit, copiam haberent vitæ motusque, & ut nulla alia *Nemesis* illas insequeretur, quàm cujus ipsæ causas præstruant, eaque non urgeret illas ad *annihilationem* usque, sed castigaret solummodo & puniret: & quoniam adeò multiplici naturæ sunt, ut facultates habeant, tam quæ brutorum facultatibus affines sunt, quàm quæ *Genios aereos* cœlestesque Angelos proximâ quidem cognatione contingunt, ut vitalis congruitas earum æquè multiplex esset, ipsæque unionis vitalis cum *cœlesti*, *aereo*, *terrestri*que vehiculo capaces fierent; utque denique unius horum derelictio esset alterius occupatio, quamdiu elementa nativam suam temperiem servant, quamprimùmque generationis leges permittant.

11. Hæc, aliorumque his similium longa series illorum oculis se subjicit, quibus datum est, ut secretiores *Divina benignitatis* gazas contemplantur. Ceterum plura cum sint, quàm præsens causa postulat, iis contentus ero quæ rem ipsam, quæ præ manibus est, proximè attingunt, viz. Cum Anima humana tam apta nata sit ad agendum post hanc vitam in *aereo vehiculo*, quàm hîc in *terrestri*; cum illam vivere atque agere præstet, quàm vitæ & activitatis omnis jacere cassam; cumque abs arbitrio Dei duntaxat pendeat, utrum eorum futurum sit: Ille, qui naturas rerum certissimè administrat ex optimo, humanas animas post mortem vivere & agere decernat necesse est. Hæc rationis deductio irrefragabilis est iis, qui Dei existentiam agnoscunt, & egregium illud naturæ divinæ attributum rectè sapiunt. Nam qui verum sensum ejus habent, tam agrè poterunt conclusionis hujus veritatem negare, quàm Dei existentiam. Nec unquam persuaderi possunt, illum naturâ suâ absolutè bonum, & cui ipsi sincero obsequio & studiosissimo cultu tamdiu adhæserant, se sic fecisse, ut cum sperant se illo fruituros maximè, nec illo, nec ullâ re aliâ frui potuerint; utpote qui agere nequeunt nisi *terrestri* corpore induti. At qui merè *animales* sunt homines, nec cujusvis amoris gustum habent nisi sui & commodorum suorum, & neminem



hominem respiciunt qui non in se officiosus sit ac utilis, ii, ad Deum judicandum suo ex ingenio vilissimo proni, temere existimabunt, tantam Deo curam charitatēque nostrī esse, quantum ex nobis fructum capit; qui planē nullus.

12. Quocirca hoc argumentum imprimis, uti etiam priora duo, quanquam certissima sint demonstrationes, quoniam tamen justum moralium rerum sensum, i. e. *Veracitatis, Justitiæ, & Bonitatis*, postulant in illo, qui abs iis persuadendus sit; sequetur, ut quorum mens vitiis occæcatur & evilit maximè, ii eorum vim minimè sint sensuri; & nobilissimus ac generosissimus quisque, Immortalitatis Animæ certissimus sit futurus.

Introduction

The first part of the book is devoted to a general survey of the history of the subject. It begins with a brief account of the early attempts to explain the phenomena of life, and then proceeds to a more detailed consideration of the various theories which have been advanced from time to time. The second part of the book is devoted to a critical examination of the most important of these theories, and the third part to a discussion of the present state of the subject and the prospects for the future.

The first part of the book is devoted to a general survey of the history of the subject. It begins with a brief account of the early attempts to explain the phenomena of life, and then proceeds to a more detailed consideration of the various theories which have been advanced from time to time. The second part of the book is devoted to a critical examination of the most important of these theories, and the third part to a discussion of the present state of the subject and the prospects for the future.

The first part of the book is devoted to a general survey of the history of the subject. It begins with a brief account of the early attempts to explain the phenomena of life, and then proceeds to a more detailed consideration of the various theories which have been advanced from time to time. The second part of the book is devoted to a critical examination of the most important of these theories, and the third part to a discussion of the present state of the subject and the prospects for the future.



# IMMORTALITAS ANIMÆ.

## LIBRI TERTII

### CAP. I.

1. *Cur Author differat de statu Animæ post mortem, & quâ methodo.* 2. *Argumenta ad probandum Animam semper vitaliter uniri cum aliqua materia.* 3. *Rationes aliæ quæ porro idem evincunt.* 4. *Æreum & Æthereum corpus pariter ac Terreſtre animæ competere.* 5. *Ex terreſtri in æreum vehiculum Animam semper ferè transire primum.* 6. *In vehiculo suo æreo Sentire posse, Doloꝛe item & Voluptate affici.* 7. *Præcipuam vim ejus in vehiculum suum æreum esse Directionem motus in particulis ejus.* 8. *In æthereo verò motum addere & minuire posse.* 9. *Puritatem vehiculi ad acriorem Sensum Cognitionemque conducere.* 10. *De vi Animæ ad mutandam temperiem Vehiculi sui Aërei;* 11. *Ut etiam formam ejus.* 12. *Perspicuitas Axiomatis ultimi.*

1.



Immortalitatem Animæ evidentissimè, uti spero, demonstravi omnibus, qui nec tarditate ingenii, nec improbitate morum inidonei sunt, qui de veritate hujusmodi demonstrationum judicent; eoque ipso præcipuè mihi propositum jam perfeci: Verùm mea ipsius curiositas, & voluntas aliis inserviendi, qui speculationibus hujus generis oblectantur, paulò longius me provocant; si non & ipsa materiæ dignitas idem jure postulet: quod tum rectius videbitur, cum eam absolvero. Res quam exordior hæc est; *Status Animæ*

*post mortem hic obitam qui qualisque sit.* Qua in re persequenda, quanquam fortasse non ità firmè potero pedem figere, ac in superiori parte tractatus hujus feci; quicquid tamen hic ponam, si minùs demonstrabile, rationi certè consentaneum videri debet, & multo majoris momenti iis, quæcunque contrà allegari possint; idque ordine & methodo ità perspicuâ, ut si quæ dicturus sum convincere non valeant, certè nec fallere nec intricare lectorem perplexabilitate aut obscuritate potuerint: idcirco simul exponam præcipua ea Principia, quibus orationis meæ quod reliquum est innitetur.

#### AXIOMA XXVII.

*Anima à terreſtri hoc corpore separata non ab omni vitali unionē cum materia liberatur:*

2. **H**ÆC communis est sententia *Platoniorum*. Dissentit quidem *Plotinus*, præsertim in animabus diviniorebus, quasi hæ tandem omni omnino materiâ denudarentur, cum nullâque re nisi Deo ipso unirentur: quod commentum ejus ex eadem illa mentis inæquabilitate ortum puto, unde suspicabatur è diverso, Animas maximè degeneres in corporibus arborum demum obdormiscere, nec nisi in *plantalem* vitam explicare sese. Hujusmodi figmenta hominum impotenti imaginatione depravâ-

depravârunt multum antiquam *Cabbalam* doctrinamque sacram, quam *Platonici* ipsi *θεοπαράδοτος* affirmant. Traditionem sanctam ex ore ipsius Dei vel Angelorum exceptam. Utunque tamen, *Plotinus* ipse non negat quin anima, donec summum illum purificationis gradum attigerit, aut in *aereo* aut in *caelesti* corpore agat.

Nunquam autem illam ita prorsus ab omni materia, quantumcunque pura & tenui, liberari, conditio operandi ejus in hac vita certiùs indicat, quam eam unquam liberari probet quidquam petitem aliunde. Nam manifestò comperimus subtilissimas & maximè intellectuales operationes ejus ex apta temperie spirituum pendere; & puritatem tenuitatemque eorum id esse, quo anima invitatur & quo valet amare & persequi objecta *divina* atque *intellectualia*: quod motuum genus si ipsa propriâ suâ vi & essentiâ immediatè exerere potuit, quid impediret quo minùs ea, quandocunque id velit, effectum daret? quod tamen eam non posse experimur, nisi *Spiritus* rectè se habeant. Atqui indebitâ temperie spirituum anima, ut dixi, in his actibus impediri non potest, si ii naturâ eâ sunt, ut ad nudam ipsam essentiam animæ, ab omni cum materia unione præcisæ, pertinerent. Sic enim animæ, quoad illos actus, perinde esset, ubi i. e. in qua materia sit, (at in aliqua esse debet, quoniam Universum ubique confertum est materiâ) tollaturne in purissimas regiones aëris, an in fœdissimos terræ aquæque sinus demergatur; nam intellectuales operationes ejus utrobique forent similes: quippe quod \* hæc cum corpore conjunctio *Plasticam*, *Sentientemque* Facultates solas prendere & tenere videtur, etiam tum cum anima *vitaliter* cum materia unitur. Quid ergo in corpore fingi possit, quod eam in operationibus nobilioribus præpediat?

Quare manifestum est sic esse animam, ut nisi per materiam agere non possit, tum operationes ejus indè semper aliquâ ratione modificari. Itaque si anima omnino post mortem agit, (agerè autem demonstravimus) perspicuum est illam non ab omni vitali unione, cum omni omnino genere materiæ, liberari: quod non *Platonici* tantum, sed *Aristoteles* etiam censuit, uti faciliè colligere est ex iis, quæ ex illo suprà citavimus.

Lib. 2. cap. 14.  
sect. 4. 5.

3. Præterea, immanis in Natura rerum saltus videtur, ut anima, quæ modò in imum materiæ lutum adeò demersa jacuit ut cum bestiis versaretur, crassissimæ carni ac offibus vitaliter unita, tantum illico mutaretur, ut nulli prorsus materiæ adhæreat, sed in *αὐλότητα* ascendat, uni forsân Deo competentem, nisi si fortè ejusmodi creaturæ existant, quas *Nóas* aut *Intellectus simplices* nuncupant *Platonici*. Homini æquo durum & incongruum hoc videatur necesse est. maximè si animadvertatur, quàm præclara Entia sint infra *Nóas* aut *Nóas*, quæ Philosophi omnes, qui de iis scripserint, *vitaliter* uniri aiunt cum aëreis aut æthereis *vehiculis*. Nam hujus sortis sunt omnes *Genii* vel *Angeli*.

Satis ergo esse debet, ut anima nunquam istorum Ordinum *immaterialitatem* transcendat; quorum ipsimos vitaliter conjungi *Vehiculis aëreis*, inscitia sua Naturæ manifestò prodit. Facile enim fuisset, & ad famam suam consultius, sectatores suos docuisse rectiùs Naturæ mysteria, nisi quod ipsi ea ignorabant; quæ tamen ignorasse non poterant, si non *aereis corporibus* illigati essent. Alioquin enim coacti non forent cum universi aëris cursu simul ferri; sed immoti persistentes, quippe nulli materiæ vitaliter connexi, \* puncto temporis persentiscere potuissent & *diurnum* & *annuum telluris motum*, & sectatorum suorum existimationi, hoc illis theorema communicando, perpercissent; quæ jam propter hujus rei ignorationem evuluit apud eos, qui systema mundi, quàm ipsi, meliùs intelligunt; quanquam Philosophiam suam tantopere jactitent, velut à summis Angelis dictatam.

### AXIOMA XXVIII.

*Triplex est in anima congruitas vitalis, Ætherea, Aerea, & Terrestris.*

Lib. 2. cap. 14.  
sect. 1.

Communem hanc esse *Platoniorum* sententiam significavi || suprà. Veram quoque per se esse, patet è superiore Axiomate. De congruitate *terrestri* nulla est dubitatio; nulla itidem quin duarum reliquarum altera saltem concedi debeat; anima alioquin post mortem ab omni cum materia unione *vitali* liberaretur. Quare vitalem habet aptitudinem uniendi saltem cum *aere*: *Aer* autem commune receptaculum est omnium cum malorum tum bonorum spirituum, (ut terra omnium generum hominum & brutorum) immo quidem eorum qui sunt aliquo modo mali, potiùs quàm bonorum, sicut in terra fit. At anima humana perexcellæ purificationis capax est, ad conditionem usque simpliciter Angelicam. Unde Ratio æquum judicat,



cat, & in eandem sententiam censuit omnis antiquitas, humanas animas illas, quæ ad justum puritatis culmen pervenerint, cœlestia vehicula aliquando consequi debere.

## AXIOMA XXIX.

*Usitato Naturæ more, Anima in congruitates vitales illas ordine expergiscitur, non ab extremo in extremum transiliens sine ulla mora in medio.*

5. **H**OC axioma, præterquam quòd vel primo intuitu non potest non videri admodum consentaneum, ex nota illa regula, *Natura non facit saltum*; ita si ulterius examinetur, soliditas ejus plenius constabit. Nam cum omnium ferè hominum animæ, etiam eorum qui viri boni & honesti habentur vulgò, perexiguam puritatis gradum in hac vita adipisci soleant; clarè sequitur, quàm paucissimas æthereum suum vehiculum statim à terrestri corpore relicto consecuturas; privilegio hoc non nisi præclaris & verè heroicis animis concessio, quo in numero paucissimos memorant historiæ. At negari non debet, quin varii sint puritatis & excellentiæ gradus in *Aereis corporibus*; juxta *Nemesis* ergo quemque post mortem inveniet.

## AXIOMA XXX.

*Anima in aëreo vehiculo suo capax est sensûs propriè sic dicti, ideòque voluptatis & doloris.*

6. **H**OC liquet ex Axiomat. 27 & 28. Sensus enim oritur necessario è *vitali unionè animæ cum corpore* quocunque: & meminisse licet, (quod suprâ probavimus) spiritus, etiam in hoc *terrestri corpore*, immediatum esse instrumentum *sensûs*; quare nulla omnino Veritatis hujus dubitatio esse potest. Et cum *Voluptas & Dolor* propriæ sint modificationes *sensûs*, nullumque corpus existat quod passibile non sit, evidentissimum est *vehicula aërea* tam *dolori* esse obnoxia quàm *voluptati*, in regione illa, ubi mala versentur pariter ac bona.

## AXIOMA XXXI.

*Anima vehiculi sui aërei materiæ nec addere nec demere potest aliquantum motûs gradum; particulas tamen jam motas voluntatis suæ imperio dirigere potest quocunque visum erit.*

7. **V**ERITAS hujus axiomatis evinci potest partim è superiori; quandoquidem enim partes aëris senticosæ & angulosæ sunt, vehementior earum motus vel quies coarctatior meritò animæ videatur molesta, tactuque ejus dura & aspera: tum partim ex eo quod experiri nobis licet in hoc corpore, cujus spiritus dirigere tantum possumus, non autem augere nec minuire eorum motum imaginatione aut voluntate nostrâ, (nemo enim imaginando aut volendo ut spiritus sui celerius vel tardius moveantur, calorem vel frigus, certissimos effectus motûs & quietis insolentioris, inferre sibi valet; spiritus autem in organa motûs spontanei dirigere potest, partesque corporis crassiores sic movendo, per directionem illam eos consumere, in iisque consumendis partes calefacere potest; tantum est quod nos possumus:) partim denique ex Divina illa Providentia quæ cuncta condidit, & creaturarum vires & facultates pro sua sapientia & consilio dispensat, quæ propterea statum illum animæ, qui malis bonisque simul communis est, durioribus legibus adstrinxit.

## AXIOMA XXXII.

*Quamquam Anima nec addere nec demere potest aliquantum gradum motûs de materia Vehiculi sui Aërei, nihil tamen obstat quo minus utrumque faciat in Æthereo.*

8. **R**ATIO est, quia particulae vehiculi ætherei sunt partim læves globuli, partim materia tenuissima, tam insigniter liquida, ut ad quidlibet se facile accommodet: aër contrà, ut in Sclopetis pneumaticis cernere est, partes habet tam contumaces & rigidas, ut licet eousque compressæ sint ut tubus machinæ indè caleat, non tamen figuras suas neque vires perdant; sed elastri chalybei instar, facultate datâ, redeant ad naturalem suum situm eâ violentiâ, ut glandem explodant pari impetu ac pulvis ipse nitratus. Præterea, summi Numinis bonitas, à quo pendent omnia, jure merito

merito existimetur *æthereæ congruitati vitæ* ( quæ in obedientissimis duntaxat animabus ejusque Imperio fidelissimis expergiscitur ) ampliorem potestatem indulgisse quàm alteri ; subiecto existente capaci. Perinde enim intellectu est facile, Deum animam donare posse potentiâ *movendi sistendique* materiam, ac motus ejus determinandi.

## AXIOMA XXXIII.

*Quo purius vehiculum, eo vegetiores perfectioresque sunt perceptivæ facultates animæ.*

9. **H**ujus axiomatis veritatem experiri quodammodo licet in hac vita, ubi vegetam vim audiendi, cernendi, olfaciendi, gustandi, agilitatem reminiscentiæ, rationis, cæterarumque omnium facultatum *perceptivarum*, intendi aut remitti comperimus, claritate vel impuritate tarditatæque spirituum corporis ; oblivionem item & stupiditatem ex eorum seu terreno, seu aqueo, seu alio quocunque habitu crasso oriri : quo malo affectu depulso, & corpore spiritibus debitâ cum copiâ tum puritate repleto, mens vigorem suum recuperat, quod excidisset revocat, intelligit nunc quod antè non potuit, videt auditque longinquius ; & sic de cæteris.

## AXIOMA XXXIV.

*Mirificam vim habet Anima ad mutandam non modò temperiem sed etiam externam formam vehiculi sui Aërei.*

10. **P**rimæ partis hujus axiomatis veritas è quotidiana experientia constat ; sapiùs enim observare licet, quàm mirum in modum passionès animi in spiritus nostros hîc agant ; ut ira, ægritudo, invidentia, ( reliquos affectus ut taceam ) commutent. At profectò corpus, quo purius, eo mutabilius est hoc ipso nomine re passionès animi non possunt non magnam habere vim in *aereum* animæ vehiculum, quod quanquam in aliud atque aërem mutare nequeunt, hunc tamen aërem spiritus variare possunt tam immanè inter se distantes, quàm distet virtus à vitio, tudo à sanitate, dolor à voluptate, lux à tenebris, & fœtor carceris abs a odoribus virentis paradisi.

11. Posterioris partis veritas demonstrari potest ex extremo Axiomate 31. enim in anima facultate dirigendi motum particularum fluidi sui vehiculi, necesse sequetur eam habituram item potentiam illud aliquatenus figurandi sponte suâ & præ arbitrio. Cui addi potest, ut non contemnendum indicium veritatis rei, id quod in hoc genere fit in hac vita à voluntate & cogitatione nostra : nimirum, eam solùm ob rem quòd volo & cogito oris, pedis, digitorum motum, ea movere valeo, modò spiritus adsint, quos in hunc motum dirigam. Signaturæ etiam fœtui in utero impressæ, per matris desiderium & imaginationem, multùm faciunt ad hujus rei veritatem evincendam : sed de hoc suo loco dicam uberius.

## AXIOMA XXXV.

*Quemadmodum quædam facultates in morte aut post mortem sopiuntur, ita expergesceri alias, quæ illi statui magis convenient, est rationi consentaneum.*

12. **H**ujus axiomatis veritas hinc liquet, quòd animæ nostræ non temerè aut fortuitò fiunt, sed abs Deo omniscienti proveniunt, qui cunctos earum status providens, *excitationem consopitionemque* potentiarum & facultatum convenienter singulis istis statibus instituit & comparavit.

## AXIOMA XXXVI.

*Sive vitalis congruitas Anima desinat, periodo ejus prorsus evolutâ, sive Materia deleatur, essentiali aliquâ dissidentiâ, vitalis unio perit continuò.*

13. **U**ltimum hoc axioma per se satis est manifestum ; qui sit usus ejus, attingetur postea suo loco.

Hæc sunt effata illa, ad quæ recurram, vel quæ saltem supponam, in disquisitionibus sequentibus : cætera opportuniùs tradentur sermonis nostri progressu.

## SCHOLIA



## SCHOLIA

## IN CAP. I. SECT. 2.

**H**ÆC cum corpore conjunctio Plasticam sentientemque facultates solas prendere & tenere, &c. Equidem si Anima operari potest omni omnino corpore exuta, admodum verisimile est, partem animæ Intellectualem liberam fore in operationibus suis, quam in statu unionis cum corpore qualicunque. Quoniam Anima secundum Plasticam tantum corpori uniri posse videtur. Nam si intellectu & voluntate uniremur, unionem pro arbitrio dissolvere possemus. Jam verò cum pro qualitate corporis intellectuales operationes impediuntur, easdem à Plastica aliquo modo dependere, cujus commodus status à qualitate vehiculi dependet, consentaneum est, Animamque corpore, nisi in statu silentii, nunquam destitui.

SECT. 3. Puncto temporis persentiscere potuissent & Diurnum & Annuum Telluris motum, &c. Certè admodum paucillo tempore non solum in alio Horizonte raptu Telluris diurno, se constitutos deprehensuri fuissent, sed motu illius Annuo, qui triplo ferè celerior est, etiam extra Atmospheram omnino positos.

## CAP. II.

1. De dimensionibus animæ nudè & per se spectata. 2. De figura dimensionum animæ. 3. De heterogeneitate essentia ejus. 4. Ipsam quoque Plasticam animæ partem heterogeneam esse. 5. Modus agendi partis plasticæ in vehiculo fingendo. 6. Excellencia Philosophiæ Cartesianæ. 7. Vehicula Spirituum tantum substantiæ solide corporeæ in se habere, quantum Corpora Hominum. 8. Stultitia sententia contraria vincitur. 9. Conditio animæ in altero illo statu melior, quoad Corpus, quàm in hoc.

**Q**UO jam clariorem & determinatiorem habeamus conceptum naturæ ac conditionis animæ extra corpus, videamus paulisper primùm, Quid ipsa sit in essentia sua, citra respectum omnem ad corpus quodlibet; & hinc illam comperiemus substantiam esse extensam & indiscerpibilem, ut facile colligere est ex iis quæ suprà diximus. Atque opportuna contemplatio est hoc in loco, (ubi animam consideramus ut jam exutam terrestri corpore) illam nempe ipsam habere de suo æquè amplas saltem, si non ampliores, dimensiones, quàm quæ visibiles sint in corpore relicto. Quod observatu dignum duco, ad os illis obturandum, qui, nec sine ratione, derident incomprehensibilia & ridicula commenta Scholasticorum; qui primùm extensionem omnem Spiritibus, sive animabus sive angelis, negantes, postmodum disputant quot ex illis in extrema acicula simul tripudiare possint. Ineptiæ magnopere derogantes veritati! & quæ perceptionem nostram tantam in angustiam & exilitatem comprimunt, ut nihil planè quicquam de essentia nostra imaginari possimus; quòd si facimus, in desperationem tamen, aut nostrimet ipsorum despicientiam proni incidimus, atomos nihili nosmet fingendo.

2. Ut autem manifestum est animam dimensiones habere, nec tamen eas infinitas, proindeque illam aliquâ figurâ definiri; ita perincertum est certane sit figura illi naturalis, animali formæ respondens, an per se ipsa sit figurâ rotundâ aut ovali, variet verò eam pro re nata. In qua quæstione hoc tantum definiri refert; cum in terrestri materia operatur anima, plasticam partem ejus determinari ad organizandum corpus in formam humanam; in aerea verò aut ætherea, nihilo plùs minùsve ad formam ullam determinari, quàm Genios aut Angelos; quorum vehicula si libentiùs eant in certam aliquam figuram, animæ quoque vehiculum eodem planè modo habere se: quocirca in vehiculo suo visibili \* communem formam angelorum geret, eundem vultum, amictum similem.

3. Quod plurius refert, facilius definitu arbitror; nempe, utrùm anima una homogenea substantia sit, an quodammodo heterogenea. Posterius horum utcunque verum esse, constat ex alibi dictis; Perceptivam nimirum facultatem per universam animam non diffundi, sed in certam partem concludi, quam Centrum & Oculum animæ, & Perceptivam partem ejus appellavimus; reliquam omnem verò Plasticam. Cæterum

merito existimetur *æthereæ congruitati vitæ* ( quæ in obedientissimis duntaxat animabus ejusque Imperio fidelissimis expergiscitur ) ampliorem potestatem indulgisse quàm alteri ; subiecto existente capaci. Perinde enim intellectu est facile, Deum animam donare posse potentiâ *movendi sistendique* materiam, ac motus ejus determinandi.

## AXIOMA XXXIII.

*Quo purius vehiculum, eo vegetiores perfectioresque sunt perceptivæ facultates animæ.*

9. **H**ujus axiomatis veritatem experiri quodammodo licet in hac vita, ubi vegetam vim audiendi, cernendi, olfaciendi, gustandi, agilitatem reminiscentiæ, rationis, cæterarumque omnium facultatum *perceptivarum*, intendi aut remitti comperimus, claritate vel impuritate tarditatēque spirituum corporis ; oblivionem item & stupiditatem ex eorum seu terreno, seu aqueo, seu alio quocunque habitu crasso oriri : quo malo affectu depulso, & corpore spiritibus debitâ cum copiâ tum puritate repleto, mens vigorem suum recuperat, quod excidisset revocat, intelligit nunc quod antè non potuit, videt auditque longinquius ; & sic de cæteris.

## AXIOMA XXXIV.

*Mirificam vim habet Anima ad mutandam non modò temperiem sed etiam externam formam vehiculi sui Aërei.*

10. **P**rimæ partis hujus axiomatis veritas è quotidiana experientia constat ; sæpius enim observare licet, quàm mirum in modum passiones animi in spiritus nostros hîc agant ; ut ira, ægritudo, invidentia, ( reliquos affectus ut taceam ) corpus alterent. At profectò corpus, quo purius, eo mutabilius est hoc ipso nomine : quare passiones animi non possunt non magnam habere vim in *æreum animæ vehiculum* ; quod quanquam in aliud atque aërem mutare nequeunt, hunc tamen aërem in habitus variare possunt tam immanè inter se distantes, quàm distet virtus à vitio, invaletudo à sanitate, dolor à voluptate, lux à tenebris, & fœtor carceris abs aromaticis odoribus virentis paradisi.

11. Posterioris partis veritas demonstrari potest ex extremo Axiomate 31. Positâ enim in anima facultate dirigendi motum particularum fluidi sui vehiculi, necessario sequetur eam habituram item potentiam illud aliquatenus figurandi sponte suâ & pro arbitrio. Cui addi potest, ut non contemnendum indicium veritatis rei, id quod in hoc genere fit in hac vita à voluntate & cogitatione nostra : nimirum, eam solùm ob rem quòd volo & cogito oris, pedis, digitorum motum, ea movere valeo, modò spiritus adsint, quos in hunc motum dirigam. Signaturæ etiam fœtui in utero impressæ, per matris desiderium & imaginationem, multùm faciunt ad hujus rei veritatem evincendam : sed de hoc suo loco dicam uberius.

## AXIOMA XXXV.

*Quemadmodum quædam facultates in morte aut post mortem sopiuntur, ita expergesceri alias, quæ illi statui magis convenient, est rationi consentaneum.*

12. **H**ujus axiomatis veritas hinc liquet, quòd animæ nostræ non temerè aut fortuitò fiunt, sed abs Deo omniscienti proveniunt, qui cunctos earum status providens, *excitationem consopitionemque* potentiarum & facultatum convenienter singulis istis statibus instituit & comparavit.

## AXIOMA XXXVI.

*Sive vitalis congruitas Animæ desinat, periodo ejus prorsus evolutâ, sive Materia deleatur, essentiali aliquâ dissidentiâ, vitalis unio perit continuò.*

13. **U**ltimum hoc axioma per se satis est manifestum ; qui sit usus ejus, attingetur postea suo loco.

Hæc sunt effata illa, ad quæ recurram, vel quæ saltem supponam, in disquisitionibus sequentibus : cætera opportuniùs tradentur sermonis nostri progressu.

## SCHOLIA



## SCHOLIA

## IN CAP. I. SECT. 2.

**H**ÆC cum corpore conjunctio Plasticam sentientemque facultates solas prendere & tenere, &c. Equidem si Anima operari potest omni omnino corpore exuta, admodum verisimile est, partem animæ Intellectualem liberam fore in operationibus suis, quam in statu unionis cum corpore qualicunque. Quoniam Anima secundum Plasticam tantum corpori uniri posse videtur. Nam si intellectu & voluntate uniremur, unionem pro arbitrio dissolvere possemus. Jam verò cum pro qualitate corporis intellectuales operationes impediuntur, easdem à Plastica aliquo modo dependere, cujus commodus status à qualitate vehiculi dependet, consentaneum est, Animamque corpore, nisi in statu silentii, nunquam destitui.

Seç. 3. Puncto temporis persentiscere potuissent & Diurnum & Annuum Telluris motum, &c. Certè admodum pauxillo tempore non solum in alio Horizonte raptu Telluris diurno, se constitutos deprehensuri fuissent, sed motu illius Annuo, qui triplo ferè celerior est, etiam extra Atmospheram omnino positos.

## CAP. II.

1. De dimensionibus animæ nudæ & per se spectata. 2. De figura dimensionum animæ. 3. De heterogeneitate essentia ejus. 4. Ipsam quoque Plasticam animæ partem heterogeneam esse. 5. Modus agendi partis plasticæ in vehiculo fingendo. 6. Excellentia Philosophia Cartesianæ. 7. Vehicula Spirituum tantum substantia solide-corporea in se habere, quantum Corpora Hominum. 8. Stultitia sententia contraria evincitur. 9. Condicio animæ in altero illo statu melior, quoad Corpus, quàm in hoc.

1. **Q**UO jam clariorem & determinatiorem habeamus conceptum naturæ ac conditionis animæ extra corpus, videamus paulisper primùm, Quid ipsa sit in essentia sua, citra respectum omnem ad corpus quodlibet; & hinc illam comperiemus substantiam esse extensam & indiscerpibilem, ut facile colligere est ex iis quæ suprà diximus. Atque opportuna contemplatio est hoc in loco, (ubi animam consideramus ut jam exutam terrestri corpore) illam nempe ipsam habere de suo æquè amplas saltem, si non ampliores, dimensiones, quàm quæ visibiles sint in corpore relicto. Quod observatu dignum duco, ad os illis obturandum, qui, nec sine ratione, derident incomprehensibilia & ridicula commenta Scholasticorum; qui primùm extensionem omnem Spiritibus, sive animabus sive angelis, negantes, postmodum disputant quot ex illis in extrema acicula simul tripudiare possint. Ineptiæ magnopere derogantes veritati! & quæ perceptionem nostram tantam in angustiam & exilitatem comprimunt, ut nihil planè quicquam de essentia nostra imaginari possimus; quòd si facimus, in desperationem tamen, aut nostrimet ipsorum despicientiam proni incidimus, atomos nihili nosmet fingendo.

2. Ut autem manifestum est animam dimensiones habere, nec tamen eas infinitas, proindeque illam aliquà figurâ definiri; ita perincertum est certane sit figura illi naturalis, animali formæ respondens, an per se ipsa sit figurâ rotundâ aut ovali, variet verò eam pro re nata. In qua quæstione hoc tantum definiri refert; cum in terrestri materia operatur anima, plasticam partem ejus determinari ad organizandum corpus in formam humanam; in aerea verò aut aetherea, nihilo plùs minùsve ad formam ullam determinari, quàm Genios aut Angelos; quorum vehicula si libentiùs eant in certam aliquam figuram, animæ quoque vehiculum eodem planè modo habere se: quocirca in vehiculo suo visibili \* communem formam angelorum geret, eundem vultum, amictum similem.

3. Quod pluris refert, facilius definitu arbitror; nempe, utrùm anima una homogenea substantia sit, an quodammodo heterogenea. Posterius horum utcunque verum esse, constat ex alibi dictis; Perceptivam nimirum facultatem per universam animam non diffundi, sed in certam partem concludi, quam Centrum & Oculum animæ, & Perceptivam partem ejus appellavimus; reliquam omnem verò Plasticam. Cæterum

altera hîc dubitatio suboritur, annon item *heterogeneitas* sit in ipsa *Plastica* parte animæ. Aristotelei videntur certi non esse, affirmantque si oculus digito pedis infertus esset, digitum visurum pariter ac caput. Qua de re ego multum quidem dubito: namque hinc sequeretur, quasdam res animantes malignam lucem undique sensuras fuisse, utpote totas ferè transparentes; atque homines nonnullos tenui puroque corporis habitu, lucem fortasse percepturos quâ imâ partes digitorum connectuntur, pellucidum enim aliquatenus est id quod connectit; quare vitâ & spiritibus continuatis indè, ut sunt, ad conarion, vel quantum ventriculum cerebri, sequeretur animam lucem indè subsensuram, quod foret videre illîc simul & tactu sentire.

4. Quapropter magis consentaneum videtur, ut in *Plastica* quoque parte animæ *heterogeneitatem* ponamus, nec quamque partem animæ à sede *communis sensûs* distictam, i. e. non circulum quemque centrum animæ ambientem, eisdem finibus virtutis & potentia gaudere, nec quoad *numerus*, nec quoad *spatium*: verum, quod ad *numerus*, gradualem esse declinationem ab excellentia *primaria*, quæ est pars animæ *Perceptiva*; cui proximum circulum esse partem illam *Plastica*, quæ objecta *Visûs* transmittere valet, pariter ac tactûs, & auditûs, & quicquid sit sensuum aliorum in anima. Circulum huic succedentem *Auditum* esse sine *Visu*, at non sine *Tactu*: etenim tactus per omnia se fundit, at in extrema regione sua, quæ est longè maxima, nullorum objectorum perceptiones distinctas & definitas transmittit nisi tactilium; aliis omnibus est medium iners & inanimum; quemadmodum & *circulus auditorius* merè passivum medium est objectis *visûs*. Quare si imaginationem nostram oblectare velimus, & Animam, cum *Ficino*, Stellam fingamus, accuratius id fiet, si cogitemus illam circulis suis velut *Halone* circumcinctam: nam anima non magis homogenea est *rationi*, quàm visum illud *oculo*.

5. Quod si animam in formam aliquam personalem propendere semper existimemus, *Plasticorum* tum radiorum directio ad *organizationem* quandam tendere debet, qualis scilicet præsentî statui animæ conveniat, sive in *aereo* sive in *athereo vehiculo*. *Plasticam* vim enim vel omittere, vel variare actionem, prout eam proliciat ingenium materiæ in quam agit, in *terrestri* hoc corpore organizando elucet. Nam verisimillimum est, animam in se ipsa esse ex æquo utriusque sexûs; unde illa nonnunquam materiam signat utroque, at rarissimò: liquet ergo eam, alterâ parte virtutis suæ *Plastica* feriente, usurpare alteram in omnibus ferè fœtûs efformationibus.

Unde obvium est inferre, si vis *Plastica* *athereum aeriumve* vehiculum naturaliter effingit in *animalem formam*, eam ita tamen virtutem suam efformatricem temperare posse, ut nulla alia lineamenta ducat, nisi quæ apta sint, & quæ deceant naturam *Angelicam*.

At enim secundum hanc hypothesin forsân objecta sensûs omnia \* ab omni horizon-tis plaga ad centrum animæ non pertingent; nè quidem si hæc organizatio non esset naturalis, sed planè arbitraria. Cæterum sive anima sic in *animalem formam* componi putetur, sive solutior exeat negligentius in figuram quamlibet orbiformem, prout radii ejus explicarint sese in *aereo athereoque vehiculo*, visionis sedes utrobique commodè restringetur; quæ quidem consideratio est haud exigui momenti.

6. Hæc dixisse sufficiat in genere de ipsa *natura* animæ ipsius, *extensione* & *heterogeneitate* ejus. His addam unicum idque observatu dignum, de *vehiculo* ejus *aereo* & *athereo*, tum postea ad disquisitiones magis particulares descendam. Sunt qui temeritate ingenii, & falsis deductionibus ab experimentis pravè intellectis nixi, fidenter nimis affirmant, esse vacuum in *Natura*, & quo quodque corpus levius sit, hoc minus substantiæ in se habere. Rem sanè vel primâ fronte ineptam & absurdam iis omnibus, qui mediocriter modò versati sunt in incomparabili *Philosophia Renati Cartesii*; cujus solers ingenium, & accurata perspicientia naturæ legumque materiæ, ita rationes perfecit phænomenon eorum, quibus expediendis *Democritus*, *Epicurus*, \* *Lucretius*, alii, miserâ at cassâ anxietate insudârunt, ut nihil jam, quod ad illam Philosophandi rationem attinet, desiderari videatur, præter patientiam liberumque judicium in iis perlegendis, quæ abs illo scripta sint.

7. Juxta hanc ergo Philosophiam, atque adeò veritatem ipsam, tantundem semper est materiæ seu corporis in una consistentia ac in alia; ex.gr. tantum materiæ in calice aëris pleno, quantum in eodem impleto aquâ, & tantum in hoc, quantum foret in eodem calice si plumbo aut argento vivo repleretur. Quod hîc ideo noto, ut animos hominum liberem vulgari illo errore & idiotico quo imbuti sint de *Spiritibus apparentibus*, quasi scilicet tam essent evanidi, tamque expertes substantiæ, ac sunt umbræ ipsæ nostrorum corporum in parietem projectæ, aut imagines nostræ ab aqua vel speculo reflexæ: & convenienter huic suæ allucinationi nomen iis imposuerunt, animas hominum



hominum sese offerentes ipsis εἰδωλα seu *imagines*, & *Umbras* appellantes. Quas quo magis visibiles sunt, eo magis substantiales esse putant; aëremque ita condensari opinantur, ut non modò plus aëris, verùm etiam simpliciter plus sit materiæ seu substantiæ, cùm visibilis apparet, quàm erat antè in eodem spatio. Quamobrem nequeunt quin existiment ad minimum miserandumque entitatis modulum morte nos esse redactos, substantiam nostram tantùm non perisse, nihilque nostrì præter tenuissimum fumum superesse, qui ad molem quâ nunc sumus non magis accedit, quàm vapor iste quem sudans equus post se relinquit, mane gelido celerrimè incitatus. Quæ certè cogitatio illis luctuosissima sit oportet, qui crassum hoc & habitius, quod circumferunt, corpus amant, multùmque sibi placent reputando quot libris pondo vicino suo propensiores erant, cùm proximè lancibus oppositis pendebantur.

8. At si dubia quædam pelluciditas defectum arguit corporeæ substantiæ, columna crystallina minus habebit substantiæ, quàm ea quæ facta est ex parti fumo; illam autem, quanquam ita dubium atque evanidum objectum sit oculo, manu si probemus, rem admodum solidam ostendet se: id quod Spectra illa, quæ dubiâ hâc specie apparere dicuntur, fecerunt iis, qui illa tetigissent, aut qui ab illis tacti essent. Ridiculum enim est & Philosopho indignum, corporeæ materiæ modum aut quantitatem æstimare ex illa ejus specie, quam ad visum habet; nam ita Aër planè nihil esset: aut ex eo, quod nobis manu tractantibus vel ponderantibus videtur; sic enim \* poculum plenum Mercurio videretur quidem infinito plus materiæ continere, quàm idem aëre solo plenum; & hydria minus, cùm subter aquam mergitur, quàm cùm portetur per aërem. Sed enim meminisse oportet, quâcunque consistentiâ materia sit, quantumvis tenuis & pura, ipsius flammæ æmula, non minus tamen in ea esse substantiæ corporeæ, quàm in argento, plumbo, auro, tantundem spatii occupantibus.

9. Quare non est cur miseremur strigolam defunctorum sortem, quasi omni ferè substantiâ corporeâ exutorum, nimiumque tenuiter amictorum, quàm ut ullo se sensû objecto oblectarent. Non enim minus corporis habent quàm nosmetipsi; tantùm hoc corpus eorum multò *actuosius* est nostro, utpote *spiritualius* factum, id est, pluribus motûs gradibus impertitum; quem quidem motum universa materia mundi abs Ente aliquo spiritali recipit, & hoc ipso nomine Ens illud spirituale eò magis referre dicatur, quò plus motûs ei communicetur: quod item facit in ea re, quæ motûs est effectus, tenuitate & subtilitate partium, per quam valet imitari quadantenus proprium *Spirituum* privilegium, qui omnia omnino corpora penetrant. Atque hæc animæ vehicula, propter tenuitatem suarum partium, materiam illam faciliè pertransire possint, quæ nobis impervia videtur, licet ipsis re non sit. Materia enim in fluidam subtilitatem eam particularum redacta, quæ sint invisibiles, haud ægrè aditum inveniet per poros inconspicuos.

Quibus ex rebus manifestum est, animam, physicè loquendo, nil morte perdituram, imò bene magnum lucrum facturam. Nam non modò tantum corporis, quantum priùs, possidet, sed etiam hoc amplius accedit, corpus illud vitâ motûque plùs quàm antè vigere. Quam quidem considerationem non potui non hîc attingere, ut per eam funditus dekerem falsam istam suspensionem de evanida & strigosa conditione futuri statûs, quæ in animis hominum plerorumque insidet.

## SCHOLIA

## In CAP. II. SECT. 2.

**C**ommunem formam Angelorum geret, &c. Plásticas verò cùm habeant Angeli, quippe qui vehicula habent Aërea aut Ætherea, humanam etiam habere formam rationi est maximè consentaneum. Quod apud ipsos rarissimum haberi debet qui nullâ omninò re Animas sive Spiritus Angelicos ab Animabus humanis differre volunt. Ut omittam Visionem Ezechielis huic Hypothesi valdè favere.

SECT. 5. Ab omni Horizontis plaga ad centrum Animæ non pertinent, &c. Ad Centrum nempe perceptivum. Hoc enim si fieret, Organizatio ista meritò videri posset frustranea, vel supervacanea. Ceterùm, quum Organizatio hæc non sit, nisi cùm Anima Angelusve ad visibilem reducitur formam ac Personalitatem, nec Formæ visibilitas aliter oriri possit nisi ex aliqua opacitate, quæ lumen reflectat; hinc satis facile intelligitur, omnes meatus, nisi per oculorum Organa specierum visibilium ingressui occludi. Ipsamque Pla-

sticam intus huic concinnitati prospicere inspissando paululum Materiam, ubi commodum est, nemo, qui rem rectè pensaverit, est dubitaturus.

Seçt. 6. Lucretius, alii miserâ & cassâ anxietate sudârunt, &c. Equidem pingui admodum crassoque modo isti omnes mihi hisce in rebus Philosophari visi sunt cum Cartesio comparati. Sed in hoc egregiè falsus est Cartesius, quòd penetrâsse ad maximè probabiles causas rerum immediatas Materiales non contentus vires Materiæ motu Mechanico instructæ itâ amplificavit, ac si ipsa se in omnia Mundi Phenomena, nullo Principio immateriali eam regente ac moderante, possit expedire. Quo nullum immanius aut vesanium commentum esse potest, quemadmodum copiosè alibi, ac præsertim in Enchiridio Metaphysico demonstravimus.

Seçt. 8. Poculum plenum Mercurio videretur quidem infinito plus Materiæ continere, &c. Quæ quidem observatio silentium eis imperare debet qui condensationem Aristotelicam ex ponderum differentia in corporibus ejusdem magnitudinis tanto cum strepitu se demonstrare venditant. Nam hac ratione calix Mercurii infinito majorem Materiæ copiam in se haberet quàm idem calix Aere repletus, (Aer enim in Aere nihil pendet) quod valde videtur absurdum.

### C A P. III

1. Aër est naturalis sedes Animæ post mortem obitam.
2. E regionibus æreïs Animam excedere non posse, donec Ætherea Congruitas vitæ in illa excitetur.
3. Non omnes Animas in eadem regione æris versari.
4. Commentum Cardani Dæmonas omnes in Regione summa collocantis.
5. Commenti istius usus ad rationem reddendam rara eorum Apparitionis.
6. Salvare hoc phenomenon hypothesi rationi magis consentaneâ.
7. Opinio Cardani amplius refellitur.
8. Plura eodem spectantia.
9. Origo erroris Cardani de Dæmonum operationibus è longinquo.
10. Objicitur, fieri non posse, ut Dæmones & Animæ separata in inferiore hac Regione versentur, ubi Venti & Tempestates adeò frequentes sunt.
11. Apparatus ad Responsum ex consideratione naturæ Ventorum.
12. Responsum particulare ad Objectionem.
13. Responsum altera à natura Staticæ facultatis Animæ.
14. Alia ab ejus vi subito actuandi Vehiculum suum.
15. Quanam incommoda Anima à grandine, pluvia, &c. patiatur.

1. **H**IS jam dictis in genere, ad argumenta particularia, quæ dixi, venio; ea ad pauca hæc Inquirendi Capita reduci possunt, Quis sit Anima locus & sedes post mortem, Quæ actio vitæ, Quæ denique conditio ejus moralis. Aerem sedem ejus esse decernunt constantissimè veteres tum Philosophi tum Theologi naturales, elementum illud unanimiter facientes Animarum separatarum receptaculum: quod *ἀἰθήρ*, i. e. *æther*, idcirco nominârunt, quòd defuncti sunt in statu invisibilitatis, quemadmodum & locus, in quo concluduntur, elementum est suâ naturâ prorsus invisibile, oblitum præterea caliginosis nebulis, & per vices umbrâ telluris involutum. Veritas hujus ipsorum sententiæ liquidò demonstrari potest ex Axiomat. 29 & 31. Naturâ enim falsus enormes non faciente, necessariò sequetur, Animas separatas mansionem suam primam in aere habituras, propterea quòd *vitalis congruitas* ea, quæ *aereo vehiculo* convenit, suâ vice expergiscitur continuò à terrestri corpore derelicto.

2. Anima ergo sic vitaliter unita cum corpore seu vehiculo aereo, è regionibus æreïs vehi nullo modo potest: quoniam itâ planè sunt motus ejus, ut vehiculi sui natura feret; cujus consistentiam mutare non valet in subtiliorem purioremque habitum quàm capit Aër, specie non mutatâ. Aërem conspissare quidem potest, motum ejus introrsum versùs se dirigendo, & eo pacto bene magnam partem primi secundique elementi exprimens, plus æris solito retinere: non tamen aërem itâ prorsus abs se amandare potest, ut duo elementa illa sola, aut aliquammagnam eorum vim actuet, quoniam Ætherea Congruitas adhuc planè sopita jacet; nec penès animam est eam pro libitu excitare: quocirca *aerem* materiam omnem abs se amolitur ire, cruciatus summus & mortis instar esset. Præterea ad hoc efficiendum requiritur ea vis, quæ, præter directionem, significaret & additionem motûs novi ad aërem sic ablegatum; quò aliis æris partibus, angustationem omnem agrè ferentibus, obniti valeret: quod quanquam fortè fieri utcumque potest, attamen ut anima hâc vi suâ directive integrum sibi comparet vehiculum æthereum, videtur admodum improbabile; ut patet ex Axiom. 31.

3. Necesse



3. Necessè est igitur ut Anima hinc profecta in aliqua regione aeris consistat, nequaquam verò ut omnes Animæ eandem habitarent. Proinde enim ut Animæ, cum corpore excedunt, aliæ sunt aliis puriores, ita purior *congruitatis vitalis* gradus in illis expergetur: unde divinâ illâ *Nemese*, quæ pervadit omnia, ad ea loca naturaliter perducentur, & ad eos cœtus Animarum aggregabuntur, prout cujusque indoli magis congruat; & æternâ illâ justitiâ, quam Deus essentiali ipsi mundi compagi penitus infleverit, tam erunt distinctè distributæ, quàm homines hic sunt humanis legibus, quæ alios in carceres, alios ad nosocomia, alios ad Prytaneum mitti jubent.

4. Animabus ergo nonnullis, ut verisimillimum est, obveniet, ut in hac infima regione aeris fataliter, quasi compedibus vincatæ, consideant; quod item de multis aliis Spiritibus verum esse non dubito; tametsi *Cardanus* multum sibi placet in hoc suo peculiari commento, viz. Supremam aeris regionem habitaculum unicum esse omnium Dæmonum seu Spirituum quorumcunque, & descensionem eorum ad nos tam esse raram, quàm urinationem hominum ad imum maris fundum, tamque ferè difficilem; crasso hoc aëre scilicet, in quo nos degimus, tam malè congruente tenui illorum consistentiæ, quàm nobis aqua; in qua spiritum retinere cogimur, proindeque brevissimam in ea moram facere.

*De rerum vari-  
et. lib. 16. cap.  
93. pag. 1139.*

Fingit præterea mediæ regionis transitum illis, ob frigus, molestissimum; quam propterea quasi sepimentum esse ait, illos inter & nos positum, ut mare inter nos & pisces; quos quamvis ingenio & industriâ multum vincimus, & capere & occidere vehementer cupimus, paucissimos tamen in manus nostras devenire, præ qui non veniunt: ita *Dæmonas* istos, quanquam non adeò bene nobis velint, neminem tamen nostrum lædere posse impressione corporali, (ut quos difficulter admodum adire valent) neque ita multos arte & industriâ.

Opinatur enim iste impotenti imaginatione Philosophus, quemadmodum nos pisces petimus escis, nassis, fulcinis, & id genus machinis in imam aquam jactis; ita *Genios* illos *aereos*, supernè in tertia regione aeris consistentes, (ut nos in ripam, aut in navicula, cum piscamur) somniis & visis demissis homines nonnullos ita irretire posse, ut per terrores mentisque perturbationes, tanto licet intervallo, illis tandem perniciem & exitium afferant.

5. Quam quidem Hypothesin is ideo, ut reor, sic contexuit, ut rationem redderet, cur Genii rariùs appareant, cùque tam pauca ab illis inferantur mala. Hinc enim in promptu foret responsum, infimum hunc aërem inidoneum esse elementum, in quo ii commorentur: & qui *Spiritus* idcirco esse negant, quòd rarissimò conspiciuntur, tam ineptè arguere, ac si pisces, sermone ac ratione mutæ suæ genti concessis, concluderent universè, homines aut equos non esse, quòd rarissimò à se videantur; & pisces illos, quibus videre contigit, à se visos fuisse affirmantes, contemnerent & riderent velut fanaticos & cerritos & mentis impotes; aut illos ejus nimium compotes politico aliquo consilio hæc finxisse dicerent.

6. Quæ eadem parabola constabit, aliis autem fundamentis, si modò pro distantia loci, conditionis differentiam substituas; & quæ illic adhibebatur similitudo, hic erit æquè apta & appositæ. Etenim ut Spiritus vehiculum suum condenset ad terrestrem panè crassitiem & visibilitatem, tam est rarum ac insolens, &, ut verisimile est, æquè arduum, quàm ut animalia terrestria ad fundum maris urinando descendant: & sic pariter obvia est ratio, quare tam pauci ex iis videantur, & eorum existentia confidens negatio pariter temeraria ac stulta in illis, qui non eos suis oculis viderint. Ità enim se res habet ut si pisces inter se contenderent de existentia hominum, eorumque urinatione, & an loca ulla essent in mari abs illis infestata; quo nomine ea certè loca forent celebratissima, unde homines margaritas expiscantur, aut quæ frequentioribus naufragiis infamia sunt, aut natationi amœnissima. Atque insignis aliqua occasio, calamitas, aut gravius consilium, qualia rariùs incidunt, rationabiles causæ & invitamenta unica Geniis existimari debent, quam ob rem se nobis in conspectum præbeant.

7. Quòd tam parùm mali ab illis inferatur hominibus, in *habitationis distantiam* referri non opus est, quin potiùs in *Legem Universi*, cujus vis per omnes Entium Ordines permeat. Præterea, triviale est & idioticum, & Philosopho minimè dignum, existimare, *Spiritus Aereos* omnes adeò insensos esse hominum generi, ut eorum perniciem simpliciter propter ipsam delectentur. Namque homines non oderunt pisces, quòd in alio elemento vitam agitant; sed amore sui duntaxat capiunt illos, lucri aut victus causâ: neutrum autem horum spectare possunt Genii in exitio nobis parando. At malum gratis facere, mali ipsius causâ, adeò immodica est malitia, ut dubitent nonnulli an Enti ulli intellectuali competat. Quare id primùm probasse debuit *Cardanus*:

*Cardanus:*

*danus*: tum etiam, si qui sint tam maximè degeneres, multos esse tales, vel potius ita multos, ut coerceri nequeant à cæteris minus depravatis. Videre enim apud nos licet, homines, cætera satis malos, magnopere tamen ab iis rebus abhorreere, quæ immaniter gravisque exitiosa sunt aut homini aut bestię; tum opem operamque suam libenter conferre ad excindendos, plectendos, aut saltem prohibendos immanium istiusmodi atrociumque injuriarum designatores, quæ per nullam causam aut rationis speciem fiunt, sed purum putum sunt exercitium sævitie atque vexationis alienæ.

Debuit porro demonstrasse, genus humanum universum non esse peculium aliquorum Spirituum, nec ullos esse Gubernatores invisibiles nationum, civitatum, familiarum, nonnunquam & singulorum hominum; tum *Politicam* saltem bonitatem, quæ hominum ipsorum & quæ sunt hominum, saluti sufficit, non etiam in regnis *dereis* longè magis obtinere, quàm crassam injustitiam. Nam totum hoc infra *Vitam Divinam* subsistet; adeò ut metuendum non sit, nè populi aerei, ex hac suppositione, nimium perfecti fiant. Breviter, probasse debuit ordinem *Politicum*, cum plena ejus administratione, non à cælo ad terram pertingere, & in ipsas etiam regiones subterraneas penetrare, si quæ fortè hinc sint creaturæ intellectuales. Hoc enim sufficiet ad rationem reddendam, quamobrem tam parum mali mortalibus inferatur, licet *aereorum spirituum* plena sint omnia.

8. Adde quòd quanquam non permittuntur ipsi atrocem aliquam injuriam facere, nec pro suo libitu homines sine ipsorum consensu occidere, illis tamen animos addant in iis vitæ rationibus, aut ad ea instituta pelliciant, quæ tandem exitium allatura sint: at forsan non infensiori consilio, quàm quo nos canes ad pugnam incitamus, gallos committimus, ursis taurisque moloßos immittimus, equos ad cursûs certamina producimus, & similia; ubi sæpe, per nos hortantes & animantes, affectibus suis vitæ dispendio obsequuntur.

At quamvis canem aut gallum sic neci dedere non multum moramur; nemo tamen adeò immanis est, ut eam ob rem tantum quia ita vult, animantes illas trucidet. *Genii* similiter deteriores, suo quisque pro ingenio, adsint fortassis & affectentur quosdam homines in certa vitia pronos, & ad ea pro virili sua persequenda urgeant illos, vel ut contententes cum aliis, vel animo suo duntaxat obsecundantes; quorum partibus faventes, oblectent se faciendo ut alter alterum vincat singulari certamine, strenuè bibendo, fraudibus & insidiis, venere, divitiis congerendis, honoribus affectandis, & similibus. In quibus rebus omnibus ludus *Geniis* istis esse potest, vires & fortunam hominis cui favent periclitari; qui si per tentationum ac hortationum instantem vim pereat, tam erit fortè præter eorum consilium hic casus, quàm est præter voluntatem ejus, qui gallum in arenam producit, ut cervices ejus transfoderentur: cæterum si sic accidit, par est utrobique dolor.

Satis ergo noxarum facere possint hi Spiritus, impellendo homines qui faciunt; licet aliis conditionibus mala perpetrare fortasse nec volunt, nec, si velint, possunt per tot vigilantes oculos ipsis imminentes. Etenim *Legiones Aereæ* tam capaces sunt civilis probitatis, tamque imò sensu ejus tangi possunt, fortean majori, quàm *Terræ* populi.

9. At si tam procul à nobis essent, quàm procul eos esse vult *Cardanus*, non video quid rei nobiscum habere potuerint, ad boni vel mali quidquam nobis pariendum. Nam quòd *Visa & Insomnia* allegare possint tanto ex intervallo, nã id ipsum somnium est, à primo errore illo Philolophiæ *Aristotelicæ* ortum, qui Deum & Intelligentias à cælestibus orbibus agere facit, & sic omnes effectus Naturæ hinc infra producere; qui tamen, nisi à præsentis Numine Spirituque vitæ permeante omnia, fieri nequeunt.

10. Hoc ergo commentum ejus non obstabit, quo minus concludamus, infimam hanc quoque regionem aëris *Demonibus* frequentem esse. Quod si sit, probabile erit Animas impuriore ibidem etiam loci pervagari; quanquam ego hac in re diligenter elaboravi, ad plus adhuc negotii mihi met facessendum. Nam ex facili erit objicere illud, quod iniecit olim *Lucretius*, nimirum cum ista regio ita pateat ventis & tempestatibus, Animas *vehicula* sua *aerea* strictè satis continere non posse, nè procellis importunis dissipentur. At facili eximemur hanc sollicitudine, si naturam ventorum ac vehiculorum, & *Staticam* vim animæ contemplemur. Etenim dicere illas tam commodè se hinc expedituras ac *Genii*, non satisfaciet; quoniam libenter scire velimus, quomodo non & *Genii* ipsi eidem sint incommodo obnoxii. Quare responsum meum ad utroque pertinebit.



11. Ventos nihil aliud esse nisi particulas aquæ maximè agitatas, *Cartesius* in *Metaphysicis* suis eleganter quidem demonstravit: id genus autem particula non tam propellunt aërem quàm pertranseunt, sagittarum instar aut imbrium grandinis vel pluviae. Quare non una pars aëris abs alia abripitur; sed ita se res habet, ut si quis animo fingeret tot pilos breviusculos circa medium suum punctum hæc illac rotatos, ut ludii rudes suas jactare solent, itaque per aërem transeuntēs; motus hic liberè procederet, aëre non simul abrepto. Cum hæc sit ergo natura venti, aër abs eo non lacerabitur, licet impetum ejus in nos aëti sentimus, quia non tam facilè nostra corpora penetrare potest.

12. *Geniorum* autem & *Animarum* hominum defunctorum vehicula ejusdem serè sunt naturæ ac Aër; quare planè fieri non potest, ut ventus ampliùs in ea valeat, quàm in reliquum aërem; ideòque quæ minima cogitari potest vis cunctas eorum partes continebit. Quod verum esset etiamsi ventus aërem secum ferret: nam sic vehicula *Geniorum*, quæ ruit ventus, secundo quasi flumine deferrentur, nec ullam, aut exiguam tantum, vim paterentur, nisi ipsi contra obniti vellent. Id quod ut faciant necesse non est; immo neque ut eum omnino, saltè non diu, subeant; sed defendere se possint, \* ut alia animantia solent, tectis aut maceriis succedentes, in sylvis, vallibus, speluncis, sub saxa, aliisque locis idoneis; idque satis maturè, quod mutationes aëris, tempestatumque signa, terrestri quovis animanti certius præsentire valent.

13. Et tamen non est cur adeò sibi à periculo caveant, cum vim habeant, quæ tutò id aggredi possint, quantumvis fuerit; facultatem suam *Staticam* dico, è vi directrice motus particularum *vehiculi* oriundam. Hæc enim vi præditos motum particularum dirigendi quæ volunt, Axiom. 31. necessariò sequitur, illos cursum earum introrsum seu centrum versùs determinare posse; quæ directione fiet, ut omnes arcè sibi mutuò cohæreant, firmæ & compactæ: & hanc ego vim nuncupo *Staticam* potentiam Animæ. Quæ si universam agitationem particularum vehiculi, tam primi & secundi elementi particularum, quàm *aerearum*, dirigere valet, idque partim versùs centrum, partim contra tempestatis impetum, vis hæc & firmitas longè superabit ventos validissimos, quos unquam Anima subire potest.

14. Quapropter vehiculum animæ neutiquam periclitatur à ventorum rabie, certè nulla inde metuenda erit interruptio vitæ. Nam ventus unam partem aëris eripiendo alteram apponit, quæ continuò ab anima præsentì actuetur; quanquam opus non est, ut ad tam laxam hypothesin confugiamus. Equidem probabilius est, Animam cum certa parte aëris uniri præcipuè, nec nisi sensim dimittere vehiculum suum, quemadmodum spiritus nostri paulatim abeunt per insensilem perspirationem.

15. Videmus ergo quàm parum *Vehiculo* Animæ incommodent ventorum tempestates; & multò adhuc minùs pluvia, grando, nix, & tonitrua. Hæc enim per vehiculum ut per reliquum aërem pertranseunt, \* qui continuò coit, nullâ vel plagâ vel cicatrice relictâ. Quare meteora hæc omnia, si modica, voluptatem & recreationem, si vehementia, non longum dolorem, si furentia, nullam omnino vitæ intermissionem Animæ parient. Unde tutò licet concludere, non modò supremam regionem Aëris, sed hanc infimam etiam, tum *defunctorum* hominum *animabus*, tum *Dæmonibus* inhabitari posse.

## SCHOLIA

## IN CAP. III. SECT. 12.

UT alia Animantia solent, tectis aut maceriis succedentes, &c. Nullis hic locus displicere potest nisi abjecto animo hominibus ac superstitiosis, qui quoslibet Dæmonas ut Deos suspiciunt, omnèque intelligens Animal præter Hominem Divinum quoddam Animal statim fingunt ac tantum non omnipotens. Sic autem solent Superstitionis & Ignorantia mancipia, vera Philosophia nescia ac Religionis. Utraque verò docent Dæmonas non pati tantum posse, sed miserum in modum corporaliter torqueri. Quod necesse est si sensum habent, ut si sensum, habere etiam vehicula tenuia & Aerea ventis etiam obnoxia, &c. Sed istiusmodi insubidis frivolisque cavillis hominum agrestium ac Stupidorum amoliendis non est opera pretium immorari.

Sect. 15. Qui continuò coit nullâ vel plagâ, &c. Quæ quidem conditio si minùs quibusdam placeat, equidem hi *Genii* staticâ suâ virtute ita vehicula constringere possunt, ut nec

nec Guttæ pluvia nec grandines queant penetrare, sed ut à cutibus nostris resilient, humi-  
que tandem decident.

## CAP. IV.

1. Animam corpore terrestri relicto Dæmonem fieri.
2. De sensibus externis Animæ separata, de numero & finibus eorum in vehiculo.
3. De Visu in vehiculo organizato & non-organizato.
4. Quomodo Dæmones & Anima separata audiant videantque ad ingens intervallum: & unde fiat, ut illis nos facile audientibus & videntibus, nos illos vicissim nec videre nec audire possimus.
5. Illos Auditum habere pariter ac Visum.
6. De Tactu, Olfactu, Gustu, & Nutritione Dæmonum.
7. Quas occupationes externas Genii & Anima defunctorum habere possint extra Corpus.
8. Actiones Animarum separatarum, quoad nos, conformes fere vitæ suæ in terris esse.
9. Quanam sint occupationes earum quoad se.
10. Distinctio Ordinum Dæmonum pro locis in quibus maximè versantur.

Max. Tyr. Dis-  
sert. 27.

1. **Q**uestioni primæ jam absolutæ succedit altera, Quæ sit Animæ separata actio vitæ, quibus in rebus se occupet, & ævum suum transigat, vel sola, vel in cætibus, vel ut pars est & membrum communitatis Politicæ. De quibus omnibus generatim affirmare licet, ita cum Anima esse ut cum cæteris Geniis arëreis; ἢ ὅτι ψυχὴ ἀποδυσσάμεν τὸ σῶμα δαιμόνιον ἔστι, Anima enim, quæ terreste hoc Corpus semel exiit, Genius evadit; ut Maximus Tyrus, Xenocrates, Philo, & alii censuerunt. Cæterum hæc distinctiùs dispiciemus.

\* Cap. 2. sect. 3.  
4.

2. Quæ Animam occupent & oblectent solam, sunt vel sensus externi, vel interne mentis objecta. De superioribus illis sanè facilius est quæstiones movere quàm dissolvere; in quibus hæc una sit, An tot numero sensus habeat Anima, quot in hac vita habuisset. Auditum, Visum, & Tactum esse præditam, extra controversiam positum arbitror; quoniam hi sensus in illa inerunt necessariò, sive vehiculum ejus organizetur sive non; & ex his visus & tactus omnium certissimè. Quandoquidem enim objectorum visibilibus sensatio in nobis fit à motu per particulas sphericas eas transmissio, quarum series ab objecto per aërem continuata ad ipsum visus organum pertinet, (quod videt tantum propter particulas illas animæ vitaliter conjunctas) iisdem \* illis particulis totum vehiculum animæ permeantibus, fieri non potest quin illa videat. Verum quæritur præcipuè, an in quaque parte vehiculi videat. Ad quod respondendum est, non in omni parte videre: partim ex eo quod || suprà disserui de heterogeneitate Plasticæ, partim ex gravi incommodò aliter consecuturo. Nam si in omni parte vehiculi sui animam cernere concederemus, objectum omne propinquum, non duplum tantum, sed centuplum, aut millecuplum videretur; quæ quidem res Visum insigniter scædaret & corrumpere. Quare visivam facultatem animæ in statu separato, pariter ac in terrestri corpore, non sine gravi causâ limitavimus.

\* Cap. 2. sect. 5.

3. Verum hoc non obstat quò minus Anima, cum in unum *homogeneum orbem aereum*, nullâ organizatione distinctum, colligitur, circumciscâ videat, antè, ponè, suprà, infrà, undiquaque. Quòd si vehiculum suum organizet, tum fortè restringetur visus, velut in nobis, qui à tergo cernere non possumus. Quàm rem || antè attigimus.

4. Itaque manifestum est Spiritus Aereos non posse non videre nos, licet illos videre nos non possumus; idque fortasse permagno ex intervallo, si vehiculum suum, vel visus organum in aliquam ejuscemodi figuram idoneam transformare valeant, qualis in lentibus dioptriciis cernitur. Quæ vis longissimè superabit contractionem dilationemque pupillæ, qui debilior quidem & imperfectior conatus est ad summam hanc de qua loquimur facultatem: quam tamen esse possibilem in Spiritibus, suadent axiomata 31 & 34. Quod idem de eorum Auditum dici potest. Per eandem enim facultatem fabricare sibi valeant organa ad excipiendos sonos majore artificio & excellentiâ, quàm accuratissimum Acousticon quod unquam factum legimus, aut excogitare possumus.

Quare valde puerilis est allucinatio existimare, quia nos Spirituum neque formam videmus, neque sermonem audimus, illos idcirco nec audire nec videre nos. Nam mollia corpora imprimuntur duris, non vice versâ; quemadmodum cera liquefacta signum annuli excipiet, annulus nequaquam impressus est cerâ. Ad eundem modum



dum corpus solidum cursum æris sistet, non autem aer corporis solidi; & terrestriis concretio quævis reflectet lucem, lux verò vix ullum terrestre corpus de loco movet, se | abs eo reverberatur. Tenuissimum ergo & liquidissimum quidque est maxime passivum, proindeque si vehiculum sit sensus, maxime sensile.

Unde sequitur, cum lux ab objectis reflexa organa nostra, quæ non adeò tenuia sunt, movere valeat, eam *Geniorum* sensoria certiùs & longiori ex intervallo permuturam. Eorum autem corporibus ex diaphano aëre conflatis, fieri non potest ut nos ea videamus, nisi laborem suscipere velint cogendi ea in crassiores habitum, quo lumen reflectere possint. Neque nos *Geniorum* sermonem communem facile audire possumus, tum quod lenior motus æris sufficiet ad eorum vehicula ferienda, tum quod fortè tenuiorem puriorémque istius elementi portionem in hoc opere adhibeant, quæ non satis apta sit ad sensum nostrum permovendum. Itaque nisi datâ operâ audiri se volent, (cujus rei *Dæmon Matiscenensis* luculentum est exemplum) quæ æris percussio sit in eorum sermone usitato, sensorium nostrum ferire non potest.

Vide Antidot.  
lib. 3. cap. 3.  
sect. 8.

5. Et nè gratis hæc omnia dixisse videamur, constat ex eo quod || suprà innui, *Auditum* *Genios* pariter ac *Visum* habituros; nam, ut ibi docui, hæc quoque facultas, similiter ut visus, sedem ac ordinem suum habet in vehiculo prope *sensorium commune*; quapropter *vehiculo* universo ex aere factò, quæ percussiones ejus sensum soni efficiant in nobis, eæ in *Geniis* eundem necessariò sunt effecturæ; at accuratiùs fortasse, si *vehiculum* suum aptè ad eam rem organizent; id quod respondebit arrectioni aurium in animalibus, ad meliorem intromissionem soni.

Cap. 2. sect. 4.

6. *Tactum* esse præditos, certo certius est; qui enim aliter sentirent resistentiam, quæ in mutuo corporum occurso necessaria est, propter impenetrabilitatem? Et ut liberè dicam quod sentio, si quis illis porrò largiretur *Odoratum* quendam & *Gustum*, sensus *tactui* admodum affines, haud facile refelli poterit. Fumi enim & odores aërem facillimè pertranseunt, in eorum vehicula naturaliter sese insinuabunt: qui fumi, si crassiores & humectantes, variationem *tactus* illam efficiant, quam nos mortales *Gustationem*, si subtiliores & sicciore, quam *Olfactionem* vocitamus. Quæ si admitteremus, modesti adhuc præ aliis videamur; nam || *Cardanus* affirmat planè *Genios Aereos* nutriri, & aliquos eorum in animantium corpora insinuare se, quo sanctæ guine & spiritibus eorum delibuti madescant & quasi pinguescant. Quod idem à *Marco Eremita* in || *Psello* confirmatur, referente, *Genios* puriores ali aëre hausto, ut spiritus nostri in nervis & arteriis; impuriore verò humorem imbibere, non ore, uti nos facimus, sed ut spongia aquam. Refert item || *Moses Ægyptius*, *Zabios* idcirco sanguinem hostiæ delibasse, quod eum *Dæmonum* quos colebant cibum existimarent, quodque per eum participatum aptiores se factos crediderint ad communionem cum illis habendam. Quæ si credi potuerint, facerent nè problema illud de *Paredris* sagarum, cur illi nempe eas fugant, difficile videatur. Verum *περὶ ἐπερὰ* hujusmodi, parum ad rem nostram facientia, libens omitto.

De rerum videri  
lib. 16. cap.  
93.

|| *Ἰσὲς ἐν ἐπιστολῇ*  
*αὐτῷ*

|| In *Morè Nevochim*, part. 3.  
cap. 46.

7. Summa eorum quæ dicta sunt huc redit, *Genios* proindeque hominum defunctorum *Animas*, quæ ipso factò sunt ejusdem ordinis ac *Genii*, *Visum*, *Auditum*, & *Tactum* habere certissimè, *Odoratum* & *Gustum* probabiliter. Quibus facultatibus concessis, non erit cur inopiâ consilii magnopere laborent, quo modo quibuscque in rebus tempus tererent, fuerit id faciendum duntaxat in *objectis externis*; cœli terræque apparatus universo longè latèque coràm explicato. Quem nos Solem Lunamque cernimus, cernunt & ipsi; homines ipsos hominumque cœtus & congressus intuentur, & nisi speciali lege aliter cautum sit, oppidatim vagentur, urbes aliam ex alia invisant, sicut & *Hesiodus* innuit.

|| *Ἡσίοδ' ἰσχυρότεροι πάντων ποταμῶν ἐπ' αἰῶν.*

Nullâ re planè fruimur ipsi, de qua non pars aliqua illis, si velint, obveniet; latis agris, sylvis magnis & inviis, amœnis hortis, altis salubribusque montibus, ubi purissimæ spirant auræ, liquidis fluviiis, muscosis fontibus, magnificis conviviiis, theatri pompis & sectaculis, publicis privatisque colloquiis, religionis exercitiis, in templis, privatis ædibus, abditisve cellis celebratis.

Possint etiam spectare, nec fortè sine studio alterutrius partis, gloriosa simul & perniciosa pericula belli, terrâ marive gesti; mollia item ista tacitæque, tametsi aliquando non minùs periculosa, prælia in castris *Cupidinis* depugnata; sexcentaque alia, quæ longum esset recensere, in quibus omnibus non spectatores tantum sed fortassis etiam fautores adsunt, ut *Plutarchus* ait: quemadmodum senes, qui per ætatem emeriti luctari, jactare pondera, aut rudibus batuere ipsi amplius non valent, aderunt

tamen viculi sui juventuri in rusticis illis agonibus, favore plausuque prosequentes. Animæ hominum defunctorum similiter, quanquam cum corpore exuerint simul facultatem communium functionum vitæ humanæ peragendarum, iis tamen favere & adjuvare possunt & consilium aliquod suum per eas prosequi, idque vel in malum vel bonum, proinde ut ipsæ in corpore affectæ fuissent.

8. Breviter, qui mos cunque fuerit, quique affectus Animæ in hac vita, idem illi hæret in futura; & certissimò, quoad sua fert natura, aut edet ipsa actiones mori & affectui isti congruentes, aut saltem spectatrix fautrixque erit earundem,

----- Quæ gratia currum  
Armorumque fuit vivis, quæ cura nitentes  
Pascere equos, eadem sequitur tellure repòstos.

*Dissert. 27. de  
Deo Socrat.*

Quod rectè intellectum, non Poëticum figmentum est, sed decretum Philosophiæ *Platonice*. Et disertè affirmat *Maximus Tyrinus* etiam de melioribus Animabus, quæ, corpore relicto, τῷ αὐτῷ χρόνῳ & νόμῳ δαίμονες αὐτῶν ἀνθρώπων, i. e. ipso factò Genii ex hominibus fiunt; de his, inquam, Animabus seu Geniis affirmat, illos, præter felicitatem propriam indè sibi perceptam, constitui à Deo rerum humanarum Curatores: non ita verò ut *Genius* quisque quæque obeat munia, sed pro suo quisque ingenio vitæque instituto in hac vita, congruas res tractet in altera. Itaque secundum illum *Æsculapius* etiamnum medicinam facit, *Hercules* vires suas exercet, vaticinatur *Amphilochus*, *Castor & Pollux* navigant, *Minos* jus dicit, *Achilles* belligeratur. Quam sententiam in malis æquè ac in bonis Animabus obtinere verisimile est; unde sequetur, impiorum animas id agere ut favorem & operam suam commodent vitiis istis perpetrandis, quibus ipsæ hac in vitâ essent deditæ præcipuè, & ut homines ad ea pelliciant & hortentur. Hinc rursus sequetur, cum per separatum statum suum *Dæmones* fiant, ut suprà dictum est, si etiam ad malum tentent, à meris illas *Diabolis* minimo abfuturas.

9. At præter nostræ curam, intellectualibus contemplationibus, *Physicis*, *Mathematicis*, aut *Metaphysicis*, jucundissimè occupare se possint. Nam proculdubio in statu isto separato non adedò obvia & parabilis res est Scientia, quin *Genii* exercitatione & meditatione ulteriores in ea progressus faciant. Et cum desuetudine oblivisci possint, nova ipsis erit voluptas, speculationes jam pæne oblitteratas in mentem revocare. Et qui ex illis delectantur impensius jucundis sensûs motibus, quàm agitationibus mentis, cum tanta sit varietas Naturæ, tam varîque aëris cæterorumque inferiorum elementorum habitus, qui corpora eorum aërea jucundiùs ingratiùsque necessariò afficient; hoc omne faciet nè hi otiosi sint, & ad recreationes voluptatèisque eas conquirendas ciebit, quas Natura præflagitationibus & desideriiis multifariis mobilium vehiculorum suppeditabit.

10. Ità verò tamen ut generali alicui propensione constanter inhæreant; quod ipsum jam olim distribuerit *errones* hosce *Aereos* in tot *Ordines* aut *Tribus*; antiqui enim Philosophi, & Poetæ, Philosophorum antiquissimi, suum cuique ordini locum assignarunt: uni mare, flumina, & fontes; montes & lucos aliis, & sic de cæteris. Indè etiam nomina illa dederunt *Nereidum*, *Naiadum*, *Oreadum*, *Dryadum*, & similium: quibus addas licet *Dæd̄s tutelares* urbium & regionum, illos item, qui adium focos & simplicem hominum convictum amant, *Lares familiares* appellatos. Qui omnes, aliique plurimi, quos recensere non attinet, unicam licèt propensionem naturalem sequantur semper, propter tantam tamen varietatem rerum occasionumque propensioni isti plus minùsve gratificandi, animi sui cogitationes occupare possint in quærendis augendisque voluptatibus iis, quæ naturæ suæ maximè sunt congruæ. Quæ omnia sigillatim percurrere, tam esset longum quàm inutile.

Quæ hîc breviter attigi sufficiant ad docendum, *Genios & Animas separatas* abundè rerum quas agant habituras, etiam in solitudine: sic enim censerî debet & commoratio earum apud nos, cum non coràm nobiscum præsentibus conversantur.



## SCHOLIA

## IN CAP. IV. SECT. 2.

**I**llis particulis totum vehiculum Animæ permeantibus fieri non potest quin illa videat, &c. Nisi etiam in hoc statu separato requiratur collectio radiorum ab uno puncto venientium in alterum rursus punctum. Cum verò per admodum exiguum foraminulum lamina alicujus oculo applicata objecta satis clarè & distinctè videmus etiam in hoc crasso corpore, quidni vel radiis singularibus & non cunctis in tam tenero vehiculo tenuique; Objecta distinctè conspiciere valeamus, nisi quæ fortè sit difficultas de distantia?

## CAP. V.

1. Animam separatam non omne tempus suum in Solitudine consumere.
2. Congressum ejus nobiscum intelligibiliorem videri quàm cum Geniis.
3. Quomodo Genii sibi invicem visibiles esse queant, etiamsi nobis sint invisibiles.
4. De accessu eorum mutuo, & de finibus velocitatis motus eorundem.
5. Multum item illos superare nos celeritate.
6. De figura aut forma vehiculorum, & de secessu eorum, cum invisibiles esse volunt.
7. Inter se congregari haud posse formâ simpliciter-orbiculari.
8. Congregari Genios formâ humanâ, præstantiores saltè.
9. Utrum forma eorum ex mero imperio Voluntatis & Phantasiæ oriatur, an ad Characterem naturalem Plasticæ partis Animæ dirigatur.
10. Formam personalem Animæ vel Genii partim à Voluntate esse, partim à potentia Plastica.
11. Cum Anima Foetum in utero organizet, & membra nostra pro arbitrio moveat, mirum esset ni Spiritus, ita ut vulgò creditur, vehiculis suis imperarent.
12. Quod porro arguitur ex immani vi & virtute quam nonnulli Imaginationi tribuere.

1. **V**erùm statûs separati lex & conditio non damnat Animam ad hanc Solitudinem; nam in Ordinem Genialem ascripta, communi jure iisdemque privilegiis utitur; quæ hæc sunt scilicet, cum populo Aereo præsens præsentem congregari, & per occasionem cum incolis terræ, quanquam hoc facit longè difficilius.

2. Congressus ejus & consuetudo cum Geniis Aereis, Animabusque aliis separatis, multò admodum frequentior, quàm cum Hominibus, omnino existimari debet, hæc tamen quodammodo melius intelligi potest; quoniam certum est illam cernere nos mortales, lumine abs opaco nostro corpore in ipsius sensum reflexo, & conspiciendo vehiculum suum posse se nobis reddere visibilem. At cum vehicula Geniorum & Animarum nativâ suâ consistentiâ sint prorsus aerea, aerque sit corpus transparens, lucem penitus transmittent; itaque reflectione nullâ factâ ab aereis istis corporibus, altera alterius præsentiam non sentiet, nec ullum proinde inter se congressum aut colloquium instituere possunt.

3. Ingens hæc equidem difficultas primâ fronte videtur. At facillè tollitur, si consideremus Aërem quamplurimos gradus raritatis densitatisque suscepturum, in iistamen omnibus æquè invisibilem nobis futurum; uti in Thermometris observare licet. Verùm in rem præsentem plùs conveniret experimentum Scolopeti Pneumatici, in quo aer in densitatem comprimitur plurimis gradibus majorem eâ, quam fert status ejus naturalis; quorum in multis, si non & in extremo ipso, nobis est sine dubio prorsus invisibilis. At profectò dubitandum non est, quin dum hæc condensatio procedit, & major majorque fit, aer, si in vitreo tubo includeretur, antè Geniis, ob sensus ipsorum teneritudinem, esset visibilis, quàm nobis.

Hinc sequitur, Geniorum vehicula consistentiam habere posse diversam ab Aëre, eamque suis ipsorum oculis mutuo perceptibilem, tamen nostram aciem tam planè fugiat, quàm reliquus aer. Sicuti luscitiosus glaciem in aquamersam ab aqua ipsa forsan visu discernere non valeret, licet tactu posset. Aut si è contrario Geniorum vehicula supponantur puriora & tenuiora cætero aëre, hæc etiam ipsorum præsentia sibi invicem innotesceret. Nam in hac vaporosa regione Aëris, confusam reflexionem lucis undiquaque fieri dubium non est; haud multò aliter ac in nebula cernitur, aut cum Solis splendor aqueus est & dilutus pluviasque prænunciat: cum autem reper-

cussiones lucis istæ sint *Geniis*, quàm nobis, longè sensiliores, diminutio earundem item sensilior erit, proindeque imminuta reflectio à vehiculis eorum sufficiet ad indicandam alteri alterius præsentiam: ad hanc autem illustrandam hypothesin, experimentum Thermometri magis pertinet.

\* Verùm superiorem hypothesin verosimiliorem existimo; & quemadmodum animalia aquatilia crassiore sunt habitu corporis, quàm est elementum id in quo moventur, ita & aeris Incolas suo, sed cum minore multò discrimine.

4. Itaque manifestum est, *Genios Animasque separatas* esse sibi invicem visibiles: at non omni ex intervallo; quare ad se invicem accedere necesse est in mutuos congressus & colloquia: aliquid igitur dicendum est de eorum motu locali. Qui motus nec pinnis nec alis fit, ut in piscibus & avibus, qui instrumentis hisce opus habent ad librandum sese, alioquin in imum elementum suum præcipientes ruituros: sed dirigendo tantùm agitationem particularum vehiculi eò quò cogitant; idque celerius vel tardius, proinde ut ipsis visum est ipsorumque naturæ convenit. Etenim velocius ire non queunt, quàm universa agitatio particularum vehiculi tantum materiæ, quanto constat vehiculum, asportare possit; nec tam velociter quidem; \* nam sic vehiculum eorum verteretur in corpus omnino durum, ut æs, ferrum, & siquid durius, & in terram necessariò rueret tam cassum vitâ quàm lapis ipse. Ergo ineptissima est istorum hominum opinio, qui tam immanem agilitatem tribuunt Spiritibus, tanquam si hic, illic, ubique, simul adesse possent, ab uno mundi polo ad alterum, hinc in terram, uno momento profilire: cum revera celerius ferri non possunt quàm pro directione tantæ agitationis particularum vehiculi, quantâ toti subductâ, superfit adhuc quod ejus satis erit ad conservandum vehiculo fluiditatem illam, quæ sit aëri necessaria.

5. Atque uno hoc efficietur, ut ii nobis vigore & celeritate plurimùm antecellant. Vehiculum enim eorum universum fortean tam tenue atque mobile est, quàm sunt spiritus nostri animales, qui perpauci sunt ad sarcinam hanc terrestres corporis quam secum agunt. Corpora autem *Geniorum* spiritualia nil præter seipsa agendum habent; ideòque expeditiora atque agilia sunt, si nobis compares, quàm generosus equus, qui sessorem excusserit, cum clitellario collatus sacco salis oppresso.

6. Quod proximè dispiciendum venit in congressibus *Aereorum Geniorum* inter se, forma est quæ sibi invicem apparent, quæ sit ejus figura, utrùmque figura sit *naturalis*, an *arbitraria*, an *mixta*. Ut enim in aliqua appareant necesse est, quoniam *vehicula* eorum extensione non sunt infinita. Figuram nullam certam iis naturaliter attribui receptissima opinio est, nisi quæ figura sit omnium figurarum simplicissima effectûque facillima, etiam externâ ope, nempe per aërem æqualiter prementem vehiculum circumquaque, quo fit ut guttulæ roris & pluvie, glandesque grandineæ, in formam istam ordinariò fingantur. Quæ figura item naturæ Animæ pulchrius conveniet, \* si modò illa, ut descripsi supra, è *centrali & radiali* essentia constet, sique *commune sensorium* in medio collocatur. Anima hæc figurâ prædita in aëre versari potest, seque fortassis, vehiculum suum intelligo, in liquiditatem solvere tam proximè æqualem aëri contiguo, ut hoc referat quodammodo secessionem nostram è conspectu hominum, cum soli esse cupimus.

7. Potest autem si vult, idque facilius, ut videtur, corpus suum *Aerem* ita condensare, ut dubio quodam modo se prodatur, quo modo ambiguo produnt se nobis pisces nonnunquam ex aqua, & visibiliorem adhuc facere se potest *Congenius*, servatâ simplici hæc formâ orbiculari. Quæ conversatio autem esse possit inter duas hujusmodi moles *animati aeris*, planè nescio. Affectus quidem possint inter se communicare, similiter ut in oculo fit, ubi motus spirituum passiones animi indicat manifestò: quare possibile videatur, ut, in simplici ista figura, significant gaudium suum aut dolorem, pacatum aut insensum animum, amorem aut aversionem, per motum spirituum vehiculorum suorum variè modificatum. \* Verùm ut intellectualis ulla communicatio institui possit sine ulteriore vehiculi organizatione, profiteor me non intelligere.

8. Quæcunque ergo sit *Geniorum* atque *Animarum* forma cum sunt solæ, operosiorē profectò magisque articulatam speciem induunt, quando in congressum mutuum venire velint. Figuram enim suam ferè pro arbitrio mutare possunt, Axiom. 34. Quam suam potentiam adhibebunt, ut opinor, non modò ad usus necessarios, sed ad ornatum etiam & pulchritudinem. Humana autem pulchritudo, qualis ea cernitur in exemplis utriuslibet sexûs præstantissimis, est sine dubio inculpatissima, longèque antecellit cæterarum animantium formam; quæ non hominum duntaxat est sententia, sed & ejus etiam qui homines fecit. Nam præcipuo ex animantibus terrestribus dare



dare certè voluit dignissimam formam & figuram; quæ quanquam lapsu nostro infœlici non paulùm obsecratur, tanta tamen non est deformatio ejus, quin etiamnum conjecturâ propè consequamur, quæ qualisque fuisset olim. Quapropter maximè consentaneum est ut existimemus, *Genios Aereos*, saltèm præstantiores illos, inter se congregari in humana specie.

9. Sed enim quæstio hîc oritur, humana species ea in quam Anima fingit *vehiculum* suum, simplèxne sit effectus arbitrii imperiique Voluntatis suæ in materiam illam quam actuat, an vis item *Plastica*, se simul exerens, limitet aliquatenus & circumscribat *Voluntatem* in effectu isto; \* sic ut quod *Voluntas* efficiat sit tantùm generale quid, forma nempe animalis, quòd autem forma ista sit præterea *humana*, naturæ sponte & proclivitate oriatur à virtute *Plastica*, unà cum *voluntate* in actum se exerente: naturæ sponte & proclivitate dico; nam vehementior cupido figuram mutandi aliam in speciem efficere potest, ut ea aliud animal referat: at nihil coactum est diuturnum.

Forma igitur facilis illa atque naturalis, in qua *Genii*, meliores saltem, apparent, est *humana*: quo concessio, æquè erit probabile certam aliquam humanæ formæ speciem faciliorem magisque naturalem quavis aliâ futuram, animamque, cùm in personali forma conspici se vult, in eandem semper speciem *vehiculum* suum effecturam, nisi si vultum suum de industria dissimulet. Hoc volo, Vis *Plastica* omnis Animæ, sive *Humana* sive *Genialis*, naturaliter se explicat in peculiarem formæ *humana* modum, qui sit proprius character personæ cujusque singularis: qui quanquam in generatione variet aliquantulùm, parentum imaginatione aut seminis ingenio, anima tamen à corpore quod hîc nacta est liberata, antiquam formam suam integram & expressam recuperabit.

10. Non quòd virtus *Plastica*, voluntatis jussu excitata, eadem omnia lineamenta refinget, quæ in *terrestri* hoc corpore antè duxerat, (multa enim eorum inutilia sunt, quæ propterea, Providentiâ sic volente, in formatione *Aerea* supprimentur, & illa sola compærebunt, quæ statui separato convenient; cujus generis ea sunt præcipuè, quæ ad visibilem formam Personæ perficiendam requiruntur, ad largiendùmque illi partes omnes, quæ vel ornamento, vel usui sint ad intellectualem consuetudinis jucunditatem;) nec quòd vis illa *efformatrix* speciem universam sola perficit, (nam *Spiritus Aerei* variè ornati apparent, alii pulcherrimarum instar virginum, fortissimorum bellatorum alii cum cristata galea, quâ specie *Achillem* ab *Apollonio* visum refert *Philostratus*;) sed mixta est & actio & effectus; partim abs *voluntate* imaginationeque libera, partim è naturali proclivitate Virtutis *Plastica* ad *vehiculum* certam in formam personalem fingendum oriundus.

11. Quæ quidem Animæ facultas ità pro arbitrio fingendi *vehiculum* suum, tametsi oppidò quàm mira videatur nobis, qui neque rem ipsam coràm factam videmus, nec ejuscemodi res animo sæpiùs cogitamus; haud multò tamen mirabilius est, quàm quòd ea foetum in utero organizat, vel quòd ipsi corporis nostri membra voluntate & imaginatione solâ movere valemus. *Spiritus* autem *Aereos* hæc talia efficere posse, *vehicula* sua sic fingere, & varias formæ species induere, novis hîc exemplis ostendere non opus est. Quas narrationes enim memoravimus in libro tertio contra *Atheismum*, ex veritatem rei luculenter confirmant. Enimverò *Imaginationi* à Philosophis omnibus tribuitur tanta vis, ut nil magis mirandum videretur, quàm *Spiritus* hosce *Aereos* non habere hanc potestatem in *vehicula* sua, ut fingant ea refingantque pro arbitrio.

12. Sunt enim, iique magni nominis, qui tam mirificos effectus tribuunt isti facultati, Confidentiâ armatâ & Fide, (quò *Metus* quodammodo referri potest, utpote validissima Fides impendentis certissimòque venturi mali; quò etiam vehemens desiderium, quippe cui magna fiducia rem cupitam assequendi adest, alioqui desiderium non adeò flagrans esset) tam mirificam vim, inquam, imaginationi tribuunt, ut affirmant eam non modò proprium cujusque corpus alteraturam, verùm & in alienum acturam, idque ex loci intervallo; immisuram morbos sanis, ægros sanaturam; grandinem, nives, ventos creaturam; equum aut camelum prostraturam, quique iis insident in fossam projecturam; mirabilia facinora beneficii omnia effecturam, &, quòd in iis maximum est, *Umbras* & *Spiritus* evocatos imitaturam, proximum aërem mutando in formam hominis, qui non modò tractari cernique possit, sed etiam audiri verba faciens; audiri, inquam, non ab iis duntaxat, quorum imaginatio aëreum hoc spectrum creârit, verùm ab aliis etiam assistentibus, qui ad existentiam ejus nihil contulerint. En! quò vim ac virtutem imaginationis humanæ extulerint *Avicenna*, *Algazel*, *Paracelsus*, *Pomponatius*, *Vaninus*, alii: quæ si vera sint, transli-

transfiguratio vehiculorum *Animarum* separatarum & *Geniorum* res nihili præ his haberi deberet.

## SCHOLIA

## In CAP. V. SECT. 3.

**V**erùm superiorem Hypothesin verisimiliorem existimo, &c. Longè profectò longèque probabilior videtur Opinio. Nam si *Aëreorum* *Geniorum* vehicula tenuiora essent *Aëre* ipso, nimia violentiâ ab eodem comprimerentur, qui juxta leges Naturæ vehiculum *Genii* inundare & opplere perpetuò conaretur. Ità ut necesse sit Consistentiam Vehiculi aut æquè crassam esse atque *Aëris*, aut crassorem.

Seç. 4. Nam sic vehiculum eorum verteretur in corpus omnino durum, &c. Hoc certè consequeretur ex Principiis Philosophiæ Cartesianæ, quæ quietem & unionem partium idem facit. Nos verò, omnibus tandem rectè pensatis, unionem partium materiæ ad Principium Spirituale referendam esse censemus, ut & motum materiæ Mundana esse vitalem. Adeò ut nihil metuendum sit à lapidea hac duritie quamvis omnem motum vehiculi *Genius* quispiam ad tendentiam progressivam in aliquam partem dirigeret. Limitatas verò motuum progressivorum celeritates adhuc fore ex summa motus vehiculi limitata, satis apparet.

Seç. 6. Si modò illa, ut descripsi suprâ, è centrali & radiali essentia, &c. Istam verò Hypothesin minùs verisimilem esse aperitè in Scholiis in eum ipsum locum declaravi. Vide lib. 1. cap. 6. ubi ista sit descriptio.

Seç. 7. Verùm ut intellectualis ulla communicatio institui possit sine ulteriore, &c. Atque hoc quidem inter alia non contemnendum argumentum est, quòd Plastica *Geniorum* sunt Hominiiformes, cum sociabiles sint ex eo ipso quòd sint rationales. Aliquam igitur Personalem formam habere debent. Ecqua verò dignior est humanâ?

Seç. 9. Sic ut quod voluntas efficiat sit tantùm generale quid, forma nempe Animalis, &c. Id certè verisimillimum videtur, cum ipsa Plastica suâ naturâ sit Hominiiformis ut suprâ monuimus. Quicquid verò superadditur, vel quoties hac forma immutatur, quomodo id fiat, aliis rationibus est explicandum.

## CAP. VI.

1. Effectuum imaginationis exempla credibilia.
2. Exemplum singulare in signaturis fœtus.
3. Quod concedit Fienus, qui vires Imaginationis causissimè finivit, satis esse ad rem præsentem.
4. Exemplâ à Fieno probata.
5. Exempla quædam ab illo rejecta, probata tamen à Fernelio & Sennerto.
6. Narrationes tres illustres ex Helmontio de maternæ imaginationis vi in fœtum.
7. Illatio conjecturalis ex narrationibus istis de influxu Spiritus Naturæ in operationes omnes Plasticas.
8. Confirmatur ea conjectura à signaturis fœtui impressis.
9. Et applicatur ad vehiculorum *Dæmonum* transfigurationem.

**N**ostra autem fides intra modestiores fines consistet; cui enim rei authores gravissimi assensu sunt, ea res nostro sufficit proposito; imaginationis vis nimirum in nostra ipsorum corpora, quòdque in iis continetur, Fœtum parentis utero inclusum. Realium sensibiliùmque effectuum causam Imaginationem esse hinc constat, quòd morbos nonnulli accersiverunt sibi, imaginationem suam in iis pertinaciùs defigendo; amara acerbave imaginando, illos ipsos sapores in ore excitârunt; fœdæ cujuspiam rei recordatione, continuò vomuère; Potionem cogitando, alvum statim exonerârunt; & plura sunt hujus generis. In quibus & illud, præstitueret timet quotâ velis horâ expergisci manè, haud alio quovis minùs est admirabile. Quas spirituum alterationes efficere; ad producendum qualitates & effectus hujusmodi, omnino æquè arduum est, ac spiritus in figuras sitûsque novos disponere.

Omnium verò difficillimum est tam determinatè activos reddere spiritus, ut conformationem corporis ii immutent, & tubercula, cornuum instar, extrudant, quemadmodum *Cyppo* accidit; qua de re loquitur *Agrippa* in *Occult. Philosoph.* Quam ego



ego rem hîc non retulifsem, niſi confirmatum mihi eſſet recentius exemplum ſimilis quidem effectûs imaginationis, non ex tam apta verò occaſione nati. Metum quoſdam interemiſſe, canos alios feciſſe, hæc item ad imaginationem referri debent: quorum exemplorum poſterius \* indicat, *Plasticam* animæ potentiam habere vim aliquam in ipſos capillos: quo minùs mirum erit ut animæ vehiculum in expreſſam hominis effigiem mutetur, nè pilo quidem uno omiſſo, qui neceſſarius ſit ad ſpeciem ejus perficiendam; liberâ imaginatione, in ſtatu illo futuro, vim *Plasticam* adjuvante, inceptumque ejus abſolvente.

2. Omnium autem exemplorum, rem noſtram proximè attingunt *Signaturæ* illæ, quas *Fœtui* imprimit matris imaginatio. Nam facilè intelligitur, quemadmodum *Plastica* facultas *Fœtus*, phantaſiæ maternæ vi dirigitur aut ſeducitur; ita & *Animarum* ſeparatarum *Geniorumque* virtutem efformatricem ſuâ ipſorum imaginatione regi, aut perverti poſſe: idque tanto certiùs, quanto arctior eſt unio inter *Imaginationem Animæ* ſuamque ipſius *Plasticam*, quàm inter *Animam* & *Plasticam alienam*; quantoque ſequax vehiculum aëreum proclivius eſt ad mutandum, quàm rudimenta embryonis craſſiora.

3. Et tamen quæ matris imaginatio efficit in *ſignando fœtu*, admodum ſunt admirabilia, pænèque iis incredibilia, qui res hujusmodi contemplari non ſolent. Veruntamen vera eſſe conſentiunt unanimiter doctiſſimi tum *Medici* tum *Philoſophi*, *Empedocles*, *Ariſtoteles*, *Plinius*, *Hippocrates*, *Galenus*; recentiores item *Medici* omnes, quotidianâ experienciâ conviſi. Namque *Signaturæ* minùs aberrantes & enormes ſæpe accidunt, quales ſunt ſimilitudo ceraſi, mori, vini rubri in gravidam effuſi, cum multis aliis hujus generis. Et ſi iis duntaxat ſtetur, quæ ſuper hac re cenſuit *Ficinus*, qui quàm cautiffimè ac moderatiſſimè, ut ego arbitror, in ea ſe geſſit, plura requirenda non erunt ad certum id faciendum quod intendimus. Ille enim agnoſcit, *Imaginationem* matris ita figuram fœtus mutare poſſe, ut is ferat ſimilitudinem, non uſquequaque verò perfectam illam, *ſimiae*, *porcelli*, *canis*, & cujuſvis hujusmodi animalium. Idem quoque ſentit de *coloribus*, *pilis*, *excreſcentiis* multorum generum: poſſe item imaginationem producere, quod ſimillimum ſit, rationemque habeat *cornuum* & *ungularum*; magnitudinem etiam numerumque membrorum corporis augere.

Fien. de virib.  
imagin. quaſt.  
22.

4. Et licèt ex exemplis iis, quæ ex aliis authoribus refert, multa repudiet, quæ tamen eorum ipſe probat ſatis ſignificant, quid in *Animæ* ſeparatæ aut *Demonis* vehiculo factum iri exiſtimandum ſit. Quorum primum ſit, puella pilola ex *Marco Damasceno*; ſecundum, infans qui cute & unguibus urſum referebat, ex *Gulielmo Paradino*; tertium, natus quidam cum carneis excreſcentiis multis, ejusdem coloris & figuræ cujus ſunt illæ in gallo Numidico, ex *Baldutno Ronſeo*; quartum, natus quidam capite ranæ capitis ſimili, ex *Paræo*; poſtremum ex *Avicenna*, pulli gallinacei capite aquilino. Quæ cunctæ aberrationes facultatis *Plasticæ* ab *Imaginationis* ſceminarum vi natæ ſunt; vel cùm concipiebant, vel poſtea dum geſtarent uterum.

Fien. de virib.  
imagin. quaſt.  
13. exempl. 5. 7.  
18. 19. 27. 3.  
quaſt. 22.

5. Exemplis autem aliis aſſenſum præbere dubitat, quibus tamen ſcriptores doctiſſimi aſſenſi ſunt. Cujus generis eſt illud nigrorum infantium à parentibus candidis, alborum rursus ab atris procreatorum, per occaſionem tabulæ in qua *Aethiops* aut *Europæus* pictus erat: quod quidem exemplum *Fernelius* & *Sennertus*, celebre par *Medicorum*, recipiunt. Rejicit & illud ex *Cornelio Gemma* de infante nato fronte faucia & ſtillante ſanguinem, ex eo quòd vir gravidæ uxori mortem aut vulnera minatus ſit enſe diſtincto frontique mulieris intentato. Quæ certè narratio non adeò incredibilis videbitur, ſi *Sennertum* audiamus, rem ſibi bene cognitam referentem; viz. ſceminam quandam pręgnantem, intuentem lanjum dum caput ſuillum ſecuri diſſindebat, infantem peperiffe ſuperiori maxillâ, palato, labio item ſuperiori ad naſum uſque ſciſſis.

Fien. de virib.  
imagin. quaſt.  
13. exempl. 14.

Sennert. de virib.  
imag. cap.  
14.

6. Luculentiffima verò exempla hujus generis ea ſunt, quæ *Helmontius* habet in *De injectis materialibus*. Unum eſt uxoris ſutoris veſtiarii *Machlinienſis*, quæ, obortâ rixâ, in eâque manu militis abſciſſâ, dum mulier fortè pro foribus ſuis ſtabat, horrore ſpectaculi percuſſa illico parturivit, infantemque peperit unimanum, brachio altero, cui manus deſuit, fundente ſanguinem, quo ex vulnere exhaustoque ſanguine infans interiit. Altera ſceminâ, uxor *Marci de Vogeler* mercatoris *Antuerpiani*, viſo milite mendicante, qui in obſidione *Oſtendæ* brachium dextrum perdidiffet, & reliquias ejus cruentas adhuc populo monſtrabat, incidit in dolores continuos, & filiam peperit altero brachio carentem, niſi quod ejus ſupererat truncum & faucium, *Chirurgi* fidem & peritiam implorans: ſceminam hanc nuptam poſtea *Hoochamero* cuidam, mercatori *Amſtelodamenſi*, & ſuperſtitem adhuc anno 1638. refert idem *Helmontius*.

montius.

*montius*. Tertium addit exemplum de mercatoris item uxore sibi notâ, quæ, audito hominum aliquot decollationem futuram, (res accidit *Antuerpiæ* sub *Duce Albano*) supplicium spectare voluit. Quamobrem locum idoneum nacta apud mulierculam familiarem, in foro habitantem, tristi spectaculo interfuit; quo viso statim parturibat, infantemque enixa est, cætera quidem perfectè formatum, capite verò carentem, colloque cruentum, ut erant miserorum corpora, quos securi percussos spectaverat. Et quod rem, per se satis miram, magis adhuc admirandam facit, *manus, brachium, caput* horum infantium, nusquam reperiebantur. Unde corporearum dimensionum penetrationem inferre vult *Helmontius*; quàm temerè autem hoc, non libet hîc differere.

7. Si hæc, quas memorat, historia veræ sunt, (& ego profecò haud scio quo pacto earum fidem convellam, ità cum honestis ac credibilibus narrantur circumstantiis) argumenta erunt virium *Imaginationis* illustria, quæque non sibi solum fidem concilient, sed & aliis à *Fieno* rejectis, tam ad hanc rem spectantibus in qua nunc sumus, nempe *vulnerationem* corporis *infantis*, quàm ad *monstrosiorem* partium *conformationem*; qua de re unum aut alterum exemplum infra afferemus.

Interea verò temporis, dum diligentius contemplor stupendam hanc vim virtutemque animæ matris, cujus tanta non est aut purificatio aut sublimitas, ut talia *miracula*, veriùs dixeris, quàm effecta *naturalia*, edere valeat; non possum quin proclivior ad existimandum sim, non *plasticam* facultatem animæ infantis, quicquidve ab imaginatione matris accedere putetur, adæquatam causam esse formandi fœtus: id quod obiter innuit alicubi *Plotinus*, ut || suprà notavi, viz. *Animam mundi seu Spiritum Naturæ* aliquid ad id operis efficiendum conferre. Quod si verum sit, habemus causam effectui tam stupendo parem. Nam facilè intelligitur, matris animum vehementiori affectu flagrantem, in consensionem secum rapere *Spiritum Naturæ*: quem *Spiritum* sanè omnium animantium efformationi adesse, plantarumque universalium fortean unicum formatorem esse, rationi consentaneum est.

Quo efficiendi genere utaturne is aliis in elementis præter terram & aquam, nil ampliùs statuam, quàm ità fieri posse in regionibus aëris ætherisque tranquillioribus. Cui conjecturæ rectiùs intelligendæ lucem aliquam dabit id, quod suprà diximus de visibilitate & consistentia *Dæmonum Aëreorum* sibi mutuò occurrentium.

8. Sed non uno hoc inducimur argumento ad existimandum, *Spiritum Naturæ* immiscere se formationi fœtus. Etenim signaturæ illæ, quæ ab Imaginatione matris in conceptione ipsa derivantur in infantem, sine hac hypothese commodè intelligi nequeunt. Quid enim hujus signaturæ subjectum esse potest? non *Plastica* pars animæ parentis; quia matris anima embryonem non format, ut ingeniosè colligit *Sennertus* ex pullorum avium efformatione, quæ perficitur in ovis, extra scæminam positis; quique sine incubante scæmina perinde excludi possint, quod apud *Ægyptios* solenne est; nec embryonis corpus, nondum enim corpus habet; neque anima ejus, quæ, *Aristotele* authore, nondum adest. *Spiritus* autem *Naturæ* ubique præsens est, \* qui maternæ imaginationis vi raptus in consensum, acceptam Notam servat, infantisque corpori imprimet certissimò.

Nam in prima illa rudique adhuc adumbratione, quam *Anima Mundi* inchoârit in materia fœtus, comprehenditur & hæc signaturæ, quæ postea absolvitur à propria ipsius infantis anima, præsentem, & ad animæ mundi exemplar cooperante, ejusque vestigiis insistente; quæ *Anima Mundi*, quam semel inceptionem operis tentaverit, eam ubivis prosequi perinde valet, utpote ubique similis sui, vel potius eadem. Quemadmodum enim anima nostra, quæ una est, pro varia tamen spirituum indole in varias se cogitationes & conceptus explicet; ità *Mundi Animam*, omnino eandem ubique, non posse non vim suam efformatricem eodem planè modo exercere, ubicunque materia sit prorsus eadem.

Quapropter mirum non esset, si pulli gallinacei suprà memorati capite aquilino exclusi fuissent centum millibus passuum à gallina, cujus imaginatio inter concipiendum conturbabatur: quoniam *Anima Mundi* adumbrâset opus, quod ipsa ubique tam necessariò prosecutura erat, quàm certò novit *Geometra* circulum ducere per tria puncta data.

9. Hæc ergo *Plotini* sententia \* de *Anima Mundi* interponente ac insinuante sese in generationem rerum, materiâ adhuc fluidâ & sequaci, neque rationi dissona, neque non mente assequenda. Quod quidem quenquam ad credendum adduceret, otiosam eam non esse in transfigurandis *Dæmonum* vehiculis, sed imaginationem & desideria eorum adjuvare, \* & sic operam commodare ad vestiendos ornandisque illos, ità ut ornari se volunt: & fortè aliquando aliter atque volunt; quemadmodum importuna phantasia obtrudit matri monstrosum fœtum.

SCHOLIA

Lib. 2. cap.  
10. sect. 2.

De form. Ori-  
gine, cap. 9.



## SCHOLIA

## IN CAP. VI. SECT. I.

**I**ndicat Plasticam Animæ potentiam habere vim aliquam in ipsos capillos, &c. Est enim Plastica in qua propria sedes est Passionum. Et cum vis Spiritus Naturæ in primis Formationis Animalium Rudimentis maximè cernatur, Plasticam Animæ propriam; postea saltem, se cum operationibus Spiritus Naturæ miscere ad producendos capillos non est à ratione alienum. Est autem in Operationibus Vitalibus ferè omnibus arcta quidem ac mirifica Spiritus Naturæ & Plasticæ Animarum propriæ unio & conjunctio.

Seçt. 8. Qui maternæ Imaginationis vi raptus in consensum acceptam notam, &c. Non quòd Nota ista in illam Spiritus Naturæ partem quasi inuratur ut sic maneat in Spiritu, istoc quasi in loco, sed quòd Notam sic à se inchoatam Spiritus Naturæ ubicunque materia conceptus fuerit, promovet ac perficit, cum sibi ipsi idem sit iste Spiritus ubique, idemque facturus ac si materia conceptus in eodem permansisset loco, quemadmodum uberius explicatur in hac ipsa Sectione.

Seçt. 9. De Anima Mundi interponente, &c. Immo verò videtur necessarium in primis factuum efformandorum Rudimentis cum Anima particularis nondum advenerit, dum corpus adhuc manet inorganizatum.

Et sic operam commodare ad vestiendos ornandósque illos, &c. Nam tùm Vehicula Dæmonum tenera sunt ac tenuia, ipsorumque imaginatio fortis ac vehemens, quid obstat quominus Spiritus Naturæ heic rapi possit in consensum, quemadmodum fit in factuum Signaturis?

## CAP. VII.

1. Signaturarum exempla tria memorabilia, à Fieno repudiata: 2. Eatenus tamen ab eo probata, quatenus res nostra poscit. 3. Cerasum Helmontii & Cancrum Liceti haud parum probare, Animam Mundanam immiscere sese efformationibus omnibus & Animantium & Plantarum. 4. Exemplum signaturæ accuratissima & expressissima à Kircherò: 5. Et quid ille de eadem censuit. 6. Exemplum alterum ex Kircherò de infante cano. 7. Applicatio antè dictorum, de signaturis factus, ad transfigurationem vehiculorum aereorum Animarum separatarum & Dæmonum. 8. De transformatione eorundem in speciem personalem nobis visibilem.

1. **R**eliquorum exemplorum factus abs matris Imaginatione signati, quæ rejicit Fienus, primum est ex Wiero, de homine quodam, qui uxori suæ gravidæ convitia faciens, Diabolum eam in utero gestare, seque illum interfectorum minitabundus dixit: mulier non longo post tempore peperit infantem, à medio corpore deorsum rectè formatum, supernè verò nigris rubrisque maculis varium, oculis in fronte positis, ore satyri, caninis auribus, & cornibus in capite flexis caprarum instar. Alterum exemplum è Ludovico Vive de histrione, qui domum à scena reversus in persona Diaboli, quem illic egerat, cum uxore rem habuit, ut erat, Diabolum ex illa genitum se cavillans, & gravidam illam fecit monstro, formâ planè diabolicâ. Exemplum tertium maximèque insigne ex Peramato est, de monstro S. Laurentii in India Occidentali nato anno 1573. historiam rei accepit Dux Medinæ Sidoniæ à viris summâ fide. Infantem natum fuisse loco & tempore memoratis, qui præter os, aures, nasum, horrendum in modum deformia, caput habuit bicornè ut capella, corpus villis longis vestitum, medium corporis carneo cingulo, iterum replicato, circumdatum, unde dependebat marsupium carneum, sinistra manu tenuit carneum tintinnabulum, quali utuntur Indi saltantes, tibiæ indutæ sunt carnis ocreis candidis & reflexis: breviter, horrida & diabolica erat forma universa, & à terrore aliquo orta credebatur, quo perculsa fuisset mater inter incondita Indorum tripudia, in quibus Diabolus ipse nonnunquam apparere solet.

2. Narrationes hæc rejicit Fienus, non ut falsas, sed aut res ipsas virtute plius quàm naturali extitisse, aut descriptiones saltè veritatem rerum superare causatur. Hoc interim concedit libenter, Imaginationis unius vi excrefcere ea posse, quæ speci-

Ggg

em

Wier. de Pñ.  
fig. Dæmon.  
lib. 4. cap. 18.

Fien. de verib.  
Imagin. quest.  
15. exempl. 8.

Fien. quest. 13.  
exempl. 9.

De verib. Imag.  
gin. quest. 22.

em aliquam habeant rerum ibi commemoratarum; portenta verum ista diabolica vera cornua, ungulas, caudam, aliâve partem quamlibet ab humana natura specificè distinctam, nec habere nec habere potuisse. Quod autem ipse largitur, ad rem nostram satis est.

3. Benignior autem est *Fortunius Licetus*, qui non modò agnoscit mulierum fœtus in aliquibus suis partibus accuratissimè deformari posse in similitudinem bestiarum, verum concedit etiam insolentia somniorum visa id æquè effectura, ac cogitationes aut externa objecta vigilantibus occurrentia. Posterioris hujus generis exemplum affert, suprà quàm propositum nostrum exigit, magnum & memorabile, de matrona *Siciliensi*, quæ calu conspicata in manibus piscatoris cancrum recens captum & insolitæ magnitudinis, cancrum unâ cum infante peperit, cancris marinis omnino similem. Accepit hoc *Licetus* ab homine magnâ fide, qui & fœminam novit, & cancrum, quem enixa est, viderat.

*Licet. de  
Monstr. caus.  
& different. lib.  
2. cap. 66.*

*Demens Idea  
paragr. 37.  
Magnet. vul-  
ner. Curat. pa-  
rag. 133. Vis  
Magnetica.  
Tractat. Ani-  
ma. paragr. 7. &  
alibi.*

Cerasum toties memoratum ab *Helmontio*, quod viride, pallidum, flavum, rubrum fuit, iisdem ipsis anni tempestatibus, quibus alia cerasa colores sic variant, superiori exemplo affine est; id est, ad perfectam propè speciem cerasi accedit, ut cancer ille cancri naturam attingebat, in hoc enim aliqua ex parte inerat plantalis vita Cerasi, ut in illo *Animalis* omnino. Quod confirmat id quod suprà diximus, vehemens desiderium atque imaginationem posse in consensum rapere *Spiritus Naturæ*, & ad agendum ciere: qui ab incæpto opere non desistit, modò nè destituat eum materia idonea; quique omnibus locis existens idem, agit idem in eandem materiam, in iisdemque circumstantiis. Radix enim atque Anima omnis vegetabilis est *Spiritus Naturæ*; vi cujus & virtute viguit & maturuit hoc cerasum, pro anni tempestatibus propriis loci ubi degebat homo, cui impressa erat viva hæc signatura.

Duo hæc exempla graviter arguunt *Spiritus Naturæ* immiscere se omnium cum plantarum tum animantium efformationi. Nam nec infantis nec matris anima potuit, ut videtur, cancrum illum fabricari, tametsi mater mirificâ desiderii ac imaginationis vi potuit excitare *Mundanum Spiritum*, qui nullam non materiam, generandis rebus aptam, aliquo modo tentat, ut ex ea aliquid efficiat; quique à mulieris phantasia determinatus, materiam humidam in utero congestam imagine signavit illâ, quæ menti ejus inhærebat.

4. Quapropter si *Fiennus* perspexisset quibus quàmque potentibus ex causis oriri possint signaturæ, non adeò difficilis fuisset in credenda summa illa exquisitâque similitudine, quam nonnullæ earum habere dicuntur: neque si forte fortunâ incidisset in tam illustre ejus rei exemplum, quale oblatum sibi proficitur || *Kircherus*. Narrat enim, hominem quendam adiisse se, sciscitatum quidnam portenderet signatura quædam admirabilis, brachio ejus impressa à nativitate; eum super illa & *Astrologos* & *Cabbalistas* consuluisse; dignitates & honores pollicitos esse utroque, illis virtuti syderum, his favori Sigillantis Ordinis Angelorum rem ipsam tribuentibus. Nolebat autem *Kircherus* de re verbo tenus cognita judicium facere; quanquam quid erat, homo satis planè illum docuisset, nempe Papa solio insidens, cum Dracone sub pedibus ejus, & Angelo coronam capiti imponente.

*De Arte  
Magnet. lib. 3.  
part. 7. cap. 7.*

Homo igitur ingentes spes istas, quas ex aliorum bene ominantium conjecturis conceperat, plùs adhuc confirmatas audire cupiens tam docti viri suffragio, diploidem exuere, nudumque brachium ostendere *Kirchero* non recusabat: qui quantâ maximâ potuit diligentiam rem contemplatus, affirmat signaturam tam fuisse perfectam, ut artis potius, quàm naturæ aberrantis opus videretur; ex indiciis tamen nonnullis se satis esse certum, opus *Naturæ* fuisse non *Artis*, quanquam arte factum quidem id erat, quod natura hîc imitata est; viz. Effigies *Gregorii XIII. PP.*, qui ita nonnunquam pingitur, ut hæc signatura graphicè expressit, nempe solio sedens, draconem habens sub pedibus, alterâ manu innixâ sellæ, alterâ extentâ benedicendi more, Angelo velum diducente, capitique ejus coronam admovente.

5. Itaque superstitionibus ac ineptiis *Pseudo-Cabbalistarum* & *Astrologorum* missis, quod res erat respondebat *Kircherus*, nequaquam verò ita gratum sciscitanti futurum, ac fuissent eorum palpa & mendacia; viz. Signaturam hanc nec syderum influxu, nec Angelorum sigillis impressam, sed Imaginationis matris ejus effectum fuisse; quæ in facello aliquo aliòve in loco, ubi divinæ rei vacabat, intuita Papæ hujus effigiem, ardentiori amoris motu in eum ferebatur, brachiumque simul suum fortè contrectans, fœtus sui brachio (quod in his rebus ferè accidit) imaginem illam impressit. Quæ sine dubio vera est hujus mysterii explicatio.

*De Arte  
Magnet. lib. 3.  
part. 7. cap. 7.*

6. Refert idem || *Author*, abs amico se fuisse vocatum ad ostentum alterum & miraculum contemplandum, (ita enim esse opinatus est is, qui vocavit) ut de eo judicium



cium ferret. Quod nihil aliud erat quàm expositus infans, quatuordecim circiter dies natus, cano capite & ciliis. Hoc amicus ejus, pharmacopola, pro magno portento habuit, donec causam rei didicisset: matrem scilicet homini vetulo canique consperso fuisse nuptam, veritatemque nimis nè à viro suo cano deprehenderetur in stupro manifesto, canitiem similem in magno illo metu impressisse fœtui. Quam quidem historiam ideo præterire nolui, quòd luculenter indicat quantum ad ἀξίειαν operetur phantasia in formanda modificandaque materia, ut nè vel in colore pilorum aberret; ut suprà notavi aliquid in eandem sententiam.

7. Ut finiam jam tandem, & relinquam copiosissimum hoc argumentum: seu vis imaginationis rapiat in consensum *Spiritum Naturæ*, seu animam infantis, sive utrumque; hoc certò constat, effecta ipsa magna esse & insignia, & nonnunquam accuratissimè conformia prægnantis Ideæ, in humidam ductilemque materiam in utero contentam derivatæ: quæ cum materia nequaquam tam cessilis sit ac mollis ær, cumque anima matris adeò una non sit cum anima infantis, ac separata anima est secum; nec ita præcipuè uniatur corpori infantis ut eadem anima separata vehiculo suo, neque ullum denique propius interiùsque commercium habeat cum *Spiritu Naturæ*, quàm rursus eadem anima separata tum habet, cum *Plastica* pars ejus, Voluntatis ac Imaginationis jussu, vehiculum organizatura est in certam formam & figuram, qui quasi *partus momentaneus est* propriæ & singularis Personæ, vel *Anima separata*, vel alius *Demonis* cujuscunque; efficitur ut certi simus, in Geniis Animabusque separatis vim illam inesse, quâ faciliè & accuratè transmutare se possint in eas formas ac figuras, quæ suo cujusque ingenio & naturæ congruentes sint.

8. Quæ à me omnia super hac re adhuc dicta, ad visibiles eorum congressus *inter se* explicandos spectare velim. Sunt autem aliquando *nobis* etiam visibiles sub animali forma, quod illis proculdubio longè difficilius est. Possibile verò & hoc, multò licèt infrequentius, utpote magis præter naturam. Etenim possibile est ita per artem constringere ærem, ut, globulis expressis, opacitatem visibilem acquirat; id quod à nonnullis factum fuit, & speciatim ab amico *Cartesii*, quem hoc experimentum fecisse memorat in literis suis. Quam quidem compressionem æris etiam si *Animæ separatæ* Geniique, directivâ facultate illâ (qua de in Axiom. 31.) efficere possint, at certè non sine magno suo cruciatu. Nam primo elemento nudato, ni simul ær arctissimè constringatur, molestissimus orietur calor; si verò sic constringitur, non ferendum frigus; & tam parvulum momentum faciet ut elementum primum plus minùsve justo sit, ut perquam difficile fortè sit, inferioribus saltèm spiritibus, mediocritatem debitam constanter tenere. Quare verisimile est, illos apparituros vehicula sua \*vaporoso glutinosove humore aliquo madefacere, quò minori operâ & impensâ nobis se præbeant conspiciendos.

## SCHOLIA

## In CAP. VII. SECT. 3.

**V**Aporoso glutinosove humore aliquo madefacere, &c. Immo verò videtur quodammodo necessarium, cum tanti moliminis sit ipsum Aerem ad opacitatem usque comprimere & condensare. Postquam verò madorem aliquem in vehiculum imbiberint, opacum jam fieri posse quod pellucidum erat, ex documento Chymicorum liquorum pellucidorum, quæ mixta opaca fiunt, aliquo modo intelligi potest. Et Cuntii Historia, aliæque id genus multe sic esse fidem videntur facere. Vide Cornel. Agrippam de Occulta Philosophia, lib. 3. cap. 42.

## CAP. VIII.

1. Genios præstantiores conversari inter se formâ Humanâ, humiliores nonnunquam Bestiali. 2. Unde propensiores sint ad induendum alii aliarum bestiarum formas. 3. Quomodo fiant αὐγὰς πυρῶδεις, splendores ignei Dæmonum, de quibus Psellus. 4. Geniorum Pulchritudinem externam esse pro Virtute interna animi. 5. Non necesse esse ut forma eorum aerea sit transparens prorsus, sed subtilius opaca, & colorata. 6. Discrimen esse Pulchritudinis Masculina & Fæminina infigurationibus Geniorum personarum libus.

Kap. 5. Sect. 8. 9.

1. **A**bsolutâ jam tandem hâc digressionem, quâ rationem facilem figurandi vehicula Geniorum in formam Personalem ostendere volui, nunc illuc redeo unde huc diverti: De familiari Geniorum Animarumque separatarum consortio & consuetudine differebam, quâque sub specie congregiantur inter se inquirebam; humanam eam esse statui, præsertim in præstantiori genere Spirituum. Deterius quoque genus humanâ formâ plerumque uti putârim, aliquibus verò fœditatis notis deturpatâ; nonnunquam tamen & bestiarum speciem induere; proclive enim illis est vehiculum suum in quamcunque velint formam transmutare, & tam dextri imitari sciunt brutorum animantium figuras, ac homines quidam voces solent, quos audiamus coccyzantes, cucubantes, mugientes, baubantes, grunientes, cujuscunque demum seu volucris seu bestię vocem propriam exprimentes. Nec omnino difficilius est Geniis istis inferioribus, eorundem animantium omnium figuras referre; in quibus etiam apparent sæpenumero visibiles iis, quibuscum habent familiaritatem, nonnunquam & illis, qui in eos non incidisse mallent.

2. Neque improbable est quin propria sua quemque turpitudine animi procliviorum faciat ad certam formam bestialem præcipuè induendam; velut invidentem, vel admirantem, vel aliquo modo probantem certarum quarundam bestiarum conditionem & naturam: quemadmodum caprarii sui libidinem festivè describit Theocritus,

Ὁ πολλὸς ἔκκ' ἐσορῇ τὰς μικὰς οἷα βατεῦνται,  
τάχεται ὀφθαλμῶς, ὅτι ἔταγ' αὐτὸς ἔγιντο.

Tanquam si hircis suam felicitatem invideret, seque in eorum loco esse vellet cum capras ineunt. Itâ Dæmones, prout bestię cujuscunque proprietates sui ipsorum ingenii vitia & impuritates referunt, illius formam lubentius affectent, & ad insitæ suæ turpitudinis genus atque modum appareant deformati.

Περὶ ἐκείνων  
αὐτῶν δεικνύον.

3. \* Ut etiam verisimile est, Θεοπίδας illas seu αὐγὰς πυρῶδεις, splendores igneos quos Psellus memorat, (finem atque scopum nefariarum ceremoniarum, quas sæpe usurpârunt homines scelestissimi quos describit) aliàs aliter coloratos fuisse, pro diversa sæculentia vehiculi Dæmonis, cui ad istum modum apparere libuit; viz. non formam ullam induendo personalem, sed spectatorum cultorumque sui detestandorum oculis lumen quoddam exhibendo: quod lumen, ut arbitror, in ipso vehiculo suo suscitavit; voluntatis ac imaginationis suæ vi & imperio efficiens, Axiom. 31. ut crassiores aëris particulæ terrestresque vapores, cum globulis simul, ab uno certo puncto recederent circumquaque ad definitum intervallum, non magnum verò illud, proindeque facilius factu. Quo facto elementum primum aliquo modo nudatum, non potest, pro activitate sua, non in se quasi lambendo attrahere proximas quasque vehiculi particulas, & propterea lucem exhibere, non puram quidem illam & sydeream, (quod tum fieret, si primum elementum sic nudatum, in purâque aëre constitutum, à materia aliena omni discretum esset ipsum) sed propter sæculentiam particularum quas abradit & depascitur, propterque impuritatem ambientis vehiculi per quod fulget, speciem rubram & igneam, horizontalis instar Solis per densam vaporum seriem conspecti.

Igneus hic splendor aut delabi tantum in medios homines potest, & præterire sine mora, ad motum vehiculi Dæmonis, quod præcipuè velle videtur Psellus; aut etiam commorari & fermocinari cum iis ad quos accedit, quod narrationes nonnullæ, quas audiavi, testatum faciunt. Lucidorum horum phasmatum ratio cum ex Philosophia Cartesiana optimè intelligatur, necesse non est ut existimemus ea non aliud esse quam præstigiosas phantasiæ illusiones, non realia objecta, quod Psellus vult: etenim \* nihilo magis alienum est Dæmoni lucem hujuscemodi in vehiculo suo suscitare, immo & purio-



puriorē quā ego hīc descripsi, quā hominī improbo quovis ex igniario lucernam accendere.

4. Quod autem jam diximus de puritate impuritātēque istius Luminis, monet (nisi rei ipsius dignitas & congruitas potius moneret) ut differamus etiam de splendore ac pulchritudine personalis formæ in *Geniis* præstantioribus. Qui certè splendor major minōrve est, pro virtutis affectuūque *moralium* modo atque gradu. Etenim in hoc corpore, quod non ad eō viribus animi obsecundat, observare tamen licet, pro variante hominum indole vultum etiam variare plurimū; & flagitiosā vitam, internam animæ pulchritudinem vitiando, externam simul formam ipsam demutare fœdam in speciem ac abhorrendam.

Quod equidem in futuro statu majorem in modum necessariō obtinebit, ubi formæ externa fingitur omnino abs interno animi imperio: qui quo purior est ipse, eo inculpationem pulchritudinem in externa specie habitūque corporis efficiet, tum quoad symmetriam partium, vigorem florēque vultūs, tum etiam quoad vestium reliquæque decorationis ornatum. Nam in intimo sensu Animæ indissolubiliter inter se connectuntur hæc tria, *Virtus, Amor, Pulchritudo*; quorum omnium ipsa est prima radix & origo, maximēque in separato statu, externæ pulchritudinis ipsius. Optimorum propterea consuetudo, non sermonibus modō doctis & Philosophicis, sed etiam aspectu ipso obvio summam voluptatem pariet. Nam si *Virtus & Vitium* externis oculis unquam cerni queant, cernentur profectō in *Vehiculis Aereis*, quæ tam facili cedunt *Voluntati* ac *Animo* in quo boni purique vigent affectus, ut per illa Anima transeat, amabilēque suam pulchritudinem in omnibus efflorescentiis ejus spectandam præbeat, ad ineffabilem spectatoris jucunditatem.

5. Non quōd *Geniorum* vehiculum sit instar statuæ à crystallo liquido, sed quōd Pulchritudo & Ornatus tam fidē tamque vividē exprimentur juxta dictata interni sensūs imaginationisque Animæ, ut si eam ipsam cerneremus, nihil de illa amplius cognoscere possemus, quā quod ipsa oculo sic notum facit. Et figuratio hæc personalis in extimis ejus partibus, quæ corpus, os, vestēsque repræsentant, ad tam subtilem opacitatem redigi potest, ut vividiores indē reflectantur colores quā ab ullo *terrestri* corpore, universum tamen vehiculum itā pondere careat, ut stationem suam in aërē necessariō servet. Quod quidem neutiquā mirandum erit, si cogitemus nubes ibi esse suspensas, quæ multō min⁹ aëreæ sunt: nè quid dicam de Apparitionibus aëreis inter nubes visis, iisdem planē coloribus figurisque quales hīc infra videntur, quæ tamen reflectiones non sunt à terrestribus objectis, ut in tertio contra *Atheismum* libro probavimus.

*Anidor. lib. 3.  
cap. 16. sect. 4.  
5. 6. 7. 8c.*

6. Brevissima simul & commodissima ratio definiendi summam formæ vestitusque pulchritudinem & decōrem Incolarum *Aereorum*, à descriptionibus rerum istiusmodi poetis petenda est: & quicquid granditas aut elegantia ingenii poetici excogitavit, hic titulus ei subdendus est, *Obscura subindicatio excellentissimæ Geniorum Aereorum pulchritudinis*, seu *Nympharum*, seu *Heroum*. Quamvis enim nec libido nec sexūs diversitas in iis reperiatur, (unde animi motus benignissimi nil aliud erunt nisi exercitium amoris *intellectualis*, cujus objectum est *Virtus & Pulchritudo*) probabile tamen est pulchritudinem illam, generalibus quibusdam lineamentis, in *masculinam & femininam* discriminari: partim quōd ipsa temperies vehiculi in certum pulchritudinis genus propendeat; partim etiam quōd multi è *Spiritibus* hisce *Aereis* differentiam sexūs sustinuerint in hac vita, ubi *Mares* alii, alii fuerint *Feminae*: itaque cū eorum historia ex illo tempore continuari debeat, quo hinc excefferint, notam aliquam & characterem, generalem saltem, qui qualēsque hīc fuissent, retinere debent. Durum enim est imaginari *Aeneam* in altero mundo occurrentem *Didoni* in alia forma ac *Fœminea*: levior hinc habitūs crinisque distinctio sequetur necessariō. Quod genus ornatūs, ut etiam illud Marium, voluntatis imaginationisque vi utrisque facili comparatur: ut patet ex narratione *Peyramati* de monstro *Indico* nato cum carneis ocreis, cingulo, marsupio, aliisque rebus, quæ partes hominis non sunt, sed vestitus aut instrumenta; idque duntaxat vi phantasiæ matris, territæ & turbatæ spectro aliquo horrido, quod monstrosus ille partus referebat.

## SCHOLIA

## IN CAP. VIII. SECT. 3.

**U**T etiam verisimile est Θεοπῆλις illas seu αὐγὰς πυρώδεις, &c. Harum descriptio apud Psellum sic est; Ἀφικνῦνται μὲν γὰρ ἀπ' αὐτῶν ὅπῃ τῆς θρησκείας αὐγαὶ πυρώδεις, οἷαι δὲ τινες αἱ τῶν διαττόντων ὑποδερμαί· αἱ Θεοπῆλις οἱ μεμνηότες ἀξιώσι καλεῖν, ὡς ἐν ἐχούσαις ἀληθείαις, ὡς ἐν ἐγκύκλιαις, ὡς ἐν ἐκδόταις. Τί γὰρ δαίμοσιν ἐξοφωμένοις ἔσι φωτοειδέις; &c. hoc est: Ab iis enim in eos à quibus coluntur ignei quidam fulgores descendunt sicut scintillarum (quæ διαττόντες à Græcis, Stelleque cadentes vulgo dicuntur) excursum subfultantes. Quos quidem fulgores Infani Θεοπῆλις, seu Dei apparitiones vocitare audent, quibus nihil veri, nihil certi, nihil firmi sibi que constantis; Quid enim lucis in tenebrosis Dæmonibus? &c. Ex quibus & quæ sequuntur apud Psellum, planè innuitur ac si vera Lucēs non essent sed Prestigiæ & Imaginationis ludificationes. Sed quàm nihil opus sit huc confugere, Rationes Philosophica in hac Sectione allata satis evincunt. Sed ut Marci Eremita malos Dæmonas (sic enim omnes sunt qui cultum acceptant ab hominibus) apud Psellum missos faciamus; quantum ad Historias, de certis quibusdam fulgoribus, seu Luminibus, in aliquibus saltem Geniis aut Animabus, quos nullo cultu allecti, sed potius contra aliorum forsā voluntatem suā sponte exhibent, præter eas quæ apud Scriptores occurrunt, tot à fide dignis authoribus audiui, ut plenam, fateor, apud me faciant fidem: Una verò præ reliquis, quam recēns admodum à Chirurgo ac Medico Hiberno, viro sanè probo ac prudenti, eodemque Teste oculato accepi; Qui non unum istiusmodi Lumen, sed tria simul, etiam quarto quintoque, quanquam rariùs, se immiscētibz, ad dimidium horæ aut ampliùs in Monte Fairiorum seu Elvarum dicto, in Hibernia, saltantia, cum multis aliis qui adfuerunt, conspexit. Saltabant autem ac si sepem tribus depactis paxillis intertexere vellent. Quod saltandi genus apud Anglos dicitur The Hey. Aliquando verò dicta Lumina in unum Lumen coalescebant, & sic conjuncta steterunt immobilia, mox tamen saltationem rursus renovabant.

Geniorum fuisse Lusum, non malè feriatarum hominum ipsæ circumstantiæ manifestò arguunt. Dixit enim mihi ille curiosus ac diligens Tripudii Spectator motum saltantium tam celerem fuisse, ut nulli homines eum imitari possent. Porro singula Lumina non solum flammā fuisse viridā, sed formā pyramidalī erectā, quod impossibile est in motu lampadis per Aerem, cujus flamma necessario retrorsum agitur, & in motu celeriori, in plano jacet Horizonti ferè parallelo. Adde quòd, licet ab ipso conspectum non esset, ab uno tamen è domesticis oculato teste ei erat narratum, Ignem Lumēve hoc quod in tres partes se divisit in monte Fairiorum, visum fuisse in Atrio Domūs à monte non multum distat, è Terra quasi surgere & supra murum transire montēque rectā petere, neminem verò visum fuisse qui ipsum gestaret quamvis Nox satis clara esset, Lunā pleno orbe lucente. Re denique Matrifamilias, Heroīnæ pientissimæ, quæ tunc de morbo decumbebat, nunciatā, eam respondisse istiusmodi fulgorem ante obitum fratris sui illic apparuisse. Moriebatur autem non solum ipsa, sed & duo illius filii optima spei adolescentes, præmature fato, intra unius ferè anni spaciū. Hæc signa appetentis Fati Paracelsus, præsciorum Astrorum de rebus nostris solitudinē imputat, Ego verò præscii Spiritibus sive Geniis, qui longè aliam, ut videtur, de morte opinionem habent quàm vulgus mortalium, qui bonorum obitum appropinquantem, Luminibus celebrant ac choreis. Hæc verò mihi narrata sunt ante eventum consummatum, signūque futurorum, qui narrabant, aut aliqui saltem qui narrationi interfuerunt, suspicabantur.

Nihilo magis alienum est Dæmoni Lucem hujuscemodi in vehiculo suo fuscitare, &c. Præsertim si artem aliquam Naturæve adminicula adhibeant. Quod nescio certè an non factum sit ab hisce saltatoribus Geniis. Chirurgus enim ille, ut erat homo diligens ac solers, locum lustrabat mane proximo, ubi hi Genii saltaverant, observabatque gramen herbāsve stillicidiis hinc inde tenuioribus quasi sebaceis conspersas, quæ alba stillicidia colligit & experiundi causā, in ignem conjecit, illucque immissa flammam dedisse aiebat. Quod profectò mihi minimè absolum videbatur, cum perinde verisimile sit hosce Genios ad lumen flammæve facilius exhibendam, oleos quosdam ac sebaceos liquores colligere & adhibere, quàm alios madores ad speciem exhibendam opacam. Quod fieri solere capitis præcedentis Sectione octavā notavimus.



## CAP. IX.

1. Generalis ratio congressuum colloquiorumque Geniorum inter se. 2. De sermonibus eorundem Philosophicis & Politicis. 3. De exercitiis eorum Religiosis. 4. De innocuis lusibus & recreationibus meliorum Geniorum. 5. Confirmatio ejusdem à Conventiculis Sagarum. 6. Utrum puriores Dæmones sua habeant tempora reflectionis necne. 7. Unde mali Genii cibum suum habeant. 8. De cibo epulisque meliorum Geniorum.

1. **S**ATIS nunc accuratè definivimus quâ formâ quòque habitu Genii Aerei inter se congregiantur. Reliquum est videamus, quâ ratione inter se versentur tempusque suum traducant. Quod quidem illis fat obviū est & conceptu facile, qui non devii aguntur in cæcum labyrinthum illum, quo plerique homines detinentur, qui descriptionem statūs Geniorum nullam putant esse veram, quæ non adèd intricata sit ac incomprehensibilis, ut nemo illam possit non absurdam existimare, nisi internos mentis oculos claudat, & rationalibus facultatibus suis silentium indicat. Sedenim si secum cogitare vellet, spiritus immediatum esse Animæ instrumentum in hac vita, eosdèmq; congeneres esse corpori Angelico, cunctasque passiones & conceptus nostros aut suggeri ab iis, aut in eos imprimi; non magnopere profectò dubitaret, quin facultates suæ omnes Rationis, Imaginationis, & Affectuum, in altero statu serè futuræ sint, quales in hoc fuissent; sèque Amoris, Gaudii, Aegritudinis, Ira capacem fore; posse item imaginari, ratiocinari, recordari, ceterasque operationes peragere, quæ propriæ non sunt terrestris corporis, mortis generationisq; officinæ.

2. Hinc sequitur, Animas hominum defunctorum, reliquosque Dæmonas Aereos, familiaribus inter ipsos habitis sermonibus de natura rerum *Moralium, Physicarum, Metaphysicarumque*, ingentem sibi invicem delectationem afferre posse. Quod enim terreni corporis derelictio omniscios nos faciat, fabula est nunquam satis ridenda. Et Socrates, alicubi in Platone, prælagit, veterem se morem suum vitæque institutum, convincendi confundendique ineptos gloriofosque Sophistas, futuro in mundo servaturum. Pari ratione Platonicos, Aristoteles, Stoicos, Epicureos, quæque aliæ hominum Sectæ & Ingenia in terra sint, illic quoque repertum iri verisimile est, quoad status ille permittat; licet omnibus de rebus dubitare non possint, de quibus nos hîc dubitamus. Namque Aerei hi Spiritus sese existere, & Animas hominum post mortem superesse & agere certò sciunt, nisi si qui *Avienroismo* altiùs imbuantur. Ceterum an in æternum duraturæ, an mundo conflagrante periturae sint, quod Stoici sentiunt, de hoc quidem dubitare possunt.

Disceptare itidem inter se queunt, utra de motu terræ hypothesis, *Pythagoræ*, an *Ptolemaica* verior sit; an Stellæque tantæ sint, quantæ à quibusdam censentur. Dæmones enim inferiores meliora, quàm nos ipsi, adjumenta non habent, ad certam harum opinionum notitiam assequendam. Confabulari præterea possunt de famis rumoribusque rerum tam in terra quàm in Aere gestarum. Nam incolæ aerei proculdubio non sunt terrestribus inertiores, nec indiligentiores vel in exercitiis solennibus celebrandis, vel studiis partium inter se, privatarum publicarumque, sectandis; quarum rerum omnium eventus Regiones aëreas complebunt celerrimâ gestorum famâ. Mitto conjecturas sagaces de successibus futuris, aliæque innumera colloquiorum genera, quæ longum esset recensere, iis ipsis autem simillima, quibus hîc homines tempus conterunt.

3. Omnium verò voluptatum maximæ & jucundissimæ sunt illæ, quæ ex Officiis Religionis Pietatisque inter se colendis oriuntur. Nam cum eorum corpora tenuitate & puritate nostris tantopere præstent, aptius erunt quasi Solum, unde cogitationes diviniore, puriores item ardentioresque in Deum affectus proveniant: qui si affectus plùs adhuc excitentur hymnis, canticisque sacris ità modulatis, ut æmulentur omninoque expriment suavissimos tenerrimosque pii animi sensus, liquefacient profectò illorum animas in amorem divinum, cœlestique gaudio inundabunt. Verum enimvero cum hujuscemodi Exercitia adèd *ecstatica* sint, adeoque Genios extra se ordinariosque naturæ suæ terminos rapiant, existimandum non est ea nimidum frequenter usurpari; sed ad instar apparitoris convivii, à quo diu se meliùs habituri sint.

4. Alia ergo suppetunt oblectamenta, quæ quanquam his proximè memoratis longè cedant, maximam tamen voluptatem gaudiæque præsentis hujus statūs quam plurimū.

plurimum superant. Nam cum *animalis vita* æquè essentialis sit Animæ, ac ipsa cum corpore conjunctio, unde nunquam liberatur; æquum est, ut in altero etiam mundo paretur aliquid, quod vitæ illi gratum sit atque commodum. Nihil autem cogitari potest gratius & jucundius familiari consortio & oblectatione personali, non modò propter sermones doctos & eruditos, quod Ingenio *Philosophico* acceptissimum, verum etiam innocuos lusus, quibus Indoles *Musica* & *Amatoria* recreentur. Tres enim affectiones istæ flos sunt cæterarum omnium, ut alicubi notavit *Plotinus*: cujus ipsius in mundum illum alterum receptio istiusmodi circumstantiis describitur ab oraculo.

----- Μεθ' ὁμήγευεν ἔρχεαι ἦδη  
 Δαιμονίην ἐρατοῖσιν ἀναπνεύσαν ἀήταις  
 Ἐνθ' ἐνὶ μὲν φιλότῃς, ἐνὶ δ' ἱμερῷ. ἄλγος ἰδέσθαι  
 Ἐυφροσύνης πλείων καθαρῆς πληρέμῃ. αἶψα  
 Ἀμειβεσίων ὀχετῶν θεοῖσιν ὅθεν ἔξιν ἐρώτων  
 Γείσματα καὶ γλυκερὰ πνοὴ καὶ ἡνέμε. αἰθήρ.

----- Ad cætum jam venis alium  
 Heroum blandis spirantem leniter auris;  
 Heic ubi Amicitia est, ubi molli fronte Cupido  
 Latitiâ replens liquidâ, pariterque repletus  
 Semper ab Ambrosiis facundo è Namine rivis.  
 Unde serena quies castorum & dulcis Amorum  
 Illecebra, ac placidi suavissima flamina venti.

Recenset deinceps beatum illum cætum quicum anima *Plotini* convicturna erat, viz. *Pythagoram*, *Platonem*, aurei sæculi *Heroes*, & quotquot *Amoris Amicitiaque* immortalis chorum constituere.

Hi cantant, ludunt, choreas agitant, ipsiusque *animalis vite* voluptatibus licitis largius multò perfruuntur, quàm nos mortales hoc in mundo capere possimus. Hic enim omnia vas, quod aiunt, redolent, & impuri aliquid conjunctum habent. Suae spirituum motus in Amore prohibentur ægrè, nè ad pudendum libidinis sensum justo propius accedant; namque *terrestres* corporis fabrica & constitutio tantum non necessariò illos adigit ad istam aberrationem. Delicatiores aures non potest non sentire fuscum ligni bombum, resinæ stridorem, rauci aliquid, aut asperi, aut malè consoni, in lectissimis organorum vocumve concentibus. Oculi item elegantiores nequit non deprehendere vitium aliquod vel proportionis, vel coloris, vel vultus ipsius, in formosissimis utriusvis sexus: nè quid dicam de gestus vestitusque inconcinnitate. Verum in altero illo statu, ubi Imaginatio primum pulchritudinis exemplar, *intellectualem Amorem & Virtutem*, consulit, & corpus ipsum informationi mentis prorsus obsecundat, ad omnemque vel minimum apicem cedit impressiōibus exemplaris interni, nil vitiosi reperietur. Qui enim fieri potest? cum vis illa pulchritudinis delineatrix ita arte & judicio polleat, per mediumque ita subtile ac purum eandem transmittat. In admirationem ergo alter alterius animum necessariò rapiet, dum exquisitissimam pulchritudinem vultus, decentes corporis motus, elegantisque tripudiandi modos contemplantur invicem, seseque mutuò audiant voce fidibusque canentes tam suavisque mollibusque accentibus, ac si Aer per se ipse cantus componeret musicosque sonos funderet absque ullo terrestri Instrumento. Hæc atque hujusmodi oblectamenta, aliqua beatitudinis pars est *Geniorum* præstantiorum.

5. Cujus rei certiores esse possumus ex iis, quæ inter *Dæmonas* inferiores fieri certò scimus. Nam admodum probabile est horum conventicula, in quæ Sagæ Magique sunt admissi, prava quædam imitamenta esse amicorum cætuum *Geniorum* superiorum. Quàm autem istis cantibus, saltationibus, epulationibusque personent omnia, cum perditorum istorum confessiones spontaneæ, tum aliorum nec opinatus interveniens, ubique gentium testatissimum fecit; viz. pulchritudinem *humanam angelicamque* in *bestialem* sceditatem deformari, principibus ipsis conventiculi in *Satyrorum*, *Simiarum*, *hircorum*, aliorumque istiusmodi turpium bestiarum specie apparentibus; decorum corporis motum statumque in gesticulationes ridiculas, prava membrorum situs, mimicasque saltatiunculas detorqueri; postremò *amorem innocuum* castamque amicitiam in *brutalem* libidinem detestandamque obscenitatem degenerare: sed de his rebus plura hic non addam, cum de iis in *Append. Antidot.* satis jam dixerim.



6. Ad rem magis est hîc considerare, an, ut *cantus* & *saltationes* inferiorum graviusque lapsum Dæmonum æmulantur, sed pravè, quod superiores puriorèque in regionibus suis faciunt; ità & istorum *comessationes* horum convivia perversè referant: hoc volo, inquisitu dignum esse, annon tam hi quàm isti edant bibântque. *Divites* enim apud nos perinde refectione opus est ac *pauperibus*, pascuntur & *Principes* æquè ac *captivi*, lautius verò illi & salubrius. Fateor quidem lubens, difficultatis haud parum utrobique reperiri, unde scilicet *Genii* & boni & mali cibum suum habeant; quanquam facilè satis intelligitur, utrosque vehicula sua pascere & recreare posse.

Nam si singularem quandam Aëris portionem, quam secum agunt feruntque, quæque certæ est magnitudinis, vitaliter actuent, liquidò concipitur illos partim motu locali, partim cogitationum activitate, vehiculi sui particulas aliquas plus solito agituros, easque sic agitas avolaturas; vehiculum idcirco sic aliquatenus diminutum reparationem poscere: quæ efficienda est vel vero cibo sumpto, vel crudo aëre tantum attracto, quod fortean sufficiat; at cum aër adeò similis sibi semper futurus sit, languidior erit voluptas. Quapropter improbable non est, quin utrique sua habeant *Refectionis* tempora, voluptatis saltem, si non necessitatis causâ; quod & bonorum commoditates amplificabit, & calamitates malorum augebit, qui in hoc quoque genere multari possint.

7. Sed, ut dixi, maxima difficultas est, ratione aliquâ probabili declarare, unde mali *Genii*, in epulationibus suis execrandis, cibum habeant, tam affabrè per patinas structum & dispositum. Vaporosum aërem materiam ejus esse, manifestum est tum ex languore & jejunitate convivarum, tum ex eo quod salis usus interdicitur, cujus tam proprium est substantias aqueas resolvere, quàm congelationem earum impedire. Quomodo autem in formam & consistentiam illam effingatur aër, difficillimum est intellectu: sive hoc fiat vi solâ imaginationis *Geniorum* in sua propria vehicula, antè verò madefacta humidis quibusdam, proposito suo aptissimis, quæ cum in eduliorum formas mutarint, certamque figuram, colorem, consistentiam, cum aliquantillo saporis debiti, fictis illis cibariis impertierint, mox se subducunt: sive datum sit *Aereis* his *Animantibus*, vehementi desiderio acrique imaginatione, *Spiritus Naturæ* excitare, & adigere ad optata sua quasi in momento perficiendum, in tali verò materia qualem ipsorum elementum suppeditat, i. e. in crudo aëre & vaporoso. Quamobrem cibum eorum dilutum admodum & insipidum esse oportet, ludibrium potius, quàm verè satiantem & delectantem.

8. *Dæmones* autem superiores, regionum aëris Incolæ earum, quò nulla pertingit procella nec tempestas, non habent opus istiusmodi artificiis, quanquam æquè dextri fortassis in iis sint ac alii. Nam in superioribus regionibus tranquillissimis, *Spiritus Naturæ*, promus-condus Univerſi, integros hortos & pomaria florum fructuumque delectabilium tacitus proferre potest, aëri in quo nascuntur, æquilibres, quorum formæ & coloribus sua ipsorum pelluciditas præcipuum nitorem addat, ut in gemmis fieri videmus. *Chymici* sanè non antè quiescunt, quàm terram ferventi suâ imaginatione calcinârint, in crySTALLINAMQUE pelluciditatem vitrificârint; bellam rem quidem tunc fore ipsam, & quicquid ex illa genitum sit, opinantes: quo pulchro spectaculo illi fortè perfectius fruuntur, cum in superiores regiones aëris admissi fuerint.

Nam tum subiectum solum ipsum transparens erit, in quo radices ipsas arborum superioris hujus paradisi oculis conspectari possunt, per idemque, pace ipsorum dixerim, opacam hanc tellurem cernere, pallidè languidèque splendentem Lunæ instar, cum illa luminis diversitate, quæ ex terræ marisque discrimine oriatur; & si palata sua reddeare velint, fructus illos degustare possunt, natus quorum succus cum *Extractis Quintessentiisque* suis nobilissimis certabit. Talis enim illis futurus est profectò Uvæ sanguis, Ceraforum rubeorum, Prunorumque nectareorum liquor.

Si denique, ad consummandam habitaculorum horum amœnitatem, & nè solitudinis mœstæ & silentis speciem gerant, si fortè bestias avesque offendant, formâ & coloribus admirabiles, voce item tam suavi & liquidâ, ut vel simplices soni demulceant aurem, flexus autem & variatio harmoniam efficiat, per nobis gratum quidem facerent, si de harum rerum certitudine renuntient, & totum hoc reddant plus quàm *Philosophicam Conjecturam*.

Cibos autem esse & Epulas celebrari in supernis Aëris regionibus, hoc *Platonici* minùs dubium; quamobrem Animam, corpore liberatam, *Ἐρμῆα αἰθέρων* nuncupat *Maximus Tyrius*, & *Apollinis* oraculum suprâ citatum, Chori immortalium Amatorum, quos memorat, felicitatem describit à convivando cum *Geniis* beatis.

-----"Οσοις κέαρ ὃν θαλίῃσιν  
Αἶεν ὑπερσύνῃσιν ἰαίνεται -----

Quare Poëtarum *Nectar* & *Ambrosia* fortasse non sunt mera fabula. *Spiritus* enim *Natura*, immediatum Dei instrumentum, *Aërearum* paradisorum fructus eo liquore ditare potest, qui à purioribus sumptus *Dæmonibus* perque vehicula eorum diditus, motus ità jucundos, gustui nostro similes, in illis efficiat, itaque maiorem solito vigorem in animo, benignamque alacritatem excitet, ut lautissimas dapes, quas unquam gulæ studiosissimi hîc excogitârint, longè longèque superet; idque sine ulla satietate aut gravatione, siquidem illos non nisi divino amore, lætitiâ, & devotione repleat.

## C A P. X.

1. Quàm arduum sit definire aliquid de *Aëreis* *Æthereis*que *Elysiis*. 2. Civilem ordinem esse atque *Leges* apud *Dæmonas* *Aëreos*. 3. Catenam hanc *Politiam* à summis *Æthereis* *Potestatibus* per *Dæmonas* *Aëreos* ad ipsos usque terræ Incolas pertinere. 4. Quantâ indè fruamur incolumitate. 5. Quàm facîle detegantur & puniantur *Spiritus* facinorosi à tribulibus suis. 6. Rationes alia incolumitatis nostræ à gravioribus malorum *Spirituum* infestationibus. 7. Quæ suppliciorum genera *Officarii* *Aërei* inferant maleficis.

1. **M**ultò equidem longior & copiosior esse possem super hac materia, si *Aëreorum* *Æthereorum*que *Elysiarum* multiplices concamerationes describerem, illasque porro cum sua omni ornamentorum varietate depingerem: sed enim prudentis non est verba profundere in re tam lubrica & conjecturali; cuius vel simplicis existentia hoc unum habemus argumentum, quod infinitò maxima pars *Universi* atque nobilissima jaceret alioqui quasi inculta, *Deserti* instar arenosi, ubi nec *Planta* nec *Animans* ulla cerni possit. Quod quanquam tam alienum videatur, ac si *Natura* in talpæ grumulum unum contulisset omnem, quam in lucem proferre voluit, varietatem rerum, reliquâque terram universam secisset unius ejusdemque faciei, argillosæ scilicet aut saxosæ, unde nè vel unum graminis foliolum, nedum flos ullus aut arbor nasceretur, nec avis aut bestia ulla sua unquam in eam vestigia poneret: attamen cum animi nostri mortalium timidiores sint, quàm ut ad objecta tam vasta complectenda aggrediantur, ignorantia vel ἐποχή hac in re æquo nobis est animo ferenda.

2. Consideremus itaque quod mente nostrâ faciliùs comprehenderetur, *Aëreorum* *Dæmonum* *Politiam*. Nam aliquam inter illos vigere *Politiam*, cum certissimum in se, tum nobis utilissimum est ità persuaderi: quæ autem speciatim apud eos obtineant instituta & consuetudines, inutiliùs quaritur. Coerceri verò imperio, non modò decretum est *Pythagoreorum*, (qui grammaticâ quidem subtilitate assignârunt diversa nomina Legi, cui subjecta sunt hæc tria diversa *Entium* genera, ἄνθρωποι, δαίμονες, θεοί, unam νόμον, alteram δίκην, tertiam θέμιν appellantes) verùm etiam obvia & communis ratio concludit ità esse oportere, præsertim in infimis aëris regionibus; quarum *Incolæ* cum promiscua turba bonorum, malorum, prudentium, insipientium sint, ad eundem planè modum & sensum, quo terræ *Incolæ* tales sint & dicantur; idcirco necessariò subjicientur regimini legesque accipient, planè ut homines faciunt, & ob easdem rationes. Alioquin enim mediocriter se sustentare nequirent, nec iis commodis frui, quæ jure saltè aliquo sua sunt.

Nam cum *Animæ* hominum defunctorum & *Dæmones* corporeo sint sensu præditi, ideòque voluptatis dolorisque capaces, & consequenter injuriis & pœnis obnoxii, manifestum est illos, ratione utentes, in aliquam *politiam* formam coituros, tum in gentes & provincias dispersitum iri, habituros etiam *Officiarios* *Statûs*, à Principe summo ad infimos facerrimisque lictores & carnifices.

3. Quod regimen invisibile non intra regionum aërearum oras continetur, sed ad terrestres etiam Incolas pertinet; quemadmodum regimen humanum ad bruta quædam animantia: \* *Potestates* item *Æthereæ* jus & exercitium domini habent in *Aëreas*. Quâ re fiet, ut nihil usquam perpetrari queat contra sanctiores *Universi* leges, quin pœna gravissima & inevitabilis certissimò subsequatur: omnis gens enim, urbs, familia,



milia, & singularis homo, modo aliquo peculium est, proindeque in fide & tutela *Potestatis* alicujus *invisibilis*, ut suprà significavi.

Cap. 3. sect. 7.

4. Et quæ maleficia sint contra leges illas admitta, quarum observatione Mundus ipse continetur, ea certi sumus vindicari cruciatu intolerabili, infinitoque superante id, quicquid est, voluptatis, quod capere existimentur *Genii*, ex malo vel suo ordini; vel nobis mortalibus conficiendo. Unde constat æquè nos esse tutos ab injuriis eorum atrocioribus, (quales sint ædium incensio, gemmarum, utiliorumve vitæ instrumentorum ablatio, occisio nostræ aut liberorum, pecoris, frumenti, aliarumque hujusmodi rerum interemptio aut corruptio) ac si non essent in rerum natura. Nisi si specialem agendi facultatem concessam habeant, nosve, temerè ac imprudenter commercium aliquod cum illis instituendo, copiam faciamus ipsi, vel denique patiamur à malitia alicujus hominis, qui cum iis fœderatus sit. Et postremâ hâc ratione maximam suam libertatem habent malefaciendi; quæ tamen multum ex eo accisa est; quod cuncta hæc maleficia consensionem prius obtinere debeant visibilis personæ, quæ nec difficulter in actionibus istis impiis deprehenditur, & facilè punitur legibus humanis.

5. Nec majori operâ *Genii Aerei* alii de aliis sumere supplicium possunt, quàm nos mortales comprehendimus, in custodiam damus, plectimûsque demum illos, qui nostras leges violârint. Quanquam enim *Dæmones* invisibiles sint nobis, suo tamen Ordini non sunt: nec possunt mali industriâ & solertiâ vincere bonos cives & reipublicæ studiosos, qui vim autoritatẽque legum tuentur diligentius, quàm apud nos homines fieri solet. Nec variæ transfigurationes formæ celare magis queunt; quinam revera ipsi sint, quàm ficti vultus & habitus id possint, ab hominibus fraudulentis usurpati. \* Illi enim æquè solertes sunt ad internoscendûm fictum à vero & genuino inter ipsos, ac nos sumus inter nos. Et cum Spiritus omnis Aërius alicujus gentis sit & provinciæ, difficile non erit, à scelere perpetrato, indagare eum qui perpetravit; quippe quod nullus *Dæmon* ita sese transfigurare poterit, quin jussus cogatur apparere formâ suâ naturali ac usitatâ, nec audebit interrogatus non edere gentem suam & provinciam. Quare facilis patefactio facinorum, & diri cruciatûs expectatio certa, defendent mundum ab omni illa perturbatione, quam meticulosi quidam homines abs hoc genere animantium, si existerent, exorituram suspicantur.

6. His addere licet, res nostras esse *Dæmonibus* inutiles, nec verosimile esse, multa Entia rationalia adedò degenerâsse, ut delectentur malo nihil ipsis profuturo. Dictum illud *Socratis*, *Γὰρ ὁ μοχθηρὸς ἀγνοεῖ*, magna ex parte verum esse in altero mundo, haud secus ac in hoc. Spiritus malos nil aliud fortè velle, quàm ut nos in eundem defectionis à Deo gradum secum ruamus, confortesque simus ejusdem falsæ libertatis; quemadmodum in hac vita homines profligati proselytos facere, & ab alumnis nequitia suis officiosè coli amant. Sunt & aliæ multæ rationes quæ faciunt ad tollendum *Panicum* hunc terrorem de incursionibus ac molestationibus *Aereorum* Incolarum, quæque suspicacem Atheum magis adhuc comprimerent; sed illas libens omitto, quippe qui hac de re plus satîs suprà dixerim.

Cap. 3. sect. 7. 8.

7. Si quis curiosior roget, quæ suppliciorum genera Populus Aëreus facinorosis suis inferat, mallem eum ad conjecturas *Cornelii Agrippæ* remittere, quàm descendendo ad minuta ista memet deridendum propinare. Ille inter alia recenset incarcerationem, seu inclusionem eorum, tanquam in custodias, in fœda & squalida habitacula. Luculenta ipsius verba ponam: *Accedunt etiam vilissimorum ac teterrimorum locorum habitacula, ubi Aetnæ ignes, aquarum ingluviæ, fulgurum & tonitruorum concussus, terrarum voragines, ubi Regio lucis inops, nec radiorum Solis capax, ignaræque splendoris fiderum, perpetuis tenebris & noctis specie caligat.* Unde nobis persuadere vult, cavâ subterranea pro barathris usurpari, ubi improbi *Dæmones* pœnas luant: quasi montes *Vulcanii*, ut *Aetna*, *Vesuvius*, *Hecla*, & alii multi, in *America* præcipue, tot carceres essent aut ergastula *Geniorum inscientiorum*.

De occulta  
Philosoph. lib.  
3. Cap. 41.

Arctâ illos custodiâ, à flagitio commisso, asservari, summâ suâ molestiâ & dolore intolerabili, indubium est; quippe cum corporeo sint sensu præditi, eoque nostris sensibus acriore magisque passivo, graviore propterea cruciatu vexari poterunt. Quare non modò incarcerando custodiendoque in montium ignivomorum cavernis, quarum æstus & sulphureus vapor illos gravissimè excruciat, verum etiam in aliâ terræ cava quamplurima, fumis vaporibusque variis pestilentia, relegando, torquere possint ii, penes quos sit. *Dæmonas* torquere maleficos aliis atque aliis modis & gradibus, plenè exæquantibus scelus quod maximum ab illis committi queat, longèque suprà quàm acerbissima tyrannis hîc aut nocentes aut innocentes unquam afflicta verit. Quo modo autem, quibusque aggravationibus & relaxationibus admini-

strentur Inclusiones istæ & Cruciatu, nec definitu facile, nec intellectu necessarium.

Quapropter tam inutilem materiam ultrâ prosequi desinemus, ad tertiumque generale Caput progrediemur, viz. Quæ sit Animæ conditio *Moralis*, ubi ex hoc Corpore excesserit.

## SCHOLIA

## IN CAP. X. SECT. 3.

**P**otestates item Æthereæ jus & exercitium Domini habent in Aëreas, &c. *Summum autem in omnes Principatum obtinet Jesus Christus sive Anima Messia cum Æterno Logo unita, quemadmodum manifestum est in Visione Ezechielis sive Mercava. Quæ nihil aliud est quam immensa hujusmodi Politia Imperiique Christi à supremis Regionibus Æthereis sive à Mundo Azeluthico quem appellant Cabbalistæ, ad mundum hunc Asiaticum adeoque Terrestrem extensi Representatio, quemadmodum copiose in illius Visionis Explicatione & in Catechismo Cabbalistico enarravimus.*

SECT. 5. Illi enim æquè solertes sunt ad internoscendum fictum à vero, &c. *Quod minimè mirum est, cum idem quodammodo fiat in brutis Animalibus, in Canibus præsertim venaticis. Canes enim veterani voces quas edunt juniores postquam verum prædæ odorem hauserint, ab inanibus & irritis facile distinguunt, quas nihil morantur, ad alteras verò statim accurrunt & insequuntur. Præterea, cum Plastica cujusque Animæ sit non tantum Hominiformis sed tali formâ sive specie individuâ quæ à reliquis omnibus formis Individuis differat, hinc facilius fit ut quisvis vel vaserimus Dæmon Vertumnique artium callentissimus facili negotio quis sit, dignoscatur.*

## CAP. XI.

1. *Tria prius considerata, quàm veniamus ad Moralem conditionem Animæ post mortem: nempe, Recordatio ejus rerum actionumque hujus vitæ. 2. Peculiaris forma propriusque character Vehiculi Aërei. 3. Nominis ejusdem conservatio. 4. Miseriam Animæ posthac ita futuram, prout hic malè se gesserit. 5. Ineffabiles angores Conscientiæ, morte graviores, nec effugiendi moriendo. 6. Dira cruciationes externi sensus eorum, quorum mens occrustata non sensura videatur Conscientiæ verbera. 7. De statu Animæ Paganorum eorum, qui innocentius & ex recta Conscientia vixerant. 8. De naturalibus accrementis posteræ felicitatis eorum, qui hac in vita boni probique fuissent. 9. Quem fructum Anima in futura vita percipiat ex rebus illis quas hic vel egit vel passa est pro Causis optimis & gravissimis. 10. Rationem eandem obtinere & in levioribus pro portione rerum. 11. Quantam sibi homines perniciem accersere possint in altero mundo præservidis suis allucinationibus in hoc. 12. Etiam si nulla esset post mortem Memoria, ratio tamen hujus vitæ agenda quasi semen jaceret futura aut felicitatis aut miserie Animarum.*

1. **A**D quam quæstionem rectius dissolvendam, hæc altera prius determinari debet, *Nunquid hujus vitæ Anima post mortem recordetur.* Nam *Aristoteles & Cardanus* videntur negare; sed ratio nulla in utrovis mihi nunc succurrit, quæ eorum sententiam confirmare valeat. Contrariam autem esse veram constat ex iis, quæ supra in secundo libro probavimus, viz. Animam ipsam immediatam esse *Memoria* subiectum, cunctaque phantasmata cum eorum circumstantiis in illa ipsa, non in Spiritibus, (quod *Vaninus* ipse non potest negare) nec in ulla parte corporis reservari. Spiritus autem necessarium tantum instrumentum esse per quod Anima operetur; qui cum frigidiore, crassiores, aquosioresque sunt, *Oblivionem* obrepere animæ & ingravescere pro eo ut spiritus malè sint affecti; morbo verò depulso spirituūque temperie emendatâ, animam, ut in meliore activitatis statu, illarum rerum memoriam, quæ prius ægrè succurrebant, illicò recuperare. Unde sequetur, Axiom. 33. *Memoriam ejus perfectiorem potius post mortem fore, & Conscientiam ad excusandum aut accusandum de hîc factis expeditiorem.*

Cap. 11. Sect. 4,  
5, 6.

¶ In Dialog. 60.

2. Nec



2. Nec prorsus alienum est animadvertere præterea, naturalem usitatamque figuram aeris Animæ vehiculi similitudinem gerere formæ ejus, quam quis in hac vita habuisset; quippe quod proclivius est *Plastica* (voluntate formam personalem ei imperante) tam propè ad hujus vitæ formam accedere, quam patitur status novus. In quo actu fortè concurrat *Spiritus Natura*, quemadmodum in fœtu figurando; intra illos autem fines qui convenient *aeræ congruitati vitæ*, quæ de re jam diximus: uti etiam significavimus, propriam cujusque animæ *Ideam* seu *Figuram*, etiam si per maternæ imaginationis vim in conceptione vel gestandi tempore deflectat aliquantùm, redituram tamen posthac, tanquam in viam, ad peculiarem suam speciem, itaque futuram notam *individualitatis* inelabilem. Cap. 9, 10.

3. Addemus his, hominem *aereum* idem quod hîc habuisset retinere *nomen*, nisi singularis causa sit cur mutetur: quo fiet ut eorum Personæ tam speciatim distinguantur & circumscribantur, quàm quivis nostrum in hac vita. Quæ omnia ut suâ & naturæ sponte sic eventura admodum est probabile, ità juri reddendo ordinique servando in altero statu conducunt plurimùm.

4. His itaque præmissis, haud difficulter intelligitur quomodo conditio animæ futura à *moralis* hujus vitæ traductione pendeat. *Memoriâ* enim non intercedente, *Conscientia*, ut verosimile est, acrior quàm unquam fuerat exurget; quippe quod Mens perspicacior judex malè factorum præteritorum futura sit, quàm esse potuit dum in Carne versabatur, ubi multæ & validæ circumstantiæ concursûsque rerum opportunitatem omnem ad examen se revocandi, vitæque suæ turpitudinem perspicendi ademerint; quæ nunc omnia sublata sunt. Præterea, cùm ea sit inter Terram & Aërem communicatio, ut fama saltem rerum ad eorum notitiam perveniat, qui ex hac vita abierunt; inceptorum improborum, actionumque iniquarum successus adversus, novis flagris, novis aculeis armabit ulticem defunctorum *conscientiam*, cùm vel audiant, vel suis oculis cernant, quicquid injustè moliti essent cum ignominia funditus corruiere, consilia sua omnia in nihilum recidere, famamque in terris quasi syderatam penitus exaruisse.

5. Hæc est conditio Animarum earum, quibus actiones suæ præteritæ displicere possunt: quod ipsum magnum satis supplicium per se videatur ei, qui secum cogitat, quantam vim Mens habeat in Vehiculum suum, quàmque à se ipsa sit vulnerabilis. Hæ igitur *Passiones* Animæ, malæ *Conscientiæ* comites, corpus ejus Aëreum in languores gravissimos, morte ipsâ graviore, necessariò conjicient. Mori tamen nequit si vel maximè cupiat, nec igne, nec ense, nec aliâ re ullâ; non si in fumantis *Ænæ* flammæ sese præcipitaret. Nam etiam si tamdiu illuc durare posset, donec sulphureus ignis loci *congruitatem vitalem* vehiculi sui cruciatu horribili exedisset; inde tamen emissa vitam illico in Aëre reciperet, & præter novissimum hunc moriendi dolorem, superiores omnes angores & ærumnæ reverterentur. Rediret enim *memoria*, *conscientia mala*, & *inordinati affectus*, *furie* illæ inquietæ quæ eam insectari solent. Atque ità res esset, si Anima millies atque millies sese occideret; dolore quidem & supplicio afficere se posset, non autem exitio dare.

6. Caterùm si aliquorum hominum *Conscientiam* supponeremus in futuro etiam statu æquè cauteriatam ac in hoc, (sunt enim proculdubio qui id agunt ut ex animi sui sensu oblitterent discrimen omne turpis & honesti, qui egregium ingenii specimen ducunt, (quæ revera bestialis est stupiditas) Vitium nihil, Virtutem itidem nihil esse existimare, præcipuamque perfectionis partem esse censent ità degenerasse, ut ex flagitioso principio isto agant, animo nè minimùm quidem repugnante) hi homines profectò insigni privilegio donati in altero mundo videantur, siquidem jaculis igneis domestici sui Diaboli sunt adeò impenetrabiles: quasi profligatissimum fuisse in hac vita, maximam in altera præstaret incolumitatem.

Sedenim ex ratione mera ac Philosophia ostendi potest, importunissima hæc & impudentissima Scelera hominum, qui sensum omnem Boni Malique internum hîc ultro abjecerunt, externo tamen sensu plagas ut sentiant & nolentes sufferant, illuc cogi posse. Etenim divina *Nemesis* nullâ Universi parte excluditur; *Bonitas* etiam & *Justitia* quas hîc contemnunt, superbèque à se repellunt, rationis aliquid cum illis in altero statu habituræ sunt, velint nolint. De impurissimis istis loquor, qui homicidia, perjuria, expilationes, adulteria, nefandam venerem, aliæque ejusmodi scelera & flagitia sine ullo vel minimo fastidio devorare possunt, & jus se habere putant ad libidinem explendam suam, cum alterius maxima injuria. Si homines isti impune hæc ferrent, nulla est profectò Providentia, ipsique veracissimi propheta fidelissimique sunt humani generis magistri, dum lectissimum quod habent Arcanum divulgent, nempe, *Nullum esse Deum*.

Verùm

De Immortal.  
Anim. Object.  
31.

Verum enimvero longè aliter se res habet. Nam sive quòd quos in hac vita affecissent injuriâ, illos posthac offendant, instantèrque vindictam exposcant, quod *Cardanus*, in *Tractatu* hac ipsa de re, objiciens suggerit; sive quòd ab omnibus omnino alterius Mundi, qui defendere valeant, deferantur; (nam quæ monstra hominum describo, longè forsitan pauciores sunt pro multitudine alterius statûs, quàm eorum similes hîc sunt pro numero hominum hîc viventium) tradentur in manus certissimò torvis istis & inexorabilibus Justitiæ Ministris, qui tam ab omni Boni sensu alieni sunt ipsi, quàm quos puniunt. Itaque pœna illorum inferetur ab iis, qui ejusdem animi sunt ejusdemque secum sententiæ, qui prædæ hujusmodi avidè inhiantes, eam cum capiant, pro multifaria animi sui libidine malè mutant; & plaudentes placentesque sibi maximè in faciendo spectandoque miseros, involant in prædam acres atque alacres, velut impasti leones in hominem damnatum, multò verò majori ferociâ ac insultatione. Nam cum ingenii plus habeant, minus autem bonitatis, si fieri potest, quàm Anima quam sic invadunt, lascivientem suam crudelitatem satiant cunctis quæ excogitare possint generibus contumeliarum & cruciatuum, tantisper modò ut respiret Anima permittentes, dum ea vires colligat ad nova eorum inventa recentiori distinctiorique dolore perpetienda. Nec ratio vel Suada ulla, nulla expositulatio, supplicatio, aut submissio, quicquam apud illos valebit. Quorsum enim de injuria & vi cum illis exposituletur, quibus palmarius Ingenii fructus videtur, unum hoc idque summum Principium intelligere, *Suam cujusque libidinem, cum impunè licet agere, sanctissimam esse atque supremam legem?* Ecquid supplicationes aut submissiones efficiant apud eos, qui despiciatissimæ facilitatis & fatuitatis esse putant exorari, ut de utilitate sua & commodo decedatur? Illi autem Virtutem & Vitium non agnoscen-  
tes, commodum suum in hoc uno ponunt, ut sibi placeant in omnibus quæ cupiditatibus suis grata sint & jucunda; placet autem illis maximopere, excruciare & vexare, quàm exquisitissimis modis possint, quotquot fors & occasio in manus sibi & potestatem tradat. Videmus ergo ut arrogans & elatus Atheus, in futura vita, dira incommoda cum factorum tum doctrinæ suæ tandem aliquando sentiat. Qui ipsi enim placebant sibi in provehendo illo, dum in vivis erat, ad summum hoc impietatis culmen, ii parem fortasse voluptatem capient, cum defunctum eum à torvis illis carnificibus multari videant. Ad instar jocosæ crudelitatis ejus, qui, ut in historia proditur, *Vestales Virgines* primùm violari curavit, post ob illatum stuprum interfici.

7. Verum odiosum nimis, nimisque funestum evaderet hoc argumentum, si ei longiùs insisteremus. Convertamus ergo oculos ad objectum latius, statum nempe Animæ ejus, quæ, pro ea quam habuit facultate discendi quod rectum sit, ex virtute & bona *Conscientia* vixerit, ubicunque terrarum & quocunque in sæculo. Nam quanquam *Moralis Innocentia Paganorum* citra id subsistat, quod Christiana Religio *salutem* dicit, non potest tamen non illis esse utilis in altero statu, pro variis ejus gradibus; hominibus istis magis minùsve beatis aut miseris futuris, prout magis minùsve virtutem in hac vita coluissent. Intelligi enim non potest, cur Deus durior iis esset in altero illo Mundo quàm in hoc, cum nihil accidisset novi ad voluntatem ejus alienandam præter mortem, quam tamen evitare penès ipsos non erat, quæque pœnæ speciem habet potiùs quàm culpæ: revera autem neutrum est homini simplici & probo, qui non monita salubria luminis naturalis ex professo contemnit, sed *humanitatem & virtutem* diligit. Hujusmodi hominibus aditus est duntaxat in aliam vitam,

----- Ad amœna vireta  
*Fortunatorum nemorum, sedesque beatas.*

Quam veritatem ideo celare non potui, quòd grave præjudicium affert Providentiæ Divinæ, sentire contrâ. Liberè enim judicantibus, viæ ejus & agendi rationes perinde obscuræ videbuntur in puniendo simplices supra modum, ac in non remunerando inculpatores atque illuminatores. Et si in alterutro peccetur, utrumque in dubium vocabunt, & omnem omnino providentiam tollent.

8. Rata sint igitur ubique Animabus in alterum statum transeuntibus jura præcipua ac privilegia *Probitatis & Virtutis*. Etenim nisi Deus de industria obsistat, sponte Naturæ fiet, ut cum *Memoria* post mortem nil suggerat quod *Conscientia* non probat, magna animi tranquillitas indè existat, & sanitas quædam & pulchritudo *Vehiculi Aeris*, convictus item melior, consuetudo jucundior, habitandi denique tractus & regiones amœniores. Nam quod *Plotinus* dicit de gradibus extremis, verum est etiam de intermediis; alioqui manca esset Justitia Divina. Cum quis, inquit, *pravum animi habitum proprium & conjunctissimum sibi fecerit, probè cognoscitur qui qualis-*  
que

Enchirid. 4. lib.  
4. cap. 45.



que sit, & pro natura sua, tum hic, tum hinc profectus, ad id propellitur, quod ipse ex se propendat, & sic tractione Naturæ in locum congruum adducetur. Viri autem boni Receptiones & Communicationes aliusmodi erunt, tractione quasi funiculorum quorundam occultorum, quos Natura suis ipsius digitis transponit & adducit. Adeo admirabilis est vis atque ordo Universi, in quo administrantur omnia tacitâ quidem ratione Justitiæ, quam nemo tamen effugere valet, quâque improbus nec sentit nec intelligit, sed trahitur inscius & imprudens in quam partem Universi ferri eum par est. Vir bonus autem & novit & it quod oportet, & intelligit, antequam hinc abeat, ubi sibi habitandum sit, & spei plenus est, cum Diis futurum. Longus hic ex Plotino paragraphus aliquantulum veritatis habet, si rectè explicetur; at non videtur attingere cunctas circumstantias atque additamenta felicitatis Animæ in altero statu, quæ illam ex actis hujus vitæ naturaliter consequentur.

9. Nam proculdubio pro diverso gradu benignitatis animi, studiique humano generi benefaciendi in hac vita, proque ampliori facultate id ipsum præstandi, alterius mundi beatitudo redundat in Animam & reduplicatur; siquidem tam certum est inter utrumque mundum commercium & communicatio. Quapropter qui vel agunt vel patiuntur gravius in iis causis, quas Deus in mundo tueri vult, quæque penitus sunt justæ & sanctæ, (& profecto sunt res aliquæ & doctrinæ immutabiliter tales, quibus fidem & auctoritatem conciliavit Providentia miraculis, suffragiis sapientissimorum virorum in cunctis sæculis, & communi Naturæ voce; ) qui harum rerum fautores & propagatores fortissimi erant in hac vita, majorem inde naturaliter capient in posterum delectationem; quippe qui sibi conscii sunt, se magnopere & serio opitulatos esse rebus illis quas Deus nunquam deferet, magnamque veritatem esse & tandem prævalituram; cujus rei certiores nunc sunt, quàm cum erant in corpore.

10. Quod genus incrementi felicitatis proprium non est illi operæ nostræ duntaxat, quâ promovemus id quod momenti maximi sit, & in summa ratione haberi debeat, verum pro portione pertinet etiam ad acta omnia & consilia, quæ ex virtute benevolentiaque emanant; quorum varii gradus sunt; in quibus haud minima habenda ea sunt, quæ ad Populi universi bonum spectent. Itaque qui naturali animi magnitudine, prosperaque in bello virtute, patriam suam à servitute liberarunt, aut prudentiâ rerumque civilium peritiâ salubres leges conscripserunt ad majorem populi felicitatem & solatium; ii, quamdiu hic populus existit & floret, felicitatis incrementum inde capient proculdubio, nisi minus generosos & bonos illos existimaremus in altero mundo, ubi opportunitatem habent meliores evadendi. Et quod dixi in insigniori hoc exemplo, verum est pro rata in levioris momenti rebus, quas infinitum esset enumerare. Sed Nationes integræ cum Legibus suis, Ordinibus, & Familiis hominum desinere possunt, proindeque accessiones istæ abscindi: qui autem hac in vita operam suam collocat in rebus illis promovendis, quæ locum obtinebunt quamdiu Mundus ipse duraverit, & tandem aliquando gloriosè triumphabunt; is profecto rationem init sempiterni emolumenti in altero Mundo comparandi, quæ contra fluctuationes conversionisque cunctas instabilis fortunæ, effectum certissimo sortietur.

11. Judicium verò hæc res postulat pariter ac Calorem & Impetum. Ignorantia enim actuosior, etiam cum aliqua mentis sinceritate simplicitateque conjuncta, eas res tamen inter homines inceptare, easque seu falsas, seu alienas & intempestivas doctrinas memoriæ mandare potest, quæ, hominum abusu, in perniciem causæ illi vertant quam adjutam velis; quod authoribus in altero statu luctuosissimum spectaculum futurum erit. Quanquam enim eorum inscitia veniâ digna sit, effectum tamen hallucinationis suæ gravem sibi & acerbum experientur. Ut qui pro inimico amicum occidit, conscientiam quidem suam facile placet, effugere tamen non potest pudoris & doloris sensum, qui tam exitiabilem errorem sequi solet.

12. Hæc atque hujusmodi augmenta alterius Mundi Bonis accedere possunt, à perdurantibus rerum vestigiis earum, quas in hoc rectè fecimus, si quam nos rerum memoriam post mortem habeamus; habere autem superiùs demonstravi. Verum ut non haberemus, & Aristotelis Cardanique opinio esset vera, tamen Virtus & Pietas non in præsentem statum duntaxat erunt utiles. Quoniam pro ratione hinc vivendi, occultâ causarum concatenatione trahemur posthac in conditionem puritati impuritativæ Animæ in hac vita congruentem: tacitâ illâ Nemese, quæ per universam Mundi compagem permeat, in talem nos usque statum fataliter inducente, quali nosmetipsos dignos fecimus actionibus vitæ usitatis. Tanti est momenti, dum tempus suppetit, ad optima aspirare.

## C A P. XII.

1. *Quid sit Spiritus Naturæ.* 2. *Experimenta quæ probant ejus existentiam; cujusmodi est illud chordarum duarum unisonarum.* 3. *Sanationes cruciationisque sympathetica.* 4. *Sympathia Terreſtre inter & Aſtrale corpus.* 5. *Fætus monſtroſi.* 6. *Attractio Magnetis, globositas Solis & Stellarum.*

1. **T**Ractatum hunc noſtrum omnino jam finiſſemus, niſi quòd expedire arbitrer ut duabus in rebus Lectoris expectationi ſatisfaciam. Unâ, de *Spiritu Naturæ*, alterâ de proferendo in medium, quicquid eſt *Objectionum* adverſus aſſertam, jamque à nobis concluſam, Immortalitatem Animæ. Quod ad primum illud attinet, facilè ego quidem in animum induco, Lectorem rectè poſtulaturum rationem Principii illius, ad quod ſapiùs recurri, accuratiorem quàm adhuc reddiderim, æquumque exiſtimaturum ut pleniùs alicubi explicarem, quid per ipſos terminos intelligam, & ut argumenta mea præcipua oſtenderem, cur Ens ejuscemodi in rerum natura eſſe judicem. Itaque nè illum longiùs ſuſpenſum habeam, utrumque faciam hoc ipſo in loco. *Spiritus Naturæ*, ut ego intelligo, eſt *ſubſtantia incorporea \* ſenſus ac animadverſionis expers, materiam Univerſi totam pervadens, & vim platiſticam in ea exercens pro variis præparationibus occaſionibusque partium earum in quas agit, ea item excitans Phænomena in Mundo, partes materie motumque earum dirigendo, qua in mechanicas potentias ſolas reſolvi nequeant.* Rudis hæc deſcriptio ſufficit ad conceptum naturæ rei ſatis certum & definitum legenti communicandum. Meram autem *Notionem* non eſſe, ſed *Ens reale*, præter ea quæ ſuprà per occaſionem innuerim ( quæ hîc denuo novis exemplis confirmabo ) multa alia ſunt quæ ſuadeant.

2. Primum eorum petatur ab experimentis ſympatheticorum, quos vocant, dolorum, ſedationum, ſanationumque; quorum multa extant exempla, ab iis ipſis probata, qui moroſiſſimam præ ſe ferunt mentis ſobrietatem & judicium; quæ omnia ex aliqua ejuscemodi potentia ſeu cauſa provenire ſuſpicio, quæ facit ut duarum chordarum unisonarum ( etiam in diverſis instrumentis ) alterâ percuffâ tremat altera & clarè ſe moveat, ſic ut feſtucam, aut aciculam, aut aliud quid leviusculum impoſitum rejiciat. Quod in Principium nullum Mechanicum reſolvi poteſt, licèt nonnulli ingenioſè tentarint. At priùs quàm aggredereſſentur rationem reddere, cur chorda non unisona chordæ percuffæ non ſaliat ac moveat, uti facit unisona, demonſtrâſſe oportet unisonam ſolâ æris vibratione ita moveri poſſe; nam ſi poſſet, certè vibrationes illæ moverent alia corpora longè mobilia chordâ ſic motâ. Ut ſi juxta chordam percuffam liberè ſuſpenderetur filamentum ſerici aut capillamentum cui res aliqua levicula eſt appenſa, ea neceſſariò reciperent vibrationes reciprocas quæ Unisonæ longiùs diſtanti communicantur, ſi merus motus Aëris materialis efficeret Unisonæ ſubſultationem: quod tamen experientiæ repugnat.

Præterea, ſi mera æris vibratio cauſa eſſet tremoris hujus in chorda unisona, effectus ferè nullus foret niſi utraque chorda in eodem proximè plano jaceret, & vibratio percuffæ chordæ fieret in illo ipſo plano in quo jacent. Percutiat autem chorda ſic ut itu reditūque ſuo ſecet illud planum perpendiculariter, vel ſint chordæ ſingulæ in ſingulis planis altero ſupra alterum ad aliquantum intervallum, eventus ferè idem eſt, tametſi aër ultro citròque vibrare non rectè concipiatur, niſi in ipſis proximè planis in quibus moventur chordæ.

Hæc omnia clarè demonſtrant cauſas merè corporeas Effectum hunc producere non poſſe: proindeque ſupponendum eſſe, chordam utramque cum Ente aliquo Incorporeo uniri, quod Unitatem Activitatēque habet diverſam quidem à materia, *Sympathiam* tamen cum ea; materiāque certo modo afficientem alicubi Ens illud Immaterialē, efficere ut id viciffim materiā alibi eodem modo afficiat, ubi nempe hæc materia cum illa altera conſentit in affectione aliqua aut qualitate; conſentiunt autem hæc duæ chordæ in eo quòd altera alteri unisona ſit: idque facit ſine tranſmiſſione ullarum particularum ad materiā illam in quam ſic agit; ſicuti cogitatione movendi digiti pedis intra cerebrum repræſentatâ, ipſius Animæ meæ vi & virtute digitum movere poſſum pro libitu, ( nullis interim ſpiritibus in digitum demiffis, iis duntaxat adhibitis qui jam illi inſunt ) propter unitatem & activitatem illam quæ propria eſt Animæ ut ſubſtantiæ ſpirituali totum Corpus meum pervadenti. Et hinc etiam concluderem tale Principium eſſe, quem *Spiritum Naturæ*, ſeu inferiorem Animam



Animam Mundi dicimus, in quod hujusmodi Phænomena resolvi debeant:

3. In quibus etiam numero *Sympatheticas* Sanationes, Dolores, dolorumque Levationes. Ex. gr. quod Magneticorum, quæ vocant nonnulli, remediorum usu, vulnus molestissimè calidum aut frigidum fiat ex longinquo, quod rursus omnino leniatur, non fit virtute ullâ Atomorum emissariarum. Nam calidæ atomi, inter eundem ad hominem vulneratum per frigidum ærem, nim.ùm & ipsæ frigescerent; & frigidæ atomi, si adeò activæ sunt ut tam procul ire pergant, satis tamen calefcerent eundo per æstivum solem. Inflammatio item uberis vaccæ ex lacte superbulliente & defluente in ignem, intestinorum humanorum perustio ad distans ex stercore in ignem coniecto, hæc & alia multa facinora hujusmodi rectè & ex ratione referri nequeunt in hominum botumque spiritus, domi se unà cum igneis atomis recipientes, & sic junctim ingredientiæ partes affectas; quoniam atomorum harum exiguitas arguit celerem earum extinctionem, ut in filis metallicis candefactis usu venit, tenuissima citissimè frigescunt.

His addi potest, si fortè verum sit, insigne illud exemplum Vini fermentescentis cum vites florent, vites scilicet regionis ejus unde æstuans vinum allatum est; quibus si effectus hic sympatheticus attribuitur, exhalationes istæ vinearum tam procul propagari debent, quàm procul distat *Anglia* ab *Hispania Canariisque Insulis*, & ob eandem rationem æquè procul à *Canariis* circumquaque dilatari, præter iter earum sursum in Aërem. Quare hemisphærium atomorum vinealium futurum est incredibilis ambitus, nisi in singulares series dispertiant, in eaque tantum loca tendant, quò vina sua asportantur. At quæ causa corporea illas eò ducat? Quod idem quæri potest & de aliis ejusdem generis phænomenis. Unde rursus necessum erit Principium hoc, quod infero, admittere, etiamsi effecta per transmissas Atomos producerentur.

4. *Mundana* hujus *Sympathie* exempla luculentissima extant in historiis magis incertæ fidei & obscuri nominis, quæ quanquam credibiliter mihi confirmata, tamen quod jam suprà declaravi, ut possibilia tantum præstare ausim, viz. Animas humanas corporibus suis egressas in felium, columbarum, mustelarum, aliquando & humanâ specie apparere, & quicquid noxæ illis accidat \* in corporibus hisce *Astralibus*, ut *Paracelsiani* loqui amant, idem in *Terrestria* redundare, in lecto aut humi intereà temporis jacentia. Ut si corpora *Astralia* ferventi aquâ perfundantur, vulnerentur, exdorsuentur, idem planè & *Terrestria* pati certissimò.

Quæ si vera sunt, in Principium hoc, de quo loquimur, resolvi debere verosimilimum est, \* & *Spiritus Naturæ* in consensionem abripi cum imaginatione Animarum, *Astralibus* his corporibus seu *Vehiculis Aereis* indutarum. Quem imaginandi actum prævalidum esse oportet, siquidem imprimitur & corroboratur tam vivido atque acri dolore & trepidatione, quæ in perfusionibus, vulnerationibus, atque ictibus istis necessariò accidunt; quippe ejusmodi aliquid hîc evenit ut in mulieribus gravidis, quarum Imaginatio, subito metu exacuta, brachia immo & capita foetibus suis detruncârit, ut constat, præter eas quas ex *Helmontio* citavimus, ex duabus luculentis narrationibus D. *Digbæi* in Discursu ejus ingenioso & disertò de *Sanatione vulnerum per pulverem Sympatheticum*.

¶ Cap. 6. sect. 6.

5. Quos quidem effectus vim omnem & virtutem humanæ Phantasiæ, potentiori Agente non adjunctæ, superare puto; uti illum etiam quem refert partum prodigiosum foeminæ *Carcassonensis*, quæ collusitando nimumque oblectando se Simio, dum in utero gestabat, monstrum peperit omnino simili forme. Et si cum docto & nobili viro concluderemus veram Simiam fuisse, mirabilius non est, nec tam mirabile quidem, quàm *Cancris* seu *Locustæ* partus quem suprà memoravimus ex *Fortunio Liceto*; potuimus & alios memorâsse foetus, usitatores quidem, nihilo tamen minùs monstrosos, quos uterus muliebris gestaret parerètque. Quorum ut parentis Anima causa sit, suspicari non licet; quippe quæ nè vel sui ipsius foetus est efformatrix, ut statuit *Harvæus*, magni ille judicii Phycus. Et si matris anima foetum efformare posset, Virtus ejus *Plastica*, ut videtur, semper foret singularis & specifica, quemadmodum Anima ipsa est singularis.

Quid igitur superest quod mirifica hæc facta edat, nisi *Universalis Anima Mundi* seu *Spiritus Naturæ*? qui, *Vertumni* instar, semper paratus est ad suam ipsius activitatem cessilèmq; materiam mutandam in omnem modum & figuram prout occasio invitet, itaque ad præparandum domicilium, saltem ad primas ejus quasi lineas ducendum, specificæ Animæ cuicunque, & quocunque in loco materia operationi ejus cessura sit. Quo tempore autem primùm eò appellat singularis hospes illa cui destinatur, quanquam dicere non possumus, certi tamen sumus seriùs non esse claris indiciis tam sensationis quàm vegetationis organizationisque materiæ.

Epist. ad V. C.  
sect. 5.

Epist. 3. ad R.  
Cartes.

6. Attractio Magnetis affine quiddam his Instantiis Sympathiæ habere videtur. Quod quidem Naturæ Mysterium solertiâ admirabili explicavit *Cartesius*, quod ad immediatas causas ejus corporeas attinet, particulas scilicet *striatas* illas, quas per poros quosdam cochleares in magnete simul & in ferro permeare facit. Particularum autem harum efformationem vires omnes merè mechanicas materiæ superare, easdem etiam vires excedere motûs earum directionem exquisitissimam, quâ peculiarem vorticem illum, ab Authore descriptum, circa terram à polo ad polum faciunt, Stellamque incrustatam filatim trajiciunt, tantum viæ quanta est Stellæ diameter ita rectâ pergentes, ut neutram in partem rejiciantur; cuncta hæc, inquam, materiæ vires superare, plenè satis ego jam olim declaravi & probavi in Epistola longiuscula ad V. C. propterea nè actum agam, plura de eadem re hoc loco dicere superfedebam. Adde his, merum motum materiæ corporeum, sine ullo alio rectore, nè quidem Solem Stellamve rotundam effecturum; quam figuram tamen cœlestia hæc corpora habere, agnoscit ultro *Cartesius*. Rationes autem ob quas id effici non posse puto, in Literis meis ad præclarum Philosophum singulatim posui.

### SCHOLIA

#### IN CAP. XII. SECT. I.

**S**ensus & Animadversionis experts, &c. *Vitam habere Spiritum Naturæ eamque Plasticam atque omniformem, haud basitanter pronunciare audeo, de sensu & animadversione quicquam statuere aut affirmando aut negando, magis temerarium existimo; Ratione verò ac libero arbitrio carere apud me ratissimum est. Sed cum hac de re agenda aliis in locis mihi data sit occasio, nec novi quicquam occurrat quod dictis locis non exposuerim, plura heic verba facere supervacaneum censeo.*

Sect. 4. In corporibus hisce Astralibus ut *Paracelsiani* loqui amant, &c. Quorum loquendi formulâ quanquam hic utor, meo tamen sensu intelligi volo, qui per Astrale corpus nihil aliud quam corpus tenue merèque naturale intelligo Astrorum vel potius Naturæ legibus subditum. Nam quod plerique per ignorantiam Astris, potiori jure Spiritui Naturæ tribuendum est, iisque Materiæ circumstantiis quibus illius vis suscitatur.

Et Spiritum Naturæ in consensionem abripi cum Imaginatione Animarum Astralibus his corporibus, &c. Quantum ad veritatem hujusmodi Phenomenon recens illud exemplum *Janæ Brookes*, cujus Umbra sive Spiritus Astralis manu cultro percussâ manus eadem corporis ejus terrestris eo ipso sauciata est, (quemadmodum in Scholiis in Antidotum adversus Atheismum ex *J. Glanvillo* memoravi) eximium est argumentum, cum tam manifestò constaret de facto: Quantum verò ad causam quæ hic insinuat, certè videtur maximè probabilis, cum Spiritus Naturæ tam certò se immisceat omnibus Efformationibus animalibus & corruptionibus partium, nempe ejusdem corporis, longo intervallo distitarum; ut in Nasis artificialibus ex aliena carne factis, & id genus aliis multis, quæ pro veris habentur. Mortuo enim ac putrescente illo homine ad quem partes illæ pertinent, statim ea putrescunt fetentque, quod proculdubio fit vi communionis Spiritus Naturæ. Quidni igitur, dum Astrale corpus alicujus Animæ subito ictu sauciatur, subito etiam vulnere lædatur corpus ejusdem Animæ Terrestris, propter communionem Spiritus Naturæ, ejusque raptum in consensum cum Plastica dictæ Animæ particularis? Nam Spiritus Naturæ omnia corpora quodammodo actuat & informat, unde facile intelligatur hæc vitæ communio atque consensus, realisque *sympathia*, ut hoc patiente, aliud ad distans idem compatiatur propter ejusdem Spiritus communionem. Equidem hoc concinnius est quam *Dæmonem* fingere aliquem, qui Astrali corpore vulnerato, terrestri consimile vulnus statim infligat. Quis enim *Dæmon* in istis Historiolis *Helmontianis*, Cap. 6. Sect. 6. commemoratis, caput, manum, brachium tribus istis misellis fatibus abtruncavit abscidisse?



## CAP. XIII.

1. Descensum Gravium arguere existentiam Spiritus Naturæ; aliter enim vel penderent in Aere planè uti posita sint, 2. Vel deflecerent à perpendiculari cadentia juxta laminam metallinam obliquè positam. 3. Conatum ætheris aut aeris à centro ad circumferentiam non esse Gravitatis causam, contra Hobbium. 4. Plena confutatio opinionis Hobbianæ. 5. Sequela ejus absurda demonstratur ad oculum. 6. Demonstratur universè, Gravitatem non posse effectum esse Potentiarum merè Mechanicarum. 7. Latitudo operationum Spiritus Naturæ, quanta sit & ubinam terminetur. 8. Ratio nominis. 9. De Instinctu, an sit, & quid sit. 10. Munus Spiritus Naturæ præcipuum esse, transmittere Animas in Materiam rite præparatam.


1. **Q**UA in re, quibûsque in rationibus me non allucinari, confirmat potè id quod in terra quotidie experimur, Descensus gravium, quæ vocantur corporum. \* De quorum motu ego quidem cum *Cartesio* consentio in causa corporea proxima assignanda, materia nempe cœlesti, quæ tam copiosa est in aëre præut in corporibus crassioribus; sed vehementer simul suspicor, immaterialem causam aliquam esse oportere, qualem *Spiritum Naturæ* seu inferiorem *Animam Mundi* dicimus, quæ ætherearum particularum motum dirigere debeat, quo in crassiora corpora agant ad ea terram versùs depellenda. Nam quod agitationis habent globuli ætherei, plus quàm impendant in terram circumrotandam, id, fatente ipso, in omnes partes fertur indifferenter; quo motu \* liquorum guttas rotundas effici, ingeniosè quidem concludit. Unde patet pilam ferream, argenteam, aut auream in aëre positam, æquè impeti undique particulis æthereis, propterea quæ nihilo magis deorsum quàm sursum impulsam in æquilibrio suspensum iri; quemadmodum suber, quod aqueæ particulæ æqualiter alluunt undiquaque, quiescit prorsus super ea aqua, quam nec ventus agitat, nec cursus suus defert aliquò.

*Cartes. Princip. Philosoph. Part. 4. Art. 15, 16, 18, 19, 20.*

2. Neque intelligi potest, quomodo elementi hujus ætherei, fluidissimi corporis, in terram incurfus faciat, ut conetur se tollere de terra ad mediam usque regionem æris & ultrà. Præterea, hanc non esse causam descensus gravium hinc constat, quòd tum lamina ex solidissimo metallo latiuscula & accuratissimè expolita, quæ particulas æthereas efficacissimè reflectere valeret, si obliquè collocetur, mutaret cursum corporum descendendum, faceretque nè Plano Horizontis sed sibi perpendiculariter cadant; ex. c. non ab A ad B, sed ab A ad C: quod experientia repugnat. Nam corpus grave semper cadet ab A ad B, quamvis æthereæ materiæ recessio, juxta hanc hypothefin, necessariò futura sit à C ad A.

*Cartes. Princip. Philosoph. Part. 4. Art. 22, 23.*

Fig. 6.




3. Neque locum hîc habere potest materiæ cœlestis conatus à centro ad circumferentiam. Præterquam enim quòd *Cartesius*, solertissimus Mechanicæ Magister, rationem illam declinavit, (quam tamen amplexus est || *Hobbius*) sequeretur ut juxta telluris Polos nullus omnino futurus esset gravium descensus, & in nostro climate nullus perpendicularis. Nè dicam quòd hæc ratio non salvabit unionem magnæ illius Aquæ, quæ Lunæ corpori adhæret.

*Element. Philosoph. Part. 4. Cap. 30. Art. 4.*

4. Sed ut certissimâ probatione confirmem, corpora gravia in ipso nostro climate non descensura perpendiculariter ad terram, si solutio *Hobbiana* phænomeni gravitatis esset vera; clarè demonstrabimus & ad oculum & ad rationem, quâ proportionè à perpendiculari declinant in data Elevatione Poli. In circulo ABD, Æquator sit BD, à puncto C duc lineam ad E, parallelam BD: linea CE secabit circulum in F, putà, grad. 60 à B. Finge nunc corpus grave ad E; secundum *Hobbianam* solutionem problematis de Gravitate, cadet ad terram in linea Æquatori parallela, viz. in EF; quam declinare aio à linea HF, perpendiculari Horizonti LK, anguli recti, hoc est, grad. 60. Nam angulus

Tom. 2.




P. 433.

EFH

E F H æqualis est G F R, qui æqualis alterno B G F, qui recti ex thesi. Unde manifestum est E F non minùs à perpendiculo declinare quàm grad. 60. Eadem ratione si Schema fuisset factum pro Elevatione grad. 50, quæ nostro climate australior est, demonstrari posset, descensum gravium declinare à perpendiculo ad Horizontem grad. 50, seu recti, & sic de cæteris. Unde sequetur, non posse homines incedere rectos, sed proclinatos, in elevatione putà 60 grad. tam propè ad terram, quàm est E F ad F L, & multo propius in plagis Borealioribus, ut in *Norvegia, Russia, Frislandia, Islandia, Scricfinnia, Græntlandia*, & aliis; atque eadem est ratio pro portione in aliis climatibus non ad eò Septentrionalibus. Quare non erat cur ad Polos nos ableget *Hobbius* ad experimentum faciendum.

5. Nam si Schema describamus v. c. pro parallelo sub quo nos vivimus, 52 circiter grad. elevat. oculo ipsi verè exhiberi possit, quo situ corporis incederent homines



*Londini* aut *Cantabrigiæ*, secundum sententiam *Hobbianam* de causis Gravitatis. Constat enim ex suprà demonstratis, naturalem corporis ipsorum situm super Horizontem L K futurum fuisse in linea E F, è qua si vi & nixu sustollere se vellent versùs perpendiculum H F, magnopere esset laboriosum, nec in linea H F collocare se possent, ut non præcipientes deferantur in terram, & in Horizontem F K prosterantur;

àère, aut subtilioribus in eo elementis quibuscunque, prementibus in lineis ad E F parallelis, & propterea deprimentibus quicquid solum ponitur in linea H F, ut aspectu primo est omnibus manifestum.

At cum nihil hujusmodi accidere experiamur, perspicuum est solutionem *Hobbi* esse falsam; immo dicam ampliùs, nè possibilem quidem causam reddidisse illum phænomeni hujus ordinarii. Quod multum quidem in homine miserandum, qui phænomena Universitatis rerum omnia in corporeas causas solas resolvi posse obtendens, inimitabili confidentiâ, nec prorsus illepide, derisit, & è mundo explosit substantiam omnem immaterialem; cum interim proferre nequeat ipse vel possibiles tantum causas corporeas effectuum Naturæ vulgarissimorum. Cæterum *Hobbi* sibi permissio, redeamus ad *Cartesium*.

6. Adde his, si corporum crassiorum motus fieret ad leges merè mechanicas, globulus plumbeus, puta, vel aureus in àerem projectus nunquam rursus descenderet, sed motu rectilineo usque ire pergeret. Etenim cum multò sit solidior tanto àère & æthere simul sumpto quantus locum ejus impleteret, cumque eadem celeritate moveatur quàm circumfertur terra viginti quatuor horis, erumpet necessariò rectâ lineâ per àerem tenuem, nec unquam rursus revertetur ad terram, sed proripiet se velut è Vortice Cometa. Et de facto quidem glandem tormentariam tam fuisse altè explosam ut in terram rursus non reciderit, pro experimento vero atque explorato admittit *Cartesius*. Cujus ego profectò rei rationem omnino probabilem aliam reperire nequeo, quàm quòd *Spiritus Natura* ad distantiam certam motum materiæ quadante nus permittit solis legibus Mechanicæ, in aliis autem finibus eum cohibet; quo fit ut aqua non ex Luna effluat.

7. Jam si vis merè Mechanicæ in materia motuque corporeo non valeat ad tam simplex phænomenon efficiendum, (nam ita planè est lapidis descensus) ecquid spei est eam causam fore adæquatam multorum generum plantarum, rerumque aliarum, quæ longè plus artificii ac curiositatis præ se ferunt, quàm rectus lapidis descensus ad terram?

Neque tamen propterea recidimus in deliria *Scholasticorum*, qui omni ferè Sensuum objecto formam suam substantialem tribuunt, & tum postea se sine fine scrupulis de generatione, corruptione, mixtionèque illarum perplexantur. Affero enim cum *Cartesio*, nihil sensus nostros afficere præter eas materiæ variationes, quæ per diversitatem motus, figuræ, situs partium, &c. fiunt; in hoc autem dissentio, quòd non merum purumque motum mechanicum esse arbitror, qui cunctas hæc in materia modificationes efficiat, \* sed quòd sapius director ejus immediatus sit *Spiritus Natura*, unus idemque ubique, ac idem semper agens in hisdem occasionibus; sicuti vir perspicax & solido judicio eandem semper sententiam fert in eisdem circumstantiis.

Cap. 5. sect. 7, 8.  
cap. 7. sect. 3.

Nam cum *Spiritus* iste *Natura* efformando serui animantium immisceat se, (quod jam aliquoties ostendi) ubi non ad eò tamen opus esse videtur, eò quòd particularis Agens ad eam rem præstandam adsit; consentaneum admodum est, ut cunctæ plantæ florèsque universi (quibus inesse animam particularem nullo argumento constat) ef-

fecta



fecta sint *Universalis Anima Mundi*. Quæ quidem Hypothesis cum per se rationi maximè congrua, secundum tritum illud Axioma, Frustra fit per plura quod fieri potest per pauciora, tum facit plurimum ad præcidendum multa eaque ardua problemata de divisibilitate Animæ Plantarum, de earum transmutatione in species alias, de surculorum propagatione, atque hujusmodi. Una enim est Anima ubique prompta ad prosequendum materiæ præparatæ opportunitates. Qui communis atque adeo unus est λόγος πνευματικῆς plantarum omnium, aliorumque quorumcunque ac qualiumcunque phenomenon, quæ materiæ vires purè mechanicas excedunt. Homines & Bestias duntaxat excipimus, qui cum bonis atque commodis aliquibus frui possint omnes, æquum erat ut particulares Animas haberent, ad multiplicandum sensum fructuum eorum, quos summa Creatoris omnium sapientia excogitavit.

8. Explicui nunc satis quid ego per *Spiritum Naturæ* intelligam, satis etiam probavi existentiam ejus. Ex dictis faciliè concipitur cur illi nomen hoc indidi, quippe quod Principium est ingentis virtutis & activitatis in *Nascentia*, ut ita dicam, & *coalescentia* rerum: idque non modò in productione *Plantarum*, cum aliis omnibus concretionibus, inferioris quidem generis, at superantibus tamen materiæ leges merè mechanicas; verum etiam in *Animalium* foetibus, quibus & præparando & cooperando adest.

Atque haud scio an ei attribuiam etiam regimen animantium in præcipuis actionum earum, quas *naturali Instinctui* vulgò assignamus. In quibus nulla adeo insignis est ac *Avium nidificatio*, speciatim cypselorum nidi fabrica artificiosa illa, quæ in sacris ædibus sub fenestrarum fornicibus conspicitur. Qua in re cum tam gravis sit finis ipsis incognitus, tamque exigua præsentis sensus voluptas, abs alio quopiam agitari videntur, afflari & abripi à *Spiritu Naturæ* ad agendum illud, cujus ipsæ quidem consciæ non sunt, at quod revera tamen necessarius est apparatus & commoditas pariendis ovis & incubandis pullis, quorum efformationi Inferior hæc Anima Mundi summa cum ratione existimatur adesse & immiscere se: quapropter & eadem Anima rectius supponatur imperitare phantasiæ, & abuti membris avium ad commoda ista receptacula extruenda, in quibus tanquam in *Officinis* reponatur materia, quam illa fingere & formare cogitat, ova scilicet avium, quas ita regit in nidis suis construendis.

9. Nullo enim rationis fundamento is nititur, qui avium nidificationem non ab *Instinctu Naturali*, sed ab arte acquisita ac observatione, aut institutione parentum provenire velit. Nam quod actiones earum ad tam utilem tendant finem, argumento non est illas eum scire, aut unquam de eo consultasse; non sanè magis, quam quia hederæ aut convolvulus plantam proximam, quæ se sustentare potest, circumplectitur, ideoque antè secum reputet, quæ seu necessitas, seu commoditas sit, arctarum hujusmodi amplexationum. Nec quia juniores aves vidisse poterant seniores nidos suos facientes, priusquam idem opus auspicentur ipsæ, ideo sequitur actu vidisse vel animadvertisse. Ecquis vel unum exemplum proferre potest parentis avis pullos suos erudientis docentisque hoc architecturæ genus? vel animadvertit unquam pullum sponte suâ animum applicantem ad artem illam discendam ex ipso parentis opere? Pari, immo majore, ratione argui potest avium cantus non ab *Instinctu*, sed à disciplina & arte propterea esse, quoniam parentes suas coram se canere aliquando fortè audierint: cum tamen suâ & naturæ sponte canendi modos speciei suæ proprios arripient, etiam si parentem nunquam audierint præcinentem. Quare non ab ullo fundamento rationis, sed ab inani prorsus & levissima suspitione oritur, ut putet quis Architecturam avium in nidis suis fabricandis non esse ab *instinctu* insito, sed acquisitâ arte atque imitatione.

Cæterum ex adverso, planæ ac certæ rationes sunt, quæ evincant hanc Avium architecturam ab *Instinctu* esse, non facultatem acquisitam. Primò, quod in universum ita comparata est brutorum animantium natura, ut careant liberâ illâ & reflexivâ ratione, quæ ad artem acquirendam & consultationem instituendam requiritur. Nam si tali Principio essent prædita, eorum aliqua loqui valerent. Cujus facultatis carentia suspicio unica plausibilis est, quomobrem illa Machinas esse comminisceretur *Cartesius*. Quod quanquam non valet ad tam immane paradoxum probandum, jure tamen meritoque valeat ad abjudicandum Brutis rationem liberam illam, quæ apta & idonea ea faciat ad deliberandum, & ad artes atque opificia perdiscendum.

Secundò, cum *ovorum incubatio* ex mero sit *Instinctu*, non consilio & prudentiâ, æquum est ut existimemus *nidificationem*, quæ incubationi subservit tantum, merum etiam *Instinctum* esse.

Tertiò, quod specificum est non acquiritur, sed à Natura aut *Instinctu* oritur; certo autem modo atque formâ nidum facere specificum est certæ avium speciei, quemadmodum & canere, & propterea planè naturale.

Quartò,

Histor. Natur.  
lib. 10. cap. 45.  
C. 33.

Quartò, peculiaris indocilitas avium earum, quæ ingeniosissimè tamen nidos suos architectantur, planè indicat, non liberam Rationem sed *Instinctum* illas ducere. Et de hirundine notat *Plinius*, quàm indocilis sit, quàm mirificè tamen luteam suam casulam fabricetur.

Quintò, hanc Architecturam non esse doctrinam quandam à parentibus quasi per manus traditam posteris, sed immediatum Naturæ effectum, magis adhuc constat ex eo, quòd idem genus avium ejusdem generis nidos ubique terrarum faciat; cùm tamen rectè supponi nequeat alias ab aliis avibus longinquis hoc didicisse, quas immensa maria à congressu mutuo determinabant.

Plin. Hist. Nat.  
lib. 11. cap. 10,  
11, 22, 24.  
Card. de Subt.  
lib. 14. Nie-  
remb. Hist. Nat.  
lib. 3. cap. 28.

Sextò atque ultimò, haud temere quisquam cogitare aut differere potest de naturalis architecturæ exemplis, quin *Cypseli* nidus, *apum* favi, *araneorum* telæ, & *bombycum* folliculi se mutuò inferant, utpote congenere prorsus ejusdemque naturæ. Quod *Plinius*, *Cardanum*, *Nierembergium* facit hæc omnia, tanquam exempla ejusdem generis, in eundem Catalogum referre, & rectè adducere nos potest ad concludendum ea adeò cognata esse, ut si unum eorum *Instinctus* naturalis effectum sit, cætera omnia conditionis ejusdem esse debeant. Et argumentum nostrum proximè superius immane quantum valet in posterioribus tribus exemplis. Nam certo certius, quicquid uspiam est *apum* non ex eodem alveari prodiisse, nec proinde peritiam suam Architectonicam ab eisdem doctoribus hausisse; omnes tamen favos suos fingunt eodem, ut ità dicam, artificio, eademque ἀκρίβεια Geometricā. Quod ad *araneas* attinet, manifestum est eas esse τῶν αὐτομάτως γενομένων, ut *Aristoteles* loqui amat, & ex meris fordibus putrique materia generari. Hæc tamen Insecta, ut primùm nata sunt, quasi officinam aperiunt, textrinæque incumbunt, nullo monstrante aut instituyente.

|| i. e. Vermem,  
crucam, bomby-  
cem, aureliam,  
nympham, nece-  
datum, papilio-  
nem. v. Aristot.  
Histor. Anim.  
lib. 5. cap. 19.

|| An quòd ex  
campe mortuus  
velut accenda-  
tur? véxus  
mortuus, δαίω  
accendo, unde  
δαλδς titio.  
Martin.

Nobilissimum autem atque ad rem appositissimum est *Bombycis* exemplum, qui tam clàm & tectè intra folliculum suum opus facit, ac si vel invideret sociis, per se satis lusciosis, peritiæ suæ communicationem, vel infamiam homini isti consilare cuperet, qui amens ausit naturalem *Instinctum* animalculorum hujusmodi, disciplinæ & imitationi tribuere. Multùm tamen affines inter se sunt *Avium* nidificatio & *Bombycis* filamentorum conglomeratio: non modò ratione figuræ istorum serici glomorum, ut ità dicam, qui non adeò absimiles sunt nidis avium, verùm etiam finis & usus utrorumque. Qui non eò spectat ut commodiùs se habeat *Individuum*, sed ad *Speciem* propagandam. *Bombyx* enim cùm varias mutationes atque nomina percurrerit, nempe, || σκώληκα, κάμπην, βομβύλιον, χρυσάλιδα, νύμφην, νεκύδαλον, ψυχὴν, in hoc ultimo nomine & mutatione claudit omnia, numerosâ satis sobole editâ ad speciem continuandam. Nam cùm ad tertiam mutationem, quâ βομβύλις vocatur, pervenerit, ex ore suo pedibus anterioribus fingit folliculum illum seu glomum serici suprâ dictum, sepulchrum sic sibi struens, quod idem tamen & uterus est aut incunabulum ipsius, cùm statu χρυσάλις exacto (in quo ἀκινήσις, ut loquitur *Aristoteles*, & accedit propè ad ovi formam & naturam) post emergit propiorémque gradum facit ad animantis lineamenta destinata, & νύμφη appellatur; mox majorem adhuc vitæ motûsque gradum adepta dicitur || νεκύδαλος, tanquam si corpus ejus demortuum vitalem ignem denuo arripuisset. In hoc statu non soluta jacet, sed adhæret rursus cavitati glomi, quem cùm adoleverit perrumpens in *papilionis* forma perfectâ visendam se præbet. Quò cùm pervenerit perfectionis, brevissimam post vitæ usuram haber. Nam post tres quatuorve dies in deliciis Veneris consumptos, mas continuò excedit vitâ; quem *famina* brevi post sequitur; ità verò tamen ut priùs relinquat centena aliquot ova, ad milii modum exigua, numerosa pignora & instrumenta speciei continuandæ. Parens ergo sobolem suam nendi texendive artem docere quî unquam potest?

Histor. Animal.  
lib. 9. c. 7.

|| Lib. 2. c. 9.  
sect. 9.

Hist. Natur.  
lib. 10. c. 45.

Et tamen *Bombycis* folliculus tam magni est artificii tam magnique consilii, vel potiùs ejusdem, ac *Hirundinis* aut *Cypseli* nidus. Cujus fabricam *Aristoteles* μίμημα τῆ ἀνθρωπίνης ζωῆς, imitamentum humanæ rationis nuncupat; quam cùm aves ipsæ non habeant, Agens aliquod ab ipsis diversum in effectibus istis dux iis esse debet: quare rectè in || Antidoto conclusi, tam nidificationem avium quàm incubationem earundem haud obscurum argumentum esse Divinæ Providentiæ. Quod de nidorum structura præcipuè intelligi velim; quanquam & loci delectus ad nidificandum fortasse non sit tantùm à levitate corporum, & ab ædium, arborum, fruticùmque frequentatione; verùm & aliquid à dictamine *Instinctus* ejus, qui ubique illis suggerit quod ad salutem maximè faciat, & sæpenumero supra captum nostrum sagaces eas reddit. Ut ex eo manifestum est quod *Plinius* refert de hirundinum genere, quæ juxta Copton in *Aegypto* nidificare solent, quæ aut non faciunt nidos, aut factos multis antè diebus deserunt, si futurum est ut auctus amnis attingat.

Brutis



Brutis ergo animantibus *Instinctum* inesse manifestum censeo, hoc est, Instigationem aut Impetum ea sine consilio, deliberatione, acquisitivæ scientia faciendi, quæ nos pro ratione nostra gravissimâque consultatione non possumus non probare ut factum commodissima. Quod quidem Principium *Scaliger* universè afflati divino affimulare videtur. *Instinctus* dicitur à *Natura*, sicut à *Diis* *Afflatio*. Tutius verò multò & inculpatiùs hoc dici & applicari arbitror, ubi *Instinctus* non tam salutem Individui quam commune bonum *Speciei* respicit. Nam si Impulsus aliquis fiat ab externo Principio in Animantem quampiam singularem, tum fit maximè, cum Animal illud à propria sua commoditate sectanda abducitur ad finem publico deserviendum. Unde enim rectiùs proveniat hæc motio, quam ab eo, quod non est *Ens Particulare*, verum tale in cuius *Essentia* vitaliter comprehendatur scopus & propositum communis boni Universi omniumque in eo *Specierum* rerum, quodque propterea communi illi Lege *Essentiali*, quæ ipsum est, *Individua* cuncta unâ colliget & pro re nata impellat ad eas actiones & ministeria, (seu supra captum seu contra privata illorum commoda) quæ ad conservationem *Totius* plurimum conducunt? Hoc illud est, quem *Spiritum Naturæ* appellavimus, qui permeat adjuvatque *Entia* omnia corporea, quique Vicaria vis Dei est (Νόμος ἰσοκλινής, ut Philosophus Numen vocat) in universam mundi materiam. Hic *Araneo* imaginationem suggerit nendi texendique telam, hic *Api* fingendi favos, idem hic maximè *Bombyci* convolvendi suum funebrem simul & natalem glorum, *Avibus* denique construendi nidos ovisque suis diligentissimè incubandi. Sed nimium diu insisto huic argumento.

Exercit. 307.  
n. 4.

10. Ex muniis autem multis illis & variis, quæ *Spiritui Naturæ* attribui possint, præcipuum, idque nomini ipsius convenientissimum, est *Translatio Animarum Brutorum* in materiam iis congruentem; quippe ille communis est proxeneta & conciliator naturalium omnium Dispensationum conjugiorumque *Formarum* & *Materia*, si nobis juxta cum *Aristotele* metaphoricè loqui licet, cujus dictum hoc celebratur, *Materia appetit formam ut femina virum*.

Hic *Spiritus* ergo non tantum valeat motum materiæ cominus dirigere, sed etiam singulares Animas ac *Spiritus*, silentes & inertes, ad materiam eam transportare, unde illi apti nati sunt vitam rursus recipere. Quæ *transportatio* seu *transmissio* ad immensa sanè intervalla fieri potest; siquidem hujus ipsius *sympathia* & *synergia* effectus tantus tamque longinquus cernitur in vinis æstuantibus, ut supra notatum est, re minoris multo momenti, vel potiùs (quæ *Instantia* minus est exceptioni obnoxia) in particulis magneticis ab uno Telluris polo ad alterum dirigendis.

Ad summam ergo, *Spiritum* hunc *Naturæ* existimare licet quasi *Præfektum* *Hospitalis* supremum *Providentiæ* divinæ; ita verò supremum, ut qui solus & sine subministrorum opera, Animæ omni, ubi corpus reliquerit, Mansionem aut Sedem pro dignitate ac merito assignare nōrit: & utilissimam hypothesein suppeditaret illis, qui *Animarum* humanarum præexistentiæ favent, ad explicandum quomodo ex hac in corpora transferantur è quacunque longinquitate; quo item modo fortè sic paretur materia, \* ut Animæ præstantissima & purissimis ætheris regionibus in corpus humanum deducantur, nullâ vivendi morâ factâ in aëre intermedio: postremò quemadmodum & *Brutorum* Animæ non jaceant in æternum inutiles Universo, etiamsi terra inidonea prorsus fieret ad Animantis cujusquam vitam sustentandam.

At enim speculationum hujusmodi tam vasta est comprehensio, tamque impenetrabilis obscuritas, ut præ verecundia non aulam his longius immorari; præsertim cum nec institutum nostrum rectè attingant, & digniores sint quæ volumen justum impleant ipsæ, quam ut in angustis finibus *Tractatus* nostri, jam penè finiti, comprehendantur.

## SCHOLIA

### IN CAP. XIII. SECT. I.

DE quorum motu ego quidem cum *Cartesio* consentio, &c. Religio mihi hic erat, ut videtur, *Philosophia Cartesianæ* in totum valedicere. Nunc verò, ut ingenuè fatear quod res est, *Ætherea* ista *Materia* non magis immediata causa materialis est descensus lapidis, quam lapis ipse est immediata causa materialis, ascensus *Materiæ* *Æthereæ*, sed est contemporanea sive simultanea actio *Spiritus Naturæ* in Lapidem & *Materiam* *Ætheream* simul. Nam *Spiritus* ille cum omnia penetret, nusquam oisatur.

Liquor

Liquorum guttas rotundas effici ingeniosè quidem concludit, &c. *Ingeniosum quidem Commentum esse potest, sed quàm non sit solidum, intelligere potes ex eis quæ dixi, Enchirid. Metaphys. cap. 21.*

Sect. 7. Sed quòd sapius director ejus immediatus sit Spiritus Naturæ, &c. *Immo verò potius semper. Cum universus Materia Mundana motus Vitalis sit, non Mechanicus nisi ex Accidenti.*

Sect. 10. Ut Animæ præstantissimæ è purissimis Ætheris Regionibus in corpus humanum deducantur, &c. *Id quod prorsus impossibile esse non existimo. Sed supposito Animarum descensu graduale è Mundo Aziluthico in Briathicum, ut loquuntur Cabbalistæ, & è Briathico in Jerzirathicum, & è Jerzirathico in Asiathicum illiusque Atmospheram, non videtur credibile ullas animas tam immanes facere saltus ut ex Mundo Aziluthico immediatè in terrenum corpus præcipitentur.*

## C A P. XIV.

1. *Objectiones contra Immortalitatem Animæ à conditione ipsius in Infantia, in Senectute, in Somno, in Morbisque petita. 2. Objectiones alia desumpta ab Experimentis, quæ discernibilitatem ejus probare videntur: 3. Ut etiam à rara apparitione Animarum defunctorum; 4. Et ab insito nobis metu mortis. 5. Subterfugium adversariorum, unam duntaxat Animam cunctis animantibus communem supponentium. 6. Responsum de exiguitate Anima in Infantia. 7. Item de imbecillitate intellectualium facultatum ejus tum in ista ætate tum in senio. 8. Quòd somnus omnino non arguit mortalitatem Animæ, sed potius immortalitatem ejus illustrat. 9. Responsum ad Objectionem ab Apoplexiis & Catalepsiis: 10. Ad illam etiam à Mania. 11. Quòd variae depravationes intellectualium facultatum Anima non magis arguunt mortalitatem ejus, quàm praviore modificationes materia naturalem ipsius annihilabilitatem. Et cur Deus Animas creârit sympathiam habentes cum materia.*

1. **Q**UOD ad Objectiones attinet, quæ contra Immortalitatem Animæ vulgò sunt, molestum esset & inutile cunctas proponere, cum è viginti vix una alicujus momenti videri possit homini mediocri ingenio & judicio. Difficultates autem quæ urgeri possunt maximas in medium proferam, quòd plenius elucidetur firmiusque credatur Veritas quam tuemur. Præcipuæ quas ego novi Objectiones in Immortalitatem Animæ sunt istæ quinque. Prima petitur à Conditione Animæ in Infantia & Senectute, in Insania, Somno, & Apoplexia. Etenim si consideremus quàm immane discrimen sit inter intellectuales operationes nostras in Infantia deliræque Senectute, & in ætate vegeta ac florente; ut sensim crescat Ingenium, tum vigeat paulisper, & tandem deficiat, easdem planè vices servans ac mutationes illæ, quas ætas & anni afferunt corpori, quod iisdem tenetur legibus quibus flores & plantæ; quid aliud suspicari possumus, quàm Animam humanam, tam magnificè à doctis prædicatam, non aliud esse nisi temperamentum corporis, cum eoque simul crescere & ampliari, & magnitudine & virtute, tum marcescere morique demum ità uti corpus; aut saltem eam in operationibus à corpore pendere prorsus, & propterea sensum seu perceptionem nullam ullius rei post mortem superesse? Atque ut commodissimo ætatis tempore utatur Anima, non tunc tamen immunis est deliquiis mentis illis, quæ à Somno, Insania, Apoplexia, aliisque id genus morbis proveniunt. Quæ omnia demonstrant Animam reculam esse corpoream & mortalem, quicquid contrà de illa grandius sentiant & dicant celsiora ingenia.

2. Objectio secunda ab experimentis illis sumitur, quæ Animam probare videntur divisibilem sensu crassissimo, id est, discernibilem in partes. Id quod manifestum quidem videtur in vilioribus animalculis, quæ Insecta vocantur, præsertim τοῖς μακροῖς καὶ πολυπόσις, ut ea describit Aristoteles, quibus frustatim concisis, segmentum quodque motum sensumque suum separatim sibi habere agnoscit. Luculentissimum in hoc genere exemplum habetur in Scolopendra, cujus partes diu vivere divisas, & prorsum retrorsumque currere affirmat idem Aristoteles; quam propterea plurium animantium concretorum speciem habere mavult, quàm unius singularis, Ἐοίκασι γὰρ τα τοιαῦτα τῶν ζώων πολλοῖς ζώοις συμπεφυκόσι. Non concedet tamen iis plantarum privilegium, quarum surculi mandati terræ vivent & germinabunt. Instantiæ verò ad hanc Objectionem pertinentes assurgunt altiùs; namque inferre volunt & perfectorum animalium partes victuras separatim.

Duo

Hist. Anim.  
l. 4. c. 7.

Ibid.

De Juvent. &  
Senect. cap. 2.



Duo sunt præcipua hujus rei exempla. Unum id quod memorat *Fromundus* de Aquila, cujus capite ab agresti quodam ideo præciso quòd canem suum insectatus erat, truncum corpus supervolavit horreum situm propter locum ubi facta est cædes. Hoc accidit apud *Fromundi* patrem : neque non probabilis erit narratio, si modò animadvertamus quid vulgò usu veniat columbis anatibùsque decollatis. Exemplum alterum est hominis *Antuerpiæ* decollati, cujus caput cum astantium turbam saltu- tim penetrasset, dentibusprehendit aurem canis stillantem sanguinem ligurientis, eamque ità mordicus tenuit, ut ille casu territus aufugerit capite ad aurem pendente, cum ingenti populi tumultu ac trepidatione. Hoc *Fromundus* accepit ab oculato teste facti. Abs quibus duobus exemplis rectè inferri posse putant, & hominum Animas non secus ac perfectiorum brutorum esse utrasque *discerpibiles*.

*De Anima l. 1.  
c. 4. Art. 13.*

Exemplum illud quod idem Author habet ex *Josepho Acoſta*, etsi verum, partim tamen ad hanc rem facit. Nam quòd maceratus captivus, corde exsecto, locutus nihilominus sit, confirmare quidem potest *Cerebrum* esse communis sensus sedem, neuti- quam verò probat *divisibilitatem* Animæ; illà tum temporis integrà manente in cor- pore post exsectionem Cordis, cujus est spiritus suppeditare, qui nondum adeò diffi- pati erant, quin subitanæ isti operationi vitæ sufficerent.

*Vide lib. 2. cap.  
7. sect. 9.*

3. Objectio tertia indè desumpta est quòd rarò appareant defunctorum Animæ. Nam si apparere possunt, cur non sæpiùs? si nunquam apparent, magnam suspicio- nem facit omnino non esse.

4. Quarta à metu mortis, & prægravi interdum sensu malè ominantis animi, nos penitus mortales esse, nihilque post mortem expectandum.

5. Quinta & ultima non tam Objectio quàm Subterfugium ità se habet. Omnino una est Anima, hominum brutorumque omnium communis, quæ operatur pro di- versitate animalium hominumque quos actuat & vivificat, speciem quidem singula- ritatis habens pro singulis materiæ portionibus quas informat, sed reverà una est in omnibus; quæ corporis singularitate pereunte, perit & singularis homo brutumque, atque propterea omne animans propriè & omnino est mortale. Verissimæ hæ sunt at- que appositissimæ Objectiones omnium quas ego unquam viderim, aut excogitare possum de *Animæ Immortalitate* : quibus ordine respondebo.

6. Ad primam, quæ gravissima videtur, aio, neque exiguitatem Animæ in Infan- tia, neque imbecillitatem intellectualem operationum ejus, aut in ista, aut in de- crepita ætate, probare satis corporeitatem ejus mortalitatemve. Quid mirum enim si Anima, in hanc infimam fatalémque conditionem lapsa, ubi ordini Naturæ & reli- quorum animalium hinc in terra genitorum legibus cedendum est, gradatim se expli- cet de minoribus dimensionibus ad usitatum hominis modum; cum facultas hæc con- trahendi dilatandique se essentia ipsi notionique omnium Spirituum insit? quod no- tavi suprâ. Nam idem tantum nunc facit sensim & naturaliter, *terrestri* fati legibus astricta, quod posthac, istâ conditione liberata, facit subito & liberè : non per jux- ta-positionem partium aut materiæ intromissionem augescens, sed cum corpore simul sese ampliando per dilatationem solum suæ ipsius substantiæ, quæ una eademque semper manet.

*Lib. 1. cap. 7.*

7. Debilitas facultatum intellectualem in *Infantia* & *Senio*, minùs adhuc valet ad probandum Animam rem esse merè corpoream, nec omnino tangit principia nostra; qui ob omni vel iniquissima de operationibus Animæ suspectione præcaverimus, ag- noscentes ultro pendere illas intimè à temperie & tenore spirituum, *immediati Animæ instrumenti*; qui cum torpidiores aquosioresque sint in infantibus & senibus capula- ribus, oberunt Animæ necessariò in actionibus iis, quæ alium statum spirituum po- stulant, ac qualis in ætate senecta primaque pueritia vulgò reperitur: quanquam nolim certissimò asseverare Animam non posse agere independentè à materia. Quod si non ità agit, quod verosimilius est, sequetur necessariò operationes ejus leges cor- poris, quicum unita sit, observaturas. Unde manifestum est, *Puritatem & Tempe- rantiam* oppidò quàm necessarias esse ad vim Mentis tuendam & provehendam.

*Ælian. Var.  
Hist. lib. 2. cap.  
35.*

8. *Somnus* verò, quem Philosophus jam moriens *mortis fratrem* appellabat, quo- modo is Animæ mortalitatem magis arguat, quàm dormientem nunquam expergisci posse, sanè non video: quin potius facit ut meliùs intelligamus, etsi quæ in morte accidunt gravia & horrenda, spem omnem tollere videantur, ut iis Anima superstes sit; illam tamen, ex recepto Aëris vehiculo vigentiori, expergisci statim posse in pleniorè vegetiorémque, quàm antè, vitæ participationem. Respondere etiam li- cet, *Somnum*, qui ligatio tantum est externorum sensuum, motusque extrinsecus in- gruentis interceptio, nihilo plùs arguere radicalem vitæ & immortalitatis defectum in Anima, quàm visus intra conclavis parietes terminatio, per vela fenestris obducta,

cæcitatem arguit in homine sic concluso ; qui tunc fortassis ad lucernam faciliè lætitat literas minuscultas, quas mediocris oculorum vis diurnâ luce ægrè perlegere valeret. Nec facile est demonstrare Animam non perpetim occupari & in Somno ; quippe cùm multoties in memoriam revocemus insomnia ex occasione quapiam casu oblatâ, quæ nisi occurrisset, non suspicati essemus nos istâ somniâsse nocte.

9. Quæ responsio, sicut etiam superior, ad *Apoplexiam*, *Catalepsiam*, aliòsque quoscunque id genus morbos applicari potest, & liquidò testatur, quàm expedita ad agendum sit Anima ex debita materia suppeditata, utque vita, & sensus, & memoria, & ratio, & alia, si quæ sunt, redeant omnia, quamprimum redierit iusta spirituum temperies, *Congruisati vitali* illi conveniens, quæ tunc obtinet in Anima & dominatur.

¶ Lib. 2. cap. 2.  
§ 4. 5. 6.

10. Quod ad *Insaniam* attinet, nullæ sunt tam phreneticæ cogitationes quin probent Animæ Immortalitatem, non ut phreneticæ, sed ut cogitationes. Materia enim nihil cogitare potest, nec insanè nec sobriè, ut abunde || suprà demonstravi. Atque ex depravatis operationibus Animæ non minùs absurdè concluditur ejus *mortalitas*, quàm à pravioribus seu temperamentis, seu figuris, seu modificationibus quibuscunque contemptioribus materiæ infertur *Annihilabilitas* ejus, Naturæ vi solâ ; id quod nemo qui sapit admittet unquam.

Equidem Anima variis prædita est facultatibus, quarum aliquæ perquam fataliter passivæ sunt, istæ nempe quæ cum materia proximè commercium habent, quas non adeò in sua potestate habet Anima, quin levitate & divini luminis neglectu regnandam se illis subjiciat ; quod omnes quidem nimium quantum faciunt, *terrestri* isti corpori incarcerati, etsi alii aliis fortunatiores sunt in audaci hac sua vagatione de tutiore Statu. Cujus Apostasiæ & aberrationis à summa sua felicitàte si qui graviores cæteris pœnas pendunt, exemplo in istos edito benignè monemur, quantum discrimen adieramus omnes, quòd hic sumus ; & unde paucissimi tam probè evaserint, quin si cupiditates, consilia, & facta sua ad veritatem illam exigere possent, cujus olim erant compotes, ingenuè confiterentur hallucinationes errorèsque vitæ suæ nec leviores, & perniciosiores esse, quàm *Fatuorum* & *Ceritorum*, quorum aut stultitiam clamorè irrident omnes, aut miseriæ indolefcunt. Et profectò si mortalium animi eò sobrietatis redigerentur quòd per naturam possint, tam puderet illos cupiditatum notionumque earum, quibus se totos nunc addicunt, quàm sanum ex insano factum pudet insolentiarum, quas vel dixit vel fecit mentis impos.

¶ V. lib. 2. c. 10.  
scd. 9.

11. At varii seu gradus, seu genera, pravitatis facultatum Animæ intellectualium, substantiâ ejus indiscerpibili, non magis arguunt *mortalitatem* ejus, quàm diversæ modificationes *annihilabilitatem* materiæ ; ut suprà innui. Neque est quòd quisquam laboret de tanta inter Corpus & Animam || sympathia, cùm adeò manifestum sit ità esse revera. Nam satis est secum cogitare, naturam ipsam harum rerum esse ut sic sint, voluntate ac jussu ejus qui cuncta condidit. Et si materia sensum nullum nec cogitationem habeat ipsa, & non habere demonstravimus, frustra eam fuisse, nisi Deus Ordinem illum *immaterialium creaturarum*, quas *Animas* vocamus, produxisset, quæ cum materia *vitaliter* uniri poterant : quæ propterea, pro diversis modificationibus suis, effectum in Animam diversum necessariò est habitura ; Animâ interim tam incorruptibili manente quàm materia, quæ mutabilior est ipsâ. Namque Materia *dissipabilis* est, Anima verò prorsus *indiscerpibilis*.



## CAP. XV.

1. *Responsio ad experimentum Scolopendræ frustatim concise.* 2. *Ad Aquilam decapitatum qui supervolavit horreum, & ad hominis Caput mordicus prehensens aurem Canis.* 3. *Difficultas adjecta de Monstro multicipiti, trunco vero corporis uno & uno Corde.* 4. *Difficultatis solutio.* 5. *Respondetur de rara Apparitione Animarum defunctorum:* 6. *De metu mortis;* 7. *Et de sensu quodam prævalido, qui importunè nobis interdum obtrudit fidem Mortalitatæ Animæ.* 8. *De Tragica pompa horrendissimæ mortis præludiis, cum monitis quibusdam, animum contra tristia istiusmodi spectacula corroborantibus.* 9. *Nihil esse in Universo revera miserum & acerbum, nisi malis & impiis.*

1. **N**Eque Exempla ista in Objectione secunda quicquam contrà probant, Animam ipsam nimirum reipsa *divisibilem* esse. Validissimum eorum est Exemplum *Scolopendræ*; quippe quòd distractarum partium motus agilior est & diuturnior. Nam facillè intelligitur, spirituum activitatem, antequam motus eos dissipaverit, per mechanicam conformationem *Insecti*, tam necessariò effecturam ut frustula ejus huc illuc discurrant, ac nitratus pulvis ignes missiles subsultare facit. Atque ideo Animam *Scolopendræ* in uno duntaxat segmentorum fore, in quonam verò incertum, verisimiliter autem pro segmentorum ratione. Nam si *Vespæ* caput præcidas, Anima in truncum se recipit; sin mediam eam secueris, in anteriora corporis. Ergo mirum non est, capite præfecto, reliquum tamen *Vespæ* corpus volare tamdiùque motitare alas; quippe Anima etiamnum illi inest, & aliquid fortasse confert ad spirituum directionem pro motu ciendo, non equidem sensu duce, sed consuetudine aut naturâ: quemadmodum ipsi ambulamus, aliud cogitantes, aut citharam pulsamus, animo interim aliò vagante, ut antè notavi. Quod minùs adhuc mirum est, ubi superiora corporis capiti conjuncta manent; nam tum fortè animalculum non caret sensu & phantasiâ, quo spiritus certius dirigat ad movendas alas.

Lib. 2. cap. 114.  
sect. 8.

2. Prior ille *Vespæ* casus competit in *Aquilam* decollatum qui supervolavit horreum. Hominis autem caput, quod canem aure predebant, plus difficultatis haberet (utpote in quod non adeò quadrare videtur posterior *Vespæ* casus) nisi quòd constet dentes in *lipothymia* tenacissimè conjungi. Ut caput ergo rictum reciprocabat, auris canis sanguinem lambentis in apertum os casu dependebat, quod tum se comprimens immixtam aurem adeò mordicus tenuit, ut delabi nequiret.

Præterea non prorsus est improbabile, præsertim cùm hominum alii ab infimis membris corporis, alii à supremis incipiant mori, quin Anima in decollationibus istis aliàs in caput, aliàs in reliquum corpus recipere se possit, prout alterutrum altero magis spiritibus abundet; & caput hocce robustiori subsultatione plenum iis fuisse videtur. Multa etiam hujus generis accidere possunt per activitatem *Spiritus Naturæ*, qui fortean æquè satagit in animalium ruinis, quamdiu spiritus superint, ac in fluidis eorundem rudimentis, cùm primùm generantur. Sed cùm superiora responsa sufficiant, in novo hoc argumento plura dicere foret superfluum.

3. Secundæ huic Objectioni adjici potuere *Fetus illi monstrosi*, qui *Perceptivam* partem Animæ in duo aut plura actu divisam significare videntur. Disertè enim affirmare videtur *Aristoteles*, monstrosum fœtum illum, qui duo habet corda, duo esse animalia, qui unum tantum, unum. Unde sequetur & unam tantum esse Animam in *Monstro univocordi*, etiam si duo vel plura habeat capita; unde porrò patet, unius istius Animæ partem *perceptivam* in duo vel plura actu dividi debere. Huic sententiæ *Aristotelis* assentitur *Sennertus*, atque ideo censet monstrosum illum fœtum, imperante *Theodosio*, *Emmai* natum, *bicipitem* & *bicordem*, duos fuisse homines; alterum verò illum natum Anno 1531 *bicipitem* at *unicordem*, qui in virum adoleverit, unum tantum hominem fuisse. Quod ex eo adhuc manifestius arbitratur, quòd utrumque caput in easdem perpetuò actiones consensionem suam testabatur, eundem habebat appetitum, eandem famem sitimque, simili planè voce loquebatur, eandem cupiditatem cum uxore sua consuecendi, aliarumque omnium actionum ad naturam exonerandam. In altero verò illo qui duo corda habuit, & ad umbilicum usque divisus fuit, eadem conjunctio & conspiratio affectuum & cupiditatum non reperiebatur, sed hic modò quidpiam volebat, modò ille, aliàs colludebant, aliàs pugnabant.

De Gener. Animal. lib. 4. cap. 4.

Epitom. Scient. Natur. lib. 6. cap. 1.

De Gener. Ani-  
mal. l. 4. cap. 4.

De Juvent. &  
Senect. cap. 3.  
\* Lib. 2. cap. 7.  
scilicet 8. 9.

4. Sed respondeo, & primum ad locum *Aristotelis*, non adeò confidenter asserere Philosophum, monstrum omne quod unum tantum habeat caput, unum duntaxat esse animal. Nam verba ejus ita se habent, "Εν τῷ ζῳον τὸ τετραπῶδες ἢ πλείων συνεπεφυκότα δὲ ὀνομαζέμεν κατὰ τὴν ἀρχὴν, οἷον εἰ τοιοῦτόν τι ἔστιν ἡ καρδία μόριον, τὸ μὴ μίαν ἔχον καρδίαν ἐν ζῳον." Ubi hypotheticè tantum loquitur, non ait asseveranter Cor esse partem illam in qua primum insit vitæ Principium, & unde reliqua in Anima & in Corpore vita derivanda sit. Cor quidem || alibi facit Sedem communis sensus; hoc autem erroneum esse \* suprâ demonstravimus, nec ipse suæ sententiæ certus videtur; minore igitur cum offensione licet illam prætermittere, atque affirmare (idque indubitanter) Monstrum pro numero capitum unum Animal esse vel plura, & tot Animas distinctas esse quot capita in monstroso Fœtu. Sed cum à caputibus deorsum corpus sit unum tantum, & Cor unum, capita ista in affectibus omnimodè concordent & consentiant necesse est; quippe quæ sanguinem & spiritus abs uno fonte habent, & passionum cupiditatūque sedem communem. At proculdubio caput alterum connivens alterius oculis cernere non potuit, nec si alterutrum pupugisses, sentiret alterum: quanquam verisimile est, quicquid infrâ infligebatur utrumque pariter sensisse; utraq̃ue Animâ æqualiter actuante Monstri corpus, singulis verò capita singula. Quo satis respondetur ad *Sennertum*.

5. Objectionis tertiæ infirmitas ex eo manifesta est, quòd *Spiritus* omnium existentiam perinde tollit, atque *Animarum* defunctorum. De quorum tamen existentia nemo dubitare potest, qui non ad stupiditatem usque est incredulus. Aimus ergo *Animas hominum*, quæ eadem conditione sunt quâ alii Spiritus, interdum, etsi raro, apparere. Quod in utrisque sit, partim ob difficultatem vehicula sua redigendi ad consistentiam alienam & incongruam, partim quòd causas apparendi non habent, partim denique quòd non licet illis facere quicquid libet, nec esse ubi velint.

6. Quod ad metum mortis, & sensum illum prægravantem attinet, qui adeò imperiosè nonnunquam animo ingerit omnino nos mortales esse: ad primum respondeo, Metum illum effectum esse necessarium Unionis nostræ cum corpore, & si agnosceremus eum unum esse ex vitiis seu infirmitatibus naturæ, quas ex eo contrahimus quòd in hoc Statu simus, responsum esset solidum. Atque idè metus hic & præagitiō mali in morte argumento non est quidquam mali in ea esse revera; nec ei quicquam magis auscultandum est, quàm prædictionibus fanatici cujusvis homuncionis, qui vaticinatorem haberi se vult. Præterea, ut metus hic & aversatio nobis insit, multum expedit, quo stationem hanc tueamur in qua nos Providentia collocavit; alioquin indignatiuncula quævis suaderet ut ex hoc mundo migremus, & fortunam nostram in altero periclitemur; quo factò terram traderemus habitandam Brutis, quæ ab Hominibus coli debet & administrari.

Vid. Cabb. Philo-  
soph. c. 3. vers.  
20, 21, 22.

7. Respondeo ad alterum, Conclusiones istiusmodi pertinaciores non aliud esse nisi imposturas Melancholiæ, aliorumve vitiorum sanguinis marcidiorum putidorumque quæ Imaginationem lædunt; Imaginationem autem nihil probare, Axiom. 4. Et quamvis Anima in æthereo suo vehiculo, tanquam in throno, collocata perquam magnifica res sit, divino amore, majestate, tranquillitatēque plena; illam tamen in præsentī hoc statu suo, ubi sordibus & tenebris terrestri corporis obsita aggravatur, timoribus, suspicionibus, aliisque animi perturbationibus plurimis obnoxiam esse, quarum licet Objecta ludibria mera sint, certam tamen Animæ molestiam & anxietatem in hac sua captivitate custodiāque pariunt.

*Ancid. 6.*

Quam conditionem ejus incomparabilis Poëta, idemque *Platonius*, vivè quidem exprimit in *Ancide* sua; ubi liberiolem purioremque statum illum Animarum in cœlestibus seu igneis suis vehiculis conferens cum earundem in terrestri hoc barathro coertione, brevem hanc veramque summæ rei descriptionem facit.

*Ignæus est ollis vigor, & cœlestis origo  
Seminibus; quantum non noxia corpora tardant,  
Terrenique hebetant artus, moribundæque membra:  
Hinc metuunt, cupiuntque, dolent, gaudētque, nec auras  
Respiciunt, clausi tenebris & carcere cæco.*

Hæc est calamitosa in terris conditio Animarum gravius lapsarum; quibus corporis motus ita prorsus imperitant, ut præcipientes ferantur ad assentiendum suggestionibus atque imaginationibus omnibus quas Corpus ipsis confidentiùs obtrudit; quarum illa de mortalitate Animæ non est levissima.

Atqui



Atqui Melancholicæ hujusmodi Imaginationes, quæ tam imperiosè animum adiungunt ad credendum nos morte penitus extingui, ad idem probandum nihilo plùs valere debent, quàm valeat similis deliratio eorum, qui cùm adhuc viverent, mortuos se tamen esse firmissimè crediderunt; & quòd victu omni mortuos carere putarent, noluerunt idcirco quicquam comedere, donec inducti fraude familiarium, qui funereis linteis involuti mensæ accumbebant largiùsque vescebantur, & ipsi similiter cibum sumerent, & sic servati sint.

8. Fatendum quidem est funestam pompam atque apparatus moriendi, qui functiones animi depopulatur, in delirationem aut furorem mentem adigit, ipsùmque vultum terribilem & furialem, vel faciem saltem miserè pallidam ac emaciatam reddit, tanquam si de Anima ipsa tantùm non conclamatum esset; fateor, inquam, hæc animosissimum quemque percussura, & suspicionem injectura interitùs universi, ubi tantam mutationem factam videat. At quanquam in tam tristi spectaculo lachrymis inundetur intelligens & benignus Animus, spes tamen ejus & fiducia tuti Animæ transitùs in alterum Mundum omnino non minuitur; nec aliter movetur ac solent humaniores Tragediæ artificiosæ spectatores, ubi personæ illæ, quarum vel virtus, vel calamitas, vel utrumque, studium & favorem spectantium conciliaverit, cernuntur tandem sanguine suo volutata, & post diros aliquot gemitus anhelitùsque laboriosos, extentæ jacent in Scena ut planè mortuæ: indè verò pertractæ, rectè se vivere & valere sentiunt; & in proskenio cum suo grege vino se verè recreantes post fictos mortis dolores, permittunt facili turbæ teneris suis affectibus indulgere de malo quod nunquam accidit.

9. Metus ergo atque averfatio mortis, luctus item comes ejus, argumento non sunt quo minùs ei simus superstitēs, nec nisi justī sunt affectus eorum, qui nobilem illam *Tragico-comædiam Universi* sint spectaturi; cujus Argumentum cùm abs *Sapientia Bonitatēque infinita* inventum & dispositum sit, non possumus non existimare representationes luctuosissimas *speciem* esse duntaxat, delectationem autem *veram* & *realem* omnibus qui improbi ac impii non sint; & quod in hoc Mundo homines imperiti *malum* vocitant, esse tantùm tanquam Umbras in tabula picta, aut lugubres sonos in cantione, quibus illius pulchritudo vividior & expressior, harmonia hujus jucundior suaviorque efficitur.

## CAP. XVI.

1. *Quod propriè sumus & sentiens est & intelligens.* 2. *Que vera notio sit Unitatis Animæ.* 3. *Si una tantùm sit Anima in Universo, eam tum rationalem esse tum sentientem.* 4. *Commodissima explicatio Dogmatis eorum, qui Unam duntaxat asserunt.* 5. *Confutatio istius explanationis.* 6. *Replicatio ad confutationem.* 7. *Respondetur ad Replicationem.* 8. *Animam humanam propriè non esse Radium nec Dei nec Animæ Mundi.* 9. *Quòd si sit, non tamen ex eo periclitari Immortalitatem ejus: unde Pomponatii stultitia perstringitur.* 10. *Notatur porro inscitia Pomponatii, qui numerum certum Intelligentiarum longè dissitarum concedens, inficiatur tamen particulares substantias immateriales, in Hominibus Brutisque.*

1. **Q**uod ad ultimam Objectionem, vel Subterfugium veriùs, attinet eorum, qui Animas suas immortales esse nolentes, idcirco obtendunt nullam se habere à communi *Mundi Anima* distinctam, quo ipso tamen agnoscunt Rationis aliarumque Facultatum operationes, quarum nobis ipsi conscii sumus, absque Anima peragi non posse; faciliè ostendemus Commentū hujus cùm falsitatem tum inutilitatem ad eorum rationes, qui post insolentia facinora in hac vita perpetrata, elabi ex existentia nimium vellent. Etenim manifestò verum est, id quemque esse maximè, quicquid sit, quod, in se, animadvertit; nam *animadversio* talis operatio est, quam nullum Ens aliud ipsius vice peragere potest. Tum quod in nobis animadvertit, percipere & cognoscere non tantùm operationes *intellectuales* & *rationales*, sed etiam omnes omnino *sensationes* quarum conscii sumus, sive in corpore nostro sive in objecto externo terminentur. Ex quo manifestum est, id quod sumus & *sentiens* esse & *intelligens*.

2. Si porro rectè perpendimus, quid in vera familiarique notione *Unitatis Animæ* comprehendatur, evidentissimum erit eam in hoc maximè esse sitam, nimirum, *Animadversivum*

*madversivum* ejus unum esse, neque sensationem ullam *perceptionemve* cujusmodicunque in Anima esse, quæ non communicetur ac innotescat *Animadverso* toti.

3. Ex his præmissis sequitur necessario, si una duntaxat Anima sit in Universo, Animam illam esse & *Rationalem* & *Sensitivam*; tum quicquid doloris, voluptatis, aut speculationis, in unius cujuspiam Anima insit, idem futurum in omnibus; immo nec posse quenquam verberare canem, aut equum calcaribus concitare, quin dolor ejus in se redundaret: quod planissime repugnat experientiæ, ideoque crassissime falsum est. De vesana hac hypothesi tam plenè dixerim, tamque abunde eam refutârim in Poëmatibus meis, ut non opus sit quicquam hîc adjicere.

4. Verùm nè præcisè nimis agam cum adversariis, commodissimam quam possumus proponendi dogmatis rationem excogitemus, & fingamus, tametsi hæc Anima Mundi per se sit ubique similis, & facultas animadversiva per eam totam pariter vi-geat, quoniam tamen implicita est corporibus diversimodè constitutis, *Animadversionem* ad eam unam materiæ partem quam actuat restringi; ad reliquas autem operationes omnes tum *sensitivas* tum *intellectuales*, peractas à se foris in hominibus aliis, stupere planè nec sentire omnino: rem sanè captu difficillimam, & repugnantem prorsus Ideæ Unitatis Animæ, non esse sibi consciam suarum ipsius perceptionum. Possibile verùm esto, & supponamus singulas Animæ Mundanæ partes, radios saltem ejus vitales, singulos homines informare; nihilominus tamen difficultatibus gravissimis laborabit hæc Opinio.

Nam si Animæ Mundi partes aliæ alias materiæ partes informant, tum cùm quis locum mutat, aut partes Animæ Mundi à se invicem divellet, aut Animam mutabit identidem; mirum ergo ni *Mentem* quoque mutet, & *Memoriam* perdat. Nisi fortè dixerint partem quamque Animæ Mundi, novo corpore sibi applicato, perinde in eo agere ac egisset pars illa quam corpus reliquerit, si modò mutatio aut alteratio nulla corpori acciderit: quare partem quamque Animæ Mundanæ eas ipsas cogitationes, errores, veritates, recordationes, dolores, voluptates habituram, quas habuerat pars altera quam Corpus nuper deseruit. Ità ut ipsummet esse existimaturus sit quisque, quocunque incedit, tametsi hic ipsemet nihil aliud sit præterquam Anima Mundi in certo quopiam corpore agens, retinensque & sibi renovans eventuum, impressionum, motuum, cogitationumque omnium memoriâ, quas antè in singulari ista materiæ organizatâ portione perceperat. Hæc dogmatis hujus explicatio commodissima est, quæ excogitari potest. Quam illis relinquo, qui in mysteriis hujusmodi animum occupare amant, ut experirentur nunquid sani rectique sensus ex ea elicere valeant.

5. Jam verò illum, qui possibilem rem esse putat, rogo, ex isthac hypothesi, quis ipse sit; sanè negare non potest, ipsum se *rem esse percipientem* & *animadvertentem*, quod corpus non est, seque propterea non esse corpus; quare ipse est id sui quod propriè appellatur Anima: at non operationes Animæ, ob rationem jam dictam; quoniam illæ nihil percipiunt, sed Anima illas inter exerendum percipit: nec Facultates, quia non percipiunt aliæ aliarum operationes; quod autem cujusque est *is ipse*, id cunctas eas percipit: quapropter dicat oportet se esse Animam; cùm verò una duntaxat Anima sit in rerum natura, Animam Mundi sese esse jactet necesse est. Sed enim hæc jactantia statim concidet, si modò secum cogitet Animam Mundi perinde fore cujusque Ipseitatem ac suam; unde singulus quisque erit omnes homines, & omnes vicissim quispiam singularis homo: quod Metaphysicæ Logicæque legibus omnibus planissime contradicit.

6. De his autem monitis incommodis pronunciabit cautiùs, neque se esse dicet Animam Mundi in universum, sed quatenus duntaxat illa se expedit exeritve in Sensum & Memoriam notionum impressionumque omnium earum, quæ ei accidunt ubicunque cum suo corpore unita sit; hocce autem corpore suo dissoluto & dissipato, illam non ampliùs cogitationes sensusve certos illos excituram, qui Unionis istius erant proprii; itaque actionum, notionum, impressionumque memoriâ earum, quæ unà continebantur ut ad singulare corpus pertinentes, amissâ & abjectâ cum corporis interitu ad quod pertinebant, *Ipseitatem* seu *Personalitatem*, quæ in hoc uno maximè sita erat, morte necessario interire.

Hoc illud est profectò quod *Libertini* multi (si animi sui sensa noverint) valde volunt, qui se ipsi in altero Mundo offendere verentur, nè propter sua in hoc malè facta sibi ipsi succenseant & conviciantur. Et sanè speciosissima est hypothesi, quam in usum suum concinnare queunt, multoque præferenda ignavo isti dogmati aliorum, qui præter materiam meram nihil esse censent in rerum Universalitate; quod infinitò plùs patet refutationi.



7. Attamen & hoc angustius est tegumentum, quàm ut sub eo lateant à diris illis malis tuti, quæ in vita postera meritò expectare debeant. Nam primùm, necessariò fatendum est illis, se tam proprium tàmque suum habere sensum doloris, voluptatis, tranquillitatis angorisque Conscientiæ, aliarum item impressionum, ac si haberent de suo singularem Animam, abs Anima Mundi & aliis cujusque distinctam; & si sunt *Dæmones* seu *Genii*, ut || certè sunt, cum iis quoque rem ita se habere. Tum à nobis demonstratum est, Sensum & Perceptionem omnem immediatè in Anima excitari || à spiritibus; quâ ergo fiducia spondere sibi queant, terrestris hujus corporis interitum tractus omnes & vestigia suæ hic in terris existentia oblitteraturum? cum reliquiæ corporis subtiliores Animam Mundi, ut videtur, determinare possint in eundem ut antè tenorem cogitandi, ad eaque elicere actionum omnium hujus vitæ memoriam, facerèque ut de iis judicium ferat, facere item ut exhalationes terrestris corporis maxime vitales concinnet in Vehiculum Aëreum, similis planè naturæ cum fermento rudimentorum horum vitæ materialium, & ruina corporis morte dissoluti servatorum.

¶ Antidot. lib.  
3, c. 3, 4, 5, 6, 7, 8, 9, 10, 11, c.

¶ Lib. 2. cap. 8, 9, 10

Mundi enim Animæ levissima quæque inchoatio sufficit ad integram deinceps Scenam perficiendam; & sic quisque sibi aliisque in altero Statu, velit nolit, repræsentabitur, tàmque distinctam illuc habiturus est *Ipseitatem personalem*, quàm in hac vita habuisset. Unde constat falsam hanc Hypothesin, Nos ipsos nihil esse præter Animam Mundi in corporibus nostris agentem, non omnino profuturam iis, qui cupidè sic censent voluntque, nec à futuro periculo tutos reddituram, etiam si vera haberetur. Falsam autem esse ex Unitatis Animæ notione antè demonstravi.

De cujus demonstrationis veritate certiores erimus, si attendimus Elementa subtilia, quæ perceptionum Animæ nostræ vehicula sunt immediata, per Animam Mundi universam continuari, & in animantia cuncta insinuare se. Quâ re fiet necessariò, ut Anima Mundi in singulo quoque perdoceatur, quicquid ipsa ubique cogitet aut sentiat, si illa unica sit Anima quæ omne in terris animal actuat. Unde Sol, Stellæ, & Planetæ in vera sua magnitudine nobis apparerent, siquidem in eadem illa magnitudine percipiuntur ab iis Animæ Mundi partibus, quæ non plus justo intervallo ab illis ab-  
sunt.

8. Alterum hac in re commentum opinantium, Animam nostram Radium vitalem esse Animæ Mundanae, magnam sibi auctoritatem comparare potest ex veterum Scriptorum dictis, qui favere ei videntur: velut ex illo || *Epicteti* dicentis Animas humanas esse *συναφείς τῷ Θεῷ, ἀτε αὐτῷ μόρια ἔσαι καὶ ἀποσπασμάτα*. Et *Philo* animi hominis nuncupat *τὴν θείαν ψυχὴν ἀπόσπασμα, ἢ διαίρετον*. & *Trismegistus*, ὁ νῦν ἐκ τῆς ἀποτετραμμένης τῆς ἐσθλότητος τοῦ Θεοῦ, ἀλλ' ὥσπερ ἡ πλωμένη καθάπερ τὸ τῆς ἡλίου φῶς. Quæ dicta omnia Animam humanam faciunt vel *Animæ Mundanae* vel *Dei Radium*. Verùm animadvertendum est, ea omnia translatè esse dicta, hoc autem iis significari, Emanationem esse substantiæ secundariæ à singulis partibus Animæ Mundi, ad instar radiorum Solis. Quæ concipiendi ratio, licet alterâ facilior, satis tamen & ipsa difficultatis habet. Nam vitalis hic Radius caput aliquod habere debet unde protendatur; & sic corpus esset instar avis funiculo vinctæ, qui multum sanè produceretur cum quis itinera longinquiora mari facit, putà ad *Indias*; quæ tamen longinquitates neutiquam conferendæ sunt cum annua nostra in Tellure navigatione à *Libra* ad *Arietem*. Quòd si non *Radium linearem*, sed *Orbem* particularis vitæ mavultis; Orbis omnis hujusmodi immane quantum vastus esse debet, nè corpus extra fines Animæ peregrinetur. Præterea, Orbis iste per alia quoque corpora perinde ac suum trajiciet, & corpus suum aliàs in aliis ipsius partibus erit; quæ Incongrua & Inconcinna sunt animi nostri facultatibus ingratisima.

¶ Vid. Lips. Phil.  
sol. Stoic lib. 3.  
Dissert. 8.

Infiniò igitur elegantior & consultior est Notio illa, quæ Animam exæquat dimensionibus Corporis, & à nulla re alia eam dependere facit nisi Creatoris sui *Voluntate* & *Essentia*; quæ cum omnino eadem ubique sit, uti etiam *Potentia* ejus, *emanativa* Animæ sustentatio planissimè eadem est atque habuit in primo suæ productionis statúsque assignati momento. In qua quidem dependentiæ ratione *Radius Dei* dici potest, quemadmodum reliqua quoque Creatio; in nullo verò alio sensu, quod scio, nisi fortè similitudinis; quippe cum Anima *Imago Dei* sit, sicut Radii sunt Solis.

9. Sint verò singulæ Animæ singuli Radii Animæ Mundi; quid inde proficitur, cum in Radios istos singulæ *Congruitates vitales* æquè competere possint, ac in Animam ita intellectam uti nos descripsimus? proinde personalitas, memoria, & conscientia tam certò redibunt vel manebunt in altero Statu, secundùm hanc hypothesin, ac secundùm alteram usitatioem. Quod etiam prodit insignem stultitiam *Pomponatii*, (& quotquot ejusdem sint farinae) qui adeò quidem æquus est & consultus ut non neget *Apparitiones*, tribuit verùm eas omnes syderum influxui, vel potius cœlestium orbium

De Immort.  
Anim. c. 14.

De Immort.  
Anim. c. 14.  
pag. 114, 115.

orbium Intelligentiis. Quæ cum vitam animationemque dent brutis animalibus, quidni etiam possint, ut fert occasio, ærem in figuram formamque ita animare & actuare, ut formæ sic factæ inter se loqui & differere valeant? Ad hunc modum enim Pomponatius in libro de Immortalitate Animæ argumentatur, ex concessione Aquinatis ista, viz. Angelos Animasque separatas ærem fingere posse in certam formam, & per eam loqui; *Quare igitur Intelligentiæ moventes corpora celestia hæc facere non possunt cum suis instrumentis quæ tot ac tanta possunt, quæ faciunt Psittacos, Picos, Corvos, & Merulas loqui?* Et paulò infra ab *Intelligentiarum* virtute generandorum animalium apertè infert, non esse mirum ut tales *Apparitiones* excitarent quales in Historia memorantur.

Veruntamen si *Intelligentiæ* cœlestes suos intra orbis concluduntur, ita ut *Essentia* secundaria nulla ad regiones hæc inferiores pertingat, intelligi non potest quemadmodum materiam hîc infra actuent. Quòd si *Emanationes* essentielles ejusmodi ab illis prodeunt, quibus materiam actuant in *Species* animatas eas, quas in mundo cernimus, *Hominum & Brutorum*; nihil obstat quo minùs eadem *Emanationes* manentes actuent & *Ærem*, terrestri hâc compage dissolutâ, & memoriam retineant rerum hîc gestarum, atque ita *Personalitas* nostra tam perfecta tamque distincta servetur, ac hîc antè fuerat.

10. At commentum hoc *Pomponatianum* multò ineptius est sententiâ eorum, qui *Unam Animam Mundi*, per materiam omnem *Universi* permeantem, & in omni loco præsentem, facere docent, quicquid uspiam facinorum faciendum sit. Tot autem *Entia* intellectualia agnoscere quot finguntur *Orbes cœlestes*, dubitare verò an sint, vel potius certum videri non esse, tot *Animas* singulares quot *Homines*, profectò hominis est haud satis sani & libidine non ratione judicantis. Perinde enim consentaneum est octingenta millia myriadum *Entium* intellectualium & immaterialium, realiter inter se distinctorum, agnoscere, atque octo; & numerum infinitum, atque unum, quod materiam *Universi* creare non potuit. Nam tum duæ substantiæ altera ab altera prorsus independentes concederentur, sicut etiam infinitæ partes materiæ, quarum nulla una pendeat ab altera.

Quidni ergo numerus infinitus *Spiritus* aut *Animarum*, nihilo plùs invicem dependentium, esse queat, pariter ac octo *Intelligentiæ*? maximè cum motus atque operationes animalis omnis certius indicium sint *Immaterialis Entis* inhabitantis, quàm conversiones cœlorum sunt distinctarum *Intelligentiarum* Orbibus, si quos habent, insidentium; neque insolentius sit multitudinem infinitam tam *Immaterialium* quàm *Materialium* *Essentiarum*, aliarum ab aliis independentium, concipere, quàm duas tantùm, *Materiam & Animam Mundi*. Si verò tam præclarum existit *Principium*, ut certè existit, quod creare res possit; plùs adhuc certi sumus *Spirituales Essentias* innumerabiles esse, cunctis præsentis hujus vitæ casibus superfuturas, quemadmodum gravissimi intelligentissimique omnium omnino sæculorum viri clarè testati sint.



## CAP. XVII.

1. Cum Author Animam per media mortis discrimina in Aeream conditionem suam salvam perduxerit, meritò excusandus esset si non ultra illam prosequeretur. 2. Quæ enim causæ moveant ad dispiciendum quæ postea fata Animæ accidere possint. 3. Tria post hanc vitam discrimina subit Anima, quibus, ut sentiunt nonnulli, iterum morti obnoxia esse potest. 4. Aereos Genios mortales esse, triplici testimonio confirmatur. 5. Primum sumitur ex Facii Cardani Viso, in quo Spiritus, qui ei apparebant, mortales esse sese sunt professi. 6. Quamdiu apud eum commorati sint, & quibus de rebus disputarint. 7. Quam fidem Hieronymus Cardanus patris sui Viso adhibeat. 8. Testimonium alterum ex Plutarcho, de morte magni Dei Panis. 9. Tertium est Hesiodi, cujus sententiam expurgavit & expoliit Plutarchus. 10. Singulatim enumerantur paradoxa quæ in Facii Cardani viso continentur. 11. Qui sit paradoxus tertii intellectus, si Aerei isti Speculatores ex animi sententia loquerentur. 12. Altera Hypothesis eodem faciens. 13. Fraus Dæmonum istorum in furtim insinuando pestiferum errorem inter Veritates solidas. 14. Quid mortis Panis historiam faciat ad rem minus pertinentem; subjiciuntur Observata Demetrii de Insulis sacris juxta Britanniam. 15. Sententiam Hesiodi omnium minimè exceptioni patere, specièque duntaxat non re duram esse. 16. Vehiculum æthereum in Immortalitate perfectâ collocare Animam. 17. Heroicè bonis nihil intus obesse, quo minùs post mortem assequantur beatitudinem sempiternam.

1. **A** Nimam jam salvam in alterum Statum perduximus, & in eadem conditione cum Geniis Aereis collocavimus, objectionibus omnibus non obstantibus quæ contrà afferebantur. Meritò excusandus sum, si hîc valedicens illam illi fortî committerem, quæ invisibilis mundi Incolas manet: quippe quòd illîc versantibus congruentius sit meditari animòque præfigurare quæ ventura fata ad se pertineant, quàm nobis qui nondum eò trajecerimus. Satis est demonstrâsse, nec Essentiam nec Operationes Animæ extingui morte; sed aut nè intermitti quidem, aut statim ex recepto corpore Aereo resuscitari.

2. Veruntamen cùm quos vel minimùm de rebus hisce cogitare juvat, rarò vagantem mentem intra quos velint fines sistere & concludere possint, cùmque proclive illis sit dubitare permanentisne vitæ in altero Mundo certa esse possit Anima, (non repugnat enim ut Vitalis ejus Congruitas certo elemento propria, aut sponte suâ expiraret, aut ut Anima ipsa aliquâ negligentia suâ Congruitatem unam debilitet, aliam suscitet, aliquatenus, & sic fato se faciat obnoxiam;) non possumus idcirco quin necessarium quodammodo existimemus difficultates istiusmodi dissolvere, nè victoriam primo conflictu partam perdere videamur prælio instaurato, nève committamus ut suspicetur aliquis Animam omnino immortalem non esse, si Immortalitas ejus à futuris fatis omnibus incolumem eam servatura non sit.

3. His fatis Anima subjici videtur ratione triplici. Primam earum, quæ ad internum Principium respicit, significavimus proximè, viz. Periodicos terminos Congruitatis Vitalis, aut Levitatem & Delicta suæ ipsius voluntatis. Quæ ejus fato Subjectio plenius adhuc ex eo arguitur, quod de Geniis Aereis (quorum locia & civis est) affirmatur; nam Philosophi haud pauci mortales illos esse statuunt. Reliqua duo discrimina Animæ impendentia sunt externa, nempe, Conflagratio Mundi & Solis extinctio.

4. Ad confirmandam Geniorum Aereorum mortalitatem, tria præcipua testimonia afferuntur. Facii Cardani Visum, Mors magni Dei Panis è Plutarcho, & Sententia Hesiodi. Quæ primum plenè describam, ut suo quodque in loco invenio, tum ad singula ordine respondebo. Facii Cardani Visum accuratissimè refertur abs Hieronymo De Subtil. lib. 19. filio in de Subtilitate, in hunc modum.

5. Patrem suum Facium, qui confessus est se Spiritus Familiaris consortio triginta circiter annos continuos usum, sequentem historiam sibi sapiùs dum viveret narrâsse, seq̃ue post mortem ejus eandem scriptis fideliter mandatam reperisse. Idibus Augusti 1491 cùm peregrissem sacra, horâ diei 20, apparuerunt de more septem viri, sericeis induti vestibus, pallio quasi Græco, caligis (ut videbatur) purpureis, subucula thoracibus splendentibus ac rubentibus, ut è chermesino esse viderentur, formâ angustiore quàm communi, & conspicuâ admodum. Nec tamen omnes sic vestiti, sed duo, quos constabat esse nobiliores

inter ipsos: nam illorum alterum, qui procerior erat & rubicundus, duo alii sequebantur comites: alterum qui pallidior esset ac minor corpore, tres alii. Iam omnes septem erant. *Ætas* illis juxta quadragesimum annum, sed quæ nec trigesimum præferret. Cum interrogarentur quinam essent, responderunt Homines esse quasi *Æreos*, qui & ipsi nascerentur ac interirent: verum vitam illorum nostrâ esse longè diuturniorem, ut quæ ad annos 300 extenderetur. Interroganti de *Anima Immortalitate* nostrâ, Nihil quod cuique proprium esset, superesse responderunt: Ipsos *Divis* esse conjunctiores multò humano genere, sed tamen ab illis infinito penè distare intervallo: nec secus illos nobis aut beatiore esse, aut miseriore, ac nos ipsis sumus belluis. Nihil latere abditarum rerum, ut nec libros, aut pecunias. Infimam illorum colluviem esse *Genios* virorum nobilissimorum, non secus ac homines vilissimos generosorum canum, aut equorum educatores. Cumque ipsi tenuissimo essent corpore, nihil nobis commodi aut detrimenti posse asferre præter *Spectra* atque *Terrores*, tum *Scientiam*. Erant alteri, qui minore erant corpore, 300 discipuli, alteri 200, in publica *Academia*. Uterque enim eorum publicè profitebatur. Cum pater meus interrogasset, cur si thesauros nossent, ipsi non revelarent hominibus? Responderunt, sancitum esse hoc privatâ lege maximis pænis, nè quisquam hoc eis communicet.

6. Manserunt apud illum horis plus quàm tribus; disputarunt autem interim: rogante illo de causa mundi, qui procerior erat negabat Deum effecisse mundum ab æterno: alter astruebat per singula momenta ita Deum creare mundum, ut si vel momento desisteret, protinus mundus ipse periret. Ad hoc ipse ex *Averrois* disputationibus quædam adducebat, cum liber ille nondum inventus esset. Referebat & nomina quorundam librorum, quorum pars inventa, pars adhuc latitat. Atque hi omnes tamen *Averrois* erant: ille verò palam *Averroistam* se profitebatur.

7. Hujus Apparitionis monimentum *Cardanus* filius reperit inter *Patris Chartas*, nolle autem statuere videtur verane historia sit an fabula, ita verò incertum in modum contrâ disputat, tanquam si fuisse veram persuasus esset ipse, aliòsque similiter persuasos vellet. Certè ad hanc quasi *Cynosuram* maxima ex parte cursum suum instituit in rebus *Metaphysicis* explorandis; quod haud obscurè indicat assensionem ejus fidemque.

8. Illud de morte magni Dei *Pan*is legas licet in *Plutarcho* de *Defectu Oratorum*; ubi *Philippus*, ad probandum *Demonum* mortalitatem, historiam narrat quam ab *Æmiliano* quodam audiverat, homine Romano, qui ab omni vel stupiditate vel vanitate procul abfuit: Patre suo *Epitherse* in *Italiam* navigante, sub vespèram, cum juxta *Echinadas* navis erat, posuisse ventum, navimque incerto cursu prope *Paxas* Insulam delatam. Tum subito ab Insula auditam fuisse vocem (vectorum plerisque vigilantibus, multisque etiamnum à cœna compotantibus) quæ *Thamûn* nominatim ciceret, hominem *Ægyptium*, navis gubernatorem, cum magna vectorum admiratione, quorum paucis de nomine notus erat. Illum bis vocatum non attendisse visum, mox verò auscultantem claram distinctamque vocem audisse ab *Insula*, in hæc verba, Ὅταν γένηται τὸ Παλῶδει, ἀπαγείλον, ὅτι Πάν ὁ μέγας τέθνηκεν. Perterritos universos hoc audito: & deliberantibus quid faciendum esset, *Thamûn* statuisse, si ventus spiraret, tacitum se prætervekturum; sin malacia navim illuc detineret, mandatum facturum. Cum ad *Palodes* pervenissent, nec vel vento vel maris cursu proveherentur, *Thamûn* è puppi in terram prospectantem annunciâsse, *Magnum Panem mortuum* esse. Quo facto, exauditum statim magnum multorum gemitum, cum murmurabunda admiratione.

9. *Hesiodus* similiter censet *Genios* seu *Demonas* certam intra annorum periodum interire; bene magnum autem vitæ tempus iis assignat, viz. annos 9720; quo nemo quisquam annos metitur illis largiùs, parciùs ferè omnes. Hanc opinionem *Plutarchus*, sub aliorum persona, elegantius expolivit distinctiùsque adornavit: nam ex *Demonum* mortalitate, & ex variis Entium Intellectualium ordinibus quos memorat *Hesiodus*, viz. θεῶν, δαιμόνων, ἡρώων, & ἀνθρώπων, morem certum atque legem ex alio in alium statum transeundi iis posuit, elementum simul & dignitatem mutare faciens; Ἐτεροι δ', inquit, μεταβολὴν τοῖς τε σώμασιν ὁμοίως ποιοῦσι καὶ ψυχαῖς. ὥσπερ ἐκ γῆς ὕδωρ, ἐκ δ' ὕδατος ἀήρ, ἐκ δ' αἰθέρος πῦρ γεννωμένων ὁράται, τὴν ὕλην ἀνω φερόμενην ὥτως ἐκ μὲν ἀνθρώπων εἰς ἡρώας, ἐκ δ' ἡρώων εἰς δαίμονας αἱ βελτίονες ψυχαὶ μεταβολὴν λαμβάνουσιν, ἐκ δ' δαιμόνων ὀλίγαι μὲν ἐτι χρόνῳ πολλὰ δ' ἀρετῇ καθαρθῆσαι πάντα πασι θεότητι μετέχον. Aliæ vero, ut ait, μὴ κρατῆσαι ἑαυτῶν, hand sui satis potentes, in humana iterum corpora detrulæ, ἀλαμπῆ καὶ ἀμυδρὴν ζωὴν, evanidam atque obscuram illuc vitam trahunt.

10. Hæc sunt testimonia omnium sanè quæ mihi usquam occurrerint gravissima, ad *Demonum* mortalitatem evincendam, & digniora propterea quæ à nobis recognoscantur.

V. Cardan. de  
rer. variet. lib.  
16. cap. 93.

Vid. Plut. de  
Orac. defect.



noscantur. Visum illud *Fatii Cardani*, si modò Visum est non Figmentum, paradoxum plurima complectitur.

Quorum primum est, Genios Aëreos certo & definito tempore, sicut homines, nasci. Non quòd *Damones Famine* illos pariant, sed quòd existentia suæ initium habere videantur, unde alii plures, alii pauciores annos vixisse deputentur. Id quod intelligi non potest, nisi aut Animas etiamnum labi seu descendere è superioribus in inferiores regiones Aëris existimemus, aut quæ terrena hæc corpora reliquerint in *Dæmonum Aëreorum* numerum transire. Neque interitus eorundem liquidò satis concipi potest, nisi illorum Animas vel in puriora vehicula transmigrare, vel in terrestria corpora descendere fingamus. Ipse *Cardanus* enim agnoscit non perire; quod etiam convenit ipsius sententiæ de Animarum nostrarum præexistentia.

De rerum varietate. l. 16. c. 93.

Secundum, Genios Aëreos trecentos non amplius annos vivere; quod *Hesiodi* & *Platoniorum* plerorumque omnium sententiæ repugnat; nisi fortè de singulari illo ordine, cujus ipsi erant, locuti sint: verisimile enim est ut tantum inter eorum ætates intersit, quantum inter diversorum generum Volucrum Bestiarumque ætates interesse cernimus.

Tertium, Animas nostras hominum hæcenus mortales esse, ut nihil nobis propriam post mortem super sit.

Quartum, Genios multò propius quàm nos Divos cognatione attingere, tantòque præstare nobis, quanto nos Bestiis. Quod tum certè intellectum velint de præstantia Vehiculorum, & de Geniorum activitate naturali, non de facultatum intellectualium præcellentia. Si de hac quoque, interpretandum est de excellentiori genere Spirituum Aëreorum. At si de Genialibus Ordinibus omnibus id dictum velint, tum sua fortè sit arrogans & superba hallucinatio: quemadmodum qui, apud nos homines, divites potentisque simul & speculativi sunt, quasi jure suo sumunt judicio & intelligentiâ se pollere magis, quàm pauperes humilesque mortales, vel sapientissimos.

Quintum, Illos secretas res omnes scire, ut libros abditos, pecuniam aliquò abstrusam, & hujusmodi: quod & homines quidem possent, si clam abscondentibus assistere potuerint.

Sextum, Eorum genus infimum Nobilissimorum virorum Genios esse, quemadmodum homines vilissimi Curatores & Magistri sunt canum equorumque præstantiorum. Hoc etiam Viti caput tenebris circumfunditur, eò quòd non satis explicarint, humilis hæc conditio Geniorum tutelarium sensu Politico an Physico intelligi debeat; humilitatem ordinis & potestatis velint, an ingenii & solertiæ mentis; quibus in rebus servulus non rarò vincit Juvenem beatulum, qui ei equos canesque suos alendos assignat.

Septimum, Corpora Geniorum eâ tenuitate ac levitate esse, ut per illa si nec boni nec mali quicquam efficere queant, tamen si Visa quadam admiranda terriculâque immittere, & scientiam impertire possint; illarum certè rerum scientiam præcipuè volunt, quæ ad regionem suam Aëream propriè pertineant. Enimvero de rebus maritimis, pisces, si loqui possent, rectius homines docerent. Quod ad corpoream imbecillitatem spectat, incertum est an eam obtendant, quò confabulatores suos fidentiores reddant ad congregiendum secum, an revera verum sit quod prædicant in quibusdam ipsorum generibus. Nam in omnibus non esse verum evincit ista narratio, quam paulò intra ex *Erasmo* refert *Cardanus*; viz. Dæmonem Sagam in aërem sustulisse, fumariique fastigio imposuisse, & traditâ ollâ ut inverteret jussisse, quo facto oppidum totum conflagrâsse, & intra horam exustum fuisse. Hoc accidit 10 April. Ann. 1533. Oppido nomen *Schiltach*, octo millibus passuum German. à *Friburgo*. Tam probè testata est narratio, tamque honestis firmisque circumstantiis munita, ut *Cardanus*, qui ingenii ostentandi causâ cunctas ferè quas refert cavillari amat, in hac tamen nihil reperiat quod reprehendi queat.

De subtil. lib. 19.

Octavum, Esse in Mundo Aëreo Studiosos & Professores Philosophie, eosque diversas sectas sequi atque dogmata, planè uti nos hic facimus. Quod nullo modo verum esse potest, nisi scientiam in aliquo habeant precio, & in ea comparanda miserè æstuent, viamque suam, more mortalium, differendo & ratiocinando moliri cogantur.

Nonum atque ultimum Paradoxum hoc est, Politico regimini Genios subjici, & pænas inferendas timere.

II. Viti *Faciani* capita præcipua hæc sunt; quæ quàm vera sint omnia, molestum nimis esset definire. Unum autem eorum, tertium scilicet, quòd ad Argumentum nostrum propius pertineat, & spem omnem Immortalitatis Animæ præripere videatur, præterire non possum. Itaque ut ad summam rem dicam; Aut existimandum est Philosophos istos Aëreos pro eo ac poterant *Facium Cardanum* instituisse, (nihil enim egregium scire videntur, sed temerariâ arrogantia ingerebant se ultro, Oracula

De Subtil. lib.  
19.

quasi dictaturi hæsitanti Mago (nam *Cardanus* filius fatetur patrem suum habuisse Conjuratorem, quam *Hispanus* quidam illi moriens dedit; ) aut supponendum est illos permisisse sibi ambigüe saltem loqui, si non simpliciter mentiri.

Jam si *Faciunt* planè ex animi sui sententia de rebus hisce docere vellent, cum prorsus improbable sit quin iis apparerent, in Regionibus Aëreis, visa ea quæ homines hîc defunctos referebant, fieri non potest ut illi aliter sentirent atque nos Capite præcedenti descripsimus Opinionem eorum, qui Unam in Mundo Animam esse censent, à qua cuncta Animantia actuentur. Quæ quanquam Opinio possibilis tantum sit, si modò sit, aliqui tamen ex *Speculatoribus* istis Aëreis adhærescere ei possint, perinde ut apud nos faciunt nonnulli. Nam *Pomponatius* & alii *Avenroisæ* non minùs, quàm isti, ridiculè pertinaces sunt.

Convenientissimè ergo Scholæ suæ decretis respondere *Dæmones* isti *Avenroisici*, *Nihil proprium cuiquam superesse post mortem*. Nam cum Mens aut Anima communis sit omnium, nunc autem à terrestribus corporibus illis disjuncta sit, quæ, putà, in *Platone* aut *Socrate* actuavit, & hæc corpora mortua & dissipata, & communis Anima Mundi superfit sola, neque præter hanc Animam & hæc Corpora sit quicquam quod *Socratem* & *Platonem* constituit; liquidissimè concludunt, *nil proprium post mortem superesse*. Quapropter quanquam expressam speciem *Socratis* & *Platonis* in altero Mundo videant, suas ipsorum Personas, quæ gesserant omnia, quæque sibi in hac vita acciderant agnoscentium; pro refractariis tamen Scholæ suæ subtilitatibus sentire & profiteri possunt, accuratè & Philosophicè loquendo, *Socratem* & *Platonem* ipsos non esse; quippe nullà substantiâ illis propriâ post mortem superstitè, nisi unâ Animâ Mundi renovante sibi & recognoscente ea, quæ ad homines illos in hac vita pertinuissent.

12. Hæc est una Hypothesis sat bene conveniens cum veracitate *Dæmonum*; sed & altera suppetit, nec illa impossibilis, viz. Vehicula Animarum hominum defunctorum æquè invisibilia esse illi *Geniorum* Ordini, qui cum *Facio Cardano* sunt confabulati, ac illum Ordinem nobis: proindeque quamvis Animæ defunctorum illis perinde appareant atque nobis; quoniam tamen non commorantur, nihilo magis eâ re moveri istos, quàm moventur eadem *Epicurei* nostri in hoc mundo obfirmatiores: præsertim cum proclive iis sit ita secum reputare, nihil aliud esse Animas istas nisi visa quædam ludicra, quæ communis Anima Mundi sibi aliisque spectanda exhibeat, quando & quamdiu ipsi collibitum sit, vaporosæque cadaveris reliquiæ facultatem præbeant.

Quòd autem Vehicula Animarum defunctorum, cum ad stabilem conditionem pervenerint, multò tenuiora ac invisibilia esse queant quàm *Dæmonum* prædictorum, neque tamen propterea inconcinnitas ulla Naturæ rerum inferatur, ex eo patet, quòd præstantia interni Spiritus non semper æstimanda sit ex consistentia Elementi quicum conjungatur; nam si esset, pisces illi humanâ formâ, qui statis anni tempestatibus in mari Indico capiuntur, Rationem Sensumque religionis haberent excellentiorem nobis, qui in terra vivimus terrenæque corpora habemus. Quare nihil impedit quo minùs Spiritus Hominis sit Spiritu aliquorum *Dæmonum Aëreorum* nobilior. Et cum Natura non semper *Arithmeticè*, sed etiam *Geometricè* progrediatur, unus gradus hâc progressionè factus id multò transcendere potest, quod illâ progrediendi ratione modò anteibat. \* Sic reptilis vermiculus omnis phrygiano præstat, & bestia quavis quadrupes avibus, donec hæ, pariter ac istæ, pedibus uti valeant; verùm haud prius pares sunt, quin continuò superiores evadant, nec gradiantur modò sed præterea volent. Quemadmodum rusticus quivis meliore est conditione quàm Princeps incarceratus, ampliùsque imperium obtinet; at Princeps simul ac custodiâ eximitur & rusticum libertate æquat, eum illico infinitò superat. Ad eundem planè modum ordine Naturæ fieri potest in Animabus humanis è carcere corporis liberatis, gradibus earum *Geometricâ* progressionè factis, quamprimùm hæ videntur pares illi *Dæmonum* Ordini de quo loquimur, longè superare possint tenuitate corporis, eoque evadere illis invisibiles; quâ re fiet ut *Dæmones* isti suspicentur, sed falsò, Animas hominum omnino non esse, quia illas cernere non queunt.

13. At si v. c. ad *Socratem* & *Platonem* vel singulares Animæ Mundanæ Radios speciatim pertinuisse, vel Animas proprias realiter distinctas illos habuisse existimarent *Dæmones* isti, manifestum est eos aut ambigüe locutos aut planè mentitos esse. Quod arrogantia sua & hominum despicientia, quos præ se quasi bestias habent, facile permetteret; neque enim illis religio magis est nos homines fallere, quàm nobis ipsis joci causâ, canem illudere & frustrari. Sin propositum iis erat, ut nos in errorem aliquem perniciosum inducerent, verisimillimum est illos multa inter vera eum

subinfi-

V. Johnston. Hist.  
Nat. de  
Piscib. l. 4. tit.  
3. c. 1.



subinsinuare voluisse, ut veris illis examinatis & penitus probatis, nullum unum ex dictatis suis suspicaremur esse falsum. Quamobrem Viso hoc oblato malo animo, venenum quod volebant haustum, erat *Animæ Mortalitas*; cujus dogmatis falsitas exitiabilis, aliis veris admixtis occultanda fuit.

14. *Emiliani* Narratio, quam de *Epithese* patre audierat, plus adhuc ad rem accederet, si Philologorum *Romanorum* sententia, cum *Thamus* accersitus rem ipsam confirmasset *Tiberio Cesari*, rata & firma haberi debeat, nempe, *Panem hunc*, cujus mortem *Thamus* Dæmonibus *Palædis* renunciabat, filium fuisse *Mercurii* & *Penelopes*; nam tum constat *Pana* fuisse Animam humanam, proptereaque ad quæstionem præsentem propius pertinere. Verum enimvero cum ad sanctiorem augustiorémque materiam hæc Narratio accommodari possit, tanto minus valet minusque competit in rem præsentem. Aptius idcirco id fuerat quod subjicit *Demetrius*, de Sacris quibusdam Insulis juxta *Britanniam*. Quod cum ille appulisset, coorta est continuò magna æris commotio, ingentes tempestates, immanes turbines. Quibus omnibus tranquillatis, enuntiârunt Incolæ, ὅτι τῶν κρείττονων τινὸς ἐκλείψις γέγονεν, aliquem naturâ plus quàm humanâ interiisse. Qua de re *Plutarchus*, pro more suo, ad hunc modum rhetoricatur, *ὡς γὰρ λυχνὸς ἀναπλόμῃ φάται δεινὸν ἔδεν ἔχει, σβεσνύμῃ δὲ πολλοῖς λυπηρὲς ὄσιν· ὅτως αἱ μεγάλαι ψυχαὶ τὰς μὲν ἀναλάμψαι οὐκ οὐκ εἰς ἀλύπτης ἔχουσιν, αἱ δὲ σβέσαι αὐτῶν καὶ φθορὰ πολλὰς μὲν, ὡς πυρὶ, πνεύματα καὶ ζάλας τρέψουσιν, πολλὰς δὲ καὶ λοιμικοῖς πάθεισιν αἶρα φαρμάτῃσιν* i. e. *Ut lucerna accensio grave nihil habet, extinctio autem multis molesta est; sic magna Anima, quasi accensa in vitam, innoxie & benigne splendent, earum autem extinctio seu corruptio ventos saepe concitat & procellas, ut in hoc exemplo, sæpèque vitis pestilentibus aerem inficit.*

De desensu & tacul.

15. Postremum autem Testimonium, tametsi omnium minimè videri velit infallibile, firmissimum tamen est, & ancipiti vi utrinque rem conficere videtur. Et enim Animabus humanis quæ è terrestribus corporibus emigrârint, siue probæ sint, siue improbæ, moriendum est *Vehiculis* suis *Aereis*. Quod primâ quidem fronte videtur durissimum, tanquam si *Justitia à morte liberare non valeret*. At si attentius inspicatur, quicquid in eo metuendum sit ad impios solos attinere reperietur. Infimus enim mortis gradus est Descensio in *terrestre* corpus, in quo, præter necessariam rerum omnium præteritarum oblivionem, ἀλαμπῇ καὶ ἀμυδρῇ ζωῇ, ut loquitur *Plutarchus*, *cæcam & obscuram vitam agimus*, terrenumque hoc pondus laboriosè circumferimus, ut captivi & homines malefici graves compedes in sordidis suis abstrusisque barathris. Verum ex hoc statu remigrantes nos excipit laxior & liberior vita; qui scilicet parati sumus ad rectè utendum commoditatibus iis, quas nobis offert *Vehiculum Aerium*. At qui in illo statu non satis sui sunt compotes, mittentur iterum fataliter volventibus annis in pristinum suum carcerem; quâ non ulla mors gravior cogitari potest. Quod autem bonæ piæque Animæ multa post sæcula *Aerium* suum *Vehiculum Æthereo* commutent, hoc non est mori, sed altius in vitam evehi. Et de *Infante*, qui cæcum matris uterum reliquerit, perinde dici potest, hanc ejus mutationem mortem esse, ac *Genium* mori crassum Aërem relinquendo, in vehiculūque lucis illud emergendo, quod *Æthereum* seu *Cæleste* vulgò vocant.

16. Periculosus ergo accidere potest relapsus, *Axiom. 36. ex Aereo in Terrestre Vehiculum*, quæ propriè mors est Animæ sic retrogradæ. Quibus autem unquam datum est ad *statum Æthereum* pervenire, periodi vitæ iis illuc infinitæ sunt; & quamvis tam *Perigæa* quàm *Apogæa* sua habeant, cum tamen hi circuitus tam vasti sint ambitus, & *Perigæa* tam rara tamque brevia, & reditus ad priorem suam *Apfidem* æquè certus ac cœlestium corporum ad suam, cum denique Sensus æthereus nunquam eos destituat vel in infimis suis ad terram appropinquationibus; manifestum est illos vitam eam esse affecutos, quæ jure dicitur *Æterna*.

17. Ex quibus rebus constat, *perseverantiam in virtute*, si fatum externum nullum impedit, ad immortalem vitam homines perducturam. Qui autem adeò *heroicè* boni sunt, studiōne ac disciplinâ, an *τοιαῦτα μοίρα*, singulari gratiâ certoque Dei proposito evadant tales, in hoc loco disputandum non est; licet alicubi in *Platone* prolixius disputetur. Interim tamen non dubitamus concludere, eximiâ atque *heroicâ* virtute præditis *internum* impedimentum nullum objici, quo minus aliquando possint, *terrestri* hoc corpore relicto, ad certam vitæ & beatitudinis sempiternæ fructuam pervenire.

## SCHOLIA

IN CAP. XVII. SECT. 12.

**S**IC reptilis Vermiculus omnis, Phrygiano præstat, &c. Vox Phryganiū occurrit in Dictionariolo Trilingui viri eruditi Johannis Raii Societatis Regiæ Sodalis. Est autem illud Animalculum quod nunc Straw-worm, nunc Cadworm, Anglicè appellamus. Straw-worm quidem, quòd cum vermis sit, Stipula tamen culmive fragmini involutus ad latera alvei Rivulorum jaceat, illicque queritur à Piscatoribus in Escam ad capiendos Leuciscos, quod & ipse novi. Skinnerus verò ait escam etiam esse Troctis. Dicunt autem vermem hunc culmi fragmini sic involutum, adolescere tandem in musca quoddam genus & aquam limbumque relinquere ac per liberum Aerem volitare. Cadworm verò sive Codworm dicitur, quòd culmi stipulae frustulum ei pro vagina sit culcove. Primum nomen Anglicanum, Calamoscolecium, alterum Coleoscolecium, ad plenum quidem Græcè exprimit. Καλάμη enim stipulam vel culmum, Κολέος verò vaginam, & σκωλήκιον vermiculum significat. Φρύγανον verò non stipulam & culmum propriè sed cremium tantum in genere vel potius omne lignum sarmentosum aridum & facile crematu denotat. Vaginam verò horum Phryganiorum Stipula culmive portiunculam, non autem sarmentum putrefactum ante annos quamplurimos observavi. Sed ut nihil dissimulem, apud quendam Lexicographum stipula per φρύγανον redditur. Si rectè, tum φρύγανον idem esse potest quod καλαμοσκωλήκιον potestque appellari Animalculum hoc, quod Straw-worm Anglicè dicitur, magis apertà plenàque significatione φρύγανοςκωλήκιον. Brevius autem & rotundius dicitur Phryganiū.

## CAP. XVIII.

1. Conflagratio Mundi dogma Stoicorum. 2. Duos omnino modos destruendi mundi memorarunt veteres, illum maximè qui igne efficiendus est. 3. Conflagrationem Mundi, quatenus ad nos pertineat, de terra sola concremanda intelligendam esse. 4. Fines Conflagrationis Stoica in terram duntaxat competere. 5. Terram concremari posse conceditur, quanquam probatio ejus non sit hujus loci. 6. Conflagrationem Mundi funestissimam futuram Animabus hominum impiorum & Dæmonibus. 7. Sententia quinque diversæ de conditione Animarum post Conflagrationem; quarum prima est, Illas igne prorsus exitio dari. 8. Secunda, Speciali Omnipotentia actu annihilari. 9. Tertia, Omnis planè sensus expertes in æterna morte jacere. 10. Quarta, Diris & infestis somniis perpetuò vexari. 11. Quinta & ultima, Fore ut iterum reviviscant, & terram aeremque incolant. 12. Sententiam ultimam constatam videri ex commentitia παλυσενεσις Stoicorum, qui Metaphysicas res miserè ignorabant, nec in Physicis hilo meliores. 13. Dictum quoddam Senecæ secum pugnans notatur. 14. Quæ futura sit conditio Animarum impiorum post Conflagrationem, intelligi non potest. 15. Ætheris Incolas futuros incolumes. Quid tum fiet de Hominibus Dæmonibusque bonis interris atque in aere. Liberari illos non posse nisi vi supernaturali.

1. **E**Xterna nunc impedimenta examinabimus, ecquid valeant, sintque omnino an nè fiat, visuri. Quorum prius est Mundi Conflagratio. Verus quidem dogma, creditum & receptum non in Religionibus modò, verum etiam à Philosophis, Stoicis imprimis, qui Animas humanas manere quidem post mortem affirmant, non longiùs autem durare quàm ad Mundi Conflagrationem. Verum quid hi senserint tanti non est, quanti, quæ Animarum humanarum Dæmonumque conditio post calamitosum eventum illum re ipsà futura sit, considerare.

2. Qui Mundum æternum esse nolunt, rationes duas reppererunt quibus exitio datur, ἐξυδάτωσιν & ἐκπύρωσιν, Diluvionem & Concremationem. Quæ, aiunt, immenso temporis circuitu, quem Annum magnum vocant, tam sponte Naturæ accidunt, quàm Hyems & Æstas in anno vulgari. Inundatio non secus quàm Hyems, quàm Æstas lege Mundi venit. Hanc autem ἐξυδάτωσιν missam faciemus; utpote quæ non tam celebris est, nec ità crebrò memoratur, non tam exitiabilis, tamve probabilis mundi confi-



conficiendi ratio, quàm ἐκπύρωσις, postremò quæ ad id quod quarimus non ità propriè pertinet. Communiter nunc obtinet vaticinatio de Igne, non apud *Stoicos* tantùm, *Zenonem*, *Cleanthem*, *Chrysippum*, *Senecam*; verùm & apud alios diversarum Sectarum homines, *Heraclitum*, *Epicurum*, *Ciceronem*, *Plinium*, *Aristoclem*, *Numenium*, cum multis aliis.

3. Quanquam autem tam latè tamque unanimiter consentiant homines de *Mundi Conflagratione*, non omnes tamen eam eodem modo explicant. Vesani in modum explicata est sententia *Senecæ*, Sydera syderibus incurrere & invicem allidi facientis; unde omnia in flammam versa. *Posidonius* verò & *Panætius* prudentiores, non ἐκπύρωσιν τῶν ὅλων cum cæteris *Stoicis* asseriebant. Enimvero regiones æthereas igne consumere velle, perinde est ineptum, ac piscem ad aquas damnare quo submersus pereat; quoniam materia ætheris tenuior & subtilior est, quàm ut in ea sæviat ignis, utpote quæ ipsa est lux mera aut ignis. Et tamen materia hæc ætherea infinitò maxima pars est Universi. Mundus ergo propriè dici nequit exitio per ignem obnoxius naturalium causarum vi, quod *Stoici* volunt. Quod evidentissimè quidem verum est ex Principiis *Cartesii*, cui ignis nihil aliud est nisi motus minutarum materiæ particularum, qui statuit præterea non aliàs plus aliàs minus esse motus in Universo; quia quantum agitationis una materiæ pars alteri imprimat, tantundem ipsa necessariò perdit. Ingens igitur clamor iste de *Conflagratione* Mundi, quantum id nostrâ refert, de terra exurenda duntaxat intelligendus est. Præter terram enim aliòsque *Planetas*, vapores item atque exhalationes indè oriundas, nihil est in Universo quod comburi potest.

Lips. Physiol.  
Stoic. l. 2. Dissert. 22.

4. Hæc ergo *Conflagratio*, cujus famam *Philosophi*, *Poetæ*, *Sibyllæ*, omnes, per terrarum orbem disseminarunt, non alia est quàm *Crematio Terræ*. Et fines illi quos ἐκπύρωσις suæ obtendunt *Stoici*, in terræ quidem exustionem competant, cælorum verò aut ætheris nequaquam; ut quivis mediocriter in Philosophia versatus non agnoscere non potest. Adeò simplici enim sunt naturâ, ut corrumpi nequeant, nec propterea, ut terrâ, renovatione indigeant. Neque cælestium regionum *Incole* inquinant se vitiis; quod si faciunt, à materiali suo statu simul & morali declinati, ad fæces hæcæ terrestres versus delabuntur. Quare pars illa beatæ ἀποκαταστάσεως de qua loquitur *Seneca*, *Omne animal ex integro generabitur, dabiturque terris homo inscius scelerum, & melioribus auspiciis natus*, in æthereis Incolis locum non habebit.

Lips. Physiol.  
Stoic. lib. 2.  
Dissert. 22.

5. Magno hoc itaque ac undique accidente clamore de Igne mundum crematuro permoti, haud ægrè concedimus *Terram* aliquando, quæque super eam sint aut propè absint omnia, conflagratura. Quæ causæ autem naturales ad dirum hoc spectaculum edendum conspirent, non est mei, præsertim in hoc loco, disputare. Dispiciemus tantummodo quas calamitates allatura sit *Conflagratio* Animabus Dæmonum Hominumque. Namque *Ætherea Vehicula* affectus clade hæc immunes fore manifestò constat; sedis enim suæ longinquitas illos cum à furore tum graveolentiâ sulphurearum flammarum præstabit incolumes.

6. Certissima gravissimæque strages quam ignis iste daturus sit, recidet in Animas hominum dæmonumque impiorum eorum, qui adeò profundè sese ἐν γένει immerferint, ut ipsa Vehiculi sui consistentia illos intra crassi ac caliginosi æris oras necessariò concludat. Hæ ergo Animæ, seu Spiritus, quæ adeò inextricabiliter se fato mundi inferioris induerint, sensusque suos omnes momentaneis voluptatibus Principii humidi, fontis luxûs, ipsiusque sedis mortis, dediderint, hæ *Nymphæ* sunt, in mystica Philosophia veterum, quibus longam quidem annorum seriem tribuunt, à mortalitate tamen & fato non eximunt. Et *Demetrius* quidem in *Plutarcho*, ex eo quod ænigmaticè innuit *Hesiodus*, affirmat disertè vitam earum cum mundo conflagrante finitum iri; Καὶ ὁ λόγος ὅλος ἡνίχθαι δοκεῖ τῷ Ἡσιόδῳ πρὸς τὴν ἐκπύρωσιν, ὅτι νύμφα συνεχλείπει τοῖς ὕγροις εἰκὸς ἐστὶ τὰς Νύμφας.

----- Αἱ τ' ἄλσέα καλὰ νέμονται  
Καὶ πηγὰς ποταμῶν καὶ πείσεα ποίηντα.

7. Missis autem factis ænigmatibus his Poëticis, Conditionem Animæ post *Conflagrationem* telluris attentius distinctiùsque contemplemur. Quinque omnino super ea re sententias diversas reperimus. Quarum prima sic statuit, *Internecinum hæc ardorem atque ignem tam Animam quàm Corpus tandem penitus absumpturum*. Mihi verò impossibile videtur, ut creata substantia ulla substantiam aliam ità prorsus perimeret, ut in nihilum eam redigat. Nulla enim pars materiæ, quàm violentissimè agens in aliam partem, tantum efficere valet. Potest duntaxat attenuare, dissipare ac dispergere partes, & reddere invisibiles. At substantia Animæ indissipabilis atque indiscerpibilis

pibilis est, & propterea manet integra, quicquid fiat de Corpore seu Vehiculo.

8. Sententia secunda ita se habet, *Animam, post longos molestissimosque has inter flammæ cruciatus, singulari Omnipotentia actu annihilari.* Verum hoc est, ut mihi videtur, Providentiam nimis ad incitas redigere; quasi Deus, creato Animanti per se immortalis, quod se verteret, quidve de eo faceret, interdum ita nesciat, ut idem increare, id est, annihilare cogatur. Præterea Divina Nemesis illa, quæ in Philosophia continetur, nunquam supponit summum Numen ipsum in effecta extraordinaria vi prorumpere, sed perfici cuncta sapiente ac infallibili seu inevitabili causarum secundarum serie, seu necessariò seu liberè agentium.

9. Tertia ergo, nè in hæc absurda incurrat, & *absorptionem per ignem & annihilationem negat*; affirmat autem, *Tedium & gravitatem dolorum efficere tandem ut Anima, sponte sua, ab omni cum materia commercio abscedat*; nam cum immediatum conjunctionis Principium, quam *Congruentiam Vitalem* dicimus, ex modificatione quadam Corporis seu Vehiculi pariter ac Animæ contineatur, eâ corruptâ & amissâ, atque Animâ eo ipso ab omni prorsus cum corpore seu materia sympathia solutâ, mortua omnino fit Anima neque ullius rei sensum habet, Axiom. 36, &, ut aiunt, *talis manebit in æternum.* Verum hoc non ita consentaneum videtur, nam, ut *Aristoteles* alicubi, *Ἐξ ὧν ὁ ἐνὶ τῷ αἵματι, ἔστιν ἡ ψυχὴ τῷ ἔργῳ.* At sic integræ substantiæ immateriales innumeræ in rerum natura sempiternè conservarentur nullum in finem aut usum, cum tamen iterum utiles esse, & materiam haud secus ac pridem actuare queant.

10. Quartum ergo Speculatorum genus est, qui, post Solutionem hanc Animarum seu Spirituum hominum dæmonumque malorum à Vehiculis suis, existimant nihilominus, *Dolores suos illis continuari & in isto statu separato; delapsos enim in somnum inquietem furialibus vexari somniis, quæ in animos non minus sevant, quam in corpora ante debacchatus sit externus ignis.* Sed in hanc opinionem tanquam incertissimam conjecturam excipiunt alii; quippe quæ sumit id quod non ita firmum his videtur, viz. Animam agere posse quando vitalem unionem cum materia omnem amiserit; quod intimæ illi atque essentiali cum ea uniendi aptitudini repugnare videtur. Neque somnia Animæ in corpore citra opem spirituum animalium in cerebro peraguntur; illa enim plerumque ita se habent, prout hi sunt affecti. Unde concludunt, non esse certum fundamentum ullum quo hæc sententia innitatur.

11. Postremum hominum genus super hac re censentium, ut quoquo modo curarent nè quid incommodi sequatur, si Animæ seti Spiritus tum malorum *Dæmonum* tum *Hominum* improborum, à vehiculis suis fatali illâ *Conflagratione* divulsi, in natura rerum manere nihilominus existimentur; miram sanè nec opinatam hypothesein excogitarunt, viz. *Quando ignis hic terrarum orbi exitiabilis miserrimos istos satis jam afflixerit & punierit, ac molestissimus dirissimusque cruciatus vexatos eorum Spiritus in universum à materia decessum, atque eo ipso in profundum somnum vel mortem fatigabit; post longam exinde annorum seriem, cum non modò ignis furor penitus resederit, sed & ingens illa fumi & vaporum sphaera, qui è flagrante terra sublimes undique ferebantur, in multam pluviam resoluta sit, (quæ denuo maria & flumina efficiet, constipabit humum & consolidabit, & latè circum defluens largissimè terram amœnam & fecundam, aërem frigidum & salubrem reddet) Naturâ his rebus convalescente atque adeò rejuvenescente, genitali sale ac humore repletâ; Anima omnium animantium, quæ in infimis his terræ aerisque plagis versari aptæ natæ sunt, suo quoque loco ordine expergiscuntur: maria & flumina piscibus denuo abundabunt; terra omne genus volucrum, quadrupedum, reptiliumque gignet; hominum item Anima, de purioribus balsamicisque terræ partibus vitam arripientes, corporibus iterum terrestribus induentur; Genii denique Aerei, elemento illo suo salubri rursus & vitali facti, eo quo par est ordine & tempore suscitati, in Aere roscido reviviscent.* Qui perinde ut secum inter igneos cruciatus decreverant, longum suum jam jam inituri somnum, ita planè affecti, ut aiunt, in vitam expergescunt.

12. Verum tota Hypothesis concinnata videtur ex somnio illo Stoicorum de ἀποκαταστάσει seu παλινγενεσίᾳ Mundi post ἀνάστασιν ejus seu ἐκπύρωσιν. Quasi illud Seneca, Epist. 36. huc pertineret. *Mors, quam pertimescimus ac recusamus, intermittit vitam, non eripit. Veniet iterum qui nos in lucem reponet dies, quem multi recusarent, nisi oblitos reduceret.* Quam autem crassè Philosophentur Stoici, ubi trita suæ moralium sententiarum viæ non insistant, quivis Physicæ Metaphysicæque mediocriter peritus facile æstimare potest. Qui enim errores crassiores esse queant iis, quos isti de Deo, de Anima, de Stellis amplexi sint? nam Deum & Animam corporeas substantias esse prædicant, & pascunt sydera vaporibus terræ; Sole, ut illis videtur, magni Oceani aquas ad sitim suam restinguendam exorbente, Lunâ minores amnes rivòsque exhauriente; \* quod peræquè verum est ac Asinum ebibisse Lunam. Ut *Anacreon*

bene

Lips. Physiol.  
Stoic. lib. 1.  
Dissert. 6. lib. 3.  
Dissert. 13. lib.  
Dissert. 14.



bene potius in huiusmodi cogitata incidat & incurrat, par est & personam decet ; qui idem quò comb. bones suos ad pergracandum provocaret, cantuunculam illam composuit,

Γίγν' ὁ δ' αὖτος δ' αὖτος,  
Ὁ δ' ἡλίου δ' αὖτος, &c.

alienissimum autem est à Philosopho sobrio & severo eadem aut invenire aut profiteri. Seneca tamen magnopere triumphat in lepido scilicet invento pabulandorum siderum spissis terræ nebulis, mentemque suam explicat facundiâ non vulgari : quam ego, qui sententiam solidam verbis bellis cariorem habeo, non dignabor hic recitare.

13. Quo mentis erat acumine intelligi potest ex verbis proximè citatis, quæ manifestò inter se pugnare videntur. *Veniet iterum qui nos in lucem reponet dies, quem multi recusarent, nisi oblitos reduceret.* Si nos, quî oblitos? sin oblitos, quî nos? Nos enim non sumus ipsi nos, nisi meminerimus ità nos esse. Et si de Insano dicitur, & verè, eum extra se esse, aut se ipsum non esse, quia mente lapsus ; longè aberit profectò ut is ipse sit, cui omnis sui memoria funditus periit ; quin ità planè eum esse oportet, ac si nunquam antè fuisset. Quemadmodum luculentissimè declarat Lucretius ;

*Nec, si materiam nostram conlegerit etas  
Post obitum, rursumque redegerit ut sita nunc est,  
Atque iterum nobis fuerint data lumina vite,  
Pertineat quicquam tamen ad nos id quoque factum,  
Interrupta semel cum sit retinentia nostri.*

De rerum natura, lib. 3.

Ubi Poëta spem omnem commodi cujuscunque ex Stoica παλινσεστική reducturi de industria tollere videtur, & profiteri ità planè eum esse ut si non fuisset unquam, qui se fuisse antè meminisse nequit. Unde sequeretur, Animas humanas, etsi post Conflagrationem reviviscerent, mortem tamen perpetuam & permanentem subiisse.

14. Videmus ergo quàm prorsus indemonstrabilis sit Animæ Conditio post terræ incendium, cum quinque hæ sententiæ adeò infirmæ sint ac incertæ omnes. Quamobrem habendæ sunt potiùs pro picta tabula nocturna, quam vocant, aliquam noctis speciem adumbrante, quâ subtriste ac cogitabundum ingenium oblectetur, quàm pro illustri & expressa veritatis exploratæ effigie, quâ mens aliquid certò edoceatur.

15. Quod unum certò sciri potest hoc est, Animas illas, quæ æthereæ suæ Vehicula sint consecutæ, extra lucuosum fatum illud esse positas, quod Conflagrationem comitatur ; impias autem Hominum Dæmonumque Animas eo implicatum iri. Inter has autem medium Animarum genus est, de quibus non curiositas modò, verùm & benevolentia meritò quem faciat sollicitum. Nam fieri potest, ut mundi Conflagratio millia multa Animarum opprimat, quas nec temporis ratio, nec natura, nec causa aliqua divinior in ætheream vitam Congruentem sublimârit, quæ valde tamen piæ ac innocentes, magnæque virtute præditæ esse queant.

Quod facilè quidem credi potest, si modò animadvertatur, hæ ipsa terrena corpora non adeò bonitati sinceritatique animi obesse, quin plurimi egregia utriusque specimina in hac vita dederint. Neque Status ille Aerem minùs capit, nec minùs incommodè caret bonis Geniis, quàm terra bonis viris, qui ministri sunt proximi Bonitatis & Justitiæ Dei. Quorundam verò fatorum, lege Universi incidentium, immunitas non semper innocentia, sed naturali sapiùs potentia datur. Quamplurimi ergo boni Genii, Spiritusque hominum defunctorum, sancti & innocui esse queunt, quorum Vehiculum eâ consistentiâ sit, ut non magis excedere possint regionibus Aëreis, quàm in eas nos, qui gravia corpora habemus, sine alis subvolare. Nè quid dicam de viris illis piis probisque, qui in vivis fortè tum temporis reperiuntur, & sic igneâ hâc procellâ opprimi possint.

Profectò, nisi appareat, antequam hoc fatum ingruit, visibilis aliquis Ζεὺς σωτήρ, Jupiter sospitator, ut Ethnici eum appellarent, illi quoque clade impiorum certissimè obruentur. Quod deforme sanè foret vitium in Providentia, quam exactissimam & inculpatissimam futuram augurantur omnes, qui Deum esse profitentur. Itaque vim aliquam supernaturalem ratio dicat interfuturam, quæ innocuos & benignos illos Spiritus eripiat è communi calamitate. Quo autem id fieri debeat modo hic describere, esset planè magnificentius quàm pro merito sentire & prædicare de Naturæ lumine & Philosophiâ ; quare hoc argumentum suo est servandum loco.

## SCHOLIA

IN CAP. XVIII. SECT. 12.

**Q**uod peræquè verum est ac Asinum ebibisse Lunam, &c. *Alluditur ad Fabulam notissimam de homine quodam Stultulo qui cum Lunam in aqua micantem conspexerat, sed bibente Asino, cui infidebat, ob nubes eam intercipientes, è conspectu inde subito ablatam, Asinum suum putavit absorpsisse Lunam & è rerum Natura abstulisse.*

## CAP. XIX.

1. Extinctionem Solis non esse metum vanum, sed id quod cum ratione suspicari licet futurum cum ex monumentis historiae, tum ex Philosophiæ naturalis fundamentis. 2. Existentialis vis hujus Extinctionis in homines & bestias, cunctosque dæmonas æreos suis quoque Atmosphaeris, nostro in Vortice, incarceratos. 3. Parum eam aut nihil damni illaturam Incolis Æthereis ratione caloris. 4. Neque adeò multum eos extincti Solis luce carituros. 5. Sin aliter, ex alio in alium Vorticem migrare posse, ætherei vehiculi sui virtute & privilegio; 6. Idque sine ullo labore & molestia, & quam velint ipsi maturè. 7. Immensa incomprehensibilitas Tractuum & Circuituum Providentia. 8. Brevis totius Dissertationis recapitulatio. 9. Explicatio duorum Principiorum apud Persas, Lucis & Tenebrarum, quæ Θεὸν & Δαίμονα appellârunt; quando etiam & ubi Principium Lucis plenam victoriam reportet. 10. Philosophiam, aut aliquid Philosophiæ sanctius, unicam ducem esse ad veram Ἀποθνήσκω.

1. **Q**uod ultimum discrimen imminet Animæ separata est Extinctio Solis; quod quamvis primâ specie pavor merè *Panicus* videatur, re perpensâ tamen constabit non deesse rationes haud contemnendas, quæ suspicionem aliquam injiciant rei tandem aliquando eventuræ, cujus efficiendæ jam pridem in Natura extiterint aliquot non levia tentamenta. *Plinius*, licet unum duntaxat exemplum afferat, loquitur tamen tanquam de re sæpius accidente. *Fiunt*, inquit, *prodigiosi & longiores Solis defectus, qualis occiso Cesare Dictatore, & Antoniano bello, totius anni pallore continuo.* Idem accidit, referente *Cedreno*, *Justiniani* tempore; cum Sol per totum annum continuum obscurâ valde ac fuscâ erat specie, non secus ac si perpetuum deliquium pateretur. Sub *Irene Augusta* adeò tenebrosum erat cælum per dies septendecim continuos, ut navigia per mare devia errarent, & propè abfuit quin in se mutuò alliderentur, ut refert *Theophanes*. Maculæ autem Solares non ita pridem à *Scheinero* accuratissimè observatæ, Stellæ fixæ apparentes disparentesque vicissim, Cometarum excursus in plagas nostri vorticis remotiores, ipsa denique intrinseca textura Philosophiæ *Cartesiana*, plus quàm possibile faciunt, Solem, post longinquas temporis periodos, adeò spissè coopertum iri undique maculis, quibus nunquam vacat, ut lucem suam penitus amittat.

2. Cujus Extinctionis præludia valde funesta erunt atque intolerabilia cunctis Planetarum nostri vorticis Incolis, si fortè Incolas ullos habeant Planeta. Hic enim lucis & caloris defectus sensim ingravescent, lentis languoribus miseros mortales conficiet, partim ob inopiam caloris Solis, quo corpora humana foveri & recreari solent, partim quia terræ fruges Sol amplius maturare nequit; quibus ex rebus Fames, Morbi, Pestes, universa tandem generis humani brutorumque animantium vastitas & exitium necessariò consequetur.

Nec immunes evadent *Dæmones Aerei*; nam cum vitale illud vinculum, quo vehiculis suis nexi sunt, illos necessariò coerceat suas quoque intra Atmosphaeras, in tenebris plusquam *Cimmeriis* certissimè concludentur. Etenim cum extincto Sole Lunarum simul omnium lumen extinguetur, & glacies, gelu, nivis flocci, & nebulae spissæ ac palpabiles, ut *Ægyptiaca* illa, regiones eorum & habitacula universa omnino obsidebunt. Quem casum tristissimum etiamsi scintillantes illi cælorum oculi, Stellæ, miserabundi despectarent; nè unum tamen lucis radium emittere queunt ad illos solandum vel visendum tantum; tenella enim lux earum eaque tam procul distita penetrare non valet, nedum discutere, lentam ac tenacem Noctis illius longæ & fatalis consistentiam.

3. Qua-



3. Quapropter animum abs adeò acerbo spectaculo revocatum ad objectum lætius convertamus ; & consideremus Animarum conditionem earum, quæ *ætherea vehicula* consecutæ sunt, & quatenus hoc fatum illas attingat videamus. Et nunc primo aspectu manifestum est, longè illas extra nebulosum hoc barathrum esse positas ; quippe quæ tutas in sedes purioris ætheris jam antè sunt subvectæ.

Quod de iis gravissimum cogitari potest hoc est, ità ferè se affectas fortè sensuras, ut nos ipsi afficimur cum sub dio spatiamur illustri, stellante, gelidâque nocte ; quod sanis jucundum est potius quàm molestum. Et si nos cum aliqua delectatione id ferre possumus in terrenis istis corporibus, quorum partes sine iusto calore obrigescent ; quid aliud quàm novum tactilis voluptatis genus futurum sit *Incolis Æthereis*, quorum corpora non ut nostra constipantur, sed sunt ipsa agilis quædam lux & ignis ?

Hoc unum intelligi potest, particulas sphaericas *Vehiculi* paulo densius compactiusque solito coituras, quo angustatis intervallis triangularibus, elementum subtilissimum per ea celerius aliquanto discursurum ; quod sensum vegetiorem alacrioremque solito efficiet. Tam parum hæc ratione fatum hoc illis formidandum.

4. At enim lumen eorum, inquit, obscurabitur extincto Sole ; cuius splendor tam Deorum quàm Hominum videtur interesse, ut innuit *Homerus*,

"Ωπρὸς τὴν ἀθανάτοισι φάος φέρη δὲ βροτοῖσι."

Respondeo verò, *Hæmericum* illud intelligendum esse de *Damonibus Aereis*, non de *Æthereis Diis*, qui in puram lucem actu splendentem convertere se possunt quoties ipsis visum erit. Quare metuendum non est nè personalis eorum inter ipsos congressus minùs latificus minùsve distinctus sit ac antea ; nam literæ candidæ in charta nigra æquè sunt illustres & lectu faciles, ac nigræ in charta candida. At hoc illos in tenebris esse significat, cum non sunt, sed in molliore & placidiore luce, quod variat duntaxat voluptatem ; sicuti cum Luna extinctâ lucernâ claram se insert in conclave. Et certè lux à Stellis collata \* in vividum tenerumque illorum sensum majorem vim habet, quàm in nostrum Lunæ lumen clarissimum ; etiam si non propiores ulli Stellæ illos esse supponamus, quàm sumus ipsi. Magnæ autem hujusmodi mutationes sua commoda habeant, iis scilicet quibus Providentia favere vult, pariter ac incommoda. Et sic nostri *Solis extinctio* lucem alicujus Stellæ vicini vorticis augere possit. Quæ quanquam Carceres illos *Cimmerios* antè memoratos penetrare non valeat, sat is tamen luminis *Spiritibus liberis* præbere potest. Vorticis nostri præterea discerptio & spoliatio, quæ tunc eventura est, nos propius centrum alterius necessariò adducet, cujus Stella sat lucis dabit *Geniis Æthereis*, licet debiliior sit quàm ut *Aereis* opituletur.

Quod autem ità procul abesse à centralibus Vorticum luminaribus sat is conveniat cum felicitate summa, intelligere licet partim ex eo, quod materia cœlestis supra *Saturnum*, ad ipsum usque marginem Vorticis, \* fortius agitatur eâ quæ inter *Saturnum* & *Solem*, & propterea minùs indiget radiis solaribus ad agilitatem liquiditatemque suam conservandam ; & partim quod immensæ regiones illæ *Ætheris* inutiles & ferè frustra essent ; \* ni abs *Incolis Æthereis* frequentarentur, qui, pro naturâ elementi sui, sunt proculdubio generis præstantissimi. *Æthereus* ergo populus universus in hoc casu eò se recipere potest, & in veris illis Deorum *intermundiis*, quæ somniavit *Epicurus*, æterno in gaudio & beatitudine securus conquiescere.

5. Quod faciliè concedi debet, si porrò contemplemur maxima *Vehiculi ætherei* privilegia, in quo tanta vis Animæ excitur, ut motum particularum ejus, augendo minuendove agitationis gradum, ea pro libitu moderari possit, Axiom. 32. quo ipso etiam soliditatem Vehiculi temperare valet, \* & pro hac ejus attemperacione vel ascendere vel descendere in Vortice, idque variâ celeritate, prout ipsi libitum sit & conveniat. Cujus privilegii amplificacione potest etiam, si videtur, è Vortice in Vorticem transire, *Vestæque* novæ calore uti, frui, ità ut nullum omnino fatum eam unquam apprehendere valuerit.

6. Neque hoc Animæ laboriosius erit opus, quàm flumine secundo navigare. Illa enim, simul ac agitationem soliditatemque Vehiculi ad cœlestem suum adornavit iter, tam sponte naturæ eò quò destinata feretur, quàm lapis deorsum, ignis sursum fertur. Nullus ergo subest lassitudinis metus, non magis profectò quàm cum navigio remis acto veheris, aut portatili gestaris sellâ. \* Namque cœlestis materia *Vehiculum* ambiens, sursum, deorsum, à centro, ad centrum Vorticis transfert Animam, suâ ipsius operâ & impensâ. Ea denique est tenuitas subtilitasque sensuum æthereis *Incolis*, ut eorum provisio & sagacitas nostram, supra quàm cogitari potest, exuperet necesse

fit; præterquam quòd indicia ac præmonitus multi, & conspicui continuèque calamitatis hujus futuri sint, antequam Sol usque adeò deficiat, ut defectus ejus illos ulatenus attingat. Quare nè minima quidem infortunii aura ad illos unquam aspirare, minimùmve malum assequi valebit.

7. Levis hæc significatio est Mysteriorum Providentiæ; cujus ambages tantæ, circuitus tam immensi, ut incomprehensibiles prorsus meritò videantur *Increpulis & Idiotis*, qui proni nimis sunt ad opinandum, omnia uti nunc sunt futura semper, cupidèque volunt ita fore: quod perinde tamen inurbanum ac absurdum est, ut si quis in festum locum ubi apparatus choreæ agitantur ingressus, primòque tripudio magnopere delectatus, nullum aliud saltari vellet, aut saltantes à se invicem longiùs digredi nollet, quàm cum ille primùm est ingressus; cum tamen illi aut propius aut longiùs, ad fidium numeros præscriptamque tripudii legem, se movere debeant. Et certè tota materia Universi, singulæque partes ejus, semper in motu atque in tripudio eo versantur, cujus incessus prorsus & retrorsus immensum spatium conficiunt; & quod diutissimè substituisse videtur, motum instaurare debet, ad modulationem accentusque Harmoniæ ejus, quæ auribus acutissimis non auditur quidem, mentibus tamen purissimis acerrimisque ingeniis intelligitur. Cujus rei veritati nemo repugnare auderet, si repugnantis spiritus historiam suam enarrare potuerit, & referre verbis quot per stellas vorticis que antè percolatus esset, quàm particulæ ipsius convenirent, ad tam temerariam contradictionem abutendæ.

8. Nostram jam *Dissertationem* ad finem perduximus, cujus hæc est summa; *Esse substantiam Incorpoream, atque adeò in Homine, quam Animam ejus appellamus. Hanc ejus Animam superesse atque agere post interitum Corporis, primò, ut ferè sit, in Vehiculo Aëreo, aliorum Dæmonum more; in quo fati non esse penitus exortem, tum demum verò perfectam & securam fore, cum Æthereum assecuta sit; quippe extra vim potestatemque Mali Principii illius positam, cujus ditio & imperium tam longè latè que patet, quàm longè latè que locus sit miseriæ & mortis. Hoc Principium Arimanium vocabant Magi Persici, & Tenebris assimilabant, sicut alterum Principium Bonum, Oromazen dictum; Luci; hoc Θεῦ, illud Δαιμόνι nomine insignientes.*

Plutarch. de  
Iside & Osir.

9. Quæ Persarum doctrina nil aliud significare potest, quod quidem probandum sit, nisi adumbrationem quandam duarum præcipuarum Providentiæ partium, quarum una in *Dæmoniis*, altera in *Divinis* Ordinibus versatur. Qui semper Ordines, plùs minùsve, & intus & foris, inter se dissident & contendunt. At si *Theopompi* vaticinium, hominis Arcanis hisce initiati, verum sit, vincet tandem rerumque potietur *Principium Benignum*, Τίλθ. ὃ ἀπολείπειται τὸ ἄδην, &c. Hades seu Arimanius, qui tam validà nos tenet custodià, tandem aliquando destituetur, καὶ τὸς μὴ ἀνθρώπους ἐν δαιμόνιαις ἵστέδαι, μήτε τροφῆς δεομένους, μήτε σκιάν ποιοῦντας, & homines erunt beatissimi, nec egentes cibis, nec umbram projicientes. Quam umbram enim projicere potest corpus illud, quod lumen purum & transpicuum est? Tale autem *Vehiculum Æthereum*. Oraculum illud ergo tum demum impletur, cum Anima in conditionem eam quam antè descripsimus ascenderit, in qua una supra vim *Fati & Mortalitatis* ponitur.

10. Hæc hæc est vera illa Ἀποθέωσις, ut more Persico loquar, cujus inani titulo Imperatores magnique rerum Domini memoriam sui posteram ornare cupidissimè voluerunt; sed quæ revera tam excelsa Animæ prærogativa est, ut Virtutes merè *Politicae*, quas vocat *Plotinus*, nunquam illam ad hoc culmen felicitatis subvehere valeant. Aut *Philosophia*, aut aliquid Philosophiæ sanctius, dux Animæ esse debet ad statum hunc omnium longè præstantissimum. Nec magnopere laborans an *Pythagoræ* sint illum assecuti, Magistri sui disciplinam & præcepta observando, fidenter nihilominus asseverabo, quod illi sequendum sibi proposuere, summam maximè beatitudinem esse, quam natura nostra potest capere; quod idem cum extremum sit quod Tractatus hic noster declarandum sibi sumere potuit, concludam omnia Disticho *Pythagorico*, (quod aliàs in eandem ferè rem memoravi) quod non modò istius Philosophiæ sed & præsentis hujus *Dissertationis* scopum ultimum complectitur.

Ἦν δ' ἀπολείψας σῶμα ἐς αἰθέρ' ἐλεύθερον ἔλθῃς,  
Ἐσσεαι ἀθάνατος, θεὸς ἄμβροτος, ἔκείτι δυνήσῃς.

Id est,

Sic corpus linquens & liberum in æthera vēctus,  
Immortalis eris Deus, aternūque manebis.

SCHOLIA



## SCHOLIA

## IN CAP. XIX. SECT. 4.

**I**N vividum tenerumque illorum sensum, majorem vim, &c. Supponuntur enim Anima etiam in his Regionibus vehicula habere organizata. Et experientia constat in cubiculo ita obtenebrato ut quis statim à primo introitu nè manum suam videre possit, post mediocrem moram, vultus personarum presentium satis distinctè posse deprehendi. Quanta igitur conspicuitas expectanda est à vividis Lucis Stellarum omnium vibrationibus simul conjunctis? Neque enim Animabus in hisce Regionibus versantibus, terrestri Horizonte dimidium Cæli absconditur.

Fortius agitur eâ quæ inter Saturnum & Solem, &c. Aut subtiliorem esse magisque igneam & Ætheream, aut partes fortius agitari ex eo constat quod cometa tam celerè motu per eas Regiones ferantur. Vide Cartesium, Princip. Philosoph. Part. 3. Artic. 83, 128.

Ni abs Incolis Æthereis frequentarentur, &c. Hic igitur Mundorum Aziluthicorum sedem esse verisimillimum est, ut de Mundo nihil dicam Briathico. Ubi enim sensus tenerrimus, purissimusque vehiculorum status, ibi maximam à Solari calore distantiam esse, planè est consentaneum. Hi igitur in Stola Aaronis ocellata habitant, Planetarum verò Incole in Pallio ejus Hyacinthino.

SECT. 5. Et pro hac ejus attemperatione vel ascendere vel descendere in Vortice, &c. Quod si exactè contemperetur consistentiæ illius partis Ætheris ubi est, quamvis progressivâ suâ facultate ipsa minimè utatur, celerrimo tamen motu circa Solem Vorticis circumferetur in supremis istis Regionibus, nempe secundum vorticis cursum fluxumve. Sed potest interim progressivâ facultate uti sursum, deorsum, antrosum, retrorsum, sine ulla nova vehiculi mutatione.

SECT. 6. Namque cœlestis Materia Vehiculum ambiens sursum, deorsum, à centro, ad centrum vorticis, &c. Ità certè fieret si motus Mundanus esset Mechanicus secundum Philosophiam Cartesianam. Jam verò cum tam clarè mihi constet Mechanicum non esse sed vitalem, dico non tam cœlestem Materiam quàm Spiritum Naturæ Vehiculum Animæ pro sua consistentia aliter atque aliter movere.

CONJE

1. The first part of the paper is devoted to a general  
discussion of the problem. It is shown that the  
problem is of great importance and that it has  
not been completely solved. The author then  
presents a new method for solving the problem.  
This method is based on the use of the  
Fourier transform and the method of steepest  
descent. The author shows that this method  
is more efficient than the methods previously  
used.

2. In the second part of the paper, the author  
applies the new method to the problem of  
the diffraction of light by a grating. It is  
shown that the new method gives results  
which are in excellent agreement with  
the results obtained by the method of  
Rayleigh. The author also shows that the  
new method can be used to solve other  
problems of diffraction.

3. In the third part of the paper, the author  
discusses the problem of the diffraction of  
sound by a grating. It is shown that the  
new method can be used to solve this  
problem as well. The author shows that  
the results obtained by the new method  
are in excellent agreement with the  
results obtained by the method of Rayleigh.

4. In the fourth part of the paper, the author  
discusses the problem of the diffraction of  
water waves by a grating. It is shown that  
the new method can be used to solve this  
problem as well. The author shows that  
the results obtained by the new method  
are in excellent agreement with the  
results obtained by the method of Rayleigh.

5. In the fifth part of the paper, the author  
discusses the problem of the diffraction of  
electromagnetic waves by a grating. It is  
shown that the new method can be used to  
solve this problem as well. The author  
shows that the results obtained by the  
new method are in excellent agreement  
with the results obtained by the method  
of Rayleigh.

6. In the sixth part of the paper, the author  
discusses the problem of the diffraction of  
acoustic waves by a grating. It is shown  
that the new method can be used to solve  
this problem as well. The author shows  
that the results obtained by the new  
method are in excellent agreement with  
the results obtained by the method of  
Rayleigh.

7. In the seventh part of the paper, the  
author discusses the problem of the  
diffraction of seismic waves by a grating.  
It is shown that the new method can be  
used to solve this problem as well. The  
author shows that the results obtained  
by the new method are in excellent  
agreement with the results obtained by  
the method of Rayleigh.

8. In the eighth part of the paper, the  
author discusses the problem of the  
diffraction of ocean waves by a grating.  
It is shown that the new method can be  
used to solve this problem as well. The  
author shows that the results obtained  
by the new method are in excellent  
agreement with the results obtained by  
the method of Rayleigh.

9. In the ninth part of the paper, the  
author discusses the problem of the  
diffraction of atmospheric waves by a  
grating. It is shown that the new method  
can be used to solve this problem as well.  
The author shows that the results  
obtained by the new method are in  
excellent agreement with the results  
obtained by the method of Rayleigh.

10. In the tenth part of the paper, the  
author discusses the problem of the  
diffraction of cosmic waves by a grating.  
It is shown that the new method can be  
used to solve this problem as well. The  
author shows that the results obtained  
by the new method are in excellent  
agreement with the results obtained by  
the method of Rayleigh.



CONJECTURA  
CABBALISTICA,

SIVE  
Mentis *Mosaicæ* in Tribus primis Capitibus *Geneseos*,  
secundùm Triplicem

CABBALAM

Viz. { *Literalem*,  
      *Philosophicam*,  
      *Mysticam* sive *Divino-Moralem*

INTERPRETATIO.

Per HENRICUM MORUM  
Cantabrigiensem.

EXOD. 34.

*Viditque Aaron & omnes filii Israel Moſen, & ecce reſplendebat cutis faciei ejus, timueruntque appropinquare ei.*

*Quapropter velamen poſuit ſuper faciem ſuam ſiquando loquebatur ad eos.*

MATTH. 10.

*Nihil eſt opertum quod non revelabitur, & occultum quod non ſciatur.*

*Quod dico vobis in tenebris, dicite in lumine; & quod in aure auditis, prædicare ſuper teſta.*

L O N D I N I,

Typis R. Norton, impenſis J. Martyn & Gualt. Kettilby,  
M DC LXXIX.

THE NEW YORK PUBLIC LIBRARY

ASTEN LENOX

TILDEN FOUNDATION

500 N. 5TH ST. N.Y.C.

1892

THE NEW YORK PUBLIC LIBRARY

ASTEN LENOX

TILDEN FOUNDATION

500 N. 5TH ST. N.Y.C.

1892

THE NEW YORK PUBLIC LIBRARY

ASTEN LENOX

TILDEN FOUNDATION



Clarissimo Viro & ob singularem Eruditionem & Pietatem celebratissimo

D<sup>ri</sup> CUDWORTH,

Collegii Christi, in Academia

CANTABRIGIENSIS

Magistro, Publicoque Linguae Hebraicae Professori.



*E* praesentis Argumenti delectu, cui operam impendi, Vir clarissime, satis, opinor, dixi, in sequenti Praefatione. De delectu Patroni nihil amplius dicam, quàm quòd sola illius Eruditio singularis ac Pietas me induxerit ad eum eligendum. Quorum prior in Orbe tam conspicua est ut universim ab omnibus agnoscatur, & quantum ad posteriorem, neminem latere potest cui felicitas contigit, licet minorem in modum, magis liberae illius intimaeque Conversationis. Quantum ad me non possum quin publice profitear me in hominem tam verè decoreq; religiosum nunquam incidisse, ubi recta Dei Christiq; notitia illuminatum animum eo æquilibrio teneat, ut æquè remota sit à Superstitione atque ab Irreligiositate ipsa. Et praesentes quidem hae Lucubrationes meae, apud nullos magis gratæ erunt majorémve reperturæ sunt acceptationem quàm apud tales. Nam istiusmodi libera nulloq; laborantia præjudicio Ingenia nec veritatem antiquabunt ob vetustatem Notionis, nec ob juvenilem contemnent aspectum, speciémve quam præ se ferat, Novitatis. Præterea nulli sunt qui magis certi esse possunt de praesentis mei Instituti Sinceritate & Efficacia. Quotquot enim è Spiritu nati sunt, nec sunt meri Literæ filii, bene nôrunt, quantum interior magisq; Mystica Textûs significatio ad reverentiam faciat sacrae Scripturae & ad Pietatis augmentum: quando è contra nudi sensûs Literalis obtrusio multos aut fecit aut confirmavit Atheos.

Et certè illi homines in rebus Religionis parùm perspiciunt qui non planè detexerint Atheorum maximè interesse ut ipsis concedatur nullam Spiritualem significationem inesse sive Scripturae sive Sacramentis, quæ ultra se extendat quàm ad sensum merè Gram-

maticum in una, & ad sensibilem, crassam, externamq; Actionem in alteris. Ut exempli causâ, Quod regenerari, verumq; ac realem Christianum evadere nihil aliud sit quàm externum Aquæ visibilis Baptismum recipere, quodq; Philosophia Mosaica de Deo deq; rerum Natura nulla alia sit, quàm quæ sit obvia in nuda Litera Mosi. Quod quidem si Atheus sibi plenè concessum ab omnibus obtinere posset, & hoc etiam in mantissam additum, quòd nulla sit Dei Notitia nisi quam Textus Mosaicus Mundo primùm propinaverit, quæve omninò sit Traditionalis, non posset sanè quin Religionem hoc ornatu expositam, rem tam inanem reputet, obnoxiam & contemptibilem, ut par profectò foret apud omnes, qui omnino Fatui non essent, ut eam tanquam Commentum aliquod Melancholicum considerent, aut callidum Inventum ad territandum imperitum vulgus, sed ponè siparium dignum esse quod liberis cachinnis excipiat derideaturq; à Sapientibus: factuq; facile fore, brevi spatio memoriam illius è mentibus hominum stirpitùs evellere, ut quæ haud ità altas radices in humanis facultatibus egerit. Quod sanè æquè sperandum censeo atq; posteros nascituros esse sine oculis atq; auribus usumq; sermonis perdituros. Notitiam enim Dei sensumq; Religionis æquè Naturalem Humano generi & essentialem esse existimo atq; ullam aliam proprietatem qualemcunq;, Generationesq; hominum æquè citò prorsus irracionales futuras ac penitus irreligiosas. Quod Tractatum meum adversùs Atheismum cuius confirmaturum credo qui eum cum diligentia & iudicio perlegerit.

Nec omnino sequitur ex eo quòd veritas aliqua per modum Traditionis propagata sit, eandem per Rationem non posse concludi. Etenim nullum unum novi Theorema in universa Philosophia Naturali, cui magis firmæ Rationes suffragentur, quàm sit illud de Motu Terræ. Quod tamen Cabbalæ Philosophicæ sive Traditionis Mosaicæ pars est, quemadmodum suo loco plenissimè ostendam. Et similiter Præexistentia Animæ, quæ videtur ejusdem Traditionis pars fuisse altera, Rationi abundè est consentanea. Et quemadmodum omnium earum quæ videntur Motus Irregularitatum in Planetis genuinam rationem reddere possumus, supposito quòd illi & Terra moveantur circa Solem; ità quidem omnium eorum quæ nos attonitos reddant Providentiæ Paradoxorum causas aperire possumus ex hac altera Hypothesi, ostendereq; nihil sacris Dei Attributis incongruum accidere, si oculum mentis in centro omnium liberorum motuum collocare possumus, in stabili utique illo Æternoq; Bono, nec ipsi longinquo  
ab



ab illo Intervallo ferremur inter reliquos vagabundos Planetas (quemadmodum S. Judas illos appellat) qui ad varias distantias circa eum ludunt, & tamen universi aliquo modo non solum ad eum aspirant, sed sive aspirant sive secus revera aliquid ab ipso recipiunt. Nam ex hoc Primo omnino est & Sapiencia & Voluptas & Potentia. Ceterum satis est res hujusmodi breviter omnino & Enigmatice subindicasse, cum Ignorantia & Iracundia omnium Aetatum maximè generosas Veritates cum offensione maxima soleant excipere.

Quantum verò ad me nullam rationem video quin omnes Virtutis Pietatisq; studiosi, pro præsenti hoc meo Incepto Cabbalistico ex animo mihi gratias agant, quippe qui sanctum Trinitatis Mystrium, quo minùs merum Inventum Paganicum habetur (quemadmodum Secta quaedam nimis temeraria autumat) tam planè vindicavi. Nam apertè hìc ostenditur suam à Mose Originem duxisse non à Pythagora aut Platone. Et sanè cum Christus nihil aliud sit quàm Moses revelatus, speciale Providentiæ specimen existimo quòd occulta hæc Cabbala tam maturè Gentibus innotuerit, quò paratiores reddi possent ad faciliorem receptionem totius Mysterii Christianitatis quum primùm in plenitudine temporis magis clarè Orbi revelatum fuerit.

Præterea ostendimus etiam Animam, secundum Mosaicam Philosophiam tum à morte, tum à somno post mortem esse securam. Quem tamen somniculosi isti super Literam Scripturæ Nutatores admodum oscitanter collegerunt & pari simul confidentiâ postea defenderunt, prætendentes dogma contrarium magis Platonicum esse quàm Christianum aut Scripturale.

Quamobrem cum Institutum meum tam pium sit, quemadmodum apparet, nihil congruentius facere potui quàm tam sincerum Pietatis cultorem, in præsentium mearum Lucubrationum Patronum eligere. Præsertim cum adeò idoneus sis qui maximè proprium Patroni officium præstes, eamq; veritatem, quæ tibi hìc exhibetur, defendas, & ex opulento Eruditionis tuæ Thesaurario ea suppedites, ad quæ aut Penuria mea se extendere non valuerit, aut omiserit Inadvertentia. Et sanè si hoc à te sperare non possum, nescio unde expectem. Neq; enim novi ubi quenquam inveniam tam universim pleneq; in omnibus Eruditionis partibus consummatum quàm ipse es: In Orientalibus Linguis & Historia perinde atq; in selectissimis Philosophiæ Theorematis. Quarum Perfectionum vel una quælibet satis esset ad implendum si non inflandum hominem

quemvis vulgarem magnâ sui opinione ac Arrogantiâ, cum tuum interim solius privilegium sit universas possidere, nec tamen magis efferri magisque imperiosum esse, aliorumve Censorem te gerere quam illi debeant, qui sint omnium ignorantissimi.

Hæ sunt veræ Rationes quæ me moverunt ad hanc Libri mei Dedicationem, quem si tibi similiter placuerit in Patrocinium tuum recipere & tanquam monumentum Amicitiae nostræ acceptare, multum inde devincies

Amicum tuum servumque  
deditissimum,

E Museo, Cantabrigia, pridie  
Calend. Septembr. An.  
Dom. 1657.


**HEN. MORUM.**

Præfatio



# Præfatio ad Lectorem.

1. Quid intelligendum sit per vocem *Cabbala*, & quàm legitimè *Literalis Textus* Expositio sic possit appellari.
2. Speculationes haud ità necessarias modo *Sceptico* optimè proponi.
3. Naturæ & dignitatis *Rationis* luculenta Descriptio, quidque sit *Divinus Logos*.
4. Generales Probabilitates veritatis hujus præsentis *Cabbala*.
5. Scopus Authoris in ea publicanda.

**I.**  Riplicem hic tibi offero, amice Lector, triam primorum Capitum Geneseos Interpretationem, quam in Libri Titulo Triplicem Cabbalam appello. De qua, ut eo instructior ac confirmator evadas, è re fore censeo pauca tibi præfari, eaque talia quæ verissimillimum sit, te ipsum à me sponte fuisse quasitum. Ut, exempli gratiâ, Cux hanc meam Interpretationem Cabbalam vocaverim, & à quo ipsam acceperim. Quæ sint argumenta illius veritatis maximè probabilia; & Quis scopus meus sit in ea publicanda.

Ad quorum primum respondeo, Quod Cabbala Judaica intelligitur Traditionalis quadam Doctrina esse sive Expositio Pentateuchi, quam Moyses accepit ab ore Dei dum versabatur cum eo in Monte. Atque hic sensus sive Interpretatio Legis vel Pentateuchi quatenus est Doctrina accepta primum per Moysen, & dein ab eo per Joshuam, & à Joshua per septuaginta Seniores, & sic deinceps, appellata est Cabbala à קַבָּלָה, accipere: Sed quatenus tradita est, perinde atque accepta, appellata est etiam Massora, quæ vox Traditionem significat. Quanquam hæc posterior magis propriè ad Criticam Grammaticamque peritiam eruditorum apud Hebræos pertineat, atque eapropter utilis erat explicando Literali sensui Textus perinde atque Mystico, ubi intenditur. Unde sine omni temeritate vocisve abusu, Literalem Interpretationem in quam incidi Cabbalam appellare possum, perinde atque Philosophicam aut Moralem. Quippe quum ipse sensus Literalis non tam perspicuus sit ac determinatus, quin aliquam Traditionalem Doctrinam sive Expositionem requirere videatur, ad eum stabilendum, perinde atque alteri illi sensui qui magis Mystici sunt.

Atque idcirco, Triplicem hanc Interpretationem quam erui Cabbalam nominandam censui, tanquam si in ipsam veram Cabbalam Mosaicam in cunctis tribus sensibus Textus incidissem, talibus utique, quos ore proprio Moysen, ad informationem morigeri probèque parati discipuli, enunciare condecuisset. Ac proinde ut res majori cum venustate agatur ac magnificentia, ipsum Moysen loquentem introduxi, mentemque suam propriam in cunctis hisce tribus distinctis Expositionibus, explicantem.

2. Et tamen nihilominus totam Interpretationem Conjecturam omninò appello, quippe qui is sum, qui nolim in rebus definiendis sapientior videri, quàm alii ferre possunt aut approbare. Nam tametsi in eis quæ Humana felicitati necessaria sunt atque essentialia, cujusmodi est persuasio quod Deus existit, & id genus reliqua, non sufficit cuiquam argumenta asferre irrefragabilia pro causa quam defendit, sed profiteri porro oportet planè & dogmaticè se plenum tribuere assensum Conclusioni quam demonstraverit; ut ii qui Rationis vim tam facile non percipiunt, animari nihilominus hoc pacto possint ad eandem fidem amplectendam cum eis qui percipiunt, quippe quum tanti ei momenti sit, rectè de dogmate proposito credere: de Speculativis tamen & haud ità necessariis Veritatibus sic statuo, quod non solum licet cuiquam, sed & debet eas hominibus Scepticè proponere, cum majoris sit prudentiæ ac modestiæ validissima quàm potest asferre argumenta & nihil interim definire videri omnino deperire Conclusionem, nimisve seriò affectare Proselytorum lucrificationem propriæ suæ opinioni. Etenim ubi argumentorum vis percipitur, Assensus naturaliter sequetur, pro evidentia detectionis vis argumentorum. Atque assensus equidem opinionibus purè Speculativis, sine rationum evidentia, nulla est aut voluptas aut perfectio Creaturæ rationali.

3. Ad secundam questionem respondeo, quod, tametsi hanc meam Interpretationem Cabbalam appello, ingenue tamen fateor me eam nec ab homine quoquam nec ab Angelo accepisse. Nec certe mihi obtigit per Divinam Inspirationem, nisi eo usque sapere velis ut tempestivas suggestiones Divinæ vitæ atque sensus, qui in rationali Spiritu liberi sincerique Christiani tum vigore resider, Inspirationem nominandam censens. Talis vero Inspiratio distraxitrix non est, sed ampliatrix & consummatrix humanarum facultatum. Atque addere porro possum, hoc esse magnum Christianitatis Mysterium ad quod vocamur, Perfectionem scilicet Humanæ Naturæ per Participationem Divinæ. Quod de hac crassa carne & externis sensibus tam proprie intelligi non potest, quam de interna Humanitate, Intellectu scilicet, Ratione atque Imaginatione. Rationis vero usum excludere ab investigatione Divinæ veritatis, nullum Spiritus est dictamen, sed Melancholiæ effrenis cæcique Enthusiastici, religiosæ atque istius phrænesis, in quam homines incidunt, dum passivos se sistant receptioni talium Impressionum quæ nullam habeant proportionem ad suas facultates. Cui erroris atque irregularitatis si semel se submittant, in conditione se constituunt, quidlibet promiscue admittendi, atque sic succedente tempore, evadendi aut stupidos aut insanos, & sub prætextu perveniendi ad tam sublimem gradum Christianitatis, (cujus verum Mysterium minime intelligunt) deprimenti seipsos infra infimorum hominum subsellium.

Quantum vero ad me, equidem tantum abest, ut Ratio, ullum contemptibile Principium in Homine mihi videatur, ut eam agnoscendam censeam aliquo modo ipsi inesse Deo. Quid enim aliud est Divina Sapientia, nisi stabilis Idearum rerum omnium comprehensio, cum mutuis ad se invicem respectibus, Congruis atque Incongruitatibus, Dependentiis & Independentiis? Qui respectus à naturis Idearum ipsarum necessario oriuntur: Quorum utraque Divinus Intellectus uno quasi oculi jactu traiecit, veram sit semel omnium ordinem ac coherentiam perspicit. Et quid hoc aliud est quam Ratio stabilis, fixa quadam & immobilis Ratio connexionem rerum omnium dispiciens simul? Illa vero in nobis est Ratio mobilis sive Ratio in Evolutione, quippe quod nos res modo tantum successive atque post aliam concipimus. Cæterum quotquot eodem tempore comprehendimus, dum clarè percipimus, attentèque earum Ideas contemplamur, dignoscimus planè quàm rectè congruant, quantumve discrepant inter se, atque sic unam per aliud aut probamus aut refutamus: Quare vera participatio est Divinæ illius Rationis in Deo, utrumque ac fidele Principium est in Homine, postquam perfectum positumque sit à Spiritu sancto; ante vero nimis quam terrenum & obscurum, præsertim in rebus Spirituallibus.

Jam vero cum ipse Logos sive stabilis ac comprehensiva Dei Sapientia, in qua omnes Idæ ipsarumque respectus continentur, nihil aliud sit quam quadam universalis stabilis Ratio, quomodo illius prætextus esse potest ut quis tam sublimi modo inspiratus sit, ut supra rationem ipsam sit sufflatus sublatusque, summæ Intellectum habeat supra naturas rationesque rerum ipsarum positum?

Quamobrem ut breve tandem Responsum formemus ad secundam questionem. Dico Triplicem hanc Cabbalam, quæ de quaeritur, libera rationis mentis meæ esse dictamen, attentè scriptum Moïsi Textum considerantis, accuratèque examinantis Expositiones vulgari in eum Interpretum. Nec quicquam profectò mihi conscius sum, quin tam feliciter res mecum successerit, ut in veram antiquam Cabbalam revera inciderim.

4. Cujus rei, tertio jam loco, generales proponam Probabilitates. Lectorem quantum ad reliqua, ad Defensionem Cabbalarum ipsarum remittens, & earundem Introductionem.

Et primò quidem, quod Cabbala Literalis vera sit, non contemnendum ex eo argumentum est, quod ad eò uno quasi filo deducta sit, unaque pars tam pulchrè consistat cum altera, quodque res singulæ tam accommodatè ad captum vulgi representatæ sint, & tam efficaciter ad detinendas mentes eorum in timore Dei & obedientia legis illius; quemadmodum particulatim ostendetur in Defensione illius Cabbalæ. Ad eò ut ex sensu Cabbalæ hujus Literalis, Moïses deprehensus sit homo judicii in Politicis consummatissimi, verissimæque ac maximè laudabilis Prudentiæ, qua fingi potest.

Nec, in Philosophia, seipso debet esse minor. Ac propterea Cabbala Philosophica nobilissimas complectitur Veritates tam Theologicas quam Naturales, quibus Mens humana occupari potest. Ad eò ut Moïses meritis videatur prælorâsse anticipâsseque maximè subtilia abstrusaque Inventa præclarissimorum Philosophorum qui post eum unquam extiterunt ad hunc usque diem. Estque ulterior de veritate hujus Cabbalæ Philosophicæ præsumptio, quod grandia illa Mytheria quæ eâ continentur, eadem sunt ut plurimum quæ duo illi eximii Philosophi Pythagoras & Plato ex Ægypto partibusque Asiæ in Europam introduxerunt. Estque generaliter in confesso apud Christianos, quod utrique Philosophiam suam hauserint ex Moïse. Et Numenius Platonicius apertè de Magistro suo enunciat, Quid est Plato nisi Moïses Atticus? Et quantum quidem ad Pythagoram, incredibile planè est ut is &

Sectatores



Seſſatores ejus tantum ſtrepitum cierent de Myſterio Numerorum, niſi aliquando Moſaicæ Mundi Creationis in ſex diebus, ipſi indultus fuiſſet aſpectus, illiusque Cabbala Philoſophica ei eſſet communicata, quæ in Numeris maximè conſiſtit, quemadmodum in Deſenſione illius Cabbalæ magis particulatim declarabo.

Porro Juramentum Pythagoricum jurantium per eum qui Tetractyos ſive Tetrados Myſterium eos edocuerat, quàm ridicula res futura fuiſſet, ſi aridos jejunosque Numeros tantum reſpexiſſet? Verùm admodum probabile eſt ſub Tetrados Myſterio, Pythagoram ipſum primùm, ſenſum operis quarti diei in Creatione edoctum fuiſſe, ipſumque poſtea eundem tradiſſe ſuis diſcipulis. Ex qua Cabbala quarti diei, Pythagoras inter alia intellexit Terram eſſe Planetam, & circa Solem moveri. Et notiffimum eſt apud omnes hanc opinionem fuiſſe Pythagoreorum, ac proinde veriſimiliſimum eſt partem fuiſſe Philoſophicæ Cabbalæ Moſis. Quemadmodum plenius intelligere eſt, ex illius Deſenſione.

Iamblich. de  
vita Pythag.  
cap. 28 & 29.

Ariſtot. de Cœ-  
lo, lib. 2. cap. 13.


In ſumma, Omnes iſtæ Concluſiones quæ Cabbalâ Philoſophicâ comprehenduntur cùm tales ſint, quæ ſublimem amplumque Moſis intellectum maximè condeceant, cùmque tam planè Phænomenis Naturæ Diviniſque Attributis reſpondeant, perinde atque perpetuò ſine omni vi aut diſtortione Textui Hiſtorico congruant; Hoc, meo quidem judicio, non obſcurum argumentum eſt, quòd hæc Cabbala ſit vera. Quæ enim eſſe poſſunt proprietates veræ Philoſophicæ Cabbalæ Moſaicæ ſi illa non ſunt quas ego nominavi?

Jam verò ad Moralem Cabbalam quod attinet, ſuam evidentiam perpetuo ductu per totum Textum præ ſe fert, Moſen in omni Pietate ac Honeſtate expertum repræſentans, quemadmodum priores duæ eum repræſentârunt Politicæ atque Philoſophiæ apprime gnatum.

5. Atque equidem Myſticæ hujus ſive Moralis Cabbalæ pia Utilitas, ut ultimæ quæſtioni reſpondeam, haud exiguum inter alia Inſtitumentum erat ad præſentem hanc Expoſitionem publicandam. Moralis enim ac Spiritualis Veritas, quam tanti noſtrâ intereſſe adeò liquet, cùm modo tam miro & inopinato & tamen tam apto & appoſito in hac Moſis Hiſtoria repræſentetur, veriſimiliſimum eſt eam firmiorem menti impreſſionem facturam eſſe, potentiſque affectus noſtros ad id quòd bonum & laudabile eſt eſſe abrepturam, quippe cum voluptate nos erudituram de vera via ad Virtutem & Pietatem.

Nec Literalis quidem ac Philoſophica Cabbala ſuis honeſtis uſibus deſtituuntur. Nam in poſteriori, ad conſternationem puri puti Naturæ Conſulti ( qui ut plurimum viros pios exiſtimat ac Religionis Patronos nulla animi ornamenta habere præter Scrupuloſitates circa Virtutem, & Imaginationes Melancholicas circa Divinum Numen ) Moſes heic deprehenſus eſt Magiſter maximè ſublimium ac generoſarum Speculationum quæ in univerſa Naturali Philoſophia occurrunt: ut taceam eum Animam humanam multis intervallis extra iectum Fati & Mortalitatis collocâſſe. Et in priori quidem perquam benignè eis proſpectum eſt qui tam proni ſunt ad expectandum rigida Philoſophiæ præcepta in externo Textu Moſaico. Hæc enim Literalis Cabbala tanquam gubernaculo, curſum ab eis ſcopulis detorquebit, inanique ſtudio faciendū ut nuda Litera conſonanter vero Naturæ Syſtemati loquatur. Quòd dum conantur majori cum zelo quàm peritiā, & ſibi ipſis dedecus & ipſi Moſi injuriam inferunt. Sunt enim immutabiles & indelebiles Ideæ & Notiones in mente humana in quas poſtquam experrecti ſimus, eaſque noto Naturæ curſui atque ordini applicare aſſueverimus, uſum earum non magis abjicere poſſumus, quàm oculorum noſtrorum, aut dictatis earum diſſidere magis, æquève, quàm dictatis externorum Senſuum. Quamobrem apud homines qui rectum Rationis uſum recuperaverint, probèque in contemplatione naturæ rerum & experientia ſint verſati, apud eos, inquam, talem Philoſophiam Moſaicam proponere qualem auſa eſt quorundam temeritas ac ſuperſtitio, ( quippe verè Literalis Cabbalæ notiā deſtitutorum, quæ lucem eis præferre potuiſſet ) eſt proſectò quantum in ipſis eſt, non ſolum Moſen ſed & Religionem ipſam contemptus & deriſionis periculo ſubjicere.

Unde ſatis conſtare exiſtimo, quanti momenti ſit tam accuratè & ſolicitè Literalem Cabbalam à Philoſophica diſtinxiſſe, & tam apertè plenèque utriusque ſenſum ſeorſim explicâſſe, ut nullus in poſterum Error fiat & Confuſio. Nam præterquam quòd harum maximè momentoſarum Veritatum, & ſublimium ſed irrefutabilium Paradoxorum in Textu Moſaico detectio, Religionem à vili illa imputatione Ignorantiæ in Philoſophia naturæque rerum aſſerit vindicâque, nobiliores illas præterea libera Rationis ac Philoſophiæ Concluſiones ab iſta vulgari ſuſpicionem eximit Impietatis & Irreligioſitatis.





# CABBALA LITERALIS.

## C A P. I.

2. Terra principiò, profunda ac cœnosa Abyssus aquis cooperta, super quas ventus violentus, & per omnia tenebræ. 3. Dies primum factus sine Sole. 6. Terra Pavimentum, Cælum verò Conopeum transparens sive Tentorium firmum ad Aquas superiores sustinendas, conspicuūve Mare caruleum, nè delabantur orbemque Terrarum obruant. 8. Cur de Conopeo hoc non dictum sit quod bonum esset. 9. Aquæ inferiores in unum locum ablegatæ. 11. Herbæ, Flores, Fructusque Terra, ante Solem ullum Annivæ tempestates, quibus maturescerent. 14. Sol creatus & Diei additus tanquam peculiare illius ornamentum, ut sunt Luna Stellaque Noctis. 20. Creatio Piscium & Volucrum. 24. Creatio Bestiarum ac Reptilium. 27. Homo creatus in ipsa forma figuræve Dei, sed sic tamen ut Faminae perinde essent atque Mares. 28. Qui factum sit ut Homo reliquorum Animalium evaderet Dominus. 30. Ipseque meliori genere fructuum Terra vescatur, Bestiæ verò viliori.

1.



**I**n hoc Libro mecum constitui Generationes vobis recensere ac Genealogias Patriarcharum, ab Adamo ad Noachum, à Noacho ad Abrahamum, ab Abrahamo ad Josephum, Historiamque ad propria usque tempora contexere. Verum non abs re erit vos primum erudire de Creatione Mundi, & de Exordio rerum atque Origine, ut Deus Cælum Terramque fecerit, omnique ornatus eorum antequam fecerat Hominem.

2. Cæterum Terra initio rudis erat & desolata moles, Herbis, Floribus & Arboribus omnique Animantium genere destituta, quippe quum nihil esset nisi profunda ac cœnosa Abyssus, Aquis tota cooperta. Eratque ventus fortis admodum atque violentus qui super aquas circumflavit. Et, (quod scenam fecit adhuc magis horridam & inconsolabilem) nulla adhuc erat Lux, sed spissis tenebris omnia erant involuta, speciemque præ se ferebant nigræ, piceæ ac procellosæ nimbosæque Noctis.

3. Deus verò non passus est opus suum in misera hac conditione manere, sed Lucem jussit apparere, illuxitque Aurora super faciem Abyssi, circumvitque ab Oriente in Occidentem, in medio cursu maximè resplendens circa Meridiem, & dein decrescente splendore versùs Occidentem, tandem prorsus disparuit. Eodem planè modo quo observare licet Diluculum ex Oriente elucescere, & in majorem adolescere claritatem, sed in Occidente demum Ætherem deferere, nullo per totum hoc tempus Sole apparente.

4. Et Deus Lucem vidit (quippe quæ res est admodum visibilis) quod bona esset, atque ita Tenebras à Luce separavit, ita ut utræque super faciem Terræ simul esse non possent, sed suas haberent vicissitudines, alterique altera alternatim succederet.

5. Reditum verò Lucis Diem appellavit, Tenebrarum autem reditum appellavit Noctem. Ac Vespera & Mane primum diem naturalem confecere.

6. Jam verò postquam Deus Basin hanc sive pavementum magni hujus Mundani Edificii, Terram utique fecisset, superiores Fabricæ partes aggreditur. Jubet igitur

The first part of the paper is devoted to a discussion of the  
 various methods of determining the rate of reaction. It is shown  
 that the most reliable method is that of measuring the change in  
 concentration of one of the reactants or products. This method  
 is applicable to all reactions, but it is often difficult to measure  
 the concentration of a substance in a mixture. In such cases, it is  
 necessary to use a method which is specific for the substance in  
 question. For example, if the reaction involves a change in color,  
 the rate of reaction can be determined by measuring the change in  
 absorbance of the solution.

The second part of the paper is devoted to a discussion of the  
 factors which affect the rate of reaction. It is shown that the rate  
 of reaction is affected by the concentration of the reactants, the  
 temperature, and the presence of a catalyst. The effect of each of  
 these factors is discussed in detail, and it is shown that the rate  
 of reaction can be increased by increasing the concentration of the  
 reactants, by increasing the temperature, and by adding a catalyst.

The third part of the paper is devoted to a discussion of the  
 mechanism of reaction. It is shown that the mechanism of reaction  
 is the sequence of steps which lead from the reactants to the products.  
 The mechanism of reaction is often complex, and it is often difficult  
 to determine the exact sequence of steps. However, it is possible to  
 determine the general sequence of steps, and it is shown that the  
 mechanism of reaction can be determined by measuring the rate of  
 reaction under different conditions.



# CABBALA LITERALIS.

## C A P. I.

2. Terra principio, profunda ac cœnosa Abyssus aquis cooperta, super quas ventus violentus, & per omnia tenebræ. 3. Dies primum factus sine Sole. 6. Terra Pavimentum, Cælum verò Conopeum transparens sive Tentorium firmum ad Aquas superiores sustinendas, conspicuumve Mare caruleum, nè delabantur orbemque Terrarum obruant. 8. Cur de Conopeo hoc non dictum sit quòd bonum esset. 9. Aquæ inferiores in unum locum ablegatæ. 11. Herbæ, Flores, Fructusque Terra, ante Solem ullum Annivæ tempestates, quibus maturescerent. 14. Sol creatus & Diei additus tanquam peculiare illius ornamentum, ut sunt Luna Stellaque Noctis. 20. Creatio Piscium & Volucrum. 24. Creatio Bestiarum ac Reptilium. 27. Homo creatus in ipsa forma figuræ Dei, sed sic tamen ut Famina perinde essent atque Mares. 28. Qui factum sit ut Homo reliquorum Animalium evaderet Dominus. 30. Ipseque meliori genere fructuum Terra vescatur, Bestiæ verò viliori.

1.



N hoc Libro mecum constitui Generationes vobis recensere ac Genealogias Patriarcharum, ab Adamo ad Noachum, à Noacho ad Abrahamum, ab Abrahamo ad Josephum, Historiamque ad propria usque tempora contexere. Verum non abs re erit vos primum erudire de Creatione Mundi, & de Exordio rerum atque Origine, ut Deus Cælum Terramque fecerit, omnique ornatus eorum antequam fecerat Hominem.

2. Cæterum Terra initio rudis erat & desolata moles, Herbis, Floribus & Arboribus omnique Animantium genere destituta, quippe quum nihil esset nisi profunda ac cœnosa Abyssus, Aquis tota cooperta. Eratque ventus fortis admodum atque violentus qui super aquas circumflavit. Et, (quod scenam fecit adhuc magis horridam & inconsolabilem) nulla adhuc erat Lux, sed spissis tenebris omnia erant involuta, speciemque præ se ferebant nigræ, piceæ ac procellosæ nimbosæque Noctis.

3. Deus verò non passus est opus suum in misera hac conditione manere, sed Lucem jussit apparere, illuxitque Aurora super faciem Abyssi, circumvitque ab Oriente in Occidentem, in medio cursu maximè resplendens circa Meridiem, & dein decrescente splendore versùs Occidentem, tandem prorsus disparuit. Eodem planè modo quo observare licet Diluculum ex Oriente elucescere, & in majorem adolescere claritatem, sed in Occidente demum Ætherem deserere, nullo per totum hoc tempus Sole apparente.

4. Et Deus Lucem vidit (quippe quæ res est admodum visibilis) quòd bona esset, atque ità Tenebras à Luce separavit, ità ut utræque super faciem Terræ simul esse non possent, sed suas haberent vicissitudines, alterique altera alternatim succederet.

5. Reditum verò Lucis Diem appellavit, Tenebrarum autem reditum appellavit Noctem. Ac Vespera & Mane primum diem naturalem confecere.

6. Jam verò postquam Deus Basin hanc sive pavementum magni hujus Mundani Ædificii, Terram utique secisset, superiores Fabricæ partes aggreditur. Jubet igitur

tur fieri cavum *Expansum*, firmum ac transparens, quod robore suo obniteretur Aquis supernis, easque inhiherent nè nimiam copiam labantur in Terram.

7. Atque ita factum est dissepium inter Aquas superiores & inferiores; adeo ut cavi hujus *Firmamenti* beneficio, homo tutus degere possit ab istiusmodi noxiarum Inundationum violentia, ut quando quis in probe fixo Tentorio à nimbis defenditur procellosis. Etenim harum Aquarum periculum ipsi etiam oculo apparet, quippe quum *Mare* illud *caeruleum* quod *Firmamento* pellucido superfusum incumbit per illius corpus facile cernitur. Suntque frequentes ac copiosi pluviarum imbres qui descendunt desuper, cum interim nulla Aqua deprehenditur ascendere sursum. Unde planè liquet, si externum sensum appellamus, omnem ex *superno* illo *Mari* delabi.

8. Nunc igitur pellucidum hoc *Conopeum* firmiterve extensum *Tentorium*, quam proprie dicere non possum, Deum *vidisse* quod bonum esset (quippe suam quidem naturam *invisibile*) usus tamen illius ostendit ipsum valde bonum esse ac necessarium. Vocavitque Deus totam cavi hujus Firmamenti capacitatem *Cælum*. Et Vespera ac Mane secundum Diem naturalem confecere.

9. Et nunc quidem postquam tam tutum factum esset contra superiorum Aquarum Inundationum Munimentum, nè in terram laberentur, die proximo Deus ad inferiores aquas ordinandas, quæ universam Terræ faciem adhuc contegebant, animum appulit. Illius igitur jussu Aquæ in unum locum confluxerunt, & apparuit *Arida*.

10. Deusque *Aridam* appellavit *Terram*, Aquarumque confluxum appellavit *Mare*. Atque jam quidem proprie dicere possum Deum *vidisse* quod bonum esset: Nam Mare atque Terra res sunt satis aspectabiles, & idonea *visus* nostri Objecta.

11. Et continuo, antequam Solem fecisset aut Lunam aut Stellas, jussit Deus germinare Terram germen, gramina, herbas atque flores, plenam perfectamque pulchritudine, fructiferamque Arbores fructum amoenissimum suavissimumque producentes quamvis adhuc nulla fuisset Veris, Æstatis aut Autumni vicissitudo, nec ulla Solis appropinquatio, qua fructus illarum arborum coquerentur & maturescerent. Unde facile deprehendere potestis stultitiam Gentium Idololatricarum quæ Causas secundas tantopere depereunt & admirantur, ut primam planè tradant oblivioni, illud ascribentes *Soli* atque *Lunæ* quod immediato *Dei* jussu primitus est factum.

12. Illius enim jussu factum est, antequam aut *Sol* aut *Luna* in *Firmamento* esset, ut *Terra* gramen produceret & herbas facientes semen juxta speciem suam, & Arbores fructiferas quibus inerat semen suum juxta speciem suam, ita ut diversa Plantarum genera hoc pacto conservari possent super Terram. Viditque Deus quod bonum esset.

13. Et Vespera ac Mane tertium Diem naturalem confecere.

14. Præterierunt tres Dies sine Sole perinde atque tres Noctes sine ulla Luna aut Stellis, quemadmodum & vos ipsi fortean observare potuissetis aliquot Noctes sine Luna & Stellis, perinde atque Dies sine Sole alteras alteris successisse: Et sic futurum fuisset in perpetuum, si Deus non dixisset, Fiant *Luminaria* in firmamento Cæli, ad discriminationem Diei & Noctis, & ut sint Ornatus utriusque. Sint etiam in signa mutationum Cæli, in Tempestates Anni, & in Periodos Dierum, Mensium & Annorum.

15. Porro sint ut Lumina intra cavam Firmamenti Cæli fornicem suspensa, ut luceant hominibus in Terræ pavimento ambulanti: Et factum est ita.

16. Fecitque Deus duo magna *Luminaria*. Majus quidem, illustrissimum augustissimumque Objectum quod aspicere possumus interdiu, ut sit quasi *Princeps* ac *Monarcha* Diei. Minus verò, splendidissimum & nitidissimum spectaculum in quod oculos conjicere possumus noctu, ut *Noctis* sit *Regina* ac *Moderatrix*. Et verò, quam propter parvitutinem haud tanti sunt momenti, *Stellas* etiam fecit.

17. Collocavitque omnes in *Firmamento* Cæli ut luceant super Terram,

18. Et ut splendoris sui externi præcellentiam ostendant præ reliquis omnibus quæ aut noctu aut interdiu apparent, peculiareque sint ornatus ad insigne *discrimen* faciendum inter Lucem & Tenebras, ut superadditus *Sol* diem adornet, lucemque ejus acuat, & ut *Luna* & *Stelle* adornent Noctem, ejusque torporem & caliginem minuant. Viditque Deus quod bonum esset.

19. Et Vespera ac Mane quartum Diem naturalem confecere.

20. Postea, Aquas Deus jussit *Pisces* *Volucresque* producere, quorum magnam producere copiam. Volucresque volarunt super Terram in aperto Cæli Firmamento.

21. Creavitque Deus magnos etiam *Cetos* perinde atque reliquos *Pisces*, qui se movent in Aquis. Viditque Deus quod bonum esset.

22. Et



22. Et benedixit eis Deus, dicens, Crescite & multiplicamini, & replete aquas in Mari. Volucresque se multiplicent super Terram.
23. Et Vespera ac Mane quintum Diem naturalem consecere.
24. Tunc Deus Terram jussit omnia *Reptilia* & *Quadrupedia* producere, quemadmodum Aquas jusserat Pisces producere atque Volucres. Et factum est ita.
25. Et postquam Deus *Bestias Terræ* juxta species suas fecisset, & *Jumenta* ac *Reptilia* juxta suas species, vidit quod bonum esset.
26. Tandem verò eximium istud aggrediens Artificii sui specimen, *Hominem*, animavit seipsum dicens, Age verò, Nunc *hominem* faciamus. Faciamque, inquit, secundum eandem Imaginem formamque quam ipse gero, & dominium habebit in pisces Maris, & in volucres Aëris, & in Jumenta, & in universam Terram, & in omne Reptile quod repit super Terram.
27. Atque sic Deus *Hominem* creavit in sua specie ac figura, staturâ erectâ, cum cruribus, manibus, brachiis, cum facie atque ore ad loquendum jubendumque, quemadmodum sit in Deo ipso. Ad imaginem, inquam, Dei sic creavit eum. Cæterum nè me aliter accipiat atque ego dixi, quanquam Deum tanquam masculinum magisque perfectum consideratis, me tamen sic intelligi nolo ac si Deus humanum genus tam accuratè ad suam imaginem formaverit ut *Mares* solummodo fecerit: Hoc enim vobis affirmo, eum *feminas* perinde atque *Mares* fecisse, quemadmodum posthac magis particulatim audietis.
28. Cumque *Marem* ac *Feminam* sic fecisset, discrimen sexuum quod eis indiderat jussit experiri. Et benedicens eis Deus dixit, Crescite & multiplicamini, & replete terram progenie vestrâ, & estote illius Domini, imperiumque habete in pisces Maris & in volucres Aëris perinde atque in *Bestias* & *Jumenta*, & in omne Reptile quod movetur super Terram.
29. Dixitque Deus, Ecce, do vobis omnem Herbam frugiferam quæ est super faciem Terræ, cujusmodi est Fragum. Diversa frumenti genera, ut Secale, Triticum, Oryza, suavissimique arborum fructus, hæc omnia vobis in escam do.
30. Quantum verò ad *Bestias Terræ*, Volucresque Aëris, omnique Animans quod repit super Terram, viliora Herbarum genera gramenque obvium eis assignavi. Atque hinc factum est ut homines selectissimorum fructuum Terræ Domini evaserint ac possessores, Agrique pecora vilioribus herbis contenta sint & communi gramine.
31. Viditque Deus omnia opera quæ fecerat, & ecce erant valde bona. Et Vespera ac Mane sextum Diem Naturalem consecere.

## CAP. II.

3. Sabbatorum Judaicorum Origo, à quiete quam post sex dierum operam sibi indulxit Deus. 5. Herbe atque Planta ante ullam Pluviam, rem Hortensem, aut Agriculturam, ratioque cur ita factum sit. 7. Adamus ex pulvere Terræ formatus, Animæque ejus in naves inspirata. 8. Plantatio Paradisi. 9. Arbor illuc mirifica, quæ juven-tam conservatura esset, Hominemque in terra immortalem redditura: cum altera Arbore mirifica, Arbore scilicet Scientiæ Boni & Mali. 11. Fluvii Paradisi, Phasis, Gihon, Tigris, Euphrates. 18. Magna Matrimonii commendatio. 19. Adamus omnibus Animantium generibus nomina indit præterquam piscibus. 21. Mulier ex costa Adam formata, postquam in profundum soporem incidisset, Mente interim ejus in Ecstasi raptâ. 24. Prima Matrimonii Institutio.

1. Atque sic Cælum & Terra perfecta sunt, omnesque Creaturæ quibus exornata sunt ac repleta.
2. Cumque Deus intra sex Dies universum opus suum consummasset, die septimo quietem sibi indulxit.
3. Atque sic diem septimum Feriam fecit, Festumque *Quietis* constituit, quia ipse tunc primum quievit ab operibus suis. Unde Sabbatorum vestrorum rationem atque originem planè intelligitis.
4. Hæ sunt Generationes Cælorum atque Terræ, quas tam compendiosè vobis recensui, quemadmodum creatæ sunt in diebus, quando Dominus Cælum fecit atque Terram variisque illorum ornatus.

5. Veruntamen supersunt nonnulla quæ paulo plenius attingere velim vósque de eis erudire in laudem Dei, manifestationemque potentia illius apud vos. Ut verbi gratiâ, quod Herbae plantaque Agri suâ sponte non germinârunt è Terra antequam eas fecisset Deus, sed quod Deus eas antè creavit, quàm ulla istiusmodi rerum semina essent in terra, quàmque ulla pluvia esset, Hominesve qui arte Hortulariâ Agrive culturâ uterentur quo efficerent ut crescerent : Ut firmiorem posthac habere possitis fidem in Deo, siquando ordinarius Naturæ cursus famem Annonæve difficultatem comminaturus sit propter pluviae defectum Imbriumque tempestivorum.

6. Neque enim ulli Imbres fuerant, quando Deus effecit ut Plantæ Herbaeque Agri è terra germinarent ; erat tantummodo, quod initio dixi, Torrens aquarum ingens, quæ passim supra terram scaturiebant, universamque contegebant faciem Soli. Quas tamen Deus postea virtute suâ Omnipotente intra certos limites ita coercuit ut reliqua Terra planè Arida esset.

7. Et ut adhuc plenius intelligatis, quantum Divina Potentia supra cursum Caesarum naturalium exaltetur, Deus pulverem hujus terræ aridæ sumens, in talem temperiem manibus suis redegit, ut facta sit Materia ad corpus humanum formandum idonea : Quod postquam primum formaverat, omnino instar erat inanimis statuæ ; donec accedens ad eam ex ore suo in nares ejus inspirasset spiraculum vitæ, quemadmodum observare est ad hunc usque diem, Homines spiritum ducere per nares, clausis quantumlibet labellis. Et sic *Homo* factus est in Animam viventem, appellatumque est nomen ejus *Adam*, quia è Terra factus est.

8. Sed enim fusiùs mihi suprâ narrandum erat, quomodo Dominus Deus Hortum plantaverit ad Orientem à *Judea* in Regione *Eden*, circa *Mesopotamiam*, ubi postea hominem *Adamum* posuit, quem modo suprâ dicto formaverat.

9. Descriptio verò hujus Horti hujusmodi est : Germinare fecit Dominus Deus ex terra omnem arborem quæ aspectu amœna esset & ad vescendum suavis. Inter varia verò ista arborum genera duæ erant eximiae notæ, quæ in medio Horti erant consitæ. Quarum altera fructus ferebat tam mirificæ virtutis ut juventam virisque conservaret hominemque immortalem redderet in terra, quam ob causam appellata est *Arbor Vitæ*. Altera verò erat Arbor illuc consita, cujus fructum si quis gustavisset, mirum hunc datura esset effectum, ut homo dignosceret statim discrimen inter *bonum* & *malum* : Ità enim Dominus Deus statuerat, si *Adamus* fructum illius vetitum tetigerit, quod experturus sit per hanc suam inobedientiam sensum *mali* perinde atque *boni*. Quam ob rem per modum Anticipationis appellata est *Arbor scientiæ boni atque mali*.

10. Fluvius verò egrediebatur ex *Edene* ad irrigandum Hortum, indèque divisus est in capita quatuor.

11. Nomen primi erat *Phasis* five *Phasi-Tigris*, qui totam terram circuit *Chaulatæorum*, ubi Aurum est.

12. Aurumque illius Terræ est præstantissimum : Illic etiam invenitur Bdelium & Lapis Onychinus.

13. Et nomen secundi Fluvii est *Gihon*. Is est qui totam Terram circuit *Arabæ Ethiopia*.

14. Et nomen tertii Fluvii est *Tigris*, ipse est qui pergit ad Orientalem plagam contra *Assyriam*. Et quartus Fluvius est *Euphrates*.

15. Manuqueprehendens hominem *Adamum* Dominus Deus introduxit eum in Hortum *Edenis*, mandavitque ipsi ut coleret eum & custodiret, resque omnes in eorite dispositas ordinatasque conservaret, nè infestaretur aut violaretur quoquam modo incursionibus temerariisve evagationibus incautarum Bestiarum.

16. Et commendavit *Adamo* Dominus Deus omnes arbores Horti, tanquam admodum salubres suavesque ad vescendum, jussitque ex eis comedere liberaliter.

17. *Arborem scientiæ boni atque mali* tantum excepit. A qua severiter ipsi præcepit ut abstineret, quippe de qua si unquam gustaverit, quod certo certius moriturus esset.

18. Cæterum, quod ad summas Matrimonii laudes dictum sit, quanquam Deus *Adamum* in tam amœna Paradiso collocaverat, manca tamen erat illius sceleritas & imperfecta antequam mulieris societatem nactus esset. Dixit enim Dominus Deus, Non est bonum, hominem esse solum. Idoneum igitur ipsi faciam adjutorium.

19. Nunc quidem ex terra Dominus Deus omnem Bestiam agri formaverat & omne volatile cœli, illaque adduxit ad *Adamum* ut videret quid appellaturus esset ; & quicquid *Adamus* animantia singula appellaverit, id illius erat nomen.

20. Nominaque dedit *Adamus* omni Jumento, & Volatilibus Cœli, & omni Bestiæ agri. Verum tam naturalem cum istorum ullo non potuit inire consuetudinem, eorumve



rūmve societate adeò ad plenum gaudere, sed magnum aliquod adhuc defuit ad consummandam *Adami* felicitàtem. Idoneūque ipsi Adjutorium inventum oportuit.

21. Quamobrem Dominus Deus fecit ut profundus sopor in *Adamum* caderet, & ecce, dum super humum dormiebat, hoc ipsi obtigit Insomnium, Deum scilicet in latus manum immisisse, unāque abstulisse costarum, locūque illius carne obduxisse.

22. Costāque, quam Dominus Deus abstulerat, formatam fuisse in mulierem, Deūque, postquam sic formāset, manu eamprehendisse & adduxisse ad ipsum. Et certē ut ē somno evigilaverat, insomnium statim verum esse deprehendit. Nam Deus juxta eum stetit cum muliere in manu, quam adduxerat.

23. Quamobrem *Adamus* Visione pramonitus continuò pronunciare potuit, Hoc quidem os est ex ossibus meis, & caro ex carne mea. Quā vilescunt reliqua Animantia ad hanc comparata? Congruūque nomen ipsi indidit, *Virissam* appellans, quippe quod ex Viro sumpta sit.

24. Dixitque Dominus Deus, Rectē narras, *Adame*: Et ob hanc ipsam causam derelinquet unusquisque patrem suum & matrem suam, & adhærebit uxori suæ, & illi duo una erunt caro. Tam strictus sanctūque nexus est vinculum Matrimonii.

25. Erant autem ambo nudi *Adamus* & Uxor ejus, nec eos quicquam pudebat. Unde verò nuditatis pudor in hominibus extiterit, mox vobis enarrabo.

### C A P. III.

1. *Serpens callidus in Paradiso tum Ratione tum Loquelā praditus Mulierem decipit.*  
 2. *Dialogus Mulierem inter & Serpentem.* 7. *Unde in Hominibus extiterit Nuditatis pudor.* 8. *Deus in Horto ambulat inelamātque Adamum.* 10. *Dialogus Adamum inter atque Deum.* 14. *Ratio cur Serpentes pedibus careant repāntque super humum.* 15. *Ratio Antipathia inter Homines & Serpentes;* 16. *Ut & doloru Mulierum in parturiendo, subjectionisque maritis suis;* 18. *Quemadmodum & Sterilitatis Terræ, Laborisque Hominum & fatigationis in Agricultura.* 21. *Deus Adamum & Evam amictus pellicei usum edocet.* 24. *Paradisus à Spectris infestata: Adamus à gustando de Arbore vitæ absterritus: unde ejus posteritas facta est mortalis ad hunc usque diem.*

1. **A**Tque equidem non potest quin vobis admodum obvium sit apud vos ipsos sæpenumero sollicitè inquirere, non solum unde hic Nuditatis pudor hominibus extiterit, sed & Agriculturæ labor & defatigatio; gravissimi in liberis parturiendis dolores; & denique, quod rerum omnium formidabilissimum est, Mors ipsa: Quorum omnium ut aliorum nonnullorum rationes tam perspicuas intellectuque faciles adeoque ad sensum vestrum animique sententiam vobis proponam, ut nihil magis perspicuum magisve intelligibile possit expeti. Ad quam feliciem statum *Adamus* creatus sit jam audivistis, utque à Deo in Horto deliciarum collocatus esset, ubi omnes illius sensus jucundissimis quæ fingi possunt Objectis oblectabantur; Oculi quidem amœnitate & pulchritudine Arborum atque Florum, ac delectabili diversitate specierum formarumve Animantium; Aures dulci accentu musico argutè canentium Avium; Olfactus fragranti Aromaticarum Herbarum odore; Gustus varietate suavissimorum fructuum, & Tactus mollissimis auræ spiraculis in florulentis ambulacris hujus semper-viridantis Paradisi. Quibus omnibus adde oblectamentum illud oblectamentorum, jucundissimam pulchræ suæ sponsæ conversationem, cujus Amoris decerpti fructus nec solitudinem sibi ipsi creaturi fuissent, nec dolores suæ sponsæ in liberis parturiendis. Nam omnes vitæ functiones exercendæ fuissent cum facilitate & oblectatione, nec omnino opus futurum fuisset, familiis alendis quicquam insudare, quia in hoc horto *Edenis* ver erat perpetuum, Solique fecunditas humanam anticipabat industriam. Juventūque ac roboris viriditas *Adami* ac posterorum suorum corpora nunquam fuissent deserturæ, quippe quod Senectus & Mors perpetuò repellendæ essent, præsentī illā ac præpotenti virtute *Arboris vitæ*. Et certē bene novi quod quemadmodum animitus optatis ut hic status *Adamo* suisque posteris mansisset in perpetuum, ita perquam avidè discupitis rationem audire cur eo sit privatus: Quæ breviter hæc est: Ejus utique inobedientia præcepto quod ipsi dederat Deus. Cujus circumstantias vobis enarrabo, prout sequitur.

Inter

¶ Vid. Paul.  
Fag.

Inter varia illa Animantium genera quæ erant in Paradiso, erat etiam Serpens, quem ad hunc usque diem calliditate plenum esse nôstis; ac proinde minùs mirabimini, si tunc, cum in hac perfectione constitutus erat, non solùm Rationis usum, sed & Sermonis facultatem habuit. Hic Serpens igitur erat qui omnis hujus noxæ Adamo illiusque posteritati prima fuit occasio. Ille enim callidè mulierem adorta est dixitque ei, Itane verò est, quòd Deus vobis præceperit, nè ex || ulla arbore Horti comedatis?

2. Responditque mulier Serpenti, Omnino falleris, Deus enim non interdixit nobis, nè ullis fructibus arborum Horti vescamur;

3. Sed de fructu quidem arboris in medio Horti, severiter nobis præcepit Deus, Nequaquam ex eo comedetis nec attingetis eum, nè morte moriamini.

4. Serpens verò dixit mulieri, Nugæ! Fidem meam do hoc tantùm dictum fuisse in terrorem, ut eam libertatem vobis adimat ac felicitatem cujus estis capaces; Non ità certò morituri estis.

5. Sed Deus illius arboris virtutem probè novit, quòd simul atque ex eo comedetis, oculi vestri aperientur, eritisque sicut Dii scientes bonum & malum.

6. Cùmque mulier arborem videret quòd bona esset ad vescendum oculisque grata, quòdque arbor optabilis esset ad ingenerandam scientiam, illa cepit de fructu & comedit, deditque marito secum, qui etiam comedit.

7. Et aperti sunt amborum oculi, cognoveruntque se nudos esse, eosque puduit. Et consuerunt proinde ficus folia, feceruntque sibi perizomata ad cooperiendum pudenda sua.

8. Et venit Dominus Deus in hortum ad auram vespertinam, ambulansque in Horto inclamavit Adamum. Adamus verò simul atque vocem ejus audivisset, & ipse & uxor ejus confugerunt in medium Arborum confertissimarum Horti, ad occultandum seipsos ab illius præsentia.

9. At verò iterum Dominus Deus Adamum inclamavit, dixitque ei, Adame ubi es?

10. Tunc Adamus coactus est respondere, dixitque, Vocem tuam audiui in horto & timui, eo quòd nudus essem, atque hinc factum est quòd meipsum absconderem.

11. Dixitque ei Deus, Quis adeò sapientem te effecit, ut cognosceres te nudum esse? An comedisti de fructu vetito?

12. Adamus verò excusavit seipsum dicens, Mulier quam ipse mihi in adiutorium commendasti, illa mihi dedit de fructu & comedi.

13. Et dixit Dominus Deus ad mulierem, Quid hoc rei est quod fecisti? Mulierque seipsam excusavit, dicens, Serpens me decepit & comedi.

14. Tunc Dominus Deus in omnes tres sententiam tulit, dixitque Serpenti, Quoniam hoc fecisti, maledictus es præ reliquis omnibus Animantibus ac Bestiis agri; cùmque hætenus corpus in sublime gerere valuisti, erectusque incedere, prorepes deinceps super ventrem vermiculi instar, pulveremque comedes cunctis diebus vitæ tuæ.

15. Eritque Antipathia perpetua non solùm inter mulierem atque te, sed inter illius semen & semen tuum. Nam universum genus humanum abhorrebit te, exolasque habebit omnes istas execrabiles generationes, quæ ex te nascituræ sint. Illæ quidem sedulò hominibus infidiabuntur quòd pedes ipsorum mordeant pungantve, quæ tamen vulnera propter suam in Herbis peritiam, facillè sanabunt. Ipsi verò cerebrum omnibus serpentibus elident capita conterentes, occidentque sine omni misericordia aut clementia, tuum semen meritò tractantes tanquam infensissimum hostem.

16. Lata verò in mulierem sententia erat, Parturiendi crux ac dolor, suoque marito subiectio. Quæ lex subjectionis in omnibus Orbis terrarum Nationibus observatur ad hunc usque diem.

17. In Adamum verò lata sententia, Agriculturæ labor erat in solum sterile & infœcundum.

18. Nam maledicta est terra propter ipsum, quæ causa est cur spinas, tribulosque germinet, aliàsque plantas noxias, quibus Agricolaë terram, in quam graves suos impendunt labores, neutiquam volunt occupari.

19. Atque sic in sudore vultus sui panis Adamo erat comedendus donec ad pulverem redierit ex quo sumptus est.

20. Et appellavit Adamus uxorem suam Evam, quia ipsa erat mater omnium hominum qui nascituri essent in hunc mundum, superque Terræ faciem victuri.



21. Generationes verò hominum, ferarum pellibus primitus vestitæ sunt, quarum usum Deus *Adamum* & *Evam* docuit in Paradiso.

22. Postquam verò ad hunc modum ad iter essent instructi & ad res duriores præmuniti, eiecit ambos è Paradiso, dixitque Dominus Deus de *Adamo*, propter inobedientiam subfannans eum, Ecce *Adamus* factus est quasi unus ex nobis, sciens bonum atque malum. Prospiciendum nunc est, nè manum admoveat *arbori vitæ*, atque sic seipsum reddat immortalem.

23. Quamobrem Dominus Deus emisit eum ex horto *Edenis* ad colendam Terram, ex qua desumptus est.

24. Atque sic *Adamum* exegit foras, uxorque coacta est eum sequi. Neque enim diutius morandum erat in Paradiso, quippe quòd terrificis locus infestabatur Spiritibus, Spectraque horrenda in illius introitu apparebant, Homines alati cum igneis ac flammantibus gladiis in manibus suis, quaquaversum vibratis; adeò ut *Adamus* nunquam ausus sit redire ad gustandum fructum *arboris Vitæ*: unde factum est ut genus humanum mortale permaneret ad hunc usque diem.

---

CABBALA

---

# CABBALA PHILOSOPHICA.

## C A P. I.

1. *Mundus Vitæ sive Formarum, & Potentialitas Universi visibilis à Tri-uno Deo creata, & ad Monadem sive Unitatem relata.* 6. *Universalis Materia immensa Mundi visibilis creata ex nihilo, & ad Numerum Binarium relata.* 7. *Cur non dictum sit de hac Materia quod esset bona.* 9. *Partium Terræ Planetæve ordinatio ac dispositio ad commodam Habitationem, relata ad numerum Ternarium.* 14. *Immensa Materia Ætherea sive Cælum in Soles formatum aut Planetas, tam Primarios quam Secundarios, in Terras scilicet perinde atque Lunas, relatumque ad Numerum Quaternarium.* 20. *Repletio Terræ Piscibus & Volatilibus, ad Numerum relata Quinarium.* 24. *Creatio Bestiarum ac Fumentorum, sed magis præcipue Hominis ipsius, ad Numerum relata Senarium.*



1. **D**UM partes externæ Creationis magis conspicuas, priusquam ad Genealogias successionisque humani generis descendam, vobis ante oculos exponere mecum constituo, duo ecce! notabilia Objecta intellectui nostro se repræsentant, quæ igitur primum notanda sunt, ut quæ universalem habent Influentiam in cuncta quæ sequuntur. Atque hæc quidem duo, alterum nomine *Cæli* & *Lucis* (\* idem enim per utraq; voces indigito) alterum nomine *Terræ*, symbolicè insignio. Per *Cælum* sive *Lucem* intelligendus est universus *Spirituum Intellectualium* ambitus & complexus, *Animæ* Hominum & Bestiarum, *Formæque* seminales rerum omnium. Quem *Mundum Vitæ*, si lubet, rectè potestis appellare. Per *Terram* intelligenda est *Potentialitas* sive *Capacitas existentie externæ Creationis*. Quippe quum hæc *Possibilitas* mentibus nostris exhibeatur, tanquam *Divinæ Omnipotentie* effectum, sine qua nihil foret, estque quasi *Umbra* illius postrema, obscurissimæque projectio, in qua insuper *Incompossibilitas Incommensurabilitasque* rerum involvitur.

Deus igitur *Triunus* per æternam suam *Sapientiam* symbolicum hoc *Cælum* atque *Terram* primum creavit.

2. Erátque hæc *Terræ* nihil aliud nisi solitudo & vacuitas, & profunda & inexhausta *Capacitas* evadendi quicquid Deo visum fuerit ex ea efficere, quod nullam interim in se sic fieri repugnantiam implicaret. Cúmque *Possibilitas* esset res creandi variis multifariisq; modis, nihil adhuc determinatum erat, sed vasta hæc rerum *Capacitas* instabilis erat & fluida atque ex se indeterminabilis ut *Aqua*. *Spiritus* verò *Dei*, qui Vehiculum erat *Æternæ Sapientie* & *Super-essentialis Bonitatis*, perquam celeri *Consilii* prospectu, discursuque *Rationis* verè *Divinæ*, talis quæ uno quasi ictu omnia penetrat, dispicitque quid factu opus sit maximè, postquam extensis alis quasi suspensa cunctis *Possibilitatis* hujus fluidæ capacitatibus paulisper imminuisset, illud continuo statuit quod perfectissimum foret & accuratissimum.

3. Quamobrem integra Deitas per *Verbum* internum, quod nihil aliud est nisi *Sapientia* ac *Potentia*, (quam tunc acuerat *actualis voluntas*) majori facilitate, quàm nos *Notionem* ullam aut *Ideam* mentibus nostris repræsentamus, totam substantiarum *Spiritualium* *Creationem* suo conspectui reverà exhibuerunt. Cujusmodi sunt *Angeli*



li in naturis suis internis. Animæ Hominum & aliarum Animantium, Formæque Seminales rerum omnium. Adeò ut illæ omnes, quotquot unquam exituræ essent, realiter tunc & actualiter existerent sine ulla dependentia à Materia corporea.

4. Deusque approbavit, sibi que complacuit in toto hoc tanquam bono. Sed enim, tametsi designata sit *fluidarum Tenebrarum obscuræve Possibilitatis* externæ Creationis stabilitio ac determinatio, mansit tamen adhuc tantum obscura *Possibilitas*. Eratque reverà notorium discrimen inter *Spiritualem Creationem actualem*, *obscuramque Possibilitatem* Mundi externi sive Materialis.

5. Adeò ut meritò quis *Diem*, alteram appellare possit, alteram verò *Noctem*. Quia *Nox* distinctas rerum figuras ac colores delet atque obliterat, *Dies* verò eisdem omnes clarè distincteque visui nostro exponit. Sic igitur Creatura *Immaterialis* omni ex parte perfecta est, *inexhaustus* existens *thesaurus Lucis* atque *Formæ*, ad exornandum consummandumque Mundum materiale, & ad suppeditandum *Matutinum* sive *Activum Principium* cuique *Passivo* in futuris Partibus Creationis corporeæ. Sed in hoc primi Diei opere, quemadmodum appellabimus, *Mane* atque *Vespera* purè sunt *Metaphysica*: Nam *Activum* & *Passivum* Principium heic non sunt duæ substantiæ, altera *Materialis*, altera *Spiritalis*; sed Principium *Passivum* est *Materia* merè *Metaphysica*, & reverà nulla *realis* aut *actualis* Entitas; &, quemadmodum jam dictum est, à *Luce* sive *Spiritali* substantia omnino est divisa, quippe ad eam minimè pertinens sed ad Mundum externum cujus umbratilis est *Possibilitas*. Caterum cuiusmodi sint, hoc *Passivum* & *Activum* Principium primi Diei opus est, cum *Monas* sive *Unitas* tam aprum Naturæ *Immaterialis* sit Symbolum.

6. Deus autem cogitavit dentò, & vigorem addens cogitationi potentiâ suâ ac voluntate, immensam *realis* corporeæque *Materiæ* creavit copiam, substantiam quam concipere oportet tanquam inter *fluidam rerum Naturalium Possibilitatem* & Regionem *Formarum Seminalium* interjacentem: Non quòd hæ res loco distinguantur, sed secundum ordinem magis Intellectualem.

7. Divinæque Cogitatio voluntate omnipotenti munita ac corroborata sortita est effectum, Immensæque hæc diffusa *Materia* facta est. Verum haud ità pronus erat Deus ad pronunciandum eam bonam esse, vel ad sibi in ea magnopere complacendum, quippe qui prævidit quas sibi noxas, errantes Animæ, nisi valdè cautè se gesserint, alciscere possent nimis profundè se in eam immergendo. Præterea, parvi æstimationa erat, donec majores perfectiones in eam essent collatæ, cum adhuc nihil aliud esset nisi interminatus rudis divisibilisque *Materiæ* Oceanus.

8. Quamobrem *Materia* hæc actuata est continuo & agitata illius virtute qui eam fecit subieciturque regimini ac moderamini *Spiritus* cuiuspiam *Universalis*, qui pars tamen esset *Mundi Vitæ*, & in subtilis *Ætheris* consistentiam formata est; ut rectè hæc *Materia* appellanda sit *Cælum*: Unioque *Passivi* & *Activi* Principii in Creatione huius *Cœli* *Materialis* *secundi* Diei opus est, & *Binarius* illius Naturam denotat.

9. Narrabo porrò vobis, quomodo Deus *Terram Materialem* realem disponat (quæ *Materia* *Æthereâ* quæ *Cælum* appellatur, semper undique cingitur) ad amœnam illam constituendam atque delectabilem Hominibus pariter atque Bestiis postquam semel facta sit. Quod verò ad ipsam formationem *Terræ* spectat, illa quidem referenda est ad *Diem* insequentem. Nam *Stellæ* ac *Planetæ* ad eum Numerum pertinent. Planetæque primarius quemadmodum respectu *Reflexionis Luminis* rectè dicitur *Planeta*, ità respectu *Habitabilitatis* illius rectè appellatur *Terra*. Has *Terras* igitur Deus ad hunc modum constituit, ut neque Aquis careant quæ eis incumbant, nec totæ aquis obruantur, quanquam circumcinguntur undique fluido *Aëre* in quo inest etiam ille *Æther* sive *Cælum*, & sub quo *Aquæ* inundaturæ fuissent totam faciem *Terræ* nisi *Providentia* eas collegisset in unum locum.

10. Atque eo pacto partim *Terram Aridam* fecisset, partim *Maria*, Fluvios atque Fontes, ad ea vitæ commoda quæ obvium est cuique intelligere.

11. Exornavit præterea Solum Gramine, Herbis & Floribus, seménque singulis sapientissimè prospexit, ut germinare possent, utilissimisque has vitæ commoditates Animantibus in terra perpetuare.

12. Sunt enim reverà hæc admodum bona ac necessaria tum Hominibus tum Bestiis.

13. Quapropter Deus *Materiam* *Terræ* ità præparavit, ut *vitalis* esset *Congruitas* partium ejus, cum variis generibus *Seminalium Formarum* Arborum, Herbarum, Florumque selectissimorum: Atque sic corpus *Terræ* varia Principia *Vitæ* *Plantalis*, è *Mundo Vitæ*, qui ubique præstò erat, sibi hausit: Et *Passivum* atque *Activum* Principium sic conjuncta *Tertii* Diei opus confecere. Et *Ternarius* illius Naturam denotat.

14. *Ternario* assignatus est Telluris ornatus cum Arboribus, Floribus & Herbis, post distinctionem Aridæ atque Maris factam, quemadmodum *Quinario* assignata est Terræ Repletio cum Piscibus & Volatilibus, *Senario*, cum Homine & Bestia. Dies verò hic *quartus* corporis totius Universi ornatum complectitur. Vastam scilicet illam & immensam Materiam Ætheream (quæ *Cælum fluidum* appellatur) cum infinito numero varii generis Luminarium, Solum & Planetarum, quæ Divina Sapientia ac Potentia per unionem aptorum Activorumque Principiorum è *Mundo Vita* haustorum ex materia hac Ætherea effecere. Quorum Utilitas in Natura conspicua est, quòd omnia facta sunt in Signa Prognostica, in Tempestates, Dies & Annos (Quod Planetas innuit passim per Universum Cælum suis Solibus assignari.)

15. Quemadmodum etiam ad Lucem ministrandam Mundi Incolis, ut Planeta lumen à suis luminis fontibus recipiant, ipsumque invicem alii in alios refundant.

16. Sunt autem duo genera horum Luminarium quæ omnes Mundi Incolæ magna ubique debeat agnoscere, externum suum visum consulentes à propriis suis stationibus. Dominium verò majoris horum generum Luminarium, conspicuum est interdiu, Dominium minoris noctu: prius vulgo *Solem* appellamus, posterius *Lunam*. Quæ *Luna* revera Planeta est & opaca, sed quæ lumen admodum copiosè reflectit in visum Spectatoris. Et tamen non est nisi secundarium, viliusve genus Planetæ. Cæterum fecit etiam *Primarios* magisque eminentes Planetas, & talis quidem est hæc Terra in qua vitam degimus.

17. Collocavitque Deus omnia hæc Luminarium genera in tenui liquidoque Cælo, ut radios suos alia aliis reflectant, Lucemque Mundi Incolis affundant suas quibusque terras habitantibus:

18. Et ut pulchritudo splendörque ipsorum conspicuus esse posset eorum spectatori-  
bus, siue interdiu siue noctu: Quod præcipuè intelligendum est de Solibus, qui ad longinquam distantiam Stellarum etiam vicem suppleant, sed quorum præcipuum officium est Diei & Noctis in propriis suis Terris Planetisve vicissitudines reddere. Cumque universus tenebrosus Æther perpulchrâ ac illustri horum variorum generum Luminarium supellectile exornatus esset, Deus approbavit tanquam bonum.

19. Et unio *Passivi & Activi* Principii *quarti* Diei opus erat. Numerusque illius naturam denotat.

20. Et nunc quidem postquam audivistis de viridante Terra Marique littoribus clauso, & de Luminaribus quæ per Ærem Aquamque luceant ad gratificandum oculis omnium Animantium quòd aliæ alias videant, valeantque sibi escam quærere; tempestivè mentionem expectare potestis variorum Animalium suis quorumque Elementis propriorum. Quamobrem Deus per Verbum suum internum ac Potentiam in Aquis & prope Aquas Materiam per varias *Vitales Congruitates* præparavit, adè ut multas Animas easque varias è *Mundo Vita* attraheret, quæ partes Materiæ actuan-  
tes magnam produxere Piscium copiam qui innatarent Aquis, & Volatilium quæ circa Terram in aperto Cælo volitarent.

21. Et ad hunc quidem modum magnos etiam creavit Cetos perinde atque minorum genera Piscium. Omniaque approbavit tanquam bona.

22. Et benedictio *interni sui Verbi* siue *Sapientia* eis inerat ad suam Multiplicationem; Nam secundum præparationem Materiæ *Vis Plastica* Animarum quæ descendunt è *Mundo Vita* cum Materia semel ritè unitarum, fideliter & efficaciter sapientissimas istas Maris ac Fœminæ formationes fabricavit, adè ut hoc pacto Pisces aquas in Mari replerent, & Volucres multiplicarentur in terra.

23. Et Unio *Passivi & Activi* Principii *quinti* Diei opus erat, *Quinariusque* Naturam illius denotat.

24. Perstititque porrò Deus in Creatione Animantium & desponsando novas è *Mundo Vita* Animas, easque cum magis Mediterraneis Materiæ partibus conjungendo Serpentes creavit terrestres, Jumenta, & Bestias agri.

25. Et postquam sic fecerat, approbavit ea tanquam bona.

26. Tunc Deus in propriam suam naturam visus reflectens, seque ipsum contem-  
plans, *Super-essentialem* consulendo *Bonitatem*, *Æternum Intellectum*, & inextingui-  
bilem *Amoris-Flammam* Omnipotentis sui *Spiritus*, longè sublimius Animantis genus creandum statuit, quàm hætenus in Orbem introductum esset: Fecit igitur *Homi-  
nem* ad Imaginem suam, secundum propriam Similitudinem. Nam postquam Ma-  
teriam tam nobili Hospiti quàm sit Anima humana, ritè præparasset, *Mundus Vita*  
illud coactus est dimittere, quod debitè præparata Materia tam justè sibi vendicabat.  
*Homòque* comparuit in Scena Terræ Dominus omnium Animantium. Etenim ju-  
stum erat, ut is qui Imaginem Dei invisibilis gerebat, supremus fieret Mundi visibi-  
lis,



lis, Monarcha. Et quid esse potest Deo magis simile quam Anima humana, quæ tam libera est, tam Rationalis tamque Intellectualis? Neque minus illi similis est homo, ex eo quod Terrestri corpori sit unitus, cum Anima ejus sive Spiritus compendiosam omnigenæ Materiæ corporeæ collectionem possideat atque permeet, eandemque regat, intellectu ejus interim ad cogitandum de rebus aliis liberè sibi permissio; quemadmodum Deus Mundum universum vivificat atque actuat, quanquam ad plenum interim sibi vacat seipsum contemplari. Quamobrem Deus Homini dominium dedit in Volucres Aëris, in Pisces Maris, & Bestias Terræ. Etenim Rationi omnino consentaneum est, ut deterius inserviat præstantiori.

27. Sic Deus creavit Hominem ad suam Imaginem, ex Intellectuali Anima Terrenoque corpore ab eadem actuato consistentem. Quocirca Humanum genus factum est Mas & Fœmina, perinde atque reliqua Animalia terrestria.

28. Et benedictio Divinæ Sapientiæ in propagationem suæ Speciei manifestata est in formatione earum partium quæ in hunc ulum factæ sunt. Et ut accreverunt in multitudines, dominabantur in Terræ, & vi ac calliditate suâ Bestias agri suo imperio subiciebant, pascebantque seipsos piscibus & volucris, & quicquid præterea gratum ipsis esset voluptatēque conciliaturum. Omnia enim in manus eorum tradita sunt, ipso jure Creationis.

29. Et ut nihil oblectationi ipsorum deesset, ecce Divina providentia omne genus sapidarum jucundarūque Herbarum eis in Acetaria paravit, & ex maximè delicato frugiferarum Arborum fructu epulas eis instruxit.

30. Quantum verò ad crassiora gramina, viliusque Herbarum genus, ea ignobiliori Animantium generi sunt destinata. Quamobrem Homini liberum est quæ sua sunt exquirere eisdemque perinde uti.

31. Et Deus postquam res singulas, quas fecerat, considerasset, eas approbavit tanquam admodum bonas. Unioque *Passivi* & *Activi* Principii *sexti* Diei opus erat. Et *Senarium* naturam illius denotat.

## C A P. II.

2. *Plena & absolutissima Dei quies & cessatio à creando quicquam de novo, Numero Senario adumbrata.* 4. *Soles & Planeta non Ornatus solum sed Effectus Æthereæ Materiæ sive Cœli.* 6. *Modus quo Homo aliæque Animalia à Terra exorirentur, virtute Dei in Natura.* 8. *Quomodo se habuerit Adamus antequam descendisset in carnem Animæque terrestris factus esset.* 10. *Quatuor Virtutes Cardinales in Adamo fuisse, etiam dum in Æthereæ sive Paradisiacæ conditione constitutus esset.* 17. *Interdictum Adamo in Paradiso ne propriam suam voluntatem gustaret saperetve sub pœna descendendi in Regionem Mortis.* 18. *Masculinæ & Fœmininæ facultates in Adamo.* 20. *Fœmininarum facultatum magna voluptas ac solatium.* 21. *Facultatibus Masculinis consopitis Fœmininas comparuisse suāsque partes egisse. Gratum scilicet sensum Vitæ Vehiculi.* 25. *Gratum hunc sensum gaudiumque Vitæ Vehiculi, immunem esse in se, & culpâ & pudore.*

1. **A** Tque sic Cœli atque Terra perfecti sunt omnesque ornatus eorum, Cujusmodi sunt Arbores, Flores & Herbæ; Soles, Lunæ & Stellæ; Pisces, Volucres, & Bestiæ agri; Princēpsque omnium Homo.

2. Quamobrem, postquam Deus opus suum consummasset in *Senario*, Creationem Universam sex rerum ordinibus comprehendente, cessavit ab unquam creando quicquam deinceps, sive in *externo* hoc *Mundo Materiali*, sive in *Mundo Vitæ*. Sed potentiâ creatrice in ipsum se subtrahente, suâ *requie* fruebatur *aternâ*, quæ immutabilis illius est & indefatigabilis natura, quæ universum rerum existentium ambitum & complexum uno quasi intuitu facillimè inspicit, *Essentiāque*, *Vitā* & *Activitatem* ipsis conservat, meliorāque deteriora corrigunt, omniāque gubernantur ab *Æterno* illius Verbo atque Spiritu; sed nulla nova substantia ex eo tempore cum sex dierum opera consummata essent, adhuc creata est, nec creabitur in perpetuum.

3. Diem enim hunc *septimum æternam Feriam Festūve Quietis* sibi constituit Deus, in quo sibi complaciturus est tantum in contemplando exquisitum ordinem atque motum rectāque rerum Naturam; *Sapientiā* illius, *Justitiā* & *Misericordiā* juxta constitutam Mundi fabricam, in omnes partes Creationis inevitabiliter sese insinuantibus,

tibus, quippe qui ubique tum *Bonitatis* tum *Irae* suae *Ministros* habet paratos: Adeo ut ipsi nihil amplius opus sit \* quam ut spectatorem agat, effectusque illius *Nemesis* quae in naturam rerum ipsarum ab eo factarum intexta sit intueatur. Hoc igitur *Sabbatum* est sive *Festum Quietis* quod Deus ipse celebrare dicitur in *die septimo*. Et Numerus certè illius Naturam declarat.

4. Et nunc quidem ut paulò plenius planiusque mentem meam vobis exponam, aperte vobis affirmo, Quod res illae, quas *Ornatus* antea Coeli Terraeque appellavi, non sic solum sunt, sed & *Generationes* eorundem; *Plantae* inquam & *Animalia* Generationes erant, Effectus, Productusque *Terra*, *Formis seminalibus Animaliumque animabus* se in preparatam ejus Materiam insinuantibus. Et verò *Soles*, *Planetae* atque *Terra* \* *Generationes* erant Productusque Caelorum. Vigore ac Motu, immenso Universi corpori à *Mundo Vita* communicatis; adeo ut quae suprà *Ornatus* simpliciter dixi, reverà sint Productus ac *Generationes Caelorum* atque *Terra* simul atque creati sint, quanquam \* quo tempore eos creaverit Deus, nolo definire. Potuit enim aut semel per absolutam suam Omnipotentiam illud efficere, aut postquam omnes substantias Materiales perinde atque Imateriales creasset, eas alias in alias sic agere permittere, & in talibus temporum periodis, quales ipsa natura rerum producendarum requiret.

5. Ceterum in pios usus factum est, quod Creationem in ordinem *sex Dierum* conjecerim; & ut firmius in cordibus populi radiceretur magna hæc atque utilis veritas, Omnipotentiam nempe *Divinam* talem esse quæ & suprà & contra naturales causas agere possit, quod mentionem fecerim Herbarum & Plantarum Agri, antequam aut Pluviam aut Hominem, qui rem Hortulariam Agriculturamque exerceret, commemorassem: Etenim secundum priorem meam Narrationem, nulla talis fuerat Pluvia, qualis nunc dierum labores Agricole solet irrigare.

6. Sed tamen humidus quidem Vapor è Terra ascendebat, qui maturatus concoctusque à *Spiritu Mundi*, qui admodum actuosus est in Caelis sive Aëre, pretiosus factus est *Liquor Balsamicus* aptumque *Vitæ Vehiculum*, \* qui Pluviarum quodammodo instar descendens in faciem Terræ Solum humectavit, adeo ut calor Solis superficiem illius leniter verberans variis modis Materiam pro vario genere non solum *Seminalium* *Formarum*, sed & *Animarum Animantium* prepararet.

7. \* Ipseque *Homo* è Terra ad hunc modum ortus est, pulvere illius ritè preparato & attemperato per has unctuosas Pluvias Balsamicasque stillationes Caelorum. Ità enim Deus infinità suà sapientià constituerat ut Materia sic vel sic preparata per *Vitam Congruentiam*, *Formas è Mundo Vita* (qui ubique præstò est pressèque admodum humido unctuosoque Aëri inequitat) pro preparationis modo sibi attraheret. Quamobrem ad hunc modum Aëreus *Æthereusque Adamus* in corpus terrenum deventus est, maximè conspicuam suam sedem habens in Capite sive Cerebro: Atque sic *Adamus*, *terrestris* tandem *Animalis*, factus est *Anima*.

8. Ceterum quomodo se habeat *Adamus* ante descensum suum in inferiorem hanc *Vitæ* conditionem, per sequentem Narrationem *Ænigmaticam* vobis explicabo: Quæ hujusmodi est. Quod Dominus Deus Hortum plantaverat ad Orientem in Eden, \* ubi & Hominem posuerat, quem postea in *Animal* terrestre formavit. *Adamus* enim primitus totus *Æthereus* erat & in *Paradiso* collocatus, hoc est, in læta ac felici conditione *Spiritus*. Erat enim sub vivificis radiis *Divini Intellectus* constitutus, & Sol *Justitiæ* pulchrè eum irradiabat.

9. Eratque *Anima* ejus tanquam *Terra* à Deo benedicta, quæ arborem quamque amœnam producit, plantamque quamque bonam à Patre cœlesti constitam. Nam sanctus *Spiritus Vitæ* Solum fecundaverat, ut, omne genus ederet jucundorum utiliumque fructuum. *Arborque Vita* in medio *Animæ humanæ* horto erat. *Essentialis* utique *voluntas Dei*, quæ vera est *Radix Regenerationis*. Sed ad tam sublimem statum *Adamus* adhuc non pervenerat. Fructusque hujus *Arboris* in hac *Animæ* conditione *Ætherea Immortalitas* futura fuisset sive *Vita æterna*. Erat autem illic etiam *Arbor scientiæ boni & mali*, sua propria scilicet *Voluntas*.

10. Erat autem Fluvius admodum amœnus qui Hortum hunc irrigavit, in quatuor rivos distinctus, \* qui sunt quatuor *virtutes Cardinales*, quæ gradibus diversis in *Anima* reperiuntur pro diversis gradibus puritatis sui *Vehiculi*.

11. Nomenque primi est *Pison*, quæ *Prudentia* est, & experientià in rebus decorè honestèque agundis. *Humana* enim *Anima* nusquam oriatur, neque in hoc Mundo neque in alio statu quocunque, sed aliquam habet provinciam quam administret, illiusque res promovere debet cujus est. Quam enim major esse potest bonæ *Animæ* gratificatio, quam Dispensatricem esse alicujus portionis universalis illius Boni quod Deus



Deus in mundum emittit? Nec ulla potest externa personarum esse Conversatio aut Societas siue sint *Terrestres*, siue *Aerea* aut *Aetherea*, quin continuo *Prudentia* usus implicetur: Quapropter *Prudentia* inseparabilis est Animæ Perfectio: Adeò ut *Pison* meritò censendus sit unus è fluviis etiam *Celestis* illius *Paradisi*. Atque hæc illa Sapientia est quam Deus ipse Animæ præmonstrat, communicando illi Divinam Lucem: dicitur enim circuire terram *Havilah*.

12. Ubi etiam inanes & inutiles speculationes nihili æstimantur, quemadmodum planè significatur per purum ac probatum *Aurum*, *Bdellium*, & Lapidem *Onychinum*, illius Insulæ merces.

13. \* Nomen verò secundi Fluvii est *Gihon*, qui est *Justitia*, quemadmodum innuitur ex Fama *Aethiopum*, quorum terram dicitur circuire, uti etiam ex Notatione nominis ejus.

14. Nomenque tertii Fluvii est \* *Hiddekel*, quæ *Fortitudo* est, quæ rapidi *Torrentis* instar omnia occurrentia obruit, \* fortiterque resistit universis *Tenebrarum* copiis, violentè currens contra *Assyriam*, quæ ad plagam Occidentalem ab hoc Fluvio sita est. Fluviusque quartus est *Perath*, qui est *Temperantia*, nutrix alitrixque omnium plantarum *Paradisi*. Cùm è contrà *Intemperantia*, siue nimium *Mentis* studium & indulgentia voluptatibus *Vehiculi*, *Vitæve Materie*, in quocunque statu id fiat, sacra illa *Vegetabilia* immoderato humore obruit & suffocat. Quemadmodum Terra, sicut suprà memoratum est, non omnino erat fertilis, donec aquæ ablegatæ essent in unum locum, *Arida*que appareret. Antea verò submersa erat, omnisque vita vegetabilis in ea extincta.

15. In hac *Paradiso* sic descripta collocaverat Dominus Deus Hominem, ut eam coleret, & in eadem bona conditione qua invenerat, conservaret.

16. Divinumque Verbum siue Lux in Homine ei præcepit, dicens, Ex omni arbore *Paradisi* liberum est tibi comedere. Omnia enim hîc salubria sunt perinde atque jucunda, si satis cautè & custoditè te adhibueris, præceptoque obediveris meo.

17. Verùm ex dulcoroso venenosoque fructu *arboris scientiæ boni & mali*, nullo pacto tibi comedendum est. Nam quo tempore ex eo comederis, Anima tua eum languorem contrahet, ac debilitatem & instabilitatem, ut tandem ad Terram delapsurus sis, in humanam carnem sepeliendus, *Incolæque Regionis Mortis* evasurus.

18. Hactenus alias ullas facultates in *Adamo* *Aethereo* præter eas quæ ad *Virtutem* sanctumque Intellectum sursum evexerint, non magnopere quidem notavi. Et certè hic maximè perfectus masculusque *Adamus* est, qui in pura subtilique *Cognitione* Intellectuali consistit. Nunc verò vos de altera Animæ humanæ facultate monendos censeo. Quæ quidem quanquam inferior videtur, longè tamen abest ut sit contemnenda, \* quippe quæ & ipsi bona est, & *Mundo* præsertim *Terrestri* perquam utilis. Hæc enim cum capacem reddit evadendi Caput omnium Animantium *Terrestrium*, quemadmodum & eadem illa facultas Mater est reverà universi Generis *Humani*.

19. Hæ sublimes magisque Intellectualis Perfectiones, *Adamum*, fateor, admodum sapientem reddiderunt, & ad res rectè intelligendas promptissimum. Naturas enim probè novit tum *Bestiarum* Agri tum *Volucrum* *Cœli*: Non visibiles solum ac terrestres Creaturas intelligo, sed etiam necdum lapsos *Angelos* perinde atque lapsos, siue bonos malosque *Genios*; rectèque de eis judicare valuit, de *Principiis* ex quibus consisterent, & de proprietatibus quas haberent.

20. Nec erravit illius Ratio & Intellectus, sed rectè pronunciavit de omnibus. Verùm utcumque, haud tantam voluptatem ex externa Dei Creatione illisque variis operibus percipere potuit, nisi aliquod vitæ principium haberet, quod cum eadem Materia ex qua illa consisterent, congruenter conjungi posset, eandemque exultanter actuare: Quapropter Deus humanam Animam \* facultate imbuit, cum vitali gaudio & complacentia uniendi cum Materia, perinde atque anhelandi ad unionem cum Deo ipso. Cujus Divina Essentia miscellarum nostrarum Substantiarum modulum nimium quantum excedit. Vita tamen Divina aliquo modo & Animæ & corpori communicabilis est, siue *Aethereum* sit siue crassioris consistentiæ. Istaque mirificæ ac gratæ voluptates quas percipimus, nihil aliud sunt quàm congruentes *Vehiculi* Animæ motus, unde ipsa Divina gaudia quâdam quasi reflexione corroborantur & acuuntur. Tanti momenti est Vitale illud Principium quod Animam conjungit cum Materia Universi.

21. Quamobrem Deus ad gratificandum *Adamo*, haud indefatigabilem eum creavit in rebus Intellectualibus affectandis, sed lassitudo contemplandi & anhelandi ad *Immaterialitatem* (cùm res istas recipere non posset prout sunt, sed pro tenui suo captu, qui admodum exiguus est collatus ad Objectum circa quod versatur) languorem ipsi

|| Vide Philo-  
soph. Leg. Al-  
gor. lib. 3.

ipsi superinduxit & somnolentiam quoad istiusmodi exercitia, donec paulatim in magis || profundum prolapsus sit soporem. Quo tempore, id quod Divina Providentia olim ordinaverat, inferius Principium Vivificativum Animæ ejus ita invaluit, tantoque cum vigore & tam exultantia sympathia atque gaudio Vehiculum ejus actuat, ut propter Integritatem suam, quam adhuc retinebat, hoc magis gratum ei esset, majorémque ipsi conciliaret voluptatem, quam quicquam eorum quæ unquam hactenus expertus sit.

22. Cum Divina, inquam, Providentia tam vividè fervidèque \* novum hunc vehiculi sui sensum in eo excitasset,

23. Continuo agnovit omnem sensum & notitiam quem ullius rei hactenus habuerit magis aridum fuisse & evanidum minúsque illi congruentem ac gratum visum esse, magisque à sua natura alienum; hunc verò tam congenerem animæ suæ esse ac consentaneum, ut tanquam necessariam sui ipsius partem consideraret, subque ipsius nomine appellaret.

24. Itaque apud seipsum cogitavit, Ob hanc causam missa faciet quivis \* nimis laboriosa sua ad uniendum cum *Æterno Intellectu & Universali Anima Mundi Spirituali* sive Divini, aspiramina, quorum præcellentiarum Immenfitas longè altior est & subvectior, quam ut nos ipsorum amplexibus diu immoremur, adhærebítque lætæ gratæque *vita sui Vehiculi*, vivúmque hoc *Vehiculum* cum Anima sua, Personam unam reputabit.

25. Atque sic *Adamus* cum suo *recens desponsato Gaudio* \* nudus stetit coram Deo, nec quicquam tamen eum puduit, propter suam utique Innocentiam & Simplicitatem. Neque enim adhuc quicquam peccaverat *Adami* aut Ratio aut Affectus.

### C A P. III.

1. *Satanas Adamum tentat, occasionem nactus à novo vigore vitæ Vehiculi sui.* 2. *Dialogus inter Adamum & Satanam.* 6. *Masculinæ facultates in Adamo persuasæ à Fœmininis, ad peccandum consentiunt adversum Deum.* 7. *Adamus enormem illam excusat quam sibi indulserat libertatem, postquam observasset Potentiam Plasticam aliquantum in se expergefactam.* 8. *Disputatio Adamum inter & Divinam Lucem; eum ad propria sua Conscientia Tribunal sistentem.* 14. *Satanas in inferiores Aeris Regiones dejectus.* 15. *De Incarnatione Anima Messiaë Vaticinium, deque illius Triumpho in Caput supremasque Potestates Angelorum Apostatarum.* 16. *Decretum Divinum de amariandis interturbandisque omnibus terrestribus Vitæ gaudiis ac voluptatibus.* 20. *Lapsum suum Adamus rursus excusat, ob suæ præsentia ac regiminis utilitatem super Terram.* 21. *Adamus plene in carnem incorporatur, comparétque in vera forma Terrestris Animalis.* 24. *Immortalitatem terreno Adamo nequaquam competere, nec posse illius Animam eò pertingere, donec redierit in Æthereum suum Vehiculum.*

1. **J**AM verò cum *vita Vehiculi* ad tam altum gradum in *Adamo* propter exercitii relaxationem in suis magis subtilibus & immaterialibus facultatibus invaluisset, idoneus statim evasit ad ludum quemlibet cum omni alacritate & promptitudine ordiendum, qui ipsi ante oculos esset propositus; nec defuit quicquam præter bellam aliquam opportunitatem externam, quæ ad actionem eum evocaret. Quod & quidam ex malis Geniis sive Angelis lapsis observavit, qui haud parvâ in malis machinandis peritiâ pollebat, quippe quem verisimillimum est aliquibus ex suo ordine eadem fraudes instruxisse, ipsumque fuisse Rebellionis adversus Deum Divinamque lucem, Authorem atque Ducem. Etenim erat magis perversè subtilis quam reliqui omnes mali *Genii*, Bestiæve *Agri*, quos Deus quidem Angelos fecerat, Bestialitatem verò suam ex propria Rebellionem contraxerunt. Quicquid enim Sensu & Intellectu præditum est, carétque interim *Divinâ Vitâ*, ex sententia profectò omnium bonorum Hominum ac Sapientum revera est *Bestia*. \* Antiquus igitur hic Serpens \* omnium *Bestiarum Agri* versutissimus *Adamum* callidè adortus est tali alloquio quod certissimè gratum foret parti suæ *feminina*, quæ jam vitâ ac vigore tam plena erat, ut Permissio sive Licentia quidlibet patrandi, nuncium ipsi futurum esset exoptatissimum. Quamobrem Serpens dixit *Adamo Fæminizato*, Quid tam tacitus stas ac verecundus; Quidve in causa est, quòd sis animo adeò contrictus? Itane verò est, quòd Deus ad certas leges vos restrinxerit, libertatem vestram abstulerit, omniâque vobis interdixerit, quæ ullam vobis conciliare possint voluptatem? 2. Et



2. Et *Adamus* respondit ei dicens, Nequaquam. Nihil nobis interdictum est quod *Divina Vita* in nobis tanquam bonum ac jucundum approbaverit.

3. Hoc tantum nobis interdictum est, nè ex *propria* vescamur *voluntate*, voluptatēque seorsim quæramus & sine approbatione *voluntatis Divinæ*. Nam si nostra propria voluntas in nobis dominetur, certum est nos descensuros esse in *Regionem mortuū*.

4. Serpens verò dixit *Adamo*, Quas nugas mihi narras? Timor tantum *Panicus* est, *Adame*; Non tam certum est quam opinamini, vos esse morituros.

5. Summa rei hæc est, Deus quidem Creaturis suis terrorem injicere amat, easque nè longius evagentur altiùsve evolent coercere: Is verò probè novit, si libertatem vobis nobiscum indulgeatis, liberèque vos satietis *propria* vestrà *voluntate*, quod oculi vestri mirum in modum aperientur, quòdque immensa rerum experiundarum varietas vobis occurreret, adeò ut evasuri sitis impensè docti ac sapientes & Deorum instar, \* rerum omnium cujusmodicunque scientes, sive bonarum sive malarum.

6. Jam verò pars *Adami* scēminina hæc antiqui Impostoris doctrinā ità titillata est, ut *Concupiscibile* inciperet tam effrænatum esse, ut destinaret quidlibet patrare, quod voluptatem rerumque experientiam esset promoturum, *Adamique* Voluntatem ac Rationem simul secum abripuit, propter illius incuriam & inadvertentiam. Adeò ut *Adamus* totus deditus esset ad restemerè aggrediendas, prout varii lusus ac titillationes lascivientis *vite Vehiculi* ipsi suggererint, vocem Dei non ampliùs consulens, nec diutiùs cursum dirigens ad influxum Divini Luminis.

7. Et postquam seipsum Nugarum turbā & infructuosorum inaniùmque Inventorum è multifariis particularum *Vehiculi* agitationibus ortorum, defatigasset, aperti tandem sunt oculi facultatum illius, statimque quàm nudi essent, percepere; quippe quum nec Integumentum *caelestis Naturæ*, nec adhuc *terrestreis* corporis haberent. Folia tantum ficulna confuerunt, aliquàsque excusationis umbras contexuerunt à vigore *Vite Plantali* petitas, quæ nunc tenuiori quodam modo seipsam in *Adamo* manifestare potuisset, \* eumque ad *Plasticam* suam virtutem perfectiùs exercendum prædisponere, postquam præparata Terræ Materia eum in se absorpserit.

8. Interea loci Vox Dei, sive Divina Sapientia eis ad auram Diei allocuta est, postquam vesani hujus imperiis turbo atque æstus aliquantum deferbuisset. *Adamus* verò cum uxore sua adeò inordinatus evaserat & à *Vita Divina* alienatus, ut absconderent seipsos ad sensibilem illius accessum, ut Feræ in sylvas confugiunt ad aspectum Homini.

9. Lux verò Divina in conscientia *Adami* ipsum prosecuta est exprobravitque ipsi statum in quo erat constitutus.

10. Recognovitque *Adamus* apud seipsum quàm nudus esset nullam habens virtutem, nec ornamenta nec facultates de suo, cum tamen obedientiam suam dereliquisset & dependentiam à Deo. Quamobrem hinc factum est ut eum puderet, absconderetque seipsum ad accessum Divini Luminis, manifestantis seipsum ei in illius reprehensionem & opprobrium.

11. Divinæque Lux omnem hanc calamitatem & confusionem quæ ipsum ad hunc modum occupaverat, illius comestioni imputavit de fructu vetito, hoc est, dulcoris dictatis *proprie* suæ *voluntatis*.

12. *Adamus* verò rursus se excusavit apud seipsum quòd *vite Vehiculi* vigore esset & impetuositas, quam Deus ipse ei inleverat, unde peccasset; *Femina* quam ei dederat Deus.

13. Locutæque est in *Adamo* Divina Lux de *Femina*, Quantum malum hîc facessit hæc mulier! *Femina* verò in *Adamo* excusavit seipsam, quippe decepta à grandi illo Impostore Serpente. In hac animi confusione constitutus est *Adamus*, quòd *Lucem Divinam* deseruisset, permisissetque propriam suam voluntatem in eam rebellare. Etenim naturam *Vehiculi* sui ità alteravit, ut, ( cum permanere potuisset in conditione *Angelica* & *Ætherea*, parsque illius *feminina* ad perfectam *Divinæ Lucis* obedientiam redigi, gaudiisque in totum hominem accumulatis \* compleri in æternum, supra quàm dici potest aut cogitari ) nunc è contrà in *mortalem* *terrestremque statum* magis magisque subsidit, ipso quidem mutationem persentiscente, quemadmodum audietis, postquam *Æterni Dei* sententiam in Serpentem ipsumque enarravero.

14. Rebus igitur ad hunc modum peractis *Æternus Dominus Deus* de Serpente & *Adamo* sic apud seipsum decrevit: Ut antiquus hic Serpens, Apostatarum Angelorum Princeps maledictus sit præ reliquis universis, & ( cum antehac in sublimi dominatus esset in superioribus *Aëris* partibus, liberèque posset in ipsa *Ætherea* Regione inter innocentes & necdum lapsas Hominum bonorumque Angelorum Animas volitare )  
nunc

nunc ventre pulverem verrere cogeretur projectus inferiùs versùs superficiem Terræ.

15. Et ut universalis sit Inimicitia & abhorrescentia inter antiquum hunc Serpentem cum omnibus suis Rebellionis Sociis, & Genus Humanum. Et ut procedentibus seculis semper fidelis & morigera Anima *Messie* Corpus sumptura sit, & potestatem Diaboli insigniter hîc in terris conculcatura, & post mortem Princeps constitutur omnium ordinum Angelicorum quorumcunque in cœlis.

16. Et de *Adamo* Æternus Dominus Deus decrevit, ut in partes Mundi inferiores descensurus sit, Incolâque tandem Terræ evasurus, nec indulturus sibi sit voluptates corporis, sine concomitantia angoris & doloris, utque pars illius *feminina*, Passiones scilicet Rationis suæ castigationi & correctioni subjectæ forent.

17. Ut laborem subiturus sit in hoc Orbe molestum ac fastidiosum;

18. Terrâ spinas & tribulos producente, quamvis vita illi sustinenda sit ex Agricultura.

19. Quamobrem ex sudore vultûs sui comedendus est ei panis suus donec in terram redierit, ex qua *terrestre* illius corpus factum est. Hoc Divinum fuit consilium de *Adamo* & *Serpente*.

20. Nunc verò, quod vobis narraturus eram, quamvis *Adamus* plus plûsque in inferiores vitæ functiones subsideret, Mens tamen ejus nondum eousque stupida evaserat, quin satis persentisceret suam conditionem, addiditque reliquis suis omnibus Apologiis, quòd pars sua *Feminina* tametsi eum seduxerat, usus tamen aliquis esset illius erroris, quippe quum Terra hinc habitanda esset ab Intellectualibus Animalibus: Quocirca *Vitam vehiculi* sui appellavit *EVA M*, quoniam illa reverà Mater est omnium generationum hominum, qui usquam vixerint super Terram.

21. Ad extremum, cùm vis *Plastica* plenè expergefata esset, *Adami* Anima in præparatam Terræ Materiam descendit, & ad debitam temporis periodum pellibus comparuit vestitus Bestiarum, hoc est, purum putum evasit *Animal Terrestre*, mortalisque Creatura super Terram.

22. Nam Æternus Deus sic decreverat, Et sapientia illius, Misericordia & Justitia, non nisi per ludum jocumque, si fas sit ita loqui, hoc negotium inter se transegerunt. Eoque magis quòd *Adamus* in eam tantum conditionem se præcipitaverat, quæ stato tempore futurum erat, ut sorte sibi obtingeret. Etenim rationi consentaneum est ut tale aliquod caput sit Animantium Terræ, qualis est *Terrestris Adamus*. Hîc verò semper vivere, in magnum illius cederet incommodum.

23. Quamobrem Deus postquam eum ab altiori illa conditione amovisset,


24. Certò statuit illum non fore immortalem. Nec in ulla capacitate constitutus est porrigendi manum ad fructum *arboris Vitæ*, nisi ad hanc conditionem hic derur introitus, ut vestiatur utique rursus *Vehiculo igneo*, purûsque ac defacatus Spiritus Æthereus evadat. Tunc demum admitti poterit ad gustandum de fructu *Arboris Vitæ* & Immortalitatis, atque sic ad vivendum in æternum.



# CABBALA MORALIS.

## C A P. I.

1. *Homo Microcosmus sive Mundus parvus in quo duo sunt Principia, Spiritus & Caro.*
2. *Terrena & Carnalis Natura primum apparet.* 4. *Lux Conscientia, quatenus ei nondum auscultatur.* 6. *Spiritus sapida & affectuosa Discretionis inter bonum & malum.* 10. *Inordinata Carnis cupiditates repulse ac limitata.* 11. *Unde Plantæ justitiæ efflorescunt fructumque ferunt.* 16. *Fervidum sincerumque Dei ac Proximi Amorem Solem esse in humana Anima; Notionalitatem & Opiniones tenuem debilemque Lucem dispersarum Stellarum.* 18. *Qui in sincero Amore ambulant, ambulare per Diem; Qui verò Notionalitate reguntur, iter facere per Noctem.* 22. *Concupiscibile naturale, jussu Divino, parit, corrigiturque Devotione;* 24. *Paritque similiter Irascibile.* 26. *Christus Imago Dei creatur, omnium motuum Irascibilis & Concupiscibilis Moderator absolutissimus.* 29. *Vitæ Divinæ esca.* 30. *Esca Vitæ animalis.* 31. *Divina Sapientia, quicquid simpliciter Naturale est, approbat tanquam bonum;*

1.  Xponemus vobis ante oculos in hac Historia Geneseos varia bonorum perfectorumque hominum Exempla perquam illustria, cujusmodi sunt *Abel, Seth, Enoch, Abrahamus* & id genus reliqui: Quamobrem par esse putavimus; quanquam *Ænigmaticè* quidem & in Parabola, modum progressus ad hanc Divinam Perfectionem in genere adumbrare; considerando *Hominem* tanquam *Microcosmum* sive *Mundum parvum*, qui si per totum hujus *Spiritualis Creationis* progressum perseverat, processus illius figurativè intelligetur, prout sequitur. Quamobrem, Primum, inquam, factum est, per Divinam voluntatem, ut unusquisque homo, qui vitam degit super faciem Terræ, duo hæc in se habeat Principia, *Cælum & Terram, Divinitatem & Animalitatem, Spiritum & Carnem.*

2. Illud verò quod *Animale* sive *Naturale* est primum operatur, dum *Spiritualis* sive *Cælestis Vita* ad tempus in proprium suum Principium clausa iners jacet. Quo tempore & aliquanto quidem post, *Animalis* sive *Carnalis* vita in deformibus Tenebris squalidæque caligine dominatur, validis tempestuosisque Carnis passionibus contendentibus & colluctantibus super *insatiabilis Desiderii Abyssum*, quæ nullum fundum habet, quæque in hac rerum conditione mentem ad nihil nisi vacuitatem & infructuositatem defert.

3. Verum per voluntatem Divinam fit, ut postea *Dies*, quanquam modo hæc ita pleno atque vegeto, è *Cælesti* sive *Spirituali* Principio appareat.

4. Et Conscientia sic illuminata viæ ducem sese offert ad conditionem meliorem: Itaque à Deo comparata est Humana Natura, ut non possit quin pronunciet hanc Lucem esse bonam, distinguatque tenebrosos tumultuososque Carnis motus inter atque illam;

5. Affirmetque, æquè verum esse discrimen atque inter Naturalem Diem atque Noctem. Atque sic *Ignorantia* atque *Inquisitio primi Diei* progressus erat.

6. Cæterum, tametsi hoc Lucis Principium in Conscientia Hominis erectum sit, nec quicquam contra ipsum afferre possit, quin bona sit atque vera; non tamen statim

habet tam *vividum* *sapidumque* gustum in suis discriminationibus inter bonum atque malum. Malum enim adhuc affectus suos totos occupat, quanquam Imaginatio illius atque Ratio Theoreticis perceptionibus, quid Bonum sit, nonnihil afficiantur. Quamobrem per voluntatem Divinam *Caeleste Principium* (licet in seipso invisibile & indeprehenibile) succedente tempore, *Spiritus* fit *sapida* & *affectuose discretionis* inter bonum & malum; inter puras Aquas ac limpidas, quæ è sancto *Spiritu* scaturiunt, & cœnosas & tumultuosas suggestiones *Carnis*.

7. Atque sic Homo, vivo quodam modo distinguendi inter terrestrem cœlestemque vitam factus est capax.

8. Nam *Caeleste Principium* nunc ei fit *Spiritus sapida Discretionis*, atque à Deo ad hunc modum edoctus, non poterit quin pronunciet, Quod hoc Principium, quo tam acutum habet vividumque sensum boni & mali, reverà sit *Caeleste*. Atque sic *Ignorantia* atque *Inquisitio secundi Diei* progressus erat.

9. Jam verò quandoquidem Homo supernarum Aquarum dulcedinem ac suavitatem tam rectè sapit, contra inferiores istas inlimitatarum cupiditatum Carnis aquas fœculentas nauseam simul necessariò concipit: Adeò ut addente Deo voluntati illius, potestatem, inordinatæ *Carnis* desideria ad certos limites repellantur, suique compos fit, quo magis stabilis firmusque evadat.

10. Atque hanc stabilitatem, imperiũque quod in se nactus est, à Divino in se Principio docetur, *Terra Arida* comparare, propter incolumitatem atque firmitudinem. Cupiditates verò Carnis tanquam periculosum turbulentumque *Mare* considerat. Quamobrem hanc earum Limitationem, Imperiũque in seipsum ad quod quis pervenerit, ac liberationem ab istiusmodi colluctationibus & collisionibus quæ reperiuntur in *tumultuante Mari*, Divina in eo Natura non potuit quin approbaret tanquam Bonum.

11. Atque sic quidem evenit, per Divinam voluntatem & ex ipsa rerum natura, ut hic status sobrietatis in Homine (quippe qui jam à malarum Concupiscentiarum tempestuositate tam pulchrè liberatus sit) otium ipsi ministret colendi ornandique mentem suam Virtutis Principiis atque Honestatis, quò fiat tanquam Ager fertilis, cui benedixerit Deus:

12. Varia ex se germinans frugiferarum Arborum genera, Herbarumque ac Florum; hoc est, varia genera Bonorum Operum, ad Dei Laudem & utilitatem Proximi: Et Deus propriæ illius Conscientia ipsi testificatur, quòd hoc bonum est.

13. Atque sic *Ignorantia* atque *Inquisitio tertii Diei* progressus erat.

14. Jam verò postquam Deus eousque processerit in Creatione *Spirituali* ut *Caeleste Principium* in Homine ad eam vim ac potestatem evexerit, ut affectus ejus occupet, operaque laudabilia Justitiæ pariat, statim adhuc prælustre luminis roborisque incrementum superaddit, exponens illi ante oculos varia Luminarium genera in *Caelesti* sive *Intellectuali* natura, quò magis clarè distinguere valeat inter *Diem* atque *Noctem*; hoc est, inter conditionem Animæ verè illuminatæ, talisque cui adhuc *Ignorantia* *Nox* incumbat, quæque alienata sit à vera notitia Dei. Nam pro differentia horum Luminarium significatur Homini in qua conditione ipse aliæ sint, *Diēsne* revera sit ipsis an *Nox*, *Æstāsne* an *Hyems*, *Ver* an *Messis*; quàmve tandem periodum progressumve in *Divina* vita fecerint?

15. Et quanquam tantum sit discrimen inter hæc Luminaria, minima tamen meliora sunt meris tenebris, inserviuntque aliquo modo ad Lucem ministrandam Homini terrestri.

16. Cæterum inter multa illa Luminaria quæ fecit Deus ut appareant homini, duo potissimum sunt quæ reliqua longè præcellunt. Horum verò duorum majus, dominium suum habet per diem, fidelisque eis dux est qui per diem ambulant, hoc est, qui opera faciunt Justitiæ. Majusque hoc unicum est, sed priorem Diei Lucem ad quam Homo ambulabat, mirum in modum, superadditum acuit, estque plenior comparentia *Solius Justitiæ*, qui fervidus sincerusque Amor est Dei atque Proximi. Minus verò horum duorum magnorum Luminarium dominium suum habet noctu. Eorumque Cynosura est quorum mentes adhuc nimis violentè detinentur in operibus tenebrarum. Estque Principium infirmum ac variabile instar Lunæ, appellaturque *Inconstantia vite & Cognitionis*. Est ingens præterea Luminarium minutulorum copia, per universum Intellectum humanum, instar stellarum in Firmamento, confertim disperforum, quam *Notionalitatem* appellare licet, sive *Multiplicitatem inefficacium Opinionum*.

17. Horum autem vilissima multò præstant puræ putæ Sensualitati & Brutalitati. Ac proinde Deus rectè dici potest in Caelesti parte Hominis, Intellectu scilicet ejus



ea collocare, ut quam possint Lucem impertiant terrenis ejus partibus, corruptis utique & inordinatis affectibus.

18. Et quemadmodum *Sol Justitiæ*, hoc est, fervidus sincerusque *Amor Dei atque Proximi* simplice suo lumine ac calore, cum alacritate & incolumitate eos ducit qui sunt in Die: Ità illud magis incertum & mutabile Principium, numerosaque Luminaria *Notionalitatis*, eos queant, ut possunt, dirigere quibus incumbit tenebrarum Nox. Et, quod notatū maximè dignum est, ex immani differentia horum posteriorum Luminarium ab illo *Diei*, diducare quis potest quando ipse aliūve quispiam statū Injustitiæ Noctē sit obrutus. Nam multifaria *Notionalitas & Inconstantia Vitæ & Cognitionis* certissima signa sunt quòd quis in *Noctē* sit constitutus. Verū uni huic simplici sed vegeto ac efficaci Lumini, fervido utique & sincero *Amori Dei atque Proximi* firmiter adherere manifestissimum indicium est, quòd quis ambulat per diem. Et qui ad hanc conditionem pervenit, manifestò videt in Lumine Divino, totum hoc admodum bonum esse.

19. Atque sic *Ignorantia & Inquisitio* quarti diei progressus erat.

20. Atque nunc quidem, cum tam nobile, tam fervidum, & tam vegetum Principium sive Lumen, quàm sit *Sol Justitiæ*, in Cœlesti parte Animæ humanæ constitutum sit, Imperitus quis temerè incitèque expectare potest, proximum nuncium fore, Quòd vel ipsa Maria exsiccata sunt illius æstu ac calore, hoc est, quòd *Concupiscibile* in Homine penitus sit abolitum. Sed longè aliter constituit Deus. Nam Aquæ magnam Piscium copiam pariunt, perinde atque Volucres innumerabiles.

21. Cogitationes igitur Oblectamentorum naturalium ultro citroque in *Concupiscibili* Hominis natant, fervidusque Amor quem gerit adversus Deum, parit quidem non multas inefficaces Notiones ac vietas, sed magnam sanctarum affectuosarumque Meditationum alatarumque Ejaculationum vim, quæ cælum versùs volant, quæque redeunt rursus & teneram numerosamque Naturalis *Concupiscentiæ* progeniem adorientes, numeris ipsarum minuendis operam dant; ut istæ Volucres quæ aquas frequentant illarum Pisces devorant. Deusque ac boni homines nihil in hoc vident quòd non sit bonum.

22. Quamobrem Cogitationes naturalis oblectationis in inferiori *Concupiscibili* perinde atque Cœlestes illas Cogitationes sanctasque Meditationes multiplicat Deus, ut integra Humanitas plena sit omni genere bonorum quorum sit capax, utque *Divina Vita* habeat quod ordinet & in quod dominetur.

23. Atque sic *Ignorantia & Inquisitio* quinti diei progressus erat.

24. Nec Deus solùm efficit ut *Aquæ* sed ut *Terra* etiam *Arida* varia Animantium genera pariat, *Irafcibile*que fœcundum reddit perinde atque *Concupiscibile*.

25. Utraque enim Deus bona esse vidit, idoneumque Objectum fore in quod *Cœlestis Homo* suum Imperium Dominiūque exerceat.

26. Deus enim robur adauget, pro occasionibus subjectisque quibus occupetur & exerceatur. Et *Divinam Vitam*, quæ sub diversis Incrementi sui gradibus, tam variè in quinque antecedentibus progressibus repræsentata est, Deus tandem ad gradum summum evehit, omnibusque numeris jam absolutam propriæ suæ Imaginis nomine appellat; quippe quum *Divina Vita* ad hunc gradum evecta omnino vera illius sit Imago. Sic igitur fit, ut Deus tandem in natura nostra verum ac perfectum Hominem plenè manifestet, quo nos ipsi boni perfectique evadamus, qui non solùm vider affectatque quod bonum est, sed plenam porrò potestatem habet idem efficiendi in rebus omnibus: Quippe qui plenum habet Dominium in Pisces Maris, imperare potest atque regere Volucres Aëris, & facillimo negotio Bestiis Terræ, & quæcunque moventur super Terram, dominari.

27. Atque sic creavit Deus Hominem in propria sua Imagine, æquè potentem eum in suo *Parvo Mundo* super omnes Cogitationes Motusque *Concupiscibilis & Irafcibilis* Imperatorem constituens, atque ipse est super naturalem Fabricam Universi, *Mundive majoris*. Estque hæc Imago *Mas & Fæmina* ex perspicaci liberòque Intellectu, Affectuque *Divino* consistens, qui nunc ad eam perfectionem pervenerunt ut nulla inferior *Vita* rebellare adversus eos valeat, eosque sibi subjugare.

28. Benedicit enim eis Deus fœcundusque facit, nobilemque eorum Progeniem tam mirum in modum multiplicat, ut excultam Hominis naturam tantâ realis Veritatis Æquitatique copiâ repleant, ut nulla sit viva Figura, Imaginatio, Motusve *Irafcibilis* aut *Concupiscibilis*, nulla enormis inscitave Irregularitas in *Religiosis Meditationibus & Devotionibus*, quin statim temperentur & corrigantur. Nam universa Humanæ Naturæ Territoria tam probè passim variis Veritatis Bonitatisque formis pulchris sive Ideis ( illustri illâ *Cœlestis Adami Christi* prole ) frequentantur & incoluntur,

ut nulla *Animalis Figura* incipere possit moveri perperam aut evagari, quin continuo Corrector proprius ipsi fiat obviam, peritusque violati ordinis instaurator.

29. Et postquam *Divina Vita* in Homine ad hunc modum perfecta est, eo ipso edocetur à Deo quis sit illius cibus quatenus è *Divino* consistit *Principio*, & quæ sit esca *Animalis Vita* in illo: Maxime probas utique maximèque pias ac Divinas Actiones *Adamo* cœlesti in cibum assignavit, quo vescatur, voluntatem Dei in rebus omnibus perficiens, quod ei magis jucundum est quàm selectissima Acetaria, suavissimè fructus, quos palatus ullus unquam gustaverit.

30. Nec *Animalis Vita* prorsus enecanda est fame, sed regulanda certisque legibus coercenda. Ac proinde illa habere debet deterius Herbarum genus quibus pascatur, hoc est, Actiones Naturales *Principio* consentaneas à quo promanant. Ut illud etiam *Principium* sibi paululum indulgeat libertatem ea prosequendi ad quæ illius natura ipsum incitat. Atque sic diversæ Modificationes *Inscibilis* & *Concupiscibilis*, quemadmodum & Figurationes variæ *Melancholia Religiosa* ac naturalium Devotionum (quæ sunt Pisces, Bestiæ ac Volucres *Animalis Naturæ* in Homine) permittuntur seipsas pascere ac recreare inferioribus istis operationum generibus ad quæ nos inclinant; modò omnia prius approbentur, ritèque regulentur à cœlesti *Adamo*.

31. Nam *Divina sapientia* in Homine videt approbaturque omnia quæ Deus in nobis creavit, tanquam suo in genere valdè bona. Atque sic *Ignorantia* & *Inquisitio*, sexti Diei progressus erat.

## C A P. II.

3. *Verus Sabbatismus filiorum Dei*: 5. *Descriptio Hominis à Deo edocti*. 7. *Mysterium Adami qui venit per Aquam & per Spiritum*. 9. *Obedientia Arbor Vitæ: Inobedientia verò Arbor scientiæ boni & mali*. 10. *Fluvii Paradisi quatuor Virtutes Cardinales in Anima humana*. 17. *Vita iustitiæ per Inobedientiam perditæ*. 19. *Homo merè Contemplativus & Spiritualis, motus videt Animalis Vitæ satisque rigide de eis judicat*. 21. *Homini nequaquam competere ut Spiritualibus Contemplationibus immeretur in perpetuum*; 22. *His verò laxatis Nativum Vitæ corporis Gaudium expululare, quæ nostra Eva est*. 23. *Hoc nativum corporis gaudium magis gratum homini esse in Innocentia, quàm quicquam aliud*. 25. *Nec in iudicio suo super hac re hominem magnopere errare*.

1. **A**tque sic Cœlestis Terrestrisque Natura in Homine perfecta est, affatimque omnigenis ornatibus ad se spectantibus repleta.

2. Quapropter *Divina Sapientia* in humana Natura *Sabbatum* suum celebrat, quippe operum sex Dierum labore nunc defuncta.

3. *Divinæque Sapientia septimum* hunc *Diem* tanquam sanctum benedictumque æstimavit, tanquam *Diem Justitiæ, Quietis & Gaudii* in Spiritu sancto.

4. Hæ fuerunt Generationes sive Pullulationes *Cœlestis Terrestrisque naturæ, Divinæ Animalisque Vitæ* in Homine, cum Deus eos creasset.

5. Frugíferas illas Plantas intelligo amœnâsque atque utiles Herbas, quas ipse plantavit: Descripsi enim vobis conditionem Hominis à Deo edocti, & instructi atque nutriti ab interno suo Lumine, ubi nulla externa Doctrina est quæ distillet ut Pluvia, nec externus ullus Hortulanus qui se immisceat Agricultura Dei.

6. Est tantum *Aquæ Scaturigo*, quæ *Resipiscencia* est à mortuis operibus, ebullitque in Terrestri *Adamo*, ita ut universam Terram inundans colluat.

7. Atque sic Naturâ humanâ ad ultiores perfectiones preparatâ, Deus eum format in propriam suam Imaginem, quæ *Justitia* est verâque *Sanctitas*, atque in eum inspirat *Spiritum Vitæ*. Atque hic est ille *Adamus* qui venit per *Aquam & Spiritum*.

8. Hactenus vobis ostendi quomodo Gens humana ab uno gradu *Spiritualis Lucis & Justitiæ* evehatur ad alterum, donec tandem ad tam plenum Imperium ac Perfectionem in *Divina Vita* perveniamus, ut dici possimus aliquo quidem modo ad *Regnum Cœlorum* pervenisse, invenisse *Paradisum in Terris*. Narratio verò quæ sequitur vos edocebit, præmonebitque de malis istis vivendi rationibus quibus Homo eam mensuram Paradisiacæ felicitatis perdat, in qua etiam dum in hoc mundo vitam degit, eum constituerit Deus. Dico igitur Dominum Deum Hortum plantasse Orientem versùs in *Eden*, illicque Hominem quem fecerat, collocasse, (hoc est, Homo sub



sub Intellectualibus radiis Spiritus vitam agens, illuminatusque à Matutina Luce Solis Justitiæ, in admodum amœnam suavemque Animi complacentiam introducitur, bonæque Conscientiæ Testimonium magna illius est voluptas.)

9. Variæque germinationes & expullulationes operum Justitiæ in ipso, delectabilem ei esse Paradisum, gratumque tum visui tum gustui illius mensuræ Divinæ vitæ quæ in eo manifestatur. Sed inter omnes Plantas quæ in eo crescunt, nulla est tam præclaræ virtutis ac præsentaneæ, quàm sit illa in medio Horti, nimirum, *Arbor Vitæ*, quæ *sincera est Divina voluntati obedientia*, nec ulla quæ tam lethiferum ac venenosum fructum fert, quàm *Arbor scientiæ boni & mali* quæ est *Inobedientia voluntati Divinæ quatenus in Homine manifestatur*. Voluptas enim Animæ in eo consistit quòd seipsam fideliter ad id componat, quod pro persuaso habet in sua conscientia, voluntatem esse Dei, quicquid alii contrà suggererint.

10. Omnes verò frugiferae Arbores Justitiæ quatuor hisce Fluviis irrigantur qui sinuosis flexibus per Hortum hunc voluptatis perlabuntur, qui reverà quatuor *Virtutes* sunt *Cardinales*.

11. Nomen primi est *Pison*, qui est *Prudentia*. Non quidem suggestiones carnalis Astutiæ, & dolosæ Subtilitatis, sed indicationes *Spiritus* Divinive Intellectus, quid æquum sit, factumque utile & decorum.

12. Hic est bege explorata certoque approbata experientia, salutaris Industria, & Alacritas ad labores honestos.

13. Et Nomen secundi Fluvii est *Gihon*, qui est *Justitia*.

14. Et nomen tertii Fluvii est *Hiddekel*, quæ *Fortitudo* est. Quartusque Fluvius est *Euphrates*, qui est *Temperantia*.

15. Hæc est Paradisus in qua Dominus Deus collocaverat Hominem ut eum porro coleret melioremque redderet.

16. Et Divina Lux in Homine manifestata animabat hominem ad comedendum de fructibus Paradisi liberè, & ad indulgendum sibi ipsi omne genus sanctæ Intelligentiæ & Justitiæ.

17. At verò simul præcepit diligentissimè cavendum nè *propriam* suam *voluntatem* ulla in re saperet, sed ut obediret manifestæ voluntati Dei in rebus maximis minimisque, alioqui pro certo perditurus esset vitam quam jam vivit, mortuusque evaderet ad omnem Justitiam ac Veritatem. Diligenter igitur cavit sibi homo, Animæque ejus tota quasi ferebatur Cælum versùs atque res Divinas, nec quicquam præter has curabat, facultatibus ejus magis nobilibus ac *Masculinis* solis quodammodo operantibus, *Vitâ* verò *Naturali* (in qua tamen si ritè temperetur, nullum est peccatum) oblivioni ferè prorsus traditâ ac neglectâ.

18. Sapientia verò Divina vidit non bonum fore Animæ humanæ, ut *Masculinæ* illius facultates solæ ad hunc modum operarentur, sed ut omnes *Virtutes* sive *potentie Vitæ* effluerent, ut tota Natura humana *Divinâ* posset perfici.

19. Jam verò facultatibus Animæ adeò totis sursum aspirantibus ad res Divinas, variæ Modificationes sive Figurationes *Animalis vitæ*, (quas Deus in Naturæ humanæ fabrica operans homini repræsentabat, unde occasionem nactus sit eas intuendi ac judicandi) impigrâ mentis perceptione faciliè quidem deprehendebantur quales essent, & determinatum apud se habuit homo de singulis *Animalis vitæ* figurationibus conceptum atque judicium.

20. Censuramque de eis sive sententiam pronunciabat, licèt veram quidem, satîs rigidam tamen ac severam. Nondum verò capax erat ullam ex eis percipiendi voluptatem. Nulla ex istis idonea erat in qua ipse sibi complaceret.

21. Quamobrem Divina Providentiâ in bonum Hominis & ut majori vigore ac plenitudine voluptatis ditaretur, effecit, ut operationes *Masculinarum* facultatum Animæ ad tempus bene laxatæ essent & consopitæ. Quo quidem tempore facultates ipsæ aliquantum minuebantur ac debilitabantur, sed ad tam debitam mensuram ac rationem, ut futuro, quod expectabatur, commodo considerato, non defuerit quod demptum erat, sed res in summa æquè bella ac completa esset atque prius.

22. Nam quod sic diminutum est in *Masculinis* facultatibus, abunde compensatum est in exhibendo homini pergrato sensu *Femininarum*. Nulla enim alia supererat Ratio præter hanc, creandi *Feminam*, hoc est, eliciendi *genuinam gaudii Efflorescentiam innocuamve voluptatem Naturalis Vitæ* sanitatisque corporis. Quæ semel exhibita & cum Simplicitate & Innocentia Animi conjuncta, maxima pars illius Paradisi est cujus Homo capax sit in Terris.

23. Cùmque Actuatio Materiæ maximè propria essentialisque Animæ sit operatio, Homo agnovit continuo hanc *Nativam efflorescentiam Gaudii corporis* majorem habere cognatio-

cognitionem & affinitatem cum ipso, quàm quicquam aliud quod unquam hætenus expertus sit, amavitque tanquam propriam *VITAM*.

24. Homóque tam mirificè captus est novâ suâ Sponsâ, quæ est *Nativum Gaudium Vitæ corporis*, ut statueret apud seipsum, quemlibet cum bona conscientia vehementiores illos adniscus atque anhelitus ad notitiam *Æterni Dei* qui creavit ipsum, remittere posse, quemadmodum & executionem scrupulosiorum istarum Injunctionum Matris suæ Ecclesiæ, quatenus Sanitati *Gaudióque vitæ naturalis sui corporis* repugnent, & in istiusmodi casibus adhærere potiùs Sponsæ suæ unúmque cum illa fieri, modò persistat interim in Obedientia indispensabilibus Præceptis illius *Superioris Lucis* ac Potestatis quæ eum generavit.

25. Nec *Ratio Adami* aut *Affectus* quicquam in hoc peccavêre; quippe qui nihil aliud statuerunt, quàm quod *Divina Sapientia* atque *Æquitas* approbaturæ fuissent tanquam verum. Quamobrem *Adamus* uxórque ejus nullos adhuc quærebant angulos aut latibula quibus se à *Divina luce* absconderent, sed cùm nihil peccâssent, nudi comparebant in Præsentia illius, sine ullo pudore aut erubescencia.

### C A P. III.

1. *Adamus tentatur ab Inordinata Voluptate propter expullulationem Gaudii invalescentis Vitæ corporis.* 2. *Dialogus sive Disputatio in Mente Adami inter Inordinatum Desiderium Voluptatis & Nativum Gaudium Corporis.* 6. *Voluntas Adami ad assensum abducitur Inordinatæ Voluptati.* 8. *Adamus postquam peccâssent, impatiens fit præsentia Divini Luminis.* 10. *Longus Conscientiæ Conflictus, sive Disputatio inter Terrenam Mentem Adami & Divinam Lucem, examinantem eum & exponentem ei ante oculos, conditionem illius tum præsentem tum futuram, si in sua Rebellionem persistat.* 20. *Adhæret Adamus Gaudio sui corporis citra rationem ac mensuram, contra Castigationes cunctas ac Monitiones Divinæ Lucis.* 21. *Lux igitur Divina in præsens Adamo valedicit, merito cum contemptu & opprobrio.* 22. *Æternum Dei decretum de Homine lapso, quod non passurus sit eos in improbitate manere defixos, secundum depravatas suas voluntates atque Vota.*

1. **C**Æterùm ità factum est, ut *Vitâ Corporis* in Homine ad hunc modum invalescente, statim versutissima subtilissimâque omnium *Animalium Figurationum*, *Serpens* utique, qui est *inordinatum Desiderium Voluptatis*, callidè seipsum in scemininam partem *Adami*, *Nativum* scilicet *Gaudium corporis*, insinueret. Atque sic Hominem adoriens, hujusmodi cogitationes ipsi insulurravit. Quàm rigida ac severa res est totum hoc Religionis Legisque Dei, quemadmodum appellitant, negotium, quod hominem omni genere privat voluptatum, omniâque *Vitæ gaudia* ipsi præcidit?

2. Sed *Fæminina* pars in *Adamo*, *Nativum* scilicet ac *genuinum Gaudium corporis* contra hoc testificari potuit, responditque, Licet quidem nobis omnium facultatum operationibus tum *Animæ* tum *corporis*, quas Deus ac *Natura* nobis contulit, nos ipsos oblectare,

3. Tantùm cavendum nobis est de *Inobedientia*, & de promiscuè indulgendo *proprie nostræ voluntati*; sed semper consulenda est *Voluntas Dei*, ac *Divina Lux* in Intellectibus nostris manifestata, ut omnia faciamus secundum rectum ordinem ac mensuram. Nam si in hoc peccemus, morte moriemur, *Vitâque Virtutis* ac *Justitiæ* perdemus, quæ nunc in nobis vegeta est & erecta.

4. *Serpens* verò qui est *Inordinatum Desiderium Voluptatis*, propter *Fæmininarum* facultatum infirmitatem *Adamo* imposuit, ipsique persuasit se non moriturum esse, sed eum tutò, & liberis *Voluptatis Dictatis propriæ voluntati*, & *Voluntati Divinæ* simul servire posse; & *Carnem* & *Spiritum* simul in eo posse dominari, alterúmque alteri haud magnopere esse nociturum:

5. Sed peritiam ejus & experientiam in rebus magis amplificatum iri, atque sic ad *Divinam Perfectionem* eum propiùs esse accessurum, *Sapientiæque*, quæ in Deo est, qui omnia cuicunque sint novit sive bona sive mala, plenitudinem imitaturum.

6. Hæc verò callida Suggestio in *Fæmininas Adami* facultates ità se insinuaverat, ut *Carnalis Concupiscentia* adeò invalescere inceperit, ut assensum ejus voluntatis unâ secum raperet, totúsque homo exlex & effrænis *Creatura* factus est. Videbatur enim primâ



primâ specie res admodum grata statim prosequi quicquid nostræ libidines suggererint, sine cuiusquam reprehensione aut censura, valdeque exoptabile percellitari omnia quò notitiam rerum & experientiam lucremur. Hoc verò nihil ampliùs introduxit præter *Sapientiam Carnis*, mentemque effecit Adami terrenam.

7. Verùm non admodum longè in hoc dissoluto vivendi modo evagatus erat, cum aperti sunt oculi, viditque differentiam, quàm nudus jam esset & omni vi ac facultate ad res sanctas ac Divinas destitutus. Incepitque apud seipsum leves aliquos prætextus meditari, quò notoriam suam stoliditatem & inobedientiam excusaret.

8. Vox enim *Divinæ Lucis* ad auram Diei ad eum advenerat, cum furor æstusque inordinatarum passionum illius aliquantum deferbuissent: Adamus verò præsentiam illius ferre non potuit, sed abscondit se ab ipsa, meditans secum quam pro se contexere posset excusationem sive Apologiam.

9. *Divina* verò *Lux* instabat, propiusque ad eum accedebat exprobravitque ipsi, quòd tam serinus factus esset, & à se tantopere alienatus, quærens ex eo in quâ esset conditione, & cur à se confugisset.

10. Tunc ingenuè fassus est *Adamus* quòd seipsum in tam misera, squalida, nudaque conditione reperisset, ut puderet eum coram *Divinâ Luce* comparere. Atque hanc fuisse causam cur se absconderit ab ipsa, quoniam tam manifestò ei exprobratura erat suam Nuditatem ac deformitatem.

11. Rogavitque eum porrò *Divina Lux* quomodo in conspicuam hanc squalidamque Nuditatem inciderit, funestum eventum illius Inobedientiæ imputans, quòd seipsum paverit, crapulamque contraxerit, ex fructu propriæ suæ voluntatis.

12. *Adamus* verò *Rationales* suas facultates excusavit, dixitque, Quòd secutæ sint tantùm naturalia dictata *Gaudii corporis*, *Femina* quam Deus ipse ei dederat, in Adjutorium & Oblectamentum.

13. *Lux* verò *Divina Adamum* rursus increpavit, quòd *femininis* facultatibus melius moderatus non esset, nec satis eas sibi subiecisset, quippe quum tam audacter & præpotenter talia ei dictarent quæ minimè deceant. Ad quod nihil habuit quod responderet, nisi quòd *Serpens* callidus, *Inordinatum Voluptatis desiderium*, ambabus suis facultatibus *Masculinis* pariter atque *Femininis* imposuisset; Quòdque voluntas simul cum affectibus ab eo penitus esset abrepta.

14. Tunc *Divina Lux* castigare incepit dictis Serpentem, audiente *Adamo*, de eo pronuncians, quòd execrabilis esset præ reliquis omnibus Figurationibus Animalibus, quòdque sordidè abjectèque super ventrem reptaret, homines ad Luxuriam pelliciens atque Libidinem, nihilque sapiens præter terram atque cœnum. Hic semper mos illius erit, quamdiu victurus sit in homine.

15. Mihi verò si semel liceret eousque in hominem penetrare ut *Femininas* illius facultates possiderem, efficerem quidem ut *Nativum Corporis Gaudium* Serpentem omninò detestationi haberet ac vilipenderet; & tametsi *Serpentis* calliditas sauciare paululum posset, & turbare ad tempus *Feminam*, licitæ tamen illius liberæque Operationes, quippe *Divinâ vi* actuatæ, abolituræ penitus essent postea, & extincturæ *semen Serpentis*, Operationes nempe *Inordinati Desiderii Voluptatis*.

16. Additque inluper, audiente *Adamo*, de *Femina*, quatenus à *cælesti Vita* sic stetit disjuncta nec obediens erat rectæ Rationi, quòd per *Divinam* quandam *Nemesin*, conceptura esset cum dolore & Vanitatem paritura. Quòdque Maritus ejus *Terrena-sapiens Adamus* Tyrannidem in eam exerciturus esset eamque defatigaturus ac scdè violaturus. Adeò ut futurum sit ut *Nativum Gaudium Sanitæque Vitæ corporis* multum depravetur, enervisque evadat atque languida per effrænes libidines, impetuosamque Luxuriam & Intemperantiam *Terrena-sapientis Adami*.

17. Ipsique *Adamo* dixit, qui adeò usquequaque *Terrena-sapiens* evaserat auscultando voci suæ *deceptæ Mulieris* atque sic immorigerum se præbendo *Divinæ Voluntati*, Quòd Caro sive Terra ejus maledicta esset illius gratiâ, quòdque cum labore atque tædio fructus ejus decerpturus esset quamdiu permanferit in hac sua *Terrena Affectione* sive *Sapientia*.

18. *Curas* etiam & *Anxietates* illi paritura est, cogitationesque ejus æquè abjectæ erunt atque Bestiarum Agri. De nihilo ruminabitur præterquam de rebus terrenis sensuque gratis.

19. Cum sudore & angore laborabit ad satisfaciendum fami suæ ac infatiabilitati, donec in Principium redierit unde est desumptus. *Terrena* enim *Sapientia* ex *animata Terra* sive Corpore profecta est, & in proprium Principium rursus se contrahere debet & perire.

20. Post omnes verò has Castigationes ac Præmonitiones *Divinae Lucis*, *Adamus* non satis expergefactus est in sensum illius quod reverà sit bonum, sed Mens ejus statim oblectamentis carnis tota est occupata, *Gaudiùmque Corporis* peramicè amplectens, quanquam adeò inordinatum evaserat, *Meam VITAM* appellavit, professusque est hanc almam Matrem esse, præcipuùmque Solamen omnium hominum viventium, nec quenquam sine illa subsistere posse.

21. Tunc *Divina Sapiencia* Tunicis pilosis ex pellibus ferarum confectis, *Adamum* & uxorem ejus induit, meritòque eos increpavit, dicens, Apagete nunc ambo, pecudum ignobile par! Et *Adamus* quidem lubenter vel sic effugere voluit si licuisset, sedem inter Bestias sive in *Bestiali natura* in perpetuum ponere contentus.

22. Cæterùm *Æternus Deus* cælorum, cujus Providentia ad res omnes pertingit, cujusque misericordia est super omnia opera ejus, *Adamum* contemplans, in quàm misera ac ridicula conditione esset, continuo percepit; quippe qui affectans similem fieri Deo propter scientiam ac libertatem, nihilo meliorem Bestià seipsum reddiderat, perlubentèrque voluit in æternum in hac viliori natura vivere ac permanere. Quamobrem *Æternus Dominus Deus Adami* miserescebat statuit in contrarium, audaciàmque illius & curiositatem, quæ eum ad peccandum impulerant deridens, Ecce, inquit, *Adamus* factus est sicut unus è nobis sciens Bonum & Malum, suàsque voluptates per se ampliare potest novàsque Paradisos de suo creare. Quas, si placet, suam etiam habere oportet *Arborem Vitæ* sive *Immortalitatis*. *Adamusque* in æternum vivere gestit in fatuo hoc statu quo seipsum collocavit.

23. Verùm *Æternus Dominus Deus* non passus est *Adamum* suam sedem in Bestialibus oblectamentis defigere, quæ ipse elegerat, sed ex falsa hac Paradiso quam sibi ipsi fecerat, eum exegit, coegitque membra sua carnalia colere ac purgare ex quibus *Terrena sua Affectio* sive *Sapiencia* profecta est.

24. Vi, inquam, *Adamum* exegit ex hac *Paradiso Luxuria*, nec sedem defigere potuit in perpetuum in *Vita Brutali*, quoniam *Cherubini* cum flammante gladio qui quaquaversum vibrabatur, eum repulerunt, hoc est, *Masculinæ facultates* Rationis & Conscientiæ tam frequenter ei in propositis suis obviàm iverunt, adeòque eum convicerunt de stultitia sua ac vanitate, ut sedem figere in *Bestiali conditione* in perpetuum neutiquam valeret.

---

TRIPLICIS

---



# TRIPLICIS CABBALÆ DEFENSIO.

Philo Jud.

\*Ἀπασαν τὴν νομοθεσίαν εἰκέναι ζῶν· καὶ σῶμα μὴ ἔχειν τὰς ῥητὰς διατάξεις, ψυχὴν δὲ  
τὴν ἀναποκείμενον τὴν λέξεσιν ἀόρατον νῦν.

*Ad hunc sensum,*

Universam Legem *Mosaicam* similem esse Animanti, cujus quidem corpus *Literalem* sensum, Anima verò *interiorem* magisque reconditam *mentem* sensu *Literali* obvelatam refert.

R. MOSES ÆGYPT.

*Non omnia secundum Literam intelligenda & accipienda esse quæ dicuntur in Opere Bereschith seu Creationis, sicut vulgus hominum existimat. Sensus enim illorum Literales vel gignunt pravæ opinionēs de natura Dei Opt. Max. vel certè Fundamenta Legis evertunt, Hæresisque aliquam introducunt.*




L O N D I N I,

Typis R. Norton, impensis J. Martyn & Gualt. Kettilby,  
M DC LXXIX.





# Præfatio ad Lectorem.

1.  Abbalas quas perlegisti, amice Lector, cum valde verisimile sit miras & inopinatas tibi visum iri, nè Defensio ipsa quæ admirationem tuam ac stuporem curare debet atque tollere, occasio esse possit ulterioris alicujus scrupuli aut offensionis, interpellare te paulisper pot esse putavi, ut quicquid conjecerim minus satisfacturum esse; per brevem hanc Præfationem antè corroboretur confirmeturque.

Quantum ad me, equidem præagire non possum, quid à quoquam cum ulla rationis specie allegari possit, nisi sit aut inusitatum Numerorum Mysterium; Ethnicorum in Scripturis explicandis adhibita Authoritas; Additio etiam Miraculorum ab ipsis factorum ad ulteriorem Authoritatis confirmationem; & postremo, ipsarum Philosophicarum Conclusionum Novitas, ut vulgo hominum videbitur, & Mirabilitas.

2. Jam verò quantum ad Numerorum Mysteria, ut antiqua hæc Philosophia Mosaica eis involuta sit, improbable minimè videbitur, si consideremus Cabbalam Creationis conservatam fuisse in manibus Abrahami ejusque familiae, qui ob Scientias Mathematicas (quarum Arithmetica pars est necessaria) celebris erat, primum apud Chaldaeos, \* posteaque Aegyptios easdem Artes docuit, ut Historici referunt. Præterea in Scriptis Prophetiis & Enigmaticis quod usitatum sit secreta occultare, \* ut sub Allusionibus Nominum & Etymologiarum, ita sub Numerorum adumbrationibus, tam vulgò notum est, idque in ipsis sacris Scripturis, ut nihil opus sit probare. \* Unicum hoc eminens exemplum proferre contentus ero, Numerum scilicet Bestiæ 666.

3. Quod ad Ethnicorum Scriptorum frequentem Citationem attinet, considerandum est, eos sapientissimos ex illis esse, virtutèque præstantissimos, & aut tales quos Patres narrant suam Philosophiam à Mose ac Prophetis hausisse, aut Discipulos saltem atque fautores illorum Philosophorum fuisse. Ac proinde admodum consentaneum putavi illorum adhibere Testimonium, in re, cujus, quantum ad summam, testes adeò idonei videbantur, ut qui Cabbalam ab antiquis Prophetis recepissent. Quanquam nolo inficias ire, quin fieri possit, sive ex lascivientia propria Imaginationis, sive ex errore Judicii, \* ut suas Ineptias ei admiscuerint: Cujusmodi sunt Transmigratio Animarum humanarum in Bruta, perfecta Abstinencia à Carne, severa adversus voluptates corporis opprobria, Matrimonii vilificatio & similia: Quod nihilo majus argumentum est contra præcipuum scopum Cabbalæ, quàm illicitæ & superstitiosæ Præces & Opiniones quarundam Ecclesiarum in istiusmodi errores lapsarum, contra solida Fundamenta Christianitatis.

Porro, Non Philosophos solos produco, sed, prout occasio requirit, Patres etiam, & (quod in hac causa æquè validum censeo) Rabbinos Judæorum, quos in rebus, ubi nullum præjudicium ipsis occurrerit, æquè idoneos atque quosvis alios judico ad confirmandum sensum Cabbalisticum, præsertim si sit consensus ipsorum generalis, nec privata Commenta, sed totius suæ Ecclesiæ mentem depromant.

Jam verò si quem offenderit, quod discipuli Pythagoræ juraverint, uti creditur, per Præceptorem qui Mysterium Tetractyos eos docuerat, (quemadmodum in Explicatione Operis quarti diei plenius intelliges) equidem fateor meipsum haud parùm inde offendi. Ceterum summa illa reverentia quam erga Pythagoram gerebant, ut Vanitatis signum est & alicujus Superstitionis in ipsis, ita non minus argumentum est stupendæ cujusdam Scientiæ & Sanctitatis in ipso Pythagora, quod extorquere ab eis posset tantum honorem, suamque memoriam apud ipsos tam sacram reddere. Quæ profunda Scientia atque Sanctitas cum eam nactus sit conversando cum Prophetis Judæorum, in illius Ecclesiæ gloriam ultimò tendit, & consequenter Christianæ, quæ Sanctorum illorum Oraculorum, quæ Judæis primum peculiariter erant, facta est Hæres.

Illud verò, in quo Pythagoræ Sectatores peccaverint, non magis ei imputandum est, quàm superstitiones Mariæ Virgini exhibitæ illi visio sint vertendæ. Præterea, quæstio esse potest, an in Juramento isto Pythagorico Οὐ μὲν ἔ, &c. per Deum non juraverint, primum Cabbalæ Authorem Mysticaque illius Explicationis Tetractyos, hoc est, omnis Di-

Vide Append.  
Defens. Cab.  
Philos. cap. 2.  
sect. 3.

vina Scientiæ ac Naturalis; Qui primum eam Adamo tradidit, & instauravit postea confirmavitque Mosi. Vel si intelligendum est de Pythagora, cur non considerari potest tanquam Juramentum sive Asseveratio Civilis, qualis erat Josephi Juratio per Vitam Pharaonis, & Magnatum per Honorem suum? Quarum tamen neutram ipse equidem probare possum, mihi ve persuadere, merè civiles esse, & Religionem non adradere propèrè accedere ad superstitionem Idololatricam.

4. Ad miracula Pythagoræ quod attinet, quanquam omnia de eo memorata vera esse haud credo, illa tamen quæ ipse recitavi satè probabilia existimo, quippe quæ dignitatem illius personæ minimè dedeant: Ista verò quæ transmigrationem humanarum animarum in bruta supponunt, tanquam Fabulas æstimo; & insurrectionem ejus in aurem Bovis ut à Fabis absteineat, tanquam Mendacium canorum. Veruntamen Divinæ Providentiæ admodum videtur consentaneum, ut, cum Pythagoras sanctæ Cabbalæ notitiam nactus esset, quam Deus Adamo impertiverat atque Mosi, existimationem ei conciliaret apud Nationes, communicando ei facultatem edendi miracula. Nam sic nobiles illæ & antiquæ veritates eo firmitus radicate sunt apud Philosophos Græciæ, & ad hunc usque diem saliciter conservatæ.

Nec cum Magiæ aut sortilegii suspectum reddere potest, quod per Aerem deportatus sit, quandoquidem ipsi sancti Propheta & Apostoli ad hunc modum deportati sunt; ut || Habacuc à Judæa ad Babylonem, & Philippus, postquam Eunuchum baptizasset, à partibus inter Gazam & Hierosolyma ad Azotum. Quantum verò ad me, equidem facultatem edendi miracula unam à minimis Perfectionum humanarum existimo, nec quicquam ad illius felicitatem contribuere qui ea facit, vel potius videtur facere: Nam si Miracula sunt, ipse non facit, sed aliqua Potestas aut Persona ab eo distincta. Et tamen hic Magi Sagaque magnopere sibi complacent, in eo quod aliquo modo ista potentia ipsis tribuatur, admirationemque Populi ad se attrahant, quemadmodum manifestum est in Simone Mago. Ceterum luxuriari ad hunc modum & dominari in Potentiæ Attributis cum Principe Aeris, quid aliud est nisi mera Superbia vitiorum omnium quæ existunt, à ratione maximè alienum, maximèque infestum & invidiosum? Quanta verò hic cum stoliditate conjunctum sit nimis quam obvium est, quippe quum gloriarentur sibi que complacent, in eo quod aliquando id faciunt, vel potius patiuntur, quod Ardea & Anseres & qualibet Avis sylvestris per se facere potest, attollere se nempe in sublime, & per facile cedentem Aerem pervolare. Viri verò boni atque pii certò nōrunt maximam voluptatem perfectionemque probæ Animæ esse genuinam consummationem propriae suæ naturæ in vera Sapientia atque Amore Divino. Et si quid miraculosi ipsis obtingat ab ipsi sive fiat, eo fine id evenire, ut illa naturæ dignitas ac sapientia quæ eis inest aliis innotescat, utque Deum inde glorificetur, ejus testes sunt. Nulla verò alia felicitatis accessio eis inde contingit, nisi quod hinc meliorem nacti sunt opportunitatem alios reddendi beatos. Quam hic fateor Pythagoræ fuisse conditionem.

Et ne homines propriae suæ Melancholiæ & Imaginationi nimium indulgeant, quam vulgò appellant Inspirationem, Si tanta sint Mundi Lumina quam pretendunt, & tam sublimia ut ad Humanæ Rationis examinationem se nolint demittere, valde optandum profectò esset ut istiusmodi viri calorem astumque intra se coerceant ad concoquendas cruditates priorum suorum conceptuum, usque dum Miraculi authoritas eos in Lucem hominum evocaverit, atque sic meliori jure attentionem à populo sibi vendicare possint, quippe potestatem jam cælitus assecuti aliquid nobis narrandi, quod antè ignoraverimus, nec tam scire possumus quam credere, quum præcipuum argumentum sit non quidem Ratio sed Miraculum.

5. Postremò, quantum ad Novitatem vel potius Mirabilitatem ipsarum Philosophicarum Conclusionum, equidem maximè omnium mirandum esset si primo aspectu non viderentur miræ admodum & Paradoxæ. Alioqui cur celandæ essent à vulgo, nisi quod captum ipsorum transcenderent, nec satis attemperatæ essent ad eorum fidem? Sed enim vero in harum Conclusionum Cabbalisticarum gratiam hoc tantum obiter notabo, tales eas utique esse, ut si supponantur veræ (quod diutius non asseram quam donec apud idoneum aliquem Philosophum aut Theologum convicta sint de falsitate) nulla magni alicujus momenti difficultas sit in Theologia aut Natura quæ per hanc Hypothesin non facile extricetur, cujus pars eminentissima est, Motus Terræ & Præexistentiæ Animarum. Prioris quarum veritatum evidentia talis est ut assensum celeberrimorum Mathematicorum hujus sæculi sibi sit lucrata: nec minor est Probabilitas posterioris; quandoquidem nullus adhuc unquam extitit Philosophus qui Animam humanam immortalem tenuit, quin eam idem tenuerit præexistere.

Religio verò cum non adèd sollicita esset de exponendo ante oculos populi plenum Veritatis prospectum, sed tantum duntaxat, quantum necessarium foret ad eos in timore Dei continendos & obedientia illius legi, eis omnino contenta erat, quæ ad statum Animæ post dissolutionem corporis spectarent, ea datâ operâ celans, quæ de antecedente illius conditione concipi possent. Nunc verò dico, perbellum profectò privilegium esse Falsitatis (si modò hac Hypothesis

Iamblich. de  
vita Pythag.  
cap. 13.

Iamblich. de  
vita Pythag.  
cap. 28.  
Histon. Bel.  
& Dracon.



thesis falsa sit) & observatu admodum dignum, ut melius cum Attributis Dei, cum visibilibus Eventis Providentiæ, cum Phanomenis Naturæ, cum Ratione Humana & cum ipso Textu sacro, ubi homines Cabbalam Mysticam agnoscunt, conveniat, quam illud quod tantopere contendunt revera esse verum; nempe nullam hujusmodi motum Terræ esse circa Solem, nec ullam humanarum Animarum Præexistentiam.

Allaboravi, quantum in me est, amice Lector, ut hanc meam Defensionem perlegere possis sine ullo scrupulo aut offendiculo. Unum hoc mihi nunc à te expetere liceat, quod & debes profecto concedere; nempe, ut hanc meam Defensionem sine præjudicio perlegere velis, & perpetuo dum legis, ut ad assueta Imaginationis tuæ commenta nolis recurrere, sed liberam tuam consulere Rationem. Το γὰρ σύνθεσις ὡς ἐπιμύστερον, quemadmodum Aristoteles ait in *Metaphysicis*: Nam consuetudo est altera Natura, ac proinde ad commenta illa quibus assueti sumus, quæque nobis familiaria facta sunt, provocamus inscientes, tanquam si revera naturale Mentis nostræ Lumen essent, primæque illius communes Notiones. Exemplumque profert scopo quidem nostro haud ita incongruum: Ἡ λίσθη τῆς ἰσχύος ἔχει τὸ σύνθεσις οἱ νόμοι δηλοῦσιν, ὅτι οἱ τὰ μυθώδη καὶ παιδαγωγώδη μείζον ἰσχύος τῆς γνώσεως περὶ αὐτῶν διὰ τὸ ἰδιό. Permittitur quidem Philosopho suâ libertate uti in Ritualibus Legibus ac Religiosis Historiis Ethnicorum; an verò ullam Legis Mosaicæ notitiam habuerit, me penitus latet. Veruntamen hoc, nec sine debita reverentia, puto me posse effari, Aliquid scilicet in dicto illi Aristotelico esse quod analogicè verum sit de ipsa Historia Creationis; primasque Impressiones Textus Literalis, qui adeò planè ad puerorum Idiotarumque caput accommodatus est, tam altas radices propter consuetudinem, in quorundam animis egisse, ut illum sensum veriore esse autumant, quàm is qui Textus sensus sit revera verissimus. Quod certè manifestum est in persona haud minoris dignitatis, quàm ille antiquus Ecclesie Pater, Lactantium intelligo, qui Mundum tanquam Tentorium considerans secundum descriptionem in Cabbala Literali, admodum fortiter prædentèrque negavit Antipodes. Tantum contra liberum Rationis usum in tanto viro prevaluit assueta Imago.

Aristot. *Metaphysic.* lib. 2, cap. 3.

Lactant. lib. 3, *Divin. Institut.* cap. 24.

Vide etiam *Jos. Acost. Histor. Jud.* lib. 1.

Atque hæc quidem sunt quæ in meliorem cautionem mihi visum est præfari. Reliqua Introductionem ad Defensionem, ipsamque Defensionis formam ac naturam satis confirmaturam spero, apud Lectorem quemlibet ingenuum ac sagacem.

## SCHOLIA

### In Præfat. SECT. 2.

POSTERQUE Ægyptios easdem Artes docuit, &c. Τὴν τε Ἀριθμητικὴν αὐτοῖς χαρίζεται καὶ τὰ περὶ Ἀστρονομίαν παραδιδώσει, *Joseph. Antiquit. Jadaic.* lib. 1. cap. 9. Ut sub Allusionibus Nominum, &c. Hujusce rei quamplurima occurrunt exempla in *Visione septem Ecclesiarum*, cujus Explicationem vide. Sed interim nimium propero, viri eruditissimi Samuelis Andreae immemor SS. Theol. Doctoris & Philos. Professoris *Herbornensis*, qui in *Examine suo Generali Cabbalæ mex Philosophicæ* multa attulit, quorum nonnulla, potissima nempe quæque, notare mecum statui, eisque respondere; omnia enim si prosequerer, in nimiam molem Scholia mea excrecere faceret. Quæ autem in hanc Sectionem scripsit minimè duxi prætereunda. Recurramus igitur paululum ad quæ proximè præcesserunt:

Si consideremus Cabbalam Creationis conservatam fuisse in manibus Abrahami ejusque Familiae, qui ob Scientias Mathematicas, quarum Arithmetica pars est necessaria, celebris erat, &c. Multus est S. A. in confutando hanc Historicorum opinionem de peritia Abrahami Arithmetica. Nos verò ut magis perspicuè methodicèque procedamus, ea primo in loco proponemus quæ ab utroque nostrum pro concessis habentur. Et certè satis liberaliter hoc nobis ultrò largitur *Andreades*, pag. 77. Extra controversiam nempe esse quòd in manibus Abrahami & Familiae ejus Cabbala quedam fuerit seu Traditio à Patribus accepta de ortu Universi, Diluvio, aliisque rebus fidem & obsequium Creatori debitum spectantibus, quòdque is hanc doctrinam à Majoribus acceptam alios docuerit & ad posteros transmissit. Consentitque cum *Maimonide* qui *More Nervoeh.* part. 2. cap. 39. sic scribit. Docere solebat Abraham & per demonstrationes speculativas ostendere, quòd Mundus habeat Deum unum solum, quòd is creaverit omnia alia quæ extra vel præter ipsum sunt, & quòd non sit serviendum Figuris istiusmodi externis aut ulli Creaturae. Et si affirmemus cum *Josepho*, quòd Abrahamus Ægyptiis Astronomiam & Arithmeticam tradiderit, non multum reluctatur. Quam *Josephi* sententiam non solum

*Exam. General.* p. 76, 77.

Exam Gene-  
ral. p. 74. 75.

solum R. Gedaliam sed & Eusebium, Rabanum Maurum, & Zonaram approbare agnoscit. Ut taceam Clementem Alexandrinum, quem Abrahamum ὑπόδειγμα ἐστὶ τῆς ἀει-  
δμητικῆς, introducere ait. Quod minimè mirum est cùm tam apertum extaret ea-  
de re apud Josephum Testimonium. Immo verò Clementem observasse ait, vel My-  
sticum five Symbolicum Numerorum usum Abrahamum nequaquam latuisse, indeque fa-  
ctum esse, secundum sententiam Clementis, ut Abrahamus trecentos octodecim vernas  
armasse dicatur ad redimendum fratrem Lot. Φασὶ γὰρ ὅτι τὸ μὴ κυριακῶ σημαίνει τύπον,  
κατὰ τὸ ἄλφια, τὸ τετρακοσιοστὸν φοιχείον, τὸ ἰῶτα δὲ τὸ ἥτα τὸ νομα σημαίνει τὸ σωτήρι-  
ον. T. 300. Crucem nempe significare, I verò & H duas primas literas nominis Ἰησοῦ in-  
nuere. Istorum autem Numerorum hunc esse sensum Mysticum five Symbolicum,  
Ambrosium, Eucherium, Rupertumque Abbatem Tuisiensem affirmasse, ipsumque  
Prudentium huc tanquam ad communem Christianorum, suâ ætate, sententiam in  
istis versibus,

Nos esse largè vernularum divites,  
Si, quid trecenti bis novenis additis  
Possint, figurâ noverimus mysticâ.

Pag. 75.

(in Præfat. Psychomach.) respexisse ipse apertè fatetur *Andreades*. Clemensque non  
suam solius sed communem seculi sui opinionem istâ vocolâ φασιν, satis sub-  
indicat. Tot scilicet suffragiis confirmari videtur, Authores citante ipso etiam S. A.  
Abrahamum non communis solum sed & Symbolicæ Arithmetice peritum fuisse. Quod  
tamen an tam certò collegerint ex Græco Textu. (cùm Abrahamus Græcus non esset  
sed Hebræus) Clemens aliique ipsi viderint. Caterum ex ipso Textu Linguæ He-  
braicæ idem pro Abrahami peritia in Arithmetica Symbolica eruitur argumentum.  
Videturque pro Tessera militari fuisse istius Vernarum Numeri electio, nempe tre-  
centorum octodecim, quem Numerum continet nomen אֱלִיעֶזֶר, quod significat,  
*Deus meus Adjutorium meum*. Quasi hæc esset parvi illius exercitus Tessera  
militaris. Quod verò Bar Kappara per suam Gematriam in Berisch. Rabb. pro  
trecentis istis octodecim solum *Eliezerem* intelligi vult, id sanè meritò à viro  
erudito, pag. 75. tanquam merum delirium exploditur. Neque enim  
lum hominem referendum est nomen אֱלִיעֶזֶר numero 318. contentum, sed  
um adiutorem, cujus auspiciis ab Abrahamo educendus erat exercitus, ut T.  
Jesum crucifixum, verum nostrum *Eliezerem* seu *Emanuel*, qui à spiritu  
vitate per crucem nos redimit. Quod autem tam in Græco Textu quàm He-  
braico hic numerorum Symbolicus innotescat, & in re tanti momenti, admiratione  
dignum est, nec sine singulari providentia factum. Nec obscuro denique argu-  
mentum est, Abrahamum usum numerorum Symbolicum satis calluisse. Sed longius pro-  
sum quàm putabam.

Pag. 75. 76.

Recurramus ad ea quæ tam facilè vel ultrò concedit S. A. Cabbalam fuisse in mani-  
bus Abrahami & familiæ ejus, de Mundi Creatione five Ortu Universi, hoc extra om-  
nem controversiam situm esse agnoscit. Et communem quidem Arithmetice & sci-  
visse Abrahamum & docuisse non multum refragatur. Astronomum verò fuisse ex  
isto Textu, Gen. 15. 5. ubi Deus dicitur eum ad stellas contemplandas eduxisse, evin-  
ci posse non solum negat, sed & falsè deridet. Et fortean haud immeritò. Quippe  
qui, præterquam quod id factum fuerit in visione Prophetica, ignorantiam potius  
Abrahami in rebus Astronomicis arguere contendit, quod Numerus Stellarum, quæ ap-  
parent, ipsi incognitus fuerit, quem quilibet Tironum Astronomie hodie novit referre.  
Haud incitum profectò argumentum! Et quod planè innuit, Deum in visione Pro-  
phetica Abrahamum eduxisse ad Stellas, mentis quidem non corporis oculis aspectan-  
das, & non tanquam Astrologum sed Physiologum satis gnarum, qui ex vera de Crea-  
tione Mundi Cabbala, quàm infinitus fere fuerit Stellarum, i. e. solum Vorticumque  
Numerus jam olim intellexisset, atque hâc comparatione Deum innumeram Abra-  
hamo futuram progeniem illustrasse. Porro ex hac verisimillimum est Philologia Abrahamum  
demonstrasse, quemadmodum ait Maimonides, quod Mundus habeat unum  
Deum solum, quodque is creaverit omnia quæ extra vel præter ipsum sunt. Et cer-  
tè ad convincendas gentes, quarum pleræque omnes Solem pro supremo Numine ha-  
buerunt, Stellas reliquas pro Diis minoribus, nulla est accommodatior Philologia,  
quàm ea ipsa quam nos tanquam Mosaicam Abrahamicamve operi quartæ dici Creatio-  
nis applicavimus. Hæc certè omnem Gentium Superstitionem & Idololatriam uno  
quasi ictu abscindit, quemadmodum & in magno Pietatis Mysterio notavimus.

Lib. 3. cap. 1 &  
2.

Attamen verò S. A. quanquam Abrahamum Cabbalam five Doctrinam de Mundi  
Creatione & accepisse & tradidisse concedit, nec dissimilem fortè ei ipsi (cùm ad con-  
futandos



futandos Atheos & Idololatrias tam idonea sit,) quam nos Textui Mosaico applicavimus, sub Numerorum tamen Symbolis à majoribus fuisse acceptam, vel ab ipso Abrahamo, quippe insigni Mathematico, eisdem involutam, & sic posteris traditam & ad Mosen delatam, nequaquam censet admittendum, ut quod omni ratione careat. Quid ita obsecro, mi Andreade! Abrahami tempore Arithmetica non extabat, cujus Inventorem Pythagoram Freculphus Episcopus Lexoviensis constituit, Plato in Phædro Θεῶν Deum Egyptium, Hermetem nempe Trismegistum, quem viri docti aut Mosen, aut Josephum Patriarcham, quæ probabilior opinio est, fuisse contendunt. Quos omnes Abrahamo posteriores fuisse in confesso est. At verò Josephum Patriarcham Abrahami pronepotem fuisse satis constat, & supra ex Josepho concessisti Abrahamum non solum calluisse Arithmeticam, sed & alios eam docuisse. Ità eruditum Andreaden ex animo nimis obstinato & infenso adversus veritatem malè sibi constare videmus, andruantem & redandruantem ac præ nimio ardore & levitate juvenili, quo loco staret, nescientem. Abrahamum vel Symbolicæ Arithmeticæ peritum fuisse ex numero Vernarum illiusque significatione satis supra constabat. Et concedit tandem Andreades, sed non esse credibile eum Creationis Cabbalam numerorum symbolis abscondere voluisse, quamvis istam artem noverit, cum res adè insolens sit ut nusquam in sacris Literis, si unicum Numerum Bestiæ excipias, illius occurrat exemplum, nec ullus bonus sit Numerorum hujusmodi Symbolicorum usus.

Sed ad prius breviter respondeo, Inscitiam suam prodere aut egregiam oscitantiam S. A. dum sic statuit, (quemadmodum & Danaus, qui ad sensum Chronologicum istum Numerum inflectere conatur, qui proculdubio est Symbolicus.) Nam in proximo Capite, nempe Apoc. 14. Numerum 144. Chiliadum Numericè interpretari & non Symbolicè, admodum absurdum esset ac puerile. Ex radice enim Numeri 144. sensus Symbolicus apertè intelligitur. Multaque alia sunt, in Apocalypsi præsertim, horum Numerorum Symbolicorum exempla, ut in mille Annis Regni Christi, In septem millibus Nominum occisorum, Apoc. 11. 13. In tertia parte Arborum, Fluminum, Maris, &c. Apoc. 8. 7. Vox hæc numeralis [Tertia] decies ad minimum istoc in Capite, Symbolicè usurpatur, ut & Numerus Duodenarius, cap. 21. septies saltem octiesve. Ut taceam Numerum 144. illuc iterum occurrere Symbolicè intelligendum. Hæc sufficere debent, quanquam & alia multa possint superaddi. Temeraria autem illa Numeri Bestiæ Interpretatio ad sensum Chronologicum (quam ego propter non sine aliqua animi indignatione rejeci, nunquam autem cum majori, quam ad amicos quosdam me ea de re sciscitantes anno uno aut altero ante Urbis Londinæ incendium quod contigit A. D. 1666.) funestissimo argumento jam confutata est, ut finire tandem discant homines imperiti & leves in Prophetiis interpretandis ineptire.

Ad posterius quod attinet, de usu Numerorum Symbolicorum, (quos usus alii fingunt ipsi defendant) Ego duos omnino usus eorum præcipuos maximèque conspicuos noto, unum, ut per eos satis certa sit abstrusissimarum maximèque sublimium Veritatum Revelatio ac Traditio; alterum, ut ista Traditio non quibilibet aut personis aut temporibus pateat, sed idoneis & opportunis. Hinc abstrusissima Creationis Mysteria, cum vulgarem excedant caput atque fidem, Historia illius per Numeros Symbolicos sic narratur ut vulgus habeant quod Pietatem & Religionem in ipsis alat, ut intelligant utique quod verissimum est, Deum hujus visibilis Mundi esse Creatorem, omnesque causas secundas ab illius nutu pendere; & certa interim derivetur Cabbala apud sapientes, Mundi hujus visibilis Systema longè aliud representans quam vulgo videtur, Illius scilicet ambitum nubibus non terminari, nec Stellas nubibus esse conterminas, Terram motu annuo ac diurno, non Solem Stellasque fixas moveri, In Planetarum medio Solem non Terram collocari, &c. Per Numerorum, inquam, Symbolicorum intelligentiam hæc Philosophica Creationis Cabbala æquè certò apud eos, qui capaces sunt, transmittitur, atque ipsa Cabbala Literalis. Quemadmodum videre est ex uno illo exemplo Numeri Quaternarii (ut alios missos faciam) qui ad opus quarti Diei pertinet. Cum enim Tetraëtyx sive Quaternarius suâ vi Symbolicâ, totum Universum repræsentet, quippe qui potestate Denarium (qui cum omnes Numeros contineat, Universi Symbolum est) complectitur, hinc intellexerunt Sapientes & Arithmeticæ Symbolicæ gnari, quanquam in Litera, Dies quarta partem tantum Creationis, Solem nempe & Lunam reliquasque Stellas commemorare videatur, reverà tamen eam verum repræsentare totius Universi Systema; Terramque ipsam, utpote unum è Luminaribus minoris dignitatis, sive Planetis, inter reliqua Luminaria creatam. Unde sequitur, moveri etiam circa Solem, Stellarumque aliarum perinde atque Solis vortices in principio vi Divini Verbi factos esse, &c. Arque

Exam Gene-  
ral p. 74, 75.

solum R. Gedaliam sed & Eusebium, Rabanum Maurum, & Zonaram approbare agnoscit. Ut taceam Clementem Alexandrinum, quem Abrahamum ὑπόδειγμα ὅτι τὰ ἀριθμητικῆς, introducere ait. Quod minimè mirum est cum tam apertum extaret ea de re apud Josephum Testimonium. Immo verò Clementem observasse ait, vel Mysticum sive Symbolicum Numerorum usum Abrahamum nequaquam latuisse, indeque factum esse, secundum sententiam Clementis, ut Abrahamus trecentos octodecim vernas armasse dicatur ad redimendum fratrem Lot. Φασι γὰρ εἶναι τὸ μὴ κυριακῶς σημαίνει τύπον, κατὰ τὸ ἁλφια, τὸ τετρακοσιοστὸν φοιχῶν, τὸ ἰωτα καὶ τὸ ἦτα τὸν οὐρανὸν σημαίνει τὸ σωτήριον. T. 300. Crucem nempe significare, I verò & H duas primas literas nominis Ihesu innuere. Istorum autem Numerorum hunc esse sensum Mysticum sive Symbolicum, Ambrosium, Eucherium, Rupertumque Abbatem Tuienssem affirmasse, ipsumque Prudentium huc tanquam ad communem Christianorum, suâ ætate, sententiam in istis versibus,

Nos esse largè vernularum divites,  
Si, quid trecenti bis novenis additis  
Possint, figurâ noverimus mysticâ.

Pag. 75.

(in Præfat. Psychomach.) respexisse ipse apertè fatetur Andreædes. Clemensque non suam solius sed communem seculi sui opinionem istâ vocolâ φασιν, satis subindicat. Tot scilicet suffragiis confirmari videtur, Authores citante ipso etiam S. A. Abrahamum non communis solum sed & Symbolicæ Arithmeticæ peritum fuisse. Quod tamen an tam certò collegerint ex Græco Textu, (cum Abrahamus Græcus non esset sed Hebræus) Clemens aliique ipsi viderint. Caterum ex ipso Textu Linguæ Hebraicæ idem pro Abrahami peritia in Arithmetica Symbolica eruitur argumentum. Videturque pro Tessera militari fuisse istius Vernarum Numeri electio, nempe trecentorum octodecim, quem Numerum continet nomen אֱלֹהֵינוּ, quod significat, Deus meus Adjutorium meum. Quasi hæc esset parvi illius exercitus Tessera militaris. Quod verò Bar Kappara per suam Gematriam in Berisch. Rabb. pro trecentis istis octodecim solum Eliezerem intelligi vult, id sanè meritò à viro erudito, pag. 75. tanquam merum delirium exploditur. Neque enim ad ullum hominem referendum est nomen אֱלֹהֵינוּ numero 318. contentum, sed ad Deum adiutorem, cujus auspiciis ab Abrahamo educendus erat exercitus, ut T. I. H. ad Jesum crucifixum, verum nostrum Eliezerem seu Emanuele, qui à spiritali Captivitate per crucem nos redimit. Quod autem tam in Græco Textu quàm Hebræo usus hic numerorum Symbolicus innotescat, & in re tanti momenti, admiratione profectò dignum est, nec sine singulari providentia factum. Nec obscuro denique argumento est, Abrahamum usum numerorum Symbolicum satis calluisse. Sed longius prolapsus sum quàm putabam.

Pag. 75, 76.

Recurramus ad ea quæ tam facilè vel ultrò concedit S. A. Cabbalam fuisse in manibus Abrahami & familiæ ejus, de Mundi Creatione sive Ortu Universi, hoc extra omnem controversiam situm esse agnoscit. Et communem quidem Arithmeticam & sciuisse Abrahamum & docuisse non multum refragatur. Astronomum verò fuisse ex isto Textu, Gen. 15. 5. ubi Deus dicitur eum ad stellas contemplandas eduxisse, evinci posse non solum negat, sed & falsè deridet. Et fortean haud immeritò. Quippe qui, præterquam quod id factum fuerit in visione Prophetica, ignorantiam potius Abrahami in rebus Astronomicis arguere contendit, quod Numerus Stellarum, quæ apparent, ipsi incognitus fuerit, quem quilibet Tironum Astronomie hodie novit referre. Haud incertum profectò argumentum! Et quod planè innuit, Deum in visione Prophetica Abrahamum eduxisse ad Stellas, mentis quidem non corporis oculis aspectandas, & non tanquam Astrologum sed Physiologum satis gnarum, qui ex vera de Creatione Mundi Cabbala, quàm infinitus ferè fuerit Stellarum, i. e. solum Vorticumque Numerus jam olim intellexisset, atque hac comparatione Deum innumeram Abrahamo futuram progeniem illustrasse. Porro ex hac verisimillimum est Philosophia Abrahamum demonstrasse, quemadmodum ait Maimonides, quod Mundus habeat unum Deum solum, quodque is creaverit omnia quæ extra vel præter ipsum sunt. Et certè ad convincendas gentes, quarum pleræque omnes Solem pro supremo Numine habuerunt, Stellas reliquas pro Diis minoribus, nulla est accommodatior Philosophia, quàm ea ipsa quam nos tanquam Mosaicam Abrahamicamve operi quartæ dici Creatonis applicavimus. Hæc certè omnem Gentium Superstitionem & Idololatriam uno quasi ictu abscindit, quemadmodum & in magno Pietatis Mystério notavimus.

Lib. 3. cap. 1 &  
2.

Attamen verò S. A. quanquam Abrahamum Cabbalam sive Doctrinam de Mundi Creatione & accepisse & tradidisse concedit, nec dissimilem fortè ei ipsi (cum ad confutandos



futandos Atheos & Idololatrias tam idonea sit,) quam nos Textui *Mosaico* applicavimus, sub Numerorum tamen Symbolis à majoribus fuisse acceptam, vel ab ipso Abrahamo, quippe insigni Mathematico, eisdem involutam, & sic posteris traditam & ad Mosen delatam, nequaquam censet admittendum, ut quod omni ratione careat. Quid ita obsecro, mi *Andreade*! Abrahami tempore *Arithmetica* non extabat, cujus Inventorem Pythagoram *Freculphus Episcopus Lexoviensis* constituit, Plato in *Phædro* Θεῶν Deum Ægyptium, Hermetem nempe *Trismegistum*, quem viri docti aut Mosen, aut Josephum Patriarcham, quæ probabilior opinio est, fuisse contendunt. Quos omnes Abrahamo posteriores fuisse in confesso est. At verò Josephum Patriarcham Abrahami pronepotem fuisse satis constat, & supra ex Josepho concessisti Abrahamum non solum calluisse *Arithmetica*, sed & alios eam docuisse. Ità eruditum *Andreaden* ex animo nimis obstinato & infenso adversus veritatem malè sibi constare videmus, andruantem & redandruantem ac præ nimio ardore & levitate juvenili, quo loco staret, nescientem. Abrahamum vel Symbolicæ *Arithmetica* peritum fuisse ex numero Vernarum illiusque significatione satis supra constabat. Et concedit tandem *Andreades*, sed non esse credibile eum Creationis *Cabbalam* numerorum symbolis abscondere voluisse, quamvis istam artem noverit, cum res adeò insolens sit ut nusquam in sacris Literis, si unicum Numerum Bestia excipias, illius occurrat exemplum, nec ullus bonus sit Numerorum hujusmodi Symbolicorum usus.

Sed ad prius breviter respondeo, Inscitiam suam prodere aut egregiam oscitantiam S. A. dum sic statuit, (quemadmodum & *Daneus*, qui ad sensum *Chronologicum* istum Numerum inflectere conatur, qui proculdubio est *Symbolicus*.) Nam in proximo Capite, nempe Apoc. 14. Numerum 144. Chiliadum *Numericè* interpretari & non *Symbolicè*, admodum absurdum esset ac puerile. Ex radice enim Numeri 144. sensus *Symbolicus* apertè intelligitur. Multaque alia sunt, in Apocalypsi præsertim, horum Numerorum *Symbolicorum* exempla, ut in mille Annis Regni Christi, In septem millibus Nominum occisorum, Apoc. 11. 13. In tertia parte Arborum, Fluminum, Maris, &c. Apoc. 8. 7. Vox hæc numeralis [Tertia] decies ad minimum istoc in Capite, *Symbolicè* usurpatur, ut & Numerus *Duodenarius*, cap. 21. septies saltem octiesve. Ut taceam Numerum 144. illuc iterum occurrere *Symbolicè* intelligendum. Hæc sufficere debent, quanquam & alia multa possint superaddi. Temeraria autem illa Numeri Bestia Interpretatio ad sensum *Chronologicum* (quam ego semper non sine aliqua animi indignatione rejeci, nunquam autem cum majori, quam apud amicos quoddam me ea de re sciscitantes anno uno aut altero ante Urbis Londini incendium quod contigit A. D. 1666.) funestissimo argumento jam confutata est, ut desinere tandem discant homines imperiti & leves in Prophetiis interpretandis ineptire.

Ad posterius quod attinet, de usu Numerorum *Symbolicorum*, (quos usus alii fingunt ipsi defendant) Ego duos omnino usus eorum præcipuos maximèque conspicuos noto, unum, ut per eos satis certa sit abstrusissimarum maximèque sublimium Veritatum Revelatio ac Traditio; alterum, ut ista Traditio non quibuscumque aut personis aut temporibus pateat, sed idoneis & opportunis. Hinc abstrusissima Creationis Mysteria, cum vulgarem excedant captum atque fidem, Historia illius per Numeros *Symbolicos* sic narratur ut vulgus habeant quod Pietatem & Religionem in ipsis alat, ut intelligant utique quod verissimum est, Deum hujus visibilis Mundi esse Creatorem, omnesque causas secundas ab illius nutu pendere; & certa interim derivetur *Cabbala* apud sapientes, Mundi hujus visibilis systema longè aliud repræsentans quam vulgo videtur, Illius scilicet ambitum nubibus non terminari, nec Stellas nubibus esse conterminas, Terram motu annuo ac diurno, non Solem Stellasque fixas moveri, In Planetarum medio Solem non Terram collocari, &c. Per Numerorum, inquam, *Symbolicorum* intelligentiam hæc Philosophica Creationis *Cabbala* æquè certò apud eos, qui capaces sunt, transmittitur, atque ipsa *Cabbala Literalis*. Quemadmodum videre est ex uno illo exemplo Numeri *Quaternarii* (ut alios missos faciam) qui ad opus quarti Diei pertinet. Cum enim *Tetractys* sive *Quaternarius* suâ vi *Symbolicâ*, totum Universum repræsentet, quippe qui potestate Denarium (qui cum omnes Numeros contineat, Universi Symbolum est) complectitur, hinc intellexerunt Sapientes & *Arithmetica Symbolica* gnari, quanquam in *Litera*, Dies quarta partem tantum Creationis, Solem nempe & Lunam reliquasque Stellas commemorare videatur, reverà tamen eam verum repræsentare totius Universi Systema; Terramque ipsam, utpote unum è Luminaribus minoris dignitatis, sive Planetis, inter reliqua Luminaria creatam. Unde sequitur, moveri etiam circa Solem, Stellarumque aliarum perinde atque Solis vortices in principio vi *Divini Verbi* factos esse, &c. Atque

que hinc quarti diei enarrationem, *veri Systematis Mundani* totiùsque Naturæ sive rerum Universitatis genuinam explicationem continuisse. Quam ob causam *Tetradys* meritò à *Pythagoreis* vocatur Κλειδὺς τοῦ φύσεως, quippe quæ clavem geriebat quâ rerum Naturæ Systema verum sapientibus aperiretur. Quæ cum tam mira Naturæ Mysteria complecteretur, minimè mirandum est in Juramenti formam apud *Pythagoreos* abiisse,

----- Νῆ τὸν παραδόντα τετρακλὺν,  
Παγὰν αἰεὶ αὖ φύσεως, ῥιζωμά τ' ἔχυσαν.

Qua de re plura postea, cùm ad illam hujus Juramenti explicationem pervenerimus, quam ex aliis viris doctis in hujus, quam hîc innuo, locum, substituere vult S. A. Interim eum velim advertere, quàm omnia nobis ex voto cedant: *Abrahamum* Creationis *Cabbalam* recepiſſe, non solum *Arithmeticam*, sed *Symbolicam* *Arithmeticam* calluisse, immo & eâ usum esse in Vernarum Numero seligendo. Eundem egregium *Physiologum* fuisse, eamque scivisse *Physiologiam* quæ ad subvertendum *Polytheismum*, & *Idololatriam* Gentium, quæ Solem tanquam summum Numen colebant, maximè esset idonea. Et talem denique esse quæ per vim *Symbolicam* Numeri *Quaternarii* Operi dici quarti aprè à nobis applicetur, quæque turò ac certò apud *Sapientes* per *Arithmeticam Symbolicam* peritiam possit transmitti aut saltem conservari, quamdiu *Historia Literalis* maneat. Quid igitur reliquum est quàm ut concludamus rem ita planè se habere quemadmodum nos statuimus?

Et certè tandem ista omnia de *Abrahamo* largiri videtur *Andreades*. Sed hanc postremò difficultatem movet, Quamquam scilicet *Abrahamus*, insignis Mathematicus, *Historiam* Creationis Numerorum Mysteriis involutam tradidit posteritati, non tamen probabile esse *Mosen*, qualem à *Majoribus* acceperat, in literas retulisse. Quippe quòd, quæ is scripsit, θεοπαράδοτα fuerunt, non πατεροπαράδοτα, alioqui divinitati narrationum ejus non parum derogaret. Sed breviter respondeo: Quæ scripsit & πατεροπαράδοτα esse posse & simul θεοπαράδοτα, nempe ea à Deo primitus tradita & in manibus postea *Familiæ Dei* custodita, posteritati per singula secula ad *Mosen* usque potuisse transmitti, & confirmari denuò pleniusque illustrari in colloquiis suis cum Deo facie ad faciem, in monte *Sinai*. Tam parum derogatur divinitati Narrationum ejus quantum ad Mysteria Creationis. Ut omittam, cùm jam concessum sit, *Abrahamum* Creationis *Cabbalam* Numeris *Symbolicis* involuisse; cùmque sit manifestum ipsos Numeros dierum Creationis vim habere *Symbolicam*, talèmq; quæ *Physiologia Abrahamica* apprimè conveniat; valdè torpidæ & imperitæ incredulitatis videri, si quis magnopere dubitet an hæc illa ipsa *Cabbala* sit, quæ olim tradita sit *Abrahamo*, quàmque *Abrahamus* posteris suis tradiderit. Sic ex omnibus difficultatibus circa hanc rem quas copiosa & inundans *Andreadæ* eruditio nobis offudit, quibùsque nos obruere voluit, tuti tandem eluctati sumus, & quasi enatavimus incolumes.

Unicum hoc eminens exemplum proferre contentus ero, Numerum scilicet *Bestiæ* 666. Hunc in locum sic scribit *Andreades*, pag. 81. *Ausim asserere*, inquit, nullum dari in tota *Scriptura* exemplum, ubi Numerus (extra respectum Typicum (e. g. in *Jonæ* triduo, *Matth.* 12. 40. *significante* triduum mortis *Christi*) & Chronologicum) ad personam aut rem significandam adhibeatur. Quàm autem temerè hoc dixerit videre est ex suprâ allatis, ubi viginti plùs minùs exempla produxi, possimque plura si opus esset superaddere. Reliqua quæ in hunc locum adhibet, inepti cujusdam sunt apud veteres Patres, & affectati Numerorum *Symbolicorum* abusùs exempla. Ad quæ hoc tantùm respondeo, quanto ineptius illi in *Mystico* Numerorum usu versati sunt, tanto credibilius esse, traditionem de Numerorum usu *Mystico* & *Symbolico* esse firmam & solidam in genere. Alioqui, cùm ipsi eas ad res adeò inhabili essent & infœlici ingenio, haud tantopere isti studio indulſissent. Quid autem hæc faciant contra cautum castumque Numerorum *Mysticorum* usum, qualem nostrum esse contendo, equidem non video.

Seç. 3. Ut suas ineptias ei admiscuerint. Hinc consequi ait S. A. Omne illud à conversatione istorum Philosophorum cum *Ægyptiis* aut *Judæis* petitum argumentum infirmum esse pro veritate hujus *Cabbalæ* stabilienda. Respondeo autem me *Andreaden* observare in suo *Examine* eadem ferè semper errare chordâ, & aut datâ operâ aut inscienter, vim ac nervos nostræ *Cabbalæ* ejùsque *Defensionis*, prætervolare. Neque enim in hoc consistit vis meæ Interpretationis, quod pag. 71. S. A. tanquam meum convellit; viz. *Plato* & *Pythagoras* quedam immo multa & præcipua à *Mose* & *Judæis* hausserunt. Iidem hæc & hæc quoque tradiderunt. Ergo *Mosaica* sunt, quibus sententia

Mosis



Mosistutò exponi potest. Equidem absurda hæc est mancâque Ratiocinatio, quam festiviter ac lepidè Theologiæ juvenis Professor ex proprio cerebro per deridiculum efformat. Dum verò agnoscit S. A. *Platonem* ac *Pythagoram* multa eâque præclara à *Mose* *Judeis*que accepisse, (quamvis nugas postea & quisquilias admiscere poterint,) cùmque præclara illa dogmata, quæ *Pythagoram* *Platonem*que tenuisse constar, manifestum sit, mirificâ congruitate tum *Rerum* tum *Numerorum* cum Textu *Mosaico* *Mysticè* exposito, consentire, indè quidem, nec temerè profectò, concludimus, ea ipsa dogmata sive *Platonica* sive *Pythagorica*, quæ tanti momenti sunt, quæque tam aptè congruentèrque Textui *Mosaico* applicari possunt, fuisse primitùs *Mosaica*, & à *Mosis* successoribus ad *Græcos* fuisse derivata.

S f f

INTRO-

INTRO



# INTRODUCTIO AD DEFENSIONEM.

1. Error Diodori circa Moſen aliòſque Legiſlatores qui profeſſi ſunt ſe Leges ſuas ab aliquo Deo bonòve Genio accepiſſe. 2. Rationes cur Moſes Hiſtoriam inceperit cum Creatione Mundi. 3. Sol & Luna iidem qui Oſiris & Iſis Ægyptiorum, undèque factum ſit ut pro Diis colerentur. 4. Mortalium Hominum Apotheoſis, quales erant Bacchus & Ceres, quomodo primùm in mundum ſit introducta. 5. Literam Scripturæ in rebus Philoſophicis ut plurimum loqui ſecundùm Senſum & Imaginationem Vulgi. 6. Senſum eſſe Philoſophicum in tribus primis capitibus Geneſeos latentem. 7. Senſum verò Moralem eſſe ſive Myſticum non ſolùm in illis tribus capitibus, ſed in multis alijs locis Scripturæ.

I.  E nimis prolixo Prologo in rem quæ præ manibus eſt circa Authorem huius Libri Geneſeos, Moſen ſcilicet, diutiùs quàm par ſit vos detineam, eum conſiderabo potiffimùm quoad publicas animi dotes, quarum ratione vel primo intuitu mirabilis apparebit, quatenus utique *Politicus* ſive *Legiſlator*. Qua in re peritia ejus tanta erat ut etiam ſecundùm ſententiam Scriptorum Ethnicorum præ reliquis longè eminuerit. *Diodorus* in capite Catalogi celeberrimorum Legiſlatorum eum collocavit \* ſub nomine Μνεύς, niſi quid fortè ea in re erraverit *Juſtinus Martyr*: vel ſi lapſus ſit, eis tamen accenſetur, qui omnium optimi habiti ſunt, ad agmen claudendum reſervatus eorum qui ſuas leges nominârunt Divinas ſeſeque Internuncios fecerunt Deum inter atque Populum. *Mneves* hic ſuas leges dicitur accepiſſe à *Mercurio*, ut *Minos* à *Jove*, *Lycurgus* ab *Apolline*, *Zathrauſtes* à π' αγαθῷ δαίμονι. à bono ſuo Genio, *Zamolxis* à *Veſta*, & *Moſes* ab *Jao*, hoc eſt, *Jehovah*. Παρὰ τὸ τοῖς Ἰουδαίοις Μωσὴν τὸ Ἰαὼ ὀνομαζόμενον θεόν. Sed loquitur ut merus Hiſtoricus hac in re. Προσποιήσασθαι vox eſt quâ audacter abutitur ad cunctorum authoritates promiſcuè diminuentes. Ait enim finxiſſe, ſe leges ab illis Numinibus accepiſſe; additque inſuper rationem, ſed tanquam purus purus *Politicus* incredulùſve Philoſophus. Εἴτε θαυμαστὴν καὶ θεῖαν ὁλως ἔννοιαν κείμεναι καὶ μέλλουσαν ωφελέσθαι ἀνθρώπων πλῆθος. εἴτε καὶ περὶ τὸ ὑπεροχὴν καὶ δύναμιν τῶν εὐρεῖν λεγόμενων τῶν νόμων, ἀποτέλεσαντα τὸ ὄχλον, μᾶλλον ὑπακούσθαι, διαλαβόντας. Sive ſit, inquit ille, quod mirabile planèque Divinum Inſtitutum judicarent, quod in utilitatem Multitudinis ſit redundaturum; ſive populum hoc pacto arbitrarentur poteſtatem ac ſupereminentiam Legiſlatorum ſuorum conſiderantes, legibus ſuis eò magis fore morigeros. Dictum illud in Scholis, non magis tritum eſt quàm verum, Quicquid recipitur recipitur ad modum recipientis; vel, Unumquodque, prout accipitur, ita eſt aut ſaltem ita eſſe apparet. Propriarum quidem noſtrarum naturarum Tinctura rerum omnium apparentias inficit. Adeò ut minimè mirer *Diodorum Siculum*, hominem ingenio merè *Politico* ( ut manifeſtum quidem eſt quanta ſit inter Hiſtoriam & Politicem affinitas ) Receptionem Legum ab aliquo Numine, prudentem potiùs fraudem, dolumve Politicum quàm rem reverà geſtam exiſtimàſſe.

Cæterùm ut *Diodorum* relinquamus ſuo Ethnicismo & Incredulitati, quod ad nos attinet, qui Scripturis credere debemus, niſi authoritati Textus Græci contradicere velimus, non ſolùm certò perſuaſi erimus quòd *Moſes* ſuas Leges ab ore Divino acceperit, ſed dabuntur etiam aliquæ invitatiunculæ ad credendum conſimile quiddam

aliis Legillatoribus obtigisse, Deut. 32. "Οτε διεμέριζεν ὁ ὕψις ὁ θεός, &c. Quando dividebat Altissimus gentes, quando separabat filios Adam, constituit terminos populorum juxta numerum Angelorum Dei, Jacob verò pars Jehovæ erat, hoc est Jao, &c. Adeò ut haud ità veri dissimile sit, quin, quemadmodum magnus Angelus Fœderis (quem Philo τῶν ἀγγέλων πρεσβύτερον, ἢ ἀρχάγγελον, λόγον, ἀρχὴν, ὄνομα θεῦ, hoc est, Angelorum Principem, Archangelum, Verbum, Principium, Dei nomen, quod Jehovah est, appellat) suo populo Leges tulit, ità aliarum Gentium Angeli Tutelares, Institutores Monitorésve eorum esse possent quos Legislatores suo populo essent constituturi. Quanquam procedente tempore, Nationes quæ primitus sub bonorum Angelorum Regimine erant, per nequitiam suam & contumaciam potestati ac delusioni istorum ἀπειθαρχούντων δαιμόνων, qui vocantur, fallacium istorum ac Tyrannicorum Demonum, obnoxios seiplos reddere potuerunt. Ceterum hæc digressio omnino est. Quod subindicaturus eram, hoc breviter est: *Mosen*, magnum illum *Judeorum* Legillatorem, Hominem fuisse à Deo ipso ad omnem Prudentiam veramque Politicam instructum. Unde non dubito, modò diligenter investigare velimus, quin in locis ferè omnibus universi Pentateuchi perfectissimæ sincerissimæque Politicæ vestigia simus inventuri.

2. Atque hîc in ipso introitu seipsam oblatura est conspectui nostro. Ubi *Moses* talem se præbet, qualem nobilis ille *Platonis* Genius omnes Rerum-publicarum Gubernatores esse exoptat. Qui in Epistola sua ad *Dionem* & amicos suos prædixit, nunquam fore ut Genus humanum miserum esse desinat, donec aut veri legitimique Philosophi in Rebus-publicis imperent, aut ii qui imperant ad veram solidamque Philosophiæ studium animos adjungant. Et quidnam aliud est *Bereishith Mosaicum* nisi pulchra ad eam rem invitatio, quippe quod totam Naturam saltem fabricam conspicuamque Mundi visibilis suppellectilem complectitur? Tanquam si ad totum Creationis Dei cœtum vocemque magni Universi provocare ausit, si illa quæ populo, cui eum Deus præfecerat, propoluerit, iusta non sunt atque vera, quique juxta ea præcepta vixerint, *Cosmopolitas seiplos non præstituri sunt sive veros Mundi Civés fidelésque subditos Dei atque Naturæ*. Ipsius *Philonis* interpretatio est in hunc locum. Quæ quàm vera sit in *Mose* velato nolo hîc disputare. Verissimum verò esse in *Mose* revelato Christo Domino nostro, verum est citra omnem disputationem aut controversiam. Sed ad *Mosen* redeo.

Altera Ratio, haud minoris momenti, cur sanctus ille sapiensque Legillator *Moses* à Mundi Creatione orsus sit, hæc est. Leges & Statuta quæ ille dedit *Israelitis*, ab eo data sunt tanquam *θεοπαγιδότα*, tanquam Instituta à Deo accepta. Ac proinde fortissimum argumentum incitamentumve ad Obedientiam ab hoc primo petendum erat supremoque Legillatore, à Deo nempe ipso, magno illo *Jehovah*, cujus Sapiencia, Potentia atque Bonitas melius describi non poterat, quàm ascribendo ei totius Mundi visibilis Creationem. Ut propter Potentiam suam eum timere possent, admirari propter Sapienciam, & postremò, propter suam Bonitatem amare, adorare Deumque suum agnoscere: ut, quemadmodum revera in seipso est Deus Altissimus, ità à Populo pro tali coleretur.

Etenim certè nihil est, quod tantopere conciliat, immò rapit captivósve abducit animos misellorum mortalium, quàm Bonitas ac Munificentia; quippe quum omnes tanto affectu seiplos prosequantur, maximèque omnium, vilissima Ingenia atque abjectissima, quorum animæ tantum abest ut paulò evectiores sint & à seipsis relaxatiores, ut impotenter impetuósque suis charis corporibus acclinent atque adhæreant. Atque hinc factum est, ut, ex vivido voluptatum illius atque commodorum gustu ac sapore, non dubitaverint eos pro Diis colere, qui sive industriâ suâ sive calu quicquam produxerint, quod felicitati solaminique corporis adaugendo posset inservire.

3. Hinc factum est ut *Sol* & *Luna* pro duobus primis Numinibus ab Idololatrâ Antiquitate habiti sint, nempe ob illud bonum sensibile quod famelicis Mortalibus contulerunt; Altera eorum, terram humidâ suâ Influentiâ irrigante; Altero fruges Soli maturante calidis suis radiis, omnesque Mundi visibilis Thesaurus absconditos illustri suo reditu quotidie aperiente, Visumque varietatibus Objectorum Naturæ demulcente, totumque corpus exhilarante grato suo calore. Hisce quidem, tanquam Benefactoribus humani generis maximè conspicuis Nomen *θεός* datum est, *πατρι τῷ θεῷ*, quoniam observaverant putatitia hæc Numina in perpetuo fuisse motu.

Hi duo, *Aegyptiorum* *Osiris* sunt atque *Isis*, alique quinque eis superadditi sunt tanquam sensibiles Benefactores, sed hisce duobus subordinati ab eisque dependentes. Et secundum vulgarem loquendi formulam, hi sunt, *Ignis*, *Spiritus*, *Humiditas*, *Siccitas*, & *Aer*; juxta verò Titulos suos *Divinos*, *Vulcanus*, *Jupiter*, *Oceanus*, *Ceres*, &



& *Minerva*. Hi sunt οἱ αἰδίων γένεσιν ἔχοντες θεοὶ, quemadmodum loquitur *Diodo-*  
*rus*. *Bibliothec. Hist.*  
*stor. lib. 1. p. 8.*

4. Ceterum postea, Homines etiam mortales, in Deorum immortalium numerum relati sunt, διὰ τὴν συνέσιν καὶ κοινὴν ἀνθρώπων ἐνεργεσίαν, propter prudentiam eorum ac beneficentiam, quemadmodum copiose videre est apud *Diodorum Siculum*. Duos tantummodo, exempli causa, nominabo, *Bacchum* & *Cererem*, alterum *Vini* ac *Cervisiae* Inventorem, alteram *Frumenti*. Adeo ut summa rei resolvi possit in pecorinum istum Aphorismum,

Τὸ γὰρ τρέφον με τὺτ' ἐγὼ οἶμαι θεόν.

Id quod gratificari potuit degeneranti jam humano generi voluptatemque eis corpoream conciliare, (quippe qui Divinam Imaginem in animabus suis perdiderant, meraque pecora quodammodo evaserant) id scilicet ab ipsis pro Deo reputandum erat.

Quamobrem necesse habuit *Moses*, quandoquidem cum tam terrenis Ingeniis res ipsi erat, filiis *Sensus* ac *Corporeitatis*, *Jehovam* eis proponere tanquam sensibilis hujus corporeique Mundi opificem, ut quicquid dulcedinis ex illius varietatibus hauserint, illi attribuire possent tanquam primo *Fonti* & *Authori*, sine quo nec ipsi nec quicquam aliud fuisset extitutum; ut inde excitari possent ad laudandum nomen ejus & ad obtemperandum jussis per servum suum *Mosen* revelatis. Atque haec vera solidaque *Prudentia* erat, ad nihil aliud colligans, prater gloriam Dei, & miselli imperitiaeque populi Bonum.

5. Atque huic quidem *Prudentiae*, modus describendi Creationem, suam originem acceptam refert, quod nempe tam accommodatè ad caprum vulgi *Moses* eam descripserit. Quippe qui de rebus loquitur, non quidem secundum ipsam *Essentiam*, realemque *Naturam* earum, sed secundum illarum *Apparentiam* nobis; nec sublimes intricataeque quaestiones movet, ex argumentisque subtilibus eas concludit, sed familiariter & condescenderet Creationem exponit, secundum maximè faciles atque obvios conceptus quos ipsi formaverint eis de rebus quas in Mundo vidissent: etiam res crassiores, quae in Terrae visceribus latebant, omittens, ut Metalla, Mineralia & similia, perinde atque res illas, quae omnino non cadunt sub sensum, cujusmodi sunt *Substantiae* illae *Imateriales*, *Angeli*, sive *Intelligentiae*. Tam aptè *Sapientia* Bonitatisque Divina ad angustum tardumque vulgi sensum, externum *Scripturae* corticem accommodavit.

Nec tamen inde sequitur Narrationem non esse veram, quod secundum rerum sensui obviaeque *Imaginationi* *Apparentiam* facta sit. Est enim etiam *Veritas Apparentiae*, secundum quam *Scriptura* ut plurimum loquitur in rebus Philosophicis.

Estque Positio haec *Clavis praecipua*, (meo quidem judicio, speroque me manifestò mox probaturum) quae *Bereishith Mosaicum*, secundum externum & Literalem sensum, sine omni difficultate partiumque inter se repugnantia possit intelligi.

Dico igitur, primum, in confesso esse apud doctos *Hebraeorum*, qui Regulam constituunt in multis *Scripturae* locis intelligendis, Quod loquitur *Lex juxta linguam humanam*. R. *Maimonid. More Nevosh. part. 1. cap. 26.*

Et secundò (quod rem quae praemanibus est propius attinget) ostendam in quibusdam locis necesse esse ut sic intelligantur.

Gen. 19. 23. Sol egressus est super Terram, cum Lot pervenit Zoar. Quod planè innuit sub Terra antea fuisse. Quod verum est tantummodo secundum Sensum, vulgaremve *Imaginationem*.

Deuteronom. 30. v. 4. כַּחַשְׁמַיִם הַשָּׁמַיִם sive ἀκαταρτὴς οὐρανός, Terram innuit certis limitibus clausam, tanquam si revera *Herculis Columnae* essent, sive, Non plus ultra: Quemadmodum manifestum esse potest eis, qui naturalem significationem vocis קָצָר & אֲחֻצָּה intelligunt. Ista enim vocabula Terram caeruleo caelo limitatam, Caelumque limitatum Horizonte Terrae planè supponunt, quippe quum mutuò se tangant: Quod verum est solummodo quoad Sensum & *Apparentiam*, quemadmodum quivis, qui non sit merus *Idiota*, ultro fatebitur.

Ecclesiastic. 27. v. 12. Oratio hominis pii, perpetua est Sapientia, Stultus autem instar Lunae variat. Hoc intelligendum est quoad Sensum & *Apparentiam*. Nam si stultus non magis variat, quam revera Luna facit, Sapiens profectò est homoque omnibus numeris absolutus, semper idem, quamvis ad aspectum vulgi variare videatur. Nam Hemisphaerium saltem Lunae semper illuminatur, idque tum maximè cum minimè omnium nobis apparet.

Huc

Huc etiam referri potest illud 2 Paralipom. 4. v. 2. *Fecit quoque Mare fusile, decem cubitorum à labro ejus usque ad labrum ejus, rotundum in circuitu, & quinque cubitorum altitudo ejus: Lineaque triginta cubitorum ambiebat illud per circuitum.* Id quod planè impossibile est, ut Diameter sit decem Cubitorum & circumferentia tamen tantum triginta. Visum autem est hìc Spiritui sancto secundum communem usum opinionemque hominum loqui, non autem secundum demonstrationis *Archimedeae* subtilitatem.

Rursus, Psalm. 19. *In eis Soli posuit tabernaculum, & ipse tanquam sponsus egrediens de thalamo suo, gaudet ut gigas ad currendam viam.* Hoc, quemadmodum & ipse *Johannes Calvinus* observat, dictum est secundum rudem sensum vulgi, quem frustra *David* conaturus fuisset Astronomiæ Mysteria edocere. Ac proinde nullam mentionem facit cursus Solis sub Nocturno Hemisphærio.

Hicce adde Josu. 10. v. 12. *Sol in Gibeon consistit, & Luna in valle Ajalon.* Ubi manifestum est *Josua* loqui, non quidem secundum veritatem rerum Astronomicam, sed secundum Sensum & Apparentiam. Solem enim suppone Lunamque, quam potest commodissimè collocatam, modò cursum suum naturalem non relinquant, tantum abesset tamen ut una super *Ajalon*, alter super *Gibeon* consisteret, ut reverà multis centenis milliariibus distantes forent ab istis locis. Et si Sol & Luna ultra Aequatorem essent, distantia ad aliquot millena Milliaria assurgeret.

Postremò, (& quo quidem nihil notatu magis dignum est) *Litera* Scripturæ Mundi ambitum ultra nubes aut præter propter, non extendit, sed eis limitibus claudit, quemadmodum manifestum est.

Primò, Quoniam Nubes fiunt Habitaculum Dei, unde eas supponere debemus in loco altissimo positas. Illic habitat, currit, equitat & ambulat. *Qui ambulat super pennas ventorum*, Psalm. 104. *Qui contignat aquis superiora sua, qui nubes facit cursum suum ambulatque super alas Ventorum.* Contignat aquis superiora sua, nempe Aquis supernis quæ sunt Nubes. Omnipotentis igitur ædes secundum *Literam* collocantur in Nubibus.

Illic ferè est etiam ubi campum habet ad exercitium, & bellum. Deuter. 33. v. 26. *Non est sicut Deus Jeshurun, inequians celo in auxilium tui, & magnificentia sua, nubibus;* hoc est, Nubibus superioribus, quemadmodum *Buxtorfius* interpretatur. Et certè quid potest שחקי in locis supernis propriè significare, nisi Nubes? Nam hìc infra in terra pulverem significat tenuissimum, Nubes autem sunt ad instar pulveris coelorum. Atque hoc pulchrè convenit cum illo Prophetæ *Nahum*, cap. 1. v. 3. *Jehova in tempestate & turbine est via ejus, & nubes pulvis pedum ejus.* Hic currit æquè velociter atque Turbo, pulveremque nubium circa se excitat.

Equitantem rursus invenies, Psalm. 68. 4. idque in Triumpho, & tamen non nisi super Nubes, (consimiliter illi in Deut.) *Cantate Deo, psallite nomini ejus, exaltate eum qui equitat super celos, in Jah nomen ejus, & exultate coram eo.* Qui equitat super celos, Textus Hebraicus habet לרכב בערבות Quod ego cum bona venia R. *Aben-Ezra* sic reddere non dubito, Qui equitat super nubes. Nam Nubes caliginem creant. Radixque unde ערבות originem ducit, est ערר quod significat obtenebrari, obscurari. Quod autem ad rationem attinet cui hujus Rabini Interpretatio innititur, ea ex versu 33. hujus Psalmi 68. desumitur. *Equitanti super celos celorum antiquitatis.* At verò si porrò pergimus, inveniemus istos celos coelorum, quemadmodum verisimillimum est, altiùs non pertingere quàm ad nubes. Perlegamus enim totum versum simul. *Equitanti super celos celorum antiquitatis; Ecce edit in voce sua vocem fortitudinis: Quid istud aliud est nisi Tonitruum? Et unde Tonitruum nisi è Nubibus? Versus subsequens rem extra controversiam ponit. Date fortitudinem Deo, super Israel magnificentia ejus, & fortitudo ejus in Nubibus: Quod eximie quidem confirmat, Cælum, secundum Literam Moysi & Davidis etiam, non nisi ad Nubium ferè altitudinem extendi. Nam hìc cælum coelorum sedes dicitur Tonitruui, Deique fortitudo ac potentia esse in Nubibus. Nec ista hujus altitudinis descriptio, nempe cælum coelorum antiquitatis, ullam altiorem implicat distantiam. Etenim cum totum Firmamentum ab aquis inferioribus ad superiores Cælum appellatur, non est omnino à ratione alienum, ut suprema pars hujus Cæli sive Firmamenti, Cælum coelorum appelleretur. Atque hoc quidem primum argumentum est, ad probandum, Cælum sive Firmamentum non nisi à mari ad nubes extendi, secundum externam phrasin Scripturæ, nempe, quia Dei sedes altiori loco non est sita.*

Secundum argumentum ab Exegetica Coelorum Nubiùmque conjunctione ad rem valde altam (cujus altitudo tanta sit, quanta verbis exprimi potest) illustrandam, desumitur. Hoc autem sæpe occurrit apud Psalmistam, Psalm. 36. 5. *Jehova usque*  
ad



ad caelos misericordia tua, veritas tua usque ad nubes. Et Psalm. 57. 10. Quoniam magna est usque ad caelos misericordia tua, & usque ad nubes veritas tua. Et Psalm. 108. Quia magna est supra caelos misericordia tua, & usque ad nubes veritas tua. Ubi Caelum & Nubes unam eandemque altitudinem illustrant, eamque immensam, Misericordiam scilicet & Veritatem Dei.

Ultimum argumentum ex eo petitur quòd Psalmista Solem כֶּשֶׁת in nubibus sive Caelo nubiloso collocat. Vox enim necessariò ità significat, quemadmodum supra probavi, porroque possim confirmare ex Etymologia vocis. Nam כֶּשֶׁת significat comminuerè, contundere, vel contundendo ad pulverem redigere. Et quid aliud sunt Nubes nisi caelorum pulvis, si fas sit ità loqui? Psalm. 89. v. 36, 37. Semen ejus in seculum erit, & thronus ejus sicut Sol coram me: Sicut Luna stabilietur in seculum, & sicut testis in caelo fidelis. Sicut Testis fidelis כֶּשֶׁת, hoc est, in Aëre sive Æthere, in loco ubi nubes pendent. Solis igitur, fidelis illius in caelo testis, ad nubes usque deorsum attractio, planè implicat quòd *Litera* Scripturæ nullam Firmamenti partem supra Nubes notat tanquam quicquam æstimandam, cum omnes altitudinis illustrationes eà fere extensione semper claudat. Atque hoc quidem cum *Mose* apprimè convenit, qui Solem & Lunam magna appellat Luminaria & quasi pro nihilo Stellas habet, uti manifestum est ex versu 16. primi capituli Geneseos. Fecitque Deus duo Luminaria magna, Luminare majus ut praeesset Diei, & Luminare minus ut praeesset Nocti, & Stellas etiam. Illæ verò tanquam Mantissæ loco adjiciuntur, quasi non tanti momenti, cum tamen Stella primæ magnitudinis revera sit, secundum computum Astronomorum, vices millies major quàm Terra, Terræque quadragies quinquies major quàm Luna, adeò ut Stella primæ magnitudinis reperta erit plus novies centies millies major quàm Luna. Quæ tamen nihilominus secundum *Literam Mosi* unum est è majoribus Luminaribus, solæque Noctis Imperatrix.

Hic verò *Litera Mosi* optimè sibi constat. Etenim cum Caeli extensio altior haud agnoscat Nubibus aut circiter, inter quas, quemadmodum ostendi, Sol est, & ex consequenti, Luna, nec durius erit Stellas ad eam humilitatem deprimere (quinimo omnes necessariò tam humiles esse debent, quippe quibus nihil reliquum est loci ubi altiùs collocentur, secundum usitatam phrasin Scripturæ) apparentia earum omnium ad aspectum nostrum satis accuratè indicabit rationes ipsarum inter se, & Sol atque Luna, secundum hanc Hypothesin, reperientur duo magna Luminaria, Stellæ verò instar exiguorum calculorum in æthere dispersorum. Quamobrem ex universo hoc concentu concinnitatèque rerum, spero me tutò concludere posse, Extensionem Firmamenti non esse nisi ad distantiam à Mari ad Nubes aut circiter, secundum *Mosen* perinde atque ad aspectum nostrum, qui nulla altitudinum intervalla discernere potest inter Nubes & Lunam, inter Lunam & Solem, & inter Solem denique & Stellas fixas.

Hisce argumentis adjicere possim multorum Patrum modernorumque Theologorum, ut *Chrysostomi*, *Ambrosii*, *Augustini*, *Bernardi*, *Aquinatis* ac reliquorum suffragia. Sed ex jam dictis satis manifestum est, Quòd Scriptura loquitur, non quidem secundum accuratam rationem Veritatis, res describendo κατ' ὑπόστασιν, juxta ipsam naturam ac essentiam earum, sed κατ' ἰμᾱσιν, secundum Apparentiam Sensibus nostris Vulgique Opinioni.

6. Secunda Regula quam positam volo, hæc est: Quòd varia sit veritatum Theosophicarum ac Philosophicarum Intertextura, multa Physica & Metaphysica Theoremata, per istas voces quæ primo aspectu non nisi ordinarium crassumque sensum præ se ferre videantur, subinde nobis subindicata. Quod præcipuè intellectum volo de tribus hisce primis capitibus Geneseos. Atque equidem ea de re eò certior quispiam esse potest, si consideraverit, Quòd *Litera Textus Mosai*, qui Creationem Mundi describit, multorumque notabilium Phænomenon Naturæ rationes offert, omninò se ad rudes imperitæque Vulgi opiniones admodum palpabiliter demiserit. Quamobrem, cum Argumentum horum trium Capitum adeò Philosophicum sit, prout videmus, indignum profectò sapienti Genio *Mosis*, ipsiusque adeò Religionis, videtur, ut externæ hujus Narrationis Contexturæ aliqua eximia admodum ac selecta Naturalis Philosophiæ ac Metaphysicæ Theoremata non subtexeret, quæ pii illius ac periti successores per arcanam aliquam Doctrinam traditionariam sive *Gabbalam* externo illius Textui applicare noverint.

Quàm pulchrè enim hoc pacto talibus è populo prospectum foret, quorum singulares animi dotes, ingenii acumen efficere posset, ut *Moralis Allegoria* (in quam primum tamen initiandi sint) perinde atque ipsa *Litera* externa minùs ipsis satisfacerent; debitæque eorum interim Obedientia, Humilitas, Vitæque integritas, idoneos ipsos redderent

redderent ad aliquam magis arcanam *Cabbalam Philosophicam* ab ore periti alicujus Sacerdotis recipiendam; Sensus cujus mira & inopinata opulentia Notionumque sublimitas, remoto velamine, subito emicans, probi *Judæi* animam ineffabili voluptate & admiratione posset percutere, gaudiumque & gratiarum actione ad Deum ob bonarum rerum notitiam illuc contentarum cor ipsius implere, & majorem solito Reverentiam & *Mosi* & Religioni creare?

Quamobrem cum talis *Cabbala Philosophica* tam utilis sit & exoptabilis, cumque homines singulis ferè seculis suam de istiusmodi solida severaque Philosophia in hac Creationis Historia expectationem professi sint, per suos varios eam interpretandi conatus, equidem mihi abunde probabile videtur, quod *Moses* illiusque successores talem aliquam *Cabbalam* habuere. Ad quod credendum eo facilius inducor, ab ista credibili fama quod *Pythagoras* atque *Plato* suam Philosophiam ex Textu *Mosaico* hauserint. Quam haud ita facile ipsis suggesturus fuisset, nisi adjuti fuissent ab aliquo *Judeo Aegyptiove* Propheta aut Sacerdote qui eum exponerent.

Iamblich. de  
vita Pythag.  
cap. 3.

7. Tertia ac ultima Regula quam traditum eo, hujusmodi est: Quod Res naturales, Personæ, Motus & Actiones in Scripturis narratæ, sensum *Mysticum*, *Moralem* sive *Allegoricum* sæpenumero admittunt. Hoc quidem confirmatu dignum est, quippe quum Animarum nostrarum salutem propius attingat, quam alterum. Equidem probe novi Spiritualem hunc Sensem quibusdam timidis & incredulis animabus æquè immani terculamento esse, atque Spectrum Larvæve sive Spiritum nocturnum. Verum res in confesso est apud sapientissimos, maximèque pios & intelligentes è Doctoribus *Judeorum*. Exemplum proferam de uno, qui ad instar omnium est, de *Mose* scilicet *Agyptio* qui Divina Oracula Pomis aureis intra Figuras argenteas comparat; propterea quod externus Nitor admodum venustus gratulusque est, ut Argentum curioso artificio incisum & perforatum; sed internus ac spiritualis sive *Mysticus* sensus Aurum illud est magis pretiosum magisque pulchrum quod per istas perforationes, artificiosasque Reticulaturas in *Litera*, emicat.

In Præfat. ad  
More Nevoch.

Huic rei ex variis Scripturæ locis probandæ operam dabo, Psalm. 25. סֵר יְהוָה לִירְאֵי וּבְרִיתוֹ לְהוֹרִיעֵם. Facilis genuinulusque quorum verborum sensus hic est: Secretum Jehovah timentibus eum, pactumque ejus est, ut eos faciat scire illud, nempe, Secretum. Quod planè innuit Mysteria Divina non nuda patere oculis falsis ac adulteris, sed integumentis commodis latere involuta, & abscondita à carnalis vulgarisque hominis aspectu. Secreta illius esse, (quemadmodum *Aristoteles* olim *Alexandro* respondit, περὶ ὧν οὐκ ἐπελάττει, de scriptis suis *Acroamaticis*,) ἐκδεδωμένα καὶ μὴ ἐκδεδωμένα, edita & non edita. Ipsæque Servator quanquam totus bonus erat, ipsæque adeo Bonitas, non tamen Margaritarum suarum ita prodigus erat ut eas projiceret porcis. Extraneis quidem, in Parabolis locutus est. Et ob easdem certè causas, nequaquam à ratione alienum est concludere, *Mosen* Typos scripsisse & Allegorias. Nec infirmo res nobis innititur fundamento, ex illo Apostoli, 1 Cor. 10. v. 11. ubi, postquam res aliquas præcipuas quæ *Israelitis* in sua Itineratione ab *Agypto* ad *Canaan* obtigerunt, commemoravit, (quæ tamen nemo quisquam qui ullam fidem habet, ac timorem Dei, unquam negabit quin realis sit Historia) hisce verbis expressim concludit, \* Hæc autem omnia Typicè eveniebant eis, scripta verò sunt ad nostri admonitionem, in quos fines seculorum occurrunt. Ità Galat. c. 4. Historia *Abrahami*, qui duos filios habere dicitur *Ismaelem* & *Isaacum*, unum ex ancilla, alterum è libera, viz. ex *Agar* & *Sara*, idem Apostolus clarè illic eloquitur, quod sit *Allegoria*, v. 24.

A. Gell. NoR.  
Attic. lib. 10.  
cap. 5.

Vide Mystr.  
Pietat. lib. 9.  
c. 7.

Multa alia loca hîc adicere possim, quæ huc spectant, sed unam tantum considerationem depromam circa multas Historias veteris Testamenti, & tunc concludam. Si Spiritus sanctus non aliud aliquid præter ipsam Historiæ *Literam* per eas intelligeret, utilem utique aliquam ac *Spiritualem* Veritatem eis involutam, tantum aberit ut incitamento forent ad Pietatem, ut ad res perfidè ac injuriosè peragendas, exempla futura sint omnium periculosissima.

Etenim quàm in proclivi est cuivis seipsum *Israelitam* fingere, ut honestos suos vicinos sub nomine *Aegyptiorum* circumveniat? Verum nos intra hanc unam solitariam Instantiam non continebimus. Quid est *Jacob*, nisi Supplantator, Deceptorve, idque proprii sui fratris? Etenim occasionem nactus ex præsentī necessitate, Primogenita eum coegit pro pauxillo Jusculo sibi vendere. Quàm egregium fraudis specimen est illud *Rebecca*, quæ, dum *Esau* laborum patientissimus per sylvas montesque decurrit, ut mandatum patris conficeret escamque pararet ad senis appetitum, *Jacobum* interim substituit cum suis & manibus fictitiis & ferina, quod benedictionem auferret, quam bonus senex officioso suo filio majori natu *Esau* destinaverat? Virgæ

Jacobi



*Jacobi populez, pessimum profectò exemplum servis est quo dominos suos defraudent. Labanisque Teraphim per Rachelem furto sublata & celata cum falsimonio, quàm probum sit facinus, penès maritum illius esto judicium. Apud quemcunque inveneris De-* *Gen. cap. 31. ver. 32.*  
*os tuos, non vivat.*

Infinitus esse possim hac in re ; Unum tantummodo exemplum superaddam, de perfidia crudelitátque sceminea, prout primo aspectu videbitur, & tunc concludam. *Sisera exercitüs Jabini dux ab Israele profligatus pedibus fugit ad Tentorium Jael uxoris Heber Cenai, cui pax erat & confederatio cum Jabino. Hæc Jael sub amicitia specie in occursum egressa est sisera eumque invitavit ad Tentorium suum, dicens, Declina Domine mi, declina ad me, nè timeas. Et declinavit ad eam in Tabernaculum & operuit eum tegumento. Dixitque ad eam, Da quaso mihi bibere paululum aquæ, quia sitio. Et aperuit utrem Lactis, potumque dedit ei, atque operuit eum. Breviter, vitam is suam illi permisit, scque ipsum illius concedidit protectioni. Illa verò simul atque somnus eum oppressisset, clavum malleo in tempora ejus defixit corpusque exposuit voluntati inimicorum. Facinus profectò quod Spiritus sanctus nunquam approbaturus fuisset, nedum tantopere ei applausurus nisi propter Mystrium quòd sub eo absconditum latet.* *Judic. cap. 4. ver. 18.*


Tres nostras Regulas de Scripturis interpretandis, in generaliore apparatus ad Defensionem triplicis Cabbalæ spero me jam abunde stabilivisse. Operam nunc dabo magis particulari dilucidationi, & confirmationi variorum Locorum in illa occurrentium.

## SCHOLIA

## In Introduct. SECT. I.

**S**UB nomine *Mveúns*, nisi quid fortè ea in re erraverit *Justinus Martyr*, &c. *Just. Mart. Protreptic. ad Græcos.* *Μωυσὴν ἀνδρα καὶ τῇ ψυχῇ μέγαν, καὶ τῷ βίῳ ἱκανώτατον.* Quod apud *Diodorum* sic est : *Μωυσὴν ἀνδρα καὶ τῇ ψυχῇ μέγαν καὶ τῷ βίῳ κοινώτατον.* *Diodor. Sicul. Bibliothec. Histor. lib. 1. pag. 59.*

Seçt. 7. Hæc autem omnia Typicè eveniebant eis, &c. Sic vertit Beza, ex M. S. credo, cujus meminit *Hugo Grotius*, ubi pro τύποι habetur τυπικῶς. Quem locum sic exponit doctissimus *Grotius*: Erant quæ ipsis evenêre, præfigurationes, rudia lineamenta. Nam in omnibus actionibus præsci seculi Deus semper ob oculos habebat tempora *Messie*, in quibus non Vaticinia tantum sed & Figuræ omnes implerentur. Et Interpretes profectò plerique omnes hac in re cum *Grotio* consentiunt. Per Τύπος verò hic si nuda tantum exempla intelligis, frigida erit ac jejuna interpretatio, & quæ mentem *Pauli* nequaquam plenè assequitur, qui *Petram* v. 4. non exemplum *Christi* sed Typum proculdubio facit, Mysticum sensum subesse innuens. Quapropter *Petram* Spiritualem vocat, id est, Mysticam. Ut *Civitas* illa in *Apocalypsi*, cap. 11. πνευματικῶς, Spiritualliter dicitur, *Sodoma* & *Ægyptus*. Nempe *Sodoma* & *Ægyptus* sensu Mystico Civitatem illam denotant, ut *Petra* *Christum*.





# Cabbalæ Literalis DEFENSIO.

## C A P. I.

1. Sensus genuinus vocis, In principio. *Differentia inter ברא עשה & קנה à Septuaginta neglecta, qui ברא transulerunt, tantum, ἐποίησεν. 2. Occasio erroris eorum detecta qui Moſen Materiam increatam innuisse autumant. Quod רוח אלהים nihil amplius significat quàm, Ventum magnum. 4, 5. Primas Tenebras propriè non fuisse Noctem. 6. Cur Septuaginta רקיע reddiderint Firmamentum, quòdque factum est per allusionem ad Tentorium firmiter fixum. 11. Sensibiles Solis effectus Gentes invitasse ad Idololatriam, Oraculaque earum ipsos docuisse nomine Jao eum appellare. 14. Prophetam Jeremiam à Sole Diem divisisse loquendo ad captum vulgi. 15. Ratio cur Stelle citra Mare superius cæruleum appareant. 27. Anthropomorphitarum opinio, quantique momenti sit ut vulgus Deum sub humana forma concipiat. Historia Aristophanis apud Platonem de Viris Fæminisque primitus concreſcentibus, ac si unum essent Animal.*



Rimam illam Regulam quam in *Introductione ad Defensionem Tripli-* *Introduit. Scil.*  
*cis Cabbala* proposui, nihil hîc opus est rursus repetere; peto tan- 5.  
tùm à Lectore, ut eam memoriâ velit retinere, quippe quæ illi  
confirmabit facilem ac familiarem sensum quem Textui *Mosaico*,  
secundùm Mentem illius *Literalem*, sum applicaturus. Cui si  
rationes insuper à pia sancti Legislatoris prudentia addidero, osten-

dens ut loca singula Fidem in Deum, affectuosamque Legi suæ  
obedientiam majorem in modum adaugeant, nihil defuturum est, quantum ego exi-  
stimo, ( quanquam subinde mantissæ loco, quædam è Criticorum disciplina adjectu-  
rus sum ) quod fidem veritati Interpretationis conciliet.

Verſ. 1. In hoc primo verſu nullum alium sensum vocis, *In Principio*, impono,  
quàm quod Historiæ ordinem nobis denotet. Quæ etiam *Maimonide* opinio est, qui *More Ne-*  
*ראשית* à *ראש* derivans significante caput, rectè Analogiam observat, quòd quem- *vocab. part. 2.*  
admodum Caput pars Animantis prima est situ, ità *ראשית* illud significat quod pri- *cap. 30.*  
mo loco ponitur in re qualibet alia. Quòdque sic Creatio Mundi caput est sive pars  
prima Historiæ quam *Moses* descripturus sit.

Quamobrem cùm *Moses* in animo haberet ( quemadmodum manifestum est ex Ti-  
tulo hujus Libri ( *Genesis* ) perinde atque ex rebus eo contentis ) Historiam ac Genea-  
logiam scribere ab initio Mundi ad sua usque Tempora, intellectu quidem admodum  
facile atque obvium est, eum cum relatione ad illa quæ postea additurus erat dixisse,  
*In principio*, tanquam si tota cogitationum suarum series sic disposita jaceret. Pri-  
mùm omnium, Deus Cælos fecit atque Terram, cum omnibus quæ in eis continen-  
tur, Solem, Lunam & Stellas, Diem atque Noctem, Plantas & Animantes quæ fo-  
rent in Aëre, Aqua & super Terram : post autem hæc omnia *Adamum* fecit. Et  
*Adamus* genuit *Cain* & *Abel*, & sic deinceps per plenam continuationem Historiæ &  
Genealogiarum.

Atque hunc quidem sensum magis facilem autumo & naturalem quàm illum *Augu-*  
*stini*, *Ambrosii* & *Basilii*, qui *In Principio* significare volunt, *in Principio temporis*, vel

in *Principio Mundi*. Et tamen haud abs re fore putavi hos etiam sensus obiter memorare, ut penès Lectorem sit eligendi optio.

Menass. Ben  
Israel de Crea-  
tione, Problem.  
4. sect. 5.

*Deus calum fecit & terram.* Maimonides & Menassch Eem Israel tria hæc vocabula in Scripturis usurpata observant, quando Mundi Creatio Deo attribuitur, viz. *ברא*, *עשה*, *קנה*; quodque *ברא* productionem rerum ex nihilo significat, quæ Scholasticorum notio est de Creatione: *עשה* est perfectio ac completio rei secundum suam speciem ac proprietates: *קנה* dominium Dei denotat ac jus possidendi omnia quæ sic creavit aut fecit. Verùm tamen *ברא* secundum mentem doctorum Judæorum Creationem significat propriè sic dictam, Septuaginta tamen eum Criticismum minimè observant sed *ἐποίησε* reddunt, quod idem est atque *Fecit*, Vulgòque hominum tam subtiliter distinguere non vacat. Quamobrem posteriorem hunc sensum pro Vulgari ac *Literali* accipio, alterum pro *Philosophico*. Atque ubi vocem *Creatio*, in hac *Literali* Cabbala usurpo, nihil amplius intelligo quàm communem ac generalem notionem faciendi quippiam, quibuscunque cum circumstantiis id fiat.

Nec *אלהים* interpretor plurali numero, *Trinitatem*; quia quemadmodum *Vatablus* ex *Hebræis* Doctoribus observat, quando inferior loquitur de majore, de eo loquitur in Numero plurali. Sic Esai. 19. 4. *Tradam Ægyptum in manum Dominorum duri.* Et Exod. 22. 10. *Et accipiet Dominus ejus*, pro Dominus. Textus igitur cum necessariò talem sensum non requirat, cùmque Mysterium sit abstrusum, meritò omittitur in hac *Literali* Cabbala.

Verf. 2. In primo Versu, totius Creationis summaria erat Propositio, in duabus illis præcipuis partibus illius, *Cælo* ac *Terra*. Nunc prosecutionem particularem singulorum cujusque Diei operum exorditur. Nihil autem necesse est ut hic iterum inculcet creationem Terræ. Novissimum enim verbum est quod in generali sua propositione est locutus, ac proinde aut absolum fuisset aut superfluum idem statim repetiisse. Atque hæc ratio est cur ante Creationem Terræ non sit præfixum, Et dixit Deus, Fiat terra. Quod temeritati ac ignorantia quorundam ita imposuit, ut credere eos fecerit, confusam hanc cœnosamque molem quæ hic Terra dicitur, æternam fuisse Materiam primam à Deo independentem nec ab eo unquam creatam. Quodsi proprias facultates quis appellet, est impossibile, quemadmodum rursus monebo, postquam ad *Cabbalam Philosophicam* pervenero.

Sensus igitur hic est: Quod Terra primùm facta est, quæ aquis cooperta est, & super Aquas Ventus, & per omnia crassa Tenebræ. Deusque erat in hac tenebroso, ac humida Nocte. Adeò ut hic globus Terræ & Aquæ atque Ventus non esset nisi unus quasi Turbo Tempestasque marina, Nox confusionis & Agitationis tumultuosa. Nam *רוח אלהים* nihil amplius sonat in *Litera* quàm *Ventus ingens*, ut *Cedri Dei*, & *Montes Dei*, *Cedri* proceræ sunt, *Montes*que magno; atque sic ad eam analogiam, *Ventus Dei*, magnus est Ventus.

Verf. 3. Verùm in media hac caligine tempestuosa, Deus ad opus se accingens, Lampadem quasi accendit, Lucernamve sibi Laternâ suspendet, in hac tenebroso sua officina. Et quicquid hætenus quidem memoratum est, verba sunt quæ Imaginationem Sensumque fortiter feriunt facileque percipiuntur à rudi populo. Quem quælibet tenebroso ac procelloso Nox meritò monere potest de funesta rerum facie, antequam Deus lætum Diem oriri jussisset, quippe solus Author Lucis, quæ oculos adeò demulcet animosque exhilarat Mortalium.

Et verò, quod *Lux Diei* res à sole independens sit perinde atque *Nox à Stellis*, opinio est quæ Imaginationibus vulgi mirifice convenit, quod & ipse sapiusculè expertus sum colloquendo cum eis. Proclives sunt etiam, nisi Aura aliqua sensibilis spirat, ad cogitandum nihil interjacere inter Terram atque Nubes, sed spacium esse omnino vacuum. Quamobrem *רוח אלהים* non interpretatus sum [*Aer*] uti alicubi facit Maimonides, sed [*ventus magnus*] propterea quod rudis populi sensum istud affecturum sit. Quodque primam deformem rerum faciem tam funestam ac tempestuosam fecerimus, efficiet quidem ut primam *Matutinam Lucem* recordaturi sint majori cum religione ac gratiarum actione.

Verf. 4. Quippe quæ res est admodum visibilis. Vide quæ dicta sunt in versum octavum.

Verf. 5. Per *Vesperam* & *Mane* intelligitur *Dies artificialis* & *Nox artificialis*, per Synecdochen, quemadmodum *Castellio* in Notis suis nos monet. Quamobrem Artificialis hæc *Dies* ac *Nox* simul sumptæ unum *Νυχθημερον*, sive unum *Diem Naturalem* constituunt. *Vesperaque* ante *Mane* ponitur, *Nox* ante *Diem*, quoniam *Tenebræ* erant ante *Lucem*. Cæterum primitivæ istæ *Tenebræ* non erant propriè *Nox*. *Nox* enim est *μία μεγάλη σκιά*, quemadmodum *Aristoteles* describit, una magna Umbra, à

Terra



Terra projecta, quòd *Lucem* supponit ex altero latere illius. Ac proinde *Nox* propriè dicta non potuit esse ante *Lucem*. Vulgus verò illiteratus de istiusmodi curiositatibus nihil sunt solliciti, nec ullum tantum discrimen faciliè percipiunt inter determinatam Terræ umbram Conicam, & infinitam illam Primitivam Caliginem, quæ nullos limites habuit antequam facta esset *Lux*. Ac proinde illa ipsa Caligo *Artificiali Diei* præfixa unum *Naturalem Diem* apud ipsos constituit: Quod & *Hesiodus* etiam, an propriam Imaginationem an hunc Textum *Mosaicum* secutus, nescio, sine masticatione deglutit.

Νυκτὸς δ' αὐτ' αἰθέρ τε καὶ ἡμέρα ἐξέγενοντο.  
Ex Nocte verò & Æther & Dies geniti sunt.

Verf. 6. *Basin hanc sive pavimentum.* Quòd Terra instar rotundi pavimenti videtur, plani, & ità quaquaversum excurrentis ut cum ima parte cœlorum conjungatur, in *Introductione* satis jam innui. Quòdque tanquam tale consideratur in phrasibus *Scripturæ*, quæ ad externos Sensus & Vulgi opinionem se demittit. Super hanc *Are-* Introduç. sect. 5.  
am stat *Firmamentum*, tanquam *Tentorium* in Terram defixum: Quemadmodum expressè loquitur Propheta *Esaias*, potentiam Dei describens, *Qui extendit velut Aule-* E[sa]. 40. 22.  
*um calos, & expandit eos tanquam Tabernaculum ad habitandum.* Et sanè vox רָקִיעַ, quæ usitatè *Firmamentum* redditur, diductionem & expansionem significat. Quì verò factum sit ut Septuaginta interpretati sint ἐπέωμα, i. e. *Firmamentum*, *Fullerus* in *Miscellaneis* ingeniosam profert rationem, talèque quæ ad scopum nostrum magnopere faciat. Nam *cælum seu* רָקִיעַ, ait ille, quandoquidem *Tentorio* sæpissimè in *sacris* Lib. 1. c. 7.  
*Literis assimilatur*, πῆχυς δὲ αὖ δicitur quatenus expanditur. Sic enim expandi solent *Tentoria*, cum alligatis ad paxillos in terram depaictos funibus distenduntur, atque hoc etiam pacto firmantur. Itaque רָקִיעַ immensum quoddam, ut ità dicam, πῆχυς, idèoque & ἐπέωμα non ineptè appelletur. Quibus ipse porrò addo, cœlos tam firmiter distendi, ut adeò strenuè obniantur contra superiorum aquarum pondus, ut eos deturbare nequeant, eoque ipso Orbem terrarum inundare ac obruere. Quæ quidem *Notio*, quemadmodum facilis est & imaginationi populi apprimè congruens, ità tantum abest ut ullam noxam eis afferret, ut majorem ipsis incussura sit sensum *Divinæ Potentiæ* ac *Providentiæ*, quippe qui summâ vi aquarum Oceanum capitibus ipsorum imminentem amolitur, quas per transparens *Firmamentum* conspiciunt, (cæruleæ enim videntur, ut alia *Maria*) unòque impetu in eos irruerent obruerentque, nisi *Potentia Dei* roburque *Firmamenti* obniterentur ac defenderent.

Verf. 7. Vide quæ dicta sunt in versum sextum. Hic tantum addam, quòd propinquitas harum Aquarum superiorum, eas magis adhuc formidabiles reddit, eoque majus calcar fiunt ad Religionem. Nam quemadmodum tam propè deducuntur ut terram tangant in imo, ità externo Sensu adhuc *Judice* debent certè intra pauxillam distantiam à nubibus esse in summo. Quòdque Aquæ hæ superiores altiores non sint, manifestum est ex multis *Scripturæ* locis, quæ Dei habitaculum inter nubes collocant, qui tamen Altissimus appellatur, *Psal.* 104. 3. *Deut.* 33. 26. *Nahum* 1. 3. *Psal.* 68. 4. Verùm super hac re tam fusè jam egi in *Introductione*, ut quicquam hinc superaddere supervacaneum censeam. Sect. 5.

Verf. 8. *Quanquam propriè dicere non possum Deum vidisse quòd bonum esset, &c.* Per totam *Historiam* horum trium primorum Capitum manifestum est Deum sub humana *Persona* repræsentari, loquentem ore, & oculis videntem. Hinc factum est, quòd, cum *Firmamentum* ex se invisibile sit, *Moses* omiserit dicere, Quòd *Deus* vidit bonum esse. Ità enim comparata est oculi *Natura*, ut visibilia tantum videat.

Quidam affirmant, Deum, *Infernum* secundo die creâsse, atque ob hanc causam *Mosen* non addidisse, & *Deus* vidit quòd bonum esset. Cæterùm si non approbavit tanquam bonum, quid obsecro illud creavit? Utcunque sensus *literalis* hic esse non potest, ac proinde à præsentī *Cabbala* est alienus.

Verf. 10. *Atque jam quidem propriè dicere possum, &c.* Vide quæ dicta sunt in versum octavum.

Verf. 11. *Unde facile deprehendere potestis, &c.* Hæc *Philonis Judæi* est *Observatio*. Et par erat profectò ut *Moses* qui in *Lege* sua, quam à Deo accepit, promissis *Temporalibus* rebûsque Terræ opimis comedendis tanquam obedientiæ suæ præmio apud populum tantopere insistit, talia poneret principia quæ firmam eis de absoluta Dei potentia in *Naturam*, fidem ingenerarent, quòd scilicet posset pluviam eis dare, tempestates sæcundas Annûmque fertilem prout placuerit, quippe qui efficere potuit ut Terra sine pluvia, aliòve ullo adminiculo, ad adjuvandos illius partus, germinaret, quemadmodum fecit in prima *Creatione*. Cujus rei meditatio in Propheta *Habacuc* Cap. 3. 17.  
sanctum

Saturnal. lib. 1.  
cap. 18.

sanctum illud firmumque apud se propositum meritò ciere potuit, *Quamvis enim ficus non floreant nec sit germen in vineis, mentiatur opus olivæ & arva non afferant cibum; ego tamen in Jehova exultabo, & letabor in Deo salute mea.* Cæterum prudens illa ac pia cautio *Mosis* adversus Idololatriam, quàm necessaria esset, manifestum est, si consideremus virtutem *Solis* esse tam conspicuam, ejusque operationem tam sensibilem in Terram, ad res illuc producendas, Plantas præsertim, ut rudes imperitæque Gentes pleræque omnes seduxerit ad se colendum tanquam Deum: Versutæque earum Oracula sacrum Dei *Israelis*, Dei utique veri, nomen abripuerunt & in ipsum contulerunt, vocando Solem *Jao*, qui est *Jehova*, quemadmodum constat ex Oraculo *Clario*, apud *Macrobius*.

Φερέω τὸ πάντων ὑπάλον θεὸν ἡμεῖν Ἰαώ,  
Χεῖματι μὲν Ἀΐδην, Δία δ' εἰαροῦ ἀρχομένοιο,  
Ἡέλιον δ' εἰσεύς, μέλοπώρην δ' ἀέρον Ἰαώ.

Id est,

Deorum omnium *Jao* summum statuito,  
Hyeme quidem *Aiden*, ineunte autem vere *Jovem*,  
Solem æstate, Autumno autem pulchrum *Jao*.

Hoc Oraculum *Cornelius Labeo* de *Baccho* interpretatur, qui idem est atque *Sol*, qui Deus est vindemiarum, atque hîc ex quatuor Anni tempestatibus describitur.

Atque sic *Virgilius*, Ethnicorum more, *Soli* ac *Lunæ*, sub nominibus *Bacchi* & *Cereris*, magnum illud beneficium Frumenti acceptum refert.

----- Vestro si Numine Tellus  
Chaoniam pingui glandem mutavit aristâ.

Scil. 4.

Verum super hac re tam multa dixi in *Introductione*, ut nihil necesse sit plura hîc adjicere.

Verf. 12. Vide versum undecimum.

Jer. 15. 9.

Verf. 14. Vide versum 3. Illuc ostendi quàm facilè rudis vulgi Imaginatio diem admittat sine Sole. Ad cujus captum *Propheta Jeremias* sermonem suum accommodat, *Occidit Sol ejus*, ait ille, *quum adhuc esset Dies*. Quomodo autem Dies esse potest post *Solis* occasum, nisi Dies res independens sit à Sole, secundum Imaginationem rudis & illiteratæ plebis? Quod externæ Literæ *Mosis* mirificè convenit, quæ de Sole loquitur non tanquam Diei causa, sed tanquam de signo discriminationis à Noctè; quanquam interim admittit, diei Lucem indè adaugeri.

Verf. 15. *Intra cavam*, &c. Quanquam superius Mare cæruleum tam propinquum nobis apparet, sicut suprà innui, Cæli tamen Luminaria aliquanto citrà videntur posita, quemadmodum Album extare solet sive prominere in fusco aliquo colore delineatum; ut videre licet in describendis Figuris solidis super scandulam cæruleam, faciliùs extabunt exurgéntque ad oculum, quàm Nigrum in Albo. Adeò ut populus facilè visum suum consulens imaginari possit, *Firmamentum* inter Luminaria Cæli, Aquasque superiores sive Mare cæruleum, quod conspicitur, interjacere, non autem citrà, nec propriè inter Luminaria sive Stellas, sed supra eas.

Verf. 16. *Duo magna Luminaria*, &c. Hoc dicitur cum relatione opposita ad *Stellas*, quæ quidem visui nostro multò minores apparent quàm *Sol* aut *Luna*, cum tamen multæ ex *Stellis*, secundum computum Astronomorum, majores sint *Sole*, omnes multò majores *Lunâ*. Adeò ut oppidò quàm manifestum sit Scripturam aliquando loqui secundum apparentias rerum ad aspectum nostrum, non autem secundum absolutas earum affectiones & proprietates. Atque is quidem qui hîc pro veritate illud admittere nolit, meritò, meo quidem judicio, suspectus esse potest majoris Ignorantiæ quàm Religionis, majorisque Superstitionis quàm Rationis.

Quanquam propter parvitutinem, &c. *Stelle* quidem aspectui nostro admodum parvæ apparent, ac proinde *Moses* obiter tantum eas adjecisse videtur, ad ignorantiam illiteratæ plebis se demittens hac in re. Astronomi verò, qui datâ operâ earum magnitudines investigarunt, etiam ii qui maximè parcam computandi rationem inierunt, *Stellas* majoris magnitudinis, Terrâ non minùs sexagies octies majores fecerunt, alii multò ampliùs.

Verf. 18. *Peculiarèsque sint ornatus*, &c. Vide verf. 14.

Verf. 20. *Pisces Volucrèsque*. Mentionem Volatilium hîc cum *Piscibus* fieri existimo, propterea quòd maxima & eminentissima id genus Animantia aquas omnium maximè



maximè frequentent, ut Cygni, Anseres, Anates, Ardeæ, & similia.

Verf. 27. *Hominem creavit in sua specie, &c.* *Anthropomorphitarum* erat opinio, Deum habere omnia membra humana, nōsque hoc sensu formatos esse ad illius Imaginem. Quæ quamvis, nisi rectè intellecta, vana sit ac ridicula opinio, Mihi tamen eorum haud multò præstabilior videtur qui Deum imaginantur Ens Finitum; idque potissimum curant, ut extra scetidos vapores hujus terrestriis Globi collocetur, ut sedere possit *καθ'αυτὸν καθ'αυτὸν ὡς ἄνθρωπος*, atque sic in cælum eum includunt, quemadmodum facit *Aristoteles*, si quidem is Author sit Libri *De Mundo*. Etenim ipsi Ideæ Dei planè repugnat ut sit Finitus, & consequenter ut ullam habeat Figuram aut partes. Sed enim res adeò ardua est ac difficilis rudi populo vires ingenii experiri in Notione Entis immaterialis & infiniti, ut è re ipsorum fore videatur, Deum concipere tanquam Personam aliquam omnipotentem, quæ potest quicquid ipsi complacuerit, quæ Cælos Terrasque potest fabricare, & beneficia ad quam mensuram modumve libuerit, conferre, & (quod omnium potissimum est) personaliter, ubi opus fuerit, eis apparere, eosque increpare & objurgare, & si in contumacia sua persisteant, horrendam vindictam de eis sumere. Hoc, inquam, internum sensum imaginationemque vulgi fortius perculsurum est, quàm *Omnipotentia* in tenui, subtili, invisibili ac immateriali essentia sita, cujus nullam perceptionem habere possunt ullumve tolerabilem conceptum.

Quamobrem cùm hominum plebeiorum atque imperitorum interfit ut permittatur eis Finitum aliquem ac Figuratum conceptum de Deo formare, quæ forma magis idonea esse potest quàm Humana cum summis perfectionibus, quarum capax sit, Pulchritudinis, Roboris & Amplitudinis? Et sanè Propheta *Esaias* de Deo loqui videtur juxta hanc Notionem, *Is sedet super sphaeram Terra & habitatores ejus sunt quasi locustæ*: homines innuens ad Deum majorem magnitudinis rationem non habere, quàm Locustæ ad Hominem, quando in gramine inter eas confidet. Et nunc quidem cùm hæc necessitas sit permittendi populo hujusmodi aliquos conceptus de Deo (& vera profectò Prudentia est, piæque astutia ut quis se ad eorum infirmitatem demittat in iuum Bonum) Leges simul eis impositæ sunt adversùs Idololatriam Imaginumque cultum, quàm rigidissimæ severissimæque.

Cap. 40. v. 22.

Quod si quis objecerit hanc compendiosissimam futuram fuisse viam, qua seducerentur in Idololatriam, indulgere nempe sic ipsis libertatem concipiendi Deum sub forma humana, respondeo id non magis hinc factum iri, quàm agnoscendo Hominem esse Deum, quemadmodum nostra facit Religio, de Christo. Quinimò, addo insuper, Christum esse verum *Deum Figuratum*. Et illius causâ facilius permissum fuisse *Judeis* ut de Deo cogitarent tanquam sub Humana Forma.

Quod autem talis existeret deus persona qualis est Christus, hoc est, Deus in humana forma, rationi valdè consentaneum existimo, ut paratu conspicuo Terram visiter, Atheosque ac Infideles, etiam ad externos suos sensus, consterneret in die novissimo. Quemadmodum de seipso testificatur, *Neque enim pater judicat quenquam, sed omne iudicium dedit filio. Et quod nemo patrem videre potest nisi quatenus unitus est cum Filio*. Nam æternus Deus est immaterialis, & invisibilis externis nostris sensibus, sed illi visum est transigere nobiscum tum in Misericordia tum in Judicio, per *Mediatorem* ac *Vicarium*, qui nostram perinde atque illius naturam participat. Quapropter nequaquam absurdum est ut *Moses* permitteret *Judeis* Deum concipere sub forma humana & corporea, cùm omnes homines per Deum in istac forma apparentem, judicandi sint in Die novissimo.

Johan. 5. 22.  
Cap. 6. 46.

*Eum feminas perinde atque mares fecisse, &c.* Historia ista in *Platonis Symposio*, ut Viri feminaeque in unum primitus concreverint antequam Deus eos dissecuisset, argumentum probabile est Philosophum aut vidisse aut audivisse saltem aliquid de hac Historia *Mosaica*. Quod autem illius esset opinio sic fuisse factum, nequaquam mihi probabile videtur. Nam à ridiculo isto Comico *Aristophane* narratur Historiola. Cui hic aliquo modo parem *Platonem* rependisse gratiam puto, quod amico suo veteri ac præceptore abusus sit *Socrate*, quem in scenam introduxerat, *ἀερόλατῶνα*, Aërem calcantem in corbe, ut totis eum *Athenis* sic deridendum propinaret.

Equidem Textus istiusmodi sensus capax est; cùm verò cur eum sensum ei imponamus nulla suppetat ratio, cùmque res sit haud ità accommodata ad caprum & opinionem vulgi, nè in hanc quidem *Literalem Cabbalam* eum admittendum censui.

Verf. 29. *Omnem Herbam frugiferam*. Ità scilicet vertit *Castellio*, *Herbas frugiferas*. Quas tales Herbas esse oportet quales nominavi, Fraga, Triticum, Oryzam, & id genus reliquas.

## C A P. II.

1. Notatio Vocis  $\psi\upsilon\chi\eta$  inspirationi Anima Adami in nares ejus conveniens. 8. Verus Paradisi situs. Quod Gihon pars sit Euphratis; Pison, Phasis, sive Phasi-Tigris. Madianitas appellari Æthiopus. Paradisum situm fuisse circa Mesopotamiam, sex argumentis confirmatum. Magisque particulatim positum fuisse illic ubi Apamia stat in Tabulis Ptolomæi Geographicis. 18. Prudentia Mosis in commendando Matrimonio. 19. Cur Adamus non dictus sit nomina dedisse piscibus. 24. Abrahami Ben-Ezræ commentum festivum ac pium de Nominibus Adami & Evæ quatenus appellantur  $\text{אִשָּׁה}$  &  $\text{אָדָם}$ . 25. Scita Mosis Anthypophora de naturali pudore Nuditatis.

**I**N primis quatuor versibus cuncta tam plana sunt ac perspicua ut nihil opus sit ulteriori Explicatione aut Defensione, nisi quod secundo versu notare possis, ubi scripsi, *intra sex dies*, Septuaginta Versionem id satis confirmare, qui reddunt  $\tau\eta$   $\epsilon\chi\lambda\eta$ , die sexto.

Vers. 5. Vide quæ dicta sunt in Capitis primi versum undecimum.

Vers. 6. *Torrens aquarum ingens*. Nam Septuaginta vertunt  $\pi\alpha\gamma\eta$ , Fons; *Aquila*,  $\epsilon\pi\iota\phi\lambda\upsilon\gamma\mu\omicron\varsigma$ , *Eruptio*. Et ordinaria quidem fontium eruptio è Terra popularis esse potest confirmatio, Aquam quæ operuit faciem Terræ ex ea primitus erupisse, sed postea Divinâ potentiâ in unum locum repulsam fuisse, ut apparere posset *Arida*, & supponitur adeo insigniter *arida* ut Omnipotentia Dei manifestior fieret in creando Adamum ex hoc sicco pulvere.

Hic verò scopus majori cum compendio attingi posset, quanquam  $\pi\alpha$  redderetur Vapor, (quemadmodum plerique reddunt) si particula negativa in antecedente versu repeteretur  $\alpha\pi\omicron$   $\kappa\omicron\iota\nu\epsilon$ , sicut R. Schadiah legit: Nec quisquam erat qui coleret terram, nec vapor ascendebat, &c. Cui sensui R. D. K. suum libenter addit suffragium. Vide P. Fagium in locum.

Manh. 3. 9.

Vers. 7. *Pulverem*. Vox Hebraica ita significat, nec mentionem ullam aquæ eum humectandi facio, propterea quod Deus hæc tanquam per absolutam suam omnipotentiam agens describitur. Estque perinde facile hominem ex pulvere creare atque ex duris lapidibus; & tamen Deus potest etiam ex lapidibus excitare liberos Abrahamo. In nares ejus inspirasset. Respiratio tam palpabilis Vitæ effectus est ut rudes Græci antiqui ab ista operatione nomen Animæ indiderint,  $\psi\upsilon\chi\eta$  illam appellant a  $\psi\upsilon\chi\omega$  spiro.

Vers. 8. *Ad Orientem à Judea*. Ità enim Interpretes [ad Orientem] exponunt in Scriptura, cum relatione ad *Judeam*.

Ut omnem ulterioris molestiæ occasionem præscindam, in eo sensu confirmando, quem sequentibus versibus qui de Paradiso agunt, imposui, hic probabilissima quæque de illius situ ex Vatablo & Cornelio à Lapide, semel proponam, nonnulla addens ex Dionysio, Poëta illo Geographico. In genere igitur per quatuor fluvios ad verum Paradisi situm deducimur. Et Gihon, inquit Vatablus, est tractus inferior Euphratis illabens in Sinum Persicum. Pison est Phasis sive Phasi-Tigris qui decurrit per Havilah Regionem Persidi vicinam, adeo ut Pison rivus sit Tigridis, ut Gihon Euphratis. Sic Vatablus. Et ut Gihon suam habere possit Æthiopiam, Cornelius à Lapide Madianitas notat aliòque Sinui Persico vicinos appellari Æthiopus, ac proinde primum in genere concludit Paradisum situm fuisse circa Mesopotamiam & Armeniam, ex his sequentibus Argumentis.

Primum, Quia hæ Regiones Orientales appellantur in Scriptura (quod, quemadmodum monui, semper intelligendum est cum relatione ad *Judeam*) secundum Regulam Expositorum. Dominusque dicitur hortum hunc Paradisi plantasse ad Orientem.

Secundò, Quia Homine ex Paradiso ejecto, hæ Regiones primum inhabitatæ sunt tum ante Diluvium (nam Cain dicitur inhabitare Edenem, Gen. 4. 16.) tum etiam post Diluvium, ut quæ Paradiso viciniore essent, ac fertiliores, Gen. 8. 4. & 11. 2.

Tertiò, Paradisus in Edene erat, Eden verò prope Haran, Ezech. 27. 23. Haran, & Cheneh & Eden. Haran verò erat circa Mesopotamiam, quippe Civitas Parthiæ ubi Crassus occisus est. Scriptores Carrhas appellant.

Quartò, Paradisus est ubi sunt Tigris & Euphrates. Atque hi sunt in Mesopotamia & Armenia. Quinimò nomen dant Mesopotamia inter eos jacenti.



Ὅσα δ' Εὐφράτης καὶ Τίγρις ἐνδοθι γαῖα,  
Τὴνδε Περικλίονες μέσσην ποταμῷ δέπυσιν.

Id est,

*Quaecunque verò Euphratem & Tigrim intra Tellus est,  
Eam accolæ mediam amnium perhibent.*

Quintò, Quia hæ Regiones maximè fertiles sunt atque amcenæ. *Adamumque* non procul ab illo loco formatum fuisse, non est sanè improbable, propter ipsius loci præcellentiam, ob pulchritudinem hominum ibi genitorum, perinde atque ob fertilitatem soli.

Τοιή δ' ἡ κείνη ἀροσις πέλει, ὃν μὲν ἀείρειν  
Ποίην, ὃν δ' νομῶς εὐανθέας, ὃν δ' καὶ ἀνδρῶν  
Φύτλην, καλλίς τ' ἐν τε καὶ ἀθανάτοισιν ὁμοίην.

Id est,

*Talis in illa cultura est ad producendum  
Herbam & pascua florida, atque etiam Hominum  
Stirpem pulcherrimam & Immortalibus similem.*

Quemadmodum idem scribit *Geographus*.

Sextò & ultimò, Ulterior adhuc affertur probabilitas Paradisum fuisse circa *Mesopotamiam*, quippe quum illa Regio non procul distaret à *Judea*. Traditionem scilicet Patrum esse, *Adamum* è Paradiso ejectum, peragratis aliquibus partibus Orbis pervenisse in *Judeam*, ibique diem obiisse, & in Monte sepultum esse, quem ejus posteritas, quia caput primi hominis illic reconditum jacebat, *Montem Calvaria* appellavit, ubi & *Christus* crucifixus est in expiationem peccati *Adami*, primi Transgressoris. Quæ quidem Historia si vera non sit, magna profectò infortunitas est, ut quæ tam venerabiles habeat Authores, ut *Cyprianum*, *Athanasium*, *Basilium*, *Origenem*, aliòsque ex antiquis Patribus, quemadmodum *Cornelius* affirmat.

Nunc verò quòd ad magis exactum Paradisi situm attinet, idem Author in ipso concursu *Tigris* & *Euphratis*, ubi Civitas *Apamia* in Tabulis *Ptolemæi* Geographicis stat octoginta graduum longitudinis, & triginta quatuor graduum trigintaque fere scrupulorum latitudinis, non dubitat collocare.

Atque sic quidem secundum *Literam* Paradisum illam invenimus quam *Adamus* perdidit: quòd si in *Philosophica* *Moralique* *Cabbala* meliorem non invenerimus Paradisum, nil præter laborem profectò, in operæ pretium, reportabimus.

Verf. 9. *Quæ in medio Horti erant consistæ.* Nam in hoc versu *Arbor Vita* plantatur in medio Horti, & in Capitis tertii versu tertio, *Arbor scientiæ boni & mali* illic etiam collocatur.

*Ità enim Dominus Deus statuerat.* Interpretes nullam noxam in ipsa arbore suspicantur, quin fructus illius ex se naturaliter bonus esset, sed Deum illius esum tantum interdixisse ut *Adami* obedientiam probaret. Adeò ut hæc lex quæ fructus esum *Adamo* prohibuit, omnino *Thetica* esset sive *Positiva*, non autem *Indispensabilis* ac *Naturalis*.

Verf. 10. *Indèque divisus est.* Hæc est causa cur Paradisus censeatur illic situs ubi stat *Apamia*, quemadmodum suprà monui.

Verf. 11. *Phasis.* Vide versum octavum.

*Terram circuit Chaulatæorum.* Affinitas Nominum conspicua est inter *Havilah* & *Chaulatæos*, quos *Strabo* in *Arabia* prope *Mesopotamiam* collocat.

Verf. 13. *Arabo-Æthiopia*, vide verf. 8.

Verf. 17. Vide verf. 9.

Verf. 18. *Summas Matrimonii laudes.* Matrimonii usum *Judeis* *Moses* apertè commendat, eosque quodammodo animat ad illam vitæ conditionem. Quod sanè ad morem genuini Legislatoris Patrísque populi facit. Nam in multitudine populi dignitas regis, & in paucitate plebis attritio principis, quemadmodum monet *Salomon*, Prov. 14. 28. Præterea, non exigua quidem erat prudentiæ id eis religiosè commendare, ad quod suâ naturâ plerosque satis proclives fore præviderat. Illæ enim leges placent maximè quæ cum populi prolubio maximè conveniunt, melioremque ob id ipsum de Legislatore suo opinionem apud se concipient.

Verf. 19. *Illaque adduxit ad Adamum;* nempe *Bestias* atque *Volucres*. De *Piscibus* verò nulla fit mentio, quippe qui non apti nati erant ad itinerandum in eodem Elemento. Nimis verò durum futurum fuisset & affectatum, aut *Pisces* à Mari attulisse aut *Adamum* deduxisse ad littus quò nomina omnibus piscibus illuc ad eum confluentibus

tibus inderet. Postea verò ei indendi illis nomina opportunitas idonea dari potuit, prout illius aspectui ex occasione se obtulissent.

Verf. 20. Vide verf. 18.

Verf. 21. *Hoc ipsi obtigit insomnium.* Septuaginta enim habent Ἐπέαλεν ὁ θεὸς ἔκστασιν ἐν τῷ Ἀδάμ, *Deus Adamum coniecit in Ecstasi.* Et in ista quidem Ecstasi facilè videre potuit, quid Deus fecerit, dum ipse dormiebat.

Verf. 23. Vide verf. 21 & 24.

Verf. 24. *Tam strictus sanctusque nexus, &c.* Hic est ipse scopus Historiæ; Ut admodum firmum creet & indissolubilem amorem inter *Virum* ac *Mulierem*, ut se mutuò tanquam unam eandemque personam considerent. Atque in hoc quidem felicitàti sui populi sapienter prospexit *Moses* talia ipsorum animis principia instillans quæ radix sint omnis ordinis Oeconomici, omnisque solatii & oblectationis, dum maritus uxorem considerat tanquam seipsum in sceminino genere, ipsaque maritum tanquam seipsam in masculino. Neque enim Grammatici ullum aliud discrimen deprehendunt inter *איש* & *אשה* *Vir* & *Virissa*. Rabbi verò *Abraham Ben-Ezra* Mysterium in his nominibus invenit plus quàm Grammaticum. Nam in *איש* & *אשה* ait ille, contractum nomen *Jehovah* continetur, viz. יה, Inest enim eis י & ה. Quamdiu igitur Maritus & uxor in Dei timore amorèque mutuo vivunt, Deus cum illis est, perinde atque in nominibus eorum. Quodsi Deum derelinquant per inobedientiam, nec illud sibi mutuò præstant quod alter alteri debent, tunc conditio eorum ea est, quam, extrito Dei nomine, nomina eorum ipsis denotant, viz. שן & שן, Ignis & Ignis. Ignis nempe discordiæ ac contentionis in hac vita, & æternus Gehennæ ignis in vita futura. Hoc est pium lepidumque commentum ingeniosi illius *Rabbini*.

Verf. 25. *Nec eos quicquam pudebat.* Matrimonium usúsque Mulierum cum *Judeis* tam efficaciter commendata essent in præcedenti Historia, prævidit sapientia *Mosis* obvium fore populo apud seipsos inquirere, quid factum sit ut rei tam bonæ ac laudabili tantum pudoris ac diffidentiae adhæresceret. Est enim generalis pudor in Viris atque Fœminis circa hæc negotia, semperque cupiunt has res in secreto peragere extra conspectum aliorum. Quamobrem *Moses* ut curiositati eorum satisfaciatur, Historiam porro continuat, rationemque reddit hujus pudoris in sequenti Capite.

### C A P. III.

1. *Honor primorum Parentum quantopere conservetur ex eo quòd Serpens repertus sit principalis Author Transgressionis.* Quòd juxta sententiam S. Basilii omnia Paradisi Animantia loqui potuerunt: Invieta argumenta Serpentem potuisse secundum quidem Cabbalam Literalem. 9. Anthropomorphitarum opinio vera secundum eandem Cabbalam. 14. Serpentem ante lapsum erectum incessisse, Opinio S. Basilii. 16. Historiola de facili partu Mulieris cujusdam pauperula à Liguria. 19. Communes Calamitates quæ humano generi incumbunt ex transgressionem Legis Positivæ evenisse, quàm accommodatum scopo *Mosis*. 23. Quòd Paradisus tota Terra non erat. 24. Apparitiones in Paradiso à Theodoretò vocatæ Μορμολόχεια.

**I**N hoc tertio Capite causæ traduntur aliquot maximè notabilium summique momenti eventum in Natura: Ut duri laboris fudorisque filiis hominum impositi ad quærendum victum; Antipathia Homines inter atque Serpentes; Noxiarum erraticarumque Herbarum Solum obsidentium; Pudoris rei Venereæ; Doloris puerperarum; & ipsius denique Mortis. Horum omnium *Mosi*, quæ ejus erat sapientia, visum est rationem reddere, accommodatè ad captum vulgi. Hæc enim in grandem illam apud Philosophos quæstionem incidunt, Ποθεν τὰ κακά; Unde orta sunt mala? Quæ quidem seculorum omnium ingenia exercuit ad hunc usque diem. Et stultulus profecò quilibet Quæstionem movere novit, pauci verò eousque sapiunt, ut idonei sint pro rei dignitate ac profunditate, qui aut dent Responsum aut accipiant.

*Mosi* verò omninò necesse erat ut Historiam continuaret, & perspicuas & intelligibiles causas eorum malorum quæ perpetuò ipsis ante oculos obverlabantur, cum eis communicaret; quippe quum tam apertè Deum Cœli Terræque Creatorem, omniumque quas aspectamus rerum opificem asseruisset: Addens insuper Leges quas eis pro-



proposuit sibi à Deo fuisse traditas, foreque ut omnis prosperitas foelicitasque eis obtingeret si easdem vellent observare, Quod comesturi essent res opimas Terræ, vitamque longam ac vegetam victuri.

Jam verò apud populum proclive erat, quanquam rudes omnino erant, recensque à lateribus Pharaoni in *Agypto* conficiendis liberati, sic secum cogitare. Si Deus omnia fecit, quid factum est, ut non multò sint præstabiliora, quàm reverà reperiuntur? Cur uxores nostræ liberòs pariunt cum dolore? Cur Serpentum moribus sumus obnoxii? Cur non potest Deus vitam nobis largiri perpetuam perinde atque longam? & similia. Ad quæ *Moses* in genere respondet ( in magnam populi ædificationem, firmiorémque obligationem ad leges, quas ipsis tradidit à Deo ) *Inobedientiam* fuisse voluntati Divinæ quæ hæc mala omnia in orbem introduxerat. Id quod certissimè verum est. Quibus verò particularibus circumstantiis descriptum sit, perlegere licet in hoc tertio Capite.

Verf. 1. *Erat etiam Serpens.* Res nimis dura ac immanis futura fuisset, & quæ ad dedecus primorum Parentum *Adami* atque *Eve* nimis crasse redundaret, si immediate & ex se tam expressum Dei mandatum violassent, seque professos adversus eum Rebellatores ostendissent, ipsorumque posterì vix se contenturi fuissent à recordando eos ex amaritudine animi, cum diris ac maledictis, quòd tam audaces eis essent apertique authores tantarum miseriæ. Caterùm ità evenit, ut sponte non fecerint, sed per calliditatem *Serpentis* pelli essent in *Inobedientiam*, falsis illius suggestionibus circumventi. Adeò ut eorum error cum venia ac misericordia commemorandus sit, nosque ipsi opportune moniti sumus, nè quod superest bonarum rerum, proprià incurià aut contumacià perdamus.

Sed & sermonis facultatem habuit. Non tam laxam profectò habeo fidem quàm *S. Basilii*, qui omnia Animantia in Paradiso loqui potuisse affirmat seque mutuò intelligere. Sed secundùm *Cabbalam* quidem *Literalem* manifestum existimo Serpentem potuisse, nec Diabolum fuisse in Serpente ut quidam Interpretes volunt. Cur enim maledicendus esset Serpens Diaboli gratià? Et præterea tota res attribuitur calliditati & versutiæ Serpentis, tanquam eam machinantis perficientisque virtute naturæ suæ propriæ. Hoc igitur duas *Cabbalas* esset in unam confundere, hæc asserere de Serpente ac Diabolo simul.

Nè ullis fructibus arborum Horti vescamur. Ità *Chrysostomus*, *Rupertus*, & *S. Augustinus*; ac si Serpens callidus execrando illo præcepto Politico usus esset, *Calumniare fortiter, aliquid adharebit.* Ità hic primùm, summam quàm potest accusationem Deo intentat, ac si cibum necessarium eis prohibere veller, illòsque fame enecare, ut id tandem obtineret, eum saltem illos sine necessitate eis rebus privare, quæ ad magnam illorum facerent voluptatem vitæ ac perfectionem.

Verf. 4. Vide verf. 1.

Verf. 7. *Et aperti sunt amborum oculi.* Hinc quidam colligunt *Adamum* & *Evam* cæcos fuisse antequam gustassent de fructu vetito. Quod tam fatuum est glossema, ut nemo nisi cæcus esset, in ipsum incidere potuisset. Maxima enim Paradisi voluptas perditam fuisset, si caruissent visu. Quamobrem, sensus hic, utut crassus sit, *Literali Cabbala* nulla pars esse potest, cum nihil ipsi insit probabilitatis. Non est λόγος πιθανός.

Verf. 9. Dei ambulatio in Horto, Inclamatio *Adami*, Sententiæque in ipsum, uxorem ejus ac Serpentem pronunciatio, multæque aliæ actiones suprâ memoratæ, *Anthropomorphitarum* opinionem iterum atque iterum inculcant, Deum nempe esse in humana forma, quem jam agnovi sensum esse *Cabbale Literali*.

Verf. 13. Hic prima malorum Origo in Serpentem refunditur. Unde *Adami* *Eve*que Honor aliquanto illibator conservatur, radixque miseriæ humani generis manifestò detegitur.

Verf. 14. *Prorepes deinceps super ventrem.* Manifestum est secundùm *Literam* Serpentem erectum incessisse, quæ & opinio est *S. Basilii*, alioqui illius condemnatio nihil significaret, si super ventrem antè prorepisset.

Verf. 15. *Antipathia perpetua.* Vide verf. 1.

Verf. 16. *Parturiendi crux ac dolor.* Vide verf. 1. Hi verò dolores multùm augentur mulieribus propter luxum suum putridamque molliem, quæ enervat Naturam Spiritusque debilitat, adeò ut nihil tolerare possint, cum illæ è contrâ quæ rebus duris assuetæ sint ac labori, faciliori negotio evadunt. Exemplum hujus rei notabile est in quadam *Ligurie* scæmina, quam ( ut *Diodorus Siculus* refert ) operæ in agris intentam hic alter labor subito incessit. Illa verò paululum sine strepitu secedens, infantem enixa est sine mora, quem cum foliis ac gramine quàm commodè potuit, ob-

volvisset, inter arbusa reliquit, statimque ad pensum suum rediit, nec ab opera desistere voluit, donec is qui conduxerat eam, misertus infantis, totius diei mercedem ipsi solvisset, ut ab ipsa se hoc pacto liberaret: Ac si Providentia eam ab *Eve* maledictione absolvisset, eo quod suâ sponte tantum sustinuisset Maledictionis *Adami*, qui sudor erat in colendo agro.

Verf. 18. Vide verf. 1.

Verf. 19. Observatu digna hæc est egregia *Mosis* sapientia: Cum Statuta præceptaque quæ populo tradidit, essent pleraque non quidem *positiva* sed *divina*, non Naturalia & intrinsecè bona, sed *positiva* & ex seipsis dispensabilia, secundum hanc Historiam, omnia illa mala insignia sudoris ac laboris in solum sterile, dolorum partus, ipsiusque adeò Mortis, transgressioni Legis, quæ *positiva* tantum erat, imputantur. Quo pacto *Legislator* populum quidem seic admodum obligat ad observandas omni cum studio ac diligentia omnes istas Ceremonias atque Ritus, quos ipsis à Deo tradidit, cum universa *Adami* Posteritas experta sit noxam violationis vel unius Legis *positivæ* in Paradiso, comestionis scilicet fructus Arboris vetitæ: Cum aliàs certè, leges *positivæ* ex se admodum obnoxie forent, quæ negligantur, insuperque habeantur.

Verf. 20. Appellavit uxorem suam *Eva*, *vitam* significat.

Verf. 21. Quorum usum Deus *Adamum* docuit. Duo magna ac necessaria Vitæ solamina, sunt *Cibus* & *Vestitus*. Quamobrem consentaneum erat ut hic locus etiam inferatur ad animos populi eo firmitus conciliandos Deo, & ad augendam devotionem eorum, ac gratitudinem erga ipsum, qui tam particulatim tamque præcisè circumstantiis cognitus sit Author magnorum istorum adminiculorum vitæ.

Verf. 23. Ex horto *Eden*. Hoc planè demonstrat Paradisum non fuisse totam Terram, quemadmodum quidam volunt. Introductus enim erat à Deo in Paradisum, & nunc rursus ex eo ejicitur. Ex toto verò Terrarum orbe nequaquam erat ejectus.

Verf. 24. *Locus infestabatur Spiritibus*. Hæc locutio naturam rei ad quam exprimendam adhibita est, satis graphice depingit, aptèque Paradisi conditionem illustrat postquam *Adamus* ex eo ejectus esset, nec illuc iterum redire posset, propter istos *Spiritus* qui & locum ipsum, ipsumque ad eum Introitum occuparant. Nec mea solius est hæc expositio sed *Theodoret* & *Procopii*, qui has Apparitiones Introitum Paradisi obsidentes *πρόδρομοι* vocant & *Spectra terribili formâ*. Atque hic quidem, ni fallor, *Literalis* sensus hujus versûs merito haberi potest, cum *Spiritus* existentia & *Apparitionum* in confesso sit apud omnes gentes, quantumlibet rudes tardique ingenii sint.



# Cabbalæ Philosophicæ DEFENSIO.

## C A P. I.

1. Cur Cælum & Lux ejusdem rei ambo fiant symbola, nempe, Mundi Vitz. Quod ברא אללים Trinitatem innuit. Quod רשית Titulus sit Eternæ Sapientiæ, Filii Dei, qui appellatur etiam קד, ארץ & ארסולח & לון & apud Philonem perinde atque in Nova Testamento. Quod רוח אללים sit Spiritus sanctus. 2. Platonis Trias cum Trinitate præsentis Cabbalæ quàm aptè conveniat. 3. Pythagorica Nomina ac Natura Monadis sive Unitatis prima Diei operi applicata. 4. Aquæ superiores quid sint: Quodque Animæ quæ descendunt eis יבנות Naiades sint sive Nymphæ aquaticæ apud Porphyrium. 5. Materiam ex se esse immobilem. Notatio vocis מים apud R. Bechai, quàm commodè explicetur ex Philosophia Cartesiana. Materiam Universalem, secundæ diei Creationem esse, ex nominibus ac proprietatibus Numeri Binarii plenè confirmatum. 13. Natura operis tertie Diei Numero Ternario illustrata. 16. Authorum doctissimos in hoc convenire quod Creatio perfecta sit semel. Notatio vocis כרכ quàm mirificè cum insignioribus Philosophiæ Cartesianæ Conclutionibus conveniat. 19. Mundum corporeum Universum in Formam Motumque Die quarto fuisse erectum, ex Titulis ac proprietate Numeri Quaternarii admodum notabiliter confirmatum. Verus sensus Juramenti Pythagorici, quo per eum jurabant, qui mysterium Tetractyos eos docuerat. Tetractyn Symbolum fuisse totius Cabbalæ Philosophicæ sub Textu Mosaico occultatæ. 20. Cur Pisces ac Volatilia dicta sint eodem die creari. 23. Cur Animantia facta dicantur diebus quinto sextoque. 31. Curque tota Creatio comprehensa sit numero Senario.



Lenè fidelitèrque Textus Mosaiçi sensum, secundum Cabbalam Literalem, exposui, & incomparabilem illius scientiam Politicam, piàmque Prudentiam universo Orbi manifestam reddidi. Nam sive Historiam hanc de Adamo & Eva ac de Creatione à Deo in Monte immediatè acceperit, sive admodum antiqua longè antè in partibus Orientalibus Traditio fuisset, ut nonnulli Rabbini volunt, sed à Deo in Monte denuò approbata; Moses certè Pentateuchi exordium à nulla re capere potuit, quæ scopo suo atque Instituto magis propria esset atque appositæ. Estque nihil aliud nisi Ignorantia Athei, quæ efficere possit, ut hoc tanquam contempnibile quiddam consideret, cum reverà in se æquè longè supra contemptum omnem evectum sit, atque vera Prudentia & Sobrietas, super Insaniam atque Stultitiam.

Et tamen ingenuè fateor, me credere majorem adhuc in eo esse Sapientiæ profunditatem & opulentiam quàm hæcenus reclusa sit in Cabbala Literali, talèmq; quæ Mosè Philosophiæ Divinæ cujusdam Moralitatis æquè profundè gnarum exhibitura sit atque rerum Politicarum. Et contra quam Atheus nihil habiturus sit quod afferat, nisi propria Ignorantia & Confidentia alienis absconisque argumentis eum fortè instruxerit.

Neque enim in Cabbala hac Philosophicæ Mosè deprehensus est aut sex dierum laboris pensum Deo assignantem, aut Mundum Nubium altitudine claudentem, Lunamve

námve facientem Stellis majorem, aut dies sine Solibus numerantem, introducen-  
témve Serpentem sermones ferentem cum muliere, ulláve id genus alia, ( quæ Athei  
perperam intelligentes per verséque accipientes indè offenduntur : ) sed eum inventu-  
rus est ampliori Ingenio ac liberiori, quàm quengquam alium Mortalium, talésque po-  
nentem Conclusiones quas sapientissimi Naturæ Mystagogi ac Theosophi per omnia  
secula seu pretiosissimas selectissimásque æstimarunt. Tales, inquam, istæ sunt,  
quæ in *Cabbala Philosophica* suprâ descripta occurrunt. Ad quam nunc defendendam  
me accingo, & ad demonstrandum, quod reverâ Textûs *Mosaici* sit sensus. Et una  
quidem Clavis ad rectam illius intelligentiam, *Pythagorica* ista erunt *Numerorum*  
*Mysteria*, quemadmodum in Præfatione jam monui.

Sec. 4.

Verf. 1. Idem enim per utrasque voces indigito. Et satis solida profectò suppetit ra-  
tio cur eadem res per utramque significetur. Nam præterquam quod conspicua ista  
Luminaria in coelis actu existant, Sol nempe atque Stella ; Cælum sive *Aetherea* Ma-  
teria universa ubique in se habet Lucis principia ac quasi semina, quæ particulae sint  
rotundæ, illæque admodum tenuis ac subtilis Materia quæ in Intervallis rotundarum  
Particularum interjacet. Qui Philosophiæ *Gallicæ* rudimentis vel mediocriter imbu-  
tus sit, rem facillè intelliget. Atque equidem in *Mose* interpretando hoc puto me pro  
solido Principio tutò ponere posse, Quod nulla sit ullius momenti veritas in universa  
rerum Naturalium Divinarumque scientia, quam *Moses* ignoraverit ; ac proinde, si  
Textui illius congruens reperiatur, meritò ei possum attribuire. Divina saltem Sa-  
pientia quæ *Mosen* inspiravit, omnia humana Inventâ rectè intelligitur anticipare.

De Civit. Dei,  
lib. 11. cap. 9.

Jam verò quod *Cælum* & *Terram* in primo versu, tanquam res à Cælo Terræque po-  
stea memoratis distinctas intelligo, non primus solusve in eo sum, quippe *Philonis*  
authoritati innixus, qui hoc *Cælum* & *Terram* de visibili ac tangibili Cælo ac Terra  
quæ secundo tertioque die memorantur non exponit, sed de Cælo Terræque longè ab  
eis differentibus : Ut & suffragio S. *Augustini*, qui per *Cælum* & *Lucem* unam eandem-  
que rem intelligit, *Angelos* scilicet, & per *Terram*, *Materiam primam*. Quod sanè  
aliquam similitudinem habet cum hac præsentis *Cabbalæ*, nisi quod \* pro hac Materia  
*Physica* nos *Metaphysicam* ponimus, cum altera illa ad Diem secundam magis propriè  
videatur pertinere. Et pro *Angelis* nos habemus *Mundum Vitæ*, qui non solos Ange-  
los, sed Formas omnes substantiales, Spiritusque cujusmodicunque complectitur.

Quod verò *Cælum* sive *Lux* Symbola sint *Mundi Vitæ* sive *Formarum*, minimè mi-  
randum est. Nam sufficientem in ipsa *Cabbalæ* rationem invenies, primo versu hujus  
præsentis Capitis. Ac *Plotinus* quidem *Formam Luci* assimilât. *Ὁ γὰρ λόγος ὁ φωῖς.*  
*Forma enim Lux est.*

Et postremò, In secundo versu hujusce Capitis, manifestæ rationes proponuntur  
cur mera Possibilitas externæ Creationis Terræ appelletur, secundum descriptionem  
Terræ versu secundo primi Capitis Textûs *Mosaici* : Quibus addere porrò potes,  
quod, quemadmodum *Terra* tanquam *Mundi Basis* spectatur, ita externæ Creationis  
Possibilitas aliquo sensu *Basis* illius est.

*Deus igitur triunus.* Voces Hebraicæ ברא אלהים *Pluralitatem* & *Singularita-*  
*tem* pulchrè innuunt, cum *Nomen* pluralis sit numeri, *Verbum* verò numeri singularis.  
Unde quidem existimo *Mysterium Trinitatis* & *Unitatis Divini Numinis* sive *τὸ θεῦ*,  
admodum commodè hîc includi posse. Ipseque *Vatablus*, quanquam ob notiones suas  
Grammaticas, aliquantum hîc tergiversatur, apertè tamen tres personas in uno Deo,  
vicesimo sexto versu hujus Capitis, agnoscit. Quodque hæc *Mosis* doctorumque &  
piorum è *Judeis Cabbalæ* fuerit *Philosophica*, non obscuro argumento est quod *Trinita-*  
*tis* notio tantopere inculcetur à *Platonis* & *Pythagoreis*, quos, apud omnes in con-  
fesso est, ( speròque me illud manifestius quàm unquam fuerit hætenus, redditu-  
rum ) suam *Philosophiam* à *Mose* esse mutuatos.

Per æternam suam sapientiam. *Ambrosius*, *Basilus* & *Origenes*, In principio dicunt  
idem esse atque In Filio. Et in primo ad *Colossenses* illic Apostolus de filio Dei lo-  
quens, eum ait *Primogenitum* esse omnis Creaturæ, perque eum omnia creata esse quæ in  
calis sunt & quæ in terra, ipsumque esse ante omnia & omnia per eum consistere. Hæc est  
*Sapientia* Dei sive *Idea* juxta quam omnia formata sunt. Quamque proinde oportet  
esse ante omnia, *Principium Creaturarum* Dei. Et apprimè sanè consentanea sunt  
huic Apostoli duo illa Attributa quæ *Philo* eidem attribuit, *πρωτόγονος θεῦ λόγος*, *Pri-*  
*mogenitum Dei Verbum* eum appellans, & *Ἀρχή* *Principium*. Appellat etiam sim-  
pliciter *λόγος*, quod est, *Verbum*, *Forma*, *Ratio*, vel *Sapientia*. Alterque è *Chaldeis*  
*Paraphrasis* In *Principio* interpretatur, In *Sapientia*. Atque hoc quidem mirificè  
congruit cum illo *Salomonis*, ראשית דרכי ייחוד קנני Deus possedit me ראשית דרכי,  
*Principium viae suæ*, i. e. operum suorum, quemadmodum exponit *Vatablus*, ipseque

Prov. 8. 22.

Textus



Textus confirmat, sequitur enim, **קדמך מפרעיו מאו**, *Oriens operum suorum ab antiquo*. Nihil enim necesse est, ut **קדמך** & **ראשית** adverbia fiant, cum sint substantiva. Atque hinc *Sapientia* vocatur **קדמך** & **ראשית**, *Principium & Aurora* operum Dei, non quidem per diminutionem, sed ex eo quod *Oriens* sive *Aurora*, *Lucis* matrix supponitur, unde oriatur omnis *Lux* ac *Forma*; & *Forma Lux* est, quemadmodum supra monui ex *Plotino*.

Atque hæc quidem *Notio קדמך* cum loco illo apud *Trismegistum* optimè convenit, *In Képp Ká-* ubi *Hermes* sic loquitur: *Ἐγὼ δὲ τὴν ἀνατολὴν γενόμενος, τοῖς πάντα βλέψουσιν ὀφθαλμοῖς* *συν.* *τὰ τὴν ἀνατολὴν θεωρήσας, &c.* Ubi *ἀνατολή*, quod idem est quod **קדמך**, significat *Divinum Intellectum*, Stellam illam splendidam ac matutinam, *Sapientiam Dei*. Cui *Sapientie* in octavo Capite *Proverbiorum* **קדמך** & **ראשית** appellata (i. e. *Principium & Aurora* operum suorum) *Mundi Creatio* à *Salomone* ascribitur, quemadmodum illuc fusè videre est. Id tantum addam, quod Textus *Hebraicus* hic in *Genesi* appellat **ראשית** *Chaldaum* appellare **קדמין**, quod idem prorsus est quod **קדמך**. Quamobrem *ראשית* essentialis est *Dei Sapientia*, non *Habitus* aut *Proprietas*, sed *Substantia* quæ sit *Sapientia*. Nam vera *Sapientia* est *Substantia*. *Ἡ ἀληθινὴ σοφία οὐσία, καὶ ἡ ἀληθινὴ οὐσία σοφία*. Idem est quod *Plotinus* asserit. Unde appellatur in *Apocalypsi*, *ὁ ὢν, καὶ ὁ ᾔων, καὶ ὁ ἐρχόμενος*, quæ *Periphrasis* omnino est *Jehovah*, quæ *Essentia* est sive *οὐσία*. \* Quod nomen **יהוה** tempus futurum, præsens ac præteritum in י & ה literis complectitur, quemadmodum observat *Zanchius*. Hæc est secunda *Hypostasis* in sacrosancta *Trinitate*, *Logos* ille, qui in *Mundi principio* erat apud *Deum*. *Johan. cap. 1. 3:* *Omnia per eum facta sunt, & absque eo factum est nihil, quod factum sit.*

*Primum creavit.* *Rationi* nequaquam imputare possum sed *Imaginationis* *Tarditati*, *inertique Melancholiæ* *segnitie*, *sanguinisve oneri* atque *carnis*, quod facit ut quidam homines opinentur nè *Deo* quidem ipsi competere *creandi facultatem*, cum tamen interim existimem, me demonstrasse planè in *Antidoto adversus Atheismum*, *Lib. 1. cap. 7:* *sect. 4.* impossibile esse quin *Deus* hanc *creandi facultatem* habeat, quippe aliàs non *futurus Deus*. Verùm, quoniam nostra *Mens* ac *Voluntas* nullam *creare potest substantiam* à nobis distinctam, nos quidem ex modulo nostro *Divinam potentiam* metientes, stolidè statim imaginamur, nec eum quidem ullam *substantiam* à seipso distinctam posse creare. Quæ imbecillis omnino *Conclusio* est, nostræ soli *stupiditati* & *inadvertentiæ* ionixa, illincque enata.

*Verf. 2. Solitudo & Vacuitas.* Ipsæ voces *Hebraicæ* ita significant, quemadmodum monet *Vatablus*. Qui cum *Termini abstracti* sint, (ut loquuntur *Scholæ*) admodum aptè cum *notione* conveniunt quam nos huic *Terræ Symbolicæ* imposuimus, qui affirmamus nullum reale esse *subjectum actu existens* sive *spirituale* sive *corporeum* quod dici possit *inane* aut *vacuum*, sed ipsam esse *Vacuitatem* & *Inanitatem*, cum *capacitate tantum aliquid evadendi conjunctam*. Est sanè quemadmodum sapius innui, *Ens Potentiale* totius *Creationis* *externæ*.

*Spiritus verò Dei.* Non *ingens Ventus* sed *Spiritus sanctus*. Hæc est *Interpretatio* communis antiquorum *Patrum*. Et argumento quidem est eam secundum *veram Cabbalam Mosaicam* fieri, cum *Platonis Scholæ* adeò sit consentanea. Quam *Scholam* fateor me suspicari, plus illius *Cabbalæ* retinere quam *Judæi* ipsi nunc retinent.

*Extensis alis quasi suspensa imminuisset.* Vox in *Origine Hebraica* est, **מרחפת**, quæ *expansis alis imminere* significat & *incubare quasi alicui rei*, ut *Avis Nido* suo aut *pullis*. Atque hinc haud ita veri dissimile est, quin *Aristophanes* suum *Ovum* desumpserit.

Τίτλει πρῶτιστον ὑπὸνέμιον νύξ μελαϊόπτερον ὄον.

Id est,

*Primum omnium parit subventaneum Nox nigripennii Ovum.*

Atque hic quidem *incubandi modus* *Symbolum* *tenerrimi Affectus* est. Et quis profectò præstare potest, quin *Poëtæ* olim *occasionem* ex hoc *Textu* sumpserint *tingendi antiquum illum Cupidinem Patrem omnium Deorum, rerumque omnium opificem* ac *humani generis Creatorem*? Sic enim ab *Hesiodo* describitur & *Orpheo*, atque hic in hoc ipso loco *Aristophanis* unde supra citatum versum decerpsi.

*Simmius Rhodius* antiquum hunc *Amorem* sive *Cupidinem*, versibus describit, qui *Alarum* par *expansarum* representant. Ad commentum hoc *Ovi Aristophanici* cui incubet factum nolo affirmare. Sed longissima ex altera earum penna sic scribit.

Λευαί με τ' γὰρ τε βαθυτέρην ἀναχῆ, ἀκμονίδαυ τὰν ἀλαδ' ἐδράσαντα.

Id est,

*Aspice me Telluris profundos recessus habentis Regem, strenuūque Maris Fundatorem.*

Hic Dei igitur *spiritus*, sive *Divinus Amor* qui fuit ab aeterno, *tertia Divina Hypostasis* reperietur. Prima erat אלהים, vox robur ac fortitudinem significat, estque communis potius totius *Trinitatis* appellatio. *Jehovah* verò, quemadmodum Rabbi- ni notant, nomen est Dei quatenus benignus est ac misericors, cui respondere potest Ταγαθόν *Platonis*. Illud verò nomen etiam *Christo* communicatur, quemadmodum jam observavimus. Secunda est רמשיה quæ est *Sapientia*, prout suprà probatum est ex *Proverbiis Salomonis*, cui respondet *Platonis* Νῦς. In tertiam jam incidimus, quæ est *Amor*, apteque coincidit cum *tertia Hypostasi* in *Triade Platonica* ψυχή quam *Plotinus* appellat ἡγεσίαν Ἀφροδίτης, *Cælestem Venerem*. Atque huic quidem, modo magis immediato, *Mundi Creatio* ab isto Philosopho ascribitur, uti etiam à *Platone*, ut hîc apud *Mosen* *Spiritus Dei* dicitur humidæ *Materiæ* incubare ad actualem produ- ctionem hujus *Mundi* externi.

Ennead. 3. lib.  
6. & Ennead. 4.  
lib. 4. cap. 9.

Verf. 3. *Actualiter* existent sine ulla *dependentia à Materia corporea*. Quod pri- mum existit, manifestum est id independens esse ab eo quod sequitur. Et *Philo* qui- dem omnes *Essentias immateriales* primo die creatas asserit. Unde *Animæ humanæ* ab omni metu *Fati* ac *Mortalitatis* procul amoveantur. Quod insigne illud *Scholæ Platonice* dogma est.

Verf. 5. *Est Materia merè Metaphysica*. Vide vocem *Hyle* in *Interpretatione Gene- rali* ad finem *Poematum* adjecta. Ubi invenies eandem *Notionem* quâ hîc utor, illîc à me stabilitam, quanquam tunc temporis in animo neutiquam habui ullam *Textûs Mosaiici Expositionem* aggredi.

Cum *Monas* sive *Unitas*. *Convenientiam Numeri* cum *natura operis* cujusque diei observare potes esse planè mirabilem. Unde meritò concludere possumus rem ex consilio sic fuisse ordinatam, maximèque verisimile esse hanc *Cabbalam Pythagoræ* no- tam fuisse. Atque hoc in causa fuisse cur *Pythagorei* *Numerorum Mystera* tantopere creparent, aliàsque *notiones Numeris* imposerent quàm alii *Arithmetici* solent. Ac proinde si talia *Theoremata* qualia tradiderunt *Pythagorei*, cum *Textu* hoc *Mosaiico* quadrare ac convenire reperiantur, haud obscuro profectò argumento erit, eam ipsam veram esse illius *Cabbalam Philosophicam*.

Nicomach. Ge-  
rasen. in Photii  
Bibliotheca.

*Philo* primum hunc *Diem* in *Creationem* insumi facit, rerum *Immaterialium* ac *Spiritualium*, *Mundi* nempe *Intellectualis* sensu laxiori accepti, vel *Mundi Vitæ* ac *For- marum*, quemadmodum *Ficinus* appellat. Et *Pythagorei* quidem *Unitatem* vocant Εἶδος *Formam* & Ζωὴν *Vitam*. \* Appellant etiam Ζανὸς πύργον, *Turrem Jovis*, idem etiam *Nomen Centro* impertientes; per quod intelligant *Vitale Centrum* rerum forma- tivum, *Rationes Seminales*. Et verò *Unitatem* Λόγον σπερματικόν, *Formam Semina- lem* nuncupant. Sed admodum brevis pariter ac sufficiens *Ratio*, cur *Spirituales* sub- stantias primi diei opus *Philo* pronunciaverit, hæc est, Quòd, quemadmodum *Uni- tas* inter *Numeros* indivisibilis est, ita & *naturâ Spirituum* est indivisibilis. Ex uno duos efficere non potes, ut ex uno *Materiæ corporeæ* frustulo actuali *Divisione* alteri- usque ab altero *separatione*, duo frustula potes efficere. Quapropter \* quicquid ve- rè ac propriè primo die creatum est, *Immateriale* erat, *Indivisibile* & à *Materia* in- dependens; à summo *Angelo* ad infimam *formam seminalem*.

Nicomach. Ge-  
rasen. Arith.  
Iteolog in Pho-  
tii Bibliotheca.  
n. 187.

Et quantum ad *externæ Creationis Possibilitatem*, cum *Ens* non sit propriè reale, nullam potest creare difficultatem. Sed quicquid est, ad res incorporeas satis aptè re- ferri potest, cum nullum sit *Sensus* *Objectum* sed *Intellectus*, cumque tale sit ut nec pati possit nec diminui, atque sic quodammodo sit *indivisibile*. Etenim cum *Divina Potentia* minui nequeat, nec *Possibilitas* quidem *Creatura* potest diminui, cum ada- quata sit illius potentie *Consequentia*. Quamobrem hæc *Potentialitas* cum semper una sit, rectè refertur ad diem primum. \* Atque ex hac *ratione Pythagorei Unitatem* perinde atque *Binarium*, ἑλὴν appellant, uti etiam ἀλαμπίαν & σκόλωδιαν. Quæ no- mina tenebrosam rerum *Potentialitatem* à *Mose* in primi *Diei* *Creatione* expositam planè respiciunt.

Verf. 6. \* *Immensam realis corporeæque materiæ creavit copiam*, &c. Creat nunc *Materiam corpoream* (ut antea *Mundum Vitæ*) ex nihilo. Quæ *universalis Materia* meritò appellari potest קריק, cum *extensio corporeæ Materiæ* tam insigni modo sit propria. *Castellio* vertit *Liquidum*, atque hæc *universalis Materia* ut plurimum adhuc fluida est per totum *Mundum*, primum verò erat universim *Fluida*.

*Inter fluidam rerum naturalium possibilitatem*, &c. Atqui hîc fortè quæres, quo- modo *Materia* hæc corporea concipi possit inter *aquas superiores* & has *inferiores* inter- jacere.



jacere. Quid enim esse possunt *Aquæ* istæ superiores? *Maimonides* adeò continuam Analogiam in abdito Scripturæ sensu, quemadmodum videre est in Præfatione ad *More Nevochim*, neutiquam requirit. Sed non opus est ad tam generale recurrere suffugium. *Seminales* enim *Formæ* quæ descendunt per *Materiam*, atque sic *Possibilitatem* partium externæ Creationis attingunt, faciuntque ut germinent in *actum*, non dissimiles sunt, meo quidem iudicio, guttis pluviis quæ per Cælum sive Aërem descendunt, terramque reddunt fructiferam. Præterea *Formæ* rerum *seminales* quasi rotundæ sunt, si fas sit ita loqui, & in orbem contractæ, sed expandunt se cum partem aliquam *Possibilitatis* externæ Creationis in *actum* producant, ut guttæ pluviæ in terram delapsæ, se diffundunt. Adeò ut Analogia satis palpabilis sit, licet nimis elaborata videri possit & curiosa. Hisce omnibus addere possumus de *Naiadibus* sive *Nymphis Aquaticis*, Veteres per eas intellexisse τὰς εἰς γένεσιν καλίσσας ψυχὰς κοινῶς ἀπάσας. Omne genus Animarum quæ in *Materiam* descendunt & *Generationem*. Quamobrem *Potestates Aquaticæ* (quemadmodum *Porphyrius* etiam has *Nymphas* appellat) minimè conceptu absolum est, quin hic indigitari possint per nomina *Aquarum* superiorum. Vide *Porphyrium* in *De Antro Nympharum*.

Juxtaque hunc sensum formatae sunt illæ locutiones quæ apud *Synefium* occurrunt. Hymn. 3.

Λιβαὶς ὕδατος  
Κέχυμαι κατὰ γᾶς,  
Παγὰ με δίδου  
Ὅθεν ἐξεχύθην  
Φυγὰς ἀλῆτις.

Gutta Cælestis  
Effusa sum in terram,  
Fonti me restitue  
Unde sum effusa  
Profuga vagans.

Quod satis planè ostendit esse quidem id quod *Aqua* appellari potest, supra Cælos Materiales.

*Demetrius* etiam apud *Plutarchum* Animas Generationi involutas tot *Nymphas Aquaticas* facit. Neque inanis jejunaque Metaphora est, sed ad *Physicam* quandam *Veritatem* collineat; nempe ad humiditatem *Vehiculorum* istiusmodi *Animarum* sive *Spiritualium Potestatum* quæ Generationi illigentur. Quamobrem omnes istæ *Essentiæ* *Imateriales*, sive *Universalis Spiritus Naturæ*, sive *Animæ* *Hominum* ac *Brutorum*, quatenus imbuuntur induunturque ejusmodi humore genitali dum visibilem aliquam fabricam ex inferioris hujus *Regionis* *Materia* efformant, (in quam propter vitalem adhæSIONem huic humiditati descendunt) plus quàm *Metaphoricè* *Aqua* appellantur, ut *Angeli* aliique *Spiritus* primo *Die* creati plus quàm *Symbolicè* appellantur *Cælum* atque *Lux*, quemadmodum suo loco notavimus.

Vide *Immortalis*  
lib. 3. c. 18. sect. 6.

Vide *Apptend. ad*  
*Defens.* 6. 7.  
sect. 8.

Et secundum hanc quidem *Hypothesin*, de *Genitali* hoc *Humore* cui *Spirituales* hæ *Essentiæ*, quoties aliquam *Terrestrem* contexturam conficiunt, involvuntur, præstantissimum illum *Philosophum* *Platonicum* *Virgilium* descriptionem de penso operaque *Nympharum Aquaticarum* in *Fluvio Penei* fecisse autumo.

Cyrenen circum Milesia velleræ Nymphæ  
Carpebant hyali saturo fucata colore,  
Inter quas curam Clymene narrabat inanem  
Vulcani, Martisque dolos & dulcia furta;  
Atque Chao densos Divum numerabat amores;  
Carminè quo captæ fufis dum mollia pensa  
Devolvunt, &c.

Per quas rerum descriptiones proculdubio peritissimus ille Poëta nihil aliud intelligit, quàm quòd nendi contextendique prima vitæ stamina artificium in certo quodam *primordiali* sive *genitali humore* exercetur, in quo *Spirituales* hæ *Potestates Nymphæ Aquaticæ* operantur, quas igitur introducit lanam carpentes, nentes, lasciva carmina canentes, furtivòsque *Deorum Amores* (i. e. earum partium *Cælestis* *Creationis*, quæ descendunt εἰς γένεσιν) sub aquis *Fluvii Penei* enarrantes.

Ut concludamus igitur: Admodum facile est & consentaneum, quemadmodum *Angeli* *Animæque* *humanæ* in *Generationem* nondum immersæ, ut & omnes istæ *Spirituales* *Essentiæ* primo *Die* creatæ respectu vehiculi maximè intimi, *Cælum* appellantur atque *Lux*; ita similiter concipere, omnes *Animas* quæ descendunt εἰς γένεσιν omnesque *potestates* *Spirituales* quæ *terrestri* *Formationi* se applicant, ad quam *Genitalis* hic *humor* requiritur, pari ratione *Aquas superiores* in hujus *secundi Diei* opere, appellari, quemadmodum *Homo* respectu externi sui corporis vocatur \* *Adam*, quod *Terram* sonat.

X x x

Verf.

Verf. 7. *Quas sibi noxas errantes Anima, &c.* Frequentes querelæ quas nobilis ille Genius in *Pythagoreis & Platonis* contra molestias atque onera instituit hujus mortalis corporis, *Cabbalam* hanc reddunt admodum probabilem. Neque multum abludit ab opinione istorum Theologorum qui Infernum hoc die creatum existimant.

Verf. 8. *Actuata est continuò & agitata, &c.* Scholæ *Platonica* hoc planè congruens est, qui materiam ex se faciunt immobilem. Quod Rationi maximè consentaneum est. Nam si ex sua natura mobilis esset, nihil vel uno momento cohereret, sed seipsum dissolveret in partes infinitè minutas. Unde manifestum est, oportere aliquid existere præter Materiam, quod eam aut vinciat aut moveat, aut utrumque. Adeò ut Essentiarum Immaterialium Creatio, etiam hanc ob causam sit necessaria.

*Ut rectè hæc Materia appellanda sit Calum.* *כַּלּוּם* intelligo. Hæc enim Materia agitatio eam ad secundum Principium *Cartesianum* reduxit, qui verus est Æther, vel potius *כַּלּוּם*. Nam liquidum est ut Aqua, & tamen in se habet acrem istam ac vehementem Ignis vim, quod primum elementum est, omniumque subtilissimum. Res vel primo intuitu intelligitur à *Cartesianis*, qui faciliè admissuri sunt istam Notationem Rabbiorum in voce *כַּלּוּם*, quippe ab *שׁוֹן* Ignis, & *כַּלּוּם* Aqua. Sic enim R. Bechai. *Calis*, inquit ille, *creati sunt ab initio & appellantur כַּלּוּם quia sunt שׁוֹן & כַּלּוּם Ignis & Aqua.* Quod nulla Philosophia æquè confirmat atque *Cartesiana*. Nam Particulæ rotundæ, Aquæ instar (quanquam non sint ejusdem figuræ) primi Principii vehementiam ac ferocitatem, qui purissimus ignis est, mitigant & quasi extinguunt. Et tamen Ignis hic ad aliquem quidem modum triangularibus Particularum rotundarum Intervallis semper interjacet, quemadmodum ista Philosophia copiosè declarat.

*Et Binarium.* Quàm aptè rursus Numerus cum operis Diei natura convenit, quæ Creatio est Materia corporeæ? Et *Pythagorei* Numerum *Binarium* *ὕλην*, i. e. *Materiam* appellant. *Simplicius* in *Aristot. Phys. lib. 1. de Pythagoreis* loquens. *Εἰκότως ἐν μὲρ τὸ εἶδος ἔλεγον, ὡς ὁρίζον ὅπερ ἀν καταλάβῃ τὴν περὶ τὸν δύο ἢ τὴν ὕλην, ὡς ἀόριστον, ἢ ὅγκον ἢ διαίρεσιν αἰτίαν.* *Merito*, inquit, *Unum Formam* appellabant, ut quæ finis terminetque quod comprehenderit: Duo autem *Materiam*, ut indefinitam & molis causa sit & divisionis. Arque admodum copiosè quidem *Binario* tales accurrunt appellationes quæ *Materia corporea* maximè sint propria, ut *ἀσχημάτιστος*, *ἄορις*, *ἄπειρος*, *infigurata*, *interminata*, & *infinita*. Talis enim ex se *Materia* est donec Forma eam comprehenderit. Dicitur etiam *ῥεῖα* à fluiditate *Materiae*, *ἄερία*, *ἄστειρα* quia substantiam suppeditat *Calis* atque *Stellis*; *Νεκρά*, *Μόρτα*, *Θάνατος*, *Contentio*, *Fatum* & *Mors*. Hi enim fructus sunt conjunctionis *Anima* cum *Materia corporea*. *Κίνησις*, *Γένεσις*, *Φύσις*, *Διαίρεσις*, *Μότος*, *Generatio*, & *Divisio*. Quæ proprietates sunt quæ manifestò ad corpora pertinent. Hunc Numerum etiam *ὑπομονήν* nuncupant quippe quòd *ὑποκείμενον* sit, *Subiectum* quod patitur sustinetque omnes mutationes atque alterationes quas *Forma activa* in ipsum inferunt. Quamobrem manifestum est *Pythagoreos* *Materiam corpoream* per *Binarium* intellexisse, quem nemo negare potest aptum esse *Divisionis* ( insignis illius proprietatis *materiae* ) *Symbolum*.

Possimus autem & alteram rationem adjicere cur *Calis כַּלּוּם* creati sint die secundo. Nam *Materia Cœlestis* ex duabus partibus planè distinctis consistit, nempe ex Elemento primo & secundo, sive ex *Materia subtilissima* & *Particulis rotundis*, quemadmodum ex *Philosophia Cartesiana* supra monui.

Verf. 9. *Illam quidem referenda est ad Diem insequentem.* Intelligere hîc oportet, hos sex Numeros sive Dies non significare ullum temporis ordinem, sed naturam rerum quæ in eis dictæ sunt creari. Per *Cabbalam* verò *Mosis Philosophicam* non stare, quin omnia aut simul fieri possent, aut talibus temporum periodis quæ rerum ipsarum naturæ maximè convenirent. Quæ in versum hunc nonum dicta sunt, melius intelliguntur, pleniùsque, postquam ad quarti diei opus pervenerimus.

Verf. 13. *Et Ternarius illius naturam denotat.* In hoc tertio die, divino jussu, Aquæ in unum locum confluerunt, omni genere plantarum Terra ornata est. Paradisus cum omni ejus voluptate & copia, creata, in qua Serpens *Evam* decepit, & quæ sequuntur. Quid igitur magis verisimile esse potest quàm quòd *Pythagorei* suis Numeris usi sint tanquam monumentis particularium rerum gestarum in hac Historia Creationis; quippe qui Numerum *Ternarium* *Τρίτωνα*, & *Θαλασσοῦχον*, i. e. *Tritonem* Dominumque Maris appellant, quod propterea fit, quòd Deus Aquas hoc die jussit in unum locum congregari ut ex eis constitueretur Mare? Appellant etiam *Ternarium* *κτεας ἀμαλθείας*, & *Οφίωνα*. Quarum vocum prior rerum bonarum omnium

Nicomach. Ge-  
rasen. Arith-  
met. Theolog.  
lib. 1.

Nicomach. Ge-  
rasen. Arith-  
met. Theolog.  
lib. 1.

in



in Paradiso *abundantiam* innuit, altera refertur ad *Serpentem Evæ* deceptorem. Nunc verò præter hæc inveniemus *Ternarium* operis hujus tertii diei naturam admodum aptè significare. Etenim primùm, Terra ex tertio *Cartesiana* Philosophiæ elemento consistit ( Illius enim Philosophiæ veritas vel invitis nobis se intrudet ) & tum dein, tres sunt præcipuæ partes hujus tertii Elementi quæ ad Tellurem habitabilem reddendam sunt necessariae, *Terra*, putà, *arida*, *Mare*, ( unde fontium scaturigines & fluvii ) atque *Aer*. Et denique in Vegetabilibus, quod opus principale est hujus diei, tres sunt insignes proprietates, *Nutritio* scilicet, *Accretio* & *Generatio*; uti etiam, si *Durationem* eorum consideres, tria sunt illius puncta Cardinalia, *Ortus*, *Acme*, *Interitus*. Huc adjicere potes & Mineralia, quæ ad hunc diem pertinent perinde atque Plantæ, quod ipsa scilicet pariter atque Plantæ & in genere omnia corpora Terrestria; tria illa in se habent Principia Chymica *Sal*, *Sulphur* & *Mercurium*. Et postremò, id quod haud exigui momenti est, quod motus Telluris *triplex* sit, motus nempe super proprium Axem, motus Centri circa Solem, & motus denique ille qui ex inclinatione Axis siturque sibi ipsi semper parallelo oritur, quo *obliquum* Circulum in Terra describit, quam *Ecclipticam* vocamus.

Verf. 16. *Et talis quidem est hæc Terra in qua vitam degimus.* Quemadmodum Materia Universi secundo die prodiit, ita formatio ejus in Soles & Planetas in hoc quarto die continetur, Terrâ ipsâ non exceptâ, quamvis secundum *Literam Die primo* facta sit, & quatenus Plantarum Nutrix est, resecta dicatur in die tertio; Verruntamen quatenus est Luminis Receptaculum & mutuatis radiis splendet instar Lunæ aliorumque Planetarum, rectè referri potest ad hujus *quarti* diei Creationem.

Neque hoc durum omnino aut temerarium videri potest si consideremus Authorum doctissimos in hoc jam consensisse, quod *Universa Creatio* facta esset simul. Ut, exempli causâ, maximè sobrius maximèque castigati judicii inter omnes Doctores *Judaicos*, R. *Moses Aegyptius*, *Philo Judeus*, *Procopius Gazeus*, Cardinalis *Gajetanus*, S. *Augustinus*, & Scholæ *Hillelis* & *Samai*, ut *Manasseh Ben Israel* refert. Adeò ut lentus ille Dierum ordo hoc pacto penitus tollatur, omnesque scrupuli & difficultates ex ista Hypothesi oriri possint.

De Creatione,  
Problem. 1.

namobrem dico *Terram* tanquam unum è *primariis Planetis* creatam fuisse die primo. Reddòque הכוכבים *Planetas primarios*. *Primarios* propter ה *Emphaticum* & *Planetas*, quia ipsa Notatio nominis eorum, Naturam ipsorum indicat. כוכב *planè* fit à כו *ustio*, & כב *Extinctio*, Nominibus à כוה & ככה *facta* ut חוה & חוה אבה & חוה אבה secundum certam & irreprehensibilem Analogiam. certè Terra uti & reliqui Planeta, tali naturâ sunt, ac si aliquando ardentes dependentesque fuissent Soles. Luce verò ac calore semel extinctis, opaci Planeta postea facti sunt. Hæc conclusio planè hic contineri videtur apud *Mosen*, sed in *Philosophia Cartesiana* fusè demonstratur. Nec enervatur quidem vis Notationis vocis כוכב obijciendo eam vulgo usurpari ad significandas *Stellas Fixas* perinde atque *Planetas*. Neque enim inficior quin juxta vulgarem Notionem etiam illis competere possit. Nam *Stella fixa* secundum Imaginationem rudis vulgi dici possunt accendi & extinguì, quoties apparent & disparent denuo. Illi enim omnia sensu obvio & Imaginatione metiuntur, facileque possunt eas tanquam tot candelas considerare *Divinâ Providentiâ* noctu quidem accensas, sed interdiu frugalitatis ergò, extinctas, nè frustra consumerentur. Et certè memini *Theodoretum*, in libro περὶ Πεγνοίας, tam avidè dextræque hanc Notionem deglutiisse, ut tanquam speciali Providentiæ argumento utatur, quod ad hunc modum possint in versis capitibus ardere, nec statim nimium eliquefendo extinguì, quemadmodum vulgo fit in nostris Candelis. Quamobrem Vox כוכב non incommodè omnibus Stellis attribui potest *Fixis* perinde atque *Planetis*, sed *Fixis* quidem sensu ad vulgi caput accommodato, *Planetis* verò ob rationes veras as naturales. Et certi profectò esse possumus, eas esse ad quas *Moses* spectare voluerit atque urgere in *Cabbala sua Philosophica*.

Breviter igitur, ה *Emphaticum* in הכוכבים duplicem Emphasin continet, innuendo primùm, verositos כוכבים five *Planetas*, & tum dein eminentissimos eorum verè sic dictorum. Nec omninò mirum est tam abstrusas Philosophiæ Conclusiones in hoc Textu *Mosaico* occultari. Etenim, quemadmodum alibi moneo, *Moses Cartesii* solertiam anticipavit. Quippe quum Patriarchæ sat ingenii, & propter eximiam longævitatem satis otii haberent, ad investigandum æquè curiosa ac subtilia Theoremata Philosophica atque ulli è posteris suis unquam possent excogitare. Ut taceam quæ per Traditionem habere potuissent ab *Adamo*. Et certè si terram *Planetam* reperimus, concedi debet continuò eam circa Solem currere, qui purus purus est *Pythagorismus*, validòque indicio *Pythagoram* istud Mysterium edoctum fuisse per hanc

hanc Cabbalam Mosaicam. Quod verò Terra Planeta sit, præter Notationem cui supra jam institimus, necessitas creationis illius inter alios Planetas hoc die quarto, ulteriores est argumento. Neque enim ulla creationis illius in ullo alio die secundum hanc Cabbalam Philosophicam facta est mentio.

Verf. 17. *Suas quibusque terras habitantibus.* Textus Hebraicus habet, על הארץ. Nec dubitavi interpretari הארץ non quidem de hac una individua Terra, sed de tota specie, sive de singulis aut universis. Quemadmodum הארץ versu decimo septimo hujus Capituli non est Homo individuus sive singularis, sed Humanum genus, universum. Καὶ ἐν τοῖς δοκῶσι περὶ τῆς Ἀδὰμ ἐν φυσιολογίᾳ Μωϋσῆος περὶ τῆς ἀνθρώπου φύσεως. Origen. contr. Cels. lib. 4. Quæ Clavis est præstantissima ad aperiendum rotum Mystrium Creationis. Atque sic verf. 16. המאור & המאור הנרל viz. המאור הקטן ad eundem modum exponuntur, de majorum minorumque Luminarium generibus. \* Adeò ut nulla violentia Grammatica Textui Mosaico inferatur per totam Interpretationem.

Verf. 19. *Numerusque illius naturam denotat.* Hujus quarti Diei Creatio, Efformatio est Materiæ in Soles & Planetas, vel in Soles, Lunas & Terras. Nam Ætherei Vortices tunc in motum excitati sunt, Mundusque corporeus formam ordinemque utilem nactus erat. Atque equidem Ordinatio formatioque Mundi Corporei meritò dici potest in Numero quaternario peragi; cum Quaternarium primum inter Numeros corpus sit, Pyramis utique æquilatera. Quæ figura etiam idoneum Lucis symbolum est, quandoquidem Radii illius oculum intrant sub forma Pyramidali. Et Luminaria quidem nunc suspenduntur per vastam Regionem Æthereæ Materiæ universam, quod Cælum dicitur.

Philopon. in  
lib. 1. Metaphys.  
Plutarch. de  
Iside & Osiride.

Nicom. Gera-  
sen. Arith. The-  
olog. lib. 1.

Pythagorei etiam hunc Numerum σῶμα vocant & κόσμον, Corpus & Mundum, Mundi corporei in eo Creationem innuentes. Atque porro, ut significant in quàm præstabili proportionem & Harmonia Mundus factus sit, Quaternarium hunc appellant Ἀρμονίαν & Βαρυχασμὸν ἀνεγείροντα, Harmoniam, & Divini Furoris & Ecstasis excitatorem, inpuentes omnia tam suaviter & congruenter in Mundo ordinari, ut varii illius motus, venustæ Choreæ instar dulcissimique concentus Musici sint, animamque contemplativam ex claro conspectu attentaque animadversione Ordinis & Oeconomiæ Universi, in raptus atque ecstases auferre valeant.

In Cosmopæia  
Mosaica.

Et verò Philo, \* qui in exponendo Mose multum Pythagorissat, Numerum Quaternarium observat maximè perfectas rationes in Symphoniis Musicis contineri nempe Diatessaron, Diapente, Diapason & Disdiapason: Τῆς μὲν δὲ διατεσσάρων γὰρ ἑπταετηρεῖας, &c. Nam ratio Diatessaron est ut quatuor ad tria, Diapente ad duo, Diapason ut duo ad unum, vel quatuor ad duo, & Disdiapason ut quatuor ad unum.

Aristot. de  
Mundo.

In Cosmopæia  
Mosaica.

Adjicere huc etiam possumus considerationem illius Divinæ Nemesis quam Deus in fabrica naturæque universæ Creationis, quatenus Retributor est unicuique secundum opera sua, collocavit. Unde & ipse etiam Nemesis appellatur apud Aristotelem, ἀπὸ τῆς ἐκείνης διανεμήσεως, Quod ubique quod singulis debitum est distribuit. Hoc juxta vulgarem loquendi formulam, Justitia est. Et tum Philo, tum Plotinus ex Pythagoreis affirmant Numerum Quaternarium Justitiæ esse Symbolum. Quæ omnia illuc spectant ad quod ego contendo, ad totam scilicet Creationem pertinere hunc Numerum Quaternarium, qui Dies quartus appellatur.

Nicomach. Ge-  
rasen. Arith.  
Theolog. lib. 2.

Et ad majorem evidentiam addere porro possumus, Quod quemadmodum omnes Numeri Quaternario, virtute sive potentiâ, continentur (per omnes Numeros intelliguntur Decem, postquam enim ad Decem pervenerimus statim revertimur) ita Radix & Fundamentum totius Corporeæ Creationis in hujus quarti Diei opere ponitur, in quo Soles, Terræ ac Lunæ fiunt, & semper-circumgyrati vortices. Nam, quemadmodum Philo observat, more Pythagorico, Denarius (quem etiam appellant κόσμον, κόσμον, & παντίλειαν, Mandum, Cælum, Summumque Perfectionis) fit partes ordinatim spargendo Quaternarii, sic, 1, 2, 3, 4. Quas si conjunxeris simul, fit Denarius, παντίλειαν, τὸ πᾶν. Universum. Atque hoc tale quidem Secretum erat apud discipulos Pythagoræ, ut in sacri Juramenti formam abiret, jurare scilicet per eum, qui ipsis Tetractyos, Tetrados, sive Quaternarii mysterium tradidit.

Sext Empiric.  
adversus Ma-  
tæmas. lib. 4.

Οὐ μὰ τὰ μετέρα ψυχὰ παραδόντα τετρακτῖν,  
Γαγὰν ἀέραν φύσεως, ριζομάτ' ἔχουσιν.

Id est, Per eum qui anima nostra tradidit Tetractyn,  
Fontem perennis Naturæ radicemque habentem.

Sic



Sic jurârunt per *Pythagoram*, ut vulgò existimatur, qui *Mysticam* hanc Traditionem eos docuerat. Et certè annon admodum venerandum *Mysterium* reverà futurum fuisse putas dignumque Religionis solemnitate & Juramenti, intelligere quòd 1, 2, 3, 4. simul sumpta faciunt *Decem*; Decemque esse *Omnia*; quæ rudis Antiquitas primùm super suos digitos numerabat, quod & Arithmetici nobis confirmant, vocando decem primos Numeros *Digitos* ad hunc usque Diem?

Nè vel minima quidem verisimilitudo est Virum tam sapientem quàm erat ille *Pythagoras*, ullo in pretio istiusmodi nugas habiturum fuisse; aut discipulos ejus fuisse tam Fatuos, ut eisdem omnino admirarentur, eisve caperentur. Cæterùm satis notum est, *Pythagoreos* Motum Telluris circa Solem tenuisse, quod secundùm *Cabbalam Philosophicam* in hujus *quarti diei* opere planè supponitur. Tantula quidem pars Secretorum ejus in communem notitiam venit atque famam. Verùm admodum probabile est totam *Cabbalam Creationis Philosophicam* in partibus Orientalibus ab aliquo perito Sacerdote aut Philosopho, (ut nunc vocantur) ipsi fuisse explicatam, qui sub hoc Numerorum *Mysterio* selectissimas maximèque pretiosas Naturalis Philosphiæ Conclusiones ei exposuit, Textum *Mosaicum* interpretans, ut ego quidem sentio, tali ferè modo, in quem ipse incidi, omnesque illas nobiles amplèque Conclusiones rationibus demonstrativis confirmans. Atque sic *Pythagoras* solidà rerum scientià ipse pulchrè instructus libenter eam impertiit aliis quos sua Pietas ingenique captus ad eam recipiendam idoneos reddidisset, non omittens quidem externam illam Numerorum formam, sub quâ hæc scientia ipsi primùm fuit communicata. Cæterùm istiusmodi Nugamenta in jejunis Numeris, quæ vulgò tanquam sua memorantur, thesauros sapientiæ fuisse tam celebri Philosophi, res profectò est quæ omnem omnino excedit fidem.

Quamobrem sic equidem rem habere censeo, Quum maximè pretiosi selectique scientiæ thesauri in explicanda *Cabbala quarti diei*, ipsi referantur, hinc factum esse ut tantum solennitatis & Religionis illi Numero, quem *Tetractyn* suam appellavit, sit attributum. Quæ quidem duplicis generis fuisse videtur; alterum, simplex numerus *Quatuor*; alterum *Triginta sex*, ex quatuor primis masculinis Numeris, & quatuor primis femininis conflatum, viz. ex 1, 3, 5, 7. & ex 2, 4, 6, 8. ubi observare priorem magisque simplicem *Tetractyn* adhiberi adhuc & includi. Nam *Quatuor* hic rursus locum suum obtinet in masculinis femininisque Numeris assignando. Unde porrò existimo, sub numero hujus magis complexæ *Tetrados*, quæ alteram in se continet, eum totius Creationis *Mysterium* suos discipulos docuisse, eum rerum naturam ipsis explicando, spiritualium perinde atque corporearum.

Plutarch. de  
Iside & Osiride.

ὅτι εἰώθεσιν οἱ Πυθαγόρειοι λόγον τινα λέγειν τοῦτον, ὅτι ὁ ἀριθμὸς ἀριθμὸς τὸ πρῶτον ἔχει καὶ παθητικόν, ὃ δὲ περὶ τὸ αὐτὸν, καὶ ἀπαθὲς καὶ δεξιόηλον. Διὸ ὁ μὲν ὁπλοῦς ὁνομάζεται, ὃ δὲ ἀπρὸς. Etenim *Pythagorei* talem quandam solebant efferre sermonem; Numerum parem sectioni atque passioni obnoxium esse; Imparem insectilem esse & activum. Idèoque ille quidem *famina* ipsis nominatur; hic verò *mas*: quemadmodum Author quidam scribit.

Anonym. in  
Prolem. Tetract.  
bibl. lib. 1.

Quamobrem primorum quatuor masculinorum Numerorum ad quatuor primos femininos additio, \* est Activorum & Passivorum Principiorum conjunctio adaptatiòque partium Materiæ Formis congruentibus è Mundo *Vitæ* per universam Creationem. Adèd ut *Tetractyn* existimem symbolum fuisse totius Systematis Philosophiæ *Pythagoricæ*, quam meritò suspicari possumus eandem ferè fuisse cum *Cabbala Mosaicâ*. Et Radix quidem hujus *Tetractynos* *Senarius* est, qui *Mosen* rursus admodum opportunè respicit nòsque in memoriâ revocat Operis *Sex dierum* Creationis.

Verf. 20. Magnam produxere Piscium copiam qui innatarent Aquis & Volatilium, &c. Atque hîc *Moses* planè Philosophum agit conjungendo simul *Pisces* & *Volucres*. Est enim inter ipsos major Cognatio, quàm ab imperito vulgo facillè observatur. Etenim præterquam quòd *Volucres* *Aquas* multùm frequentant, quamplurimæ scilicet earum species, hæc ipsa Elementa *Aeris* atque *Aque* propter tenuitatem & liquiditatem magnam inter se habent similitudinem. Præterea *Pinnæ* Piscium & *Alæ* Volatilium, *Plumæ* horum & *Squammæ* illorum admodum Analogæ sunt. Utrique etiam *Uteribus* destituuntur propriè sic dictis, *Mammillis* etiam atque *Lacte*, sùntque utrique *Ovipari*. Porrò, motus admodum confimiles sunt, cum *Pisces* quodammodo in aqua volent *Volucres*que in *Aere* natent, secundùm illud Poetæ de *Dedalo*, cum *Alas* sibi concinnasset.

Infuetum per iter gelidas enavit ad *Arctos*.

Fusch. Nieremb.  
berg. Histor.  
Natur. lib. 11.  
cap. 35.

Hiscè etiam adjice, quòd, quemadmodum quædam *Volucres* urinantur, subterque aquam

Verf. 7. *Quas sibi noxas errantes Anima, &c.* Frequentes querelæ quas nobilis ille Genius in *Pythagoreis* & *Platonicis* contra molestias atque onera instituit hujus mortalis corporis, *Cabbalam* hanc reddunt admodum probabilem. Neque multum abludit ab opinione istorum Theologorum qui Infernum hoc die creatum existimant.

Verf. 8. *Actuata est continuo & agitata, &c.* Scholæ *Platonica* hoc planè congruens est, qui materiam ex se faciunt immobilem. Quod Rationi maximè consentaneum est. Nam si ex sua natura mobilis esset, nihil vel uno momento cohereret, sed seipsum dissolveret in partes infinitè minutas. Unde manifestum est, oportere aliquid existere præter Materiam, quod eam aut vinciat aut moveat, aut utrumque. Adeo ut Essentiarum Immaterialium Creatio, etiam hanc ob causam sit necessaria.

*Ut rectè hæc Materia appellanda sit Calum.* *קלם* intelligo. Hæc enim Materia agitatio eam ad secundum Principium *Cartesianum* reduxit, qui verus est *Æther*, vel potius *קלם*. Nam liquidum est ut *Aqua*, & tamen in se habet acrem istam ac vehementem *Ignis* vim, quod primum elementum est, omniumque subtilissimum. Res vel primo intuitu intelligitur à *Cartesianis*, qui faciliè admissuri sunt istam Notationem Rabbiorum in voce *קלם*, quippe ab *שן* *Ignis*, & *קלם* *Aqua*. Sic enim *R. Bechai*. *Cali*, inquit ille, *creati sunt ab initio & appellantur קלם quia sunt שן & קלם* *Ignis & Aqua*. Quod nulla Philosophia æquè confirmat atque *Cartesiana*. Nam Particulæ rotundæ, Aquæ instar (quanquam non sint ejusdem figuræ) primi Principii vehementiam ac ferocitatem, qui purissimus ignis est, mitigant & quasi extinguunt. Et tamen *Ignis* hic ad aliquem quidem modum triangularibus Particularum rotundarum Intervallis semper interjacet, quemadmodum ista Philosophia copiosè declarat.

*Et Binarium.* Quàm aptè rursus Numerus cum operis Diei natura convenit, quæ Creatio est Materię corporeæ? Et *Pythagorei* Numerum *Binarium* *ὕλην*, i. e. *Materiam* appellant. *Simplicius* in *Aristot. Phys. lib. 1. de Pythagoreis* loquens. *Εἰκότως ἐν ᾧ τὸ εἶδος ἐλεγον, ὡς ὁρίζον ὅπερ ἂν καταλάττει καὶ περικταῖν δύο ἢ ἑ ὕλην, ὡς ἀόρατον, καὶ ὄγκον καὶ διαίρεσιν αἰτίαν.* *Merito*, inquit, *Unum Formam* appellabant, ut quæ finis terminetque quod comprehenderit: Duo autem *Materiam*, ut indefinitam & quæ molis causa sit & divisionis. Atque admodum copiosè quidem *Binario* tales accumulârunt appellationes quæ *Materię corporeæ* maximè sint propriæ, ut *ἀρχαίτης*, *Ἀόρις*, *Ἀπειρος*, *Infigurata*, *Interminata*, & *Infinita*. Talis enim ex se *Materia* est donec *Forma* eam comprehenderit. Dicitur etiam *Πῶς* à fluiditate Materię; *Ἀερία*, *Ἀερία* quia substantiam suppeditat *Calis* atque *Stellis*; *Νεῖκ*, *Μόρ*, *Θάνατος*, *Contentio*, *Fatum* & *Mors*. Hi enim fructus sunt conjunctionis *Animæ* cum *Materia corporeæ*. *Κίνησις*, *Γένεσις*, *Φύσις*, *Διαίρεσις*, *Μόρως*, *Generatio*, & *Divisio*. Quæ proprietates sunt quæ manifestò ad corpora pertinent. Hunc Numerum etiam *ὁπομονή* nuncupant quippe quòd *ὁποκειμένη* sit, *Subiectum* quod patitur sustinetque omnes mutationes atque alterationes quas *Forma activa* in ipsum inferunt. Quamobrem manifestum est *Pythagoreos* *Materiam corpoream* per *Binarium* intellexisse, quem nemo negare potest aptam esse *Divisionis* ( insignis illius proprietatis materię ) *Symbolum*.

Possumus autem & alteram rationem adjicere cur *Calis* *קלם* creati sint die secundo. Nam *Materia Cœlestis* ex duabus partibus planè distinctis consistit, nempe ex *Elemento primo* & *secundo*, sive ex *Materia subtilissima* & *Particulis rotundis*, quemadmodum ex *Philosophia Cartesiana* suprâ monui.

Verf. 9. *Illâ quidem referenda est ad Diem insequentem.* Intelligere hîc oportet, hos sex Numeros sive *Dies* non significare ullum temporis ordinem, sed naturam rerum quæ in eis dictæ sunt creari. Per *Cabbalam* verò *Mosis Philosophicam* non stare, quin omnia aut simul fieri possent, aut talibus temporum periodis quæ rerum ipsarum naturæ maximè convenirent. Quæ in versum hunc nonum dicta sunt, meliùs intelliguntur, pleniùsque, postquam ad quarti diei opus pervenerimus.

Verf. 13. *Et Ternarius illius naturam denotat.* In hoc tertio die, divino jussu, Aquæ in unum locum confluerunt, omni genere plantarum *Terra* ornata est. *Paradisus* cum omni ejus voluptate & copia, creata, in qua *Serpens Evam* decepit, & quæ sequuntur. Quid igitur magis verisimile esse potest quàm quòd *Pythagorei* suis Numeris usi sint tanquam monumentis particularium rerum gestarum in hac *Historia Creationis*; quippe qui Numerum *Ternarium* *Τρίτων*, & *Θαλασσοῦχος*, i. e. *Tritonem* Dominumque *Maris* appellant, quod propterea fit, quòd *Deus Aquas* hoc die jussit in unum locum congregari ut ex eis constitueretur *Mare*? Appellant etiam *Ternarium* *κίερα ἀμαλθείας*, & *Ὀφίονα*. Quarum vocum prior rerum bonarum omnium in

Nicomach. Ge-  
rasen. Arith-  
met. Theolog.  
lib. 1.

Nicomach. Ge-  
rasen. Arith-  
met. Theolog.  
lib. 1.



in Paradiso *abundantiam* innuit, altera refertur ad *Serpentem Evæ* deceptorem. Nunc verò præter hæc invenimus *Ternarium* operis hujus tertii diei naturam admodum aptè significare. Etenim primùm, Terra ex tertio *Cartesiana* Philosophiæ elemento consistit ( Illius enim Philosophiæ veritas vel invitis nobis se intrudet ) & tum dein, tres sunt præcipuæ partes hujus tertii Elementi quæ ad Tellurem habitabilem reddendam sunt necessariae, *Terra*, putà, *arida*, *Mare*, ( unde fontium scaturigines & fluvii ) atque *Aer*. Et denique in Vegetabilibus, quod opus principale est hujus diei, tres sunt insignes proprietates, *Nutritio* scilicet, *Accretio* & *Generatio*; uti etiam, si *Durationem* eorum consideres, tria sunt illius puncta Cardinalia, *Ortus*, *Acme*, *Interitus*. Huc adjicere potes & Mineralia, quæ ad hunc diem pertinent perinde atque Plantæ, quòd ipsa scilicet pariter atque Plantæ & in genere omnia corpora Terrestria; tria illa in se habent Principia Chymica *Sal*, *Sulphur* & *Mercurium*. Et postremò, id quod haud exigui momenti est, quòd motus Telluris *triplex* sit, motus nempe super proprium Axem, motus Centri circa Solem, & motus denique ille qui ex inclinatione Axis siturque sibi ipsi semper parallelo oritur, quo *obliquum* Circulum in Terra describit, quam *Ecclipticam* vocamus.

Verf. 16. *Et talis quidem est hæc Terra in qua vitam degimus.* Quemadmodum Materia Universi secundo die prodiit, ita formatio ejus in Soles & Planetas in hoc quarto die continetur, Terrâ ipsâ non exceptâ, quamvis secundum *Literam Die primo* facta sit, & quatenus Plantarum Nutrix est, resecta dicatur in die tertio; Veruntamen quatenus est Luminis Receptaculum & mutuatitiis radiis splendet instar Lunæ aliorumque Planetarum, rectè referri potest ad hujus *quarti* diei Creationem.

Neque hoc durum omnino aut temerarium videri potest si consideremus Authorum doctissimos in hoc jam consensisse, quòd *Universa Creatio* facta esset simul. Ut, exempli causâ, maximè sobrius maximèque castigati judicii inter omnes Doctores *Judaicos*, R. *Moses Aegyptius*, *Philo Judæus*, *Procopius Gazæus*, Cardinalis *Gajetanus*, S. *Augustinus*, & Scholæ *Hillelis* & *Samai*, ut *Manasseh Ben Israel* refert. Adeò ut lentus ille Dierum ordo hoc pacto penitus tollatur, omnesque scrupuli & difficultates quæ ex ista Hypothesi oriri possint.

De Creatione,  
Problem. 1.

Quamobrem dico *Terram* tanquam unum è *primariis Planetis* creatam fuisse die *quarto*. Reddòque הכוכבים *Planetas primarios*. *Primarios* propter ה *Emphaticum*: & *Planetas*, quia ipsa Notatio nominis eorum, Naturam ipforum indicat. Etenim כוכב planè fit à כו ustio, & כב Extinctio, Nominibus à כוה & כה factis, ut חו & אב à חוה & אבה secundum certam & irreprehensibilem Analogiam. \* Et certè Terra uti & reliqui Planeta, tali naturâ sunt, ac si aliquando ardentes splendentisque fuissent Soles. Luce verò ac calore semel extinctis, opaci Planeta postea facti sunt. Hæc conclusio planè hic contineri videtur apud *Mosén*, sed in Philosophia *Cartesiana* fusè demonstratur. Nec enervatur quidem vis Notationis vocis כוכב obijciendo eam vulgo usurpari ad significandas *Stellas Fixas* perinde atque *Planetas*. Neque enim inficior quin juxta vulgarem Notionem etiam illis competere possit. Nam *Stella fixa* secundum Imaginationem rudis vulgi dici possunt accendi & extinguì, quoties apparent & disparent denuo. Illi enim omnia sensu obvio & Imaginatione metiuntur, facileque possunt eas tanquam tot candelas considerare Divinâ Providentiâ noctu quidem accensas, sed interdiu frugalitatis ergò, extinctas, nè frustra consumerentur. Et certè memini *Theodoretum*, in libro περὶ Περσέας, tam avidè dextræque hanc Notionem deglutiisse, ut tanquam speciali Providentiæ argumento utatur, quòd ad hunc modum possint inverfis capitibus ardere, nec statim nimium eliquescendo extinguì, quemadmodum vulgo fit in nostris Candelis. Quamobrem Vox כוכב non incommodè omnibus Stellis attribui potest Fixis perinde atque Planetis, sed *Fixis* quidem sensu ad vulgi captum accommodato, *Planetis* verò ob rationes veras as naturales. Et certi profectò esse possumus, eas esse ad quas *Moses* spectare voluerit atque urgere in *Cabbala sua Philosophica*.

Breviter igitur, ה *Emphaticum* in הכוכבים duplicem Emphasin continet, innuendo primùm, verosistos כוכבים five Planetas, & tum dein eminentissimos eorum verè sic dictorum. Nec omninò mirum est tam abstrusas Philosophiæ Conclusiones in hoc Textu *Mosaico* occultari. Etenim, quemadmodum alibi moneo, *Moses Cartesii* solertiam anticipavit. Quippe quum Patriarchæ sat ingenii, & propter eximiam longævitatē satis otii haberent, ad investigandum æquè curiosa ac subtilia Theoremata Philosophica atque ulli è posteris suis unquam possent excogitare. Ut taceam quæ per Traditionem habere potuissent ab *Adamo*. Et certè si terram *Planetam* reperimus, concedi debet continuò eam circa Solem currere, qui purus purus est *Pythagorismus*, validòque indicio *Pythagoram* istud Mysterium edoctum fuisse per

hanc Cabbalam Mosaicam. Quod verò Terra Planeta sit, præter Notationem cui supra jam institimus, necessitas creationis illius inter alios Planetas hoc die quarto, ulteriori est argumento. Neque enim ulla creationis illius in ullo alio die secundum hanc Cabbalam Philosophicam facta est mentio.

Verf. 17. *Suas quibusque terras habitantibus.* Textus Hebraicus habet, על הארץ. Nec dubitavi interpretari הארץ non quidem de hac una individua Terra, sed de tota specie, sive de singulis aut universis. Quemadmodum הארץ versu decimo septimo hujus Capituli non est Homo individuus sive singularis, sed Humanum genus, universum. Καὶ ἐν τοῖς δοκῶσι περὶ τῆς Ἀδὰμ ἐν φυσιολογίᾳ Μωϋσῆος περὶ τῆς ἀνθρώπου φύσεως. Origen. contr. Cels. lib. 4. Quæ Clavis est præstantissima ad aperiendum totum Mysterium Creationis. Atque sic verf. 16. המאור & המאור הנרל viz. המאור הקטן ad eundem modum exponuntur, de majorum minorumque Luminarium generibus. \* Adeo ut nulla violentia Grammatica Textui Mosaico inferatur per totam Interpretationem.

Verf. 19. *Numerusque illius naturam denotat.* Hujus quarti Diei Creatio, Efformatio est Materiam in Soles & Planetas, vel in Soles, Lunas & Terras. Nam Ætherei Vortices tunc in motum excitati sunt, Mundusque corporeus formam ordinemque utilem nactus erat. Atque equidem Ordinatio formatioque Mundi Corporei merito dici potest in Numero quaternario peragi; cum Quaternarius primum inter Numeros corpus sit, Pyramis utique æquilatera. Quæ figura etiam idoneum Lucis symbolum est, quandoquidem Radii illius oculum intrant sub forma Pyramidali. Et Luminaria quidem nunc suspenduntur per vastam Regionem Æthereæ Materiam universam, quod Cælum dicitur.

Philopon. in  
lib. 1. Metaphys.  
Plutarch. de  
Iside & Osiride.

Nicom. Gera-  
sen. Arith. Theo-  
log. lib. 1.

Pythagorei etiam hunc Numerum σῶμα vocant & κόσμον, Corpus & Mundum, Mundi corporei in eo Creationem innuentes. Atque porro, ut significant in quàm præstabili proportionem & Harmoniam Mundus factus sit, Quaternarium hunc appellant Ἀρμονίαν & Βαρυχασμὸν ἀνεγείρεσθαι, Harmoniam, & Divini Furoris & Ecstasis excitatorem, innuentes omnia tam suaviter & congruenter in Mundo ordinari, ut varii illius motus, venustæ Choreæ instar dulcissimique concentus Musici sint, animamque contemplativam ex claro conspectu attentaque animadversione Ordinis & Oeconomiam Universi, in raptus atque ecstases auferre valeant.

In Cosmopæia  
Mosaica.

Et verò Philo, \* qui in exponendo Mose multum Pythagorissat, Numerum hunc Quaternarium observat maximè perfectas rationes in Symphoniis Musicis continere; nempe Diatessaron, Diapente, Diapason & Disdiapason: Τῆς μὲν γὰρ διατετάρτου ὁ λόγος ἑπταεπίστος, &c. Nam ratio Diatessaron est ut quatuor ad tria, Diapente ut tria ad duo, Diapason ut duo ad unum, vel quatuor ad duo, & Disdiapason ut quatuor ad unum.

Aristot. de  
Mundo.

In Cosmopæia  
Mosaica.

Adjicere huc etiam possumus considerationem illius Divinæ Nemesis quam Deus in fabrica naturæque universæ Creationis, quatenus Retributor est unicuique secundum opera sua, collocavit. Unde & ipse etiam Nemesis appellatur apud Aristotelem, ἀπὸ τῆς ἀνάγκης διανεμίσσεως, Quod ubique quod singulis debitum est distribuit. Hoc juxta vulgarem loquendi formulam, Justitia est. Et tum Philo, tum Plotinus ex Pythagoreis affirmant Numerum Quaternarium Justitiæ esse Symbolum. Quæ omnia illuc spectant ad quod ego contendo, ad totam scilicet Creationem pertinere hunc Numerum Quaternarium, qui Dies quartus appellatur.

Nicomach. Ge-  
rasen. Arith.  
Theolog. lib. 2.

Et ad majorem evidentiam addere porro possumus, Quod quemadmodum omnes Numeri Quaternario, virtute sive potentiâ, continentur (per omnes Numeros intelliguntur Decem, postquam enim ad Decem pervenerimus statim revertimur) ita Radix & Fundamentum totius Corporeæ Creationis in hujus quarti Diei opere ponitur, in quo Soles, Terræ ac Lunæ fiunt, & semper circumgyrati vortices. Nam, quemadmodum Philo observat, more Pythagorico, Denarius (quem etiam appellant κόσμον, ὕψων, & παντίλειαν, Mundum, Cælum, Summumque Perfectionis) fit partes ordinatim spargendo Quaternarii, sic, 1, 2, 3, 4. Quas si conjunxeris simul, fit Denarius, παντίλειαν, τὸ πᾶν, Universum. Atque hoc tale quidem Secretum erat apud discipulos Pythagoræ, ut in sacri Juramenti formam abiret, jurare scilicet per eum, qui ipsis Tetractyos, Tetrados, sive Quaternarii mysterium tradidit.

Sexti Empiric.  
adversus Ma-  
temas. lib. 4.

Οὐ μὰ τὰ ἀμετέρεα ψυχὰ παραδόντα τετρακτὺν,  
Γαγὰν ἀενάου φύσεως, ριζοματ' ἔχουσαν.

Id est,  
Per eum qui anima nostra tradidit Tetractyn,  
Fontem perennis Naturæ radicemque habentem.

Sic



Sic jurârunt per *Pythagoram*, ut vulgò existimatur, qui *Mysticam* hanc Traditionem eos docuerat. Et certè annon admodum venerandum *Mysterium* reverà futurum fuisse putas dignumque Religionis solemnitate & Juramenti, intelligere quòd 1, 2, 3, 4. simul sumpta faciunt *Decem*; Decemque esse *Omnia*; quæ rudis Antiquitas primùm super suos digitos numerabat, quod & Arithmetici nobis confirmant; vocando decem primos Numeros *Digitos* ad hunc usque Diem?

Nè vel minima quidem verisimilitudo est Virum tam sapientem quàm erat ille *Pythagoras*, ullo in pretio istiusmodi nugas habiturum fuisse; aut discipulos ejus fuisse tam Fatuos, ut eisdem omnino admirarentur, eisque caperentur. Cæterùm satis notum est, *Pythagoreos* Motum Telluris circa Solem tenuisse, quod secundùm *Cabbalam Philosophicam* in hujus *quarti diei* opere planè supponitur. Tantula quidem pars Secretorum ejus in communem notitiam venit atque famam. Verùm admodum probabile est totam *Cabbalam Creationis Philosophicam* in partibus Orientalibus ab aliquo perito Sacerdote aut Philosopho, (ut nunc vocantur) ipsi fuisse explicatam, qui sub hoc Numerorum *Mysterio* selectissimas maximèque pretiosas Naturalis Philosophiæ Conclusiones ei exposuit, Textum *Mosaicum* interpretans, ut ego quidem sentio, tali ferè modo, in quem ipse incidi, omnesque illas nobiles amplèque Conclusiones rationibus demonstrativis confirmans. Atque sic *Pythagoras* solidà rerum scientiâ ipse pulchrè instructus lubenter eam impertiit aliis quos sua Pietas ingenisque captus ad eam recipiendam idoneos reddidisset, non omittens quidem externam illam Numerorum formam, sub quâ hæc scientia ipsi primùm fuit communicata. Cæterùm istiusmodi Nugamenta in jejunis Numeris, quæ vulgò tanquam sua memorantur, thesauros sapientiæ fuisse tam celebris Philosophi, res profectò est quæ omnem omnino excedit fidem.

Quamobrem sic equidem rem habere censeo, Quum maximè pretiosi selectique scientiæ thesauri in explicanda *Cabbala quarti diei*, ipsi referrentur, hinc factum esse ut tantum solennitatis & Religionis illi Numero, quem *Tetractyn* suam appellavit, sit attributum. Quæ quidem duplicis generis fuisse videtur; alterum, simplex numerus *Quatuor*; alterum *Triginta sex*, ex quatuor primis masculinis Numeris, & quatuor primis fœmininis conflatum, viz. ex 1, 3, 5, 7. & ex 2, 4, 6, 8. ubi observare potes priorem magisque simplicem *Tetractyn* adhiberi adhuc & includi. Nam *Quaternarius* hic rursus locum suum obtinet in masculinis fœminisque Numeris assignandis. Unde porrò existimo, sub numero hujus magis complexæ *Tetrados*, quæ alteram etiam in se continet, eum totius Creationis *Mysterium* suos discipulos docuisse, omnium rerum naturam ipsis explicando, *spiritualium* perinde atque *corporearum*. *Καὶ ὁ εἰσὶν οἱ Πυθαγόρειοι λόγον τινὰ λέγειν τοῦτον, "Ὅτι ὁ ἀριθμὸς τὸ τριπτικὸν ἔχει καὶ παθητικόν, ὃ ὅ περὶ τὸς τὸ ἀτρικτον, καὶ ἀπαθὲς καὶ δεξιότροπον. Διὸ ὁ μὲν ἑνὸς ὀνομάζεται, ὃ ὃ ἀρῶν. Εἰτενὶν Πυθαγόρειοι τalem quendam solebant efferre sermonem; Numerum parem sectioni atque passioni obnoxium esse; Imparem insectilem esse & ætivum. Ideoque ille quidem fœmina ipsis nominatur; hic vero mas: quemadmodum Author quidam scribit:*

Plutarch. de  
Iside & Osiride.

Anonym. in  
Ptolem. Tetrabibl. lib. 1.

Quamobrem primorum quatuor masculinorum Numerorum ad quatuor primos fœmininos additio, \* est *Activorum & Passivorum Principiorum* conjunctio adaptatiòque partium Materiæ Formis congruentibus è *Mundo Vita* per universam Creationem. Aded ut *Tetractyn* existimem symbolum fuisse totius Systematis Philosophiæ *Pythagoricæ*, quam merito suspicari possumus eandem ferè fuisse cum *Cabbala Mosaicâ*. Et Radix quidem hujus *Tetractynos* Senarius est, qui *Mosen* rursus admodum opportunè respicit nòsque in memoriam revocat Operis *Sex dierum* Creationis.

Verf. 20. *Magnam produxere Piscium copiam qui innatarent Aquis & Volatilibus, &c.* Atque hic *Moses* planè Philosophum agit conjungendo simul *Pisces & Volucres*. Est enim inter ipsos major Cognatio, quàm ab imperito vulgo facillè observatur. Etenim præterquam quòd Volucres Aquas multum frequentant, quamplurimæ scilicet earum species, hæc ipsa Elementa Aeris atque Aque propter tenuitatem & liquiditatem magnam inter se habent similitudinem. Præterea *Pinnæ* Piscium & *Alæ* Volatilium, *Plumæ* horum & *Squammæ* illorum admodum Analogæ sunt. Utrique etiam *Ureteribus* destituuntur propriè sic dictis, *Mammillis* etiam atque *Lacte*, suntque utrique *Ovipari*. Porrò, motus admodum confimiles sunt, cum *Pisces* quodammodo in aqua volent *Volucresque* in Aere natent, secundùm illud Poetæ de *Dedalo*, cum *Alas* sibi concinnâssent.

*Insuetum per iter gelidas enavit ad Arctos.*

Fusch. Nieremb.  
berg. Hist.  
Natur. lib. 11.  
cap. 35.

Hiscæ etiam adjice, quòd, quemadmodum quædam *Volucres* urinantur, subterque aquam

aquam natant, ita quidam Pisces supra Aquam volant in Aere ad bonum temporis spacium, donec Pinnae arescere incipiant ac rigere.

Nicomach. Ge-  
rasen. Arith.  
Theolog. lib. 2.  
Plutarch. de  
Ei apud Del-  
phos.

Verf. 23. *Quinariusque illius naturam denotat.* Philo heic nec obviam quidem illam considerationem de quinque sensibus in Animalibus omittit. Verum mira coincidentia est, nisi ex consilio sit factum, quod Animantia creata dicantur die quinto atque sexto, cum isti Numeri juxta Mytheria Pythagorica tam apte ipsorum naturam significant. Nam Quinarius ab ipsis agnoscitur *Mas & Fœmina*, ex Ternario quippe consistens & Binario, duobus primis Masculinorum Numerorum ac Fœmininorum. Est etiam Symbolum Generationis. Nam *Quinarius* in Quinarium ductus Quinarium rursus edit, ut videre est in quinquies quinque, qui dant viginti quinque. Ita Aquila cum Aquila coiens Aquilam edit, & Delphinus cum Delphine coiens, Delphinum; & sic de reliquis. Unde Pythagorei hunc Numerum *Quinarium*, *Cytheream*, i. e. *Venerem* appellant, & *Γάμον*, *Nuptias*. Notissimum autem est in Avibus, quod singulae conjugem sibi eligunt. De Numero *Senario* agemus in proprio suo loco.

Verf. 26. *Quæ tam libera est, tam rationalis, &c.* Quod Imago Dei in hoc potius consistit, quam in Dominio super Creaturam, verum ego hujus loci sensum esse existimo, magisque Philosophicum, alterum magis Politicum autumo. Philoque eundem interpretandi modum adhibet, quem & nos eligimus, ut qui *Platonismo* ac *Pythagorismo* etiam magis conveniat, optimæ, quam novi, *Textus Mosæici Cabbalæ*.

Verf. 27. *Mas & Fœmina.* Mirum, inquit Grotius, quàm convenient *Rabbino- rum super hac re Explicationes & ea quæ Plato habet in Convivio; quæ tamen undecun- que profecta sunt, vana esse non dubito.* Atque equidem fateor omnino me juxta cum eo sentire. Mirabilis autem hic consensus inter *Aristophanis* Narrationem in supra dicto *Convivio*, & *Commenta Rabbino- rum super hunc Textum*, haud obscuro argumento est *Platonem* aliquam *Mosæi* notitiam habuisse. Quod majorem meritò addere potest huic nostræ *Cabbalæ* auctoritatem atque fidem. Id verò *Platonis* sapientiæ imputandum est, quod veram *Cabbalam* sibi ipsi quasi reservaret, sed istiusmodi spuria & malefana commenta, quæ homines leves ac temerarii ex Textu elicere possent, ridiculo illi ac leviculo homuncioni *Aristophani* attribueret, cum satis idonea essent quæ ille efferret, in isto Ingeniorum Conventiculo, Philosophico illo *Symposio Platonis*.

Verf. 28. *Dominabantur in Terra.* Septuaginta habent, *κατακυριεύσατε*. Quod est summum & absolutum imperium exercere, aut saltem valdè rigidum, *Matth. 20.*

Clem. Alexand.  
Stromat. lib. 6.

Verf. 31. *Et Senarius naturam illius denotat.* *Senarius* duplicem habet relationem, alteram ad hujus diei opus particulare, alteram verò ad totam Creationem. Quantum ad Diei opus particulare, variorum generum *terrestrium* Animalium Creatio est, in *Mares* ac *Fœminas* divisorum. Et *Senarius* quidem ex *Mare & Fœmina* producit. Nam *Duo* in *Tria* fiunt sex. Quæ *Philonis* est observatio. Atque hinc *Pythagorei* hunc Numerum *Γάμον* appellant, sicut etiam notavit *Clemens*, addens insuper sic eos fecisse respiciendo Mundi Creationem à *Mosè* descriptam. Hic Numerus etiam eodem modo quo Numerus *Quinarius*, idoneum est Procreationis Symbolum. Nam sex ducti in sex producant *triginta sex*. Observatio est *Plutarchi*, in suo, *De Ei apud Delphos*, quanquam loquitur de inferiori genere Generationis. Ego verò Animalibus maximè proprium esse existimo. Est etiam hic aliquid quod speciatim ad hominem spectat; præcipuum operæ hujus sexti diei effectum. Numerus brutalis Naturæ *Quinarius* erat, secundum *Philonem*. Hic verò in Homine *Unitas* superaddita est, Ratio scilicet ad notitiam Dei pertingens. *Unitasque* hæc priori *Quinario* adjecta, *Senarium* constituit.

Nicomach. Ge-  
rasen. Arith.  
Theolog. lib. 2.

Jam verò quod ad Relationem attinet quam *Senarius* gerit ad totam Creationem, *Pythagoreos* eum existimasse aptum hujusce rei Symbolum, ex ipsis Titulis manifestum est, quos in ipsum contulere. Appellatur enim ab eis, *Διάθροσις τῷ παντός*, *Ἀκμῶν, Κόσμου*, *Articulata, completæque Efformatio Universi, Incus & Mundus*. Incudem nominari existimo propter indefatigabilem procusionem novarum Formarum ac Figurarum in Materia Universi, virtute *Activi Principii* quod ubique ac semper agit aliquid ac molitur. Quomodo autem *Senarius* Mundi Symbolum sit sic intelliges. Mundus ex se completus est, plenus perfectusque ex suis partibus; Ita & *Senarius* qui nullas denominatas partes habet præter sextam, tertiam & secundam, viz. 1, 2, 3. Quæ simul additæ faciunt Sex: *Euclidisque* ab hac proprietate Numerum perfectum definit. *Τέλειος ἀριθμός ἐστὶν ὁ τοῖς ἑαυτοῦ μέρεσιν ἴσος ὢν*. *Perfectus Numerus est qui aqualis est suis partibus*. Quamobrem hic Numerus perfectionem Mundi illustrat. Notissimum verò est Deum in fine operum vidisse ac declarasse omnia quæ fecit,

Element. Geo-  
metr. lib. 7. de-  
fin. 22.



fecit, valdè bona esse. Præterea Mundus est Ἀρρὴν καὶ Ὀήλως, Mas & Fœmina, hoc est, ex *Activo* consistit & *Passivo Principio*, altero in alterum è *Mundo Vita* attracto. Et *Senarius* fit ducendo primum Masculinum numerum in primum Fœmininum: Nam *Tria* in *Duo* faciunt *Sex*.

*Clim. Alex. ind. Stromat. lib. 6. Nicomach. Geom. Arith. Theolog. lib. 2.*

Ità videmus perpetuò proprietatem Numeri, secundùm ista Myſteria quæ *Pythagorei* in eis observârunt, naturam operis cujusque Diei illustrare; Numerosque præterea, ut plurimum, Nomina sortitos esse singulorum dierum operi respondentia. Quod quidem, quemadmodum sæpe inculcavi, argumentum admodum probabile est *Pythagoreos Cabbalam* habuisse quæ Textum *Mosis* Historiamque Creationis spectabat. Et verò *Philo*, quanquam ratione haud ità accuratâ, mentem *Mosis* hac clave aperire aggressus est. Spero verò me hoc tam manifestò demonstrâsse; ut nemo quisquam in posterum sit dubitaturus, quin hæc genuina sit ratio sensum interpretandi Textus *Mosaici* in hoc primo Capite *Geneſeos*.

## SCHOLIA

In CAP. I. Vers. 1.

**P**RO hac Materia Physicâ nos Metaphysicam ponimus, &c. Ità sanè facimus in Cabbala ipsa; in Appendice verò Defensionis, Cap. 9. Physicam quandam Hylen hic etiam intelligi posse, & fusè & solidè, ni fallor, demonstravimus.

Quòd Nomen יהוה tempus futurum, præsens ac præteritum, &c. Hoc est, Divina Essentia totum rerum seriem ac seculorum ordinem à principio ad finem in se continet.

Et absque eo factum est nihil quod factum sit, Καὶ χωρὶς αὐτῆς ἐγένετο ὃ ἐν, ὁ γέγονεν. Quidam ad ὃ ἐν, plenam Periodum ponunt, & ὁ γέγονεν cum Ἐν αὐτῷ ζῶν ἦν conjungunt. Sed temerè meo quidem judicio. Neque enim περὶ τὴν λογίαν ἐστὶν ὁ γέγονεν, sed vehementior affirmatio sine Logo nihil omninò creatum fuisse: ac si sic scriptum esset, χωρὶς αὐτῆς ἐγένετο ὃ ἐν ὅτι ὁ γέγονεν. Deinde, ὁ γέγονεν distinctionis gratiâ addi potest, ut certius intelligatur quid per ἐγένετο significetur, nempe quòd talia indigentur quæ initium habuerint, quòd apertius indicatur per γέγονεν, quòd præteriti temporis significationem habet, cum ἐγένετο ἀρχὴς ὡς significet, & eodem ferè sensu sumi posset, quo ἦν in καὶ θεὸς ἦν ὁ λόγος. Eo igitur sensu ἐγένετο & γέγονεν hic sumenda innuitur, quo τὸ γενόμενον in Dicto illo Melissi apud Aristotelem, Εἰ τὸ γενόμενον ἀρχὴν ἔχει ἅπαν, καὶ τὸ μὴ γενόμενον οὐκ ἔχει. Ubi τὸ γενόμενον & τὸ ἀρχὴν ἔχον idem sonare videntur. Quæ verò necessaria sunt & aeterna, cum de eis dici non posset, ὅτι γέγονεν, ut quæ principium non habeant, non inscitè nec temerè adjectum est ὁ γέγονεν, ut distinctus perinde atque plenus hujus loci sensus intelligatur, nempe de omnibus γενόμενους absolutissimè verum esse, quòd nihil omnino ἐγένετο, quin ab ipso sit factum, quòd Logos verus Deus Creator agnosci possit, & ut talis colli.

*Physic. lib. 1. cap. 3.*

Verum ὁ γέγονεν ὅν αὐτῷ ζῶν ἦν, sententia admodum dura est aut falsa. Omne enim factum à Logo, non est Vita, cum Materia non sit. Et ut ζῶν pro ζῶον poneretur vel ζωοποιον, durior est locutio. Et qualis ζῶν hic subindicetur apparet ex verbis proximè sequentibus, quòd hæc ζῶν sit lux Hominum. Unde palàm est ζῶν hanc talem esse ζῶν à cujus influxu homines illuminentur, quæ proinde omnino est Spiritus sanctus. Id quòd longè credibilis est, quàm Ideas Divinas per ζῶν significari. Quippe quòd iste sensus Narrationem magis aridam & Scholasticam redderet, eandemque nihilominus mancā relinqueret omisā mentione Spiritus S. tertie Hypostaseos Divinae Trinitatis. Quibus omnibus adde, Græcos codices magis probata Authoritatis omnes, quòd notat Calvinus, in vulgari lectione consentire.

Vers. 5. Appellant etiam Ζανὸς πύργος. Equidem fateor me hic in animo habuisse Appellationem Ζανὸς πύργος, deorsum ad Rationales feminales significandas attrahere; at verò nunc postquam intellexerim Numeros Pythagoricos ad Mercavim perinde atque ad Bereshith spectare, longè altius quid sonare existimo, nec ad ullam Creaturam spectare sed ad τὸ Ἐν Platoniorum, & ob eam causam inter Nomina Unitatis recenseri. Quæ de re vide Tabulam Sefirotarum Pythagoricam.

Quicquid verè ac propriè primo die creatum est, immateriale, &c. Nisi Hylen quandam Physicam cum Augustino tunc creari velimus: quæ de re vide Appendicem Defensionis Cab. Philos. cap. 9.

Atque ex hac ratione Pythagorei Unitatem perinde atque Binarium ἑλν appellunt. Quinimò vide annon Unitas Hyle vocari posset, eò quòd Materia ex Physicis Monadibus consistat.

Vers.

*Vers. 6.* Immenſam realis corporeæque Materiæ creavit copiam, &c. *De productione hujus corporeæ Materiæ vide Plotinum Ennead. 4. lib. 3. cap. 9. & Tractatum meum De Animæ Immortalitate, lib. 3. cap. 16. ſect. 8.*

Adam, quod Terram ſonat. *Immo verò apertè pulvis appellatur, Genes. cap. 2. v. 7. Formavit igitur Dominus Deus Hominem עפר מן־הארמה, pulverem è Terra.*

*Vers. 16.* Et certè Terra uti & reliqui Planetæ tali naturâ ſunt ac ſi aliquando ardentes ſplendentſque fuiſſent Soles. *Hic equidem omittere non poſſim quin notem quanta cum ſcævitæ atque invidentiâ mecum egerit S. A. qui in Exam. Gener. Cabbalæ meæ Philoſophicæ, Diſput. 3. ſect. 2. p. 156. ita de me ſcribit. Itaque qui credunt terram aliquando fuiſſe ſidus, qui Cartefii Potuiſſe vertunt in Deuiſſe, ſi Deus Mundum paulatim oriri voluerit, immò ita ortum eſſe audacter ſcribunt, atque Hiftoriam Moſaicam fidiculis ſubjiciunt, prout D. Morus facit, à modestia ejusdem Cartefii & veritate procul videntur, majori temeritate, diſcedere. Quanta cum incuria & ſupinitate, nè dicam, malevolentia, in ſcriptis meis verſatus ſit S. A. vel ex hoc loco ſatis intelligere eſt. Quippe qui de me planè contrà atque ipſe ſententiâ explico, pronunciat. Non dico enim Terram Planetâſque olim Soles fuiſſe, ſed eorum naturam talem eſſe ac ſi olim fuiſſent Soles. Quod & ipſe Cartefius apertè affirmat, pari, ſiqua ſit, temeritate. Ego verò cum paulo ſuprà cum veteribus affirmâſſem, omnia ſimul creata fuiſſe, Terram pariter atque Solem Stellâſque, planè repugnat ut adeò audacter aſſeram Terram aliquando fuiſſe ſidus. Caterùm ut non ſoli Samueli Andreæ ſed omnibus in poſterum, (ſive ſemel Mundus creatus ſit ſive paulatim & ſucceſſivè) libera ſcriptorum meorum loca cavillandi anſam præripiam, quinque illas Regulas, quas in Apologia deſcripſi, earumque rationes, quibus præcipuus Scopus Methodusque ſcriptorum meorum certiùs intelligatur, huc tranſcribam. Quibus præfixus eſt hic Titulus,*

Quomodo quis in Rationali hoc ac Philoſophico ſeculo ſe gerere debeat ad lucrificandos retinendosve homines in fide Chriſtiana.

#### REGULA I.

<sup>1</sup> Summa cum diligentia ſibi cavere debet nè quicquam neget, quòd is quem convincere velit cum clara ac ſolida ratione, meritò tenere videatur & allegare. <sup>2</sup> Et præfertim religioni habere debet id negare tanquam Chriſtianæ Fidei repugnans. <sup>3</sup> Niſi planè ac reverà infallibilibus ſacræ Scripturæ Oraculis contrarietur.

*Ratio primæ partis hujus Regula petenda eſt à periculo nè faciat ut ipſe contemptibilis appareat ac ſuperſtitioſus Idiota, ſicque ſeipſum reddat Provincia, quam ſuſceperit, planè inutilem; quippe quum Antagoniſta ſtatim concludurus ſit, non quidem judicium eſſe, ſed caſum, ignorantiam, aut educationis vim quæ faciat ut Religioni, quam proſitetur, adhareat.*

*Ratio ſecundæ partis eſt, nè Religionem ipſam in diſcrimen adducat, & contemptum, ac ſi infallibilis Dei dictamen non eſſet ſed fallibilium aliquorum miſeræque hallucinantium hominum qui rerum naturam ignorarent, & tamen nihilominus opportunitate oblata, in officium ſe inſinuaverint Legiſlatorum & Prophetarum, quemadmodum fecit Mahometes. Hæc viâ equidem, fateor, ſeipſum quis commodè vindicare poſſet à contumelia & ſuſpitione nè vir videatur rationis haud ſatis compos, dum ultro agnoſcit cum Antagoniſta Religionem ſuam ſibi ipſi videri Rationi minùs conſentaneam: Verum enimvero Religionem interim Opponentis deriſui & contemptui exponit, facitque ut Chriſtianitas non magis quidem commendabilis ſit quàm viliffima qualibet Impoſtura cui id honoris unquam contigerit, ut Religionis Titulo adornaretur.*

*Denique ſuperadditur, Niſi planè ac reverà infallibilibus Divini verbi Oraculis contrarietur. Nam proculdubio talis ratio quæ illis reverà repugnet, utcunque primo aſpectu ſolida videatur, ſi examinetur ſtirpitùs & excutitur, non eſt vera Ratio, ut nec iſtæ Scripturæ Interpretationes veræ, quæ veræ repugnent Rationi.*

*Quamobrem ex primæ hujus Regula ſequela, Is qui cum perito Philoſopho agere velit, Motum Telluris debet non negare, quippe quod dogma ſit adeò ſolidum & rationi conſentaneum nec reverà ſacræ Scripturæ repugnans. Etenim quòd Terra motu Diurno, Annuoque circa Solem movetur, naturali Rationi nimis quàm manifeſtum eſſe, apparere poſteſt ex eis quæ ſcripſi in Epistoſta ad V. C. ſect. 7. Quòd verò Scripturis non repugnat, id quidem à tot viris eruditis probatum & confirmatum eſt, ut omnino ſat ſit eorum opera meminiffe. Quinimò nec tuò poſteſt negare Terram Planetam eſſe; Illa enim neceſſaria conſequentia eſt motùs illius circa Solem, quemadmodum ſit in aliis Planetis. Lumen etiam refleſcit ſicut Luna, tranſitque per Zodiacum, ſicut faciunt alii Planeta. Nec Scriptura uſquam ne-*



gat Planetam esse, non certè magis quàm moveri circa Solem. Quocirca hæc aliæque con-  
similes conclusiones quum tam fortiter in humanam Rationem speculationesque Philosophicas  
se insinuant, valdè inconsultum esset & Religioni Christianæ oppidò quàm incommodum,  
si quis easdem affirmaret Christianæ fidei sacrosanctisq; Dei oraculis repugnare, atque sic  
efficeret, ut Vulgares & Idiotica hominum opiniones super his rebus pro indispensabilibus  
Christianæ fidei Articulis habeantur. Nam quantum detrimentum dogmata à Philosophia  
abhorrentia Religioni afferant, manifestum est in Mahometismo. Ubi fabula de Luna per  
Mahometis manicam egrediente, & de Sole in fonte pernoctante, deque Stellis tot montes  
magnitudine omnino æquantibus & à Cælo per catenas suspensis, cum id genus aliis, facit  
planè ut omnes homines intelligentes illam Religionem tanquam merè humanam considerent,  
nequaquam verò Divinitus institutam.

Quamobrem, quod dixi, magno præjudicio futurum esset fidei Christianæ, si quis suprà  
dictas conclusiones assereret ei repugnare, nisi reverà ipsi Scripturæ repugnarent, quæ hisce  
de rebus omnino silet, cum Objectum Historiæ Creationis, Mundus Philosophorum non  
sit, sed Mundus Plebeiorum. Qui est comprehensio Mundi non ultrà, nec alio quidem  
modo quàm qui sensui & imaginationi rudis vulgi congruat. Ac proinde παῖνόςμῃ enar-  
rat sive ἐκφράζει Universi, secundum sensibiles istas Ideas quæ visus organo imprimuntur;  
Cælum cæruleum, Nubes, Solem, Stellâsque ad eandem ferè à Terra distantiam collocans,  
eisdemque æstimans magnitudinibus quibus oculo nostro apparent. Quemadmodum demon-  
strari potest ex ipso Textu, vers. 6. Ubi Firmamentum sive Cælum (nam idem esse illic affir-  
matur) dicitur esse inter Aquas superiores & inferiores, & in eum finem creati ut eas di-  
sterneret. Quare & situs & officium Firmamenti planè ostendunt, illud non nisi ad aquas  
superiores, i. e. ad Nubes extendi, quemadmodum censent Rupertus, Eugubinus, Pere-  
rius, Gregorius de Valentia, Augustinus, Castellio, Calvinus, Vatablus & Druli-  
us, Grotius etiam eò vergere videtur, & David denique Hebræus, cognominatus Cami-  
us, acriter contendit קַיָּן propriè significare Aërem. Ceterum intra hoc קַיָּן (quod  
ordinariè redditur Firmamentum) Stellæ, Luna atque Sol siti sunt, vers. 14, 15, 16,  
17. eisque describuntur magnitudinibus quibus intra hunc ambitum sensibiles eorum Idea  
nobis apparent.

Integra igitur illius Mundi comprehensio qui Historicè in Genesi descriptus est, Semi-  
peripheriâ circumscribitur super Axem Terræ ad utrumque polum, paulo supra Nubes pro-  
ductum delineatâ & in plenum circuitum circumactâ. Hæc Semiperipheria sic circum-  
ducta Sphæricum describit Mundi Plebeiorum, qui Mosaicæ Historiæ de Creatione per-  
inde subiectum est, atque futuræ finalis Conflagrationis (quemadmodum Cl. Medus cum  
iudicio definivit) in adventu Christi, die novissimo.

Fabricatio igitur sive Creatio Cœli atque Terræ vera Epocha est Historica sive Chro-  
nologica totius Historiæ Bibliorum, cum Philosophica Cabbala nullis temporis discernien-  
tis distinguatur limiteturve, sed naturam solummodo partium illustret Universæ Creationis  
Dei. Hæc verò ipse temporis ordo notatur, diēsque sex, totidem diurnis Terræ circumvo-  
lutionibus, quantuscunque earum sit ambitus, facile possunt distinguui, totâque Creatio rea-  
lis esse rerum productionumve Phanomenon Naturæ Historiæ. Et quantum ad ea quæ mi-  
raculosa videntur & extra Naturæ cursum, rationi nequaquam repugnat, si concludas re-  
vera facta fuisse à Deo & in perpetua Symbola ponderosissimarum veritatum destinata.  
Quemadmodum sit in multis aliis miraculosis Providentiæ eventis in reliqua Historia Vete-  
ris Testamenti, quæ sunt perennes Figuræ sive Typi summorum maximeque stupendorum  
Mysteriorum Regni Dei; ut miraculosus ille Israelitarum transitus per Mare rubrum,  
& similia.

Adèò ut ipsa Litera Historiæ vera sit, quanquam cum debitis accommodationibus, ap-  
tisque ad vulgi captum demissionibus facta sit illius enarratio. Exempli causâ. Verum est,  
Deum formavisse Adamum è pulvere Terræ, ut Plasta fingunt homines luteos, quemad-  
modum loquitur Cornelius à Lapide. Sed hunc pulverem addito opimo liquore (inquit  
Tertullianus) in argillam prius coagulavit. Et inspirationem etiam in faciem narēve  
illius intelligunt Metaphoricè, ut quadam intelligi solent etiam in communi Historia.  
Quæ quidem Metaphoræ maximè accommodantur ad captum populi. Adèò ut nè minima  
quidem digladiatio sit Historicam Cabbalam inter atque Philosophicam.

Verum etiam est Adamum conjectum fuisse in soporem, Deumque costam è latere ejus  
tulisse, formassēque in mulierem. Sapientia porro atque loquela Serpentis, res veræ sunt,  
quemadmodum S. Ephrem, S. Basilus atque Iosephus, & cum ratione quidem, intelli-  
gunt & apertè declarant. Postremò, Deum Tunicas pelliceas Adamo atque Evæ fecisse,  
flammanēsq; Cherubinos ante Introitum Paradisi collocasse, ista etiam sunt Historicè ve-  
ra. Quanquam nihil interim impedit quo minus horum omnium Historia Symbolica eti-  
am esse possit, sive Hieroglyphica.

Cæterum tamen si quis apud seipsum de Historica symbolorum veritate satis persuasus esse possit, dubito tamen an debeat illius certitudinem in singulis partibus apud homines qui ingenio magis Philosophico sint, præfidentius affirmare. Idque eò magis moneo, propterea quod sobrii admodum, multique ac probati nominis Scriptores quedam loca asserunt esse Parabolica. Quemadmodum facit Cajetanus de Serpente, per quem Diabolum intelligit intus Evæ tales rationes suggerentem quæ ipsam illecturæ essent ad peccandum. Cyrillus etiam & Eugubinus intelligunt de Diabolo talem formam sibi assumentem. Tertullianus per gladium flammanem & Cherubinos, Zonam intelligit Torridam. Et Cajetanus rursus Historiam de costa Adami parabolam facit, asseritque Adamum & Evam eodem temporis momento fuisse creatos. Adamumque Animalibus ad eum accedentibus nomina imposuisse in Visione tantum intellectuâli. Quamobrem valde inconsultum esset, cum & melioris notæ Christiani, & Philo etiam alique Judæi multa loca horum capitum Parabolica faciant, si quis assertatè apud Philosophum contendere vellet, omnia reverà esse Historica, quicquid interim apud seipsum super hac re crediderit statueritve. Verum hæc excursio est, non adeò fortean necessaria, quanquam naturali scopo hujus primæ Regulæ satis homogenea.

## REGULA II.

Admissis semel Conclusionibus Antagonistæ tanquam Rationi consentaneis, per occasionem debet ostendere quomodo nulla Christianæ Fidei pars, ulla in re, damnum inde accipiat.

Ratio Regulæ hæc est: Quia alias, fundamenta conclusionisve Philosophici sui Antagonistæ admittendo tanquam rationi consentaneas, credibilitatem alicujus articuli Fidei Christianæ in discrimen adducere posset, eumque, quem convertere adnititur, in priori Infidelitate obdurare. Equidem fateor, ex hujus Regulæ observatione, facile fieri posse, ut quedam tanquam admissa & approbata in scriptis meis occurrant, (quæ Philosophi facillimè generalissimèque approbant) in eum solum finem ut occasionem arriperem ostendendi nullum detrimentum periculumve ulli Principio nostræ Religionis inde imminere, quamvis ista vera esse admitteremus. Quod facit ut in nonnullis locis ineffigiatum, inorganizatumve vehiculum Animæ æthereum admittere videar. Quæ de re hic non est dicendi locus.

## REGULA III.

Quod ipse talia Principia Conclusionisve Philosophicas eligere debet, quæ, cum nullam cum Scripturis repugnantiam habeant, sint etiam in se maximè extra omnem cavillationem positæ, facillimèque omnium teneri & demonstrari possint, & cum Attributis Divinis & Phænomenis Providentiæ conciliari; quæque denique aut anticipaturæ sint maximas Objectiones quas Atheus contra Existentiam Dei aut Immortalitatem Animæ præmiūque vitæ futuræ excogitare potest, aut eisdem saltem satisfactoriæ.

Si hæc non sit Regula quam sincerus prudensque Christianus sibi præscribere debet in rebus Philosophicis, ipsi integrum est contrariam sibi ascrivere. Quod tamen primo intuitu adeò absurdum est, ut satis sit vel leviter illud subindicasse. Quod si quis dicat, cum rebus Philosophicis se omnino immiscere non oportere, idque nè tum quidem cum operam dat conversioni aut confirmationi eorum qui ingenio sint Philosophico, non solum immanis ex se esset barbaræque Assertio, sed cum contumelia Majorum conjuncta, qui Universitates fundarunt Legesque nobis ac Statuta conscripserunt quibus decretum est ut diligenter in Philosophiæ studiis versemur, idque in ordine ad ipsam Theologiam. Quamobrem hæc tertia Regula nequaquam negari potest valde rationi consentanea esse & reverà indispensabilis.

Si hanc igitur Regulam secutus, præcipua aliquot Cartesianismi & Platonismi dogmata elegerim, equidem me veniam saltem mereri haud temerè censeo. Nam inscitam illam ejiciendo Aristotelicorum opinionem, qui Formas substantiales è potentia Materiæ educunt, admittendæque & asserendo cum Cartesio Mundi naturalis Materiam, quantum ad illius substantiam, ubique esse homogeneam (quod & satis evidentè demonstravi in Epistola ad V. C. sect. 6.) rationes habemus omnium quæ concipi possunt maximè demonstrativas quibus inferri possit Existentia Dei, substantialisque Animæ Immaterialitas & Separabilitas à corpore, quemadmodum notavi in literis ad D. Claudium Clerfeliier. Immensitas etiam illa Universi, quam illius Philosophia supponit, magis consentanea est sacris Dei Attributis, Potentiæ utique ejus ac Bonitati, magisque Divinam Majestatem concedet; sive Mundum consideremus tanquam Effectum tam omnipotentis Causæ, sive tanquam Templum tam gloriosæ Divinitatis. Nam antiqui Philosophi Universum hoc tanquam unum augustum Dei Templum spectarunt: Cujus, Templum Hierosolymitanum

figura



figura esset, quemadmodum Grotius notavit in Baruchum. O Israel quàm magna est domus Dei, quàm amplius est locus possessionis illius! Magnus, ut qui finem non habeat; altus, ut qui careat mensurâ: Quod ad admirationem usque verum est de Mundo Philosophorum. Neque certè hoc Baruchi cum Historia Creationis in Genesi quicquam digladiatur, cujus Objectum suprâ monui Mundum potius esse Plebeiorum quàm Mundum Philosophorum, quippe quæ Mundum sensibilem superiorum Aquarum sive Nubium distantia limitat.

Hanc tertiam Regulam porro secutus, Præexistentiam etiam Animæ scriptis meis inserui, ipsam admittens tanquam dogma rationi admodum consentaneum, ejusque utilitatem in Tractatu de Animæ Immortalitate, lib. 2. cap. 2. satis copiose declaravi. Atque meo quidem judicio, intra modestiæ limites quispian se continens opinionem hanc tanquam consentaneam jure potest asserere; omnesque ipse objectiones in quas mihi incidere contigit in ipsam contortas, partim in suprâ dicto Tractatu partim in Præfatione Generali Scriptorum Philosophicorum Collectioni præfixa, facili negotio dilui. Sola verò Rationabilitas illius dogmatis est quam tueor, non autem illius Veritas, quemadmodum intelligere est ex dicta Præfatione. Hoc verò ad præsentem Regulam minùs pertinet.

## REGULA IV.

Et si necessarium non sit, admodum tamen optabile esse ut suprâ dicta Principia Philosophica quæ elegerit, non solum nullam cum Divinis Oraculis repugnantiam habeant, sed ut aliquam insuper ab eisdem mutuentur authoritatem & approbationem, ut quæ aut perpetuo tenore alicubi sub Litera sive Historia arcanè abscondantur, tanquam magis internus mysticusque illius sensus, aut breviusculis aliquibus stricturis in ipsa Litera non obscure subinde indigentur.

Ratio est, Quia, præterquam quòd nobiliorum illarum veritatum Philosophicarum detectio in Scripturis, Religionem asserit vindicatque à vili ista Ignorantiæ imputatione in Philosophia rerumque Natura, (quemadmodum alibi monuimus) insigniores istos præterea liberae Rationis ac Philosophiæ fructus tuetur, contra vulgarem suspensionem Impietatis & Irreligionis. Cujus rei exemplum speciale esse potest, illud Baruchi suprâ memoratum, quod stupendæ Universi Immensitati mirificè favet & suffulcit. Tali utique qualis est, juxta principia Cartesii, computumque Astronomorum, Copernicanorum præsertim, qui orbitam Annui motus Telluris punctum tantummodo faciunt cum distantia nos inter atque Stellæ comparatam. Formatio etiam totius meæ Cabbalæ Philosophicæ ad hanc quartam Regulam pertinet, suamque illinc ducit originem. Quòd verò Conjecturam nominaverim, referendum est ad quintam & ultimam.

## REGULA V.

Quanquam Theoremata Philosophica tam ea quæ ipse elegerit quàm quæ admiserit in Antagonista, solida sint in se & rationi consentanea, nec reverà cum verbo Divino repugnantia; par tamen esse tum propter Vulgi captum, tum propter usitiores aliquas Expositorum, Scriptorumque Theologicorum Opiniones non ultrà hæc Theoremata admittere aut asserere quàm ut Rationi consentanea; de absoluta verò illorum Realitate ac Veritate magis cautè & custoditè se gerere, quàm ut quicquam illic statuat asseratve.

Ratio hujus Regulæ est, Quòd omnia faciendæ sunt ad edificationem. Quemadmodum proculdubio omnia illa sunt quæ ad hanc Christianæ prudentiæ Regulam attemperantur. Hic enim omnium Mortalium rebus benignè prospicitur in eorum bonum.

Etenim eò usque gratificatur hæc Regula eis qui Ingenio magis Rationali sunt & Philosophico, ut concedat ipsis, admissio quidem, omnia illa Theoremata Philosophica, quæ ad eò citra omnem controversiam eis Rationi consentanea videantur, realiter esse vera, nihil tamen necesse esse ut id ulli sit obstaculo quo minùs Religioni nostræ fidem habeant, quandoquidem nihile esse in istis Theorematis conceditur quòd ipsi repugnat, quinimò ipsam Scripturam, aliquibus in locis, illis favere videri.

Vulgi porro captui gratificatur, in eo quòd permittitur ipsis assuetorum suorum conceptuum & opinionum fructio, talium scilicet quæ mediocribus ingenii ipsorum dotibus maximè convenient; nec Mentis ipsorum nervi plus justò intenduntur & quasi torquentur excutendo, aut adnitendo ad ea quæ extra ietum ipsorum sita sint, nec contemptui se habitos reperiendo contristantur aut falsæ absurdae opinionis incusatos, quippe cujus contraria affirmatur solummodo tanquam sententia quæ apud Philosophos rationi magis consentanea videatur, non autem tanquam veritas quæ tanti sit momenti ut conscientia cujusquam urgeatur ad eam seriò amplectendam.

Et postremo, Pax & Authoritas Ecclesiæ sarta tecta conservatur, quæ nec infringenda nec minuenda est per nimis præsentem quantumvis certæ compertæque veritatis professionem, nisi planè requiratur à nobis, per evidens aliquod Scripturæ Testimonium, ut eam profiteamur.

Quæ prudentiæ Methodus, meo quidem iudicio, si meminerimus, quantum inter homines intersit, vel potius quàm immensum, quoad animi dotes, necessarium quodammodo erit ut adhibeatur, ut nemo scandalizetur in Religione, quò salus ipsius in discrimen veniat per Fidei naufragium; Cum via, inquam, illa laudabilis, oralis Traditionis jam exoleverit, difficile erit quicquam invenire magis aptum dignumve quod in locum illius succedat, quàm sit hæc Methodus à nobis proposita.

Juxta cujus præscriptum Cabbalam Philosophicam ejusque Defensionem scripsi, sed Conjecturam simul nuncupavi, assensum suspendens, planèque me ab assertionem veritatis illius in ipsa Titulo perinde atque in ejus Præfatione, ut utilitas ad eos redundet, quibus nullà alià ratione satisfieri posset, idque sine offensione reliquorum. Quinimò ut nè minimum impenderet cuiusvis damni aut periculi, non tantum in Præfatione ad Cabbalam, sed etiam in illa ad Immortalitatem Animæ, assensum expresse suspendi ab omni re quæ ullo modo videri possit dissona aut repugnans cum communi pervulgatæque dogmatum Religionis nostræ intelligentiæ. Denique in Præfatione Generali ad Scriptorum Philosophicorum Collectionem tanquam Principium semel pono, Nullius Conscientiam obligari ad professionem ullarum Philosophicarum speculationum licet ipsi videantur vel certitudinis Mathematicæ, contra voluntatem ac beneplacitum Superiorum. Et speciatim de Cabbala Philosophica illis declaro, me aptitudinem tantum præstare & applicabilitatem istorum Theorematum sive Cartesianorum sive Platoniorum ( ut Præexistentiæ Animæ & motus Telluris circa Solem, &c. ) ad Textum Mosaicum; quantum verò ad veritatem ipsorum Theorematum, apud meipsum me porro deliberare assensumque suspendere.

Tam accuratè ad hanc quintam ultimamque Regulam nostram scribendi ratio composita erat, tamque exquisitè ad eam attemperata: Idque non solum post falicem suæ Majestatis reditum, Ecclesiæque restitutam, sed etiam temporibus, in quibus, ( postquam excessus libertatis & perniciosus illius ad Atheismum & Profanitatem abusus, me istos grandia ingredientiæ Gigantes cælumque ipsum ad pugnam superbè provocantes, propriis suis armis, prout illi venditant, liberà utique Ratione ac Philosophiâ, adoriri coegissent ) mihi integrum erat, magis præfidenter dogmaticèque scribere quàm prudentiæ meæ ac modestiæ unquam esset acceptatura.

Quamobrem, cum ipsum Institutum meum tam indispensabile tantique momenti officium in se contineat, quàm sit magis rationalium ac Philosophicorum hujus Nationis Geniorum ad Christianam fidem lucrifactio eorundemve in ea retentio, cumque Methodus procedendi in hac re tanta cum cautione adhibita esset & moderatione, idque in istiusmodi temporibus in quibus nihil præter internam animi legem me coercere valuerit ab exiliendo extra oleas; spero quicquid in hoc genere & in hunc finem præstiterim, gratiam & acceptionem apud omnes homines candidos & ingenuos in perpetuum reperitum.

Adeò usque ut nè de ipso S. A. quidem penitus desperem quia sententiam mutaturus sit, & de maledictis & contumeliis quas contra me tanquam impium ac profanum hominem & delirium insuper & insomniis indulgentem temerè effudit penitentiam acturus, tandemque apud se statuturus, dum quis Philosophiæ & Theologiæ Professore paulò magnificentius agere gestit, eum nequaquam interim oportere exuere Christianum.

Vers. 17. Adeò ut nulla violentia Grammatica, &c. Vide Hugonem Grotium, Apocalypsis. cap. 13. v. 15. ubi viginti ferè exempla consimilis significationis hujus Articuli ꝑ & Græci ô, producit.

Vers. 19. Qui in exponendo Mose multum Pythagorissat, &c. Profana igitur, inquit S. A. est hæc exponendi ratio quæ Pythagoram Mosis Interpretem constituit. Quod admodum perversè ac protervè dictum est: Cum Pythagoram à Mose ejusve successoribus tum rerum tum Numerorum Mystera accepisse, cum communi Antiquitatis voce, apertè profitear. Singulari igitur Dei Providentiæ debetur quòd quedam Cabbalæ Mosaicæ fragmenta quæ Judæi perdidissent, in Schola Pythagorica fuerint conservata.

Est Activorum & Passivorum Principiorum conjunctio. Descriptionem hujus conjunctionis vide apud Plotinum, Ennead. 5. lib. 1. cap. 2. & Ennead. 4. lib. 3. cap. 10.



## C A P. II.

3. Numerus Septenarius aptum Symbolum Sabbathi Requietisve Dei. 7. De Adami ortu ex Terra, quemadmodum factum est & in reliquis Animantibus. 11. Quod Pison à פֶּישֶׁן deducitur vel פֶּישֶׁן, denotâtque Prudentiam. Sensus Mysticus Havilah. 13. Quod Gihon idem est qui Nilus, Sihor sive Siris, & Pison idem qui Ganges. Justitia Æthiopum. Quodque Gihon deducitur à גִּיחוֹן, illamque Virtutem denotat. 14. Quemadmodum & Hiddekel denotat Fortitudinem. 17. Quod locutiones istæ tam frequentes apud Platonicos de Anima somno mortisque in corpore, à Mosaica Cabbala sint mutuatæ. 19. Angeli lapsi Bestiis Agri assimilati. Platonicarum istarum locutionum sensus, πλεονεχέειν, πλεονεχέειν, ἡ τῶν πλεονῶν ἀποβολή, τὸ τ' ψυχῆς πλεονεχέειν, & similia. Vocem Θεοὶ apud Platonicos idem sonare atque אֱלֹהִים apud Moysen, quæ Angelos significat perinde atque Deum. 22. Tria esse Principia in Homine secundum Scholam Platonis, Νῦν, ψυχὴν, εἰδωλὸν ψυχῆς ultimumque horum esse Evam.

**I**N secundo hoc Capite Moyses, postquam de Sabbato egit, ad magis particularem narrationem redit, de Creatione Adami, quæ referenda est ad opus Diei sexti: Deinde Mysticam Paradisi Historiam aggreditur, quæ in proximum usque caput excurrit.

Verf. 3. Quam ut spectatorem agat. Quod intelligendum est quantum ad externam rerum administrationem, ordinariumque Naturæ cursum. Nihil autem impedit quo minus in animas spiritusque agat sanctorum Hominum atque Angelorum, per eosque miracula edat. Quod spectat illud Johannis, Pater meus usque adhuc operatur & ego operor. Cap. 5. v. 17.

Et Numerus certè illius naturam declarat. Hebdomas sive Septenarius idoneum Dei Symbolum est quatenus intelligitur sex dierum Creationem jam finivisse. Nihil enim, ut hæc Cabbala innuit, creat deinceps. Ac proinde illius conditio admodum aptè significatur per Numerum Septenarium. Omnes Numeri intra Decadem in tres ordines distribuuntur, ut observat Philo, Οἱ μὲν γεννῶσι ἢ γεννώμενοι οἱ δὲ γεννῶνται μὴ ἢ γεννῶσι δὲ οἱ δὲ ἀμφοτέρω, καὶ γεννῶσι καὶ γεννῶνται. Quidam gignunt non geniti; Alii verò gignuntur & non gignunt; Alii denique & gignunt & gignuntur. Solus Septenarius excipitur qui neque gignitur nec gignit ullum Numerum. Quod perfectum est Dei hoc Sabbatum celebrantis Symbolum: Nihil enim nunc de novo creat, quemadmodum & ipse prorsus increatus est. Adeo ut Creatio Infusioque Animarum ex data occasione, huic Mosaica Cabbalæ omnino contrarietur. Ipsa verò Cabbala sibi ipsi valdè consona est, quæ omnes Animas narrat in primo Die simul creatas, lapsumque earum in corpora in his sequentibus Capitibus narrabit.

Verf. 4. Generationes erant productusve Cælorum. Textus Hebraicus habet תולדות השמים. Hic Soles & Planeta planè dicuntur generari à Cælis sive Materia Ætherea, Quod Cartesiana Philosophiæ rursus mirificè congruit. Quoniam autem modo Planeta ac Stella sic generentur, \* fusiùs videre est apud Cartesium. Nec potest quin in confesso sit apud omnes inexhaustum quoddam Sapientiæ Profundum fuisse in Moysè, cujus Peritia in rebus Philosophicis subtilissima amplissimæque summorum per totum terrarum orbem Ingeniorum Inventæ qui post eum scripserint, antevertit.

Quo tempore eos creaverit Deus, nolo definire. Nullum tempus definitum per sex dierum Creationem intelligi, ex probatis Authoribus jam est attestatum; præsentique Cabbala planè id confirmat, quæ ostendit Mysteriorum Numerorum significari, non autem ordinem aut successionem Dierum.

Verf. 6. Qui pluviarum quodammodo instar, &c. Vatablus locum de pluvia planè interpretatur. Ego verò rectiùs exponi existimo de aliquo, communi Pluvia, quæ nunc dierum in terram descendit, Analogo, quæ impendiò minus pinguis est, nec vitali vigore principis vitæ tam plena.

Verf. 7. Ipseque Homo à terra ad hunc modum ortus est, &c. Ut Deus Lutum propriis manibus, more Figuli, in humanam figuram efformaret, & Spiritum dein in illius nares insufflaret, quò animaret eam vitamque inderet, Cabbalam esse Philosophicam nequaquam est verisimile, cum adeo crasse vulgari captui sit accommodatum. Mentio verò Pluviæ proximè ante Hominis Creationem facta, meritò insinquare potest tales terræ præparationes causalem aliquem concursum habuisse ad illius productionem.

Eurip. *Mena-*  
lip. Vide Dio-  
dor. Sic Biblio-  
thec. lib. 1.  
Ælian. Var.  
Hist. lib. 2.  
c. 13.

tionem. Et certè si omninò credibile sit alia Animantia ex terra ad hunc modum orta esse, perinde probabile est Hominem etiam sic esse ortum. Eadem enim verba de utrisque usurpantur. Textus enim *Mosaicus* vers. 19. *Dominum ait Deum è terra formasse omnem Bestiam agri & omne Volatile cæli*, quemadmodum ait versu septimo, *formasse Hominem è pulvere terræ*. Unde *Euripides* Tragicus (homo sanè quem *Socrates* propter singularem suam sapientiam ac virtutem valdè amabat atque honorabat, ultròque illius Tragœdias spectatum ire solebat, cum vix ullius rogatu ad aliorum Fabulas audiendas posset adduci, quemadmodum refert *Ælianus*) hic *Euripides*, inquam, de prima Hominum aliorumque Animantium generatione agens, omnia eodem modo nata affirmat & è terra esse orta. Quòd autem *Euripides*, eisdem disciplinis quæ in *Pythagoræ* *Platonisque* Scholis viguerunt, imbutus esset, tum Amicitia eum inter atque *Socratem*, tum etiam *Γνωμαί* sive Morales ac Philosophicæ sententiæ quæ in Tragœdiis ejus occurrunt, haud obscuro sunt argumento. Et certè, quemadmodum jam monui, optimam *Cabbalam Philosophicam* & *Mosaicam*, eorum equidem suspicor philosophiâ contineri, *Platonis* scilicet atque *Pythagoræ*.

Vers. 8. *Ubi & Hominem posuerat*. Etenim nullum datur Tempus præteritum plusquam perfectum in lingua Hebraica. Ac proinde, ut observat *Vatablus*, Præteritum perfectum, si sensus requirit, plusquam perfecti locum obtinet.

*Totus Æthereus*. Illud enim purum est & incontaminatum Animæ Cœlestæ Vehiculum, juxta opinionem *Platoniorum*.

*Radii Divini Intellectus*. Paulò fusiùs jam ostendi, ut Filius Dei, sive *Divinus Intellectus* adumbratus sit per similitudinem Orientis sive Ortus Solis. Quòd hîc rursus porrò confirmare licet ex *Philone*. Τὸτον μὲν γὰρ πρεσβύτατον υἱὸν ὁ τῶν ὄντων ἀνέ-  
τειλε πατήρ, In περὶ συγχύσεως διαλέξεων. Adèd ut *Paradisi* ad Orientem collocatio, conditionem Animæ significet radiis Divini Intellectus illustratæ, quorum maximè capax est in *Vehiculo* suo *Æthereo*. Quòd autem Animæ humanæ à principio Mundi extiterint, generalis opinio est doctiorum è *Judaïs*, perinde atque *Pythagoreorum* ac *Platoniorum*, ac proinde Hypothesis admodum legitima in *Cabbala Philosophica*. Quinimò, porrò addere possum opinionem esse *Origenis*, Διὸς κήπον, *Jovis Hortum*, apud *Platonem*, non esse nisi imitationem hujus Historiæ *Paradisi*; Porique deceptionem per *Peniam*, deceptioni *Adami* per Serpentem respondere. Vide *Origenem* contra *Celsum*, lib. 4.

Vers. 9. *Essentialis utique voluntas Dei*. Per *Essentialem Dei voluntatem* intelligitur voluntas Dei in Vitam & Essentiam Animæ humanæ facta. Quo significatur penitior inter Divinam humanamque naturam unio, qualis est in eis qui firmiter regenerati sunt radicatique in id quod bonum est. *Philo* arborem vitæ ἐστίθεαι facit, hoc est, *Pietatem* vel *Religionem*. Optima verò Religio ac Pietas est unius esse voluntatis cum Deo. Vide *Johan.* 1. 12.

In Leg. Alle-  
gor. lib. 1.

Vers. 10. *Qui sunt quatuor Virtutes Cardinales*. *Philonis* expositio est in locum. Fluvium verò ipsum esse ἡ γενικὴν ἀγαθότητα, Bonitatem Generalem in hæc quatuor Virtutum capita distinctam.

Vers. 11. *Nomenque primi est Pison*. A פֶּשֶׁת vel פֶּשֶׁת, \*expandere, & diffundere se, abundare & augescere. Hoc est, *sapientia* sive *prudentia*, *Pison* appellata, partim quia diffundit se in omnes nostras Actiones, reliquarumque trium Virtutum exercitium moderatur; & partim quia *Sapientia* atque *Veritas* incrementum capit, extenditque se magis magisque indies evaditque plenior. Veritas enim res admodum secunda est, novæque subinde dantur occasiones quæ rerum addunt experientiam.

Γρηγόριος δ' αἰεὶ πολλὰ διδασκόμενος.

Juxta vulgatum illud Proverbium Anglicanum, *Quò senior èd sapientior*.

*Circuire Terram Havilah*. A חַוִּילָה vel חַוִּילָה Deus indicavit.

Vers. 12. *Purum ac probatum Aurum*. Quòd idoneum est probata experientie Symbolum, *Matris* vera *Sapientia* ac *Prudentia*. Virtusque *Bdellii* non incommoda est ad morbos ex inertia ac languore Phlegmatico ortos; ipsumque nomen ac natura lapidis *Onychini* illius etiam significationem indigitat. Quanquam haud usque adèd necesse est, quemadmodum ex *Maimonide* jam innui, rationem reddere cujusque particularis structura in Allegoria sive Parabola. Quamobrem si quis me nimis curiosum existimaverit, has expositiones omittere potest, & tanquam non dictas præterire.

Vers. 13. *Nomen verò secundi Fluvii est Gihon*. Secundum Historiam quidem sive Literam, *Pison*, *Phasis* & *Gihon* *Euphratis* rami sive rivi facti sunt. Antiqui verò Patres, *Epiphanius*, *Augustinus*, *Ambrosius*, *Hieronymus*, *Theodoretus*, *Damascenus*, aliique



aliique multi *Phasin Gangen*, & *Gihon Nilum* faciunt. Nec contemnenda quidem Argumenta pro sua opinione proferunt: Nam primò, *Jerem. 2. 18. Sihor* est Fluvius *Aegypti*, quem nemo dubitat; ullum alium esse præter *Nilum*, ipsūque Etymon rei veritatem indicat, à *ἡσι* *denigrari*, à limosa nigredine fluvii. Et *Nilus* quidem ob istam qualitatem insignis est; suamque propterea denominationem in lingua Græca indè fortitus est, quasi *νείλος*. Juxta quam sic de eo scribit *Dionysius*,

Οὐ γὰρ τις ποταμὸς ἐναλίξιτο ἑπλεῖο Νείλω,  
Οὐτ' ἰλὺν βαλέει, ἔτε χθονὸς ὅλβον ἀέξειν.

Hoc est,

Non enim quisquam Fluviorum par est Nilo,  
Neque ad limum projiciendum, neque ad soli fertilitatem augendam.

Nunc verò ut ipsa verba Prophetæ recitemus. *Et nunc quid tibi vis in via Aegypti ut bibas aquam Sihor?* Latina vulgaris habet, ut bibas aquam turbidam. Hic est Nilus. \* Septuaginta verò vertunt *πιεῖν ὕδωρ Γηὼν*, Bibere aquas Gibon; quod nomen est hujus ipsius Fluvii *Paradisi*. Et *Abyssini* ad hunc usque diem, *Nilum* nomine *Guion* appellant. Hisce adde quòd *Gihon* per *Aethiopiam* defluit; ità etiam *Nilus*, qui dum currit per *Aethiopiam* *Siris* dicitur. Quam Vocem à *Sihor* verisimillimum est fieri, & tunc Græcâ terminatione additâ in *Sioris* vertitur, & postea per contractionem fit *Siris*.

Σίρης ὅτ' Αἰθιοπῶν κικλήσκειται· οἱ δὲ Συήνης  
Ἐγκαίται εὐρεθέντι μετ' ἑνομα Νείλον ἔθεντο.

Hoc est,

*Siris* ab *Aethiopibus* vocatur; At *Syenes*  
Incolæ converso *Nilum* nomen imposuerunt.

Quemadmodum idem Author scribit in Poëmæ suo Geographico. Et quòd *Pison* *Ganges* sit, suis rationibus probabilibus non caret. Quippe quòd *Ganges* in *India* situs sit, Regione ob aurum lapidisque pretiosos celeberrimâ. Præterea, Notatio Nominis cum natura Fluvii congruit, cum *Pison* sit à *ῥις* multiplicare. Nec pauciores numero quàm decem Fluvii iique magni sunt, qui seipsos in *Gangen* exonerant; quemadmodum multifariæ experientiae confluum esse oportet ad explendam perficiendamque illam Sapientiae Prudentiæve Virtutem. Adeò ut planè observare liceat, quatuor *Paradisi* Fluvios talia nomina nactos esse quæ Myſtico Historiæ sensui maximè faveant conveniantque.

Quamobrem omnes scrupulos Geographicos susque deque habentes affirmabimus *Gihon* esse *Nilum* sive *Sirin*, Flumen *Aethiopum*, hoc est, Hominum justorum, Virtutemque eam determinatè hęc descriptam esse sive illustratam à Subjecto in quo inest. Ex fama enim Justitiæ atque Innocentiæ *Aethiopum* certò colligere possumus quænam ex Virtutibus Cardinalibus significetur per *Gihon*. Et antiqua quidem fama Honestatis ipsorum atque Integritatis talis erat, ut *Homerus* certè hoc Epitheton ipsis quasi appropriaverit, appellitando eos *Ἀμύμονας Αἰθιοπῆας*. Addendòque porrò, quòd *Jupiter* sæpenuerò apud ipsos convivaretur, conversationis utique eorum integritate captus. *Dionysius* verò eos *Θεοδίας Αἰθιοπῆας*, *Divinos* sive *Deiformes* *Aethiopus* vocat: Et verò sic dicti sunt, *διὰ δικαιοσύνην*, propter Justitiam suam, quemadmodum *Eustathius* in ipsum locum commentatus est. \* *Herodotus* etiam de ipsis scribens, ait homines esse maximos ac pulcherrimos, valdeque humanos ac longævus, quod *Justitiæ* præmium est. Adeò ut per locum per quem *Gihon* decurrit, aperitè nobis significetur quænam ex Cardinalibus Virtutibus per eum intelligenda sit.

Ex Notatione Nominis ejus. Nomen *Gihon*, quemadmodum vidimus, facili probabilitate nos invitat ad agnoscendum fluvium esse *Aethiopie*. Noratio illius admodum aptè cum natura Justitiæ congruit, sit enim à *ῥις* erumpere. Et Justitia est ἀλλότριον ἀγαθόν, Bonum alienum, sicut Philosophus notat, non intra se constriatum sed in alios potius foras erumpens redundat, quòdque suum est cuique tribuens.

Vers. 14. *Est Hiddekel*. Vox componitur, inquit *Vatablus*, è duobus vocabulis, quæ significant Velox & rapidum. Atque hæc quidem Virtus adinstar velocis rapidique Torrentis quicquid oppositum occurrit, obruit subvertitque, quemadmodum notatur in ipsa *Cabbala*.

Fortitèrque resistit. Philo hinc utitur voce ἀντισταῖν, resistere, occasionem capiens In Leg. A<sup>te</sup> ex Septuaginta senum [κατέναντι Ἀσσυρίων,] quod ille interpretatur, [adversus Assy- gor. lib. 1. rios.]

rios.] Textus *Hebraicus* habet קרמת אשר ad Orientem, vel ex plaga Orientali, Assyriæ, ac proinde Assyria ad Plagam Occidentalem, \* vel ad Occidentem, ab hoc fluvio, sita est sensu quidem Mystico. Jam verò Occidens illa Mundi Plaga est, ubi Sol nobis valedicens, tenebris nos relinquit ac caligini. Unde *Ziqup*, ventus Occidentalis, apud *Eustathium*, nomen suum habet à ζέφ. & εφ., quippe ventus à plaga tenebrosa sive caliginosa spirans. *Assyria* igitur est falsus ille status \* apparentis felicitatis ac vis improbitatis, quod *Regnum Tenebrarum* appellatur. Atque hoc maximè insigne Objectum est *Fortitudinis*, ut resistamus diruamúsque hujus regni potestatem intra nosmetipsos. Quæ suggestionum corporis vis est atque impetus. Quod aptè per *Occidentem* significari potest perinde atque *Intellectus* per *Orientem*. Vespera etiam in præcedente capite corporeum sive Materiale Principium perpetuò denotat.

*Perath*. A פרה fructificavit.

Verf. 17. Ut tandem ad terram delapsurus sis, &c. Hoc verum est secundum sententiam *Pythagoreorum* & *Origenis*. *Pythagoram* verò apud peritum aliquem Sacerdotem *Judæorum*, aliūve aliquem virum sanctum, eam obtinuisse gratiam, ut *Cabbalam* & *Mosaicam* secum communicarent, credo me in præcedente Capite perpetuis valdeque probabilibus rationibus confirmasse.

Incolæque regionis Mortis evasurus. Nihil frequentius est apud *Platonicos* quam \* Corpus appellare Sepulchrum, & hanc Vitam, quam hîc in terra vivimus, aut Somnum, aut Mortem. Quæ locutiones aded cum hac *Cabbala* conveniunt, ipsæque *Cabbala* cum Textu *Mosaico*, qui mortem somnūque *Adami* memorat, ut haud leve indicium sit, quòd hæ locutiones Notionésque suam originem primū hinc duxerint. Et verò *Philo Heraclitum* agnoscit, Mysticum illum abstrusūque Philosophum, (quem *Porphyrius* etiam ad eundem scopum in *De Antro Nympharum* citat) in eum ipsum sensum incidisse quem *Moses* intendit in hac morte *Adami*, in celebratissimo isto illius dicto, Ζῶμεν ἢ ἐκείνων θανάτου, τεθνῆκαμεν ἢ ἐκείνων βίου. Mortem quidem earum vivimus, (animarum nempe terreno corpore exutarum) vitā verò earum defuncti sumus. Atque *Euripides* amicus ille *Socratis*, *Platonisque* in suis peregrinationibus, itineris comes, ad eundem ferè sensum loquitur in *Tragædiis*.

*Phil. Leg. Allegor. lib. 1.*

*Clem Alexand. Stromat. lib. 3.*

Τίς οἶδεν, εἰ τὸ ζῆν μᾶλλον ἢ καὶ θανείν,  
Τὸ καὶ θανείν ἢ ζῆν;

Quis novit an vivere non sit mori, mori verò vivere? Adeò ut sensus Philosophicus mortis *Adami* talis scilicet sit: Quòd mortuus futurus sit quantum ad Vitam *Ætheream*, quam priùs vixerit, quamdiu ad Terrestrem religeretur; & cum in æternum vivere potuisset, in *Vita Ætherea*, quòd certum erit, brevè eum moriturum esse quantum ad Terrestrem: Quòd Filii hominum mortis evitare nequeunt aut certitudinem aut celeritatem.

Verf. 18. Quippe quæ & ipsi bona est, &c. Verba enim Textus ad solam *Adami* utilitatem illud non restringunt, sed loquuntur tantum in genere, sine ulla limitatione in hoc præfenti versu. Quamobrem cum duplex esset Utilitas, magis explicitum plenumque erat utriusque in *Cabbala* meminisse.

Verf. 19. Necdum lapsos Angelos perinde atque lapsos. Angeli lapsi hîc assimilantur Bestiis Agri, Angeli verò non-lapsi volucris Cæli. Quam aptè justèque Spiritus lapsi recenseantur inter Bestias Agri, plenius intelligere erit in sequenti Capite. Interea loci, notare potes *Platonicos*, immò *Platonem* ipsum in suo *Phædro*, humanam Animam, antequam in terrestrem hanc Regionem lapsa sit, alatum Animantem facere. Illasque phrasas, πλεορροεῖν, & πλεορφεῖν, ἢ τῶν πλεῶν ἀποβολή, & τὸ ἢ ψυχῆς πλεωμα, locutiones esse illius Scholæ proprias. *Plato*que admodum apertè, quid per has Animæ alas intelligat (eademque Ratio est de aliis Spiritibus quibuscunque) ad hunc modum definit. Πέφυκεν ἡ πλεῖον δόξα μὴ τὸ ἐμμελὲς ἀγεῖν ἄνω, μέτρωσι ζῆσα ἢ τὸ τῶν θεῶν γίνεσθαι οἰκᾶ. Naturam alarum Anima talem esse quæ illud sursum agere valeat, quòd alias deorsum subsideret, illudque in sublime tollere, illicque collocare ubi magis sensibilem habere possimus communionem cum Deo sanctisque illius Angelis. Ità enim vox θεοὶ in plurali numero maximè congruenter in hujusmodi locis vertitur, & sic quidem, quemadmodum & rei ipsi & Christianæ veritati maximè conveniat. Et meritò profectò minùs mirum videri potest quòd vox θεοὶ apud *Græcos* Philosophos Angelos significet, apud eos præsertim quibus *Moses* innotuerit, quandoquidem apud ipsum vox אלהים sic significat, Angelos scilicet perinde atque Deum. Quamobrem ut concludam, Illius Principii jactura, quòd in hac Divina conditione nos conservat, Alarum perditio



perditio est, Quod cum lapsis Angelis contigerit, meritò propterea assimilari possunt *Bestiis Terrestribus*.

Verf. 20. *Facultate imbuat, cum vitali gaudio & complacentia uniendi cum Materia.* Vitalis hæc aptitudo in Anima uniendi cum Materia corporea cum adeò essentialis ipsi sit atque propria, invigoratio quidem exercitiū illius facultatis non potest quin ipsi admodum grata sit & jucunda, satísque magna felicità illius portio. Quod nī esset, quorsum, obsecro, spectat mortuorum Resurrectio, Corporaque glorificata in vita futura? Qui tamen Christianæ Fidei est Articulus.

Verf. 22. *Novum hunc Vehiculi sui sensum.* Tria Principia in Homine sunt secundum sententiam Platoniorum, Νῦς, ψυχή, εἶδωλον ψυχῆς. Primum est *Intellectus*, Spiritus, sive *Divina Lux*. Secundum, *Anima ipsa*, qui *Adamus* est ipseve Homo, *Animus* cuiusque is est quisque. Tertium est *Imago Anima*, quæ vitalis illius energia est in corpus, quā ipsum vivificat. Et si ista vita in legitima temperie debitoque vigore constituta sit, admodum gratus animæ sensus est, sive in hoc corpore sive in *Vehiculo* tenuiori. Hanc *Ficinus* *Evam* nostram facit. Hæc est *Femina* in Anima humana *Facultas*, quæ tunc facillimè evigilat, quum Anima, quantum ad Intellectualia, obdormiscit.

Verf. 24. *Nimis laboriosa sua aspiramina.* Τα ἀνθρώπινα φρονεῖν ἀνθρώπων ὄντα, vulgare Monitum est, quod *Aristoteles* in Ethicis suis reprehendit. Veruntamen magna nihilominus Sapientiæ pars est apprimèque necessaria, veras dignoscere Leges limitèque humanæ felicità, (nè *Melancholia* ardor homines propellat, ultra quàm quod humanæ naturæ competat, aut quò illius facultates pertingere minimè valeant; ) perinde atque cavere nè nimis sapida voluptatum carnis *Viteve Animalis* degustatio, multis millenis gradibus eos infra eum statum deprimat cuius sint capaces. Qui verò sincerè Deum timet, ab utroque malo liberabitur. Quod dixi, ad Animam in carne magis propriè spectat, sed ex Analogia de Anima intelligi potest in quocunque *Vehiculo*. Peccato enim obnoxia sunt in omnibus.

Ethic. ad Nicomach. lib. 10. cap. 7.

Verf. 25. *Nudus stetit coram Deo.* Adamus æquè verè jam vestitus erat Corporeitate atque unquam postea. *Ather* enim æquè verum corpus est atque *Terra*. Mens verò *Mosis* sic est: Adamum utique sensum habuisse perceptionemque *Divina Præsentia*, quippe qui apud animum suum admodum sensibiliter persuasus erat, totam suam Essentiam nudam jacere, expositamque conspectui Divino, nihilque abscondi posse ab illius visu, qui in ipsas etiam cogitationes internamque Spiritus sui constitutionem penetraret. Quanquam verò Adamus nudus sic ante eum stetit, nullam tamen apud se integumentum indigentiam deprehendit, quo se à præsentifico illius sensu absconderet, nec omninò nudum se persensit, secundum eam quidem *Nuditatis* Notionem. Iste enim *Nuditatis* sensus, indigentiaque Integumenti munimentive adversus *Divinam Præsentiam* ex illius inobedientia ortus est contraque Divinum præceptum contumacia, in quam nondum erat lapsus.

Nec quicquam tamen eum puduit. Pudor est φόβος δίκαιος φόβος, Timor iustæ reprehensionis, quemadmodum A. Gellius ex Philosophis eum definit. Adamus verò cum nihil adhuc temerè fecisset, secundum impetum propriæ voluntatis, nihil patravit ob quod *Divina Lux* eum posset reprehendere. Nondum obnoxius factus erat ulli sententia à propria sua conscientia condemnante prolata. Hactenus enim seipsum intra limites *Divina* illius *Legis* animæ suæ inscriptæ continuerat, nec quicquam aggressus erat contra voluntatem *Divinam*. Adeò ut, cum nullum esset peccatum, nullus esse posset in Adamo pudor.

Not. Astic. lib. 19. cap. 6.

## SCHOLIA

In CAP. II. Verf. 4.

FUSIUS videre est apud Cartesium. Et certè quoad rationem generalem sic generari possunt Stellæ ac Planetæ, subtilissimis particulis in Vortice ad centrum vorticis labentibus, & Maculæ postea fieri possunt & Incrustationes, & quæ sequuntur. Hæc verò modo omninò Cartesiano fieri, hoc est, merè Mechanico, minimè verisimile esse abunde demonstravi in Enchiridio Metaphysico. Vide & Appendicem Defens. Cab. Philosoph. Cap. 10. Sect. 4.

Verf. 11. Expandere, diffundere se & abundare, &c. Nihil potest esse ista Etymologia significantius, præsertim si ad inspiratam referatur Sapientiam. Unde Siracides huic

Z z z

ad

Ecclesiast. cap.  
24. v. 35.

ad fluviorum inundationes allusioni paulò diutius immoratur, Cap. 24. Qui quasi Pison omnia implet suâ sapientiâ, & ut Tigris novarum frugum temporibus effusus: Qui ut Euphrates ingenium fecundat, & velut Jordanes tempore Messis: Qui profert ut lucem disciplinam cognitionis, inundat sicut Geon vindemiæ tempore.

Vers. 12. Ipsûmque nomen ac natura Lapidis Onychini. Sic in Visione Ezechielis: Oculi & Pedes Vitulini, Manus & Ala conjunctæ, Scientiam nec otiosam nec inutilem indignant. Vide Divinos Dialogos, Dialog. 5. Sect. 10. & Expositionem Mercavæ.

Vers. 13. Septuaginta verò vertunt πένν ὕδωρ Γνωῶν. Drusius in Jerem. 2. 18. Hieron. Pro Sichor nos turbidam interpretati sumus, quod verbum Hebraicum significat, pro quo communis editio habet Gehon. Ad sensum non malè. Siquidem Gehon de veterum sententia Nilus. Eusebius de locis, Geon, Fluvius qui apud Ægyptios Nilus vocatur. Augustinus De Genesi ad Lit. lib. 8. cap. 7. Geon, quippe ipse est, qui nunc dicitur Nilus. Idem Sihor, si credendum Interpretibus, &c.

Herodotus etiam de ipsis scribens, &c. Vide Herodotum lib. 3. Ubi in colloquio Regis Æthiopum cum Ichthyophagis ad eum à Cambyse missis hæc inter alia habentur, Οὐτε ἐκείνῳ ἀνὴρ ἐστὶ δίκαιος. Εἰ γὰρ δίκαιος, οὐκ ἂν ἐπὶ θύμῳ σε χόρως ἄλλῃς ἢ τῆς ἰωύτης.

Vers. 14. Vel ad occidentem, ab hoc fluvio, sita est, sensu quidem Mystico, &c. In sensu enim Literali ac Geographico, jam dixi in Cabbala Literali, pergere ad Orientalem Plagam contra Assyriam.

Apparentis felicitatis. שָׁמַיִם enim beatitudinem significat, sed hic veram significare non potest, sed tantum apparentem.

Vers. 17. Corpus appellare sepulchrum, &c. Τῇ δὲ ψυχῇ δεσμός τὸ σῶμα καὶ τάφος, καὶ ὁ χάσμα αὐτῇ σπλάγιον καὶ ἀντερον. Plotin. Ennead. 4. lib. 8. cap. 3. hoc est, Vinculum Animæ corpus est ac sepulchrum, Mundusque hic terrestris illi spelunca est atque antrum.

### C A P. III.

1. Serpens. Ὁφιορένς apud Pherecydem Syrum. אִחָא, שְׁעִירִים, יִי, יִי, אִי, & לִילִי, nomina Spirituum agros locaque desolata frequentantium. Recta Notatio vocis שְׁרִי. 13. Satanam cum suis Sociis, postquam Adamum tentasset, inferius terram versus fuisse dejectum. 15. Platonis Varicinium de Christo. Quam rationi consentaneum sit, ut Divina Providentia Christum supra summos Angelos exaltaret. 20. Adami descensum in corpus terrestre, quoddam Mortis genus fuisse. 22. Divine Bonitati quam malè conveniat Homini infirmo in Calamitatem planè Tragicam illapso sarcastice insultare. 24. Singulari Dei misericordia acceptum referendum esse, quod immortales non sumus in terra. Voces Δαίμων, ψυχή, & Ἀγγελος rem eandem significare.

1. **A** Ntiquus igitur hic Serpens, &c. Apud Pherecydem Syrum, Pythagoræ præceptorem, Ὁφιορένς quidam memoratur, Princeps mali, quemadmodum Grotius eum citat in hunc locum. Quod ulteriori argumento esse potest, Philosophiam Mosaicam Pythagoræ innotuisse; & secundum Cabbalam quidem Philosophicam, malignum fuisse Spiritum non Serpentem Naturalem, qui Adamum supplantaverit, tantamque humano Generi calamitatem superinduxerit.

Omnium Bestiarum Agri versutissimus, &c. Jam verò ut hi maligni Spiritus æstimentur ut Bestia Agri, præter eas rationes quæ in ipsa Cabbala afferuntur, superaddere porrò possumus, Recessus quos Spiritus hi impuri frequentant, solitudines esse camposque vastos & incultos, ac loca desolata, quemadmodum manifestum est ex Propheta Esaiâ desolationem Babylonis describente, ubi ait, locum fore, quò se recepturi sint יִי & יִי, Fauni & Sylvani, quemadmodum vertit Castellio; vel ὄνομα τανού & Δαίμονια, ut reddunt Septuaginta. Atque hi Onocentauri apud Hesychium sunt δαίμόνων τι γένος κάθυλον καὶ σκοτεινόν τῇ ὁμορφίᾳ, Genus quoddam Spirituum sylvas frequentantium, & colore obfusco. Mentio etiam à Propheta facta est, (in eadem descriptione) de שְׁעִירִים & אִחָא, & de לִילִי, quæ omnia Expositores de Spiritibus interpretantur. Nam vocabulum שְׁעִירִים per Septuaginta Δαίμονια vertitur, per Castellionem Satyri: אִחָא Castellio reddit Faunos, Septuaginta ἤχους, Clamores, Strepitus. Grotius suspicatur eos scripsisse ἤχιμ. Ex utrisque conjectare licet tale genus Spirituum fuisse qui turbas strepitusque in locis istis desolatis cierent, juxta illud Lucretii:

Hæc



*Hæc loca capripedes Satyros Nymphasque tenere  
Finitimi fingunt, & Faunos esse loquuntur,  
Quorum noctivago strepitu ludoque jocanti  
Affirmant vulgò taciturna silentia rumpi.*

Poëta verò hoc lepido commento rem eludere conatur: Pastores scilicet esse, cum suis puellis ludo jocòque paulo liberiùs indulgentes. Nemo verò tale glossema huic Textui apud *Esaïam* inferre potest. Propheta enim ait, Pastores nunquam illi facturos ut accubarent pecudes, neminemque tentorium ibi tensurum. Ultimum in his vastis solitudinibus monstrum est לילית, quam Interpretes ut plurimum reddunt *Lamiam*, sive *Veneficam*. Et quantum ad me, tantam profectò fidem habeo multis Historiis quas legi & audiavi, ut mallem statuere, nocturnos istos strepitus, quos memorat *Lucretius*, Dæmonum Lamiarumque Choreas fuisse & Conventicula, quam lusus turbasque Pastorum & Pastorcularum colludentium clamoresque cientium, quos rupes montesque ad aures longè distantium reverberarent, ipsis interim, fervente adhuc Chorearum cantusque Tibiarum oblectamento, à nemine conspectis. Judæi verò per לילית *Dæmonium fæmineum* intelligunt puerperis inimicum. Unde fit ut parietibus Cubiculi ubi fœmina cubet puerperio, inscribere soleant, ארם חור חור לילית *Adam, Eva*, foras *Lilith*.

Cap. 13. 20.

Et certè quod jam attuli, sat virium & authoritatis habere existimo ad suffulciendum hunc sensum *Cabbalæ*, qui supponit malignos Spiritus *Bestiis agri* ex analogia esse accensendos.

Supereff tamen aliquid quod porrò addi potest, Matth. 12. 43. Ibi Christus Servator doctrinam hanc apertè approbat, quòd maligni Spiritus vastas solitudines & deserta frequentent. Quod & *Grosius* observat opinionem esse *Judeorum*, quòdque שריים *Dæmones* nomen ob hanc causam à שרה *Ager* sortiti sint. Nam si factum esset à שרר שריים foret potius quàm שריים, *Shiaddim* quàm *shedim*, quemadmodum Analogia Grammatica requirit.

Verf. 2. Et *Adamus* respondit ei dicens. Quanquam Serpens hic consideratur ut persona ab *Adamo* distincta atque distans, modòque externo illum compellans, nequaquam tamen incongruum est *Evam* internam tantum illius *Facultatem* constituere. Nam quemadmodum dicitur ab eo procedere, ita etiam dicitur una cum illo esse. Quod *Facultatibus Anima* mirum in modum convenit. Quanquam enim ab *Anima* sunt, sunt tamen realiter idem cum illa. Quemadmodum quivis, qui rerum Philosophicarum non sit omnino expers, facilè admittet.

Verf. 5. Res omnes cujusmodicunque scientes. Πάντες ἄνθρωποι τὸ εἶδέναι ὁρίσονται φύσει, Omnes homines naturaliter scire appetunt, Aphorismus est apud *Aristotelem*. Atque appetitus hic maximè vehemens est in eis quorum Spiritus tenuiores sunt & subtiliores. Ac proinde fieri non potuit quin *Adamus* hæc eicà facilè caperetur in tenuiori suo Vehiculo. Quicquid verò animæ naturale est, nisi temperetur limiteturque *Divinâ Luce*, in noxam perniciemque illius cessurum est, sive in hoc statu sive in quocunque statu anima sit constituta.

Metaphys. lib. 1.

Verf. 7. Nec integumentum cælestis naturæ. Etenim *Adamus* indulgendo vagæ cuique suggestioni puram *Ætherei* sive *Cælestis Vehiculi* Temperiem vitiavit tandem corruptique, sordidorumque rudera illius, malèque temperatarum reliquiarum fastidium sibi creavit; & inferiorem vitam *Plantalem* aliquatenus exuscitans, (quæ tamen nondum ad *Terrestrem Materiam* satis propinquè accesserat, nedum eadem eum adhuc vestiverat) nudum se deprehendit illius, quod sibi admodum accommodum fore præfagiit, præsentisque conditionis molestiam alleviaturum. Vide 2 Cor. cap. 5. v. 1, 2, 3, 4.

Etumque ad *Plasticam* suam virtutem perfectiùs exercendam, &c. Animam etiam in *Æthereæ* conditione *Plastica* exercitio non destitui admodum probabile est. Nec perfectius est illius exercitium in *Terreno Vehiculo* quàm in *Æthereo*, sed tantum crassius & stabilius: quâ solâ ratione nempe stabilitatis, si ista perfectio sit, *Plastica* dici potest perfectiùs exerceri in *Terreno Vehiculo* quàm *Cælesti*.

Verf. 8. Ut absconderent seipsos, &c. Oderunt Lucem, quia facta eorum mala sunt. Hoc verè dicitur in omnes Spiritus rebelles, quocunque in Vehiculo constituti sint.

Verf. 9. Ipsum prosecuta est. Præstantiorem Animæ facultatem esse Ducem Hominis atque Dæmonem, Dictum *Ficini* est ex *Timæo*. Quod si contra eam rebellamus, *Dæmon* noster est sensu pessimo, quem reformidabimus, nec conspectum illius sustinere poterimus.

Verf. 10. *Nullam habens virtutem nec ornamenta.* Expertus est enim, quamvis *Vehiculum* vitare ac corrumpere posset, in sua tamen potestate non esse, tam facile ipsum restituere, & in ordinem rursus redigere.

Verf. 12. *Quod vita vehiculi vigor esset & impetuositas.* Hoc certè aliquam speciem realis Excusationis præ se fert in *Adamo*. Manifestum tamen est eum de peccato se purgare non posse, quoniam in sua potestate erat motus moderari *Vita Vehiculi* secundum Regulam *Divinae Lucis* in ipso.

Verf. 13. *Quantum malum heic successit hæc mulier!* *Adamus* aliquo modo redargutione *Divinae Lucis* affectus, funestam illam Catastrophen dolet quam vigor *Vita Vehiculi* superinduxerat. Sed seipsum rursus excusat propter deceptibilitatem istius *Facultatis*, præsertim cum imperita esset à tam versuto potentique Aggressore quàm sit antiquis Serpens Diabolus.

*Compleri in æternum.* Hoc est, *וְיָחַד עִם אֱלֹהִים*.

Verf. 14. *Æternus Dominus Deus.* Cum in confesso sit, Quod Deus & in Homine loquitur, ut in aliis Intellectualibus Creaturis, per *Divinam* suam *Lucem* illic residentem, quodque etiam loquitur in seipso, de Rebus aut Personis; qui Sermones nihil aliud sunt quàm illius Decreta: Non est omnino durum, si in *Mose* legendo, *Loquelas Dei*, prout Argumenti circumstantiæ naturaliter innuerint, intelligamus; Nec Deum introducamus ut Personam tertiam sub forma corporea ac visibili accedentem, nisi necessitas hoc à nobis extorserit. Nam internum illius verbum, quo creat, decernitve aliquid quod futurum sit, ut & *Divinam* illam *Lucem* quâ illas animas, quæ ipsum receperint, informat, Philosophia facilius admissura est tanquam *Loquelas Dei*, quàm vocem ullam articulata & audibilem, in humana forma ab eo pronuntiata, nisi fieret ab ipso Christo. Etenim alioqui verisimillimum esset nunciū tantū esse ab aliquo Angelo allatum.

Sapient. Solom.  
c. 6. v. 6.

*Apostatarum Angelorum Princeps.* Quoniam iudicium durissimum in his qui præsumunt, fieri. Et ipsa rei natura idem implicat. Propterea quod Ignominia, res adversæ atque contemptus longè maiorem dolorem & vexationem eis pariunt, qui in summo gradu constituti fuerint, quàm hominibus inferioris ordinis. Unde naturaliter Princeps hic sive Dux Dæmonum, hac maledictione profundius vulnerabitur, quàm quisquam è sociis reliquis Rebellionisve comitibus.

*In Superioribus Aeris partibus.* Hoc opinioni antiquorum Patrum admodum consonum est, sive intelligas de *Satana* ipso, sive de toto Regno istorum *Spiritus Apostatarum*. Neque magis absurdum est, ut mali *Genti* ad tempus inter bonos in Regione *Æthereæ* versarentur, quàm ut nunc *Spiritus* benigni versentur inter malignos, in hoc *Aëre* inferiore. Postquam verò *Satanas* immanè illud scelus in *Adamum* commisisset, \* iussus est descendere inferiūs, terrorque Domini Exercituum ita mutavit vehiculum ignemque ejus extinxit, ut terram versūs statim subsideret, tandēque coactus esset Terræ pulverem lambere. Vide *Jos. Medum*, in Dissertatione in 2 Pet. 2. 4.

¶ Marsil. Ficinus  
de vita Platonis.

Verf. 15. *Anima Messie corpus sumptura sit.* Et Animam *Messie* & reliquas Animas omnes præstitisse, opinio est *Judeorum*; quā quidem admittā nulla omnino difficultas est in *Cabbala*. *Plato*, sive ab hoc loco solo, \* sive quod ex aliis etiam sacra Scripturæ locis instructus esset, ( si quod scripsit ¶ *Ficinus* verum sit ) aliquam habuisse videtur notitiam aut præagium de adventu *Christi*; quippe qui, quum interrogatus esset quamdiu homines illius scriptis attendere deberent, respondit, Donec aliqua persona magis sancta ac Divina in orbe apparuerit, quem omnes oporteret sequi.

*Insigniter heic in terris conculcatura.* Quemadmodum ab eo factum est, in ejiciendo dæmonia, & silentium imperando Oraculis, aut cogendo exclamare,

Οἱ μὲν τῶν τεμπέδων-----

*Christus* caput *Satanae* conterit subvertendo Regnum ejus & Principatum, & ex eo quod ipse exaltatus sit supra omnes Potestates quascunque. Et certè ingens est magnique pretii Mysterium, ut tenera illa Commembrorum Creationis commiseratio, fidelisque ac firma Obedientia Divinae voluntati ( quæ ambæ eminenter transcendenterque in Christo illuxerunt ) supra omnem potentiam evectæ essent, ac scientiam qualemcunque in altioribus illis ordinibus Angelorum. Nulli enim eorum, qui sic, ut par erat, essent affecti, ullo modo inde offenderentur, sed gauderent potius. Quod ad illos verò attinet qui superbi essent, Potentiāque & Scientiam, Bonitati & Obedientiæ præferrent, non nisi justa ipsorum despectio erat, meritāque superbix eorum exprobratio.

Nunc



Nunc verò *Satanas* quomodo *Christi* calcem conterit? Sic; Agmen postremum impetit ac calones, partem scilicet infimam eorum qui Christianitatem profitentur, Hypocritas utique vel Animas rudes & ignaras, cujusmodi sunt illæ ut plurimum, quæ Sagæ fiunt sive Veneticæ. Ecclesia verò Triumphans secura est, uti & sincera pars Ecclesiæ militantis. Vide Cl. *Medam* in locum.

Verf. 16. *Concomitantia angoris & doloris.* Estque communis omnium Mortalium querela, etiam eos quibuscum lenissimè agitur, experiri vicissitudines doloris perinde atque gaudii. Ipsaque Corporum nostrorum constitutio, æquè atque Accidentia Fortunæ, talis est, ut Voluptati indulgere omnino sit semina jacere Doloris atque Tristitiæ per Morbos, Satietatem ac Melancholiam. Ut præteream multas spinas & aculeos, qui ex improvise saepe occurrunt in eorum conversatione, à quibus maximum expectare possimus solamen & oblectationem; Propriisque Animi porro aggressuras, morsusque conscientiæ, qui ut plurimum eos inturbant, qui voluptates corporis sectantur. *Lucretius*, quanquam Atheus, plenum huic veritati testimonium perhibebit, quarto libro de Natura rerum; ubi hoc argumentum fusè tractatum legere licet.

Verf. 18. *Terrâ Spinæ & Tribulos producente.* *Moses* in uno genere vitæ exemplum profert, in Agricultura scilicet; est autem eadem ratio in universis.

Nil sine magno  
Vita labore dedit mortalibus ----

Verf. 20. *In inferiores vitæ functiones subsideret, &c.* *Euripides* amicus *Socratis*, & *Pythagoricæ* Philosophiæ studiosus, ¶ alicubi in Tragædiis, quemadmodum jam monui, ad hunc ferè sensum scribit. *Quis novit*, ait ille, *utrum vivere sit mori, & mori, è contra, sit vivere, nec ne?* Quæ quidem quæstio præsentī Cabbalæ admodum est consentanea. Hic enim *Adamus* quasi moribundus introducit, quantum ad Mundum meliorem, vitæque conditionem in qua erat. Et quemadmodum quispiam hic in terris in lecto cubans moriturus, vaticinatur aliquando, profiteturque quid de futuro suo statu præfagiat, se utique apud Deum futurum esse & in coelis inter Angelos Animasque justorum separatas versaturum; ita hic *Adamus* suum Vaticinium Apologeticum profert, hanc sui mutationem & à præsentī hoc statu discessum, quamvis sat malorum inde sibi eventurum sit, suum tamen habiturum esse usum & commoditatem, in majusque cessurum esse bonum Universo. Se etenim victurum esse super Terram, & Moderatorem futurum inter Terrestria Animantia, istique Mundi parti ordinandæ gubernandæque operam daturum.

*Vitam Vehiculi sui appellavit EVAM.* *EVA* enim significat vitam, illam scilicet Vitam quam Anima, Vehiculo sive corpori cuicunque, quod acuet & possideat, impertit.

Verf. 21. *Cum vis Plastica plenè expersæfacta esset.* Nimirum vis Plastica terrestris, sive *Congruitas vitalis terrestris.*

*Pellibus comparuit vestitus Bestiarum.* Hoc *Origenes* intelligit de *Adamo* incorporato, humanæque carne ac cute vestito. *Ridiculum enim est dicere*, inquit ille, *quod Deus fuerit Adami Coriarius & Pellium sutor.* Et nemo quisquam sanè multum demirabitur pii doctique Patris confidentiam, modò meminerit Præexistentiam Animarum, antequam in terrestre corpus delabantur, generalem esse opinionem omnium eruditorum *Judeorum*, ac proinde omnino verisimile esse, partem fuisse hujus Cabbalæ Philosophicæ. Quàm aptè verò omnia coincidunt & cum ipso Textu Mosaico consentiant, quilibet judicet. *Origenes* significantiam hujus loci *πλεορρήσεις* Platonice præfert. Verba ejus citatu notatūque dignissima sunt: *Καὶ ὁ ἐκκαλλόμενος ὁ ὅτι τῇ Παραδείσῳ ἀνθρώπου μετὰ τῇ γυναίκῳ, τὴν δερματίνην ἡμφιεσμένην χιτῶνας (ὅτι διὰ τὴν παραλασιν τῶν ἀνθρώπων ἐποίησε τοῖς ἀμαρτήσασιν ὁ θεός) ἀπορρήσιν τινα καὶ μυτικὸν ἔχει λόγον, ὑπὲρ τὴν κατὰ Πλάτωνα, τὴν ψυχῆς πλεορρήσεως, καὶ δεῦρο φερμένης, ὥς ἂν εἴρηται τῇ λαβῇ.* hoc est, *Homo ex Paradiso ejectus cum uxore sua, tunicisque pelliceis vestitus* (quas propter hominum transgressionem peccantibus fecit Deus) rationem quandam arcanam Mysticamque in se continet, supra illam Platonis, de defluvio pennarum Anima, præcipitis huc delata donec corpus aliquod crassioris consistentiæ prehenderit. Vide *Origenem* contra *Celsum*, lib. 4. Hoc illi respondet apud *Cornelium*, quod eum ex *Epiphania* existimo mutuatum esse.

*Cornel. à Lapide, in Gen. 3.*

Verf. 22. *Non nisi per ludum jocūque, &c.* Hoc equidem impendiò magis Decorum existimo, quàm Deum fingere *Adamum* sarcasticè irridere, eique insultare in tam ingenti ac universali calamitate, quemadmodum quidam supponunt, & quam nulla

nulla comitetur commoditas: præsertim cum Principium in *Adamo* esset quod tam facile deceptioni esset obnoxium. Quod proculdubio aliquid excusationis præ se fert. Irridere verò hominem qui ex propria infirmitate callidæque Adversarii sui versutia in dirum aliquod Tragicumque malum aut miseriam inciderit, equidem tantum abest ut Deo dignum sit, ut vel virum bonum omninò dedeceat.

Verf. 24. *Certò statuit illum non fore immortalem.* Hoc enim in nostrum commodum cedit, quemadmodum *Rupertus* in locum ex *Plotino* observavit. Misericordiæ Dei fuisse quod hominem fecerit mortalem, nè perpetuis cruciaretur hujus vitæ ærumnis.

*Hic detur introitus ut vestiatur utique rursus vehiculo igneo, &c.* Verba proximè subsequētia sensum *Cabbalæ* explanant. Estque certè omnino secundum mentem *Platonis* illius inter Poetas (quemadmodum *Severus* eum appellat) *Virgilii* scilicet, libro sexto *Æneidos*.

Donec longa dies perfectò temporis orbe  
Concretam exemit labem, purumque reliquit  
*Æthereum* sensum atque auræ simplicis ignem.

Quod etiam admodum aptè porrò confirmabimus duobus postremis carminibus, quæ vocantur, aureis *Pythagoreorum*, qui *Immortalitatem* addunt huic conditioni *Æthereæ*;

Ἦν δ' ἀπολείψας σῶμα ἐς αἰθέρ' ἐλεύθερον ἦλθες,  
Ἐσσεαι ἀθάνατος. θεὸς ἀμβρόσιος, ἐκέτι θνητός.

Hoc est,

Sic ubi deposito, vacuus te ceperit *Æther*,  
Corpore, vivus ages semper, semperque beatus.

*Carmen Græcum* habet, *Immortalis Deus* eris, quod *Hierocles* interpretatur, *Divinitatem* in hoc imitaberis, quod evaseris immortalis. *Plutarchus* verò, in *de Defectu Oraculorum*, *Apotheosin* hanc secundum Elementorum ordinem promovet, *Terra* scilicet in *Aquam* attenuata & purificata, *Aqua* in *Aerem*, & *Aeris* denique in *Ignem*: Ità *Hominem* ex *Terrestri Animale*, *Heroem* fieri, ex *Heroe Demonem* sive bonum *Genium*, ex *Genio Deum*; quod ille μεταχθὲν θεότητι, *Divinitatem* participare, nuncupat. Quod tamen nihil amplius est, quàm unum ex *ἰηλ*, hoc est, *Immortalibus Angelis* evadere, qui sunt instar flammæ, ut *Hebraici Doctores*, in *Beresbith Rabbah*, declarant. Sunt quidem quantum ad Vehicula, *Ignis quasi versatilis, se convertentes, Protei instar, in omnem formam.* Ipsa ferè verba sunt *R. Ben-Maimon*. in hunc locum *Geneseos*.

*R. Maimon.*  
*More Nevoch.*  
*part. i. c. 49.*

*In De Confusi-*  
*one Lingua-*  
*rum.*

*Phil. libr. de*  
*Somniis.*

*Phil. lib. de Gi-*  
*gantibus.*

Et verò *Philo Judæus*, Ἐστὶ κατὰ τὴν αἰθρὰ ψυχῶν ἀσωμάτων ἱερώτατος χορός. Est verò, ait ille, in *Aere sanctissimus Animarum separatarum Chorus*; statimque subjungit, Ἀγγέλους γὰρ τὰς ψυχὰς ταύτας εἶωθε καλεῖν ὁ θεσπιζδὸς λόγος. *Angelos enim Divinitus inspirata Scriptura has animas solet appellare.* Et alio in loco de purioribus Animabus loquens, eas vocat Ὑπάρχουσιν τῷ πανηγυμένῳ, ὥσπερ μεγάλης βασιλείας ὀφθαλμοὶ καὶ ὦτα, ἀφορώσας πάντα καὶ ἀκούσας. i. e. *Præfatos summi Imperatoris Universi, & oculos quasi & aures magni Regis, intuentes & inaudientes omnia*; & tunc adjicit, ταύτας δαίμονας μὲν ἄλλοι φιλόσοφοι, ὁ δὲ ἱερός λόγος ἀγγέλους εἶωθε καλεῖν. *Has alii Philosophi Genios, sacra verò Scriptura Angelos solita est nuncupare.* Et in alio quidem loco ait, ψυχὴν, δαίμονα & Ἀγγέλον, *Animam, Genium atque Angelum*, tria verba esse quæ unam eandemque rem significant. Quemadmodum & *Xenocrates* ψυχὴν & δαίμονα idem facit; addens, eum esse εὐδαίμονα, *felicem*, qui σπουδαίαν ψυχὴν, *probam Animam* nactus sit. Quamobrem ut nec *Lectori* nec *mihi ipsi* ex nimia *Philologia* fastidium creem, concludo mentem *Mosis* in postremo hoc versu hanc esse: Quod *Adamus* ad mortalem, evanidum, & impermanentem statum heic damnatur, donec *Æthereum* suum purève *igneum* vehiculum affecutus sit, & ut *Christus Servator* loquitur, ἰσάγγελος, *tanquam unus ex Angelis* evaserit. Hæc, inquam, humani generis conditio est, secundum *Cabbalam Philosophicam Mosis*.



## SCHOLIA

In CAP. III. Vers. 14.

**J**USSUS est descendere inferiùs, &c. *Dæmones è Calo à Jovè fuisse deturbatos dixit Pherecydes Syrus, quorum Princeps dictus sit Ophioneus, i. e. Serpentinus. Vide Cornelium à Lapide in locum.*

*Vers. 15. Sive quod ex aliis etiam sacra Scriptura locis, &c. Clemens Alexandrinus, Stromat. lib. 5. post dictum illud è Sapientia Salomonis, "Αρωμὴ ἀφ' ἡμῶν ἔστι δίκαιον, ὅτι δι' αὐτῆς ὁ ἡμῶν ἔστιν, Tollamus à nobis justum, quia nobis incommodus est, statim subjicit: "Ο Πλάτων μονονυχὶ προφητῶν ἔστω σωτήριον οἰκονομίαν, ἐν τῷ δευτέρῳ τῆς Πολιτείας ὡς ἐφ' ἑσθιν. Οὕτω ἡ διακρίσις τοῦ δικαίου, μαστιγωθήσεται, τρεβλώσεται, δεθῆσεται, ἐκκοπήσεται τῷ ὀφθαλμῷ, τελευτῶν, πάντα κακὰ παθὼν ἀνασκινδυλευθήσεται i. e. Plato propemodum propheticè prædicens Servatoris Oeconomiam, in secundo de Republica sic dicit: Qui autem sic est affectus justus, flagris cædetur, torquebitur, vincietur, Oculi ei effodientur, & postremò omnia mala perpeffus in palum crucemve tolletur & suspendetur: ac si Platoni perpeffiones Messia innotuissent ex Esais, cap. 53.*

AD

*[The text in this block is extremely faint and illegible due to extreme fading or bleed-through from the reverse side of the page.]*

11A



A D

# DEFENSIONEM Cabbalæ Philosophicæ APPENDIX.

## C A P. I.

- I. Robur Cabbalæ Philosophicæ à natura Veritatum in ea contentarum illustratum.  
 2. Dignitas Pythagoræ. 3. Philosophiam Mosaicam ei notam fuisse. 4. Miracula Pythagoræ. 5. De Platone, quod Doctrina Judaica ei fuit cognita, & quid miraculose de eo dictum sit. 6. De Plotino, ut Magiam Olympii in se intentatam in ipsum Olympium retorserit; quantumque honorem detulerit Origeni. 7. Stultitia Hominum privato iudicio magis adhaerentium, quam Patribus, Ecclesiis, Miraculorum operatoribus, ipsique adeo Rationi. 8. Philosophia Cartesiana Physica partis Mosaicæ restauratio. Deque ipso Cartesio qui afflatu quasi Divino quodammodo inspiratus videatur.



Eneralem nunc totius hujus Cabbalæ recognitionem institua-  
 mus, modoque magis summario illius robur consideremus:  
 Quod ad tria Capita referre possumus: Ad naturam scilicet  
*Veritatum in ea contentarum*, Ad dignitatem Personarum earum  
 quæ in anteaëtis seculis eam amplexæ sunt, Et ad *Vacillantiam*  
 denique maximè appositarum *Objectionum* quæ contra eam  
 possunt excogitari. Quod ad *Veritates* ipsas attinet; Primò,

Tales sunt quæ tam sanctam venerandamque personam quam  
*Mosen*, si Philosophari veller, maximè condecere, quippe quum eximie sint  
 admodum & selectæ Veritates, longèque supra Captum vulgi remotæ, eoque verifi-  
 milius est eas ipsi aut *Adamo* primùm, à Deo tanquam singulare aliquod Mysterium,  
 fuisse traditas.

Secundò, Ejusmodi sunt, quæ quanto accuratiùs examinantur, tanto magis inve-  
 nientur inexpugnabiles; cum nulla quidem Hypothesis, quæ hætenus hominibus  
 proposita sit, *Natura Phenomeni*, *Divinis Attributis*, *Eventis Providentiæ*, *rationa-*  
*libusque mentium humanarum facultatibus* tam exquisitè conveniat.

Tertiò, Continua earum congruitas est, perpetuæque Textui *Mosaico* Applicabili-  
 tas, sine omni distortionem, legumve aut Grammaticorum aut Criticorum violatio-  
 ne.

Quartò denique, Nonnullarum saltem ex ipsis magna quidem utilitas est, nè di-  
 cam necessitas, quippe quæ tam solida Religionis fulcra sunt, tamque efficacia ad  
 sedulam animarum nostrarum purificationem veræque pietatis studium incitamenta.

2. Jam verò quantum ad Personarum dignitatem, (\* Quales erant *Pythagoras*,  
*Plato* & *Plotinus*) ex constanti fama confirmabitur de summo illo gradu virtutis ac  
 justitiæ fervidique amoris Divini Numinis, qui passim in eis fuisse agnoscitur, præ-  
 ter alia cujuscumque quæ per modum Miraculi ipsis obtigerint vel ab ipsis facta  
 sint.

A a a a

Et

Vide Iamblich.  
de vita Pythag.  
cap. 1.

Et hic. Nico-  
mach. lib. 7.  
cap. 1.

Et quod ad *Pythagoram* attinet, si Vitam illius adeas, ab *Iamblich* scriptam, in tanta erat admiratione suis temporibus ut filius *Epollinis* habitus sit à nonnullis, quem ex *Parthenide* nota sua matre genuerit. Qua in sententia fuerunt *Epimenides*, *Eudoxus* & *Xenocrates*. Quam tamen opinionem *Iamblichus* sobriè seriòque rejicit; quanquam agnoscit postea, aspectum illius sermonesque, eorum animos qui cum ipso conversati essent, in tantam sui admirationem rapuisse, ut abstinere se non possent quin eum fuisse affirmarent, *θεῶν παῖδα*, *Dei prolem*. Quod nostro præciso sensu Theologico accipiendum non est, sed secundum modum antiquorum Græcorum, qui Homines Heroicè præsignitèque bonos atque probos, *Divinas Animas* existimârunt, à cœlesti stirpe oriundas. Ipsèque *Aristoteles* de *Lacedæmoniis* particulatim notat, Homines, qui essent *αὐτοὶ οὐρανοῦ*, *valde boni*, eos, *θεῶν παῖδας*, i. e. *Dei ἀνδράς* ipsos appellasse. Juxta quem sensum verum istum apud *Homerum* de *Hectore*, interpretatur.

----- οὐδὲ ἐφ' ἧκει  
'Αὐτὸς γὰρ ἐν τῇ πατρὶς ἐμμεναι ἀλλὰ θεοῖο.

Cæterum ut ad eum redeamus de quo loqui cœpimus. Hac præcellentia illius adeò universim apud gentes agnita, eò credibilior videbitur, si adjumentum consideremus quod ipsi obtigit ex conversatione cum viris omnium sapientissimis quos terra tunc aluit, cum *Judaorum* scilicet Sacerdotibus & Prophetis. Qui sapientiam suam à Deo habuerunt, ut *Pythagoras* ab ipsis. Unde verissimum illud existimo quod *Porphyrus* de *Pythagoræ* Philosophia scribit: Quod sit *Φιλοσοφία ἐκ θεῶν παραδοθεῖσα τὸ κατ' ἀρχάς*. Philosophia primitus à Deo sanctisve illius Angelis tradita.

3. Quod verò *Pythagoræ* nota esset *Mosaica* sive *Judaica* Philosophia, locupletissima occurrunt apud Scriptores Testimonia. Ut *Aristobulus* *Judæi* *Ægyptii*, apud *Clementem Alexandrinum*, & *Iosephum* contra *Appionem*. \* *S. Ambrosius* addit, *Pythagoram* ipsum fuisse *Judæum*. *Clement* & *ἑὲς Ἑβραίων φιλόσοφον*, Philosophum *Hebræum* eum appellat. Huo conicere possem suffragia *Iustini Martyris*, *Johannis Philoponi*, *Theodoret*, *Hermippi* apud *Origenem* contra *Celsum*, *Porphyrum*, & *Clementis* rursus, qui scribit vulgarem fuisse famam, quod *Pythagoras* discipulus erat Prophetæ *Ezechielis*. Et quanquam ille quidem dicto nullam adhibet fidem, *Johannes* tamen *Seldenus* Antiquarius peritissimus multum in eam sententiam propendere videtur, quod ea fama esset vera, in primo libro *De Jura Naturali* juxta *Hebræos*, ubi prædictorum Authorum citationes plenius legere licet. Præter hæc omnia *Iamblichus* etiam affirmat *Pythagoram* in *Sidone* propria sua Patria vixisse, ubi in amicitiam ac familiaritatem Prophetarum successorumque *Mochi* cujusdam Physiologi venisse dicitur. *Συνέβαλε τοῖς Μόχῳ τὸ φυσιολόγῳ προσφάταις ἀπογονοῖς*, Prophetis qui *Mosi* Philosopho successerint. Vide etiam *Minusium Felicem* in *Quæstione suo*.

De vita Py-  
thag. cap. 3.

Quamobrem planè apparet *Pythagoram* à *Mose* suam Philosophiam accepisse. Et certè illam Philosophiam, quæ ad hunc usque diem ejus esse conceditur, cum tam aptè Textui *Mosaico* perpetuò applicari posse videamus, ecquid majus argumentum exoptari potest quo probemus veram esse illius *Cabbalam Philosophicam*?

4. Cæterum superest & alterum argumentum quo probemus quàm verisimile sit, eum amicitia & consuetudine usum fuisse Prophetarum, quod & dignitatem illius personæ porro illustrabit, suntque Miracula quæ de eo memorantur. Sic enim videtur, *Pythagoram* non solum Theoriâ *Mosaicâ* initiatum fuisse, sed ad potestatem pervenisse edendi miracula, quemadmodum *Moses* & succedentes Prophetæ fecerunt; Factaque memorantur valde mirabilia, tum apud *Porphyrum*, tum etiam apud *Iamblichum*: Cujusmodi sunt; *Pythagoras*, cum Fluvium cum multis amicis pertransiret, (*Iamblichus* *Nessum* Fluvium appellat, *Porphyrus* *Caucasum*) fluviumque affatus esset, respondisse ipsi Fluvium voce clarâ & exaudibili, *Χαῖρε Πυθαγόρα*, *Salve Pythagora*: Pro comperto habitum fuisse, eum & *Metapontio* & *Tauromenio* (oppidis altero in *Italia* altero in *Sicilia* sitis, multorumque dierum itinere à se invicem distantibus) eodémque die cum amicis suis versatum esse. Hisce aliisque multis, quæ lubens prætereo, superaddam tantummodo ejus prædictiones de *Terra-motibus*; vel potiùs, (quoniam istæ magis naturales videri possunt) præsentaneas Pestilentiarum in Civitatibus extinctiones, violentorum ventorum tempestatumque sedationes, exastuantium marium & fluviorum tumultus tranquillationes & quietationes, & similia. Quam facultatem *Empedocles*, *Epimenides* & *Abaris* ab ipso nacti, tam celebres evaserunt, ut *Empedocles* agnominatus esset *Alexanemus*, *Epimenides* *Cathartes*, & *Abaris* *Athrobates*, à peritia quam habuerunt, in suppressendis ventis & tempestatibus, in Civitatibus liberandis à Pestilentia, & ab inambulando super aërem in sublimi.

Vide Iamblich.  
de Vita Py-  
thag. c. 28.

Quæ



Quâ facultate fretus *Pythagoras* amicos suos istoc modo in *Metapontio* & *Tauromenio*, uno eodémque die invisit.

5. Et nunc quidem, postquam hæc de *Pythagora* narraverim (aliâque plura addere possem) minus opus erit *Platoni* *Plotinô*que insistere, quippe quorum Philosophia eadem est atque *Pythagorica*, Textuique *Mosaico* pariter applicabilis. *Platonis* virus insignis, vitæque integritas, cum summa illius in maximè sacris de Deo Mysteriis, deque statu Animæ humanæ tum in hoc mundo tum in futuro, conjuncta peritia, meritò illi titulum ascivit *hominis Divini*, Ὁ Θεὸς Πλάτων.

Cæterum, quantum ad Miracula, nulla, quod sciam, edidit, quanquam profectò aliquid miraculosi ei obigit, si fama illa *Athenis*, quam de nativitate illius *Clearchus* & *Anaxilides* fuisse memorant, sit vera. *Aristonem* scilicet patrem illius putatum, cum *Perictionem* vi comprimere voluisset, instituto suo excidisse; cumque ab incepto destitisset, *Apollinem* vidisse in Visione, atque sic ab uxore abstinuisse, donec peperisset filium suum *Aristoclem*, qui postea *Plato* appellatus est. Illud verò multò credibilius est quod narratur de commendando ipso Tutori suo *Socrati*, qui pridie quàm venisset somniavit se oloris pullum in gremio suo habere, qui subito affatimque plumescens, enatis alis statim in Aërem evolavit, suavissimòque cantus edidit. Quamobrem die postero cum *Plato* à patre suo ad eum adductus esset, τῷτον, εἰπὼν, εἴ ᾤσιν, continuò exclamasse dicitur, hanc ipsam esse *Avem*, atque sic lubenter eum tanquam pupillum suum recepit.

Quòd verò Philosophia *Mosaica* ipsi nota esset, quemadmodum in se credibilis est, ita firmiora ea de re suppetunt testimonia, ut *Aristobuli* *Judei* apud *Clementem Alexandrinum*, *S. Ambrosii*, *Hermippi* apud *Josephum* contra *Appionem*; & *Numenii* denique *Platonici*, qui ingenuè fateretur, Τὴ γὰρ ἐστὶ Πλάτων ἡ Μωσῆος Ἀττικίζων; Quid est *Plato* nisi *Moses Atticissimus*? quemadmodum alibi allegavimus. Vide etiam *Origenem* contra *Celsum*.

Clem Alexand.  
Strom. lib. 1.

Origen. contra  
Celsum, lib. 6.

6. Quod ad *Plotinum* attinet, id quod *Porphyrus* de ipso memorat, parum profectò abest à miraculo, quippe qui, propriæ suæ mentis vi ac majestate, quemadmodum fassus est adversarius ejus *Olympius*, Magiam in ipsum retorquere valuit, quam is in *Plotinum* intentavit; sedatòque animo confidens inter amicos dixit eis, Nunc corpus *Olympii* crumenæ instar corrugatur & colligitur, membræque ad se invicem alliduntur. Et, tametsi nec à Sacerdotibus nec à Prophetis *Judeorum* instructus erat, familiaris tamen amicus erat sinceri fervidique illius *Christiani*, perdoctique Patris Ecclesiæ *Origenis*, cujus Authoritatem huc adjectam volo, unà cum universali consensu eruditorum apud *Judeos*. Nihil enim quod mirum videri potest in *Metaphysica* parte hujus *Cabbalæ* occurrit, quod illi non constanter affirmaverint esse verum.

7. Malè morata verò quorundam superstirio talis est, ut plus tributuri sint assuetæ opinioni, quam aut sponte assumpserint, aut quâ Theologorum aliquorum confidentia ipsos imbuerit, quàm Authoritati aut Patrum Ecclesiæ & miraculorum, aut, quod longè præstabilius est reliquis, maximè solidis rationibus quæ proponi possunt. Quarum si capaces essent, nequaquam ex eo offendi possent, quòd Philosophiam *Cartesianam* in præsentem hanc *Cabbalam* admiserim. \* Cujus principia insigniorésque Conclusiones cum tam liberè & inaffectatè se obferrent, tamque aptè & congruenter sedes suas in Textu occupaturæ essent, Religio profectò mihi erat eas excludere.

8. Etenim non possum quin existimem, *Cartesium* foeliciter & præter expectationem, in ea Theoremata incidisse quæ vera reperientur Restauratio illius partis Philosophiæ *Mosaicæ* quæ vulgò *Naturalis* vocatur, & in quam *Pythagoras* meritò cenferi potest haud mediocriter versatus. Quam quidem peritiam verisimillimum est eum affecutum esse ex conversatione cum successoribus *Sidonii* illius *Mochi* supra memorati; Quem *Casaubonus* existimat *Moschum* potiùs appellandum, (nam quàm facile ex & deperdi possit quilibet potest videre) suspicaturque nomen *Tyrium* fuisse, linguæque vernaculâ nominatum fuisse משה *Mosche*, qui vulgò vocatur *Moses*. Quod rursus cum *Johannis Seldeni* opinione optimè convenit, vel potiùs coincidit, ulteriòrque est illius conjecturæ confirmatio. Qualem verò Philosophiam Naturalem *Moschus* hic suis affectis impertiverit, *Vossius* expressim notat ex *Strabone*, qui mentionem facit de *Moscho* quodam *Sidonio*, qui in seculis ante bellum *Trojanum* vixerit, primusque Author fuerit Philosophiæ Atomice, sive illius Philosophiæ quæ rationem reddit de *Phænomenis* ex figura motuque Particularum. Unde haud mediocrem affinitatem intercedere oportet inter antiquam hanc *Moschicam* vel potiùs *Mosaicam* Physiologiam, & Philosophiam *Cartesianam*, quæ tam frequenter ac naturaliter in *Cabbala* hac Philosophica suis partibus functa est.

Voss. De Histor.  
ricis Græcis,  
lib. 3.

Naturalem verò Philosophiam *Pythagora* Atomicam fuisse evinci porro potest ex eis quæ apud *Diogenem Laertium* de *Democrito* scripta invenimus. Quantum enim strepitum illius Atomum in orbe civerint, neminem latere potest. *Democritus* verò, quemadmodum *Diogenes* scribit ex *Thrasyllo*, tantus admirator erat atque imitator *Pythagora*, adeoque omnia ex eo desumpsisse videtur, ut meritò quis putaret, eum illius discipulum fuisse vel auditorem, nisi Chronologia reclamaret. Cæterum, tamen ipsius *Pythagora* discipulus non fuit, fuit tamen, ut *Glaucus Reginus* refert, auditor cujusdam *Pythagorei*. Narratque *Apollodorus Cyzicenus* eum admodum intimam familiaritatem contraxisse cum *Philolao*. In Catalogo etiam librorum quos scripsit, unus ex eis nominatur *Pythagoras*, alterque *Tritogenia*, quæ vox Mystica est apud *Pythagoreos*. Cùmque *Plato* Scripta *Democriti* flammis tradere decrevisset, duo erant *Pythagorei Amyclas & Clinias*, qui ipsum dissuaserunt nè illud exequeretur, quod is ex honesto quidem, quanquam imperito zelo destinaverat. Quæ quidem res, quantum ego judico, non possunt quin invidiam dent suspicionem partem Physicam Philosophiæ *Pythagoricæ* fuisse Atomicam. Motum verò Telluris eum tenuisse, jam celebratissimum est. Reliqua consideremus, ex dogmatis *Democriti*, dispiciamusque quàm bellè omnia conjuncta cum *Cartesiano* conveniant.

*Pythagoram* etiam tenuisse oportet, si *Democritus* totam suam Philosophiam ex illius Scriptis vel Traditionibus hauserit, \* Infinitos esse Mundos eosque generabiles esse & corruptibiles, Materiam verò nunquam interire. Infinitos esse Atomorum sive Particularum Numeros magnitudine & figurâ differentes; *ἄπειροι ὅν τῶ ὅλῳ διαμετρίαι*, Et in Universo moveri ad modum Vorticum. Illa enim propria significatio est vocabuli *Δίνη*, nempe Vortex. *Καὶ ὅτω πάντα συγκρίματα γινῶν πῦρ, ὕδωρ, αἶεα, γῆν*. Rotationemque horum Vorticum ex particulis constantium, generare Ignem, πῦρ (quæ peculiaris appellatio Solis est apud *Pythagoreos*, uti alibi notamus) & tum postea Terram, Aquam, Aërem: Quemadmodum magis expressim dicitur, *Τὸν τε ἥλιον καὶ τὴν σελήνην ὅκ τοιούτων δυνῶν καὶ περιστροφῶν ὄγκων συγκυκλίδαι*, Concrementa Solis atque Luna fructus fuisse harum Δυνῶν vel ὄγκων περιστροφῶν, horum immensorum vassisque circuitibus revolutorum Vorticum. Et postremo, *Πάντα τε κατ' ἀνάγκην γινέσθαι καὶ διὰ τὰς αἰτίας ὅσας καὶ γενέσθαι πάντων, ἢ ἀνάγκην λαβεῖν*. Hoc est, \* Omnia fieri secundum necessitatem, quippe quum motus hic Vorticæ causa sit generationis rerum omnium. Quem *Democritus* vocat ἀνάγκην. Atque hoc ipsum in causa esse, potest \* quod *Pythagorei* *Decadem*, hoc est, Mundum *Ἀνάγκην* appellaverint.

Quæ postremæ *Democriti* Assertiones, quemadmodum valdè faciles sunt & naturales, \* tali sensu, quo *Cartesius* naturam Vorticum ipsorumque effectus explicavit; ita planè falsæ sunt, ineptæ nullisque momenti, si ullo alio sensu accipiantur.

Quamobrem cùm Philosophia *Cartesiana* eadem ferè sit quæ illa *Democriti*, illaque *Democriti*, eadem quæ Physiologica pars Philosophiæ *Pythagoricæ*, & *Pythagorica* Philosophia eadem quæ *Sidonica*, ut & *Sidonica* eadem quæ *Mosaica*; necessariò hinc sequitur *Mosaicam* Philosophiam in parte sua Physiologica, eandem esse atque *Cartesianam*. Quàm aptè verò *Cartesiana* Philosophia Textui *Mosaico* conveniat, iterum atque iterum inculcavimus.

9. Et certè ut *Cartesius* cum suprâ dictis sublimibus Divinisque Geniis, in aliquam Equiparationem veniat, quanquam profectò imperitia hominum facit, ut plus vulgò supernaturalis auxilii agnoscatur in fervidis incertisque Imaginationibus perplexaque Melancholia, quàm in tranquillo distinctoque Rationis usu; quod ad me tamen attinet, equidem ego (sed rem interim acrioribus judiciis permittens) *Cartesium* existimem virum magis verè inspiratum in rerum Naturalium notitia, quàm quenquam, qui à sexdecies centenariis retrò annis, talem seipsum professus sit; singulariumque ejus Inventionum Mechanicarum, quibus Mundi Phænomena explicentur, admiratione captus, \* non dubitem eum cum *Bezalel & Aholiab* comparare scitis illis peritisque Tabernaculi opificibus, quos *Moses* testatur Spiritu Dei repletos fuisse, ac præstabili intelligentiâ ad excogitandum omne genus operum curiosorum.

Nec meliorem argumenti speciem præ se fert. *Cartesium* non esse inspiratum, propterea quòd sic se esse non dixerit, quàm alios esse inspiratos, quòd se dixerint sic esse, quòd nullam omnino apud me argumenti habet vim. Reticentia verò de eo quòd ipsi contigerit, majorem argueret sobrietatem ac modestiam; cùm è contrâ illius professio apud homines sobrios suspecta esse posset emotionis mentis ac Melancholiæ, præsertim in Philosophia Naturali, ubi præcipua voluptas est, Rationis evidentia & exercitium, non autem nuda fides; aut, quòd aliàs sit, ineffabilis vitæ sensus, quâ quidem ratione nullus verus Christianus est, qui non sit inspiratus.



## SCHOLIA

## IN CAP. I. SECT. 2.

**Q**uales erant Pythagoras, Plato, &c. Triplici obice viam hęc nobis intercludere conatur S. A. quò minus hoc genere argumenti Cabbala nostra confirmetur. Obi-  
cit enim hęc tria præsertim *μεγάλα*, quæ vocat, *αἰνέματα*, supponi tantum non probari:  
Primum est, Vera esse omnia quæ in Historiarum monumentis de Platonis & Pythago-  
ra sapientia traduntur; Alterum, Platonem & Pythagoram ad Judæos usque penetrās-  
se, atque à Mose præcipua dogmata sua hausisse, &c. Tertium denique, nihil à Py-  
thagora vel Platone quoad ista Mysteria dictum, scriptum aut factitatum fuisse, quin  
ex Judaica disciplina provenerit. Quæ quidem agnoscere magna esse Postulata, sed univer-  
sa nobis haud ita necessaria, quibus Atheum convincamus. Quod verò maxime scopo nostro  
accommodum est, minimè dubitatur apud viros doctos, sed communi quasi calculo comproba-  
tur, ipso fascente viro doctissimo S. A. Quod intellectum volo de Postulato secundo. Quod  
ad tertium verò attinet, satis est si inveniantur apud Pythagoricos ac Platonicos solida  
& sublimia Philosophemata quæ aptè congruèque Textui Mosaico applicari possunt, quan-  
quam alias multis scætere nugis deprehendantur aliunde aëthis, aut de proprio cerebro fi-  
ctis. Præclaras tamen illas sublimēsque veritates, quæ apud ipsos reperiuntur, cum multa  
eos à Judæis didicisse constet, cumque veritates illas tam aptè Textui Mosaico conveniant,  
ad Textum rursus Mosaicum tanquam proprium Fontem optimo jure referimus. Immo ve-  
rò qui sic non faciunt, summā mihi videntur & Mosen & Deum Mosis, Deique Ecclesi-  
am tam Judaicam quam Christianam injuriā afficere. Quod ad primum denique attinet,  
nihil necesse est, ut omnia quæ dicuntur de Pythagora Platonisque sapientia vera sint, sat  
est si ea sint vera quæ nos ad confirmandam Cabbalam adhibuimus.

Exam. Gener.  
p. 67, 8.

Sect. 3. S. Ambrosius Pythagoram ipsum fuisse Judæum. Id quod & ipse S. A. ul-  
trò fateatur. Hunc, inquit, ex populo Judæorum genus duxisse putat quidem Ambrosi-  
us, lib. 3. Epist. 20. & ait plerisque ita arbitrari. Duo verò obijcit Andreades. Pri-  
mum, Mnesarchum annulorum sculptorem seu calatorem dici illius fuisse patrem, cujus  
nomen pariter & opificium parum convenit Judæo. Quasi verò Gente Judaicā oriundi à  
Græcis nominibus semper abhorruerint; aut annulorum sculptio, cum Judaica Religione,  
(cum abunde Imaginum & Sculpturarum fuerint in Templo Salomonis,) nequaquam con-  
sisteret. Alterum est, Judæum fuisse conjectari, ex eo quod circumcissus esset, Circumci-  
sionem verò etiam aliis Gentibus competere. Sed respondeo; Cum fateatur fuisse circumci-  
sum & cum Judæis versatum esse, necessariamque fuisse Pythagoræ circumcissionem, ut  
tanquam Profelytus Justitiæ ad interiora eorum Mysteria admitteretur, equidem aut na-  
tum esse Judæum aut à Judæis fuisse circumcissum longè verisimillimum est. Quanquam  
hic tritis minimè innititur nostra Expositionis vis, sed conversationi ipsius cum Judæis.  
Ipseque Andreades haud dubitandum agnoscit Pythagoram & Platonem in notitiam eo-  
rum, quæ apud Judæos Mysteria erant, venisse. Et quæ obsecro potissimum mysteria de-  
bent esse, in quorum notitiam Philosophus venisse oportet, nisi Philosophica?

Exam. Gener.  
p. 65.

Sect. 7. Cujus principia insigniorēsque Conclusiones, &c. Quod intelligendum est,  
prout supra monui, in genere, non secundum præcisam illam rationem Mechanicam, quam  
effectus Cartesius.

Sect. 8. Infinitos esse Mundos, &c. Hoc est, Numerum Mundorum indefinitum.

Omnia fieri secundum necessitatem, &c. Non autem Mechanicam sed Physicam.  
Sic omnino antiquos Pythagoreos statuisse conseo. Desluxu verò temporis Physicam in  
Mechanicam apud illius Successores degenerasse.

Quod Pythagorei Decadem, i. e. Mundum, Ἀράξην appellaverint. Ἀράξην verò  
Physicam non Mechanicam eos intellexisse existimo, Spiritumque Naturæ eā voce subin-  
dicasse.

Tali sensu, quo Cartesius naturam Vorticum, &c. Non tamen præciso illo sensu  
Mechanico, sed in genere potius, prout paulo antè monui, qui tamen Solis posteaque Tellu-  
ris ex Sole naturalem Generationem, nisi omnia simul facta sint, completitur.

Sect. 9. Non dubitem eum cum Bezaliel & Aholiab, &c. Quo autem sensu ego  
Cartesium cum Bezaliel & Aholiab comparaverim, in Præfatione ad Dialogos Divinos  
Anglicè editos, fideliter explicatur. Ad hunc ferè modum: Nec debet ille Author sic in-  
telligi in comparando Cartesium cum Bezaliel & Aholiab, ac si reverà credideris super-  
naturaliter inspiratum. Quà enim fronte potest quisquam istum sensum hujusmodi altivo-  
lanti blandiloquentia sive urbanitatē imponere, cum passim in scriptis suis apertè servidē-  
que

Exod. 35. 35.

Exod. 35. 31.

que Cartesium, ubi in rebus ullius momenti eum errasse deprehendis, confutat perinde atque laudibus extollis ubi meretur? Quod manifesto indicio est, eum non tenuisse infallibiliter inspiratum. Et cum Bezaliel & Aholiab Dei Spiritu repleti dicuntur, vera illius dicti Exegesis esse potest, eos sapientiâ tantum cordis repletos esse ad omnia curiosa opera Mechanica perficienda, quemadmodum innuitur sub finem illius Capitis, specialem & extraordinarium habuisse Genium ad eas res obeundas, quod Dei donum erat in Natura. Ut taceam, unumquodque magnum in Natura ex Hebraico Idiomate, à Deo denominari so-  
lere. At proinde repleti Spiritu Dei in sapientia & intelligentia, &c. est magnam portionem sapientiæ & intelligentiæ in certis quibusdam rebus sortiri. Et Cartesius proculdubio haud mediocri ingenio & sagacitate præditus erat ad excogitandas maximè probabiles causas materiales Phenomenon Universi, ad easque affabrè redigendas in maximè speciosam contexturam cuius res ipsa capax sit, ad Philosophiam Mechanicam constituendam.

Præterea, Juvenis equidem tunc eram cum ista scripsi, nec tamen ullâ invidiâ aut æmulatione madidus aut turgidus; sed promptissimâ animi proclivitate, quæ ab aliis præclarè dicta factæve essent amicissimè amplexus sum, libentissimè ceu discipulum me eorum Authoribus addicturus, quanquam interim in nullius Magistri verba juraturus. Cum verò omnes Rationes Atomicae & Mechanicae ante Cartesii Scripta mihi planè sorduerint, condonandum profectò mihi est, etatique meæ, si præ nimio amore & admiratione tam præstantis Ingenii ex inopinato calitùs delapsi (nec tamen ut Græci ἀπὸ μνηστῆρος, sed ut Homo planè Mechanicus) Mechanicæque Phenomenon Naturæ rationes tam dextrè & plausibiliter aperientis, in illius Landes majori astu sublimioribusque Hyperbolis raptus viderer, quam aliam etatem aliàsque occasiones deceret.

## CAP. II.

1. Enumeratio Objectionum contra Cabbalam Philosophicam.
2. Ad Objectionem ab inadequata ratione Pythagoricorum Numerorum ad sex dierum Creationem, desumptam Responsio.
3. Tetractyn in Juramento Pythagorico, nec quatuor esse Elementa; nec Mentem, Animam, Opinionem, Corpus, nec denique Tetragrammaton.
4. Exquisitam aptitudinem Numerorum Pythagoricorum ad Dies Creationis, illius Philosophiam arguere eandem esse atque Mosaicam.
5. Numerorum usum Mysticum per totum Denarium Judaicum esse perinde ac Pythagoricum.
6. Et nec Judæos nec Pythagoreos ad Denarium se restrinxisse. Unde Objectio hæc ab inadequata Numerorum ratione admodum invalida reperitur.

1. **A**tque sic breviter naturam expendimus Veritatum in Cabbala Philosophica contentarum, ut & qualitatem eorum hominum qui antecedentibus seculis eam amplexi sunt. Jam verò quantum ad Objectiones; Hæ septem certè, maximi saltem momenti sunt si non solæ Allegationes quæ contra eam afferri possunt, nempe,  
Primùm, Numeros Pythagoricos perinde atque Nomina \* ad sex dierum Creationem esse inadequatos.

Secundò, Philosophiam Pythagoricam Cabbalæ Judaicæ in præcipuis illius Lineamentis non accuratè respondere, cum apud Scriptores Judaicos de motu Telluris nulla facta sit mentio.

Tertiò, Primi diei Creationis Interpretationem reliquis omnibus esse heterogeneam, quippe quæ sola Symbolica est. Ubi & tres Quæstiones additiæ proponuntur de Hyle Metaphysica primo die creata.

Quartò, Ordinem Cabbalæ præposterum esse, ut quæ Terram collocet ante Solem.

Quintò, Opera quinti sextique Diei nimis vulgaria esse ac trivialia quàm ut sint Materia Cabbalæ Philosophicæ.

Sextò, Illegitimam ὑπερβολὴν in nostra Paradisi Interpretatione commissam esse, qui eam antè plantatam supponimus quàm Adamus ex terra factus sit.

Septimò & ultimò, Interpretationem Cherubinorum flammantisque gladii duram esse, propterea quòd illud medium facimus quo Adamus Paradisum recuperet, quod eum videtur à Paradiso propellere, ac prohibere nè rursus intret.

2. Verùm hisce ordine plenè respondebo; Primùmque ad primam partem primæ, quæ insinuare vult, quoniam Pythagorei Numeralia sua Mysteria per totum Denarium continuârunt, cum Creationis dies sex tantum sint, Mysteria iccirco Numerorum eorum ad sex Dierum Creationem non omnino pertinere. Ad quòd respondeo,

Quòd



Quod Myſteria Numerorum ſuorum per totum *Denarium* continuaverint, id quidem noſtræ cauſæ nihil prorsus nocere. Etenim ſive ſupponimus Numerorum *Hieroglyphica* in uſu fuiſſe ante *Cabbalam Moſis*, primūque illius Authorem, tot omnino ex illis ſumpſiſſe, quot inſtituto ſuo inſervirent, ( ut is qui ſententiam aliquam ſcribit, non plures Alphabeti literas ſumit, quā quibus opus habet ad ſcribendam ſententiam ) ſive primus Author *Cabbalæ* hæc *Numeralia Hieroglyphica* ipſe inſtituit, Myſteriāque Numerorum poſtea ad res minores extendebantur, neutra quidem Hypotheſis contra noſtram Interpretationem quicquam facit. Nūmnam enim ſequetur, quia *Moſes* Notas *Hieroglyphicas* ex ſex tantū Numeris fecit, ut monumenta ſint Naturæ cētorum quorundam Phænomenōn Univerſi, eos propterea, qui hujus *Cabbalæ* participes fuerint, nunquam eoſque Imaginationi ſuæ indulturos eſſe, ut *Numeralia* hæc *Myſteria* ac ſimilitudines ad res alias extenderent; immō nē tunc quidem, poſtquam procedente tempore, primi finis ſcopique horum *Hieroglyphicorum* notitiā perdidiffent, & per ignorantiam & oblivionem, primitivam eorum occaſionem planē neſcirent?

Quamobrem, quod hæc *Numeralia Myſteria* ultrā extenſa ſunt quā ad ſex dierum Creationem, nullum argūmentum eſſe poteſt contra *Cabbalam* Philoſophicā; præſertim ſi conſideremus, quod hi ſex Numeri cujuſque Diei opus tam exquisitè ſignificant, quodque \* nullus *Tetractys Pythagorica* ſenſus tolerabilis eſſe poteſt, niſi *Hieroglyphicum* ſupponamus quartæ Diei Creationis, quæ intenditur tanquam compendiola comprehenſio, magiſve generica Initiatio in totam *Cabbalam Philoſophicā*. Cujus Concluſiones tam immenſi ſunt ponderis atque dignitatis, ut dignæ videantur illā Religione Juramenti ſuprà memorati. Ubi, ( ut *Meurſius* planē probat ) juratur per *Pythagoram*, aut ſaltem per eum, qui *Tetractys* traditionem primus impertiverit.

*Denar. Pythagoric. cap. 6.*

3. Quæ ſi notitia tantū eſſet Numeri quatuor Elementorum, *Ignis, Aquæ, Terra, Aeris*, aut ſimilitudinis quam *Mens, Anima, Opinio, Corpus* ad quatuor primos Numeros gerat, 1, 2, 3, 4. ( quæ tamen ſatis inepta & diluta eſt in omnibus præterquam in ultimo, ſi ſeveriter rem examinare vellemus; ut & res ipſæ collectæ ad conſtituendam *Tetractyn*, omnino coactæ ac quaſi obtorto collo huc attrahuntur & coagmentantur ) Hæc, inquam, quæ prætenduntur, Myſteria, adeo nullius momenti ſunt, ut impoſſibile ſit ea tantam primo eorum Authori venerationem conciliare potuiſſe, ut *Myſtæ* per eum, in ſeriis ſuis tranſactionibus religioſè jurarent.

Nec tamen juratio eſſe poteſt per *Tetragrammaton* ſive nomen *Jehovah*. Nam *Tetractys* perinde atque *Tetras* ( quæ pro ea promiſcuè ponitur, quāque veriſimillimum eſt ſolam futuram fuiſſe appellationem niſi *Metri* ratio obſtiſſet ) non ſignificat Nomen quatuor literarum ſed ſimpliciter Numerum quaternarium; Numerūque eſſe non Nomen, reliqui Numeri omnes *Denarii Pythagorici* teſtantur, perinde atque conſtans Authorum Interpretatio, quemadmodum videre eſt apud *Meurſium*. Præterea, Οὐ μὰ τὴν τετρακτὴν, falſa eſt Syntaxis, & Οὐ μὰ τὴν ἡμετέραν ψυχὴν παρὰ τοὺς τετρακτὴν, falſa Proſodia. Tam parum cauſæ ſubest ut quiſquam ullam aliam Interpretationem ſomnet præter eam quam nos dedimus, nempe, Jurationem eſſe per eum, qui per modum Traditionis ( idem *παράδοξα* innuit ) tam egregiam ac præſtabilem Scientiæ partem impertiverit, quā quæ quartæ diei Creationis Interpretatione ſit comprehenſa, cujus *Tetractys* Symbolum eſt ac neceſſarium monumentum, quod certò animum ad illius memoriam revocabit; quippe quum ſecundū maximè notabilem ſuam proprietatem illi Diei applicari non poſſit, niſi quatenus ille Dies intelligitur, quoad generaliora Univerſi lineamenta Creationem rerum omnium complecti, unde neceſſariò ſupponitur *Planetas* totidem *Terras* eſſe, cum reliquis nobilioribus illis Philoſophiæ Concluſionibus, quæ indè dependent. Quæ Scholæ *Pythagoricæ* ſententia fuit, quemadmodum planè apparet ex *Ariſtotele* in libris de Cœlo. Ubi ait *Pythagoreos* aſſerere, *Ignem*, hoc eſt, *Solem*, in medio Mundi collocari, τὴν γῆν ἐν τῶν ἀστρον ὀν. *Terram* verò unum ex *Aſtris* eſſe: *Planetas* intelligit. Ceterū quod *Planetas* etiam pro *Terris* habuerint, ex eis apparet quæ addit. Ἐτι ὁ οὐρανὸν ἀλλήν ταύτην κατασκευάζουσι γῆν, ἢ ἀντίχθονα ὀνομαζομένην. Præterea aliam faciunt *Terram*, quam *Antichthona* nominant, huic noſtræ è regione oppoſitam. Quæ proculdubio nihil aliud erat præter vicinum noſtrum ex adverſo ſitum Planetam, ſive *Terram*, *Lunam* vulgò appellatam. Sic enim nominatur apud Veteres, *Terra ætherea*, ut apud *Plutarchum* τῇ Ὀλυμπία, ceteriorque illius pars Ἀντίχθον & Παρσεφόνη, quemadmodum & altera Ἠλύσιον πεδίον. Tractu temporum hanc ſolidiſſimam Philoſophiam ſuperſtitioſis commentis adulterante. \* Hoc verò ſufficit ad reſciſcendam *Pythagoræ* opinionem de *Planetis*, quod pro tot *Terris* eos utique habuerit.

*Vide Selden. de Diis Syris, Syntagm. 2. c. 13.*

*De Cælo, lib. 2. cap. 13.*

*Macrobius in ſonn. Scip. lib. 1. cap. 11. Plutarchus de ſacie in Orbis Luna.*

*Tetractys*

Vide Joban.  
Alcurs. De-  
nar. Pythag.  
cap. 6.

*Tetractys* igitur pro *Cabbala* operis hujus quartæ diei ponitur, quo plenè methodicèque explicato, Mystisq; facultates suas adeò indè consummatas, mentisq; illuminatas deprehendentibus, meritò fieri potuit ut id talem ab eis venerationem extorqueret, quæ religiosè eos induceret ad jurandum per primum illius Authorem. Quemadmodum & dicitur ipse *Pythagoras* formâ usus esse: facileque possum credere de primitivis *Pythagoreis* universis, eodem eos sensu jurâsse, quo *Pythagoras* ipse juravit, nempe, per primum tam sublimis stupendæque Sapientiæ communicatorem. Quæ, (quemadmodum notavi ex *Iamblichō*) *Σεοπαρεδδωκε* dicitur, Sapientia à Deo ipso tradita. Quod Jurationem ipsorum extra omnem Reprehensionem Culpamque constituet.

4. Quamobrem cum hæc exquisita sit aptitudo & congruitas, in applicandis hisce Numeris *Pythagoreis* (quamvis universis non utamur) ad opera sex dierum Creationis, est planè demonstratio Philosophiam *Pythagoricam* de *Systemate Mundano*, eandem ferè fuisse quæ antiqua *Cabbala* Judæorum.

5. Præterea, in præsentī hoc Mysterio, non tam pauci ex Denario *Pythagorico* adhibentur Numeri, quàm prætenditur. Numerum enim *Septenarium* demonstravi admodum aptè significare Septimi Diei Requiemem. \* Numerus verò *Denarius* emergit ex *Tetracty*, prout suprà notatum est. Adeò ut octo Numeri è *Denario*, planè demonstrati sint naturaliter ad *Cabbalam Judaicam* pertinere. Et certè quòd antiqua *Judæorum* Sapientia usum Mysticum *Octonarii* in sua Religione agnoverint, mihi ex eo manifestum videtur, quòd Circumcisio constituta esset *Die octavo*. Qui quidem Numerus cum primus Cubus sit, idoneum Symbolum est stabilitatis illius fœderis quòd Deus cum Judæis fecit in Circumcisione: Et *Pythagorei* quidem *Octonarium* *Ἀσφάλειαν* appellant, quæ illam securitatem significat, quæ ex fœdere fit. Et, nisi nimis sollicitus videri possem in re tam exigui momenti, non difficile esset loca ex sacris Scripturis proferre, ubi *Novenarius* meritò censerī posset sensu *Mystico* minimè destitutus. Tam parvam rationis speciem præ se fert, ut quis usum Symbolicum primorum decem Numerorum, *Pythagoricum* tantum esse pronunciet, nec ad *Cabbalam Judaicam* pertinere.

Vide Phil. Jud.  
Παρι τῶν τῶν  
ἀποκαλύψεως  
τα συνόδη.

6. Quibus omnibus addi potest, nec *Pythagoreos* ipsos, nec sacros Scriptores, Mysticum Numerorum usum ad *Denarium* restrinxisse, sed expatiari utroque in alios numeros magis compositos. Unde ulterior accedit evidentia, quàm irrationalis ac invalida sit illa Allegatio contra *Cabbala Philosophicæ* veritatem ex admirabili aptitudine & congruitate Numerorum, qui cujusque diei Creationis symbola sunt, conclusam, nempe, plures esse Numeros Mysticos quàm dictis diebus applicentur: Ac si, cum multi Numeri Mystici sint qui septem dierum Numerum longè excedunt, applicandi tamen essent hisce septem; vel, quia inapplicabiles sunt, isti, qui tam manifestò applicabiles sunt, non rectè essent applicati.

Atque sic spero me, primæ parti hujus primæ Objectionis de Numeris, plenè satisfecisse. Qui quidem, quantum ego existimo, si accuratiùs perpendantur, soli (propter eorum aptitudinem, naturæque ac proprietatum significantiam) abundè nos persuadere possunt de certitudine illius partis *Cabbalæ Philosophicæ* quæ primo Capite *Geneseos* comprehenditur: Et in qua Prælibatio etiam est illustrium earum Veritatum quæ plenioribus circumstantiis in secundo tertioque traduntur.

## SCHOLIA

### In CAP. II. SECT. I.

Exam. Gener.  
pag. 110.

**A**D sex dierum Creationem esse inadæquatos. Id quod S. A. nobis expressim objicit. Nos nempe ex Numerorum aptitudine veritatem *Cabbalæ* concludere, Non obstante quòd *Pythagoras* ipse ultra senarium progressus sit, & Numeros, non veluti Symbola Hieroglyphica rerum creaturarum, sed tanquam Causas Exemplares & Principia Harmonica rerum agnoverit. Duo autem hæc obijciuntur, Primum est quòd *Pythagoras* ultra Senarium progressus sit, Numerosque usque ad Decadem produxerit, cum tamen sex tantum dies sint Creationis. Alterum, quòd Numeros non tanquam Symbola Hieroglyphica, sed tanquam causas rerum exemplares statuerit.

Atque equidem primam illam Objectionem alicujus esse momenti facile concederem, si nec *Septenarius* nec *Denarius* ad Creationem ullo modo referri possent. Nunc verò cum manifestè aptitudine, nè dicam necessitate (quemadmodum in hac ipsa Defensionis Appendice demonstro)



demonstro) cō referantur; ( Nam Septenarius Sabbati sive Cessationis Dei ab operibus sex dierum Symbolum est, nec quarti Diei opus rectè intelligi potest nisi ad Tetractyos potentiam attendamus, quæ Denarius est & idoneum Universitatis rerum creatarum Symbolum, quippe omnes Numeros in se continens: ) hinc palam est, quàm proclive foret Pythagoreis, ipsique ad eò Pythagoræ Numerorum Mysteria ad Decadem usque extendere, quamvis primitus Mysteria non suppetere, quæ Octonario & Novenario applicarentur, saltem quæ ad Creationem pertinerent. Quomodo verò aliunde supplementa fieri possent hoc ipso in capite subindicavi.

Addam verò hæc porro, quæ ad eruditissimum virum Christianum Knorrium scripsi de usu ac natura decem Sephirotharum, quippe quæ spero hanc difficultatem penitus sublatura, palamque factura satis causæ subesse etiam è Traditione Judaica, cur Pythagoras ultra Numerum Senarium progressus sit, utpote qui Mysteria non tantum Bereshith, sed & Mercavæ, non solum Physicæ, sed & Metaphysicæ Judaicæ Arcana participaverit. Sic igitur ad virum doctissimum scripsi. Quantum ad me ego certè Sephirothas credo (sicut & tu vertis) Numerationes omnino significare, esseque nihil aliud quàm Numeralia quædam Repositoria maximorum Mysteriorum antiquæ Cabbalæ Decadem non excedentia, manuumque digitis decem, super quos res numerare solent, respondentia, Denariumque Pythagoricum hinc originem suam traxisse. Varias verò Notiones vel Nomina ad singulos Numeros relata fuisse; quemadmodum observare licet apud Johannem Meursium in Denario suo Pythagorico: Quanquam multa quidem illic notata Nomina spuria sunt, Modi tamen referendorum satis amplum est exemplum.

Sephiroth verò, sive Numerationes Cabbalisticæ duum fuisse generum puto, Physicas & Metaphysicas. Physicas fuisse Repositoria Mysterii Creationis sive Mundi, aspectabilis præcipue, subindicatis interim & invisibilibus ejus incorporeisque Principiis. Septem autem primæ Sephiroth huic rei maximè inserviebant, septem diebus, (sex primis Opera, septimo Quietis) applicata; & sic quidem ut singuli Numeri imaginem quasi ferrent rerum quæ singulis diebus appropriantur, sicut fusè demonstravi in Cabbala mea Philosophica. Nec omnino hic otiaur decima Sephirah, sive Denarius quatenus ad Quaternarium referri potest, tanquam illius Potentia. Tot è decem Numeris sive Sephiroth, Mundi aspectabilis Creationi illustranda inserviebant. Quantum verò ad Numerationes Metaphysicas, id maximè notatu dignum est, eas totum Denarium complecti & in duas partes dividi, tribus prioribus ipsi Divinitati, septem reliquis Creationi Spirituali & invisibili applicatis. Ità ut septem postremæ Sephiroth Repositoria sint & capsula quasi rerum omnium creatarum Spiritualium & Invisibilium, (quemadmodum septem, vel magis præcisè, sex primæ, rerum corporarum & aspectabilium,) tres verò primæ, quod dixi, Sacrosanctæ Trinitatis, &c. Vide ipsam Epistolam Tabulis Cabbalisticis præfixam. Nimis enim esset si cetera huc transcriberem. Ex his facile intelliget S. A. fuisse apud Judæos magni momenti Mysteria quæ totam Numerorum Decadem adimplerent, nec ullas lacunas relinquerent quò minus Pythagoras Numeros suos Mysticos ad Denarium usque extenderet. Quippe cujus Denarius non ad Bereshith tantum sed ad Mercavæ Mysteria pertinere intelligitur. Neque enim dubito quin Judæorum decem Sephiroth & Denarius Pythagoricus ab eadem origine profluxerint.

Ac proinde meritis cessare debet S. A. urgere, Si Pythagorici in suis Numerorum Mysteriis ad Historiam Creationis respexissent & Numeri ipsis fuissent operis cujusque diei Symbola, tum substitissent in Senario. Hic ipsis potius fuisset dextas dictus quam Denarius, utpote re ipsâ dextas seu Numerus omnia Creationis opera comprehendens. Nam ipsam Cabbalam Philosophicam Numeros ad Denarium extendisse manifestum est, nec ad solum opus Bereshith, sed ad Mercavam etiam applicavisse. Ut omittam quàm ridiculè expectetur à S. A. ut Pythagorici Senarium dextas vocarent, quasi ipsa prima numerorum nomina à Pythagoricis imposita fuissent. At verò quod tantundem valet, Senarius ab ipsis ὡς ἀριθμὸς vocatur, quòd die sexto tota Creatio perfecta esset. Addeque Tetractyn, quæ speciali modo ad Creationem refertur, etiam Decadem in se potentia continere, & eo ipso quarti diei opus mysticè illustrare. Ad eò omnia ex voto D. Samueli Andree hic succedunt.

Quantum verò ad alteram Objectionem, Quòd Pythagoras Numeros non veluti Symbola Hieroglyphica sed tanquam vera rerum Principia agnoverit, equidem si verum id esset, haud mediocrem, fateor, vim haberet ad subvertendam nostram opinionem. Homo verò, qui ità solida aliàs Philosophiæ principia imbiberit, eorumque capax fuerit, ut idem eoque deliraret ut ipsos Numeros non Symbola quidem, sed elementa ipsa ac principia rerum existimaret, tantæque cum reverentia ac sanctimonia tales Nugas ac Quisquilias discipulis communicaret, superstitiosæ quædam aut affectatitiæ gravitate & auctoritate eorum fidei obtruderet, res adeò absona est & ab omni ratione aliena, ut apud neminem nisi

vecordem admodum, summæve laborantem præjudicio ullam fidem possit obtinere.

Fateor equidem Aristotelem, ut erat paulò pugnacior & disputationibus addictior Philosophus, in libro decimo tertio & decimo quarto Metaphysices, ( si tamen isti libri Aristotelis sunt, qua de re docti inter se dissentiunt ) absurdam hanc Pythagoreorum opinionem prolixè confutare. Et Alexandrum apud Laetium, in Commentariis Pythagoricis notare, ex Monade Numeros, ex numeris Puncta, ex punctis Lineas, ex lineis planas Figuras, ex planis solidas, ex solidis Figuris Corpora solida, ut Ignem, Aquam, Terram, Aërem constare, &c. Sed enimvero, etiam ex aliis quas Alexander Pythagoreis ibidem ascribit, manifestum est etiam illius temporibus Cabbalam Pythagoricam corruptam esse. Et tamen quod censet Vossius, Hic est ille Alexander Polyistor, qui Olympiade CLXXIII, imperante, in Ægypto, Ptolemæo Lathyro, florebat. At verò si duo illi ultimi libri Aristotelis genuini sint, ducentis trecentisve antè annis corruptionem istam factam oportet, nisi quòd Aristoteles censi possit ex incerta tantum fama istas opiniones tanquam Pythagoricas accepisse, avidèque occasionem amplexum esse eas confutandi, cum tamen Pythagorei ipsi eiu temporibus eò vecordia nondum prorupissent. Aristotelem verò non rectè semper veterum Philosophorum sententias intellexisse, notissimum est. Famam autem illam incertam à Symbolico illo ortam esse apud Pythagoreos loquendi modo ( quibus frequens in ore erat,

----- Ἀριθμὸν δὲ τε πᾶν ἐπίκειν )

in Epistola ad V. C. satis monuimus. Tantum addo Philoponum nobiscum sentire hac in re, qui in Metaphys. lib. 1. sic scribit: Pythagorei dum volunt sapientiam suam occultam facere cerdonibus, Symbolicè tradiderunt disciplinas, dicentes Unitatem Mentem, Binariam Animam, &c. Ipseque S. A. merito τὸν Πυθαγόρειον Φίλωνα, Philonem Pythagoreum à Clemente Alexandrino vocari asserit, quòd Numerorum Mysteria ex Principiis Pythagoricis capiat. Capiat autem Philo tanquam Symbola rerum quibus represententur, non tanquam Principia ex quibus consistant. Et paulò post, Exam. General. pag. 8. idem S. A. de Pythagora ac Platone differens, Erant hi, inquit, Philosophi Matheseos studio imprimis addicti. Unde illud solenne eorum in Scholis monitum, ὅδεῖς ἀγεωμετρῆσαι εἰσὶτω. Non ergo mirum si quæ hauserant secretiora de Deo & ortu Universi, quæ eis τῶν ὀχλῶν ἀγνοῖαν ἔκ τῃ ἐξενέχεῖν, ( uti Josephus ex mente Platonis loquitur, lib. 2. contra Appionem ) Mathematicis Enigmatis involuta discipulis suis voluerint tradere. Hac ipse S. A. ultro profert. Addamque è libro primo contra Appionem, Pythagoram pleraque è fonte Judaico hausisse, attestante eodem Josepho, hisce verbis: Πυθαγόρας τοῖνυ ὁ Σάμιος ἀρχαῖος ὢν, σοφία δὲ τῇ περὶ τὸ θεῖον ἐντέλεια πάντων ὑπερλήμψας διέβλεπεν τῶν φιλοσοφησάντων ἢ μόνον ἐγνώκως τὰ παρ' ἡμῶν ὅμοιος εἶναι, ἀλλὰ καὶ ἡλικώτεροι αὐτῶν ἐκ πλείους γεγεννημένοι. Unde constat quàm serio studio Pythagoras Mosaica Mysteria imbiberit, & quàm capax eorundem fuerit, propter eximiam pietatem ac sapientiam, & quàm sedulus futurus eorum per Enigmata Arithmetica celator ne quid in profanum vulgus emanaret, juxta ipsius S. A. sententiam. Quapropter apud ipsum S. A. manifestum esse debet Numeros Pythagoricos non Ideales causas, internatæve Principia fuisse rerum, sed earum tantum Symbola vel Similitudines.

Ex agnitis vera hisce Numerorum, cum rebus, Similitudinibus, factum est ut extranei, qui Pythagoreorum mentem perperam intellexerint, Similitudines has in Ideas rerum verterent, nec eo contenti primas Essentias facerent, cum nihil tamen ab essentia substantiæve natura magis distet quàm Numerus; quippe quæ Notio tantum secunda est non res, ut norant omnes qui vel primoribus labiis veram Logicæ notitiam degustaverint. Nec sane difficeat quin prolapsu temporis, per mutationes rerum ac vicissitudines, apud ipsos etiam Pythagoreos, qui tales nempe se putaverint, quemadmodum & apud Judæos, Cabbala Philosophica, quantum ad abstrusiora tum Bereshith, tum Mercavæ Mysteria penitus ferè perierit, quanquam & nomina decem Sephirotharum apud Judæos & appellationes decem Numerorum apud Pythagoreos etiamnum manerent, quorum tamen usum rationemque utrique perinde ignorabant. Unde factum est ut Judæi Sephirothas suas in Emanationes nescio quas Divinas, Pythagorei verò pari superstitione suos Numeros in Ideas primasve rerum omnium Causas exemplares & Essentias aut verterent ipsi aut ab aliis per errorem sic versas labenter amplecterentur & pro suis agnoscerent. Ac proinde cum occasio hujusmodi Nugamentorum tradendorum tam clarè pateat, & de eximia Numerorum eorundemque appellationum congruitate cum sex dierum Creationis Operibus in Cabbala nostra Philosophica ( ut de usu Sephirotharum genuino in Catechismo Cabbalistico ) satis constet, nec nisi temporis successu prima Cabbalæ puritas possit corrumpi, equidem admodum temerè à S. A. affirmatur, & contra suam ipsius sententiam supra allatam,

Pythago-



Pythagoram ipsum, ( nè dicam proximos illius successores ) Numeros non veluti Symbola Hieroglyphica rerum creaturarum, sed tanquam Causas exemplares & principia Harmonica rerum agnovisse.

Seç. 2. Nullus Tetraçtyos Pythagoricæ sensus tolerabilis esse potest, nisi, &c. Quæ S. A. contra hanc sententiam objicit, mihi notissima erant etiam tum cum Cabbalam meam Philosophicam scripsi: Plutarchum nempe Tetraçtyn, quæ in juramento illo Pythagorico occurrit, ad Mentem, Scientiam, Opinionem & Sensum, quatuor illas Animæ facultates applicare; & tum ob hoc, tum etiam quod universus Numerorum ambitus κατὰ μὲν ἑξάδα quidem in Decade, κατὰ δὲ τετράδα vero in Tetrade contineatur, summum Pythagoreos juramentum fecisse τὴν τετράδα, apertè statuere; Nicetam ad quatuor elementa retulisse; Plutarchum rursus τετραçtyn de Numero XXXVI, qui ex quatuor primis paribus imparibusque numeris componitur, intelligere; & Seldenum denique ad nomen Tetragrammaton יהוה referendum censere. Quæ quidem omnia Interpretamenta tanquam levia admodum pessimèque fundata datâ operâ partim neglexi, partim confutavi. Quippe quum duo priora præterquam quod nihil in se contineant majestate solennitatèque Juramenti dignum, à veritate etiam valde sunt aliena, nec rectè Quaternario possunt applicari. Neque enim Quaternarius omnes Animæ facultates exhaurit. Præter Sensum enim, Opinionem, Scientiam & Mentem sive Intellectum, datur etiam Phantasia & Memoria. Nec ipse Plutarchus quomodo Quaternarius sensui applicandus sit, explicat. Quinarius ipsum aptius representaret. Et ex duabus præmissis positis, Opinio perinde oritur atque Scientia. Adèò nulla causa est ut Binarius Scientiam potius representet quàm Opinionem. Immo cum dubia res sit Opinio, Binarius magis idoneus est ad opinionem significandam, quippe quam dubitatio semper comitatur, quam significantissimo vocabulo Græci διδωιασµὸν vocant. Hæc igitur Quaternionis significatio Pseudo-Pythagoreorum quorundam merum delirium est vanumque Insomnium. Equidem fateor illam Quaternarii proprietatem quâ omnes Numeros κατὰ δὲ τετράδα in se contineat, à genuinis Pythagoreis agnitam & usurpatam, sed tanquam summi Mysteriorum Symbolum, quod in Defensione Cabbalæ Philosophicæ explico, nec hic repeto. Istam verò nudam Quaternarii proprietatem nullo sensu Symbolico imbutam, occasionem dedisse sanctissimo huic Pythagoreorum Juramento, tam stolidam ac vesanā opinio est ut risu potius & explosione excipienda sit, quàm seriò refutanda. Nemo nisi summâ labore recordi, adèò absurdè de tam inclytis Philosophis sentire potest.

Exam. Centr.  
pag. 110.

Nec tamen minus absonum est, quod Nicetas vult, nempe ad quatuor elementa Tetraçtyn referri, quasi ex istis omnia fierent. Quod ut falsissimum est, ita quatuor Elementorum doctrina res adèò vilis atque obvia est, ut planè impossibile sit ut hæc solennitatem sanctitatemque Juramenti mereretur. Nec ipsi profectò Objectori multum arridet. Qui interim de prima tertiæque Explicatione paulò majorem spem se concipere profitetur. Qualis autem prima illa sit jam vidimus. Et pari quidem vanitate laborat ipsa tertia. Nam composita illa Tetraçtys ex quatuor primis paribus imparibusque numeris, qui conjuncti XXXVI efficiunt, res perinde trivialis est & frivola, atque illa simplex, si omni sensu Symbolico destituatur, parique intervallo apud tam sanctos scientesque Philosophos à Juramenti sanctitate distabit. Quis autem sensus illius Symbolicus sit, suprà dictâ Defensione explico, Lectorèmq; eò remitto.

Supereft tandem Seldeni nostratis explicatio, qui τετραçtyn ad nomen Tetragrammaton referendum statuit; Quasi Juramentum esset per nomen Jehovah. Atque hoc certè satis consistit apprimève convenit cum Juramenti sanctimonia; sed Syntaxis Grammatica (quemadmodum in ipso Textu jam satis apertè monui,) hanc interpretationem planè respuit. Vult enim Seldenus τὴν τετραçtyn conjungi, quasi τετραçtyn idem esset atque Jehovah, nempe nomen Dei, quod nè Tetragrammaton quidem est, sed Jehovah dicitur nomen Dei Tetragrammaton; i. e. Nomen Dei ex quatuor literis conflatum. Adèò ut demirer hominem, alias satis doctum, tam fædè hac in re hallucinatum esse, & ἀσυνταξίαν hanc ex priscorum Mysteriorum, qui Deorum sexus confundebant, quos ἀρρενοθήλει dicebant, excusare voluisse. Neque enim Tetraçtys Dei magis nomen est quàm Tetragrammaton, sed numerum tantum literarum nominis illius, utraque indicant, nempe si Tetraçtys etiam ad יהוה referatur. Quam propter hanc ἀσυνταξίαν palàm est, eo sensu quo vult Seldenus, non referri.

Cum verò τετραçtyn nihil aliud sonet quàm τετράς, & in usu apud Pythagoreos sit sub uno numero multas res, quarum ille Symbolum esse possit, abscondere, vel tanquam in Repositorio μνημονεύειν recondere, τετραçtyn etiam ad יהוה sic referri posse non abnuam, ut Juramentum intelligatur fieri per eum qui Mysteriorum τετραçtyn tradidit, continentis nempe fontem ac radicem æternæ vel perennis nunquàmve definentis Naturæ, doctrinam scilicet de illo Fonte ac radice, qui primo loco & tanquam Origo maximè prima

est יהוה literarum nominis Tetrade insignis. Cujus etiam Triunitas (cū unum & tria faciunt quatuor, prout Reuchlinus notavit) in hac Tetracty recondi potest, idque admodum consonanter Doctrina Pythagoricæ, quippe qui Triunitatem Divinitatis tenuerunt. Præter autem hoc Mysterium Tetragrammati, (cujus Nominis vi Pythagoras fortean aliquando miracula cecidit) & Divina Triunitas, (quorum utriusque satis aptum est Symbolum Tetractys) cū symbolum præterea perinde idoneum sit, quod universalem Mundi Creationem referat, Spiritu Naturæ pollentis rerūque generationes perpetuantis, die quarto descriptam, (quemadmodum fusè explicavimus in Defensione Cabbalæ Philosophicæ ejusque Appendice, nec opus est hic repetere) minimè mirandum est etiam illius Mysterii esse Repositorium; ut nec omittam huc referri posse quatuor Animalium quatuorque apud Ezechielem Rotarum Mysterium, cui quidem pandendo Philosophia Pythagorica haud incommoda clavis est. Adde ut sensus Juramenti, Οὐ μὰ ἤ, &c. hic sit: Non per eum qui nobis tradidit summa rum Physicæ tum Metaphysicæ Judaicæ Mysteria sub Tetractyos Symbolo recondita, hoc est, Non per Jehovah, quippe omnium primum Traditorem. Quod profectò Juramentum est sanctitate profundæque Sectæ Pythagoricæ sapientiā nequaquam indignum.

Ex hac autem explicatione, quam ex Seldeno & Reuchlino vir doctus in medium protulit, quæque à me multis modis emendatior facta est & correctior, opinio nostra de Pythagora, quod Sapientiam suam è fontibus Judaicis hauserit, mirificè corroboratur. Quam igitur explicationem, cū tam accommodam rebus nostris fore prævidisset, prima tertique per invidiam, posthabuisse merito censendus est noster Antagonista. Sed ea de re ipse viderit.

Interea loci non abs re fore puto eos Philologos aggredi, quorum meminit eruditus Author Systematis Mundi Intellectualis, qui Juramentum in Disticho Pythagorico, per Tetragram sive Tetragrammaton fieri statuunt, hoc est, per Jehovah, nomine Dei pro Deo ipso posito, juxta illud Rabbiorum dictum יהוה שמו ושמו יהוה, Ipse nomen suum est suūque Nomen ipse, ac si sensus istorum verborum,

Ναὶ μὰ ἤ ἀμετέρα ψυχὰ παραδόντα τετραγράμ  
 Παγὰν ἀεὶ ἀνὰ φύσιν -----

hic esset; Per Tetragrammaton sive Jehovah qui communicavit seipsum, sive fontem æternæ Naturæ nostris Animabus, quippe secundum doctrinam Pythagoricam ex mente Divina carptis & delibatis. Ad Philologos igitur istos respondeo,

Primò, Tinnulum istud reciprocūque Rabbiorum dictum sensu Politico & forsan magis arcano mysticōque intelligendum, perperam heic & quasi obtorto, quod aiunt, collo ad fædissimum Solacisimum Grammaticum defendendum vel invitum trahi. Neque enim illud dictum Rabbinicum sensu Grammatico accipiendum est ad absonas excusandas ἀσυνταξίας, sed ad significandum, ubi nomen Jehovah alicui persone imponitur, non esse inane Nomen in Scriptura, sed rem ipsam subesse. Ut ubi Angelus fæderis & Dux Israelitarum Jehovah dicitur, Jehovah ipsum isti persona subesse innuit; ac reverà fuisse Christum Animæve Messia æterno Logo conjunctam, &c. Ut omittam nomen & rem, vocari & esse idem frequenter apud Hebræos significare, adde ut ex communi isto Lingua Hebraica Idiotismo dictum illud Rabbinicum multis in locis exponi possit, quem tamen Idiotismum omnes Syntaxis leges irritas facere nemo sanus statuerit.

Deinde, quod & suprà monui, ne Tetragrammaton quidem, multoque minùs Tetractys est Nomen Dei, sed Jehovah. Adde ut demirari satis nequeam horum oscitantiam Philologorum, qui tam incondita & malè coherentia Insomnia Orbi literato propinant, nec Tetractyn sive Tetrada perinde atque reliquos Numeros Pythagoricos Symbola esse permittunt (ut certè Hierocles eo loco ubi ait, "Εἰ δὲ δημιουργὸς τῶν ὄλων ἔστι αἰτία ἡ τετρας, θεὸς νοῦλος, &c. Symbolum pro re significata ponit) sed propria nomina volunt esse, immo res ipsas, quarum tantum Symbola sunt sive Repositoria μνημονευτικά. Cū luce profectò clarius sit Tetractyn non esse nomen Dei, sed Tetragrammati Repositorium duntaxat, uti & aliorum Mysteriorum quorum sit idoneum Symbolum. Ac proinde quomodo [Ipse Nomen suum est suūque Nomen ipse] cū Tetractys nomen ipsius non sit nedum ipse Deus, crassum illum Solacisimum excusare possit, ego quidem nequaquam video.

Tertiò, Si [παραδόντα] Essentia Divina animabus humanis communicationem, sive μετὰδόνειν significare debuisset, vocabulum μετὰδόντα non παραδόντα adhibitum fuisset, cū usitatissima vocis παραδόναι significatio ad doctrinarum Mysteriorumve traditionem pertineat, quo sensu non ego solum sed alii plerique omnes hoc in loco accipiunt.

Quartò, Si παραδόντα idem heic sonet atque μετὰδόντα, & [Παγὰν ἀεὶ ἀνὰ φύσιν] ipsam Divinam Essentiam indiget, nostris animabus, quippe ex Divina mente carptis &



& delibatis, communicatam, id quidem admodum durum Paradoxum est & Doctrina Pythagoricæ omnique sanæ Sapientiæ contrarium. Dum enim animos nostros ex mente Divina carptos esse ac delibatos supponit, Mentem Divinam supponit discerpibilem, ac proinde corpoream. Adcò ut Philologi isti, qui huic sententiæ favent, Philologiam multo plus polere videantur, quàm solidâ ratione aut acumine Philosophico.

Quintò denique, plena Formula Juramenti Pythagorici sic est :

Οὐ μὰ τὸ ἀμείλιπον ψυχᾷ παραδόντα τετρακτῦν  
Γαγὰν ἀέναν φύσιν, ῥίζωματ' ἔχουσαν,

quemadmodum reperitur apud Sextum Empiricum passimque apud alios Scriptores, nec probabile est primitus plenum non fuisse Distichon ; ( nisi monostichon solummodo fuerit ) cuius igitur sensus hic foret secundum hos Philologos :

Non per Tetractyn qui Animæ nostræ communicavit  
Fontem æternæ Naturæ, Radicemque habentem.

Qui sensus planè mancus est & imperfectus, cum plenus & nativus sensus sit idemque noster :

Non per eum qui animæ nostræ tradidit Tetractyn  
Fontem perennis Naturæ Radicemque habentem.

Hic sensus plenus est, concinnus & perspicuus. Alter verò præterquam quòd mancus, falsus est præterea. Neque enim Fons æternæ Naturæ, Deus utique ipse radicem habet unde pululet, sed Radix ipsa est rerum quidem omnium.

Atque hæc breviter ad confutandam hanc absortam Opinionem dictorum Philologorum opera pretium putabam asserere, cum eruditissimus vir ad alia properans, eam proponere tantummodo contentus esset, confutationem verò illius ipsi visum sit prætermittere ; quippe quam forsitan vix dignam confutatione putavit ; præsertim si cum simplici nostra Juramenti Pythagorici Interpretatione conferatur. Ubi nihil coactum aut violentum, nihil durum aut distortum est, nullâque ullius Legis est aut Grammaticæ aut Philosophicæ violatio. Sed omnia & inter se & cum Historiarum fide sententiæque pleorumque omnium Philosophorum, aliorumque quidem Philologorum apprime conveniunt. Quam Interpretationem nihil attinet hic repetere, cum tam plenè jam pluribus uno locis descripserim.

Brevem hanc tantum hic adjiciam Distichi Paraphrasin. Per eum qui nobis tradidit Tetractyn, Numerum nempe illum Symbolicum, habentem sive continentem in se, tanquam apto istiusmodi rerum Repositorio, Fontem ac Radicem perennis Naturæ. Quibus Deus primo in loco innuitur ( ad quem nomen Tetragrammaton תטרה spectat ) tanquam primus omnium Fons ac Radix : Et Spiritus Naturæ cum Materia Mundana universa, in secundo, qui perennis Naturæ Radix secundaria est atque Fons, cuiusque ope Generale Mundi Systema prout quarto die describitur in Cabbala Philosophica, constitutum est, rerumque ac Seculorum perennis facta successio. Per Tetractyn igitur non juratur, sed per eum qui Tetractynos Cabbalam tradidit, quem non nego fuisse ipsum Jehovah, per eumque primitus Pythagoram jurasse, licet supersticiosi Pythagorei postea meritis dici possint jurasse per Pythagoram. Id quod fecisse eos testantur Iamblichus, Hierocles aliique. Et ad eum planè sensum, Juramentum Hierocles interpretatur, nempe tanquam, per Pythagoram, factum qui Tetractyn discipulis tradiderit.

Quod quidem Juramentum in Aureis Carminibus, dum in altero Versiculo mutilum conspicio, invictam ferè mihi suspicionem injicit, nè id quidem quod superest illius versiculi, esse genuinum, sed totum versiculum spurium quoddam esse segnèque assumptum, explicationis causâ à recentioribus aliquibus Pythagoreis superadditum, sed priscam Juramenti formulam, ( quod & supra obiter subindicavi, ) Monostichon fuisse, & nunc assertativè nunc negativè, in rebus maxime seriis, prompto hoc & expedito modo usurpatam.

Ναὶ μὰ τὸ  
vel } ἀμείλιπον ψυχᾷ παραδόντα τετρακτῦν.  
Οὐ μὰ τὸ }

Quæ quidem forma satis plena est, alterâque multò rotundior, clarior atque etiam comprehendentiore, ut quæ in genere significat magna aliqua ac veneranda Mysteria in Tetractynos Cabbala sive Traditione contineri. Nec dubito quin sub eo Repositorio Symbolico Mysterium Creationis quarti diei, totiusque adcò Bereshith, & Mysterium quatuor Animalium &

& quatuor Rotarum totiusque itidem Mercavæ recondita essent. Sed & alibi hæc plus semel monui, & tædet profectò res tam manifestas & perspicuas tam multis repetitionibus inculcare.

Exam. Genet.  
pag. 149.

Seç. 3. Hoc verò sufficit ad resciscendam Pythagoræ opinionem, &c. Conqueritur hæc S. A. me Pythagoreorum opiniones Magistro suo Pythagoræ ascribere, cum ex Commentariis Pythagoricis constet, referente Alexandro apud Laertium, Pythagoram non tenuisse motum Telluris, &c. Sed respondeo, ὑπομνήματα Πυθαγορείων non significare illa ipsa συγγραμματα, quæ Pythagoras dicitur scripsisse, ista scilicet τὰ βιβλία διαβόητα, quæ τὸ Πυθαγόρειον δόγμα, ipsius Pythagoræ doctrinam, integrè sincerèque continebant, quos libros Philolaus solus evulgavit; sed quævis Monumenta quantumvis corrupta & depravata. Qualia proculdubio ista sunt quæ Alexander apud Laertium memorat. Quippe quæ Solem & Lunam (apud veros tamen Pythagoreos Ἀντιχώρα nostram habitam) & reliqua sydera Deos faciunt, ex eo solo quod calor in eis dominetur qui sit vitæ author; Animamque definiunt αἰθέρ & ἀπόσπασμα, partem Ætheris avullam; Homini umque cum Diis cognationem consistere ex eo quod caloris sint participes. Quæ tam crassa & absurda sunt & à Pythagoræ doctrina tam aliena, ut nihil esse possit suprâ. Nam & Pythagoras & Plato & Aristoteles, hi omnes testante Plutarcho, Ἀσώματον ἢ ψυχὴν ὑποτίθεσθαι φύσει λόγοντες αὐτοκίνητον καὶ ὁσίαν νοήσιν. Omnes incorpoream Animam statuunt, quippe substantiam intelligibilem & ex sua natura seipsam moventem. Aded ut si hæc Hypomnemata adeo spuria & depravata motum Terræ omisissent, nihil profectò contra nos faceret. Verum enimverò dubito sanè an omiserint, Terramve in ipso Mundi centro defixerint.

De Placit. Phil.  
lib. 4. cap. 3.

Neque enim ista verba à S. A. allata satis id probant. Ex illis autem consistere (nempe Igne, Aquâ, Terrâ, Aere) Mundum animarum, intelligibilem, rotundum, μέσσην περιέχοντα ἢ γῆν, καὶ αὐτὴν σφαίρειδὴ καὶ περισχυμένην. Nam μέσσην περιέχοντα ἢ γῆν potest quidem nihil amplius innuere quàm Terram à libero Æthere undique cingi, aded ut in medio Mundi rectè dici possit jacere (quanquam non propriè in centro) contra ac Plebeii imaginantur qui basin partemve infimam Mundi putant. Eousque nec ultra forsàn, ista verba satis incerta collineant. Et in sequentibus περισχυμένην legendum sit an περιχυμένην equidem dubito. Neque enim tanta est vocum dissimilitudo, quin per scribarum primitiis indiligentiam sive oscitantiam altera pro altera pingi posset, περισχυμένην præsertim pro περιχυμένην ob sensum ad capium vulgi magis accommodatum, qui à motu terræ tantopere abhorrent. Adde quod περιχυμένην cum sequentibus melius videtur coherere. Nam περισχυμένην ita consentit cum opinione Antipodum ut planè mutuo se inferant. Ac proinde si περισχυμένην vera lectio esset, subiungendum esset, ἢ καὶ ἀντιποδῶν, ut necessaria connexio horum duorum intelligatur. Jam verò cum legitur, ἢ ὅ, diversitatem innuit non autem connexionem, & duas diversas easque eximias Pythagoræ opiniones denotat, nempe Terram moveri & Antipodas dari; quæ duo erant, pro istis quidem temporibus, insignia dogmata, magnique & excelsi Ingenii argumenta. Περιχυμένην autem hanc tam de annuo quàm de diurno Telluris motu intelligi posse ex modo dictis satis patet. Aded ut hæc Hypomnemata, quanquam nihil contra nos faciunt, quippe magna ex parte adeo adulterata, in hac re tamen pro nobis facere merito censi possint. Quippe quod nemo ferè ante hoc seculum an Pythagoras motum Telluris tenuerit, unquam dubitavit, cum adeo apud omnes celebratum sit pro dogmate Pythagorico. Dogma verò esse Pythagoricum eo sensu quo Hypomnemata hæc Pythagorica dicuntur, nempe Pythagoricorum dogmata continentia, nullum dubium esse potest, ac proinde aut περιχυμένην legendum esse, aut fatendum misera rursus ac manca hæc Alexandri Hypomnemata esse dogmatum Pythagoricorum monumenta.

Sed enim ex hac ipsa Pythagoræ vita per Laertium scripta, clarè mihi constare videtur ipsius Pythagoræ fuisse dogma. Dicit enim disertis verbis Diogenes, Μίχελ ὁ Φιλόλαος καὶ τὴν γῆν νομίζειν Πυθαγόρειον δόγμα. Οὗτος ὁ μόνος ἐξήνεγκε τὰ διαβόητα τὰ βιβλία. Quæ igitur dogmata divulgavit Philolaus erant planè dogmata Pythagoræ, quæ ad illius exemplum tanto studio adhuc celata erant. Atque ad hanc igitur rationem intelligendum est quod occurrit apud Diogenem in Vita Philolai. Ubi Philolaus primus dixisse fertur (non primus illud dogma invenisse) ἢ γῆν κινεῖσθαι κατὰ κύκλον, edoctus proculdubio è libris istis qui genuina Pythagoræ dogmata continebant, ad quosque emendos Plato ad Diogenem scripsit, & ex quibus ipse Plato primum diurnum Telluris motum, mox verò jam senex factus etiam annum intellexit agnovitque, referente Plutarcho in vita Numæ. Nec dubito quin Aristarchus à Pythagora Samio, ipse etiam Samius, idem dogma, quanquam fortè non immediatè, acceperit, cuius mentionem facit Archimedes in Plammite. Ὑποτίθεται γὰρ [Ἀείρων καὶ ὁ Σάμιος] τὰ μὲν ἀπλανῆ τῶν ἀστέρων καὶ τὸ ἄλιον μένειν ἀκίνητον, τὰν δὲ γῆν περιφέρειν καὶ τὸ ἄλιον κατὰ κύκλον περιφέρειν ὅς ἐστιν ὁ μέσος τῷ δόγματι.



μα καίμεν. Libertus verò Fromondus in Ant-Aristarcho suo, cum proximè post Pythagoram ponit, immò dubitat annon sit ætate anteponeendus, sed temerè & absque omni ratione. Verba Fromondi hæc sunt, de situ Solis in Mundi medietullo quam Jovis custodiam, Διὸς φυλακὴν Pythagorici appellant, Qua in re, inquit, Pythagoram secuti Aristarchus Samius ( nisi tamen hic Pythagorâ vetustior fuit ) Philolaus, Hicetas, Seleucus, Cleanthes Samius, Leucippus, Heraclides, Ecphantus, immò Plato jam senex ut narrat Theophrastus, &c.

Et certè communi omnium consensu Pythagorica dogmata ad ipsum Pythagoram tanquam ipsorum Authorem sive Traditorem referantur. Nam & illi qui apud Plutarchum Numam Pythagoræ auditorem fuisse volunt, ex Pythagoricorum dogmatum similitudine id arguunt, & inter cetera ex situ Solis in medio Mundi à Numa perinde atque à Pythagoreis sic collocati. Nec uni Philolao attribuit motum Terræ Aristoteles sed Philosophis De Cælo, lib. 2. Italicis, Pythagoreis dictis à Pythagora qui in ea Italiæ parte quæ Græcia major appellabatur, multum diuque habitabat, quique illis istud dogma tradiderat, & ob id ipsum potissimum apud Aristotelem Pythagorei appellati sunt. Neque profectò par est ut in mentione istius opinionis Pythagorei appellarentur, nisi eam opinionem Pythagoras tenuisset. Adeò ut perversi distortique ingenii hominem esse oporteat, purumque putum Cavillatorem qui rem tam perspicuam, communique omnium rationi consentaneam negaverit, animique nimium tardi ac timidi, nisi emendandum illum locum Diogenis potius censuerit vertendumque περὶ τοῦ κόσμου in περὶ οὐρανίου, quàm dubitandum an ipse Pythagoras motum Telluris tenuerit: cum & ipse Diogenes Philolaum dogmata Pythagoræ primum divulgasse ait, & primum simul dixisse ( nempe foras illud Pythagoræ Arcanum protulisse ) Terram moveri circa Solem.

Sed quicquid de ea sit versione, palàm est fidem Alexandri in rebus Pythagoricis ferè esse nullam, quippe qui tam crassos Epicureorum aut Stoicorum errores ipsi Pythagoræ non dubitavit affingere; si quid tenuerit & non tenuerit Pythagoras, ex Alexandri testimonio definiendum sit. Plutarchus verò qui Pythagoræ pariter atque Platoni & Aristoteli doctrinam de cursu Solis per Zodiacum tribuit, manifestum est quòd sensu Astronomico intelligendus sit, non Phyllico. Nam postremò addit, Πάντα ἢ ταῦτα καὶ ἡ σφαῖρα δέχεται, delineationem cursûs Solis sensibilem, sive quoad apparentiam, indigitans. Platonem verò Solem in medio Mundi reverà immotum manere, sensisse non solum Plutarchum ipsum referentem, sed & Theophrastum supra audivimus.

Scit. 5. Numerus verò Denarius emergit ex Tetra- Exam. Gen. 7. ity emergere, quia 1, 2, 3, 4. sunt decem, id sat is ineptum & dilutum esse nobis objicit pag. 121. S. A. Quoniam hæc ratione omnes Numeri possent ex Senario educi; additque porro restare Cabbalista dicendum, cujus ergò operis Denarius Symbolum sit Hieroglyphicum. Ad quorum utrumque breviter respondeo; Ad primum, istâ ratione non omnes quidem Numeros, sed numerum 21. solum educi posse à Senario; Numerum verò 21. omnes numeros complecti, sensu concinno & adequato dici non posse. Ad alterum, Denarium ad Opera dierum omnia simul sumpta, quippe Universi omnia in se complectentis Symbolum, rectè referri. Ad quarti autem diei opus specialiter pertinere quatenus Quaternarii potentia est, qui ob id ipsum generalis Mundani Systematis est Symbolum perquam idoneum. Quarti enim diei opus non tam ad particulares Creaturas, cujusmodi sunt, Animalia & Plantæ & Maria, &c. quàm ad generale Mundi, quod vocatur, Systema attinet.

## CAP. III.

1. *Objectionum invaliditas ab inadeguata ratione Pythagoricorum Nominum Numerorum, cum eorum accumulationis causa tam facili sit detectu.* 2. *Genuina Nomina Pythagorica à spuris distingui posse, quemadmodum sincera Christianitatis doctrina, à Corruptionibus quæ postea irrepserint.* 3. *Decem alia Nomina insuper addita naturam Mundi vitæ in primi diei Creatione, illustrantia.* 4. *Alia dena adjecta quæ Hylen Metaphysicam illo die creatam illustrant.* 5. *Ἀμύξια & ἑφεξῆς παρῶν, quàm accuratè ea significant, quæ in primi diei creatione memorantur.* 6. *Ratio conspicua reddita de istis Unitatis nominibus Pythagoricis quæ ad primi diei opus nihil faciunt.* 7. *Sex alia nomina Binarii quæ secundi diei opus significant, cum ratione reddita Nominum ab eo scopo alienorum.* 8. *Nominum alienorum Ternarii ratio.* 9. *De voce Θέτις, Ἀγυιό-πεζα, & Κραταίς. Ἀπτα significatio vocis Λοξίας quatenus ad opus tertii diei refertur.* 10. *Notationes vocum אר, שש, & כוכב, quàm Philosophicæ sint, quàmque aptè insigniores Veritates Physicæ Pythagoricæ sive Judaicæ Cabbalæ significant.*

1. **N**unc verò ut secundæ parti hujus primæ Objectionis de Nominibus Numerorum quibus sum usus, respondeam, nempe, quod tametsi illa quæ produxi satis apposita sunt, quæ celavi tamen, aut aliena esse possunt & absona, aut revera cum eis quæ produxi, repugnantia; equidem, quantum ad me, tam rigidam examinationem non omnino reformido, nec dubito quin peracto computo, me plus lucri quàm damni indè accepisse sit constaturum. Prævideo enim hunc eventum fore, mihi occasionem scilicet datum iri majorem introducendi Nominum copiam ad veritatem confirmandam quam defendo, quàm hætenus usus sum, nec imparatum me deprehendo ad reddendam rationem affingendi ista Nomina, quæ ad nostram Cabbalam nihil faciunt. Quod enim dixi de inveniendis Mysteriis in novis Numeris, postquam ea quæ ad Creationem pertinerent ipsis fuissent impertita, idem hîc repeto de novis indendis nominibus primis istis Numeris, imaginando eos idoneos ad hoc vel illud illustrandum in Philosophia Morali & Naturali, aut in Metaphysica.

Quas ineptias certissimum est tunc maximè crevisse, quod suprà dixi, postquam primus scopus ususque eorum Nominum Oblivioni traditus esset. Tunc enim quum omni Cynosurâ destituti essent, quâ cursum regerent, fieri non potuit quin vago flatu ad quamlibet exiguam trivialémque similitudinem quam hic vel ille Numerus ad hoc vel illud Objectum gerebat, propellerentur, prout levis Imaginationis eorum aura eos ferret, studiûmque insipida augendi Numerorum Mysteria ad justam aliquam scientiæ cujusdam superstitiosæ molem. Τὴν γὰρ ἀπαξ ὑπὲρ τὸ μέτρον ὄρεται, ὡς εἰς ἑξή, Nam simulatque mensuram rationemve perdiderint, indendorum Nominum Numeris, Accumulationes futura erant infinitæ.

2. Caterum, ita ferè factum est hac in re quemadmodum in sobriis Veritatibus Christianæ Religionis, quibus tametsi humanæ Inventiones innumeræ superadditæ sunt, inter has tamen magnæ ipsius Christianitatis veritates sunt conservatæ, sacrarum Scripturarum testimonio detegendæ: Ità quanquam multa absona & aliena septem primorum Numerorum nomina ab ignavis superstitiosisque Pythagoristis inventa sunt, retinuerunt tamen vera atque utilia, quæ dignosci pariter possunt per eorum applicationem ad Textum Mosaicum, aut quoad sensum Philosophicum aut quoad phrasès externas illius. Quod valdè manifestum est, in Opere primi diei. Ubi profectò me plura Nomina inventurum spero quæ hujus diei operi consentanea sunt, quàm quæ absona & aliena, quanquam tam multa, ipsorum Ignorantia huc accumulaverit.

3. Etenim cum quinquaginta ferè nomina sint Monados sive Unitatis, plus quàm dimidium eorum satis aptè naturam illustrat earum rerum quæ primi Diei opere comprehenduntur. Nominibus enim, quæ cum illo congruunt quem Mundum Vitæ nos appellamus (qui totam Immaterialem Creationem complectitur) præter Ζωὴν, Εἶδός, \* Ζανός πύργον, Λόγον σπερμαλίτην, quæ jam notavimus, addi porro possunt Νόός, Μορφώ, Γονή, Οὐσία, Αἴτιον ἀληθείας, Ἀπλὴν παρὰ δαγµα, Νῦν, Μνημοσύνη, Γερµηθεὺς, Ἀρρεόθελος.

\* Νῦν, quia omnia Entia Immaterialia sunt νοητά, Intelligibilia, non Sensibilia. Μορφώ, quia talia sunt, quæ formam Materiæ tribuant. Γονή, quoniam omnis Generatio ab hoc præsertim Principio est, Materiâque nihil generat: (Verba sunt Plotini, Μορον γὰρ τὸ εἶδος γίνεσθαι, ἢ ὃ ἑτέρα φύσις ἀγόνος. Quæ causa est, ait ille, cur Antiqui Mercurium



*Mercurium* introduxerint, τὸ τ' γενέσεως ὄργανον αἰετ' ἔχοντα πρὸς ἐργασίαν, τ' γεννῶντα τ' ὄν αἰδῶσαι δηλῶντες τῇ τ' νοητῶν λόγον.) Οὐσία, quod Entia *Immaterialia* verissimæ sunt substantiæ, ut *Platonici* rectè contendunt: Et sic Αἴτιον ἀληθείας ob eandem rationem. \* Ἀπλὴν παρίδρυμα. Παράδεισμα ad eundem sensum, quo Εἶδος & Μορφή. Ἀπλὴν, quia Entia *Immaterialia* carent compositione. Νῦν, Quoniam Vita Intellectualis simul est, vices temporum nesciens, in uno semper quod adest consistens ævo, ut loquitur *Macrobius*. Μνημοσύνη, nisi Pædagogicè injecta sit, tanquam nomen *Matris Musarum*, quarum etiam Nomina per *Denarium Pythagoricum* dispersa sunt, illius nominis rationem hanc esse suspicarer, quod altissima profundissimæve *Memoriæ* sedes in ea nostræ parte sit quæ est immaterialis. Περμηνεύς, quia Anima igneis spiritibus induta, *Promethei* instar luteam corporis statuam vivificat. Et postremo, Ἀρρενόβηλος, quoniam omnes Ordines *Imateriales* radicaliter in se habent illam facultatum divisionem in *Masculinam* & *Femininam*, quemadmodum fusiùs explicatum est de *Adamo*.

In *Somn. Scipion. lib. 1. cap. 6.*

4. Et quantum ad fluidam illam ac indeterminatam rerum *Capacitatem*, tenebrosam illam *Abyssum*, quam compendiosè appellare possumus *Hylem Metaphysicam*, sive *Possibilitatem Creaturarum in Mundo Externo*, præter illa Nomina quæ jam produximus, cuiusmodi sunt Ὑλη, Ἀλαμπία, Σκόλωδια, addi insuper possunt Χάος, Σύχυσις, Σύγκρασις, Πρωτεύς, Πανδοχεύς. Quæ omnia *Confusionem*, *Indeterminationem*, *promiscuamque Capacitatem* hujus *Hyles Metaphysicæ* sive *mere Potentialitatis externæ Creaturæ* denotant. Nunc verò quod ad tenebrosam *Abyssum* attinet cuius in primi diei *Creatione* fit mentio, ecquid eam magis aptè significare potest, quàm Χάσμα, Τάρταρος, Στύξ, Βάραθρον; Quæ adeò cum Textu congruant, ut nihil possit suprâ. Omninoque improbabile est eas futuras fuisse *Unitatis* appellationes, nisi ad *Textum Mosaicum* spectâssent. Adde ad vocem Στύξ etiam Λήθη, quippe quod, quando res in hujus primi diei statum resolvuntur, obruuntur oblivione; Animæ hominum atque Angelorum in *Silentio* tunc constitutæ essent, adeoque penitus in Lacum *Lethæum* immersæ, ut præterita nunquam possent recordari.

5. Duo adhuc supersunt termini significantissimi, Ἀμιξία & Στιφὴ παρθένου, qui conditionem *Creationis* primi diei admodum aptè illustrant. Entium enim istorum *Immaterialium* licet spectatorum, hoc est, tanquam nondum unitorum cum materia, statûs, inquam, horum quid significantius esse potest, quàm Στιφὴ παρθένου, Arida rigidæque Virginitas, aut quàm Ἀμιξία secundum phrasin istam apud *Hesiodum*, φιλότλης μίγναι; Et præterea *Incommixtura Activi* ac *Passivi Principii* huic diei propria, per nomen Ἀμιξίας insigniter illustratur, quemadmodum videre est in *Cabbala* ipsa. Adeò ut ad septem illa Nomina apposita quibus antea contenti fuimus, viginti minimùm æquè apposita per hanc *Examinationem* lucrati simus.

Cab. Philos. cap. 1. v. 54

6. Cæterum quod ad illa attinet quæ ad rem nostram nihil faciunt, Ratio de eis facilè reddi potest. Postquam enim *Pythagorei* notitiam veri finis indendorum *Nominum Numeris* perdidissent, qui fuit ut monumenta essent naturæ rerum earum quæ in sex istis diebus singulis dicuntur creatæ fuisse, Appellationes tunc excogitarunt sine omni scopo, ex qualicunque similitudine Numerum inter atque res quas posset repræsentare. Ut exempli causâ, \* Quia non nisi unus est Deus, ideo ab ipsis *Unitas* Θεός appellata est, Ζεύς, Εὐσθέσια, & fortean Εὐδαιμονία. Dein in rebus Naturalibus, \* quoniam non est nisi unus Sol, idcirco *Monadem* appellabant, Ἡλίον, Πυρράλιον, & Ἀπόλλωνα, \* & quia Ἀπόλλωνα, ex consequenti Λόγιον. Et in *Moralibus*, quoniam Amor & Benevolentia in quadam unitate animorum consistit, *Unitatem* Φίλον, Φιλίαν, Ἐρώτα, Ὁμόνοϊαν vocant. Et denique, quia in Ordine Artificiali *Unitas* est, eam Τάξις συμφωνίας, Ναῦν, Ἄρμα nuncupant. \* Cur autem ab ipsis Ἄλφας & Ἀξων appelletur, rationem meliorem comminisci non possum, quàm quod Poli qui Mundum sustinere dicuntur, quibûsque suspensus circumrotatur, duo Puncta sunt, hoc est, duæ fixæ *Unitates*. Cur verò Ἴσον, Μέσον, Μέτρον vocitent, valde obvium est. Ἴσον, quia quæ æqualia sunt unam habent quantitatem; Μέσον & Μέτρον, quia quod accuratè in medio est, exquisitève moderatum, non est nisi unum. Quàm verò insipidæ leviculæque Argutiæ sint huiusmodi Commenta, quàmque tam profundo Philosopho quàm *Pythagorâ* indigna, cui *senatus Romanus* Statuam tanquam viro totius Græciæ sapientissimo erexit, quilibet iudicet.

Plin. Hist. Natural. lib. 34. c. 6.

7. Quantum ad Nomina *Binarii*, plus duodecim jam recensui quæ admodum aptè naturam operis secundi diei denotant. E quibus, eis quidem, quæ maximè infausam habent significationem, addi porrò possunt, Τόλμα, Τλημοσύνη, Δύη, Δικοσασία, Ἐρεμ, Ἀγνοία. Ad Πρίαν etiam referenda essent (nisi quod temeraria omnino ac superstitiosa videretur Synonymorum accumulatio à recentioribus imperitioribûsque

Vide Cap. 6.  
Scilicet 6.

*Pythagoristis* ) Διδυμήν, Διομάτωρ, Φρυγία, Έξω. Per quas omnes voces nihil amplius intelligitur quam *Cybele* sive *Vesta*, sed quam *Impythagoricè*, si fas sit ita loqui, quivis judicare potest, modò notaverit *Vestam Solem* esse apud veros *Pythagoreos*.

Reliquæ Appellationes tam insipidæ ineptæque sunt ut fastidio foret eas recitare. Et tamen plus quam pralibamen ministrabo, ut intelligi possit, ad quam miseræ Nugas *Pseudo-Pythagoristæ* se receperint, postquam verum sensum suæ *Cabbalæ* perdidissent. Etenim, quemadmodum suprà, bella res apud eos erat *Monadem* appellare nomine Ἀτόλων & sive *Solæ*; ita heic, nec ob ullam aliam meliorem causam, quantum ego existimo, quam quod sic fecerant, *Binarium* appellabant, Ἀρτεμιν, Ἰσιν, Δήμντεαν, Ἐλευσινίαν, Δικλύαν, Ἡραν. Quæ omnia possunt quidem nihil amplius innuere quam *Lunam*, quod secundum magnum Luminare est in Coelis. Similiter, quia omnis consensus, amicæ concordia, duas supponit partes sive personas, appellant *Binarium*, Ἦνν & συμφωνίας, Ἑστώ, Ἀρμονίαν, Ἀφροδίτην, Διώνην, Κυθέρειαν, Κοινορίαν & Γάμον. Ubi Γάμ & quotquot illuc vocabula ad eum sensum sonant, admodum coactè imperitèque inferciuntur. Quippe quod conjunctio duarum *Unitatum* in *Binarium*, aut conjunctio est duorum *Masculinorum*, qualem quidam *Unitatem* esse volunt, (& tunc certè nulli *Pythagorei*, nisi qui sint illius *Pythagoræ* successores cui nuptus est *Nero*, *Binarium* Γάμον appellabunt) aut duorum *Hermaphroditorum*, quod ridiculum est. *Macrobius* enim tradit, secundum sententiam antiquorum *Unitatem* esse Viro-fœminam. Unum autem quod *μονάς*, id est, *Unitas* dicitur, & *Mas* idem & *Fœmina* est, par idem atque impar, ipse non Numerus sed Fons & Origo numerorum. De quo etiam *Aristoteles* idem affirmat, Τὸ ὅ ἐν δὲ ἑξ ἀμφοτέρων ἢ τῶν, καὶ ἄπλοον ἢ καὶ περὶ τὸν, ἢ δ' ἀριθμὸν οὐ τῷ ἐνός. Quod stultitiam eorum planè detegit, qui *Ternarium* etiam Γάμον appellant. Est enim conjugium *Fœminæ* cum *Hermaphrodito*, & *Numeri* cum illo qui Numerus non est. Jungentur jam gryphes equis. Tam manifestum est vocabula Ἀφροδίτη & Γάμ & peculiares appellationes esse *Quinarii* & *Senarii*, quatenus specialem quoque congruitatem habent cum *quinti sextique* diei opere. Sed enim, nè simus tam rigidi, sed admittamus *Unitatem* *Marem* potius esse, *Binarius* adhuc excludetur à Titulo Γάμ, júsque *Ternarii* ad eum Titulum, admitteretur, sed cum difficultate, ut *Mas* & *Fœmina* inter Plantas. Quod eò proinde exquisitiùs cum natura operis tertii diei convenit.

Vid. Tacit. Annal. lib. 15. scilicet 37.

Somn. Scipion. lib. 1. c. 6.

Metaphys. lib. 1. cap. 5.

Porro, Quia *Binarius* fit addendo unitatem ad unitatem, vocatur Ἀυξήσις, Σύθεσις, Ἐπίθεσις. Et quia dijudicatio Dualitatem implicat in Objecto, appellatur Διαχέσις. Et quod *Opinio* in duas partes aut simul aut alternatim saltem propendet, nuncupatur Δόξα. \* Et quod Demonstratio duas partes habet Præmissas & Conclusionem, vocatur Ἐπίσημη. Et denique quia *Binarium* dividitur in duas æquales partes, Δίχη nominatur. In tam triviales speculationes inciderunt Spurii isti *Pythagoristæ* postquam conspectum semel scopi perdidissent, ad quem Numerorum Mysterium in *Binario* collineabat.

8. Immergamus nos etiam paulò profundius in *Ternarium*, unde consimilem Materiam trivialem extrahemus. Nomina maximè tolerabilia sunt quæ ad rationem spectant *Moralem*, \* ut Μῆτις, Εὐεχλία, Φρόνησις, quibus *Ternarius* exornatur; quoniam is qui recta consilia dare vult, oculos cum oportet conjicere in res præteritas, præsentis ac futuras. \* Item Φιλία, Εἰρήνη, Ὁμόνοια, quippe quod partium unio fiat per tertiam aliquam rem aut personam. \* Appellatur etiam Εὐσέβεια, ex frequenti, opinor, usu Numeri *Ternarii* in Ritibus Religiosis. Voces Τρίσαμ & πρῶτον πλατ & ad rationes *Mathematicas* pertinent, ut Δίσαμ & πρῶτον μῆκ & in *Binario*; sed nihil majoris momenti nobis struunt, in utrolibet loco, quam ut nos moneant *Binarium* Symbolum esse duorum punctorum Mathematicorum primæque ac brevissimæ lineæ, & *Ternarium* trium punctorum primæque ac simplicissimæ Figuræ quod Triangulum est. Notiones certè quibus mens humana pulchrè ædificatur, & perquam opiparè pascitur. Et tamen quod sequitur adhuc magis vile est ac triviale. Nam *Ternarius* dicitur Κερνία, quia Saturnus tres filios habuit *Jovem*, *Neptunum*, *Plutonem*; Et Αἰδὰς, quoniam *Pluto* tertius est; Λατώ & Ἐκάτα quia *Latona* mater erat *Hecates*, quæ tres appellationes habuit, *Lunam*, *Dianam* & *Proserpinam*; Χαετία, quia tres sunt *Gratia*, *Aglaiā*, *Thaliā* & *Euphrosyne*; Διοσκροία, à tribus *Dioscuris*, *Tritopatreō*, *Ebuleō*, *Dionysio*; Φορμία & Γοργονία, quoniam *Phorcus* pater erat *Gorgonum* quæ tres erant, *Medusa*, *Sthenio*, *Euryale*. Tam misellarum quisquiliarum *Ternarius* à *Pseudo-Pythagoristis*, qui antiquam *Cabbalam* nescirent, factum est Repositorium.

9. Qui etiam inveniētes Θαλασσοῦχος inter Titulos *Ternarii* memoratum addiderunt Θέτιν, & Ἀγυιόπεζαν, scribendum credo Ἀργυροπέζαν, quod Epithetum *Thetidis*



*tidis est apud Homerum, Ovidiūque pulcritudinem pedum Thetidis in isto Pentametro notavit.*

*Et Thetidis quales vix reor esse pedes.*

Addiderunt etiam Ναύτιν & Κραταίν, ad eundem credo sensum collimantes. Nec ullum omnino sensum habere possunt nisi ad *tertiū* Diei opus referantur, ubi distinctio facta est Terræ atque Maris, & ex consequenti Fluviorum.

Cæterum, tamen si tanta hæcenus fuit Quisquiliarum copia, superest tamen Nomen unum, quod operam compensabit excutiendi hoc sterquilinum. Est autem Λοξίας, quod, dum considero magnum significationis illius momentum, facilémque relationem ad obliquum motum Terræ (ex quo ejus Plantis & Floribus dependet exornatio) ipsūque \* *Pythagoram* dici primū hujus motus *Obliquitatem* observasse, Plutarch. de Placit. Philos. lib. 2. cap. 12. lubenter equidem admittere possum, antiquam authenticamque appellationem esse *Ternarii*.

10. Neque intempestivum erit hic monere ipsam notationem vocis ארץ hanc nostram conjecturam egregiè suffulcire, quippe quæ ut antiqui *Hebræi* observârunt, Vid. Paulum Fagium in Textum. \* derivatur à צר currere; proculdubio propter perpetuum suum cursum circa *Solem*, non propter cælorum cursum circa ipsam. Qua de re adhuc magis certi esse possumus si consideremus etiam Notationem vocis שמש, quàm verisimillimum est deduci à שמש יצא, vel צהריצא (ut Septuaginta sæpe reddunt) & שמש ארץ, quemadmodum *Pythagorei* solent *Solem* ארץ appellare, prout videre est apud *Aristotelem*, 'Επὶ μὲν δὲ τῷ μέσῳ πῦρ εἶναι φασιν. Et *Plutarchus*, Κατὰ μέσον τῷ κόσμῳ πῦρ ἰδρύσθαι νομίζουσιν, καὶ τὸτο 'Εξία καλεῖσιν. De Cælo, lib. 2. cap. 13. Adeò ut illius τὸ ἰδρύμενον πῦρ, *Ignis fixus*, accuratè respondeat voci שמש, quæ eandem habet significationem, quemadmodum & omnes *Soles* agnoscuntur *Stellæ fixæ*. In Vita Numa.

Et ex eo quòd *Ignis* hic *fixus* à *Pythagoreis* appellatur 'Εξία, ulterius est indicium unde hanc suam notionem habuerint, nempe ab *Hebræis*, qui *Ignem* שמש nominant, & *Chaldei*, אשמה, quæ eadem ferè vox est quæ 'Εξία, vel *Vesta*. Neque profectò opus erat totum vocabulum שמש retinere, quippe quum vox אש in 'Εξία, per suam in linguam Græcam, insitionem, validam cum ἰσχυμι affinitatem contraxerit, quod idem est quod שמש in lingua *Hebraica*, adeò ut quanquam sola eundem tamen sensum ad plenum præ se ferat, quem שמש: Et vel optima quidem vocabula non sunt nisi naturæ rerum monumenta.

Nulla verò tam Philosophica quàm sint voces ארץ & שמש. Addere possum etiam כוכב. Quippe quarum faciles ac genuinæ Notationes abditas rerum naturas ad quas pertinent tam exactâ oppositione quam alteræ ad alteras habent, illustrent: cum scilicet Notatio ארץ motum *Terræ* implicet, Notatio שמש, *Solis Fixationem*; cum Notatio כוכב extinctionem *Lucis* sive *Ignis* in omnibus Planetis innuat, Notatio verò שמש innatam *Lucem* caloremque in omnibus *Solibus*, sive *Stellis fixis* indigiter. Philosophicarum Notationum quorum trium Vocabulorum mirifica Congruitas (ut taceam de שמש) non potest quin ulteriorem fidem & Notationibus ipsis, & veritati etiam partis Cabbalæ Physicæ, conciliet. Nec certè שמש vox est minùs Philosophica, quamvis concederemus derivatam à שמה excelsum esse, non autem ab אש & מים. Etenim tunc etiam cum dualis numeri sit, eandem rem atque antea insinuaret; Duo nempe *Cartesiana* elementa sive partes ex quibus Cælum consistit, (quemadmodum observatur in aliis vocabulis quæ res ex duabus partibus consistentes denotant, ut in מכניס Sellas parturientium, כיריס Testum cum operculo, משפתיס Sarcinas ab utroque equi latere pendulas significantibus, & in similibus.) Et duo insuper Cælorum genera, alterum die primo, alterum secundo creatum: Quemadmodum & מים duo aquarum genera denotat, alteram à Nubibus, alteram in Mari, Fontibus ac Fluviis; sed sensu magis Philosophico, Aquam *Visibilem* & *Invisibilem*, & *Invisibilem* rursus, aut *Stygiam* aut *Cælestem*, intelligendo per Cælestem illam *Mundi Viæ* partem quæ descendit eis γένεσιν.

## SCHOLIA

## IN CAP. III. SECT. 3.

**Z**Ανός πύργος. Ζανός πύργον ad Mercavam potius referendum esse quam ad Bereshith, supra monui. Præque Sephiræ nomen esse autumo, atque hic sub Unitate ponit tanquam τὸ Ἐνός, & τὸ Ἀγαθὸν Platonici sive Pythagorici nomen.

Nō, quia omnia Entia Immaterialia, &c. Vide etiam annon & hac Appellatio ad primam Sephiram referri possit. Quamquam enim prima Sephirah secundum proprium characterem Τ'αγαθὸν sit vel τὸ Ἐν, omnes tamen Hypostases sive tres primæ Sephiræ נוחם appellantur, i. e. Mentis, (interpretante Rittangelio) in Cabbala Judaica. Et certè ut Τ'αγαθὸν sive τὸ Ἐν, mens sit latiori quodam sensu, rationi omnino est consentaneum.

Ἀπλὴν παρὰδειγμα, &c. Equidem hoc nomen, quatenus ad Mercavam refertur, prima Sephiræ sive Τ'αγαθὸν Pythagorico admodum est congruens. Hoc est enim primum maximèque simplex Paradigma ac Mensura Veritatis ac Perfectionis rerum omnium.

Sect. 6. Quia non nisi unus est Deus, ideo ab ipsis Unitas Θεός appellata est, &c. Cum verò Denarium Pythagoricum ad Mercavam perinde pertineat atque ad Bereshith, quidni hic Θεός tali sensu accipiatur qualè accipitur Johan. 1. ita ut sit prima Hypostasis ut Logos secunda, ita ut proprio quodam sensu Deus vocetur, nempe, Deus Pater?

Quoniam non est nisi unus Sol, idcirco Monadem appellabant Ἡλιον, &c. At verò respiciendo ad Mercavam, considerandum est annon Sol, nomen Symbolicum esse possit Τ'αγαθὸν Platonici, & eo ipso sensu dici Διὸς φυλακὴ, vel potius Ζανός πύργος, quod Myserium cum Aristoteles non rectè intelligeret, putavit Pythagoreos Solem ipsum Διὸς φυλακὴν appellasse. Τ'αγαθὸν verò esse quasi summam Divinitatis speculam, & in maximè infinitum prospectum extensam atque diffusam apud Platonicos confessissimum est.

Et Ἀπόλλωνα, & quia Ἀπόλλων ex consequenti Λόγιον, &c. At verò si ad Mercavam hæc referrentur, Ἀπόλλων planè ad τὸ Ἐν referri posset, sive ad primam Sephiram, atque hic Ἀπόλλων non tantum Λόγος dici, sed & Pater Λόγος unde non solum omnia vera Oracula, sed omnis omnino Veritas proficiscitur. Apollinem verò Unitatem ab α & πολλός significare, Author est Macrobius.

Cur autem ab ipsis Ἀλφά & Ἀῶν appelletur, &c. Si Mercavam respiciant ista nomina, ratio haud ita difficilis est inventu. Primum enim Fundamentum ac Basis rerum omnium est ipsum Τ'αγαθὸν hic est ille Axis qui sustentat omnia. Cum verò hoc Τ'αγαθὸν immobile ipsum sit, ut Axis in Sphæra circumvoluta; omnia tamen circa ipsum moventur choreasque agunt, sedulo investigantia exultimque subinde latantia, ob percepta beneficia ac voluptates, quæ ab hoc immobili Bono emanant. Vide Psychathanasian, lib. 3. Cant. 3. Enneastich. 11, 12, 13, 14. Ubi Τ'αγαθὸν comparationem cum immobili Sole fusiùs prosequimur. Axis verò cum linea supponatur quoad latitudinem indivisibilis, Unitatem & Simpliciter Τ'αγαθὸν porro videtur indigitare. Qui sunt speciales characteres primæ Sephiræ.

Sect. 7. Et quòd Demonstratio duas partes habet præmissas & Conclusionem, vocatur Ἐπισήμη. Equidem fateor hanc nimis laxam ac dilutam Rationem. Nec meliorem tamen tunc excogitare licebat, cum nondum observasset Denarium Pythagoricum ad Mercavam etiam posse referri. Nunc verò mihi satis manifestum est, Ἐπισήμη secundæ Sephiræ respondere נחם appellatæ. Cum & Aeterna Dei Sapientia Ἐπισήμη vocetur apud Baruchum. Μετὰ τὸ τοῦ ἐν τῷ γῆ, ὡφθῇ. Ea postea, nempe Ἐπισήμη, in terra visa est atque inter homines versata. In quem versum, Ego non dubito, inquit Vatablus, quin Christum filium Dei in carne revelatum intelligat. Is enim est aeterna Dei sapientia, (vox autem in textu est Ἐπισήμη Scientia) per quam omnia creata sunt, quæ postea carne induta cum hominibus est conversata, ab eisque visa & contrèctata, 1 Johan. 1. 1.

Sect. 8. Ut Μῆτις, Ἐυεουλία, Φρόνησις, &c. Φρόνησιν hic principalem esse vocem censeo, duasque alteras tanquam nomina cognata adiectas esse, respondere verò Φρόνησιν tertie Sephiræ נחם vocatæ, quæ significat Intelligentiam; quam & ipsa Φρόνησις significat, affectumque & amorem præterea in se involvit, ut φρονεῖν τὰ τοῦ Θεοῦ, quod peculiare huius tertie Sephiræ donum est sive Charisma, quæ respondet τῇ Δεία ψυχῇ Platoniorum, & τῇ ζωῇ τῇ ἐν τῷ λόγῳ apud Johannem, sive Spiritui Sancto.

Item Φιλία, Εἰρήνη, Ὁμόνοια, &c. Hæc si ad Mercavam referantur, manifestum est fructus esse Spiritus sancti, sive Sephiræ tertie, נחם appellatæ.

Appella-



Appellatur etiam *Εὐσείχεια*. Si tres primas Sēphiras respiciamus, quæ Divinæ Trinitatis sunt Repositoria, admodum profectò probabile est Ternarium *Εὐσείχεια* dici, propter οὐσία istam, propter peculiarem illam venerationem atque adorationem sacrosanctæ Trinitati debitam; quippe quod τὸ θεῖον, æternum illud ac immutabile meritoque adorabile Objectum, illis tribus Hypostasibus omnino clauditur. Reliqua sunt Creatura, quibus Divinam illam Adorationem neutiquam fas est communicare.

Seç. 9. Pythagoram dici primùm hujus motus obliquitatem observasse, &c. Verba Plutarchi sunt, Πυθαγόρας πρῶτος ὁπρὲν ὀνόμαζαι λέγειν τὸ λόγιον τῷ Ζωδιακῷ κύκλῳ. Ubi λόγιον hac planè Loxiæ Ternarii Numeri Nominis respondet. Circulus verò Zodiacus sive illius Ecliptica, inclinantis Terræ motu annuo revera describitur.

Seç. 10. Derivatur à *ץ* currere, &c. Quæ in hunc locum objicit S. A. hæc sunt: Quod originem, inquit ille, & Etymologiam vocis *ץ* spectat, nemo istam admittet facile, qui Grammaticam Hebræam vel à limine salutârit. Resp. Quis igitur fatetur, ut Paulus Fagius, vir pius & doctissimus Scripturæ Interpres, istam Etymologiam admiserit? Num ille à limine tantùm Hebræam Grammaticam salutavit? Immo linguæ Hebraica ex eruditissimis illius Expositionibus peritissimum fuisse satis constat. Sed pergit Andreades: Nam ut de punctis taceam & forma Nominis Segolati, quæ derivatis à verbo quiescente mediâ radicali planè non quadrat, τὸ *ץ* quoque esse Heemanticum in ejusmodi vocibus adeò ab usu linguæ abhorret, ut in unico exemplo irregulari nempe *סוד* quod 2 Reg. 4. 2. legitur & à *סוד* derivari solet, R. Salomon Jarchi tamen putet *ץ* esse radicale. Ad partem posteriorem primò respondebo. Quid mihi objicis unum Salomonem Jarchi contra Buxtorfium, contra Martinium acerrimum illum in lingua Hebraica Criticum, immò contra communem omnium Hebraicorum Lexicographorum, Grammaticorum Criticorumque sententiam? Certissimum igitur est *ץ* Heemanticum esse posse in ejusmodi vocibus quæ deriventur à verbis mediâ radicali quiescentibus, ut in *סוד*, *ץ*. Vide etiam annon insuper in *אכן*. Quæ vox tametsi ex longo usu adverbiascere planè jam videatur, probabile tamen est olim fuisse nomen à *כון*, & rem firmam, stabilitam, certamve significasse; ut *אמן* nunc adverbiascit, nunc nominis rationem habet, hoc est, nunc [verè], nunc veritatem significat: Et sic quidem *אכן*, quod nunc [certè] redditur, rem certam olim significasse non est dissimile veri. Sed en quartum tandem exemplum è mea penuria tenuique vocum Hebraicarum peritia, quam mihi exprobat Andreades, nec alias certò immeritò. *דרך האחרים* via exploratorum, Num. 21. 1. Illic *אחר* à *חור*, exploratorem significat. Quamobrem *ץ* Heemanticum esse in nominibus à verbo mediâ radicali quiescente, non est adeò inusitatum, nec uno tantum exemplo suffultum.

Ad priorem verò partem quæ innuit, si *ץ* à *ץ* derivatum sit, ut *סוד* à *סוד*, *אמן* scribi oporteret, non *אמן*. Sed respondeo nec *אכן* à *כון*, nec *אחר* à *חור*, sed *אכן* & *אחר* scribi. Quidni esse possit laxitas quedam aut authentica Anomalia in istiusmodi vocum terminatione? Quidni longo usu, cum *אמן* in principio scriptum esset, postea in *אמן*, tandem in *אמן* posset contrahi? quippe quum vox illa æquè frequenter linguis hominum atque res ipsa pedibus attrita sit. Adè ut forma Nominis Segolati, quanquam non secundum Analogiam, per accidens tamen locum in hac voce habere posset.

Quæ cum ita sint, judicet quivis æquus rerum estimator, quenam Etymologia probabilior sit, Hebraica an Arabica, à *ץ* currere, an ab *ץ* radice Arabica, significante, humilem & depressum esse. Nam Hebraicam esse illam radicem è Psalm. 68. 32. & Jerem. 49. 19. reperiri, ex observatione Altingii, insomnium est Andreadæ, enormèque commentum, cum nulla vola aut vestigium istiusmodi radicis illis in locis observandum sit, sed tantùm radicis *ץ*. Voces enim sunt *אמן* aut *אמן* in utroque loco, & omnes Interpretes eum sensum sequuntur.

Cum verò illa Radix Arabica sit aut nulla, dispiciendum est, utrùm consultius sit rationem nominis Hebraici è proximo, nempe, è fonte Hebraico petere, an ad Arabiam usque eam petiturum pervagari; talèque quæ sit rudis ac plebeia, an talem, quæ magis Philosophica sit, linguamque primariam ac Divinam, quæ & ipsum Adamum, qui rebus nomina primitus imposuit, usum plerique omnes ausumant, magis concederet. Nam concesso quod sit ejusmodi radix Arabica *ץ* qua significet humilem vel depressum esse (meam enim linguam Arabicæ imperitiâ lubens profiteor) non statim sequitur istam vocem *ץ* primitus fuisse radicem Hebraicam. Fieri enim potest ut post puritatem linguæ Hebraicæ corruptam aut perditam & in varias dialectos degeneres mutatam, Arabes tale verbum à nomine Hebraico *ץ*, quippe multa ab Hebræis mutuati, effingerent, verbum è nomine formantes (quod aliquo modo etiam sit apud ipsos Hebræos qui *עפר* pulveravit, è *עפר* pulvis efformarunt.) Vel fortè fortunâ accidere potuit, ut extaret vox purè Arabica quæ cum Hebraica voce *ץ* & sono & aliquâ sensus cognatione conveniat, cum neutra tamen ab altera deriveretur.

tur. Ut nec vox nostra Anglicana Jackdaw ab Hebraica יַחַד, nec illa à vestra deducitur, cum tamen sonus idem planè sit & satis aperta sensus cognatio. Quippe quod Monedula simul vel gregatim solent volare, & constrepere. Propter quem strepitum vox Anglicana Coile, qui strepitus est tumultuarius à Græca κολοιός monedula, à quibusdam derivata censetur. Atque heic quidem, sensus iterum perinde atque sonus satis cognati sunt. Levem tamen hominem esse oportet ac ferè fatuum qui aut vocem Coile, à κολοιός, aut Jackdaw à יַחַד derivari censuerit, aut vice versâ. Sexcenta istiusmodi accidunt infusa illa vocabulorum cujusque Linguae copia. Et instar miraculi foret si aliter contingeret.

Etiam vox Anglicana Hard, nec sono nec sensus cognatione multum abludit ab Ebraica אֶרֶץ Terra, cum terra omnium elementorum sit durissimum. Et propius adhuc accedit vox Latina Aridus, quæ extrito u sit Arids, i. e. אֶרֶץ, quod optimè convenit cum natura Terræ, quæ sicca vel arida est. Immo verò, Genes. 1. 10. legimus, Deum Solum siccum אֶרֶץ appellavisse. Adeone tamen solidum quisquam est ut אֶרֶץ à Latina voce Aridus derivandum existimet? Quo jure igitur quæ concludere potest אֶרֶץ terram ab Arabica radice אֶר, (humilem esse) deduci, cum res fortuita planè sit, ut sit ea, in diversis Linguis, vocum aliquot in sono sensuque cognatio? Cum igitur è proximo fonte Hebraico tam eximia sit Nominis אֶרֶץ ratio sive Notatio, nè violemus, obsecro, linguæ Hebraicæ sacro-sanctitatem, è longinquo rationes accersendo peregrinas, abjectas & pueriles, cum domesticæ præsto sint, idque adeò solida, verèque Philosophica, Linguaeque Hebraicæ sanctitate nequaquam indigna.

## CAP. IV.

1. Quatuor alia nomina Tetradis apta & consentanea. 2. Ratio reddita eorum quæ inepta sunt atque absona. 3. Istiusmodi Nugæ sive Numerales sive Nominales eam à Pythagora reverentiam extorquere non potuisse, ut induceretur ad jurandum per primum Tetractyos Traditorem. 4. Γάμος nomen Quinario & Senario proprium, & quæ factum ut Binarius & Ternarius illum Titulum obtinerent. 5. Duo alia Nomina apta Quinarii, cum ratione reddita de absonis & ineptis. 6. Si ad naturam Numerorum non autem rerum Tetractys collimasset, Pentadem potius quàm ipsam Juramenti Religionem merituram fuisse. 7. Inepta Nomina Senarii. 8. Senarii Nomina quæ ad Γάμον & Κόσμον referantur. 9. Sex alia nomina Senarii quæ ex Textu Moisaico aptissimè explicentur. 10. Octo Nomina Septenarii quæ eundem Textum respiciunt. 11. De ineptis absonisve Nominibus Septenarii, curque ille Numerus Pallas appelletur, & Apollo ἱεδομαγενής.

1. **P**ergimus nunc ad Quaternarium, cujus præter illa quæ jam notavimus, quatuor alia sunt haud ita absona aut aliena nomina, nempe, Ἑξάρμα, Φύσις, Αἰόλα, Κλειδῶχος & φύσεως.

\* Ἑξάρμα, quia distincta & articulata adaptatio partium *Universi* die quarto facta est. Φύσις, ut quæ universalem *Naturæ* comprehensionem denotet. Αἰόλα, quippe Objectorum *varietatem* innuens in *Universo Cæli* Luminaribus detegendorum, quæ *Quarti* diei opus sunt, ipsa etiam hujus varietatis pars eximia, existentia: Unde αἰόλα Νύξ apud *Sophoclem*, ob id ipsum scilicet, quod stellis sit adeò variegata. Et postremò, Τέτρακλῆς dicitur Κλειδῶχος & φύσεως, quoniam Operis *quarti* diei *Expositio* *Clavus* revera est selectissimorum *Secretorum Naturæ*, vel potius *Aditus* ad verissimam utilissimamque *Scientiam Universalis Naturæ*, tam *Metaphysicæ* quàm *Physicæ*. Unde *Tetras* non solum dicitur φυσικῶν ἀπολεσμάτων πηγή, sed, (nisi *Photii* mentem minùs rectè capio) \* πολυθεῖς etiam vel potius πάνθεος, quippe *Essentiarum* immaterialium ubique plena, *Demonum* utique sive *Angelorum*, aut quocunque nomine appellare lubet; *Græci* verò ut plurimum θεὸς vocant.

2. Cæterum ut hæc Nomina quæ hîc atque aliàs allata sunt, satis sunt proposito consentanea, ita quidem sunt quæ æquè absona sunt & aliena. Ignorantiam enim reperio posteritatis abusam esse *Tetrade*, quàm religiosissimè priores peritiorisque *Pythagorei* eam admirati sint, ad *Receptaculum* constituendum superstitiosarum inutiliumque *Nugarum*. Ut exempli causâ, Quia *Mercurius* natus est *quarto* die mensis, vocata est Ἐρμῆς, Μαϊάδης, Σῶχος. Ut etiam propterea quod *Hercules* tunc natus sit, Ἡρακλῆς, Ἀλκιμωτάτης, Ἑωαιδρῶς, Ἀρρενυγός, Ἀθήλυσις. Et quod *Bacchus* bis

natus



natus sit, *Tetrásque* ex *Binario* generata ( Duo enim in Duo faciunt quatuor ) idcirco *Tetras* appellatur, Διόνος, Βασταρεύς, Διμάτωρ, Θηλύμορφος & Διόσκορος, etiam, cum relatione fortean tum ad *Herculem* tum ad *Bacchum*. Et postremo, quoniam Ignis est formâ Pyramidalis, *Tetrásque* τὸ πρῶτον σῶμα, ( quæ Pyramis est, ) unitate tribus reliquis impositâ, constituit, ( à qua cumuli forma Σωρίτας etiam appellatur ) *Tetradem* Ἡφαίστου nominârunt.

3. Verùm quàm misellam mercaturam exerciturus fuisset *Pythagoras*, si hæc sint opes mercésque *Tetractys* quam is tanti æstimavit ut religiosè per eum juraret qui illius primus fuit Traditor ! Num hoc ingentem illam famam exæquabit à *Plutarcho* factam, Ἡ δὲ καλυμμένη τετρακτὶς μέγιστος ἦν ὅρκος, ὡς τεθρύλληται, καὶ Κόσμος ὠνόμασται ( loquitur illic de composita *Tetracty*, Juramentum verò ad utramque perinde pertinebat ) *Tetractys* sic appellata, Juramentum erat maximum, ut fert fama, & *Mundus* nominata est ? Et clarus ille proculdubio erat ac jucundus prospectus in Ordinem naturamque *Systematis Mundani* ex *Activi* & *Passivi* Principii conjunctione orti, \* excurrens dein ad omnia Objecta tam *Metaphysica* quàm *Physica*, quæ declaranda erant in quartæ diei explicatione ; Hæc, inquam, proculdubio illa *Tetractys* erat quæ Κόσμος appellatur sive *Universum*, ( hoc est, *Cabbala* genuinæ solidæque Notitiæ illius ) per cujus Mysterii primum Traditorem & *Pythagoras* ipse posterique *Pythagorei* tam religiosè jurabant. Quantum verò ad reliquas *Nugas* aridæque scitamenta omnino *Numeralia*, incredibile prorsus est ut ipsorum traditio ullam vel mediocrem existimationem unquam extorquere potuisset à viro tam sapiente, quàm ab omnibus habitus est *Pythagoras*.

Plutarch. de Iside & Osiride.

4. Quod ad Titulos *Quinarii* attinet, Illi, quos jam notavimus, celebratissimi sunt apud Authores, ut videre licet in copiosis istis citationibus apud *Johannem Menysium*, & ad opus diei tam appositum ut nihil esse possit suprà. Quod autem *Binarius* & *Ternarius* vocentur Ἀφροδίτη & Τριμύς, ut nec diebus tam faciliè applicari possunt istæ Appellationes, nec naturæ ipsorum numerorum adeò competunt, quemadmodum suprà demonstravi ; ità ab ista antiquorum Testimoniorum copia, pari absunt intervallo, fueruntque proculdubio additamenta ineptulorum quorundam inaniùmque Affectatorum *Pythagorismi* in seculis recentioribus. Quemadmodum etiam factum est in ista Appellatione *Quinarii*, Ἀνδρογυνία, \* cùm Ἀρρενόθηλος vox futura fuisset magis propria, si primum scopum horum Nominum cognovissent.

Denar. Pythag. cap. 7.

Cap. 3. sect. 7.

5. Istis paucis Titulis *Quinarii* quos produximus duo alii porro addi possunt, & ut opinor, haud inidonei, alter Φύσις, quatenus significat τὰ αἰδοῖα, alter ἀκρότης ἐλαχίστη & ζωότης, qui ad quinque sensus alludit, quos *Pythagorei* faciliè agniture essent vilissimam maximèque evanidam partem illius vitæ quæ est perceptiva.

\* Sunt verò alia multa *Quinarii* Nomina satis abscondita fateor, & à quintæ diei opere aliena, quanquam haud ità prorsus alienum esse possit ea obiter notare, nè quid fraudis suspicetur quispiam si ea celata haberemus. Destinata autem sunt in *Notas* aut *Physicæ* aut *Mathematicæ* observationis. Notæ verò *Physicæ* demonstrant, quàm parum Authenticæ sint, quippe quæ Hypothesi innituntur à *Pythagorismo* adeò alienæ. Quatuor nempe esse Elementa, quam Compagem Motus Terræ in frustula naturaliter diffringit. Veruntamen ex hoc Commento *Aristotelico*, quod quatuor sint, Ætherem quintum statuunt, atque inde *Quinarium* Νέμεσιν appellant, ut qui Mundum distribuit in hos quinque ordines, Terram, Aquam, Aerem, Ignem, Ætherem. Et respiciendo quintum hunc *Quinarius* ab ipsis appellatur *Pallas* & Ἀζυξ, quippe Elementum *Virgineum* nec cum generationibus rerum heic infra sitarum commixtum : Etiam Ἀμβροστ, quoniam Regio est *Immortalitatis* ; & Ἀκρεώτις, quia Caro & Sanguis illuc non habitant ; & Ἀτάλαντος, quia corpora Incolarum æquilibria sunt Regioni, nec præ pondere suo subsidunt ; & postremo Ζανὸς πύργος, quia Jupiter quanquam omnia implet, summum tamen illius domicilium est Æther. Quod tamen rursus à genuino *Pythagorismo* multum abludit. Nam Ζανὸς πύργος Sol est non Æther, quando *Physicè* exponitur, idem quod Διὸς φυλακή apud *Aristotelem*.

De Caelo lib. 2. cap. 13.

Quantum ad Nomina Mathematica, Δίχσις, Ἀμύθη, Διδυμία, Καρδιάτις, Κυκλῶχος, Ἀξων ἰσόρεια, sex illa universa non nisi unius misellæ reculæ significationem habent, *Quinque* scilicet *Decem* dividere in duas partes æquales, ut *Diameter* Circulum sic dividit, ut *Justitia* ex æquo causam decedit, & ut *Cor* in medio corporis situm est. Miras profectò Notiones ac profundas ! Quæ sequuntur Nomina, majoris sunt momenti, scilicet, Ἀγκία, Ὀρθιάτις, Δίχη, Περόνια. Quæ omnia ad *Quinarium* referuntur, quatenus Hypotenusam primi Orthogonii Trianguli, quod latera angulum rectum includentia habet rationalia. Dicitur enim Ὀρθιάτις, quatenus subtendit angulum rectum ; Ἀγκία, utpote cujus potentia ab utrorumque laterum potentiis

Vide cap. 5. sect. 2. ubi Decas appellatur.

Aristot. Etbic.  
lib. 5. cap. 6.

tentiis non superetur; Δίκη, ut quæ potentiam suam utrorumque laterum potentiis æquat. Τὸ δὲ ἴσον δίκαιον. Et postremò Πένονια, propter istam prospectionem Inventionemque modorum adeò differentium eandem rem prorsus efficiendi, & tam parum probabilium tamen qui eundem effectum producerent.

Diogen. Laert.  
in vita Pythag.

6. Pro hac Inventionem in Geometria Pythagoras dicitur Hecatomben Musis immolasse; Atque hæc in Numeris, quæ mater forsan esse potuit illius in Geometria, tantum excedit Mytheria merè Numeralia Tetractys, ut, si Tetractys nullum ulteriorem haberet scopum præter aridas istas curiositates, Pythagora discipuli proculdubio iuraturi potius fuissent per eum qui Pentadū traditor esset, quàm qui Tetradū. Adeò undiquaque certi esse possumus, non naturam ac Mytherium Numerorum fuisse, sed rerum, quæ in Tetracty Pythagorica comprehensa essent.

Johan. Meurs.  
Denar. Pythag.  
cap. 8.

7. Titulorum qui ad Senarium pertinent maximè insipidi atque alieni sunt, Ἀμφιτέρις, Ἀλχιδίκη, & Μεσευβός. Quippe quum Senarius Ἀμφιτέρις appelletur ὡς ἀμφί ταύτης δύο παράχουσα τετράδας & Ἀλχιδίκη, ut qui numerus sit proximus Quinario Δίκη appellato; & postremò Μεσευβός, quippe à 10. & 2. æquidistans. Senarius enim tantum Binarium excedit quantum Denarius Senarium.

Clem. Alex.  
Strom. lib. 6.

Qui ad Physicam spectant, sunt Διχενία & Ἡμισυ παντός, cum utrique ad Signa Zodiaci referantur. Prior quidem tum ad sena nocturna tum ad sena diurna, (sex enim semper noctu oriuntur & sex interdiu.) Posterior ad Mundi Divisionem in duas semisses, per sectionem Horizontis, sex Signis semissi utrilibet perpetuò adhaerentibus.

Qui Paganicam Superstitionem respiciunt sunt Ἑκατηβελίτις, Τεμοδίτις, & Τεῖμορφος, qui omnes ad Triviam referuntur, quippe sexto die Mensis natam.

8. Quantum verò ad illa Nomina, Ἀφροδίτη, Ζυγία, Φιλίωσις, Φιλητοσία, Ζυγίτις, Γαμηλία, omnia illa referuntur ad Γάμον, quo de jam egimus in Defensione Cabbalæ. Quò etiam referre potes Λάχεσιν vitæ fili deductricem ab ipsa Nativitate. \* Ad Κόσμον etiam referenda sunt Ἀλήθεια, Ἀρμονία, & Πανάρχεια. Duo priora, ut quæ Dei generalem respiciant approbationem eorum quæ fecit, tanquam menti ac voluntati suæ congruentium; postremum verò ut quod perfectionem implicet & sui-sufficientiam in Universo ad subsistendum virtute illarum facultatum ac partium quibus Deus ipsum constituerit.

Clem. Alex.  
Strom. lib. 5.  
Phil. Cosmo-  
pola Mos.

9. Tituli qui sequuntur magis particulares sunt, nec facillè possunt plerique eorum explicari, nisi referantur ad Textum Mosaicum. Hujusmodi sunt Ἀρχή, Ἀνδρῶνυαία, Εἶδ' & εἶδ' υἱ, Ψυχοποιός, Τῆς ζωτικῆς ἕξεως ἐμποιητική, & Ὑγεία. Cur enim Senarius vocaretur Ἀρχή, nisi quòd Adami Dominium in Creaturas sexto Die memoretur? Ἀνδρῶνυαία etiam verbatim respondet τῷ, Masculum & Feminam creavit illos. Et quis sensus esse potest istius appellationis Senarii, Εἶδ' & εἶδ' υἱ, nisi quòd Adamus sexto die creatus esset Imago similitudinis Dei? Faciamus hominem ad imaginem nostram secundum similitudinem nostram. Unde Clemens & Philo etiam εἰκόνα εἰκόν' illum appellant. Et cur appelletur Ψυχοποιός, & Τῆς ζωτικῆς ἕξεως ποιητική, nisi quòd Creatio Hominis die sexto facta sit, itaque à Mose descripta, ac si Adamus, cum Statua tantum terrea, Imagòve lutea primùm esset, Deus postea spiraculum vitæ ipsi inspirarēt? Καὶ ἐγένετο ἀνθρώπου & εἰς ψυχὴν ζωσαν. Et ob hanc etiam rationem fortean Senarius vocari possit εἶδ' & εἶδ' υἱ, quippe quum Anima, ipsa Forma sit illius formæ Imaginisve terreæ quam Deus fecerat. Et postremò, oppidò quàm probabile est Ὑγείαν sanam illam constitutionem, quā Adamus creatus est, respicere, cum sanitas morbis antiquior sit, juxta carmen istud apud Maximum Tyrium,

Ὑγεία πρεσβύτα μακάρων, &c.

Sapient. Salom.  
p. 14.

Et congruenter quidem Dicto illi in Libro Sapientia, Creavit enim ut essent omnia, Nationesque Orbis Terrarum erant salutes, &c. Tam manifestum est ex hisce Instantiis Mytheria Numerorum Pythagorica ad Textum Mosaicum esse referenda.

10. Quod ad Septenarium attinet, nulla illius nomina in medium protulimus, quàm omissionem nunc compensabimus. Nonnulla enim ex eis admodum appositae videntur, taliæque quæ naturaliter ad Doctrinam Mosaicam possint referri. Ut Οὐλομέλεια, Τελεσφόρος, Ἀδράστεια, Τύχη. Septenarius enim merito appellari potest Οὐλομέλεια & Τελεσφόρος, quoniam Deus die septimo opus suum finivisse dicitur, quippe quum universa tunc integra essent & consummata. Perquam aptè etiam appellatur Ἀδράστεια παρὰ τὸ μὴ δράν, à non agendo, quia Deus quievit die septimo ab omnibus suis operibus. Vel si Ἀδράστεια idem significet quod Νέμεσις, sensus erit, quòd Deo quiescente nihilque deinceps creante, talis tamen in ipsa rerum creaturarum

Vid. Cab. Phil.  
105. cap. 2. v. 2, 3.



rarum universitate Lex sit, ut partim propter libera Agentia, partim propter Naturalia, nemo supplicium sit evitaturus. Quod significatur per Ἀδράστειαν, voce derivatâ παρὰ τῆς μὴ διδράσκειν à non fugiendo. \* Τόχην etiam aliquam cognationem habet cum hac Notione, quippe qui effectus esse potest cessationis Dei ab operibus die septimo.

Sunt verò & alia Nomina, Σεπτάς, Φυλακίτις, Καίρη, Ονειρῶ. Quorum primum Pythagorica potius est nominis numeri Ἑπτάς Notatio, quàm novum Nomen, significatque, cultum septenarii, à σέβειν sive σεβάσκειν, quod loco isti respondet, *Es benedixit Deus diei septimo & sanctificavit illum.* Et ex eo quòd tam præcisè Deus populo mandaverit φυλάξαι τὸ σάββατον, equidem haud improbabile est, quin inde appellari possit Septenarius, Φυλακίτις. Vel à Φύλαξ: potius, hoc est, *Vigiles sive Angeli,* Vide Cab. Ibi. lof. c. 2. v. 3. quorum in manus Mundi Regimen traditum est in hoc Sabbatismo Dei. Et postremo vocatur Καίρη, κατ' ἐξοχὴν, cùm dies septimus tempus sit sive opportunitas sancta, ex universa Temporum massa quasi excisa ac separata, ad cogitationes nostras exercendas circa res optimas, & ad meditandum de sapientia Divina. Quam rationem celebrandi Sabbatum hoc sanctamve Requiem si Ονειρῶν appellarent, ex eo factum est, quòd ejusmodi Divinæ speculationes maximè perspicuæ sunt, quando strictissima sit sensuum corporis ligatio, isti quidem analogæ quæ fit in somno. Ceterum verisimilius est ad Pharaonis Insomnia de septem Vaccis & septem Aristis à Josepho explicata, particulatim referri, cùm Historia illius Gentis, cujus Philosophia apud eos tam sacra erat, memoriâ nequaquam videretur indigna.

II. Quantum ad nomina Ἀυδὴ & Φωνή, ratio admodum obvia est ac trivialis, à septem Vocalibus in Græco Alphabeto. Κρίσις verò Dies morborum Criticos respicit; & Κίρας Ἀμαλθείας, Septenario in quo Universum perfectum consummatumque dicitur, tali attribuitur sensu, quo Ternario attributum est, ob plenitudinem opiparantque rerum copiam in Terra.

Reliquæ Appellationes tales sunt, quæ aut ad Palladem pertineant aut Apollinem, qui utrique eandem rem significant, nempe, Sapientiam: Nec ausim præstare cuiquam, veram primævamque occasionem quòd Apollo vocatur Ἑβδομαγενής, & Septenarius Pallas, ab hac Cabbala Mosaica non fuisse profectam; cùm Divinissima Sapientia originem suam debeat Quiesci & Vacationi à negotiis Mundanis, à quibus Deus populo præcipit ut requiescant die septimo. Adeò ut quanto magis ista Numerorum Pythagoricorum Nomina consideramus, quæ Diebus Creationis respondeant, eo majorem aptitudinem in eis deprehendamus & applicabilitatem ad Textum Moysi.

## SCHOLIA

## In CAP. IV. SECT. I.

Ἑξαμα. Quia distincta & articulata adaptatio, &c. Vel si ab ἑξαίρεσι deducatur, Ratio nominis est ab attollendo suspendendoque in sublimi varia Cæli Luminaria.

Πολύθεος etiam vel potius Γάθεος, &c. At verò hæc Nomina ad Mercavam præcipuè referri posse censeo, quæ in Explicatione quatuor Animalium de Ordinibus Angelicis tractat, Angelos verò apud Græcos θεὸς nominari potius est quàm ut opus sit monere. Quarta etiam Sephirah amplitudinem regni Dei denotat, quod θεὸν, id est Angelorum præcipua multitudo est, quò minùs mirandum sit Quaternarium πολύθεον appellari.

Sect. 2. Excurrens dein ad omnia Objecta tam Metaphysica quàm Physica, &c. Hoc aliquò modo verum esset quamvis Tetractyos Explicatio ad Bereshith omnino restringeretur. Nunc verò cùm ad Mercavam etiam extendatur, sive Visionem quatuor Animalium ac quatuor Rotarum, ad ipsùmque adeò Tetragrammaton, non potest quin modo locupletissimo sit verum.

Sect. 4. Cùm Ἀρρενόθηλος vox futura fuisset magis propria, &c. Quinto enim die bruta tantùm Animalia creata sunt, sexto verò etiam Homines, de quibus voces ἀνὴρ & γυνή rectius usurpantur.

Sect. 5. Sunt verò alia multa Quinarij nomina satis abscondita, fateor, & à quintæ diei opere aliena, &c. At verò haud ità aliena sunt omnia, à quinta Sephira, quæ Geburah dicitur, significatque robur ac fortitudinem. Satis enim cognata videntur huic Sephiræ, Pallas, Ἀλφει, Ἀκρεώτις, Ζανὸς πύργος, Δίχσις, Καρδιάτις, Ἀνικία, Ὀρδιάντις, Δίχην, Περόνοια. Pallas quidem, quippe Dea bellicosa, quin & eadem Sapientiæ Dea, quò rectè igitur refertur Περόνοια. Nam vis consilij expers mole ruit suâ, ut monet ali-

Prov. 18. 1.

Theolog. Plato-  
nic. lib. 1. 25.

E. ai. 31. 3.

2 Cor. 10. 4.

cubi Horatius. Sed justam oportet esse perinde atque providam, quò Δικη & Δίκησι re-  
ferri possunt. Immo verò Fortitudo veràque Animofitas in ipsa fundatur Justitia. Fugi-  
unt impii nemine persequente, Justi autem instar leunculi confidunt. Quò etiam spe-  
ctant Καρδίατι & Ορβίατι. Rectitudo enim Animi cor corroborat, Divinamque quandam  
ingenerat vim atque fortitudinem, planèque invictam, quò spectant Άνικία, Ζανός πύρ-  
γος, Άχρεώτις, Αζυξ. Et certe ex illa voce Ζανός πύργος, innuitur vim esse summè  
Divinam: Est enim Ζανός πύργος, prima Sephirah, illiusque mentio hic fit tanquam pri-  
mi fontis hujusmodi virtutis, quæ Άνικία dicitur. Hac est fides illa invincibilis in  
primo Bono, de qua Proclus sic Philosophatur: Δεῖ δὲ δειαν πρὶν ἐνοεῖν ὃ ἡρεμὸν  
ὑπάρχειν ἐν τῇ ἀναπόσει τοῦ ἁπλοῦς τῶν ἰδρυμένων. Et paulò post, Εἰς τὸ πύργον ὁρμᾷ  
ἀσφαλὲς τῶν πύργων ἀπ' αὐτοῦ. Quod Pythagorei πύργον Proclus ὁρμὴν vocat. Turris  
verò ac portus, utraque fortitudinem & securitatem denotant. Virtutem autem hanc  
Divinam esse parò significatur per appellationem Άχρεώτις, nempe vim esse eximie Spiritualem.  
Egyptii homines sunt & non Deus, & Equi eorum caro sunt & non Spiritus.  
Quò etiam referri potest istud Apostoli, Nam arma militiæ nostræ non carnalia  
sunt, sed potentia Deo, &c. Αζυξ verò & Άχρεώτις optimè conveniunt, dum innunt  
vim hanc Divinam ac celestem, cum Virginitate, hoc est, cum summa animi corporisque  
puritate esse conjunctam.

Sett. 8. Ad Κόσμον etiam referenda sunt, &c. Κόσμος optimè convenit cum sexta  
Sephira ΠΝΑΒ, quæ ut Κόσμος, Ornatum significat, possuntque utraque denotare pul-  
chram ὠταξία, quò sensu Αρμυρία & Παράρεια, haud ineptè etiam ad sextam Sephiram  
referri queant.

Sett. 10. Τύχη etiam aliquam cognationem habet, &c. Quò autem sensu ad  
Sephiram septimam referri possit, in Tabula Sephirotharum Pythagorica notavimus.

Quorum in manus Mundi Regimen, &c. Quomodo verò hoc intelligendum de eorum  
Regimine, Deique Sabbatismo, in Defensione supra explicavimus.

## CAP. V.

1. Nomina trivialia Denarii. 2. Novem Nomina Denarii satis apposita, ad Univer-  
sum sive opus quarti Diei relata. 3. Aaronis Vestimenta Symbolum Univerfi; 4. Et  
Divinitatis Christi Indicium. 5. Tria alia nomina, Ἡλιος, Φάνος & Σφαῖρα, &  
quà ratione Denario attributa. 6. Decas, vel potius Tetractys Κλειδύχος, appella-  
ta, propterea quòd Creationis Mystrium in Die quarto obseratum quasi sit & recondi-  
tum; 7. Quòdque etiam tam accuratè expressèque Creationis illius diei naturam signi-  
ficet. 8. Cur appellata sit Κλειδύχος, ἡ φύσις. 9. Cur Decas sive Denarius nomi-  
natus sit Κλειδύχος, 10. Et cur Πέντε cum pleniori illatione vera cause, cur Tetra-  
ctyos mentio facta sit in Juramento Pythagorico, potius quàm Pentadis, aut alius  
cujusvis Numeri.

Johann. Meurs.  
Denar. Pythag.  
cap. 12.

1. Nihil nobis est cum Octonario & Novenario, utpote qui ad nullum Creationis  
diem referri possint. Denarius verò Quaternario tam arctè adhæret, ut qui  
illius Potentia sit, ut omissio planè culpanda foret, nisi omnes illius Titulos in medi-  
um proferrem. Aptitudinem ac significantiam vocum Κόσμος, Οὐρανός, Πατέλεια,  
& τὸ Γὰρ suprà jam notavi. Ex eis quæ supersunt, quæ ad scopum nostrum minimè  
faciunt hæ sunt, Πρῶτος τετραγωνισμός, Μνημοσύνη, Μνήμη. Vocatur Πρῶτος τετρα-  
γωνισμός, sive prima Quadratura ex eo tantummodo, quòd ex primis quatuor Num-  
eris fit, 1, 2, 3, 4. Titulo verò Μνημοσύνη insignitur, quoniam illa mater est novem  
Musarum. Atque fuit hi & imperiti Pseudo-Pythagoristæ, bellam, ut videtur, rem  
fore putarunt, si unam ex sororibus singulis reliquorum novem Numerorum Denarii  
tribuerent; Matrem verò in tergo aciei perinde atque in fronte collocarunt. Tam  
leves & inconstantes sunt in levibus hisce & inutilibus Nugis. Nihil opus est notare  
Μνήμη additum fuisse, tanquam voci Μνημοσύνη Synonymon.

2. Reliqui verò Tituli Denarii sive Decadæ non sunt ejusmodi quisquiliæ; sed re-  
spiciunt, sicut Decadem decet, quæ Tetradis est potentia, quarti diei Creationem,  
quæ articulatio erat Univerfi in formam speciemque atque rectum ordinem. Ac pro-  
inde quemadmodum hic Numerus Denarius, sicut suprà notavi, appellatus est Κόσμος,  
propter comprehensivam rationem Tituli; ità quidem huic consentanea existimo ista  
nomina, Εἰμαρμένη, Οὐρανία, Αἰών, Κεάτος, Ἀνάγκη, Ἄλδα, Ἀκάμας, Πάμωχος, Θεός,  
(à



( à quorum ultimo *Quinarius* etiam appellatur Αμιβε. ) quippe quum omnia comprehensivæ sint significationis. Nam Εἰμαρμένη & Ἀνάγκη legem innuunt Fatalitatis & Necessitatis in ordine Universi, & Οὐρανία cælestem illum Concentrum Ordinisve illius Harmoniam, nisi temerè injectum sit ac futiliter, tanquam una è novem Musis, ad explendum locum. Αἰών, Κεάτ, Ἀλῆας, Ἀκάμας permanentiam denotant stabilēque Mundi durationem, quod nihil periculi subit eum unquam ex sua natura defecturum. Juxta quem sensum intelligendæ sunt istæ locutiones in Juramento *Pythagorico*, Πηγῇ, ῥιζώμα τε ἀέναν φύσεως: quum Ἀεία. φύσις planè respondeat voci Αἰών, quod idem sonat atque αἰὲς ὦν & Κεάτ, Ἀλῆας, Ἀκάμας, vocibus ῥιζώμα & Πηγῇ. Hæc enim quatuor, *Spiritus* scilicet *Natura*, *Soles*, *Planetae* & *Vortices*, rectè id omne esse dicuntur, quod illa nomina significant. Et congruentia profectò admodum accurata est, in eo, quod, quemadmodum *Tetras* & *Decas* realiter eadem *Tetractys* sunt, ità nomina earum eandem habent vim atque momentum, easdēque res indigitant. Et postremò Θεός & Γάμων. ( si Γάμων. sit ὁ Κύριος, quemadmodum reddit *Hesychius* ) eidem succinunt sententiæ, aptissimèque intelliguntur ex *Tetrastico* illo *Sibyllæ*,

Vide etiam  
Cap. 1. c. 8.  
& cap. 3. sect. 7.

Εἰμὶ δ' ἐγὼ ὁ εὖν, ( σὺ δ' ἐνὶ φρεσὶ σῇσι νόησον )  
Οὐρανὸν ἐνδεδυμαι, περιέβλημαι ἢ θαλάσσαν,  
Γαῖα δέ μοι ἑρμῆμα ποδῶν περὶ σῶμα κέχυται,  
Ἄηρ δ' ἡδ' ἄστρων με χορὸς περιέδεσσε πάντη.

\* Ad quem sensum etiam collineat illud apud *Plotinum*, Θεὸς μὲν ἐν τῷ πᾶν τ' χωριστῶς ψυχῆς συναριθμημένης, τὸ δ' λοιπὸν δαίμων μέγας, καὶ τὰ παθητὰ ἐν αὐτῷ δαιμόνια. Tam manifestum est omnia illa Nomina *Universum totum* respicere in omnibus illius *Lineamentis*.

Ennead. 2. lib.  
2. cap. 10.

3. Est autem aliquid in versibus illis *Sibyllinis* adeò sacrum sanctumque ut eos sine ulteriori observatione præterire nequeam. Quæ Digressio licet aliqualis videri possit, non est tamen omninò à præsentī nostro scopo aliena. Nullus enim dubito quin *Sibylla* in hac descriptione ad Vestimenta *Aaronis* Sacerdotalia alludat, quem *Philo* Typum facit unigeniti filii Dei, quem πρωτόγονον Θεῷ appellat, & τὸν Θεὸν λόγον, æternumque facit Pontificem maximum hujus immensi Templi Universi, Εἰκόνα τῷ ὄντι. eum nominat, i. e. Imaginem *Jehovæ*, ipsumque Mundi Opificem. Λόγος δὲ ἔστιν εἰκὼν Θεῷ δι' ὃ σύμπας ὁ κόσμος ἐδημιουργεῖτο. Et tamen sensu quodam complexo *Universum* etiam facit *Filium Dei*.

Vid. Philonem  
de Somniis.

Vide Philonem  
de Monarchia.

Post particularem enim descriptionem significationis vestimentorum *Aaronis*, ornatuumque Sacerdotalium, ubi vult duas gemmas in Humeris significare duo *Hemisphæria* ( cum singulæ habeant sex Tribuum Nomina ut utrumque Hemisphæriorum signa sena, secante *Horizonte* sic divisa; ) duodecim *Lapides* in Pectorali denotare duodecim signa in *Zodiaco*, ordinemque in quatuor terniones dispositorum, quatuor anni temperates innuere; *Pallium* Togamve *Hyacinthinam*, *Aeris* Symbolum esse, fimbriamque floribus variegatam, *Terra*; *Πόσχος* sive *Malogranata* ( alludendo ad πῶς fluo ) *Aquam* significare, *Tintinnabula* verò *Harmonicam* *Aquæ* *Terræque mixturam* ad Generationem: tandem rationem hanc addit hujus Vestitus, Ὅπως ἐν τῷ ἱερουργίαις συλλειτουργῇ πᾶς ὁ κόσμος αὐτῷ, Ut universus *Mundus* simul supplicet cum Pontifice Maximo. Cui statim subjungit: Omnino enim par est, eum qui Patri supplicat, καὶ τὸν Θεὸν ἐπ' ἀγαθεῖναι, πρὸς Θεῶν θέαν γεννηκότος, ac si *Universum Dei Filius* esset. Quod dictum profectò haud satis sanum est, nisi is, quem alibi πρωτόγονον Θεῷ appellat, Divinumque Logon, includatur, ad sensum conceptumve consummandum.

Phil. de vita  
Mosis.

Phil. de Mo-  
narchia.

Hinc enim apparebit, Divinum Logon, illum verum omnino esse Pontificem maximum, \* cujus Indumenta sunt ( secundum istos versus *Sibyllinos* ) omnes partes Universi, *Aaronemque* hujus Figuram tantummodo fuisse; vocēsque illas, Εἰμὶ δ' ἐγὼ ὁ εὖν, \* sculpturæ respondere quatuor Literarum in Lamina coronali super frontem *Aaronis*, quam *Philo* fuisse ait, ὄνομα τῷ ὄντι. ad quod *Sibyllinum* ὁ εὖν respicit, & per quod intelligitur *Jehovah filius*: porro οὐρανὸν ἐνδεδυμαι referri ad *pallium Hyacinthinum*, quod *Aer* quidem non est, sed tanta Cæli portio, quanta Solem inter & Planetam aliquem sive Terram in eodem Vortice interjacet. Quemadmodum nec isti πόσχοι *Aqua* sunt, sed totus *Globus Terræ* atque *Aqua*, qui ubique est in infimis partibus fimbriæ hujus *Hyacinthini Pallii* *Æterni* verique *Aaronis*. Quæ *Malogranata* [ πόσχοι ] seminalem *Terræ plenitudinem* Matris rerum omnium perquam aptè repræsentant. Ex eo autem quod multa sunt, *Terrarum* sive *Planetarum*, quorumque in suis Vorticibus, multitudinem sive pluralitatem denotant. Nec *Coccum* certè in *Ephod*

Phil. de vita  
Mosis.

& Pectorale intertextum, Elementum Ignis, quod Philo vult insinuare, significat: Cocci verò ac purpure contextura cum Auro Byssoque candida ex quibus Ephod & Pectorale facta sunt, Calorem denotant vehementem refulgentemque Lucem Solis, qui Pythagoreorum est τὸ πῦρ ἐν μέσῳ ἰδρυμένον, ut Ephod & Pectorale locum habent in medio corporis quæ Regio Cordis est, Solis Mundi minoris. \* Et denique Tunica sive Stola ocellata, ut vocatur, quæ ultra Pallium Hyacinthinum extendebatur, (etiam quousque extendi poterat) manifestum est quòd Cælum Stellatum denotat. Cùm Stellæ admodum aptè oculis comparentur, \* quemadmodum & Plato in notissimo isto Disticho eleganter eas olim comparavit.

Ἀστὴρας εἰσαθροῖς Ἀστὴρ ἡμῶς, &c.

Exod. 28. 34.

Phil. de Monarchia.

Macrob. somn.  
Scipion. lib. 2.  
c. 1.

Metaphys. lib.  
13. c. 3. 4. 5. 6.

Et quanquam γαῖα apud Sibyllam τέλειμα ποδῶν appelletur, ex eo tamen quòd dicitur περὶ σῶμα κεχρῆσθαι, solutam illius fluitationem implicat, ut Malogranatorum istorum in Fimbria pallii Sacerdotalis. Nec potest Aer dici περιδραμεῖν πᾶν (quod hic proculdubio idem est atque πανταχῇ) idque adeò conjunctum cum Choro Planetarum, quin mobilitatem pluralitatemque Terrarum supponat. Quod igitur præcedenti versui lucem affert. Quòd autem sit Tintinnabulum unum & Malogranatum, Tintinnabulum autem alterum & Malogranatum in fimbriis Pallii per circuitum, equidem melior sensus hujus loci erui non potest quàm quem alibi Philo nobis reddidit. Τὴν ἁρμονίαν καὶ συμφωνίαν καὶ συνέχασιν τῶ καὶ μερῶν οἱ καὶ ὅντες ἰμφαίνουσιν. Tintinnabula Harmoniam, Symphoniam, Consonantiamque partium Universi representant. Quam ob causam Pythagorei Τετράκτυν Ἀρμονίαν appellârunt. Et ridicula illa fama de Concentu Sphærarum Cœlestium Pythagorica proculdubio nihil aliud erat, quàm soni horum aureorum Tintinnabulorum in pallio Aaronis pendentium, malè reverberata Echo. Pythagoras enim nullas omnino Sphæras tenuit, sed Philosophiæ Judaicæ linguâ Mysticâ loquens perperam intellectus est; quod & in Numerorum Mysterio contigit, quippe quum generalis invaluisse opinio eum rerum omnium Principia istos constituisse, cùm is tamen tantum ut Symbola rerum eos consideraret. Ἀριστοτελες verò dogma istud tanquam ab ipso seridò traditum multis adoritur, sed æquè jucundum interim intelligenti Lectori exhibens spectaculum ac si quempiam videret vacuum πανοπλίαν scitè constructam & erectam, cum lancea ferociter invadentem, militem eum Armatum per errorem existimantem. Hæc verò obiter dicta sint, Ad rem quæ præ manibus est redibimus.

Phil. de vita  
Mosis.

4. Quòd, πᾶς ὁ κόσμος συλλείψεται, quod suprâ ex Philone citavi, intelligendum sit sensu complexo, includendo etiam Æternum Logon, manifestum est ex consimili loco, ubi Philo rursus vestimenta Sacerdotalia describens, loquitur ut antè, Τῶν τε τρίτον ὁ ἀρχιερεὺς διακοσμηθεὶς ἐτέλλεται πρὸς τὰς ἱερουργίας, ἵν' ἔταν εἰσὶν τὰς οὐχ αἰσθητὰς, συνεισέλθῃ καὶ πᾶς ὁ κόσμος αὐτῶν. Ubi tamen in conclusionē expressim comprehendit, καὶ τὸ σὺμπασι συνέχοντα καὶ διοικῶντα λόγον statimque addit, Omnino enim eum oportet, qui Patri Universi supplicare vult, παρακλῆται χρῆσθαι τελειότατῳ καὶ ἀρετῇ ὡς, πρὸς τὴν ἀμνηστῆσαν ἀμαρτημάτων καὶ χορηγίας ἀφθονωτάτων ἀγαθῶν. Unde minime mirum est Decadem, quæ Symbolum est Universi, à Pythagoreis appellari δέον. Qui præsens est magisque particularis scopus ad quem hic collimavi.

Vid. cap. 8.  
lib. 7. 8.

Quod verò consideratu maximè est mirabile, hoc ipsum est, quàm exquisitâ scilicet ratione Æternus Logos, qui Mundi opifex erat, quique proprio nunc vestitur opere, verus Pontifex maximus supponitur secundum Typum hunc Aaronis. Quis enim tam idoneus efficacique Intercessor apud Patrem pro peccatis offensisque Mundi quàm is qui eum fabricavit, cuiusque in pectore forma illius continetur atque Idea, qui adeò penitus intelligit necessitatem occurrus aliquarum rerum aut eventuum qui haud usque adeò sancti ac perfecti sunt quàm possit exoptari, potestque ex perfecta Naturæ rerum notitia inevitabilitatem variorum malorum effectuum ab Incompossibilitate illa & Incommensurabilitate quæ inexpugnabiliter in perversa incorrigibilique Hyle includitur, distinctè excusare?

Præterea, dum se in Sacerdotalibus suis Vestimentis sistit, quæ compages est Harmonicæque partium Universi adaptatio, eo ipso etiam speciali quodam modo particularia paucorum quorundam vitia ac peccata extenuat excusâtque, quippe quum reliquæ Creationis partes tam salutares sint atque amabiles, cùmque eæ, quæ minùs rectè attemperatæ sunt, non sint nisi quasi chordæ discordantis transitio in Concentu Musico vel optimè constituto, quæ facit ut chorda proxima longè dulcius sonet. Ac si allegaret apud Patrem suum, si de summa rei statuere velit, & sub uno intuitu omnes fines periodosque rerum considerare, universa aliquo modo approbanda esse bonæque censenda,



consenda, & quantum ad eas partes, quæ maximè tenebræ videntur ac funestæ, Prærogativam esse *supremæ Bonitatis* lucem ex eis majorem elicere, eosque, quibus multum remittitur, dilecturos esse multum.

Talem omnino Sacerdotem nullus dubito quin *Aaron* præfigurârit *Sacerdotibus* suis *Vestimentis* indutus. Quæ specialis *Divinitatis* beati Servatoris est confirmatio. *Hic est Deus noster, neque est alius qui cum ipso comparetur. Is invenit omnem viam scientiæ, eamque servo suo Jacob & Israel dilecto suo dedit, posthac in terris visus est & cum hominibus conversatus*: Per modum Præludii quidem in Nube & in Rubo, sed plenè perfectèque in Incarnatione sua ex beata Virgine. Et *Aaron* itidem utrarumque ejus naturarum Typum gessit; *Divinæ* quidem *Naturæ* in *Vestimentis Sacerdotibus*, quæ nullum Indumentum significare potuerunt, nisi quòd ipsius sit Dei; *Humanæ* autem *Naturæ* in propria persona, cum *Aaron* merus homo esset.

Et tamen cum personam illius sustinere deberet, qui verè est Deus, nimirum *Domini Jesu*, erant quædam Præcepta, vel potiùs privilegia ei data, quæ eum supponebant quodammodo supra humanam sortem elevatum. Ex cujus rei contemplatione, *Philo* in istiusmodi voces erumpit, quæ conditionem Christi Θεανθρώπου verique Pontificis maximi, quàm significantissimè illustrent. Βλέπεται γὰρ ὁ νόμος, ἡ ἀρχιερεὶα μεμορῆσθαι φύσεως μείζοντος ἢ κατ' ἀνθρώπον, ἐνλυτέρω περιστάσει τὴν θεΐαν, μεθόχον, εἰ δὲ τ' ἀληθὲς λέγειν, ἀμφοῖν· ἵνα διὰ μέσων τινῶν ἀνθρώπων μὴ ἰλάσκωνται θεόν, θεὸς ἢ τὰς χάριτας ἀνθρώποις ὑποδιακόνῳ τινὶ χρῶμεθα ὁρῶντι καὶ χορῶντι· hoc est, *Lex Pontificem maximum naturæ participem esse vult majoris humanæ, propius ad Divinam accedentem, vel ut verè dicam, confinium utriusque; ut Homines Deum propitient per Mediatorem utriusque Naturæ participem, Deusque illius utens ministerio, Gratia suppetias Hominibus porrigat. Tam perspicuè Christi Divinitas præfiguratur in lege Mosaica.*

Quæ tanti momenti considerationes, hanc, quæ videatur, Digressionem, magis condonabilem reddere debent. \* Neque enim simplex Digressio est, sed illius, quod attuli ad confirmandum sensum vocis *Decas*, fusior expositio, unius utique è nominibus *Decadis*, quæ *Integralia* magisve *Universalia* Mundi Lineamenta respiciunt.

5. Verùm *Ἡλιος* & *Φάνης* & *Σφαῖρα* meritò existimari possunt ad *Luminaria* quarto die creata respicere, quæ nec facta sunt sine circumvolutione rotundorum Vorticum, quod insinuat per *Σφαῖραν*. Et postremò *Κλειδῶχος* (quod & *Tetradis* nomen est) *Κλειδῶχος* & *Πίστες*, equidem credo, quòd referenda sint omnia ad Traditionem *Tetractyos*, sive Enarrationem Mysterii Creationis, explicando proprietates illius *Numeri* ad *quarti* diei opus applicandas, quatenus generalior *Universi* delineatio esse intelligitur, potiùs quàm quòd intelligenda sint de rebus ipsis quæ die *quarto* dicuntur creata. Quòd verò *Dies quartus* totam Creationem complectatur, illa nomina *Decadis* (quæ immediata *Tetradis* Potentia est) planè supponunt, cum universa ferè eò tendant, jejunèque ac ridiculè illi Numero attribuuntur, hâc ratione quidem seclusâ. Cur enim appellanda esset *Decas* *Ἡλιος*, *Φάνης*, *Εἰμαρμένη*, *Ἀνάγκη*, *Αἰὼν*, &c. nisi quòd ad Legem referatur & ordinem *Universi* & ad illius ornatum Solibus atque Planetis? Et certè quanquam *Decas*, cum sit omnium simplicium Numerorum comprehensio, *Symbolum* esse possit *Universi*, & ob eam causam appellari *Οὐρανός*, *Κόσμος*, *Τὸ πᾶν*, *Παντέλεια*, atque etiam *Σφαῖρα*, ut & propter ἀναγκηλωσιν in numerando à *Decem* rursus ad *Decem* & sic in infinitum, quemadmodum observatu obvium est; si tamen nullus ulterior esset scopus magisque seria ad aliquid majoris momenti Allusio, equidem mera *Denarii* Mundo *sphaeræ* affimilatio res admodum exfueca esset trivialisque atque insipida.

6. Breviter igitur: *Cabbala Decadis* sive *Tetractyos*, idem enim sunt, \* sicuti *Athenagoras* observavit, appellatur *Κλειδῶχος*, sive *Claviger*, Primò, quia expositio erat illius partis Creationis *Mosaica* quæ obserata quasi erat, & tanquam sub *Clave* recondita. Etenim, tametsi ex sola concessione sensus *Textus*, Philosophici, quòdque primi Diei Creatio, de rebus immaterialibus tantum intelligenda sit, (quemadmodum *Monas* naturaliter innuit) necessariò sequetur *Terram* non omnino creatam esse, nisi die *quarto* locum sibi invenire possit; Et quòd *Textus* insuper universim de *Luminaribus* quæ facta sunt pronunciet, Quòd essent in *Signa* & *Tempestates* & *Dies* & *Annos*; quorum verborum vix ullus commodus sensus est, si *distributivè* sumantur, quoniam in aliquibus fines hi atque officia coincident; nec intelligi potest enumeratio esse, officiorum sive proprietatum ad singula Cœli *Luminaria* pertinentium, nisi *Planeta* *Terræ* sint circa omnes Soles, quas *Stellas* fixas vulgò appellamus: Hæc tamen tam subleste obscurèque insinuantur, illèque sensus *distributivus*, quam paulo durior & ineptior, adeò tamen possibilis est, ut opus *quarti diei*, nisi per peritum aliquem *Mythagorum* moneamur de contrario, apparituum sit nihilominus particu-

Baruch. 2.  
v. 35, 36, 37.

Vid. Levit. c.  
21. v. 10, 11,  
12.

Phil. de Mo-  
narch.

particularis tantum Creatio *Luminarium* Cœli quatenus talium, talique sensu quo vulgò intelliguntur. Ac propterea, ob defectum tam expressæ significationis rerum, in hujus diei Creatione, quam sit in aliis, Mysterium illius meritò considerari potest tanquam obfignatum obleratumque à conspectu vulgi, & eo ipso, res quæ maximi omnium momenti sunt è tota *Cabbala*. Unde planè agnoscendum est quòd *Cabbala Tetractys*, sive *Traditionalis* Operis *quarti* diei explicatio, meritò appellatur *Κλειδῶς*, quippe quæ *Clavem* gerit, aperitque maximè recondita Mysteria Creationis.

7. Deinde, *Tetractys* quoad naturam ipsius Numeri ejusque proprietatem, (quàmvis nugamentum omnino sit talèque quod *Lucianus* jure derideat, si nulla illius ulterior esset utilitas) meritò appellari potest *Κλειδῶς*, propterea quòd tam eleganter expressèque *Cabbalam* Creationis quarti diei repræsentet. Atque equidem Analogia heic signum inter & rem significatam admirabilis est. Etenim, quemadmodum quarti diei Creatio externâ quidem specie non est nisi pars Creationis quarto diei assignata, ut aliæ partes diebus aliis, sed sensu magis recondito, reverà fabricatio est ordinatioque totius Universi, efformatioque ejus in Soles, Planetas atque Vortices; ità *Tetractys* sive *Quaternarius* operis hujus diei *Symbolum*, primo quidem aspectu, unus tantum certus Numerus est, pars Decadis; sed ex occulta *potentia* eo comprehensa tota est Decas, cum 1, 2, 3, 4. simul sumpta faciant Decem.

Quibus addere potes, Quòd, quemadmodum opus *quarti* diei primo aspectu formatio tantum videtur *Luminarium*, quorum radii recipiuntur sub figura *Pyramidali*, cum tamen revera sit Mundi fabricatio formatioque in tot rotundos Vortices: Ità *Tetras* sive *Tetractys* secundum apertam suam naturam tantum prima *Pyramis* est, (sic enim est *Quaternarius* in Numeris) secundum verò suam magis abstrusam potentiam, *Sphæra* est, sicut || supra est notatum.

Denique ut quarti diei Creatio secundum externum quidem sensum, visibilem solummodò materialémque Mundum videtur respicere, sed necessariò interim *Immateriale Principium* supponit quòd *Materiam* in istas rerum formas redigat: Ità *Tetras* in aperta sua ac exteriori natura, *fæminina* tantum est, quoad partes verò suas, quibus in *Decadem* excrefcit, & *masculina* est & *fæminina*, quippe quum 1 & 3 (ut vult *Zaratas*) *masculina* sint, & 2 & 4 *fæminina*: Sicut & in *Tetracty* magis composita 36, quatuor numeri *masculini* sunt 1, 3, 5, 7. & quatuor *fæminini*, 2, 4, 6, 8. Qui, ut in priori consideratione, necessitatem innuunt conjunctionis *Activi* & *Passivi* Principii in opere quarti diei, hoc est, in Fabrica Universi. Cæterum ex eo quòd compositio harum partium abeat in triginta sex, qui Numerus *Circularis* est sensu quidem faciliiori quàm *Decem*, significari potest, quòd totum *Hexaameron* Creationis, *quarto die* comprehendatur, quòdque *Formatio Mundi circumgyratione* fiat *Æthereæ* *Materiæ* in repetitos Vortices. Verum hæc composita *Tetractys* ad præsentem disquisitionem minus pertinet. Analogia inter simplicem *Tetradem*, *quartique* diei *Creationem* in sensu Philosophico, tam exquisita est & expressa, ut abunde jam constare existimem, cur illa *Κλειδῶς* nomen apud *Pythagoreos* sortita sit, cum illius Numeri proprietas verum sensum operis *quarti* diei tam aprè aperiat.

8. Et ex eo quòd appellatus sit *Κλειδῶς* & *φύσεως*, innuitur insuper, \* quòd destinatus sit præcipuè maximèque immediatè in universalem *Cabbalam Naturalem*, insignioribus Naturæ Theorematis illuc comprehensis, ut *Metaphysica* Theoremata primi diei opere comprehenduntur & duobus capitibus sequentibus. Quibus quidem consideratis, ratio omnium eorum Nominum Denario attributorum, universalémque legem compagémve Naturæ significantium manifesta est, quippe quæ in *diem quartum* conjici debeant, cum nullus Dies decimus sit Creationis in quem possint conjici. Et *Decem* quidem *Tetractys* est perinde atque *Tetras* ipsa. Quemadmodum *Triginta sex* appellatur *Tetractys* perinde atque quatuor primi Masculini Numeri & quatuor primi Fæminini ex quibus consistit.

9. Quòd *Decas* appelletur etiam *Κλειδῶς* ratio satis obvia est & concinna, si ad *Cabbalam* quarti Diei referatur. Namprehendendo radicem sive stirpem istam, ut ità dicam, eo ipso ramos simulprehendimus & tenemus. *Cabbala* enim *Tetractys* naturaliter in considerationem primi, secundi, tertii, & quinti, sexti septimique diei se propagabit; quippe quum Natura *Universi* haud rectè intelligi possit, nisi in eos etiam penetretur, qui quasi *Κλάδοι* sunt, *surculi ramive* ex hac atque illa parte *Cabbala quarti Diei* germinantes.

10. Et quantum ad tertium ultimumque Nomen *Πίσις*, ulteriori argumento est, quòd Nomina *Decadis* ad *Diem quartum* referantur, quippe quòd moneat *Decadem* etiam eam ipsam *Tetractyn* esse per cuius Inventorem ac Traditorem *Pythagoras* ejusque Sectatores jurabant, cum ab ipsis appellata sit *Πίσις*, perinde atque *Tetractys* Op-

¶ Sect. 3.

Plutarch. de  
Iside & Osiride.Vide Joh. de  
Necr. Den.  
Pythag. c. 12.



nos. Et Πίστις quidem per Jusjurandum est confirmatio. Nam πίστις ἐπιθέσθαι idem est atque *jurare* ex Linguae Græcæ Idiomate. Tam mirificè facilèque res undique conspirant naturalitèrque coincidunt ad veritatem *Cabbalæ Philosophicæ* junctis suffragiis confirmandam; tamque manifestum est quàm specialem causam *Pythagoras* haberet, mentionem faciendi *Tetradis* potius quàm *Pentadis* aliùsve cujusvis Numeri in illa Jurisjurandi formula, per Eum qui *Cabbalam* primus impertiverit. Nam si *Mysterium* in ipsos Numeros terminatum esset itique realis alicujus scientiæ rerum *Naturalium* aut *Divinarum Symbola* non fuissent ac *Repositoria*, equidem *Pentas* celebri- Cap. 4. sect. 6. tatem Juramenti meruisset potius quàm *Tetractys*, quemadmodum suprà indicavi.

Ut generatim igitur concludamus de *Nominibus Numerorum Pythagoricis*, equidem quemlibet ausim appellare, si post rigidam hanc examinationem non centies plus lucratus sum quàm perdididi, largaque *nominum* valdè appositorum, præter ea quæ antè produseram, non facta est accessio, ut & manifesta detectio, unde factum sit, ut ea Nomina quæ ad præsentem *Cabbalam* nihil faciunt, irrepsissent. Quæ tam accurata de rebus reddita ratio non potest quin abundè eis omnibus satisfactura sit, qui satis possunt dispicere, quando difficultati factum sit satis, quando secus.

## SCHOLIA

## IN CAP. V. SECT. 2.

**A**D quem sensum etiam collineat illud apud Plotinum, &c. Plotini verò sensus paulo crassior mihi videtur, quàm ut ferri possit à Christiano quoquam veròve Philosopho. Neque enim Mundus Dei corpus est sed Indumentum tantum. Rectius igitur tutiusque Sibylla sacras Scripturas imitata loquitur, quàm Plotinus, quæ Deum vestiri quasi facit Mundo corporeo, non autem cum eo vitaliter uniri. Id officii relinquatur Spiritui Naturæ, qui Deus non est sed Creatura, nempe Λόγος σωματικός: Universi. Et quanquam Θεός & Πάμωχλος apud Pythagoreos Denarii sint Appellationes, ac proinde ad Universum quæ Universum pertineant; nihil tamen necesse est ut primævi Pythagorei Universum tanquam Dei corpus considerarent, sed tantum ut Indumentum. Sacerdotes verò Paganici id apprimè volebant, ut magis solida subesset causa colendi omnes partes Universi, tanquam membra Divini Corporis, ut Pontificii Panem colunt, tanquam vivum corpus Christi.

Sect. 3. Cujus Indumenta sunt, &c. Cum tam concinna sit ac solida, in hoc capite, nostra de Vestimentis Aaronicis Philosophatio, equidem opera pretium duxi, quò Lector majori cum voluptate ac facilitate, quæ hic scripsi, intelligat, effigiem Aaronis cum omnibus Vestimentis Sacerdotalibus conspiciendam || hoc in loco apponere, ut uno quasi intuitu venustatem concinnitatemque notionum nostrarum percipiat. Est igitur A A A Tunica sive Stola ocellata, B Pallium Hyacinthinum, à quo Tintinnabula & Malo granata dependent, C Ephod sive Superhumeralis, & I Pectorale sive Rationale; E Cidaris vel Tiara, & F Lamina aurea coronalis, in qua Tetragrammati Inscriptio est.

Sculpturæ respondere quatuor Literarum, &c. Et Sibylla & Philo sic videntur loqui ac si solum Tetragrammaton יהוה insculptum esset Lamina aurea. Tota verò Inscriptio apud Mosensis est, קרש ליהוה, quod est, vèrtente Vatablo, Sanctitas ipsi Jehovah. Quod planè indicat, quàm sanctam sustineret personam Aaron, nempe ipsam Personam Jehovah Filii sive Christi, Persona ex Aeterno Logo humanæque Anima ac corpore conflata. Quam Interpretationem nostram, & Sibylla & Philo confirmant.

Et denique Tunica sive Stola ocellata, &c. De opere hujus Stolæ ocellato sic scribit Arias Montanus: Hoc autem ut singulare nec arcana significatione carens in hac prima veste annotatu visum est dignissimum. Quod quidem Arcanum nos cum bono Deo à tenebris feliciter eruisse, nullus dubito, rectèque hanc Vestem interpretatos esse de Cælo Stellato. Quæ quàm naturalis aptaque sit Interpretatio, illinc etiam intelligere est, quòd Mythologi Argi oculos de Stellis Cæli, ipsūque Argum de Cælo interpretantur.

Quemadmodum & Plato in notissimo isto Disticho, &c. Totum Distichon sic est:

Ἀστὴρας εἰσαθρεῖς Ἀστὴρ ἑμὸς, εἴθε γενοίμην  
Οὐρανός, ὥς πολλοῖς ὁμμάσιν εἰς σε βλέπω.  
Astra intueris, Affer mi, utinam ego essem  
Cælum, ut te multis vicissim oculis intuear.

In hac igitur comparatione Stellarum cum oculis, ipse etiam Plato cum Mythologis consentit.

Sect.

Vide Paginam sequentem.



*Señ. 4.* Neque enim simplex Digressio est, &c. Adde porro si Digressio fuisset, admodum tamen utilem fore, præter confirmationem Divinitatis Christi, ad probandum insuper Motum Telluris revera partem fuisse Cabbalæ Philosophicæ Mosaicæ. Vestes enim Aaronis Systemati Mundano Pythagorico mirum in modum congruunt quadranteque.

*Señ. 6.* Sicuti Athenagoras observavit, &c. Μέγιστον & μὲν ἀειδαίμωνος ὁ δὲ κατὰ τὴν Πυθαγορείου ὁ τετρακτὺς τε ὢν, &c. Athenag. Apolog. pro Christianis.

*Señ. 8.* Quod destinatus sit præcipue in Universalem Cabbalam Naturalem, &c. Equidem huc potissimum spectare Tetractyn ænseo, ob mirabilem proprietatis aptitudinem, quo quarti Diei Cabbala & aperiatur, & conservetur, perditave recuperetur; sed non dubito interim quin ad Mercavam præterea referri possit quatuorque Rotas & Animalia, qua de re satis diximus supra.



## C A P. VI.

1. *Secunda Objeçtio, à dissimilitudine inter Pythagoricam Philosophiam & Cabbalam Judaicam, quæ nullam mentionem facit de motu Terræ; cum Responso.* 2. *Secundum Responsum, ubi ostenditur quàm facile, si non necessariò evenerit, ut motus Terræ è Cabbala Judaica deperderetur.* 3. *Superesse tamen in Cabbala Judaica quod motum Terræ necessariò inferet.* 4. *Veteres Sapientes Judæorum tenuisse motum Terræ, quemadmodum ex eo apparet, quòd Pythagoras doctrinam suam ex eo fonte hauerit.* 5. *Numam Pompilium è Judæis oriundum fuisse:* 6. *Templumque quod Vestæ extruxit, demonstrationi esse, quòd motum Telluris tenuerit.*

1. **S**ECUNDA Objeçtio contra *Cabbalam* nostram à mutilatione illius doctrinæ quam *Judaicam* live *Mosaicam* esse contendo, desumitur; quæ ex duabus potissimum partibus consistere debet, *Motu* scilicet *Terræ*, cum reliquis quæ eo dogmate involvantur, & *Præexistentia Animarum*. Quarum prior, inquiunt illi, in *Judeorum* scriptis nusquam occurrit. Ad quod respondeo,

Primò, Infra Generositatem Instituti nostri planè esse, eas tantummodo veritates Textui *Mosaico* applicare quæ in scriptis *Judeorum* supersint, censeri que possint antiquæ *Cabbalæ* Reliquiæ; sed sublimem illum Scopum ad quem ego collineavi, hunc ipsum fuisse, nimirum, ut eâ Methodo quam adhibui, in notitiam eorum revocare possem nobilem illam *Cabbalæ* ipsorum partem quæ erat deperdita, quàmque tamen olim *Pythagoras* à Patribus eorum acceperat, quemadmodum abundè est Testimoniorum ac Suffragiorum ea de re apud *Historicos*. Et certè *Physica* hæc *Cabbalæ* pars quam applicavi, tam appositæ est, tamque arctè Textui *Mosaico* adhæret, non solum quoad res ipsas, sed etiam ratione *Nominum* ac *propriètatum Numerorum Pythagoricorum*, ut hoc quidem artificio, tanquam ansis ferreis, utræque partes *Cabbalæ* in unum ità constringantur contineanturque, ut manifestò æquo cuivis oculo appareat, totam *Cabbalam* unius filii esse atque structuræ, totamque ad Textum *Mosaicum* pertinere.

2. Præterea, Quæ, obsecro, *Cabbalæ Judaicæ* pars *Physica* est, si hæc non sit? (Neque enim negaturi sunt quin *Moses* philosophetur in hoc primo Capite Geneseos:) Quæve tam præclara tamque vera Theoremata applicare poterunt, quàm sint ea quæ illius Textui ipse applicavi? Si respondeant, fuisse quidem olim talia tamque aptè applicabilia, sed lapsu temporis ea interciderisse; respondeo, Ex eo quòd pars *Physica* interciderit, haud obscurum esse argumentum hanc ipsam esse quam nos recuperavimus, cum nulla *Cabbala* tam facile deperdi posset quàm hæc ipsa: Quippe quòd multò difficilius sit *Mundanum Systema Pythagoricum* cuiquam communicare quàm *Præexistentiam Animarum*. Quemadmodum ex eo apparet, quòd hæc Philosophiæ pars ipsius etiam *Aristotelis* captum excederet, qui tamen si dogma hoc memorare potuit, & ad *Pythagoreos* referre, eidem tamen assentiri non potuit, ipsumve amplecti. Nam & præjudicium sensûs contra ipsum prævalidum est, & Philosophicæ Mathematicæque præparationes longè majoris moliminis quàm quæ requirantur ad recipiendam doctrinam de *Præexistentia Animarum*. Unde factum est ut, \* quamvis *Platonismus* à *Pythagorismo* derivatus sit, Theorema tamen de *Motu Telluris* omiserit; Immo verò ipsi *Pythagorei* lapsu temporum illud perdiderant, \* quemadmodum constat apud *Timæum Locrum*, & ex *Apollonio Tyanco*, Titulisque aliquibus quos *Pythagorei* Numeris suis tribuerunt.

Et tamen pauciores adhuc è *Judeis* hujus partis *Cabbalæ* capaces reperirentur quàm è Paganis. Quippe quum necessarium illis esset non solum istis præparationibus, quæ in aliis requirerentur, instructos esse, \* sed speciali præterea Animi robore, quo sustinere possent *Mosaicum* videre Literæ corticem quasi diffringi, ad reddendum ipsis Nucleum reconditum quo vescerentur; cum è contrà *Præexistentiam Animæ* doceri possent, nullà ferè vi externæ Literæ *Mosis* illatâ, hoc est, *Literali* illius sensui. Quamobrem quòd Theorema *Motûs Terræ* deperditum sit, nec inter *Judaicæ Cabbalæ* Reliquias appareat, nullum argumentum esse potest, quin olim pars illius extiterit.

3. Tertiò autem, Quamvis *Structura* hujus Theorematis apud ipsos perditæ sit, *Fundamentum* tamen etiamnum manet, quod satis evidens est indicium, *Ædificium* ipsum olim illuc steterisse. Atque *Fundamentum* hoc non solum in ipsa lingua eorum cernere licet quemadmodum suprà notavi, sed & in eorum scriptis. Cujusmodi est

E e e e

illud

De Calo, l. 2.  
cap. 13. Meteorolog. lib. 1.  
cap. 6.

Cap. 3. sect. 10.

Vide Grot. in  
Decalog.

Epist. ad V.C.  
sect. 7.

Vide cap. I.  
sect. 8.

In Vita Nu-  
ma.

1 Macc. cap.  
12. v. 21.  
Jos. Antiquit.  
Judaic. lib. 13.  
cap. 11.

Plutarch. in  
Vita Numæ.

illud in Gemara, Non orbes, sed in cælo liquido moveri sydera, vetustissima Hebræorum sententia est, ut nos docet Gemara ad initium Genesios. Cæterum isti antiquissimi Hebræorum, nisi stupidissimi pariter essent, ( quales proculdubio proximi Moysi successores non erant sed præstantissimi Philosophi, cum ipse Moses citra omnem controversiam talis esset ) \* impossibile erat ut cælos liquidos tenerent, quin eo ipso eos oporteret Motum Telluris pariter tenere, nec ut ipsi aut Pythagoras motum Telluris tenerent, quin simul Æthereos tenerent Vortices, quemadmodum planè demonstravi in Epistola ad V. C.

4. Quartò & ultimò, Judæos expressim e Motum Terræ tenuisse meo quidem judicio abunde jam evictum est, ex eis quæ attulimus ad probandum \* Pythagoram aut Judæum ipsum fuisse, aut saltem doctrinam suam accepisse à Judæis. Cujus Veritatis, Præexistentia Animæ & Divinitatis Triunitas, quas Pythagoras docuit, haud obscuræ sunt Indicationes. \* Manifestum enim est ex libro Jetzirah, Judæos Triunitatem Divinitatis perinde atque Animæ Præexistentiam tenuisse. Quapropter verisimillimum est eum Physicam suam Philosophiam ex eodem Fonte hausisse atque Metaphysicam. Cæterum cum pars hæc Cabbalæ Physiologica nec tam utilis esset, nec quantum ad res Religionis tam obligatoria, nec tam facilè propter vastas in illa Theoria excursions, recipi potuisset & comprehendere, & comprehensa quidem, per aliquam longam hominum successionem non nisi difficulter retineri, ( quippe quorum animi propriis commodis maximè addicti sunt, sive ad hunc Mundum sive ad futurum pertinentibus ) minimè mirandum est, quemadmodum jam monui, si tempus eam detri- verit, permiseritve subsidere & interire, cum tam pauci reperirentur qui idonei essent ad eam recipiendam, aut qui è re sua fore putarent eam recipere.

5. Veruntamen, ( id quod præcipuum est, quod hoc ultimo loco respondere in- stitui ) quamvis fama hujus partis Cabbalæ apud Judæos quodammodo extincta sit, fuisse tamen eam aliquando arcanam eruditorum illius gentis Doctrinam, mihi abun- dè credibile videtur ex eo quod Plutarchus scribit de Numa Pompilio. Nam illa adeò rigida apud ipsum Imaginum in Divino cultu prohibitio, planè Mosaica est ; quemad- modum & illud Principium, \* Οὐ καλῶς φασκεῖν τὰ ἀπόρρητα ἐν ἀψύχῳ γεγραμμένον, Libros inanimos arcanorum Mysteriorum haud idoneos esse traditores, ostendit eum Cab- balisticè sive per oralem Traditionem doctum fuisse ; & in confesso est apud omnes, se- cretam quandam Doctrinæ magis reconditæ Traditionem fuisse apud Judæos.

\* Numæque Pompilii præceptor dicitur non Græcus quidem esse sed Βάρβαρος τις Βελλίων Γυθαγόρου, Barbarus quidam major præstantiorque ipso Pythagorâ. Et ubi obsecro talis inveniendus erat, nisi à Judæis oriundus ? Veruntamen alia, fateor, est fama, eum institutum fuisse à Pythagora, non autem à Samio illo, quippe qui aliquot pòst seculis vixit, sed à Pythagora quodam qui Lacedæmonius erat, quemadmodum ipse Numa fuit. \* Nam Sabini Colonia erant Lacedæmoniorum, prout Plutarchus affirmat.

Et ut rem ipsam pressius attingamus, \* Ipsi Lacedæmonii à Judæis erant oriundi, quemadmodum tum ex primo libro Maccabeorum tum ex Josepho apparet. Nam Are- us Lacedæmoniorum Rex in Epistola sua ad Oniam Pontificem Maximum expressè affir- mat, inventum esse in Scriptorum monumentis, quod Lacedæmonii & Judæi fratres essent, & utrique ex genere Abrahæ oriundi. Epistolæque Jonathæ Pontificis Maximi, agnoscit cognationem, sicque rem esse se in Scriptorum monumentis invenisse : ad- dique præterea se Lacedæmoniorum recordari in sacrificiis suis atque precibus, quem- admodum fratres decet.

6. Age igitur, inquires, Esto, Nam & valde probabile videtur ex istis circumstan- tiis, Numam & à Judæis oriundum esse & Religione Doctrinæque Judaicæ fuisse im- butum. Quid autem hoc ad rem ? Quæve id probat Motum Telluris olim partem fu- isse Traditionis Cabbalæque Judaicæ ? Ex hoc tantum constat, quod Numa veritatem illius Theorematis tam religiosè saperet, ut recognoscens apud seipsum, nullum tam augustum Dei Templum esse quàm ipsum Universum, nec fieri posse quin omnibus illius Incolis ab unoquoque prospectu rotundum appareat, in mediòque ejus situm esse oporteat semper lucentem Ignem, Solem intello, in hujus rei imitationem Tem- plum rotundum extruxerit, quod appellatum est Templum Vestæ de quo Plutarchus planè apertè loquitur, \* Νυμᾶς ὃ λέγεσθαι καὶ τὸ τῆς Ἐστίας ἱε- ρὸν ἐγκύκλιον περιελαλεῖται τῷ ἀσέβει πρὸς φρενὰν, ἀπομιμνήσκου ἢ τὸ χῆμα τῆς γῆς ὡς Ἐστίας ἔστι, ἀλλὰ τῷ σὺμπαντί τῳ κόσμῳ, ὃ μέσον οἱ Γυθαγόριοι τὸ πῦρ ἱδρῦσθαι νομί- ζουσι, καὶ τῷ τῷ Ἐστίαν καλεῖσθαι καὶ Μονάδα. Τὴν δὲ γῆν ὅτε ἀκίνητον, ὅτε ἐν μέσῳ τῆς περιφορᾶς ἔσταν, ἀλλὰ κύκλῳ περὶ τὸ πῦρ αἰωρουμένην, ὅτε τῶν τιμιωτάτων ὅτε τῶν πρώτων τῷ κόσμῳ μορίων ὑπάρχειν i. e. Numa verò dicitur templum rotundum Vestæ nunquam extin- guendo Igni custodiam circumstruxisse ; Non Terra quidem figuram imitans, ac si illa esset Vesta,



Vesta, sed ipsius Universi, in cuius medio Pythagorici Ignem collocatum esse statuunt, atque hunc Vestam ac Monadem appellant. Terram vero nec immobilem esse nec in medio Mundani Circuitus sitam, sed circa Ignem sive Solem circumferri, neque unam ex primis præcipuisque Mundi partibus existere. Ecquid manifestius istis testimoniis esse potest? Cæterum cuiusque iudicio permitto, quâ ipsi visum fuerit confidentiâ de re statuere.

## SCHOLIA

## IN CAP. VI. SECT. 2.

Quamvis Platonismus à Pythagorismo derivatus sit, Theorema tamen de Motu Telluris omiserit. Post citationem à Cyrillo Alexandrino, quâ Platonem perinde ac Pythagoram in Ægypto commoratum esse probat S. A. qualisque esset Moses illiusque doctrina didicisse; rogat hæc ut expediam, quâ factum fuerit, quod, cum Pythagoras & Plato, pariter Philosophiam Mosaicam in Ægypto degustârint, Plato tamen motum Terræ haud agnoverit. Unde insinuare vult motum Terræ nullam esse Philosophiæ Mosaicæ partem, alioquin enim Platonem eam fuisse amplexurum. Ut omit- tam verò Annorum amplius ducentorum fuisse intervallum Pythagoram inter & Platonem, manifestum est ingenium Platonis rebus Metaphysicis addictius fuisse quàm Physicis; indeque factum ut istud de motu Terræ Theorema aut omninò neglexerit aut tardius admiserit, Motum intelligo præsertim annuum. Nam tametsi Timæus Locrus etiam diurnum Telluris motum omisisse videatur, Plato tamen in suo Timæo eum innuere videtur istis verbis. Ἦν δὲ τερφὸν ἡμετέρας, εἰλυμένην δὲ περὶ τὸ διὰ πάντος πόλον τελαμένην, φύλακα καὶ δημιουργὸν νυχίος τε καὶ ἡμέρας ἐμνηχανήσας. hoc est, Jam verò Terram altricem nostram, circa axem per Universum extensum circumvolutam Diei, & Noctis effectricem custodemque fecit Deus. Quid istis vocibus aptius Terræ circumvolutioni circa axem quadrare potest? Proclum agnosco, Platonicum quidem sed haud usque adeò peritum Philosophum pro εἰλυμένην legere ἰλλομένην, quam vocem interpretatur per σφιγδομένην & συνεχομένην, dicitque Terram περὶ τὸ ἄξονα τῷ πάντος συνιχεῖσθαι καὶ συσφιγέσθαι, circa axem Universi contineri & constringi. Hac verò Procli interpretatio non tam belle convenit voci δημιουργὸν, Solem enim potius diceret Diei Noctisque opificem quàm Terram, nisi Terra motu diurno circa Axem moveretur, atque sic Diei & Noctis vicissitudinem efficeret. Et verò εἰλυμένην veram & antiquam fuisse lectionem, constare potest ex Cicero- ne, Academ. Quæst. lib. 4. ubi hæc habentur. Nicetas Syracusanus, ut ait Theophrastus, Cælum, Solem, Lunam, Stellæ, supera denique omnia stare censer, neque præter Terram rem ullam in Mundo moveri, quæ cum circa axem se summâ celeritate convertat & torqueat, eadem effici omnia, quæ, si, stante Terrâ, Cælum moveretur. Atque hoc etiam Platonem in Timæo dicere quidam arbitrantur, sed paulò obscurius. Quod tamen non paulò obscurius sed nimis quàm obscure diceretur, nisi εἰλυμένην legatur, non ἰλλομένην. Nicetam autem illum Syracusanum de motu diurno intelligendum esse palam est, cum & Lunam stare dicat, quod verum esse non potest nisi quantum ad motum ejus diurnum. Neque præter Terram rem ullam in Mundo moveri. Motu nempe diurno, ut magis adequatè cum hac Platonis opinione in Timæo conveniat, qui motum Terræ duntaxat diurnum ibi tradit. Paulatim verò totam doctrinam Mosaicam sive Pythagoricam imbibit & approbavit, referente, in Numa, Plutarcho, eum jam senem eadem cum Pythagoricis de Terra sensisse, & alio loco eam reposuisse, medium verò domicilium alteri cuidam attribuisse præcellentiori, Soli nimirum. Qui locus citatur ab ipso S. A. Tam parum reliquum est dubii de Platonis opinione circa motum Terræ, quamquam illius successores brevè istam doctrinam, quippe qui rebus Metaphysicis omninò addicti fuerunt, passi sunt interciderè. De quibus potissimum, quæ scripsi hæc intelligi volo, sed & aliquantulum etiam perstringi, ipsius Platonis, circa hoc Theorema, tarditatem.

Quemadmodum constat apud Timæum Locrum, &c. Verba sunt. Γὰρ δ' ὅν μὲν ὁ ἰδρυμένα Ἐξία θεῶν, ὅπου τε ὁρνας καὶ ἡμέρας γίνεσθαι. Tim. Loc. de Anima Mundi.

Sed speciali præterea animi robore, quo sustinere possent Mosaicum videre Literæ Corticem quasi diffringi, &c. Corticem Literæ Mosaicæ hic intelligo exteriorem, sensum utique maximè obvium vulgique captui accommodatum. Posse verò alium etiam Literæ subesse sensum magis reconditum ac Mysticum, nemo nisi qui perquam protervo sit ingenio & contra communem Patrum serè omnium sententiam contumax potest negare. Cortex verò exterior confringi potest & interior detegi citra omnem vim Literæ Mosaicæ factam, quò minùs integra maneat & incolumis. Nullusque sensus bonus haberi debet qui Literam in

Exam. Genet. p. 128.

Exam. Genet. p. 129, 130.

nullo Apice grammatico ausit violare. Quam legem in mea Interpretatione me observasse contra inurbanas cavillas & convicia S. A. acriter contendo. Nec vel minimam speciem prophænitatis habere si quis sensum Mysticum aliquando præferat Literali, ut Nucleum Putamini. Tota enim Lex Mosaiica quasi Putamen est, si cum Christianitatis Nucleo conferatur.

Exam. Gener.  
p. 130.

Seç. 3. Impossibile erat ut Cælos liquidos tenerent quin eo ipso eos oporteret, &c. S. A. aut perperam intellexit aut datâ operâ corruptis hunc locum ut videri posset habere quod opponeret. Nam pro [ eos oporteret ] they mought, ille vertit, [ possent, ] quasi scripsissem, they might, non autem they mought. Longè verò distant & sensu & origine might & mought, cum might à may quod posse, mought verò à must, quod oportere significat, deducendum sit. Ille verò tanquam si scripsissem, they might, [ motum Terræ possent tenere ] sic insurgit: Quod verò ex Grotio producit nil planè ad rem facit, quia à posse ad esse non valet consequentia. Crediderunt antiqui Hebræi sidera in cælo liquido moveri, adeoque potuerunt etiam motum Terræ credere. Si arbitrati sunt hanc unquam fuisse fidus, omnino fatendum est. Sed istud posse nil ponit in esse. Credunt Ætherem fluidum Tycho quoque & alii, qui tamen istam Terræ delationem non agnoscunt. Quàm facunda & copiosa res est Ignorantia! Si mentem meam rectè intellexisset, hujus objectionis maxima ex parte fecisset compendium. Non arguo à posse ad esse, sed à necesse esse ad esse, quanquam fateor à necessitate Hypothetica, nempe si quis admittere velit, sapientes Hebræorum, (quod abunde credibile est) ingenio fuisse haud ità stupido ac obeso. Hoc enim qui concesserit perinde atque tenuisse cælos esse liquidos, statim videbit motum terræ eos pariter tenuisse, quemadmodum intelligere est ex eis quæ scripsimus in Epistola ad V. C. Seç. 7. Quò Lectorem brevitatis causâ remitto. Quod verò ad Tychonem attinet, longè equidem abest, ut hominem existimem obeso ingenio, sed prudenti & callido, & animo fortean superstitionibus irretito. Instar monstri verò est cum rem Astronomicam eò deduxisse, ut Saturnus, Jupiter & Mars, Venus item & Mercurius circa Solem moveri intelligerentur, & tamen interim ut Terra quiesceret, cum nec illi circa Solem moveri possint, nisi cælestis Materie circumductu. Sed ad locum supra dictæ Epistolæ Lectorem remitto. Quem si satis perpenderit, spero mihi facile assensurum, veteres Hebræorum sapientes, cum cælos liquidos tenuerint, incredibile planè esse eosdem motum Telluris non simul tenuisse.

Exam. Gener.  
p. 131.

Seç. 4. Pythagoram aut Judæum ipsum fuisse aut saltem doctrinam suam accepisse à Judæis, &c. Præterire hic non possum quàm egregium prævaricatorem se præstiteris S. A. dum rationes solidas hoc Paragrapho contentas sic conatur pervertere. Num enim sequitur, ait ille, Pythagoras Philosophiam suam, h. e. saniora quæ de Deo & rebus Divinis tradidit, hausit à Judæis, ut antiqui Scriptores testantur, Ergo omne Pythagoricum dogma est Judaicum, & contrâ? Hausit quædam Metaphysica, ergo totam Metaphysicam, cui nihil de suo addidit, ergo & Physicam. Accepit Physica nonnulla, ergo totam Physicam eodem modo. Denique dogma de motu terræ ob hanc vel istam causam facile deperdi potuit, ubi adfuit, ergo adfuit. Quis ità ratiocinatur, &c.

Perf.

----- Nemo, herculè nemo,

nisi juvenis Philosophia professor idemque Doctor Theologiæ S. A. qui Histrionem ludicrum Mimûmve mavult agere quàm serium solidorum argumentorum examinatore contra ac in Titulo libri sui videtur professus. Vix mea argumentationis in hoc quarto Paragrapho breviter hæc est. Metaphysica saltem quædam à Judæis hausit Pythagoras, (faciente ipso S. A. testimoniis antiquorum convicto) ergo ea ipsa præsertim quæ Textui Mosaiico tam pulchrè convenire deprehendimus. Quis enim nisi planè vecors qui ulla hausisse concesserit, quin ista hausisse lubentissimè sit agiturus? Deinde cum sapientissimus omnium Philosophantium perinde atque Religioni addictissimus habitus sit Pythagoras, testante Josepho, incredibile est opportunitatem nactus ex consuetudine cum Judæis de rebus Physicis etiam sciscitandi, ut eam negligeret, nec selectiora saltem quæque Theoremata Physica veteris Cabbalæ à Judæis hauriret, cum & vir pius esset & egregii acuminis, adeo ut in ipso nulum esset obstaculum sive impedimentum. Si verò ulla istiusmodi selectiora Theoremata Physica à Judæis acceperit, quàm absurde ac ridiculè scrupulositatis est dubitare an ea acceperit, quæ maximè præclara sunt Divinæque traditione maximè digna; inter quæ excellit verum Mundi Systema, quod motum Terræ circa Solem necessariò complectitur; & quod caput rei est, quanquam inopinato quidem, firmo tamen certoque artificio, Textui Mosaiico facillimè applicatur, arctissimèque adheret; ¶ Quemadmodum in Explicatione quarti Diei fusè demonstravimus. Denique Philosophicus Theologicusque hic Mimûs est non ego, qui sic argumentatur: Dogma hoc de motu Terræ ob certas quasdam causas deperdi

Vid. & Cap.  
5. Seç. 7, 8.



perdi potuit ubi adsuit, ergo adsuit. Ego enim objectioni tantummodo per anticipationem occurro, non novo utor argumento. Et postquam firmissimis argumentis doctrinam de motu terra apud Judæos Pythagoræ temporibus viguisse demonstrassem, causas aperio cur istud dogma apud Judæos postea interciderit, nè quis suspicetur istam opinionem nunquam existisse apud Judæos, quia jam non extat. Quid autem hoc est nisi objectionem anticipare, non autem novum adhibere argumentum, quo probem, quod satis probatum erat antea?

Manifestum enim est ex libro Jetzirah Judæos Triunitatem Divinitatis, &c. Fa-  
 teor, heic inquit S. A. si ad hoc mysterium quævis Trinitas sufficit, Judæos Cabbalistas Exam. Gener.  
 & Pythagoram hanc quoque credere. Ternarius enim istis & huic Mysticus est. Sed P. 132.  
 si Triunitas, ( quæ voce me dicit uti ) trium Personarum in una Essentia intelligitur,  
 ab istis æquè negatur hodieum ac huic incognita fuit. An Cabbalists & Pythago-  
 ras Trinitatis Mysterium eodem planè modo intellexerint, quo nunc dierum Scholastici;  
 nihil refert quantum ad vim nostræ argumentationis. Si Pythagoras pariter ac Judæi  
 Cabbalists Triunitatem Divini Numinis tenuerint, satis magnum indicium est, quando-  
 quidem Pythagoras versatus est cum Judæis, eum ab ipsis, hoc quale quale sit Mysterium  
 hausisse. Qui unicus est argumenti mei scopus. Attamen profecto ea ipsa quæ extant  
 in libro Jetzirah, quæque hic profert ipse S. A. de Trinitate, doctrinam innuunt Christiana  
 valde consimilem. Nam כתר seu Corona, הכמה Sapiencia, & בינה Intelligentia,  
 appellantur מוחות נ' tres Mentes, vel Medullæ seu Cerebella, & dicuntur uniri בנקורה  
 אלה in Centronno. Quàm parùm, obsecro, hoc ( rectè intellectum & Symbolico corti-  
 ce exutum ) à Christiano Trinitatis Mysterio abest? Noli enim מוחות cerebella aut  
 medullas interpretari, ( quod insulsum esset sic intelligere ) sed Mentes, & tres Personas  
 habemus. Ecquid enim intelligere potest nec tamen esse Persona? Tres igitur personas ha-  
 bemus in Divino Numine. Sed unam Essentiam requirimus. Noli centrum unum quo  
 uniuntur hæ tres Mentes, Mathematicè intelligere, sed Symbolicè & Metaphysicè, &  
 unam statim Essentiam deteges, cum Centrum summa & maximè indivisibilis unionis  
 unitatisve sit Symbolum. Distincta igitur Mentes quæ sic uniuntur unam unitissimam  
 faciunt Essentiam, summæve simplicitate Essentiali unam, nè S. A. Essentia unitatem de-  
 esse conqueratur. Sed unico Teste nitor eoque dubio. Quàm minimè dubii sensus sit  
 hic Testis jam vidimus, & quanquam unicus sit, apud Judæos tamen magni aestimatur.  
 Sed addo porro aliis in libris occurrere mentionem Sephirotharum, & tribus primis Divi-  
 nitatem ascribi, reliquas descendere ad Creaturas; de quibus rebus cum alibi mihi dicen-  
 dum sit, in præsens quicquam superaddere supersederem, nisi me abstinere nequeam quin  
 quæ apud eruditissimum veri Systematis Mundi Intellectualis Authorem de Trinitate Sa-  
 mothracica occurrunt huc accumulem. Bella enim sunt & quæ Doctrinæ Cabbalisticæ an-  
 tiquitatem mirificè suffulciunt. Neque enim dubitandum est, quin decem Sephirotha-  
 rum Mysterium simul cum Divini Numinis Triunitate olim esset propagatum. Breviter igitur  
 rem sic accipe: In Templo Capitolino tria sacella fuere sub uno tecto contenta, in quibus  
 collocata sunt simulachra, in sacello ad dextram, Minervæ simulachrum, in sacello ad fini-  
 stram, Junonis, in medio autem Jovis. Trinitatem hanc Capitolinam, Divinarum Hy-  
 postaseon Trinitatem significare, præcunte hac in re G. J. Vossio, eruditissimus Author non  
 dubitat affirmare. Nec id quidem temerè, cum tria hæc Capitolina Numina dicuntur  
 primitus in Italiam ex Phrygia per Trojanos vecta, prius verò in Phrygiam ex Samo-  
 thrace per Dardanum, idque octingentis ferè annis post Noachi Diluvium, referente  
 Eusebio. Hos tres Deos, ( quippe per quos penitus spiramus animique rationem possidemus,  
 ut vult Macrobius, vel quod Dii sunt, qui sunt intrinsecus atque in intimis penetrali-  
 bus Cæli, ut vult apud Arnobium Varro ) Latini Penates appellarunt, Samothraces ve-  
 rò Καβίρη, quam vocem Varro, Divos potes, i. e. Deos potentes interpretatur. Quæ  
 vox Cabiri cum eadem planè sit quæ Hebraica כבירי justam dat suspicandi occasionem,  
 inquit eruditissimus Author, antiquam Traditionem trium Divinarum Hypostaseon ( quam,  
 ait, apud Græcos, Orpheum, Pythagoram & Platonem certissimum est tenuisse, & for-  
 tean Egyptios & Persas ) suam Originem ab Hebræis duxisse. Et certè prima Hypostasis  
 Jupiter, ( qui in medio intelligi potest non aliter collocatus quàm Kether in Tabulis Cab-  
 balisticis, hoc est cum quadam Superioritate ) sive Jovis Pater, est planè Jehovah Pater.  
 Ut verò Jehovah Filius in sacris scripturis Sapiencia dicitur & secunda Sephirah הכמה,  
 ita secunda Hypostasis hic dicitur Minerva ex Jovis Cerebro nata. Qui Divinus igitur est  
 Logos, ( quem Platonici Νῦν appellant ) sive æterna Sapiencia. Ipseque Varro Miner-  
 vam eam esse statuit in qua Idææ & exempla rerum essent; quod optime convenit Divino  
 Logo, utpote in quo Rationes Idææque rerum omnium continentur. Juno verò, quippe  
 Amor & Delicium Jovis, etiam secundum Vossium haud incommode respondet Divino Spi-  
 ritui. Et Ἥρα Græcè, quæ est Juno, quemadmodum alibi moneo, dicitur ubi ἱερὰν, qui  
 character peculiaris est apud Christianos, Spiritus sancti. Uxor autem dicitur Jovis quod  
 innumerata

innumeram ex ea Vitarum Animarumque tum hominum tum Deorum, hoc est Angelorum, genuerit prolem. Quam ob causam etiam tertia Sefirah dicitur בינה quasi כנה à כנה edificavit (perinde atque à בן intellexit) unde & בן filius. Et totus quidem Mundus apud Ægyptios & Platonicos, Filius Dei dicitur, ut qui immediatus partus est Junonis sive tertiæ Hypostasis. Unde & merito dicitur Jovis Uxor, rectèque בינה etiam ad כנה alludere censetur.

Et quod ad unitatem hujus Trinitatis Samothracicæ attinet, nisi Juno & Jupiter unum quid essent Essentiâ, non autem separati, Deus non esset ἀπενόητος, (Minerva enim nisi Grammaticè nihil διδουχὸν sonat, ut nec הכמה apud Cabbalistas quæ Pater dicitur ut בינה Mater) contra ac tenuerunt omnes Mystici Theologi & eorum quidem sensu omnes debent tenere. Quippe quum hoc ἀπενόητος Symbolum tantum sit Divina virtutis omnia ex se procreantis, quo sensu Juno Mundi genetrix, rectè perhibetur fœmina seu Uxor Jovis. Quamobrem Jupiter nullam habere potest Junonem ipsi non ὁμοούσιον, alioqui non esset ἀπενόητος, contra ac Orphica statuit Theologia.

Id certè majoris difficultatis est, Orphicam hanc sive Thraciam Theologiam conciliare cum Samothracica, Cabbalæve Hebraica. Trinitas enim Orphica non est Jupiter, Minerva, Juno, sed Phanes, Uranus, & Cronus, qui Pater est Jovis. Sed ut breviter hunc nodum solvam. Primò notandum est Phaneta hunc, Parmenidis esse ἐν ὄν, quod Hebraicè sonaret, Jehovah, hoc est, Jovis vel Jupiter. Quæ Hypostasis Parmenidea dicitur τὸ πᾶν, ὅτι πάντα διακεχειμένως ἐκφαίνει ἀφ' ἑαυτῆς, ut monet Simplicius. Unde manifestum est Jehovah Patrem apud Orpheum significantissimo vocabulo appellari Phaneta.

Porrò, cum nec secundam nec tertiam Hypostasin ἐκφαίνειν, hoc est, edere valeret, nisi easdem in se aliquo modo haberet, itaque duas alteras Hypostases in se censetur aliquo modo continere, i. e. συντηγμένως & ἡνωμένως, ut idem loquitur Simplicius: non per modum plurium Hypostaseon, sed virtute potius ac potestate. Phanes igitur prima Hypostasis est, ipseque Jehovah Pater qui dicitur & Uranus & Cronus. Quemadmodum in Tabula secunda Cabbalistica, secunda tertiæque Sefirah in prima Sefirah continentur ἡνωμένως, quanquam postea exhibentur διακεχειμένως. Neutra autem Trinitas nec Orphica nec Cabbalistica sic exhibita, Trinitas est sed simplex Hypostasis, Kether nempe Cabbalistica, Phanes Orphicus, Platonicum Ταραχὸν & τὸ ἐν Parmenideum, quod & τὸ νοητὸν πάντων αἰτίον appellat Simplicius. Ex quo & Νῦς Δημιουργὸς emergit, Πρωτόγονος Θεὸς apud Orpheum, ac secunda proinde Hypostasis, qui & Δημιουργὸς Ζεὺς tum ab Orpheo tum à Platone celebratur, ut refert Proclus.

Unde tandem satis liquet Theologiam Thraciam cum Samothracica sive Hebraica optimè consistere. Cum enim Phanes, Uranus & Cronus eadem Hypostasis sit, ὁ Δημιουργὸς Ζεὺς, Jupiter Opifex, planè filius est Croni sive Saturni, quemadmodum vulgò celebratur; cùmque hic Δημιουργὸς Ζεὺς propriè sit, Νῦς rectè respondet Minervæ in Trinitate Samothracica, & תְּהוֹמָה secunda Sefirah in Cabbala Judaica. Utque Kether Summitas est in ista Triade Judaica, ità Κεῖρον haud ineptè existimari potest τὸ ἀκερὸν τῆς νῦ, quod & alibi moneo.

Ut summatim igitur dicam, Prima Hypostasis, qui est Jupiter sive Jehovah Pater, Phanes dicitur quatenus πάντα ἀφ' ἑαυτῆς ἐκφαίνει, juxta Magicum illud sive Chaldaicum Oraculum,

Εἰς ἰ πάντα πυρὸς ἑνὸς ἐκτεργαῶτα.

Omnia ab uno Igne producta sunt. Dicitur verò Uranus quatenus ipse est hic Ignis. Uranus enim Ignem significat ab וּרָאן, cùm reliqua pars vocis terminatio tantum sit nec quicquam significet. Qui quidem Ignis sive Uranus tanquam prior naturâ rectè respondet Νόω sive Λόγῳ secunda Hypostasi, ut Ignis, Luci. Ὁ γὰρ Λόγος φῶς, inquit Plotinus. Denique Κεῖρον dicitur vel tanquam ἀκερὸν τῆς νῦ (tota enim Trinitas est unum τὸ θεῖον) quasi ἀκερότερος dictus esset, vel tanquam quippiam existens ὑπὲρ τῆς νῦ, vel ἐπέκεινα τῆς νῦ ut Pselus loquitur. Πλὴν ὁ θεὸς & τῆς νοητῆς & τῆς αὐτονοήτου ἐπέκεινα. Κρείττων γὰρ πάντος & νοήματος & ἡμέματος. Cujus sanus sensus esse potest, Primum Principium nullâ Intellectuali Ideâ attingi posse, sed tantummodo Vitali. Atque ob hanc rationem Saturnus rectè dicitur à τάρταρ, latuit, quod nulli Intellectuali Ideâ sive notioni Cronus hic sive Saturnus expositus sit, sed tantum Vitali sive Δυνάμει ἀγαθοειδῆ. Ac proinde respondet hic Cronus sive Saturnus tertiæ Hypostasi, τῇ ἐν Λόγῳ ζωῇ, ut Johannes loquitur, vel τῇ δειᾷ ψυχῇ, ut Platonici. Τῇ Ἡρᾷ, Junoni tertiæ Samothracicæ Trinitatis Hypostasi, Amori ac Delicio Jovis, cui Spiritum S. vitæ fontem J. Vossius comparat, ut qui τὸ ἀγαθοειδὲς & ψυχῇ in animabus purificatis excitat, quod profundum hoc & absconditum Bonum suo modulo attingant. Quod si Κεῖρον ad Χεῖρον alludere mallet, tum est ille simplicissimus & simul coexistens



coexistens Αἰὼν qui necessario in primo Principio continetur, cuiusque, ἡ θεῖα Ψυχὴ (sive Juno uxor Jovis) in Mundi partu Tempus peperit Imaginem. Tam parum infirmat Orphica sive Thracia Trinitas Samothracicæ sive Capitolinæ Trinitatis concinnitatem ac fidem.

Est certe æquum est cum Cabiri Samothraces & antiquiores sint & ab Hebraica Origine ducti, ut ad eorum legem Trias Orphica expendatur, & non vice versa. Majorque forsan quibusdam videbitur congruentia si Φάνης, Οὐρανός & Κρόνος. idem prorsus habeantur quod Ταγαθόν, Νῦς sive Λόγος, & Ψυχὴ ita ut Ταγαθόν, Φάνης vocetur, ut qui πάντα ἀφ' ἑαυτοῦ ἐκφαίνει. Λόγος. verò Οὐρανός, ut qui sit τὸ πρῶτον ἐξ αὐτοῦ ἐκφαίνόμενον, primum ex eo elucens, quatenus ab ἸΝ Lux deduci possit perinde atque ab ἸΝ Ignis. Ο ὃς λόγος φῶς, ut supra monui. Et Ψυχὴ denique Κρόνος, ut quæ Mundi genetrix sit, & simul cum Mundo, Temporis & evolutionis Seculorum. Atque sic exactè respondebit Orphica Trinitas Samothracicæ; Phanes, Uranus & Cronus, Jovi, Minervæ & Junoni. Atque equidem probabile est Trinitatis Orphicæ Nomina pro more Symbolorum Cabbalistarum, quæ res plures sæpe sub uno Titulo condunt, utrumque Mysterium in se continere. Vide Verum Systema Mundi Intellectualis, lib. 1. cap. 4. sect. 27. & sect. 17. Et Macrobi. Saturnal. lib. 3. cap. 4.

SECT. 5. Οὐ καλῶς φορεῖται τὰ ἀπόρρητα, &c. Hæc S. A. Numæ me tribuere ait tan- Exam. Gener. quam Principium, cum Plutarchi sint, rationem suo judicio reddentis cur Numa voluerit p. 134. libros suos secum sepeliri. Sed obsecro te, mi Andreæ, quomodo rationem facti Numæ reddere potuit Plutarchus, nisi ipse Numa eam rationem sectatus esset? ipsaque fuisset Numæ opinio? Quam & Pythagoreorum fuisse statim subdit Plutarchus, innuens illorum perinde fuisse atque ipsius Numæ. Quod autem libros scriptos haberet Numa, cum sententia illius de orali Traditione minimè pugnat, cum oralis illa Traditio monumenta scripta non excludat, sed tantum nè Mytheria in vulgus emanent, præcavet. Et sapientes Judæorum modernos etiam nunc curare ut scripta secretioris Cabbalæ secum sepeliantur, à fide digno Authore accepi.

Numæque Pompilii præceptor dicitur, non Græcus quidem, &c. In hunc locum S. A. admodum oscitanter sic animadvertit. Quod enim ille Plutarchum tradere putabat, id is negat haud obscurè, vel saltem ceu dubium recenser, uti totus contextus arguit. Egone verò hic Plutarchum affirmare aio præstantiorem aliquem Pythagorâ Numæ fuisse præceptorem? Quinimò tantum in genere sic dici innuo. Minimèque omnium sine causa dictum esse satis patet, cum Pythagoram Samium præceptorem ejus fuisse impossibile sit. Nec omnino negat Plutarchus talem Barbarum ei præceptorem esse potuisse, puta Judæum. Et si Pythagoram illum Spartiaten ei fuisse præceptorem concederetur, ad originem rursus Judaicam res tandem reduceretur.

Nam Sabini colonia erant Lacedæmoniorum prout Plutarchus affirmat. Non affirmat Plutarchus, inquit S. A. Sabinos (unde Numa oriundus) coloniam esse Lacedæmoniorum, sed narrat Sabinos id velle ac jactare. Σαῖνοι δ', inquit, βύλονται Λακεδαιμονίων ἐαυτοὺς ἀποικίαις. Quasi verò βύλονται, [jactant] significet, non autem [volunt] i. e. statuunt μετὰ βουλὴν, post maturam deliberationem examinationemve determinant ac pronunciant. Ità & βύλεσθαι & Latinam vocem Velle sæpissimè significare notissimum est. Et in hoc ipso loco sic significare planè constat ex eis quæ occurrunt apud Plutarchum in vita Romuli. Ubi de Sabinis sic scribit. Οἱ δ' Σαῖνοι πολλοὶ μὲν ἦσαν & πολεμικοί, καίμας δ' ὥκυν ἀτειχίστοι· οἷς προσήκον αὐτοῖς μέγα φρονεῖν & μὴ φοβεῖσθαι Λακεδαιμονίων ἀποικίαις εἶναι. Hic aperte affirmat ipse Plutarchus Sabinos coloniam esse Lacedæmoniorum.

Ipsi Lacedæmonii à Judæis erant oriundi, &c. Ad quæ S. A. Fuerunt, inquit, isti & Judæi συγγενεῖς, sed ἐκ γένους Ἀβραάμ, ex stirpe Abrahami, ut in libro Macab. legitur, vel ἐκ τῆς οἰκίας τοῦ Ἀβραάμ, ex domo Abrahami, uti Josephus Antiquit. lib. 12. cap. 15. Quis verò hinc colligat Lacedæmonios fuisse Judæos, &c. Nemo quidem quod ex Tribu Judæ oriundi sint, quod Judæi propriè appellantur, sed quod in genere ex nobili stirpe Judæorum sint prognati, quorum pater erat Abrahamus. Quod satis nostro proposito quadrat, cum ex supra dictis abundè constet Abrahamum eandem quam Moses habuisse Cabbalam, & vi illius Divinitus traditæ Sapientiæ Polytheismum & Idololatriam penitus subvertisse. Sed addo porro ex ista generatiori cognatione occasionem datam fuisse quâ consuetudinem haberent cum Judæis propriè sic dictis, quemadmodum constat ex literis Arei Lacedæmoniorum Regis & Jonathanis Pontificis Judæorum. Quod verò insuper urget S. A. Quis hinc propagatam cum genere Abrahami disciplinam inferat quin liceat pari fide omnium Mortalium religionem ad Instituta Noachi revocare, inscūt id profectò imperitèque objicitur. Neque enim par est utrobique ratio. Annon is qui sic argumentaretur; Illud institutum quod apud solos Noachi posteros reperitur, est Institutum Noachicum

chicum quod ipse Noachus tradidit; Sed hoc vel illud Institutum apud solos Noachi posteros reperitur, Ergo, &c. Annon ille, inquam, qui sic argumentaretur, omnibus se deridendum propinaret? Quippe quod Noachi posteri totum humanum genus post Diluvium complectuntur. Si quis verò sic ratiocinaretur; Illud dogma quod apud solos Abrahami posteros aut apud eos qui illud ab ipsis acceperint reperitur, est dogma Abrahamicum; Sed dogma de motu Terræ apud solos Abrahami posteros aut apud eos qui ab ipsis illud acceperint reperitur, Ergo dogma est Abrahamicum; Genuinum primo aspectu solidumque apparet argumentum, nulloque modo ridiculum aut distortum. Neque enim vis nostri argumenti in eo consistit, quod universim cum genere Abrahami disciplina illius propagata esset, sed quod quædam dogmata apud Abrahami posteros solos cõsue saltem qui ea ab illius posteris acceperint reperiuntur, ac proinde ad Abrahami Cabbalam debent referri. Qua de re mox plura.

Seçt. 6. Νυμᾶς ὃ λέγεται καὶ τὸ Ἑγίας ἱερὸν, &c. In hunc locum S. A. hæc objicit, Plutarchi, inquit, verba sunt λέγεται, aiunt, ferunt. Quis autem ignorat multa ferri quæ nudâ conjecturâ nituntur? Perquam frigide profectò ac jejune; præsertim hoc in loco, ubi ipsius rei natura communi famæ consentit, ut Plutarchi calculum omittam. Templi formatalis, Ignis in medio ita situs, tantæque Religione à Vestalibus custoditus nè extingueretur, ac si parvi momenti esset atque Solus in medio Mundo extinctioni præcautio, omniæque ita planè concinnata tanquam si datâ operâ systema Mundi Pythagoricum, Templum hoc ritusque imitarentur, & communis in super addita fama illud ipsum Numæ institutum fuisse; & tamen hæsitat dubitatque S. A. an ita prorsus se res habeat. At quid ita obsecro? Nempe quod idem Plutarchus 18. Quæst. Roman. hanc dat causam cur Numa à Januario novum Annum auspiciatus sit, quia tum Sol progrediendi fine factore revertitur, & ad nos cursum reflectit, &c. quasi hic assereret Plutarchus Numam Solem non Terram moveri censuisse. Cum tamen Plutarchus hæc tantum intendat causam reddere innovationis Numæ circa Anni initium, quæ perinde valet, sive Sol seu Terra moveatur, atque hinc communi loquendi formâ usus est non Pythagoricâ verè Philosophicâ.

Sed & ipsum Andreaden tandem hujusmodi cavillationum pudet, conceditque Numam motum Terræ credidisse; sed cætera quæ afferimus, eundem nequaquam religione Judaicâ imbutum, nedum fuisse Judæum evincere. Simulachra à Templis eliminasse præter Plutarchum Doctores etiam Christianos, Clementem Alexandrinum, Eusebium, Cyrillum, & Clementem saltem id eum fecisse ἐκ τῆς Μωσῆος ὡφελήσεως affirmare concedit, nec tamen fidem ei adhibet Andreades, quippe Clemente (quem nihilominus alibi non Hieronymi tantum judicio sed aliorum quoque omnium eruditissimum, in cujus libris nihil indoctum, nihil non ex media Philosophia depromptum, asserit) longè longèque nasutior. Sed & explicitam rationem profert suæ incredulitatis, Numam scilicet non eliminasse omnia simulachra, sed vetuisse ἀνθρωποειδῆ καὶ ζωομορφον εἰκόνα θεῦ ρομιζεῖν, ea tantum submovisse quæ Imaginem Dei referre prætenderent, populumque ad cultum pellicerent Idololatricum. Quod magis exactè Judaicum est, cum & aliquas Imagines ipsi Judæi in Templo tolerarent.

Cæterum ad hanc Religionis castitatem pervenisse Pompilium vult ex solo lumine Nature, neque enim quicquam majus prastitisse, quam quod in cultu sui Mithræ prastiterunt Persæ qui ab Imaginibus in sacris abstinerunt. Immo perpetuum istum Ignem Vestæ sacrum cum Persarum igne sacro & aeterno convenire, cui Πυρρα erant dicata. Multum autem hæc falli videtur vir eruditus S. A. dum adeò extenuat factum Numæ qui tam castam Religionem, aliis circumcirca gentibus Idololatriæ crassoque Imaginum cultui deditis, instituit. Quod nunquam fecisset, nisi Divinæ alicujus Traditionis autoritate fuisset suffultus. Quam à Persis accepisse perquam ridiculum est augurari, quippe quorum Mithras nihil aliud nisi Sol visibilis erat, cui dicata erant πυρρα. Ignisque tanquam illius Imago ab eis cultus. Ignis verò Vestalis à Pompilio institutus cum Templo rotundo, symbolum duntaxat erat Universi cum Sole in medio posito (quod angustius illud Dei Templum est.) Deus verò Numæ Pompilii, non Sol ut Persis, sed Deus verus & invisibilis, Mundi Solisque Creator. Hinc nulla in Templo Numæ Imago Dei, visibilis, quippe cum ipse invisibilis sit; sed Templum tantum artificiosum visibile, angusti illius Templi visibilis in medio Ignem etiam habentis, nempe Solem, haud inconcinnum imitamentum.

Atque hinc verum esse sensum Templi Numæ, Libri cum ipso sepulti & postea effossi & combusti egregiè profectò arguunt. Nam Physicas sacrorum causas eos continuisse apud Augustinum subinnuit Varro. Rationes igitur Rotunditatis Templi sitisque Ignis inextincti in medio eos complexos esse verissimum est. Quam meam conjecturam abunde postea confirmabunt quæ apud Plinium occurrunt, Histor. Natural. lib. 13. cap. 13. Illic enim Cassius Hemina aperit dicit eos libros doctrinam Philosophiamque Pythagoricam continuisse, & ob id ipsum jussu Q. Petilii tum Prætoris combustos esse. Idemque ferè affir-

Tag. 88.

August. de Civitate Dei, lib. 7. cap. 35.



mat C. Piso Cenforinus, nisi quòd innuit libros partim legem Pontificalem partim Philosophiam Pythagoricam complexos, nempe Philosophiam Pythagoricæ similem. Pythagoras enim Samius Numâ plus centum annis junior erat. Antias denique libros qui legem Pontificalem Latine, qui Theoremata Philosophica continebant Græcè scriptos tradit. Ex quibus haud temerè quis collegerit Philosophica Theoremata Pythagorica fuisse, i. e. Philosophiæ Pythagoricæ tunc sic dictæ conformia, quæ necessariò motum Terræ complectebantur, quippe Theoremata fuisse Physica ex Varrone apud Augustinum docemur. Dein, Eadem Pythagorica Theoremata Græcè, quanquam ante Pythagoræ tempora, scripta fuisse. Et ob hæc denique ipsa Theoremata Libros Numæ fuisse combustos. Hæc itaque Antiquitatis monumenta non solum evincunt Templum Numæ; Mundani Systematis Pythagorici Symbolum fuisse, sed istud Mundi Systema cognitum fuisse ante tempora Pythagoræ. Inventum autem fuisse Numæ minimè est credibile, sed à Græcis eum accepisse, cum Græcè scripta essent ea Theoremata. Porro causam genuinam nobis indicant, cur jussu Q. Petilii ob hæc Theoremata Libri Numæ combusti essent, nempe quòd vera illa & antiqua Physiologia ab Abrahamo olim & accepta & tradita, universam Idololatriam falsæque Numina Gentium uno quasi ictu, quemadmodum supra monuimus, è medio tolleret. Cum igitur post tot annos à Numæ Pompilii morte elapsos Romanorum Religio in multiplices Idololatrias degenerasset, cumque Physiologia Pompiliana, istas omnes, semel detecta, eversura esset, libros Numæ tanquam profanos & impios & Religioni Romanorum perniciosos comburi jusserunt, nè universus superstitionis status ruinas ageret, cum ingenti damno Sacerdotum, nec mediocri forsan Reipublicæ periculo.

Græcum denique aliquem ab Abrahamo oriundum, cum Physiologia illa Abrahamica Græcè scripta esset in libris Numæ, illi Præceptorem fuisse verisimillimum est. Græcos autem Lacedæmonios fuisse notissimum est, ut & Pythagoram quendam Lacedæmonium Numæ coætaneum cum Numa consuetudinem habuisse & consilia communicasse, ipsūque adeò Numam, quippe Sabinum, fuisse etiam Lacedæmonium, Lacedæmonios verò ipsos Abrahamo esse oriundos supra notavimus. Unde minimè mirum Physiologiam Abrahamicam in libris Numæ reperiri, filii utique Abrahami, dogmæque proinde de motu Telluris esse Judaicum, quòd oportebat demonstrare. Vel breviter sic: Systema Mundi Pythagoricum vulgò dictum, arctissimâ congruitate, ut in Cabbalæ Philosophicæ Defensione probavimus, Textui Mosaico convenit. Idemque Systema nusquam apud ullos, nisi qui aut cum Judæis versati sint, aut quorum discipuli essent qui cum eis sint versati, ut Pythagoras Samius & Pythagorici, aut cum Judæis aliquâ cognatione conjuncti fuerint, ut Pythagoras Spartiates aliive Lacedæmonii ipsæque adeò Numa, hætenus reperiuntur; ergo dogma illud aliud esse non potest quàm Judaicum, parsque antiquæ Abrahamicæ sive Mosaicæ Cabbalæ. Ecquid esse potest magis luculentum ullius controversæ veritatis indicium?

Et tamen haud mediocri robur hisce addit Vestimentorum Aaronicorum consideratio, quæ cum significantissimum sint Mundani Systematis Pythagorici symbolum, perspicuum simul indicium sunt dogma hoc fuisse primitus Judaicum. Vestimentorum Interpretationem nihil opus est hic repetere. Adjiciam tantum supra dictis, etiam colores Pallii & Stolæ ocellatæ cum hoc Mundi Systemate mirificè convenire. Pallium enim quod Planetarum est sive Terrarum in Æthere delatarum Regio, coloris est Hyacinthini, è rubro nempe in caeruleum vergentis vel vice versâ. Ubi rubedo vim igneam caloris Solis propter suam proximitatem, quæ hisce terris ad fructus maturandos, crassæque corpora Terrestrium Animalium vivificanda, necessaria est, subindicat. Cum verò sit Atmosphæra caliginosa in omnibus hisce Planetis sive Terris, (ut Noctium Umbrarumve vicissitudines ac Nubium taceam) adeò ut Lux pura adeò ac perpetua esse non possit, additur tinctura caerulea admixta, tanquam ad nigredinem tenebrarumque aliquantum accedens, quibus duobus coloribus Lux celestis pura ac candida mitisque ac placida, minni paululum intelligatur Incolis Terrarum, & quasi aut efferari subinde aut obscurari. Stola verò ocellata quæ ultra hanc Regionem Planetarum quaquaversum extenditur, candida est perinde atque ocellata, hoc est, purâ consistens luce, cum ubique multò remotior sit à Sole, nec Igni torrida, nec vaporibus umbræve obscura.

----- Ἀλλὰ μάλ' αἶθρη  
Πέπταται ἀννέφαλος, λευκὴ δ' ἀναδέδωκεν αἴγλη.

Albus candidusve splendor totas illas Regiones percurrit. Quod cum stola hac ocellata candida optimè convenit.

----- Sempérque innubilis Æther  
Integit, & largè diffuso lumine ridet;  
quemadmodum & canit Lucretius Græcum illum Poetam imitatus.

F f f f

CAP;

## CAP. VII.

1. Tertia Obiectio ab Heterogeneitate expositionis Creationis primi diei à reliquis omnibus, desumpta, cum ea sola sit Symbolica. 2. Responsum ad Objectionem. 3. Ipsam descriptionem Terræ in primo die sensum illius Symbolicum innuere. Eandemque in vulgi Imaginationibus Ideam esse Lucis sive Diei atque Cæli. 4. Cælum in primo die Immaterialium Essentiarum ordines significare, manifestò probatum ex Origene. 5. Idem porro confirmatum ex Parmenide discipulo Diocætæ Pythagorei, quem probabile est aliquam Textus Mosaiici Notitiam habuisse. 6. Rabbinos etiam Judæorum huc suum suffragium conferre. 7. Scripturarum Testimonium, quod Angelorum Creatio Animarumque humanarum significetur per Lucem creatam primo Die. 8. Cælum & Lucem de Mundo Vitæ intellectam non simpliciter Symbolicè significare. 9. Alia consideratio quæ eandem conclusionem porro confirmat. 10. Sive Cælum & Lux Symbolicè significant sive secus, Opus primi Diei Heterogeneum non fore à reliquis, cum Vespera & Mane ad singulas dierum Creationes illinc accersantur. 11. Hylen Metaphysicam in primi diei Creatione Terram simpliciter Symbolicè non appellari, probatu haud difficile esse, sed minùs necessarium.

1. TERTIA Obiectio adversus Expositionem operis primi Diei intentatur. Urgent enim admodum heterogeneam esse, mirèque à reliquorum omnium Dierum Interpretationibus differentem, ubi res memoratæ non Symbolicæ sunt, sed id propriè sunt quod esse dicuntur: Cælum verò & Terra & Lux ità non sunt in primi Diei Creatione, sed aliarum rerum Symbola. Quod facit ut constructio Cabbalæ dura sit atque absfona, nec eam satis unius filii videri.

2. Sed respondeo; Quæstionem non esse an Interpretatio dura videri possit Imaginationibus fastidiosulis ac delicatis, sed an sit vera, ad quod probandum me argumenta haud contemnenda jam produxisse censeo; moneoque porro, eos recordari oportere quàm multi sint, qui Historiam Adami & Evæ in Paradiso literaliter interpretantes, minimè tamen durum existimant illam partem de Serpente Symbolicè intelligere. Caterùm necessitas etiam erat loquendi de Rerum Immaterialium Creatione, modo Symbolico, quippe quum Moses apud se statuisset, nihil in ipsa Litera Textus memorare quod subtile ac difficile videretur, prout omnes Interpretes agnoscunt. Neque profectò esse poterat Philosophica perinde atque Literalis Cabbala nisi hæc libertas assumpta esset. Quæ & liberè concedi debet, cum nulla incertitudo obscuritatisve inde oriatur; propter Numerorum Cabbalam, ad sex Dierum Creationem pertinentium. Tritus enim ille Pythagoreorum Aphorismus,

— Ἀριθμοὶ δὲ τὰ πάντα ἐποίησαν,

ad plenum heic verificatur, potissimùmque, credo, intellectus est primitus de sex Dierum operibus, Quod singula illic memorata similia essent aptè responderent Numero ad quem erant referenda. Unde certi esse possumus Immaterialitatem opus fuisse primi diei, cum Monas sive Unitas tam expressa sit Naturæ illius significatio.

Vide Vatablum  
in locum.

3. Et nè Terra violaret istum sensum Cabbalæ, descriptio talis est quæ admodum naturaliter Interpretationi Philosophicæ faveat, quum Textus eam Vacuitatem ipsam, ipsamve Inanitatem appellet, sicut suprà notavi. Nec omnino durum est quòd Cælum & Lumen Symbola fiant ejusdem rei, non solum propter rationes quas jam attuli, quæ ad Philosophiam propius vergunt, ( quarum præcipua est, quòd Cælum sive Æther ipsum corpus sit Luminis ipsumve Lumen, quando modo debito movetur ) sed etiam propter istam Notionem sive phantasma quod ex ipsa litera naturaliter oritur secundum vulgarem rerum intelligentiam, qui proculdubio eandem Ideam in animis suis habent de illuminato Concarvo, quod est Cælum, quam de Die habent à Sole distincta. Nec ullum aliud visibile Concarvum erat in principio præter illud Diei, cum nec Luna esset nec Stella quæ Noctem illustrarent.

Herod. Hist.  
lib. 1. c. 131.

De lingua La-  
tina, c. 4.

Et verò quòd hoc commentum nostrum solidum sit, ex eo porro apparet, quòd Jupiter & Diespiter unum idemque Numen sit apud Paganos. Et tamen Jupiter, hoc est Jovis Pater, Cælum est Convexum. Τὸν πάντα κύκλον τῷ ὕπανυ Δία καλέουσιν. Herodotus id de Persis refert. Et Dies Pater ( Nam prout interpretatur Varro, Nominativus casus est, ut in Marspiter, Neptunuspater, Januspater ) quid aliud esse potest, nisi



nisi hæc *illuminata Concavitas* sive *Convexitas*, quæ *Dies* appellatur? distinctum apud Ethnicos Numen perinde atque *Nox*, qui notabilia Naturæ *Phænomena* tot Deos constituerunt. Et *Macrobius* expressim, *Cretenses* Δία & Ἡέραν vocant, & Jovem *Salii* in carmine *Lucetium*. Unde verisimillimum est quod *Dijovis* idem sit atque *Diespiter*. Sed hisce *Nugis* non immorabimur. Satis erat notasse quod Οἰεανός & Ἡέρα in Theologia Ethnica idem sint atque Ζεύς, ac proinde idem sint inter se. E re magis nunc erit considerare quod sine omni *Luce* nullius rei posset esse perceptio, quodque proinde necesse sit ut *Cælum* à Vulgo concipiatur sub notione hujus *Cavitatis Luminosæ*, quæ propter illius *Luciditatem* appelletur *Dies*, & propter *Altitudinem* & *Cavitatem*, (cùm *Cælum* idem sonet atque Κοῖλον) *Cælum* nuncupetur, quod unum verò sint conjunctim *Objectum* præsertim in *primi Diei* Creatione. Quippe quum *Cælum* nusquam conspici posset nisi in hoc recens creato *Die*. Quorum simultanea comparentia unum idemque omnino *luminosum Concavum* constituit, quemadmodum supra monui.

Unde sensus *literalis* operis *primi Diei*, quatenus *Philosophici* est Representatio sive *Symbolum*, admodum facilis est ac naturalis, si sic nempe acceperis: Primò quidem in genere dici, Quod Deus creavit *Cælum* (hoc est *Luminosum* hoc *Concavum*) atque *Terram*. Quod verò hæc *Terra* nihil aliud erat nisi *Inanitas* ac *Vacuitas*, quodque tenebræ erant super faciem *Abyssis*, &c. describendo sic primùm magis accuratè *Terræ* conditionem, quæ est prior pars Creationis hujus *Diei*; postea verò pergendo ad partem alteram, narrari, ut Deus jusserit, ut Fiat *Lux*, hoc est, *Luminosum* hoc *Concavum*, *Cælum*, (sunt enim in *Idea* realiter idem, ut supra monui, ac proinde Vocabula *Lux* & *Cælum* hîc omninò sunt Synonyma) utque appellaverit *Lucem* sive *Cælum Luminosum*, *Diem*, &c. Quam constructionem sensumque rerum si consideremus, non potest quin omnem scrupulum tollat opinionemve ullius absconantia in faciendo *Cælum* ac *Lumen* ejusdem rei *Symbola*, illius utique quem *Mundum Vitæ* *Formarumque* *Platonici* appellitant.

Nec obijci potest hunc *Literalem* sensum cum *Literali Cabbala* quam jam formavimus malè cohærere, ubi *Cælum* creatur die secundo, ac proinde in primo literaliter creari non potest. Per *literalem* enim sensum hîc intelligo, non quidem continuum illum popularem sensum *literalemve Cabbalam*, illa enim *Philosophica* Basis esse nequaquam supponitur (Etenim tres hæc distinctæ *Cabbale* nullum destinatum habent aut consensum aut dissensum inter se, ut quæ nullam habeant ad se invicem relationem, sed ex *Litera* oriuntur quæ cunctis tribus est communis, ut tria distincta *Florum* genera ex una crescunt *Terræ* areola in *Horto*.) Verùm per *Literalem* sensum hîc intelligo talem sensum quæ ex *Litera* produci possit à manu perita rectè subacta, ac præparata ad partem aliquam sive *Literalis* peculiariter sic dictæ, sive etiam *Philosophicæ* aut *Moralis Cabbale* aptè incoactèque exhibendam; sive hæc *Præparatio* per *Grammaticam* ac *Criticismos*, sive per *Phantasmaticas* *realesve* ac veras *Notiones* fiat. *Litera* enim, quod dixi, communis cunctis tribus *Cabbalis* est, sed præparanda & adaptanda est in singulis non quidem ad sensum seriei rerum congruum in utralibet alterarum duarum, sed earum omnino rerum, quæ sunt in una eademque *Cabbala*; de reliquis nulla est sollicitudo. Quod Principium est quod nemo est qui probè pensitaverit, quin statim sit agnitus necessarium esse ac rationi consentaneum.

4. Jam verò nos verum sensum Creationis *primi Diei* in *Cabbala* nostra *Philosophica* reddidisse, præter illa quæ jam produximus apparet porrò ex *Clemente Alexandrino* & *Origene*, qui secundi *Diei* opus cum *primi* comparantes sic scribunt: Καὶ ἐν μὲν τῇ μονάδι συνίστησιν ὑπερανὸν ἀόρατον, καὶ γῆν ἀγίαν, καὶ φῶς τοῦτον ἐν τῇ κοσμογονίᾳ τῇ αἰδνητῇ ἑρεδὸν ὑπερανὸν δημιουργεῖ. Quam Interpretationem *Origenes* examulsum sequitur: *Cum antea*, ait ille, *Deus cælum fecisset, nunc firmamentum facit, id est, corporeum Cælum*. Fecit enim *Cælum* prius, de quo dicit, *Cælum mihi sedes est*. Et paulò post, *Cum enim ea quæ facturum erat Deus ex spiritu constarent & corpore, ista de causa in principio & ante omnia cælum dicitur factum, id est, Omnis spiritalis substantia, super quam velut in Throno quodam & sede Deus requiescit*. Hic igitur est ille *Mundus Vitæ* qui summus *Dei Thronus* est. \* Quem & *Pythagorei* etiam Ζανὸς πύργον, *Jovis Turrem* appellant, quippe quod summum est illius *Habitaculum*, illiusque Δημιουργικὴ φρεσὶς etiam nuncupatur, quoniam externa *Mundi Fabrica* in omnibus suis partibus immediatè sive instrumentaliter ab eo formatur, ut *Fœtus* in utero.

5. Atque ad hunc quidem sensum intelligendum est illud *Parmenidis*, Duonempe omnino esse Principia, πῦρ καὶ γῆν. Quæ *Hebraicè* forent, אֵשׁ וָאֶרֶץ, *Lux* & *Terra*, vel (quod idem esse demonstravi) *Cælum* & *Terra*; additque porrò, Καὶ τὸ μὲν δημιουργεῖ τὰ ἐν ἡμῖν, τὸ δὲ ὕλην. \* Quod tam accuratè respondet Textui *Mosaico*, *Philosophico*





stare sentio, per Creationem Cæli sive Lucis, creationem omnium substantiarum Spiritualium, quemadmodum non dubitavit affirmare Origenes, debere intelligi.

8. Porro autem, ut propius ad Objectionem accedamus, nequaquam necesse esse existimo, ut concedamus Cælum & Lucem significare simpliciter Symbolicè, sed & res ipsas primo die creatas verissimè maximèque propriè istis nominibus appellari posse, quanquam primùm attributa sunt Cælo Materiali Lucique visibili: ut vocabula Spiritus, Anima & Ψυχὴ appellationes sunt primùm illi quod Materiale est inditæ, per quas intelligeretur aura flatus, ventus aut halitus, nunc verò significant idque propriè verèque, prima earum, substantiam Immaterialem, duæ posteriores Animam humanam quæ spiritualis est & immaterialis. Atque sic quidem fieri potest in Cælo & Luce, cum id quod de Cælo concipimus, verius & eminentius ad Mundum Vitæ quàm ad materiale Cælum ipsum pertineat. Nam Generationes rerum sublunarium, Fata earum ac periodi, Vitalis illa Influentia Temporumque mensuræ, nullus dubito quin ista omnia verius magisque primariò & propriè Mundo Vitæ attribuantur in quo sunt omnium rerum formæ Seminales, quàm Cælo corporeo; vehementerque suspicor, quanquam id quidem affirmare nolo, quòd ipsa Cæli Luminaria id non forent quòd nobis videntur, quantumlibet subtilis sit materia celeriterque agitata, nisi actuarentur etiam à Spiritu Naturæ, & vitalia quodammodo indè evaderent; adeò ut Spiritum existimem ulteriorem esse ipsius Lucis illuminationem, ut quando Anima bene affecta operationem suam in ipso oculo prodit. Præterea \* si radiorum Lucis promanationem consideremus & intertexturam, id quod de ea dicitur, magis eminenter perfectèque verum est in natura particularis cuiusque Spiritus (quemadmodum alibi fusiùs ostendo) quàm in ipsa Luce. Illa etiam opinio, quòd Cælum summa pars sit Creationis maximèque sublimis, in cælo quidem Materiali non est strictè ac Philosophicè vera, quippe quòd Cælum ubique est, ipsaque Terra Planeta. Manifestò autem verum est de hoc Cælo quòd primo die creatum est. Quòd & illud lumen inaccessum est in quo ille habitat ad quem nullius Mortalis oculus potest penetrare.

Vid. Psychozoi-  
am, Cant. 1.  
Enneastich. 41,  
42, 43, 44, 45,  
46, 47.

Immort. lib.  
1. cap. 5 & 6.

9. Præterea, cum tam constans sit inter Ætheream Cælestemve Materiam & Mundum Vitæ in omnibus suis partibus (ubique agant) ac necessaria Unio, hac etiam ratione manifestum est appellationem operis primi Diei nomine Cæli & Lucis, non esse simpliciter Symbolicam, sed ad ipsam naturam proprietatèque rerum attingere, quemadmodum Virgilius in ista humanarum Animarum descriptione seriò philosophatur.

Igneus est ollis vigor & cælestis origo  
Seminibus, quantum non noxia corpora tardant  
Terrenique hebetant artus moribundaque membra.

Æcid. lib. 6.

Quibus verbis insinuare velle videtur, igneum esse ac luminosum Æthereumve Vehiculum Animæ semper intimè adhærens, quanquam multum sopitum, oppressumque crasso crudoque madore corporis, durante hac terrestri peregrinatione.

10. Et postremò, sive Cælum ac Lucem Symbolicè significare supponamus sive secus, non erit illa Heterogeneitas ac Diversitas ab aliarum dierum operibus, quæ obicitur, quippe quum Luminosum hoc Cælum Cælestève Lumen appelletur etiam Symbolicè cuiusque diei operis Mane sive Aurora, ut pars Materialis sive Passivum Principium nuncupatur Vespera. Quæ quidem Aurora semper pars est plenæ illius Diei quæ primùm creata est, & castigatur mitigaturque suâ conjunctione cum tenebrosa Materia in moderatum splendorem Matutinum, ut & diversæ istæ partes Materie sic vel sic modificatæ, diversis respondentes capacitatibus tenebrosæ Inanitatæ ac Vacuitatæ, (quod Μεσούριον erat plenæ illi diei oppositum) in actualement Materialitatem excitatæ, tanquam Vespertinum operis cuiusque diei Crepusculum possunt æstimari: cum Possibilitas hujus externæ ac materialis Creationis Μεσόγειον sit inter Mundum Vitæ plenumve Diem, & Metaphysicam illam Hylen, mediàmve Noctem, simul atque partes illius Materialem habeant Existentiā, existantve quoad suam Materiam; ut obfusca vespèra Μεσόγειον est Diem inter atque Noctem.

11. Et nunc quidem, si adeò nugosæ vel potiùs fastidiosæ curiositati indulgere velimus, aggredi hîc possumus probare Terram in primæ Diei opere memoratam, quæ nihil aliud est quàm Hyle Metaphysica, existimari oportere non tam Symbolicè quàm verè ac propriè sic dictam esse, \* quippe de qua maximè peculiariter Terræ Attributa solummodo sunt vera. Terra enim corporea strictè ac Philosophicè considerata nec infima pars Creationis est, nec immobilis. Terra verò hæc Metaphysica utrumque est, quemadmodum vel primo intuitu patet, quippe quæ gradus infimus maximèque ima omnium Entium umbra est, \* nec immobilis tantum sed quæ nec minui potest

aut

aut accidi, prout jam notatum est. Cæterum hoc argumentum est haud satis dignum quod poliatur, cum opus primi diei præcipuum, sit Creatio Cæli sive Lucis, Terræque descriptio talis, quæ cuivis qui nimium scrupulosus non sit, sensum Philosophicum satisfacile confirmet, de quo plura in capite sequente; cumque denique res haud tanti sit momenti, Terra, & Cælum & Lux Symbolicè significant an secus, propterea quod qualiscunque eorum significatio fuerit, derivabitur, eo modo quo descripsi, in cuiusque diei opus, quod tota rerum contextura satis homogenea evadat.

## SCHOLIA

## IN CAP. VII. SECT. 4.

**Q**uem & Pythagorei etiam Ζανός πύργον, &c. Nempe quando Ζανός πύργος Monadis appellatio, ad Bereshith refertur; quando autem refertur ad Mercavam, τὸ Ἐν τῇ Τριάδι significat, primam Triadis Platonice Hypostasim.

SECT. 5. Quod tam accuratè respondet Textui Mosaico, ut difficile sit dubitare, &c. Vide duo sequentia Capita, & particulatim Caput nonum, SECT. 9.

Γίνεσθαι τε ἀνθρώπων ἐξ ἡλίου πρῶτον γενέσθαι, αὐτὸν δὲ ὑπάρχειν τὸ θερμὸν & τὸ ψυχρὸν, &c. Multa quidem in hunc locum objicit vir ingeniosus Philosophicæque Cartesianæ satis additus T. B. quæ cum is haud parvam vim habere existimet ad enervandum præclarum hoc Parmenidis testimonium, in medium proferam omnia, singulisque ut proposuero statim respondebo.

Primò igitur objicit, Opinionem hanc nusquam nisi hic apud Laertium attribui. Respondeo verò tam plenè tamen id fieri & cum ejusmodi circumstantiis, Quod Intimus scilicet fuerit Diogenes Pythagorei, cui & Heroon extruxit defuncto, quodque duo Principia posuerit πῦρ & γῆν, quæ certò Symbolicè intelligenda sunt & ad Textum Mosaicum referenda, ut vel hoc singulare Testimonium instar omnium esse possit. Præterea minimè mirandum esse, Testimonium hoc nusquam reperiri præterquam apud Laertium solum, cum is solus sit apud quem Vitam Parmenidis scriptam nunc habemus. Et qui opiniones illius obiter memorant, eas ferè tantum tangunt quæ ad prima illius principia attinent, ut Aristotelis; Plutarchus verò quanquam res Physicas etiam particulares tractasse ait, ut Terram, Cælum, Solem, Lunam, Stellam, hominum ortum, hoc tantum in genere narrat, particulares modos ac rationes ea tractandi omittens. Platonis autem Parmenides licet satis prolixus sit, totus tamen est, si rectè memini, Metaphysicus aut Logicus. Porro si vitam illius ab aliis scriptam haberemus, hocque ejus dogma apud ipsos omissum, non magis probaret illius dogma non fuisse, quàm Platonem motum Terræ non tenuisse aut Divini Numinis Triunitatem, quod Laertius in Vita Platonis ea omiserit. Immo verò maximè consentaneum est paucos futuros fuisse qui hoc dogma memoriæ traderent, ut quod tam enorme videretur & tam celebri Philosopho indignum, atque hanc ob causam passuros fuisse intercidere tanquam figmentum aliquod perperam illi attributum. Cum verò hoc dogma tam plenè hic & tam firmè suffultum adminiculis nobis occurrat, imbecillum profectò argumentum est quod ab illius omissione apud alios deducitur. Tempus enim Fluvii instar, sicut alicubi ait sapientissimus Verulamius, stramina & sarmenta arida secum defert, lapides verò & metalla, (aurum sit licet & argentum) hoc est maximè solida quæque facillè patitur subsidere.

Secundò objicit, Si Parmenides hanc opinionem tenuit, quod eum oporteret Motum Telluris etiam tenere, Quem tamen non tenuit. Ad quod respondeo, Intimam illius Amicitiam cum Diogenes Pythagoreo vel solam, admodum probabile efficere, eum Motum Telluris tenuisse. Et certè sine ulla magna libertate mihi assumpta emendandi exemplaria, cur non ipse Textus apud Laertium, Πρῶτον δὲ ἔστιν ἡ γῆ ἀπεφθάλω σφαίρα πεδὺν & ἐν μέσῳ κείσθαι, sic corrigi potest? ponendo κείσθαι pro κείσθαι, facillè intercidentibus i. v. literis, & omissione earum haud ità facile observatà, cum sensus adhuc integer esset & vulgari Intellectui magis accommodus. Adeo ut motus Terra diurnus saltem, sic agnoscendus sit factà hac emendatione. Quæ sensus reverà multo solidior sit ac credibilior. Quomodo enim dici potuit Parmenides præter rotunditatem Terræ primus declarasse eam ἐν μέσῳ κείσθαι, id quod tam vulgare & triviale est ut lippis notum sit & consoribus? Omnino imperfectus sensus est, si Parmenidem celebrem illum Philosophum respiciamus, nisi legatur ἐν μέσῳ κείσθαι. Primum verò detexisse terram figurâ esse sphericâ & motui accommodâ, & dein reverà motu saltem diurno circa axem suum in medio Mundi moveri, doctrina est Parmenide digna. Et si laxetur paululum sensus τῷ, ἐν μέσῳ, (quod & ipse T. B. fieri posse admittit,



mittit, nisi ipse posuisset obicem) Motus annuus etiam addi possit, & Terra adhuc esse quasi in medio Vorticis, cum tota illius orbita puncti instar sit cum toto Vertice comparata. Sed, quod dixi, huic laxationi hic obicem ponere conatur per citationem quandam ex Plutarcho, unde ait manifestò constare Parmenidem Terram censuisse in centro Mundi libratam, quod tamen nihil facit contra motum illius diurnum, sed de annuo videamus. Verba Plutarchi de opinione Parmenidis & Democriti circa Terræ motus, hæc sunt: Παρμενίδης καὶ Δημόκριτος διὰ τὸ πανταχόθεν ἴσον ἐφεσώσαν (sic enim legit T. B. bisque repetit) μένειν ἐπὶ τῇ ἰσορροπίας, διὰ τὸ τοῦ μόνου κραδαίνεσθαι, μὴ κινεῖσθαι δέ. Quorum verborum hic videtur sensus genuinus, Parmenides & Democritus ex eo quod Terra undique æqualiter instans, incumbens vel compressa in æquilibrio maneat, idcirco concutitur solum (nempe in Terra-motibus) non movetur è loco. Fateor ἀφεσώσαν legi in meo exemplari. Verum siue per Divinatoriam quandam oscitantiam, siue datâ operâ T. B. ἀφεσώσαν verterit in ἐφεσώσαν, videtur sanè probabilior lectio, magisque consentire cum sententia Democriti, cap. 13. memoratâ. Ubi dicit, Κατ' ἀρχὰς μὲν πλάζεσθαι τὴν γῆν διὰ τε μικρότητα καὶ κρυπτότητα, πυκνωθεῖσαν δὲ τῷ χρόνῳ καὶ βαρυνθεῖσαν καταστῆναι id est, Vagari Terram in Principio, ob parvitatem & levitatem, tempore constipatam & consolidatam in debito loco sisti. Quod verò fixetur in centro Universi repugnat aliis Democriti opinionibus, qui Materiam Universi infinitam credebatur, ac proinde Terram in centro illius fixam credere non potuit. Præterea cum Terram aliter immobilem credidisse quàm ipsi Cartesiani eam credunt, non est verisimile, quippe quod Pythagoreus planè fuit Democritus, & à Pythagora adèò videtur omnia accepisse, in Opere suo *Æquivoco*, quemadmodum refert apud Laertium Thrasyllus, ut nisi temporum ratio obstaret illius auditor censeretur. Pythagoreorum verò quempiam audivisse Glaucus Rheginus affirmat, & Apollodorus Cyzicenus Philolao in amicitiam venisse notissimo illi motus Telluris assertori. Et Leucippum sanè (quem quidem & Democritum tanquam duos geminos germanosve Philosophos per omnia consimiles & consentientes perinde ac coætaneos simul ubique ferè nominat Aristoteles) τὴν γῆν ὀχεῖσθαι περὶ μέσον δινημένην affirmasse ipse memorat Laertius, immò Democritum Leucippi fuisse auditorem. Ex quibus abunde constare potest nos genuinum loci illius, apud Plutarchum, sensum reddidisse, aut Plutarchum ipsum, ut est homo haud ità accuratus in tradendis veterum Philosophorum opinionibus, hac in re falsum esse. Tantillum momentum habet iste locus ad probandum Parmenidem Telluris motum annum non tenuisse.

Tertio, urget, Homines dici non posse ἐξ ἡλίου ex Sole materialiter generatos, quia Sol antè definit esse Sol quàm ista fieri possit generatio. Equidem hæc Obiectio haud exigui momenti foret, si omnis Materia in generatione immediata esset siue proxima, nulla remota. Hac verò ratione nulla corpora dici possent generari aut constitui ex quatuor Elementis, quoniam antequam corpus Animalis putâ aut Arboris ex ipsis constitui possit, desinunt esse ista Elementa. Nec pullus dici posset gigni ex crystallino illo liquore quem notavit Harvæus, quia definit talis esse liquor, priusquam convertatur in carnem, cartilagineas & ossa. Sensus proculdubio, idemque admodum facili ac naturalis istorum verborum Γένεσιν τε ἀνθρώπων ἐξ ἡλίου πρῶτον γενέσθαι, hic est: Generationem Hominum quantum ad materiam ex qua geniti sint, ex aliquo primùm Sole, tanquam ex materia magis remota, factum esse, sed ex Sole hoc in Astrum frigidum siue Terram Planetamve converso, tanquam ex materia magis immediata. Unde statim sequitur, idque admodum coherenter, Solem verò esse calidum & frigidum. Ut nemo miretur homines genitos ex Sole, non immediatè quidem sed mediatè. Quæ tamen distinctio hic subicitur ad maiorem movendam admirationem, ut sit instar *Ænigmatis* legenti aut audienti. Quod autem τὸ θερμὸν, & τὸ ψυχρὸν, non autem θερμὸν & ψυχρὸν legitur, id quidem fieri potuit per imperitiam quorundam sciolorum, qui cum observassent τὸ θερμὸν καὶ τὸ ψυχρὸν apud quosdam antiquos Auctores pro Principiis Parmenidis haberi (quanquam & id falsum interpretamentum potius habendum sit duorum ejus Principiorum, quæ πῦρ καὶ γῆν appellat, quàm ipsissima illa Principia) articulos istos vocabulis præfixerunt. Verum autem sensum restituerunt omnes Interpretes reddendo, αὐτὸν τεύχεσθαι τὸ θερμὸν καὶ τὸ ψυχρὸν, ipsumque (nempe Solem) calidum esse & frigidum, non, illud calidum & illud frigidum. Caterum τὸ λαμπρὸν & τὸ σκοτεινόν, cum Plutarcho adversus Coloten, duo illa Parmenidis principia agnosco, quibus Pythagoreorum illa Principia duo respondent, φῶς καὶ σκότος. & ad Lucem Tenebrasque Mosaicæ in Creatione alludere censeo. Τὸ θερμὸν verò καὶ τὸ ψυχρὸν Interpretamentum esse posse solummodò, illudque falsum existimo, Aristotelis aliorumve, quasi Parmenidis πῦρ καὶ γῆν ea subindicarent, cum posterior nihil aliud quàm materiam primam apud Moysen descriptam, prius, Principium Activum atque Incorporeum significent, quemadmodum alibi moneo. Veruntamen, si cui adèò volupe est, haud ità à ratione alienum esset, si lectionem in Textu tanquam primitus sic scriptam retineremus, nempe τὸ θερμὸν καὶ

De Placitis  
Philos. lib. 3.  
cap. 15.

ἢ τὸ ψυχρὸν, modò eo sensu accipiatur quo Plutarchus de Primo Frigido disputat, quod & τὸ ψυχρὸν subinde vocat, disquirítque an τὸ ψυχρὸν πρὸς τὸ θερμὸν opponatur ὡς ὕψια πρὸς ὕψια, an verò ὡς πᾶν πρὸς πᾶν, & an sit aliquod τὸ ψυχρὸν sic, ut Ignis est τὸ θερμὸν. Tandémque concluditur, Terram istud τὸ ψυχρὸν esse. Quo quidem sensu si hæc verba apud Laertium sumantur, equidem non nego quin fieri possit, ut sit vera lectio & Philosophiæ Parmenideæ satis consentanea, quæ facile admittet, Terram, i. e. Globum quemlibet Terraqueum cum Atmosphæra (nam & Pythagorei, apud Laertium, Aerem, ψυχρὸν αἰθέρα appellant) esse τὸ ψυχρὸν, ut Solem quemlibet τὸ θερμὸν. Cúmque istiusmodi Globus Terraqueus nihil aliud sit, juxta illius sententiam, quàm Sol extinctus ac frigidus, Solem aliâ atque aliâ conditione, esse & τὸ ψυχρὸν & τὸ θερμὸν, Philosophia Parmenidea facile statuet secundum ipsissima verba Textus, αὐτὸν ὃ ὑπάρχειν τὸ θερμὸν ἢ τὸ ψυχρὸν, hoc est, quemlibet Solem esse τὸ θερμὸν & τὸ ψυχρὸν, prout candens sit aut extinctus.

Quartò, Sed & ulteriorem difficultatem urget ex sequentibus verbis apud Laertium, ἐξ ὧν τὰ πάντα συνεσθάναι. Quòd ex his nempe, ἐκ τῷ θερμῷ ἢ τῷ ψυχρῷ omnia constunt. Quod igitur necessario intelligendum est de duobus istis Principiis quæ πῦρ ἢ γῆ ἀ Parmenide, & ab Interpretibus saltem τὸ θερμὸν ἢ τὸ ψυχρὸν appellantur. Quæ cum omnium rerum totiusve Mundi Principia sint, non possunt esse Soles lucentes & extincti, sive Soles calidi & frigidi. Verùm respondeo respiciendum esse ad partem Textus præcedentem, γένεσιν τε ἀνθρώπων ἐξ ἡλίου πρῶτον γενέσθαι, atque tunc ἐξ ὧν τὰ πάντα συνεσθάναι exponendum esse cum relatione ad γένεσιν ἀνθρώπων (prout illi supponunt qui ἐξ ἡλίου legi volunt) quo innuitur particularia, saltémque sublunaria γενήματα esse intelligenda, (nempe istiusmodi omnia γενήματα ἐξ ἡλίου θερμῷ ἢ ψυχρῷ, ex materia scilicet extincti Solis in terram jam mutati, factique frigidi, & ex materia Solis adhuc lucentis calidique & effluvia subtilissima ex se perpetuò emittentis, sicut Cartesius describit, ex altera tanquam materia magis remota, altera proxima consistere) non autem universum mundum totamve illius compagem sic genitam esse. Quæ ἐκ πυρὸς ἢ γῆς, nisi Symbolicè intelligantur, componi non potest, aut generari. Hoc, inquam, modo facillè intelligitur ut omnia sublunaria & particularia γενήματα ex Materia calidi alicujus Solis atque frigidi possint constare. Ut omittam Ellipticam esse posse locutionem, idémque significari ac si dixisset, ἐξ ὧν τὰ πάντα γενέσθαι ἢ συνεσθάναι. Ità ut ἐξ duplicem vim habeat, & suam propriam, & τῷ ὑπὸ, vel ἀπὸ, adèò ut Sol calidus sive lucens Efficientis causa rationem habere intelligatur perinde ac Materialis. Tam parum difficultatis habet hæc Objectio.

Quintò, Ac proinde quintam addit, quæ primo quidem aspectu plausibilis videtur, Facilem scilicet esse Textus correctionem si scribatur ἐξ ἡλίου pro ἐξ ἡλίου. Sic enim τὸ θερμὸν & τὸ ψυχρὸν sive πῦρ & γῆ Parmenidis simul conjuncta hanc ἰλὺν constituent, materiam utique proximam ex qua Homines aliæque Animalia oriuntur. Præterea cum Parmenides discipulus esset Xenophanis & Xenophanes Archelai, cúmque Archelai opinio esset, γενέσθαι τὰ ζῶα ἐκ θερμῆς τῇ γῆς ἢ ἰλὺν παραπλησίαν γάλακτι οἶον τροφὴν ἀνείσιν, ἕτοιμὴ ἢ ἀνθρώπους ποιεῖν, in Vita Archelai per Laertium scripta. Et paulò antè, Ἐλεγε δὲ δύο αἰτίας εἶναι γένεσιν θερμὸν ἢ ψυχρὸν, ἢ τὰ ζῶα ἀπὸ τῆς ἡλίου γεννηθῆναι. Hæc pulchriorem speciem argumento superinducunt, quòd scribendum sit ἐξ ἡλίου, non autem ἐξ ἡλίου, quippe quum Parmenides Magistri Xenophanis omnino vestigiis insistat, discipuli utique Archelai. Sed enimvero, hoc argumentum quod primo aspectu tam bellam præ se speciem fert, si penitiùs inspiciamus, omnium reperietur infirmissimum, taleque quod reliqua sit infirmaturum. Etenim quanquam Parmenides discipulus erat Xenophanis, Laertius tamen apertè asserit eum Xenophanem non fuisse sectatum, sed Pythagoreis se adjunxisse, quorum Philosophia hæc lectio ἐξ ἡλίου est magis consentanea, quemadmodum ex Cabbala mea Philosophica apparet. Et tamen si ἐξ ἡλίου, facile scribitur pro ἐξ ἡλίου, notandum tamen est voces istas unâ tantum literâ convenire, ut taceam generis differentiam, pessimâque syntaxi ἡλίου cum αὐτὸν conjungi; & sensu Philosophico perinde absono, cum πυρὶ ἢ γῇ, illorumve Interpretamentò, τῷ θερμῷ ἢ τῷ ψυχρῷ, quæ universalis Principia sunt ex quibus Parmenides res omnes consistere statuit, etiam Cælum, Terram, Solem, &c. Quomodo igitur illa possunt esse ἡλίου, quæ ad summum non est nisi Materia proxima generationis & nutritionis Animalium ex Terra ortorum juxta illa dicta Archelai? Præterea Aristoteles de Parmenide refert, quòd suam γῆν considerarit tanquam τὸ μὴ ὄν, Quòd Pythagoreorum σκοπεῖν respondet, prout πῦρ ἐστίν, illorum φῶς cunctâque cum Symbolico sive Cabbalistico sensu Textus Mosaicus mirificè conveniunt, Genes. cap. 1. v. 2. quemadmodum in locis pluribus ostendi. Ut verò γῆ sensu literalis sit τὸ μὴ ὄν, adèò ab omni sensu ac ratione abhorret, ut certi esse possimus Parmenidem altiore aliquem sensum interdixisse, quàm ingeniosus hic Objector lubenter velit admittere. Sed fruatur quisque sensu suo.



Sexto & ultimo, Ut videri verò possit, nullam non movisse lapidem quò Interpretationem nostram eludat, & tam praeclarum pro antiquitate Philosophiæ Cabbalisticæ obscuret Testimonium, tandem urget editionem Basiliensem in qua ἐξ ἰλὺς legitur; Et Aldobrandinum in commentariis & margine translationis legisse, è limo. Quibus postremò addit iudicium Menagii. Eò igitur tandem res redit, ut perpendenda sint etiam pondera editionum & authoritatum. Quamobrem contexam primò, brevissimam editionum Diogenis Laertii Historiam. Prima itaque illius Diogenis Laertii editio facta est per Ambrosium Monachum, qui Græcorum carminum translationem omisit.

Secunda editio facta est Basileæ per Frobenium Anno 1533. impressa secundum MS. Matthæi Aurigalli professoris linguæ Græcæ & Hebraicæ. In hac editione legitur ἐξ ἰλὺς.

Tertia est Plantiniana per Johannem Sambucum Latine facta, Interpretatione emendatâ comparando cum vetustissimis exemplaribus. Atque hic legitur, Generationem item Hominum ex Sole primùm esse ortam, & Solem ipsum calidum esse & frigidum. Hæc editio facta est Anno 1566.

Quarta editio facta est per Henricum Stephanum Anno 1570. de hac dicit; Prodit Diogenes cum vetustis exemplaribus summâ curâ diligentiaque collatus. Hic rursus occurrit ἐξ ἰλὺς, &c. Ipseque Stephanus expressè ait, postquam ipse cum aliis editionem Basiliensem cum multis exemplaribus comparassent abundèque variarum lectionum observassent, se eas quæ planè ac apertè meliores erant lectionibus in editione Basilienfi, introduxisse in Textum. Convicti igitur per evidentiam comparatorum exemplarium Basiliensem lectionem ἐξ ἰλὺς, in lectionem ἐξ ἡλίου hic mutaverunt.

Quinta ab eodem H. Stephano rursus editio fit Anno 1593. rursusque in illa editione occurrit ista lectio ἐξ ἡλίου, &c. confirmata etiam approbatione acerrimi illius Critici Isaaci Casauboni, qui in Notis ea in re nihil mutat.

Sexta Diogenis Impressio fit Romæ cum Interpretatione Aldobrandini, Anno 1594. Qui etiamnum in sua Interpretatione habet, Atque etiam hominum ortum è Sole primùm extitisse, &c. tantum in margine addit [è limo] Hic Interpres diem obiit adhuc Juvenis antequam Annotationes finivisset in Laertium. Extabat tamen inter alias Nota in lectionem [è limo.] Quam probabiliorē lectionem autumat, quòd generationem hominum è limo veteres Philosophi tenuerint.

Septima denique editio Londini facta est Anno 1664. ubi Aldobrandini Translatio retinetur & ἐξ ἡλίου in Græco Textu & [è Sole] in ipsa versione, quanquam [è limo] occurrit in Notis Aldobrandini ob causam modò dictam. Et Menagius illic calculum suum adjicit ob causam consimilem Aldobrandinianæ. Ait enim in Observationibus, Quòd Zeno Eleates hominum generationem è terra esse senserit. Hæc est summa editionum & authoritatum quas hic expendi oportet.

Et judicet profectò quisvis æquus rerum æstimator quæ lectio pro vera habenda sit, eane quæ in unica editione occurrit, an verò ea quæ in sex quinqueve. Eane quæ semel admissa, nempe in editione Basilienfi, postea per Johannem Sambucum comparatione cum vetustissimis exemplaribus factâ expuncta est, an altera illa quæ non solum per Sambucum in Latina editione sed & per Henricum Stephanum in Græca, post comparationem Editionis Basilienfis cum vetustis exemplaribus summâ curâ diligentiaque adhibitam est restituta, & in reliquis omnibus editionibus cum summorum Criticorum approbatione ad hunc usque diem retenta? Sed Aldobrandinus in margine & in commentariis [è limo] substituit. Cui suffragatur Ægidius Menagius. At verò veterem lectionem ex possessione exturbare non ausi sunt, & ratio ob quam [è limo] substitutum volunt, nullius planè momenti est. Neque enim [ἐξ ἡλίου] cum veterum sententia digladiatur qui homines è terra ortos senserunt, cum Sol frigidus sit Terra. Adeò ut nulla Nota iniuri possit huic lectioni, nisi quòd non patitur ut Cartesius profundius in rerum naturalium notitiam penetrâsse videatur quàm aut Moses aut quisquam veterum Philosophorum. Hinc illa sollicitudo T. B. viri aliàs eruditi & ingeniosi, pro lectione ista ab aliis ferè omnibus reprobata.

Phœnicum sive Hebræorum libros, &c. Judæam enim ad Palestinam, Samariam & Galilæam ad Phœniciam apud Historicos pertinere, ait Steph. Vide etiam Ortel. Geogr. sacr. Tab. I.

Διότιν τε εἴ) ἡ φιλοσοφία, ἡ μὲν κατ' ἀλήθειαν, &c. Contra nostram hujus loci interpretationem objicit rursus vir ingeniosus T. B. Parmenidem nempe sic intelligere non posse duplicem Philosophiam sive Sapientiam, unam Symbolicam quæ constituatur secundum opinionem vulgi illiusve captui accommodetur, quam ego Literalem Cabbalam appello; Alteram secundum Veritatem verèque Philosophicam & accuratissimæ rationi consentaneam: sed cum intelligere tantummodo Rerum veritatem & earum apparentiam sensui, τὸ δοξαζόν & τὸ ὁπσημονικόν, τὸ αἰδηλόν & τὸ νοητόν. Quippe quòd huc planè faciant ista carmina

mina etiam in hoc ipso loco à Laertio adducta, quodque hanc ipsam opinionem Sextus Empiricus contra Mathematicos, lib. 7. p. 156. fusius explicat, ipseque adeò Plato, nempe Rationi & Intellectui, non sensibus fidendum esse. Hæc ille, & satis profectò appositè. Ad quæ respondeo, hanc ipsam fuisse Parmenidis sententiam omniumque aliorum qui Symbolicam ac Philosophicam Cabbalam acceperint, me neutiquam dubitare; ac proinde cum Parmenides duplicem hanc Philosophiam sive sapientiam agnovisset, alteram nempe Symbolicam & ad caput vulgi sensuumque æstimationem concinnatam, alteram ad veritatem notionisque Intellectus infallibiles, alteriusque supra alteram præcellentiam animadvertisset, minimè mirandum est & ipsum in Scriptis suis & Veritatis & Opinionis vulgi mentionem facere alteramque alteri præferre, & alios ut Platonem & Empiricum sic sensisse Parmenidem posteris tradidisse, non quidem ad explicandam illam sententiam Διτλήν τε τὴν φιλοσοφίαν, &c. quæ duplicem Cabbalam respicit, quemadmodum insinuare vult vir lepidus T. B. sed ad memorandum simpliciter, Monitum fuisse Parmenidis, Cavendum esse à sensuum fallaciis solique rationi fidendum. Quod satis quidem cum nostra illius sententia Διτλήν τε τὴν φιλοσοφίαν, &c. interpretatione consentit, nullo verò modo eidem refragatur. Sed ut simplex Vulgi opinio Philosophia appelletur minimè consentaneum est, quamvis Symbolicæ Cabbalæ cognitio sic dici possit, tanquam pars quædam veteris Sapientie. Et duplicem hanc Cabbalam hic intelligi valde verisimile est, cum paulo suprà mentio facta sit duorum Principiorum, ut ego quidem sentio, Mosaicorum, quæ Parmenides πῶς ὁ γῆν appellat, & deinde Solis calidi & frigidi, quos ad Cabbalam Mosaicam pertinere in Cabbala nostra Philosophica satis demonstravimus.

Seç. 8. Si radiorum Lucis promanationem consideremus & intertexturam, id quod de ea dicitur magis eminenter perfectèque, &c. Quæ quidem ratio haud parvi momenti esse debet apud eos qui istam notionem Spiritus quam in Tractatu De Animæ Immortalitate descripsimus, amplectuntur, quod ferè faciunt Platonici; quæ verò propria mea sit hac in re opinio, in Scholiis illic subditis declaravi.

Seç. 11. Quippe de qua maximè peculiaria Terræ Attributa solummodo sunt vera, &c. Exclamat hæc Andreades, Aperta contradictio est, Esse ista Terræ peculiaria Attributa, & tamen eidem haud convenire. Respondeo autem nullam esse contradictionem, Attributa quæ vulgò tanquam peculiaria Terræ attribuntur, alii alicui rei potiori jure posse attribui. Nec opus putabam, id me velle, subindicare, neque enim credidi unquam fore ut scripta mea in manus inciderent tam captiosi Cavillatoris.

Nec immobilis tantum sed quæ nec minui potest, &c. Notabilis rursus contradictio, ait S. A. Quippe quod suprà dixeram in ipsa Cabbala, de hac ipsa Materia quod fuerit instabilis, fluida & ex se ad instar aquæ indeterminabilis. Sed respondeo; Tota illa Instabilitas & Fluiditas resolvitur tandem in decantatam illam Materiam ἀορίστην. Non igitur majorem habet instabilitatem quàm ista Ἀορίστη requirit quæ tantum Metaphorica est, cujusque Fluiditas ista est Symbolum, innatque solummodo ab alio determinationem. Cum autem hac Indifferentia sive Indeterminabilitas sit ἰσορροπία quædam, stabilitatem Terræ in eo ipso etiam quodammodo imitatur, quo aliâ ratione considerari potest ut instabilis sive mobilis. Sed manifestum est, quicquid sit hæc Materia Metaphysica, in sua notione quatenus talis, idem quid esse & immutabile ac immobile, Physicam verò Materiam solummodo mobilem esse. Sed subtiliores hæc similitudines tanquam tricas me considerare, ipse in hoc loco professus sum.

Exam. Gener.  
p. 138.



## CAP. VIII.

1. Hylen sive Materiam primam meram esse existendi Possibilitatem, secundum Aristotelem; 2. Eandemque esse Spacium vacuum Corporisve Capacitatem secundum Platonem & Plotinum; quamque aptè Hyles descriptio apud eos cum Mosaica Terra inani ac vacua conveniat. 3. Quid in Plotini descriptione Abyssu, Tenebris & Aquis apud Mosen respondeat. 4. Quod Plotinus videtur Hylen merum Non-Ens facere. 5. Quod verò magis expressa ejus opinio sit Potentialitatem esse rerum corporarum, sive Entitatem in Reversione. 6. Quomodo Hyle hac dici possit creari. 7. Cur Moles tam tenuem evanidamque reculam quam videatur hac Hyle, in sex Dierum Creatione notare voluerit. 8. Impossibilitatem in notione Hyles Mosaicæ involvi, cum specialiratione cur Pythagorei Decadem Ἀνάγκην vocaverint.

1. **J**AM verò quantum ad tres quæstiones addititias de hac Hyle Metaphysica; Prima earum est de nomine, cur Nomen voluerim tam substantiale, quam sit Hyle, quod idem sonat atque Materia, illi tribuere, quod ipse agnosco nullam habere Entitatem nisi Metaphysicam, eamque talem Metaphysicam quæ revera nulla Entitas sit sed mera Capacitas illius. Sed respondeo, me Hylen potius Antiquorum cognominasse Metaphysicam quam nomen Hyles ad meram Entitatem Metaphysicam transfuisse. Quantum enim ego video, ut plurimum Hyle suæ plus Entitatis concedunt quam ipse in mea descriptione assignavi; nempe, Quod Capacitas tantum sit existentiae Mundi corporei ac sensibilis, ipsa verò nec substantia sit, nec quicquam aliud quod actu existit. Λέγω δ' ὕλην ἢ καὶ αὐτὴν μήτε τι, μήτε ποσόν, μήτε ἄλλο μηδὲν λέγεσθαι οἷς ὡρεῖται τὸ ὄν. Aristoteles sic Materiam definit in Metaphysicis. Et rursus haud multò post, Τὸ δυνάτον ἐστὶ καὶ μὴ ἐστὶ, τὸτό ἐστιν ἢ ὄν ἐκαστῶ ὕλη. Possibilitas existendi, & non existendi, hac Hyle est sive Materia in re qualibet. Lib. 6. cap. 3. & 7.

2. Et Plato quidem in Timæo res in tria genera distribuens unum facit, Τὸ κατὰ ταῦτά ἐχον εἶδος, quod intelligibile est, ingenerabile & incorruptibile, invisibile & immobile. Secundum genus est, quod hujus similitudinem aliquam idemque Nomen gerit, sed est sensibile, corruptibile & mobile. Tertium τὸ τ' ὡρεῖται facit, Locum sive Spacium (Plutarchus διάστημα interpretatur) φθορὰν ἢ περσδεχόμενον, εἶδαν δ' παρὲχον ὅσα ἔχει γένεσιν πᾶσιν, αὐτὸ μετ' ἀναίδησίας ἀπὸ τῶν λογισμῶν τι νόθῳ μόγῳ πιστόν. Sic Materiam describit Plato, ut tum Plutarchus tum etiam Plotinus arbitrantur. Verum meritò omninò quispiam suspicari potest nihil hinc Platonem præterquam Spacium intelligere, quod appellat χώραν, quodque admodum difficile est intellectu quid sit, facit verò illud sedem & fundamentum omnium rerum generabilium, ad quem sensum Plotinus ὑποβάθραν ipsum appellat. Quod accuratè Terra inani ac vacua apud Mosen responderet, cum Stabilitas & Vacuitas simul illuc comprehendantur. Ennead. 6. lib. 1. cap. 28.

Plotinus huic χώρας notioni insistens Materiam talem facit Corporibus Mundanis quale, Vacuum Conclave, est nostris sensibus, affirmatque esse impassibilem. Οἷον ὃν οἱ κωτῶ αὐτῶ ἀλλήλους παιονῶν οἱ κωτ. ἀπαθής, καὶ ὃν αὐτῶ ἀήρ. Ut quando aliqui in eadem domo mutuo se verberant, nec domus nec in domo Aer ab eorum verberibus quicquam patiuntur. Cui congruenter quidem Notioni Materiam appellat εἶδωλον καὶ φάντασμα ὄγκου, umbram & phantasma molis; additque porro esse τὸ ἀντερεῖδον μὴ ἔχον, id quod nullam habet resistantiam. Nam τὸ ἀντερεῖδον μὴ ἔχον cum illo convenit quod ad eundem scopum loquitur in Enneade sexta, εἰδὲ γδ' ὁρθῶς τὸ ἀντιστῶν αὐτῇ διδῶσιν. Ac proinde Enneade secundā Materiam ὅς τις ἐπὶ τῆς εἰότητος nuncupat, præparationem tantum, sive Capacitatem molis, quemadmodum & ex eo apparet quod κενὸν ὄγκον Molem vacuum etiam nominat, & in capite octavo apertè negat eam aut raritatem aut densitatem aut magnitudinem habere. Ennead. 3. lib. 6. cap. 9. Lib. 6. cap. 7. Lib. 5. cap. 28. Lib. 4. cap. 11.

Et desolatam Materiam conditionem porro describens in Enneade tertia, καὶ αὐτὴ περσ- αὐτῶσαν πενίαν appellat, & καὶ πάντων ἐρημίαν, semper mendicantem penuriam; omniumque rerum carentiam, cujus inopia & appetitus eluditur potius quam expletur: cum Formæ quas videtur recipere, sicut Echo in cavis solitudinibus, non imbibantur sed reverberentur, nec adhæreat quicquam de quo participat, sed idem fiat quod in speculis, quæ reflectunt potius Imagines quam recipiunt. Quod cum eo planè convenit quod alibi scribit, Δεῖ δ' αὐτὴν μὴ σύνθετον εἶναι, ἀλλὰ ἀπλῆν καὶ ἐν τῇ αὐτῆς φύσει, ἔτω γδ' πάντων ἐρημία. Naturam Hyles compositam esse non debere, sed simplicem & unam ut expers esse possit omnium; quod ostendit quam aptè in primi Diei opere collocetur. Ennead. 3. lib. 4. cap. 8.

Lib. 4. cap. 9.  
Lib. 6. cap. 6.

Ut præteream apertè declarare, "Οτι ἡ ὕλη ἐν τῶν ἀσωμάτων, Quòd Hyle five Ma-  
teria ex genere sit rerum incorporearum, tum in secunda tum in tertia Enneade.

Ennead. 3. lib.  
6. cap. 14.

Tanta scilicet copia est descriptionum apud Plotinum quæ Mosaico והו כחה re-  
spondent, quæ voces Vacuitatem & Inanitatem vel κένωμα καὶ ὑδὲν, ut vertit Theodotion,  
significant. Hyleν ὑποβάθραν nominari & ἔδραν, quæ stabilitati respondent Terræ, quæ  
prima est Hyles Mosaica appellatio, suprâ monuimus; Plotinique mens hac in re ad-  
modum manifesta est in ista similitudine, ubi Formas quas Materia dicitur recipere,  
cum Echo comparat. Ἀλλ' ἐμεινεν ἡ αὐτὴ ἡ ὕλη ὑδὲν δεξαμένη, ἀλλ' ἐπαρῆσα καὶ περὶ  
δὸν ὡς ἔδρα ἀποδομένη. Quibus in verbis Materiam cum fixo sedili comparat in quod  
Formæ quasi impingunt, sed non penetrant nec inhaerent, adeò ut Materiam velit  
manere ut antea, immutatam & immotam. Quemadmodum etiam expressim asse-  
rit in Capite undecimo, Quòd Materia nec plus nec minus habeat accessu recessive  
Formarum, μένει καὶ ὁ ἔξ ἀρχῆς ἦν. Qua voce μένει sæpe utitur in describenda stabilitate  
& immutabilitate Materiæ eo ferè sensu quo Plato eâ usus est de Terræ stabilitate lo-  
quens, Μένει καὶ Ἐστία ἐν θεῶν οἴκῳ μόνη. Adeò ut fugitivæ hæ Formæ & Materia se ha-  
beant ut Generationes Hominum & Terra. Generatio præterit & Generatio advenit,  
Terram autem in æternum stat.

Ecclesiast. cap.  
1. vers. 4.

Lib. 4. c. 5.

Ennead. 1.  
lib. 8. cap. 7.

Lib. 4. cap. 10.

3. Illud etiam quod Plotinus habet in secunda Enneade cum tertia appellatione Hy-  
les Mosaica, [Abysso nempe] pulcherrimè convenit. Τὸ καὶ βάθος καὶ ἡ ὕλη, διὸ καὶ  
σκολεῖν ἡ πάσα, Profunditas cujusque rei (τὸ ἔχαστο, || alibi nominat) Materia est, ac pro-  
inde semper est tenebrosa. Quæ tenebrositas quarta proprietas est Hyles Mosaica, cui  
Plotinus latè copiosè in secunda Enneade insitit, contenditque nullam nos aliam illius  
notionem habere posse, quippe quum sit οἶον ὀφθαλμῷ τὸ σκοτόν, ut Tenebræ oculo;  
nec aliter animam illam videre posse, ἢ ὡς ἀλημοσύνην καὶ ὡς ἀχρησίαν καὶ ὡς ἀλαμπείαν. Et  
paulò post, Τῷ τοῦ νοεῖ ἀμυδρῶς ἀμυδρὸν, καὶ σκολεῖν ὡς σκολεῖν, καὶ νοεῖν ὡς νοεῖν, ut quando  
quis tenebras cernit. Et postremò nè tetigisse saltem non videatur singulas partes  
Mosaica descriptionis Materiæ primæ, quid Moses intellexerit per Aquarum mobilita-  
tem, Plotinus etiam significavit per τὸ ἀόριστον, vel καὶ ἀορίστην, per naturam indefini-  
tam, indeterminatamve Materiæ.

Lib. 6. cap. 7.  
Stromat. lib. 5.

4. Et certè ex eis quæ jam produximus satis constare censeo quòd per Materiam  
Plotinus nullum Ens intelligat magis solidum aut substantiale, quàm quod meritò ap-  
pellari possit Metaphysicum. Cæterum apertius loquitur & tamen simul compendiosi-  
us in Enneade tertia, ubi, (ut Clemens etiam ait Platonem materiam appellare) eam  
τὸ ἀληθὲς μὴ ὄν appellat. Id quod revera est Non-Ens. Et paulò post eam porrò de-  
scribens, καὶ τὸ ὄν ἐν φαντάσει, καὶ ὄν ἔστιν, cujus Entitas cum sit omnino in imaginatione,  
Non-Ens est. Et in Capite decimo tertio declarat, Quòd Materia, si talem se conse-  
rvare velit qualis est, ἀνάγκη αὐτὴν μὴ μόνον ἑστῆν ἀδελφόν ἔχειν, ἀλλὰ καὶ εἰ τι μίμημα  
αὐτῶν, καὶ τῷ αὐτοῦ οἰκίῳ εἰς οἰκίωσιν ἔχειν, necesse habet, non solum omnium Entium insusce-  
ptivam esse, verum etiam si vel levissima ipsorum adsit umbra, illius nequaquam fieri par-  
ticipem, ut suam sic sibi proprietatem possit conservare.

Lib. 1. cap. 27.

Lib. 5. cap. 5.

5. Sed enim Philosophus in hisce descriptionibus tam rigidus est ac præcisus ut Ma-  
teriam videatur magis nudam reddere quàm revera oporteat. Cæterum aliis locis  
magis moderatus est, ubi ei permittit, Possibilitatem esse hujus externi sensibilisque  
Mundi, eamque Non-Ens esse ex eo solo arguit quòd sit tantum hæc Possibilitas. Ut  
in Enneade sexta. Εἰ καὶ δύναμις ἔστιν ὁ μέλλει ἵστασθαι, ἐκείνο καὶ μὴ ὕστα, ὑδ' αὖν αὐτὴ ὕστα.  
Nam si Possibilitas sit quod futurum est, nec quod sic est futurum, sit substantia vel Essentia,  
nec illa est substantia vel Essentia, scilicet Materia. Et in Enneade secunda concedit  
Materiam esse Essentiam in Reversione. Τὸ καὶ αὐτὴ μόνον τὸ μέλλον ἐπαγγελλόμενον  
Essentia Materiæ expectata tantum Essentia est sive promissa, vel quod dixi, Essentia in  
Reversione. Et propè finem Capituli concludit: Εἴπερ ἄρα δὲ αὐτὸ καὶ, δὲ αὐτὸ ὁπερ  
γὰρ μὴ καὶ, ἵνα ἐκκεῖνος τῷ ἀληθὲς καὶ ἐν τῷ μὴ καὶ ἔχη τὸ καὶ. Et in extrema conclu-  
sione, Εἴπερ ἄρα δὲ ἀνώλεθρον καὶ ὕλην τηρεῖν, ὕλην αὐτὴν δὲ τηρεῖν, τυλίγει, δύναμις δὲ  
γενεῖν αὐτὴν εἶναι μόνον, ἵνα καὶ ὁ ἔστιν. Quarum ambarum sententiarum sensus omnino hic  
est: Quòd Essentia Materiæ excludat realem Existentiam, consistatque tantum in Capaci-  
tate sive Possibilitate existendi. Unde manifestum est Platonice hanc Hylem quam  
primi diei Creationi applicavi, rectè appellari posse Metaphysicam, vel, si malles,  
illud quod maximè evanidam Entitatem Metaphysicam habet, appellari Hylem, quod  
id ipsum est ad quod hæc omnia collineabant.

6. Nunc verò Quæstio magis ardua emergit ex Responso ad priorem, nempe,  
\* Quomodo mera hæc Capacitas sive Possibilitas rerum corporearum ac sensibilibum dici  
possit creari. Nam hæc Possibilitas & Capacitas à se esse videtur, nec ullâ indigere  
Creatione. \* Sed respondeo, Creationem nihil aliud esse quàm Emanationem Creature  
à Deo,



à Deo, quemadmodum *Aquinas* determinavit; dicoque hanc *Possibilitatem* & *Capacitatem* rerum ultimam esse sive extremam *Projectionem* sive *Emanationem* à Divina Existentia, nec futuram fuisse sine Illo. Nam nisi Ille esset, reliqua omnia impossibile foret, ut existerent. Quamobrem cum hæc *Possibilitas* ab Illo dependeat, cumque merum *Nihil* non sit secundum *Metaphysicos*, qui concedunt *Ens in potentia* verè *Ens* esse perinde atque *Ens actu*, rectè dicitur ab Illo creari. Et si *Creatio* sit ex nihilo, hæc certè multò eminentiori modo talis est quàm ulla alia, cum id quod infra ipsam est, sit absolutissimum *Non-Ens* quod concipi potest. Quod est, prout dixi, *Impossibilitas*. Quæ rerum omnium foret conditio, si non esset Deus.

7. Tertia & ultima quæstio est, cur notare voluerit *Moses* tam sublestem evanidamque Reculam quàm sit mera hæc *Possibilitas* externæ Creationis. Quid enim prodest considerare *Possibilitatem* Domus vel Statuæ antè esse quàm *Architectus* & *Statuarius* ea fabricetur? Sed respondeo, non parem utrobique esse rationem, cum infinitum discrimen sit inter totum *Universum* & *Domum* aut *Statuam*, & inter *Deum* & *Architectum* aut *Statuarium*. Ac proinde in rebus tam immensis quàm sit *Deus* & *Universum*, minuta quæque consideratio magna habenda est: Videmusque humanum Intellectum sic semper apud se statuisse. Multum enim hominum *Mentes* exercitatæ fuerunt & defatigatæ in demergendo se ad infimum ultimumve fundum rerum omnium quam *Hylem* appellant, & ut plurimum talem definiverunt, qualem ipse descripsi, meram scilicet *Potentialitatem*.

Præterea, Adeone contemnenda Notio est sive speculatio, quòd vel ipsa *Possibilitas* aliorum Entium omnium sit à Deo, quòdque impossibile sit rem ullam sine Illo existere? Etenim quemadmodum *Aphorismus* est verissimus, ita etiam maximè connexus cum Pietate ac Religione. Talémque Philosophiam expectare debemus à tam sancto viro quàm *Mose*.

Et postremò, quando dicimus *Hylem* hanc *Potentialitatem* sive *Capacitatem* rerum esse, in se etiam involvit *Incompossibilitatem*, quippe quum sit finita *Capacitas* sive *Possibilitas*. Ac proinde hinc futura est necessaria sequela talium rerum quæ malæ habeantur in *Universo*. Talis enim *Capacitas* sive *Possibilitas* quæ tantum finita sit, proximè *Necessitatem* habitat Matrem Noxarum, quemadmodum in versibus *Pythagoricis* innuitur, quanquam ex alia occasione,

----- Δύναμις ἢ ἀνάγκη ἐξ ὧν ταῖα.

Nec certè ullum sensum approbandum ex isto *Platonis* efficere possum, Ἀνάγκη πολλὰ τῷ θεῷ δυσμαχῶσα καὶ ἀφηνιάζουσα, ex ista *Necessitate* quæ refractariè indomitèque resistit & opponit se Deo, præter hanc *Incompossibilitatem* Creationis. Quòd verò ἀτακτον ψυχὴν καὶ κακοποιὸν appellat, & ψυχὴν ἐναντίαν καὶ ἀντίπαλον τῇ ἀγαθουργῇ, aut furiosa quædam *Rhetorice* vena est vel potius *Poetica*, aut crassus error circa sensum Textus *Mosaici*, (illius enim in notitiam eum venisse suprà monuimus) interpretando מַחֲשַׁבַּת הַיָּד עַל הַיָּד talis sensu quo *Cabbala Literalis* explicavit, quem is putaverit effectum esse hujus ψυχῆς ἀτάκτου καὶ κακοποιῆς quam sibi finxerat.

8. Cæterum prima *Materia* facies apud *Mosē*, satis dira est atque horrida sine ullis istiusmodi exorbitantibus Commentis, à *Literali Cabbala* perperam intellecta petitis, ad prodendum suum reatum, indicandumque quàm affinis sit earum noxarum quæ in Orbe contingunt. Et certè licet alia non sit, quàm qualis hæcenus à *Plotino* descripta est, *Plotinus* tamen ipse de malis quæ ex ea oriuntur perquam lugubrerè conqueritur, in suo Περὶ τοῦ τινα καὶ πόθεν κακὸν ubi definit hanc *Hylem* esse κακὴν οὐσίαν, & τὸ πρῶτον κακόν, *Essentiam Mali*, *Primumque* sive *Originale Malum*: Rationemque reddens malorum eorum quæ in Mundo reperiuntur, sic scribit: Μεμιγμένῃ γὰρ ὅν δὴ ἡ τῆς τοῦ κόσμου φύσις ἐκ τῆς καὶ ἀνάγκης, καὶ ὅσα παρὰ τοῦ εἰς αὐτὸν ἔχει ἀγαθὰ, τὰ δὲ κακὰ ἐκ τῆς ἀρχαίας φύσεως τῆς οὗλης λεγομένης. *Mundus enim ex Intellectu & Necessitate mixtus est, eaque quæ in eum à Deo veniunt bona sunt, mala verò ab Antiqua Natura proficiuntur Hyle appellata.* Veruntamen fateor nimis quàm temerè hanc *Hylem* antiquam ab eo dici, nisi tantum respectu particularium Umbrarum in Orbe evanescentium intelligatur. Nam *Mundus* ipse æquè antiquus est atque *Hyle* juxta suam ipsius doctrinam. Ut in *Enneade* quinta ubi *Universum* facit necessariam à Deo emanationem naturalemque Imaginem *Eterni Intellectus*: indèque concludit, Πᾶσα δὲ φύσις εἰκὼν ἐστὶν ὅσον ἂν τὸ ἀρχέτυπον μέγα. Et in alio loco, Ἐξ ἀνάγκης ἐστὶν ὁ κόσμος, καὶ ἐκ ἐκ λογισμῷ γενόμενος, ἀλλὰ φύσεως ἀμείνοτος γεννώσης κατὰ φύσιν ὁμοιον ἑαυτῇ. Et in Capite hanc citationem antecedente idem omnino asserit. Γέγονε δὲ ὁ κόσμος καὶ λογισμῷ καὶ θεῷ, ἀλλὰ δευτέρως φύσεως ἀνάγκῃ. *Mundus verò non factus est consultatione & ratione,*

*Aquinas in 1. qu. 45.*

*Ennead. 1. lib. 3. cap. 7.*

*Id. Psychozoi- am Cant. 1. Enneastich. 9. 44. 45.*

*Lib. 9. cap. 12.*

*Ennead. 3. lib. 2. cap. 3.*

tione, quod sic fieri oporteat, sed immediatâ necessitate Emanationis secundæ sive alterius Naturæ. Quæ Conclusiones Plotini si veræ essent, equidem hanc æquè eximiam rationem centerem atque ullam aliam, cur Pythagorei Decadem, quod Symbolum apud eos est *Univerſi*, Ἀνάκην appellarent, hoc est *Necessitatem*.

Verùm eò libentiùs hanc excursionem feci, quoniam ad faciliorem facit intelligentiam eorum quæ additurus eram ad plenius probandum quod Plotinus Hylem radicem omnium malorum statuerit. In prima Enneadē, ut supra: Ἐπειδὴ ὅν ἔστι μόνον τὸ ἀγαθόν, ἀνέκχεται τῇ ἐκβάσει, τῇ παρ' αὐτοῦ ὑποστάσει, ἢ, εἰ ὕτω τις ἐθέλει λέγειν, τῇ αἰεὶ ὑποβάσει καὶ ἀποστάσει, τὸ ἰσχυρόν, καὶ μετ' οὗ καὶ ἦν ἐπὶ γενέσθαι ὁτιῦν, τὸτο ἔστι τὸ κακόν· ἐξ ἀνάγκης ὅτι εἶναι τὸ μετὰ τὸ πρῶτον, ὥς καὶ τὸ ἰσχυρόν. τὸτο δ' ἡ ὕλη μὴ ἐνέτι ἔχουσα αὐτῇ, καὶ αὐτῇ ἡ ἀνάγκη τῷ κακῷ. Etenim cum supremum primūve Bonum solū non sit, necesse est, per Egressionem, gradualēve Descensum Distantiāve ab illo, Extremum, & post quod impossibile est esse quicquam, Malum illud esse. Et certè necesse est aliquid esse post Primum, atque sic Extremum aliquod. Atque hæc est Hyle sive Materia nihil de Primo participans. Hæcque ipsa Necessitas est Mali, nempe quatenus hæc Hyle nihil participat de Primo, nec illius capax est. Quod idem valet ac si dixeris, Impossibilitatem sive Incommensurabilitatem in infima rerum Creatione (talisque est hic Mundus corporeus) esse hanc Ἀνάκην sive Necessitatem mali. Impossibilitatem quidem fore rerum omnium si Deus non existeret; nunc verò Impossibilitatem sive Incommensurabilitatem in hisce rebus inferioribus esse quanquam Deus existit, quemadmodum impossibile est, ut *Acies Cultri & dorsum* perinde robusta sint ac firma.

Quæ quidem considerationes circa Hylem hanc Metaphysicam non tam triviales, quinimo tam ponderosæ sunt ut meritò dignæ cenſeri possint quas Moſes distinctè notet, in squalida ista horridaque hujus Hyles primæve Materiæ facie, quam in primi Diei Creatione describit, ipsaque Hyle digna, ob eas rationes, quam primi Diei operis partem constituat. Est enim talis veritas quæ seriam mereatur meditationem. Nec potest profectò Philosophum non decere primas causas speculari eorum Effectuum ad quæ ferenda, omnia è longinquo intuens Providentia tam aptè bellèque universo generi humano prospexit, quippe quæ eos instruxit ad istiusmodi inopinata Eventa recipienda, duabus istis vehementibus scenicisque Passionibus *Risus* atque *Fletus*. Tam manifestum est nostram Expositionem quæ Hylem Metaphysicam per Terram vacuum & informem aquisque & caligine involutam significari statuimus, Interpretationem esse solidam & inculpabilem.

## SCHOLIA

## IN CAP. VIII. SECT. 6.

Exam. Gener.  
p. 139.

Quomodo mera hæc Capacitas sive Possibilitas rerum corporearum ac sensibilibum dici possit creari, &c. Non solū quod non videatur indigere Creatione, sed etiam (id quod non temerè videtur submonere S. A.) quod eo ipso fieret Ens reale, nec esset mera Capacitas sive Possibilitas. Sed enimvero nisi quis datâ operâ captandis cavillandis occasionibus invigilet, paulò laxiore significatione verborum [Creatio & Ens] admissâ, hæc difficultas facile solvi possit. Omni gradui nempe ad Entitatem Entis nomen indulgendo, & omni Efficientiæ, quæ facit ut Ens, (quàm minutissimo gradu fuerit, gradūve ad Entitatem, id est, quale quale fuerit Ens Gradūve) ex nihilo existat, nomen indulgendo Creationis. Possibilitas enim hæc sive Capacitas propius accedit ad Entitatem quam Impossibilitas; ut ipse Andreades etiam contendit Ens in potentia propius accedere ad Entitatem quàm Ens possibile. Cum verò sit aliqua Efficientia atque vis, quæ quid propius ad realem Entitatem accedit quàm alia multa, si ex nulla præjacenti materia id efficit, cur illud [Efficere] [creare] dici non patiar haud satis intelligo, quanquam illa Creatio minor sit & obscurior perinde atque id quod dicitur creari. Aded ut lubens profitear litigium hic de vocibus esse potius quàm de rebus ipsis.

Exam. Gener.  
p. 139, 140.

Sed respondeo Creationem nihil aliud esse quàm Emanationem Creaturæ à Deo, &c. Creationem hic Materiæ Metaphysicæ ita me exponere ait Andreades, ut hinc necessario sequatur eandem Materiam immò ipsum Mundum Deo coæternum esse. Objicit enim quod occurrit Sect. 8. Nam Mundus ipse æquè antiquus est atque hæc Hyle secundum suam ipsius doctrinam alibi traditam. Quæ verò ego illic de Plotino loquor, ille intelligit, (idque admodum protervè ac iniquè) de meipso. Cum nè Materiam quidem Metaphysicam præsentem instantēque ab æterno extitisse, nedum Mundum ipsum sta-



tuo. Sed, quæ est illius confidentia, sic me sentire, ex ipsa Creationis definitione, quam amplector, demonstrare se posse profitetur. Hucque arripit quod reperitur in Tractatu meo de Animæ Immortalitate, lib. 1. cap. 6. Axiom. 17. Effectum emanativum coexistit ipsi substantiæ ejus quod causa illius dicitur. Indèque rectè me inferre dicit, Si tale effectum unquam est, semper esse debet, vel saltem tamdiu quàm substantia ista existit. Ego verò vel ultrò concedo Axiomatis istius sensum limitandum esse, & ad causas creatas emanativas restringendum. Nam in ea sola Regione versabatur mens mea quando istud Axioma scripsi, Lectorisque candidi est Titulum respicere qui Causas emanativas creatas solas spectabat, dum ego ista meditabar. In causa verò prima increata ubi Effectum tam infinitis gradibus subsidit infra Causam, ipse Defectus & Incapacitas Effecti emanatorii sibi obstaculo esse potest quo minùs ab æterno coexistat suæ Causæ. Qua de re fusius egi in Enchiridio Metaphysico, nec opus est plura hic addere. Hoc tamen obiter moneo, tantum abesse, ut ego accensendus sim illius Materiariis quos toties crepat & Hermogenitis, ut Possibilitatem hanc Creaturæ futuram tantum ab æterno non instantem præsentemve fuisse statuam ante tempus Creationis. Quod unum Responsum satis est ad difflandas omnes illius cavillas & argutias circa hoc argumentum. Ad reliquas illius in hunc Paragraphum Tricas Scholasticas ac Nugacitates conniveo & sileo. Neque enim mihi vacat cum tam juvenili tamque parùm urbano Theologia & Philosophia Professore aut ludere aut rixari. Puer quivis decennis satis clarè perspiciet nullam subesse impietatem illi Effato; Si Deus non esset, omnia forent in statu Impossibilitatis. Nec ad Atheismum viam pandere, Omnia necessariò ab Illo solo existere profiteri. Et denique, Utrum consultus sit ad Impossibilitatem Creationis ea mala quæ in Mundo occurrunt, an ad voluntatem Creatoris referre, penès quemvis, qui cæco non sit malignoque ingenio, judicium esto.

## CAP. IX.

1. Nova suppositio circa Hylem, tanquam si esset Actualis substantia Materialis, & quàm applicabilis huic sit Descriptio Mosaica. 2. Quomodo referri possit ad primi Diei Creationem, cujus Unitas sit character. 3. Quomodo intelligi possit Aquæ esse inferiores sensu Philosophico. 4. Quid Monadicam Consistentiam hujus Hyles Physicæ ita coagulaverit, ut capax esset Æther fieri sive secundi Diei Opus. 5. Suppositionem hujus Hyles Physicæ admodum plausibilem esse si Monadicæ sit Consistentia, alioquin intolerabilem.

1. **Q**UOD si cujusquam animo levamini futurum sit magis pingue habere ac perceptibile Objectum huic nomini Hyles subditum, Textus fortean haud usque adeò illius incapax reperietur. Etenim supposito, quòd hæc Hyle realis & actualis *Materia* sit, ex perfectis istis *Parvitudinibus* (quas alibi describo) consistens actualiter aliis ab aliis divisis, tantumque ferè motum ex æquo participantibus quantus nunc conservatur in Universo, Attributa illius Hyles apud *Mosen* descriptæ, huic pulcherrimè convenient.

Immortal. lib. 1. c. 6. & Præfat. sect. 3.

Primum enim, *ἰδέα* erit, & *ὑποκείμενα*, sedes ac subsellium Formarum: cùmque sic *Sustentaculum* sit ac *Fundamentum*, per vocem [ *Terra* ] rectè aptèque significabitur. Quemadmodum etiam tale *βάθος* sive *Profundum* futurum est, quod nomen *Abyss* meritò censeatur notare, quippe quum profundissima infimæ pars sit realis Creationis. Porro quantum ad *Vacuitatem* & *Inanitatem* hæc Hyle ab omnibus omnino Formis sensibilibus penitus vacua est, (supponimusque nondum cum ullis substantialibus Formis conjunctam) adeò ut nè tenuis quidem tactui videretur aut *σπίσσα*, quippe non omnino perceptibilis, verèque esset illud τὸ μετ' ἀναισθησίας αἰσθῆναι, de quo vaticinatus est *Plato*, ut quod tangibile quidem sit in se, sed non item tactui aut Hominis aut Angeli propter infinitam subtilitatem suæ Consistentiæ: Quam igitur necesse est fore tanquam *vacuam solitudinem* & *inane spacium* quantum ad explorationem ullius sensus creati, qui ultrò citròque palando palpandòque in nullam usquam crassitudinem incidere posset nisi quam perfectæ hæc parvitudines habeant, quæ adeò infinitè subtiles sunt ut nullus tactus eas queat percipere, adeò ut universum apparituum sit tanquam absolutè *inane* atque *vacuum*.

Plotin. Ennead. 6. lib. 1. c. 28.

Cap. 8. sect. 2.

Tertiò, Vasta hæc Solitudo tenebrosa erit ut Pix, adeò ut si Sol esset ubi nunc est, Vortexque reliquus hanc haberet Materiæ consistentiam quam ego descripsi, scenæ facies æquè nigra esset atque mediæ noctis; quemadmodum facile possem demonstrare, si opus esset.

Et

Metaphys. lib.  
1. cap. 3.

Et postremo, quantum ad *Fluiditatem* naturamque illius *Aqueam*, equidem infinito magis Aqua est, hoc est, magis fluida, quam ipsa sit Aqua. Et si *Ithalesis* opinio ullam in se veritatem complectitur, omnino hinc invenienda est. Verum *Aristoteles* hanc Philosophiam facit Sapientum multo antiquiorum; Eorum quos ait, *Oceanum* & *Tethyn* Patres fecisse Generationis, τὴν γενέσθαι παλαιοῦς (sic enim ille loquitur) docueruntque *Aquam*, nempe *Stygem*, propter antiquitatem, Juramentum fuisse Deorum. Τιμιώτατον γὰρ τὸ πρεσβύτατον, ὅρκῳ δὲ τιμιώτατον ἔστιν. Et certe talis Aqua qualis est hæc *Hyle* quam ego descripsi, quam nec Sol sic illuminare potest ut per eam possit conspici ullumve lumen à Sole, Aquam oportet esse reverà *Stygiam*: Atque hinc notandum est *Pythagoreos* *Monadem Stygem* appellare. Tam aptè natura hujus *Hyles Physicæ* sic descriptæ cum illis Attributis in Textu *Mosaico* convenit.

2. Sed quomodo potes efficere, inquires, ut cum Diei charactere conveniat, nempe cum *Unitate* sive *Monade*, & sic rerum seriem in secundi Diei opus deducere, quemadmodum fit in *Hyle Metaphysicæ* quam *Aquas sub Firmamento* facis, illudque *Firmamentum* in immensum extensam *Materiam*, quæ propriè divisibilis est ac propterea *Binario* denotata, & in consistentiam *Ætheream* formata appellatur *Cælum*, quod singulas *Terras* circumdat, ut quod aquas earum *Physicæ* proximè attingat, quæ ubique congregandæ sunt in unum locum? &c.

Chap. 8. sect. 2.  
Ennead. 2. lib.  
4. cap. 8.

Equidem fateor, cum natura *Materiæ Physicæ* divisibilis sit, *Binariusque* tam expressum illius *Symbolum*, *Metaphysicæ* verò *Materia* ἐν τῇ ἀπλῇ καὶ ἀσώματῳ, quemadmodum eam descripsit *Plotinus*, me abstinere non potuisse quin concluderem, *Hylem Metaphysicam* ad primum diem pertinere, *Physicam* verò ad secundum. Quæ quidem satis sobria est, tutaque Interpretatio, quemadmodum ex eis quæ dicta sunt, apparet. Veruntamen pergam nihilominus, experiarque quàm tolerabilis hæc altera reperiatur.

Dico igitur hanc *Hylem Physicam*, prout eam descripsi, esse etiam ἐν τῇ ἀπλῇ καὶ ἀσώματῳ sensu satis notabili. Una est & simplex, hoc est, exactè uniformis ubique, & in partes ulla quæ sint differentis naturæ omnino indivisibilis; cum *Firmamentum* in secundo die in *primum* & *secundum* Elementum possit distinguere: ut nihil dicam de *Materia Divina* tunc creata & subinde immixta, ob quam præterea *Rationem*, quemadmodum alibi moneo, *Cælum* sive *Firmamentum*, formâ duali dicitur דִּבְנִי. Et tum dein, quantum quidem ad sensum ullum est planè *incorporeum*, quippe quod sit solummodo ἀσώματῳ μετὰ ἀναισθησίας quemadmodum nobis *Plato* eam jam descripsit, ac proinde meritò inter *Entia Incorporea* recenseri potest. Verum præterea, cum ex perfectis *Parvitudinibus* actualibus omnino consistat, quæ totidem *Monades Physicæ* sunt, & in se prorsus indivisibiles, (ut sunt *Entia incorporea*, primo die creata,) sed separabiles (ut illa similiter sunt) aliæ ab aliis, faciliè profectò & incoactè ad *primi Diei* opus potest referri.

3. Jam verò quantum ad *Aquas sub Firmamento*; *Hyle* hæc *Physicæ* sic considerata cum omni illa ἀσώματῳ fluidaque *Possibilitatū* creaturarum corporearum *Indeterminabilitate* quæ necessariò illi inhæret, satis aptè expressèque erit *Aquæ istæ inferiores*. Et הרקיע sive השמים *Firmamentum* sive *Cælum*, species quadam erit inter *Hylem* hanc *Physicam* (in qua supra dicta rerum *Possibilitas* & *Indeterminabilitas* comprehenditur) & *Imateriales* illas *Essentias* quæ descendunt eis γένεσιν, nominèque *superiorum Aquarum* sive *Aquarum supra Firmamentum*, notantur. Hæc enim *Aqua Primordialis* ex meris *Monadibus Physicis* consistens ante *Firmamentum* extitit, implevitque omnia. Ex hac, & supra hanc ordine proximum erat *Cælum* sive *Firmamentum*, vel, quemadmodum Græci appellant, *Æther*; proximèque supra hunc *Ætherem*, quæque ante eum creata est, pars est illa *Mundi Vitæ* quæ descendit in *Generationem*. Hic est rerum ordo; facilièque, inquires, intelligitur, *Ætherem* medium esse *Terminum* inter duos istos extremos, *Hylem* scilicet *Physicam*, & *Mundum Vitæ*.

4. Verum porro quæres, quid factum sit, ut *Aqua hæc primordialis*, ut *Hyle* hæc ex meris *Monadibus Physicis* consistens, unquam in istam *Ætheris* consistentiam coagularetur, qui fit ex globularibus particulis & tenuiori elemento, utrisque verò multo crassioribus primâ consistentiâ *Materia*? Ad hoc autem nihil habeo quod respondeam nisi quod illud, quod in efformatione *Animalium* primam humidam *Materiam* sive *Liquorem*, in talem organizatam *Consistentiam* diverforum graduum atque usum coagulat, idem etiam hanc *primordiale* coagulaverit *Mundana* *Materiæ* consistentiam in istiusmodi differentes gradus crassitudinis, qui ad producendum duo ista elementa ex quibus *Æther* consistit, maximè conducere; quodque tamen *Mundus Machina* sit, *Artifex* tamen *Mechanicus* non sit ipsa *Materia*, sed aliud aliquod *Principium* in *Mundo Vitæ*.

Quam-



Quamobrem cum *Monadica* Materiæ *Consistentia* in productione *Ætheris* perdatur, cumque expressim in duo Principia distinguatur, quæ & *Cartesius* cum iudicio notavit, Creatio hujus *Ætheris* sive *Cæli* naturaliter sub *Binarii* characterem cadit, aptèque collocatur in *Die secundo*.

Nec opus est addere, ut omnia jam ordine processura sint, ut priùs; utque *Æther* hic *Physicus* sive sensibiles Aquas quæ Terras contegunt, circundaturus sit. Qua in parte, *Cabbala Literalis* & *Philosophica* facilè coincidunt, quemadmodum fit in quinti sextique *Diei* Creatione. Nec ad hunc locum pertinet considerare, ut post *Stygiam* harum *Primordialium* Aquarum *Caliginem*, Materiâ jam coagulatâ, ut suprà dictum est, & in motum *Vorticalem* excitatâ, *Lux* in infinitis Mundi partibus explenderetur, Cælique universi tandem innumerabilibus *Solibus* sive *Stellis* perquam fulgidè coruscarent, cum hæc speculatio ad quarti *Diei* opus omnino sit referenda.

5. Interea loci, manifestum est novam hanc Interpretationem admodum plausibilem esse: Atque equidem quanquam *Authoritas Plotini* & *Platoniorum* ad priorem valdè propendet, quorum suffragium eò majoris momenti meritò videri potest, cum è successione sint in *Cabbala Philosophica*; Venerabilis tamen Pater Ecclesiæ S. *Augustinus*, huic posteriori favet, ipsèque *Plato*, dum Materiam *ἐμπυρρεόν* & *πῦρ* vocat, eam insinuare videtur esse plusquam *Metaphysicam*; uti etiam *Plutarchus*, qui tum *Platonem* tum *Aristotelem* Materiam *συνεχόμεν* fecisse affirmat. Caterùm nisi *Hyle* hæc *Physica Monadica* primitus fuisse *Consistentiæ* intelligatur, hæc Interpretatio quæ ex ista quidem Hypothesi tam plausibilis est vel potius irreprehensibilis, absque ea profectò reperiretur intolerabilis. Etenim *Hyle* hæc necessariò tunc in *Binarium* devolvetur, nisi *Numeri Pythagorici* nihil prorsus significant. Concesso autem eam istiusmodi primitus fuisse *consistentiæ*, omnia facili pronaque succedent sequelâ, utralibetque *Expositio* concinna rationique consentanea censetur apud quemvis æquum iudicem. \* Utra verò alteri præferenda sit, Lectoris arbitrio determinandum permitto. Nec tamen abstinere me possum quin hoc in posterioris hujus gratiam adjiciam: Generationem scilicet ex eo fieri, quod liquidius est Generato; Nihilque ipso cælo liquidius esse nisi *Aquam* hanc *Primordiale* *Consistentiæ* *Monadica*, anti-quam hanc *Stygem*, sanctissimum Deorum Juramentum, quemadmodum legimus apud *Aristotelem*.

## SCHOLIA

## IN CAP. IX. SECT. 5.

Utra verò alteri præferenda sit, Lectoris arbitrio determinandum permitto, &c. Hæc ovare videtur *Andreades* & de me *Triumphum* affectare, quasi omnino fluatrem nesciremque ipse quid tandem statuerem, sed undique constrictus difficultatibus & absurditatibus rem quasi in medio relinquere vellem. Sed enim vero fingit difficultates & angustias quas mihi optat, cum reverà nimis amplum potius sit spacium, duarumque valdè concinnarum consentanearumque opinionum mihi detur optio, quam & Lectori humaniter offero. Quinimò utramque illi permittitur amplecti. Neque enim insolens est apud *Cabbalistas* sub uno Symbolo plures Notiones recondere, nec ulla est necessitas ut altera alteram excludat. Quod si alterutra tantum retinenda esset, ut ingenuè fatear quod sentio, & à fluctuationis labe omni ac suspitione apud S. A. me liberem, *Materia Physica* isti *Hyle Metaphysicæ*, meo quidem iudicio est præferenda. Sed pro more *Cabbalístico* utramque rectius retinendam censeo, & eidem Symbolo *Mosaico*, *Numeroque Pythagorico* subjiciendam.

Exam. Gent.  
p. 141.

## CAP. X.

1. *Quarta Objectione à prapostera Solùm collocatione in quarto Die, Terrarumque in tertio, desumpta.* 2. *Responsa, Primò, Ordinem inflexibilem sex istorum Numerorum Mysticorum Creationis destinatum fuisse tantum in Repositorium Memoriae & Calaturæ, non autem in Librum accuratâ Methodo digestum.* 3. *Secundò, Nec quidem Methodum tam reprehensibilem esse quàm prætenditur, cum Terra rectè Ætherem sequatur, (qui secundi Diei opus est) tanquam immediatum illius Effectum.* 4. *Quemadmodum Terræ etiam Ornatus (ut quod primum certum effectum sit conjunctionis Activi Principii cum Æthere in Die secundo) rectè præcedit opus quarti Diei, tanquam illius Finis aut Objectum.* 5. *Minimè necessarium fuisse, & forsean nec possibile, ut una eademque Textus series triplicem sensum cum ordine rerum aequè accurato ad singulos pertinentium, gerat.*

1. **Q**uarta Objectione est, quòd ordo earum rerum quæ in sex dierum Creatione comprehenduntur, secundum *Cabbalam Philosophicam*, durus est & præposterus, cum opus *quarti diei* magis naturaliter collocandum esset in tertio, *solibus ante Planetas* existentibus, & *Planetis* antequam ullæ *Terræ* esse possint quæ *Fluviis, Plantis & Floribus* exornentur. Ac proinde secundum *Prioritatem Naturæ* Creatio Solùm ac Planetarum collocanda erat ante ornatum Terræ cum Mari, Fluviis ac Plantis.

2. Sed respondeo, Objectionem hanc ex hoc errore profectam esse, ac si externus Textus *Mosaicus* cortex in hoc sex dierum Creationis ordine Integumentum esset ex molli serice confectum, non Capsula ex dura materia compacta itaque figurata formatæque ut singulæ partes quarumlibet rerum recondendarum non sint pariter capaces. Quamobrem *Regula* sive *Mensura* rerum collocandarum debet esse ipsa Capsula, non voluntas nostra aut Imaginatio, quæ eas collocare satagit. Eodem planè modo se res habet in hoc *Mystico Repositorio* ex sex primis Numeris composito, quorum naturæ immutabiles sunt & inflexibiles ordòque non transponendus aut invertendus. Ac proinde nobiles illæ *Veritates Philosophicæ* quæ sub eis disponendæ sunt & occultandæ, eis quidem indendæ sunt, qui eas aptissime significant, & in tali ordine quo *Numeri* ipsi constituti sunt. Unde necessarium erat, ut *Ornatus Terræ* *Ornatum Universi* cum *Solibus & Planetis*, præcederet, quia *Numerus Ternarius* Numerum præcedit *Quaternarium*, atque hæc maximè idoneæ *Pyxides*, ut ita loquar, *Numerales* erant ad magnas illas *Veritates* in *tertio quartoque* die Creationis absconditas, in hanc *Mysticam* capsulam recipiendas; Quæ *Repositorium* tantummodo est *Memoriæ Mysticæque Calaturæ*, non autem *Liber* naturali accuratæque *methodo digestus*; nec tamen eo minùs utilis, ad communicandum per occasionem hæc *Mysteria* cum eis, qui digni illis censentur: Quòd fieri non potuit sine liberiori colloquio, in quo omnia magis ordinatè & Methodicè explicarentur.

3. Atque hoc quidem Responsum adeò solidum censo, ut quicquam amplius addere supervacaneum existimem, quanquam porro contendere possem ordinem rerum ipsarum non tam præternaturalem esse quàm prætenditur. \* Nam secundi diei opus est *Æther* sive *Cælum* quod ex primo secundoque elemento *Cartesii* consistit, cujus tertium Elementum, quod tamen effectum est primi, totum illud est ex quo *Terra* constituitur. Quam naturali igitur ordine consideratio *Terræ*, illi *Firmamenti* sive *Cæli* succedit, tanquam *Effecti* illius, quod proinde locum suum obtinet in Die tertio. Etenim tametsi, propter aliquam rationem, nempe propter congregationem subtilioris partis *Ætheris*, ex recessu *Vorticis*, in formam *Solis*, *Terra* spectari potest tanquam *tertia* ab *Æthere* in ordine productionis, atque ob hanc causam *Ternarius* *Teoyōvica* in *Schola Pythagorica* rectè vocari, est tamen etiam revera immediatum *Effectum* illius subtilis Principii in *Æthere*, quod æquè *Æther* est atque alterum illud in eo Principium. Quamobrem *Terræ* collocatio immediata post *Ætherem*, hac quidem ratione secundum naturalem ordinem fit, & pro tolerabili *Methodo* haberi potest.

4. *Terræ* etiam ornatus *Aridâ, Mari, Arboribus, Gramine* atque *Floribus* primum certum effectum est illius *Activi Principii* cum *Materia* uniti, & in secundi Diei opere memorati. Adeò ut *Terra* cum Ornamentis suis *Vegetabilibus* satis ordinatim succedat creationi *Cæli* sive *Ætheris*. \* Sed nihil opus est ut dicatur creari die tertio, quoniam *Terra & Planeta* primarius unum idemque sunt, & quarti proinde diei creatione



tione comprehenditur. Quamobrem *Terra* cum paratu suo *secundi Diei* creationi tanquam illius effectum, succedunt. Præcedunt verò *quarti Diei* creationem tanquam *Objectum* earum rerum quæ in eo dicuntur creari. Solenim, *Luna* atque *stellæ* factæ sunt ut luceant super *Terram*, suâque in eam influentias immittant ad tempestivas resuscitationes *seminarium Virtutum Plantarum & Herbarum*. Adeò ut *Terra* videatur esse *Finis* cui creationis *Luminarium Cæli* quatenus *Luminarium*, atque proinde secundum Prioritatem Naturæ satis rectè præcedit, sive tanquam *Finalis Causa* sive *Objectum* Influentiæ eorum. Quemadmodum & *Ornatus Terrarum & Luminaria Cæli* ordine præcedunt tanquam *Objecta* sensuum Hominis aliorumque Animalium quæ dicuntur quinto sextoque die creari.

Atque sic Ordo totorum sex Dierum Creationis etiam sensu Philosophico, satis naturalis est Logicæque cohærens, quanquam non ubique sub notione *Causalitatis*, nec hæc *Causalitas* ubique *Efficientis*.

5. Et superfluum profectò futurum fuisset miraculum, & forsan impossibile, unum eundemque Textum sic formare ut accurato ordine & populari rerum *Apparentiæ & Severitati Veritatis Philosophicæ & Morali Allegoriæ* simul respondeat. Quibus omnibus hic Textus *Mosis* oneratur, & ad admirationem usque quantum ad res ullius momenti, scopum plenè attingit. Exacta verò seriei rerum concatenatio ac perpetua plus est quam debet expectari, quandoquidem nulla istiusmodi accurata ratio, datâ operâ intendebatur, sed tantum ut *Numerorum ordo* secundum suam *significantiam Repositorium* esset *Notarum* ac *Monumentorum*, administratio verò ipsius *Cabbalæ*, (hoc est antiquæ Philosophiæ *Judeorum*) peritiæ relinqueretur *Mystagogi* qui consulendus esset, nec suo defuturus esset officio, in rebus omnibus declarandis *Methodo debitâ ac naturali*.

## SCHOLIA

## In CAP. X. SECT. 3.

NAM *secundi diei* opus est *Æther* sive *Cælum* quod ex primo secundoque elemento *Cartesii* consistit, &c. *Quod S. A. hic objicit, non magni profectò est momenti.* Dicit enim me præter *Cartesii* mentem asserere *Cælum* ex primo & secundo Elemento componi cum ex secundo tantum constet. Ego verò per *Cælum* intelligo *Ætherem*. *Ætherem* verò ex globulis & *Materia subtilissima* constare nemo qui vel primoribus labiis *Philosophiam Cartesianam* delibaverit unquam inficiabitur. Intervalla enim illa triangularia inter globulos satis magnam *Materia subtilissima* partem necessariò retinent, cum vacuum nusquam in rerum universitate reperitur. Et ex hac mixtura revera fit *aitbp*, sive *אֵיִתְבֵּן*, id est, Liquidum quoddam igneum, quemadmodum alibi notamus. Exam. Gent. p. 143.

sect. 4. Sed nihil opus est ut dicatur creari die tertio, quoniam *Terra & Planeta* Exam. Gent. p. 142. primarius unum idemque sunt, & *quarti* proinde diei creatione comprehenditur. Quid ad hæc *S. A.* Quis hanc impiam, ait, audaciam ferat, *Mosi* in faciem contradicere ut tua commenta stabilias? cum is distinctionem & ornatum *Terræ* ad diem tertium referat, ad quartum nihilominus revocare tantum quia primarius *Planeta* videtur? &c. Mitte contumelias & maledicta, bone *Andreæ*! & rem seriò placidèque mecum perpende. *Philosophiam* tuam imploro, ut qui *Philosophia Professor* es, si non *Terra* est *Planeta* primarius, perinde atque *Luna*, secundarius. *Theologiæ* verò peritiæ, cum sis *Theologia Doctor*, si non plerique omnes sanioris iudicii Interpretes, *Luthero Calvinoque* non exceptis, per *Terram*, confusam aliquam inanemque ac vacuum molem intelligunt, quam tanquam *Materiam primam*, ex qua *Mundus* formandus esset, sed à Deo creatam, considerant? Quis igitur non doleat tam præcipitem in *Juvene Theologo* cavillandi ac maledicendi pruriginem, qui nè eis quidem, quæ tam solido innituntur fundamento, parcere noverit, eaque non solum ut falsa sed impia proculcare ausus sit & execrari? Quæ tamen non modò vera sed necessaria sunt mentique *Mosaicæ* apprimè consentanea. *Terra* enim, supposito quòd ea, quæ in principio memoratur, *Materia Mundana* sit adhuc confusa & informis, nullo die creatur quatenus *Terra*, ornatur tamen die tertio; quatenus verò *Planeta* primarius necessariò die quarto creatur, inter reliqua *Luminaria*. Quis igitur magis *Mosi* in faciem contradicit, isne qui *Terram*, quamvis *Planeta* sit, die quarto creatam negat, immò verò nullo die creatam; an ille qui aliquo die creatam affirmat, & eo ipso insuper die quo *Moses*? Unde *Impietas* perinde ac *Falsitas* in ipsum *Andreæ* meritiò retorquetur.

tur. Qui cum Terram Materiam quidem Physicam, licet non Metaphysicam significare concedit perinde ac Cælum Lucemve, Spiritus Angelosve, eo ipso Mose in faciem contradicit, nullum diem Terræ creationi relinquens, nedum quem ipse Moyses, putà quartum. Tertium enim Moyses non Creationi Telluris assignat, sed illius ornatui. Adeo ut Andreadæ in Mosen temeritas multiplici audacia cortice incrustetur, dum Cabbalas imperitè confundit & Philosophicam miscet cum Literali. Creari verò Luminaria die quarto quid secundum Cabbalam Philosophicam significet, satis in ipsa Cabbala explicavi, Numeris naturam rerum creaturarum non temporis ordinem significantibus. Quod optimè convenit cum Dicto illo apud Lutherum in Genes. cap. I. Hilarius & Augustinus quasi duo maxima Ecclesiæ Lumina sentiunt Mundum creatum subito & simul, non successivè per sex dies. Quomodo autem sensus Creationis Literalis & Historicus verus esset sit, in Apologia satis diligenter aperui.

## CAP. XI.

1. Responsum ad quintam Objectionem quæ Trivialitatem operis quinti Diei præ tendit; 2. Quemadmodum & operis Diei sexti. 3. Responsum ad Objectionem sextam de *Ἡεολογία* in nostra Paradisi Interpretatione, implicata: Primò, quantum ad Grammaticam & Criticismum; 4. Secundò, quantum ad naturam rerum ipsarum; 5. Responsum ad Objectionem ultimam, contra Interpretationem Cherubinatorum flammantisque gladii de statu per quem Adamum antè transire in eumve ingredi oporteat, quàm particeps fieri queat Immortalitatis. 6. Necessariam planè fuisse tam accuratam continuatamque Philosophici sensus Textui Mosaico adaptationem, propter interruptam traditionem Mosaicæ Philosophiæ.

1. **Q**uantum ad Trivialitatem operis quinti sextique Diei quæ præ tenditur, equidem manifestum esse censeo ex eis quæ de quinto die notavi, collocationem apud Mosen, Piscium Volucrumque in eadem classe, Considerationem non esse vulgarem & trivialem sed Philosophicam. \* Quòdque eis *Mane & Vesperam*, hoc est, *Activum & Passivum* Principium tam distinctè assignat, Veritatis indigitatio est magni quidem momenti, ut quæ utilis est ad maturè ponendum obicem periculoso isti errori, qui meram Materiam facit sensus & cogitationis capacem. Quod grandi impedimento foret, quo minùs ipsarum humanarum Animarum existentiam crederemus.

2. Et quantum ad opus sexti Diei, minus adhuc rationis illuc suppetit huic detractioni. Nam primò, iudicium suum Philosophicum ostendit \* in recensendo Hominem inter Animalia *Mediterranea*, quoniam partium eorum internarum præsertim conformatio, aliarum cum aliis majorem similitudinem gerit, quàm utrarumlibet, cum partibus *Volucrum* aut *Piscium*. Et externa certè similitudo Humani generis & *Simiarum* ( quarum species multæ sunt ) tam propinqua est etiam, & adeò paulatim in eas quæ magis absolutè *Quadrupedes* sunt degenerat, ut manifestum sit Homines easque in una subordinata licet ac graduali classe ac serie naturaliter contineri. Et tum dein, illud quidem maximi momenti est, cum hæc sit in externa internaque partium conformatione inter Homines atque Bestias, species præsertim nonnullas *Simiarum*, propinquitas & affinitas, tam distinctè expressèque declarasse, quòd Homo nihilominus conditionis sit longè *elevatioris & sublimioris*, naturæque planè *Divinæ*, ut quæ respectu Animæ *Imago* sit & *similitudo Dei*, nec ( quod notatu dignum est ) minùs talis ex eo quòd *Terrenum* hoc corpus, ut *Deus Universum*, aëuat: quemadmodum subindicatur in ipsa Cabbala, estque Philosophica veritas, tanti quidem momenti, ut ipsius consideratio cuilibet vulgari Ingenio non competat.

Nec multiplicationis eorum mentio, quæ ad conformationem Genitalium organorum in omnibus Animantibus refertur, uti & profectionis Cibi, neutræ, inquam, abjectæ & triviales speculationes sunt, sed solidæ atque nobiles, præclaræque *Divinæ Providentiæ* pignora. Tam longè aberrant illi qui tam vili æstiment, quæ in *quinti sextique* Diei creatione memorantur.

3. Sexta Obiectio fit contra regressum nostrum in exponendo versu octavo Capitis secundi, altiorémque rerum repetitionem quàm ab efformatione *Adami* ex Terra; cum secundum ordinem Narrationis, postquam *Adamus* factus esset, Deus ei Hortum plantavit quo se solaretur, &c. Sed respondeo, me nullam omnino vim Grammaticæ



ticæ intulisse in hac mea Expositione quæ videtur tam præpostera. Nam ipse *Vatablus* legit, *Plantaverat autem Deus, &c.* Ego verò tantum addo, & posuerat illis hominem quem formavit, pro *Vatabli* Lectione, & posuit quem formaverat: Nam Præteritum Imperfectum, Perfectum, & Plusquam perfectum, hæc Tempora omnia eodem modo exprimentur in *Lingua Hebraica*. Quod autem in *Cabbala* inferui postea, [quem postea formavit in Animal terrestre,] & mentio proximè præcedens de hoc genere Efformationis, & proprietates vocis *צר* jus sic faciendi mihi planè confirmant. Nam hæc Terrena *Adami* efformatio post plantationem *Paradisi* facta est secundum sententiam peritorum eorum Interpretum qui Textum tantum literaliter intelligunt, nam & illi *Paradisum* agnoscunt tertio die factam, quando Deus arbores fecit germinare è terra. Et proinde nequaquam durum est eandem sumere libertatem in *Cabbala Philosophica*.

4. Nunc verò si spectemus res ipsas strictumque earum sensum Philosophicum, Narrationis ordo secundum nostram Expositionem mirificè naturalis est atque facilis; quippe quum Historia hæc *Paradisi* lapsusque *Adami* ab illa foelicitate, immediatè subjuncta sit terrestri illius Efformationi repetita, ut quæ causam rationemque complectitur cur tam nobilis Creatura quàm *Homo*, in hoc terreno corpore, ob quod ipsis Brutis accensetur, unquam appareret. Subindicat igitur non sic se primitus habuisse *Adamum*, sed Deum in magis cœlesti conditione eum constituisse, tentatione verò *Diaboli* ab illo statu lapsum esse, & paulatim subdientem, tandem in *terrestrem* Generationem absorptum fuisse, vestitumque *pellibus Bestiarum*.

Suntque ex *Judeis* qui hanc ipsam *Paradisum* interpretantur de statu ante Mundum conditum, eam recensentes inter septem res quæ ante Mundum creatæ sunt. Unde manifestò sequitur, si *Adamus* collocatus erat in hac *Paradiso*, eum antè fuisse, quàm in terreno corpore appareret. Quæ expressa *Judeorum* opinio est, quemadmodum apparet ex eo quod *Menasseh Ben Israel* citat ex *Gemara Hagiga*: In cælo *Empyreos* esse *domicilia Vitæ, & Pacis, & Animarum justorum, & Spirituum*, atque etiam *Animarum istarum quæ in Mundum venturæ sunt*. Et ex *Beresbith Rabba* ait, Sapientes suæ Gentis interpretari illud *Psalmi* 39. v. 4. *Post & antè me formasti*, de creatione *Adami*, hoc est, Humani generis, primum in Die primo, & postea in sexto.

De Crest.  
Probl. 15.  
sect. 5.

*Adamus* igitur creatus erat inter *Ordines Angelicos*, primi Diei Creationis pars, quando Deus *Cælum* fecit atque *Luxem*. Qui omnes *Intellectuales* Essentiarum Ordines tunc creati, appellantur *Cælum* atque *Lux*, quoniam, ut suprà monui, primum ipsorum & immediatum Vestimentum sive Vehiculum *Lucidum* est sive *Æthereum* in quo steterunt *Candidati*. Et demonstrationi omnino foret, hunc ipsorum primum fuisse statum, si post dissipatas *Chai* tenebras, Physicè loquendo, universus Orbis aut *Lux* erat aut *pellucidus*, hoc est, aut *Soles* aut *Æther*, quemadmodum naturaliter fieret, si *Planetarum* omnium Origo *Incrustatio* esset *Stellarum* sive *Solium*. Hæc verò excursio est tam vesana atque vaga, ut cum pavore quasi experrectus sim, ex subito hoc Viso seu *Insomnio*.

Cap. 7. sect. 8.

5. Septima & ultima Objectio fit contra nostram Interpretationem *Cherubinarum flammantisque Gladii*, (in calce *Cabbalæ* nostræ) de statu quem *Adamus* sive humanum Genus terrestre intrare debent, antequam recuperare possint cœlestem *Paradisum*, capacisque fieri æternæ vitæ, cum Textus nihilominus innuere videtur *Cherubinos flammantemque gladium* illis poni, non quidem ad *intromittendum* sed ad *abercendum Adamum* à *Paradiso*.

Ad hoc verò respondeo, Quod, postquam Deus exegisset *Adamum* ex *Edene* ad colendam Terram, *אשר לקח משה* unde *Adamus* terrestris sumitur, vel si mavis, *sumptus est*, quemadmodum suprà est memoratum, (Argumentum enim Narrationis, *Terrestris Adamus* erat, qualis fuisset, & quæ factum ut lapsus esset; ) postquam, inquam, *Adamus* ejectus esset è *Paradiso*, factusque esset terrestris ac mortalis, Deus (secundum Textum) solummodo dicitur *Cherubinos* collocare *flammantemque Gladium*, ad custodiendam viam *Arboris Vitæ*. Quod perfectam prohibitionem omnis *Introitus* nequaquam implicat, sed illius tantum conditionem, nempe, nullum fore ingressum nisi per igneam hanc Custodiam. Estque Officium *Janitoris* sive *Custodis* intromittere perinde atque excludere. Tam parum *Incongruentia* est in isto sensu quem nos reddidimus quantum ad hoc.

Et certè quod ignei hi flammæque *Cherubini* Hieroglyphicon sint certi cujusdam statûs, per quem *Terrestrem Hominem* antè transire oportet, quàm beatæ possit *Immortalitatis* heri particeps, hoc quidem meum privatum commentum non est, sed suffragium habet non pauciorum quàm quinque diversorum Interpretum in ipsum locum, nempe, S. *Ambrosii*, *Origenis*, *Lactantii*, *Basilii*, & *Ruperti*, quemadmodum *Cornelius*

melius à Lapide affirmat : qui communem ait eorum omnium esse opinionem super ipsum Textum fundatam, Ignem scilicet ante Cæli introitum, collocatum esse, per quem omnes Animas transire oportet, animabus S. Petri & S. Pauli non exceptis, ut probari inde possint & purgari, siquid in ipsis sordium sit aut impuritatis. Tam tutum est ac consentaneum igneos hosce Cherubinos Symbolum facere alicujus statûs sive conditionis Animæ quæ eam idoneam reddat ad gustandum fructum Arboris Immortalitatis. Ut verò quis statum hunc imaginetur transitum per externam aliquam flammam sive Ignem, equidem fateor me id  $\mu\upsilon\theta\omega\delta\acute{\epsilon}\varsigma\epsilon\epsilon\omicron\nu\chi\eta\ \pi\alpha\iota\delta\alpha\epsilon\omega\delta\acute{\epsilon}\varsigma\epsilon\epsilon\omicron\nu\ \tau\iota$  sapere censere, quàm ut admitteri possit pro sensu Cabbalæ Philosophicæ.

Quamobrem ipse de Igneo sive *Æthereo Vehiculo* interpretor, vel de conditione flammeorum Cherubinarum, nimirum, quòd statum Immortalitatis antè assequi non possumus, quàm in hunc Creaturarum Ordinem transiverimus eisque evaserimus similes.

Cùm igitur dicitur, quòd hi flammei Cherubini viam custodiunt ad arborem Vitæ, ante Edenis hortum collocati, eo omnino sensu intelligendum est, quo istud apud Hesiodum ;

$\tau\eta\ \delta\prime\ \alpha\rho\epsilon\tau\eta\varsigma\ \iota\delta\ \rho\omega\tau\alpha\ \delta\epsilon\omicron\iota\ \pi\epsilon\omicron\omega\alpha\epsilon\omicron\iota\theta\epsilon\nu\ \iota\theta\eta\kappa\alpha\nu,$

Quòd Deus Laborem Virtutis Januæ Custodem constituerit ; & quo Virgilius Dolorem, Curam, Aegritudinem, & Senectam in Introitu Orci collocat,

*Vestibulum ante ipsam primisque in faucibus Orci  
Luctus & ultrices posuere cubilia Curae, &c.*

Quorum locorum proculdubio nullus alius sensus est, quàm quòd quis industrius evadendo, nec ullâ aliâ ratione, virtutem tandem assequitur, & curâ, dolore, ægitudine ac senectâ oppressus in statum ablegabitur mortuorum. Ità *Spencerus*, ut multa alia apud ipsum exempla omittam, ex eo quòd duas istas graves Personas, *Humilitatem* & *Ignarum*, alteram Domicilii Sanctitatis, alterum verò Castelli *Duessæ* Janitorem constituat, nihil aliud inde intelligere potest, quàm quòd is qui in domum Sanctitatis introire vult, *Humilis* similis esse debet, id est, Homo *humilis corde* ; & qui per conscientiam, fucatissimæ *Duessæ* cœtui se adjungere potest, quòd eum oportet rerum admodum esse ignarum.

Et consimili planè modo, sensus collocandi flammeos hos Cherubinos ante Paradisum viamque arboris Vitæ, hic tantummodo est, ut figura esse possint Hieroglyphica ad ostendendum qualis homo esse debeat, vel in qualem conditionem transire, cujusve statûs particeps esse, antequam pervenire possit ad beatam Immortalitatem ; nempe, quòd igneum Vehiculum recuperare debeat Angelicisque sive  $\iota\sigma\alpha\gamma\epsilon\lambda\omicron$  evadere, & in ordinem quasi conditionemque cooptari Cælestium Angelorum. Qui quidem, quantum ego sentio, tam facilis sensus est & ab omni labe immunis, ut nihil esse possit suprà.

Nisi fortè adhuc facilior videri possit, superaddendo etiam, quòd hæc Angelicis ordinibus assimilatio haud mediocrem involvat colluctationem & conflictum, cùm Anima ad Angelicam naturam accedendi in interiori suarum perfectionum profectu sine dolore & angore non sit capax. (*Quis habitabit cum igne devorante ? Quis habitabit cum ardoribus perpetui ? Qui ambulat in justitiis & loquitur veritates, iste in excelsis habitabit, &c.*) Quæ colluctatio, vel si mavis, digladiatio representari potest per gladium flammantem quaquaversum vibratum : Ac si sensus esset, Qui recuperare vult facultatem edendi fructum arboris Vitæ, eum prius sustinere oportet conflictum hunc cum Angelica natura ignea, in quem statum ingredi debet antequam particeps fieri possit Vitæ ac Immortalitatis. Nam quòd externæ Res ac Personæ Symbola sunt figuræque Hieroglyphicæ internarum Dispensationum in sacra Scriptura, tam tritum est atque obvium, ut nihil opus esset id vel obiter notâsse.

6. Univerſa jam, uti spero, in Cabbala mea Philosophica, satîs lævigata complanataque reddidi, omnemque extantem scrupulum de aptitudine rerum ac concinnitate deque claritate earum rationum quibus innitor, penitus sustuli ; & tam expressè articulataque in unoquoque punctillulo sensum Philosophicum Literæ Textûs adaptavi, ut ingenuè fateor quòd mihi haud probabile videatur, aut *Pythagoram* ipsum aut ullum alium tam particularem minutamque rationem, dato quòd aliquam receperint, ab ullo Judaico Sacerdote aut Propheta, accepisse, quàm sit hæc quam ego proposui. Non quòd eâ levitate vanitateve sim, ut putem me certiorē notitiā habere sensûs Textûs Mosaiici quantum ad illius philosophiam, quàm illi habuerint ; sed quia



quia nihil opus eis erat sensum adniti cuique clausulæ tam curiosè adaptare quàm ipse feci, quippe qui ex fide *continuatæ Traditionis* percunctabundo suo *Mystæ* hunc vel illum sensum *Mosis* Philosophicum fuisse persuadere facilè potuerunt; Nunc verò cum *Traditio* hæc per multa jam secula interrupta esset, necessitate coactus fui, rationem concinnam investigare aptumque sensum *cujusque* rei, nè veritatis probabilitas periclitari videatur in *universis*.

Quam si quis nimiam censuerit curiositatem, quod fortean fieri potest, (& tamen non video cur existimet quispiam se quicquam aptum invenisse quod non destinatum esset per illam Sapientiam quæ omnia nostra Inventa & cogitata antevertit) contentus esse poterit planioribus illis ac generalioribus *Cabbalæ* Lineamentis, nec expectare unumquemque Textus locum ad sensum Philosophicum fore idoneum; Nam vel sic tota contextura *Pomi* instar erit *aurei*, *argento reticulato involuti*, quemadmodum jam notavimus ex *Maimonide*. Quodsi sensum Philosophicum cuique clausulæ tam solidâ concinnitate adaptavi, ut vix se abstinere possit ab assensu, spero nullam ei fore causam querelæ, quòd *Cabbalista pomum puri auri & continui* ipsi in manum traderit.

## SCHOLIA

## IN CAP. XI. SECT. I.

Quòdque eis Mane & Vesperam, hoc est, Activum & Passivum Principium, &c. *Exam. Gener. p. 145, 146.*  
Nihilne, hic, inquit *S. A.* inter opera quintæ diei reperire potuit *Cabbalista* observatione dignum præter istam fictitiâ de Principio *Activo & Passivo* Speculationem, quæ tamen secundum ipsum omnibus diebus communis est? Annon saltem *Cetos magnos* nominatim in Textu sacro & ab ipso quoque in *Cabbalæ Philosophicæ* expressos ceu argumentum eximii operis potuit allegare? Verùm de opinionibus suis *Platonicis* tantum sollicitus erat. Hæc ille. Respondeo verò, Nihilne præter istud Principium Activum & Passivum memoro, cum proximè præcedenti lineâ Avium Pisciumque conjunctionem sub opere ejusdem diei tanquam considerationis Philosophicæ noto? Sed non aquo animo fert *Andreades* quòd *Cetos* istos magnos prætereo, quales describere, fateor, potuerim, si libuisset, ex *Dionysio Afro*, *Erythræum mare frequentantes*,

Ἀμφὶ δὲ πάντα  
Κίττα δῖτες ἔχουσιν Ἐρυθραίου βοτὰ πόντου,  
Οὐρεσὶν ἡλιεατοῖσιν ἰοικότα -----

Entibi *Cetos*, *Andreade*, montium instar, si magnitudinem admiraris. Et paulò post,

Πολλάκι δ' ἀνὰ νῆα σὺν αὐτῆς ἀνδράσι νηὸς  
Κεῖνα κατὰ βρῶξεν τεράσια -----

En monstra totam Navem cum vectoribus uno haustu absorbentia, si adeò volupe sit *Andreadæ* res magnas ac monstrosas contemplari. Quantam cum hoc juvene Philosopho (si & nobis paululum cum eo juvenari liceat) officiosus quispiam iniret gratiam, qui cum per aptum circumduceret, non ad visendos *Leones & Ursos*, cum ad hanc quintam diem non pertineant, sed aves maximas quasque, ut *Avem Emeu*, *Struthiocamelum*; & *Imaginationem* saltem interea reficeret *Historiolâ* de *Ave Ruch* quæ *Elephantum* dicitur è *Terræ-matris* gremio unguibus eripere posse & volando in sublime auferre. Quanta huic oblectationi forent hæc tam ampla Spectacula? Potest tamen interim pro opulenta sue Philologiæ copia, memorare si velit quis fuerit è *Patribus* aut *Philosophis* qui dixit Deum maximum esse in minimis, nostramque magnorum istorum *Cetorum* præteritionem sic excusare; vel quod propius ad rem accedit, recordari apud seipsam nos in *Cabbalæ Philosophicæ* non *Literali* versari. Philosophum verò non decere nudam rerum naturalium recensitionem, sed eximium quid ad eas pertinens insuper notare. Quod & *Mosen* fecisse contendo eo quòd *Pisces & Aves* sub unum diem redaxit, propter naturarum affinitatem, animasque habere innuit à corporibus distinctas, nempe Principio gaudere *Matutino* perinde atque *Vespertino*. Quod magni momenti est contra *Atheos & Epicureos*, qui nè animam humanam à corpore distinctam agnoscunt. Quòd autem Speculationem de Principio *Activo & Passivo* fictitiâ vocat, id profectò admodum temerè & imperitè facit, cum dogma illud in scriptis  
meis

meis passim rationibus validis ac invictis demonstraverim. Esse scilicet in rebus omnibus creatis Vespertinum ac Matutinum, hoc est, Materiale & Spirituale Principium, earumque fabricam in Rationes merè Mechanicas nequaquam posse resolvi. Quod verò insuper innuit Platoniam esse, dico eò esse probabilius quod Mosaica sit, illiusque Textui consentanea.

Exam. Gener.  
p. 146.

Scē. 2. In recensendo Hominem inter Animalia mediterranea, &c. Cum Monstris se congressurum fingit S. A. in hoc Paragrapho. Primum est, quod Hominem inter Animalia mediterranea referam contra Scripturam & Cabbalam propriam, cum utraque Hominis creationem à productione Animalium distinguant. Alterum, quod errore gemino Imaginem Dei velim in animo relucere etiam quatenus corpus aëtuat. Nam & falsum est, ait ille, Deum esse Animam Mundi, & erroneum quoque Animam corpus informantem eo ipso Imaginem Dei referre. In primo autem monstrum nihil monstri inesse palam est, quippe quod nec contra Scripturam nec contra propriam Cabbalam arietat, utraque enim Operi sextæ dici tum Animalia cetera Mediterranea, tum Hominem accensent. Et appello tuos ipsius oculos, mi Andreade, videturne tibi homo Animal Mediterraneum an Avu Piscisve? Qualis est profectò (si Animal Mediterraneum non sit) nempe aut Ὀρνιθόμορφον. aut Ἰχθυόμορφον. Vidēsne qualia monstra ipse alis, dum monstra meis scriptis immeritò affingis? Et quod ad alterum monstrum attinet, Noli tibi ab ipso metueret. Magnum quiddam est (& ipse magna admiraris ut qui Cetorum præteritionem tam inclementer ferebas.) nequaquam autem monstrosus, si rectè rem accipias. Annon omnes ferè Philosophi Hominem tanquam Microcosmum, animumque humanum tanquam Microcosmi huius (ut Deum Macrocosmi) moderatorem considerant? Nec tamen simpliciter quatenus corpus hoc aëtuat, dico Animum hominis Imaginem Dei referre, sed quatenus intellectuales suas ac Divinas operationes etiam dum corpus aëtuat, liberè exercet μὴ συμπροσὸν μὲν δὲ συμπροσὸν τῷ σώματι, ut loquuntur Platonici, qui status erat illius Adami qui in Textu dicitur ad imaginem Dei creatus. Animi verò in corpus per fœdas libidines immersi illiusque cupiditatibus dediti, Divinam hanc imaginem perdunt & in brutorum ferè censum ordinemve transeunt. Animus igitur hominis in eo statu creatus genuina erat Dei imago, quam Platonici εἰκόνα propriè vocant. In aliis verò animabus concedo, cum Platonici, Dei quædam quasi εἰδωλα sive ὑδάλματα elucere. Dei verò Imaginem eas neutiquam referre certissimum est, ut nec Deum esse Animam Mundi, sed Animarum omnium Animam quemadmodum eum appellat Synesius in Hymnis, Ψυχῶν Ἰσχυρά, Φύσις αἰ ψυχῶν. Nec ipse Naturæ Spiritus sine eo vivere potest aut subsistere qui Anima Mundi aliquo sensu dici potest. Deus autem nequaquam sic potest dici, sed Creator illius quod Materiam Mundanam aëtuat.

## C A P. XII.

1. Cabbalistæ Apologia quâ se purget ab imputatione omnis nugacis Curiositatis, 2. Temeritatisque in divulgandis huiusmodi arcanis Mysteriis, 3. Et Iudicii denique Inconstantia. 4. Præcipuus scopus Cabbalæ Philosophicæ. 5. Ratio cur eam ante Moralem collocaveris.

1. **A** Tque hæc quidem in Defensionem Cabbalæ meæ Philosophicæ. Non abs re erit nunc aliquid subungere per modum Apologiæ pro Cabbalista: Deprehendo enim meipsum non paucioribus quàm tribus diversis Imputationibus obnoxium; Nugacis scilicet cuiusdam Curiositatis, Temeritatis, & Iudicii Inconstantia.

Et quantum ad primum, probè equidem novi homines, qui sint ingenio magis severiter Philosophico ac rationali, facile me reprehensuros esse, quasi nimium operæ curiosæ Naturalibus Metaphysicisque veritatibus incerto lubricoque Textui sive Literæ applicandis impenderim, cum rectius cognoscantur aptiusque edoceantur propriis suis demonstrationibus & argumentis, quàm eas imaginando in scriptis huiusmodi obscuris & Ænigmaticis subindicare.

Verùm respondeo, Eam esse aptitudinem plenamque congruitatem Cabbalæ cum Textu, præter illius corroborationem ab accessione Historiæ primæ originis Pythagoricæ sive Platonice Philosophiæ, ut nequaquam haberi debeat pro Imaginatione, sed pro veritate admodum probabili, quod sit utique huiusmodi Cabbala quæ ad Literam Mosaicam pertineat; præsertim si recorderis quàm congruenter sceleritèque Numerorum natura cuiusque Diei opus secundum sensum Cabbalæ illustret.

Et



Et tum dein, quantum ad me, equidem nullam ego operam curiosam existimo aut fastidiosam, quæ in bonum publicum cedat; & certè ad rem haud minoris partis humani generis, quàm totius Gentis *Judeorum* Orbisque *Christiani* hos meos labores pertinere cenfeo, ut ingeniosos *Persas* taceam, nec me de *Turcis* desperare, quanquam in præsens Allegoriis haud admodum amici reperiuntur.

Quamobrem operam nostram non ita inconsideratè impendimus, cum tanti momenti veritates tamque utiles modo admodum religioso tam magnæ orbis terrarum parti commendaverimus.

2. Quantum verò ad *Temeritatis* imputationem, in navando operam divulgandis istis *Secretis* sive *Mysteriis* quæ *Moses* tam sedulò in obscuro suo Textu absconderat; dico hoc privilegium esse Christianitatis, temporæque nunc magis quàm unquam hætenus requirere ut velamen à facie *Mosis* avellatur. Et quanquam egregiæ veritates sint, quas detexi, esse tamen perinde utiles atque sublimes, nec posse quin bono cuique viro atque sancto (qui satis idoneus sit ad judicandum de ipsis) magnopere gratificentur.

3. Denique quod ad *Judicii inconstantiam* attinet, cujus suspectum me homines habere possint, quippe quòd alibi tradiderim *Scripturam* philosophiam homines neutiquam docere; dico sententiam mutare in melius, nullam partem esse *Inconstantiam* sed *Virtutis*, quinimo partem esse illius virtutis quæ *Constantia* dicitur, cum constans propositum sit viri boni illud semper amplecti quod optimum est & verissimum; cum è contrà in eo persistere quod falsum esse deprehendimus, *perversitatis* indicium sit ac *superbia*. Nec contemnendum profectò argumentum erit veritatis hujus præsentis *Cabbalæ*, quòd illius evidentia me à priori mea opinione liberaverit, cui viderer illigatus.

Cæterum ut ingenuè fatear quod res est, ipse mihi minimè sum inconsistens sive inconstans. Nam in ea adhuc sententia sum, quòd *Litera* *Scripturæ* nullum præceptum Philosophicum tradit, quo de apud homines ulla esse potest controversia. \* Et quando quicquam audes ultra sensum *Literalem*, ex *Scriptura* non doceris, sed quod aliunde edoctus es illi *Scripturæ* applicas. Et nullas profectò quisquillas esse oportet *Notionesve triviales*, aut per *Rationem* magisque solida *Philosophia* principia confutabiles quas quisquam ausit tam sacro Textui applicare, sed tales quas quis certus sit rigidissimam examinationem subire posse, quæque ad pleniorum Dei Notitiam conducant, manifestiusque *Natura Phænomena Externamque Providentiam* pretiosissimis illius *Attributis* adaptent, & ad Sanctitatis vitæ profectum denique tendant, quam hinc rursus profiteor solum finem esse *Scripturæ*, Illumque qui quicquam ultra *Literam* ausit, sine hac Duce in labyrinthum citò se induiturum esse, & in *invia* *Imaginationum* suarum *sylvæ*, seipsum quasi perditurum.

4. Quamobrem si hæc mea *Cabbala Philosophica*, inter alia multa commoda quæ recensui, hoc etiam non haberet adjectum, scopum scilicet promovendi *Divinam Vitam* in Orbe; equidem eam existimarem & falsam & mutilam, & contentus omnino fuisset *Cabbalâ Morali*. *Vita enim Divina* omnem *Naturalem* ac *Metaphysicam* *Scientiam* qualemcunque longè longèque superat. Illéque Homo perfectus est, qui verè *Justus* est atque *Prudens*, cui, sat scio, per *Moralem* meam, quæ sequitur, *Cabbalam*, me non posse non gratificari. Quòd si quis paulo fervidior *Prudentiæ* ac *Justitiæ* professor, cui haud satis aut otii aut ingenii suppetat ad *Philosophicam* meam *Cabbalam* penitus examinandam, eam tamen nihilominus condemnaturus sit, aut admiraturus, equidem eum indecorè imprudentèque extra oleas transiluisse manifestum erit, nec illum absolvere potero *Improbis* aut *Stultitiæ*.

5. Nec certè *Cabbalas* meas hoc ordine collocavi ex eo quòd *Philosophiam* pluris æstimarem quàm veram *Sanctitatem*, sed eas omnino disposui secundum ordinem *Naturæ*; quippe quòd sancta *Divinæque Vitæ* aut non existat prorsus aut subito pereat in homine nisi producatur conserveturque per radicatam agnitionem grandium illarum *Veritatum* in *Cabbala Philosophica*, nimirum, *Existentiæ Aeterni Dei*, certæque *expectationis magis consummatæ felicitatis post dissolutionem hujus mortalis Corporis*. Nam *Virtutem* proferri & *Sanctitatem* sine omni relatione ad Deum *vitamque futuram*, omnino est in magis stupidum abjectumque *Stoicis* genus delabi, contentosque esse pecus pascere magis modesto quodam ac religioso *Epicurismi* aut saltem degeneris *Familismi* modo, citra *Jordanem*.

## SCHOLIA

## IN CAP. XII. SECT. 3.

Exam. Gener.  
p. 52.

**E**T quando quicquam audes ultra sensum literalem, ex Scriptura non doceris, sed quod aliunde edoctus es, &c. In hunc locum sic animadvertit S. A. Quod perinde est, ait ille, ac si scripsisset, Expositionem suam ex earum numero esse quæ sensum non eruunt ex Scripturis, sed in easdem inferunt. Quam temeritatem quomodo cum Hilarii notissimo monito de dictorum sententia expectanda potius ex dictis quam imponenda, & referenda magis quam afferenda (ut lib. 1. de Trinitate loquitur) conciliaturus sit, ipse viderit. Respondeo verò, de hoc nostro Expositionis genere (est enim ut quando Oedipus quis Enigma solvit, quod facere non potest nisi ex rebus præcognitis quas ad Enigma applicet) inscitè & intempestivè hoc Hilarii monitum afferri. Quippe quum perinde hic se res habeat atque in exponendis Vaticiniis Danielis putà aut Apocalypseos, ubi necesse est Historiam aliunde accersitam Vaticiniis explicandis applicare, quam nisi prius noverit, Vaticiniis applicare non potest Interpres. Quamadmodum igitur Vaticinia Apocalypica non docent nos Historiam, sed verà aptaque Historiā aliunde haustā rectè illustrantur verèque exponuntur: ita Bereshith Mosaicum cum stylo Prophetico Mysticòve scriptum sit, quanquam in Litera, Philosophiam non magis nos doceat, quam Vaticinia Apocalypica Historiam; Theorematis tamen Philosophicis, sublimibus pariter atque solidis, Textusque Mosaii majestate dignis, illique aptè congruentibus, quanquam aliunde accersitis, citra omnem errorem aut temeritatem potest explicari. Atque hoc quidem in loco satis opportunum fore spero, si eis qua habet vir eruditus, (pag. 11.) respondeam: ubi, Ponamus, inquit, vera esse quæ à viro doctissimo in Cabbala sua Philosophica traduntur; nullum dubium esse quin Philosophi isti ita senserint, à Judæis eadem hauserint æquè ac veterum nonnulli ab utrisque, quin quadrent sapientiæ Mosi, Phænomenis Naturæ & Attributis Divinis; annon ergo saltem sensus iste quatenus ex primo Capite Geneseos hauritur, vel eidem potius inferitur, in auctoritatem Traditionis Judaicæ, & consentientem Gentilium quorundam sapientiam vel veterum quorundam opinionem penitus refunditur? Resp. Nequaquam, Tantum abest ut penitus in auctoritatem Traditionis Judaicæ sapientiæve Gentilium, opinionève quorundam veterum refundatur, ut potissimum fundamentum in eo positum sit, quod tam sublimes solidaeque veritates & ad explicandam tuendamque Divinam Providentiam apprimè utiles, tam apta tamque perpetua tum rerum tum numerorum cum Textu Mosaiico congruitate conveniant, quemadmodum certissimæ notissimæque Historiæ cum Vaticiniis. Sicut verò in Vaticiniis interpretandis, quanquam ex certa facti notitia ad satis certum Vaticinii sensum pervenimus, (in Vaticiniis putà de adventu Christi;) ad majorem tamen ornatum, antiquiorum Rabbiorum interpretationes ante Christi adventum ad fidem apud Judæos præsertim faciendam, adhibemus: ita, tametsi ex firmitudine ac soliditate rerum, perspicuaque tum rerum tum numerorum aptitudine, & Quaternarii præter ceteros (ut taceam Numerorum nomina) satis constare potest verum nos sensum Mysticum Textus Mosaii aperuisse; non exiguum tamen ornatum & plausibilitatem addit constans illa apud veteres fama Pythagoreos sapientiam suam à Judæis accepisse, ipsosque Judæos Mysticum Textus Mosaii sensum semper agnovisse, & similia. Et sicut denique, ea præsertim Vaticinia quæ certis quibusdam temporum rationibus ac synchronismis circumscribuntur, non solum certò intelliguntur ab Eventis, sed aliquo modo, si opus esset, fidem facerent Eventis apud Historicos memoratis; ita sanè non inficior, quin Textus Mosaiicus, Numeris etiam istis Mysticis tam pulchrè limitatus, non solum intelligatur ex maximè solidis maximèque utilibus veræ Philosophiæ dogmatis, qualia nos explicavimus, sed eisdem vicissim non exiguam dignitatem conciliet atque fidem. Tantum abest, quod dixi, ut penitus in Auctoritatem Traditionis Judaicæ ullorūve sapientum, sed potius in mirabilem Textus Mosaii cum solidissimis quibusque ac sublimissimis Philosophiæ Theorematis congruitatem tota res refundatur, ut Vaticiniorum Interpretationes in accuratam congruitatem cum Eventis.

Exam. Gener.  
p. 60.

Atque hæc ad singula loca præcipua quæ impugnare conatus est Samuel Andreæ, quæque si enervasset, noxam aliquam & damnum firmitudini Cabbalæ illaturus fuisset, respondenda censui. Quod reliquum est, & ad totam ferè Cabbalam spectat, minimi omnium est momenti, nempe quod non unam Sectam unumve Philosophum per omnia sequor, in Cabbala concinnanda applicandaque Textui Mosaiico, sed quasi τὰ αἰρέσεις ἐκλεξιµὴς Sectator, ex diversis Philosophis, Sectisve quæ mihi visum sit, seligo, è Pythagora, è Judæis, è Cartésio, &c. hoc est, quod præcipua quæque tanquam flores è singulis decerpo, quibus sacro

Capiti



Capiti Mosis coronam contexam. Quis verò rerum satis gnarus & ingenuus hoc mihi vitio verterit, modo veritates istæ satis dignæ sive Scripturæ majestate, & tum inter se tum Textui Mosaico consentiant? Quod quidem fieri abundè demonstravimus. Immo verò pleraque unius esse filii vel ab una Secta derivari, Pythagorica putà. Cui tamen affinitatis gratiā ac ornatūs alia magna nomina sæpius adjungo. Atque hæc ad omnia quæ ulius momenti apud S. A. videri possunt, dicta sunt.

Reliquas leviores argumentorum vellicationes, Mimicæque cavillationes & falsa & indecora convitia, nec Philosophiæ nec Theologiæ multoque minùs Christianitatis professore digna, tanquam Responso indigna prætereo. Neque tamen hoc celabo, tantam in nonnullis locis apud eum fuisse vim veritatis, ut multa quæ ad causam nostram non mediocriter faciant aut ultro concessa aut è veteribus recitata non dubitaret depromere. Qualia sunt,

Pag. 7. Augustinum cum Ambrosio asserere Platonem nostris literis per Hieremiam fuisse imbutum, ut illa posset docere & scribere quæ jure laudantur. Lactantium mirari Pythagoram & Platonem Religionem Judæorum amplexos non esse, quandoquidem utriusque cum Judæis conversati sunt: Et constantem denique de Philosophorum Gentilium ad Judæos adventu traditionem fuisse.

Pag. 27. Magnum meæ Cabbalæ ab autoritate præstò esse præsidium, constare de Platonis ad Judæos adventu, referente Cyrillo Alexandrino. Immo Augustinum pene assentiri illis qui credunt Platonem sacrorum Librorum non expertem fuisse. Favere meæ Expositioni totam Cabbalistarum Nationem, cum Philone Origenem, Basilium, eundem Augustinum, & quotquot allegorias in Scripturis interpretandis sequuntur; &

Pag. 28. Aperitè fatetur, cum de Litera Mosis idem cum quibusdam magni nominis Ecclesiæ Doctõribus sentiam, cum istis aequè controversiam ipsi intercedere atque mecum. Eximiāque ac satis laxam profectò Augustini sententiam profert, Confess. lib. 12. cap. 17. Dum quisque conatur id sentire in Scripturis sanctis, quod in eis sensit ille qui scripsit, quid mali est si hoc sentiat, quod tu Lux omnium veridicarum mentium ostendis verum esse, etiamsi hoc non sentit quod ille quem legit, cum & ille verum nec tamen hoc senserit? &

Pag. 54. Extra Controversiam est multa quæ in V. T. potissimum narrantur, esse ἀλλογορήματα & aliorum respicere, seu habere sensum compositum ex Historia & Typo, prout illa docent quæ in N. T. explicata sunt. Porro,

Pag. 57. Ubi me reprehendit quòd multiplicem fingam sensum & Cabbalam, fatetur interim me habere quos sequar. Et inter illos Johannem Picum Mirandulanum magnum illud Italiæ lumen, qui ante duo secula septemplici sensu Historiam Creationis exposuit in Heptaplo suo, Basilium & Augustinum imitatus. Augustinum quadruplicem posuisse modum Scripturam V. T. interpretandi, secundum Historiam, secundum Etymologiam, secundum Analogiam, secundum Allegoriam. Alios triplicem statuere Scripturæ sensum, Literalem, Mysticum & Moralem, quos inter familiam ducere Origenem. Eumque sequi Hieronymum, qui sententiam suam confirmat ex Prov. 22. 20. Tu autem scribe ea tripliciter.

Pag. 63. In tribus prioribus Capitibus Geneseos, variam esse intertexturam Theosophicarum & Philosophicarum veritatum, plurima Theoremata Physica & Metaphysica eisdem verbis objici quæ primo aspectu ordinarium tantum & crassum sensum ferre videntur: Quantum ad hoc, de Thefi nullam ultro concedit esse quæstionem, sed omnem controversiam in Hypothesi versari.

Pag. 67. Haud dubitandum esse Pythagoram & Platonem in notitiam eorum, quæ apud Judæos Mystéria erant, venisse.

Pag. 81. Admodum frequens esse ut in Prophetis & Ænigmaticis scriptis Mystéria sub Numeris occultentur. Et paulò post, Multa Veterum plurimos in istis Numerorum Mysteriis explicandis sibi indulgisse.

Pag. 82. Veteres non solum Judæos sed & Christianos Numerorum Mysteriis multum fuisse deditos, sed alios aliis cautius ea in re se gessisse.

Pag. 83. 84. Philonem Judæum Alexandria in Ægypto natum, virum magnæ eruditione celebrem, magno apud Christianos in pretio, primum hac in re reliquis facem prætulisse. Eundemque à Clemente Pythagoreum vocari, ejusque libros cum laude ab Eusebio memorari.

Pag. 87. Priscos Ecclesiæ Doctores Arithmeticæ Mysticæ studio mirum in modum abreptos fuisse, & inter alios præsertim Origenem & Clementem Alexandrinum, utrumque autem Philonis Judæi cum laude meminisse.

Pag. 92. Hieronymum etiam & Augustinum magna illa Ecclesiæ Lumina Numerorum Mysteriis insituisse. Nec se quidem denique ait istud studium averfari, aut damnare istiusmodi Mysteriorum investigationem, parcè modò id fiat atque coactè. Neque enim se

ex illorum numero esse οἱ καθάπερ οἱ παῖδες τὰ μορμολύχεια, ὥτως δ' ἐδίασι ἡ Ἑλληνικὴν φιλοσοφίαν φοβούμενοι μὴ ἀπαγάγῃ αὐτοῖς, quos Clemens Alexandrinus magnus Sapiencie Gentilium admirator eo nomine corripit.

Quod equidem lubens fateor; non esse utique Samuelem Andreæ talem, qui sibi à Philosophia Græcanica vel potius Judaica, tanquam à Mormolyceo metuat, sed qui se tanquam Mormolyceum sistat quo alii ( illa magis alata scilicet Anima & sublimes ) ab ista Philosophia, tanquam Aves à bono Tritico absterveantur, dum illius Instauratorem tam fædis convitiis incessit, dum illi Melancholici humoris fictiones affingit, audacia & temeritatis crimen impingit, immò profanitatis subinde & impietatis, cum tamen venerandæ Antiquitatis vestigia ubique tam diligenter premit, nec ullam sibi assumit libertatem quæ non ei confirmata sit prastantissimorum Scriptorum exemplo & autoritate, eorum utique ipsorum quos ipse Andreades laudat: nec eas Mysticæ Interpretationis Leges limitésve excessit, quos ille ultro cuivis Interpreti concedit.

Quàm intempestivo igitur furore ac rabie in Cabbalistam involaverit, exemplo sit illa Contumelia quæ occurrit p. 127. Itaque profanam & intolerandam audaciam prodit quando aliquoties scribit ( quod interim de sensu Textus Philosophico omnino intelligit ) Mosén per sex Dies non successionem Temporis sed naturam rerum indicare, quasi Dies pro opere Diei poneretur. Ubi tamen non tam Cabbalistam, uti nec in plerisque aliis quæ in Expositione illius carpit, quàm doctam ac venerandam Antiquitatem sanctosque Ecclesiæ Patres, interque alios multos duo maxima illa Ecclesiæ Lumina, quemadmodum appellat Lutherus, Hilarium & Augustinum, qui omnia simul creata senserunt, per Cabbalisticæ latera furiosè impetit confoditque.

Sed quid est quod non audeat multifariâ Læctione & eruditione turgida & præservida Juventa? Quas dotes profectò juveni nostro Philosophia & Theologia Professori ac Doctori nequaquam invideo, quinimò animitus congratulor; Judicium solummodò sanum in eo desidero, & linguam bene moratam.

DEFENSIO



# DEFENSIO

## Cabbalæ Moralis.

### C A P. I.

*Quid intelligatur per vocem [Moralis] explicatum ex Philone. 3. Lucem in primo Die ad summum perductam, Adamum esse in sexto, Christum scilicet secundum Spiritum. 4. Quo sensu nos ipsi dici possimus id facere quod Deus in nobis facit. 5. Cur ערב & בוקר reddantur, Ignorantia & Inquisitio. 18. Platonis τὸ ἀληθὲς ἐν βεβηχαὶ καὶ εἶδαι. Pythagoreorum ἀπλῶς σταντὸν ad Quarti Diei progressum applicatum. 22. Virtutem non esse Extirpationem sed Moderationem Passionum secundum sententiam Pythagoreorum. 24. Plotini τὸ θεῖον καὶ τὸ ἀνθρώπινον ad sexti Diei progressum applicatum. 26. Quid Dei Imago sit, luculentè descriptum, ex S. Paulo & Platone. Divinum in nobis Principium ὁ ἀληθινὸς ἀνθρώπος apud Plotinum. 28. Distinctio Cœlestis & Terrestris Hominis apud Philonem. 31. Placida fixaque Melancholia Impostura, quæque ea non sit vera Divina Requies, pretiosusque Anima Sabbatismus. Compendiosa Recensio totius Allegoria sex Dierum Creationis.*



Ervenimus jam ad Cabbalam Moralem, quam Moralem non appello sensu eo abjecto & depresso, quo plerique homines Moralitatem intelligunt: (Etenim profectus & incrementum quemadmodum & defectus atque emarcescentia Divina Vita modo admodum intelligibili, in præsentī hac Cabbala describitur: ) sed Moralem eam appello ut distinguatur à Philosophica live Naturali, prout Philo etiam hanc vocem [Moralis] in rebus Divinis usurpat. Ut quando narrat, ut Deus spiraculum vitæ in Adamum inspiraret, Εἰς τὸ πρόσωπον, inquit, ἐμπνεῖ φουικῶς καὶ ἡδονῶς, Deus inspirat in faciem Adami Naturaliter & Moraliter: Naturaliter, collocando illic sensus, viz. in Capite; Moraliter, inspirando in Intellectum scientiam Divinam, qui suprema Animi facultas est ut Caput summa pars corporis. Quamobrem per Moralitatem intelligo hanc Divinam Moralitatem, talem quæ Animæ ingeneretur per operationes Spiritus sancti, vivi illius internique Principii omnis Pietatis atque Probitatis. Brevior futurus sum in Defensione hujus Cabbalæ, quippe quum ex se tam perspicua sit & sensibilis cuilibet qui vitam expertus sit quam describo; eis verò qui eam non sint experti, nihil eam perspicuam redditurum est, ullòve prorsus modo probabilem.

*Leg Allegor. lib. 1.*

Verf. 1. Microcosmus sive parvus Mundus. Nihil magis tritum est ac vulgare, quàm Hominem cum Universo comparare, eumque quasi parvum quendam ac compendiarium in se Mundum constituere. Quamobrem non omnino durum erat aut difficile illud supponere quod tam facilè intelligitur ab omnibus & conceditur, Ipseque Apostolus supponit, quando Creationem Lucis in hoc capite, ut mox audietis, ad Animæ illuminationem applicat.

Verf. 2. Illud verò quod animale sive Naturale est, primum operatur, &c. Secundum illud Apostoli. sed non primum quod Spiritale est, sed quod Animale, deinde quod Spiritale. Primus homo de terra terrenus, secundus Homo de cælo cælestis, ὁ κύριος ἐξ οὐρανοῦ, ipse Dominus è Cælo. Qualis verò sit hæc terrena conditio, admodum graphicè describitur à Mose in hoc primi Diei opere. Hæc enim habemus Terram, Aquam, &

*1 Cor. cap. 15. v. 46, 47.*

& Ventum, sive unum tumultuosum tenebrosūque Chaos, confusam Aquæ Limique congeriem, in fluctus acervatim vento propulsam, Noctem inquietam ac procellosam, nigrisque & effrænatæ Tempestatibus horridam.

Est autem hæc notatu dignum, de informi hoc Globo non dici, *Fiat Terra, Fiat Aqua, Fiat Ventus*; Quippe quum totum hoc sit τὸ ὑποκείμενον, Materia subiecta, Res jam facta & existens, viz. *Rudis Anima hominis, in hac Intemperie, quæ describitur, constituta.* Tristis Melancholia, instar Terræ immersæ, in imo jacet. Unde Cura & Dolor, Animique ægritudo, excrucians Suspicio, horridus Timor, hæc sordida inundat Alluvies inquieto Aquei Desiderii æstu, enormibusque suggestionibus Concupiscibilibus excitata, in quo potissimum sita est Libido sœda ac Sensualitas. Et super hæc vehemens fremit Ira, & tempestuosa Vindicta, præcepsque irrumpit Confidentia cæca, indefessaque perstrepat Contentio circa Objecta vana & inutilia. Breviter, quicquid Passionis est aut Intemperiei in homine lapsa, ad hæc Elementa referri potest. Deus verò Creaturam suam in hac mala conditione non derelinquit; sed ut omnis hæc inordinatio detegi possit, tumultusque tandem in nobis sedari aut evitari, mandat, *Fiat Lux*, quemadmodum legitur versu sequenti.

2 Cor. 4. 6.

Vers. 3. *Ut postea Dies ---- è Cælesti sive Spirituali Principio appareat.* Huc alludit S. Paulus quando ait, *Deus qui dixit ut è tenebris Lux splenderet, id est qui splenduit in cordibus nostris ad præbendum lumen cognitionis in facie Jesu Christi.* Ubi Apostolus mihi videtur per sex Dies integros hujus spiritualis Creationis uno quasi ictu simul penetrasse. Quippe quod summa illius *Lucis primo die* creatæ manifestatio, *facies Jesu Christi sive Cælestis Adami* sit *die sexto* plenè consummata. Quamobrem quando dicitur, *Fiat Lux*, illa Lux intelligitur, *quæ illuminat omnem hominem venientem in Mundum*, qui *Divinus Intellectus* est, quatenus animabus humanis est communicabilis. *Primæque Dies* prima est illius manifestatio sive præsentia, adhuc paulò debiliior, & ab affectibus nostris nimium disjuncta, tandem verò in veram conspicuamque Imaginem ac Characterem *Domini è Cælo*, Christi secundum Spiritum, exurgit.

Vers. 4. *Itaque à Deo comparata est humana Natura ut non possit quin pronunciet, &c.* Deus cum in secundis causis operetur, nihil frequentius est magisve tritum quàm illud ei, quod ab hominibus factum est, ascribere, etiam illis ubi Actiones Divinæ Naturæ minùs convenire videantur. Quamobrem durum videri non potest, si in hac Cabbala Morali admittamus Hominem illud facere per virtutem Divinam in anima operantem quod Textus dicit Deum facere, approbare scilicet *Lucem*, tanquam bonam, & distinguere inter *Lucem* atque *Tenebras*, & similia; Quæ quidem res in sensu Mystico & Deo & Homini competunt. Cumque nos in sensu Morali sive Mystico de Deo loquimur in nobis operante, ipsa rei natura requirit, ut id quod is dicitur in nobis facere, nos itidem illius freti auxilio idem facere intelligamur.

Gal. 3. 20.

Anima enim humana non simpliciter passiva est ut Lignum aliquod aut Lapis; sed statim atque in eam agitur, eo ipso activa evadit. Ac proinde si Deus in nobis dominatur, nos cum eo dominamur; si ille in nobis adversus peccatum contendit, nos etiam adversus illud unà cum eo contendimus; si ille in nobis cernit quid bonum sit & malum, nos eo ipso idem per eum cernimus, *In lumine tuo videmus Lucem*; & sic in reliquis. Quamobrem suppositio admodum genuina est ac naturalis, quâ libertatem sumimus; ubi aut sensus aut compendiosior loquendi ratio postulat, homini illud attribuendi, quanquam non homini soli, quod Deus solus facit, quando ad sensum Textus Literalem recurrimus. Atque hoc quidem dicto illi Apostoli omninò consentaneum est, *Virgo autem, non amplius ego.* Nam si Vita Dei sive Christi in eo erat, proculdubio vivebat, alioquin ad quid erat illa vita in eo? Tantùm sibi ipsi vitam eam non attribuit præ superbia, tanquam suam, sed agnovit à Deo esse sive Christo.

Rom. 13. 12.  
Ephes. 5. 8.

1 Thess. 5. 8.

Vers. 5. *Æquè verum esse discrimen atque inter Naturalem Diem & Noctem.* Admodum frequenter fit apud Apostolos, ut Spiritualem & Naturalem conditionem hominis per Diem & Noctem describant. Ut in hujusmodi locutionibus: *Nox processit, Dies autem propinquavit.* *Erat olim tenebra, nunc autem Lux in Domino; ambulate ut filii Lucis.* Et alibi, *At nos qui sumus diei, sobrii simus.* Et paulò suprà in eodem loco, *Omnes vos filii Lucis estis ac filii Diei, non sumus Noctis neque tenebrarum.* Hoc verò nimis obvium est quàm ut ei insistamus.

*Atque sic Ignorantia & Inquisitio, &c.* Anima humana nunquam quiescit, sed perpetuà exercetur perscrutatione donec propriam suam sclicitatem invenerit, qui Cælestis est Adamus, Christus, Imago Dei; in quam Imaginem postquam perfectè evigilaverimus, ad plenum eadem satiamur. Caterum donec id factum sit, in Ignorantia versamur & Confusione, quemadmodum vox Hebraica ערר aptissimè significat.

Hæc



Hæc Ignorantia, confusio, Animique inquietudo, ad *Inquisitionem* nos instigat, secundum illam mensuram *Matutini Luminis*, quod nos jam inviserit. Et *קִרְרָה* quidem à *קָרָה* est, *querere, considerare, & inquirere*. Hæc est generatio *querentium eum*, *querentium faciem tuam Jacob*, hoc est, *faciem Jesu Christi*, Operis sexti Diei exitum & complementum.

Verf. 6. *Sapida & affectuose Discretionis, &c.* Quamobrem nequaquam assensus est Meretrici Salomonis, quæ ait; *Aquæ furatæ dulces sunt*; sed potius usurpaturus verba scemina Samaritana ad Christum, postquam ei aquas narrasset *Spiritus*, etiam si adhuc haud ita plenè mentem illius intellexerit, *Domine da mihi aquam istam ut non sitiam, neque veniam huc ad hauriendum*. Quis enim operam navaret ad sibi satisfaciendum ex laboriosis hujus Mundi voluptatibus, cum deliciosis veri illius & tamen facilè fluentis Nectaris Divini Spiritus, haustibus sitim suam possit extinguere?

Verf. 10. *Terra aride comparare, &c.* Origenes hanc conditionem Terræ comparat propter *Fertilitatem*, ipse verò non omnino alienum putavi, notare etiam Terræ *Stabilitatem*. Conditio verò impiorum instar undarum est maris efferatarum: Vel ut loquitur Propheta, *Impii sunt veluti mare impulsum; nam quiescere non potest, propelluntque aquæ ejus cœnum & lutum*.

Verf. 11. *Tanquam ager fertilis cui benedixerit Deus*. Hæc Interpretatio Origenis est, quemadmodum suprâ monui.

Verf. 14. *Nam pro differentia horum Luminarium, &c.* Quæ verò sit hæc Differentia intelliges ex versibus decimo sexto & decimo octavo.

Verf. 18. *Verum uni huic simplici sed vegeto ac efficaci Lumini, &c.* Nam verus profectò sincerusque hujus unius sensus omnia complectitur. Etenim tota Lex uno verbo completur, nempe isto, *Diliges Dominum Deum tuum ex toto corde tuo & ex tota anima tua, & proximum tuum ut teipsum*. Et sic agere cum aliis quemadmodum alios nobiscum agere volumus. Quamobrem ut quis pro nihilo *Regalem* hanc *Christi legem* ducat, & prætendat interim se magis accuratum esse in res Religionis Indagatorem, & non vulgari studio atque affectu ad *Pietatis* officia ferri, equidem aut abominandum esset agere *Hypocritam*, aut crassissimam Ignorantiam in præcipuis maximèque necessariis partibus Christianitatis propalare. Atque hujusmodi quidem homines ad *stellarum* Lumen aut *Lunæ* ambulant, non autem sub claris ac calorificis vivificisque *Solis Justitiæ* radiis incedunt.

Præclarum est dictum illud *Platonis* in Epistola ad *Dionysium*, *Τὸ ἀληθὲς ἐν βραχὺ καὶ δαί, Veritatem brevi spatio claudi*. Et proculdubio in veritatibus optimis summique pretii, res omnino sic se habet; cum cujusque tamen dementia ita eum seducit, ut eò ferè omnem suum laborem atque studium conferat, ut se exornet ad modum homuncionis istius maximè ridiculi in toto Græcorum exercitu, *Thersites* scilicet, de quo Poeta hoc testimonium perhibet, quòd esset

-----"Αχοσμά τε πολλά τε εἰδώς,

Quòd malè ordinarum Notionum inutiliumque observationum colluvione abundaret, quibus nec caput nec pedem, quod dicitur, expedire reperirève aut is aut quicquam alius valeret, nec ipse aut sapientior aut probior ex earum cognitione evaderet.

Præceptum illud Pythagoreorum *ἁπλοῦσον σεαυτὸν, Simplifica teipsum*, quàm sapiens, quàm sanctum, quàm verum est! Quàm certum stabileque Fundamentum est Vitæ, Libertatis, promptæque Sagacitatis in rebus ad Virtutem, Religionem ac Justitiam pertinentibus! Equidem neminem tam tardum stupidumve natum existimo, quin si ad simplex hoc lumen *Divini Amoris* pervenerit eique adhæserit, tandem, immò brevi temporis spacio, non magis laboraturus sit in dijudicando, quomodo vitam suam instituere debeat quoad officia, aut *Homines* versùs aut versùs *Deum*, quàm oculus sanus atque purus in discriminandis coloribus. Quod si unum hoc *Lumen* dereliquerit, *Nocte* necessariò opprimetur, distraheturque mens illius multitudine inutilium anxiarumque scrupulositatum Notionumque omni virtute & efficaciam carentium, & penès quemlibet erit eum tanquam Erronem noctivagumprehendere verbisque castigare, quòd egressus sit extra viam; qui & postea forsan seipsum viæ ducem officiosè oblaturus est, ad aliam semitam, quæ æquè parùm ad finem propositum accommoda reperietur, nisi in hanc viam *Regiam* sive *Νόμον βασιλικόν*, ut *Jacobus* appellat, eum deducat, ad *Regalem* scilicet *Legem* sinceri Amoris Dei atque Proximi.

Verf.

Verf. 20. Hoc est, quod Concupiscibile in Homine, &c. Aquas Symbolum esse posse Concupiscibilis ex eo planè innuitur, quod Venus dicitur mari orta. Quod tamen haud tantopere ad rem faceret, nisi Philosophia Naturalis, ipsaque Experientia nobis confirmaret, Concupiscentiam in humido hospitari. Unde est illud Heracliti, *Ἐν τῇ ψυχῇ συφώλαται*, (apud Porphyrium in *Antro Nympharum*) i. e. Anima sicca sapientissima. Et citra omnem Controversiam inordinatus usus Concupiscibilis Animam multum hebetat atque infatuat, rerumque Divinarum sensus & scientiæ valdè reddit incapacem. Et tamen ad absolutam voluptatum corporearum Insensibilitatem adniti, perinde absolum est & à ratione alienum. Verum hac de re in Verf. 22, & 31. hujus Capituli plenius philosophabimur.

Verf. 21. Alatarumque Ejaculationum vim, &c. Quæ sive Mentales sive Vocales non ineptè Volucris affimulantur, secundum illud Homeri,

..... Ἐπεὶ πτερύγεσσι περὶ πτερύδα.

Et si verba vocalia alas habent, interna Animi Desideria meritò dici possunt alas etiam habere, quippe quæ Verba sunt Mentis, sicut altera Oris, longiusque ut plurimum evolant, citiusque perveniunt ad Cælum, quam illa altera.

Nota porro, Origenem similiter discrimen hic ponere inter Pisces atque Volucres, Volucresque facere bonas Cogitationes, Pisces autem malas. Ego verò utrasque potius indifferentis naturæ esse statuo, & moderandas esse non extirpandas ab Adamo Mystico, Christo, Imaginè Dei in Homine. Suntque hi validi ardores & Ejaculationes Effecta Melancholiæ in qua Divinum Principium in Homine, quando eam actuat, vehementer operatur atque acriter, estque Vastatrix magna jucundi Humoris Concupiscibilis corporisque voluptates multum debilitat in magnum Animi commodum, modò cum prudentia fiat debitæque moderatione: alioqui si huic Passioni nimium indulgeatur, Hæcticas superinducere potest, ac Phreneses, Mentisque Alienationes.

Constitutio Textus, qui earum solummodo Volucrum, quæ Aquas frequentant, mentionem facit, hunc sensum quem reddidimus, naturaliter indigitat. Quod si Imaginatio nostra ad alias etiam alas Animantes ultra excurrat, ad Aves scilicet Montanas, variæque volatiliū genera, illa etiam propriam suam significationem habere possunt, parsque sunt istarum Animalium Figurationum quæ subdomandæ sunt ac moderandæ ab Adamo Mystico, à Spiritu Christi in nobis.

Verf. 22. Utque Divina Vita habeat quod ordinet, &c. Quod si Passionibus omnibus Animam spoliās, Mens humana ut Dux erit sine exercitu, aut sicut Exercitus sine hoste. Pythagorei Justitiam definiunt, *Εἰσάγειν τὰς ὅλας ψυχὰς μετ' εὐρυθμίας*, Pacem totius Animæ, partibus illius ad legitimam numerorum modulationem reductis: Juxta illam alteram ipsorum definitionem, Justitiam definientium, *Ἀρμονίαν τῷ ἀλόγῳ μέτρηταις ψυχῇς πρὸς τὸ λόγον ἔχον*, Harmoniam sive consensum irrationalium partium Animæ cum rationalibus. Cæterum, loco componendi passiones Animi ad rectam Rationis Divinæque lucis Regulam, eas universas penitus tollere, perinde est, ac si quis Instrumento Musico, quò ad debitam modulationem eas reducendi faceret compendium, chordas omnes cultro abscinderet.

Verf. 24. Irascibileque facundum reddit, &c. Devotiones Religiosæ Melancholiā accensæ corpus magnopere exsiccant inflammantque, valdeque obnoxium reddunt excandescentiæ, quam, si circa res sacras sit, homines Zelum appellant; verum si hæc ira inordinata sit & Hypocritica, Apostolus nos docet eam appellare *ζῆλον πικρὸν*, zelum amarum. Ferocior hic magisque igneus affectus in homine, Plotini τὸ *λεονῶδες* est & *λεονῶδες*, Leonina natura in nobis, quam si Adamus satis sibi subjectam reddat, nihil noxæ illinc expectandum est sed bonum potius. Planèque constat in Evangelio Christum Servatorem nunc profundè in Doloris passionem immersum fuisse, nunc admodum vehementer zelo atque irâ fuisse ablatum, quemadmodum observare licet in Historiis de exsuscitatione Lazari è mortuis, & de Nummulariorum efflagellatione è Templo. Atque hæc quidem nulla Imperfectio est sed potius Perfectio; quippe quòd Divina Vita, postquam in Passiones Corpūsque hominis penetraverit, magis palpabilis indè fit, magisque plena ac sensibilis. Totum verò periculum in eo versatur, nè quis impotenter Passioni deditus sit; cumque corpus propriâ suâ intemperie abripitur aut ipsius Animæ Hypocrisi, imaginetur nihilominus præterdātve impulsus esse spiritus Dei. Nimis quàm frequens, fateor, hic est error, sed talis, quem Servatori contingere impossibile esset. Ac proinde Illius animi Passiones Perfectiones potius erant quàm Imperfectiones, quemadmodum etiam sunt in eis omnibus qui pressè sincerèque illius vestigiis insistant, præsertim postquam ad sexti Diei progressum pervenerint.

Verf.

Jacob. 3. 14.

Ennead. 1.  
cap. 1.



Verf. 26. *Propriæ suæ Imaginis nomine appellat.* Quid sit Imago Dei, Plato, cui hæc scripta *Mosaica* nota erant, quemadmodum sancti Ecclesiæ Patres tam universim testantur, apertè enarrat hisce verbis, Ὁμοίωσις ᾧ ὅσιον καὶ δίκαιον γενέσθαι μετὰ φρονήσεως, *Similem fieri Deo, est justum esse, sanctum & sapientem.* Congruenter quidem Dīcto illi Apostoli ad Colossenses, *Et indueritis novum hominem qui renovatur in Cognitione secundum Imaginem ejus qui ipsum condidit;* & pleniori illi loco in quarto ad Ephesios, *Et induere novum illum hominem qui secundum Deum conditus est ad justitiam veramque sanctitatem.* Occurrunt illūc cuncta illa tria membra Divinæ Imaginis, quæ in prædicta Platonis descriptione memorantur, ac si Plato præ-instructus fuisset ab Homīnibus ejusdem Spiritūs cum Apostolis.

Verum ac perfectum Hominem, &c. Plotinus Divinum hoc in nobis Principium ἀληθινὸν ἄνθρωπον, verum hominem appellat. Reliquum Natura Bestialis est, τὸ θνητὸν καὶ λεοντῶδες, quemadmodum suprā monui.

Quippe qui plenum habet dominium, &c. Quamobrem si hæc Definitio Imaginis five Similitudinis Dei quam Plato formavit, hoc dominium ac potentiam in voce δίκαιον non involvit, secundum Descriptionem Justitiæ apud Pythagoreos suprā memoratam (quæ rationalem Divinamque Animæ partem Passionibus perfectè dominari supponit;) hoc vocabulum addendum insuper censerem τῷ μετὰ φρονήσεως, nempe καὶ δυνάμει, ut Descriptio sic constitui possit, *Similem esse Deo est sanctum esse atque justum, cum Sapientia ac Potentia.* Sed enim existimo potius hanc Potentiam in Sanctitate & Justitia comprehendī, propterea quòd, nisi pervenerimus ad hanc potentiam atque robur ut constanter secundum istas virtutes agere valeamus, \* affectatores potius sumus Sanctitatis atque Justitiæ quàm verè ac propriè Justī atque Sanctī.

Verf. 27. *In suo parvo Mundo, &c.* Verba sūt Philonū, Βραχὺν μὲν κόσμον τὸ ἄνθρωπον, \* μέγαν δὲ ἄνθρωπον τὸν κόσμον εἶναι. Hominem esse parvum Mundum, & Mundum unum magnum Hominem. Quæ Analogia supponitur, prout primū monui, in Morali Cabbala hujus præsentis Capituli. Et Origenes in hoc caput hominem, minorem Mundum appellat.

Verf. 28. *Cælestis Adami, Christi, &c.* De Cælesti ac Terreno homine Philo mentionem facit hisce verbis; Διττὰ ἀνθρώπων γένη· ὁ μὲν ἔστιν ὑπερῷος· ἄνθρωπος, ὁ δὲ γήινος. Duo sunt hominum genera, alter cælestis est, alter terrenus. Sanctusque Paulus Christum cælestem Adamum appellat. Et Philonū Adamus Cælestis est κατ' εἰκόνα Θεοῦ γεγενῆσθαι, secundum imaginem Dei creatus, ut S. Paulus in suprā citatis locis ad Colossenses & Ephesios de Christo etiam narrat.

Verf. 29. *Adamo Cælesti in cibum assignavit quo vescatur, voluntatem Dei in rebus omnibus perficiens, &c.* Quemadmodum Christus de se proficitur, *Meus cibus est equi voluntatem ejus qui misit me & perficere opus ipsius.*

Verf. 30. *Nec Animalis vita prorsus enecanda est fame, &c.* Οὐκ εἶπει δὲ δίκαιος ψυχὰς κτηνῶν αὐτοῦ, Vir bonus enim erga jumenta sua misericors est, viscera autem impiorum crudelia. Vide Origenem in locum.

Verf. 31. *Videt approbatque omnia quæ Deus in nobis creavit tanquam in suo genere valde bona, &c.* Non solum ipsum Divinum Principium sed & Pisces, Bestias atque Volucres. Vult enim Deus, inquit Origenes, ut insignis ista Dei Factura, Homo non solum immaculatus sit ab his, (quod multò certius efficeretur, si ab eis prorsus liberemur, eaque ex natura nostra funditus extirparentur) sed & dominetur eis. Et quantum ad me, equidem non intelligo quomodo Regnum Cælorum quod in nobis esse oportet, ullum omnino Regnum esse possit, si nulli illūc prorsus sint subditi, qui gubernentur, mandatīque Imperantis obediant. Quamobrem Passiones corporis penitus extinguendæ non sūt, sed moderandæ, ut major esse possit Vita plenitudo in toto Homine.

Illi verò qui ad tam placidam, ad tam silentem, tranquillamque Animi conditionem adnituntur, ut nullius rei sensum illūc occurrere velint præterquam Pacis ac Quietis, totam suam naturam conantes omnibus Figurationibus Animalibus cujusmodicunque spoliare, quid aliud affectant nisi Diem serenū sterili Planitie illucentem, quæ nec Vaccam alit nec Equum? Nec Oves nec Pastor illūc videndi sūt, sed vasta tantum ac silens solitudo, unaque continua Ariditas ac Vacuitas. Et tamen dum quis seipsum imaginatur adeò totum Divinum, non satis interim attendit, ut etiam tunc à sua Animalī natura detineri possit & deludi, utque nihil aliud sit quàm placida fixaque suæ Melancholiæ Temperies, quæ ad hunc modum ipsi imponat, & loco veri Divini Principii, imperium sibi arripere velit, & in hac usurpata Tyrannide reliquas omnes Animales Figurationes crudeliter interimere. Vera autem Divina Vita nihil vult interimere quod in Natura est, sed tantum rebus moderari, easque ordinare ad

pleniorē sinceriorēque hominis fœlicitatem, nihil reprehendens præter ipsam vitiositatem & enormitatem, *Sanguinem & Choleram Virtutis* ac *Religionis* æquē affinem pronuncians atque *Phlegma & Melancholiam*. *Vita enim Divina* quemadmodum *Humanam* Naturam in genere sibi conciliare & subjugare debet, ita à nullis illius Temperamentis omnino abhorret. Caterùm pleraque omnia in Orbe Litigia non tam sunt circa *veram Pietatem* ac *Virtutem*, quàm quodnam ex *Temperamentis* quĩsve *Humor* Thronum conscendat illĩque Christi ipsius loco sedeat. Sed nolo in uno Argumento nimium expatiari, totam potiùs capitis *Allegoriam* in brevem *Synopsin* compendiumve redigam.

In primo die *Terra* est, *Aqua & Ventus*, super quæ & in quibus nihil est nisi caligo tristis, & tumultuosa agitatio; Ventis aquas in immanes fluctus impellentibus, fluctibusque limum atque cœnum in aqua excitantibus, toto evadente rudi & indigesto acervo confusionis & desolationis. Hic est status *vũ xoiũ* sive *Adami terreni*, ut *Philo* eum appellat, donec Deus *Lucem* jusserit exsplendescere, viaque ducem ei obtulerit ad meliorem conditionem.

In die secundo *Firmamentum* creatur, superiores inter & inferiores *Aquas* intermeans, ut fortes utrarumque impulsus sentiat, differentemve utrarumlibet saporem gustet. Atque sic voluntas hominis tum à *supero* tum ab *infero* Principio tangitur, diẽsque hic est in quo *Vita & Mors*, *Bonum & Malum* ipsi proponitur, manumque potest porrigere ad utrum libuerit eligendum.

Matth. 7. 20.

In die tertio, *Terra arida* apparet aquis in unum locum congregatis, ut *arbores fructifera* plantentur. Nempe ex fructibus ipsorum agnosceitis eos, inquit Servator, hoc est, ex operibus.

In die quarto, plenior *Divinæ Lucis* fit accessio, *Justitiæque Sol* animam calefacit sincero Dei atque Hominis amore.

In die quinto, ut *Lux* hæc *Justitiæ* splendidusque *Divinæ Rationis oculus* in vacuo campo radios non vibret, ubi nihil est quod aut subdomet, aut ordinet ac gubernet; Deus integra *Piscium* examina in aquis emittit, & numerosas *Volucrum* multitudines in *Aëre*, præter partem operis *sexti Diei* in quo omnia Bestiarum genera creata sunt.

In hisce figurantur variæ Suggestiones ac Cogitationes Animi ex his inferioribus humanæ Naturæ elementis ortæ, *Terrâ* scilicet & *Aquâ*, *Carne & Sanguine*. Hæc omnia contemplatur *Homo* in *Luce Solis Justitiæ*, discernit quæ sint, cognoscitque quomodo sint appellanda, dominari eis novit, nec ad eas angustias adigitur ut ea ipsi dominantur. Hic est *Adamus* Caput Artificii ac Creationis Dei, *Dominusque* omnium Creaturarum, ad *Imaginem Dei* formatus, *Christus* secundum *Spiritum*, cujus sub pedibus subjecta est tota *Vita Animalis* cum variis suis motionibus, *Formis* ac *Figurationibus*. Ille res singulas proprio suo nomine appellabit, & unamquamque Creaturam in suo collocabit loco, *Non vocabitur ultra stultus liberalis, & avarus non dicetur dives*. *Væ dicentibus bonum malum & malum bonum, qui ponunt tenebras lucem & lucem tenebras, qui ponunt amarum dulce & dulce amarum*. Ille Amarulentiam non nominabit sanctum Zelum, nec blandam Meretriciam Civilitatem, Amicitiam, nec falsam illam ac mollem abhorrentiam à puniendo pessimè meritos, Misericordiam, nec Crudelitatem Justitiam, nec Vindictam Magnanimitatem, nec Perfidiam Prudentiam, nec Verbofitatem, aut sapientiam aut Pietatem. Verùm in secundum caput insciens excurri.

Esai. 32. 5.

Esai. 5. 20.

In hoc primo, *Adamus* tantum dicitur dominium habere in omnes Animantes, fructusque plantarum vesci. Et quid aliud est *superbia* nisi ingens, montis instar, Cetus? *Libido*, *Hircus*? *Leo*, *Aquila*, *Ursus*, Imperium violentum? *Calliditas*, *Vulpes*? *Mundanusque labor*, *Bos*? In hæc & millena alia est Dominium *Homini*, *Adamum* intelligo, *Imaginem Dei*. Esca verò ejus atque potus est voluntatem exequi sui Creatoris. Hic est fructus quo vescitur.

Ecce igitur, ô *Homo*, qualis sis, & ad quod munus sis vocatus, nempe ut magnus Princeps esse possis inter Creaturas Dei, & imperium exercere in illa Provincia quam is tibi assignavit, dijudicare motus proprii cordis & dominari suggestionibus naturalis tui Spiritus: Non auscultare consilio Carnis, nec conspirare cum Serpente contra Creatorem tuum, sed mundum cor tuum custodire Deoque tuo fideliter devotum: Sic omnes Vitæ motus cum Innocentia & sine culpa contemplari poteris, & imperium agitare cum Deo in totam Creationem tibi concreditam. Hæc Paradisus tua erit, innocuæque oblectatio in terris, donec Deus in altiorē te evexerit fœlicitatis conditionem in Cœlis.



## SCHOLIA

In CAP. I. Vers. 26.

**A**ffectatores potius sumus Sanctitatis & Justitiæ quàm reverà & propriè justī atque sanctī. *Justitia enim & Sanctitas Virtutes sunt; Virtus verò Intellectuālis vis Animæ & quā facile prosequitur, ac proinde constanter quod absolute & simpliciter optimum est. Hoc nisi fiat, Virtus propriè non est, sed dispositio potius ad virtutem, vel ἀρετὴ ἡμῖλελῆς, semiperfecta Virtus, quemadmodum appellat Theages Pythagoreus. Vide Enchiridium Ethicum, lib. 1. cap. 3. sect. 1, 3.*

*Vers. 27. Μέγαν ὃ ἀνθρώπων ἔ κόσμον ἔ, &c. Hoc autem fieri non potest, nisi συνανειδυμῶνς τὸ θεῖας ψυχῆς, ut loquitur Plotinus, quo & Mundum Deum rectè appellari posse vult innuere. Ego verò Mundum nec Hominem nec Deum rectè nominari posse contendendo, sed Zoophyton potius quoddam ingens, ex Materia Mundana & Spiritu Naturæ compositum. Spiritus enim Naturæ quamvis Rationibus Seminalibus abunde affluat, omni tamen Ratione Intellectuali atque liberā penitus destituitur. Unde manifestum est magnum Hominem à Philone non rectè appellari, multoque minùs, à Plotino, Deum.*

## CAP. II.

*Plena significatio illius Ἀπειθείας quæ impedimento est hominibus, quò minùs in verum ingrediantur Sabbatīsmum. 4. Quanta necessitas sit distinguendi motus innocuos Naturæ à suggestionibus peccati. 5. Profectus veri Christiani non adquatè dependere à labiis Sacerdotis. 7. Quid intelligendum per [Hic ille est qui venit per aquam & sanguinem.] 8. Quid per [Resipiscite, appropinquavit enim regnum Cœlorum.] Millennium septimum, magnus Ecclesiæ Dei Sabbatīsmus. Frequentem tunc fore conversationem inter Homines & Angelos. 9. Arbor Vitæ quàm aptè dicatur sensu Mystico, esse in medio Horti. 17. Mors duplex contracta, ab Adami inobedientia. Masculinæ & Fœmininæ facultates in Homine quid sint. 23. Informationem Corporis essentialē esse Animæ operationem; idque in causa esse cur apparentia sive perceptio Evæ tam grata sit humane naturæ.*

**A**D versum usque quintum, Recapitulatio omnino est eorum quæ in primo Capite antecessere, ac propterea nihil opus habent ulterioribus confirmationibus, quàm quæ jam allatæ sunt ex S. Paulo, & Origene aliisque Scriptoribus. Tantùm Sabbatī mentio in secundo versu hujus Capitis fit, de quo nulla verba facta sunt hactenus. Atque hic ille Sabbatīsmus est sive *Quies*, In quam Author ad *Hebræos* hortatur, contendere ut intremus per fidem & obedientiam. Etenim illi qui ignavi erant & increduli, prætendebantque Filios *Anac*, *Gigantum* progeniem, fortiores fore quàm ut eos unquam vincerent, in *Terram promissam* ubi sub ductu *Josue*, *Jesu* Typi, sedes quietas sibi ponerent, intrare non potuerunt. Idemque Author eodem in loco mentionem facit de hoc ipso Sabbato quod consummationem Creationis subsequutum est, sic concludens; *Itaque reliquus est aliquis Sabbatīsmus populo Dei: Nam qui ingressus est in requiem ipsius, requievit & ipse ab operibus suis, quemadmodum à suis Deus. Studeamus igitur ingredi in illam requiem, ne quis in idem incidat inobedientia & incredulitatis exemplum.* Vox enim Græca Ἀπειθεία utrumque sensum facit includit, *Inobedientia* scilicet sive non exequendi voluntatem Dei pro illa potentiæ scientiæque mensura quam is nobis jam dederit; & *Incredulitatis*, quasi *Divina Vita Spiritusque* in nobis totam *minoris Mundi* creationem nobis subjugare non valeret, hoc est, omnes motus ac *Figurationes Animales*, sint licet *Leones*, *Ursi*, *Hirci*, *Ceti* aut cujuscunque generis, perinde atque Filios *Anac* coram *Israelitis* profligare, quemadmodum se res habet in altero Typo *Christi* Regni que illius in animabus humanis.

*Vers. 4. Generationes ----- Animalis Vitæ cum Deus eas creasset. Hæc enim æquè verè opera Dei sunt atque ipsa Vita Divina, quanquam nequaquam cum illa sint conferenda. Quinimò confusionis omnino congeries sunt sine illa. Quamobrem summa perfectio est, has ordine debito & obsequio, Spiritui sive Vitæ Cælesti, qui Christus est in nobis, subditas habere. Et ut magis particularem harum Generationum Animalis*

*Vitæ* notitiam habere possis, en tibi Catalogum nonnullarum ex ipsis, quanquam confusaneum, prout memoriæ primùm occurrerint.

Hujusmodi igitur sunt *Ira, Zelus, Indignatio, Dolor, Derisio, Hilaritas, Gravitās, libera & aperta Conversatio, Conversatio abstrusa, restricta, & quæ vulgò vocatur, reservata, Animus flexilis, & inflexilis, Audacia, Timiditas, Mansuetudo, Austeritas, Candor, Suspicio, Pervicacia, Despondentia, Triumphus, sive Gloriatio.* Omnes propensiones ad exercendum robur aut agilitatem corporis, cujusmodi sunt exercitia currendi, saltandi, natandi, colluctandi, hastiludendi, venandi & similia: præter cuncta illa blanda ac urbana præludia, necessaria Concomitantia, & jucunda Consequentia Matrimonii, quæ ex amore Mulierum proficiuntur, & amœnitate Liberorum. Ut eas taceam voluptates quæ oriuntur ex studiorum similitudine, merèque naturali amicitia inter hominem atque hominem, plenioribûsve amicorum familiarium congressibus, perbenignis conviviiis, ludis, \* concentibus musicis & choreis. Omnia hæc aliâque multa, quorum hic non est recensendi locus, genuinæ omnino sunt pullulationes *Vitæ Animalis*, & in seipsis nec bona nec noxia. Quinimò ut veriùs dicam & sine omni partium studio, bona sunt, secundùm illius approbationem qui eas fecit, sed male tantùm eis fiunt qui mali sunt eisque citra modum, aut in malum finem, aut sine debitis circumstantiis utuntur; alioquin in suo genere bonæ sunt, modò temperentur reganturque à Divino illo Principio in nobis.

Et summi profectò momenti esse censeo ut omnes veritatem hanc agnoscerent, ob hæc tres causas: Primùm, quia limitibus peccati innocuorumque *Naturæ motuum*, nondum planè ac apertè propositis & definitis, homines quidem varias *Animales Figurationes Naturalesque motus* pro peccatis habentes, tantum sibi ipsis accumulunt penum, perfectam scilicet extirpationem illius, quod nec commodum esset, nec fortean possibile penitus extirpare, ut reverà indè videantur insinuare impossibile prorsus esse in *Requiem* ingredi *Sabbatismumve populi Dei*. Quamobrem sub confusa hac peccatorum atque infirmitatum nube promiscuè seipsum contegentes, ubi omnia ita aggravant ac si singula eodem gradu peccaminosa essent, modò servidi sint ac diligentes in uno aliquò, tanquam rem magnam æstiment, egregiùmque suæ Sanctitatis Testimonium. Ipsorumque *Hypocrisis* certò illud electura est, quod minimi omnium sit momenti, hoc est, totum suum zelum quispiam pro naturali Temperamento quo ipse sit, contra oppositum Temperamentum impendet. Quantum verò ad indispensabilia *Divinæ Lucis* dictamina, ea certò est neglecturus, quippe quæ difficilior sit præstare, quanquam majoris momenti & quoad ipsum, & quoad bonum publicum. Quodsi apertius definiretur, quid sit peccatum, & quid secus, meliori animo majorique cum fiducia hostem quis adoriri posset, quippe qui tunc non tam numerosus appareret, nec tam formidabilis, minùsque ipse opportunitatis haberet ad perveras excusationes, ac tergiversationes *Hypocritarum*.

Secunda ratio est, ut homines meliori se conditione constitutos non sentiant quàm reverà sint, ob abhorrentiam suam ab istiusmodi rebus quæ nullam in se habeant noxam aut turpitudinem, nec pejorem de aliis concipiant opinionem quàm mereantur, cum ea tantùm agant quæ à Deo Divinæque Luce approbantur. Atque hæc quidem maximi momenti est ad Christianam fovendam charitatem atque unitatem inter homines.

Tertia & ultima, ut observare possint hominum plerorumque omnium *Vesaniam* atque *Hypocrisin*, quorum religiosæ contentiones secretæve censuræ ut plurimum nihil aliud sunt, quàm oppositarum *Figurationum Animalis Vitæ* conflictus & Antipathia, quæ ferarum instar sine custode, qui imperium quod dicitur habeat in belluas, impotenter feruntur ad alias aliæ devorandas. Ex hoc autem quisque dignoscet, Temperamentum sit an Religio quæ in ipso regnet, si Deum toto corde & totâ animâ diligat & proximum suum ut seipsum, rationemque solidam reddere posset actionum suarum atque opinionum ab *Æterna Luce, Amoreque Dei* in corde ipsius diffuso: Sin minùs, Factio est *Animalis Vitæ* ex naturali Temperamento aut Consuetudine enutrita & confirmata, longèque abest ut ad regnum Christi pervenerit, ingressûsve sit in veram *Requiem Populi Dei*.

Verf. 5. Ubi nulla externa Doctrina est, &c. De Pulpitis, & Concionibus, externisque Ritibus & Institutis, non tantus adeò est strepitus apud sanctos Patriarchas quorum vitas Moses describit, quapropter hunc Textûs sensum quem reddidi, eò magis genuinum censeo ac legitimum. Verùm præterea, cum Moses revelatus, ipsa Christianitas sit, modus ratiove profectum veri Christiani heic præfiguratur. Quod à Deo potiùs edoctus sit quàm ab hominibus, cum Spiritum Vitæ in se habeat, nec quomquam opus habeat qui eum doceat: *Unctionem enim habet in seipso*, quæ eum edoctura est

<sup>1</sup> Cor. 3. 6.

<sup>2</sup> Johan. 2. 27.



est omnia ad *Vitam* ac *Pietatem* necessaria. Quæ tamen *Uctio*, externa Adminicula sanctæque *Christi* Instituta nunquam vili pendet, quemadmodum suo loco abundè demonstravimus.

Verf. 6. *Quæ Resipiscencia est à mortuis operibus, &c.* In hoc versu *78* in *Cabbala Philosophica* vaporem significat, hîc verò *Aquæ fontem* reddo, authoritati innixus septuaginta Interpretum, qui vertunt *πνῆ*. *Aquam* verò *Symbolum* esse *Resipiscencie* adeò obviū est, ut ea de re verba facere minimè sit opus. *Johannis* baptizatio per *aquam* ad *Resipiscenciam* frequenter occurrit in Evangeliiis.

Verf. 7. *Atque in eum inspirat Spiritum vitæ, &c.* Ad hunc locum *Mosis* verisimillimum est, illud *Psalmistæ* alludere, *Manus tuæ fecerunt me & plasmaverunt me: da mihi intelligentiam & vivam*: ac si, *Adami* instar, *Statua terræ* omnino esset, antequam *Deus* in eum inspirasset *Spiritum Vitæ* atque sanctitatis.

*Qui venit per Aquam & Spiritum.* *Aqua & Spiritus* duo extrema sunt, Primum & Ultimum quæ *Creationem Spirituales Adami* sive *Christi* in nobis consummati constituunt; mediūque includunt qui *Sanguis* est. Primum igitur est *Resipiscencia* ab eis quibus antè oblectati sumus; Deinde mactatio malæ illius ac corruptæ vitæ in nobis, quod est *resistere usque ad sanguinem*, quemadmodum loquitur *Apostolus*. Et 1 Epist. *Johannis*, *Quicquid natum est ex Deo vincit mundum. Quis est qui vincit mundum, nisi is qui credit Jesum Christum* (Divinam *Lucem Vitæ*que in nobis) *esse filium Dei*? ac proinde ab alto, viribus potentiæque abunde instructum ad debellandum omne peccatum & improbitatem in nobis? Hic est ille qui venit per *Aquam & Sanguinem*, per *Resipiscenciam & Perseverantiam* usque ad *mortem corporis peccati*; non per *Resipiscenciam* solum, vitæque antea improbationem, sed per *realem etiam ipsius mortificationem*. Tunc *Spiritus veritatis* in nobis exultabitur, testimoniūque perhibebit cuilibet quod verum sit atque justum. Atque secundum hoc quidem testificandi genus intelligendum est præsertim, *Quod nemo potest dicere Jesum Christum esse filium Dei nisi per Spiritum sanctum*, quemadmodum *Apostolus* alibi affirmat. Hic est *cælestis Adamus* qui vera *Lux* est atque *gloria* omnibus qui *Mysticam Resurrectionem* mortuorum assecuti sunt & in quos *Deus* inspiravit *Spiraculum Vitæ*, sine quo nullam prorsus veram habemus notitiam sensumve *Dei*. *Πῶς γὰρ ἂν ἐνόησεν ἡ ψυχὴ τοῦ ἐν ἐμὲ ἐνέπνευσεν αὐτῇ κατὰ δύναμιν*; Verba *Philonis* sunt in locum. *Quomodo enim Anima humana, inquit ille, cognoverit Deum, nisi eam inspiraverit, eamque virtute suâ tetigerit?*

Verf. 8. *Ad regnum cælorum pervenisse, &c.* Finisque doctrinæ *Johannis*, quæ *Resipiscencia* erat, huc planè spectabat, ut ad scelicem hanc conditionem homines pervenire possent hîc descriptam; quod igitur præcipuum argumentum erat ad *Resipiscenciam*. *Quamvis enim vespere pernoctaverit fletus, mane tamen aderit letitia*. Nam condentur nova *Hierosolyma*, ponetque *Deus Tabernaculum suum* inter homines, & per *Spiritum* regnabit in Terris. Quod, si *Cabbalam Mosis* Historicam aggredi liceret, *Millennio septimo* fore prælagirem, secundum *Scripturæ Chronologiam*, quando *Mundus* adeò *Spiritualis* erit, ut futurum sit ut opus *salutis* tunc finiatur, magnumque *Sabbatum* atque *Festum* summâ solennitate celebretur. *Mille anni sunt ut Dies unus*, inquit *Apostolus*, ac proinde *Millennium septimum* *Dies septimus* meritò potest æstimari. Quapropter in fine *Millennii sexti* regna *Terræ* secundi erunt *Adami, Domini Christi*, quemadmodum *Adamus* die sexto creatus est *Orbis Dominus*, & omnium in eo *Creaturarum*. Atque hoc Imperium ejus, *Diem septimum Quietis, Pacis & Gaudii* introducet super faciem universæ *Terræ*. Quod quidem Prælagium credibilius videbitur postquam *septenarii numeri* *Mysterium* explica verimus ex *Philone Judæo*. Verum antequam hoc aggrediar, rei probabilitati viam paululum aperiā, ostendendo eandem veritatem sub alia figura.

*Adamus, Seth, Enos, Cainan, Mahalaleel, Jared* moriebantur, nec plenitudinem *Divinæ Bonitatis* perceperunt in corporibus suis. *Enochus* verò qui *septimus* erat ab *Adamo*, vivus in cælum assumptus est, magnæque illâ beatitudine frui videtur in corpore. *Mundus* igitur *Chiliade septimâ* sursum assumetur in *Deum*, illius *Spiritu* abreptus, ejusque actuatus potentiâ ac virtute. *Hierosolyma* à *Cælo* descendens modo gloriosissimo & eminentissimo florebit tum in terris. *Deus*, ut dixi, *Tabernaculum suum* figet apud homines. Deūque in nobis esse & apud nos, idem est atque nos evectos esse in *Deum*.

Cæterum ut veniamus nunc ad *Mysterium Numeri Septenarii*. *Septenarius* duplex est apud *Philonem*; unus, ἡ ἐν ὅλοις δεκάδ' ὁ ἐξ ὁμοίας alter, ἡ ἐν ὅλοις. *Septenarius* intra *Decadem* sunt tantum septem Unitates. Alter, *Numerus septimus est*, incipiendo ab *Unitate*, & pergendo in proportionem continua *Geometrica*, donec transiveris per septem

Phil. Myster.  
Pictat. lib. 8.  
cap. 12. lib. 10.  
cap. 12. lib. 8, 9

Hebr. 12. 4.

1 Joh. 5. 4.

1 Joh. 4. 13;  
14. 15.

1 Cor. 12. 3.

In 1. leg. Allegor.  
lib. 1.

Apoc. 21. 3.

Apoc. 21. 2.

In Cosmopœia  
Mosaic.

septem Terminos proportionales. \* Nam *septimus Terminus* illic est *septenarius secundæ generis*, cujus naturam *Philo* plenè describit hisce verbis. Αἰὲν γὰρ ὁ ἀπὸ μονάδος & συντίθεται. & ἐν διπλασίοις ἢ τριπλασίοις ἢ συνόλως ἀναλογῶσιν, ἑξομαδί, ἀριθμὸς κύβος τε & τετραγώνος ἔστιν, ἀμφοτέρω εἶδη περιέχων ἢ τε ἀσωμάτου καὶ σωματικῆς φύσεως ἢ μὴ ἀσωμάτου κατὰ τὸ ἐπὶ πᾶσι τῶν ἀποτελεστικῶν. Ad hunc sensum. *Etenim semper ab Unitate incipiendo & pergendo in dupla, tripla, aut alia quacunque proportionē, septimus Numerus hujus ordinis & Quadratus est & Cubus, utrumque genus comprehendens, Corpoream perinde atque incorpoream substantiam: Incorpoream secundum superficiem quam Quadrati exhibent, Corpoream verò secundum solidas dimensiones quas exhibent Cubi.*

Ut exempli causâ, 64, vel 729. hi Numeri sunt qui hac ratione oriuntur; uterque *septimus* est ab Unitate, alter à dupla proportionē, alter à tripla ortus; & si ratio esset quadrupla, quintupla aliâve quæcunque, eodem res redit, alii aliqui septimi numeri orirentur, qui reperirentur ejusdem naturæ cum his, reperirentur & *Cubi* & *Quadrati*, hoc est, *Corporei* & *Incorporei*. Talis enim est Numerus sexaginta quatuor, factus aut multiplicando octo per octo, atque sic Quadratus est; aut multiplicando quatuor Cubicè, nam quater quater quatuor rursus fiunt sexaginta quatuor, sed tunc Cubus est. Atque sic Septingenta viginti novem, Numerus est qui fit aut quadrando *Viginti septem*, aut Cubicè multiplicando *Novem*, nam utrovis modo fiunt septingenta viginti novem; unde & Cubus est & Quadratus, Corporeus & Incorporeus. Per quod significatur Mundum non reductum iri die septimo ad *Consistentiam* merè Spiritualem, ad Conditionem incorpoream, sed *Co-habitationem* fore Spiritus cum carne, in sensu Mystico sive Morali, Deumque Tabernaculum suum fixurum esse apud Homines. Tunc stabilietur æterna Justitia, radicabiturque in Terris, donec Humanum genus habitaturum est super faciem illius.

Atque hæc quidem *Veritas* de Regno *Justitiæ* in *Millennio septimo* clariùs adhuc illustratur *Septenario* intra *Decadem*, τῇ ἐν ὅλῳ δεκάδι & ἑξομαδί, quemadmodum *Philo* appellat, simplicem Numerum *septem*. Partes enim ex quibus consistit & \* in quas maximè æqualiter est divisibilis sunt tria & quatuor, quæ simul juncta faciunt septem. Atque hæ partes latera sunt primi *Orthogonii* in Numeris, ipsa latera quæ rectum illius angulum includunt. *Orthogonion* autem, quale fundamentum sit *Trigonometria* mensurandique altitudines, latitudines & longitudines rerum, quisque novit qui vel primoribus labiis Mathematica degustaverit. Atque hoc *Rectitudinem* præfigurat sanctæ illius Generationis quæ stabit ambulabitque κατ' ὁρθὰς nec hac nec illac inclinans, sed præbunt se recti sincerique cordis. Virtutēque hujus Spiritus *Rectitudinis* sive *Justitiæ* investigare valebunt atque explorare *Profunditatem*, *Latitudinem*, & *Altitudinem Sapientiæ* ac *Bonitatis* Dei, quemadmodum ipse *Apostolus* alicubi loquitur.

Deinde verò, hæc *Tria* & *Quatuor* conjunctionem etiam naturæ corporeæ & incorporeæ comprehendunt; quippe quum *Tria*, prima sit *Superficies*, *Quatuor* verò primum *Corpus*. Et in *septimo* quidem *Millennio* tantam fore existimo inter Deum atque Homines Unionem, ut non solum Spiritum illius participaturi sint, sed *Æthereæ* Regionis Incolæ palam cum Incolis *Terrestribus* sint conversaturi, tamque frequens *Conversatio* repetitæque *Visitantes* sincerorum nostrorum *Amicorum* alterius Orbis omne *Vitæ* tedium mortisque metum sublaturæ ab hominibus, quippe qui animo læto futuri sint & tranquillo in hoc corpore, certique meliùs se habituros esse postquam ex eo excefferint. Cælum enim & Terra tunc manus quasi committent, unaque fiunt Domus; morique nihil aliud æstimabitur, quàm in superiorem quasi ascendere cameram. Et quanquam hæc *Dispensatio* in præsens admodum rarò occurrat, paucos tamen esse aliquos existimo, quorum oculos matutinum hujus diei crepusculum leviter perstrinxerit, de quibus consummata posteritas aliquid consimile dicto illi *Servatoris* de *Abrahamo*, fortean prolatura sit, (qui Christianitatem degustaverat ante Christi adventum in carne) *Abrahamus gessivit ut videret diem meum & vidit ac gavisus est*. Et citra omnem controversiam, ista plenitudo Beatitudinis quæ reservata sit in futura tempora, præsagium, inquam, illius & præsentatio ingens gaudium ac triumphum omnibus viris sanctis ac Prophetis per omnia secula conciliavit.

*A Matutina Luce Solis Justitiæ, &c.* Hoc valde congruenter Textui dictum est, cum Paradisus ad Orientem dicatur collocata in *Edene*, Christusque Servator appellatur *Stella splendida Matutina*, & *Lux quæ illuminat omnem hominem venientem in Mundum*, quanquam nimium multi dictatis hujusce *Lucis* quæ tam maturè eos in mentibus suis ac conscientiis invisit, immorigeri sint, qui verò ipsi obsequuntur, pax eorum est ac felicitas in extremo.

Apoc. 22. 16.



Verf. 9. *Sincera Divina voluntati est obedientia, &c.* Arbor vite rectissime dicitur in medio Horti sita, hoc est, in medio Anima humana. Estque hoc Voluntas sive Desiderium hominis, quod maxime intimum est omnium facultatum animæ. Estque quasi λόγος σπέρματος Centrumve Vitale reliquarum, unde fluunt atque germinant. Illud igitur Arbor vite est, si reverà tangatur afficiaturque Divina vitâ, homôque animatus voluntati Dei obediat. Tota enim Divinæ perfectionis Imago hinc germinabit, alimentumque ac robur & durationem inde accipiet. Quodsi voluntas hæc & desiderium abruptum disjunctumve sit à Deo, actueturque à Creatura, vel Sui-voluntas Spiritusve inobedientiæ evadat, mortiferum fructum profert, qui vitam Divinam in nobis interimit, hominemque in necessitate constituit moriendi isti Inordinationi & Corruptioni quam contraxerit.

Quicquid aliis contra suggererint. Nihil enim magis tutum est, modò medullitus homo sit sincerus, quàm ab aliis per Nasum, quod dicitur, non duci. Videmus enim funestum hujus rei eventum in Eva, quæ externis suggestionibus Serpentis auscultavit.

Verf. 10. *Quatuor Virtutes sunt Cardinales.* Expositio est Philonis. Ad versum usque decimum septimum nihil opus est quicquam amplius addere quàm quod jam dictum est in *Defensione Cabbalæ Philosophicæ*. Leg. Allegor. lib. 1.

Verf. 17. *Mortuusque evaderet ad omnem Justitiam ac Veritatem, &c.* Mortalitas quam Adamus per suam inobedientiam contraxit in sensu Morali sive Mystico duplex est. Altera mors est quoad Justitiam, estque Philonis Interpretatio in locum, Ὁ θάνατος τῆς ἀρετῆς μὴ φθορά ἐστὶ, κακίας δὲ ἀνάληψις. Mors anima virtutis in ea extinctio est, & vitii resuscitatio: additque hanc mortem hic intelligendam esse, cum reale supplicium sit, virtutis vitam perdere. Altera Mortalitas est necessitas moriendi Injustitiæ, si beatitudinem unquam assequi quispiam velit. Ambæ hæ notiones Mortis frequentiores sunt in Epistolis S. Pauli quàm ut opus sit ullum proferre exemplum.

Facultatibus ejus magis nobilibus ac masculinis, &c. Masculina pars in homine quid sit, Philo his in verbis perspicue declarat, Ἐν ἡμῖν γὰρ ἀνδρὸς μὲν λόγον ἔχει ὁ νῦν, In Cosmopatia γυναικὸς δ' ἡ αἰσθησις. In nobis, inquit ille, Intellectus Vir est, Fæmina verò sensus Corporis. Unde facile intelliges Masculinas facultates eas esse quæ magis Spirituales sunt & Intellectuales. In Cosmopatia Mosaic.

Verf. 18. *Ut tota Natura humana Divinâ posset perfici.* Quod consentaneum est piæ illi ejaculationi Apostoli, 1 Theff. 5. Ipse autem Deus pacis sanctificet vos totos, & integer vester Spiritus & Anima & Corpus inculpate servantur, ἐν τῇ παρουσίᾳ, per præsentiam sive Inhabitationem Jesu Christi, Divinæ vitæ, sive Cælestis Adami in vobis. Hic est facillimus maximeque naturalis sensus \* hujus loci scripturæ Mystice intellecti, quemadmodum apparere potest cuilibet, cujus menti Sanctitas æquè grata sit ac difficiles Notiones. Est etiam valdè congruens Mystico sensui secundi Psalmi, ubi Regnum Christi in extremos Terra fines extenditur, hoc est, quousque Anima vivificare potest, adeò ut ipsa Caro & Corpus Sceptro subjiciantur Regni Christi. 1 Theff. 5. 23.

Verf. 19. *Figurationes Animalis Vitæ, &c.* Motus Animi, quatenus ab Animalis vitæ corporis suggeruntur, per Pisces, Bestias atque Volucres significari, satis supra confirmavi ex autoritate Origenis.

Verf. 20. *Nondum verò capax erat ullam ex eis percipiendi voluptatem, &c.* Melancholia enim temperamentum corporis ita depravaverat, ut nullius rei sensus gratus esset, quæ ad Naturam, vitamque Vehiculi pertineret.

Verf. 22. *Maxima pars illius Paradisi est cujus homo capax est in terris.* Hæc sensus & experientiæ veritas est, nec per rationem magis probanda est, quàm quòd album album sit, nigrumve nigrum.

Verf. 23. *Essentialisque anima sit operatio, &c.* Ipsa natura Animæ quatenus anima est, est aptitudo informandi sive actuandi corpus; ut verò semper sit corpus organizatum, dictatum tantummodo Aristotelis est, non satis ab eo probatum. Quantum verò ad me admodum proclivis sum in eam sententiam, quòd Anima aliquo saltem Vehiculo nunquam destituatur, quanquam Plotinus aliter sentit, opinaturque animam summo perfectionis gradu cum Deo solo sine ulla alia re conjungi, & nudam quasi illius amplexibus excipi. Eò autem confidentius de hac Animæ exaltatione ab eo dissentio, quòd adeò, proprio quidem judicio, securus sim de altera illa ipsius suspecta exorbitantia, quâ animas in tam vilem conditionem dejicit, ut tandem tam torpidæ & insensatæ evadant, ut ex humo crescant in ista stupida vitæ functione, efformatione Arborum & Plantarum. Nec solus sum in assumenda mihi hac libertate dissentendi à Plotino. Nam præter propriam opinionem huc propensam (ingenuè enim fateor me

Vide Immortal. Anima, lib. 3. cap. 1. sect. 2.

Comment. in  
Plotin. Enne-  
ad. 2. lib. 8.  
cap. 8. & alibi.

me nullas habere rationes demonstrativas quibus illius dogma evertam ) exemplo animatus sum *Ficini*, qui haud vulgaris tamen admirator est supradicti Authoris.

Quod dicturus eram hoc ferè est : Cum Informatio sive Actuatio corporis adeò indispensabilis sit *Essentialisque actus Animæ, temperamentum conditiòque* corporis quod ad hunc modum actuat, non potest quin maximi momenti sit animæ, quæ conscia est habitûs illius, gaudiûmque ac dolorem, per universalem tactum intimumque sensum in notitiam ejus & animadversionem se exerentem, percipit. Et faciliè quidem intelligere possumus, quanti momenti sanitas bonûsque corporis habitus sit menti inibi hospitanti, si consideremus conditionem *plantarum*, quarum corpora non possumus non concipere *temperamento* esse magis congruo, dum florent gratosque odores ejiciunt, oculosque pascunt suâ pulchritudine, quàm postquam aut præ anni siccitate aut senectâ exaruerint, aut ad terram depressæ sint immoderatis nimbis superflûique humoris redundantia. Atque sic corpus humanum, ubi anima adest quæ illius conditionem persentiscat, multò meliùs se habet, quando sanum est propter temperantiam moderationemque cibi & exercitii, quàm quando aut nimis arefactum est & exsiccatum *superstitiosâ Melancholiâ*, aut nimis madidum & Immersum *Sensualitati & Intemperantia*, utraque enim, vitæ gaudia magnopere sufflaminant, minuuntque illam felicitatis plenitudinem cujus homo capax sit ex *Eva sua Mystica*, muliere quam cuique dedit Deus, qua seipsum oblectaret.

1 Tim. 4. 8.

Vers. 24. *Quatenus sanitati gaudiòque vitæ naturalis sui corporis repugnent, &c.* Veritas hæc est quam nemo quisquam potest negare. Alioqui quomodo id firmum esse possit, quod narrat Apostolus, *Quod pietas ad omnia utilis est, ut quæ promissionem habeat vitæ præsentis ac futuræ* ; cum tamen sine sanitate corporis, in præsentia hac vita nullius rei voluptate frui liceat ? Et proculdubio Angelorum superiorûmve Creaturarum legibus nos à Deo non alligamus, sed præceptis humanæ naturæ consentaneis.

*Obedientia indispensabilibus præceptis illius superioris lucis, &c.* Nam si vita corporis ita in nos invalecat ut extinguat impediâtve rerum *Divinarum sensum, dependentiæ nostræ à Deo, & latæ spei vitæ futuræ*, inordinata tunc evasit, & castiganda est & subdomanda, nè in averfationem nos dejiciat omnis *Pietatis*, & in plenam *Dei Divinaque Vitæ* oblivionem immergat.

Vers. 25. *Sine ullo pudore aut erubescencia.* Vide quæ in hunc locum dicta sunt, in Cabbala Philosophica.

## SCHOLIA

In CAP. II. Vers. 4.

**C**oncentibus musicis ac choreis. *Sunt è severioribus Theologis qui Choreas omninò illicitas putant. Et faciliè concedo, res in se licitas multis propter naturæ suæ pravitatem illicitas evadere. Hæc igitur ingenium suum, animique propensiones quisque explorare debet, & sic se gerere ut nec sibi noxam nec proximo scandalum pariat. Ut verò nemo ferè est, ex elegantiori saltem hominum genere, quin licet rem commodam arbitretur saltationem, à saltando tamen abstinere nisi in loco commodo, nollétque in conclavi non bene emundato pulverem circa se aliòsque excitare ; ita certè debet quisque vir bonus antè perpendere an domum suam, hoc est, suum corpus satis expurgatum habeat ab omnibus sordibus, nec excitaturus sit pulverem in domicilio suo luteo & pulvere, liberiori hoc ludicrorum genere. Quod si suspicetur fore, consultius erit abstinere, donec corpus ab his sordibus ac pulvere, aut anima ab hoc corpore pulveris liberata fuerit.*

Vers. 8. Nam septimus Terminus illuc est septenarius, &c. *ἑβδομήτης ἀριθμὸς* appellatur apud Philonem. Sed ipsa Unitas hic pro Numero aestimatur : Septimûsque ab unitate intelligitur inclusivè, ita ut unitas tanquam primus Terminus comprehendatur.

In quas maximè æqualiter est divisibilis, &c. *Quanquam enim septem in duo & quinque dividere etiam licet, manifestum tamen est Divisionem multò esse inæqualem.*

Vers. 18. Hujus loci Scripturæ Mysticè intellecti, &c. *h. e. in sensu Morali. Quod si interpretis sensu magis Physico sive Philosophico, tunc ἐν τῇ παρυσίᾳ idem significabit quod εἰς τὴν παρυσίαν, prout Beza, Grotius & alii plerique omnes exponunt. An verò Grotius genuinum hujus loci sensum reddiderit dum ὁλόκληρον ad cuncta tria referri vult, ad Spiritum, Animam & Corpus, meritò potest dubitari. Videtur enim apprecatio paulò alienior, ut corpus terrenum, postquam Terræ commissum sit, ἀμείνων inculpatum & immaculatum conservetur in adventum Domini. Videndum igitur annon minùs coactus foret sensus in ὁλόκληρον*

κλήρον



κληρον ὑμῶν τὸ πνεῦμα ] ὁλόκληρον restringere ad πνεῦμα, & per Spiritum integrum, totum intelligere, debitis suis partibus constantem, ( uti & Grotius agnoscit exponi posse ) totum verò hunc Spiritum esse hominem Spiritualem, quem τὸ ἰσῶθεν ἄνθρωπον apostolus 2 Cor. 4. appellat : atque heic innuit duabus partibus constare, καὶ τῇ ψυχῇ καὶ τῷ σώματι ; & animâ & corpore, nempe corpore tenui & spirituali. Platonici nunc τὸ λεπτὸν ὄχημα, nunc τὸ αὔλον σῶμα, nunc tenue vehiculum, nunc corpus immateriale vocant. Ut hac quidem sine macula & culpa conserventur usque ad adventum Domini, satis appositâ est apprecatio. Corpus verò terrenum ante Resurrectionem, putrescere in sepulchro & putrescere notissimum est, ut minùs rectè de eo intelligi possit oratio. Corpus verò Terrenum vivum, in [ ἀγιάσαι ὑμᾶς ὁλοτελεῖς, sanctificet vos totos ] includi facile concedo, quò minùs necessarium sit in reliqua parte versùs intelligi, sed corpus potius αὔλον Platoniorum.

## CAP. III.

*Historiola Disputationis Prælatum inter & Fabrum Ferrarium de Pomò ab Adamo comeso.* 1. Quid significetur per subtilitatem sive calliditatem Serpentis, Religionem ad debitum gradum perductam statum esse letum admodum atque hilarem ; solamque esse hominum claudicationem & Hypocrisin ut plurimum, quæ tam tetricam tristémque larvam ei imposuerit. 5, 6. Mundanam Sapientiam non Philosophiam in Mystério Arboris scientiæ Boni & Mali perstringi. 10. Fuga Adami, postquam nudum se deprehendisset, quid significet. 20. Adamus, Terrena-sapiens Homo, secundum Philonem. 21. Quid ex eo quòd Deus Adamum & Evam pellibus villosis vestiverit, intelligendum sit sensu Mystico. 23. Παράδεισος, sive Paradisus Luxuriæ. Historiam in Scriptura admodum concisè scriptam esse, ac proinde supplementa modeste & cum iudicio formata, ad sensum illustrandum admittere. 24. Quid significetur per Cherubinos & flammantem Gladium. Platonis Philosophiæ Definitio, Μελέτη δυνάττω. Ueberior descriptio mortis peccati, vitæque Justitiæ. Christianam Religionem etiam quatenus ad externam Christi personam refertur, sub nullo pretextu abolendam esse, ante Mundi Conflagrationem.

**I**N tertio hoc Capite tristis illa Historiæ Catastrophe occurrit, viz. Lapsus Adami, origòque omnis illius Miseriæ & Calamitatis quæ humano generi à primo usque Mundi Initio contigit. Tam horrenda erat illius facinoris sequela, cum Eva mater fœminino suo appetitui meliùs temperare nesciverit, sed ex facili Serpentis suasu fructum vetitum degustaverit, quemadmodum Prælati celebris in Gallia rem, attento populo, admodum Tragice inculcavit.

Ità verò evenit, ut Faber quidam Ferrarius in Concione, ut refert Bodinus, postquam ex venerabili hoc Concionatore audivisset, totum humanum genus, excepto tantùm exiguo Christianorum manipulo, in æternam damnationem ex esu Pomi per Adamum irrevocabiler lapsum esse, cùmque eâ esset confidentiâ ut ea de re cum Prælati disceptaret, eumque in tractando hoc Literali Textûs sensu, ( neque enim peritia illius ultrâ se extendebat ) sibi nequaquam satisfacere posse observâset, Faber in hæc verba tandem prorupit, *Tam multas rixas pro re tantilla ineptè excitari.* Quod blasphemum dictum, ut refert Bodinus, simul atque ad aures Aulicorum Parisiensium pervenisset, in proverbium statim abiit apud Aulicos. Tam plena periculi res est imprudens ignarûsque Concionator, & Auditor audax & immodestus. Bodinus, in eodem loco, se in ea esse sententia profitetur, Quòd imperita Theologorum Inculcatio sensûs Literalis Textûs Mosaiici, \* multa centena Atheorum Millia pepererit. Quam ob causam spero omnes, qui non valdè ignari sint aut perversi, sed Deum Divinamque Veritatem sincerè diligant, hæc meas Cabbalas benignè candidèque accepturos, præsertim hanc Moralem, cùm sensus illius major non sit quàm qui os cuilibet honesto liberòque pervestigatori percontatorive Christiano commodè obturet, sed qualis qualis sit eam confirmare porrò in multis illius locis conabimur.

Verf. 1. Inordinatum desiderium Voluptatis, &c. Philonis est, qui dicit, τὸ ὄφιν ἡδονῆς ; ἢ σύμβολον, serpentem Symbolum esse sive Repræsentationem voluptatis, quàm isti Animanti comparat ob hæc tres causas.

Primum, Quòd Serpens Animal sit quod pedibus caret, fœdèque in terra repit super ventrem.

Vide Bodin.  
Mag. Damono-  
man. lib. 2.  
cap. 2.

In Cosmopœdia  
Mosaic.

Secundò, Quia dicitur pulvere vesci.

In Cosmopœia  
Mosaic.

Tertiò, Quia dentes habet venenatos, eosque interimit quos mordet. Atque hinc voluptatem ei assimilat, quippe quæ vilis abjectusque Affectus est, ventri innixus, Libidinis sedi atque Intemperantiæ, terrenisque omnino se pascens, *μη σίλημην ὁ ἄνθρωπος τερφῆν, ἢν ὁρέγῃ τοῖς φιλοθεάμοις διὰ λόγου καὶ δογματῶν σοφία, sed nunquam se nutriendus caelesti illo cibo, quem Sapientia porrigit Ingeniis contemplativis per præcepta sua ac colloquia.*

In Regina El-  
varum, lib. 2.  
cant. 2.

Mirum est \* *Philonem* illud non notasse quod tam particulatim narratur in Textu, de *Subtilitate* Serpentis, quod meo quidem iudicio notorium est in *Voluptate*, quippe quæ tam molli laxique ac innocuo aspectu sit, ob eamque causam tam facile in animos hominum se infinuet eosque decipiat, cum alii affectus tam callide astuteque nos circumvenire non possint, ut qui bellum apertum quieti felicitatique humanæ vitæ indicant, quemadmodum ille summo iudicio Poeta *Spencerus* in Legendo *Guyonis* sive *Temperantiæ*, optimè observavit.

*Est magè difficile effrænes moderarier æstus  
Delicio instigante animam; quàm urente Dolo-  
re. Tam validè allectat nostros nam blandula sensus  
Dulcedo, ut vix aut nè vix illo abstineat se  
Proclivis quodtami misere Natura cupiscit.  
Verùm Ira atque Dolor, manifesti scilicet Hostes  
Humane Vita, haud agrè superantur ab ipsa.  
At Virtus victrix, per utrumque sua explicat arma,  
Erigit & Guyon illustra ubique Trophæa.*

*Quàm rigida ac severa res est totum hoc Religionis, &c.* Hæc opinio est istiusmodi hominum qui aut planè hospites sint ac peregrini in rebus Religionis, aut ad latum illum expectatum exitum ejus, solatioque plenum, nondum pervenerint. Deus enim non oblectatur cruciatu perpetuo illarum Animarum quas redemptum venit, venitque ad nos redimendos ab illo dolore ac cruciatu, cui *Amor proprium*, *indomitaque nostræ libidines animique superbia* nos obnoxios facit. Quibus cum homines haud lubenter renunciant, cumque non facile sustineant ea ad vivum usque incidi, radicatusque evelli, opere secundum plenum propositum consiliumque Dei non consummato, semina etiamnum manent perpetuæ anxietatis, tristitiæ & inevitabilis doloris: estque ut plurimum non nisi debitum claudicationis & Hypocrisios supplicium. Cumque animi hominum tam diu hinc acerbi facti sint & contristati, professio ipsorum & conversatio talis evadit ut deterreant quidem juvenes omnes inexpertos ab omni vel mediocri studio aut consortio cum rebus Religionis; quippe qui putant se, simul atque illi sint illigati, ad Fodinas in æternum damnatos fore, nec unquam emerfuros esse ex hoc labore atque onere, in tenebrosis hisce Cavernis, donec illic moriantur miserorum *Americanorum* more, mancipatorum nimisque durâ servitute obtritum ab immitissimo *Hispano*.

Johan. 8. 36.

Sed enimvero modò patienter toleremus ad debitum Humiliationis gradum immergi, eadem manus quæ nos depreffit, exaltatura est nos præter omnem spem & expectationem. Nam si sufficienter baptizati simus in mortem Christi, pro certo participes erimus illius Resurrectionis ad vitam, gloriosæque illius libertatis Filiorum Dei, sicut scriptum est, *Si ergo vos filius liberaverit, verè liberi eritis*; liberi à peccato, & securi à violentia ullius Tentationis. Quodsi mortificatio opus suum perfectum non habuerit, nimis maturus reditus dulcedinis *vite Animalis* facile reperiri potest instar Serpentis, (quem Rusticus enectum frigore, ut is putabat, è nive sustulit domumque secum tulit, posuitque prope focum) moritabit se, sibilabit, mordebit, pungetque. Valida multifariorum corporis voluptatum, & oblectamentorum carnis prælagia ita intumescere possunt in mente & tumultuari, ut Anima se nimis arctè restrictam esse censeat, incipiatque istiusmodi Serpentis insurrectionibus auscultare, *Quàm rigida ac severa res est totum hoc Religionis negotium, &c.* & statuere apud seipsam, nisi omnium rerum libertas permittatur, perinde esse ac si permitteretur libertas nullius.

Verf. 2, 3. *Sed Faminina pars in Adamo, &c.* Non est nisi una eademque anima in homine dialogum cum seipsa instituens, quæ his tribus partibus *Serpente*, *Adamo* & *Muliere* illustratur. Atque hinc Anima seipsam recolligens non potest quin fateatur, Religionem nullam sibi honestam & idoneam, & quæ majori illius felicitati noxia non sit, voluptatem denegare, reputatque apud seipsam quanto versatura esset in periculo



riculo *Divinam* perdendi *vitam* debitumque Dei sensum si voluntatem propriam promiscuè sequeretur, nec omnes suas actiones ac proposita ad *Lucis Divina* legem expenderet quæ præstò est ad eam dirigendam.

Verf. 4. *Serpens* verò, &c. Sensus hujus versùs est, quòd avidum voluptatis desiderium eousque se in *Animalis Vita* dulcedinem insinuaverat, ut judicium hominis obnubilaret faceretque eum stolidè sperare, quòd licèt *proprie voluntati* liberè vivus esset, nullam tamen noxam inferret *voluntati Spiritus Vitæque Dei* in ipso, cùm tamen nihilominus Apostolus expressè scribat, *Quodnam consortium Justitiæ cum Injustitia, & quæ communio luci cum tenebris? & quæ concordia Christo cum Belial?* Atque alibi nobis narrat, *Quòd Christus dedit seipsum pro Ecclesia ut eam penitus ita purgaret & sanctificaret ut nullam haberet maculam aut rugam aut quicquam ejusmodi, sed ut esset sancta & inculpata*, Sponsa verè Virginea, Divinà vità amicta atque glorià. Atque illi homines qui tam lubenter in duas partes claudicant, inter *Carnem* scilicet & *Spiritum*, satisque spaciū habent apud se ad utrosque hospitio excipiendos (ac si amicitia aliqua & communio inter eos esse posset) seriò apud se perpendant annon hæc ea ipsa opinio sit quæ erat deceptus *Adamus*, & suspicentur eundem funestum fore eventum, agnoscantque ab eodem principio esse profectam, ab *inordinato desiderio* indulgendi propriis voluntatibus sine approbatione *Divinae Lucis*, inconsultūque voluntatis Dei.

2 Cor. 6. 14.

Ephes. 5. 27.

Verf. 5. *Sed peritiam ejus & experientiam in rebus*, &c. Sūntque non pauci qui nullum peccatum ducunt, sed cognitionem laudabilem, *Mundum*, quod aiunt, *cognoscere*, aliòsque pro stultis habent, qui ignari sint istius Mysterii. Ità enim est Homo, ut nolit *Mancipium* esse aut *Idiota*, sed propriam recognoscere libertatem, eaque utendo, experientiam, prout prætendit, lucrari.

Sed enim, ut accuratus Rationis usus in contemplandis mirabilibus Dei operibus in Natura, innocuæ illa ac jucunda Geometriæ & Arithmeticæ Theoremata & similia, ut hæc Scientiæ partes à Mose in hac Historia perstringerentur, nè minimam quidem probabilitatis speciem præ se ferre videtur. Tam pauci enim in Orbe sunt, quorum mentes ullo seriò studio ad istiusmodi objecta feruntur, ut operæ pretium haud futurum fuisset quicquam hac in re notasse. Et tum dein, manifestum est lapsum fuisse ex affectatione talis scientiæ sive experientiæ, in qua *Mulier*, efflorescens *Vita corporis*, occasionem dedit *Adamo* peccandi. Quamobrem variarum carnis cupiditatum impletio est, non autem ad Intellectuales Contemplationes sublimis aspiratio, quæ hîc perstringitur. Hæ enim ad *Masculinas* facultates pertinent non *Fæmininas*, quæ viam aperuerunt ad *Transgressionem*.

Quapropter, hoc tibi affirmo, *Sapientiam*, quam hîc Serpens promisit, *Naturalem Philosophiam* Artèsve *Mathematicas* non fuisse, ullasve ex innocuis illis ac nobilibus Mentis humanæ perfectionibus, sed *Scientiam Mundanam Carnisve Sapientiam*. Vita enim corporis plena est cupiditatibus ac præfagiis sibi satisfaciendi in hac vel illa re externa, sive *Honor* sit, *Divitiæ* aut *Voluptas*. Et si *Divini* in se *viæ-ducis* jugum quispiam excusserit, quo jure quæve injuriâ hæc sibi perquiret. Estque hæc *Mundana Sapientia* tam plausibilis in communi vita, ejusque apud hominem merè naturalem sapor tam dulcis gratūsque, ut vel hinc satîs alliceretur *Novitius*, ut vir sapiens utique existimari posset, ad talia experienda quibus instructus in ea esse queat probèque initiatus.

Verf. 6. *Præter Sapientiam carnis*, &c. Το φρόνημα τὸ σαρκὸς Apostolus appellat. Quam *carnis Sapientiam*, *Inimicitiam* esse ait adversus Deum. Quantum verò ad liberum cautumque Rationis usum, *Mundanæ Fabricæ*, ordinisque Naturalium causarum cognitionem, Rudimentorumque Geometriæ ac Principiorum Mechanicorum intelligentiam & similia, quis est, nisi *Fatuus* planè sit aut *Fanaticus*, qui affirmaturus sit Deum ullas contra hujusmodi res *Inimicitias* alere? Nam & præterea, hoc genus Contemplationes non tam propriè sunt *Scientia Boni & Mali* quàm *Veritatis & Falsitatis*, cùm *scientia Boni & Mali* ad illam potiùs experientiam quàm ex *Moralibus Politicisve* actionibus & eventis haurimus, referatur.

Rom. 8. 7.

Illos verò qui ex hoc Textu Scripturæ Philosophiam perstringere volunt honestamque ac generosam investigationem veræ scientiæ Dei in Natura, *Ignorantiæ* partim suspectos habeo, partim occulti cujusdam & iniqui studii eas præferendi voluptates, quæ *Bestiis* perinde atque nobis competunt, quinimo, opinor, gradu altiori, *Simiis* præsertim atque *Satyris*, aliisque id genus Animalibus Venereis. Atque equidem suspicor nullum ferè genus hominum adeò proclive esse ad hujusmodi absurdas Scripturæ Interpretationes quàm audacissimos *Religionistas* ac *Mimo-prophetas* qui calore ac spiritibus abundant, Imaginationemque nimis sæpe habent, fumis inferiorum illarum partium contaminatam, quarum plenum sensum ac voluptatem universis illis

Enthusiasm.  
Triumphat.  
Jes. 21. 22.

subtilibus oblectamentis Rationis ac generosæ Contemplationis longè antepo-  
nunt.

1 Pet. 2. 11.

Caterùm hos à *Sanguine-inspiratos Videntes* dulci deceptioni & imposturæ suæ corruptæ Imaginationis relinquentes, auscultemus arctèque adhæreamus illi qui nec decipere potest nec decipi, *Christum* intelligo *sanctosque* illius *Apostolos*; & nunc speciatim consideremus grave illud piùmque Monitum *S. Petri*: *Dilecti, precor, ut tanquam advena & peregrini abstineatis à carnis cupiditatibus quæ militant adversus animam.* Ubi vir hic sanctus à Deo instructus planè insinuat Animam in hoc Mundo esse quasi peregrinatricem in terra extranea, itèrque facere ad statum sibi magis congruentem quàm hunc in corpore. Unde planè sequitur, nimis studiosam istarum voluptatum quæ mortales sunt & cum corpore moriuntur, indicium esse miseri abjectique ac degeneris Animi, suæque Naturæ ac dignitatis ignari.

Verf. 7. *Quàm nudus jam esset & omni vi ac facultate ad res sanctas & Divinas destitutus, &c.* Hic *Adami* error fuit, quòd putaret se duobus posse Dominis servire, & Dei voluntati & suggestionibus Carnis. Verùm hoc modo alienatus evasit à *Divina* vita ac virtute. Quippe quæ habitare non vult in corpore peccatis obnoxio. Spiritus enim sanctus disciplina fugit quòd non est sincerum, & subducit se à cogitationibus quæ sunt sine intelligentia, (tales scilicet quæ temerè aut suggerantur aut affectentur) nec manere sustinet adveniente Iniquitate.

Verf. 8. *Præsentiam illius ferre non potuit, &c.* Lux enim *Divina* nunc eum tantùm arguebat de peccatis suis, nihil autem subministrabat *Divini Amoris* aut *Virtutis*, quemadmodum fit in eis qui obediunt ipsi sincereque præcepta illius exequuntur, ac proinde *Adamus* præsentiam ejus non magis ferre potuit quàm oculi lippientes lumen Solis aut Candelæ.

Verf. 9. *Divina verò Lux instabat propiusque ad eum accedebat, &c.* Hæc *Lux Divina* Deus est quatenus manifestatur in conscientia humana. Amor verò illius ac Virtus sive Potentia, non par est ut communicetur *Adamo* in hac dissoluta ac immergera illius conditione, sed convictio tantummodo ad perducendum eum ad *Resipiscentiam*. Et post procellam hanc turbinè inordinatarum Voluptatum & Passionum, cùm proprii animi angori ac solitudini paululùm relictus esset, hæc *Lux conscientie* magis stricte ac particulatim eum exploravit & examinavit, meritòque mirari potuit apud seipsum quòd adeò horrere se senserit communicationem cum proprio corde.

Verf. 10. *Tunc ingenuè fassus est Adamus, &c.* Statim enim deprehendit rationem cur adeò alienatus esset à *Divina Luce*, nempe quòd nudum se invenerit istac virtute bonoque studio quo antea erga res *Divinas* affectus erat, hæc enim perdiderat promiscuè sequendo vesanas suggestiones propriæ voluntatis inordinatæ; quemadmodum videre est in versu sequenti. Quamobrem minimè illi allubebat de ulla convinci obligatione ad tales res, ad quas præstandas nullas sibi vires relictas persenserit nec ullam omnino animi inclinationem.

Verf. 11. *Funestum eventum illius Inobedientia, &c.* *Adami* Conscientia totam hanc animi confusionem in suam *Inobedientiam* resolvit, indulgentiamque propriæ Voluntati, sine omni regimine ductive Voluntatis Dei.

Verf. 12. *Quòd secuta sint tantum dictata naturalia Gaudii corporis, &c.* Non abimiliter dicto illi apud Comicum:

*Homo sum, humani nihil à me alienum puto.*

Atque sic vulgò homines falsis suis ratiociniis ad peccandi licentiam se perducunt, excusando humanas infirmitates, propensionèsq; naturales.

Verf. 13. *Quòd femininis facultatibus melius moderatus non esset, &c.* Hoc est istud stolidum pestiferumque sophisma apud homines quo sibi ipsis imponunt, ac si quoniam hæc vel illa fieri possunt, suntque tantummodo suggestiones *Naturæ* quæ Dei opus est in Universo, possint iccirco ea facere quæ ratione quæque mensurâ ipsis placuerit. Heic verò *Divina Lux Adamum* non reprehendit ob id quòd femininas suas facultates exerceret, sed quòd cùm exercerentur, ad altiore non temperaret sanctioremque Regulam, quòdque eas non magis morigeras reddidisset masculinis.

*Ad quòd nihil habuit quòd responderet, &c.* Sensus est: *Adami* tentationes admodum validas fuisse, vegetaque corporis vita ita accommodatas, ut, prout ille putabat, eis resistere non posset. Cæterùm voluntas humana à Deo adjuta & corroborata, sicut factum est in *Adamica*, si sincera sit, quid est quòd præstare non poterit?

Verf.



Verf. 14. *Tunc Divina Lux castigare incepit dictis serpentem, &c.* Ab hoc versu 14. ad versum 20. descriptio videtur esse Conscientiæ Homini manifestò eum convincentis de turpitudine & incommodis flagitiosæ illius vivendi rationis cui illigatus sit, cum aliquibus etiam subindicationibus commodorum Vitæ melioris, si ad eum conversus esset, quod instar præsentis flammæ in mente illius ad tempus accensæ est: Verus autem *Amor Divinæ Vitæ, Divinaque Gratiæ vis* cum illius animæ simul communicata non sit, nec corpus à sordibus ex pessimis antea vitæ rationibus contractis purgatum, flamma hæc statim extinguitur, omniæque illa monita ac repræsentamina eorum quæ ad rem suam tantopere facerent, oblivione obruuntur, continuoque ad pristina suæ turpitudinis vias se confert.

*Sordide abjectæque super ventrem reptaret, &c.* Vide quæ allata sunt ex *Philonè* in versum primum.

Verf. 15. *Mihi verò si semel liceret eousque in hominem, &c.* Hoc *Divina Lux* rectissime intelligi potest locuta in *Adamo*. Conscientia enim ipsius facile in memoriam illius revocare potuit, quàm gratum sensum innocuorum gaudiorum corporis habuerat in statu Innocentiæ & sinceritatis: Et certè si *Divina Lux* seipsam in pleniorē magisque universalem omnium illius facultatum possessionem insinuasset, ritè temperata corporis gaudia, quæ proles fuissent Mulieris, tumultuosas inordinatorum desideriorum voluptates tanto intervallo superasset, ut solarium radiorum instar igni incumbentium, ardorem earum extinctura fuissent, quemadmodum jam notatum est, in versu hoc 15.

Verf. 16. *Ut nativum gaudium sanitasque Vita corporis multum depravetur, &c.* *Divina Lux* in Conscientia *Adami* hæc omnia facile potuit effari, quippe quem verissimum est hujus rei satis amplam habuisse prælibationem, ut qui post inordinatam furibundi sui voluptatum desiderii exaturationem sæpe se expertus sit conditione stupida, languida, & nauseabunda, quanquam nova virium recuperatio ad novas demerentias eum instigaret. Neque enim *Moralis Cabbala* supponit unum aliquem errorem singularem peccatumve fuisse quod *Adamum* in hanc Animi confusionem perduxerit, sed *inobedientiam in genere*, vitamque actam sine ductu Lucis legisque Divinæ.

*Terrena-sapiens Adamus, &c.* *Philo* appellat τὴν γῆινον νῦν, *Mentem terrenam*, pag. 332.

Verf. 17, 18, 19. *Adami conscientia adeò expergefacta erat Divinâ Luce ac Ratione*, Experienciæque eum adeò in præsens erudiverat, ut facile prævidere posset quid de eo fieret, si in hisce viis inobedienciæ persisteret; fore scilicet ut pungeretur vexareturque in vesanis suis vagisque prosecutionibus inordinatæ voluptatis, quamdiu *Mens terrena, Lux* ejus futura sit ac *via-dux*. Cæterum post hanc omnem convictiōnem, qua in via *Adamus* perstiturus sit, nisi Deus eum altiori gradu superadvenientis Gratiæ visitaverit, quæ *Fidem* in eum, *Virtutemque* & *Affectum* derivaret, videre est in versu proximè sequenti.

Verf. 20. *Adamus non satis expergefactus est, &c.* Nuda enim *Lucis* Convictio, à *Fide*, *Virtutēque* sive potentia, & *Affectu* disjuncta, mentem conturbare quidem potest & confundere, eam verò per se componere ac tranquillam reddere, & in bono stabilire, apud homines, qui mali habitum contraxerint, nequaquam valet.

*Meam VITAM appellavit, &c.* Similisque Reprehensio hæc ac castigatio *Divinæ Lucis* in conscientia *Adami* manifestatæ præterisset, in eundem planè rerum sensum continuo relabatur, eaque prosequitur consilia quæ ei antea in animo erant, admodumque sensibilibus ex intimisque præcordiis apud se concludit, quòd sit quidem istud conscientiæ suæ dictamen quantumvis verum, nihil tamen hoc verius esse potest, *Gaudium* scilicet *Corporis sui* necessarium esse vitæ suæ solatium, seque propterea in eo adaugendo totam suam positurum esse felicitatem. Atque sic ei toto animo adhærens, ipsam *Vitam suam* æstimabat, nec vivere omninò quempiam posse sine eo. Ipsa verba ferè sunt *Philonis*, de corporis sensu loquentis, in quo erat hoc corporeum Gaudium. *Ἦν γὰρ ὁ γῆινος νῦν, ὁνομαζόμενος Ἀδάμ, ἰδὼν διαπλάθεισαν, τὴν αὐτῆς δάνατον ζῶντος ἐκείνου ὀνόμασεν* hoc est, *Quem sensum corporeum Terrena mens in homine, propriè ideo appellatus Adam, postquam formatum vidisset, quamvis reverà Homini mors esset, Vitam tamen suam appellavit.* Hæc est *Philonis* Expositio hujus præsentis versûs.

Verf. 21. *Tunicis pilosis, &c.* *Philosophica Cabbala* cum Textu, hoc in loco, mirificam habet admodumque facilem aptitudinem & convenientiam. Nec durus quidem videbitur hic sensus *Moralis*, si consideremus hujusmodi locutiones in Scripturis. *Induantur pudore & erubescant magnificantes sese adversus me.* Atque alibi, *Induantur Adversarii mei pudore & operiantur tanquam vestimento confusione suâ*; præter alia loca ad eundem sensum. Et vestire homines pro sua conditione ac qualitate, quid

In Quis rerum  
Divinarum  
Hæret.

Psal. 35. 26.  
& 109. 29.

quid istoc magis obvium est, magisve congruum ac naturale? Ut qui *Fatui* sunt aut *Moriones*, *Morionum*, quas vocant, Tunicis vulgò vestiuntur. Atque sic cum *Adami* Voluntas & Affectus ad *Brutalem Vitam* tam obstinatè ferrentur, minimè incongruum est supponere, *Divinam Luce* eos Bruta planè æstimante, justam, quâ eos afficit, contumeliam, in hoc loco, per vestitum *pellium Bestiarum* significari.

Sensus igitur hujus versûs hic est: *Divinam Lucem* in Conscientia *Adami* eum de-nuo adortam esse, eumque convictum fuisse, se in Brutum quoddam, eis vivendi rationibus, quas prosequi instituerat, esse degeneraturum. Atque equidem sic esse contentus erat, quemadmodum quis meritò supponere potest, cum peccati complacentia omnes sublimioris illius vitæ in ipso vires ità enervâset, ut parum vel nihil potiùs, in præsens præsertim, reliquum esset, quod sursum eum attollere valeret *Celum* versùs ac *Sanctitatem*.

Atque profectò *Epicurismus* vilis ac *Sensualitas* animam hominis tam cæcam reddet & degenerem, ut non solum contentus futurus sit in *Brutalem* prolabi *Immortalitatem*, sed in hac ipsa opinione magnopere sibi complaciturus, quod reverà jam sit *Brutum*, *Simius*, *Satyrus*, aut *Cercopithecus*, quòdque præstantissimi hominum nihilo meliores sint, nisi quòd leges civiles industriæque Educatio effecerit ut sub paulò repurgatiori elegantiorive specie appareant, diùque inculcata Præcepta pro connatis Honestatis ac naturalis Scientiæ principiis falsò sint habita; quòd nulla aliàs indispensabilia sint *Religionis* ac *Virtutis* Fundamenta, nisi quæ tanquam talia contigit à prædominante consuetudine assumi. Quæ profectò ausim dicere, æquè facile confutari posse, atque quamlibet Conclusionem *Mathematicam* demonstrari. Quotquot verò eò stupiditatis prolapsi sunt, suâ, per me licet, ignorantia fruantur ac vesania. Sufficit viro bono, quòd sibi conscius sit se è nobiliori stirpe esse oriundum, honestiùs natum ac liberaliùs educatum, majorique peritiâ à purgatis proprii animi facultatibus imbutum.

Verf. 22. *statuit in contrarium, &c.* Dei omnipotentis misericordia erga miserum hominem talis est ut imbecillus ejus ac tenebrosus *Spiritus* non semper tam obstinatè improbus esse possit, quàm ipse lubens vellet. Stolidi igitur ista est desperatorum quorundam hominum præsumptio, qui vim quantam possunt maximam Reliquiis illius *Lucis* primorumque Principiorum Religionis ac Honestatis, quæ adhuc in ipsis supersint, inferunt, expectantes hoc pacto se ad pacem tranquillitatèque animi perventuros, enecando scilicet, prorsusque extirpando omnia *Pietatis* ac *Moralitatis* principia ex suis ipsorum animis. Non est enim in illorum potestate id efficere, nec ullam rationem habent cur securitatem sibi hinc polliceantur à moribus Conscientiæ. Possunt enim aliqua Providentiæ eventa ex hoc veterno eos ità excitare, ut coacti inde fuerint errorem suum ac rebellionem cum ineffabili luctu animique consternatione confiteri. Quantò verò diutiùs extra viam cucurrerint, eò magis laboriosum iter futurum est quo redeant ad bonam frugem.

Quamobrem multò tutius est maturè illam vitam amplecti, quæ postquam eam affecutus sis, nec meretur nec obnoxia est ulli mutationi aut morti, postquam putà ad debitum illius gradum mensuramve perveneris. Hæc enim naturalis est *Animæ perfectio*, reliqua omnia *rubigo* & *sordes* quæ ipsi incumbant.

Verf. 24. *Ex hac Paradiso Luxuria, &c.* Translatio Anglicana plures unâ Paradisos non memorat, sed semper appellat *Hortum Eden*. Septuaginta verò Interpretes *Morali* nostræ *Cabbalæ* faventiores, quod primùm *Hortum Edenis* vocant, postea nominant Παράδεισον τρυφῆς. Quod significare potest *Hortum Luxuriæ*. Caterùm sive hoc ullius momenti sit sive secus, illud supplementum quod in duobus proximè antecedentibus versibus attuli, sensum nostræ *Cabbalæ* satè confirmabit. Atque in ipsa litera ac Historia Scripturæ, si quis rectè observaverit, necessarium fore reperiet, aliquando, supplementum aliquod asferre, quo coherentiæ præcedentium cum sequentibus sensus magis perspicuè percipiatur.

Ut in ipso Capite proximo, ubi Deus damnat *Cain* ut vagus sit & profugus in Terra; ubique *Cain* exclamat, quicumque eum invenerit se occisurum esse: Secundùm concisam quidem Textûs Historiam, nulli tunc erant præter *Adamum* & *Evam* in Orbe, qui ei irent obviam, & tamen signum ei per Deum imponitur, ac si multi populi tunc in terris essent in cujus manus incidere posset & de vita sua periclitari. Et rursum, verf. 17. *Cain* vix in Terram *Nod* ingressus erat, cum dicitur uxorem habere & ex ea filium, & continuò extruere Civitatem, cum nullorum artificum præter seipsum, uxorem ac filium, facta sit mentio. Sed quivis ingeniosus lector facile sibi idonea formabit supplementa, ubique debita supponens temporum intervalla commodasque præparationes universis quæ illuc fieri dicuntur. Atque sic in Historia *Sampsonis*,



ni, ubi dicitur vulpes trecentas capere, cum ratione supponi potest, eas partes istiusmodi animantibus abundare, eumque satis temporis habuisse, ac sufficientem sociorum venationis numerum, & similia. Historiam Scripturæ admodum concisam esse nemo potest negare, ac proinde ubi facilia, naturalia & consentanea supplementa sensum illustratura sunt, tutum existimo Paraphrastæ huiusmodi aliqua additamenta supponere & cum iudicio intertexere.

Nunc verò quod Paradisus primum statum significet *Divina Voluptatis*, postea verò *Voluptuositatis sensualis*, non magis durum est, quam ut *Adamus* nunc *Spiritualem* sive *Intellectualem* Hominem, nunc *Terrenum* sive *Carnalem* significet. Nam una eademque res Naturalis *Symbolum* esse potest *contrariorum Mysteriorum Spiritualium*. Sic *Leo* & *Serpens* Figuræ sunt *Christi* perinde atque *Diaboli*. Ac proinde minimè durum est admittere Hortum hunc Edenis repræsentare posse, dum *Adamus* describitur ut *Innocens* & obediens Deo, *Delicias Spiritus*, postquam verò Deum deseruisset, *Voluptates Carnis*; & ex consequenti, *Fructus Arboris Vitæ* in uno Perseverantiam esse posse & Radicationem in *Vita Divina*; in altero, stabilimentum & confirmationem in *vita Brutali ac sensuali*.

*Masculina facultates Rationis ac Conscientiæ, &c.* Hasce ego intelligendas existimo per *Cherubinos* & *flammantem gladium*. *Cherubini* enim *Hominis* imaginem gerunt, *Ratiōque* res est quæ dissecat dividitque in morem gladii: *Stoici* & διαίρωντα λόγον *dividentem* ac *distinguentem Rationem* appellant. Ratio enim nihil aliud est quam distincta Idearum rerum perceptio, quā itens ea separare novit quæ non consentiant, quæ autem consentiant, conjungere. Quodsi quis sit qui *Philonis* heic mallet Interpretationem de *Cherubinis* ac *flammanente gladio*, qui *Cherubinos* ait *Divinam* significare *Bonitatem* ac *Potentiam*, *flammantem* autem *Gladium* & θεῖον λόγον, *efficacem* ac *operativam Sapientiam* sive *Verbum Dei*; Hoc quidem cum eis quæ nos jam posuimus nequaquam discrepat. Ipse enim etiam suppono Deum per *Filium suum* *Æternūve Verbum* in *Rationem* ac *Conscientiam* hominis operari. *Vivus est enim sermo Dei & efficax & penetrantior quovis gladio ancipiti; ac pertingit usque ad divisionem animæ simul* *Hebr. 4. 12, 13.* & *Spiritus compagumque ac medullarum, & dijudicat cogitationes & conceptiones Cordis; Nec est ulla res creata quæ non manifesta sit in conspectu ipsius: immò omnia sunt nuda & patentia oculis ejus quicum nobis est negotium.*

Ut sedem figero in *Bestiali* conditione in perpetuum neutiquam valeret. Proculdubio cor hominis adeò in manu sua non est ut omnem noxam sibi inferre possit, quam contentus sit sibi inferre. Etenim nos *Dei* magis sumus quam *nostri ipsorum*, illiusque *Bonitas* & *Potentia* in nos habet dominium. Ac proinde nemo vanè imaginetur violenter irruendo in omnem vitæ enormitatem omniāque extinguendo principia Pietatis ac Virtutis in seipso, se abscondere sic posse à Deo, nec in memoriam suam unquam cum revocatum iri in perpetuum. Quanquam enim fieri possit ut *Homo Dei* *obliviscatur* ad tempus, ille tamen *nostri* nunquam potest *oblivisci*, cum omnia illius conspectui pateant. Vivique illius ac *Æterni Verbi* vis omnem illam tenebrarum spissitudinem, quibus nos occultare volumus, facile discindet aut penetrabit, adeoque nos vulnerabit, ut coactus sit nos cum pudore ac dolore retrospicere in tempore quo nos minimè expectaverimus.

Cæterum ut dolor noster minor sit, felicitasque celerius elucescat, nostræ erit sapientiæ *Divinam Lucem* maturè amplecti. Quantò enim citius incipimus tantò facilius erit opus tempestiviusque consummatum per virtutem Dei operantem in nobis. Hoc verò apertè profitendum est, (obstrictumque me sentio ad testimonium perhibendum tam vero tamque utili Mysterio, hoc Mosaico cortice, involuto) Nullum esse transitum reditūve ad hanc Beatitudinem, nisi per *Mortem*. Unde *Plato* etiam, cui sacra hæc Scripta nota erant, Philosophiam definivit Μελέτην θανάτου, *Meditationem Mortis*, mortificationem scilicet cupiditatum carnis & inordinatorum desideriorum corporis. Quod Purgatorium si semel pertransivissemus, statim nobis illucesceret *Matutinum* illud *Gaudium*, *Resurrectio* à mortuis *Æternæque Vitæ* affectu atque *Gloriæ*. Nulla autem via est alia præter hanc, quæ manifesta fieri potest ex Scriptura, Ratione aut Experientia.

Illi verò qui per gratiam Dei ex vehementi siti atque esuritione *Divinæ Justitiæ* crucem tulerunt usque ad perfectam mortificationem corporis peccati, illucque toti incumbunt ut seipsos non magis sentiant sapiantve, aut proprias suas personalitates, quam si omnino non existerent, ad hunc quidem modum in se demoliti & in *Chaos* quoddam tenebrosamve, si fas sit ita loqui, Nullitatem conversi, hinc ritè præparantur ad *Novam Creationem*.

Et *personali* hâc Vitâ sic abolitâ, Deus ipsos hâc Nocte *intempestâ* inclamat, dum omnia circumcirca silent, expergefâcit eos, exuscitâtque, inspirans in eos *æternâ vitæ spiraculum*, semperque eos postea proprio suo Spiritu actuât, omnesque humanas facultates ad se assumit, regens approbansque omnes illarum operationes, Spiritumque hominis ita perpetuò sustinens ut nunquam subsidat in peccatum. Atque ex eo tempore *Mors & Dolor* absorbentur in æternum; nam stimulus mortis peccatum est.

Quamcunque verò Libertatem & Gaudium Homines sibi asciscunt, quæ in hac nova vita non fundentur, falsa & frivola sunt omnia, & in Mœstitiâ, Amaritudinem, & intolerandam Servitutem tandem exhibunt. *Vita enim corporea sensusque* tam profundè se in animam insinuaverint, ut supra modum arduum futurum sit ac dolorificum eos indè expedire. Quotquot autem per mortem pertransiverint, ad illam vitam pervenerunt quæ manet in secula seculorum.

Atque hæc quidem *Vita* purus est & immaculatus *Amor*, atque hic *Amor Deus* quatenus est Homini communicabilis; estque *sola Vita & Essentia Virtutis* propriè sic dictæ; vel potius, ut omnes colores non sunt nisi reflexio radiorum Solis, ita omnis virtus non est nisi una hæc variè colorata & figurata pro diversitate Objectorum & Circumstantiarum. Caterùm quando divino quodam otio intra puram suam & inturbatam lucem placidè ludit, maximè tunc amabilis est & pulchra. Et si fortè in Zelum, Satyricam reprehensionem, & contratestationem egreditur, condescensio est sui que demissio in præsens, finis verò est magis amplificata propriæ suæ naturæ exaltatio, & ut magis universalem apud homines potestatem sibi adscisceret, ejiciendo deformem suum adversarium.

Nam *Divinus Amor*, Amor est *Divina Pulchritudinis*, illaque *Pulchritudo, Divina Vita* quæ lubenter se insinuare vult unaque fieri cum particulari illo vitæ Naturalis Principio, *Anima humana*. Et quemcunque hominem apprehenderit sibi que lucrificerit, eum sic actuât & regit, ut quicquid is habeat, illius usum sibi nanciscatur, & in rem suam adhibeat, hoc est, ad promotionem sui ipsius.

Dum verò observat profectus suos ac successus multò tardiores esse quàm velit ( hoc est, Humanum genus nondum tam plenè ac generaliter beatum à se factum esse quàm ipse exoptet, quàmque illi sint capaces ) *Iram suam & Indignationem* in Homine excitat adversus istas res quæ obstaculo sint & Impedimento, solidâ Ratione res eas demolens, quæ aliquam Rationis speciem præ se ferre videntur; istas verò, quæ nec humanarum facultatum proles genuina sunt, nec suæ cum ipsis unionis effecta, dehoneftans ac deridens tanquam res monstrosas ac deformes, quippe nec Perfectiones *Humana nature*, nec dona ulla *Divina*. Porro dum observat humanum genus ad perficiendas Naturales suas facultates sine ipsa vertiginoso quodam studio abripi, & miranda eventa Artis suæ & industriæ sibi ipsis polliceri, quæ quidem si efficere possent, non nisi pestis in extremo flagellumque ipsis futura essent, eosque magis perditè audaces, sensuales, impios, Atheosque redditura, ( nullus enim Ignis præter illum *Spiritus Divini in homine*, veram Dei notitiam nobis potest manifestare; ) animum iccirco sibi sumit ( quanquam se aut vili pensam videt aut prorsus ignotam ) meritòque seipsam extollit supra omnia effecta *Artis* aut *Humanae Industriæ*, audacter Mundo nuncios, quàm pusillæ miseræque reculæ sint si cum ipsa conferantur.

Nec omnino dubitat contemptum suum ac derisionem in splendida ista Fanaticæ Imaginationis deliria ad plenum effundere, ubi Melancholia mira & inaudita insomnia dictat ex tenebrosa Cavernula, Ethnicorum Oraculorum murmurillis haud abfimilia; Neque enim ipsi solùm injuria est, quòd istiusmodi distorta phantasmata puræ simplicitati suæ pulchritudinis præferantur, sed ingens præterea noxa charissimæ suæ Amaliæ, *anima humana*, ut istas facultates desereret, quas illa in animo habet sanctificare & ad se assumere, seipsamque traderet meris Imaginationibus inconsideratis, fortuitisque Impressionibus, atque has pro suo viæ-duce eligeret, quoniam vehementissimæ sunt non autem verissimæ, nec ei omnino lubet eas examinare.

Tales quidem aliæque plures occasiones sunt quæ *Divinam Vitam* in hominibus bonis in haud mediocrem gradum Zeli Iræque figurent atque acuant. Verùm quos in indignatione sua vulnerat, miserefcit, ut quæ universo humano generi Amica sit benignissima, quanquam perinde implacabilis Inimica vitiis ipsorum.

**P**erlustravi jam triplicem meam *Cabbalam*, quam spero omnes sinceros ac sapientes Christianos, omni seposito præjudicio, candidè ac benignè accepturos. Quemadmodum enim ad vivum sanctæ ac pretiosæ vitæ Christiani Mysteria etiam in *litera Mosaisca* descripsi, ita diligenter datæque operâ dilucidavi asseruique præcipua ipsius



ipſius *Chriſtianitatis principia Eſſentialia*, quatenus eſt Religio *particularis*, ſaxum illud ſcandali declinans quod quidam qui haud exigua Orbis Chriſtiani Luminaria habentur, hominibus objecerunt, qui omnia in allegorias ita attenuant ut ipſa Fundamenta Religionis reddant ſuſpecta, præſertim cum ipſi non dignentur memorare notareve *Perſonam Chriſti* omninò nunc exiſtere, nedum *Mediatorem* eſſe pro nobis apud Deum, aut *ſacrificium* fuiſſe pro peccatis Mundi quando in Cruce pendeſbat *Hierofolymis*, aut *adventurum* ruruſus eſſe in Cœlis, ſicut à duobus Angelis promiſſum eſt Apoſtoliſ ſuis qui eum videbant *aſcendentem*, ullamve eſſe *vitam futuram* poſt diſſolutionem corporis naturalis, quanquam Chriſtus Servator expreſſim affirmet, *Quod in Reſurrectione nec uxores ducunt nec nuptum dantur, ſed ſunt ut Angeli Dei in Cælo*. Adeò ſpiritualem verò quempiam eſſe ut hoc interpretetur de *Myſtica* hominis Reſurrectione in *hac vita*, eſt reverà ita carnalem eſſe ut inſinuet nullam omnino eſſe *Vitam futuram*, & ſaduciſmo addat etiam *Epicuriſmum*, aut pejus quid, hoc eſt, religioſam libertatem domos ſibi mutuò implendi *adulterini Tori infantulis*, ſub prætextu quòd ad eum ſtatum jam reſurrexerint, in quo id ſine crimine committere poſſint, quod in aliis mortalibus purum putum eſt adulterium. Huiuſmodi nefarius cum *Litera* luſus, apud me quidem nullum indicium eſt *Hominis Spiritualis*, ſed hominis ſaltem *imprudentis & vertiginofi*, & ingenio magis craſſo, ut mea fert opinio, quàm *Hymeneus & Philetus*, qui affirmabant Reſurrectionem jam præteritam eſſe, Fidẽmque populi ſuis allegoriis labefactabant.

Vide Myſter.  
Pictar. lib. 6.  
cap. 16, 17.

Matth. 22. 30.

Vide Myſter.  
Pictar. lib. 6.  
c. 17. ſect. 3.

Quantum ad me, equidem nullius commenta admiror aut imaginationes, ſed Rationem tantum illius, Modeſtiam, Prudentiam & Miracula, ſuppoſito interim, quod rerum omnium potiſſimum eſt (& quod tamen ex *jure Nativitatis* vel infimo Chriſtiano competit) ut verè ſincerèque ſit pius. Quodſi invaleſcat ejus Imaginatio ac ferociat, ipſeque affectet magnum quiddam in orbe apparere, tale quod haſtenus inauditum ſit, is proſectò mihi eo ipſo videtur planè propriam ſuam prodere *Carnalitatem & ignorantiam*. Nullæ ſunt enim pretioſiores Veritates quàm quæ apertè in Scripturis jam propoſitæ ſunt, quæque optimæ omnium apertiffimæ. Adeò ut ſi quis egredi geſtit, ſeſeque pro tam venerabili Orbis Doctore venditare, ut nemo repertus videatur quicquam docuiſſe aut ſuo aut anteaſtis ſeculis, quod cum ſuis ſit conferendum, equidem tam rudis ſum Parrheſiaſtes, ut non dubitem pronunciare me ſuſpicari hominem hunc haud mediocriter tinctum *ſpirituali ſuperbiâ & melancholiâ*. Nam, Deo eſt gratia, Evangelium tam perſpicua Vitæ Regula eſt atque Fidei ſinceris ac morigeris Animabus, ut nemo illi quicquam queat ſuperaddere.

Nunc verò quantum ad *Perſonarum* comparationem, quale iſtud delirium eſt ut quiſquam, quia commune Honeſtatis piæque vitæ Alphabetum in Hiſtoria Veteris Novique Teſtamenti legere poteſt, externas illas Tranſactiones, in ſcitas, ut exiſtimatur, allegorias convertens ad Myſticam applicationem eorum quæ ad Hominem internum pertineant, ut, inquam, aut ſeipſum, aut ut alii eum in eodem gradu collocet, cum *Jeſu Chriſto filio Dei, Servatore Hominum, & Principe altiffimorum ordinum Angelicorum*, qui ex ſepulchro reſurrexit per omnipotentem manum Patris ſui & viſus eſt in Cælum aſcendere, Apoſtoliſ in eum ſpectantibus dum per nubes tranſibat, quẽmque omnes veri Chriſtiani expectant viſibiliter illuc ruruſus appariturum Orbẽmque Terrarum reviſurum ſecundum promiſſa? Res, inquam, mihi videtur à Ratione admodum aliena & temeraria ſi non impia ac blaſphema, quenquam hominem, cuiuſmodi ſit, æquiparandum agnoſcere tam ſacræ perſonæ quàm ſi ſe undiquaque revera probavit, probatũque eſt voce cœlitus emiſſa, dicente, *Hic eſt filius ille meus dilectus, in quo acquieſco, ipſum audite*.

Vide Myſter.  
Pictar. lib. 6.  
cap. 12.

Matth. 17. 5.

Si quis igitur, cum nullis huiuſmodi teſtimoniis deſuper cohoneſtatus ſit, nec facultatem habeat quicquam ampliùs præſtandi quàm reliqui mortales, tam rudis tamen erit & inurbanus, ut ſe collocaturus ſit eodem ordine atque gradu cum *Chriſto filio Dei*, quòd ſcitas aliquas Imaginationes loquendique formulas naſtus ſit, peculiarẽsque Scripturæ Interpretationes quas ſibi immediatè à Spiritu dictatas autumat, non poſſum quin ruruſus pronunciem eum ad inſignem gradum, correptum eſſe morbo, aut *Superbiâ* aut *Inſaniâ*, & ſi aliis perſuadere poteſt ſe tam ſacrum eſſe Prophetam, & in ipſis itidem fore *Inadvertentiam* ſaltem aut *Ignorantiam*: Quinimò à ſcòpo me non multum aberraturum cenſeo, ſi illorum errorem attribuam etiam *ſuperbiâ*. *Superbiâ* enim nihil magis affectat quàm *ſingularitatem*. Ac proinde vili pendentes *nudam vulgaris Chriſtianitatis ſimplicitatem*, qualis vel primo aſpectu exhibetur in Evangelio Chriſti, haud exiguum exiſtimant Privilegium Prophetam habere de ſuo, præſertim cum hoc ipſis hinc acceſſerit commodum, quòd poſſint ſtatim, prout illi imaginantur, deprehendere ac dijudicare veritatem ac falſitatem dictorum, eorum

M m m m

omnium

Vide Myſter.  
Pietat. lib. 6.  
c. 13. ſect. 7.

omnium qui loqui quicquam auſint præter viam tritam propriæ Sectæ, ac ſi quiſque teneretur lectiones ſuas ex eorum libro edificare. Eſtque bella res adeò accuratè ſapientes evadere tantillo pretio, diſcernereque ſic, quis *ſpiritualis* & quis *Carnalis* mereve *Moralis* ſit homo. Hæc proſectò omnium Sectarum vanitas eſt ac dementia. Nec ulla, quòd ſciam, via eſt compendioſior & efficaciòr, quò ab huiusmodi libere- mur illaqueamentis, quàm omni ſtudio incumbere adnitique ad illud aſſequendum, quod iſtæ omnes prætendunt, ut nempe reverà ſanctiores ſincerioresque evadamus reliquis mortalibus. Homo enim perfectè purificatus, omnium certiffimè liberatur ab hiſce vanitatibus.

Hæc proſectò abſtinere me non potui quin loquerer ex zelo erga honorem *Servato- ris* & in bonum & incolumitatem Eccleſiæ illius. Nam ſi ſemel mos apud homines invaluerit *Orbem* appellandi *Chriſtianum*, ubi mors Chriſti in cruce Hieroſolymis non agnoſcitur *Sacrificium* pro peccato, nec ipſe nunc in humana ſua perſona *Media- tor* apud *Deum Patrem*, nec caput eſſe Eccleſiæ *Militantis* & *Triumphantis*; nec ulla *Vita æterna* vel *Reſurrectio* præter *Moralem* ſive *Mysticam*; proculdubio hæc via effi- caciffima reperietur, ad illud è Mundo tollendum, quod maximè propriè *Religio Chriſtiana* nominatur, & ad relinquendum tantummodo inane nomen.

Vide Myſter.  
Pietat. lib. 6.  
cap. 15.

Sed enim ut *Religio* quæ tam manifeſtò à Deo ſtabilita eſt, idque modo adeò mi- raculoſo, quæque tam perfectà eſt, ut ingenii humani captum planè excedat quic- quam excogitare magis completum magisque accommodatum ad lucrificiendas ani- mas Deo; Nihil, inquam, præter levitatem animi & vertiginofitatem efficere poteſt ut quiſquam cogitet talem religionem unquam omnino exauctoratam fore, ſed per- manſuram eſſe uſque ad *corporeum Chriſti adventum* in nubibus. Nulla enim prorsus cauſa eſt, cur *Spiritus ſanctus* exiſtimetur venturus in particularis alicujus hominis carne, non magis certè quàm *Deus Pater* ſic veniſſe ſub lege. Quid enim nobis nar- raturus eſt ampliùs meliùſve quàm *Chriſtus* jam nobis narravit, ipſëve nobis narrare poteſt ſine aſſumptione ullius *Formæ perſonalis*? Et nulla quidem extant Vaticinia de ulla re tali, ſed de eo tantùm, quod tamen præſtabilius eſt, quòd Chriſtus ſcilicet omnibus eis qui fideles illius fuerint ac morigeri Sectatores, *Spiritum Veritatis* ac *Juſti- tiæ* procurabit, eosque imbuet *Divinà vità*, tandèmq; futurum eſſe, ut *Juſtitia*, *Pax* & *Æquitas* magis univerſaliter plenèque floreant in orbe quàm unquam hætenus factum ſit, *Fideſque* in *Deum Vitæque Future* magis vividè hominum cordibus impri- matur & obſignetur, arctiòrque ſit unio & conjunctio quàm unquam humanam in- ter ac Divinam naturam in nobis, frequentiùſque ac ſenſibiliùs inter *Æthereæ Ter- reſtriſque* Regionis Incolas commercium, juxta ea quæ jam declaravi de *Die ſeptimo* in hac *Defenſione Cabbalæ Moralis*.

Jacob. 1. 20.

2 Cor. 10. 14.

Interea verò quanquam plenus ille *Sabbatiſmus* tam longinquè diſtat, non dubito tamen quin fuerint & etiamnum ſint perquam dulces illius ac jucundæ *Prælibationes* in multis hominibus quæ ſpem eorum acuunt ac deſiderium ipſius completionis. Et illud ſancti Apoſtoli, *Πᾶσα ἡ κτίσις οὐκ ἐνδείκει καὶ οὐκ ὀφείλει ἀλλοτρίῳ, non minùs nunc verum eſt quàm ſuis temporibus. \* Qui verò Textu hoc ad ſenſum Politicum ac tu- multuoſas rerum *Innovationes* abuti volunt, *Viperarum progenies ſunt non revelati Filii Dei*. *Hominis enim ira juſtitiā Dei non operatur. Nec arma militiæ noſtræ carnalia ſunt ſed ſpiritualia*. Quæ tuta clavis eſſe poteſt ad reſerandum Myſterium omnium illorum Vaticiniorum circa *regnum Sanctorum* eorūmq; victorias, in quibus homines *Fanatici* & ingenio craſſiori, facilè errant in magnam Orbis inquietationem. Nec poſſum quin profitear, etiam homines eruditos & judicio magis polito, animòque pacifico, fuiſſe tamen hac in re ad errandum pronos, cùm Scripturæ locutiones id fe- rè literaliter ſonare videantur. Quarum verum eſſe ſenſum ſi credere poſſem, equi- dem prædictiones ſine horrore ſummæque animi conſternatione legere non valerem, cùm longè major ratio ſit, ut quis futuris miſeriis afficiatur quàm eis quæ jam diu præteritæ ſint, talibùſque quæ aliquando *Eccleſiæ* Chriſti eventuræ ſint, quàm quæ ad meros tantùm Paganos pertineant. *Effunde bilem iſtam in gentes ignaras tui, in regna quæ tuum non invocant nomen*, magis genuinum votum foret cujuſque qui erga *Orbem Chriſtianum* animo amico ſit ac benevolo, in quorum numero non poſſum quin nomen profitear meum.*

Psalm. 79. 6.

Ac proinde cùm ordinem rerum tam demonſtrabilem eſſe perceperim, ut neceſſo ſit, *Damnationem Cornu parvuli, Hominis peccati Perditionem, Combutionemque Mere- triciſ Babylonice* & ſimilia adhuc futura eſſe, & ad *Orbem Chriſtianum* etiam perti- nere, quòdque poſt hanc cladem, omnia Regna Terræ Regna futura ſunt Chriſti & Sanctorum ejus; mirificè proſectò mihi animus reficitur & alleviatur ex eo quòd abundè apud meipſum perſuaſus ſim cladem hanc non neceſſariò intelligendam eſſe

de



de ulla carnali militia sanguinisve effusione, sed de illa militia quæ non est carnalis; quemadmodum loquitur S. Paulus, Regnumque Sanctorum non fore per Invasionem jurum Principum obtinendo in eis defectum Sanctitatis, sed per conversionem passim Principis ac Populi ad Vitam conditionemque Sanctorum; Romæque combustionem per Ignem, per Tragicam illam in Apocalypsi prædictionem non magis significari, quam Corinthi excidium per arma militiæ Paulinæ, quæ tamen is divinitus valida esse gloriatur ad subversionem munitiorum. Quinimo porro addam, non solum non necessarium esse ut hæ prædictiones intelligantur sensu adeo crasso, sed longè potiores esse rationes cur concludamus eas non esse sic intelligendas, siue res ipsas prædictas consideremus siue phrasas ac præfigurationes earum in Vaticiniis. Multumque profectò faceret ad pacem & tranquillitatem orbis Christiani, si peritus aliquis calamus exerceretur in magis distincta particularique confirmatione Veritatis tanti momenti. Ut gratificationem taceam magis ingenuorum Animorum, quorum intellectus haud facile possunt acquiescere ulli suppositioni, quæ cum demonstrabili digladietur visionum ordine Synchronarum & Successivarum, quem eruditus Medus tam foeliciter invenit, (extra cujus ductum, omnes Expositiones tam alienæ reperiuntur & ineptæ, tam distortæ & confusæ:) nec corda non contristari, si comminationes istæ & animationes ad vindictam, bellum, sanguinisque effusionem realis foret scopus & significatio harum Apocalypticarum Visionum, nec figuratè & spiritualiter essent intelligendæ: Qui proculdubio præcipuus & primarius si non solus est earum sensus. Quæ quidem Hypothesis si semel reciperetur, omnem malignum usum perspicuarum harum & mirificarum Prædictionum præverteret, omnemque præriperet occasionem præjudicii ac fastidii erga maximè consentaneas coherentisque earum Interpretationes.

Cæterum, ex amore Pacis ac Tranquillitatis Ecclesiæ, ut eam in falsæ securitatis soporem leni hæc cantilenâ conjicere non videar: Non omnino sequitur, ex eo quòd Clades hæc tempestuosa in illam Literaliter intentata non sit, talem iccirco ipsi nunquam esse eventuram. Nam proculdubio talis esse potest rerum constitutio, in quam si Ecclesia illapsa esset, certissimè in se Divinam vindictam devocatura esset, quanquam Deus eam nusquam esset comminatus. Ut exempli gratiâ: Si Spirituales Ductores Christiani Orbis plerique omnes, crassi forent Idololatræ, audaces indispensabilium legum Christi per corrupta sua Instituta Abrogatores, & sanguinolenti barbarique persecutores & trucidatores eorum qui per conscientiam erga Deum, Idololatriam cum ipsis nolunt committere nec deserere præcepta Christi; &, ut firmius se muniunt occurruntque in Diabolica hac Apostasia, secretò in propriis suis pectoribus foveant, & ubi possent, in aliorum animos derivare conarentur, horrendum istud monstrum Atheismi & Infidelitatis, pro fundamento profundissimo ponentes, Omnia perinde vera esse in Religione, sed sapientiæ esse Ecclesiasticæ, ista dictare quæ maximè fecerint ad potestatem ac utilitatem Sacerdotis, illiusque rem, mensuram omnium statuere, non autem Honorem Dei & Salutem populi: Si in tam horridam, inquam, quàm hæc sit, Apostasiam prolaberentur, impossibile est ut Vindicta inhiaberetur, quin tardè licet tandem tamen eos sit oppressura; quàmve spem habere possent impuniùs ferendi quàm olim Judæi, trucidatores isti Prophetarum ab antiquo, de quibus Christus declarat, quòd propter persecutionem & occisionem infantium suorum servorum, omnis super eos venturus esset sanguis justus, effusus super terram à sanguine Abel justus usque ad sanguinem Zachariæ filii Barachie quem occiderunt inter templum & altare. Et quàm funesta vindicta tandem ipsos oppresserit, quanquam peculiaris erant populus Dei, nimis notum est, nisi magis seriò esset notatum.

Matth. 23. 35.

Si quicquam hujusmodi unquam eventurum esset, quod bonus averruncet Deus, ipse externus visionum Propheticarum cortex ex accidenti videretur Propheticus, contexturæque phrasium & præfigurationum tales ac si aliquo modo destinarentur in Δελφικὴν μάχαιραν, vel gladium ancipitem utroque ferientem, atque sic interimenter eos sensu crasso qui obduraverant seipsos contra Spiritualem illius aciem, nec passi sunt foedas suas abominations abscindi & sanguinolentam istam atque Idololatricam Bestialitatem, quæ tam diu dominata erat, per eum occidi. Quotquot sunt, quibus tam modestus sensus videri potest intolerabilis, equidem non possunt mihi non videri aut atheâ quadam stupiditate laborare, aut prorsus increduli saltem esse circa omnem veritatem Prophetiarum & Providentiæ, humanumque existimare astum atque vim omnia conculcaturam ac superaturam; vel in somniculosa sunt conditione ac suo prope judicio condemnata, lucemque oderunt quia opera eorum mala sunt; Tales qui Deo dicant, Recede à nobis, scientiam viarum tuarum nolumus. Tales qui potum dent Nazareis vinum, & Prophetis præcipiant, dicendo, Ne prophetetis. Qui dicant videntibus, Nolite videre, & prospicientibus, Nolite nobis prospicere recta, sed loquimini nobis blanda, videte nobis illusiones.

Job. 21.

Amos. 2.

Esai. 30.

M m m m 2

Verum

Verum enimvero nisi ipse falsus esse velim ac dolosus Prophetarum interpres, non possum quin profitear me planè existimare illud magis eximium & illustre Regnum Christi in Terris adhuc esse venturum, & aliquando fore ut aliquâ saltem ratione consummatum sit quemadmodum & Daniel prædixit, *Ut Regnum & Potestas & magnitudo Regni quod est sub toto Cælo, detur populo sancto Altissimi.* Quod nondum factum est, quandoquidem Cornu parvulo, quod tam grandia loquitur, nondum imperatum est silentium.

Dan. 7. 27.

Dan. 7. 6.

Quod Cornu parvulum non potest esse Antiochus Epiphanes, cum is ad Pardum quadricipitem pertineat, vel ad Hircum quatuor cornua habentem; Quæ Bestiæ Græcorum Regnum denotant, cujus Cornu magnam, sive Alexander, primus censetur Rex, & quatuor reliqua, illius Successores (alioqui quomodo ille posset esse primus?) & Antiochus in posterioribus recensetur temporibus Regni quatuor Cornuum. Quod ulterius ostendit successores successorum Alexandri omnes ad illud unum Regnum pertinere quod appellatur Græcum, & repræsentatur per integra corpora duarum istarum Bestiarum, Pardi & Hirci, unius quatuor capita & quatuor alas habentis, alterius verò quatuor cornua post fractionem primi illius cornu magni. Unde necessario sequitur quartam Bestiam esse Imperium Romanum. Quæ & constans adhuc fuit Opinio Ecclesiæ atque Patrum.

Apoc. 11. 15.

Eadem Tempora & Eventa S. Johannes, atque illa Danielis indigitat, ad sonitum Tubæ septimæ. *Septimus igitur Angelus clauxit, & factæ sunt voces magna in cælo, dicentes, Facta sunt Regna mundi regna Domini nostri & Christi ejus, qui regnabit in secula seculorum.*

1 Cor. 15.

Et postremò, Palus Apostolus etiam testatur, antequam Christus traditurus sit Regnum Deo Patri, cum aboliturum esse omne Imperium & omnem Potentiam & Virtutem. *Nam oportet eum regnare usquequo omnes inimicos subjecerit pedibus ejus, ultimus autem hostis aboletur mors.* Quæ (quemadmodum supra monui) quanquam nunc Terrorum Rex est, in magno illo Festo ac Sabbatismo, propter sensibilem palpabilemque inter Cœlestem Terrestrémque Naturam Unionem, non nisi jucundus erit transitus in Cameram superiorem, vel ut illâ magis Mysticâ Rabbinarum phrasi utamur, quam illi de Mose adhibent, in cujus scriptis Sabbatismus hic est adumbratus, Deus hominis Animam attracturus est ad seipsum per Amoris Osculum. Talis enim mors erat sancti illius viri Moysi, qui mortuus dicitur in Moab, על פי יהוה, in osculis & amplexibus Dei.

Talis futura est Conditio Ecclesiæ Christi per multos centenos Annos, donec Rotâ Providentiæ res porrò provolvente, scenâque rerum ad ultimam festinante periodum, homines non solum à metu cruciatûque mortis liberabuntur, sed nec vel ipsa capacitas supererit moriendi. Tunc enim veniet dies ille Domini quo Cæli cum stridore prateribunt, elementa verò calore solventur, terræque & quæ in ea sunt opera exurentur. Atque sic Christus postquam vindictam sumplerit ab obstinatè improbis & contumacibus, plenèque super omnes Inimicos triumphaverit, Regnum tradet Patri, cujus hætenus Vices gerens fuerit in rebus tum Hominum tum Angelorum. Ante verò illud Tempus, quicunque prætendendo se magis Spiritualem atque Mysticum quàm reliquos Mortales, essentialia illa Christianæ Religionis Principia quæ ad externam Christi personam spectant, obruere velit & sepelire, sermocinetur quàm scitè volet, & de se quàm potest loquatur magnificentissimè, nostrum est perspicuam solidamque Fidem Verbi, pro commentis levibus & affectatitiis loquutionibus nequaquam amittere.

Quamobrem quisque Deum seorsim quærat, & veritatem scrutetur in sacra Scriptura, ad rectam illius Intelligentiam, constanti sincerâque praxi earum rerum quæ apertè indubièque eâ continentur, seipsum præparans, expectetque Illuminationem juxta optimum eam communicandi modum, hoc est, secundum proprias nostras Facultates. Alioqui, si Rationi, & Historiæ, & Humanis adminiculis & acquisitionibus prorsus valedicamus, Mundus à Religiosis Lunaticismis, monstrosisque Imaginationibus nunquam liberabitur.



## SCHOLIA

In CAP. III. Vers. o.

**M**ulta centena Atheorum millia pepererit. Idem Bodinus eodem ferè loco vel paulò post, de Porphyrio etiam sic scribit. Eodem errore Porphyrius in libris quos adversus Christianos scripsit, ex literalis sensu illud exagitant quod de Arbore scientiæ Boni & Mali, & de Arbore vitæ in Mose legimus, innumeros homines à Religione vera avocavit propter ea αἰτωπα quæ nasci videantur ex Literali sensu. Quamobrem meritò quis heic mirari potest praposterum eorum hominum studium, qui pro unico passim sacra Scripturæ sensu tam acriter contendunt. Quod tamen si apud quosdam, ex superstitiosa quadam simplicitate fieri potest, apud alios tamen verisimillimum est, quippe aut Atheismum aut Infidelitatem clam in sinu foventes, ex maligno Religionis contemptu fieri, cui vultum quam deformatissimum distortissimūque exoptant, ut eam liberiori diductiorique rictu derideant.

*Vers. 1.* Philonem illud notasse, &c. Quod tamen alibi facit. Φερνιμώταλ & ὁ ὄφις πάντων θηρίων, ὅς ἐστι πάντων πανηγρότατον ἡδονή, Ferarum omnium sapientissimus est Serpens, omnium verò vaferrimum voluptas, *Leg. Allegor. lib. 3.*

*Vers. 24.* Qui verò Textu hoc ad sensum Politicum, &c. Quin tamen sensus sit hujus Textus etiam Politicus, nullus dubito, quemadmodum & illius apud eundem Paulum, 1 Cor. 15. ubi de Christi Politiâ omnia sibi subjugante loquitur, Deinde erit finis cum tradiderit regnum Deo ac Patri, quum aboleverit πᾶσαν ἀρχὴν καὶ πᾶσαν ἐξουσίαν καὶ δύναμιν, quæ postrema vox idem quod ἡ Π significare potest; quum aboleverit omne Imperium & omnem Potestatem cum suis copiis sive exercitibus. Postquam hæc facta fuerint, tandem eò deventum erit ut ultimus hostis mors aboleatur. Quæ victoria ἡ ἀπολύτρωσις τοῦ σώματος ἡμῶν in se completitur. Quæ postrema pars est hujus Paragraphi ad Romanos, respondetque abolitioni mortis illo loco ad Corinthios memoratæ. Κτίσις verò significationem habet & Physicam & Politicam, ac perinde, ut locus requirit, exponi potest alterutro sensu vel utroque. Quod si ἡ ἀποκαταδοχία & ἡ λύσις & πᾶσα ἡ λύσις συνωδῖται, etiam ad Physicam significationem extendantur, vide annon id innuere possint, omnia in hac Regione Mortalitatæ, quæ sensu non carent, placidiori rerum sensu perfusum iri ac feliciori, circa ea tempora quibus gloriosa libertas obtigerit Filiis Dei, nempe post Ἐκπύρωσιν. Vide Grotium in locum. Mixtum verò sensum esse posse in hoc loco ad Romanos & tum de rebus Politicis tum de Physicis agi, ille locus ad Corinthios satis confirmare potest.

Quartam Bestiam esse Imperium Romanum. Vide Synopsin Propheticam ubi questio hæc contra Grotium satis accuratè copioseque discutitur.





# Dialogorum Divinorum

POSTREMI DUO

Ante Annos ferè duodecim scripti, nunc verò per Authorem in Latinum versi; qui tractant de

## REGNO DEI,

Et de Speciali illius

PROVIDENTIA per CHRISTUM  
SUPER

ECCLESIAM.

A Principio usque ad Finem Seculorum.

LUC. 9. 62.

*Nemo mittens manum suam ad aratrum & respiciens retrò, aptus est regno Dei.*

APOC. 1. 17.

*Ne metue, ego sum primus & ultimus, & qui vivo sed fui mortuus, & ecce vivo in secula seculorum Amen, & habeo claves Inferorum & Mortis.*



L O N D I N I,

Typis R. Norton, impensis J. Martyn & Gualt. Kettilby,  
M DC LXXIX.

Dialogorum Dilectorum

DE RE MI

et de rebus quibusdam alijs

quibusdam alijs

REIGNO DEI

et de rebus alijs

PROVIDENTIA per CHRISTUM

et de rebus alijs

et de rebus alijs

et de rebus alijs

et de rebus alijs

et de rebus alijs





Amplissimo summéque Reverendo in Christo Patri ac  
 Domino D. GUILIELMO Archiepiscopo  
 CANTUARIENSI, totius  
 Angliæ Primati, &c.



**N**unc Tu me hominem, Pater summè Reverende, omnium absurdissimum primà specie & inurbanissimum miritò censere potes qui totius Angliæ Primatem in postremo Dedicationum mearum loco tam inciviliter ac præposterè videar collocasse. Veruntamen si res penitiùs introspiciatur, spero hoc inopinatum meum facinus excusationem apud Te suam aut Veniam habiturum, nè dicam & suam laudem, quippe nec temerè nec sine ratione factum. Etenim non rarò fit ut locus situ postremus dignitate primus sit aut primo quasi par; ut in ordine Militari. Nec facile quisquam mihi definiverit Homòne an Aquila in Visione Ezechielis, quorum ille anteriorem, hæc verò posteriorem locum habebat in quatuor illis Quaternionibus, excellentius Spectaculum fuerit locòve excellentiori situm.

In Processionibus verò Religiosis sive Gentilium sive Christianorum extra controversiam est post longam aliorum alias partes agentium seriem Pompamq; Numen ipsum, Divinæ, cui Processio sacra esset, postremum ferè locum occupare solere. Et si voluminis hujus Philosophici compagem in quo res maximè Sacræ ac Divinæ, quanquam more quidem Philosophico, tractantur, Ædificii cujusdam sacri speciem induisse fingamus, cujus primum Vestibulum Tractatus ille Ethicus meritò supponi potest; postrema sanè hæc Dissertatio de Regno Dei, ubi tot Divinæ Providentiæ Arcana circa Ecclesiam aperiuntur, quid aliud, obsecro, nisi ipsissimum hujusce Templi Adytum jure potest haberi? Et quis locus aptior aut opportunior nostro Pontifici Maximo, Aaronive Anglicano quàm ipsum Sanctum Sanctorum? Quinimò quis præterquam Pontifex solus locum illum accedere debet?

Nec omnis sanè Pontifex idoneus est qui hujus Adyti Arcana, qui hæc Regni Dei Mystéria participet, sed qui quæ Dei sunt sapiat, qui Fide abundet & Charitate, qui totum Orbem Christia-

num & universum adeò humanum genus sincero ardentiq̃ Amore amplectatur, purumque Christi Evangelium, quod in lucem Gentibus præstitutum est, per omnes Gentes velit propagatum, qui Divinorum Oraculorum veritatem præstigijs humani Ingenii argutis & tergiversationibus præferat, qui Integritate verâque Pietate perinde ac eximiâ eruditione sacrarumq̃ Scripturarum cognitione præditus sit, qui singulari præcellat animi moderatione & prudentiâ, & illibatâ denique erga Principem fidelitate & non fucatâ erga Ecclesiam populumve Dei benevolentia. Talis utique Pontifex idoneus est qui hujus Templi Adytum introeat, ibiq̃ Regni Dei Arcana ac Mystéria cognoscat recognoscatq̃, quippe sacro illo Pectorali (in quo Urim & Thummim) minimè destitutus.

Qualem quidem quum Te non ego solùm, Pater summe Reverende, sed omnes boni doctique existiment, immò quum Clementissimus oculatissimusq̃ Rex, qui Te ad hunc Ecclesiasticorum Honorum Apicem proprio Instinctu ac Judicio ob egregia tua Merita evexit, talem Te prorsus censuerit; equidem omnino par esse putari ut illam Dissertationem quam ego inter reliquos Voluminis mei Philosophici Tractatus eum locum rationemq̃ habere puto quam Sanctum Sanctorum ad reliquas Templi Mosaici partes, hoc est, optimam esse maximeq̃ sacram, Episcopo Sacerdotive non summo solùm sed & optimo dedicarem.

Quod quidem Factum meum, tanquam sincerum Obsequi ac observantiæ erga Te meæ Testimonium ut acceptare benigneq̃ interpretari digneris, oro, Deumq̃ precor ut Ecclesiæ Anglicanæ diu ac fœliciter præsis, easq̃ rerum rationes semper dispicias ac prosequaris, quæ Dei Gloriam, Honorem Regis & Ecclesiæ ac Reipublicæ salutem maxime sint promoturæ. Sic ex animo optat

Amplitudinis tuæ humillimus

devinctissimúsque servus,

HENRICUS MORUS.

E Museo Cantabrigiæ,  
Calend. Febr.  
Anno 1679.



DIALOGI DIVINI  
QUI MULTAS  
DISQUISITIONES INSTRUCTIONESQUE  
DE  
ATTRIBUTIS DEI  
Ejúsque Providentia complectuntur.

## Dialogus quartus.

*Philotheus, Bathynous, Sophron, Philopolis, Evistor,  
Hylobares, Cuphophon.*



**HILOTH.** Omnis ferè nostra; O *Philopoli*, aut in demonstranda *Dei Existentia*, aut in *Attributis* illius illustrandis, aut in defendenda denique ejus *Providentia*, hætenus versata est Oratio, quæ præparatio eis omnino erat necessaria qui hisce de rebus dubitant, ad rectè intelligenda illius Regni Mysteria. Nam si Deus non sit, nec ulla Divina Providentia, nullum esse potest Regnum Dei in Terris, quemadmodum *Hylobares* initio rectè notavit. Et certè

si Providentia Divina ubique non sit, res est multæ plena suspicionis, esse revera nusquam. Unde apparet necessitas istiusmodi admittendi Hypotheses quæ rationem reddituræ sint omnium Eventorum, Apparentiarumque rerum quæ in quibuscunque Terræ Nationibus, partibusve Universi occurrant. Talésque, ut opinor, erant istæ, quæ in duobus postremis nostris Colloquiis prolata sunt. Quibus si *Hylobares* (qui solus è nobis videbatur his de rebus dubitare) plenè acquiescat, paratus jam sum, *Philopoli*, ad tua mandata exequenda, in quæstionibus discutiendis, de Regno Dei.

*Philop.* Gratias tibi habeo maximas, *Philothee*, vehemensque meum desiderium audiendi te de tanti momenti argumento differentem, suspicióque nè tempus nos deficiat, facit ut hoc abs te efflagitem, ut sine omni mora te ad rem ipsam velis accingere.

*Hyl.* Quod *Philotheus* alacriori animo facturus est, O *Philopoli*, postquam ego gratias ipsi egero, declaraveróque hesternæ ejus dissertationis stabilem efficaciam. Quanquam enim mirifico planè modo in altum quasi raptus eram sensu atque vi Rationis ejus & eloquentiæ, non tamen flaccesco jam denuo ut pridè, sed plenam nactus comprehensionem rerum & conspectum, permanentem in me experior Assensum veritati, nunc quidem postquam deferbuerim tranquillúsque factus sim, æquè atque cum animus mihi maximè erat emotus. Et quæ mira hisce omnibus insuper est accessio, plena hæc firmæque persuasio quæ mihi adeò præter expectationem obtigit de Existentia Dei, & irreprehensibili illius Providentia, magis sinceram fixamque secum introduxit fidem circa omnes fundamentales articulos Christianæ Religionis, quatenus ex sacris Scripturis innotescant. Adeò ut id Christianitatis quod modo magis laxo & externo, animo meo antea quasi appensum erat, nunc mihi videar in ipsum cordis animæque centrum imbibisse, illiusque veritatem sine omni hæsitacione amplecti. Unde spero me magis idoneum fore Auditorem hujus tuæ sublimioris dissertationis, O *Philothee*, de Regno Dei.

Nnn 2

*Philoth.*

I.  
Rerum earum  
quæ hætenus  
occurrerunt in  
hæc dis  
tatione brevis  
Recapitulatio.

II.  
Magna vis  
firmæ persuasio  
nis de Existen  
tia Dei ejúsque  
Providentiæ ad  
confirmandam  
hominis fidem  
in Veritate  
Christiane  
Religionis.

*Philoth.* Magnopere gaudeo, *Hylobares*, priores meas dissertationes tam præstabilem in te sortitas esse effectum, licet nequaquam plus sit quam expectavi, sæpèque expertus sum in aliis, maximè verò sensibilibiter in meipso, quide Christianitate nunquam dubitare potui, postquam plenè persuasus eram de veritate earum rerum, de quibus teipsum jam tandem tam plenè profiteris persuasum esse. Quod, fateor, proclivem me facit ad credendum eos, qui aut vili pendunt, aut fidem non adhibent Christianitati quatenus Scripturæ eam declaraverit, non seriò firmiterque credere Deum esse aut Divinam Providentiam, sed levi esse ac Sceptico, confusioque & desultorio ingenio, majoremque capere voluptatem ex eo quod existimetur eradicè garriendi facultate præditi, quam quod experiantur seipso ullo determinato esse iudicio, quanquam in rebus vel maximi momenti.

III.  
Scepticismi Fautus perstringitur.  
Diog. Laert. in vita Platonis.

*Cuph.* Præclarissima Orbis Ingenia tales fuerunt Personæ, quales tu tam liberè perstringere videris. O *Philothee*, hoc est, *Sceptici* sive *Aporetici*. Testes sunt, non solum integra *Academicorum* Secta, sed Miraculum istud, quantum ad Ingenium & Eloquentiam, ipse *Plato*, ille dulcicanens *Cygnus*, quemadmodum *Socrati* repræsentatus est in *Insomnio*. Ecquid est jucundius illius mellifluis *Dialogis*? Et tamen ut plurimum nihil concluditur, sed merè *Sceptica* est, sive *Aporetica* Ingenii exercitatio, venatio ubi nihil capitur, nec quicquam intenditur, præter lepidam quandam argutamve temporis fallendi rationem.

*Philoth.* Ista *πρὸς ὅσον διωξίς* *Ἀερέα* Anserculorum agrestium Venatio, in rebus minoris momenti, O *Cuphophron*, magis plausibilis esse potest aut tolerabilis. In rebus verò summi momenti eloquenter in utramque partem loqui, & nescire postea quid concludendum sit, & fortasse id curare quidem, non tam celebratam illam *Cygnæ* vocis melodiam repræsentat, quam *Alarum* complosionem ad se invicem, quò promiscuum strepitum ad tempus ciet *Cygnus*, sed postmodum utrasque intergum rejicit, nihil apud se pensitans dextra ala an sinistra sit fortior.

*Hyl.* Quæ ventilatio est, *Cuphophron*, quam *Anser* quilibet perinde præstare potest, atque *Cygnus*. Quantum verò ad me, *Philothee*, nihil est quod plus cupio, quam sententiam fixam & constantem in rebus summi momenti, cujusmodi sunt *Existencia Dei*, *Immortalitas Animæ*, *Providentiæ Divinæ* benignitas, & similia. Ac proinde infinitè scelicem me existimo, quòd tam plenè mihi satisfactum sit ex præstantissimis tuis ratiocinationibus, quippe quas tam firmas exterior & permanentes.

*Philoth.* Exoptoque animitus ut diu sic experiaris, *Hylobares*!

*Hyl.* Quid ita, *Philothee*? quid est quod eas infirmas incertæve mihi reddat?

IV.  
Divinam esse corporis temperiem quæ requiritur ad facilitus recipiendam firmiterque retinendam Divinam veritatem, cum metodo eam assequendi.

*Philoth.* Nihil nisi vitam instituendi ratio incerta & inconstans. Si in *Divina Vita* fixus maneat, quæ fixa nusquam esse potest nisi in *Divino corpore*, tunc *Divina veritatis* rationes in hoc Solo altas agent radices, & sic reverà permanentes reperientur. Ex hoc verò Solo nisi crescant, erunt omnino ut *Flos* in manu, aut *Pluma* in pileo; nullamque vitalem habentes cognationem cum *Subiecto* cui insunt, facile dissolabuntur aut marcescent.

*Hyl.* Putabam ipsam Animam rem per se adeò Divinam esse, ut *Cognatio* ipsam inter & *Rationes Divinæ veritatis*, sufficiens foret ad eas semel receptas firmiter retinendas.

*Philoth.* Nequaquam, *Hylobares*! Anima ex nimia *Sympathia* cum hoc terreno ac *brutali corpore*, *brutalis* ipsa evadit, suamque perdit *Divinitatem*, alioquin omnes *Divinæ veritatis* perinde essent capaces. Recuperatio autem *Divini corporis* virtute veræ suæ ac realis *Regenerationis*, est etiam suæ *Divinitatis* recuperatio.

*Hyl.* Quid verò intelligis per *Divinum* hoc corpus, *Philothee*?

*Philoth.* \* Idem quod *Pythagorei* intelligunt per suum τὸ ἀυροειδὲς σῶμα, quod etiam dicitur *Æthereum* sive *Cœleste*.

De Cælo, lib. 2. c. 3.

*Evist.* Nec mirum quidem est, *Cæleste* corpus ac *Divinum* idem esse, quandoquidem *Aristoteles* ipse Cælum vocat τὸ θεῖον σῶμα, corpus *Divinum*.

*Hyl.* Quomodo verò poterimus *Divinum* hoc corpus assequi, *Philothee*, in quo, quantum ego quidem video, *Radix* est & *Substantia veritatis*, quippe quum in ipso sit *Vita*?

*Philoth.* Ratio hujus expers, omninò emortua est *σκιωγραφία*, umbratilisve *Imaginatio*, Res languida & inefficax, evanida, fluctuans & fugitiva. Rationes verò ex hac stirpe efflorescentes immarcescibiles flores sunt *Paradisi Dei*.

*Hyl.* Quamobrem, *Philothee*, eò ardentius cognoscere cupio, quomodo *Divinum* hoc sive *Paradisiacum* corpus sit acquirendum.

*Philoth.*



*Philoth.* Per firmam vivamque fidem in virtute ac Spiritu Domini Jesu, quo mortificare potest & subdomare in nobis omne peccatum, omnemque *Ipsitatem* extinguere; adeo ut nobis ipsis penitus mortui simus, nosque ipsos non magis respiciamus in ulla externa gratificatione mundani Honoris; carnalis Voluptatis, ulliusve rei quæ vitæ merè Animalis grata sit, quàm si omnino non existeremus in rerum Natura. Si stabiles maneamus in hac fide, eique adjungamus constantem sinceramque Devotionem, internamque ad præmium nobis ante oculos propositum anhelationes, addentes insuper debitam sapientemque Temperantiam & Circumspectionem in universa nostra Conversatione, ut nec agamus nec loquamur quicquam ex Principio *Ipsitatis*, ullave ratione corruptæ nostræ Animalitati gratificemur, hæc Methodus tandem ad perfectam *Ipsitatis* mortem nos perducet. Quâ morte consummatâ, certò successura est *Spiritualis* à mortuis *Resurrectio* in Vitam illam quæ verè *Divina* est, quæ reperienda non est nisi in *Divino corpore*. Adeo ut sinceris nostris Devotionibus & suspiriis erga Deum, *Vitam Divinam Divinumque corpus* hauriamus imbibamusve simul. Quæ est vera spiritualis Nativitas Christi, quem quicumque accipiunt dat eis potestatem ut Filii Dei fiant, quippe nati non ex sanguine, nec ex voluntate carnis sed ex Deo geniti. Atque hic etiam est internus ille Homo, de quo proficitur *Paulus*, quod etiam si exterior homo corrumpatur, interior tamen (in veris Sanctis Dei) renovatur indies. Quamobrem qui ad hanc *substantialitatem vitæ* pervenerit, fixus erit in omni utili Veritate *Divina*, Rationesque quæ ex tali radice germinant, invenientur solidæ ac permanentes per eum qui radicem habuerit. Ubi verò *Verbales* tantum sunt & *Imaginariæ* in Cerebro, *Corde* interim *animali* manente aut *brutali*, minimè mirum est si reperiantur infirmæ, fugitivæ & evanidæ. Non quod in seipsis tales sint, sed ita apparere possint eis, qui *Picturam* tantummodo Floris habent in Cerebro, non autem *Radicem* in suo *Corde*, quod vitæ cœlestis Tentorium est, intimumque Dei in Anima Adytum. Qui in hac *vita Dispensatione* versatur, O *Hylobares*, ei mens nunquam fluctuare potest circa Existentiam Dei, illiusque Providentiam, aut Animæ Immortalitatem. Is enim proclivis esse non potest ad suspicandum Animam vivere non posse extra corpus dum eam percipit ad eam distantiam quasi, & abhorrentiam à corpore vivere, etiam dum ei inest; nec ad dubitandum de Existentia Dei, cujus Virtutem, Spiritum, Impulsum & Energiam, tam distinctè percipit in propria sua Anima. Talis enim est natura *Divina vitæ*, ut nemo sit qui eam sentit, quin eum oporteat fateri, illam ad nullam Creaturam quâ talem, pertinere, sed esse ipsam virtutem & Spiritum Dei animam actuantis. Quomodo igitur de eo dubitare potest, cujus vim ac præsentiam tam sensibiliter percipit? Quamobrem hæc *vita Dispensatio* est, *Hylobares*, quæ prora & puppis est apud eum qui philosophari vult constanter atque solidè.

*Hyl.* Res magnæ profectò sunt ac præclaræ, quas narras, *Philothee*, & tamen tales quæ mihi nec incredibiles videntur, nec inimitabiles. Ac proinde adnitar, cum bono Deo, quoad potero, vitæ cursum juxta eas Regulas, quas innuisti, dirigere, omnemque eò operam impendere ut eum assequar statum, quem appellas *Dispensationem vitæ*. Omnia enim video sine ipso, meras Inanias esse atque Umbras. Interea loci venia mihi petenda est à *Philopoli* quod occasionem dederim *Philotheo* tantâ illius temporis portione ad res alias abuti, quod angustius putabat, quàm pro proprio suo Instituto, præsentique proposito quod præ manibus est.

*Philop.* *Philothemus* tam sapidè loquitur & appositè in quocunque versetur argumento, ut semper pigeat eum interpellare. Cæterum, quandoquidem jam ultrò destitit, si ipsi placuerit tandem illud argumentum aggredi quod initio proposui, rem perquam gratam mihi præstabit.

*Hyl.* Est igitur nunc tempus valde opportunum, *Philopoli*, quo quæstiones tuas illi proponas.

*Philop.* Prima mea Quæstio erat, O *Philothee*, Quid sit Regnum Dei? Secunda, Quando inceperit ubique repertum aut reperiendum sit? Tertia, Quos profectus in Orbe hæcenus fecerit? Quarta & ultima, Quales successus verisimile sit ipsum habiturum usque ad finem *Ævi*? Hæ sunt quæstiones, *Philothee*, quas initio proposui, de quibus si tibi visum fuerit perspicuè & intelligibiliter nos erudire ac docere, quanquam haud ita accuratè & scholasticè, immortales pro istoc officio tibi habebimus gratias.

*Philoth.* Sedulò, quoad potero, enitar, *Philopoli*, ut hac in re tibi satisfaciam, idque quàm brevissimè potero & luculentissimè, cum omni sermonis simplicitate, & citra omnem affectationem scholasticarum scrupulositatum, contentus intelligi tantum & convincere. Deusque ille ac Rex Cœli nobis adsit propitius dum illius cœlesti

V.  
Philop. quæ-  
stiones de Reg-  
no Dei.

sti de Regno differimus, ut sic illius Myſteria intelligamus, ut ejus propagationi fidelem operam navemus, & in nobis ipsis & in omnibus hominibus, ad Gloriam Dei ac Mundi Salutem, Amen.

*Philop.* Faxit Deus.

VI.  
Quid Regnum  
Dei sit in gene-  
rali ejus notione  
cum defensione  
veritatis illius  
Notionis.

*Philoth.* Prima tua Quæstio, *Philopoli*, licet admodum brevis sit, est tamen valde fecunda, propterque multifariam Terminorum significationem multam materiam in se complectitur simul, quam tamen comprehendere adnitar & includere quam scitè potero, brevi hac Definitione Regni Dei in genere. *Regnum Dei est Dei Potestas, imperantis, excitantis, aut permittentis Creaturis suis secundum certas quasdam leges agere, quæ pensatis omnibus Circumstantiis, vel rectè subductis Summa totius rationibus, tendunt ad optimum.*

*Philop.* Partim intelligo te *Philothee*, talèque te moliri Regni Dei definitionem puto, quæ *Regnum Naturæ* etiam in se complectatur, easque leges respiciat, quibus tum bruta Animalia tum Plantæ insensiles inanimatæque Meteora & Elementa regantur secundum ambitum tuæ hætenus habitæ Defensionis Divinæ Providentiæ pervadentis à summis maximèque Intellectualibus Creaturarum Ordinibus ad res usque Materiales, quæ formantur & actuantur à *Spiritu Naturæ* sive Anima seminali Univerſi.

Pſalm. 103.  
19, 21, 22.

*Sophr.* Quidni? Neque enim quicquam aliud est quàm quod ipsa Scriptura ei apertè confirmaverit, O *Philopoli*. Psalmista multus est in istiusmodi locutionibus. *Jehova solum sibi composuit in cælis, regno suo omnibus imperans. Collaudate Jehovam omnis ejus exercitus, ejus Ministri, facientes ejus voluntatem. Collaudate Jehovam universa ejus opera in universis ejus Imperii locis. Collauda anima mea Jehovam.* Hæc in Pſalm. 103. Et Pſalm. 148. universos Creationis Ordines à Cælo usque ad Terram, ab Angelis ad Bruta, Plantas & Meteora, exercitum Dei facit, hortaturque ad laudandum nomen Jehovæ. *Fussit enim & creata sunt, stabilivit ea in perpetuum, legem eis dedit nunquam violandam.* Et rursus, Pſalm. 119. *In æternum Jehova verbum tuum permanet in cælis, sempiterna est tua veritas. Ut fundasti terram ut stet: Ex tua sententia hodie dum permanent, nam omnia tibi serviunt.* Unde manifestum est Dominium Dei ejusque Regnum per totam Creationis comprehensionem extendi.

*Cuph.* Si hoc verum sit, O *Sophron*, tunc in aliquibus locis Regnum Dei coincidet cum Regno Diaboli.

*Bath.* Quidni? quodnam majus illuc incommodum est quàm quòd Regnum Naturæ & Regnum Dei coincidant, cui minimè videris contradicere?

*Cuph.* Mihi videtur vox admodum absona. Et præterea subordinationem concipere possumus inter Regnum Dei & Regnum Naturæ; Regnum verò Dei & Regnum Diaboli videntur prorsus contrariari alterum alteri, planèque proinde repugnare, ut sint partes ejusdem Regni.

*Bath.* Argutè id urges, O *Cuphophron*, quantum ad exteriorem verborum sonum; quodsi intrinsecam rerum naturam introspiciamus, campique pecora & Inferni Diabolos juxta se invicem ponamus, dic mihi tunc discrimen, quo alteri alteris minùs idonea Regni Dei membra evadant. Estne quòd Diaboli majorem habeant ingenii subtilitatem quàm pecora campi? Hoc profectò esset per contumeliam subindicare Regnum Dei Civitatem esse Asinorum. Estne verò, quòd alteri spirituales Creaturæ sint, altera verò corporeæ? Hæc certè Ratio bonos Angelos excluderet selectissimam Regni dei partem. Estve denique, quòd Diaboli lapsi sint? Lapsus tamèn eorum non est nisi in vitam Animalem, cujus altissima Radix atque Fons est *Sui-amor* sive *Ipsitas*, quæ opponitur alteri scaturigini sive radici *vite Divine*, qui purus Amor est Dei, illiusve quòd absolute & simpliciter bonum est. *Sui-amor* autem sive *Ipsitas* ex æquo Vitæ radix est in Brutis atque in Diabolis. Unde manifestum videtur, quòd Diaboli reverà æquè capaces sunt qui membra Regni Dei fiant, atque Bruta.

*Cuph.* Discrimen, *Bathynoe*, hoc esse videtur, quòd Bruta suæ Naturæ integritatem adhuc retinent, Diaboli verò à prima conditione degenerarunt, stationemque reliquerunt in qua Deus eos collocaverat.

*Bath.* Equidem fateor, *Cuphophron*, degenerem Angelorum lapsum gravem esse, nunquam tamen infra extimum Domini Providentiæ circuitum subsederunt, illamve Divinam *Nemefin*, quæ perpetuò universis Creationis gradibus est intertextæ. Adèd ut nihil sit, ex rerum universitate nondum exterminatum, quin necessariò subjeſtum sit legibus alicujus Ordinis Creationis in quem se conjecerit. Ut si qua nobilis Familia, vitam pessimè instituendo, omnem illum honorem opesque quas sui Majores eis reliquissent, perderent & procedente tempore miseri Mesonautæ fierent, non desinunt subditi esse Principis illius Regni, in quo has Fortunæ vicissitudines experti sunt:



sunt: Ità Angeli in Diabolos degenerantes, non desinunt sub Dominio esse Dei, sed Nemesis suam experiuntur in illius Dominio. *Non est enim sapientia, non est prudentia, non consilium contra Jehovah, nec potest quisquam Proposita illius Providentiæ eludere.* Carcerum custodes, captivi, carnifices, & omne genus ministrorum severitatis, Principis subditi perinde sunt atque homines nobilioris ordinis & conditionis.

*Sophr.* Omnia Instrumenta Iræ Dei, pars sunt illius Domini, æquæ ut Instrumenta Amoris; Sunt enim, ut nos docet *Sirachi Filius, quidam ad irrogandas pœnas conditi spiritus, qui saeviter verbera incutiunt. Et internecionis tempore vires effundunt, Creatorisque sui sevitiâ explent.* Ignis, grando, fames, lethum hæc omnia ad pœnas condita sunt. *Ferarum dentes, & Scorpii & Serpentes, & Gladii, impios capitali pœnâ plectentes, illius præcepto gaudent. Et in terris uti opus est, præstò sunt, nec contra iussa temporibus suis faciunt.* Ad hunc sensum loquitur, mihi que videtur planè insinuare ipsas potestates Infernales, (quarum hæc sæpe non nisi externa sunt arma) partem esse Aciei Domini exercituum.

*Bath.* Impossibile est ut aliter fiat. O *Sophron*; Sapientiæ enim & Omnipotentiae Divinae repugnat, permittere ut quicquam existat, quod nullo modo subiectum sit illius Potestati & Dominio.

*Hyl.* Nimis profectò solliciti mihi videmini in examinando & describendo ambitum sive limites Regni Dei, cum majoris res foret curiositatis, nec ad præsentem quaestionem minùs appositâ, [ *quid Regnum Dei sit* ] definire, quæ Dominatûs sive Potestatis species sit quam tam latè exerceat in universam Creationem.

*Cuph.* Annon absolutus est & illimitatus Principatus, *Hylobares*, quem nos à Græcis, *Tyrannidem* appellamus?

*Sophr.* Nequaquam, *Cuphophron*. Si intelligeres quid sit *Tyrannus*, assertionem tuam reperires æquæ repugnantem ac blasphemam.

*Evisf.* Verissimum est quod ais, O *Sophron*, *Aristoteles* enim *Tyrannidem* definit *Μοναρχίαν πρὸς τὸ ἀυτοκράτον τὴν μοναρχίαν*. Et alibi in Politicis copiosius eam describens, tale esse ait imperii genus in uno homine, qui, cum nulli rationem reddere teneatur, suis tamen imperat aequalibus, iisve qui ipso sint præstantiores, omnia in rem suam administrans, non autem in rem eorum quibus imperat. Quæ nullo pacto Deo competere possunt, qui infinito præstantior est totâ Creatione, tantumque capax est eis benefaciendi, nullum autem bonum ab eis recipiendi vicissim.

*Cuph.* Ego minimè animadverti, *Evisfor*, ut definita sit Tyrannis apud eruditos tuos Autores. Vocem verò tanquam aptam consideravi ad talem Principatum significandum qui absolutus sit & illimitatus & in una persona constitutus nullis astricta legibus, sed quæ potestatem habet omnia administrandi ex sua animi sententia ac voluntate.

*Evisfor.* Et ut verum tibi dicam, Critici, O *Cuphophron*, nos docent vocem *Τύραν*, nihil isto durius olim significasse, hoc est, significasse tantum *Monarchiam absolutam*, hominem in summo absolutoque Imperio constitutum.

*Philoth.* Si nihil ampliùs intellexerit *Cuphophron*, sensus ejus, *Evisfor*, satis solidus erat atque probus, quanquam locutio erat haud ità legitima. Res enim admodum intuta est scandaloque plena, vocabula quæ malè sonant, licet tacitâ commodioris sensûs significatione subitùs suffulta, Divinae Majestati applicare. Illud verò Imperii genus quod Deus in suas Creaturas excercet, absolutum Principatum appellare potestatemve omnia agendi secundum proprii animi sensus ac voluntatem, hæc sobria est ac vera de Dominio Divino declaratio.

*Hyl.* Verùm obsecro te, *Philothee*, In quo fundatur immensus ille & illimitatus Dei principatus? In illiusne Omnipotentia? aut in quo alio? Sunt enim qui dicunt absolutam & irresistibilem Potestatem nullam facere posse injuriam.

*Philoth.* Id quod ego, *Hylobares*, nunquam hætenus intelligere potui, ut vel omnipotentissima Potestas quæ fingi potest unquam jus haberet faciendi injuriam, hoc est, creandi ullum malum quod pensatis omnibus circumstantiis, integræ comprehensione totius Oeconomiae Universi consideratò, reverà sit malum. Nulla Potestas quantumlibet omnipotens jus sibi vindicare potest sic agendi, non magis sanè quàm Intellectus ullus quantumlibet omnisciens jus sibi vindicare potest, authenticè existimandi illud verum esse quod reipsa est falsum.

Cæterum ut præcipuè parti quaestionis respondeam [ in quo jus absoluti Domini Dei fundetur? ] distinctè simul & compendiosè tibi dico, Ad infinitam, permanentem & immutabilem Bonitatem, ex jure Omniscentiam perinde ac Omnipotentiam pertinere, alteram tanquam quæ è consiliis ei sit, alteram tanquam illius satellitium.

Verùm

*Prov. 21. 30.*

*Ecclesiast. 3. 28, &c.*

VII.  
De absoluto  
Dei dominio  
& in quo fundatum sit.

Lib. 3. cap. 7.  
Polit. lib. 4.  
cap. 10.

Verum infinitè bonus Deus, non solum jure sed *naturâ & omniſciens* est & *omnipotens*. Et ex hiſce tribus, *infinità* illius Bonitate, Sapientiâ ac Potentiâ, omnes Creationis Ordines prodeunt in toto Univerſo. Adeò ut, cum omnes Creaturæ illius ſint, illiſque Bonitas tam perfectâ, immutabilis ac permanens, ut nunquam ex ulla petulantia, ( ſi fas ſit ita loqui ) vacillantia, ſupinave incuria, aliter feratur quàm ad id quod optimum eſt, & Sapientia nunquam ad diſcernendum aut Potentia ad exequendum deſit, Rationem videamus, quæ concipi poteſt luculentiffimam, Juris illius abſoluti Domini quod agnoſcimus in Deo. Annon enim omnino par eſt, ut iſ qui adeò immutabiliter bonus eſt, ut repugnet planè ut quicquam velit niſi quod ſit optimum, plenum juſ habeat agendi ſecundum propriam voluntatem ac libitum, quippe quum impoſſibile ſit quin ad optimum tendat, cum Sapientiâ etiam habeat ac Potentiâ, ad formandum exequendumque ſancta ſua ac juſta & benigna propoſita, infinitæ huic Bonitati parem?

*Philop.* Meo quidem judicio, *Philothee*, hoc valde maniſeſtum eſt, talèque in quo nihil opus ſit ut me tanto cum ſtudio erudires. Ac proinde exoratum te volo, ut ad rem ipſam quæ præ manibus eſt, propius accedas, quod Regnum Dei eſt propriè ſic dictum. Nam hæcenus videmur ſic egiffe, ac ſi quis cum aliquod unum Regnum, putà Angliam, Galliam aut Hiſpaniam, in Tabula Coſmographica obſervare ſtatuiffet, præſentis Inſtituti obliviſceretur, tempuſque perderet per totam ſaltem pervagando Europam ſi non per quatuor partes, Orbis univerſas. Cupio, *Philothee*, intelligere, quid ſit illud Regnum Dei quod apud homines eſt, minùs interim ſollicitus de illa parte illius Domini quod habet in Angelos ſive lapſos ſive non lapſos, aut de illa Potestate quam exercet in Regnum Naturæ, ſive Animalia ſive Plantas aliàſve inferiores Creaturas. Quæ ſupra nos, nihil ad nos; eſtque par ferè ratio de rebus infra nos. Hoc tantum cupio, ut proſpectus meus amplificetur in eas res, quæ in eadem ſitæ ſint planitie cum meipſo. Quod eò vehementiùs expeto, propter temporis anguſtiam in quam vereor nè conjiciamur.

*Philoth.* Laudo tuam proſpicientiam, *Philopoli*, hocque abs te peto ut perſiſtas in hac libertate revocandi nos ad illa argumenta, de quibus tibi maximè ſatiſfactum velis quoties aberramus. Hac enim ultima vèſpera tibi demerendo tota eſt dedicata. Verum quantaquanta ſit noſtra ad illud argumentum quod præcipuè tibi explicatum velis, nempe *quid Regnum Dei ſit ſpecialiter ſic dictum*, feſtinatio, mentio mihi primum faciendâ eſt Diviſionis, antequam ad Definitionem deſcendam. Nam Regnum Dei etiam quatenus homines reſpicit, eſt aut *Internum* aut *Externum*, quemadmodum Servator declaravit, ubi ait, *Non ita venturum eſſe Regnum Dei, ut obſervetur, aut hic vel illic eſſe demonſtretur, ſcitate enim Dei Regnum intra vos eſſe.*

*Cuph.* Hoc Regnum puto idem ferè eſſe quod Regnum Philoſophicum *Stoicorum* qui ſapientem ſuum, Regem faciunt, & Imperatorem & quid non? præcipuamque ſœlicitatem exiſtimant plenum habere dominium in Paſſiones, præſertim in magis tetricas & acerbâs, ut ſic Animi pace & tranquillitate fruantur.

*Philoth.* Nequaquam, O *Cuphophron*! nulla omnino Identitas eſt inter Regnum *Stoicorum* & Regnum Dei. Hoc Regnum enim *Stoicorum* Regnum eſt *Ipfitatis*, Suique Amor illic Sceptrum gerit redimiturque Diademate. Verum in Regno Dei, Deus ipſe, qui eſt purus ille liberque & perfectè ſui-immunis Amor, plenum in Anima dominium habet omnibùsque Paſſionibus moderatur. Mirabile dictu eſt quàm multifariæ Impoſturæ falſique Prætextus circa *internum* hoc Regnum, detegantur ab eis qui reverà ipſum poſſident. Ut una aliqua Paſſio, ( Superbia putà aut Avaritia ) reliquas omnes ſibi ipſi ſubjuget, locoque *Divini Amoris* dominetur, ut omnes Paſſiones in perquam humilem ſubjectionem redigantur Senſui externi commodi Sodalitatis alicujus aut Reipublicæ, præſertim ſi Sacræ Sanctæ Titulum gerat, utque homines eò ſic enutrirî poſſint & educari, quemadmodum Canis Perdicarius ad ludum prædàmque, cum tamen Anima hîc omnes ſuos affectus ſubdomaverit ut eò magis abſolutum ſe mancipium reddat eorum hominum libidini, qui id omnino agunt, ut Mundum per meditatâs ſuas Impoſturas & Hypocriſes, ad cæcâ perducant obedientiam iſtiusmodi legibus quæ ad rem ſuam Mundanam maximè faciant, locoque propagandi Regni Dei, Regnum Diaboli aut Antichriſti inter homines diſſeminent. Quantumcunque imperium naçta ſit Anima in huiusmodi circumſtantiis, in proprios ſuos affectus, hoc non eſt Regnum Dei, ſed præſumptuoſa ac Tyrannica aliquorum puſillorum Magiſtelloꝝ adverſus juſ illius Regni Uſurpatio. Niſi *internum* hoc Regnum ſtabiliatur in Amore, Pace & Patientia Domini Jeſu, Regnum omnino eſt meræ ſeiſpam-quærentis Naturæ, Imperiûmve Diaboli. *Regnum Dei in Anima, Divini Amoris eſt Imperium*, qui omnium hominum bonum ex æquo affectat; qui gaudet

VIII.  
Regnum Dei  
intra nos quid  
ſit.

Luc. 17. 21.

Rom. 12. 15.



det cum gaudentibus & cum plorantibus plorat. Ille Animæ status est quo quis Deum amat toto corde, toto animo & totâ mente, & proximum ut seipsum; & quicquid vult alios sibi facere, idem facit ipsis; quo quis vehementer desiderat commune omnium Mortalium bonum, seque ipsum experitur devinctum, quantum in se est, ad repellendum aut antevertendum malum quodvis publicum. Et ut verbo absolvam, Imperium est Spiritus Dei in Anima, qui omnium nostrarum facultatum & affectuum habenas manu suâ apprehendens, eos cohibet excitatve secundum sanctissimam suam voluntatem quæ ad nullius unius privatam utilitatem fertur, sed ad illud semper dirigit quod absolute & simpliciter optimum est. Hoc etiam est Regnum Christi in interno homine Mystici illius Melchisedechi, qui primum Rex Justitiæ est, prout vox significat, hoc est, Rectitudinis Animi omni partium studio immunis, suique quasitione, & tum postea Rex Salem, hoc est, Princeps Pacis. Postremò Regnum illud est, quod in externis superstitionibus non consistit, sed ut ait Apostolus, in Justitiæ & Pace, & Gaudio in Spiritu sancto.

*Philop.* Internum hoc Regnum Dei, O *Philothæ*, tam amabile est & exoptabile, ut nequeam quin abs te petam, ut illius acquirendi mihi rationem explices, antequam progrediaris ad Externum.

*Philoth.* O quàm te exosculer, *Philopoli*, ob hanc tuam postulationem, quandoquidem video à nulla inani curiositate proficisci posse sed è sincero desiderio in vitam intrandi veramque Sanctitatem! Efficacissima verò Ratio passim innuitur in Evangeliiis beati Servatoris, ut illuc ubi Regnum cæleste abdito Thesaurò in agro comparat, uniusque pretioso unioni, quem ut quis sibi acquirat omnes suas facultates it venditum; & ubi nobis narrat, Regnum cæleste expugnari, & violentos illud rapere; & rursus ubi declarat, Neminem qui aratro admotâ manu respicit in tergum, aptum esse ad Dei regnum, & in locis consimilibus. Hæc enim omnia hoc nobis significant, quicunque sibi acquirere vult excellentissimum hunc Animæ statum quod Regnum Dei appellamus, eum oportere continuo relinquere quicquid in illius locum se ingerere velit: Eum oportere summo animi ardore & sanctâ quadam violentiâ manus ad illud porrigere eique injicere, illudque rapere, per omnia pericula, asperitates & oppugnationes quasunque, adniti; ut miles qui muros Civitatis scandit ad obtinendam Coronam muralem; denique prosecutionem hanc esse debere sine omni intermissione languidove relapsu in potestatem Mundi aut Carnis, sed pervicacem esse, constantem & perpetuam, donec palmam reportaverimus invenerimusque id omne in nobis impletum quod desideraverimus aut expectaverimus, quæ perfecta subjugatio est omnium nostrarum corruptionum, Regni que in nobis constitutio veri Melchisedechi, vivæ utique Justitiæ Dei, cordiumque nostrorum repletio Puritate, Pace & Gaudio in Spiritu sancto.

*Philop.* Optimum hoc consilium est, in genere, O *Philothæ*. Verum annon habes monita aliqua magis particularia, quæ nobiscum communices?

*Philoth.* Veritas in parvo jacet spacio, illa præsertim pars quæ maximè utilis est, O *Philopoli*! Ac proinde pluribus te non onerabo documentis, quàm quæ paucis hisce Principiis comprehendantur. Ut primò, Firmam nos habere debere & inconcussam fidem in Potentia Dei & Assistentia Spiritus Domini Jesu ad subdomandam omnem Invidiam, Superbiam, Libidinem, omnem Mundanitatem & Ipsitatem, & quicquid contrarium est Regno Dei in nobis, ut latam in has aliasque omnes consimiles corruptiones victoriam acquiramus per eum qui nos corroborat. Hoc primum Principium necessarium est, quo debemus imbui, si seriò operam navare velimus consummando tam grandi ac momentoso Incepto: Hoc, inquam, primum necessarium Principium est, plena nempe firmæque fides, quod Inceptum sit possibile. Alterum est, ut credamus nos obligari ad affectandum assequendumque hunc foelicem statum nec debere acquiescere ulli conditioni inferiori, nedum ex ullo Antinomiano Sophismate aut Fascino imaginari nos liberatos ab omni obligatione ad ullam realem vivamque Justitiam in nobis, sed nos ex solido obedientes præstare voci illi Sapientie incarnatæ ac Veritatis, Estote perfecti, quemadmodum Pater vester qui in cælis est, perfectus est; & reminisci finem fuisse adventus Christi in hunc Mundum, ut omnis planta, quam Pater illius cælestis non plantavit, extirpetur; & ut tale semen suscitetur in terris, quod nullâ maculâ aut rugâ aut ullâ tali re præditum sit, sed quod sanctum sit & inculpatum. Si alterutrum horum principiorum desit, defectus insignis erit quantum ad successum. Quis enim cum ulla animi fortitudine tales difficultates aggredi potest, quas aut superare impossibile esse putet, aut officium suum non esse cum eis conflictari? Quamobrem in hisce ambobus, *Philopoli*, firmiter stabilitus addere debet Meditationem, Circumspectionem, & Devotionem. Meditationem præsertim in Secreto, Circumspectionem in versando cum externis Objectis, sive Hominibus seu Rebus,

Matth. 22. 37.

Matth. 7. 12.

Heb. 7. 2.

Rom. 14. 7.

IX.

Ratio illud acquirendi.

Matth. 13.

44. 45.

Matth. 11. 12.

Luc. 9. 62.

Matth. 5. 48.

Matth. 13. 13.

Ephes. 5. 27.

nè imprudens abripiatur contra istas deliberationes ac decreta quæ in secreto apud se fecerit, sed exerto semper attentoque esse animo, & si ulla eum adoriatur Tentatio, cæli auxilium implorare fiduciamque; ponere in Divino robore contra inopinatum impetum: Quem genuinum sensum esse existimo istius præcepti Apostoli, *Continenter orate*: Verum modo magis speciali, privata Meditationi *Devotionis* ardorem addere, efflictimque à Deo petere, ut tibi indies magis magis peccati deformitatem & amabilitatem Justitiæ dignetur detegere; ut odium tuum eò acrius adversus alterum acuatur, amorque intensius accendatur erga alteram; ut opus Cordis promoveatur, non autem umbratiles istæ velitationes Cerebri in *Imaginatione* & *Ratione exteriori*, sed ut efficaciter persentiamus discrimen inter contrarias operationes Potestatum Regni *Lucis* & *Regni Tenebrarum* aliarum in alias in prælio impetum facientium, *Vitæ* in *Vitam* & *Substantiæ* in *Substantiam*, donec Infernum atque Mors absorpta sint in victoriam, malignaque Natura penitus consumpta sit in gloriosam Amoris Triumphique Flammam. Hæc Mysteria Cordis sunt, O *Philopoli*, non *Capitis*, quod ad Cor comparatum, non est nisi externa *Imaginationum* bellarumque picturarum officina, transactiones verò *substantialis Vitæ* ac Realitatis in altera parte reperiuntur, quod secretum Dei Tabernaculum est abditumque Templum efficacissimæ orationis. Est enim Cor proprium Tentorium ubi aut *Spiritus Mundi* habitet aut *Spiritus Dei*, qui illic sanctum desiderium sitimque Justitiæ accendat. Quod vehemens, sincerum & ex corde ebulliens desiderium, verum donum fructusque Spiritus, est ipsa *Anima* ac *Substantia Orationis*, quædamque *Divina Magia* quæ omnes cælestes virtutes in centrum animarum nostrarum haurit attrahitve, rorémque Paradisi lætificum imbibit, ad ineffabilem recreationem Horti Dei. Per hoc *Emissarium* intromittitur omne nutrimentum ad novam Nativitatem, sedesque est *primævis* illius seminis Dei. Unde centrum Animæ nostræ in Corde plus diligentia & observationis requirit, quam illud magis peculiare centrum in capite. Quanquam enim hoc, nostrum modo magis peculiari videtur, alterum tamen nos cum illo conjungit quod plus apud nos valet quam nos ipsi, (sive *Spiritus Mundi* sit sive *Dei*) facitque ut sensibilibus communicemus cum *Vita* & *Substantia*, cum alterum quidem sine hoc nos tantum deducturum esset in campum *Umbrarum* & *Somniorum*.

Math. 5. 6, 8.  
Psalm. 143. 6.  
Psalm. 84. 5, 6, 7.

Quamobrem, O *Philopoli*, qui Candidatus est Regni cælestis, præ omnibus Cor suum excolere debet. Per hoc enim solum introitus est in Regnum *Lucis*. Beati puri corde, nam illi Deum videbunt. Beati qui esuriunt sitiuntque Justitiam, nam illi saturabuntur. Ad te manus pando, Anima mea ad te hiat ut terra siticulosa. Et rursus, Beati quorum robur in te est, quorum in corde sunt viæ tuæ. Qui dum per vallem *Baca* transcunt, eandem reddunt Fontalem, & cisternæ pluviæ implentur. A virtute in virtutem pergunt donec unusquisque eorum apud Deum appareat in Sione. Per quæ omnia significatur, firmam fidem sanctumque desiderium tandem nos perducturum esse ad Dei fruitionem & illius Regni.

Quibus nihil necesse est superaddere in conclusionem, perpetuam & constantem eorum omnium præstationem quæ deprehendimus nos posse & ex officio teneri præstare. Qui enim fidem hanc habet sincerumque desiderium, nunquam peccare potest contra virtutem Dei propriæque conscientia dictamina. Hæc, *Philopoli*, brevis est, sed fidelis de magno illo præmio, Dei Regno in nobis, obtinendo Instruatio.

*Philop.* Et infinitis modis tibi devinctus sum, *Philothee*, ob sinceram hanc tuam feriãque Instructionem, in Mysterio tanti momenti. Spero quæ dixisti è memoria mea nunquam esse elapsura.

*Cuph.* Certus sum documenta illius de Centro Animæ in Corde, meæ memoriæ tam firmiter in hæsuræ esse, ut nunquam sim obliturus. Obsecro autem te, *Philothee*, quid de isto centro animæ fiet in altero statu postquam cor in sepulchro reliquerimus?

*Philoth.* Mirum est, *Cuphophron*, Philosophiam tuam in hac re hæsitare, nisi illic pariter hæreas, quid de altero animæ centro fiat, quia cerebrum in sepulchro relinquitur. Eadem etiam munus retinent officia, alterum nos conjungendi cum *Spiritu Mundi* aut cum *Spiritu Dei*, alterum ut sit commune nostrum *Percipiens*.

X.  
Externum Dei  
Regnum proprie  
sic dictum quid  
sit.

*Philop.* Hæc curiositas est, quam ego certè minimè notavi. Et obsecro te, *Philothee*, noli ei rei diutius immorari, sed perge ad externum Dei Regnum, nobisque declara quid sit.

*Philoth.* Externum Dei Regnum apud Homines idem fere est, (laxiori vocis significatu) quod pura veraque Dei Ecclesia: Quæ corpus est ejusmodi populi qui solum verum Deum profiteantur Creatorem rerum omnium ac Opificem, communemque Inspectorem Universi, peccatorum punitorem, & remuneratorem eorum omnium qui diligenter cum



*eum quaesiverint.* Hæc unius Dei Professio cum puro illius cultu conjuncta immuni ab omni idololatria, crassaque superstitione, ut & omni crudelitate & persecutione barbara, omnibusque scædis & impuris ritibus, lege hæc, è contrà, apud ipsos promulgatâ, quod unicum hunc verum Deum diligere debeant toto corde ac toto animo, & proximum suum ( hoc est, universum genus humanum ) ut seiplos, & sic aliis facere, quemadmodum alios sibi facere volunt, ipsique interim versantibus in nulla oppugnatione, apertave inimicitia adversus ullam sufficienter revelatam legem Dei; Hæc professio, inquam, quamlibet Familiam, Gentem, Nationem, Regnumve, Ecclesiam Dei, sive Regnum Dei constituit. Cui descriptioni, O *Philopoli*, si acquiescas, facile erit juxta illius sensum, primæ parti secundæ quæstionis respondere, nempe *quando Dei Regnum inceperit.*

*Philop.* Non sum adeò curiosus ut huic descriptioni non acquiescam, O *Philoshee*, & propterea rogo ut ad secundam Quæstionem pergas.

*Philoth.* Manifestum est igitur, O *Philopoli*, ex hac descriptione, Regnum Dei incepisse simul cum prima Mundi Familia & cum successione *Patriarcharum* ante & post Diluvium continuasse usque ad *Mosen*, & cum Politia *Mosaica* ( quam quidam modo quodam magis peculiari Theocratiam esse contendunt ) ad adventum pertigisse Christi.

XI.  
Quando hoc  
Regnum Dei  
inceperit.

*Philop.* Sed quid interim existimandum est de antiquis Philosophis, quibus nihil negotii erat aut cum *Patriarchis* aut cum *Mose*, & tamen unicum verum Deum crediderunt, Creatorem & Governatorem Universi, & singulari morum probitate præditi erant, quantum ad suam conversationem; erantne illi pars ulla Regni Dei?

*Philoth.* Philosophis nihil negotii fuisse cum *Mose*, eosque suam Sapientiam ex isto Fonte non hausisse, plus est quam ipse ausim affirmare. Verum si tales erant quales describis quantum ad vitam atque mores, nec communicarunt cum Idololatriis & pollutionibus Gentilium, eodem ferè loco eos haberem quo olim habiti sunt *Σεβόμυοι*, nec ausim quidem negare, quin dispersæ quædam Appendices sint Regni Dei.

*Philop.* Si tu adeò candidè de eis sentis, *Philoshee*, quantum ad me ego non tam acerbo severoque ingenio sum ut istum eis honorem invideam. Intereà loci non solum mihi satisfactum est de adeò matura inchoatione Regni Dei sive Ecclesiæ, sed & de illius successione usque ad adventum Christi, quod secundæ Quæstionis respondet parti alteri, Ubi repertum sit ex quo primum inceperat. Et certè quod Deus Ecclesiam suam tam maturè habuerit, significari videtur ex maturo isto Martyrio, in trucidatione *Abelis* incepto, à cujus innocenti sanguine Christus videtur Martyrologium ordiri in sua comminatione adversus Civitatem istam Interfectricem, carnalem *Hierosolymam*.

Matth. 23. 25.

*Bath.* Hoc optimè à *Philopoli* observatum est, O *Philoshee*! & mihi in memoriam revocat obscurum quendam locum in Apocalypsi, qui lucem hinc fortean sceneretur: Illuc nempe, ubi dicitur, *Quod omnes Terrarum Incole Bestiam adoraturi essent, quorum nomina non scripta sunt in libro vite Agni, ab orbe condito mactati.* Qui locus, opinor, ad *Abelis* cædem alludit, quippe quod tam maturum exemplum erat de improbis occidentibus justos. Ac proinde per *Agnem* hic intelligitur, secundum stylum Propheticum, tota successio Sanctorum Electorumque Dei immaculatâ vitâ invictâque patientiâ inclutorum, quippe quorum animos pravus Institutis subicere nulla potuit persecutio, eosve cogere suas violare conscientias. Neque enim decipi aut vinci possunt electi quorum Nomina scripta sunt in libro Vitæ. Qui liber, liber Agni, sive Electorum Dei appellatur, quia nomina eorum in istud Album referuntur; atque hic Agnus dicitur ab orbe condito occidi, quoniam exemplum impiorum innocentis justosque occidentium tam maturè incepit in *Caino* interficiente fratrem suum *Abelem*. Cæterum per *Agnem* mactatum ab orbe condito, intelligere *Agnem* mactandum, tam effrænis abusus est omnis Grammaticæ atque Logicæ, ut fatear, antequam hæc consideratio menti meæ occurrisset, Textum mihi desperatè visum esse obscuritatis, nisi libertatem sumere voluissemus intelligendi per hanc cædem Agni sensu ordinario ( hoc est Christi ) cædem membrorum ejus, cujus maximè maturum exemplum est hoc *Abelis*, nôstisque Christum ad *Saulum* exclamasse, *Saule, Saule* quid me persequeris? cùm tamen membra tantum illius persequeretur.

Apoc. 13. 8.

Act. 9. 4.

*Ewist.* O *Bathynoe*, quàm amicè te amplexari possim, ob hoc levamen voluptatèque quam mihi creasti ex hac Notione! Mirum in modum mihi aqua hæsit hactenus in sensu Grammatico hujus loci, nec unquam impelli potui ad falsum Græcismum approbandum propter Authoritatem magni illius Critici *Hugonis Grotii*. Numquam intelligere potui *εσφαγμένος* & *ἀμέλλων σφάττεσθαι* idem esse, ullo pacto. Ac

proinde magnopere oblector novâ hâc Notione, sive significatione vocis *Agnus* juxta stylum Propheticum. Atque etiam vel alter ille sensus quem moliebaris longè tolerabilior est, quàm ut *εσχατολογος* significationem haberet Futuritatis.

*Bath.* Itâ profectò foret, *Evistor*, si Anima *Messiae* præexistisset ante suam Incarnationem.

*Evist.* Et quidni itâ sit? Patres expressim declarant Christum fuisse qui *Abrahamo* apparuit, & *Mosi* & *Josua*, aliisque, si istud secundi sensûs credibilitatem queat adaugere.

*Bath.* Ego verò eos credo intellexisse de Præexistentia æterni Verbi, quod idem asserunt etiam occupatum fuisse in Mundo constituendo in prima Creatione, perinde atque rebus superintendisse antiquorum Patriarcharum populique *Israelitici*, apparuisse tamen semper humanâ specie, ut fecit particulatim *Josua*, (& sub titulo Ducis exercitûs *Jehovæ*) quando arctâ obsidione cingebatur *Hiericho*.

*Hyl.* Cæterùm cum hæc doctrina tam facilem admissionem apud antiquos Patres invenerit, nondum notatâ Animæ *Messiae* Præexistentiâ, quàm prona, quàm facilis, quàm naturalis futura fuisset ex data hac Hypothesi? Et quàm credibilis secundus hic sensus fuisset futurus, de Agno mactato ab Orbe condito, quippe qui tam maturè passus est in suis membris? Cæterùm, multo durius est conceptu purum Æternum Verbum pati posse quicquàm.

*Evist.* Equidem fateor, *Hylobares*, ex eo quòd Verbum tam frequenter humanâ specie appareret, admodum naturale fore ob istam rationem supponere etiam conjunctum fuisse cum humana anima *Messiae*. Humanam verò *Messiae* animam quicquam habuisse negotii cum sex diebus Creationis, id vicissim magis durum mihi videtur & incredibile.

*Hyl.* Quid itâ *Evistor*? cur hoc tibi aded durum & incredibile videatur, ut idem *Messias* qui finem impositurus est huic scenæ Terrestri, in Conflagratione, admittatur perinde sedulus fuisse opifex in illius jaciendis disponendisque fundamentis: Ut *Is*, cujus ex ore exiturum est ultimum *Pereat*, pronunciâsse intelligatur primum *Fiat*, quippe qui & toties appellatur in *Apocalypsi*, *Alpha & Omega*, *Principium & Finis*, *Primus & Ultimus*? Præterea, expressè dicitur in Epistola ad *Hebraeos* in sensu complexo de *Messia* non de Verbo separato, Quòd *Deus* postremis hisce temporibus alloquutus est nos per Filium quem omnium statuit heredem per quem etiam Orbem fecit. Et de eodem Christo sive *Messia*, illud *Psalmistæ* citat, *Tu principio Domine terram fundasti & opera manuum tuarum sunt*, Et illi quidem peribunt, te permanente, omnesque tanquam indumentum inveterascent, & te tanquam amittum eos involvente, obsolescent: At tu is es qui annorum sis infinitorum. Hic & Creatio & Conflagratio Mundi videtur attribui *Messiae*.

*Philop.* Quàm mira & inopinata Commenta volaturientia cientur in juvenili Imaginatione *Hylobaris*, ex sua nupera admodum persuasione de Anima præexistentia! Quid autem hoc ad præsens Propositum? quæve tandem Utilitas est istiusmodi Curiositatum?

*Sophr.* Utilitas hujus Theorematis, O *Philopoli*, magis conspicua est, opinor, quàm illius Veritas: quoniam majorem honorem personæ Servatoris conciliat, firmumque opponit obicem horrendæ audaciæ altivolorum quorundam *Enthusiastarum*, qui seipsos semel imaginantes *Divina Natura* participes, sensu licet tantum *Morali*, statim *Æqualitatem* cum Christo sibi vendicant, & æquè *Deus* esse volunt atque ipse, aliqui sanè magis, prætendentes se Inchoatores magis sanctæ Dispensationis quàm quæ ab ipso Dei filio in Mundum primitus sit introducta, quem non possent contumeliâ tantâ afficere & tam vili pendere æquiparando seipsos illi, aut præferendo, si istud Authoris ad *Hebraeos* tali sensu intelligeretur quali vult *Hylobares*. Sed vulgaris ad Idiomatum communicationem recurritatio, argumentorum omnium, quæ subinnotuit, vim infringit, quanquam interim fateor nequaquam eorum destruere concinnitatem. Aded ut difficile fore existimem, ut quispiam, concessâ semel hâc duplici Hypothesi, Præexistentiâ scilicet Animarum & perpetuâ literali veritate sex dierum Creationis, de Conclusionem ad quam collimat *Hylobares*, quicquam hæsitaret. Ego verò nimio sum tardior quàm ut in persuasionem pertrahi possim hujusmodi non-necessariarum Curiositatum.

*Philop.* Et ipse quoque sic prorsus sum, O *Sophron*. Ac proinde mihi libertas sumenda est sistendi hanc digressionem, & *Philothæum* rursus reducendi in viam.

*Philoth.* In eadem constiti, toto hoc tempore, *Philopoli*, tua expectans Mandata. Successionem Regni Dei deduxi breviter ad tempora Servatoris. Quid vis porro?

*Philop.*

XII.  
De Christo ap-  
parente sub hu-  
mana specie  
Patriarchis an-  
te ejus Incar-  
nationem.

Jos. 5. 13, 14.

Apoc. 1. 8 & 11.

1. Cap. 21. 6. &  
22. 1.

Hebr. 1. 2.

Hebr. 1. 10, 11,  
12.

XIII.  
Adveniat Reg-  
num tuum, quo  
sensu intelligen-  
dum Tempori-  
bus Servatoris  
& postea.



*Philop.* Dic mihi, quæso, *Philothee*, si Regnum Dei in Mundo erat, quando Christus in eum venit, cur discipulos suos docuerit orare, *Adveniat Regnum tuum*? Cûrve Gregem suum pauxillum hisce verbis animaverit, *Nè formidate, O parvum Ovile, nam visum est patri vestro vobis dare regnum*? Cûrve dicatur publicasse Evangelium Regni, declarans completum esse tempus & instare Dei Regnum? nescio quodnam Regnum indigiter.

*Philoth.* Intelligere oportet, O *Philopoli*, Regnum Dei in novo Testamento variæ esse significationis. Aliquando *Physicè*, ut ita loquar, significat, idemque est quod externa Felicitas, quam fruendam expectamus in Cœlis: aliquando *Moraliter*, ut ubi dicitur consistere in *Iustitia & Pace & gaudio in Spiritu sancto*: Et aliquando etiam *Politice*, in quo etiam sensu intelligendum existimo, in omnibus illis locis quæ attulisti. Estque illud ipsum Regnum in terris quod prædixit *Daniel*, Regnumque insuper *Christi* sive *Messia*, appellaturque similiter Regnum Cœli etiam sensu *Politico*, ut ubi comparatur everriculo, *Matth. 13.* & alibi. Hoc Regnum Christi *Regnum Dei* est significatu magis eminente & illustri, non tantum propter sanctitatem suam, sed etiam propter vastam illius extensionem, juxta Idioma Hebraicum: tandem enim omnia Terrarum Regna in se inclusurum est. Est autem magis particularis occasio ipsum appellandi *Regnum Dei* ex loco isto *Danielis*, *Istorum autem Regnorum temporibus suscitabit Deus Cœli, Regnum nunquam evertendum.* Hinc Regnum Christi vocatur *Regnum Cœlorum & Regnum Dei*. Jam verò magnum hoc ac nobile Regnum *Filii hominis* sive *Messia* præsens non erat in Temporibus Servatoris quamquam tunc prope instabat. Ac proinde tunc discipuli meritò doceri poterant orare, *Adveniat Regnum tuum*, & Servator prædicare, *Instare jam Regnum Dei*, parvumque suum Gregem, paucosve suos Sectatores consolari, prædicens tandem fore ut Imperium Romanum in eorum manus incidat, quemadmodum contigit sub *Constantino Magno*, ubi Christianitas facta est Religio Imperii. Quod autem dicit, Tempus completum esse & Regnum Dei instare, hoc proculdubio septuaginta *Danielis* Hebdomadas respicit quæ tunc expiraturæ erant, circa illud tempus quo Christus Evangelium Regni prædicabat, hoc est, paulò ante Passionem suam. Nam post septem Hebdomadas & sexaginta duas Hebdomadas, (hoc est, Hebdomadas sexaginta novem) *Messiam* perimi oportebat, populumque Judæorum Dei populum sub *Mosaica* Dispensatione diutius esse cessare, & *Æternam* Iustitiam, vel *Æternam* Legem seu Religionem Christi introduci, Sacrificiisque Judaicis finem imponi, postquam Dei filius semel Oblatio factus sit pro peccatis totius Mundi. Hæc est Inchoatio Regni Dei toties in Evangelio memorati, quod quanquam principio erat tantum instar grani Sinapis, pauxillo tamen tempore longè latèque se extendit in Romano Imperio, tandemque ipsum plenè possedit. Ingenue enim fateor me Parabolam Sinapis sensu *Politico* intelligere non *Moralitè*, & comparare solère illud quod Servator addit ad illustrandam illius magnitudinem (adeò ut Volucres Aëris in ramis ejus nidificent) cum prophetica illa locutione apud *Danielem*, ubi *Nebuchadnezzaris* Regnum etiam assimilatur latè extensæ Arbori (sub ea terrestres habitabant Bestiæ, & in ramis ejus Volucres cœli nidulabantur.) Atque sic promissum Christi parvo suo Gregi præstitum est, cui declaraverat visum esse Patri suo eis dare Regnum.

*Philop.* Concinnum profectò hoc est nec mediocriter mihi satisfacit, O *Philothee*, quousque pertingit. Ecclesia verò Dei tum *Constantini* temporibus tum postea, nonne orabat, *Adveniat Regnum tuum*?

*Philoth.* Non dubito quin sic fecerit; *Philopoli*, nunquamque intempestivum erit sic orare, sensu *Moralitè* aut pro nobis ipsis aut pro aliis, sed hætenus tempestivum fuit sensu etiam *Politico*. Nam tametsi Ecclesia (ubi ab Idololatria aliisque crassis pollutionibus mansit incorrupta) semper Regnum Dei fuit, ex quo primùm cœperit, sive in prosperitate sive sub persecutione; fuit tamen hætenus tantummodo *Regnum Lapidis*, non *Regnum Montis*, ac proinde sensu etiam *Politico* semper orare potuerunt ut illud compleretur quod prædictum est ore Prophetæ *Danielis*, ut *abscissus nullis manibus lapis simulachri pedes percutiat, fiatque mons tam magnus, ut totam Terram impleat, Regnumque evadat quod statutum sit in æternum*; Regnum à Deo ipso constitutum quod nunquam abolebitur, hoc est, quod in nullos Ritus *Idololatricos* relapsurum est, nec eorum disciplinæ ac nutui, qui sic relapsi sint, unquam erit subiectum. Nulla potestas, ob puritatem suæ Religionis eos valebit persequi. Est enim Regnum Dei triumphans ac permanens in quod *Daniel* præcipuè digitum suum videtur intendere, ac si brevis illa Regis *septimi* mora in *Apocalypsi* memorata, vix notatu digna esset in hisce magis compendiosis visionibus.

Quæ apparens omiffio in *Vifione Statue*, modo magis palpabili rurfus repetitur in vifione quatuor Ferarum. Quanquam enim Regni Filii hominis, regnante Rege feptimo, ftatus erat triumphans, tamen cùm tam brevis effet & impermanens Vaticinium, nullatenus eum videtur expreffim notare, fed Inaugurationem Filii hominis in regnum fuum à *Cornu parvuli* exitio ordiri, quod exitium nondum eft completum. *Postquam propter grandiloqua verba quæ Cornu fecit occifa erat Bestia, corpusque contrucidatum igni traditum ad cremandum*, nempe Bestia fimul cum Cornu parvulo oculos habente, ( quod cornu parvulum magis plenè diftinctèque repræfentatur in Apocalypfi fub figura *Bestia bicornis* ) tunc *Daniel* vidit in vifo nocturno, & ecce, in nubibus cæli tanquam filius hominis veniebat qui ad Antiquum dierum pervenit in ejus confpectum adductus. Atque ei tanta potestas, dignitas, regnum datum eft ut omnes omnium linguarum populi ac Nationes eum colerent aternâ ac immutabili potestate imperitòque regno præditum. Quod igitur Regnum, non tam propriè Dei regnum eft fub Rege feptimo, fed iftud Sanctorum Dominium quod ex Bestiæ, quæ non eft & tamen eft, perditione five exitio emergit. Intelligisne me, *Philopoli*?

XIV.  
Styli Prophetici  
facilitas.

*Philop.* Optimè te intelligo, Notionemque tuam apprimè solidam effe cenfeo. Neque ullam profectò difficultatem invenio in differendo cum hominibus de hisce Prophetici Myfteriis postquam vel mediocre naftus sum styli Prophetici notitiam. Quæ meo quidem iudicio, facilior perinde eft, atque longè utilior ac jucundior, quàm *Fecialium* Ars fcutorumve Gentilitiorum explicandorum peritia, cujus, captus quilibet vulgaris facili negotio fit compos.

*Philoth.* Magnopere, O *Philopoli*, te fic ftatuere gaudeo, optòque ut omnes Orbis Christiani nobiles eadem effent fententiâ. Tam claram reperturi effent convictionem in Vaticiniis *Danielis* & *Apocalypfeos*, ut non dubitem augurari brevè fore ut idem omnes fentirent in rebus Religionis.

*Philop.* Equidem id animè exopto, ut huic tam facili, jucundòque pariter ac serio ftudiorum generi animos fuos appellerent.

*Bath.* Sensualitas, Levitas, quædamque Animi Profanitas, facit ut res sacræ, quanquam ex feipfis valdè faciles ac jucundæ, injucundæ, difficiles & fastidiosæ videantur istiusmodi mentibus malè moratis. Hæc facris veritatibus recipiendis obicem ponunt apud hoc genus homines, quemadmodum Avaritia, Superbia & Hypocriſis apud alios.

*Philop.* Nimis verum effe credo, quod narrat *Bathynous*. Eo autem majus eft hominum infortunium. Nos verò cùm aliorum mentes mutare nequeamus, excolamus faltem noſtras proprias. Et ex eis in quibus hætenus verſati ſumus, vehementius Reſponſum deſidero ad præſentis Quæſtionis partem ultimam. Dic mihi igitur quæſote, *Philothee*, ubi Regnum Dei nunc ſit. Illa poſtrema erat ſecundæ quæſtionis Particula. Videorque mihi plus nunc ea de re hæſitare quàm unquam.

XV.  
Ubi regnum  
Dei nunc ſit.

*Philoth.* Haud ità intricaris, *Philopoli*, quin credam facilè te ex hac difficultate teipſum poſſe extricare, invenirèque ubi Deus habeat, invenièdo primùm ubi non habeat Regnum ſuum. Neque enim credo te dicturum Regnum Dei effe apud meos Paganos, propter eorum Ignorantiam, Atheiſmum, & Idololatriam.

*Philop.* Minimè gentium. Nè ſomniari quidem fic effe.

*Philoth.* Nec apud *Judeos*, Civitas enim erant Homicidarum, ſuùmque *Meffiam* interfecerunt, & fic ceſſârunt effe populus Dei. Et quotquot eorum ad Chriſtianitatem converſi non ſunt, Majorum ſuorum facinus approbant, reique fiunt, per ſucceſſionem, truculenti illius cruentique Parricidii. Præterea profeſſi hoſtes ſunt ac rebellatores adverſus manifeſtò declaratam Legem Dei, quæ Chriſtiana eft Religio. Ac proinde Natio *Judaica* nulla pars effe poteſt Regni Dei ſecundùm Definitionem ſuprà memoratam.

*Philop.* Reſtè mones, *Philothee*.

Apoc. 9. 10, 11.

Verſ. 17, 19.

*Philoth.* Nec *Turcæ*, ob eandem cauſam, apertam eorum intelligo Inimicitiam contra Chriſtianitatem, expreſſè declaratam Legem Dei, ut omittam immanem crudelitatem ac ſævitiam illius Politicæ. Regnum enim Dei ſanguinolentâ Perſecutione ac Truculentiâ expers effe debet, perinde atque Idololatriâ & Polytheiſmo. Et quàm pravam characterem in Viſionibus Propheticiſ *Turcæ* habent & *Saraceni* ex eo manifeſtum eſt, quòd poſteriores per *Locuſtas* Scorpionibus ſimiles ex Abyſſo profeſtas figurantur, quarum Regis Titulus eſt *Abaddon* ſive *Apollyon*, priores per Equites quorum equorum Capita *Leonibus* aſſimilantur, Caudæ verò *Serpentibus* ad ſignificandam confœderationem quam habent cum Regno *Serpentis* ſive *Diaboli*. Diabolus enim Homicida erat ab initio, & hi Vaſtatores Orbis per bellum & ſanguinis effuſionem.

*Philop.*



*Philop.* Hoc plus satis evidens est.

*Philoth.* Et quantum ad Ecclesiam Pontificiam attinget, satis notum est, præter multifarias *Idololatrias*, ritibusque *crasse supersticiosos* eam totam *innocenti sanguine* esse *pollutam*, quemadmodum & repræsentatur in *Apocalypsi* per illam splendide ornatam *Meretricem*, cum qua *scortantur Reges Terræ*, quaque *ebria sanguine sanctorum* est & *sanguine Martyrum Jesu*. Cap. 17. 2. 6.

*Philop.* Reliquum igitur est ut Christiani Orbis partes *Reformate* Dei Regnum sint. Nulli enim alii memoriam meam occurrunt qui istum Titulum sibi vendicent.

*Philoth.* Et satis graves quidem causæ sunt cur ita concludas; tum quod *Definitio* externi Regni Dei supra tradita eis convenit, ut qui unum eumque unicum verum Deum colunt, illiusque cultum ab omnibus *Idololatricis* consuetudinibus & corruptionibus purgarent, & eoque cessarent Civitas illa esse *Homicidarum*, ut nullo alio gladio præterquam Spiritus noster contra ipsos quidem *Idololatrias* utantur, quos nunquam occidunt, nisi aut in aperto prælio, aut propter crimen læsæ Majestatis adversus legitimum suum Principem; tum etiam quod, Deo est gratia, omni iugo immunes sunt præterquam Christi, priorumque suorum reformatum Principum. Ac proinde cum Potestas sint per se sufficiens, qui seiplos valeant contra omnes extraneas & *Idololatricas* Potestates defendere, hi qui in hac conditione constituti sunt videntur mihi auspiciata Inchoatio promissi Regni Filii Hominis à *Daniele* prædicti, primaque esse quasi *Exordia* quintæ Monarchiæ, quippe qui ex ruina oriuntur *Cornu parvuli* oculos humanos habentis, quod sanctos dicitur subigere *Altissimi*. Dan. 7. 25.

*Philop.* Opprimere rem teneo, *Philothee*. O admirandam Veritatis perspicuitatem atque vim! O quam necessaria est hujus Theorematis notitia omnibus Protestantium Principatibus ut hinc fieri discant & boni Christiani & boni subditi simul! Nemo enim oppugnare potest, dolis impetere, perfidè se gerere adversus Rem Protestantium quatenus talem, ullumve Principem Reformatum quin ipso facto crimen læsæ Majestatis admittat adversus Regnum Dei, & Proditorem se Rebellatoremque præbeat contra Principatum Domini Jesu. O quam plenè huic Veritati acquiesco! O quam juvat huic tanti momenti speculationi immorari! Quam alleviatus sum mente, omnique liberatus cogitationum distractione, dum animus meus tam fixè determinatus est ad unum, ut noverim quid optem à Deo, quid orem, pro quo agendum sit, & pro quo si fors ita tulerit, sit patiendum, pro incremento utique Regni Dei, & redivivæ Monarchiæ Domini Jesu Christi.

*Cuph.* Hæc veritas si modò veritas sit, instar scintillæ est in materiam admodum combustilem lapsa, quippe quæ *Philopolin* totum in flammam accendit. Magnum profectò foret Infortunium si verum sit quod dixisti *Philothee*, ut sincerus ingenuusque *Zelus Philopolis* in Objectum non inciderit incongruum. Quod ad me verò attinget, non possum quin aliquantum hæsitabundus sim hac in re si non prorsus incredulus. Nam Mores, Opiniones, modusque originis Orbis Christiani Reformati, tales sunt, meam quidem sententiâ, qui tam glorioso Titulo malè congruant. XVI.  
Quid minores  
labeule in re-  
bus personisve  
nihil impediunt  
quo minus Ec-  
clesia adhuc  
Dei regnum  
esse possit.

*Hyl.* Itane verò? Siccine est, ut Dominus *Advocatus Generalis Paynimorum* nunc partes agat Accusatoris Fratrum? Hoc est spiritu esse adeò *Universalizato* ut promptus paratusque sis ad omnia obeunda munia.

*Cuph.* Accusaturus sum eos, *Hylobares*, quos cupio insontes inventum iri, & coram istiusmodi *Judicibus* quos spero minimè fore iniquos.

*Philoth.* Quantum ad me, O *Cuphophron*, non ausim dicere, aut res omnes aut omnes Personas in Reformatis Ecclesiis esse sine culpa. Sed culpabilitas aliquorum (quinimò, multorum licet) nihil impedit quo minus totus populus Externum Dei Regnum sit. Atque hæc causa est quam nos defendimus. Externum enim Dei Regnum haud temerè censi potest multò latius quam Internum. Ipseque Christus Servator Regnum Dei sensu hoc externo, Everriculo comparat cujusque modi res colligenti, malas perinde atque bonas. Populus Israeliticus Regnum Dei erat, An verò erat homo unusquisque particularis ex eo cœtu, sanctus atque probus? Romanum Imperium temporibus *Constantini* factum est Regnum Dei, Nullane verò erant Ecclesiæ membra eis temporibus ulla in re reprehendenda? An Reformatio cesset Regnum Dei esse ob improbitatem aliquorum sic denominatorum, Adversarii nostri judicent, qui nunquam desistebant, à Sanctam se appellando Ecclesiam, nihil obstante horrendâ impietate Caput, (Sanctitatem putâ suarum in Romana sede confidentium) & universali pollutione membrorum; idque propterea, quod seiplos putabant veram esse Christianam Ecclesiam, rectamque tenere fidem, assuetosque Ritus retinere & Religiosas consuetudines quantum ad externum cultum Dei; quanquam revera Ecclesia erant Antichristiana, & abominandis doctrinis, Ritibusque *Idololatricis*, diabo- Mat. 13. 47.

diabolicisq; crudelitatibus adversus veros Dei cultores, tota obsita & deturpata. Quanto igitur potiori jure debet *Reformatio* sanctus Dei populus ac peculiare illius Regnum haberi, qui *Apostolicam Fidem* profitentur, integram & illibatam omnib; que *Idolatricis* additamentis immunem? Qui neminem Conscientiæ ac Religionis ergo occidunt, ipsūque Dei verbum infallibile suæ Professionis Objectum faciunt, Cultūque Paradigma.

*Cuph.* Equidem ingenuè fateor, ingentem immò infinitam ferè disparitatem esse, si *Romana & Reformata Ecclesia* competitorices essent, utra ex istis duabus Regnum Dei sit habenda.

*Bath.* Caterū, quandoquidem adeò manifestum est, *Reformatam Ecclesiam*, verum esse Regnum Dei externum, ut qui puram faciunt Professionem Evangelii Regni, ab omnibus crassis corruptionibus humanis defæcatam, *Christūque* omnino secundum verbum Christi docent, atque ex hac ratione, *Ecclesiam Romanam* ob *Antichristianas* suas doctrinas Regnum reverà esse illi contrarium, hoc est, Regnum *Antichristi*; quantā abominatione atque nausæ, O *Cuphophron*, excipienda est *Indifferentia* quoad Religionem apud Protestantismi professores, cum ipsi *Romanistæ* vel in corruptissimis temporibus vix deposituri fuissent suum zelum pro ista Christianitate contra *Turcismum*, quanquam *Turcismus* ipsis haud magis invisus esse debet, quàm eorum *Antichristianismus* nobis. Ecqua enim inter se magis adversari possunt quàm *Christi Regnum & Antichristi*?

XVII.  
Antinomianis-  
mi crimen in  
Reformationem  
intentatum.

*Cuph.* Majus momentum hæc habitura essent, *Bathynoe*, si nullæ crassæ Maculæ in externa Protestantium professione essent, sed in declaratis suis opinionibus essent inculpabiles. Etenim meo quidem judicio *Antinomianismus & Calvinismus* (dogma illud obscurum intelligo de prædestinatione) tam horridi sunt errores, ut Insignia videantur *Regni Tenebrarum* potius quàm *Regni Dei*.

*Bath.* Quid tu intelligas per *Antinomianismum*, O *Cuphophron*, nescio. Quantum autem ego video, non nisi duo hæc significare potest: Aut opinionem, quod per libertatem Evangelii, immunes sumus ab omnibus officiis Moralibus, id quod ab universis Protestantium Ecclesiis exploditur; aut abrenunciationem Justificationis per opera propria officiave præstita, integrāque Recumbentiam in satisfactionem Propitiationemque Christi. Quod quidem rectè intellectum, nihil in se mali habet, sed præstantissimum est adversus superbiam Antidotum. Illi enim qui talem profitentur *Antinomianismum*, declarantque se salutem expectare ex fide sola sine legis operibus, non negabunt quin vitam suam ita sanctè custoditēque instituere debeant, ac si per propriæ conversationis integritatem salvandi essent, & tamen postquam vixerint cum vitæ Innocentia quanta possunt maxima, in solam recumbere Dei misericordiam in Christo. Quàm pulchra! quàm amabilis Animi dispositio est hæc! qui propriam suam Innocentiam sive Justitiam minimè advertens totum se in Merita Bonitatemque sui Servatoris conjicit, atque sic pueri instar suas dotes minimè observantis, ulliusve se pretii æstimantis, securè ac pacificè in Dei regnum intrat selectissimæque mansiones cœlestis ejus Paradisi.

*Cuph.* Si ista erroris summa sit, *Bathynoe*, facilè possum cum Protestantismo redire in gratiam.

*Bath.* Summa est, O *Cuphophron*, quantum ego quidem intelligo. Nōstique Protestantes Orthodoxos universim doctrinæ de *Justificatione* per fidem solam, *Sanctificationis* doctrinam superaddere: adeò ut ausim tibi affirmare eos bonâ fide agere; sed arcanâ quadam Providentiâ stylum phrasinque tali modo temperasse qui maximè esset efficax ad oppugnandum subvertendūque lucrosū Commērcium istius Civitatis Mercatorum, ubi bona opera, quæ vulgò adeò extolluntur, nihil aliud erant quàm bonæ atque opimæ Merces quas callidi isti Mercatores à delusis animabus vili pretio sibi comparabant; Quarum peccatorum augmentum, incrementum erat Redituum Ecclesiæ: *Externæque bona opera*, ut vocantur, defectum excusabant *Sanctificationis internæ* realisque Regenerationis, quæ præcipuæ res sunt quibus *Protestantes* insistant; quæque bonis operibus maximè sano sensu sic appellatis, non magis carere possunt, quàm Sol suo lumine.

*Cuph.* Nulline igitur, *Bathynoe*, Antinomi sunt, deteriori sensu, apud *Protestantes*?

*Bath.* Nullâ aliâ ratione, *Cuphophron*, quàm quâ *Gnostici* erant & *Carpocratiani* temporibus Apostolorum. Sunt forsan, sed communi omnium condemnati calculo.

*Cuph.* Id igitur sufficiat. Sed obfusca illa *Prædestinationis* Opinio, quàm funesto aspectu est, *Bathynoe*! Nigra ut fumus Abyssi ex qua Locustæ exiēre.

*Bath.*

XVIII.  
Intentatio Cri-  
minis Calvinis-  
mi in Refor-  
mationem.



*Bath.* Quid? ad *Turcas* & *Saracenos* alludis, *Cuphophron*? *Turca* quidem Fati habentur perquam fervidi propugnatores. Unde quidem per contumeliam hanc *Calvini* opinionem, *Calvinò-Turcismum* appellârunt. Quis unquam somniaverit *Cuphophronem* adeò Apocalypticum? Quòd tantæ tibi sit offensionis, rudi istoc crudòque sensu quo quidam intelligunt, Prædestinatio, minimè miror: Semper enim mihi visa est opinio, quæ Naturæ Divinæ perfectè repugnet, ut animas scilicet, ob talia peccata quæ ipsis semper impossibile fuerit evitare, ad æternam ineffabilèque miseriam prædestinet. Ingens hæc, meo quidem iudicio, contumelia est adversus Divinam Majestatem. Ut verò sit Electio efficax sive Prædestinatio aliquorum ad vitam æternam, ingenuè fateor me opinionem existimare, non solum inoffensam sed veram. Quæ mihi probabiliter insinuari videtur ab hujusmodi locis Scripturæ: *Ita ut Bestiam adoraturi sint omnes Terrarum Incolæ quorum nomina scripta non sunt in libro Vitæ Agni ab Orbe condito mactati.* Et rursus in alio loco Apocalypseos: *Et qui cum eo, vocati sunt, electi & fideles.* Atque itidem in Epistola ad Romanos: *Scimus autem Dei amantibus omnia ad bonum conferre, qui Divino decreto sunt vocati.* Quos enim prænovit eosdem prædestinavit, & quos prædestinavit hos etiam vocavit, &c. Hæc loca simul considerata suâ non carent vi ad suprâ dictam inferendam opinionem. Et quid indè noxæ est, O *Cuphophron*? quòd Deus intelligitur quosdam homines efficaciter prædestinare ad Gratiam & Gloriam, atque sic declaratur magis benignus ac munificus quàm ipsi *Arminiani* cum statuunt, qui rem adducunt in discrimen an quisquam omnino salvatus erit.

Apo. 13. 8.

Apo. 17. 14.

Rom. 8. 28, 29.

*Cuph.* Nihil magnæ noxæ hinc fore, fateor, *Bathynoe*: Reprobatio verò sive Prædestinatio ad æternam mortem, hoc est ingens illud *Reformatæ Religionis* opprobrium.

*Bath.* Quanquam homines aliqui privati, hac in re, sententiâ admodum expressâ sunt, publicæ tamen Protestantium confessiones magis modestè cautèque se gerunt in hoc Articulo, personarumque præteritionem tantum affirmant, nullam autem destinationem ad peccatum & damnationem. Quod, affirmo tibi *Cuphophron*, eum, qui æquo oculo Providentiæ Phænomena aspectat, agrè negare posse, quin effectu compertum sit verum. Ut omittam quod ipsæ Scripturæ innuunt, *Desleantur impii jam ab utero; errant ab alvo matris falsiloqui.* Hæc magna sunt & profunda Secreta, taliæque in quibus homines admodum boni facilè queant errare, ac proinde hoc genus Errata meritò intelligi possunt etiam veri Regni Dei membris competere. Quòd verò & liberum arbitrium tam universim tollerent, Divina Providentia eos permittere potuit in istum errorem prolabi, quippe eo utens tanquam altero telo curvo contra fraudes ac falsimonias istius curvi Serpentis *Romani*, Hierarchiam intelligo *Romanam*. Quum enim liberum arbitrium bonæque opera tuebantur, mercandi potius studio Ecclesiâque ditandi prolixis pecuniarum redditibus, (ex Condonationibus & Indulgentiis, ex liberationibus ex Purgatorio, ex certis quibusdam venditionibus contractibusque pro Cælo, confirmatisque portionibus Camporum Elysiorum,) quàm propter amorem veritatis, salutis fundatio in æterno Dei decreto, declaratioque nos nullam ex nobis ipsis habere facultatem agendi quicquam quo æternam vitam obtineamus, hæc doctrinæ Emporium callidorum horum Mercatorum prorsus deleverunt mensasque everterunt horum Nummulariorum. Nunc enim via Sanctis comperta est, non quidem esse multiplices istæ formales Posituræ in quas Romani Tutores suos Novitios disponerent, nec duræ ac difficiles impositæ pœnæ, pœnarumque commutatio, (præcipuus scopus Disciplinæ illius Ecclesiæ) in multas pecuniarias, ad congerendum accumulandumque immensum pecuniæ thesaurum; sed unusquisque monebatur, cum seria solemnique præparatione Divinis frequenter interesse *Ordinationibus* potentique Evangelii prædicationi, ut erudiatur in stupendis Arcanis liberæ Electionis Dei, æternorumque Decretorum, nec salutis certitudinem expectare propter obedientiam excogitatitiis Ecclesiæ Institutis, quæ præcipuè faciebant ad Sacerdotis Dominium & ad sugendas exsiccandasque populi crumenas; sed suam Vocationem & Electionem certam facere, hoc est, illius detegere certitudinem per *internos* fructus Spiritûs, per fidem præsertim, (quâ firmiter credat se è numero electorum Dei esse) atque illinc, per amorem erga Deum atque proximum. Quæ omnia in se effecta credebant non quidem propter quicquam quod ipsi fecerint aut tacere possint per modum meriti, sed per solum liberum Spiritum Gratia in eorum cordibus efficaciter operantem. Et obsecro te, *Cuphophron*, quantum hic rerum status dedebat Regnum Dei? Præsertim si consideraveris, quicquid erroris esset, in re fuisse tam intricata, ut acutissima singulorum seculorum Ingenia ad incitas redegerit, adeoque fuisse tempestivum, ut ad subvertendum *Antichristi Regnum* summopere tenderet,

&amp;

Pppp

& tam innoxium fuisse credentibus, ut dum abrenunciabant omne liberum arbitrium facultatēve agendi quicquam ex seipsis, cernebantur tamen per omnia Sanctæ Religionis munia sobrietatisque vitæ satis constanter ferri, dum alteri, qui liberum suum arbitrium tantopere venditabant, observari poterant in omni Mundanitate ac Sensualitate se volutare, & cum suo libero arbitrio, liberè ac securè simul descendere in barathrum perditionis.

*Cuph.* Equidem credo *Magiam* quandam aut *Fascinum* inesse conversationi hominum *Melancholicorum*. Sermo *Bathynoi* ita compedivit consternavitque animum meum, ut ferè pudeat hujus allegationis quam initio putabam tam funestam ac formidabilem. Christianus Orbis *Reformatus* Regnum Dei erit, me nolente volente, quantum ego video.

*Philop.* Spero sic fore, *Cuphophon*.

*Cuph.* Cæterum, nullane aliæ Ecclesiæ Christianæ præter *Reformatas* Regnum sunt Dei?

*Philop.* Sive sint sive non sint aliæ Ecclesiæ Christianæ quæ pars sint Regni Dei, non omnino enervat hanc veritatem, quod Ecclesiæ *Reformatæ* sic sunt. Verum ex eis rebus quas insinuavit *Philothem*, audacter possum affirmare, nullam Christianam Ecclesiam, quæ sub alterius Principatus jugo est, aut quæ in potestatem non emergit ex destructione aut humiliatione *Cornu parvuli*, hoc est, *Hierarchiæ Papali*, Regnum illud esse posse in quod digitum intendit *Daniel*, sive Inchoationem quintæ Monarchiæ.

XIX.  
Horrendi criminis  
Rebellionis intentatio.

*Cuph.* Hac de re non sum adeò sollicitus, *Philopoli*. Sed Responsum ad ultimam quam intenderam Objectionem efflictim cupio, de Origine hujus, quod prætenditur, Regni Dei. Pars enim adversa audacter asserunt, ipsum primam suam Originem Rebellioni acceptam referre, quæ omni peccato Magico est deterior.

1 Sam. 15. 23.

*Sophr.* Malum omen est in Objectionem, *Cuphophon*, quod tua Scripturæ citatio tam ridiculè absona sit. Nam apud *Samuelem*, ubi dicitur, Rebellionem esse ceu Peccatum Magicum, id quidem affirmatur de Rebellionem *Sauli* adversus Dominum non autem Populi adversus *Saulum*.

*Cuph.* Ego verò intelligo Rebellionem Populi adversus *sapulum* sive Magistratum secularem, quæ proxima est Rebellioni adversus Deum, cujus vices gerit.

*Sophr.* Ista assertio admodum vera est, *Cuphophon*, Imputatio autem Adversariorum immane quantum falsa.

Apoc. 12. 9, 10.

*Bath.* Certissimum est, O *Sophron*. Atque ille character inter ceteros ad eos pertinentes, qui appellat *ψευδῆς*, *Mendaces*, non restringendus est meo quidem iudicio, ad suas *Legendas*, aliæque id genus Figmenta, sed complecti etiam debet abominandas eorum calumnias contra veram Ecclesiam Dei. Sunt enim Viperarum progenies qui antiqui Serpentis sub Paganismo Imaginem in singulis suis lineamentis explent. Itaque dejectus est Draco ille magnus, Serpens ille antiquus qui *Diabolus* & *Satanas* appellatur, qui totum Orbem decipit. Et magnam vocem audiui in celo dicentem, Nunc facta est Salus & Potestas & Regnum Dei nostri & potentia Christi ejus; quoniam dejectus est fratrum nostrorum accusator, qui eos apud Deum nostrum dies & noctes accusabat. Ubi impudentia horum religiosorum Calumniatorum describitur tanquam calumnias ac mendacia spargentium in conspectu Cœli præsentiaque Dei. Est etiam Nota quam Servator olim *Satanæ* inussit, Quod *Diabolus mendax sit*, omniumque calumniarum ac mendaciorum pater.

Johan. 8. 44.

*Evisf.* Atque hanc tuam Objectionem, O *Cuphophon*, æquè canorum esse mendacium, atque ullum quod unquam hactenus *Diabolus* excogitaverit, eximia ingenii tui dotes, si eò se demississent, ut tantum in Historia versatus esses quantum in sublimioribus partibus Philosophiæ, ipse jam dudum detexisses.

*Cuph.* O quàm amo te, *Evisfor*, propter hanc tuam *παρρησίαν* loquendive libertatem! Cæterum cum ipse rebus sublimioribus totus fuerim occupatus, quæso te, liberè veritatem, ex tua multifaria lectione, nobis declara. Ingens enim animo meo infidet suspicio, *Lutherum* & *Calvinum*, quorum nomina in *Reformatione* adeò sunt celebria, fautores fuisse aut excitatores Seditionis ac Rebellionis.

*Evisf.* Veritatem de hisce viris liberè tibi & sine omni partium studio declarabo, *Cuphophon*, & ex injuriis manifestò illis illatis, de reliquis potes judicare. Quod ad *Lutherum* attinet, tantum absuit, ut is excitator fautorve Rebellionis esset contra Principes Seculares, ut Tractatum scripserit, ubi unamquamque hortatur Animam superioribus Potestatibus parere, ipseque diligenter accuratèque mores suos ad suam propriam doctrinam composuit. Nam in illa confederatione *Smalcaldica*, ad arma sumenda defensiva, contra quam *Pontificii*, tanquam adeò eximium (quanquam non



non erat ) Rebellionis exemplum tantopere clamitant, *Lutherus* admodum averſo erat animo, nec perducipotuit ad ſuum præbendum aſſenſum, antequam plenè inſtructus eſſet à *Juriſperitis*, de *Conſtitutione Imperii Germanici*. Nam per magnam *Chartam*, ut ità loquar, Imperii, Imperii Principes iſtiusmodi juribus inveſtiuntur, quæ ſi ab Imperatore violentur, licitum eſt arma capeſſere ac reſiſtere ſine *Rebellionis aut Infidelitatis crimine*. Jurisq̃ue periti *Luthero* ſatis clarè demonſtrabant Imperatorem iſta Jura violàſſe.

*Philop.* Equidem omnino ſic ſe res habet, *Cuphophron*, ut Imperium ex quo Electivum factum eſt, perpetuàque Potestas in ſeptem Electoribus conſtituta, Imperatoris Authoritas in multis *Germaniæ* partibus, tantùm non merus Titulus ſit, inanisque Honos ſine Potestate, cùm & illi qui eum eligunt, jus etiam habeant deponendi, ob malam rerum adminiſtrationem in Imperio. Electores, aliique Imperii Principes, proprios ſuos Principatus adminiſtrant nihil Imperatori pendentes præter Homagium. Civitatẽſque Imperiales legibus Imperialibus maximè ſunt immunes. Eſtne igitur qualibet adverſus Imperatorem armorum ſumptio, *Rebellio* ſtatim habenda?

*Cuph.* Non putabam proſectò tam multa in *Lutheri* gratiam potuiſſe afferri.

*Evist.* Et nunc quidem quantum ad *Calvinum*, *Rebellionis* crimen in eum intentatum hoc eſt, Eum ſcilicet Episcopum expulſiſſe *Genevenſem*, qui ſummus erat illius Civitatis Magiſtratus, regimẽque mutàſſe in *Ariſtocratiam*, atque ſic & *Reformationem* & *Rebellionem* molitum eſſe ſimul. Annon hoc eſt, quò collimas, *Cuphophron*?

*Cuphr.* Credo ſic eſſe, neque enim multùm me hiſce Religioſis immiſcui Altercationibus.

*Evist.* Verùm hæc mera *Calumnia* eſt adverſus *Johannem Calvinum*, nullique omnino rationi innixa. Neque enim id quidem verum eſt, *Calvinum* unum è primis fuiſſe *Reformationis* Seminariis *Genevæ*, multòque minùs aut eum aut alios quosquam *Reformatores*, Episcopum è Civitate expulſiſſe. *Farelus* erat, *Fromentius* & *Viretus*, qui prædicationibus ſuis *Genevam* converterunt, abſente Episcopo, qui octo ante menſes fugerat, quippe civibus inviſus ob violatam virginem, crebràque cum uxoribus eorum adulteria: Quin & vitæ ſuæ malè metuit ob *Conſpirationem* cum Duce *Sabaudia* de opprimendis Civitatis libertatibus, ob quod ſcelus illius *Secretarius* ſuſpenſus eſt in patibulo. Illi verò qui Formam Regiminis mutaverunt, ſervidi erant *Papiſtæ*, præcipuèque poſtea *Reformationis* Oppugnatores.

*Cuph.* Si quid ego rectè video, cautum proſectò hominem eſſe oportet, nec temere ullis credere Pontificiorum Accuſationibus adverſus primos *Reformatores*.

*Sophr.* Meſura veritatis apud ipſos eſt, *Sanctæ Eccleſiæ Commodum mundanum*. Ac proinde quodlibet Mendacium ei fini inſerviens eo ipſo ſit ſanctum.

*Cuph.* Atenim, ni fallor, *Zwinglius* vi & gladio *Reformationi* viam ſecuit; dicunt enim eum occiſum eſſe in prælio.

*Evist.* Iſte, alter craſſus error eſt, *Cuphophron*. *Reformatio* enim in Pago *Tigurino* ſtabilita eſt, Ediſto Senatùs ex pacifica prædicatione illiẽ *Evangelii* decem minimùm annis maturiùs, *Helvetiique* Imperii jugum ducentos ante Annos excuſſerant. Tam parum cauſæ ſubeſt, ut *Reformatio* illiẽ *Rebellionis* accuſetur.

*Cuph.* Major autem de *Rebellionem* ſtrepitus, *Reformationis* cauſa incepta, nunquam in auribus meis ſonuit, quàm iſte de *Unitis*, quæ vocantur, *Provinciis*, jugum Regis *Hiſpaniæ* ſibi excutientibus, hic æquè canorus eſt atque ille de *Luthero*.

*Evist.* Atque æquè canora falſitas. *Reformata* enim Religio diſſeminata erat per ſeptemdecim Provincias multos ante annos quàm earum contra Regem *Hiſpaniæ* facta eſt unio; nec uniebant ſe propter Religionem, ſed ob rationem Statùs ad defendenda jura ſua ac libertates, contra oppreſſionem *Hiſpanicam*. Ac proinde elegere ſibi Principem *Franciſcum* Ducem de *Alenzon* Catholicum Romanum, quod facturi non fuiſſent, ſi *Proteſtantes* major fuiſſent pars. Nec *Hiſpaniæ* Rex abſolutus eorum Princepserat, ſed Comes. Adeò ut *Reformatio* nec factus eſſet hujus Unionis, nec hæc unio à *Proteſtantibus* magis quàm à *Papiſtis* facta, nec minùs poſtea approbanda, quòd eam tenerent veræ Religionis cauſa perinde atque Jurum & Libertatum, nec ſe illi ſubmittere vellent, ( qui nec abſolutus earum Princeps erat ) quò Animæ falſa trucidandæ eſſent Religione, aut Corpora, ob adhaſionem veræ.

*Cuph.* Non putabam, *Evistor*, hæſce Imputationes tam ſacili negotio abſtergi potuiſſe. Non niſi una ampliùs *Instantia* memoriæ occurrit, eſt autem de Imperuolitate & *Rebellionem* *Scotorum*, *Reformationis* cauſa. Peſſimam, ni fallor, ſamam hac in re de iſta Natione accepi.

*Evist.* Fieri potest, *Cuphophron*, nec omnino profectò sunt excusandi, nec Reformatio accusanda illius Intemperiei quæ suo ingenio nequaquam propria est, sed peculiaris est illius Nationis Indoles. Ante Religionem enim Reformatam, *Scoti* ex centum quinque Regibus, (quos recensent usque ad Reginam *Mariam*) triginta quinque occiderant, præter quinque, quos expulerant, & tres insuper, quos deposuerant.

*Cuph.* Conclusio illinc in proclivi est, & nimis quàm obvia.

*Philop.* Consimilisque consideratio instituenda est de quibuscunque illicitis Protestantium Insurrectionibus, quæ in *Gallia* fuerint. Non imputandum est Religioni eorum, sed ingenio gentis, ut qui tam faciliè frequentèrque in Rebellionem seducuntur, & apud quos crimen tanquam res levioris momenti habetur, quemadmodum Compatriota quidam eorum ingeniosè de eis notavit, & sine omni partium studio multas res & circumstantias in conspectum adduxit, ad lucem suppeditandam, quò mensuram transgressionis eorum hac in re rectiùs æstimemus. Quem librum Lectioni tuæ, *Cuphophron*, commendatum velim, quippe quem Virtutis ac Veritatis novi tam egregiè studiosum. Author enim admodum appositè scripsit ad persuadendum cuilibet, Reformationem nusquam ortum suum debere Rebellioni, doctrinamque Rebellionis sub Religionis prætextu per publicas omnium Ecclesiarum Protestantium Confessiones universim explodi; sed quòd Episcopi Romani Janizarii eandem & profitentur, & ad eam normam actiones suas instituunt. Titulus Libri est, *Vindictio sinceritatis Religionis Protestantium quantum ad obedientiam Superioribus Potestatibus*.

*Cuph.* Rectè, *Philopoli*. Ago tibi gratias quòd librum istum mihi notum feceris. Exquiram, & cum primo meo otio à Philosophicis meis Speculationibus, voluptatem mihi indulgebo perlegendi eum. Intereà loci unicam hanc molestiam tibi creabo, super re quadam quæ nec ab *Evistore*, nec ab alio quoquam Historico negari potest. Annon primi Reformatores rebellârunt adversùs Superioritatem *Papæ*?

*Philop.* Nequaquam, O *Cuphophron*. Restiterunt quidem excusseruntve, quæ prætenditur, *Papæ* superioritatem. Id verò rebellare non erat, sed improbam repellere Usurpationem. Primum enim Christum, Episcopum Romanum successorem Petri, suumque infallibilem Christiani Orbis Vicarium generalem nunquam constituisse ex eo apparet, quòd nulla talis doctrina extet apud antiquos Patres, nec ulla tam matura ad hujus Episcopi Infallibilitatem provocatio, nec quicquam tale in sacris Scripturis memoratum est, quæ res tanti momenti fuisset, ut, si esset vera, nullo pacto omitti potuisset. Quinimo, è contrà adversùs hunc prætextum planè testantur. *Paulus* enim in Epistola ad *Galatas* apertè declarat seipsum nullo Apostolorum inferiorem. Et quanquam *Petrus* præsens erat, in confesso tamen est, *Jacobum* præsedisse in Concilio *Hierosolymitano*. Præterea, præputiati, *Pauli* Dicecesis erant, *Petri* verò Circumcisio, qui proculdubio minor erat Circuitus è duobus. Ut nè addam, quomodo *Paulus* *Petro* in os restiterit *Antiochiæ*, quod cum *Petri* Superioritate malè convenit, quemadmodum & *Petri* præsentia *Antiochiæ* perinde atque *Romæ* cum Superioritate *Romani* Episcopi præ *Antiochiensi*. Nam *Petrum* *Antiochiæ* fuisse citra controversiam est, an verò *Petrus* unquam *Romæ* fuerit, apud eruditos etiamnum est quæstio. Et postremò, si *Petrus* capite & humeris, quod aiunt, super reliquos Apostolos tantum eminebat, cur dextras societatis dedit *Barnabæ* ac *Paulo*?

Rursus in secundo loco, nullus Princeps secularis jus suæ Superioritatis apud ullam Spiritualem, quæ prætenditur, Superioritatem sive Superintendentiam amittere potest, nisi *Wickleffianum* istud Principium admittamus, *Dominium fundari in gratia*; quod ipsi *Jesuitæ*, quoties libitum est, satè alto cachinno excipiunt, & sincerâ quidem indignatione & exclamatione excipiendum est ab omnibus eis qui probo honestoque animo sunt præditi.

*Bath.* An verò non animadvertis, *Philopoli*, ut Argumentum hoc subditum perinde atque Principem protecturum sit ab omni injuria & violentia per Tyrannidem Spiritualem?

*Philop.* Rectè mones, *Bathynoe*. Verùm modò Principem ab omnibus injuriis incolumem conservet, ego quidem is non sum qui bonum quod indè insuper redundet, ejus subditis invidiam, qui usquam concipi possint illâ illuminationis gratiâ excidere quam alii prætendunt, quum reverà interim toti obruuntur crassis Erroribus, Superstitionibus & Idololatriis.

Et tertio ac ultimò, Ponamus *Sanctitatem suam*, sedem *Romanam* occupantem, Superioritatem aliquando habuisse in universas Christiani Orbis Ecclesias in ordine ad Spiritualia (neque enim ulla alia ratio ullo cum colore obtendi potest) cùm merces illius Spirituales modis adeò infinitis veneno illitæ sint & corruptæ, ut Religio cui



cui obedientiam nostram requirit, æquè crassa sit ac ipsa Paganorum Idololatria, (qualis proculdubio est Religio Pontificia) jus certò perdit Superioritatis ac Imperii in Spiritualibus, nisi jus habeat imperandi, ut immorigeros nos præbeamus Deo Christoque, cujus Vicarium se esse prætendit; cùmque jus Spiritualis suæ Superioritatis perdiderit, Temporales appendices eò pertinentes, unà cum illo necessario concidunt. Hæc mea quidem sententia non potest quin manifestò vera appareat cuivis oculo nullis præjudiciis occæcato.

*Philoth.* Non potest quin sic appareat, *Philopoli.* Et tamen quantum adjiciam Argumentum indubiæ evidentiæ eis qui intellexerint. Unusquisque Princeps Secularis, quinimo homo quilibet privatus, jus cœlitus sibi concessum habet excutiendi Jugum Romanum, quippe quæ jam Mystica illa *Babylon* est, in Apocalypsi memorata, de qua dicitur, *Item aliam vocem audivi de cælo dicentem, Migrate ex ea populus mi, ne sitis ejus peccatorum participes neve ejus cladibus afficiamini.* *Apoc. 18. 4.*

*Philop.* Commodè id tibi in mentem venit, *Philothee.* Inviçtum planè istud argumentum est, apud eos omnes quibus persuasum sit, per *Babylonem* illic *Romam Christianam*, vel si mavis *Paganochristianam* intelligi: qua de re fateor me abunde esse persuasum ex eis quæ legi apud nuperos quosdam Authores, qui eam veritatem tam clarè demonstrarunt, ut neminem credam qui sat habeat patientiæ, quò rem capiat (nec adeò arduum profectò est *Ænigma*) quin omnino eum pudeat negare. Quid ad hæc respondes, *Cuphophron*?

*Cuph.* Respondeo, me nondum, *Philopoli*, sat patientiæ habuisse, quò rem capiam, plenèque intelligam. Ex præsentī tamen dissertatione tantum certè intelligo, ut omnibus meis scrupulis, an Orbis Christianus *Reformatus* Regnum Dei sit, altum imperet silentium, ità ut *Philotheus* ad tertiam si lubet quæstionem, possit pergere.

*Philop.* Gratias tibi ago ob bonum hoc nuncium, *Cuphophron.* Quæso te igitur, *Philothee*, tertiam meam Quæstionem accipe, quam tibi expendendam trado, dicque, *Quem successum habuerit Regnum Dei hætenus in Orbe?*

*Philoth.* Ad hanc rem nos tandem devenisse, *Philopoli*, gaudeo, *Hylobaris* gratià perinde atque tuà. Neque enim illustrius est Divinæ Providentiæ specimen quàm progressus Ecclesiæ sive Regni Dei à primis ejus initiis ad hunc usque Diem cum Vaticanis scitè comparatus.

*Hyl.* Quanquam satis firmiter, Deo est gratia, persuasus sum, *Philothee*, de Divina Providentia, tamen, quemadmodum Homines salubria jucundaque vina solius necessitatis ergò bibere non solent, sed interdum aliquantulum indulgere voluptati; ità, tametsi ulterior hæc confirmatio, quantum ad hanc rem, non sit adeò necessaria, voluptatem tamen ex Instantiis tanti momenti Veritatis, percipiendam faciliè intelligere potes mihi admodum gratam fore, ut præteream quàm egregia insuper fuerit soliditatis nostræ Religionis Ratificatio. Quam ob causam tanto adhuc diligentior futurus sum tui Auditor.

*Philoth.* Et sanè quàm serium ingenuumque Auditorem nactus sim, dum considero, facit quidem ut majori cum alacritate ad pensum meum me accingam, quod propter temporis angustiam mihi absolvendum est, summà quâ possum brevitate. Omissà igitur primâ Prædictione Incarnationis Christi secundum sensum magis Mysticum, *Fore scilicet, ut semen Mulieris caput Serpentis conterat*, primo in loco antiquum illud Dei promissum Abrahamo factum memorabimus, *In te omnes Orbis Nationes beatificabuntur.* Utè etiam alio in loco, ubi Deus dicitur Abrahamum foras educere eumque sic alloqui: *Aspice, inquit, in cælum, & stellas enumera, si enumerare potes. Atqui tam numerosa futura est tua progenies.* Et in eodem Capite, sub occasum Solis, somno oppressum & magno tenebrarum horrore correptum Abrahamum Dominus in Visione sic allocutus est: *Scito posteros tuos peregrinos futuros esse in terra extraneorum & eorum servitutem ac injurias annis quadringentis perpassuros. Sed illam ego gentem cui servient, ulciscar, exhibuntque tandem cum magnis opibus. Tu verò ad majores tuos quietè discedes & bene actâ senectute sepelieris. Huc autem redibunt* (hoc est in Terram Chananæam) quarto seculo, quoniam nondum ad summum pervenit improbitas Amorrhæorum. Et in capite decimo septimo magis expressim de hac Terra ait, *Et terram cujus tu peregrinus es, videlicet totam Chananæam, & tibi & tuis posteris tradam in possessionem sempiternam, eròque eis Deus.* Et postquam Abrahamus tam promptum se præbuisse ad offerendum filium suum Isaacum, primum promissum ipsi factum admodum sublimem habet augustamque Ratificationem, cap. 22. *Per me juro, inquit Jehova, quoniam fecisti ut te nè ab unico quidem filio abstineres, ego & tibi favebo & tuam stirpem ad stellarum cælestium & arenarum littoris marini numerum augebo, perficiamque ut hostium suorum portis potiatur, utque in tua stirpe omnes orbis terrarum gentes sese beatæ ferant, quoniam tu mihi dicto audiens fuisti.* *Hyl.*

XX.  
Quem successum hætenus habuerit Regnum Dei in Orbe, & quàm congruenter Divinis Prædictionibus.

Gen. 3. 15.

Gen. 12. 3.

Gen. 15. 5.

Gen. 15. 13.

*Hyl.* Satis copiosa Testimonia Divina promissi *Abrahamo* tam maturè facti produxisti, O *Philothee*. Quibus autem in rebus illud putas præstitum esse?

*Philoth.* Progeniei *Abrahamica* Numerofitas notoria est etiam in sensu magis carnali. Populus enim Judaicus propriè sic dictus admodum numerosus est, non solum in Imperio *Turcico*, sed in ipso Orbe Christiano, quemadmodum Peregrinatores observant. Ut præteream magnam illam sanguinis *Abrahamici* copiam, in venis labentis Gentium alieni nominis, ut apud *Turcas*, & nominis olim magis cognati, apud *Saracenos* scilicet: ut nè addam totum Orbem Christianum, cui in meliori & magis Mystico sensu promissi completio potest applicari. Hoc enim sensu omnes Christiani sunt semen *Abrahami*. Quantopere igitur multiplicabitur semen *Abrahami*, postquam omnia Mundi Regna facta fuerint regna *Christi* filii *Abrahami*? Et modo quàm consummato tunc implebitur illud, *Et in tua stirpe omnes Orbis terrarum Gentes sese beatas ferent*? Quod ad modum haud mediocrem jam completum est in universo Orbe Christiano. Et quicquid laudabile est, in Moralitate aut Religione *Turcarum*, manifestum est *Mosi Christo*que illud deberi. Et quicquid illustre erat aut commendabile olim apud Gentes, quantum ad Virtutem ac Philosophiam, credibile est prima illius Semina à posteris *Israelis* fuisse accersita.

*Erist.* Antiqui Patres istam *Lyræ chordam* saepe feriunt, ac si *Pythagoras* & sapientissimi *Græci* Philosophi, omnia ex isto fonte hausissent.

*Bath.* Immò sanè, & mira antiquæ Philosophiæ ad tria prima capita primi libri *Mosis* (quæ Philosophica sunt universa) applicabilitas istam Patrum conjecturam mirificè confirmat.

*Cuph.* Visio autem *Abrahami* sub occasum Solis interpretationem habet & completionem magis expressam de afflictione suæ prolis in *Aegypto*, redemptioneque ab ista servitute post quadringentos annos, nisi quòd post eventum scripta sit.

*Bath.* Ista, meo quidem iudicio, O *Cuphophron*, admodum inhonesta est atque illiberalis exceptio, cum planè videas ea etiam Vaticinia verificata esse quæ aliquot millenis annis se extendunt ultra tempora *Mosis*. Per hanc Cavillam *Moses* omnes istas prædictiones omittere debuisset quarum completio fuerit ante sua tempora, nec *Insomnia Pharaonis ipsiusve Josephi* memorâsse.

*Philoth.* Equidem, *Cuphophron*, hoc tuum commentum nimis quàm subtile est & argutum, proximèque abest ab omnem abrogando fidem universæ Historiæ *Mosaica*. Veritas verò vaticiniorum quæ eventus indignant aliquot millenis Annis post *Mosis* tempora tunc futuros, Historiæ etiam *Mosaica* fidem meritò suffulcit. Ut in notabili isto Vaticinio *Jacobi*, *A Jnda sceptrum non recedet nec de ejus interfaminio Rector, donec venerit Shiloh, & ad illum erit populi congregatio*. Quod vaticinium apertè tempus adventûs *Messia* indigitar, conversionemque gentium ad eum, quod perinde accidit.

*Philop.* Verissimum narras, *Philothee*.

*Philoth.* Id verò etiam valde mirificum est & notatu dignum, quod *S. Paulus* innuit, Actiones scilicet Casûsque qui semini *Abrahami* acciderunt Typos esse Propheticos de Christo illiusque Ecclesia. Immensum esset omnia recensere. Non abs re tamen est exemplum unum & alterum in medium proferre. Ut Conspirationem capitulum Familiae *Jacobi* contra fratrem suum *Josephum* ad dedendum eum neci. *Ecce somniator ille venit, interficiamus eum, &c.* Aptæ quidem præfiguratio Conspirationis Scribarum & Phariseorum Procerumque populi contra Christum, qui Divinâ Revelatione novit seipsum esse *Messiam*, ut *Josephus* per sua *Insomnia* præmonitus est fore, ut ad eum honorem exaltandus esset, ut Pater ac Mater & fratres incurvarent se versùs terram eumque venerarentur, quemadmodum & Pater declaravit ex illius *Insomnio*, de Sole & Luna & undecim Stellis eum adorantibus. Et ob *insomnium* Manipulorum Fratres ei dixerunt, *Tunc ergo regnum in nos & principatum obtenturus es? eoque majori odio in eum exarserunt*. Cæterum post ejus perpeffiones, descensum in puteum, vestis que tincturam sanguine, (quæ haud segnes sunt mortis sepulturæque Servatoris Christi significationes) non tantum è puteo sublatus est, sed in Aula *Pharaonica* Cælo Politico ad altos honores evectus, quod *Ascensionis* Christi illiusque *Apotheoseos* similitudinem gerit. Nam quemadmodum etiam illi qui Christum crucifixerunt, postea eum adorârunt ceu Filium Dei; ita qui in Necem *Josephi* conspirârunt, eum postea submissè venerabantur, & quemadmodum *Jacobus* loquitur filii sui *Insomnium* interpretans, *incurvabant se ad terram coram eo*. Utque mors Christi ad eorum etiam salutem tendebat, qui eum crucifixerunt; ita ista conspiratio adversùs *Josephum* Afflictioque in quam eum conjecerunt, facta est tandem conservatio Conspiratorum. Et postremò, sicut dicitur de Christo, *Libuit autem Jehova eum agitudine*

Gen. 49. 10.

XXI.  
Typi Historici  
earum rerum  
quæ Christo  
eventura erant  
illiusq; Eccle-  
sia, ut Josephi  
perpeffiones,  
ejusq; exalta-  
tio.

Gen. 37. 19.

Gen. 37. 8.

Esa. 53. 10.



dine contundere, quia si animam suam piaculo exposuerit, semen adipiscetur diuturnum: ita dicitur de Josepho, Quod vixit annos centum decem, viditque etiam pronepos Ephraimi, & Machiris quoque filii Manassis filios natos gremio accepit. Quamobrem magnum Incrementum Filiorum Israelis (post perpeffiones Josephi per fratres suos) in Terra *Aegypti*, Typus est magni Incrementi discipulorum Christi sive Ecclesiae illius (post ejus Passionem, Resurrectionem & Ascensionem) in Romano Imperio. Quod ante liberationem suam temporibus *Constantini* factam domus erat eis servitutis & intolerandae afflictionis, ut Terra *Aegypti* filiis *Israelis*, antequam liberati essent per *Mosen*. Atque ab eo tempore *Aegyptus* semper Typus mansit istiusmodi Potestatum, quae filios Dei persequerentur. Unde & applicatur Paganochristianae Tyrannidi Pontificis *Romani* in Apocalypsi S. *Johannis*.

*Philop.* Equidem quod narras, *Philothee*, mihi nec durum videtur ullo modo nec incongruum. Caterum mea quidem sententia nullus Typus tam significans est Sacrificii Passionis Christi quam *Agnus Paschalis*, cujus sanguis postibus ac superliminibus domorum Israelitarum aspersus, primogenitos suos (quem Typum animae quidam esse volunt) ab Angelo exterminatore servabat incolumes.

*Philoth.* Recte mones, *Philopoli*, \* admodum palpabilis praefiguratio est crucifixionis Agni Dei, cujus erat peccata Mundi, sui sanguinis virtute tollere, atque sic salutem nobis comparare. Verum quid existimas de *Pharaone* ejusque copiis in mari rubro subversis? nullumne istud Typum gerit sanguinis Christi?

*Philop.* Verisimillimum est, Redemptionem nostram significare ex servitute Peccati & Diaboli per sanguinem Servatoris. Ecquid amplius in ea re latet?

*Philoth.* Manifesto applicatur in Apocalypsi ad liberationem Ecclesiarum Reformatarum ex servitute *Romani Pharaonis* sive Pontificis. Dic mihi enim, *Philopoli*, quoniam ii esse possint, qui dicantur ex bestia ejusque imagine & nota & nominis numero victores, nisi tales qui Papismo renunciaverint, redemptique sint ex Tyrannide illius Ecclesiae & Imperii?

*Philop.* Equidem fateor, *Philothee*, me illius Libri Interpretes haud ita irritum successu perlegisse, quin ea de re plenè sim persuasus, ac proinde facilè admissurus sum, ad Orbem Christianum Reformatum descriptionem istam pertinere.

*Philoth.* Hi verò, *Philopoli*, dicuntur, stantes super mare vitreum igne mixtum, Deique citharas habentes *Mosis* Dei servi citharam, Agni que citharam ita cantare: Magna & mirabilia sunt opera tua Domine Deus Omnipotens, Justa veraque sunt Instituta tua, Sanctorum Rex. Quis te non metuat Domine, tuumque nomen celebret? Nam tu solus sanctus, Nam te gentes omnes coram adoratum venient, quod tua jura patefacta sint.

*Philop.* Non possum negare quin haec intelligatur supplicium Meretricis sive Cornu parvuli oculos habentis, in Reformatione inchoatum, & citharam hoc *Mosis* ad illud Israelitarum referri post cladem *Pharaonis* currumque ejus in mari rubro. Ecqua verò haec ipsius Maris Rubri, *Philothee*, sit mentio?

*Philoth.* Immo perquam manifestò, *Philopoli*. Dicitur in illo carmine *Mosis*, quod *Israelitae* cantarunt: Stetere fluctus in cumulum, inque Mari medio unda sunt congelatae, hoc est. Mare rubrum ut glacies facta est, propter suam fixationem & transparentiam. Ut haec vocatur Mare Vitreum ob eandem rationem. Suntne haec Metaphorae adeò diversae?

*Philop.* Egregiè congeneres, O *Philothee*.

*Philoth.* Et quod Mare vitreum dicitur igne mixtum, illud quidem in Litera alludere potest, vel ad colorem Arenae quae per aquam enitebat, (& quandam speciem rubedinis nostri Colorem igneam appellari,) vel ad igneam apparentiam Angeli quae mari illuxit dum nocte pertransibant.

*Philop.* Agnosco hoc concinnum esse. Verum age, quid tum demum *Philothee*? Supponamus Mare hoc vitreum, Rubrum esse Mare, quo tandem sensu *Pharaoh* Italicus cum suis copiis in hoc mari sanguinis dicitur subverti.

*Philoth.* Justificatio per fidem in sanguine Christi ad Remissionem peccatorum, quatenus servilibus poenitentibus impositiis, Hypocriticisque bonis operibus, (ex quibus magna ex parte, Civitatis istius Mercatorum consistebat commercium) opponitur, \* haec est Mare illud rubrum in quo *Romanus Pharaoh*, currusque ejus atque aurigae submersi sunt dum persequerentur Israellem Dei, eos utique qui maximum praelii impetum sustinuerunt in prima Reformatione.

*Bath.* Et si successores ipsorum pro se quisque certatim, mysterium Rubri Maris igne mixti explere volunt, in sensu magis interno, hoc est, virtute sanguinis Spiritusque Christi, (qui Igni comparatur) Justitiam perficere in timore Dei, & non solum

XXII.  
Agnus Paschalis & Israelitarum transitus per mare rubrum.

Apoc. 15. 2.

Apoc. 15. 2, 3.

Exod. 15. 8.

1 Cor. 10. 2.

lùm nube & mari baptizari ( ut loquitur Apostolus ad eorum transitum alludens per mare rubrum ) in significato exteriori, sed Christi sanguinem imbibere in vera illius participatione & baptizari Spiritu sancto atque igne, ad consumendam expurgandamque omnem Hypocrisin Improbitalémque ex eorum cordibus, non dubito quin Victoriæ eorum contra *Pharaonem* ejusque copias infinitò majores futura sint & copiosiores quàm unquam hætenus. Quemadmodum de *Israelitis* dicitur per *Balaamum*, quem *Rex Moabitum* conduxerat ad imprecandum ipsis, *Nulla culpa visitur in Jacob, nullum facinus extat in Israel.* Et tunc sequitur, *Jehova eorum Deus adest eis clangore comitante Regio. En populus leana similis insurgenti, leoni similis commoto, non prius recubituro quàm prædam voraverit, quàm occisorum sanguinem hauserit. Tam pulchra sunt Tabernacula tua O Jacob, Contubernia tua O Israel, quàm valles patentes, quàm positi apud fluvium horti quem Deus plantaverit, quàm sitæ propter undam Cedri. Deus eum eduxit ex Aegypto robore præditum Monocerotio. Conficiet sibi adversantes gentes earumque & membra exossabit, & perfringet missilia.* Hic successus Sinceritatem & Integritatem *Israelitarum Veteris* Fœderis comitatur, idémque per Analogiam expectandus est de *Novo*.

Num. 23. 21.

Pers. 24.

Num. 24. 6, 8.

XXIII.

Serpentem æneum, Tabernaculum, Pontificem totaque castra *Israelis* Typos Christi fuisse ejusque Ecclesiæ.

*Philop.* Verum narras, *Bathynoe.* Cæterùm ut ad Typos Propheticos redeamus, qui sanguinem Christi, illiusve mortem præfigurant. Nihil magis ad vivum exprimit Crucifixionem Servatoris, quàm elevatio Serpentis ænei in deserto, quemadmodum & ipse innuit apud *S. Johannem.* *Ac sicut Moses Serpentem extulit in deserto, sic oportet filium Hominis extolli, ut quisquis ei fidem habeat non pereat, sed vitam obtineat sempiternam.*

*Bath.* Id optimè abs te notatum est, *Philopoli.* Est sanè Typus significantissimus, summæque mihi solet esse oblectationi quoties apud me considero non unum illud tantummodo ænei Serpentis Symbolum, sed quomodo tota castra *Israelis* cum Tabernaculo inter ipsos unus integer esset Typus sanctus itinerantis Ecclesiæ Christi viamque conficientis per hujus Mundi Eremum ad Terram promissionis sive Regnum cœleste. Incarnatio Christi, Divinitas ejus & Apotheosis, Passio, Ascensio & Intercessio, cuncta hæc admodum graphicè figurantur in statis illis Typis *Israelitarum.*

*Hyl.* Quomodo, quæso, *Bathynoe?*

2 Pet. 1. 13.

Johan. 1. 14.

*Bath.* Incarnatio τῷ λόγῳ, O *Hylobares*, apertè præfiguratur in Tabernaculo atque רביר ex quo Deus loqui solebat. Nôstique Apostolum mortale hoc corpus σκῆνωμα, i. e. Tabernaculum appellare, quemadmodum & antiqui *Pythagorei* σκάσι. Verbumque, apud *S. Johannem* dicitur σκηνῶσαι ἐν ἡμῖν, Tabernaculum suum posuisse inter nos, ubi Apostolus agit de illius Incarnatione. Dei igitur Residentia in Tabernaculo (*Israelitum* interim tentoria sua circa eum defigentibus) facilis est Repræsentatio Incarnationis Christi, Verbivæ ætatem degentis in carne, apud nos ætatem in carne degentes.

*Hyl.* Sic est, *Bathynoe.*

*Bath.* Et quod ad Christi Passionem attinet, quid eam rem meliùs significare poterat, ( prout *Philopolis* rectè jam observavit ) quàm iste Serpentis ænei Typus? quippe quum Christus, ut ille, in sua Crucifixione in palo ligneo elevatus esset. Et quemadmodum Telesma illud execratissimam formam gerebat omnium Animantium, serpentinam utique, ità Christus pro nobis factus est peccatum & execratio inter duos latrones crucifixus, ac si ipse talis fuisset malefactor. Cæterùm cum ipse nullum haberet peccatum, Contemplatio illius in cruce sic pendentis summam virtutem habuit ad tollendum tum dolorem tum venenum peccati simul, & ad nos redimendum ab æterna morte; ut Serpens æneus, cum Serpens non esset, sed tantùm Figura, eos qui ad eum aspexerint ex morfu ac veneno presterum Serpentum sanos fecit & sic eos redemit à morte temporali.

*Hyl.* Sed quomodo *Ascensio* ejus & *Intercessio* præfigurata est in hisce Typis *Israeliticis?*

*Bath.* *Intercessio*, *Hylobares*, significatur per ἱλασῆριον, sive Propitiatorium. Nam ex eo quòd Christus passus est in carne, & ad dextram Dei nunc confedit, is nostra apud eum est propitiatio. In eo Deus mundo factus est propitius. *Ascensio* verò ejus, ( quemadmodum & *Intercessio* ) porro præfiguratur, per Pontificis solius introitum quotannis in Sanctum Sanctorum.

Hebr. 9.

*Hyl.* Quod id ipsum est, quod Author ad Hebræos notavit.

*Bath.* Et postremò, *Hylobares*, Divinitas ejus in vestimentis *Aaronis* Pontificis, qui illustris proculdubio Typus Christi erat, magnificentissimè intexta est, & acupicta. Nam fatente ipso *Philone* *Judeo*, vestimenta *Aaronis* Typuserant Mundi aspectabilis. Et quis dici potest gestare, & in formam ordinemque extendere, imple-

reque



reque totam Naturæ Fabricam suâ præsentia, nisi is qui fecit, illiusque conservat existentiam? Quis nisi ὁ δημιουργός υἱός, sive Divinus *Logos*? Nullus hæc vestimenta effarcire dici potest, præter ipsum. Vestimenta verò *Aaronis* non solum Typum fuisse Universi, sed ad verissimum illius systema adaptatum, ex eo apparet, quòd *Ephod* & *Pectorale*, quod circa Regionem cordis, (qui Sol hujus minoris est Mundi) collocabatur, contexturam suam habuit ex cocco & purpura, cum auro byssòque candida, quæ planè vehementem denotant calorem resurgentemque lucem Solis, qui *Pythagoreorum* est τὸ πῦρ ἐν μέσῳ ἰδρυμένων, ut *Ephod* & *Pectorale* hoc collocatur in medio *Aaronis* corpore. *Pallium* etiam *Hyacinthinum* tantum Cœli repræsentat, quantum Planetarum spacio comprehenditur, quos *Mala-granata* pendula repræsentant, ut & *Stola* illa ocellata porro extensa cœlum stellatum, quippe *Stellæ*, tot scintillantes oculos referunt, *Tintinnabula* autem Harmoniam Universi.

Exod. 26. 62

*Hyl.* Rem optimè teneo. Legi enim apud recentem Authorem plenior ad eundem sensum, descriptionem. Harum Congruitatum Typorum Israeliticorum consideratio mentem meam mirâ quidem voluptate percellit. Admodum admirabilia sunt, *Bathynoe*, admodumque delectabilia ac solida pignora, (cum eorum completionem in Ecclesia Christiana comparatæ) perpetuæ & pervicacis Providentiæ Dei in rebus ad hunc modum promovendis proprii sui populi atque regni.

*Philop.* Sunt verò, *Hylobares*, qui facilius convincuntur per expressa *Vaticinia vocalia*, quàm per *silentes Typos*, quippe quorum ingenii tarditas facit ut tales Interpretationes, nimis Imaginationis indulgentiæ suspectas habeant.

XXIV.  
Vaticinia vocalia de Regno Christi illiusq; successu in orbe.

*Hyl.* Quamobrem, *Philopoli*, ad istam *Philothens* provinciam facilè rediturus est, ex levissima subindiciuncula.

*Philoth.* Faciam, *Hylobares*. Spero autem *Philopolin* minimè expectare ut per omnia *Vaticinia* quæ ad Judaicam spectent Ecclesiam pervagarer: Pensum enim esset quod integrum requireret volumen.

*Philop.* Tantum abest ut id à te expetam, *Philothee*, ut metuum sanè nè feceris, quod igitur inhibitum volo, uti etiam, nè quicquam tibi molestiæ crees, recensendo rerum Judaicarum successus dum eorum Politia manebat. Hæc enim legere licet in sacris Bibliis ordine narrata, tamque numerosa sunt, ut præcipuum propositum, si hæc aggredieremur, amitteremus. Captivitates eorum propter peccata sua, ad bene magnum antè temporis intervallum comminatas fuisse, reditusque prædictos, vulgo notum est. Nè tempus nos deficiat, obsecrote, *Philothee*, ut sermonem restringas ad ea sola *Vaticinia* & *Observationes* quæ ad Regnum Dei pertineant, à filio Dei domino Christo inchoatum.

*Philoth.* Quale est illud *Jacobi* *Vaticinium*, cujus novissimè mentionem feci. In quo diuturna illa decem Tribuum Captivitas videtur involvi. *Jacobi* enim *Vaticinium* in eam Tribum se determinat, quæ mansura erat usque ad adventum *Messie*.

*Philop.* Istud verò manifestum indicium est *Jacobum* *Vaticinia* de suis Filiis non temerè quidem effutiisse.

*Philoth.* Sic est *Philopoli*. Et quemadmodum *Vaticinium Jacobi* tam apertè tempus definit, intra quod certò venturus erat *Messias*; sic etiam faciunt ista *Haggai* & *Malachia*, utraque planè declarant, factum iri intra tempus Templi secundi.

Cap. 2. 6.  
Cap. 3. 1.

*Philop.* Novi sic declarare. Qua in re Providentia admodum fideliter se gessit erga Populum Dei, tam certum signum præmonstrando adventus sui Servatoris, & ut Judæi intelligant ex Templo suo demolito, nullum superesse Templum versùs quod adorare possint præter sacrosanctum corpus Jesu filii Mariæ, quod in cœlum in sua *Ascensione* secum deportavit.

*Philoth.* Hi valdè manifesti Divinæ Providentiæ tractus sunt, *Philopoli*. Nihil autem, meâ quidem sententiâ, tam accuratum, quantum ad designationem temporis adventus Christi, quàm Septuaginta *Danielis* Hebdomades, quarum suprâ mentionem fecimus. Nam Epochâ Hebdomadam anno septimo *Artaxerxis* (Ezræ 7.) affixâ, Passio Christi (sive *Messie* qui perimendus dicitur) intra ultimam Hebdomadem cadet. Annon verò hæc admodum præcisa est Prædictio, quæ fiat quinque aut sex centenis Annis ante Eventum?

*Hyl.* Hæc sanè Providentiæ egregia est demonstratio, si Textus sit facilis & obvia congruitas cum Eventu.

*Philop.* Mihi crede, *Hylobares*, Applicatio valdè facilis est & naturalis, talisque quæ nullam habere possit Rivalem, quemadmodum intelligo ex recens edita Explicatione illius *Vaticinii*.

Vide Myst. Pietat. lib. 7. cap. 4.

*Philoth.* Est tamen adhuc maturior prædictio, O *Philopoli*, perpeffionum Christi apud *Esaïam*, qui plus centum annis prius vaticinatus est. Quod *Vaticinium*

ticinium multas alias notas Characteristicas illius Personæ complectitur.

*Philop.* Capite putà 52. Illud equidem admodum illustre est Vaticinium, taléque cui abunde acquiesco. Satisque persuasus sum de exacta Dei Providentia illiusque vigilantia super Ecclesiam suam, qui determinatum Tempus, propriosque characteres personæ Christi Servatoris Mundi ad hunc modum prædixerit. Mens mea verò ad successum illius adventus excurrit.

*Apo. 6. 2.*

*Philoth.* Is qui repræsentatur albo Equo insidens ( in apertione primi Sigilli Apocalyplici ) cum arcu in manu, scopum tandem attingit ad quem collimabat, & tum primùm possessionem iniiit illius coronæ quæ ipsi data erat, quum sub sigillo sexto Romanum Imperium sub Constantino factum est Christianum. Verùm, prout Spiritus Prophetiæ prædixerat, quòd per multas Tribulationes & Afflictiones intrandum esset in Regnum cælorum; ità per multas horridas ac cruentas persecutiones difficilisque oppugnationes Christianitas tandem totum possedit Imperium. Ac proinde tempus hoc conflictationis aptè præfiguratur per cruentum illud prælium Michaelis inter & septicipitem Draconem, Persecutioque illa omnium dirissima ( Diocletiani temporibus incepta & per regnum aliorum aliquorum Imperatorum continuata )

*Apo. 6. 9, 10.*

per *dram*, in sigillo quinto, sub qua cernebantur Animæ necatorum propter sermonem Dei propterque Testimonium quod habebant. Qui ingenti voce sic clamabant, Quousque tandem, O Domine sancte atque vere, non ulcisceris ac vindicas sanguinem nostrum de terra incolis? Sed statim post hanc summam calamitatem, illustris illa extitit Ecclesiæ victoria per Constantinum, ingens utique ille Terræ-motus, in apertione sigilli sexti, qui quassavit confregitque Potestatem Paganicam, Imperiùmque coniecit in gremium Ecclesiæ. Quamobrem id impletum est modo eminentiori, quod prædictum est à Daniele Propheta, *Istorum autem Regnorum temporibus suscitabit Deus cælestis Regnum, &c.* Quod Regnum appellatur Regnum Dei & Regnum Cælorum,

*Perf. 12.*

( prout antè innui ex hisce Vaticiniis ; ) quòdque incepit quidem cum Christo & Apostolis ( ac proinde ut plurimùm vocatur Regnum Christi ) sed modo magis notorio sic factum est, postquam per fortitudinem suam ac tolerantiam Imperium Romanum Christi sceptro subjugaverant; atque sic permansit, quamdiu Ecclesia erat Symmetra, qualis erat toto tempore primorum sex sigillorum. Caterùm intra Centuriæ quartæ quintæque confinia, externum hoc Regnum Christi degenerare incepit in

*Dan. 2. 44.*

Regnum Antichristi, Bestiæque quæ vulnus lethiferum acceperat, incepit sanari, omnesque Idololatriæ Superstitionesque Paganorum tandem revixerunt in spurio quodam genere Christianitatis, novique ritus Idololatriæ Ecclesiæ viva Imago facta est antiqui Ethnicismi. Et Bestia denique quæ non erat, durante regno Cæsarum purè Christianorum, facta est Bestia quæ erat & non est & tamen est. Imperium enim rursus Paganum evasit, evadendo Idololatricum, & tamen non antiquum illud Imperium Paganum, quoniam Paganum rursus factum est Pseudo-Christianum quodam genere Idololatriæ, & tamen per similitudinem est antiquum istud Imperium Paganum, cum Idololatria & Homicidium aliæque crassæ Enormitates tam viva lineamenta sint in forma utrorumque. Hic est successus, *Philopoli.*

*Apo. 13. 3.*

*Perf. 14.*

*Apo. 17. 8.*

XXV.  
Ecclesia Apostasia quam  
consistens sit  
cum durabilitate  
Regni Dei  
apud Danielem.

*Philop.* Hoc nimis verum esse credo, *Philothee.* Caterùm, dic mihi quomodo consistet hæc Ecclesiæ Apostasia cum illo quod sequitur apud Danielem? Ait enim, *Istorum Regnorum temporibus ( putà Regni quarti, viz. Romani ) suscitabit Deus Cælestis Regnum nunquam evertendum, quod quidem omnia illa regna comminuet & conficiet, ipsum autem stabit in æternum.* Quomodo hæc statio consistere potest cum illa Apostasia?

*Dan. 7.*

*Philoth.* Magni hæc momenti Obiectio est, *Philopoli.* Et tamen haud ità longè accersenda est Responsio. Quanquam enim non concederemus sensu quodam magis externo & Politico Orbem Cristianum etiam degenerem appellari posse Regnum Christi, atque has Apostasiæ suæ Repræsentationes non tam significare quòd Christi sponsa non sit omnino, quàm quòd sponsa sit adultera, illiusque turpitudines tanta cum aggravatione describi, ut eò efficacius ad bonam revocetur frugem populisve ex illius communione evocetur; vel hoc unum huic difficultati satisfacere potest, quòd per totam hanc horrendam Ecclesiæ Apostasiam per istas figuras repræsentatam ( per Meretricem scilicet Babylonicam, Bestiam bicornem, falsum Prophetam, Bestiam sanatam decacornem, Proculcationem exterioris Atrii à gentibus menses quadraginta duos, quemadmodum & per Cornu parvulum oculatum, quod Daniel memorat, ad tempus & tempora & dimidium temporis dominaturum ) considerare debemus continuationem fuisse toto hoc tempore Apostolicorum Subditorum Regni Christi huic Apostasiæ Synchronam, & præfiguratam per Catum Virgineum in Apocalypsi, per duos Testes prophetantes centonibus amictos, mille ducentis sexaginta diebus, & per Mulierem in Deserto ad tempus



*tempus & tempora & dimidium temporis illic manentem.* Adeò ut Regnum à Christo illiſque Apoſtoliſ inchoatum, licet afflictum divexatumque & ſæviſſimis modis & à Roma Paganica & à Roma Antichriſtiana impugnatum, nunquam hætenus expugnatum ſit, ſed adhuc manet ad hunc uſque diem, ad omnia illa glorioſa propoſita quæ intenderit Deus. Hic eſt ille pretioſus lapis ſine manibus exciſus, qui futurus eſt mons qui totum terrarum Orbem impleat, non autem carnalis illa Idololatrarum & truculentorum Homicidarum Maſſa. Hæc ſunt illa centum quadraginta quatuor milia in Sione monte congregata; Et ſi quæris ad quam Hierarchiam pertineant, Hi Agnum ſequuntur quocunque vadat, neminem autem hominem ſequuntur ultra quam is Agnum ſequitur, quemadmodum antiquus Agni ſectator eos monet, *Eſſote ſectatores mei ut ego ſum Chriſti.* In hoc Capite unitum Regnum ſunt Dei atque Chriſti; ſub illius legibus vitam agentes nulliſque ſe ſubmittentes Inſtitutis aut Decretis quæ illis adverſentur. Hoc Regnum, *Philopoli*, nondum abolitum eſt, &, quod ſumma cum confidentia enuncio, nunquam abolebitur.

Dan. 2. 35.

Apoc. 14. 1.

1 Cor. 11. 1.

*Philop.* Sic & ipſe itidem ſpero. Caterum interea loci, ſumma ſucceſſus Regni Chriſti poſt inceptam Apoſtaſiam hæc videtur eſſe; Quod Regnum Chriſti deinceps per Annos circiter mille ducentos ſexaginta factum eſſet Regnum Antichriſti, excepta ſucceſſione cohortum illarum Agni, quæ paternum nomen habebant frontibus ſuis inſcriptum, quibſque ſolis datum eſt canere novum carmen ante Thronum, quippe à Terra redemptis, puriſque factis virginibus, quorum in ore nulla reperta eſt fraus.

Apoc. 14. 3. 4.

*Bath.* Hi iſti ſunt, *Philopoli*, de quibus etiam ſcriptum eſt, *Quicumque autem eum acceperunt iis eam poteſtatem dedit, ut Dei filii fierent, fidem habentibus ejus nomini; Qui non ex ſanguine nec ex voluntate carnis nec ex voluntate viri, ſed ex Deo geniti ſunt.* Et à carnali homine abſcondita ſunt omnia Myſteria Regenerationis. Nova illa Natura novum carmen eſt quod antequam verè regeneratus ſit, nunquam poteſt ediſcere, quantamlibet adhibuerit diligentiam ſequæ quam volet ſtrenuè geſſerit, inſanctificata ſoli Rationi, externiſque Inſtitutis innixus.

Johan. 1. 12. 13.

*Sophr.* Et propter hanc Ignorantiam vel potiùs Vitæ Antipathiam, bellum iſtud & perſecutio movetur adverſus inſontes milites Agni. Quemadmodum notatum eſt ab Apoſtolo, *Nos verò fratres, ut Iſaacus, promiſſionis nati ſumus*, hoc eſt, Spiritualis Nativitatis filii; *Sed ut tunc qui ſecundum carnem genitus eſt perſequabatur genitum ſecundum Spiritum, ita ſit etiam nunc.*

Gal. 4. 28.

Verſ. 29.

*Cuph.* Immo, & ſemper, opinor, ſic futurum eſt, O *Sophron*, præſertim dum ii qui ſecundum Spiritum nati ſunt, nomina tam ignominiola induunt natis ſecundum carnem. Quàm mira eſt iſta *Philothei* contumelia, ut Regimen Eccleſiæ per mille Annos & ampliùs, Regnum Antichriſti appellaret?

XXVI.  
Regnum Anti-  
chriſti quàm le-  
gitimè ſic di-  
ctum. Et an Pa-  
pa ſit homo ille  
peccati ab Apo-  
ſtolo memorat-  
us.

*Sophr.* Quid igitur, *Cuphophron*, vin' tu ut *Philotheus*, iudicio ac loquelâ ſapientior ſit quàm ipſius Dei Spiritus, qui Monſtrum iſtud quod Eccleſiam ita corrupturum erat & vaſtaturum, *Antichriſti* nomine appellabat, quod & fecerunt univerſim antiqui Patres? Et obſecro te, utrùm falſus Propheta, Cornu blaſphemum oculatum, Beſtia bicornis, Meretrix Babylonica & Homo peccati, molliores appellationes ſint, quàm iſta *Antichriſti*? Atque hæc certò ad Hierarchiam Romanam pertinent.

*Cuph.* Cornu blaſphemum oculatum, Meretrix Babylonica & Homo peccati, meâ quidem ſententiâ, æquè contumelioſi Tituli ſunt atque ille *Antichriſti*. Et ſi Episcopus Romanus demonſtrari poſſet horum eſſe quilibet, præſertim Homo peccati, difficile eſſet amoliri alteram illam magis vulgarem imputationem contra quam adeò recalci- trant.

*Evist.* Eccleſiæ erat univerſim recepta opinio *Hominem Peccati* in Episto- la ad *Theſſalonicenſes* deſcriptum, illum famoſum eſſe Antichriſtum qui Chriſtianum Orbem ſuo ſtrepitu & terrore implebat.

*Philoth.* Fuiſſe autem Pontificem Romanum cum ſuo Clero, *Cuphophron*, tu qui adeò ſcrupuloſus es circa legitimam Originem Regni Dei in Reformatione, peculiarem habes obligationem cur credas: quippe quum origo & continuatio Papalis Principatûs tam inviſis impiſque rationibus facta ſit, ut nihil fingi poſſit ſuprà. Nullam enim iſtiusmodi univerſalem ſuperioritatem, quam is prætendat, à Chriſto ſibi reli- ctam eſſe apud optimos ſuorum Historicorum agnoſcitur, ut apud *Guicciardinum*, exempli cauſâ, in quarto libro ſuæ Hiſtoriæ.

*Evist.* Iſtud intelligis, *Philothee*, quod omiſſum erat in Latinis, Gallicis & Italicis exemplaribus *Guicciardini*, impreſſumque poſtea & publicatum in eiſdem linguis ſe- oriſim *Baſilea*, Anno 1561. Egregium ſanè ſpecimen mali illius doli, quem adhibere ſolet iſta Eccleſia ad rem ſuam ſuffulciendam.

2 Thess. 2. 6, 7.

*Philoth.* Idem ipsum intelligo, *Evist.* Atque illud quidem notatu valde dignum in ista excerptione existimo, Quod tamen si Historicus celebrem illam *Constantini* donationem Papæ *Sylvestro* factam ceu Fictionem rejicit, *Quibusdam*, ait ille, in dubium vocantibus vel potius affirmantibus *Constantinum* nē in eadem quidem atate cum *Sylvestro* vixisse nedum partem Imperii sui per modum Donationis ipsi impertivisse ( ut ipsam Urbem *Romam* multasque alias Civitates & Regiones in *Italia*, eo nempe tempore, quo sedem Imperii mutans ad *Byzantium* se contulit, quæ postea ex illius nomine appellata est *Constantinopolis* ) in fine tamen hoc addit, *Nemo tamen negat Imperii Constantinopolin translatione ad Pontificum potentiam viam esse patefactam, ex eaque originem habuisse.* Quo quidem nullus aptior esse potest Commentarius in ista loca Vaticanii de *Homine Peccati*: Et nunc scitis quid obset quò minùs reveletur ille suo tempore. Et rursus, *Supereſt tantum ut qui nunc tenet, è medio tollatur: & tum demum revelabitur ille scelerofus, &c.* Præſentia erat Imperatorum *Romæ* quæ impedivit, quò minùs Episcopus *Luciferianam* suam ambitionem detegeret ſequè ipsū ostenderet primogenitum omnium Filiorum *Superbiæ*.

*Evist.* Hòc Patrum ſententiæ valde eſt conſentaneum, qui τὸ κατίχον Integritatem *Romani* Imperii eſſe cenſuerunt, ac ſi illius confractio introductio foret *Antichriſti*, corruptiòque, iſtius peſtiferi Monſtri generatio. Verùm reſeſſus *Constantini* ad *Byzantium* non eſt niſi primum initium completionis huius loci Prædictionis de ſublato-  
ne illius è medio, quod viſibile impediēbat *Antichriſti* incrementum, ſupponendo Papam eum eſſe. Inundatio erat Barbarorum quæ hoc propositum magis efficaciter ſecundavit. *Italia* enim ab his debellata & occupata, quanquam erant ad tempus Imperatores *Occidentales*, eorum tamen ſeriem clauſit *Auguſtulus*, & *Constantinopolis* ſola ſedes facta eſt Majestatis Imperialis. Quæ extraordinariâ Magnificentiâ aucta, adeò Imperatoribus grata erat ut poſtea, cū Barbari ex *Italia* expulſi eſſent, nunquam eis animus tamen eſſet redeundi *Romam*, ſed *Italiam* regebant per *Exarchos Ravennæ* conſtitutos, qui inferiores Præfectos ſub *Ducum* Titulo, miſerunt, qui *Romæ* reſiderent. Quamobrem huius ſecularis illi Potestatis obſcuritas & inferioritas fecit ut Eccleſiaſtica, magis incohibili ſplendore eniteret, honorēque à populo & reverentiam ſedi Episcopali lucrifaceret, eoque faciliùs futura illos ſubjectioni præpararet. Rebus ſic ſe habentibus *Lombardi Italiam* invadunt, quorum cū Inſtitutum eſſet totius Regionis poſſeſſionem ſibi acquirere, Imperatoris poteſtatem quantum poterant confrēgere. In quibus rerum circumſtantiis Papa bellam naſtus eſt opportunitatem ſuas pulchrè agendi partes in proprium ſuum commodum. Cū enim tam potentem haberet Imperator hoſtem in *Italia*, callidus Episcopus novit quā ſuas res auget per utroſque. Nam à juſtis Imperatoris caſtigationibus quas ob quaſcunque commiſſas Inſolentias meruerit, ſe *Lombardorum* ope defendebat; ſeiſpſum verò ac Civitatem *Romanam* contra omnem violentiam *Lombardorum* tuebatur, quoties contra eam quicquam moliebantur, ſubſidiis Imperatoriis. Adeò ut cū utrorumque Potestate in rem ſuam abuſus eſſet, *Gallorum* ope tandem utrorumque Dominus evaſit, quantum ad Ditionem *Italicam*; quippe qui hac ratione in majorem utriſque poteſtatem emerſit. Et poſtremo, cū labefactatio virium Imperatoris ( poſtquam illa contentionis pila inter eos jaſta erat ) Papæ ſemper eſſet corroboratio, manifeſtum eſt Incurſionem & Inundationem *Saracenorum* in *Orientali* parte Imperii ulterius fuiſſe adminiculum ad injuſtas ſuas uſurpationes. *Orientali* enim Imperio ita labefactato, Barbari eò ſecuriùs ſedes ſuas figere potuerunt in *Occidentali*; Qui cū rudis & indoctus populus eſſent, eò erant Papæ dicto audientiores, cujus fama propter Civitatem, cū longè præ cæteris emineret, ut & gratia & poteſtas in orbe Chriſtiano *Occidentali*, rudes hi Proſelyti in ſua ad Chriſtianitatem converſione iſtiusmodi imbuebantur principiis quæ maximè ad exaltationem Sedis *Romanæ* conducerent. Adeò ut undequaque videamus, Diſcriptionem & Diſſipationem Potestatis Imperii per Nationum Invaſionem ſeciſſe ad Pontificis elevationem ſui ipſius, in iſtam conſpicuam eminentiam magiſque viſibilem Inſolentiam poſtea in Reges & Imperatores, ut qui ſe oppoſuerit & extulerit ſupra quicquid Deus dicitur aut colitur; quemadmodum Interpretes iſtud vaticinium exponunt.

*Cuph.* Hoc bellum eſt, *Evist.* & concinnum, admodumque manifeſta futura fuiſſet Applicatio, ſi Apoſtolus loco vocis τὸ κατίχον, Diſcriptionem *Romani* Imperii expreſſim nominàſſet. Locutio verò cū tam laxa ſit & generalis neceſſe eſt ut Applicatio eò magis ſit incerta.

*Evist.* Quid igitur putàſne, *Cuphophron*, par fuiſſe ut Apoſtolus *Theſſalonicenſibus* declararet quòd Imperium *Romanum* incurſaretur à Barbaris & à copiis ipſorum dilaceraretur, præſertim cū *Romani* ſpem blandam iſtam concepſſent, ac ſi *Roma* illiſque Imperium futurum eſſet æternum?

*Cuph.*



*Cuph.* Id fateor futurum fuisse haud ita tutum aut consultum. Quinam autem sunt Iudi isti impii quos Episcopus Romanus dicitur Iulisse, ad fundandum hoc suum *Antichristianum Imperium*?

*Evist.* Ingens tibi tedium narratio creatura esset, longéque ultra tempus limitatum excurreret. Pauca tamen specimina in prælibationem in medium proferam. Et primò quidem, quid existimas, *Cuphophron*, de illa blandiloquentia *Gregorii* primi, celebratissimi illius Sancti & Episcopi *Romani* in sua congratulatoria Epistola ad *Phocam*, qui seipsum Imperatorem fecerat, per horrendam eadem *Mauritii* Principis sui legitimi, postquam illius liberos in conspectu ejus occiderat; *Benignitatem Pietatis vestrae ad Imperiale fastigium pervenisse gaudemus, letentur Cæli & exultet Terra, & de benignis actibus vestris Reipublica populus hilarescat?*

*Cuph.* Istud quidem nimis quàm servile est & Parasiticum, *Evistor*, & meâ quidem sententiâ, pueriliter profanum, Scripturæ sacræ locutionibus ad hunc modum abuti, quò successui applaudit tam impii ac truculenti Usurpatoris. In quem finem facta est improba hæc blandiloquentia?

*Evist.* O *Cuphophron*! Conciliationem gratiæ Imperatoris Sedi Romanæ suos, probè novit, fructus edituram suo tempore.

*Cuph.* Quos, obsecro te?

*Evist.* *Phocas* hic erat, Domini sui Interemptor, qui *Bonifacio* tertio, proximo *Gregorii* post unum successori, Universalis Episcopi Titulum donavit. Contra quem Titulum tamen ille *Gregorius*, quando eum suspicabatur Patriarchæ *Constantinopolitano* datum iri, exclamavit, ac si ad neminem pertineret nisi ad Regem illum *Superbie, Antichristum* ipsum ejusve *Præcursorem*.

*Cuph.* Verba igitur ista *Gregorii* blandiloqua, ut videtur, pulchro Titulo *Universalis Episcopi*, in suo successore, sunt remunerata, Verba compensata verbis.

*Evist.* Istiusmodi verò Tituli verbales, realem proculdubio, O *Cuphophron*, in mentibus populi fortiuntur effectum, ac proinde hic *Phoca* favor haud contemnendum esse potuit Instrumentum ad evehendum Pontificem ad eam Potestatem in Orbe Christiano, quanquam fateor eum manum iniecisse magis crassis adminiculis.

*Cuph.* Id ipsum est quod avidè audire cupio, *Evistor*!

*Evist.* *Gregorius* secundus contra *Leonem Isaurum* rebellavit, effecitque ut tota *Roma*, *Romanisque Ducatus* sic facerent, & dum Imperator bello implicatus erat in *Oriente* adversus *Saracenos*, seipsum illius partis sui Imperii in *Occidente*, Dominum constituit.

*Cuph.* Siccine verò, *Evistor*? Quem prætextum habuit *Gregorius* ut sic ageret?

*Evist.* Pulcherrimum prætextum, O *Cuphophron*! *Leo Isaurus* à Pontifice *Romano* habitus est Hæreticus, quippe qui Imaginum adorationem oppugnavit. *Romano* igitur *Ducatu* mulctatus est ob tam immane crimen.

*Cuph.* Ob crimen obediendi Deo potiùs quàm Pontifici.

*Evist.* Et tamen ob idem crimen dictus *Constantinopolitanus* Imperator, *Leo tertius*, per *Gregorium* tertium & Imperio suo & Ecclesiæ communionem privatus est, referente *Platinâ*. Annon hic egregius est *Homo peccati*, qui sic fulminando contra Imperatoris obedientiam Deo sacroque illius verbo ac præcepto præstitam, & Imperatorem & Deum simul conculcat?

*Philop.* Hi duo Papæ insignes erant Imaginis Bestiæ Instauratores.

*Evist.* Nimiùm prolixa foret Historia, *Cuphophron*, collusionem tibi enarrare Papam *Zachariam* inter & *Pipinum*, Familiæ moderatorem præsentis tunc Regi *Galliæ*.

*Cuph.* Verùm obsecro te, *Evistor*, breviusculum saltem illius audiamus compendium. Magnopere me oblectant istiusmodi Technarum Narrationes.

*Evist.* *Pipinus* curavit ut Problema hoc Oraculo illi Christiani Orbis proponeretur, viz. Utrùm is qui nomen habet titulùmque Regis, an verò ille qui officio fungitur exercetque potestatem, Coronam debeat gestare.

*Cuph.* Hoc credo te velle, Utrùm is qui Regno idoneus est, an ille qui legitimus est hæres ac reverà Coronam possidet, debeat esse Rex.

*Evist.* Rectè dicis. Is est Problematis sensus.

*Cuph.* Casus haud multùm absimilis est isti qui propositus est *Cyro*, cùm admodum puer esset, per suum Magistrum; qui duas tunicas à duobus pueris sumens, (quorum minor longiorem, alter verò breviorẽ Tunicam habuit) utrasque *Cyro* tradidit, pro suo arbitrio pueris denuò alterutram alterutri reddendas, ut experiretur qualem notionem is haberet justitiæ.

*Evist.* Dic verò utram utri assignaverit.

*Cuph.* Longiorem Tunicam proceriori puero, breviorẽ humiliori adjudicavit.

*Evist.*

*Evist.* Ad hunc planè modum *Zacharias* Papa sibi propositum Problema solvit, Coronam illi dans qui magis idoneus habebatur ad eam gestandam, non autem ei cuius revera erat jure hæreditario.

*Cuph.* Christiani igitur Orbis Oraculum, pari sapientiâ, ut videtur, præditum erat, atque puer octennis qui ob crassum errorem in Justitia administranda vapulavit à Præceptore.

*Evist.* At verò mihi crede, *Cuphophron*, hic non erat error adeò puerilis in *Zacharia* Papa, sed meditata quædam Fraus & Injustitia adversus *Chilperichum* Gallie Regem, quò *Romanam* Sedem promoveret. Suis rebus maximopere consuluit in tam falsam pronunciando sententiam. Improbis hic dolus & Injustitia *Zacharie* lapis principalis Angularis erat super quem magnifica Papæ superioritas ad tantam Altitudinem est extructa. *Pipinus* enim cùm Regnum *Gallie* ope & autoritate sanctæ Sedis *Romanæ* affecutus esset, ille vicissim in grati animi testimonium, semper paratus erat ad promovendam Ecclesiasticam Papæ Superioritatem, nec tantum spirituales Jurisdictionem in Ecclesiam *Gallicanam* ei concessit, sed & gladio in omnibus rerum angustiis opitulatus est, ab Obsidione *Lombardorum* eum liberavit, ditavitque donatione *Exarchatus Ravennæ*, aliarumque multarum Regionum in Italia, (tanquam spoliis suis armis legitime acquisitorum) ut magis particulatim videre licet apud *Guicciardinum*. Et *Carolus* magnus Regis *Pipini* filius, cùm eisdem nominibus Sedi *Romanæ* obstrictus esset (quippe qui successit Patri, Pontificis Clienti audacique Coronæ *Gallicæ* usurpatori) eandem erga Pontificem observantiam continuavit, Donationesque ratificavit sui Antecessoris, quem Papa postea, *Leo* scilicet tertius, ut alter alterius rem eò melius mutuò promovere possent, *Romanum* elegit Imperatorem. Unde Papalis Autoritas facillè extendebatur cum victoriis *Caroli magni*.

*Philop.* Vidēsne *Cuphophron*, quàm pulchro Fundamento innixum sit Regnum *Antichristi*?

*Cuph.* Pontificis *Romani* Animationi Conspirationis rebellium perfidorumque hominum contra legitimos suos Principes.

*Evist.* Immò verò & ipsorum Pontificum Rebellioni, qualis erat *Gregorii* secundi contra *Leonem Isaurum*, qui & Dominum suum *Ducatu Romano* spoliavit. Quem admodum & *Stephanus* secundus itidem fecit, qui *Exarchatum* accepit à *Pipino* quem ipse in *Italiam* accersiverat. *Exarchatus* enim ad Imperatorem *Constantinopolitanum* pertinebat Papæ supremum Dominum atque Principem, ac proinde illi jure erat restituendus.

*Cuph.* Omne, ut videtur, piscis erat, quicquid in *S. Petri* nassam incurreret. Equidem meo judicio Papæ hi admodum notabiles fuerunt Homunciones. Quos alios, quæso, ludos ediderunt, *Evistor*?

*Evist.* Miros profectò, *Cuphophron*, & tam multos, ut si ad *Gallicinium* usque differerem, tempus non sufficeret ad declaranda multiplicia illa abscondita facinora horum, quos se prætendunt, successorum *S. Petri*. *Gregorius* quintus, cum Imperatore, cognato suo, *Othone* tertio, Civitati *Romanæ* Principem suum eligendi jus subdolè ademit, perpetuam in septem Electoribus *Germanicis* constituendo potestatem eligendi Imperatorem, hoc tantum cauto ac proviso, ut is qui ab Electoribus *Germanicis* electus esset, Imperator non esset appellandus sive *Augustus*, sed *Cæsar* seu *Rex Romanorum* priusquam coronatus esset ab Episcopo *Romano*, adeò ut callidus Papa hoc artificio & Civitatem *Romanam* privaverit jure eligendi suum Principem idemque partim in seipsum transfulerit & partim in Principes *Germanicos*, sed tali ratione quæ ad rem suam propriam maximè faceret, Potestate Imperatoris sic enervatâ, ut ipse quoties res tulerit eò facilius securiusque ei adversari posset & insultare. Quidam hanc technam Papæ *Innocenti* quarto, aut *Alexandro* tertio imputant. Sed cujusunque fuerit, Politica illius ratio omnibus satis est conspicua.

*Cuph.* Pontifices hi, ut videtur, sophistæ sunt admodum callidi ac subtiles.

*Evist.* Immò verò, & horridè rugientes rapidæque Animantes. Talem enim Imperator *Henricus* quartus *Hildebrandum* Papam, aliàs *Gregorium* septimum expertus est, qui postquam Imperatorem deposuisset eumque excommunicasset, in *Rudolphum* Ducem *Sueviæ* Imperium contulit. Is verò ab Imperatore in prælio cùm victus esset, observassetque manum sibi abscissam, cor etiam ejus percussus est sensu suæ Infidelitatis erga suum Principem, Episcoposque increpabat ob improbam ipsorum instigationem ad sumenda arma contra eum, cui in Juramento Fidelitatis manum sustulerat ad Deum.

*Cuph.* Istud admodum notabile eventum est, *Evistor*, & quod efficere potuit, ut ipsi Papæ animus remollesceret.

*Bath.*



*Bath.* Cor & saxo & inferiori molâ est durius.

*Job. 41. 24.*

*Evist.* Omnino sic esse sentio, *Bathynoe*. A re sua Mundana prosequenda nihil eos potest abstergere. Ac proinde *Urbanus* secundus, qui impium illud decretum fecit, *Jurandum non servandum esse cum homine excommunicato*, hic etiam excommunicavit & persecutus est hunc *Henricum* quartum; & *Paschalis* secundus qui ei successit, effecit ut Imperatoris filius arma contra ipsum sumeret. Qui postquam victus esset & Pontificis mandato depositus, Coronâque & alia Imperialia Ornamenta per vim ei ablata, datâque filio ejus, ipsèque continuò in carcerem inclusus; paulò post cum præ mœrore & animi ægritudine diem obiisset, Papa non passus est filium ejus sepelire eum, sed permittere coegit defuncti corpus toto quinquennio jacere insepultum.

*Cuph.* Monstrum Inhumanitatis! Papa itâ se gerit ac si putaret seipsum supra omnes Leges Dei pariter ac Naturæ positum.

*Evist.* Ac propterea minori cum detestatione Ceremonialem istam *Adriani* quarti Papæ arrogantiam accipies, qui *Fredericum Barbarossam* Imperatorem increpavit, quòd equum consensuro stapedem præposterum ei teneret.

*Cuph.* Ridiculus quidam inest huic rei fastus, *Evistor*, sed non tam crassa Asperitas & Crudelitas.

*Evist.* Quid autem existimas de hoc specimine Fastûs Papalis, O *Cuphophron*? Quàm asperum istum putas, aut quàm mollem? *Alexander* tertius *Adriani* successor suprâ nominato Imperatori incurvanti se ad deosculandum suæ Sanctitatis pedem, cervicem ei rudi modo culcavit, verba ista Psalmistæ adhibens, *Super aspidem & leonem calcabis, conculcabis leunculum & draconem*. Et quum Imperator, quippe quem pudebat tam vilis Homagii erga Papam, submissionem conjicere volebat in *S. Petrum*, dicendo, *Non tibi sed Petro*; Papa statim seras erigens surrexit, rursusque cervicem illius calcans immani voce respondit, *Et mihi & Petro*. *Psalm. 31. 13.*

*Cuph.* Historiolam istam jam olim audivi, quippe tam celebrem. Estne verò possibile ut sit vera?

*Evist.* Citantur plûs minûs viginti Historici ad eam attestandam. Virique sapientes ac bene in Historia versati firmiter credunt.

*Cuph.* Putâsne Imperatorem Coronâ Imperiali tunc indutum *Evistor*? Eò enim magis absonum futurum fuisset, horridumque spectaculum.

*Evist.* Credo non fuisse. Et certè eâ si indutus esset, Imperatoris cervicem non protectura fuisset, quò minûs Cervix pede insultantis Præsulis calcaretur. Papæ enim pilas pedaneas è *Coronis* Imperatorum perinde atque pedum scabella è *Cervicibus* eorum fecère.

*Cuph.* Nescio quorsum ista dixeris, *Evistor*.

*Evist.* Coronationis modum *Henrici* sexti & Imperatricis illius per *Celestinum* tertium Papam, ista respiciunt, qui suis pedibus Coronas Imperatoris & Imperatricis capitibus imposuit, Pontificali Cathedræ insidens, & simulatque Imperatoris capiti imposita esset Corona, pede ilico eam dejecit, quanquam Cardinales qui adstabant, viri erant tam urbani, ut Imperatori rursus porrigerent, illiusque capiti denuo imponerent.

*Cuph.* At verò utcunque, haud credo erga Imperatricem tam inurbanum fuisse ut Coronam illi de capite, suo pede dejiceret.

*Evist.* Nequaquam adeò inurbanus erat.

*Cuph.* Magna profectò Civilitas est, isti sexui præstita.

*Philop.* An verò non vides interim, *Cuphophron*, quàm viva Imago Papa sit illius Hominis Peccati qui opponit se exaltâque supra omne quod Deus dicitur aut quod colitur?

*Cuph.* Contra suprâque *Σελας* sive *Imperatores* modo quidem eximio se extollit, sed quomodo supra Deum?

*Philop.* Seipsum extollit contra suprâque Deum authoritativè oppugnando cancellandoque illius leges, quemadmodum manifestum est ex multis Institutis illius Religionis quam ut legem stabilivit expressè contrariam Legi Dei.

*Evist.* Summiquè illius Clientes, ut ipse *Bellarminus*, hoc jus illius affirmant, declarantes eum potestatem habere efficiendi illud non esse peccatum quod est peccatum; Et si Pontifex Vitia præceperit & prohibuerit Virtutes, Ecclesiam debere credere, Vitia bona esse ac Virtutes malas. *Bellar. de Rom. Pontif. lib. 4. cap. 5.*

*Cuph.* Enormis profectò hæc est Papæ Elatio ut prætendat se mutare posse naturam immutabilem Boni atque Mali.

*Hyl.* Qui panem transubstantiare potest in vivum corpus, realémque humanam præsentiam Christi, adeò ut naturale illius corpus totaliter præsens esse possit in plus millies millenis locis simul, quid est quod hic non possit præstare? *Philop.*

*Philop.* Dicam tibi, *Hylobares*: nunquam se expurgare potest apud quenquam æquum & intelligentem Judicem quò minùs censeatur audacissimus callidissimùsque Veterator qui usquam gentium extiterit.

*Evist.* Sed ut *Cuphophronis* curiositati modo paulò crassiori satisfacerem: Si Papa suum Thronum extollit supra Thronum Christi, annon manifestò se extollit supra Deum, modo maximè palpabili quem fingere quispiam potest aut expectare?

*Cuph.* Quì id quæso fit, *Evistor*?

*Evist.* Cujus Thronus est sacra Mensa, *Cuphophron*, si non Thronus corporis Christi?

*Cuph.* Equidem illi qui Panem semel consecratum ipsum corpus Christi esse censent, quod faciunt Pontificii, necessariò pariter censere debent sacram Mensam Thronum esse Christi sive sedem Regalem in qua corpus ejus residet.

*Evist.* Pedes verò Pontificalis Cathedræ Papæ in Inauguratione sua, Christi Thronum hunc conculcant, in qua etiam ab attonito populo adorationem accipit idque in Templo Dei materialiter intellecto, perinde atque figuratè.

*Cuph.* Historia atque Prophetiæ mirum in modum hisce in rebus consentiunt.

XXVII.  
Imperatores &  
Principes  
quàm frequen-  
ter à Papa ex-  
communicati.

*Hyl.* Credo autem te interim, *Evistor*, ab exemplis prosequendis Insolentiarum Pontificis adversùs Imperatores in eis excommunicandis deponendisque diverti. Tam parùm ipse in Historia versatus sum, ut plura ex te audire cupiam in eo argumento. Etenim hæ res tam horrendos secum videntur trahere eventus, totum Christianum orbem præliis immiscendo, ut meo quidem judicio Episcopus Romanus raro admodum ad has Technas se recipere debeat.

*Evist.* Quæ mens, qui sensus sit Pontificum Romanorum hac in re, vel una illa clausula Bullæ Pii Quinti Papæ contra *Elizabetham Angliæ* Reginam satè te edocebit. Deum scilicet Episcopum Romanum Principem constituisse super omnes populos omniæque Regna, ad evellendum, diruendum, dissipandum, consumendum, plantandum & ædificandum. Hanc Chartam à Deo se obtinuisse prætendit. Et mihi crede, *Hylobares*, haud parcè restrictève hoc privilegio usus est, quoties spes ulla effulset Mundano suo id posse inservire commodo. Postquam enim *Hildebrandus* Papa immane istud exemplum in *Henricum* quartum Imperatorem dederat, tum *Urbanus* tum *Paschalis* idem facinus imitati sunt, adversùs eundem Imperatorem, idque cum eis horrendis circumstantiis, quas antè memoravi. Post hoc autem multa consimilis Insolentiæ exempla successere. *Calixtus* secundus *Henricum* quintum excommunicavit. *Alexander* tertius *Fredericum* primum, ut paulò antè narravi. *Innocentius* tertius excommunicavit deposuitque *Johannem* Regem *Angliæ* Regnùmque dedit *Philippo* Galliarum Regi: quemadmodum & *Celestinus* tertius, utriusque *Siciliæ* Regnum *Tancredus* ademptum *Henrico* sexto Imperatori dedit. Quod verò ad *Henricum* secundum, *Angliæ* Regem attinet, nullius Mortalis Superstitio tam miseris modis excepta est atque illius. Ejus meticulositas quidem ac superstitio fecit ut in Excommunicationis periculum non incurreret. Submissio autem illius talis erat quæ infra conditionem vel vilissimi homuncionis esset, maximève pusilli ac contemptibilis pueruli.

*Cuph.* Quid ità obsecro, *Evistor*, qualis sit valdè gestio audire. Pejúsne quid accidit, quàm passus est *Fredericus Barbarossa*?

*Evist.* Ipse judicabis, *Cuphophron*. Papæ metus, terrorque superstitionis, Regis animum eousque dejecerat, ut, simulatque intra conspectum Ecclesiæ Cathedralis *Cantuariensis* venisset ubi Martyr ac Sanctus, *Thomas à Becket* jacebat, quem Rex irato aspectu occidisse insimulatus est, calceos suos exuerit ac si universum solum ad eam distantiam, sacrum fuisset, & in forma miseri Mendici, nudis pedibus nudisque cruribus, immo & corpore etiam nudo ( nisi quòd vilis Tunica ei erat circumjecta ) per urbem spectante populo, hoc squalido habitu transiverit, per lapides cœnùmque Plateæ nudipes incedens, donec ad sepulchrum venisset Sancti quem ipse malà forte fecerat; ubi illius Sanctitati res suas sacras cum precibus & jejuniis modo perquam humili peregit.

*Cuph.* Equidem, *Evistor*, utrùm *Frederici Barbarossæ* Humiliatio an hæc *Henrici* secundi magis sit tolerabilis, nescio.

*Evist.* Mox verò scies, *Cuphophron*! *Henricus* enim Rex postquam diem noctemque jejunasset, & expectationi durorum suorum Magistrorum propriæque Superstitio- nis nondum satisfecisset, corpus suum virgæ disciplinæ nudum tradidit, Conventumque Monachorum *Cantuariensium* congregato, plagam accepit à singulis. Rigidi hujus Sancti Vitæ scriptor affirmat Monachos fuisse non minùs octoginta, Regemque à singulis tres plagas accepisse.

*Cuph.*



*Cuph.* Si hoc discrimen sit inter Humiliationem Regum & Imperatorum, quantum ad me, ego profecto Imperator esse mallet quam Rex. Valde equidem demiror quid factum sit, ut tam acerbus homo quam hic *Thomas à Becket*, si id sit ei nominis, in Sanctorum numerum unquam sit relatus.

*Evist.* Spondanus id tibi narrabit. Deo utique gratissimam navare operam & coronis dignam, non solum qui pro fide Catholica illibata servanda à persecutoribus necantur, sed etiam qui pro juribus bonisque Ecclesia conservandis & repetendis ablati occiduntur.

*Bath.* Hoc in fundo latet omnium Canonizationum Papalium, opes scilicet Mundanumque commodum Ecclesiae, in cujus gratiam formarunt constitueruntque suam Religionem, molem illam ingentem Superstitionum & Idololatriarum. Unde censere lubit *Thomam à Becket* & *Thomam Aquinatem*, parem ob rationem factos fuisse Sanctos, nempe quod Rem Ecclesiae Mundanam promoverint.

*Hyl.* Satis id probabile est, *Bathynoe*. Sed perge quaeso, *Evistor*.

*Evist.* Idem *Innocentius* tertius Papa excommunicavit etiam *Othonem* quartum, Imperatorem, cumque Imperii Titulis privavit. Et *Honorius* tertius Papa *Fredericum* secundum Imperatorem excommunicavit deposuitque, quemadmodum & post eum fecit *Gregorius* nonus, idque in circumstantiis maximè abominandis. Imperator cum in *Palistinam* profectus esset, idque ipsius Papae causam, hanc tamen opportunitatem eum anathematizandi sibi arripit, & per Monachos suos praedicantes, Inimicos illi creandi in *Germania*, ut per occasionem absentiae Imperatoris istorumque motuum, meliori successu exercitum in *Apuliam* mittere posset ejusque illis terras sibi occupare. *Innocentius* quartus Papa hunc etiam excommunicavit Imperatorem, & post illius obitum Regnum *Siciliae* filio ademit, deditque *Richardo*, *Henrici* tertii Regis *Angliae* fratri. *Bonifacius* octavus excommunicavit *Philippum*, *Pulchrum* dictum, *Galliae* Regem, & Concilii Edicto, Regno suo eum privavit, *Alberto*que dedit Imperatori.

*Philop.* Hic est ille *Philippus* qui insolentibus Papae literis respondit animoso hoc praefixo exordio, *Bonifacio* summum se Pontificem appellanti, parum vel potius nullam salutem. Sciat egregia tua *Faustitas* nos in Temporalibus nemini esse subjectos.

*Cuph.* Regem credo verum dixisse, jusque omnino declarasse omnium Secularium Principum Christiani Orbis perinde atque suum. Annon verò *Vejovis* ille *Romanus* suis eum in frustula disjecit fulminibus?

*Evist.* Nequaquam *Cuphophron*. Resistite Diabolo & is vos fugiet. *Philippus Pulcher* & sua retinuit, talesque amicos sibi in *Italia* conciliavit ut Papa *Anagniae* prehensus & ignominiose Equo vili ac strigoso impositus, Romam ductus sit captivus, nemine terribilem hunc Fulminatorem aut timoris aut amoris ergo liberante. Superbia autem ac dolor vindictam de eo sumentes cor sibi tumidum paucos intra dies rupere, atque sic mortem obiit ingloriosam, successore ejus *Benedicto* undecimo non solum absolvente *Philippum*, sed verbis summe officiosis ejus gratiam captante. Solent enim Papae assentari caudamque blandè movere eis Principibus quos mordere nequeunt sine manifesto periculo proprios confringendi dentes. Verum ut pergamus: *Ludovicus Bavarus* Imperator à *Johanne* vicesimo tertio Papa excommunicatus est, suoque privatus Imperio. Quae sententia renovata rursus est per successorem *Benedictum* duodecimum, sed tam vehementer à *Clemente* sexto pressa ut Electores tandem persuasi essent novum eligere Imperatorem.

*Philop.* Is *Carolus* erat, *Johannis Bohemiae* Regis filius. Quod magno cruentoque Bello occasionem dedit. Ceterum quod maximè notatu dignum est, hujus Imperatoris Electio ipsius Imperii erat Exdorsuatio. *Carolo* Imperii Tributa Electoribus oppignorante, jurantemque se pignus nunquam liberaturum. Ille etiam authenticam illam capitulationem cum ipsis instituit, quae sine crimine Rebellionis & Infidelitatis, Potestas eis concessa est sumendi arma adversus Imperatorem ejusque successores ad sua jura defendenda. Ingentem hanc Imperii debilitationem, penetrans & indefessa Pontificum subtilitas tandem effecit, quippe qui semper existimarent labefactionem Potestatis Imperatoris exaltationem fore suam. Impii verò hic suis retibus capti sunt. Potestas enim in *Germania* Principes sic collata tandem apprimè utilis ad introducendam Reformationem, & ad humiliandum Pontificem est reperta. Cui succurrere in Imperatoris potestate jam non erat contra nobilem illum atque Heroicum Athletam pro veritate, *Martinum Lutherum*. Sed nolo te diutius interpellare, *Evistor*, quò minus pergas.

*Evist.* Maximi quidem momenti est hac Interpellatio, *Philopoli*, talisque pro qua non dubito quin *Hylobares* gratias tibi sit acturus, quem jam certè meis copiosis exemplorum recitationibus abunde satiatum cenfeo.

R r r r

*Hyl.*

*Hyl.* Gratias equidem ago *Philopoli*, pro isto scito ejus adnotamento in capitulationem *Caroli* quarti; veruntamen rogo, ut pergas in Recitationibus tuis donec revera sim satiarus.

*Evist.* Id tibi non pollicebor, utcunque pauca alia exempla addam, cum nondum dixeris te satiatum esse: Ut illud *Benedicti* decimi tertii, qui Bullam Excommunicationis misit contra *Carolum* sextum Galliae Regem. Bullam verò qui attulerunt admodum ignominiose tractati sunt & ad Dominum suum cum pulice in auribus, quod vulgò dicitur, remissi. *Julius* secundus insaniens instar, in omnes partes utrumque gladium vibravit & particulatim in *Ludovicum* duodecimum, Galliae Regem quem excommunicavit, Regnumque ejus subjecit Interdicto, quemadmodum *Innocens* Papa *Johannem* tractavit Angliae Regem. Multò autem ille melius se expedit quàm hic. Generali enim Concilio ab Imperatore Regèque Galliae *Lynduni* convocato, quod tamen statim *Pisam* translatum est, *Julius* illic pro Incendiario condemnatus est, Cathedralique Papali privatus.

*Philop.* Annon illic erat quo Rex Coronatos aureos incudi curavit cum hac inscriptione, *Perdam nomen Babylonis*?

*Evist.* Sicerat, *Philopoli*, bonumque simul omen appropinquanti Reformationi. Inceperat enim longiusculè veritatis diluculum illucescere, quod tandem prorupit in magis apertum Diem. Verùm in *Henrici* octavi Temporibus Regis Angliae obscurum Crepusculum adhuc erat, cum Posterorum ætatibus collatum. Et tamen ille Rex dispicere potuit, ut Papæ excommunicationes fulgur essent sine lapide fulmineo, quam ob rem effusionem tum *Clementis* septimi, tum *Pauli* tertii, flocci fecit. Ut *Pius Quintus* Reginam *Elizabetham* excommunicaverit Regnisque suis privaverit, suprà monui. Et *Gregorius* decimus tertius eadem moliebatur consilia contra Regionem quæ inceperat illius antecessor. Illius Papæ memoria in nares omnis Posteritatis ingratisimum effusura est factorem quòd promoverit applausitque diabolico illi consilio contra infantes Protestantes inito, sub prætextu celebrandi nuptias inter *Henricum Navarrae* Regem, & Sororem *Caroli* noni, Regis Galliae. Hic *Gregorius* Cardinalem *Ursinum* Legatum misit in Galliam, ut gratias agat, Benedictionesque impertiat, Charismataque Spiritualia, Regi, illiusque nequissimis sceleris sociis, quòd cum tam præclaro successu egissent hanc plusquam *Thyesteam* Tragœdiam.

*Philop.* Horrendam illam intelligis in Gallia stragem.

*Evist.* Eam ipsam intelligo. Quam tamen dolosam illam Nequitiam in Pulveris pyrii Techna proditoria fundatam, si effectum sortita fuisset, credo longè fuisse superaturam. Verùm è Regina *Elizabetha* temporibus nondum me expedire valeo. Contra quam *Sixtus Quintus* Excommunicationem renovavit, ad promovendum *Philippi* secundi Inceptum, adversus Angliam. Hic Papa excommunicavit etiam *Henricum* tertium, Galliae Regem, ut *Gregorius* decimus quartus *Henricum* quartum. Quam excommunicationem *Clemens* octavus adversus ipsum renovavit. Multas Privationes excommunicationesque Papales adversus minores Principes sciens prudensque omisi, concludamque cum hac notabili Observatione: Diram illam per pulverem Pyrium Machinationem, quæ temporibus *Pauli Quinti* facta est, effectum fuisse Papalium Excommunicationum & Interdictorum, prout facti sunt ipsi Conspiratores. Annon jam te satis defatigavi, *Hylobares*?

*Hyl.* Mihi satisfacisti, *Evistor*, non autem defatigasti. Estne verò possibile ut tam frequentes Excommunicationes essent Regum & Imperatorum, atque Privationes, quin ingens bellum sanguinisque effusio sequeretur?

*Evist.* Id igitur in Historia notatu valde dignum est, quòd Papæ Fulminationes ut plurimum largis sanguinis imbris erant comitatae. Quomodo enim aliter fieri potest, quandoquidem Principum excommunicatorum terræ eo ipso per Papam aut extraneorum invasioni expositæ sunt, aut propriorum Insurrectioni subditorum, quippe juramento Fidelitatis hac ratione absolutorum. Saltem quantum in se est omnia præliis miscet. *Julius* secundus temerè & præposterè plantando, & evellendo ac transplantando occasionem dedisse dicitur cædi ducentorum mille Christianorum septem Annorum spacio. Et observatum est apud Historicos, duos istos Imperatores solos, *Henricum* quartum & *Fredericum* primum coactos fuisse sexaginta ad minimum cruenta prælia ferere cum hostibus Imperii ad arma sumenda per Pontifices Romanos instigatis. Si duo aut tria exempla ad tantam Summam assurgunt, quid factura est Totius computatio? Quid factura sunt omnes Interneciones misellorum Protestantium isti Summæ additæ, cum vel una illa Internecio in Gallia intra trium mensium spacium facta ad centena hominum millia assurgeret? Immo verò *P. Perionius* affirmat in sola Gallia in magna illa Persecutione adversus *Albigenses* & *Waldenses* occisa

XXVIII.  
Episcopus Romanus quam immaniter reus effusionis sanguinis in Orbe Christiano.



cisa fuisse non minùs decies centena millia hominum. Ab isto tempore usque ad Reformationem haud exiguus Numerus Gladio, Igne aliisque carnificinis exhaustus est. Ab initio Ordinis Jesuitarum usque ad Annum 1580 *Baldwinus* refert ferè novies centena millia orthodoxorum Christianorum occisa fuisse, hoc est, intra triginta aut quadraginta annorum spacium. Intra paucos annos in Belgio solo, Dux de *Alva* triginta sex mille Protestantium capita manu carnificis abscidit. Sanctaque Inquisitio, ut testatur *Vergerius*, (homo in ea bene versatus.) minori quàm triginta annorum spacio, centum quinquaginta millia hominum, omni genere carnificinarum absumpsit. Adeò ut singulari eruditione summòque judicio vir *Josephus Medus* in ea sit sententia. Persecutionem Papalem, stragem hominum in Ecclesia per decem istas famosas persecutiones sub Imperatoribus Paganicis factam aut exaquare aut excedere. Et tamen haud mediocris cruento huic Catalogo in *Piedmont & Hibernia*, si non & aliis in locis, facta est accessio.

*Bath.* Horrendæ hujus ac pernicialis Tragœdiæ à Pontifice actæ consideratio, *Philopoli*, sæpenumero mihi eam indidit confidentiam ut non dubitem quin crudelis hic Episcopus in Visione Regis *Babylonici* perinde atque *Meretricis* indigitetur. Tu verò *Esai. 14. 19.*  
*projectus es de sepulchro tuo ut stirps abominabilis, veluti cadaver conculcatum. Non* <sup>20.</sup>  
*conjungeris eis sepulturâ, quia terram tuam depopulatus es & populum tuum occidisti.*

*Philop.* Cui respondet illud de *Meretrice Babylonica*. *Et in ea Prophetarum & San-* *Apo. 18. 24.*  
*ctorum cruor inventus est & omnium in terris occisorum.* Ac si Papa totius Orbis Christi-  
 ani pestis esset ac communis calamitas.

*Cuph.* Certè, *Philopoli*, si qua sit Historiæ fides, Papa saltem Homo est admodum peccaminosus, si non ille Homo Peccati.

*Philop.* Et si vindictæ cupidinem in Principes ad hunc modum intonando fulgurandòque ac bella movendo explere nequeunt, tum magis occultâ tacitâque rem aggre-  
 diuntur viâ, venenis scilicet ac pugionibus. Venenosa enim aliqua Vipera ex  
 Monasteriorum umbris prorepens emittitur ad Principem veneno, veluti serpentis  
 morfu, interimendum. *Johannes* Rex veneno sic peremptus est per Monachum, &  
*Ludovicus Bavarus*, ut aiunt, per secretum aliquem Papæ ministrum. Plurèsque ac  
 magis appositæ Instantiæ produci possint nisi quòd in præsens memoriæ meæ non oc-  
 currant.

*Evist.* Verùm hæc Principum per venenum peremptio, *Philopoli*, cum mira scrupulositate ministratur ac cautela.

*Philop.* Quid est quod velis, *Evistor*, eos admodum esse cautos & circumspectos, nè dum venena tam lethifera tractant, sibi ipsis imprudentes noceant?

*Evist.* Diligenter cavent nè animam Principis veneno perimant, efficiendo, ut ipse sibi mortem consciscat. Ac proinde Regicida iste Jesuita *Mariana* monet ut nec cibum nec potum veneno inficiant, quoniam sic Princeps admovendo calicem cibumve ori suo *Suicidii* crimen incurreret, sed ut infundant potiùs forte aliquod ac subtile venenum in vestimentum aliquod illius aut Ephippium.

*Bath.* Quasi verò Princeps *Suicidii* non æquè futurus esset reus vestimenta sua induendo, aut conscendendo in Ephippium, quàm admovendo manum ori ad cibum capiendum. O execrandam Hypocrisin Homicidarum Nebulonum omnibus diris devovendam! vel potiùs, O abominandum contemptum sanguinis vitæque Principum, quoties res eorum jurâque utilitatibus Papalis Tyrannidis adversantur! Quid hoc aliud est quàm obliquè irridere ac subfannare, tacitèque exultare in falsa illa ac detestabili libertate quam sibi sumunt, sancti sui Patris Papæ causâ, occidendi trucidandique personas quas Terra alit omnium maximè sacras?

*Philop.* Equidem, *Bathynoe*, te in rectum incidisse sensum existimo illius loci *Mariana*. Mihi profectò videtur rancidè, affectatam quandam Hypocrisin olere, vilèmq; contemptum sacri sanguinis Principum.

*Cuph.* Estne verò possibile, *Philopoli*, ut pugionibus homines sic transfodiant, quemadmodum tu narras? *Hætorum*, quos vocant, mos hic est & per vias publicas Grassatorum, non autem Personarum Religiosarum.

*Philop.* Nôsti, *Cuphophron*, cujus id dictum sit, *Fur non venit nisi ut furetur, ut Joh. 10. 10.*  
*maçtet, ut perdat.* Christus, bonus ille pastor, vitam suam ponit pro ovibus. Nunquid igitur istuc adeò est mirum, si *Antichristus*, quippe Christo oppositus, maçtet oves in rem propriam atque lucrum?

*Cuph.* Hæc autem exempla, *Philopoli*, spero admodum rara esse.

*Philop.* Hoc genus aggressus adversus illustrem illam scèlicis memoriæ Reginam *Elizabetham* multi erant, quanquam per Omnipotentis protectionem, nullum fortiebantur effectum. Notissimum verò est apud Historicos *Jacobum Clementem*, Mo-

nachum Dominicanum, *Henricum* tertium *Gallie* Regem cultro venenato confodisse. *Petrus Barrierus* etiam *Henrici* quarti eadem aggressus est, ed à Jesuita *Varado* substitutus & animatus. *Johannes* itidem *Chastellus* Jesuitarum discipulus, ad peccatorum suorum remissionem obtinendam, æternamque vitam, ut is edoctus erat, ejusdem Regis occisionem aggressus est, sed unum e dentibus tantum ei pugione suo elisit. Verum perditissimus ille Nebulo, *Ravaillac* ab *Aubignio* Jesuita animatus, horrendam illam eadem executus est, quæ toties antea fuit tentata, corque Regi in plateis *Latetia* curru sedenti pugione suo confodit, allegans in sua examinatione, Regem bellum gerere voluisse adversus *Deum*, Papam utique innuens.

*Caph.* Bone Jesu! Non putabam, *Philopoli*, res tam vesanis modis in orbe administrari. Papam video hostem esse valde perniciosum.

*Sophr.* *Cuphophron* in summo suo Philosophico ac Metaphysico ita hætenus quasi incaveatus est Hyperoidio, ut nunquam dignari potuerit suos in externas hujus Mundi Inferioris transactiones oculos deflectere.

*Cuph.* Atque hoc affirmo tibi, *Sophron*, me existimare, haud mediocre sapientiæ specimen esse, sic incaveatum manere, tacitisque acquiescere solatiis Virtutis ac Philosophiæ. Religionem enim video rem esse pugnacem admodum ac litigiosam.

*Philoth.* O *Cuphophron*, *Cuphophron*! noli tibi ipsi imponere, per ullum inanem prætextum solatiorum Virtutis, nisi vitam in te habeas, nec vitam te habere præsume, nisi sinceram in te sentias antipathiam adversus virtutis Inimicos, adversus omnia genera vitiorum sceleratarumque Actionum, maximamque contra maxima. Et tunc Vitam hanc & Antipathiam incassum esse apud te reputa, nisi & fortitudinem habeas, quâ spectare audeas foras, ad inveniendum ubi *Justitia* ac *Veritas* habitent, & tuam cum eis, ubicunque fuerint, cognitionem agnoscere, cum aperta armorum denunciatione adversus omnes ipsarum Inimicos. Qui fortitudinem non habet, O *Cuphophron*, Proditorem in suo corde circumgestat: adversus *Deum*, adversus Principem suum, & adversus omnem Virtutem ac Veritatem.

*Caph.* Immò verò, Fortitudo bona res est, fateor, *Philothee*, siqua eam assequendi satis comperta esset ratio. Verùm dic mihi quæso semel & compendiariò, quæ sint maximè deformes maximèque antichristianæ enormitates in Hierarchia Papali?

*Philoth.* Turpes Idololatriæ, Imposturæ crassæ, diræque Homicidia.

*Hyl.* Nè vivam, ni *Cuphophron* in benignam animi inclinationem adeò sit perterritus, ut Advocatum generalem Papistarum nunc acturus sit quemadmodum antea Paganorum.

*Sophr.* Et pari utrobique, ni fallor, cum successu.

XXX.  
Cuphophronis  
Apologia pro  
Idololatriis Romanis.

*Cuph.* Permittite mihi quæso parumper experiri. Strepitus enim hic circa Idololatriam apud homines qui veram Notionem fidemque habent Dei, mihi interdum quidem videtur Mormolyceum potius quam malum ullum adeò perniciosum. Rem breviter sic accipitote. Qui unum illum verum Deum profitetur, Idololatriæ committendæ planè est incapax, ut qui nihil aliud præterea colere queat eodem destinato honore quo eum colit. Atque ille solus peculiaris honos est Deo debitus, quem appellant Latrariam.

*Philoth.* Hunc verò, O *Cuphophron*, Pontificii Hostiæ consecratæ tribuunt, quæ non est Deus.

*Cuph.* Verum est eos profiteri se sic facere. Cæterum nisi Hostiam pro vero Deo haberent, eam nollent colere. Adeò ut cultus reverà Deo vero destinetur, & ad ipsum transeat.

*Philop.* Quid, ullusne, *Cuphophron*, Paganus unquam dedit, possibile est ulli mortali supremum illum cultum ulli rei quam supremum esse Numen non putat, feriò dare? Quamobrem si error excusat ab Idololatria, nulla usquam terrarum hætenus commissa est nec unquam committi potest à sincero Cultore, Idololatria, sed tantum ab eo qui aut pœnæ formidine aut turpis lucri spe inductus colit.

*Cuph.* Fieri potest, *Philopoli*, si Idololatriam ad verum Philosophicum Metaphysicumque *Lydiū lapidem* expendamus. Multoque sic præstat, si nulla sit.

*Sophr.* Annon prædixi, quàm felix futurus esset *Cuphophron* Advocatus Pontificiorum, quippe ad eas redactus angustias ut nullā aliā eos ratione ab Idololatria purgare possit, quàm admittendo nunquam hætenus extitisse nec existere posse in rerum natura, voluntariam & per conscientiam commissam Idololatriam? Hoc certè gratificatur & deamatis suis Paganis & Papistis simul. Nostra verò Idololatriæ criminis in ullam partem intentatio, eorundemque absolutio, secundum fugitivas Metaphysici Ingenii subtilitates fieri non debet sed secundum significationes Scripturæ, & tali in sensu qui vulgari captui maximè sit obviis, qui hisce quidem in casibus magis solidè utplu-



ut plurimum judicant quàm ii qui callidi sunt ad Scripturam, in rem propriam, pervertendam. Qui in Decalogo dixit, *Non incurvabis te coram Imagine nec illam coles*; hoc est, nullam coles Imaginem teipsum coram ea incurvando, & etiamnum Idololatriam in Novo Testamento prohibet, nec ullam novam illius definitionem declarat, proculdubio vult ut Christianus Orbis hujusmodi Actiones pro Idololatricis habeant, præsertim si consideremus Christianæ Religionis Puritatem ac Spiritualitatem.

*Cuph.* Et quantum ad Sanctorum Invocationem, *Philopoli*, mihi videtur satis immunis omni suspicione Idololatriæ, majorque potius Divinæ Benignitatis agnitio, quippe qui facultates servorum suorum, Sanctorum utique defunctorum ad tam sublimem perfectionis gradum evexit, ut omnia quæ hîc in terris aguntur, ab altissimis Aëris Ætherisve Regionibus, audiant videantque. Quo concessio nequaquam incongruum est, ut eos invocemus, non magis quàm ut quemlibet virum hîc in Terra oremus ut opituletur nobis in tempore alicujus Angustiæ.

*Philop.* Verùm ut tibi respondeam, *Cuphophron*, ex ratione Legum; Religionem existimo, quemadmodum *Tullius* alicubi inquit, illam esse Justitiæ partem, quæ Deum respicit, unumque Dei jus præcipuum (summæ illius Potestatis invisibilis) esse Invocationem, in illius omniscientia fundatam. Quam Omniscientiam intelligentiæ distinctioris ergò, in *Terrestrem* distribuamus, *Aeream & Caelestem*. Quæ cum omnia loca includant, universum includunt Divinæ omniscientiæ Ambitum tripartitum. Nunc verò, si neminem in communi cum seipso Tenentem in ulla harum trium portione declaraverit, illòve Privilegio donaverit, quemadmodum eum non fecisse videmus, cum hoc juris Invocationis fundamento destituantur, Invocatio eorum agnitio est talis Privilegii aut excellentiæ in eis, qualis nusquam est præterquam in Deo. Atque sic dum jus illud colendi aliis tribuimus, quod soli debetur Deo, pars fit illa Injustitiæ adversus Deum quæ Idololatria nominatur, admodum protervæ contumeliæ circumstantiâ aggravata adversus Sapientiam Bonitatemque Divinam, præsumendo Factum illud sapientius benigniusque futurum fuisse, quod ipse tamèn omisit. Quid hac de re existimas, *Cuphophron*?

*Cuph.* Rem magnam profectò existimo, ut Jurisconsultus tam subtilis reperiatur Theologus. Equidem fateor, supposito manifestum esse Deum nullam talem Donationem Sanctis defunctis fecisse, si ulla omnino sit Idololatria, Sanctorum Invocationem unam illius partem fore.

*Philop.* Silentium, apud Scripturas, de hac Donatione, meo quidem judicio *Cuphophron*, sufficiens argumentum est ad probandum eorum Invocationem esse illicitam. Nam si Deus tali eos privilegio donavit cum illius notitiam nos celaverit, indicio est id factum fuisse cum Juris Invocationis Reservatione sibi ipsi. Quod si nullam talem omniscientiæ suæ portionem eis impertivit, quemadmodum omnino credo eum id non fecisse, tanto adhuc firmitus est eos nullum jus habere ad Invocationem.

*Sophr.* Quod ad me quidem attinet, *Philopoli*, ego locum illum censeo apud *Esaiam*, haud contemnendam vim ac momentum habere ad nobis confirmandum, Deum nullam talem Omniscientiæ suæ portionem vel Sanctissimis Animabus defunctorum impertivisse. Nam *Abrahamus quidem nescit nos, neque Israel nos agnoscit. Tu Jehova parens, tu vindex es noster nomine præditus antiquo. Tu nosti nos idemque nos intueris, paratus semper ad audiendas nostras preces.* Hunc enim esse sensum, versus proximè præcedens planè insinuat. *Aspice de cælis & vide ex habitaculo sanctitatis tuæ atque gloriæ, &c.* Et tunc sequitur illud de *Abrahamo*.

*Philop.* Præterea, *Cuphophron*, ex eo solo, quòd nulla nobis data sit commissio, ut ex nostra propria sententia jus Dei notum peculiare tribuamus communicemusve Creaturæ, sine ulla autoritate aut declaratione ab ipso facta, (hunc enim invocandi facultatem nobis concedidit tanquam depositum in proprios suos usus) ut nos, inquam, ulli alii invisibili Potestati præterquam ipsi tribuamus, ipsa Naturæ lex communisque Ratio monebit, *Injustitiam esse adversus Deum*; cumque partis juxta cultus illius sine illius venia, sit alienatio, illa injustitiæ adversus eum pars est quæ appellatur Idololatria. Et quàm crassa Idololatriæ pars est hæc Invocatio, cum Paganicis istis circumstantiis exornata sit, *Altarium, Imaginum ac Templorum* Sanctis qui invocantur, consecratorum? Res adeò manifesta est, *Cuphophron*, ut nollem te ulterio-rem tibi creare molestiam in ea prosequenda. Experire si Apologia scilicet successura sit in proxima.

*Cuph.* Imposturam intelligis. Quid? adeòne difficile putas, *Philopoli*, idoneam pro ea adinvenire Apologiam? Equidem, cum maxima pars hominum omni reali Virtute ac Bonitate adeò sint destituti, justum omnino & jucundum spectaculum esse existimo subtilium argutorumque Ingeniorum sodalitatem videre maturè ad eum ludum

XXXI.  
Apologia ejus  
pro Imposturis  
eorum & Ho-  
micidiis.

dum educatorum, qui impio huic Mundo technas struant, quique divaricatis cruribus ei inequent, magisque arctè pressèque infideant quàm Simius cum scutica in manu, magni Molossi dorso, proximus post Ursarium ipsum, Canum Urforumque Dominus ac Præfectus. Ordinaria humani generis massa nullum aliud lac reddunt quàm quod ad hunc modum præstigiola manûs celeritate ex eis elicitur, quippe qui multò procliviores sunt ad fidem habendam mendaciis quàm ad intelligendam veritatem. An verò non insignis foret error, *Philopoli*, si Sacerdotes talia non fingerent quæ maxime facerent ad proprium honorem atque lucrum?

*Philoth.* Phy, *Cuphophron*, ut tam audacter apologiam pro eo consuas, quod omnis Sacerdotii dedecus est ac perniciēs, quinimò Religionis omnis subversio Mundique repletio Atheis & Infidelibus! Hoc est genuinum effectum Imposturæ Sacerdotum. Cladem Religioni inferunt, & ignominiam ac luem sibi ipsis, quippe quum dolus & impostura tam vilis, tam abjecta tamque invisa res sit in conspectu omnium mortalium. *Nihil debet esse magis purum, nihil magis sanctum, nihil magis sincerum quàm Sacerdos.* Si horum fontium fluentia pura non sint, omnium ora aut veneno aut limo implebuntur. *Vos estis sal terræ, Quod si sal saporem & vires amiserit, ad nullam rem jam idoneum est nisi ut foras projiciatur & ab hominibus conculcetur.* Unde oratio illa Psalmistæ semper tempestitiva erit, *Tui Sacerdotes justitiâ vestiantur, tuique Sancti exultent.*

Mat. 5. 13.

Psal. 132. 9.

*Sophr.* Et mihi crede, *Philothee*, alterum sine altero consistere non potest. Postquam enim Sacerdotes Imposturas suas pro lege sanciverint, necessario id funestam Persecutionem in Sanctos Dei est illaturum. Testis sit una illa Instantia *Transsubstantiationis*, Commentum datâ operâ ad lucrum honoremque Sacerdotis confictum, quàm cruentis Persecutionibus innocuos Christi agnos hoc involvit? Sic enim se res habuit ante Reformationem, Papa cum suo Clero has Christiani orbis partes quum adeò in solidum possiderent, ut latrones in domum aliquam ingressi; qui ligari noluerunt, Mandibulasque Epistomio sibi distendi, eosdem trucidârunt. Similitudo minùs urbana fortean videri potest, sed conditionem Imperii istis temporibus admodum verè & ad vivum repræsentat. Siquis exclamavit adversus Fraudes & Imposturas Romanorum Sacerdotum, eorumque Mendacia ac Figmenta rejecit tanquam Instrumenta κλεμάτων suorum, hoc est Furtorum ac Latrociniorum, statim igne aut gladio est occisus.

Apoc. 9. 21.

*Philop.* Vidēsne, *Cuphophron*, quorsum tendant istæ, quas tu defendis, Imposturæ? ad sævum utique Homicidium sanguinisque effusionem. Quam Apologiam adinvenire potes pro hac re?

*Cuph.* Tūc, *Philopoli*, tam probè versatus es in Politicis, & nescis tamen quantum discrimen sit, quoad Jus ac Justitiam, inter homines privatos & privatum hominem inter ac Rempublicam. Hanc rem nobilis Philosophus præclare explicat in aliquibus suarum Epistolarum.

*Philop.* Quid igitur, *Cuphophron*? putāsne Rationem Statûs quam vocant, quaslibet Actiones quantumlibet Barbaras, justas posse reddere, etiam innocentium hominum cades?

*Cuph.* Mira subest hisce rebus subtilitas, *Philopoli*. Proximè post *Metaphysicam*, egregium requirunt acumen & judicium.

*Philoth.* Equidem, quod ad me attinet, *Cuphophron*, tam tardo sum ingenio, ut nunquam intelligere potuisssem Potestatem ullam jus habere inferendi alteri injuriam. Et certè innocentis hominis occisio quia veritati Dei adhæret, evitatque Idololatriam, summa injuria est quæ in quenquam potest inferri. Pontifices quidem ac Pharisei multum olim isti Principio *Rationis Statûs* innitebantur, quando Concilium coegerant adversus *Jesum*. Si eum sic sinimus, omnes ei fidem adjungent, atque ita venient *Romani*, qui nos & loco & gente privabunt. Atque sic ex improbis suis Rationibus *Politicis* perducti sunt tandem ad trucidandum Filium Dei. Sed istoc facinore horrendam illam cladem sibi ipsis superinduxerunt quam sperabant hâc ratione se potuisse evitare. Quod & ipse *Daniel* etiam innuit qui statim post mentionem factam cædis *Messia* à *Judæis* perpetranda, subjungit, *Et Princeps populi venturi, Romanorum scilicet, urbem eorum depopulabitur ac Sanctuarium, &c.* Ac similiter quantum ad Pontificiam *Hierosolymam* carnalem, qui tot homicidia in Dei Sanctos Filiosque propter *Rationem Statûs*, hoc est, *Statûs Ecclesiastici* perpetrârunt, suam, ut illi putant, securitatem in cæde Infantium stabiliētes, sanguinolenta hæc eorum Verfuria Politica certa futura est ipsorum Pernicies, quemadmodum scriptum est & tanquam Epilogus prædictæ eorum cladis descriptioni annexum. *Nam in ea Prophetarum Sanctorumque cruor inventus est & omnium in terris occisorum.*

Joh. 11. 48.

Dan. 9. 26.

Apoc. 18. 24.

*Philop.*



*Philop.* Quid nunc censes, *Cuphophron*? Quàm bellè expurgavit Apologia tua Papam quò minùs reperiatur Homo ille Peccati de quo Apostolus Ecclesiam pramouit?

*Cuph.* Quid? Num tres Culpæ, *Philopoli*, pro quibus aliquid, uti vides, dici potest (quanquam haud usquequaque ita appositum) omnes numeros mensurâsque consummati Homini Peccati sive *Antichristi* sunt expleturæ?

*Philop.* Si hoc non sufficit, ea omnia quæ in *Idea Antichristianismi* legere licet ab Authore moderno scripta, potes huc adicere.

*Cuph.* Perlegi istam Ideam, *Philopoli*, & ut verum fatear, descriptionem continet facinorum satis malorum (ut vulgus mala reputat) satisque grandium ac numeroforum ad effarciendum plenum perfectumque *Hominem Peccati*. Verùm interea loci, non est nisi Idea.

*Evist.* Mihi crede, *Cuphophron*, quamvis per modum *Ideæ* scripta sit, certus tamen sum manifestum esse Historiæ Transcriptum. Et magnopere profectò eam legendo oblectabar, postquam observâsem tam scitè digestum usum istiusmodi laxarum amplarumque Historiarum Ecclesiasticarum quas ipse olim percurreram, satisque fideliter memoriâ retinui. Cæterum pone hanc *Ideam* veram esse Historiam de Papa illiusque Clero, quàm propè tunc ad *Antichristum* accedit tuâ quidem sententia?

*Cuph.* Idjam innui, *Evistor*, sed insufurrabo porrò in aurem.

*Evist.* Quàm propè, ait, quatuor quadrantes accedunt ad *Assen*. Verùm non dubito affirmare, si omnia ex Historia de Ecclesia congesta essent, & secundum ordinem istorum Capitum quæ Author *Ideæ* prosequitur, disposita, realis Historia magis feralem deformemque speciem præ se ferret, magisque foeda ac horrida *Antichristi* Homini sive Peccati Imago foret, quàm *Idea* ipsa: Tam favorabilis hic author fuit in sua descriptione illius. Quod datâ operâ eum fecisse puto, ut superesse posset, in quo Posterius suos exerceant penicillos.

*Cuph.* Verùm, si rerum constitutio reverà tam mala esset, *Philopoli*, quàm ista Idea eas repræsentat, Ecclesia non foret Ecclesia, Templumve Dei, sed potius Diaboli Synagoga, quod ipsi Vaticinio repugnaret, quod Hominem Peccati in Templo Dei sedere asserit.

*Philop.* Haud ita difficile est ad hoc respondere, *Cuphophron*. Nam uxor adultera, nondum factò divortio, talis putà viri uxor etiamnum appellatur, quamvis sit adultera. Nôstrique quòd Civitas sancta conculcari dicitur & profanari à Gentibus menses quadraginta duos. Denominationem habet *Sanctæ*, etiam tum cum dicitur profanari. Talis enim est Titulo & Designatione. Atque hoc quidem sensu Ecclesia etiam Apostatica Templum Dei est, ut omittam, Cœtum Virgineum ei etiamnum inesse.

*Cuph.* Partim intelligo quid velis, *Philopoli*, nec multum renitor. Sed unus adhuc superest defectus in applicatione Vaticinii de *Homine Peccati*, ad Pontificem Romanum, qui ipsam effecturus est valde incertam. Nulla est temporis Assignatio.

*Philoth.* Immò verò est, *Cuphophron*, Remotio scilicet τὸ καὶ χρόνος. Istamne es oblitus?

*Cuph.* Verum est, Improbiter Episcopi *Romani* magnam esse posse, illamque Imperii Mutationem notabilem. At verò quis novit quin aliud aliquod Κατὰ χρόνον intelligi possit ad cuius remotionem admodum procerus *Homo peccati* appariturus sit, *Goliath* si cum eo conferatur quem nos *Antichristum* esse volumus, isque *Antichristus* sit qui prædictus est, nullusque alius?

*Philoth.* Certè, *Cuphophron*, qui internos suos sensus in debitam promptitudinem expergefactos habet, percipiendi & discernendi bonum ac malum ex interna quadam vita spiritusque in seipso; sine ullius Vaticinii adminiculo, modò Historiam eorum legat, manifestò deprehendet Papam illiusque Clerum tam magnum esse *Antichristum*, ut difficile ei futurum sit ullum fingere majorem, quippe Spiritum eorum rationemque rerum administrandarum Spiritui vitæque Christi in seipso tam exquisitè palpabilitèrque reperturus contrariam. Hoc tibi affirmo, *Cuphophron*, non tam propter ignorantiam Vaticiniorum, quàm propter defectum solidi vivique sensus *Probitatis* veræque *Virtutis* fieri, ut quis non satis certus sit Papam illiusque Hierarchiam esse *Antichristum*. Prava & adulterina Generatio signum quærit, & spurii cordis Christianus Vaticinium. Cæterum interna vita, sensusque sinceræ *Honestatis* est, qui ex seipso plenam Homini certitudinem in huius generis rebus dabit.

*Philop.* Sed enim, nulla igitur superest ratio, *Philothee*, quâ probemus hoc Vaticinium de Homine peccati ad ea tempora digitum intendere, quæ cum Pontificum regno concurrant?

XXXII.  
Quomodo homo  
peccati dici pos-  
sit sedere in  
Templo Dei  
cum illius illic  
sessio Synago-  
gam eam red-  
dat Saranæ.

Apo. 11.2.

XXXIII.  
Rationes quibus  
quis cognoscere possit  
Hominem pec-  
cati sacris ora-  
culis prædictum  
jam venisse in  
Mundum.

Matt. 12.39.

Phi-

*Philoth.* Maximum momentum in ipso Vaticinio huc vergens in istis vocabulis latet, ὁ κατέχων & τὸ κατέχον, Patrum opinione his addita, qui *Romani* Imperii Integritatem, quippe in partes Regnaque nondum discerpti, τὸ κατέχον statuere, & in facili denique applicatione Vaticinii ad Eventa, quemadmodum jam vidimus. Cæterum quatenus hoc Vaticinium parallelum est isti de Rege *Superbiæ* apud *Danielem* illiusque quasi Apographum, hæc quidem ratione multò adhuc firmitus probari potest, tempus cum Paparum tempore coincidere. Nam Rex ille *Superbiæ*, cujus Regnum est intra Romani Imperii tempora, (quemadmodum ex rerum illis descriptarum ordine & ex directione duorum istorum numerorum 1290 dierum & 1335 dierum apparet) Rex ille, inquam, cum & Cælibatus professor sit, talisque qui Deum Patrum suorum, Romanorum scilicet Paganorum non colat, sed seipsum interim supra omnes extollat, quemnam potest hic denotare, nisi Papam?

*Vide Medi  
Apostas. posse-  
rio. Temp. cap.  
16. & Synops.  
Prophe. lib. 2.  
cap. 17. sect. 11.*

*Philop.* Equidem, *Philothæe*, verum te dicere censeo. Abunde enim persuasus sum Regem *Superbiæ* apud *Danielem* descriptum, Pontifices esse *Romanos*, ex duobus modernis scriptoribus quos haud ita pridem perlegi.

*Philoth.* Quamobrem cum Rex *Superbiæ* intra tempora Romani Imperii sit, *Homo Peccati* Pontificisque sic itidem sunt.

*Philop.* Satis intelligo quid velis, *Philothæe*.

*Philoth.* Præterea Cornu parvulum oculis humanis præditum, quod necessariò aut *Antiochum Epiphanem* aut *Antichristum* significat, (quod nemo negare potest, qui has res satis perpenderit) equidem cum impossibile sit *Antiochum* esse (quandoquidem Cornu hoc, inter cornua quartæ Bestiæ, quæ proculdubio Romanum Imperium est in tot Regna discriptum, apparet) superest ut necesse sit esse *Antichristum*. Descriptio verò hujus *Antichristi Cornuæ parvuli*, cuinam inter cornua competere potest, nisi Papæ suoque Clero?

*Philop.* Rem manifestam esse fateor, *Philothæe*, ad neminem præter ipsos pertinere posse, quemadmodum & *Antichristum* rursus intra dilacerati Imperii Romani tempora fuisse nasciturum.

*Philoth.* Et quid existimas, *Philopoli*, de Bestia quæ erat & non est & tamen est, quæ septem habet capita & decem cornua, quæ coloris quoque coccini est, plenaque nominibus blasphemiarum, annon eam putas ad *Antichristi* tempora pertinere?

*Philop.* Proculdubio, *Philothæe*.

*Apoc. 17. 10.*

*Philoth.* Hæc verò Bestia in existentiam emerit statim post casum Regis septimi, qui non nisi paululum duraturus erat, nosterque S. *Johannem* vixisse sub sexto, nempe sub *Cesaribus Paganis*, quorum duratio trecentos annos haud multum excedebat. Quamobrem *Cæsares* purè *Christianos*, qui septimus erant Rex, multò breviori temporis spacio durasse oportet. Post eorum autem exitum scenam occupat octavus Rex. Et Bestia quæ erat & non est, is octavus. Quàm maturè igitur Bestiam blasphemiarum nominibus plenam incepisse putas, hoc est, quàm maturè Imperium incepisse Idololatriæ rursus esse, & sub Christianitate Paganissare & inequitari à Meretrice quæ Reges Terræ vino Fornicationis suæ potionavit?

*Vers. 11.*

*Philop.* Ante multos centenos annos proculdubio, *Philothæe*. Adeò ut *Cuphophronis* scrupulus de tempore *Hominis Peccati* penitus sit sublatus. Meo quidem iudicio, Author *Synopses Prophetica* hoc vel Mathematicâ perspicuitate & certitudine undecimo primi libri capite demonstravit.

*Sophr.* Nihil profectò magis certum ac manifestum aut in Philosophia aut in Theologia esse posse puto quàm quod ille Author in isto capite concludit. Meretricem scilicet, quæ Bestiæ blasphemiarum nominibus plenæ inequitat, Romam esse Christianam, vel potius, quemadmodum ille appellat, Paganochristianam, hancque Christiani orbis conditionem fuisse multos centenos annos.

*Cuph.* Si istud tam Mathematicè demonstrari posset, hominem etiam nolentem volentem cogeret ad credendum Papam esse *Antichristum*, quanquam propriam suam hæc prudentiam consulere liceat, an id apertè debeat profiteri.

*Bath.* Si semel dignari velis mentem tuam excelsam apprimèque Metaphysicam ad abjectiores hæc Theorias demittere, proculdubio, *Cuphophron*, deprehensurus esses *Sophronem* & *Philopolin* omnino dixisse verum.

XXXIV.  
*Cuphophronis  
ridicula indis-  
cretia circa  
res maximas  
Religionis.*

*Cuph.* Ingentem in meipso aversationem experior, *Bathynoe*, quò minùs de veritate convincar istiusmodi fervidarum litigiosarumque speculationum quantumlibet verarum. Obsequium amicos, veritas odium parit. Nescis eam Spiritus universalizati pacem ac quietem. Annon tibi notum est, *Bathynoe*, egregium istud Axioma Logicum, *Partes consentiunt cum Toto, dissentiunt verò inter se*? Ego neutri membrorum *Divisionis* me addico, quoniam fieri non potest sine *Oppositione* (ut eruditi ea in arte



arte docent) quæ contraria est spiritui *Pacis*, facitque ut in *Contradictionis* reatum incurramus.

*Hyl. Cuphophron* Catholicus est maximi ambitus & comprehensionis, in quem unquam hæcenus in omni mea vita incidi. Quid, nullane te *Divisio parsve* hominum qualiscunque sibi vendicare possunt, *Cuphophron*?

*Cuph.* Purum oleum sum, superque omnes aquas fluito.

*Hyl.* Quid tibi vis, *Cuphophron*? Te nec *Papistam* esse nec *Antipapistam*, sed *Christianum*? Te nec *Christianum* esse nec *Turcam*, sed tamen *Deistam*? Te nec *Deistam* esse nec *Atheum*, sed quid? Ubi nunc est oleum tuum, *Cuphophron*, quod in summo fluitet? Nec in flammam nec in lucem conversum est quantum ego quidem video.

*Cuph.* In mollem liberumque ac invisibilem evanuit Aërem.

*Philop.* Quæso, *Hylobares*, define sic cum *Cuphophrone* nugari, eumque sine suo animo obsequi. Non nisi parum temporis nobis suppetit, & cum *Philotheo* pergere summopere cupio.

*Philoth.* Hæc *Hylobaris* lepiditas, O *Philopoli*, valde est excusabilis, quippe quæ videtur ad illud collineare quod utile est atque serium, nempe ut in proprii officii sensum expergiscamur, cum tot Divisiones sint scilicet, necessitatque ut uni alicui nos adjungamus, ut electionem faciamus summo studio ac judicio, electæque parti adhæreamus cum constantia ac fortitudine.

*Philop.* Optima profecto Interpretatio. Verum interea loci, *Philothee*, videamus quousque processerit hæc nostra Dissertatio. Ostendisti nobis Regnum Dei post Christi adventum idem fuisse quod Regnum Christi; Quod Christi Regnum sic duravit, donec post tempora *Constantini*, improbâ in Superstitiones, Idololatrias & Persecutiones Paganicis similes Apostasiâ factum sit Regnum *Antichristi*: Tunc verò post longam hanc Tyrannidem Papalem speciali Dei Providentiâ & fortitudine ac consilio semper beatæ memoriæ *Reformatorum*, Regnum Christi rursus, sensu maxime proprio, ex hac servitute *Antichristi* emerfit. Jam verò quemadmodum Prædictiones aliquas *Apostasiæ* Ecclesiæ notasti, ita abs te peto ut Vaticinia aliqua de *Reformatione* in medium producas. Etenim hæ res, *Philothee*, Divinam Providentiam mirificè illustrent.

XXXV.  
Pauca aliquot  
vaticinia subin-  
dicata quæ ad  
Reformationem  
pertinent.

*Philoth.* Sic est, *Philopoli*. Nec potuit quidem Spiritus Prophetiæ hac in re filere, quin nos dereliquisset in tenebris. Dabo autem tantummodo unum exemplum aut alterum, quæ indigitaturus potius sum quam eadem persecuturus. Primum est istud apud *Danielem*, Prædictio nempe concremationis *Cornu parvuli* oculis præditi, Quod sanctos Altissimi conterebat, mutabaturque Tempora atque Leges quæ ipsi in manum tradita sunt ad tempus & tempora & dimidium temporis. Jam verò ubi dicitur, *Et Judicium sedebit ut auferatur potentia & conteratur & perdat usque ad finem*, Principium hujus Judicii est *Reformatio*, quæ in ultimo *Semitempore* contigit, quemadmodum etiam describitur in *Vivificatione Testium* qui in ultimo *Semidie* trium dierum & dimidii sunt suscitati.

Dan. 7. 25.

Vers. 26.

Apo. 11. 12.

*Philop.* Admodum appositè hæc conjunguntur, *Philothee*, & sufficiunt.

*Philoth.* Nihil opus est igitur superaddere, Quod decem cornua osura essent *Meretricem* eamque desertam ac nudam redditura, ejus carnes comestura, eamque combustura igne, hoc etiam inceptum fuisse in *Reformatione* secundum sensum styli Prophetici cumprimis idoneum: Aut notabilem illum jactum iustumve Propheticum de igneo spiritu *Lutheri*, impiisque Mercimoniis *Leonis* tertii Papæ. Tu tuis tot vitiis tuæ negotiationis improbitate tuum profanasti sacrarium, itaque ego ex medio tui ignem depro-mam qui te consumat, teque in cinerem humi redigam, in omnium qui te videbunt conspectu. Omnium verò nobilissima Representatio Gaudii ac Triumphi *Reformatorum* cum suis sociis est ista *Citharædorum cum Citharæ Dei in manibus, stantium super mare vitreum, carmenque Mosis servi Dei, & carmen Agni canentium*, cujus loci sensum tibi jam aperui.

Ezechiel. 28.  
18. Vide Synops.  
Prophe. lib. 2.  
cap. 16.

Apo. 15. 2.

*Philop.* Probè memini. Verum si jam *Testium* facta sit *Resurrectio*, qua in parte Revolutionis seculorum constituti sumus, *Philothee*? Annon sumus sub Tuba septima?

*Philoth.* Itâ. Neque enim aliter fieri potest. Nam post *Resurrectionem Testium* dicitur, *Va secundum præterit*. Væ autem tertium septima est sive ultima Tuba, sub qua omnia Mundi Regna futura sunt Regna Domini Christi que ejus. Verum gradatim adjicienda sunt, prout plures pluresque victoriæ partæ fuerint adversus Bestiam.

*Philop.* Quid? suntne igitur tanta prælia futura adversus Bestiam sub Tuba ultima, *Philothee*?

XXXVI.  
In qua parte  
Revolutionis  
seculorum jam  
versamur, cum  
cautionibus ali-  
quot ad rectè  
intelligendum  
stylum Apoca-  
lypticum.

*Philoth.* Irà sanè. Nam omnes *Phiala* comprehenduntur intra primum *Tuba* ultimæ *Tonitruum*. \* Primum *Tonitruum* septem *Phialas* continet, ut ultimum *Sigillum* septem *Tubas*. Atque ego quidem existimo septimam hanc *Tubam* ideo præsertim *Væ-Tubam* appellari, quia hæ *Phiala* irâ Dei repletæ, primam illius partem occupant, *Tonitruum* utique primum.

*Philop.* Id certè rationi satis consentaneum est, *Philothee*. Dic mihi verò obsecro, qua in parte *Tuba* septimæ jam sumus constituti?

*Philoth.* In primo *Tonitruo*, *Philopoli*.

*Philop.* Et quam in *Phiala*?

*Philoth.* In tertia, *Philopoli*, quantum hisce in rebus meum valet iudicium.

*Philop.* Potène igitur, *Philothee*, Eventa ordine indigitare, quæ hisce tribus *Phialis* respondeant?

*Philoth.* Nescio quid tu intelligas per ordinatam correspondentiam, *Philopoli*, nec satis certus sum, *Phialas* istiusmodi perpetuò ordinatam individuarum Actionum Eventuumve successionem significare, (primo cessante cum prima *Phiala*, secundo cum secunda, eadem *Phiala* cum suo eventu nunquam reiteratâ, continuatæ dum aliæ effunduntur) nec septem *Phialas* septem Bestiæ capitibus similes esse quæ tot genera Regiminis significant, quorum quædam, licet aliquandiu intermissa, resumebantur iterum; ità quidem haud ità certus sum quin septem *Phiala* septem Plagarum genera potius quàm septem distinctas, præcisèque tot generum *individuas* vices significant, cessantium simulatque alterum inceperit, & nunquam iterum incipientium postquam semel cessaverint. Nam eventus primæ *Phiala* sub quinta fit mentio. Ac profecto ut ritè præparatum te reddam semel, in ea quidem sum sententia, à magis genuino sensu Apocalypseos facile aberrare posse quempiam, nimium ad *humanam* vergendo curiositatem. Cui *Divinum Spiritum* nequaquam credo gratificari studere, sed sublimi augustoque stylo ista sola significare quæ Ecclesiæ maximè interfit cognoscere. Ac proinde in alto hoc sonitu & tempestate *Phrasium Prophetiarum* & *Iconismorum* circa aures nostras circumstrepentium & ferientium Imaginationem, in humili nos versari oportet & terræ quasi incumbere, & magis tacitam, mollem & intellectualem vocem auscultare, quæ magis internam frugalémque interpretationem nobis impertitura est; naturalem nostrum Spiritum gratificatione præcisæ temporis Eventuum notitiæ minimè quidem titillans, nec in persuasionem nos inducens eorum conditionem extrinsecus tam grandem fore ac tempestuosam quàm Figuræ Prophetiæ naturaliter nos inclinaturæ essent ad credendum, nisi nos satis hec custoditè habeamus; verùm attentionem nostram suis magis tranquillis tacitisque infusurationibus suaviter demulcens, tutò nos edocet verissimum utilissimúmque sensum Vaticiniorum, quantum suffecerit ad nos animandos in professione Veritatis, & in fideli adhesionem eis rebus quæ Christi Regnum promoveant.

*Philop.* Nondum plenè te intelligo, *Philothee*. Cedò, quæso, exemplum in hac ipsa re quæ præ manibus est.

*Philoth.* Id ipsum ago, *Philopoli*. Dico igitur internam illam tacitamque Instructionem ad quam tota hæc *Phialarum* visio collineat, hanc omnino esse mihi videri. Quod Deus tandem subversurus sit penitusque aboliturus omnem illam *Antichristianam* Potestatem, quæ hætenus, ut *Pharao* olim, populum Dei in tam dura detinuit servitute. Illa enim ad Plagas *Aegyptiacas* in *Phialarum* descriptione allusio nihil ampliùs significat, quàm quòd hæ Plagæ in illam Civitatem paratæ sint quæ *Spiritaliter* appellatur *Aegyptus*, in Ecclesiam utique *Antichristianam* ubi Christus rursus in membris suis crucifigitur gravissimisque infestatur persecutionibus. Jam verò in interpretandis hisce septem Plagis, quibus Deus afflictorus est Mysticam hanc *Aegyptum* eamque funditus perditurus, errare possumus nimium inclinando ad magis crassum sensum *Politicum*, perinde atque ad *Physicum*, fierique potest ut *gladii bombardæque* in hac conflictatione cum *Aegypto* non magis adhibendæ sint, quàm *Tonitrua* ac *Fulgura* & *Grandines* ad Talenti magnitudinem ingentes.

*Philop.* Quid igitur, *Philothee*? vin' tu Visionem hanc *Phialarum* pompasam tantum esse Parabolam Propheticam, quæ significet Christum, *Hominem peccati* occisurum esse *spiritu oris sui* & adventus sui claritate? hanc omnino rem esse, sed variis ad Plagas *Aegyptiacas* allusionibus exornatam?

*Philoth.* Immò verò, *Philopoli*, vix me abstinere possum quin tibi dicam, totum ferè librum Visionum *Apocalypticarum*, quæ ad Ecclesiam spectant, talem videri, ac si illius scriptor datâ operâ nihil ultrà intenderit, quàm certam, licet ænigmaticam, præfigurationem prædictionemque *Apostasia* Ecclesiæ in *Antichristianismum* per seductionem virorum Ecclesiasticorum, cum temporis Indicatione non magis præcisâ quàm

*Apoc. 16. 11.*

*2 Theff. 2. 8.*



quàm quæ usui Ecclesiæ foret, atque hunc *Antichristianismum* ex orbe Christiano rursus fugatum iri, puraque ac *Apostolica* tempora iterum esse reditura. Hæ quidem res, certissimè, accuratissimè ac manifestissimè describuntur in *Apocalypsi*. Adeò ut mihi prodigii instar videatur ut quisquam qui ingenii dotes habeat ac patientiam ad res pensandas, dubitare possit de illius veritate, quod præcipuus saltem si non solus illius libri Vaticiniorum est scopus. Ut verò unaquæque pomposa locutio Prophetica suum distinctum eventum habere debeat sibi respondentem, non magis forsan necessarium est, quàm ut quælibet *Parabola* circumstantia suum sensum habeat *Moralem*.

*Philop.* Quantum ego quidem intelligo, huic dicto tuo magna subesse potest veritas si rectè accipiatur. Spero tamen hoc te minimè excusaturum esse, quò minùs externos in orbe Eventus tribus primis *Phialis* applies.

*Philoth.* Quoniam tibi aliàs haud satisfactum iri video, *Philopoli*, non excusabit.

*Philop.* Quinam igitur, quæso, eventus primæ *Phialæ* respondet, quæ effusa est in *Terram*, unde diro tetròque ulcere affecti sunt homines *Bestiæ* characterem habentes, ejusque colentes *Imaginem*?

*Philoth.* Illa *Phiala* non effusa est in *Terram* nisi sensu generali, ut in præcedenti versu, ubi dicitur omnibus Angelis, *Ite, effundite Phialas iræ Dei in terram*; & tunc sequitur, *Primusque abiit & Phialam suam effudit in terram secundum sensum generalis illius præcepti*. Allusio autem effecti hujus *Phialæ* ad plagam fit *Ægyptiacam* ulcerum ac pustularum.

*Philop.* Si Terra hæc generali illo sensu intelligeretur, supervacaneum futurum fuisset rursus repetere.

*Philoth.* Repetitio magno ornamento est *Cortici* visionis, ut quæ competentiam quandam cum aliis subiectis in quæ *Phiala* dicuntur effundi, gerat, cujusmodi sunt Mare, Fluvii, Aër, &c. ac si Deus omnia Naturæ elementa excitare velit, ad pugnam cum *Bestia* sive *Antichristianis* Potestatibus. Ac præterea Terra erat, hoc est, *Cineres Fornacis*, unde hæc *Ægyptiaca* ulcerum pustularumque plaga orta est.

*Philop.* Rectè, sed quænam est Applicatio hujus primæ *Phialæ*? Quid ei respondet in Eventis?

*Philoth.* Nōsti, *Philopoli*, \* *effusionem primæ Phialæ* statim secutam esse *ascensionem Testium* in cælum, quos certus esse potes signata *Bestiæ* mancipia admodum invidis oculis aspexisse miserèque frenduisse ad carmen illud *Triumphale Citharædorum in crepidine maris vitrei igne mixti, citharizantium*. Quamobrem Invidia, Malitia, acerbus zelus, rabidusque furor *Partis Pontificiæ* adversus *Reformatam*, qui in Potestatem Politicam, tum Ecclesiasticam tum Civilem jam ascenderant, hoc noxium erat, gravèque in ipsos ab hac *Phiala* vulnus, hæc ulcera ac pustulæ à dispersis Fornacis favillis in hac terra *Ægypti*. Horumque concomitantia erant gravissima bella adversus *Testes* suscitata, horridæque Persecutiones ubicunque eorum Adversarii efficere valuissent. Inflammatum autem hoc ulcus magis speciatim peculiaritèrque signatis istis *Bestiæ* mancipiis inhærent, quos *Jesuitas* appellant, quorum ordinem *Paulus* tertius Papa paulò ante *Reformationis* initium confirmavit, quorumque Author non tantum cineres sed ignem suo nomine gerit: Malum profectò omen, & quod, quanti Incendiarii Orbi Christiano futuri essent illius discipuli, portendit.

*Cuph.* *Philothem* jocum allusorium moliri videtur in nomen *Ignatii Loyolæ* Fundatoris *Jesuitarum*. Mirum est fornacis favillas hîc etiam non adduxisse, aut *arbores* leviter non attrigisse, hoc est *Carbunculum*, tanquam huic de Igne commento congenerem.

*Philop.* Rectè quidem. Sed perge porrò, *Philothæe*.

*Philoth.* Jam verò cùm Regnum, Provincia, aut Principatus, in *Reformatione* tam parum diu permanerit, ut Animantis sit instar in Animi deliquium lapsæ potiùs quàm penitus emortuæ, Papalisque res ac potestas haud ità prorsus extincta sit, quin Incolæ brevi tempore ad obedientiam Sedi Romanæ per malignam diligentiam servidamque & exacerbata industriam ministrorum Papæ ejusque Emissariorum revocari possint, aut quibuscunque rationibus quas excogitare valeant, ad priores Superstitiones & Idololatrias reduci: Hoc Regnum, Respublica aut Principatus sub Influentia primæ *Phialæ* constitutus est, hoc est, Objectum est exulceratæ illius malitiæ, ferocisque ac implacabilis actuositatis horum *inistorum servulorum Bestiæ*. Plaga hæc inquietudinis & vexationis, ipsis quidem inhæret, manifestum verò est eos furorem suum ac virulentiam in quamcunque partem Adversariorum contra quos prævalere se posse sperent, evomituros. Quod si tam diu contra maligna conamina clientum Romani Pontificis persistitur, ut mentes populi omnem inclinationem capacitatè mve Papales rursus leges recipiendi exuerint, illiusque res ac Autoritas prorsus ferè extincta

XXXVII.  
Applicatio tri-  
um primarum  
Phialarum ad  
eventus exter-  
nos.

Apoc. 16. 2.

Exod. 9. 8.

Apoc. 15. 2.

*Apoc. 16. 3.* tineta sit, nullo calore aut spe jam reliqua, tunc in tali conditione sunt, qualis praefiguratur per *Phialam* secundam; *Mare in cruorem mutatur*, qualis mortuorum esse solet, omnesque pisces moriuntur in mari. Nam, juxta stylum Propheticum, *Mare* populum significat in unam Politiam congregatum, *Pisciumque mors*, spei frustrationem atque lucrum.

*Philop.* Applicatio, meo quidem judicio, admodum facilis est atque obvia. Papa suam piscaturam perdit in tali mari, quippe qui *S. Petri* verriculum heic injicere non permittitur, sed *Piscatio* ejus prorsus aboletur.

*Cuph.* Istiusmodi utique piscium expiscatio, quæ nummum in ore gerant.

*Bath.* Et O beata illa Regna quæ *Mare* adeo mortuum atque expes ipsi sunt! Illi enim vitam degunt in pace. Quicumque verò illi spem ullam resuscitat, suam recuperandi auctoritatem, \* is efficit ut Regnum istud in *prima Phiala* statim relabatur, omnemque illam virulentam malignamque aërositatem horum signatorum *Mancipiorum Bestia* adversus illud expergescit, qui omnimodis dolis, Impletatibus & Immanitatibus ruinam ejus molientur, ut sic funditus pereat potius quam ut *Pontifici Romano* non subjiçatur.

*Philop.* Magni profecto momenti tua ista consideratio est, mihi crede, *Bathynoe*. Spem modò ipsis largiaris, illique statim convertent in acre dirumque desiderium & diabolicam molitionem machinationemque quorumcumque malorum quæ speraverint, ad certam faciendam accelerandamve expectatam suam messem, conducere.

*Philoth.* Denique, *Philopoli*, quemadmodum *Mare* Regnum significat, Rempubicam aut Principatum, sive majorem sive minorem; ita *Fluvii* Emissarios significant, Potestates Ministròsve ab aliquo Regno aut Dynastia, sive Exercitus, Magistratus provinciales, sive quæcunque alia Instrumenta Ministròsve Reipublicæ à qua sint missi. Jam verò quum Respublica aliqua Regnumve tam munitum sit & confirmatum ut diu sic duret, valeatque interim sanguinolentis Papæ *Emissariis*, sive *Militibus* sive *Sacerdotibus*, qui deprehenduntur populum ad Rebellionem adversus suum Principem excitantes, debitam poenam irrogare, horum adversariorum hostiumve cades, effectum est *Phiala* tertiæ, quæ *fluvios mutat in sanguinem*.

*Philop.* Conditio Reformationis in *Germania* ante bellum *Smalcaldicum* & in *Anglia* temporibus *Edwardi sexti* ante regnum *Elizabethæ* Reginæ talis mihi esse videtur qualis denotatur per *Phialam* primam. Recens *Testium Ascensio* Objectum erat furoris ac invidiæ *injustorum Mancipiorum Bestia*, quemadmodum innuitur in illo ipso capite. *Apoc. 11. 18.* *Es Gentes iratae sunt & venit irata tua, &c.* Caterùm *Elizabethæ Jacobique* Regis temporibus conditio Reformationis in *Anglia* talis erat qualis denotatur per *Phialam* tertiam; quandoquidem magna illa Classis armata, anno octogesimo octavo, strenuè repulsa est, cum multa cæde ex eorum parte, ut omittam *Emissarios* proditores multos ob sua scelera neci adjudicatos.

*Philoth.* Hæc tertiæ *Phialæ* expositio, opinio est admodum eruditi Interpretis *Apocalypseos*, & valdè difficile est ut quis eam, quanquam id volet maximè, evitet, quippe quam Textus tam expressim effatur. *Apoc. 16. 5, 6.* *Iustus es Domine qui es, quique fuisti & qui eris, qui hæc ita facienda judicaveris, Ut qui Sanctorum prophetarumque sanguinem effundebant, eis sanguinem potandum dederis, ut digni sunt.*

*Cuph.* Meo quidem judicio, *Philothee*, non est nisi durus & coactus sensus Scripturæ qui sanguinem elicit. Divinus proculdubio Spiritus majorem clementiam ac misericordiam spirat.

*Bath.* Est quædam lenitas ac suavitas Naturalis Temperamenti, quæ præ se gerere velit, ac si Spiritus esset Divinus, sed tantum ab eo abest, quantum abest Natura à Deo, estque mollities quædam, animo falso perfidique erga omnem veritatem ac virtutem, ut plurimum comitata, proditque omnia quæ homini chara esse oportet, Principem, Amicos, atque Patriam. Quæ Severitas aut Inclementia erat in occidendis *Hispanis* in Mari, qui, si, quam moliebantur, Invasionem facere potuissent, Terram nostram vastaturi fuissent igne atque gladio? Quæ Asperitas in neci adjudicandis istiusmodi hominibus, qui eadem Regis Reginæve perfidè moliebantur? Talis quidem miseratio consimilis est isti Impiorum, quæ apud *Salomonem*, crudelis habetur.

*Prov. 12. 10.*

*Cuph.* Immò verò, *Bathynoe*, ut tu rem explicas, abunde mihi satisfactum est.

*Philoth.* Idque jure merito, *Cuphophron*, propter ipsum Textum. Vindictæ enim hujus apud Angelum aquarum approbatio ad *Fluvios* tantum refertur, hoc est, ad copias Emissarias, quæ alios adoriri meditantur clademque illis inferre. Resistentia proculdubio defensoria in causâ tam justa, parisque gratiæ repensatio, omnem speciem *Æqui* honestique præ se fert. Ac proinde hic locus neutiquam talis est, qui Divinum Spiritum dedecet.

*Philop.*



*Philop.* In hac quidem re, *Philothee*, omnino juxta rectum sentio. Illaque Ecclesiae Reformatæ quæ propellendo Inimicos suos hoc jus sibi facere possunt, Deo gratias, meâ quidem sententiâ, agere debent pro hac felici conditione in qua sunt constituti. Ecquid verò ultrâ in *Phialis* adhuc progressi sumus, *Philothee*?

*Philoth.* Nihil certè ultrâ, in isto magis externo sensu ac Politico. Cæterum an alio aliquo sensu fieri possit, nescio. Et *Apocalypsis* proculdubio oculos conjicit in rationes Religiosas perinde atque Politicas: hoc est, Iconismi Prophetici interdum non solum Politicum sensum habent, sed & sensum magis Spiritualem, & interdum fortean, talem solum.

*Philop.* Interea loci haud mediocriter oblector, *Philothee*, quod noverim ubinam simus, in sensu hoc Politico, quod meo quidem judicio æquè exoptandum est, ut ii omnes cognoscant quibus quicquam omnino est cum rebus Regni Dei, quàm ut Navis Governator in magno Oceano sciat in qua longitudine & latitudine versetur. Per tres primas quaestiones, *Philothee*, me magna cum voluptate animique satisfactione deduxisti. Nunc te exoratum volo ut des tibi molestiam erudiendi me in ultima.

*Cuph.* Certè siquid ego rectè conjectare possum aut prælagire, *Philopoli*, si *Philothee* ultimum tuam quaestionem aggrediatur tam ferò, non solum sibi sed & tibi reliquòque cætui, totam noctem infornem ducendi molestiam dabit.

*Philoth.* Equidem, *Philopoli*, vereor ipse nè istud argumentum, si aggrediamur, ita se diffusurum sit, ut par saltem temporis spacium atque quod jam expendimus, requirat.

*Philop.* Miserum hoc est & inopinatum animi discidium in quod conjectus sum, *Philothee*. Hoc abs te petere ut pergas, & inurbanum esset, & toti cætui intolerandum. Desistere verò, tanta crux desiderio meo pervidendi ad finem usque magni hujus Theorematis, damnûmque adeò irreparabile, ut omnem mihi adimat patientiam illius rei cogitatio.

*Cuph.* Quid igitur, *Philopoli*, annon in comperto res est, te diem crastinum in hoc oppido conticere oportere?

*Philop.* Ità planè oportet, *Cuphophron*, quicquid fiat de rebus meis rusticis. Per-noctabor apud amicum quendam in via die Dominico, & die Lunæ ad meam satis maturè rediero domum.

*Cuph.* Rectè admodum statuisti, *Philopoli*. Nullas verò tibi agam gratias hac de re. Prande apud me hîc in hac mea Pergula arborea (nunc enim dicere non potes ab aliis te esse prærogatum) & ob hunc honorem quem tu reliquûsque hic cætus mihi facturi estis, ingentes vobis habebō gratias. Dissertationem, *Philothee*, statim post prandium incipere potes & sic horam unam aut alteram lucrari.

*Philop.* Quam paratus peritûsque est *Cuphophron* in illaqueandis hominibus ad sua officia acceptanda! Si fidem dabis te frugale omnino & Philosophicum nobis prandium esse paraturum, prandebo apud te cras, quoniam video te tam seriò id à me efflagitare.

*Cuph.* Hoc sanctè tibi promitto, me nullo modo modum esse excessurum. Interea temporis, hem tibi vini Hispanici calicem, donec rursus convenerimus.

*Philop.* Nè guttulam quidem, gratia est tibi *Cuphophron*. Cationem potiùs Musicam, secundum morem vestrum *Pythagoricum* qua componantur animi ad suaviùs dormiendum. In multam enim noctem sermonem produximus, quanquam me pigebat profectò id recordari, quando *Philothee* oravi ut pergeret.

*Sophr.* Alteram quaeso, *Bathynoe*, cationem nobis cane. *Philopoli* id abs te petit, & non nisi brevem, quippe quum adeò noctescit. Ecce tibi Theorbam.

*Bath.* Secundò, ut videtur, mea me oportet periculum facere imperitiæ. Ipse cantabis, *Sophron*, plenûmque ego tibi *Bassum* de Theorba ludens reddam.

*Sophr.* Quid ego cantabo? Nec canticum habeo nec vocem.

*Bath.* Immò verò, *Mosis* atque *Agni* canticum habes.

*Sophr.* Istud unicum Poëtica specimen, quod ego unquam in omni meâ vita edidi. Zelus meus Amorque erga Reformationem Musa erat quæ humiles istos versiculos agrè inspiravit, quos repetere tantum possum, nequaquam verò canere.

*Bath.* Si tu non potes *Sophron*, ego possum; Chordarumque Barbiti Tensio, quantum video, satis Harmonica est, ritèque contemperata.

*Philoth.* Fac igitur quod tam facilè potes, *Bathynoe*.

*Bath.* O Deus omnipotens! equidem magna atque stupenda  
Tua sunt opera edita Mundo.  
Est Ratioque viarum justa ac vera tuarum  
Sanctorum O inclyte Princeps.

XXXVIII.  
Ultima Philo-  
polis Quaestio  
in conventum  
crastinum di-  
lata.

XXXIX.  
Conclusio, cum  
Cantico Mosis  
& Agni ad  
Theorbam per  
Bathynoum  
cantato.

Quis

Quis poterit quin te timeat, Domine, atque verendum  
 Submisit Nomen honoret,  
 Quippe quod es sanctus solus, tuâque omnia facta  
 Puro candore renident?  
 Omnis adoratum veniet Gens quum innotuere  
 Tua Judicia aqua per Orbem:  
 Vota tibi sancte facient & lumine cuncti  
 Sub Evangelico requiescent.

*Philop.* Hoc est, Omnes Nationes convertentur ad puram veritatem Evangelii, & tam solidæ & inexpugnabili Religioni tandem acquiescent.

*Sophr.* Sic rem intelligo, *Philopoli.*

*Philop.* Et optimè quidem intelligis. Estque carmen præsentis diei argumento apprimè consentaneum. Deus ista tempora acceleret ad solamen totius terrarum orbis. Ex abrupto me oportet in præsens vobis omnibus bonam precari noctem, & experiri si literas hac nocte per Veredarium mittere possim domum. Fidem verò servabo cum *Cuphophrone*, nec mediocriter quidem gaudeo quod semel adhuc mihi liceat præstantissimâ hâc societate, antequam oppido exeam, frui.

*Cuph.* Nostra felicitas est, quod alteram te hîc detinuerimus diem.

*Philoth.* Bonam noctem, charissime *Philopoli.* Hîc me cras invenies prout expectas.

*Philop.* Interea temporis, charissime *Philothee*, bonam noctem.

## SCHOLIA

### IN DIALOG. IV. SECT. 4.

**I**dem quod Pythagorei intelligunt per suum το ἀνυοειδὲς σῶμα, &c. Pythagoreos tamen tam distinctam habuisse hujusce corporis Luciformis notionem, ut principium Elestrinum in se etiam continuisse intelligerent, meritò quis dubitare potest, quod tamen eo contineri fuisse alibi doceo.

1 Cor. 3. 7.

**SECT. 22.** Admodum palpabilis præfiguratio est crucifixionis Agni Dei, &c. Id quod Apostolus primâ ad Corinthios aperte docet, Etenim Pascha nostrum pro nobis sacrificatum est, nempe Christus. Verum notari hic porro potuit, omnia sacrificia Judaica Christi sacrificium aliquo modo adumbrasse, piacularia verò præ cateris. In illis enim Pontifex cum istis Sacrificiis, Christi (qui idem & sacrificium erat piaculare) eximius est Typus. Pontifex victimam offerens, totius Cætus personam sustinuit (cùm in singulorum hominum sacris quisque victimam pro ara sistere tenebatur manûque sua consecrare.) Cæse victimæ sanguinem in Sanctum sanctorum intulit ibique obtulit Deo. Corpus verò victimæ extra castra cremabatur. Sanctum autem sanctorum ingressus suffimentum etiam Thurbulo aromaticum tulit, ut videre est Levit. 16. Ità planè Christus pro nobis se obtulit ante mortem suam, Johan. 17. 19. Καὶ ὅτε ἀντὶ τῶν ἑγὼ ἀνιάζω ἑμαυτὸν, hoc est, Ego meipsum pro eis offero. Nam ὡς ἀνιάζω inter cetera etiam valet περισσέειν, inquit Grotius. Et victimæ etiam loco offerentium mactabantur. Ut verò corpus victimæ extra castra crematum est, ità Christus passus est extra portam. Et ut Pontifex sanguinem victimæ in Sanctum sanctorum, Cæli simulachrum, intulit, ità post crucifixionem Christus, verum Sanctum sanctorum Cælum ipsum ingressus, se Deo Patri obtulit æternum humani generis, effusi sui sanguinis vi, Patronum ac Mediatorem, qui nunquam cessat preces Ecclesia, quarum suffimenta sunt Symbola, suo commendare Patri. Vide Guilielmi Outrami opus elucubratisimum de Sacrificiis, lib. 2. cap. 3, & 7.

Hæc est Mare illud rubrum in quo Romanus Pharaoh, currusque, &c. Quæ occurrunt Apoc. cap. 15. vers. 2, 3, 4. ad primos Reformatores pertinere, Epinicion scilicet illud istis versibus contentum, cùm cantaretur ante Phialarum effusionem. & post Ascensionem Testium, rationi valde consentaneum est. Epinicion enim hoc Victoriâ (immò victoriâ ex Imagine Bestiæ ex charactere & ex numero nominis reportatam) & Victoriâ Ascensionem implicat. Ascensio enim est Elevatio ad Potestatem Politicam. Quæ promittitur vincentibus in Thyatira, Apoc. 2. 26. Qui vicerit & observaverit ad finem usque opera mea, dabo ei potestatem in gentes. Quod privilegium obtinuit Ecclesia Sardiana quæ Reformatam Ecclesiam præfigurat. Ipsumque nomen Sardis, ut alibi noto, || canticum lætitiæ significat; quod apertâ concinnitate Epinicio supra dicto respondet.

|| Vide Nominum propriorum Explicationem ad finem Tom. 6. Bibl. Polyglot additam.



det. Sardoniam vero Ecclesiam Ecclesiam esse Reformatam, ex natura atque ordine septem Ecclesiarum, quae septem Temporum Intervalla ab initio Ecclesiae ad finem Mundi occupant, in Expositione septem Ecclesiarum satis clarè demonstro, nempe Visiones septem Ecclesiarum idem spacium occupare quod Visiones Libri sigillati & aperti. Optimèque congruit promissum illud Christo Vincentibus factum, Apoc. 3. 20. de confidendo in suo Chrono, cum promisso facto Apostolis, Marc. 19. 28. & Luc. 21. 30. Quod Munsterus, Calvinus alique rectè interpretantur de privilegio magis eximiorum Sanctorum, quippe qui adseffores Christo supremo Iudici futuri sunt in die novissimo. Cui optimè quadrat illud Pauli ad Corinthios: An ignoratis fore ut Angelos iudicemus? hoc est, Diabolos, iudicio magni illius diei vinculis aternis sub caligine reservados, Iud. 6.

sect. 36. Primum Tonitruum septem Phialas continet, &c. Vide Visorum Post-medialium Tabulam quam in Dialogi quinti sectione tricesima octava collocandam curavi.

sect. 37. Effusionem primæ Phialæ statim secutam esse ascensionem Testium in Cælum, &c. Tria enim Væ memorantur in Apocalypsi, primum, secundum & ultimum. Primum continet Visio Locustarum, secundum Visio Equitum Euphratorum. Quæ igitur visio ultimum Væ continere potest nisi Visio septem Angelorum plagas septem ultimas habentium, quæ ultimæ datæ operâ dici videntur ut Væ ultimum in se continere intelligantur? Cumque etiam Epinicion illi cantatur ex victoria in Imaginem Bestiæ, nec Phialarum effusio sit ante illud Epinicion, manifestum est primam Phialam non effundi ante aliquam memorabilem victoriam partam adversus Bestiam illiusque Imaginem, adeoque nec ante ascensionem Testium. Ac proinde septem Phialas in Tubam sextam retrahi non posse, multoque minùs cum septem Tubis coextendi, sed primò potius Tonitruo comprehendendi debere. Vide septem Phialarum Tabulam in Sectione quinta Dialogi quinti collocatam.

sect. 37. Is efficit ut regnum istud in primæ Phialæ statum relabatur, &c. Nec se fefellisse Bathynoum hac in re suam rationem ac presagium recentissimum huius ipsius Anni 1678. exemplum planè demonstrat, in quo Maniportorum Bestia illiusque caractere innotuorum, pristina in hunc Populum Anglicanum Tyrannidis recuperanda spe propter nimium undique eis favorem exhibitum conceptâ inflammatorum rabieque quasi correptorum, horrenda execrandaque in necem clementissimi Regis Caroli secundi Ecclesiæque Anglicana subversionem detecta est Conspiratio.

# Dialogus quintus.

*Philotheus, Bathynous, Sophron, Philopolis, Evistor,  
Hylobares, Cuphophon, Ocymo.*

I.  
Introitus ad  
Dialogum.

**C**UPH. Noli sic festinare, Ocymo, quin stragulâ mensam insternas priusquam hinc abeas. Eò usque. Bene nunc habet. Si qui me domi meæ quarant, noli committere quin protinus eis dicas, me exiisse foras.

Ocym. Mandatum tuum diligenter curabo.

Cuph. Non interpellabimur per totum hoc tempus pomeridianum, si innocua Equivocatio id efficere possit.

Hyl. Domò tuâ exiisti, ut primum hortum tuum ingressus es, O quàm mirè Mercuriali ingenio est Cuphophon!

Cuph. Naturæ donum, Hylobares, est eis, qui illo nôrint rectè uti. Quota nunc hora est, Philopoli, ex tuo Automato horario? ut videamus quàm pulchrum temporis spacium nobis jam restet.

Philop. Index primæ horæ notulam vix est prætergressus. Admodum profectò tempori pransi sumus.

Cuph. Tu verò ac Philotheus tam parce comedistis, ac si paratus noster vobis minus arrisisset, aut vestram putassetis post prandium Dissertationem, ad corpus saginandum perinde atque ad cibandam animam, idoneam fore.

Philop. Paratus tuus, Cuphophon, valdè liberalis erat & illecebrosus, verùm ingenuè fateor mentem meam multum evocatam esse ad ista post-cupedia quæ expecto à Philotheo.

Cuph. Et obsecro te, Philopoli, noli appetitûs tui expletionem hac in re diutius differre. Novi Philotheum paratum esse.

Philoth. Semper paratus sum Philopoli servire, reliquæque huic præstantissimæ sodalitati in re qualibet quæ in mea sit potestate.

Philop. Sine omnibus igitur ambagibus quæso te, Philothee, ultimam quam hesterno die proposui quæstionem aggrediamur, nempe, *Quem successum verisimile sit Regnum Dei habiturum esse usque ad Mundi interitum.*

Philoth. Successus Regni Christi, Philopoli, mirabilis erit, tum ratione ulteriorum suarum victoriarum contra Regnum Antichristi, cujus Potestas penitus abolebitur, tum etiam ratione sui ipsius. Nam proculdubio magis gloriosa futura est illius conditio & quoad *Qualitatem* & quoad *Amplitudinem* quàm à temporibus usque Apostolicis hætenus unquam fuit.

Philop. Quod de clade Regni Antichristi dicis, de eo abunde persuasus sum, tum ex consumptione Cornu parvuli per ignem apud Danielem, tum ex eo quòd dicitur in Apocalypsi, *comprehensam fuisse Bestiam ac falsum Prophetam, ambòsque vivos coniectos esse in stagnum ignis ardens sulphure.* Et postremò, Effectum Phialæ septimæ idem innuere videtur.

Philoth. Quibus addere potes Visionem Torcularis extra urbem calcati ex quo manavit ingens lacus sanguinis, tam altus ut ad Equorum frænos pertingeret, & tam amplus ut ad spacium mille sexcentorum stadiorum extenderetur.

Cuph. Jesu bone! Qualis est hæc adversus Antichristum victoria, O Philothee! Non putabam adèò sanguinarium fuisse vaticinium in tota Apocalypsi. Num Christus suum Regnum amplificaturus est efficiendo, ut totus Orbis sanguini innatet?

Philoth. Bono animo sis, Cuphophon, & pallidum istum ac perterrefactum vultum exue. Perterreris, ut infans, horrificâ tantum picturâ. Iconismus omninò Propheticus est, ut Bestiæ falsique Prophetæ coniectio etiam vivorum in lacum ignis. Num cadavera ipsorum sanguini innatare, ipsique in lacum ignis ardentis sulphure vivi conjici poterunt simul? Hic lacus sanguinis & lacus ignis idem significant, sed neuter eorum res ipsa est quam significant.

Philop.

II.  
Philopolis ultima  
quæstio de  
successu Regni  
Dei usque ad  
finem Mundi.

Dan. 7.11.  
Apoc. 19.20.  
Apoc. 16.19.



*Philop.* *Cuphophroni* color rursus redit, *Philothee*, ita ut nihil opus sit ulterius in hoc argumento pergere, antequam ordine ad ipsum pervenerimus. Neque enim contentus sum scire tantummodo Regnum *Antichristi* penitus subversum iri, sed valde etiam discupio, (quatenus saltem residua *Phiale* ei rei lucem sint suppeditaturæ) gradualem illius procellum intelligere. Ille enim proculdubio in *Phialarum* Visione aliquo modo includitur.

*Philoth.* Non dubito quin ita sit. Est verò ingens periculum ac difficultas particularem tentare explicationem Vaticiniorum antequam sint impleta. Est enim miræ quadam mobilisque locutionum Propheticarum vibratio, quæ in motu hoc tremulæ res varias attacturæ videntur, valde autem arduum est ante dignoscere ubi se fixuræ sint, quam Eventum determinaverit. Verum utcumque Deo cæptis aspirante, bonam operam navabo, quò voto tuo satisfaciam, idque eo quo ipse rogaveris, ordine.

*Philop.* Gratias tibi ago, *Philothee*; secundum verò *Phialarum* ordinem rogaturus sum singula. Primum itaque peto, ut significationem me edoceas *Phiale quartæ* in Solem effusæ, unde ei mandatum est ut homines igne ureret, adeò ut Deum blasphemarent ex ipso dolore ustionis.

III.  
*Phiale quartæ*  
Interpretatio.  
*Apoc. 16. 8.*

*Philoth.* Intelligere debes, *Philopoli* (id quod semel & in ipso initio tibi dico) *Iconismos Propheticos* per secundi generis *Henopæiam* (quemadmodum scriptor modernus nos docet) aliquando plura uno significata continere, idque ex destinato; quamvis ante Eventum, unicumne an plura intendantur, non liceat definire. Cæterum, si vel unum significatum Eventui respondeat, satis est. Ac proinde tutissimum est, istud eligere quod maximè sub notitiam nostram cadit. Dictum est de Ecclesia priusquam in Desertum fugerat, quòd *amicta erat Sole, quòdque Luna, ejus pedibus erat subjecta*. Nunc verò *Luna* lex *Mosaica* est Pentateucho comprehensa, quæ ex obscuris Typis Figurisque consistit, omnem autem quam habet lucem à Christo mutuatur illiusque Evangelio. Veritas novo Testamento comprehensa in legem Mosaicam reflexa, facit ut *Lune* instar mutuatis radiis splendescat. Rectè igitur dictum est de duobus his oppositis Luminaribus, quòd dum alterum, putà *Sol*, circa Mulierem circumfulsit, & glorioso lumine ac veritate Evangelii amicta est, quòd *Luna* tunc, quasi apud *Antipodes*, ejus subjecta erat pedibus, ut ille de Polis ait;

Synops. Prophet.  
lib. 1. cap. 3.  
sect. 8.

*Apoc. 12. 1.*

*Hic vertex nobis semper sublimis, at illum  
Sub pedibus Nox atra videt, Manesque profundi.*

*Philop.* Grandisonum quiddam hoc est ac Poëticum, *Philothee*. Verum istud quod velis, opinor hoc est, Quemadmodum *Luna* scilicet atque *Sol* in Visione Mulieris; (sicut & *Hugo Grotius* innuit) significare possunt Legem *Mosis* & Legem *Christi*, ita *Sol* heic etiam significare potest Legem *Christi Novo Testamento comprehensam*, vel potius, laxiori sensu, *Verbum Dei*, (quod appellamus *Biblia*) *Novum Testamentum* complectens atque *Vetus* quatenus *Christum* respicit, *Vetusque* ratificatur à *Novo*. Numnam hoc corpus *Solis* est, quod intelligis?

*Philoth.* Tale quid est quod volo. Rectè mentem meam capis. Nunc verò dico effusionem *Phiale* in hunc Solem esse illius, per luculentas demonstrativasque Expositiones à viris sanctis Spiritu Divino adjutis factas, *Illustrationem*, vel potius nubium obscuritatis ab eo remotionem, ut in pleno robore exsplendeat ad manifestò detegendum injusta impiæque Mysteria Regni *Antichristi*, & ad ostendendum toti Orbi in quàm fœda horridaque conditione constituti sint, quantum à Deo Christoque desece- rint, & modo quàm aperto & exprobratorio abominandæ eorum actiones, in Scripturis, Dei digito sint depictæ, & quàm ad vivum dira eorum ac diabolica Imago descripta sit. Hæc est effusio *Phiale* in Solem, cui mandatum est ut homines igne ureret, eosque sic vexaret, ut Dei nomen blasphement propter has Plagas, potiusque vilificent contumeliisque afficiant Scripturas Spiritumque qui eas scripsit, quàm po- niteat de peccatis. Deove dent gloriam, agnoscendo veritatem. Hic unus, opinor, potest esse sensus *Phiale quartæ*.

*Philop.* Hic verò sensus est magis *Mysticus* ac *Spiritualis*. Annon est, *Philothee*; sensus etiam *Politicus*?

*Philoth.* Est, *Philopoli*, idemque admodum obvius. Nihil enim magis in confesso est, quàm quòd secundum stylum Propheticum *Sol* maximum Principem in Mundo *Politico* significet, prout & ille maximè illustre Luminare est in *Naturali*. Nunc quemnam maximum Principem esse putas in eo Mundo quo Papa etiam regnat?

*Philop.* Is & Papa diu multumque ea de re disceptarunt, valdeque difficile est, opinor, uter major sit hodieum definire.

*Philoth.* Quamobrem cum proxima *Phiala* ad *Papam* peculiariter videatur pertinere, verisimillimum est hanc spectare ad *Imperatorem*.

*Philop.* Quid igitur censet effusionem quartæ *Phialæ* in *Solem Politico* hoc sensu significare?

*Philoth.* Spero conversionem significare alicujus Imperatoris, verâ Evangelii cognitione illuminati. Nam sic generalis *Reformatio* quam in suum Imperium introduiturus est, ex lumine zeloque quem pro veritate conceperit, torrebit, uret, ipsaque Mancipiorum Bestiæ bicornis corda dolore penetrabit. Hic sensus satis naturalis est opinor, utrùm verò hic an prior ille magis naturalis sit, tuo judicio definiendum relinquo.

*Philop.* Magna profectò concinnitas est in utrisque. Nec omnino necessarium esse existimo, ut subjectum in quod *Phiala* dicitur effundi, semper noxam capiat, sed ut noxa saltem inde reflectatur in Bestiam. Estne verò nullus alius probabilis sensus quartæ *Phialæ*, *Philothee*?

Vide Synops.  
Prophet. lib. 1.  
cap. 3. sect. 3.

*Philoth.* Potest esse *Henopaia* huic Solis *Iconismo* adjuncta, ita ut sic queat significare, quemadmodum *Esaï. 24.* versu ultimo. Tunc verò significatio admodum congener erit posteriori antecedentium sensuum, quippe quum & hic itidem *Politicus* sit.

Apoc. 19. 12.

Apoc. 16. 10.

*Philop.* Ista subindicatio sufficit. Etenim plurium Regnorum sive Principatuum ad lucem Evangelicam Conversionem inde fore intelligo, distinctam ab eis, quæ à parte steterunt Evangelii in *Resurrectione Testium*. Nescio quin hic genuinus esse possit sensus perinde ac quivis reliquorum, ulteriùsque præparatio ad tempora *Sessoris Equi albi*, in cujus capite dicuntur multa fuisse Diademata. Quæso perge, *Philothee*, dicque nobis sensum *Phialæ* quintæ in *Thronum Bestiæ* effusæ, quâ Regnum ejus obscuratum est.

IV.  
Interpretatio &  
quintæ & sextæ  
*Phialæ*.

*Philoth.* *Thronus Bestiæ bicornis* idem est qui *Thronus Meretricis*, quæ dicitur septem montibus insidere. Quamobrem hoc, in sensu *Politico*, malè ominari videtur Urbi *Romæ*, quæ sedes est Bestiæ. Cæterum an *Roma* excidium, an verò Pontificis illinc perpetua exulatio, an denique ex effectis prioris *Phialæ* sensu *Politico* intellectæ futurum sit, ut Mercaturæ Reditusque maximi illius Mercatoris è Magnatibus Terræ frigeant multumque attenuentur, atque sic ingens silentium, obscuritas ac Tenebræ etiam principalem illius sedem occupaturæ sint, quidve aliud huic analogum eventurum, Tempus debet determinare, non autem ego.

*Philop.* Estne verò hic solus sensus hujus *Phialæ*, *Philothee*?

*Philoth.* Iste sensus est, quem putabam, tibi, *Philopoli*, maximè arrisurum. Alius verò aliquando menti meæ occurrit. Quid si hæc statuamus, *Cathedram Papalem*, per hunc *Thronum Bestiæ* perstringi? *Cathedram* intelligo *Infalibilitatis*, in qua is & corpus suum Pseudopropheticum se considerare gloriantur, atque sic in rem suam Mundanumque commodum infallibilia oracula orbi dictant, populo summa cum confidentia persuadentes, quicquid Ecclesiæ, luciferum invenerint idem reipsa esse verum, Figmentum sit quantumlibet stolidum aut incredibile, quantumlibet blasphemum aut impossibile. Populo autem tale videri non potest, quamdiu Ecclesiam suam credunt esse Infalibilem. Nunc igitur dico, quemadmodum præsens *Phiala* in *Politico* sensu aliquo modo effectus esse potest prioris *Phialæ Politicæ* etiam intellectæ; Ità efficacia prioris modo magis *Spirituali* intellectæ, procedente tempore, introducere potest effectum hujus præsentis *Phialæ* in sensu etiam magis *Spirituali*: Illiusque effusio in *Thronum Bestiæ* abolitio esse potest falsæ illius opinionis de Pontificis illiusque Ecclesiæ *Infalibilitate*, ex plerorumque hominum mentibus: Quo falso lumine semel amoto, necessario se reperturi sunt in tenebris, quippe quorum Religio talis est cui nec *Scriptura*, nec *Ratio*, nec ulla res alia quæ ullum habet in se momentum, ullam lucem minimūve colorem sit allatura. Quapropter necesse est, ut illius Regnum Tenebris plusquam *Ægyptiis* obruatur: Utque, postquam generalem animi inquietudinem in populo deprehenderint actuosissimi Papatūs fautores ac ministri, seque propter penetrantiam Luminis Evangelii validas has habenas, quibus populum retinebant, è manibus amisisse, effecturum sit, ut præ angore doloreque linguas suas mordeant.

*Philop.* Equidem non nego, quin hic unus etiam sensus esse possit. Sed perge quæso, *Philothee*, ad *Phialam* sextam.

F. Nedi Com-  
ment. Apoca-  
lypt. in cap. 16.  
Apoc. 14. 18.

*Philoth.* Sexta *Phiala*, *Philopoli*, ad Conversionem Judæorum pertinere videtur, quemadmodum nuperus Interpres præstantissimus summo cum judicio ac probabilitate locum explicavit. Et *Visionis Torcularis* extra urbem calcati, & *Prælii* ac *Victoriæ* illustris



illustris illius Herois albo Equo insidentis cum Phiala ultima collatio, multam fidem, *Apoc. 19. 11.* quod & ille innuit, huic Expositioni conciliat. Etenim quod Identitas sive Coincidentia Eventuum per *Calcationem Torcularis & Prælium magni illius Herois* significata sit, satis manifestò videtur insinuari in illis Visionibus, ex eo quod *Equi albi* sessor etiam dicitur *calcare torcular iræ Dei*, & habere *pallium tinctum sanguine*, quod illi optimè respondet quod occurrit in *Visione Torcularis*, manasse ex Torculari *sanguinem usque ad franos equorum*. Quod igitur planè innuit *Torcular calcatum* fuisse à *Sessore Equi albi*. Et tum vides quàm naturaliter sequitur, *pallium ejus tinctum fuisse sanguine*. *Apoc. 19. 15.*  
*Apoc. 14. 20.*

*Philop.* Mirabilis omnino est, *Philothee*, congruentia. Nullus dubito quin hæc duæ Visiones eandem ferè rem significant.

*Philoth.* Rectè. Verùm ex eo quod *Bestia & falsus Propheta* in *Victoria Sessoris Equi albi* comprehenduntur, vivique conjiciuntur in stagnum *Ignis ardens Sulphure*, manifestum est hanc *ultimam* esse effusionem iræ Dei in ipsos, ut certissimum est *Phialam ultimam* sic esse. Adeò ut hæc duæ Visiones idem etiam significant, *Visio putà ultimæ Phialæ*, & *Visio Sessoris Equi albi*. *Apoc. 19. 20.*

*Philop.* Istud rursus manifestum est, *Philothee*. Sed quid tum demum? Nescio quorsum ista tendant.

*Philoth.* Ad hanc tendunt *Conclusionem*, Quod, quemadmodum *Calcatio Torcularis*, *Prælium Sessoris albi Equi* & *Phiala septima* idem sunt, ita *Messis* immediatè præcedens *Torcularis calcationem*, & *Agni Nuptia* immediatè præcedentes *Prælium Sessoris Equi albi*, & *sexta Phiala* immediatè præcedens *Septimam*, idem perinde sunt. *Apoc. 14. 15.*  
*Apoc. 19. 7.*

*Philop.* Admodum speciosa profectò est illius rei probabilitas.

*Philoth.* Nunc verò, cum *Messis*, secundum ipsius *Servatoris Interpretationem*, collectionem sive congregationem *Hominum* significet ad *Fidem Evangelii*, *Nuptiaque Agni* sponstationem alicujus *Populi Christo*; sextam etiam *Phialam* oportet talem aliquam habere significationem. Notabile enim istud artificium securè celandi, certòque revelandi *Visionum Apocalypticarum* in hoc potissimùm consistit, celandi quidem *Ars*, in *Defectuositate*, & *promiscua*, ut quibusdam videri potest, *Vaticiniorum dispersione* separatim: *Ars* verò certò revelandi, in accurata eorum *Respondentia* alterius alteri, & in *Synchronismis*. *Mat. 9. 37.*

*Philop.* Id certè notatu dignissimum est. Quid autem putas significari per hæc tres Visiones quas inter se comparas?

*Philoth.* Præfigurari forsitan potest conversio, non solum distinctæ ac visibilis *Nationis Judeorum*; sed prout dicitur in genere, ut pararetur *via Regum*, qui essent à *Solis ortu*, ita in genere significare potest *messiem* aliquam sive fructus *Evangelii* apud *Turcas* Gentisque *Orientales*. Futurum est fortassis ad id tempus, ut *Satrapa* aliquis *Turcicus* à *Mahometismo* desciscat ad *Christianitatem*, idque conjunctim cum *Conversione Judeorum*. Qui *Turcici Imperii* status hæc significatur per *Exsiccationem Euphratis*. Non quod illud Imperium penitus tunc confractum erit, vastatum, aut labefactatum: Verùm ut dicitur de *priscis Israelitis*, quum pertransibant per *Mare Rubrum*, *Ingressi sunt Israelitæ per medium Mare in sicco aqua murum illis dextrâ sinistrâque præbente*: Talis erit *Turcici Imperii* conditio sub *Phiala sexta*; Illi recens conversi *Principes Orientis* incolumes pertransibunt ad se conjungendos cum vera *Christi Ecclesia* ante effusionem *Phialæ ultimæ*. *Exod. 14. 22.*

*Philop.* Mirificè mihi arridet hæc Interpretatio, *Philothee*, quippe quod tam manifestum sit *Equites Euphratis* in *Tuba sexta Turcicos* esse exercitus, quemadmodum eruditissimus *Medus* demonstravit summa cum peritia ac judicio. Nec tamen *Persas* à *sextæ hujus Phialæ negotio* exclusos volo. *Comment. Apoc. ad Cap. 9.*

*Bath.* *Messis*, *Exsiccatio Euphratis*, *Agni*que *Nuptiæ* appropinquationem fortean significant potiùs, rerumve præparationem ac maturationem in magnum illud eventum, quàm ipsius consummationem, quod magis conspicuum perfectumque evasurum est sub *Phiala ultima*. Futurum est forsitan ut circa hoc tempus *Judei* aliique *populi Orientales* *Christum* agnoscant esse *Messiam*, *Papam*que cum suo *Clero Antichristum*, nec tamen adhuc confirmati sint in omnibus *Articulis Doctrinisque Apostolicis* nostræ Religionis.

*Philoth.* Cauta quidem hæc tua, *Bathynoe*, est *Observatio*, cui ego nec contradicurus sum nec ei assensurus, sed eam in medio relinquo porrò perpendendam.

*Philop.* Multòque minùs ipse mihi tantum assumam ut contradicam. Verùm perge, quæso, ad *Phialam ultimam*, *Philothee*.

*Philoth.* Faciam, *Philopoli*. Cujus ad faciliorem intelligentiam, necessarium erit \* ut adnotamentum unum & alterum faciamus in *Visionem Sessoris Equi albi*. Verbi gratiâ, quod paratus ejus ornatùsque talis sit, ut admodum durum videatur *intelli-*

*Apoc. 19. 14.* intelligere prælum crassum esse & *carnale*, sed omnino *Spirituale*. Nam candido mundoque byssino indui, *carnalis Militiæ Armatura* non est, ut neque *Gladus ex ore illius prodiens*. Verbi Dei prælum planè est, quemadmodum & illius Nomen innuit, prodeuntis ex ore Sanctorum, hominumque conscientias de Veritate convincentis. Unde abunde securi esse possumus Visionem *Torcularis* (quod à Sessore Equi albi calcatur) non tam crassam cruentamque significationem habere, quàm externa verba sonant. Quæ datâ operâ videntur tam Hyperbolicè formari, ut cautos ab omni tali crasso commento abigant. Et quòd Angelus stans in Sole, omnes in medio cælo volantes Aves ad magni Dei cœnam invitat, ut Regum, ut Tribunorum, ut Potentum, ut Equorum Equitumque carnes comedant in illa altera Visione, ingenuè fateor me tanquam Parabolam Propheticam considerare. *Ægyptii homines sunt non Dei, & eorum Equi Caro non Spiritus*. Sed nimis prolixum esset hisce rebus insistere. Ut talis Angelus lucis tam viliungeretur officio, ut Aves rapaces ad humanorum cadaverum Epulum invitet, nequaquam intelligo esse posse decorum. Sed hisce quod dixi non est immorandum. Id quod à te in hac visione maximè observatum volo, est Eventus Prælii differentia in duobus differentibus Hostium generibus, quibuscum Equi albi Sessor bellum gerit. Nam *Bestia* ac falsus *Propheta*, quibus significatur Pars *Antichristiana* propriè sic dicta, talisque qui sedulò obstinatèque persistant in suo *Antichristianismo*, comprehenduntur vivique conjiciuntur in stagnum ignis ardens sulphure. Reliqui verò, hoc est, Pars altera, *gladio necantur sedentis in Equo, qui gladius ex ore ejus prodibat*. Hi sunt ea præsertim pars suorum hostium hoc tempore qui *Pagani* erant sive *Infideles*, quique Doctrinæ Christi ac Apostolorum fidem necdum ullam habuere. Adeò ut si totum Hominum Confluxum, integrumve ex duobus adversis ante pugnam Exercitibus Aggregatum sumamus, dividamúsque, in hanc naturaliter Tripartitionem cadant. Pars erunt verè *Christiani & Apostolici*, Pars *Infideles* (à *Bestia* & falso *Propheta* distincti) & Pars *Antichristiani*, quos *Bestia* & falsus *Propheta* denotant.

*Philop.* Quid igitur intelligendum per occisionem Partis, quos *Infideles* supponis (& aliorum quorumcunque qui cum ipsis necati sint) per gladium ex ore Sessoris Equi albi prodeuntem?

*Philoth.* Eorum Convictio proculdubio, *Philopoli*, Conversioque ad Fidem Christianam. Verbum enim Dei nullo alio quàm istoc eos occidere potest modo.

*Philop.* At verò superadditur, *Eorumque carnibus satiata sunt omnes alites*.

*Philoth.* \* Dico tibi, *Philopoli*, Angelos Cæli lautiùs epulari, majorèmq; apud ipsos latitiam fieri ob unum fontem qui redeat ad frugem, quàm ob nonaginta novem infontes qui vitæ correctione non egeant. Verùm antea te monui hæc phrales tantum esse Parabolicas, singulàsque Parabolæ stricuras in particularem significationem non esse necessariò trahendas. Potest quidem significare tantum in genere magnam aliquam cædem, ab illius consequentibus, modo hoc Parabolico, illustratam.

*Philop.* Equidem satis persuasus sum, hunc præcipuum esse posse sensum hujus Visionis Sessoris Equi albi, quicquid aliud ei subesse possit præterea.

*Philoth.* Pergamus igitur nunc ad id quod illi parallelum est, ad *Phialam* scilicet septimam, quæ aliquando mihi æquè obscura visa est, atque ullus locus qui in tota occurrit *Apocalypsi*. In genere autem ausim pronunciare sensum magis *Spiritualem* esse quàm vulgò intelligitur, tum ex eo quòd parallela sit Visioni Sessoris Equi albi, tum ex ista subindicatione, *Ecce venturus sum ut fur. Felix qui vigilat, suæque vestimenta servat, nè nudus incedat, ejusque obscena cernantur*. Hoc tempore divellet Deus tegumentum quo operiuntur omnes Nationes, & velamen Hypocriseos ab omni populo, quemadmodum prædicit *Esaias*, & qui legitimo Indumento vestitus non fuerit, invenietur admodum deformiter nudus. Non est igitur verisimile ut hæc præmonitio sit in diem cruenti prælii ubi sanguis ad Equorum Ephippia ascensurus est per spacium mille sexcentorum stadiorum. In tam ingenti cæde literaliter intellecta de vitis magis solliciti sunt homines quàm de vestimentis, multoque plus metuunt nè occidantur quàm nè exponantur externæ alicui Ignominie.

*Philop.* Quis igitur sensus est illius loci, *Philothee*?

*Philoth.* Matura præmonitio est ut *Veritatem* quæramus ac *Justitiam*, & ut Evangelii Mysteria tam bene intelligamus, ut postquam hæc dies venerit, effusionis utique *Phialæ septimæ*, non deprehendamus tam miselli *Fatui*, ac *Bigoti* (ut vocantur) ut propter ignorantiam nostram, superstitiosamque conscientiam, participes fiamus earum plagarum ac calamitatum in quas *Bestia* & falsus *Propheta* tunc sunt immergendi, sed ex solida scientia mentèque purificata veræ Ecclesiæ, vivo scilicet Christi corpori maturè adjungamur. Nam in illo die homo existimabitur admodum horridè nudus omnique



omnique sensu communique probitate destitutus, qui tam parùm utriuslibet habuerit, ut *Idololatricam prestigiosamque Ecclesiam Romanam* non deserat, totumque se recipiat ad partem *Apostolicam*. Deridiculo erit ac ludibrio omnibus nec ullo pacto poterit suam turpitudinem obtegere, quippe qui seipsum jam prodidit, adedò totum *veritate ac probitate* destitutum.

SEPTEM PHIALARVM  
TABVLA.



*Philop.* Admodum peculiare, meo quidem iudicio, *Philothee*, de rebus in mente tua procudis conceptus, quod & Conversationem tuam eò magis reddit gratam ac delectabilem. Permite verò mihi nunc tuam de aliis, (forte an difficilioribus) locis opinionem sciscitari. Ut de *Ranis* ex ore *Draconis*, *Bestiæ* ac falsi *Prophetae* prodeuntibus, qui dicuntur *Demonum Spiritus*, & miracula seu ostenta edere.

*Philoth.* Hi sunt *Emissarii*, *Oratores*, *Negotiatores*, & *Solicitatores* in rebus *Draconis*, *Bestiæ* ac falsi *Prophetae*, quanquam appellantur *spiritus Demonum* secundum usitatum genium stylumque *Apocalypses* quæ *Angelos Spiritusve* ponere solet pro ea hominum multitudine qui sub eorum *Regimine* esse intelligantur. Habent autem formam *Ranarum*, ut naturam eorum terrenam ac immundam denoter, eumque spiritum & sapientiam quâ ducuntur *Terrestrem* esse, *sensualem* ac *Demoniacam*, contrariamque illi sapientiæ quæ supernè proficiscitur, quæ dicitur primum *pura* esse, deinde *pacifica*. Hæ verò *Ranae* *Reges Terræ* totiusque *Orbis* ad bellum evocant, etiam ad pugnandum adversus *Deum* ejusque *Christum*. Sed impiæ istæ copię præpotenti *Regimine Dei Omnipotentis* talem in locum congregantur qui ab ipso nomine eis  
sic

Vide Synops.  
Prophet. lib. 1.  
c. 6. sect. 17.

fit inauspicatus. *Armageddon* enim exercituum eorum cladem significat. Nec omittere possum quàm idoneus sit hic *Ranarum Iconismus* ad significandam facultatem illam edendi portenta falsæve miracula quibus decipiatur populus juxta sensum antiquorum *Onirocriticorum*, Βάρεσχοι ὅ ἀνδρες γόνιλας σημαίνουσιν. Inter quas Imposturas recenseri possunt, *In Ecstases lapsus*, *Contremiscentia*, ab irresistibilibus Potestatibus obfessiones, \* & *Inspirattonum Obtentia* (quicquidve aliud, cuiusmodi sit, quod à Fide Apostolica seducat) perinde atque antiqui illi doli ac prætigia falsæve Miracula veteris *Paganismi* aut moderni *Antichristianismi* propriè sic dicti.

Hic verò rursus, *Philopoli*, volo ut, supra omnia, observes *Tripartitionem* esse etiam in hoc populorum confluxu. Hic enim sunt, Deus omnipotens ejusque *Christus* cum Legionibus suis *Apostolicis* ab una parte; & ab altera primum est *Draco* cum *Paganis* suis copiis ac *Infidelibus*, talibus scilicet, qui perspicuè Apostolicæque Evangelii veritati, qualis putà symbolo *Apostolico* comprehenditur, nullam adhibeant fidem. Et denique adsunt copiae *Antichristianæ* propriè sic dictæ, ex scilicet quæ ad Bestiam pertinent falsumque Prophetam. Adeo ut hæc *Tripartitio* illi *Tripartitioni* in *prælio Sessoris* Equi albi accuratè respondeat.

*Philop.* Rectè, *Philothee*, quid tum demum?

*Philoth.* Omnes hi in locum conveniunt, qui linguâ Hebraicâ appellatur *Armageddon*.

*Philop.* Sic est, *Philothee*. Verùm quanam est significatio effusionis ultimæ hujus *Phialæ* in *Aerem*, ad vindictam sumendam de Legionibus Improborum?

*Philoth.* In externo cortice Vaticanii, fit tantum, ut aliquam habeat competentiam cum reliquis *Phialis* quæ dicuntur in *Terram*, in *Solem*, in *Mare* effundi, ac si Deus universam Naturam in furorem cieret adversus suos Inimicos, quemadmodum antea monui. Sed in magis interno *Mystico*que sensu *Introductio* solummodo est ad hæc sequentia symbola, *Vocum*, *Tonitruorum* & *fulgurum*, &c.

*Philop.* Quinam igitur istorum sensus *Mysticus* est?

Apoc. 19. 12.  
15. 13.

*Philoth.* Hæc respondent *Descriptioni Herois Equi albi Sessoris*. Cujus oculi dicuntur igneæ flammæ similes, acutusque gladius ex ore illius prodire, cuiusque Nomen etiam est *Verbum Dei*. Hæ voces igitur, tonitrua ac fulgura divulgationes sunt legis Christi (cum allusione ad modum illum terribilem promulgationis legis *Mosaicæ* in monte *Sinai*) hoc est, *Evangelii Christi*, cum potentia *Spiritus*, qui assimilatur *Igni*. Per hæc, inquam, præfiguratur extraordinaria Efficacia prædicandi Evangelium cum potentia & demonstratione *Spiritus*, sub hac *Phiala* ultima. Quibus quidem analoga est ista Visio apud *Esdræ* de Homine mittente ex ore suo quendam quasi flatum ignis, ex labiis suis flammantem spiritum & ex lingua scintillas ac procellas ejaculante, quorum illuc expressa Interpretatio est de *Lege filii Dei*, igni consimili. Jam verò tonitrua hæc ac fulgura, ingens comitatur *Terra-motus*, quemadmodum dicitur de monte *Sinai*, in terribili Legis promulgatione, quod totus mons magnopere contremuit. Et rursus apud *Psalmistam*, *Nubila fragorem edebant, tua tela ferebantur, tuum in æthere tonitru sonabat, fulgura coruscabant per mundum. Tellus tremefacta est & cohorrui.*

2 Esdr. 13. 10.

2 Esdr. 13. 38.

Exod. 19. 18.

Psal. 77. 17, 18

*Philop.* Sed quid interim fit, *Philothee*, de prælio ad quod *Rana*, impuri isti *Spiritus*, totum orbem evocârunt in campo *Armageddon*? Nec pugna enim ulla nec victoria memoratur, ac si visio relinqueretur semiperfecta.

*Philoth.* Successus subindicatur in significatione vocis *Armageddon*, quemadmodum suprâ dixi. Nam Deus omnipotens dicitur eos in illum locum congregâsse, visus scilicet Providentiæ. Et visio præterea modo magis perfectò continuatur, quamquam sub nova Repræsentatione. Id enim specialiter notare debes, ut ampla hæc *castrametatio* (symbolis eò naturaliter ducentibus) per *commutationem Iconismorum*, in ingentem derepente vertatur *Civitatem* quæ eandem omnino rem etiamnum significat, hoc est, comprehensionem trium istarum partium quæ tibi antea enumeravi. Hæc verò *Tripartitio* magis apertè elegantèrque (in cortice Vaticanii) indicatur, statim à mentione *Terræ-motus*, ac si esset illius effectum, *Καὶ ἐγένετο ἡ πόλις ἡ μεγάλη εἰς τέρα μέγα*.

Apoc. 16. 19.

*Philop.* Elegancia profectò admodum mirabilis est, *Philothee*, admodum delectabilis ac Harmonica.

*Philoth.* Nec ulla difficultas est aut absonantia, quod magnus hic populorum concursus in *Armageddon*, uni magnæ *Civitati* affimiletur, quoniam *Reges Terræ* totiusque *Orbis* dicuntur hic congregari in isto *Castrametationis* symbolo, quo mutato in *Civitatis* *Iconismum* necesse est ut ista *Civitas* dicatur *Magna*, est enim quodammodo *Civitas totius Orbis* (tali sensu quo omnia orbis Regna dicebantur *Servatori* ostendi) quæ proinde necessariò comprehensio est ingentis multitudinis *Civitatum*, quamquam

Matth. 4. 8.



quam universus Mundus non nisi una magna est Civitas, secundum *Philonem*, ἡ δὲ μεγάλη πόλις ὅδε ὁ κόσμος ἔστιν. Ac tametsi unumquodque Regnum per seipsum Mare est, multorum tamen Regnorum comprehensio simul sumptorum stylo Prophetico unum magnum appellatur Mare, ut apud *Danielem* cap. 7. ubi *quatuor venti Caeli dicuntur pugnare in Mari magno*. Quamobrem ut *Mare magnum* consistit ex magna *Marium* multitudine, ita, pari ratione, concipere possumus, magnam hanc Civitatem, sensu Mystico ex magna consistere multitudine Civitatum, magnamque hanc Civitatum multitudinem (quod id ipsum est quod collineo) in tres partes dividi. Cujus pars prima est, *Civitates Infidelium & Atheorum*, opiniosorum Deistarum, merorumque Moralistarum. Pars altera *Civitates verorum Christianorum*; & tertia denique *Antichristianorum Civitates*, *Babylon* utique cum suis filiabus.

*Philop.* Equidem fateor, *Philothee*, hæc naturalia esse minimèque coacta. Verum quamnam interim fit strages in prælio illius magnæ diei Dei omnipotentis?

*Philoth.* *Civitates Gentium ceciderunt*, hoc est *Civitates Infidelium* cujuscunque generis.

*Philop.* Acie gladii, putà, occisi, *Philothee*.

*Philoth.* Acie illius gladii qui ex ore prodit *Sessoris Equi albi*. Gladium Spiritus intelligo, qui est *Verbum Dei*. Vel potius ut à præsentis Visione non recedamus, ceciderunt fulminibus icti horum potentium *Boanergium* Evangelii sub ultima *Phiala*. Convicti sunt subdomitique, Christi que sceptro subjecti, & illius Regno additi.

*Philop.* Nova optima profectò narras. Faxit Deus ut ita eveniat. Caterum *Babylon*, ut videtur, etiamnum resistit.

*Philoth.* Annon Servator olim Scribis dixit & Pontificibus, *Publicanos & Meretrices eos antecessuras esse in Regnum Dei*? Verum hæc *Babylonis* Resistencia sive Contumacia in summam illius tendet cladem ac perniciem. Poculum ei dabitur vini sævæ iracundiæ Dei, & omnes Insulæ fugient. Templà sua, loca consecrata non possidebit amplius, & Montes nusquam existent. Omnes Ecclesiastici Honores ac Dignitates evanescent. Ingens enim grando de coelo in eam deferetur, singulis grandinibus talentum pendentibus, adeò ut omnes ejus arbores amplissimæ vastandæ expoliandæque sint fructibus simul ac foliis. Rami diffringentur Trunci que nudabuntur, usque ad intimum Corticem. Tunc afficient eam ut ipsa alios affecit, eique duplicem pro ejus factis gratiam referent. Eodem poculo quo miscuit, miscebunt ei duplum. Quantumque ipsa se honoravit & luxuriata est, tantum ei cruciatum luctumque dabant. Quoniam potens est Dominus Deus, qui eam ulciscetur.

*Philop.* Annon verò omnis hæc calamitas ac miseria eam reductura est ad bonam frugem, *Philothee*?

*Philoth.* Propone *Salomoni* istam Quæstionem, *Philopoli*, illèque tibi sine mora respondet, *Stultum etiam si in pila pistillo pinsus inter graneam, non recedet ab eo ejus supeditas*. Fieri potest ut magna eorum pars ita obstinati sint in perpetuum. Hi sunt illi stulti qui reperiuntur nudi incedere, ita ut omnes eorum turpitudinem sint conspiciendi. Quam si & ipsi perinde atque alii videre possent, converterentur. Jam verò superstitionis cæcitate affecti, cum veritatem agnoscere Debque dare gloriam debeant, dicuntur *Deum blasphemare* ob grandinis cladem, quia clades illius erat valde gravis.

*Philop.* Quantum igitur ego video, *Philothee*, nec *Visio Sessoris Equi albi*, ubi *Bestia* ac falsus *Propheta* dicuntur vivi in stagnum ignis conjici, nec *ultima hæc Phiala*, nec *Visio Torcularis*, eadem hominum in Regno *Antichristiano* significant, sed tantum Potestatis eorum abolitionem, & Honorum Dignitatumque expoliationem, cum Emolumentis indè dependentibus.

*Philoth.* Quæ bella fieri possint in magno hoc *Terræ-motu*, quo magna Civitas dicitur in tres partes divisa (secundum indicationem externæ Literæ) ego profectò nescio. Id verò Spiritus Dei in visionibus Apocalypticis minimè omnium indigitat. Nec locutio ista *γερύσαι εἰς τρεῖς μέρη*, disruptionem Civitatis in tres partes necessariò implicat, sed significat tantum partes Civitatis esse tres. Magnus ille *Terræ-motus* in apertione *Sigilli sexti* Religionis tantum Paganicæ lapsus denotabat. Fieri que potest, ut nec hic in effusione *Phialæ ultimæ* (quanquam tantus dicitur *Terræ-motus* ut post homines in Terris natos tantus, tam ingens *Terræ-motus* nullus extiterit) quicquam amplius significet quam plenam demolitionem *Babylonicæ* Potestatis ac Superstitionis, ut nusquam diutius dominantur. Quinimo ipsa *Torcularis* cruenta visio nihil amplius significat quam hoc, quamvis *Babylonem* respiciat propter numerum stadiorum, quæ illi *Terræ* applicari possunt quæ dicitur *Stato della Chiesa*, ut eruditissimus *Medus* observat. Papalis Potestatis illic extinctio potius quam strages exercituum illius, hac visione significatur.

*Philop.*

*Philo. Fad. lib. de F. scph.*

*Mat. 21. 31.*

*Apoc. 16. 19, 20.*

*Verf. 21.*

*Apoc. 18. 6, 7, 8.*

*Prov. 27. 22.*

*Apoc. 16. 21.*

*Apoc. 16. 12.*

*Comment. Apocalyp. ad Cap. 14.*

*Philop.* Ille verò Numerus æquè applicabilis est ad Terram sanctam, uti idem Author observat.

*Philoth.* Esto, *Philopoli.* Duas igitur visio facies induere potest; alteram, quæ Romanam Ecclesiam respicere potest; alteram, quæ populum *Judeorum*: primâ sensum *Politicum* suppeditante, prout jam monui; secundâ sensum magis *Mysticum* seu *Spiritualem*.

*Philop.* Quemnam, obsecro, *Philothee*?

*Philoth.* Passionis Christi vim significat in conversos *Judeos*, ad mortificandum omne peccatum & improbitatem in ipsis, & ad efficiendum ut Conversio eorum ac Pœnitentia perfectum suum opus obtineat in subdomando *Mysticum* in ipsis *Edom* & emittendo copiosè illius sanguinem, secundum vaticinium illud apud Zachariam, *Atque isto tempore effundam in Davidicum genus & in Hierosolymitanos Spiritum gratie & miserationum, ita ut me quem confixerint, intueantur, & de eo plangent, quemadmodum de unico filio plangitur, doleantque ut de primogenito doleri solet. Tunc tantus erit Hierosolymæ plangor quantum fuit plangor Hadadrimmon in campo Megiddon.*

Zachar. 12. 10.  
11.

*Philop.* Quantum ego intelligo, *Philothee*, hi *Mystici* etiam sensus intendi possunt, suam enim planè habent utilitatem.

*Evist.* Atque applicatio hæc illius loci apud *Zachariam*, majorem fidem lucrabitur, si possemus cum Capello aliisque Criticis admittere *Armageddon* eundem locum esse atque *Megiddon* illuc memoratum.

*Philop.* Critici istam decidunt controversiam, *Evistor.* Intereà temporis, ego valde sollicitus sum, si haud ita magna futura sit personarum *Antichristiana* partis clades, quid de ipsis fiat post *Phialam* ultimam.

*Philoth.* Conditio eorum talis ferè futura est qualis erat disperforum *Judeorum* postquam Messiam abnegaverant, in primo suo adventu. Ità in hoc secundo Christi adventu, populum hunc *Babylonicum*, postquam locus ab ipsis ablatus sit Natióque dispersa, obstinata obduratâque Ignorantia occupabit. In obfirmato victuri sunt errore, superstitione & improbitate, tantâ animi cæcitate capti, ut in sanctam civitatem non valituri sint invenire introitum. Cæterum illud in ipsis expletum erit (perinde atque in reliquis qui se non dederint Christo) sensu maximè amplo ac distincto, *Foris quidem erunt canes, & venefici & impudici & homicidæ & idololatra, & quisquis mendacium amat atque facit.*

Apoc. 22. 15.

*Cuph.* Ex hoc rerum exitu intelligo *Apocalypsin* librum esse non tam sanguinolentum ac tumultuosum quàm quosdam audiivi referentes eum esse, sed Genium ei inesse benignum magis ac humanum, non hortantem homines ad sanguinem effundendum in solam vindictam (quanquam fateor partem *Antichristianam* æquè immaniter sanguinolentam fuisse atque ipsum *Draconem* rufum, antiquum istum truculentum *Paganismum Romanum*) sed tantum seipsum defendendi causâ, quemadmodum intellexi in *Phiala tertia*. Meâ quidem sententiâ tam innocuum scriptum est, phantasmatisque tam mirè concinnis & elegantibus (*Platonismi* instar) inopinatisque rerum aliarum in alias reflexionibus adeò plenum, ut quemlibet invitare queat ad dandam operam illi intelligendo, vel solius oblectationis ergò.

*Sophr.* Spero igitur fore, *Cuphophron*, ut ipse tandem huic intelligendo summo studio ac diligentia incumbas.

*Cuph.* Postquam *Cartesii Principia*, *Dioptricen*, *Methodum* & *Meteora* semel adhuc iterumque perlegero, fieri potest, O *Sophron*.

*Sophr.* Quid? Ista haud tam multum temporis requirent quo perlegantur.

*Cuph.* Fortassis. Verum oportet me etiam omnia illius Epistolarum volumina prius percurrere, & delectabiles itidem *Platonis* Dialogos, plenèque intelligere illius *Timæum*, sed omnium maximè *Parmenidem*, (Ecce tibi egregium Ingenii Metaphysici specimen, O *Sophron*!) & tum probabile est me horis inspecturum succisivis quid *S. Johannes*, dilectus ille Christi discipulus, in sua narret *Apocalypsi*. Hæc aliquantum temporis requirent.

*Philop.* Ego verò acriori studio ad hæc Mysteria rapior, *Cuphophron*. Ac proinde me abruptè te interpellare oportet rogareque *Philotheam* ut pergat, ut nullam, in re præsentis, temporis faciamus jacturam. Abunde mihi satisfecit, *Philothee*, tua *septem Phialarum* Expositio. Ac tamen valde difficile esse existimo, ut cujusvis Mortalis oculus, harum Visionum ope, futuritatem rerum in plenis suis circumstantiis sine omni errore & defectu prævideat; quæ dixisti tamen tam bellè cohærent, ut hæc Explicatio tantum saltem veritatis menti repræsentare possit, quantum Imagines Anatomicæ illi, qui corpus dissectum propriis suis oculis nunquam conspexerit.

*Philoth.* Sic spero, *Philopoli*.

*Philop.*



*Philop.* Quamobrem cum tam felici successu huc pervenerimus, quæso, *Philothee*, ad alteram pergamus partem; Ad gloriosum Regni Christi statum post plenum *Babylonis* exitium. Primum enim volo describas, in quo gloriosus hic status consistat. Deinde, rationes proponas, quibus ipse persuasus es rem sic fore. Tertiò, Quæ signa futura sint prænnuncia hujus tam gloriosæ rerum scenæ. Quartò, An rationes ullæ sint mediæ quibus præsens Christi Regnum utatur ad accelerandum hunc præstantissimum Ecclesiæ statum, & quæ demum sint. Quintò & ultimò, Quamdiu felix hic status duraturus sit, & quæ Ecclesiæ conditio ad Mundi usque finem sit futura.

VI.  
Futura Eccle-  
siæ gloria post  
extremam cla-  
dem Babylonis.

*Philoth.* Admodum arduæ profectò quæstiones hæ sunt, *Philopoli*. Adnitar autem quantum potero, ut tibi satisfaciam. Cum verò tam multæ sint, ( prout suprâ divi-  
navi ) tempus, uti scis, non permittet ut nimis copiosè agam. Alioquin haud difficile foret admodum prolixam hujus futuri statûs Ecclesiæ ab innumeris sacræ Scri-  
pturæ locis descriptionem formare. Quis gloriosior aut exoptabilior Ecclesiæ Christi status esse potest, quàm is qui ab *Esaia* describitur, cap. 11. vers. 4, &c. Terrarum  
tenuēs, ait ille, justè judicabit, inopēsque terrarum corrigit ex aquo, & terras oris sui ba-  
culo verberabit, & spiritu-laborum suorum necabit impios. Habens pro laterum cinctû  
justitiam, pro ilium cinctû fidem. Itaque versabitur cum agno lupus, accubabitque par-  
dus hædo, copulatosque vitulum ac leonem & taurum ducet puer parvulus: Et vacca ur-  
susque compascuntur, concubantibus eorum pulli, & leo more boum paleâ vescetur. Et  
ludet super aspidis foramen lactens Infans, superque viperæ cavernam delictulus puer ma-  
num agitabit. Nusquam malè aut nequiter fiet in meo sacro monte, quoniam tanta erit  
Jehovæ cognitionis plena terra, quantis operitur aquis mare.

*Philop.* Excellentissimus profectò hic Ecclesiæ status est, *Philothee*.

*Sophr.* Gloriosa dicuntur de te, O Civitas Dei.

Psal. 87. 3.

*Philoth.* Rursus, cap. 2. Fiet postremis temporibus ut fixus sit adus Jehovæ mons in  
culmine montium sitque collium editissimum, confluentque ad eum gentes omnes. Et veni-  
ent multi populi atque ita dicent, Agite, ascendamus ad montem Jehovæ, ad eam Dei  
Jacob, qui nos de suis viis erudiat ut ejus semitis gradiamur. Nam ex Sione Lex, ex  
Hierosolymis Jehovæ disciplina proficiet. Ille gentibus jus dicet, & multos populos corri-  
get, ita ut eudant ex suis ensibus vomeres & ex spiculis falces, neque gentes aliæ aliis arma  
inferant neque amplius bella discant. O Domus Jacob, ( inquit gentes ) agite, gradia-  
mur in luce Jehovæ.

Esa. 2. 2, &c.

*Sophr.* Quod illi confimile est de nova Hierosolyma, in Apocalypsi, Atque in ejus  
urbis lumine gentes servatorum ingredientur, in eamque conferent terrarum Reges gloriam  
suam ac honorem.

Apoc. 21. 24.

*Philoth.* Illud verò ex Apocalypsi videtur magis expressim alludere ad illud *Esaie*,  
cap. 60. Age, O Sion, reluce, adventat enim tua lux tibi que Jehovæ gloria exoritur.  
Nam futurum est, ut obtegentibus terras tenebris & populos caligine, tibi Jehova orietur,  
ejusque gloria in te appareat, Ambulentque gentes in tua luce & Reges in exorto tibi splen-  
dore. Et prope finem illius Capitis: Non amplius tibi Sol interdum lumen præbebit,  
neque Luna splendor illucebit, sederit tibi Jehova lux aterna, Deusque tuus decori. Tuus  
autem populus justus omnes semper Terram possidebunt, à me sata stirps, manuum mearum  
opus, quod mihi sit honestamento. Minimus in mille, minutissimus in populosam gentem  
excreset, id quod ego Jehova suo tempore accelerabo.

vers. 1, &c.

vers. 19, 21, 22.

*Sophr.* Ad hoc tempus etiam pertinere credo illud *Esaie*, cap. 30. Erit & Luna  
lux ut lux Solis, & Solis lux septuplex ut septem dierum lux, tum cum obligaverit Jehova  
populi sui fracturam & inflatum ei vulnus sanaverit. Ut & illud *Zacharia*: Eo tempo-  
re propugnabit Jehova pro Hierosolymitanis ita ut sit eorum infimus Davidi similis, Da-  
vidis autem domus similis Deo, & Jehovæ Angelo eis proposito.

Esa. 30. 26.

Zach. 12. 8.

*Erist.* Textus Hebraicus habet כאלהים כמלאך יהוה לפניהם, ubi *Drusus* red-  
dit כאלהים sicut Dii, per Deos Angelos intelligens.

*Bath.* Quemadmodum dicitur apud *Johannem*, Quicumque autem eum accepe-  
runt, iis eam potestatem dedit, ut Dei filii fierent, fidem habentibus ejus nomini. Et  
Servator quanquam declaraverat, nullum in sceminarum natis majorem extitisse Jo-  
hannem Baptistâ, nihilominus tamen ait, minimum in Regno cælorum majorem esse eo.

Johan. 1. 12.

Mat. 11. 11.

*Philoth.* Summi profectò momenti ista est in Testimonium Servatoris de *Johanne*,  
*Bathynoi* adnotatio, talisque quæ quemlibet urgere possit ad propriam conscientiam  
profundè perferutandam perinde atque eum edocere quàm parum hætenus fuerit  
Regni Dei in Orbe. Cæterum interea loci, *Philopoli*, credo satis manifestum esse,  
qualis in genere futurus sit Ecclesiæ status in gloriosis illis Temporibus de quibus lo-  
quimur. Abundè scilicet fore Spiritualis Roboris, & Justitiæ, & Pacis, & Gaudii, &  
securitatis à bellis intra Ecclesiam, & ab omni persecutione populi Dei.

Uuuu

Atque

VII.  
Extensio illius.

Esaï. 11. 9.

Cap. 2. 2.

Cap. 60. 22.

Arque hæc quidem de *Qualitate Ecclesiæ*. Quantum verò ad illius Amplitudinem sive Extensionem, subindicatur quidem, eam admodum amplam fore, ac si per totam Terræ faciem extendenda esset. Dicitur enim, *Tanta erit Jehovæ cognitionis plena Terra quantis operitur aquis Mare*. Id autem fit longè latèque. Et rursus, *Fixus erit adus Jehovæ mons in culmine montium, confluentque ad eum gentes omnes*. Porro in ista locutione, *Minimus in mille, minutissimus in populosam gentem excrescet, &c.* Quibus addere potes, quod à *Daniele* prædictum est, cap. 2. 35. *Lapis autem qui simulachrum percussit factus est mons tantus ut totam terram impleverit*. Atque iterum, cap. 7. 26. *Es judicium sedebit ut auferatur Potentia & conteratur & dispareat usque ad finem*. *Regnum autem & Potestas & magnitudo Regni quæ est subter omne cælum, detur populo Sanctorum Altissimi, cujus regnum regnum sempiternum est, & omnes Reges servient ei & obedient*. Quemadmodum & illæ voces in cælo declarant ad clangorè Tubæ septimæ: *Facta sunt regna hujus mundi regna Domini nostri ac Christi ejus, & regnabit in secula seculorum*.

Apoc. 11. 15.

*Philop.* Hæc, *Philothæ*, in genere admodum manifesta sunt ac perspicua. An verò magis particulares non sunt præfigurationes in scriptis Prophetis, de statu Ecclesiæ de quo nunc differis? Annon caput Apocalypseos vicesimum primum, plura nobis suppeditabit Particularia?

VIII.  
Magis particularis descriptio futuri status Ecclesiæ ex Apocalypsi.

Apoc. 21. 4.

Vers. 2.

Vers. 2.

Vers. 14.

Vers. 15.

Vers. 16. 17.

Vers. 3.

Vers. 22.

*Philoth.* Fieri potest ut plura suppeditet, *Philopoli*. Quæ tibi in memoriam revocare potes, ea, quæso, propone.

*Philop.* Plura quidem mihi occurrunt, quàm opus sit proponere. Illa igitur omittam loca, quæ easdem omnino res denotant quas ex veteribus Prophetis observasti, Justitiam utique ac Puritatem sanctæ illius Civitatis illuc descriptæ, exclusione cujusque rei quæ polluat indicatam, & pretiosis istis lapidibus puroque auro transparenti præfiguratam; Atque ex eo quòd omnes lacrymæ ab oculis eorum abstergi dicuntur, id Pacem & securitatem à Persecutione significat. Totaque illius descriptio tam plena est gloriâ, luce atque gaudio, ut nemo sit quin istum characterem facile observet. Verùm aliorum locorum, *Philothæ*, sensum ex te quærere volo; ut, Cur hæc sancta Civitas appelletur *nova Hierosolyma*; Cur dicatur *de cælo descendere*; Cur portas habere *duodecim*, eisque Nomina *duodecim Israelitarum Tribuum* inscripta, & cur murus Civitatis *duodecim* habere *Fundamenta* cum *Nominibus duodecim Apostolorum* Agni inscriptis. Cur Civitas dicatur *arundine aureâ mensurari*, & cur inveniri *duodecies mille stadiorum*, & *Murus centum quadraginta quatuor cubitorum*. Quis item sensus sit istius Dicti, *Ecce Dei apud homines tabernaculum est*, cum tamen nullum Templum illuc esset, sed Dominus Deus omnipotens ejus Templum esset, & Agnus. Et rursus quis genuinus sensus sit versûs illius sexti, Atque ille qui in throno sedebat, dixit, *Factum est*, Ego sum *Alpha & Omega*, Principium & Finis, ego sitienti dabo de fonte aquæ vitæ gratis. Et postremo, ultimi illius versûs, *Nec in eam intrabit quicquam quod inquinet, aut abominationem faciat & mendacium, sed duntaxat scripti in Agni libro vitæ*.

Apoc. 11. 8.

Ephes. 4. 24.

Matt. 21. 25.

Galat. 4. 26.

*Philoth.* Multa profectò congeffisti, *Philopoli*, veruntamen eis quàm ordinate quàmque breviter potero, respondebo. Ut à primo igitur exordiar, Civitatem, quam *Johannes* vidit, *Novam Hierosolymam* appellari existimo, ut distinguatur à veteri *Hierosolyma*, ubi Dominus crucifixus est, sive literaliter sive Typicè intellecta; & præterea, ex eo quòd illius Cives induerunt *novum hominem* qui juxta Deum conditus est in justitia veraque sanctitate, quòd Filii facti sunt *Novæ Nativitatis* sive *Novæ Creationis* Dei. Dicitur autem *de cælo descendere* tali sensu quo doctrina *Johannis* dicitur esse cœlitus; consonantèrque illi loco apud Apostolum, *At quæ sursum est Hierosolyma libera est, quæ est mater omnium nostrum*: Illi quæ jam diu extiterit Dei Civitati ex Sanctis Angelisque in cælo conflata, cum nova hæc *Hierosolyma* à *Johanne* descripta, quantum ad puritatem sanctitatemque tam similis sit, ob hanc causam dicitur *de cælo descendere* tanquam cœlestis illius Perfectionis Transcriptum sive Apographum. Quibus omnibus addere potes, quicquid viderunt Prophetæ de hac Civitate in cœlestibus suis Visionibus, cum id tandem impletum sit in Terris, hinc etiam dicitur hæc Civitas descendere de cælo.

Ezech. 48. 31.

Atque hæc est illa ipsa Civitas, quam *Ezechiel* vidit, de qua ait, *Et porta Civitatis ex nominibus Tribuum Israelis, ut sint septentrionales portæ tres, una Reubenensis, una Judæa, & una Levitica, & sic de reliquis*. Ternæ portæ in singulis lateribus, quarum summa sunt portæ *duodecim*, quemadmodum dicitur in Visione S. *Johannis*, quòd Civitas habebat portas *duodecim* & in portis nomina inscripta quæ sunt nomina *duodecim Tribuum filiorum Israel*. Hoc inter alia subindicat hanc *Ezechielis* Civitatem & illam *Apocalypseos* eandem esse Civitatem. Et ex eo quòd Apostolorum no-

mina



mina duodecim Fundamenti Muri dicuntur inscripta, hoc cum illo altero considerata ostendit, Vaticinium *Ezechielis* completionem suam habiturum esse in *Judeorum* conversione ad Christianitatem, nempe cum *Judæi* ac *Gentiles* simul congregati fuerint sub uno Capite *Jesu Christo*, & eandem Fidem profiteantur, & ex eadem sint Ecclesia, quæ est hæc sancta Civitas. Dicuntur autem nomina Apostolorum *Fundamenti* muri inscribi, quoniam eorum doctrina Fundamentum Ecclesiæ est in quam *Judæi* sunt inferendi, qui per misericordiam Christianis communicatam, misericordiam etiam obtinere poterunt in die illo.

Hæc Ecclesiæ cum *Ædificio* comparatio crebrò occurrit in Scripturis. S. Petrus nos docet, *Fideles veluti vivos lapides in domum spiritualem edificari*. Et S. Paulus ad *Ephesios*, Ergo non jam peregrini estis & inquilini sed concives Sanctorum ac domestici Dei, super Apostolorum ac Prophetarum fundamentum extructi, anguli capite ipso *Jesu Christo*, Per quod totum ædificium compactum crescit in sanctum Templum in Domino, in quo & vos coedificamini in habitaculum Dei per Spiritum. Atque in hoc illud dictum impletur, Ecce Tabernaculum Dei cum hominibus. Et nomen etiam Civitatis apud *Ezechielem* dicitur *Jehovahshammah*, Dominus est illic. Et tamen nullum est materiale Tabernaculum aut Templum, in quo intelligatur residere, & versùs quod Populus adorationem faciat, sed Dominus Deus omnipotens Templum illius est & Agnus, hoc est, in nova hac *Hierosolyma* nullum erit visibile *Ædificium* versùs quod homines adorare affectabunt, sed poplitibus flexis purisque cordibus, manibusque atque oculis ad cælum sublati, ubi Christus sedet ad dextram Dei, adorabunt homines Patrem in spiritu ac veritate. 1 Pet. 2. 5.  
Ephes. 2. 19.  
Ec.

*Philop.* Et tamen Deus dicit *Ezechieli*, ante accuratam illam Templi & Civitatis omniumque rituum Judaicorum descriptionem, Tu fili hominis ostende domui Israelis domum ut erubescant propter iniquitates suas & metiantur exemplar. Hoc adversari planè videtur novæ huic *Hierosolymæ* à S. *Johanne* descriptæ. Ezech. 43. 10.

*Philoth.* Sensus summarius accuratæ illius descriptionis Oeconomix Judaicæ apud *Ezechielem*, omnino hic est, interprete S. *Johanne*: Quòd, postquam omnis gloria ac perfectio Judaicæ dispensationis ornatu exposita sit quanto potest maximo, mensuratio exemplaris, illius utique adæquatio & impletio, iste sit status Christianitatis qui appariturus est post effusionem septem Phialarum, quando *Judæi* ac Gentes una fient Ecclesia, unum sanctum Templum Civitatisque Dei. Qui sensus *Spiritualis* in ipsa rerum descriptione apud *Ezechielem* se prodit. Qui enim sensus alius quàm Mysticus esse potest Aquarum sanctarum, quæ è Templo emanant, more ingentis Fluvii, & Arborum quæ suis mensibus novos fructus edant, quarumque fructus esui essent & folia Medicinæ? Annon hoc adamussim responderet Fluvio aquæ vivæ, limpidi ut crystallus, ex Dei & Agni Throno mananti, & Arbori vitæ ex hac atque illa Fluvii ripa singulis mensibus suum fructum edenti, cujus & folia etiam dicuntur ad Gentium curationem pertinere? Ezech. 47. 1. & 12.  
Apoc. 22. 1, 2.

*Philop.* Equidem fateor admodum probabile esse.

*Philoth.* Jam verò cum una eademque sint Visio, quantum ad Objectum Prædictionis, cum Nova *Hierosolyma* & Fluvius ac Arbores Mysticè intelligendæ sint, *Ezechielis* etiam Visio est Mysticè intelligenda.

*Philop.* Quod ad S. *Johannis* Visionem attinet, valde puerile est opinari, literaliter esse exponendam; ac si Civitas extruenda esset ex auro transparenti, Muri ex lapidibus pretiosis Portæque ex margaritis.

*Philoth.* Et tamen hoc, meo quidem judicio, magis adhuc absonum est, ut Civitas foret ut Cubus, æquali altitudine, latitudine & longitudine. Et tamen sic describitur: Et duodecim millia stadiorum, illius Cubica magnitudo est sive mensura. Apoc. 21. 16.

*Philop.* Quis igitur, quæso, sensus est illius loci, *Philothæe*?

*Philoth.* Duo hinc credo significari. Primum jam innui, Civitatem hanc literaliter non posse exponi. Alterum est, quod & suprà significatum est per nomina Apostolorum: Solidus hic Cubus, [ duodecim millia ] Civitatem hanc significat solidè integrèque Apostolicam fore Vitâ, Fide & Disciplinâ; Radice etiam quadratâ mensuræ Muri 144 Cubitorum eandem Apostolicam Dispensationem præfigurante. Nam quòd dicitur, centum quadraginta quatuor Cubitos mensuram esse Muri, id quidem innuit duodecim Cubitos altum esse & duodecim Cubitos latum. Nec ultra quidem pertingere potuit significatio, congruenter loquendo, & secundum muri Civitatis naturam. Qualis enim illa futura est Civitas, cujus Muri ambitus 144 cubitos non excedit? Apoc. 21. 17.

*Philop.* Quidam, *Philothee*, aiunt, Radice illius Cubi, quem memorasti, extractâ, atque sic Perimetro hujus Civitatis apud S. *Johannem* descriptæ repertâ, quod Perimeter hæc eadem ferè deprehenditur, quæ est Civitatis apud *Ezechielem* descriptæ. Quidnam istud significare putas?

*Philoth.* Nescio profectò quid aliud significare debeat, quàm quod hæc duæ Visiones ad rem eandem collineant, & quod sensus illius etiam apud *Ezechielem* Spiritualis est, quodque istæ Figuræ Prophetica quæ Imaginationem carnemque tantopere afficiunt, implendæ sunt in Dispensatione Spiritûs, cui tota Oeconomia Judaica suum signum apponit, ut Typus Antitypo. Atque hinc petenda est expositio versûs illius sexti, *Atque is qui in Throno sedebat, dixit, Factum est*, hoc est, omnia jam consummata sunt, postquam ad Dispensationem Spiritûs pervenerimus. *Ego sum Alpha & Omega, Principium & Finis.* Incepi quidem ab Oeconomia Mosaica, quæ in Figuris Ritibusque carnalibus maxima ex parte consistit, qui rursus quodammodo in exteriori Christianitate revocati sunt: Verùm hæc *Litera Vetustas* abolenda est, omniâque in Dispensatione Spiritûs finienda & consummanda & in Renovatione humanæ Naturæ in Novam Creaturam in vivam Imaginem Dei, quemadmodum scriptum est, *Atque is qui sedebat in Throno dixit, Ego facturus sum omnia nova*, hoc est illud tempus, in quo Dominus pollicitus est se novum fœdus cum *Israelis* Judæque domo percussurum, nempe, quod suam legem in eorum pectora dabit, inscribetque cordi; Nec jam inter se docebunt alius alium ad Dominum cognoscendum cohortantes, quippe quem universi tunc parvi juxta ac magni cognoscent. Nam, ut ait *Johannes*, *Videbunt faciem ejus & nomen ejus erit in frontibus eorum.* Prout etiam Servator prædixit, *Beati mundo corde, quoniam ipsi Deum videbunt.* Quæ omnia Spiritûs dispensationem denotant. Quemadmodum & testatur *Ezechiel* de hisce temporibus, *Et non abscondam ultra vultum meum ab eis, quia effudi Spiritum meum super domum Israel;* inquit Dominus Deus. Hic igitur sensus est illius loci, versu sexto: *Ego sitienti dabo de fonte aquæ vivæ gratis*, hoc est, vim Spiritûs ei gratis communicabo. Prout *Esaïas* itidem prædixit, *Nam perfundam aquâ sitientes, aridumque solum vivis, perfundam Spiritu meo tuam stirpem, meâque beneficentiâ tuam progeniem.* Unde interpretandum puto *Fluvium Crystallinum* quem S. *Johannes* memorat, de externa etiam prosperitate, de gaudio, pace ac securitate Ecclesiæ.

Πρὸς διαγωγὴν τὰς νόου ἀνὰ λύπας.

*Johan. 7. 38.* Quibus omnibus addere potes, Servatorem Aquis vivis Spiritum assimilare.

*Philop.* Probè memini.

*Philoth.* Et nunc quidem ad ultimum illum versum quod attinet, *Philopoli*, parum in illo video difficultatis. Abominatio, βδέλυγμα ut plurimum Idolum significat. Sensûsque, opinor, hic est, Omnes Idololatrias, & Impostores, sive quocunque sensu Mendaces, è sancta Civitate exclusum iri, cùm nihil huc admittendum sit, præter veritatem ac simplicitatem vitæ, præter istos solos qui libro vitæ agni sint inscripti.

*Philop.* Immo verò, quid istud significat, *Philothee*?

*Philoth.* Solos electos Dei.

*Bath.* Mirum est tam innumeras Animarum multitudines ex numero Electorum fore universas, talium utique de quibus dicatur, *Ego te priusquam in alvo formâssem, noveram, & priusquam ex utero exiisses, consecraveram.*

*Philoth.* Electos omnes voco, qui aut ex privilegio novæ Nativitatis, aut ex eo quod Divinam Vitam retinuerint, sua nomina tanquam civium novæ Hierosolymæ libro vitæ Agni habeant inscripta.

*Philop.* Sobria est Interpretatio. Et nunc, ni fallor, *Philothee*, omnia Particularia te putas percurrisse, quæ tibi proposui.

*Philoth.* Quid? Ecqua prætermisi, *Philopoli*?

*Philop.* Unum duntaxat, sed maximè præcipuum, ut ego quidem sentio; Cur scilicet Angelus hæc dicatur Civitatem metiri aureâ arundine, cùm S. *Johannes* dicitur Templum Dei & altare & adorantes in eo, simpliciter, *Arundine* metiri.

*Philoth.* Rectè hoc recoluiſti, *Philopoli*. Est enim meo quidem judicio egregium Testimonium præcellentis conditionis novæ Hierosolymæ etiam præ istis Ecclesiæ temporibus, quæ existimarentur Symmetra, præ primis utique quatuor centenis ferè Annis. Nam quod tunc Ecclesia ab Homine dimensa sit, verùm hic novus rerum status ab Angelo; illa simpliciter per *Arundinem*, hic per *Arundinem auream*; innuit profectò, novum hunc rerum statum, istum statum tantum superaturum, (quanquam optimum in quo Ecclesia hætenus constituta est) quantum Angelus hominem, aut

Arundo

IX.  
Civitatis dimensio per Angelum arundine aureâ quid denotet.

*Apoc. 11. 1.*  
*Apoc. 21. 15.*  
17.



*Arundo aurea, Arundinem vulgarem ac combustibilem superat.* Proculdubio aliquid erat in diebus istis (licet multò præstantioribus quàm ubi Ecclesia crassè apostatasset) quod ignem pati non potest, quin in fumum abeat & evanescat. Omnia verò in hac nova Creatione, Mensuræ similia sunt quâ mesurantur, (*Πᾶρ δὲ τὸ μέτρον οὐ γίγνεται*, quemadmodum *Aristoteles* alicubi monet) ignemque pati possunt sine consumptione. *Verbum tuum valde purum est*, inquit Psalmista, Psalm. 119. Et rursus Psalm. 12. *Verba Domini sunt pura verba, ut in argillacea exploratum Fornace argentum, septies per-purgatum.* Est igitur pretiosum Dei verbum puræ Lex Dei (quam *David* aureo-  
rum argenteorumque millibus præfert) quæ *Arundo hæc aurea est* cui *Nova Hierosoly-  
ma* est commensurata. Nihil retinetur, tanquam notam habens authenticam in *nova*  
hac *Dispensatione*, nisi quod apertè Verbo Divino congruat. Omne scœnum ac stipula  
humanarum Traditionum ac Institutionum comburentur, puræque ac *Apostolica Do-  
ctrina* & *Disciplina* sola erit omnium *Mensura*. Adeò ut *Civitatis per auream Arun-  
dinem* dimensio, & *centum quadraginta quatuor Cubiti*, & *duodecim Millia* stadiorum,  
in hunc omnia sensum terminentur, *Constitutionem rerum tunc purè fore Apostolicam*,  
totam illi *Doctrinæ*, illi *Spiritui* quadrantem qui æternus *Spiritus est Dei*, omnis  
sanctæ veritatis *Divinæque Rationis Fons*.

*Philop.* Equidem, *Philothee*, hæ tuæ Interpretationes mihi videntur valde natura-  
les. Annon verò alii characteres sunt excellentis hujus statûs Ecclesiæ, in aliis Visio-  
nibus sive Vaticiniis?

*Philoth.* Sunt, *Philopoli*, sed immensum esset omnia prosequi. Nec tamen me ab-  
stinere possum quin aliquastibi dem subindicatiunculas è Visione *Ezechielis* de qua-  
tuor *Cherubinis* sive *Curru Dei*; cum quo *Thronus Dei* in cœlo inter quatuor Ani-  
malia à *S. Johanne* haud mediocrem gerit similitudinem. Hoc enim intelligere debes,  
*Philopoli*, præcipuum scopum illius maturè inceptæ diùque continuatæ negotiositatis  
*Filii Dei* apud nos *terrestres Homines* amplificationem fuisse *Regni Dei* etiam ad has  
*Terrestres* usque *Regiones*, ut *Regnum Cœli* etiam in *Terris* sit, cœlesti illius exem-  
plari examullim respondens. Atque hoc ipsum est, pro quo orare docemur à *Serva-  
tore*, *Adveniat Regnum tuum*, hoc est, *Fiat voluntas tua in terra sicut in cœlis*, nempe,  
apud sanctos *Angelos* suos. Ac proinde finis ultimus *Dispensationum* *Divinæ Pro-  
videntiæ*, prout ex *Nova Hierosolyma* per *Angelum* dimensione notavi, *Ecclesiæ est ad  
Angelicum statum sive conditionem Reductio*, ut cœlesti Exemplari respondere possit in  
Visionibus Dei.

*Philop.* Haud satis adhuc intelligo, quid tibi velis, *Philothee*.

*Philoth.* Mox tamen intelliges, *Philopoli*, modò ordinato sermonis progressui at-  
tendas. Dico igitur, primo in loco, Quòd *Cherubinarum Visio*, sive *Currus Dei*  
ab *Ezechielis* visus (licet non ab eo primùm, (non dubito enim quin idem apparue-  
rit *Mosè* & *Aaroni* in Monte) exemplar erat *Angelicæ Politicæ* cui immediatè præest  
*Deus*, *Quadrigæ Jehovæ sunt non semel decem millia, duo millia Angelorum ducunt il-  
los* (ut habet *Paraphrastes Chaldaus*) *Majestas Dei requiescit super illas super Montem  
Sinai in sanctitate*. Præcipuus nunc scopus est, ut in plenitudine temporis, *Ecclesia*  
in *terris*, illius *Currus* fiat, cui æquè plenè expeditèque imperet, ac *Angelicis Or-  
dinibus* in *cœlis*.

*Philop.* Quàm plenè verò id fit, *Philothee*?

*Philoth.* Illud, meâ quidem sententiâ, *Ezechielis visio* ad vivum describit, quan-  
quam nec alias omisurus sum observationes, dum visionem breviter percurro, licet  
omnia notare superfluum ducam. *Vidi*, ait ille, & ecce *ventus turbinis veniebat ab  
Aquilone & nubes magna & ignis involvens & splendor in circuitu ejus & de medio ejus  
quasi species Electri, id est de medio Ignis*. Colorem hunc *Electri* è medio *Ignis* non  
possum quin ad descriptionem *Novæ Hierosolymæ* comparem: *Urbs verò ipsa ex auro pu-  
ro, puro vitro similis*. Nunc cogita apud teipsum, *Philopoli*, quàm propè *Aurum*  
*transparens* ad similitudinem *Electri* accedat.

*Philop.* Alterum ad alterius similitudinem quàm proximè accedit, *Philothee*:  
Quænam verò est hujus rei significatio?

*Philoth.* *Ignis & Lux*, *Spiritus est*, penitus permeans possidensque purum hoc ac  
pellucidum & *Electriforme Aurum*, ut ipsum *Ferrum* quodammodo pellucidum vide-  
tur, quando fit candens. *Quis nostrum accolet ignem edacem? quis nostrum accolet in-  
cendium æternum?*

*Philop.* Purum Aurum proculdubio (quanquam pellucidum ut *Electrum*) talèque  
quod omnem suam scoriam exuerit. Puræ omnino & *Angelicæ naturæ* eos esse oportet.  
Est enim *Deus Ignis edax*, in quicquid quod suæ sanctitati adversetur.

*Philoth.*

Psalm. 119. 72.

1 Cor. 3. 12.

X.  
Varia loca  
Mercavæ ex-  
plicata sive Vi-  
sionis Cherubi-  
norum apud  
Ezechielem.

Ezech. 1. 4.  
Exod. 24. 10.

Psalm. 68. 17.

Ezech. 1. 4.

Apoc. 21. 18.

Esai. 33. 14.

Deut. 4. 24.

*Philoth.* Quamobrem, cum nihil in his curribus Dei Cherubicis superfit, quod resistat, illius voluntati perfecte obsequuntur, absolutumque in eos Imperium obtiner, illiusque Spiritu omnino reguntur; quemadmodum etiam in Visione plus semel subindicatur, *Ibant autem eorum singula prorsum tendentia; quod Spiritus agebat, ibant.* Et quod dicitur, *Ibant prorsum tendentia, nec inter eundem convertebantur*, hoc pervicacem significat & irresistibilem Divinae Providentiae progressum à copiis suis Angelicis administratae. Etenim quod Rotarum canthi currus illius *Cherubici* dicuntur oculorum pleni, hoc inde indigitari existimo, Circuitus ac Periodos Temporum atque Aetatum speciali Providentia Dei, qui rebus universis invigilat, ferri. Atque ubi dicitur, Euntibus autem Animalibus, ibant & Rotae apud ea, cumque à Terra attollerentur Animalia, attollebantur & Rotae, Adnexionem hoc significat Dispensationum Periodorumque temporum, Angelicorum exercituum ministerio, quodque illi afflant, actuant & animant omnes istiusmodi Circuitus ac Periodos. *Hac res decreto Vigilum, hac rogatio pronuntiatione Sanctorum perlata est.*

*Eviſt.* Putabam, *Philothee*, hos Rotarum Canthos oculorum plenos, Caelos esse potuisse stellatos ab Intelligentiis circumactos.

*Philoth.* Commentum istud est ab antiqua *Judeorum* sapientia tam longè dissonum, quam falsitas à veritate.

*Eviſt.* Quid ita, *Philothee*? Nam *Jonathan Ben-Uzziel* in hac expressim est sententia, quemadmodum videre est apud *Mosen Aegyptium*, in *More Nuchim*. Nec contemnendas rationes producit. Ostendit enim in repetita Visionis Narratione Rotam *Globum* sive *Spharam* appellari. Quod facit ut semper *Ophannim* reddat per *Galgallim*. Quamobrem habere *Spharam* in *Sphera*, (ut tunc erit sensus) quid istoc aptius potest Coelestes orbes significare? Hoc certè notatu dignissimum est. Præterea dicuntur oculos habere (qui Stellis respondeant) & color eorum esse dicitur, *ut ad G. Sappais* (ut Septuaginta etiam reddunt) Latina verò tralatio habet, ut *Visio Maris*, cujus color caeruleus est, colorique caelorum similis.

*Philoth.* Ingenuè fateor, *Eviſtor*, hoc ipsum, præter Rabbini Autoritatem, speciosam quandam concinnitatem præse ferre. Sed nulla omnino ei inest vis aut soliditas. Quamquam enim גלגל *Globum* sive *Spharam* significat, significat tamen & *Rotam*, ac proinde eodem modo exponi potest, quo רון, viz. *Rota*. Præterea una *Rota* dicitur esse in Terra, sed nullus coelestis Orbis est in Terra. Omnesque Rotae, quantum ego intelligo, significari possunt per unam illam Rotam, & per Terram omnes Regiones terrestres Universi. Nam Cherubini sive Animalia quatuor universa unum omnino dicuntur Animal. Et quid hoc denotet in stylo Cabbalistico facile est conjectare. Et certè ut sit *Rota* in *Rota* tali sensu quo velit *Ben-Uzziel Globum* esse in *Globo*; sunt quidem minores majoresque Providentiae Circuitus in rebus humanis, alteri alteros circumdantes, minorumque Circuituum completiones majoribus sunt antecedaneæ. Quæ observatio notabilis est in Ecclesia Dei, & in Typorum Vaticiniorumque impletionibus. Et quæ longissimè attingunt, amplissimique sunt ambitus, illæ Rotæ sunt quæ ob suam vastitatem tam stupendæ sunt ac formidabiles, quemadmodum *Visio* eas describit. Et talis est illa larga vastaque Providentiae Periodus, quæ cum primo *Fiat Lux* in Genesi incipiens, ante ultimum Tonitruum non desinet, in *Apocalypsi* memoratum.

Et cum Color Rotæ dicitur esse tanquam *Visio Maris*, hoc priorem Expositionem confirmat, Rotas illas esse Providentiae circumvolutiones, & Periodos Regnorum, Populorum & Nationum, quas stylus Propheticus comparat *Mari*.

Et postremò, quod dicuntur oculorum plenæ, Assistentiam denotat Ordinum Angelicorum in rebus humanis (quod illi se istis ingerunt & immiscent) quippe qui numerosi sunt illi oculi Providentiae, qui terrestribus Regionibus invigilant, resque omnes secundum suam voluntatem ac consilium dirigunt,

Θεοὶ ὃ κατὰ σφέτερον πάντα τελευτοῦσι νόον.

*Cuph.* Rotæ hæc *Ezechielis* fecerunt, ut mens mea toto hoc tempore circa *Fortunæ Rotam* versaretur, ob vulgarem istam locutionem tam frequenter in ore hominum nunc dierum habitam.

*Eviſt.* Non tantum nunc dierum, O *Cuphophron*. Nam æquè antiqua atque Aetas *Herodoti* est hæc locutio, apud quem hæc ipsa loquendi formula ad *Cyrum* Regem, adhibita est à *Cræso*, in suo ad eum colloquio, de bello cum *Tomyri* Regina *Massagetarum*, Εἰ δ' ἔγνωκας ὅτι ἀνθρώπων καὶ σῶν ἐσσι, καὶ ἑτέρων τοιῶνδε ἀρχαί, καίνον πρῶτον μάθε, ὡς κύκλῳ τῶν ἀνθρώπων ἐστὶ πρηγμάτων, περιφερὲς μὲν. ὃ καὶ εἰ αἰετὶς αὐτὸς εὐτυχίαν.

*Cuph.*



*Cuph.* Commentum hoc de *Rota Fortuna*, quantum video, multò antiquius est quàm ego putabam.

*Philoth.* Commentum verò istud cùm tam antiquum sit ac vulgare, indicatio est, quàm naturaliter rem ipsam exprimat, & ulterior propterea demonstratio, quàm facilis naturalisque nostra sit hujus partis Visionis Expositio, quæ has *Rotas*, Periodicas rerum humanarum *Circumvolutiones* facit. Hoc autem est discriminis inter hanc Divinam Visionem & istam Historiam profanam, quòd in una, Rota sit *Providentia* sive *Divini Fati*, in altera, Rota *Fortuna*, si *τύχης* necessariò hunc *κύκλον τύχης* implicet. Hoc verò obiter tantùm dictum esto.

Præcipuum Argumentum contra Expositionem Rotæ, quam adhibet *Ben-Uzziel*, hoc est, quòd fallum Mundi systema supponit. Præterea, \* sensus *Mercavæ* *Ezechielis* non est *Physicus*, sed *Moralis*, *Spiritualis* sive *Divino-politicus*, si fas sit ita loqui.

*Philop.* Perge igitur, quæso, in hac tua Interpretatione, *Philothee*, secundùm istum sensum, plurisque adnotationes in hanc Visionem nobis imperti. Quid sentis de Numero Formæque *Cherubinarum* & de Homine huic curru *Cherubico* insidente?

*Philoth.* Quantum ad Numerum *Cherubinarum*, qui quatuor sunt, per eos significari existimo, universam Angelicorum Ordinum comprehensionem, aut eorum saltem, qui *Spiritus* sunt *administratorii*. *Pythagorica* enim *ῥαυτέλεια* in *Tetracty* comprehenditur. Quòd verò Facies eorum dicuntur esse quatuor, videtur innuere tot genera esse Naturarum sive Officiorum in hac *Politia Angelica*, quæ fortean crassiori quodam modo distinguuntur in *Politiis humanis*, quarumque cum respectu hic Angelicus fortasse Typus Prophetis exhibitus est sanctisque viris Dei. Quatuor igitur distinctæ facies *Leonis*, *Hominis*, *Bovis* & *Aquila*, quatuor illas præcipuas partes significant quæ ipsorum *Politiam* constituunt. *Leo* partem *Militarem*; *Homo* illam partem, quæ in *Causis cognoscendis* pacificæque *Justitiæ* administratione versatur; *Bos* partem *laboribus corporeis* addictam sive in *Agricultura*, sive in alio quocunque negotio manuum operâ perficiendo; & *Aquila* denique *Sacerdotalem* & *Philosophicam*, *Speculativam* & *Devotionalem* partem denotat. Generalis hæc *Quadripartitio* Geniorum ac *Negotiorum* non ineptè concepi potest aliquo modo ad *Angelos* pariter atque *Homines* pertinere. Sed unumquodque Animal habere dicitur quatuor has Facies universas, quòd unumquodque Animal pars quarta est totius comprehensionis exercituum Angelicorum, atque hæc quatuor genera intermiscantur alia cum aliis. Porro, quòd totum corpus, dorso, manus atque plenæ erant oculis, omne eorum robur atque vim, per scientiam regi, eosque videre & unde & quòd abeant, nec quicquam agere ex *caca obedientia*, sed per *lumen Vitæ*. Et quòd Facies in eandem partem omnes sunt conversæ, eos omni carere denotat diffidio, sed eandem habere mentem ac consilium, ut qui unus sunt obsequentissimus curru *Cherubicus* Dei. Quòd verò ab *Aquilone*, *Tenebrarum* Regione ac *Frigoris* moventur *Austrum* versùs, significatio obvia est. Quemadmodum & cur facies *Hominis* collocetur *Austrum* versùs in *primori* quasi acie ( *Leone* ad *Orientalem*, *Bove* ad *Occidentalem* partem spectante ) *Aquila* verò septentrionem versùs, in acie quasi *posteriori*. *Primorem* enim *Acie* ac *Posteriorem* duo esse honestissima exercitus loca, satis constat ex eo apud *Esaiam*, *Non enim trepidè emigrabitis aut fugà abibitis, nam vos Jehovah præcedet, vos Deus Israelitarum colliget.* Et *Homo* uti nòsti principatum habet in omnia quæ moventur in Terris, ut *Aquila* in omnia quæ volant per *Ærè*m.

Ezech. 10. 12.

Ezech. 1. 9.

vers. 4.

vers. 10.

Esai. 52. 12.

*Philop.* Sed & volucrum *Æris* est etiam Princeps, *Philothee*.

*Philoth.* Sic est, symbolumque *Justitiæ* & *Pacis*. Atque hæc est ipsa natura veri *Hominis*, summæque illius perfectio, Chartæque Regia quæ fretus omnibus imperat. *Siquis dixerit, diligo Deum, & fratrem suum oderit, mendax est.*

1 Joh. 4. 20.

*Philop.* Partim te intelligo, *Philothee*. Verùm annon oblitus es quid *pedes Cherubinarum* denotent, perinde atque quid *facies*, explicare?

*Philoth.* Rectè mones, *Philopoli*. Quid de hisce etiam observaverim tibi imperiam, quanquam plura jam tetigi quàm destinaveram. *Pedes* eorum *Vitulinis* similes dicuntur & in *æris* polito speciem coruscare. Quòd dicuntur *æ*s politum referre, robur stabile ac puritatem Angelicorum affectuum denotat, quos & *Pythagorei* pedibus assimilant. Quòd verò *pedes* dicuntur *vitulini* sive *bovini*, significat eos nec affectare, nec laborare pro eis rebus quæ nihil prosint. *Non ita operam impendunt, ut tamen panis non comparetur, nec laborant unde non satientur.* Quamvis singuli *Cherubi* faciem habeant *Aquila*, nulli tamen illos alios *pedes* habent quàm *vitulinos*, sive *bovinos*. Quòd nobis insinuat *Angelos* vel maximè contemplativos tempus suum in fructuosis subtilitatibus non infumere, quantumlibet sublimibus, nec in altis, quæ nihil ædificent, speculationes subvolare.

Ezech. 1. 7.

Esai. 55. 2.

Hyl.

*Hyl.* Hæc omnia, meo quidem iudicio, satis congrua sunt, *Philothee*. Ut verò *Bos* eam Politicæ partem repræsentet, quæ *Agriculturam* complectitur, & quæcunque alia Munera, quæ manûs operam requirunt, quomodo hoc ad Mundum Angelicum pertinere queat, nisi quatenus Potestates sint talibus Hominum Ordinibus in hac Terrestri Regione præsidentes, ego quidem nescio. Quamobrem mihi in mentem, dum vos disserbatis, hoc commentum occurrit, has quatuor facies *Aquila*, *Hominis*, *Leonis* & *Bovis*, quatuor Cardinales Virtutes significare posse, *Prudentiam*, *Iustitiam*, *Fortitudinem* & *Temperantiam*.

*Philoth.* Nec multum profectò aberrasti à scopo, sic comminiscendo, *Hylobares*. Mihi crede, hoc maturum est promptitudinis ingenii tui, in hoc genere contemplationum, specimen. Posuisse te tantum oportebat, *Sapientiam* pro *Prudentia*, cum hæc posterior *Homini* adeò sit propria, ac *Iustitiæ* Vitæque ac morum tam individua comes, ut aptè possint, tanquam una eademque res, per *Hominis* Symbolum repræsentari. *Sapientia* verò quæ altissimarum ac profundissimarum causarum omnis *Iustitiæ* erga Deum atque homines est indagatrix, (quam *Cicero* meritò à *Divino Intellectu* deducit) rectius figuratur per *Aquilam*, quæ tam fortem habet oculorum aciem, ut ipsum Solem aspicere possit, cui *Philos* æternam Dei Mentem assimilat, & *Seōr* utique λόγον, ut ille appellat. Quamobrem summum ultimumque veritatis rerum iudicium, aptè repræsentatur per *Aquilam*, quippe quum hæc sententia fertur secundum Æternam Divinæ Rationis legem.

*Sophr.* Nunquam mihi in mentem venit antehac, cur vexillum Tribus *Dan*, figuram gestaret *Aquila*.

*Bath.* Quoniam *Dan* significat *Judicium*? Ego verò aliud quoddam meditabar, quod Conjecturæ *Hylobaris* magnopere faver. Ille scilicet gradus Virtutum Cardinalium quem *Plotinus* Paradigmaticum vocat, qui Animam humanam *Seōr* efficit, hoc est, in conditionem puri *Angeli* constituit. Theosophi etiam declarant quatuor Paradisi Fluvios, Virtutes quatuor Cardinales in Mundo Intellectuali sive *Angelico* significare. Quæ res non solum Autoritate sed rationibus insitis innituntur, nisi quod nimis prolixum esset eas explicare. Adeò ut, quantum ego quidem video, *Hylobaris* & *Philothei* conjecturæ de significatione quadriformis hujus Cherubinarum aspectus ambæ possint simul consistere, nec magis pugnare inter se, quam *Abstractum* & *Concretum* quæ unum Subjectum constituunt.

*Philop.* Ego juxta tecum sentio. Verum non sperabam tam multa documenta utilia educi potuisse ex obscura hac Visione *Ezechielis*. Sed nihil adhuc dixisti, *Philothee*, de eo qui currui huic *Cherubico* inequitat, qui speciem habet *Hominis* & colorem *Electricum* Igne circumfulgente.

*Philoth.* Illa cœlestis Humanitas est Filii Dei. Ipse Titulus illius *Electro* inscriptus est, voci utique *שמע*, si legas *Cabbalisticè*. Et tamen dicitur Deus esse *Israelis*. Et circumfulgens Iris eum Symbolicè innuit Deum esse totius Universi. Sed noli ultra in has res inquirere. Ad ea pergam, quæ sequuntur.

*Philop.* Fac ita, quæso, *Philothee*.

*Philoth.* Nunc verò hujus Typi statûs perfectionis in Ecclesia cum *Mosis* tempora illius *Veritatis* non essent capacia; Deo tamen visum est, *Umbra* illius ad exornandam *Israelitarum* Religionem deducere. Adeò ut *cœlestis* Typus à Prophetis tantum sanctisque viris Dei visus, *Terra* etiam sit impressus, visibilisque factus apud populum *Judeorum*, qui Figuram hanc inter se gestabant. Habebant enim tum materiales *Cherubinos* in suo *Dabir*, super quod *Æternum Verbum* intelligebatur sedere, & Oracula edere, quemadmodum & is qui sedebat super hunc currum loqui dicitur de supra vivos *Cherubinos* quos Propheta vidit; tum præterea *Thronus* (quæ mira est rerum competentia) in medio quatuor *Cherubinarum* in illo curru, *Tabernaculo* planè respondet in medio quaternorum Castrorum *Israelis*, sub vexillo *Reuben* ad *Austrum*, sub vexillo *Juda* ad *Orientem*, sub vexillo *Ephraim* ad *Occidentem*, & sub vexillo *Dan* ad *Aquilonem*; Insignibus etiam singulorum quaternorum castrorum juxta Rabbinarum traditionem, posituræ Facierum horum quatuor Cherubinarum respondentibus; cum Insigne *Reuben*, *Homo* esset; Insigne *Juda*, *Leo*; Insigne *Ephraim*, *Bos*, & Insigne *Dan*, *Aquila*.

*Philop.* Competentia profectò admodum mirabilis est.

*Philoth.* Sic quidem populus Dei in diebus istis Typum *cœlestem* modo *Terrestri* & *Caruali* gestabant. Et legem etiam accipiebant cum apparentia ignis & fulguris, quemadmodum & currus hic *Cherubicus* describitur. Eorum tamen Dispensatio non erat *igneæ* lex *Spiritus*, quam Servator in adventu suo introduxit qui dicitur baptizare cum *Spiritu* sancto atque *Igne*. Ille igitur veram hanc *Cherubicam* sive *Angeli-*

cam

Lib. 2. de legibus.

Ἡλίου καλεῖται  
ὁ θεὸς λόγον.  
Phil. Jud. lib.  
de Insomniis.

Ezech. 1. 26, 27

Ezech. 10. 20.

Exod. 25. 18, 21.

Ezech. 10. 1, 2.

Num. 1. 52. & 2. 2.

XI.  
Explicatio Visionis  
Throni Dei in Cælo,  
quatuor Animalium  
& viginti quatuor  
Seniorum apud  
Johannem.



cam Dispensationem apud Apostolos suos ac Discipulos inchoavit, & ad tempus aliquod, aliquo modo duravit. Verum *Carnalitas & Externalitas*, præsertim post tempora *Constantini*, statim omnia inundavit. Utcunque *Perfectionis* Exemplar rursus revelatum est in Visione S. *Johannis*, in qua Thronum Dei vidit in cælis & viginti quatuor Seniores, quatuorque Animalia oculis plena. Etenim etiam in hoc ostensa sunt illi quæ posthac essent futura. Hæc enim *cælestis* Idea est illius statûs Ecclesiæ qui revera erit in *terris*, postquam *Nova Hierosolyma* descenderit è cælo & Tabernaculum Dei fuerit apud Homines, ita ut habitet in eis per *Spiritum*, *vivamque suam Præsentiam*. Quam populi Dei communitatem, quidam putant aliquo sensu etiam per *Mare Vitreum* crystalli simile ante Thronum, perinde atque per quatuor Animalia repræsentari. Quippe quod *Mare* populi collectionem significat in unum Regnum. Quod autem *fixum* sit ac pellucidum hoc *Mare*, *stabilitatem* denotare potest ac *puritatem* cordium & conscientiarum populi Dei, quos illius *Spiritus* penetrat & possidet, illiusque Præsentia lux corroborat & irradiat, omnesque ex eis peccati & erroris nebulas tenebrasque expellit. Illorum *constitutio* est ut *Vitri* per ignem, per ignem *Zeli* ac *Charitatis*, qui correxit & reduxit quod luteum erat & opacum, ad eam munditiem; ut *puras* eorum, *soliditas* & *pelluciditas* sit sicut *Crystalli*. Apo. 4. 2.  
Rev. 1.  
Vers. 6.

*Philop.* Hoc satis congruum foret, si *Mare* hæc, intelligendum esset secundum stylum Propheticum. Nam illi Interpretes qui sic intelligunt, tanquam *Mare* fixum crystallinum considerant. Verum hoc *Mare* proculdubio, ad *Mare* in Templo *Salomonis* alludit. 1 Reg. 7. 23.

*Philoth.* Valde verisimile est, *Philopoli*, ad istud similiter alludi, quippe quod & *septem Lampadum* etiam sit mentio. Cæterum tametsi intelligimus hoc *Mare Crystallinum* tali sensu, quali mare æneum intelligitur in Templo *Salomonis*, respiciet tamen rursus *Communitatem* populi Dei, cum illud mare sit in quo baptizantur in unum corpus. Erit nihilominus efficax illud lavacrum Regenerationis, ille Christi Baptismus qui fit cum Spiritu sancto atque igne. Etenim per unum Spiritum nos omnes in unum corpus baptizati sumus, & omnes unum Spiritum hausimus & imbibimus; Christusque Servator declarat, Quisquis biberit ex aqua quam ego dabo ei, non sitiet in æternum, sed aqua quam ego dabo ei, fiet in eo fons aquæ salientis in vitam æternam. Hæc autem de Spiritu locutus est, quemadmodum alibi dicitur. Et Fluvius ille Aquæ vivæ purus splendidusque ut crystallus, dicitur itidem ex Throno Dei procedere, ut *Mare* hoc vitreum stare ante Thronum. 1 Cor. 12. 13.  
Job. 4. 14.  
Apo. 22. 1.

*Philop.* Cæterum, *Salomonis* *Mare* æneum, O *Philothee*, cui hoc *Mare* vitreum respondet, Sacerdotibus lavandis destinatum est. 2 Paralip. 4. 6.

*Philoth.* Istud quidem non nego. Memineris tantum, *Philopoli*, externas lotiones parum prodesse, Spiritum autem esse qui mundificet. Hoc est illud novæ Nativitatis lavacrum quo baptizamur in unum corpus & in unum Spiritum & in unam sacram Communitatem Sanctorum, gloriosæ præsentia Dei lumine per purum hoc mare crystallinum penitus perlucet. Adeo ut, cum Spiritus hic Regenerationis & Purificationis idem sit quod hoc lavacrum sive aquarum mare crystallinum, in Sanctis Dei resideat, Sancti Dei rursus sive pura Ecclesia hoc *Mare* est, secundum stylum Propheticum. Videturque *Mare Salomonis* eundem habuisse Titulum in eum finem, ut cum hac foelici Allusione tandem conveniat. Sat scio *Aretam*, in hunc locum, expressim affirmare, Quod *Mare* immensam multitudinem significat. Adeo ut quantum ego quidem video, Typus hic duplicem Allusionem habere possit, alteram ad usum *Maris Salomonici*, alteram ad significationem *Nominis* juxta stylum Propheticum.

*Philop.* Immo, *Philothee*, hac in re tibi tandem prorsus assentior. Nostique omnes veros Christianos Regale esse Sacerdotium, neminemque lavari per Spiritum, quin Spiritum imbibat. Spiritus enim interna nostra lavat, non externa. 1 Pet. 2. 9.

*Philoth.* Verum noli me aliorum accipere, *Philopoli*, quam volo. Neque enim intelligo, *Mare* vitreum pro Symbolo Populi Dei primario poni, (nam quatuor Animalia manifestò sunt illius communitatis symbolum) sed pro lavacro poni Spiritus in quem Dei populus baptizatur. Quod Spiritus lavacrum illustratur describiturve ab effectis, ex eo quod populum Dei tanquam *Mare vitreum simile crystalli* reddit, lumine Spiritus vitæ, pura eorum perviaque corda ac mentes penetrante ac possidente, ut radii Solis mundissimum maximèque pellucidum crystallum penetrant.

*Philop.* Curam tuam elimatumque judicium, *Philothee*, laudo, ut qui nihil de utilitate Repræsentationis perditum velis, & tamen absonantiam istam declines, ut aliquibus videri potest, quæ una eademque res duobus diversis Hieroglyphicis in una eademque Visione repræsentetur.

X x x x

Philoth.

*Philoth.* Rectè rem capis.

*Apoc. 4. 5.*

*Philop.* Verùm quænam, quæso, significatio est, *septem* illarum *Lampadum* Ignis ante Thronum ardentium, qui dicuntur *septem* esse *Spiritus Dei*?

*Apoc. 21. 3.*

*Ezech. 1. 13.*

*Philoth.* Per Spiritum charismata Spiritûs, infusamque gratiam ac illuminationem aliquando intelligi, notius est quàm ut moneam. Quinimo & hîc sic intelligi nequaquam nego, sed & Angelos etiam significare. De numero verò, ut omnes conjecturas de septem ultimis *Sephiroth* missas faciam, hoc tantùm in præsens Responsum dabo, septenarius nempe hic, nihil necesse esse, ut *Numericè* significet, sed *Symbolicè*, *Paritatem* denotando & *Immaterialitatem* horum Angelorum sive Spirituum qui Ecclesiæ invigilent eisque ministrent, postquam id illustri illo gradu impletum fuerit, quod prædictum est, *Tabernaculum Dei est apud Homines*. Hîc *Lampada* distinguuntur à *quatuor Animalibus*: Verùm in *Ezechielis* Curru Cherubico, ipsa Animalia assimulantur Lampadis, quoniam illa Visio representabat etiam Regnum jam existens *Angelorum*. Et tamen *Animalia* hîc describuntur eodem ferè modo quo *Cherubini* in Visione *Ezechielis*, quod rationem *Angelicam* hujus ultimi optimique statûs Ecclesiæ denotat. Genium eorum, qui sunt è Regno Angelico, *quadriformem*, nihil opus est hîc repetere, & Applicatio valde facilis est. Pauca tantùm quædam, quæ observatu dignissima videantur & utilissima in hac præsentî Descriptione seligam, & postea pergam.

*Apoc. 4. 6.*

Ut primò, Quòd Animalia dicuntur omnia, *plena esse oculis*, & à fronte & à tergo. Quod significat ea & prorsum & retrorsum aspicere, & in Historias temporum præteritorum & in vaticinia ac prædictiones rerum futurarum, omnesque in consiliis computare possibiles Futuritates, quò res præsentès Regni Christi melius administrare possint & cuique casui eventuro prospicere. Nam in hoc omnis utilis & ad mores communemque vitam spectans, consistit sapientia.

*Apoc. 4. 8.*

*Esai. 6. 2.*

Secundò, Dicuntur habere singula *senas alas*. In eos proculdubio usus, ad quos Seraphim eas adhibere dicuntur apud Prophetam *Esaiam*, qui binis facies suas, alteris pedes tegebant, tertiis volabant. Quod Reverentiam erga Divinam Majestatem inquit, agilitatem & promptitudinem in illius ministerio, cautamque invigilationem affectibus nostris, ut in puris semitis incedamus. Nam statim post mentionem *senarum Alarum*, singula quatuor Animalium dicuntur oculis plena *οὐκ ὄντων καὶ ἰσῶντων* (quemadmodum *Grotius* bene ac peritè ista duo constringit) *extrà & intus*. Ac proinde uno oculo objecta *externa* respicientes, & *propriam* suam naturam altero, atque sic ea inter se comparantes, semper se gerent condignè ac decorè, cum debita Reverentia erga id quod Dignitate & excellentiâ supra se positum animadverterint, & ad debitam distantiam ab eis, quæ indigna & infra se judicaverint. Nunquam committent quicquam propriæ suæ naturæ excellentiâ indignum, nec admittent quicquam quod innato lumini & immutabilibus intellectualis creaturæ principiis repugnet. Ac proinde si quis ab *extrà* talia eis obtulerit, oculi eorum *intus* faciliè cernent, eum qui proposuerit, aut *Fatum* esse aut *Impostorem*.

*Jer. 31. 33.*

*Ezech. 48. 35.*

Tertiò, Quemadmodum *Maxe vitreum* Crystalli simile *baptizationem* nostram significat in unam sanctam *Communitatem*, ità fulgura & tonitrua & voces super hoc collectum Ecclesiæ corpus, Animalia quatuor & viginti quatuor Seniores, *communem* eorum significant *instructionem* ductumque per *igneam legem Spiritûs*, sub qua Dispensatione vitam degunt. Juxta illud secundi fœderis promissum: *Meam legem in eorum pactora dabo inscribamque cordi, & ego eis Deus & ipsi mihi populus erunt*. Hæc est illa Civitas quam *Ezechiel* appellat *Jehovah Shammah*, non quidem ob ullam visibilem illic symbolicam Dei Residentiam, sed quòd in *cordibus* hominum per *Spiritum* residet, unde unum communem animum habent unumque motum; quemadmodum fit in Regno *Angelico* Cherubinorum *Ezechielis*, *Ala bina singulorum invicem erant conjuncta, ibantque quo Spiritus agebat*. Et viginti quatuor Seniores & quatuor Animalia, uno sic ducuntur spiritu. Cùm enim tribuunt Animalia gloriam & honorem, viginti etiam quatuor Seniores, coronas suas abjiciunt ante Thronum, agnoscentes per quem & propter quem regnant, in manifestationem scilicet gloriæ & honoris & potentiæ Dei in suorum Regno Sanctorum.

*Ezech. 1. 11, 12.*

*Apoc. 4. 9, 10.*

*Jer. 8. 2.*

*Cuph.* Verùm, quæso te, *Philothee*, quomodo Animalia quatuor intelligi possunt sine ulla intermissione *dies & noctes dicere*, *Sanctus, sanctus, Sanctus Dominus Deus omnipotens*, & tamen viginti quatuor Seniores, quoties sic dicunt, *Coronas abjicere ante Thronum*? Una enim abjectio sic esse posset pro omnibus, semperque Coronæ ante Thronum jacerent à capitibus remotæ.

*Philoth.* Hæc nullo pacto tam crassè intelligenda sunt, O *Cuphophon*. Quòd enim *dies noctesque* sine intermissione dicunt, *Sanctus, sanctus, Sanctus*, nihil amplius



plius id significat, quàm perpetuam declarationem Sanctitatis Dei, in cuius præsentiâ versantur, per constantem Puritatem & Sanctitatem vitæ suæ atque morum.

Πῶσα γὰρ ἡ περὶ αὐτοῦ λόγον ἔργον ἔχει.

Et quemadmodum unus hic est ac perpetuus Sanctitatis in Populo tenor; ita etiam unum est perpetuum consimile Pietatis Humilitatisque studium in suis Principibus, qui in perpetuo sensu vivunt sui officii atque muneris, abjicientes coronas suas ante Thronum Dei, itaque agnoscetes mentem suam sui Imperii & Regiminis suam rem propriam nequaquam esse, sed rem omnino Christi illiusque Regni, sequere & per eum & propter eum solummodo regnare, nec seipsos querere debere. Hæc est interna externæ cultûs eorum repræsentationis mens live significatio, quæ ad intimam vitam Spiritumque penetrat, nec Imago est Imaginis.

*Philop.* Hæc satis solida est ad *Cuphrophronis* quæstionem Responsio, *Philothee*. Verum, cur, quæso, coronati isti Seniores (cùm coronas aureas ut Reges gerunt) candidis dicuntur induti vestibus sicut *Sacerdotes*, & cur proximè Dei Thronum collocati, & cur denique viginti quatuor esse dicuntur? Apoc. 4. 4.

*Philoth.* Per Coronas aureas vestesque candidas simul consideratas significatur quòd in suis cuiusque regnis omnis potestas in eis sita est, *Sacerdotalis* perinde ac *Secularis*; hoc est, Quòd in omnibus causis tam *Ecclesiasticis* quàm *Civilibus*, proxima sunt post Christum, in propriis suis Principatibus, suprema Capita. Atque eapropter Throni illorum (sic enim appellantur in Textu Græco) collocantur proximè Thronum Dei. Ista etiam ulterior subindicatio est *Sacerdotalitatis* eorum, quòd sic collocantur circa Thronum, quippe quod alludere videtur ad *Levitarum* Tentoria circa Oraculi Tabernaculum posita. Cæterum quòd candidis vestibus induuntur, significat etiam eorum *Innocentiam*, *restitudinem animi* ac *sanctitatem*, *Sacerdotalem Pietatem* ac *Devotionem* in fervidis suis accessibus ad Thronum Gratiae, precibusque pro seipsis ut Gubernatoribus, proque populo suæ fidei concredito. Et postremo, verisimile est, viginti quatuor dici, cum aliqua allusione ad distributionem sortium *Sacerdotum* ac *Levitarum* in eum numerum. Quod rursus principatum horum Regum etiam in rebus *Sacerdotalibus* ostendit ac si *Principes* essent istarum sortium. Verum ingenuè fateor me existimare, quod præcipuè heic intenditur hoc esse: Subindicationem scilicet, gloriosum hunc Ecclesiæ statum tunc fore, postquam Gentes Judæique unum facti fuerint Ovile, huncque statum fore *Nova Hierosolymæ* quæ duodecim Patriarcharum perinde atque duodecim Apostolorum nomina sibi habet inscripta. Hæc ut opinor, Numeri viginti quatuor Seniorum vera est ratio. Nullus enim dubito quin Numerus *Symbolicè* heic significet, non autem *Numericè*. Num. 1. 50.

*Philop.* Hæc profectò Interpretatio majoris videtur momenti, quippe quæ & Conversionem *Judaorum* & *Apostolicam* eorum temporum Ecclesiæ conditionem simul indicat.

Equidem, *Philothee*, præstantissimum nobis Ecclesiæ statum ex Prophetis descripsisti, qui cùm tam excellens sit, ut omnem sermonis vim planè excedat, nec ullâ verborum copiâ, quâ ipse quidem polleam, satis pro sua dignitate possit illustrari, contentus ero propriæ memoriæ reficiendæ causâ totam rem in quàm paucissima possum contrahere. Quæ breviter hæc sunt: Doctrina Cultusque Apostolicus, Vitæ integritas, & securitas à Persecutione conscientiae ergò, & ab omnibus bellis intestinis ac tumultibus. Sic enim revera Regnum evadet *Filii Hominis*, cùm quatuor Regna hætenus meritò comparata sint quatuor sævis voracibusque *Belluis*, talibusque quæ ita quidem insævierint ut carnem propriam dilacerarent. Cæterum Regnum hoc *Angelicum*, quemadmodum tu appellas, in quo voluntas Dei sit in terra sicut in cælo, Regnum est *Iustitiæ*, & *Pacis* & *Gaudii* in Spiritu sancto. O quàm exultat mihi animus tam gloriosum videnti Prospectum! Oraturus sum, *Adveniat Regnum tuum*, cum magis peculiari Emphasi, ob hujus Diei Instructionem, *Philothee*, quàm in omni mea vita unquam feci hætenus. Ut verò id majori cum *πληροφορία* faciam, perge quæso ad Quæstionem proximam, rationesque tam gloriosæ spei nobis declara. Dan. 7. 13.

*Philoth.* Quid, deessene tibi possunt, *Philopoli*, rationes hujus spei, postquam tam multa vaticinia, quæ te hac de re certum facerent, jam audiveris? 2 Esdr. 13. 10, 11. 12.

*Philop.* Verum quis novit, *Philothee*, quin Prædictiones istæ esse possint conditionales, effectumque tantum sortiri, secundum incertitudinem nostrarum voluntatum? XII. Quibus & Scriptura rationibus innixa sit spes gloriosæ illius statûs Ecclesiæ futuri

*Philoth.* Istud supponit has res à nostris meritis dependere. Magnæ autem rerum in orbe *Revolutions*, taliumque quæ præcipua sint Divinæ Prædictionis objecta, tam tenuibus infirmisque cardinibus non inhaerent. Fatum est, O *Philopoli*, proculdubio, Divinum est Fatum ac irresistibile Consilium Dei Omnipotentis, quod omnium hominum ingratiis ac diabolorum, effectum sortitutum est suo tempore. *Assueta sylva Onagra, ventum pro libitu naribus hauris, Quis avertet eam? Qui eam quarunt, non est quod defatigent se frustra, invenient eam suo mense.* Davidque prædicit, *Populus tuus pronâ voluntate erit, in Die fortitudinis tuæ.* *Fili Hominis, reviviscant hæc ossa,* inquit *Ezechieli Deus,* in valle ossium humanorum peraridorum. Respondit autem cum reverentia, *Domine Jehova tu id facis;* subinsinuans in illius esse potestate, reviviscere ea velit an secus. Nosti verò postquam Deus vaticinandi potestatem dedisset Prophetæ, ad ossa, & dicendi, *O arida ossa, audite dicta Jehova, Ecce ego in vos immittam spiritum quo reviviscatis, Effectum continuò secutum est. Nam sonus exitit & motus, & accedebant ossa ad suum quodque os, statimque oblecta sunt nervis, carne & cute.* Atque itidem, postquam dixisset, *A quatuor regionibus veni O Spiritus, & hos interfectos affla,* in illos venit Spiritus, revixeruntque & in pedes suos constiterunt copiarum sanè maximarum. Fuitne ullus unquam rerum status magis arduus ac desperatus quàm hic?

Ger. 2. 24.

Psalm. 110. 3.

Ezech. 37. 3.

Vers. 4. 5.

Vers. 7. 8.

Vers. 9. 10.

*Philop.* Non dubito quin Deus si velit, talem gloriosum rerum statum, qualis prædictus est, possit introducere, nisi mala nostra merita óbicem ponerent.

*Philoth.* Istiusmodi immensi favores Oecumenici, *Philopoli*, cujusmodi hi sunt, non pro meritis nostris dispensantur, sed pro libero Dei consilio. Audi quid idem Propheta dicit, ad domum Israelis, *Sic dicit Dominus Jehova, Non ego vestra id causâ facio, domus Israelis, sed propter meum sacram nomen, quod vos apud gentes, in qua venistis, profanastis. Hoc ego meum magnum nomen consecrabo profanatum apud gentes id vobis inter eas profanantibus, scientique gentes me esse Jehovam, cum ego me in vobis ab oculis illarum, sanctum prabuero. Accersam autem vos ex gentibus & ex omnibus confectis terris adducam in vestram patriam, puraque conspersos lymphâ, ut ab omnibus vobis fedisatibus purgemini, ab omnibus vestris vos expiabo stercoreis Divis. Vobisque & novum & spiritum novum in pectora dabo. Ac exemplo de corporibus vestris lapideo cor vobis dabo carneum. Inditque in pectora vestra meo spiritu faciam ut Institutiis meo pareatis, measque conservetis sententias. Quid de hac loquendi formula existimas, *Philopoli?* Pluresque hoc genus locutiones occurrunt apud Prophetas.*

Ezech. 36. 22, 23.

Ezech. 36. 25, 26, 27.

*Philop.* Equidem ingenuè fateor me existimare huiusmodi *Nationales* sive *Oecumenicæ* rerum mutationes à nostris meritis liberòve arbitrio non dependere. Etenim quantum ego video Deus hæc largitur & velle & facere, secundum suum consilium prædictionesque sanctorum suorum *Prophetarum*, nè illius Providentia suspecta habeatur, Nomenque ejus blasphemetur apud *Infideles*.

*Sophr.* Descriptio etiam Novi Fœderis apud *Jeremiam* secundum hunc formatur tenorem. Post illa tempora, inquit *Jehova, meam legem in eorum pectora dabo, inscribamque cordi, & ego eis Deus & ipsi mihi populus erunt. Quid! Num ob ulla eorum merita? Nequaquam, sed ex mero suo beneplacito. Nam culpa eorum ignoscam, ait ille, peccatumque eorum non recordabor amplius.*

Jer. 31. 33. 34.

*Bath.* Humanæ Animæ tandem, *Æterni Pontificis* gratiâ, ad spiritualem suum quietis Sabbathismum sunt reditura.

*Philoth.* Præterea, *Philopoli*, vide quàm omnis rationis expers res sit, Divinæ Providentiæ ad hunc modum diffidere, quippe qui tam constanter pervacaciterque hætenus, secundum *Prophetarum* Prædictiones de statu Ecclesiæ, ( ut jam audiisti ) ab initio ad hunc usque diem res perpetuò deduxerit. Ut ea prætermittamus quæ *Servatoris* Ascensionem Missionemque, juxta promissum, Spiritus sancti antecessere, perpende quàm accuratè impleta sint sex prima *Sigilla*, quomodoque sub sexto *Michaelis* victoria in *Draconem* contigerit, quando sub *Constantino* Romanum Imperium factum est *Christianum*. Eventum extra omnis mortalis oculi ictum prospectumve situm, quò minùs prævideat. Solus *Servator* unigenitus Dei filius discipulis suis in isto dicto prædixit, *Noli timere pusille Grex, quia complacitum est patri vestro dare vobis Regnum.* Perpende etiam distinctam sex Tubarum completionem, durante quarum successione ( secundum Prospicientiam Prædictionemque Divinam ) erat *Cætus Virgineus, Mulier in Deserto, lugubresque Testes* Prophetici, perinde atque *Bestia bicornis & decacornis, Meretrix Babylonica & Falsus Propheta;* quomodoque in ultimo semi-tempore, sive semi-die, intra clangorem Tubæ sextæ, magnus factus sit *Terra-motus, Testesque* interfecti resurrexerint, & cum admiratione omnium spectantium *Homini* peccati ingratiis cunctorumque suorum favorum ministrorum, gloriose ascende-

Apoc. 6. 12.

Luc. 12. 32.

Apoc. 11. 11, 12.



ascenderint in cœlos, per nuperam utique *Reformationem* in multis Regnis & Principatibus. Annon hæc mirificæ res sunt, *Philopoli*?

*Philop.* Sic sunt profectò, *Philothee*.

*Philoth.* Talisque quæ manifestò in admirabili illo *Divini Fati* libro sunt descriptæ. Expressim enim scriptum est: *Eis enim Deus eam mentem iniecit ut ejus sententiam exequantur, eodémque animo agant & regnum suum Bessie tradant donec consummentur verba Dei*, hoc est, donec compleantur Tempora à Propheta *Daniele* prædicta, *Dan. 7. 25.* donec advenerit *semi-tempus* septimum, ultimumve. *Tunc erunt inter decem cornua, qui odio prosequantur Meretricem & desolatam facient eam & nudam, & carnes ejus comedent & ipsam igne concremabunt*, hoc est, qui Papalem abolebunt Potestatem ac Religionem in suis Principatibus. Quod tamen Eventum extra Opinionem erat omnium Politicorum Pontificis, quippe quum illa Ecclesia inexpugnabilem se putaret, diceretque in corde suo, *Sedeo Regina, neque vidua futura sum, neque luctu afficiar.* *Apoc. 17. 16.* Quid? permittetne Deus tam efficaciter degenerem & Apostaticam Ecclesiæ conditionem ad certum tempus? Et non magis irresistibiliter effecturus est promissam illius Restitutionem ad Justitiam & Gloriam? Nam ingentes hos ac Oecumenicos Favores, prout suprà innui, non secundum nostra merita dispensat, sed sui nominis gratiâ, ut gloria ejus omnibus innotescat. Quàm autem ingloria res foret, *Philopoli*, tam expressa edere, tam vasta, tam illustria, & absoluta Promissa, & tunc ex *flamma dare fumum*, omnia finire in vagum pulverem abire? Vel quàm crassa in nobis Diffidentia est & Ingratitudo, cum præter opinionem, prædictionem ruinæ Papatûs, quod decem cornua scilicet osura essent Meretricem, igneque eam combustura (qui exitus est *sexta Tuba*) modo jam haud contemnendo impleverit, cumque ad tertiam *Phialam* in *Tuba septima*, uti dixi, processerimus, norimusque in qua quasi longitudine & latitudine in hac Navigatione versemur, ut animum despondeamus (observantes et quàm stabili cursu Providentiæ gubernaculum ab initio ad hunc usque diem hucusque dirigatur) dubitemusve quin eadem Providentiâ nos tandem incolumes ad portum sit perductura?

*Philop.* Equidem quemlibet ferè cogere potes, credere impossibile esse, quin tantum sic eveniat. Quid autem respondebis eis qui gloriosa hæc Promissa jam impleta esse contendunt?

*Philoth.* Quid igitur, *Philopoli*, fuitne Diabolus, (sic enim expressim appellatur,) captus, catenâ colligatus, in Abyssum conjectus ibique conclusus & obsignatus in mille annos, unquam à Christo nato? Ab initio Christianæ Ecclesiæ usque ad tempora *Constantini* annon antiquus hic *Draco* cum *Michaele* pugnavit in cœlo, nec debellatus in terramque dejectus est ante exitum ferè *Sigilli sexti*? Et decem illæ cruentæ Persecutiones Ecclesiæ annon erant durante illo prælio? Et post *Constantini* tempora (ut omittam *Julianum* Apostatam) quantum Torrentem sanguinis & contentionis ex ore suo evomuit *Draco*, (quo Ecclesiam delere voluit si potuisset) quæ extincta non est post centum annos & ampliùs quàm inceperat. Trecentis ferè annis post *Constantinum* egregius ille Impostor *Mahometes* suum Regnum *Saracenicum* exorsus est. Quàm arctè tunc putas Diabolum in suo carcere obsignatum fuisse nè Nationes deciperet?

Si *sex primas Tubas* universas percurramus, annon tot Testimonia sunt Diabolum etiamnum fuisse solutum? Quis enim nisi ille ingentem illam Grandinis Tempestatem sanguine igneque mixtam sub *prima Tuba* excitavit? Cruentam intelligo Irruptionem Barbararum Gentium in Imperium, quæ omnia igne & gladio vastabant. Tum hæc sub *Alarico*, tum illæ quæ postea sequebantur sub *Radagaiso* *Scythæ*, ut & aliæ Anno 406. nemo vel fingere potest quàm rapida ac furiosa Tempestas essent, nisi qui Historiam legerit. Secunda etiam *Tuba* quàm dirum fatum clauxit, sub qua Imperium dilaceratum est in tot Regna, postquam *Alaricus* & *Gensericus* ardentem Montem in medium Mare conjecissent? Post quæ sub *Tuba tertia* funestus *Casareus Occidentalis* Stellæ assimilatus sive Lampadæ sed oleo Absynthino nutritæ in labenti sua conditione multas ærumnas & calamitates secum attraxit brevique tempore extinctus est in *Augustulo* Imperatorum *Occidentalium* ultimo, ab *Odoacro* *Hernulo* victo, qui postea seipsum *Italia* Regem constituit.

*Evist.* Sed postquam sexdecim annos regnasset à *Theodorico Ostrothorum* Rege victus est & occisus, qui, præter *Dalmatiam* & *Rhatiam*, quæ Provinciæ erant *Odoacri*, *Siciliam* etiam Regno *Italia* addidit, & immensis sumptibus Muros & Aedificia *Rome* instauravit, sui que Regni res summa cum prudentia & moderatione administravit, antiquas Civitatis Dignitates & Officia retinuit, ut Consules, Senatam, aliisque notos Magistratus *Romanos*, adeò ut si infamiam excipias tam miserè combustæ & directæ

XIII.  
Gloriosa illa  
tempora prædicta à Prophetis  
non illuxisse  
ad hoc super faciem  
Terra.  
*Apoc. 12. 7.*

*Apoc. 12. 15.*

*Apoc. 20. 3.*

*Apoc. 8. 7.*

*Apoc. 8. 8.*

*Verf. 10.*

direptæ urbis, videretur planè antiquum suum splendorem ac gloriam recuperâsse.

Apoc. 8. 12.

*Philoth.* Verum est quod dicis, *Evistor.* Sed hic rerum status per paucas tantùm horum Regum *Italicorum* successiones duravit, & ad inflatum *Tuba quartæ* penitus est diffusus. Nam ex bello per *Justinianum* adversus illos commoto, sub conductu primùm *Belisarii*, postea verò *Narsetis*, Consulatus & Senatus aliique Magistratuum ordines penitus aboliti sunt. Civitasque à Duce gubernata, ab Exarchis *Ravenna* substituto, cui *Roma* facta est Tributaria. Ità illorum *Sol & Luna & Stella percussa* sunt, gloriæque Civitatis ad Vilitatem ac Obscuritatem redacta. Et postremo, quàm immensas devastationes *Locusta* (hoc est, *Saraceni*) sub *Tuba quinta*, & *Equites Euphratai* (hoc est, *Turci*) sub *sexta* (quæ ambæ *Væ-Tubæ* appellantur) in Imperium fecerint, & Titulus *Tubarum* & Visionum Descriptio abunde declarant. Adeò ut pro certo, cum omnia bellis ac sanguine miscerentur (idque in Imperio quod *Christianum* denominatum est & pro *visibili Regno Christi* habitum) per sex primas *Tubas* universas, *Diabolus* quatenus *Homicida* in suo carcere non concludi potuit & obsignari. Et si consideres ut Regnum *Bestiæ bicornis* ac *falsi Propheta* hinc sex *Tubis Synchronum* sit, agnoscere debes solum etiam fuisse ut *Impostorem*, non solum *Gentes* decipientem sed & populum qui appellatur *Ecclesia Christi*.

Apoc. 9. 1, 14.

Apoc. 20. 3.

*Philop.* Hæc apud me, *Philothee*, ratio est admodum demonstrativa, *Millennium*, in quo antiquus *Serpens*, *Diabolus* & *Satanas* ligatus dicitur, nondum incepisse in terris. Ac proinde ingenuè fateor nihil magis manifestum esse, secundum Scripturam, quàm quòd gloriosa illa Tempora illic prædicta itaque illis locis quos protulisti, descripta, adhuc futura sint. Nihil æquè ex Scriptura demonstrabile est atque hoc. An verò non sunt & alia argumenta inferioris classis, quæ *Ratio* prudensque *Sagacitas* suggererit?

XIV.  
Qua argumēta ex ratione, pro adventu gloriosorum istorum temporum, sint.

*Philoth.* Dicam tibi potiùs, *Philopoli*, quid *Vita & Experientia* suggererit. Mihi quidem, (ingenuè fateor) instar portentis est, mundum non meliorem esse quàm revera est, cum *vitium & Improbitas* ad meum quidem sensum *Humana Natura* tam duriter repugnare videatur, & *Virtus* ac *Iustitia* eidem tam Harmonicè congruere. Hæc enim *Spiritus Rectitudo* quæ ad verum *Israelem Dei* pertinet, possessio est tam perfecta *Voluptatis* ac *Beatitudinis*, ut *Anima Humana* eam planè sentiat suam peculiarem esse animi satisfactionem, statumque *vitiis* ac *peccati* morbidum quandam statum esse ac praternaturalem, non tantum planè aperteque *rectæ Rationi* repugnantem, sed horridè duriterque intimum illum maximèque *Divinum* ac *delicatum Animæ sensum*, radentem & atterentem; Quæ repullulatio est *puri Amoris*, viteque *Dei* in humana *Natura* excitatio, quæ naturalem voluptatem capimus in omnibus semitis *Bonitatis*, *Puritatis* ac *Iustitiæ*. Hæc *naturalis Sanitas Animæ* est, huicque quod contrarium est, *Morbis*. Hic illius *Sobrietatis* status, alter *Ebrietatis* ac *Temulentia*: Ac proinde, meâ quidem sententiâ, haud probabile est, mundum in eo duraturum in perpetuum, sed & ipsam *Miseriam* & *Confusionem* hujus statûs ebriosis violentè quasi e somno tandem eos excitaturam esse ad prosequendam *Pacem* ac *Iustitiam*. Quod Tempus, ut ego quidem sentio, *Esaias* Propheta videri potest indigitare, ubi ait, *Quia fenestra de celo aperta sunt, & concutientur fundamenta Terra; Rumpetur tellus, dissolvetur tellus, commovebitur tellus, nutabit tellus ut ebrius, & submovebitur ut tugurium, suisque gravata peccatis corruet, non resurrexura. In die illa animadvertet Jehova & in sublimem exercitum in sublimi & in terrestres Reges in terra.* (Hoc fit, opinor, *Philopoli*, in effusione *Phialæ ultimæ* quæ effundi dicitur in aërem.) Tum erubescet *Luna*, & pudebit *Solem*, quando gloriôsè regnabit *Jehova armipotens* in monte *Sione*, & *Hierosolymis* apud suos *Seniores*; hoc est, in *Nova Hierosolyma*, apud viginti quatuor *Seniores* candidis vestibus indutos, & cum aureis Coronis in suis capitibus. Atque in hac confusione futura est *Tellus*, non solum ob *Improbitalatem* suam, sed & *Ignorantiam*, crassosque errores in *Religione*. Detinetur enim genus humanum hinc in rebus per duram vim propriæ suæ *Rationi* ac *Naturæ* illatam, in *Papismo* perinde atque in *Turcismo* & *Paganismo*, quippe quum istæ *Religiones* non solum *rationis* expertes sint, sed admodum stolidè fabulosæ, omnique solidæ *Rationi* adversæ. Postquam verò *Fenestra de celo* in eos aperta fuerint, *Cœlestique Gratiæ* ac *Veritate* depluerit, puraque *Evangelii Lux* in eos fuerit immissa, *Fundamenta Terræ* sub eis concutientur, & falsitatem deprehendent & instabilitatem *fundamentalium Fraudum* & *Mendaciorum* hominum, quæ penitus peritura sunt omnesque ii qui ipsis adhæserint.

Esai 24. 18, &c.

Apoc. 4. 4.

Dan. 12. 4.

Hoc igitur, *Philopoli*, per modum *Prudentiæ* ac *Sagacitatis* præsumi potest. Quum illi dies nobis illuxerint, quos prædixit *Daniel*, *Quando discurrunt multi & multiplicabitur scientia*, libertas hæc investigandi veritatem & inveniendi sceleritas, ad cladem subversionemque magnificarum istarum structurarum *Mendaciorum*, quæ aut *Superstitio*



stitio aut falsæ Rationes Politicæ tam splendide extruxerint & ad quæ omnes homines se incurvare velint, ut ad auream Imaginem, quam *Nebuchadnezzar* erexerat, multum possunt contribuere. Illustris verò ille *Heros albo Equo insidens, Verbum utique Dei rectæque Ratio* Imaginem hanc sub pedibus conculcabit; sensusque Scripturæ etiam in suis partibus Prophetis, adversus *Turcismum, Papsmum, Paganismum & Judæismum*, aliâve quamcunque Religionem vel Irreligionem etiam adversus *Atheismum* ipsum tam perspicue intelligetur, ut certò persuasus sim vel hoc unum adminiculum solum infiniti momenti fore, immensamque vim habiturum esse ad convertendas Animas ad Christum. Tam certus futurus est sensus omnium Visionum *Apocalypticarum*, præter eas *Danielis*, ut hoc unum peculiare *Christianitatis Privilegium* (quod totam scenam Divinæ Providentiæ, omniumque rerum Ecclesiæ Dei, totiusque adeò Orbis (quatenus Ecclesiam respiciant) tam graphicè descriptam ac in tot centenos, quinimò in aliquot millenos annos præfigurata habeat) hoc, inquam, vel solum, universum Mundum necessariò coacturum est ad firmiter credendum *Jesus esse Messiam Mundi Servatorem*, Deumque esse cujus Providentiæ rebus humanis invigilat, Vitamque esse futuram ac beatam Immortalitatem omnibus veris Fidelibus. Hoc tibi breviter affirmo, *Philopoli*, manifestam completionem tam multorum, tam momentosorum & tam multis centenis annis ab Eventu distantium Vaticiniorum apud me quidem majorem vim habere videri, ad evincendam Christianitatis veritatem, quam universa Miracula à Christo suisque Apostolis facta apud eos qui illis temporibus vixerint præsertim, nisi ipsi oculati eorum testes fuerint, omnesque eorum expenderint circumstantias.

*Philop.* Haud exigui momenti est, quod narras, *Philothee*, & omnino juxta tecum sentirem, si Vaticinia tam vulgò universimque à Christianis intellecta fore mihi persuadere possem. Hæc enim Peritia sobrietati vitæ superaddita sinceròque zelo Evangelio, mirifica in eorum manibus machina futura esset, quæ omnia in via miracula proterant, omnesque Nationes Domini Christi pedibus subjiciant.

*Philoth.* Noli ea de re dubitare, *Philopoli*. Facilis est enim scientia prudenti. Et ora ventura sunt, instabuntque ante effusionem *Phiale ultimæ*, in quibus Divinam Vaticiniorum intelligentia de rebus Ecclesiæ æquè vulgaris erit & ordinaria, quæ Catechismorum Infantilium. Viæ Dei, fidelitatisque illius Providentiæ, Divinis Prædictionibus ac Vaticiniis respondentis, cognitæ erunt omnibus à maximo ad minimum. Pensumque erit facilius eorum captui, quam multæ earum rerum, quæ ipsis modo *Catechistico* antehac sint impositæ.

*Sophr.* Hæc tua conjectura, *Philothee*, meo quidem judicio, nequaquam à ratione aliena est, quantum ad excardinationem Mundi è falsis suis Religionibus, in quibus tam diu detenti fuerint Captivi. Verum mihi hisce de rebus apud meipsum cogitanti sæpe in animum injicitur hic scrupulus, nè pura & Apostolica Christianitas nihilominus locum non sit obtentura, sed alius aliquis Christianitatis modus, quem quidam prætendant Regnum esse *Spiritus*, sed æquè manifesta est illius *Christianitatis*, quam *Apostoli* docuerunt, abolitio, quam *Christianitas* fuit *Judaismi*, si non magis, aut *Mahometismi* utriusque.

*Evist.* *Sophronem* credo oculos suos conjecisse in modernorum *Nicolaitarum, Servitium-Amoris*, \* cum magis visibili sua prole *Quakeris*. Propheta enim eorum, in suo Vaticinio *Spiritus Amoris*, Sectatoribus suis totius Terræ possessionem expresse pollicetur, omnesque Gentes sibi tandem fore subjectas. Quanquam enim admittent *Servitium Christi in fide Sanctum esse veri Tabernaculi*, gloriantur tamen *Servitium Amoris, Sanctum esse Sanctorum*, ac proinde omnibus anteferri oportere.

*Bath.* Meo quidem judicio, *Evistor*, hic *Sophronis* scrupulus nullâ ratione innititur. Etenim præter multas crassas, impossibiles & ridiculas Interpretationes Scripturæ, super quas nihilominus hic Propheta se stabilire satagit; obvia illa ex scriptis ejus evidentia, quod *Sadduceus* omnino erat & nec *Angelos* nec *Spiritus* nec *Immortalitatem Animæ* tenuit, satis manifesto indicio est, in tam clara luce quam Deus extulit & etiamnum attollit in orbe, hujus hominis dictamina ac Doctrinas in ullam *Nationalem* Religionem nunquam abituras esse, quin omnibus constabit eum hallucinantem fuisse *Enthusiasten*. Equidem infinito incredibilius esse puto, ut Mundus eum pro vero Propheta habiturus sit, quam ut pura *Apostolica Fides* ac Doctrina, (quæ tam demonstrativas ac miraculosas Attestationes nata est & Morali Bonitati ac Rationi tam est consentanea) non inundaret omnia.

*Evist.* Crassus hic *Sadduceismi* error Prophetam hunc eoque inermem reddere potest, ut nullam magnam noxam Personalibus Christi officiis inferre valeat, quæ clanculum subruere ac subvertere conari videtur. Verum Regnum *Spiritus*, quatenus

Apo. 19. 11. 13

Prov. 14. 6.

XV.  
Nullum periculum esse nè aut Familismum, aut Behmenismum, expectatam Ecclesiæ Apostolicæ gloriam supplantet.

nus *Personali sceptro* Domini Jesu opponitur, in manus magis elimatas incidit, eorum nempe qui *Anima Immortalitatem* expressim agnoscunt, & consequenter præsentem Christi subsistentiam in sua Personalitate, & tamen omnino pro *Spiritu Christoque* in nobis contendunt, ac si ista Christianitatis pars quæ Christum *extra nos* respicit, penitus antiquata esset. Nôsti cujus id symbolum erat, *Salus nostra in vita Jesu Christi in nobis*.

Colof. 1. 26.

*Bath.* Immo novi, *Evistor*, symbolum erat Philosophi *Teutonici*. Et annon ipse nôsti, quis dixit, *Mysterium* quod reconditum fuit à seculis & generationibus, tunc autem patefactum Sanctis, \* fuisse, *Christum in nobis spem Gloria?*

*Evist.* Rectè narras, *Bathynoe*. S. Paulus sic scribit ad *Colossenses*.

*Bath.* Ac proinde, *Evistor*, *Jesu* filius *Mariæ* erat cum suis Apostolis qui primus homines in *Sanctum Sanctorum* perduxit, non autem *H. Nicolai*, nec *J. Behmen*.

*Sophr.* Apposita admodum & perquam utilis observatio!

*Bath.* Sed pone *Jacobum Behmen* omnia in scriptis suis introrsum premere, ac si Christum extra se, qui passus est *Hierosolymis*, planè oblitus esset, (quem tamen certò scio eum in lecto animam efflantem non fuisse oblitum, quando exclamavit, *O crucifixe Domine Jesu, miserere mei & recipe me in Regnum tuum*) & *Familismum* simul, à putrido illo *Sadducismi* morbo liberâsse; Invincibilis tamen Scriptorum ejus obscuritas efficiet, ut nimia apud populum gratia nunquam valeat, & errores in *Inspirationibus* quas prætendit, in rebus *Philosophicis* Autoritatem ejus labefactabit apud omnes homines intelligentes & sagaces. In seculo *Philosophico* qui *Philosophicas Inspirationes* venditant nec tamen habent, necesse est, ut deprehendantur, ubi cæspitant claudicantve. Quod si ulla in re contingit, fides concidit in universis, nec quisquam crediturus est, ob id solum, quòd ipsi affirmaverint verum esse & sibi Divinitus inspiratum.

*Evist.* Si hæc revera esset *Teutonici* Philosophi conditio, minimè verendum esset, nè ille ullam magnam noxam faceret, eo modo quo *Sophronis* suspiciones tam Tragicè præfagiebant.

*Sophr.* Haud credibile est *Bathynoum* sic loqui voluisse, nisi certas aliquas rationes habuisset cur sic diceret. Obsecro te, quæ sunt, *Bathynoe?*

XVI.

Peritiæ linguae  
Naturæ apud  
J. Behmen, mi-  
rabilis vendi-  
catio.

*Bath.* Annon putas, O *Sophron*, egregium *Melancholiæ* specimen esse, ut opinetur *Lingua Naturæ* notitiam sibi esse communicatam?

*Sophr.* Peritiam scilicet signaturarum Plantarum, & Præfagiorum Meteororum aliorumque istiusmodi Phænomenon Naturæ.

*Bath.* Nequaquam, sed peritiam interpretandi *syllabatim* in verbis cujusvis linguae quid naturaliter significant. Ut si verbi gratia, vocem *Tetragrammaton* expendere velit, diceret tibi quid singulæ syllabæ significant, à *Te* usque ad *Ton*.

*Sophr.* Res admodum bella est ista, ut vel *Terminationes* vocabulorum suam etiam habeant significationem.

*Bath.* Immo ipsæ literæ, ut in *Tinctura*, & aliis.

A. Gell. Noct.  
Attic. lib. 10.  
cap. 4.

*Sophr.* Hoc antiquam illam apud Philosophos controversiam decedit, Impositio Nominum quæ sit an *ἰδίαι* sive *νομαί*.

*Bath.* Euge, *Sophron*, rem irrideas quantum voles. Hæc Philosophica tamen *Illuminatio Teutonicum* docuit Nomina septem Planetarum planè derivata esse ex lingua Naturæ.

*Sophr.* Nomina intelligit *Latina*, *Græca*, an *Hebraica?* vel *Belgica*, *Galliça*, an *Hispanica?*

*Bath.* Credo aut omnia eum intellexisse, aut *Germanica* sola, ut quæ Lingua ejus esset vernacula, cujusque solius peritus esset.

*Sophr.* Magna profectò omissio erat, quòd mentem suam hac in re non explicuerit. Sed quæso, *Bathynoe*, cur existimat Antiquos, septem Planetis ex lingua Naturæ nomina dedisse?

*Bath.* Quia Nomina sunt secundum Proprietates Naturæ. Quæ sunt, *Astrictio*, *Compunctio*, *Angor*, *Ignis*, *Lux*, *Sonus*, *Corpus*. Quæ respondent *Saturno*, *Mercurio*, *Marti*, *Soli*, *Veneri*, *Jovi*, *Luna*.

*Sophr.* Hæc Mysteria sunt supra meum captum. Nec video quomodo illa nomina Planetarum istas Qualitates significant. Quid autem sibi vult ille, *Bathynoe?*

*Bath.* Philosophicam reddere vult rationem cujusque Diei Creationis cum relatione ad Nomen Diei à Planeta ei inditum, qui primæ illius horæ præsidere dicitur, quæque cum tali proprietate Naturæ convenit. Ut exempli causâ, Antiqui primum septimam diem *Diem Solis* appellârunt, quia Deus tunc Solarem Proprietatem in Creatione movit. Diem secundum, *Diem Luna*, quia movit Lunarem Proprietatem,



tem, &c. Atque sic Operum sex Dierum apud *Mosen* explicatio ex Astrologicis nominibus Dierum septimanæ conflatur.

*Sophr.* Estne possibile, *Bathynoe*? Ego semper putâram nomina Dierum septimanæ Planetaria, ex ordinata Planetarum recensione à *Saturno* ad *Lunam* profecta esse, & tribuendo sic singulis uni post alterum unius horæ Dominium per vicenas quaternas horas, prima cujusque Diei hora novum habebit Planetam, idque necessariò tali ordine qualem nomina Dierum septimanæ implicant. Ut verbi gratiâ, *Saturnus* primam Diei horam obtineat. A *Saturno* ad *Lunam* ter inclusivè, horæ sunt viginti una. Tunc numera, *Saturnus* viginti duæ, *Jupiter* viginti tres, *Mars* viginti quatuor; Hora proxima quæ est prima diei sequentis, est *Sol*. Tunc rursus, A *Sole* ad *Martem* ter, fiunt horæ viginti una. Tunc perge, *Sol* viginti duæ, *Venus* viginti tres, *Mercurius* viginti quatuor; Horæque proxima, quæ prima est Diei sequentis, est *Luna*. Atque sic per totam septimanam invenies, ordinatam hanc recensitionem ea nomina quæ singuli Dies septimanæ gerunt, necessariò daturam.

*Bath.* Perinde futurum fuisset, si exorsus esses à *Sole*, & ad *Martem* perrexisses, quippe qui Planetarum eminentissimus est, & qui nomen dat primo Diei septimanæ.

*Sophr.* Sic omnino est, *Bathynoe*.

*Bath.* Equidem subridere me fecit hæc consideratio, O *Sophron*, postquam observaveram quàm promptus esset inspiratus Philosophus, in suo *Mysterio magno*, ad partem peritiæ suæ in lingua *Naturæ* ( in nominibus Planetarum detecta ) attribuendam Antiquis, ac si eis notum fuisset *Mysterium Creationis Mosaicum*, ex eo quòd nomina Planetarum talibus septimanæ diebus affixissent: cum illi proculdubio nihil amplius quàm ordinatum hoc Astrologicæ superstitionis specimen, quod tu tanto cum iudicio notâsti, somniaverint. Verum sunt & alia plura indicia palpabilia, apud intelligentem nullòque præiudicio laborantem Lectorem, quæ Philosophus *Teutonicus* posuit, ea ab infallibili Spiritu non fuisse profecta.

*Sophr.* Pauca aliqua, quæso, in medium profer. Neque enim indecens officium potest, ex huiusmodi labyrinthis nimis serias Animas expedire, quæ hoc genus scriptoribus nimium possunt captivari.

*Bath.* Unum tibi exemplum dabo pro omnibus, O *Sophron*. Verum Mundi systema non intellexit, quemadmodum apparet ex Historia *Luciferi*, in cuius locum *Solem* substituit, declaratque stellas omnes ab eo lucem ac virtutem haurire: Ullum *Mane* aut *Vesperam* esse negat supra *Lunam*, quanquam quatuor *Lunæ* circa *Jovem* motæ, planè testantur contrarium; Narratque ut sex reliqui Planetæ, *Solis* sint sex consiliarii, nihil de *Tellure* somnians, quòd Planeta perinde verus & consequenter perinde bonus consiliarius sit atque reliqui, præsertim ac *Luna*, quæ septem igitur constituet; quatuorque illæ circa *Jovem*, alios quatuor, ac perinde probas uxores pro *Sole* atque *Stellis* ac *Luna* nostra. Quæ considerationes omnia ejus bella commenta de Harmonia & Analogia inter septem Planetas septemque *Naturæ Proprietates* prorsus labefactant. Unde me certò cognoscere profiteor eum Divinitus non esse inspiratum.

*Evisf.* Unde igitur, *Bathynoe*, tam inaudita *Mysteria* ei obtigerunt? Et unum præsertim præ reliquis, quod valdè me attonitum reddit, quoniam invenio, qui profitentur se illius veritatem nòsse per experientiam. Distributionem intelligo rerum universitatis in tria Regna sive Mundos, Mundum *Ignem tenebrosum*, Mundum *Lucidum sanctum*, & Mundum hunc externum mixtum.

*Bath.* Immò, *Evisfor*. Eoque mirabilius mihi videtur *Mysterium* istud ex eo quòd declarat, sensu etiam Physico, hos omnes alios in aliis invicem jacere. Cælumque esse in *Inferno* & *Infernum* in *Cælo*, quantum ad locum. Quod illustrare vult à *Tenebris* & *Luce* in eodem spacio jacentibus; *Tenebris* statim se prodentibus remotâ luce.

*Sophr.* At verò proculdubio *Tenebræ* actu illuc non erant quamdiu præsens erat *Lux*.

*Bath.* Equidem sic putarem, *Sophron*. Præterea, Regna ejus *Tenebrosam* ac *Lucidum*, purè oportet esse spiritualia, si in eodem spacio cum *Mundo* hoc *Externo* jacent, quemadmodum & eorum Incolas, quos tamen admittit alios ab aliis conspici, eos intelligo qui ejusdem sint Regni, quamvis, qui diversi sunt Regni, nequeant.

*Evisf.* Quomodo igitur *Dives* dicitur ex *Inferno* vidisse *Lazarum* in sinu *Abrahami*; Luc. 16. 23. ac si illius Formator *Parabolæ Behmenicum* hoc *Mysterium* ignorâset? Et quid factum est ut *Michael* & *Diabolus* disputarent de corpore *Mosis*? Possuntque *Diaboli* & Ange-  
Fud. 9.  
li audire alii alios loquentes, nec tamen se videre alii alios adeò in propinquo sitos?

Y y y

*Bath.*

XVII.  
Plures Indica-  
tiones quòd J.  
Behmen non  
scripserit ex  
Spiritu infalli-  
bili.

*Philoth.* Istud supponit has res à nostris meritis dependere. Magnæ autem rerum in orbe *Revolutions*, taliûmque quæ præcipua sint Divinæ Prædictionis objecta, tam tenuibus infirmisque cardinibus non inhaerent. Fatum est, O *Philopoli*, proculdubio, Divinum est Fatum ac irresistibile Consilium Dei Omnipotentis, quod omnium hominum ingratiis ac diabolorum, effectum sortiturum est suo tempore. *Assueta sylvis Onagra, ventum pro libitu naribus haurit, Quis avertet eam? Qui eam quarunt, non est quoddam defatigent se frustra, invenient eam suo mense.* Davidque prædicit, *Populus tunc pronâ voluntate erit, in Die fortitudinis tuæ.* Fili *Hominis*, reviviscantne hæc ossa, inquit *Ezechiel* Deus, in valle ossium humanorum peraridorum. Respondit autem cum reverentia, *Domine Jehova tu id facis*; subinsinuans in illius esse potestate, reviviscere ea velit an secus. Nosti verò postquam Deus vaticinandi potestatem dedisset *Propheta*, ad ossa, & dicendi, O arida ossa, audite dicta *Jehova*, Ecce ego in vos immittam spiritum quo reviviscatis, Effectum continuò secutum est. Nam sonus exiit & motus, & accedebant ossa ad suum quodque os, statimque obiecta sunt nervis, carne & cute. Atque itidem, postquam dixisset, A quatuor regionibus veni O Spiritus, & hos interfectos ossa, in illos venit Spiritus, revixeruntque & in pedes suos constituerunt copiarum sanè maximarum. Fuitne ullus unquam rerum status magis arduus ac desperatus quàm hic?

Jer. 2. 24.

Psalm. 110. 3.

Ezech. 37. 3.

Vers. 4. 5.

Vers. 7. 8.

Vers. 9. 10.

*Philop.* Non dubito quin Deus si velit, talem gloriosum rerum statum, qualis prædictus est, possit introducere, nisi mala nostra merita óbicem ponerent.

Ezech. 36. 22, 23.

Ezech. 36. 25, 26, 27.

*Philoth.* Istiusmodi immensi favores *Oecumenici*, *Philopoli*, cujusmodi hi sunt, non pro meritis nostris dispensantur, sed pro libero Dei consilio. Audi quid idem *Propheta* dicit, ad domum *Israelis*, Sic dicit Dominus *Jehova*, Non ego vestra id causâ facio, domus *Israelis*, sed propter meum sacrum nomen, quod vos apud gentes, in quas venistis, profanastis. Hoc ego meum magnum nomen consecrabo profanatum apud gentes, id vobis inter eas profanantibus, scientque gentes me esse *Jehovam*, cum ego me in vobis ob oculos illarum, sanctum prabuera. Accersam autem vos ex gentibus & ex omnibus collectos terris adducam in vestram patriam, puraque conspersos lymphâ, ut ab omnibus vestris seditatibus purgemini, ab omnibus vestris vos expiabo stercoreis Divis. Vobisque & cor novum & spiritum novum in pectora dabo. Ac exemplo de corporibus vestris lapideo corde, cor vobis dabo carneum. Indistbque in pectora vestra meo spiritu faciam ut Institutis meis pareatis, measque conservetis sententias. Quid de hac loquendi formula existimas, *Philopoli*? Plurèque hoc genus locutiones occurrunt apud *Prophetas*.

*Philop.* Equidem ingenuè fateor me existimare huiusmodi *Nationales* sive *Oecumenicas* rerum mutationes à nostris meritis liberòve arbitrio non dependere. Etenim quantum ego video Deus hæc largitur & velle & facere, secundum suum consilium prædictionesque sanctorum suorum *Prophetarum*, nè illius Providentia suspecta habeatur, Nomenque ejus blasphemetur apud *Infideles*.

Jer. 31. 33. 34.

*Sophr.* Descriptio etiam *Novi Fœderis* apud *Jeremiam* secundum hunc formatur tenorem. Post illa tempora, inquit *Jehova*, meam legem in eorum pectora dabo, inscribamque cordi, & ego eis Deus & ipsi mihi populus erunt. Quid! Num ob ulla eorum merita? Nequaquam, sed ex mero suo beneplacito. Nam culpa eorum ignoscam, ait ille, peccatûmq; eorum non recordabor amplius.

*Bash.* Humanæ Animæ tandem, *Æterni Pontificis* gratiâ, ad spirituales suum quietis *Sabbatismum* sunt reditura.

Apoc. 6. 12.

Luc. 12. 32.

Apoc. 11. 1, 12.

*Philoth.* Præterea, *Philopoli*, vide quàm omnis rationis expers res sit, Divinæ Providentiæ ad hunc modum diffidere, quippe qui tam constanter pervicaciterque hætenus, secundum *Prophetarum* Prædictiones de statu Ecclesiæ, ( ut jam audiisti ) ab initio ad hunc usque diem res perpetuò deduxerit. Ut ea prætermittamus quæ *Servatoris* Ascensionem Missionemque, juxta promissum, Spiritus sancti antecessere, perpende quàm accuratè impleta sint sex prima *Sigilla*, quomodòque sub sexto *Michaelis* victoria in *Draconem* contigerit, quando sub *Constantino Romano* Imperium factum est *Christianum*. Eventum extra omnis mortalis oculi ictum prospectumve situm, quò minùs prævideat. Solus *Servator* unigenitus Dei filius discipulis suis in isto dicto prædixit. Noli timere pusille *Grex*, quia complacitum est patri vestro dare vobis *Regnum*. Perpende etiam distinctam sex *Tubarum* completionem, durante quarum successione ( secundum Prospicientiam Prædictionemque Divinam ) erat *Cætus Virgineus*, *Mulier in Deserto*, lugubresque *Testes* *Prophetici*, perinde atque *Bestia bicornis* & *decacornis*, *Meretrix Babylonica* & *Falsus Propheta*; quomodòque in ultimo semi-tempore, sive semi-die, intra clangorem *Tubæ sextæ*, magnus factus sit *Terra-motus*, *Testes*que interfecti resurrexerint, & cum admiratione omnium spectantium *Hominis* peccati ingratiis cunctorumque suorum favorum ministrorum, gloriose ascende-



ascenderint in cœlos, per nuperam utique *Reformationem* in multis Regnis & Principatibus. Annon hæc mirificæ res sunt, *Philopoli*?

*Philop.* Sic sunt profectò, *Philothee*.

*Philoth.* Talisque quæ manifestò in admirabili illo *Divini Fati* libro sunt descriptæ. Expressim enim scriptum est: *Eis enim Deus eam mentem iniecit ut ejus sententiam exequantur, eodémque animo agant & regnum suum Bessia tradant donec consummentur verba Dei*, hoc est, donec compleantur Tempora à Propheta *Daniele* prædicta, donec advenit *semi-tempus* septimum, ultimumve. Tunc erunt inter decem cornua, qui odio prosequantur *Meretricem* & desolatam facient eam & nudam, & carnes ejus comedent & ipsam igne concremabunt, hoc est, qui Papalem abolebunt Potestatem ac Religionem in suis Principatibus. Quod tamen Eventum extra Opinionem erat omnium Politicorum Pontificis, quippe quum illa Ecclesia inexpugnabilem se putaret, diceretque in corde suo, *Sedeo Regina, neque vidua futura sum, neque luctu afficiar*. Quid? permittetne Deus tam efficaciter degenerem & Apostaticam Ecclesiæ conditionem ad certum tempus? Et non magis irresistibiliter effecturus est promissam illius Restitutionem ad Justitiam & Gloriam? Nam ingentes hos ac Oecumenicos Favores, prout suprà innui, non secundum nostra merita dispensat, sed sui nominis gratiâ, ut gloria ejus omnibus innotescat. Quàm autem ingloria res foret, *Philopoli*, tam expressa edere, tam vasta, tam illustria, & absoluta Promissa, & tunc ex flamma dare fumum, omnia sinere in vagum pulverem abire? Vel quàm crassa in nobis Diffidentia est & Ingratitudo, cum præter opinionem, prædictionem ruinæ Papatûs, quod decem cornua scilicet osura essent *Meretricem*, igneque eam combustura (qui exitus est *sexta Tuba*) modo jam haud contemnendo impleverit, cumque ad tertiam *Philalam* in *Tuba septima*, uti dixi, processerimus, norimusque in qua quasi longitudine ac latitudine in hac Navigatione versetur, ut animum despondeamus (observantes licet quàm stabili cursu Providentiæ gubernaculum ab initio ad hunc usque diem hætenus dirigatur) dubitemusve quin eadem Providentiâ nos tandem incolumes ad optatum portum sit perductura?

*Philop.* Equidem quemlibet ferè cogere potes, credere impossibile esse, quin tandem sic eveniat. Quid autem respondebis eis qui gloriosa hæc Promissa jam impleta esse contendunt?

*Philoth.* Quid igitur, *Philopoli*, fuitne Diabolus, (sic enim expressim appellatur,) captus, catenâ colligatus, in Abyssum conjectus ibique conclusus & obsignatus in mille annos, unquam à Christo nato? Ab initio Christianæ Ecclesiæ usque ad tempora *Constantini* annon antiquus hic *Draco* cum *Michaele* pugnavit in cœlo, nec debellatus in terramque dejectus est ante exitum ferè *Sigilli sexti*? Et decem illæ cruentæ Persecutiones Ecclesiæ annon erant durante illo prælio? Et post *Constantini* tempora (ut omittam *Julianum* Apostatam) quantum Torrentem sanguinis & contentionis ex ore suo evomuit *Draco*, (quo Ecclesiam delere voluit si potuisset) quæ extincta non est post centum annos & ampliùs quàm inceperat. Trecentis ferè annis post *Constantinum* egregius ille Impostor *Mahometes* suum Regnum *Saracenicum* exorsus est. Quàm arcè tunc putas Diabolum in suo carcere obsignatum fuisse nè Nationes deciperet?

Si sex primas *Tubas* universas percurramus, annon tot Testimonia sunt Diabolum etiamnum fuisse solutum? Quis enim nisi ille ingentem illam Grandinis Tempestatem sanguine igneque mixtam sub *prima Tuba* excitavit? Cruentam intelligo Irruptionem Barbararum Gentium in Imperium, quæ omnia igne & gladio vastabant. Tum hæc sub *Alarico*, tum illæ quæ postea sequebantur sub *Radagaiso* & *Scythæ*, ut & aliæ Anno 406. nemo vel fingere potest quàm rapida ac furiosa Tempestas essent, nisi qui Historiam legerit. Secunda etiam *Tuba* quàm dirum fatum clauit, sub qua Imperium dilaceratum est in tot Regna, postquam *Alaricus* & *Genfericus* ardentem Montem in medium Mare conjecissent? Post quæ sub *Tuba tertia* funestus *Casareatus* Occidentalis Stellæ assimilatus sive Lampadæ sed oleo Absynthino nutritæ in labenti sua conditione multas ærumnas & calamitates secum attraxit brevique tempore extinctus est in *Augustulo* Imperatorum Occidentalium ultimo, ab *Odoacro* Herulo victo, qui postea seipsum Italia Regem constituit.

*Erast.* Sed postquam sexdecim annos regnasset à *Theodorico* *Ostrogothorum* Rege victus est & occisus, qui, præter *Dalmatiam* & *Rhatiam*, quæ Provinciæ erant *Odoacri*, *Siciliam* etiam Regno Italia addidit, & immensis sumptibus Muros & Edificia Romæ instauravit, sui que Regni res summa cum prudentia & moderatione administravit, antiquas Civitatis Dignitates & Officia retinuit, ut Consules, Senatam, aliisque notos Magistratus Romanos, adeò ut si infamiam excipias tam miserè combustæ & direptæ

*Apo. 17. 1.*

*Dan. 7. 25.*

*Apo. 17. 16.*

*Apo. 18. 7.*

XIII.  
Gloriosa illa  
tempora prædi-  
cta à Prophetis  
non illuxisse  
adhuc super fa-  
ciem Terræ,  
*Apo. 12. 7.*

*Apo. 12. 15.*

*Apo. 20. 3.*

*Apo. 8. 7.*

*Apo. 8. 8.*

*Verf. 10.*

direptæ urbis, videretur planè antiquum suum splendorem ac gloriam recuperâsse.

*Philoth.* Verum est quod dicis, *Evistor.* Sed hic rerum status per paucas tantùm horum Regum *Italicorum* successiones duravit, & ad inflatum *Tuba quarta* penitus est diffusus. Nam ex bello per *Justinianum* adversus illos commoto, sub conductu primùm *Belisarii*, postea verò *Narsetis*, Consulatus & Senatus aliique Magistratuum ordines penitus aboliti sunt, Civitatque à Duce gubernata, ab Exarchis *Ravennæ* substituto, cui *Roma* facta est Tributaria. Ità illorum *Sol & Luna & Stella percussa* sunt, gloriæque Civitatis ad Vilitatem ac Obscuritatem redacta. Et postremo, quam immensas devastationes *Locusta* ( hoc est, *Saraceni* ) sub *Tuba quinta*, & *Equites Euphratai* ( hoc est, *Turci* ) sub *sexta* ( quæ ambæ Væ-Tubæ appellantur ) in Imperium fecerint, & Titulus *Tubarum* & Visionum Descriptio abunde declarant. Adeò ut pro certo, cum omnia bellis ac sanguine miscerentur ( idque in Imperio quod *Christianum* denominatum est & pro *visibili Regno Christi* habitum ) per sex primas Tubas universas, *Diabolus* quatenus *Homicida* in suo carcere non concludi potuit & obsignari. Et si consideres ut Regnum *Bestiæ bicornis* ac *falsi Propheta* hiæ sex Tubis Synchronum sit, agnoscere debes solum etiam fuisse ut *Impostorem*, non solum *Gentes* decipientem sed & populum qui appellatur *Ecclesia Christi*.

*Philop.* Hæc apud me, *Philothæe*, ratio est admodum demonstrativa, *Millennium*, in quo antiquus Serpens, *Diabolus* & *Satanas* ligatus dicitur, nondum incepisse in terris. Ac proinde ingenuè fateor nihil magis manifestum esse, secundum Scripturam, quam quod gloriosa illa Tempora illic prædicta itaque illis locis quos protulisti, descripta, adhuc futura sint. Nihil æquè ex Scriptura demonstrabile est atque hoc. An verò non sunt & alia argumenta inferioris classis, quæ Ratio prudensque *Sagacitas* suggererit?

XIV.  
Quæ argumēta ex ratione, pro adventu gloriosorum istorum temporum, sint.

*Philoth.* Dicam tibi potiùs, *Philopoli*, quid *Vita & Experientia* suggererit. Mihi quidem, ( ingenuè fateor ) instar portentis est, mundum non meliorem esse quàm revera est, cum *vitium & Improbitas* ad meum quidem sensum *Humana Natura* tam duriter repugnare videatur, & *Virtus* ac *Iustitia* eidem tam Harmonicè congruere. Hæc enim *Spiritus Rectitudo* quæ ad verum *Israelem Dei* pertinet, possessio est tam perfecta *Voluptatis* ac *Beatitudinis*, ut *Anima Humana* eam planè sentiat suam peculiarem esse animi satisfactionem, statumque *vitii* ac *peccati* morbidum quendam statum esse ac praternaturalem, non tantum planè apertèque recte *Rationi* repugnantem, sed horridè duritèrque intimum illum maximèque *Divinum* ac *delicatum Animæ sensum*, radentem & atterentem; Quæ repullulatio est *puri Amoris*, vitæque *Dei* in humana *Natura* excitatio, quæ naturalem voluptatem capimus in omnibus semitis Bonitatis, Puritatis ac Iustitiæ. Hæc *naturalis Sanitas Animæ* est, huicque quod contrarium est, *Morbus*. Hic illius *Sobrietatis* status, alter *Ebrietatis* ac *Temulentia*: Ac proinde, meâ quidem sententiâ, haud probabile est, mundum in eo duraturum in perpetuum, sed & ipsam Miseriam & Confusionem hujus statûs ebriosis violentè quasi è somno tandem eos excitaturam esse ad prosequendam *Pacem* ac *Iustitiam*. Quod Tempus, ut ego quidem sentio, *Esaias* Propheta videri potest indigitare, ubi ait, *Quia fenestra de celo aperta sunt, & concutientur fundamenta Terræ; Rumpetur tellus, dissolvetur tellus, commovebitur tellus, nutabit tellus ut ebrius, & submovebitur ut sugurium, suisque gravata peccatis corruet, non resurrectura. In die illa animadvertet Jehova & in sublimem exercitum in sublimi & in terrestres Reges in terra.* ( Hoc fit, opinor, *Philopoli*, in effusione *Phialæ ultimæ* quæ effundi dicitur in ærem. ) Tum *erubescet Luna, & pudebit Solem*, quando gloriosè regnabit *Jehova armipotens in monte Sione, & Hierosolymis apud suos Seniores*; hoc est, in *Nova Hierosolyma*, apud viginti quatuor Seniores candidis vestibus indutos, & cum aureis Coronis in suis capitibus. Atque in hac confusione futura est *Tellus*, non solum ob *Improbitalatem* suam, sed & *Ignorantiam*, crassòsque errores in Religione. Detinetur enim genus humanum hiæ in rebus per duram vim propriæ suæ *Rationi* ac *Naturæ* illatam, in *Papismo* perinde atque in *Turcismo* & *Paganismo*, quippe quum istæ Religiones non solum rationis expertes sint, sed admodum stolidè fabulosæ, omnique solidæ *Rationi* adversæ. Postquam verò *Fenestra de celo in eos aperta fuerint*, Cœlestique *Gratiâ* ac *Veritate* depluerit, puraque *Evangelii Lux* in eos fuerit immissa, *Fundamenta Terræ* sub eis concutientur, & falsitatem deprehendent & instabilitatem *fundamentalium Fraudum* & *Mendaciorum* hominum, quæ penitus peritura sunt omnesque ii qui ipsis adhæserint.

Hoc igitur, *Philopoli*, per modum *Prudentia* ac *Sagacitatis* præsumi potest. Quum illi dies nobis illuxerint, quos prædixit *Daniel*, *Quando discurrent multi & multiplicabitur scientia*, libertas hæc investigandi veritatem & inveniendi felicitas, ad cladem subversionemque magnificarum istarum structurarum *Mendaciorum*, quæ aut *Superstitio*

*Esai 24. 18.*  
Ec.

*Apoc. 4. 4.*

*Dan. 12. 4.*



stitio aut fallæ Rationes Politicæ tam splendide extruxerint & ad quæ omnes homines se incurvare velint, ut ad auream Imaginem, quam *Nebuchadnezzar* erexerat, multum possunt contribuere. Illustris verò ille *Heros albo Equo insidens, Verbum utique Dei rectaque Ratio* Imaginem hanc sub pedibus conculcabit; sensusque Scripturæ etiam in suis partibus Prophetis, adversus *Turcismum, Papsmum, Paganismum & Judaismum*, aliâve quamcunque Religionem vel Irreligionem etiam adversus *Atheismum* ipsum tam perspicue intelligetur, ut certò persuasus sim vel hoc unum administrandum solum infiniti momenti fore, immensamque vim habiturum esse ad convertendas Animas ad Christum. Tam certus futurus est sensus omnium Visionum *Apocalypticarum*, præter eas *Danielis*, ut hoc unum peculiare *Christianitatis Privilegium* (quod totam scenam Divinæ Providentiæ, omniumque rerum Ecclesiæ Dei, totiusque adeò Orbis (quatenus Ecclesiam respiciant) tam graphicè descriptam ac in tot centenos, quinimò in aliquot millenos annos præfiguratum habeat) hoc, inquam, vel solum, universum Mundum necessariò coacturum est ad firmiter credendum *Jesus esse Messiam Mundi Servatorem*, Deumque esse cujus Providentia rebus humanis invigilat, Vitamque esse futuram ac beatam Immortalitatem omnibus veris Fidelibus. Hoc tibi breviter affirmo, *Philopoli*, manifestam completionem tam multorum, tam momentorum & tam multis centenariis annis ab Eventu distantium Vaticiniorum apud me quidem majorem vim habere videri, ad evincendam Christianitatis veritatem, quam universa Miracula à Christo suisque Apostolis facta apud eos qui illis temporibus vixerint præsertim, nisi ipsi oculati eorum testes fuerint, omnesque eorum expenderint circumstantias.

*Philop.* Haud exigui momenti est, quod narras, *Philothee*, & omnino juxta tecum sentirem, si Vaticinia tam vulgò universimque à Christianis intellecta fore mihi persuadere possem. Hæc enim Peritia sobrietati vitæ superaddita sinceròque zelo pro Evangelio, mirifica in eorum manibus machina futura esset, quæ omnia in via obstacula proterant, omnesque Nationes Domini Christi pedibus subjiciant.

*Philoth.* Noli ea de re dubitare, *Philopoli*. Facilis est enim scientia prudenti. Et tempora ventura sunt, instabuntque ante effusionem *Phiale ultima*, in quibus Divinorum Vaticiniorum intelligentia de rebus Ecclesiæ æquè vulgaris erit & ordinaria, atque Catechismorum Infantiliū. Viæ Dei, fidelitæque illius Providentiæ, Divinis Prædictionibus ac Vaticiniis respondentis, cognitæ erunt omnibus à maximo ad minimum. Pensumque erit facilius eorum captui, quam multæ earum rerum, quæ ipsis modo *Catechistico* antehac sint impositæ.

*Sophr.* Hæc tua conjectura, *Philothee*, meo quidem judicio, nequaquam à ratione aliena est, quantum ad excardinationem Mundi è falsis suis Religionibus, in quibus tam diu detenti fuerint Captivi. Verum mihi hisce de rebus apud meipsum cogitanti sæpe in animum injicitur hic scrupulus, nè pura & Apostolica Christianitas nihilominus locum non sit obtentura, sed alius aliquis Christianitatis modus, quem quidam prætendant Regnum esse *Spiritus*, sed æquè manifesta est illius *Christianitatis*, quam *Apostoli* docuerunt, abolitio, quam *Christianitas* fuit *Judaismi*, si non magis, aut *Mahometismus* utriusque.

*Evis.* *Sophronem* credo oculos suos coniecisse in modernorum *Nicolaitarum, Servitium-Amoris*, \* cum magis visibili sua prole *Quakeris*. Propheta enim eorum, in suo Vaticano *Spiritus Amoris*, Sæctatoribus suis totius Terræ possessionem expressè pollicetur, omnesque Gentes sibi tandem fore subjectas. Quanquam enim admittent *Servitium Christi in fide Sanctum esse veri Tabernaculi*, gloriantur tamen *Servitium Amoris, Sanctum esse Sanctorum*, ac proinde omnibus anteferrì oportere.

*Bath.* Meo quidem judicio, *Evis*, hic *Sophronis* scrupulus nullâ ratione innititur. Etenim præter multas crassas, impossibiles & ridiculas Interpretationes Scripturæ, super quas nihilominus hic Propheta se stabilire satagit; obvia illa ex scriptis ejus evidentia, quod *Sadduceus* omnino erat & nec *Angelos* nec *Spiritus* nec *Immortalitatem Animæ* tenuit. satis manifesto indicio est, in tam clara luce quam Deus extulit & etiamnum attollit in orbe, hujus hominis dictamina ac Doctrinas in ullam *Nationalem* Religionem nunquam abituras esse, quin omnibus constabit cum hallucinantem fuisse *Enthusiasten*. Equidem *infinite* incredibilis esse puto, ut Mundus eum pro vero Propheta habiturus sit, quam ut pura *Apostolica Fides* ac Doctrina, (quæ tam demonstrativas ac miraculosas Attestationes nacta est & Morali Bonitati ac Rationi tam est consentanea) non inundaret omnia.

*Evis.* Crassus hic *Sadducismi* error Prophetam hunc eoque inermem reddere potest, ut nullam magnam noxam Personalibus Christi officiis inferre valeat, quæ clanculum subruere ac subvertere conari videtur. Verum Regnum *Spiritus*, quatenus

XV.  
Nullum periculum esse nè aut Familismum, aut Behmenismum, expectant Ecclesiæ Apostolicæ gloriam supplantet.

nus *Personali* sceptro Domini Jesu opponitur, in manus magis elimatas incidit, eorum nempe qui *Anima Immortalitatem* expressim agnoscunt, & consequenter præsentem Christi subsistentiam in sua Personalitate, & tamen omnino pro *Spiritu Christoque* in nobis contendunt, ac si ista Christianitatis pars quæ Christum *extra nos* respicit, penitus antiquata esset. Nôsti cujus id symbolum erat, *Salus nostra in vita Jesu Christi in nobis*.

Colof. 1. 26.

*Bath.* Immo novi, *Evistor*, symbolum erat Philosophi *Teutonici*. Et annon ipse nôsti, quis dixit, Mysterium quod reconditum fuit à seculis & generationibus, tunc autem patefactum Sanctis, \* fuisse, *Christum in nobis spem Gloriam?*

*Evist.* Rectè narras, *Bathynoe*. S. *Paulus* sic scribit ad *Colossenses*.

*Bath.* Ac proinde, *Evistor*, *Jesus* filius *Mariæ* erat cum suis Apostolis qui primus homines in *Sanctum Sanctorum* perduxit, non autem *H. Nicolai*, nec *J. Behmen*.

*Sophr.* Apposita admodum & perquam utilis observatio!

*Bath.* Sed pone *Jacobum Behmen* omnia in scriptis suis introrsum premere, ac si Christum extra se, qui passus est *Hierosolymis*, planè oblitus esset, (quem tamen certò scio eum in lecto animam efflantem non fuisse oblitum, quando exclamavit, *O crucifixe Domine Jesu, miserere mei & recipe me in Regnum tuum*) & *Familismum* simul, à putrido illo *Sadducismi* morbo liberasse; Invincibilis tamen Scriptorum ejus obscuritas efficiet, ut nimis apud populum gratiâ nunquam valeat, & errores in *Inspirationibus* quas prætendit, in rebus *Philosophicis* Autoritatem ejus labefactabit apud omnes homines intelligentes & sagaces. In seculo *Philosophico* qui *Philosophicas Inspirationes* venditant nec tamen habent, necesse est, ut deprehendantur, ubi cæspitant claudicantve. Quod si ulla in re contingit, fides concidit in universis, nec quisquam crediturus est, ob id solum, quòd ipsi affirmaverint verum esse & sibi *Divinitus inspiratum*.

*Evist.* Si hæc revera esset *Teutonici* Philosophi conditio, minimè verendum esset, nè ille ullam magnam noxam faceret, eo modo quo *Sophronis* suspiciones tam *Tragicè* præfagiebant.

*Sophr.* Haud credibile est *Bathynoum* sic loqui voluisse, nisi certas aliquas rationes habuisset cur sic diceret. Obsecro te, quæ sunt, *Bathynoe?*

XVI.  
Peritiæ linguae  
Naturæ apud  
J. Behmen, mi-  
rabilis vendi-  
catio.

*Bath.* Annon putas, O *Sophron*, egregium *Melancholiæ* specimen esse, ut opinetur *Lingua Naturæ* notitiam sibi esse communicatam?

*Sophr.* Peritiam scilicet signaturarum Plantarum, & Præfagiorum Meteororum aliorumque istiusmodi Phænomenon Naturæ.

*Bath.* Nequaquam, sed peritiam interpretandi *syllabatim* in verbis cujusvis linguae quid naturaliter significant. Ut si verbi gratiâ, vocem *Tetragrammaton* expendere velit, diceret tibi quid singulæ syllabæ significant, à *Te* usque ad *Ton*.

*Sophr.* Res admodum bella est ista, ut vel *Terminationes* vocabulorum suam etiam habeant significationem.

*Bath.* Immo ipsæ literæ, ut in *Tinctura*, & aliis.

A. Gell. Noct.  
Attic. lib. 10.  
cap. 4.

*Sophr.* Hoc antiquam illam apud Philosophos controversiam decedit, Impositio Nominum quæ sit an *ἑρσεί* sive *νομῶν*.

*Bath.* Euge, *Sophron*, rem irrideas quantum voles. Hæc Philosophica tamen *Illuminatio Teutonicum* docuit Nomina septem Planetarum planè derivata esse ex lingua Naturæ.

*Sophr.* Nomina intelligit *Latina*, *Græca*, an *Hebraica?* vel *Belgica*, *Gallica*, an *Hispanica?*

*Bath.* Credo aut omnia eum intellexisse, aut *Germanica* sola, ut quæ Lingua ejus esset vernacula, cujusque solius peritus esset.

*Sophr.* Magna profectò omissio erat, quòd mentem suam hac in re non explicuerit. Sed quæso, *Bathynoe*, cur existimat Antiquos, septem Planetis ex lingua Naturæ nomina dedisse?

*Bath.* Quia Nomina sunt secundum Proprietates Naturæ. Quæ sunt, *Astrictio*, *Compunctio*, *Angor*, *Ignis*, *Lux*, *Sonus*, *Corpus*. Quæ respondent *Saturno*, *Mercurio*, *Marti*, *Soli*, *Veneri*, *Jovi*, *Luna*.

*Sophr.* Hæc Mysteria sunt supra meum captum. Nec video quomodo illa nomina Planetarum istas Qualitates significant. Quid autem sibi vult ille, *Bathynoe?*

*Bath.* Philosophicam reddere vult rationem cujusque Diei Creationis cum relatione ad Nomen Diei à Planeta ei inditum, qui primæ illius horæ præsidere dicitur, quæque cum tali proprietate Naturæ convenit. Ut exempli causâ, Antiqui primum septimanæ diem *Diem Solis* appellârunt, quia Deus tunc Solarem Proprietatem in Creatione movit. Diem secundum, *Diem Luna*, quia movit Lunarem Proprietatem,



tem, &c. Atque sic Operum sex Dierum apud *Mosen* explicatio ex Astrologicis nominibus Dierum septimanæ conflatur.

*Sophr.* Estne possibile, *Bathynoe*? Ego semper putâram nomina Dierum septimanæ Planetaria, ex ordinata Planetarum recensione à *Saturno* ad *Lunam* profecta esse, & tribuendo sic singulis uni post alterum unius horæ Dominium per vicens quaternas horas, prima cujunque Diei hora novum habebit Planetam, idque necessariò tali ordine qualem nomina Dierum septimanæ implicant. Ut verbigratiâ, *Saturnus* primam Diei horam obtineat. A *Saturno* ad *Lunam* ter inclusivè, horæ sunt viginti una. Tunc numera, *Saturnus* viginti duæ, *Jupiter* viginti tres, *Mars* viginti quatuor; Hora proxima quæ est prima diei sequentis, est *Sol*. Tunc rursus, A *Sole* ad *Martem* ter, fiunt horæ viginti una. Tunc perge, *Sol* viginti duæ, *Venus* viginti tres, *Mercurius* viginti quatuor; Horæque proxima, quæ prima est Diei sequentis, est *Luna*. Atque sic per totam septimanam invenes ordinatam hanc recensione ea nomina quæ singuli Dies septimanæ gerunt, necessariò daturam.

*Bath.* Perinde futurum fuisset, si exorsus esses à *Sole*, & ad *Martem* perrexisses, quippe qui Planetarum eminentissimus est, & qui nomen dat primo Diei septimanæ.

*Sophr.* Sic omnino est, *Bathynoe*.

*Bath.* Equidem subridere me fecit hæc consideratio, O *Sophron*, postquam observaveram quàm promptus esset inspiratus Philosophus, in suo *Mysterio magno*, ad partem peritiæ suæ in *lingua Naturæ* ( in nominibus Planetarum detecta ) attribuendam Antiquis, ac si eis notum fuisset *Mysterium Creationis Mosaicum*, ex eo quòd nomina Planetarum talibus septimanæ diebus affixissent: cum illi proculdubio nihil amplius quàm ordinatum hoc Astrologicæ superstitionis specimen, quod tu tanto cum judicio notâsti, somniaverint. Verum sunt & alia plura indicia palpabilia, apud intelligentem nullòque præjudicio laborantem Lectorem, quæ Philosophus *Teutonicus* scripsit, ea ab infallibili Spiritu non fuisse profecta.

*Sophr.* Pauca aliqua, quæso, in medium profer. Neque enim indecens officium esse potest, ex hujusmodi labyrinthis nimis serias Animas expedire, quæ hoc genus scriptoribus nimium possunt captivari.

*Bath.* Unum tibi exemplum dabo pro omnibus, O *Sophron*. Verum Mundi systema non intellexit, quemadmodum apparet ex Historia *Luciferi*, in cujus locum *Solem* substituit, declaratque stellas omnes ab eo lucem ac virtutem haurire: Ullum *Mane* aut *Vesperam* esse negat supra *Lunam*, quanquam quatuor *Lunæ* circa *Jovem* motæ, planè testantur contrarium; Narratque ut sex reliqui Planetæ, *Solis* sint sex consiliarii, nihil de *Tellure* somnians, quòd *Planeta* perinde verus & consequenter perinde bonus consiliarius sit atque reliqui, præsertim ac *Luna*, quæ septem igitur constituet; quatuorque illæ circa *Jovem*, alios quatuor, ac perinde probas uxores pro *Sole* atque *Stellis* ac *Luna* nostra. Quæ considerationes omnia ejus bella commenta de Harmonia & Analogia inter septem Planetas septemque *Naturæ Proprietates* prorsus labefactant. Unde me certò cognoscere profiteor eum Divinitus non esse inspiratum.

*Evist.* Unde igitur, *Bathynoe*, tam inaudita *Mysteria* ei obtigerunt? Et unum præsertim præ reliquis, quod valdè me attonitum reddit, quoniam invenio, qui profitentur se illius veritatem nòsse per experientiam. Distributionem intelligo rerum universitatis in tria Regna sive Mundos, Mundum *Ignem tenebrosum*, Mundum *Lucidum sanctum*, & Mundum hunc *externum mixtum*.

*Bath.* Immò, *Evist.* Eoque mirabilius mihi videtur *Mysterium* istud ex eo quòd declarat, sensu etiam Physico, hos omnes alios in aliis invicem jacere. Cælumque esse in *Inferno* & *Infernum* in *Cælo*, quantum ad locum. Quod illustrare vult à *Tenebris* & *Luce* in eodem spacio jacentibus; *Tenebris* statim se prodentibus remotâ luce.

*Sophr.* At verò proculdubio *Tenebræ* actu illuc non erant quamdiu præsens erat *Lux*.

*Bath.* Equidem sic putarem, *Sophron*. Præterea, Regna ejus *Tenebrosam* ac *Lucidum*, purè oportet esse spiritualia, si in eodem spacio cum *Mundo* hoc *Externo* jacent, quemadmodum & eorum Incolas, quos tamen admittit alios ab aliis conspici, eos intelligo qui ejusdem sint Regni, quamvis, qui diversi sunt Regni, nequeant.

*Evist.* Quomodo igitur *Dives* dicitur ex *Inferno* vidisse *Lazarum* in sinu *Abrahami*; Luc. 16. 23. ac si illius Formator *Parabolæ Behmenicum* hoc *Mysterium* ignorâset? Et quî factum est ut *Michael* & *Diabolus* disputarent de corpore *Mosis*? Possuntque *Diaboli* & Ange-  
 fud. 9.  
 li audire alii alios loquentes, nec tamen se videre alii alios adeò in propinquo sitos?

*Bath.* Id quod occurrit in Parabola haud facilè solvitur. Verùm supponendo hos tres distinctos mundos, suos habere distinctos *Spiritus Naturæ*, ( prout possunt appellari ) cùm virtute unionis cum singulis, cujusque Mundi Incolæ res omnes percipere possunt cum illius Spiritu unitas, satis consequens erit intelligere, dum Angeli in unione tantùm sunt cum *Spiritu* mundi *Lucidi*, & Diaboli cum *Spiritu* mundi *Tenebrosi*, alios ab aliis conspici non posse, quanquam quoad spacium in propinquo positos, & si corporei essent, alios in alios posse impingere, & nasos quasi collidere, ut surdi in Tenebris. Verùm admittendo eos facultatem habere uniendi se ad tempus cum Spiritu hujus mundi *externi* mixti, in hac quidem conjunctione & videre se invicem possent & colloqui. Verùm fateor, *Evist.* Theorema aliquantùm remotum esse mirumque.

*Evist.* Et tamen, quod magis mirandum est, *Bathynoe*, sunt qui profitentur ( quæ magna profectò foret, si certa esset, Philosophiæ *Tentonica* Attestatio ) tales se habere cerebri oculorumve apertiones ut inspicere valeant in utraque illâ *Regna Interna*, mirificasque formas Incolarum utriusque intueri.

*Bath.* Istud equidem, fateor, *Evist.* adhuc magis mirandum est, quamvis ex Hypothesi, quam modò subindicavi, non sit simpliciter impossibile. Verùm cavendum, hisce in rebus nè nimis simus creduli. Qui nobis affirmare vult se *Mundos* istos *Internos* sensu detexisse, eum prius certum esse oportet, se propriâ suâ Imaginatione non illudi. Phantasia enim aliquando fit *Præsentifica*, ut in *Maniacis*, & in eis qui vehementiori Febri laborant. Quorum Phantasmata, *realia* sibi videntur *objecta externa*. Quinimo aliquando sic eis accidit qui sani sunt, mentisque compotes, idque aut arbitrariò ut in *Cardano*, aut ex inopinato, ut in aliis multis quibuscum versatus sum. Aded verò prudentes sunt ut Imaginationem esse nòrint, & obrepentem statim sufflaminent. Quodsi talem mundum internum esse crederent, vehementerque cuperent in eo versari, equidem valdè probabile est hosce homines *interna* sua *Phantasmata* pro *externis Interni* mundi *Objectis* semper ferè habituros.

*Evist.* Sed quomodo ab hoc errore se liberabunt, *Bathynoe*?

*Bath.* Si aliquis eorum Numerus, qui putant se *internum* oculum recuperasse ( qui *Adami* lapsu erutus est ) quo per *externum* oculum in *Mundos internos* inspicere possunt, ejusdem objecti intuitum experirentur simul. Nam si illud simul non vident, in eodem loco eisdemque circumstantiis, magna probabilitas est, *internam* totam esse *Imaginationem*.

*Sophr.* Pone verò eos idem objectum simul videre, invisibile interim vulgari oculò.

*Bath.* Nondum tamen securi sunt, quin eis imponi possit à falsa Ratiocinatione. Neque enim indè sequitur eos tales *Interni Mundi* Incolas videre, qualem Philosophia *Tentonica* statuit, sed magis subtiles Incolas *Externi*. Nam & Aër & Æther Elementa sunt hujus *Externi* Mundi non autem *Interni*. *Lapsusque Spiritus* purè *Imateriales*, ingenuè fateor, ingens apud me esse Paradoxum; aut cùm *vehicula* habeant *Materialia*, eos in *Materiali* aliquo *Elemento* non habitare. Quod elementum cùm sit *Mundus tenebrosus*, manifestum est, Mundum *tenebrosus* non posse esse in eodem spacio, quo hic Mundus *externus*, sed esse illius partem. Ut taceam de Mundo *Lucido* quem fateor me *Materiali* etiam esse, existimare.

*Sophr.* Quod & ipse existimo, *Bathynoe*, nec ullo pacto possum admittere, *Cælum* & *Infernum* in eodem spacio jacere, quandoquidem Cæli Incolæ sunt *Corporei*. Nam Sancti glorificati corpora habent, Angelique pariter, secundum optimorum & Theologorum & Philosophorum opinionem.

*Bath.* Veruntamen in eodem loco sive Regione *Cælum* & *Infernum* manifestari possunt in Creaturis *particularibus*, eo quod commune est, earum proprietatibus ministrante; ut *Seminalis Anima* Mundi in formandis Bufonibus ac venenosis Serpentibus peripde occupatur atque in Animantibus maximè pulchris & innocuis.

*Evist.* Quid igitur existimas, *Bathynoe*, *Jacobum Behmen* non omnino fuisse inspiratum, cùm tam parùm constet eum ullam cujusquam momenti veritatem Orbi communicasse?

*Bath.* Ut meam conjecturam liberè & sine omni partium studio, declarem, *Evist.* primo in loco concedam eum hominem fuisse serium, benèque sincerum, sed ingenio præter modum Melancholico. Deinde Scriptorum *Henrici Nicolai* ac *Paracelsi* sedulum fuisse Lectorem conjicio. Qui Authores Enthusiastici utrique Melancholiam ejus in consimiles Spiritus elevationes accenderunt, produxeruntque Philosophiam in qua passim observantur *Paracelsianismi* & *Familismi* vestigia, quippe in qua *Amor ac Ira*, *Sulphur* & *Sal-nitrum*, *Alchymia* & *Astrologia* ubique ferè occurrunt.

Equidem



Equidem non nego, *Evist*, quin & *Henricus Nicolai* & *Jacobus Behmen*, inspirati essent, sed affirmo simul *Inspirationem* eorum non fuisse purè *Spiritualem*, *Intellectualem* ac *Divinam*, sed maxima ex parte *Complexionalem*, ut vocant, *Naturalem* ac *Demoniacam*: Ἡ δὲ φύσις δαιμονία ἢ θεία, quemadmodum monet *Aristoteles*; Quod optimè intelligitur ex isto *Plotini*: Θεὸς μὴ ἐν τῷ πᾶν, ἀ χωρὶς τῆς ψυχῆς συναρμυ- Ennead. 2.  
lib. 2, c. 10. μῆν, τὸ δὲ λοιπὸν δαίμων μέγας, τὰ δὲ πλεονάζοντα αὐτῷ δαίμονια. Hæc igitur *Inspiratio* erat à primo puro Fonte nimium remota ut limpida emanet. *Amor complexionalis*, nobilissimus motus à *Spiritu Natura* nobis impressus, primùm, *Constrictione*, *Compunctione* & *Angore* prædominantis *Melancholiæ* oppressus, posteaque ardens efflamminansque in exultabundam libertatem, captivâque secum severiores istas particulas, quæ eum suffocaturæ essent, in gloriosum *Lucis Triumphum*, hilarémque *Spirituum* splendorem abripiens, quod facit ut *Anima* omni genere *Benignitatis* ac *dulcedinis* exundet, hæc omnino est, quantum ego quidem intelligo, tota illa \* *peculiaris Inspiratio* sive *Illuminatio*, quam hi *Theosophi*, si penitiùs inspiciantur, habuere. Quæ tamen haud ità contemptibilis est, quin meritò eam magnificent supra truculentas *Ferocitates* *superstitiosarum Factionum* in exacerbatis mundi *Ecclesiis*; quæ nec tam bonam *Inspirationem* habent quàm hæc est, sed eorum linguæ pariter atque corda in- Jacob. 3.6. flammantur à *Gehenna*. Hæc, inquam, *Naturæ lux* abunde instructa est & idonea, si- ve jus sive peritiam spectes, ad castigandas acriterque insectandas crassas gravesque *Hypocriticarum Religionum Immoralitates*, & ad subserviendum illi *Veritati* ac *Vitæ* quæ revera est *Divina*.

*Evist*. Sed profitentur se *Divino* planè *spiritu* afflatos scripsisse. *Jacobusque Behmen*, ex historia de senè quodam, qui sub prætextu emendi calceorum par, ei suum prædixit fatum, sanctâque ac pia documenta ei impertiit, *Angeli* videtur consortium habuisse.

*Bath*. Quis novit quin revera esset homo senex? Calceos enim secum abstulit quos emerat, nec in illius evanuit conspectu. Et pone bonum fuisse Angelum non Diabolum, sequiturne statim eum fuisse infallibilem? *Incolæ alterius Mundi* boni sunt *Physiognomi*, probèque nôrunt, quinam suis usibus commodissimè sint inservi- turi.

*Cuph*. Quemadmodum *Hippocomus Equum* novit ex signaturis.

*Bath*. Et postremò, Quòd *Jacobus* declarat quæ scripsit à Deo esse profecta, omni- no id facit quod hec esse ab omnibus fieri *Enthusiasticis*. Nam nisi seipsos putarent inspiratos, *Enthusiastæ* non forent. *Magia* verò admodum potens est in hac accensa sua confidentia ad alios sibi captivandos.

*Hyl*. Quâ igitur ratione, *Bathynoe*, custodire quis seipsum poterit, nè scriptis eorum illaqueetur, simulque abripiatur eorum *Enthusiasmus*?

*Bath*. Qui illorum scripta legit, unum hoc ei breve sed tutum præstò est Remedi- um; ut moralia piâque præcepta, quæ cum tam extraordinario zelo ac fervore effun- dunt observet, & omnes nervos intendat quò tam bonus revera evadat, quàm illi de- clarant & se & reliquos omnes esse oportere, & ut hanc primam suam curam faciat, sine ullo consilio propositove magna captandi *Mysteria*. Hæc unica illa ratio est ac *Methodus* quâ quis certò tandem valeat eos judicare, & ad eum statum perveniat, ob quem *David* gratias agit Deo, *Plus sapio quàm mei doctores universi, quia mandata* Psalm. 119. 99. *tua custodio*.

*Philoth*. Optimum est istud consilium, *Hylobares*, ratioque omnium certissima, quâ quis *Enthusiastarum* laqueos fugiat, unumque ex præcipuis bonis effectis quod in eis permittendis Deus intendat, nempe ut certa quædam *Ingenia* sive *Temperamenta* in vias *Sanctitatis* pelliciat, & discernendi *Spiritus* donum in aliis, quibus dederit, exercent, ad *Incolumitatem Ecclesiæ suæ* & ad magnificandum *Ministerium Evangelii* filii sui *Jesu* in veris ac *Apostolicis* illius promotoribus.

*Sophr*. Si hæc viâ incederetur, meæ formidines & suspiciones consopitæ essent uni- versæ, nec dubitare possem, quin pura *Religio Apostolica*, sua ubique arma victrix explicatura esset.

*Philoth*. Atque equidem quantum ad istas duas Sectas, porrò tibi affirmo, *Sophron*, nullum tantum ab eis imminere periculum, nè ab illa quidem quæ magis suspecta est. (Nam quantum ad *Behmenistas*, in ea re *Bathynoe* assentior, qui imme- ritò suspectos putat.) Etenim in præsens, obliquo quodam ictu inanimæ *Formali- tati* ac *Carnalitati Christiani Orbis* notabilem cladem infert Deus per fervidos hos *Evangelistas interni Servatoris*: & si qui ex istis per ignorantiam aut errorem illam *Religionis partem* quæ *externum* respicit quodammodo antiquarent, quos multos nec esse nec fore spero, tamen (& quæ dicturus sum attende) si maneant sinceri, nul-

Apoc. 19. 21.  
& 16. 19.

lus dubito quin futurum sit ut ad veram rursus fidem reducantur sub *ultimum* saltem *rerum exitum*, ut qui inveniendi sint in illa tertia parte Civitatum qui casuri sunt per gladium illius qui albo Equo insidet in temporibus effusionis *Phiala ultima*.

*Philop.* Illud admodum verisimile est, *Philothee*, nec ullus jam superest scrupulus, quin gloriosa illa Ecclesiae tempora futura sint, talique sensu qualis est praefinitus. Proxima verò quaestio est de *signis adventus eorum*.

*Philoth.* Ecquod commodius signum expetere potes quam ordinatam successionem *Phialarum*?

XIX.  
Quod sit Elias  
venturus &  
quo sensu.

*Philop.* Verum mihi in mente versabatur de adventu *Eliæ* primum Rumor, quemadmodum in primo adventu Christi. Nam sic perquam eruditus Author declarat, appariturum utique esse *Eliam* etiam ante secundum illius adventum.

*Philoth.* Et quantum ego quidem video, *Philopoli*, ista opinio vera esse potest si rectè intelligatur; hoc est, nec de *Eliæ Thisbite* nec de *Johanne Baptista* personaliter, nec de aliqua una Persona exclusivè, sed (secundum stylum *Propheticum*) de *Spiritu Eliæ* in personarum multitudine sive successione. In hoc sobrio sensu nescio certè quin hæc expectatio de adventu *Eliæ* primum, possit esse non vana.

*Philop.* Quid intelligis igitur per *Spiritum Eliæ*, *Philothee*, ut cognoscamus ubi & quando appareat?

*Philoth.* Quantum ad eam rem, *Philopoli*, characterem pro libitu comminisci non debemus, sed oculos in Historiam & Vaticinia conjicientes sine omni partium studio verum illius *spiritus* characterem ex Scriptura colligere.

*Philop.* Quomodo, quaeso, *Philothee*?

XX.  
Character bu-  
jus Eliæ ex Va-  
ticipinis colle-  
ctus.

Malach. 3. 1, 2,  
3.

*Philoth.* Ut primum ex Vaticiniis; Admittendo Vaticinia duplicem habere completionem, (quemadmodum Servator duplicem planè supponit adventum *Eliæ*, quippe qui, postquam *Baptista* decollatus esset, dicit tamen *Eliam* revera adventurum esse omniâque restituturum) descriptio Nuncii Fœderis apud *Malachiam*, admodum graphica est *Spiritus Eliæ* descriptio. Ecce ego mittam fœderis nuncium quem vos arvetis, (per quem Scriptores Hebræi *Eliam* intelligunt) ecce ille adventat, inquit *Jehova armipotens*. Quis autem ejus adventus diem sustinebit? aut eo apparente consistet? Erit enim quasi quidam ignis explorans aut Lanaria Fullonia: Sedensque explorabit ac expurgabit argentum & expurgabit Levitas, ac tam puros reddet quam est aurum aut argentum, ut Domino munus offerant in iustitia. Doctrina igitur de abjiciendo & expurgando omnem Corruptionem, Insinceritatem & Hypocrisim, una è notis est *Spiritus Eliæ*. Rursus apud Prophetam *Esaiam*: Vox clamat in deserto, Parate viam *Jehovæ*, rectam facite in solitudine Deo nostro semitam. Omnis & vallis attolletur & montis collesque deprimetur, & prava in recta & aspera in plana redigentur patefietque *Jehovæ gloria*, cernentibus universis mortalibus, quoniam os *Jehovæ* locutum est.

Esai. 40. 3, 4, 5.

*Philop.* Quam Notam inde colligis, *Philothee*?

*Philoth.* Doctrinam sive Declarationem adversus Distortionem Perversionemve simplicitatis veritatis Christianæ per homines superbos ac Politicos, qui Religionem *Labyrinthum* fecerunt, quò populus longis circuitibus defatigati & quò se vertant nesciis, eò facilius eis cedant in prædâ. Contra sinuosos ac serpentinos falsæ Politicæ Ecclesiasticæ anfractus quæ Doctrinam pariter ac Praxin, tam prodigiosè corruperit, hæc declaratur. Vox in Deserto tolli jubet ut gloria Evangelii manifestari possit omnibus mortalibus in sua genuina puritate ac simplicitate, atque sic omnes Nationes Christi sceptro subjici.

*Philop.* Iste sensus admodum facilis est ac naturalis.

Malach. 4. 5.

*Philoth.* Tertius hujus *Spiritus* character idemque notabilis in ultimo *Malachia* occurrit. Ecce ego vobis missurus sum *Eliam Prophetam*, antequam veniat *Jehovæ dies magna ac terribilis*, (hoc est, ante prælium magni illius diei Dei omnipotentis sub *Phiala ultima*, Apoc. 16. 16.) Qui & parentum animos ad natos & natorum animos ad parentes convertat, nè ego veniam & afficiam orbem exitio, hoc est, \* Hic Spiritus, Spiritus sectarius nequaquam erit, ad discindendum ac dilacerandum, sed Spiritus pacificus & reconciliatorius ad conglutinandos animos Magistratuum ac Subditorum in Regno Dei, & ad antevertendas atque averruncandas hujus Terrenæ vitæ misérias, quæ ex dissidiis oriuntur, tumultu atque bello.

*Philop.* Excellentissimus profectò hic est *Eliæ Spiritus*: Ut adventum ejus acceleret Deus, animitus precor.

*Philoth.* Est autem & alius *Eliæ* venturi admodum notabilis character ab ipso Servatore subindicatus, in sermone cum discipulis post Transfigurationem suam in Monte. Ante quod tamen tempus, ut supra monui, *Baptista* erat decollatus: interrogatus nihilominus Servator à discipulis de opinione Scribarum, quasi *Eliæ* pri-

Mat. 17. 10, 11

us



us venturus esset, respondit, *Venturus est quidem prius Elias & instauraturus omnia.* Quod Effectum utcumque *Johanni Baptista* accommodare, valde arduum credo fore.

*Philop.* Rectè, sed quemnam characterem, *Philothee*, ex ista colligis prædictione?

*Philoth.* Spiritum *Eliæ* nec abrogaturum esse quod authenticum est, nec introducturum quod novum, sed Instauratorem tantummodo fore istiusmodi utilium veritatum ac consuetudinum quæ longo ætatum delapsu videantur perditæ. Decursus enim temporum instar Fluvii est, qui stramina quidem, folia & sarmenta lignea, secum deferet, quod autem maximè solidum est, ni magna adhibeatur cura, ad fundum demerget.

*Philop.* Hæc Scientiæ consideratio, *Philothee*, mihi in memoriam revocat proverbialem istam *Judeorum* Prædictionem de suo expectato *Eliæ*, *Eliæ cum venerit solvet omnia.* Videtur igitur fore, ut sedulus Eruditionis ac Sapientiæ sit Instaurator. An non sic futurus est, *Philothee*?

*Philoth.* Talem non intelligis, *Philopoli*, qualis est *Quadraturæ Circuli*, *perpetuæve motus Inventio*?

*Philop.* Ut verum tibi fatear, *Philothee*, nescio quid velim quidve intelligam. Dic igitur quæso, quid tu super hac re existimas.

*Philoth.* Id tibi antè dixi, eum *utilium* quidem Veritatum fore Instauratorem, & Principiorum fortean tam perspicuorum manifestorumque, ut maximi momenti difficultates quibus Ratio humana irretiri solet, sint solutura. Nequaquam verò credo eum inutilium subtilitatum Fautorem fore, ulliusve cognitionis quæ Virtutem Bonumque publicum non sit promotura. Ille vox est ista in Deserto clamans, *Parate viam Jehovæ, rectam facite in solitudine Deo nostro semitam.* Illius sapientia respicit tantummodo rem *Regni Christi* illiusque promotionem.

Nunc verò quantum ad Characteres ex Historia *Johannis Baptista* & *Eliæ* desumptos. Primùm, observandum est de utrorumque personis, quantopere à Mundo sequestrati essent, quantique Desertorum ac Solitudinum frequentatores. Et magis particulatim de *Eliæ*, ut in Rivulorum ripis, sub Arboribus solitariis, in Cavernis, Montibusque commorari solitus sit; quemadmodum in Monte *Horeb*, ubi Deus post ingentis Ventis, Terræ motus, atque Ignis transitum cum eo collocutus est.

*Philop.* Süntne igitur omnes, *Spiritus Eliæ* participes, futuri *Eremitæ*?

*Philoth.* Istud non innuitur, *Philopoli*. Sed quod Spiritu futuri sunt à Mundo prorsus separato, minimèque infecto & adulterato insalubri hominum conversatione, Quod judicia eorum non occæcata erunt intuendo frequentes & usitatas authenticæ Improbitalis consuetudines.

*Philop.* Et quid quæso significatur per Indumentum ex pilis Camelinis Cingulumque pelliceum lateribus *Johannis Baptista* circumdatum? Ipsūque corpus *Eliæ* sic describitur, ac si homo hirsutus esset.

*Philoth.* Admodum obvium intellectu est istud, *Philopoli*. Significat quàm asper & impolitus, quàm rudis ac sylvaticus *Eliæ* Spiritus Mundo sit appariturus, quippe qui Mundum liberè & seposito omni personarum respectu est reprehensurus. Veritatem declarare cum omni sinceritate ac simplicitate cordis (quamvis aliàs cum summa quæ fingi potest civilitate) mihi crede, *Philopoli*, Mundo appariturum est ingens rusticitatis, inhumanitatis & inurbanitatis specimen. Tam tenerum putridumque est cor improborum. Sunt autem & alii, ip Historia, *Spiritus Eliæ* characteres, qui minùs sunt symbolici. Cujusmodi est sancta quædam Audacia, invictæque animi fortitudo, ad testificandam veritatem, quanquam cum summo vitæ periculo. Quæ res conspicua erat tum in *Johanne Baptista* tum in *Eliæ*. Monitio cuiusque de suo officio, prout *Johannes* populum, Publicanos, Militesque monuit. Expergefatio hominum è falsa securitate, ob externos aliquos carnalēve respectus, quemadmodum *Sadducæos* expergefecit & *Pharisæos*. *Edite ergo fructus emendatæ vitæ dignos. Neve animum inducite sic apud vos dicere, patrem habemus Abrahamum, vel successores sumus Petri, reliquorumque Apostolorum, Deus enim potest ex his saxis, quos calcatis, suscitare successores Petro.* Hic etiam notabilis est *Spiritus Eliæ* character, Zelus scilicet vehemens pro puritate cultus Divini contra omnem Polytheismum & Idololatriam.

*Philop.* Sic est, valdeque conspicuus erat in *Eliæ Thisbita*. Sed quid indè significatur, quod in Semicenturiones cum suis quinquagenis ignem de coelo deduxerit?

*Philoth.* Illud equidem rursus *Symbolicum* est, *Philopoli*, significatque *Eliam*, qui venturus est, usurum tantummodo *vi Spiritus* ab alto ad oblitendum armis cujuscunque carnalis adversus se Militiæ.

*Philop.*

XXI.

Character ejus sumptus ex Historia.

1 Reg. 19. 8. 9. &c.

Matth. 3. 4. 2 Reg. 1. 8.

Luc. 3. 10.

Matth. 3. 8. 9.

1 Reg. 19. 10.

2 Reg. 1. 10.

*Philop.* Unus tantum superest locus, *Philothee*, & tunc abunde characterum nos credo habituros de *Elia* venturo. Est autem *Elia* conflictatio cum Sacerdotibus *Baal*. Ubi veritatem Religionis explorare videtur per hunc *Lydiu* lapidem: *Deus qui igne annuerit, is Deus habeatur.*

*Philoth.* *Elia* venturus eandem apud populum facturus est provocationem. Vos quid colatis nescitis (quemadmodum Servator dixit de Samaritanis qui Deum non colebant in spiritu ac veritate) *Deus qui igne annuerit, is habeatur Deus.*

*Philop.* Immò verò, Quid autem significat istud, *Philothee*?

*Philoth.* Taurorumne Deus macerationem curat, *Philopoli*? Bestiæ quas nos maciare oportet ignique in Holocaustum absumendas dare, *Bestiales* in nobis sunt affectus. *Deus qui igne annuat*, hoc est, suum annuat per Spiritum, ad harum consumptionem, *habeatur Deus*. Qui verò non colit *Deum vivum*, qui per operationem Spiritus sui à corruptionibus nostris purget, pro Idoli cultore habeatur.

*Philop.* Hic sensus est bene utilis, *Philothee*. Nec ullum, opinor, omisisti *Elia* venturi characterem, nisi severitatem istam & austeritatem in *Johanne Baptista* observandam & reprehensionum illius asperitatem & acrimoniam.

*Philoth.* Id partim subindicatum est antea, in hispiditate & hirsutia Personarum & Indumentorum, *Thisbita* pariter ac *Baptista*. Quæ quidem dispensatio, quamvis rudiuscula videatur, satis tempestivè tamen stat opposita Vanitati ac Levitati, Profanitati ac Frivolositati illius seculi in quo appareat.

*Cuph.* Equidem existimo & *Philopolin* & *Philothaum* tantæ morum austeritati ac severitati addictos esse, ut datâ operâ mentionem declinârint æquè insignis exempli Ingenii morumque *Elia* quàm ullum quod occurrit in universa illius Historia.

*Philop.* Quidnam istud quæso est, *Cuphophron*?

*Cuph.* Ista adeò sarcastica Sacerdotum *Baalis* derisio.

*Philoth.* Id *Cuphophroni*, ut quod illius indoli tam apprimè congruit, peropportune relictum est spicilegium.

*Hyl.* Nec dubito affirmare, quin perquam avidè ipsum captaverit, *Philothee*, sperans fore, ut ob acerba scommata, satyricasque derisiones quibus Civilis orbis vitia nudius tertius insectatus est sub prætextu generalis agendi Advocatum Paganorum, se haud immeritò existimari posse, modò permiserit temporum ratio, non exiguum quidem membrum esse illius magni *Elia* de quo loquimur.

*Cuph.* Quis? Egone, *Hylobares*? Nihil profectò rerum omnium est quod minùs velim, quàm ut vel minimus digitus sim tam hispidi, tam inculti tamque hirsuti corporis. Quinimo, longè molliori, urbaniori, & obsequiosiori ingenio sum, Deo meo est gratia.

XXII.  
Tempus Ad-  
ventus *Elia*.

*Philop.* Et sic esto, si volet, *Hylobares*. Intereà loci, *Philothee*, cum probè mihi satisfactum sit de characteribus, dic mihi quæso tempus, quo venturus sit *Elia*.

*Philoth.* Intra Tonitruum primum.

*Philoth.* Id ipsum novi antea, *Philothee*; dixisti enim mihi, futurum ante effusionem *Phiala ultimæ*. Dic verò sub qua *Phiala* futurum sit.

*Philoth.* Sub quarta aut quinta. Nec magis præcisè quicquam licet definire. Circa illud tempus appariturus est *Elia* in spiritu.

*Philop.* Estne illud igitur initium Regni Spiritus, de quo loquuntur *Cabbaliste*?

*Philoth.* Non fanè, *Philopoli*, non propriè illius Initium est, sed quædam potius ad ipsum præparatio: quemadmodum scriptum est, *Ecce ego mittam meum nuncium qui mihi viam præparabit, & tunc repente veniet ad suum Templum Dominus.*

*Philop.* Quodnam est Templum istud, *Philothee*?

*Philoth.* *Ezechielis* Templum in nova *Hierosolyma*, quod tibi suprâ narravi. Illud Templum est, quod in secunda hac Vaticinii completionem intelligitur. Nôstique plures esse periodos completionis Vaticiniorum, ut in *Ezechielis* Visione Rota inspecta est in Rota.

*Philop.* Dicitur autem de Nova *Hierosolyma*, Quòd Templum illuc non erat.

*Philoth.* Est & non est. Non est illic Templum ullum Materiale, & tamen est Templum Mysticum. Nam Dominus Deus omnipotens templum illius est, & Agnus. Deus omnipotens Objectum est cultus nostri; & Agnus, hoc est, stylo Prophetico corpus Christi, Ecclesia utique ejus, (sic enim Christus alicubi significat in Scriptura) in qua dominatur habitatque per spiritum, Templum est; secundum illud Apostoli, *Nam Templum Dei sanctum est, quod Templum vos estis*. Hoc est Templum in quod *Jesus Christus* modo magis peculiari venturus est post ministerium *Elia*, Fœderis nuncii, qui futurus est quasi ignis quidam explorans aut Lanaria fullonia ad purificandos Filios Levi & ad expurgandos tanquam Aurum & Argentum, ut sanctum Templum & Sacerdotium

1 Cor. 12. 13.

Gal. 3. 16.

1 Cor. 3. 17.



Sacerdotium evadant, *nova illa Hierosolyma*, Civitasque Dei, cujus murus est ex Jaspide, ipsa verò Civitas ex Auro puro, vitro pellucido simili. Spiritus *Elia* Spiritus est Ardoris & Angoris, Spiritus acerrimæ Reprehensionis, amaraque Pœnitentiæ, Spiritus doloris ac parturientiæ in nova Nativitate *Sionis*. Regnum verò Spiritus est actualis Mundi Renovatio in perfectam Justitiam, Pacem atque Gaudium.

*Philop.* De rebus temporibusque perquam eximiis loqueris, O *Philoshee*, tantòque cum confidentiæ impetu ut quemvis abripere possis non tantum in persuasionem quod aliquando exitura sunt, sed in magnam animi impatientiam quod nondum existant. Quod facit igitur ut avidè te cupiam audire differentem de rationibus, quibus scelicissima hæc tempora accelerentur.

XXIII.  
Principia quædam tendentiæ ad accelerationem gloriosorum temporum Ecclesiæ.

*Philoth.* Quod facturum sum, *Philopoli*, brevitate quàm potero maximâ, nè sermo rursus ad nimis multam noctem producat. Verum nulla in re tibi impositurus sum, sed ad proprium tuum judicium semper provocaturus, rectum sit quod proponam, an secus. Ut in primo loco, *An Orbis Christianus reformatus non sit visibile Regnum Dei*, omnesque proinde homines per conscientiam non sint obligati omnes licitas adhibere rationes ad rem illius promovendam.

Principium primum.

*Philop.* Orbem Christianum Reformatum Regnum Dei visibile esse plenè persuasus sum, & de officio pariter quod indè nascitur.

*Cuph.* Nos verò qui ingenio sumus magis *Philosophico*, O *Philopoli*, non tam præproperè creduli sumus, sed hæsitamus paulisper in rebus tanti momenti, antequam assentiamur.

*Philop.* Quid ità, *Cuphophron*? Quisnam nunc tibi subortus est scrupulus?

*Cuph.* Quis? Putasne illud Regnum Dei esse posse cujus fundamenta jacta sunt operâ Diaboli? Quod ad me attinet, fateor me in Historia non multum versari. Quod autem lego, sine omni partium studio lego. Ique quos tu *Antichristi regnum* appellas, magno cum strepitu ac confidentia affirmant *Lutherum* Missam abolevisse, postquam collocutus argumentaque contra Missam edoctus esset à Diabolo.

XXIV.  
De Lutheri colloquio cum Diabolo de Missa abroganda, & de nocturnis ejus visionibus Torrium volantium.

*Bath.* O *Cuphophron* levi ac præproperâ fide! Permittuntne tuæ Philosophicæ considerationes hujusmodi rebus fidem adhibere? Ac si *Lutherus* ullum reverà circa Missam cum Diabolo habuisset colloquium, vel, si Diabolus contra eam disputasset, in *Reformationis* gratiam id fecisse. Verum est, *Lutherum* ipsum, hominem summâ cordis simplicitate, & parum Naturæ peritum, dixisse mediâ nocte expergefatum se statim cum Diabolo disputantem reperisse, quem describit forti gravique voce secum colloquentem. Verum eodem planè modo multi expergefati sunt in perceptionem luctæ cum *Ephialte*, tanquam cum reali aliqua persona, quam, postquam plenius expergefati essent, invenerunt nihil amplius esse quàm colluctationem cum propria Imaginatione, præsertim viri intelligentiores. Cæterum ignari ac superstitiosi (nostrique *Lutherum* Monachum religiosum diu vixisse, quorum cellulae plenæ sunt Historiis & Imaginationibus Spectrorum & Diabolorum) ut plurimum istiusmodi Phantasmata pro externis Objectis realibus habent. Quam fateor me existimare *Lutheri* conditionem fuisse, Corpus enim habuit ac Temperamentum istiusmodi Illusionibus obnoxium. Pone verò Phantasiam illusionem non fuisse; non statim sequitur invisibilem istum Disputatorem malum fuisse Angelum sive Diabolum. Imputari id omnino potest modestiæ *Lutheri*, quod sic senserit, qui proficitur se nec *Insomnia* nec *Visiones Angelicas* affectare. Ac proinde vir bonus ex humili ignorantia hanc disputationem putavit exagitationem fuisse Diaboli. Veritatis autem adeò amans erat, ut præ animi sinceritate, postquam de ea convictus esset, repudiare eam nolleret aut abnegare quanquam ipsius *Belzebubi* halitu afflatam: Quemadmodum nec *Pythionissa* Testimonium de veritate Evangelii, in Actis Apostolorum, effecit ut *Paulum* reliquosque Christi Sectatores Christianæ fidei puderet. Nec Diaboli confessio quod *Jesus Messias* esset, Deique filius, doctrinam Christi minùs acceptam reddidit apud Apostolos ullòve alios Discipulos. Ac proinde postremò, pone bonum Angelum non fuisse sed Diabolum, non sequitur veritatem minùs veritatem esse, ullumve esse argumentum contra *Reformationem*, aut Diabolum hanc Disputationem, illius gratiâ, cum *Luthero* instituisse, sed potius *Papismi*. Is enim cum prævidisset quàm obvia illa argumenta essent, & accommoda ad Missam abrogandam, nec fieri posse quin *Lutherus* tandem in ea incideret, ille inquam, ut callidus Sophista, quò proprii Regni cladem præverteret, hæc ratiocinia *Luthero* maturè suggessit, ut sic primo suo Inventore dehonestata, minorem haberent vim adversùs Missam & adversùs totam insimul Pontificiæ Idololatriæ & Superstitionis colluviem. Hoc Inventum erat antiquo illo Serpente dignum.

Act. 16. 16.

Marc. 3. 11.

*Cuph.*

*Cuph.* Et tu, *Bathynoe*, ni fallor, in Technis excogitandis, ipso callidior es Diabolo. Mea Philosophia hasce res tam penitus non consideraverat. Nunc verò ad eas considerandas postquam expergefactus sim, quidni possit esse astutus aliquis Nebulo, qui in *Lutheri* cubiculum se clam ingesserat, quò sic eum illuderet (sunt quaedam Narratiunculæ de hominibus per Tubos loquentibus) & cum eodem proposito, quod Diabolus habuisse supponitur, quippe quum callidus hic Nebulo partes ageret Diaboli?

*Bath.* Qualibet harum rationum, meo quidem iudicio, sufficit ad tollendum istud odium quod quidam in *Reformationem* conjicere volunt ex hac Narratione de *Luthero*. Et primam quidem nullâ reliquarum inferiorem existimo, ut quæ cum illa etiam opinione quam de nocturnis ejus Torrium volantium visionibus habeo, conveniat. Quam apparentiam credo in illius tantum fuisse Imaginatione, quoniam semper post hoc visum, gravi capitis dolore excruciabatur, ad quem curandum aut mitigandum, oleum Amygdalinum in aures ejus solebant infundere.

*Philoth.* Nunquam mihi in mentem occurrunt nocturnæ istæ ejus Torrium visiones, *Bathynoe*, quin me statim de igneo *Lutheri* spiritu etiam commonefaciant, cujus invictus zelus eum eousque animavit, ut publicè solennitèrque spectante populo, Pontificis Bullam, legemque Canonicam in ignem simul conjecerit, tandèmq; indefatigabilis sui spiritus igneâ actuositate, magnam Papalis Monarchiæ partem decremârit, quemadmodum modernus Historicus loquitur, cum allusione ad igneum *Lutheri* Ingenium.

*P. Heylin. in  
sua Geographia.*

*Ezech. 28. 18.*

*Bath.* Ut sic impleri posset, quod prædictum est ore Prophetæ *Ezechielis* adversus Regem *Tyri*; *Tutus tot vitis, tuâ negotiationis improbitate tuum profanasti sacrarium, itaque ego ex medio tui ignem depromam qui te consumat: Teque in cinerem humi redigam in omnium qui te videbunt conspectu: quemadmodum & tu nobis innuisti die hesterno, Philothee.*

*Philoth.* Tux *Negotiationis improbitate*, hoc est, magis particulatim, improbis istis *Condonationum & Indulgentiarum Mercimoniis*, à Leone Papa in *Lutheri* Temporibus emissarum, unde *Lutherus* primùm ignem concepit.

*Bath.* Quidni? Annon mirificè convertit, *Philothee*?

*Philoth.* Ità sanè, *Bathynoe*, idemque est, (postquam me monueris istud) quod hesterno die innui. Sed ut pergam, *Itaque ego ex medio tui ignem depromam*, hoc est, *Martinum Lutherum* ex Cellula sua Monastica è medio omnis suæ Superstitionis falsæque Devotionis educam, hominem tam fervido igneoque temperamento ut imaginatio ejus volantibus omninò Torribus noctu impleretur, & is igne sui zeli, Papatum consumeret.

*Bath.* Quod quidem ad modum haud contemnendum jam fecit. Opusque istud manet tanquam pignus futuræ consummationis illius quod tam feliciter inchoatum est.

XXV.  
De moribus  
obnoxii Lu-  
theri, aliorum-  
que Reforma-  
torum.

*Evist.* Sic & ego spero, *Bathynoe*. Cæterum ut sine partium studio loquar & secundum Historiæ veritatem, Instrumenta quibus usus est Deus in prima Ecclesiæ *Reformatione*, non ità prorsus inculpabiles erant, in doctrina aut praxi, ut fidem nostram super personarum eorum dignitatem superstruamus. Verùm ingenuè fateor *Lutherum* se maximè reddidisse obnoxium.

*Bath.* Quod dicis, *Evistor*, ponamus verum esse, nè hilum tamen quidem *Reformationis* caulæ derogat. *Reformatio* enim non fit in ullius infirmi fallibilisque hominis opinionem, sed in fidem infallibilis verbi Dei. Ac proinde frustra & incassum allegatur à *Romanistis*, *Lutherum* fuisse hominem tam alto spiritu ac procelloso, impatientem fuisse vitæ calidæ, in multis rebus iudicio errasse, in aliquibus malè sibi constitisse, vehementem fuisse & intractabilem in omnibus, Adversarios suos inurbanis acerbisque dictis impugnantem. Nihil obstantibus enim omnibus hisce naturalis illius Temperamenti Infirmatibus, non possum tamen quin credam, solidam subfuisse sinceritatem, firmamque fidem in Deo & Jesu Christo, acremque Indignationem adversus cruentam Tyrannidem, crassam Idololatriam, vilèsq; & indignos dolos imposturasque Ecclesiæ Romanæ. Cùm è contrà illius Antagonista, Leo Papa, qui non solum harum rerum omnium apertus fautor erat & approbator, sed clandestinus etiam Infidelis sive Atheus, quemadmodum apparet ex impio illo dicto illius ad Cardinalem *Embum*, quo insinuavit totam Christi Historiam meram esse Fabulam. Annon *Lutherum* putas satis sanctum fuisse qui cum tali sanctitate sedis Romanæ, qualis hic erat Leo decimus, colluctaretur? Fateor me non tantam opinionem de *Luthero*, quantam quidam alii, concepisse, & tamen eum existimo admodum felix fuisse Instrumentum in manibus Dei in bonum Christiani Orbis, adversus horrendas Papalis Hierarchiæ

Enor-



Enormitates. Et tamen si *Elias* ille æstimari forsan non deberet, *Auriga ac Currus Israelis*, ut quidam eum nominant, fidelis tamen saltem censeretur potest equorum in illo curru *Præductor*, qui ceratis Ocreis, Tunicâque & Cucullo oleo illitis bene munitus erat, natosque equorum directò à *Babylone* vertit versùs *Civitatem Dei*, gressûque succussatorio bene concitato, per aquam cœnûmque perrexit, minimè curans quos limo aspergeret in alta hac succussatione, quemadmodum & ipse ab aliis pulchrè est aspersus.

Quanto viliores primos nostros *Reformatores Romanistæ* faciunt, *Evistor*, tanto majus in seipsos redundat dedecus, cum eorum Ecclesiæ corruptiones tam crassæ essent, ut homines haud ità eximiis moribus aut judicio, & cernere eas possent & detestari simul. Si Deus ordinariis Instrumentis res extraordinarias effecerit, eò major illius erat gloria, minùsque periculum obscurandi fulgorem sanctæ *Foundationis Apostolicæ*, aut rationem illius numeri turbandi, qui tam sacer est & celebris, in *Historia* pariter atque *Vaticiniis* per totam *Scripturam*. Irreprehensibiles *Reformatores* occasione potius futuri fuissent captivandi nos rursus sub carne, sub carnalibus affectibus, delirîsque personarum admirationibus, quàm promovendi *Dispensationem spiritûs* quæ summa omnium debet esse in extremo rerum exitu. *Lutheri* Ministerium & *Reformatorem* eò potius spectabat, ut recuperarent nobis usum *Scripturæ*, quàm ut legem nobis dictarent ex sua infallibili & irreprehensibili *Authoritate*. Ut jugum Papale diffringerent potius quàm ut nova nobis induerent vincula. Verbum Dei igitur erat, ut pretiosâ Arculâ absconditum, & in istud *Augeæ stabulum*, inundantes utique corruptiones præpotentésque *Romana* Ecclesiæ Tyrannides submersum, quod nobilis ille Heros *Lutherus*, alterius *Herculis* instar, amovendo stercus in Mundi conspectum rursus reducere debebat. Visne igitur eum & suos laborum socios tales non fuisse quales erant, sed mundos omnino nitidósque Aulicos, albis calceis ex corio Hispanico confectis, caligísque lineis puris, byssinísque diploidibus candidis indutos, cum reliqua omni congruenti Elegantia, & accurato Nitore? Et in hoc puro splendidóque ornatu in manus sibi sumplisse Rutra, Vehicula trusatilia Furcâsque extercoratorias, ad amovendum fœtidum hoc sterquilinium? Christus tantum improbo suo Competitori pro Orbis Regimine honorem non debuit. Ad opus tam crassum atque pingue, magis necessarius erat Animus robustus atque pervicax, qualis erat *Lutheri*, quàm ulla adeò irreprehensibilis externa sanctimonia, accuratave Ingenii Judicii subrilis, ut nulla uspiam deprehendatur aut in *Ratione* aut in *Conversione* cæspitatio.

Quamobrem Argumenta omnia contra *Reformationem* à qualitate *Reformatorum* petita infirma sunt, tum quòd solidâ bonitate quantum ad summam, præditi erant, quæcunque errata, per *morositatem* aliquam aut *passionem* aut ex *inopinata* aliqua *tentatione* & inevitabili dici possint commisisse; tum etiam quoniam non est eorum *Authoritas* cui nos innitimur in rebus Religionis, sed *Scriptura* ipsa, in recuperando cuius usu & fruitione, gloriosa erant Instrumenta: tum postremò, quoniam omnia eorum judicia *particularia* absorpta sunt non conspicienda nec considerata ultra quàm in *communi* iudicio orbis Christiani *Reformati* in *publicarum* suarum *Confessionum Harmonia* repræsentato compareant. Verùm quantum ad Divinam Methodum quâ *Reformationem* in particularibus circumstantiis promoverit, in recuperando sibi ipsi Regnum *Cornûque parvulum* iudicando, si omnia non sunt intellectui nostro tam perspicua atque pervia, eò tamen magis eam laudandi formulam apud *Psalmistam* usurpemus, dicamúsque, *Jehova regnat, exultet Tellus, Nube circumdatus & caligine, Thronum habet ex iustitia & aequitate aptum.* Psal. 97. 1, 2.

*Philop.* Multas quidem easque magni momenti considerationes in gratiam *Reformationis* adversùs omnes possibiles cavillas adversariorum de primis *Reformatorebus* suggessit *Bathynous*; de quibus certò persuasus sum quòd pro illius Ecclesiæ Genio, eos multis in rebus perquam improbè calumniantur, quæque Calumniæ non sunt, quantum ad factum, non sunt tamen talia horrida crimina qualia sunt eorum qui eos accusant, sed *Infirmities* magis veniales, aliquæve minùs laudabiles morum ingeniive naturalis labeculæ. Adeò ut hæ cavillæ nequaquam me moveant, quò minùs firmus in hac fide maneam, quòd Orbis Christianus *Reformatus* verum sit Regnum Dei visibile, illiusque Christi. Quod primum documentum est, *Philothæe*, quod nobis dedisti, quod ad rem Christiani Orbis *Reformati* tendat. Quæso igitur nunc, cum de hoc tam abunde mihi satisfactum sit, perge quanta potes cum brevitate ad reliqua sine omni ulteriori Interpellatione.

*Philoth.* Secundum igitur documentum, *Philopoli*, hoc est: Quòd quemadmodum Principium Orbis Christianus *Reformatus* Christi Regnum est, ità *Papatus* Regnum est *Antichristi.* Principium secundum.

Z z z z

Hoc

Hoc ut in se verum est, ita certè permagni interest ut cognoscatur, credatur, & declaratur in Regno Christi, ad confirmandos eos & stabiliendos in ea qua sunt Professione. Neque enim supra captum est vel minimi membri, de hac veritate plenè convinci. Et tamen licet unum sit & tam facile intellectu, argumentorum nihilominus instar est omnium ad Animam Reformatam Religioni agglutinandam affigendamve: quippe quod adeò accommodatum est ad feriendum *Imaginationem*, ad satisfaciendum *Judicio*, & ad confirmandam *Conscientiam* simul. Nam si Ecclesia Romana Babylon sit, ut est proculdubio, tunc apud teipsum perpende, *Philopoli*, quantam vim habitura sit illa vox Angeli: *Migrate ex ea, populus mi, ne sitis ejus peccatorum participes, neve ejus cladibus efficiamini.*

*Apo. 18. 4.*

*Philop.* Hoc est, Par momentum habebit ad evocandos alios è communione Ecclesie Romanae, atque ad nostros stabiliendos in vera, quam jam profitentur, fide. Et certè si oculos conjiciant in multifarias Idololatrias crassas, truculentasque Crudelitates Hierarchia Papalis, & cum Characterè Meretricis Babylonica conferant, (cujus scortationes ipsæ, illius Idololatrias significant, cujusque in fronte nomen scriptum, *Mysterium*, Babylon magna, Mater scortationum & abominationum terræ, quæque dicitur ebria de sanguine Sanctorum & de sanguine Martyrum Jesu) manifestoque ipsis demonstretur, (quod facile potest effici) de Roma Ethnica hoc intelligi non posse, sed de Roma, ut se appellat, Christiana; equidem, meo judicio, Actionum eorum observatio, cum Descriptione in hoc Vaticinio, comparatarum, eos ita prorsus convictura esset, ut non possent quin continuò ex illius communione excurrerent, subito horrore terrorèque perculsi.

*Apo. 17. 5, 6.*

*Philoth.* Equidem meritò quivis sic putet, *Philopoli*, nec Machinamentum ullum melius excogitari posse quàm hoc ad Babylonem Mysticam demoliendam. Ac proinde ex egregia aut imperitia aut perfidia erga rem Regni Christi fieri oportet, ut quisquam nobis persuadeat in nostris Romæ impugnationibus hæc arma deponere, cum revera, ut David dixit ad Abimelec, de gladio Goliathi Palestini, *Nulla sunt cum istis conferenda.* Id quod primi professi Reformatores nostri verum experti sunt, qui universam hunc clamorem adversus Ecclesiam Romanam tollebant. Sùntque ex ipsius Scripturis, qui consentiunt quantum damnum ei dederit hæc opinio, quod Papa est Antichristus. Quamobrem horum propugnaculorum adversus copias Babylonicos sublatio, prodendi nos rursus speciem præ se fert in illius Civitatis Regis manus ac Tyrannidem.

*1 Sam. 21. 9.*

*Bellarmin. de Roman. Pontif. lib. 3. cap. 21.*

*Bath.* Res ipsa, *Philothee*, nè illorsum spectet, vereor. Sed credo simul plures homines, per conscientiam, benevolùmque in rem Reformatarum Ecclesiarum studium animo tam averso esse à statuendo Ecclesiam Romanam, Mysticam illam esse Babylonem, Papamve illius Civitatis Regem, hoc est, insignem illum Antichristum, nè concedendo illam Ecclesiam Antichristianam esse cogerentur agnoscere veram non esse Ecclesiam. Unde horrendum illud Incommodum sequeretur successionem perditam esse, ita ut nobis defutura essent argumenta, quibus probaremus nos ipsos veram esse Ecclesiam Christi.

XXVI.  
Controversia,  
an Romana  
Ecclesia vera  
sit Ecclesia.

*Philoth.* Si istud quidem huic averfationi subsit, *Bathynæ*, laudabilis est bona eorum intentio, verùm eos timere credo, ubi nullus est timor. Arcui enim nostro plures uno nervos habemus. Nulli enim istorum Titulorum quibus Ecclesia Romana in Prophetis Scripturæ partibus perstringitur, sive Civitas Babylonica sit, sive sedes Antichristi, illius Hominis peccati, aut quæcunque alia, necessariò inferunt veram non esse Ecclesiam, sed Ecclesiam valde peccaminosam, talèmq; cujus communionem populum suum, nisi resipuerit, relinquere velit Deus, ut qui salutem suam perdituri sint, talia participando peccata, quæ apud illam Ecclesiam in Legem transferint. Uxor quæ adultera est, vera est uxor, ante factum divortium, licet uxor sit infida. Et Navis cum faramine in fundo vera Navis est, Domusque cujus Parietes Peste aut Lepre inquinati sunt aut quæ truculentis Lemuribus est infestata, vera domus est, sed ista talis in qua navigandum non sit, ut nec hæc in qua habitandum, antequam ad utilem reducantur tutamque conditionem. Forma rei eam veram reddit, sed sinceritas ejus vel Integritas facit, ut finem assequatur, evadâtque utilis. Vinum adhuc vinum est quamvis aliquot veneni gutta clàm ipsi immisceantur. Tale autem vinum est, quale nemo mentis compos sciens volensque est bibiturus. Concedemus igitur Ecclesiam Romanam veram esse Ecclesiam, sed tali sensu, quo Navis, quæ hominem ad fundum Maris demersura est, vera sit Navis, talisve Domus, qualis descripta est, vera sit domus. Quinimo, concedemus, Domum esse Templumve Dei, sed tale in quo Homo ille Peccati sedeatur, Filius ille perditionis, qui extollit se supra quicquid Deus dicitur aut colitur. Quamobrem dico, reprehensorias istas & exprobratorias Scripturæ

*1 Thess. 2. 3, 4.*



pturæ locutiones adversus Ecclesiam Romanam nequaquam implicare eam non esse *veram* Ecclesiam, sed valdè *impuram* ac *peccaminosam*, talèmq; quæ non tantùm *inutillu* facta sit eis qui ipsi adhæserint, sed valdè *noxia*. Poculum est *Vini* cum lethifero *veneno* mixtum, Domus *peste* infecta, aut improbis Dæmonibus infestata. Quapropter si succedimus in vero exemplari *Domus* atque *Navis*, in sincera natura *Vini*, in debitis *Uxoris* officiis, & *Adulterium*, *Venenum*, *Pestem*, *Lepram*, ipsūmq; adeò *Diabolum* omittamus, estne *Successio* nostra ideo minùs perfecta? Si Familia olim sana fuerit & tunc per aliquot ætates morbida, postea verò aliqui ex hac Familia, aut per Medicinæ peritiam aut per Temperantiam plusquam ordinariam rursus sani evaderent, suntne *sani* hi palmites hujus Familiæ minùs *successio*, quàm isti qui etiamnum manent *insalubres* ac *morbidi*?

*Philop.* Saniores ego nobiliorem Familiam judico, ut quæ cognatione sive consanguinitate conjunctior sit cum antiquissimis universorum progenitoribus. Ac proinde proculdubio, nequaquam minùs ex Apostolorum *successione* sumus, quòd nos ipsos ex post-natis corruptionibus purgavimus reduximùsque ad antiquam Apostolicam Puritatem. *Successio* quidem continuatur in Ecclesia *Romana*, ut morbida Familia continuatio est Familiæ Majorum suorum; sed Apostolica *successio* non solum continuatur in *Reformatione*, sed & rectificatur ac perficitur. Adeò ut nè minimam noxam fieri opiner *successioni*, in admittendo debitas illas sed asperas Invectivas in *Apocalypsi* aliisque Scripturæ locis ad Ecclesiam pertinere Romanam, cum omnes simul conjunctæ non eò valeant ut eam non *veram* Ecclesiam nullamve Ecclesiam constituent, sed Ecclesiam tantùm *Idolatricam* & *Homicidiis* *Imposturis*que plenam. Ut uxor Homicida, Adultera, ac Fraudulenta, uxor quidem est, ac proinde vera uxor, donec mortua sit, aut Repudium ei remissum.

*Philoth.* Rectè rem accipis, *Philopoli*. Verùm præterea, pone peccata Ecclesiæ *Romane* eousque tandem ingravescere potuisse, ut per aliquot secula vel ullo sensu vera esse Ecclesia planè desiisset, (quod tamen fateor me credere non posse, non magis quàm Ecclesiam *Judeorum* cessavisse veram esse Ecclesiam, quando Prophetas lapidabant, & propudiosè se polluebant Idololatriis) vera tamen Ecclesia alibi continuata est, omniumque verissima Ecclesia, Electi utique Dei, ubique. *Mulier* erat in *Deserto*, postquam *Desertum* facta est Ecclesia: Quanquam fateor hoc perpetuitatem Ecclesiæ potius respicere in genere, quàm continuatam Pastorum *successionem*. Sed neque id teneo necessarium, ut unaquæque vera Ecclesia visibilis visibilem haberet Sacerdotum *successionem* ab Apostolis ad hunc usque diem. *Hierosolyma* quæ dicitur coelitus descensura, vera futura est Ecclesia, & tanquam talis approbabitur, quamvis eam gloriationem in carne facere non posset, quòd visibilem Pastorum *successionem* in terris, à *S. Petro* *Roma*, vel à *S. Jacobo* *Hierosolymis* posset recensere. Et supponamus ad istam evocationem populi Dei è *Babylone*, *Migrate ex ea populus mi*, nè sitis ejus peccatorum participes neve ejus cladibus afficiamini, omnes Sacerdotes in rem suam statuturos fuisse illuc manendum, nec unum pedem se dimoturos è loco; Num integrum Regnum qui sine Sacerdotum venia seipsos reformassent, nulla futura fuissent Ecclesia, nec Princeps ullam habiturus potestatem statuendi, ut maximè idonei eximique è suis subditis in cognitione praxique Christianitatis in rebus sacris præsideant, *successionem*que inchoent, quos supponemus omnia administrare secundum verbum Dei praxinque Apostolorum, nec ullam aliam Doctrinam profiteri, quàm quæ ab Apostolis tradita sit, & de qua ex ipsis Scripturis possit constare? Quid? Talisne nihilominus Natio, in hisce rerum circumstantiis, nulla erit Ecclesia, O *Philopoli*?

*Philop.* Mihi crede, *Philothee*, admodum anceps est controversia. Nescio de subito, quid hinc sit statuendum.

*Bath.* Est certè anceps controversia, *Philopoli*. Proponam verò tibi quæstionem, de qua clariùs possit constare. Dic igitur, utrùm unusquisque Princeps supremum Ecclesiæ caput sit in rebus tam Ecclesiasticis quàm Civilibus in suis propriis Dominiis?

*Philop.* Proculdubio est, *Bathynoe*, alioqui non esset Princeps absolutus. Illam enim supremam esse potestatem censeo cujus fidei concreditur Potestas seu Facultas universa administrandi in bonum suorum subditorum, quod ex consequenti Religionem necessariò includit, de qua igitur necesse est, ut suprema Potestas judicet. Unde quisque Magistratus summus, si non *formaliter*, *eminenter* tamen Sacerdos perinde est atque Rex; alioqui Rex non esset, aut Rex non summus Magistratus, ut qui se submittere debeat Sacerdotis judicio in rebus Religionis, cui proculdubio res omnes Mundanas posthaberi oportet. Unde sequetur omnem Potestatem, quæ Sacer-

xvii.  
Quanquam Ecclesia Romana vera non esset Ecclesia, non sequi tamen quin Reformatione Ecclesia talis fieret.

Apoc. 21. 1.

Apoc. 18. 4.

dotium saltem *eminenter* five *virtualiter*, non includat, illi Judicaturæ morem gerere debere. Cum verò summa Potestas cujusvis Nationis, nemini se submittere debeat præterquam soli Deo, manifestum est qui summus est Princeps, eum *virtualiter* saltem Sacerdotalem in se habere potestatem.

*Bath.* Equidem, *Philopoli*, in rebus Politicis videris tam callidus atque gnarus, ut valde arduum fore censeam, ut quisquam argumenti tui vim eludat.

*Evisf.* Unctio Regum & Imperatorum in suis Coronationibus, ut & id quod Imperatoris Corona & *Mitram Episcopalem* in se contineat, meo quidem iudicio, *Bathynoe*, notabilem cum *Philopoli* conclusione congruentiam gerunt.

*Cuph.* Pari ratione concludere potes communionem *Regalitatæ* in *Sacerdotis*, quoniam Sacerdotes unguuntur in Ecclesia Romana.

Exod. 40. 13,  
35.

*Bath.* Verisimile est eos satis avidè istud sibi arripere velle, O *Cuphophron*. Cæterum ex eo quod Reges coronantur perinde atque unguuntur, Sacerdotes verò unguuntur non autem coronantur Coronis Regalibus, indicium est, & *Regiam* Potestatem & *sacerdotalem* aliquo modo esse in Rege, sed *Sacerdotalem* tantummodo in *Sacerdote*. Verum magis notabilis Congruentia quam hæc *Evisforis* mihi in mentem occurrit, visio scilicet viginti quatuor Seniorum cum vestimentis *sacerdotalibus* Coronisque *Regiis* in Capitibus, quod proculdubio insinuat in optimo Ecclesiæ statu, unumquemque Principem ex confesso & *Sacerdotem* & *Regem* super suum Populum fore.

Apost. 4. 4.

*Philoth.* Rectè ais, *Bathynoe*. Notatque valde dignum est in istac Visione, nullum unum caput visibile esse universæ Ecclesiæ, (quale se Papa esse prætendit) sed unumquemque Principem tanquam Regalem Sacerdotem aut Sacerdotalem Regem in suis propriis Dominiis illuc describi.

Exod. 29. 3, 6.

*Philop.* Aridas meas Ratiocinationes, Historicis vestris ac Propheticis observationibus pulchrè profectò ornastis. Quæ omnia simul considerata in plenam confirmationemque persuasionem facile me rapiunt, quod unusquisque Rex Christianus, tantum Sacerdotalis potestatis in se habeat Authoritatique *caelestis* nostri Regis ac *Sacerdotis Jesu Christi*, ut verà fide Evangelii illuminatus, & Sacerdotio aliàs destitutus, qui in Ecclesia res sacras peragant, vel potius qui homines consecrent ad ista munera obunda, ipse propriâ suâ potestate successorem eorum possit suscitare, iisque omnia administrantibus secundum verbum Dei praxinque Apostolorum, tota Natio illis Præceptis Institutisque obedientiam præstans vera eo ipso possit visibilis Christi Ecclesia evadere. Quid existimas, *Bathynoe*?

*Bath.* Immo verò, mihi abunde factum est satis. Nosti enim, quod extra Ecclesiam non est salus. Et prodigii mihi instar esset, si homines ita Apostolicè agentes vitamque instituentes, quemadmodum tu describis, in statu esse possint Damnationis.

*Philop.* Quamobrem planè videmus nullum esse Incommodum Ecclesiis *Reformatis* in declarando *Romanam* Ecclesiam *Regnum* esse *Antichristi*, quemadmodum primi nostri *Reformatores* universim tenuerunt, sed undiquaque Commodum immensum atque ineffabile, ut quivis qui rectè rem perpenderit, facile potestprehendere. Ac proinde cum hac de re abunde constet, pergamus quæso ad proximam, *Philothee*.

Principium  
tertium.

*Philoth.* Proximum Documentum, prout tu appellas, *Philopoli*, hoc est: Cum tam certi sumus Papatum esse *Regnum Antichristi* Civitatemve *Babylonicam* in qua populus Dei captivi detinebantur, nullas ligulas aut Lacinias super nos antiqua Captivitatis relinquere nos oportere, tales putà, quas prensitando manns nobis injicere possint, & in pristinam rursus servitutem retrahere, sed absolute nos ipsos liberos æstimare ab omni circa eos obligatione, nisi quatenus operam navare debeamus eorum Conversioni ac saluti. Quam, cum nobis per experientiam satis notum sit per ulla non necessarias cum ipsis uspiam symbolizationes effici non posse, consultius esse existimo eos datâ operâ nulla in re imitari, sed quantum ad omnes res indifferentes eas eò viliores censere, quod isti eis usi sint. Quemadmodum nulla nobilis ac honesta Matrona lubens eo habitu ornaturæ uti vellet, quem infamis aliqua ac propudiosa Meretrix utendo dehonefaverit. In quocunque nos ipsos ad eorum mores ingeniumque demittimus, id omne in nostram ignominiam vertunt & contemptum, tantòque magis in propria sua improbitate obdurantur. Quamobrem cum nulla non necessaria cum ipsis symbolizatio profit quicquam sed noceat potius, debemus nosmetipsos in omnibus rebus indifferentibus perfectè liberos censere ad gratificandum satisfaciendumque modo quam possumus universalissimo nostræ Partis hominibus, nihil curantes, quas opiniones aut consuetudines externæve Ritus *Romanistæ* aliæve habeant, aut habere potuerint à prima Ecclesiæ degeneratione. Quæ omnia nos eò sædius contaminata æstimare



æstimare debemus, quòd *Romanistæ* eis sint usi; sed manifestâ Scripturâ solidâque Ratione nos suffulcientes, uti ac profiteri ea quæ universalissimè nobis omnibus conveniant maximèque faciant ad incolumitatem & sc̃licitatem *veri Regni Christi*. Hæc enim proculdubio, O *Philopoli*, maximè firma solidâque ratio Politica est, cujusvis Ecclesiæ aut Reipublicæ *reformatæ* cujuscunque.

*Philop.* Omnino tibi assentior, *Philothee*. Neque hæc libertas alia est opinor, quàm ea quam Ecclesiæ *Protestantium* generaliter profitentur, & particulatim Ecclesia *Anglicana* in libro *Articulorum* & in *Homiliis*. An verò eas non vis bene strictè se habere quantum ad conformitatem cum eis Ecclesiæ seculis quæ *Symmetra* appellantur? Populùmque interim pacificam præstare obedientiam istiusmodi Institutis, quæ non sint tam antiquo charactere, (modò sint naturæ indifferentis) durante beneplacito Superiorum?

*Philoth.* Pacificam illam sui accommodationem ad voluntatem Superiorum in rebus adiaphoris, O *Philopoli*, animitus approbo, agnoscoque præterea, specialem illis seculis de quibus loqueris, deberi reverentiam. Meminisse autem oportet sancta Oracula meliora illis prædixisse ac promississe tempora, præsertim eorum aliquibus. Illa Tempora erant Mensuræ Arundinis adaptata, hæc quæ expectamus aureæ Arundinis. Ea quæ suâ naturâ immutabilia sunt, sunt idem indispensabilia; quæ verò indifferentia sunt, mutabilia. Et opinio quidem inter res mutabiles recensetur, Fides verò instar rupis est antiquorum seculorum. Quod commensurabile est aureæ Arundini, ejici non oportet; quod verò combustibile est, peribit per Verbum & per Spiritum qui instar Ignis est.

*Philop.* Primi quidem *Reformatores* multum de Verbo ac Spiritu locuti sunt, præsens autem seculum egregii sunt in arenam *Rationis* ad pugnam provocatores, ad illuc duellandum. Illudque pugnandi genus Adversarii eorum cum primis videntur approbare. Quid quælo sibi isti volunt, *Philothee*?

*Philoth.* Id indè non fit, *Philopoli*, quòd suam causam putent rationi, nostrâ magis consentaneam; sed quòd vulgus nōrint, ut plurimum, ineptos esse istiusmodi pugnarum judices, ut & æquè ineptos istorum armorum tractatores. Illi non possunt tam facili seipso eis defendere contra sophistas *Regni Tenebrarum*, nec fermè dijudicare ex hac re quando sophistæ ab aliis sint devicti, nisi ipsi se, quando revera sic sunt, devictos agnoscerent, quod eorum calliditas ac superbia nunquam eis permissuræ sunt facere. Adeò ut rarò istiusmodi conflictationum ullus bonus sit exitus. Ac proinde, licet id genus digladiationes Argumentatoriarum suum usum habere possint apud doctos, tamen in rem fore Regni Christi existimo illorum armorum usum quæ primi *Reformatores* ad illud recuperandum tam efficacia experti sunt, nunquam relinquere. Nemo certitudinem relinquat Verbi atque Spiritus, & ad arida *Rationis* per-fugium se recipiat in defendenda veritate suæ Religionis. Atque hoc erit quartum Documentum.

*Philop.* De Verbo inter utraq; partes convenit. Verum cur Spiritus judicium *Rationis* loco, se in Scripturam exercentis, introducis?

*Philoth.* *Rationis* exercitium non excludo, sed arida *Rationis*, à Spiritu neutiquam adjutæ.

*Philop.* Quid igitur per Spiritum intelligis, *Philothee*? Hoc enim viam aperire videtur ad omnimodam Dementiam ac Fanaticismum.

*Philoth.* Fieri quidem sic potest, prout tu intellexeris, *Philopoli*. Ut ego verò intelligo, unica via est, quod noverim, ad sobrietatem. Ego enim per Spiritum intelligo, non cæcam quidem ac irrationalem Impressionem aut Impulsus, subitam elevationem aut Intumescentiam prævescentis Cerebri, sed Spiritum *Vita in nova Nativitate*, qui Spiritus est discernendi, quique hominem efficit acerrimæ sagacitatis in timore Domini. Hæc est unctio Capitis nostri verique Pontificis Domini *Jesu* primo in loco, idque modo supereminenti, quæ defluit etiam in minima infimæque suorum membrorum. Per ductum hujus Spiritus continuò persentiscet homo & per sanctam quandam sagacitatem quasi odorabitur, quid rectum sit & verum, & quid falsum ac perversum, aut saltem ad ea discernenda rationem suam rectè adhibebit.

*Philop.* Talis profectò Spiritus, *Philothee*, non est Spiritus *Fanaticus* sed tutus doctor in omnibus. Sed quomodo quis cognoscet se hunc habere Spiritum?

*Philoth.* Per illius fructus. Quod natum est ex carne caro est, & quod natum est ex Spiritu spiritus est. Quisquis natus est ex Deo peccatum non committit, quoniam semen ipsius, hoc est, Spiritus, in eo manet. Si opera carnis abjecerimus mortificando ea per Spiritum, indicio est Spiritum Christi habitare in nobis. Jam verò manifesta sunt opera carnis quæ sunt hæc, adulterium, scortatio, immunditia, lascivia, simulachrorum cultus,

Artic. 20. &  
24.  
Homil. de Festi-  
niis.

XXVIII.  
De usu Verbi  
& de Spiritu,  
quatenus di-  
stinguitur ab  
arida ac jejuna  
ratione.

Principium  
quartum.

Isai. 11. 2, 3.

XXIX.  
Quomodo quis  
cognoscere possit  
se Spiritum  
habere.

Joh. 3. 6.

1 Joh. 3. 9.

Gal. 5. 19. &c.

*cultus, veneficium, inimicitia, lis, emulationes, ira, concertationes, seditiones, secta, invidia, cedes, ebrietates & comestiones.* Quibus addere potes Superbiam, insultationem, contemptum proximi, Crudelitatem, Fraudem, Imposturam, Perfidiam, Animum mundanum, Rapinam, Avaritiam & id genus alia. Fructus verò Spiritus, ait Apostolus, est *charitas, gaudium, pax, lenitas, benignitas, bonitas, fides, mansuetudo, temperantia, adversus hujusmodi non est lex.* Hic est ille homo spiritualis qui dijudicat, ipse verò à nemine dijudicatur nisi sit etiam spiritualis. De hoc Spiritu Vita dicitur, *Qui habet Filium habet vitam, qui non habet Filium Dei, vitam non habet.* Et alibi, *Si quis Spiritum Christi non habet, non est ejus.* Cæterum is qui habet Filium, vero hoc sensu, nempe, per habitationem illius Spiritus in eo, declaratur porro, *Si vos Filios liberos reddiderit, verè liberi estis.*

Non est igitur inflata *Imaginationis Tumorculus*, quem homines imperiti & vertiginosi Spiritum appellant, sed est Spiritus vita in nova Nativitate in quem ultimò resolutam volo adhesionem nostram puræ veritati Evangelii, in oppugnationem falsæ adulteratæque Religionis Ecclesiæ Romanæ. Hujusque Spiritus dictamina in oppugnationem crassarum *Idololatriarum, Imposturarum ac Crudelitarum* illius carnalis Ecclesiæ (Quæ vera dictamina Privilegium est illius vitæ quæ ad Justitiam est, in minimo Christiano regenito) *Populari opinioni* de illius falsæ Ecclesiæ *Infallibilitate*, opponi volo. Verum hoc *Fundamentum*, licet *populare*, omnino retentum volo, ut *populari* isti *Impostura ac Prætextui*, quasi Ecclesiæ Romanæ errare non posset, obstitat. A nobis enim, qui per verum sanctificationis Spiritum liberi facti sumus, omnes eorum Fraudes & Improbities per *vitam Antipathiam* facillè sentiuntur. Unde *Authoritas* eorum humi collabitur, omniæque ipsorum malè cohærentia *Figmenta* ad Mundanum suum commodum excogitata, facillè vel à tenuissima *Ratione* judicantur damnanturque sincero hoc adjuncta animatæque *Spiritu* Justitiæ ac Amoris; atque sic inveniuntur per vivi hujus Principii assistentiam omnibus veris Christianis communem, *Homicida, Idololatra* crassique *Impostores.* Hoc sanè admodum manifestum est *Spiritu* Vita in nova Nativitate, quod privilegium est ut dixi, veri cujusque Christiani. Nec valebunt quicquam omnes eorum *Rationis* subtilitates, longèque peritæ deductiones prolixorum intricatorumque *sophismatum* ad eos dimovendos illaqueandósve qui tam perfectè liberi sint à superstitione, & tam firmiter stabiliti in hoc Principio *Vitæ ac Realitatis.*

*Philop.* Hoc non tantum tutum est *Asylum* contra omnia Ecclesiæ Romanæ perversa *sophismata* callidèque excogitatos *griphos*, quibus probos Christianos, quorum educatio ad arma *Rationis ac Disputationis* tractanda haud satis habiles reddidit, volunt illaqueare; sed valida est etiam nobis omnibus obligatio, ad magis pressum seriūque Christianitatis studium, ut eò palpabilius nosmetipsos persentiscere possimus hoc *Spiritu* Vita auctos, tantòque ideo justius securiusque omnes *sophistas Regni Tenebrarum* vili pendere. Hoc, inquam, non solum eos dissipaturum est & repulsurum, sed stabiliturum nos ipsos & ad æternam vitam ædificaturum.

*Philoth.* Observatio tua, *Philopoli*, admodum vera est atque utilis. Nunc verò sicut per modum *Contrapondii*, *Spiritu* Vita in nova Nativitate, *Infallibilitatis* illius Ecclesiæ obtentui opposui; ita sanè, quod ad me attinet, in plerisque rebus omnibus, quæ ipsis insigniter peculiare sint, eis contrariari, *Methodum* optimam Politicam repertum iri existimo. Ut verbi gratiâ, peculiariter infames sunt, ob doctrinam praxinque, prætextu *Jurisdictionis* spiritualis, spoliandi homines *Juribus* suis Temporalibus, ac si *Dominium* fundaretur in gratia, & sub hoc insuper obtentu, deponendi Reges, subditosque suos instigandi in *Rebellionem* adversus eos. Quamobrem quintum meum *Documentum* sive *Præceptum* omnibus Regni Christi membris hoc erit: *Ut nè vel minimâ maculâ aut labeculâ perfidiæ erga legitimum suum Principem ullius rei causâ sed præsertim Religionis seipsos patiantur commaculâri, quippe quum nullum majus damnum veræ Religionis inferri possit, quàm ut appareat aut promota aut propugnata tam crassâ Immoralitate quàm est perfidia adversus Principem, nec majus quidem ei commodum afferri, quàm per Fidem ac Patientiam omnes perferre difficultates ac asperitates, quemadmodum olim fecerunt Christiani primitivi: Quorum oculis ad Cælum sublatis, pedibusque omnino in ea semita insistentibus, in Imperialem, Providentiâ duce, Coronam inciderunt, Imperatore tandem Christianam Religionem profitente. Quæ admodum locuples erat completio Prædictionis illius Servatoris, Quærite primum Regnum Dei & Justitiam ejus, & hæc omnia adjicientur vobis, quemadmodum antè notatum est.*

*Philop.* Præstantissimum profectò est hoc Principium, *Philothæe*, valdeque consolabilem sibi annexam habet Observationem eis omnibus qui sub Principibus vitam degunt



dequant qui nondum ad puram Evangelii Fidem sint conversi, sed etiamnum captivi detinentur in Religione Romana. Sed quantum ad Politicum tuum Principium, de semper contrariando isti Ecclesiae in rebus quibuscunque quae videantur magis notoria, vereor ut hoc ubique reneat. De *universali* enim *Unitate* in iudicio pariter atque praxi insigniter gloriantur eandemque affectant; Nosne igitur debemus affectare aut indulgere *Dissidentiae* aut *Difformitati* in rebus Religionis?

*Philoth.* Aliorū rem accipis atque ego dixi, *Philopoli*. Minimè enim volo nos eis contrariari in ullis rebus *bonis* de quibus *gloriantur*, sed in rebus illis *pravis* quas *revera* habent. In opinionum multitudines ipsi dividuntur perinde atque alii. Et in eis rebus, in quibus *universaliter* videri possunt uniti, per *vim* potius continentur externamque formidinem, metumve Vivicomburii, aut nē gulæ sibi succidantur, quam ex libera perspicuaque *convictione Conscientiae*, quod res, quas *universaliter* profitentur, sint verae. Hæc non est *Vita* unio atque *spiritus*, sed dissoluti pulveris, plumularum straminumque intrusio ac factura, eorundemque in unum sacculum constrictio. Hæc solā unio est quam illi habent in *universali* sua *Professione*. Cur autem hæc *Christiana* unio appellanda sit, sic per vim compulsionemque barbaram hominum multitudinem cogere, eandem res profiteri ac facere quantumlibet Idololatrica sint aut impia, ego certè non video. Neque novi equidem quæ sit, si hæc non sit Unio aut Communio *Antichristiana*. Quamobrem eis satis oppositi sumus si contra hanc *Antichristianam* unionem erigimus ac promovemus verè ac realiter *Christianam*. Quod erit sextum præceptum. *Ut prae omnibus summo studio adnitamur ad Unionem sinceræ Fidei ac Charitatis*. Ut id dicatur de Ecclesia quod de Curru Cherubico apud *Ezechielem*, *Quocunque ferebat Spiritus eò tendebant*.

*Philop.* Hæc proculdubio est *Unitas Spiritus*, ad quem assequendum omnes Christiani monentur. Sed quomodo eum assequemur, *Philothee*?

*Philoth.* Hoc eò multum contributurum existimo, si omnes Opiniones Praxisque in Religione, quæ *Vitam Dei* in Orbe aut impediunt aut non promoveant, universim ab Ecclesia Dei vili penderentur. Nam in hac *vita Dei* est illius *Spiritus*. Atque hoc quidem pacto cum omnis opportunitas prætextusve apud quemlibet, ostendendi se religiosum, nisi eis in rebus in quibus *vera* Religio consistit, planè sit præcissus, qui omnino religiosi haberi volunt, necessario eos oportet, illius vitæ imitationi, de qua loquimur, ut tales se probent, operam dare. Quod manca admodum ratione & claudicanti sine præsentia Spiritus sunt facturi. Atque sic omnibus occasionibus altereandi & contendendi circa umbras ac tegumenta *Opinionum* ac *Formularum* remotis ac è medio sublati, multò facilius erit id præstare ad quod hortatur Apostolus, *Servate scilicet unitatem Spiritus per vinculum pacis*. Nemo enim tunc huius cum infamia ullos strepitus eiere potest ullis de rebus quæ ad commune Populi Dei totiusque ad eò generis humani bonum non tendant.

Cæterum de istis externis *Tegumentis* audi quid Propheta *Esaias* denunciaverit: *Va filiis degenerantibus, inquit Dominus, qui consilium instituant non auctore me, & tegimen comminiscantur, sed non mei Spiritus, ut addatur peccatum peccato*. Hoc est falsum illud integumentum *Opinionum* ac *Formalarum* per Ignorantiam hominum & Hypocrisim congestarum, quo se abscondere volunt ut Adamus, ab oculis sui Creatoris. Prædixit autem Deus montis *Sionis* Incolæ, *Agni* utique *Milites*, amoturos esse *faciem tegumenti omnibus populis injecti, & velamen super omnes gentes obtensum*. Et tunc necesse erit ut aut tegumento *Spiritus* vestiantur, aut in publicam suam ignominiam inveniuntur prorsus nudi, quemadmodum præmonentur sub *Phialam ultimam*. Atque sic propius accederemus ad istum Typum optimi statūs Ecclesiae formā Cherubinorum quatuorve Animalium præfigurati, ubi & *Aquila* intelligitur *pedem habete Bovis*, *Nalli labore suum expendunt nec tamen in panem*. Quamobrem *Formalitarum* & *Opinionum* numero, pro earum inutilitate diminuto, eisque ex consequenti paucis omnino existentibus sed utilibus, universa Ecclesia facile intellectura est usum earum ac veritatem: quemadmodum quatuor Animalia singula dicuntur *plena oculis* (per oppositionem *cæci* isti *Obedientia* in Ecclesia Romana tantopere laudata) atque sic idem Objectum penitus cernentia, eandemque de ipso sententia sententiam, eodem pariter motu affectuque feruntur. Nam & *ala ipsorum oculis plena sunt*, ut quod denotat ea ex nullo *cæco* principio, sed ex principio certæ cognitionis moveri. Quod igitur, *Philopoli*, per oppositionem Ecclesiae Romanae (qui Ignorantiam tanquam Devotionis matrem tantopere extollunt) septimum Politicæ sacrae documentum constituere volo. *Populum scilicet omnia Fundamentalium Mysteria Veritatis Prudentiaque Politicæ ad Regnum Dei pertinentia plenè ac luculentè doceri oportere*. Qui in proprium lucrum *Falsitatem* populo obtrudunt, eorum planè interest, in Ignorantia illos detinere. At verò qui

Principium  
sextum.

Ezech. 1. 20.

XXX.

Quomodo Ec-  
clesia perveniat  
sic ad unita-  
tem Spiritus.

Ephes. 4. 3.

Esa. 30. 1.

Esa. 25. 7.

Apoc. 16. 15.

Esa. 55. 2.

Septimum  
Principium.

qui *veritatis* Assertores sunt, illorum è contrà interest, ut eadem quàm plenissimè penitissimèque intelligatur, demonstrèturque ex *Ratione & Scriptura*. Credòque omnem *Veritatem*, quæ ad *Vitam* ac *Pietatem* necessaria est, omni præjudicio liberatis sic posse demonstrari. Unde res admodum ardua erit seducere quempiam ab Ecclesia, ad *Romanismum*, *Infidelitatem* aut *Atheismum*.

XXXI.  
Quomodo mens  
humana ad sta-  
tum pervenire  
possit omni præ-  
judicio immu-  
nem.

Job. 8. 34, 35.

Vers. 36.

Vers. 31.

32.

Vers. 33.

*Philop.* Ità prorsus existimo, *Philothee*. Tota verò difficultas est in perveniendo ad istum Animi statum, omni præjudicio immunem.

*Philoth.* Si Filius liberos vos facit, tum verè liberi estis.

*Sophr.* Istud non dicitur, *Philothee*, de libertate sive immunitate à præjudicio, sed de libertate à peccato, quantum humana Natura patitur. Omnis qui facit peccatum, inquit Servator, servus est peccati, servus autem non manet in domo in æternum, Filius manet in æternum; tunc sequitur, Si ergo vos filius liberos reddiderit, verè liberi estis.

*Philoth.* Et paulò antè dicit, Si vos manseritis in sermone meo, verè discipuli mei estis, (hoc est, si mandata mea servaveritis.) Et cognoscetis veritatem & veritas liberos reddet vos. Unde *Judei* exoptulant cum Servatore: Semen *Abrahe* sumus, aiunt illi, neque cuiquam servivimus unquam, quomodo tu dicis liberi reddemini? Ad quod dictum, in istoc loco, O *Sophron*, quem tu citasti, crimen serviendi peccato eis impingit, innuens illud præjudicium esse & impedimentum quò minùs assequantur *veritatem*, quòd viverent in Peccato. Adèò ut *libertas* à peccato secundum ipsius Servatoris sententiam, ut ego quidem existimo, supponat etiam *libertatem* à præjudicio quod *veritas* cognitioni officit.

Quamobrem, O *Philopoli*, loco octavo & ultimo, (neque enim nunc sic differam, ac si unquam posthac mihi opportunitatem fore tecum rursus colloquendi desperem) unicum hoc documentum superaddam, quod non solum ad *Unitatem* Ecclesiæ utile erit, sed omnium quod sciam, efficacissimum maximèque necessarium ad acceleranda *feliciissima illa tempora*, ad quæ desiderium tuum tam vehementer anhelat.

*Philop.* Perquam avidè audire cupio, *Philothee*, quid sit.

Principium  
octavum &  
ultimum.

*Philoth.* Fides est seu fiducia in potentia Dei, Spiritusque Domini nostri *Jesu Christi* quem promisit omnibus credentibus, ut per hæc subsidia, omnia nostra peccata ac vitia devincamus sanctitatemque perficiamus in timore Dei. Hæc Doctrina, quòd non solum ad sublimiorem Moralitatis gradum obligemur, quàm aut *Paganismus* aut *Judaismus* professus est aut de quo potuit gloriari, sed etiam quòd per Spiritum Christi inhabitantem in nobis ad illam *Vitæ Spiritusque rectitudinem* reduci possumus, quam Servator in sermone suo in monte, alibi que Evangeliorum in suis Colloquiis describit; Hæc, inquam, Doctrina est, quæ Mundum renovatura est in Justitiam, & gloriosa illa Tempora, quæ tot viri boni & fore credunt & desiderant, est introductura. Quæ enim alia Doctrina præter hanc, ad Hypocrisin cordium humanorum penetrare potest, qui sub prætextu quòd ab omnibus suis peccatis se expedire nequeunt, revera obnitentur nullis, aut eis tantum quæ minimi sunt momenti, aut non committent, quin peccatis, quæ maximè sibi in deliciis sunt, omnino parcant, & sui-resignationem perpetuò declinent, quamvis indispensabile sit cujusque Christiani officium? Quinimò, nulla relinquent, sub obtentu, quòd gradualis retinenda est Imperfectio in omnibus. Nec continebunt se quin eum sibi gradum indulgeant, qui maximè cum sua voluptate consistat, suarumque expletionem cupiditatum.

*Sophr.* Hæc admodum profectò penetrativa Doctrina est, *Philothee*, & exploratoria. Sed quid est quòd tendit? Ad absolutamne perfectionem quoad partes & quoad gradus, ut loquuntur Scholastici?

*Philoth.* Ad absolutam Sinceritatem Doctrina hæc tendit, O *Sophron*, ut nemo sibi ullum cuiusmodi vitium peccatumve notum indulgeat, sed ut sinceram servet conscientiam coram Deo & coram Hominibus: quandoquidem illius conscientia, vi hujus doctrinæ, ipsi dictat, nisi sibi deesse velit, Deum & posse & velle per Spiritus sui Assistentiam, eum ab omnibus suis corruptionibus liberare. Scripturæque apertè declarat, hunc finem fuisse adventus Christi, ut abnegatâ impietate & mundanis concupiscentiis sobriè & justè & piè vivamus in presenti seculo, expectantes speratam beatitudinem, adventumque gloriosum magni Dei & Servatoris nostri *Jesu Christi*, qui dedit seipsum pro nobis ut redimeret nos ab omni iniquitate; secundum istud monitum S. Petri, Quapropter succincti lumbis mentis vestra, sobrii, perfectè sperate in eam quæ ad vos defertur gratiam, dum vobis patefit *Jesus Christus*: Tanquam filii obedientes, ut non accommodetis vos pristinis concupiscentiis, quibus, dum adhuc ignoraretis Christum, agebimini. Sed quemadmodum is qui vos vocabit, sanctus est, ita ipsi quoque sancti in omni conversatione reddamini. Propterea quòd scriptum est, Sancti estote nam ego sanctus sum.

Matth. 5. 48. Et beatus Servator in suo sermone in Monte, Estote igitur vos perfecti quemadmodum

Pater

Tit. 2. 12.

1 Pet. 1. 13.



*Pater vester qui est in caelis perfectus est.* Et S. Paulus ad Ephesios pro Servatore testatur, hunc finem fuisse quod se in Redemptionis pretium dederit, mortemve passus sit pro Ecclesia, nempe ut illam sanctificaret, mundatam lavacro aquæ per verbum, ut eam sibi præstaret gloriosam Ecclesiam nullâ maculâ aut rugâ aut ullâ tali re præditam, sed quæ sancta inculpatâque foret. Sponsæ Agni utique similis in Apocalypsi, quæ nova est Hierosolyma. Ephes. 5. 26, 27

*Sophr.* Ingenuè equidem fateor, hæc loca, *Philothæe*, altum sonare Sanctitatis gradum, ad quem vocantur quidem Christiani, & à quo tamen tam infinitis intervallis absunt.

*Philoth.* Hoc indè fit quod hæc Fide, quam ego tantopere inculco, carent, Fide in potentia Dei, & in Spiritu Domini Jesu, ad expurgandas omnium nostrorum vitiorum sordes. Novus enim partus Filius est Promissionis, estque Isaacus ille, Gaudium totius Terræ. Concipitur autem per fidem in omnipotenti Dei Spiritu qui à quatuor cæli Regionibus intersectos in valle aridorum ossum, afflavit, effecitque ut in pedes consistèrent, copie sanè maxime. Qui promissum semen dedit Abrahamo, qui præter spem sub spe credidit se fore patrem multarum Gentium. Haud consideravit enim suum ipsius corpus jam emortuum, quum centum ferè natus esset annos, nec emortuam vulvam Saræ. Verum ad promissionem Dei non hæsitabat ob incredulitatem, sed robustus factus est fide, tribuens gloriam Deo, certâ persuasionem conceptâ, quod is qui promiserat, idem potens esset & præstare. Hæc Fides igitur in promissione Assistentiæ Spiritus Christi in Nova Nativitate ea est, quam oportet Mundum renovare in vivam Imaginem Dei, omnesque Terræ Nationes reddere beatas, & novam de cælo Hierosolymam deducere, ipsumque adeo Deum devocare, qui Tabernaculum suum ponat apud homines. Omnia possum per Christum qui me corroborat. Ezech. 37. 9. Rom. 4. 18, 20.

*Evist.* Etiam miracula miraculorum edere, quantum ego video. Verum hæc Fides, *Philothæe*, in Potentia Dei, Assistentiæque illius Spiritus quo extirpare valeamus & mortificare omnes nostras corruptiones in beatam Resurrectionem ad Vitam ac Justitiam, illa Fides non erat quam primi Reformatores tam servidè docuerunt. Unde igitur factum est, quæso, ut ii tam utilem omiserint Veritatem? Philip. 4. 13.

*Philoth.* In totum non omiserunt, *Evistor*, propterea quod tanto cum zelo hortati sunt homines, ut humanas Traditiones relinquerent, totosque se reciperent ad purum Verbum, Fidemque Evangelii, secundum illam magis Infallibilem Regulam. Quamobrem cum Fides, quam illi prædicabant, pro suo Objecto haberet purum Christi Evangelium, doctrinæque secundum Scripturam; Hæc doctrina de Fide in omnipotenti Spiritu ad debellandum peccatum, cum in Scriptura etiam contineatur, necessariò pars est Objecti illius Fidei quam illi prædicabant. XXXII. Doctrina de Fide in potentia Spiritus Dei, ad liberandum nos à peccatis cur tantopere non inculcata sit in principio Reformationis.

*Evist.* Illud, fateor, *Philothæe*, aliquo modo verum est. Cæterum zelus eorum maximè efferbuit, in declarando extollendoque istam partem Fidei, quæ Justificationem tantum in sanguine Christi, gratuitamque Remissionem peccatorum respicit.

*Philoth.* Admodumque tempestivè eam extollebant, ut quæ veritas est Evangelica valde conspicua, & talis tamen quæ in Ecclesia Romana sub pedibus conculcata esset, quod populum Dei magis absoluta redderent Mancipia, duræque detinerent servitute in hac mystica Babylone Terræque Egypti: Quippe qui gravia Superstitionis onera eis imponebant, tantum ad rem Regis Egypti augendam, & ad extinguendum pariter lumen & solamen Evangelii. Quamobrem cum illa Doctrina de Justificatione per Fidem tam accommodata esset ad excutiendum Jugum Romanum, minimè mirum est eam tam servidè prædicatam fuisse & adeò universim inculcatam à primis Reformatoribus.

*Sophr.* At verò hîc non substituerunt, *Philothæe*. Multa enim aliquibus eorum, ex ore exciderunt, (qui aliàs satis scælicia erant in Reformatione Instrumenta) quæ non solum humanis Infirmitatibus favere videntur & deterrere homines à studio ulla tales victorias acquirendi in suas corruptiones ac libidines, ad quales tua doctrina nos animat, sed etiam è contrâ, rancidum olere Antinomianismum, morbum ferè omnium pessimum, qui Christi Ecclesiam possunt invadere.

*Philoth.* Agnosco, *Sophron*, Divinam Providentiam permittere potuisse aliqua istiusmodi verba, quæ malam ferant Interpretationem, ex ore aliquibus è primis Reformatoribus excidere. Nôsti verò Lutherum ipsum, qui maximè suspectus est, contra tamen Antinomos scripsisse; Harmoniæque Confessionum omnium Ecclesiarum Protestantium, Doctrinam Sanctificationis, Vitæ piæ, Doctrinæ de Justificatione per Fidem adjungere. Ut verò talis Sanctitatis gradus de quali nunc agimus, per primos Reformatores à suis Sectatoribus postulatus esset, minùs congruum videtur istis temporibus aut opportunum. Talis Doctrinæ nimis severa Inculcatio, ad oppugnandam

dam falsam Justitiam *Romanismi*, paucos omnino Auditores avulsura fuisset ab ista Ecclesia, cujus sanctitas tantum erat *carnalis*. Putaturi fuissent, se à minori servitute aut captivitate abductum iri in majorem. Atque sic exiguus ille Numerus distinctus immaculorum Agnorum Christi, eò certior perinde atque delicatior futurus fuisset bolus illi voraci Lupo *Romano*.

*Bath.* Intelligo prorsus quid sibi velit *Philotheus*; Divinam scilicet Providentiam, per externam Instigationem talia elegisse instrumenta qui sibi ipsis in multis rebus relictis, ad suam sibi secandam viam, in tales lapsuri essent Opiniones Locutionesque quæ maximè efficaces forent ad disjungendas discindendasve ingentes partium moles ab Ecclesia *Romana*, ut in immanioribus hisce massis aurum tutum inter scoriam lateret, & in hac mixta Numerositate eò securior esse possit Protectio *Piorum* adversus cruentas Persecutiones barbarasque Crudelitates Potestatis *Papalis*.

XXXIII.  
Vera Methodus  
ad unitatem in  
Ecclesia iterum  
subindicata.

*Philoth.* Rectè rem capis, *Bathynoe*. Nunc verò dico, postquam lapis rursus à magno monte abscissus esset, tutoque ab eo disjunctus, non debuit jacere adhuc impositus, muscove obsitus, ob defectum artis industriæ in Architectis, sed omnes nos oportuit ante hoc tempus vivos evasisse lapides; puros benèque politos, & per unitatem *Spiritus* in unum Sanctum Dei Templum coaluisse. Quæ *Spiritus unitas*, *Bathynoe*, nunquam esse potest sine unitate *Vita*. Nam in *Vita* est *Spiritus*; quemadmodum supra monui. Nec potest hæc *Vita unitas* unquam esse sine perfecta purificatione Ecclesiæ à peccato & corruptione, neque hæc *Purificatio* esse sine Fide in potentia Dei, & assistentia Jesu Christi, ad expurgandam è nobis omnem nostram scoriam. Qui enim nè possibilitatem quidem istiusmodi rei credit, nec eam à Deo petet, nec tentabit unquam, ullave ratione eam aggredietur. Quamobrem cum generalis hæc corruptionibus nostris Indulgentia, *Spiritus unitatem* in nobis impediat, judiciorumque consensum in rebus Religionis, nosque destitutos reddat conciliatoriâ illâ virtute fraterni Amoris & Charitatis, relinquitur tanquam tot *Feræ sylvestres*, horridave *Monstra* ad frendendum, ignemque expuendum alii in alios, ad pacem verò antè pervenire nunquam possumus quàm ad debitum pervenerimus gradum Justitiæ. Debet enim Christus in Ecclesia *Melchizedecus* prius esse suamque in nobis introducere Justitiam, quàm *Rex* esse possit *Salem* hoc in sensu, Princeps utique Pacis. Nec Spiritum hunc Justitiæ nobis communicatum habere possumus, antequam illâ fide in potentia Christi, imbuti simus, ad debellandum peccatum, quemadmodum iterum iterumque inculcavimus.

Hebr. 7. 2.

Esai. 9. 6.

*Bath.* Quamobrem, *Philothee*, quantum ego quidem vîdeo, hæc fides in potentia *Spiritus Christi* ad debellandum peccatum, Charitate præsertim aucta, contrapondium esse potest adversus Pontificiorum *Fidem implicitam* quam illi urgent pro supprimendo schismate. Ac si nihil Ecclesiæ pacem æquè sartam tectam conservare posset, quàm ut homines aut puram prorsus perfectæque integram, aut nullam habeant Conscientiam. Quorum posterius cum tam horrendum sit ac detestabile, majorem inde videmus necessitatem exhortandi omnes homines ut omnem curam & diligentiam adhibeant ad prius obtinendum.

*Philoth.* Quod sine hac fide in potentia *Spiritus Christi* ad superandas nostras corruptiones, nunquam molientur, nedum scilicet ipsum assequuntur.

*Bath.* Id quod jam dixi, *Philothee*, aut saltem sic dicere institui.

XXXIV.  
Miranda effi-  
cacia Fidei in  
potentia Spi-  
ritus Christi ad  
debellandum  
peccatum.

*Philoth.* Si verò Fide pleni essemus certoque persuasi Christum per Spiritum suum & posse & velle nobis opitulari, ad plenam acquirendam in omne genus peccata & corruptiones victoriam, in talia scilicet qualia sunt *Superbia*, *Avaritia*, *Immunditia*, omnique *Hypocrisis* & *sui-questio* ac similia, quid est ex universis istis quæ orbem turbant, & res pessundant humanas, quod vis hæc invicta non sit profligatura? Si hæc fides cordibus hominum semel insita esset, legerentque apud Prophetas descriptiones vivas & amabiles excellentissimi illius statûs Ecclesiæ qui futurus est, quàm celeres progressus hujus rei beneficio facere valerent, dum gloriosum illud exemplar contemplantur & per fidem sanctamque imitationem mutantur indies per Spiritum Domini à Gloria in Gloriam?

2 Cor. 3. 17, 18

*Philop.* Quanto attentius considero, *Philothee*, tanto certius persuasus sum quàm immensi momenti hæc doctrina de Fide in omnipotenti spiritu Christi sit, tum ad præsens Bonum Ecclesiæ, tum etiam ad accelerandam futuram illam Felicitatem prædictam à Prophetis, quàm penetrans Medicina sit ad purgandam Animam, & quàm potens *Cardiacum* ad eam vivificandam. Quantum ego quidem video, hoc primum Mobile est primusve *Elater* omnis motûs qui efficaciter tendere potest ad renovandum Mundum in Justitiam & ad introducenda gloriosa illa tempora Ecclesiæ quæ tu tam graphice descripsisti ex Visionibus Prophetarum.

*Sophr.*



*Sophr.* Vixque me abstinere possum, *Philopoli*, quin meum etiam adjiciam calculum, ni obstarer hic scrupulus, quod hæc tam alta exaggeratæque doctrina de *Fide in omnipotenti Spiritu* ad perfectam extirpationem Peccati, homines ex Ecclesiis *Reformatis* exterritare possit perinde atque primum impedivisse quod minus *Reformationi* se adjungerent. De veritate Doctrinæ rectè intellectæ parum dubito, sed tantummodo de prudentia in eam profutendo.

*Philoth.* Nequaquam contemnenda hæc tua est, O *Sophron*, consideratio. Verum intelligere debes hanc Doctrinam ritè expositam cum ullis justorum eorum solatiorum quæ nobis ex altera illa doctrina de *Justificatione per Fidem* & de gratuita peccatorum Remissione in sanguine Christi accedunt, neutiquam digladiari. Hæc scribo vobis, ait S. *Johannes*, ne peccetis. At si quis peccaverit, advocatum habemus apud Patrem Jesum Christum justum, Et ipse est propitiatio pro peccatis nostris. Summa quod collineamus, hæc est, alacre ac sincerum propositum non peccandi omnino, (quemadmodum oramus in Liturgia singulis matutinis.) Quæ constans cura studiumque si adhibeatur, nemo animo concidere debet ob suos lapsus donec Deus majores largiatur vires, sed alacriter seipsum exuscitare acriori indignatione animique obfirmatione adversus peccatum, nequaquam desperans de Remissione, cum tam potentem habeat, apud eum quem offenderit, Advocatum. Quod si quis contentus sit peccare sine omni obsistendi conatu, omnique fide aut spe eas assequendi vires quibus corruptiones suas debellet atque subdomet, & Reformatæ Ecclesiæ communionem relinquere velit, quod salubriori penetrantiorique doctrinâ Conscientia illius refricetur, & propterea Doctores alibi quærat, ad proprii cordis lubricum, hoc omnino hæc respondendum cenſeo, Quod immisſurus est illi idcirco Deus efficaciam illusionis ut credat mendacio, ut damnetur quia non credidit veritati, sed sceleribus est delectatus. Paucos verò fore spero qui volentes hæc in hastarum cuspides irruant. Hæc doctrina vix ullos abactura est, nisi tales qui explicitum Propositum habuerint totos se immergendi in peccatorum sordes ac colluviem. Cæterum quàm ingens hominum multitudo è *Reformatis* Ecclesiis, sub prætextu quod doctrina earum ad perfectionem non satis tendat, in Sectas privatas proruperit, neminem latere potest, qui vel paululum oculos in res humanas conjecerit: Tantum abest ut hæc Doctrina rebus *Reformati* Orbis Christiani quicquam officiat. Quibus omnibus addere potes, nihil necesse esse ut tanquam articulus imponatur, sed permittatur ob suam saltem aliquibus utilitatem.

Interea loci generalis ille languor ac negligentia in omnibus Vitæ officiis, vel potius universale illud apertæ Nequitie & Improbis Diluvium, quod (quantum ego intelligo, ob defectum talium doctrinarum, quæ omni nos conversationis sanctitati magis efficaciter illigaturæ essent) in nos irruerit, malum longè magis formidandum est *Reformatis* Ecclesiis, quàm professio vel permissio hujus doctrinæ de qua loquimur, ullo pacto esse potest. Providentia enim neutiquam obligatur ad suam Religionem eis continuandam quantumlibet veram, quibus non est Religio, veritatem Dei tenere in Injustitia.

*Sophr.* Immò verò, Responsum tuum, *Philothæ*, valde pressum est, fateor, & appositum.

*Philop.* Idemque prorsus ipse etiam existimo. Mihi quæ hæcenus (quam ob rem magnas tibi, *Philothæ*, gratias habeo) probè satisfactum est, (quod facit ut nolim tibi ullarum magis particularium explicationum facessere negotium) de hisce capitulis, ex gratissima tua subindicatione sperans fore, ut alia detur colloquendi opportunitas. Veruntamen non possum quin tibi onus imponam transeundi ad ultimam quæstionem, quod curiositati meæ de Duratione ac permanentia hujus excellentissimi statûs Ecclesiæ gratificeris, distinctumque describas ordinem, quo res processuræ sint ad finem usque Mundi.

*Philoth.* Difficile hoc Problema est, O *Philopoli*, perinde atque curiosum, pars præsertim secunda. Quantum enim ad *Durationem* vel Permanentiam Ecclesiæ in ista gloriosa conditione, sacra Oracula manifestò innuunt eam mille annos duraturam, quamvis nequaquam necesse esse existimem, istam locutionem sic intelligere ac fridutiùs non esset duratura. Sensus enim illius Numeri potest esse *Symbolicus*. Sed quantum ad distinctum ordinem processionis rerum ad finem usque Mundi, hoc nemo facile cognoscere potest nisi *septem Tonitruorum Synchrona* intellexerit, in quæ ultima *Tuba* distinctè distributa est. Quod ingenuè fateor, *Philopoli*, semper extra ictum meum fuisse situm, donec forte fortunâ in *Theomanis* cujusdam notitiam incidissem, viri admodum probi, summoque studio affecti erga res Regni Dei.

*Cuph.* Hoc tuum peculiare Privilegium est, *Philothæ*, quod sis *Theomanis* tam intimus Familiaris. Quod ad me quidem attinet, ego illius amicitiam peritiâ ac diligentiâ

XXXV.

Responsum ad  
objectionem cir-  
ca hanc doctri-  
nam Fidei.

1 Joh. 1, 1, 2.

1 Thess. 3, 11,  
12.

XXXVI.

De duratione  
gloriorum  
temporum Ec-  
clesiæ.

Apoc. 10, 3.

Apoc. 10, 3.

XXXVII.

Character  
Theomanis.

gentiā ambivi quantā possem maximā, & tamen nunquam me hactenus insinuare porui in ejus Familiaritatem.

*Sophr.* Nec unquam te insinuaturum, omnino credo, quamdiu tibi nomen fuerit *Cuphophron*.

*Philop.* Obsecro te, *Philothee*, Quid hominis est iste *Theomanes*? quidque tibi impertivit de *septem Tonitruis*?

*Philoth.* Partem characteris illius jam dedi. Et si nondum intelligis, *Philopoli*, addo porro, Hominem esse, totum ab ineunte ætate Creatoris sui cognitioni deditum, Mundumque ferè reliquisse simul atque in eum natus esset, quippe qui nihil earum rerum quas mundus adeo deperit, ambivit, non Honorem, nec Potestatem, nec Divitias, nec corporis voluptates, sed mens ejus semper tota addicta est veræ perscrutandæ scientiæ in *Lumine Simplicis Vitæ*, in quo omnem sui-quæstionem relinquendo, integer factus est Dei servus & Domini *Jesu Christi*, fidelisque illius Regni Minister.

*Philop.* Characterem hominis admodum præstabilis narras. Sed quid impertivit tibi, *Philothee*?

*Philoth.* Visionem *septem Tonitruorum*, si ita brevitatis causâ fas sit appellare. Visionem enim omnino intelligit rerum *septem Tonitruis* Synchronarum.

*Philop.* Nominibus infinitis me tibi devinctum reddes si tibi placuerit eadem nobiscum communicare, *Philothee*. Annon verò homo est aliquantum *Enthusiasticus* sive *Fanaticus*?

*Philoth.* Maximus Fanaticismus, quem in ipso observaverim, hic est, quod seipsum profiteretur veritatem aliquam multorum Vaticiniorum summi momenti (quæ tamen multi alii valde obscura esse prætendunt) nolentem volentem clarè intelligere. Tantum autem abest ut *Enthusiastes* sit sive *Fanaticus*, ut, cum *Enthusiasmus* falsa sit persuasio in aliquo quod inspiratus sit, cum revera non sit, hic è contrâ, negat se unquam inspiratum, quamvis eum aliquando quispiam censeat sic esse. Verum cuncta *Lumini Simplicis Vitæ* imputat, dono maximo quod humanæ Animæ impertit Deus. Neque gloriatur hanc *septem Tonitruorum Visionem* ullam irresistibilem esse Inspirationem, quamvis res sit maximè involuntaria quæ unquam ei contigerit prorsus vigilantia.

*Philop.* Dic igitur quæso, quibus in circumstantiis hoc contigerit *Theomani*. Credo enim eum, propter intimam cum ipso familiaritatem, te nihil fuisse celaturum.

*Philoth.* Tempus non permittit longam pertexere Historiam. Circumstantiæ igitur breviter hæc sunt. Certo quodam tempore, postquam multum detrivisset exhaustissetque spiritus diurno serioque Divinorum Oraculorum studio, cumque longam lentamque in agros deambulationem ad vires aperto frigidoque aëre reficiendas, & ad animum, quod scilicet leveretur corpus, plenè remittendum, intenderet, in mediis Agris hæc *septem Tonitruorum* Visio, nullo suo desiderio aut expectatione, eum ex inopinato occupavit, adeoque penitus mentem ejus & Imaginationem possedit, ut propter illius agitationem quiescere nequiret, (quanquam tam debilem eum reddiderat, ut vix pedibus posset prorepere) donec eam scriptis mandaverat.

*Philop.* Certè hoc aliquod extraordinarium est. Habesne Apographum, *Philothee*? Hujusmodi enim rerum admodum accurata debet esse Narratio.

*Philoth.* Apographum habeo, & in loculo meo & in memoria, nam alta mentis vestigia impressit. Sed credo te maximè tutum fore existimare, si Apographum legamus chartaceum, satis enim adhuc dies lucet, & datâ operâ mecum attuli, quippe qui prævideram ipso opus fore in hujus Diei Dissertatione.

*Philop.* Quæso, *Philothee*, illud lege.

*Cuph.* Mercurii quidem *Politici* ac *Philosophici* nunc dierum vulgares sunt. Nostrum verò, ut videtur, Privilegium est, Mercurium habere *Propheticum*.

*Philop.* *Cuphophron* suos jocos depromere amat, de re qualibet, quantumlibet seria. Appellet is quicquid volet. Tu verò quæso, *Philothee*, lege lentè ac distinctè.

*Philoth.* Faciam, *Philopoli*. Titulus hic est: \* *Spacium septimæ Tabulæ in septem Tonitruis divisæ, cum præviis suis Coruscationibus ordine qui sequitur.* Lineolâ rectâ ductâ ac præfixâ, abruptim incipit ad hunc modum.

Primæque *Coruscatio* lumen suum ejaculavit, quod ab una Cœli extremitate lucebat ad alteram. Unde maximè horrendum *Tonitruum* vocem suam emisit, adeo ut Terra concuteretur & contremisceret & præ metu quasi seipsam contraheret. Quo tempore nubes simul maximè noxiâ ac prodigiosâ Pluviâ, Sanguinis, Ignis, Grandinis pestiferique pulveris cum aliis id genus Plagis *Ægyptiacis* se exonerarunt, adeo

ut




ut homines immaniter excruciantur & in rabiem ferè adigerentur, præ intolerabilibus plagarum aculeis.

*Philop.* Hanc comminutam omnino & confusam esse credo Repræsentationem effusionis *septem Phialarum*, aut rerum aliquarum eis *Synchronarum*. Quemadmodum jam declarasti *septem Phialas Synchronas* esse *primo Tonitruo*.

*Philoth.* Sic fieri potest, *Philopoli*.

*Philop.* Sed perge obsecro, non sum iterum te interpellaturus.

### VISORVM POSTMEDIALIVM TABVLA.



*Philoth.* Posthac sursum aspexi, & ecce in Oriente Nubem candidam amplam, quæ velificans quasi venit cum frigidiuscula reficiente venti aura versùs admodum excelsum montem, ad certum à quo Intervallum secunda *Coruscatio* ex hac Nube se exoneravit. Post-quæ audiui alacriorem *fragorem* per Aërem resonantem, Nubéque disraptâ, gloriosissimam vidi Civitatem leviter descendentem in defluxu frigidiusculæ hujus Auræ obliquè delatam deorsum, atque sic tandem in summitate hujus excelsi Montis confidentem.

Verùm oculos tam pulchro spectaculo non diu oblectaveram, cùm ex inopinato de supra Civitatem perquam lucida *Coruscatio* emicuit, tanta quidem ac tam splendida è puro Aëthere, ut Lux cœlorum septuplo illustrior esset quàm Lux Solis. Post-quæ statim vocem indidem audiui *Tonitruum tertium*, postèaque vocem quasi hominis, harmonicam & articulatam dicentis *Hallelujah, Dominus regnat*; & continuò primam hanc

*Apc. 19. 6.*

Psal. 87. 3.  
Esa. 2. 2.  
Apoc. 11. 24.

hanc vocem subsecutus est integer vocum Chorus, dicentium *Hallelujah*. *Gloriosa de te dicuntur O Civitas Dei. Mons ædis Jehovæ fixus est in culmine montium, confluentque ad eum Gentes omnes. Gentes servatorum in ejus lumine ingrediuntur, in eamque conferunt Terrarum Reges gloriam suam ac honorem. Hallelujah.* Quæ cœlestis atque Ecstatica Melodia audita est à sancta Civitate ad quatuor Horarum spaciū.

Posthac oculos Occidentem versùs conjeci, amplamque aspexi Nubem bicolorem, nigram piceamque ex parte ejus *Occidentali*, sed lucidi nitentique coloris versùs *Orientem*. Et ecce derepente *Tonitruum quartum* ex parte Nubis occidentali vocem suam edidit, exoneravitque sese in certas quasdam Rupes Montisve cavos, eos in frustula dilacerans, Infernalesque disrumpens Cavernas. Dum interea temporis ex Orientali parte exiit Ventus fortis, sed purus ac refrigerans, qui in quamplurimas partes est divisus, quæ in orbem actæ tot evaserunt innocui Turbines sinceri Aëris, nisi quod tinctæ erant suavi quodam ac refrigeratorio odore, ac si pertransivissent per Agrum aliquem amplum *Liliorum* ac *Rosarum*. Qui Turbines viritim ab uno ad alterum movebantur, attollentes eos paululum ab humo, lentèque eos rursus demittentes, sed characterem corporibus cujusque quem sic elevârunt, impressum reliquerunt suavemque odorem & ipsis & eorum vestimentis. Numerusque sic levatorum ac signatorum Numerus est Cohortum Agni, estque eorum Numerus 1728. Sed in *Occidentali* parte Cœli, Aër odore tetro perfusus est, propter Fumos ex tenebrosis Cavernis exhalatos, ex quibus itidem multæ diræ exierunt perhorridæque Formæ cum parte catenarum suarum colliquatarum (quas Fulminum ictus disruperant) corporibus suis appensa. Quæ spectra Infernalìa super faciem Terræ ultro citroque discurrentia, hominésque insectantia, eisdemque prehendentia, halitu pestifero eos afflaverunt, feceruntque ut atri apparerent ac deformes instar Diabolorum. Levatæ verò cohortes, pede celeriori erant quàm ut eos assequerentur, nec ullam in ipsas potestatem habuerunt quia Characterem Agni gestârunt in suis corporibus.

Apoc. 20. 9.

Hæc vidi sub voce *Tonitruum quartum*. Postea aspexi, & ecce totum Cœlum nubibus obductum erat præsertim versùs *Horizontem*. Et *Tonitruum* continuò quintum vocem edidit suam. Strepitusque circa Cœlos resonabat, haud absimilis pulsationi Tympanorum. Post quæ innumeros vidi Hominum exercitus à quatuor Regionibus Terræ versùs sanctam Civitatem militari ordine incedentium, quò arctâ eam obsidione cingerent, & circumierunt castra Sanctorum & Civitatem dilectam. Quam obrem ingenti correptus sum timore ac contremiscentiâ.

Apoc. 20. 11.

Cæterum in media hac solitudine, ingens *Coruscationis* fulgur ab Oriente emicuit, illuxitque usque ad *Occidentem*, sextumque *Tonitruum* vocem suam emisit. Et vidi Nubes ab Horizonte sursum discissas, & disjectæ sunt Aquilonem versùs & Austrum, instar Cortinarum aperti Tentorii sive Canopei. Unde mirifica Lux festino gradu ab illa regione emerfit, Voxque *Tonitruum* continuò absorpta est terribili Tubæ clangore, qui totam Cœlorum Cavitatem implebat, fecitque ut humus sub pedibus hominum contremisceret. Et ecce derepente apparuit ingens Thronus candidus, Iridis instar arcuatus, cum Filio Hominis super eum sedente, cum gloria & majestate illustri. *A cujus conspectu fugit Terra & Cælum, & locus non est inventus ei.* Et mortui comparuerunt universi ante Tribunal Dei & libri aperti sunt. Atque illi quorum nomina scripta erant in libro vitæ, vires ipsis renovatæ sunt, sursumque volârunt tanquam alis Aquilarum, & associârunt se Angelis Dei. Hypocritæ autem ac Profani condemnati erant, quorum corda plumbo evaserunt segniora, factique sunt quasi Mundi Sedimentum atque Fax, Formidine ac Desperatione eos deprimente, dum Gaudium ac Fides in illas magis defæcatas Mansiones sinceros elevabat. Totus enim Æther myriadibus myriadum Formarum impletus est, in magna hac Comparentia, ubi Spiritus puriores ascenderunt sursum, & crassiores deorsum præcipitati sunt, stupenda operatione magni illius *Depuratoris* universi. Vidique Bonos perfectè segregatos ab improbis, Regemque gloriæ de Throno suo surgentem. Et generalis hæc Sessio in Triumphalem Pompam subito conversa est piis. Qui in aperto Æthere cum reliquo exercitu magni Regis ordine incedebant, tali splendore ac nitore qui sit inenarrabilis. Quorum & ora implebantur canticis victoriæ, aurésque resonantiâ propriæ suæ Melodiæ. Aër enim miraculosè in accentus Musicos ad Divinos eorum Hymnos est attemperatus, ac si invisibilis aliqua manus Cœlorum Concavum pulsasset, tanquam Lyram chordis pulchrè instructam, aut Theorbam. Adeo ut Anima mea ita raptâ esset spectaculo concentûque Musico, ut Cor mihi colliquesceret, lacrymæ oculis oborirentur, Spiritusque intus deficeret præ nimia voluptate ac gaudio.

*Philop.* Certè *Theomanes* permagno animi motu raptus est, quando sic afficiebatur.

*Philoth.*



*Philoth.* Et reverà sic affectus est, *Philopoli*, quemadmodum ipse mihi narravit; nec dictis ausim abrogare fidem. Est enim homo simplicitate, quàm fingi potest; maximà.

*Philop.* Verùm rursus te, *Philothee*, imprudens interpellavi. Perge quæso porrò.

*Philoth.* Pars verò hujus voluptatis citò intercepta est cœlis ex inopinato obductis universali quasi Nube spissâ ac ferrugineâ. Concentum verò Musicum adhuc audi-  
vi, quo motus percipere potui hujus Pompæ Triumphalis. Sed magis horrendus strepitus huic etiam Raptui finem statim imposuit. Hæc enim Nubis Nox in Chas-  
ma prope cœlestem exercitum disrupta est, quod continuò gloriosissimâ luce est im-  
pletum, & per lucidum hunc meatum magnam audiui vocem Tubæ clangori haud  
abfimilem, dicentem, *Ego sum Alpha & Omega, Primus & Ultimus, Inchoator, Per-  
petuator & Terminator seculorum. Ego is sum qui vixi & fui mortuus, & ecce sum vi-  
vens in secula seculorum. Et habeo claves Inferorum & Mortis.* Post-quæ Chasma  
rursus oclusum est, Animæque derelictorum impletæ sunt horrore. Statim enim  
expectârunt executionem illius tremendæ sententiæ, *Facessite à me execrabiles in ignem* Matth. 25. 41.  
*sempiternum.* Et certè post aliquam pausam ac silentium, (ubi rursus cœlestem  
Melodiam audiui, sed paulò remotiorem, Triumphali illâ multitudine altiùs altiùs-  
que ascendente per lucidos istos campos cæruleos æternæ Pacis ac Beatitatis) Testudi-  
neatum cavi hujus Barathri Tectum totum ardere videbatur adversis *Fulgurationibus*  
& *Coruscationibus* passim discurrentibus. Quæ vix cessaverant, quum *septimum To-  
nitruum* vocem suam edidit, quam comitatus est raucus quidam ac volutorius sonitus  
in omnes partes Ætheris. Unde plueri inceperunt nubes unam perpetuam diram fu-  
nestamque Pluviam Ignis atque Sulphuris, in Turbam hanc derelictam, donec tota  
Terra facta esset unus rotundus lacus stagnumve ardentis sulphuris. *Et qui non in-* Apoc. 20. 15.  
*ventus est in libro vitæ scriptus, pars illius erat in hoc stagno ardenti igne & sulphure, quod* Apoc. 21. 8.  
*est mors secunda.*

Hæc est *Theomanis* Visio, O *Philopoli*, de septem *Tonitruis*, quæ maximè distinctum  
ordinem successionemque rerum in Ecclesia, à septimæ Tubæ initio ad Mundi usque  
finem, complectitur, in quem unquam incidi. Fateor distinctiones generales tan-  
tùm esse: Quodsi quicquam magis præcisum ac particulare habuisssem, insignis illa  
sinceritas Animique Ingenuitas ac Zelus fervidus atque Amor, quem certò persua-  
sus sum te erga *Regnum Dei* concepisse, meritò me astrinxisset ad idem tibi imparti-  
endum summo cum studio animique propensione.

*Philop.* Ob bonam tuam existimationem intentionemque beneficam, *Philothee*,  
maximas tibi gratias ago. Id verò quod jam impartivisti majus est quàm mereri po-  
tui, aut usquam aliunde me obtenturum sperare, talèque quo non possim quin ag-  
noscam mihi haud mediocriter satisfactum esse, ut qui aliquatenus conjicere queam,  
quid ista *Tonitrua* significant; verùm eò confirmatior evaderem in meis opinationi-  
bus, si quid ipse sentias dignari velis, breviter nobiscum communicare.

*Philoth.* Faciam, idque admodum breviter, *Philopoli*. Hæ igitur septem res in  
septem *Tonitruorum* spaciis septem continentur. In primo, Phialarum septem effusio.  
In secundo, Ecclesiæ in statu *novæ Hierosolymæ* de cœlo delapsæ confirmatio ac consti-  
tutio. In tertio, magis plenum & universale Regnum Christi, beatum *Millennium*  
*κατ' ἐξοχὴν*, vel magis proprio sensu ac eminenti sic appellatum. In quarto, *solutio*  
*Satanæ*, sive visibilis Mundi vergentia ad alteram degenerationem sive Apostasiam à  
Regno Christi. In quinto, *Apostatica pars* ad imperium rursus obtinendum in Pios  
*molitio*, periculumque nè improbi iterum in Captivitatem abducant probos. In  
sexto, Visibilis *adventus Christi* in novissimo Judicio, in quo sententiam feret de Ma-  
lis perinde atque Bonis. In septimo atque ultimo, *Executio illius sententiæ*; Piis sin-  
cerisque Fidelibus cum sanctis Angelis ad Cœlestem suam Hæreditatem eis paratam  
ascendentibus, dum Hypocritæ & Infideles se cum Diabolis volutant in stagno arden-  
te igni atque sulphure.

*Philop.* Equidem talem aliquem putavi fore hujus Visionis sensum, planèque vi-  
deo, ex *Symbolis* ejus & *Iconismis*, nihil in ea contineri quod ullo modo periculosum  
sit aut heterodoxum. Modus verò quo affectus est in recipiendo has ità ordinatim  
dispositas Veritates videtur mihi aliquantùm extraordinarius. Annon magnopere  
sapit *Theomaxes* talem Dispensationis peculiaritatem, *Philothee*?

*Philoth.* Non omnino, *Philopoli*, quantum ego quidem intelligere possum. Pro-  
fitetur se tantùm *Rationabilitate* oblectari, & *utilitate* Visionis. Affirmat enim &  
*Scripturæ* & *Philosophiæ* esse consentaneam, & sæpe memoravit me audiente, quàm  
*utilis* sit; tum ad omnes istas Visiones in *Apocalypsi*, quæ ad *Tubam ultimam* pertinent  
in debitum suum ordinem disponendas secundùm *Synchronismum*, tum etiam ad de-  
regendam

XXXIX.  
Visionis Theo-  
manis breviter  
explicatio.

XL.  
Magna utili-  
tas Visionis  
Theomanis,  
una cum illius  
Descensione  
quod tali Im-  
pressioni se de-  
dideris.

1 Theff. 4. 16.  
17.

tegendam quorundam Ignorantiam, qui tamen de sua Inspiratione gloriati sunt, qui conjectantes *Tubam ultimam*, novissimi Judicii *Tubam* esse sensu *Politico*, sed partes hæc distinctas minimè discernentes ( *Distributionem* intelligo in *septem Tonitrua* ) non dubitârunt concludere, in Fidei Apostolica detrimentum, nullum aliud Judicium fore præter hoc, nec ullam *Tubam* quâ expergiscantur mortui & citentur ad Tribunal Christi, quàm Evangelizationem certæ cujusdam doctrinæ de proprio cerebro depromptæ. Cæterum proculdubio, *Philopoli*, illa Resurrectio de qua *S. Paulus* agit, in prima Epistola ad *Corinthios* non est *Moralis* nec *Politica* Resurrectio, ( quemadmodum non potest quin cuivis pateat, qui sine partium studio quæ illuc scripta sunt, perlegerit ) ac proinde nec *ultima Tuba* illuc memorata, merè *Moralem* habere potest significationem aut *Politica*: prout manifestum est non posse, in prima ad *Thessalonicenses*. Quoniam ipse Dominus cum hortatu & voce Archangeli ac *Tubâ Dei* descendet de cælo & mortui in Christo resurgent primùm, deinde nos qui vivemus, qui reliquiemus, simul cum illis rapiemur in nubibus in occursum Domini in Aerem, & sic semper cum Domino erimus. Intolerandum est hæc trahere ad *Moralem* sensum vel *Politicum*. Quamobrem dico totam *Tubam ultimam* non esse significationis *Politica*, sed tantum quinque primas illius partes. In sexta parte sive sub *sexto Tonitruo*, clangor *Tubæ* naturalis esse potest sive audibilis, uti etiam *Tonitruum* in septima, stagnumque ignis ac Sulphuris non *Symbolicum* aut *Dioristicum*, sed *Visibile* aut *Naturale*, quicquid *Infidelitas* & *Sadducismus* suggererit in contrarium. Terram enim Finem habere oportet, perinde atque Principium. Adeò ut falsa illa Inspiratio, cui *Theomanes* videtur obviare velle, *Philosophia* perinde adversetur atque sacra *Scriptura*.

*Philop.* Hæc profectò manifesta est, *Philothee*, Visionis *Theomanis* utilitas. Miror verò ei religionem non fuisse ullam talem Impressionem in suam mentem admittere, quæ Mytheria *septem Tonitruorum* quæ *Johannes* jussus est obsignare & ea non scribere, revelare prætenderit.

*Hyl.* Id dictum est ad illud tantum tempus, *Philopoli*. Quid verò impedit quo minus postea possint revelari?

*Philoth.* Perurbana certè in gratiam *Theomanis*, & officiosa, O *Hylobares*, tua hæc est Intentio. Illius verò Ausum nullâ tali indiget Apologiâ. Ipse enim ei ejusmodi res objeci. Dixit verò nihil causæ fuisse cur tales vereretur admittere Impressiones quæ Imaginationem, istiusmodi tantummodò signaret veritatibus quas *Scriptura* & *Ratio* certas esse antea evicissent. Præterea Visionem hanc septem *Tonitruorum*, revelationem esse minimè prætendit septem illorum Oraculorum sive Vorum, ( quas audivit quidem *Johannes* sed prohibitus est scribere ) sed septem rerum distinctiones in *Tuba septima* succedentium, quas hæc Impressio certò ei persuasit *Synchronas* esse septem *Tonitruis*. Cùmque omnino septem sint generales rerum successiones, per istas Visiones in Apocalypsi quæ ad septimam *Tubam* pertinent, præfiguratæ, ad quas reliquæ omnes, tanquam *Synchronæ* possent reduci, magna profectò videtur scopi hujus Visionis confirmatio. Cæterum nimis prolixum esset hæc omnia tibi demonstrare, *Philopoli*, hoc tempore.

XLI.  
Philothæus ex-  
oratur ut Di-  
vinam cantan-  
ter Rhapsodiam  
ad Theorbam.

*Philop.* Et adeò abunde mihi satisfactum est pro hac vice, ut par omnino censeam, non permittere te ulterius tibi faceßere negotium. In omnibus quæstionibus quas tibi proposui, *Philothee*, mihi gratificatus es supra omnem meam spem & expectationem, adeò ut mens mihi ferè deficiat ac diffuat præ gaudio & admiratione.

*Cuph.* Nihil utilius est ad eam recolligendam, quàm tale Canticum quale *Bathynon* ad *Theorbam* cecinit ad componendam *Hylobari* magnam ejus animi emotionem ex Dissertatione nudius tertius habita. Age *Bathynoe*, spero te æquè officiosum *Philopoli* fore atque fuisti *Hylobari*.

*Bath.* Perlubenter *Philopoli* morem gerere vellem in re quavis quæ in mea sit potestate, modò in illius damnum non sit cessura.

*Philop.* Quid ità, *Bathynoe*? Grave aliquod Musicum Melos, carmenque hujus diei Dissertationi congruum tantum aberit ut in damnum mihi cessurum sit, ut extrema futura sit præsentium meorum gaudiorum consummatio.

*Bath.* Veruntamen, in damnum tibi cessurum esset, si ego, qui bis officium tam perperam præstiti, eandem tertio susciperem Provinciam, cùm alii hic adsint, qui eam foelicùs administraturi sint, & majori cum tua voluptatè.

*Sophr.* *Philothæum* proculdubio indigitat, quem credo has vices foeciliùs obiturum quàm quenquam alium, ut qui adeò peculiarem facultatem habet Psalmorum partes conjungendi easdemque dirigendi ad eundem scopum ( idque ex præstantissima Paraphrasi ) quas ad *Theorbam* canit, summa cum oblectatione & sui ipsius & aliorum.

*Philoth.*



*Philoth.* Meipsum aliquando sic oblecto, est verò omnino prater expectationem, si alii Musicâ tam mediocri oblectentur.

*Sophr.* Sensus verò ipse animum mirificè delectat, O *Philopoli*, & extra se quasi rapit, ac proinde noli cessare hoc Civilitatis officium ab ipso efflagitare.

*Bath.* Ut majus tibi negotium non facessamus quàm opus sit, Barbiton tibi modulatum dabo. Tantùm non jam satis modulatum est. Est quidem præstantissimi soni Instrumentum. Hem tibi, accipe *Philothee*.

*Philoth.* Bene. Hoc officium plus semel, *Bathynoe*, apud te impetravi, ac proinde eò magis consentanea est, nec repudiari potest hæc tua postulatio, præsertim cùm *Philopoli* etiam sit gratificatura.

*Philop.* Infinitis nominibus tibi devinctus sum, *Philothee*, propter hoc quod meditaris erga me officium.

*Cuph.* Obsecro te, *Bathynoe*, Tragicum ullum carmen ultimòque Tonitruo congruum noli cantare, nè hujus Noctis quietem perdam terrificisve infester Insomniis.

*Philoth.* Firmam sinceramque Conscientiam nihil potest territare,

*Non fulminanti magna Jovis manus.*

*Horat. carm.  
lib. 3. Od. 3.*

Nosti lætam istam illius animi statûs apud Poëtam descriptionem, O *Cuphophon*.

*Cuph.* Novi.

*Philoth.* Verùm utcunque mea Musica cum tertio Tonitruo potius quàm cum ultimo est consensura.

*Philop.* Audiamus quæso, *Philothee*.

*Philoth.*

O tu, quem in sede superna  
Residentem gloria tingit,  
Quo vivimus atque movemur!  
O quàm dulce atque decorum est  
Consensu Cordis & Oris  
Hilari corde oréque grato  
Nomen celebrare tuum, cùm  
Rosea Aurora Æthera pingit!  
Cùm fulgida sydera surgunt,  
Memorare Fidem atque Favores  
Ingentes, carmine lato!  
Citharam cape Barbitulúmque,  
Quin incipiat Lyra dulcis  
Instrumenta & decachorda,  
Cùmque his argentea jungant  
Tinnitus Gymbala acutos.  
Animum ut recreant tua Facta!  
Quantos ago ego inde Triumphos!  
Tua quis Miracula narret!  
Tua consilia alta ut Abyssus,  
Cæcis abscondita Homullis,  
Stultis abscondita, quorum  
Vitium corda obtenebravit.  
Humana dicite Genti  
Regnum occepisse Jehovah,  
Arctis Populúmque catenis  
Ad justum astringere & aquum.  
Ridentes plaudite Cæli!  
Vocem effer lætæque Tellus!  
Fluctus saltate marini  
Atque angustum edite murmur,  
Littúsque reverberet Echo;  
Tunicas vibrare virentes  
Ornati floribus Agri;  
Latentur cunctæque, Veri  
Æterno dulcè reflectunt  
Avium dum Cantica Sylva.  
Reboent sacra atria plausu,  
B b b b b

Venit,

Venit, en! venit ille superbum  
Iuste qui temperet Orbem,  
Populo qui jura det, aqua  
Mysteria veraque paret.

Hanc aut hujusmodi Rhapsodias saepe apud meipsum cano, *Philopoli*, in silenti nocte vel summo mane ante diluculum, subjungens semper dictum illud Servatoris, quam Epiphonema consentaneum, *Abrahamus* *Diem mensuræ longinque vidit & gavisus est*. Per hanc fenestram spiro liberiorēque quasi auram haurio, dum strangulor, ferē suffocorque colluvione ac foetore quotidianarum *Impietatum* mali hujus praesentis seculi, & ferē fausto proptus praetadio ac fatigatu hujus terrestris meae Peregrinationis.

XLII.  
*Philopoli* error, in praefendo sublimis contemplationis utilibus officiis vita pacifica.

*Philop.* Quinimō, *Philothee*, conqueri potes quā voles. Mihi verō videmini sodalitas, quā vitam agis maximē delectabilem ac seraphicam quā quosquam fingere queam degere posse in Terris. Praestatio futurorum illorum gaudiorum ac gloriarum, quas praesentes vobis per tam firmam Fidem clarūque rerum prospectum facitis. Anticipatio est Felicitatis Caeli, illius saltem Caeli quod in Terris futurum est, postquam *Nova Hierosolyma* desuper descenderit. Excellenti vestro consortio tam infinitis modis oblector ut, ferē me piget pudeatque conditionis vitae meae propriae, optoque profecto ut nunquam uxoris Familiaeque curis fuisset illigatus, ullique aliis occasionibus secularibus, ut meipsum beata vestra societate adjungere possem in perpetuum. Tam ineffabilem animo meo peperit voluptatem hac quinque dierum vobiscum conversatio.

*Philoth.* Absit, *Philopoli*, ut Contemplationis dulcedo gustum tibi unquam auferat sapidae utilitatis secularium Negotiorum. Beneficere hominibus, opitulari injuriā affectis, sublevare egenos, ignaris consilium in rebus suis necessariis dare, educare Familiam in timore Dei letaque spe aeternae Felicitatis post hanc vitam, nostram vivendi rationem, (si ad nobis ipsis tantummodo placendum tenderet in delicatiorum Notionum delectu) tantum quidem superat, quantum solida Bonitas inanem Imaginationem, aut sincera Charitas maximē puerilem excedit Sophisticen. Amoris exercitium & Benignitatis, Humanitatis & Fraternalis dilectionis, Prudentiae atque Dispectus, Fidelitatis & Officiositatis erga Vicinos, sinceræ denique Pietatis ac Religionis in perspicuis indubitatisque illius officiis, Animæ verē Regeneratae longē major voluptas est quā vel bellissimae speculationes quae possunt excogitari.

*Philop.* Lapsus hunc inopinatum condonabis mihi, *Philothee*, saluberrima enim tua monitio reduxit me denuō ad sanam rerum existimationem. Plenē omnino persuasus sum omnem speculationem, quae ad Vitae officia non tendit, nec magis idoneum hominem reddit ad praestandum quod Deo debet, quod Principi, quod Patriae, quod Familiae, Vicinisque atque Amicis, omninō vanam esse. Quae sola consideratio est, quae discessum meum a tam praestanti societate mihi hoc tempore facit quoquam modo tolerabilem, quippe qui tam plenē a te edoctus sum, ad placendum mihi ipsi me vivere non debere, sed ad aliorum commodis inserviendum. Ac proinde adnitar vos non sic relinquere, quin meliorem vestri partem mecum queam reportare.

*Cuph.* Evistorem intelligis ac *Hylobaren*, annon *Philopoli*?

*Philop.* Personas non intelligo sed res: Charissimam memoriam sinceri Zeli solidaeque scientiae *Philothei*, liberique ac profundi Judicii *Barhynoi*, Prudentiae ac Sobrietatis *Sophronis*, & Amoenitatis Ingenii singularisque Urbanitatis nobilis mei Amici *Cuphophronis*. Cui magnas ago gratias pro repetitis suis officiis ac civilitatibus ex quo huc veni, quemadmodum & *Philothei* etiam reliquaque praestabili huic conventui, ob magna sua erga me merita, impatienterque expectabo opportunitatem aliquam ex parte referendi gratiam. Interea temporis in grati animi testimonium amicissimē vobis omnibus valedico.

*Cuph.* Non memoriam, *Philopoli*, sed Realitatem omnium earum Perfectionum quas recensens jure tecum reportas, quoniam eas huc tecum adduxisti. Nec antē valedicemus tam praclaro viro quā fuerit necesse. Die crastino ad Equum mane te comitabimur. Iterque faustum vobis tunc optabimus. Interim bonam vobis precamur noctem.

*Philop.* Nimis magna illa futura est gratia.

*Philoth.* Admodum opportunē istam Civilitatem memoras, *Cuphophron*. Id saltem praestabimus, si non & partem Itineris eos comitemur.

*Hyl.* Maximāsque quas *Philotheo* debeo gratias in id temporis differam.

XLIII.  
Honorificum ejus blandiloquium ad Cuphophronem suūque amicos, cum ejusdem repensatione per Cuphophronem ad Philopolin.



## SCHOLIA

## IN DIALOG. V. SECT. 5.

**U**T adnotamentum unum & alterum faciamus in Visionem Sessoris Equi albi, &c. Ut majori cum voluptate ac facilitate hæc quæ de Phiala septima scripsimus intelligat Lector, orandum est ut Tabulam Phialarum quam in hanc Sectionem inserendam curavimus diligentius contempletur, vel potius Phialam ipsam septimam cum suis Synchronis, Torcularis scilicet calcatione & Equi albi Sessoris prælio.

Dico tibi. Philopoli, Angelos Cæli lautiùs epulari, &c. Per Aves Animas significari apud Cabbalistas ex illo constat apud R. Mosen Corduerum. Veni, vide, est Angelus qui præfectus est istis Avibus, (animabus scilicet quæ vocantur Aves) cui nomen Sandalphon. Aves verò Metatronis sunt Ruchin, Aves autem Throni Nischmathin. Quidni igitur Angeli Aves dici possint? Immo expressim sic appellantur alio in loco, apud eundem. Quando Neschamah exit in hunc Mundum duas Aves, id est, duos Angelos custodes simul ex arbore volitare cum ea. Nihil verò magis expressum hæc afferri potest quàm illud Tertulliani. Omnis Spiritus Ales est, hoc Angeli & Dæmones. Adde ut per Aves quæ volant per medium Cæli, Apoc. 19. 17. Angeli commodè intelligi possint.

Et Inspirationum obtenta, &c. Immo verò quidni addamus, nempe de Ranis, ex ore Draconis exeuntibus, Demonstrationum præstigiola Obtenta? Cujusmodi quidem Spinozianas illas ordine Geometrico dispositas in Ethice sua, tanquam prodroma quædam specimina considero. Pseudophilosophos scilicet quosdam fore sub Phiala ultima qui præstigiis argutisque demonstrationibus prætendunt se palam fecisse omnem Religionem revelatam figmentum esse, præterque Naturam Materiæve Mundanam nullum esse Deum, omnesque actiones humanas necessarias esse, nec ullum esse reverà honestorum & turpium discrimen; sed quicquid jubet Magistratus licitum esse quantumvis videatur recta Rationi Divinæque Revelationi contrarium. Ut sic Principum animos hæc etiam ratione contra Veritatem Evangelicam contraque Regnum Christi obfirmare possint, & ad absolutissimam tam in conscientia subditorum quàm in corpora & fortunæ Tyrannidem affectandam instigare. An non hi oratores digni erunt, qui ex ore Draconis prodire censeantur, vel in publicum tanquam nigra Stygio de gurgite Rana, eis temporibus prorepere?

Sect. 10. Sensus Mercavæ Ezechielis non est Physicus sed Moralis, &c. Certè uno plures mihi sensus tunc temporis non occurrebant, nunc verò ex nostra Mercavæ Expositione, sensum illi Visioni, si non Physicum propriè, Metaphysicum saltem inesse clare potest constare. Nec alterum alter sensus excludit, ut & neutrum Literalis. Quinimò partim sensum propriè Physicum etiam subesse legenti nostram Expositionem satis patebit. Adde ut, quemadmodum Moysi Bereshith sensum habet triplicem, Literalem, Philosophicum & Divino-moralem, ita & Mercava Ezechielis Ethico-politicum, Physico-theosophicum & Literalem; juxta monitum illud apud Salomonem secundum Septuaginta Interpretes. Καὶ οὐ ᾗ ἀπόγεα-ψαι αὐτὰ σταυτῶ τελοῦσῳ. Sic enim illi reddunt הלך כתכתי לך שלשים. Nonne scripsi tibi τελοῦσῳ, tripliciter, sensu scilicet triplici, quemadmodum etiam locum intelligunt Hieronymus perinde atque Origenes.

Sect. 15. Cum magis visibili sua prole Quakeris, &c. Hoc non temerè ab Evistore dictum esse, multis quidem indiciis ostendi potest. Ego unum & alterum tantum nominabo. Primum est dogma illud de excludendo Christum externum in re Religionis & amplectendo tantummodo Christum internum. Hic purus putus est Familismus. Et hoc tamen in Catechismo suis primisve Religionis Elementis Quakeri apertè tradunt. Ut videre est apud Guilielmum Smithium, qui hoc discrimen inter falsos Doctores & veros ponit, quod illi populum jubent in Christum credere ut in Cælo superno habitantem, hi verò in Christum internum. Certè si in Christum in Cælo habitantem nec spiritum verè credentibus mittentem populum juberent credere, hoc ipsis vitio verti possit; nunc verò cum internum Christi Spiritum sanctificantem cum externo Christo conjunctim prædicant, meritis Smithius Infidelitatis aut Impietatis accusandus est quod prædicationem Christi externi, characterem falsi doctoris facit, ut qui omnem Religionem circa Christum externum cum H. N. abrogat. Et tamen confidenter ibidem addit Smithius: Prædicatio Christi externi & prædicatio Christi interni ingens discrimen ponit, nec majus cum se invicem confortium habent, quàm Oriens cum Occidente. Quod nemo asserere potest nisi qui omnem fidem in Christum externum abjecit. Alioqui si per Christum internum Spiritum ab illo promissum intelligas, manifestum est prædicationem utriusque quàm artissimè inter se co-

habere. Christus enim externus, prepotens noster apud Deum Mediator, promissum Spiritum nobis impetrat. Hic vero Familisticis occacatus deliriis Mediatorem internum facit, seipsum ibi Deo sacrificium offerentem, quo ira Dei adversus nos & Injustitia propitiatur. Ecquid hoc magis Familisticum esse potest? Et certe qui paulo cautius castigatiusque scribunt, non tamen ita sibi temperant quin Religionem Christianam ad eum statum retrahere velle videantur quo erat temporibus Patriarcharum, sententiam H. N. in Evangelio Regni, ea in re secuti. Hoc vero illud alterum non est quod restabat, sed hoc potius, quod licet levius videatur, haud obscurum tamen indicium est Quakeros à Familistis esse oriundos. Nempe quod se invicem, non fratres, ut alia Secta solent, sed Amicos appellant. Quae notissima illa est inter se Familistarum Appellatio.

Quibus addas nihil fere distortum aut absonum reperiri apud Quakeros quod in Familismum facile resolvi nequeat. Quanquam enim populus sint ex confluxu variarum Sectarum in napera Anarchia Anglicana, coalescens, fermentum tamen Familisticum apud ipsos præ reliquis prævaluisse ex effectis satis manifestum est, ut omittam multos Familistas ipsis se adjunxisse. Doctrinam autem Familisticam spargere, Authorem interim, quem vocant, reticentes aut celantes, semper apud eos solenne erat. Hinc minime mirandum est non solum Baptismum sed & Cœnam Dominicam tolli, quippe hos ut ad Christum externum spectantes ritus tollit Familismus, quemadmodum intelligere est ex eis quæ scripsimus in Mysterio Pietatis. Et vero in illa Anarchia quam modò memoravi, rebus undique in pejus ruentibus & in maiorem indies confusionem prolabantibus, cum Familistis à suo Mimopropheta H. N. in Vaticinio Spiritus Amoris universale illud, uti monet Eviator, promissum fuit Orbis Terrarum Imperium, incredibile planè videtur, quin ipsi aut sua sponte aut perfidorum aliquorum Amicorum maligno consilio moniti, spem jam concepissent instare tempus & opportunitatem inchoandi Imperii istius Familistici, divinitus datam. Quæ spes J. Nayleri animo, qui unus è præcipuis Quakeris tunc erat, tam alie insedit, mentemque ambitione ita inflavit, ut Divinum honorem, quasi Christus ipse esset, ad judicandos vivos & mortuos cœlitus delapsus, à quibusdam Mulierculis Bristoliæ acceptaret. Quæ tam enormis vesania pectus illius nunquam occupare potuit nisi Familismus illum ed ante disposuisset. Familistæ enim Seniorum Familia natu maximum, ut Christum redeuntem ad iudicium suspiciunt atque colunt, ut videre est in Mysterio Pietatis. Tam facile in Familismum immane illud Nayleri Facinus cum suis Sectatricibus, resolvitur. In quem etiam manifestò solvi potest Quakerorum in omnium aliorum sacra contemptus & insultatio, ita ut si gratiarum actioni apud mensam intersint, caput nolint aperire. Quod optimè cum fastu Familistico convenit exemplòque H. N. qui tam fædè omnem Religionem Ritibusque sacros præ suo Amoris servitio, proculcat. Etenim quod oratio ad Deum, nisi quis præsesti Spiritus motu ed instigetur, Idololatria sit, apud neminem hominem cordatum ullam potest obtinere fidem. Proculdubio omnes eæ preces quæ cum sincero desiderio debitaque reverentia ac fide in nomine Christi & pro rebus licitis ad Deum funduntur, ei acceptæ sunt, quamvis verbis conceptis fiant. Cum verò plerique nimis remissè ac perfunctoriè sacra obeant, quo Divinam violant Majestatem, minùs mirandum est, si Deus tale hominum genus emergere permiserit quos more tam rustico atque barbaro sacra nostra non pudeat violare. Amarulentia porro eorum adversus Ministros Evangelii adeò Familistica est ut nihil esse possit magis, quemadmodum videre est in Mysterio Pietatis. Et quod tantopere contendunt pro Inhabitatione Christi hominis in nobis, non quidem per fidem tantum aut per Spiritum, vivamve illius in nobis instantatam Imaginem, sed secundum humanam suam Naturam, id certo certius scio purum putum fuisse Familismum, ab illuminato Familia Seniore olim doctus Verbum initio Evangelii Johannis memoratum nusquam esse præterquam in hominibus, non Cælum Terramque occupare, eosque è sua Familia ex hoc Verbo regenitos eodem modo Christos esse quo Jesus erat Christus. Unde humanam Christi naturam in utrisque perinde esse manifestum est, ni Christum in Jesu suâ humanâ naturâ caruisse statuere velis. Idem mihi confidenter etiam narravit, nullos esse Angelos bonos, malosve nisi in hominibus. Unde quid de Anima Christi post ejus crucifixionem senserit, palam est. Denique quantum ad Quakerorum irreverentiam adversus Magistratum, quanquam credo multos eorum nunc aierum animo innocentissimo sic se gerere, verisimillimum tamen est, hæc esse de Imperio Familistico aliquas primitus concepti Insomnii Reliquias. Quò refertur etiam posse putò pronomini secundæ personæ Numeri singularis ad omnes cujuscunque dignitatis & gradus personas singulares, usurpationem. Sic enim Quakeri inter se familiaritatem colunt, & in alios tanquam se inferiores imaginarium quoddam exercere videntur Imperium. Rusticitatem verò istam nemini aperiendi caput, corpusque inclinandi, fractum fuisse prædicti Insomnii ex eo videtur consentaneam, quod rationes illius emissionis nullas adhuc nisi vacillantes & pugnantes inter se producere potuere. Nunc enim nullius honoris eis rebus significationem inesse contendunt easque quovis homine esse indignas, nunc

maorem

Lib. 6. cap. 16.  
sect. 2.

Lib. 6. cap. 12.  
sect. 6.

Vide Myster.  
Pietat. lib. 6.  
cap. 12.

Lib. 6. cap. 12.  
sect. 2.



maiores significare quam qui ulli humane competat dignitati: cum tamen Esther Regina religiosissime a Mordochæo Patre suo educata non solum incurvavit se sed & procidit ad pedes Assueri Regis. Atque hinc satis liquere potest, quam non temere Evistor Quakeros visibilem Familistarum vocaverit prolem, quippe qui Principia Familistica non occultant, ut solebant Familistæ ipsi, sed per opera istius Principiis consentanea, toti mundo propagant.

Quicquid igitur distorti aut absurdi habeant Quakeri, manifestum est ad Familismum referri oportere nuperamque in Anglia Anarchiam. Cumque illam Larvam quam ista tempora & occasiones ei induissent, ne fallibiles videantur, nondum exnerunt, nec ipsi fortean quamplurimi, unde istud ornatus profectum sit aut quorsum tendat, intelligant, intus interim habere possunt animas satis candidas, & sub hac externa deformitate, ut Alcibiadis Sileni, aliquid, quoad Diviniorem speciem propius accedat, contegere. In aliquos enim incidere potes quos merito speres ad veram justitiam animique rectitudinem sincere anhelare. Sententia verò omnium tutissima ac moderatissima est, nec tam benigne quam ipsi de se, nec tam male quam alii, de eis statuere. Satis magnifice profectò de seipsis sentiunt, ut solent Familistæ, quasi illi aurea illa Philadelphianæ Ecclesiæ secula in Mundum essent introducturi. Et certè si tam propè jam instaret illorum beatorum seculorum Pompa processionalis quam Quakeri somniant, equidem Quakeros, quippe quibus hiuleum quid distortumque & immane quantum à reliquorum moribus mortalium distans inest, Manduci aut Citeriæ partem in Anteludio Pompe sustinere posse non multum refragarer. Quanquam dolendum interim fateor, quòd tam ingens utrinque otiosorum Spectatorum multitudo sit, qui nè Manduci quidem sunt aut Citeriæ. Falsi aliquot Messia verum Messiam antecesserunt in personali suo adventu; ita verisimillimum est, in adventu Christi secundum Spiritum, falsum aliquod aut ludicrum, veram illam Spiritus dispensationem antecessurum. Illa autem vera Spiritus dispensatio nunquam futura est quæ Spiritum Christi in nobis, illius officii Mediatorii vi in cælis, missum non agnoscit, externumve Christum non conjungit cum interno Christi Spiritu. Quod quidem facit ut suspicer Quakerismum, quicquid in eo boni sit, ad summum, non nisi jocosarium quoddam esse Divinæ Providentiæ Phenomenon; & haud fortuito contigisse, ut, (quemadmodum Mysterium, Mater Fornicationum, Meretricis Babylonice fronti inscriptum est, ita) Quakerorum capiti, Vulpes, (sic enim Foxius significat) inscribatur; cum illi boni viri tamen, qua illorum est ignorantia, sub Agni vexillo in monte Sionis se congregatos somniant, recepta interim militantes sub vexillo Vulpis cum suis Vulpeculis in montibus Prædonum, qui ovile vineamve Christi depeculantur, & Agnellos illinc quosque tenerrimos, mollissimave suffurantur Uvas. Sed vereor nè nimis levis hac quispiam, ac ludicra reputet. Ego verò levibus his armis Fanaticum hoc genus hominum, & effusa, (usque ad hilaritatem quandam animi, morumque jocunditatem) erga ipsos benevolentia, citius subdomari posse & convinci existimo, quam carceribus ac flagellis quibus omnino frustra contra eos usa est nuper Anarchiæ severitas. Ità enim comparatum est horum hominum ingenium, ut si quid durius patiantur, supplicium statim in persecutionem, errores in veram Fidem & seipsos in Apostolos suam quidem opinione, convertant.

Mimopropheticum igitur quoddam hominum genus Quakeri primitus censendi sunt & à summo illo Mimopropheta H. N. oriundi. De quo tamen ipso; quando paulò benignior animum subit hisce de rebus cogitatio, ut non sine Divina permissione, ita non sine aliqua humani generis utilitate scenam eum conscendere potuisse existimo, quanquam omnino talem etiamnum eum puto qualem descripsi in Mysterio Pietatis. Quippe qui, cum ex Enthusiastica quadam Infidelitate omnem illam Religionem quæ externum Christum respicit, quasi ἀμετέλα ἀβολαῖν: penitus abstulisset, eò impensius visus est Christum internum, hoc est, puram vivamque Justitiam & Sanctitatem colendam esse suos monuisse, totamque operam ei rei impendendam. Cui soli studio si sincere quispiam per Familisticam hanc ἀμετέλα ἀβολαῖν: totis viribus incumberet, etiamsi hoc pacto Religionem jam adultam in minutum Semen Ovumve rursus contraxisset merito videatur, non diffitemur nihilominus Ovum, quanquam contemptibilem speciem præ se ferat si vel cum pictura adultæ Volucris, Cygni patrà vel Aquilæ comparatur, (modo tamen hypenemium non sit sed vitale ac prolificum) nobilioris naturæ esse quam quilibet pictus Cygnus aut Aquila, talæque quod in pulchram illam Aquilæ formam se explicaturum sit tandem, nec inanimam quidem sed spiritu vegetam ac robustam & ad omnia debita vitæ munia promptam ac paratam: Cum è contrà pictæ istæ Aves ex vivo semine nequaquam natæ, ad statum vitæ nunquam pervenire possunt ullæve vitales obire functiones. Omnia illic inanima sunt Umbra. Et sic sunt omnes Religionis partes quæ ex vitali semine in corde non nascuntur, sed in cerebro tantum pinguntur & externis exercentur Ceremoniis.

*Quæ quidem sic intellecta nolo ac si insinuare vellem Quakeros, ut nunc se res apud ipsos habet, ad Familisticum hoc Ovum semine (quanquam parvi cujusdam seminis in scriptis eorum multa sit mentio) totam Religionem Christianam reduxissent, cum sanè, nè qua fraus fiat veritati, fatendum sit eos multum supra Dispensationem Familisticam jam emer-  
fisse, & appendiculas potius illius quàm rem ipsam nunc retinere. Si omnes nempe eandem cum R. B. G. P. & G. K. colunt Fidem. Nam cum Familismus Enthusiastica quadam planè sit Infidelitas sive Incredulitas circa Vitam Futuram Historiamque Servatoris, G. P. quidem, in libro suo qui inscribitur, Nulla Crux nulla Corona, argumentum de Vita futura beatæque Animæ Immortalitate ita urget, ut vix in ullum Authorem incidas qui eam rem majorem cum zelo animique vehementia inculcet. Sed ut G. P. & G. K. missos faciamus, de quibus non dubito quin vitam firmiter credant futuram; Audiamus quid R. B. qui se quasi os in sua Apologia, omnium Quakerorum constituit, hisce de rebus narret. Pag. 84. Quin ex animo, inquit, rejicimus Apollinariæ Hæresin qui negabat Christum habuisse animam sed corpus solummodo Divinitate actum, & etiam Eutychetis errorem qui naturam humanam à Divinitate prorsus absorptam voluit. Nam sicut credimus fuisse illum verum ac realem Hominem, ita credimus sic illum adhuc manere in cœlis cum in corpore tum in Anima glorificatum, per quem Deus judicabit Mundum in novissimo & extremo die Judicii. Qui autem Christum corpore juxta atque animâ in cœlis glorificatum credit, eum equidem de Incredulitate circa animarum nostrarum Immortalitatem suspectum habere nequeo. Eoque minùs, quia altero in loco, quanquam obiter, hac in re sententiam suam sincerè indicare videtur, pag. 137. ubi de secretis gaudiorum Divinorum vitæque influxibus, quibus, in introversionibus suis internòque silentio, irrigantur, loquens, Hæc enim est, inquit, prægustatio sensibilis illius Fruitionis quâ Sancti in Cœlis quotidie fruuntur, quam Filiis suis sæpe indulget Deus ad consolationem eorum & incitamentum, præsertim cum congregati sunt ad illum attendendum. Paucæ illa verbula [ quâ Sancti in Cœlis quotidie fruuntur ] plena profectò est & expressa Immortalitatis Animæ professio.*

*Et quantum ad Historiam Christi admodum explicitè pag. 85. sic scribit. Sicut credimus ea omnia quæ in sacris literis de Conceptione, Partu, Vita, Miraculis, Passione, Morte, Resurrectione & Ascensione Christi consignata sunt, verè & realiter fuisse transacta; ita sentimus omnes obligari ea credere, quibus Deus eorum scientiam affert, immo putamus damnabilem incredulitatem si quis non crederet ea sibi allata, quoniam Divinum semen ita credere inclinaret, & licet unicuique non revelèt explicitam & externam eorum scientiam, semper tamen veritati assentitur ubi declaratur. Quæ verba verè aurea sunt verè ac puri Auri Index verus lapisve Lydius. Et ex quo nihil ferè Divini seminis in H. N. fuisse manifestum est, sed merum fuisse Mimopphetam. Quippe quem probavi in Mysterio Pietatis Historia Christi quâ miraculosa, omnem abrogasse fidem. Porro de duplici Christi Redemptione solidè rursus philosophatur pag. 127. Prima, inquit, est Redemptio à Christo peracta in corpore suo crucifixo extra nos, Altera est Redemptio quam Christus in nobis operatur, redimendo nempe nos à corpore Peccati, novam nobis indendo naturam. Quod paulò plenius innuitur pag. 135. Satis suprâ, inquit, dixi, ad demonstrandum quanti facimus Mortem & Passionem Christi, cum eâ affirmemus & Deum pacatum & remissionem peccatorum obtineri, & gratiam eam & semen, à quo Divinus partus provenit, acquiri. Multaque alia ad hunc sensum apud eum occurrunt. Denique, longum enim esset omnia huc accumulare, De magno illo Fidei articulo agens, quod Christus ad dextram Dei sedet qui etiam illuc pro nobis interpellat, Rom. 8. sic tandem statuit: Christus igitur intercessionem facit durante cujusque visitationis tempore, ut convertantur, & cum secundum aliquam mensuram converſi sint orat ut pergant & procedant, & non retrocedant aut deficiant. En quàm immane quantum hac supra Infidelitatem Familisticam elevata sunt! tantum sanè quantum Cæli à Terra distant. Quod facit ut minùs nunc demirer, cum Quakeri ad veram ac Apostolicam Christianitatem tam propè jam accesserint, reperiri aliquando homines non tantum sincero pietatis studio affectos sed prudentes aliàs & intelligentes, (nisi quod Schisma non satis meminerint opus esse carnis) qui ad hanc Sectam divertant. Nec mediocriter profectò gaudeo meum de Quakeris sincerioribus, quod ante multos annos in Mysterio Pietatis divulgavi, me omni ex parte non fefellisse præſagium. Eos scilicet qui in serio perſtiterint sinceròque desiderio istiusmodi cognitionis quæ ad vitam tendat ac pietatem, redituros tandem incolumes ad Jesum Christum magnum illum Animarum suarum Pastorem ac Episcopum. Hoc autem optandum restat ut tam pulchram professionem heterogeneis Familismi appendiculis nollent diutius deturpare satisque honesto vultui tam tetram horridamque larvæ obducere, sed omnes suprâ memoratas sordes quisquiliâsque Familisticas diligenter abstergere atque à se abjicere. Sed plura in hunc Evistoris locum effudi quàm putaveram. Fuisse*

Lib. 6. cap. 16.  
& 17.

Lib. 10. cap. 13.



Fuisse Christum in nobis spem gloriæ. *Et sic quidem habet Tralatio Anglicana.* Qui sensus etiam satis convenit cum illo Symbolo J. Behmen, Salus nostra in vita Jesu Christi in nobis, dummodo per vitam Jesu Christi intelligis vivam illius in nobis Imaginem. Christus enim in nobis dicitur esse vel per Fidem, vel per Spiritum, vel per vitam suam Imaginem in nobis restitutam. Et secundum quemlibet horum sensuum, & vñ recte verti potest, in vobis. Verum ut liberè fatear quod res est, illum simplicissimum maximèque genuinum hujus loci sensum existimo, quem habet Grotius; [Τὸ μυστικὸν τὸ ἐν τοῖς ἰβνείν, ὅς ἐστι χειρὸς ἐν ὑμῖν ἡ ἐλπίς τῆς δόξης] Ingens, inquit, Arcanum Dei patuit, cum Christus, id est Doctrina Christi in Gentibus sonuit in spem vitæ æternæ. Est ergo hic duplex μέλωρ, Christus pro doctrina Christi, & spes pro causa spei; sic ille. Ubi ἐν ἰβνείν, & ἐν ὑμῖν, inter Gentes & inter vos, (nam & Paulus doctor gentium erat) recte apud Bezam vertitur. Tam parum momenti habet hic locus, quanquam præcipuus ex eis quos afferunt Quakeri ad stabiliendum suum commentum de ipso homine Christo revera ac propriè habitante in nobis, immò crucifixo in nobis & ad vitam restituto, &c. In quibus eos omnino Familissare ex suprâ dictis satis constare potest. De Imagine autem Christi in nobis tales texere Allegorias magis tolerandum esset.

Seç. 18. Peculiaris Inspiratio sive Illuminatio, &c. Peculiaris quidem Inspiratio sive Illuminatio negatur, sed non ea quæ omnibus regeneratis & sanctificatis hominibus communis, qualem Jacobum Behmen fuisse, nullus quidem dubito.

Seç. 20. Hic Spiritus, Spiritus Sectarius nequaquam erit, &c. Quod ab eis summo opere notatum volo, qui cum tam proclives sint ad imaginandum se in spiritu Eliæ venisse, Schismatis nihilominus indulgent, insubidisque suis moribus ac perversis, sine omni necessitate, legitimum irritant Magistratum.

Seç. 38. Spacium septimæ Tubæ in septem Tonitrua divisæ, &c. Quod septem Tonitrua totum septimæ Tubæ spacium occupant, id argumentis, ut opinor, solidis, in Visionum Apocalypticarum Ratione Synchronistica confirmavi, quò remittendus est Lector, Cap. 2. Seç. 4. Nec novi quicquam hic superaddere opus est.

ANIMALS



CARMINA QUÆDAM AUTHORIS

partim ex Poematis ejus

PHILOSOPHICIS

partim aliunde desumpta.

Circulatio Sanguinis,

*Ad celeberrimum Medicum G. Harvæum Inventorem.*

**H**umano subdi ingenio vaga Sydera Cœli  
 Æthereâsque vias, monstrant monumenta Priorum:  
 Sanguinis at solito redeuntis ordine lusus  
 Purpureæque ratos, quæ corde repellitur, undæ  
 Circuitus, blando caleant quæ cuncta madore,  
 Nemo Anglum ante Senem Mysteria tanta reclusit  
 Nec dictis potuit stupefacto exponere Mundo:  
 Difficile est adeò nosmet descendere in ipsos,  
 Atque excursantes Animi compescere flammæ.  
 Ergo, *Harvæe*, tuos pariter celebramus honores  
 Dum canimus pulsum & rutilantis sanguinis orbem,  
 Quæque potest tacitas fluor hic, ratione docemus,  
 Subrepens renovare per omnia membra choreas;  
 Conspersum unde viget vitali flumine corpus  
 Diffusos latè succo penetrante meatus.

Scilicet Oceanis ut subterraneus undis  
 Fit cursus, cæcæ resicans penetralia Terræ,  
 Dum liquor è magno prorumpens fortiter alveo  
 Per cava pèrque poros sinuoso tramite ductus  
 Intùs ad Imaum pergit gelidumque Niphatem,  
 Alpes ac Rhodopen, niveum & candoribus Æmum:  
 Mox tamen è madidis argenti rore Cavernis  
 Per juga transudant latices, quos excipit Indus  
 Et Tigris Rhodanusque atque auro turbidus Hebrus,  
 Axius atque Erigon, guttarum qui agmina ripis  
 Rursus ad Oceanum referunt; pèrque extima Terræ  
 Innumero repetit humor Mare refluus Amni:  
 Sic sanguis qui à corde fluit propulsus & intrò  
 Labitur occultos quocunque Arteria rivos  
 Ducit, conspicuis mox ad cor tendere venis  
 Cernitur, assidui signans vestigia cursûs  
 Cæruleis, queis tota nitet cutis extima, ramis.

Sitque levi hæc calamo sat sic strinxisse, resque  
 Ante oculos summam posuisse, sed acrior instat  
 Pugna, modòsque mihi jam restat pandere certos  
 Queis liquidò reditum hunc evincam sanguinis ad cor,  
 Insuperabilibus demonstrans omnia Dictis.

Primò igitur constat quòd copia tanta coruscæ  
 Sanguinis erumpit cordi, dum pulsatur, ut omnem

Cccccc

Vinceret

Vinceret ingluviem tam largos suggerere haustus  
 Succorum atque Cibi. Minimum bis millia fundit  
 Drachmarum saliens Cor, unâ, sanguinis, horâ.  
 Nec remeare sinunt Valvæ quas signata claudunt.  
 Mollibus unde viam venis tentare necesse est.  
 Deinde manus valido stringas vel brachia nodo,  
 Paulò post frigent digiti, sin vincla relaxes  
 Nè coëat duro compressa Arteria nexu,  
 Protinus immensum turgēt manus, atque ruenti  
 Sanguine restagnat, quem nullum absumere in usum  
 Pars onerata potest, tenui aut depascere flammâ.  
 Postremo unde loco tantum superesse fluoris  
 Sanguinei constat, venas ut rumperet omnes,  
 Hunc nisi transmittant recto ad præcordia motu.

Cujus & indicium est quod vinclo, sæpe, soluto,  
 Frigidior Sanguis simulatque accesserit ad Cor,  
 In Medici manibus pallens defecerit Ager.

Quin & Venarum structura & fabrica Cordis  
 Edocet hoc, monstrantque patentes omnia Valvæ.

Porro ægotanti cùm fiat apertio Venæ,  
 Impacto, subter puncturam, pollice, nullus  
 Exiliet Sanguis, Digitum si forte remittis,  
 Purpureo pinges adstantia singula rore.  
 Denique si caleat candenti cor magè ferro,  
 Hic nisi circuitus fieret succique recursus,  
 Extremæ partes torperent frigore, & ipsam  
 Languida Hyems premeret, primo jam flore, Juventam.

Cùm verò extremis constet de Corporis oris,  
 Pulmonum curtos tandem non credere gyros  
 Desipere est. Eadem hîc formatio partium & usus;  
 Valvulæ & adjunctâ gaudens Arteria venâ.  
 Præterea lævum frustra Natura creâsset  
 Ventriculum, nisi per pulmones sanguis ad illum  
 Transfertur. Calidum nam respiratio Rorem  
 Temperat, ut possit tandem, adrependo, sinistrum  
 Fortiter irritare, latex ut frigidus, ignem.  
 Unde vigent toto generosi corpore pulsus,  
 Qui languere solent in pestiferis Hypocauftis,  
 Deliquiumque parit ferventior Aëris æstus.

Denique conspicuis firmentur ut omnia signis,  
 Circulus hic rutuli succi in pulmonibus, ex hoc  
 Eniteat, quoniam Viventi pulmo ubi deficit,  
 Non plures Natura sinus cordi indidit, uno.  
 Immò ubi adest pulmo, nec tum permittitur usus,  
 ( Quod fit & infanti, qui nondum carcere rupto  
 Vagiit elapsus dias in luminis oras,  
 Atque anati, reliquisque volucris, indita, longo  
 Tempore caruleis condunt quæ colla sub Undis )  
 Opportuna vagi, citò, tunc compendia cursûs  
 Conspicies fieri, atque hîc sisti sanguinis orbem.  
 Hisce etenim tubulus dextro de corde ad Aortam  
 Purpureos mittit calices. Cava vena sinistram  
 Ventrem adit, Ovalem penetranti flumine rimam.  
 Unde etiam atque etiam constat, quòd factus in usum est  
 Hunc ipsum pulmo, ut lusus det sanguis in illo  
 Circuitusque vagos, longis ambagibus hærens,  
 Frigidulus lævum ut crebro spiramine ventrem  
 Tandem adeat, vegetumque queat cire indè calorem.

Ergo meat corpus per totum sanguis & ipsum  
 Ex nulla esse finit stagnantem parte Paludem.

Hæc, Divine senex, breviter tibi nostra Thalia  
 Panxit: ad Oceanum gratus sic refluit Amnis,



Sic à te doctus redit ad præcordia sanguis.  
 Quodsi prosequerer quo sunt tua digna lepore  
 Ornatis fusè depingens omnia Dictis,  
 Fax Cœli me deficeret, nec dum exitus esset  
 Producto sermone nigraï Noctis ad umbram.

### *Necessitas Triumphata:*

*Seu*

*Humanam voluntatem ad unum necessariò  
 non determinari.*

O Dea! quæ clavum manibus cuneumque superbis  
 Gestas, & strictâ liquidi compagine plumbi  
 Cuncta premis, duramque soles imponere legem,  
 Usque adeone tuo indulges, favissima rerum!  
 Imperio, astringas tristi tibi ut omnia nodo?  
 Terra tua est & quos sub verno tempore flores  
 Proruit, & quicquid tenebrosa in viscera condit.  
 Amnes quò tu cunque vocas falsæque lacunæ  
 Pergunt, & lati palantia Sydera Mundi.  
 Aër sub ditione tua est, nimbique ruentes  
 Quæque boant rauco metuenda Tonitrua cælo.  
 Et nimis angustum si forte hæc omnia Regnum  
 Infernas moderare Umbras sedesque Silentium,  
 Horrificosque suis ructantem è faucibus ætus  
 Tartaron. His addas brutum genus omne Animantum,  
 Innumeras pecorum species atque Alti volantium.  
 Mancipium Natura tuum est, seu tristior illa  
 Quam Nox ima premit cæca in caligine, sive  
 Quam Matutinis radiis fover Æthereus Sol.  
 Omnibus his dare jura potes, durasque catenas  
 Nectere, & ad rigidum nodis mordentibus unum  
 Stringere. At hæc stupidâ non torpent cætera lege.  
 Liberum enim est genus humanum, veluti innuba virgo  
 Quæ nondum ullius thalamis addicta mariti est.  
 Multi hanc ergo viri precibus blandisque loquelis  
 Facundos quos fecit Amor Noctisque cupido,  
 Sollicitant. Nostras alios ita Manibus imis  
 E mediis alios, alios è sedibus altis  
 Impugnasse procos Animas sentimus, & ipsum  
 Descendisse Jovem casto in præcordia lusu, ut  
 Virtutem inspiraret, sanctumque accendat Amorem.  
 Scilicet hæc fiunt quoniam Mens libera nostra est  
 Legibus æterni Fati, uniusque severi.  
 Quodsi Animæ motus solido Dea ferrea clavo  
 Præfixos jam olim determinet; illius omnes  
 Fictitii assensus, libertas nil nisi inane  
 Commentum; quod qui est ausus fabricare necesse est  
 Æstuet implicitus nodis quos consuit ipse,  
 Et Chryippeum sudet volvendo Cylindrum.

### *Invigilatio.*

Latitiæ subito cave nè immergaris inani,  
 Nè lingua insanis ludat & erret aquis.  
 Tempora nec plexis Domini circumdato spinis,  
 Nec sacra subtilis tangat acus latera.  
 Transegisse diem sine labe, hæc unica mentem  
 Torqueat invictam nobilis anxietas.

Τὸ τ' ὅλης φύσεως κήρυγμα,  
 εἴτ' ἔν  
 Ὑμνωδία.

Ἐκ θεῶν ὁ λόγος, καὶ αὐτὸς θεός, ἐκ τοῦ Λόγοιο  
 Τῷ δ' ἐνὸς ἐν κόσμῳ μυρία εἰσι λόγοι.  
 Ἡμεῖς δ' ὡς Νείλοιο βαρυδέπτα ποταμοῖο  
 Ἐνναίται, ἱερῶν κωφτόμοι, κελεύω.  
 Κλυθὶ δ' ἐμὸν φίλον ἦτορ, ἐπὶ τῇ Ζαθέοιο χορείῳ  
 Ἡδῆς εἰσαΐον τ' μελίηρον ὄπα.

Ἡ τῶν ὄντων Ὑπόλαγν.

Γαῖα μέλαιν' ἀπαλοῖς ὑπόλασται ἀνθεσι ποίησ,  
 Βῦσι δ' καὶ ἵπποις γαῖα μέλαινα, πόη.  
 Ἀνδράσι γαῖα, πόη, καὶ ἀελλοπέδων γένος ἵππων.  
 Τάλλα τὰ πάντα γ' ἐμὲ εἶνεκ', ἐγὼ δ' εἰς θεῶν.

*Aphroditus*

*Synes. Hymn. 2, 3. Macrob. Saturnal. lib. 3. cap. 8.*

Summe Pater! rerum fixa inconcussa que Sedes!  
 Omnia qui fulcis Mundo non fictus Adonis.  
 Fundamen Cælorum! immobile sustentamen  
 Telluris! Magnūmque quies secura Deorum!  
 Omniparens Amor! In dias tuluminis oras  
 Omnia producis, vastus quæ continet Orbis:  
 Innumerā tu prole tuā terrāsque feraces  
 Aërāque immensum complex campōsque natantes.  
 Seclorum Pater es, Mater pia, sedula Nutrix.  
 Te circūm quoniam ludunt humana propago,  
 Quos nisi tu sistis, nutricis more, patenti  
 In gremio & circumjectis tutare lacertis,  
 Protinus, heu! pereunt, priscas repetendo tenebras;  
 Submersōsque suo claudit Styx lurida fundo.  
 Lurida Styx, summi quam oderunt tangere Olympi  
 Incolæ inextinctum spirantes semper amorem.  
 Hujus enim horrendas nemo quisquam petet umbras  
 Fluminis, accensus lucenti pectora ab igni.  
 Nos tamen interea charis dum amplecteris ulnis  
 Materno sistis que genu, te cernere contrā  
 Vix cupimus, blandōve tuos advertere vultus.  
 Sed veluti lactens Infantulus ubera Matris  
 Quæritat, & cunctas complet vagitibus ædes  
 Ni sedet & mollem sibi nudam veste mamillam  
 Exhibet: Hæc igitur properat sævūmque Tyrannum  
 Demulcet dictis atque oscula dulcia figit.  
 Ille autem non dicta moratur, nec pia Matris  
 Oscula, non hilares oculos vultūmque serenum  
 Attendit, pulchros neque, amantum rete, capillos.  
 Nulla mora est, quò cæca fames vocat, instat, in uber  
 Involat, & niveum sitienti fauce liquorem  
 Haurit, & alterno jactans sua cruscūla motu  
 Maternum refricat gremium, dulcedine sensūs  
 Exultans, tenerum succo feriente palatum.  
 Sic nos, magna Parens! quorum provectior ætas,  
 Sic tua, sic avidis premimus sacra ubera labris.  
 Sed formam vultūmve tuum qui conspiciat? Omneis  
 Cæcus Amor quò tractat & expectata voluptas  
 Auferimur, plenōque unā devolvimur alveo.  
 Verūm ego si possem! neque enim deprendere possum

Divinam



Divinam speciem: Nimio tua pignora lusu  
Quippe soles lassare & gratam avertere formam.

At cum conatu longo defessus ocellos  
Adduco & facilis vincit mea tempora somnus,  
Tu tamen interea vigilas & membra sopore  
Dulci extensa vides & amico lumine mulces.

Hæc, Venus alma, animus, nebulas noctemq; malignam  
Somniat obfusos, neque enim poti' cernere quicquam est,  
Sed furit & cæco rerum perculsus amore  
Evomit infanum turbato pectore carmen.

Ζωὴ καὶ Θάνατος.

Τῶν ἐσιῶν ἡ συμπαθητικὴ χάρις  
Ἡ Ζωὴ, ὥσπερ τὸ θανέειν, μὴ συμπαθεῖν.

Πολυπραΐσμονη.

Μὴ ἐν θηρίδιον πολυπραΐμονα ἄνδρα νόμιζε,  
Ἐς ὅππαιρέκακα, βάσκανα, ἔτι λάλον.

Σωφροσύνη.

Ἄλλ' ἀπίχου παρὰ πάντα τραγήματα ἃ μετὰ δέητρον  
Ἀδία οὐκαίρω σωφροσύναι σύγχευς.

*Scientiæ Affectatio.*

Te n' centrum Mens vana putas pulchrai Sophiai,  
Lucis ut unam omnes te peterent radii?  
Dic, sodes, quid tu merita es? quo nomine victos  
Traxisti superos in tua vota Deos?  
Si Cœli vis te Centrum, depresso imis  
Terraï fac sis improba visceribus.

Γυμνοθεΐα,  
εἴτ' ἔν

ἡ ἀνυπόκριτος ἡ ψυχῆς θεοχάρεια.

Ὁν γυμνὸς ἔκ ἀν τέρπη, ἢ τέρπει θεός.

Εἰς τὸ αὐτό.

Οἶμοι τί πάγω δύσμορον; τῷ φιλάτῳ  
Ἐμφύναι οἰόμην, σκιὰν ἢ ὄναρ σκιάς  
Ἐνηκαλισίμην, σῶμα δ' ἐκ ἡσπαζόμην.  
Κάλλιστον ὄντων εἴθ' ἔμοιγε τὸ σὸν φαῖ.  
Γυμνὸν παρέξαι, ὥς με τὸ ὄντως εἶδον  
Ἀμφιβαλεῖν, μάλλον ἢ τῇ ψυχῇ δίδου  
Γυμνήν λαβεῖναι τὸ καθαρόν τῃ σὺ φάναι.

*Deliquium.*

Vires deficiunt, abítque vita.  
Virtutem revoca, O Deus! fugacem,  
O Sol Justitiæ atque Origo Vitæ!  
Vitæ quâ reficis tuos Alumnos,  
Inspira, obsecro, Spiritum suavem  
Venis languidulis, meósq; ocellos  
Lucis vivifica novo vigore,  
Percussum saliat novóque amore  
Pectus, compositas agat choreas  
Lætum cor, cupidis premátque in ulnis

Quæ

Quæ tu cunque facis, Pater Deorum!  
 Immensique Opifex perite Mundi!  
 Cuncta exosculer ambitu benigno &  
 Injēctis teneam fovens lacertis.  
 Nam jucunda cluent, cluent amœna,  
 Ni Nubes animum gravent acerbum  
 Atque urat dolor intimus medullam.

Ergo magnanimam piāmque mentem  
 Sedatam facilēmque callidāmque  
 Concedas quæ hominum sciat ferātque  
 Mores omnimodos bonos malosque.  
 Nec Cor concutiant superbiarum  
 Fluctus turgidulum; furor dolorque  
 Vitæ nè obsideant vias misellæ  
 Suffocētque suis feris catenis.

Mentem præbe humilem at simul serenam,  
 Mentem præbe hilarem at simul severam  
 Te circum choreas leves agentem  
 Pulsantem citharam at tibi canentem.

Περὶ τῷ Φιλόκαλον.

Βιβλία πάντα τέλεια, μαθήματα πάντα τέλεια,  
 Εἰ δέ τι ἄλλο καλόν, τὸ δ' ὅλον αὐτὸς ἔχει.  
 Εἰ δέ σοι ὦ Φιλόκαλ' ὅτι μὴ ὅλον ἔδδ' ἐν ἀρέσκει,  
 Τῶν ἡθῶν τί ἔχεις ἡμίτελές τὸ καλόν;

*Fides fluctuans.*

O Deus! æterno Lucis qui absconditus Orbe  
 Humanos fugis aspectus! da cernere verum.  
 Da magnum spectare diem non mobilis Ævi.  
 Da contemplari nullius in infera Noctis  
 Lapsurum Solem. Spissas caliginis umbras  
 Adventu dispelle tuo. Pernicibus alis  
 Ocyùs advolitans, animam tu siste solutam  
 Mobilitate suâ; rapidæ quam cursus aquai  
 Deturbat secum atque in cæco gurgite condit.

Sed tamen ex fluxu hoc rerum miserôque tumultu,  
 En! vultus attollo meos, tu porrige dextram,  
 Exime ut excelsò figam vestigia saxo.

O Deus! O centrum rerum! te percita motu  
 Arcano circumvolitant cuncta atque requirunt  
 Nequicquam, quoniam æternâ te contegis umbrâ.

Attamen infano exerces mea pectora amore  
 Et suspirantem volupe est tibi ludere mentem  
 Ignibus occultis. Non talibus æstuat Ætna  
 Intima cùm accensas eructet flamma favillas  
 Pleniùs & lato spargat sua viscera campo.

Omnia sollicitâ mecum quæ mente revolvi,  
 Somnia sunt? stultæque animi satagentis inane  
 Figmentum? spes nostra perit radicitus omnis?  
 Expectata diu vacuas vita exit in auras?

Hei mihi! quàm immensæ involvor caligine Noctis!  
 Subsidio, pereco, repeto jam Materiai  
 Infensas tenebras & ahenæ vincula Mortis.

Quæ me intemperies agitat! rescindito cælos  
 Summe Deum, tantòsque animi composito fluctus.

Περὶ τῷ ἐν τῇ ψυχῇ παιδοχλόνιας Διάλογῳ.

Εἰπέ μοι, ὦ φίλον ὄμμα, πῇ ἡμέτεροι δόμοισιν  
 Εἰσὺς διάγειν παιδίον ἐξέφυγεν;

Μαίνομαι



Μαίνομ' ἐγὼ γὰρ ἐρώϊι λυπητὲ, παρρηχομήϊο  
 Εἶδεθ' ἀνθάπων ἡδὺ τὸ μνημοσύιον.  
 Ὡς χειλέων γενύωντ' ἄγαμαι φρεσὶ περὶ γελάτων  
 Καὶ μελιχρεῖς, διαστῆς λαμπάδ' ἐν, ὑπερσύνῃ.  
 Ὡς αἰεὶ τι ἐνισπέν ἐμοὶ τότε ἡδὺ λάλημα  
 Ἀερῶς ἡμετέρῃ κέμῳ ἐν κραδίῳ.  
 Αἰαὶ τ' ἱερὰν ἰδέαν, ἦθ' ἐρατεινόν,  
 Οὐκ, ἐπ' ἀληθεία, παῖς βροτῶ ἀλλὰ θεῶ.

Ὅρθως μὲν τάδε πάντα, τὸ δ' [ ἐξέφυγεν ] πάνυ ὀρθῶς  
 Οὐκ ἔλεγε· πῶς γὰρ νεκρὸς ἀν' ἐξέφυγεν;  
 Φεῦ, σκέψαι τ' παῖδα, ὃν αὐτὸς ἀπεξένεκρωσας  
 Κήρυ ἐπὶ ψυχρῶ παρτάμῳ πεδίῳ.

Οἱμοὶ ἐγὼ τί βλέπω; τί ἔρεξα, τίνων δέ με δαίμων  
 Μιμήσκει; μίαν πρᾶγμα καὶ ἀργαλέον.  
 Ὅμμασι πλησιφαῖς ἀθρῶν κύκλα λαμπρὰ σελήνης  
 Τοῖς ποσὶ τῶν ἰλαρὸν ἔσβησα λαμπάδιον.  
 Ἀλλ' ὦ Ζεῦ ἄλλοι τε θεοὶ τὸδ' ὑπὶ γομαι ὑμῖν  
 Οὐκ ἔτι μὲ ζῆσιν, τῶ δὲ ἀποκλᾶμῳ.

Ὅρθον ἔπ' ἐν, βέλτε, ἀποκλᾶμῳ γὰρ οὐκ εἶναι  
 Καὶ ζῶν ἢ ζῆσαι, ζῆ δ' ἔδε ἢν σὺ δᾶνῃ.

### Monocardia.

Quæ vis nunc agitat meas medullas?  
 Et cor molliculo ferire motu  
 Cœptat? percutiunt novi furores  
 Mentem, concipio novos amores.  
 Ah! nunc me fluidos abire in ignes  
 Totum sentio. Flamma mollis artus  
 Dulcis, vivida, permeavit omnes,  
 Jucundumque ciet calore sensum  
 Toto corpore spiritumque toto.  
 Bellam hic laude suam efferat Fabullam,  
 Formosam ille suam canat Corinnam.  
 Me leni Monocardia urit igni  
 Et sacrum instituit suum Poëtam.  
 Pulchra O Simplicitas! beata Virgo!  
 Tu vincis radios, nitore, Phœbes,  
 Tu stellas superas decore cunctas.  
 Nam quis pectora? quis sinus apertos  
 Candorísve tui potest tueri  
 Thesauros niveos, eburneósve?  
 Quin Luna imbriferâ tepentis Austri  
 Nube obscurior, atque sydus omne  
 Sit nigrum magis ac imago Noctis,  
 Et Hyles tenebris nives eburneque.  
 Quodsi orbes hilares amabileque  
 Lucenteque tuor faces, amorum  
 Blandas illecebras, ruit statim Sol  
 Et lati species perit Diei  
 Submersa in Tenebris Meridianis.  
 O Princeps Charitum! Dea O Dearum!  
 Cœli splendor! & unica O voluptas  
 Humani generis! Catena nodis  
 Auratis homines ligans Deosque!  
 Te circumvolitant leves Olympi  
 Alati Juvenes, tuosque gressus  
 Sustentant manibus suis tenellos,  
 Et firmant tua crura mollicella

Dulcis

Dulcis cura Deum, Venúsque Cæli!  
 O Fons Lætitiæ piique lufus,  
 O ter pulchra Puella, blanda Virgo!  
 Noftris molliter infidens medullis  
 Cœleftémque animo fovens Amorem,  
 In cœtu superûm locas Deorum.

## Ἀπορία.

Οὐκ ἔγνων πόθεν εἰμὶ ὁ δ' ὅς μοι, ὅδ' εἰς τίς εἰμὶ;  
 Ὡς τ' ἀφ' ὧν ἐστίν, ὅδ' εἰς πῶς ἐρχομαι.  
 Ἀλλ' ὁ δ' ὅς μοι τε γούτω πολυγνάμπτους ὀνύχους  
 Ζῶω, ἐμοίγε δοκεῖ, πάντας τοὺς ἐλκόμενους.  
 Ἴσα ἐγρηγόρσεις καὶ ὀνείρατα, ὦ πάτερ· ὦ Ζεῦ  
 Ὡς σε μόνον, καὶ ἡμεῖς ζώομεν ἐν νεφέλαις.  
 Ψεύδεις, φαντασίη, κενότης, τερεῖσμάτ' ἀνάγκη,  
 Τάλλα μὲν ἀγνώσας, τὴν βίον οἶδα μόνον.

## Ευπορία.

Οὐρανὸνθεν γέγονα περὶ θοῶν, θεῶν ἀμφοτέρωθεν ἀκτῖς,  
 Καὶ ὡς τ' ἀφ' ὧν ἐστίν, πρὸς θεὸν εἰμι πάλιν.  
 Νῦν δ' ἐπ' ἔρω με πτέρισσι θεοῦσιν ἐξυπερίδεις,  
 Ζῶ δ', ἐπ' ἀληθείᾳ, πάντας τοὺς τερόμενους.  
 Νῦν ἀπὸ τῆς μὲν ὄναρ τε, Πάτερ θεοδερκίᾳ αὐγῇ  
 Ἀίδιον καὶ ἡμᾶς ἀμφικάλυψε φάος.  
 Πίστις, καὶ σοφίη, θεότης, χαρὰ, ὑπὲρ ἅλκην,  
 Ταῦτα ζῶν, ἀδής τάλλα καὶ ὑδενία.

Μόρφ' Θεῶν ἢ δόξα.



Rerum ac Verborum Locorumque Scripturæ in hoc altero  
Voluminis Philosophici Tomo contentorum INDEX.

A

**A** Aronis τὸ λόγιον quid significet, curque vestimenta illius ἀπειχόνισμα τι essent & μίμημα τῷ παντός, pag. 1. l. 47 & p. 2. p. 4 l. 6

Aaronis stola ocellata Mundorum Aziluthicorum sedes. Planetarum verò Incolas in Pallio ejus Hyacinthino habitare, p. 459 l. 14

Aaronis Vestimenta Symbolum Universi, p. 577 l. 26 & p. 578. Divinitatisque Christi indicium, p. 578 l. 33 & p. 579

Abaris Pythagoræ discipulus Æthrobates dictus, p. 552 l. 60

Abrahami in manibus conservatam fuisse Cabbalam Creationis, p. 497 l. 14 & p. 499 l. 48

Ægyptiis Astronomiam & Arithmeticam tradidisse, ibid. l. 61 Immo Mysticam sive Symbolicam Arithmeticam calluisse, p. 500 l. 4

Abrahamum in Visione Prophetica Deum eduxisse ad stellas contemplandas non ut Astrologum, sed ut Physiologum apprimè gnarum, p. 500 l. 41

Abrahami Cabbalam & Mosis eandem fuisse quibus pateat argumentis, p. 502 l. 11 & l. 31

Abrahamo de progenie sua facti promissi Impletio quam lata jam sit & expressa, p. 668 l. 1

Adamus æthereus quomodo in corpus terrenum deversus, p. 482 l. 32

Adami ætherei in Paradiso statûs descriptio, p. 482 l. 40 & p. 483

Adamo terreno immortalitatem nequaquam competere antequam redierit in Vehiculum ætherium, p. 486 l. 35

Adamus post lapsum impatiens presentie Divinae lucis, p. 493 l. 9

Adamus pulvis dictus ut Spiritus non lapsi vel quatenus æthere vestiri Cælum & Lux, quatenus eis γένεσις descendunt Aquæ, p. 527 l. 61 & p. 534 l. 5.

Adami ortus ex terra, p. 539 l. 52 & p. 540

Adamus cælestis qui Imago Dei, qualis, p. 623 l. 1. & p. 624 l. 32

Adamus ὁ γένεσις vñs secundum Phœonem, p. 635 l. 40

Adami & Evæ vestimenta ex pellibus quid in Morali Cabbala significant, p. 635 l. 57

Ἀδὰμ septenarius cur sic dictus, p. 574 l. 58 & p. 575

Adveniat regnum tuum, quo sensu intelligendum temporibus Servatoris & postea, p. 658 l. 61 & p. 659

Ægyptus qui Typus factus Potestatum Ecclesiam Dei affligentium, p. 669 l. 9

Ærem ullamve subtiliorem materiam in Aere

scientiâ ullâ liberæ arbitrio nequaquam esse præditum, p. 58 l. 36

Ærem naturalem Animæ sedem esse post mortem eandemque Ἀδὴν appellari, p. 402 l. 30 Animamque illinc exire non posse ante Ætheræa congruitatis excitationem, p. 402 l. 42

Æris Regionem eandem ab omnibus animabus non habitari, p. 403 l. 1

Agnus Paschalis & Israelitarum transitus per mare rubrum, Typi quales, p. 669 l. 12 & p. 670

Agriculturæ homini, Divino consilio destinata, p. 71 l. 43

Allegoriarum abusus impius apud H. N. aliòque perstrictus, p. 638 l. 60 & p. 639

אלהים in Cabbala Literali singulariter significare, p. 514 l. 15

Ampullæ cum orificio inverso obturata & in Mare immissa experimentum cum experimento Emboli Anilia Pneumatica comparatum, p. 61 l. 54

Anaxarchi ἀναρχία, p. 216 l. 41

Anguillæ si sexu carent nihil repugnare Providentiæ, p. 76 l. 15

Animarum conductum in Materiam per Spiritum Naturæ fieri, p. 8 l. 56

Animam abrasam esse Tabulam qui factum ut quidam existimarent, p. 33 l. 41. Non esse abrasam Tabulam, ibid. l. 46 sed actualem habere scientiam & quo sensu, ibid. & p. 34

Animam non magis esse abrasam Tabulam quàm Spiritus Naturæ, suasque Ideas innatas Intellectuales habere ut illæ Vitales, p. 34 l. 22

Animam quibusdam notionibus assentiri naturaliter ac necessario sive actualem ex se cognitionem habeat sive non, p. 36 l. 14

Animam non esse meram corporis modificationem, p. 49 l. 52 & p. 50

Anima humana Divini Numinis Imaguncula, p. 51 l. 14

Animam corpori post mortem non tam diu inherere quàm quidam autumant, p. 116 l. 16 p. 120 l. 13

Animæ vim Staticam sive Systalticam in Vehiculo Aereo omnem impetum, pondus, terrenamque soliditatem posse imitari, p. 120 l. 20

Animæ separatio realis quomodo fieri possit sine morte, p. 128 l. 4

Anima humana in rerum Immaterialium speculatione cur tantopere cecutiat, p. 150 l. 23

Anima per facultatem suam contractivam cur non subducatur se à dolore, p. 151 l. 4

Anima quo sensu indivisibilis sit & extensa, p. 169 l. 17 & p. 170 l. 28

Ddddd

Animæ

# I N D E X.

- Animæ Indivisibilitas atque Unitas sensifera Repræsentatione Symbolicâ illustrata*, p. 169 l. 39 & p. 170
- Animæ existentiam, quantumlibet perplexa sit ejus Essentia speculatio, cogitandi incapacitatem in Materia certò arguere*, p. 169 l. 57 & p. 170
- Animam humanam ità esse comparatam ut necessario expergeri queat in phantasmata & perceptiones sine omni consensu suæ voluntatis*, p. 188 l. 32
- Animas unâ plures esse in Homine dogma Judæicum*, p. 222 l. 41 & p. 223
- Animarum pluralitas apud Judæos unde duxerit originem*, p. 379 l. 56 & p. 380
- Animam Mundi percipere posse se percepisse quod nunquam percepit, ex eo quod Anima dolorem percipit ubi non est, non rectè concludi*, p. 285 l. 32
- Animæ humana Figura quæ sit naturalis*, p. 306 l. 17
- Animam humanâ formâ esse secundum Irenæum & Origenem*, *ibid.* l. 40
- Anima Angelica & Humana ut differant*, p. 309 l. 51
- Animæ operationes quomodo fieri supponantur per Conarion, Spiritus & Musculos sine Anima*, p. 342 l. 21
- Animæ quanam operationes etiam apud Cartesianum in nullum artificium Mechanicum resolvi queant*, p. 344 l. 27 & p. 345
- Animam non agere independentem à Spiritibus*, p. 353 l. 53 & p. 354
- Animam motus Spirituum dirigere potius quàm corpori imprimere*, p. 354 l. 5
- Animam non concludi in sensorio communi quatuor argumentis demonstratum*, p. 357. *A Plastica Animæ*, l. 48 & p. 358. *A Passionibus & Sympathiis*, p. 358 l. 42. *A perceptione doloris in partibus corporis extremis*, p. 359 l. 24. *A natura visionis*, p. 359 l. 48 & p. 360
- Animæ, Oculi, Centrum & Radix an & quomodo competat*, p. 363 l. 13 & p. 364 l. 32
- Animæ partes duæ veræ ac reales, Perceptiva & Plastica*, p. 363 l. 32
- Animæ Perceptivam esse tantum in Capite*, p. 365 l. 60
- Anima Perceptivâ destituta qualis futura & qualis vicissim Plastica*, p. 364 l. 36
- Anima qualis reverà concipienda*, p. 364 l. 45
- Animam nec ex traduce nasci nec creari*, p. 365 l. 62 & p. 366
- Animas humanas in brutorum corpora non transire*, p. 369 l. 15. *Quibus id rationibus evincatur*, *ibid.* l. 31
- Animæ cum corpore unio quâ ratione fiat*, p. 373 l. 15. *Non esse Mechanicam*, *ibid.* l. 28
- Animam à morte obita non manere in cadavere per legem Immutabilitatis, contra H. Regium*, p. 375 l. 21
- Animæ exitus è corpore quàm facilis & intelligibilis*, p. 375 l. 31
- Animæ exitus è corpore in liberum Aerem quomodo fiat*, p. 376 l. 37 & p. 377
- Animam separatam à corpore vivere, & agere, Historiâ probatur & Ratione*, p. 377 l. 20
- Anima quomodo in Ecstasibus exire possit, corpore incolumi*, p. 377 l. 58 & p. 378
- Animas ipsas esse aliquando quæ apparent post mortem, quàm Rationi consentaneum*, p. 382 l. 54 & p. 383
- Animam eandem esse quæ sentit & intelligit vel ex ipso Textu Mosaico patere*, p. 384 l. 29
- Anima & Genius Aerens, quibus & quàm paucillis rebus differant*, p. 386 l. 14
- Animæ Activitas post mortem quibus ex rebus pateat*, p. 388 l. 1 & p. 389 l. 39 p. 390
- Animam semper uniri cum aliqua Materia quibus evincatur argumentis?* p. 395 l. 34 p. 396 & p. 399 l. 3
- Animæ dimensiones ejusque Figura*, p. 399 l. 23
- Anima sit tanquam Stella concipitur, eam Halonè esse cinctam*, p. 400 l. 21
- Animæ apparentes, εἰδωλα & Umbrae quo errore sic appellatae*, p. 400 l. 57 & p. 401
- Animæ conditio in altero statu, etiam quoad corpus, melior quàm in hoc*, p. 401 l. 26
- Animam corpore terrestri relicta Daemonem fieri*, p. 406 l. 14 & p. 408 l. 13
- Animam separatam, Auditui, Visui, Tactuique esse præditam*, p. 406 l. 22
- Animarum separatarum actiones quoad nos, vita sua in terris ferè esse conformes*, p. 408 l. 6. *Quanam sint earum quoad se*, *ibid.* l. 27
- Anima separata an in unaquaque sui vehiculæ parte videat*, p. 406 l. 26 p. 409 l. 3
- Animæ Messia cum Aeterno Logo unita Imperium quousque extensum*, p. 426 l. 8
- Animæ post mortem conditio Moralis*, p. 426 l. 3 & p. 427, 428 & seqq.
- Animæ Immortalitas quibus Objectionibus impetatur*, p. 438 l. 26 ad p. 447
- Animæ Immortalitatem, à conditione ipsius in Infantia, Senectute, in Somno, Morbisve, nequaquam refutari*, p. 439 l. 30 p. 440
- Animas Deus cur creârit sympathiam habentes cum Materia*, p. 440 l. 39
- Animarum defunctorum raram Apparitionem nequaquam arguere Animæ Mortalitatem*, p. 442 l. 19
- Animam humanam propriè non esse Radium nec Dei, nec Animæ Mundi*, p. 445 l. 30 nec si esset, unde periclitari Immortalitatem ejus, *ibid.* l. 56
- Anima post mortem an & quot modis fato subji-ciatur*, p. 447 l. 39
- Animarum humanarum per gradus Elementales in Divinum statum ascensus secundum Plutarchum*, p. 448 l. 50
- Animarum post Conflagrationem status, qualis futurus sit, opinio quintuplex*, p. 453 l. 57 & p. 454
- Animarum impiorum quæ futura sit conditio, intelligi non posse*, p. 455 l. 27. *Pia vero Ani-mas*



# INDEX.

mas quæ Vehiculum Æthereum affecutæ sint, esse incolumes, *ibid.* l. 32. De medio Animarum genere quid fiat, *ibid.* l. 35

Animas Ætheris Incolas, extincto Sole, Vehiculi Ætherei beneficio in alios Vortices migrare, p. 457 l. 45

Animas cum Mundo condito simul creatas fuisse, ex Symbolo constare Numeri septenarii, p. 539 l. 23

Animæ somnus in corpore atque Mors, apud Platonicos locutiones à Cabbala Mosaica mutuata, p. 542 l. 19

Animam humanam non simpliciter passivam esse, &c. p. 620 l. 39

Animæ essentialem esse, Aptitudinem informandi aliquod corpus, & quæ inde sequantur, p. 629 l. 50 & p. 630

Anima in hoc Mundo Peregrinatrix, p. 634 l. 3

Animæ duo centra, alterum in corde alterum in Cerebro, eorumque officia, p. 656 l. 47

Animalium utilitas Homini destinata ut Canum speciatim & Ovium, p. 72 l. 59 & 73. Bonum præterea, *ibid.* l. 36

Animantes ab Homine quomodo domitæ & indomitæ quæ utilitas, p. 73 l. 53 & p. 74

Animantium pulchritudinem ab intelligenti Principio eas profectas esse, indicare, p. 75 l. 39 & p. 79 l. 17

Animalia, præda quod fiant alia aliis, satis consistere cum Divina Providentia, p. 173 l. 36 & p. 174

Animantium homini noxiarum Creationem, quas interim aliæ Animantes diminuant, Providentia abunde consentaneam esse, p. 174 l. 17

Animalia Aerea esse & Ætherea perinde ac Terrestria quâ ratione probetur, p. 375 l. 53 & p. 376

Animalis Vitæ pullulationes, p. 626. Eas in seipsis nec bonas esse nec noxias, usûsque illius observationis eximius, p. 626 l. 14

Annæ Bodenheim Venefica Historia cum illius certitudine, p. 108 l. 16, &c. In forma felis magnæ, ab Anna Sylesia visam fuisse, p. 110 l. 9 Certitudinis Historia Annæ Bodenheim plena & copiosa confirmatio, p. 110 l. 34 p. 111, 112, 113

Anselmi argumentum pro Dei existentia à Cavillis arguti cujusdam scurræ vindicatum, p. 42 l. 23

Anferes Xylogoni, p. 138 l. 28

Antliæ Pneumaticæ Emboli experimentum grande pondus sursum attrahentis, substantiam in Mundo Immateriale arguere, p. 59 l. 7 In vim Aeris Elasticam experimentum resolvi non posse, *ibid.* l. 21 Responso ad Evasionem, *ibid.* l. 46 Altera anticipatur Evasio, *ibid.* l. 59 & p. 60

Anthropomorphitarum opinio, nisi rectè intellecta quam ridicula: Solùmque Christum, Deum esse in humana Forma, p. 517 l. 2 & p. 521 l. 45

Antichristi Regnum armis spiritualibus esse expugnandum, p. 640 l. 41 & p. 641

Antichristianæ Ecclesiæ talis status descriptio

in quem si prolabatur ibique persistat, etiam Cortex Visionum Apocalypticarum in ejus clade implendus erit, p. 641 l. 24 & p. 642

Antinomianismi crimen in Reformationem intentatum, p. 662 l. 21

Antinomianismi sensus probus ac laudabilis, p. 662 l. 29

Ἀπειθεια illa qualis sit quæ impedit homines quominus in verum ingrediantur Sabbatismum, p. 625 l. 28

Ἀφαιρεσις exempla quædam, p. 377 l. 25

Ἀπλὴν παρὰ δειψία etiam ad primam Sephiram referri, p. 570 l. 12

Apocalypico de stylo intelligendo quæ cautiones adhibendæ, p. 687 l. 57 & p. 688

Apocalypsis.

Cap. 1 v. 8, 11 p. 658 l. 25

Cap. 3 v. 20 p. 693 l. 4

Cap. 4 v. 1, 2, 6 p. 711 l. 3 v. 4 p. 730 l. 16 & p. 713 v. 5 p. 712 l. 2 v. 6, 8, 9, 10 *ibid.*

Cap. 6 v. 2, 6, 9, 10, 12 p. 672 l. 7

Cap. 8 v. 12 p. 716 l. 3

Cap. 9 v. 1, 14 p. 716 l. 8 v. 10, 11, 17, 19 p. 660 l. 51

Cap. 12 v. 1 p. 695 l. 23 v. 9, 10 p. 664 l. 35

Cap. 13 v. 3, 14 p. 672 l. 30 p. 675 l. 45 v. 8 p. 657 l. 38 & p. 658 v. 18 p. 501 l. 20

Cap. 14 v. 20 p. 694 l. 40 p. 697 l. 3

Cap. 15 v. 2, 3, 4 p. 669 l. 23 p. 687 & p. 692 l. 48 & p. 693

Cap. 16 v. 2 p. 689 l. 13 v. 3 p. 690 l. 1 v. 5, 6 *ibid.* l. 39 & p. 691 v. 8 p. 695 l. 14 & p. 696 v. 12 p. 697 l. 33 v. 15 p. 698 l. 45 v. 19 p. 700 l. 52 & p. 701 p. 694 l. 35 v. 20 p. 696 l. 25

Cap. 17 v. 8 p. 672 l. 35 v. 10, 11 p. 686 l. 33 v. 16, 17 p. 715 l. 4

Cap. 18 v. 4 p. 667 l. 8 v. 7 p. 715 l. 11 v. 24 p. 681 l. 19

Cap. 19 v. 11, 13 p. 717 l. 3 v. 13, 15 p. 697 l. 3 v. 17 p. 745 l. 8 v. 20 p. 694 l. 35

Cap. 21 v. 2, 3, 4, 14, 15, 16, 17, 22 p. 704 l. 21 & p. 705, 706 & seqq. v. 15, 17 p. 706 l. 59 & p. 707 v. 18 p. 607 l. 42

Cap. 22 v. 15 p. 702 l. 24

Ἀπόλλων ad primam Sephiram relatus, p. 570 l. 25

Ἀπορροιαὶ Saduceorum ubi refutata, p. 321 l. 27

Ἀποθῶσις vera quæ sit & quibus rationibus assequenda, p. 458 l. 42

Apotheosin Animæ secundum Elementorum ordinem fieri, p. 548 l. 26

Apparitiones Sagis factas non esse earum Imaginationes, ex rebus in manus receptis planè constare, p. 106 l. 29

Apparitionum argumentum quomodo eludant Athei Aristotelici, p. 321 l. 18 quomodo alii Influentiarii, *ibid.* l. 32 & p. 322: Responso ad istas evasiones, p. 323, 324

Apparitionum Animarum separatarum exempla varia, p. 381 l. 28 & p. 382, 383 & seqq.

Apparitiones Animarum ut plurimum fieri per Materi-

# INDEX.

- Materiam aliquam incrassantem*, p. 382 l. 32 & p. 383 l. 29
- Aquæ Marinæ consistentia Providentiæ Indici-um*, p. 64 l. 16
- Aquæ superiores (Gen. 1) in Cabbala Philoso-phica quid*, p. 527 l. 1: Sic appellari Animas de-scendentes eis *γίγναι*, ut necdum descendentes Cœ-lum & Lucem, *ibid.* l. 52
- Aquæ Symbolum Concupiscibilis*, p. 622 l. 1: *Symbolum etiam Resipiscentiæ*, p. 627 l. 4
- Aqua & Spiritus, Primum & Ultimum quæ Creationem Spiritualis Adami in nobis consummati constituunt*, p. 627 l. 13
- Aquilæ decapitati volantis exemplum Anima divisibilitatem non probare*, p. 446 l. 17
- Arbor Vitæ & arbor scientiæ boni & mali quid*, p. 482 l. 50 & p. 483 p. 629 l. 1
- Archeorum doctrinam Formatumve Seminali-um rem haud ita intricatam esse*, p. 175 l. 40
- Archei an sint tot germina Anima Mundi, an tot particulares Anima Plasticis prædita*, p. 175 l. 56 & p. 176, 177
- אֶרֶץ אֶרֶץ derivatum propter Terræ cursum circa Solem*, p. 569 l. 14 & p. 571 l. 11 & p. 572
- Ἀεὶ μὴ δότε πᾶν ἐπὶ τοῖς Διῶνι Pythago-ricum, Mosi textum respicere*, p. 592 l. 35
- Aristotelis Dictum Ἡ δὲ φύσις δαιμονία ὡς θεῖα quomodo intelligendum*, p. 223 l. 13
- Aristoteles etiam Præexistentiæ Anima Asser-tor*, p. 367 l. 51 & p. 368 ac proinde ejus Immor-talitati, p. 368 l. 33 & p. 369 l. 58
- Arithmetica nec Θεὸς, nec Pythagoram pri-mos fuisse Inventores*, p. 501 l. 5
- Armatae Acies in Aere praliantes*, p. 131 l. 2
- Arundine aureâ per Angelum quid denotet Ci-vitatis dimensio*, p. 706 l. 53 & p. 707
- אֵשׁ & אֶשֶׁה, lepidum de istis vocibus R. Abra-hæ Ben-Ezra commentum*, p. 520 l. 14
- A se nihil existere posse nisi quod sufficientem in se rationem habet sua existentia, nec id quod ha-bet non existere*, p. 41 l. 3
- Assensum plenum eis rebus adhiberi posse quas tamen possibile sit aliter se habere*, p. 28 l. 27
- Astrale corpus quid sit revera*, p. 432 l. 24
- Astutiam esse non Prudentiam quæ insidum si-lentium imperat*, p. 210 l. 46
- Atheus & Enthusiastes cur tam professi Logicae Inimici*, p. 38 l. 11
- Athei Sophisma ridiculum qui ex pusillâ aliqui-bus meri motus Materiæ effectū nullum aliis esse principium vult inferre*, p. 60 l. 26
- Atheorum incredulitati circa Apparitiones & Miracula quæ res occasionem dederint*, p. 94 l. 33
- Atheorum delira Credulitas circa vim Imagina-tionis*, p. 139 l. 60 & p. 140
- Atheorum insulsum commentum, quod Prælia in Aere fiant ab exuvialibus rerum effluviis*, p. 146 l. 16
- Atheorum stupiditatem & Hebetudinem in re-bus Divinis percipiendis nullum argumentum esse contra veritatem Religionis*, p. 220 l. 31
- Atheos homines id maxime discupere; ut nul-lus Scripturæ sensus insit præter literalem*, p. 463 l. 25 & p. 464
- Atheismus, qui factum, ut à quibusdam tanto-pere affectetur*, p. 142 l. 34
- Atheismi morbus ex quibus causis sit ortus*, p. 142 l. 40
- Atheismus ut morbum imitetur Enthusiasti aut Melancholiæ*, p. 220 l. 57
- Atheismum & Infidelitatem Fanaticismum quendam esse sordidum & execrandum*, p. 226 l. 30
- Ἀυγὰι πυφώδεις Daemonum quid, & quo modo fiant*, p. 418 l. 33 & p. 420 l. 46. Non esse Imagi-nationis Ludificationes, sed veros Ignes, contra Psellum, *ibid.* & p. 420 l. 1. Egregium recen-s-que hujusmodi ignium exemplum in Hibernia in monte Fairiorum, p. 420 l. 19
- Aves Aquatiles quam aptè instructæ sint ad su-um vitæ genus*, p. 82 l. 12
- Avium rapacium structura suo vitæ generi ac-commoda*, p. 82 l. 38
- Aves easdem nunquam γαμψωνύχους esse & πλῆκτερόπους*, p. 82 l. 55
- Avium rapacium mirabilis Visus ratio*, p. 82 l. 61 & p. 83
- Avis Paradisi descriptio apud Cardanum; p. 83 l. 7: Scaligeri cum Cardano plenus ferè consensus, ibid. l. 25: Hermendis etiam & Nie-rembergii, ibid. l. 45: Aldrovandi dissensus de passu ex rore & modo Incubationis: Quibusque rationibus Cardanus & Scaliger se contra Al-drovandum defendant, ibid. l. 49 & p. 84*
- Aves Paradisi pedes habere palmum unum lon-gos secundum Pighafettam & Clusium*, p. 84 l. 44: Idem confirmatum ab Authore, cui dono data est Manucodiata ab Edmundo Malletto pedes habens palmum unum longos, p. 86 l. 18
- Avem nullam esse quæ volet solum, ut Piscis solum natat, Dictum Aristotelis*, p. 85 l. 1
- Avis Paradisi Historiam, si vera esset, Provi-dentiam non magis illustrare, quàm vulgaria qua-dam, istis de Manucodiata similia*, p. 85 l. 3
- Aves Symbolicè Angelos significare*, p. 745 l. 8
- Authoris Apologia quod Platonismum & Car-tesianismum scriptis suis tam frequenter intexue-rit*, p. 2 l. 47
- Authoris Ingenium à Superstitione quàm alie-num, licet aliquanto proclivius ad Enthusiastum*, p. 5 l. 32
- Authorem Conjecturæ Cabbalisticæ, quan-quam quæ Textui Mosæico applicavit, & Textui & Rationi congruere putet, de absoluta tamen eo-rum veritate nihil statuere*, p. 10 l. 56 & p. 11
- Author, quæ scripsit in Antidoto & De Anima Immortalitate propriæ mentis esse emanationes, non aliunde mutuata*, p. 23 l. 22 & p. 24 p. 277 l. 6
- Authoris diligentia in explorandis eis rebus quas de Apparitionibus Sagisque scripsit*, p. 125 l. 3
- Authoris plena persuasio de spirituum existen-tia*, p. 136 l. 1

Authoris



# INDEX.

Authoris Ingenii conditio peculiaris ac Fatum, p. 267 l. 19

Axis Terræ Parallelismus perpetuus manifestum Divinae Providentiae argumentum, p. 56 l. 20

Axis Terræ ad Planum Eclipticæ Posituræ perpendicularis Incommoda, p. 56 l. 41. Et coincidentia, ibid. l. 58 & p. 57 p. 61

Axis Terræ Positura inclinata Divinae Providentiae ac Consilii argumentum, p. 57 l. 12

Axis Terræ Positura inclinata difficillima perinde ac commodissima quod magis constet consilio factum non fortuito, p. ibid. l. 38

"Αξων & "Αλξας quomodo ad primam Sephiram referantur, p. 570 l. 25

## B

**B**aptistæ Portæ potio quæ in Imaginationem operatur, p. 191 l. 26

ברא & עשה quomodo inter se differant, p. 514 l. 3

ברא אלהים Triunitatem in Divino Numine innuere, p. 524 l. 41

Baruc.

Cap. 3 v. 24 p. 536 l. 54 & p. 537 v. 35, 36, 37 p. 579 l. 5

Beatitudinis in altero statu accrementa naturalia, p. 428 l. 55 & p. 429

Beatitudinis in altero Mundo, diminutio ex præservidiis suis allucinationibus in hoc, p. 429 l. 43

J. Behmen quoddam nequaquam scripserit ex Spiritu infallibili, p. 718 l. 31 & p. 719, 720

J. Behmen qualis vir fuerit secundum sententiam Bathynoi, p. 720 l. 56 & p. 721

Belli Pacificque gloria ac pompa quibus à rebus pendeant, p. 63 l. 35

Bestiarum Armatura ejusque usus Providentiae indicium, p. 79 l. 48

Binarius secundi Diei creationis Symbolum, cum Materia sit Divisibilis, Spiritus contra, p. 528 l. 25. Τροπον cur à Pythagoricis dictus, ibid. l. 36

בינה tertia Hypostasis Cabbalistica quasi dicta & quare, p. 588 l. 2

Bodinus quam eruditus Scriptor fideque dignus, p. 122 l. 48

Bombycis Historia brevis, p. 436 l. 24

Boni Genii quonam modo Hominibus assistant aut precantibus aut vaticinantibus, p. 135 l. 1

Boni Genii, an cujusque Temperamentum, Societatis sit capax, p. 135 l. 26

Bonorum Geniorum accessus deprehendi posse nonnunquam per suaveolentes quosdam odores, p. 135 l. 28

Bonum Genium Angelumve ut nobis mittat an licitum sit Deum orare, ibid. l. 40

Bonorum Geniorum Ministerium non deesse bonis, p. 135 l. 26 & p. 136 l. 23

בקר & עבר quid significant in Cabbala Morali, p. 620 l. 58 & p. 621

Bonitatem, Scientiam, & Potentiam Attributa esse Perfectionis, p. 32 l. 28

Boves tot viva quasi ac ambulantiæ Dolia salitoria, p. 73 l. 36

Brachiorum & crurum Articuli Providentiae argumenta, p. 88 l. 30

Brutorum Animalium pulchritudo, p. 75 l. 12. Multa eorum esse aut καλὰ χρίματα aut ἀγαθὰ, p. 75 l. 26

Bruta Logicarum & Mathematicarum Notionum nullam habere notitiam, p. 149 l. 27

Bruta concludere ex eo quoddam, quæ rationi consona sint, faciunt, ratione prædita esse, purum putum esse Sophisma, p. 149 l. 58

Brutorum Anima, quippe incorporea, quamvis non pereant, non proprie tamen esse immortales, p. 168 l. 27 & p. 170 l. 22 p. 177 l. 12

Bruta an oblectentur objectis pulchris, p. 173 l. 4

Bruta Animalia an sint mera Machina, p. 236 l. 35 & p. 237 p. 240 l. 44 & p. 241

Bruta Animas habere unde constat, p. 343 l. 60

Brutorum Anima an sint immortales, p. 365 l. 20. An præexistent, ibid. l. 26

Brutorum Anima an extra corpus terrestre vivant agantque, p. 386 l. 52 & p. 387 p. 389 l. 3

Bruta Animas à corporibus distinctas à Mose subindicari & quare, p. 610 l. 23 p. 613 l. 48 p. 614

## C

**C**abbala integra conservata apud Pythagoram, & quandonam inceperit corrumpi, p. 9 l. 37

Cabbalæ Pythagoricæ sive Judaicæ apud Lucippum, Democritum & Epicurum infelix partium divorcium, Authorisque studium eas rursus reuiniendi, p. 10 l. 36 & p. 12 l. 3

Cabbala Judaica quid & quæ Nominis ratio, p. 467 l. 15

Cabbalæ Literalis & Philosophicæ usus, ut & distinctionis alterius ab altera, p. 469 l. 30

Cabbalæ Philosophicæ robur tribus in rebus consistere, quæque ea sint, p. 551 l. 15

Cabbala Philosophica septem Objectionibus impetita, p. 556 l. 35

Cabbala Authoris Philosophica quam accuratè Textui Mosaico sit accommodata, p. 612 l. 51 & p. 613. In quid demum resolvatur illius evidentia & certitudo, p. 616 l. 15. Quod non ex unico Scriptore aut Secta Textui Mosaico Theoremata applicentur, nihil facere contra illius firmitudinem, ibid. l. 57 & p. 617. Multa ex S. A. allata ad illius confirmationem, p. 617 l. 9

Cabbala Moralis quo sensu sic appelletur, p. 619 l. 16

Cabbalistica Authoris Conjectura quas ob causas vera sit censenda, p. 468 l. 43 & p. 469

Cabiri Samothracum, antiquorum Trinitas Hebræorum, p. 587 l. 34

Calvinismi crimen Ecclesiis Reformatis intentatum, p. 662 l. 60 & p. 663, 664

Camelini Corporis structura, p. 81 l. 11

E e e e

Canis

# INDEX.

- Canis silentium in turbis Daemonis Tedworthiensis perinde atque Matifconensis, p. 101 l. 50
- Canes Equique Aerei an dentur, p. 389 l. 3
- Caput Hominis decollati aurem Canis mordicus prehendens, Animam non arguere divisibilem, p. 441 l. 27
- Cardani Amicus qui Vitrum, Ferrum, Clavos evomebat, p. 104 l. 25
- Cardanum & Pomponatium sapientiam ac miracula Christi ad Stellarum retulisse, p. 211 l. 47
- Cardani in Ecstases lapsus voluntarii, p. 379 l. 3
- Cardani de Spectris Islandicis ridicula futilisque αἰτιολογία, p. 381 l. 47
- Cartesii duo argumenta, pro Deo, posteriora cur ab Authore rejecta, p. 24 l. 28
- Cartesio nullas rationes satisfacere in ipsa Physica, nisi qua necessitatem Logicam sive contradictoriam involvant, p. 240 l. 35
- Cartesius an aliquid Anima Mundi analogon tenuerit, p. 268 l. 26 & p. 269 l. 14 p. 270 l. 29
- Cartesius Nullistarum Coryphaeus sed male sibi constans, p. 251 l. 28 & l. 39 & 52 & p. 253 l. 43 & p. 254
- Cartesium pariter ac Regium asserere motum à corpore in corpus transferri, p. 269 l. 37 & p. 270 l. 49
- Cartesium in eo defecisse, quod Materiam cogitandi incapacem esse nusquam aggressus sit demonstrare, p. 256 l. 50 & p. 257 l. 2
- Cartesii argumentum enerve aut Sophisticum, quo mentem probare velit humanam à corpore realiter distinctam, p. 310 l. 12 & p. 311 l. 8 p. 345 l. 20
- Cartesii cum Bezaliel & Aholiab comparatio, & quo sensu intelligenda, p. 554 l. 43 p. 555 l. 53 & p. 556
- Cartesianorum scriptorum Encomia, p. 232 l. 52 p. 234 l. 6 p. 246 l. 42
- Cartesiana Philosophia utilitas etiam ad Religionem, p. 233 l. 1
- Cartesiana Philosophia Praelectio in Academiis plenaeque Intellectio quantum conducat ad res Religiosas, p. 287 l. 11 p. 289 l. 1
- Caularum secundarum ignorationem semen esse Atheismi, contra Hobbium, p. 320 l. 20
- Κατὰ τὴν Ἀνατολὴν Nomina secunda Hypostasicos, p. 525 l. 1
- Centrum Vitae intimum in Spiritu indivisibile esse posse nec tamen Nihil, p. 301 l. 1. Indiscerpibile quamvis sit, esse tamen intellectualiter divisibile, p. 302 l. 2. Licetque exiguum sit, satis plenum tamen Orbem emittere, p. 303 l. 27
- Cerasum Helmontii, p. 416 l. 14
- Cerebrum Principium motus spontanei esse non posse cum nec musculos habeat, nec sensum, p. 50 l. 12 & p. 51 l. 3
- Cerebro nec Phantasia, nec Rationem & Animadversionem competere, p. 50 l. 22
- Cerebri partis unius figurationem in reliquas non reflecti, demonstratum à situ rerum, p. 50 l. 55
- Cerebri loco Aqua limpida in capite pueri Amsterodamensis reperta, p. 51 l. 5
- Cerebri nervorumque praeipuum usum esse conservationem Spirituum, p. 354 l. 53
- Cerebrum universum non esse communis sensus sedem, p. 350 l. 52
- Chajah & Jachidah non esse duas distinctas Animas, p. 380 l. 6
- Cherubinarum flammantisque Gladii Interpretatio nostra Cabbalistica quam concinna sit, p. 611 l. 41 & p. 612
- Cherubinus flammantisque Gladius quid significet in Cabbala Morali, p. 637 l. 17
- Χιτῶνες δευμάτινοι Cassiani, à Clemente Alexandrino quam clementer tractati, p. 12 l. 36 p. 16 l. 29
- Chordarum duarum unisonarum experimentum, p. 430 l. 23
- Christi Pontificatum & intercessionem apud Patrem in caelis qui negant quam caeca sint Animalcula, p. 225 l. 2
- Christus Mysticus die sexto creatus, p. 489 l. 39
- Christus caput Satanae quomodo conterat, & Satanae Christi calcem, p. 546 l. 50 & p. 547
- Christi persona dignitas Divinitasque vindicatur contra cerebratos Enthusiastas, p. 639 l. 35 & p. 640
- Christum apparuisse sub humana specie Patriarchis, ante ejus Incarnationem, p. 658 l. 4
- Christum Hominem in nobis esse, dogma esse Familisticum, manifestò compertum, p. 1746 l. 44
- Christiana de veritate vix quenkum dubitare posse qui firmiter tenuerit Existentiam Dei Animaeque Immortalitatem, p. 649 l. 27 & p. 650
- Chymici & Theosophi Enthusiasmo Philosophico obnoxii, p. 207 l. 42
- Chymicorum & Theosophorum quorundam commenta absque collecta & notata, p. 208 l. 3 & p. 209
- Chymici quare ut plurimum tam miselli Philosophi, p. 212 l. 23
- Κινεῖ δὲ πᾶν τὸ ἐν ἡμῖν θεόν. Dictum praeclarum Aristotelis quomodo intelligendum, p. 4 l. 29
- Circuli Fairiorum sive Elvarum, p. 126 l. 46
- Circuli cum ungulis bifidis Impressura post salutationem Daemonum, p. 126 l. 31
- Circulationis Sanguinis descriptio ac demonstratio, p. 751, 752. Vide etiam p. 88 l. 22 p. 91 l. 36 & p. 92
- Claudii Clericelii Epistola ad H. Morum, p. 231 cum Responso H. M. p. 232
- Κλειδῶν & Κλειδῶν & φύσεως cur Deus & Tetradys appellentur, p. 579 l. 31 & p. 580 l. 42
- כוכב quae ratio Nominis, p. 529 l. 32 & quo sensu Stellam fixam significet perinde ac Planetam, ibid. l. 38
- כוכב & ארץ & שמש quam Philosophica sine Vocabula, p. 569 l. 33. Item מים & שמים, ibid. l. 40 & l. 49
- Caelo-



# INDEX

- Cœlorum Generationes fuisse Soles, Planetas atque Terras*, p. 482 l. 7
- Cœlum & Lumen ejusdem rei Symbola & quare*, p. 592 l. 42 & p. 593
- Cœlum sive Lucem in primo die, Immaterialium Essentiarum ordines significare ex Origene, Parmenide, Rabbini ipsaque Scriptura probatum*, p. 593 l. 45 & p. 594 p. 611 l. 31
- Koivwriav & Deas quætos, quæ aliis etiam Animabus sanctis competis, ejusdem generis non esse cum illa quæ Christus dicitur Deus, demonstratum*, p. 379 l. 48
- Colliquamentum crystallinum Humidum esse primogenium ex quo ut Fœtus sit, ita eo nutritur ad extremam usque senectam*, p. 78 l. 56
- Colorum ratio an alia esse possit quàm ea quàm proposuit Cartesius*, p. 267 l. 5
- Ad Colossenses.*
- Cap. I v. 27 p. 749 l. 1*
- Communis sensorii sedes in quot locis corporis collocata*, p. 340 l. 37
- Communis sensus sedem partem aliquam corporis singularem esse*, p. 348 l. 36
- Commune sensorium esse in Capite quibus rationibus probetur*, p. 350 l. 24
- Communis sensus sedem esse Spiritus Animales in quarto Cerebri Ventriculo*, p. 352 l. 23 quibus id argumentis demonstratur ibid. & p. 353, 354, 355
- Comprehendere idem aliquando quod deprehendere*, p. 299 l. 39
- Conario operationes Animæ attribuere quàm sit ridiculum*, p. 51 l. 16
- Conarion, quanquam sedes sensus communis esse potest, Commune tamen Percipiens esse non posse*, p. 166 l. 29 & p. 167; quippe sensationis incapax, Memoria, Imaginationis & Motus spontanei, p. 166 l. 60 & p. 167, 168
- Conarion expers Anima non esse Percipiens commune ex ipso Cartesio demonstratum*, p. 342 l. 46
- Conarion cum Spiritibus & organizatione parvum corporis non esse sufficiens principium Motus spontanei, sive Animæ*, p. 343 l. 5
- Conceptum de re formandi, difficultatem, non tollere ejus existentiam*, p. 31 l. 19
- Conceptum in generatione Animalium non fieri à semine ex particulis ab omnibus partibus Animalis profluentibus constato*, p. 79 l. 1
- Condensationem Aristotelicam ex ponderum differentia admodum imperitè colligi*, p. 401 l. 16 & p. 402 l. 11
- Conflagratio Mundi dogma Stoicorum*, p. 452 l. 40
- Conflagrationem Mundi de Terra sola intelligendam esse*, p. 453 l. 6
- Conflagrationem hanc funestissimam fore animabus hominum impiorum & Daemonibus*, p. 453 l. 41
- Congruitas vitalis in Materia quid*, p. 373 l. 34
- Congruitas vitalis in Anima quid*, p. 373 l. 48
- Congruitas vitalis quotuplex sit*, p. 375 l. 46 & p. 379 l. 27 & p. 380
- Congruitas vitalis Divina quæ*, p. 379 l. 33
- Congruitas vitalis Anonyma sive Ineffabilis*, p. 379 l. 46. *An Jachidæa dicenda*, p. 380 l. 13
- Congruitates vitales in Anima ordine succedere*, p. 397 l. 5
- Conscientia naturalis Divina Existentiæ indicium*, p. 46 l. 35 & p. 47 p. 165 l. 11
- Conscientiæ naturalis Lumen, esse Dei ipsius legem*, p. 225 l. 56
- Conscientiæ angores ineffabiles mortis graviores nec effugiendi moriendo*, p. 427 l. 29
- Conscientiarum cauteriarum diri supplicii descriptio in altero statu*, p. 427 l. 42 & p. 428
- Consequentias facilius esse colligere quàm dissipare quid primò verum*, p. 249 l. 24
- Constantiensis Saga Historia*, p. 98 l. 42
- Consuetarum ab opinionum præjudicio quantopere cavendum*, p. 499 l. 7
- Contagium sanativum ac Medicinale esse posse, perinde ac morbidum & venenosum*, p. 216 l. 15
- Contemplationes utilibus vitæ practicæ officiis esse postponendas*, p. 744 l. 13
- Contingentiam & A-se-existentiam inter se pugnare*, p. 163 l. 3 & l. 36
- Contingenter nihil à se existere posse*, p. 340 l. 24. *Vide & p. 40 l. 55*
- Cor non esse commune sensorium*, p. 341 l. 32 nec Cerebrum, ibid. l. 38
- Cor non esse communis sensus sedem*, p. 349 l. 48 & p. 350
- Cordis venarumque fabrica*, p. 88 l. 22 & p. 91 l. 35
- Cordis proprii prælagium ubi ipsum habeat quodque non sit Enthusiasmus propriè dictus*, p. 202 l. 8
- Cordis Mysteria quanto præstabiliora quàm Cerebri quantaque cor cum diligentia sit excolendum*, p. 656 l. 8
- 1 Corinth.
- Cap. 5 v. 7 p. 692 l. 28*
- Cap. 6 v. 3 p. 693 l. 8*
- Cap. 10 v. 11 p. 510 l. 39 & p. 511 l. 28*
- Cap. 15 v. 26 p. 642 l. 23*
- 2 Corinth.
- Cap. 4 v. 6 p. 620 l. 17*
- Cap. 5 v. 1, 2, 3, 4 p. 545 l. 42*
- Cornu parvulum non posse esse Antiochum Epiphanem*, p. 642 l. 8
- Corpus, quod aut sensus aut rationis capax sit per nullam facultatem nobis innotescere*, p. 169 l. 1
- Corpus an rectè à Cartesio definiatur res extensa*, p. 234 l. 54 & p. 235, 238 l. 9
- Corpus non posse non concipi (apud Cartesium) existere, ac proinde necessario, &c.* p. 254 l. 6
- Corporum Cœlestium splendorem non probare ea Providentiam ullam aut Imperium in nos habere*, p. 322 l. 35
- Corpus totum non esse sedem sensorii communis*, p. 341 l. 11
- Corporis

# INDEX.

- Corporis Noxa cur fiant dolores Animæ, p. 359  
 L. 42  
 Corpus sepulchrum Animæ apud Plotinum,  
 p. 544 l. 22  
 Corpus hoc mortale ab Apostolo συνωμα, à Py-  
 thagoreis σκῶν & appellatum, p. 670 l. 31  
 Coscinomantiæ exempla, p. 95 l. 50  
 Creationis quæ propria sit notio, p. 154 l. 15  
 Creandi potentiam Enti absolute perfectio ne-  
 cessario competere, p. 299 l. 29  
 Creationem proprie dictam intelligi Gen. cap. 1  
 v. 1 p. 525 l. 23  
 Creationem universam factam esse simul, à  
 quàm gravibus affirmatum Authoribus, p. 529  
 l. 24  
 Creatio Cœli & Terræ, vera Epocha Historie  
 Bibliorum, p. 535 l. 36  
 Creationis sex dierum brevis Allegoria, p. 624  
 l. 16  
 Cretenses Δία & ἀμύραν vocasse, p. 593 l. 3  
 Κτισιν significationem habere & Physicam &  
 Politicam, p. 643 l. 17  
 Cultus religiosus in usu apud omnes gentes  
 Divina existentia argumentum, p. 47 l. 32  
 Cultum religiosum etiam depravatum argu-  
 mentum esse pro Existentia Divina, p. 48 l. 10  
 & p. 165 l. 46  
 Cuntii Spectrum, p. 117, 118, 119  
 Cuntii habitus corporis floridus postquam Anni  
 dimidium sepultus jacuisset, utque baculum manu  
 prehenderis, deque motu oculorum atque sangui-  
 nis, p. 119 l. 20. Prodigiousum corporis pondus,  
 ibid. l. 40. Illiusque Incombustibilitas, ibid. l. 55  
 Cuntii Historiam & Sutoris Uratislaviensis  
 nihil continere quod recte Rationi veræque Philo-  
 sophia repugnet, p. 120 l. 49  
 Cuphophonis Apologia pro Idololatriis Pontifi-  
 ciorum, p. 682 l. 36 & p. 683  
 Cuphophonis Apologia pro Imposturis eorum &  
 Homicidiis, p. 683 l. 58 & p. 684, 685. Ridi-  
 cula ejus indifferentia circa res maximas Religio-  
 nis, p. 686 l. 56 & p. 687

## D

- D**æmonum ludorum, invisibilium, exempla  
 multa certo comperta, p. 98 l. 54  
 Dæmonis invisibilis Matisconensis ludi varii  
 & conspicui, p. 99 l. 14  
 Dæmonas quasi Homines Aereos esse, p. 99 l. 59  
 Dæmonis Matisconensis Historia res quàm  
 certa sit & comperta, p. 99 l. 57 & p. 100  
 Dæmonis Tedworthiensis cum Dæmonis Ma-  
 tisconensis Historia, comparatio, p. 100 l. 49  
 Dæmonis Tedworthiensis Historia quàm certa  
 & explorata, p. 101 l. 22  
 Dæmonum Evocationis prima per A. B. modus  
 ac Circumstantia, p. 108 l. 33. Secunda, p. 109  
 l. 7. Tertia, ibid. l. 30. Quarta & ultima,  
 p. 110 l. 15  
 Dæmonum quorundam saltatio sub meridiem,  
 p. 126 l. 8

- Dæmones Stella Aerea à Ficino appellata,  
 p. 134 l. 31  
 Dæmonum Actiones & in Choreis Gesticulatio-  
 nes cur tam ridicula ac distortæ, p. 177 l. 60 &  
 p. 178  
 Dæmones Jetzirathici, quadamque Ingenia  
 humana illis similia, p. 178 l. 54  
 Dæmones omnes in summa Aeris Regione quàm  
 absurde à Cardano collocati, p. 403 l. 9  
 Dæmones cur tam parùm mali hominibus in-  
 ferant, p. 403 l. 54 & p. 404  
 Dæmonas operari è longinquo, unde iste Car-  
 dani error, p. 404 l. 44  
 Dæmonas ut Deos suspici à sordidis quibusdam  
 Hominibus veræque Philosophia ignaris, p. 405  
 l. 47  
 Dæmonum ordinum distinctio pro locis in qui-  
 bus maximè versentur, p. 408 l. 38  
 Dæmonum Interitus apud Incolas Insularum  
 juxta Britanniam effecta, p. 451 l. 12  
 Dæmoniacus Græcè loquens apud Fernelium,  
 p. 177 l. 56  
 Δαίμων αγαθός καὶ κακός apud Aristotelem,  
 p. 4 l. 44  
 Δαίμονας Animas esse extra corpus, Animas  
 Δαίμονας in corpore, p. 386 l. 21  
 Δαίμόνων descriptio apud Michaellem Psellum,  
 ibid. l. 34  
 Δαίμων, Ψυχή, Ἄγγελος voces eandem rem  
 significantes, p. 548 l. 36  
 Δαίμονες qui appellandi quinam Θεοί, p. 375  
 l. 50  
 Daniel.  
 Cap. 2 v. 21, 22 p. 660 l. 1 v. 34, 35, 36 p. 659  
 l. 50 p. 673 l. 5 v. 35 p. 704 l. 7 v. 44 p. 659  
 l. 18 p. 672 l. 23  
 Cap. 4 v. 12 p. 659 l. 37  
 Cap. 7 v. 6 p. 642 l. 8 v. 25, 26 p. 687 l. 31  
 Cap. 9 v. 24, 25, 26 p. 659 l. 27 v. 26 p. 684  
 l. 45  
 Cap. 11 v. 36 p. 686 l. 4  
 Darkius Westmonasteriensis à Dæmone in  
 cruce percussus, cujus & manui impressum est signa-  
 culum, p. 96 l. 23 & l. 60  
 David Georgius, p. 198 l. 4  
 Davidis Georgii de sua Resurrectione Vaticini-  
 um, p. 203 l. 12  
 Davidis Georgii, personæ, morum ac doctrinæ  
 descriptio, p. 203 l. 22 p. 204, 205, 206. Mi-  
 mocharismata ejus unde profecta fuerint, ibid.  
 l. 28. Fuisse temperie sanguineâ, p. 205 l. 6.  
 Fuscum saturumque sanguinem fuisse, qui magno-  
 rum promissorum Evangelii veritatem ab oculis ejus  
 absconderis, ibid. l. 37. Hunc inter & Henri-  
 cum Nicholai accurata similitudo, p. 206 l. 4  
 Decas Πίς-ς dicta, ut Tetractys Ὀπς-ς,  
 p. 580 l. 58 & p. 581  
 Decem Tetractys perinde atque Tetras, p. 580  
 l. 49  
 Decretum Dei æternum de Homine lapsò,  
 p. 494 l. 11  
 Denarium Pythagoricum non excessisse Myste-  
 ria



# INDEX.

- ria Judæorum, p. 558 l. 55 & p. 559. Quomodo referri possit ad opus quarti dñei, p. 565 l. 39
- Denarii Nomina quæ ad Dñi quarti Creationem referantur, p. 576 l. 60 & p. 577
- Dentium situs Providentiæ Argumentum, p. 88 l. 29
- Descensus Anima in corpus quomodo fiat, p. 374 l. 2
- Devotio Deique Timor quomodo Divinam Existentiā arguat, p. 89 l. 13
- Deus quid sit, p. 30 l. 12 p. 298 l. 57 & 299 l. 10
- Deum unum esse unica demonstrandi Methodus, p. 38 l. 59 p. 43 l. 55 & p. 44
- Dei existentia à causa finali Idea Dei in animam insita probata, p. 44 l. 24 & p. 45 l. 19
- Dei Existentiā suppositā, cum non aliter acturum fuisse, quò seipsum nobis patefaceret, quàm de facto nobiscum actum sit, quod indicium igitur est eum existere, p. 45 l. 44
- Dei cognitio secundum Lumen Naturæ esset, licet Traditio foret vel Doctrina, perinde atque Artes Mathematica qua docentur vel traduntur, p. 47 l. 36
- Deum Manichæorum in sua Notione impossibilitatem Existendi implicare, p. 160 l. 12
- Dei existentia ab illius Idea demonstrata, p. 37 l. 33
- Deus ut Spiritus sit propriè dictus, omnino necesse esse, p. 182 l. 13
- Deum quodammodo extensum esse etiā secundum sententiā Cartesii, p. 238 l. 41 & p. 241 l. 58 p. 243 l. 42
- Deum solum infinitum esse positivè, Mundum solummodo indefinitum, secundum Cartesium, p. 240 l. 8 & p. 242 l. 25 & l. 31
- Deus an totus sit ubiq; p. 245 l. 19 & p. 250 l. 13
- Deus quomodo Materiam moveat secundum Cartesium, p. 253 l. 3
- Dei essentia ubiq; an prasens sit secundum Cartesium, p. 268 l. 15 p. 269 l. 9 p. 270
- Dei Notionem aequè facilem esse ac quamvis aliam, quòque id sensu sit intelligendum, p. 298 l. 48 & p. 299 l. 45
- Diadori error circa Moysen aliòsque Legislatores Divinos, p. 505 l. 27
- Diem quartam corporis totius Universi ornatum completi, p. 480 l. 4
- Dierum singulorum Creationis Vesperam & Mane esse Symbolica, p. 595 l. 40
- Difficultas explicandi quomodo Spiritus moveat Materiam, rei ipsius fidem cur non debeat imminuere, p. 153 l. 16
- Difficultates rerum acquirendarum Argumentum Providentiæ esse potius quàm è contrā, p. 171 l. 47
- Difficultates quædam circa naturam Vorticum, Solisque ac formationem Stellarum, p. 260 l. 26 & circa rationem Colorum, p. 261 l. 13
- Diochætes Pythagoricus Parmenidis Intimæ, p. 594 l. 9. Quod notitiam habuerit Philosophia Moisaica ipsiusque adeo Textus, ibid. l. 14
- Dionysii Syracusani irreligiosa scommata & sacrilegia, p. 94 l. 4
- Dionysii filius Syracusis pulsus regnòque exutus, &c. p. 95 l. 9
- Διὸς κῆρυξ. apud Platonem, Paradisus Mosæcus, p. 540 l. 26
- Διὸς φῶλακχῆ & Sol quomodo ad primam Sephiram referantur, p. 570 l. 19
- Distantiam non esse Physicam ullius rei affectiōnem, sed Notionalem, p. 162 l. 35. Quomodo id intelligendum sit, p. 163 l. 25
- Distantiam corporum, privationem duntaxat esse tactualis unionis per partes mensurabilem, ut alia privationes qualitatū per gradus, p. 162 l. 46 quomodo accipiendum, p. 163 l. 30
- Distantia spaciū, si, remotā materiā, quicquam reale sit. Ens illud necessarium esse, per Ideam Dei representatum, p. 162 l. 57
- Distantiæ & latitudinū ulla esse in Cerebro signacula, conceptu difficile, p. 334 l. 39 & p. 335 l. 46
- Divinæ Naturæ Perfectio, aequè demonstrativa ratio quòd existat atque cur existat, p. 40 l. 45
- Divinæ existentie necessitas ex eo demonstrata quòd nec Contingentia nec Impossibilitas existendi ei competat, p. 38 l. 15 & p. 160 l. 25
- Divinæ Essentiæ unio, p. 299 l. 21
- Divinam corporis temperiem requiri, ad facilius recipiendam firmiterque retinendam Divinam veritatem, cum methodo eandem acquirendi, p. 650 l. 36 & p. 651
- Dominium Dei absolutum in quo fundatum sit, p. 653 l. 23 & p. 654
- Δόμῳ. Ἀχιλλῆως, p. 388 l. 42
- Duratio aliæve quævis extensio an possit esse non existentis, p. 244 l. 12 & p. 249 l. 55 p. 250 l. 26
- Duratio successiva præter Aternitatem infinitam quomodo in Deum cadere intelligatur, p. 245 l. 45 & p. 250 l. 20

## E

- ΕΒακχευτικοί Anglicani unde originem duxerint, p. 222 l. 9
- Ecclesiæ Incrementum, Mysterium Vitæ potius quàm externæ Rationis, p. 61 l. 13
- Ecclesiæ primævæ secula de dogmate Præexistentiæ Animarum nullā sinistram fuisse opinionem, p. 14 l. 26
- Ecclesiæ Apostasia quàm consistens cum Durabilitate Regni Dei apud Danielem, p. 672 l. 42 & p. 673
- Ecclesiæ gloria futura post externam cladem Babylonis, p. 703 l. 2 & p. 704
- Ecclesiæ statūs futuri descriptio magis particularis ex Apocalypsi, p. 704 l. 19 & p. 705, 706
- Ecclesiæ statūs gloriosi illius futuri spes quibus ex Scriptura rationibus sit innixa, p. 713 l. 58 & p. 714
- Ecclesiæ statum illum gloriosum à Prophetis prædictum non illuxisse adhuc super faciem Terræ, p. 715 l. 32 & p. 716

FFFFF

Ecclesiæ

# INDEX.

- Ecclesiæ statum illum gloriosum, quæ argumenta ipsa Ratio suggererit, fore, p. 716 l. 25 & p. 717*
- Ecclesiæ expectatam Apostolicæ gloriam nec Familismo nec Behmenismo supplantatum iri, p. 717 l. 36 & p. 718 & seqq.*
- Ecclesiæ tempora gloriola ad acceleranda, quam potissimum Principia tendant, p. 725 l. 6 & p. 726, 727 & seqq.*
- Principium secundum, p. 727 l. 60*
- Principium tertium, p. 730 l. 44*
- Principium quartum, p. 331 l. 37*
- Principium quintum, p. 732 l. 50*
- Principium sextum, p. 733 l. 19*
- Principium septimum, ibid. l. 59*
- Principium ultimum, p. 734 l. 28*
- Ecclesia Romana an vera sit Ecclesia, p. 728 l. 42 & p. 729*
- Ecclesia Romana, licet non vera esset Ecclesia, non sequi tamen quin Reformatæ Ecclesiæ tales sint, p. 729 l. 25 & p. 730*
- Ecclesia quomodo perventura sit ad unitatem Spiritus, p. 733 l. 24*
- Ecclesiæ ad unitatem reducenda quæ sit vera Methodus, p. 736 l. 13*
- Ecclesiæ tempora gloriosa quam diu duratura, p. 737 l. 47*
- Eclipsis Solis in crucifixione Servatoris speciale Divina Providentiæ effectum, p. 25 l. 36*
- Eckerken Apparitio, p. 105 l. 35*
- Ecstasis quid sit & de quibus causis, p. 200 l. 53. An quispiam se in eam pro libitu conjicere queat, p. 201 l. 16*
- Ecstases perfectæ sive ἀραισθησίας quo pacto fieri possint, p. 378 l. 13 p. 379*
- Eliam esse venturum & quo sensu, p. 722 l. 9*
- Eliæ hujus character ex Vaticiniis collectus, ibid. l. 23 & p. 723*
- Eliæ character ex Historia, p. 723 l. 25 & p. 724*
- Eliæ adventus quo tempore futurus, p. 724 l. 37*
- Elionoræ Meliorinæ deliria, p. 207 l. 20*
- Elysia ab Authore descripta sensuality non esse sed Divina, p. 283 l. 51*
- Elysiarum Aëtheriorum & Æthereorum descriptio, p. 423 l. 35. De his Elysiis quam arduum sit quicquam definire, p. 424 l. 19*
- Emanationem substantiæ secundariæ à Centrali in spiritu non esse propriè Creationem, p. 151 l. 28*
- Emanativam Causam notionem esse rei possibili, p. 302 l. 15*
- Emanativum Effectum Cause suæ coexistere, ubi supponendum, p. 302 l. 11 p. 304 l. 40*
- Emanativum effectum nullum impossibilem dici posse, qui vires suæ causæ non excedit, p. 302 l. 3*
- Emanationem inter & Creationem immane discrimen, p. 305 l. 1*
- Ens unicum esse absolutè perfectum sive Deum, ut unicum est genus Soli rotundi, p. 148 l. 43*
- Ens absolutè pestiferum, quod impossibile sit ut existat, quomodo probetur, p. 158 l. 29*
- Entis absolutè perfecti descriptio, p. 31 l. 33*
- Enthusiasmi & Atheismi affinitas & confederatio, p. 187 l. 9*
- Enthusiasmus quid sit, p. 188 l. 9*
- Enthusiasmi, in Politicum & Philosophicum distributio, p. 202 l. 24*
- Enthusiasmi Politici exempla varia, p. 202 l. 31 & p. 203*
- Enthusiasmi Philosophici descriptio, p. 207 l. 19*
- Enthusiasmi Cursatio per Diatriam ex Temperantia, Humilitate, & Ratione compositum, p. 212 l. 57 & p. 213. Plura subsidia adversus Enthusiasmum, p. 215 l. 2*
- Enthusiasmum verè pium ac Divinum Authorem in sua Dissertatione stylo suo miminè perstrinxisse, p. 219 l. 26 sed Fanaticum tantum, ibid. l. 40 vide p. 225 l. 13*
- Enthusiasmus verus & innocuus cui homo Christianus tunc indulgere potest, p. 225 l. 26*
- Enthusiastæ Spiritus τοῦ ἁγίου πνεύματος apud Aristotelem, p. 195 l. 33*
- Enthusiastas inter & Poetas quodnam sit discrimen, p. 197 l. 11*
- Enthusiastarum Allegoriæ Mystica, p. 199 l. 17*
- Enthusiastarum Tremores unde, p. 199 l. 40 & p. 200*
- Enthusiastarum Prophetiæ quales, p. 201 l. 54 & p. 215 l. 32*
- Enthusiastarum sermo altus & exaggeratus, p. 215 l. 15*
- Enthusiastis qui sit ut eximium aliquod interdum ore excidat, p. 215 l. 19*
- Enthusiastes si morbum aliquem tactu curaverit, quid ea de re censendum, p. 216 l. 4*
- Enthusiastarum ad patiendum prolubium nullum esse Miraculum, p. 216 l. 22 & p. 217*
- Enthusiastarum Notiones longè petita, stylus Mysticus, flexanimæque Eloquentia in quas causas resolvantur, p. 218 l. 30*
- Enthusiasten, quamvis à causis naturalibus impetatur, necessario tamen ab eis non cogi.*
- Enthusiastarum laquei quibus potissimum rationibus evitari queant, p. 721 l. 36*
- Enthusiasticum Gaudium quale & unde, p. 199 l. 3*
- Ἐπίσημον secunda Sephirah, p. 570 l. 40*
- Equi utilitas præstabilis, p. 74 l. 15*
- Equi superbia magnifica & decora, p. 75 l. 29*
- Equi curatio Magica, p. 96 l. 1*
- Esaias.*
- Cap. 13 v. 20, 21 p. 544 l. 45 & p. 545*
- Cap. 14 v. 19, 20 p. 681 l. 14*
- Cap. 19 v. 4 p. 514 l. 17*
- Cap. 24 v. 18 p. 716 l. 40*
- Cap. 25 v. 7 p. 698 l. 47*
- Cap. 53 v. 10 p. 668 l. 62 & p. 669*
- Cap. 63 v. 16 p. 683 l. 39*
- 2 Esdr. Cap. 13 v. 10, 38 p. 700 l. 34*



# INDEX.

Essentias purè incorporeas impressionum ab Objectis corporeis esse incapaces, p. 282 l. 47 & p. 288 l. 51

Essentia media corporeas inter & incorporeas an dentur, p. 296 l. 38

Essentiam nullam per se posse suam modificationem variare quàm falsum Hobbii principium, p. 337 l. 22

Essia à voce Chaldaica נשמה qui derivetur, p. 569 l. 25

Essia Pythagoricorum Sol, p. 584 l. 55

Eva nostra quæ sit secundum Ficinum, p. 543 l. 15

Euchitæ ut, delendo ex animis τὰ πατερικά σύμβολα, malorum Damonum in sua corpora ingressum affectarent, p. 135 l. 4

Eυτυχία ἢ δέια etiam in Contemplationum successu agnoscenda, p. 4 l. 53

Existentiæ Dei demonstrationem ab illius Idea æquè validam esse siue innata dentur Idea siue secus, p. 148 l. 23

Existentiæ perfectionem esse vulgaribus exempli probatum, p. 155 l. 6. Idem confirmatum ex principiis Metaphysicis, ibid. l. 22. Provocatio ad communem Rationem, ibid. l. 30

Existentiæ, saltem necessariam, esse perfectionem, si non nuda existentia, p. 155 l. 35. Illius rei illustratio, ibid. l. 43

Existentiæ necessariam in Idea Entis absolute mali non contineri, p. 156 l. 15

Existentiæ Impossibilitatem ad Ens absolute miserum & Ens absolute pestiferum pertinere, p. 158 l. 20

Existentiæ necessariam nec Enti absolute imperfecto, p. 156 l. 27 nec absolute improbo, ibid. l. 37 nec absolute misero, ibid. l. 43 & p. 157, 158 l. 49 nec Enti absolute pestifero, ibid. l. 26 competere.

## Exodus.

Cap. 15 v. 8 p. 669 l. 40

Cap. 22 v. 10 p. 514 l. 18

Cap. 24 v. 10 p. 607 l. 31

Cap. 25 v. 18, 22 p. 710 l. 47

Cap. 26 v. 6 p. 671 l. 3.

Cap. 28 v. 4, 5, &c. p. 577 l. 25 & p. 578, 579 p. 581 l. 30 & p. 582 p. 591 l. 37

Cap. 35 v. 31, 35 p. 555 l. 53 & p. 556

Extensionem omnem, Divisibilitatem partium Physicam non implicare, p. 150 l. 39 & p. 151

Extensio in Spiritu cur non tot pariat Intellectiones ac voluntates quot sint ejus partes, p. 151 l. 48

Extensio essentialis & integralis ut differant, p. 280 l. 22

Εξουδένωσις & ἐκπύρωσις duo modi quibus Mundus destruitur apud veteres, p. 452 l. 47

## Ezechiel.

Cap. 1 v. 4 p. 707 l. 36 & 47 v. 4, 7, 9, 10 p. 709 l. 36 v. 12 p. 708 l. 4 v. 15, 18, 19 p. 708 l. 28

Cap. 10 v. 1, 2 p. 710 l. 48 v. 12 p. 709 l. 33 v. 13 p. 708 l. 19 v. 15 p. 708 l. 34

Cap. 28 v. 18 p. 687 l. 45 p. 726 l. 15

Cap. 36 v. 22, 23, 25, 26 27 p. 714 l. 21

Cap. 39 v. 29 p. 706 l. 24

Cap. 43 v. 10 p. 705 l. 15 & p. 706

Cap. 47 v. 1, 12 p. 705 l. 33

Cap. 48 v. 35 p. 705 l. 15 & p. 706

## F

**F**acii Cardani Visum in quo Spiritus qui ei apparebant se mortales professi sunt, p. 447 l. 51 & p. 448

Facii Cardani Dæmones qui cum illo collocuti sunt Animam mortalem an immortalem declaraverint, p. 450 l. 4

Facultates nostras supponi veras esse, p. 24 l. 7 p. 28 l. 12 & p. 29

Facultates nostras supponi veras esse quomodo intelligendum, p. 161 l. 16

Facultates Anima vegetativæ siue Plantales, p. 188 l. 23

Facultatum Anima ascensus gradualis, p. 358 l. 20

Facultatum Anima aliarum pro aliis statibus excitatio & consopitio, p. 398 l. 37

Facultates Masculina & Feminina in Adamo, p. 483 l. 32

Facultatum femininarum magna voluptas de solatium, ibid. l. 46

Familistici Imperii Insomnium J. Nayletum ad qualem adegeris dementiam, p. 746 l. 19

Familistica ἀμελεία ἀνδοχῆς, quique illius esse possit usus, p. 747 l. 43

Farellum, Fromentium & Viretum primos Genevam convertisse, p. 665 l. 28

Fascinatorum obsessorumve conditionis descriptio exemplis confirmata, p. 102 l. 7. Quicquid sensus, Rationis, Motusve in eis videtur, totum illius Inquilini esse qui in istos se induerit, ibid. l. 33

Felis nigra Cuntii, p. 117 l. 16

J. Fernelium Anima præexistentiam tenuisse, juxtaque secum sensisse Hippocratem & Galenum, p. 367 l. 44

Fidei doctrina in potentia Spiritus cur tantopere non inculcata à primis Reformatoribus, p. 735 l. 30 & p. 736

Fidei hujus vis ad renovandum Mundum in Justitiam, ibid. l. 10

Fidei in potentia Spiritus Christi ad debellandum peccatum miranda efficacia, p. 736 l. 45. Responsum ad Objectionem circa hanc doctrinam Fidei, p. 737 l. 1

Fieri exempla probata de viribus Imaginationis, p. 413 l. 23

Firmamentum cur Cælum sic dictum, p. 515 l. 11

Firmamentum inter Aquas superiores & Inferiores positum quid significet in Cabbala Morali, p. 621 l. 6

Fluvii Paradisi quid, p. 482 l. 55 & p. 483 p. 491 l. 12

## Fœminas

# INDEX.

*Fœminas virôsq; in unum primitus concrevisse fabula Aristophane digna*, p. 517 l. 48  
*Fœminæ Liguriæ ex Diodoro Historiâ de parturiendi facilitate*, p. 521 l. 56 & p. 522  
*Fœtus materiam esse Homogeneam*, p. 174 l. 37 & p. 175  
*Fœtus materiam si ex particulis constet variarum figurarum Organizationi adaptatarum, ad Athei causam nihil facere*, p. 175 l. 18 sed nec sic consistere, esse probabile, *ibid.* l. 28 & p. 176 l. 53 & p. 177  
*Formæ Seminales quid*, p. 309 l. 22  
*Formæ Seminales particulares apud Proclum quævis appellata*, p. 310 l. 56  
*Fortuni Liceti Cancer*, p. 416 l. 5  
*Foxii nomen quo omne Quakerorum capiti inscriptum*, p. 747 l. 27  
*Frigiditas Spirituum sive Dæmonum*, p. 110 l. 26 p. 130 l. 7 & l. 21 p. 180 l. 12  
*Fructus arborum humano usui destinati*, p. 71 l. 26  
*Fuga Adami postquam nudum se deprehenderat quid significet*, p. 634 l. 13  
*Functionum nostrarum ex Cartesio, aliarum corpori, aliarum Animæ propriarum descriptio*, p. 344 l. 27  
*Furni Egyptii Ὀπιδιόλεον*, p. 78 l. 23  
*Futuri statûs alteriusve Mundi cur tam accuratam Author aggressus sit descriptionem*, p. 283 l. 36  
*Futurum Impiorum statum Authorem non fecisse nimis tolerabilem*, p. 284 l. 9  
*Futuri Axiomatis sensus quomodo determinandus*, p. 339 l. 11

## G

### A D Galatas

*Cap. 2 v. 20* p. 620 l. 46  
*Galenii Hymnus, Tractatus ejus de usu partium*, p. 87 l. 2 & p. 91 l. 24  
*Cap. 6 peculiaris appellatio Quinariæ & Senariæ & ad Ternarium an referri possit*, p. 568 l. 19 p. 573 l. 23  
*Galli & Gallo-pavonis structura*, p. 81 l. 55 & p. 82  
*Generationem omnem fieri ex tenui Colliquamento*, p. 355 l. 12  

### Genesis.

*Cap. 3 primorum sensus Literalis à p. 513 ad p. 522. Sensus Philosophicus à p. 478 ad p. 486 & à p. 523 ad p. 549. Sensus Moralit à p. 487 ad p. 494 & à p. 619 ad p. 638*  
*Cap. 1 v. 1, 2* p. 593 l. 46 & p. 594 p. 598 l. 56 p. 603 l. 33 v. 6, 14, 15, 16, 17 p. 535 l. 16  
*Cap. 2 v. 7* p. 384 l. 32  
*Cap. 14 v. 14* p. 500 l. 4  
*Cap. 15 v. 5* p. 500 l. 42 p. 667 l. 47  
*Cap. 37 v. 8, 19* p. 668 l. 42  
*Genevensem Episcopum à Calvino fuisse expulsum meram esse calumniam*, p. 665 l. 18  
*Genii boni cujus Conversatione usus est Bodini amicus, Historia*, p. 131 l. 32 & p. 132. Con-

versationis hujus Genii modus, p. 132 l. 8. *Petriculorum evitationes ex boni Genii monitis*, p. 132 l. 40. *Genius hic quantopere à vocali conversatione abhorruerit*, *ibid.* l. 57. *Utilis ejus per alia signa Opitulatio*, *ibid.* l. 60 & p. 133. *Modus quo ipsi apparuit vigilantibus, & semel dormitanti*, p. 133 l. 4  
*Genii Tutelares quid sint*, p. 133 l. 28 *unusne an plures singulis hominibus assignati & aliquibus nulli*, *ibid.* l. 40  
*Geniorum an forma sit ulla determinata*, p. 134 l. 24 & p. 136 l. 13  
*Geniorum doctrina apud Aristotelem rara aut nulla*, p. 288 l. 28  
*Genios quosdam vel Angelos aereis vehiculis uniri quomodo demonstratur*, p. 396 l. 38 & p. 399 l. 12  
*Genii cur tam rarò appareant cause vera*, p. 403 l. 40  
*Genios Animasque separatas videre & audire ad ingens Intervallum*, p. 406 l. 43  
*Geniis nos faciliè audientibus & videntibus, unde fiat ut nos illos vicissim nec videre nec audire possimus*, p. 406 l. 53 & p. 407  
*Genios Audire pariter habere ac Visum*, p. 407 l. 15. *Tactu etiam præditos esse*, *ibid.* l. 22. *An Odoratu & Gustu*, *ibid.* l. 24  
*Genios etiam nutrirî, Opinio Cardani, Marci Eremitæ, Mosique Egyptii*, *ibid.* l. 28  
*Genii Animæque defunctorum quas Occupationes externas habere possint*, p. 407 l. 42 & p. 408  
*Geniorum nobiscum congressum intelligibiliorum videri quàm cum Geniis*, p. 409 l. 27  
*Genii sibi invicem quomodo visibiles esse possint, dum nobis tamen sunt invisibiles*, p. 409 l. 36  
*Geniorum accessus mutus deque finibus velocitatis motus eorum*, p. 410 l. 8 & p. 412 l. 10. *Quàm multò nobis celeriores*, *ibid.* l. 25  
*Genii quâ formâ figuræve conveniant, qualis eorum secessus cum Invisibiles esse volunt*, p. 410 l. 31. *Congredi non posse formâ simpliciter Orbiculari*, *ibid.* l. 44  
*Genios præstantiores saltem, formâ congruere humanâ*, p. 410 l. 55 p. 412 l. 21 p. 418 l. 9  
*Geniorum Forma ex merone voluntatis & phantasia imperio oriatur, an ad characterem naturalem Plastica partu Animæ dirigatur*, p. 411 l. 6 & p. 412 l. 25  
*Genii Animæve formam personalem partim à voluntate esse, partim à potentia Plastica*, p. 411 l. 25  
*Geniorum facultas in formandis Vehiculis, quibus argumentis confirmetur*, p. 411 l. 37  
*Genios deteriores Bestiarum speciem aliquando induere*, p. 418 l. 15  
*Geniorum pulchritudo quoad Vehicula & ornatus*, p. 419 l. 3 *discriminari aliquo modo in Masculinam & Fœmininam*, *ibid.* l. 36  
*Geniorum inter se congressus & Colloquia*, p. 421 l. 8. *Sermones Philosophici & Politici*, *ibid.* l. 22. *Exercitia Religiosa*, l. 46  
*Geniorum meliorum lusus innocui & Recreationes*, p. 421 l. 56 & p. 422  

Genii



# INDEX.

Genii boni & malicibum an habeant & unde, p. 423 l. 1 & p. 424

Geniorum Aereorum Politia, p. 424 l. 32. Politicam catenam à summis Æthereis Potestatibus per Dæmonas Aereos ad ipsos usque Terræ Incolas pertingere, p. 424 l. 50 & p. 425. Quanta inde fruamur Incolumitate, p. 425 l. 3

Genii facinorosi quam facile detegantur & puniantur à Tribulibus suis, p. 425 l. 17. Quo suppliciorum genere afficiantur, ibid. l. 42

Geniorum Aereorum mortalitatem quibus Testimoniis quidam eant probatum, p. 447 l. 46

Genii Aerei an certo tempore nascantur ut homines, p. 449 l. 3

Geometriam ipsam non probare sed supponere facultates nostras veras esse, p. 161 l. 10

Gerardi narrationem de Anseribus arboreis certo esse veram, p. 181 l. 31

Gihon idem quod Nilus, p. 541 l. 1. Nominis ratio, cuiusque rei Symbolum, ibid. l. 53

J. Glanvillius Historia Dæmonis Tedworthiensis scriptor, p. 101 l. 27

Glandula pinealis an sedes sit sensus communis, p. 351 l. 16. Bartholini argumenta contra Cartesium allata & refutata, ibid.

Glandula pinealis cur sedes Sensus communis non sit censenda, p. 351 l. 52

Graminis viredo Providentiæ Indicium, p. 71 l. 19

Grandibus ac vehementibus populum, Divinum quiddam subesse suspicari, p. 194 l. 40

Gratus sensus vitæ vehiculi Eva Mystica, p. 483 l. 59 & p. 484

Gravidarum Imaginationis vis Magica in Spiritum Naturæ, p. 297 l. 30

Gravitatis Phenomenon, principium arguere à Materia distinctum, p. 58 l. 2

Gravium descensum existentiam arguere Spiritus Naturæ, p. 433 l. 11 & p. 434

Gretrakesii curationes morborum miranda, p. 223 l. 34 & p. 224

Gretrakesii & Cokeri inter se comparatio, p. 224 l. 19

Gretrakesii ingenii vitæque paulo plenior descriptio, ibid. l. 26

## H

האָר exponendum ut האָר de Genere non Individuo in Cabbala Philosophica, p. 530 l. 5

Habitus in Essentia Vitali non Intellectuali fundari, p. 364 l. 23

הַכּוֹכָבִים Planetas esse primarios in Cabbala Philosophica, p. 529 l. 31

Hackettus qui imaginatus est seipsum Spiritum sanctum, p. 195 l. 17

Harvæi bellum spectaculum quod Regi Reginaque Angliæ exhibuit, Fatum scilicet Cervæ in humore crystallino natantem, p. 78 l. 42

Harvæum palpando quasi ad Spiritus Naturæ notitiam aspirasse, p. 374 l. 43

## Ad Hebræos.

Cap. I v. 2, 10, 11, 12, p. 658 l. 30

Cap. 4 v. 9, 10, 11 p. 625 l. 36 v. 12, 13 p. 637 l. 25

Cap. 7 v. 25 p. 15 l. 19

J. Helmontii Opinio, nullâ vi artēve humanâ penetrationem corporum effici posse, p. 297 l. 18

Henrici Nicolai character, p. 198 l. 16

Henrici Regii commentum mirificum de particula quæ commune sit Percipiens, p. 341 l. 58 & p. 342

Heracliti Dictum arcanum Cabbala Mosaicæ congruum, p. 542 l. 27

Herbarum noxiarum, quæ vocantur, utilitates, p. 68 l. 20

Heroicè boni, nihil intus obesse quo minùs post mortem beatitudinem assequantur sempiternam, p. 451 l. 51

Hesiodi Opinio de Geniis sive Dæmonibus quod intra certam annorum periodum intereant, p. 448 l. 47. Opinionem istam specie duntaxat non re duram esse, p. 451 l. 24

Hesiodi Nympha in Conflagratione peritura quid, p. 453 l. 43

Heterogeneitas Animæ qualis sit, p. 363 l. 13 p. 399 l. 48 & p. 400

Heterogeneitatis ipsius Plasticæ descriptio, p. 400 l. 10

Hieronymus Cardanus Faciùsque Pater unde factum ut se in Ecstasi pro libitu conjicere potuerint, p. 201 l. 35

Iteos cur magnum perinde ac sacrum apud Græcos significet, p. 194 l. 58

Hippocrates cur mentem in sinistro cordis ventriculo posuerit, p. 352 l. 50

Hippocratis ἡ κατὰ τὴν ἀριστερὰν τοῦ καρδίας κοιλίαν, p. 353 l. 45 & p. 357 l. 22

Hippocratis τὰ ὁρμῶντα ἢ ἐνερμῶντα, quæ, p. 354 l. 23

Hippocratem Animæ præexistentiam tenuisse, p. 367 l. 44

Hobbii argumenta adversus existentiam Spirituum, p. 311 l. 43 & p. 312, 313. Responsa ad dicta argumenta, p. 313 l. 34 & p. 314, 315

Hobbiana Spectra & Dæmones quales, p. 314 l. 56 & p. 315

Hobbiani Testimonii usus in rationibus rerum corporearum explicandis, p. 327 l. 30

Hobbii circa sensationem rerum inanimatarum Vacillatio, p. 332 l. 38

Hobbii error ridiculus, Notiones utique secundas esse tantum Nomina, p. 334 l. 60

Hobbii argumenta quibus probare vult Actiones nostras esse necessarias, cum Responsis, p. 336, 337, 338, 339

Hobbii crassa, in Logica, Ignorantia, p. 338 l. 51

Hobbiana Gravitatis Hypothesis proposita & confutata, p. 433 l. 39 & p. 434

Hominis conditio in ordine ad Creationem reliquam, p. 62 l. 58 & p. 63

Homo inermis quo consilio à Natura factus, p. 63 l. 51

Ggggg

Homo

# INDEX.

- Homo in orbem introductus ut Conviva ad Mensam opiparam, p. 71 l. 40
- Hominem in Confiniis quasi habitare duorum Mundorum, Spiritualis & Materialis, p. 90 l. 45
- Hominiscreationem opus fuisse exquisitissima Rationis ac Consilii, p. 90 l. 53
- Homo inter reliquas Creaturas ut Sacerdos inter reliquos Homines, p. 91 l. 10
- Homines Aëreos quales admissura essent robusta quæ vocantur Ingenia Historiæ Dæmonii Tedworthiensis confternata, p. 101 l. 24
- Hominem cum adultis suis perfectionibus ex materia simul existisse, cæci materia legibus planè repugnare, p. 137 l. 31
- Homines, qui sit, ut tam dexteri sint atque habiles ad quasdam res inveniendas & tam hebetes tardique ad alias, p. 220 l. 30
- Homo Imago Dei, p. 480 l. 57 & p. 481
- Homo Microcosmus in quo duo principia Spiritus & Caro, p. 487 l. 17
- Hominum Mortalium ἀποθνήσκουσιν unde facta, p. 507 l. 3
- Homines an ex Sole dici possint materialiter generati, p. 597 l. 33
- Homo quatenus sui Microcosmi moderator quomodo Dei imaginem referat, p. 614 l. 21
- Hominis Terreni descriptio ante novam creationem inceptam, p. 619 l. 40 & p. 620
- Homo peccati quomodo dici possit sedere in Templo Dei cum illius illic sessio Synagogam eam reddat Satanæ, p. 685 l. 57
- Hominem Peccati sacris oraculis prædictum, quibus quis Rationibus cognoscere possit jam venisse in Mundum, p. 685 l. 42 & p. 686
- Humilitas qualis sit qua Enthusiasmi morbo medeatur, p. 213 l. 31 & p. 214
- Humilitas quam immensum momentum ad veram scientiam faciat, ibid. l. 41
- Humoris crySTALLINI, (qui proxima materia est generationis Animalium) Homogeneitatem, substantiam indicare Immaterialem ab Humore distinctam, p. 77 l. 41
- Humorem hunc sive Materiam liquidam non formari in organa virtute tactus, aut Imaginationis Matris, p. 78 l. 6
- Humorem hunc pellucidum non solum in generationibus Animalium Oviparorum cerni, sed & Viviparorum, p. 78 l. 41
- Hyles, quatenus Potentialitas est, apud Veteres Descriptio, quamque consona sit Molis Terræ inani & vacuæ, Abyssu, Tenebris & Aquis, p. 601, 602. Quomodo Hyle hæc dici possit creari, p. 602 l. 59 & p. 603 p. 604 l. 36. Cur mentio recula tam ætænanide facta apud Moysen, p. 603 l. 10
- Hyle ἀνάκην τῷ κακῷ, p. 604 l. 2
- Hyle hæc quo sensu Radix Mali, p. 603 l. 26 & p. 604. Non creatam fuisse ab æterno quamvis Creatio quadam esset Emanatio, p. 604 l. 51 & p. 605 contra S. A.
- Hyle Physica sive Monadum Abyssus quàm applicabilis Textui Mosaico, p. 605 l. 32 & p. 606
- Hyle hæc Physica Styx veterum, p. 606 l. 1
- Hylentum Physicam tum Metaphysicam ad Textum Molis posse referri, p. 607 l. 13 & l. 34
- Hyles Notio ab Authore jam olim agnita ad Cabalam Philosophicam adhibita, p. 526 l. 20
- Hylopathia quid sit, quomodoque Spiritus, quamvis non sit impenetrabilis, materiam possit impellere, p. 152 l. 49 & p. 153 p. 154 l. 30
- Hylopathiæ hujus, usus non contemnendus, p. 154 l. 45
- Hylopathicæ hujus facultatis an pars sit ut Spiritus nudi se inde reddant inter se impenetrabiles, p. 154 l. 47
- ## I
- I Ana Brookes Venefica vulnerata, ad vulnus Spiritui Aëiali insitum, p. 129 l. 3
- Ideam Entis absolutè perfecti Notionem esse Animæ æquè innatam, atque quinque Corporum Regularium, p. 30 l. 30 p. 36 l. 51
- Idea Entis absolutè perfecti quas Notiones magis particulatim in se comprehendat, p. 30 l. 60 & p. 31
- Ideam Entis absolutè perfecti non arbitrarium aut fortuitum esse conceptum, sed necessarium, ac proinde Animæ naturalem, &c. p. 36 l. 26. Ejusque Idearum Radicem esse & Originem rerum omnium, ibid. l. 39
- Ideam Dei, necessariam illius implicare Existentiæ, p. 37 l. 23. Eamque non Hypotheticè necessariam sed absolutè, p. 37 l. 32
- Ideæ Dei, existentia actualis necessitatem competere cum nec Contingentia nec Impossibilitas competat, p. 38 l. 15
- Ideas Mentis naturales inter & Imaginationes distortas discrimen, p. 156 l. 15
- Ideam nisi ex Notionibus ejusdem generis compositam nihil valere ad existentiam rei probandam, p. 157 l. 10 & l. 38
- Ideam Dei, illius existentiam arguere non ex eo quòd vera sit, quòdque si Deus esset existentia ejus foret necessaria, sed quòd hæc Idea, cum vera sit, Existentiæ necessariam, tanquam ad Eum absolutè pertinentem menti nostra exhibeat, p. 159 l. 15
- Ideam Dei Manichæorum, existentiam necessariam in se non includere, p. 159 l. 40
- Ideam Entis absolutè perfecti Existentiæ inclusa necessaria, ut sit duntaxat conditionalis, apertam esse Repugnantiam, p. 37 l. 42 p. 159 l. 48
- Ideam Dei Notionem esse in humana Anima indelebilem, p. 164 l. 9
- Ideam Dei, si necessariò omni menti insit, eò firmitus argumentum esse pro Existentiâ Dei, p. 165 l. 1
- Imago ponè speculum, p. 152 l. 17 & p. 154 l. 24
- Imaginem ponè speculum visam in depravatam judicandi consuetudinem non resolvit, p. 265 l. 4.
- Imagi-



# INDEX.

- Imaginem, qua percipitur ab Anima, eam ipsam esse qua fit in oculo, p. 360 l. 25
- Imaginationis intricata in certis Sensus & Rationis Conclusionibus exempla varia, p. 151 l. 53 & p. 152
- Imaginatio αἰσθητικὴ ἀδρανής, p. 189 l. 17
- Imaginatio pro reali Sensus Objecto ubi concipi possit, p. 189 l. 20
- Imaginationis vim enormem causam esse Enthusiastmi, p. 189 l. 33 & p. 190
- Imaginatio causis naturalibus quam necessario moveatur & alteretur, p. 190 l. 22
- Imaginatio ut immutetur cibus, p. 191 l. 6
- Imaginatio mera qua fit censenda, p. 293 l. 11
- Imaginationis viribus quam mirifica Effecta tribuantur à quibusdam Philosophis, p. 411 l. 48
- Imaginationis Effectuum exempla mira pariter ac vera, p. 412 l. 38 & p. 413, 414
- Immortalitatis Animæ speculatio quanti sit momenti, p. 291 l. 10
- Immortalitas Animæ à Veracitate, Justitia & Bonitate Dei demonstrata, p. 390 l. 10 & p. 391, 392
- Impenetrabilitatem ad Extensionem, quatenus Extensio, pertinere, quomodo à Cartesio demonstratum, p. 251 l. 18. Et quam falsè, p. 253 l. 36 p. 254 l. 59 & p. 255
- Imperceptivitate Spiritus Naturæ nihil impedire quò minus Plasticè operetur, p. 8 l. 51
- Incorporearum substantiarum ad Existentiam demonstrandam quatuor argumentorum genera, p. 153 l. 26
- Incorporeas substantias, vires ac virtutes esse asserendo, quid intelligat Cartesius, p. 238 l. 61 & p. 242 l. 4
- Incorporearum substantiarum, secundum Cartesium, nullam esse Extensionem, sed potentialium, p. 251 l. 38. Vide p. 253 l. 43 & l. 46 & p. 255 l. 9
- Incorporeæ substantiæ negatio quam funestas habeat consequentias, p. 311 l. 28
- Incorporeæ substantiæ existentia demonstratur, ab Idea Dei, p. 316 l. 15 à Motu, ibid. l. 27 & p. 317, 318. Ab ordine & natura rerum, p. 319 l. 18. Ab Apparitionibus, p. 320 l. 36
- Indiscerpibilitas unitasque Spiritus Naturæ unde arguatur, p. 58 l. 18
- Indiscerpibiles Materie particulas nullam habere figuram, p. 280 l. 60 & p. 287 l. 36 p. 288 p. 304 l. 13
- Indiscerpibilitatis modus in Anima aliisque Spiritibus cur tam curiosè ab Authore descriptus, p. 283 l. 17
- Indiscerpibilitas & Impenetrabilitas immediata Spiritus proprietates, p. 294 l. 11
- Indiscerpibilitatem substantia competere posse, perinde intelligi atque impenetrabilitatem, p. 294 l. 60 & p. 295 p. 296 l. 23 p. 300 l. 22
- Indiscerpibilitatis Representatio Symbolica, p. 300 l. 29
- Indivisibilitas Spiritus quomodo concipienda, p. 150 l. 39 & p. 151 p. 154 l. 10
- Indivisibilitas sive Indiscerpibilitas Naturæ Spiritualis, Cabbala Mosaica sive Pythagorica pars, p. 526 l. 38
- Indolentiæ exemplum egregium in gladiatore Caesaris, p. 217 l. 3
- Infinito infinitus an dari possit, p. 43 l. 43
- Injectorum à Magis exempla varia, p. 104 l. 9
- Injectorum Historia quam convincens evidentia Existentiæ Demonum, p. 104 l. 42 & p. 105
- Innatas esse Notiones sive Ideas in Anima, p. 33 l. 4 & p. 34, 35 p. 148 l. 54 p. 149
- Innatas in Anima Ideas non esse sensibiles sed Intellectuales, p. 149 l. 15
- In Principio, Gen. c. 1 quid significet in Cabbala Philosophica, p. 524 l. 51 & p. 525
- Insomnia esse Imaginationes dormientium, Imaginationes Insomnia vigilantium, p. 187 l. 18
- Insomnia, cur Anima dum somniat, verarum transactiones autumat, p. 188 l. 56 & p. 189
- Inspiratio quid sit, p. 188 l. 4
- Inspiratio complexionalis in J. Behmen & H. N. qualis fuerit, p. 721 l. 1
- Instinctus naturalis Animalium an à Spiritu Naturæ, p. 435 l. 19
- Instinctus dicitur Naturæ sicut à Diis Efflatio, Dicitur Scaligeri, p. 437 l. 5 ubique maximè propriè Instinctus dicendus, ibid.
- Job.
- Cap. 38 v. 4 p. 594 l. 47 v. 19, 20, 21 ibid. l. 54
- Johannis Evang.
- Cap. 1 v. 3 p. 533 l. 21 v. 14 p. 670 l. 31
- Cap. 10 v. 10 p. 681 l. 52
- Cap. 17 v. 19 p. 692 l. 38
- Johan. Epist. 1.
- Cap. 2 v. 27 p. 626 l. 60 & p. 627
- Cap. 5 v. 4 p. 627 l. 18
- Johannis ab Hembach in Sagarum Conventiculo fistulatio, p. 125 l. 48
- Johannis Michaelis Musica muta super pedum in saltatione Demonum, p. 126 l. 21
- Iridis colores an necessarii effectus sint meræ Materiae, p. 172 l. 16 & p. 176 l. 19

## L

- Lacedæmonii à Judæis oriundi, p. 584 l. 39
- p. 589 l. 48
- Lacedæmoniorum αἰὼς ἀνδρες, p. 552 l. 10
- Laertii verba in Vita Parmenidis, αὐτὸν τε εἶναι τὸ θεῖον καὶ τὸ ψυχρὸν, examinantur, p. 597 l. 47 & p. 598. Item, εἴ ὢν τὰ πάντα συνεστάναι, ibid. l. 14. An εἴ ἰλύθῃ. pro εἴ ἰλύθῃ legendum, ibid. l. 34 & p. 599
- Lactantius, qui factum ut negaverit Antipodas, p. 499 l. 23
- Lapidinarum, Lignorum, Metallorum & Mineralium, designata utilitas, p. 63 l. 8
- Lapsus animarum humanarum quomodo cultus Religiosus depravatus arguat, p. 48 l. 50
- Lapsi Angeli cur Bestiis Agri assimilati, p. 542 l. 43 p. 544 l. 43 & p. 545
- Lassitu-

# INDEX.

Lassitudo corporis unde fiat, p. 354 l. 8  
 Legiflatores Gentium primitus à bonis Geniis instructi, p. 505 l. 43 & p. 506  
 Leporis formatio æquè manifestum Providentiæ argumentum atque Talpæ, p. 80 l. 54  
 Leviticus.  
 Cap. 21 v. 10, 11, 12 p. 579 l. 13  
 Liber ruber Magorum & Veneficarum ab Anna Bodenham agnitus, p. 112 l. 56  
 Liberum arbitrium quomodo cum Divina Præscientia conciliandum, p. 339 l. 38 & p. 340  
 Ligato nervo sensum manere inter Ligaturam & Cerebrum, non autem inter Cor & Ligaturam, p. 350 l. 7  
 Ligato nervo cur sensus non sit à Ligatura usque ad extremum digitum, p. 357 l. 3  
 לילי quale Damonium, p. 545 l. 8  
 Limacis H. Regii in phiala vitrea inclusi experimentum, p. 353 l. 31  
 Linguas exoticas quas quispiam non didicit, si loquatur aut interpretetur, id fieri ope Geniorum, p. 103 l. 46  
 Lini & Cannabis egregia utilitas, p. 72 l. 1  
 Literam Scripturæ in rebus Philosophicis ut plurimum loqui secundum sensum & imaginationem vulgi, p. 507 l. 20 & p. 508, 509  
 Literam Historiæ Mosaicæ veram esse, p. 535 l. 48  
 Litera siue Literalis sensus & Cabbala Literalis ut differant, p. 593 l. 28  
 Locationis distinctionem in circumscriptivam & definitivam, legitimam esse, p. 315 l. 29  
 Locus Spiritibus quo sensu competat, & quo non, p. 315 l. 26  
 Logos Divinus Pontifex Maximus apud Philonem, p. 2 l. 4 & Ἀνθρωπίνος ἀπαθὴς apud Clementem, ibid. l. 13  
 Λόγος σπερματικὸς ullos alios præter universalem Spiritum Naturæ nihil necesse est esse, p. 8 l. 38  
 Λόγος ἐνυλός, Forma ratione carens, p. 66 l. 15  
 Logos Æternus quàm ideonius Pontifex Maximus, p. 578 l. 44 & p. 579  
 Λοξίας cur Ternarius appellatus, p. 569 l. 7 & p. 571 l. 7  
 Λυκανθρωπία, γαλεανθρωπία & κυνανθρωπία morbi, unde possint provenire, p. 191 l. 42  
 Lucas.  
 Cap. 12 v. 32 p. 659 l. 3  
 Cap. 21 v. 30 p. 693 l. 6  
 Lucerna Jehovæ, Anima hominis quæ ardet super Capite Infantis in visceribus Matris, p. 222 l. 61  
 Lucius Piscis cum annulo cupreo, p. 83 l. 2 p. 86 l. 7  
 Lumen Divini Amoris quarto die creatum quale & quàm utile, p. 621 l. 22  
 Lunæ motus Æquinoctialem secans Divina Providentiæ argumentum, p. 57 l. 42  
 Lutheri dictum memorabile de Creatione Mosaicæ, p. 610 l. 8

Lutherum & Calvinum Rebellionis crimine fuisse immunes, p. 664 l. 56 & p. 665  
 Lutherus an collocutus sit cum Diabolo de Missa abroganda. Et de nocturnis illius visionibus Torrium volantium, p. 725 l. 22 & p. 726. De illius moribus obnoxiiis aliorumque Reformatorum, p. 726 l. 40 & p. 727  
 Lutheranism inter & Martinistam ridicula digladiatio, p. 3 l. 32  
 Lux & Cælum ejusdem rei, Mundi scilicet Vitæ Symbola, p. 524 l. 1 suffragia Philonis & Augustini huc facere, ibid. l. 23  
 Lux & Cælum an simpliciter Symbolicè significant in primo die Creationis, p. 595 l. 3  
 Lux ipsa an foret Lux nullo Spiritu actuata, p. 595 l. 15  
 Lucem Diei rem esse à Sole independentem in Cabbala Literali, p. 514 l. 46 & p. 516 l. 28  
 Lucem in primo die ad summam perductam Adamum esse in sexto, Christum secundum Spiritum, p. 620 l. 17

## M

**M** Achiavelli dictum egregium de prætorum in Aere visorum prodigiis, p. 142 l. 12  
 Magdalene Crucis Historia, p. 102 l. 56 & p. 103. Historiam illius nec Sacerdotum fuisse, nec Melancholiæ delusionem, p. 103 l. 17. Wierro ab Hispanis non mala fidei & insigniter doctus fuisse confirmatam, p. 124 l. 22  
 Magia qualis fuerit, quæ Bodini amicus usus est ad asciscendam sibi magis sensibilem Assistentiam Boni Genii, p. 131 l. 42  
 Magia quæ sit quæ Muliercula, Venefica aliquando sunt. Eosque ut plurimum in causa esse, qui promptissimi sunt ad eas puniendas, p. 133 l. 57 & p. 134  
 Magia tutissima quæ sit maximèque Divina, p. 135 l. 55  
 Magiæ naturalis ratio obiter illustrata, p. 359 l. 9  
 Magiæ Sympathiæ Spiritus Mundani, in corporibus Sagarum Ecstasi correptis, Effecta, p. 377 l. 49  
 Magnetis attractionem Mechanicam non esse sed Sympatheticam, p. 432 l. 1  
 Magnitudo Objecti cujusque apparens quomodo percipiat, p. 264 l. 2  
 Mahometes an merus fuerit Enthusiastes, p. 197 l. 53  
 Malachias.  
 Cap. 3 v. 1 p. 724 l. 45 & p. 725  
 Cap. 4 v. 5 p. 722 l. 48  
 E. Malletti Manucodiata, dono Authori data, p. 86 l. 21  
 Μακρίν μαλλον ἢ ἡδέιν Antisthenis Dictum, p. 416 l. 28  
 Magarettæ Warinæ & Cunini Historia, p. 97 l. 57 & p. 98  
 Maris ac Fœminæ in Animantibus Formatio genuinus Sapientiæ & Consilii effectus, p. 75 l. 50  
 Masculina



# INDEX.

Masculina pars in Homine quid, p. 629 l. 16  
 Materia necessariam à se existentiam concedere quàm ingens delirium, p. 38 l. 29 & p. 39  
 Materiam, si à se moveretur, nè in magis generalia quidem Naturæ Phenomena se formare posse, multoque minùs si ex se quiescat, p. 53 l. 36 & p. 54  
 Materiam licet partim se moveret partim ex se quiesceret, producere non posse aut Solem aut Stellas, eà quæ sunt figuræ, p. 54 l. 26  
 Materia Legum Mechanicarum fontes duo, Impenetrabilitas & Mobilitas, p. 55 l. 27  
 Materia motus quamvis quædam producere posset, non sequi tamen adequatam esse causam Animalium ac Plantarum, p. 65 l. 31  
 Materia A-se-existentiam tribuere eandemque negare in Deo, quàm sit absurdum, p. 38 l. 23 & p. 160 l. 47  
 Materia an Cogitatio tribui possit cum majoribus Repugnantibus non oneretur quàm Divisibilitas ejus, p. 168 l. 51 & p. 169  
 Materia Mundana indefinita sit an infinita, p. 236 l. 8 p. 242 l. 55 p. 250 l. 5 & l. 9  
 Materiam ex se quiescere secundum Cartesium, p. 268 l. 32 p. 270 l. 41  
 Materiam constare ex partibus indiscerpibilibus, p. 280 l. 19 & p. 303 l. 38  
 Materiam nullam esse se-fixantem, p. 318 l. 3  
 Materia Divinæ voluntate prædita figmentum, p. 318 l. 13  
 Materia alia Divina quæ τὸ πῦρ Aristotelis τοῖς αἰσθητοῖς respondeat, p. 319 l. 1  
 Materiam, licet perceptio per reactionem ipsi competat, Naturæ effectus esse imparem, p. 319 l. 41 & p. 320  
 Materia connatas Ideas non inesse, communi omnium consensu & ratione confirmatum, p. 323 l. 31  
 Materia quas ob causas quasi umbra Dei dici possit, p. 271 l. 4  
 Materiam esse Principium omnino Passivum unde constet, p. 328 l. 23  
 Materia crassæ ac ponderosæ æquè competere sui-motionem atque subtilissimæ, p. 318 l. 35  
 Materiam nullas habere posse perceptiones nisi ab altera Materia impressas, p. 329 l. 29  
 Materia punctum Physicum, impressionem Materia variegata distinctam recipere non posse, p. 330 l. 2 & p. 331  
 Materia puncto quod non recipitur ab eo non percipi, p. 331 l. 44  
 Materiam perceptiones rerum habere non posse, quibus probetur argumentis, p. 333 l. 8 & p. 334, 335  
 Materia qualis sit quæ ipsa foret Anima si nihil in Universo esset præter Materiam, p. 333 l. 33  
 Materiam increatam apud Mosen supponi, quæ data sit isti errori occasio, p. 514 l. 21  
 Mathematica evidentia, possibile esse, ut sit constans & indetecta delusio, si sit Deus, p. 28 l. 13  
 Matrimonium Judæis cur Moses tantopere commendaverit, p. 519 l. 49 & p. 520

Matthæus.

Cap. 5 v. 13 p. 684 l. 9  
 Cap. 12 v. 43 p. 545 l. 22  
 Cap. 17 v. 10, 11 p. 722 l. 59 & p. 723  
 Cap. 19 v. 28 p. 693 l. 6  
 Medullæ spinalis partem nullam commune esse Percipiens, p. 346 l. 9  
 Medullæ spinalis partem nullam sedem esse sensus communis, p. 351 l. 61 & p. 352  
 Melancholiæ vis in Imaginationem, p. 192 l. 10. Morbus propriè sic dictus qualis, ibid. l. 21 p. 207 l. 9  
 Melancholiæ propriè sic dictæ exempla varia, p. 192 l. 30 & p. 193  
 Melancholiæ hujus propriè sic dictæ phreneticorum, usus specialis adversus Enthusiasistas, p. 193 l. 26  
 Melancholiæ causalitatem in Enthusiasmi morbo faciliùs quàm in aliis deliriis detegi, p. 194 l. 4  
 Melancholiam Temperamentum esse religiosum ac pertinax, p. 194 l. 14  
 Melancholia quantopere imponat Hominibus ob suam vehementiam, ac si sanctus esset Dei Spiritus, p. 194 l. 40 & p. 195  
 Melancholia fervefacta quàm pulchram sancti Zeli Divinique Spiritus speciem induat, p. 195 l. 24  
 Melancholiæ τὸ ἔξω apud Aristotelem cum hoc Zelo comparatum, ibid.  
 Melancholiæ Fluxus ac Refluxus majorem Enthusiasistas addere Inspirationis fidem, p. 195 l. 57 & p. 196  
 Melancholiæ notabilis illusio quantum ad Divinum Amorem, p. 196 l. 59  
 Melancholia æquè fidelis, atque Bacchus, Veneris, comes, p. 196 l. 59  
 Melancholiam Homines ad Apoplexias & Epilepsias inclinare, p. 200 l. 17  
 Melancholiam etiam in pio Enthusiasmo, ut plurimum devotionis esse fomitem, p. 220 l. 4. Peculiarem vim habere ad Divinas Speculationes, cum Anticipatione Objectionis, ibid. l. 17.  
 Melancholia improbis balneum Diaboli, sinceris Regenerationis Lavacrum, p. 221 l. 24  
 Melancholiæ quàm egregia sit utilitas ad mores vitamque corrigendam, p. 225 l. 41 & p. 226  
 Μελέτη δαπάνη, Philosophia definitio apud Platonem, p. 637 l. 50  
 Membranam nullam ullamve ejus partem esse Percipiens commune, p. 341 l. 48  
 Membranam Capitis nullam esse sedem Sensus communis, p. 351 l. 3  
 Memoriam & Imaginationem omnes rationes Mechanicas excedere quomodo demonstratur, p. 344 l. 1  
 Memoriam in Anima esse non in Cerebro, p. 361 l. 47  
 Memoria, quàm in re consistat, p. 362 l. 1  
 Memoriam Animæ post mortem esse perfectionem, p. 426 l. 38  
 Memoria nulla licet esset post mortem, actiones  
H h h h h tamen

# INDEX.

ramen hujus vitæ semen quasi jacere aut felicitatis aut miserie in futura, p. 429 l. 53

Mens humana quomodo pervenire possit ad statum omni præjudicio immunem, p. 734 l. 6

Menti Ideas inesse cognatas actualemque Cognitionem variis probatum exemplis, p. 34 l. 42 & p. 35

Mentem reperiri in humanis corporibus majori admiratione dignum esse, quàm quod nulla sit in Bruto, Dictum Cartesii, p. 241 l. 22

Mentes humanas à corpore separatas sensum propriè dictum non habere secundum Cartesium, p. 267 l. 57

Mercavæ sive Visionis Cherubimorum apud Ezechielem loca varia explicata, p. 607 l. 21 & p. 608 & seqq.

Mercavæ Ezechielis sensum esse triplicem, Ethico-politicum, Physico-theosophicum, & Literalem, p. 745 l. 31

Mercurii Statua obscena cur sic fabricata, p. 566 l. 55 & p. 567

Μετὰ τὴν ἀντίθεσιν & εὐα Platonis quomodo intelligenda, p. 315 l. 55

Messia Anima an quicquam habuerit negotii cum sex diebus Creationis, p. 658 l. 20. Hujus Opinionis admittæ utilitas, ibid. l. 42

Metatron, Mundus Jetzirah, p. 222 l. 52

Methodus quæ adhibenda sit in rerum speculatione, p. 158 l. 1

Millennio septimo Regnum Spiritus secundum Cabbalam Historicam incepturum esse, p. 627 l. 39 & p. 628

Miracula vera in Orbe fuisse perinde ac falsa, vel ex ipsis falsis constare, p. 94 l. 42. Altera ab alteris distinguendi quæ sit ratio optima, ibid. l. 54 & p. 95

Miraculorum edendi facultas quo loco æstimanda, p. 498 l. 20. Quàm opportunè requirenda ab Enthusiasticis, ibid. l. 38

Monas cur Νῆς, Γοη, εὐα, &c. dicta, p. 566 l. 54 & p. 567. Cur εὐξ & ληθη, ibid. l. 23 & εὐξ & παρθεῖν & ἀμείβια, quàm congrua appellatio ad primi diei creationem relata, ibid. l. 29

Monas viro-famina, p. 568 l. 19

Monialium Dæmoniacarum Uuerteti, Hestimonte, &c. conditionis descriptio, p. 102 l. 40

Mons Calvaria cur sic dictus, p. 519 l. 19

Montes Natura Distillatoria, p. 62 l. 42

Monstrum multiceps Perceptivam Anima divisam non arguere, p. 441 l. 41 & p. 442

Morborem materia qualis, p. 224 l. 17

Mors peccati Vitæque Justitiæ plenius fusiúsque descripta, p. 637 l. 57 & p. 638

Mortis merum sensumque prægravantem quasi toti essemus mortales Immortalitatem animæ minime enervare, p. 442 l. 26

Mortis horrenda præludia revera non esse nisi Tragico-comædiam, p. 443 l. 8

Mortis magni Dei Panis Historiola ex Plutarcho, p. 448 l. 30. De quonam intelligenda, p. 451 l. 5

Mortalitas Adami duplex, quam Adamus per

suam contraxit inobedientiam, p. 629 l. 19

Moschicam sive Mosaicam Philosophiam fuisse Atomicam, p. 553 l. 50

Mosis sapientia, quod malorum humanorum αἰτιολογία in peccatum contra Legem Positivam refunderit, p. 522 l. 7

Moses cur Historiam inceperit cum Creatione Mundi, p. 505 l. 18

Moses quæ scripsit de Creatione & θεοπαράδοτα esse potuisse & παλεοπαράδοτα, p. 502 l. 21. Quàm eximius Legislator fuerit, p. 505 l. 18

Motus Telluris Leges non contingentes esse sive fortuitas, p. 54 l. 50

Motum Mundanum nequaquam esse Mechanicum, p. 55 l. 34

Motus Mechanici leges à Natura pervicaciter impugnatas Gubernatorem arguere Immaterialem, p. 60 l. 7

Motus an sit reciprocus, p. 248 l. 2 p. 252 l. 30 p. 255 l. 32 p. 268 l. 18 p. 270 l. 5

Motui nihil magis positivum inesse quàm Quieti, p. 253 l. 24

Motus annon vis sit illa sive actio quæ corpus feratur, p. 255 l. 36 p. 270 l. 18

Motum Materie quomodo Deus communicet, p. 318 l. 33 & p. 319 l. 6

Motus spontaneus quomodo fiat, p. 362 l. 19

Motus spontaneus in ambulando, voce aut fidibus canendo, quæ fiat, nobis non advertentibus, p. 362 l. 45

Motum Telluris Mosaica Cabbala partem fuisse ex Vestitu Aaronis constare, p. 582 l. 2. Etiam ex Dicto quodam in Gemara, p. 584 l. 1 p. 586 l. 5. Ex Pythagoræ conversatione cum Judæis, p. 584 l. 12. Ex Templo Numæ, ibid. l. 47 & p. 591 l. 28 & l. 38

Mundi Vitæ vermium animas culicumque esse quasi pulvisculos, p. 247 l. 19

Mundum esse indefinitum secundum Cartesium, p. 252 l. 5

Mundus ὁ μέγας γὼς apud Plotinum, p. 360 l. 48

Mundus Vitæ quid, p. 478 l. 23

Mundus Philosophorum & Mundus Plebeiorum, quæ distinguantur, p. 535 l. 12

Mundus cur Ἀνάκην à Pythagoreis appellatus, p. 554 l. 30 & p. 555 l. 47

Mundus quo sensu Θεός & Γάμουχος vocatus, p. 577 l. 14 & p. 581 l. 19

Mundum nec Hominem nec Deum à Philone & Plotino rectè appellari, p. 625 l. 10

Mundi tenebrofi & lucidi Incolæ an se alteri alteros conspiciere possint, & quomodo, p. 710 l. 1

Mundanam sapientiam non Philosophiam in Mysterio Arboris Scientia Boni & Mali perstringi, p. 633 l. 25

Musculorum mirabilis per totum corpus humanum formatio, p. 88 l. 9

Mysterium magnum Christianitatis, Humanæ Naturæ perfectio per participationem Divinæ, p. 468 l. 6

Nativum



# INDEX.

## N

**N**ativum Vitæ corporis Gaudium Evam esse nostram, p. 491 l. 55 & p. 492

Natura externa ad Dei existentiam probandam, quasi delectu sit adhibenda, p. 24 l. 54 & p. 25

Navigationis Utilitas magna ac Voluptas, p. 64 l. 29. *Miranda aptissimarum provisionum catena ad humano ingenio gratificandum hac in re, ibid. l. 47*

J. Nayleri, Quakerorum ex principiis, insignis dementia, p. 222 l. 29

Necessitas, Terminus Logicus, nexum implicans indissolubilem inter Subjectum & Predicatum, p. 37 l. 60 & p. 38

Necessitas & Aternitas nulla sensus Objecta, p. 39 l. 16

Necessitatem Existentiæ quæ videtur in Idea spaciî includi, eandem omnino esse quæ menti nostra se offert in illa pleniori & perfectiori Idea Dei, p. 161 l. 43 & p. 162

Nephesh, Ruach, Neschamah unius Animæ tria tantum Nomina secundum triplicem Vitæ Vehiculique statum, p. 380 l. 1. A Cabbalistis tamen tres distinctas animas haberi, p. 380 l. 16

Nicolæ Longbernhardæ Historia, p. 126 l. 8

Nidificatio Avium Ovisque Incubatio Providentiæ Indicia, p. 77 l. 17

Nidificationem Avium ab Instinctu esse non ab Arte quibus argumentis probetur, p. 435 l. 31 & p. 436

Nihil esse in Natura quod scientis Principii approbationem non subierit, p. 62 l. 24

Nihili nullas esse proprietates firmissimum apud Cartesium Cartesianosque Principium, p. 268 l. 7 & p. 269 l. 3

Nocturna Sagarum Conventicula, p. 125 l. 26

Nóes & Evádes Platonice, p. 310 l. 7 & l. 47 & p. 311

Nomen idem retineri in altera Vita, p. 427 l. 11

Nomen יהוה quomodo tempus futurum, præsens, ac præteritum contineat, p. 525 l. 19 & p. 533 l. 19

Notæ quas Anima Cerebro imprimat ad rerum Memoriam, p. 351 l. 36

Notas rerum genuinas Anima ipsi inherere non Cerebro, ibid. l. 35

Notæ ad memoriam in Cerebro si sint, esse quasi quandam Brachygraphiam, p. 361 l. 43

Notiones maxime faciles ac naturales cur aliquando falsitatis suspectæ, p. 283 l. 4

Notionalitatem lucem esse dispersarum Stellarum, p. 488 l. 60

Notionalitate qui reguntur iter facere per noctem, p. 489 l. 3

Notulas, quas Anima fingitur Cerebro imprimere ad res reminiscendas, nihil valere, nisi res cum istis Notulis aliquando conjunxerit, p. 285 l. 4

Novissimorum seculorum felicitatis descriptio, p. 627 l. 39 & p. 628 p. 640 l. 27 p. 642 l. 23

Nûs, נפש, εἰδωλον ψυχῆs tria in Homine Principia, p. 543 l. 9

Nûs quomodo ad primam Sephiram referatur, p. 570 l. 6

Nubes à puella ostendi excita quâ Agrum paternum irrigaret, p. 97 l. 53

Nucis Indicæ mira utilitas, p. 72 l. 22

Nuditas Adami quæ fuerit de qua cum minimè puduit, p. 543 l. 28

Nuditas Adami altera de qua puduit, p. 545 l. 42

Nullum unum Præceptum in universa Philosophia magis certum esse ac demonstrabile quàm quòd sit Deus, p. 142 l. 25

Numæ Pompilii Gens, Præceptor, & dogmata Pythagorice similia, p. 584 l. 24 p. 590 l. 28. Illius Religionis Puritas non Persis sed Judæis accepta referenda, p. 590 l. 41

Numæ libros cum ipso sepultos & postea effossos dogmata Pythagorice similia continuisse, p. 590 l. 56 & p. 591

Numerorum Mysticorum usus quàm authenticus, p. 497 l. 13

Numerorum Symbolicorum usus exemplum egregium in Insc. & אליעזר, p. 500 l. 4

Numerorum Symbolicorum usus exempla plurima in S. Scripturis, p. 501 l. 10

Numeri Bestiæ ad sensum Chronologicum Interpretatio, argumento quàm funesto confutata, p. 501 l. 31

Numerorum Symbolicorum usus duo præcipui, p. 501 l. 38

Numerorum Symbolicorum minus peritam tractationem apud Patres, eò magis confirmare eorum traditionem, p. 502 l. 46

Numeris Pythagoreorum Symbolicis quàm solidè confirmetur Cabbala Philosophica, p. 526 l. 24

Numerum sex Dierum apud Mosen in Cabbala Philosophica nullum temporis ordinem significare, p. 528 l. 49

Numeri Masculini & Fœminini in composita Tetracty, quomodo ad Creationem Mosaicam referantur, p. 531 l. 28

Numeralia Mysteria apud Pythagoreos ultra Senarium extensa minimè enervare Cabbalam Philosophicam, p. 557 l. 1 & p. 558 l. 30

Numeros apud Pythagoram non vera fuisse rerum Principia sed Symbola Hieroglyphica, p. 559 l. 54 & p. 560

Numeros omnes sic è Senario emergere non posse ut è Tetracty contra S. A. p. 565 l. 33

Numerorum Pythagoricorum Nomina inepta unde originem duxerint, p. 566 l. 28. Quæ verò ratione genuina discernenda sint à spuris, ibid. l. 37

Numerorum Mysteria Pythagorica ad Textum Mosaicum pertinere quæ constat, p. 574 l. 32

Nymphæ Aquaticæ, Animæ descendentes eis γένεσιν, p. 527 l. 11

Objecta

# INDEX.

O

- O**bjecta sensuum bina cur non appareant, quamvis organa sensuum bina sint, p. 166 l. 36 & p. 170 l. 18
- Oblivio unde oriatur, p. 362 l. 14
- Oblivionis causæ præcipua, p. 370 l. 9
- Oblivionis exempla eximia, p. 370 l. 44
- Oblivionem Animæ per descensum in terrestre corpus, per Ecstasem sive ἀφαιρεσιῶν exempla, nequaquam enervari, p. 371 l. 25
- Occipitium cur tam firmum factum, p. 881 l. 45
- Occidens & Oriens quarum rerum Symbola, p. 542 l. 3
- Οἰονarius ὁσφάλεα apud Pythagoreos dictus Circumcisionis Symbolum apud Moysen, 558 l. 19
- Oculorum in humano corpore quam munita sit fabrica, p. 87 l. 13. Exquisitissima ipsorum ad usus suos adaptatio, ibid. l. 32. Musculorum oculo superadditorum utilitas, ibid. l. 56
- Oculi, cum duo sunt, cur Objectum tamen videatur unum, p. 342 l. 54 & p. 343
- Oculorum loquela quasi Angelica, p. 353 l. 47
- Ὁ γέγονεν ἐν αὐτῷ ζῶν ἦν, Johan. I quam dura sententia aut falsa, p. 533 l. 3
- Ὁ γέγονεν, & ἐγένετο ἡ δὲ ἐν ex dicto Melissi apud Aristotelem exposita, ibid. l. 23
- Ὁλόκληρον ὑμῶν τὸ πνεῦμα, quomodo intelligendum, p. 631 l. 1
- Ὁ μέλλων σφάλλεσθαι & ἐσφάλησθαι nequaquam idem significare, p. 657 l. 61
- Ophan, Asiah, ob Sandalphon qui dictus Ophan, p. 222 l. 45
- Ὁφίωνεύς: Serpens apud Pherecydem Syrum, p. 544 l. 37
- Orationum anima ac substantia quæ sit quedamque quasi Divina Magia, p. 656 l. 20
- Organizatio Materiæ an perceptionem in ea parere possit, p. 340 l. 47 & p. 341
- Orificium Ventriculi sedem non esse Animæ principalem, p. 349 l. 12
- Orificium Ventriculi inter & Cor sympathia, unde & utraque καρδιά dicta, p. 349 l. 30
- Origenis Adamantii encomia, p. 12 l. 42 & p. 13. Errores ejus aliqui, in eundemque Calumniam, ibid. l. 8
- Oromazes Persarum & Arimanius, p. 458 l. 27
- Os Ventriculi non esse Percipiens commune, p. 341 l. 23
- Ossa cur sensu destituta, p. 88 l. 52
- Ovi oculus apud Harvæum quid, p. 78 l. 38 p. 355 l. 16
- Ovum esse Conceptum foris expositum, Conceptum Ovum intus manens, p. 355 l. 15

P

**P**Aginorum proborum status in vita altera qualis, p. 428 l. 33

Papa an sit Homo ille Peccati, p. 673 l. 33 & p. 674, 675 & seqq.

Papa Imperatores & Principes quam frequenter excommunicaverit, p. 678 l. 17 & 679, 680

Papa Romanus quam immaniter reus effusionis sanguinis in Orbe Christiano, p. 680 l. 45 & p. 681

Paparam truculenta molimina in tollendis Principibus à medio, aut pugionibus aut veneno, p. 681 l. 24 & p. 682

Paracelsi deliria quamplurima collecta & notata, p. 209 l. 17 & p. 210

Paracelsum occasionem dedisse maximè vesanis Enthufiasmis Philosophicis, qui unquam extiteret, ibid. l. 26

Paracelsi Philosophiam unum è tutissimis Asylis esse Atheo, ipsumque antiqui Paganismi fulcrum, p. 210 l. 40 & p. 211

Paracelsum ejusque Sectatores non tam Atheos fuisse quam vesanos Enthufiastas, p. 212 l. 1

Paracelsum Spiritu diabolico actum fuisse quæ movere queant suspensionem, p. 223 l. 8. Vide p. 121 l. 57 & p. 122

Paracelsi delirum effatum, Syderibus nota esse omnia, p. 121 l. 21. Nota sive Campanula ejus Magica, ibid. l. 27. Alterum vesanum Paracelsi dictum, de utenda ope & consilio Diaboli, p. 121 l. 63. Daemonum instinctu eum scripsisse, secundum Oporinum, p. 122. Ab impurorum demonum commercio non abhorruisse, p. 122 l. 15 ac proinde siquid per laminas magicas effecerit, ope Daemonum factum esse, ibid. l. 17

Paracelsi Philosophiam Astrorum cultui apud Ethnicos patrocinari: Authoritati miraculorum Servatoris derogare, & inefficax reddere Evangelium ad fidem unius Dei stabiliendam, particularisque Providentiæ, professoque Atheo Vanino gratificari, &c. p. 211 l. 24

Paradisus situs verus, p. 518 l. 35 & p. 519

Paradisus status ante hunc Mundum apud Judæos, p. 611 l. 22

Παράδεισος τρυφῆς, p. 636 l. 44

S. Parkeri Vellicationes & Objectiones contra demonstrationem Divinæ Existentiæ ab illius Idea petitam cum Authoris Responso, p. 40, 41, 42, 43

Parmenides quid intellexerit per Ignem, p. 10 l. 13

Parmenidis πῦρ & γῆ, p. 593 l. 60 & p. 594

Parmenidis dogma, Homines generatos esse ex Sole, eumque calidum esse vel frigidum quomodo intelligendum, p. 594 l. 5. Quod hoc dogma apud nullos alios præter Laertium memoretur nihil facere ad minuendam rei fidem, p. 596 l. 20

Parmenidis πῦρ & γῆ, Pythagoreorum φῶς & σκότος respondere, p. 594 l. 28

Parmenides an motum Telluris tenuerit, p. 596 l. 43 & p. 597

Parmenidis διορὴν φιλοσοφίαν, significare Cabalæ Mosis duplicem, Literalem & Philosophicam, p. 594 l. 17 p. 599 l. 56 & p. 600

Particulas indivisibiles non dari quam sophistice probaverit Cartesius, p. 235 l. 58. Ejus Responso, p. 239 l. 51 & p. 240

Parti-



# INDEX.

- Particulas omnes in Terra poros habere & quare, p. 253 l. 19
- Parvitudines perfectas partes essentielles habere non integrales, p. 303 l. 54. An ullum relinquant vacuum, p. 304 l. 1
- Πᾶσα ἡ ἄλλοις συσχετιζομένη συνωδία, quomodo intelligendum, p. 640 l. 39 p. 643 l. 17
- Passionum usus in Homine aliisque Animantibus, p. 89 l. 4
- Passio illa Homini peculiaris, nempe Devotio Deique Timor quomodo Divinam Existentiam arguat, p. 89 l. 13
- Passionum vis ad animam corpore exsolvendam, p. 378 l. 35
- Passiones moderanda non extirpanda, p. 622 l. 32 p. 623 l. 41 & p. 624
- Penetrationem corporum nec operationibus Natura, nec ullā vi Magicā aut Diabolicā effici posse, p. 297 l. 24 & p. 298
- Perceptionem realiter idem esse quod corporeus Motus & Reactio, si nihil in Mundo existit præter Materiam, p. 281 l. 41 & p. 282
- Perceptionem rerum omnium ab uno percipiente in nobis fieri, p. 332 l. 5 & p. 333
- Perceptivum quicquid sit debere valde esse unitivum, p. 7 l. 8
- Perseuscentiam intimam quod Notiones Mathematicæ vera sint, facultatem istidem esse mentis nostræ; nullam autem mentem absolute certam esse præter Mentem increatam sive Divinam, p. 161 l. 16
- Peruviano de Doctore Historiola, p. 206 l. 43 & p. 207
- Phænomena rudiora, Motus merè Mechanici Materia fructus an sint censendi, p. 65 l. 60 & p. 66 p. 67 l. 36
- Pherecydis Solum æternum Hyle Platonico-rum, p. 9 l. 52
- Phialarum trium primarum ad eventus externos applicatio, p. 689 l. 9 & p. 690, 691
- Phialæ in primæ statum quomodo contingere possit relapsus, p. 690 l. 10 & p. 693 l. 26
- Phialæ primæ effusio statim secuta est ascensionem Testium in Cælum, p. 693 l. 14
- Phialæ quartæ Interpretatio, p. 695 l. 14 & p. 696
- Phialæ quintæ & sextæ Interpretatio, p. 696 l. 27 & p. 697
- Phialæ ultimæ cum Calcatione Torcularis & cum Prælio Sessoris Equo albo insidentis, identitas sive coincidentia, p. 697 l. 2
- Phialæ sextæ cum Messe & Agni nuptiis coincidentia, p. 697 l. 18
- Phialæ ultimæ Interpretatio, p. 697 l. 60 & p. 698 & seqq.
- Philosophiam Textui Mosaico ab Authore applicatam, si vera sit, realem esse Cabbalæ Mosaicæ Restaurationem, p. 16 l. 1
- Philosophiæ Cartesianæ Encomium, p. 400 l. 43 & p. 402 l. 3
- Philosophis antiquis modum Philosophandi fuisse Mosaicum & Symbolicum, p. 10 l. 11
- Philosophicas Speculationes quantumlibet certas nullius obligare conscientiam ad easdem profitendas contra voluntatem Superiorum, p. 15 l. 23
- Φερνοιστερτία Sephirah, p. 570 l. 51
- Phrygantium quid, & quæ ratio Nominis, p. 452 l. 3
- Φύσις ἀνάλογος ὅσα τῷ τῆς ἀφ' ὧν στοιχείῳ apud Aristotelem, quid revera sit, p. 372 l. 44 & p. 374 l. 35
- Piacularia sacrificia Judaica omnia quam expressi Typi Sacrificii Christi, p. 692 l. 28
- Pisces Avēsque quod ovipari sint manifestum indicium esse Consilii & Providentiæ, p. 76 l. 55 & p. 77
- Pisces & Volucres cur eodem dicantur creati die, p. 531 l. 49
- Pisces & Volucres quinto die creati quid moraliter significant, p. 622 l. 11
- Pison fluv. Nominis ratio, cuiusque rei Symbolum, p. 540 l. 42. Quod Ganges sit, p. 541 l. 25
- Plantarum Formam ac Pulchritudinem, Semen & Signaturas argumenta esse Providentiæ, p. 65 l. 23
- Plantarum utilitas, earum præsertim quæ Materiam suppeditant & Medicinam, p. 70 l. 18
- Plantæ à Brutis adhibita in Medicinam indicium Providentiæ, ibid. l. 40 & p. 71
- Plasticam Animæ vim, in humorem quandam crystallinum se exercere in conservando corpore Animalis aquè ac in eo formando, p. 78 l. 60
- Plastica quibus nominibus insigniatur apud Photium, p. 306 l. 46
- Plastica Animæ an sit habituum capax, p. 362 l. 47 & p. 364 l. 21
- Plasticam Animæ Humanæ non esse omniformem, ut Spiritus Naturæ, sed Homini formem tantum, p. 369 l. 42
- Plastica Animæ cum Spiritu Naturæ comparata, p. 369 l. 42
- Plastica Animæ quomodo se gerat in vehiculo fingendo, p. 400 l. 25 & p. 401 l. 52
- Plasticam in ipsos capillos vim aliquam habere, p. 413 l. 2 & p. 415 l. 3 & p. 417
- Platoni notam fuisse Historiam Creationis Mosaicam quo constet argumento, p. 532 l. 21
- Platonis Vaticinia de Christo, p. 546 l. 41 & p. 549 l. 5
- Plato οὐδ' ἄν. Πλάτων dictus, p. 553 l. 5. Socratis de eo Insomnium, ibid. l. 14. Moses Atticissans à Numenio dictus, ibid.
- Platonem Motum Telluris tenuisse & diurnum & annum, p. 585 l. 19 & p. 585 l. 41
- Plotini de Animabus Divinioribus commentum, p. 375 l. 34
- Plotini Animæ vis Magica in Olympium, p. 553 l. 27. Quod Amicus fuerit Origenis, ibid.
- Pomi efus ab Adamo quali disputationi occasionem dederit Prælatum inter & Fabrum ferrarium, p. 631 l. 31

# INDEX.

Pomponatii circa Apparitiones Animarumque humanas, fatuitates ac deliria, p. 445 l. 60 & p. 446

Pondus non fieri ex nihilo, nulla licet sit Materia penetratio, p. 298 l. 3

Possibilitas simplex aliter se habendi non tollit rei certitudinem, p. 29 l. 32

Possibilitatem nudam, nullam habere debere vim, ad assensum nostrum determinandum aut suspendendum, p. 44 l. 42 & p. 45

Posticæ corporis nostri partes cur carnosæ, p. 88 l. 41

Potestatem omnipotentissimam ad injuriam faciendam, jus non magis habere, quam Intellectus omniscientissimus ad cogitandum falsum esse verum, p. 653 l. 52

Πόθεν τὰ κακά; quomodo Moses istud problema ad intelligentiam vulgi solverit, p. 520 l. 41 & p. 521

Prædestinationem efficacem aliquorum, cum Divinis Attributis bene consistere, p. 663 l. 9

Præexistentia Animæ antiquorum Patrum testimoniis confirmata, p. 11 l. 38

Præexistentiam inter & derivationem Originalis peccati ne minimam quidem esse digladiationem, p. 14 l. 50

Præexistentiæ Hypothesin illud Pauli ubi primum Adamum secundi Typum asserit egregie illustrare, p. 15 l. 5

Præexistentia Animarum quàm Rationi sit consentanea, p. 365 l. 60 & p. 366

Præexistentia Animarum Sapientissimorum calculo omnium ætatum comprobata, p. 367 l. 6

Præexistentiam Animæ ex Sapientia & Bonitate Dei necessario consequi, p. 366 l. 39 & p. 368 l. 46

Præexistentiam Animæ minimè infirmari dicto illo Paulino, Nondum enim nati pueri, &c. [Rom. 9] p. 369 l. 2

Præexistens Anima cur rerum antæactarum non recordetur, p. 370 l. 9

Præexistentis Animæ ingressum in corpus aquè intelligibilem esse ac Creatæ aut traductæ, p. 371 l. 8

Prælia in Aëre visa non esse Reflexiones tantùm alicujus pugna in Terra, p. 140 l. 41 & p. 141

Primum, ordine naturæ, virum feminamque necessario fuisse, licet successio supponeretur infinita, p. 137 l. 13

Primum, quo sensu agnoscere possumus in infinita successione generationum aut motuum, p. 180 l. 53 & p. 184 l. 17

Primus Homo nisi detur à nullo, aliquem Hominem fore & Patrem & Filium simul, p. 137 l. 25

Principium Matutinum Cabbalisticum, p. 479 l. 13

Projecta corpora se movere à projiciente semel ex itata, p. 271 l. 15

Lib. Proverbiorum.

Cap. 8 v. 22 p. 524 l. 60 & p. 525

Cap. 16 v. 10 p. 202 l. 12

Cap. 20 v. 27 p. 222 l. 52

Cap. 21 v. 1 p. 202 l. 12

Cap. 22 v. 20 p. 617 l. 33 & p. 745 l. 38

Providentiæ Tractuum & Circuituum immensa Incomprehensibilitas, p. 458 l. 5

Providentiæ partes duæ præcipuæ quarum una in Dæmonicis altera in Divinis ordinibus versatur, p. 458 l. 30

Provincias unitas rebellasse Religionis ergò meram esse calumniam, p. 665 l. 45

Lib. Psalmorum.

Psalm. 22 v. 21 p. 380 l. 9

Psalm. 58 v. 3 p. 663 l. 30

Psalm. 68 v. 17 p. 607 l. 39

Psalm. 139 v. 4 p. 611 l. 29

Πρεσβυτέρων & πρεσβυτέρων voces Platonice quid denotent, p. 542 l. 45

Πρεσβυτέρων Platonice & Tunica Pellicea Mosaice comparata, p. 547 l. 40

Pulchritudinem Florum ac Plantarum ab Intellectuali Principio esse profectam, p. 66 l. 22 & p. 67 l. 8 & p. 172 l. 5

Pulchritudinem reale quid esse & Intellectualium nostrarum facultatum Objectum, p. 66 l. 27 & p. 67 p. 172 l. 50 & p. 173

Pythagoræ Præceptori, Pherecydi, arcana Hebræorum Scripta nota fuisse, p. 9 l. 33

Pythagoram Scientiam Physicam perinde atque Metaphysicam à Judæis accepisse, p. 10 l. 20

Pythagoræ Miracula, quidque de eis censendum, p. 498 l. 7

Pythagoræ notam fuisse Cabbalam Mosaicam ex motu Terræ constare, p. 529 l. 59 & p. 530

Pythagoras quo sensu Dei proles, p. 552 l. 4. Illius Philosophia Θεωραεὶς δὲ τοῦ Θεοῦ, ibid. l. 21

Pythagoræ notam fuisse Mosaicam sive Judaicam Philosophiam quibus probetur Testimoniis, p. 552 l. 23. An ipse fuerit Judæus, ibid. l. 25 & p. 555 l. 24.

Auditorem successorum Mochi vel Moschi fuisse, p. 552 l. 33 & p. 553 l. 49

Pythagoram non solum notitiam Cabbale Theoreticam sed & facultatem edendi miracula apud Prophetas Hebræos assecutum esse, p. 552 l. 42 & p. 553

Pythagoram pleraque à Fonte Judaico hausisse attestante Josepho, p. 560 l. 32

Pythagoras an tenuerit motum Telluris, p. 564 l. 4 & p. 565

Pythagoricæ Scholæ successio, p. 9 l. 27

Pythagoricam Philosophiam Judæorum fuisse Sapientiam ex Pherecyde, Parmenide & Aristotele probatum, p. 9 l. 42 & p. 10

Pythagoreorum Juramentum per Pythagoram factum sit an per ipsum Deum, p. 497 l. 39 & p. 498

Pythagoreos Numeris suis usos esse tanquam monumentis rerum in Historia Creationis, unde constat, p. 528 l. 57 & p. 529 p. 533 l. 5 p. 574 l. 32 l. 55 & p. 575

Pythagoricæ, Cartesianæ & Mosaicæ Philosophiæ consensus, p. 554 l. 1 & l. 37

Pythagoreos in Ideas rerum primasque essentias pari



# INDEX.

pari superstitione Numeros atque Judai Sephiro-  
thas suas in Emanationes Divinas convertisse,  
p. 560 l. 42

Pythagorici Juramenti Explicatio, p. 562  
l. 1 & p. 563 l. 31. Aut plenum Distichon fu-  
isse aut Monostichon, *ibid.* l. 9 & l. 43

Pythagorici Juramenti Formula Monosticha  
alteri longè præferenda, p. 563 l. 52

Pythagorica Nomina Senarii & Septenarii  
quæ Textum Mosaicum respiciunt, p. 574 l. 32 &  
l. 55 & p. 575

Pythagoricum Mundi systema Aaronis vestitu  
representatum, p. 577 l. 55 & p. 578 p. 581 l. 31  
& p. 582

## Q

**Q**uæstiones ab Authore, Cartesio propositæ,  
p. 248 l. 21

Quakerorum origo unde, p. 222 l. 8

Quakeros magis visibilem Familistarum pro-  
blem esse quibus argumentis demonstratur, p. 745  
l. 42 & p. 746

Quakerorum Irreverentiam erga Magistra-  
tum aliquas esse de Imperio Familistico primitus  
concepti Insomniæ Reliquias, p. 746 l. 53

Quakeri Mimopropheticum quoddam genus ho-  
minum, p. 747 l. 42

Quakeros supra Dispensationem Familisticam  
multum jam emeruisse, p. 748 l. 2

Quakerismum jocosarium quoddam videri Di-  
vine Providentiæ Phenomenon, p. 747 l. 14

Quantum an sit in infinitum divisibile, p. 236  
l. 18 & p. 237 l. 40

Quaternarius quàm aptum Symbolum Creatio-  
nis quarti Diei quatenus universalem complectitur  
Mundi ornatum, p. 530 l. 15

Quies an Actio sit secundum Cartesium, p. 255  
l. 33 p. 268 l. 18 & p. 270 l. 6 p. 257 l. 15. An  
glutinum sit partium Materia, p. 257 l. 33

Quinarius quàm aptum quinti diei Creationis  
Symbolum, p. 532 l. 3. Cur appellatus Avixia,  
p. 573 l. 62. Quot ipsius Nomina Geburæ con-  
veniant, p. 575 l. 53 & p. 576

Quinque Animarum in Homine, Commem-  
tum Cabbalisticum, unde provenerit, p. 380  
l. 1

## R

רָקִיעַ Aer, apud Davidem Hebræum, p. 535  
l. 25

Ranæ Apocalyptica quid sint, p. 699 l. 8 &  
p. 670 p. 745 l. 18

Ranunculorum subita Generatio, p. 377 l. 7

Rationem quò ea me cunque ducet, sequar,  
M. dictum Ciceronis, p. 1 l. 45

Rationale Aaronis cur Quadratum, p. 2 l. 26

Rationem qui tollunt Sacerdotem spoliant Tho-  
race suo & Religionem Christianam speciali suâ  
Prærogativâ, p. 2 l. 35

Ratio qualis sit qua Enthusiastici malo medea-  
tur, p. 214 l. 14

Rationem qui excludunt prætextu Spiritus  
quanta eorum hominum vesania, *ibid.* l. 25

Rationem excludendam esse ab investigatione  
Divina veritatis nullum Spiritus esse dictamen  
sed Melancholia & Enthusiastici, p. 468 l. 10

Rationem ipsi Deo inesse & quonam id demum  
modo, *ibid.* l. 18

Ratio stabilis & Ratio mobilis, sive Ratio in  
evolutione, *ibid.* l. 24

Reactionem partium Materie aliarum in alias  
eandem planè rem esse ac sensum & perceptio-  
nem si qua sit in Materia perceptio, p. 327 l. 29  
& p. 328

Rebellionis crimen horrendum Ecclesiis Refor-  
matis intentatum, p. 664 l. 22

Reduplicatio & Saturatio quid, p. 294 l. 54  
& p. 295 l. 47

Reformatas Ecclesias nihil obstantibus minori-  
bus labeculis esse Regnum Dei, p. 661 l. 34

Reformationem nusquam ortum suum debere  
Rebellioni, p. 666 l. 16

Reformatores primi an adversus Papa superio-  
ritatem rebellaverint, p. 666 l. 24 & p. 667

Refractionis à perpendiculo qua sit causa genui-  
na, p. 262 l. 45 & p. 263 l. 7

Refractionis ad perpendiculum vera causa,  
p. 263 l. 16

Refractionem utramque Reflexionem quandam  
esse, *ibid.* l. 20

Refractionem, motus determinationis mutatio-  
nem duntaxat, non celeritatis aut tarditatis requi-  
rere, *ibid.* l. 32

Regenerationem non monstra gignere sed fetus  
perfectos, p. 224 l. 57

Regii Particulam solidam non esse communis  
sensus sedem, p. 350 l. 55

Regis septimi moram in Apocalypsi memoratam  
apud Daniele mittere, p. 659 l. 59 & p. 660

Regnum illud illustre Christi in Terris adhuc  
esse venturum, p. 642 l. 1

Regnum Dei; Quæstiones de eo propositæ à  
Philopoli, p. 651 l. 51

Regnum Dei quid sit in generali sua notione,  
p. 652 l. 5

Regnum Diaboli an pars sit regnum Dei,  
p. 652 l. 31 & p. 653

Regnum Dei internum quid sit, p. 654 l. 33

Regnum Dei internum & Regnum Stoicorum  
philosophicum non esse idem, *ibid.* l. 41

Regnum circa hoc Dei internum quàm miræ  
reperiatur impostura, p. 654 l. 45

Regnum Dei verum internum quale sit, p. 654  
l. 58 & p. 655

Regni hujus interni acquirendi ratio, p. 655  
l. 15 & p. 656

Regnum Dei externum quid sit, p. 656 l. 54  
& p. 657

Regnum hoc Dei externum quando inceperit,  
p. 657 l. 14

Regni Dei an pars ulla fuerint antiqui Philo-  
sophi, p. 657 l. 19

Regnum Dei in N.T. triplici sensu sumi, p. 659  
l. 8

Regnum

# INDEX.

Regnum Christi cur Regnum Dei & Regnum  
Caelorum vocatum, p. 659 l. 17

Regnum Lapidis & Regnum Montis, p. 659  
l. 50

Regnum Dei ubi nunc sit, p. 660 l. 39 &  
p. 661

Regnum Dei externum multo latius esse quàm  
internum, p. 661 l. 59

Regnum Dei quem successum hactenus in orbe  
habuerit, & quàm congruenter Divinis prædicti-  
onibus, p. 667 l. 26 & p. 668

Regnum Antichristi quàm legitimè sic dictum  
& quis Homo ille peccati, p. 673 l. 33 & p. 674,  
675 & seqq.

Regulæ quinque, quomodo quis seculo hoc Phi-  
losophito se gerere debeat ad lucrificandos retinen-  
dove Homines in fide Christiana, p. 534 l. 27

Religionem Christianam rationabilem esse per  
omnia, p. 1 l. 36

Religioni qui adhaerent ex sola superstitione con-  
suetudine, illo vinculo semel disrupto, facile  
Atheos evadere, p. 27 l. 21

Religionis instinctus, si non sit Deus, quàm  
fæda in Natura Macula, p. 89 l. 46 & atroxia  
e scena ab omnibus explenda, p. 89 l. 56 & p. 90

Religionis sensum non magis Politicorum esse  
Inventum, quàm Amorem Libertatis, Honoris &  
Divitiarum, p. 164 l. 31

Religionum formas ridiculas nulli esse argu-  
mento sensum Religionis, humana Anima non esse  
innatum, p. 165 l. 43 & p. 166 l. 9

Religionis ergò perpeffiones, adversarum  
partium, nullum argumentum esse contra verita-  
tem omnis Religionis, p. 217 l. 27 & p. 218

Religionem puram inter & Temperamen-  
tum quomodo sit distinguendum, p. 218 l. 57 &  
p. 219

Religioni quantum noceant dogmata à vera Phi-  
losophia abhorrentia, p. 535 l. 6

Religionem non plenam sed necessariam tantum  
verum cognitionem exhibere, p. 498 l. 58

Religio res tam rigida ac severa quibusnam Ho-  
minibus videatur, p. 632 l. 24

Religionem Christianam, etiam quatenus ad  
externam Christi personam refertur sub nullo præ-  
textu abolendam esse ante Mundi Conflagrationem,  
p. 639 l. 1 & p. 640

Rem omnem esse extensam, p. 280 l. 43

Remigius quàm idoneus Author cui fides adhi-  
beatur de rebus Veneficarum, p. 123 l. 1

רמיהו & אפריה nomen secunda Hypostasos,  
p. 524 l. 56 & p. 525

Revelationes & Visiones Enthusiasticæ quales,  
p. 200 l. 32

Revolutionis Seculorum qua in parte jam ver-  
semur, p. 687 l. 53

Romæ per ignem combustio spiritualiter in-  
telligenda, p. 641 l. 4

Ad Romanos.  
Cap. 5 v. 14 p. 15 l. 8

Cap. 8 v. 22 p. 643 l. 17

Cap. 9 v. 11 p. 369 l. 4

Ros Arabum quid, p. 78 l. 58

Rotarii & Amantii Magorum Historia, p. 98  
l. 13

## S

Sabbatum verus filiorum Dei, p. 490 l. 32  
Sabbatum quod die septimo Deus ipse cele-  
bret, quale, p. 481 l. 44 & p. 482

Sabini colonia Lacedæmoniorum, p. 589 l. 37

Sacerdotio quantum honoris ac reverentia con-  
ciliet Dei existentiam & Anima Immortalitatem  
demonstrandi peritia, p. 1 l. 26

Saducæos ut plurimum esse taurini sanguinis Ho-  
mines, p. 254 l. 36

Sagacitas Divina auspicatoris Rationis origo  
prima atque fons, p. 3 l. 36 & p. 4. Quibus ho-  
minibus insit, p. 4 l. 3. Quid sit, p. 4 l. 60 p. 5

Sagæ an adsint aliquando Conventiculi corpori-  
bus domi relictis, p. 126 l. 61 & p. 127

Sagæ cur à Parentis suis sugantur, p. 407 l. 37

Sagarum vestio per derem, p. 98 l. 44 p. 110  
l. 2

Sagarum concubitus cum Damone, Suctiones,  
Transformationes, &c. quomodo intelligende,  
p. 124 l. 17

Sagarum Ecstases, anima à corpore separabili-  
tatem arguere, p. 377 l. 39 p. 379 l. 17

Sagarum Magorumque Conventicula atque  
Dæmonum prova quadam esse imitamenta cæcæ  
Superiorum Geniorum, p. 422 l. 47

Saltatio an licita sit Christianis, p. 630 l. 35

Samuel Andrea SS. Theologia Doctor & Phi-  
losophia Professor Herborensis, p. 499 l. 36

Samuelis Andreae maximè assuetum Sophisma  
quo Cabbala Authoris vim eludat, p. 502 l. 55 &  
p. 503

Samuel Andreae quanta cum scævitate & male-  
volentia versatus sit in scriptis Authoris legendis,  
p. 534 l. 7

Samuelis Andreae facultatis prævaricatoria  
specimen egregium, p. 586 l. 33 & p. 587

Samuelis Andreae Maledicentia in Cabbali-  
stam, perstricta, p. 618 l. 4

שמואל, qua sit Nominis Notatio, p. 528 l. 12  
& l. 45

Sanguinis portionem cum Melancholia mixtam  
Spiritus esse, ut plurimum, quo inspirentur En-  
thusiastæ multis exemplis probatum, p. 197 l. 19  
& p. 198

## Lib. Sapientia.

Cap. 1 v. 14 p. 574 l. 47

Cap. 8 v. 19 p. 14 l. 29

Cap. 18 v. 24 p. 14 l. 35

Scepticismus Morbus insanabilis, p. 292 l. 17

Scepticismi fatuas perstricta, p. 650 l. 12

Scolopendra experimentum frustatim cancella  
non arguere Anima discerpibilitatem, p. 441 l. 12

Scotorum Gallorumque Rebelliones ingenio  
Gentis non Religioni reformatæ esse imputandas,  
p. 663 l. 58 & p. 666

Scriptura an doceat Philosophiam, p. 615 l. 16

Scripturam unicum ubique habere sensum,  
opinio,



# INDEX.

opinio, quàm admodum avidè amplectuntur Homi-  
nes Athei & profani, p. 643 l. 3

Secundi Diei opus cur Deus non dictus sit vi-  
disse bonum esse, in Cabbala Literali, p. 515 l. 43  
& in Philosophica, p. 528 l. 1

שדים, Dæmones cur sic dicti, p. 545 l. 24

Semina Plantarum argumentum Providentiæ,  
p. 68 l. 6

שמש, quæ ratio Nominis & Pythagoreo-  
rum igni fixo, quàm congrua, p. 569 l. 17

Senarius quàm idoneum Symbolum tum operis  
sexti diei tum consummata Creationis, p. 532 l. 35  
& p. 533

Senarius quàm inscitè δαξας appellandus censea-  
tur, apud S. A. p. 559 l. 43

Senarius cur πανάρεα dictus, p. 574 l. 27

Senarii appellationes Pythagoricæ quæ planè  
ad Textum Mosaicum respiciunt, p. 574 l. 32  
quemadmodum & Septenarii, ibid. l. 52

Senecæ Dictum ἀνύσταλον de Γαλνύσεως, p. 455 l. 10

Sensatio in Anima quomodo fiat, p. 361 l. 21

Sensui soli, cum alias habeamus facultates,  
quanta dementia sit confidere, p. 39 l. 27

Sensus Perceptionisve Diversitas unde oriri  
debeat secundum Hypothesin Hobbianam, p. 329  
l. 16

Sensum Philosophicum esse in tribus primis  
Capitibus Geneseos, quàm sit consentaneum,  
p. 509 l. 46 & p. 510

Sensum verè Moralem sive Mysticum esse eti-  
am in multis aliis Scripturæ locis, p. 510 l. 15 &  
p. 511

Separationem Animæ atque corporis fieri posse  
actualem sine morte propriè dicta, p. 179 l. 42

Septenarius Mosaicus quomodo Animæ Præexi-  
stentiam probet, p. 539 l. 23

Septenarius duplex, eorundemque exempla,  
p. 627 l. 59 & p. 628

Seprum Lucidum non esse commune Percipi-  
ens, p. 341 l. 55

Serpentum Incantatio, p. 96 l. 18

Serpens qui Incantatorem Salzbουργensem occi-  
dit, an Serpens fuerit tantum naturalis, p. 177  
l. 22

Serpentis calliditas cur apud Mosen memorata,  
p. 521 l. 14. Sermonis facultatem habuisse se-  
cundum Cabbalam Literalem, p. 521 l. 24

Serpens voluptatis Symbolum & quare, p. 631  
l. 58 & p. 632

Serpentem aneum, Tabernaculum, Pontifi-  
cem, totaque castra Israelis Typos Christi fuisse  
ejusque Ecclesiæ, p. 670 l. 17 & p. 671

Sexuum discrimen Providentiæ indicium,  
p. 75 l. 59

Sexuum discrimen non casu factum sed consilio,  
p. 76 l. 8

Sexuum discrimen in vilioribus Animalculis,  
optime consistere cum Providentiæ, p. 76 l. 24

Signatura Plantarum Argumentum Providen-  
tiæ, p. 68 l. 44 & p. 69

Signatarum Plantarum exempla aliquot, p. 69  
l. 11

Signaturæ quæ nullam virtutem medicam indi-  
cant, quorsum tendant, p. 69 l. 45

Signaturas, quæ maximè usui forent primis se-  
culis, maximè fuisse obvias & conspicuas, p. 69  
l. 61 & p. 70

Signaturam Fœtus, Stellas Solémque formare  
Animalia & Apparitiones Aereas effingere, nequa-  
quam evincere, p. 324 l. 47 & p. 325

Signatura Fœtus miræ vis Imaginationis argu-  
mentum, p. 413 l. 9

Signaturarum exempla tria memorabilia apud  
Fienum, p. 415 l. 31 & p. 416

Signaturæ exemplum accuratissima apud Kir-  
cherum, p. 416 l. 32

Signaturarum applicatio ad Figurationem Vehi-  
culorum Dæmonum, p. 417 l. 9

Sihor & Siris, Nilus, p. 541 l. 2

Sileni senis canticum execrandum, p. 321 l. 32.  
Quis illius nunc dierum sensus plenior & subtilior,  
ibid. l. 51 & p. 322

Simium inter & Testudinem Antipathia,  
p. 88 l. 39 & p. 92 l. 8

Solém esse frigidum & calidum quomodo intel-  
lexeris Parmenides, p. 10 l. 26

Solém, rerum nostrarum nullam habere notiti-  
am, p. 323 l. 25 & p. 324

Solém cernere nos non posse quomodo demonstre-  
tur, p. 323 l. 48 & p. 324 nec ullà intelligentiâ  
aut præscientiâ præditum esse, p. 324 l. 13. Vide  
& p. 281 l. 12

Sol etiam si notitiam haberet perfectæ Animalis  
Fabrica, non posse tamen eam transmittere in Ma-  
teriam terrestrem, p. 324 l. 40

Solém in Anima, sincerum esse Dei & Proxi-  
mi Amorem, p. 488 l. 48

Sol & Luna Osiris & Isis Egyptiorum & cur  
pro Diis culti, p. 506 l. 51 & p. 507 p. 516

Sol, Jao apud Macrobius, p. 516 l. 9

Soliditas in quo consistat secundum Cartesium,  
p. 298 l. 10

Solis extinctionem non esse metum vanum,  
p. 456 l. 20. Extinctionis hujus vis exitialis in  
Bestias, Homines, & Dæmonas Aereos, ibid. l. 37.  
Parum Damni illaturam esse Incolis Æthereis,  
quantum ad calorem & lucem, p. 457 l. 1 & p. 459  
l. 3

Spacii infiniti & æternæ Durationis Imagina-  
tiones inevitabiles nulla argumenta esse a se exi-  
stentis Materiæ, sed obscuræ potiùs subindicatio-  
nes necessariae existentie Dei, p. 162 l. 23

Spacium esse tantum Possibilitatem Materiæ,  
p. 162 l. 26. Hypothesin non esse satis solidam,  
p. 163 l. 22

Species rerum à multifariis motibus materiæ ten-  
taminibus originem non duxisse, p. 137 l. 50

Species rerum ineptas à Natura nunquam fu-  
isse genitas, p. 138 l. 17

Speciem humanam qui volunt esse ab æterno,  
rogandos esse an calceos putent fuisse ab æterno, &c.  
p. 139 l. 6

Spectrum Ephesinum, p. 130 l. 38

Spectra armatorum hominum in Aere prælianti-  
um, p. 131 l. 2

K k k k k

Spectra

# I N D E X.

*Spectra cur noctu & in Aere spissiori frequentius cernantur, p. 382 l. 1*

*Speculativas veritates omnino fas esse Scepticè proponere non autem practicas, p. 467 l. 43*

*Spina dorsi cur ex vertebra constituta, p. 88 l. 46*

*Spiritus aliquo modo esse extensum, p. 6. l. 25*

*Spiritus extenso magis quam corpori perceptionem competere, qui possit intelligi, p. 6 l. 49 & p. 7*

*Spiritus omni competere vitalem sympathiam, & Coactivitatem, quamvis perceptio non competat, p. 7. l. 12*

*Spiritus vitali Sympathia & Coactivitate gaudere, qui probetur, p. 7 l. 22*

*Spiritus rem esse subtilestam maximè unitivam omnes ferè imaginari, ibid. l. 44. Veramque illius notionem, sic eum esse, demonstrare, ibid.*

*Spiritus nullam aliam Unitatem competere quam quæ in Indiscernibilitate consistat & in vitali Coactivitate & Sympathia partium, p. 8 l. 9*

*Spiritus notionem conceptu aequè facilem esse atque cuiusvis rei alterius, p. 31 l. 61 & p. 32*

*Spiritus Idea sive Notio quas proprietates in se complectatur, p. 32 l. 4*

*Spiritus in genere quid sit, p. 296 l. 12 illius notionem aequè intelligibilem esse atque corporis, ibid. l. 17*

*Spiritus finitorum definitio, p. 300 l. 13*

*Spiritus creati particularis Ideam possibilem cur talem proposuerit Author, p. 305 l. 53. Quæ vera sit istiusmodi Spiritus Idea, p. 306 l. 4*

*Spiritus particularis proprietates proponuntur & probantur, p. 307, 308. Illius unio cum materia Imaginationi quam difficilis conceptu, ibid.*

*Spiritus species præcipue quatuor, earumque definitiones, p. 309 & 310*

*Spiritus Historiæ quantam vim habeant, ipsis etiam Atheis Judicibus, ad fidem confirmandam Immortalitatis Animæ, totiusque adeò Religionis, p. 113 l. 44 & p. 114*

*Spiritus essentiam ipsam, Ignem non esse unde constet, p. 130 l. 31*

*Spiritus in Terra præstantes, p. 130 l. 46*

*Spiritus boni cur raro se consociet cum Homini- bus, p. 131 l. 34*

*Spiritus nunc dierum cur tam raro appareant, p. 134 l. 12 an formam habeant determinatam, ibid. l. 24 & p. 136 l. 13*

*Spiritus corpora calida esse posse vel frigida vel denique tepida & quomodo, p. 180 l. 1*

*Spiritus vulgò sic dictos nec Ignem esse nec Aerem, propter solutam arenositatem Aeris atque Ignis, p. 182 l. 20. Solutilitatem hanc efficere ut hæ compages Aerea incapaces sint Personalitatis, motus Spontanei & Sensationis, ibid. l. 25. Quemadmodum & vehicula transformandi in formas sub quibus apparent, ibid. l. 45. Eademque continendi in Ventis & Tempestatibus, ibid. l. 58 & transportandi pecora hominēve per Aerem, p. 183 l. 1*

*Spiritus sive Dæmones, si nihil aliud sint quam Aerearum vel Ignearum Atomorum congeries,*

*singulos Diabolos multas Myriadas esse Diabolorum, p. 183 l. 23*

*Spiritus Historias plus conferre ad demonstrandam substantiam spirituales, quam ipsius Animæ operationes in corpore terrestri, p. 183 l. 38*

*Spiritus Naturæ Proprietates & Officia illustrata & confirmata, p. 8 l. 19*

*Spiritus Naturæ Intellectu carere & libero arbitrio, p. 55 l. 23*

*Spiritus Naturæ non tam luctari cum legibus Materiæ Mechanicis quam eas antevertere, p. 62 l. 1*

*Spiritus Naturæ quamvis tantum Plasticus esset, Imaginationem tamen Simulachris posse implere, p. 223 l. 29*

*Spiritus Naturæ nec obscurum Principium esse nec intempestivè introductum, p. 286 l. 6*

*Spiritus Naturæ Plasmata formare nullā interpositā consultatione ut Anima nostra sua Phantasmata, p. 286 l. 17*

*Spiritus Naturæ existentiam Authorem absolute demonstrasse, ibid. l. 44. Hypothesinque Philosophiæ Mechanicæ progressum minimè impedire sed circumspicientes reddere Philosophos Mechanicos, p. 286 l. 57 & p. 287 primumque gradum facere ad maximè abstrusa Mystéria in Theologia Naturali, p. 287 l. 9 & p. 288 l. 55*

*Spiritus Naturæ ἡ δὲ φύσις sive Natura universalis, apud Proclum appellatus, p. 310 l. 53*

*Spiritus Naturæ sive Animam Mundi in formandis Animalibus prima quasi ducere lineamenta, p. 358 l. 5 & p. 360 l. 34*

*Spiritus Naturæ Plasmata effingere sicut Anima nostra sine prævia perceptione Phantasmata, p. 364 l. 7*

*Spiritus Naturæ vitam omniformem Divino Intellectui ( quantum ad Mundum ) Omniformi respondere, p. 369 l. 44*

*Spiritus Naturæ influxus, in omnes operationes Plasticas, unde pateat, p. 414 l. 17 p. 416 l. 25. Infigurationes Vehiculorum, p. 414 l. 55 & p. 415 l. 18*

*Spiritus Naturæ quid sit, p. 430 l. 14. Existentia ejus quibus probetur argumentis, ibid. l. 23 & p. 431 usque ad p. 437*

*Spiritus Naturæ operationum latitudo quanta sit, & ubinam terminetur, p. 434 l. 45 & p. 435*

*Spiritus Naturæ cur sic dictus, p. 435 l. 12 & p. 437 l. 22. Munus ejus præcipuum, ibid. l. 22*

*Spiritus Animales incapaces esse memoria, p. 50 l. 6*

*Spiritus Animales nec sentiendi, nec membra movendi, nec imaginandi Inventaque excogitandi, nec recordandi denique functionibus esse pares, p. 346 l. 38 & p. 347, 348*

*Spiritus Animales proximum esse functionum Animæ Instrumentum, p. 352 l. 35 & p. 353, 354*

*Spiritus Animales, contra quinque Objectiones, defenduntur, p. 356, 357*

Spiritus



# I N D E X.

Spiritus Animales, Cerebri Ventriculis inesse, clare demonstratur, p. 357 l. 9

Spiritus Animales, quanquam non ubique equali tenuitate, impressionem tamen sensiferam, ad commune Sensorium transmittere, p. 363 l. 1

Spiritus Astralis ab Anima distinctus quam ridiculum Figmentum, p. 384 l. 17

Spiritus Astralis revera quid sit, ibid. l. 24

Spiritus Apostatas olim in Regione Ætherea versatos esse, p. 546 l. 32 p. 549 l. 3

Spiritum Illuminationis, principium esse Rationis desecratissima quæ humanæ naturæ potest communicari, p. 214 l. 41. Quippe quæ habet, ab Æterno Logo habet, ibid. l. 43

Spiritum S. fuisse qui incubuit Aquis Gen. 1. secundum Cabbalam Philosophicam, p. 525 l. 40 & p. 526

Spiritum se habere quomodo quis possit cognoscere, p. 731 l. 56 & p. 732

Spissitudinis Essentialis creati spiritus descriptio, p. 305 l. 15

Spissitudo Essentialis quartus substantiæ modus à longitudine, latitudine & profunditate distinctus, p. 294 l. 39

Statica vis Animæ qualis sit, p. 405 l. 21

Status silentii, p. 14 l. 55

Stellas nullam nostræ Notitiæ habere posse, Mathematicè demonstratum, p. 322 l. 57 & p. 323

Stellas cogitata communicare non posse nec cum sole nec inter se, p. 323 l. 14

Stoicorum commentitia παλινσεσεία, p. 454 l. 52 & p. 455

Striatarum artificium intellectu difficile, p. 259 l. 9

Struthiocamelus quod ovis suis non incubet, accuratiorem arguere Providentiam, p. 77 l. 31

Styli Prophetici facilitas, hominibus non male moratis, p. 660 l. 14

Subordinatam rerum utilitatem rebus ipsis inesse non nostræ solummodo Imaginationi, p. 171 l. 27

Subtilitatem cum firmissima veritate optime consistere, p. 471 l. 11

Subtilem quandam Materiam in omnibus Operationibus vitalibus ac animalibus ubique usurpari, p. 353 l. 18

Substantiam ipsam rei nullius, posse concipi, p. 294 l. 2 & p. 295 l. 31

Substantia an Substantiam emanativâ causalitate producere possit, p. 302 l. 36 & p. 304 l. 40 & p. 305

Substantia Spiritus secundaria an secundum lineas transversas sit discernibilis, p. 303 l. 10. Quomodo sic indiscernibilis intelligi possit, p. 305 l. 15

Superstitionis Origo, p. 5. l. 52. Superstitionem semper comitatur Ignorantia aut Hypocrisis, ibid. l. 56 & p. 6

Sympathias adhibere in salvandis Phenomenis non semper est confugere ad Asylum Fatuorum, p. 7 l. 58

Sympathia terrestris inter & Astrale corpus, p. 431 l. 25 & p. 432 l. 29

Sympatheticæ Sanationes, &c. p. 431 l. 2

Συναυγείας Platonice, quam memorat Plutarchus, commodissima Interpretatio, p. 360 l. 28

Synesii dictum strenuum, Animam negantem existentiam posteriorem esse quam corpus, p. 13 l. 55

## T

**T**Alpa quam conspicuum Providentiæ argumentum, quantæque admiratione fabricæ illius corporis captus sit Cardanus, p. 80 l. 23

Tarantulæ ictorum descriptio, p. 190 l. 47

Temperantia qualis sit quæ Enthusiasmo sit Remedium, p. 213 l. 13

Tempestas à Venefica excitata lotium digito in fovea movendo in orbem, p. 97 l. 39

Tempestas ingens orta in Morte & Funere Cuntii, p. 117 l. 24

Ternarius tertii Diei Symbolum, p. 529 l. 3

Ternarius cur Ευρίεα appellatus, p. 571 l. 1

Ternarius cur Τετλογέμεα dictus, p. 608 l. 47

Terram Non-Entium ordini quo sensu accensuerit Parmenides, p. 9 l. 58 & p. 10

Terræ & Maris distinctio non sine Providentiæ facta.

Terram non potuisse esse ab æterno & quare, p. 253 l. 14

Terra Symbolica solitudo & Vacuitas, p. 525 l. 32

Terræ Creatio quomodo ad tertium & ad quartum diem referatur, p. 529 l. 19. Non proprie creari nisi in die quarto secundum Cabbalam Philosophicam, unde Planetam esse constare ac moveri circa Solem, p. 529 l. 59 & p. 530 & p. 531 l. 9

Terra cur inter secundum & quartum Creationis Diem collocata, p. 608 l. 38

Terra die quarto an tertio dicenda creari, p. 609 l. 37 & p. 610

Terra arida in Cabbala Morali, p. 621 l. 13

Tetractys quam certum Symbolum sensus Philosophici Creationis quarti diei, p. 501 l. 54 & p. 502 p. 557 l. 41 p. 559 l. 2

Tetractys cur tam sacrum Juramentum Pythagoreorum, p. 530 l. 46 & p. 531

Tetractys duplex & quomodo utraque ad Creationem quarti diei referantur, ibid. l. 28

Tetractyn quatuor Elementorum non esse Symbolum, p. 557 l. 26 nec esse nomen Jehovæ, ibid. l. 34

Tetractyn pro Cabbala quartæ diei poni in Juramento Pythagorico, p. 558 l. 1

Tetractyos ad res reliquas omnes præterquam opus quarti diei quam absque frigidaque sit applicatio, p. 561 l. 4

Tetractyn non esse per quam jurarunt Pythagorei, sed Tetractyos traditorem, clare contra modernos quosdam Philologos demonstratum, p. 561 l. 44 & p. 562, 563, 564

Tetractys

# INDEX.

Tetractys quâ ratione referri possit ad nomen יהוה, p. 561 l. 57 & p. 562

Tetractyn, ex eo quod, φύσις, Κλειδῶν & φύσεως & Κόσμου dicitur, ad opus quarti diei referri oportere, p. 572 l. 39 & p. 573 l. 9

Tetractyn, ob nullum Mysterium Numérale, tam sacram fuisse Pythagoreis, quippe eâ re Pentade inferiorem, p. 574 l. 5

Tetractys cur Κλειδῶν dicta, & quàm exquisita Clavis sit operis quarti diei, p. 579 l. 48 & p. 580

Θαλασσοῦ Ternarii appellatio, p. 528 l. 58 & p. 568 l. 61

Theanûs exemplo doceri, quantopere Ira & Indignatio animum suffulciat adversus dolorem, p. 216 l. 58

Theomanis character, p. 737 l. 60 & p. 738

Theomanis Visio de septem Tonitruis, p. 738 l. 55 & p. 739 l. 40 p. 741. Visionis brevis explicatio, p. 741 l. 40. Visionis Utilitas, ibid. l. 58 & p. 742

Θεοπλῆαι Demonum, p. 418 l. 33

Θεός quo sensu ad primam Sephiram referatur, p. 570 l. 15

Θεός & אלהים Angelos perinde significare atque Deum, p. 542 l. 54

1 Thessalonic.

Cap. 4 v. 16, 17 p. 742 l. 11

Cap. 5 v. 23 p. 629 l. 34

2 Thessalonic.

Cap. 2 v. 2, 6, 7 p. 674 l. 10 p. 677 l. 13 & p. 678 v. 8 p. 688 l. 54

Thracum semina in Festis adhibita, p. 190 l. 30

Thronus, Mundus Briah, p. 222 l. 54

Tibicinis multicoloris Historia, p. 105 l. 56 & p. 106. Certitudo rei gestæ, p. 107 l. 20

Timæi Locri de Animarum transmigratione magis sana sobriâque sententia, p. 369 l. 19

Τιμωρίας ξένας, absurdas esse Platoniorum μέλην ψυχώσεως, p. 369 l. 26

Τὸ αὐτεξέσιον Materia non competere ipso fatente Hobbio, p. 335 l. 16

Τὸ πρῶτον ἀπειροσόν, p. 181 l. 28

Torpedo cur pinnas ad caudâ tantum latera habeat, p. 82 l. 33

Totum in toto & totum in qualibet parte pulchrè tinniens contradictio, p. 6 l. 33

Traditio universaliter recepta, quando vera secundum lumen Naturæ existimanda, p. 47 l. 54 & p. 48

Traditionales veritates per Rationem etiam posse concludi, p. 464 l. 25

Transformationes Sagarum apparentes rem compertissimam esse apud Remigium, p. 123 l. 27. Quomodo fiant in corpore terrestri, quomodo in Vehiculo Aëreo, ibid. l. 49

Transformationes Sagarum Magorumve in Lupos aliâque Animalia haud satis validis argumentis à Wiero & Remigio impugnari, p. 127 l. 20. Argumenta pro reali Transformatione probabilia, p. 127 l. 41. Corporis Sage, nisi in

Animal ipsi ferè aequale, transmutationem valde esse incredibilem, p. 129 l. 17. Difficultates aliæ circa hujusmodi Transformationes, p. 129 l. 37

Transformationem humani corporis in aliam formam fieri posse sine dolore, p. 179 l. 20. Vide p. 183 l. 58 & p. 184

Trementium quorundam Ecstases unde, p. 201 l. 39

Tres Animas in humano esse corpore, dogma Judaicum, p. 222 l. 42

Τρία μεγάλα αἰτήματα quæ S. A. supponi à nobis ait non probari, p. 555 l. 3

Trinitatis Platonice & Christianæ collatio, p. 526 l. 3

Trinitatis Samothracicæ cum Orphica Trinitate conciliatio, p. 588 l. 5 & p. 589

Trinitatis Mysterium à Moise primitus non à Platone & Pythagora derivatum, p. 465 l. 10

Tripartitiones in prælio Sessoris Equi albi, & in Phiala ultima observanda, p. 658 l. 15 & p. 700 l. 9

Triplitem vitalem Congruentiam uni anime humana competere quomodo probetur, p. 376 l. 7 & p. 396 l. 50

Triton sive Deus marinus in ripa Rubiconis visus, p. 106 l. 3

Triunitas Divini Numinis dogma Judaicum antiquum, p. 587 l. 6 & p. 588

Tunicæ pellicæ quibus Deus Adamum induit, quid denotent, p. 547 l. 40

Typos fuisse Res Veteris Ecclesiæ, implendos quidem in Nova, p. 510 l. 37 & p. 511 l. 28

Typi Historici rerum earum quæ Christo evenitura erant illiusque Ecclesiæ, p. 668 l. 14 & p. 669

Tyrannis quid definiente Aristotele, p. 653 l. 27. Monarchiam absolutam olim significasse, ibid. l. 39

## V

VACUUM nè virtute quidem Divinâ fieri posse perperam statui à Cartesio, p. 235 l. 43. Cartes. Resp. p. 239 l. 10

Vacuum quod vulgò imaginatur corpus esse, præcipuum certissimūque suæ Physicæ à Cartesio agnitum Fundamentum, p. 240 l. 34

Valvularum in nervis musculorum ad motum spontaneum usus descriptio, p. 343 l. 24

Vanini insulsum Commentum circa prælia in Aere visa, p. 140 l. 16

Vaticinia vocalia de Regno Christi ejusque successu in Orbe, p. 671 l. 19 & p. 672

Vaticinia aliquot quæ ad Reformationem spectant, p. 687 l. 20

Ubiquitas Dei qualis, p. 299 l. 13

Vehicula Demonum & Animarum separatarum quam ob rem ab Authore admissa, p. 282 l. 32

Vehiculorum tria genera Æthereum, Aereum & Terrestre, p. 372 l. 18

Vehiculum re ipsâ, licet non nomine, notum Aristoteli, p. 372 l. 23

Vehicu-



# INDEX.

Vehiculum *Animæ* post mortem usitatè *Aëreum* esse, p. 372 l. 48 & p. 373

Vehiculis differentibus differentes esse *Animæ* moras, p. 373 l. 10

Vehiculo in *Aëreo Animam sensus voluptatis ac doloris esse capacem*, p. 397 l. 17

Vehiculi *Aërei motum Animam nec imminuere nec augere, sed tantum dirigere posse*, p. 397 l. 27. In *athereo posse utrumque*, *ibid.* l. 42

Vehiculum quò purius eò perfectiores fore *Perceptivas Animæ Facultates*, p. 398 l. 6

Vehiculi *Aërei temperiem formamque immutandi qualis insit Animæ vis*, p. 398 l. 16

Vehicula *Spirituum tantum substantiæ solidæ corporeæ in se habere; quantum corpora Hominum*, p. 400 l. 55 & p. 401. *Sententiæ contrariæ Fatuitas*, p. 401 l. 12

Vehicula *Geniorum non tenuiora esse ipso Aëre sed spissiora*, p. 410 l. 5 p. 412 l. 5

Vehiculi *Aërei Figurationem quasi partum esse momentaneum*, p. 417 l. 18

Vehiculorum transformatio quæ fiat in speciem nobis visibilem, p. 417 l. 23 & l. 40

Vehiculorum *Geniorum pulchritudo, unde sit & qualis*, p. 419 l. 3

Vehiculi *Aërei Forma peculiaris propriusque character*, p. 427 l. 1

Vehiculum *Æthereum Animam in perfectâ immortalitate collocare*, p. 451 l. 43

Vehiculum per igneum nobis rursus dari introitum in Paradisum, p. 548 l. 10

Velamen ab *Esaia prædictum ab omni populo divellendum*, p. 698 l. 44 & p. 733 l. 39

Veneficas pro certo non tam deliras esse quàm quidam fingunt, p. 106 l. 15

Veneficarum pactum cum *Damone non omnino esse incredibile*, p. 107 l. 9 p. 110 l. 14

Veneficarum concubitus cum *Demonibus indicium*, p. 130 l. 27

Venti à *Sagis Laplandia venditi*, p. 96 l. 39

Ventus repentinus in suspensione duarum *Sagarum*, quo propè absuit ut patibulum corrueret, *ibid.* l. 42

Ventos & Tempestates ex solis *Ceremoniis verborumve formulis à Sagis cieri*, p. 97 l. 25

Ventos nihil impedire quò minus inferior *Aëris Regio à Damonibus inhabitetur*, p. 405 l. 1

Verbum ac *Spiritus cum arida ac jejuna Ratione comparati*, p. 731 l. 23

Vespas & Crabrones, capitibus resectis, diu se movere, testante *Chalcidio*, p. 362 l. 48

Vindictæ *Divinæ exempla in impios homines & blasphemos parum valere ad convincendum Atheum obstinatum & quare*, p. 93 l. 17 & p. 94

Vini mira vis à *Josepho notata*, p. 190 l. 33

Vini & *Melancholiæ Parallelismus apud Aristotelem*, p. 195 l. 47 p. 196 l. 54

Vini, dum vites florent, fermentescentia, p. 431 l. 15

Visionis *Throni Dei in Cælo, quatuor Animalium & viginti quatuor Seniorum apud Johannem Explicatio*, p. 710 l. 58 & p. 711 & seqq.

Vita Vehiculi cur *Eva appellata*, p. 486 l. 17  
Vitalem *Animæ unionem duobus modis solvi*, p. 398 l. 44

S. Viti tripudium, p. 190 l. 59

Vitrum Magicum *Annæ Bodenham in quo D. Saræ Godhardæ cubiculum ostendit Annæ Styliæ, &c.* p. 109 l. 17 & pratum prope *Wiltoniam*, *ibid.* l. 39 p. 112 l. 42 & l. 56

Ulrici Neufesslori *Historia*, p. 104 l. 9

Unam universalem *Animam non esse quæ audit, videt & ratiocinatur in singulis hominibus, ex operationibus memoria demonstratum*, p. 284 l. 32

Unguium situs *Providentiæ argumentum*, p. 88 l. 49

Unicam esse in *Mundo Animam quibus rationibus confutetur*, p. 444 l. 3 & p. 445

Unionis firmæ quarundam inter se partium *Materiæ modus quàm sit incomprehensibilis*, p. 152 l. 25

Unitas, operis *Creationis primi diei Symbolum, quod planè supponit Spiritus esse indivisibiles sive indiscerpibiles*, p. 526 l. 38. *Unitatis Symbolicæ nomina*, *ibid.*

Unitatis *Animæ vera quæ sit Notio*, p. 443 l. 60 & p. 444

Volucrum *Pisciumque structura generalis quæle Providentiæ argumentum*, p. 79 l. 61 & p. 80 p. 81 l. 40 p. 82 l. 12

Voluntas *Dei Essentialis*, p. 540 l. 33

Vortices *Cartesianos, sineque Deus nec nudum spacium extenditur, nè indefinita quidem indigere Materiâ*, p. 246 l. 32

Uratislavienſis Sutoris, Magi, *Historia Ancillaque ejus Veneficæ*, p. 114 l. 32 & p. 115, 116. *Magi apparitio in suo solito habitu*, p. 115 l. 7. *Corpus post octo ferè menses effossum, integrum repertum, nullatenusque putrefactum, &c.* *ibid.* l. 37. *Ancillæ apparitio sub variis Formis*, *ibid.* l. 58 & p. 116

Ursus *Formicarius Cardani*, p. 74 l. 30

## W

W Arboisenses *Veneficæ*, p. 102 l. 26

A. Walkeræ *Animæ post cadem apparitis Historia*, p. 383 l. 44 & p. 384

Websterus cur nihilo plus negotii cum *Diabolo Veneficis esse velit quàm aliis peccatoribus*, p. 120 l. 28. *Illius ignorantia & stupiditas quòd Historias Sutoris Uratislavienſis & Cuntii putet impossibiles*, *ibid.* l. 45 & p. 121. *Ipsius Websteri Opiniones impossibiles aut incredibiles*, *ibid.* l. 9

Websterus adversus *Bodinum cur tam infenso sit animo*, p. 122 l. 31. Et adversus *Remigium*, *ibid.* l. 42 & p. 123 l. 60 & p. 124. *Frontispicium Libri Websteri quàm multis ornatum aut Mendaciis aut Equivocationibus*, p. 124 l. 8. *Amicum Authoris consilium ad Websterum*, p. 125 l. 8

Websteri misera hallucinatio circa unitatem *Corporis & Spiritus specificam*, p. 295 l. 31. Fri-

---

## INDEX.

---

*vola ejus cavillationes contra definitionem Spiritus  
ab Authore allatam, p. 297 l. 7 & p. 298*

*Weinrichii Authoritatem quàm insulsè inscitè-  
que vellicet Websterus, p. 121 l. 38*

*Weinrichii narratio apud Sennertum de puella  
felis sanguine nutrita, p. 191 l. 9*

*Wierum frustra Damonibus negare potentiam  
ciendi tempestates, dum pecora per aerem transve-  
hendi concedit, p. 97 l. 27*

*Wieri narratio de milite cujus ex ore, dormien-  
ti, bestiola exire visa est, p. 128 l. 24*

*J. Winwickii Magi Historia egregia, p. 106  
l. 43. Certitudo Historiæ, p. 107*

Z

**Z** Acharias.

*Cap. 12 v. 8 p. 703 l. 47*

*Zavòs πύργος, τὸ Ἐν Platoniorum, p. 533  
l. 46 & p. 570 l. 3. Idem Mundus Vitæ quate-  
nus ad Bereshith refertur, p. 596 l. 10*

*Zel vel Zelem Gabbalistarum quid sit, p. 306  
l. 26 p. 380 l. 32*

*Zelum Enthusiasticum esse τὸ ζῆλον τῶν μελαίνων  
χολῆς apud Aristotelem, p. 195 l. 27*

*Zelus naturalis, auro fulminanti similis, p. 198  
l. 55*

*Zenonis Asinus ad Fæni fasciculum lineâ rectâ  
cur incedat, p. 149 l. 41*

*Zwinglius an vi & gladio Reformationi viam  
secuerit, p. 665 l. 39*

---

FINIS.

---



## Errata Tomi 2. sic corrige.

P Ag. 13. l. 29. puram illam, p. 15. l. 21. afferri, p. 21. l. 16. A. D. 1652. p. 25. l. 1. ipsarum, p. 41. l. 52.  
 προσημασία, p. 44. l. 35. quas, p. 45. l. 47. quam, p. 48. l. 46. ad statuas, p. 54. l. 26. ipsi, p. 63. l. 32. praesens  
 seculum, p. 72. l. 7. aliarumque, l. 38. Occidentalis, p. 75. l. 27. αἵμα, l. 43. diversi modi, p. 78. l. 25. ἰπποδρόμιον, p. 82.  
 l. 55. Emcu, p. 86. l. 21. Edm. Malletus, p. 91. l. 27. ἀντίστοιχόν, p. 95. l. 24. quopiam, p. 101. l. 33. Monpessonii,  
 p. 105. l. 31. Veruke, p. 106. l. 22. delirare, p. 107. l. 7. Daemunculis, p. 108. l. 26. celabat, p. 110. l. 16. fecerat, l. 32.  
 mane, p. 112. l. 20. differretur, p. 115. l. 17. omni, p. 123. l. 29. affirmet, p. 125. l. 37. & ultrò, p. 129. l. 1. Sect. 4.  
 p. 132. l. 37. mane, p. 134. l. 45. Est perducta, p. 145. l. 13. ἐκείνου, p. 147. l. 25. innatæ, p. 149. l. 21. organa, p. 157.  
 l. 61. Beneficus, p. 170. l. 37. patiuntur, p. 177. l. 36. emungendum, p. 217. l. 30. inclinet, p. 251. l. 5. Deo, p. 264. l. 17.  
 Decussationis, p. 280. l. 14. fuerit, p. 284. l. 54. se ingeret, p. 286. l. 55. libro, p. 294. l. 48. vel semel, p. 296. l. 16.  
 indiscerpibilis, p. 301. l. 10. minuatur, p. 306. l. 3. substantiali, p. 331. l. 2. tamen non, p. 338. l. 29. etiam ille, p. 355.  
 l. 33. Σπινδύ, l. 34. Χερσαρίας, p. 373. l. 39. Cupedinariis, p. 382. l. 19. ex Ann. l. 49. aperuit, p. 383. l. 18. quem-  
 vis, p. 387. l. 2. Diluviorum, p. 407. l. 53. Spectaculis, p. 417. l. 6. quantam, p. 421. l. 55. apparationis, p. 422. l. 10. ἡδύ,  
 p. 441. l. 18. præscindas, p. 442. l. 2. habeat cor, p. 445. l. 33. ὕσας, p. 447. l. 25. sit, p. 453. l. 35. meum, p. 457. l. 51.  
 uri frui, p. 464. l. 40. possemus, p. 466. l. 11. An. Dom. 1662. p. 476. l. 5. adortus est, p. 514. l. 29. Quod, si, p. 534.  
 l. 28. quod, l. 29. velit, cum — ratione meritò — p. 553. l. 47. in qua, p. 560. l. 19. πάλιν, l. 23. Binarium, p. 563.  
 l. 8. πίζαματ', p. 565. l. 9. referuntur, l. 31. manere sensisse, non, p. 584. l. 29. ποσειδάς, p. 588. l. 28. sit Nūs, rectè,  
 p. 596. l. 27. Aristoteles, p. 597. l. 43. factam, p. 608. l. 4. & l. 34. Celaturæ, p. 620. l. 10. Concupiscibilis, p. 634. l. 11.  
 affectionem indic. p. 637. l. 32. figere, p. 642. l. 23. Paulus, p. 643. l. 7. ἄτορα, p. 658. l. 32. & cœli opera, p. 660.  
 l. 3. impermanens, Vaticinium nullat, l. 43. somniavi, p. 670. l. 12. horti quos, p. 683. l. 49. hanc, p. 684. l. 31. κλα-  
 μάτων, p. 689. l. 40. inhaeret, p. 690. l. 9. qui, p. 717. l. 21. vixerint, praesertim nisi, p. 719. l. 60. Possunt ne, p. 734.  
 l. 60. vocavit, p. 742. l. 58. felicius, p. 747. l. 20. partes.